

Int 11
n^o 105

R.5
2/16

~~Handwritten text, heavily obscured by dark ink or damage.~~

~~Handwritten text, heavily obscured by dark ink or damage.~~

May I see de Jem

Handwritten marks or initials.

Handwritten marks or initials.



INDEX OMNIUM LIBRORVM

ET TITVLORVM CODICIS IVSTINIANEI,

quorum enodationes Hugo Donellus comprehendit hoc volumine.

LIB. II.

Tit. I. De Edendo.	pag. 1.
II. De in ius vocando.	23
III. De pactis.	27
IV. De transactionibus.	78.

LIB. III.

Tit. XXXVI. Familiae eriscundae.	121
----------------------------------	-----

LIB. IV.

Tit. XXIII. De commodato.	126
XXIV. De pignoratitia actione.	130
XXV. De exercitoria & Institoria actione.	145
XXVI. Quod cum eo, qui in aliena potestate est, negotium gestum esse dicetur, vel de peculio, quod iussu, seu de in rem verso.	147
XXVII. Per quas personas nobis obligatio acquiritur.	158
XXX. De non numerata pecunia.	163
XXXI. De compensationibus.	198
XXXII. De vsuris.	213
XXXIII. De nautico foenore.	247
XXXIII. Depositi vel contra.	248
XXXV. Mandati vel contra.	264
XXXVI. Si seruus extero se emi mandauerit.	309
XXXVII. Pro socio.	313
XLIII. Lex rem maioris pretii	322

LIB. VI.

Tit. XXI. C. De testament. militar.	331
XXII. Qui testamentum facere possunt, vel non.	344.
XXIII. De testamentis & quemadmodum testamenta ordinentur.	352
XXIII. De heredibus instituendis, & quae personae heredes institui non possint.	379
XXV. De institutionibus & substitutionibus, & restitutionibus sub conditione factis.	391
XXVI. De impuberum & aliis substitutionibus.	403.
XXVII. De necessariis seruis heredibus institutis	427
XXVIII. De liberis praeteritis vel ex hereditatis.	429
XXIX. De posthumis heredibus instituendis, vel exheredandis, vel praeteritis.	439

XXX. De iure deliberandi, & de adeunda, vel acquirenda hereditate. 441

XXXI. De repudianda vel abstinenda hereditate. 460

XXXII. Quemadmodum testamenta aperiuntur. 465

XXXIII. De edicto D. Adriani tollendo, & quemadmodum scripta, &c. 467

XXXVI. De codicillis. 473

XXXVII. De legatis. 483

XXXIX. Si omissa sit causa testamenti. 499

XL. De indicta viduit. & leg. Iul. miscellanea tollenda. 501

XLI. De his, quae poenae nomine relicta, &c. 503

XLII. De fideicommissis. 504

XLIII. Communia de legatis & fideicommissis. 527

XLVIII. Ad Senatusconsultum Trebellianum. 538

XLIX. Ad legem Falcidiam. 553

LIB. VIII.

Tit. I. De interdictis.	570
II. Quorum bonorum.	577
III. Quod legatorum.	581
IV. Vnde vi.	582
V. Si per vim vel alio modo absentis perturbata sit possessio.	595
VI. Vt possidetis.	597
VII. De tabulis exhibendis	605
VIII. De liberis exhibendis seu deducendis & de libero homine exhibendo.	594
IX. De precario & Saluiano interdicto.	609
XIII. De pignoribus & hypothecis.	611
XV. In quibus causis pignus vel hypotheca tacite contrahitur.	630
XVI. Si aliena res pignori data sit.	630
XVII. Quae res pignori obligari possint, vel non, & qualiter pignus contrahatur.	630
XVIII. Qui periores in pignore habeantur.	634
XIX. De his, qui in priorum creditorum locum succedunt.	643
XX. Si antiquior creditor pignus vendiderit.	643
XXI. Si communis res pignori data sit.	643
XXII. De praetorio pignore, & vt in actionibus etiam debitorum missio praetorii pignoris procedat.	644
XXIII. Si in causa iudicati pignus captum sit.	646

XXIII. Si

INDEX TITVLORVM.

XXIII. Si pignus pignori datum sit.	647	XXXVIII. De contrahenda & committenda stipulatione.	673
XXV. De partu pignoris & omni causa.	647	XL. De duobus reis stipulandi & promittendi.	673
XXVI. De missione pignoris.	647	XLI. De fideiussoribus & mandatoribus.	690
XXVII. Etiam ob chirographariam pecuniam pignus teneri posse.	949	XLII. De nouationibus & delegationibus.	709
XXVIII. De distractione pignorum.	650	XLIII. De solutionibus & liberationibus.	713
XXIX. Debitorem venditionem pignoris impedire non posse.	656	XLIII. De acceptilationibus.	730
XXX. Si vendito pignore agatur.	656	XLV. De euictionibus.	730
XXXI. De luitione pignoris.	657	XLVI. Creditorem euictionem pignoris non debere.	745
XXXII. Si vnus ex pluribus heredibus creditoris vel debitoris, partem suam debiti soluerit, vel acceperit.	660	LVI. Lex si vnquam.	754
XXXIII. Si pignoris conuentionem numeratio pecuniae secuta non sit.	661		
XXXIII. De iure domini impetrando.	662		
XXXV. De pactis pignorum & de lege commissoria in pignoribus rescindenda.	663		
XXXVI. De Exceptionibus & praescriptionibus.	665		

Tituli Digestorum.

De praescriptis verbis.	766
De verborum obligationibus, in singulari tomo.	1

HVGO.



1 **P**ECUNIAM† quis petebat, quam dicebat se apud mulierem, unde petebatur, deposuisse. Id cum vellet probare, ut probatio ab actore exigitur. *l. actor. j. de probat. l. 2. ff. eod.* dicebat fidem constare posse ex rationibus aduersariæ: itaque ut eas ederet, postulabat. Nec caret in speciem postulatio ratione. Dicit enim potest facile ac statim eas exhiberi posse, & quidem sine incommodo mulieris. Quod petenti prodest, rogato non noceat, æquum esse non recusari. *argum. in l. 2. §. quamquam. ff. de aqua plu. arcend. præsertim si pertineat ad lites dirimendas: quibus finendis bonæ leges student. l. fratri. j. de transact. l. vlti. ff. pro suo.* Id cum facere mulier recusaret, quaesitum est, an cogenda sit edere. *§. generaliter, an reus petenti aduersario rationes suas edere cogendus sit?* Consultis† ab actore Imperator respondet eum dispicere debere, quemadmodum, id est, quibus probationibus aliis quam rationibus aduersariæ, probare possit, se pecuniam deposuisse, atque hinc sibi ab illa deberi. Significans ipsum ad eam rem rationibus aduersariæ uti non posse inuita ea; denique aduersam partem urgendam non esse ad exhibitionem rationum & instrumentorum, per quæ sibi negotium fiat, ut hoc planius explicatur in *l. nimis. j. de testib.* Rationem reddit, quia ut aduersaria rationes suas petenti exhibeat, ex causa, id est, ex causa solum, non nisi ex causa; ad iudicis officium pertinere solet. Innuens in proposito nullam eiusmodi causam esse, eoque nec cogendam eas exhibere. Unde recte monuerat actorem initio, ut de aliis probationibus, quam de rationibus aduersariæ cogitaret. Itaque continetur hoc rescriptum argumentatione, quæ si euoluatur, constat his partibus: *Ut reus rationes suas petenti actori exhibeat, in cognitione iudicis positum est, nec nisi ex causa conceditur. In proposito autem nulla eiusmodi causa aduersus mulierem interuenit. Non igitur ea actori rationes suas exhibere cogenda est.* Hæ partes dum non percipiuntur, aut non attenduntur vulgo, misere hic locus distortus est. Quæ si isto ordine recte explicantur, & rescripto constabit sua sententia, & locus aliorum opinione obscurus fiet perspicuus. Quare singulas ordine excutiemus. Habet autem propositio tres hæc sententias: *Interdum ex causa reum edere debere rationes suas actori: & cum hæc causa est, ad officium iudicis pertinere: & extra has causas reum nequaquam cogi rationes suas edere.*

3 **S**ir† igitur prima hæc, cogi reum edere rationes suas, sed ex causa. Causæ partim ex persona rei, partim ex persona actoris. Ex persona rei, ut est reorum conditio. Argentariæ mensæ exercitores, id est, argentarii, & nummularii, iubentur edicto edere petenti actori rationes suas ad eum pertinentes. Et hoc quid sit, quamque rationem habeat, exponitur in *l. prator. l. si quis. §. exigitur. §. rationem. l. quedam. §. nummularios. §. vltim. l. argentarius. ff. eod.* Coguntur & successores argentarii rationes edere. *l. si quis. §. 1. l. quedam. §. nihil. ff. eod.* In eadem causa sunt omnes, qui res rationesque actoris administrant, ut procurator, tutor, socius. Hoc distant a superioribus, quod procurator domino, tutor pupillo, socius qui societatis res administrat, socio rationes suas propriis actionibus, superiores ex edicto edere coguntur. *d. l. quedam. in pr. eod.* Ex persona ipsius actoris hæc præstatio inducitur in causa fisci, cum alicuius bona deferuntur fisco ex iis causis, ex

quibus ea deferri solent, de quibus in *l. 1. ff. de iur. fis.* Nam delatori iubentur edi instrumenta rei ad eam causam pertinentia; si tamen de re pecuniaria, non de criminali causa agatur. *l. 3. ff. eo. l. 2. §. 1. ff. de iur. fis.* Atque hæc causa rei cogendi ad rationes suas exhibendas. Extra has nulla necessitas est cuiquam eas priuato petenti exhibere. Neque† probo, quod Bartolus & alii tradunt de muliere argentarii munus exercente, & de mercatoribus publicis. Volunt eiusmodi mulierem etsi argentaria non sit, item & mercatores iis cum quibus contraxerunt, rationes suas edere cogendos esse. Mouentur exemplo argentariorum, qui ideo coguntur rationes suas edere petentibus, quia his mandantibus eas tractant, faciuntque hoc modo, ut rationes ad petentes pertineant. *l. si quis. §. ex hoc edicto. ff. eod.* Idem autem faciunt mercatores, & scæmina officium argentarii usurpans. Sed exemplum non congruit. Non cogentur quidem argentarii rationes suas edere, nisi ad eum qui petit, rationes pertinerent, nec pertinerent, nisi eo mandante rationes tractassent. Sed non hæc sola causa est ad cogendum, verum hæc præcipua, quod officium argentariorum causam publicam haberet: positum in eo, ut dum pecuniam a ciuibus accipiunt, & erogant per partes, diligenter singulorum rationes conficerent: quarum probatio scriptura codicibusque eorum tanquam in munere publico, & publica fide contineretur. *l. prator. in pr. l. quedam. §. nummularios. l. argentarius. in pr. ff. eod.* Ac nisi quæ sint similes personæ, diserte scriptum est in *d. l. argentarius. in pr. ff. eod.* prætorem non cogere eas edere. Nihil autem tale in scæmina, aut mercatoribus negotiationem exercentibus. In scæminis quidem omnia dissimilia; quæ conditione ipsa personæ ab omnibus officiis ciuilibus & publicis remotæ sunt. *l. scæmina. ff. de reg. iur.* Ideo & ab officio argentarii, cuius operam publicam, proinde & virilem esse diximus. *l. per. ult. ff. eod.* Nec si eam operam publice sint prof. sã, eo magis sint argentariæ, quæ iure prohibentur, & sibi imputent, qui ius ignorantes cum his tanquam cum argentariis contraxerint. Sed nec mercatores in negotiatione sua sunt argentarii. Publico enim munere in eo non funguntur, ut rationes aliis conficiant, quod est proprium argentariorum, ut modo dixi. Ac mercatoris munus publicum & virile non esse argumento est, quod mulier mercaturam exercere potest: non enim prohibetur: argentariam non potest, a qua præter alia nominatim remouetur in *d. l. pen. ff. eo.*

Quæret† aliquis, quæcunque causa ex superioribus fuerit, cur iubeatur reus edere actori rationes suas, quid actori prodesse possit hæc editio? Nec abs re id quaeritur, non tantum actoris causa, ne frustra id postulet; sed maxime ideo, ut sciri possit, quam recte id fuerit ex vlla causa constitutum. Nam si actori nihil prodest, malitiose id postulatur, quod non alio spectat, quam ut aduersario sit molestus. Et vero placet malitiis non esse indulgendum. *l. in fundo. ff. de rei vind.* Sed & quod de superuacua cautione scriptum est in *l. hæc stipulatio. §. 1. ff. ut leg. sen. fid. no. ea.* idem de superuacua editione licet dicere, perquam iniquum esse superuacua editione reū onerari. Iam vero quorsum hæc editio? An ut rationibus aduersarii instruat actor? Atqui frustra petit se his instrui, qui magis scire possit ius suum, quam alius. Quod si ignorat, de se queri debet, & vero contra ius certum id postulat, cum

eum iure denuntietur omnibus, vnumquemque, qui agit, certum esse debere de iure suo, & ante debere rem diligenter explorare, & tunc ad agendum procedere. *l. qui in alterius in si. ff. de reg. iur.* An ergo, ut actor rationibus aduersarii utatur ad fidem & rem conuincendum? Nempe hoc restat. Sed hic nos impedit *l. nuda. ff. de don.* qua effici videtur, frustra ad eam rem peti rei rationes, quia hæc aduersus eum fidem non faciunt. Sic enim illic scriptum est: *nuda ratio non facit aliquem debitorem.* ut puta, quod donare libero homini volumus, licet referamus in rationes nostras debere nos, tamen nulla donatio intelligitur. Et res ita habet, ut si iure implorentur rationes aduersarii, hac de causa implorentur, ut fides veri constare possit. *l. non est nouum. j. eo.* Sic autem fides pro actore constare poterit, si quod actor intendit, reperiatur scriptum in rationibus rei, & rationes aduersus eum fidem faciant. Quidni vero faciant? fides enim ei contra se haberi debet. *l. de atate. §. i. ff. de int. in iur. fac.* & maxime aduersus eum non temere confidentem, sed ita, ut in librum rationum sua manu id referret. Non obstat, quod dicitur, nudam rationem non facere aliquem debitorem. Aliud enim est facere debitorem, aliud probare. Ratio dicitur facere debitorem, cum eum, qui scripsit se debere, constat nulla de causa ante debuisse, sed solum debere ideo, quia in rationes suas retulerit velle se id debere, puta se id donare, quo exemplo utitur *d. l. nuda. de don.* Unde & ea ratio nuda dicitur. Nuda ideo, quia sola hæc ratio debitorem facit, aliam autem debendi causam extrinsecus non habet. Recte dicitur, & ex principiis iuris, quæ sunt de obligatione contrahenda, eiusmodi rationem solam debitorem non facere. Non enim habet contractum, aut quasi contractum. Ex maleficio vero aut quasi maleficio non nasci plerumque manifestum est. Neque porro ex pluribus factorum causis obligatio nascitur, id est, debitor quisquam constituitur. *§. ult. Inst. de obl.* Probare autem debitum tunc ratio rei dicitur, cum in rationes relatum est, quid ex aliqua causa deberi, puta mutui, & fides huius causæ aduersus debitorem inde petitur. Hanc vero fidem, rationes rei, si in iudicio edantur, aduersus ipsum reum præstare possunt, & præstare æquum est. Constat hoc igitur, verum esse, quod hic significatur, causas esse, propter quas cogatur reus rationes suas exhibere: eas causas esse, quas supra ostendi neque ideo esse repudiandas, quasi actori inutilis sit editio, cum rationes rei exhibeat aduersus eum fidem faciant: quam ad rem etiam possulantur.

Videndum, an suprascriptæ causæ solæ, quas diximus, satis huic loco conueniant. Vbi priuata causa agebatur non fisci: ea cum qua agebatur mulier, quæ neque actoris negotia gesserat, conueniebatur enim ex causa depositi, & conditione personæ non potuit esse argentaria. Et certe non admodum conuenirent, si de muliere, quæ hic proponitur, diceret Antoninus, eam rationes suas actori ex causa exhibere debere. Nunc autem contra hoc intelligi voluit, eam in proposito exhibere non debere: dum ait, ex causa id solere impetrari, & significat in hac specie facti, nullam eiusmodi causam esse aduersus mulierem, ut postea diceretur pluribus. Sed quoniam generaliter prius hoc statuit, cogi recte quemlibet rationes suas edere ex causa, neque aliter intelligi potest, eiusmodi causam in mulierem, de qua queritur, non cadere, quæ

his causis expositis: faciendum fuit necessario, ut ostenderetur, quænam essent hæc causæ. Quorum vtrumque cum apposite dicatur hoc loco in rationibus, non fuit causa Bartolo & aliis plerisque, cur rationes hic interpretarentur instrumenta contra verbi usum & significationem, dum vitare volunt, ne si de rationibus, quæ proprie ita vocantur, in persona mulieris ex causa edendis locum acceperimus, falsi aliquid, & a persona mulieris alienum dicatur. Quinetiam etsi diceretur aduersaria ista rationes suas interdum exhibere debere ex causa, vere diceretur, nec mirandum esset verbum rationum. Nam mulier etsi non potest esse argentaria: potest tamen heres esse argentarii. quo casu non minus ex edicto rationes defuncti edere cogitur. *l. quadam. §. nihil. ff. de eden.* Itaque non incommode id ipsum cum Accursio fingeremus. Neque hoc esset diuinare, ut male Bartolus notauit. Contineretur enim his verbis, *Ex causa*; propterea quod & argentarii heres non minus ex causa edere dicitur sine diuinatione, quam sine diuinatione diceretur ad hæc verba pertinere argentarium.

Altera sententia, quæ superiore propositione expressa est, hæc est: *ut ex causa, quales sunt superiores, reus rationes suas exhibeat, ad officium iudicis pertinere.* Quod hanc significationem habet, iudicem estimare debere, an sit iusta aliqua causa ex his, cur reus rationes suas exhibeat; si causam esse cognouerit, facere debere, ut reus exhibeat; quæ ita sit, si cogat eum ad exhibendum. Queritur, quomodo cogat, & omnino quæ sit cogendi ratio officio iudicis in hac re conueniens? Quæ quæstio non temere occurrit. Sciò traditum esse, ex edicto de edendo, quo iubetur argentarius rationes suas edere ei, ad quæ rationes pertinent; si eas petenti non edat, actionem petenti esse in id quod sua interest rationes sibi esse editas. *l. si quis. §. ex hoc. l. argentarius. §. ult. ff. eo.* eaque actio esse dicitur, per cuius metum cogitur argentarius rationes edere in *l. quadam. in pr. ff. eo.* Sed huic remedio in specie proposita locum non esse apparet. Non enim agebat actor cum muliere in id quod sua interest, quod rationes suas mulier illi non exhibuisset: sed agebat depositi de pecunia, quam se deposuisse dicebat; quod in iudicio per causam eius intentionis rationes aduersariæ sibi edi postulabat. Quapropter nec in id quod actoris interest rationes aduersarii fuisse exhibitas, sed de pecunia deposita, nempe in id quod petebatur, condemnationem esse oportuit. *l. ult. §. i. C. de fid. lib.* Alia etiam ratio in proposito iudici obstat, quo minus, etiam si velit, & per actionem liceat possit reum condemnare in id quod actoris interest rationes ei fuisse editas. Neque enim ita reum damnabit, nisi prius actor doceat sua interesse rationes exhibitas esse, & quatenus intersit. *§. ult. Inst. de ver. ob.* Qui autem depositam pecuniam perit ab aliquo, & ad fidem interonis suæ postulat sibi exhiberi aduersarii rationes, non potest probare sua interesse rationes eas sibi esse exhibitas, nisi doceat se ob eas non exhibitas rem depositam amisisse, quia eius probatio extaret in rationibus. Id enim quod interest nostra, est id quod nobis abest, quodque lucrari potuimus. *l. si commissum. ff. rem rat. hab.* Porro pecuniam depositam amissam esse docere non potest, nisi prius hoc ipsum doceat pecuniam fuisse depositam. Hoc si aliunde probare potest, quæ ex rationibus aduersarii, aperte nihil eius interest rationes aduersarii in eam rem edi. Si non potest aliunde, & rationes aduersarii non exhibentur, nullo modo potest probare pecuniam fuisse depositam, eo-

que nec sua interesse, quasi rem depositā ob rationes non exhibitas amiserit. Sic fit, ut nullo modo in hac causa locum esse possit isti cōdemnationi ob rationes aduersarii nō exhibitas. Et generaliter probandū est, nunquā actioni in id quod nostra interest locum esse aduersus aliquē ob rationes ab eo nobis non editas, quas edere debebat, nisi prius lis nobis fuerit cū alio de realiqua, cuius pbatio continebatur illis rationibus; & quia petētibus nobis rationes illæ nō sunt exhibitæ, factum est, ut aut cōdemnaremur p̄si, aut aduersarius absolueretur, atq; ita rem amitteremus. Sic enim fieri poterit, ut quod eo iudice probare non potuimus, rem scilicet nobis debitam fuisse, aut nos solutione esse liberatos, postea rationes eas nacti, aut aliis instrumentis vel testibus, quorum illo tempore ex aliqua causa copia non fuit, nunc possimus probare verum fuisse, quod tum intendebamus, ac propterea nos amisisse, cum necessaria probatione rationum deficeremur. Hoc autem in eodem iudicio aduersus eum, a quo edi rationes postulemus, contingere nunquam potest. Idque ita declaratur in *l. argentiarius. §. ult. ff. eo.* Dicendum est, hac postulatione in iudicium incidente hanc esse p̄nam in potestate iudicis, cuius metu cogatur reus rationes edere, ut iussus exhibere nisi exhibeat, pro conuicto habeatur. Id quod ita colligimus. Scriptum est in *l. 2. §. 1. ff. de iur. f.* dubitandum non esse, quin ei qui instrumenta ad causam pertinentia, quæ exhibere debet, cum posset, non exhibet, nocere debeat, & si verum aliter non inuenitur, ea subtracta esse credatur, quæ nocitura causæ eius fuerint. At alibi traditur satis pro conuicto haberi eum, qui docetur instrumenta aduersario subtraxisse. *l. si de possessione. in fin. C. de prob.* Quare & is, qui cum possit, & debeat, rationes suas non exhibet, pro conuicto habendus est; quasi scilicet in rationibus eius scriptum esset, quod actor intendit. Quod æquissimum est existimari aduersus eum, qui ex causa legib. cognita rationes suas exhibere debeat. Cur enim metuit exhibere, nisi quia intelligit rationibus cōtineri, quæ actori prosint, sibi noceant?

9 Tertia [†] sententia superiore propositione non exprimitur; sed ex contrario satis intelligitur. Cum enim dicitur reum cogi rationes suas edere, sed ex causa; hoc ipso declaratur, si causa aliqua non sit (nam autem aliquam ex suprascriptis causis intelligi volumus) cessare edendi necessitatem. *l. si quis. §. ult. ff. eo. l. quod dicitur. ff. de pact.* Sed cur etiam si superiores causæ non sint, non cogatur reus priuato actori rationes suas edere? Videtur enim hoc ipso æquum esse, & postulanti actori concedendum, quod postuletur id, ut fides veri possit constare. Nam si reperitur in rationibus reū debere, per quā iniquū sit eum sua cōfessione non teneri. si non reperitur, editio ei non nocet. Immo contra utraq; hac de causa actori deneganda est editio. Nam si in rationibus nihil sit, quod illi prosint, non debet ipse id petere, in quo nihil aliud ferat: quam ut sit molestus reo. *l. infundo. ff. de rei vind.* Sin est aliquid, bis iniquum cogi reum hoc casu rationes edere: primum, quia cogitur suū alteri communicare inuitus; deinde quia aduersus se. Qui rei dominus est, idē debet esse moderator & arbiter rei suæ, nihil ut de ea plus conferat aut commodet alteri, quam velit. *l. in re. C. mand.* Hoc ius aperte adimitur ei, si quis inuitus, ubi extrinsecus nulla alia causa sit, rationes suas aut quidquam aliud suum alteri exhibere cogitur. Quod si nulli mortaliū ius suū

detrahendum est, *l. 2. ff. de his qui sunt sui vel alieni iur.* quin potius huc omnia præcepta iuris spectant, ut suum cuique tribuatur, aperte iniquum est, & manifestam iniuriam habet, potestatem rationes suas retinendi & sibi habendi cuiquam adimi. Crescit iniuria, si quis etiam aduersus se ex h. bere cogitur. Bene in *l. nimis. C. de test.* nimis graue est, aiunt Imperatores, postulante actore vgeri partem aduersam ad exhibitionem eorum, per quā sibi negotium fiat. In quā sententiam eleganter illud Publii, *Intermitur bis, qui suis armis perit.* At enim si in rationibus scriptum sit reum debere, iniquum sit eum non præstare, quod debeat. Iniquum, si id constaret. Nunc cum id non constet, & probatio huius rei quærat, non debet iniuria fieri, ut probationem aduersus se, & arma aduersario subministrare cogatur. At etiā actor rationes suas exhibere cogitur petenti reo, *l. non est mirum. §. eo.* Cur minus hoc æquum in reo, quam in actore? dicā ad *l. ult. §. eo.* ubi differētiæ ratio redditur.

Propositio exposita est, quæ superiore sententias tres continebat, de quibus ordine diximus. Omīssa est [†] assumptio: sed quæ ex initio huius rescripti, & ratione subiecta facile se ostendit: nullam esse videlicet in proposito causam eiusmodi, propter quam aduersaria rationes suas exhibere debeat. Initio enim dixerat Antoninus, actorem dispicere debere, quibus probationibus aliis vteretur, quam rationibus aduersariæ: significans frustra has peti. Id colligi aliter non potuit, quam si dicatur, esse quidem tempus, cum recte petatur hæc editio; sed ex causa. hanc autem in proposito non esse. Itaque in ratione hic subiecta inest occupatio tacitæ obiectionis. Diceret enim actor: *renocor ad alias probationes, quam ad rationes aduersariæ.* Atqui multis in causis receptum est, ut reus rationes suas edat actori. Occurrit Antoninus, & ostendit id receptum esse, sed ex causa. quod in specie proposita non accidit. Id autem intelligitur ex iis causis, quas supra commemorauimus. Nam cum solæ sint, ex quibus superior editio recte postuletur, earum tamen nullam in hac specie incidere apparet. Qui agit, priuatus est, non fiscus. Ea pars cum qua agitur, scēmina: eoque non argentaria. Sed nec cum ea agitur, ut cum herede argentarii. Causa petendi erat depositum. proinde nec conueniebatur mulier ut procuratrix, tutrix, aut socia, denique ut ea quæ res alienas administraret. Quæ cum constaret in facto esse huiusmodi, non mirum, si Antoninus indicans nullam hic causam subesse ad petendas aduersariæ rationes, huius rei probationem prætermisit, quam conditio ipsa causæ subministraret.

Quibus positis recte colligit, mulierem in proposito non esse cogendam rationes suas edere, & simul probat se recte initio monuisse actorem, ut dispiceret, num quas alias haberet probationes pecuniæ depositæ, quam rationes aduersariæ. Quod ideo monet, quia probandi onus est actoris, ac nisi probat, reus absolvitur. *l. actor. §. de prob. l. qui accusare. §. eo.*

L. 2.

Impp. Seuerus & Antoninus AA. Faustō.

Is, apud quem res agitur, acta publica, tam civilia quam criminalia, exhiberi inspicienda ad inuestigandam veritatis fidem inebit. PP. Non. Iulii, Seuerō A & Albino Coss. 195.

S V M M A R I A.

1 Occasio rescripti, & summa.

2 Acta

- 2 *Acta publica quæ, & cur ita dicta.*
- 3 *Ciuitia acta, & criminalia, quæ, & cur ita dicta.*
- 4 *Acta publica exhibenda, & cur hæc potius, quam priuata.*
- 5 *Fisco quæ instrumenta a reo edenda.*
- 6 *Acta publica quibus desiderantibus exhibenda.*
- 7 *Acta publica an sapius petenti exhibenda.*
- 8 *Acta publica a quo exhibenda.*
- 9 *Acta publica quo iubente & cogente exhibenda.*
- 10 *Acta publica exhibere quomodo cogatur, qui exhibere debet, & in iussu recusat.*

CAYRYM est editio de edendo, instrumenta quemque edere debere, quibus vsurus est: quibus autem vsurus non est, edere non cogi. *l. i. §. edenda. ff. eo.* Hoc de instrumentis priuatis & cuiusque propriis dictum accipiendum est. ad communia licet priuata non pertinet: quæ recte petit quisque sibi edi, cui illa sunt communia. *l. procurator. j. eo.* Ad publica acta multo minus. Hæc edi iubentur hoc rescripto. & quoniam iubentur edi simpliciter, intelligimus hoc ipso iuberi edi, quod publica sunt; nec referre, utrum is, a quo editio postulat, his vsurus sit, necne; siue is sit scriba publicus, siue vnus aliquis ex litigatoribus. Recte sunt enim hæc quodammodo omnium: utpote publice in hoc confecta, ut ad fidem & vsum publicum exstarent. vnde & publica dicuntur. Locus postulat, ut quæ acta hic nominentur; quid de his exhibendis cautum sit; tum quid ea editio desideret, quando ea hoc loco omissa sunt, cognoscamus. Ac primum de verbo. Agitur hic de actis publicis tam ciuilibus, quam criminalibus, quæ rescriptum exhiberi iubet. Acta sunt ea, quæ aguntur: & μεταρρικῶς dicuntur tabulæ seu instrumenta, in quibus ea acta perscribuntur. ut hoc loco acta publica sunt scripturæ de iis rebus, quæ in iudicio, & apud magistratum aguntur. Quæ absolute etiam dicuntur acta. *l. acta. l. actorum. ff. de re iud.* Publica dicuntur ideo, quia res auctore & teste eo aguntur, perscribunturque, cuius persona & auctoritas publica est; id est, magistratu, & eo qui a magistratu iudicandi potestatem accepit. Vnde & eorum actorum fides atque auctoritas publica habetur: id est, talis, ut non inter litigatores tantum, qui nunc agunt, sed inter omnes personas fidem faciant rem ita gestam esse, ut illis actis continetur, *l. gesta. ult. C. de re iud. l. in donationibus. C. de don.* Ciuitia sunt acta, quæ interponuntur in re pecuniaria. *l. ult. ff. de fur iuncta. l. ult. ff. de pri. del.* Criminalia, quæ in causâ criminali. ut ciuile actio eadem est, quæ pecuniaria, quæ & criminali opponitur. *l. ult. de fur. tit. C. quan. ciui. act. cri. præu.* Ac de criminalis verbo non ambigitur: quod etymologia satis indicat. At cur ciuile solum, quod pecuniarium? quasi & criminalia iudicia ciuilibus & ex præscripto iuris ciuile non tractentur. Nata est appellatio ex eo, quod in lite pecuniaria agitur res inter ciues tantum. agit enim ciuis cum ciue, id est, priuatus cum priuato. In criminibus non item. In his enim est quidem qui agat cum ciue; at non ciuis, sed Respublica, de re scilicet ad Remp. pertinente. Agitur enim vindicta criminis, quæ ad Respublicæ vtilitatem pertinet, *l. locatio. §. quod illicite ff. de publica.*

De his exhibendis ita cautum est hoc loco: acta publica tam ciuilia, quam criminalia exhiberi inspicenda ad inuestigandam veritatis fidem iussurum eum, apud quem res agitur. Non abs re dictum hoc est de actis & instrumentis publicis. Nam priuata in-

strumenta nemo exhibere cogitur, nisi si his in causa vsurus sit. *d. l. i. §. edenda. eo.* Acta publica cogitur exhibere is, qui habet exhibendi facultatem. nec vlla conditio hic adiicitur. Nec mirum. de priuatis enim cuique domino priuatim statuendi ius est, ut velit, *l. in re. C. mand.* Publica autem acta, ut ante ostendi, quodammodo sunt omnium: ut non immerito de his idem statui debeat, quod de communibus inter eorum dominos. de quo in *d. l. procurator. j. eo.* Exhiberi autem iubentur non tantum acta ciuilia, sed etiam criminalia: quia ambo pariter sunt publica, ambo ad inuestigandam veritatis fidem ex æquo pertinentia. De criminalibus tamen videri potest aduersari, quod cautum est in *l. 2. §. i. in fi. ff. de iur. ff. fisco* ita edenda esse instrumenta ad causam eius pertinentia, si de re nummaria non si de capitali causa agatur. Etiam acta publica quamuis criminalia, instrumentorum appellatione continentur: siquidem & his instruitur causa, *l. ne causas. C. de app.* Instrumentum autem dicitur omne, quo causa instruitur, *l. i. ff. de fid. inst.* Quod si criminalium actorum editio denegatur fisco; multo magis denegabitur priuato, cuius nullus est fauor, ut filci. Sed locus superior ostendit, quod de instrumentorum editione illic scriptum est, de priuatis eius, cum quo agitur, instrumentis dictum esse. Iubetur enim fisco edi instrumenta ad causam fisci pertinentia; sed pro iure priuato fisci, id est, ex priuilegio, de quo sub eo titulo. De iure fisci, agitur. Idque ex eo magis iciri potest, quod iure communi nemo reus actori instrumenta sua, quibus vsurus non sit, exhibere cogitur. *l. qui accusare. j. eo.* Hoc vero priuilegium in instrumentis solum rei priuatis locum habet. Nam alioqui iure communi & priuata, dum communia, cogitur edere, *d. l. procurator. j.* multo magis publica. Et cogitur edere etiam priuato petenti: multo magis fisco. Nihil igitur superior ille locus de actorum publicorum exhibitione, quæ hic statuitur, quidquam immutat. Cura autem fisco, cui iubentur instrumenta rei edi ad causam pecuniariam pertinentia, non etiam iubeantur edi, quæ ad causam criminalem pertinent: causa est in voluntate iubentis, eorumque principum, qui hoc priuilegiū fisco tribuerunt, quod in potestate fuit beneficio suo modum statuere, quem vellent. Quod si queritur amplius, quid illos mouerit, ut vellent; verisimile est visum eis esse eo usque progredi in hoc priuilegio; ne nimis acerbè eo oneraretur reus. quod fieret, si etiam in causa capitæ aut famæ cogeretur aduersus se arma subministrare fisco, & iugulū ipse suū petere, *arg. in l. nimis. C. de test.*

Sed multa hæc publicorum actorum editio continet; cui petenti, quoties, quis, quo iubente & cogente edere debeat, & quis aduersus recusantem cogendi modus. quibus singulis non cognitis nihilo plus intelligatur de ista exhibendi necessitate, quam si de ea nihil hic scriptum esset. Quod igitur ad locum intelligendū necesse sit, de his etiam amplius cognoscamus. Quibus ergo exhiberi iubentur hæc acta? Nō sane omnibus postulanti, et si de eo nihil hic adiectū est. semper enim hoc tenendum est, quod locum habet in omni petitione, nulli concedendā esse editionem, cuius nihil interest. & generaliter nulli indulgendū id, quo impetrato hoc laturus sit tantū, ut oblit, aut molestus sit reo, ipse inde nihil commodi consequatur, *l. in fundo. ff. de rei vind.* & supra dixi, ut stipulatione, ita editione superuacua neminem esse onerandum. *l. hac stipulatio. §. i. ff. ut in poss. leg. Solis*

igitur conceditur hæc editio, quorum interest acta exhiberi. Interest autem horum: iudicis, qui de re cognouit; litigatorum; interdum & exterorum, quibus sententia præiudicium facit. Iudicis interest, quia cum eum iudicare oporteat, *l. ult. §. defensores. vers. iudicandi. ff. de mu. & hon.* hoc ille nisi causa cognita facere non potest. *l. ex stipulatione. j. de sen. & int.* nec potest causam cognoscere nisi ex actis. *l. ne causas. j. de app. l. illicitas. §. veritas. ff. de off. pres.* In hoc numero est non tantum primus iudex, qui cœpit de re cognoscere, & quo auctore acta confecta sunt; sed etiam is, qui mortuo priore iudice in locum eius substitutus est. *l. mortuo. ff. de iud.* item is magistratus, qui causæ cognitionem permittit suis consiliariis. a quo exigitur, ut saltem sententiam ferat: ac proinde ut omnia, quæ ante acta sunt, audiat & cognoscat. Est item & iudex appellationis, qui bene an male iudicatum sit, statuere non potest, nisi cognitis actis prioris iudicii. Iubentur ergo his acta exhiberi ad eam cognitionem. Ipsi iubere possint pro potestate, an alius adundus sit, postea dicetur suo ordine. Interest & litigatorum ea acta ipsis exhiberi, cum instructionis, tum probationis causa: quas ad res acta confici traditum est *in d. l. ne causas. j. de app.* Profunt actori ad instructionem, ut scire possit, quæ acta sint, & quæ recte; ut si omnia recte se habet, pergat; si quid omissum est, adiciat; si quid peccatum, corrigat. Profunt & ad eandem rem reo, ut sciat, quomodo aduersus ea quæ acta sunt, se tuatur, & si qua in re peccatum est ab actuario, moneat iudicem; peratque, ne patiatur id sibi nocere. Probatione vero utriusque suppeditant in comune, si de iis, quæ acta sunt, sit inter eos controversia. ut, si actor dicat litis contestationem interuenisse, testes tot interrogatos nec reiectos, illa aut illa instrumenta prolata, illa aut illa obiecta, reus neget; proferentur acta, ex quibus fides veri constare poterit, ad quam proinde inuestigandam, ut rescriptum loquitur, recte eorum editio postulabitur. Interest & exterorum illa exhiberi, si quibus sententia in eo iudicio præiudicium allatura sit: ut legatariorum, cum de testamento agitur inter heredem scriptum & heredem legitimum: quia cum testamentum nullum esse pronuntiatum est extra causam præteritionis aut exheredationis, nihil in eo testamento scriptum valet. *l. eam quam. j. de fid. aut. ex causa. j. de lib. prat. vel exher. l. filio. ff. de ini. rup. test.* ut cognatorum in causa status. *l. 2. ff. de agn. lib.* Quamobrem & his postulantis iubebuntur acta edi, si legatarios, aut cognatos esse constabit: de quo summam cognoscet iudex, ut in actione ad exhibendum. *l. 3. §. sciendum. ff. ad exhib.* Quid, si iam semel petenti litigatori aut extraneo acta edita sint? Non concedetur editio iterum postulanti, nisi causa cognita: veluti, si non plene exhibita dicantur, aut peregre nunc esse, aut casu esse amissa. *l. si quis. in fi. l. velint. seq. ff. eo.*

3 A quo recte postulabitur hæc editio, ut cum postulata erit, exhibere acta cogatur? Ab omnibus videlicet, apud quos ea acta erunt, qui habent exhibendi facultatem, ut sit in actione ad exhibendum, quæ eandem istam exhibitionem persequitur. *l. 3. §. ult. l. Celsus. §. ult. ff. ad exhib.* Itaque non tantum recte postulabitur hæc editio ab actuario, cuius custodia acta commissa sunt, si ea adhuc habet sub custodia sua; sed & a litigatoribus ipsis mutuo, & item ab exteris illis, quos ante diximus, quibus forte prius illa acta edita fuerint, & nondum ab his reddita.

9 Quid, si ii, a quibus recte petitur, exhibere recu-

labunt? Nempe cogendi sunt iubente eo, qui iubendi ius habet. Quis ergo iubebit? Ait rescriptum, *is apud quæ res agitur.* His verbis iudicem significari constat. *§. 1. Inst. de act.* Sed & illud apparet, non omnem contineri, sed eum apud quæ res certa agitur, & agitur in presentia, non autem ante actum est. Rem hic accipere debemus, non quamlibet, quasi iubere possit omnis, apud quæ de realiqua agitur (iudicem enim idoneum quaerimus, qui iubendi potestatem habeat; neque vero omnis idoneus est iudex, qui iubeat, cum fieri possit, ut qui iubendus est, non sit eius iurisdictioni subiectus, & extra territorium, supraue iurisdictionem suam ius dicenti impune non pareatur. *l. pl. ff. de iurisd.*) sed rem actorem, seu rem, de qua sunt ea acta, quorum editio postulat: ut scilicet rei verbum contrahatur ad id, de quo principaliter hic agitur. Agitur autem de actis iudicii, quæ de re ad id iudicium pertinente conficiuntur. Itaque est hic sensus: iubebitis iudex, apud quem agitur de ea re, cuius illa acta sunt, quæ postulantur. Apud alium iudicem si petuntur exhiberi, non petuntur officio iudicis qui de re cognoscit, sed actione ad exhibendum: de qua actione hoc titulo non agitur. Sed & illud obseruandum est dictum esse, apud quem res agitur in presentia, non autem actum est; ut intelligamus, si finito iudicio actorem editio postuletur apud eum iudicem, apud quem actum est, definitionem ad eum non pertinere. Quod & recte ita temperatum est: primum, quia nec tunc facile concedi solet editio litigatoribus, quo tempore iam eorum nihil interest acta exhiberi: deinde, quia si id quandoque postea petitur, petitur actione ad exhibendum, non officio iudicis. Hic autem, ut modo dixi, agitur de iis editionibus, quæ postulantur præstanturque officio iudicis, ut *declaratur in l. i. §. eo.* Alioqui quæ petuntur actione, non ad hunc titulum, sed ad actionem ad exhibendum pertinent. Sed an omnis iudex, apud quem res eorum actorem propria agitur, iubere potest ea exhiberi? Ne is quidem, nisi sit is, qui & in eum unde petitur, iurisdictionem potestatemue habeat. Iam enim dixi omnibus supra iurisdictionem suam impune non pareri. *d. l. ult. ff. de iurisd.* Finge acta esse apud alios, quam litigatores, puta apud externos illos, quibus ante dixi acta exhiberi, quia eorum interest. Ab his peti pendente eodem iudicio, & apud eundem iudicem, ut acta eius iudicii exhibeant. Vere dicetur peti id apud eum, apud quem res agitur. Sed frustra is iubebit exhiberi, atque adeo iure iubere non potest, si neque ad iurisdictionem neque ad officium eius pertinebunt, ut qui apud eum iudicem non litigent. Sed etsi in causa appellationis recte desideret vel iudex eius causæ, vel vnus ex litigatoribus in ea causa sibi exhiberi acta prioris iudicii: non erit iudex appellationis idoneus, qui iubeat, si acta erunt apud priorem iudicem, aut apud eius actuarium, non quod iudex appellationis non sit is, apud quæ agatur res, cuius ea acta propria sunt, quæ petuntur ad exhibitionem: sed quia nec in iudicem priorem iurisdictionem habet, nec in eius actuarium. Ad officium certe eius in iudicio appellationis isti non pertinent. Ideo receptum est, ut appellans ipse acta prioris iudicii secum adferre debeat, quam ad rem ea sibi dari petet a priore iudice, & iubetur iudex acta cum refutatoriis partium, suisque literis ad superiorem iudicem dirigere. *l. aproconsulibus. j. de app.* Ita restat, ut intelligatur is iudex, apud quem res agitur, postulatque actorem eius iudicii editio vel ab actuario ipsius iudicis, vel ab

uno ex litigatoribus; cum quo apud eum iudicem agitur.

- 10 Sed cum † ab hoc iudice recte iussi erunt acta exhibere aut actuarius eius, aut litigatores ad iurisdictionem officium eius pertinentes; quid fiet, si iussi non pareant? Possunt enim non parere contumacia. Dixi cogendos esse. At quomodo cogentur? Nempe ergo hoc superest, ut quoniam cogendi sunt, videamus, quis sit in hac re pro potestate & officio iudicis cogendi modus? Et refert, utrum recuset exhibere actuarius an litigatores. Actuarius recusante, ipse iudex, cuius de ea re erit iurisdictione, curabit acta perfici, & manu mandatum suum exsequetur, ut fieret in rei vindicatione, cum possessor rem restituere iussus per uicacia non restitueret, *l. qui restituere, ff. de rei vindic.* Sunt enim acta non actuarii, sed iudicis, quæ & iudex iubetur diligenter pro officio conficienda curare, *l. ne causas, infr. de appel.* Et cum hic vim adhibebit iudex, nihil tamen faciet iniuria; ut qui iure licito id faciat pro iure honoris & muneris, quod sustinet, *l. 3. §. 1. D. quod met. caus.* Potest & magistratus eum statim ab officio remouere, & alium in eius locum substituere. Nam & is est in officio, seu officialis magistratus; quem proinde dicto audientem magistratui esse oportet in iis, quæ sunt officii eius, nisi quid iniquum aut turpe magistratus iubeat, *l. omnes iudices. C. de decur. l. 1. §. officium, §. ut omnes iud.* Litigator vero si recusabit, hæc erit cogendi ratio pro officio mero iudicis, ut actore quidem recusante reum absoluat; recusante autem reo eum condemnent: scilicet ut denegati recusatio ita noceat, quasi acta ab eo essent subtracta, ut sit in causa fisci aduersus eos, qui quæ fisco instrumenta exhibere iubentur, ea exhibere detrectant, *l. 2. §. 1. D. de iur. fisc.* quæ poena in eo est, ut qui subtrahit, pro conuicto habeatur, *l. si de possessione. C. de prob.*

L. 3. Edita.

Imp. Severus & Antoninus AA. Faustis.

Edita actio speciem futurae litis demonstrat: quam emendari vel mutari licet, prout edicti perpetui monet auctoritas, vel ius reddentis decernit aequitas. Data 2. cal. Septembr. Severo 3. & Antonino cons. 203.

S V M M A R I A.

- 1 Edendam actionem, reo, & spatium secum deliberandi dandum, quod nunc iure certum est, priusquam adesse iudicio & respondere actori cogatur: & quam recte hoc comparatum.
- 2 Cedere quid sit Vlpiano in illis verbis. *l. 1. D. de ed. vtrum cedere, an contendere debeat.*
- 3 Edere actionem, quid.
- 4 Editio actionis qualis olim, & nunc.
- 5 Editio actio speciem futurae litis demonstrat, & hoc quid sit.
- 6 Libellus actionis quid continere debeat in personis litigatorum.
- 7 In re petita.
- 8 In causa petendi, & qua causa utriusque actionis tum in personam, tum in rem.
- 9 In petitione.
- 10 In nomine actionis: nomina actionibus certa prodita iure civili: nomen eodem iure ut certum fuit, ita in edenda actione exprimi debuisse, neque hoc ius mutatum esse.
- 11 Formule actionum sublata, & recte: non etiam nomen actionis iure civili; aliter iure Pontificio.

- 12 Editam actionem emendare & mutare licere: emendare & mutare quid sit.
- 13 Edicti perpetui auctoritas quid moneat in actione emendanda, mutandane.
- 14 Ius dicentis aequitas quid decernat in hac ipsa emendatione vel mutatione.
- 15 Ius dicens magistratus: sed nihilominus & iudicis aequitatem hic intelligi debere.
- 16 Summa eorum, quæ in emendatione & mutatione editæ actionis exigantur. Auctoritas edicti, vel ius dicentis aequitas: vel probo, hoc loco, ibidem.
- 17 Editam actionem licere mutare vel emendare ante litem contestatam sine controuersia: sed & post litem contestatam.
- 18 Editam actionem post litem contestatam mutare ante Zenonem non licuisse in eodem iudicio, nunc licere: & idem iudicium, quod sit. *L. non potest. D. de iud. §. si minus. Inst. de act. explicantur ibidem.*
- 19 Auth. qui semel. C. quo, & quando iud. edita actionis mutanda facultatem non auferat.
- 20 Mutare editam actionem, & ad aliam transire post litem contestatam non licere, quin de veteri prius iudicetur, si reus postulet: ante litem contestatam omnimodo licere.
- 21 Mutata actione & non instituta, non continuo veteri renuntiare: & quando renuntietur, aut non renuntietur.
- 22 *L. 1. C. de lit. cont. explicatur eius occasio, & conjunctio cum l. edita. C. de ed.*

Cautum † est edicto, ut quæ quisque actione usufrus est, eam edat reo, ut proinde is scire possit, utrum cedere, an contendere debeat, & si contendendum putat, veniat instructus ad agendum cognita actione, qua contineatur. *l. 1. D. eod.* Et quoniam frustra editur actio ad istas res, nisi etiâ reo spatium sit cognoscendi, & secum deliberandi, simul hie ei tempus quod satis esset, dari placuit. Iustinianus olim fuisse decem dies scribit: ipse viginti dedit. *Nov. de exh. reis. 53 §. sancimus. auth. offeratur. §. de lit. cont.* Recte utrumque; nam si statim cogitur reus venire, & petenti actori respondere ita, vel ut se debere neget, vel ut confessus cedat: eueniet facile, ut aut in meditatione, aut in damnum certum incidat. Potest enim qui vere debet, existimare se non debere, ut sic falso neget, atque ita contendat; qui si maturius cognouisset, non negasset. Potest contra putare se teneri, qui non debet, ut in hoc errore falso confessus cedat aduersario, ubi non debuerit, utrumque; non sine damno rei familiaris. Contendere hic quid sit, notum est, de eo dictum, qui paratus est litigare, & certare iudicio de eo quod petitur. Cedere † quid sit, ex contrario intelligitur. Nam cum opponantur cedere & contendere, non potest cedere aliud hic significare, quam cedere litem, seu non contendere, sed se dare aduersario atque ultro confiteri paratum se prestare id quod petitur, quod quidem etiâ extra ius & statim fieri potest. Itaque nescio quid quibuscumque venerit in mentem, ut hic cedere interpretarentur de cessione specie alienationis, cui constat tantum locum fuisse in vindicationibus, & dominis transferendis, & ita ut in iure tantum fieret apud prætorem, cum hic de omni actione agatur etiam in personam, & maxime de his quæ sunt in personam, & præterea liceat testari se non contendere etiam extra iudicium, quod hic dicitur cedere.

Hoc iure posito de edenda actione, hæc incidunt, quæ

deinceps quarantur ad eius editionis cognitionem, quid sit edere actionem, quomodo hæc recte edatur; semel edita actione liceatne hic quidquam mutare & emendare postea, & quatenus, tum quando liceat. Primum, in quo de verbo queritur, nota est significatio. Est \dagger autem edere actionem, indicare actionem qua acturus sis, cognoscendam actionis potestatem facere. Quod superioribus illis verbis edicti satis significatur; cum editione fieri dicitur, ut cognoscat quisque actionem, qua convenitur, ac propterea iubetur edi reo, ut actione cognita sciat, utrum cedere, an contendere debeat, *d. l. i. ff. eod.* Illud querendum potius, quomodo fiat, ut recte & ut iure oportet, edatur actio, seu quibus rebus constet iusta editio actionis. Quæ cum sit iuris quaestio, itidem ut illa tertia de iure mutanda & emendanda editæ actionis, utriusque diiudicationem inde petere oportet. Est autem hic locus, ad ius horum utriusque iudicandum optima ex parte constitutus. Nam cum duas res desideret recta editio, altera pars & ea præcipua hoc loco describitur. Tertiæ aut illius quaestiones cognitio tota est huius loci, de quibus ordine videamus.

4. Constat \dagger igitur recta editio duabus his rebus, exhibitione actionis, & huius ipsius actionis idonea conceptione. Altera fit, ut videat aut audiat, sensu denique corporis percipiat reus, quid petatur; altera, ut intelligat, quale id sit, quo deinde statuere apud se possit, utrum cedere, an contendere debeat. Exhiberi & representari sensibus rei sic olim potuit, ut nihil interesset, utrum actor scripto comprehendere, & libellum daret reo; an vero ei diceret, aut scripti describendi potestatem faceret. Quinimo & ex albo prætoris ostendi olim poterat, ut diceret actor se illa aut illa actione usurum; certum locum indicans videlicet in albo prætoris, ubi illa actio publice proposita edicto existeret, de quo more scripsi plura *ad l. i. D. si cer. pet.* Est autem hæc forma vetus edendæ actionis, tradita *n. l. i. in pr. D. hoc tit.* Nunc exhibitio & indicatio actionis talis esse debet ex constitutione Iustiniani, ut actor libello actionem complectatur, & cum libellum offerat reo, *auth. offeratur. j. de lit. con.* Hinc libelli editio pro editione actionis apud interpretes posteriores & in Decretalibus titulus, *De libelli oblatione.*

Libellus actionem conceptam habere debet, quæ conceptio præcipua pars est huius editionis. Ea conceptio cuiusmodi esse debeat, hæc lex ostendit, atque hoc ita declarat. *Edita \dagger actio*, ait, *speciem futuræ litis demonstrat.* Id hanc sententiam habet: tunc actio vere edita intelligitur, cum ita edita & proposita est, ut edita speciem futuræ litis demonstret, quod sit actionis institutæ idonea conceptione. fuit quidem propositum Imperatoribus aliud his verbis dicere, est enim hoc rescriptum pars, *l. i. j. de lit. cont.* ut inscriptio, subscriptio, & sententiæ coherencia, ac veluti necessaria coniunctio arguunt. In ea autem *l. i.* aliud quaesitum fuisse constat, quam quomodo edatur actio, de qua tunc in extremo dicitur. Sed tamen hoc ita scriptum est, ut si verum sit, non minus inde illa sententia colligatur, quam dixi. Quam & ipsam voluisse compositores intelligi inde existimare possumus, quod in hunc usum sub hunc titulum hoc fragmentum relatum est. Speciem futuræ litis hic accipere debemus formam & imaginem futuræ litis id est, id, unde reus intelligat, quæ & qua de re litis futura sit, ut scilicet hoc cognito sciat, utrum cedere debeat, an contendere, *ut est in dict. leg. i. D. eo.* Legitur

species actionis, *in d. l. i. de lit. cont.* sed longe alio sensu. Species actionis est genus actionis certum ac definitum, quo quis se experiri dicit. Species futuræ litis est id, quod futuram litem inspiciendam proponit, quod, ut dixi, positum est in editionis recta conceptione. Bene vero dictum est, editam actionem demonstrare hoc modo speciem futuræ litis. Actio enim etsi est res incorporalis, quæ ut corpore tangi non potest, sic nec corpore indicari; potest tamen describi ita, ut concipiatur animo, ex iis videlicet, quæ eius propria sunt. Quæ cum ita descripta erit, ac deinde edita, haud dubie se ipsam ostendet, & una secum imaginem futuræ litis. Sed etsi non semper actor actionem recte edit: non eo tamen minus recte dictum est generaliter, editam actionem demonstrare speciem litis futuræ. Hoc enim ex usu & sensu communi iuris dictum est, quo verba cum re & effectu accipiuntur, *l. i. D. quod quis iur. l. j. §. i. D. ne quis eum qui inius vo. est, vi ex.* ut intelligatur hic actio edita, quæ recte, non vitiose edita est, quia vitiose edita pro nec edita habenda sit. ut alias cautum accipitur, quod recte cautum est *l. quoties. D. qui sat. cog. condemnatus*, qui rite condemnatus est, *l. 4. §. condemnatum. D. de re iud.*

Ut sic \dagger edatur actio, ut intelligatur qua de re litis & 6. iudicium futurum sit, & ut loquitur rescriptum, ut demonstret speciem futuræ litis, quinque hæc habere debet conceptio, totidem videlicet propria actionis, ut cuiquam iure competat: personas, inter quas agitur; rem quæ petitur; causam petendi; petitionem; & una genus, seu nomen actionis. In personis actor dicere debet, quis agat, & a quo petat. Nam sine personis inter quas agitur, nulla est actio, nec quisquam nisi certus certo potest teneri. *§. i. Insist. de action.* Rem \dagger quoque dici oportet; quia si 7. militer sine re quæ petatur, nulla actio est. *ibidem*, Rem autem certam dici oportet, alioqui ne res quidem nominetur, quæ non intelligitur, nec potest recte præstari, *l. si in rem. 6. D. de rei vind.* Hactenus tamen certam, quatenus natura cuiusque rei patitur. Nam ex obligationibus faciendi petitur id quod interest, quod est incertum. *l. i. in pr. D. de act. emt. §. ult. Insti. de verb. oblig. l. si poenam. D. eod.* sed hoc eo fit, quia aliter peti non potest, quod tale est natura sua. Sed & in ceteris rebus ita certum peti volumus, ut cuiusque iudicii naturæ convenit, id est ita, non ut singula res, & singula corpora, quæ sunt in iure aliquo, semper exprimantur, sed ut res cuique actioni convenientes, solum appellentur. De quo ex generibus actionum statuendum est. Aliæ sunt actiones de universitate puta hereditate, ut petitio hereditatis. *l. i. D. de rei vind.* Hic hereditatem dici & peti satis est: non necesse exprimi petitione res singulas. *l. licet. D. de hered. pet.* Quædam sunt generales, quibus non petitur una res vi sua multas species continens, sed de pluribus rebus quamvis nec coherentibus, nec vni nomini subiectis, generaliter tamē agitur, ut pro socio, negotiorum gestorum, tutelæ. *l. pro socio. D. pro soc.* In his petitur res eorum iudiciorum propria; nempe ratio administrationis; & reliqua. *l. 2. D. de neg. gest.* Quædam sunt de rebus singulis, quæ & speciales nominantur. *l. i. D. de rei vind.* ut rei vindicatio & ex actionibus in personam, commodati, depositi, ex emto, ex vendito, & similes. In his omnibus quæcumque res est, de qua quis acturus est, certam designari oportet. *dict. l. si in rem. 6. de rei vind.*

rei vind. l. in actione. D. de fur. Et certe aliter non intelligitur reus quid a se petatur, quid debeat, aut non debeat. quod tamen editione consequi debet, dict. l. 1. D. eo.

8 Caussam ꝑ petendi exigimus: quoniam nulla est actio nisi ex certis & constitutis causis, §. 1. *Inst. de act.* Fieri autem potest, ut actor eam causam dicat, ex qua reus debeat, eoque etiam velit cedere: contraq; ut actor eam dicat, ex qua reus non debeat, ac propterea contendendum putet. Actionum duo sunt genera, vnum in rem, alterum in personam, l. actionum. D. de ob. & act. Actionis in personam generalis & communis vna causa est, ut is cum quo agitur, sit nobis obligatus, d. l. actionum. Obligationis autem speciales causae quatuor a Iustiniano positae, tit. *Inst. de ob. contractus*, quasi contractus, maleficio, quasi maleficio: ac proinde totidem causae huius actionis d. §. 1. de act. Actio in rem duas res desiderat, totidem huius actionis causas, sine quibus non recte hoc genere agatur. ab actore, ut sit dominus; a reo, ut is rem, de qua agitur, possideat. solus iure civili hac actione utitur dominus l. in rem. D. de rei vind. §. namq. *Inst. de act.* Et ea nō alius tenetur, quam qui possidet. d. l. actionum. de ob. & act. unde dictum. possessionem parere actionem in rem aduersario. l. unic. C. de al. ind. mut. cau. fac. Has causas dici debere volumus. Sed est in hac re, quod intersit inter has actiones. In actionibus enim in personam causam generalē non sufficit dicere: specialem dici oportet. ut puta, nō satis est ita dici; *Peto decem, quia mihi debes*: sed ita concipi oportet, *Aio te decem mihi dare oportere, quia tibi dedi mutua, & si quae sunt aliae similes causae, propter quas mihi es obligatus*. Hoc ideo, quia nisi causam obligationis adiecerō, statuere non possis id, sine quo nulla est editio, utrum scilicet cedere debeas, an contendere. Fieri enim potest, ut eam causam dicam, ob quam debeas: fieri etiā potest, ut eam dicā, ob quam non debeas. In actionibus in rem contra satis dixit actor de iure suo, qui se dominum dixit, id est, qui dixit communem agendi causam, etiam si nō adiecerit, se dominum esse ex emto, ex donato, aut similib. causis. Contraria nimirum de causa, quod qui se dominum dixit, id dixit, unde intelligeret reus utrum cedere, an contendere deberet. Nam si actor dominus est, ut se esse intendit; quacunque ex causa erit dominus, semper hoc idem valebit, ut possessor rem debeat petitori restituere, l. officium. D. de rei vind.

9 Causa ꝑ agendi subiici debet petito. Nulla enim actio est, nisi in petitione alicuius rei, eiusq; rei persequutione: uti nec vllum iudiciū, nisi in quo peratur aliquid, l. amplius. D. rem rat. hab. unde & actiones dictae petitiones. l. existat, D. quod met. caus. Petitio talis esse debet, ut petatur, quod cuiusq; actionis proprium est. Actionum in rem propria intentio, ut declararetur res de qua agitur, esse petitoris, sic deinde ei restitueretur, l. & ex diverso §. 1. l. officium, l. qui restituer. D. de rei vind. Actionum in personam, ut id petat quisque quod debetur, & eodem modo. §. huic autem. ill. c. qua de causis. *Inst. de act.* Ita fiet, ut actio sit negotio & rei propositae conueniens, quod in omni actione exigitur. l. 2. §. de for. & imp. act. subl.

10 Petitioni etiam nomen ꝑ actionis adiecere oportuit. Actionum nomina plerarumq; certa esse constitut, ut commodati, depositi, mandati, pro socio, ex emto, ex vendito, locati, conducti, & alia infinita. l. 1. D. de sti. l. 2. D. de pres. verb. Hae non frustra proditi

ta sunt iure civili, sed ut qui ageret, actionē suis quaeque nominibus appellatam ederet, & quod iuberetur quisq; edere actionem qua acturus est, dict. l. 1. de eden. in eo hoc ipsum iuberi intelligitur. Id ita esse hac probat. Omnē qui in ius vocatus est, recte petere, ut sibi edatur genus actionis, indicat, l. non videtur in iudicem. D. de iudi. Pomponius in l. 2. §. his legibus. D. de orig. iuris, scribit actiones primum fuisse compositas, & addit, quas ne populus prout vellet, institueret, certas solemnēsque esse voluerit. Solemnes, in solēnibus formulis. unde actio vulgaris formula appellata, l. si seruus, 42. D. de fur. Certas, quia certis appellationibus & nominibus designatae erant. Unde vulgares & vltatae dictae, quae suis nominibus constabant, l. 1. l. 2. D. de pres. verb. & quae certa nomina nō habebant, dicebantur incertae. l. rebus, C. de reo. per l. 3. C. de inut. stip. Ergo hoc dicit Pomponius, veteres voluerunt actiones esse certas, id est, certis nominibus constantes, idque hac gratia, ut his ipsis nominibus designatae instituerentur, ne populus alioqui institueret, prout vellet. Idem probant dict. leg. 1. & 2. de pres. verb. in quibus scriptum est, tunc demum perueniri ad actiones in factum, cum deficiunt vltata actionum nomina; item cum nomen actionis inuenire non possumus. Quo declaratur sic nomina actionum fuisse, ut quamdiu possent inueniri, tamdiu his esset utendum, nec prius ad actionem in factum, id est, eam quae sine nomine factum, & rem gestam demonstraret, confugere liceret. Probant item dubitationes veterum tam multae, qui in eadem specie facti, de quo facto constet inter omnes, tamen quarunt, utrum illo titulo & nomine actionis, an illo potius utendum sit, l. 1. D. de estimat. l. qui seruandarum. l. apud. Labeonem. §. 1. D. de pres. verb. l. 1. D. si men. fal. mo. dix. Quae omnis stulta esset contentio, si contentio actionis nomine sufficeret factum tantum proponere, & ex eo intendere tibi illud aut illud dari oportere. Non est ꝑ hoc ius sublatum ius constitutionibus duabus, quae exstant, infra, sub tit. de for. & impet. actio. sub. facessere iubentur, in l. 1. iuris formulae, at nō nomen actionis. formulae enim non necessariis verbis, aut ad rem pertinentibus, sepe etiam ineptis & nugacibus constabant, quales multae commemorantur a Cicerone in oratione pro Muræna. Nomen autem rem ipsam exprimit, ut ad actionem certam faciat, qua agatur, quod a reo cognosci magni eius interest. Idque eadem lege satis aperte confirmatur, dum amputari dicuntur nominarim formulae aucupatione syllabarum insidiantes. Hae quidem aucupatio non est in verbis apte & conuenienter rem exprimentibus, cum verba sint ipse rerū notae. Quod attinet ad l. 2. haec tollit necessitatem impetrandae actionis. at non editionem actionis aptam: quae olim desiderauit nomen actionis. Ibidem dicitur sufficere, si constet actionem aptam esse, & negotio competentem. Ea demum apta & negotio compe- tens est, quae suo nomine appellatur, aut verbo ideni significante. Denique non dicitur sufficere, si petitio sit apta & negotio conueniens; sed si actio ipsa, quod non potest, nisi de nomine actionis intelligi. Iure Pontificio non exigitur nomē actionis in causis ecclesiasticis, dum causa proponatur eiusmodi, ex qua certum sit actionem & petitionem esse. c. dilecti. ext. de iud. Quod & vulgo receptum video sententia communi interpretum in causis civilibus, tanquam effectū esset superioribus constitutionibus. Neq; hoc

iniquum aut reiciendum esse existimo, si quis de æquo & bono disputer. Dummodo enim constet de iure petitionis, nihil admodum ad rem facit, quo nomine actio appelletur, §. *si quidem in nomine*, *Institut. de leg.* & recte dictum est, ius civile rebus positum esse, non verbis, l. 2. *in fin. C. de leg.* Sed si de iure civili Romanorum quæritur, aliud eo iure constitutum esse constat. Quod vel ob hanc causam maxime tenendum est, quod nisi hoc constituto infinitorum locorum sententia & occasio non intelligetur, innumera partes iuris concident.

12 *Quam emendari vel mutari licet.*] Dictum est editam actionem demonstrare speciem litis. Sed an ita est hæc editio, ut ea semel progressa, in ea manendum sit, nec emendationi sit locus? Quod tertio loco quærebamus. Imo & institutam & editam actionem emendare ac mutare licet. Idque est, quod sequitur. Emendare est, priore retenta, ei aliquid adiciere, vel detrahere: veluti, si pro decem mutuis quæ petieram, decem petam, aut pro viginti instituam petere tantum decem. Mutare actionem est, priore omissa instituere nouam. Quod fit vel aliam rem petendo, vel eandem ex alia causa. Aliam rem, ut, si pro Pamphilo, quem ex testamento mihi deberi intenderam, Stychem petam, quamvis ex testamento. Eamdem rem ex alia causa, veluti, si eundem Pamphilum instituam petere, sed ex stipulatu, quem prius ex testamento petieram. Horum utriusque, inquam, licet facere, ut hic traditur, exstantque utriusque partis exempla, & in his superioris sententiæ confirmatio in §. *si minus*, *Institutio. de actio.* sed & ius vetus idem fuit ante tempora Zenonis, cuius fit mentio in d. §. *si minus*. Emendare licet in specie l. *in delictis*, §. *si detracta*, ff. *de noxal. actio.* Mutare in l. *cum fundum*, §. *ultim.* ff. *unde vi*. Quid dubitationis in eo fuerit, ex obiectionibus, quas paulo post subiiciam, intelligetur. Prius quibus conditionibus concedatur hoc loco ista emendatio & mutatio, cognoscendum est. Id enim præcipue pertinet ad diluendas obiectiones.

13 Aliunt Imperatores, *quam emendari vel mutari licet*, prout edicti perpetui monent auctoritas, vel ius reddentis decernit æquitas.] Edictum perpetuum intelligendum est, quia parte est de edendo. Nam de edita actione hoc rescripto agitur. Edicti de edendo auctoritas quid moneat, scimus ex l. 1. ff. *ead.* nempe ut qua quisque actione acturus est, eam edat. Erne forte hoc accipiamus de actione, quæ primo instituitur, non autem de petitione noua, quæ in iudicium incidit, subicitur æquitas, quæ ad omnem petitionem pertinet: nam æquissimum est, inquit Ulpianus, cum qui acturus est, edere etiã, ut proinde sciat reus, utrum cedere, an contendere ultra debeat: & si contendendum putat, veniat instructus ad agendum cognita actione, quæ conueniatur. Hæc æquitas, inquam, ad omnem petitionem etiam nouam pertinet, patet enim in omnibus rei interest, nosse quid a se & quam obrem petatur, sine quo illud scire non potest, cedere an contendere debeat. Significatur ergo his verbis, *licere quidem emendare vel mutare actionem semel editam*: sed ita, dum eius, quod nunc aliter petitur, petitio edatur reo, deturque ei tantum spatii, quantum necesse est ad cognoscendum id, cuius causâ comparata est editio, utrum scilicet & in eo cedere, an contendere debeat: non aliter quam si 14 illi ab initio actio ederetur. Ius reddentis æquitas hoc exigit, ut emendatio & mutatio, quæ secuta est,

sine damno rei contingat. Nemo enim mutare potest consilium suum in alterius iniuriam, l. *nemo potest*, ff. *de reg. iur.* Estque id ex primis præceptis naturæ, quæ dicant alterum non ledere, neminem alterius conditionem facere posse deteriorem, l. *instituta*, ff. *de instit.* §. *iur. l. soluendo*, ff. *de neg. gest. l. non debet alteri*, ff. *de regul. iuris*. Illud autem demum æquum & bonum, quod natura ius est, l. *penultim.* ff. *de instit.* §. *iur.* Sic porro mutatio & emendatio actionis sine damno rei contingit, si sarciantur ei damna ab actore, quæ ob temerariam petitionem præcedentem passus est. In quo nihil proprie constituitur aduersus hanc mutationem, sed pœna communis est omnium temere litigantium, de qua hæc iuris constitutio est, eum quem temere aduersarium suum in iudicium vocasse constiterit, viatica litisque sumtus aduersario reddere oportere, l. *cum quem*, ff. *de iud.* Ius reddens idem est, qui & ius dicens: quorum utroque significatur is, qui iurisdictionem habet, id est, magistratus, aut cui a magistratu mandata est iurdictio, l. 2. §. *post originem*, ff. *de origin. iur. l. more*, ff. *de iurdict.* Quo verbo non continetur iudex priuatus, seu datus. Hic enim notionem tantum habet, non iurisdictionem, l. 5. *in princip. l. a Diuo*, in princip. ff. *de re iudicat.* Cui ergo æquitatem ius dicentis dixerunt Imperatores potius, quam iudicis? An quod re semel ad iudicem priuatum delata, non licet apud eum eodem iudicio actionem emendare? Sed utrumque licere postea ostendemus. An ergo, quia cum apud eum iudicem emendata aut mutata erit actio, impune id fiet, nec poterit per eum pœna temerariæ editionis præcedentis obtineri? Sed generalis constitutio illa est, eum quem temere aduersarium suum in iudicium vocasse constabit, viatica litisque sumtus præstare debere aduersario. Sed & iudici postquam iudex factus est, omnium rerum, quæ in iudicio versantur, officium incumbit, l. *adiles*, §. *penul.* ff. *de adil. edit.* nec minus iudici eadem æquitas iniungitur, l. 4. §. *ultim.* ff. *de eo quod cert. loc.* Quid ergo est? Æquitas ius reddentis hæc æquitatem iudicis quamvis priuati non excludit. Non ideo tantum, quod quæ æquitas exigitur ab eo, qui ius reddit, eadem & iudici iniungitur in iis, quæ ad iudicium & officium eius pertinent, ut modo dixi, sed eo potius, quod æquitatem ius reddentis hic intelligere debemus, non eam, quæ profiscitur a ius reddente; sed eam quæ in ius reddente esse debeat: ut quamvis res agatur apud iudicem priuatum, nihilominus tamen recte dicantur superiora damna sarciri per iudicem, prout ius dicentis decernit æquitas, quia & magistratus æquitas si apud eum ageretur, idem decerneret. Ita in summa superioribus verbis duo exiguntur ad mutationem seu emendationem editæ actionis; nouæ petitionis editio, & aduersus temerariam petitionem præcedentem rei indemnitas. quisquis erit, apud quem ea mutatio exercebitur, siue magistratus, siue iudex, & is quidem priuatus. Utrumque horum simul reo præstandum inde intelligi potest, quod æquum est utrumque præstari: ad eam æquitatem hic locus nos reuocat. Et tamen de his hoc loco disunctim scriptum est, quasi alterum tantum sufficiat, ut sit in disunctis orationibus l. *si quis ita stipulatus*, 129. ff. *de verborum obligat.* §. *penul.* *Instit. de hered. inst.* sic enim verba sunt: *Prout edicti perpetui monent auctoritas, vel ius dicentis decernit æquitas*. Sed non est nouum in iure ut coniuncta pro disunctis, sic disiecta pro coniunctis accipi,

accipi, ut declaratur in l. i. *sepe. ff. de ver. sig.* quod tunc faciendum est, cum sententia loci id postulat. Proinde & hoc loco.

17 Deinceps † quando liceat actionem editam emendare, & mutare, videamus; vtrum non solum ante, sed & post litem contestatam? Nam ante litem contestatam licere id facere inter omnes conuenit. Merito. siue enim post litem cōtesta: am licet, multo magis licet ante, quo tempore nullum adhuc iudicium constitutum est, quod mutationem institutæ actionis impediatur, vt sit lite contestata. siue non licet post litem contestatam, vel hoc ipsum maxime argumento est licere ante id facere: quia constat ex hoc loco esse aliquod tempus, cum vtrumque facere liceat. posteriore autem tempore detracto, relinquitur prius, cum necesse sit id licere. Sed an post litem contestatam liceat, magna contentio est; in qua maior pars existimat non licere; quia scilicet ita traditur in l. non potest. ff. de iud. non posse videri in iudiciū venisse id, quod post iudicium acceptum accidisset. ideoque alia interpellatione opus esse. Et de eo loco postea. Nunc doceamus & post litem contestatam licere actionem mutare, multoque magis emendare, non tantum ex constitutionib. posterioribus, sed etiā iure vetere, & eo quod in Pandectas ex iuris auctoribus relatum est. Constitutione quidem Zenonis hoc licere declaratur in §. si minus. *Inst. de act.* Hoc enim significat, quod illic dicitur ea constitutione effectum esse, vt id facere liceat in eodem iudicio. Si in iudicio, vtiq; post litem contestatam: quia iudicium incipit ex litis contestatione. Hinc illa: *iudicio cōcepto*, pro lite contestata. l. i. §. de iud. in et al. l. i. ff. de usur. Item, rem in iudicium deduci litis contestatione. l. i. §. de lit. cōn. quo significatur, ante litis contestationem nullū esse iudicium, in quod res deducatur. Verum tamen & ante constitutionem superiorem Zenonis valuit ius idem Iurisconsultorum temporibus. Emendatæ post litem contestatam actionis, vbi quid scilicet adiectum est, vel detractum præcedenti actioni, manifestum exemplum est in d. l. in delictis. §. si detracta. ff. de nox. act. Mutatæ autem in l. cum fundum. §. ult. ff. unde vi. vbi rei vindicatione ab aliquo instituta, placet eundem cognito errore suo, pendente adhuc iudicio de possessione interdicto experiri. Nempe ommissa vindicatione prius instituta: quia orta proprietatis & possessionis controversia, prius possessionis causam decidi oportet. l. incerti. §. de int. l. ordinarii. §. de rei vind. Postremo omni iure id licet, si prohibitum non probatur. l. nec non. §. quod eius ff. quibus ex causis mai. l. i. §. i. ff. de testi. Quid autē hic adfertur, quo probetur esse prohibitum? In quo quæ obiciantur, consideremus. Nempe opponitur præcipue d. l. non potest. ff. de iud. Non potest videri, inquit in iudicium venisse id, quod post iudicium acceptum accidit. Ideoque alia interpellatione opus est, quæ illius loci diffinitio est. At cum petitur aliquid amplius, aut aliud, aut ex alia causa, petitio post iudicium acceptum, & litem contestatam accidit. Quare & ad eam rem noua interpellatione opus est. Equidem totam hanc rationem admitto, neque ideo huic loco quidquam contrarium dicitur. Nā & hoc fatemur sic admitti emendationem & mutationem istam, vt quod adiicitur, detrahaturve, aut in totum mutatur, id de integro peti debeat, insuper & petitio reo edi, & quidem ita, vt & spatium cognoscendi ei detur. In quo

abunde interpellationem illam, cuius meminuit definitio. confirmamus. Sed hoc voluerunt, qui ista objectione vtuntur, non licere actionem mutare post litem contestatam, nisi nouo iudicio instituto. Et quid hoc aduersus definitionem huius rescripti, etsi maxime ita esse concesserimus? Dicimus enim licere emendare & mutare actionem. Id non negat, qui dicit licere nouo iudicio instituto: vt non negat is, qui desiderat nouam interpellationem: quam omnes interuenire debere concedunt & ante, & post litem contestatam. Sed † tamen quia & hoc ad potestatem huius mutationis pertinet, queramus hoc etiam, an liceat mutare dumtaxat nouo iudicio, an vero & in eodem. Et probandum est, licere non tantum post litem contestatam, sed & in eodem iudicio. Hoc quidem disertè scriptum est in d. §. si minus, *Inst. de act.* In eodem iudicio non significat solum apud eundem iudicem, vt Accursius & alii vulgo perperam interpretantur: sed ita apud eundem iudicem, vt sit etiam idem iudicium, id est, vt non sit necesse nouum institui noua adhibita in ius vocatione, sed sufficiat prius, in quo res tota recte tranfigetur. Sane quod dicitur id effectum constitutione Zenonis, indicat id antea eodem iudicio non licuisse. Quod & verum est. Nam ante impetrationem actionum sublatam, quod factum est constitutione Anastasii. 2. §. de for. & imp. act. quacunque de re quis iudicio acturus esset, magistratum eo nomine adire oportuit, & actionem, seu formulā iudicii & iudicē ab eo impetrare, si quidem iudicē dare ei videretur. Neque enim hæc necessitas sublata est, nisi quia ante fuerat. Hanc impetrationem sustulit Anastasius, multo ante tempora Zenonis. Sed post eam abrogationem mansit nihilominus necessitas notio iudicio agendi, id est, aduersarium in ius vocandi ad eundem magistratum, & experiundi, num is in hac posteriore petitione eundem, aliumve iudicem daret, an vero ipse cognosceret. Sic enim ius erat, vt extra id quod venisset in iudicium, excedere potestas iudicis non posset. l. vi fundus. ff. com. diui. Non venit autem quidquam in iudicium, nisi de quo actio instituta est, cum actio sit ius persequendi iudicio, & viceversa, hoc ius actio: nec est vlla actio, cuius institutio non debeat proficisci ab in ius vocando. §. ult. *Inst. de poen. liti.* Quapropter etiam vsque ad constitutionem superiorem Zenonis nouo iudicio agi oportuit. proinde & superiora illa facere, quæ iudicii institutio exigebat. Secuta est illa constitutio Zenonis, qua effectum est in hac mutatione actionis, vt liceret petitione mutata de ea agere in eodem iudicio, vt est in d. §. si minus. id est, apud eundem iudicem, & eadem instantia: denique ita, vt non esset necesse aduersarium eo nomine vocare in ius, & iudicem nouum constituere. Ne huic quidem constitutioni aduersatur d. l. non potest. de iud. si aliam interpellationem quæ illic exigitur, sic accipiamus, vt verbum significat, nempe petitionem nouam, nihil amplius. Quo quidem verbo non inducitur cum petitione nouum iudicium: cum eadem interpellatio & petitio interuenire possit etiam in eodem iudicio. Et vero ita interpretari conueniens est Iustiniani voluntati, qui omnia quæ sunt in Pandectis sic accipi iubens; quoad licet, ne quid sit in his contrarii, tamen si sint tam variorum auctorum, l. 2. §. contrarium. §. de ver. iur. enucl. non dubium est, quin idem & Institutiones suas sic velit accipi, ne quid aut ipsæ Pandectis, aut Pandectæ Institutionib.

contrarii habeant; ne primus in suam ipsius legem videatur commisisse. Aduersaretur fortasse definitio superior ex sententia auctorum. Sed si hac omissa sequimur significationem verborum, & eam, quæ Institutionibus conueniat, id quod Iustinianus voluit, nihil est contrarii. Licet ergo in summa editam actionem emendare & mutare etiam post litem contestatam, non tantum iure nouo, sed etiam vetere; Sed olim non nisi nouo iudicio instituto: post constitutionem autem Zenonis etiam in eodem iudicio.

19 Præter *l. non potest, de iud.* videri potest toti isti emendationi & mutationi editæ actionis in vtrumque tempus aduersari auth. *qui semel, j. quo. & quand. iud.* qua cauetur, vt qui actionem instituit, etiam si nihil nisi ediderit actionem, debeat litem ad extremum persequi reo postulante: quod ni faciat, pœna illic constituitur. Contraria sunt, institutam actionem cogi persequi, & ab instituta licere discedere. Quare si quis actionem institutam persequi cogitur, ab instituta discedere non potest: proinde nec institutam emendare aut mutare, cum mutare sit a priore discedentem nouam instituere. Sed Iustiniani constitutio loquitur de iis, qui actionem priorem retinere volentes, tantum cupiunt persecutionem eius, quæ diu visum erit, omittere. Non permittitur hæc omisio actionem retinentibus. Quod si quis actionem ipsam priorem omittere velit, ac non persecutionem tantum, de quo nunc agimus; id vero facere concessum est omnibus. Nemo enim inuitus agere cogitur, *j. vt nemo inuit. ag. vel acc. cog.* Et licet cuique deteriorem conditionem suam facere, alterius meliorem, *l. pactum, ff. de pact. l. soluendo, ff. de neg. gest.* quod facit vnusquisque, qui actioni institutæ renuntiat. Itaque ad istos constitutio Iustiniani non pertinet.

20 Ex hac *†* re incidit hæc quæstio, vtrum ei, qui a priore actione recedit, vt sequatur nouam, ita liceat a priore discedere inuito reo, vt nec de priore iudicetur, sed statim transeat ad nouam vetere plane omissa; quasi nec ea actum esset. Quæ sane quæstio non minus ad facultatē istius mutationis, de qua quæritur, pertinet. Puto, si de priore actione lis contestata sit, licere quidem hanc omittere ita, vt ad aliam transeat sine nouo iudicio; sed hæc tamen, vt si desideret reus, de priore actione absolui debeat, ne iterum de eadem re conueniatur. Deducitur enim res in iudicium per litem contestationem, *l. i. j. de lit. contest.* De re in iudicium deducta iubetur iudex cognoscere, *l. iudicos, j. de iud.* idem & de cognita iudicare, *l. de quare, ff. de iudic.* Sic fit, vt qua de re lis contestata est, de ea & iudex iudicare cogatur, si reus postulet. Quod si edita actio emendatur, mutaturue ante litem contestatam, hic ita licet priore omissa ad nouam petitionem transire, vt nec de priore possit iudicari, nedum debeat. Iubetur enim iudex de re iudicare, sed de qua cognouit, *d. l. de quare.* De re autem non cognoscit ante litem contestatam, quando quidem de ea solum cognoscere incipit per litem contestationem, *l. i. j. de lit. contestat.* Neque ea res nocitura est reo: nam qui renuntiavit liti, amplius eam mouere non potest, non magis quam si reus esset absolutus, *l. post-*

21 *quam, infr. de pact.* Sane *†* non quoties priore actione omissa quis instituit nouam, idem continuo priori renuntiare intelligitur; sed tunc demum, cum posterior petitio ad priorem augendam, aut promouendam nihil pertinet. Quod si pertineat, veteri non renuntiatur, veluti, cum omissa rei vindicatione quam

instituerat, experitur quis interdicto de possessione. Quo casu dicitur is non renuntiare proprietati, sed vindicationi, *l. cum fundum, §. vt. ff. unde vi.* Merito, cum potius contra ideo progrediatur ad possessionem, vt facilius retineat proprietatem, *§. retinenda, Instit. de interdict.*

Mouendi *†* tamen sumus fuisse de hac re quando, 22 que dubitatum apud veteres: ex qua dubitatione natum rescriptum, quod exstat in *l. vnic. j. de lit. contest.* & eius rescripti pars altera, id fragmentum videlicet quod interpretamur, id est, hæc *l. edita.* Quæ mihi causa erit hoc loco occasionis indicandæ, quæ vtri-que parti causam dederit, & quam ad rem explicandam potissimum sit relata. Postquam ergo hoc ius fuit, vt de re in iudicium deducta iudicem iudicare oporteret, videbatur consequens esse, vt & de actione edita deberet iudicare, quasi & editione actionis res in iudicium deduceretur. Et vero ea dubitatio fuit, de qua consulti sunt Imperatores, cum reddita sunt ab illis hæc rescripta, vel potius redditum id rescriptum, quod deinde diuisum est in hæc fragmenta. Id ex responso intelligitur, quod ad diluendam superiorem obiectionem totum comparatum est. Non negant, quin de re in iudicium deducta oportuerit iudicari postulante reo: sed negant edita actionem rem videri in iudicium deductam. Res, aiunt, in iudicium deducta non videtur, si tantum postulatio simplex celebrata sit, vel actionis species ante iudicium reo cognita. Hic subsistebatur: diceret enim quis: At deducitur res in iudicium litis contestatione ergo & actionis editione. Occurrunt ergo continenter huic tacitæ obiectioni, & significant male hæc comparari. Inter litem enim contestatam, inquit, & editam actionem permultum interest: lis enim tunc contestata videtur, cum iudex per narrationem negotii causam audire cœperit. Hæc tamen *l. i. de lit. contestat.* Sequebatur, vt redderetur alterum membrum distinctionis propositæ: quod & factum est: sed fragmentum relatum in hunc locum, in hæc verba: *Edita autem actio speciem futurae litis demonstrat.* Quo intelligi volunt Imperatores, litis contestationem præsentem litem continere: editam autem actionem, indicare tantum futuram litem, præsentem non habere. Ex quo inferunt id, de quo quærebatur, editam actionem, quæ nihil amplius sit, quam edita, & necdum in iudicium deducta sit per litem contestationem, licere emendare, vel mutare (intellige omnimodo, id est, sine vlllo iudicio vetere vel nouo) dum mutetur prout ediçi perpetui monet auctoritas, vel ius reddentis decernit æquitas. Hic vere vtri-que rescripti scopus & mens fuit: quorum responsum plusquam manifestum est ad superiorem quæstionem, & ad dubitationem remouendam referri. Ac prope est, vt de actione ante litem contestatam mutanda videantur tantum sensisse Imperatores. Verum tamen si de altero tempore quærat, dixi ex iure non incerto, quid sequi debeamus, & quam id conueniat verbis huius loci, si quis ea, vt hic proposita sunt, accipiat. Quod ex reliquo iure faciendum est.

L. Qui accusare, 4.

Imperator Antoninus A. Epaphrodito.

Qui accusare volunt, probationes habere debent: cum neque iuris, neque æquitatis ratio permittat, vt alienorum instrumentorum inspiciendorum potestas fieri debeat.

beat. Actore enim non probante, qui conuenitur, etsi nihil ipse præstat, obtinebit. PP. 5. Id. Mart. duobus Aspris Coss. 213.

S V M M A R I A.

- 1 Summa sententia rescripti, §. nu. 2.
- 2 Instrumenta quadam reum actori exhibere cogi: sua propria, quibus usus non sit, non cogi.
- 3 Iuris & æquitatis ratio cum dicitur, quid ius hic ab æquitate differat.
- 4 Actore non probante reum absolui debere, quamuis nihil præstiterit: quia in eo iuris & æquitatis ratio.
- 5 Actore non probante rem obtinere quamuis nihil præstiterit, quid sit, perpetuum id ius esse non tantum in civilibus, sed & in criminalibus causis omnibus.
- 6 Agit & qui accusat, & accusatio est actio.
- 7 L. ult. C. de abol. explicatur.
- 8 Accusatore non probante non posse indicem ex persona sua inducere novos testes, aut noua instrumenta, sed cogere eum absolueret.
- 9 Sine accusatore posse aliquando indicem in reum aliquis criminis in iudicio compertum statuere.
- 10 Actore non probante interdum committi rem eius iniuriando, & quibus in causis.

Petebat accusator, ut reus exhiberet instrumenta sua, quod diceret, ex his de fide veri constare posse. Reculante reo, quaeritur an sit cogendus. Consultus Antoninus respondet in summa cogendum non esse: explicatius autem & de æquitate respondet, eos nimirum qui accusare volunt probationes habere debere, non ab aduersario petere. ut enim cogatur aduersarius sua instrumenta inspicienda petenti dare, neque iuris neque æquitatis rationem permittere. idque ex eo intelligi, quod ita ius sit æquissime constitutum, actore non probante eum qui conuenitur, etsi nihil ipse præstat, obtinere.

Ait, qui accusare volunt, probationes habere debent. Nempe si volunt vincere, neque enim alia hic necessitas intelligenda est, quam quæ indicatur in extremo, ut si quis actor non probat, reus absoluitur.

2 Ait, si alienorum instrumentorum inspiciendorum potestas fieri non debet. Intellige inuito & recusante reo, a quo hæc exhibitio petitur. Nam volenti, ut vult, licet de re sua statuere, & decernere de iure suo. l. in re. j. mand. l. pen. j. de pot. Est igitur hæc sententia, neminem qui conuenitur, sua instrumenta quæ actori aliena sunt, postulanti actori exhibere cogi: & ut nunc loquitur, inspiciendi ea potestatem facere. hoc enim idem valet. l. 2. D. ad exhib. sententia ut nunc proponitur, & in quo actore proponitur, vera & perpetua. Cogitur interdum reus instrumenta, quæ apud se habet, actori edere: sed communia cum actore. l. procurator. j. aut si sunt acta publica, quæ non tam sunt rei, quam omnium, l. 2. j. Sed & sua propria, si his usus sit. l. 1. §. ult. D. eo. de quo non nihil amplius postea ad l. ult. j. num. penult. Nonnunquam etsi usus non sit, sed in causa fisci, cum is qui fisco bona defert, petit exhiberi instrumenta ad eam causam pertinentia, nec de criminali causa agit, l. 3. D. eo. l. 2. §. 1. D. de iur. fis. Ceterum sua propria, seu quæ actori in totum aliena sunt, ut hic rescriptum loquitur, nemo reus si his usus non sit priuato actori postulanti edere cogitur. Ac de his instrumentis, de quæ eo tum actore tum reo definitio huius loci concepra est. Instrumenta, ut dixi, plane aliena hic nominantur. De fisco, quasi huius nomine agatur,

nulla mentio. Reus autem hic proponitur, qui adeo instrumentis ad probandum uti volebat, ut actore non probante vellet absolui, quamuis nihil ipse præstaret, quam ad rem refertur postrema huius rescripti ratio. Videamus tamen, ne in his causis, quæ sequuntur, dicatur heres de legatis conuentus instrumenta hereditaria exhibere debere desiderantibus legatariis, quamuis nullo modo cogitet aut instituat istis instrumentis uti. Nam in hoc legato, *Quanta pecunia ex hereditate Titii ad me peruenierit, tantam pecuniam heres meus dato*: responsum est, tantam pecuniam peti posse, quantam acceptam in tabulis suis reulit testator: ut proinde ad petitionem legati necesse sit tabulas testatoris edidit, qui concubinam §. cum ista. D. de leg. 3. Item in hoc legato; *Titio Seianæ prædii sicuti comparata sunt, do lego*, placet inspiciendas esse literas & rationes testatoris, & ex his videndum, quid appellatione Seianorum prædiorum contineatur. l. prædii, §. Titio. D. de leg. 3. Et fatendum est ista peti ab herede reo, & eo quæ appareat his instrumentis uti nolle. Sed obseruandum hic peti instrumenta, quæ voluntate testatoris facta sunt ad eam cum legatariis communia. Voluit enim testator ea edi ad legatum cognoscendum, & quæ hæc tunc ad legatarios quoque pertinere. Cum enim quid legatum est, etiam illa concessa intelliguntur, sine quibus ad legatum perueniri non potest. l. 1. §. 1. D. de usufructu. Aut si quis ipsa instrumenta non ideo communia esse contendit: at saltem communem eorum usum factum esse iure legati fateatur, necesse est. Nunc de iis instrumentis rei loquimur, quæ nullo alio iure implorantur ab actore, quam quod dicatur fides veri ex his constare posse. Quo nomine nemo reus instrumenta vlla sua propria postulati priuato actori edere cogitur.

Ait, cum id neque iuris, neque æquitatis ratio permittat. Ius & ab æquitate hic distinguitur, & quid ius non summum & strictum, cuius nullam rationem habendam esse constat. l. placuit. j. de iud. sed ius quod vere ius sit, ut quod hic seruandum esse proponatur. Sic & in l. ult. infr. & alibi sæpe. Quod cum sit, verbo iuris ab hominibus constitutum accipitur. verbo æquitatis id quod semper æquum & bonum est, id est, ius naturale. tale enim hoc ius esse dicitur in l. pen. D. de iust. & iur. Non sane quod cum hæc verba accipiuntur generaliter, ius non sit æquum, aut æquitas non sit ius, cum & ius in vniuersum definitur ars æqui & boni, l. 1. D. de iust. & iur. & æquum aperte dicatur ius naturale. dicit. leg. penult. de iust. & iur. sed quia cum hæc separantur, contrahitur significatio ad species iuris inter se distinctas; more iuris admodum visitato, quo idem verbum modo generaliter modo specialiter accipitur pro instituto loquentis; l. 1. D. de adopt. l. iuriconsultus. §. 1. D. de grad. l. pecunia. §. actionis. D. de verb. sign. Atque in hac distinctione iuris & æquitatis ea est significatio, quam dixi; estque hæc sententia, constitutum id esse, quod intelligi volumus; nec constitutum tantum, sed & per se natura esse æquum, etsi nulla lege aut constitutione sancitum esset; in proposito autem vtrumque efficere, ne quis instrumenta sua aduersario exhibere cogatur. Cuius sententiæ rationem subiicit.

Actore enim & non probante, qui conuenitur, etsi nihil ipse præstat, obtinebit. Habes ius de actore non probante constitutum. Cui consequens est reum non debere actori exhibere instrumenta sua, si nolit. Nam

Si hoc cogitur, euenire potest, vt condemnnetur ex his instrumentis, quamuis actor aliunde nihil probauerit. Et vt forte nihil illi instrumenta noceant; eueniet tamen hoc saltem, vt aliquid facere debeat, priusquam absoluator. quorum vtrumque iuri illi scripto aduersatur. Aequitas autem huius iuris manifesta est. Nihil enim aequius, quam neminem condemnari, nisi conuictum, & qui conuictus non est, absolui. *l. negantes. C. de obl. & act.* Neque enim possessionis commodum, quod quis ante obtinet, inuito cuiquam auferri debet, repugnante lege & praeceptis naturae, quae vetant alterum laedere, ius suum cuiquam auferre. *l. iniustia. D. de iusti. & iur. l. 2. D. de his qui sunt sui vel al. iur.* Quod si conuincendus est reus, ab actore conuincendus est, nec quidquam indignius, quam cogi reum suppeditare actori ad eam rem instrumenta. Primum reus dominus est instrumentorum. Aequum est permitti domino de re sua statuere, vt vult, proinde vt exhibeat, si velit, aut si velit, apud se retineat. *l. in re mandata. infr. man.* Tum autem quando haec exhibitio aduersus reum ipsum postulatur, nihil est iniquius, quam cogi quemquam aduersus se subministrare tela aduersario, atque ita quodammodo in sese saeuire. *l. nimis. Cod. de probation.*

Dixi, quam recte haec ratio aptaretur prioribus. De definitione ipsa, qualis per se sit, quidue contineat, breuiter consideremus. Est autem haec sententia, si actor non probet, quod intendit, is qui conuenitur, id est, reus, *l. 3. D. de iur.* quamuis nihil ipse ad probationem iuris & possessionis suae adferat, tamen obtinebit, id est, absoluetur sententia iudicis, vt recte Accursius. Nam cum iubeatur iudex, de qua re cognouit, de ea & iudicare, *l. de quare. D. de iud.* in iudicando autem aut condemnare debeat, aut absolueret. *l. 1. D. de re iudic.* fit, vt si actore non probante reum condemnare non debet, vt non debet, dict. leg. negantes, *C. de ob. & actio.* necesse habeat absolueret. Idque est, quod reus iudicio obtinere contendit, in quo inest illud, quod dicitur commodum possessionis, quod quale sit, ex hac sententia apparet. §. retinenda, illic, commodum. *Instit. de inter.* Absolvitur ergo reus actore non probante. Ius certum in pecuniariis & ciuilibus causis. *l. ultim. infr. de rei vind. d. §. retinenda. ver. commodum.* et si non est perpetuum per omnia, vt postea dicitur. nec quia actor forte probare non potest, ideo reum necessitate probandi contrarium, aut pro se aliquid afferendi adstringit. *l. actor. infr. de probat. l. nimis. infr. de testi.* Etiamne id valet in criminalibus accusatore non probante? Omnino, quinimmo de accusatore potissimum haec ratio accipienda est. Adhibita est enim ad praecedentia confirmanda. Propositio autem fuit de iis, qui accusare volunt. Neque tamen verbum actoris, quo haec definitio utitur, refragatur. Verbum enim refertur pariter ad vtrumque, tum actorem, qui pecuniariter agit, ac proprie ita dicitur, tum ad accusatorem. Nam & qui accusat, dicitur agere criminaliter. *l. ultim. D. de fur. iuncta l. ultim. D. de priu. del. vnde & accusatio dicta actio criminalis, acciui actio ni opponitur. infr. tit. quan. ciui. act. cri. pre.* Et vero haec sententia in criminalibus causis perpetua est; vt in quibus iubeantur probationes luce meridiana esse clariores, *l. ult. j. de prob.*

Sunt, tamen qui putent atrociora illa crimina excipi, maiestatis, peculatus, & similia, in *l. ultim. in fi. j. de abol.*

quia illic dicitur, iudicem in his non tantum vrgere debere accusatorem ad crimina probanda, quae intendit, sed etiam reum ad purganda, quae negat. Sed quo grauiora crimina haec sunt, eo prouidendum est diligentius, ne in his facile reus damnetur. Bene enim praecipitur, vbi maius periculum intenditur, ibi magis laboranti reo esse consulendum. *l. 1. §. sed & si quis. D. de Carb. ed.* Et semper obuersari animo debet egregia illa sententia, satius esse nocentem absolui, quam innocentem damnari. *l. absentem, D. de poenis.* Nam quod dicitur in superioribus istis debere iudicem vrgere reum ad purganda ea, quae negat, de eo reo dictum est, aduersus quem pleraque probantur, quae moueant delicti suspicionem. quae recte iubetur ipse expedire, si potest, vt ex responsis eius veritas inuestigari possit. Et tamen meminisse oportet, si nihil probatur amplius, nec conuincitur reus aliter, manere debere sententiam huius loci, vt non debeat reus damnari, quamuis nihil adferat ad negationis probationem. quam exigere plus quam iniquum est, cum per rerum naturam factum negantis nulla sit probatio. *l. actor. j. de prob.* Rata est igitur haec sententia in criminibus maxime, actore non probante, idque idonee, reum absolui. Cui tamen coniectus esse recte Bartolus putauit, accusatore non probante non posse iudicem ex persona sua inducere novos testes, aut noua instrumenta, quibus reus conuincatur, sed hoc vnum ei superesse, vt reum absoluat. Nam si licet ei per se inquirere in crimen, & testes in id inducere, saepe eueniet, vt accusatore non probante reus condemnnetur, non absoluator, iudice suas ipsius probationes sequente. Quam sententiam probat: ne idem incipiat pars esse, & iudex. quod periculose constituitur, & perniciosum est exemplo iudicibus permitti. Potest tamen quidem iudex interdum & sine accusatore in aliquem statuere. vt de marito responsum est, qui cum vxorem ream fecisset adulterii, repellereturque ab vxore tanquam eius lenocinio factum esset, placuit iudicem in eum statuere ob lenocinium posse, *l. 2. §. si publico. D. ad leg. Iul. de adul.* Sed hoc tum fit, cum maritus in eodem iudicio detectus est lenocinium admisisse, non iudice probationes inducente, sed vxore, quae lenocinium obiebat, vt ibidem significatur. Nec mutat superior sententiam, quod placuit iudicem posse & debere de reorum innocentia quarere, eoque & in eam probationes admittere, *l. si non defendantur. D. de pen.* Non enim eadem ratio est liberationis, quae condemnationis, defensionis, quae oppugnationis, constatque nos ad liberandum debere esse proniores. *l. Arrianus. D. de obl. & actio.* Vnde & in alienorum negotiorum administratione receptum est, cum nemo alieno nomine iudicio agere possit, sine domini mandato, *l. naturalis. §. vlt. in pr. D. de pres. ver. ad alium tamen defendendum etiam sine mandato omnes admitti, idque publice interesse existimatur. l. seruus, §. publice. D. de procu.*

In ciuilibus tamen & pecuniariis causis non item superior definitio est perpetua. Interdum in his committitur res iuriiurando actoris, vt quanti esse iurauerit, in tantam pecuniam reus condemnnetur. Quod cum sit, perspicuum est, quamuis actor non probet, reum condemnari, non absolui. Id autem receptum est tribus in causis, quae totidem sunt eius definitionis exceptiones, quas nunc sufficere tantum indicasse, propterea quod de his scripsi diligentius ad titulum

D. de in litem iurando. Prima ergo causa est, cum quis deiectus est de possessione fundi aut ædium, queriturque bona quædam sua, quæ tum illic erant, sibi per eam causam amissa esse. Hic enim de deiectione probari satis est. quia probata, si controuersia sit, quantum illic habuerit, & quanti sit, creditur affirmanti, dum iuret ita esse. *l. si quando. infr. unde vi.* Secunda, cum res debita periit post moram debitoris. hic enim æstimatio permittitur iuri iurando actoris. *l. in actionibus. in fi. D. de in lit. iur.* Tertia est in iis actionibus in quibus iuratur in litē ob contumaciam aut dolum non restituentis, vel non exhibentis, *l. i. l. 2. l. tutor. l. in actionibus. D. eo.* Quartam exceptionem vulgo magno consensu statuunt, cum actor probauit, ut loquuntur, semiplene: quia legitur in *l. 3. infra. de reb. cred. litem iureiurando decidi solere in inopia probationum aut ut alibi in dubiis causis, l. admonendi. D. de iurei.* Inopiam autem istam & dubias causas interpretantur, cum semiplena probatio est, non cum omnino nulla. Sed tota hæc sententia a me refutata est pluribus ad titulum, *de iureiurando*, & probatum, si a iureiurando in litem discesserimus, actore non probante ita reum absolui, ut nihil referat, nihilne omnino probet actor, an probet non plene; quia imperfecta probatio non est probatio, ut nec testamentum quod est imperfectum, *leg. si quis. l. ex ea. D. qui test. fac. poss.* item quia quæ plena probatio non est, non est iusta & legitima probatio. quod autem non rite & iure fit, pro infecto est, *l. quoties. D. qui satisfacere cogantur.* nec quis dixerit semiplenam istam probationem per se quidem probationem non esse, & ideo solam non admitteri; sed iureiurando actoris accedente plenam & istam probationem fieri, atque hoc modo probationem ab eo impleri; ut proinde iam reus absolui non debeat. Nunquam enim actoris testimonium probationem habet aut in totum, aut in partem: sed si quis in re sua testificatur, siue vnus is sit, siue plures, in totum a testimonio reicitur. *l. nullus. D. de testi. l. omnibus. j. de testi.* Porro iusiurandum actori deferre est eum in re sua testem facere. Quare nunquam id iusiurandum inuito aduersario pro testimonio & probatione valere potest, sit de probatione per se & in totum faciēda quaeritur, siue de alia præcedente implenda. Quod si verum est, semper ex definitione huius loci illud fateti necesse erit, etiam in semiplena ista probatione, reum absoluendum, quia hæc sola etiam aduersariorum confessione per se non fit probatio, effectum sit autem iusiurandum inuito reo ad eam implendam accedere non posse. Re quidem ab utraque parte probata, quod fit in dubiis causis, uti nos hic dubias interpretamur, potest istud iusiurandum a iudice adhiberi, sed confirmandæ magis probationis, & augendæ causæ: ad fidem implendam, quæ prius legitime facta non est, adhiberi non potest. Quid verbis opus est? de vno teste, quem isti pro semiplena probatione habent, ita cautum *l. iusiurandi. C. de testi.* ut lex veteri nominatim, ne vnus omnino testis testimonium a iudice nisi solum admittatur, sed etiam audiatur. Non dicit lex, *ne vnus solum audiatur*, sed *ne vnus audiatur omnino*; ut hoc omnino; quæ particula est aduerbium, non possit referri nisi ad verbum sibi adiunctum, cuius sententiam augeat, aut explanet. Vetat ergo lex vnum testem audiri omnino, id est, omni modo. Ergo vno teste producto vetat iusiurandum actori de-

ferri a iudice, ut reus condemnatur; quia isto saltem modo audiretur, & admitteretur vnus testis. lex autem vetat audiri vllō modo. Cetera ad hanc causam pertinentia ex commentario nostro *De iureiurando* petentur.

L. 5. Non est nouum.

Imperator Alexand. A. Valentinianæ.

Non est nouum, eum, a quo petitur pecunia, implorare rationes creditoris, ut fides veri constare possit. PP. 7. Id. Mart. Maxim. 2. § Aliano cons. 224.

S Y M M A R I A.

- 1 Rationes suas actorem reo petenti edere debere, & his fidem aduersus auctorem haberi.
- 2 L. nuda. D. de donat. amplius exposita.
- 3 Rationes suas cur actor reo edere cogatur, multa quæ obstant, diluta.
- 4 Rationes esse instrumenta, sed non contineri instrumentorum verbo in edicto de edendo, & cur.
- 5 Rationes suas cur edere cogatur actor reo, quamuis his uti nolit instrumenta sua alia non cogatur, nisi his sit usus.
- 6 Rationes suas non exhibentis actoris pœna.

In edendis rationibus alia causa habita est rei, alia actoris. Reus ꝑ actori rationes suas edere necesse non habet, nisi ex causa, *l. i. § actor suas postulanti reo edere cogitur, ut hic cautum est, & l. iustum, seq.* Quam recte hæc ita dissimiliter traditur in *l. ult. infr.* Cuius autem rei causa impleret hæc a reo editio rationum actoris? ut fides veri constare possit, ait rescriptum. Cuius veri? Non utique debiti probandi causa. Primum quia non est hoc reo propositum, ut probetur debere, qui se debere negat, & in eam rem quaerit probationes. deinde quia rationes creditoris pro creditore non faciunt, cum sint illi instrumentum priuatum, & domesticum, cui fides non habetur. *l. instrumenta, l. rationes. l. exemplo. j. de prob.* Cuius ergo veri? soluti. Petuntur enim rationes actoris a reo, ut ex his constare possit, quantum sub nomine debitoris solutum sit, *ut est in l. iustum, seq.* Nam & hoc in rationes refertur solet, quæ utramque paginam continent, accepti & expensi. *l. si quis. § ratione. D. de eden.* Id quod si relatum reperiretur; huius rei fides constabit, ut hic loquitur Alex. id est, rationibus fides habebitur aduersus eum qui scripsit, & reus absoluetur, *l. illata. j. de fid. inst.* Ita rationes pro creditore fidē non faciunt: aduersus eum pro debitore faciunt. fides enim cuique; consentienti aduersus se habetur. *l. generaliter. j. de non num. pec. l. de ætate. §. i. D. de in iur. fac.* Quid est igitur, ꝑ quod dicitur, nudam rationem non facere aliquem debitorem, seu non constituere obligationem? *l. nuda. D. de don.* Vere hoc dicitur, nec minus ad solutionem referendum est, ut siue quis scripserit in rationibus se decem debere Titio, siue scripserit se ab eo decem soluta accepisse, recte dictū simus, neque illic ista ratio constitui obligationem; neque hic solutionem: seu neque illic fieri debitorem eum qui scripsit, neque hic induci solutionem eius, de quo scriptum est. Sed nihil id aduersus hunc locum. Nam ut ante ostendi ad *l. i. eod. tit.* & dicendum est amplius, aliud est facere seu constituere obligationem vel solutionem, aliud vere debiti aut soluti adferre probationem. Non constituunt nudæ rationes obligationem vel solutionem: quia tunc id facere dicuntur rationes, & tunc nudæ esse ad eam rem, cum is scribit se debere, quem constat sitē scriptura ratio-

num nihil ante debuisset, scribit sibi solutum esse, quod constat non fuisse ante solutum. Vtrumque verissime dicitur, neque eum quem constat nihil debuisset, ideo se facere debitorem, quia in rationibus scripserit se debere, & ostenderit se id velle: neque eum cui constat non esse solutum, ideo debitori adferre solutionem, quia scripserit in rationibus sibi ab eo solutum fuisse. Certæ sunt enim debendi causæ iure constitutæ, in quibus non est hæc scriptura. Et solutio naturaliter peragitur pecuniæ numeratione, *l. solutam, D. de sol.* cuius veritatis substantiā falsā affirmatio mutare non potuit. *l. cum falsa, §. de iur. & fact. ign.* At si dicatur obligatio iustis ex causis præcessisse, aut præcessisse naturalis solutio, & probatio quærat, de quo nunc agitur, hic rationes creditoris fidei rei gestæ facient non pro eo, sed aduersus eum pro debitore. Recte ergo ad eam rem implorantur a reo rationes actoris eiusdemque creditoris.

3 Sed et videamus, quæcunque utilitas rei esse possit in hac editione, ne non ideo recte constituatur actorum cogi rationes suas edere aduersario. In quo nonnulla, quæ aduersari videntur, breuiter diluamus. Ac primum cur reus actori non cogitur edere rationes suas, actor autem reo rationes quæ nihilominus sunt eius, edere cogatur? Et differentiæ ratio redditur *in leg. ultim. infr.* vbi dicitur. Quid illud, an non aperte videtur refragari, quod scriptum est *in leg. nimis. infr. de test.* nimis graue esse virgeri partem aduersam ad exhibitionem eorum, per quos sibi negotium fiat: quid enim interest, petat quis ab aduersario, vt exhibeat testes aduersus se, an rationes? Plurimum vero interest. Non enim actor quicumque habet seruos, vt his testibus vtatur, præsertim aduersus se. Rationes autem conficit vnusquisque, non solum vt contineat expensā, sed etiam vt soluta & accepta, eaq; vt profint non tantum scribenti ad memoriam, sed etiam reo ad eius liberationem, *d. l. si quis. §. rationem. D. de ed.* Quamquam & illud dissimile est, *in d. l. nimis, §. de testi.* quod actores a reo postulabant eam exhibitionem. sic enim subiicitur; unde intelligitis, quod intentionis vestre proprias adferre debetis probationes, non ab aduersariis aduersus se adduci. Si de actore id postulante agitur, admittendum est in totum ei omnem editionē denegari, quam a reo desideret, siue petat alia instrumenta rei sibi exhiberi, siue eius rationes. Quod non recte transfertur ad reum, si rationes actorum sibi edi postulet. id enim illi concessum est, vt hoc loco, *§. l. ult. infr.* vbi & ratio redditur. Iam & illud expendendum est, iuberi hic actorem exhibere rationes suas, quamuis his vsurus nō sit. Nam nec de eō hic quidquam adiicitur, & quominus his pro se vtatur, etiam ultro ratio eius prohibet, cum sint scribenti instrumentum domesticum, *l. instrumentum, l. rationes, C. de probatio.* An non iam igitur contrarium est, quod traditur *in l. i. §. edenda, D. eod.* neminem ne actorem quidem cogi edere instrumenta, quibus vsurus non est? Nam 4 si rationibus et instruitur causa, vt hic ad eam instruendam rationes implorari videmus, rationes sunt instrumenta. Instrumenti enim verbo omnia significantur, quibus causa instrui potest, *l. i. D. de fid. inst.* & omnino ita appellantur, *in leg. ultim. infra eod.* Dicendum est, et si alias generaliter instrumentorum verbo rationes cuiusque continentur, vt quibus vtatur ad se instruendum, & alios: tamen in superiori sententia non contineri. Concepta est enim

sententia, non simpliciter de instrumentis, sed iis instrumentis, quibus actor vsurus non est. In quo apparet agi de iis, quibus actor vti possit, si velit, ad eam rem instruendam, ad quam probandam parata sunt; sed tamen in hac causa, de qua agitur, his vsurus non sit, vel quia causa non ferat, vel quia nolit. At rationes proprie nulli sunt instrumenta, quibus vtatur ad causam per se instruendam, seu ad fidem pro se faciendam. Nulli enim ad eam rem profunt, vt dixi. Ideo in edicto de edendo separatim de instrumentis & de rationibus cautum esse animaduertere possumus. *l. i. §. editiones, vsque ad fin. §. l. 4. D. eod.* Sed esto, dicet aliquis, superioribus verbis non comprehendantur rationes. At certe res ipsa repugnantiam in se habere videtur. Cur enim et non cogitur actor instrumentorum suorum cognoscendorum potestatem facere, si his vsurus non sit: rationum autem facere iubetur, quamuis nec vtatur, neque adeo vti possit: cum pariter omnia petantur causæ instruendæ causæ, & vt possit fides veri constare? Differentiæ ratio est, quam & paulo ante attigi, quod rationes natura sua ita conficiuntur, vt scribantur nō tantum pro creditore, sed etiam pro debitore. Continent enim, vt dixi, duas paginas: vnā expensæ, alteram accepti, vnā dati, alteram soluti, neque aliter sunt rationes, *d. l. si quis. §. rationem, D. eo.* Id cum constet, recte in hoc petuntur, vt fides veri pro reo inde sumatur, quam certum est illis contineri. Cetera instrumenta pro eo solum confici solent, qui ea sibi habet, non pro aduersario. Et vt forte quid contineant, quod faciat pro reo, non tamē id ita esse certum est: quia non ita semper, nō ita natura sua confici solent, vbi priuatim conficiuntur.

Rationes et actor iubetur exhibere, & iubetur a iudice, idque iudicis officium est. *l. i. §. i. Iustus si non exhibet, hæc pœna est, quā dixi ad l. i. §. vt pro conuicto habeatur, quasi eas rationes reo subtraxisset. argum. l. 2. §. 1. D. de iur. fisci. innot. l. si de possessione, §. de probat.*

L. 6. Iustum.

Imperator Alexand. A. Vranio.

Iustum est desiderium eius, a quo pecunia petitur, licet nomine publico, vt rationibus publicis exhibitis constet, quantum sub nomine suo solutum sit. PP. 16. Calend. Dec. Maximo. 2. §. Aliano Coss. 224.

S Y M M A R I A.

- 1 Etiam Fiscum si agit rationes suas desideranti reo edere cogi & his aduersus se stare.
- 2 L. in fraudem. §. neque. D. de iur. fisci. exposita.

Non et priuatus tantum actor rationes suas petenti reo edere cogendus est, de quo supra in l. non est. proxima: sed etiam fiscus rationes publicas, vt sciri possit, quantum debitor soluerit. *l. illata, §. de fid. instr.* Nam & hoc in rationes referri solet, *dict. l. si quis. §. rationem. D. eo.* Sic fisci causa est, vt in contractibus suis, & præstationibus priuatorum iure vtatur, *leg. 3. infr. de resc. ven.* sed tum maxime, cum quid ab eo postulatur iure, & quod sine dolo recusari non potest, qualis est rationum fiscalium editio, cum ipse agit, & debitor eas sibi exhiberi desiderat, *l. ultim. infr. eod.*

Non et est contrarium, quod scriptum est in l. in fraudem. §. neque. D. de iur. fisci. neque instrumenta, neque acta a quoquā aduersus fiscum edi oportere. Vt enim

Vt enim quis dederit rationes fiscales vere esse instrumenta causa: apparet tamen superius illud ita dictum esse, vt non debeant ista edi a quoquam alio aduersus fiscum. Ceterum fiscus ipse aduersus se rationes exhibere cogitur, si agat, & reus imploret rationes publicas.

L. 7. Procurator.

Imperator Alexander A. Valent.

Procurator priuata rationis, instrumentorum, quae communia tibi esse, cum fisco dicis, describendorum facultatem secundum morem fieri iubebit. Et si quando res exegerit, ad fidem petitionis tuae apud alium iudicem probandum aliquod eorum proferri: desiderante eo, qui conuenitur, vt id fiat, precipiet. PP. 10. C. l. ind. Mart. Fusco & Dextr. Coss. 226.

S V M M A R I A.

1. Instrumenta communia recte petere quemuis socium a socio etiam fisco sibi exhiberi.
2. Instrumenta tribus modis fieri communia.
3. Instrumenta exhibere solum cogendum, apud quem sunt: & communia apud quem deponi & asseruari debeant.
4. Instrumenta cum fisco communia recte a fisco exhiberi petere actorem, non tantum qui agit aduersus fiscum, sed etiam aduersus extraneum.
5. Fiscus instrumenta communia si detrectet socio exhibere, quae sit eius cogendi via, sine socio cum fisco lis sit sine cum extraneo, usque ad finem.
6. Procurator priuata rationis, & Rationalis, quis.

Reus instrumenta sua, & eademque aduersario aliena, quae apud se habet, actori exhibere inspicienda non cogitur, *l. qui accusare, supra eo.* Recte sua aliter, si sint actori cum reo communia. Haec vnusquisque recte petit sibi a socio exhiberi, eoque non tantum priuato, sed etiam fisco, si forte apud eum sint, vt hic rescriptum est. Merito. qui enim de communibus ita agit, non petit aliena sibi edi, sed sua: cum id, quod nobis cum alio commune est, nostrum sit. *l. pupillus, §. ult. D. de verb. sign.* est enim nostrum pro parte. Communia & mihi cum alio sunt tribus modis: Primo, si fundum, exempli gratia, ego & ille emamus in commune, & instrumentum emtionis sit confectum in commune. *l. 2. D. com. diu.* Altero, si is qui fundum solus emerat, & instrumentum eius emtionis acceperat, decesserit pluribus relictis heredibus, inter quos & ego fuerim. *l. si qua. §. D. fam. erc.* nam heres in dominium & ius defuncti succedit pro portionibus hereditariis. *l. heres in omne. D. de acq. her. l. heredes. §. an ea. D. fa. erc. l. 2. §. de her. act.* Tertio, si dominus eius instrumenti & fundum & instrumentum pluribus, inter quos & mihi, legauerit, sic enim & plures domini efficiuntur vtriusque rei. *l. 2. D. com. diu.* Finge haec eadem mihi cum fisco contingisse, fient & hic instrumenta mihi cum fisco communia, ac de his edendis cum illo recte agam. Nempe ita, & si apud eum sint, frustra enim petitur editio ab eo, qui quod exhibeat, apud se non habet. Hic tamen simpliciter scriptum est id recte desiderari a fisco, & fiscum secundum morem edere iubendum. Recte vtriusque. Instrumenta enim cum fisco communia apud fiscum esse solent, neque id casu, sed iure ita ordinante. Communia enim cum sint indiuisa, eoque apud singulos dominos in solidum esse non possint, *l. §. §. ult. D. com. res cogit ea apud vnū deponi: ea tamen lege, vt quo-*

ties usus erit, & sociis desiderantibus cognoscenda & describenda exhibeat, cum ad eos non minus pertineant. *d. l. si qua. fa. er.* Cum autem dubitatur, apud quem deponi debeant, si forte inter dominos non conueniat, placuit hanc legem seruari, vt in quo plus dignitatis est, aliis praferatur; puto senior iuniori, amplioris honoris inferiori, mas foemina, ingenuus libertino. *l. ult. D. de fid. insti.* Quam praerogatiuam & dignitatis & certioris custodiarum cum in fisco esse constet, sequitur, vt ex hac lege instrumenta cum illo communia, vt apud eum secundum morem deponi solent, ita & eorum describendorum facultatem secundum morem facere debeat, vt hic scriptum est.

At & quando recte peto a fisco, vt instrumenta communia mihi exhibeat? Non sane tantum cum ille mecum agit, ego sum reus, vt alias in implorandis rationibus aduersarii plus tribuitur reo, quam actori, *l. ult. §. eod.* sed & cum vltro ago aduersus fiscum de ea re, de qua instrumentum apud eum est, aut etiam cum ago cum alio extraneo, aduersus quem mihi opus sit eius instrumenti probatione. Posterius licere diserte hic cautum est. Ex quo intelligitur licere & prius multo magis. Nam si in ea causa recte peto, quae ad fiscum non pertinet; multo aequius est idem mihi praestari in ea causa, quae mihi cum illo intercedit. Finge hoc modo. Fundum mihi cum fisco in commune emptum vindicabam pro parte a tertio quodam, qui eum fundum possidebat. Ad fidem eius emtionis faciendam necessarium mihi erat commune instrumentum emtionis, quod erat apud fiscum. Placet hoc loco etiam hoc casu vltro agere me posse cum fisco, vt in eam causam mihi instrumentum edat. Quanto magis licebit idem ab eo desiderare, si mihi lis sit cum ipso fisco, vbi oporteat dolum malum ab eo abesse: veluti, si istum ipsum fundum emptum cum illo in commune vindicem ab eo pro parte, & illo negante mihi tantum emptum, quantum petebam, desiderem instrumentum eius emtionis mihi ab eo edi. Ergo vtroque casu actor ego a fisco reo recte peto, vt instrumenta mihi secum communia exhibeat: & generaliter quoties eius instrumenti fidem in mea causa qualicunque, & cum quouis iustituta res exigit. Neque obstant ea rescripta, quae vetant, ne actor ad fundandam probandamve petitionem suam instrumenta rei desideret sibi exhiberi. *l. qui accusare. §. l. ult. §. eo.* De instrumentis enim rei propriis hoc dictum est. Communia, vt initio dixi, si quis petit, sua petit, non aliena. petit enim vt sua, pro qua parte sunt eius.

Deinceps & videndum, in hac omni petitione, si fiscus recuset instrumentum mihi edere, vt volo, per quem id consequar, qua via, quatenus, & quomodo consequar. Et si quidem iudicium iam institutum sit cum fisco de alia re, in quod iudicium incidit, vt illa editio a me postuletur, ita vt supra proposui: de eo quidem nihil hic dicitur: sed ratio rei transigenda in eo expedita est. Ipse enim idem iudex, apud quem de alia re agitur (is autem est procurator Caesaris, seu priuatae rationis, de quo mox.) pro officio iubebit fiscum instrumentum ita exhibere, vt fides veri ex eo possit constare. sic enim solet transigi haec postulatio, cum in iudicium de alia re susceptum incidit. *l. 1. non est. l. instum. §. eo. l. 1. §. de ord. iud.* Quod si iussus fiscus non exhibeat, haec erit poena, vt pro conuicto habeatur, vt dixi ad *d. l. 1. §. eo. arg. l. 2. §. 1. D. de iur. fis. & l. si de possessione. §. de prob.* Sin erit mihi lis cum alio, in qua causa cum egerem ad probationem instrumenti communi,

fiscus neget se exhibere, aut tergiversetur, obscurior hic ratio est, per quem iudicem consequar, vt exhibeat, & si actione ad id petendum opus est, qua actione, tum quatenus recte petā exhiberi, postremo quæ sit cogendi fisci ratio, qua quod volo, consequar. Et de iudice hic scriptum est. Procurator priuatae rationis, ait rescriptum, vt id fiat, præcipiet. Procurator priuatae rationis est is, qui alibi vno verbo dicitur, *Rationalis*. Nā fisci hic causa est, cum in hac petitione conueniatur fiscus. Ad fiscum pertinentes causas ad iurisdictionem *Rationalis*, pertinere dicuntur, *l. ad fiscum. j. vbi caus. fis.* Est autem *Rationalis*, qui & procurator Caesaris, vt indicat titulus. *D. de off. proc. Cas. & Rat. l. 1. & 2. iuncta l. ad fis. j. vbi caus. fis.* *Rationalis* dictus, quia est procurator priuatae rationis, vt hic describitur. vbi priuata ratio demonstrat rationem Caesaris. subauditur enim nostræ, vt sit procurator priuatae rationis nostræ. Alexander autem idemq; Imperator & Caesar loquitur. Idque ita subintelligendum inde licet certius intelligere, quod interdū exprimitur verbum nostræ. & pro eodem dicitur procurator domus nostræ, *vt l. cum aliquid. j. vbi caus. fis.* Itaque quod in *d. l. cum aliquid*, legitur, *præsente rationali*, vel *procuratore domus nostræ*, hic particula, vel, & *præsente* accipienda est, vt sit sententia, præsente rationali, vel si malumus, aut, vel quod idem est, aut seu procuratore domus nostræ, idque ex *l. 1. & d. l. ad fiscum, eo. tit.* Erit ergo procurator Caesaris, & *Rationalis* is, apud quem hæc editio petetur, & qui instrumentum commune edi iubebit, quia & fisci & causarum fiscalium iudex est.

Ergo hic alius iudex, quam is apud quem mihi iudicium de re principali constitutum est cum extraneo. Cum enim id iudicium neq; sit mihi cum fisco, neq; de re ad fiscum pertinente, non potuit in eo iudex esse procurator priuatae rationis. Hinc ambigendi causa, cum nō possit in proposito transigi hæc petitio officio iudicis. q. de re principali cognoscit quod iure quæue via apud procuratorem priuatae rationis eundemq; nouum in hac re iudicem hæc editio a fisco desideretur. Neq; enim satis est eum iudicē proponi, qui sit idoneus aduersus fiscum iudex, nisi sit & mihi ius apud eum aduersus fiscum constituti. Porro cum *Rationalis* non sit de alia re a me aditus, sed principaliter nunc apud eum de exhibendo instrumento agatur, omnino aliquā mihi eo nomine actionem esse oportet aduersus fiscū. quid ab eo petam, *l. exstat. D. quod met cau. §. 1. Inst. de actio.* Quæ ergo mihi actio in eam rem aduersus fiscum? Erit vindictio, aut ad exhibendum actio. Vindicare possum instrumentum pro parte. vt & pro parte meū est. *l. quæ de tota. D. de rei vind.* Propter actionem autē in rem quæ mihi competit, etiam possum ad exhibendū agere. *l. 3. §. est autem. D. ad exhib.* Sed actio ad exhibendum ad eam editionem, quæ nunc petitur, parū proficit, cum velim instrumentum mihi exhiberi non vt possim notare instrumentum, & ita id certo vindicare, qui finis esse solet ad exhibendum actionis, sed vt sit apud me, quo possim eo vtī in alio iudicio, quod cum extraneo institui.

Restat videamus, quatenus hac actione cogi debeat fiscus instrumentum exhibere, & quomodo cogatur. Ac cogendi quidem ratio ex genere actionis sua sponte intelligitur. Actionis enim in rem exitus hic est, vt res petita restituatur. nisi restituatur, vt damnetur is cum quo agitur, quanti ea res erit actoris

iureiurando æstimata. *l. officium. l. qui restituere. D. de rei vind.* Sed nō eadem hic restitutio, quæ in ceteris causis. In illis enim sic petitur res restitui, vt restituta maneat apud eum, cui restituitur. In hac specie restitutio ad editionem & exhibitionem instrumenti tantum pertinet. Quamobrem & hanc solam consequor hoc iudicio, & hætenus solū progreditur iussus procuratoris Caesaris. quod & significatur hoc rescripto. Hoc enim est, quod dicitur, procuratorem priuatae rationis iussurum, vt instrumentorum mihi cum fisco communium describendorū facultas fiat, & si res exigit aliquid eorum proferri ad fidem petitionis meæ apud eundem iudicem præbendam, desiderante eo qui conuenitur, etiam vt id fiat, præceptum. Sensus est: fiscus iubebitur hætenus exhibere instrumentum commune, vt sit describendi copia. Quo exemplo, si extraneus ille tertius, cum quo apud alium iudicem agebam, sit cōtentus, nihil amplius petam a fisco. Quod si idem ille qui a me conuenitur exemplo non cōtentus ipsum authenticum desideret sibi proferri, etiam ipsum authenticū exhibere fiscus iubebitur, & quidem ita, vt mihi eo vtī liceat in eo iudicio quantum necesse est ad fidem aduersus eum extraneum faciendam. Cur ergo non iubetur aperte fiscus instrumentum ipsum mihi restituere, vt exitus actionis in rem postulare videbatur? quia instrumentum nō est solum meum, sed & fisci, vt nō magis mihi reddi debeat, quam fisco. Quinimmo iam dixi eam conditionem esse instrumentorum cum fisco cōmunium, vt quoniam apud vnum tantum esse possunt, hic vnus sit fiscus, in cuius custodia instrumenta esse debeant. *d. l. ult. de fid. instr.* solum videndum est, vt ita sint apud fiscum, vt his quoque mihi vtī liceat, prout res exegerit, ad fidē his faciendam. Rursum cur nō sufficit exemplum instrumenti sed ipsum quoque authenticum mihi proferendum est? quia exemplū nihil valet ad fidem, si is qui conuenitur, fidem ei adhibere nolit, vt sequitur in auth. *si quis in aliquo*, quæ sequitur, quæ ideo ad hanc rem explicandam subiecta est.

Auth. ex Nouella 119. c. 3.

Si quis in aliquo documento mentionem faciat alterius documenti: nulla ex hac memoria fiat ex actio, nisi aliud documentū, cuius memoria in secundo facta est proferatur, aut alia secundum leges quantitatis debita probatio exhibeatur: quia & quantitas, cuius memoria facta est, pro veritate debeatur. Hoc enim & in veteribus legibus inuenitur.

S V M M A R I A.

- 2 Ex indice & exemplo alicuius scriptura neminem conueniendum. sed ex authentico. hoc quid sit, & ratio exposita.
Index, exemplum, quid: & cur dicantur calumniatio scriptura. ibidem.
- 2 Exemplo fidem non habendam aduersus aliquem quamuis eum qui descripserit, aut describendum mandarit.
- 3 Exemplum instrumenti actorumue etsi descriptum sit a notario scribaue publico mandatu debitoris, nihilomagus debitori nocere, nisi debitor ibidem fateatur se id pro authentico habere.
- 4 L. in fraudem. §. neque. D. de iur. fisci, explicatur.
- 5 Exemplum descriptum ab argentario aut notario nec aduersus eos fidem facere.
- 6 Exempli publicata pro authenticis fidem facere, si authentica

authenticam casu perierint, & quomodo exemplum publicetur.

CVM de exemplo, & authentico ipso ad fidem rei gesta exhibendo supra mentio, facta esset proximo rescripto, bene & apposite, vt ante monui, hoc fragmentum subiectum est, quod earum rerum vim & fidem explicaret. Ius ¶ est, & id vetus, non nunc primum a Iustiniano constitutum, quicumque ab aliquo conuenitur, non ex indice & exemplo alicuius scripturae, sed ex authentico conueniendum esse, etiam si a fisco conueniatur. Sic Pauli definitio est in l. 2. ff. de fid. inst. Index est scriptura, quae alterius scripturae summam complectitur, & breuiter indicat. Exemplum, scriptura quae totidem verbis atque alia scripta est; transcripta tamen ab alia. Hoc ergo dicitur, si quid ex alia scriptura descriptum sit, siue summam, siue totidem verbis, nihil valere transsumtum ad fidem faciendam de eo, quod authentico continetur, si is qui conuenitur, repudiet; sed ad authenticum, id est, id vnde summa aut exemplum ducitur, recurrendum esse. Ratio reddita a Paulo ibidem; calumniosam scripturam vim in iudicio obtinere non conuenire. Bene exemplum, & quodcumque ex alia scriptura describitur, calumniosam scripturam vocat Paulus. Est enim scriptura fallax multis nominibus, eoque ad calumniam struendam, & reum in fraudem inducendum idonea: tum quod representare non potest vitia, si quae sint in authentico, & propter quae authenticum vt vitiosum reiici potest: tum quod non semper fideliter exprimit, & refert quae sunt in authentico. Quod multis de causis potest accidere. Alias enim qui describit, non recte legit authenticum. interdum quaedam mutat, quaedam omittit vel dolo, vel incuria, vel etiam nimia festinatione. Certum autem, & minime fallax esse oportet id, vnde in iudicio fides petitur. non enim incerta probantur ex incertis. Quod si exemplum non est eiusmodi, recte colligitur eam scripturam vim, id est, fidem in iudicio obtinere non debere. Idem ius & hoc fragmento confirmatur.

2 Res ¶ dubitationem non habet, si exemplum neque a debitore descriptum sit, neque eius mandatu. Sic enim res inter alios acta est, quae propterea alteri nocere non debet. tit. j. res int. ali. act. Quod si descriptum sit ipse debitor, aut alius quidem, sed voluntate debitoris, & creditori forte traditum est illius instruendi causa, quo deinde & ipse aduersus debitorem vtitur? Differit Bartolus pro authentico id habendum esse, & fidem facere aduersus debitorem. Ego puto etiam id ad definitionem superiorem pertinere, nec fidem facere. Nam & definitio generalis est, & manet hic quoque idem metus; quoniam & haec scriptura fallax est, eoque & calumniosa. Generaliter autem verum & tenendum est, calumniosam scripturam in iudicio obtinere non debere. Quinimo si propius attendere volumus, reperiemus, quod dicitur exemplis non credi, hoc solum casu proprie dici, cum exemplum a debitore, aut voluntate eius transsumtum est. Etenim cum scriptum est ab alio sine voluntate debitoris, non valet id quidem; non tamen ideo, quia exemplum est, sed quia res acta est inter alios. Nam etsi authenticum eodem modo scriptum esset, debitorem non teneret. l. cum precibus. j. de prob. Vt ergo dicatur hic aliquid proprium exempli, necesse est intelligi id fidem non facere hoc ipso, quod exemplum est, etiam si maxime in eo con-

current ea, propter quae instrumentum authenticum valeret; puta, quia scriptum a debitore, vel eius mandatu.

Quare ¶ nec si a tabulario, aut scriba publico exemplum instrumenti, actorumue datum erit creditori etiam voluntate debitoris, id exemplum aduersus debitorem fidem faciet. Nisi forte debitor ipse ibidem fateatur se id pro authentico habere, & ita creditori datum voluisse. tunc enim debitorem confessioni suae stare oportet. l. generaliter. j. de non numerata pecun. Verum hoc ideo, non quia exemplum sit a debitore confirmatum: sed quia sit authentica debitoris confessio. Et tamen fortasse æquius faciet iudex, si hoc casu debitorem audiet desiderantem authenticum consuli, si facile haberi possit eius copia. Potuit enim & scriba, & notarius, & post eos etiam debitor decipi. Ceterum vbi nulla eiusmodi debitoris confessio, & voluntas est, ratum esse debet, nec si a debitore, aut voluntate eius descriptum sit instrumentum, & datum creditori, exemplo fidem haberi: cum propter metum erroris, quem hic subesse diximus, quem etiam saepe attentissimis in transcribendo oriri constat: tum etiam quod nisi definitio constituitur in huiusmodi exemplis, nihil dicitur proprium exempli, sed id, quod æque ad omnem scripturam etiam primam pertineat. Negat tamen, vt dixi, Bartolus.

Mouetur ¶ verbis l. in fraudem. §. neque. ff. de iur. fis. 4. Verba haec sunt: *Ipse autem fiscus actorum suorum exempla hac conditione edit, vt ne is cui describendi sit potestas, aduersus se, vel Rempublicam his actis utatur.* His actis, id est, his exemplis actorum. nam prius dictum erat exempla actorum data esse, non ipsa acta, seu ipsa authentica. Subiicitur continenter: de quo cauere compellitur (intellige, is cui describendi potestas facta est, & exempla data) vt si vsus is contra interdictum fuerit, causa cadat. Ergo, inquit ille, cui haec exempla data sunt, potest vti his exemplis aduersus fiscum, qui dedit. Non recte colligit. Potest enim his vti, quia fiscus agnoscat haec esse in actis suis. Quod si fiscus neget, aut ignorare se dicat, recte petet, vt acta ipsa consulantur. Sed nihil hac defensione est opus. Ex eo ipso loco satis intelligitur, actorum exempla, quae a fisco data sunt, aduersus fiscum fidem non facere. Is enim qui ea proferat, causa cadit, vt illic scriptum est. Quod profecto alia ex re non accidit, quam quod exempla nihil probant. Nam his probantibus condemnaretur fiscus, vt conuicti solent. l. negantes. j. de obl. & act. Sed si exempla ista nihil probant, cur eorum vsus nocet actori, cum vsus fuerit inutilis? non enim nocet conatus, qui effectum non habuit. l. i. ff. quod quis iur. Apparet conatum hic punitum esse, ne quis facile beneficio fisci aduersus fiscum vti veller. Sed & hic conatus nonnullam habet iniuriam. Eo enim adducit fiscum, vt in suspicionem mendacii, aut turpitudinis alicuius veniat: dum fidem exemplorum repudiando alterutrum cogitur, aut negare ea esse in actis, quae prius in actis esse falsus erat, aut dicere se nec exemplis a se datis fidem habiturum, neque nunca acta ipsa editurum. quorum alterum mendacii est, alterum manifestae cuiusdam turpitudinis & confessionis. arg. l. manifeste. ff. de iur. In fisco ergo haec exempla aduersus fiscum non probant, & nihilominus verantur ea proferri, ac si contra fiat poena statuitur. In priuatis hoc commune, quod & exempla a debitore data non magis aduersus eam fidem

faciunt. Solum hoc distat, quod si creditor his vtatur ea proferendo, pœna non progrediatur longius, quam vt ne his fides habeatur. Ceterum aliis modis probando sibi deberi, vincit.

5 Mouetur † idem Bartolus exemplo argentarii, qui iubetur rationes suas edere ei, ad quem pertinent, ipsi autem petenti eas rationes sibi ab alio edi, denegatur. *l. si quis. §. pen. ff. eo. nemp̃ petenti exemplum rationum suarum, quarum describendarum prius copiam fecerat ex edicto. De exemplo ergo rationum argentarii dato illic agitur, quod placet re- & postulari, & impetrari ab argentario. Hinc Bartolus colligit, exemplum istud rationum aduersus argentarium qui dedit, fidem facere. Quorsum enim, inquit, obtineri hoc exemplum, nisi vt probe? Quod non ita est. Petit quis exemplum rationum argentarii, si eo exemplo contentus esse velit, ad se instruendum videlicet. *l. argentarius. §. i. ff. eo. Eo vti si velit ad fidem, non potest. eiusque rei argumentum est certissimum, quod cum de fide eorum quæritur, quæ ad rationes argentarii pertinent, dicitur decurri ad fidem ipsarum rationum; harum probationem scriptura, codicibusq; argentariorum maxime contineri; denique ea gratia iuberi rationes edi. l. quædam. §. nummularios. §. ceterum. ff. eo.**

6 Hæc † dicta sunt de exemplis priuatis: Publicati instrumenti fides eadem, quæ authentici. *l. 2. j. de testa. Publicandi instrumenti formam habes in c. ult. extr. de fid. inst.* Hinc chirographa in inuentarium relata, & descripta fidem faciunt. *l. chirographis. ff. de adm. tut.* quia inuentarium fit auctoritate publica magistratus *l. ult. C. arb. tut.* Et tamen ne hæc quidem ipsa exempla publica facta aliter recipiuntur ad fidem, quam si authenticum perierit casu; qui probetur ab eo, qui exemplo vtitur. *d. l. 2. j. de testa. Id & significatur in d. l. chirographis. de adm. tut.*

L. Et quæ. ult.

Imper. Alexander A. Floro.

Et quæ a D. Antonino patre meo, & quæ a me rescripta sunt, cum iuris & æquitatis rationibus congruunt. Nec enim diuersa sunt vel discrepantia: quod multum intersit an ex parte eius, qui aliquid petit, quig; doli exceptione subiaceri ab intentione petitionis sua potest, rationes promi reus desideret, quibus se posse instruere contendit, quod utiq; ipsa rei æquitas suadet. an vero ab eo, a quo aliquid petitur, actor desideret rationes exhiberi: quando hoc casu non oportet originem petitionis ex instrumentis eius, qui conuenitur, fundari. PP. Calend. Octobr. Fusco & Dextro Coss. 226.

SUMMARIA.

- 1 Rationes suas cur actor reo edere debeat, reus actori non debeat, differentia ratio exposta, & huius explanationis occasio.
- 2 Ratio duplex: Prior.
- 3 Posterior.
- 4 Rationes suas non edentem actorem reo dolo facere, etsi prima ratione non videtur. Hinc doli aduersus eum exceptio.
- 5 Cum iuris & æquitatis rationibus congruere quid sit.
- 6 Instrumenta sua alia quam rationis nec actorem reo edere cogi, si his vsurus non sit.
- 7 Rationes suas quibus quis vsurus sit, aduersario edere debere etiam reum actori.
- 8 Rationes suas reus negans intentionem actoris edere actori nō cogitur: de intentione confessus, & exceptio-

ne vtens edere cogitur ad fundandam exceptionem suam.

9 Rationes suas reus actori ad fundandam actoris replicationem edere non cogitur.

Hoc † rescripto reddit Alexander rationem, cur quibusdam rescriptis superioribus ita ius constitutum sit, vt placeret reum quidem non cogendum in vniuersum instrumenta sua, eoque & rationes actori edere: actorem autem cogendum desideranti reo edere suas rationes, quorum prius de reo comprehensum erat *l. qui accusare. §. constitutione* nimirum Antonini, quem Alexander hic patrem suum nominat, non quia pater esset, sed quia talem videri volebat: certe solebat semper ira appellare, vt auctor est Herodianus in vita Alexandri. Posterius de actoris rationibus cautum duobus rescriptis sequentibus, quæ erant huius ipsius Alexandri. *l. non est nouum, & l. instum. §. eo.* Occasio eius differentia hoc rescripto explicandæ hinc nata. Petebat actor, vt reus in causa, de qua agebatur, rationes suas ederet, quod diceret statim & sine molestia ex his constare posse reum debere, quod petebatur. Negabat reus se cogendum edere: proferbatque in eam rem superius illud rescriptum Antonini, quo de instrumentis rei ab eo non edendis generaliter & diserte cauebatur. Actor intendebat cogendum, esse enim contra rescripta Alexandri, quibus caueretur actorem postulanti reo rationes suas edere debere, vt fides veri constare possit. *d. l. non est nouum. & l. instum.* hæc rescripta etiam ad reum pertinere, quia eadem illa ratione implorarentur rationes rei, vt scilicet fides veri aduersus reum constare possit. Cum hoc ita videretur consequens esse rescriptis Alexandri, nihil aliud supererat, nisi vt de hac rationum rei editione discrepantia rescripta esse viderentur Antonini & Alexandri, in eaq; discrepantia consulere tur a litigatoribus, vel potius a iudice Alexander, quid hic iudicem sequi oporteret. Consultus Alexander responderet iudicem sequi debere rescriptum Antonini patris sui, quod diserte cautum sit, ne reus instrumentorum suorum inspiciendorum potestatem actori facere cogi deberet. Quod & ad rationes pertinet. Sunt enim & hæc instrumenta: quippe ad instruendū quæque de rebus suis pertinentia. *l. argentarius. §. i. ff. eo.* Nec metueret debere iudicem, ne id facere impediretur rescriptis suis, aut ne videantur ea rescripta contraria, quæ actorem rationes suas petenti reo edere iubent. Non enim hæc diuersa esse vel discrepantia: quoniam de dissimilibus personis ita scripta sunt, vt diuersis de causis vtrumque in his recte dicatur, & vt ipse loquitur, vtrumque cum iuris & æquitatis rationibus congruat. vnde vtrumque illud ius statuere intelligitur, atq; hinc differentia rationem orditur.

Hanc † autem duplicem tacite innuere videtur vtramq; obscurius quam obrem vtraq; paulo apertius explicanda est. Vna est sumta a facto & sine personarū, actoris videlicet, & rei rationes alienas implorantium; estq; huiusmodi. Nam reus implorando rationes actoris, facit coactus, neq; id ad lædendum actorem, sed ad se tuendum muniendumq; aduersus eum, qui petit. Actor contra implorando rationes rei, implorat, vt hic significatur in extremo, ad fundandam originem petitionis suæ: proinde nec coactus, & simul ad impetendū oppugnandumq; reum, quorum vtrumque superiori defensionis rei est contrarium. Nam origo petitionis indicat controuersiam ab actore natam, quā ille instituere necesse nō habuerit.

l. qui

l. qui in alterius. in fi. ff. de reg. iur. l. pure. §. ult. ff. de dol. mal. exc. Petitionis autem verbum declarat actorem spectare ad reum oppugnandum. Prius concedi manifesta æquitas suadet: posterius hæc eadē denegari. Ex qua æquitate hæc nata; p̄liuiores nos esse debere ad liberandū, quam ad obligandū. *l. Arrianus. ff. de obl. & act. itē, fauorabiliore esse reos, quam actores. l. fauorabiliores. ff. de reg. iur.* Quo pertinet & illud Quintilianii lib. 4. c. 1. *naturalis est pro laborantibus fauor.* Altera t̄ differentia ratio ducta est a dolo, quā admittitur in rationibus denegandis. Actor, inquit *Alexander*, rationes suas edere cogitur postulanti reo; quia nisi edit, doli exceptione summoueri ab intentione petitionis suæ potest, id est, quia nō exhibendo rationes suas petēti reo, dolo facit, vnde est doli exceptio. Cōtra vero reus ideo actori rationes suas edere nō cogitur, quia dum eas ad fundandā originem petitionis denegat, nihil facit dolo, cum hanc originē & petitionē ex instrumentis rei fundari nō oporteat.

Habes differentia rationem in rationibus exhibendis inter actorem & reum hoc rescripto traditā; sed quæ nondum plane constituta sit. Laborat enim ratio posterior: qua tamen præcipue hoc rescriptum nititur. Ait t̄ actorem, nisi rationes suas edat reo, doli exceptione summoueri posse. Falsum, dicat aliquis, & merito, vt videtur. Neque enim potest doli exceptione summoueri, qui dolo nihil fecit. *l. 1. l. 2. in pr. ff. de dol. mal. exc.* Quid est autem, quod actor rationes suas aduersus se non exhibens dolo faciat? Imo potius quid hic facit non alienum a dolo? Traditur regula iuris, neminem dolo facere, qui iure suo vitur, *l. nullus. ff. de reg. iur.* Actor dum rationes suas apud se retinet, & præcipue cum non vult eas proferre aduersus se, maxime iure suo vitur. Est enim dominus rationum, domini ius est de re sua statuere vt velit, vel eam retinendo, vel aliis communicando. *l. in re. §. mand.* Sed & hoc maxime cuiusque, ne cogatur se lædere, qui etiam alterum lædere prohibetur: quod est in primis præceptis iuris. *l. iustitia. ff. de iust. & iur.* Quare, dum hæc facit actor, aperte nihil videtur dolo facere, eoque nec in eo doli mali exceptione remoueri posse. Sed vere dicitur dolo facere actorem, qui petenti reo rationes suas edere recusat. Id prius ita esse ostendam: deinde de obiectione respondebo. Arguitur vero in eo dolus actoris his de causis; & quod contra id, quod agendo recipit, facit; & quod non præstat reo, quod ab eo exigit. Primum actor actionem instituendo affirmat verum esse, quod intendit, & simul suscipit eius probationem: nam hoc ipsius onus est. *l. actor. §. de prob. l. qui accusare. §. hic.* Ideo nec vllam rem, qua de re controuersa constare possit, reiecit, aliqui intentioni suæ & consilio aduersaturus. Nunc autem eiusmodi rem reiecit, qui rationes ad eam probationem inducere recusat. Dolo ergo facit, qui aduersus officium a se initio susceptum facit. Quinimo contraria implicando seipsum ab intentione excludit. *arg. in l. 2. in pr. ff. quan. app. sit. l. ubi pugnancia. ff. de reg. iur.* Tum autem actor cum petit decem, & reum aliqua exceptione vtentem non audit, nempe hoc ab eo petere intelligitur, vt in exceptione sua sit verus, & bonam fidem agnoscat. Qui veritatem defensionis a reo exigit, prius hanc ipse in intentione præstare debet, nihil vt recuset, ex quo de ea veritate possit constare, quod quidem illi suspectum esse non debeat. Si recusat, aperte dolo facit. Facit enim aduersus æquissimam re-

gulam iuris naturalis sancitam edicto, Quod quisque iuris in alium statuerit, vt ipse eodem iure utatur. *l. 1. ff. quod quis iur.* Sic porro sunt actoris rationes, vt cum ad fidem rei controuersa vocantur, eas suspectas habere non possit; quippe quas confecit ipse, & conficiendo comprobauit. Quocirca si hæc postulentur a reo, vt fides veri constare possit, eam conditionem repudiare non potest. Si facit, dolo facit; quia contra superiorem illam æquitatem naturæ. Aduersus quam qui petit, constat competere aduersus eum doli mali exceptionem. *l. 1. ff. de dol. mal. exc.* Nunc respondebo de obiectione. Et verum non est, cum actor postulanti reo rationes suas ad fidem veridicere non vult, id eum suo iure facere. Nullo vero iure id facit, quem contra iuris & æquitatis rationem in eo facere ostendimus. At enim domini ius est de rebus suis statuere, vt velit: illud cuiusque maxime, ne probationes aduersus se subministrare debeat aduersario. Hæc ita sunt, nisi quis illa facto suo amiserit; nisi facto suo rei suæ edendæ, & aduersus se edendæ necessitatem sibi imposuerit. Quod accidit in rationibus actoris, cum ipse aliquid petit ab eo, qui e. us causæ fidem impleri vel t̄ expiis petitoris rationibus. quod quamobrem fiat, ante docuimus. Nihil simile in reo, qui inficiatione vitur, & in hac rationes suas edere recusat desideranti actori. Nihil, inquam, hic facit reus, cur ius illud suum, quod dominorum est in rebus suis pro arbitrio retinendis, & aduersus se non exhibendis, amittere debeat. Etenim negando, non modo probandi necessitatem in se non suscipit, sed etiam hoc ipso facto a se remouet: cum onus probandi sit actoris, non negantis rei. *l. actor. §. de prob. l. 2. ff. eo.* Idem ab aduersario nihil exigit contentus sola inficiatione. Ideo nec quidquam est, quod actori prius præstare debeat, vt nisi id faciat, videatur dolo facere. Constituta igitur differentia est inter actorem & reum in rationibus eorum ab alterutro edendis. Vereque t̄ dictum hic est, quæ rescripta prius eam statuerunt, cum iuris & æquitatis rationibus congruere. Iuris etiam ab aliis ante constituti: æquitatis, id est, eius iuris, quod semper æquum & bonum est, & est ius naturale. *l. ult. ff. de iust. & iur.*

Sed meminerimus statui hanc differentiam inter actorem & reum in rationibus, & iis quidem quibus neuter vsurus sit. Quod si aut de aliis eorum instrumentis agatur, quibus neuter in causa vti velit, aut agatur quidem de rationibus, sed quibus ambo vti stant; omnis ista differentia superior tollitur. In t̄ instrumentis aliis par vtriusque causa est & actoris & rei, siquidem his vsuri non sint. Non cogitur reus ea exhibere actori, *l. qui accusare. §. eo.* Ne actor quidem cogitur exhibere reo. *l. 1. §. edenda. ff. eo.*

Sed t̄ etsi de rationibus agatur, quibus illi vsuri sint, hic quoque par edendi necessitas in vtroque. Cogitur suas illas exhibere actor reo: cogitur & reus suas, quibus itidem utatur, exhibere actori. Generalis enim de instrumentis & rationibus omnibus definitio tradita est in d. l. 1. §. edenda. ff. eo. edenda esse omnia, quæ quis apud iudicem editurus est, vel vt postea subiicitur, quibus ille vsurus est, id est, quibus ostendit se in illa causā vti velle, & quæ ad eam rem p̄fert. Qui dixit omnia, aperte & rationes, & instrumenta quæuis alia cōplectitur. & cū dicitur, quæ quis editurus est, non obscure hic quoque, ad omnem, quæ id faciat, definitio relata est, tam reum, quam actorem.

Ac ne dubitemus pertinere hanc quoque ad reum, siue hic rationibus suis, siue aliis instrumentis ad defensionem suam uti constituerit; confirmatur nominatim in huius persona hac sententia in *l. pen. §. ult. ff. ad leg. Fal.* in specie huiusmodi. Nam cum legatariis legatum petentibus opponeret heres legem Falcidianam, quasi legatum esset supra dodrantem; placet illic heredem eundemque reum legatariis desiderantibus cogi edere rationes defuncti, & alia instrumenta hereditaria, per quæ probetur in ratione legis Falcidiæ, quantum sit in bonis. An hic quidquam putamus responderi superiori iuri & distinctioni contrarium, quia diximus reum non cogi edere auctori rationes suas, multoque minus instrumenta sua alia? Nullo modo contrarium. Hoc enim posterius dictum est de iis rationibus, quæ implorantur a reo hoc ipso, quod sint rationes, quibus de fide veri constare possit, non autem, quia his reus uti velit. At in superiore specie proponitur heres conuentus uti exceptione legis Falcidiæ, & in hac se tueri rationibus & instrumentis defuncti, ex quibus constare possit de quantitate patrimonii. Ergo ideo iubetur ista exhibere, quia ad exceptionem probandam his instrumentis usus esset. quod cum sit, iam diximus quisquis his usus est, ea prius aduersario edere debere. Tolle usum futurum rationum, instrumentorumue aliorum: manebit ius superius; non cogi unquam reum instrumenta vlla sua propria quibus usus non sit, postulanti auctori priuato edere: ac ne rationes quidem suas, quamuis auctor suas reo desiderati omnimodo edere cogatur.

Sed additur in hoc rescripto, *non cogi reum rationes suas auctori edere ad fundandam originem petitionis*. sic enim verba sunt in extremo, Si ab eo, a quo aliquid petitur, auctor desideret rationes exhiberi, non oportet hoc casu originem petitionis ex instrumentis eius qui conuenitur fundari. Quid ergo, si aperte non imploret auctor rationes rei ad fundandam petitionem suam, sed aut ad fundandam exceptionem rei, quæ ille utatur, aut ad fundandam suam ipsius replicationem, quæ utatur aduersus exceptionem? Nam in his duabus causis de origine petitionis non agitur. Dicendum est, prout in his imploratio instrumentorum rei spectat ad fundandam originem petitionis, ita desiderium auctoris repudiari ex superiore definitione: prout autem non spectat, ita desiderium eius admitti ex eadem definitione. Quod enim certa ratione constitutum est, in eo id observatur, ut cessante ratione ius quoque ipsum deficiat. *l. quod dictum. ff. de pact. l. in omnibus causis id observatur. ff. de reg. iur.* Horum autem alterutrum aliter accidit, cum agitur de exceptione rei, aliter cum de auctoris replicatione. Quare de utroque separatim querendum est.

8 Propone igitur de exceptione hoc modo. Petit auctor decem mutua. Reus dicit se pacto ab auctore liberatum, aut quod exceptioni simile est, se soluisse. Contendit auctor de ea exceptione, aut solutione constare posse ex rei rationibus. Ideo petit illas in eam re exhiberi. An audiendus sit, queritur. Distinguemus, utrum reus neget intentionem auctoris, & simul tamen exceptione utatur, ut, si neget se mutuum accepisse, & tamen si mutuum interuenerit, dicat se pacto, aut solutione postea liberatum, quæ de pulsio cõcessa est. *l. siquidem. j. de exc.* an vero aperte de intentione auctoris confessus, exceptione, aut solutionis allegatione se defendat. ut priore casu reus auctori rationes suas edere cogendus non sit: posteriore sit co-

gendus. utrumque ideo, quia incidat in eam definitionem, quam dixi. Nam cum reus intentionem auctoris inficiatur, ipsa editio spectat ex parte ad fundandam petitionem auctoris. Intentio enim negata indiget probatione, ut fundetur. Ad hanc probationem valet editio rationum rei. Quid enim, si in eas retulerit reus se pecuniam vere accepisse; de pacto autem aut solutione postea secuta nihil in his scriptum sit, aut etiam aperte scriptum sit hæc parata fuisse, sed non interuuisse? Cum autem reus de intentione auctoris confessus exceptione utitur, non potest dici editio rationum rei pertinere ad fundandam petitionem auctoris, quæ confessione rei satis fundata & constituta est, eoque aliam probationem non desiderat, *l. 3. j. quib. ad lib. proc. non lic.* Quapropter audiendus est auctor, si ut de fide eius exceptionis constare possit, imploret rei rationes. Neque id colligitur tantum ex definitione huius rescripti; sed etiam certa ratione iuris eius, quod hic reo tributum est, efficitur. Ius enim certum ante positum est, idque ipsum hoc rescripto magis confirmatur, reum implorare posse rationes auctoris, ut de fide intentionis eius possit constare, *l. non est. l. instum. §. eo.* Atqui reus in exceptione auctor est & is qui actionem instituit, reus, *l. i. ff. de exc. l. an exceptionibus. ff. de prob.* Quamobrem & auctor in exceptione rei aduersus reum tanquam muratis personis eodem iure uti debet. Ita fiet, ut rationes rei implorare possit ad fidem exceptionis expediendam; alia autem instrumenta rei non possit, nisi si quibus reus ad exceptionem probationum uti instituat, ut ante dixi.

Iam igitur de replicatione auctoris videamus. Finge hoc modo. Petit quis decem mutua. Reus tuetur se exceptione pacti, quod dicat auctorem pactum esse, ne peteret. Auctor hoc confessus replicatione utitur, ac refert ex aduerso postea pactum factum esse, ut sibi petere liceret, qualis species proponitur in *l. si vnu. §. pactus. ff. de pact. §. Inst. de repl. in pr.* Si in hac replicatione desideret auctor rationes rei sibi exhiberi, an cogendus sit reus exhibere, queritur? Vulgo prebant cogendum esse, idque defendit Bartolus hoc loco, motus maxime verbis superioris definitionis, quod dicat implorationem rationum in hac specie non pertinere ad fundandam originem petitionis, sed ad replicationem: in qua constat originem actionis non esse. sic autem verba sunt eius definitionis, non oportere originem petitionis ex instrumentis rei fundari. Ego autem moueor iisdem istis verbis, ut putem auctorem implorantem rationes rei ad fidem replicationis suæ audiendum non esse: quia sic petatur editio ad fundandam originem petitionis, quod definitio prohibet. Quorsum enim replicatio, quorsum replicationis confirmatio, nisi ut exceptione remota, quæ replicatione summouetur, fundetur, id est, stabiliatur & constituatur origo petitionis, quæ alioqui ruitura erat? Sed & hoc confirmatur maxime eo iure, quod in hac editione de auctore constitutum est. Placeat enim auctorem a reo desiderare non posse, ut sibi ad probationem intentionis suæ instrumenta rei exhibeantur. denique auctore non probante placet reus, etsi nihil ipse præster, obtinere, *l. qui accensare. §. quod rescriptum Antonini est, idem quod hoc rescripto aperte confirmatur ab Alexandro.* At nemo ignorat auctorem in replicatione vere auctorem esse. *l. 2. ff. de exc.* Quare & eodem isto iure auctoris utatur, neque possit, ut reus nisi præstiterit instrumentis suis replicatio-

cationis fidem, condemnatur. Non me mouent, quæ a Bartolo pro contraria sententia afferuntur. Ille hanc probari putat *l. pen. §. ult. ff. ad leg. Fal.* qui locus plane ad rem nihil pertinet. Illic enim cogitur quidem heres, idemque reus exhibere legatariis agentibus rationes & instrumenta defuncti, id est, sua. non tamen ad fundandam replicationem actorum, qui nulla replicatione utebantur; sed ad expediendam fidem exceptionis, quæ sola ab herede obiciebatur, ut supra de hoc ipso loco ostendi. Iam dixi reum in exceptione actorem esse: ut non sit mirum, si ut de ea exceptione constare possit, ibi reus qui iam actoris personam suscepit, actori, qui pro reo est, rationes suas exhibere cogatur, pro iure aduersus omnes actores constituto, & hic, & in *d. l. non est. l. iustum. §. eo.* Sed hoc amplius obseruandum est in superiore specie, heredem cogi etiam instrumenta defuncti alia, quam rationes legatariis actoribus edere. Verum hoc ideo, ut de eadem specie ibidem docui, quod ad exceptionem legis Falcidiae, quam heres obiciebat, idem se istis instrumentis tuebatur, eoque & his usus erat, si vellet exceptionem probari. Sic etiam ratiocinatur Bartolus; Actor reo cogitur rationes suas edere ad fundandam exceptionem rei. *l. iustum. §. eo.* Ergo & reus actori suas ad fundandam replicationem actoris: quoniam replicatio nihil aliud est, quàm exceptio, *d. l. 2. §. 1. ff. de exc.* Sed male hæc comparantur, ut vitiose ex vno alterum colligat. Replicatio quidem exceptio est: sed longe dissimilis. Exceptio a reo est, & ad eum defendendum liberandumque spectat. Replicatio ita est exceptio, ut sit ab actore, spectetque ad reum impugnandum atque obligandum. Et hic quoque ante diximus longè aliam causam esse rei, aliam actoris, prouioresque nos esse debere ad liberandum, quam ad obligandum. *l. Arrianus. ff. de obl. & act.* Sed & quod propius rationem huius loci attingit, animaduerti debet, rationes quæ implorantur ad exceptionem probandam, non pertinere ad fundandam originem petitionis, sed ad infirmandam: contra vero quæ implorantur rationes ad replicationem fundandam, petuntur eadem ad fundandam petitionem, quod huic loco aduersatur.

AD TIT. II. LIB. II. C. DE IN IUS VOCANDO.

S Y M M A R I A.

- 1 Vocari reum in ius ante omnia oportere, & quam id ad æquitatem & necessitatem iudicii pertineat.
- 2 Non vocato in ius reo, quidquid aduersus eum, aut pro eo pronuntiatum sit aut decretum, nullius momenti esse.
- 3 Non vocatus reus si in iure inuentus ultro perentire spondeat, pro vocatione habendum, & iudicium consistere.
- 4 Vocatio quomodo instituenda aduersus absentes.
- 5 Vocandus reus in ius ante omnia, ut vocatio præcedat etiam editionem.
- 6 De edendo titulum prius in edicto perpetuo propositum, quam de in ius vocando: & cur, cum vocatio agendi ordine sit prior.
- 7 Vocatio editione prior etiam secundum veterem ordinem iudiciorum.
- 8 Vocare in ius quid sit Institutio, & eius definitio defensa ex §. ult. *Inst. de pœ. tem. lit.*
- 9 Vocationem in ius esse ad eum qui iurisdictionem

- habet, non ad iudicem pedaneum seu datum.
 - 10 Vocare in ius quid sit Paulo, & huius quoque recta definitio.
 - Experiri ius, experiri de iure, & experiri absolute eadem veteribus, & quid valeant. *ibidem.*
 - 11 Vocare quem aliquo, esse denunciare ei, & inbere, ut ibi adsit, nō autem inuitum eo trahere, vel ducere.
 - 12 Vocare in ius plena definitione quid sit.
 - 13 Vocandi in ius qui ritus & olim, & nunc.
 - 14 Viatores, & Apparitores, qui.
 - 15 Vocari in ius qui in totum non possint iure vetere, & qui non possint sine permissu pratoris: quaque vetandi ratio pratori.
 - 16 Vocatus in ius hanc necessitatem olim impositam, vel ut irent statim, vel ut satis aut cautum darent iudicio sisti ad constitutum diem.
 - 17 Cautio iudicio sistendi causa quid contineat, quoniamplex, & qualis fuerit olim pro reorum qualitate.
 - 18 Vocatum non rite causentem iudicio sisti, ius fuisse priuato in ius ducere & trahere inuitum, nisi domi sua esset.
 - 19 Ductio in ius, ut statim reus in iure litem contestari cogeretur, nisi mallet illic canere in diem constitutum.
 - 20 Lite non contestata de reindicari non posse iure Romano.
- Hinc cautio iudicio sistendi causa, & in ius ductio remedia olim introducta cogendi rei causa ad in ius veniendum, cum vocatus esset: quibus locus non est hodie in iis locis, in quibus potest lite non contestata aduersus absentem agi. *ibidem.*

AD iudicium † instituendum aduersarius initio in ius vocandus est. §. ult. *Inst. de pœ. tem. lit.* Id iudicii finis atque æquitas exigunt. Iudicio enim agitur, ut recte atque ordine contendatur cum aduersario. Quod ita fit, si auditus & conuictus condemnatur: non conuictus absoluitur. nec quisquam non auditus, & indicta causa aut dammandus, aut absoluitur. *l. negantes. j. de obl. & act.* Non audietur a iudice, nisi ad iudicem venerit, ibi iura sua expositurus, & tractaturus, si volet. Nec veniet, nisi vocatus. Vocari igitur oportet, quo ad finem, & æquitatem illam iudicii perueniatur.

Hoc ita † iure exigitur *d. §. ult. de pœ. tem. lit.* ut appareat, si vocatio non præcesserit, in reliquo iudicio nihil agi: id est, aduersus eum qui in ius vocatus nō est, aut pro eo nihil a iudice cognosci aut statui posse. si quia contra factū sit, pro infecto esse, ut contra ius factum. *l. non dubium. §. de legi.* ut factum contra iudiciorum ordinem: cuius generis decreta, & iudicata nullius sunt momenti. *l. prolatam. j. de sent. & int.* Quid tamen † si aduersarius inueniatur in iure, ibique conueniatur apud magistratum pro tribunali sedentem, conuentus ultro ac statim respondeat, & litem contestetur? an iudicium quod sequitur, & sententia nō valebit? Puto valere. Instituta est enim vocatio aduersarii causa, ne inauditus damnetur. Licuit ei huic iuri renuntiare. *l. pen. j. de pact.* Et vero quorsum aliam vocationem desideremus, quæ sit superuacua? Habemus enim nihilominus finem iuri propositum, quamuis vocatio non præcesserit. Et ita in toto iure obseruatur, ut quæ desiderantur iure non propter se, sed propter finem aliquem alium, non sint necessaria, nec requirantur tunc, cum sine his nihilominus finem propositum consecuti sumus. Exempli

caussa, traditio in dominiis transferendis requiritur iure. *l. traditionibus. §. de pact.* Perspicuum est hanc requiri, ut res veniat in possessionem eius, cui rem traditam volumus. A possessione enim dominia iure gentium. *l. 1. in pr. ff. de acq. poss.* Hæc autem traditione transfertur. Finge rem quam translatam volumus in aliquem, iam esse apud eum, puta commodatam aut depositam. Placet hoc casu sola voluntate domini proprietatem in eum transferri. *l. quæ ratione. §. in iudicando. ff. de acq. rer. do.* scilicet quia sit superuacua traditio possessionis transferendæ causâ, ubi iam possessio sit penes eum, quem volumus.

4 Vocari tamen nisi præsens non potest. Quid ergo, si absit aduersarius, cum quo instituimus agere? Mitteretur domum eius, & vocatio domesticis significabitur, qui hanc domino renuntient. *arg. in l. 4. §. prætor. ff. de dam. inf.* Quid si nec domum, nec domicilium habeat, & nusquam exstet? Illuc faciendum est, quod sit aduersus eos, qui copiam sui non faciunt, neque defenduntur, quod quale sit, declaratur in *d. l. 4. §. quoties. de dam. inf.* & *l. hæc autem. §. 1. ff. quib. ex causis in possess. eat.*

5 Ut tamen aduersarium in ius vocari oportet, sic & ante omnia vocari, ut vocatio præcedat etiam editionem, non, ut quidam putant, editio vocationem. Quod & natura ipsa rei gerendæ fieri debere ostendit, & traditur in *d. §. ult. Inst. de pæ. tem. lit.* Sic enim illic scriptum est, *Omniū actionum instituendarum principium proficiscitur ab ea parte, quæ est de in ius vocando. utique enim in primis aduersarius in ius vocandus est.* Si hinc principium instituendæ actionis, non est initium ab editione. Si in primis aduersarius in ius vocandus, non in primis debet ei edi actio. Et hunc instituendæ actionis ordinem sequitur collocatio titularum in Pandectis, ubi prior est titulus & tractatio de in ius vocando, sequitur de edendo.

6 Quid tamen est igitur, quod is ordo hic conuertitur? Videmus enim prius de edendo titulum propositum esse, deinde hunc de in ius vocando. Vitiolæ; dixerit aliquis, ut & alia multa peccata sunt in hac collocatione tum rerum, tum titularum a compositoribus. Immo & hic idem ordo fuit in edicto perpetuo, quod probat ordo librorum scriptorum ad hos titulos tum Vlpiani, tum Pauli. Vlpianus enim ad edictum de edendo scripsit *lib. 2.* Paulus *lib. 3.* Ad edictum autem de in ius vocando Vlpianus scripsit *lib. 5.* Paulus *lib. 4.* ut indicant inscriptiones eorum capitulum, quæ exstant sub his titulis in Pandectis. Quod si hæc ad edictum & isto ordine, fuit omnino & hic ordo edicti. alioqui scripta hæc forent, non ad edictum, sed præter edictum, quia præter edicti ordinem. Quid ergo est? Et ut duplex hic ordo occurrit, ita utrumque propria ratione recte defenditur. Alius est ordo cogitandi, & se ad futuram vocationem comparandi; alius faciendi & exsequendi, quod constitueris. Cogitandi & se comparandi ordine prior est libelli conceptio: sic deinde hæc bene constituta sequitur, ut aduersarium in ius voces, eique edas, quod conceperis. Agendi autem ordine prior est vocatio, sequitur editio. Prius est enim in agendo, ut in ius voces: proximum, ut cûr, aut ad quid voces, ostendas. Priorem ordinem ut doctrinæ & institutioni futuræ actionis convenientem secutus est Iulianus in edicto perpetuo componendo. Cui congruit & is, quæ in his titulis hoc loco Codicis seruatum videmus. Alter ille magis placuit in Pandectis. Et hoc, ut vide-

tur, rectius. Est enim naturalis, & instituendæ præsentis cum alio actioni solus conueniens. De instituenda autem actione nunc agitur. Nec tamen vero aliter ius fuit veteribus, quam ut prius in ius vocari oporteret aduersarium; tum deinde ei ederetur actio, etiam si quis ad veterem ordinem iudiciorum nos reuocet, quo actiones impetrabatur a prætore, *l. 2. §. de for. & imp. act. sub.* Nam primū non impetrabatur actio ante vocationem, ne quis forte hanc impetrationem vocationi antepōnat; sed tunc cum lis cōtestabatur. Tunc enim dicebatur actor iudiciū accipere, unde lis cōtestata & iudiciū acceptum pro eodē. *l. cum fundus. in pr. ff. si cer. per. l. vulgo. ff. de usur. l. illud. ff. de her. per.* Impetrabatur autem iudiciū, seu actio; cum accipiebatur; nec accipiebatur, nisi impetrata: ut accipere & impetrare idem hic valeant. Deinde ut quis concedat prius actiones impetrari debuisse, quam edi, de quo non litigabo: tamen ea res non facit, quominus præcederet vocatio editionem, semper enim hic ordo futurus esset, ut prius quidem impetrare oporteret actionem, quam ad hanc instituendam in ius vocare: at certe & vocare etiam prius, quam vocato edere. Etenim post impetrationem saltem actionem reo significare oporteret: in quo est vocatio in ius, initium scilicet litis instituendæ. Et vero etiam temporibus veterum Iurisperitorum, quibus in usu adhuc erat actionum impetratio, vocationem præcessisse, secutam autem esse editionem, & quidem interdum multo post, non obscure probat *l. non videtur 13. ff. de iud.* Non videtur, ait Modestinus, in iudicem consensisse, qui edi sibi genus actionis apud eum iudicem desiderat. An quid desiderat, hunc Modestinus intelligit vocatum in ius, an non? Vocatum sine dubio, alioqui ad iudicem non venisset, neque hac exceptione defugeret iudiciū, quod ante non intenderetur. Nondum tamen edita ei erat actio, utpote quam sibi edi desiderat. Vocatum igitur Modestinus intelligit, cui actio ante non erat edita; sed postea edenda est: & quidem ita, uti eam edi reus multo post postuler, nempe apud iudicem. Semper ergo, ut dixi, ordine agendi vocatio prior, editio posterior. Sed quoniam actor, cum teum in ius vocat, ne frustra vocet, iubetur ei actionem edere, seu libellum offerre, qui hanc editionem in se habeat, *ant. offeratur. §. de lit. com.* meditandi & se comparandi ordine prior est, ut is de actione seu libello recte concipiendo instruat, quem deinde recte conceptum offerat, edatque ei, qui in ius vocatus erit.

Postquam aduersarius in ius vocandus est, cognoscendum est, quid sit in ius vocare, ut quod definitio verbi indicabit, id scrutemur in re tum, cum ad aduersarium in ius vocandum ventum fuerit. Sic tamen Iulianus explicat in *§. ult. Inst. de pæ. tem. lit.* ut in ius vocare sit *vocare ad eum, qui ius d. acturus sit.* Cur non dixit, esse vocare in eum locum, in quo ius redditur: cum iuris verbum alias quidem sæpe id declaret, *l. pen. ff. de inst. & iur.* hoc autem loco non aliud significet? Sic enim verbum intelligi necesse est, quoties præpositionibus seruit aut motum ad locum, vel ex loco, aut consistentiam in loco significantibus. Motum ad locum, ut cum dicimus *vocare in ius, ire in ius, & similia. ut ff. in ius voc. ut eant, vel sat. vel can. de iur.* Motum ex loco, ut in veteribus formulis eum dicebatur, ex iure manum confertum vocare. Consistentiam in loco, ut cum dicebatur, quando te in iure cōspicio: ut cum dicimus confesos in iure pro iudicatis habere.

haberi, *l. i. infr. de conf.* Cum ius, inquam, in his orationibus id significet, cur non dixit Iustinianus, *in ius vocare esse vocare in eum locum, in quo ius redditur*; ut vim verbi definiti exprimeret? Quia rem definire voluit, non verbi significatione tradere. non immerito: quandoquidē sola verbi significatio cognita nō sufficeret ad rem, de qua hic agitur, explicandam. Potest enim quis vocari in eum locum, in quo ius redditur, ut tamen vocetur ad scribam, aut advocatū, vel ad consiliarium aliquem, non ad eum, qui ius dicitur sit. Hoc autem non est in ius vocare, ut nunc in ius vocationem exigimus. Volumus enim ad eum vocari, qui de re controuersa ius dicitur sit. Definitio ergo hic rei est, non explicatio nominis. Et tamen si quis hanc ipsam explanationem desideret, habet in his verbis expositam. Neque enim potest quis vocari ad eum, qui ius dicitur sit, quin vocetur vna in eum ipsum locum, in quo id ius dicitur, & quidem eum, in quo publice more maiorum ius dici solet: quando nec alibi ius dici potest, nec alius locus ob eam causam ius dicitur, *l. penul. D. de inst. & iur.* Sed si hic definitionem rei esse volumus, verendum est, ne definitio sit vitiosa, quia manca. deest enim iuris experiundi gratia, quod Paulus in huius verbi definitione expressit in *l. i. D. de eo.* Manca esset, nisi in eo. §. *ult. de pœn. tem. lit.* intelligeretur ex præcedentibus Iustinianum hoc ipsum sentire, ac prope verbis exprimere. Proponit enim de actionibus instituendis. Omnium earum instituendarū principium esse in eo, ut aduersarius in ius vocetur. subicit, *id est, ad eum, qui ius dicitur sit.* Hic ordo sermonis satis indicat, atque adeo cogit eum intelligi, qui ius dicitur sit de re proposita, id est, de actione, de qua instituenda sermo erat, ut sit sententia, aduersarium in primis in ius vocandum, id est, ad eum, qui ius dicitur sit de his ipsis actionibus, quas instituimus, & quarum instituendarum causa aduersarium in ius vocandum esse voluit. Porro aduersarium vocare, ut ius dicatur de actione sua, nihil aliud est, quam vocare iuris experiundi causa. Recta igitur definitio additis circumstantiis eius loci, quæ si seorsim a propositione eius loci transmutatur, non careat vitio.

9 Bene etiam dixit, *ad eum, qui ius dicitur sit*, non *ad iudicem*, ut intelligatur vocari quemque debere ad eum qui iurisdictionem habet, puta magistratum, aut cui a magistratu mandata est iurdictio: non autem ad eum, qui tantum habet notionem, id est, iudicem priuatum, seu pedaneum, ut hi distinguuntur, in *l. 5. in pr. D. de iud.* Et res ita habet. aduersariū ad prætorem, aut alium qui iurisdictionem habet, vocari oportet: qui scilicet pro iurisdictione de re cognoscere, aut in ea iudicē dare, si ita res ferat, possit, ac deinde sententiam exsequi. *l. 2. D. si quis in ius voc. non ier.* Ad iudicem autem datum vel pedaneum nulla vocationis est. *leg. 3. D. ne quis eum, qui in ius voc. est, vi ex.* hoc ideo, quia huius nulla est de re iurdictio. notio autem non prius esse potest, quam ipse a magistratu, ad quem in ius itum est, iudex in ea causa datus fuerit.

10 Alia etiam Pauli definitio est in *l. i. D. eo.* ut sit vocare in ius, iuris experiundi causa vocare. Hæc finem vocationis complectitur, ad vocationem in ius ita necessarium, ut nisi quis dum aduersarium in ius vocat, dicat se ideo vocare, ut iure iudicioque cum illo experiatur de ea re quam libello complexus est, nulla sit

vocatio ad futurum iudicium necessaria. Experiundi iuris verba sunt veterum ad significandam actionem usitata. Dicimus enim experi de iure, siue de reali qua; ut in edictis prætorum passim illa formula occurrat, *Intra annum, quo de ea re experiundi potest, erit, l. i. D. ex quib. caus. mai. l. i. D. quan. act. de pec. an. est. l. i. D. qua in frau. cred.* Dicimus & ius experi, ut supra Paulus loquitur, quomodo & Cicero dixit in Oratione pro Cæcinnâ, homines inermes, qui ad constitutum iuris experiundi causa venissent. Dicitur & absolute experi, ut intelligatur de iure, *l. i. D. de diu. temp. præscr.* Omnia pro eo, quod est agere cum aduersario de reali qua apud magistratum: ab hoc petere, ut per eum nobis liceat ius nostrum obtinere in eo, quod petimus, *l. i. de diu. temp. præscr.* Et recte qui ita agit, dicitur experi. Tentat enim hoc modo, quam actionem, quodque ius a magistratu de eo quod petit, impetret. Experi autem tentare & periculum facere significat. Tentare autem dicitur ideo, quia non certum habet se consecuturum, quod petit: cum fieri possit, ut vel non æquum postulet, vel quod iure petit, prebare non possit, vel reus absolatur iniuria. Sed & hæc definitio videtur manca. deest enim illud, quod est apud Iustinianum, ad eum qui ius dicitur sit. Imo & id inest in hac definitione. Non exprimitur verbis: at vi verborū satis intelligitur. Non enim experimur ius, aut de iure nostro, nisi apud eos, qui de eo ius dicitur sit. Quare & hoc intelligendū est. Plenam definitionem si quis malit, licet utrumque coniungere, ut sit in ius vocare, ad eum qui ius dicitur sit, vocare iuris experiundi causa.

Sed hincque etiam in definito, & in definitionibus superioribus vnum idemque verbū retinetur, quod non explicatur definitione: nempe vocare. Hoc vero verbum quid valeat, dubitari potest. Non enim satis constat, an vocare, sit ducere & trahere in ius inuitum, cum Caius scribat in *l. plerique. D. eo.* eum qui templa de domo sua in ius vocet, vim inferre videri. Nulla vis inferitur ei, qui de domo sua nō extrahitur. Constat etiam eum, qui in ius vocaretur olim, nisi caueret, in ius duci solitum. *tit. D. in ius vocati ut eant, vel satis vel cantum dent.* Sed neminem exiis, qui latine sciunt, ignorare arbitror, vocare aliquem aliquo, esse denuntiare ei, & iubere, ut eo veniat. Cicero pro Cæcinnâ: *Tu me ad verbum vocas. non ante venio, quam recusaro.* & paulo post: *Quoniam satis recusavi, venio iam quo vocas.* Vocas, id est, iubes & postulas, ut veniam. Vnde Cicero venire se dicit, quo vocatur. Et cum dicitur in *l. 3. §. ult. D. de testi.* testes euocandos, intelligimus, quod est in *l. 4. D. eo.* denuntiandum his esse testimoniū, & desiderandum ab his, ut adsint testimoniū dicendi causa. Idem & in verbo *vocandi* intelligamus, cum aduersarium in ius vocandum esse dicimus. At enim ducitur in ius, qui vocatur, ut olim ius fuit. Primum non semper. Non enim ducebatur, qui cauebat iudicio sistendi causa. Deinde non si ducebatur, qui vocabatur, ideo vocare aliquo erat in ius ducere. Adiuncta erat vocationi ductio, quia hæc illam sequebatur: sed non ideo hæc sunt eadem. Nam & qui vocabatur, ei imposita erat necessitas cauendi, si noller duci. neque ideo vocare est cauere. Quapropter et si totum hoc in ius vocare, quā plenissime definitione explicare volumus, dicendum est in ius vocare, esse, denuntiare & edicere aduersario, ut veniat ad eum, qui ius dicitur sit, iuris experiundi causa.

Non satis est vocationem esse. Iustam esse oportet: alioqui in ius vocatus nec vocatus videatur, *l. quoniam ff. qui satis cog.* Iusta est, cum aduersarius vocatus est, quomodo oportet, & is vocatus, quem iure licet vocare. Itaque in iusta vocatione duo sunt spectanda, ¹³ ritus vocandi, & persona vocati. Ritus † priscis in hoc genere non alius, quam ut qui acturus erat, ipse in ius vocaret. Quod facere potuit & per se, & sua auctoritate, non magistratus, ut probant ea, quæ varie collecta sunt in hanc sententiam a Duarēno *lib. 1. Disputat. cap. 7.* Quando id mutatum sit, non liquet. Certe utrumque contra obtinuisse ante tempora Iustiniani, ex scriptis iuris auctorum, quæ in libris nostris extant, apparet. Magistratum quidem prius adiri debuisse, & huius iussu aduersarium in ius vocari, ostendunt. Nam in *l. cum proponas. j. de bon. auct. ind. poss.* Imperatores Diocletianus & Maximianus consultorem sic alloquuntur: *Eum qui tibi obligatus est, secundum iuris rationem adito rectore provincie potes convenire.* Non contenti dicere, *adito rectore provincie*, addunt, *secundum iuris rationem*: ut intelligamus fuisse hanc iuris rationem, id est, formam in iudiciis iure tum usurpata solitam, ut non conveniatur aduersarius, nisi adito præside. Idem confirmat Novella Iustiniani de *l. iugis. §. omnem.* Denique sic rem transigi solitam idem Iulianus Imperator Diocletianus & Maximianus non obicere indicant in *l. diffamari. j. de ing. manu.* ubi interpellatus præses dicitur vocatæ partem aduersam. Sed ne repetamus huius iuris initium ab horum Imperatorum temporibus, valuit hoc ius etiam temporibus Vlpiani & Pauli. Scribit enim Vlpianus in *l. si quis ex aliena. ff. de iud. cum qui in ius vocatus non venit, contemnere auctoritatem prætoris.* Paulus in *l. 2. ff. si quis in ius voca. non ier.* scribit, *eum qui in ius vocatus non venerit, ex causa a competente iudice multa damnari.* Palam est non contemni auctoritatem, quæ prius non intervenit: nec statui multam nisi aduersus nec obedientem ciuem: nec posse dici magistratui non obediuisse, nisi qui a magistratu iussus non paruit. Quod autem ad vocantem attinet, etiam per viatores, seu executores litium vocari solitum aduersarium, non priuatim per actorem, declarat quod apparitores, qui in ius aliquem vocant, poterant exigere a reo sportulas, conventionis & operæ suæ mercedem, *§. tripli. Inst. de act. non exacturi* haud dubie, si in eo non necessario munere fungerentur. Sunt † autem viatores iidem, qui & veteribus dicuntur apparitores; quorum opera in exsequendis iussis & decretis ac sententiis suis magistratus utitur, *l. si pignora. ff. de eiusd. ab appellando*, quod magistratui appareant, id est, præsto sint ad iussa magistratus capeienda.

In persona vocati est, ut vocetur, qui iure potest vocari, de quo cautum est ea parte edicti, quæ est de in ius vocando, exstatque in *l. 2. l. 3. l. 4. ff. eo.* In † quo observandum est prætorem fecisse duos ordines eorum, qui in ius vocari non possunt. Vnum eorum, qui in totum per id tempus, quo vocantur, vocari non possunt. Alterum eorum, qui non possunt sine prætoris permisso, & venia petita. Priore ordine complexus est magistratus populi Romani, qui imperium habent; item eos, qui necessaria aliqua de causa, & Reipublicæ utili impedirentur, ne venirent. qui omnes nominatim enumerantur in *d. l. 2. 3. & 4. in pr.* Posteriore excepit prætor parentem, patronum, patronam, liberos, parentesque patroni, patronæ. Exstat frag-

mentum in *l. 4. ff. eo.* Adde heredes patroni, patronæ, quamvis extraneos, ex *l. 2. hoc tit. C. Patroni etiam vxor excepta hoc eodem titulo, l. 1.* Sed ex sententia edicti, quia dum prohibetur patronus in ius vocari, prohibetur ne ei fiat iniuria. Patitur autem quis iniuriam etiam per vxorem, *§. patitur. Inst. de iniur.* Quod ius cur prætor in supra scriptis personis constitueret potius, quam in ceteris, causæ nihil erat, nisi in vocatione inesset aliquid, quod in persona magistratuum esset contra ipsorum dignitatem; in persona eorum, quialiquo officio & opera detinerentur, esset, quod illos ab ea re abduceret: in persona autem parentis & patroni fieret contra reuerentiam istis personis debitam, nisi permissus prætoris accederet. Id autem fuit illis temporibus, quod qui in ius vocabatur nisi irent, aut cauerent iudicio fisci, inuitos duci ius erat. de quo mox. Quod ne committeretur aduersus eos, quos dixi, ideo excepti sunt edicto. In quibus etsi prætor simpliciter parentes nominet: tamen sciendum est de parentibus accipiendum esse, qui liberos, a quibus vocantur, in potestate non habent, *l. ult. hostit.* Nam qui sunt in potestate, his cum patre nulla lis, nullum iudicium esse potest, ne permisso quidem prætoris, nisi de iis bonis, quæ acquisitionem patris effugiant, *l. lis nulla. ff. de iud.*

Finis † & effectus iustæ vocationis hic, ut qui vocatus est, ad constitutum diem veniat. Quod dum Romani olim a vocato obtinere student, duorum alterum a vocato exegerunt, vel ut iret statim, seque apud magistratum sisteret; vel ut satis, aut cautum daret iudicio sistendi causa. In quam sententiam titulus D. *In ius vocati ut eant, vel satis vel cautum dent.* Estque hæc necessitas cauendi & veniendi in ius, argumentum in quo versatur & titulus de in ius vocando Digestis, & reliqui omnes, qui inde sequuntur usque ad titulum de edendo. Ergo qui nolebat ire, cauere cogebatur, atque hac cautione eundi necessitatem defugiebat. Cauebat se ad constitutum diem, qui ab actore dictus erat, iudicio staturum.

Vnde † cautio seu promissio iudicio sistendi causa ¹⁷ facta, cuius tam crebra in ea parte mentio in Pandectis, *l. 2. §. 1. §. prætor. ff. qui satis cog. l. vlti. ff. si quis in ius voc. non ier. l. 1. in ius voc. ut eant. tot. tit. l. si quis caut. iud. sist. cau. fac. non ob.* Iudicio, id est, iudicii causa, seu ad iudicium, intelligi accipiendum. ut sistere se iudicio dicatur reus, cum se sistit in iure, ut iudicium quod datur, accipiat, seu patiatur litem secum contestari, ut significatur in *l. si eum. in fin. ff. si quis caut.* vel ut alibi, ut secum ageandi potestatem faciat: quod fit iudicium accipiendo & litem contestando, *l. etsi. eo.* In hac re pro conditione reorum cautio triplex recepta erat; satisfactio, cautio iuratoria, nuda repromissio. Vnde ille titulus ff. *Qui satisfacere cogantur, vel iurato promittant, vel sue promissioni committantur.* Item ille, *In ius vocati ut eant, vel satis, vel cautum dent.* satisfactio, si ii sunt, a quibus satisfactio exigitur. cautum dent sine fideiussoribus ii, a quibus nihil amplius exigitur, quam cautio seu repromissio; eaque duplex, alias iuratoria, alias simplex & sola. Satisfacere est promittere fideiussoribus datis, *l. 1. ff. qui satisfac. cog.* Iurato promittere, est ita promittere, ut amplius iures te facturum, quod promiseris. Nuda promissio & cautio est, cui nec fideiussores, nec iusiurandum accedit. Satisfabant omnes etiam parentes & patroni, qui non possidebant immobilia. qui possidebant, ab his satisfactio

datio non exigebatur, *l. sciendum. ff. qui sat. cog.* Cauebantur igitur hi solum, sed alias ut iuraturando id firmerent, interdum ut repromittere at duntaxat. Iusiurandum ab omnib. pariter exigi solitum consentaneum est: nisi sint quibus id iusiurandum remitteretur. Legimus autem iusiurandum de calumnia remitti parētib. & patronis, *l. iusiurandum. §. ad pecunias. §. qui iusiurandum. ff. de iur. l. li. et ff. de obseq.* Quo exemplo & his remissum id iusiurandum de quo agitur, recte dicemus, quod ideo exigetur, quia de fide parentis filius, patroni libertus dubitaret, & postea de periurio queri veller. Ita fit, ut soli hi ex iis qui immobilia possidebant, cauerent tantum, non iurarent; ceteri etiam iurarent se iudicio adfuturos. Ex iis qui immobilia non possidentes satisfacere cogebantur, alii fideiussorem iubebantur dare locupletem; alii qualemcumque dedissent, admitti iubeatur. Locuples pro rei qualitate exigebatur fere ab omnibus. Soli hi fuerunt, a quibus qualiscunque fideiussor accipi iuberetur, parens, patronus, patrona, liberi patroni, patronæ, vel vxor, nurusue, hoc in *l. i. §. 2. ff. in ius voc. ut eant.*

18 Sed si ut si caueret reus, hoc consequeretur, ne cogereetur venire; ita si ea conditione non videretur, ut veniret, sine cunctatione iubeatur ire. Simul & ius erat priuato reum in ius ducere, & trahere inuitum: si tamen extra domum conspiceretur. Nam eum qui erat domi suæ, non licebat de domo sua in ius vocare, id est, extrahere & ducere, *l. plerique. §. l. sequent. ff. eo.* Quem morem ducendi multis testimoniis cum aliorum auctorum, tum nostrorum confirmat. Duarenus *lib. 1. Dissp. cap. 1.* Hinc illa consequentia. Primum ut qui aliquem duceret, eum prætor tueretur, quod & fecit verans, ne quis eum qui in ius vocatus est, vi eximat, tit. *ne quis eum qui in ius voc. est, vi exi.* Deinde, ut quoniam in hac ductione inerat aliquid dedecoris, & velut infamiae, ab eo vindicaret eos, quos eo dedecore ab actore affici non conueniebat. Quod & ipsum fecit, dum eas personas partim verat simpliciter in ius vocari, partim vocari sine permissa suo, de quibus supra dixi.

19 Sed si quorsum ductio ad prætorem? An ut statim compelleretur reus illic litem apud prætorem contestari, ubi nondum edita actione & spatio dato deliberare non potuisset, utrum cedere, an contendere deberet? Iustinianus in *Novel. de exhib. reis. §. illud quoque*, indicat, eo spectasse ductionem, atque hanc vim habuisse. Neque hoc iniquum videri debuit, aut aduersus edictum de edendo, quo eiusmodi spatium reus datum est ad delibendum, *l. i. ff. de eden.* De se enim queri debuit, qui cum posset canere, & deberet, non cauit. Putem tamen, si apud prætorem paratus esset reus cauere in diem constitutum, quod prius nolebat, auditum fuisse, neque ideo ductionem fuisse inutilem, ut quæ ab inuito iam extorqueret, quod sua sponte non præstitisset.

20 Sed si amplius queritur in hoc iure, quid opus fuerit non dico ductione in ius, sed vllis omnino cautionibus iudicio sistendi causa aduersus eum, qui in ius vocatus non veniret. Ut in iudicium veniret, inquires, & ibi lite cum eo contestata iudicium cum illo constitueretur, quo deinde actor recte atque ordine de iure suo experiretur. Quid ergo, an eo absente de causa cognosci, & res aduersus eum indicari non potuit? Nam si potuit, cur rebus non necessariis oneramus actorem, ac vocato, nec veniente reo non statim de re cognoscitur? Et sciendum est, ordinem iudiciorum

iure Romano ita esse, ut lite non contestata non possit de re iudicari, *ut diserte testatur est in Novel. de exhib. reis. §. 3. §. si vero.* Quod & in Decretalibus expressum est titulo in eam rem nominatim concepto, *Ut lite non contestata non procedatur.* de quo alias plura scripsimus suo loco.

Propone ergo nobis aliquem locum, in quo ita ius sit constitutum, ut quamuis aduersarius vocatus non venerit, possit tamen iudex cognoscere aduersus eum, & re cognita iudicare. hic necesse erit omnem istum ordinem in cautionibus, & satisfactionibus exigendis; in ducendo reo, qui non caueat; tum id ius omne, quod ex hac causa nascitur, tanquam superuacuum, & ad iudicium peragendum inutilem cessare. Qua ex re factum est in Gallia, ut dum prius admiserunt in iudiciis peragendis, ideo nec toto superiore iure cautionum, aut ductionum in ius ad reum in iudicio se sistere cogendum utantur.

AD TIT. III. LIB. II. C. DE PACTIS.

S Y M M A R I A.

- 1 De Pactis edicti partes dua, earum summa, & quæ in his quarantur.
- 2 Pactio quid.
- 3 Pactum idem, quod pactio, & in eo obiectis responsum.
- 4 Pactum genus, eius species contractus.
- 5 Pactum simpliciter nominatum, intelligi veteribus pactum nudum, & cur.
- 6 Pacta conuenta se seruaturum edicens prætor, de contractibus omnibus edicere intelligitur, & quam hoc non otiose.
- 7 De pactis edictum, cur inter ea quæ iudicium antecedunt, locatum.
- 8 Pacta de non petendo, cur potissimum tractata a iurisconsultis in explicatione edicti de pactis.
- 9 Conuentum, conuentio, quid.
- 10 Conuentionis verbum cur ab Ulpiano solum generale dictum.
- 11 Pactum conuentum idem, & quam hoc sensu recte ista iungantur a veteribus.
- 12 Pacti verbum dubie originis.

DE vi pacti, omnisque conuentionis edictum est a prætore propositum, quod sub hoc titulo cum in Pandectis, tum in Codice explicatur. Id edictum est, quod proponitur in *l. iuris gentium. §. prætor ait. ff. eo.* Eius edicti duæ sunt partes. Vnâ, qua prætor pollicetur se pacta seruaturum. Altera, qua pollicetur, se quædam non seruaturum, in quibus nominatim excipit ea, quæ dolo malo facta erunt, & quæ contra leges. In priore parte ingens occurrit dubitatio ex eo, quod pro iure certo traditum sit, ex pacto actionem non nasci, *l. iuris gentium. §. sed cum nulla. §. quin imo. ff. eod. l. legem. C. eod.* hoc enim posito, queritur primum, an videatur id cum edicto conuenire, in quo prætor pollicetur sine exceptione se pacta bona fide facta seruaturum. Deinde si quædam valent, quædam non valent, magna questio est, quomodo, quæque nota hæc genera distinguamus. Postremo ut quædam valeant, quædam non valeant, tamen hoc erit explicandum, cur placeat vnum genus valere potius, quam alterum: cum ratio naturalis, quæ pacta tuetur, efficere videatur, ut omnia pacta debeant seruari. Est enim hæc, conueniens esse æquitati naturali fidem seruare, *l. i. ff. eod.* Ea vero ad omnem conuentionem

pertinet. Nos quæ erant huius loci, expedire conati sumus ad *l. legem. §. l. in bona fidei. j. eod.* In altera parte edicti querendum est, quod sit pactum dolo malo factum. quod attingam ad *l. cum postea. j.* item quæ contra leges, quæ in fraudem legum. de quo mihi constitutum est dicere ad *l. pacta, quæ contra. j.* Ad utramque autem partem, & omnino ad omnem conventionem ante omnia pertinet querere, quid sit pactum, quid conventum: quando prætor edictum ita concepit, *pacta conventa servabo.* de quo nunc dicam.

2. Pactum est, duorum pluriumve in idem placitum & consensus. Sic enim pactio definitur ab Ulpiano in *l. 1. ff. eod.* Nobis autem videtur cum aliis multis, iisque eruditissimis hominibus idem esse pactum & pactio. Sed de eo mox plura. Nunc superioris definitionis verba expendemus: quia siue idem est pactum, quod pactio, ea est definitio, quam quarimus: siue non sunt ista eadem: tamen hæc differentia erit eorum sententia, qui ista distinguunt, quod pactio generis nomen est, pactum speciei. At semper inest genus in specie: ut dicendum sit, pactum esse pactionem, ideoque duorum placitum, & consensus: tamen si pactum erit aliquid amplius. Vtraque igitur de causa illa definitio superior hæc loco explicanda est. Est placitum & consensus, ut intelligas remoueri sermonem & tractatum eorum, quorum nullus consensus, nulla voluntas est, ut furiosi, & infantis, *l. furiosi. ff. de regul. iur. l. 1. §. furiosum. ff. de oblig. & actio.* & eorum, qui aliter loquantur, ac sentiunt, ut sunt, qui promittunt vel loci, vel doctrinæ causa, *l. 3. ff. de oblig. & actio.* & qui promittunt etiam simulandi gratia, ut fiat is contractus, quem appellamus imaginarium, *l. contractus imaginarii. ff. de oblig. & actio.* Duorum pluriumve, positum ad discrimen supremarum voluntatum, quæ habent quidem sententiam & placitum: sed vnius testatoris, non duorum. Vnde illud dictum in *l. verba ff. de verb. signifi.* verba, contraxerunt, gesserunt, ad testandi ius non pertinent. Sunt enim videlicet verba contrahentium. Ita ad discrimen pollicitationis, quæ habet promissionem: sed solius offerentis: non duorum consensus *l. 3. ff. de pollic.* In idem, valet in hoc, ut idem aliquid fiat, sequatur, aut contra ne fiat, ne sequatur. puta, ut des aliquid, aut facias: aut contra ne des, ne facias: veluti, ne a me petas. Recte autem, & consulto dictum est in idem, non in eadem re: quia non omnes, qui de eadem re consentiunt, paciscuntur, sed qui consentiunt in eandem rem. De eadem re, seu in eadem re consentire dicuntur, qui de eadem re idem sentiunt, quique affirmant rem ita aut ita se habere, ut cum philosophi virtutem summum bonum esse statuunt. In eadem autem rem, & quod idem est, in idem consentiunt, non qui de eadem re idem affirmant tantum: sed qui ita affirmant, ut simul recipiant futurum, ut ea res sequatur. quod qui faciunt, promittunt, proinde paciscuntur. Ergo definitur pactio isto modo, eiusque definitionis ea vis, & significatio est, quam modo dixi. Num [†] idem sit pactum,

3. ut neque plus, neque minus contineat, queritur. Duareno non videtur doctissimo & grauissimo Iuriconsulto. de qua re ille scripsit ad *l. 1. ff. eod.* & eandem sententiam postea tutatus est lib. 2. *Dispui. cap. 8.* Ceteris videtur omnibus esse idem. cum quibus ego sentio. Ac mihi quidem multas & graues causas habere videor huius sententiæ. Quid est enim ex iis, ex quibus significatio verbi deprehendi solet, quod hic non con-

currat, ut pactum idem esse interpretemur, siue analogia & ratio in verbo spectatur, siue vsus loquendi veterum, siue ipsius auctoris, id est, Ulpiani mens & sententia cum alibi, tum in huius edicti interpretatione? In ratione verbi animaduerto, quod differt promissum a promissione, stipulatus a stipulatione, emptum ab emptione, hoc necesse esse pactum differre a pactione. Est enim in omnibus eadem analogia, derivatio & inflexio a suo themate eadem. At promissum & promissio idem significant: stipulatus & stipulatio idem: similiter emptum & emptio. Stare promissis est id, quod dicimus satisfacere, & obtemperare cautioni, id est, promissioni. Pollicitatio est solius offerentis promissum, id est, promissio in *l. 3. ff. de pollic.* Actio ex stipulatu est, actio ex stipulatione in *l. pradia. ff. de acti. em. l. si pacto. j. eod.* ut actio ex emptio, actio ex emptione, *l. ex conventionibus. j. eod.* Idem igitur similiter pactum & pactio. Si de vsu verbi queritur, *Cic. libr. 2. de Inventione*, eodem modo pactum definiuit, quo Ulpianus hoc loco pactionem. *Pactum*, inquit, *est quod inter aliquos conuenit.* Auctor ad Hæceniū eodem modo *libr. 2.* Si queritur de Ulpiani sententia, ipse de pacto scripsit *idem in l. 3. ff. de pollic.* quod de pactione. *Pactum*, inquit, *est duorum consensus, atque conuentio.* Quid hoc loco? non scripsit ille quidem diferte de verbo pacti. sed cum interpretaretur edictum de pactis, huius debite pactionem definiens, & conventionem, nihil aliud declarauit, quam ista se intelligere esse eadem, pactum & pactionem, cōuentum & conventionem. Sane enim pactum & conuentum definiuit eum oportuit: quoniam hæc verba erant in edicto. Pactionem autem & conventionem quid attinebat definire, si hæc a pacto & conuento differunt: cum hæc verba in edicto non essent? Non dubium est igitur, quin, ut dixi, Ulpianus prudens & attentus scriptor ideo pactionem & conventionem solum definiuit, quia pactionem & pactum, conventionem & conuentum idem valere & declarare statuerit. Sed mouetur præcipue Duareno, quod si pactum esse dixerimus duorum placitum & consensus, consequens erit contractus esse pacta: consequens hoc quoque, prætor hoc edicto etiam de contractibus edicere: quorum neutrum ille admittendum putat. Ego autem nihil video esse, cur si contractus conuentio est, non dicatur etiam pactio & pactum. Negat ille se animaduertisse, venditionem, locationem, & similes contractus a veteribus dici pacta. Fortasse ne pactiones quidem dici animaduertit. Neque eo minus pactiones dici confitetur. Sed pacta dicuntur sine dubio in *l. in traditionibus. infr. eodem.* Quod enim illic dicitur dominia rerum traditionibus, non nudis pactis transferri, valet non conventionibus solis, quæ traditionem non habent, qualescunque fuerint. Nam nec pacto nudo, ut hoc titulo pactum nudum appellamus, nec ullis venditionibus, aut contractibus aliis dominia rerum transferuntur, *l. quoties. j. de rei vin.* Ille probat contractus pacta non esse. quam ad rem profert multos locos cum ex aliis auctoribus, tum ex nostris, in quibus in summa, contractus a pacto conuento distinguitur. quibus non efficitur, meo iudicio, quod vult. Illi enim loci arguunt, non esse idem contractum, & pactum. quod est verissimum. Sane enim multum inter se distant, ut distat species a genere. Pactum [†] enim genus est: pacti & conventionis species contractus. Sed non eo minus contractus est pactum. Semper enim genus de sua specie dicitur: ut, *homo animal*

animal est, etsi inter animal & hominem multum interest. Ac ne quis dubitet hoc in pacto recte dici, etsi a contractibus distinguitur; idem plane licet animaduvertere in pactionis verbo. Sic enim scriptum est in *l. 3. ff. de usus. vsum fructum* constitui extra testamentum pactionibus & stipulationibus. Hic quoque pactiones distinguuntur a stipulationibus. At nihilominus stipulatio est pactio iisdem etiam auctoribus. Quapropter non si pactum a contractu distinguitur, ideo contractus pactum non est. Plus dico: etsi concefferimus pactum specialiter accipi pro pacto nudo: non tamen ideo consequens erit, pactum generale nomen non esse, cum per se ponitur. Non enim nouum est, idem verbum & generis nomen esse, & speciei: quod adoptionis, cognationis, actionis nomina satis probant, *l. 1. ff. de adopt. l. Iurisconsultus. §. 1. ff. de grad. l. pecunia. §. actionis. ff. de verb. sign.* Imo, † inquit, cum pactum absolute nominatura veteribus, pactum nudum intelligitur, nec contractus continetur. quod declarat veterum regula, ex pacto actionem non nasci, *l. 7. §. quinimo. ff. eo. l. legem. j. eo.* Sed hæc regula nihil eum adiuvat. Nam ut veteres hac regula contractus certos, eisdemque qui proprio nomine appellantur, excludunt: sic excludunt & incertos, cum dedi tibi, vt faceres, & similes *d. l. legem j.* Neque tamen quisquam ex eo colligit, hanc conventionem pactum non esse, cum do tibi ea conventionem, vt mihi des, aut facias. quod si faceret, multis modis vt in re aperta refelleretur. Nisi forte pacti verbo eas tantum intelligimus conventiones, quæ actionem non pariunt, vt ille significare videtur multis locis. quod non ita est. Nam conuentio de pignore, pactum est, etsi ex eo iure honorario nascatur actio, *l. si tibi decem. §. de pignore. ff. eo.* Quare si ex superscripta regula non recte colligitur hæc pacta non esse, quamuis actionem pariant: ne illud quidem ex ea recte collegeris, contractus pacta non esse, quia contractus certi actionem pariunt. Cur ergo in superscripta regula pactum intelligunt veteres pactum nudum? non quia omne pactum sit nudum (alioqui male quædam dicerentur nuda, ad delictum eorum, quæ nuda non sunt) sed quia pactum, quatenus nihil, nisi pactum est, per se actionem non parit. Qui dotem ea lege dedit, vt ea sibi redderetur soluto matrimonio, habet quidem ille actionem existente conditione conventionis: sed non ex pacto, id est, ex pacto solo: sed ex eo etiam, quod præter conventionem dedit ea lege, vt acciperet. † Ergo, inquit ille, hoc edicto de pactis cōuentis edicens prætor de conuentionibus omnibus edicere intelligitur. Quod abhorre a sententia prætoris existimat. Pollicetur enim se pacta esse seruaturum. Hoc edicere de contractibus esset superuacuum & ineptum, cum contractus satis iure valeant sine tuitione prætoris. Quam sententiam confirmari putat & edicti collocatione, & Iurisconsultorum circa hoc edictum interpretatione. Etenim edictum inter ea, quæ iudicium antecedunt, locatum est: non alia de causa, quam quod pactum ad litem remorandam pertineret. Sic autem pertinet, si quod pactum est, quo id agitur, vt a lite discedatur. Congruit hæc sententia Iurisconsultorum interpretationi, quæ sub hoc titulo in Pandectis talis est, vt post edictum omnis illorum tractatio sit de iis pactis, quæ fiunt, ne quid petatur. Sed nihil horum, vt puto, reperietur. Esset ineptum, & alienum, fateor, prætorem de contractibus edicere, si hoc solum polliceretur se pacta seruaturum. Nunc au-

tem ea excipit, quæ dolo malo, & contra leges facta erunt. Hoc in contractibus statuere non modo non est otiosum: sed etiam est eiusmodi, vt de his solum contractibus, qui iure valent, statui oportuerit: in ceteris autem cōuentionibus fuerit inutile & superuacuum. aduersus has enim satis iure munitus est reus; cum iure ipso actionem non pariant. Contractus autem, qui iure pariunt actionem, etiam si dolo malo, aut contra leges quid promissum sit, necesse est reum teneant, nisi hicaliqua exceptione defendatur. Ea vero exceptio hoc edicto aduersus omnem eiusmodi pactionem est comparata.

Iam † cum ea exceptio æque ad moram iudicio afferendam, & tuendum reum pertineat, atque illa, quæ ex pacto nascitur, non est, cur minus ad instruendum iudicium, quam pacti exceptio, existimetur pertinere. Et ideo vtrique de causa edictum hoc loco recte collocatum.

Quod † autem post edictum propositum omnis fere hoc titulo tractatio Iurisconsultorum in Pandectis, est de pactis, quibus id agitur, ne petatur, non debet in eam partem accipi, quasi de aliis prætor hoc edicto non senserit (alioqui hoc efficietur non contractus non esse pacta: sed illud potius, vt recte Baro scripsit ad *§. quinimo. l. 7. ff. eodem.* non alia esse pacta, quam quibus paciscimur, ne agatur. quod ne hi quidem dicunt, qui contra disputant) sed quia maxima pars eorum pactorum, quæ ex hoc edicto valent, est eorum, quæ pariunt exceptionem. Nihil igitur assertur, cur hic sub pactionis verbo pactum non sit definitum, multoque minus, cur pactum non sit duorum pluriumue consensus.

Quid † sit conuentum, videamus. Et vt ante pactum pactionis definitione: sic deinde quid sit conuentum, conventionis definitione explicat Vlpianus in *d. l. 1. §. 1. ff. eo. Conuentionis*, inquit, *verbum generale est ad omnia pertinens, de quibus negotiis contrahendi transgendiue causa consentiunt, qui inter se agunt.* quod nihil aliud est, nisi conuentionem esse plurium consensum, vel placitum contrahendi transgendiue negotii causa interpositum. Vbi contrahere negotium valet, obligationem contrahere. Transigere autem, finire, & dirimere. Nam nisi ita accipimus, pacta liberandi debitoris causa interposita conuentiones non erunt. quod aperte falsum est. Idque Vlpianum sensisse apparet ex eo, quod dicit verbum conuentionis generale esse: item ad omnia pertinere, de quibus consentiunt, qui inter se agunt. quod quidem non aliter fit, quam si conuentionis verbum omnem consensum contineat tam eum, qui ad alium obligandum, quam eum, qui ad reum liberandum pertineat. Itaque qui in hac definitione verbum transigere pro gerere, usurpatum esse, eoque & prætermitti potuisse dicunt, non video, quomodo aliam interpretationem imperitis & rudibus tribuant. Nam ne illi quidem ipsi ignorât, transigere latinis interdum esse finire & conficere rem, efficere, vt nihil sit amplius nobis negotii cum aliquo. vt apud Terentium in *And. act. 1. sce. 5. quot modis contemptus, spretus, facta, transacta omnia, hem repudiatus repeto.* Quod si ita est, pactio & cōuentio idem exprimunt. Nam illud, in idem, quod est in definitione pactionis, quid est, nisi in hoc, vt aliquid fiat negotii vel contrahendi, vel dirimendi causa? definitio igitur amborum eadem. proinde & ipsa inter se eadem. Quapropter vt conuentionis sic pactionis verbum generale est. Cur † ergo in verbo conuentionis

nis id solum dixit Vlpianus, verbum hoc generale esse: vt intelligeremus non solum pactionem esse generale verbum, quod ex definitione prius intelligebatur: sed etiam conventionem. quod de conuentione prima fronte potuit dubitari. Vt enim est verbi origo, vnde conuentio dicta est, non videatur fortassis pertinere ad eos, qui de negotio transigunt. Horum enim consensus & factum potius dicatur discessio, quam conuentio: cum ipsi non in eandem rem veniant, sed ab eadem re discedant. Quod & verum est, si negotii, a quo disceditur, ratio habeatur. Sed si is consensus spectatur, quo agitur, vt a negotio discedatur, etiam hic consensus conuentio est. Qui enim ita consentiunt, in eandem sententiam simul veniunt & decurrunt, vt Vlpianus loquitur: quod ille in conuentionis verbo spectandum esse monet. Quod si conuentio placitum est duorum & consensus, erit & conuentum duorum placitum & consensus. Ex quo intelligitur & pactum & conuentum idem esse, & vtrumque per se positum idem valere. Itaque vt dicimus absolute promissum facere, sic absolute dicimus facere conuentum, stare conuentis eadem significatione. Cic. lib. 1. de offic. Potest enim accidere promissum aliquod, & conuentum, vt id effici sit inutile vel ei, cui promissum est, vel ei, qui promiserit. Idem lib. 3. de off. Sic multa, quæ natura honesta videntur esse, temporibus sunt non honesta: facere promissa, stare conuentis, reddere depositum commutata utilitate fiunt non honesta. Neque vero si hæc iungantur, diciturque pactum conuentum, ideo mutatur conuenti significatio, & quod per se substantiuum erat, iunctum fiet adiectiuum, quod vel inde constare potest, quod pro pactum conuentum, Iuuenalis alicubi dixit pactum & conuentum, his verbis: Conuentum tamen, & pactum, & sponsalia nostra Tempestate paras. & Cicero pro Cæcina: Quæ iudicia, aut stipulationes, aut pacti & conuenti formula non infirmari aut infringi potest? Sunt igitur hic duo substantiua ἀνδράσας, iuncta, vt alia pleraque eiusdem modi, æquum bonum, purum putum, facta recta, ruta cæsa. Sed si idem est conuentum, quod pactum, cur hæc coniunguntur otiose, cum alterum sufficiat? Fit hoc vel rei magis exprimendæ causâ κατὰ τὸ αἰτῶν, vt in illis, æquum bonum, cum idem sit boni consulere, quod æqui consulere: & in illis purum putum, cum argentum id purum sit, quod est putum, & putum, quod purum: vel, quod mihi propius vero videtur, ambiguitatis vitandæ gratia, quæ est in verbo pacti. Nam pactum & a pacifcor deducitur, & a verbo pango. A pacifcor pactum est, conuentum, a pango, pactum est, fixum, aut iunctum: huius ambiguitatis tollendæ causâ additur conuentum: vt cum dicit prator, pacta conuenta seruabo, perinde sit, quasi diceret, pacta seu conuenta, vel pacta (hæc autem intelligo, quæ sunt conuenta) seruabo. Id ita esse ex eo probari potest, quod verbum ipsum pacifci cum ponitur, per se ponitur. Non enim dicimus quemquam pactum esse, conuenisse. Similiter & verbum pactionis. Inauditum est enim pactio, conuentio interposita est. cur? quia scilicet verbum pacifci & pactionis, notæ est, & certæ, non ambiguae significationis, non minus, quam conuenire, & conuentio. Eo videlicet ad significationem explicandam non eget adiuncto. Nomen pacti, non item certum, vt dixi, propter incertum deriuationis. Hæc incertitudo adiuncto declaratur. Cetera ad vniuersam de pactis quæstionem pertinentia si quis vno in loco ve-

lut in tabula proposita desiderabit, ea summam ac methodo a me comprehensa ad calcem huius commentarii adiecta reperiet: vt hac opera etiam, si videtur, ad singularem partium, quæ hic fusioris interpretationis causâ suis quæque locis sparsæ sunt, ordinem & collocationem, ac totius velut corporis exadificationem vtatur.

L. 1. Conditionis.

Impp. Seuerus & Antoninus AA. Philino.

Conditionis incertum inter fratres non iniquis rationibus conuentione finitum est. Cum igitur verbis fideicommissi petendum a patre tuo profitearis, vt, si vita sine liberis decederet, hereditatem Licinio Frontoni restitueret: pactum eo tempore de sextante Licinio Frontoni dando, cum liberos Philinus non sustulerit, interpositum non idcirco potest iniquum videri: quod facta (sicut placuit) diuisione diem suum, te filio eius superstite, functus esset. PP. VII. Kalend. Decemb. Seuerus A. & Victorinus Coss. 204.

S V M M A R I A.

- 1 Summa sententia obscuri rescripti.
- 2 Hypothesis, quæstio, atque ambigendi causâ.
- 3 Responsi verba obscura explicantur.
- 4 Conditionis incertum quid sit, & quid contineat in specie hic proposita.
- 5 Conditionis incertum quomodo hic finitum conuentione.
- 6 Conditionis incertum quam hic finitum non iniquis rationibus.
- 7 Spem fideicommissi conditionalis pacto remitti posse, ipsum fideicommissum repudiari non posse, & differentia ratio.
- 8 De viuientis bonis non pacisci eum, qui heredi fideicommissario spem fideicommissi ab eo relicti remittit.
- 9 Fideicommissio relicta ab herede si is sine liberis decesserit, preferri liberos fideicommissario, sed ita vt nihil hic liberis legari intelligatur, eoque nihil obstant liberi, quominus heres remoto fideicommissario quiduis de bonis possit alienare.
- 10 Sextantis in specie proposita a Philino dati nullam esse ob liberos ab eo postea susceptos repetitionem, quia non sit datus ob causam, si liberos postea non suscipiat, aut quia causâ non sit expressa.
- 11 Transactio in specie hic proposita, & cur species in hunc titulum relata.

Habet hoc rescriptum hanc sententiâ: Qui spem fideicommissi conditionalis sibi delati, ac cuiuslibet futuræ perceptionis pacto remittit, & pro ea remissione quid accipit, non sine iusta & præsentē causâ accipit. proinde quamuis spes emolument, seu perceptionis postea deficiat: tamen cessabit dati repetitio, tãquam ob causam dati causâ secuta. Species facti huiusmodi. Pater decessit duobus filiis heredibus relicta, Philino, & Licinio, Frontonibus. Is pater testamento aut codicillis petierat a Philino, vt si sine liberis decederet, portionem suam hereditatis Licinio Frontoni fratri suo restitueret. Philinus, a quo fideicommissum relictum erat, nondum susceptis liberis veritus, ne non susciperet, & cupiens tamen portionem suam ad suos heredes transmittere, egit cum Licinio fratre fideicommissario, vt is spem fideicommissi remitteret, seu pacifceretur se in omnem euentum fideicommissum non petiturum. obtulitque

Primum ¶ dicitur fideicommissi spem nec pacto remitti posse pendente fideicommissi conditione, argumento esse quis dixerit, quod fideicommissum pendente conditione repudiari non potest, *l. si ita scriptum. §. 1. D. de leg. 2.* Sed hoc nullum argumentum est. Sine enim causa est, cur ista inter se distinguantur pactum & repudiatio, siue non est, certe separari constat: ut fideicommissum quidem sub conditione relictum pendente conditione repudiare non possimus, *d. l. si ita scriptum. §. 1. D. de leg. 2.* at de eo pacisci liceat pendente conditione, *l. & heredi. §. si iusta. l. pactum. in fin. D. eo. & hic.* Ne tamen putemus temere separari ista, cum in pacto insit fideicommissi remissio iudem, ut in repudiatione, differentia ratio hac erit, quod repudiatione iam nunc, & in praesens tempus fideicommissum remittitur, quod pendente adhuc conditione nullum est, pacto remittitur in futurum, idque cum fideicommissum peti posse coeperit. Qui repndiat, dicit se nolle rem delatam ad se pertinere, qui paciscitur, hoc dicit, se quamvis postea res coeperit deberi, tamen eam non petiturum. Prius repudiatione effici non potest: quia per rerum naturam non licet remittere eam obligationem, quae nulla est: a nobis abdicare id, quod delatum non est. Posterius pacto recte efficitur: quia remittitur id, quod est in iure nostro; & licet vnicuique paciscendo iuris sui persecutionem deteriore constitutuere, *l. 7. §. si paciscar. & l. pactum. D. eo.* Eandem vim habet, quod traditum est de repudiatione, eius nimirum esse nolle, qui potest & velle, *l. 4. D. de acquir. hered. l. eius. D. de regul. iur.* Superiore sententiam de vi pacta non offendit, quod traditur in *l. nos. infr. de postl. re. de facultatibus eius, qui ignoratur, vtrū viuat, necne, nec transigi posse, id est, nec ab vno ius in his facultatibus delatum remitti posse. Non enim ideo hic remissio*

iuris non valet, quia in hac incertitudine ius nostrum sit adhuc in suspensio: sed quia de viui hereditate pacisci nō licet. *l. ult. j. eo.* & nihil interest ad periculum pactionis, vtrū de mortui, an de eius bonis agatur, cuius vita in incerto est. Multo minus ei sententia aduersatur, quod si ante aditam hereditatem heres voluntatem accommodarit legatario, vt ei rem legatam possidere liceret, placet eam voluntatem non obesse heredi adita hereditate, quominus legatum ad se reuocet. *l. i. §. quod ait praetor, voluntate. ff. quod leg.* Hic enim animaduertitur sola permissio heredis sine pactione fore, vt nūquam id repetat, etsi heres factus erit. Permissio nulla est eius, qui si vellet, nolle non potuit: eius est velle, qui potest & nolle. *l. eius. ff. de reg. iur.* & contra *l. si quis extraneus. §. i. ff. de acq. here.* † Sed affertur hoc etiam, cur L. cinius Fronto fideicommissarius nihil videatur hic remississe, ac ne spem quidem, quia nec potuerit, quippe paciscitur de parte, quae est Philini fratris post mortem eius non petenda, id est, de hereditate viuentis, non mortui. porro de bonis viuentis nec pacisci licet, nec transigere. *l. ult. j. eo. l. nec nos j. de postlimin.* Sed dicendum est hanc parrem, quae nunc Philini est, cum pactum interponitur si diuersa tempora spectentur, modo esse Philini, modo defuncti patris. Quandiu Philinus viuit, tandiu eius est mortuo Philino sic eius esse definit, vt retro non videatur vnquā eius fuisse, sed patris, atque eius semper mansisse remora Philini persona. Deniq; ex fideicommissio testatori succeditur, non heredi, a quo relinquitur fideicommissum. *l. coheredi. §. cum filia. ff. de vulg.* Iam vero in hunc casum paciscitur Licinius de ea parte, quo Philinus sine liberis decesserit. quo tēpore res defuncti patris, eiusdemq; testatoris esse incipiet, vt a principio. Quare in id tempus pactionem conferendo paciscitur de hereditate eius, qui iam nūc mortuus sit, non de hereditate viuentis. Nihil ergo proponitur, cur Licinius conuentione spem fideicommissi non recte remiserit. Quāquam quid attinet hic laborare? de bonis viuentis non licet pacisci, id est, de viuentis successione nobis non delata, quamuis ei renuntiemus. de quo dixi ad *l. ult. j. eo.* at quominus renuntiemus viuentis bonis, quae nobis deferuntur ex fideicommissio, nulla lex verat: cum liceat heredi rogato heredibus suis consulere. vide, quae scripsi ad *d. l. ult.* Sed fortasse fideicommissum recte remiserit Licinius Fronto: at Philinus sextantem de portione sua liberis suis adimere non potuit. De quo altero iam cōsideremus. Et † sane si ex iudicio defuncti patris portio Philini debuit restitui eius liberis, quidquid de ea portione alienatum fuerit, a liberis reuocari potest. Sicq; est in vniuersum conditio rerum fideicommissio obnoxiarum, vt nihil de iis possit in fraudem eorum, quibus fideicommissum datum est, alienari. *l. vlti. §. pe. Et aurb. seq. j. comm. de lega.* hoc autem in proposito ita videri potest, cum testator ita dixit, si sine liberis Philinus decesserit, portionem suam fratri restituat, hac conditione, si sine liberis decesserit, voluisse testatorem liberis exstantibus portionem his restitui, esseque in his verbis fideicommissum, hoc argumento, quod in *l. Lucius. §. i. ff. de hered. inst.* Scauola scribat, ex scripta conditione testatorem praeiulisse liberos fideicommissario. Sed hoc ratum sit, ex superiore conditione nihil relinqui liberis, & generaliter ei, in cuius personam conditio collata est, nec legari nec relinqui quidquam. *l. si quis sub conditione. ff. si quis omf. caus. test.* quemadmodum & illud verum est non legari eas

res, quae ponuntur in conditione. Vt, si testator ita dixerit, si heres meus penum non dederit, decem dato, penum non est legata, sed decem sola, etsi cupit testator penum ab herede dari. *l. i. §. item si ita in fin. ff. ad. l. Falc.* Quapropter nihil obstat superior lex, quae est de rebus oneratis fideicommissio, quominus siquid Philinus de portione sua alienauerit, in iuris liberis rata sit alienatio. Verum est tamen suprascripta conditione adiecta testatorem praeiulisse Frontoni fideicommissario Philini liberos: scilicet vt si concurrerent Philini liberi, & Fronto, & aliquid esset in bonis Philini, liberis eius portionem patris sui potius obtinerent. sic enim liberi preponuntur Philino ex iudicio testatoris. Sed non ideo efficitur his fideicommissum datum. Quin imo ita recte dicitur, vt testator praeiulit Philini liberos fideicommissario: ita Philinum praeiulit ipsius Philini liberis, eodem plane modo, vt fit in donatione causa mortis. Hic enim dicimus donatorem malle donatarium habere rem donatam, quam heredem suum. neque tamen ea res impedit, quominus malit se habere, quam donatarium, & de ea quominus possit pro arbitrio statuere. *it. de donatio. in princ.* 10 Aitunt † Imperatores Philinum pactū esse de sextante dando, cum liberos nōdum suscepisset. Inepte mihi videtur dubitari, an si Philinus postea liberos suscipiat, id satis sit causa, vt sextans repetatur, quasi Philinus, si id sperasset, sextantem daturus non fuerit. Quod enim ob causam futuram nominatim datum est, id est, vt aliquid sequatur, sane causa nō secuta repeti potest. At num sextans, hic datus est ea lege, vt maneret penes Licinium, si liberi a Philino suscepti non essent? Immo contra ita aperte datus est, vt omni modo maneret apud Licinium, dummodo is iam nūc fideicommissi spem remitteret. Tum autem vt demus Philinum hoc animo fuisse, vt liberis susceptis sextantem repeteret (quod nemo dicet, cum factum Philini aperte ei aduerteretur) tamen nihil ei profuerit ipsum fuisse hoc animo, si hanc conditionem nominatim non adiecit. *l. si repetendi. j. de cōd. ob caus. da.* Quasitum † est, sitne in hac specie transactio, an pactum dumtaxat, vt sciremus, quam apposite species relata sit in hūc titulum, de pactis, & quid ad eum pertineat. Non dubito, quin sit transactio, vt in specie *l. de fideicommissio. j. seq. titul.* cum vtroque remittatur spes fideicommissi modico praesente accepto, & vtroque fideicommissum sit incertum. Nam quid ad rē facit, quod fideicommissum fuit illic mutuum? An eo minus est incertus euentus fideicommissi conditionalis, quia vni tantum relictum est sub conditione? Sed non ideo hoc rescriptum non recte sub hoc titulo locatum est. Nam in specie hic proposita nō id quaeritur, an possit transigi de fideicommissio: sed an pactum sit iustum, quo id agitur, vt sextans Licinio datur huius remissionis nomine: ac responderetur iustum esse, eoque seruandum. Quod plane ad edictum de pactis pertinet.

L. post venditionem. II.

Impp. Seuerus & Antoninus A. A. Claudio.

Post venditionem hereditatis a te factam, si creditor contra emptores actiones suas mouisse probare poteris, eosq; eas spontanea voluntate suscepisse: exceptione taciti pacti non inutiliter defenderis. PP. prid. Idus Febr. Senatro III. & Anton. A. A. (off. 203.)

S V M M A R I A.

Hereditatis venditio commodum & incommodum

ut velut pro suo arbitrio statuere

ut in donatione causa mortis
liberos preheret substituto, at v

atque onus omne ad emptorem spectare, ut ipsa & potestate verbi.

- 2 Hereditate vendita, nihilominus venditorem obligatum teneri creditoribus hereditariis, ut ante, non etiam emptorem.
- 3 Hypothesis: rescripti summa, & quæ in eo quarantur.
- 4 Emptor hereditatis actiones hereditarias nomine venditoris suscipiendo venditorem liberat, & quo iure, utrum exceptione, an iure ipso.
- 5 Hereditarios creditores cum emptore hereditatis agendo videri cum emptore tacite pactos, ne a venditore petant, & unde colligatur hoc pactum.
- 6 Pactum creditorum hereditariarum cum emptore interpositum, ne a venditore petant, venditori prodesse, & cur.
- 7 Pacto superiore venditorem liberari etiam si emptor non sit soluendo.
- 8 Tacitum pactum ex edito valere.
- 9 Tacitum pactum liberandi causa quod sit, & quibus ex rebus colligatur.
- 10 Cautio reddita debitori.
- 11 Acceptilationem inutilem pactum habere, ne petatur.
- 12 Usuras in futurum acceptas pactum habere, ne intra id tempus fors petatur.

VT possit genus facti & conventionis ratio, quæ hic proponitur, commodius intelligi, ante breviter dicendum est, vendita hereditate quid agatur inter emptorem & venditorem hereditatis. Nam & de his quæstio est, & ex eo iure fere omnis pendet huius rescripti ratio. † Et constat id agi, ut quemadmodum res hereditariæ omnes, itemque actiones, luctum denique omne hereditatis sit emptoris: sic damnum etiam, atque incommodum omne ad eundem respiciat: quo in genere est æs alienum. proinde id agitur, ut æs alienum emptor hereditatis agnoscat, l. 2. §. non solum. §. si cui. §. ult. ff. de hered. vel act. vend. Id ex conditione rei venditæ agi intelligitur. hereditas enim venditur. hereditas autem iuris nomen est, eaque commoda & incommoda continet, l. hereditatis. ff. de verbor. signific. l. 1. 2. 3. ff. de bo. poss. Hoc † quamquam agitur inter emptorem & venditorem hereditatis: non tamen ea vis est huius conventionis, ut aut venditor, qui re vera est heres, non amplius teneatur creditoribus hereditariis, aut emptor, in quem hereditas est translata, his incipiat teneri: Inter ipsos res geritur tantum, ut quod agunt inter se ipsis tantum aut profit, aut noceat. Itaque si emptor creditoribus sponte satisfaciatur, fidem liberat. si venditori ipse soluerit, cum conveniretur, id ipsum ab emptore venditi iudicio consequetur. Ceterum ea conventio alios non attingit, nec obligationem, quæ fuit, mutat. Quod ad venditorem attinet, is iure primum heres existit, atque hereditate adita ita cæpit æri alieno teneri, quasi qui cum creditoribus hereditariis contraxisset. Hocque est, quod dicitur hereditatem æri alieno nos obligare, quamvis non sit soluendo, l. more ff. de acq. hered. l. apud Julianum. in si. ff. quib. ex caus. in poss. eat. obligatione suscepta, facto suo creditorum obligationem nec tollere potuit, nec mutare l. debitorum. j. eo. tit. nec quia hereditatem vendidit, ideo desinit heres esse, qui semel existit, l. ei qui soluendo ff. de her. instit. l. & eleganter. §. sed quod Papin. ff. de minor. Quod attinet ad emptorem hereditatis, quia neque heres sit emptione (cum hereditas testamento,

aut lege ab intestato, non prius pactio deferatur. l. hereditas. j. de pact. conu. l. lege. ff. de verbor. sig.) neque idem cum creditoribus hereditariis quidquam contraxit, aut aduersus eos deliquit: his sine dubio propter emtionem hereditatis non tenetur, itaque nec his agentibus, si velit, cogitur respondere. l. 6. j. de her. vel act. vend.

Cum † hæc ita sint, ex facto quæsitum est. Claudius quidam heres hereditatem vendiderat. Creditores quibus debebatur aliquid ab ea hereditate, postquam hereditatem venditam, & apud emptorem esse cognouerunt, hunc potius secuti, qui se pro herede esse vellet, cum eo agere instituerunt, & ab eo ius suum persequi. Nullo iure id quidem aduersus eum, qui ipsis non tenebatur: ne quis forte nunc requiratur, quas actiones mouerint creditores aduersus emptorem, quas nullas habuerunt, l. si pupil. §. ult. ff. neg. gest. Sed tamen mouerunt. Ille cum, ut supra diximus, iis respondere non cogeretur, quoniam tamen legem venditionis sequi vellet, neque expectare, dum conueniretur a venditore, si quid ille creditoribus soluisset, sponte actiones suscepit. Mox creditores, siue quod emptorem litigiosum hominem experirentur, a quo nihil possent æqui impetrare, siue quod soluendo non esse eum comperissent, emptore omisso cum venditore, qui ipsis proprie obligatus erat, agere cæperunt. Consuluit Claudius hereditatis venditor numnam videantur creditores ipsum liberasse, postquam pro eo emptorem secuti sunt? Rescriptum est ipsum exceptione taciti pacti non inutiliter defendi. Ergo hæc dicunt in summa Imperatores: emptorem hereditatis actiones hereditarias nomine venditoris suscipiendo, eum taciti pacti exceptione liberare. Tria sunt, quæ hic vocentur in questionem. *Primum* quod dicunt liberari venditorem exceptione: cum illud potius videatur dici debuisse, liberari eum ipso iure. *Deinde* quod dicunt defendi eam exceptione taciti pacti: cum in eo quod gestum est, nullum plane pactum proponatur, atque etiam id, si quid sit, interponatur cum emptore, non cum venditore. *Postremo* quod dicunt absolute, defendi eum nihil distinguentes, verum emptor hereditatis soluendo sit, nec ne.

Exceptione †, aiunt, defenderetur venditor. Immo ipsi iure, dicat aliquis. Nam ita est regula iuris, ut quisquis pro nobis iudicium suscipit, nos etiam inuitos liberet: itidem, ut si solueret pro nobis l. solutionem. ff. de solut. Solutione autem constat nos iure civili liberari, l. 5. j. eo. Et expendendum est, quod dicitur, pro nobis, in regula iuris. Is suscipit iudicium pro nobis, qui nostra tantum gratia, nulla sua, iudicium suscipit. Tam vero in proposito emptor hereditatis actiones suscipiendo, & si id agit, ut venditorem liberet: magis tamen negotium suum gerit, id studens, ne si illius defensionem non suscipiat, ipsi iudicio empti teneatur: cum id agatur, ut iam dixi, inter emptorem & venditorem hereditatis, ut emptor omnia onera suscipiens pro venditore satisfaciatur. Quisquis autem actiones, aut defensiones ab alio sibi mandatas suo nomine exercet, rem suam & negotium agit, l. qui stipendia. j. de procur. Ita hoc sentientes Imperatores in hac specie subtili iure debitorem non liberari, hoc ei relinquunt, ut exceptione saltem pacti defendatur.

Ergo † hoc iam secundo loco quaritur, quodnam tandem hic pactum sit, quo eum defendi volunt. Non enim aliud esse potest, quam id, quo creditores pacti sunt, se a ve-

ditore hereditatis non petituos. At ubi tandem hoc pacti sunt? nisi enim cum aliquo conuenerint, non est duorum pluriumue in idem consensus: ac proinde nec pactum. Nihil autem eorum hoc loco proponitur. Et sane nihil tale aperte pacti sunt: ne quis forte huiusmodi aliquod pactum querat. unde tacitū pactū esse dicitur, non nuncupatum, siue expressum. Sed factum aliquid est, & gestum a creditoribus cum emtore, ex quo eiusmodi consensus, qualem supra diximus, colligitur. hic consensus pactum est. *l. 1. ff. eod.* Id quia non minus pactum est, quam si esset expressum, consequens est valere non minus. *l. 2. §. 3. & 4. ff. eo.* cum prator nihil amplius polliceatur, quam se pacti esse seruaturum. Ex quo relinquetur, creditores ita cum emtore agendo videri cum eo pactos esse, nihil se amplius eo nomine a venditore petituos. Nam ut dicamus pactum hoc factum esse cum venditore, nulla ratio permittit: cum creditores nihil cum venditore locuti esse, nihil egisse proponantur. Præterea manifestum est hoc loco dici pactum esse tantum ideo, quia creditores cum emtoribus egerint, illi actiones suscepierint. Restat, ut videamus quibus ex rebus hæc voluntas, atque conuentio inter creditores, & emtores hereditatis in hoc facto colligatur. Et obscurum non est, quid hic agatur. nempe enim emtores ideo suscipiunt actiones, ut aliquem eo facto liberent. Igitur ut vel se, vel venditorem. Ipsi non tenentur creditoribus hereditariis, quantumvis ea lege hereditatem acceperint, ut creditoribus satis facerent, *dist. l. 2. j. de her. vel act. vend.* Quare non obscure id agunt, ut liberent venditorem hereditatis, aut certe ne ab eo petatur: propterea quod re vera præcipue sibi consulunt, voluntque se liberatos a venditore. Id autem ita fit, si ab eo non petatur. Quid creditores? nempe agendo cum emtoribus hac ipsa lege eorum personam sequi intelliguntur. Cur enim cum iis agunt, quos sciunt iure sibi non teneri? Quia sciunt hac lege eos emisse hereditatem, ne venditor amplius inquietaretur, sed omnia onera in emtores hereditatis transfirent. Itaque ex hac conuentione agentes cum volentibus emtoribus, conuentionem cum illis interpositam sequi, & quia sequuntur, etiam probare, eiq; assentiri intelliguntur. Habes consensum creditorum & emtorum de hac re, ne creditores a venditore petant. Quem consensum pactum esse nemo ambigit.

6 Sed et enim ex hac re, dicat quispiam, in aliu d incommodum incidimus, admittentes pactionem cum emtoribus interpositam venditori prodesse, & per liberam personam alibi exceptionem acquiri, quod ius verat, *§. ex his igitur. Instit. per quas personas nobis acqui. l. 1. j. per quas personas.* Nihil nos id mouerit. Ut enim cum stipulamur alteri dari, quod nostrum interest, valet stipulatio. *§. sed & si quis. Inst. de inut. stipul.* sic & recte paciscimur alteri, cum paciscimur, ne petatur ab eo, cuius dissolutam esse obligationem nostra interest, *l. §. heredi. §. ultim. l. fideiussores. ff. eod.* iam autem satis dictum est interesse emtorum hereditatis a venditore non peti, ut qui conuentus a creditoribus hereditariis, si quid præstiterit, id repetiturus sit ab emtoribus. Restat tertium, ut queramus, etiamne si emtores hereditatis non erunt soluendo, tamen nihilominus exceptione tutus sit venditor, atque ita creditores suum amittant. Et ex verbis rescripti apparet nihil referre, utrum emtores soluendo sint, necne: cum dicatur venditorem defendi exceptione, tan-

tummodo ut probentur creditores aduersus emtores mouisse actiones suas, & emtores suscepisse. Sed quominus dubitemus ita esse hanc sententiam diserte expressit Paulus *in l. inter. §. abesse. ff. mandati.* Et si, inquit *debitor delegatus soluendo non sit: tamen bonum nomen fecit creditor, qui admittit creditorem delegatum.* loquitur ille quidem de debitore delegato. Sed nihil interest, utrum aliquem sibi a vero debitore oblatum creditor admittat, an admittat eum, qui ultro iudicium suscipiat pro vero debitore. Nam utroque modo fit delegatio, si quis aliena tantum causa iudicium suscipiat, *l. delegare ff. de nouat.* Sūt qui dissentiant. Sed meo iudicio nihil satis idoneum videtur afferri pro creditoribus. Etenim si dicent iniquum esse se nihil consequi: respondēbimus, si pacti sint, ne quid consequerentur a venditore, esse æquissimum ipsos conuentioni suæ stare. *l. 1. ff. eo.* Siquid temere in eo admiserunt, dicemus eos hoc facilitati suæ expensum ferre debere, *l. 3. in ff. ut in poss. leg. esse lic.* Si dicūt creditores se non fuisse hoc animo, ut liberarent venditorem, si emtores hereditatis soluendo non essent: non sunt audiendi, cum factum eorum ipsis repugnet, id est, cum agendo sine vlla conditione, appareat eos & sine vlla conditione pactos esse ne a venditore peterent, *arg. l. si rependi. j. de cond. ob caus. l. non est ferendus. ff. de trans. §. si a debitore. ff. de iur. dot.* ubi Paulus, cum scripsisset *si maritus admiserit debitorem mulieris promittentis dotem, cum is soluendo non esset, periculum mariti esse:* hanc rationem subiicit, *quia sciens tale nomen secutus videatur, quale in obligatione fuerit.* Quoniam de sciente Paulus loquitur, inde colligi putant, si creditor ignorauerit debitorem delegatum esse soluendo, eius periculum non fuisse. Sed potius in illis verbis Pauli expendi debet illud, *videatur.* Paulus non dicit creditorem in ea specie, quam tractat, admisisse scientem (nam de eo nihil proposuit) sed dicit videri eum scientē admisisse. Quod ego sic accipio, quasi ita dixisset: cū creditor admisit debitorem delegatum, neque inquirendū putauit in eius conditionē & facultates: perinde, hoc est, quasi sciens illum soluendo non esse, eum admisisset. Videtur igitur sciens admisisse, etsi re vera admisit ignorās. Hoc si intelligere & sentire Paulū ex aliis Pauli scriptis, constare potest, hic hæsitari non debet. Nemo .n. melior, & magis idoneus interpres Pauli, quā ipse Paulus. At iam supra dixi Paulum hanc sententia expressisse *in l. inter. §. abesse. ff. mand.* Hæc de sententia rescripti. Illud et ad sententiam edicti ex eo a-
8 nimaduertendum, non minus ex edicto tacita pacta valere, id est, quæ sine verbis intelliguntur, quā quæ exprimuntur verbis. Quid .n. interest, verbis voluntas & consensus declaratur, an re aliqua & facto? *l. 2. ff. eo. arg. l. de quib. ff. de legib.* Omnis autem consensus duorum, pactum est. Proderit igitur in vniuersum tenere, quid sit tacitum pactum, & quonam ex genere facti istiusmodi pacta colligamus. Tacitum et pactum est, cum
9 ex eo, quod aperte gestum est inter aliquos, alterius rei, de qua nihil aperte cautum est, consensus & voluntas colligitur. Sic autem colligitur, quoniam quod geritur, tale est, ut id sine alia re, quæ præcedat, inutile aut elusorium futurum sit. Quæ res enim eiusmodi est, quam natura præcedere oporteat, ea sic accipitur, quasi præcesserit sententia & voluntate eorum, qui illud, de quo constat, inter se gesserunt. Nam eos quidem, qui gesserunt quid inter se, semper

per existimari par est, id quod fecerunt, non frustra gerere voluisse, arg. l. quoties in actionib. ff. de reb. dub. l. si quando. ff. de leg. 2. Ita si id quod gestum est, sine alia re valere non possit, necesse est videri eos, qui quod est consequens probarunt, etiam ea, quæ antecedunt, probare & constituere inter se voluisse. quæ ratione receptum esse scimus, vt. qui hereditatem repudiavit, aut agnovit ab intestato, cum eam ex testamento posset adire, videatur prius tacite ex testamento repudiavisse, leg. illud. ff. de acquirend. hered. Non enim scilicet fieri poterat, vt ab intestato adiret quis, aut repudiaret hereditatem, nisi hæc prius ex testamento esset repudiata. Frustra autem ab intestato repudiare quemquam aut adire voluisse, cum factum eius refragetur, non credimus. Nunc in pacto, de quo
 10 agitur, ne res exemplis egeat, paucis iis utemur, quæ his titulis occurrunt.

Creditor ꝑ debitori suo reddidit cautionem. Placet videri hoc factum inter eos convenisse, ne creditor peteret, l. 2. ff. eo. nempe ideo, quia tunc reddi solet cautio, cum creditor amplius nihil petere debet, frustra que redditur, si postquam sit reddita, creditor adhuc pecuniam possit petere. Frustra porro reddere voluisse si se dicat, non audietur. Sic quia prius est, vt debitorem liberatum velit, quam cautionem reddat, si modo aliquid agere, non ludere voluit: redditione cautionis etiam illud, quod in re vtiliter gerenda antecedere oportuit, voluisse intelligitur. Item ꝑ si quis debitorem liberaturus per acceptilationem, inutilẽ acceptilationem interposuerit, siue quod interrogatus annuerit tantum, siue quod ex intervallo responderit: placet tamẽ tacita pactione id actum videri, ne peteretur, l. si unus. §. pen. ff. eo. ti. l. an inutilis. ff. de accep. Cur quia non dubium est, si quis ad acceptilationem interponendam accesserit, prius fuisse, vt vellet liberatum debitorem, nisi si frustra id facere voluit. quod
 12 non est existimandum.

Eiusdem ꝑ rei & hoc exemplum est in l. qui in futurum. ff. eo. qui in futurum vsuras a debitore accepit, huac Florentinus ait tacite pactum videri, ne intra id tempus sortem petat. Cur hoc, inquam? Ista ipsa ratione, quam supra dixi, quia fieri nequeat, vt vsuras totius illius temporis iure habeat creditor, si per id tempus iure ab illo fors exigatur. At vsuras cum accepit, habere etiam voluit: alioquin ne accepisset quidem. Vnde intelligitur & id quod prius erat, voluisse, vt tantisper fors maneret apud debitorem. Hæc ipsa ratio & in specie, quæ hoc rescripto tractatur, valet. Nam emptorem, cum iure nihil deberet, non frustra actiones suscepisse certum est. At frustra suscepit, si & a venditore peti potest adhuc, vt deinde eodem nomine a venditore postea conveniatur.

L. Seruus. III.

Imp. Senerus & Antoninus AA. Restituto.

Servus creditoris meliorem causam domini facere potest: in deterius autem reformare non pacto non potest obligationem recte constitutam. P. P. VIII. kal. April. Senero. III. & Antonino. AA. C. 203.

S V M M A R I A.

- 1 Paciscendo alterius conditionem deteriorem facere nulli licere.
- 2 Servus aut filius fa. paciscendo an. detrahare possit domini, vel patris obligationi. & num. s.
- 3 Cur de his personis potius id dubitatum, & dubitatio summot.
- 4 Regula iuris explicata: Cuius ex persona quis lu-

crum capit, eius & factum eum prestare debere.

5 Servus dominum obligans ex contractu de peculio, ex maleficio noxali actione, non ideo domini conditionem facit deteriorem.

6 Deteriorem alterius conditionem iure facere neminem posse: natura & facto, puta rumpendo, quemvis posse.

LEX est ꝑ naturæ perducta in mores, & ius civile, eo-
 1 omnes posse, atque adeo debere alterius conditionem, quo ad licet, facere meliorem: deteriorem facere, & omnino alteri nocere non posse. l. soluendo. ff. de neg. gest. Contra hanc legem si quis paciscitur, vt ne is qui debebat alteri, creditori suo teneatur, aut vt teneatur aliter quam prius, nihil agit ex edicto: quia prætor pacta contra leges aut regulas iuris facta non servat, l. iuris gentium. §. prætor. l. contra. ff. eodem.

Ext ꝑ hac naturæ regula neque servus domini, neq; filius patris obligationi vlllo suo facto quidquam potest detrahare, vt hic traditur. & in l. filius. §. eo. Quod tamen sic accipiemus, nisi servus aut filius liberam habeant administrationem peculii, & res, de qua paciscuntur sit peculiaris, tum eam ita remittant, vt pro ea accipiant tantundem, d. l. contra. §. si filius. ff. eo. Neque enim hic quidquam aduersus superiorem legem naturæ peccatur, propterea quod videtur ipse dominus, aut pater pacisci, cum his mandantibus, & permittentibus servus, aut filius paciscuntur.

Sed ꝑ cum lex pertineat ex æquo ad omnes, quæ
 3 cauetur, ne quis alterius conditionem faciat deteriorem: non abs re est quærere, cur hoc solum & hic, & in l. filius. §. eo. in seruo & filio statuatur, quasi quidquam hic proprium sit in istorum persona. Et nõ dubium est, quin cum hoc generaliter definiri potuisset de omnibus; idcirco de certis quibusdam personis dictum sit sub hoc titulo, quia res in his personis haberet dubitationem, vt proinde dubitatio etiã in his tolleretur. Et quidem de pacto curatorum, tutorum, dubitari potuit num id pupillo noceret: de pacto debitorum interdum, num noceret creditoribus. hinc. l. pactum curatoris. l. debitorum. & l. seq. §. eo. Sed præcipue in seruo & filio fa. num quid hi pacificentes, aut debitum accipientes detraherent domini, aut patris obligationi. Nam servus stipulando domino acquirit. Proinde videri potest consentaneum, vt qui obligationem contraxisset, idem etiã iure dissolveret: cum quibus rebus obligatio contracta est, iisdem in contrarium actis dissolvatur, l. nihil tam ff. de reg. iur. Huc accedit, quod servus quodammodo peculii dominus est, §. actiones autem. Inst. de act. Eadem sunt & in filio fa. Nunc ergo admonemur, nihil esse in his, cur a superiore regula discedatur. Et recte. vt enim dederimus eiusdem esse dissolvere obligationem, qui & contraxit: tamen hac ratione efficitur esse domini dissolvere obligationem non serui; propterea quod videatur ipse dominus vice serui contraxisse, §. ei vero. §. post mortem. Inst. de inst. stip. Quod autem ad peculium attinet, ita res habet: servus quodammodo dominus est peculii: reuera non est. Neque enim servus quidquam proprium habere potest, nec filius fa. quod sita patre profectum. §. i. & 2. Inst. per quas pers.

Ext ꝑ etiam regula iuris, cuius ex persona lucrum capimus, eius nos & factum prestare debere. Sed regula hunc habet sensum, vt ex cuius persona lucrum capimus in re aliqua & negotio, in eo ipso & factum serui, q ab initio intercessit, prestare debeamus: nõ idẽ id,

quod postea. Finge seruum quid vendidisse: pecuni-
am domini credidisse scilicet certa addita lege, ut do-
minus quid faceret, aut non faceret. Non licebit vi-
delicet domino, negotium a seruo gestum probare,
quia parte sit illi utilis, idem improbare, quia non expe-
diat. *l. si autem ff. eo. certa enim lege seruus rem do-
mino acquiescit, quam dominus in fraudem alte-
rius mutare non potest. Neque hoc modo sit domini
conditio deterior, licet enim domino si ei expedire
videbitur, factum serui in totum non agnoscere. Re
autem domino utiliter, & sine conditione quesita
non licebit seruo quidquam postea faciendo de iure
domini detrahere. Eodem modo superiorem regu-
lam interpretatur Africanus in l. cum mancipium ff.
de ad. quia, inquit, & illud ex bona fide sit seruum, cum
quo negotium fuerat gestum (loquitur de seruo, qui
ignorans mancipium morbosum emerat) & rursus de-
lictum (id est scientiam) eiusdem, quod in contra-
hendo admiserit, domino nocere debeat. Expende
illa verba, quod in contrahendo admiserit. vide l. 4. §. in
hac exceptione ff. de dol. excep. Neque sane si quis quid
alteri acquirere potest, ideo consentaneum est & il-
lum ei nocere posse. Toto enim genere distant nocere
& prodesse. Sed quid in vna hac specie consistimus, di-
cimusque; seruum paciscendo non posse reformare in
deterius obligationem domini recte constitutam? In
totum seruus nihilo magis, quam alius quivis, domi-
mini conditionem deteriore facere potest. Nec
huius regulæ vllas video esse exceptiones, in quibus
tamen colligendis alii tam diligenter sunt occupati.*

5 At si potest seruus, si ad adipiscendum missus sit,
aut acquirere iussus, domino non acquirere, *l. ult. in
fi. j. de acq. pos. l. 3. j. de her. inst.* Potest Sed aliud est pos-
se meliorem conditionem non facere, aliud facere de-
teriorem. *in d. l. ult. j. de acq. pos.* Possum tibi non acqui-
rere si velim: adimere quod sit tui iuris, non possum.

6 At si enim seruus dominum obligat & ex contra-
ctibus de peculio, & ex delictis noxali actione. Nos
videamus, ne cum hac rectissime constituta sint,
non faciat seruus in utroque conditionem domini
deteriorem. Quod enim dominus de peculio tene-
tur ex contractu serui, primum nihil domino in eo
detrahitur; quippe qui de suo patrimonio non conue-
niatur, sed serui. Seruorum enim quasi patrimonium
intelligitur peculium, quod domini ipsius permisso
habent §. actiones autem. *Inst. de act.* Deinde domini
voluntate sit quod ipse de eo convenitur. Ideo enim
peculium seruo habere permisit, ut tamquam in re
propria ageret, negotiaretur. Quod si cum ser-
uus eo nomine conveniri non possit (neque enim
in iudicio stare potest) dominus pro eo conveniatur,
quoniam in potestate eius iure civili peculium est:
voluntate tamen eius magis, quam facto serui id fie-
ri intelligitur. Est enim in potestate domini consue-
tudo teneatur, peculium adimendo. Quod autem
ex delictis seruorum tenetur dominus noxali actio-
ne, id est, ea, qua aut aestimationem damni præ-
stare debeat, aut seruum noxæ dedere: non ideo ta-
men ne hic quidem conditionem domini deterio-
rem fieri concesserim. Etenim si cogeremur id dam-
num præcise præstare, quia a seruo nostro datum est, tum
sane conditio nostra per seruum fieret deterior: cum
sepe ultra aestimationem serui facto eius oneraremur.
Nunc autem supra aestimationem serui non tene-
mur, quippe illum dedendo noxæ liberamur, §. 1. *Insti.
de noxa. act. l. 1. ff. eo. titu.* An non igitur hætenus sal-

tem conditio nostra sit deterior, quod illo cogamur
carere? Ne si quidem. Quod enim illius factum præ-
stare cogimur, ne impune aliis noceat, rei onus ad-
iunctum est itidem, ut animalibus nostris, quæ si
pauperiem fecerint, eodem modo aut damnum de-
bemus præstare, aut animal noxæ dedere, dedendo
autem noxæ liberamur, *l. 1. ff. si quadr. paup. sec.* At &
rerum nostrarum ceterarum sua quædam onera
sint, quæ cum præstamus, non dicitur ab iis condi-
tio nostra fieri deterior, sed res pluris non fuisse
quam quantum iis oneribus deductis superest. Hæc
enim lege habebantur, ut præstarentur hæc onera.
Tantiautem res quæque esse putanda est, quanti est
oneribus deductis futura. Sint onera maiora grauior-
aque, quam ut eas res habere nobis expediat, non
erit vllum in ea re incommodum nostrum, si re-
bus cesserimus. Quod in omni re nostra ad onera
effugienda possumus facere, *l. cum fructuarius. ff. de
usufr. l. et si forte. §. Labeo. ff. si ser. vind.* At enim ipsæ res
hæc onera nobis afferebant. Sed non est incommo-
dum, quod rei ipsius aestimatione pensatur. Quod
ne quis a me primum subtilius dici putet, quæ veritas,
idem scripsisse sciat Vlpianum ad interdictum. Vnde
vil. l. 1. §. quod ergo ff. De vi, & de vi arm. in his verbis:
Quod ergo additur, aut familia tua deiecit, merito
scriptum est, in eum scribitur casum, in quem familia mea
vi deiecit, ceterum si iussit, deiecit ipse. Nec grauari de-
bet dominus, qui non iussit, seruorum suorum factum
præstare, si non in iussu eius deiecerunt. Nam non grauabitur
hoc nomine: quippe cum aut perueniret ad eum ali-
quid, & restitueret, aut non perueniret, & ipsos seruos noxæ
dedendo maleficii causa, indemnus erit. Quod enim noxæ
dedere compellitur, in damno non debet computari: cum
serui in hoc possint domini conditionem deteriore facere.
Seruos aut deteriore posse facere hætenus do-
mini conditionem, si quod dedere seruum compellantur, aestimes. At idem & hoc in damno esse negat:
quia si quid hic præstandum sit domino, ipsius rei de-
dicatione præstetur.

Sane si seruus domino facto ipso damnum adferre
potest. Potest res domini vtere, frangere, rumpere ini-
uria. Sed nihil hoc ad hunc locum. Quod enim ser-
uum domini conditionem deteriore posse facere
negamus, sic accipi debet, ut intelligatur non posse
iure, id est, non posse ita, ut quod serui factum corpor-
aliter non ademit, id ius adimat domino, dum fa-
ctum serui ratum habet. Quidquid enim fecerit ser-
uus, non eo minus, quam ante, dominus de iure suo
agere potest, neque eo magis aduersus dominum eo
nomine potest agi. Quomodo autem seruus natura-
liter nocere possit domino, quod omnes quantum-
uis extranei in quemuis facere possunt, nulla iuris
prohibitio potest efficere.

L. Postquam. IV.

Imp. Severus & Antoninus AA. Valeriz.

Postquam liti de pradio motu renuntiasti, causam fi-
nitam instaurari posse nulla ratio permittit: PP. IV. Id.
Febr. Albino & Emiliano Coss. 207.

S Y M M A R I A.

- 1 Renuntiare liti quid sit, & quibus rebus hac renun-
tiatio arguatur.
- 2 Lis mora cum primum quis in ius vocatus est, &
quid distet a iudicio cepto.
- 3 Renuntiatione litis causam non aliter finire quam
conventionem

conventionem, eoque ita, si presente aduersario renuntiatio interuenerit.

- 4 Renuntiationem liti apud acta interpositam absente aduersario, ne sic quidem renuntianti nocere.
- 5 Lis & causa quid differant.
- 6 Litem non significare instantiam, & quid sit instantia.

VT transactione causa finitur: ita volunt Imperatores finiri & liti renuntiatione. Merito. nihil enim interest utrum ideo a lite discedas, quod litem aduersario remittere velis aliquo accepto, an quod liti diffidas, ideo in lite suspecta nolis perseverare.

1 Renuntiare \dagger liti eadem forma dicitur, qua renuntiare societati: ut igitur renuntiare societati est, denuntiare a societate se discedere, testari se amplius in societate manere nolle, *l. si conuenerit. l. actione. §. diximus ff. pro socio.* ita renuntiare liti est, a lite desistere, testari se nolle amplius in lite, quam institueris perseverare, *l. desisti. ff. de iud.* Quod cum de significatione verbi intelligatur, quibus verbis hoc fiat, querendum non est. Quocumque modo ostenderit quis se a lite desistere, fecit, quod querimus, liti renuntiavit. Sed non solum verbis liti renuntiat: verum etiam rebus ipsis, & factis. Hoc tunc accidit, cum quis iudicio suscepto de re aliqua, nouam litem aduersus eundem instituit, qua instituta priori illi locus esse non possit. veluti, si filius, qui de inofficioso testamento patris aduersus heredem scriptum agere coeperat, legatum ex testamento patris ab eodem petere instituat. Eo facto, quasi electo iudicio patris, filius ab inofficioso querela excluditur, *l. si filius. ff. de minorib. l. nihil interest. ff. de inoff. test.*

2 Addunt \dagger Imperatores finiri causam, si quis renuntiet liti mota. Recte, *mota*, neque enim lis est, nisi mota sit. Motam utrum tunc solum accipimus, cum lis contestata est; an vero cum primum reus in ius vocatus est, & illi edita actio? Nam si de iudicio quereremus, id tunc primum coeptum diceretur, tunc primum res in iudicio deduci, cum lis contestata est, *l. i. §. de iud. l. i. §. de liti contest.* Sed aliud est lis contestata, vel iudicium coeptum, quod nisi ex intentione actoris, & rei depulsionem non nascitur: aliud lis mota. Mota lis intelligitur ab actore solum, cum primum moueri, & institui ab illo coepit de aliqua re controuersia. Quod si liti verbum omnem actionem persecutionemque nostram significat, *l. liti. ff. de verb. sig.* mota lis intelligitur simul, atque actio instituta est. At mouetur, instituiturque actio tum, cum reus vocatur in ius, & libellus conventionis illi offertur. sic enim scribit Iustinianus in *§. ult. Inst. de pa. teme. lit.* omnium actionum instituendarum principium ab ea parte, edicti proficisci, qua praetor edicit de in ius vocando. Idem *novella constitutione 112. de litig. §. 1.* litigiosam rem esse definit eam, de qua inter aliquos quaestio mota est, ubi res ad conventionem tantum iudiciariam, & in ius vocationem processerit. Lis autem, & litigiosa res coniugata sunt. Si litigiosa res, lis de re est. Quare qui controuersia mota ab instituto desistere, se dixerit, quamuis nondum lis sit contestata, liti motae renuntiavit, quod querimus, & renuntiatione litem finiuir.

3 Aiunt \dagger Imperatores litem renuntiatione finitam instaurari non posse. recte hoc loco queritur, quid obstat petitori, quo minus cum liti instituta renuntiauerit, iterum de eadem re possit agere, si velit. Nam

perfecto si fuit actio personalis in eum, qui obligatus est, is hoc modo liberatus non est. *l. nihil tam naturale. ff. de reg. iur.* si in rem actio, non ideo dominus esse desinit, qui litem omisit, *l. si quis vi. §. differentia. ff. de acq. pos.* Quid igitur obstat, inquam, quominus agat? Dicendum est consensum & conventionem: quia cum renuntiavit liti, id est, se in lite perseverare nolle dixit, perinde hoc sit, quasi de eare agere nolle, nolle se petere dixisset, quandoquidem petitio sine lite esse non possit. Inde quaesitum est, si actor testato apud aliquos, ut sit, dixerit se liti renuntiare, eum reus abesset, ecquid illi obstat ea renuntiatio? Consequens est nihil obstat: quia non sit conventio nisi inter consentientes: nec consentiat reus, qui quid paciscatur actor ignorat. Nec proderit reo, si re postea cognita id sibi placere dixerit, fieri enim potest, ut eo tempore actor non consentiat.

4 Quid \dagger si apud acta professus sit actor se liti renuntiare? Si absente aduersario id fecit, puto ne id quidem ad renuntiationem aut finiendam causam valere: nihil obstat denique actori renuntiationem. Nam si reo, qui absente aduersario est confessus, nihil nocet confessio, ut pro iudicato habeatur, *l. certum. §. si quis absente. ff. de confes.* cum tamen non solum hoc modo lite cedat, sed etiam una de iure aduersarii fateatur: multo minus nocebit actori renuntiatio, qui ideo liti renuntiavit, non quod haberet malam causam, sed quod probare se posse, quod intendit, diffideret, vel quod euentum iudicii metueret. Et sane qui confitetur se debere ac postea se non debere affirmat, is aut mentitur, aut mendacium dicit. quo aequius est ei mendacium suum nocere, qui liti renuntiat, nihil facit contra fidem, si eandem actionem iterum repetat nouis probationibus suppetentibus. Quare si ne confessio quidem, quamuis in iure facta, confitenti nocet, ubi res gesta est aduersario absente: sine dubio renuntiatio nuda eodem modo facta non nocebit. Atque id etiam efficitur hoc modo. Renuntiatione nuda liti debitorem non liberari, nec actorem dominum esse definire constat. Necessae igitur si actor post renuntiationem amplius agere non potest, aut ei pacti conuenti obstat, aut doli mali exceptio. Pactum, id est, duorum placitum & consensus, ubi aduersarius abfuerit, intelligi non potest. Quod autem nunc agit contra, quam prius instituerat, non ideo dolo malo facit. Potuit enim, ut dixi, ideo liti renuntiare, quia probationibus deficeretur. Quare cum nouas probationes nunc afferat, quod ius suum persequitur, dolo caret. Ita ut illi renuntiatio noceat, hoc illum aduersario, testari, & denuntiare necesse est. Quod reus accipere tum intelligitur, cum ab actore renuntiante quasi re finita discedit. Non me mouet, quod hic de renuntiante tantum agitur, non de eo qui renuntiavit praesente aduersario. Nam etiam hic non dicitur causam renuntiatione finiri. hoc solum dicitur, causam finitam instaurari non posse. quod valet, si finita sit, instaurari non posse vlllo praetextu. Quod rescriptum est, cum posset dubitari, etiam si esset ab initio finita, an tamen ex causa postea posset retractari. quod Imperatores verant. Prius igitur querendum est, an finita sit causa, & qua conditione finiatur. Dicemus vero non aliter finiri, quam si renuntiatio habeat pactum, cuius exceptio renuntiantem remoueat. In summa hoc rescripto non an renuntiatio causam finiat: sed si finiuir semel, an perpetuo agentis obstat, queritur. Nec abs re. Nam cum potuerit a-

Actor ideo liti renuntiare, quod illum probationes tunc deficerent, nunc repertis instrumentis iusta causa esse videri potest, cur ius suum persequatur: quia non hoc animo esset, ut si probationes suppetere, litem omitteret. quod Impp. negant. huc. n. pertinet, quod dicunt, causam finitam instaurari nullam rationem permittere, quasi dicerent neque hanc, neque aliam rationem afferri posse, cur lis voluntate actoris finita instauraretur: Quis inopia probationum tum renuntiationi causam attulerit, non iuris diffidentia. Alioquin nullus erit litium finis: quia facile species aliqua causae instauranda quaesita fuerit, ut quod recte finitum erat, repetatur, arg. l. fratris. §. prox. tit. Hoc si cui non est satis, afferro etiam, quod est certius. Aio etsi hic diceretur aperte causam renuntiatione litis finiri: tamen verbo renuntiationis vi ipsa satis includi, ut aduersario ipsi aut praesenti aut absenti per nuntium vel per epistolam renuntietur. Nam & societatem solui dicimus, si quis ex sociis societati renuntiauerit, neque additur praesente socio, l. si conuenerit. l. actione. §. diximus. ff. pro soc. Et tamen hoc ipsum intelligitur. consensu enim contracta societas non nisi contrario consensu dissoluitur, l. nihil tam naturale. ff. de reg. iur. Sed & in §. manet. Inst. de soc. quod initio dicitur, si quis societati renuntiauerit, id in extremo exponitur de eo, qui socio renuntiat: societatem. Sic & in matrimonio & in sponsalibus repudio dissoluentis dicitur solum renuntiationem interuenire oportere. & tamen hoc sic accipitur, ut coniugii ipsi renuntiare oporteat, vel praesenti, vel absenti, per nuntium, aut epistolam, vel ita, ut renuntietur iis, qui sunt in eius potestate. Vnde renuntiationis verba haec sunt, quae nominatim ad eum cui renuntiat, referuntur: *tuas res tibi habeo, tibi agito; conditione tua non vtor.* l. 2. ff. de diuor. Ita plane hoc rescriptum ad eum non pertinet, qui liti renuntiavit absente aduersario. Sed aduersus Impp. rescriptum sollet hoc disputari, contra ius esse, ut pactum in vna re factum, in alia re noceat: cum vnum aliquid pacto remissum fuerit, ultra quam remissum est, debitori prodesse non posse, l. si vnus. §. pactus. ff. de pact. Porro eum, qui liti renuntiavit, nihil amplius, quam liti & controuersiae renuntiasse: aliud autem esse litem, aliud causam. Fieri posse, ut lis quae prius fuerat suscepra, omittatur: causa ipsa & res, quae in iudicium deducta fuerat, integra in aliud tempus differatur. Non recte igitur hoc ab illis constitui, si quis liti de praedio motae renuntiavit, eum continuo hoc facto causam finiuisse.

Haec tamen illi disputant, qui putant litem significare instantiam, & litem a causa seiunctam faciunt. Quod secus est. lis enim est omnis controuersia cum aliquo de aliqua re iudicio suscepta, & ut Vlpianus definit, omnis actio nostra, & iuris nostri persecutio, l. liti. ff. de verbor. signif. Causa est res ipsa in iudicium deducta, quae in se habet controuersiam. Sic Cicero causam passim definit & in Part. & in Top. & de Orat. aliisque libris rhetoricis. Ex quo intelligitur neque litem & controuersiam, nisi de re posse esse, neque causam, id est, questionem locis & temporibus definitam, sine lite & controuersia effici omnino, aut intelligi posse. Proinde qui liti renuntiavit, causam finiuit. Ipsa enim lis & duorum inter se litigantium contentio causam faciebat. ita lite sublata causa tollitur. Itaque haec nominibus distincta, re tamen ipsa & effectu inter se sunt eadem. Inde Cicero causam, & controuersiam in eadem re nominat in Part. *Duo sunt,*

inquit, ut dixi, questionum genera; quorum alterum finitum temporibus & personis controuersiam & causam nomino. Et paulo post: cognita igitur omni distributione propositarum consultationum, controuersiarum & causarum genera restant omnino. Idem libro primo de Orat. verba iuris haec pro eodem usurpat, *causa cadere, & litem perdere.* verba haec sunt: *Atqui non defuit illis patronis, inquit Crassus, eloquentia, neque dicendi ratio, aut copia, sed iuris prudentia: quod alter plus lege agendo petebat, quam quantum lex in 12. tabulis permiserat, quod cum impetrasset, causa caderet: alter iniquum putabat plus secum agi, quam quod esset in actione: neque intelligebat, si ita esset actum, litem aduersarium perditurum.*

Qui tamen litem instantiam esse putant (sic enim Iurif. & consulti vocant conatum actoris, & factum id omne, quod ad promouendam litem, & reo instandum adhibicum est, l. & post edictum. §. penult. ff. de iudic.) fallit eos, quod cum litem significare controuersiam admi-serunt, controuersiam tamen sine re cogitant. Atqui lis & controuersia omnino nisi de re esse non potest. ut si quis liti renuntiet, nihil aliud intelligatur dicere, nisi se liti de ea re, quae in iudicium vocata est, renuntiare. At quae tandem lis de re instituta erat, nisi ea, per quam actor rem consequeretur? Ita fit, ut liti renuntians, huic ipsi liti creditor renuntiasse intelligatur. Ea porro vna est, per quam quis rem consequatur, non plures. Ad extremum ne quis dubitet diuersa haec esse, litem & instantiam liti: fieri posse, ut liti instantia perierit, lis maneat: audiat Vlpianum in d. l. & post edictum. ff. de iudic. ita scribentem: circumducto edicto videamus, an amplius reus conueniri possit, an vero salva quidem lis sit, verum instantia tantum edicti perierit. Et magis est, ut instantia tantum perierit (id est, ut ego interpretor, pro nihilo sit, edictum, quod impetrauit actor, quo reo instaret) ex integro autem litigari possit.

L. Creditori. V.

Imp. Antoninus A. Demagorae.

Creditori tuo si partem pecuniae exsoluisti, de parte vero non petenda inter te & eum conuenit ob causas negotiarum, eius tuo patrocinio fideque defensa: ea obligatione partium civili iure, partim honorario liberatus es. Nam exceptio perpetua pacto conuenienti vel doli residui petitionem repellit: cum & solum per ignorantiam repeti potuisset. PP. VII. Kal. August. Roma, Ant. A. IV. & Albino Coss. 214.

S V M M A R I A.

1. Pacto non liberari debitorem iure civili, & cur.
2. Pacto liberari debitorem iure pretorio per exceptionem, & quam.
3. Iure ipso quis, an per exceptionem liberetur, quid inter sit: & explicata l. nihil interest. ff. de reg. iur. & num. 9.
4. Exceptionem initio contestandam, & nu. 9.
5. Exceptio unde dicta.
6. In stipulationibus ius contineri in pactis factum verari, quid sit in l. si vnus. §. pactus. ff. de pact.
7. L. qui seruum. §. 1. ff. de obl. & act. explicata.
8. §. Pactus. l. si vnus. ff. de pact. sententia.
9. Falsa causa remissioni debiti adiecta remissionem non minuit, etiam si creditor putet eam subesse.

Cum creditor pactus est, ne a debitore suo peteret, quaestio est, an debitor liberetur. Propositum est hoc loco Imp. ostendere, debitorem pacto liberari.

Non

1 Non liberatur, inquit, iure civili: scilicet quia ita iure civili constitutum est ex regula naturæ, ut quibus quidque modis contrahitur, iisdem dissolvatur in contrarium actis, *l. nihil tam naturale. ff. de regul. iur.* ut proinde obligatio quæ re contracta est, id est, mutuo, ut hic proponitur, non possit sine re dissolui, nudo putata consensu. Et quamquam fidem servari æquum est: *l. i. ff. eod.* tamen, nisi quid erit necesse, ex solemnibus iuris nihil est immutandum. *l. et si. ff. de regul. iur. l. pen. ff. de in int. rest.*

2 Sed, ut dixi, pacto non liberatur debitor iure civili: at liberatur iure prætorio opposita petenti exceptione vel pacti, inquit, vel doli mali: Pacti, quia pactum tueretur prætor ex hoc edicto. Doli, quia petit dolo, quicumque id, de quo exceptione remoueri potest, petit, *l. 2. §. 3. generaliter. ff. de dol. excep.* hoc est, quod dicitur semper pacta patere exceptiones. *l. iuris gentium. §. sed cum nulla. §. seq. ff. eo. l. in bona. j. eo.* Quo minus autem dubitet quis ad hunc modum debitorem pacto liberari, confirmat id Alexander hoc argumento, quod si quid debitor contra superiorem conventionem solvisset per ignorantiam, id repeteret. hoc illud est, quod regula iuris traditur, Cui damus actionem, ei multo magis eius rei nomine exceptio danda est, *l. inuitus. §. i. ff. de reg. iur.* quare si in hac specie datur debitori soluti repetitio, dubitari non debet, quin ei rebus integris non soluti detur retentio per exceptionem. Quod autem dicit repeti posse, quod debitor per ignorantiam soluit ignorantiam accipere debemus iustam, non stulti hominum, id est, facti, non iuris, *l. cum quis. §. de iur. §. fac. ignor.* de qua re alibi dicendum est. Interim hoc constituit pacto debitorem liberari, sed dumtaxat per exceptionem.

3 Atqui ita traditum est, nihil interest, utrum quis actionem non habeat, an per exceptionem infirmetur, *l. nihil interest. ff. de regul. iur.* Quid ergo attinuit, dixerit aliquis, Imperatorem laborare hoc loco, ut & sic in aliis innumeris, utrum ipso iure debitor sit liberatus, an per exceptionem? de quo nobis semel dicendum est. Et sane ita est, si exceptio opponitur & per eam infirmatur actio, idem plane ea re assequemur, quod assequeremur, si essemus solutione aut alio modo simili liberati. Sed non semper actio in iudicium deducitur, ut exceptione uti liceat, & cum deducta est, non semper exceptio obicitur. Exceptione autem non obiecta non parum refert, utrum manere adhuc obligationem & actionem pristinam dicamus, an sublata iure. Refert autem duas hæc ad res, nempe & ad formam iudicii, & ad vim posterioris pacti, si quod forte secutum fuerit, ut iterum liceat petere, quod ante pacto remissum erat. Ad formam iudicii & rationem defensionis primum hoc pertinet, quod qui pecuniam soluit, aut alio modo iure ipso est liberatus, si adhuc a creditore conveniatur, vere dicturus est in lite contestanda cum aduersario, se nihil debere. Proinde qui mos olim iudiciorum fuit, si in iure apud prætorem soluisse se non dixisset, eaque de causa iudicium de pecunia purum redditum esset: tamen a iudice absolui deberet, si cum ostendisset actor pecuniam a se creditam, tum reus se soluisse diceret, idque iudici approbaret. Verum est enim eum nihil debuisse, qui soluit. Nec ad rem pertinet, quod de solutione nihil contestatus est, nec in iudicio additum est, quod ad iudicis cognitionem pertineret. Iure enim assequitur, ut nihil debeat, non defensionis contestatione, & suo facto.

4 At qui iure teneatur adhuc, & in quem iure actio est, qualis est is, cum quo pactus est creditor, ne peteret: quia non potest dicere se non teneri, aut secum actionem non esse, nisi olim de intentione aduersarii confessus defensionem pacti opponeret, & contestaretur (quæ quoniam generalitatem intentionis exceptione corrigit, exceptio dicta est) condemnari debuit propterea, quod iudicem secundum iudicii formulam iudicare oportuerit. Iudicii autem formula, cum creditor pecuniam peteret, si reus se debere negaret, hæc futura fuit, *si paret Lucium Titium Manio decem mutua dedisse, iudex condemnato.* Hoc si Lucius Titius apud iudicem probaret, faceret iudex secundum præscriptum formulæ, si Manium condemnaret, etiam si ille hoc diceret pactum esse creditorem, ne peteret. Non enim efficeret, quin adhuc decem, mutua deberet. Itaque exceptionem opponere debuit reus, & curare, ut & in iudicium adderetur, ut sic deinde exceptione iudici probata ex formula a iudice absolueretur.

6 Hinc illud est, quod Paulus scripsit in *l. si unus. §. pactus. ff. eod. tit.* per stipulationem, id est Aquilianam stipulationem, & acceptilationem, obligationem tolli, non item pacto, quippe in stipulationibus ius contineri, in pactis factum versari. Hoc enim sic interpretor, pacta nobis prodesse ad liberationem, sed facto nostro. Nam si ad liberationem non aliter profunt, quam si quis initio pactum sit contestatus, eiusque pacti exceptionem in iudicium detulerit, ea porro contestatio & defensio in facto rei est: profecto in pactis factum ad liberationem versatur. Contraria stipulationis Aquilianæ & acceptilationis ratio est. per hanc enim si quis liberatur, is iure ipso assequitur, ut nihil debeat, non solutionis & acceptilationis exceptione, & obiectione.

7 Huc pertinet, quod idem Paulus in *l. qui servum. §. i. ff. de obl.* scribit his verbis, *si is, cui rem commodauero, eam surripuerit, tenebitur quidem & commodati actione & conductione.* sed altera actio alteram perimit aut ipso iure, aut per exceptionem. Significat, cum quis ipso iure liberatus est, posse eum tuto negare se debere, & quamvis exceptionem in iudicium non addat, absolui debere, si ex pristina actione soluisse se quandoque apud iudicem doceat. Quod si per exceptionem actio tollatur, non debere reum negare se teneri: sed cum hoc confessus fuerit, eius quod præcesserit, exceptionem opponere posse, per quam consequatur idem ne teneatur. Hoc vero, inquit, facere est tutius: quia dubitari possit videlicet, an eo modo prior actio sublata sit iure.

8 Formulæ actionum & impetrationibus hodie sublatis, tamen hoc de vetere differentia vestigium mansisse videtur, quod exceptionem hodie initio contestari oportet, *l. emptor. j. de præscr. long. temp. l. præscriptione. §. l. seq. j. de exc.* Sed de iudiciorum formulis pluribus a me scriptum est ad *§. actionum autem. Inst. de action.* Hic autem effectus subtilitatis plus habet quam utilitatis, quoniam siue solutio obicienda est initio, siue non est, aliquando certe obicienda est, ubi actor pecuniam se credidisse docuerit, & ita obicienda, ut non apertius obici debuerit, si eam ab initio litis velat exceptionem contestari oporteret. Neque enim te soluisse diuinabit iudex, nisi alleges, & cum allegaris, id etiam tibi probare erit necesse, *l. i. j. de probat.*

9 Ille non obscurus effectus dissolutæ iure obliga-

tionis, quod si creditor pactus sit, ne petat, deinde paciscatur, ut sibi petere liceat, posteriore pacto efficiatur, ut tuto possit agere. Unica enim huius rei causa est in eo, non quod posterius pactus sit, sed quia priore pacto vetus actio & obligatio non sit sublata. Sic enim fit, ut etiam nunc vetere possit creditor experiri, quæ iure integra est, ac si reus exceptione pacti uteretur, exceptio posterioris pacti replicatione elidetur, ut actio & iure procedat, & eadem æquitate defensionis exceptio excludatur. Quod si actio ipso iure sublata sit, ut tollitur per acceptilationem, ut pleræque etiam pacto, qualis est furti, & iniuriarum, *l. si tibi. §. i. ff. eod.* nihil profuerit creditorem postea pacisci, ut petere iterum sibi liceat. Nam neque vetus actio est, quæ expeririatur, quoniam sublata est: neque ex pacto actio nascitur, nisi quis putat pacto veterem actionem instaurari, quod fieri non potest. In perpetuum actio extincta restitui non potest, *l. qui res. §. aream. ff. de solut.* Sunt enim certa facta, ex quibus oritur quæque obligatio, & actio. Iniuriarum actio ex iniuria nascitur: furti, ex furto: certi conditio ex mutuo, si mutuum interuenerit. Verborum obligatio stipulatione contrahitur. ceterarumque obligationum suæ sunt & peculiare causæ. Fac igitur iniuriarum actionem nullam esse, quia pacto sublata sit, consequens erit pacto, ut iterum petere liceat, iniuriarum actionem non restitui. Hæc enim ex contumelia nascitur, non ex pacto. porro contumelia secuta non est, quæ etiam si lequatur postea: non tamen vetus iniuriarum actio sit illa, quæ prius fuerit, sed noua, atque alia actio. Hæc Paulus ad hanc sententiam differit *in d. l. si unus. §. pactus ff. eod.*

10 Illud tamen in hoc rescripto obseruandum est ad pacti liberationem, quod eo comprehensum est, debitorum liberari, si creditor pactus sit, ne peteret. additur, ob causas & negotia a debitore defensa. unde queritur, an hoc quidquam ad liberationem faciat, ut nisi causa sub sit, cur creditor debitorem liberet, pactum nihil proffit. Denique quid si in proposito reus causas & negotia creditoris non defenderit? Et dicendum est nihil hoc ad rem pertinere. Etsi enim causa falsa sit: tamen certi iuris est, quidquid ob causam præteritam datur, remittiturque, eius non esse repetitionem, tamen si is, qui dedit, veram esse causam sibi persuaferit, *l. in summa. §. id quoque. l. damus ff. de cond. ind.* At enim stipulatio sine causa facta non nocet, *l. 2. §. circa. ff. de dol. extr.* Quidni igitur & pactio liberandi debitoris causa interpolita? Sane vero utrumque sine causa pariter improbandum putem. Sed falsa causa præterita remota, tamen adhuc superest donationis causa, quam exercere voluisse intelligitur, qui sciens se non teneri ultro aliquid dari, aut remittere, *d. l. in summa. §. id quoque. de cond. ind. l. Campanus. ff. de op. lib.* Hæc vero vel maxime idonea causa est ad quiduis transferendum, quod quis donare, & liberalitatem exercere voluit, *l. i. ff. de donat. l. nec ullam. ff. de hered. pet. tot. tit. pro dona.* Ergo quod adiicitur in rescripto, ob causas negotiaque defensa, conueniet ob id adiectum esse interpretari, quia ita ex facto proponebatur, non quod ad ius quidquam pertineret.

L. Pacta quæ contra. VI.

Imp. Antoninus A. Basilicæ.

Pacta, quæ contra leges constitutionesque vel contra bonos mores sunt, nullam vim habere, indubitati iuris est.
PP. Kal. August. hisdem Conf. 214.

- 1 *Pacta iniusta improbari hoc rescripto eadem, quæ & edicto de pactis, & contra.*
- 2 *Pacta contra leges quæ, & quæ in fraudem legis.*
- 3 *Pacta de rebus ad utilitatem nostram pertinentibus, si contra quam lex fieri veteri, facta sint, iniusta: si contra id quod nobis lex permittit, conceditur, iniusta, eoque seruanda, & cur.*
- 4 *Mores boni qui sint, & quæ pacta contra bonos mores.*
- 5 *Pactum turpe, idemque aduersus bonos mores, quo paciscimur fieri, quod per se sit turpe.*
- 6 *Pactum etiam turpe & aduersus bonos mores, quo paciscimur quid per se factu non turpe, sed quod admissum inuitet ad delinquendum, & cur.*
- 7 *Impunitatem delicti futuri propositam delinquendi illecebram esse, & quod pactum hanc impunitatem tribuit, & turpe esse & inutile. Admissum iam ante delictum remittere nec turpitudinem habere, & iure concessum esse. ibidem.*
- 8 *Spem lucri ex delicto propositam inuitamentum esse delicti, & pactum quo ea spes constituitur, æque turpe & inutile.*
- 9 *L. pacisci. ff. de pact. exposita.*
- 10 *§. pacta. l. si unus. ff. de pact. explicatus.*
- 11 *Pacta contra ius aut bonos mores facta quibus id agitur, ut quid detur aut fiat, virum ipso iure nullius momenti sint, an per exceptionem tantum infirmantur.*

PACTA iniusta hoc rescripto improbatur. Ea sunt, quæ sunt contra leges, constitutionesque, aut bonos mores: id est, in summa, quæ sunt contra ius. Quia de re tota apertius edicto cautum est, expressis videlicet speciebus legum, & eorum quæ contra leges fiunt. Sic enim verba sunt, ut edicat prætor se pacta conuenientia esse seruaturum, si neque aduersus leges, senatusconsultum, plebiscita, edicta, decretaue Principum, neque quo frans cuiquam eorum fiat, facta erunt. Sed ita, ut nihilominus idem generalibus verbis hoc rescripto exprimat. Nam qui legem dixit, vi ipsa omnia, quæ legis vim habent, est complexus. quo in numero sunt plebiscita, senatusconsultum, edicta magistratum. de quibus apud Iustinianum scriptum est sub titulo *de iure natur. gent. & civil.* Sed & constitutiones præcipue leges sunt, *l. leges supra de leg.* Sed propter excellentiam hoc loco nominatum sunt appellata. Harum partes sunt, edicta, decreta, rescripta principum, quæ nominantur in edicto. Quæ in fraudem legis fiunt, sunt eiusmodi, ut generaliter & ipsa contra legem fieri intelligantur, ut mox dicam. Vis igitur utriusque loci eadem. Hoc rescripto additum est de iis, quæ contra bonos mores fiunt, quod genus cum improbandum sit maxime, edicto prætoris præmissum esse mirum videri potest. Sed verbo legum, quo prætor in edicto utitur, satis comprehenditur. Nam & boni mores, leges sunt populi consensu citato sine scripto constitutæ, *Iulianus in leg. de quibus. ff. de legi.* Inueterata consuetudo pro lege non immerito custoditur. Et hoc est ius, quod dicitur moribus constitutum. Nam cum ipsæ leges nulla alia ex causa nos teneant, quam quod iudicio populi receptæ sunt, merito & ea, quæ sine villo scripto populus probauit, tenebunt omnes. Nam quid interest, suffragio populus voluntatem suam declararet, an rebus ipsis, & factis? Ut igitur res exprimeretur magis, de bonis

de bonis moribus hoc loco comprehensum est potius, quam quod esset necesse. Ex quibus intelligitur, satis utroque loco de iniustis pactis esse comprehensum. Quæ sint contra leges, quæ contra bonos mores, videamus.

2 Pacta ¶ contra legem sunt, quibus paciscimur id fieri, quod lex fieri vetet, siue verbis vetet, siue sententia. Nam & contra legem sunt, quæcumque sunt contra sententiam legis, *l. non dubium. §. de leg.* non enim ex lege est tantum, quod est ex verbis & sententia legis, sed etiam quod solum ex legis sententia, *l. nominis. §. verbum. ff. de verbor. signific.* Sed cum res tractatur subtilius, docendi causa istas res, ut diuersæ sunt, ita verbis distinguere solemus, dicimusque alia esse contra legem proprie, quæ sunt contra verba legis, alia in fraudem legis, ubi salvis verbis legis sententia eius circumuenitur, *l. contra. & l. sequent. ff. de leg.* quomodo hæc in edicto expressa, & distincta sunt. Harum rerum hæc sunt exempla. Lex Iulia prohibet fundum dotalem alienari, *Instit. quib. ali. lic. vel non.* Maritus alienauit, & pactus est, ne de eo vquam ageret. pactum contra legem est, eoque non seruandum. Item senatus vetat pecuniam credi filiofam. credita est, cautique filiosfam. se bona fide restitutum. contra senatusconsultum est cautio. ex ea in filiumfam. actio non erit. At erit in fraudem senatusconsulti hoc modo, si pecunia data erit Titio, ut ea postea rediret ad filiumfam. ac filiusfamilias in eam causam Titii nomine se obligarit, *l. 3. §. penultim. in fin. l. 7. §. 1. ff. de senat. Maced.*

3 Hoc ¶ intellecto, quid lex vetet in omni pacto, querendum erit. De qua re inepti sumus, si quid conemur in vniuersum definire: cum leges pro conditione cuiusque negotii commutentur: negotia autem sunt infinita, & eiusmodi, quæ nihil inter se affine habeant. Solum hoc præcipiendum est, videndum esse, quæ de vnoquoque negotio lex, & quod ius constitutum sit. Ex huius verbis animaduerti posse, utrum vetet, an non vetet, proindeque pactum, quod sit de re ad legem pertinente, iustum sit, an iniustum. Si quid vetabit lex, & nihilominus ut id fiat, paciscimur, pactum aduersus legem erit. Si non vetabit, nihil faciemus contra legem, si de re paciscimur. Non alia ex re fit, ut quædam pactioes de rebus ad vtilitatem nostram pertinentibus valeant, quædam quamuis ex eodem genere sint, improbentur. senatusconsulto Velleiano cautum est, ne mulieres pro aliis intercedant, *l. 1. ff. ad Velleian.* Pertinet hoc ad vtilitatem mulieris, ne teneatur, non aut Reipub. aut alterius cuiusquam. Verumtamen si intercessit, non tenetur, *l. si mulier. j. ad Vellei.* At si miles, cui hoc tributum est, ne conueniatur apud alios iudices, quam militares, huic privilegio renuntiet, pactum eum tenet, *l. pen. j. eo.* Vnde hæc tam varie? nempe ex eo, quod senatusconsultum vetat mulierem intercedere. Hæc autem huic beneficio renuntiando magis intercedit, quod est contra senatusconsultum. Quæ autem lege privilegium datur militi, ne ad alios iudices ire cogatur, non vetatur miles ire ad alios. Non igitur contra legem, si se ad alios iurum paciscatur. quorum utrumque non nisi consulti verbis legis intelligitur. Cum autem id solum definiamus contra legem esse, quod eiusmodi est, ut fiat contra quam lex vetet, iam ex eo intelligi potest, si qua sit lex eiusmodi, quæ aliquid permittat, aut det, puta actionem, aut exceptionem, beneficium, aut privilegium aliquod: nihil fieri contra legem, si de ea re,

quam lex nobis dat, paciscamur, ut de milite iam diximus. Neque enim cum lex nobis aliquid concedit, etiam accipere nos iubet. & quia non iubet accipere, non vetat recusare. alioqui vis hæc sit, vel onus, non beneficium. Cui iam cōsequens est, ut quoniam nulla pacta improbantur edicto, nisi quæ sunt iniusta, id est, contra leges, pactum omne eiusmodi sit seruandum. Hinc illa nata sunt: licere vnicuique de re priuata & familiari pacisci, *l. iuris gentium. §. si paciscar. ff. eo.* item licere cuique persecutionem iuris sui paciscendo deteriore constituitur, *l. pactum. ff. eo.* & quod omnia continet, licere vnicuique ea quæ pro se introducta sunt, contemnere, iisque renuntiare, *l. penult. j. eod. l. si index. ff. de minor.*

Iam ¶ quæ pacta sint contra bonos mores, dicatur. 4 Et sane esset hoc absolutum ex superioribus, si intelligeretur qui sint boni mores, & quid sit ex bonis moribus. Nam si sunt contra leges ea pacta, quibus fieri paciscimur, quod leges vetant, erunt & illa contra bonos mores, quibus paciscimur, ut fiat, quod vetant boni mores. Solum ut hoc querendum relinquatur, quid illi vetent, aut non vetent. Sed nihil agitur hac definitione, nisi prius certum sit, qui sint boni mores, & quid illi iubeant, aut fieri prohibeant. Hoc in legibus non quæsiuimus, quia quid sit lex, & constitutio, non ignoratur. Quid etiam vetent, aut non vetent, cum scripto consent, & palam sint expositæ, ex illorum verbis nullo negotio sumi potest. At non item expeditum est, qui sint mores boni, & quid illis præcipiatur: ut qui non consent scripto, sed regula naturæ, & ratione non omnibus perinde cognita assumentur. De eo igitur dicendum est adhibita definitione, & partitione generum, quæ maxime ad rem accommodata videbitur. Ita quæ pacta contra bonos mores sint, & ob id improbentur, quæcumque pactio allata erit, intelligetur. Mores idem sunt, quod consuetudo, id quod diuturnus usus & consensus vtentium comprobauit, *leg. de quibus. ff. de legib. §. sine scripto. Instit. de iure nat. gent. & cui.* Boni mores ii, qui sunt cum honestate coniuncti, vel potius cum natura & iure gentium: quibus sequimur id, quod natura rectum & honestum est, quod gentium iure. Nam bonum id appellamus, *l. pen. ff. de iust. & iure.* cuiusmodi est, si quid ex religione, si quid ex pietate, si ex ea reuerentia, quam maioribus, & iis, quorum in potestate sumus, debemus, si ex veritate fiat. Nam hæc inter iura naturæ numerat Cicero libro 2. De inuentione, religionem, pietatem, gratiam, vindicationem, obseruantiam, veritatem. Quæ aduersus hæc facta sunt, aduersus bonos mores maiorum fieri dicuntur. Huius rei hæc exempla sunt. Maritus in id, quod facere potest, conuenitur. Reuerentiæ hoc mariti datum est, quam mulier marito præstare debet. Aduersus hoc si quid pactum sit, contra bonos mores erit: quia sit aduersus reuerentiam, quam vxor marito exhibere debuit, *l. alia. §. ultim. ff. solut. matrim.* Item coniugum amorem virtute atque officiis prouocari honestum est. Poenæ igitur vinculo matrimonia adstringi contra bonos mores, *l. Titia. ff. de verbor. obliga.* Item est hoc ex natura, & gentium iure, quibus successurus sis, eorum mortem non optare, sed quem finem vitæ Deus det, moderate expectare. Festinare igitur ante tempus, ut de hereditate viuientis ante statuas, quæ naturæ legibus & Dei deferatur, contra bonos mores esse dicitur: idcirco, quia contra ius gentium, *l. qui dam. §. 1. ff. de don.* Ex quibus intelligitur, quæ honeste, & ex officio fiunt, eadem esse ex bonis moribus: con-

tra si quid turpiter, si quid non honeste fit, id fieri contra bonos mores. Quod expressile videtur Papinianus in *l. si quis ff. de cond. instit.* his verbis: *Nam quæ facta ledunt pietatem, existimationem, verecundiam nostram, & ut generaliter dixerim, contra bonos mores sunt, nec facere nos posse credendum est.*

5 Pactorum tamen quæ sunt contra bonos mores, duo sunt genera. Quædam sunt, quibus id fieri paciscimur, quod per se sit turpe, cuius generis est, si quis promittit se sacrilegium, aut homicidium facturum, *l. generaliter, & sequent. ff. de verborum obligat.* ut maritum in solidam coniungere liceat: ut parentem sine permessa prætoris filius in ius vocet: ut ne patrem reddi carab hostibus, ne parenti alimenta præstet. Sunt enim hæc contra reuerentiam, quam & vxor viro & filius patri iure naturæ debet, *dicta l. alia. §. ultim. solut. matrum l. parentes. ff. de in ius vocand. l. 9. ff. de cond. inst.* Item ut metu quæ vxorem ducere, aut aliqua nubere, id est, ut eundem modum necessitatem in re honesta & maxime omnium libera contra Reipublici utilitatem suscipere cogitur, *dicta l. Tucia. ff. de verbor. obligat.*

6 Alia tamen sunt eiusmodi, quibus fieri paciscimur, quod factum per se non est turpe: sed eiusmodi est, ut eo recepto is, qui cum paciscimur, ad delinquendum inuitetur. Ut autem maleficia non admitti, & ea de causis ab his deterreni homines poena proposita honeste est, & Reipublici salutare, *l. ita vulneratus. in fin. ff. ad l. 29. l. locatio. §. quod illicite. ff. de publica. ita ad hæc homines inuitari turpe, & contra Reipublici utilitatem putandum est. Inuitantur autem pacto ad delinquendum homines dupliciter.*

7 Vno tamen modo, adempto poenæ & actionis metu, si quid commissum sit: veluti cum ante hæc admissa ita paciscor, ne de dolo, ne furtiagam. Futurum est enim, ut remota poena homines magis audeant, cum sciant fore impune, quod admiserint. certe constituta poena non dubium est eos in delinquendo fore tardiores. Poenam enim metuent. Hanc metui, inquit Paulus, expedit. Proinde recte hoc totum genus improbatum est in *l. si unus. §. pacta. ff. eod. l. illud. ff. de pact. dor.* Idem si conveniat his rebus iam admissis, pactum valebit: quia nihil prodest adhuc poenam metui, ne maleficium admittatur, cum id iam admissum fuisse constet, *l. inrisgentium. §. si paciscar. ff. eod.*

8 Altero tamen modo fit, ut excitentur homines ad delinquendum, cum quod tale promissum est, quo maiore uberiorque sint potituri, si quid turpe admiserint. Ut enim in superiore impunitas, sic in hoc genere spes proposita inuitat culpam, veluti si quid promissum sit, si quod flagitium fiat, *l. 5. C. de cond. ob turp. caus.* In hoc genere habetur pactum, per quod id agitur, ut alteri succedamus, ut merui hereditatem obtineamus. De quo in *l. pactum, quod dotal. & l. ultim. hoc titul.* dicendum est. Item cum aduocatus ex euentu lris partem aliquam liberi sibi decidi paciscitur, *l. sumtus. ff. eo. l. 1. §. si cui. ff. de extra. cognit. l. salarium. 7. ff. de mand.* In quo non adicitur quantam partem ex olumentu aduocatus sibi caverit, & merito. Ipe enim lucri proposita quod iduis mole ut, ut causam vincat, qua amissa nihil inde contecturus sit. Has species nullius momenti esse hoc rescripto expressum est, ut & edicto. Videntur enim omnes. Et constat nihil exceptum esse, nec vero dubium est, quin omnia pacta, iniusta si sint, aut turpia, ob pares causas pariter valere non debeant.

Est tamen, quod primæ speciei hoc rescripto comprehensa aduersari videatur, id nempe, quod Vlpianus scribit in *l. pacisci. ff. eo.* pacisci contra edictum ædilium omnimodo licere, siue in negotio venditionis gerendo conuenisset, siue postea, nisi quis forte dicat pacta contra leges facta nullius momenti esse: aliud esse, si quis contra edictum magistratum paciscatur: quia edictum prætoris, aut alius magistratus, lex non sit. Sed & hæc leges prætoris fuerunt. Nunc quidem ius honorarium; maxima pars est iuris Romanorum, §. prætorum. *Instit. de iur. nat. gent. & ciui.* quid multa? siquid contra edictum prætoris cautum sit in testamento, id contra ius esse, & non valere diserte scriptum est in *l. si inquilinos. §. penult. ff. de leg. 1.* Nihil igitur contra edictum ædilium (quod & ipsum iuris honorarii pars est, *dict. §. prætorum.*) pactum valet. Neque hoc Vlpianus negat. Quid enim sentiat, animaduertendum est. Certum est cum non aliud sentire, quam hoc, si venditor de vitis, morbo sue mancipii sibi caverit ita, ut si quid eorum esset, ne eo nomine teneretur, id pactum esse seruandum: tametsi edicto ædilium ita caueatur, ut qui mancipia vendunt, quid morbi, vitis sit, palam & aperte pronuntient. Hoc pactum recte dicitur esse seruandum. Neque enim est contra edictum ædilium curulum: si modo recte definimus ea solum pacta contra leges esse, quibus fit aliquid contra, quam lex vetet: & si totum edictum, non partem; si sententiam & sententiam totius edicti, non verba vnius alicuius partis spectemus. quod in omni lege facere debemus, *l. incivile. ff. de leg. 1.* Quippe edictum vitia pronuntiare iubet initio, ac proinde celari vetat. Sed hic non consistunt ædiles. quod si facerent, merito quidquid contra fieret, & contra edictum, & inuitale esse diceremus. Progrediuntur longius, & adiciunt, si contra factum sit, se iudicium duros, ut mancipium redhibeatur. Ita quod edictum primo prohibitivum videbatur, in summa permittere reperitur, nimirum actionem ad mancipium redhibendum. Hanc vero ita dari, ut edictum non vetet eam repudiari, supra satis ostensum est. Unde efficitur hanc repudiationem contra edictum non esse. Cur igitur contra edictum esse Vlpianus dicit? Quia est sane id pactum contra edicti verba, ut quod initio vitia reticeri vetet. Vlpianus autem intelligit voluit horum rationem non esse habendam: sed quid deinde ædiles adicerent, esse spectandum. inde intelligi posse, etiam contra hæc verba recte venditorem pacisci, ne ob vitia non nuncupata teneatur propter edicti sententiam, quæ ex sequentibus non esset obscura.

Videamus tamen, ne in eo genere pactorum, quod est contra bonos mores, admittatur a Paulo hoc genus pacti in deposito, ne tecum de dolo agam, quod ipsum cum inuitet ad delinquendum, genere ipso turpe esse negari non potest vel eodem auctore in *l. si unus. §. pacta. ff. eod.* Sic autem ipse scribit in *d. l. si unus. §. illud.* Illud nulla pactione effici potest, ne dolo præstetur: quamvis si quis paciscatur, ne depositi agat, vi ipsa id pactus videatur, ne de dolo agat, quod pactum proderit. An hoc intelligit, ne depositi agat dolo iam admissio? Minime. Nam dolo admissio non tantum ita pacisci licet tacite, ne depositi agam, ut dolo recte remissus videatur: sed etiam aperte, ne de dolo tuo agam, *l. iuris gentium. §. si paciscar. ff. eod.* An igitur admittimus hanc pactionem, ne depositi agam, etiam in hoc valere, ne depositi ob dolum tuum futurum agam?

agam? Non puto admittendam. Nam si utroque pacto & expresse & tacito, quo dolus remittitur, inuitatur reus ad libere fraudandum: utrumque pariter est turpe, & contra bonos mores, ac proinde iuxta improbandum. Et quod dicitur expressa nocere, non expressa non nocere, *l. expressa. ff. de reg. iur.* nihil huc pertinet. Fateor enim hoc pactum non nocere reo. Sed hoc queritur, an illi profuit quod ego non concedam. Ego Paulum hoc dicere intelligo, nullo modo effici posse ne dolo fururus praestetur: proinde nec expressa pactione, nec tacita. nec se dimoueri de hac sententia, quamvis hoc pactum, ne depositi agam, vi ipsa hoc continere videatur, ne de dolo agam, & verum sit id pactum prodesse. Quibus verbis hoc ostendit, non se mutare, quod prius generaliter posuerat: sed solum se putare non obitare sibi istam obiectionem. Itaque hoc restabit, ut videamus, cur sibi obitare non putet. Et sane id causae est, quia non usque eo proderit reo haec pactio, ut si quid dolo malo admisit in deposito, is propter hanc pactionem non teneatur, si cum dolo malo quid fecisse probetur: sed haecenus tantum, ut dicenti se rem amisisse fides habeatur, nec cogatur id probare titulus exceptione, donec contra eum quid probetur. At enim Paulus ait, in hac pactione vi ipsa hoc contineri, ne de dolo agatur. Expendendum est, quid dicat. Ait videri hoc contineri. Recte videri. Nam re vera non continetur. Generali enim oratione & remissione non continentur ea, de quibus actum non est, *l. qui cum tutoribus. §. ult. ff. de trans.* At cum depono apud te rem quampiam, & ne recuses accipere depositum, pacificor, ne depositi agam, hoc agitur, ut te periculo depositi liberem, non ut liceat tibi libere fraudare, & grassari in deposito. quapropter hoc posterius non continetur pactionem. Sed ut deus contineri: etsi dicit Paulus hanc pactionem, ne depositi agam valere: non tamen dicit quatenus valeat. nos vero sic interpretabimur prodesse, ut paulo ante dixi, ut quamvis depositum non reddat depositarius, quia se id amisisse dicitur: non tamen teneatur, quamdiu non doceatur id interuertiisse, aut dolo fecisse, quo res abesse non autem ut dolo probato liberetur.

11 Ait et rescriptum, non tantum non valere ea pacta quae sunt contra ius, aut bonos mores, quod in omnibus verum est ex edicto: sed hoc amplius, nullam vim habere: ut sit sensus, siue ad liberationem comparata sint, ea non parere exceptionem, multoque minus quem liberare ipso iure: siue spectent ad dandum aut praestandum quid, ea etiam ipso iure non parere actionem. Id in pactis liberandi causa interpositis recte dicitur: in aliis quae obligationis contrahendae causa interponuntur, videamus, ne falsum sit. Duo sunt contractus contra senatusconsultum, intercessio mulierum, & pecunia mutuo data filios. Utrumque enim fieri senatusconsulto vetatur: illud Velleiano. *l. 1. §. 2. ff. ad Vel. alterum Maced.* in ano. *l. 1. ff. de Maced.* Et tamen si mulier intercedat, datur et exceptio Velleiani *l. 2. §. ad Vel.* similiter & si filio familias mutua pecunia data sit, competit filio & patri Macedoniani exceptio, *l. item si. §. non solum. l. tamen ff. de Mac.* Non est exceptio, nisi aduersus actionem iure civili comparatam. *Inst. de exc. & deinceps.* Valuit igitur summo iure & actionem peperit cum illic intercessio, tum hic mutui datio. Sunt & huius generis quaedam pacta ex his, quae dicuntur esse contra bonos mores. Nam & in stipulatione, quae videatur con-

tra bonos mores, aduersus petitionem datur exceptio in *l. Titia. in pr. ff. de verb. obl. Et in l. pen. ff. de cond. ob. tur. caus.* responsum est, si quis quid promiserit ob turpem causam. petentem exceptione doli summoueri posse: quam tamen & ipsam promissionem, ut turpem, ita & contra bonos mores esse constat, *l. mercalem. §. de cond. ob. tur. caus.* Et de omnibus pactis, quae sunt contra leges, aliamque partem iuris, ita statuendum est, omnia plane nullius esse momenti. eoque nec iure parere actiones, quasi nec facta, ut hic significatur, & apertius cautum est in *l. non dubium. §. de legi.* sed haecenus, nisi lex aperte patiatur summo iure valere id, quod sit, & contenta sit actionem non dare, quod in senatusconsulto Velleiano, & Macedonianum accidit. Velleianum intercessionem & fideiussionem in feminis agnoscit, sed petitionem inde dari vetat *l. 2. ff. ad Vel.* Sic & Macedonianum pecuniam, quae huiusmodi mutua data sit, mutuum esse patitur, sed & idem vetat inde actionem dari, *l. 1. de Mac.* De his autem pactis, quae sunt contra bonos mores generaliter definimus, si quae talia esse constet, omnia ipso iure sine exceptione, nullam vim habere, eoque non parere actiones, *l. generaliter. §. l. seq. ff. de ver. obl.* Quia nulla lex patiatur ea valere, ne summo quidem iure. Sed non semper constat tales esse stipulationes, quae vere tales sunt. Ideo valebunt quidem ex verbis ipso iure haecenus, ut ex his agatur: sed exceptio dabitur, in qua quaeretur, an vere sint contra bonos mores, quales esse dicuntur. Tales vero sunt ea, quae proponuntur in *d. l. Titia. de ver. obl. §. d. l. pen. de cond. ob. tur. caus.* Quod quoniam pluribus ostendi ad *l. generaliter. ff. de verbo. obl.* hic non persequar longius. Quid tamen, quod dolo vel metu adhibito siquid stipulanti promissum sit, actionem nasci placet, etsi per doli mali vel metus exceptionem summoueri petitio debet? *l. dol. §. de inutil. stip.* An non ea stipulatio est contra bonos mores, & quidem ita, ut constet: nullo vero modo contra bonos mores, neque ideo infirmatur, quia sit contraria bonis moribus. Metus quidem adhibetur, & dolus struitur ille quidem malo more, hic autem malitiose, eoque & turpiter ac contra bonos mores, *l. isti. ff. quod met. cau. l. 1. ff. de dol.* sed si quis his rebus adductus promittit, promissio non est turpis, ut quae nec quidquam contineat turpe, ubi promissor promittit de suo, nec stipulatorem inuitat ad delinquendum; cum admissio iam ab eo metu, aut dolo promissio sequatur quia ratione etsi quis post admissum dolum aut delictum paciscatur, ne de his agat, placet pactionem valere, *l. si unus. §. pacta. ff. eod.* Cur ergo infirmatur stipulatio exceptione? propter dissensum. Tamen si enim inspecto eo, quod nunc geritur, consentit, qui voluit, etsi coactus, aut deceptus, tamen initium & causa negotii eiusmodi est, ut nisi coactus esset, aut deceptus, non consentiret. Hinc vis definitur necessitas imposita contraria voluntati, *l. i. ff. quod met. cau. & qui decipitur errat.* error non habet consensum. *l. 2. ff. de ind.* Vnde Vlpianus in *l. qui cum tutoribus. §. qui per. ff. de trans.* negat cum pacisci, qui decipitur.

L. Creditorri. VII.

Imp. Antoninus A. Iulio Maximo.

Debitori tuo si heres exististi: actio, quam contra eum habuisti adita hereditate confusa est. Sed si eam hereditatem, posteaquam in iudicio obtinuisti, ei

tradisti quem sententia superaueras ea conditione pacto-
que ut tam ceteris creditoribus quam tibi in eo, quod ti-
bi deberetur, si eam hereditatem non adesses, satisfaceret,
pacti conuentionis, si fides seruanda est. Quae si non serua-
tur, ex stipulatu, si modo pacto subiecta est, dabitur actio;
vel praescriptis verbis, si stipulatio non interuenit. PP. III
Kalend. Aug. Antonino A. IV. & Balbino cons. 214.

S V M M A R I A.

1. Pacti species.
2. Confusione tolli actionem, cum creditor debitori succedit.
3. Hereditatem tradi alteri ab herede posse: in tradenda utilem esse conuentionem, ut qui accipit, satis faciat, tum heredi de eo, quod illi prius debebatur, tum aliis creditoribus. & quae hinc actio heredi.
4. Vt aliis creditoribus soluat, quomodo utilis pactio.
5. Hereditas tradi quomodo & quando intelligatur.
6. Tradita hereditate sine alia conuentione, eadem pactio intelligi, ut qui accipit satis faciat & aliis creditoribus, & heredi de eo, quod ei ante aditionem debebatur.

CREDITORA debitore suo heres institutus eius hereditatem adierat, cumque fieret ei a legitimo herede hereditatis controuersia eo, quod aut iniustum, aut falsum, aut in officiosum testamentum esse diceretur, obtinuerat. quae ex re amplius vere illum heredem debitori suo existisse apparuit. Ne tamen aduersarius eius tantopere expeceret eam hereditatem doleretque se ea carere: heres, idemque qui olim fuerat creditor, dixit se paratum illi ea hereditate cedere, si tam ceteris creditoribus, quam sibi in eo, quod sibi deberetur, si eam hereditatem non adisset, satisfaceret. Placuit cognato conditio, eaque lege illi hereditatem heres tradidit. quae accepta fidem non seruauit cognatus, facti poenitens. Consulit heres, num aliquam actionem aduersus eum hoc nomine, & quam haberet. sane enim aditione sublata erat obligatio de eo, quod ei debebatur.

2. Rescribitur heredem veterem actionem non habere: quia cum debitoris adierit hereditatem, actio aditione sit confusa, l. Stychum. §. aditio. ff. de solut. ut dicendum sit, si quam eo nomine habeat non aduersus alium, quam aduersus se habere. de quo genere liberationis alio loco querendum est.

Sed et ea re heredem moueri non debere. Non erit vetus actio. at erit noua, quae in eam rem sufficiat. Nam cum legitimus heres pactus sit, se heredi satisfaciturum & ceteris creditoribus, & pactum non sit nudum, sed cognatus ea lege hereditatem acceperit, ut satisfaceret; pactum seruari oportet, l. legem. §. eod. itaque si stipulatio eius rei nomine intercessit, erit ex stipulatu actio heredi: si nulla stipulatio est, erit actio praescriptis verbis ex hac conuentione. Nam haec verba in quibusdam exemplaribus habentur. quae ut desint: tamen addenda sunt. Sic addita sunt in l. cum mota. & in l. si profundo. §. de trans. Et verba haec rescripti, quae si non seruatur, quam prius seruandam quo modo pacti fides seruetur, quam prius seruandam esse Imp. dixerat. Seruandi autem ratio duplex: actio ex stipulatu, si stipulatio pacto subiecta est; & sine stipulatione actio praescriptis verbis: ut proinde utraque ex instituto subici oportuerit. est enim hic negotium civile gestum. Ex quo genere est praescriptis verbis actio. l. si dominus. l. solent. ff. de praes. ver. Hoc illud est quod traditur in l. in traditionibus. ff. eod. in tra-

ditionibus rerum quodcumque pactum interpositum valere. Ac quae sit ex eo actio, ostendit. de quo vide plura ad l. cum mota. §. sequit.

Aget et autem heres cum legitimo herede non tantum de eo, quod sibi olim debebatur: sed etiam de eo, quod debetur ceteris creditoribus hereditariis, si quid ab illis conuentus praestiterit. Nec oberit ei, quod dicitur nos aliis pacisci non posse. Nam etiam hoc tunc facere licet, cum nostra interest. l. stipulatio ista. §. si stipuler. ff. de verbor. obl. Interest autem heredis dissolui pecunia hereditariis creditoribus; quia semper his heres tenetur, quidquid de rebus hereditariis statuerit, l. 2. §. de her. vel act. vendi. Quae de causa etiam nondum quidquam creditoribus hereditariis praestiterit, tamen a possessore recte petet, quantum his debetur. Haec tunc enim eius interesse intelligitur, quatenus ei abest: & abesse id, in quo obligatus est, l. si quis mandatu. ff. de neg. gest.

Sed et non erit in hac specie negotium civile gestum, nisi heres hereditatem tradiderit ea lege, ut sibi satisfaceret. Enimvero quomodo potuit tradi hereditas, cum tradantur solum res corporales: hereditas autem res sit incorporalis. titu. de reb. corp. & incorp. Instit. Et reuera tradi hereditas non potest. sed si res quaeque ab effectu suo aestimatur, est cur videatur hereditas tradita, cum emolumentum hereditatis erit traditum. Id emolumentum est in rebus hereditariis habentis, tenentisque: quo fit, ut his traditis hereditas tradita videatur. Sed verius dicitur abusive hic dici hereditatem pro rebus hereditariis: cum hereditas ab herede discedere non possit, & in alium transire. alioqui & is, cui tradita esset, heres efficeretur. quod fieri non potest, l. hereditas. §. de pac. conuen. d. l. 2. §. de hered. vel act. vendi. Traditam hereditatem, seu res hereditarias accipimus, non solum si actor restitutam sibi prius a possessore hereditatem rursum ei tradidit; sed etiam si eam apud possessorem condemnatum esse passus est eo animo, ut eius fieret. nihil enim interest, utrum rem meam, quae apud me est, tibi tradam, an cum apud te esset, pro tradita habeam, id est, velim apud te manere ea mente, ut tua fiat. l. quae ratione. §. interdum. ff. de acq. rer. do. l. si profundo. §. de trans. Nam quod ex diuisionis placito non nascitur actio heredi aduersus coheredem, apud quem post diuisionem indiuisa res manserant, l. cum proponas inter §. eo. nihil ad rem pertinet. non enim in apud eum manserunt, quia alter eas manere vellet, & pro traditis haberi, sed quia apud eum prius fuerant, & nunc eas non reddit, ut ex diuisione placuerat. Quinimo heres coheredem ad diuisionis placitum seruandum vocande, declarat se prius eas res neque tradidisse, neque pro traditis habuisse, sed ex diuisione expectasse.

Quid, si heres victor hereditatem tradiderit conuenato, nulla nominatim conuentione interposita, ut possessor creditoribus hereditariis satisfaceret? Puto nihilominus hac ipsa conuentione traditam videri; ut si conuentiones tacitae non minus valent, quam aperta, ut valent, l. 4. ff. eo. l. 3. ff. si cer. pet. sit etiam hoc casu ei qui tradidit, eadem actio, quam in aperta conuentione hic esse diximus: ut proinde frustra alia aut desideretur ab Accursio & aliis, aut competere negetur. Intelligitur autem id agi ex hereditatis verbo. Hereditas enim comoda & incommoda omnia quae defuncti fuerunt, continet. l. 1. 2. 3. ff. de bon. pos. Ita qui hereditatem tradit, hoc ipso cum his ipsis commodis & incommotis tradere intelligitur. Haec con-

conclusio est ex pacto facto huiusmodi traditio non nascitur actio ut in l. si et posita applicari ad

uentio in vendita hereditate non obscure animaduertitur, aut potius animaduersa statuitur. Curenim sine alia pactione placuit emtorem hereditatis satisfacere debere creditoribus hereditariis, & in his etiam venditori, si quid ei defunctus debuerit l. 2. §. penult. ff. de her. vel act. vend. Haud dubie, quia ita actum est. In re enim quæ consensu geritur, extra moram aut culpam nihil deberetur sine consensu. Vnde vero conuentio intellecta est? Ex eo, quod hereditas venditur, quæ vi sua incommoda æris alieni, quod defuncti fuit, non minus continet, quam commoda. Eadem significatio & mens testatoris ex verbo hereditatis intelligitur, cum testator legauit alicui partem hereditatis, l. si quis seruum. 8. §. ult. ff. de leg. 2.

L. Sipascenda. VIII.

Imp. Antoninus A. Mucratulio.

Sipascenda pecora partiarum (id est, ut fœtus eorum portionibus quibus placuit, inter dominum & pastorem diuidantur) Apollinarem suscepisse probabitur, fidem pacto præstare per iudicem compelletur. PP. IV. Kal. oct. Alexandro A. II. & Marcello Coss. 227.

S V M M A R I A.

1. *Partiarum pastorem inter, & dominum pactum factum de fœtibus inter ipsos emendis, an sit seruandum, due dubitandi causæ, & hæc remota.*
 2. *Idem pacto præstare per iudicem compelletur.* ¶ Cum prætor edicat se pacta esse seruaturum, videndum est, quid hic causæ esse potuerit, cur dubitaretur, an in eo fides esset præstanda. Et sciendū est hic, & in similibus pactis, cum queritur, an ex his sit actio, dubitationem nasci solere ex regula iuris, qua efficitur ex pacto actionem non nasci, l. 7. §. quini mo. ff. eo. Sed cum in l. sequenti traditum sit, eam non pertinere ad ea pacta, quæ nulla non sunt, hinc duplex defensio est, cur pactum, quod proponitur, valeat. Primum, quæ ex eadem lege non est nudum, cum tradidi tibi pecora ea lege, vt ea pasceres, & fœtus mecum partirere. Deinde & si pecora tibi non tradidissem: tamen est eiusmodi conuentio, quæ transeat in proprium nomen contractus. Ex hac enim conuentione contrahitur societas. Ex quo genere est pro socio actio, quamuis nihil vtrumque traditum fuerit alteri ab altero. De hac enim specie ita traditum est in l. si merces. §. vis maior. ff. loc. l. cum duobus. §. si in coeunda. ff. pro soci. l. si tibi rem. §. i. ff. de præf. verb. Potuit etiam in proposito dubitari de partibus fœtuum, si forte conuenerit, vt nimis essent inæquales. Sed nihilominus & conuētio de partibus lucris & damni valet, l. si non fuerint. ff. pro soci. Bene igitur hic absolute responderetur pacto fidem esse præstandam.

L. Cum postea. IX

Imp. Alexand. A. Dionysio.

Cum posteaquam aduersarium matris tuæ victus esset, matrem tuam circumuenerit, vt ei caueret nullam se controuersiam de seruis moturam: id pactum mala fide factum, irritum est: & cum ex ea conuentione cum matre tua agi cõperis, iudex eam liberabit. PP. prid. Id. Sept. Alexandro. II. Et Marcello Coss. 227.

S V M M A R I A.

1. *Pactum mala fide, id est, dolo malo factum, decipientem etiam reo inutile.*
 2. *Dolo rei condemnari quomodo fiat, vt actor victor remittat actionem.*

3. *Mulierem adtricem quamuis sciat secundum se iudicatum esse, posse decipi, vt paciscatur se amplius non petituram; atque hoc etiam casu pactum ei nocere.*

4. *Errore suo deceptus actor si quid pacto remittat, quod non conueniebat, non eo magis pactum nocere, quamuis reus quoque ab initio in eodem errore versans dolo caruerit.*

5. *Dolo malo rei pactum factum quomodo non seruatur.*

6. *Agit etiam reus, qui exceptione utitur.*

Non seruat prætor edicto ea pacta, quæ dolo malo facta sunt. Huius generis hoc loco exemplum proponitur.

Rescripti summa de eo eadē, quæ edicto expressa est: Pactum quod mala fide factum sit, dolo factum: quod dolo, irritum esse. Mater, quæ de seruis egerat, aduersario victo, dolo circumuenta est, vt ei caueret nullam se de iis seruis controuersiam moturam. Errore comperto agit iudicari actione, quæ illi actione iudicis parta est. Recte agit, nec nocebit ei exceptio pacti, quod dolo malo expressum est.

Matrem tuam circumuenerit. (¶ Fiet hoc modo, vt aduersarius petitrice in hac specie circumueniat, si cum sciret se victum esse, mulieri ignorati mentiatur, rem nondum iudicatam esse, aut cum mulier putaret non esse iudicatam, aduersarius hūc errorem silentio suo confirmans, & hac occasione vtens persuadeat mulieri, vt propter incertum euentum litis ambo a lite discedant, atque ita illis discedentibus mulier caueat se de seruis in posterum non acturam. Dolus enim non tantum in eo est, qui aliquid fallendi causa mentitur: sed etiam in eo, qui malitiose aliquid dissimulat, vt ignorantia & errore aduersarii ad suum lucrum & illius fraudem abutatur, l. ea quæ. in ff. de contr. em.

Quid dicemus, si mulier aduersarium victum esse sciuit, & nihilominus pacta est? Et si quidem mulierem mihi proponas iuris sui non ignorare rem arbitrii sui sponte remisisse, nullam dubitationem fore puto, quin hæc decepta non sit, de ea nunc non queritur. Verba enim declarant fuisse eam mulierem, quæ cum controuersiam de ea re esse arbitraretur, cauit se nullam controuersiam amplius esse moturam. Sed fieri potest, vt mulier sciuerit, quid sit actum, & tamen ius suum ignorari circumuenta. Fingē aduersarium subornatis aliis, qui idem dicerent, mulieri persuasisse rem nondum confectam, & mulierem credulam de lite pactam esse, aio hanc circumuentam videri, satisque esse id factum aduersarii ad pacti infirmationem. Nec me mouet, quod mulier, quæ id credidit, errauit injure. Quocunque enim errore controuersiam adhuc fore parauit, errauit certe, eoque errore a sciēte decepta est. Iuris porro ignorantia mulieribus non nocet, l. regula. ff. de iur. & fac. ag.

Quid si aduersarius item, vt mulier, se victum ignorauit, cum causā forte per procuratores ageretur, & quasi causā adhuc maneret, ita a muliere idem impetrarit, vt se nullam controuersiam esse moturam caueret? Perspicuum est, aduersarium nihil hic circumueniendæ mulieris causā fecisse, qui putarit subesse idem, quod mulier, quod si subesset, iustissima esset causā, cur mulier a lite desisteret, vt est incertus euentus, & periculum litis. Est enim dolus, machinatio consulto ad alium decipiendum adhibita, quæ in quo non est, is dolo caret, l. i. ff. de dol. Alexand. por-

ro de eo, qui mulierem circumuenit, loquitur. Sed nihilo magis hoc casu pactum ab imprudente muliere factum seruandum est. Errore enim suo circumuentam promississe eam sine causa apparet, cum causam putaret esse. Vt autem si quid esset promissum sine causa ab eo, qui iustam causam esse putaret, petenti ex ea causa exceptione doli mali occurreretur, l. 2. §. circa. ff. de exc. dol. (nam & quod sine causa datum est, reuocatur, l. 1. ff. de cond. sine caus.) ita si quid pacto remissum sit per causam alicuius rei, quæ subesse putabatur, si ea falsa erit, is cum quo agitur, exceptione pacti non utitur. Et generaliter recte dici puto, remissionem creditori non nocere, quæcunque talis est, cui error falsæ causæ occasionem dederit, l. si cum te ff. eo. Nec ad rem pertinebit, quod aduersarius ab initio in eodē errore versatus sit, ut dolo nihil faceret. Parum enim interest, utrum quid ab initio sciens sine causa sibi remittendum curarit, an postea errore detecto ea remissione sine causa uti persequeretur, dist. l. 2. §. circa. de dol. exc. arg. l. sed & si lege. §. de eo. ff. de per. her.

5 *Irrisum est.* Pactum mala fide factum ita irritum erit, ut si fateatur aduersarius eo tempore a muliere imprudente factum, cum iam ipse victus esset, exceptio omnino pacti non detur, muliere iudicati agente: quoniam hac ratione, dolo malo factum esse, aut dolo malo se eo uti fateatur. Negat autem prætor se ea pacta, quæ dolo facta sunt, esse seruaturum. Quod si id negabit aduersarius: quia de eo ambigitur, an dolo malo quid faciat, sic exceptio pacti dabitur, ut doli mali replicatione exceptio infirmetur, arg. l. nam postea. ff. de iure iur.

6 *Cum matre tua agi.* Quomodo agit aduersarius hic, qui a matre iudicati actione conueniebatur? Scire oportet etiam reum agere dici tunc, cum exceptione utitur, l. 1. ff. de except. l. 1. ff. de eden. Agit igitur aduersarius ex ea conventionem, cum conuentus a matre actione iudicati, eius conventionis exceptionem agenti opponit. Cui conueniens est, ut in hac exceptione mulier, quæ iudicati agit, sit rea. Vnde bene subiicitur, iudicem eam liberaturum. liberantur enim rei, cum absoluantur aduersus intentionem actoris, non item actores.

L. Legem. X.

Imp. Antoninus A. Nicæ.

Legem, quam dixisti, cum dotem pro alumna dares, seruari oportet. Nec obesse tibi poterit, quod dici solet, ex pacto actionem non nasci. Tunc enim hoc iure utimur, cum pactum nudum est. Alioquin cum pecunia datur, & aliquid de reddenda ea conuenit: utilis est conditio. P. P. III. Kal. Mar. Albino & Maximo Coss. 228.

S Y M M A R I A.

- 1 Sententia rescripti summarum exposita.
- 2 Legem dicere traditioni: in lege venditionis: fundus venditus, datus ea lege. in his omnibus & similibus legis verbo quæ conuentio intelligatur, & cur lex dicta.
- 3 Conditio utilis legendum in hoc rescripto, non conditio.
- 4 Utilis actio, & utilis exceptio nonnunquam pro effici.
- 5 Ex pacto nudo actionem non nasci.
- 6 Pactum non nudum, atque hinc actio, quodcunque transit in proprium nomen contractus, & quid hic ad rem pertineat nomen.

7 Pactum item non nudum, unde & actio, cum dedi aut feci aliquid ea conventionem, ut vicissim quid dares aut faceres: quod Vlpianus dicit, cum causâ subest præter conventionem.

8 Pactum nudum quid, & cur ita dictum.

9 Legitima conuentio, item conuentio iuris gentium dicta non ea, quæ iure civili aut gentium inducta est; sed quæ eo iure confirmatur, & valet ad agendum: & quomodo hæc genera distinguantur.

10 Pacta nuda legitimaria, & quæ.

11 Dotis pollicitatio, conuentio non nuda: sed quæ causam habeat præter conventionem, ideo utilis.

12 Ex pacto nudo usuræ pecuniæ mutue, aut accessiones frumenti vel hordei mutuo dari deberi cum legimus, nudum pactum dici, quod in stipulatum deductum non sit: non etiam ita, quin in traditione mutui interponi oporteat.

13 Pacta in continenti adiecta bonæ fidei contractui partem esse contractus: quo iure etiam valent.

14 Usuræ ex pacto quamuis in traditione rei nostra interposito in strictis iudiciis cura stipulationem regulariter non debet.

15 Seruaturum se pacta qui pollicetur, ut & significatione visitata polliceri eum se effecturum ut valeant, non solum exceptionem dando, sed etiam actionem, si ad hæc seruanda actio sit opus.

16 Seruare vim pacti, & seruare pactum, quam distent inter se.

17 Prætor potuisse actionem dare ex ea causâ, ex qua iure civili non fuit.

18 In edicto de pactis seruandi verbo promitti ex pactis etiam actionem: sed inesse hanc conditionem: Quod eius per leges licebit; & unde conditio intelligatur.

19 Prætores custodes iuris civilis ac velut viæ vocis interpretes.

20 Pactum sine adiuncto in usu iuris idem valere, quod pactum nudum, & cur.

21 Ex pacto nudo actionem non nasci, quam sit æquum, eiusque æquitatis variæ causæ redditæ.

22 Pactum nudum cur non valeat ad obligationem: ad liberationem proficit.

MULIER dotem pro alumna dedit, ac cum daret, pacta est, ut sibi ea dos soluto matrimonio redderetur. sed pacta est tantum, non stipulata. Soluta matrimonio cum dotem a marito alumne ex conventionem repetere vellet, & intelligeret regulam iuris esse, ex pacto actionem non nasci, l. iuris gentium. §. quin imo. ff. eod. de ea re adiit Imperatorem. Huic rescriptum est, utilem esse, ac seruandam legem & conditionem, id est, conventionem, quæ proponitur. Vnde intelligitur ex ea agi posse, regulam superiorem iuris non obesse: quia ad hanc conventionem non pertineat, regulam enim de pacto nudo accipiendam esse: conventionem autem, quæ proponitur, non esse eiusmodi: cum non conueneris tantum, ut quid tibi daretur, sed prius dederis addita hac lege, & conventionem, ut tibi redderetur. Prius verba expendamus. deinde de iure, quod hic proditum est de vi pacti, videbimus.

Legem quam dixisti. Legem vocat conventionem. Legem traditioni dotis dicere est, in re tradenda conventionem adicere, quæ conuentio hic fuit de reddenda dote, ut in fine expressum est. In lege venditionis ita scriptum est: id est, in pacto venditionis. l. cū in lege. l. qui fundum. l. fistulas. ff. de contr. emt. fundus ea lege

lege venditus est, ut fistula accedant, id est, ea con-
 uentione, & pacto, d. l. qui fundum. l. fundi. ff. de contr.
 emt. denique id legem esse, cum legem emtionis, lo-
 cationis, mancipii, traditionis, aut alicuius contra-
 ctus legimus, aut cum dicimus legem his rebus esse
 dictam, liquido constare potest ex omnibus prope
 rescriptis veterum Imperatorum, quæ extant sub
 titul. de pac. int. emt. & vend. tit. si manc. ita venie. tit.
 si manc. ita fuer. aliena. j. Significatio a lege publica,
 quæ vere & absolute ita appellatur, quasi quibuscumque
 gradibus ducta est. Nam lex quia est delectus & regu-
 larum faciendarum, & vitandarum, idcirco affe-
 ctus cohibet, & moderatur, itaque lex moderamen-
 quoddam est. hinc moderamen omne lex coepit ap-
 pellari. Atque hinc videlicet conventio traditioni
 adiecta lex dicta; idcirco, quia est traditionis, cui ad-
 dicitur, moderamen & temperamentum quoddam. hac
 enim conventionione addita non dotibi rem simpliciter,
 ut eam sine ulla conditione habeas; sed hoc modo, &
 temperamento addito, ut pro eo vicissim aliquid facias
 vel mihi, vel alii. Hancistius significationis rationem
 & originem esse inde sciri potest, quod nunquam vl-
 la conventio, quæ per se fit, aut sit principalis, lex di-
 citur, quantumvis valeat, & seruanda sit inter contra-
 hentes non secus, quam lex; sed tunc cum alii rei, puta
 contractui, aut traditioni temperandæ, & moderandæ
 adhibetur. Quod si ideo legem dici hanc conven-
 tionem putaremus, quia more legis quid præscri-
 beret, & afferret promittenti parendi necessitatem,
 omnis utilis conventio, & præcipue contractus lex
 diceretur. quod secus est. Cum vero temperandæ al-
 lii adhibita hoc nomen habeat, qua significatione id
 fiat, apparet.

Cum pactum nudum est) dicam mox de hoc verbo,

cum de iure, quod hic comprehensum est, disseram.
 Utile est conditio) In aliis exemplaribus legitur
 conditio. in aliis conditio. quam varietatem notauit in
 glossa Accursius.

Conditio ꝑ placet. quo verbo significatur conuen-
 tio traditioni dotis addita, & ea, quam initio legem
 nominauit. Sic vsurpari constat in l. debitori. s. & in l.
 penult. j. si manc. ita fuer. alien. Appellatur autem recte
 conditio quæcumque conventio est, quæ traditioni
 rei adicitur: quia eiusmodi conventio omnis exprimitur
 sub modo: Sic enim do aut trado, ut illud fa-
 cias. Modus autem pro conditione est l. i. j. de iis,
 qua sub modo. inde & conditio nominatur in l. ea lege.
 & l. si repetendi. j. de cond. ob caus. Utile conditio & co-
 uentio est, valet id, quod initio posuit, legem quam
 dixisti, seruari oportet. Potest tamen hoc loco con-
 dicio defendi, ut intelligatur verbo conditionis in
 personam actio. id enim conditio significat leg. actio-
 nem ff. de act. & ob. utilis autem conditionis nomine
 intelligatur actio præscriptis verbis, quæ utilis est, nõ
 directa. de quo dixi ad l. cum mora. j. seq. tit. hanc qui-
 dem dari ex huiusmodi lege scriptum est in l. legem. j.
 de don. Nam ut conditionem vtilem interpretemur
 efficacem, nulla satis idonea ratio permittit. Etenim
 si conditio est, sine exceptione non potest, quin sit v-
 tilis. si non est utilis, non est conditio. Sed si verum
 amamus, ne sic quidem superior significatio satis huic
 loco conuenit. Vbi enim de hoc genere conventio-
 num agitur, cum do ut des aut facias, qualis est conue-
 tio huius loci, & queritur, quæ hinc actiones nascan-
 tur: dici solet duas nasci, conditionem dati ob rem,
 & non secuta, & actionem præscriptis verbis ex pa-

cto. quæ genera in his conventionibus sic distinguun-
 tur, ut quemadmodum conditio ista non dicitur a-
 ctio præscriptis verbis, sic nec actio præscriptis ver-
 bis conditionis verbo vnquam demonstratur. l. na-
 turalis. i. resp. s. i. & seq. ff. de pres. ver. l. i. in fi. ff. de rer.
 per. Generaliter quidem actio præscriptis verbis dici
 possit esse conditio, ut significetur, eam actionem ef-
 se in personam: ut, cum actio rerum amotarum dicitur
 esse conditio in l. rerum amotarum. ff. rer. am. Sed
 hic non queritur, qualis hæc actio sit, sed an hic detur
 aliqua actio.

Ceterum ꝑ alias vtilem actionem dari pro efficaci
 dici interdum legimus, cum significatur actionem
 competere, quæ nulla exceptione remoueatur: cum
 posset de exceptione dubitari, neque hoc otiose. po-
 test enim iure competere actio, quæ exceptione infir-
 metur. sic in l. si fideiussores. 41. ff. de fid. l. ult. in fi. j. quod
 cum eo fortasse & in l. pen. in pr. l. ult. ff. de in rem. ver.
 Atque hinc quæ actio remouetur exceptione, dicitur
 non efficaciter aduersus aliquem dirigi l. 6. j. ad Ma-
 ced. sic & utilis exceptio vere dicitur, ut sit efficax &
 ea, quæ nulla doli, aut alia iusta replicatione elidatur,
 l. 5. j. de usur. l. vir uxori. ff. ad Vell. l. 3. ff. de res. vend. In-
 terdum dicunt veteres actionem aliquam ad hoc aut
 illud vtilem esse: sed alio sensu, nempe pro actionem
 ad hæc aut illam rem proficere; posse nos in hac aut
 illa re ea actione uti, ut in l. ex emto. s. is qui vina. ff. de
 act. em. jnst. de vi bo. rap. in pr. l. hominem. ff. mand.

Nunc, quæ hoc rescriptum statuit, expendamus.
 Statuit autem duas hæc sententias: Vnam ꝑ, ex pacto
 nudo, etiam quo quid promissum est, actionem non
 nasci. quæ & ipsa compluribus aliis locis expressa est,
 l. ult. j. de rer. perm. l. si tibi. j. loc. l. divisionis. ff. cod. Al-
 teram, quæ in contrarium valeat, ex pacto, quod nudum
 non sit, nasci actionem. Seruandum enim esse ait,
 quod nihil aliud declarat, quam ex eo agi posse. Di-
 cendum est primum, quod sit pactum nudum, quod
 non nudum. Et pacta quidem nuda infinita. ut autem
 non sit nudum, certis, & paucis de causis efficitur. De
 hoc igitur dicendum. ex eo, quod sit nudum nullo ne-
 gotio intelligitur. Sic igitur habendum est, duas esse
 res, quarum vnaquæque cum interuenit, facit, non vtriusque
 pactum non sit pactum; sed ut non sit nudum, id est,
 solum pactum & eiusmodi, quod ad obligationem
 nihil aliud habeat, quam conventionem & consen-
 sum: proindeque ex eo iure ciuili nascatur actio.

Vna ꝑ est, nomen certum & vsitatum conventio-
 nis, & ut veteres loquuntur, si res in suo nomine non
 stet, sed transeat in proprium nomen contractus. ex
 quo genere est emtio, venditio, locatio, conductio, so-
 cietas, mandatum, l. iuris gentium. ff. cod. l. i. ff. de rer. per-
 mut. An quod nomine certo hæc appellantur, ideo
 ex his actio constituta est? Minime, Ridiculum enim
 sit leges verbis imponi, non rebus, l. 2. in fine. C. com. de
 leg. Sed res ita habet. Nomen proprium arguit con-
 uentionem in vsu omnium communi esse: unde & hoc
 nomen vulgare inuenit. Quod in vsu hominum
 versatur, declarat conventionem esse vtilem, & talem
 qua homines carere non possint. Utilitas vero con-
 uentionis causam dedit, ut iure confirmaretur. Ita
 utilitatis indicium est, quod certo, & proprio nomine
 appellatur.

Alteræ ꝑ res, quæ faciat, ut ex pacto actio nascatur,
 est, si quid datum, aut factum sit, & lex traditionis aut
 facti dicta, ut vicissim quid nobis detur, aut fiat,

ad l. p. in n. 12 = ad 2. d. q. de defectu personæ q. n. potest obligari. n. max. actio
 nec defectu pacti = ad 3. d. q. de defectu personæ q. n. potest obligari. n. max. actio
 sunt ut dicitur ut hic in n. 12 ex eo q. d. quod obligat ad plus d. d. d. quæ accepit = ad 4. d. q. de
 ut plus redat quæ fuit d. d. d. ut hic in n. 12 ex eo q. d. quod obligat ad plus d. d. d. quæ accepit = ad 4. d. q. de

ut hic scriptum est. ut autem Vlpianus loquitur in *d. l. iuris gentium*, si causa subest præter conventionem. quod ille fieri ostendit, cum do aut facio tibi aliquid ea lege, & conventionem, ut vicissim quid des, aut facias *d. l. iuris. §. l. solent. ff. de præscr. ver.* Hoc enim factum nostrum, & hanc traditionem, cui lex dicta est, causam vocat præter conventionem: inueniens conventionem quidem esse causam, cur hinc nascatur obligatio: sed non solam. esse enim etiam huius rei illam alteram causam, quod tibi dedi quid eo nomine, & id accepisti: quod feci, & id admisisti, ut iam hinc intelligatur duplex causa cur tu facere debeas: factum meum eo collatum, ut des, & præter factum conventio. Cuius conventionis, & iuris exempla habemus & hic, & in *l. debitori. l. si pascenda. §. cod.* Ex hac regula illa dicta sunt: In traditionibus rerum quodcumque pactum interpositum valet, *l. in traditionibus ff. cod.* & permutatio ex re tradita initium obligationi præbet, *l. i. ff. de rer. permut.*

8 Hinc etiam iam sciri potest, quod pactum nudum esse intelligamus. Est igitur id nudum, quod neque alio nomine appellatur, quam pactum: neque causam, cur dare, aut facere debeas, ullam habeat præter conventionem. ita dictam per translationem, quod pactum tantum & sit, & nominetur, nihil amplius. denique quod sit solum: quæ significatio multis confirmata est a Duareno in *d. l. iuris gentium. §. sed cum nulla.* Talis erit hæc conventio, si partibus certis hereditatis constitutis convenierit, ut hæc pars tua esset, illa mea sine ulla partium traditione, *l. divisionis ff. cod. l. ex placito. §. de rer. permut.* Hanc dici nudam conventionem, non aliunde melius intelligi potest, quam ex *d. l. iuris gentium. §. sed cum nulla ff. cod.* Nam cum initio capitis dixisset Vlpianus, ex duobus generibus conventionum actionem nasci: uno, cum conventio in aliud nomen transiret: altero, cum causa subest præter conventionem, & adieisset ex ceteris non nasci: ex his ita intulit: Igitur nuda pactio obligationem non parit. Quibus verbis aperte declaratum nudam esse pactioem, cum nihil eorum est, quæ supra ab eo comprehensa sunt, propter quæ dixit nasci obligationem. Sed utraque regula superior suas quasdam exceptiones habet.

9 Et etiam quidem pacta nuda (quod genus ad priorem regulam pertinet) quædam iure civili confirmantur, etiam maxime non valeant iure gentium: quæ appellantur legitima, *l. legitima ff. eo.* quædam etiam confirmantur iure gentium: ut consequens sit etiam iure civili valere. Nam ut hoc obiter moneam, quæcunque iure gentium conventiones valent (sic enim Vlpianus in *l. 7. ff. cod.* vocat conventiones iuris gentium, ut sint quæ valent iure gentium, & confirmantur: non autem quæ a iure inveniuntur sunt. Propterea quod conventiones non a iure inveniuntur, sed ab hominibus inveniuntur iure probantur, aut improbantur) quæcumque, inquam, valent iure gentium, eadem etiam valent iure civili. Unde fit, ut quæcunque causæ sunt, ex quibus actio nascitur, quamvis iure gentium, ut emptio, venditio, & similes, omnes dicantur civiles, & legitime in *§. sed ista. Inst. de actio.* Sed non quæcumque confirmantur, & valent iure civili, eadem valent, & servantur iure gentium. Ex quo est, ut quædam dicantur legitime, quædam iuris gentium in *l. conventionum. ff. eo.* In qua divisione si legitima intelligitur, quæ lege, id est iure civili confirmatur, & ab ea, quæ est iuris gentium recte distinguitur, necesse est legitimam intelli-

gi eam, quæ confirmatur, & valet iure civili tantum, non etiam iure gentium: cum iuris gentium conventio res etiam iure civili confirmetur.

10 Ut etiam ad rem redeam, pacta quædam, quamvis nudam, iure civili confirmantur. Sunt in hoc genere tria: pactum, quo quis se dicit aliquid donare: si tamen pactum dicendum est, quo quis nihil in futurum promittit se daturum, aut facturum, sed se nunc dare affirmat: item conventio de pignore: tum ea conventio, qua pecunia ante debita constituitur. Primum confirmatur constitutione Iustiniani in *l. si quis argentum. §. ultim. C. de donat.* Posteriora duo confirmantur iure prætorio, *l. si tibi. §. de pignore. ff. eo. §. de constituta. Inst. de actio.* Nec quem hic moverit iuris prætorii nomen. Nam hic appellatione iuris civilis etiam prætorium intelligimus, ut in divisione iuris, quæ explicatur sub titulo, *de iure nat. gent. & civil.* Quæ præterea iure civili tantum confirmantur nudæ conventiones, non occurrunt.

11 Ex etiam pollicitatione dotis sola placet actionem esse, *l. ad exactionem. C. de dot. promiss.* Sed verum est, quod videtur Franc. Connano non esse hic nudam conventionem: sed eiusmodi, quæ causam habeat præter conventionem. Si enim nuptiæ non sunt secutæ, dos non debetur, ne ex stipulatione quidem: quia habet stipulatio hanc conditionem, si nuptiæ sequantur, *l. stipulationem. 21. ff. de iure dot. si sunt secutæ, debetur dos quidem: sed ideo, quia negotium civile gestum est. dos enim dicta est marito ita, si illam uxorem duceret. duxit. Res secuta est nimirum. ex quo genere facti in omnia alia causa iure civili esset actio, l. divisionis. ff. eo. l. ex placito. C. de rer. per.*

12 Quod etiam autem legimus frumenti, vel hordei mutuo dati accessionem ex nudo etiam pacto esse præstandam, *l. frumenti. C. de usur.* item, ex nudo pacto deberi civitatibus usuras creditarum ab eis pecuniarum, *l. etiam ff. de usur. in utroque assentior Eguinario Baroni, cuius exstat de hoc verbo sententia in l. iuris gentium. §. sed cum nulla ff. eo.* pactum nudum ad discrimen stipulationis positum intelligi debere. Cum enim lex esset de usuris, ne usura nisi in stipulatum deductæ peti possint, *l. 3. C. de usur.* ut in superscriptis causis intelligeretur stipulationem non esse necessariam, ita scriptum est, civitatibus etiam ex nudo pacto usuras deberi. Itaque nudum in his accipiendum esse, cuius confirmandi causa stipulatio secuta non fuerit. Nos nudum nunc dicimus, quod in re tradenda interpositum non est, aut ex quo res non est secuta. Ex hoc genere nec in superscriptis causis usura debentur. Itaque dedit civitas mutuam pecuniam, & in dando pacta est sibi usuras certas pendi. debentur usura ex pacto: scilicet quia in traditione rei pactum interpositum est, nec nudum est, ut nunc nudum accipimus. at si pecunia iam ante credita pactus sit debitor se usuras civitati præstaturum, usura non debentur: quia nec alia res quævis pacto eiusmodi civitati promissa deberetur. Et quæ utilitas tandem in usuris esse potest tanta, ut contra regulam iuris publici ex pacto nudo actio de his nascatur potius, quam in aliis negotiis, aliisque rebus? Imo vero quis nescit usuras ex omnibus rebus maxime esse odiosas? ut profecto minime omnium conveniat, atque adeo absurdum sit omnino, earum conventioni favere potius, quam ceterarum rerum pactio. Nec mirum, si pactum nudum, cum commodum est, interpretamur aliter, atque aliter. aliud est enim, cum pactum nudum

simplicitate, & absolute vocamus: ut fit, cum dicimus, *ex pacto actionem non nasci*: aliud, cum nudum alicui rei opponimus, quam remoueri volumus. ut tum fit, cum pactum nudum nominamus in usuris, ubi id agimus, ut stipulationem excludamus. de quo vide plura ad l. traditionibus. §. eo.

13 Iure tamen gentium etiam tunc pactum, quod nudum videtur, valet, cum in bonae fidei contractu ex continenti interpositum est. l. 7. §. *quinimo. ff. eo. l. in bona fidei. §. eo.* Sed verius est eiusmodi pacta, partem esse eorum contractuum, quibus adhibentur, atque in eos contractus transire. proinde non iam nuda esse, ut ex superiore regula excipi debuerint: sed pertinere ad eas conventiones iuris gentium, quae pariunt actionem. de quo dicitur a nobis fusius in d. l. in bona. §. Hae de priore iuris regula, quam initio posueramus.

14 Illa tamen altera, quae definimus ex hoc loco, toties conventionem esse seruandam, cum in traditione rei nostrae adiicitur, ad usuras non pertinet in contractu stricti iuris promissis, ut mutuo. Ita enim ius constitutum est, usuras ex hoc genere citra stipulationem non deberi, exceptis quibusdam causis. l. 3. C. de *usu. de quo scripsi pluribus in commentario De usuris.* Itaque si dem tibi decem mutua ea lege, ut reddas quindecim, conuentio de eo, quod excurrit, & si in re gerenda interposita est, non valebit. l. si tibi. ff. eo. Si ad ista illud adieceris, omne pactum parere exceptionem. l. in bona. §. eo. habebis de vi omnis conventionis iuris civilis summam breuiter comprehensam.

Sed ex duabus illis regulis, quae hic statuuntur, quasque initio posuimus, prior illa, ex pacto actionem non nasci, incurrit in duas reprehensiones. Quae eo diligentius nobis cognoscendae sunt, quia eorum explicatio ad edicti interpretationem plane est necessaria. Aduersus quas nobis hoc loco regula confirmanda est. Nam & falsa esse dicitur, & iniqua. Falsam esse conuincitur ex edicto, si modo verum est, quod edicto continetur.

15 Pollicetur tamen praetor generaliter se pacta conuenta seruaturum, & ita pollicetur, ut cum ex omnibus ea tantum nominatim excipiat, quae aduersus leges, aut dolo malo facta sunt, declaret se cetera omnia, quae in eo genere non erunt, seruaturum. arg. in l. *quasi. §. idem respondit, demo instructa. ff. de inst. vel inst. leg.* Seruabit igitur, non solum si qua liberandi debitoris causa facta erunt, sed etiam, si quibus quid promissum erit, dum non iniusta, aut contra bonam fidem. Quid est autem, *seruabo*? Id, quod verbum omnibus significat: nempe, *efficiam ut rata sint, & valeant.* Quod sit hoc modo, si pacto interposito, ne a debitore petatur, non det in eum actionem: quod se in iureiurando dato ab eo, a quo petitur, edicto de iureiurando facturum pollicetur. l. ai praetor. ff. de iur. aut cum pacto quid promissum est, si in eum, qui promissit, det actionem, qua quod promissit, praestare cogatur. Cui enim dubium est non valere pactum, si liberum est promissori, quod pactus est, non praestare: nec vero cogi posse eum, nisi iudicio; nec iudicio, nisi actione instituta? l. 1. C. de exceptione rei iudic. l. negantes. C. de obl. & actio. Ergo his verbis, *pacta seruabo*, hoc dicere intelligitur, exceptionem, aut actionem, prout hac aut illa ad seruandum pactum opus erit, dabo. De exceptione non ambigitur. Ex hoc enim edicto sumtum est, quod dicitur, pactum ad ex-

ceptionem prodesse: & semper pacta parere exceptiones. l. iuris gentium. §. sed cum nulla. §. *quinimo. ff. eo.* De actione quid est, cur dubitemus, si sine actione pactum, quo quid promissum est, seruati non potest? Sed ne longe abierimus. In hoc ipso rescripto, item in l. *debitori. §. eod.* scriptum est, *pactionem*, seu legem, qua quid promissum est, seruari oportere, cum utroque in loco hoc significari certum sit, ex pactione esse actionem, ex pactione iure agi posse. Quo admissio nemo negauerit haec esse contraria, praetor ex pacto dat actionem, & ex pacto non nascitur actio. Eruditi homines nonnulli tentant efficere, hoc verbo, *seruabo*, praetorem in hoc edicto non polliceri actionem de his pactis, ex quibus antea iure civili non fuit actio: ut consequens sit, cum iure civili ex pacto actio non nascatur, huic regulae hoc edictum non ob stare. Volunt enim *seruare* esse eam vim, quae ante fuerit, *seruare*, non vim nouam, & nouam actionem dare. A quibus ego valde dissentio. Tantum enim abest, ut putem tunc solum praetorem dici pactum seruare, & tueri, cum id ratum habet, quod iure valuit, & ex quo fuit actio, ut contra existimem non alia eum dici proprie seruare, quam ea, de quibus constituit actionem, cum prius iure non valerent. Certe quin haec quoque dicatur seruare, sicubi de his actionem constituit, dubitari non oportet. Quis est enim usus fructus Vlpiano, qui dicitur valereturione praetoris in l. 1. ff. quib. *mo. usus. amit.* Is demum, qui iure non constituitur. *ibidem.* Tuetur praetor, inquit Paulus, *adiudicationes in iudicio familiae erciscundae, & communi diuidendo, exceptiones aut actiones dando.* l. inter. §. 1. ff. *famil. erciscun.* Quid ita tueri eas dicitur, cum exceptionem, aut actionem dat? quia nisi eas tuebitur, non valebunt. Iudex enim adiudicat, & iubet nos esse dominos, id videlicet, qui nec dominus est rerum, nec quidquam tradit, quod in nos transferat. Iure autem gentium aut civili sine traditione inter viuos dominium non transfertur, ac praecipue ubi is, qui tradit, non est dominus. l. traditionibus. §. eod. l. traditio. ff. de acquirend. rerum domin. l. nemo plus. ff. de regul. iur. Et merito isti his solum locum habet tuitio praetoris. Nam in iis, quae per se satis valent, quid auxilio & tuitio praetoris est opus? Et ut a notioribus, & magis familiaribus demonstratur haec significatio, utrum tandem ego hominem seruare dicor: eumne, cui ab hostibus, aut latronibus intercepto ad fui, dum se ab iis liberat, cum ille suis praesidiis tutus sine mea opera periculum effugere potuerit: an eum, cui omni destituito extrema ope auxilium tuli, fecique, ut saluus euaderet, qui sine me erat periturus? Perspicuum vero est, utrum intelligat seruasse. Nempe hunc seruauimus: illum nequaquam. Quod & de pacto, quod iure non valet sine auxilio praetoris, iudicandum est.

Parum tamen vero me mouet eorum ratio. Sumunt id, 16 quod nemo negat, vim pacti seruare esse, seruare eas, quae fuit, non augere, aut nouam inducere. Sed quid hoc ad rem pertinet? Multum enim interest inter haec, seruare vim pacti, & seruare pactum. Si praetor polliceretur, se vim pacti seruaturum, non sane seruaret, si nouam vim adderet. Vim enim qui seruatur, seruatur veterem, & eam, quae est, non affert nouam. Nunc autem pollicetur, se pactum seruaturum. Id si efficit, ut valeat, non ideo nouum pactum inducit, sed id, quod erat, confirmat, & ut maneat, facit. quod nihil aliud est, quam seruare, & tueri

pactum, ut a nobis paulo ante satis demonstratum est. Fatendum est igitur, hoc verbo, *seruabo*, polliceri prætorem, cum exceptionem, tum actionem, ubi pactum aliter valere non potest: ac proinde si nihil aliud in edicto esse intelligimus, quam quod pollicetur, se pacta seruaturum, edicto superiorem regulam euertere, qua constituimus ex pacto actionem non nasci.

17 Nisi forte hoc dicimus, polliceri quidem prætorem actionem, sed frustra: quia iure ciuili ex pacto non nascitur actio, ut voluisse quidem prætorem actionem dare fateamur: dicamus autem eum non potuisse, quia ius ciuile impedit. Quod non ita est. Nihil enim prohibet ex aliqua causa iure ciuili actionem non esse, & tamen eam constitui iure prætorio. ut puta, ususfructus in vestigali agro iure non constituitur: at constitutus valet tuitioe prætoris. *d. l. i. ff. quib. mod. ususfr. amit.* item ex constituto iure ciuili non nascitur actio non magis, quam ex ceteris pactis: at datur iure prætorio. *§. de constituta. Instit. de act.* item emancipatis præteritis, item cognatis hereditatis petitio iure ciuili non datur (neque enim iure ciuili vocantur ad hereditatem) at iure prætorio admittuntur ad bonorum possessionem, estque illis eo iure bonorum possessoria hereditatis petitio constituta, *titu. ff. de bonor. poss. her. petit.* suntque alia huiusmodi sexcenta, ex quibus liceat intelligere, non si iure ciuili ante edictum actio nulla sit ex aliqua causa, ideo prætorem de ea aut non solere, aut non posse constituere actionem. Quapropter si constabit hoc edicto prætorem constituere voluisse actionem ex pacto, erit actio: quamuis antea iure ciuili non fuisset. Voluisse autem eum ex verbis apparet, ut supra ostendimus. Itaque non abs re esse existimo, quod Bartolus habere se hoc loco scripsit, neque intelligere, quomodo illis propositis, negent veteres ex edicto ex pacto actionem dari. Et quod ad me attinet, quid aliud dici possit, non reperio, si, ut dixi, nihil amplius fuit in hoc edicto, quam proponitur, aut nihil amplius in eo de mente prætorum supplendum, & intelligendum est.

18 Quid ergo est? an audebimus dicere quidquam fuisse in edicto amplius, unde intelligamus prætorem non polliceri se seruaturum ea pacta, ex quibus iure ciuili actio denegatur? At cui probabimus, cum nihil amplius nobis proditum sit de verbis edicti, quam quod exstat in *l. 7. §. prætor ait. ff. eo. quo pollicetur prætor pacta non iniusta se seruaturum*, nec reperitur Vipianus quidquam aliud in edicto laudare, quam edicti æquitatem naturalem, quæ in eo sit, & prætor seruare ea, quæ inter aliquos placuerint? *l. 1. ff. eo. Sanæ ut possit* in hoc edicto additam fuisse nominationem, aut prætoris missa est, tamen ex usu & consuetudine prætorum, id est, sententia intelligi debere, hæc conditionem, quod eius per leges licebit: id est, quæ leges non prohibeant. qua exceptione addita, cum in iure ciuile de actione non conceditur, ut si edicti huiusmodi excepere. Ac fuit quidem hæc conditio nominationis addita in edicto de restitutione maiorum, & itaque in *l. 1. ff. ex quibus caus. maior.* Non fuit causam, ut in vno edicto adiceretur a prætore, ne quid scilicet contra leges faceret: non adiceretur in ceteris. Demus tamen hic esse prætermissam (nihil enim de eo affirmare possumus) eam nihilominus intelligi, & suppleri debere, & ex sensu prætorum in omnibus edictis generalibus inesse

contendo. Quod Paulus in interpretatione edicti de Publiciana, aperte comprobauit. Nam cum ita esset edictum de Publiciana, ut polliceretur generaliter actionem ei, qui possessionem rei ex iusta causa, & bona fide nactus esset: ex Paulo relatum est in *l. cum sponsus. §. si res. ff. de Publici.* si aliqua res sit, quæ alienari non potuerit, prætorem hanc actionem non dare: non quia non possit, sed ne, inquit ille, contra leges faciat. Unde intelligitur, nisi quid aperte, & specialiter id concedat prætor, quod ius non concedit, ut cum data actionem de constituto, non esse illum hoc animo, ut amplius quidquam det, quam quod per leges licet, ne contra eas faciat. Quod nulli nouum, aut mirum videbitur, si, quæ fuerit persona, quodque officium prætorum intelliget, & ex hac persona, quæ in edictis concipiendis veterum prætorum consuetudo, animaduenerit.

De prætoris persona & officio vere hoc a Cicerone dictum est *lib. 2. de legib.* prætorem iuris ciuilis custodem esse. Ex hac enim sententia illa sunt in libris nostris prodita, prætoris esse ius ciuile subsequi, *l. scio. ff. de testib.* item, ius prætorium viuam vocem esse iuris ciuilis. *l. nam. §. ff. de iust. & iure.* scilicet quia ab interprete, & custode iuris proficiscatur. Hoc constituto, recte ita dicemus, si ius ciuile non patitur ex pacto actionem esse, & prætor pollicetur se pacta seruaturum, quatenus leges non prohibeant: confectum est, quamuis verba in eam rem desint, tamen ne edicto quidem illum actionem polliceri. itaque vera dictum esse generaliter, neque iure ciuili, neque prætorio ex pacto nasci actionem. Sed si vere dicitur ex pacto nudo non esse actionem, quia inde non est actio prodita iure ciuili: attamen illud generaliter dictum falsum esse videtur, ex pacto actionem non nasci. siquidem lex & conditio traditioni adiecta pactum est. ex quo tamen genere constat esse iure ciuili actionem, ut hic, & *l. debitori. §. & l. in traditionibus. ff. eo.* Atqui regula ita a veteribus concepta est, non ut dicerent ex pacto nudo. sed simpliciter ex pacto actionem non esse, ut liquet ex hoc rescripto, & *l. 7. §. quoniam. ff. eo.*

Sed bene veteres. vtrumque enim idem valet, 20 ex pacto, & ex pacto nudo, ut hic Imperator interpretatur. non quod nullum sit pactum, nisi nudum (alioqui in specie, quæ hic proponitur, quia res nuda non est, satis fuisset dicere non esse pactum: regulam autem de pacto esse conceptam) sed quia hæc verba, actionem non nasci ex pacto, *equanimes* sic intelligenda sunt, ex pacto. quatenus pactum est, siue quatenus in eo nihil spectamus, nisi pactum. quo sensu est verissimum, ex pacto non nasci actionem. Et si enim cum de dī, ut dare, ex eo actio est: non tamen est ex pacto, quia pactum sit: sed quia prius accepisti, ut dares, siue quia pactum causam habet præter conventionem. Effectum est igitur hæcenus, esse verissimum, quod dicitur ex pacto actionem non nasci, tantumque abesse, ut edicto aduersetur, ut videri possit ex sententia edicti expressum.

Sed tamen hoc ius iniquum est, dicat quispiam, 21 eoque non ferendum. Hoc enim restabat, quod initio obici posse dicebamus. Nam si æquum est naturæ, pacta seruari, ut Vipianus restatur in *l. 1. ff. eo. ea non seruari est contra naturæ æquitatem.* Ego puto vere dici, æquum esse, & ex iure naturæ, fidem & pacta seruari: sed hoc, opinor, sic accipiendum est, si modo vere fides data sit, id est, si quis serio & ex animo sit

mo sit pactus. Nam si leuiter & sine causa quis promittit, magis est, ut hic vera non sit pactum: eoque dictum non seruandum. Constat enim pactum consensu, non verbis, proficisciturque ab animi iudicio, non leuitate, & ostentatione. Bene autem veteres prudentes ita constituerunt, causam esse, cur quid promitteretur, eoque & serio videri promitti, cum aut commercium ageretur, quod ad vsum vitæ esset necessarium, quod nomine proprio commercii declarari diximus: aut cum is, qui promittit, prius accipit, ut daret, aut faceret, quod promittit. Ideo ex his causis, ut in re vere pacta, actionem esse voluerunt secuti naturæ ius, & æquitatem. Si quid horum non esset, causam ad promittendum non esse: itaque nec vere pactum esse iudicauerunt. proinde ex eo genere quoque actionem esse noluerunt, tanquam repugnante regula naturæ. At enim fieri potest, ut serio quis quid promittat, puta donandi, aut remunerandi causa, etiam si a superioribus causis duabus discesseris. sic est. Sed quod frequenter accidit, id sequuntur leges: quod raro, id contemnunt. *L. iura. §. seqq. ff. de leg.* Certum autem est, hoc vitium omnibus pene mortalibus insitum esse naturæ, ut promittant pleraque leuiter: non quia velint, aut possint præstare: sed quia, ut est ingenii humani superbia, & vanitas, delectentur se in primis lautos, & splendidos, & liberales haberi. quarum rerum laudem profuse, & facile promittendo se consequi posse arbitrentur: eam autem sibi perire aliquid denegando vehementer doleant. vel quia commodis suis studentes cupiant promissis suis, & simulata propensione eos, quibus promittunt, sibi demereri ad tempus. eorumque voluntates sibi adiungere. Quæ omnia a voluntate dandi multum absunt. Adde his periculum rei fam liaris, quod omnibus ex sua leuitate intenditur: tum lites, quibus fora perstreperant, si ex omnib. pactis actio dari cæperit. Quas causas doctissimi interpretes Duarenus, & Cónanus diligenter & erudite persecuti sunt. Accedit ad hæc promittendi facilitas. Nihil enim facilius, quam promittere, ubi non cogites, quomodo præstes postea, quod promiseris, aut plus speres de tuis facultatibus, quam illæ largiantur.

22 Sed et hic iam rursus quaeret aliquis, si ob hanc causam placet non valere pactum, quia leuiter homines, nec serio paciscantur: qui sit, ut cum paciscuntur, ne a debitore petant, quasi serio pacti sint, ex omni huiusmodi pacto competat exceptio? Quia siue alia causa est, cur creditor paciscatur se non petiturum, siue nulla, semper hæc idonea causa esse iudicanda est, quod reum liberare voluit, & hominem beneficio afficere. Huc accedit, quod non tam facile homines donant, quam promittunt. ut credibile sit, si quis ad donationem usque processerit, eum iudicio animi, non leuitate fecisse. quam ob causam factum est, ut mulieri pro alio intercedenti succurratur Senatusconsulto Velleiano, non succurratur donanti. *L. 4. ff. ad Velleia.* Donat autem, quod sibi debetur, quisquis eius rei debitori suo remittit actionem.

L. Ex conventionione. II.

Imp. Antoninus A Capioni.

Ex conventionione quidem: qua pactam nouercam tuam compatre tuo dicis, cum fundum in dotem daret, ut creditoribus, quibus fuerant prædia obligata, usuras solueret: actio tibi aduersus eam competere non potest, etsi

pactum in stipulationem deductum probetur. Sed si fundus æstimatus (ita ut pars instrumenti significat) in dotem datus est: ex vendito actio, ut placuit, steretur, competit. PP. Non. Decemb. ipso A. III. §. Dione II. Coss. 230.

S V M M A R I A.

- 1 *Quæ conuentio hic proponatur, eiusque interponenda occasio, tum de vi eius conuentionis sententia rescripti.*
- 2 *Ambigendi causa.*
- 3 *Conuentiones quamuis iustas ita esse viles, si agentis inter sit id fieri, quod promissum est: contra inutiles. Et horum alterutrum quomodo & quando accidat in proposita specie, ut illic sit actio, hic non sit.*
- 4 *Ex vendito actio hic datur emptori, quo sensu.*
- 5 *L. I. C. sine cen. vel relig. lectio emendata.*
- 6 *Sententia tres in summa hoc rescripto constituta.*

MULIER et nuptura marito dedit in dotem prædium pignori obligatum ob vsuras, quas mulier debebat. Ius ita est, ut qui pignus possidet, actione hypothecaria conueniri possit, qua cogatur pecuniam soluere, in quam pignus obstrictum est, aut pignus creditori restituere. *L. si fundus. §. in vindicatione. ff. de pig.* Id cauens maritus, cum prædium accipiebat, conuenit, ut mulier vsuras, de quibus supra dixi, solueret, atque ita ipse prædium immune possideret. Conuenit hoc pactum iustum esse, & si maritus vsuras soluerit, habere eum actionem aduersus mulierem eo nomine. *L. epistola. §. pactum. ff. eo. de eo hic non ambigitur.* Mortuo marito, atque ita matrimonio dissoluto, filius eius Capito constituit agere aduersus nouercam ex supra scripta conuentione, quod eas vsuras præstitisset. Finge mulierem prohibuisse, ne solueret. quo casu constat eum, qui soluit, non habiturum negotiorum gestorum actionem, *L. si pro te. ff. mand.* ut proinde si qua supersit actio, sola esse possit actio ex conuentione, cuius conditionem mulier mutare non potuit. *L. vero. §. I. ff. de solutio.* An ex conuentione possit agere, quaeritur. De eo distinguitur hoc rescripto ad hanc sententiam, ut si prædium inæstimatum datum sit in dotem, filio mariti ex superiore conuentione non competat actio, ne si conuentio quidem in stipulatum deducta sit: si prædium datum sit æstimatum, sit ei actio proposita eo nomine. quam esse vult Imperator actionem ex vendito.

Habet et hoc rescriptum in omnibus his partibus, 2 quod merito dubitetur, & ea, propter quæ videri possit nihil istorum statui debuisse. Nam primum maritus ex hac conuentione actionem habuit, ut diximus. Cum heres succedat in omne ius defuncti, *L. heres in omne. D. de acq. her.* qui sit, ut filius mariti, itemque heres in actionem ex hac conuentione patri quaesitam non succedat? Tum autem si actio heredibus mariti non competit, cum prædium datum est inæstimatum, cur ea competit, cum æstimatum datum est? Postremo qui potest in proposito actio ex vendito esse ei, qui nihil vendidit: quæ nobis expedienda sunt.

Et et quod ad actionem attinet, ne forte nos modo 3 ueat, quod ex hac conuentione modo datur, alias non datur: sciendum est, quæcunque sint conuentiones, quamuis iustæ, sic tamen esse viles, si agentis inter sit id fieri, quod promissum est. *L. qui in sulam 95. ff. de ver. obl.* si quidem eo inueniuntur omnes, ut ac-

quirat vnusquisque, quod sua interest. *l. stipulatio ista. §. alteri. ff. de verborum obligat.* Quæ res facit, vt si nihil interfit, sint inutiles. ac tum præsertim, cum continetur conuentione, vt quid fiat, non vt nobis detur. qualis est ea, quæ hic proponitur, vt vxor vsuras soluat non marito paciscenti, sed creditoribus, quibus illæ debentur. In hoc enim genere constanter veteres definierunt, si non fiat, quod promissum est, agi in id, quod interest: in id, quod interest, reum condemnari: stipulatione contineri id, quod interest. *l. stipulationes non. vers. Celsus. l. si pœnam. l. quoties quis. ff. de verborum obligat. l. si quis ab alio. §. ultim. ff. de re indic.* Iam vero in proposita hypothesi ita reperietur, vt quibus denegatur actio, horum nihil interfit vsuras solui a muliere: quibus autem datur, eorum, interfit eas solui. vt iam dubitari non oporteat, quin hic data, aut denegata actionis causa in eo sit, quod illic & iusta sit conuentio, & interfit agentis fieri, quod conuenit: hic autem iusta quidem conuentio sit, sed non sit, quod pati possit, nempe quod agentis interest. Hoc autem ita esse iam nullo negotio demonstrari potest. Quis est enim, cuius interest vsuras a muliere debitas solui, quas ipse non debeat? Is, cuius est prædium in eas vsuras pignori obligatum, quique id prædium possidet. Propter eas enim vsuras pignus quod possidet, ab eo vindicari potest hypothecaria actione, qua cogetur aut prædium amittere, aut vsuras, quæ a muliere debentur, soluere. *d. l. si fundus. §. in vindicatione. ff. de pig.* Quis est contra, cuius non interest eas vsuras solui, cum ipse eas non debeat? Is, cuius id prædium non est, quod in eas vsuras est obligatum: scitque suum non esse, sed debitoris, siue id possideat, siue non possideat. Siue enim id prædium iam restituit, vt debuit, hypothecaria actione conueniri non potest, quia non possidet, nec dolo desit possidere. *d. l. si fundus. §. in vindicatione.* siue nondum restituit, & adhuc tenet, culpa eius est, si patitur se conueniri, cum deberet id prædium domino restituere. Quapropter si quid ob eam causam præstat, non tamen videbitur eius interesse. Recte enim ei dicetur a muliere, quod quis ex sua culpa damnum sentit, sentire eum non videri. *l. quod quis ex culpa. ff. de regul. iur.* Quis est porro, vt ad hanc speciem propius accedamus, quis est, inquam, prædii in dorem dati dominus, quique id iure suo tenet, possidet? Maritus semper constante matrimonio possidet id tanquam dotale, ac proinde tanquam suum. Maritus enim dotis dominus. *l. doce. C. de rei vindicat.* Hinc est, cur de marito hic non quærat, sed de mariti heredibus. Soluto autem matrimonio eueniet, vt & ipse vnus maneat huius prædii dominus, & idem tanquam suum moriens transferat ad heredem suum, si prædium æstimatum datum fuerit. Æstimatio enim emtionem facit. *l. plerumque. §. si ante. ff. de iure dot.* vt proinde iam non prædium tanquam dotale habeatur, sed vt emtum: itaque & de eo, vt de ceteris rebus emtis statui debeat. Quod si prædium non fuit æstimatum datum, erit duntaxat dotale, quæ res facit, vt soluto matrimonio non sit hereditum, sed vxori restitui debeat. Nec mirum, si dicamus non esse hereditum. nam nec mariti esset, si eo viuo matrimonio esset dissolutum. Quidni igitur illic & marito, & heredibus de re sua non amittenda sollicitis actio detur: hic autem non detur, vbi eos de re aliena sollicitos esse non conueniebat? id est, vbi eorum nihil interest vsuras solui?

Quod † dicit Imperator actionem ex vendito competere Capironi de his vsuris, vbi prædium æstimatum marito datum est, id est, vbi maritus id prædium emit: actionem ex venditione, id est, ex contractu emtionis interpretari debemus: non autem actionem, quæ nominetur ex vendito. Nam hæc venditori solum datur, non emtori. *l. ex emto. §. ex vendito. ff. de actio. em. de quo vide plura ad l. si pacto. j. eo.*

Illud † monendi sumus, exstare hoc rescriptum; totidem verbis in *l. i. j. sine cens. vel rel.* nisi quod hic de vsuris agitur, in quas id prædium erat obligatum: illic de tributis. Ac vulgata lectio est illic, vt negetur actionem ex emto competere mariti heredibus, quamuis prædium fuerit datum æstimatum. Sed cum vtrumque rescriptum sit idem, eadem species, verba eadem, inscriptio, & subscriptio eadem, par in vtroque facti ratio, & quidem in tributis maior: fatendum est vtrumque aut pariter affirmatiue in extrema parte legendum esse, vt hic: aut pariter negatiue, vt illic, vt alterum ex altero emendetur. Quod si hoc quæritur, vtrum hoc ex illo, an illud ex hoc emendandum sit, ratio iuris consulenda est; quæ nos doceat, vtra lectio sit vera, aut falsa. Non dubium est autem, quin iure certo omnis pactio legitima seruanda sit inter contrahentes, quam seruari paciscentis interest. At hæc talis est, in illo igitur negatio expungenda est. His explicatis licet colligere, hoc rescripto tria hæc in summa statui.

Primum † omne pactum quamuis ceteris rebus iustum, omnem adeo stipulationem, quamuis iure factam agenti esse inutilem, vbi eius non interfuit id fieri, quod promissum est. vt, hic Capironis nihil interest vsuras a nouerca solui, quæ ab illa debeantur, si ipse nullam rem iure possidet in eas vsuras oppignoratam. Item, quacunque ex causa res æstimetur, emtionem & venditionem contrahi: proindeque ex ea re actionem emti & venditi competere contrahentibus, eorumque heredibus. Postremo pactum in bonæ fidei contractu, vt in emtione, ex continenti factum partem eius contractus habendum esse: postquæ id sit eiusmodi, vt de re eo pacto promissa actio ex contractu cõpetat. de qua re dixi ad *l. in bona. j. eod.*

L. Pacta nouissima. 12.

Imp. Antoninus A. Flacillæ.

Pacta nouissima seruari oportere, tam iuris, quam ipsius rei æquitas postulat. Quapropter si conuentione, quæ præcessit, diuersa pars vsuram se non esse consensit, & maxime si (vt proponis) ita etiam apud acta prædis adseruerant: actionem, quæ super prima conuentione fuerat, exercere non prohiberi. PP. III. Kal. Martii. Agricola & Clement. Coss. 231.

SUMMARIA.

- 1 Pacta plura si non pugnant, omnia seruanda: si pugnant, seruandum nouissimum.
- 2 Pactum nouissimum seruari, æquum, & ex edicto ipso, & quare.
- 3 Supremam voluntatem nouissimam valere ceteris in rebus: in libertatibus eam, per quam ad libertatem facilius peruenitur.
- 4 Pactum nouissimum seruari non ipso iure, sed pacti, vel doli mali replicatione. Elidi prius pactum per posterius, quid sit apud Paulum. ibidem.
- 5 Pactum prius interdum æque valere, atque nouissimum: interdum solum, non nouissimum: & quan-

quando id accidat. nihilominus tamen recte dici pactum nouissimum seruandum, quia accipi debet at dictum ex comparatione, cum ex duobus iustis pactis plus uno valere non potest. unde queritur, utrum seruandum potius.

POLLICETVR prator se pacta conuenta esse seruaturum.

- 1 Ergo et si plura inter aliquos erunt interposita, omnia seruabit. non enim eo minus singula per se pacta sunt, quia plura inter eosdem intercesserunt. Etiamne si erunt de eadem re inter se contraria, & eiusmodi, quæ simul stare non possint? Imo seruabit omnia, si licet, & simul omnia seruari possunt. Quod si non possunt natura seruari, naturæ parendum est. ut, si pactus sit creditor, ne petat: deinde pactus sit, ut petat: nemo dicit hoc polliceri prætorem, se effecturum, ut utriusque pacto stetur: cum natura fieri non possit, ut simul quis quid petat ex aliqua causa, & idem ex eadem causa non petat. Itaque hoc iam constabit, vnum dumtaxat ex his, ut seruari potest, sic esse seruandum. Hinc queritur, ex duobus utrum potius seruandum sit: ex pluribus propositis quodnam ex his potissimum. Res prima fronte non modo non explicatur edicto: sed etiam, si verba sequimur, redditur ex edicto perplexa. Si enim statuerimus nouissimum ideo seruandum, quia pactum sit: licebit conuertere rationem, atque ita dicere, primum esse seruandum: quoniam & hoc pactum sit non minus. Res ita decisa est, ut placeret nouissima pacta seruari oportere.
- 2 Sed et videamus, ne edictum repugnet, quo pactum omne non iniustum seruat prætor. Immo optime Imperator hoc addidit, ut ita statuatur, tam iuris, id est, edicti, quo ius de pactis propositum est, quam ipsius rei æquitatem postulare. Primum hoc rei æquitas postulat: quia quicumque de re aliqua iterum paciscuntur, simul ab eo, quod prius pacti erant, si contrarium est, recedi volunt. neque enim posterioris, nisi priore remoto, valere potuit. Equum igitur & nouissimum manere, & a primo recedi: quia utrumque inter paciscentes ita placuit. *l. i. ff. eo.* Quam ipsam ob causam rursus ex edicto pactum nouissimum est seruandum: edicens enim prætor se pacta seruaturum, non hoc dicit se pactorum verba seruaturum, sed voluntatem & consensum paciscentium. Id enim pactum significat, *d. l. i. ff. eod.*
- 3 Quæ et si ita sunt, merito in legatis & fideicommissis idem seruatur, ut nouissima scriptura valeat. *l. 12. §. ult. ff. de leg. 1.* quoniam in his præcipue totum voluntas testatoris facit. *l. ex facto. ff. de her. inst.* In libertatibus aliud ius expressit fauor libertatis. *l. quod traditum. ff. de cond. & demon.*
- 4 Vt autem et solum valeat pactum, quod fuit nouissimum, consequimur non ipso iure, ut scribit in hac specie Paulus in *l. si vnus. §. pactus. ff. eo.* sed pacti, aut doli mali replicatione, qua prioris pacti exceptio, vel ipsum prius pactum per posterius elidatur. Quo verbo ad id exprimendum, quod voluit, significantissime est usus. Hoc enim voluit intelligi, non fieri pacto posteriore, quo minus prius maneat: sed quod in duobus corporibus inter se luctantibus, seseque collidentibus accidit, hoc in his pactis usu venire, ut si in contentione venerint, cedat imbecillius potentiiori, tanquam ab eo elisum: quia prius posterioris replicatione infirmetur. Non tollitur ergo prius pactum per posterius ipso iure. Nec obstat, quod dici-

tur naturalem obligationem iusto pacto ipso iure tolli. *l. stygium. §. naturalis. ff. de sol.* Nam neque prius pacto, ne petatur, obligatio naturalis contrahitur, ut quis dicat eam postea tolli posse: de quo postea ad *l. seq. in extremo*; & si nasceretur, tamen ex priore pacto exceptio quoque oritur: quæ cum ciuile remedium sit, sola conventionis æquitate tolli non potest. *l. nihil tam naturale. ff. de reg. iur.*

Nunc et admonendi sumus totum hoc, pacta nouissima esse seruanda, item, in legatis nouissimam scripturam valere, ex comparatione priorum dictum esse hoc sensu, ut si queratur, ex pluribus pactis quod potius seruandum sit, vere dicturi sumus nouissimum potius seruandum: ex pluribus voluntatibus, supremam potius. Ceterum extra comparationem prioris & posterioris pacti non licet absolute ita dicere, ex duobus pactis primum non est seruandum, sed nouissimum. Fieri potest, ut etiam primum sit seruandum. Quid enim, si non sit contrarium, ut pariter vtrumque sine alterius fraude & perniciæ tueri possimus? Multo minus illud verum est, si absolute dicam, ex duobus semper nouissimum seruandum, non autem nouissimum potius. Fieri enim potest, ut nouissimum dolo malo factum sit, quod genus prætor non tuetur. Fieri potest etiam, ut pacto nouissimo id agatur, ut agere liceat de ea re de qua actio priore pacto ipso iure sublata sit. quod cum sit, pactum posterius non valet. *l. si vnus. §. pactus. ff. eo.* Cur ergo ita definimus hoc loco simpliciter: pacta nouissima seruari oportere? Quia hic non de singulis pactis separatim regula traditur: de quibus si dubitaretur, ad regulas communes iuris res reuocanda esset: sed de vtroque coniunctim, idque ex comparatione: nempe hoc modo, ex duobus valet potius nouissimum. Cui quaestioni de comparatione non alias locus est, quam cum hoc posito vtrumque pactum per se valere posse, ceterum vtrumque simul non posse, hoc iam queratur, utrum valeat potius. Idem & de illa definitione intelligendum, nouissimam scripturam in legatis valere, nisi enim hoc ex comparatione prioris scripturæ dictum accipitur, multa incidere poterunt, cur nouissima non valeat, eoque per se non sit seruanda. Sed & quod dicitur nouissimum pactum seruandum, quia propter consensum dicitur, sic accipiendum erit, nisi quid doceatur aperte in priore pacto aliud actum esse inter paciscentes. Quid enim, si ita creditor dixerit, *paci cor me a te nunquam petiturum*, & si conuenierit postea inter nos, ut mihi petere liceat, id pactum valere nolo? Si paciscatur postea, ut sibi petere liceat, pactum ei non proderit propter conventionem. id enim priore pacto nominatum actum est. Nam & in vltimis voluntatibus idem seruatur, ut si testator in principio ita scripserit, *Quod Titio infra legauero, id ei datum nolo, si infra leger, legatum non valeat*: quamuis alioqui ut in pactis, sic in testamentis placeat nouissimam scripturam valere, *d. l. si mihi 12. §. ult. de leg. 1.* Sane si testator in posteriore scriptura dixerit nominatim se prioris voluntatis penituisse, suprema voluntas potior habetur. *l. si quis in principio 22. ff. de leg. 3.* Quod & in pactis seruandum est ex vtriusque paciscentis consensu. Valent enim pacta ex voluntate duorum, ut testamēta ex voluntate vnius.

L. In bone. 13.

Imp. Maximus A. Mario.

In bona fidei contractibus ita demum ex pacto actio

competit, si in continenti fiat. Nam quod postea placuit, id non petitionem, sed exceptionem parit. PP. V. Id. Ian. Maximino A. & Africano Coss. 237.

S V M M A R I A.

- 1 In continenti, & ex continenti pactum fieri, idem valere: postea, & ex intervallo, idem: parere, & formare actionem, idem.
- 2 In continenti fieri quid sit, & unde appellatio.
- 3 In continenti fieri, & in ingressu contractus, & initio, eadem: & quid hic ingressus & initium significet & num. 16.
- 4 Legem contractui dare pacta in continenti facta, quid sit Vlpiano.
- 5 In continenti fieri non dici ea pacta, quae sunt contractui iam perfecto, quamvis sequantur e vestigio.
- 6 Ex intervallo pactum fieri, quid sit.
- 7 In continenti pactum factum, quod sit initio & tempore contractus, tamen recte dici sequi: & cur.
- 8 In continenti pactum factum cur potius actionem pariat, quam factum ex intervallo.
- 9 Pactum inesse contractui, seu contractui contineri, idem quod partem esse contractus: & cur sit pars.
- 10 In continenti pacta facta si per se spectentur, videri nuda: proprie non esse nuda, & h. nec esse actionem.
- 11 Ex pacto in continenti facto quae actio.
- 12 Pacta conuenta, siue ante contractum stricti iuris, siue postea, siue in continenti facta sint, non parere actionem: & cur.
- 13 Differentia inter bonae fidei, & stricta iudicialis ratio.
- 14 Pacta in continenti facta stipulationi inesse, quomodo interpretandum in l. lecta ff. si cer. pit.
- 15 Pactum semper parere exceptionem, quomodo accipiendum.
- 16 Pactum interpositum ne agatur, ut primum parere exceptionem: inter dum ipso iure liberare, & quibus in actionibus id acc. dat.
- 17 L. pacta conuenta. ff. de cont. emt. explicatur, & numer. 20.
- 18 Ex substantia contractus, quae.
- 19 Quae pacta detrahant, quae adiciant emtioni: & cur illa contractui contineri, haec non inesse d. cantur Papiniano.
- 20 Lib. audi. causa pactum interpositum obligationem naturalem tollere, & quidem ipso iure: at non parere obligationem vel naturalem.

REGULA ¶ iuris est, ex pacto non nasci actionem. de qua cum ageremus ad l. legem. §. eo. inter alia eius esse diximus exceptionem, vel verius interpretationem, quae hoc loco tradatur. Interpretationem esse verius tum intelligi poterit, cum quae eius exceptionis ratio sit, exposuero.

Hoc ¶ loco ita scriptum est; in bonae fidei contractibus etiam ex pacto competere actionem, siquidem in continenti fiat. nam quod postea placuit, id non petitionem, sed exceptionem parere. Idem traditum ab Vlpiano, & explicatum fufius in l. 7. §. quini. mo. ff. eo. p. ius tantum commutatis verbis, quae nihilominus idem valent. Nam quod hic dicitur fieri in continenti, ille ex continenti dicit: quod hic postea, ille ex intervallo: quod hic actionem competere, ille actionem pacto formari. Locus postulat, primum ut explicetur in verbis, quid sit in continenti, quid postea, seu ex intervallo: Tum de iure quaeratur, cur ita ex pacto actio sit in bonae fidei contractibus, si in continenti fiat potius, quam si ex intervallo, & si

est actio, quanam sit. Postremo quoniam hoc de bonae fidei contractibus definitum est, numquid non idem dicendum sit in stricti iudicii contractibus.

In continenti. ¶ In continenti, ¶ & ex intervallo quid sit, inter omnes non convenit. quo diligentius quid sit utrumque, demonstrandum est. Et si verbi ratio quaeritur, quae ad verbi cuiusque vim & significationem declarandam plurimum valet, continens est, quod aliquid continet. Itaque hoc loco continens, contractus continens intelligere debemus: id videlicet, quod contractum continet. ut sit totum illud tempus, siue tota illa tractatio, a qua primum de re agi coepit inter contrahentes, donec de re tota inter eos conuenerit. Quapropter in continenti contractus factum esse aliquid est id, quod Imperatores in l. penul. C. de pac. inter em. & vend. dicunt factum esse tempore contractus. Sed omissa ratione verbi, de re quam veteres hoc verbo intelligi volunt, videamus. Et primum hoc constituatur, quod Vlpianus definit in l. 7. §. quini. mo. ff. eo. id pactum fieri in continenti, quod sit in ingressu contractus.

In ¶ ingressu sic accipiemus, in initio. Nam cum 3 ingressus latinis auctoribus per translationem significat initium, quoniam initium cuiusque rei est id, per quod in eam rem ingredimur: unde ingressus orationis pro initio Quintiliano lib. 3. c. 2. eadem forma & ratione, quae aditus dicendi Ciceroni in oratione pro lege Manilia: tum vero ingressum hoc loco ita intelligendum esse vel hinc liquere potest, quod haec sententia, quae hic traditur, pacta valere ad agendum in contractibus bonae fidei, si ex continenti fiant, alibi ita expressa est, ut dicantur valere, si fiant in initio contractus, l. initio. C. de pac. int. em. & vend. Initium hic, & ingressum non intelligimus primum congressum contrahentium de re aliqua tractare incipientium: ne quis forte ea solum pacta valere hic interpretetur, quae in eo aditu fiant, & primo congressu. Nam quae illic pacta de re ad contractum pertinente fieri possunt, cum de re ipsa nihil dum conuenerit? Sed res ita habet: Contractus, si vere iudicare volumus, tunc esse, & dici incipit, cum perficitur. Perficitur autem tum, cum de re conuenit. Est enim contractus, consensus atque conuentio: ut priusquam de re & pretio rei in emtione, exempli gratia, consensum sit inter emtorem & venditorem, non sit emtio. Quapropter quaecunque ante tractantur, & agitantur inter contrahentes, quibus efficitur, ut res tandem conueniat, de qua agi coeptum est, quantumcumque tempus intercesserit, per quod haec tractata sint, ea contractus initium recte appellamus. Initium, quia contractum, id est, consensum duorum in eandem rem antecedunt. ingressum ideo, quia sunt eiusmodi, per quae ingredimur & peruenimus ad eum consensum. Interdum initium rei cum re ipsa vno nomine complectimur: ut cum aditum ad ades & reliquis partes aditum, ades appellamus. qua ratione totam illam tractationem, quae iustum consensum antecedit, una cum consensu coniungentes tanquam contractus partem, non male totum vno nomine contractum vocemus. Et quidem ex hac ratione est, quod quae diximus fieri in ingressu contractus, ea dicuntur alibi fieri tempore contractus, d. l. pen. C. de pac. int. em. & vend. comp. tamen si nondum contractus est, qui perfectus non est: quia scilicet sunt per id tempus, quo res geritur, quod tempus contractus esse diximus. Quod si ita est, eueniet

Fortasse dicat † aliquis, quæ pacta huiusmodi sunt, ut initio fiant, & re nondum perfecta, fieri illa quidem in continenti: verumtamen non sola. videri enim & illa fieri in continenti, quæ emptione contracta subiiciuntur, si modo e vestigio sequantur. Non ita est, ut nunc quidem in continenti intelligi volumus. Nam secundum verbi significationem nõ nego id dici posse in continenti fieri, quod sit statim post, ut in leg. lecta, D. si certum per. Sed in hac regula id intelligi nego, cum scilicet in continenti, & postea, siue ex intervallo opponuntur. idque hinc liquet. Nam cum hoc pro definitione positum est ab Ulpiano, in dict. leg. 7. §. *quintummo*, ea pacta inesse, id est, fieri in continenti videri, quæ legem contractui dant, id est, in ingressu contractus facta sunt (quæ definitio falsa est, si aliqua pacta fieri intelligantur ex continenti, quæ non fiant in ingressu) tum vero omnem tergiversationem præcidit, l. *initio. infr. de pac. inter emro. & vendit.* in qua non solum ita scriptum est, eam conventionem valere, quæ fiat initio

Quod ^{7.} ad verbum *sequendi* attinet; res ita se habet, vt nullum pactum in continenti contractus adhibeatur, quod non sequatur. Sed quid sequitur? Primum illum congressum videlicet, ex quo de re inter contrahentes agi incipit, & ita in *leg. 3. infra, de edil. action.* hæc verba, secundum fidem antecedentis, vel in continenti secuti pacti experiri posse, interpretanda sunt, vt sit antecedens pactum, quod prædicatur a venditore de seruo, ante quam se vendere dicat: securum autem in continenti, quod conuenit in re contrahenda. nec mirum, si hunc ingressum sequi dicitur, & nihilominus contractu nõdum impleto & perfecto interponi. Neque enim vt primum aliqui de re emenda, & vendenda tractare inter se cœperunt, ita continuo emptio inter eos contrahitur. longum tempus intercedit plerumq; prius, quam de re conueniat, dum ille pluris vendere vult, hic minoris comparare. post multam, longamque tractationem res denique solet conuenire, cum aut venditor emptori, aut contra emptor venditori aliquid se facturum promittit, vt sese ad emendum, vendendumq; mutuo prouocent, vt *declaratur in l. si voluntate. C. de res. vend.* Ergo quod pactum licitatione, & tractatione iniecta interponitur, recte dicitur subsequi: neque eo minus verum est, id fieri in initio contractus, siue in negotio gerendo. At enim etiam subsequi rectissime, & proprie dicitur, quod cõtractum perfectum sequitur. Non nego. Sed cum constet vel ex verbis, vel ex reliqua disputatione, & definitione certa Vlpiani, quid dicat *ex continenti fieri*, verba captanda non sunt: sed videndum, quid sentiat, idq;

[illegible]

sumendum est, *l. pen. D. ad exhib.* Ait ea pacta valere, quae subsecuta sunt: sed addit, quae subsecuta sunt ex continenti. quod verbum significat id tempus, quod contractum continet, ut de etymologia supra sum interpretatus. Quid autem sequitur deinde? nempe ille nominatim postea definit ea pacta inesse ad agendum (ea autem sunt, quae prius dixerat fieri ex continenti) quae legem contractui dant, quae in ingressu sunt. quod plane de iis, quae re contracta secuta sunt, intelligi non potest. Ex quo dubitari non debet, quin ex continenti secutum apud illum intelligere debeamus, quod secutum est initium tractandi: re tamen nondum perfecta interpositum.

8 Sed et de utroque minus dubitabimus, cum erit ratio exposita, cur ex priori genere actio nascatur, ex posteriore non item, de qua sequitur, ut videamus. Neque temere est, cur hanc requiramus, ac nobis videatur in primis constituenda. Nam si, cum ita emptio contracta est fundi, ut emptor insulam venditori certo loco aedificet, in hoc pacto, quod fit in continenti, nihil amplius est, quam pactum: alterutrum fatendum erit, aut non recte ex huiusmodi pactis actionem constitui, aut ex ceteris, quae in continenti non fiant, non recte denegari: omnia enim pariter pacta sunt. Causam igitur aliquam subesse oportet, praeterquam quod pactum sit, ut ex eo genere nascatur actio. An dicimus, in causa esse cohaerentiam contractus? Sic enim vulgo vocant vicinitatem contractus, qua pactum tempore cum contractu coniungitur. Ne hoc dixerimus. Nam ut utile per inutile adiunctum non vitiat: sic nec coniunctio, & vicinitas rei utilis nunquam efficit, ut quod per se inutile est, sit utile. *l. placuit. D. de usur. l. 1. §. penultim. D. de verb. obligat.* Quid ergo est? Et ex superiore verbi definitione, quamnam haec causa sit, non difficile intelligi potest. Etenim si id pactum fit in continenti emptionis, quod fit in negotio gerendo, & si mul legem emptioni dat, id est, ita fit, ut propter id emptio contrahatur, sine eo autem non esset contracta: consequens est, quod Ulpianus dixit in *d. §. quimmo*, genus hoc pacti contractui inesse, & quod eodem sensu a Papiniano dictum est in *l. pacta conuenientia, D. de contrah. empt.* contractui contineri.

9 Quod et utrumque nihil aliud declarat, quam pactum in continenti contractus factum partem contractus esse. Et sane si id cuiusque rei pars est, quod res constat, & sine quo non foret, pactum autem, quod legem contractui dat, est eiusmodi ex voluntate contrahentium: conficitur id pactum partem esse eius contractus, cuius in continenti adhibetur. Sed probat hoc praecipue genus actionis, quae ex hoc pacto competit, de qua mox opportunius, ut suo ordine. Tantum quod ad hunc locum pertinet, dicam: si ex huiusmodi pacto competit non actio propria aliqua, sed eius contractus actio, in quo pactum interponitur, si, puta, ex pacto in re emenda interposito ex empto actio est, ut dicitur postea: manifestum argumentum hoc est, pactum eius contractus partem esse, cuius in continenti est interpositum. Sic enim recte colligitur: actio ex vendito, aut ex empto non est, nisi de iis rebus, quae obligatione empti, & venditi continentur: si quidem contractus obligationem, obligatio actionem parit. At actio ex empto, & vendito de iis rebus competit, quas emptor aut venditor in continenti emptionis pacto promissit, ut dicemus. Pactum igitur id obligatione empti & venditi conti-

netur. Huc recte refertur, quod in *l. fundi. D. de contrah. empt.* scriptum est, si conuenerit in lege emtionis, ut emptor praeter pretium, quod illum dare oportet, partem fundi non venditam in certos annos certa pecunia conductam haberet, hoc pactum pro pretio cedere. Quid enim magis emtionis pars est, quam pretium? At huius vice fungitur, quidquid emptorem ex lege emtionis praestare oportet. Pars igitur emtionis hoc quoque itidem, ut pretium. Quorsum haec? Nempe hoc bene constituto, pactum omne, quod ex continenti fit in emtione, eius contractus partem esse, illud sua sponte intelligitur, ex eo pacto itidem, ut ex reliquo contractu actionem esse. Certum est enim, quo iure totus contractus habeatur, eodem iure & quamlibet eius partem haberi oportere.

Quod si verum est, et hinc iam & illud intelligi potest, quod initio posueram, cum ex hoc genere actio datur, re vera nullam hic exceptionem esse illius veteris regulae, qua traditur ex pacto nudo actionem non nasci: sed eius regulae interpretationem quamdam, quae nos moneat ea pacta, quae sunt in continenti, non iam nuda esse, sed transire in eum contractum, cuius in continenti interponuntur, & cuius pars sunt. ex quo etiam eueniat, ut non minus ex eo genere, quam ex conuentionibus, quae in alium contractum transeunt, actio competat. Et tamen haec pacta, si per se sola spectentur seiuncta ab eo contractu, cui adhibentur, sine dubio sunt nuda. quae causa fuit Ulpiano, cur cum dixisset, in *l. 7. §. sed cum nulla. D. eod.* nudam pactioem non parere actionem, ex eo numero statim exceperit ea pacta, quae in contractibus bonae fidei fiunt ex continenti. Sane enim & haec per se sumta nuda sunt. Ceterum si coniunctim spectentur cum contractu, in quo fiunt, non minus haec eius contractus partes sunt, quam reliqua, ex quibus contractus constat: ac proinde appellatione contractus & haec ipsa continentur. Quod non monerem, nisi putarem ad defensionem iurisconsultorum veterum, a quibus illa exceptio nata est, pertinere hoc intelligi, cum statuerunt ex pacto in continenti facto etiam actionem esse, nihil eos de regula iuris certi detraxisse, quod interpretes iuris facere non potuerunt: sed ipsos ius certum, quod erat, apertius esse interpretatos, & hoc statuisse, id quod dicitur ex pacto nudo actionem non nasci, nihil obesse, quominus etiam ex pacto actio nascatur tum, cum in bonae fidei contractu ex continenti factum est: quia hoc non sit iam nudum pactum, sed id, quod in partem contractus transeat.

Iam et quae sit actio ex pacto, de quo agitur, ex superioribus colligi potest. Est, ut dixi, actio ex eo contractu, cuius in continenti pactum interponitur. Nec mirum, si pactum est ex eo contractu, id est, si est pars eius contractus. Pactum igitur in ingressu emtionis factum est: lex dicta est emtioni, aut venditioni. Erit ex empto aut ex vendito eo nomine actio. Ut puta, *vendi tibi partem insulae, ut alteram conductam in tot annos haberes: vendidi insulam, ut alteram rescires: vendidi praedium ita, ut usuras, propter quas erat obligatum, penderem.* Ita valent haec pacta omnia, ut ex his sit actio ex vendito, actio propria emtionis, cui haec pacta inseruntur, ut hi loci probant. *l. fundi. D. de contr. empt. l. tenetur §. i. D. de actio. empt. l. ex conuentione. §. hic.* Idemque de ceteris contractibus bonae fidei, quorum in continenti pacta fiunt.

ita sunt, licet dicere. Interdum pactum additur em-
tioni non tam ad contrahendam, quam ad dissoluen-
dam contractam emtionem. ut cum ea lege fundum
tibi vendo, *ut quandoque pretium offerenti eum resti-
tuas*. quod cum sit, quia de eo dubitari potest, an de
eo actio ex vendito danda sit, quod venditionis di-
strahenda gratia factum est, placet saltem præscri-
ptis verbis actionem dari debere, si quis forte illam
neget dari. l. 2. §. de pact. int. emt. & vend. Sed nihilo-
minus additur *ex vendito agi posse, si quis vult*. d. l. 2. ut
verum sit, semper ex huiusmodi pacto, quod tempo-
re venditionis factum est, iure actionem ex vendito
esse, quod autem etiam actio præscriptis verbis datur
eo nomine, id eo fieri, quia aduersus aduersariorum
dissensiones interdum sit tutius. Si enim reperian-
tur, qui illam dari negent: tamen semper hoc relin-
quetur, præscriptis verbis agi posse. Ex his cur ex pa-
cto, quod ex interuallo, id est, postea, & re iam con-
tracta, & perfecta interpositum est, non nascatur ac-
tio, apparet. Scilicet eius contractus pars esse non
potest, quem pactum sequitur. Nam si recte defini-
mus id partem esse totius, ex quo totum id constat:
consequens est *ea pacta quæ sunt contractui iam per-
fecto, eius contractus partem esse non posse*. apparet enim
contractum his pactis non constare, aut confici, cum
sine iis iam ante sit perfectus. Reliquum est, ut vide-
amus, cur additum sit & hic, & ab Vlpiano in leg. 7. §.
quinimmo. D. eo. in bona fidei iudiciis. Et si recte, nec
otiose hoc additum est, ut fatendum est adiectum esse,
dubium esse non potest, quin ad excludenda iudicia
stricta additum sit: quando hæc duo genera oppo-
nuntur §. actionum. Inst. de actio. ut sententia hæc sit,
*si pactum ante stipulationem factum sit, aut postea, quam-
uis utrumque e vestigio: tamen ex eo actionem non com-
petere*. Neque vero vlla esset de hac re dubitatio, nisi
hoc a Paulo scriptum esset in l. lecta. D. si cert. pet. pa-
cta in continenti facta stipulationi inesse creduntur. Nam
stipulationem contractum esse stricti iudicii nemo
ambigit. inesse autem pactum contractui, & pactum
formare actionem ex contractu, pro eodem usurpat
Vlpian. in d. l. 7. §. quinimmo, D. eo. Quo adducuntur
per multi, ut putent hoc Paulum dicere, pacta in con-
tinenti secuta parere actionem ex stipulatu.

12 Ego autem si ita statuo pacta conuenta, siue ante
contractum stricti iuris, siue postea facta sunt: plus
dico, etsi facta sint in continenti, id est, in traditione
rei, exempli causa, in mutuo dando nunquam pare-
re actionem. Ad quod probandum non vtar horum
locorum auctoritate, in quibus nominatim additur,
in bonæ fidei contractibus. videri enim hoc potest, le-
uius, atque illud dici, quod vno loco prætermisum sit,
id alio suppleri. Hoc dico, id certo iure, certa que ra-
tione ita confirmari, ut non liceat de eo dubitare. In
contractibus qui sunt stricti iuris, constat esse sti-
pulationem, quæ verbis fit, & ex iis, qui re sunt, mu-
tuum. Proponamus conuenisse inter nos, *ut mihi
fundum Tusculanum daretis*, præterea ut accederet ad
hunc fundum instrumentum. deinde stipulatum es-
se me simpliciter *fundum mihi dari*. Aio instrumen-
tum neque ex pacto, neque ex stipulatu deberi, aut
peti posse, quamuis pactum factum sit eodem tem-
pore, quo stipulatio. Declaratur hoc l. petens, & l. si
certis, seq. infr. eo. quorum in altero rescripto ita dici-
tur, *peti posse ex stipulatione, quod pacto promissum est, si
stipulatio secuta sit placiti confirmandi causa*: in altero
ita pactum obligare, si placitis, id est, de his, quæ placita

sunt, stipulatio intercesse. At si de vna re pactum fa-
ctum est, de alia re est stipulatio: facile est intellectu
pacti seruandi causa stipulationem secutam non es-
se. quo fit, ut ex eo pacto nulla esse possit actio. De
mutuo idem dicendum est. Vt puta, dedi tibi decem
mutuo. & in dando nominatim legem adieci, *ut præ-
ter decem redderes mihi insuper & alia quinque*. nihil a-
gitur hoc pacto. Id quidem diserte scriptum est in l. si
tibi, D. eod. Sed nihil agitur, nisi huius sententia ratio
intelligitur. Hæc vero exposita rem omnem ex-
pediet. Quid est igitur, cur putemus ex his pactis:
quæ stipulationem præcedunt, aut sequuntur statim,
aut etiam, quæ in mutuo dando adiciuntur, non na-
scentur actionem? Quia certa ratio est, cur placeat ex iis
etiam, quæ adiciuntur in bonæ fidei contractibus,
actionem nasci, sine qua ne ex illis quidem esset actio.
Hæc porro in pactis, quæ stipulationi aut mutuo ad-
hibentur, ita cessat, ut nec in his locum habere pos-
sit. Nō mirum igitur, si ex illo genere actionem esse
statuimus: ex hoc non esse. argum. l. quod dictum, D.
de pac. Idcirco pacta, quæ in bonæ fidei contractibus
ex continenti sunt actionem pariunt: quod eorum
contractuum partes sunt. Vnde actio tanquam ex il-
lis contractibus nascitur, non tanquam ex pacto, ut
supra ostendi. Quod nisi ita esset, ex illis pactis non a-
geremus: quasi quæ nuda essent, neque in proprium
nomen contractus transirent. At quæcumque pacta
adiciuntur contractui stricti iuris, quamuis statim,
non possunt esse pars eius contractus. Nam si sti-
pulatio est, nihil potest esse ex stipulatione, quod in
eam nominatim non sit deductum. Est enim natura
hæc stipulationis, ut quoniam verbis fit, quidquid ver-
bis expressum non est, pro omisso habendum sit. leg.
quidquid, D. de verb. oblig. Quod ad mutuum atti-
net, mutuum re contrahitur. supra autem quam da-
tum est, re contrahi obligatio non potest. d. l. si tibi.
D. eod. Ita quæcumque, ut dixi, pacta adiciuntur his
contractibus, nō possunt esse ex iis contractibus, re-
pugnante scilicet eorum natura. Quod si ita est, con-
fiscitur ex iis actionem esse non posse. Quod si quis
adhuc actionem hic esse putat, quamnam ea sit, aut
vnde, videamus. Vtrum erit præscriptis verbis, tan-
quam ex pacto? At ex pacto non nascitur actio ei,
qui ipse nihil fecit, ut vicissim quid acciperet, l. so-
lent. D. de præscr. verb. Vtrum ex stipulatu, tanquam
ex stipulatione? at nihil ex stipulatione potest debe-
ri, quod stipulatione non contineatur, seu quod sti-
pulationis pars non sit. Manebit igitur, ex eo genere
pactorum nullam esse actionem.

Sed enim, si quæret aliquis, cur pacta in continenti
contractus bonæ fidei facta, contractus pars sunt potius, quam ea, quæ stricti iuris contractui adiciuntur? Ideali-
ter ex re fit, quod contractus bonæ fidei, qui consensu
solo perficiuntur, de quibus hic agitur potissimum, nō
omnem consensum, ut natura sua conuenientem, ter
admittunt. Contractus autem stricti iuris, quia autem
rem, quæ sequatur, aut verba præter consensum de-
siderant, idcirco ex consensu & pacto sine re aut ver-
bis nullam recipiunt obligationem.

Sed nobis si opponitur dictum superius Pauli,
quod quin huius sententia plurimum aduersetur, si
generalitatem dicti retinere volumus, negari non
potest. Etsi enim fatendum est Paulum non sentire,
pacta in continenti stipulationis facta ad actionem
prodesse (nihil enim hoc ad questionem illi propo-
sitam pertineret: cum agat ille de eo pacto, quo p. ctus

13 nota de
neg ges
of hnd uo
forice
ut si
to hnd
cōtinuati
proo fici
proo fici
of hnd uo
quidam pro
quidam pro
quidam pro

erat creditor, nō vt peteret: sed cōtra, ne peteret solidam sortem, quæ prius ex stipulatione debebatur, quod genus pacti ex parte creditoris valere ad agendum natura non potest) tamen hoc etiam admittere nos oportet, Paulum eo dicto nihil aliud significare, quam pacta in continenti facta ex stipulatione esse: partem esse stipulationis: denique stipulatione contineri, quod quidem intelligitur ex quæstione illi proposita. Promissa erat fors tota calendis cum vsuristorius sortis. pactum secutum est in continenti, quo placuit, vt fors non iam tota solueretur calendis, sed particularim cōstitutis certis pensionibus in singulos menses. De vsuris quærebatur, *an si tota fors ex conventionione soluta non esset calendis, nihilominus totius sortis usura deberentur?* In hac quæstione vt efficiat Paulus totius sortis usuras non deberi, sed eius tantū pensionis, quam solui oportuit, propositū illi est ostendere, superiore pacto recessum esse a stipulatione sortis, non per exceptionem, vt aduersarii putabant: sed ipso iure, quasi eo pacto renouata sit precedens stipulatio, id est, quasi secundum hoc pactum stipulatio sortis ab initio fuerit concepta. Vtitur hoc argumento, quod superius pactum contineri videatur stipulatione. Ex quo intelligitur Paulum hoc dicere, *pacta in continenti facta stipulatione contineri*. At hoc si verum est, consequens est contra, quam dicebamus, *si quod pactum in continenti secutum est stipulationem, actionem nasci eo nomine ex stipulatione*. quandoquidem ex stipulatu actio competit de iis rebus, quæ stipulatione cōtinentur. De quo vt iam respondeam, non nego hoc ipsum significari a Paulo, si quis generalitatem dicti legi vellet, non mentem intueri, & sententiam scriptoris. Sed verbum generis restringendum est ad id, de quo illic est sermo, & dictum ita accipiendum: Pacta nempe talia, quale hoc est, de quo nunc agitur, id est, quæ sunt de ea re, quæ in stipulatum deducta est, ea pacta, inquam, si in continenti, id est, statim sequantur stipulationem, stipulatione cōtineri videntur. Quod declarat, per ea ita renouatam videri stipulationē, quasi in verba eorum a principio stipulatio esset concepta. id enim fieret, si ea stipulatione cōtinerentur. Quod si pactum erit de alia re, quam quæ in stipulationem deducta est, haud dubie non continebitur id stipulatione. Nam quomodo contineri potest quod verbis stipulationis non est comprehensum. *l. quidquid, D. de verb. oblig.* Neque hæc inter se contraria sunt. Multum enim interest, vtrum obligationi quid detur, has, vt in specie Paulo proposita factum est, an aliquid adiciat: & in re, cum adiciis, vtrum conditio sit, aut dies, aut qualitas aliqua grauior, an vero sit res, & corpus nouum, quod amplius promittas. Conditionem stipulationis mutare possumus manente stipulationis substantia, quæ ex re promissa constat: dummodo diuersitas illico placuerit. *l. i. §. si quis simpliciter, D. de verb. oblig.* nouam stipulationem cōstituitere aliam atq; aliā rem promittendo, sine verbis, id est, interrogatione & responsione nō possumus. Et si hæc interpretationem æquitas, & vera ratio a nobis exprimitur, tamen ne ob id tantum eam recipiamus, etiam mente & verbis Pauli recte defenditur. Ex mente primum: quia placet orationem omnem, quamuis generalem, de his tantum accipiendam, de quibus actum est. *l. qui cum tutoribus, §. ult. D. de transf.* verbis autem ideo, quia dicit Paulus in continenti, quod nihil demonstrat, nisi in continenti stipulationis.

Quæ sunt autem † cōtinentia stipulationis, nisi res ad stipulationem pertinentes, & tempus, quo stipulatio conficitur: vt dicendum sit, vbi de aliis rebus agitur, quam quæ sunt stipulationis, quia res maxime disiunctæ sunt, in his si quid sit, non fieri in continenti stipulationis. Postremo vt nihil de mente & verbis Pauli aliud ostendere possemus, sed daremus generaliter illum definire, *pacta in continenti facta inesse stipulationi*: tamē cum aliis in locis innuatur non ita inesse, vt pacta eiusmodi, quæ de alia re sunt, actionem pariant, hoc dico, ex his dictum Pauli ita nos temperare debere, vt vel priores leges in posterioribus, vel posteriores prioribus inesse videantur: id est, quod in vna obscurius, aut generalius dicitur, id ex alia clarius scripta interpretemur, vt præcipitur in *l. non est nouum, & seq. D. de legib.*

Nam quod postea placuit, id non petitionē, sed exceptionem parit. Quod † dicitur semper pactum exceptionem parere, vt hic, & *l. iurisgentium, §. sed cum nulla, D. eod.* sic intelligendum est, si quidem ad pactum seruandum opus erit exceptione. Quod tunc accidit, cum pactum est de debitore liberando, & tale, vt actionem creditoris ipso iure, id est, iure ciuili non tollat. Nam vbi pacto quid promittitur, nō possumus dicere illic exceptionem nasci ex pacto: quoniam etiam exceptione opus est reo, ne cum eo agatur: ac creditori ad petendum, quod promissum est, actione. hoc autem pactum pro creditore est, nō pro reo, proinde aut illi actionem pariet, aut plane erit inutile. Rursum vbi pactum ipso iure sustulit actionem, frustra desiderabitur exceptio, quæ tunc solū est necessaria, cum actio iure ciuili manet ita, vt hac mota, iure consistat intentio. *tit. de exc. in prin.*

Et si autem † regulariter pactum interpositum, ne agatur, actionem iure non tollit, *l. §. i. eo. l. si vnus, §. pactus, D. eod.* accidit tamen interdum, vt tollat. Fit hoc, cum obligatio solo consensu fuit contracta, & paciscimur, ne petamus. Consensu enim contracta obligatio contrario consensu rebus integris dissoluitur. *l. ab emtione, D. eod. l. nihil tam naturale, D. de reg. iur.* Sed et si aliter obligatio contracta sit, quam consensu, euenit, vt tollatur, si pactum lege confirmetur. *l. legitima, D. eo.* Huius generis autem actiones, quæ pacto tollantur, sunt, iniuriarum actio, & furti, *l. si tibi, §. i. D. eo.*

Quod autem † dicitur, pactum postea factum non parere petitionem, ita interpretandum est, vt traditur in *l. pacta conuentia, D. de contr. emt.* vt non pariat petitionem, si sit de iis rebus, quæ sunt adminicula contractus: veluti, ne cautio dupli præstetur. Nam si erit de iis, in quibus contractus substantia consistit, & eius contractus, qui consensu perficitur, contra erit, vt, si emtione & venditione perfecta, de augendo, vel diminuendo pretio conueniat. Quippe noua hæc cōuentio, non pactum est, sed noua emtio constans his rebus, quibus emtio contrahitur, consensu scilicet, & re vendita, itemque pretio. *l. iurisgentium, §. adeo, D. eo.* in quibus est substantia emtionis.

Hanc enim † substantiam cuiusque contractus vocamus, res sine quibus contractus esse non potest, & si maxime contrahentes velint. Adminicula autem emtionis vocat Papinianus res, quibus emtio natura sua carere potuit: sed quæ adiecta conducunt ad adiuvandam, probandamque emtionem, sine quibus aliqui de re non facile cōuenissent, quales sunt omnes, quas emtor venditori, aut venditor emtori promittit in negotio

negotio gerendo ea gratia, ut emptio perficiatur, sine quibus aut emptor emere nolle, aut venditor nolle vendere: at his ad motis rebus velut adiumentis quibusdam subuehitur, & promouetur emptio, cœptaq; ad exitum perducitur, quod iis exemplis declaratur, quibus ille utitur: veluti, inquit, *ne cautio dupla præstetur, aut ut cum fideiussores cautio dupla præstetur*. Cuius generis res cum adminicula contractus vocat Papinianus, eo verbo utitur, quo haud scio an melius in hac re & significantius vllum reperiri potuerit. Adminicula enim per translationem eleganter dici scimus cuiusq; rei adiumenta adhibita ad rem subleuandam, promouendamque & confirmandam. Quis est enim, cui illud Ciceronis notum non sit ex libr. 3. de offic. *hanc igitur partem relictam explebimus nullius adminiculis, sed (ut dicitur) Marte nostro?*

20 Illud tamen non abs te erit monere, quod hoc loco de petitione & exceptione pactorum postea factorum traditur, illud ipsum esse, quod idem Papinianus aliis verbis expressit, in dict. l. pacta. scribit enim pacta conuenta, quae postea facta detrahunt aliquid emtionis, contineri contractui videntur. quae vero adiciunt, creditur non inesse. Ea pacta adiciunt emtionis, quibus alter alteri se aliquid daturum, aut facturum extra rem, aut pretium promittit. Haec non insunt contractui, inquit, id est, tanquam pars emtionis non valent, non enim sunt pars emtionis. Ideo autem non valent, quia ex his quidquam consequi, nisi agendo non possumus. at pacta postea facta non pariunt actionem. Contra detrahunt emtionis, quibus id agitur, ne quod ex natura emtionis alter alteri præstare debuit, id præstet. Haec contractui contineri ait. Id significat ea valere, quasi ex medio sint contractui. Ipsam enim emtionem solo consensu perfici, & valere certum est. Cur autem valent? quia ad hæc seruanda exceptio opus est. quam ex pacto competere cum ex hoc loco, tum ex aliis iuris est explorari.

21 Analia tamen vis sit pacti ad liberandum interpositi, quam ut actionem pariat, quaesitum est. Et est hæc, ut obligatio naturalis hoc pacto ipso iure tollatur. traditum in l. Stychnum. §. naturalis. D. de sol. Quod quidem intelligitur certius ex exceptione hinc prodita. Ideo enim hæc exceptio, quia æquum est, eum qui pactus est, ne a se peteretur, non teneri, §. præterea. Inst. de exc. Estque ea æquitas naturalis, quæ commemoratur in l. 1. D. de pact. & cui illic dicitur conueniens esse, ea quæ inter aliquos placuerint, seruari. Si in pacto seruando naturalis æquitas est, consequens est, naturalem obligationem, quæ æquitatis vinculo continebatur, ipso iure isto pacto tolli. quæ & ratio redditur in d. l. Stychnum. §. naturalis. de sol. Consequens autem regulæ iuris, quæ efficitur, nihil tam naturale esse, quam vnumquodque dissolui eodem genere, quo colligatum est. l. nihil tam. D. de reg. iur. Sed an & pactum huius generis naturalem obligationem parere dicemus? quæ vulgaris sententia est. Non puto: quia cum liberandi debitoris causa interponatur, obligationem præter id quod agitur, parere non potest. l. non omnis. D. si cer. pet. l. 1. §. eum qui. D. de pec. const. Ad demus etiam id agi pacto liberatorio, ut obligetur creditor, ne petat. Tamen ne sic quidem vlla obligatio hinc nasci potest. Non est enim obligatio, quæ est inutilis, quæq; creditorem nunquam teneat, qualis certe hæc obligatio futura est, si tamē dicenda est obligatio. Non enim potest obligatio esse, nisi in id quod debitoris interest, idq; tunc cum ab eo petitum

erit. Quæ proinde nulla omnino erit, siue creditor non petat, siue petens exceptione remoueatur. Sed etsi exceptione summotus non sit, tamen ad agendum fuerit inutilis, quia est naturalis tantum. Solum prodesse posset ista obligatio, si quæ esset, ad cōpensationem tantæ summæ, quantam idem reus ex alia causa creditori deberet. l. etiam. D. de comp. Sed nemo erit reus tam supinus, qui, quod petebatur, non soluere, aut de eo non condemnari malit, quam postquam condemnatus erit, remedium, & id incertum querere. Ut dicendum sit, ne sic quidem magnum usum futurum huius sententiæ, etsi quis effectum istam naturalis obligationis admiserit. Sed & is nullo veterum auctore, nullo etiam loco confirmatur.

L. 14. Si Pacto.

Imp. Gordianus AA. Cælio militi.

Si pacto, quo pœnam aduersarium tuum promississe proponis, si placito non stetisset, stipulatio subiecta est: ex stipulatu ages: vel id quod in conuentionem deuenerat, ut fiat, consequeris, vel pœnam stipulatione comprehensam more iudiciorum exiges. Nam bona aduersarii tui in te transferri citra solemne ordinem frustra deprecaris. PP. Kal. April. Gordianus & A. II. & Pompeiano Coss. 242.

SYMMARIA.

- 1 Pacti nudi confirmandi ratio per stipulationem, constare eam tribus modis, & quibus.
- 2 Pœnali stipulatione pacto subiecta, si non fiat quod conuenit, ex stipulatu agi, non ex pacto: & cur.
- 3 Ex stipulatione pœnali ex stipulatu agente stipulatore nihil nisi pœnam peti.
- 4 Ex pœnali stipulatione statim agi posse, simul ac factum non erit, quod conuenit.
- 5 Litem quid sit in l. nuda. C. de cont. stip. & eius explicatio.
- 6 Pœnam commissam & ex stipulatu petitam, ante litem contestatam faciendo quod conuenit, vitari posse, post litem contestatam non posse: & quæ differentia ratio.
- 7 Ex stipulatu actio ad pœnam, quo sensu: & stipulatus, quid.
- 8 Ex vendito actio emptori, quo sensu.

Regula iuris est, ex pacto actionem non nasci. quod ius interdum durum videri potest. Quid enim, si certo consilio aliqui inter se paciscatur, ut alter alteri det quidpiam, quod neuter expedire potest in præsentia, sit autē e re vtriusque, ut detur postea, & iam nunc alter alteri de ea re obligetur? Et durum, inquam, & iniquum videri potest non constitui obligationem. Et esset re vera, si non aliter, quam pacto aliquid promittere vtiliter liceret. At huic incommodo occursum est iure ciuili. Inuenta est enim stipulatio, conceptionis verborum genus, ex quo placuit iure ciuili actionem esse. §. de constituta. Inst. de actio. quæ res effecit, ut in vniuersum ita constitueretur, ne ex pacto esset actio. Et recte cum enim valeat stipulatio ipsa per se, hac ad pactum adhibita, ut fiat, quod pacto promissum est, duobus modis consequi possumus. Aut enim stipulabimur, quod pacto, ut fiat, conuenit, & erit ex stipulatu actio. l. petens. l. si certis. infr. eod. l. diuisionis. D. eod. aut nisi id fiat, quod conuenit, paciscemur pœne nomine quid dari, eamque ipsam pœnam stipulabimur, ut hic proposita est facti species: aut, quod est compendiosius, statim

stipulabimur pœnam, ni fiat, quod conuenit, vt est species *l. nuda. j. de con. stip.* Pœna promissa id fiet, quod hoc rescripto continetur. Stipulator scilicet ex stipulatu agens vel id, quod in conuentionem deueniat, vt fiat, cōsequetur, vel pœnam stipulatione comprehensam more iudiciorum exigit. Ex stipulatu acturum stipulatorem rescriptum ait: sed non exprimit, neque vtrum ex stipulatu agat tantum, non etiam ex pacto: neque ex stipulatu actione quid petat, pœnamne, an id quod interest, quod factum non sit, quod conuenit: neque quando agat: neque ex his duobus, quæ disunctim rescriptum complectitur, quid stipulator certo consequatur. de quibus nonnulla dissensio est. Ea nobis explicanda sunt.

2 Et nominatim † ex stipulatu acturum stipulatorem dictum est, non ex pacto: quia pactum in hac specie nudū est, ex quo proinde agi non potest, quod vtrumq; de hoc genere pacti positū est, *in d. l. nuda. j. de con. stip.* Nudum autem ideo est, quia neq; quidquam stipulator dedit, aut fecit ea lege, vt vicissim fieret, quod conuenit: neque pactum deductum est in stipulationem. Sola est igitur in hac specie actio ex stipulatu.

3 Hac quid petat stipulator, † ex iure certo, quod de quaque actione proditum est, sumi oportet. Nempe pœnam petet, quæ stipulatione continetur. Ad quid enim actio, nisi vt petatur, quod debetur? *l. nihil. D. de oblig. & actio.* quid autem debetur ex stipulatione, nisi quod promissum est, & quod ex stipulatione comprehensum est. *l. vbi autem. D. de verb. oblig.* Iam vero pœna in proposito sola promissa est stipulanti. Sola igitur ex stipulatu actione exigitur. Nec obstat, quod ex stipulatu actionē nominat in re certa, id est, in pœna: cum constet actionem ex stipulatu competere dumtaxat ex incerta stipulatione, ex certa certi conditione. *tit. de verb. oblig. in princ. l. si quid certum. D. si cer. pet.* non enim hic tantū ad pœnam promissam agi dicitur ex stipulatu, sed etiam diserte, *in l. prædia. D. de act. emt.* sed de eo paulo post plura. Nunc quādo ex stipulatu agat stipulator, v deamus.

4 Et cum nullam † conditionem adiecerit rescriptum, sub qua ex stipulatu agi dicat, satis innuitur ex stipulatu statim pœnam peti posse. Quod & verum est, non quod eiusmodi stipulationes, *si illud non feceris, centum dabis*, & quæcumq; sunt sub conditione contractæ, quæ conditio in non faciendo sit, ante committantur, quam conditio extiterit, aut ante existat conditio, quam interpellatus promissor non fecerit, *l. ita stipulatus. D. de verb. oblig. l. si penum. D. quan. di. leg. ced.* sed quia pœna ex stipulatu actione petita satis interpellatur, vt faciat, quod pacto promissit. Ideo enim petitur pœna ab initio, vt metu pœnæ fiat, quod est promissum. Nec obstat, quod interpellatio præcedere debet, deinde sequi pœnæ petitio. Nam pœnæ petitio duplicem hunc vsum præbet. principio enim ad hoc conducit tantum, vt reus interpelletur, & statuat apud se, vtrum faciat, quod promissit, an malit iudicium pœnale in se suscipere. Quod si facere nolit, q̄ promissit, tum deinde hunc præbet vsum, vt sit pro iusta petitione.

5 Ne nos mouerit, † quod *in l. nuda j. de contr. stip.* rescriptum est, huius obligationis conditionem existere post litem motam, actum petitioni pœnæ locum fieri. Neq; enim post litem motam interpretari cum vulgo debemus post litem contestatam: sed quod verbum significat. Quid est autem hic mota,

nisi lis cœpta, & instituta? & incipit, cū primum quis in ius vocatus est, vt docui *ad l. postquam. j. eo.* Itaque his verbis, *Pœnalis stipulationis post litem motam existit conditio, & eius summa, qua in hac quoque stipulatione continetur, petitioni locus factus est* (quæ verba sunt *in d. l. nuda.*) non aliud declaratur, quam simulatque lis mota est, de pœna videlicet, id est, postquam de pœna agi cœptum est, existisse conditionem stipulationis: scilicet vt pœnæ petitio ab initio quidē proposita hoc, vt committatur stipulatio, quasi promissor interpellatus non fecerit, quod promissit: postea autem sit utilis etiam ad hoc, vt iam pœna ab inuito exigi possit. Quod tantum abest, vt aduersetur huic loco, vt plane aliis verbis idem exprimat. At enim non videtur in proposito conditio pœnalis stipulationis vllō modo existere posse, hac ratione. quantumvis enim interpelletur reus, vt faciat, quod in conuentionem deuenit, neque id præstet, non tamen moram in eo vnquam faciat: cum ex pacto agi non possit; nulla autem mora sit, vbi nulla petitio est. *l. nulla. D. de reg. iur. l. lecta. ver. pen. D. si cer. pet.* Porro non putatur hæc conditio, si non feceris, si non dederis, existere posse, nisi debitor in eo, quod ex conuentione debuit, moram fecerit. *arg. l. ita stipulatus. ver. Sabinus. D. de ver. oblig. l. i. §. item si ita. D. ad leg. Falc.* Sed male hoc posterius vulgo admiserunt, quo concessio in difficultatem inexplicabilem inciderunt, vt rescriptis Bartoli & aliorum hoc loco apparet. Sufficit interpellari debitorem, vt si interpellatus cesset, conditio existat, & incidat in pœnam. *l. si penum. D. quan. di. leg. ced.* Mora exigitur in eo, qui ex stipulatione præcedente dare aut facere debuit, vt *in l. ita stipulatus.* quia aliter de eo statui nō potest, si interpellatus non det aut faciat, quod debuit. At non est necessaria in eo, a quo peti non potuit: quia sola interpellatio & recusatio debitoris ad hoc sufficit, vt conditio pœnalis stipulationis existat, vt dixi, etiam tum cum mora facta non est. *arg. in dict. l. si penum. quan. di. leg. ced.* Et quod *in l. i. §. item si ita. ad leg. Falcid.* in hoc legato, *Heres meus penum dato: si penum non dederit, decem dato:* dicitur decem sola deberi, si moram fecerit heres in penu danda, quasi mora in ea specie sit necessaria: abusiue mora illic dicta est pro cessatione interpellati heredis: cum constet penum in ea specie peti non posse, *l. i. D. de pen. leg. eoque nec in ea penu danda moram fieri. dict. l. nulla. de reg. iur.*

Quod † rescriptum dicit, agentē ex stipulatu vel 6 id quod in conuentionem deueniat, vt fiat cōsecuturum, vel pœnam stipulatione comprehensam, ex acturum, sic interpretandum est: vel actor, vt fiat, quod promissum est, cōsequetur, siquidem id promissor facit sua sponte, ne in pœnam incidat: quod facere potest vsque ad litem contestatam: vel si id actor ita non consequetur, id est, si promissor malit litem contestari, & contendere, quod neget se quidquam debere, tum vtiliter actor pœnā exigit. Sciendum est enim, cum hic duorum alterum præstādum sit, reum habere oblationem rei pacto promissæ, quamdiu lis cum eo contestata non sit. Ceterum lite semel contestata pœna iam sola in iudicio versatur, quam deinceps ille promissum offerendo nō potest cuitare. *l. i. ff. de pen. leg. l. cum sine. D. quan. dies leg. ced.* Et hæc quidem iuris sunt explorati. In quibus tamen illud habet quæstionem, quod placet statim pœnam deberi, ex quo reus interpellatus non facit, quod

quod se facturum promissit. Qui sit enim, ut pœna debeat, & tamen postea, id faciēdo, quod promissum erat, id est, aliud soluēdo promissor liberetur: cum regula iuris veteret aliud solui pro alio? l. 2. §. 1. D. si cert. per. Id habet hanc rationē. Postquā interpellatus debitor non fecit, quod promissit, pœna cœpit deberi illa quidem, sed summo iure, quasi conditio extiterit: non etiam ex æquo & bono ita, ut quod prius præstari poterat, iam amplius non possit. Ideo enim debetur pœna, quia debitor moram fecit in præstando eo, quod conuenerat. leg. 1. §. item si ita. D. ad leg. Falcid. At moram factam postea offerendo ex æquo & bono purgamus ita, ut perinde sit, quasi moram non fecissemus. l. interdum. §. ultim. l. si seruum. §. sequitur. D. de verb. obligat. Quō sit, ut rei promissæ oblatione res veniat in eum locum, quasi id ipsum deberetur, quod initio fieri oportebat, nō pœna. Sed moram vsq; ad litem contestatā purgare licet: postea non licet. l. si Titius. 9. l. si insulam. D. de verb. obligat. non immerito. Iudicio enim contrahitur noua obligatio de re in iudicium deducta. l. 3. §. idem scribit. D. de pecul. hanc suo facto promissor nobis non potest adimere. l. habere. D. de euit.

7 Illud notandum est, quod supra monui, hic dici agere ex stipulatu eum, qui pœnam petit stipulatione comprehensam. Atqui certum est pœnā rem certam esse, & certam esse stipulationem, quæ pœnam continet. l. si pœnam. D. de verb. oblig. §. ult. Inst. eod. Ex stipulatione autem certa competere condictionem certi, ex stipulatu actionem nequaquam. titu. de verb. obligat. in prin. l. si quis certum. D. si cert. per. An videntur igitur ista inter se conuenire? Optime. Sciendum est enim ex stipulatu actionem verbum esse ambiguum. Interdum sumitur hoc verbum *τὸν*, ut per se singula propriè & naturaliter non significant, sed coniuncta expriment certum genus actionis, quæ appelletur ex stipulatu. Hanc cum intelligere volumus, recte dicemus non competere ex stipulatu actionē ex pœnali stipulatione ad pœnam: sed erit conditio certi. Interdum ex stipulatu actio naturali significatione dicitur, qua stipulatus significat stipulationem. l. pecunia. D. de usur. quo modo ex omni stipulatione tam certa, quam incerta recte ex stipulatu agi posse dixeris, ut sit ex stipulatione, ut sit in dict. l. pradia. D. de actio. emt. Id vero est, quod hoc rescripto indicatur. neque enim hic quærebat, quæ esset actio: sed vnde, ex pactone, an ex stipulatione ad pœnam.

8 Eadem ambiguitas est, quod cum nominamus actionem ex vendito. ut plurimum enim intelligimus actionem, quæ dicitur ex vendito. quo sensu nulli actio ex vendito competit, nisi venditori. l. Julianus. §. ex vendito. D. de actio. emt. Atqui in l. ex conventionem. supr. eod. actio ex vendito dicitur competere heredibus eius mariti, qui fundum æstimatum datum acceperat, id est, emerat. Scilicet actio ex vendito illic naturaliter significat, ut sit ex venditione. quo sensu recte dicemus emtori competere actionem ex vendito: quia competit ex venditione. Ita si causam quærimus, competit emtori etiam actio ex venditione, si nomen actionis, ea solum competit, quæ ex emto appelletur.

L. 15. Pactum quod dotali.

Imp. Valentinian. & Gallien. AA & Valerian. nobilis. Cæs. Pactumeio.

Pactū, quod dotali instrumento comprehensum est, ut si pater vita fungeretur, ex aqua portione ea, qua nubebat, cum fratre heres patris sui esset, neque ullam obligationem contrahere, neque libertatem testamenti faciendi mulieris patri potuit auferre. PP. X. Kalen. Martii E. miliano & Basso Coss. 267.

S V M M A R I A.

- 1 Pactum de futura successione omne improbatum, tanquam turpe, & contrarium bonis moribus: & cur.
- 2 Institutio heredis, in qua & de successione alterius agitur, cur non item turpis.
- 3 Pactum de futura successione nec morte & silentio promissoris confirmari.

Pacta in vniuersum legibus improbatū ea, quibus id agitur, ut me heredem facias, aut ne me a successione tua remoueas: & generaliter ut te mortuo mihi per te bona tua obtinere liceat. Scilicet contra bonos mores habentur. l. ult. j. eod. l. ex eo. j. de inut. stip. l. stipulatio hoc modo concepta. D. de verb. obligat. Quid ergo hæc turpe habent, ut esse existimantur contra bonos mores? Hoc, ut videtur, in liberis contra reuerentiam sunt, & honorem, quem natura liberi parentibus debent. Si enim filius sperabit se inuito patre hereditatem habiturum, multa officia prætermittet tum erga patrem, tum erga fratres, ceterosque qui ad voluntatem patris pertinent: ad quæ præstanda nescio quomodo homines adduci solent, ut prouocent iudicium patris; certe ne voluntatem eius alienent. In vniuersum autem votum adfert captandæ mortis spes hereditatis obtinendæ. Cupiet enim, qui se bona certo habiturum esse scit, illum decedere, de cuius bonis agitur, ut celerius bonis potiatur, atque etiam vitæ eius insidiari magis audebit, dum se id secure moliri posse intelligit. Denique cur de hereditate viui nunc sollicitus est, deque ea iam nunc sibi cautum esse vult? non temere est, ut Iustinianus scribit in l. ult. j. eod.

Quidni igitur, quod dixerit aliquis, eadem de causa testamentum cuiusque improbamus, quo idem periculum viuo testatori creari videtur? Quia nihil hic simile. Cum enim quis me heredem testamento instituit, si quid sentiat me moliri, aut si quid etiam sibi metuat, aut adeo si illi ita videbitur, potest voluntatem quouis tempore mutare. l. 4. D. de adi. leg. ut dicendum sit, si ea valet, nō quia nunc primum me instituerit, ideo valere, sed quia in ea voluntate decesserit. At rem consensu inter nos constitutam mutare non possum, si pactum consentientes obligat. l. sicut. C. de oblig. & actio.

Quid tamen, si dicamus pactū id reuocari posse, donec promissor viuit: ceterū si in eadem voluntate ad extremum permanferit, nullum esse periculum, si id ex suprema voluntate valeat? Sed quod in re agenda non valuit, tractu temporis non confirmatur. l. quod initio. D. de reg. iur. His consequens est, quod hic rescriptum est, neque eam conventionem prodesse agenti ad petendam hereditatem, neque nocere promittenti, quominus in statuendo de bonis suis eadem libertate vtatur, qua vti potuisset, si contra nihil esset pactus.

L. 16. Cum proponas filios.

Imper. Dioclet. & Maximinian. AA. Diaphanto.

Cum proponas filios testamento scriptos heredes rogatos esse, ut qui primus rebus humanis eximeretur, alteri portionem hereditatis restitueret: Quoniam precariam substitutionem fratrum consensu remissam adseris, fidei commissi persecutio cessat. PP. III. Idus Febr. Maximo II. & Aquiliano Cos. 286.

S V M M A R I A.

1 Spes futurae successionis potest pacto minui, praesertim si causa subsit.

2 V Nisquisque + spem futurae successionis potest paciscendo deteriore constituit. l. pactum. D. eod. tanto magis si causa est, cur id faciat. quae abunde magna est in eo, qui id. o spem fideicommissi fratri remisit, ut sibi ab eodem spes reciproca remitteretur: de quo hoc loco agitur. Vide l. de fideicommissi. j. tit. prox.

L. 17. Pactum quod bona fide.

Imper. Dioclet. & Maximini. AA. Dexamacho.

Pactum quod bona fide interpositum docebitur, etsi scriptura non existente, tamen, si aliis probationibus recepta veritas comprobari potest, praeses provinciae secundum ius custodiri efficiet. PP. IX. Kal. Iul. hisdem Cos. quib. supra 286.

Locus est communis de vi scripturae in quoque negotio. Vide l. contrahitur. D. de pig. leg. 4. D. de fide instrum.

L. 18. Si creditores.

Imper. Dioclet. & Maximian. AA. Iulio & Amilio.

Si creditores vestros ex parte debiti admisisse quemquam vestrum pro sua persona soluentem probaveritis, aditus rector provinciae, pro sua gravitate, ne alter pro altero exigatur, providebit. PP. VII. Idus Ian. Dioclet. III. & Maximiano AA. Cos. 287.

S V M M A R I A.

1 Vnum ex duobus reis debendi partem simpliciter solvendo non ideo pro sua persona in reliquum liberari. §. nuni. j.

2 Sententia rescripti discutitur, efficiturque hac summa, creditorem parte debiti ab uno ex duobus reis accepta, non ideo pactum videri, ne reliquam partem ab eo petat, praeterquam si illum nominatim pro sua persona partem soluentem admisit.

3 Pro sua persona solvere, quid.

4 Unde, & cur pactum ne reliquum petatur, in hac admittitur.

5 Admittere soluentem, quid.

6 Vnum ex pluribus fideiussoribus partem pro sua persona solvendo, non eo magis in reliquum liberari.

7 Vnum ex tribus reis debendi partem tertiam pro sua persona solvendo, non ideo obligationem dimisisse inter reliquos duos.

8 Vo + rei debendi eiusdem pecuniae ita obligantur, ut singuli solidum debeant. tit. de duob. reis. Justin. quae res facit, ut si unus partem dimittat soluerit creditori, iure in solidum non liberetur, sed nec liberabitur iure praetorsio per exceptionem: omninoque non prohibetur creditor, quod reliquum

est, ab eodem exigere, nisi creditor pactus sit aut nominatim, aut tacite, ne reliquum ab eo peteret.

Hac + in quaestione iuris dubitationem non habet. sed de facto potest ambigi, an creditor hoc ipso, quod parte debiti, quae soluebatur, contentus fuit, videatur pactus esse, ne quid amplius ab eodem peteret. De quo Imperatores ex facto consulti ita rescripserunt: Si creditor, aut creditores debitorem unum pro persona sua soluentem admisit, daturum operam praesidem provinciae, ne alter pro altero exigatur. Quae verba in persona eius, qui non soluit, significant eum nomine eius, qui iam soluit, conveniri non posse. In eius autem persona, qui soluit, hoc expriment, eum conveniri non posse eius nomine, qui non soluit. Sed ex his prius illud nullam iustam, aut probabilem dubitationis causam habet. quis enim possit dubitare, an id quod solutum est ab uno, possit adhuc exigi ab alio: cum ne ab eodem quidem, qui id soluisse, exigi potuerit. Sed etsi idem bis possit exigi, quod regula iuris vetat. l. bona fides. D. de regul. iur. tamen natura non admittit, ut possit exigi illius nomine, qui iam soluit, id est, qui solvendo effecit, ut non deberet amplius, quod soluit. Incredibile est igitur Imperatores his verbis de eo, qui non soluit, sensisse, quasi vellent hunc non posse exigi pro altero, qui iam soluisse partem. Restat, ut hoc intelligant, de quo solo ambigi potuit, alterum eum scilicet, qui iam soluit pro sua persona, & hoc modo liberatus est, pro altero qui non soluit, exigi non posse. Sed ne hoc quidem idoneam ullam sententiam, aut responsum videtur habere. Esto enim, dicat aliquis, is qui iam partem pro sua persona soluit, de ea parte, quae praestat, non conveniatur pro altero. At de eo non quaeritur, nunquam enim quisquam pro altero conveniri potest, nisi se pro eo obligarit. l. 3. §. toto tit. j. ne uxor pro mar. Recte pro altero at conveniatur suo nomine: quippe ipse solidum debuit. Hoc vero est, quod Imperatores significare voluerunt, hunc qui iam soluit, nec pro se de reliqua parte conveniri posse. Nam cum dicant prohibendum esse, ne hic conveniatur pro altero, declarant hoc solum fuisse metuendum in proposito, ne si conveniretur is, qui soluit, conveniretur pro altero, non pro se. Ita cum respondent, ne pro altero quidem ipsum conveniri posse, hoc relinquunt, de quo quaesitum est, eum quem pro sua persona soluentem creditores admisit, nec pro reliqua parte posse appellari. Non dicunt Imperatores hunc pro sua persona conveniri non posse: quia hoc pro confesso sumunt, eum, qui pro se sua voluntate soluit, quod ex facto intelligebatur, iam pro sua persona nihil debere.

Et res + plane sic habet, ut qui se dicit pro sua persona solvere, siue pro se, siue suo nomine (nam haec omnia idem valent) is hoc dicat, se solvere ita, ut pro sua persona solutus & liberatus, iam pro sua persona non teneatur. Haec enim vis est solutionis, ut qui soluit, liberetur, eoque non teneatur iam in eam causam, in quam soluit.

Non efficitur + quidem hoc dicto, ut qui solidum debuit, liberetur in solidum iure civili. Sed cum creditor parte ista lege accipiat, consentit, ut qui dat pro sua persona, liberetur. Habet autem hic consensus debitoris & creditoris pactum, cuius exceptione tutor debitor reliqui solutionem recte recusabit. Animadvertendum est autem huic liberationi locum esse ex hoc rescripto,

scripto, non quoties creditor ab vno ex reis debendi partem accipit: sed tunc solum cum duo cōcurrent, quæ hoc rescriptum complectitur. Ex quibus vnum est, vt debitor soluens partem dicat se pro sua persona soluere.

5 Quod si partē simpliciter soluet admittēte creditore, liberum erit creditori reliquum ab alterutro petere. quod quidem de duobus heredibus eiusdem pecuniæ reis, ex quibus vnus partē soluit legatario, scriptum est in *l. si ex toto. §. 1. D. de leg. 1.* Nam cur diuersum statuamus in duob. reis, qui ex stipulatione quid debeant, nulla probabilis ratio reddi potest. De quo tamen si quis adhuc dubitabit, consideret, quæ iuris ratio sit ad liberandum debitorem, & quid hic agatur. tum cur hic hæsitetur a plerisque, minus causæ esse intelliget. Vnum ex duobus reis in solidum obligari certum est. Porro nemo, qui quid debuerit, inuito creditore liberatur, nisi soluendo. *l. si rem. §. omnis. D. de pign. actio.* Plane volens creditor quiduis admittere potest: potest etiam pacisci cum reo, ne petat, eritq; ea satisfactio pro solutione. *d. §. omnis.* Horum nihil cum interuenerit in parte, quam reus debendi creditori non dedit (neque enim quidquam pro eâ parte accepit creditor, neque pactus est se de reliquo non acturū) nihil habet reus omnino, quo se aduersus eius partis petitionem tueatur. nisi forte dicimus creditores, cum partē, quæ offerebatur, admiserunt, hoc ipso pactos videri, ne reliquam partem ab eodem peterent. At vnde tandem id colligitur? Si enim & debitor potest partem soluere alia mente, quam vt pro reliqua parte liberetur, & creditor eam partem admittere alia mente, quam vt de reliqua parte soluentem liberet: non recte colligitur, quia pars soluta sit, ideo actū esse, vt reliquæ partis liberatio contingeret. *arg. in l. neque natales. j. de probat.* At nihil prohibet & debitorem ideo offerre tantum partem, quia partem tantum soluere possit in præsentia, & creditore ideo accipere, non quia alteram partem remittat, sed quia velit gratificari debitori partem ab eo accipiendo, quam, nisi vellet, accipere non cogebatur. Et fingamus vnum tantum esse debitorem, an quisquam dicet, quia hic partem soluerit, ideo reliquam partem illi remissam videri, ac non potius creditorem ideo partem accepisse, ne illi molestus esset? Quod si in vno debitore partem soluente recte dicitur, quid est, cur in vno ex duobus reis, qui & ipse nō secus in solidum obligatur, quam si solus esset, aliter fieri arbitremur. Bene igitur hoc adiectum est, *pro sua persona soluentem.* Alterum animaduertendum est exigi hoc rescripto ad liberationem, de qua loquimur, nempe vt creditores vnum pro sua persona soluentem admiserint.

6 Est autem si admittere, id accipere volentem, quod oblatum iure tuo possis recusare. Ex quo illud apud Terentium in Eunuchis: *Quod cauere possis, stultum admittere est.* quo significatur, stultum esse malum accersere in se, quod possis vitare. Vnde colligimus, si duo sint rei principales debendi, & ii quorum singuli in solidum teneantur, quod & post Nouellam, de duobus reis, interdum contingit, & vnus partem debiti solu erit pro eo, quod debet, ab eo sane reliquum exigi non posse: atque ad hos pertinere hoc rescriptum: quoniam tum vere dicatur creditor vnum pro sua persona soluentem admittere, quia nisi vellet, admittere non cogebatur.

7 Quod si plures sint eiusdem pecuniæ rei, sed aut

fideiussores dumtaxat, non principales rei, aut ii rei, qui ex Nouella de duobus reis, fideiussorum iure habentur: ad istos non pertinere rescriptum: propterea quod ita singuli fideiussores in solidum teneantur iure, vt ex epistola Hadriani Imperatoris, si omnes sint soluendo, non amplius a singulis, quam partes peti possint. *§. si plures. Inst. de fideiuss.* Quæ res facit, vt si vnus partem suam soluat creditori, quam ille recusare non potest: dicatur quidē creditor partem accipere: admittere autem soluentem nō recte dicatur. Bene igitur, & hoc rescripto non repugnante scriptum est in *l. inter §. 1. D. de fideiuss.* si fideiussor vnus partem pecuniæ suo nomine soluerit, & alter litis contestationis tempore soluendo non sit, eum qui soluit, quo minus residui iudicium accipiat, recusare non posse. Et sane multū interest, vtrum creditor volens partem accipiat ab eo, qui suo nomine soluit eo animo, vt eius partis solutione in totum liberaretur, an accipiat iure coactus. Illum enim apparet non alia lege, & conditione accipere, quam dabatur: cum fuerit in eius potestate, si conditio non placeret, rem non accipere. At contra quisquis accipit coactus, hūc nemo dicit ideo accepisse, quia placebat debitorem eo facto liberare in totū, sed quia accipere cogebatur. huc enim recte accommodabitur illud Modestini, neminem in necessitatibus existere liberalem *l. rem legatam. D. de ad. leg.* Hæc dicta sunt de duobus reis debendi, ex quibus vnus partem pro sua persona soluit.

Quid fiet, si tres fuerint rei, ex quibus vnus tertiam partem isto modo soluerit? non de eo, qui soluit, loquor, de quo quid sequendum sit, satis iam dictum est. de iis, qui non soluerunt, loquor, & illud quæro, videaturne creditor partem tertiam ab vno accipiendo, & eum de reliquis portionibus liberando, idem egisse cum reliquis correis debendi, id est, ita obligationem eo facto diuissile etiam aduersus ceteros, vta singulis iam non queat nisi partem tertiam petere. Hanc quæstionem veteres interpretes introduxerunt in hunc locum. & quidem statuerunt creditorem eo facto diuissile obligationē etiam aduersus ceteros reos: idcirco, quia hic scriptum est generaliter, prouidendum esse, ne alter pro altero exigatur. Sed hæc sententia merito a Pico, & Andrea Alciato reprobata est. Nam neque pactio, neque transactio cum vno ex plurib. debitoribus facta ceteris prodesse potest, cum quibus nihil actum est. *l. 1. j. de transact.* cur enim mihi non liceat, cui velim, gratificari, & a quo velim, meuna exigere? Sed plane ridiculum est quod verbis huius rescripti eam sententiam effici putauerunt. Nam cum hæc verba, alter pro altero, non nisi de duobus accipi possunt salua ratione recti sermonis: tum vero & si de tribus recte vsurparentur: tamē vno iam liberato, si vnus ex duobus reliquis in solidum de reliquo cōueniretur, non diceretur pro alio conueniri, sed pro se. quæ res faceret, vt nec hoc rescriptū esset impedimento, quominus in solidum, quod superest, recte conueniretur.

L. 19. Licet.

Impp. Dioclet. & Maximinian. AA. Victoriano militi.

Licet inter priuatos huiusmodi scriptum, quo comprehenditur, vt is, qui supervixerit, alterius rebus potiat, ne donationis quidem mortis causa gestæ efficaciter speciem ostendat: Tamen cum voluntas militum, quæ super

Ultimo vita spiritus, deque familiaris rei decreto, quoquomodo contemplatione mortis in scripturam deducitur, vim postremi iudicii obtineat: proponasque te ac fratrem tuum ad discrimen praelii pergentes, ob communem mortis fortunam inuicem esse pactos, ut ad eum, qui superstes fuisset, res eius, cui casus finem vita attulisset, pertinerent: existente cōditione intelligitur ex fratris tui iudicio (quod principalium constitutionum prompto favore firmatur) etiam rerum eius compendium ad te delatum esse. PP. XV. Kal. Dec. Sirmii, ipsi XV. § III. AA. Coss.

S V M M A R I A.

1. Pactum de futura successione obtinenda inter paganos adhibitū ita improbari iure, ut nec tanquam donatio causa mortis defendatur: § cur.
2. Pactionem eandem inter milites, pro suprema voluntate accipi ex privilegio militum, § hactenus valere.
3. Inter paganos cur nō eodem modo accipiat eadem pactio.

N E donationis quidem.] Iam supra diximus totum hoc genus conventionum improbari legibus, quibus de rebus alienis ex successione obtinendis agitur, quod tale est, per quod libera testandi potestas adimitur. l. pactum quod dotali, § eod. Ita in summa hereditas lege obtinebitur, non pacto. l. hereditas. j. de pact. con.

1. Sed fingamus† non tanquam hereditatē ex hoc pacto peti. Potestne ita defendi res, ut tanquam donatio causa mortis accipiat? nam & donationem causa mortis valere, & eam consensu, certe non sine consensu perfici constat. Negant hoc loco Imperatores: cum verba pactionis, quæ est de bonis mortui obtinendis, eam interpretationem non admittant. In donatione enim mortis causa præsens præsenti rem dat, etiam si donatio non ante perficiatur, quam mors donatoris infecuta fuerit. l. inter. D. de don. caus. mor. Hic nihil datur in præsentia, sed ut post mortem obtineatur, pactio est. Adde, quod hac pactione id agitur, ut mortuo succedatur, ut mortuo heres fiam. Nunquam autem idem potest esse heres, & donatarius, cui mortis causa donatum est: quia semper detrahitur ab herede, quod ei mortis causa donatur. l. senatus. §. donatio. D. de don. caus. mor.

2. Tamen cum voluntas militum.] Hæc pactio inter paganos nullius momenti est, placet, ut qui ex nobis supervixerit, si de morituris potitur: inter milites valet. Ergo quæ cōventio in paganis improbat, quia cōtra bonos mores est, in milite recipietur, quamvis dicatur esse contra bonos mores? Nam profecto si per se bonis moribus aduersatur hæc pactio, non ideo, quia a milite interposita fuerit, cōtra bonos mores esse desinet. Ergo militibus aliquid contra leges, aut bonos mores statuere licebit? Minime, ne in testamento quidem: etsi alias hoc quomodocumque factum sit, ratū esse dicimus. l. dotalem. l. miles ita. §. mulier. D. de test. mil. Quid ergo est? Observandum est, quæ cōventio inter paganos tanquam cōventio non valet, eam inter milites pro suprema voluntate valere, si in ea ad extremum usque permanserunt. idque ex constitutionibus, quib. cautū est, ut quodcumque modo voluntatē suam milites testati sint de eo, quod post mortem suam fieri velint, voluntas rata sit. l. 1. D. de test. mil. Ista ratione efficitur, ut cum in militibus voluntas servabitur, nihil fiat in eo contra bonos mores: quia cōventio, quæ pacifcentem obligat, si-

mul etiam libertatē mutandæ voluntatis auferat, unde periculum est: suprema autem voluntas ita servetur, ut eam militi pro arbitrio liceat mutare.

Cur ergo† eandem interpretationem in pagano non recipimus? quia in his testamentum non est aliter, quam si & nominatim id testentur se velle, & iuris solemnibus adhibitis id faciant. l. 1. D. de iure cod. tot. tit. de testa. ord. Insti. quorum neutrum in hac conventionione cernitur. Ex quib. relinquitur vere in uniuersum definiri, quæcumque sit cōventio de futura successione obtinenda viuentis, ut quidem ea pacifcentem obliget, eam omnino non valere, ne inter milites quidem: vereque dici eiusmodi pactionem contra bonos mores esse quascumque, in personas incidit.

L. 20. Traditionibus.

Imp. Dioclet. & Maxim. AA. & CC. Martiali.

Traditionibus & usucapionibus dominia rerum non nudis pactis transferuntur. PP. Kal. Ian. Ipsi V. § III. AA. CC. Coss. 293.

S V M M A R I A.

1. Pactis nudis dominia rerum non transferri, quid sit, § num. 2.
2. Nudum pactum dupliciter dici: hic nudū, quod traditionem res promissa ad iunctam nō habet, ut alibi nuda voluntas, nuda cōventio in pignore.
3. Pactis aliqui legitimis cur sine traditione dominium non transferatur.
4. Lege cōmissoria, additione in diem, conventionione iniciendæ manus in ancillam veditam, si prostituta, postquam earum conventionum conditio existit, dominium venditoris fieri sine ulla traditione emtoris: sed non tam ut ad venditorē redeat, quam ut videatur semper apud eum mansisse.
5. Nudo pacto transferri dominium in Ecclesiam, & loca alimonia pauperum destinata.
6. Usucapione dominium semper acquiri: traditione certis solum conditionibus, & quibus, & quam recte hoc rescripto sint omisse.
7. Dominium transferri ipso iure ex causa legati hereditaria, adiudicationis, idque ad priuatum quemlibet, ad quem superiores causæ pertinent, ad fisco autem generaliter omnium rerum, quæ ex suis causis fisco deferuntur: & cur hi omnes modi transferendorum dominiorum hoc loco omisse.

H Ic statuuntur regulæ duæ. una de iis modis, quibus dominia nō transferuntur: altera de his, quibus transferuntur. Nos utramque isto ordine propositam exsequemur. Hæc prior ex sententia Imperatorum, ut de qua quæstio proposita fuerat: unde & in hunc titulum relata:

Pactis nudis,† aiunt, dominia rerum non transferuntur. Conuenierit, exēpli gratia, ut is fundus quem mihi vendebas iam nunc meus esset, si non tradideris, non ideo fiet meus, & si in negotio gerendo conuenierit. l. quoties. l. seruum. j. de rei vind.

Pactum† nudū aliter hic dicitur, aliter tūc, cum dicimus ex pacto nudo nō nasci actionem. l. legem. §. Illic nudum, quia simpliciter non ex comparatione dicimus, intelligimus id, quod plane, & per se nudum est, id est, huiusmodi, quod præter pactum & conventionem nihil habeat causæ ad eum obligandum, qui pactus est. non transit, puta, in aliud nomen contractus, aut ad id non accessit vilius meum

meum factū, vlla res quæ ea lege data sit, vt faceres, quod promissisti, vt diximus suo loco, *d. l. legem*. Hoc genere pacti citra controuersiam dominium non transfertur: cum ne actio quidē ad dominium adipiscendum ex eo genere cōpetat. Sed hic pacti nudi verbo plus complectuntur Imperatores. Cum enim pacta nuda hic opponant traditionibus: siquidem hæc recte opponuntur, ex adiuncto & comparatione ea nuda intelligere oportet, quæ nuda sunt ab ea re, cui opponuntur, id est, a traditione. Similiter vt nuda voluntas traditioni opposita ea intelligitur, quæ traditionem adiunctam non habet, *in §. interdum. Instit. de rer. diuis.* nuda conuentio in pignore est ea, qua conuenit, vt res pignori sit, sine vlla traditione, *l. i. D. de pign. actio*. Et vero hæc sententia est huius loci, vt nec contractu quouis, puta, venditione id possit effici, vt fundus, quem mihi vendis, sit meus, ne si hoc quidem etiam accesserit, vt tibi pretiū fundi ista lege numerarem, vt meus esset, *d. l. quoties, infr. de rei vind.*

3 Et hoc ¶ erat scilicet, quod hic in quæstionem vocabatur propter regulas iuris, quæ efficiunt, ex venditione omnibusq; conuentionibus, quæ in proprium nomen transeunt, itemque iis, in quibus dedi, aut feci ea lege, vt dares vicilim, aut faceres, actionem nasci iure civili, *l. iuriscientium. D. eo*. Hoc vero expedire videntur Imperatores eo, quod statuunt prius, traditionibus dominia rerum transferri. Hoc enim hanc vim habet, ideo pactis dominia rerum non transferuntur, quia trāseruntur traditionibus. quasi dicerent: ius iubet, vt dominia transferantur traditionibus. proinde alio modo transferri vetat. contra ius igitur pacto solo, id est, sine traditione trāserri. Scimus porro omnia pacta, quæ contra leges aut constitutiones facta sint, nullius esse momenti, *l. pacta, qua contra. §. eaque exceptio in omnibus pactis intelligenda est*.

4 Sed fortasse ¶ regulam superiorē multis in causis falsam esse dixeris. Videntur enim esse tria genera conuentionum, quibus efficiatur, vt dominium ad aliquē redeat, ac proinde rursus in eum transferatur sine vlla traditione: lex commissoria: addictio in diem: conuentio hæc in ancilla vendenda, ne prostituatur, aut vt abducere eam, siue manum in eam inicere liceat. Nam si fundus venditus sit ea lege, vt si intra calendas pretium solutum non sit, fundus sit inemptus (quæ lex commissoria appellatur) placet conditione existente venditori vindicationē fundi dari, *l. 4. §. de pac. int. emt.* Non datur autem vindicatio, nisi domino, *l. in rem. D. de rei vind.* Placet idē tunc, cum fundus addictus est in diem, id est, ita venditus, vt si alius intra calendas meliorem conditionem attulerit, fundus sit inemptus, *l. si quis hac lege. D. de rei vind.* De postremo genere idem in *l. si quis sub hoc. D. de contra. emt.* Verum si propius attenderimus, repertum his conuentionibus non tam dominium redire, & transferri ab emtore in venditorem, quam a venditore nunquam recessisse. Id enim agunt hæc conuentiones, vt res sit inempta. Quod si vere nunquam fuisset emta, vt nunquam dominiū esset translatum in emtorem, *l. nunquam. D. de acq. rer. dom.* sic nunquam a venditore recessisset. Non est igitur, cur propter has conuentiones regulam superscriptam commutemus. Ita erit ius perpetuum, pactis solis sine traditione dominia non transferri, & ita ius publicum se habet.

Iure ¶ singulari tributū hoc est a Iustiniano cum ecclesiæ, tūm locis ad alimoniam pauperum comparatis, vt quidquid emerint, quidquid ex contractu quouis sibi parauerint, eius dominium statim in emtores transferatur, *l. ult. in §. de sacr. eccl.* Sequitur regula altera de his modis, quibus dominia transferri volūt Imperatores, adhibita, vt dixi, per occasionem ad alterius illius confirmationē. Traditionib. aiūt, & vsucapionibus dominia rerum trāseruntur. Vtrum semper traditionibus & vsucapionibus? vtrum solis?

Et quidē ¶ vsucapione constat semper dominium acquiri: cum vsucapio nihil sit, nisi nomen acquisitionis per vsū, *l. 3. D. de vsucap.* At traditione quouis non semper. Tria enim hæc accedere oportet, quæ bene glossa cōplexa est: vt dominus sit, qui tradit: vt iusta ex causa res tradatur: vt præterea in emtione, si forte de ea agatur, emtor pretium soluerit, aut fides illi habita sit de pretio. de quibus est alius dicendi locus. Qui sit igitur, vt absolute dixerint Imperatores, traditionibus dominia trāserri? quia traditiones intelligere debemus ad dominium transferendum comparatas & idoneas. Nam nihil hic ex professo de transferendo dominio tractare voluerunt. Iam vero ita duos istos modos posuerunt Imperatores, vt ceteros excludere velle videantur.

Atqui ¶ & legati dominium recte in legatarium transit sine vlla traditione, *l. a Titio. D. de furt. l. si pariem. §. i. D. quemad. ser. amit.* & rerū hereditariarum dominus sit heres simul, atq; heres factus est, *l. cum heredes. D. de acq. poss.* sit autem sola animi destinatione, *§. pro herede. Inst. de her. qual. & d. f.* & inter viuos res adiudicatæ in duplici iudiciis statim sunt eius, cui adiudicatæ sunt, *§. vlt. Inst. de offi. iud.* Et hæc quidem in causis priuatorum. quod si res cum fisco agatur, fisco sine vlla traditione, aut occupatione acquiruntur statim, quæcumq; res vacantes sunt, quæque propter delictum auferuntur, aut tanquam indignis, aut damnatis capitis, aut iis, quib. ob non solutum vectigal merces commissæ sunt, *l. commissæ. D. de publ. l. Imperator. D. de iur. fis.* Sed de his plura alias. Interim hoc queritur, cum consistet tam multis modis sine traditione dominia rerum trāserri, cui tantum traditionis & vsucapionis mentionem fecerūt, cum in promptu aliis tam multis modis obiectis re-felli potuerunt? Et obseruandum est eos seruasse quæstioni proposite. Nam cum dicunt dominia non transferri nudis pactis, conicere possumus positam his fuisse quæstionē de re ex consensu gesta, & quæ situm, an consensu dominium transferretur. Illi respondent traditionibus dominia transferri, non pactis. quod sic accipiendū est, in hac specie scilicet, de qua quæstio est, id est, cum res geritur consensu. Et sane ita res habet, vt si dominium inter viuos transferri volumus consensu dantis & accipientis, non aliter transferatur, quam traditionibus & vsucapionibus.

L. 21. Cum Proponas.

Imp. Diocl. & Maxim. AA. & CC. Eusebio.

Cum proponas, inter vos sine scriptura placuisse, fratrum tuorum successiones æquis ex partib. diuidi, & transactionis causis probari possi hanc intercessisse conuentionem: exceptionē te tueri potes, si possides: Quod si aduersarius tuus teneat: ex hoc placito nullam actionem natam esse, si tibi stipulatione non prospexisti, debes intelligere: nec aduersario tuo transactione vti concedendum est, nisi ea

quæ placita sunt, adimplere paratus sit. PP. Kal. Maii
Fausto 11. & Gallo Coss. 298.

S V M M A R I A.

- 1 Ex pacto transactionis causa interposito exceptionem possidenti nasci: petenti non nasci actionem.
- 2 Pactum transactionis causa interpositum cur nudum.
- 3 Pacto uti non posse eum, qui ipse pactum non servat, & cur.

S Vmma huius resccripti expressa est in *l. Diuisionis. D. eo. tit.* Illic ita traditur diuisionis placitum, nisi traditione vel stipulatione sumat effectum, ad actionem tanquam nudum pactum nulli prodesse poterit. Finge ita. A fratribus meis institutus eras testamento, eaque ex causa eorum successiones, id est, hereditates obtinebas. Eas ego a te vindico ab intestato tanquam proximus cognatus, quod dicam fratrum testamentum esse inofficiosum me præterito, & te turpi persona instituta: vel falsa esse, aut rupta, irritaue. Cum in hac lite placeret, ut transigeremus, cõuenit, ut certis partibus hereditatis constitutis, ego hanc partem obtinerem, tu illam, neque ego quidquam tibi dedi, ut mihi dares, neque tu mihi, neque porro huic pacto stipulatio subiecta est. Ita pactum nudum est. De vi huius pacti queritur. Et traditur idem, quod supra pluribus exposuimus ad *l. legem.* id autem est, quod sequitur.

Exceptione te tueri potes. Etiam nuda pactio exceptionem parit. *l. iuris gentium. §. sed cum nulla. D. eodem.*

- 2 Ex hoc placito nullam actionem natam esse. † Atqui cum diuisio hoc loco transactionis causa interuenerit, sic illa placuit utrique, ut quod esset extra partem sibi destinatum, pacisceretur is qui non possidebat, se ab eo, qui possidebat, non petiturum. Nam aliter non fit transactio. *l. 2. D. de transact.* Itaque videtur is, qui pactus est, fecisse, ut ille alter acciperet. Quod si verum est, non iam nuda pactio est, ut quis dicat ex pacto nudo actionem non nasci: sed civile negotium gestum, ex quo genere est præscriptis verbis actio. *l. si dominus. l. solent. D. de præf. ver. l. iuris gentium. §. 1. eod.* Dicendum est eum, qui se non petiturum pactus est, se facturum pactum esse: re vera nihil dum fecisse. Potest enim, qui hodie non petit, cras petere, & iure quidem: quia pacto non tollitur iure civili actio. *tit. de except. §. 1. Instit.* Nec obstat, quod possessor exceptione pacti uti potest, per quam remoueat petitionem. Potest enim ea non uti, unde eueniet, ut intentio actio-
tis procedat. *l. vindicantem. & seq. D. de euit.*

Nec aduersario tuo transactione uti cõcedendum est.

- 3 Sic consequetur † Eusebius, ne aduersarius transactione utatur. Aget cum aduersario petitione hereditatis, ut prius (hæc enim vetus est actio, quæ tum sine controuersia esset futura, si de diuisione hereditatis nihil placuisset: diuisionis autem & transactionis placito non est sublata) si aduersarius exceptione pacti utetur, hic pacti exceptio doli mali replicatione infirmabitur. Ita res explicatur, in *l. sine apud acta. infr. proxim. tit.* Recte doli mali replicatione. dolo enim facit, qui id iuris in aduersarium valere postulet, quod in se non admittat. quasi quidquam in ipsius persona æquum sit, quod in alio iniquum videri debeat: contra quam edicto Prætoris cautum est sub titulo, *Quod quisque iuris in alium statuerit, ut ipse eodem iure utatur. D.*

L. 22. Pactum curatoris.

Imper. Dioclet. & Maximinian. AA. & CC.
Archelao.

Pactum curatoris recipere minorem quantitatem paciscentis, adultæ ætatis suffragium, ne noceat, efficit. tutores enim & curatores exigentes pupillis & adultis debitum; non etiam remittentes præstant obligationis liberationem PP. XVIII. Kalend. Decemb. Sirmii. ipsis VII. & VI. AA. 299.

S V M M A R I A.

- 1 Tutoris & curatoris potestas in rerum minoris administratione & in debitoribus liberandis.
- 2 Pactum tutoris, aut curatoris cur dicatur pupillo aut adolescenti non nocere beneficio ætatis: & hoc quid sit.

E T tutor, & curator, qui rem gerunt, in rebus pupilli, vel adolescentis dominorum loco habentur, sed cum domini rem administrant, non cum rem perdunt, & curæ suæ commissos spoliant. *l. tutor, qui tutelam. D. de admi. tut. l. qui fundum. §. si tutor. D. pro emt.* Quippe ut maxime libera sit illis potestas gerendi rem commissam: administratio tamen illis commissæ est, nihil amplius. *l. non omni. & toto tit. infr. de admi. tut.* Pugnant autem administrare rem, & perdere. Proinde tutores, & curatores debitum exigentes debitorem liberabunt, ut hic traditur. Est enim boni patrisfamil. debitum exigendo rem augere, non sinere dilabi. Quinetiam cum debitoribus transigentes idem præstabunt. *l. si pignore. §. ultim. l. interdum. §. qui tutelam. D. de furt.* Nam & hoc ad rem seruandam pertinet, non perdendam. Est enim transigere, de re dubia & lite incerta transigere. *l. 1. D. de transactio.* Negari autem non potest consultius & utilius esse, litem incertam transactione remittere, ut quid ex eo iam nunc habeas, quam temere litigando incertum euentum litis subire, ubi fieri possit, ut litem amittas. At iidem, qui supra, remittere debitum non possunt, ut hic scriptum est. Tunc enim remitti debitum videtur, cum quod remittitur, debitum esse constat, quod non fit in transactione. Vnde intelligitur non licere tutoribus & curatoribus rem certam & indubitatam remittere. *l. præses. j. prox. tit. & recte.* Hoc enim remittere scientem prudentemque, donare est: donare vero perdere. *l. filiusfam. D. de don. & denegatur omnibus, quibus administratio tantum permissa est. d. l. filiusfam.* Dicat hic fortasse quispiam, ex eo quod tutores & curatores debitum accipiendo debitores liberant, recte colligi, etiam eos paciscendo pupillis & adultis nocere. Nam in *l. resccriptum §. ultim. & leg. seq. D. eod.* colligitur pactum procuratoris domino nocere non alia ratione, quam quod procuratori solui potest, istaque ipsa ratione & iurandum procuratoris nocere domino efficitur in *l. ius iurandum, quod. §. si tutor. D. de iur.* Quod equidem & in tutoris aut curatoris pacto recte colligi concedo, & verum est. Iam enim supra dixi tutores & curatores recte transigere. quod nihil aliud est, quam eam pactioem valere, & nocere adolescenti. Sed ut non omne pactum procuratoris domino nocet (errat enim, si quis illud, pactum procuratoris domino nocere, de omni pacto intelligit. Nam nec procurator rem certam pacto remittere potest. *l. si consensit. §. videbimus. D. quib. mod. pig. vel hyp. sol.*) sic nec omne curatoris pactum nocebit adolescenti. Quodnam igitur

igitur: quod ad administrationem, & rem adolescentis itidem pertineat, ut debiti exactio. Idemque est in procuratore, cui nihil amplius commissum est, quam administratio.

2. Aiunt Imperatores *adulta etatis suffragium, ne pactum curatoris noceat, efficiet.* Quæ t̄ verba ita scripta sunt, quasi ne noceat pactum curatoris, consequatur minor beneficio etatis, atque ita opus sit ei ad actionem recipiendam, in integrum restitutione. quod falsum est. Nam pactum tutoris, curatorisve debitum remittentis debitorem iure non liberat, & ut paulo post hic scribitur, non præstat liberationem obligationis. *l. Lucius 2. §. ult. ff. de adm. tut.* Integra igitur hic manet adolescenti sua actio, quod si integra est, non est opus restitutione, eoque nec auxilio etatis ad restitutionem eius rei, quæ amissa non est. *l. 2. §. in quib. caus. in inte. rest. non est neces.* Nihil habeo, quo hoc defendam, nisi ut dicam beneficium etatis esse quidem causam in proposito, cur pactum curatoris adolescenti non noceat: sed causam remotam, non propinquam. quæ res efficit, ut non sit hic vlla restitutione opus. Cur hoc pactum non noceat adolescenti, proxima causa est, quod pactum nullius sit momenti, utpote factum ab eo, qui ius non habuit paciscendi. At cur ipso iure non noceat, cum tutores pro dominis habeantur, non sit nisi favore & gratia etatis, id est etatis beneficio: quia visum est pupillos & adolescentes esse in potestate tutorum & curatorum: sed ipsorum causa, id est, hæcenus, ut essent, qui ipsis prospicerent, non qui male rem gerendo eam perderent. Et breuiter ut hoc pactum per se adultis non noceat, pacti inutilitas facit: ut autem non noceat propter curatorum auctoritatem, qui domini quidam sunt, hoc etatis fauor præstat; quia placuit pupillis & adultis dominos quidem dari; at eos, qui illorum commoditatibus profunt, non officiant propter ipsorum fauorem.

L. Filius. 23.

Imp. Dioclet. & Maximinian. AA. & CC. Honorato.

Filius, paciscendo, aut debitum accipiendo: nihil detrahit patris obligationi. PP. XVII. Kal. Decembr. Sir. mii ipsis VII. & VI. AA. Coss. 300.

S V M M A R I A.

1. *Filiis familias & seruis potestas in peculii administratione, pecuniis collocandis, & debitoribus pecularibus liberandis.*

FILIVS paciscendo, aut debitum accipiendo nihil detrahit patris obligationi.]

1. Atqui t̄ si paciscatur de re peculii filius, in qua administrationem a patre concessam habet, neque donandi animo id faciat pactum valet. *l. contra. §. ult. ff. eod.* qua in re aperte detrahit patris obligationi, quæcunque hic tandem obligatio a filio contracta est. Fuit enim hæc obligatio patris. *l. placet. ff. de acquirend. heredit.* Sed & si quid ex peculio suo non tantum filius, sed etiam seruus crediderit aut deposuerit, si his solvatur, debitorem iure liberant. *l. quod seruus. ff. de solut.* Vtrumque igitur falsum videtur, filium neque paciscendo, neque debitum accipiendo, detrahare patris obligationi. Quod non ita est. Magis enim in suprascriptis casibus videtur pater pacisci, & debitum accipere, quam filius. In his enim filius paciscitur, & debitum accipit voluntate & per-

missu patris. quod perinde habendum est, quasi ipse pater vtrumque faceret per filium. *l. restituta. ff. ad Trebell.* Et administratio quidem peculii a patre concessa satis ostendit, quid permittat pater filio in re peculiari. Hoc ipso autem, quod peculium concedit filio, videtur hoc ei permittere, ut de peculio negotietur, & statuatur pro domino. quandoquidem peculium est, quasi patrimonium filii familias & serui. *§. actiones autem. Instit. de actio.* Etsi enim in hac potestate excepta est rerum peculiarium alienatio, nisi dominus aut pater liberam peculii administrationem concesserit. *l. contra. §. ult. ff. de pact. l. si liberum. C. quod cum eo.* tamen hæc exceptio ad eas res non pertinet, quas alienare, & de quibus negotiari expedit. Ideo & libera hac administratione non concessa licet seruo pecuniam peculiarem, hoc ipso quod peculiaris est, mutuam dare: quia expediat id facere, ne pecunia apud eum maneat otiosa: & quod ita credit, si exigat, placet debitorem liberari, quasi vtraque potestate cum peculio pro utilitate peculii concessa. *l. fugitiuus in fin. d. l. quod seruus. ff. de solut.* Itaque hæcenus saltem seruus & filius in peculio pro dominis habentur. Quod si domino recte soluitur: consequens est voluntate patris recte solui ei, quem pater peculii quasi dominum esse voluit. *d. l. quod seruus.*

L. Si actionem. 24.

Imp. Dioclet. & Maximinian. AA. & CC. Dominæ.

Si actionem legati vel fideicommissi, quam aduersus heredes mariti quondam tui habuisti, te adfectione heredum abis remisisse probetur: exceptionem pacti contra debitores instituenti, actiones nocere tibi minime posse intelligis. PP. XVII. Kal. Ianua. Sir. mii CC. III. Coss. 300.

S V M M A R I A.

1. *Pactum cum iis qui putabantur debitores, factum, ne debitum petatur, creditori aduersus veros debitores non nocere.*
2. *Verba rescripti exposita.*
3. *Intelligere ius rescripti in proposito cur dicatur mulier, qua propter ignorantiam consulebat.*
4. *Remissionem debiti in eum qui debitor non erat solutam, & ipsi, & vero debitori iuxta esse inutilem: & cur.*
5. *Falso heredi acquiri actionem posse, quam quandoque cogatur heredi vero restituere: exceptionem paciscendo acquiri non posse, eoque nec ab eo transire ad heredem.*

MARITVS legauit uxori suæ decem. Exstiterunt mortuo marito, qui dicerent se esse eos, qui a marito instituti erant: itaque pro herede gesserunt. Mulier putans ipsos esse heredes, cum veller gratificari heredibus mariti sui, ob memoriam forte, & honorem mariti: remisit eis legati actionem, pacta se legatum nunquam petituram. Compertum est postea alios esse, qui heredes scripti essent, ab his mulier legatum petit. quæ superioris pacti exceptione ab illis submouetur. De eo questio est. Rescriptum est, huius pacti exceptionem mulieri nihil nocere. ut sit rescripti hæc sententia:

Pactum t̄ cum his, qui putabantur debitores, factum, ne debitum petatur, non nocere creditori, quo minus comperto errore suo debitum exigat ab iis, quos veros esse debitores constiterit: quan-

tumuis creditor prius illud paciscendo hoc animo fuerit, vt veros debitores liberaret.

2 Verba † rescripti obscuriora sic interpretanda sunt: *Si probetur te (mulierem alloquuntur) affectione heredum*, id est, ea affectione, qua complecteris heredes mariti quondam tui, *remisisse aliis*, intellige, quam heredibus, & ita te remisisse iis, qui heredes non essent, cum esse existimares: *remisisse*, inquam, *actionem legati*, quam aduersus heredes mariti tui habuisti, ideo scilicet quia ab illis relictum est legatum: hoc, inquam, si probetur, *intelligis superioris pacti exceptionem nocere tibi non posse*: tibi, inquam, *instituenti actiones contra debitores*, id est, heredes veros, qui legatum debent.

3 Sed † cur dicunt Imperatores, *intelligis*: cum certum sit mulierem, si intelligeret exceptionem sibi nocere non posse, non fuisse Imperatores consulturam? quia ita fuit species facti iam ante ab Imperatoribus concepta, vt ex ea cuius in promptu esset intelligere ita rem se habere, vt illi respondent. Proponunt actionem remissam fuisse aliis, quam his, a quibus legatum debebatur, vel ex hoc ipso sua sponte intelligitur, nullam esse natura remissionem. Ex ipso igitur rescripto intelligit hoc mulier: etsi aliunde prius id minus intellexisset.

4 Sed † obstat mulieri, quod hoc animo fuit, vt veteres debitores liberaret. cur illi voluntas sua non noceat? Quia editum pratoris non quamlibet voluntatem cuiusque tueretur: sed pactum conuentum, mulier autem in proposito nihil pacta est cum veris debitoribus. At enim pacta est cum aliis hac mente, vt heredibus consulere. nihil hoc heredes adiuuat, si pactum est inutile. Est autem inutile duabus de causis. primum, quod res inter alios gesta est. quam ob causam sit, vt etsi quid contineretur pacto: tamen per liberam personam exceptio. Si non competit, non mirum, si ab his in alios non transfertur. At de actione contra euenit, vt etiam cui nihil debetur, sibi obligationem, & actionem possit parare. Nam si pecunia alii debita ei constituatur a debitore, valet constitutum, obligaturque ei debitor de pecunia constituta. *l. cum qui. §. quod exigimus. ff. de const. pecu.* Facigitur, quod hereditati debebatur, possessori hereditatis constitutum esse, quia illi actio hereditaria qua sita est, apparet hic esse, quod heredi possit restitui vna cum reliqua hereditate.

L. Debitorum. 25.

Impp. Dioclet. & Maximinian. AA. & CC.
Euhemero.

Debitorum pactionibus, creditorum petitio nec tolli nec mutari potest. S. IIII. Kal. Maii, Sirmii, CC. III. Coss. 300.

S V M M A R I A.

- 1 Debitorem pactione sua creditoris petitionem neque tollere, neque in alium transferre posse: & cur.
- 2 L. cum ab vno ff. de leg. 2. exposita.
- 3 L. controuersia. ff. de transf. explicata, & conciliata cum l. Imperatores. eo. tit.

1 DEBITORVM † pactionibus creditorum petitio tolli non potest. Verat enim ius & natura alterius conditionem deteriore facere. *l. soluendo. ff. neg. gest.* nec mutari potest: id est, inter plures, qui pro parte aliquid debeant, non potest hoc effici, vt a reliquis petitio creditoris in vnum transferatur: ne & il-

li liberentur, qui antea debuerunt: quod ius, vt dixi, non patitur: & is obligari incipiat, qui antea non tenebatur. Etsi enim vnusquisque seipsum obligare, & deteriore conditionem suam paciscendo facere potest. *l. pactum. ff. eo.* tamen alii actionem acquirere non potest, cum quo non contraxit. *l. quacunque. ff. de ob. & ac.* quod superiore conuentione efficitur.

Non † offendit hanc definitionem *l. cum ab vno. 2. ff. de leg. 2.* Maritus dotis debitor ab vno herede legauit uxori aliquid pro dote compensandi causa. Mulier inuult dotem ferre, quam legatum. Illic scriptum est, eum heredem nihilominus onus æris alieni vsque ad quantitatem legati agnoscere debere, eoque primum in eum actionem de dote dandam. Nempe hoc sic accipiendum est, vt in eum actio danda sit mulieri, si illa velit. nam si malit, liberum est ei etiam conuenire ceteros, in quos æs alienum proportionibus hereditariis transit. Ipsorum heredum voluntas & consensus hoc ius mulieris non mutaret. *l. licet. j. fa. etc.* Non mutabit igitur ne defuncti quidem, qui & ipse debitor est, nec potest efficere, quin heredes pro portionibus hereditariis teneantur, vt ius publicum est. *l. 2. j. de her. act.*

Interdum † transactio dubium facit, quis sit debitor: vt, cum controuersia inter scriptum heredem, & legitimum orta ipsi de hereditate certa conditione transigunt, vt vnus certam partem habeat, alter reliquam. Quo casu placet Scevola, eos qui transegissent, propter incertum successionis pro parte hereditatis, quam vterque expressit, vtilibus actionibus conueniendos esse. *l. controuersia. ff. de transact.* non quod scriptus heres non possit in solidum conueniri, si creditores contendant eum esse heredem. *l. Imperatores. ff. eo.* quod & de herede legitimo dicendum est. sed quod si creditores nolint hoc onus subire probandi, quis sit heres, recte eos conueniant, tanquam pro parte heredes sint vel sua confessione: non summo iure, quod non patitur, vt vnus sit heres ab intestato, alter ex testamento: sed vtilibus actionibus: quia heredes suam confessionem infirmare non possunt, quamdiu non probent se heredes non esse. Quale sit autem, quod hic definitur, demonstratur plurium heredum exemplo in l. seq.

L. Pactum successorum. 26.

Impp. Dioclet. & Maximinian. AA. & CC. Cornelia.

Pactum successorum debitoris, ex lege duodecim tabularum æs alienum hereditarium pro portionibus quaestis singulis ipso iure diuisum, in solidum vnum obligare creditori non potest, quod & in honorario succedentibus iure, locum habet. De chirographis itaque communibus exhibendis coheredem, vel non perfectis in diuisione placitis, conuenire, quanti tua interest, potes. PP. III. Id. Octob. Variati, CC. Coss.

S V M M A R I A.

- 1 Æs alienum hereditarium diuisum ipso iure inter heredes pro portionibus hereditariis.
- 2 Pactum coheredum, quo placet, vt vnus dissoluat æs omne alienum creditoribus & nomina hereditaria solus exigat, inter coheredes solum valere, creditorum petitionem non mutare.
- 3 Ex hoc pacto qua sint coheredibus actiones aduersus eum, qui legi diuisionis non paruit.

DEBITORIS plures sunt heredes aut bonorum possessores. Horum singuli partem debent. Sciendum est enim lege duodecim tabularum onus æris alieni ad heredes pertinere pro portionibus, quæ singulis quæsitæ sunt, ut hic scriptum est, id est, pro hereditariis. *l. i. §. si cert. pet. l. 2. §. de act. hered.* atque ita pertinere, ut non inter se heredes id diuidere oporteat; sed iure ipso inter eos sit diuisum: quia lex vnicuique partem nominatim attribuat. *l. ea qua. §. fam. erc. l. heredes. §. an ea. ff. eod. §. his.*

1 Veruntamen quia æris alieni diuisio aliqua habet incommoda, ut & experientia satis ostendit, & testatum est in *l. plane. ff. fa. erc.* heredes diuiserunt inter se hereditatem, & partem vni dederunt ea lege dicta, ut ipse omne æs alienum dissolueret creditoribus hereditariis: hoc amplius & nomina hereditaria exigeret, quam in rem chirographa illi communia tradiderunt, quibus uti & consistere posset aduersus hereditarios debitores. De vi huius pactionis aduersus creditores rescriptum hoc loco est ex regula suprascripta, hanc pactionem in solidum vnum obligare non posse creditori: quod valet, neque in vnum istam petitionem creditoris mutari, & transferri posse: neque petitionem, quæ competit aduersus ceteros coheredes, tolli creditori. quæ duo superiore regula comprehensa sunt. Sed quæ conuentio creditoribus neque nocet, neque prodest, ea valebit inter ipsos coheredes, quod Imperatores innuere voluerunt his verbis, quæ sequuntur, *De chirographis itaque communibus.* Hoc dicunt: si heres, qui onus æris alieni & dissoluendi & exigendi in se suscepit, conuentioni non paret, non habent ceteri heredes, quo se tueantur aduersus creditores, qui suum persequuntur: sed agent cum coherede suo partim de chirographis communibus exhibendis, partim in id quod sua interest: quia ea quæ placita sunt in diuisione, perfecta non sunt.

3 De actionibus nihil exprimunt, sed de chirographis erit actio ad exhibendum, ut de re ad omnes pertinente. *l. 3. §. est autem. ff. ad exhib.* si modo coheredes chirographa tradiderint tantum. sic enim factum est, ut manserint communia. Quod si chirographa dederint coheredi, id est, ita tradiderint, ut ea coheres tanquam propria haberet, erit conditio rei ob causam datæ causa non secuta. *l. i. ff. de cond. caus. da. l. 5. §. i. ff. de pres. ver.* De eo autem, quod interest, erit præscriptis verbis actio: quia coheredi datum est, ut faceret, quod non fecit. *d. l. 5. §. i.* quod sic intelligendum est, si modo ceteri coheredes illi partem dederint ea lege, ut æs alienum solueret, alioqui nulla traditione interueniente, pactum nudum est, ex quo non nascitur actio. *l. diuisionis. ff. eo.*

L. Petens. 27.

Imp. Dioclet. & Maximinian. AA. & CC.
Aurelio Chresimo.

Petens ex stipulatione, quæ placiti seruandi causa secuta est: seu antecessit pactum, seu post statim interpositum sit, recte secundum se ferri sententiam postulat. S. VI. Id. Nouemb. Heraclea. CC. Coss.

S V M M A R I A.

- 1** *Questio huius rescripti propria, & sententia: & numer. 3.*
- 2** *Stipulatione pacti seruandi causa interpositam, quæ pactum sequitur, recte dici præcedere, & nihilomi-*

nus sequi, ut hic sequi dicitur, diuersis rationibus.

3 *Pactum stipulationi confirmanti subiectum cur statim sequi oporteat, ut stipulatione, quæ aliqui per se semper satis valet, firmetur.*

Ex pacto nudo actionem non nasci constat. Sed & illud constat, si pacti seruandi causa stipulatio subiecta sit, pactum esse seruandum: quoniam ex stipulatione agi potest. de quo diximus *ad l. si pacto. §. eo.* Hæc eadem sententia non obscure hoc loco confirmatur.

Sed et additur aliquid amplius. hoc enim quaeritur præcipue, an cum stipulatio secuta est placiti seruandi causa, non solum ex ea agi possit, si pactum antecesserit: sed etiam si post sit interpositum, id est, si sequatur stipulationem. Et statuunt Imperatores, dummodo stipulatio secuta sit placiti seruandi causa, nihil referre, utrum pactum præcesserit, an postea sit interpositum, dum tamen statim post interpositum sit. In quo rescripto duo animaduertenda sunt.

Illud et potissimum, quod hic proponitur stipulatio eiusmodi, quæ placiti seruandi causa secuta sit: de qua tamen respondent Imperatores, ex ea agi posse, etiam si antecesserit ipsa, & pactum stipulationem secutum sit. In quo aperte eandem stipulationem præcedere dicunt, & sequi, quod fieri natura non potest. Quid igitur hic sibi volunt? Et sic habendum est, eodem sensu & ratione utrumque simul statui non posse: at diuersis rationibus recte. In concipiendo pacto & stipulatione, de quibus agitur, duplex ordo est. Vnus, quem sibi proponit mens & cogitatio contrahentium, idemque naturalis, alter est scripturæ ordo, quo duo ista in instrumento perscribuntur. Si mentem contrahentium spectamus, & naturam rei, stipulatio omnis, quæ adhibetur seruandi pacti causa, semper sequitur, non præcedit. Prius est enim, ut sit pactum, quam ut firmetur stipulatione. Scripturæ ordo non est eiusmodi. Naturaliter quidem res recte perscribitur ita, ut prius proponatur, quid contrahentes fieri voluerint, deinde subiiciatur stipulatio, hoc modo: *Quæ ita supra scripta sunt, ea sibi dari, fieri stipulatus est Manius: spondit Titius.* quale exemplum proponitur in *l. duo. ff. pro soc.* At conuerti ordo scripturæ potest, ut ita dicamus: *quæ infra scripta sunt, ea sibi dari, fieri stipulatus est Manius: spondit Titius.* quæ autem pepigerunt inter se, ea sunt, quæ sequuntur. ac deinde perscribantur pacta. Hoc verò cum sit, locus est huic rescripto. Hic enim eodem tempore euenit, ut sequatur, & antecedit stipulatio. Ut ferum natura est, & mens contrahentium, stipulatio hic sequitur pactum: perspicuum est enim, contrahentes nolle hanc stipulationem valere, nisi de his quæ paciscuntur, ut necesse sit prius pacta esse, quam stipulationem, quæ ista continet, & quorum confirmandorum causa adhibetur. prius enim esse oportet aliquid, quam ab alia re confirmetur. Sed & in stipulatione præcedente, quæ ad pactum sequens refertur, hoc euenit, ut pactum sequens declarandæ stipulationis causa interpositum, videatur stipulatione contineri, & subiectum illud demonstrare, de quo contrahentes se stipulari & spondere dixerant: sicut accidit in omnibus scripturis sequentibus præcedentis alicuius declarandæ causa interpositis. exempla in *l. asse toto. ff. de her. inst. l. institutio. ff. de cond. inst.* at ut est perscriptio instrumenti, stipulatio præcedit.

Itaque hoc est, quod voluit Imperatores, modo co-

et stipulationem adhibitam esse pacti firmandi causa, nihil interesse, quo ordine stipulatio scripta sit: priore loco, an posteriore. Innuentes hic, ut in aliis rebus mentem contrahentium spectandam esse, non ordinem scripturae, *iuxta l. 2. §. ult. in fin. ff. de vul. et pu. subst.* Quid enim contextus verborum facit, ubi res intelligatur?

4. Iam \dagger & illud animaduertendum, quid sit, cur exigant Imperatores, ut pactum statim interpositum sit post stipulationem, ut quidem ex stipulatione agi possit: cum constet stipulationem semper valere iure civili, quandocumque sit interposita. §. *de constituta. Inst. de act.* Non id propter stipulationem exigunt haud dubie, quae ubique interposita idem valet: sed propter pacta, quae sequuntur: ut sciatur, utrum ad stipulationem praecedentem pertineant, necne. Monendi enim sumus, praecedentia & sequentia ad generalem aliquam clausulam ita pertinere videri, si coniuncta scriptura scripta sint, non si disiuncta. *l. ult. ff. de reb. dub.* Sic & cum stipulor pecuniam mutuam mihi reddi, & postea pecuniam numeravi, placet unum contractum esse stipulationis, nec actionem nasci ex numeratione, sed ita, si pecunia quam postea dedi, mox numerata sit, non aliter. *l. 6. ff. de nouat.* At qui idem hic dicere licebat, quod prius, ex stipulatione nimirum quandocumque interposita sit, actionem esse? Sed hoc ita est, dum constet, quid stipulatione comprehensum sit. Iam vero non existimatur numeratio, quae ex intervallo secuta est, ad praecedentem stipulationem pertinuisse.

L. Si certis annis. 28.

Imp. Dioclet & Maximinian. AA. &
CC. Leontio.

Si certis annis, quod nudo pacto conuenerat, datum fuerit: ad praestandum in posterum indebitum solutum obligare non potuit eum, qui pactum fecit, nisi placitis stipulatio intercesserit. S. III. Non. Decem. Burrodixi, ipsi VIII. & VII. AA. Coss. 303.

SUMMARIA.

1. *Indebitam annuam summam non ideo effici in posterum debitum, quia pluribus annis praestita sit, etsi ab initio pacto fuerit promissa: & cur.*
2. *L. cum de in rem verso. ff. de usur. questio, & sententia.*
3. *L. i. C. de fideicom. explicatur.*
4. *Annuam summam pacto promissam qui aliquot annis sponte soluit, non ideo eam constituere intelligi.*

Hoc dicunt Imp. Res \dagger si per se indebita est, ut in posterum debeat, non efficit eius rei praestatio: quamvis & pacto res promissa sit, & per plures annos praestita. *l. creditor. j. de usur. l. operis. ff. de op. liber.* Cuius sententiae recte haec ratio redditur ex regulis iuris, quod in negotiis gerendis nulla contrahitur obligatio sine consensu. *l. i. §. i. ff. eod.* Porro non si quis quid praestat sapius, ideo consentire intelligitur, seque in id obligare, ut idem in perpetuum praestet deinceps. Quid enim prohibet me hodie dare aliquid, & sapius, quia libeat, aut quia putem mihi commodum esse nunc id facere: non quia velim de eare obligari? Non est igitur rei praestatio idonea causa, ex qua obligatio nascatur. ac proinde ex ea non nascetur. At potest etiam, qui praestat, hoc animo esse, ut det, quia velit in futurum quoque te-

neri. Potest: sed hoc animo eum dedisse probandum est, quod ex sola praestatione non recte colligitur, cum a praestatione ea voluntas abesse possit. *l. neque natales. j. de prob.* Sic fit, ut quae praestatio ad inducendam obligationem per se non valet, ea nec profit ad voluntatis nouae in futurum probationem: ac proinde ad petendum, quod prius non debebatur, sit inutilis. Cum hac sententia videntur pugnare duo loci. *l. cum de in rem verso. ff. de usur. & l. i. ff. j. de fideicom.* In illa scriptum est, patrem filii familias iudicatum esse debere vsuras, quia longo tempore eas praestitisset. In hac, heredem qui fideicommissum per triennium praestitit, in posterum id recusare non posse. Sed nihil hic contrarium.

Nam \dagger quod attinet ad *l. cum de in rem verso*, obseruandum est, quae sit hoc, & illo loco facti dissimilitudo. ex ea quae sit ratio differentiae iuris, intelligitur. In hac *l. si certis*, constabat vsuras praestitas esse indebitas: utpote promissas nudo pacto. Contra in *l. cum de in rem verso*, constabat, pecuniam mutuam filio familias datam esse, & vsuras eius pecuniae ab eo rite promissas. ut hoc quidem non ambigeretur, utrum vsurae istius pecuniae deberentur: sed a quo pecunia ipsa deberetur. Et ideo non quaeritur illic, an filius vsuras debeat: sed an pater debeat pecuniam tanquam in rem suam versam. Hoc intellecto recte ita dicemus: si fuerint vsurae indebitae, earum praestatio nunquam efficit, ut sint debitae. Quod si constabit recte esse promissas, & deberi, atque hoc quaeretur, utrum obligatio principalis ad eum pertineat, qui eius vsuras longo tempore praestitit: cueniet, ut diuturna vsurarum praestatio declararet rem ad eum pertinere, qui eas tamdiu praestitit: in quem modo propter conditionem personae cadere possit eiusmodi coniectura. ut puta, dicemus versam esse pecuniam in rem patris, quae pecunia a filio facta accepta sit: cum eius pecuniae vsuras non filius, sed pater ipse tamdiu non sine causa praestiterit. qua de re iudicatum est in *d. l. cum de in rem verso*. Sed de eius loci sententia plura scripsi in commentario de *Vsuris*.

Plus \dagger est negotii in explicanda ratione *l. i. j. de fideicom.* in qua prima fronte videtur ipsa triennii praestatio fideicommissum debitum facere. Obseruandum est enim rescriptum de fideicommissio annuo indebito loqui. Nam si iure valuisset, deberetur statim, & sine vlla heredis praestatione. at si triennio praestitum sit, placet id in posterum quoque exigi posse. Ego autem & fideicommissum illic indebitum fuisse, & cum per tres annos praestitum fuerit, in posterum deberi fateor. Sed nego ideo deberi in posterum, quia per tot annos praestitum sit: de quo nunc quaeritur. Cur ergo heres in posterum obligatur? quia mater eademque heres, filii sui voluntatem secuta est, ut eo rescripto declaratur. Iudicium defuncti agnoscendo mater ostendit sibi in animo esse id in perpetuum praestare: quia haec voluntas & iudicium defuncti fuit, ut ita praestaretur: seque adeo id factum esse constituit. Haec agnitio in legatis sufficit ad obligationem, quisquis heres voluntatem defuncti circa legata, seu fideicommissa, seu libertates agnoscit; quamvis voluntas iure non valuerit, tamen implenda voluntatis necessitate obstringitur. *l. non dubium. j. de test.* Itaque matrem voluntas sua, & consensus, ac velut constitutum obligat, ut obligaret ceteros in aliis rebus omnibus. Eius autem voluntatis non causa,

caussa, sed signum & indicium est, fideicommissi præstatio. non tamen quævis: sed ita, si per triennium idem mater fecerit: vt scilicet perseverantia præstationis declararet voluntatem & iudicium in herede fuisse ad id præstandum ex sententia testatoris. arg. l. quidquid. ff. de reg. iur.

4 Quæ et si conuenienter dicuntur ad sententiam illius rescripti: verendum tamen videtur, ne hæc ipsa interpretatio magis difficultatem augeat, quam diluat. Nam si heres propter triennii præstationem existimatur fideicommissum constituisse se in posterum soluturum: quid est, cur non existimetur fecisse idem, qui nuncium, quod pacto promissit, longo tempore præstitisse: vt iam consequens sit teneri eum ex constituto, quem negabamus propter præstationem obligari. Sed non recte comparantur inter se, heres, qui iudicium defuncti secutus aliquid facit, & is, qui quod ipse pacto promissit, præstat. Huic enim nulla est causa ad rem promissam in posterum præstandam, nisi vna liberalitas & voluntas: porro nemo facile donare velle præsumitur. l. cum de indebito. ff. de probat. Heres autem cur satisfacere velit voluntati defuncti, magnam in primis causam habet: meritum scilicet defuncti, & honorem sibi ab illo habitum. Vnde non mirum, si heres, vt respondeat beneficiis defuncti, aliter putetur esse affectus erga eius voluntatem, ac ceteri homines, cum vltro id præstat, quod ab illo rogatur.

L. Si quis in conscribendo. pen.

Imp. Iustinianus A. Ioanni PP.

Si quis in conscribendo instrumento sese confessus fuerit non usum fore prescriptione propter cingulum militie sue, vel dignitatis, vel etiam sacerdotii prerogatiuam, licet antea dubitabatur, si oporteret eandem scripturam tenere: & eum, qui hoc pactus est non debere aduersus suam conventionem venire: vel licentiam ei prestare, discedere quidem ab scriptura, suo autem iure uti. Sancimus nemini licere aduersus pacta sua venire, & contrahentes decipere. Si enim & ipso pratoris edicto pacta conuenta, quæ neque contra leges, neque dolo malo inita sunt, omnimodo obseruanda sunt: quare & in hac causâ pacta non valeant: cum alia sit regula iuris antiqui, omnes licentiam habere, his, quæ pro se introducta sunt, renuntiare: omnes itaque iudices nostri hoc in litibus obseruent: & huiusmodi observatio & ad pedaneos iudices & ad compromissa: ius, & arbitros electos perueniat: scituri, quod, si neglexerint, etiam licem suam facere intelligantur. Dat. Kal. Septemb. Constantinop. post consulatum Lampadii & Orestis. VV. CC. 531.

S V M M A R I A.

- 1 Licere unicuique iis quæ pro se introducta sunt, pacto renuntiare, perpetuum: valetque etiam in beneficiis iuris quantumvis magna de causa constitutis.
- 2 Præterquam si pactio sit contra ius, aut bonos mores: cuiusmodi multa, & ea quanam sint.
- 3 Pactionem ne a communionem discedatur, item ne precarium ante certum tempus reddatur, utramque inutilem: & quare, cum sint de re priuata.
- 4 Prescriptioni fori renuntiare utiliter, dum ne id agatur, vt qui renuntiat, simul ad alium non futurum iudicem vocetur. hanc enim pactionem posteriorem esse inutilem. l. si conuerterit. ff. de iurisd. & cur.

REGULA † est iuris antiqui, licere unicuique renuntiare his, quæ pro se introducta sunt, vt hic Iustinianus testatur, vsurpaturque a Iuliano in l. si iudex. ff. de mino. cui finitima est illa, licere unicuique paciscendo iuris sui persecutionem, aut spem futura perceptionis deteriorem constituere. l. pactum. ff. eo. Extra quam, dixerit fortasse aliquis, si quid nominatim alicui iure publico concessum sit honoris ergo, vt fori præscriptio militibus, magistratibus, ministris ecclesiæ: propter prerogatiuam militiæ, dignitatis: quasi hoc sit eius generis, vt eo tanquam beneficio iuris, & eo quidem magna de causa his, quos dicimus, tributo, perpetuo illi uti possint: quamvis forte pacti sint se eo non vsuros. Id non ita est. ac ne quis in posterum ea de re dubitaret, sustulit eam dubitationem hoc loco Iustinianus. simul his exemplis perfecit, vt intelligeremus superioris regulæ nullam plane esse exceptionem. Multa quidem hoc loco colliguntur ab Accursio exempla contra regulam: in quibus cum quid alicuius c. uisa constituitur, certe agatur utilitas cuiusque priuata, non alterius cuiusquam: tamen non licere pacisci tradatur, & si pactum sit, nihil nocere pactionem. quæ Accursius, & Bartolus, reliquique deinceps interpretes non aliter conciliari posse cum regulâ putauerunt, nisi nouis distinctionibus in hunc locum inuectis rem expedirent. quibus de generalitate regulæ multum, & citra auctoritatem vllam veterum iuris auctorum detraxerunt. Sed non fuit hic tantopere laborandum.

Hoc † enim, licere unicuique contemnere ea, quæ pro se introducta sunt, generaliter quidem definitum est: sed ita, vt ea, quæ specialiter de pactis sunt excepta semper hic quoque excipi oporteat. In toto enim iure generi per speciem derogatur. l. in toto. ff. de reg. iur. Iam vero nominatim edicto, & constitutionibus exceptum est, ne ea pacta seruanda sint, quæ contra leges sunt, aut bonos mores. Atqui si illi satis attendissent, ita reperissent, quæ tam varia ab ipsis citantur, exempla eorum pactorum esse, quæ aut non essent de re nostro nomine introducta, cuiusmodi pacta huc non pertinebant: aut si essent de re nostra, ideo improbarentur, quia contra leges, aut contra bonos mores fierent. Transactio de alimentis, quamvis re priuata, non valet: scilicet quia lex vetat transigi. l. cum hi ff. de transact. Idem de prædiis minorum iudicandum est: quorum est constitutionibus alienatio interdicta. l. i. ff. de reb. eo. et si vere dicetur hoc totum minorum causâ esse introductum. Mulier soluto matrimonio pacisci non potest dotem longiore die sibi reddi. l. de die. l. Attilianus. ff. de pact. dota. Atqui mulieris dos est. sed ita, vt eam reddi etiam intersit Reipub. in eoque quodammodo utilitas publica agatur. l. i. ff. sol. matr. Ius autem prohibet nos alterius rem, & præsertim Reip. paciscendo facere deteriorem. l. soluendo. ff. de nego. gest. Est, cum nihil contra, quam lex veter. de re ad se pertinente quis paciscatur: neque tamen pactio valeat, puta, cum maritus paciscitur in dote accipienda, vti supra quam facere potest. conueniatur. sed hoc eo fit, quia pactio huiusmodi est contra bonos mores. Est enim contra reuerentiam marito debitam. l. alia. §. i. ff. sol. matr. multa que sunt alia exempla huius generis de re nostra priuata quæ improbantur quidem; sed ideo, quia sunt lege prohibente, aut turpem causam habent: vt intercessio mulieris; vt alienatio fundi dotalis; vt ne iniuriarum, vel furci agatti,

prius quam hæc fiant. de quibus §. l. 6. His exceptis, quæ in omni pactione vel ex edicto excipi debent: quo minus ratum sit, quod quisque de iure suo remiserit, nihil erit impedimento.

De ¶ duobus tamen non immerito potest dubitari. Nam si conueniat, ne omnino diuisio fiat, huiusmodi pactum nullas vires habere, atque adeo id manifestissimum esse scriptum est in *l. in hoc iudicium. §. si conueniat. ff. com. diui.* Et in precario si conuenierit, ut qui accipit, in Calendas Iulias precario possideat, placet hoc idem, nullam vim esse huius conuentionis. *l. cum precario. ff. de prec.* At utrumque aperte est de re priuata, & quid habet turpe? Immo vero quid hic non recte remitti & concedi potest ex regulis iuris communibus? Priore pactione remittitur actio communi diuidendo, quæ ad diuisionem competeat. constat posse vnumquemque iuris sui persecutionem pacto remittere, ut liberetur aduersarius exceptione. *l. §. l. cum proponas filios. §. eo. l. pactum. ff. eo.* Posteriore autem conuentione id agitur, ut rei nostræ possessio ad aliquod tempus in aliquem transferatur. In commodato id recte fit: recte fit in locatione. cur non & in precario, cum licuerit domino etiam rem totam alteri donare? Sed & hæc ipsæ conuentiones iisdem de causis aut similibus improbantur, quibus superiores. Non valet pactio, ne diuisio omnino fiat: primum quia ne fiat, nihil interest paciscentis: potius interest a communione discedi, quod quæ communia sunt, negliguntur. *l. 2. illic, naturale quippe. §. quan. & quib. quar. pars. lib. 10.* nulla autem rata conuentio, in qua paciscentis nihil interest. *l. ex conuentione. §. eo.* Deinde quia & hoc ipsum pacisci, ut in communione maneat, est contra bonos mores. compertum est enim experientia, communionis materiam solere discordias excitare. *l. cum pater. §. dulcissimis. ff. de leg. 2.* Ut discordia omnis turpis: ita turpis omnis causa, quæ excitat discordias, quia inuitat ad delinquendum. *l. si vnus. §. pacta. ff. eo. l. illud. ff. de pact. dot.* Illa autem pactio in precario ut ad certum tempus res precario habeatur, est contra leges. Hæc enim de minimi lex est, ut qui dominus est, & libertatem domini sui retinet, is rem suam quoties velit, possit ab inuito reuocare, utpote arbiter & moderator rei suæ. *l. in re. §. mand.* Hanc libertatem domini retinet in re sua, quisquis rem dat precario. idque precarii verbum efficit, cuius hæc vis & significatio est, ut petenti vendum concedatur tamdiu, quamdiu is qui concessit, patitur, recepturus cum libuerit. *l. 1. ff. de prec.* Proinde repugnat non precario, sed legi de dominiis constitutæ, si conueniat, ne domino alioqui rei suæ ius retinenti liceat rem suam repetere, cum velit. Quinimo non magis ea pactio consistere potest natura, quam si conueniat, ut dominus, quem talem pleno iure esse placet per omnia, ne sit dominus. Qua ratione placuit pacto effici non posse, ne ei qui dominus sit, rem suam alienare liceat. *l. pen. ff. eo. l. ea lege. §. de cond. ob caus.* Et ideo Celsus in *d. l. cum precario*, superiorem conuentionem in precario sic improbat, ut dicat nullam vim esse huius conuentionis, ut rem alienam domino inuito possidere liceat: rationem nimirum eius pactionis improbandæ ad legem domini referens, cui hæc pactio aduersatur. Inuito domino sic accipe, quem placuerit plena libertate dominum manere, ut fit in precario. Alioqui in locatione, atque adeo commodato nonnunquam non potest res ante certum tem-

pura domino reuocari, quia conuentione negotiis conueniente hoc ipsum effectum est.

In ¶ specie ipsa renuntiationis, cuius exemplo vtitur hoc loco Iustinianus, fortasse laborabitur. Nam in *l. si conuenierit. ff. de iurisd.* scriptum est, nemine cogendum esse stare huiusmodi conuentioni, si conuenierit, ut alius prætor, quam cuius iurisdictio esset, ius diceret. In qua tamen conuentione is, qui ita pactus est, aperte fori præscriptioni renuntiauit. Hoc enim paciscens, ut alium sequeretur iudicem, sine dubio id pactus est, ne ad suum reuocaret. Sed nihil hic simile cum ea conuentione, qua quis paciscitur, tantum se fori præscriptione non usurum. de qua conuentione hic agitur. Et si enim negat se ad suum iudicem reuocaturum is, qui alterius iurisditionem se sequi paratum dicit: tamen hoc amplius, & quidem principaliter paciscitur, se alterius prætoris iurisditionem subiturum. quod non facit is miles, qui priuilegio suo renuntians pollicetur se ad iudices militares non reuocaturum. Neque enim horum iurisditioni renuntians, aliorum. quos iure communi iudices experiri non cogatur, iurisditioni se subiacere intelligitur. Non vteretur his iudicibus quibus ex priuilegio poterat. sed nihilominus ei relinquuntur illi, quorum esset iurisdictio, si donatus priuilegio non fuisset. In summa in proposita hypothesi miles pollicetur se ad aliquem iudicem non iturum, ad quem iure poterat reuocare. in ea, quam supra proposui, pollicetur quis se ad iudicem iturum, ad quem iure non cogebatur. Cur ergo illa pactio seruanda est, hæc non est seruanda? Si consideretur, quid utraque agatur, non poterit esse obscurum. Nempe qui promittit se ad iudicem suum non reuocaturum, id agit ut aduersarium liberet necessitate ad hunc iudicem veniendi. Qui autem promittit se ad iudicem iturum, hoc agit, ut ipse obligetur. Ita ad illam conuentionem seruandam contra militem reuocantem ad suum iudicem, exceptione tantum opus est actori, ne ad eum iudicem ire cogatur. Ad hanc posteriorem est opus actori actione; ut aduersarium ad eum iudicem, de quo conuenit, pertrahat. Certi iuris est, omnia pacta exceptionem parere: at non parere actionem. Si apertius quid volumus; vnusquisque fori præscriptioni pacto recte renuntiat, ut nihil amplius quam huic præscriptioni renuntiet. quod tunc fit, cum is qui renuntiauit, vocatur ad alium iudicem, quem iure communi iudicem habet, non quem ex pacto sequi cogatur, ut in specie hic proposita accidit. At nemo ita renuntiare potest, ut simul alii, cuius iurisditioni subiectus non est, iurisditionem pacto tribuat, ut fit in conuentione. *l. si conuenierit.* Hanc enim qui tribuere vult, simul tribuit aduersario actionem, qua coactus ad eum iudicem recte vocetur. id pacto effici non potest: quia ex pacto actio non nascitur. *vid. de l. in bona fidei n. 20*

L. De questione. ult.

Imp. Iustinianus A. Iohanni Præf. prætor.

De questione tali a Casariensi aduocatione interrogati sumus: duabus vel pluribus personis spes aliena hereditatis fuerat ex cognatione forte ad eos deuoluenda. pactaque inter eos inita sunt pro aduentura hereditate, quibus specialiter declarabatur, si ille mortuus fuerit, & hereditas ad eos perueniret, certos modos in eadem hereditate observari: vel, si forte ad quosdam ex his hereditatis commodum perueniret, certas pactiones enenire. Et dubitaba-

tur, si huiusmodi pacta seruari oporteret. Faciebat autem eis questionem: quia adhuc superstitie eo, de cuius hereditate sperabatur, huiusmodi pactio processit: & quia non sunt ita cōfēcta quasi omnimodo hereditate ad eos peruentura, sed sub duabus conditionibus composita sunt, si ille mortuus fuerit, & si ad hereditatem vocentur hi, qui huiusmodi pactionem fecerunt. Sed nobis omnes huiusmodi pactiones odiosa esse videntur, & plena tristissimi & periculosi euentus. Quare enim, quodam viuentē & ignorante, de rebus eius quidam pacificos conueniunt? Secundum veteres itaque regulas sancimus, omnimodo huiusmodi pacta, quae contra bonos mores iusta sunt, repelli, & nihil ex his pactionibus obseruari: nisi ipse forte, de cuius hereditate pactum est, voluntatem suam eis accommodauerit, & in ea usque ad extremum vitam suam spatium perseuerauerit. Tunc etenim sublata acerbissima suspēctio eis illo sciente & iubente huiusmodi pactiones seruare. Quod etiam anterioribus legibus & constitutiōibus non est incognitum licet a nobis clarius est introductum. Iubemus etenim neque donationes talium rerum, neque hypothecae penitus esse admittendas, neque alium quemquam contractum: cum in alienis rebus contra domini voluntatem aliquid fieri, vel pacisci, secta temporum nostro um non patiat. Dat. Kal. Nov. Constanti-nopoli, post consulatum Lampadii & Orestis VV. CC. 531.

S V M M A R I A.

- 1 Conuentionem omnem, ut quis nos sibi heredes faciat, ut bona eius ad nos perueniant ipso mortuo, sine exceptione esse inutilem, quia contra bonos mores: & quare.
- 2 Contracta fiducia emancipari, quid fuerit veteribus.
- 3 Conuentionem de futura successione viuentis & illam esse inutilem, quia aliqui de tertii alicuius hereditate, cum is decesserit, inuicem diuidenda aut communicanda inter se paciscuntur: nisi is de cuius bonis agitur, & consenserit, & in ea voluntate ad extremum permanferit.
- 4 De hereditate incerti hominis recte aliquos inter se pacisci, ut si ad quem eorum aliqua aliunde peruenierit, sit communis.
- 5 De hereditate etiam certi hominis viuentis sibi restituenda recte quem pacisci ab alio, si etiam sine pactione ad eum qui id paciscitur, iure reditura est hereditas: & quibus in causis id accadat.
- 6 L. 2. §. illud potest. ff. de her. vel act. ven. explicatur.
- 7 De mortui hereditate transigere aut pacisci inter se aliquos nihilo magis posse, quam de hereditate viuentis, si utrum is de cuius bonis agitur, uiuat necne ignoretur.
- 8 De tertii alicuius viuentis hereditate inter aliquos suo tempore diuidenda ideo pactionem esse inutilem, quia est & ipsa contra mores: & quare.
- 9 Pactionem de tertii alicuius viuentis hereditate inter aliquos diuidenda recte probari hac conditione, si tertius is consenserit, nec mutarit voluntatem, disputatio.
- 10 Successioni futura frustra etiam pacto renuntiare quāvis heredem futurum iure pactionem prohibente: & id fusius demonstratum.
- 11 Pactionem quare renuntiat successioni futura, quatenus improbat legibus, nec inuicem confir-mari: & cur.

OMNIS conuentio, omnisq; stipulatio de successione viuentis obtinenda nullius est momenti, ut diximus ad l. pactum, quod dotali. §. Sed conuentio non est vnus generis. Ea duplex est.

Vna est species, cum paciscimur cum eo ipso, de cuius bonis agitur, per quam id agimus, ut ille nos sibi heredes faciat: faciat, ut bona sua ad nos pertineant se mortuo: idque ipse futurum promittit. Hæc species citra controuersiam, & sine exceptione improbat legibus, tanquam bonis moribus contraria, l. ex eo. §. de inut. stipul. l. stipulatio hoc modo concepta. ff. de verbo. oblig. l. hereditas. §. de pact. con. l. pactum, quod dotali. l. licet. §. Est autem contra bonos mores, quia turpis: & turpis ideo, quia inuitat ad delinquendum: id est, insidiandum v. t. e. promissoris. Certum enim habet stipulator fore, ut promissore mortuo bonis eius potiat, si quidem stipulatio & conuentio valebit, l. de fidei commissis. §. titu. prox. neque hoc vlla in specie olim aliter obseruatum est.

Nam quod scriptum est apud Iustinianum in §. vlt. Instit. de leg. agn. successio. filiumfam. emancipari olim solitum a patre contracta fiducia: qua ex re consequeretur pater, ut legitimam filii successionem obtineret: non hanc habet significationem, quasi pater emanciparet eum ea lege, ut ipsi succederet; sed cum filius in emancipatione manciparetur alii, atque ita traderetur in imaginariam quandam seruitutem: ne is in ea seruitute maneret, mancipabatur contracta fiducia, id est, ea lege, ut pater ille nouus filium acceptum remanciparet, ut ad extremum receptum verus pater manumitteret, quæ conuentio ad potestatem filii pertinet, non ad hereditatem eius obtinendam.

Altera species est, qua paciscimur non cum eo, de cuius bonis agitur: sed cum extraneo ita, ut si Lucii Titii hereditas ad eum peruenierit, eam nobis restituat, aut nobiscum communicet: aut contra si qua ad nos peruenierit, nos illi restituamus, aut cum illo communicemus. De hac specie est hæc Iustiniani constitutio, ut ex principio apparet. De qua sic Iustinianus statuit, non esse ne hanc quidem pactionem de viuentis successione seruandam: quia & ipsa sit contra bonos mores. sed hoc excipit, quod non sit in priore illa specie: nisi is, de cuius hereditate agitur, & consenserit, & in eadem voluntate usque ad vltimum vitam spatium perseuerauerit. In quo tria complectitur, quæ nobis examinanda sunt. Primum supra scriptam conuentionem non valere. cui parti multi videntur esse loci contrarii in quibus cum proponatur eadem species conuentionis: tamen statuitur valere pactionem. Atque in his quidem occurrant conuentionis huius duo genera. Vnum, quo paciscimur indefinite de hereditate obuentura: hoc modo, ut si qua hereditas ad te peruenierit, mihi sit communis, nullius scilicet certi hominis designata hereditate. quo in genere non dubitatur, quin pactio valeat in l. 3. §. de illo. ff. pro socio. Alterum genus est, in quo etiam de certi hominis viuentis hereditate idem inter nos paciscimur. attamen nihilo secius pactionem valere placet. Etenim qui ad impuberis arrogati hereditatem vocantur, hi ita recte stipulantur ab arrogatore, quidquid ex hereditate impuberis huius ad arrogatorem peruenierit, sibi restitui, l. non aliter. ff. de adopt. Similiterque valet stipulatio, cum a venditore, qui seruum, quem vendiderat, manumiserit, stipulatur emptor, quidquid ex successione liberti ad venditorem peruenierit, l. si quis seruum. ff. de actio. emt.

Sed pro certo infinite de incerti hominis hereditate pacisci licet eo modo, quo supra diximus, ut recte Accursio, & Bartolo videtur. Neque hæc constitutio aduersatur. Pertinet enim ad eam pactionem, in qua

certi hominis, designatur hereditas. quod apparet ex iis verbis, quæ sunt in initio, *si ille fuisset mortuus*. Itē ex illis, *quare enim quodam viuentē de rebus eius quidam paciscuntur?* Et ratio differentię est in promptu. Licet enim quærere de his, qui de certi hominis hereditate paciscuntur; cur hi de huius hereditate paciscuntur, nisi iam de huius morte aliquid moliti sunt, vnde & de eius hereditate iam spem aliquam conceperunt? Idque est, quod Iustinianus in hac constitutione quærit. At nihil istius licet suspicari aduersus quempiam; vbi nemo homo aperte designatur, de cuius morte, & hereditate paciscentes cogitent.

5 Quod t̄ autem & de certi hominis extranei hereditate pactionem inter nos interpositam valere legimus: in iis causis, quas retuli, & si quæ sunt similes, locum habet. Ne ad eas quidem hæc constitutio pertinet. Quod vt planius intelligatur, sciendum est, hæc constitutione tum improbari pactionem de viuentis hereditate, cum hi paciscuntur, quibus sine pactione illa hereditas non deberetur ab eo, cum quo conuentio de hereditate communicanda interponitur. Tuoc enim & de his licet quærere, quod quærit Iustinianus; cur hi de hereditate, quæ scilicet ad eos redire non debet, paciscentes conueniunt? Adde, quod isto modo de alieno iure isti paciscuntur, nō de suo: At si quis paciscatur eam hereditatem sibi restitui, quæ & sine pactione ipsi deberetur, recte paciscitur, eaque pactio seruanda est. paciscitur enim de iure suo, non alieno. & cum eius inter sit hereditatem ipsi reddi, quæ ei debeatur, stultum est de eo quærere, cur de ea paciscatur. denique nemo dicit hereditatem eam promitti contra bonos mores, quæ iam per se iure debeatur. Iam vero in duabus causis, quæ supra a me propositæ sunt, is qui paciscitur de hereditate sibi restituenda, paciscitur de ea, quæ & remota cautione illi præstanda fuerit. Heredibus enim impuberis arrogati hereditas impuberis debetur, etiam citra stipulationem; *l. his verbis in fin. ff. de adopt.* Et emtori, cui seruus venditus non traditur, omnia actione ex emto præstanda sunt, quæ emtor habiturus esset, si seruus esset illi traditus. consequeretur autem eius serui hereditatem, si eum acceptum, & suum factum manumississet. Quid mirum igitur, si quod citra pactionem illi deberetur, etiam interposita pactione illi iure debeatur? Ceterum in ea pactione, quæ est de re, quæ nulla ex causa nobis debeat restitui, omnis ei inutilis pactio. Hæcque ipsa est, quam hæc constitutio improbat.

6 Hic t̄ occurritur ex *l. 2. §. illud potest. ff. de hered. vel actio. vend.* Quia enim illic scribitur, substitutum impuberis recte vendere hereditatem impuberis, & maxime, si ea iam delata sit: ex quo intelligitur valere eam venditionem, seu iam impuberis hereditas delata sit, seu non sit: inde colligi putant, etiam viuentis impuberis hereditatem recte vendi. Quod vitiose colligitur. Potest enim impuberis hereditas vendi, etiam quæ non sit delata: vt puta, si vendatur pendente conditione, sub qua heres substitutus est impuberis: sed ita dem sit hereditas. quod ita fit, si impubes sit mortuus: nam viuentis nulla est hereditas, *l. i. ff. de hered. vel actio. vend.* Quare manebit hæc sententia constitutionis; si quidem paciscamur inter nos de hereditate certi hominis viuentis, quæ hereditas eiusmodi non sit, vt iure certo ad nos redire debeat: atq; ita paciscamur, vt cū illa obtigerit, eam alteri restituat, aut cōmunicet cum eo: huiusmodi omnem pactionē sine exceptione hac constitutione improbari.

Notandum t̄ quod de viuentis hereditate hic constitutum est, idem placere, etsi de mortui hereditate transigatur, agaturue, qui vtrum viuat, an mortuus sit, ignoretur, *l. nec nos praterit. j. de postl. reuerf.* Adiecit Iustinianus rationem.

Quia t̄ sit genus hoc totum cōtra bonos mores: illic, *Secundum igitur*. quæ ratio videtur animaduertenda esse non minus. Age enim, quæ hic sit pactio, cōsiderem? nempe hæc est; quæ hereditas tibi ab illo obuenierit, eam mecum communicabis. At quid hac pactione tibi, aut mihi acquirit? Nam is, de cuius bonis agitur, te heredem instituet, si volent inuitus non cogitur, ita fit, vt neq; tibi hæc pactio quidquā amplius afferat, quam ante, neq; etiam mihi. Quod si ita est, nulla res est, quæ suadeat eius vitæ insidiari, ex cuius morte nihil commodi ostenditur. proinde etiam non est pactio superior contra bonos mores, *d. l. de fideicomisso. j. ii. seq.* Et dicendum est, si ego nullam antea spem conceperim fore, vt ea hereditas redeat ad eum, cum quo pactus sum: ex ea pactione nihil mihi esse posse commodi: eoq; eam pactionem non inuitare quemquam ad delinquendum. Sed si quam spem iam ante conceperim de eo, quasi hereditas ad eum, cum quo paciscor, redeat: non dubium est, quin si certum sit, me aliquam partem ex ea esse laturum, ego si me amē vt homines solent, optaturus sim, vt is, de cuius bonis agitur, quamprimum moriatur, quo celerius eius bonis potiar: quod inuitamētum est ad illius vitæ insidandum. Hanc vero spem concepisse me, cū ita paciscor, credibile est. Cur enim ita paciscor, inq; Iustinianus? quasi diceret: non temere est, neq; hoc fit a quoquam, nisi quia ea pactione iam nunc velit sibi consultum.

Ad t̄ extremū obseruetur, quid Iustinianus hic excipiat. nempe superiorem pactionē ita vult non valere, nisi is, de cuius bonis agitur, consentiat & in ea voluntate ad extremum vsque vitæ spatium perseueret. Quæ exceptio prima fronte videri potest valde reprehendenda, duabus de causis. Vna, quod si, cum paciscor, vt si hereditas Lucii Titii ad te peruenerit, eam mecum communices, ea pactio ignorante eo, de cuius bonis agitur, non valet, quasi sit contra bonos mores, & ei, cuius de re agitur, perniciofa: multo minus valere debeat accedente eius consensu: ob eam dē illam causam videlicet, quia hoc consensu spes paciscentium confirmetur, & periculum consentienti augetur. Nam quo plus sperabunt paciscentes, eo magis audebunt aduersus eum, ex cuius morte sperant aliquid. Altera est, quod qui ipse pacisci de re aliqua non potest, is aliis de ea re paciscentibus consentire non potest. *l. si fundus. §. i. ff. de pig. l. si minor. ff. de verb. obl.* De quibus hæc habeo quæ respondeam. Primum falsum est confirmari hoc consensu spem paciscentium: cum hic consensus non magis obliget cōsentientē, vt paciscentes heredes instituat, quam ante fuit obligatus. Periculum autem, quod dicebamus consentienti augeri, non modo illi non augetur, sed etiam maxime minuitur. quæ causa fuit exceptionis. Etenim si is, de cuius bonis agitur, sibi quid metuat a paciscentibus, licet ei euitare testando se illis iam amplius non consentire. quod facere is non potest, qui ignorat pactionem de suis bonis esse interpositam. Quod autem dicitur eum qui ipse pacisci nō potest, nō posse aliis de ea re paciscentibus cōsentire: ad hanc speciem non pertinet. in qua is, de cuius bonis agitur, assentitur ei, qui promittit illius hereditatem sub conditione, si ea ad promittentē venerit. sub qua cōditione quiuis hereditatem

rem suam alteri impune promittat. At enim hereditatem suam quiuis alteri promittat frustra, si promittat absolute: & alii eam absolute promittenti frustra, consenserit. Ita est: sed neutrum horum in proposito factum est.

10 Hactenus† constitutio, in qua cum ea tantum pactio improbetur, quæ est de viuentis successione obtinenda, & quidem ideo, quia sit contra bonos mores: non temere alicui pactio contraria confirmari videatur, qui successioni futuræ renuntiat heres futurus. vel hoc nomine, quod si illa sit contra bonos mores, quia propter spem commodi inuitet ad delinquendū: hæc posterior contraria de causā non sit contra bonos mores, quia hanc ipsā spem lucri adimat. Quod ne quis existimet deceptus dissimilitudine rerum, & huius constitutionis ratione: monendi sumus & hanc ipsam pactiōem posteriorem legibus improbatam esse, *l. pactū. j. de col. l. ult. ff. de suis & legi.* Quæ iam res nobis præbebit quædā occasionem, cur & hæc, quæ sit non dico in tantā dissimili causā, sed etiam plane contraria, nihilo magis quam prior, admittatur. Quod si ab hoc loco alienum forte esset querere: tamen cum de vi pactiōis in hac specie agatur (quæ propria est huius tituli quæstio) non fuit hoc titulus prætermittendum. Nullus autē opportunior de eo tractandi locus, quam ut, in quo de vna specie pactiōis, quæ est de viuentis hereditate, tractatur, in eo & de altera specie per occasionem differatur. Vigigitur ad rem redeam, cum dos filia ita datur, ne quid aliud ex hereditate patris speret, neue quem habeat ad bona paterna regressum, *d. l. pactū. j. de collat.* & generaliter cum paciscitur quis, ne quid vnquam vindicet de hereditate eius, qui nunc viuit: non est quidem ea pactio contra bonos mores: sed est contra leges. & ob id pariter inutilis, ut superior. Parumq; retulerit, utrum filius sit, qui paciscatur, an extraneus: de hereditate legitima agatur, an de testamentaria. Aut enim hic agitur, ne sim tibi heres, quamuis sim tibi proximus cognatus ab intestato, vel a te sim testamento institutus: aut cum sim heres, hoc agitur, ne possi n partem meam a reliquis heredibus vindicare: aut ut me illam possidente, eam illi mihi possit auferre. Primum quidem certe nulla pactiōe effici potest. Efficiatur enim hoc prius, ne sim tibi cognatus proximus ab intestato, aut ne sim abs te iure institutus. tum deinde hoc sequetur, ne possim tibi esse heres. Quod si abs te ero institutus, aut tibi intestato ero cognatus proximus: ut primum ostendero me heredē esse velle, us me heredem facit, *§. item extraneus. jnst. de hered. qual. & dis.* quod cum faciat, quominus sim iure heres, nulla pactiō efficiet. non tam ideo, quia iuri repugnet, quam quod natura non patiat, ut quod factum est, infectum fiat. Sed fiet fortassis pactiōe, ne sim tibi cognatus, aut ne sim a te institutus, cum sim reuera. Vtrumq; multo minus: quia priore pactiōe ius naturæ mutetur, *l. ius aut. ff. eo.* posteriori etiam natura aduersetur ob eam causam, quam paulo ante dixi. Sed fingamus testamentum a te esse factum, quo sum exheredatus, aut præteritus ita, ut si pactio nulla esset, possem de testamento tuo tanquā inofficioso queri. Num si pactus sim, ne de inofficioso agā, aut ne iudicia tua inquietem, valebit pactiō, nihilque obstat: nullo modo, non magis quam superiores. Hoc quidem de filio diserte cautum est constitutione Iustiniani, *l. si quando. §. i. C. de inoff. test.* Sed ut non sit hæc constitutio, aut cum sit, ne forte in hac exemplum consistere existimetur: ius ita constitutum est,

ne filii, & ii omnes, quibus lex relinqui iubet, aut quos iubet exheredari, remoueātur ab hereditate, nisi meritis de causis, *l. ult. ff. de bonis dam. Nouell. 115. ut cum de ap. cog. §. ad hac aliud capitulum.* contra quod ius fieri palam est, si ego paciscar, ut etiam sine iusta causā ab hereditate remouear; ac, pinde frustra paciscor. Sane si filius tantum acceperit a patre, quantū ei sufficit ad quartam naturā debitam, ea lege ne iudicia patris inquietaret, excluditur a querela inofficiosi, *l. si non moris. ff. de inoff. test.* Item & eum filium emancipatū, qui a patre tantundem acceperit, quantum supra dixi, & eadem lege, placet si iudicia patris inquietet, exceptio fidei doli repelli, *l. i. §. si parens. ff. si a paren. quis manu. fuer.* Sed neutrobi excluditur filius propter pactiōem: sed quia quartam portionem debitam acceperit. Ius autem ita est, ut quarta querelam excludat, etiam citra ullam pactiōem, *l. Papinianus. §. si quis mortis. ff. de inoff. test.* Ita sit, ut ad hoc, ne sim tibi heres, omnis pactio, ut est cōtra ius, ita sit & inutilis. Restat, ut hoc putemus effici posse pactiōe, ut cum constabit me heredem esse, tamen aut non liceat mihi hereditatem vindicare a reliquis heredibus tuis, aut aduersus eos retinere possessionem. Quorum vtrumque æque iure inutile. Nam priore pacto hoc agitur, ut heredibus tuis exceptionem acquiras vltra, quam sunt heredes. posteriore, ut in quo non sunt heredes, acquiras actionem. quorum neutrum licet, *l. continuus. §. ult. ff. de verb. obl. l. annus. ff. de eo.* Scilicet, quia regulæ iuris verant non extraneis quidquā acquirere, *l. i. j. per quas pers. nobis acq.* Plane ergo, & in omnem euentum ea pactio, qua hereditati viuentis renuntiamus, nullius momenti est: quia vbique sit contra vim, & auctoritatem legum.

Quod† si verum est, frustra ad eam confirmandam iusiurandum accedet: ut de omnibus constitutum est, quæ iure non fiunt, *l. non dubium. §. de legibus. l. iuris gentium. §. si paciscar. ff. eo. l. si inquilinos. §. ult. ff. de leg. i.* Iusiurandum enim res sacra est illa quidem: sed qua ad impugnandas bonas leges abuti non debemus. Quid, quod iusiurandum pactiōis superioris confirmanda: causā adhibetur? Pactio autem nulla: certe iure perinde habetur, quasi nulla esset, *d. l. non dubium. §. de legib.* Nullum igitur iusiurandum. Quæ enim potest esse res, quæ confirmet, ubi nulla est, quæ confirmetur? Et quamuis concederemus, eum qui iurauit, non recte facere, si contra iusiurandum veniat: tamen ea res nihil patrocinaretur aduersariis. Non enim poterunt iurantis partem vindicare, nisi habuerint actionem: nec aduersus vindicantem retinere, nisi habuerint exceptionem iure comparatam. quorū neutrum illis potuisse a defuncto acquiri supra ostendimus. Hoc eo disputo, quia omnes concedunt non esse obligatorium contra bonos mores iusiurandum, *cap. non est obligatorium. de reg. iur. in 6.* Sed non idem admittunt, si qua pactio sit tantum contra auctoritatem legis, modo de re priuata. qualis est ea, qua renuntia-tur hereditati viuentis, aduersus quam sententiā putauit hic obiter nos esse confirmandos.

Compendium in titulos ff. & C. de Pactis.

S V M M A R I A.

- 1 Pactum quid.
- 2 Pactum & consensum interuenisse quibus rebus arguatur.
- 3 Pactum cum vna persona, aut in vna re, aut ad certum tempus factum ad alias personas, alias res, aut aliud tempus non perimere.

- 4 *Pactionem generalem ad eas species de quibus actum non est, non pertinere.*
 5 *Pacta quaedam in rem esse, quaedam in personam. diuisio quem ad usum referri debeat.*
 6 *Pacti vis cum ad exceptionem tum ad actionem.*
 7 *Pactum dolo malo factum quodnam.*
 8 *Pactum quod contra leges, & ex legibus.*
 9 *Pactum quo iuri alieno detrahatur, per omnia contra ius esse, & huius pacti species.*
Pactum maioris partis creditorum hereditariorum, quando aliis, & quibus noceat.
 12 *Quorum pactio, quibus & quando profit ad exceptionem*
 13 *Quibus de rebus quamuis priuatis pactio contra ius, eoq; inutilis.*
 14 *Pactum quod contra bonos mores.*

SED iam quaestionem hanc totam de pactis in pauca conferamus: vnde cum de quauis pactione controuersia inciderit, quid quaesito & obseruato sit opus facile & sine vlllo errore sumere liceat. Cum de pacto inter aliquos agitur, prima hic, vt in aliis rebus quaestio est, *an sit pactum*. Nam si non est, frustra quid valeat, & an seruandum sit, quaeritur. Hanc quaestio definitione verbi perspecta explicabitur. Quibus enim in causis definitio rei inerit, iisdem & rem, id est, pactum inesse necesse est.

- 1 *Pactum ¶ est; duorum, pluriumue in idem placitū atque consensus. l. 1. ff. de pact. l. 3. ff. de pollic. Quapropter inter quos hic consensus est de re, inter eos & pactum esse intelligitur.*
 2 *Iam ¶ vero consentire nos non tantum verbis & oratione nostra, aut nutu, & aliis indiciis voluntatis ostendere possumus: sed etiam re aliqua, & facto. quod toties accidit, quoties id quod facimus, tale est, vt nisi prius illud placeret, quod voluisse dicimur, hoc quod proponitur factum, non faceremus. cuius generis cōplura exempla collegimus ad d. l. 2. §. de pact. Id si ita est conficitur non minus ibi pactum esse intelligi, cum quid nobis placeret, tacite eiusmodi re aliqua significauimus, quā cum idē verbis, & aperte declarauimus. Quomodo enim consentias, vt consensus sit, ad rem nihil interest. Merito igitur vbicumque verbis nuncupatae conuentiones nos tenent, ibi & quae tacitae erunt, nos tenebunt, l. 2. 3. 4. ff. eo. Sed, vt si cōsensus est, pactum est: ita in omni pactione quatenus sit consensus, diligenter animaduertendum est. Necesse est enim, quo consensus non peruenit, illic ex eadem definitione pactum non esse.*

- 3 *Hac ¶ cautio & ad personas eorum, quibuscum paciscimur, ne petamus, & ad res de quibus paciscimur, & ad tempus, quo quid paciscimur, generaliter pertinet. Sic enim fit, vt neque pactum cum vna persona, aut in re vna factum, aut in alia persona, aut alia re nocere possit, l. si vnus. §. ante omnia. ff. eo. neq; cui certa quantitas, quo ad viueret, is, qui praestaturus erat, pacta est, hic produci ad perpetuam praestationem id pactū queat postulare, l. epistola §. vlt. ff. eo. scilicet, quia extra personam, rem, & tempus pacto comprehensum nec consensus, eoque nec pactum intelligitur.*

- 4 *Quint ¶ etiam ob eandem causam, quamuis verbis generalis erit conuentio, ne cum aliquo agatur: tamen in his rebus pactio nō nocebit, de quibus actum aut cogitatum, id est, consensus non fuerit, l. tres fratres. l. emptor §. Lucius ff. eod. Adeo in hac re solum consensus spectamus.*

Huc ¶ illa diuisio pactorum referri debet, quod quaedam in rem esse dicuntur, quaedam in personam. *l. iuris §. pactorum. ff. eo.* Eo enim instituitur hac diuisio, vt norimus, quae pacta de re ipsa tota fiant, quisquis eam debeat: quae contra ad personam tantum eius, cum quo agitur, referantur. scilicet, quia quae huius generis sunt, personam non debeant excedere vel propter consensum.

Cum ¶ constabit aliquid pactum esse: tum deinde de vi quaerendum est. Id ex edicto praetoris statuatur, Pacta conuenta praetor seruaturum se pollicetur. Et si quidem eo pertinet pactum, nequid ab aliquo petatur, conuenit pactum omne ad exceptionem prodesset, quandocumque sit interpositum, id est, siue in cōtinenti & in re agenda, siue postea & ex interuallo, *l. iuris gentium. §. sed cum nulla §. quinimmo. ff. eo. l. in bona §. eo.* Quod si quid cui pacto promissum erat, iam hic non continuo ex pacto licet agere. Quinimmo ita generaliter definitur, ex pacto actionem nō nasci. quod quomodo efficiatur, cum praeter edicti verborū sententiam definiri videatur initio huius tituli a me demonstratum est. Id tamē sic accipitur, si nihil nisi conuentio sit ad dandum, aut faciendum, & vt dicitur, si pactum nudum sit. Ceterum si causa subit praeter conuentionem, constat illic tamquam ex negotio ciuili gesto nasci ciuilem praescriptis verbis actionem. quod quale sit, abunde a nobis supra dictum est *ad l. legem §. eo. vide l. iuris gentium. §. 1. & §. sed cum nulla ff. eo.* Est tamen vbi pactum ipsum actionem former. Id etiam cuiusmodi sit, expolui *ad l. bona §. eo.* Sed in omnibus quaecumque vel ad actionem, vel ad exceptionem seruat praetor exceptio edicto est adiuncta; si neque dolo malo, neque contra leges, neque contra bonos mores facta sint.

Dolo ¶ malo pactum quid esse definiemus, cum quis quid ideo pactus est, q̄ causam, cur pacisceretur putaret esse: vt autem putaret, machinatione, & impulsu aduersarii, aut malitiosa dissimulatione factum est, cum ille paciscentem errare sciret, & pateretur. Exempla habes *in l. tres fratres. ff. eo. l. cum posteaquam §. eo vbi diximus.*

Contra ¶ legem est id pactum, in quo fieri paciscimur, quod lex vetat: vide *l. pacta, qua §. eo.* Prope autē ex legibus esse omnia recte dixerimus, quibus quisq; de re priuata & ad ius suum pertinente paciscitur: siue quam det, siue quam pacto remittat. In vniuersum enim iuris sui persecutionem aut spem futurae perceptionis licet vt meliorem, ita & deteriore constitutere, *l. pactum. ff. eo. l. si quis in conscribendo. §. eo.* Contra autem his exceptis, quae turpitudinem adiunctam habent, & contra bonos mores fiunt, illa fere sola sunt, quae leges improbant, quibus homines de re, quae sui iuris non sit, aut quae sit aliena, paciscuntur. Et haec quidem improbantur legibus omnia, non tantum si pacto quid detrahatur alteri: sed etiam si id agatur paciscendo, vt quid alteri acquiras, cuius iuri non sis subiectus.

Illat ¶ quidem, quibus alteri quid detrahatur, semper: quia omnino iure naturae non liceat alterius conditionem facere deteriore, *l. soluendo. ff. neg. gest.* hinc illa de iure publico: non esse seruanda ea pacta quae ad publicam laesionem pertinent, *l. iuris gentium §. si paciscar. ff. de pact.* & ius publicum pactis priuatorum mutari non posse, *l. ius publicum. ff. eo.* & illa de iure priuatorum: neque filium, neque seruum paciscendo quidquam detrahare patris dominiue obligationi

tionem. *l. seruus. l. filius. j. eo. ne curatorem quidem ad-*
olefcenti, aut tutorem pupillo nocere, si quod certo
deberi potuerit, pacto remittant. l. pactum curatoris
§. eo. item, debitorum pactionibus creditorum peti-
tionem nec tolli nec mutari posse, l. debitorum. l. pa-
ctum successorum. l. 2. §. eo. Sed hæc ideo, quia huius
 generis pacta ad ius suum alteri detrahendum com-
 parata sunt. quod & naturæ iure, & præceptis iuris ci-
 uilis facere prohibemur. *l. iustitia. de iust. & iur.*

10 Est tamen plane, quod in vna specie in persona credito-
 rum hereditariorum non sine magna causâ hic exci-
 piatur. quod a me prætermisum *ad l. debitorum. §. cū*
præcipue ad eum locum pertineat. hinc assumi pote-
rit, si quis vult, quod eo transferatur. Nam cum he-
res, qui vocatur ad hereditatem debitoris, æs alienū
metuens ita se instituit, vt nolit hereditatē adire ali-
ter, quam si a creditoribus sibi cauerit eos certa parte
debiti contentos fore: placuit, si maior pars credito-
rum omnium nomine de eo paciscatur, dum ceteri
aut absint, aut præsentēs dissentiant: placuit, inquam
idque ita constitutum est, hanc pactionem non tantū
nocere paciscentibus, sed etiam iis, qui pacti nō sunt,
qui modo hypothecas non habeant. l. 7. §. ult. in fi. l. re-
scriptum. ff. de pact. Quod quidem summa, & euidenti
 æquitatis ratione constitutum est, & ita, vt verbis qui-
 dem contra ius, quod superius posuimus, fieri videri
 possit: re vera ex sententia & ratione eius iuris maxi-
 me constitui intelligatur. Nam cum paciscentium in-
 terest hanc pactionem seruari: heredis quidem, cui
 de hereditate hoc modo consulitur, creditorum au-
 tem paciscentium, qui eo modo aliquid consequū-
 tur: tum vero non minus id ad vtilitatem ceterorum
 creditorum pertinet, etiam qui pacti non sunt: ne for-
 te querantur sibi in eo iniuriam fieri, & inuitis quod
 suum est, contra ius adimi. Hac enim pactione asse-
 quantur & ipsi vt partem aliquam debiti saluam ha-
 beant, quibus abique ea pactione fortasse futurum
 erat, vt totum amitterent, aut certe de eo in dubium
 venirent: quia hereditate non adita, neminem habe-
 rent, quem possent conuenire. Est autē longe æquif-
 simum omnibus, præsertim qui sibi vigilarint, consuli,
 quo ad eius sine cuiusquā alterius damno & iniuria
 facere liceat. quanto æquius id ita seruari; si etiam hoc
 commodum cum aliorum commodo coniunctum
 erit. Sed in eo, vt dixi, hæ sunt cautiones. Primum om-
 nes creditores in vnum conuenire oportet, si fieri
 potest, & cōmuni consensu declarare, quota parte de-
 biti contenti sint. qui si præsentēs dissentient, prætor
 sequetur maioris partis volūtatē, *d. l. 7. in fin.* Quod
 si quidam aberunt: prius quidem euocandi sunt per
 prætorem, vt sciatur, num veniant, & quid ad consen-
 tiendum aut dissentiendum afferant. Sed si quæsitū
 aut non reperiantur, aut non veniant, multo magis
 exemplum præsentium absentes sequi debeat. *d. l. re-*
scriptum. in prin. Præsentium, inquam: sed vbique
 hæc lege, si maior pars creditorum de eo constituerit.
 Vnde quæsitum, & quos creditores hic accipi conue-
 niat, & maiorem partem vnde æstimemus, vtrum ex
 cumulo debiti, an ex numero personarum, de quo in
l. creditores. l. creditorū. l. vt si cui. ff. de ver. sig. l. maiorem
& l. si plures. ff. de pact. Sane aliorum conuentio his
 creditoribus non nocet, qui hypothecas iure consti-
 tutas habent, *d. l. re scriptum.* quod & ipsum recte ex-
 ceptum est. Est enim iniquissimum propter aliorum
 pactionem, & hereditatem ab herede aditam iis quid-
 quam de iure tuo detrahi, qui & nulla pactione inter-

posita, & omnino hereditate non adita, nihil de suo
 iure amissuri fuerint. Siue quis enim heres existat, si-
 ue nō existat, semper creditores hypothecarii hypo-
 thecas suas habent, quas vel possidentes iure suo di-
 strahant, vel amissas a quouis possessore persequan-
 tur, & auferant hypothecaria actione. Propterea igitur his
 aliorum pactione adimitur quid, aut adicitur, ita pla-
 cet eam illis aut non nocere, aut nocere. hic quia con-
 tra ius non est nocere: illic contra. At non minus &
 illud contra ius est, pacisci & contrahere alteri, vt illi
 actio, aut exceptio acquiratur. Itaque hic quoque pa-
 ctio de re priuata nullius est momenti.

Nō tamen posse nos cuiquam ita pacisci, vt illi quæra-
 tur actio, diserte scriptum est in *l. quacumque gerimus. ff. de ob. & act.* An etiam paciscendo alteri exceptio-
 nem acquirere non possimus, plusculum habet diffi-
 cultatis: cum si illa cuiquam per nos acquiratur, non
 acquiratur, nisi debitori: ad quem liberandum proni-
 ores esse debemus, vt est in *l. Arrianus. ff. de obl. & act.*

Sed tamen regula iuris generaliter scripta est, quæ per
 liberam personam, quæ iuri nostro subiecta non est, 12
 quidquam nobis acquiri vetat, *l. i. j. per quas pers. nob.*
acq. quibus verbis etiam prohibet acquiri exceptio-
nem. De quo quæ non pauca verba sunt sub hoc titulo
in Digestis, ideo quæ summam illa habeant, paucis
indicabo. Et si quidem prius quis sibi pactus sit, nihil
vetat interdum id pactum etiam prodesse alteri. Quo
loco ita præcipitur, omnem pactionem, quæ de re pacif-
centis interposita est, etiam illis prodesse, quorum obliga-
tionem dissolutam esse, eius qui paciscébatur, interest: vt
fideiussoribus. Nam hi si conueniuntur, prope est, vt
ipse, qui pactus est, videatur conueniri, a quo illi po-
stea quod soluerint, mandati indicio exigent: vt hoc
modo non tam videatur fideiussoribus exceptio, quā
paciscenti prodesse, l. & heredi. §. ult. l. fideiussoris. in fi.
l. quod dicitur. ff. de pact. Quod si quis recta paciscatur
 alteri, id est, non vt ne a se, sed ne a debitore petatur:
 si quidem ei paciscatur, cuius in potestate sit, vt do-
 mino aut patri, his vt cetera, sic & pacti exceptio per
 illum acquireretur, si minus non acquireretur. *l. si tibi. §.*
si pactus sim. & §. ult. cū l. seqq. ff. eo. Sane vt procuratoris
 cōuentio nobis nocet, si aut mandauerimus ei, vt pa-
 cisceretur, aut omniū bonorū sit procurator: ita eius
 conuentio placet nobis prodesse. *l. re scriptum. §. vl.*
& tribus seq. ff. eo. Hactenus tamen, vt huius cōuentio
 ad doli profit, nō ad pacti exceptionem. *d. §. ult.* Quod
 ita veteres constituerunt, dū cauēt, ne quid nobis per
 eum videatur acquiri contra regulam iuris. Exceptio
 enim doli non tam ex facto procuratoris nobis na-
 scitur, quam ex dolo creditoris nostri: quem certum
 est dolo facere, si id petat, quod procuratori nostro,
 id est, pene alteri domino, & quidem nostro nomine
 remiserit. Quod si procuratoris pactio nobis nocet,
 æquum est, & eam, cum nobis paciscitur, nobis pro-
 desse. In eadem causâ habetur pactum magistri loci-
 eratum, item tutorum & curatorum, *litem. & seq. ff.*
eo. His exceptis pactum in alterius personā collatum,
 ne ab ea petatur, ne ad doli quidem exceptionē pro-
 derit. quod adeo verum est, vt ne heredi quidem po-
 stea facto profit, *d. l. si tibi. §. si pactus sim.* Quippe ab in-
 itio inutile pactum fuit, ideo ex post facto confirma-
 ri non potest, iuxta regulam iuris. *d. §. si pactus. l. quod*
initio. ff. de R. iur. Quod tamen de herede sic accipien-
 dum est, nisi ab initio nominatim heredi, aut tamen
 heredi quis pactus fuerit. heredi enim consuli cōces-
 sum est. Ac videtur quis alicui tanquam heredi pactus

esse, cum ille, cui paciscitur, non potuit id, de quo cautum est, debere aliter, quam si paciscendi heres esset. exemplum habes in *laenus. ff. de pact.* Plane si reus ipse pactus sit, ne a fideiussore petatur, etiam fideiussori exceptio dabitur. Illi enim dando, ipsi reo potius videtur consuli: cum fideiussore liberato haecenus & reus mandati obligatione a fideiussore liberetur, *l. si unus. §. si cum reo. ff. eo.* Sunt ergo, ut dixi, omnia pacta contra leges, quae sunt de re alienata: ac proinde iulius momenti, siue is id agatur, ut suum alteri adimas: siue illud, ut quid illi acquiras, ubi eius iuri subiectus non sis: contraque secundum leges fere omnia, quae sunt de re priuata nostra, & familiari. Sed & in hoc genere quaedam excipiuntur.

- 13 Sunt enim priuata quaedam iura, quae natura & facto aliquo semel constituta perpetua sunt, nec vilo modo finiuntur. Haec contra ius sit pacto finiri, quae ius velit esse perpetua. Tale est ius sanguinis. Inde dictum, ius agnationis non posse pacto repudiari non magis, quam ut dicat filius, qui suus sit, se nolle suum esse, *l. ius autem. ff. de pact.* Sunt, quae constituta finiuntur tantum certis modis, inter quos si pactum non sit, frustra id agitur, ut pacto finiantur: quia contra ius. Huius generis est ingenuitas, libertas, seruitus & similia. Vnde recte placet non posse pacto effici, ut ne sit liber, vel ingenuus, qui liber, aut ingenuus est, aut ut seruus ne sit seruus, *l. ingenui. C. de ing. ma.* Ex eodem genere est dominium, & (quod idem est) ius de re statuendi, ut velis. Hoc ius pacto nec finitur, nec adimitur cuiquam, *arg. l. obligationum. fere. §. 1. ff. de obl. & act. l. nemo. ff. de leg. 1.* Proinde nec eius iuris vlla partes. Non mirum igitur, si illud a Pomponio dictum sit, neminem paciscendo efficere posse, ne sibi locum suum dedicare liceat, aut ne sibi in suo sepelire mortuum liceat, aut ne vicino inuito praedium alienet, *l. penult. ff. eo.* Nam haec eius iuris partes sunt, quod diximus. Quid ergo, si in traditione rei nostrae haec lex dicta sit a nobis, ne ab eo qui accipit, alienetur; Nam hac conuentione tum interposita non tam ius alienandi adimi domino videtur, quam ab initio non dari. Et placet ne hanc quidem conuentionem facere, quominus nouo domino rem suam alienare liceat, *lea lege. C. de cond. ob. caus. dat.* Non iniuria. Cum enim in re danda placeat, ut qui accipit, efficiatur dominus rei, si hoc adiicitur, ne ei liceat rem suam alienare, perire de est, quasi hoc conuenerit, ut qui dominus est non sit dominus, quae pactio ut contra ius & naturam ipsam, non minus improbanda est. Sunt etiam quaedam res, quas quamuis priuatas, lex vetet alienari: qualis est fundus dotalis. Ideo de hoc pacisci, ut rata sit alienatio, non licet, *tit. Inst. Quib. a. lic. vel non. l. non dubium. C. de legi.* Iam vero & inter priuata ea, quae pacto remitti possunt, ea conditione habentur ex constitutionibus alimenta testamento relicta, ut si quis de his velit transigere, non aliter transactio rata sit, quam si facta sit auctore praetore iuxta formam praescriptam in *l. cum hi. ff. de transactio. de quo & cautum est in l. de alimentis. j. prox. tit. ul.* Postremo & personis ipsis interdum lex interdicit rerum suarum administrationem, ut pupillis & prodigis. Hi si quid pacto remittant, contra ius faciant; eoque eiusmodi pacta rata non habentur. ceterum eos paciscendo sibi acquirere nihil vetat, *l. contra. ff. de pact. l. obligari. ff. de aucto. tut. l. is cui bonis. ff. de verb. oblig.* Atque haec fere summa est eorum pactorum, quae habentur contra leges, & regulas iuris.

Cōtra t̄ bonos mores quē sint pacta, diximus satis ad *l. pacta, quae contra. §. eo. l. a vis pactōrū intellecta est.*

AD TITVLVM DE TRANS-ACTIONIBVS C.

Occasio huius tituli & summa, ac primum quid sit transigere, quid transactio.

S V M M A R I A.

- 1 Coniunctio horum titulorum de pactis, & de transactionibus, & cur separatim agatur de transactionibus post communem transactionem de pactis.
- 2 Transigendi significatio communis, & unde verbum ductum.
- 3 Transigere specialiter dictum in hoc argumento; cur proprie ad hanc significationem translatum: & quid sit, quid item transactio.
- 4 Transactionis proprium, litem finire.
- 5 Transactionem nullam esse sine lite aut presente, aut formidata.
- 6 Transactionem nullam, nisi de re dubia & lite incerta, & quae rem dubiam faciant.
- 7 Transactionem consensu constare: quo distinguitur a iudicata & iureiurando.
- 8 Transactionem nullam nisi cum is qui litem remittit, vicissim quid accipit, aut retinet.
- 9 Decidere pro transigere, quid, & cur ita dictum.
- 10 Decisio litis interdū dicta litis abscessio, & amputatio.
- 11 Pactio atq; cōuentio genus: transactio species pactiois.
- 12 *L. 1. ff. de transact. explicata.*

POST QVAM t̄ praetor pollicitus est se pacta cōuentata seruaturum, consequens fuit, ut transactiones bona fide interpositas seruaret. Nam & haec constant, & valēt consensu, *l. non minorem. j. eod.* Sed in his proprium aliquid, quod partim dissideat a reliquis pactioibus, partim etiam videatur dissidere. Eo separatim de his ius constituitur, quod sub hoc titulo in Digestis, & Codice proponitur. Sed de eo paulo post, si prius quod ad omnem hanc quaestionem pertinet, quid sit transigere, quid transactio, dixerō.

Et t̄ transigendi, ut est origo & compositio verbi, prima haec, & generalis significatio est, ut sit transigere idem, quod negotium conficere, expedire, finire: facere, ut nullū amplius sit negotiū. Cic. pro Quinct. Quaro, qua ratione N. uis susceptum negotium non transegerit. Loquitur de Neuiō, qui bona Quincti i. lex edicto coeperat possidere, querit, cur negotium hoc susceptum non perfecit, id est, cur bona non vendiderit. Idem pro Roscio Com. Non fuit causa, cur tantum laborem sumeres, aut cur ad me venires: per nuntium, hoc quod erat tam leue, transigere potuisti. Significatio hinc nata, quod in omni negotio gerēdo est aliquis finis, & quasi meta nobis proposita, ad quam euntes dicimur rem eo agere, id est, ducere. Vnde agere vitam, pro viuere: pro quo & traducere vitam. Cum autem ad eā metam peruenimus, dicimur negotium peregisse. cū excessimus, tūm dicimur transegisse, ut sit (quod verbi compositio indicat, verbum enim factum est a trans & agendo) negotium trans metam labori propositam egisse: id autem est, confecisse. Et ideo cum intelligi volumus aliquos inter se negotium finiuisse, siue gratis actor litem remisit, siue pretio, recte dicimus eos negotium inter se transigisse. quomodo loquitur Vlpianus in *l. 1. §. 1. ff. de pact.*

Sed t̄ quoniam proprie is rem transagere intelligitur, qui labore & opera adhibita id facit, non is qui sine

sine labore: in lite autem sua sponte & gratis remittenda nullus est remittentis, aut accipientis labor: contra ut aliquid accipiamus ab aduersario, & licet ei remittamus, non fit sepe sine magno labore & contentione: eo factum est usu loquendi, ut verbum commune quod erat, proprium factum sit eius conuentionis, qua litem ita finimus, ut pro eo vicissim aliquid accipiamus. quomodo transigendi, & transactionis verbum accipitur, siue dicamus transigere de re aliqua, siue tantum transigere, ut hic. Nec imputatur significatio, nisi cum verbum adiunctum, & materia proposita significationem discernit. Ex hoc sensu definimus hoc loco transigere, ut sit litem dubiam, quæ vel sit, vel in futurum meretur, consensu finire hac lege, ut is, cuius de ea re petitio esse potuit, eam omnem litem remittens vicissim quid eo nomine accipiat. Transactio inde dicta aut ea est litem compositio, & diremptio, quæ fit supra dicta lege aut conuentione, per quam supra dicta lege a lite disceditur. Ergo si de natura transactionis distincte & explicate dicendum est, quinq; sunt res, quibus positæ, erit transactio: vna aliqua detracta non erit, quas breuiter complectitur superior definitio.

Primum ¶ volumus esse finire, quod ipsa vis verbi per se satis ostendit, & proprium esse transactionis docetur his rescriptis, *l. causas. l. interpositas. l. transactione finita. j. eod.*

Volumus ¶ autem esse finire litem, *l. i. ff. eo. ut intelligamus de negotio quouis transigi non posse, si certum esse cæperit nullam esse posse de eo litem.* Hinc illa: post rem iudicatam frustra transigi *l. si causa. j. eo.* Item de iis controuersis, quæ ex testamento nascuntur, transigi non posse, nisi inspectis & cognitis verbis testamenti, *l. de his. ff. eo. de quibus dicam ad l. si ex causa j. eod.* Hoc loco meminisse oportebit, non sic exigere nos litem, ut oporteat esse motam. Satis est, si esse poterit, & reus ob id dederit aliquid, quia lis, metuebatur. *l. 2. j. eod.*

Iam ¶ vero & litem remitti volumus dubiam, *d. l. i. ff. eo. idcirco, quia si res certa remittitur, donatio est, quæ multum distat a transactione, d. l. i. litem dubiam hæc faciunt: præsentem quidem, aduersarii contradicatio, & incertus euentus litis. l. vlt. j. quib. ad lib. pro. non lic. futuram autem aut hæc ipsa contractio, metu sue contradictionis aut incertitudo conditionis, ex qua actio futura pender. Ideo cum fideicommissarius cui quid sub conditione relictum est, pendente conditione spem fideicommissi remittit aliquo præsentem accepto, non pacisci dicitur, sed transigere, *l. de fideicommissis. j. eo. l. cum proponas inter. s. prox. tit.**

Sed ¶ tria hæc adhuc communia. Nam & rebus iudicatis finiuntur lites, & iure iurando, *l. i. ff. de re iud. l. i. ff. de iur.* Proinde quartum exigimus, nempe ut finiatur lis consensu. Hinc consensu terminata pro transactionis interpositas. j. hinc placitum transactionis in *l. transactionis placitum. j.* Hoc verbo separatur transactio a re iudicata, & iure iurando. Iudicium enim redditur iniunctum, *l. inter. s. i. ff. de verb. obl. & iusiurandum ab iniuncto exigitur, si quidem is, cui delatum est iusiurandum, aut iurare cogitur, aut iusiurandum refutet, l. delata. j. de reb. cred. l. manifesta. ff. de iur.* Consensu lis finitur dupliciter: pacto, aut acceptilatione. vnde totidē modis transigi dicitur in *l. 2. ff. de eo.* Quæ de re paulo post plura. Sed ne hæc quidem adhuc satis ad transactionem, potest enim consensu lis finiri, ut non sit transactio: ut si quis liti dubiæ renuntiet, *l. postquam s. prox. iunl.*

Adde ¶ igitur quintum, ut lis finiatur certa lege,

certaue conditione, quod expressum est in *l. controuersia. ff. eo. l. si maiores. j.* Conditionem & legem hanc esse volumus, ut qui litem remittit, eo nomine quid accipiat, siue iam nunc ei detur, siue promittatur, *l. transactio. 38. j.* Ex quo intelligitur transactionem non esse, nisi tunc, cum actor ita litem remittit, ut neque is totum, quod petit, auferat, neque rursum totum amittat: sed de summa, quæ petitur, deciditur aliquid, & quasi decerpitur quod detur actori, ut quod superest, apud reum elinquatur.

Hinc ¶ factum est, ut Latinis præsertim autem iuris nostri auctoribus verbum decidere usurpatum sit pro transigere. quod quidem verbum in hac significatione apud Ciceronem est frequentissimum. Is pro Quinctio, *Assem sese negat daturum, inquit, nisi prius de rebus rationibusq; societatis omnibus decidisset, & sisset sibi cum eo controuersie nihil futurum.* de pro Roscio Comedo: *Dic Flamium cum Fannio de Panurgo decidisse, qui nihil transigit.* Et pro Roscio Amer. *Sic hanc ei rem priuatim Sexi Roscius mandauisset, ut cum Chrysogono transigeret, atq; decideret.* Hoc sensu eadem verbum non semel Paulus vius est, ut in *l. 3. ff. ad l. Falc. l. eius. ff. de rei vind.* Ex quo est litis decisio pro transactione: ut in *l. transactionis. 8. l. sub prætextu instrumenti. l. si quidem. j.* ut sit decisio, compositio quæ fit de lite, quæ compositio nihil aliud est, quam transactio.

Potest ¶ tamē decisio litis in superscriptis locis proprie sic accipi, ut significet litis abiectionem, & velut amputationem. Nam & litem decidere transactione dicunt Imperatores, ac non tantum decidere de lite, *l. cum proponas. 17. l. nec intentio. 24. j.* quasi dicas, *abscindere, & amputare litem transactione.* Questum est, quid transactio distet a pacto? cui quæstioni & de finitio superior, & quidam in speciem repugnantes loci causam dedere. Intelligitur enim satis ex superscripta de finitione, eum qui transigit, pacisci, & transactionem esse pactionem. Rursum hæc tamquam contraria distinguere videtur, in *l. i. ff. eo.* Ita enim illic scriptum est. *Qui transigit, quasi de re dubia transigit: qui paciscitur donationis causa, rem certam & indubitatam liberalitate remittit.* Huc accedit, quod toties hæc duo coniunguntur eodē loco, pactio, & transactio: transigere, vel pacisci, *l. i. l. transigere. j.* in quibus coniunctis non possumus pactionem interpretari, nisi pactionem, per quam res certa remittitur: ut transactionem, per quam remittitur res incerta.

De ¶ hac re sic habendum est. Si transigere est, finire litem consensu: consequens est, transigere esse consentire de lite finienda. proinde qui transigit, paciscitur haud dubie, & transactio ipsa pactio est: præsertim cum actor litem remittat: quod nihil aliud est, nisi pacisci se amplius non acturum: reus autē aut aliquid promittat, in quo promittendo ut consentit, ita paciscitur: aut si quid dat ipse, hoc paciscatur, ne repetat. Confirmat hoc Vlpianus non obscure in *l. s. conuentionis. ff. de pact.* cum conuentionis verbum generale facit. huius duas species: vnam, qua negotii contrahendi alteram, qua transigendi negotii causa aliqui inter se consentiunt. Ita transactionem facit speciem conuentionis. Semper autem genus de specie dicitur. Idem Vlpianus in *l. qui cū tutoribus. s. qui per. ff. eod.* disserte dicit eum, qui transigit, pacisci: Et Scævola in *l. 3. ff. eo.* scribit, *transactione nostra alterius ius non ledi, idq; ex eo colligit, quod pactionibus priuatorum ius ceterorum ledi non possit.* quod non recte colligeret, nisi prius hæc posuisset transactionem esse pactionem.

12 Non \dagger aduersatur huic sententiæ distinctio illa Vlpiani, quæ legitur in *l. 1. ff. eod.* Etenim si ita scribit Vlpianus: *Qui vero paciscitur donationis causa, eum rem certam liberalitate remittere*, ut illa verba, *donationis causa*, iungantur cum verbo *paciscitur*, non cum verbo *remittit*, res est expedita. Distinguit scilicet non quemlibet paciscentem a transigente: sed eum dumtaxat qui paciscitur donationis causa. Hoc ita est: *quisquis transigit, non paciscitur donationis causa: & qui paciscitur donationis causa, non transigit.* Hoc vero modo locas interpungendus est, ut dixi: non ut vulgo ita, quasi diceret Vlpianus, *qui paciscitur, eum remittere rem certam donationis causa liberalitate*. alioqui alterum ex his erit superfluum. Quid est enim *donationis causa*, nisi liberalitate: quid *liberalitate*, nisi donationis causa? Et hoc recte obseruauit, & docuit Franciscus Duarenus *ad l. 1. §. 1. ff. de pact.* Quod autem hæc duo coniunguntur interdum, *pactio, & transactio; pacisci, & transigere*, non nego id cum sit, utrumque pro diuersis, & adeo contrariis accipi. sed hoc fit usitato more, quo verbum commune, quale est *pactio*, & *pacisci*, pro specie poni solet. quod tum fieri intelligitur, cum nomen generis alicui speciei opponitur: ut declaratur verbo *adoptionis*, cum opponitur arrogationi, *l. 1. ff. de adop. verbo cognatorum*, cum opponitur cognatis, *l. iurisconsultus. §. 1. ff. de grad. & aff.*

Quæ sit vis transactionis, & quæ hic prope omnia cum ceteris pactis similia, cum ad defensionem rei, tum ad actionem.

S V M M A R I A.

- 1 Transactiones seruandas iuxta conditiones edicti de pactis.
- 2 Ex transactione reo qua liberatio, & defensio.
- 3 Ex transactione actori quando, & qua actio, ut præstetur id de quo conuenit.

Q U O D cum constet, transactionem pactiorem esse, & valere ex consensu, deinceps quam vim habeat transactio, & quid de ea iuste dubitetur, quam ob causam necesse fuerit de ea separatim ab aliis conventionibus ius constitui, ut erat institutum, videamus. In quo a me eadem opera & transactionis natura, & horum titulorum summa breuiter exponetur. Et quod de vi transactionis semel & in vniuersum dicendum sit, similia fere hic omnia, vel potius eadem, quæ in ceteris conventionibus.

1 Etenim \dagger si hoc quaeritur, *an valeat transactio*, seruari eam generaliter, & eadem conditione reperimus. Sic enim traditur, transactiones rescindi non posse, *l. sine apud. 28. §.* Si quid excipitur, hoc excipitur, dum ne dolo malo aduersarii expressæ sint, *l. sub prætextu. 19. §. eo.* non metu extortæ, *l. interpositas. 13. eod.* Itaque sic res concipitur alibi, transactiones bona fide interpositas rescindi non posse, *l. causas. ib.* At hæc omnium conventionum lex est communis, posita edicto superiore. Si hoc quaeritur, cum valeat transactio, quomodo seruetur legibus: iam hic profecto nihil plane interest inter transactionem, & conventiones ceteras. Nam aut reo transactionem seruari volumus agente iterum petitore de eadem re, aut seruari petitori repugnante, & obnitente reo.

2 Reo \dagger tueri non possumus aliter, quam ut aut eum ipso iure liberatum dicamus, itaque cum eo nihil agi posse: aut cum fatebimur teneri eum ipso iure, ei aduersus intentionem, pacti exceptionem demus. Si qui-

dem ita transactum est, ut petitor, quod petebat, acceptum ferret, vis hæc est acceptilationis, ut reus ipso iure liberetur: idque in omnibus causis valet, *l. 2. l. ut responsum. 15. §. eo. §. item per. Instit. quib. mod. tol. ob.* Sin pactum tantum conuentum interuenit, non hic alia vis pacti, quam in ceteris causis. nempe non pacto actio iure civili tollitur: sed pro communi pactorum lege reo pacti exceptio dabitur, *l. cum proponas. 17. l. si quidem. 24. l. si maior. 36. §. eo.* quia opposita tamen re ipsa reus idem allequetur, *l. nihil interest. ff. de regu. iur.* Quo referri potest, quod Vlpianus scribit in *l. 2. ff. eod.* transactum accipi debere, non solum si Aquiliana stipulatio fuerit subiecta, sed et si pactum fuerit secutum. Tutius tamen ipso iure liberatur reus, ne qua iure ciuili supersit actio, quam manente eadem actione per exceptionem defenditur, quæ nisi opponatur, agenti nihil nocet, ut diximus *ad l. creditori. §. de pact.* Eo consultum est in hac specie, ut is, qui cum agitur, curet se per acceptilationem liberari, quo genere cum eę tantum tollantur obligationes, quæ verbis sunt contractæ, idcirco si quæ alia petitio erit, quam ex verborum obligatione, interponetur prius Aquiliana stipulatio, in quam præcedentes actiones transferantur: sic deinde ipsa perimetur per acceptilationem. Quæ ratio pluribus demonstrata est a Iustiniāno in *§. item per. Instit. quib. mod. tol. ob.* Atque hæc causa est, cur tam crebra fiat sub his titulis Aquilianæ stipulationis, & acceptilationis transigendi causa interpositæ mentio, ut *l. 4. l. §. 1. §. ff. eo. l. 3. l. 4. l. ut responsum. 15. l. vbi. 40. §. eo.* Optimum est etiam, ut Paulus docet in *l. pacto. ff. eo.* pacto conuento, aut Aquilianæ stipulationi præaliam stipulationem adicere, ut metu pœnæ contra transactionem quandoque non veniatur. Rescisso namque pacto poterit pœna ex stipulatu peti. Exceptio etiam simul obstabit, si pœna sit promissa. hoc adiecto, ut ratum etiam maneret pactum, *l. pen. ff. eo. l. cum proponas. 17. §. eo.* Pœna simpliciter promissa altero contentus esse debet reus, aut exceptione, aut pœna, *l. legat. §. pen. ff. de cond. indeb. l. rescriptum §. 1. ff. de pac. l. vbi. §. eo.*

Hæc \dagger reo defensio ad tuendam transactionem. Quid, actori quomodo transactionem seruamus? Sic plane, ut ex edicto superiore conventiones ceteras. Accipit quid petitor, ut aliter discederet? Id reus non reperet: alioqui repetenti exceptio obstabit: quippe semper ex pacto exceptio nascitur. Nihil accepit, sed actum est, ut acciperet? videndum est, quidnam iuris esset ex ceteris causis ad agendum si quid pactum esset. Et constat, si stipulatione cautum sit, actionem ex stipulatu fore. si quid autem conuenierit tantum, ita ex pacto agi potest, si causa subsit præter conventionem. si nulla alia causa sit dandi, ex pacto actio non nascitur. Non mutatur hæc lex in transactione, sed ad vnum hic quoque obseruatur. Quare pecunia pacto tantum promissa, placet eius pecuniæ nomine actionem esse, si petitor reum ante liberauit iure. quod declaratur exemplo eius, qui remissa transactionis nomine inofficiosi querela decessit. cuius heredibus rescriptum est præscriptis verbis actionem dari, quia non possent heredes querelam instaurare, atque ita possessor hereditatis omni ea actione esset liberatus, *l. cum mota. §. eo.* Quo exemplo admonemur, siue hoc modo, siue alio reus sit liberatus ipso iure, id est, ita, ut vetus actio petitori non supersit, veluti si acceptilatio interuenierit, ex pacto agi, & pactam pecuniam peti posse. & recte. Sic enim fecit, id est, in reum liberationem contulit petitor, ut acciperet. In quo negotium ciuile geri-

geritur: & hinc præscriptis verbis actio, *liuris gentium*. §. i. ff. de pact. l. solent. ff. de præsc. verb. Multo certius idē dixerimus, si petitor fundum, quem ipsius esse conueniret, passus sit manere apud possessorem, vt aliud prædium acciperet: id est, si fundum dederit, vt aliud acciperet. quam speciem esse putamus, l. si profundo. 33. j. eo. Quod si nulla re, neque liberatione in reum collata hoc solum pactus est actor, nihil se posthac petiturum, & simul conuenit, vt reus ei aliquid daret: placet, quia pactum sit nudum, non magis ex eo agi posse, quam in ceteris causis ex pacto nudo agi posse diximus. vide l. siue apud. 28. j. eod. Adeo hic omnia cum

ad d. de ceteris conuentionibus communia, quomodo non magis
lib 12. de actio ex solo pacto cu habeat pactu speciale ne

An vnquam rescindi debeat transactio: siue, quæ faciant dubitationem, cur debeat interdum rescindi.

S V M M A R I A.

1. Errorem rei promittentis dantisue aliquid, vbi nihil debuit, aut actoris remittentis, quod vere debebatur, nihil prodesse alterutri, si aduersarii dolus absit, ad infirmendam transactionem, quo vel ille promisso non teneatur, aut datum repetere possit, vel hic possit idem petere, quod prius; Et remota, varia ambigendi causa.
2. Transactione non contineri eas res, de quibus actor non senserit. hinc defensionem solum locum esse in transactione generali: in quare recte dicitur non contineri eas species generis, de quibus actum non est, siquidem de certis instituta sit actio: alioqui contra.

Q V I D ergo opus fuit hoc titulo, quæret aliquis: cum iis, quæ de pactis diximus, res potuerit esse confecta? Duæ potissimum sunt causæ. vna quia etsi vis eadem est in vtroque genere: multæ tamen res incidunt in transactionem, quæ mouere possint dubitationem, an ei semper standum sit. aduersus, quas oportuit nos diligentius confirmari. Altera, quod pleræque transactiones excipiuntur: aliter atque fit in pactis. Ac de causis dubitationis res sic habet. De pacto, quod bona fide factum sit, nulla est ideo dubitatio, quia qui paciscitur donationis causa, nulla re cogente paciscitur, sed hoc animo est, vt siue non debeatur, siue debeat id, de quo agitur, nolit repetere.

In transactione contra metus litis & rei incertitudo transactioni causam præbet. vt hoc quidem perspicuum sit, siue reus certo sciret se non debere, nec posse conuinci, siue actor certum haberet sibi deberi, idque posset probare, neque illum quidquam datum fuisse, vbi nihil deberet, neque hunc de eo, quod certo deberetur, quidquam fuisse remissurum. Hæc res mouet dubitationem videlicet, si quædo veritas rei deregatur, possitne vel hic, quod debet, repetere, aut promissum non dare: vel ille quod remisit, de eo amplius agere. Quid enim dicet reus? Nempe actorem sic petuisse, quasi ipse, vnde petebatur, deberet: se autem ita dedisse, quod litem metueret. Nunc cum certum sit ipsum nihil debuisse, nec potuisse debere: causam esse nullam, cur pecunia sit apud petitorum: eoq; & tanquam quæ sit apud eum sine causa, eam condici posse, l. perpetuo ff. de cond. ob tur. cau. l. penult. ff. de cond. indeb. Neq; debere sibi necere, quod volens pecuniam dederit. Huic enim rei errorem causam dedisse: quicum ab aduersario sit allatus, illi potius nocere debeat. Et si quidem is esset reus, qui

fateretur se aliquando debuisse, nunc autem instrumenta post reperta afferre se diceret, quibus probaret se iam ante transactionem soluisse: posset ei dici de iis instrumentis non constare: fieri posse, vt ea ab illo fingerentur: posse etiam fieri, vt vexandi aduersarii causa mentiretur esse instrumenta, quæ sciret non esse. quamobrem in re dubia iuste videretur posse remoueri. Sed finge hoc nunc constare, petitoris alios esse debitores. hunc qui transigit, nihil plane debuisse: puta possessorem hereditatis pro herede conuentum a creditore hereditario tanquam heredem transigisse, ab hoc postea hereditatem esse euictam. num quid causæ est in re tam certa, & tam manifesto errore, cur is qui nihil debuerit, non possit repetere, quod tanquam creditori dederit? Quid actor, instrumentis postea repertis, quibus docere paratus sit sibi plane debitum fuisse, quod aduersarius negabat, nonne hoc quoq; videtur iuste esse dicturus, petere se quod illum vnde petitur, constet debere: a quo si pactus sit se non petiturum, æquum esse veniam dari vel ignorantia, vel necessitati: quia tum id fecerit, cum vel ius suum ignoraret, vel instrumentis ad eam rem deficeretur? quod vt alias sibi concedendum non sit: esse certe tunc concedendum, si agat aduersus eum, qui cum sciret se debuisse, improbe id negauerit. Iniquum enim esse quemquam vel ex aliena iniuria, vel ex suo dolo lucrum consequi, l. i. ff. de dolo. l. nam hoc natura. ff. de cond. ind. Cum sint hæc vtrique probabilis ad rescindendam transactionem causæ: vt maxime placeret eas iustas non esse, vel hoc ipsum moueri & decidi oportuit, eas esse istiusmodi, quæ mouere nos non debeant, & ratam manere nihilominus transactionem. Quod & multis rescriptis factum est. Ergo aduersus has dubitationes hæc sententiæ sunt, & positæ: causas, vel lites transactionibus legitimis finitas imperiali rescripto reuocari non oportere, l. causas. 16. item, sub prætextu instrumenti non reperti transactionem bona fide finitam rescindi contra ius esse, leg. sub prætextu. 19. Et, non maiorem esse transactionum auctoritatem, quam rerum iudicarum, l. non maiorem. 20. infra eod. Quod postremum omnia continet. Nam si rebus iudicatis standum est, siue æquum index, siue iniquum dixerit: iode intellegitur & transactionibus standum esse, siue iure liti tentata sit. siue iniuria. Denique hoc valet; post transactionem nihil amplius quæri, quam an transactum sit. Nam nec post rem indicatam quidquam amplius quæritur, l. post rem. ff. de re iud. Et profecto cur quærat, nulla causa est: quod contra videri supra diserebamus. Si constet reum nihil debuisse, dicebamus pecuniam sine causa esse apud petitorum. Non ita est. Si tanquā debitam daret, fateremur. Nunc ob causam ille dedit, ne secum ageretur: quæ & honesta est. Ea sequitur, si cum eo nihil agitur. Nec ad rem pertinet, si nulla res fuit media, propter quam lis moueretur. Abunde iusta causa est ad dandum, quod a lite disceditur, vt Paulus scribit in l. in summa. i. resp. ff. de cond. indeb. Potuit. n. lis moueri vel iniuria: & iudicii omnis exitus est incertus. Quare cum disceditur a lite, vt nihil aliud consequatur reus, liberatur certe iudicii vexatione, & periculi metu. Quod cum cadat in eum, etiam qui plane nihil debuerit, ne si postea quidem id plane appareat, quidq; repetet, qui ob causam dedit, quæ est leuita. l. nec intentio. 23. j. eod. At fieri potest, vt improbe, & per calumniam petitor litem intenderit. cū sciret nihil deberi (finge aut instrumenta confluxisse illum, aut falsis sci-

entem vsum esse) quem metum cum ipse intulerit reo, & hanc causam habuerit ad eliciendam transactionem: iniquum est ipsum ex suo dolo quidquam consequi. Sic est: & hoc etiam Paulus excipit *in d. l. in summa. 2. resp.* & recte. In totum enim transactiones non bona fide factæ, sunt inutiles, *l. fratri. 10. l. 19. sub pretextu. j. eo.* Quid? num saltem tamquam indebitum repeteret? quem postea nihil debuisse cōstitit? nullo modo, *d. l. nec intentio. 23.* Vt enim qd tanquā indebitum reperatur, non est satis eum, qui quid dedit per occasionem debiti, nihil debuisse: sed eum: qui dedit tamquam deberet, soluisse oportet. Vnde indebitum non datum, sed solutum dicimus, *toto tit. de cond. ind.* At qui pecuniam dat nomine transactionis, non tamquam ex precedente causa debeatur, dat, sed ob causam, quæ in futurum est, nempe, ne secum agatur. Hæc cum, vt dixi, & honesta sit, & sequatur, nihil amplius querendum est, *l. i. ff. de cond. caus. dat.* Sed litem saltem exigimus. Quid ergo, si is, cui nulla controuersia mouebatur de hereditate, transegerit vltro de ea cum sorore ita, vt illa accepta pecunia omnem litem de ea remitteret, quod metueret frater, ne quando illa ageret: nonne iusta erit causa pecuniæ condicendæ quod dicitur ob litem remittendam, quæ nulla erat, pecuniam datam fuisse? Placet non esse, satisque esse causæ ad transactionem, si is, qui transigit, litem metuit, *l. 2. j. eo.* Quippe nihil interest ad aliquem securum reddendum, vtrum litem, quæ nunc sit, an eam, quæ metuatur, remittas. Hæc autem securitas transactione queritur. Quod ad petitorum attinet, nihil habet is, cui contra, quam ipse pactus est, agat amplius, nec pactum valere patitur, quam prætor seruaturum se pollicetur. At probabit reum debere, quod ille antea negabat. Debuisse probare poterit. Nunc constat eum non debere, posteaquam quod debebatur, illi remisit. Sed enim remisit inopia probationum coactus. Nulla vero hæc necessitas est: cum potuerit aut non agere, aut litem amittere. Et vt forte quis hanc necessitatem esse existimet, certe eam ipse sibi induit, qui re non satis explorata egerit: a reo non profiscitur, si is neque vim adhibuit, neque machinationem. Ita de se queri debet. At iniquum est, cum sciret se debere, quod petitor probare paratus sit, ipsum quidquam ideo habere, quia malitiose id negauerit. Iniquum, nisi hoc esset turpius & iniquius, ipsum petitorum contra pactum suum facere, quam sine vi & dolo aduersarii interposuerit, *l. non minorem. 20. j. iniquum, nisi hoc esset contra utilitatem publicam, fenestram aperiri litibus: quarum nullus erit finis, si cœperit a transactionibus bona fide interpositis facile recedi, l. fratri. 10. j.* Cito enim fingentur causæ ad rescindendam transactionem per speciem instrumentorum postea reperiuntur. Plane si subtraxerit reus petitori instrumenta litis, quo facto eo adduxerit petitorum, vt aut transigere necesse haberet, aut litem perdere: manifestus hic dolus est rei transactionem hac ratione extorquentis. Hunc in omni re exceptum volumus. de quo vide *ad l. sub pretextu. 19. j. eod.* Quare his remotis hoc constabit, cum transactio bona fide erit interposita, nullam esse causam, propter quam ab ea discedatur.

² Vna igitur erit petitori iterum agendi aduersus transactionis exceptionem defensio, si dicat se de ea re, de qua agit, quamuis verbis transactionis contineatur, non sensisse. Sed defensio est eiusmodi, in qua non de iure transactionis, sed quibus de rebus transactum sit,

queratur. Quæ questio non huius loci est, in quo qualis sit transactio seu quid valeat, queritur: sed illic, in quo queritur, an sit. Qui etsi natura præcedit: tamen quia res ad rescindendam quoque transactionem, quæ verbis ob stare videatur pertinet: nihil impedit, quo minus hoc loco breuiter attingatur. Ergo, vt dixi, actor hac defensione vti potest. Etenim si non consensit, non transigit: constat enim transactio consensu, ac sine eo nulla est. Vnde tractatum est, quando vti possit ea defensione. Et quidem hoc constat eum non posse vti, cum res clare comprehensæ sunt transactione, de quibus nunc agere nititur. Nam quod dicat se de iis non cogitasse, de quibus non motus est solutus, sed quas transactione ipse appellauit. Ibi hoc causari probabiliter solum potest cum generalis est transactio, vt diceret se in totum nihil amplius petiturum, aut nihil amplius petiturum de re, de qua actum est, cum de re vniuersim multas res continente ageretur: puta hereditate aut tutela. Nam etsi aut omnes petitiones, aut petitiones omnium rerum generaliter verbis est complexus: fieri tamen potest, vt quædam res eum lateerint, aut si sciuerit, cogitationem certe ad eas non retulerit: quia de iis nullalis esset. De iis si nunc agat ob hanc ipsam causam, quasi de iis non senserit, queritur, an sit audiendus. quod non dubitaretur, nisi verba transactionis has quod querens continerent, cum quibus ipsa sententia pugnare nunc videatur. Res est duobus rescriptis expedita sub hoc titulo, *l. sub pretextu specierum. 2. q. 1. si de certa. 31.* Ex quibus colligitur, quod videatur, in vniuersum recte præcipi: cum de transactione generali queritur, quid ea contineatur de sententia transigentium, spectandum esse, qua de re prius ageretur. Nam cum de eo ipso transigatur, necesse est transactionem ad id referri, vt pariter & ad omnes eas res, quæ petitione continebantur, referatur transactio, & rursus his solis contineatur, nec latius pateat. Ergo hæc illis rescriptis distinctio est, vt si de re certa actum sit, non de omni re, quæ deberetur, transactio autem generaliter sit ita interposita, paciscor nihil me amplius petiturum: de iis rebus, de quibus non est actum, nihil noceat transactio: quamuis enim non addatur, hoc nomine: ex eo tamen, quod agitur transactione, placet esse intelligendum. hoc, *in d. l. si de certa.* Quod si transactio ita generalis sit, vt sit etiam de eo, quod item generaliter petebatur: veluti de hereditate petita, de tutelæ ratione, quæ exigebatur: nihil videbitur exceptum transactione de iis rebus, quæcumque ad hereditatem pertinent, aut rationem tutelæ. Nam & hic sensus erat petitoris vindicantis hereditatem, vt si hereditas iuberetur restitui, omnes res consequeretur ea petitione, quæ essent hereditariæ, etiam si non dico aliqua non occurrerent, sed etiam si, quæ plane essent, nesciret. quod efficitur, *d. l. sub pretextu specierum. j. eo.* quorum locorum sententiam & rationem, cum ad eos venerimus pluribus exsequemur. Nunc vel hæc ipsa probant, cum de re aliqua, & lite transactum erit, in quibus quidem rebus transactum esse constabit, ratam esse transactionem, & quod modo diximus, nullo pretexto rescindi posse non magis, quam potest res iudicata.

Quæ transactiones præter communem rationem aliorum pactorum non valeant?

S V M M A R I A.

- Transactionem heres nō admittunt:
- Natura
 - Res iudicata, & quare. n. 1. 2.
 - Legatum nondum inspectis & cognitis verbis testamenti, & cur. n. 1. & 3.
 - Iure
 - Alimenta testamento relicta & quatenus. 4.
 - Crimen capitale & quatenus.

5 Transactionem ex falsis instrumentis interpositam iure improbari.

OMNIA igitur hactenus, ut propositum est, in transactione ceteris conventionibus de vi & potestate pactonis similia. Nonnihil tamen dissimile: quod iam subiiciemus. Nam cum de omni re liceat pacisci, & omnis omnino rata sit pactio, quæ de re priuata sine fraude est interposita: est in utroque, quod de transactione excipitur. Nam neq; res omnes admittunt transactionem: & cum res transactionem patitur, interuenit interdum causa, propter quā transactio improbetur. Non admittunt res transactionem, aliæ natura sua, nonnullæ lege, quia lex de his transigi vetet.

1 Natura transactio non recipiunt transactionem duarum res iudicata, quæ nullo remedio attentari queat: & quod testamento relicta est, si nondum inspecta sint & cognita verba testamenti. De utraque re transigi non posse, siue nullam transactionem esse claris locis nominatim traditum est. De re iudicata in l. eleganter. §. si post. ff. de cond. indeb. l. si causa. 32. hoc tit. de re legata in l. de iis ff. eod. Nos utrumque sic accipimus, non ut ius prohibeat, sed ut quæcumque pactio interposita sit de iis animo transigendi, ea nec natura possit valere. quorum de utroque etiam mihi plura dicere constitutum est, de priore quidem ad l. si causa. 31. de altero autem ad l. sub preterito. 19. §. eod. tamen quoniam hoc ponimus naturam rei id fieri, placet hoc loco breuiter huius rei rationem in utroque adungere.

Post transactam nulla est transactio. Cur? non sane quia si actor, cum sciret rem secundum se iudicatam, actionem iudicati remittere velit, non possit parte debiti contentus: sed quia, si id facit sciens, donat: si ignorans, tamen lis nulla est: quorum utrumque transactionem excludit. Eadem illius alterius ratio est.

3 De iis controuersis, quæ ex testamento proficiuntur, transigaliter non potest, quam inspectis cognitisque verbis testamenti, inquit Caius in d. l. de iis. ff. eo. An rursus, quia non possit remittere legatarius, quod sibi testamento legatum est, cum aliquid ab herede eo nomine acceperit, idque cum fecerit, ratum non sit aliter, quam si verba testamenti inspecta sint? Minime. Cur enim parte debiti contentus esse non potuit re adhuc incerta, qui totum remittere potuit? Sed hoc ita est: si sciens prudens totum ita remisit, ut quamuis plus esset, quam accepit in presentia, constitueret nihil amplius petere; quod amplius est, donat. Si ideo accipit, quia heres non plus legatum esse dicit; reliquum heredi non remittit: quia quod accipit, accipit solutionis causa, quasi deberetur, l. si quid. 24. §. eo. Non transigit autem, qui a lite non discedit. Natura igitur rerum hæc transactio excluditur, non prohibetur iure.

4 Iure autem de his transigere non licet: de alimentis ad eum modum, qui expositus est ad l. de alimentis. 7. §. eo. item de crimine capitali pro ea distinctione, quæ tradita est in l. transigere. 18. §. eo. de cuius rescripti sententia ibi dicendum est.

min her ingi et ideo ngt persona cu domi no 3d ex persona domini habet auct. 2d p. r. u. d. t. u. d. omi noualet o a larit pacu pro d. t. l. g. r. i. p. t. u. s. u. l. d. p. a. c. 2d qd pro d. t. u. q. u. i. d. e. t. n. o. c. e. r. e. p. u. t. n. o. l. 4d ex t. o. l. n. a. l. i. t. e. u. l. l. i. b. e. t. a. l. t. r. i. m. e. l. i. t. a. r. e. c. o. d. i. t. i. o. n. e. f. u. d. e. r. e. g. o. p. a. c. i. f. i. c. i. t. a. l. l. u. t. o. l. i. b. e. t. c. a. 12. t. r. a. n. s. i. g. e. r. e. d. e. c. i. d. e. n. t. i. a. d. i. c. t. u. m. c. i. u. i. l. i. t. a. t. u. m. 1. d. e. 2. d. e. 3. d. e. 4. d. e. 5. d. e. 6. d. e. 7. d. e. 8. d. e. 9. d. e. 10. d. e. 11. d. e. 12. d. e. 13. d. e. 14. d. e. 15. d. e. 16. d. e. 17. d. e. 18. d. e. 19. d. e. 20. d. e. 21. d. e. 22. d. e. 23. d. e. 24. d. e. 25. d. e. 26. d. e. 27. d. e. 28. d. e. 29. d. e. 30. d. e. 31. d. e. 32. d. e. 33. d. e. 34. d. e. 35. d. e. 36. d. e. 37. d. e. 38. d. e. 39. d. e. 40. d. e. 41. d. e. 42. d. e. 43. d. e. 44. d. e. 45. d. e. 46. d. e. 47. d. e. 48. d. e. 49. d. e. 50. d. e. 51. d. e. 52. d. e. 53. d. e. 54. d. e. 55. d. e. 56. d. e. 57. d. e. 58. d. e. 59. d. e. 60. d. e. 61. d. e. 62. d. e. 63. d. e. 64. d. e. 65. d. e. 66. d. e. 67. d. e. 68. d. e. 69. d. e. 70. d. e. 71. d. e. 72. d. e. 73. d. e. 74. d. e. 75. d. e. 76. d. e. 77. d. e. 78. d. e. 79. d. e. 80. d. e. 81. d. e. 82. d. e. 83. d. e. 84. d. e. 85. d. e. 86. d. e. 87. d. e. 88. d. e. 89. d. e. 90. d. e. 91. d. e. 92. d. e. 93. d. e. 94. d. e. 95. d. e. 96. d. e. 97. d. e. 98. d. e. 99. d. e. 100. d. e. 101. d. e. 102. d. e. 103. d. e. 104. d. e. 105. d. e. 106. d. e. 107. d. e. 108. d. e. 109. d. e. 110. d. e. 111. d. e. 112. d. e. 113. d. e. 114. d. e. 115. d. e. 116. d. e. 117. d. e. 118. d. e. 119. d. e. 120. d. e. 121. d. e. 122. d. e. 123. d. e. 124. d. e. 125. d. e. 126. d. e. 127. d. e. 128. d. e. 129. d. e. 130. d. e. 131. d. e. 132. d. e. 133. d. e. 134. d. e. 135. d. e. 136. d. e. 137. d. e. 138. d. e. 139. d. e. 140. d. e. 141. d. e. 142. d. e. 143. d. e. 144. d. e. 145. d. e. 146. d. e. 147. d. e. 148. d. e. 149. d. e. 150. d. e. 151. d. e. 152. d. e. 153. d. e. 154. d. e. 155. d. e. 156. d. e. 157. d. e. 158. d. e. 159. d. e. 160. d. e. 161. d. e. 162. d. e. 163. d. e. 164. d. e. 165. d. e. 166. d. e. 167. d. e. 168. d. e. 169. d. e. 170. d. e. 171. d. e. 172. d. e. 173. d. e. 174. d. e. 175. d. e. 176. d. e. 177. d. e. 178. d. e. 179. d. e. 180. d. e. 181. d. e. 182. d. e. 183. d. e. 184. d. e. 185. d. e. 186. d. e. 187. d. e. 188. d. e. 189. d. e. 190. d. e. 191. d. e. 192. d. e. 193. d. e. 194. d. e. 195. d. e. 196. d. e. 197. d. e. 198. d. e. 199. d. e. 200. d. e. 201. d. e. 202. d. e. 203. d. e. 204. d. e. 205. d. e. 206. d. e. 207. d. e. 208. d. e. 209. d. e. 210. d. e. 211. d. e. 212. d. e. 213. d. e. 214. d. e. 215. d. e. 216. d. e. 217. d. e. 218. d. e. 219. d. e. 220. d. e. 221. d. e. 222. d. e. 223. d. e. 224. d. e. 225. d. e. 226. d. e. 227. d. e. 228. d. e. 229. d. e. 230. d. e. 231. d. e. 232. d. e. 233. d. e. 234. d. e. 235. d. e. 236. d. e. 237. d. e. 238. d. e. 239. d. e. 240. d. e. 241. d. e. 242. d. e. 243. d. e. 244. d. e. 245. d. e. 246. d. e. 247. d. e. 248. d. e. 249. d. e. 250. d. e. 251. d. e. 252. d. e. 253. d. e. 254. d. e. 255. d. e. 256. d. e. 257. d. e. 258. d. e. 259. d. e. 260. d. e. 261. d. e. 262. d. e. 263. d. e. 264. d. e. 265. d. e. 266. d. e. 267. d. e. 268. d. e. 269. d. e. 270. d. e. 271. d. e. 272. d. e. 273. d. e. 274. d. e. 275. d. e. 276. d. e. 277. d. e. 278. d. e. 279. d. e. 280. d. e. 281. d. e. 282. d. e. 283. d. e. 284. d. e. 285. d. e. 286. d. e. 287. d. e. 288. d. e. 289. d. e. 290. d. e. 291. d. e. 292. d. e. 293. d. e. 294. d. e. 295. d. e. 296. d. e. 297. d. e. 298. d. e. 299. d. e. 300. d. e. 301. d. e. 302. d. e. 303. d. e. 304. d. e. 305. d. e. 306. d. e. 307. d. e. 308. d. e. 309. d. e. 310. d. e. 311. d. e. 312. d. e. 313. d. e. 314. d. e. 315. d. e. 316. d. e. 317. d. e. 318. d. e. 319. d. e. 320. d. e. 321. d. e. 322. d. e. 323. d. e. 324. d. e. 325. d. e. 326. d. e. 327. d. e. 328. d. e. 329. d. e. 330. d. e. 331. d. e. 332. d. e. 333. d. e. 334. d. e. 335. d. e. 336. d. e. 337. d. e. 338. d. e. 339. d. e. 340. d. e. 341. d. e. 342. d. e. 343. d. e. 344. d. e. 345. d. e. 346. d. e. 347. d. e. 348. d. e. 349. d. e. 350. d. e. 351. d. e. 352. d. e. 353. d. e. 354. d. e. 355. d. e. 356. d. e. 357. d. e. 358. d. e. 359. d. e. 360. d. e. 361. d. e. 362. d. e. 363. d. e. 364. d. e. 365. d. e. 366. d. e. 367. d. e. 368. d. e. 369. d. e. 370. d. e. 371. d. e. 372. d. e. 373. d. e. 374. d. e. 375. d. e. 376. d. e. 377. d. e. 378. d. e. 379. d. e. 380. d. e. 381. d. e. 382. d. e. 383. d. e. 384. d. e. 385. d. e. 386. d. e. 387. d. e. 388. d. e. 389. d. e. 390. d. e. 391. d. e. 392. d. e. 393. d. e. 394. d. e. 395. d. e. 396. d. e. 397. d. e. 398. d. e. 399. d. e. 400. d. e. 401. d. e. 402. d. e. 403. d. e. 404. d. e. 405. d. e. 406. d. e. 407. d. e. 408. d. e. 409. d. e. 410. d. e. 411. d. e. 412. d. e. 413. d. e. 414. d. e. 415. d. e. 416. d. e. 417. d. e. 418. d. e. 419. d. e. 420. d. e. 421. d. e. 422. d. e. 423. d. e. 424. d. e. 425. d. e. 426. d. e. 427. d. e. 428. d. e. 429. d. e. 430. d. e. 431. d. e. 432. d. e. 433. d. e. 434. d. e. 435. d. e. 436. d. e. 437. d. e. 438. d. e. 439. d. e. 440. d. e. 441. d. e. 442. d. e. 443. d. e. 444. d. e. 445. d. e. 446. d. e. 447. d. e. 448. d. e. 449. d. e. 450. d. e. 451. d. e. 452. d. e. 453. d. e. 454. d. e. 455. d. e. 456. d. e. 457. d. e. 458. d. e. 459. d. e. 460. d. e. 461. d. e. 462. d. e. 463. d. e. 464. d. e. 465. d. e. 466. d. e. 467. d. e. 468. d. e. 469. d. e. 470. d. e. 471. d. e. 472. d. e. 473. d. e. 474. d. e. 475. d. e. 476. d. e. 477. d. e. 478. d. e. 479. d. e. 480. d. e. 481. d. e. 482. d. e. 483. d. e. 484. d. e. 485. d. e. 486. d. e. 487. d. e. 488. d. e. 489. d. e. 490. d. e. 491. d. e. 492. d. e. 493. d. e. 494. d. e. 495. d. e. 496. d. e. 497. d. e. 498. d. e. 499. d. e. 500. d. e. 501. d. e. 502. d. e. 503. d. e. 504. d. e. 505. d. e. 506. d. e. 507. d. e. 508. d. e. 509. d. e. 510. d. e. 511. d. e. 512. d. e. 513. d. e. 514. d. e. 515. d. e. 516. d. e. 517. d. e. 518. d. e. 519. d. e. 520. d. e. 521. d. e. 522. d. e. 523. d. e. 524. d. e. 525. d. e. 526. d. e. 527. d. e. 528. d. e. 529. d. e. 530. d. e. 531. d. e. 532. d. e. 533. d. e. 534. d. e. 535. d. e. 536. d. e. 537. d. e. 538. d. e. 539. d. e. 540. d. e. 541. d. e. 542. d. e. 543. d. e. 544. d. e. 545. d. e. 546. d. e. 547. d. e. 548. d. e. 549. d. e. 550. d. e. 551. d. e. 552. d. e. 553. d. e. 554. d. e. 555. d. e. 556. d. e. 557. d. e. 558. d. e. 559. d. e. 560. d. e. 561. d. e. 562. d. e. 563. d. e. 564. d. e. 565. d. e. 566. d. e. 567. d. e. 568. d. e. 569. d. e. 570. d. e. 571. d. e. 572. d. e. 573. d. e. 574. d. e. 575. d. e. 576. d. e. 577. d. e. 578. d. e. 579. d. e. 580. d. e. 581. d. e. 582. d. e. 583. d. e. 584. d. e. 585. d. e. 586. d. e. 587. d. e. 588. d. e. 589. d. e. 590. d. e. 591. d. e. 592. d. e. 593. d. e. 594. d. e. 595. d. e. 596. d. e. 597. d. e. 598. d. e. 599. d. e. 600. d. e. 601. d. e. 602. d. e. 603. d. e. 604. d. e. 605. d. e. 606. d. e. 607. d. e. 608. d. e. 609. d. e. 610. d. e. 611. d. e. 612. d. e. 613. d. e. 614. d. e. 615. d. e. 616. d. e. 617. d. e. 618. d. e. 619. d. e. 620. d. e. 621. d. e. 622. d. e. 623. d. e. 624. d. e. 625. d. e. 626. d. e. 627. d. e. 628. d. e. 629. d. e. 630. d. e. 631. d. e. 632. d. e. 633. d. e. 634. d. e. 635. d. e. 636. d. e. 637. d. e. 638. d. e. 639. d. e. 640. d. e. 641. d. e. 642. d. e. 643. d. e. 644. d. e. 645. d. e. 646. d. e. 647. d. e. 648. d. e. 649. d. e. 650. d. e. 651. d. e. 652. d. e. 653. d. e. 654. d. e. 655. d. e. 656. d. e. 657. d. e. 658. d. e. 659. d. e. 660. d. e. 661. d. e. 662. d. e. 663. d. e. 664. d. e. 665. d. e. 666. d. e. 667. d. e. 668. d. e. 669. d. e. 670. d. e. 671. d. e. 672. d. e. 673. d. e. 674. d. e. 675. d. e. 676. d. e. 677. d. e. 678. d. e. 679. d. e. 680. d. e. 681. d. e. 682. d. e. 683. d. e. 684. d. e. 685. d. e. 686. d. e. 687. d. e. 688. d. e. 689. d. e. 690. d. e. 691. d. e. 692. d. e. 693. d. e. 694. d. e. 695. d. e. 696. d. e. 697. d. e. 698. d. e. 699. d. e. 700. d. e. 701. d. e. 702. d. e. 703. d. e. 704. d. e. 705. d. e. 706. d. e. 707. d. e. 708. d. e. 709. d. e. 710. d. e. 711. d. e. 712. d. e. 713. d. e. 714. d. e. 715. d. e. 716. d. e. 717. d. e. 718. d. e. 719. d. e. 720. d. e. 721. d. e. 722. d. e. 723. d. e. 724. d. e. 725. d. e. 726. d. e. 727. d. e. 728. d. e. 729. d. e. 730. d. e. 731. d. e. 732. d. e. 733. d. e. 734. d. e. 735. d. e. 736. d. e. 737. d. e. 738. d. e. 739. d. e. 740. d. e. 741. d. e. 742. d. e. 743. d. e. 744. d. e. 745. d. e. 746. d. e. 747. d. e. 748. d. e. 749. d. e. 750. d. e. 751. d. e. 752. d. e. 753. d. e. 754. d. e. 755. d. e. 756. d. e. 757. d. e. 758. d. e. 759. d. e. 760. d. e. 761. d. e. 762. d. e. 763. d. e. 764. d. e. 765. d. e. 766. d. e. 767. d. e. 768. d. e. 769. d. e. 770. d. e. 771. d. e. 772. d. e. 773. d. e. 774. d. e. 775. d. e. 776. d. e. 777. d. e. 778. d. e. 779. d. e. 780. d. e. 781. d. e. 782. d. e. 783. d. e. 784. d. e. 785. d. e. 786. d. e. 787. d. e. 788. d. e. 789. d. e. 790. d. e. 791. d. e. 792. d. e. 793. d. e. 794. d. e. 795. d. e. 796. d. e. 797. d. e. 798. d. e. 799. d. e. 800. d. e. 801. d. e. 802. d. e. 803. d. e. 804. d. e. 805. d. e. 806. d. e. 807. d. e. 808. d. e. 809. d. e. 810. d. e. 811. d. e. 812. d. e. 813. d. e. 814. d. e. 815. d. e. 816. d. e. 817. d. e. 818. d. e. 819. d. e. 820. d. e. 821. d. e. 822. d. e. 823. d. e. 824. d. e. 825. d. e. 826. d. e. 827. d. e. 828. d. e. 829. d. e. 830. d. e. 831. d. e. 832. d. e. 833. d. e. 834. d. e. 835. d. e. 836. d. e. 837. d. e. 838. d. e. 839. d. e. 840. d. e. 841. d. e. 842. d. e. 843. d. e. 844. d. e. 845. d. e. 846. d. e. 847. d. e. 848. d. e. 849. d. e. 850. d. e. 851. d. e. 852. d. e. 853. d. e. 854. d. e. 855. d. e. 856. d. e. 857. d. e. 858. d. e. 859. d. e. 860. d. e. 861. d. e. 862. d. e. 863. d. e. 864. d. e. 865. d. e. 866. d. e. 867. d. e. 868. d. e. 869. d. e. 870. d. e. 871. d. e. 872. d. e. 873. d. e. 874. d. e. 875. d. e. 876. d. e. 877. d. e. 878. d. e. 879. d. e. 880. d. e. 881. d. e. 882. d. e. 883. d. e. 884. d. e. 885. d. e. 886. d. e. 887. d. e. 888. d. e. 889. d. e. 890. d. e. 891. d. e. 892. d. e. 893. d. e. 894. d. e. 895. d. e. 896. d. e. 897. d. e. 898. d. e. 899. d. e. 900. d. e. 901. d. e. 902. d. e. 903. d. e. 904. d. e. 905. d. e. 906. d. e. 907. d. e. 908. d. e. 909. d. e. 910. d. e. 911. d. e. 912. d. e. 913. d. e. 914. d. e. 915. d. e. 916. d. e. 917. d. e. 918. d. e. 919. d. e. 920. d. e. 921. d. e. 922. d. e. 923. d. e. 924. d. e. 925. d. e. 926. d. e. 927. d. e. 928. d. e. 929. d. e. 930. d. e. 931. d. e. 932. d. e. 933. d. e. 934. d. e. 935. d. e. 936. d. e. 937. d. e. 938. d. e. 939. d. e. 940. d. e. 941. d. e. 942. d. e. 943. d. e. 944. d. e. 945. d. e. 946. d. e. 947. d. e. 948. d. e. 949. d. e. 950. d. e. 951. d. e. 952. d. e. 953. d. e. 954. d. e. 955. d. e. 956. d. e. 957. d. e. 958. d. e. 959. d. e. 960. d. e. 961. d. e. 962. d. e. 963. d. e. 964. d. e. 965. d. e. 966. d. e. 967. d. e. 968. d. e. 969. d. e. 970. d. e. 971. d. e. 972. d. e. 973. d. e. 974. d. e. 975. d. e. 976. d. e. 977. d. e. 978. d. e. 979. d. e. 980. d. e. 981. d. e. 982. d. e. 983. d. e. 984. d. e. 985. d. e. 986. d. e. 987. d. e. 988. d. e. 989. d. e. 990. d. e. 991. d. e. 992. d. e. 993. d. e. 994. d. e. 995. d. e. 996. d. e. 997. d. e. 998. d. e. 999. d. e. 1000. d. e. 1001. d. e. 1002. d. e. 1003. d. e. 1004. d. e. 1005. d. e. 1006. d. e. 1007. d. e. 1008. d. e. 1009. d. e. 1010. d. e. 1011. d. e. 1012. d. e. 1013. d. e. 1014. d. e. 1015. d. e. 1016. d. e. 1017. d. e. 1018. d. e. 1019. d. e. 1020. d. e. 1021. d. e. 1022. d. e. 1023. d. e. 1024. d. e. 1025. d. e. 1026. d. e. 1027. d. e. 1028. d. e. 1029. d. e. 1030. d. e. 1031. d. e. 1032. d. e. 1033. d. e. 1034. d. e. 1035. d. e. 1036. d. e. 1037. d. e. 1038. d. e. 1039. d. e. 1040. d. e. 1041. d. e. 1042. d. e. 1043. d. e. 1044. d. e. 1045. d. e. 1046. d. e. 1047. d. e. 1048. d. e. 1049. d. e. 1050. d. e. 1051. d. e. 1052. d. e. 1053. d. e. 1054. d. e. 1055. d. e. 1056. d. e. 1057. d. e. 1058. d. e. 1059. d. e. 1060. d. e. 1061. d. e. 1062. d. e. 1063. d. e. 1064. d. e. 1065. d. e. 1066. d. e. 1067. d. e. 1068. d. e. 1069. d. e. 1070. d. e. 1071. d. e. 1072. d. e. 1073. d. e. 1074. d. e. 1075. d. e. 1076. d. e. 1077. d. e. 1078. d. e. 1079. d. e. 1080. d. e. 1081. d. e. 1082. d. e. 1083. d. e. 1084. d. e. 1085. d. e. 1086. d. e. 1087. d. e. 1088. d. e. 1089. d. e. 1090. d. e. 1091. d. e. 1092. d. e. 1093. d. e. 1094. d. e. 1095. d. e. 1096. d. e. 1097. d. e. 1098. d. e. 1099. d. e. 1100. d. e. 1101. d. e. 1102. d. e. 1103. d. e. 1104. d. e. 1105. d. e. 1106. d. e. 1107. d. e. 1108. d. e. 1109. d. e. 1110. d. e. 1111. d. e. 1112. d. e. 1113. d. e. 1114. d. e. 1115. d. e. 1116. d. e. 1117. d. e. 1118. d. e. 1119. d. e. 1120. d. e. 1121. d. e. 1122. d. e. 1123. d. e. 1124. d. e. 1125. d. e. 1126. d. e. 1127. d. e. 1128. d. e. 1129. d. e. 1130. d. e. 1131. d. e. 1132. d. e. 1133. d. e. 1134. d. e. 1135. d. e. 1136. d. e. 1137. d. e. 1138. d. e. 1139. d. e. 1140. d. e. 1141. d. e. 1142. d. e. 1143. d. e. 1144. d. e. 1145. d. e. 1146. d. e. 1147. d. e. 1148. d. e. 1149. d. e. 1150. d. e. 1151. d. e. 1152. d. e. 1153. d. e. 1154. d. e. 1155. d. e. 1156. d. e. 1157. d. e. 1158. d. e. 1159. d. e. 1160. d. e. 1161. d. e. 1162. d. e. 1163. d. e. 1164. d. e. 1165

Et hoc quidem in supralcripta specie nominatim respōdit Vlpianus *in l. si ex duobus ff. de tut. & rat. distr.* sed loquitur de eo, qui cum vno ex tutoribus de communi dolo transigit. quam transactionem negat prodesse alteri ideo, quia unusquisque doli sui poenam sufferat.

3 Ea tres dubium facit, an idem dicendum sit, si cum vno de eo damno, quod communi culpa contigerat, in solidum transactum sit. Ego puto, quocumque nomine de tota cura cum duobus actum & transactum sit, eam transactionem tertio non prodesse. Aut enim is, qui cum duobus egit, pactus est, ne a duobus illis tantum peteret, aut ne de tutela vel cura amplius ageret. Prius pactum personale est. quod genus constat ad alios non pertinere. *l. idem in duobus. §. i. ff. de pact.* Posterius etsi in rem est, & verbis tertium quoque complectitur: tamen tertio illi inutile est: quia curatores eius exceptionem ei querere non potuerunt, *l. & heredi. §. vlt. l. si de iussori. §. vlt. ff. de pact.* Duo cōtra dicuntur. Nam primum etsi sunt tres curatores: tamen vna est cura, vna omnium obligatio, qua iure in solidum tenentur singuli, *l. si plures. l. tres tutores. ff. de adm. tut.* Proinde vnus liberatione tota tollitur obligatio, non ab vno tantum, sed & ab omnibus: vt in duobus reis accidit, *Instit. de duob. reis.* Huc accedit, quod Vlpianus *in d. l. si ex duobus*, scribit, vnus ex tutoribus solutione ceteros liberari: quia sic adolescenti satisfactum sit. Atqui cum adolescens duobus pacto remittit actionem negotiorum gestorū, eo modo sit ei satis, *arg. l. si rem. §. omnis ff. de pig. actio.* Ac satisfactio etiam pro solutione est, *l. satisfactio ff. de solut.* Quare duobus pacto liberati, atque ita satisfaciētibz, vna etiam & tertius ea satisfactio, vt solutione liberabitur.

4 De t quibus ita respondeo: verum esse vnus ex curatoribus liberatione, si quidem de tota re liberatus sit, totam actionem tolli etiam aduersus ceteros. Proinde concedam, si transactum sit cum duobus in solidum per acceptilationem, tertium amplius conueniri non posse: quia acceptilatio solutio sit, licet imaginaria, *§. item per acceptilationem. Instit. quib. mod. tol. oblig.* atque adeo id expressum est *in l. si pupillus. ff. de adm. tut.*

5 Sed t cum curatores duo pacto tantum liberati sunt, vetus actio adhuc manet transigenti, *l. §. 3. prox. titulo.* Ea vero aduersus tertium recte exercebitur. Nō enim metuendum erit, ne ille agentem remoneat patet exceptione, quæ exceptio per alios ei dari non potuit, etsi pro eo alii solvere potuerunt & ignorante & inuito, *l. solutionem ff. de solutio.* Nec proderit tertio, quod duo illi paciscentes, ne de cura amplius agatur, de tota re satisfacere intelligantur actori. Satisfaciunt enim ei: sed ita, vt quemadmodum pactum eorum tertio est inutile, ita sit & satisfactio: cū satisfactio nō aliud sit, quam illud pactum, quo adolescens contentus discedit. Et quod dicitur satisfactionem pro solutione esse, sic accipiendum est, vt sit ei, qui satisfecit: non ei, qui non satisfecit, ad quem effectus pacti peruenire non potuit repugnantibus regulis iuris. De ea autem transactione hic agi, in qua duo ex tribz curatoribus pacto liberati sunt, inde intelligi potest, quod dicitur tertium conueniri posse. Nam acceptilatione, vt solutione interueniente de re tota, tota sublata esset obligatio & actio. Sed cur addidit Antoninus, *in iis, quæ separatim communiterue gesserunt, vel gerere debuerunt?* Quia si omnes curatores pariter rem gerant, aut pariter non gerant, quod gerere debuerunt,

finita curatione tenentur omnes, *l. i. ff. de tut. & rat. distr. act.* vt necesse sit ad liberationem aut omnes soluere, aut pactione sua liberari. nam aliena non possunt.

6 Sed t fieri potest, vt quidam gesserint, alii curā se non miscuerint. in qua specie, vt ii, qui non gesserunt, non onerantur, si, qui gesserunt, soluendo sint, *l. vlt. §. si tut. vel cur. l. tutores. §. an eum ff. de adm. tut.* ita si ii, qui gesserunt, non sint soluendo, ad eos qui non gesserunt, recte peruenitur. At fingamus cum iis actum esse, qui gesserant, quamuis soluendo nō essent, & cum ipsis transactum esse. Iam hæc transactio ceteris, qui non gesserunt, auxilio erit, ne conueniantur: quia dominus cum illis agens, & transigens tanquam idoneos agnouit, & bonum nomen fecit, qui vltro admisit debitorem, *arg. l. inter. §. abesse ff. mand.*

Et cum duobus ex his transigeris. Repete superiora, in his quæ aut gesserunt omnes, aut omnes nō gesserunt. alioqui, si duo curam gesserint, tertius non gesserit, & cum duobus illis transactum sit, non magis tertius conueniri poterit. Ex his statuatur hæc sententia.

7 Pactum t cum vno ex pluribus eiusdem pecuniæ reis interpositum, siue de parte eius interpositum erit siue de re tota, ceteris eiusdem pecuniæ debitoribus non prodest, *l. idem in duobus. ff. eo. vel quod id non actum sit a creditore, vel quod etsi actum sit, regulæ tamen iuris verent vni per alterum actionem, aut exceptionem acquiri.*

L. Cum proponas. II.

Imp. Antoninus A. Luctatio.

Cum te proponas cum sorore tua de hereditate transigisse, & ideo certam pecuniam ei te debere causasse: etsi nulla fuisset questio hereditatis, tamen propter timorem litis transactione interposita, pecunia recte cautam intelligitur, ex qua causa si sisco soluis, repetere non posses: & si non soluis, tamen iure conuenireris. PP. 3. Id. August. Ant. A. IV. & Balbino Coss. 214.

S Y M M A R I A.

- 1 Transigere dici non tantum actorem, cum litem remittit, sed & reum, cum quid dat eo nomine, aut promittit: & cur.
- 2 Ad transactionem satis esse litem futuram metui.
- 3 Ex transactionis causa pecunia cauetur recte, id est, iusta de causa.
- 4 Cauere, stipulanti promittere.

DE hereditate transigisse. Qui pecuniam promittit transactionis causa, reus est. Hic dicitur hoc loco transigere.

Vnde t intelligitur non tantum actorem dici transigere, cum actionem remittit reo: sed etiam reum, cum pecunia dat, aut promittit, vt a lite discedatur. Quidni, cum sit rei a lite discedere non minus, quam actoris? Vt enim maxime velit actor desistere ab actione cepta: tamen in potestate rei est petere, vt res a iudice cognoscatur, & iudicetur, *l. properandum. §. & si quidem. C. de iud.* & quod in cepta lite est, id ad futuram transfertur, habita ratione eius non quod nunc sit, sed quod in iudicio eius litis fieri potest. simile in verbo iuris traditur, *in l. pen. ff. de iust. & iur.*

Tamen t propter timorem litis transactione interposita. Satis est ad transactionem, litem metui, de quo dixi supra in definitione transactionis.

Pecunia t recte cautā. Pecunia transactionis nomine cauetur recte, id est, non sine causa, vt quis dicat huic cautioni tanquam sine causa interpositæ exceptionem

ptionem doli obstare ex l. 2. §. circa. ff. de dol. ma. & met. exc. sed iusta & optima de causa hoc ipso, quod a lite disceditur, l. in summa. i. resp. ff. de cond. ind. de quo supra in causis infringendae transactionis. Sic cauta pecunia iure peti potest. Recte, cauta.

- 4 Est tamen caute, stipulanti caute, l. sancimus. j. de verb. sig. Ex stipulatione autem iure civili est actio, §. de constituta. Inst. de actio. alioqui pecunia transactionis nomine pacto promissa exigi non potest, l. sine apud. j. Si fisco.) Qui successisset forori tuæ, cum qua transigisti.

L. Age cum Geminiano. III.

Imp. Alexander A. Tullia.

Age cum Geminiano, quod pater eius curator tibi datus negotia tuagefferit. Et si apud iudicem negabit se hac actione teneri, quoniam transactio & Aquiliana stipulatio interposita est: Iudex contemplatione iudicii, quod bona fidei est, quæret de quantâ pecunia nominatim transactum sit. Et si apparuerit de minore transactum, quantam pecuniam reliquam ex administrationis cura deberi probatum fuerit, soluere cum inebit, quod non in stipulationem Aquilianam obligationis iure tantum deductum est, quanta erat quantitas pecunie quæ debebatur. Dat. prid. Id. August. Maximo II. & Aliano Coss. 224.

VT conuentio cum alia persona, puta, quibusdam ex curatoribus interposita in alterius persona non nocet; quod l. i. §. comprehensum est: Sic quæ interposita est cum curatore in vnare, non nocet in alia. quæ sententia est hulus rescripti. Vtramque partem complexus est definitione Paulus in l. si vnus. §. ante omnia. ff. de pact. Cetera huius rescripti recte in glossa explicantur.

L. Actione. IV.

Imp. Alexand. H. Numidio,

Actione administrata cure ab eo, qui legitima ætatis annos compleuit, in Aquilianam stipulationem deducta, & per acceptilationem extincta nullam aliam superesse, nisi de dolo intra concessa tempora, non ambigitur: nisi specialiter etiam de dolo transactum sit. PP. II. Non. Martii, Alexandro A. II. & Marcello Coss. 227.

S V M M A R I A.

- 1 Transactione si vetus actio extincta est, nullam superesse actionem nisi de dolo, intellige de eo, quod actor prius habuit, non de iis, quæ illi promissa sunt.
- 2 De dolo non aliter, quam si dolo malo ab initio transactio expressa sit.
- 3 Vetis actio si in transactione per acceptilationem sublata est, amplius eam instaurari non posse etiam aduersus eum, qui transactioni non pareat: acceptilatione non interposita recte instaurari, nec actioni de dolo locum esse.
- 4 De dolo actionem non esse aduersus reum transactioni non parentem, si actor in deducenda vetere actione in Aquilianam stipulationem deceptus, postea dolo cognito hanc ipsam obligationem acceptilatione sustulerit.
- 5 De dolo recte transigi.
- 6 Generalem transactionem ad ea quæ reus dolo admisit, non pertinere, si modo actor ignorauit.

NVLAM tamen aliam superesse, nisi de dolo.) Bene superesse, ut intelligamus vetere actione extincta, quam habuimus ante transactionem, si aliqua quærat actio de eo, quod prius habuimus, nullam superesse, nisi de dolo. Id enim proprie superesse dicitur, quod restat, & manet de iis quæ olim habuimus. De eo ve-

ro, quod ante petere potuimus, retractando, si quid actio vetus extincta est, nulla restat actio, nisi de dolo. Ceterum si transactioni statuitur, & actor qui reum acceptilatione liberauit, tantum id consequi vult, quod transactionis causa promissum est, est in eam rem aut ex stipulatu actio, si stipulatio interuenit, aut omissa stipulatione actio præscriptis verbis, l. cum mora. j. quæ si competunt, non datur in eandem rem de dolo actio, l. i. ff. de dol.

Sed tamen num continuo si de transactione rescindenda agitur, erit de dolo actio? Minime: sed ita, si transactio dolo malo expressa sit, l. sub pretexto instrumenti. j. eod.

Cur tamen non instauratur hoc casu vetus actio? quia ea semel sublata amplius suscitari non potest, ne pacto quidem, l. qui res. §. aream. ff. de solut. l. si vnus. §. pactus. ff. de pact. Quid si actor dolo inductus transegit, neque actio vetus extincta est acceptilatione? Restabit videlicet et vetus actio, quæ recte agatur, d. l. sub pretexto. ut proinde non admittatur actio de dolo.

Interdum tamen et si actio vetus dolo malo aduersarii amissa sit deducta in Aquilianam stipulationem: tamen actor de dolo agere non poterit, si actionem nouam ex stipulatione Aquilianam quæsitam acceptilatione sustulerit, ut scribit Ulpianus in l. i. §. pen. ff. de dolo. Sed hoc tunc locum habet, cum actor in nouanda actione deceptus est, non etiam in acceptilatione, quæ postea secuta est, interponenda. Nos hoc loco actionem de dolo esse volumus, ubi actor in vtraque actione amittenda, id est, & vetere & noua dolum passus est.

Nisi specialiter etiam de dolo transactum sit.) Qui tamen dolo deceptus transegit, & reum liberauit per acceptilationem, si de dolo ceperit agere, & rursum de ea lite transegerit, non audietur, si iterum de eodem dolo agat. Nam & de dolo pacisci licet, l. iuris gentium. §. si paciscar. ff. de pact. Quod sic accipiendum est, nisi in sequenti transactione actor deceptus sit. nunquam enim pacta dolo malo facta seruanda sunt, l. 7. §. aut. & §. dolo. in fi. ff. de pact. Nam quod dicitur in l. i. j. de p. perit. transactiones & secundas confessiones suam obtinere firmitatem; semper cum hac exceptione intelligendum est, nisi aut dolo malo expressa, aut vi extortæ sint, quæ omnium conuentionum atque etiam transactionum communis exceptio est, edicto & aliis locis expressa d. l. 7. §. aut. l. interpositas. j. eo. Ergo in infinitum transactio dolo malo facta rescindetur? Et si infinitum id in hac re accidere non potest, tamen si accideret, rescinderetur. Cuiquam enim dolum suum prodesse, & maxime ideo quia sapius se fellerit, plus quam absurdum est, l. i. ff. de dol.

Bene tamen additum hic est, specialiter. Nam si actor a reo deceptus, cum eo transigat generaliter ita, ut paciscatur se nulla vnquam de re præcedente cum reo acturum, non continebuntur ea, quæ reus dolo admisit, si actor ignorauit, l. tres fratres. ff. de pact. l. qui cum tutoribus. §. qui per. ff. eod. l. Aurelio. §. ult. ff. de lib. leg.

L. Cum te. V.

Imp. Alexand. A. Euocato.

Cum te transegiſſe cum herede quondam tutoris tui profitearis: si id post legitimam ætatem fecisti, frustra desideras, ut a placitis recedatur. Licet enim (ut proponis nullum instrumentum interceſſerit: tamen si de fide contractus confessione tua constet: scriptura quæ probationem rei gesta continere solet, necessaria non est. PP. Kal. Mar. Albino & Emiliano Coss.

EAD E M sententia, quæ l. pactum quod bona. §. prox. tit.

L. Cum mota. VI.

Imp. Alexand. A. Pomponiis.

Cum mota inofficiosi querela matrem vestram cum diuersa parte transegerisse ita, ut partem bonorum suscipere, & a lite discederet, proponatis: instaurari quidem semel omissam querelam per vos, qui matri heredes exististis, iuris ratio non finit, verum si fides placitis praestita non est: in id, quod interest, diuersam partem recte conuenietis. Aut enim stipulatio conuentioni subdita est: & ex stipulatu actio competit, aut si omissa verborum obligatio est, utilis actio, quae praescriptis verbis rem gestam demonstrat, danda est. PP. VIII. fd. Jan. Agricola & Clemente Cos. 231.

S Y M M A R I A.

- 1 Species facti, & questio rescripti propria.
- 2 Omissam in proposito querelam dictam, quae pacto tantum omissa est, & quae contra dicantur.
- 3 Omissam ab herede querelam instaurari ab eo posse, si transactioni non statuitur, quod si in eadem remissione decesserit, non item instaurari posse ab eius heredibus.
- 4 L. si instituta in pr. ff. de inoff. test. explicata. & nu. 6.
- 5 Prioris leges ad posteriores trahi, & contra, quid sit.
- 6 Filium filiamue non preparatam querelam inofficiosi ad liberos transmittere, & ad hoc rescriptum non pertinere.
- 7 Transactionis causa sine stipulatione promissum, etiam ex pacto peti posse, si quo modo actor ita remisit actionem, ut hac amplius nulla restaret.
- 8 Conuentionem in proposito ex eo genere esse, cum facio, ut facias; actor remittit actionem, ut reus partem bonorum tradat. Hinc actionem aduersus eum in id quod interest, etiam si stipulatio interuenerit.
- 9 Actio praescriptis verbis, quam recte in proposito.
- 10 Actionis praescriptis verbis descriptio.

MATER a filio praeterita testamento, aut immerito exheredata, egit cum scripto herede de inofficioso testamento, ac querela mota transegit hoc pacto, ut partem bonorum, de quibus agitur, suscipere, & a lite discederet. Ea prius quam quidquam acciperet, in eadem voluntate perseverans decessit. Filiis eius, iisdemq; heredibus matris, cum portio promissa non praestaretur, duo quaesita sunt. Primum, possintne filii omissam a matre querelam aduersus heredem scriptum instaurare, quasi quae ob causam omissa sit, quae causa non sit secuta. Proximum, si hanc instaurare non liceat, num heres portionem bonorum impune promiserit: an vero saltem de eo aliqua actione cum eo agi possit, de quibus responder Alexander: ac de prioribus in hac verba instaurari semel omissam querelam per vos, qui matri heredes exististis, iuris ratio non finit. Ait, omissam.

Omittitur tamen querela etiam pacto tantum, cum actor paciscitur se de inofficioso testamento amplius non acturum. Quinimo non nisi pacto recte quid omitti dicitur. Nam si actor querelam in Aquilianam stipulationem deducit, ac deinde acceptilatione reuolueret, exstingui dicitur querela isto modo, non omitteri, seu deseri. Omittitur, quod est, cum eo non vitmur, quod autem semel extinctum est, non est eiusmodi, ut dici possit omitti: cum non sit, quod omittatur. Quare hoc verbo significat Alexander, etsi mater in proposita hypothese pacto tantum transegerit: tamen querelam ab ea omissam ab heredibus eius instaurari non posse. Et sane si intelligeret querelam hic fuisse extinctam acceptilatione, primum id exprimeret, utpote quod praecipue ad questionem pertinebat.

deinde non diceret eam non posse instaurari per eos, qui matri heredes existissent, sed simpliciter non posse instaurari: quandoquidem hoc casu non magis ab ipsa matre instaurari posset, quam ab eius heredibus. Cum autem nominatim adiecerit, per vos qui matri heredes exististis, aperte ostendit ita fuisse hic remissam querelam, ut maneret, & integra esset ipsi quae transegit, si viueret: ceterum non esset integra heredibus, quod aliter contingere non potuit, quam si pacto esset transactum de inofficioso. Hanc sententiam cum verba huius rescripti tam aperte exprimant, videamus, num qua necessitas sit, quae nos hac mutare cogat: quod quamuis paucis, quibusdam tamen videtur. Querunt enim, qui potuerit a matre instaurari inofficiosi testamenti querela, ubi transactum non statuitur, nisi querela matri hoc casu competierit, quomodo autem competierit matri, ut ad heredes eius non transiret: cum sit certi iuris querelam preparatam ad heredes transferri: Ac preparatam hic fuisse querelam a matre negari non potest: cum ita verba sint rescripti, cum mota inofficiosi querela. Sed praecipue mouentur responso Vlpiani ex l. si instituta ff. de inoff. test. in quo ille scribit, si instituta de inofficioso testamento accusatione de lite pacto transactum sit, nec fides ab herede transactioni praestetur, placere inofficiosi causam esse integram. Haec illi verba urgent inofficiosi causam integram esse. Non enim dixit transigenti, sed generaliter integram: ut intelligeremus perinde esse integram, quasi ab actore transactum non esset, id est, & transigenti, & eius heredibus, omnibusque ad quos querela transactione non interposita pertineret. Sed prius bene veteres interpretes expediunt.

Mater tamen omissam querelam instauraret, quia pacto non ita remitti potuit actio, quin iure ciuili maneret, l. 5. §. prox. tit. Ut mansit: ita & ea potuit mater tuto experiri, cui si obliiceretur pacti exceptio, tum exceptio pacti replicatione doli mali vel in factum infirmaretur, l. siue apud. j. eo. Sed quae querela matri transigenti competere, si vellet, ea ad heredes eius non pertinet, nisi ea preparata mater decesserit, l. posthumus. §. vlt. & l. seq. ff. de inoff. testam. quod hic factum non est. Etsi enim mota est querela a matre: tamen ea postea remissa est, qua in remissione mulier permanfit. Nihil autem interest, querelam de inofficioso testamento non instituas, an in ea non perseveres, l. nam & si. §. i. ff. de inoff. testam.

Sed tamen & responsum Vlpiani recte ita interpretantur, ut integra sit causa inofficiosi in proposita specie: sed ipsi matri: heredibus eius non sit. Quod fortasse difficiliter persuaderi poterit: cum generaliter ab Vlpiano scriptum sit, cum fides transactioni non praestatur, causam inofficiosi esse integram.

Sed tamen in omni interpretatione legum haec regula tenenda est, priores leges ad posteriores trahi debere, & contra, l. non est nouum. & l. sed & posteriores. ff. de legib. Est autem haec sententia, ut declaratur in l. i. deo. ff. eod. si priores leges de re aliqua aut persona scriptae sint, posteriores autem generaliter & infinite scriptae sint de eadem specie, posteriores sic interpretandas esse ex prioribus, ut generalitas intelligatur ad eas solum res & personas pertinere, quae prioribus legibus sunt comprehensae, ut vice versa priores leges dubiae ex posterioribus certis interpretandae sunt.

At tamen in hoc rescripto cum dicitur omissam querelam instaurari non posse: tum vero designantur personae, a quibus non possit, nempe heredes. Itaque hoc di-

usio omnia
querela ad
de iurāit
et ab de
in quib
arata querela
tradit heredes
hic nō 2.
et si institu
ex l. si quis
= et primo
o generaliter
succedit in
de fidei ma
terat querela
tare, quia n
dia uult, sed
et oet herede
us potius
re
o pono gen
ter ex l. herede
dal he leuher
daepox
cia, si t. in
ext. in fin
dino f. l. 1.
cia, si t. in fin
m. l. si institu
eod. 4. ex l. si quis filiu

hoc dicitur, ab eo qui omisit, posse instaurari querelā: non posse ab eius heredibus. Responsum Vlpiani de eadem specie scriptum est: sed generaliter his verbis, si fides transactioni non præstatur, causam esse integram, nec additur, *quibus personis*. Proinde siue id prius esse volumus, siue posterius, ad easdē personas pertinere dicendum est, ut quod in eo dubium est, ex hoc rescripto explicetur. Sed etsi sola esset definitio Vlpiani, quam ex aliis locis temperari non liceret: tamen ipsa per se efficit, ut hoc idem accipere debeamus: integram esse nimirum causam inofficiosi transgenti. Omnes enim concedunt hoc eum dicere, inofficiosi causam esse integram, si nihil aliud obstat, quam transactionem, quæ proponitur. hanc autem non obstat. Nihil hoc ad heredes, qui a querela non remouentur, quia de ea matre transactum sit, sed quia non præparata querela ad eos non transierit.

7 Sunt, qui putent, quod hic scriptum est, querelam non præparatam a matre ad liberos non transferri, contrarium esse Iustiniani nouis constitutionibus, *l. si quis filium. §. l. penult. in fin. j. de inoff. testam.* ac proinde illis constitutionibus emendari. Et quidem illis constitutionibus cautum est, si filius a patre exheredatus non præparata querela decedat hanc ipsum transmittere ad filios suos, eosdemque aui testatoris nepotes. idque siue filius ante aditam ab herede hereditatem decesserit, siue post aditam. Quod enim in *l. si quis filium. in principio*, dubium est, id in extremis verbis aperte explicatur. In quibus Iustinianus scribit *se beneficium suum dare omnibus nepotibus filii exheredati, nisi pater adhuc superstes vel repudiari querelam, vel quinquennio tacuerit; scilicet post aditam hereditatem*. Ex quo colligitur, etsi adita fuerit hereditas ab herede scripto: si tamē filius exheredatus nec repudiari querelam, nec per quinquennium siluerit, ipsum decedentem transmittere querelam ad liberos. Et quamuis lex Iustiniani ad eum filiū pertineret, qui decessisset ante aditam hereditatem: tamen vel hoc ipso ad eum, qui post aditam decessisset, multo citius pertinere putamus. non enim competit ei querela inofficiosi ante, quam heres scriptus adierit hereditatem. adita hereditate, tū illi competit, *l. Papinianus. §. si conditioni. ff. de inoff. test.* Sic recte colligitur: mirum est, si filius ad posteros suos querelam nondum sibi competentem transmittit, quomodo enim transmittit, quod iure cōmuni non habet: at transmittit tamen, quanto igitur magis eam, quæ ceperat competere, transmittit? Hæc ergo constitutiones Iustiniani. Ex quibus si quidē hic filiam a patre præteritam aut exheredatā fingeremus: fatendum esset ipsa decedente posse querelam instaurari ab eius quoque liberis. Sed non propterea hoc rescriptum tollitur, fieri enim potest, ut mulier quæ hic proponitur, querelam habuerit: sed aduersus testamentum filii sui, quo præterita erat. Hanc decedens mulier non transmittit non præparatam, ne ad filios quidem suos vel ex Iustiniani constitutione: quippe quæ non ad quosuis liberos præteriti aut exheredati pertineat: sed ad liberos, qui iudem sint nepotes eius aui, de cuius testamento tanquā inofficioso agitur, ad quam rationem initio speciem facti consulto accommodaui. Quod reliquum est, & secundo loco quæri diximus, etsi querela instaurari non potest: tamen nihilominus si fides placitis præstita non sit, diuersam partem conueniri posse ait Alexander. In quo tria complectitur, quæ ad rem pertinebant: primum diuersam partem conueniri posse, etsi placitis stipulatio subdita non sit:

tum posse conueniri in id quod interest: postremo in eam rem actionē fore ex stipulatu, si stipulatio intercessit, aut hac omissa fore præscriptis verbis actionem. Hæc in illis verbis, verum si fides placitis præstita non est.

Ait, *† diuersam partem recte conuenietis*. Nempe de parte bonorum promissa. Nam cum quid feci, ut dares, aut traderes, neque das, aut tradis: aut repetitur quod factum est, si potest, aut in hoc agitur, ut promissa præstentur, *l. naturalis. §. 1. l. ob eam causam. ff. de præscr. ver.* Ait autem diuersam partem recte conueniri, etsi pacto tantum pars bonorum fuerit promissa citra stipulationem. id enim in fine subiicit. Ergo hoc dicit, quod transactionis causa promissum est, etsi pacto tantum promissum sit, nihilominus ex pacto peti posse, quod negatur in *l. cum proponas inter. §. prox. tit. l. siue apud. j. eod.* Nempe alia atque alia in re recte utrumque pactum est, quod proponitur. Pactum si nudum est, ex pacto agi non potest: si nudum non est, ex eo agi potest, *l. legem. §. prox. tit.* At in *l. si cum proponas. §. l. siue apud.* pecunia a reo nudo pacto promissa est: utpote in quibus proponitur actor: nihil fecisse, ut eam pecuniā acciperet. promissit enim se a lite discessurum. quod non fecit. actionem enim pacto tantum remisit. itaque nihilominus semper mansit iure ciuili actio, ut ante, *d. l. §. prox. tit.* qua de re dixi ad *d. l. cum proponas*. In proposita autem specie non est pactum nudum, quo pars bonorum promissa est. Nam præterquam quod matris transgenti promissa est, fecit etiam mater, ut eam partem acciperet. Promissit se a lite discessuram, quod & reimpleuit. Morie enim sua & silentio sic finiuit actionem de inofficioso, ut nulla superesset eius heredibus. Non mirum igitur, si hic ex pacto sit actio: illic non sit.

Ait, *† recte conuenietis in id, quod interest*. Non recte, & secundum regulas iuris, si intelligimus heredem in specie proposita promississe se daturum mulieri partem bonorum. Cum enim promissio in dando est, conuenit certam esse promissionem, *l. ubi autem. §. ult. ff. de verb. oblig.* cui consequens est, ut ex eo genere non sit actio in id quod interest. Nam & illud conuenit omnem stipulationem esse incertam, ex qua agitur in id, quod interest, quia & ipsum quod interest, quod stipulatione continetur, sit incertum, *l. si penā. ff. de verb. oblig. §. vl. Inst. eo.* Sed hæc ita sunt, cum sequimur legem communem obligationum dandi. Ea in actione præscriptis verbis non seruatur, ne tum quidem, cum dedi aut feci, ut dares, *l. §. 1. resp.* & *§. at cum do. ff. de præscr. verb. ut differui in commentario sequenti. De præscriptis verbis, cap. 22.* Et tamen si quis ita esse nondum satis persuasus hunc scopulum vitare velit, recte dixerit cū Alciato, illa verba conventionis, ut partem bonorum susciperet, sic accipi posse, fortasse & debere, ut promissit heres se traditurum partem rerum hereditarium; quod in faciendo est: non etiam se daturum. Non utique, quod hic datur actio in id quod interest: quam intentionem admittit actio præscriptis verbis etiam cum dedi, aut feci ut dares, ut ante dixi. Non etiam quod huic actioni putatur locus non esse, cum facio, ut des. nam id quoque falsum puto, & pluribus ostendi in eodem commentario *De præscriptis verbis*. Sed nec ideo, quod proponitur conuenisse, ut mulier bonorum partem susciperet, non ut pars bonorum ei daretur. possunt enim bona suscipi, id est, accipi, non minus ab eo, qui dat, quam ab eo, qui solam tradit, *d. l. §. 1. resp.* Sed hoc argumentum est, quod proponitur

et auctoris dicitur de querela competente matre, nam ex sua persona bonorum non potuit eam trahere, siue si
a habebat querelam, nam debet transire ad nepotes, siue mater, nam postea ad matrem tran
siens inofficiosa et sepe est successioni locum. Pen. cui obstat. Quia postea mos si

alimenti futuris ex l. uhi deo in quo atumodo de alimentis interlameto futuris de actio
tio, & realis relictis inter uel uos nescit pro hibere = et de generaliter qd coesat alicui posuit

Hugonis Donelli Commentarius

actum esse, ut mulier acciperet non quiduis, sed parte bonorum. Nempe ergo actum est, ut mulier iussu peteret bona hereditaria, proinde ut succiperet, quatenus sunt bona, non amplius. At bona hereditaria non tantum sunt, quae fuerunt in dominio defuncti, sed & quae aliena sunt: puta res bona fide possessa, oppignorata, item actiones, & nomina. l. bonorum. ff. de verb. sig. Horum vero ab herede, uti heres est, nihil dari potest. Est enim dare, dominium transferre, sic l. eius. et no. l. haq. Insti. de actio. heres autem, qui dominus non est, in accipientem transferre non potuit. l. traditio. ff. de acqu. rer. do. Ex quo intelligitur hoc actum esse, ut heres partem bonorum traderet quod potuit: non esse actum, ut daret: quia non potuit. Promissio ergo in faciendo versatur. Id si promissor non facit, non alia hic actio, & condemnatio est ex regulis iuris, quam in id quod interest, l. si quis ab alio. ff. de re ind. l. stipulationes non diuiduntur. vers. Celsus. ff. de verb. obl. Hoc posito ratio reliqui rescripti expedita est, cur velit Alexander in hanc rem has esse actiones, ex stipulatu, aut praescriptis verbis.

Et ex stipulatu actio, inquit, competit. Recte. Nam stipulatio in faciendo, nempe in tradendo est, incerta est, l. ubi autem. §. si id quod. l. si poenam. ff. de verb. obl. Potro ex stipulatu actio ex incerta stipulatione non competit. Insti. de verb. obl. in princ. Aut si omnia verborum obligatio est, utilis actio, qua praescriptis verbis rem gestam demonstrat, data est. Id est, praescriptis verbis actio danda est. Recte hoc quoque, & conueniens praescriptae conuentioni.

Nam si heres promisit se partem traditurum, apparet contractum esse negotium, in quo mater fecit, id est, a lite discessit, ut heres faceret, id est, ut traderet. In quo genere conuenit inter omnes, aduersus eum qui non facit, esse praescriptis verbis actionem l. naturalis. §. sed si facio. ff. de praes. verb. Itaque, etsi faceret in eo genere, cum feci, ut dares, & postquam feci, cessas dare, actionem praescriptis verbis mihi non competere, idque putarem cum vulgo probari verbis Pauli, quae sunt in d. l. naturalis. §. quod si faciam. quod non puto: tamen etiam hac sententia admissa nihil hic locus huic rescripto aduersaretur, in quo constet eiusmodi negotium non geri. ut nihil sit necesse illam quaestionem in hoc rescriptum introduci.

Est autem obseruanda circumlocutio, qua actionem praescriptis verbis Alexander describit. Vtilem vocat, & eam qua praescriptis verbis rem gestam demonstrat. Quorum utrumque habet dubitationem, utilemne vocet efficacem, an non directam: & utrum inde actio nomen habeat, quia demonstrat rem praescriptis verbis, quod hic locus innuit: an aliunde. Sed quae sit haec actio: cur ita vocetur: quid differat ab actione in factum: quibus in negotiis competat, scriptum a me est diligentius in eodem illo commentario De praescriptis verbis & in factum actione.

L. De alimentis. VII.

Imp. Gord. A. Iunio militi.

Transactionis placitum ab eo interpositum, cui causa actionem, non decisionem litis mandasti, nihil petitioni tua derogauit. PP. XIV. Kal. Jan. Gordiano A. & Anula. Coss. 240.

SUMMARIA

- 1 De alimentis relictis transactio vetita, non pactio donationis causa, & cur. & num. 4.
- 2 De quibus alimentis vetitum transigere, & quibus conditionibus.

- 3 Prohibita de alimentis transactionis duplex ratio.
- 4 De alimentis cur vetita transactio etiam cum damno alimentariis, cum liceat unicuique iuris sui persecutionem deteriore pactio constituere, addo cum & hac donationis causa in totum remittere liceat. rationem esse in voluntate testatoris, & cur non ob hanc etiam prohibeatur pactio.
- 5 Transactio de ceteris rebus testamentorelictis cur non prohibita quasi contra voluntatem testatoris.
- 6 De alimentis relictis transigere quid opus fuerit vetari (senatus consulto, si voluntas testatoris per se prohibeat).
- 7 De alimentis inter viuos constitutis non vetitam transactionem: & quare.
- 8 De alimentis futuris cur vetita transactio, non de prateritis.

TRANSACTIONES, bona fide interpositae ratae sunt: non tamen de omnibus rebus. Excipiuntur in re pecuniaria alimenta, quae relictasunt: in criminibus ea, quae sanguinis poenam non ingerunt. De criminibus in l. transigere. §. De alimentis est hoc rescriptum, de quibus plenius cautum est oratione Marci Antonini Imperatoris, quae explicatur fute ab Vlpiano in l. cum hi. ff. eo. Tantum quod satis sit ad hunc locum intelligendum, eius orationis capita nobis notanda sunt: cetera ex interpretatione Vlpiani petentur. Obseruandum igitur, quid oratio vetet: de quibus alimentis loquatur: quibus conditionibus vetet: tum quae sit causa prohibitionis.

Vetat oratio transigere, ut hic indicatur, & d. l. cum hi, nusquam pacisci. Vnde intelligitur non licere aliquo accepto actionem alimentorum remittere: gratis autem & donationis causa licere. Nam cum omnia licere putantur, quae non prohibentur, l. minus. §. i. ff. de proc. l. i. ff. de testib. tum praecipue in hoc genere pacta habenda sunt, quae omnia edicto praetoris nominatim confirmantur. l. iuris gentium. §. aut praetor. ff. de pact. Quapropter cum non prohibeamur pacisci de alimentis, sine dubio rata erit pactio. At enim vetat oratio transigere. Sed aliud est transigere, aliud pacisci donationis causa, l. i. ff. eo. Neque utrumque eadem conditione habetur, ut mox dicam.

Iam si vetat oratio transigere de alimentis, non de aliis rebus: & de alimentis, non quibuslibet, sed iis, quae testamento relictasunt, aut codicillis, aut constituta sunt mortis causa donatione, d. l. cum hi. in princ. & §. 1. Neque rursus de omnibus, quae sunt relictas: sed de futuris dumtaxat, non etiam prateritis: quod hoc rescripto traditum est. In quo praterita vocantur praetitorum, futura insequentium annorum. Non prohibetur transactio absolute, sed haec sunt conditiones, si alimentarius causam alimentorum deteriore faciat transigendo: & non permittente praetore id faciat, aut non ita permittente, ut oratio iuberet. Quasi transigendo sibi consulat, valebit transactio, ut adhibitis exemplis confirmat Vlpianus in d. l. cum hi. §. eam transactionem. Idem est etsi praetor ratam habuerit transactionem, cum de his tribus prius cognouisset, quae oratio completitur, nempe de causa transactionis, de modo transigendi, deque personis transigentium. In quibus quae spectanda & animaduertenda sint praetori, dilucide idem Vlpianus docet in d. l. cum hi. §. vult igitur.

Prohibitionis si huius rationem duplicem habuit Antoninus, quam & oratione expressit. Vnam, ne alimenta interciperentur transactione, d. l. §. eam transactionem.

transactionem. alteram quia hi, quibus alimenta relinquuntur, facile de his transigant cōtenti modico præsente, *d. l. in prin.* In quibus omnibus præter ea, quæ ab Vlpiano tractata sunt, hæc nobis occurrunt, quæ querantur. Primum vetat oratio de alimentis transigere, non pacisci.

4 Si t̄ causa est, cur placeat alimenta non intercipi, cur de his verita transactio potius, quam pactio donationis causa facta, cum donatione multo magis intercipient alimenta? et eam ex transactione aliquid saltem accipit alimentarius, ut ex donatione nihil. Ratio in oratione expressa est, quia facile homines transigant modico præsente contenti. Hoc .n. tantumdem valet, ac si dictum esset, deo subueniendum esse ei, qui transigat, quia facile homines commodum aliquo præsente illecti decipiantur ad remittendum, quod sit non solum in diem, sed etiam incertum, & quod ipsis mortuis ad heredes eorum non transeat. At non item facile homines donant: qui in donatione nulla est illecebra ad remittendum, ubi nihil est, quod accipiat alimentarius in præsencia, non magis, quàm si nihil remittit. Itaq; si nihilominus remittit, cum nulla re ad id factum, non dico cogetur, sed ne innitatur quidem, de se queri debet. Hic quidem dignum auxilio non videtur, quod tantum facilitari, & deceptis paratum esse debet, non iis quæ libere & certo iudicio quid gesserunt. Non est hæc distinctio sine exemplo. Idem factum observare possumus in senatusconsulto, quod est de intercessionibus mulierum. Eo subuenitur mulieri, quæ pro alio se obligavit. At, quod mirum sit, ei quæ pro alio ultro quid soluit & donavit (in quo multo certius mulier iam læditur) non subuenitur, *l. 4. ff. ad Vel.* Quid ita? licet enim hic idem querere, quod paulo ante fecimus: cum plus sit detrimentum in donatione, quæ statim & in præsencia donanti remittitur, quam in promissione, cur prohibetur promissio, inquam, donatio non prohibetur? Vt sciamus eam esse rationem, quam supra reddidimus, rem ibidem ita Vlpianus exprimit: quia facilis, inquit, se mulier obligat, quam alicui donat.

5 Sed t̄ cur de alimentis prohibitum est etiam transigere? Ne transactione intercipientur alimenta, inquit. Hæc ratio non est satis. Quidni enim licuerit alimentario iure communi uti, id est, paciscendo iuris sui persecutionem, & spem futuræ perceptionis detererem constituere? Nam hæc iure publico omnibus licet, *l. 7. §. si paciscar. l. pactu. ff. de pact.* Dices alimenta ad rem maxime omnium pretiosam pertinere, nempe vitam. Idcirco ne cogatur alimentarius alimentis vitæ subdactis fame interire, transactionem potissimum de alimentis ex privatis rebus esse interdicta. n. At ista ratione dicendum fuit non transactionem tantum de his interdicti debuisse: sed multo magis pactioem. Ista ipsa ratione dicemus, etsi alimenta consensu inter vivos constituta sint: tamen de his prohiberi debuisse transactionem: quoniam & hæc ad vitam pertinent. quorum tamen utrumque falsum est. Quæ ut omnia concesserimus, tamen huic rationi in homine diuite, cui alimenta relicta sint, locus esse non potest. Quantumvis enim hic de his vel pactus sit, vel transigerit, non est periculum, ne propterea egeat. Atqui oratio sic accepta est, ut etiam huc veter de alimentis transigere, *d. l. cum hi. §. eam in fin.* Quod si neq; in omnibus causis, in quibus alimenta vitæ subducuntur, hæc interdictio locum habet, & rursum ubi id periculum cessat, tamen locum habet interdictio: perspicuum est in

hac interdictione vitæ alimentarii non fuisse potissimum habitam rationem. Quæ res igitur fecit, ut ex omnibus rebus de alimentis re alioqui priuata transigere non liceret? Et ne quis hic putet contra regulas iuris, quæ sunt de potestate rerum priuatarum & nostrarum, quidquam fieri: fateremur nullam esse causam cur ita statueretur, ut hic constitutum est, si alimentarii persona spectaretur. Cuius ergo hic ratio habetur? Testatoris haud dubie, qui pecuniam reliquit in alimenta. Hinc enim est, cur veter oratio transigi non de omnibus alimentis, sed de iis, quæ testamento relicta sunt. Et non dubium est, quid fiat contra voluntatem testatoris, si alimenta transigendo intercipientur: qui ideo ea in annos singulos, aut in singulos menses distribuit, ut esset legatario, quod quotannis, aut quot mensibus ad supremam vique senectutem ad vitam suppeteret. Sed ex hac re multa incidunt, quæ quæramus. Nam si in hac re placet rationem voluntatis testatoris esse habendam, ut conferuetur, cur non prohibetur alimentarii pactio, quæ contra voluntatem eius multo magis alimenta intercipientur? Putem id eo fieri, quia visum sit senatui equum esse, voluntatem testatoris conferuare ei, qui testatoris eius liberalitate uti vellet aliquid pro alimentis in præsencia accipiendo: non etiam ei, qui liberalitatem eius contemneret alimenta reiiciendo. quod is facit, qui ea donationis causa remittit ei, unde sua relicta. *a.*

Rursum, t̄ si voluntas testatoris in hac re conferuanda est, cur non de ceteris rebus testamento relictis transigere prohibemur? Quia de ceteris transigendo nihil sit contra testatoris voluntatem. Si enim ita relicta sunt, ut semel præstetur, hoc ipso declarat testator se velle eas legatarii esse proprias, ex quo euenire & illud necesse est, ut possit legatarius de iis vel auctore ipso testatore pro arbitrio statuere. Si relicta ita est summa pecuniæ, ut nō semel, sed particulatim ea præstetur diuisis pensionibus in singulos annos, donec tota summa soluta sit: si quidem non adiecerit testator se id facere legatarii causa, ut inde alatur, apparet hanc diuisionem pensionum heredis causa adiectam esse, non legatarii. Sola igitur alimenta restabunt, quæ vere dicturi sumus ideo in singulos annos aut menses relicta esse, ne legatarius ea ante haberet, quam testator iussit, ne his interceptis legatarius egere cogatur contra sententiam testatoris. Sed si hæc voluntas testatoris est, ne de alimentis facile transigatur, demus sane hæc esse seruandam.

At t̄ quid opus fuit senatusconsulto cauere, ut id fieret in hac specie: cum ius publicum ita sit, supremas testantium voluntates præcipue esse conferuandas? *l. verbis legis. ff. de verb. sign. l. i. §. de sacros. eccles. l. vel negare. ff. testam. quem aper.* Quia in hac specie non esset seruanda voluntas testatoris etiam iure publico, nisi auctoritas senatus interuenisset. Quamvis enim veter apertè testator, ne legatarius transigeret de alimentis, & pecuniam inde acceptam consumeret: tamen nudum hoc præceptum est, ubi non reperitur persona alterius, quam legatarii, cuius causa id caueatur. Placet autem quamvis in ceteris omnibus voluntas testatoris conferuetur: attamen in hac re nullus esse momenti ubi nudum est præceptum testatoris, *l. si liusam. 114. §. Diui. de leg. 2.*

Sed t̄ cur de his alimentis, quæ testamento relicta sunt, potius verita transactio, quam de his quæ consensu constituta debentur? Quia visum non est senatui consulere iis, qui inter vivos ista constituisent, etsi

maxime qui ea constituit, alimentarii causa id fecerit: ut, si patrum, aut cognatus aliquis diues cognato suo inopi & parum indultrio ista donationis causa constituat. Neque id abs re. Non enim fuit necesse: cum sit in potestate constituentis in eo sibi cauere, & efficere ne alimentarius de alimentis transigat. Si vult se viuo de his non transigi, det operam, ne consentiat: & res absoluta est. non enim ipso inuito cum ipso transigitur. Quod si nolit se mortuo transigi cum suis heredibus, facillime id consequetur eadē alimenta eidem legando, sub conditione, si heres de alimentis transigerit. Sic enim metuet heres transigere, ne frustra quid dederit, dum nihilominus eadem alimenta ex testamento debebit. Aut si transiget, sic incipient alimenta ex testamento deberi, ut nec de his iam possit transigi. deinceps enim legato agnito incipient ad orationem pertinere.

Ad extremum cur non licet de futuris alimentis transigere: licet de præteritis? An quod præterita debentur: futura non debentur: ut proinde de illis tanquam de re nostra liceat pacisci: de his ut re non nostra non liceat? Sed spem etiam future perceptionis deteriorē cōstituere possumus, l. pactum. ff. de pact. Ergo hæc ratio est, ut mihi videtur, quia alimēta præterita verbo alimenta dicuntur: re non sunt. quod ita demonstrari potest. Si sunt alimenta, aut sunt in præsens, aut in futurum, aut in præteritum. Non sunt in præsens, aut futurum. non enim in hæc tempora testator ea destinauit. alioqui sane male dicerentur præterita. Rursum in præteritum alimenta non sunt. quis enim in præteritum alii possit? si quis alitur, in præsens alatur, necesse est. Ex quo efficitur alimenta præterita alimenta non esse. Sed ita dicuntur relatione facta ad id præteritum tempus, ad quod testator ea alimenta destinaret, etsi ei tempori non fuerint reddita. Itaque in oratione Antonini, quæ refertur in d. l. cum hi. nihil amplius scriptum legimus, quam non licere transigere de alimentis, quæ relicta sunt. non additur de futuris: quia hæc sola sunt alimenta. Quod si ita est, non refert hoc rescriptum, id quod in oratione fuit, sed interpretatur.

L. VIII. De alimentis.

Imp. Gordianus A. Licinio.

De alimentis præteritis si quaestio deferatur, transigi potest. De futuris autem sine prætore seu præside interposita transactio nulla auctoritate iuris censetur. PP. X. Kal. Ian. Pio & Pontiano. Coss. 239.

S V M M A R I A.

- 1 Procuratoris pactum seu transactio quando domino noceat.

PROCURATORIS pactum domino nocet: sed ita, dum paciscatur ut procurator, id est, de eo de quo & illi mandatum est. quod ita sit, si aut ei mandatum sit, ut pacisceretur, aut omnium rerum domini sit procurator, aut sit in rem suam datus, l. nam & nocere. ff. de pact. l. iusurandum quod ex conventionione. S. ult. ff. de iur. Nam extra mandatum procurator non est ex definitione procuratoris, l. i. ff. de proc. Hinc quaestio de potestate eius, qui in litem ad agendum, aut defendendum datus est. De quo hic ita scriptum est.

- 1 Cui causa actio mandata est, id est, cui mandatum est, ut causam ageret, is si de lite decidat, id est, transigat, domino nihil nocet. Non enim ut transigeret, ei mandatum est. Ac præterquam quod mandauit, aut ratum habuit quisque, ei factum alienum nocere non potest, l. diligenter. ff. mand. l. si procurator. j.

de procur. Tantum vero abest, ut qui mandauit actionem, videatur transactionem mandasse, ut sint hæc non diuersa modo, sed etiam pugnantia, agere & transigere. Nam qui agit, litem mouet: qui transigit, finit.

L. IX. Si super.

Imp. Gordianus A. Agrippino.

Si super possessione, quæ tibi quaesita est, cum quaestionem patereris, a fratre uxoris tuæ pactum conuentum, & stipulatio inter vos, (ut allegas) interposita est, ut si intra diem certum idem aduersarius tuus decem aureos tibi numerasset, possessione ei cederes, vel si eam inferre quantitatē non curasset, ulterius quaestionem non patereris: & is, qui ita spopondit, promisso satis non fecit: consequens est, te, ad quem res pertinet vim ab eo pati, non debere. Cuius rei gratia, vir clarissimus præses provincie interpellatus vim fieri prohibebit: præcipue cum, etiam si in rem diuersa parti actio competeret, huiusmodi pactio propter utilem exceptionem posset submoueri. PP. VI. Id. April. Gord. Aug. 2. & Pompeiano. Coss. 242.

S V M M A R I A.

- 1 Species rescripti, & summa.
- 2 Conuentio hic, non transactio: & quid ad rem pertineat id nosse.
- 3 Actorem in proposito si intra diem decem offerat recusante possessore, habere actionem ex stipulatione, aut sine stipulatione præscriptis verbis, quasi impleta conditione decem dedisset.

AME possessionem vindicas, id est fundum. nam id quoque possessio significat, l. quaestio. ff. de verbor. signific. Conuenit inter nos, ut si intra mensem decem mihi dares, ego tibi eo fundo cederem. nisi dares, conuenit, ne mihi faceres amplius fundi controuersiam. Intra mensem decem non das. itaque posterioris conuentionis conditio existit. An conuentionis exceptione tuendus sim, quæro. Rescriptum est me tuendum esse.

Quæri solet, quo iure: cum transactio non sit, nisi tunc, cum actori quid datur, aut promittitur, l. transactio. j. constet autem hic nihil neque datum, neque promissum esse. Dicendum est non esse hic transactionem: sed non eo minus conuentionem esse. ac conuentiones iustæ seruandæ sunt. At enim, dicit quispiam, non est æquum me rem alienam possidere. Necesse est autem hunc fundum, de quo agitur, alienum esse, si eum actor in me non transtulit. Respondeo, hoc ita iniquum me rem alienam possidere, si possideam inuito domino. Nam si volente eo possideo, cum ita conuenit, conuentio ex edicto rata est. Dixi hic transactionem non esse, non quod ad vim conuentionis quidquam inter sit, utrum transactionem, an conuentionem solam esse dicamus, cum pariter ex transactione defenderetur possessor, atque ex pacto, imo magis: sed ne quid hic contrariū dicere mus ei definitioni, qua placet, nullo dato, vel retero, aut promisso, transactionem non esse, d. l. transactio nulla. j. quæ omnia in speciem hic propositam concurrunt. Et certe transactio hic esse non potest, ubi possessor totum habet, actor nihil: cum transactionis proprium sit, ut actor neque totum accipiat, quod petit, neque rursum totum remittat, sed ex eo quod petit, pars aliqua ei decidatur. Vulgo tamen transactionem esse defendunt, ne inepte rescriptum in hunc titulum relatum sit. idque faciunt hac ratione, quod dicant actorem ex conuentione aliquid accipere potuisse, atque adeo fundum totum, si vel-

let, decem nimirum dando. hoc potuisse accipere: et si non acceperit, pro accepto haberi volunt, ut sic efficiatur transactio. quod ad interpretationem d. l. transactio, notari precipiunt. Sed ne huic quidem rationi in specie de qua hic agitur, locus esse potest. Agitur enim de eo, qui intra diem constitutum decem non dedit; aduersus quem possessor fundum retinere vult ex conuentione, quariturque, an hoc casu retineatur fundus ex transactione, an non? Perspicuum vero est, ne supra scripta quidem ratione dici posse hic esse transactionem, cum actor post id tempus neque quidquam acceperit, neque etiam accipere potuerit, facultate implenda conditionis exclusus: Cur ergo in hunc titulum haec species relata est? Quia conuentio ita concepta est sub conditione, & ad diem, ut intra diem transactio esse potuerit. Nam si actor intra diem decem daret, tum vera esset transactio, ubi actor fundum suum reciperet, non tamen totum, cum pro eo aliquid possessori daret.

3 Sed cum in specie facti proposita duae sint conuentiones; una, ut fundus reddatur, si decem ex conditione data sint; altera ne reddatur, si conditio impleta non sit, & de vi posterioris hic tantum respondeatur: quid fiet, si proponas actorem intra diem decem offerre ex conditione; & possessorem non accipere, ut fundum retineat? Dicemus actorem fundum vindicare posse, ut prius, si velit: sed & fundum petere posse ex stipulatione, quae hic proponitur, tamquam conditione impleta, cum per reum stet, quo minus impleatur, l. in executione. §. vltim ff. de verborum obligat. l. in iure. ff. de reg. iur. Citra stipulationem autem an agi possit ex pacto, dubitari potest. Et putem agi posse eadem ratione, ageretur enim, si decem data essent, quae nunc pro datis habentur ex regula iuris, d. l. in iure. de reg. iur.

L. Fratri. X.

Imp. Philippus A. Apolloniae.

Fratri tui filius de paterna successione ac statu etiam nunc contra fidem sanguinis, itemque placitorum, questionem inferre parum probe postulas. nullus etenim erit litium, si a transactionibus bona fide interpositis ceperit facile discedi. PP. prid. Kal. Ap. Peregr. & Emil. Coss. 245.

S V M M A R I A.

- 1 His verbis, a transactionibus bona fide interpositis non licere discedere, cur hic additum non facile, & hoc quid sit.
- 2 Cum hic dicitur nullum futurum finem litium, cur addatur haec conditio, si a transactione ceperit facile discedi, cum possint lites finire aliis modis.
- 3 Contra fidem sanguinis quid sit in hoc rescripto.

S E N T E N T I A est, a transactionibus bona fide interpositis recedi non posse, eadem, quae in l. cum te. §. l. causas. l. interpositas. l. non minorem. l. sine apud. §. addita hic est ratio, ut sit aliquis litium finis. non temere, quid valeat, intelligitur in l. si profundo. §.

1 Sed et adicit rescriptum non facile discedi posse. Cur non facile, cum in totum a transactionibus bona fide interpositis recedi non possit? l. 4. l. §. cod. Nam hoc non facile, valet non temere: ceterum ex magna & euidenti causa posse, l. pen. ff. de in int. rest. Additum hoc est propter minores viginti quinque annis, cum quibus transactiones etiam bona fide interpositae in integrum restitutione petita rescindi possunt d. l. 4. §. l. §.

2 Ait etiam rescriptum, si a transactione ceperit facile discedi, nullum futurum litium finem quasi a-

lio modo non posset finire quod falsum est. ut enim a transactione discesseris, finire lis potest re iudicata. l. i. ff. de re iud. l. i. §. de re iud. finire potest & iureiurando, l. i. l. 2. ff. de iur. Immo ne his quidem modis potest finire, si licet a transactione discedere, ut bene Accursius scripsit. Nam iusiurandum seruatur ideo, quia transactionis speciem continet l. 2. ff. de iur. Ne valeat transactio. consequens est iusiurandum transactionis speciem non valere, siue speciem intelligas formam aut partem siue speciem, imaginem. Res autem iudicatae non maiorem habent auctoritatem quam transactiones, l. non minorem. §. eo. ut si ab hac specie licet discedere, par sit licere etiam ab altera.

3 Contra et fidem sanguinis in hoc rescripto significat, contra officium consanguinitatis, contra quam consanguineus consanguineo praestare debet ex officio sanguinis & tacita quadam fide, qua alter alteri iure sanguinis obstrictus est; & in summa contra quam a consanguineo expectari debet.

L. De fideicommissio. XI.

Imp. Valerianus, Gallienus AA. & Valerianus nobilis Caesar Caiano militi.

De fideicommissio a patre inter te & fratrem tuum vicissim dato, si alter vestrum sine liberis exceperit vita, interposita transactio rata est: cum fratrum concordia, remoto captanda mortis alterius voto improbabili, retinetur. Et non potest eo casu rescindi, tamquam circumuentus sis: cum pacto tali consenseris: neque, eam cui subueniri solet, aetatem agere te proponas: nec, si ageres, si dem illis de causis in integrum restitutionis auxilium impetrare deberes. PP. XV. Kal. Decemb. Valeriano & Gallieno AA. vtrisque II. Coss. 256.

S V M M A R I A.

- 1 Si qui mutui fideicommissi quamuis nondum delati spem inuicem pacto remittant, ut aliquid accipiant, transactionem esse omnia continentem quae sunt propria transactionis.
- 2 Aduersus transactionem qua spes futuri fideicommissi aliquo cepto remittitur, nullam esse aetatis in integrum restitutionem: & cur.

I N T E R quos heredes mutuum fideicommissum relictum est ita, ut qui prior decederet sine liberis, portionem suam superstiti restitueret, hi si inuicem spem fideicommissi remittant, transactio est. Est enim pacto de lite, non quidem quae nunc sit, sed quae esse possit postea, quod est ad transactionem satis, l. 2. §. Est & de lite incerta: quia cui fideicommissi actio detur, incertum, propter incertum conditionis. Et quoniam nulla est transactio, nisi cum remittenti litem aliquam aliquid vicissim datur, aut ab eo retinetur, l. transactio. §. id quoque ne quis hic requirat, sic in proposito accidit. Vterque enim fiscaliter partis actionem remissit alteri, ut retineat suam partem & sibi & heredibus.

3 Haec et transactio ita rata est, ut non valeat tantum inter maiores viginti quinque annis iure publico, quo transactiones ratae sunt: sed etiam iure praetorio inter minores. Intelligi enim oportet ita subueniri minoribus, non si quid gesserint: sed si ita gesserint, ut etiam sint capti l. verum. §. sciendum. ff. de minor. Quod Imperatores ostendunt in proposita specie non contigisse his de causis. Primum quod quantum vnus dat alteri, tantum ab eo vicissim retinet. Deinde quia accedunt haec vtrique commoda: quod remouetur vtrique votum improbandum captandae mortis alteri: vtrique hoc facto amouetur huius periculi metus. eodemque facto in-

ter fratres concordia retinetur. At enim præter spem euenire potest, ut maior prior moriatur. Non dabit ea res restitutionem, eleganter Vlpianus in d.l. verum. §. sciendum. non euentus damni restitutionem indulget, sed inconsculta facilitas. Fideicommissum recipi cum remissum esse hic proponitur. Quid, si simplex erit fideicommissum relictum ei, qui nunc superstes est, & minor, transgredietur non eo minus rata erit transactio iisdem de causis: quia hic ex transactione quid accepit, quod certus erat se perpetuo habiturum, & ad heredes suos transmissurum: cum si non transgredisset, fieri posset, ut nihil haberet, quia prior decederet, quam frater. Boni patris familias est potius certi quid accipere, quam pendere ex dubio euentu, ubi fieri possit, ut plane nihil auferat. Ad id commodum accedunt superiora, quæ non minus & in hac remissione conspiciuntur.

L. Præses. XII.

In pp. Valerianus, Gallienus AA. & Valerianus nobilis Cæsar Caiano militi.

Præses provincia existimabit utrum de dubia lite transactio inter te & ciuitatis tuæ administratores facta sit. An ambitiose id quod indubitate deberi posset remissum sit. Nam priore casu ratam manere transactionem inbebit: posteriore vero casu nocere ciuitati gratiam non sinet. PP. XVI Ka. Mart. Emiliano & Basso. Coss. 260.

S V M M A R I A.

- 1 Tutoris, curatoris, administratoris ciuitatis parem esse potestatem in rebus suis commissis gerendis.
- 2 Curatorem ciuitatis de re dubia transigere posset rem certam remittere non posse.
- 3 Ambitiosum quid. & quod ambitiosum factum curatoris ciuitatis.
- 4 Ambitiosa decreta.
- 1 **Q**UÆ potestas est tutoris in rebus pupilli, curatoris in rebus adultæ, de qua diximus ad l. pactum curatoris. §. prox. tit. eadem est administratoris ciuitatis in rebus ad ciuitatem pertinentibus. Nempe vna est omnibus rerum administratio permixta: nihil amplius. Ea continetur, ut rem gerant, non perdant. Ex quo est quod hic traditur, ut possit curator ciuitatis de lite dubia transigere: rem autem certam & indubitatam frustra remittat. cuius distinctionis reddidi rationem ad d.l. pactum curatoris. Rem indubitatam qui remittit, dicitur hoc loco ambitiose remittere. Recte.
- 2 Est tamen ambitio, nimia & peruersa honoris cupiditas, cum quibus rebus non oportet, aut non quomodo, quibuslibet rationibus oportet, materiam honoris & gratiæ captamus. Quod hi faciunt, qui rem gerentes publicam aut priuam, largiuntur aliis de alieno: qualis est ciuitatis administrator, qui debitoribus ciuitatis debitum remittit: aut magistratus, decurione cum decernit de publico alicui ædes, vel prædia, vel certam pecuniam præstari. Non dubium est enim, quin his factis affectet liberalitatis, munificentiæ, aut splendoris laudem: cupiant etiam alios sibi gratia, id est, beneficio demereri, eamque gratiam, id est, fauorem, ab illis inire. quod & ut plurimum apud vulgus consequuntur, sed peruersè, & minime ut oportet: cum de alieno, ut dixi, & eo quidem, cuius cura ipsis erat tradita, largiantur. Merito igitur & eiusmodi remissio hoc loco ambitiosa.
- 3 Est tamen decreta decurionum, quibus idem decernitur, ambitiosa ab Vlpiano appellantur in l. ambitiosa. ff. de decret. ab ordine fac. ut sint ambitiosa, quæ malis rationibus sunt ad inanem laudem, & gratiam comparata.

L. Interpositas. XIII.

Imp. Dioclet. & Maximian. AA. Probæ.

Interpositas, metus causa transactiones ratas non haberi edicto perpetuo continetur. Nec tamen quilibet metus ad rescindendum ea qua consensu terminata sunt, sufficit. Sed talem metum probari oportet, qui salutis periculum vel corporis cruciatum contineat. Ad vim tamen vel dolum arguendum qualitas causa principalis non sufficit. unde si nihil tale probari potest consensu questiones terminatas minime instaurari oportet. Sed quoniam eum, cum quo te transigisse commemoras, ex ancilla tua natum seruum tuum esse adseueras: si vera sunt, quæ precibus complexus es, alia ratio pactum reformat. nec enim dubii iuris est, dominos cum seruis suis pacifices, ex placitis teneri atque obligari non posse. S. IV. Nonas April. Byzantii, ipsis IV. & III. AA. Coss. 299.

S V M M A R I A.

- 1 Summa rescripti.
- 2 Metus gestum irritum.
- 3 Edicta veterum prætorum a Saluio Iuliano composita, id est, digesta in ordinem, totum id corpus compositionis confirmante Hadriano Imperatore.
- 4 Edicta olim annua: post compositionem Iuliani confirmatam ab Hadriano perpetua esse cæpta, utpote pro iure perpetuo habita.
- 5 Edictum perpetuum singulari numero dici cæptum totum illud corpus edictorum compositum, a Iuliano.
- 6 Neque remissio accepto maior dolum in reo, neque maior remisso promissio dolum in actore transigente arguit.
- 7 Dominus seruo an & quatenus obligari possit, ut seruus utiliter aduersus dominum consistat.

DVÆ res hic proponuntur, quæ transactione oblitent: metus ad transigendum illatus; & eius cum quo transigitur seruitus, si dominus cum eo ut cum libero transigerit. Metu gesta edicto rescinduntur. quo loco docet rescriptum, quo metu, & quomodo is probetur. Domini cum seruis suis pacifices placitis non tenentur, quæ rescripti summa est.

Edicto perpetuo continetur. ¶ Edictum est de eo, 2 quod metus causa gestum est, quo negat prætor se quidquam, quod metus causa factum sit, ratum habiturum. l. i. ff. quod met. caus. Quem metum in eo edicto accipere debeamus, illic querendum est, quoniam ad interpretationem eius edicti pertinet.

Sunt tamen edicta veterum prætorum a Saluio Iuliano temporibus Hadriani Imperatoris composita, id est, digesta in ordinem. l. 2. §. si quid igitur. §. de vet. iure enucle. Id corpus confirmauit Hadrianus, cuius & voluntatem Senatus secutus est, d. l. 2. §. si quid igitur. Hadrianum confirmasse id cum legimus, hoc intelligimus constituisse illum, ut pro iure perpetuo, & lege ea edicta omnia, quæ in illo opere essent obseruarentur. Alioqui quid confirmatione Hadriani ad eam rem & senatusconsulto esset opus?

Nam tamen ante prætorum edicta perpetua non erant: 4 sed exacto anno finiebantur, ut erat annum prætoris imperium. tit. de perpe. & temp. act. in princ. Ipsi quid prætores quam diu prætura fungebantur, ex edictis suis perpetuis ius dicebant lege Cornelia. itaque auctori suo tam diu erant perpetua. at absolute non erant perpetua: quia ea edicta alios prætores non tenebant. Post compositionem edicti senatusconsulta cæperunt pro iure perpetuo, & lege esse.

Hinc tamen primum nomen edicti perpetui natum est. 5 Omnia

S V M M A R I A.

5 Omnia tenim edicta, quæ illa compositione in vnum corpus redacta erant, tanquam iam vnum edictum esset, id eo edictum singulari numero dici cœperunt, l. 2. ff. de stat. ho. Et quia auctoritas iuris publici ei corpori data est, inde dictum est etiam perpetuum. Inde Saluius Iulianus edicti perpetui conditor & ordinator a Iustiniano dictus in d. l. 2. §. si quid igitur. s. de vet. iure enucl. & l. penult. j. de cond. indeb. Nisi quis malit edictum perpetuum dictum esse continenter, coniunctim, & vno tenore compositum, ita vt nulla esset interruptio, sicut Cicero alicubi perpetuam historiam dicit, quæ nullo speciali argumento separatim tractato interrupta est, lib. 5. epist. fam. l. 12. ad Luceium. Sed prius verius est. Nam & ante compositionem Iuliani fuerunt edicta in albo prætorum continenter, & sine interruptione scripta, neque tamen ante tempora Iuliani aut ea dicta sunt edictum, aut dicta perpetuum edictum, si verum est huius edicti, quod perpetuum esse cœpit, conditorem esse Iulianum.

6 Qualitas causæ principalis non sufficit. Non t. si is, qui licem remisit, multum remisit modico cōtentus, & ita in re captus est; aut reus plus promissit, quam ex remissione consequi potuit: ideo his rebus conuincitur, vim aut dolum aduersarii interuenisse: cum nihil prohibeat actorem, aut reum illa facere, neque tamē ab aduersario coactū, aut circumuentum esse. Sic collectio est, l. neg. natales. j. de prob. Sed quid hoc sit quod dicunt Imperatores, iudem apertius explicant in l. si voluntate. j. de rescind. vend.

7 Nec enim dubii iuris est. Neque t. ex contractu, neque ex maleficio aut vlla alia causâ inter dominum & seruum obligatio & actio nasci potest, §. hi qui. jnst. de obl. quæ ex del. §. si seruus. Inst. de nox. act. Et extra libertatem quidem plane nulla nascitur. De libertate autem, si quid inter se paciscantur dominus & seruus; si quidē transigant, cum is qui seruus dicebatur, se seruum negaret, rata est transactio tamquam cum libero interposita. sin agitur vt cum seruo, ita utilis conuentio est, si seruus domino pretium dederit, vt manumittatur. Et tamen hætenus utilis, non vt ordinaria actione experiri possit aduersus dominum pro suo iure, vt liberi homines solent, sed vt officiosa postulatione apud magistratum consistat aduersus dominum, quo conuentioni suæ stare velit, l. vix certis. ff. de ind. l. cum ad firmes. j. de lib. cau. Nec de alia specie accipiendum est, quod in l. si seruus. §. si quis dederit. ff. de acq. her. ita scriptum est: si quis dederit nummos domino, vt manumittatur, puto hanc omnimodo esse succurrendum. Domino sic accipe, non futuro, vt non recte Accursius & Bartolus acceperunt: sed domino suo, quem nunc dominum habet, cui dat nummos. Nec metuemus, ne quod illic dicitur, huic seruo omnimodo succurrendum, cōtrariam sit prioribus. Nam & in hac causâ licet seruo aduersus dominum ita consistere, vt impetret, d. l. vix certis. de ind. proinde omnimodo. Sed extra ordinem id consequitur, vt dixi. Et hoc succurrendi verbum significat, quo vtimur in iis, qui ipso iure & communi auxilio muniti non sunt, l. in causa. j. iuncta. l. in causa. 2. ff. de minor.

L. Si diuersa. XIV.

Imp. Dioclet. & Maximian. AA. Sopatræ.

Si diuersa pars contra placitum agere nititur: æquitas ratio suadet, refusa pecunia (cum & tu hoc desideras) causam ex integro agi. PP. IV. Non. Jul. ipsi IV. & III. AA. Coss. 290.

- 1 Conuentionem vt actori aduersus transactionem de eadem re agere liceat, refusa quam acceperat pecunia, semper ad iterum agendum utilem esse, si pecunia refusa sit, etiam vetere actione per acceptilationem prius sublata.
- 2 Conuentionem simplicem, vt iterum agere liceat aduersus transactionem, actori inutilem esse vetere actione prius sublata.
- 3 Pecunia non refusa ab actore, etiam illam conuentionem esse illi inutilem, vt pecuniam refundat, & ei de eadem re agere liceat; non tantum si ipse pecuniam non offerat, sed etiam si illo offerente reus accipere recuset.
- 4 Conuentio vna si erit, vt actori agere liceat, sed sub conditione si pecuniam refundat: vtiliter cum iterum acturum, si pecuniam offerat, tamquam impleta conditione.

Q VOD tam multis locis inculcatur sub hoc titulo, lites consensu finitas instaurari non posse, quomodo accipiendum sit, docet hoc rescriptū. Nempe inuito aduersario lis transactione decisa instaurari nō potest. Ceterum aduersario consentiente, si quidem & pecunia, quam transactionis nomine actor acceperat, refusa sit, quo minus ex integro de eadem re agi possit; nihil est impedimento. Quin etiam id ita fieri æquitas ratio suadet, vt hic scriptum est. si quidem æquum est, pactum nouissimum seruari, l. pacta nouissima. s. de pact. Sed cur addidit rescriptum, refusa pecunia? non quia non possit interdum agi cum aduersario consentiente, etsi pecunia refusa non sit: sed quia non semper potest agi etiam cum eo, qui consenserit, vt secum agi liceret, nisi pecunia sit refusa.

Si t. cum actor pactus est, vt sibi de eadem re agere liceret refusa pecunia, simul etiam refusa pecunia sit: nunquam erit tempus, cum causâ ex integro agi non possit, in eamq; rem non suppetat actio propria, qua actor experiatur: siue pacto transactum fuerit ita, vt maneret vetus actio: siue transactum sit per acceptilationem, quo modo vetus actio extincta est. Priore casu sic vetus actio est, vt si reus vtatur pacti exceptione, exceptio replicatione doli mali elidatur, l. si vnus. §. pactus. ff. de pact. Posteriore sic vetus actio est sublata, vt ne pacto quidem possit restitui: cū vnaquæque actio ex suis causis, non ex consensu solum nascatur, d. l. si vnus. §. pactus. sed erit noua; nempe prescriptis verbis: quia sic actor refundit pecuniam, vt sibi iterum liceret agere, in quo pactum non est nudum: sed negotiū civile geritur, ex quo est præscriptis verbis actio, l. legem. s. de pact. l. solent. ff. de præsc. verb. Et plane simili in specie, in qua actio confusione sublata erat, hæc eadem actio redditur ei, qui quid dedit, vt sibi idem quod prius, petere liceret, in l. debitori. s. de pact.

At t. si re transacta pactus sit actor, vt de eadem re ageret: sed pactus sit tantum ita, vt pecuniam acceptam non refunderet, nihilque daret reo eo pacto, vt sibi liceret agere: est, cum hæc conuentio agenti proficit: est etiam, cum sit inutilis. Prodest, si vetus actio transactione sublata non fuit. Licet enim etiam nunc illa experiri: cui si obiicitur transactionis exceptio, hæc vt dixi, posterioris pacti replicatione elidit. Ceterū erit pactio inutilis si proponas id tum cōuenisse cū prius transactione vetus actio esset sublata per acceptilationem. Nam neque vetus actio semel extincta suscitari

potest; neq; ex pacto nascitur noua. Proinde cum dicitur hoc rescripto, ex integro causam agi posse reo consentiente, nō otiose additur, si *et pecunia refusa sit*: cum pecunia non refusa non semper de eadem re liceat experiri, quamuis vt id facere liceat reus aliquando desiderauerit.

3 Quid si conuenerit, vt de eadem re agere liceret refusa pecunia, reus autem mutato consilio postea pecuniam non accipiat, nec secum agi patiat? Ipse actionem recte recusat. Facit enim pecuniam recusando, vt semper verum sit eum non accepisse. Nisi forte dicamus, cū pecunia promissa reo offertur, perinde habendum esse, quasi eam accepisset. Sed certi iuris est, cum conuenit, vt tibi quid darem, aut facerem, esse penitentiae locum, id est, rebus integris esse in potestate tua non accipere, & efficere, ne mihi obligeris, leg. 3. l. 5. ff. de cond. caus. dat. l. qui pecuniam. ff. si cer. per. Hęc ratio efficit, vt etsi transactum sit pacto tantum ita, vt vetus actio maneret integra actori: tamen ei agenti obstat prioris pacti, id est, transactionis exceptio: cum nouissimum pactū non aliter ei possit prodesse, quam si pecuniam refuderit. quod non facit, cum reus eam non accipit. & iam diximus esse in eius potestate eam non accipere. In summa, pecunia non refusa ex hac conuentione, daobus casibus iterum agi non potest. Vno, si simpliciter conuenerit, vt agere liceret nullo de pecunia refundenda pacto interposito, vbi & actio prius transactione extincta erat. Altero, si conuenerit de refundenda pecunia, & reus pecuniā accipere recuset. quo casu nec vetere actione experiri licebit, quamuis inanserit, nec noua.

4 Quod si tamen sic accipiendum est, si conuenerit nominatum, vt actor refunderet pecuniam, & illi de eadem re agere liceret: vt sic conuentio esset duplex, & contractus is, ex quo actor pecuniam dare, reus facere, id est, actionem suscipere deberet. Diuersum putem, si vna fuerit conuentio, vt actori iterum agere liceret sub conditione, si pecuniam refunderet. Nihil enim hic occurrit, cur actor pecuniam offerendo, nō recte agat. Aget recte vt impleta conditione, si reus pecuniam refusam accipit. Si non accipit, nihilominus ex regula iuris conditio pro impleta habenda est: quia per eum stat, quominus impleatur, l. in iure. ff. de reg. iur. l. in executione. §. ult. ff. de verb. obl.

L. Vt responsum. XV.

Impm. Dioclet & Maximian. AA. Pontio.

Vt responsum congruens accipere possis, insere pacti exemplum. Ita enim intelligemus, utrum sola conuentio fuerit, an etiam Aquiliana stipulatio, nec non et acceptilatio secuta fuerit. quae si subdita esse illuxerit, nullam aduersaria tua petitionem hereditatis, vel in rem specialem competere, palam est. PP. XV. Kal. August. i. p. s. l. V. §. III. AA. Cos. 290.

S V M M A R I A.

- 1 Facti species.
- 2 Ius ex facto oriri: ut q. est consultatio, ita et responsum esse oportere.
- 3 Petitio hereditatis et rei vindicatio quomodo vtiliter deducantur in Aquilianam stipulationem, vt deinde acceptilatione tollantur.

1 Quid conuentus erat petitione hereditatis, aut vindicatione, transigit cum actore ita, vt a lite discederetur, ipse certam pecuniam actori daret. Cū non statet promissis, aut vim vel dolum in transactione ad-

hibuisse diceretur, quibusde causis iterum agi potest; l. sine j. eo. l. interpositas l. 4. §. eod. conuenitur iterum vetere petitione. negat secum vetere actione recte agi, quod de ea transactum sit: deque ea re consulti Imperatores.

Respondent illi se nihil congrue, id est, absolute & precise posse respondere: quia consultor de pacto non satis dixerit. Fieri enim posse, vt actor recte actionem instauret: fieri posse, vt non recte: prout scilicet aut pacto tantum transactum erit, aut per acceptilationem. quod consultor in pacto, de quo consulit, exemplo pratermisit. Acceptilatio si interuenit, actio perempta est. quo fit, vt actor amplius ea experiri non possit. Si transactum est pacto, vetus actio manfit: quaproinde recte ille experietur, si fides placitis non praestatur, l. sine apud j. eo. quae de re dixi alibi supra. l. 4.

Notandum, quod Imperatores dicunt, etiam petitionem hereditatis, atque adeo specialem in rem actionem rei meae Aquiliana stipulatione & acceptilatione secuta, sic tolli, vt deinceps non competant. De acceptilatione non dubitatur, quin recte & vtiliter sequatur, si Aquiliana stipulatio praecessit, in quam actiones deducerentur. At quomodo deduci poterunt, vt sic verbis cautae contrariis verbis tollerentur? Ipsas actiones sibi praestari nemo actor stipulari potest, quia ipse eas habet, non reus. Rem ipsam, quae actione in rem petitur, multo minus. nemo enim rem suam stipulari potest, l. nemo rem. ff. de verb. ob. Quis ergo locus relinquatur Aquiliana stipulationi? Quod si in ea haec actiones aut res ipsae deductae non sunt, ne acceptilatio quidem eas sustulerit, quae verbis tollere non potest, nisi quod verbis colligatum est, l. an inutilis §. acceptum ff. de acc. Et Aquiliana stipulationis formula quae extat in §. item per. Inst. quib. mod. tol. ob. ostendit, sic actiones in rem in Aquilianam stipulationem sine offensa iuris deduci, vt dominus idemque petitor non stipuletur rem suam; sed quanti ea res erit, tantam pecuniam sibi dari, id est, nō rem, sed aestimationem. Huius aestimationis obligatio acceptilatione recte tollitur; sublata facit, vt effectui etiā petitio de re ipsa sublata intelligatur. Actionis enim in rem vis & effectus omnis in eo est, vt re non restituta, lis aduersus possessorem aestimetur: l. qui restituere. ff. de rei vind. Ne sit igitur litis aestimatio; iudicii vis & potestas tollitur. Et hoc est, cur placeat fundi nouationem fieri non tantum si quis eundem fundum, sed etiam si quanti is fundus est, nouationis animo stipuletur, l. fundum ff. de nouat.

L. Causas. XVI.

Impm. Dioclet. & Maximian. AA. & CC. Cæcilio.

Causis vel lites transactionibus legitimis finitas, imperiali rescripto resuscitari non oportet. S. V. Id. Mart. i. p. s. V. §. IV. AA. Cos. 293.

S V M M A R I A.

- 1 Rescriptum principis contra ius impetratum non admittendum a iudicibus, etiam hac clausula addita, Non obstante lege contraria, quamuis ea lex nominatim appelletur.

Eadem sententia quae in l. fratris, et similibus. Quid distet causae a lite ad l. postquam §. prox. tit.

Quod ait lites transactionibus legitimis finitas, nec imperiali rescripto resuscitari oportere, non eo tantum pertinet, vt significetur Imperatorem rescriptum eiusmodi concedere non debere, sed etiam vt si forte

forte concessum sit, a iudicibus admitti non debeat, quia sit contra ius. Huiusmodi enim rescripta iubentur constitutionibus in iudiciis reiciantur, l. ult. §. si con. ius vel uti. pub. l. rescripta. §. de pre. Imp. off. Quid, si Princeps nominatim in rescripto addiderit, se velle rescripto suo dari, non obstante hac l. causas? Ne sic quidem rescriptum admittendum putem. Scriptum est enim in d. l. ult. §. si con. ius iudices non debere dubitare, generales constitutiones omnibus modis observandas. Ergo & si ito modo rescriptum conceptum erit.

L. Cum proponas. XVII.

Imp. Dioclet. & Maximian. AA. & CC. Marcellus.

Cum proponas: ab ea, contra quam supplicas, litem quam tecum habuit, transactione decisam, eamque acceptis his, quae negotii dirimendi causa placuit, dari, nunc de conventionione resituisse: ac petas vel pacto dari, vel data restitui: perspicis: siquidem de his reddendis manente transactionis placito, statim stipulatione: si contra fecerit, prospexisti, & 25. annis maior fuerit: quod exceptionem pacti, & actionem datorum habeas. quod si nihil tale convenit: exceptio tibi non est eorum, quae dedisti, repetitio competet, parita securitate. PP. V. 7. d. Iun. i. p. AA. V. & IV. Coss. 293.

SUMMARIA.

- 1 Species & summa rescripti.
- 2 Datum auctori hac lege, ut si iterum ageret, datum redderet, conditione existente repeti posse, quamvis solum pactum de reddendo sine stipulatione interveniret: neque hunc locum refragari.
- 3 Siquidem, interdum non conditionem, sed causam exprimit, ut sit pro quandoquidem, ut hic.
- 4 Exceptionem pacti, & actionem datorum quomodo reus ex conventionione habere possit, quamvis nominatim convenierit, ut auctore iterum agente utrumque haberet.
- 5 Datorum repetitionem etiam sine conventionione reo competere, si auctore iterum agente reus exceptione non utatur, aut usus condemnatur.

Si quidem de his reddendis manente transactionis placito statim stipulatione, si contra fecerit, prospexisti.) Res ita gesta est. Dedit tamen Marcellus adversariae decem transactionis nomine, ne quid amplius a se peteretur. quod si quid adversaria amplius peteret, statim stipulatus est decem data sibi reddi ea lege, ut nihilominus pactum de non petendo interpositum ratum maneret. Si adversaria amplius agere eo nomine instituat, volunt Imperatores non solum posse Marcellum exceptione pacti se tutari, ut certum est semper ex pacto exceptionem nasci: sed etiam actionem datorum habere, id est, ut in extremo nominant, eorum, quae dedit, repetitionem.

- 2 Hoc tamen vero non solum ita recipiendum est, si, ut hic scribitur, Marcellus sibi in eam rem stipulatione prospexerit: sed et si in re danda convenierit solum, ut decem data redderentur, si adversaria amplius ageret, manente nihilominus transactionis placito. Est enim hoc pactum, quod interponatur in traditione rei nostrae, cuius generis pacta, quaecumque sint, valere constat. l. in traditionibus ff. de pact. l. legem. §. eo tit. Nam quod hic dicitur, data repeti posse, si quidem de his reddendis manente transactionis placito statim stipulatione Marcellus prospexit, ideo hoc de stipulatione additum est, quia Marcellus in re exponenda posuerat rem ita esse gestam: non quia ita geri fuerit necesse. Idque ita esse haec probant. Et si enim concederemus stipulationem ad eam rem esse necessariam: tamen illud non esset

necesse, ut interponeretur stipulatio statim, & in continenti. Nam stipulatio quandoque interponatur, iure civili actionem parit. §. de constituta Inst. de actio. Tum autem quid sequitur in extremo? Nempe opposita a Marcellis exceptione cessare dat. cum repetitionem, si nihil tale convenierit, quale prius diximus. Ex quo colligitur, si quid eiusmodi convenisset, convenisset, inquam, pacto, non stipulatione cautum esset, dammodo convenisset statim in re danda, & exceptioni locum fore, & simul decem data reperiri. l. e.

Itaque tamen videntur supra scripta verba magis pro causa, & ratione posita esse ex eo, quod contigerat, quam pro conditione. quasi ita dicerent Imperatores, si quidem prospexisti, pro, quandoquidem tibi prospexisti: siue, quandoquidem res ita gesta est, ut stipulatione tibi prospexeris, ut narras. Unde & verba affirmanter concepta sunt, non conditionaliter: siquidem prospexisti, non autem, si quidem prospexeris.

Exceptionem tamen pacti, & actionem datorum habeas.) 4 Hoc dicant, Marcellum ex supra scripta stipulatione, aut conventionione, simul & agente adversaria exceptionem tutam esse, & eo amplius, quae dedit, posse repetere. Quod quale sit, consideremus. Nam utrumque simul admitti posse non videtur, quantumvis convenierit, ut utrumque locum haberet, si contra stipulationem fieret, repugnante nimirum repetitionis conditione. Nam ut possit Marcellus data condicere, haec conditio est, si adversaria amplius petat, si agat iterum de eadem re. Non videtur autem existerere posse haec conditio, si dum illa vult agere, exceptione summoveatur. Non enim agere intelligitur is, cuius propter exceptionem inanis est actio. Denique regula iuris traditur nihil interesse, utrum quis actionem non habeat, an per exceptionem infirmetur, l. nihil interest ff. de reg. iur. Cui rei argumento est, quod cum ita ius esset, nullam ibi esse moram, ubi nulla petitio est, hinc veteres consequens esse putaverunt nullam ibi moram fieri, ubi is petit, qui potuit per exceptionem removere, statuentes videlicet nullam esse hanc petitionem, quae exceptione repelleretur, l. lecta. ff. si cert. pet. l. si pupillus ff. de verb. oblig. Et quid opus est verbis, cum Valerianus in l. §. eleganter. §. servus ff. de dolo. differre scribat nullam actionem esse, quae exceptione repellatur? Et vero ita se res habet, si quis hic ius & effectum actionis spectandum putet. Sed et si qui ita agit, nullo iure, & inutiliter id facit: actu tamen ipso actionem, & litem movet, facitque etiam, ut iudicium accipiat. De hoc actu, ac non de effectum petitionis in superiore stipulatione cogitatum est. Nam ni ita foret, esset plane pactio inutilis: utpote cuius conditio opposita exceptione existeret non posset. Semper autem in omni stipulatione, quoties oratio ambigua est, id agendum est, ut res valeat potius, quam pereat, l. quoties in ff. de verb. oblig. l. quoties. & l. ubi. ff. de reb. dub.

Non etiam eorum, quae dedisti, repetitio competit securitate parata.) Non tamen dicunt absolute Imperatores non competere repetitionem datorum, ubi nihil convenit de iis, quae data sunt, reddendis, si contra transactionem ageretur: sed non competere sub conditione, nempe securitate parata, id est, si securitas reo parata erit, opposita videlicet adversario pacti exceptione. Hac. n. tutus Marcellus non metuit actionem. Actione vero remora sequitur causa, propter quam pecunia data est: eoque cessat repetitio. Ceterum si reus exceptione non utatur, aut usus condemnatur, sine dubio quae dedit, repetet, l. eleganter. §. penult. ff. de cond. indob.

L. Transfigere. XVIII.

Impp. Dioclet & Maximian. AA. & CC. Valenti.

Transfigere vel pacisci de crimine capitali, exceptio adulterii, prohibita non est. In alio autem publicis criminibus, quæ sanguinis pœnam non ingerunt, transfigere non licet citra falli accusationem. S. III. Kal. Septemb. A. A. Coss. 293.

S Y M M A R I A.

- 1 Transfigere & pacisci de crimine quomodo differant.
& num. 22.
- 2 Capitale crimen, cuius pœna mors, servitus, aut exilium est: hic capitale, cuius pœna mors.
- 3 Transactionem & pactionem de crimine quod pœnam mortis ingerit interpositam, non solum ratam esse, ne accusatori amplius reum de eadem re accusare liceat: sed & virg. tum reo: tum accusatori esse impunitam: illi, ne habeatur pro convicto; huic ne in Turpillianum incidat. licet in aliis criminibus contra, & num. 5.
- 4 Transactio seu pactio de crimine capitali accusatorem eandem accusationem repetere volentem remonet: publicam de eadem re accusationem aliis non admittit.
- 5 Transigentem vel paciscentem de crimine capitali accusatorem non incidere in senatusconsultum Turpillianum pluribus demonstratum; nec ob stare generale illud, eos qui citra abolitionem destiterint ab accusatione, incidere in Turpillianum.
- 6 Adulterii pœnam hodie mortem: olim non item.
- 7 De Adulterii crimine cur placeat præter cetera crimina capitalia transfigere aut pacisci non licere.
- 8 De stupro nec transfigere nec pacisci licere etiam si in aliquibus ditionibus obtinuerit, ut pœna mortis plecteretur.
- 9 Multoq; minus de rapto.
- 10 Sanguinis pœnam, mortis pœnam accipiendam esse, cum de iis criminibus quæ sanguinis pœnam ingerunt, definitur transfigere & pacisci licere: aut de iis quæ non ingerunt non licere.
- 11 L. ff. de bo. qui sibi. mor. cons. explicata.
- 12 De criminibus publicis etiam quæ pœnam mortis non continent, hæcenus transfigere & pacisci licere, ut transactio & pactio accusatorem eandem accusationem repetentem removeat, & reo non noceat, ut pro convicto habeatur.
- 13 De criminibus publicis sanguinis pœnam non inferentibus transfigere & pacisci non licere citra falsi accusationem: de est, quin accusator qui transigit aut pactus est, incidat in senatusconsultum Turpillianum: & num. 16.
- 14 His verbis, citra falsi accusationem, non excipi falsi crimen, quasi de eo præter cetera liceat transfigere & pacisci.
- 15 Citra, idem esse, quod sine: neutram particulam excipere aliquid de præcedenti oratione, sed præcedentem orationem totam privare re affirmata, si absit earum, quæ ei particula annectitur.
- 16 De crimine falsi licere transfigere nusquam traditur: & hic expositi hi loci, l. ipse. j. de fals. item l. 2. j. de his. quib. ut ind.
- 17 De crimine falsi ut transfigere præter certa liceret, uti constitutum non est, ita nec constitui debuisse.
- 18 Falsi accusationem etiam senatusconsulto Turpilliano constitutam; quod falsum sit in prænaratione, & perjuratatione.

19. Prauaricari & tergiversari quid, & unde dicta.
20. De criminibus publicis non capitalibus non magis pacisci licere accusatori, quin in Turpillianum incidat, quam transigere: & cur hic paciscendi verbum omisum.
21. Transigere & pacisci de quovis crimine etiam non capitali licere ante accusationem institutam, ut accisurato sit impune.
22. Summa totius disputationis.
23. Rescriptum hoc de accusatore solum scriptum esse: ad rem non pertinere: & num. II. & 18.
24. Reo de omni crimine etiam non capitali transigere impune licere, ne pro convicto habeatur, quando cumq; id faciat: pacisci item sine pretio licere: si pretium vel minimum dedit, pro convicto haberi.

COMPLECTITVR hoc rescriptū definitiones duas, quibus ostenditur vti breuiter, ita subobscure, quid valeat transactio, & pactum in omnibus criminibus publicis. Priorem quidem de capitalibus: de iis quæ capitalia non sint, alteram. Vtramque vti scripta est, expendamus. Sic ergo rescriptum definit primum de capitalibus: Transigere vel pacisci de crimine capitali, excepto adulterio, non est prohibitum:

Alunt † Imp. *transigere vel pacisci*. Transigit de crimine, qui de damno, quod ex maleficio priuatum accepit, decidens accusationem omittit. Paciscitur, qui aut nulla pecunia accepta, & gratis deferit accusationem, *arg. l. 1. D. eo. aut accepta quidem pecunia id facit* (nam & cum pretio pacisci possumus de crimine. *l. furri. §. pactusue. D. de his, qui not. infra.*) at nō pro damno, quod vllum in eare accusator sit passus: fed tantum ideo, ne negotium reo faciat. quod qui facit, per concussionem accipere dicitur. *l. 1. D. de calum.* Vtrumq; facere in crimine capitali non esse prohibitum significant Imperatores.

Aiunt, † *de crimine capitali.*) Capitale, verbum
 ambiguum est. In vsu iuris vt plurimum capitale cri-
 men dicitur, cuius pœna mors, aut seruitus, aux exi-
 lium est: quia per has pœnas eximitur caput, id est, ho-
 mo de ciuitate. l. 2. §. 1. *D. de pub. ind. l. 2. in princ. D. de*
pœnis. Dicitur & capitale id, per quod caput eximitur
 non de ciuitate, sed de medio hominum: id est, cuius
 pœna mors, & supremum supplicium est. quomodo
 capit is pœnam vocat Marcianus, quæ est mortis, *in l.*
4. ff. de pœn. Et si prior illa significatio ita est in vsu iuris,
 vt nisi manifestum sit aliud sensisse legem, ea signifi-
 catio semper accipiat, *l. licet. D. de verb. sig.* tamen
 vbi constat capitale id dici, cuius pœna mors est, nihil
 amplius querendum est. Quod hic factum esse vel
 sequentibus verbis rescripti, vel potius iis constitui-
 tionibus, quæ de hac eadem re apertius definiuerunt,
 ita declaratur, vt dubitari nullo modo possit. In hoc
 quidem rescripto ita subiicitur, *in aliis autem publicis*
criminibus, quæ sanguinis pœnam non ingerunt. Ex qui-
 bus verbis apparet Imperatores crimina capitalia, de
 quibus initio locuti erant, ea intellexisse, quæ eadem
 pœnam sanguinis ingererent. Alioqui hæc quæ subii-
 ciunt, cum & publica sint, non essent alia. Quod si ea
 intellexerunt publica & capitalia, quæ irrogarent pœ-
 nam sanguinis, haud dubie intellexerunt ea, quæ irro-
 gant pœnam mortis. Nullum enim capitale crimen
 irrogat pœnam sanguinis, nisi quod morrem irrogat:
 cum capitalis criminis hæc pœnæ sint, mors, deporta-
 tio, seruitus. Ex quibus cum duo posteriora pœnam
 sanguinis non contineant, relinquatur pœnæ sanguinis
 totum esse in morte. Sed referunt de hac re constitutiones

^{tergiveris}
 et nix. prima pars obstat iuris qd cu s si pacis ear spae z huius spacta edo
 parti obstat i^o cor delat 2^o p z cor tunc i b ut i sig 3^o in l. i.

in l. i. ff. de bon. eor. qui sibi mor. consc. quæ omnem ambiguitatem sustulerunt. his enim cautum est, in capitalibus criminibus non nocere ei, qui aduersarium corrupit: sed nominatim additur, in his demum, quæ pœnam mortis continent. Cur in his potissimum, ratio reddita est ibidem ab Vlpiano. Nam ignoscendum, inquit, censuerunt ei, qui sanguinem suum qualitercunque redemptum voluerit.

5 Aiunt Imp. Prohibitum non est.] Permissum t̄ igitur. cum enim ex quibusdam alia prohibentur, alia non prohibentur, quæ prohibita non sunt, permissa intelliguntur. l. mutus. §. i. ff. de proc. l. i. ff. de testi. Licet ergo iure pacisci, & transigere. Quod si verum est, ut est, duo sunt consequentia, quæ & eadem opera admittenda sunt. Primum si licet de crimine capitali transigere & pacisci: consequens est, si transactum sit, ratam esse transactionem, & pactionem, ut accusator, qui transigit, vel pactus est, amplius reum accusare non possit. Deinde & illud consequens, non tantum valere transactionem de crimine capitali; sed & in vtriusque persona accusatoris nimirum, & rei transactionem esse impunitam, quod enim sit lege permittente, pœnam non meretur. l. Gracchus. §. de adul. Quo fit, ut quæ pœnæ sunt in ceteris criminibus aduersus reum, & accusatorem, cum reus accusatorem corrumpit, accusator ab accusatione destituit, ab his pœnis ambo sint immunes, cum de crimine capitali aut pacti sunt, aut transigerunt. In ceteris criminibus si reus corruperit accusatorem, ne ille in accusatione perseueraret, pro conuicto habetur. l. infisci. l. eius. ff. de iure fisci. In crimine capitali si idem fecerit, impune erit, ut scriptum est diserte in d. l. i. ff. de bon. eor. qui sibi mor. consc. Quod attinet ad accusatorem, in senatusconsultum Turpillianum incidit is, qui ab accusatione destituit. l. i. §. si quis autem. l. in senatusconsultum. in princ. ff. ad S. C. Turpil. Et destituisse eum constat, qui vel de compositione eius criminis, quod intendebat, cum aduersario locutus est. l. ab accusatione. ff. ad Turpil. quanto magis, qui huc vique est progressus, ut componeret, id est, transigeret, aut pacisceretur: In crimine capitali si desistat accusator ab accusatione, quia iure permittente id facit, non incidit in senatusconsultum. Hæc, inquam, illi consequentia sunt, quod dicimus permissum esse transigere, ut pacisci. Prius igitur qui dicit, posteriora dicat, & admittat, necesse est.

4 Sed t̄ hæc posteriora in dubium reuocantur. Hinc huius partis difficultas. Primum queritur, si de crimine capitali dixerimus valere transactionem, & pactionem, quomodo conuenire putemus, quod in iuris gentium. §. si paciscar. ff. de pact. scriptum est, si res familiaris agatur, licere pacisci: si de re publica, non licere. Item, quod est in l. si vnus. §. pacta. ff. eod. ne experiamur interdicto unde vi, quatenus publicam causam contingat, pacisci nos non posse. Quid enim aliud agitur in accusatione, quam causa publica? Pertinet enim accusatio ad criminis vindictam. In eo vindicando non priuata utilitas, sed publica versatur. l. locatio. §. quod illicite. ff. de publ. l. ita vulneratus. ff. ad leg. Aquil. Et quidem permulti hoc argumento victi non putant de crimine & accusatione publica valere pactionem. Sed ne dubitemus valere, ita scriptum est in l. in senatusconsultum. §. idem. ff. ad Turpil. eum qui semel destituit, si postea paratus sit accusare, non esse audiendum. Plus dicitur in l. si maritus 2. §. si negauerint. ff. ad legem Iuliam, de

adul. eum qui se negauerit de adulterio acturum, postea non audiendum. Quod si de adulterio dictum est, id est, eo crimine, de quo transigere non licet: quanto minus est audiendus, qui pactus est, ne accusaret eo crimine, de quo transigere & pacisci permissum est? Non est vero, ut existimo, quod contra eo dicto moueamur, de re publica nos pacisci non posse. Etenim qui transigit de crimine, aut paciscitur, & in summa qui hoc agit, ne accuset, non de re publica paciscitur, sed priuata & sua. Paciscitur enim se non accusaturum: quod priuatum eius factum est, non publicum. nisi forte dicimus pactum pertinere ad publicam læsionem, ideoque non seruandum: quod non ita est. Pertineret pactum ad publicam læsionem, si remitteret executionem publicam, aut accusationem criminis. Nunc autem non id fit. Transactio & pactum paciscenti obstat ne postea ad accusationem admittatur: ceterum aliis accusare volentibus non nocet. Sic priuata accusatio paciscentis remouetur: causa autem publica, id est, executio & accusatio criminis integra populo relinquitur. Sed de impunitate transactionis & pacti maior est dubitatio. Hoc quidem inter omnes conuenit, si reus corruperit accusatorem in capitalibus criminibus, in quibus de sanguine agitur, non ideo magis eum pro conuicto esse habendum, quod diserte scriptum est in l. i. ff. de bon. eor. qui sibi mortem consc. l. ult. ff. de preuar.

Illud t̄ non contuenit, quod de accusatore diximus, etiam huic impunitam esse transactionem & pactionem, nec incidere eum in Turpillianum. Imo vero incidere eum in senatusconsultum, quamuis reus pro victo non habeatur, multi & ii docti viri auctores sunt. neque id temere: cum certi iuris definitio sit non vno in loco inculcata, eos qui ab accusatione destiterunt citra abolitionem, incidere in senatusconsultum Turpillianum. l. i. §. si quis autem. l. in senatusconsultum. ff. ad Turpil. l. i. §. eod. Nam de illo nemo dubitat, quin is destiterit, qui pactus est de crimine: cum & is videatur destituisse, qui quid vel de compositione sit locutus. d. l. ab accusatione. ff. ad Turpil. Sed multa concurrunt, quæ hanc sententiam a nobis exprimant, nec accusatorem, qui de crimine capitali transigerit, aut pactus sit, incidere in pœnam senatusconsulti. Primum quod hic scriptum sit infini-
te licere transigere, vel pacisci de crimine capitali: ut intelligendum sit licere & accusatori, & reo. Sed eo magis accusatori, quod transigendi verbum non tam ad reum referatur, quam ad eum: quoniam is præcipue litem finiat actionem omittendo, transigere autem est litem finire. l. controuersia. ff. eod. Iam ut nihil aliud sit in hac causa, quam illud, quod omnes concedunt, licere reo impune pacisci & transigere de capitali, vel hoc satis sit argumenti accusatori etiam impune idem facere licere. Quoties enim conceditur aliquid lege, etsi nihil addiciatur amplius: tamen ea omnia concessa intelliguntur, sine quibus prius illud concessum expediri non potest. l. 2. ff. de iuris d. Porro reus sine accusatore de crimine transigere, aut pacisci non potest. Quare transactione reo permissa, hoc ipso & accusatori permissam esse intelligendum est. Et sane absurdum videtur reo permittere, ut pecuniam det impune sanguinis sui liberandi causa: accusatori autem non concedere, ut accipiat impune. Nam quomodo ille dabit, nisi sit, qui accipiat? at nemo facile existet, qui accipiat, si metuet,

ne eo facto in senatusconsultum incidat. Postremo id mihi effici videtur extremis verbis huius rescripti non obscure. Cum enim in extremo dicitur de aliis publicis criminibus non licere transigere citra falsi accusationem, hoc declaratur, de eo quod capitale sit, & citra falsi accusationem transigere licere. Quod nihil aliud est, quam licere ita transigere, ut transigens in senatusconsultum non incidat. Sed de eo postea. Scio esse, qui dicant licere quidem transigere, vel pacisci de crimine capitali: sed nihilominus eum, qui pactus sit, senatusconsulto puniri. Quod si verum est, licebit eadem ratione dicamus prohibitum non esse omnibus accusatoribus desistere ab accusatione: quia cum destiterint, non nisi poena senatusconsulti teneantur. quod si est absurdum: restat, ut dicamus licere accusatori de crimine capitali transigere, vel pacisci: & quia licet, utrumque illi impune esse fateamur. Quo minus vero hoc ita statuamus, non impedit illud tam multis locis ita inculcatum, eos qui ab accusatione desistunt, incidere in Turpillianum. Id enim regulariter recte definitur: sed non est perpetuum. Nam in *l. destitisse. ff. ad SC. Turpill.* scriptum est eum, qui permissu Imperatoris ab accusatione desistat, impunitum esse. Id ipsum vero & in hac specie obtinebit. Si crimen capitale est, & accusator transigendo aut paciscendo ab accusatione desistat, erit impunitum. neque longe huius exceptionis probatio petatur. Nam si impunitus est is, qui permissu Principis ab accusatione destitit, ut esse constat, & modo diximus: quanto magis extra poenam erit, qui id facit iuris publici permissu?

6 Aiunt tamen Imperatores excepto adulterio. In superioribus criminibus excipitur hoc rescripto adulterium. Unde intelligitur adulterium crimen capitale esse, id est, tale, quod poenam mortis contineat. Et nunc quidem tale esse constat. §. item *lex Iulia. Inst. de pub. ind.* quod constitutione Constantini effectum est, si modo vera est inscriptio. *l. quamvis 2. §. de adult.* Olim non fuit eiusmodi, ut apparet ex *l. si quis viduam. ff. de quaest.* ut non dubium sit, quin hac sit exceptio a Triboniano addita huic rescripto. quod tamen tantum a se factum, & profectum Iustinianus accipere iubet in *l. i. §. & omnes. §. de vet. iure enucl.*

7 Cur tamen excipiat adulterium, non immerito quaeritur. Nam cum sint constitutiones generales, quae volunt licere reo sanguinem suum quouis modo redimere in iis causis, quae poenam mortis continent. *d. h. de bo. ar. qui sibi mort. consc.* & adulterium ex hoc genere sit: nemo dubitare debet, quin pertineat adulterium ad eas constitutiones. Lex enim de criminibus licere transigere cauens, non de his tantum cauere intelligenda est, quae tum capitalia fuerunt, cum lex lata est: sed de omnibus, quae nunc sunt, & quandoque postea futura sunt capitalia. siquidem leges & constitutiones futuris negotiis formam dant, non tantum praesentibus, aut praeteritis. *l. leges & constitutiones. §. de legib.* ita cum lex de capitalibus criminibus generaliter scripta sit, etiam adulterium postea esse coepit capitale: tamen lex, quae perpetua est, & tunc quoque valet, cum adulterium capitale esse iustum est, sine dubio hoc quoque crimen continebit. Et vero cur excipitur, nisi quia non exceptum verbis earum constitutionum continetur? Cur ergo excipitur? Non est in causa, grauitas criminis. sunt eo alia grauiora, ut parricidium. Ne turpitudine quidem conuentionis non enim magis in hoc crimine turpe est, sanguinem suum redimere

velle, quam in ceteris. Mihi videntur duae esse hae donec rationes, cur sit exceptum. Vna, quod et si pleraque alia crimina sint adulterio grauiora: nullum tamen est, quod non admitti aequae inter sit Reipublicae. id est, omnium, ut adulterium. Nam cetera fere ad priuatos pertinent, quibus nocitum est, ut caedes, latrocinium, furtum, & similia: per consequentiam autem ad Rempublicam. ob hanc causam, quod in salute & commodis priuatorum sita sit salus, & incolumitas ciuitatis. At adulterium recta ad perniciem & dedecus ciuitatis fertur: quia praeter alia incommoda hoc efficit, ut incerta & probrosa soboles nascatur, & inferatur ciuitati. Turpe autem & probrosum ciuitatis ciuitatem talibus ciuibus constare. Quid, si etiam hoc ipso ciuitas euertatur, quando haec non nisi ex honestis ciuibus coalescere non possit? Accedit ad haec etiam haec ratio, quod non tantum interest Reipublicae, adulterium non admitti: sed etiam eo admissio Reipublicae interest non celari. Etenim cetera delicta sine incommodo ciuitatis ignorari possunt. Huc enim pertinet illa detegi, ut fontes supplicio afficiantur. Adulterium vero non tantum ob vindictam publicam prodest detegi, sed etiam ut sciamus eximere ex honestorum ciuium numero eos, qui ex probroso coitu nati sunt, ne istorum macula honestorum consortium contaminetur.

Adulterium tamen hic tantum exceptum est. Vnde 8 quaesitum est, num idem in stupro probandum sit, quod in adulterio. Nam proprie adulterium in nuptam committitur: stuprum autem in virginem, aut viduam. *l. inter. §. i. ff. de adult.* Sed cum stuprum capitale crimen non sit. §. item *lex Iulia. Inst. de pub. ind.* parum apte de eo hoc loco quaeritur, quasi de criminibus publicis & capitalibus excipi debeat, ut adulterium. Sed si de eo quaeritur, an nec de eo liceat transigere, non dubium est, quin ad sequentem definitionem legis pertineat, eoque nec liceat de eo transigere, vel pacisci non magis, quam de adulterio. Fingamus tamen alicubi delictum capitale esse. Equidem non dubitem idem de eo, quod de adulterio dicere. Nam in eo idem admitti eiusdem rationis est. Stupris enim aequae efficitur, ut ne soboles sit, aut ne certa & honesta. Nec quisquam mihi dicat, cum lex de adulterio loquatur poenam ad stuprum proferendam non esse, quia poena legum interpretatione mollienda sint potius, quam exasperanda. *l. pen. ff. de poenis.* Non enim exasperatur poena, cum in eodem, aut pari delicto eadem poena retinetur. Hoc si ita est, de raptu multo magis idem dicendum est, quod de adulterio. ut enim in rapina furtum improbum: sic in raptu stuprum multo grauius est. *l. qui coetu. §. ult. ff. de vi pub. Inst. de vi bo. rap. in princ.*

Sequitur definitio altera de aliis criminibus hoc rescripto tradita: *In aliis autem publicis criminibus, adiunt Imperatores quae sanguinis poenam non ingerunt, transigere non licet.*

Aiunt, tamen quae sanguinis poenam non ingerunt. Sanguinis poenam hic accipiemus mortis poenam: quia, ut iam supra dixi, nulla sunt publica crimina, quae ingerant poenam sanguinis, nisi ea, quae mortis poenam continent. Ex quo intelligi debet, quaecunque sunt crimina vel publica, vel priuata, quae mortis poenam non irrogant; et si poena sanguinis habeat effusio nem, ut quae habeat amputationem membri, aut verbera infligat: nihilominus haec eodem numero habenda esse cum ceteris, ut de his transigere non liceat. Non

10 Non tunc me mouet, quod in l. i. ff. de bon. cor. qui sibi mort. conso. generaliter scriptum est, censuisse Imperatores ignoscendum ei, qui sanguinem suum quocunque modo redemptum voluerit. Hæc præcedentium ratio est, quam quo sensu accipere debeamus, ex præcedentibus apparet. Prius hæc sententia posita erat, non licere in aliis criminibus publicis aduersarium corrumpere, quam in iis, quæ mortis pœnam continent: ceterum in his licere. Quæcunque ratio postea subiicietur, præcedentis sententiæ confirmationem habere potest: eam sententiam mutare non potest. Aut igitur rationem sic accipiemus, quasi dictum esset, ignoscendum esse ei, qui in huiusmodi criminibus sanguinem suum redemptum voluerit: aut sanguinem pro vita positum intelligemus. Alioqui absurdum fuerit intelligere, perimitti quamcunque pœnam sanguinis redimere aduersarium corrumpendo, cum id prius negasset Vlpianus: & illam rationem ponere confirmandi causa, quæ ratio oppugnet id, quod dictum sit, non probet.

11 Aiumt, t Transigere non licet.] Hoc si absolute diceretur, multis modis falsum esset. Etenim si iure transigere non licet, consequens est, transactionem de his criminibus interpositam nullius esse momenti, eoque nec accusatori nocere. In non dubium. 3. de legib. consequens & illud, non impune fore horum criminum reo, si de his transigerit: sed eum pro conuicto habendum. Quorum utrumque falsum est. Accusatori quidem nocere transactionem, ne iterum accusans audiatur, certum est. Destitit enim ab accusatione, qui de compositione criminis cum aduersario locutus est. l. ab accusatione. ff. ad Turpil. proinde multo magis, qui transigit. Porro qui semel destitit ab accusatione, hunc si iterum accusare velit, certi iuris est non esse audiendum. l. in senatusconsultum. 3. idem. ff. ad Turpil. Reo autem ita transigere licere, ut nullam pœnam ex ea re patiatur, non obscure Vlpianus declarat in l. i. ff. de calum. Scribit enim in publicis, & priuatis, & fiscalibus causis si quis pecuniam dederit aduersario suo transigendi animo, cessare eas constitutiones, quæ ex hac causa litem perire iubent: & addit, neque enim transactionibus licitis est interdictum, sed sordidis concussionibus. Licet igitur reo transigere de crimine, neque ob eam causam litem amittet, id est, pro conuicto habebitur. Itaque quantumlibet definitionem huius loci de reo tantum accipiamus contra, quam verba patiuntur: tamen non effugiemus, quin & de criminibus transigere liceat; cum & reo profit, & sit impunita transactio.

12 Quid est t ergo, quod hic dicitur transigere non licere? Et quidem ego quod responderem, non haberem, si hoc absolute scriptum esset hoc loco, non licere transigere. Sed diligenter animaduertendum est non dici hoc loco simpliciter, de criminibus capitalibus transigere non licere: sed hoc addito temperamento, non licere citra falsi accusationem. quod valet, non licere, quin is qui transigit, in falsi accusationem, quæ ex senatusconsulto Turpilliano est, incidat: ut esse horum verborum hunc sensum mox pluribus ostendam. Hæc adiectione, & interpretatione admissa, utraque obiectio superior diluitur. ut vel hoc ipsum magnum argumentum sit recipi eam interpretationem debere, qua repudiata sententia loci stare non potest. Non licet ergo transigere de ceteris criminibus, quin in Turpilliani accusationem

incidat. Hanc pœnam solum qui transactioni indicit, cetera transactioni adimere non intelligitur. Proinde hæc pœna non erit impedimento, quo minus & transactio accusatorem remoueat, & reo sit impune, quod transigerit: cum falsi accusatio ex Turpilliano tantum constituta sit aduersus accusatores. Quod ergo reliquum est, id agamus; videamusque quid illa verba exprimant, citra falsi accusationem.

Aiumt, t citra falsi accusationem.] Aut citra hic significat præter, ut sit sensus, de ceteris criminibus non licere transigere præter falsi accusationem, id est, excepta falsi accusatione. aut significat sine: ut sit sententia, de ceteris criminibus transigere non licere sine falsi accusatione, id est, quin parata sit aduersus eum, qui transigit, falsi accusatio. Prius placet omnibus, quos quidem ego legerim. Itaque hunc locum sic acceperunt, quasi exciperetur falsi crimen: de quo statuerunt transigere licere. Solum Alciatus cum hanc ipsam sententiam secutus esset in libris Paradoxorum, dubitare cepit in explicatione huius rescripti ad hunc titulum, num esset verius locum sic intelligendum, ut sit sine falsi accusatione. Sed de eo nihil certi statuit, neque quidquam assertit, quo hanc sententiam confirmare satis possimus. Ego autem, ut spero, planum faciam illam sententiam, qua placet falsi crimen excipi, quasi de eo transigere liceat, recipi non posse, nec debere. Ex quo quid hic sequendum sit, certius statuemus. Aut enim de verbis huius rescripti in hac re quaeritur, aut quaeritur de iure, numnam de crimine falsi iure transigere liceat. Si quaeritur de verbis rescripti, verbum citra non est ambiguum, sed rem vnam significat. Idem enim valet, quod sine: nunquam autem pro præter accipitur. Et si apertius dicendum est, non excipit partem aliquam de generali oratione, quæ præcedit: sed præcedentem orationem totam priuat re affirmata, si absit ea res, quæ ei particulæ annexitur. Ut puta, cum dico vlturas non deberi citra vinculum stipulationis, l. 3. j. de usur. conuenisse aliquem citra stipulationem, ut in l. seruus ea lege. ff. de ser. exp. iusiurandum non posse deferri citra voluntatem dominæ, l. nec filius. j. de reb. cre. non significo vlturas non deberi, excipi autem vinculum stipulationis. quod debeatur: aut aliquem conuenisse, & excipi stipulationem, de qua non conuenit; & similia: sed hoc exprimo, vlturas non deberi sine stipulatione, id est, aliter quam si stipulatio interuenerit: conuenisse aliquem pacto tantum sine stipulatione. Item cum dico non posse quid fieri citra reprehensionem, non hoc dico quid fieri non posse excepta reprehensione, quæ possit fieri: sed omnes hoc me intelligunt dicere, non posse quid fieri sine reprehensione, id est, quin is qui fecerit, incidat in reprehensionem. Isto modo plane cum hic dicitur de ceteris criminibus transigere non licere citra falsi accusationem, sciamus non hoc dici, licere transigere excepta falsi accusatione: sed non licere, quin in falsi accusationem incidat. Quod quoniam aliis aliter visum est, recte fecissent, si dictionem citra pro præter aliquando vlturari apud idoneum aliquem scriptorem demonstrassent. At nemo ex omnibus exstitit, qui id faceret: cum tamen res præcipue flagitaret. Nisi forte putamus eos probasse, qui post hæc nostra scripta nobis aduersantes docti ab Accursio citant in eam rem. l. vlt. ff. de calum. Sed quantopere in eo & Accursius & ipsi fallantur, locus cognitus indicabit. Verba Papiniani hæc sunt:

*De seruo qui accusatur, si postuletur, questio habetur. quo absoluto in duplum pretium accusator domino dam-
natur. sed & citra pretii aestimationem queritur de cal-
umniā eius. separatim est etiam calumniā crimen a da-
mno, quod in seruo propter questionem domino datum
est.* Haec tenus verba eius loci. Hic vero si quis atten-
dere vult, citra pretii aestimationem, nihil aliud va-
let, quam sine pretii aestimatione. Sentit enim Pa-
pinianus, dominum serui in proposito sic agere pos-
se de calumniā accusatoris, vt agat de calumniā
solum, id est, ita separato iudicio de calumniā, vt
simul non agat de damno & pretii serui aestimatio-
ne. Idque sequentia verba clare ostendunt. Subii-
cit enim de calumniā agi citra hanc aestimationem,
id est, sine hac aestimatione, quia separatim sit
calumniā crimen a damno. Quomodo separatim,
nisi vt de calumniā crimine separatim & sine da-
mni questione agatur? Atque vt haec significatio
sententiae loci conuenit, ita contra non potest om-
nino hic citra accipi pro praeter. Demus enim sic
accipi. Nempe hic erit sensus, aut posse agi cum isto
accusatore de vtroque simul, id est, & de aestimatio-
ne serui, & citra, id est, vltra hanc aestimationem et-
iam de accusatoris calumniā: aut posse agi de calu-
mniā ita, vt agatur praeter aestimationem pretii, id est,
vt aestimatio hinc excipiat, atque ita solum & sepa-
ratim queratur de calumniā. Simul de vtroque agi
posse, & de aestimatione pretii serui, & de accusa-
toris calumniā, aperte sententia Papiniani aduersatur,
qui ait separata haec esse iudicia; separatim calumniā
crimen a damno. Excipere autem aestimationem ser-
ui ab eo, quod dicit Papinianus de crimine calu-
mniā, est hominum non intelligentium, quid sit ex-
ceptio. Nunquam enim exceptio est, nisi de regula,
vt vulgo traditur; id est, nunquam, nisi cum de re de
qua definitio generalis futura erat, detrahatur ali-
quid quod ea re, & definitione continebatur, puta
aut pars, aut species. Absurdum est autem putare,
pretii serui aestimationem partem aut speciem esse
calumniā accusatoris, de qua apud Papinianum agi-
tur, aut ea calumniā villo modo contineri. Quare vel
hic vnus locus maxime sententiam veterem nostram
confirmat de vsu huius verbi, & eos, qui vt vera sen-
tentia obstrepant, eo vtuntur, suo ipsorum gladio
ingulat. Iam de iure videamus, numnam ita ius sit, vt
de falsi accusatione liceat transigere.

14 Ego tamen autem contendo neque hoc ius vsquam
proditum esse, neque vero debuisse constitui, si lice-
ret, atque adeo id statui absurdum esse. Vt probetur
ius esse de crimine falsi transigere, citatur vulgo *Lap-
se 7. j. de fal.* in qua scriptum est eum, qui de instrumen-
to, quod falsum esse dicebatur, transigit, non esse au-
diendum, si id cui semel acquieuit, tanquam fal-
sum velit accusare. nempe quia transactio de falso
instrumento rata est, nocetque transigenti, ea re
effici putant de crimine falsi transigere licere. Ad-
uersus quam illationem duplex est in promptu re-
sponsio. Primum de falso instrumento transactum
illic est: sed in causa pecuniaria, cum forte creditor
peteret decent, & in eam rem proferret instrumen-
tum, quod in dubium reuocabatur a reo. Id reus po-
stea, inquit lex, tanquam falsum non accusabit.
De falso igitur transactum est, non de falsi crimine,
seu accusatione. Accusationem enim institutam esse
oportet prius, quam de ea transigatur. Sic res habet:
de falso in priuata lite transigere licet, quod hic

non est prohibitum: non licet de falsi accusatione,
quod illa lex non negat. Sed largiamur sane in d. l. 7.
transactum esse de falsi accusatione. Quid tum po-
stea? Nempe inde volunt effici, de accusatione falsi
transigere licere. Hoc vero non recte colligitur. alio-
qui ista ratione dicendum erit & de adulterio licere
transigere & pacisci: propterea quod quisquis non
dico transigit de crimine adulterii accusatione iam
instituta, sed etiam qui ea nondum instituta dixit se
accusare nolle, postea si accusare velit, non admitti-
tur. *d. l. si maritus. §. si negauerint. ff. de adul.* Nemo tam-
en ex eo colligi putat de adulterio licere transige-
re. Quapropter nec si dederimus eum, qui de falsi ac-
cusatione transigit, ad falsi accusationem postea non
admitti, ideo consequens erit etiam de eo transigere
licere. Citatur etiam in eandem rem, l. 2. j. *de iis quib.
ut indig.* quod rescriptum quid ad rem pertineat, pla-
ne non intelligo. Proponitur Polla quaedam de testa-
mento, quod falsum esse dicebat, transigisse. Sed
non proponitur, cum id criminaliter accusasset,
transigisse. Esto tamen, de accusatione transegerit.
At non dicitur eo loco valere transactionem. Quin-
imo si id quod eo rescripto statuitur, considerabi-
mus, efficietur potius eam transactionem non vale-
re. Aduersus hanc enim heres matris pupillus, vel tu-
tor pupilli nomine de testamento tanquam falso vo-
lebat experiri. Cui id licere Imperatores statuunt: vt
appareat non esse ratam iure transactionem, quae
heredibus transigentis non obsit. Postremo etsi con-
cederem transactum illic esse de crimine, & obesse
transigenti transactionem: iam tamen effectum est
non ideo recte colligi, de eo crimine licere transige-
re. Non enim liceret impune, vt nec de adulterio, etsi
transactio de adulterio aduersus transigentem rata sit.
Nihil igitur neque hic neque alibi proponitur, quo pro-
betur de falsi crimine transigere praeter cetera licere.

Sed tamen etsi id ita constitutum non est: fortassis ta-
men constitui debuit. Multo minus: neque vero po-
tuit nisi absurde. Aut enim crimen falsi grauius esse
ceteris volumus, aut par, aut leuius. Si grauius, tanto
magis coercendum est. quanquam sunt alia multo
grauiora. Si par, cur distinguimus, quae eadem ratio
coniungit? Minus autem dicere non licet. Fieri enim
potest, vt testes falsum dixerint aduersus aliquem in
causa capitis, vt innocentem opprimerent: aut vt
probatum sit falsum instrumentum in causa, in qua
de omnibus fortunis agebatur. & vt agatur tantum
de re pecuniaria: non ideo tamen de eo transigere
permittendum est. Quam multa enim alia sunt cri-
mina de re pecuniaria: de quibus tamen ob eam
causam transigere non licet? Est igitur absurdum,
cum par, aut etiam maior ratio sit in falso, quam in
ceteris criminibus, in falso plus licere, quam in cete-
ris. Quin omnibus veteribus Iurisconsultis auctori-
bus ita definiendum est, & si forte de ceteris tantum
criminibus non capitalibus constitutum esset, ne de
iis impune transigeretur: tamen cum in falso eadem
ratio sit, idem ius statui oportere. *l. illud. ff. ad leg. A-
quil.* Restat igitur, vt huius loci ea sit sententia, quae
ex duabus relinquitur, vt scilicet de ceteris transige-
re non liceat sine falsi accusatione: siue quin in falsi
accusationem incurras.

Hic tamen vero exoritur doctis hominibus ratio ex 16
aduerso. Nam quae tandem hic falsi accusatio esse
potest? Quodnam hic falsum tandem admittatur,
quod lege Cornelia de falsis teneatur? Nos vero non
hoc

hoc dicimus hic quidquam tale admitti, quod in legem Corneliam de falsis incidat: neque hunc locum sic accipiendum arbitramur, ut criminis falsi accusatio intelligatur: sed certa duntaxat, & ea videlicet, quæ in hanc speciem facti cadat. Sic ergo locum accipimus, non licere transigere, quin in falsi accusationem incidat, quæ constituta est in eos, qui conventionem litem & accusationem deserunt. Ea est autem accusatio Turpiliano, & quibusdam legibus, aut moribus constituta. Ex quo hoc dici intelligimus, quin incidat in accusationem Turpiliano constitutam, siue in Turpilianum. At quod tandem falsi genus est, quod ab iis, qui omittunt accusationem, admittatur, & senatusconsulto, aut aliis legibus coerceatur: Duo sunt genera: prauaricatio, & tergiversatio.

17 Præuaricari est colludere cum aduersario: genus falsi in eo manifestum, quod qui præuaricatur, veras quidem probationes suas falso dissimulat: falsas autem allegationes aduersarii admittit. *l. i. in prin. c. s. præuaricatorem. ff. ad Turpil.* Tergiversari autem est, terga dare, terga vertere, id est, desistere ab accusatione. *d. l. i. in prin.* Hoc qui facit, idem ut præuaricator, vera crimina abscondit. Tantum hoc interest, quod præuaricator abscondit simulata accusatione: qui autem desistit, aperto silentio & fuga abscondit. Et ideo in *l. de crimine. j. de adult.* par esse dicitur crimen præuaricatoris accusatoris, & refugientis veritatis inquisitionem, id est, desistentis: utque enim, ut dixi abscondit crimen. Et ut fortasse in tergiversatore non sit falsum: tamen quia pro præuaricatore puniatur, in quo falsum est, recte dicitur tergiversator in falsi accusationem incidere. Hæc autem accusatio & poena comparata est in accusatorem, non reum.

18 Ex quo est intelligi debet, quod supra dixi, definitionem posteriorem huius rescripti de accusatore accipiendam esse, non etiam de reo: ut scibili legemus licere transigere ita, ut reus pro victo non habeatur, sciamus hunc locum non ob stare.

19 Illud est animaduertendum, in hac posteriore parte ita scribere Imperatores, ut negent permillum esse transigere, neque addant pacisci, ut in priore genere fecerant. Aiunt enim, *In alius autem transigere non licet.* Quid ergo, paciscian licebit? Sed quocumque modo accusator desistat ab accusatione, seu transigendo id fiat, seu paciscendo, seu repudiando accusationem, in senatusconsultum Turpilianum incidit. *l. i. s. si quis. ff. ad Turpil. toto tit. j. cod.* & quod de transactione tantum dicunt, eo fit, quia de ea maior erat dubitatio, propterea quod Ulpianus scribit non esse interdictum licitis transactionibus. *d. l. i. ff. de cal.* itaque huc spectarunt, ut ea dubitatio remoueretur, atque hoc modo constaret, si transigere non licet, quod licere videbatur, multo minus licere pacisci contra falsi accusationem, ubi pactio nihil contineat præter meram remissionem.

20 Aiunt est autem, transigere non licet, neque adiiciunt, quando non liceat. Vtrum igitur & post accusationem institutam, & ante transigere non licebit? Imo ante licebit & transigere, & pacisci, ut accusatori sit impune. *l. quasitum. ff. ad Turpilian.* Nec obstat hic locus. Nam, quod diligenter expendendum est, verat rescriptum transigere non de delicto, sed de crimine. Crimen autem proprie criminatio est, nec crimen est ante, quam accusatio de delicto & facinore sit instituta. Summa hæc sit: De crimine capitali

transigere & pacisci licet, non solum ut valeat transactio inter transigentes; sed etiam ut sit impunita: reo quidem, quia pro victo ideo non habebitur: accusatori autem, quia non ideo in Turpilianum incidet: neque intererit, utrum instituta iam accusatione id factum sit, an nondum instituta. De ceteris criminibus ita licet & transigere, & pacisci, ut transactio & pactio accusantem teneat, & remoueat: sed non ita, ut sit impunita. Accusator enim eo facto in accusationem incidit aduersus eos constitutam, qui transigentes ab accusatione desistunt; ea est autem accusatio Turpilianus senatusconsulti. Quod dictum ad accusatorem solum pertinet.

Vnde est licet intelligere hunc locum de accusatore rescriptum esse: de reo nihil hic dictum esse. Quapropter quid in ceteris criminibus huic liceat, ex aliis locis sumi oportet.

Sic est autem ius est: Pacisci reo impune licet, si sine pretio id faciat. *l. furti. s. pactus. ff. de iis, qui not. inf.* Si pretium vel minimum dedit, & ita corrupit delatorem, pro convicto habebitur. *l. in fisci. l. eius. ff. de iure fisci. l. vlt. ff. de præuar.* Sed hoc, inquam, ita, si paciscendo id consequatur. Diuersum est, si transigat. Transigere ei impune licet, quodcumque id faciat. *d. l. i. s. vlt. ff. de calum.* Nec aduersantur eæ constitutiones, quæ omnem, qui delatorem corruptit, aut precio quantocumque pactus est, pro victo haberi volunt. Distant enim multum, cum accusatore transigere, & cum eo pacisci sine transactione, quamvis pecuniam illi numeres, & (quod idem est) illum corrumpere. Transigit accusator, qui de damno sibi dato certa pecunia decidit. Hæc pro damno accepto iure accipitur: proindeque nec corrumpitur, qui accipit. Extra transactionem autem paciscitur de crimine, qui accipit, ubi ei nihil nocitum est: aut accipit supra, quam nocitum est: ut dici possit, eum per concussionem accipere, non ut damnum acceptum faciat; sed hæc gratia tantum, ne negotium reo faciat. Isto modo qui desistit ab accusatione, recte dicitur corrumpi, cum turpiter accipiat: siquidem corrumpere aliquem dicimur, de quo perficimus, ut quid turpe in se admittat. *l. i. ff. de seru. corrupt.*

L. Sub pretextu instrumenti. 19.

Impp. Dioclet. & Maximinian. AA. & CC. Ireneo.

Sub pretextu instrumenti post reperti, transactionem bona fide finitam rescindi, iura non patiuntur. Sane si per se vel per alium subtractis instrumentis, quibus veritas argui potuit, decisionem litis extorsisse probetur: siquidem actio superest: replicationis auxilio doli mali, pacti exceptio remunetur: Si vero iam perempta est, intra constitutum tempus tantum actionem de dolo potes exercere. Dat. IIII. Kal. Octob. Sirmii AA. Coss. 293.

S V M M A R I A.

- 1 Instrumenti postea reperti pretextu transactionem rescindi non posse, quam sententiam quamque rationem habeat.
- 2 In publico negotio instrumentis postea repertis permitti causam ex integro agere aduersus rem indicatam, itemque transactionem.
- 3 Instrumento testamenti post reperto transactionem de fideicommissio non ob stare fideicommissario, quominus quod non accepit, petat; non tamen quia re-

scinditur transactio; sed quia ab initio non valuit.

4 Instrumentis postea repertis etiam transactionem cum minoribus, cum pupillo, cum Republica, cum Ecclesia interpositam rescindi, sed beneficio personis tributo, non prætextu solo instrumenti.

5 Subtrahitis transigenti ab aduersa parte instrumentis, quibus ille securus esse poterat, transactionem etiam inter primatos, & maiores quoslibet rescindi posse.

6 Dolus dans causam transactioni non facit, quo minus & acceptilatione dolo expressa tollatur auctori vetus actio, quæ postea ab eo instaurari non possit, & pecunie a reo decepto data amittatur dominum, & vindictio, sed illi de dolo actio superest: huic ob causam condictio.

7 Instrumentis auctori a reo subtractis, & his post transactionem repertis, non esse auctori actionem furti ad petendum id, quod amplius debebatur, sed solam de dolo.

CREDITOR, qui de debito transegerat, iterum de eadem re agit, quod dicat paratum se idoneis instrumentis docere, sibi vere debitum fuisse, quod petit. Si sciens debitum remisit, aut etiam instrumento, cuius copia esse potuit, culpa sua non est usus, aperte iniquum est, eum aduersus transactionem, id est, pactum, actionem, audiri. At quid, si nunc demum instrumentum obligationis reperit, ut proinde non sit, quod ei imputetur, si difficultate probationis coactus transigat? Constitutum est, dum transactio bona fide perfecta sit, eam ne hoc quidem prætextu rescindi possit, ac de reo idem intelligendum est, si post transactionem solutionis apocham se dicat reperisse. Dum, inquam, transactio bona fide interposita sit, id est, neque metu aduersarii, neque dolo malo. Adeo verum est, quod sæpe hic dicimus, transactiones bona fide interpositas non posse retractari. *l. interpositas. & l. causam. §. eod.* Nec quisquam dicat iniquum esse ei, cui constet quid deberi, ius suum non reddere, aut eum, quem constet non debere, cogi soluere, aut quod dederit eo nomine, repetere non posse. Esset iniquum, nisi aut creditor sponte remisisset actionem, qua remissione factum est, ut iam ei nihil deberetur, vel si pactus sit tantum. *l. nihil interest. ff. de reg. iur.* aut debitor in eam summam, quam non debebat, sponte se obligasset, vel etiam eam ipsam soluisset sponte. quæ cum illi in transactione fecerint, ubique conventio illis obstat ex edicto perpetuo de pactis. Non enim dicent se sine causa aut remisisse quid, aut soluisse: cum hæc ipsa iusta causa sit, quod per hæc lite discenditur. *l. in summa. ff. de condict. ind.* Nihil ad rem pertinet, si is, qui postea instrumentum reperit, caussetur se, cum fidem intentionis suæ expedire non posset, necessitate rerum coactum transigisse. Necessitas enim, quæ ab aduersario nobis intertur, auxilio digna est. *l. i. ff. quod met. caus.* At hic aut necessitas in actore nulla est, cuius in potestate fuit non temere agere: aut si hæc in reo aliqua est, qui præstare non potuit, ne conveniretur: certe hæc illi necessitas a re sua nascitur, non ab aduersario. proinde casum suum & incommodum rei familiaris ad alienam iniuriam transferre non debet. Et hæc quidem ita se habent in causis priuatorum.

2 In negotio publico ut instrumentis postea repertis permittitur ex causa de integro agere aduersus rem iudicatam, *l. Imperatores. ff. de re iud.* sic petendum est ex eadem causa agere, iterum aduer-

sus transactionem. Non enim maiorem vim habet transactio, quam res iudicata. *l. seq. j.* qua de re scripti ad *l. Imperatores.*

Videri tamen possit ne in causis quidem priuatorum regula huius rescripti esse perpetua. Nam in *l. 3. §. 1. ff. eo.* scriptum est, si transactio propter fideicommissum facta sit (fideicommissum intellige, quod ex testamento petebatur, cum non putaretur esse alibi fideicommissum relictum) & postea codicilli sint reperti, quanto minus ex transactione consecutus est fideicommissarius, quam codicillis datum est, id eum ex fideicommissi causa consequi debere. Traditum est etiam, de iis controuersis, quæ ex testamento nascuntur, nisi inspectis & cognitis verbis testamenti transigi non posse. *l. de his. ff. eod.* Finge ergo transactum esse, & postea testamentum proferri. consequens erit contra quam transactum est, recte agi. Sed nihil horum huic rescripto aduersatur. Obseruandum est enim vetare rescriptum rescindi transactionem. Non rescinditur autem in suprascriptis causis transactio, quæ nulla fuit. *l. 5. ff. de ini. rup. test.* Nam neque de eo fideicommissio pacisci quicquam intelligitur, quod sibi relictum esse ignorat. *l. qui cum iuroribus. §. ult. ff. eod.* & de iis controuersis, quæ nascuntur ex testamento, si transigi non potest, nisi inspectis verbis testamenti, consequens est, si transigatur, nullam esse transactionem. *l. non dubiam. C. de legi.*

Sed tamen & cum minoribus interposita transactio, instrumentis postea repertis, quibus læsos eos fuisse probetur, in integrum restitutione petita rescinditur. *tit. j. si adu. trans.* Veruntamen non prætextu instrumenti, sed beneficio ætatis: ut ne hoc quidem ius huic loco aduersetur. Ad transactiones cum minoribus interpositas referri debent pupilli, Reipublicæ, Ecclesiæ transactiones, ne quis forte eas etiam obiciat, cum eas rescindi posse ob instrumenta postea reperta defendetur. Nam & pupilli minores sunt: & Rempublicam ut pupillum extra ordinem iuari placet. *l. Rempublicam. j. de iur. Reipublicæ. lib. 11.* & Ecclesiæ Reipub. comparatur constitutionibus, *l. ult. §. de sac. eccl. Nonel. de non al. reb. eccl. §. sinimus.*

Sane si per se. Vt tamen non rescinditur transactio bona fide interposita: ita rescindi potest contraria, quam scilicet aut metus ab aduersario illatus extorsit, *l. interpositas. §. aut expressit dolo:* ut accidit in specie, quæ hic proponitur, cum reus subtrahit creditori suo instrumenta, quibus ille uti poterat ad probandam intentionem. quibus amissis quia futurum erat, ut reus absolueretur, maluit partem transigendo remittere, quam male litigando de toto in discrimen venire. Forma rescissionis obseruanda est. Si quidem, aiunt Imp. actio superest, replicationis auxilio doli mali exceptio remouetur. si vero iam perempta est, intra constitutum tempus tantum actionem de dolo potes exercere. Actio superest auctori, si pactus est tantum se non petiturum. Pacto enim, ut sæpe iam diximus, non tollitur iure ciuili actio. Perempta est iure ita, si reum acceptilatione interposita liberauit. *l. 4. §. eo. l. si vnus. §. pactus. ff. de pact. §. praterea. Inst. de exceptio. l. 5. §. de pact.* Quod tamen dicunt actione perempta de dolo solum superesse actionem, est verissimum. Nulla enim in hac specie alia superest actio, qua creditor aduersus reum, a quo deceptus est, experietur. *d. l. 4. §. eo. tit.* quæ si esset, de dolo actio non competere, *l. i. ff. de dol.* Sed cur non dicimus veterem actio-

actionem manere auctori, quasi in transactione, quæ nulla sit, ut cui dolus causam dederit? quia solum in bonæ fidei contractibus hoc receptum est, ut cum quis circumscriptus est in hoc ut contraheret, nullus sit contractus. *l. eleganter. D. de dol. in strictis iudiciis, veluti stipulatione, contra l. dolo. j. de inut. stip. l. si quis cum. D. de verb. ob.* Atque huius generis esse constat transactionem. neque enim numeratur inter iudicia bonæ fidei. *§. actionum. Inst. de actio.* Neque hoc solum aduersus auctorem valet, qui pecuniam deceptus accepto tulit: sed etiam aduersus reum, qui deceptus ex transactione pecuniam dedit, quod posterius Bartolus negat. Atenim cum actor per calumniam petit, dicitur transactio esse imperfecta, & repetitio dari. *l. in summa. i. ref. D. de con. ind.* Vel hoc ipsum, quod repetitio dari dicitur, satis arguit, pecuniæ ob transactionem datæ dominium esse translatum, eoque & summo iure processisse, quod gestum est. Vnde quod dicitur transactio esse imperfecta, ad effectum & exitum referri debet, non ad ius summum. Re & effectum ob dolum alterutrius imperfecta est: quia & actor deceptus de eadem re agere potest etiam prius reo acceptilatione liberato, & reus item deceptus data repetere. Sed actor noua actione de dolo, non vetere quæ extincta est. *l. 4. §. reus autem condictione ob causam dari causa non secuta.* Dedit enim ob transactionem. Hoc effectum nulla est, cum si obiiciatur ab auctore exceptio transactionis, doli mali replicatione exceptio elidatur, ut hic dicitur. Et ideo non metuimus cum Bartolo, ne si hic dixerimus, transactionem ipso iure valere, non possit reus data repetere, quasi qui ante hæc data habuerit tantum exceptionem doli, quam odiosam ille vocat, odiosa autem exceptione tutus qui soluit, indebiti condictionem non habeat. *l. qui exceptionem. D. de cond. ind.* Nō enim in proposito repetit reus datum, ut indebitum solutum, sed tanquam datum ob causam transactionis, transactione non secuta. effectum enim secuta non est, quæ per exceptionem infirmatur. *l. nihil interest. D. de reg. iur.* Et præterea falsum est exceptionem doli aut in factum esse odiosam aduersus eum, qui decepit: cum nihil sit æquius, quam ne cui decipienti dolus suus profit per occasionem iuris ciuilis contra æquitatem naturalem: quæ huius exceptionis proponendæ causa est. *l. 1. D. de dol. ma. & met. exc.* Sane si reus acceptilatione liberatus non impleverit promissa, esset aduersus eum actio præscriptis verbis, ut impleverit, ut dixi ad l. 2. §. ex l. cum mota. §. eod. Verum nihil hoc ad huc locum, in quo impletis ultro his, quæ ex conventionem dari debuerant, actor amplius petit, quod ad iustum debitum deerat.

7 Sed an esset furti actio, dubitatum est: quoniam traditum est hanc de tabulis & instrumentis furto subtractis competere, nō tantum pretii nomine, sed etiam eius, quod interfuit eas subtractas non esse. *l. qui tabulas. D. de fur.* In eo autem, quod interest, videri potest numerandum esse, quod creditor pecuniam debitam amisit. Quod non ita est, ante transactionem dici hoc potuit: post transactionem nō potest. Amisit enim pecuniam creditor, non quia furtum ei factum est, sed quia reum acceptilatione liberauit. At enim propter furtum hæc secuta est acceptilatio, dicat aliquis. Ne hoc quidem verum est. Propter inopiam enim probationum hæc secuta est, nō propter furtum. Et quamuis concederetur per occasionem furti eam secutam esse: secuta est tamen ex furto nō

necessario: cum fuerit in potestate creditoris, aut desistere potius, aut etiam condemnationem subire. Non est autem, cur furto adscribamus eam amissionem, quam actor post furtum vitare potuerit. Huc pertinet illud vulgatum sumtum ex *l. neque. j. de probat.* non probat hoc esse, quod ab hoc contingit, ut absit. Quid si dicamus cum Petro hoc modo, etsi debitum auctori propter furtum hic amitteretur: tamen non eo minus locum habere de dolo actionem etiam ex edicto? Sic enim, cum alia actio est, non datur de dolo, si sit alia actio de eadem re. *l. 1. in pr. & §. ait. D. de dol.* At furti actio, si qua hic esset eius debiti nomine, quod tabulis continetur, & actio de dolo, quam hic esse volumus, de eadem re non competunt, actio enim furti penam petit legitimam; actio de dolo rem ipsam, id est debitum; neque una actio per aliam consumitur. *l. si pro §. 1. D. de cond. fur.* Sed videndum, ne actio de eadem re tollatur, præter rei vindicationem, & condictionem furtiuam. solæ enim hæc dantur extra furti actionem. *§. ult. Inst. de ob. quæ ex del. §. sic itaque. Inst. de actio.* Quamobrem in superiore ratione manendum est. Nam illud nihil ad rem pertinet. Quod Barrolus ait hic agi de dolo, qui admissus est in celando & extorquendo transactionem, in eo autem furtum non fieri. Satis est, ut dixi, ad remouendam actionem de dolo, si id quod auctori abest, ipse consequi possit actione furti, vnde cumque hæc actio de eodem instrumento nata sit. sic enim alia actio est de eadem re.

L. 20. Non minorem.

Imper. Dioclet. & Maximian. AA. & CC.
Antistia.

Non minorem auctoritatem transactionum quam rerum iudicatarum esse, reformatione placuit. Si quidem nihil ita fidei congruit humane, quam ea, quæ placuerunt, custodiri. Nec enim ad rescindendum pactum sufficit, quod hoc secunda hora noctis intercesse proponas, cum nullum tempus sane mentis maioris viginti quinque annis consensum repudiet. S. IIII. Kal. Oct. i. p. AA. Coss. 293.

SYMMARIA.

1. Transactionem non magis quam res iudicatas obtinere instrumentorum postea repertorum retractari posse.
2. Transactionem inter eos, inter quos interposita est, solum valere: rem iudicatam nonnunquam inter omnes, inter quos eadem questio renouabitur: id autem accidere in præiudicis.
3. Ex re iudicata semper actio, ex transactionis pacto nudo nulla.
4. Transactio vera & perfecta, quæ.

Auctoritas rerum iudicatarum hæc est, ut sententia, a qua appellatum non est, statim oporteat, siue is condemnatus sit, qui non debuit, siue absolutus, qui debuit: ut ne obtentu quidem instrumentorum postea repertorum possit sententia retractari. *l. cum prolatis leg. Imperatores. l. post rem. D. de re iudic.* Eadem auctoritas & vis transactionum. Conueniunt in hanc sententiam. *l. fratris. l. causas. l. interpositas. l. sub pretextu. supra. l. siue apud. infra eodem.* Id consensus in transactione facit, ut hic scriptum est: Adde bonum publicum. Hoc enim agitur transactione, ut sit aliquis litium finis. *l. ult. D. pro suo.* Sed habet hæc definitio duas cautiones. Sic enim accipien-

da est, dum res agatur inter eos, inter quos transactum est, & transactio sit id, quod dicitur: nimirum vera, perfectaue transactio. Alioqui interdum maior auctoritas rei iudicatae.

2 Nam si res iudicatae quibusdam in causis, ut in praedictis, non tantum valent inter eos, inter quos iudicatum est: sed etiam inter omnes ius faciunt, quandoque de ea re quaeretur, ut, si quis ingenuus pronuntiatus sit, sententia faciet ingenuum, non tantum si postea patronus is agat, qui ante egerat, sed etiam si de hereditate ingenui, aut de liberis eius quaeretur inter alias qualvis personas: ut fieret si quis pronuntiatus esset alicuius filius. *l. 1. §. ult. §. ll. seqq. D. de ag. lib.* At his de rebus si transactum sit, alius transactio non nocet. *l. ingenui. j. de ingen. ma.* Non aduersatur huius loci definitio. Hac enim conditione & lege accipienda est, dum agatur inter eas personas, inter quas res transacta, aut iudicata est. Nam quod initio dicitur obscurius, id ratione adiecta explicatur. Cur eadem sit auctoritas transactionum, redditur haec ratio, quod transactio constet conuentione: quam custodiri in primis fidei humanae congruat. Ex qua ratione facile intelligimus, vltra quam valet, & progreditur consensus, transactiones non valere. Porro certi iuris est, ut consensus duorum, est consensus: sic nullum pactum cum vna persona interpositum in alia persona nocere. *l. si vnus. §. ante omnia. D. de pac.*

3 Sed si & inter eos ipsos, inter quos actum est, videri potest auctoritas maior rei iudicatae in eo, quod in omnem, qui condemnatus est, dum sententia valeat: nascitur ex sententia actio iudicati. *l. actor. j. de rebus cred. §. iur. l. miles. §. vlti. D. de re iudic.* Quod non item seruatur in transactione: vbi si reus transactionis causa pecuniam promiserit pacto, ex ea iure ciuili non oritur actio. *l. sine apud. j. eod.* Sed dicendum est, cum transactionem hic nominamus, veram & perfectam transactionem intelligi debere. Ex ea vero non minus creditori actio est, quam ex re iudicata.

4 Ea est autem si vera & perfecta transactio, qua ita creditor pactus est, se a lite discessurum, ut etiam re vera litem & actionem iure ciuili finiret; quod qui fecit, sine dubio promissam sibi eo nomine pecuniam recte petet. *l. cum mota. j. eod.* Quod si litem non finit, non habet is quidem petitionem pecuniae pacto promissae. *d. l. sine.* sed hoc eo fieri intelligitur, quod hic vere transactum non sit, non quod transactio ad actionem non valeat.

L. 21. Cum ea.

Imper. Dioclet. & Maximian. AA. & CC.
Geminiano.

Cum ea, quae transactionis causa dari aut retineri conuenit, velut emtorem cum, quem accipere placuerat, obtinere praescribitur: his, quae simulate geruntur, pro infectis habitis, frustra ficti pretii postulatur numeratio. S. V. Nonas Octob. ipsis AA. Cos. 293.

S V M M A R I A.

1 Species facti obscurior explicatur.

2 Quod transactionis causa vere pactum, datumue est, id tanquam ex causa emtionis gestum valere non posse, nisi in instrumento emtione esse scriptum sit.

1 Qui si fundum a possessore vindicabat, cum possessore transiegit ita, ut fundum apud possessorem

relinqueret, id est, amplius de fundo non ageret, possessor vicissim transactionis nomine centum daret. Ex hoc pacto, ut supra dixi, non nascitur actio. *l. sine apud. infr. eod.* huic incommodo petitor occurrere cupiens obtinuit de sententia aduersarii, ut in instrumento, quod de ea transactione factum est, scriberetur, petitorum fundum illum, de quo dixi, vendidisse aduersario centum aureis: hoc consilio, ut centum aurei transactionis causa promissi utiliter peti possent. Constat enim, si emtio sit, hanc solo consensu contrahi, nascique ex ea actionem ex vendito ad pretium consequendum. *l. Iulianus. §. ex vendito. D. de act. em.* Re ita gesta, actor a possessore actione ex vendito centum promissa petit tanquam pretium emtionis inter ipsos contractae. Negat possessor ea a se peti posse, quod ea transactionis causa promiserit nudo pacto: ex quo actio non nascitur: emtionem contractam negat, etsi contra in instrumento perscriptum est. Quaestio, an efficere tantum debeat instrumentum, ut cum emtionem contractam non esse constet, pro emtione tamen valere debeat, quia emtionem esse scriptum sit.

Rescriptum est, si quae simulate, id est, contra fidem veri consulto geruntur in instrumento, pro infectis habenda esse: idcirco in proposito frustra peti numerationem ficti pretii, id est, eius quod pretium non est: cum nulla sit emtio. Idem dicendum est e conuerso in eo, quod actori ex conuentione transactionis datum erit: ut puta, cum reus actori transactionis causa rem certam dare deberet, dedit: & dum cogitat aliquando a transactione discedere, si videatur, impetrauit ab aduersario, ut in instrumento perscriberetur, rem emtionis causa tradita, & pretium certum adiiceretur. Sic enim fieret, ut si valeret, quod scriptum est, posset reus non quidem rem datam, at pretium petere. Id vero fieri posse itidem hic negatur eadem ratione, qua superius. Sententia est generalis ad vim omnis scripturae pertinens, veritatem rerum scriptura non mutari; si quid gestum sit, & aliud scriptum, non quod scriptum est, inspicere oportere, sed quod actum est. Item plus valere, quod agitur, quam quod simulate concipitur. *toto tit. j. plus valere, quod ag.*

L. 22. Si maior.

Imper. Dioclet. & Maximian. AA. & CC.
Alexandro.

Si maior transiegesti, ad rescindendam transactionem de dolo contestatio non sufficit S. Kal. Decemb. ipsis AA. Cos. 293.

S V M M A R I A.

1 Doli contestationem in transigendo interpositam, ad rescindendam transactionem non sufficere, & hoc quid sit.

SI quis dolo si aduersarii inductus transiegit, huic si transactio non nocet, quo minus de eadem re iterum recte agat. *l. sub pretextu. j. eod.* Sed ut dolus interueniat, exigimus: quod edicto de pactis expressum est. *l. iuris gentium. §. ait prator. D. de pact.* Bene igitur hoc loco scriptum est, solam de dolo contestationem ad rescindendam transactionem non sufficere. Non enim si quis in transigendo dicit, & palam testatur, se ab aduersario decipi, seque ita cogi de suo iure remittere, idcirco decipitur, ut dicit.

L. 23.

L. 23. Nec intentio.

Impp. Dioclet. & Maximian. AA. & CC.
Tatiano.

Nec intentio creditorum Archimedorum, cui alios successisse profiteris, si obligatus pro eo non fuisti, tenere te potest: Sed hoc integro negotio tractari conueniat. Nam cum iam questionem transactione decisam, & ate dari placitam, numeratam pecuniam proponas: huius indebiti soluti prae-textu improbe tibi petitionem decerni postulas: cum etsi tantum in stipulationem fuisset deducta: indebiti promissi velamento defendi non posses. Dat. VIII. Idus Mart. CC. Cos. 294

S U M M A R I A.

1. *Falsum heredem errore cum creditorib. hereditariis quasi heredem transigentem, quod eo nomine dedit, repetere non posse, quamuis eum postea heredem non esse constiterit: & quam hoc non iniquum.*
2. *Quam pecuniam transactionis causa creditores hereditarii a falso herede acceperunt, eam lucro creditorum cedere, quos nihilominus a vero herede solidum exigere nihil prohibet.*
3. *Falsus heres si transactionis nomine cum creditoribus hereditariis interposita pecuniam his stipulantibus solum promiserit, etiam eam pecuniam ab eo exigere posse, quamuis ante petitionem eum heredem non esse constitisset: & cur.*

Qui heres non erat, & quasi heres conuentus dum se heredem putat, cum creditorib. hereditariis transegit & partem pecunie intulit hac lege, ne quid amplius a se peteretur. Tametsi postea euidenter constet hunc non fuisse heredem, eumque nihil plane debuisse hereditariis creditoribus: tamen quod dedit repetere non poterit. Non est hoc iniquum, tametsi res nulla media fuerit. Datur enim hac pecunia ob causam. Abunde magna causa est, cur datur, quod a lite disceditur. *l. in summa, D. de cond. ind. deb.* At enim verum est ante transactionem pecuniam indebitam fuisse, quae data est. quidni ergo tanquam indebitum solutum recte condicatur? Quia indebitum sic condicatur, si etiam solutum fuerit. Soluitur autem, quod tanquam debitum soluitur, quod non fit in ea pecunia, quae datur transactionis causa. Nemo enim hanc dat tanquam in praeteritum debitam: sed ob causam futuram, ut aliquid sequatur.

2. *Quid ergo fiet & ea pecunia, quae creditoribus data est? Cederne ea lucro creditorum, ut nihilominus verum heredem in solidum conuenire possint: an proderit heredi, ne haecenus, quatenus illi acceperunt, iste conueniatur? Et placuit transactionem eum possessore hereditatis interpositam non prodesse vero heredi: quia neque cum eo transegerint creditores, neque possessor heredis nomine quidquam tanquam debitum soluerit: sed suo dumtaxat, ne conueniretur. *l. 3. §. ultim. D. eodem.* Cedit igitur ea pecunia lucro creditorum, qui non prohibentur solidum, quod debetur, a vero herede exigere. Neque vero cum hoc facient, periculum erit, ne bis idem exigere videantur contra regulam iuris. *l. bona fides. D. de regul. iur.* Quod enim exigunt ab herede, id debetur. quod ante acceperunt a possessore, non tanquam debitum acceperunt, sed ob causam, quod litem possessori remiserunt. Quod si ita est, consequens est possessorem nihil posse repetere eo nomine a vero herede, utpote qui non li-*

beretur, *l. si quid possessor. D. de pet. hered.* Atque ita eam pecuniam plane possessori perire.

[Cum etsi tantum in stipulatione.] Adeo pecuniam ex superscripta & causa data repetere aduersus transactionem possessor non potest, ut etsi nondum dederit, sed promiserit tantum, utiliter pecunia ab eo peti possit, dum stipulanti promiserit, nec possit possessor, ut hic scriptum est, indebiti promissi velamento defendi. Si ut debita pecunia promissa esset, inhiberetur actio. Nam si datam ut indebitam repetere licet: multo magis ut indebitam aduersus petentem licet retinere per exceptionem. *l. 3. §. de cond. indeb.* Sed iam effectum est, non ut debitam hanc pecuniam dari, aut promitti: verum ob causam, quae & secuta est: ut hoc quidem nomine nulla sit exceptio aduersus petitionem. Sed nec dici potest hinc doli mali exceptionem esse posse, quasi aliter obligatus sit promissor, quam debuit, *iuxta l. si quis cum aliter. D. de verb. ob.* Non enim obligatur aliter, quam debuit, qui promittit transactionis causa: quoniam haec abunde dandi iusta causa est, quod a lite disceditur. *l. in summa. I. resp. D. de cond. ind.* Sed ut pecunia ex hac causa peti possit, rescriptum exigit, ut sit in stipulatum deducta & recte, quia pacto tantum cautum, ne ex causa quidem transactionis peti potest. *l. sine. §. eod.* Additum autem posterius, hoc est argumenti loco. Nam si creditor ultro petere potest ex hac causa, quod promissum tantum ac nondum datum est; vult intelligi rescriptum multo magis eum quod iam datum sit, retinere posse: quod prius responderat. sic regula iuris est: Cui damus actionem, ei multo magis exceptionem competere quis dixerit. *l. inuius. §. 1. D. de reg. iur.*

L. 24. Si quidem.

Impp. Dioclet. & Maximian. AA. & CC.
Victorino.

Si quidem ex causa transactionis, acceptis his qua instrumentum continentur, nihil amplius peti conuenit: aduersariam tuam exceptionis auxilio defendi perspicis. Sin vero certam quantitatem, quasi solam ab ea debitam, reddere se debere: sine litis decisione confessa est: tam eam, quam residuam debiti partem petere minime prohiberis. S. V. Non. April. Sirmit. CC. Cos. 294

S U M M A R I A.

1. *Qui partem debiti petit, aut accipit, aut reum de parte consentientem ignarus admittit, de reliquo non petendo nominatum nihil pactus, non ideo prohibetur reliquum petere.*

Victorinus cui centum debebantur. sic facti speciem proposuerat: placuisse inter se & reum, ut reus quinquaginta, quae se debere fatebatur, praestaret. quarebat, an superiore conuentione prohiberetur, quominus alia quinquaginta peteret, quae sibi probaturus sit item deberi. Distinguitur, ut si quidem transactionis causa placuit quinquaginta illa praestari, id est, in re dubia ita placuit, ut simul aperte conueniret, ne quid amplius peteret: solum quinquaginta petere possit, reliqua non possit obstante pacti exceptione. sin nihil amplius fuit, quam superior conuentio, nec quidquam de reliquis non petendis conuenit: nihil ea conuentio obstat, quominus Victorinus tam eam summam quam se debere reus fassus est, & se soluturum dicit, quam reliqua debiti quantitatem petat. Non enim potest ei aduersus reliqua partis non solutae petitionem quidquam

obesse, nisi quid de ea non petenda conuenerit. Qui autem de quinquaginta recipiendis consensit, non ideo de reliquis non petendis pactus esse intelligitur: cum fieri potuerit, ut & quinquaginta sola putaret deberi fidem debitoris secutus. Nam ne illud quidem nocuerit creditori, partem pecuniae sic accepisse, ut ea se in praesentia contentum esse ostenderet, si ideo accepit, quia sola ea quantitas debita esse a reo dicebatur. *l. si inter. §. de sol.* Qui enim reliquum non petit, quia sibi deberi non putat, aut certe quia dicitur non deberi: declarat se hoc animo esse, ut si esset debitum, peteret. neminem enim in eo, quod facere cogitur, liberalem dixeris. *l. rem legatam. D. de adi. leg.* Multo ergo magis idem de eo dixerimus, qui nihil accepit, sed debitore dicente se certam tantum quantitatem debere, quae pars tantum erat summae debita, confessionem eius admisit, ignorans forte quantum deberetur.

L. 25. Si maiores.

Imp. Dioclet. & Maxim. AA. & CC. Marcelle & Quirillae.

Si maiores vigintiquinque annis, cum patre sine auiunculo vestro transigistis, vel ei debita donationis causa sine aliqua conditione remisistis: non idcirco, quod hoc eius hereditatis capianda causa, id est, spe futurae successionis vos fecisse proponatis, aliis ei succedentibus instaurari sinita debent. S. II. Id. Ap. CC. Cos. 294.

S V M M A R I A.

- Dati ob causam ut me heredem facias, causa non expressa cessare repetitionem, quamvis causa secuta non fuerit: causa adiecta si secuta non sit, etiam hic repetitionis locum esse.*

Nihil prodest ob causam dare, ut causa non secuta quod datum est repetatur, si causa in dando nominatim adiecta non fuerit, cui sententiae congruit. *l. si repetendi. §. de condit. ob caus. dat.* Sed cum in specie hic proposita remittenda actionis causa haec fuerit creditricibus, ut heredes ab auunculo instituerentur, aut aliter eius hereditate potirentur: quid fiet, si nominatim hac causa adiecta actionem remiserint, neque ea causa secuta sit? puto tanquam causa non secuta integram esse veterem actionem, ut sit in aliis causis cum reus transactioni fidem non praestet. *l. sine. §. eod. l. si instituta. D. de inoff. test. de quo plura ad l. cum donationis. §. eod.*

L. 26. Transactione matris.

Imp. Dioclet. & Maximian. AA. & CC. Dicypsiadae.

De transactione matris. filios eius non posse seruos fieri, notissimi iuris est. S. Id. Apr. CC. Cos. 294.

S V M M A R I A.

- Transactione matris quemadmodum agatur, ut liberi eius serui fiant, & cur hac transactio liberis non nocet.*

Mulier quaedam petebatur in seruitutem ab eo, qui eam ancillam, & se dominum eius dicebat. in qua lite transiit deinde actor, pactus se mulieri nullam amplius libertatis controuersiam facturum: sed hac lege, ut illa filios quos susceperat, sibi in seruitutem traderet, aut ut iam erant, apud se relinqueret. & mulier fecit. Recte hic dicitur, huiusmodi transactione matris non posse filios eius seruos

fieri, idque esse notissimi iuris: duabus de causis: tum quod certis modis serui fiunt, in quibus non est conuentio sola. *§. penult. Inst. de iur. per.* tum quod etsi fierent, tamen conuentio cum matre interposita aliis nocere non potest. *l. si unus. §. pacta. ver. ante omnia. D. de pact.*

L. 27. Sanum.

Imper. Dioclet. & Maximian. AA. & CC. Catoni.

Sanum mente, licet agrum corpore, recte transigere, manifestum est, nec postulare debueras improbo desiderio, placita rescindi valetudinis corporis aduersa velamento. S. VII. Idus Maii. CC. Cos. 294.

S V M M A R I A.

- Sanitas mentis sola, non etiam corporis cur in transactione requiratur.*

In his, quae consensu geruntur, qualis est transactio, ab iis qui ea gerunt, integritas solum mentis, non corporis sanitas requirenda est. *leg. 2. D. qui test. fac. poss.* Quippe mente & animo consentimus, non corpore.

L. 28. Sine.

Imp. Dioclet. & Maximian. AA. & CC. Sapparitae.

Sine apud actorem provincia, sine sine actis scriptura intercedente vel non in transactione interposita est: hanc seruari conuenit. Sed quoniam ut certum quid accipias, conuenisse te licet sine scriptura, proponis, nec huius rei causa, stipulationem se utam esse: quamvis ex pacto non potuit nasci actione rerum vindicatione pendente, si exceptio pacti opposita fuerit doli mali vel in factum replicatione usa poteris ad obsequium placitorum aduersarium inuim urgere. Datum. III. Nonas Jul. CC. Cos. 294.

S V M M A R I A.

- Retrahandae transactionis ratio aduersus reum, qui ipse transactioni non parer.*
- Doli replicatio, & in factum, quid sint, & quid inter se differant.*

Ex placito transactionis, quo pecunia promissa est, actio non nascitur. qua de re dixi, *ad l. cum mota, supra.* Sed quod actor directa via consequi non potest a reo, id obliqua consequetur. Vetere enim actione expertus, si haec sublata non est, consequetur, ut reus soluat, quae petuntur, aut promissis stare cogatur. Vtrum possit facere, & quamdiu, dicam *ad l. si maior. §. eod.*

Doli mali, vel in factum replicatione. Dolus est, cum quis transactionis fidem sibi seruati vult, quam ipse aduersario ex eadem causa non seruati. *l. cum proponas. §. de pact.* facit enim contra aequitatem naturalem, qua placet, ut quod quisque iuris in alium statuerit, ipse eodem utatur. *l. 1. D. quod quis iur.* ac quidquid per occasionem iuris ciuilis contra naturalem aequitatem petitur, dolus est. *leg. 1. D. de dol. except.* Doli replicatio est, cum actor reum exceptione transactionis utentem aperite dicit dolo facere. In factum est, cum in factum verba replicationis temperantur detracta doli mentione. *l. non debet. in fi. D. de dolo.* Vis utriusque eadem: nisi quod altera apud graues & bonos viros infamiae notam habet: altera non habet. Hac aduersus parentes & patronos utimur, dum his honorem

honorem & reuerentiam naturæ illis debitam exhibemus: illa nequaquam. *l. licet. D. de ob. a lib. l. 4. §. aduersus. D. de dol. ma. exc.*

L. 29. Sub prætectu specierum.

Impp. Dioclet. & Maximian. AA. & CC.
Martia.

Sub prætectu specierum post repertarum generali transactione finita, rescindi prohibet iura. Error autem circa proprietatem rei, apud alium extra personas transgentium tempore transactionis constituta, nihil potest nocere. S. III. Kal. Octob. CC. Cos. 294.

S V M M A R I A.

- 1 Generalis transactio quæ.
- 2 Generali transactione quæ finiuntur.
- 3 Generali transactione finita quando videantur rescindi.
- 4 His verbis, sub prætectu specierum postea repertarum, quid specierum verbo intelligere debeamus.
- 5 Summa: generali transactione interposita, non licere de vlla parte aut specie ad id genus pertinente agere, si deo tantum agitur, quia species de qua agitur latuerit tempore transactionis, quæ deinde sit reperta.
- 6 Generali transactione non contineri speciem etiã quæ ex eo genere sit, si de certis tantum rebus actum sit, & liti generalis transactio subiecta.
- 7 Generalem transactionem etiã ad eas species non pertinere, quas actor in isto errore falsus non putauit esse ex eo genere aut vniuersitate de qua transigit: & hoc quomodo; & ubi accidat.
- 8 De hereditate petitor transigentem de omnibus rebus hereditariis sentire & transigere intelligi, quãuis quasdam esse in rerum natura omnino ignoret, aliter si quasdam esse sciens putauit non esse hereditarias.
- 9 Generali transactione semper excepta ea species, quæ dolo aduersarii latuerunt.

A iunt Impp. Sub prætectu specierum postea repertarum generali transactione finita rescindi prohibet iura. Hoc breuiter dictum obscurius est. Quam sententiam habeat, sic videtur facile intelligi posse, si prius dixerimus distincte, quid sit generalis transactio: quæ finiuntur generali transactione: quando hac transactione finita rescindi videantur: tum specierum verbum quid hic debeat.

1 Generalis transactio est, † cum aut infinite paciscitur creditor se nihil a reo petiturum, aut paciscitur finite quidem de re certa, sed ea, quæ verbo communis, vel generis, vel totius, res aut species, partesve plures complectitur: veluti, si transactum sit de hereditate, de tutela, de negotiorum administratione.

2 Generali † transactione finitur lis & actio omnis, non tantum quæ est de genere, & vniuerso, sed etiam quæ de singulis rebus est ad id genus pertinentibus. Etenim generali oratione species singulæ tam continentur, quã si specialiter essent expresse. *l. si seruus. D. de seru. urb. præd. l. Manius. §. duorum. D. de leg. 2.*

3 Rescinduntur † hæc non solum tunc, cum de genere ipso, vt de tutela, de hereditate, de negotiorum administratione agitur: sed etiam cum agitur de specie aliqua, quæ eo genere continetur. Nam si species omnes generali oratione continentur, sit contra orationem, si qua species iterum petitur. Ergo cum hoc fieri prohibet iura, hoc prohibere intelliguntur,

ne de vlla re, aut parte agatur, quæ sit ex eo genere. Id quod expressum est in *l. si vnus. §. si cum decem. D. de pact. l. si quis cum in prin. D. de exc. rei ind.*

Inde apparet, † cum addunt Imperatores sub prætectu specierum, species hic intelligi oportere res, quæ pertineant ad id genus, de quo verbo generis & communi transactum est. Hæc si ita sunt, iam facile intelligitur, superscriptis verbis exprimi hanc sententiam.

Generali † transactione interposita contineri res omnes, quæ sunt ex eo genere. Hinc fieri, vt quemadmodum de ipso genere iterum lis moueri nõ potest: sic nec possit de vlla parte, aut specie ad id genus pertinente: quia pariter fiat contra transactionem; nec ad rem pertinere, quod species, de qua agitur, postea reperta sit: id est, quod latuerit tempore transactionis. Quo innuitur, generali transactione omnes species contineri, siue notæ actori fuerint, siue ignotæ. Sed cū dicerent Imperatores, ea quæ transactione finita sunt, rescindi non posse, cur addiderunt, sub prætectu specierum postea repertarum: cum constet ea quæ consensu finita sunt, neque hoc, neque alio vllò prætectu reuocari? *l. sub prætectu. l. non minorem. §. eod.* Certum est hoc ab illis factum esse, non quo innuerent alio prætectu rescindi posse: sed dum voluit intelligi, ne hoc quidem prætectu posse rescindi, quod species, de quibus nunc agitur, tempore transactionis latuerint: quasi de hoc maior esset dubitatio. Bene autem dixerunt finita non posse rescindi. Ceterum rem aliquam petere, quæ ex eodem genere sit, nihil prohibet, dum transactio generalis non rescindatur. quod ita sit, si de ea specie, quæ petitur, non fuerit transactum. Non est autem transactum, si de ea cogitatum non est. Nam cum consensus a animo constet, non verbis: generaliter probandū est, quantumuis verbis generalis sit transactio aut conuentio; nunquam tamen contineri transactione aut conuentione eas res, de quibus inter contrahentes sensum & cogitatum non fuit. *l. cum Aquiliana. l. qui cum tutoribus. §. i. & §. ult. D. eod.* Itaque ex generali transactione semper duo genera specierum etiam remoto dolo excipiuntur: de quibus proinde non obstante generali transactione vtiliter agi potest.

Vnum est earum, † de quibus actum non est, & id eo si actū sit de re certa, vt fundo, & per occasionem huius litis transactum sit inter actorem & reum generalibus verbis ita, vt actor diceret se amplius nihil a reo petiturum: solum transactio in ea re, de qua actum est, obstabit: in ceteris omnibus non obstabit, vt scriptum est in *l. si de certa. §. eod.* scilicet quia de iis actum non est, quam ob rem nec de his potest transactum videri: cum transactio ad finiendam litem, quæ fuit, pertineat. Huc facit *l. emptor. §. i. D. de pact.*

Alterum gentis † est earum rerum, quas actor iusto errore non putauit esse ex eo genere, aut ea vniuersitate, de qua egit aut transigit. quæ exceptio est, quæ verbis sequentibus huius rescripti exprimi nobis videtur.

Error autem, aiunt Impp. circa proprietatem rei apud alium extra personas transigentium tempore transactionis constituta nihil potest nocere. Hoc sentiunt: si in aliquâ re quæ ad generalitatem transactionis pertinet, erratū sit ab actore ita, vt tempore transactionis non putaret eam esse suam ex eo genere, quod petit: non nocbit hic error transigenti, quo minus scilicet eam rem recte petat contra generalitatem transactionis.

nis. Sic autem actor in proprietate eius rei errare potest, si res fuerit apud aliū possessore extra personas transigentium constituta, quo tempore transigebatur: ut per hoc putaret eam possessoris esse, non suam. Finge ita: Petitor hereditatem petiit. Fuerunt ex ea hereditate res quædam apud tertium quædam possessorem, quam ob causam factum est, ut petitor eas possessoris esse existimaret: certe non putaret esse hereditarias. Petitor de hereditate transigit. Hoc dicimus, non impediri eum hac transactione, quo minus de superscriptis rebus iterum recte agat. Quod non eo fit, quia hic liceat transactionem rescindere potius, quam in ceteris rebus: sed quia de illis cogitatum non sit, eoque nec transactum. Transigit enim de hereditate & rebus omnibus hereditariis. Et quidem hæc, de quibus quaeritur, sunt hereditariæ: sed de his non sensit: quia hereditarias esse non putavit.

8. Sed si qui magis videtur petitor sensit de iis, quas esse omnino ignoravit, quam de iis quas esse sciens, non putavit esse hereditarias? Non difficile hoc intellectu est. Nihil enim vetat eum, qui ignorat, quid sit in hereditariis rebus, transigere tamē de tota hereditate, & hoc animo esse, ut nolit, quæcumque res illæ erunt, & quæ occurrerent postea, de illis amplius agere. Quod quoniam fieri potest: etiam illum, qui generaliter transigit, fecisse, & sensitse propter generalitatem verborum credendum est. In re enim dubia verbis stare oportet. *l. 1. §. in re igitur. D. de exer. act. l. non aliter. D. de leg. 3.* At cum certum est, petitor non putasse, quidam res esse hereditarias, res dubitationem non habet, quin de illis non petendis non senserit: cum pactus sit solum de hereditariis; has autem hereditarias non crediderit. In voluntate porro, & re certa verbis harere non oportet. *d. l. non aliter.* Sed hic exigitur, ut res istæ hereditariæ constitutæ sint apud alium extra personas transigentium. Recte: sic enim fit, ut in re aliena iuris alieni ignorantia sit probabilis *arg. l. qui in alterius. D. de reg. iur.* nec quidquam possit imputari actori, quod non inquisierit de conditione earum rerum, cum nullam causam suspicandi habuerit res fuisse hereditarias, nec in re aliena etiā in his, de quibus merito suspicari aut metuere potuit, debuerit esse curiosus. *l. doli in fin. D. de non.* Quod si apud ipsum actorem res fuerint, non est probabilis eius error circa proprietatem: quia unusquisque putatur scire vires & conditionem rei suæ, id est, qualis sit res, & quo iure habeatur. *arg. l. quisquis. j. de res. vend.* Si fuerint apud reū: nihil dici potest, cur actor minus de his senserit, aut certe cognoverit, quam de reliquis hereditariis, quas a possessore hereditatis petebat. Ita semper in re dubia verbis transactionis stabitur. Et hæc de transactione bona fide interposita dicta sunt.

9. In iis si quæ dolo malo fiunt, ius est perpetuum, non esse servandum quod dolo malo factum sit. *l. 4. l. 19. §. eo.* Itaque quæcumque res de hereditate aduersario subtractæ erunt, in his transactio, quamvis generalis, non nocebit. *l. tres fratres. D. de pact.*

L. 30. Transactione finita.

Imp. Diocl. & Maxim. AA. & CC. Antonino.

Transactione finita cum ex partibus tuis magis dolum intercessisse, quam eorum contra quos preces fundis, confitearis: instaurari graue, nec non criminofum tibi est. S. V. Idus Octob. Crebro CC. Cos.

S Y M M A R I A.

1. *Transactionem dolo malo interpositam rescindi posse, sed ab eo qui deceptus dolo est, non ab eo qui decepit, & in eam rem accomodatum exemplum.*
2. *Decipienti quoque ut venire liceat contra transactionem dolo eius interpositam, verba edicti de pactis faciunt: repugnat sententia. Vnde hac intelligatur, & cur sequenda.*

Cautum est edicto. pacta dolo malo facta non esse seruanda. Edictum & ad transactiones pertinet. valent enim & hæc, ut sæpe iam dixi, ex consensu. *l. non minorem. §. 3.* Igitur & transactio dolo malo interposita rescindi potest. *l. sub prætenu instrumenti. §. 3.* Si postulet is, qui deceptus est, non dubium.

Etiāne si velit is, qui decepit? Edictum enim generaliter scriptum est, pacta dolo malo facta seruanda non esse. Propone ita: reus subtraxerat actori cautionem debiti. qua re consecutus est facile ab actore, ut ille parte debiti accepta transigeret. Re transacta reus, qui debitori successerat, quique ob id facile scire non posset, quid deberetur, & an aliquid solutum esset, necne, reperit apocham instrumentum solutionis: quo reperto pecuniam, quam transactionis nomine dederat, repetit, non prætenu instrumenti post repetiti (nam hoc non potest. *d. l. sub prætenu. §. 3.*) sed hac ratione, quod dicat dolo malo eam transactionem expressam esse, & rogatus, cuius dolo, suo responderet; quod cautionis tabulas actori subtraxisset. Hic verbis edicti nititur, & earum constitutionum, quibus cauetur, conventiones & transactiones dolo malo factas nullius momenti esse, rescindi posse: neque distinguitur, quo postulante id fieri velint. Rescriptum hoc loco est, neminem ob dolum suum consequi posse, ut transactio dolo malo facta inuito aduersario instauretur. Quod rescriptum id quod obscurius erat in edicto, & superscriptis constitutionibus, interpretatur. Ex quo colligimus, quoties negotium aliquod ob dolum admissum improbat, id sic improbari si ille velit, qui dolum passus est: non si vult is qui admisit.

Verba quidem si superscripta ab utraque parte rescissionem admittunt: sed repugnat sententia. Cum enim cauetur, ut pacta dolo malo facta nullam vim habeant, cauetur hoc decepti causa, non decipientis. absurdum sit enim ius decipientibus fauere, ex quo est illud deceptis non decipientibus iura optulari. *l. 2. §. 1. D. ad Velleian.* Hanc sententiam sequemur. Nam cum in omni dicto & scripto, tum præcipue in legibus non quibus verbis, sed qua mente quidque dicatur, spectari oportet: & mentem sequi contemittis verbis. *l. penult. D. ad exhib.* Et generaliter non de dolo tantum, sed de omni causa, propter quam placeat quid non valere, recte definiemus, quoties aut contractus, aut negotium aliquod ob aliquam causam improbat, semper animaduerti debere, cuius gratia id caueatur. cum id intelligitur, tum recte dici ipsum, si volet, eo iure vsurum esse: sin minus, inuito eo rem rescindi ab aduersario non posse. *l. non eo minus. j. de proc. l. si index. D. de minor.* Duæ autem rationes hic redduntur, cur decipienti non liceat ob suum dolum rescindere transactionem. vna, quod sit graue: id est, non ferendum, ut sunt toleratu ac pondere grauiæ: & ideo non ferendum, quia aperte iniquum. nihil enim iniquius, quam dolum suum cuiquam prodesse. *l. 1. D. de dol.* quæ causa facit, ut iure rescin-

rescindere non possit. Altera est, quod sit ei criminofum, id est, turpe, & probrosum, quæ res facit, ut et si liceat iure uti hac defensione, tamen venturi non expediat id facere, nec sit honestum.

L. 31. Si de certa.

Imp. Dioclet. & Maximian. AA. & CC. Proculo.

Si de certa re pacto transactionis interposito, hoc comprehensum erat, nihil amplius peti: et si non additum fuerat, eo nomine de ceteris tamen questionibus integra permaneat actio. PP. IIII. Id. Oct. Byzantii CC. Coss. 294.

S V M M A R I A.

- 1 Dere certa si actum est, generalem transactionem ei liti subiectam ad eam tantum rem, non ad alias species pertinere, & quare.
- 2 Semper in omni oratione quid actum sit, considerandum est. id cum certum est, nihil amplius queritur. l. semper. D. de reg. iur. Qui generaliter pactus est, nihil se amplius ab eo, qui cum agebat, petiturum, verbis omnem petitionem excludit, quæ cum illo posset esse non tantum de re, de qua actum erat, sed etiam de ceteris. Tamen transactionem non nisi ad eam rem, de qua actum est, pertinere volunt Imperatores: ut in illis verbis pacti, nihil amplius peti, subaudienda sint hæc verba, eo nomine. Cur? quia id agitur, idque inde satis intelligitur. Interponitur enim pactio nomine transactionis. Nihil autem est transactio aliud, nisi litis decisio & remissio. Absurdum porro plus esse in remissione, quam fuit in re, seu lite.

L. 32. Si causa.

Imp. Dioclet. & Maxim. AA. & CC. Cyrillo.

Si causa cognita prolata sententia, sicut iure traditum est, appellationis vel in integrum restitutionis solemnitate suspensa non est: super iudicato frustra transigi, non est opinionis incerta. Proinde si non Aquiliana stipulatione & acceptilatione subsequuta competentem tibi actionem peremisti, præses Provincia visitato more legum rebus pridem iudicatis effectum adhibere curabit. S. VIII. Kal. Nouemb. CC. Coss. 294.

S V M M A R I A.

- 1 Post rem iudicatam transactionem interpositam nullius esse momenti; sed his conditionibus: Si sententia iure valuit, & cur, & nu. 2.
- 2 Si ab ea appellatum non est, & cur.
- 3 Si petita in integrum restitutione non est suspensa, & cur.
- 4 Sineque appellationis, neque in integrum restitutionis remedio attentari potest, & cur.
- 5 Sinet de horum aliquo sit controuersa, quin omnia ita se habeant, & quare.
- 6 Transactio post rem iudicatam, in qua superiora concurrunt, interposita cur nullius momenti. ibidem.
- 7 Nec inter eos, qui ita iudicatum sciunt, post rem iudicatam transactionem interposita valere, & quare.
- 8 Transactio post rem iudicatam interposita, ita hanc nullius esse momenti, ut est interuenerit acceptilatio transactionis causa, nihilo tamen magis peremita sit prior iudicati actio, neque hoc rescriptum refragari.
- 9 Hac verba rescripti, si non acceptilatione competentem tibi actionem peremisti, pro conditione accipienda non esse, sed pro ratione, quia non peremisti.
- 10 Si pro quia saepe apud nostros.

10 Si, cur hoc loco ita sit accipiendum, pluribus demonstratum.

11 Summa rescripti.

12 De his controuersis, quæ ex testamento nascuntur, non inspectis & cognitis verbis testamenti transigi non posse, & cur.

13 Relicta testamento etiam non inspectis verbis testamenti pacto & pro parte & in totum remitti posse.

14 De his quæ codicillis relictæ sunt, ius idem.

Constitutum est post rem iudicatam interpositam transactionem nullius esse momenti. l. eleganter. §. si post. D. de cond. indeb. l. post rem. l. & post rem. D. eod. & ut hic scriptum est, de iudicato frustra transigi. Quam hic rem iudicatam accipere debeamus, & quid efficiat hæc constitutio, si transactum sit, queritur. Quorum posterius hoc rescripto potissimum explicatur: prius ex parte attingitur, non omnino definitur.

Et de re iudicata sic habendum est: primum non esse iudicatum, ubi sententia non valet. l. 4. §. condemnatum. D. de re iud. Non mirum igitur, si superior constitutio sic accepta est, si sententia valeret. d. l. eleganter. §. si post. D. de cond. ind. Ex quo est, quod exigitur hoc loco exempli gratia, ut sententia prolata sit causa cognita. aliter enim sententia non valet. l. ex stipulatione. §. de sent. & inter.

Sed si prolata sit iure sententia: si tamen ab ea appellatum sit, initio quidem res iudicata est, sed per appellationem eo deducitur, quasi nec iudicata esset. appellatione enim exstinguitur iudicis pronuntiatio. l. 1. §. ult. D. ad Turpil. Quare & hoc bene existimatum est, superiorem constitutionem nec ad eam sententiam pertinere, a qua sit appellatum. l. & post. D. eod.

Iam vero quod iure communi appellatio facit, id iure singulari valet in integrum restitutio in persona minorum. toto tit. §. si aduer rem iud. l. nemo. D. de in integ. rest. Proinde & hoc bene additum est in hoc rescripto, ita de iudicato inutile esse transactionem, si non ut appellationis, sic in integrum restitutionis solennitate sententia suspensa sit. Quod si & sententia iure valeat, nec ab ea sit appellatum, aut aduersus eam in integrum restitutio postulata: dici potest rem vere esse iudicatam. Quod tum multo verius dici poterit, cum ne appellari quidem poterit iure, aut in integrum restitutio aduersus eam postulari. ut si verba tantum superioris constitutionis sequimur, consequens iam sit, cum res in ea causa erit, quam modo dixi, tum de ea transigi non posse. Cui sententia suffragari videbitur prima fronte hoc rescriptum. in quo ut de iudicato transigi non possit, nihil amplius exigitur, quam ut sententia, quæ valeat iure, appellationis vel in integrum restitutionis solennitate non sit suspensa. Sed quod deest huic loco, ex aliis locis clare scriptis sumendum est.

Placuit autem non tantum, si appellatum sit, sed etiam si appellari possit, transigi de iudicato licere. d. l. & post. D. eod. & generaliter superiori constitutioni non aliter locum esse, quam si ea sit sententia, quæ nullo remedio, non dico attentata sit, sed possit attentari. d. l. eleganter. §. si post.

Longius itum est. Nam si valeat sententia, nec iure attentari queat: si tamen quid eorum, quæ supra scripta sunt, in dubium vocetur, puta an iudicatum sit, an sententia valeat, an ex ea appellari possit, necne: placet de iudicato posse transigi. l. post rem. D. eod. §. si

cōclusio est post rem iudicatam transigi non potest obstat tunc dicitur per prout est hic n. 2^o et post rem iudicatam. in qua dicitur quod potest fieri transactio si per est apud avi. 2^o obstat tunc rem iudicatam in qua dicitur quod si in non est sententia valet transactio

post. Atquies vere iudicata est, quæ non est infirmata: multoque magis si iure infirmari non possit, etsi homines aliter errore existimant. Qui fit igitur, ut ad hos casus existimeretur superior constitutio non pertinere verbis repugnantibus? Sententia nimirum constitutionis spectata est. Ideo noluerunt Imperatores post rem iudicatam transigi, quia iam nulla lis esset. Lis enim rebus iudicatis tollitur. *l. 1. D. de re iud.* Porro non transigitur, nisi de re dubia, & lite incerta. Cui rationi conueniens est, ut ubicunque lis subesse potest (quod fit superioribus in causis) toties ex sententia constitutionis admitti debeat transactio. *d. l. post rem. D. eo.* Sed nullam esse transactionem fortasse quis concesserit, cum is qui transigit rem iudicatam fuisse ignorat.

7 Quod si iudicatum esse sciet, & transiget, quidni valeat, inquiet, transactio; cum liceat unicuique paciscendo iuris sui persecutionem deteriore constitutuere. *l. pactum. D. de pact.* Sed ex verbis huius rescripti facile intelligitur, nec inter eos, qui iudicatum esse sciant, tenere transactionem. quinimmo ad eos, qui sciant, rescriptum proprie pertinet. Negat enim de iudicato transigi posse. Nemo potest videri transigere de iudicato, nisi qui de re iudicatum sciat: propterea quod qui ignorat adhuc iudicatum esse, is utique opinione sua & verbis de lite, non de iudicato transigit. Licet quidem unicuique paciscendo conditionem suam deteriore facere: sed ita, si velit facere, & eo modo faciat, qui cum legibus non pugnet. At primum nemo, qui transigit, hoc animo est, ut quidquam remittat certum: cum transactio sit de re incerta. *l. 1. D. eo.* Tum autem si quid remittere velit, paciscendo id facere potest, ubi rem certam liberalitate remittat. transigendo non potest: quia nulla pactio rata est, quæ refragetur legibus. Repugnat autem natura, quo minus illic sit transactio, ubi nulla lis est. *d. l. 1. D. eo.* Vtrum autem post rem iudicatam transactione quid remittatur, an pacto, verba conventionis declarabunt. Finge re aliqua accepta dicere actorem se a lite desistere, se litem remittere, vel quo a lite discedatur, ad eam se decisionem venisse. Litis præcedentis remissio transactionis opinionem demonstrat. Et fieri potest, ut quis iuris ignarus, litem adhuc confectam non putet. Regulam habes iuris certi, quem habeat effectum subiiciunt Imperatores.

8 Proinde si non Aquiliana. Sensus est: Si de iudicato frustra transigitur, atque ita inutilis transactio est: consequens est mansisse integram actionem actori, quæ post rem iudicatam competiit. Ea est autem actio iudicati. *l. miles. §. ult. D. de re iud.* Et quoniam manifestum est, hoc quoque, ut præses rebus pridem iudicatis effectum adhibere, id est, res iudicatas exsequi debeat usitato iure, quod fit pignoribus captis, & distractis. *l. 2. j. de exsec. rei iud.* Sed adiicitur hæc conditio, si non actor competentem sibi actionem peremerit Aquiliana primum stipulatione interposita, deinde acceptilatione secuta. Quibus verbis declaratur, & post rem iudicatam, si transactum sit Aquiliana stipulatione, & acceptilatione secuta, peremptam esse actionem actori competentem, quod quale sit, diligenter animaduertendum est. Nam actio primum actori competens post rem iudicatam, est iudicati. Hæc Aquiliana stipulatione sic perimitur, ut ex ea stipulatione nascatur noua, ex stipulatu. Hæc deinde acceptilatione tollitur sic, ut actori nulla maneat. In ea vero manifeste pugnantia loqui videntur Imperatores. Prius

enim statuerunt de iudicato frustra transigi. Nunc hoc mutant, & dicunt de iudicato recte & vtiliter transigi, cum dicant Aquilianam stipulationem & acceptilationem de iudicato interpositam valere, & perimere iudicati actionem ita, ut iam res mandari executioni non possit. An dicemus valere quidem transactionem & acceptilationem, sed quod per acceptilationem remissum est, tanquam ob causam datum causa non secuta condici posse: ut ab initio quidem transactio valeat; ceterum euentu inspecto sit inutilis? Et sane in *l. si mulier. §. l. 4. D. de cond. caus. dat.* scriptum est, si creditor accepto tulit, quod sibi debetur, ob causam, quæ secuta non sit, posse eum quod accepto tulit, condicere. Sed id ad eum actorem nihil pertinet, qui remisit actionem ob eam causam, ut certam pecuniam acciperet, & accepit. Ideo enim quia accepit, quod cōuenerat, causa secuta est. proinde cessabit dati repetitio. Sed etsi fateremur condici posse, quod accepto latum est: tamen verum esset acceptilatione peremptam iudicati actionem, quo admissio etiam valere transactionem fateremur. Multum enim interest, utrum maneat iudicati actio, an ea sublata noua actio competat. *l. minor annis 25. de minor.* Quid si dicamus post rem iudicatam non valere transactionem: sed ita, si pacto tantum transactum sit, non acceptilatione? Sed verba constitutionum repugnant. Ira enim illæ scriptæ sunt, ut simpliciter velint post rem iudicatam frustra transigi, sine transactionem nullius momenti esse. Et cur velint, perspicuum est. Scilicet ideo volunt, quia lis nulla amplius de re esse potest. Atqui non pacto tantum transigitur, sed multo etiam magis acceptilatione. *l. 2. D. eo.* Et si ideo pacto transigi non potest post rem iudicatam, quia lis iam nulla est: non est cur lite sublata magis valere putemus transactionem, in qua acceptilatio transactionis causa interuenierit. Nunquam enim transactio esse potest de re certa & indubitata. *l. 1. D. eo.* Quid restat igitur, nisi ut omnem transactionem post rem iudicatam interpositam fateamur nullius esse momenti, quocunque modo facta sit, eoque etsi interuenierit acceptilatio, non esse peremptam iudicati actionem, si acceptilatio transactionis causa interuenit? Quod mihi plane consequens, & isto modo recipiendum videtur.

Sed si opponuntur nobis superiora verba rescripti, si competentem tibi actionem non peremisti. Et difficile est negare ea aduersari, si quis ea pro conditione posita accipiat. Quid enim aliud significatur ea conditione, quam actionem tibi competentem etiam post rem iudicatam a te perimi posse, & quidem transactione? Nam de transactione, utrum post rem iudicatam valeat, omnis est in hoc rescripto quaestio: & ei, qui posuit super iudicato frustra transigi, nihil aliud relinquitur, quod hinc efficiat, nisi hoc, nempe si super iudicato transactum sit, nihilominus veterem manere actionem. Cum autem addit, si non hanc peremisti, non potest omnino aliter accipi hæc exceptio, quam ut eam & postquam transactum est, perimi posse, & peremptam amplius non manere intelligamus. Itaque non puto audiendum esse Accursium, qui admissa superiore conditione, actionem posse perimi fatetur post rem iudicatam: sed ita, si a sciente liberalitatis causa interposita acceptilatio, non ite si interposita sit nomine transactionis ut de re dubia. ut sit hic loci sensus: si non peremisti competentem tibi actionem (fieri enim potest, ut peremeris, puta si accepto

si accepto tuleris donandi animo, non transigendi) iudicati actio māsīt integra. Per se hoc si dicatur, vere dici potest: sed huic rescripto non conuenit, ut est illatio ex iis, quæ erant proposita. Quid ergo est? Nego hæc verba, si non acceptilatione competentem tibi actionem peremisti. hæc, inquam, verba nego pro conditione esse accipienda, quasi de eo dubitarent Imperatores: sed ita, quasi dictum esset, si non peremisti, ut non peremisti, sicut ex præcedētibz intelligis. ut sit videlicet hic conditio non dubitantium, sed argumentantium &, quod Grammatici dicunt, si, pro quia, qua significatione uti solemus cum re aliqua p certa posita volētes ex ea aliquid efficere, ita subiicimus: quod si ita est. Hoc enim intelligimus, ita esse scilicet: neque id addimus, quasi aut superius satis demonstratum non sit, aut etiam probatione indigeat.

Ineptus sim, si hanc significationē & vsum particulæ, si, coner hoc loco demonstrare pluribus conquisitis in re aperta non necessariis testibus. Tantum ex innumeris locis non aliorum, sed nostrorū vnum atque alterum proferam. Paulus in l. si is, qui pro emore. D. de usufructu. et si usufructu, inquit, reuerso ab hostibus non prodest, quemadmodum heredi eius proderit? si reuerso non prodest, nihil aliud declarat, quam quia reuerso non prodest, vel, si nō prodest, ut certe non prodest. Vlpianus in l. Pomponius. D. de acquiren. rer. dom. bis hoc sensu, si, usurpauit in versu, si igitur desinit. & in versu, si igitur manet. Si desinit, inquit, meum esse, quod eius ex area, aut agro nostro sustulit: si fuerit ore bestie a liberatum, occupantis erit, si desinit, pro, quia desinit. Desinere enim prius dixerat. Et paulo post, Si igitur manet, eodē sensu, pro, quia igitur manet. Idem in l. i. §. pen. D. de verb. oblig. Nam si tot sunt stipulationes, inquit, quot sunt corpora: due sunt quodammodo stipulationes. Hoc sentit: si tot sunt stipulationes, ut sunt scilicet, id est, quia tot sunt stipulationes.

Cum t hic vñs est particulæ, si, & significatio conditionis per, si, elatæ: tum vero eam vim & significationem esse hoc loco probant. Primum, ut alias, si, cum significat, quia, indicatiuo iūgitur: sic hoc loco indicatiuo iuncta est. dictum est enim, si peremisti, non autem, si peremeris. Deinde cum Imperatores statuunt de iudic. to frustra transigi, hoc exprimunt, si de iudicato transactum sit, nullam esse transactionem, quocumq; modo transactum sit, siue acceptilatione: siue pacto. Ex quo bene ita inferitur, proinde transactione de lite interposita si competentem tibi actionem non peremisti, id est, quia nō peremisti intelligere debes māsīt iudicati executionem. Postremo obseruandum est, qualis sit hæc conditio, si non peremisti acceptilationem actionem tibi competentem, iuris, an facti. Et iuris est sine dubio, nō facti. Ex iure enim non ex facto, an extiterit, intelligitur. Si transactio valet, peremisti actionem: si non valet, non peremisti. Ius autem certum est, transactionem non valere. Cum sit iuris, hic videlicet ex iure, quomodo interpretanda sit, sumendum est. Atqui ius efficit, actionem non esse peremptam. igitur hoc sequemur.

Quare t sit huius rescripti hæc summa sententia: de re iudicata, de qua lis esse nō possit, frustra transigi: proinde si transactum sit, quia nec acceptilatione sublata sit verus actio, consequens esse integram eam manere actionē, ac proinde iudicati executionem, l. 4. §. si ex conventionē. D. de re iud. Qua ratione constitutum est, ut de iudicato transigi non liceret, quia

iam amplius lis nulla esset: eadem ratione probandum est in omnibus causis, de quibz nulla lis esse potest, transactionē interpositā nullius esse momenti.

Ac t nulla lis esse potest de iis controuersis, quæ ex testamento nascuntur, nisi inspectis & cognitis verbis testamenti, non magis, quam de iudicato. Beneigitur ut de iudicato, sic de iis controuersis, quas dixi, hoc receptū est, ne transigere liceat. l. de iis controuersis. D. eo. Idq; ita ex l. i. D. testam. quem. ap. sum. translātū: tamen natura rei cogente debuerit transferri. Nam, ut bene inter omnes prope cōuenit, quæ tandem esse potest de his, quæ ex testamento nascuntur, vbi testamentum non cognoueris? unde enim ista rescire possit aliunde, quam ex testamento? Atqui transactio, nisi de re dubia, & lite incerta esse non potest. l. i. D. eo.

Quid ergo? t inquires: non poterit remittere legatarius, quod sibi testamento relictum est, etiam si quale sit, aut quantum, ignoret? Immo vero poterit & in totum, & pro parte. Licer enim vnicuique de re sua pacisci, & iuris sui persecutionem deteriore constituit, l. iuris gentium. §. si paciscar. l. pactum, D. de pact. Et qui totum remittere potuit donationis causa, cur parte debiti contentus esse non possit re adhuc incerta? Sed hoc ita est: donationis causa id facere potest, non transactionis. Nam si sciēs prudens ita remittit totū, ut quāuis plus sit in debito, quam accipit in præsentia, constituat tamen in posterum nihil petere: id quod amplius est, donat. Si ideo accipit, quia heres non plus legatū esse dicit: reliquum heredi non remittit, si quidem. §. eod. non transigit autem, qui a lite non discedit. Sic fit, ut neutriubi sit transactio.

De iis controuersis, t quæ ex codicillis nascuntur, eadem ratio est. proinde idem ius statuendum est. In quam sententiam est, quod Scauola respondit, in l. 3. §. i. D. eo. Ergo conventionē transactionis causa de legato aut fideicommissio interposita si reperitur postea testamentum, aut codicilli: quanto minus consecutus fuerit legatarius, quam ei legatum est, id consequi debeat. d. l. 3. §. i. D. eo. Neque ideo periculatorum erit, ne prætextu instrumenti post reperti rescindatur transactio, quæ nulla fuit, ut dixi ad leg. sub prætextu. §.

L. 33. Si pro fundo.

Imp. Diocl. & Maxim. AA. & CC. Eucherius. Si pro fundo, quem petebas, prædium certis sinibus liberum dari transactionis causa placuit, nec eo tempore minor annis viginti quinque fuisti: licet hoc prædium obligatum post, vel alienum pro parte fuerit probatū: instanti decem litem prohibent iura. Ex stipulatione sine, si placita seruari secuta est: vel, si non intercesserit, prescriptis verbis actione civili subdita, apud rectorem provinciarum quæstione litis intercessit decisio, si scis vel alius a te vindicauit, nihil petere potes. S. V. Id. Nouemb. Melaniada CC. Cos. 294.

S V M M A R I A.

- 1 Species facti, & questio prioris partis rescripti propria, simul amb. gendi causæ.
- 2 Transactione pacto interposita nō licere auctori de eadem re agere etiam aduersus eum, qui fidei transactioni non præstet, si aliam actionem habeat, quæ possit reum ad obsequium placitorum urgere: hæc illius contentum esse debere.

Questio prioris partis rescripti propria, simul amb. gendi causæ.

significat q quia qd est causa q causat ea qd est actus, igitur a quo ad actus, etiam est effectus
causa remota hinc hinc est pulchritudo nemine
ideo dico hæc esse sensu iux post rem iudicata nō potest transactio ideo eam litem

- 3 Qui fundum a se petitem suum manere voluit penes possessorem transactionis causi, ut quid aliud acciperet, quamvis id non praestetur, nihil tamen magis eum fundum aut vindicare posse ante translatum, aut condictione ob causam repetere; sed vnam illi actionem esse ad ea de quibus convenit, petenda.
- 4 Ex transactione quamvis pacto interposita, auctori in proposito nihilominus actionem esse praescriptis verbis ad ea persequenda, de quibus praestandis convenit: quia auctor possessori fundum dedit; & unde id intelligatur.
- 5 Species accommodata his verbis rescripti, si tamen res ipsas.
- 6 Qui ex conventionione transactionis fundum quem possidebat, auctori restituit, liberari, quāvis is fundus alienus, atque adeo postea evictus fuerit.

E Vetrusius petebat fundum † quemdam suum. Eum cum cuperet retinere possessor, & de eo litigare paratus esset: placuit tandem inter ipsos, ut pro eo fundo aliud praedium reus dando, fundum controuersum retineret, itaque sibi haberet, ut amplius de eo non fieret ei controuersia. Nam cum hic dicatur transactio esse intelligendum est rem ita esse gestam, ut ab omni lite, quae de eo fundo esset, discederetur. Possessor praedium dedit, ut conuenerat: sed alienum, aut pignori obligatum. quam ob rem veterem actionem repetere cogitat Eucherius, & fundum quē petere instituerat, iudicio persequi. Non abs re, ut videtur. Litem enim remisit ille quid n: sed ob causam, ut praedium sibi daretur. quae causa si secuta non sit, habet, quod obiiciat reo, si is pacti exceptione se tueatur. Dicit enim non esse ei concedendum transactionem uti, qui ipse placita non implevit. *l. cum proponas, 2. §. de pact.* Quod si dicemus fundum in specie proposita datum esse possessori: tamen alia ratio condictionem eius fundi admittet. Quod enim ob causam datum est, causa non secuta repeti potest. *l. 1. D. de cond. ob tur. caus. l. si militem. l. dictam. C. de cond. ob tur. caus.* Iam vero hic causa non est secuta. Praedium enim d. n. oportuit. Porro non est datum, quod ita datum est, ut poss. t. auferri. *l. qui de dom. §. qui hominem. D. de solut. quale est alienum, aut pignori obligatum.* Illud enim dominus auct. re potest actione in rem, *l. officiu. l. qui restituit. D. de rei vind. hoc creditor hypothecaria actione. l. si fundus. §. in vindicatione. D. de pig.* Ergo poss. ne Eucherius de eodē fundo iterum agere, queritur. Respondent Imperatores, si pro fundo praedium datum est, ut datum est, instaurari decisam litem non posse.

2 Hoc sentiunt † ob stare decisam seu transactionem, quo minus de eadem re agatur. Immo si vetus actio extincta non sit, & fides placitis non praestetur, veterem actionem agi posse ab iisdem Imperatoribus constitutum est in *l. siue apud. §. eod.* Sed ibi solum id permittunt, ubi auctor aliam actionem non habuit, qua reum ad obsequium placitorum urgeret, ut loquuntur quam si haberet, satis innuunt ea contentum actorem esse debere: utpote cui in hoc tantum veterem actionem dent, ut consequatur, quod transactionis causa ei promissum est. Ita cum in proposita hypothese habeat auctor aliam actionem, qua promissa consequatur, ut subiciunt, veterem actionem non instaurabit.

Est & haec ratio, † cur is amplius fundum non queat vindicare. Nam si fundum hunc transtulit in possessorem (quod eum fecisse intelligimus, de quo mox) dominus fundi esse desit, ut proinde iam amplius ei in rem actio non competat. Quid tamen, quod causa secuta non est, an non est haec idonea causa, cur datum fundum auctor condicat? Significant Imperatores ne condictione quidem hic locum esse. Quod quidem ita constitui oportuit, alia enim via litem instaurat, qui quavis actione fundum, de quo translatum est, persequitur, quod ius non concedit. *l. §. D. de except. rei ind. l. in duobus. §. exceptio. D. de iureiur.* At enim ita ius est, quod ob causam datum est, causa non secuta condici posse. Dicendum est, valere hoc ius in ceteris causis omnibus: ceterum ad transactiones non pertinere. Hoc illud est nimirum, quod significare Imperatores voluerunt, cum dicunt decisam litem instaurari iura non permittere. Inest enim in his verbis, *decisam litem*, ratio, cur non possit actio instaurari: quia scilicet lis fuerit quae & decisa est: ut intelligamus huic iuri locum esse in decisione litis, non etiam in ceteris rebus extra transactionem ob causam datis. Quod bono publico in odium litium constitutum videtur, ut esset aliquis litium finis, quam ob causam & multa alia aduersus regulas communes iuris recepta sunt. *l. fratris. §. l. quamvis. j. l. vlt. D. pro suo. l. quidam. D. si cer. per.*

4 Aiunt Imperatores, *Ex stipulatione sane, si placita seruari secuta est, vel, si non intercessit, praescriptis verbis actione civilis subdita apud rectorem provinciae agere potes.* Sit quidem hoc loco transactio hac conventionione esset interposita, ut auctor vindicationem omitteret tantum, siue amplius non ageret de fundo, ipsi autem pro ea remissione praedium, aut quid aliud daretur: non nasceretur ex hac conventionione vlla actio. Nasci iudē Imperatores in eadē specie vindicationis negat, in *d. l. siue apud. §. & recte negant*: cum certi iuris sit ex pacto actionem non nasci. Sed animaduertendum est, quid hic actum, gestumque sit. Proponitur id actum, ut pro fundo, quem auctor petebat, praedium ei daretur. Ex his verbis intelligimus actorem non pactum esse tantum, ne de fundo amplius ageret: sed fundum ipsum, de quo agebatur, transtulisse in possessorem prius: sic deinde conuenisse, ut pro eo praedium acciperet. Dicitur enim rem pro re dare, qui rem dat, & pro ea aliam accipit, ut accidit in permutatione, in qua cum res utrinque detur, atque ita permutetur, dicitur res pro re dari, ut bene dictum sit ab Alciato, hic permutationem esse contractam. Sic autem sit, ut auctor fundum det, quem apud possessorem esse finit, si possessore agnoscente ipsius fundum esse, id agatur: tamen, ut eum tanquam ab actore acceptum retineat, sibi que habeat. Nam & alias cum dominus rem, quae apud alium est, apud eum esse vult hoc animo, ut eius fiat, dominium transfert, *l. qua ratione. §. interdum. D. de acq. rer. dom. l. non statim. D. de pecul.* Quod si ita est recte hoc loco Imperatores & citra stipulationem dant auctori actionem praescriptis verbis de praedio, quod ex conventionione dari debuit. Non enim pactum hoc nudum est: sed dedit prius auctor fundum, ut pro eo alium acciperet, in quo genere certi iuris est dari praescriptis verbis actionem. *l. naturalis. i. resp. D. de praescr. verb. l. i. in fi. D. de rer. permut.*

Sit tamen res ipsa apud te constituta, ob quarum transactione litis decisio intercessit, si scis vel alius a te vindicare.

uit, nihil petere potes.] Inuertitur † superior species hoc modo: Euchrusius de fundo, quem petebat, ita prius transigebat, ut eum apud possessorem esse pateretur, & prædium acciperet, quod datum non est. Nūc ita transigit, ut fundum, quem petebat, a possessore restitutum accipiat, ipse pro eo fundo aliud prædium det: dat prædium idque suum, & fundum vicissim controuersum recipit: sed eum fiscus postea, vel alius euicit vel tanquam suum, vel tanquam sibi pignori obligatum. Quæstionis est, an ut in priore specie prædio alio, quod illi datum erat, euicto aduersus possessorem agere potest: sic in hac specie fundo eodem, quem petebat, illi restituto, & postea euicto possit agere, ut idem fundus sibi detur, quem constat datum non esse. Hanc speciem verba rescripti euidenter arguunt, *Si res apud te constitutas* (alloquuntur eundem Euchrusium Imperatores) *ob quarum quæstionem litis decisis intercessit.* At hæc res sunt ille fundus, de quo quia controuersia erat, ob eum etiam decisis litis interuenit. Hæc res sic nunc post transactionem apud Euchrusium sunt constitutæ, si illi fundus sit a possessore restitutus. Ergo hic fundus postea ei euictus est.

Respondent † Imperatores hoc fundo euicto nihil Euchrusium a possessore petere posse. & merito. Non enim in hac specie conuenit, ut fundus petitus daretur Euchrusio, cum eum suū esse diceret: sed ut ei restitueretur. In hoc inest, ut eo iure, eaque causa restitueretur, quo iure, quæ in causa esset apud petito-rem, si ab aduersario non possideretur. Id enim restituendi verbum significat. *l. restituere videtur. D. de verb. sig.* Itaque, etsi non fuit ante Euchrusium, aut pignori fuit obligatus: restitutus est tamen, si ita illi restitutus est, ut eum apud se haberet: proindeque nec si postea euincatur, vlla esse potest aduersus possessorem actio: ut qui id fecerit, quod promiserat. Diuersa causa est eius, qui prædium dare debuit ex conuentione, & ita dedit, ut posset auferri. quod in priore specie factum est.

L. 34. Cum Donationis.

Imp. Dioclet. & Maxim. AA. & CC. Cyrillo & Prolomaidi.

Cum donationis seu transactionis causa administrata tutela debiti scientes vos obligationem fratri vestro remississe proponatis, nec unquam volentibus dolus inferatur: frustra de dolo querimini: nec ad implendum promissum, hereditatis propriæ pollicitatione quisquā adstringitur. PP. VI. Idus Novemb. CC. (c. 294.)

S V M M A R I A.

- 1 Species facti, quæstio, & quærendi causa.
- 2 Sententiæ responsi, & ratio. & nu. 3.
- 3 Promissione hereditatis suæ alicui deferenda neminem ad implendum promissum obstringi, nec si quid eo nomine acceperit.
- 4 Datum ob causam animo dantis propositam, si causam nominatim adiecta non est, repeti non posse, quamuis deluso dante causa secuta non fuerit.
- 5 Remissa tibi actione nominatim ob hanc causam, ut me heredem facias, quamuis me non institueris, nullam tamen esse datæ repetitionem, quia ob turpem causam datum sit. sed vetere actione manente posse adhuc agi aduersus eos, qui transactionem non seruent.
- 6 Remissum promissumue sub hac conditione, si me he-

redem feceris, utiliter remissum, & promissum videri: utpote sub conditione, quæ nec sit impossibilis, nec iure improbata.

Præter, qui fratrum suorum Cyrilli & Prolomaidis tutelam gesserat, finita tutela petiit a fratribus, ut sibi tutelam actionem remittere vellent, pollicens se nullos alios, quam ipsos heredes habiturum. Illi hac pollicitatione inducti cum fratri fiderent, actionem ei remiserunt, vel donationis causa, cum scirent quid deberetur, vel ut in re dubia nomine transactionis. Sed is postea aliis scriptis heredibus. decessit. Quærunt fratres, *num contra transactionem & remissionem superiorem possint iterum de eadem re agere quasi decepti?* Nam transactio dolo malo facta nullius momenti est. Quod si hoc illis non conceditur, quærunt, possintne agere aduersus heredes scriptos ex superiore pollicitatione in id, quod sua interest se fuisse institutos.

Rescriptum † est nihil hic proponi, cum existimari debeant fratres decepti actionem remississe: cum scirent, quid remitterent, & quam ob rem, & voluerint remittere. Quod ex regula iuris sumtum est, quæ traditur, neminem videri fraudare eos, qui sciunt & consentiunt. *l. nemo videtur. D. de reg. iur.* Sed decepti sunt, dicit quispiam, falsa pollicitatione fratris, sine qua nihil illi remississent. Primum non est hoc certum, illos actionem remississe, quia pollicitationem fratris secuti sunt. potuerunt enim ideo remittere, ut fratrem beneficio suo ad se instituendos prouocarent. *arg. l. si repetendi. j. de cond. ob caus. dat.*

Deinde † ut maxime propter hanc pollicitationem actionem remiserint: tamen scire debuerunt huiusmodi pollicitatione neminem obstringi, etiam si nominatim actionem remittere se dicerent, ut heredes instituerentur a fratre. Est enim eiusmodi pactio contra bonos mores. *l. pactum, quod dotali. s. de pact.* Quod scientes si remiserunt nihilominus, deceperunt ipsi se, non ab alio decepti sunt. Quod reliquum est, cum addunt Imperatores ad implendum promissum hereditatis propriæ pollicitatione neminem adstringi: illud alterum significant, de quo quæri dicebamus, fratres ex hac conuentione nullam habere actionem.

Præter hæc quæri potest, possintne fratres in hac specie condicere, quod remiserunt, tanquam ob causam remissam causa non secuta. Sed non est ob causam datum, quod datum non est nominatim adiecta causa, ut hoc aut illud sequatur, etiam si is, qui dedit, eiusmodi causam aliquam animo suo proposuerit. In eoque genere non esse repetitionem scriptum est in *d. l. si repetendi. j. de cond. ob caus. dat.*

Quid ergo, † si fratres actionem remiserint nominatim ob hanc causam, ut heredes instituerentur? Si actionem sustulerunt acceptilatione, neque actione verere experiri possunt, quæ extincta est, neque condicere possunt remissum tanquam ob causam datum, causa non secuta: etsi acceptilatione remissum pro dato habetur. *l. 4. D. de cond. caus. dat.* Quod enim ob turpem causam datum est, repeti non potest. *l. 2. j. de cond. ob tur. caus.* Turpis autem hæc causa est, ut me heredem facias: quia hæc causa nihil aliud est, quam conuictio id agens, ut me heredem instituas: ex qua eadem, si valeat, non minus mihi obligeris, quam ex stipulatione; cum hic non sit pactum nudum, sed prius tibi dederim, ut faceres. sit quoque genere est actio ciuilibus præscriptis verbis. *l. legem. s. de pact. l. naturalis. §. 1.*

D. de profc. vend. Constat autem omnes conuentiones atque adeo stipulationes ipsas vt turpes & bonis moribus contrarias improbari, quib. id agitur, vt me heredem facias. *l. stipulatio hoc modo. D. de ver. ob. l. ex eo. j. de inut. stip. l. pactū quod dotati. l. vlt. j. de pact.* Et hactenus puto cōstare Accursio & Bartolo rationem, cur hic superiore ratione negent esse dati conditionem. Sed hoc ita est, inquam, si transigenti per acceptilationem verus actio exstincta est: vt tum non alia actio super sit, quam dati conditio. Quod si pacto tantum remissa est actio, quo casu constat adhuc veterem actionem manere, *l. j. j. de pact. non dubito*, quin causa non secuta possint fratres veterem actione experiri, vbi promissa his non præstantur. *iuxta l. sine apud. j. eo.* Nam si his obicietur pacti exceptio, recte heredes fratris replicatione doli remouebuntur. aperte enim dolo faciunt, qui postulent ab aduersario pacto stari, vbi ipsi pactum non seruent, *l. cum proponas seruum 2. j. de pact.* Non moueor, quod ob turpem causam datum condici non potest. Inter conditionem enim dati & veterem actionem multum interest. In conditione hæc agendi causa est, q. datum sit ob causam, quæ causa secuta non est, in qua cōtentione par vtriusq. causa est & dātis & accipientis. ambo enim turpiter fecerūt, ille dādo, hic accipiendo. Porro in pari causa placet potiorē causam esse possidentis, & hac ratione conditionem cessare. *l. j. D. de cond. ob. turp. cau. l. 2. j. eo. tit.* At in veterem actione agendi causa est, quod debitum fuit, in qua controuersia nihil simile reus potest obicere actori: vt hic dici non possit parem esse vtriusque conditionem, quæ in pari causa reum tueatur. Quin actor iure suo vitur veterem actionem exercendo, quæ sublata non est: nec quisquam dolo facit, qui iure suo vitur. *leg. nullus. D. de reg. iur.* Reus autē dolo facit, qui transactione aut pactione vti velit, quam aduersario non concedat.

6 Quid, si fratres remiserint actionem sub conditione, si instituerentur heredes? vtrū transactio, aut pactio non valebit, tanquam sub turpi & impossibili conditione interposita, vt est ius talium cōuentionum. *l. non solum. D. de obl. & act. j. impossibilis. Instit. de inut. stip.* an vero tanquam in non turpi conditione valebit? Sed conditio hæc, si me heredem facias, neque impossibilis est natura sua, neque turpis. Conuentio quidē, vt me heredem facias, turpis est: at non conditio, si feceris. eiusque differentia ratio manifestata est. nam conuentio, si valet, obligat promittentem, vnde spes certa stipulatori quaesita percipiendæ hereditatis promissæ. hinc deinde votum captandæ mortis eius, quo mortuo scias te statim hereditate eius potiturum. *l. de fideicommissis. j. eo.* Nulla eiusmodi spes, aut propter spem nullum eiusmodi votum captandæ mortis eius, cui actio remittitur: quia nulla eius obligatio ex cōditione, etiam si maxime conditio vtiliter adiciatur. conditio enim nihil statuit, nec obligat eum, cuius personæ adscribitur. *l. si quis sub. D. si quis om. caus. test.* Quapropter valebit huiusmodi remissio, vt alia quæuis conuentio sub alia qualibet conditione concepta: vt si fratres heredes non instituuntur, nihil intelligatur remissum: si instituuntur, valeat remissio. *l. a Titio. D. de verb. obl.*

L. 35. Transactionem.

Impp. Diocl. & Maxim. AA. & CC. Harmoni.
Transactionem, qua domini translatione vel actione

peracta, seu peremta finem accepit: cum ea amicis etiam interuenientibus reuera ostenditur processisse; metus velamento rescindi postulantis professio detegit improbitatem. S. IX. Kal. Decemb. Nicomedia. CC. Cos. 294.

S V M M A R I A.

- 1 *Transactio perfici quando intelligatur, vt dici possit eam rescindi non posse.*

Transactio perficitur, si non si conuenerit tantum, vt a lire discederetur, sed si aut dominium in actorem translatum sit, id est, si quid ei datum sit: aut sit actio ei parita, id est, si quid ei promissum sit, inde enim actio illi nascitur, aut si actio sit ei peremta, hoc est, si quid ei remissum sit, quod pro tradito habeatur. Quæ sententia aliis verbis expressa est in *leg. transactio 38. j.* Perfecta si metu interposita est, rescindi potest *l. interpositas. j. eo.* Sed difficile est existimare eum metu coactum transigisse, qui amicis præsentibus & interuenientibus transigit. quo fit, vt qui id fateatur, non sit audiendus.

L. 36. Si maior.

Impp. Dioclet. & Maximian. AA. & CC.
Achillæ.

Si maior annis viginti quinque transigisti: quamuis dari tibi placita, representata, necdum probentur: nec offerant hi, qui conueniuntur, ne quid amplius ab his exigi possit, exceptionis proficit aequitas. S. VI. Id. Decemb. CC. Cos. 294.

S V M M A R I A.

- 1 *Transactio decidam litē instaurari non posse, quamuis reus promissa nondum præstiterit: si modo aut illa offerat, aut eo non offerente sit aliqua aduersus eum de eo quod promissum est, actio.*
- 2 *Reo nec promissa transactionis causa offerente, nec de his vlla actione obstructo, posse quidem actorem veterem actionem instaurare, non tamen qua consequatur præcise quod illa actione petitur, sed aut hoc, aut illud saltem, vt huius metu reus promissa implere cogatur.*
- 3 *Exceptionis aequitatem, quæ hic nominatur, hoc efficere, vt reus veterem actionem ex causa transactionis remissam recte remoueat exceptione, sed hac lege, dum ipse promissa impleat.*
- 4 *Summa disputationis.*
- 5 *Purgare moram post litem contestatā non licere, quomodo accipiendum.*
- 6 *Reum dum transactioni non paret veterem actionem conueniunt, si promissa non implet, iure in id quod petitur condemnari, nec repugnare hoc rescriptum.*

VNum argumentum est huius legis & sequentis? *Et l. quamuis. infr. l. sine apud. l. si profundo. j. eod.* Omnium hæc summa sententia: litem transactione decidam instaurari non posse, ne si reus quidem ea non præstiterit, quæ transactionis causa promissit. Sed multis modis accidit, vt reus nondum præstiterit, quod promissit. quorum in quibusdam maior est dubitatio: in aliis minor. Et aduersus vnumquamque dubitationem hæc rescripta comparata sunt. vnde illa varietas rescriptorum in eodem argumento. Ergo reus, qui promissa nondum impleuit, aut is est, qui offerat, quod promissit: aut is, qui non offerat quidem, sed a quo peti possit propria actione: aut is, qui ita non offerat, vt nec in eum sit eo nomine actio. Si reus paratus sit præstare, quod promissit: minus dubii est actorem audiendum non esse.

esse, si ex pœnitentia velit litem instaurare. *l. quamuis.*

J. Sed et si recuset: tamen iam constitutum hoc est, si aliqua actio nata sit ex conventionione, qua actor persequi possit, quod promissum est, ea actione expeririendum esse: litem decisam instaurari non posse. *l. si profundo. §. Idem est,* etsi pœna a reo promissa sit, nisi faceret, quod pactus est. Promissis, aiunt Imperatores in *l. sequenti*, transactionis causa non impletis pœnam in stipulationem deductam, si contra factum fuerit, exigi posse constat. Nemo dubitat, quin pœna in stipulationem deducta peti possit, si stipulatori videatur. *§. de constituta. Instit. de actio.* Plus ergo intelligi volunt Imperatores, quam pœnam peti posse, nempe hoc volunt, sic pœnam posse exigi, ut non possit aliud, id est, ut quamvis promissa non impleantur, tamen de lite decisa amplius agi non possit, ut bene Accursius locum accepit. idque ita esse licet intelligere ex *d. l. si profundo. §.*

At tamen non habere actorem, quomodo id quod sibi promissum est, perfequatur, neque id a reo offerri. Vetere actione hoc casu non agi, atque ita rem illi perire aperte iniquum est. An non igitur saltem hoc casu litem licebit instaurare? Hic constitutum est non licere, quamvis, aiunt Imperatores, placita representata nec dum probentur, nec offerantur, qui conveniuntur: ne quid amplius ab his exigi possit, exceptionis proficit æquitas. Quod non tantum iniquum esse videtur (quo ore enim postulet transactionis fidem sibi servari, qui ipse transactioni fidem non præstet. *l. cum proponas. §. de pact.*) sed etiam duo hic statuuntur, quorum utrumque videatur ex professo infirmari in *l. sine apud. §. eod.* Dicitur hic, nihil amplius exigi posse ab iis, qui transegerunt, quamvis promissa non offerant. Illic scriptum est, adversus eum, qui id non faciat, paratam esse veterem actionem. Sed inutilem fortasse. Minime, nam illic additum est, exceptionem non proficere ei, qui se exceptione pacti tueatur, si non faciat, quod promissit, exceptionem enim replicatione doli infirmari. Hic contra dicitur, exceptionem eiusmodi reo proficere. Quæ sic explicanda sunt. Adversus eum, qui non faciat, quod promissit, adversus quem nulla ex pacto actio est, sine dubio veterem actionem, quæ perempta non sit, experiri licet. *d. l. sine apud.* Id hoc loco non negatur: sed confirmatur potius. Dicitur enim, reum conveniri: huic conventio exceptionem dari, cuius æquitas ei proficiat. Quomodo convenietur? actione veteri videlicet, quæ sola reliqua est. Deinde quid significat exceptio, nisi eum prius actione conveniri? Non est enim exceptio prodita, nisi ei, qui ipso iure recte conveniatur. *instit. de except.* Vetere ergo actione cum eo agi potest, ut utrobique dicitur, & peti id de quo vetus est actio: sed peti dumtaxat. ceterum ab eo exigi, quod petitur, non potest, ut hic traditur: id est, non ita peti, ut actor, quod petit, consequatur. Id enim exigere significat. Ridiculum, inquit, proponere actionem, quæ sit inutilis. Est sane. Sed non ideo actio hoc casu inutilis, etiam si id ipsum, quod petit actor, non consequatur. Consequetur enim hoc saltem, ut reus promissa impleat, dum metuet, ne eius rei nomine, quæ veterem actionem peritur, condemnatur. alioqui iure, meritoque condemnationem patietur. Et hoc est, quod dicitur in *d. l. sine apud.* adversus exceptionem pacti paratam esse doli mali replicationem, quæ exceptio infirmetur: sed ad hoc solum profuturam, ut

adversarius ad obsequium placitorum virgeatur. At enim hoc loco scriptum est, vtilem esse exceptionem pacti, quæ agenti opponitur, quæ in *d. l. sine*, dicitur replicatione elidi, ut ex *l. sine apud*, actio vetus, quæ actor experitur, sit vilis: ex hac autem lege sit inutilis, exceptione actionem efficaciter repellente. Eset hoc ita, si in hac lege diceretur, iis qui conveniuntur, proficere exceptionem.

Nunc tamen aiunt Imperatores, iis qui conveniuntur, proficere non exceptionem, sed exceptionis æquitatem. quibus verbis hoc exprimunt, sic proficere iis exceptionem pacti, si æqua sit. Erit autem æqua tam diu, quo ad reus promissa implebit. quibus non impletis merito, ut dixi, damnabitur. Necessesse est enim eum, cum quo agitur, condemnari, nisi exceptionem aliquam adversus actionem habeat. quam non habet, si doli replicatione exceptio eliditur. ac necessesse est elidi, si iis qui transactione uti velit, non patiatur eam transactionem in se valere. *d. l. cum proponas. §. de pact.*

Ex his ita inter se collatis & compositis, licet hanc summam statuamus: cum reo, qui non faciat, quod promissit transactionis causa cum quo nulla actio sit eo nomine, veterem actionem experiri licet, non qua id consequamur absolute quod petitur: sed qua deferatur reo hæc conditio, ut vel soluat, quod promissit, vel condemnationem subeat in ea re, qua de agitur. Itaque etiam post litis contestationem id præstando, quod promissit, condemnationem evitabit. Ad hoc enim proficit ea, quæ hic nominatur, exceptionis æquitas.

Neque tamen ei obstabit, quod dicitur post litem contestatam moram purgare non licere. *l. si insulam. ff. de verbo. obl. l. i. ff. de penul. leg.* Id enim sic accipiendum est, si id offeratur, quod non debetur. Namque id præstando, quod debetur, tollitur omnis obligatio. *instit. quibus mod. toll. obl. in princ.* In proposito autem id offertur quod debetur, dum offertur, quod promissum est.

Quod tamen si reus recusans soluere, quod promissit, condemnatur, non sit contra constitutiones quibus cautum est, transactiones bona fide finitas rescindi non posse. Nam primum non est transactio perfecta, in qua reus nihil dedit. *l. transactio. §. eo.* Deinde quamvis quis dederit esse perfectam: tamen cum reus velit perfectam non esse, neque valere, ipse sibi hanc legem dicit, ut quod ius in adversarium statuit, eodem iure uti debeat. *l. i. §. toto tit. ff. quod quisque iuris.*

L. Promissis. §. 7.

Imp. Dioclet. & Maximian. AA.
& CC. Basilissæ.

Promissis transactionis causa non impletis, pœnam in stipulationem deductam, si contra factum fuerit, exigi posse constat. S. XIII. Kal. Ian. Nicomedia. CC. Coss. 294.

Vide, quæ scripsi ad l. proximam. §.

L. Transactio nullo. §. 8.

Imp. Dioclet. & Maximian. AA.
& CC. Theodotioni.

Transactio nullo dato, vel resento, seu promisso minime procedit. S. VIII. Kal. Ian. Nicomedia. CC. Coss. 294.

S V M M A R I V M

Transactio quibus rebus perficiatur, ut & in l. transactio 35. supr.

AD transactionem non est satis litem fuisse dubiam, eamque pactione finitam: sed oportet eo nomine actori quid detur, aut, quod idem valeat, ali- quid ei vel remittatur (quod pro eo est, ac si datum esset. *l. si mulier. ff. de condic. caus. dat.*) vel promittatur. Promittatur, inquam, efficaciter, id est, stipulatione. alioqui pacto promissum ut exigi non potest; sic non faciet, quo minus actor veterem litem recte instau- ret. de quo dixi *ad l. si maior. 3. eod.* Hæc ad transactio- nem ideo exigimus, quia si reus totum dat, quod pe- titur, solutio est: & actor rursus si nihil accipit, do- natio est. Quorum utrumque a decisione est alienum.

L. Quamuis. 39.

Imppp. Dioclet. & Maximi. AA. & CC.
Martianæ.

Quamuis eum qui pactus est, statim pœniteat, trans- actio tamen rescindi, & lis instaurari non potest, & qui tibi suavit, intra certum tempus licere a transactione rece- dere: falsum adseueravit. V. Kalend. Ian. Sirmii. CC. Coss. 294.

Vide, quæ dixi *ad l. si maior. 3.*

L. Vbi pactum. 40.

Imppp. Gratian. Valent. & Theod. AAA.
Eutropio PP.

Vbi pactum vel transactio scripta est, atque Aquilia- na stipulationis & acceptilationis vinculis firmitas iuris innexa est: aut subsequitis secundum leges accommodan- dus est consensus: aut pœna una cum his, quæ data pro- bantur, ante cognitionem causæ (si aduersarius hoc ma- luerit) inferenda est. Dat. III. Non. Iun. Constantin. Eu- cherio & Syagrio Coss. 381.

S Y M M A R I A.

- 1 Species facti obscurius hic proposita explicatur. & nu- mer. 2.
- 2 Aquiliana stipulatio & acceptilatio vincula iuris dicta, & cur.
- 3 Responsi verba obscuriora explicantur, in quo est re- scripti sententia.
- 4 Ante cognitionem causæ pro ante litis contestatio- nem.
- 5 Difficultas huius rescripti duplex: & quod sublata vetere actione per acceptilationem iterum agi posse dicitur: & quod dicitur pœna inferenda ante quam contra transactionem iudicio actum sit.
- 6 Vulgaris sententia de hoc rescripto refutata. & num. 7. 8. 9.
- 7 Agere non dici, cui aut iure nulla actio est, aut ea, qua per actionem perpetuam remota sit.
- 8 Conditionem hanc pœnalis stipulationis, si amplius a- ges, de actu & conatu solo agendi tunc accipi debe- re, cum convenit, ut actor nec amplius ageret, & si ageret, pœnam præstaret rato manente pacto. alio- qui accipiendam de vera actione, & qua sit cum effectu.
- 9 Nunquam aduersus eum qui iterum agit, & exce- ptionem simul locum habere, & pœna persecutio- nem, nisi nominatim ita conuenierit.
- 10 Pœnam ante litis contestationem inferendam, & in- ferendam tunc cum actore agente reus ultro susci- plet actionem, esse pugnantia: ideo hoc posterius re- scripto non conuenire.
- 11 Vera sententia rescripti hæc: actorem vetere actione per acceptilationem sublata, posse nihilominus ex

conuentione noua iterum agere: si tamen ante quam agat, reddat quod prius a reo acceperat, & pœnam a se promissam inferat: non aliter, & quare.

SP ECIES † facti ab Imperatoribus initio sic de- scribitur. Pactum vel transactio scripta est, id est, pactus est actor se a reo nihil amplius petiturum vel donationis causâ, ut sit pactum tantum: vel ut quid acciperet tanquam in re dubia, ut sit transactio. *l. 1. ff. eo.* His rebus innexa est (non innixa) ut sit annexa & adiuncta, firmitas iuris. annexa, inquam, vinculis A- quilianæ stipulationis, & acceptilationis: id est, ita hæc firmata sunt, ut actor reum Aquiliana primum stipulatione interposita, post deinde acceptilatione secuta iure liberaret.

Aquilianam † stipulationem & acceptilationem 2 vocant vincula iuris: quod his rebus solis iure vincia- tur fides. Fit enim his, ut quia actio iure sublata est, nihil amplius ne iure quidem possit peti, non idem efficitur pacto, ut dixi *ad l. 5. §. de pact.* Præter hæc promissit actor se nunquam de eadem re acturum, & si contra faceret, promissit pœnæ nomine centum. Veruntamen ipse contra, quam cauerat, agit, aut reo in ius vocato agere vult. De vi superioris transactio- nis quaeritur.

Respondent † Imperatores eadem verborum, obscuritate & perplexitate, qua supra, aut actorem parere debere subsecutis, id est, iis quæ gesta sunt: quod declarat eum agere non debere: idque secun- dum leges, id est, ut leges iubent, quæ transactionem rescindi, & litem instaurari vetant: aut si parere non vult, id est, si agit, pœnam, quæ scilicet ab illo promif- fa est, una cum his quæ transactionis causâ accepit, ab eo inferendam esse. & hoc, si reus id maluerit, id est, si admittat.

Idque † fiat ante cognitionem causæ. sic vocant 4 litis contestationem: quia iudex per litis contestatio- nem causam cognoscere incipit. *l. 1. §. de litis contest.*

Quod † dicunt conuentis parendum esse, expe- ditum est. quod addunt, si contra fiat, id est, si actor iterum agat, pœnam promissam ab eo inferendam esse, & quod accepit, ab eo restituendum, magnam habet quaestionem. Hoc enim ita dicunt, quasi actor qui reum acceptilatione liberauit, iterum possit a- gere. quod fieri non potest. Nemo enim potest expe- riri, qui actionem non habet. *l. si pupilli. §. ult. ff. de neg. gest. l. quoties. §. item si. ff. de adm. tut.* Non habet autem is, qui reum acceptilatione liberauit. §. item per. *Inst. quib. mod. tol. obl.* Auxerunt difficultatem, cum dixe- runt pœnam inferendam esse ante litis contestatio- nem: quasi ante litis contestationem actor posset a- gere. quod secus est. Nam etsi is proponeretur, qui adhuc posset agere: tamen non diceretur egisse ante, quam litis esset contestatus. *l. amplius. ff. rem ratam hab.*

Rem † Azo sic expedire tentauit (cuius sententi- am maxima pars interpretum secuta est) ut diceret eum quidem, qui reum acceptilatione liberauisset, ite- re contra transactionem agere non posse, dicique ei posse, tibi agere non licet, ut qui actionem tibi sustu- leris: sed posse agere verbis tantum & conatu. Potest enim petere id, de quo transactum est, quamuis inu- tilititer. de hoc conatu sensisse transigentes. proinde ex eo commissam esse stipulationem pœnæ, & na- tam dati conditionem. Ita euenire eodem tempo- re, ut qui contra transactionem istam veniat, simul & ab agendo excludatur, & pœnam præstet nihilomi- nus, & una accepta restituat.

Quæ

7 Quæ t sententia defendi non potest. Est enim & contra significationem verborum, & contra sententiam contrahentium, & præterea innumeris auctoritatibus, & præcipue huius rescripti refellitur. Nam primum quod dicunt eum egisse contra transactionem, qui aduersarium in ius vocauit, & petiit id, de quo transactum est, faciunt contra verbi significationem. Agere enim hic voluit; reuera non egit, vt qui actionem non habuerit. Quid, si habuisset actionem iure ciuili, & exceptione perpetua remotus esset? Diceremus ne hunc quidem egisse videri, nec pœnam ab eo exigi posse. *l. eleganter § penult. ff. de cond. ind. scilicet quia nihil interfit, vtrum quis actionem non habeat, an per exceptionem ea infirmetur. l. nihil interest. ff. de reg. iur.* Certe effectum non habet. verba autem cum effectu sunt accipienda. *l. i. §. vlti. ff. quod quis iuris.*

8 At t enim de conatu solo & petitione senserunt contrahentes. alioqui inutilis esset pœnæ stipulatio, vt quæ ex proprietate verbi accepta nunquam posset committi. quod periculum quoties imminet, toties a verborum proprietate receditur, idq; agi præcipitur, vt res quæ geritur, sit in tuto. *l. non aliter. ff. de leg. 3. l. quoties in stipulationibus. ff. de verb. oblig.* Sed hoc tunc recte dici potest, cum conuenit, vt pœna peteretur ratio nihilominus manente p. cto. de qua rescripti *ad l. cum proponas. §. eod.* At vbi nihil t. de nominatim conuenit, vt simul & exceptioni locus esset, & pœnam liceret petere, vt hic non conuenit: non est stipulatio pœnæ inutilis, si ea non committitur. Imo tanto magis utilis, & magis ex sententia ac voto stipulantis, si eius conditio non existit: propterea quod cum stipulor pœnam, si contra transactionem feceris, hoc solum ago vt contra stipulationem non facias, atque ita fiat, ne stipulatio pœnæ committatur. Ceterum in pœnali stipulatione verba conditionis de effectu, ac non de actu tantum accipienda esse, euidenter demonstratur argumento ferui hac lege venditi, ne manumittatur: pœna promissa, si esset manumissus. de quo ita placet, quoniam iure manumitti contra dictam legem non potest: quamuis emtor quod in se est, eum manumiserit, pœnam ab eo exigi non posse. *l. ea quidem. j. si man. ius fuer. alie. l. si vend. tor. de ser. export.* & additur ratio in *d. l. si vend. tor.* quia incredibile sit de actu manumittentis, ac non de effectu cogitatum. In quo Papinianus aperte probat, esse non ex verbis tantum, sed etiã ex sententia contrahentium, vt in conditione pœnalis stipulationis verba cum effectu interpretemur.

9 Quod t autem dicunt, actore contra transactionem agente enenturum, vt & nulla sit ei actio, & pœna nihilominus ab eo possit exigi, pugnat non tantum cum *l. eleganter. §. penult. ff. de cond. ind. l. cum proponas. supr. eo. l. rescriptum. §. i. ff. de pact.* sed maxime cum hoc rescripto: in quo non tribuitur reo coniunctum, vt promissa seruentur, & pœna exigatur: sed diiunctum, vt promissa seruentur, aut pœna inferatur. Ergo alterum satis est: vtrumque reus non consequetur. *l. si quis ita 129. ff. de verb. oblig.* præsertim cum rescriptum dicat pœnam esse inferendam, si reus hoc maluerit: id est, si maluerit pœnam sibi inferri, quam agentem remouere, & cogere pactis stare. Quapropter ita statuendum est, eum qui acceptilatione aduersarium liberauit, agere amplius non posse. Hinc consequens esse, vt quidquid petat postea, vel potius quidquid conetur petere, non faciat,

quo magis existat conditio, sub qua pœna promissa est, aut qua data condici possunt. ita fieri, vt neque pœna ab eo exigi possit ob eam causam, quod litem de re mouerit, neque data ei condici. At hic dicitur, si conuentis accommodatus non sit consensus, pœnam inferendam esse, id est, inferri oportere, vt intelligatur eam vel ab inuito posse exigi.

Sed t additur, si aduersarius hoc maluerit. quibus verbis motus quis facile dicturus sit fortasse, non posse quidem cum aduersario agi, si ipse nolit, atque eo non patiente secum agi, pœnam inferri ab actore non debere. At si aduersarius patiatur secum agi, vltroque suscipiat actiones: quo minus recte agatur cum eo, rei que nouo iudicio transigatur, nihil prohibere. *arg. l. 2. supr. de pact.* Hoc vero cum factum erit, tum negari non potest, quin pœna ab actore inferenda sit, & accepta ab eo restituenda. Itaque hanc sententiam huius loci esse dicet, si aduersarius velit sibi pœnam inferri, esse in eius potestate id consequi, dum ipse agente actore secum agi patietur. Sed huic sententiæ aduersatur, quod rescriptum ait, pœnam inferendam esse hoc casu ante causæ cognitionem. Nam secundum supra scriptam sententiam pœna quidem inferenda esset: sed post litis contestationem, non ante. Non enim ante posset peti, quam actor egisset, nec videtur egisse ante, quam litem sit contestatus. *d. l. amplius.*

Ita se t res habere videtur: Si hoc queri putamus hoc rescripto, an agente eo, qui transigit, pœna ab eo possit exigi, rescriptum non consistet. Hoc enim ratum esse debet, illum agere non posse, aut si agat volente reo: non agere tamen ante, quam sit litem contestatus. Sed hoc queritur, an qui reum acceptilatione liberauit, possit adhuc de eadem re agere, si hoc aduersario semel placuerit. Respondent Imperatores eum parere debere transactioni secundum leges, id est, eum agere non posse: aut si velit agere necesse illum habere pœnam inferre, & quæ accepit restituere ante litis contestationem, & hoc, si aduersarius de eadem re agi velit. vt sit sensus: actorem posse de eadem re agere his concurrentibus duabus conditionibus: vna, si consentiat reus: altera, si actor reddat prius quæ accepit, & pœnam, quam promissit, pendat; quæ sententia expressa est in *l. si diuersa. supr. cod.* Exigitur, vt hæc ante litem contestatam fiant: quia, vt dixi *ad d. l. si diuersa*, conuentione sola transigentium verus actio suscitari non potuit: sed hoc potuit effici, vt competeret noua præscriptis verbis, si pactum non sit nudum. Vt autem non sit nudum, ita fieri potest, si actor reddat reo pecuniã, & pœnã promissam inferat ea lege, vt sibi de eadẽ re iterum agere liceat

L. Si quis maior. 41.

Imp. Arcad. & Honor. AA. Rufino
Præf. prætor.

Si quis maior annis viginti quinque aduersus pacta vel transactiones nullo cogente imperio, sed libero arbitrio & voluntate confectas, putauerit esse veniendum, vel interpellando indicem, vel supplicando Principibus, vel non implendo promissa: eas autem, inuocato Dei omnipotentis nomine, eo auctore solidauerit: non solum notetur infamia, verum etiam actione priuatus restituata pœna, quæ pactis probatur inserta, & rerum proprietate careat, & emolumento, quod ex pactione vel transactione illa fuerit consecutus. itaque omnia eorum modi commodo deputabuntur, qui interuocata pacti iura

seruauerint. Eos etiam huius legis vel iactura dignos esse iubemus, vel munere, qui nomina nostra placitis inferentes salutem Principum confirmationem initarum iurauerint esse pactionum. Dat. V. Id. Octob. Constantinop. Olybrio & Probrino. Coss. 395.

S U M M A R I A.

- 1 Transactionem iurata[m] qui non seruat, aduersus eum incommoda quatuor, & quæ.
- 2 Infamia notari ipso iure, qui aduersus transactionem iurata[m] venit: singulare.
- 3 Aduersus transactionem iurata[m] denegari actionem hoc loco, & nihilominus si quis contra iudicio agere conatus sit, quamuis frustra, pœnam ab eo exigi posset item singulare.
- 4 Conatus agendi aduersus iurata[m] transactionem etiam in uocatione in ius.
- 5 Vocatio in ius, qualis olim.
- 6 Minores aduersus transactionem iurata[m] si veniant, huius constitutionis pœna non teneri, neque id contra auct. sacramenta. C. si adu. vend. aut contra id quod dicitur minoribus in delictis non subueniendum.
- 7 Reum quoque qui ex transactione iurata non impleuit promissa, teneri pœna huius constitutionis, & quando videatur non impleisse.

STATVNTVR hac constitutione incommoda certa aduersus eum, qui facit contra transactionem, quam iureiurando firmauerat. Constitutio sic facile intelligetur, si capita duo in ea obseruabimus. Vnum, quamquam ea incommoda sint, quæ diximus: alterum, in quem statuuntur.

1 Incommoda ¶ sunt quatuor. Iubet enim constitutio eum, qui contra venerit, infamia notari: actionem amittere, quam de re habuit: pœnam, si contra faceret, promissam pendere: postremo commodum, si quod cepit ex ea transactione, restituere.

2 In quibus ¶ duo animaduertenda sunt. Primum quod iubet eum, qui agit, notari infamia. quod sic interpretandum est, infamem esse, & quidem hac lege, non autem sententia iudicis notari: posteaquam actionem ei, qui contra pactionem faciat, denegando, id est, iudicium de eare esse prohibendo, eadem opera constitutio sententiam aduersus eum ferri non permittit. Hocce obseruandum, quia iure communi non notatur, qui peierat. Nihil enim tale neq; in edicto de infamibus, quod exstat in l. 1. ff. de iis, qui not. infam. neque aliis in locis aduersus periuria constitutum legimus. Quinimo in l. 2. §. de reb. cred. scriptum est, contemtam religionem iurisiurandi satis Deum ultorem habere. quo significatur periurii pœnam non aliam esse iure civili, vt quidem tuncius fuit, quam ultionem Dei. Vnde apparet nouum hoc genus pœnæ hac constitutione primum in hac specie inductum esse: quod & in hac ipsa solum specie factum obseruamus. de quo scripsi plura in argumento de iureiurando eam l. 2. interpretatus.

3 Alterum ¶ etiam singulare in eo, quod cum Imperatores denegent actionem ei, qui transigit: tamen velint pœnam ab eo exigi posse, si vel contra transactionem facere conatus sit iudicio agendo. Sic enim ius publicum est in ceteris transactionibus, reum alterutro contentum esse debere, aut exceptione pacti, aut pœna. l. cum proponas. §. eod. l. rescriptum. §. 1. ff. de pact. l. eleganter. §. si quis post. ff. de condit. indeb. Nec abs re. neque enim exiltere potest pœnalis sti-

pulationis conditio, nisi is, qui transigit, contra transactionem faciat, id est, iterum agat. quod is facere non potest, cui denegatur iure actio. Et sane ne hic quidem commissa esset pœnæ stipulatio, si effectum, non actum & conatum spectaremus. Sed apparet Imperatores hoc loco in periurio etiam conatum & malam mentem coercere voluisse, vt efficerentur homines ad peierandum tardiores. Nunc obseruetur, aduersus quos ista constituuntur. Statuitur aduersus eum actorem, qui maior annis viginti quinque transigit, nullo aut coactus metu, aut dolo circumuentus, iurauitque nihil se contra pacta, vel transactionem facturum, & fecit. Ergo constitutio eum coercet, qui contra transactionem venit.

At ¶ quomodo contra transactionem facere interpretabimur eum, qui iure agere non potest? Conatum puniri iam diximus. Sed in quo est conatus? Id expresserunt Imperatores. Volunt enim eum contra transactionem venire, qui aut iudicem interpellauit, aut supplicauit Principi, quod vtumque sic interpretari debemus, si aduersarium in ius vocauit.

Sciendum ¶ est enim illis temporibus, quibus hæc constitutio edita est, in vsu fuisse duplicem uocationem in ius. Vno modo vocabatur aduersarius oblato ei libello per apparitorem iussu magistratus. Erat etiam hæc ratio, vt preces Imperatori offerrentur, quæ deinde subscriptæ ferebantur ad iudicem, ac per iudicem ad reum mittebantur. Vtriusque generis meminit Iustinianus *Novel. 112. de litigio. §. 1.* Hoc volo intelligi, non sufficere interpellationem iudicis, aut preces Principi oblatas, vt quis in hanc constitutionem incidat, nisi & ista ad reum vsque peruenierint, vt in ius vocaretur. Nulla enim pœna esse debet, vbi nullum delictum est. l. aliud est fraus. ff. de verb. sign. Nihil autem delinquit, qui iudicem, aut Principem interpellat de re aliqua. si hic constitat, neque aduersario controuersiam iudicio faciat. arg. l. libertus 2. ff. de in ius voc. Adde, quod nihil fit contra hanc constitutionem, nisi contra transactionem veniatur. Non venit autem, nisi aliquo modo iterum agatur: neque vero agitur vlllo modo, si aduersarius in ius non vocetur: propterea quod omnium iudiciorum initium est in ius vocatio. §. vlti. Inst. de pœn. tem. lit. g.

Hæc ¶ constitutio pertinet ad maiores. Itaque si 6 minores contra transactionem iurata[m] venerint, hac constitutione non tenentur. Non est contraria lex Friderici, cuius initium est, sacramenta. §. si aduers. vend. Et si enim ea lege comparantur cum maioribus minores ii, qui iurauerunt se contra venditionem aliumue contractum nihil facturos: tamen in eo comparantur tantum, quod exigitur ab iis, vt pariter fidem datam, quam iureiurando firmarint, seruent: non etiam, si quid contra fecerint, paribus pœnis subiiciuntur. At enim in delictis minoribus non fuit subueniendum. tit. si aduers. delict. §. l. si ex causa. §. nunc videndum ff. de minor. Sed aliud est subuenire, id est, efficere ne noceat id, in quo teneatis iure civili: aliud pœnam non statuere. Hanc aduersus peierantem non statuere liberum est. quod autem semel minor contraxerit, hoc aduersus iurandum illi remittere non licet. Hæc dicta sunt de actore, qui contra, quam cautum est, egerit.

Quæsitum ¶ est, an constitutio etiam ad reum 7 producenda sit, qui quid promiserit iureiurando, nec præstiterit. Non dubito, quin illa verba ad eum refe-

tantur, vel non implendo promissa: quæ sunt eiusmodi, ut in eum etiam tantum conveniant. Illa autem pariter ad utrumque pertinent, itaque omnia eorum mox commodo deputabuntur, qui intemerata pacti iura servauerint. Proinde & reus quoque, qui non implevit promissa, fiet infamis, & poenam, si quam promisit, pender. Sic autem videbitur non implevisse promissa, si cum de his appellaretur iudicio, dixit se non impleturum, aut se promisisse negavit: non etiam si se debere falsus, ideo non implevit, quia non potuit propter inopiam. Non enim delinquit, qui ideo non solvit, quia non potest. iam autem dixi nullam ibi debere esse poenam, ubi nullum delictum est.

L. Si ex falsis. pen.

Impp. Leo & Anthe. AA. Acrochirio PP. P.

Si ex falsis instrumentis transactiones vel pactiones initæ fuerint: quamvis iurandum de his interpositum sit: etiam civiliter falso revelato, eas retractari precipimus: ita demum, ut, si de pluribus causis vel capitulis eadem pactiones seu transactiones initæ fuerint, illa tantummodo causa vel pars retractetur, quæ ex falso instrumento condicta fuerit: aliis capitulis firmis manentibus: nisi forte etiam de eo, quod falsum dicitur, controversia orta decisa sepiaur. Dat. Kal. Iul. Constantino, Martiano & Zenone Coss. 469.

S V M M A R I A.

1. Ex falsis instrumentis transactionem interpositam quamvis iurata retractari posse, & quare.
2. Ex falsis instrumentis transigere, quid.
3. Transactionis ex falsis instrumentis interpositæ retractanda via actori in integrum restitutio, si quidem reum acceptilatione liberavit: si transegit tantum pacto, vetus actio.
4. Reo adversus transactionem ex falsis instrumentis interpositam iudendo, possidenti exceptionem doli sufficere: repetenti quæ dedit, paratam esse conditionem sine causa.
5. Transactionis ex falsis instrumentis interpositæ retractationem esse etiam adversus eam, qui ignorans falsum protulit.
6. Transactio falsis testibus ab adversario productis interposita, quæ similiter retractari possit.
7. Transactionem ex falsis instrumentis interpositam qui retractat, cum nihil facere adversus iurandum: & qui retractare permittit, non confirmare periuriam.
8. Iuratas aliis ex causis conventiones retractandi ini non esse.
9. De falso instrumento si postea transactum sit, non amplius transactionem ex eo instrumento interpositam retractari posse.

QUÆ vis est rerum iudicatarum, eadem est & transactionum. Sententia ex falsis instrumentis lata retractari potest. *in ul. si ex falsis instrumentis.* j. ergo & transactio idem poterit, ut hic est constitutum. Quæ constitutio etiam propriam rationem habere videtur. Nam si is qui falso usus est, falsum esse instrumentum sciuit, dolo fecit, nulla autem transactio rata habetur, quæ dolo est interposita. *l. sub pretextu instrumenti.* s. eo. Si ignoravit falsum esse, vel hoc ipsum declarat eum hoc instrumento adversario nocere noluisse. Itaque transactio, quæ ex consensu tantum valet, *l. non minorem.* s. eo. in proposito adversarii

non tenebit, ubi is qui falsus usus est, non fuit hoc animo, ut ex his vel ageret, vel transigeret.

Ex falsis instrumentis transigere recte Accur. ad eius interpretatur eum, qui falsis instrumentis ab adversario prolatis, horum metu inductus, transigit. Retractandæ transactionis potestas tam reo quam actori ex hac causa.

Retractandi via actori hæc. Actor si acceptilatione reum liberavit, veteri actione non agere, quam acceptilatione sustulit. *l. 4. l. ut responsum.* s. eo. Ne de dolo quidem actio ei esse potest adversus eum, qui sine dolo malo instrumentum falsum ignorans protulit. Relinquitur igitur illi hoc casu sola in integrum restitutio, quæ utatur, quæ si remoto adversarii dolo competit, etiam adversarii dolo interveniente dabitur. proinde utroque casu cessabit de dolo actio. *l. pen. ff. de in int. rest. l. 1. §. idem Pomponius.* ff. de dol. Erit autem restitutio in integrum ex illa clausula edicti de maioribus, Item si qua alia mihi iusta causa esse videbitur, in integrum restitutionem. *l. 1. in fi. l. sed etsi.* §. ult. ff. ex qui. cau. mai. Quippe ex iustis causis quæ in integrum restitutionem luadent, hæc est una, de qua agitur. Iustam fecerunt constitutiones, quæ transactionem ex falsis instrumentis interpositam rescindi permittunt. Atque hæcenus verum est, quod Accursius hic scripsit, huiusmodi transactiones in integrum restitutione petita retractari. Quod si actor litem pacto tantum remisit, constituta via est iure ipso ad retractandam transactionem. Actio enim vetus iure mansit integra. *l. 5. §. de pact. l. sub pretextu instrumenti.* s. eo. Hac ille iure experietur, cui si opponitur pacti exceptio, parata est ei contra replicatio doli mali, quæ exceptio elidatur, ut fieri videmus in *l. sub pretextu instrumenti.* l. siue. s. eo. Replicatio doli ex eo, quod dolo facit, quisquis petit ex causa, quæ nulla est. Hoc de exceptione doli traditur in *l. 2. §. circa.* ff. de dol. mal. exc. dictum igitur & de replicatione; quoniam replicatio est exceptio. *l. 2. §. 1. ff. de exc.* Hoc autem facit in proposito reus, qui exceptione utitur ex ea causa, quam constitutiones improbant. Hac actione ipso iure constituta, non desiderat actor in integrum restitutionem. *l. in causæ 2. ff. de mi.* Sed & ipsa actio, cum sit illa vetus, quæ fuit ante transactionem, æque nunc, ut ante, perpetua est. De replicatione doli dubitari potest propter actionem de dolo, quæ est temporalis. *l. ult. j. de dol.* Sed alia causa est exceptionis doli, alia actionis de dolo. hæc temporalis est: illa perpetua ob eam causam, quæ redditur in *l. pure.* §. ult. ff. de dol. mal. exc. replicatio autem, ut iam dixi, exceptio est.

Ne reus quidem deceptus falsis instrumentis ab actore prolatis, requireret restitutionem in integrum vel ad ea, quæ transactionis nomine promisit, non præstanda, vel ad data condicenda, iure ordinario ad utramque rem munitus. Nam promissa si ab eo petuntur, habet exceptionem doli, quæ se tueatur adversus eum, qui ex nulla, seu ex iniusta causa petit. *d. l. 2. §. circa. de dol. mal. exc.* Data si repetere vult, est condictio sine causa, quæ repetat datum ob eam causam, quam postea iure non subesse apparuit. *l. 1. ff. de cond. si. cau.* Et exceptio doli ad defensionem, & condictio sine causa ad agendum, ut civilis actio, perpetua est. *d. l. pure. §. ult. de dol. exc. Inst. de per. & temp. act. in pr.*

Retractatio ex hac causa non tantum constituitur adversus eum, qui falsis dolo usus est, sed & qui

ignorantis falsum protulit. Causa enim retractandi in eo, quod transactio ex falsis instrumentis inita fuerit. potest autem ex falsis instrumentis iniiri & sine dolo malo eius, qui falsum profert. Sed etsi constitutio caueret de eo, qui falsum dolo protulisset, superuacuum fuisset de instrumentis falsis adicere: quoniam & sine instrumentis falsis etiam transactio dolo malo interposita non valet. *l. 4. l. sub pretextu instrumenti. §. eo.* Et iam supra rationem exposui, cur non valeat transactio interposita ex falsis instrumentis, etsi aduersarius falsum ignorasset.

6 Quæsitum est, an quod de transactione ex falsis instrumentis interposita hic dicitur, dicendum sit & de ea, quæ interposita est falsis testibus ab aduersario productis. Vulgo putant. Purem & ipse, si probari posset falsos testes fuisse, qui producti sunt, ut de instrumento falso postea constare potest. Mihi autem non occurrat, quomodo recte falsi fuisse probentur, nisi probetur fuisse pecunia corruptos. Et de his solis agitur in *l. Diuus. ff. de re iud.* cuius loci argumento ad suæ sententiæ confirmationem vtuntur. At corruptos qui probat, magis ob dolum aduersarii transactionem impugnatur, quam ob falsa testimonia: ut non per omnia huiusmodi transactiones recte comparentur. non tam quia ius deficiat, quam probatio, ut dicitur in *l. duo. ff. de test. tut.* Sed de eo plura ad *d. l. Diuus.* Adiciat hæc constitutio, adeo transactionem ex falsis instrumentis initam retractari posse, ut placeat posse, etsi iusiurandum interuenerit.

7 In quo si nihil constituitur aduersus iusiurandum, nec peritium confirmatur. Iurat enim is solum, qui quid affirmat & paciscitur: siquidem iusiurandum est affirmatio religiosa. Non affirmat autem, nec paciscitur quisquam, qui non consentit: nec consentit, qui errat. *l. 2. ff. de iud.* Vnde qui decipiuntur, non dicuntur pacisci. *l. qui cum tutoribus. §. qui per. ff. eo.* Non ergo peierat, qui aduersus eum errorem, de his de quibus nesciuit, nec sensit, iterum agit.

8 Obseruandum est hanc retractionem solum ei tribui, qui aduersarii facto, puta falsorum instrumentorum prolatione inductus est, ut iuraret de eo, quod quale esset, ignorabat. Non idem tribuitur iis, qui aut scientes iurant, aut ignorantes quidem, sed nullo aduersarii facto in errore inducti. Ut puta iurauit quis se aduersus venditionem non venturum: ne si minor quidem sit, in integrum restituetur, dum deceptus non sit ab emtore. *l. i. §. si adu. vend.* Similiter si minor se maiorem esse iurauerit, etsi aliunde aperte dolo eius non arguatur, placet tamen ei denegari in integrum restitutionem. *l. si alterius. §. si mi. se ma. dix.* Quod enim hic iurauit, totum ab eo natum est, non ab aduersario. Sed & hic proprie deneganda est ei restitutio: quia dolo facit, qui iurat se maiorem, cum non sit. Nam si sciebat, aperte peierat, & fallit: si nesciebat, hoc ipso in iureiurando dolo est, quod non debuit facilis esse ad temerariam affirmationem. *l. Iulianus. §. quod autem. ff. de act. em.*

9 Quæ si de transactione ex falsis instrumentis na-

ta retractanda hic constitutum est, temperatur ad extremum hac exceptione, nisi & de quaestione ex falso instrumento mota transactum sit. quod & de transactione dolo malo facta traditum est in *l. 4. §. eo.* Hæc quaestio mota erat in specie *l. illa. §. ad leg. Iul. de fal.* proinde nihil aduersus hunc locum, cum transactione in ea lite interposita de falso agi posse illic negatur.

L. Iubemus. ult.

Imp. Anastasius A. Thomæ P.F.P. per Illyricum.

Iubemus, in omnibus litigiis iam motis & pendentibus seu postea super seruili vel adscriptitia conditione mouendis, transactiones celebrandas vel iam celebratas (si non alio iuri cognito modo eas vacillare contigerit) vires suas obtinere, nec ob id videri tenorem earum titubare, quod pro conditione seruili vel adscriptitia confecta sunt. Dat. XV. Kal. Decemb. Patricio & Hypatio. Coss. §. 41.

S V M M A R I V M.

I Transactionem de seruili conditione cum eo qui seruus dicebatur interpositam valere, si id agitur, ut is pro libero habeatur: sin ut transigentis seruus maneat, omnino non valere, & quare.

ETIAM si de statu, re omnium maxima & pretiosissima transactio interposita valet. Non ut is, cum quo tanquam cum seruo agebatur, & transactum est, liber sit: quod pactione effici non potest. *l. ingenui. §. de ing. manu.* sed ut ei, cum quo transactum est, amplius de libertate controuersia moueri non possit. Ergo etsi is qui se dominum dicebat, & transiegit, vere dominus sit, tamen aduersus eum valebit transactio. Quid est igitur, quod dicitur in *l. interpositas. §. eo.* dominos cum seruis suis paciscentes ex placitis teneri non posse? Hoc sic accipiendum est, si constet dominos esse, qui dicuntur, aut cum dubitaretur, nulla res eos impediatur, quo minus se tales esse probent. Hic autem neque constat eum dominum esse, qui transiegit, cum aduersarius id neget, qui se liberum & ante fuisse, & nunc esse contendit: neque dominus de iure suo probare volens admittitur propter transactionem. Sed quoniam generaliter hic dicitur, transactionem super seruili conditione interpositam valere: quid fiet, si transactione id actum sit, ut qui seruus dicebatur, seruus maneret, nec amplius libertatis suæ controuersiam faceret? Bene Accursius respondit transactionem non valere: non tamen quia sit contra bonos mores: non enim turpe est eum, qui seruus est, in seruitute manere, & in quaestione de statu bonam fidem agnoscere: sed hac ratione, quam & ipse bene reddit, quod transactio nulla est, ubi pro eo quod quis a lite discedit, nihil ei datur. *l. transactio. §. eo.* Hic autem aut seruo nihil datur, aut si quid, pro non dato habetur, cum serui proprium nihil habeant, sed totum domino acquiratur. *§. Item vobis. Inst. per quas per.* Idque ipsum temperamentum satis significatur hac lege, cum iubetur valere transactio de seruili conditione, hac conditione, si non alio modo contingat eam vacillare.

RISCONSULTI

- 1 Species facti conueniens huic rescripto, quæ & sigillatim ex verbis adstruitur.
- 2 Proponi hic filium, non qui haberet fundum concessum in peculium a patre, aut donatum, cum rogabatur, sed qui rogatus sit restituere habens fundum id est, habito prius, & præcepto sibi fundo.
- 3 De lectione filium quem, & plius quem.
- 4 Questio rescripti & ambigendi causa.
- 5 Sententia rescripti de proposita questione, quæ & sigillatim expositis verbis rescripti in singulis suis partibus confirmatur.
- 6 Prædii portio hereditaria hic, cuius prædii, & quæ intelligatur, & quid sit, eam in quarta portione retineri.
- 7 Compensari in quartam hic dici ea, quæ vice mutua capiuntur ab herede: cur potius, quam imputari in quartam.
- 8 His verbis, Si quid deest, in supplementum deducto, quomodo fingi debeat ad quartam deesse, & unde deducendum: tum quomodo locus interpungendus.
- 9 In his verbis, Quod a ceteris in eo fundo soluitur, ceterorum verbo intelligi ceteros coheredes: & soluti verbo, partes fundi prælegati, quæ a ceteris iure legati capiuntur.
- 10 Hac verba, reddere compellitur, referri debere ad portionem, hereditatis fideicommissæ reddendam, non ad id quod in fundo prælegato a ceteris solui-

SECIEM facti rescripto conveni-
entem, de qua tantopere certatur in-
ter omnes, initio sic accipe. Pater, qui
filios tres habebat, Primum, Secun-
dum, & Tertium, eos heredes insti-
tuit ex aequis partibus: A Primo petit, ut portionem
suam hereditatis restitueret fratribus suis, & aliis
duobus quibusdam cognatis sub conditione, *si natus*
ex Asia veniret; deducto tamen prius, siue præcepto
fundo hereditario, quem designavit; aut quod idem
valet, fundum quemdam hereditarium ei prælega-
vit. coheredes damnavit, ut illi decem darent, aut
rem aliquam suam dignam decem aureis. Hanc eam-
dem huius rescripti speciem Polito Senensi docto-
Jurisconsulto visam esse commemorat Alcadius l. b.
6. Parad. c. 5. Nos & verbis expressam, & re aptissi-
mam esse doceamus. Fingimus patrem habuisse tres
filios cum minimum. Id hoc rescripto evidenter si-
gnificatur, cum dicitur filius rogatus restituere por-
tionem hereditatis fratribus, & fratres eius nomi-
nantur postea coheredes. Fingimus hunc filium Pri-
mum rogatum esse restituere portionem heredita-
tis. Id significant illa verba: *Sanxit testator verbis pre-*
cariis filium restituere. Nam verba precaria sunt verba
fideicommissi. sic enim & hæc pro eodem accipiu-
tur in l. coheredi. §. cum filia. ff. de vul. & pu. subst. sic di-
cta, quod fideicommissa precibus consent, puta his
verbis: Peto, rogo, fidei tuæ committo. §. pen. Inst. de
sing. reb. per fideicom. relic.

Fingimus † rogatum esse filium restituere por

tionem hereditatis deducto siue præcepto fundo, aut quod idem est, ei postea fundum prælegatum esse. Id significant illa verba rescripti: *Sanxit testator filium restituere habentem fundum*. Hoc enim perinde est, ac si diceretur: *Sanxit testator filium restituere portionem hereditatis; sed hac lege, ut sibi fundum prius haberet: quod sit eum sibi deducendo, præcipiendo: eumque ita habens, portionem restituere*. quod nihil aliud est, quam filium iussu hereditatem restituere deducto aut præcepto fundo. ut non sit audiendus Alciatus, aut si qui sint alii, qui negent his verbis deductionem, retentionem, seu malum, præceptionem huius fundi significari. Veteres, ut qui Bartolum antecesserunt, in quibus etiam est, ut filius non debeant habere interpretationem, in hac ratione, quod hic diceretur filius habere fundum, non habiturus esse; ut hæc verba referre viderentur ad tempus, quo testator sanxit, ut filius portionem hereditatis restitueret. Sed errant in eo, quod verbum *habentem* putauerunt coniungi cum verbo *restituere* a parte anteriore, quasi ita diceretur: *Filius qui habet fundum, rogatus est restituere*. cum intelligi debeat verbum *habentem* coniungi cum verbo *restituere* a parte posteriore: ut sit sensus, qui latine orationi conuenit: *Filius iussus est portionem hereditatis restituere: sed restituere habens fundum*, id est, ita, ut prius fundum haberet: quem nisi præceptum & deductum habere non potuit. Et vero neque verbis huius rescripti, neque sententiæ responsi villo modo conuenire potest, ut intelligatur filius qui haberet fundum, vel in peculium sibi a patre concessum, vel donatum a patre, rogatus esse restituere portionem hereditatis. Verbis quidem minime conuenit. Nihil enim amplius hic proponitur, quam filius habens fundum. Et an non potest his verbis intelligi filius emancipatus: in quem certe peculium non cadit. *l. ult. §. de inoff. test. l. ult. ff. quan. de per. act. est. un.* Esto, intelligatur filius tantum familias. An non potuit, qui in potestate erat, fundum habere aliunde, quam a patre; & ea lege donatum, ne ad patrem perueniret? Sententia autem rescripti etiam ultro reclamatur. Nam si fundus iste in peculium tantum datus fuit, hunc filius retinere non potuit mortuo patre. *l. certum. §. hoc tit.* contra quam tamen hic respondetur. Si donatus fuit, & proprium filii factum fuisse volunt, nulla pars eius in quartam imputari debuit, cum iudicio defuncti non capiatur. *l. in quartam. ff. ad leg. Fal.* Atqui ista interpretatione reiecta, quam aperte & verba, & sententia rescripti repugnant; restat altera, ut intelligatur is fundus, quem dixi. Et vero locus, & iuris ratio ita accipi possunt: quo accepto cum per se vera sententia inducitur; tum vero sit, ut & interpretatio verbis conueniat, & in primis congruat sententiæ. Quomodo Lancelotus Politus prius hunc locum recte accepit: in qua sententia cur quidquam mutaret Alciatus in eo paradoxo quod dixi, nihil causæ fuisse reperimus. Fingimus coheredes damnatos decem dare. Id his verbis significatur, *compensato præterea, quod a coheredibus vni eorum perceptor*. Nam hoc de fundo prælegato intelligi non potest, ex quo in quartam nihil imputatur, ut docebimus.

3 Lectio ¶ in hac specie obseruanda. Alii enim legunt *filium, quem habentem*. alii *filium, quem*. Posterior lectio citra controuersiam recta est, ut sit hæc oratio, atque hic contextus, *Filius, quem testator iussit resti-*

tuere portionem hereditatis, reddere eam portionem compellitur. Prior etiam recte defendi potest, ut sit: *Filius, quem, pro quem filium, testator sanxit portionem hereditatis restituere, is filius reddere compellitur*. eadem forma, qua a Virgilio dictum est, *Urbe, quam statuo, vestra est*, pro, *quam urbem*. Licet etiam interpretari hoc modo: *Testator sanxit, filium, quem suam portionem hereditatis restituere: ut sit, quem, positum pro aliquem*.

Fideicommissio ¶ ita constituto, existit fideicommissi conditio. Quæsitum est, non an filius portionem hereditatis restituere cogere ex fideicommissio (nam cogi eum certum est. *Inst. de fideicom. hered.*) sed quid retinere deberet, ut eo retento, quod reliquum est hereditatis, restitueret. Nascitur hinc controuersia. Voluntas testatoris hæc est, ut filius in proposito & fundum prælegatum habeat, & præterea quæ vice mutua et a coheredibus data sunt. Ius autem eam facit, ut quartam hereditatis, quam restituit, retinere debeat. *§. sed quia bene des. et §. seq. Inst. de fideicom. her.* Cui ergo dubitamus a qua parte & de fundo prælegato dubitatio est, & de quarta. De fundo hereditario dubitatur, an etiam portionem eius fundi hereditariam filius retinere possit, contra ex causa fideicommissi restituere debeat. Nam iussus est restituere portionem hereditatis. Apertum quid hereditaria ex ea portione est, quam contra fideicommissum contineri videtur. De quarta aut. in dubitatur, non an eam retinere debeat; sed an eam habere debeat præter superiora illa, quæ filio legata & prælegata sunt; an vero superiora in quartam imputare.

De ¶ his respondit Imperatores ad hanc sententiam: quod & ipsum Polito illi visum Alciatus refert: Filium totum fundum, quem deducere & præcipere iussus est, retinere debere ita, ut ne partem quidem eius fundi hereditariam restituere debeat. Quod vice mutua datum est, id etiam eum citra controuersiam habere. Quod ad quartam attinet, sic eum quartam habere, ut tamen ex iis quæ legata sunt, quadam in quartam imputet, quadam non imputet. Hæc imputat: fundi prælegati, de quo diximus, portionem hereditariam. Præterea quod vice mutua a coheredibus legatum est. Reliquas fundi prælegati partes, quas a coheredibus accipit, non imputat. Itaque si quid superioribus rebus imputat, et etiam ad quartam deest, id de hereditate filius supplebit. Partes fundi, quas a coheredibus accipit, non solum in quartam non imputabit, ut diximus, sed etiam supra quartam habebit, id est, sibi retinebit. Tum superioribus ita imputatis deductis, filius & quartam, & partes fundi non hereditarias ita habens, reddere compellitur portionem hereditatis, de qua quæritur. Cum innumerabiles in hunc locum scripserint, & tamen omnium ita sint dissidentes sententiæ, ut cum aliis sentiat nemo: operæ pretium est aduersus difficultatem loci nos in superioris interpretatione certo confirmari. Eam esse verissimam ita statuemus, si & verbis rescripti conueniat, & cum regulis iuris consentiat. Id expositis separatim verbis intelligetur.

¶ Aiunt Imperatores: *hereditaria portio prædii in quarta ratione retenta*. Prædium ¶ intelligunt, quod prælegatum esse diximus. Huius portionem hereditariam cum nominant, significant, in hoc fundo quandam esse portionem hereditariam, ceteras non esse

esse hereditarias. Quod ex persona filii, cui hic fundus prælegatus est, recte dicitur. Nam is ex iudicio testatoris fundum totum habere debet. sed cum habeat, habet eum duplici iure, partim hereditario, partim legati. Partem tertiam fundi iure hereditario habet. nam pro tertia parte heres est, ut proposuimus. Reliquas duas duorum coheredum portiones non potest habere iure hereditario, cum pro illis partibus non sit heres; sed habet iure legati. idque ita in prælegato fieri & ius esse, scriptum est in *l. in fideicommissariam, in fin. ff. ad Trebel.* Hanc portionem hereditariam, de qua dixi, filius in quartæ ratione retinet. His verbis duæ sententiæ exprimuntur. Vna est, *Filius etiam hanc portionem hereditariam retinere.* unde intelligimus eum totum fundum retinere. Nam de ceteris partibus, quas iure legati habet, non dubitatur, quin eas retineat. sunt enim ei legatæ; neque restituere eas iussus est, qui iussus est restituere portionem hereditatis. Hæ partes non sunt ex eius hereditate. De hereditaria fundi portione dubitari poterat, quoniam, ut dixi, ea est ex portione hereditatis. Nunc autem hic dicitur, filium etiam eam portionem retinere. quo fit, ut totum fundum retinere debere intelligatur. De hac sententia ne dubitemus, expressa est in *l. Titia. ff. ad leg. Falcid.* Ea significatur hoc rescripto in illis verbis: *Quod a ceteris in eo fundo soluitur, filius supra quartam habet.* Altera sententia hic diserte expressa est, *Eam portionem fundi hereditarii, qua retinetur, in quartam Trebellianicam imputari.* Sententia iuris certi: nam quæcunque iure hereditatio capiuntur ab herede, in quartam imputantur. *l. in quartam. ff. ad leg. Falcid.*

Aiunt: *Compensato præterea, quod a coheredibus vice mutua percepit.* His verbis, quod a coheredibus vice mutua percepit, non intelligimus partes fundi prælegati, quæ iure legati a coheredibus accipiuntur. Primum, quia verba non ferunt. Si enim de eo fundo Imperatores intelligerent, adiecissent: quod a coheredibus in eo fundo vice mutua percepit, quemadmodum fecerunt postea, cum hunc fundum intelligere voluerunt in his verbis, quod a ceteris in eo fundo soluitur. Deinde ius refragatur, quominus de prælegato hoc dictum interpretemur. Nam cum coheredi quid prælegatum est, extra quartam est id, quod a coherede vice mutua accipitur in eo prælegato, ut mox dicemus in interpretatione eorum verborum: *Quod a ceteris in eo fundo.* Restat igitur, ut his verbis intelligamus pecuniam aut rem aliam non hereditariam, quam heredes damnati sunt vice mutua coheredi dare. Hoc genus legati in quartam Trebellianicam imputatur. *l. in quartam. vers. 2. ff. ad leg. Falcid.*

7 Dixerunt autem Imperatores hæc compensari, non imputari, non quod non imputentur, sed quia sic imputentur, ut simul etiam compensentur. Nam compensatio est debiti & crediti inuicem contributio. *l. 1. ff. de compensat.* Hæc contributio in hanc imputationem cadit. Nam filio rogato restituere portionem hereditatis quarta debetur, & ita in quarta creditor est. Sed vicissim, quod vice mutua accipit, debet coheredibus. Debet enim in quartam imputare, aut restituere. Quare sic imputat, ut contribuat debitum cum credito, id est, compenset. Hoc autem quod ita vice mutua percipit a coheredibus filius, non tantum imputat tunc in quartam, cum quartam retinere vult a coheredibus, a quibus acci-

pit; sed etiam cum retinere vult a ceteris fideicommissariis, a quibus nihil accipit. In totum enim placet res non hereditarias legatas ei in quartam Trebellianicam imputari. *l. acceptis. l. in quartam. ff. ad leg. Falcid.*

Aiunt: *Et si quid deest in supplementum deducto.* An aliquid deest ad quartam filii in specie proposita, ex 8 quantitate patrimonii, & ex quantitate eorum, quæ prælegata & legata sunt, intelligitur hoc inodo. Finge trecenta fuisse in bonis paternis. Cum sint tres heredes instituti, portio huius filii, de qua quæritur, sunt centum. Ex ea portione quartam habere debet. Ea sunt viginti quinque. In hanc quartam imputat tertiam portionem fundi prælegati. Finge fundum esse triginta aureorum. Portio hereditaria huius fundi est tertia, id est, decem. Hæc decem filius in quartam imputat. Præterea imputat, quæ vice mutua a coheredibus data sunt. Hæc posuimus esse decem. sunt igitur viginti quæ in quartam imputantur. Defunt adhuc quinque, hæc in supplementum deducuntur, nempe de hereditate non de fundo prælegato, aut re alia. Et si enim hoc loco nihil addicitur nominatim, unde id quod deest, deduci debeat: tamen vis verbi id satis ostendit. Nam deducere dicimur, quod ex ea re, quam restituere debemus, detrahimus. *§ si quis vna. Inst. de fideicom. her.* Nihil autem est hic, quod restitui a filio debeat, nisi portio eius hereditatis. Non igitur aliunde quarta deduci potest quam ex hereditate. Unde apparet vehementer errasse veteres, qui hunc locum vno contextu ita legerunt: *Et si quid deest in supplementum deducto, quod a ceteris in eo fundo soluitur;* quasi hæc deductio fieri deberet ex fundo prælegato, aut, ut ipsi interpretabantur, ex fundo in peculium concessio, aut donato. Nam et si concederemus fundum hunc filio in quartam imputari, quod secus est; tamen non recte diceretur, quartam ex eo fundo deduci. Nam filius fundum totum retineret. non potest autem deduci aliquid de eo, quod retinetur, nec restituitur. Quare sic locus interpungendus est, ut post illa verba, *in supplementum deducto,* sit finis prioris sententiæ: ab illis autem verbis, *quod a ceteris,* sit initium nouæ.

Aiunt: *Quod a ceteris in eo fundo soluitur.* Prius de 9 portione huius fundi hereditarii dixerunt, hanc retineri a filio sed in quartam imputari. Hic dicunt de reliquis fundi eius partibus non hereditariis. Et hoc dicunt, filium has quoque partes retinere; sed in quartam non imputare, verum habere extra quartam. *Ceterorum* verbo coheredes intelligunt, quibus portio hereditatis restitui debet. Non enim potuit quidquam ex eo fundo solui, nisi ab iis, qui domini fuerunt pro iis partibus, quas solvunt. Non poterunt autem esse domini fundi hereditarii, nisi heredes. hos igitur heredes intelligunt. Sed obstat, quod prius coheredes nominarunt. Unde *ceterorum* verbo alii quam coheredes intelligi videntur. Dicendum est verbum, *ceteris,* non referri ad coheredes, qui prius sunt appellati; sed ad filium, cuius mentio tacite facta est in præcedente oratione. Nam cum Imperatores dixerunt, *si quid deest in supplementum deducto,* in hoc verbo *deducto* necessario intelligendum est, *deducto a filio.* Iraque cum postea *ceteros* nominant, ceteros intelligunt alios a filio. Hi autem sunt filii coheredes, eiusdemque fratres. *Quod a ceteris in eo fundo soluitur,* sunt eius

fundi prælegati reliquæ partes hereditariæ, quæ dicuntur a coheredibus solui, quia sunt legata. Soluitur enim & præstat legatum omne ab eo herede, a quo relictum est. Est enim legatum donatio testamenti relicta ab herede præstanda, id est, soluenda. §. 1. *Inst. de legat.* Vnde hæ partes fundi prælegati dicuntur accipi a coheredibus. *l. in quartam. ff. ad leg. Falcid. l. in fideicommissariam. §. ult. ff. ad Trebel.* Has partes fundi hereditarii filius extra quartam habet, ut hic dicitur. quibus verbis duo significantur. Primum has partes a filio haberi & retineri, quemadmodum & portio eius fundi hereditaria retinetur. Deinde sic has partes a filio retineri, ut tamen in quartam non imputet. Ita fieri, ut & quartam habeat aliunde sumtam, & præter quartam has fundi prælegati portiones, quæ a coheredibus solvuntur siue accipiuntur. Quæ sententia cum verbis huius loci optime congruat, ne hanc quoque verissimam esse dubitemus: utraque pars discrete comprehensa est in *l. Titia. ff. ad leg. Falcid.*

10. Añunt ¶ *Impp. reddere compellitur.* Hoc sic accipe: filius quartam ita habens, ut supra diximus, & præterea habens extra quartam id, quod a coheredibus in fundo prælegato soluitur, reddere compellitur: intellige portionem hereditatis, siue quod reliquum est de hereditatis portione. Sed cur portionem hereditatis hic intelligimus potius, quam id, quod a coheredibus in eo fundo soluitur; cum neutrum hoc loco exprimitur, & de fundo prius locuti sint Imperatores? Quia responderunt illi conuenienter ad quæstionem. Quæstio autem posita erat de portione hereditatis restituenda, nempe de fideicommissio. Cum igitur respondent filium compelli reddere, intelligere debemus, compelli reddere portionem hereditatis. Fundum autem reddendum esse, intelligere non possumus. Primum quia ad quæstionem nihil pertinet. Deinde, quia certum ius est, quod fundum prælegatum a filio reddi verat. *d. l. Titia. ff. ad leg. Falcid.*

11. In ¶ his duo præcipue in quæstionem vocantur de fundo isto hereditario prælegato. Prius illud, quod dicitur huius fundi portio hereditaria a filio retineri, id est, non restitui ex fideicommissio. Contrarium scriptum in *l. in fideicommissariam. §. ult. ff. ad Trebel.* Et constat ratio, cur ea portio hereditaria restitui debeat. Nam quidquid verbis fideicommissi continetur, id in fideicommissi restitutionem venit, etiam si sint prælegata. *l. 3. §. quidam. ff. ad Trebel.* At in proposito fundi huius portio hereditaria verbis fideicommissi continetur: nam iussus est filius restituere portionem hereditatis. Ex ea portione est portio fundi hereditaria. Quare etiam hæ portio fideicommissio continetur, vnaque cum reliqua hereditate restituenda est. Nihil ad solutionem facit, quod vulgo dicitur, satis hanc portionem fundi restitui hoc ipso, quod in quartam imputatur. Nam si imputatur, retinetur; si retinetur, non restituitur. Itaque manet semper eadem obiectio. Dicendum est, tam diu prælegati portionem hereditariam in fideicommissum cadere, quoad non appareat aliud sensisse testatorem. Videtur autem testator duobus casibus totum prælegatum ex fideicommissio excepisse. Vno, cum primum coheredem rogauit, ut portionem suam restitueret; deinde post fundum illi prælegauit, quæ species est *l. Titia. ff. ad leg. Falcid.* Nam cum posteriora defogent prioribus, posteriore prælegato

videtur testator speciem prælegati ex genere fideicommissi excepisse, iuxta regulam iuris, in toto iure generi per speciem derogatur. *l. si peculium. in prin. ff. de manu test. l. in toto iure. ff. de reg. iur.* Alter casus est, in quo multo magis idem probandum esse dixeris, cum coheres rogatus est portionem hereditatis restituere, nominatim hoc adiecto, ut fundum prius deduceret, sibi haberet. quæ species est huius rescripti, ut initio ostendimus. Ergo tunc solum prælegati fundi portio hereditaria in fideicommissi restitutionem cadit, cum testator primo fundum prælegauit, deinde eum coheredem portionem hereditatis suæ restituere iubet, quæ species est *d. l. in fideicommissariam. §. ult. ad Trebel.*

Alterum hic præcipuum dubitationem habet, 12 quod dicuntur fundi huius prælegati reliquæ partes non hereditariæ filio in quartam Trebellianicam non imputari. Huic sententiæ duo obstant. Primum illud, quod multis locis traditum est, in hanc quartam imputari, quæ iure legati capiuntur. traditum generaliter in *l. in quartam. ff. ad leg. Fal.* peculiariter autem in specie huius rescripti, in qua paulo ante scriptum est, compensari in quartam id, quod a coheredibus vice mutua percipitur. De his vero locis & similibus sic habendum est: quod in his dicitur in quartam fideicommissariæ hereditatis restitutionis imputari, quod legati iure accipitur, vela coherede vel aliunde; id dici de re non hereditaria, siue de re, quæ tota legata a coherede accipitur: ut, si damnatus sit coheres pecuniam certam dare, aut rem aliquam suam, hoc genus legati vel fideicommissi in quartam imputabitur. Diuersa causa est rei prælegata, id est, eius rei, quæ hereditaria est, & vni ex coheredibus legata, cuius pars hereditario iure accipitur ab eo, cui legata est, partes reliquæ iure legati. *l. deducta. §. accipitur. ff. ad Trebel.* Nam huius legati hæc conditio est, ut ex eo nihil amplius in quartam imputetur, quam quod accipitur iure hereditario, ut expressum est in *l. in quartam. 2. resp. item in l. Titia. ff. ad leg. Falcid.* Differentiæ ratio in voluntate testatoris posita est: quæ alia in prælegato, alia in ceteris legatis aliudque aliud ius de his postulat. Id autem sic mihi effici recte videtur. Nam cum res aliqua tota a coherede legatur, aut accipitur, nihil proponitur in voluntate testatoris, unde appareat eum voluisse hoc legatum ei, cui relinquitur, præcipuum esse. Ideo seruamus in eo regulam iuris, ut totum in quartam imputetur, quia legatum est: quæ regula traditur in *d. l. in quartam.* At in re hereditaria prælegata apparet testatorem voluisse, ut hoc legatum esset ei, cui relinquitur, præcipuum. Inde enim prælegatum appellatur præceptio. *l. 3. §. quidam. ff. ad Trebel.* Præcipuum autem id est, non quod heres præ ceteris coheredibus capit solum, sed & quod præter portionem hereditariam præcipuum habet. Id ita præcipuum habere non potest, si in quartam hereditatis imputat. Quo fit ut ex voluntate testatoris in quartam imputare nihil debeat, præter id quod iure hereditario capitur. quod omni iure in quamvis partem imputatur. *d. l. in quartam. in prin. ff. ad leg. Falcid.*

Alterum ¶ obstat superiori sententiæ, quod huiusmodi est. Nam si prælegatum imputari in quartam non debet aduersus eum, a quo vice mutua accipitur: at saltem tunc imputari debet, cum quarta desideratur aduersus eum, a quo vice mutua accipitur legatum, quod in *l. Neseñius, & in l. filio. ff. ad*

ad leg. *Falcid.* scriptum est de iis heredibus institutis, quibus testator inuicem legata aut praelegata dederat, & ab vno tantum legauerat, vt esset *Falcidia* locus. placet enim hunc non posse quartam desiderare ab eo, a quo praelegatum accipit. Hunc scopulum dum vitare volunt eruditi homines plerique, moti sunt, vt ceteris rebus superiorem interpretationem amplectentes, nonnihil in specie facti mutandum putarent. Et *Alciatus* in eo loco quem initio dixi, id est, *lib. 6. Parad. c. 5.* id se adsequi posse putauit, si diceremus non filium iustum esse restituere portionem hereditatis deducto inde seu praecepto fundo: sed ita iustum, vt separatim legatus sit ei hic fundus per vindicationem: quoniam huius legati verba haec erant: *Tu rem fundum lib. 6. berg. summo, vindicatio.* Et hic dicitur filius iustus hereditatem restituere fundum habens. In hoc autem legato voluntatem testatoris hanc esse, vt fundum totum filius sibi haberet. quatenus autem legati iure caperetur, eatenus in quartam nihil inde imputaret. At profecto his verbis declarauit *Alciatus* se non satis intelligere, quid esset olim legatum per vindicationem; & tamen iisdem verbis superiorem sententiam maxime confirmauit. Nam legatum per vindicationem collatum in personam vnus ex heredibus, nihil aliud fuit, nisi legatum ei relictum per praeceptionem. Vtroque enim genere pariter iuebatur legatarius fundum legatum capere, & sibi habere. Hoc intererat inter vtrumque, quod legabatur res defuncti per vindicationem ei, qui heres non erat: vnde hic simpliciter iuebatur capere rem & sibi habere. Per praeceptionem autem ei qui heres erat, vt iuberetur idem sibi sumere, sibi habere, sed praeter ceteris. vnde & praecipendi, praeceptionis, praelegati verba. Alii moti sunt iisdem locis, vt existimarent quacumque de quarta ageretur, in eam etiam praelegata imputari, quae vice mutua a coherede acciperentur. Quo adducti etiam nonnulli in hoc rescripto finxerunt fratres huius filii, de quo agitur, fuisse heredes institutos, & praeter fratres etiam alios coheredes datos; a quibus omnibus sit fundus filio de quo agitur, praelegatus, sed filius rogatus tantum restituere portionem hereditatis fratribus, & quibusdam aliis coheredibus, non etiam omnibus. Itaque cum filius portionem hereditatis coheredibus restitueret, concedunt eum in quartam imputare debere, quod ex praelegato ab illis vice mutua accipit. Quod autem accipit a ceteris, quibus nihil restituit, volunt non debere imputari, sed extra quartam futurum. Negari non potest hanc interpretationem

quam optime verbis rescripti conuenire; sed sententia vera non est. Hoc enim ratum esse debet, in praelegato imputari in quartam solum eam portionem fundi, quae hereditaria est: ceteras non imputari, etiam aduersus eos, a quibus vice mutua capiuntur. Quod quidem significatur in *l. 4. versic. 2. ff. ad leg. Falcid.* sed prope diserte expressum est in *l. Titia. ff. eo.* & quidem ita, vt consulto eo loco species posita esse videatur a *Scauola*, quae ad huius rescripti enucleationem referretur. Quod cum ita esse constet, veram & certam ex eo loco sententiam metu superioris obiectionis omittere non debemus. Fateor parum idonea allata videri ab aliis, vt & a *Polito* ipso, quo horum locorum dissimilitudo explicaretur. quae ideo facilius fuit *Alciato* & aliis conuellere. Mihi in his locis ea dissimilitudo factorum esse videtur, quae recte exposita non difficile est expediat. Animaduertendum puto in *l. Nescennius.* & in *l. antepen. ff. ad leg. Falcid.* heredibus inuicem legata & praelegata data esse. In specie autem huius rescripti, & *l. Titia. ff. ad leg. Falcid.* vni coheredi praelegatum datum, qui idem rogatus est aliis coheredibus portionem hereditatis restituere. Recte dicitur, cum inuicem praelegata coheredibus data sunt, debere vnumquemque ex heredibus haec in quartam imputare aduersus coheredes suos, coniectura voluntatis ducta ex praelegatis. Nam cum inuicem praelegata data sunt, factum id esse apparet a testatore coheredum exaequandorum causa, quasi testator inter eos diuisionem hereditatis faceret. Itaque aequum esse, vt qui praelegatum vult sibi a coherede integrum dari, is vicissim & coheredi suo iudicium testatoris conseruet, vt declarat *Papinianus* in *l. cum pater 77. §. eniclis. ff. de legat. 2.* Contra vero cum vnus ex coheredibus iustus est portionem hereditatis restituere coheredibus, & ei soli praelegatum datum est, eadem voluntas testatoris facit, vt hoc praelegatum, quatenus a coheredibus accipitur, in quartam non imputetur, quia relictum id esse apparet, non vt exaequaretur hic heres cum ceteris, sed vt hoc praelegato augetur: siquidem voluntas testatoris est, vt praelegatum hoc praecipuum habeat, id est, vt capiat praeter ceteris, & capiat praeter portionem hereditatis. Ita coniectura voluntatis varia facit, vt varie hic respondeatur. Ex quibus intelligi puto, cum interpretatio a nobis posita & verbis rescripti congruat, & omnibus sententiis iuris auctorum confirmetur; dubitari non debere, quin hoc loco admitti a nobis debeat.



HVGONIS DONELLI, IV- RISCONSULTI

NORICI QVONDAM
PROFESSORIS,

Commentarii.

AD TIT. XXIII. LIB. IV. C. DE COMMODATO.

S V M M A R I A.

- 1 Continuatio tit. de commodato cum precedentibus.
- 2 Commodare dictum est a commodo.
- 3 Commodare quid sit.
- 4 Explicatio singularum partium in definitione verbi commodare adhibitarum, & nu. 7.
- 5 Commodatum non perficitur consensu, sed re demum alicui tradita.
- 6 Commodatum quid differat a contractibus, qui consensu fiunt aut verbis.
- 7 Tenere & possidere rem quid differant.
- 8 Possidere rem quid.
- 9 Commodatum quid differat a contractibus, qui resunt, sc. deposito, pignore & mutuo.
- 10 Mutuum in quibus rebus consistat: Commodatum in quibus.
- 11 Commodatum a locatione quid differat: quid item a precario, nu. 13.
- 12 Actio commodati cui competat & in quem.
- 13 Actio commodati non datur in impuberem & furiosum.
- 14 Actio commodati tribus de rebus datur.
- 15 Actio commodati cur de re commodata eadem non alia restituenda competat.
- 16 Actio commodati non solum de re commodata restituenda, sed etiam de accessionibus, qua rem necessario secuta sunt, competit: item de omni fructu, qui ex re commodata ad commodatarium pervenit, num. 19.
- 17 Actio commodati an statim, semper, & quando competat.
- 18 Commodatario quibus de causis actio commodati competat in commodantem.
- 19 Impensas in rem commodatam factas an a commodante repetere possit commodatarius.
- 20 Actionum commodatori in commodatarium, & commodatario in commodatorem competentium nomina propria, & nu. 24.
- 21 Directa commodati actio qua?
- 22 Contraria commodati actio qua? & cur ita dicatur? ibid.
- 23 Inscriptionis tituli de commod. & contratio.

INTERMISSA ꝑ tractatione de contractibus, qui re fiunt, qua initio huius libri instituta erat; interseuerat Iustinianus tractationem, de probationibus & contractibus earum, qui locus ad hunc usque locum pertinuit; hac de causa, quia videretur hic contractus & ad ea, qua praecedunt, & qua sequuntur, pertinere, cum contractus omnes facti sint, non iuris, ut est in l. consilio. in fin. ff. de cur. fur. Facta autem si negentur indigeant probatione. Hoc tractatu proposito, redit Iustinianus ad institutam tractationem de eiusmodi generis contractibus, quo ex genere sunt maxime, Commodatum, Pignus, Depositum, de quibus deinceps tractat admixtis aliis rebus, ad mutuum maxime pertinentibus, eoque etiam pertinentibus ad contractus, qui re fiunt. Inprimis vero de commodato agit, ut mutua re contrahitur obligatio, de qua dictum est *sub tit. si cert. pet. infra*. Ut idem contrahitur re in illis conductio- nibus, de quibus infra dictum est, ut suis locis satis docuimus: sic contrahitur re & Commodatum. Commodare ꝑ autem dictum est a Commodo, ut sit in verbo commodum & usum alicuius rei dare. Atque haec verbi notatio est: Rei definitionem si querimus; Commodare ꝑ est rem aliquam alicui vtendam dare gratis, certo vtendi praestituto fine aut modo. Est vtendum dare, §. item is. Instit. quib. mod. re contrah. oblig. Est gratis dare, ut ibidem scriptum est in fine §. Certo praestituto fine vtendi aut modo, sumptum est ex l. in commodato. §. sicut. ff. commodati. Vis ꝑ hatum patrum nobis expendenda est, ut quid sit in ratione & vi commodati intelligatur. Commodare, est dare. Ex quo statim intelligimus, Commodatum ꝑ contractum esse, qui consensu non perficitur, sed re demum alicui data & tradita. Vnde dicitur in com- modato obligatio re contrahi, d. §. item is. Re, id est, re data & accepta. Ex quo colligimus, si couenerit inter nos, ut tuum equum mihi comodares Spiram usque, nullam hic obligationem contrahi, nec te mihi, aut me tibi teneri, quoniam re mihi non tradita, Commodatum non est, ex definitione. Potro sine commodato nuda pactio est, nuda pactio iure civili obligationem non

non parit. *l. iureiur. de pact. l. iurifigent. §. sed cum nulla.*
 6 *D. de pact.* Hac ergo nota statim distinguitur commodatum ab iis contractibus qui consensu fiunt aut verbis, nulla re statim interueniente. Est vtendum
 7 dare. Quibus verbis intelligimus in commodato aliquid transferri in accipientem, neque tamen omnia transferuntur. In commodato enim rei commodata nos possessionem & proprietatem retinere decet. Proprietatem certum est, quia hanc non transferimus, sed solum vsum rei; de possessione dubitari potest, quia in commodato res commodataria traditur vtenda, quare vti nemo potest, nisi detineat.
 8 Et hoc ita est; Sed aliud est tenere, aliud possidere. Commodatarius rem commodatam detinet, nec sine detentione vti ea potest, sed non possidet, quia
 9 non tenet animo dominantis. Possidere est ita tenere, vt re dominum putes, aut dominus esse velis. Exemplo sunt fructuarius & creditor, hi rem tenent, sed neuter possidet, quia vterque intelligit se dominum non esse. *§. item placet, Instit. per quas person. mand. l. sciendum. D. qui satisfac. cog. vnde possessoris definitio sumpta Theophilo, & recte in d. §. item plac.* multo ergo minus commodatarius possidet. Hac
 10 nota distinguntur a commodato ceteri contractus, qui re fiunt, quoniam in aliis nihil omnino transfertur, in aliis transfertur vsum, sed & aliquid amplius. Huius generis sunt, depositum, pignus, mutuum, *Instit. quib. mod. re. cont.* In deposito res datur, sed custodienda solum non vtenda, *l. 2. in pr. D. dep.* In pignore, res pignori datur creditori, sed possidenda cautionis loco, non vtenda, *§. item Seruiana, Instit. de actio. §. ult. Instit. quib. mod. re. contrah.* In mutuo etiam res vtenda datur, vnde promittere alicui, vt pecunia mea vtatur, nihil aliud est, quam pecuniam mutuam ei dare, *l. certi. §. ult. l. seq. & l. negasti, in pr. D. si certum pet.* Sed in mutuo est aliquid amplius, quod eo diligenter obseruandum est, ne similitudo vtriusque contractus nos fallat, in quo multi iuris errore falluntur. In mutuo res vtenda datur, itidem vt in commodato. Præterea commodatum gratuitum est, vt mox dicitur, & mutuum item gratuitum. Nam quod interestum vsuræ interueniunt, id extra naturam mutui est: Sed hoc interest, quod in commodato solum res vtenda datur, nec præter vsum quicquam transfertur. In mutuo res datur vtenda. Sed hoc amplius dominium etiam rei datæ in accipientem transfertur, *Instit. quib. mod. re. contr.* Id facit conditio earum
 11 rerum, in quibus mutuum consistit: Id est consistit in iis rebus, quæ pondere, numero, mensuraue constant, *l. 2. §. 1. si cert. pet.* Hæ res vsum consumuntur, vt experientia docet, & nominatim habetur in *§. constitutum, Instit. de usufr.* Proinde earum rerum conditio facit, vt iis vti non possimus, nisi domini simus, quoniam solius domini est, rem suam iure consumere. Commodatum est in iis rebus, quæ vsum non consumuntur, idque ex verbo vtendi intelligitur, quia vti & frui dicimur, cum rebus ita vtimur, vt post vsum salua maneat rerum substantia, vt declaratur definitione vsusfructus, in *l. 1. de usufr.* quod contingit in ceteris rebus, quæ pondere, numero, mensuraue non constant. Non est satis ad commodatum, aliquid dare, nam qui rem locatam tradit conductori, dat rem vtendam, idque locationis proprium est, vt conductor re locata vtatur fruatur, *l. ex conducto. l. si seruum. D. de locat. cond.* Addendum est igitur, gratis. Hac
 12 nota commodatum separatur a locatione, nam lo-

catam rem tradere, est quidem vtendam dare, sed mercede accepta vel constituta, commodatum autem nullum nisi gratuitum; hac in d. *§. item is, in fin. Instit. quib. mod. re. contr. obl.* Hinc dicitur commodatum beneficii esse & liberalitatis in *l. in commodato, §. sicut. D. eod.*

Nondum etiam satis, aliquid vtendum dare gratis, vt sit commodatum; Sunt enim hæc omnia communia commodato, cum precario. Nam & precarium est, quod precibus roganti vtendum conceditur seu datur, *l. 1. de precar.* Nec ad rem pertinet. quod in definitione precarii additur precibus, nam & in commodato, qui commodatum petit, suo iure non petit, sed precibus rogat. Addendum est igitur, quod extremo posuimus, certo præstituto vtendi fine aut modo. Hoc proprium esse commodati, docet Paulus in *l. in commodato. §. sicut. D. eod.* his verbis: *Finem vero modumque commodati præscribere, eius est, qui beneficium tribuit, quod cum fecit, id est, postquam commodauit, &c.* Apparet his verbis definiri, commodare esse finem respicere, quo commodatum differt a precario. Nam precarium est roganti vtendum dare simpliciter nullo vtendi præstituto fine aut modo. Exempli gratia, Dedi tibi vtendum equum meum, sed nominatim in tres dies Spiram vsq., commodatum est: Dedi tibi roganti simpliciter, precarium est. Item dedi tibi roganti vtendam trabem aliquam meam, sed nominatim ad ædes tuas faciendas, Commodatum est: tradidi vel dedi tibi eam vtendam simpliciter, id est, precario dedi. Vtrum autem fiat non tantum in verbis & actionibus, quæ in vtroque genere diuersæ sunt, sed etiam in re, multum interest. Nam precarium statim reuocare possum; vt si tibi cogitanti Spiram, & simpliciter equum meum vtendum roganti simpliciter, dederim, licebit equum eadem hora repetere, nec tibi teneor, si aliquid tua interest, *l. 2. D. de precar.* At vbi commodato dedi, & præscripsi vtendi finem aut modum, antequam ad eam rem vsum sis, ad quam dedi, commodatum repetere non possum, & si subtraxerim, & eo nomine aliquid damni senseris, damnum tibi præstabo contraria actione, hac in d. *l. in commodato, §. sicut. D. eod.* Commodatum contractus est, proinde ex eo obligatio nascitur, *§. ult. Instit. de oblig.* Ex commodato non tantum obligatur commodatarius, is qui commodatum accepit, sed inter dantem & accipientem mutua sunt obligationes, & ex obligationibus mutua actiones constituta, *l. in commodato. §. sicut. D. eod.* Ex actione obligatio eadem opera intelligitur, ex commodato commodati actio est, *§. item is, Instit. quib. mod. re. contra. obl.* Hæc commodati datur, nec interest, quis
 14 commodauerit, vtrum dominus, an is, qui rem alienam commodauit, satis est, si quis commodauerit, vt hæc actio commodatum repetat, vsque adeo vt competat hæc actio etiã furi & prædoni, qui rem oblatam commodauerint, *l. commodare, & l. seq. D. eod.* Datur aduersus etiam qui commodatum accepit, dict. *§. item is, Instit. quib. mod. re. contra. obl.* Quod sic intelligendum est, si modo is sit qui accipit, qui consensu obligari potuerit, nam cum ceteris nullum commodatum consistit, veluti si impuberi res commodata sit, sine tutoris auctoritate, *l. 1. §. ult. D. eod.* Nam impuberes ex consensu non obligantur, sine tutorum auctoritate, *§. pupillus. Instit. de inut. stip.* Eadem furiosorum ratio est, & similibus personarum. Datur hæc
 15 actio tribus de rebus, primo de re commodata re-

- 16 stituenda, deinde de modis rei commodatæ, qui per causam commodati, secuti sunt rem commodatam, postremo de fructu, quem commodatarius ex re commodata percipit, id est, de re commodati. *d. §. item is, & l. 2. 3. hoc tit.* Sed vnde hæc obligatio? nam nemo potest ex contractu obligari sine cōuentione, id est, nisi hoc ipsum agat ut obligetur, *l. 2. §. 1. D. de pact. l. non omnis, in pr. D. si cert. pet.* Porro in cōmodo nihil conuenit, ut res data restitueretur. Respons. Nō conuenit aperte, sed conuenit tacite. Tacita conuentio intelligitur ex verbis commodati. Nam commodare est utendum dare. Cum res utenda datur, hoc ipso, quod in accipientē nihil transfertur præter vsum rei, intelligimus hoc agi, ne quid ex ceteris reb. in eum transferatur, id est, ne quid ex possessione aut proprietate. Proinde hoc contra agi intelligitur, ut si quid cōmodatarius ex re commodata præter vsum habet, id restituat. Quisquis in re aliqua aliquid concedit, hoc ipso cetera adimere videtur, *l. maritus, j. de proc.* Competit autem hæc actio, de re commodata restituenda eadem, non alia ut est in *d. §. item is*, Hoc ideo quia post vsum rei, res ipsa relinquitur. Iam vero dixi, commodato nihil transferri in accipientem præter vsum, ita restat, ut res quæ manet, restituatur, aliter atque in mutuo, in quo aliter res reddi debet, eiusdem generis, non vero eadem, quæ accepta est, *l. 2. in pr. D. si cert. pet. Infit. quib. mod. re contr. in pr.* Hoc quoque ex conuentione tacita, quoniam mutuo ita res utenda datur, ut consumere licet, at, consumpta reddi non potest eadem. Ita restat, ut si quid hic restituendum sit, alia res restituenda sit, non eadem. Deinde competit hæc actio de accessionibus, quæ rem commodatam necessario secutæ sunt, ut puta, equo commodato, etiam de pullo commodati actio dabitur, qui matrem est secutus, tamen si sic commodatus non sit, *l. 5. §. osque adeo D. eod.* Item seruus commodatus est, & de vestimentis serui etiam commodati actio erit, tamen si seruus solus commodatur, non vestimenta, ideo quia hæc omnia per actionem commodati secuta sunt. *l. eum qui, §. non solum D. de furt.* Postremo 19 competit & de omni fructu, qui ex re commodata ad commodatarium peruenit, veluti si seruus commodatum locauerit, & perceperit mercedē operarum, veluti si equa commodata apud eum pepererit, *l. is qui alius l. is qui §. 2. D. eod. l. eum qui, §. non solum D. de furt.* Sed rursum, vnde hæc actio de his rebus, cum neque de his restituendis quidquam conuenit, neque etiam hæc cōmodata fuerint, & sine conuentione nulla obligatio esse potest, ut iam dixi? Respons. His quoque de rebus actio est ex obligatione, & obligatione ex conuentione tacita, quæ ex natura commodati intelligitur, non obscure; Nam commodatum beneficium est: beneficium natura hæc est, ut in ea etiam tacite hæc conuentio inter omnes intelligatur, ut præterquam quod quis in alium collatum voluit, nulli sit officium suum damnosum, *l. si seruus, §. quod vero, D. de furt.* Proinde hoc ipsum in commodato agitur, ut si quid commodatori per occasionem commodati abest, quod ad commodatarium peruenierit, id illi restituatur. Hæc actio non semper statim competit, nam cum dixerimus, commodatum præscribere vsum utendi, aut certum tempus tunc hæc actio competit, cum is vsum finitus est, ad quem res utenda data est, *l. 1. & l. penult. infr.* Nondum etiam finito, intempestive commodatum repetitur, *d. l. in commodato, §. sicut.*

Non tantum commodatarius cōmodati actione tenetur, sed etiam e cōuerso commodator, commodatario obligatur; eoq; nomine & commodatario mutua actio prodita est, aduersus eum qui cōmodauit. Competit hæc actio commodatario, tribus de causis. I. de damno, quod factum commodantis, per occasionem rei commodatæ commodatario datum est, ut puta, qui commodauerit trabem, ad insulam fabricandam, intempestive trabem subtraxit, & insula ruit, hoc damnum præstabit cōmodatario, *l. in commodato. §. sicut in fin. D. eod.* Item qui commodantis rem commodatam, commodatario surripuit, & cum res repeteretur a commodatario, & nesciret quis surripuisset, æstimationem commodatori soluit, detecto postea furto, recte hanc æstimationem repeteret a commodatore, *l. rem mihi. D. eod.* II. Causa est, qua ratione hæc actio commodatario competit, si quid damni contigit commodatario ex vitio rei commodatæ, quod vitium commodator non ignorauit. Veluti si quis commodauerit sciens lignum vitiosum ad fabricandam insulam, & ob id factum ligno insula corruerit; aut si quis sciens commodauerit dolium vitiosum, & oleum vel vinum infusum, corruptum fustumve sit, *d. l. in commodato. §. sicut. D. eodem. l. in rebus. §. ultim. versic. item qui. D. eod.* III. Causa est cuius nomine & mutua hæc actio competit, si quid commodatarius in rem commodatam impenderit, eius vel retinendæ vel cōseruandæ causæ, veluti si quis impensas fecerit eius serui persequendi causam, cum sine culpa commodatarii fugisset, *d. l. in rebus. §. ultim. in princip. D. eod.* Sed si impensas sic intelligere debemus, quæ sunt perpetuæ utilitatis causa, non temporalis. Perpetuæ autem utilitatis causa fieri intelliguntur, quibus factis res salua est, nec ad eam rem sæpius impensæ repetuntur. Temporalis utilitas est impensarum, quæ quotidie repetendæ sunt, ut sunt, quæ conferuntur in cibaria & victum quotidianum. Has impensas commodatarius agnoscere debet, *d. §. ult. l. in rebus.* Quod sumrum est ex regula iuris & naturæ, quæ efficitur, ut qui percipit commodum ex re aliqua, etiam eius adiunctum ferre debeat. *l. sciendum, de reg. iur. l. vn. §. in nouissimis. D. de cad. toll.*

Sed rursum in hac actione quarimus idem quod sup. 12, cum non sit hæc actio nisi ex obligatione, nec possit obligatio ex contractu nasci, nisi ex conuentione, ubi hic conuentio est, qua intelligatur, de his rebus conuenisse, ut a commodatore cōmodatario præstaretur? Respons. Et hic tacita conuentio non obscure intelligitur ex fine commodati. Commodatum datur beneficii causa, ergo pro commodato nihil accipere debet commodator, & si quid acceperit, id restituere debet, alioqui beneficium, quod commodator constitutum voluit nō sit beneficium. Ob hanc causam impensæ ob rem commodatam factæ ex hac conuentione recte repetuntur. Præterea, si commodatum beneficii causa datur, consequens est ex natura beneficii, ut nos beneficio commodati adiuuemur, nam hic finis est omnis beneficii. Hinc intelligitur cōuentione ex consecutione repugnantium; ergo in cōmodo id agitur, ut ne in beneficio commodati lædamur, seu non lædamur in cōmodata re propter causam cōmodati: sunt enim hæc repugnancia. Hoc significare voluit Paul. in *d. l. in cōmodo §. sicut*, his verbis: *Adiuuari quippe hoc beneficium, non decipi oportet, q. d. adiuuari nos oportet, ergo non lædi,*
non

non decipi, quia adiuuare & lādere repugnātia sunt.

- 23 Quæ ꝑ actiones commodatori aduersus commodatarium, & commodatario aduersus commodatorem supra scriptis de reb. prodite sunt, eæ notatæ sunt suis & propriis nominibus, quæ notanda sunt, vt genera a nobis animaduertantur. Quæ commodatori competit & de re cōmodata, & de rebus ceteris, quas dixi, interdum absolute dicitur actio commodati, vt in l. ita, vi, D. eo. & in §. item is. Inst. quib. mod. re contr. obl. Quod per excellentiam nominis dictū est, quia hæc actio sola, proprie competit de commodato. Eadem dicitur actio cōmodati directā, vt hoc modo opponatur contrariā, ex §. quibusdam, Inst. de pœn. rem. litig.
- 24 Directā ꝑ cōmodati dicitur, quia ad commodatum petēdum dirigitur, id est, recta fertur, seu quod idem est, quia recta & principaliter commodatū petit. Ideo enim qui commodauit hac actione vtetur aduersus commodatarium, quia rem commodatam petit, & quia commodauit, vnde eadem actio dicitur iudicium commodati, in l. in reb. §. ult. D. eo. Simplex pro composito, Rectum pro Directo, vnde eadem actio dicitur principalis, in cōmodato, §. contraria. D. eo. Nā vt dixi hæc actio non per cōsequentiam commodatum petit, sed recta & principaliter.

- 25 Quæ ꝑ autem actio mutua commodatario datur aduersus eum, qui commodauit, de iis reb. quas dixi, hæc quidem dicitur actio commodati, sed vnico adiuncto, commodati contraria, d. l. in cōmodato, §. contraria, D. eo. d. §. ex quibusdam, Inst. de pœn. temp. litig. contraria dicitur, quia datur commodatario contra, id est, vicissim, vt hic verbi interdū vsus est apud bonos auctores, vt in Adelphis Mitio ita loquitur: *Ille item contra vt se habeat, facio sedulo.* Vt commodati actio contraria nihil sit aliud, nisi actio commodati mutua, vt significatur in d. l. in cōmodato §. sicut. Dicitur non esse directā, in d. §. ex quibusdam. Optima ratione, quia commodatarius hac actionē petit, quod sibi abest, quod ipse non commodauit vquam, ita reuera de commodato recta & principaliter nō agit, vt quis possit dicere eum proprie agere commodati. Sed tamē dicitur commodati, quia de eo quod cōmodatario abest, sic agit hæc actio, vt agatur per consequens de commodato. Non enim hoc damnum repetitur, nisi quia contingit propter rem cōmodatam. Ex ꝑ hac distinctione actionum, nata est in scriptio D. in hoc tit. commodati vel contra, vt sit sensus, de actione cōmodati, quæ per excellentiam ita dicitur, id est, de directā, tum de ea, quæ contra constituta est, id est, vicissim. Ea est autē actio commodati contraria.

Ad L. ult. prætextu.

Imp. Diocl. & Maxim. AA. & CC. Faustinae.

Prætextu debiti restitutio commodati non probabiliter recusatur. Dat. 12. Kal. Decemb. ipsis AA. Coß.

S Y M M A R I A.

- 1 Commodatarius de cōmodata re restituenda tenetur, licet qui commodauit tantum debeat, quanti res commodata aestimata sit.
- 2 Commodatarium rem commodatam iure recompensationis retinere non posse.
- 3 Commendatum & commendare idem quod depositum & deponere.
- 4 Compensatio quando locum habeat in commodati actione.
- 5 Commodatarius prætextu eius quod sibi debetur non potest recusare rei restitutionem iure retentionis:

potest tamen eam nomine impensarum iure quodam pignoris retinere. ibi. nu. 7. Ratiō diuersiatis inter impensas & cetera debita.

- 6 Creditor, cui pecunia sine pignore debetur non potest rem debitoris retinere, pre eo quod sibi debetur.

Q VOD dicitur commodatarium de re cōmodata restituenda teneri, §. item, Inst. quib. mod. re contr. obl. adeo verum est, vt ꝑ quamuis is, qui commodauit cōmodatario tantum debeat, quanti aestimata est res commodata, tamen commodatarius prætextu huius debiti restitutionem commodati recusare nō possit, vt hic scriptum est. Vbi debitū intelligere debemus id, quod a commodatore cōmodatario vicissim debetur. Generaliter autē hic dictum est, prætextu huius debiti commodatarium rei commodatæ restitutionem recusare non posse, vt intelligamus nō posse eum hanc restitutionē compensare, neq; recompensationis iure, neq; retentionis. Primū ꝑ ergo probandum est, eum iure recompensationis rem commodatam retinere non posse. Exempli causa: commodauit tibi equum, qui dignus erat 20. aureis, is equus apud te exstat, & fateris tibi a me esse commodatum, cum a te repeto in iudicio, cū non reddideris: Tu quia 20. aureos, aut plures tibi debebam, cōpensare vis apud iudicem 20 aureos, quos debeo, cum equo commodato, & ob id eum retinere. Dicemus te nō posse, & statim cogendum, equum mihi restituere, etiam si quod tibi debeo, debitum liquidum sit, quoniam fateor me hoc debere. Nā recte dico: *S: quid tibi debeo, age aduersus me, nunc hoc redde quod constat te accepisse.* Hæc sententia manifestam rationem habet. Nam si liceat tibi, 20. aureos, quos tibi debeo, compensare cum equo, quem tibi cōmodauit, Ego cogor inuitus tibi equum meum vendere tot aureis, q̄ regulā iuris aduersatur: nemo enim inuitus emere aut vendere cogitur. Nūc etsi ultro tu a me peteres 20. quos tibi debeo, non possem tecum cōpensare equum, quem a me cōmodatū habes, etiam si tantū valeret, quia alioqui ego cogere, te emere equum meum, quod itidem regulā iuris contrarium est. l. nec emtor. j. here. de lib. l. sicut. j. de ob. & act. Sed & obicitur hoc loco. l. vti. j. de compens. vbi Iustin. vult in omnibus actionibus aduersus agentem admitti compensationē rei ab auctore debite, & solū ex omnib. actionib. in personas excellere actionem de positi, vnde cōmodati alia in hoc genere esse non debet constitutio quā hoc loco rescriptum est. Hæc obiectio mouit quosdā, vt hunc locum emendarent, & præ commodati, restituerent cōmodati, & commendatū ꝑ interpretantur depositum, vt intelligamus compensationē prohiberi hic in deposito, atq; ita conueniat locus cum Iustiniani constitutione Sed hanc emendationem multi repudiant, in primis loquendi vsus. Nam etsi cōmendare, est deponere, tunc cū rem aliquam traditā commendamus l. commendare, de verb. sig. l. Lucius, de deposit. tamen nusquam q̄ sciam apud iuris auctores legitur commodatū pro deposito: Imperatores autē hoc loco, vsitate locuti sunt, & vt iuris auctores loqui solēt, vt intelligerētur. Repudiat præterea eandē emendationem & interpretationē, rescripti collocatio: Collocatum est enim sub tit. cōmodati, ex quo intelligere debemus de cōmodato scriptū esse, nō de deposito. Postremo non tantū non est necessaria hæc emendatio propter l. ult. C. de compens. Sed etiā est ineptissima. Nā vt esset hic locus scriptus de depositi restitutione, tamē incurreret in eandem obiectionem, §. in

bona. Instit. de act. vbi dicitur olim in hoc facto, iudicis compensationes ipso iure admitti solitas, ergo & in deposito, nam depositum ibi non excipitur, quem tamen contractum esse constat hoc facto. § actionum autem. Instit. eod. Nec vitatur hæc obiectio, si dicamus depositum esse exceptum l. ult. infr. de compensat. nam hæc lex multo post secuta est, & temporibus huius rescripti eadem obiectio fuit in deposito, quæ hic in commodato. Denique non est quod mo-
4 ueamur l. ult. infr. de compensat. Nam ꝑ ea lex admittit compensationem etiam in commodati actione, vt & in ceteris actionibus, sed hac lege, si res, quæ compensantur inuicem, admittat compensationem, id est, vt vulgo recte receptum est, si vtrunque quantitas debeat, vt quantitas cum quantitate compensetur: quo casu recte admittitur compensatio, cum in aliis omnibus, tum etiam in actione commodati, & non solum in depositi actione. Exempli causa: Si equum tibi commodatum culpa tua amisisses, iam inciperes mihi debere pro eo 20. aureos, quibus equus valuit. Hic si commodati tecum agerem, quia non iam equum deberes, propter æstimationem recte mecum compensares 20. aureos, quos tibi debeo. Non idem facere licet, si equum apud te deposuisses, eumque dolo malo amisisses, tamen hic quoque nihil amplius mihi deberes, quam æstimationem eius. Hic ergo, vt dixi, admittitur compensatio in omnib. actionibus, cum quantitas cum quantitate compensatur. Id enim aduersatur huic rescripto, vbi commodatarius rem commodatam haberet, sed eius rei restitutionem fecusabat prætextu debiti. Non enim audiemus volentem quantitatem sibi a me debitam compensare cum specie, quam ab eo peto, id est, cogere me equum illum videri, quod iniquum est, & ius non patitur, de quo plura dicentur infr. ad dict. leg. ult. de compensat.

Idem volumus responsum ad l. in rebus. §. ult. D. eo. vbi dicitur, si commodatarius aliquis impetum fecerit in eius commodatum, posse eum eo impetu consequi iure compensationis. Dicimus hoc idem interpretandum esse, vt infra commodatum compensationem recipiat, quod tum fit cum equus perierit, aut malus factus est, culpa commodatarii, vt iam commodatarius eo nomine in restitutionem teneatur. Hocque casu est hæc sententia, commodatarium prætextu eius, quod sibi deberetur a commodatore, non posse recusare restitutionem rei creditæ, quam habet iure compensationis. Sed nec ꝑ iure retentionis rem eandem recusare potest, prætextu eiusdem debiti. Generaliter enim tenendum est, creditorem, cui ꝑ pecunia sine pignore deberetur, non posse rem debitoris retinere pro eo quod sibi deberetur. l. vn. in fin. vt verissimum sit in omnes partes, quod hic scriptum est, de recusatone rei commodatæ non concedenda commodatario prætextu illius debiti. Hoc tamen loco excipiendæ sunt impensæ, quas commodatarius in rem commodatam fecit. Nam etsi eas consequi non potest iure compensationis, vbi res commodata adhuc exstat, tamen retinere rem commodatam potest, donec sibi hæc impensæ præstentur iure quodam pignoris, l. commodator, §. ultim. l. si is qui rem commodatam, D. de furt. Differentiæ ratio est inter impensas & cetera debita, quod impensæ cum in rem commodatam fiant, tantum de re commodata detr. here videntur, quantum in eam rem impensum est.

AD TIT. XXIV. DE PIGNORATITIA ACTIONE COMMENTARIUS.

SUMMARIA.

- 1 *Obligatio mutua inter debitorem & creditorem qua sit.*
- 2 *Actio pignoratitia directa qua.*
- 3 *Actio pignoratitia contraria qua.*
- 4 *Actionis pignoratitia directa & contraria natura & potestas, & de quibus rebus debitori aduersus creditorem datur. & nu. 5.*
- 6 *Vtraque quibus conditionibus datur.*
- 7 *Actio pignoris vtrum in rem an in personam datur: & vtrum creditori aduersus debitorem, an debitori aduersus creditorem competat.*
- 8 *Actio Serniana & quasi Serniana: hypothecaria: & pignoratitia qua. Qua item vere pignoratitia. nu. 9.*
- 10 *Hypothecaria in rem actio, & pignoratitia in personam, cum pariter ex pignore nascentur, cur non vtraque hypothecaria dicitur, aut vtraque pignoratitia. & nu. 11.*
- 11 *Hypotheca & pignus quid differant.*

VTex commodato mutua obligatio contrahitur inter dantem & accipientem: Sic ꝑ pignore dato mutua quoq; obligatio nascitur inter debitorem dantem & creditorem pignus accipientem. Creditoris obligatio hæc est, vt pignus restituat debitori soluta pecunia, & præterea id etiã, quod ad eum peruenit, aut per eum factum est, quo minus apud eum esset. Debitoris obligatio hæc est, vt si quid non bona fide gessit, in pignore dādo, aliud pignus idoneum præstet, & si quid per causam pignoris creditori abest, id creditori restituat. Hæc obligatio ex actione inter eos instituta intelligitur. Ergo vt ex commodato mutua sunt obligationes, sic pignore dato mutua quoq; obligationes inter creditorem, & debitorem constituta. Vtraque ꝑ communi verbo pignoratitia appellatur, sed alia est, quæ competit debitori aduersus creditorem, hæc enim dicitur per excellentiam nominis pignoratitia, §. ult. Instit. quib. mod. re contr. oblig. l. cum debitor. l. penult. infr. hoc tit. Et quoniam hæc opponitur contrariæ, de qua mox, intelligimus inde hanc quoque directam esse, quoniam contrariis directæ opponitur. §. ex quibusdam, Instit. de pœn. rem. lit. g. Quæ ꝑ creditori datur aduersus debitorem, hæc dicitur pignoratitia contraria, §. 1. D. eod. quorum nominum ratione exposuimus sub titulo commodati. Earum ꝑ natura & potestas in summa hæc est. Directa debitori aduersus creditorem datur his de rebus, vt rem pignori datam creditor restituat. §. penult. Instit. quib. mod. re contr. obl. Præterea de omnibus rebus, quæ ad creditorem ex pignore peruenerunt, vt mercedes operarum, pensiones ædium, agrorum fructus. Nec ratum quæ ad creditorum peruenerunt, sed etiam, quo minus apud eum essent, culpa eius factum est, quod declaratur in leg. 1. & maxime in l. 2. hoc tit. Contraria ꝑ creditori aduersus debitorem datur duabus his de causis. I. Si malitiose debitor rem alienam aut vitiosam, aut eam, quæ obligari non potuit, dederit creditori, & generaliter, si dolo malo debitor in pignore dando versatus sit, vt aliam rem idoneam pignori det. l. tutor. §. 1. D. eod. Altera causa est, si quid creditor impendit, in res pignori obligatas, aut si quid aliud ei per causam pignoris abest, id ei de-

ei a debitore præstetur, de quo in l. debitor, in fin. in fr. hoc tit. Sed ꝑ competit pignoratitia actio his conditionibus, primo, si pignus interueniat, deinde, si pignus datū sit. Item, si pecunia debita soluat̃ur creditori, de quibus conditionibus dicitur suo loco, ad l. penult. j. Ex hac distinctione actionum nata est inscriptio huius tituli in D. de pignoratitia actione vel contra.

7 Sed ꝑ circa has actiones hæc dubitatio statim incidit. Nam cum pignoratitia actio vtraque ex obligatione nascatur, quæ obligatio contrahitur inter dantem & accipientem, constat vtrumq; esse in personis, vt est in actionibus, quæ ex obligationibus nascuntur, seu ex iis causis, ex quibus contrahuntur obligationes, §. i. Insti. de obl. l. actionum. D. de oblig. & act. Hoc vero falsum esse videbitur ex l. pignoris, j. de pig. quibus in locis traditur, pignoris persequutionem in rem parere actionem creditori, in quo duo contraria dicuntur iis, quæ supra dixi. I. Quod actio pignoris, dicitur esse in rem, nos in personam esse dicimus. II. Quod actio pignoris dicitur competere creditori: nos dicimus competere debitori aduersus creditorem. idq; expressum est in §. ult. Instit. quib. mod. re. cont. oblig. Respondeo: Nihil hic contrarii est. hæc enim dicuntur de diuersis actionibus, non de pignoratitia actione, quod vt intelligatur sciendum est, pignore dato, ex pignoris dati causa, nasci duo genera actionum, vnum in rem, alterum in personam. In rem actio soli creditori datur pignoris persequendi causa, quod illi constitutum, dict. l. pignoris, D. de pig. & dict. l. pign. infr. de pignor. Hæc vt in rem est, ita datur creditori non aduersus debitorem, sed aduersus possessorem rei pignore obligatæ, vt si debitor possidet, detur aduersus eum, sin alius quis, detur aduersus hunc, non aduersus debitorem, l. si fundus, §. in vindicatione. D. de pign. Hæc non dicitur pignoratitia, sed in vsu iuris ab auctore dicitur Seruiana ꝑ & quasi Seruiana, a re pignori data dicitur hypothecaria, §. item Seruiana, Instit. de action. Interdum tamen pignoratitia dicitur, vt in l. rem alienam, D. de pignor. actio. Sed hoc absurde, & nõ nisi admodum raro.

In personam actio, competit debitori aduersus creditorem, & creditori contraria aduersus debitorem, siue hi pignus possideant, siue non possident, & datur eorum rerum gratia quas dixi. Hæc non dicitur ꝑ hypothecaria, sed pignoratitia, de ea hoc titulo agitur. Si quid ergo aliud dicitur de hypothecaria, siue de actione pignoris in rem, huc non pertinet, neque quicquam ius, quæ dixi, aduersatur.

10 Sed hic queritur, cum ꝑ hypothecaria in rem actio, & pignoratitia actio in personam pariter, ex pignore nascantur, cur non vtraq; hypothecaria dicitur, aut vtraq; pignoratitia? Respondendum, primo quidem, vt res diuersæ suis nominib. distingueretur, deinde vt maxime proprietas verborum in iis actionibus exprimendo retineretur. Nam inter ꝑ hypothecam & pignus, cum de significatione verborum agitur, hoc interest, quod hypotheca generaliter dicitur res omnis pignori obligata, siue tradita sit creditori, siue non sit. Pignus autem proprie est res, de qua conuenit, vt pignori esset, & simul tradita est pignori creditori d. §. item Seruiana. Inst. de act. l. si rem, §. pignus. D. de pignor. actio. Nominis ratio est ex eo, quod pignus a pugno dictū esse putant, vt sit pignus de iis rebus, quæ manu capiuntur, l. plebis, §. pignus, D.

de verb. sign. Ex hac proprietate verborū actio in rem dicta hypothecaria, vt in rem intelligeremus actionem competere creditori de pignore constituto, siue nuda conuentione de pignore couenerit, siue pignus illi traditum sit: contra actio in personam dicitur pignoratitia, vt intelligeremus nunquā pignoratitiam competere, nisi tum cū debitor pignus creditori dederit. Nō enim potest creditor pignus restituere nisi acceperit, pignoratitia autem actio competit de re pignori data restituenda.

Hæc vero proprie pignus dicitur. Sed huic appellationi & superiori distinctioni aduersantur ii loci, in quibus traditum est, inter pignus & hypothecam nihil interesse, nisi sonum. Item, pignus constitui nuda conuentione, et si res tradita non sit creditori, leg. res hypoth. §. ult. D. de pignor. l. i. in pr. D. de pignorat. act. Quæ sibi ita contraria existimauit Valla lib. 5. Eleg. vt inde causam arripuerit irridendi iuris auctores. Sed non sunt hæc contraria, si spectamus proprietatem & significationem verborum. Inter pignus & hypothecam hoc interest, quod supra dixi, quodque traditur in d. §. Item Seruiana, Inst. de act. & d. l. si rem, §. i. D. de pignor. actio. Sed si ius spectamus, seu effectum, quem ius pignori & hypothecæ tribuit, nihil interest inter pignus & hypothecam. Nam si de pignore conuenit, & possessio tradita est creditori, res vere dicitur pignus, quia tradita est: dicitur etiā hypotheca, quia supposita est pignori & obligationi, id quod verbum illud significat. Quod si possessio creditori tradita non est, primo recte dicitur hypotheca, quia conuentioni supposita est obligatio, sed nihilominus etiam iure recte dicitur pignus, quia nuda obligatio est pignoris, quasi res tradita esset creditori, vt iure nihil amplius efficiat traditio quā sola conuentionio. d. l. i. in prin. D. de pign. act. Hunc effectum iuris spectamus, si de pignore constituto agitur, quia in pignore constituto id solum spectare oportet, quod ius tribuit. Cum autem de appellandis actionib. quæ ex pignore nascuntur agitur, hic proprietatem verborū sequimur, nimirum docēdi causa, vt quoniam in iis actionibus res diuersæ sunt, nempe vna actio in rem, altera in personam, etiam res diuersis nominibus notetur & propriis, vt ex verbis res statim intelligatur.

Ad L. 1. Fructus ex pignore, & L. 2.

Imp. Seuerus & Antoninus AA. ad Metrodorum.

L. 1. Ex pignore percepti fructus imputantur in debitum, qui si sufficiunt ad totum debitum, soluitur actio, & redditur pignus. Si debiti excedunt, qui supererunt redduntur, videlicet mota actione pignoratitia. Publicatum 7d. Octob. Apro & Marc. Coß. 208.

Imp. Alexander. A. Demetrio.

L. 2. Quod ex operis ancilla, vel ex personis domus quam pignori detineri dicis, perceptum est: debiti quantitate releuabit. Datum Kal. Octobr. Antonino IV. & Alexandro Coß. 223.

S Y M M A R I A.

- 1 Commodum omne omnisque fructus ex re pignori data, ad debitorem, non ad creditorem pertinet.
- 2 Fructuum nomine non tantum fructus, qui naturaliter percipiuntur, sed etiam merces perarum, pensiones domus, &c. continentur.

- 3 Sorte creditori soluta potest debitor omnes fructus a creditore exigere pignoratitia actione.
4 Fructus ex re pignolata percepti an compensentur cum debito eorum & debitum exonerent.

Qvod hic dicitur de fructibus rei pignorate, ducitur ex eo, quod de pignore transfertur in creditorem, pignore creditori constituto, atque etiam tradito, nihil tamen amplius in creditorem transfertur, quam nuda rei possessio, ut ei rem tenenti cautum sit de debito, *l. cum & sortis, §. ult. D. de pign. act. §. ult.*

- 1 *Inst. quib. mod. re contr. ob.* Proinde si quicquid commodi est ex re pignori data, ad debitorem, non ad creditorem pertinet, *l. si inter, §. 1. D. de pign. quo nomine & fructus rei pignorate omnes ad debitorem pertinent sunt enim si præcipuum emolumentum rei.*
2 Atque si fructuum appellatione, non tantum fructus, qui natura percipiuntur, sed etiam merces operarum, pensiones domus, &c. continentur. *l. mercedes. & l. seq. D. de pet. hered.* Sic fit, ut quicquid creditor fructuum ex agris pignori obligatis, mercedis ex operis mancipiorum aut iumentorum, quicquid pensionis ex locatione adium pignori obligatarum, percipit, id ad debitorem pertineat.

- 3 Hinc duo consequentia sunt: unum si sit fors soluta sit creditori, possit debitor fructus omnes a creditore exigere pignoratitia actione, & quicquid est quod fructuum loco habeatur, usque adeo ut nihil intersit utrum debitor dominus fuerit rei pignorate, an vero prado, *l. si pignore. D. de pign. act.* Alterum est, quod hoc loco si dicitur, ut si pecunia non est soluta creditori, fructus a creditore percepti, debitum relevent id est, exonerent, quia debito imputatur, seu cum debito compensatur. Huic compensationi opponitur, *l. si conuenerit, D. eo. ubi indicatur, si creditor aliquid consecutus sit ex pignore, veluti ex corpore sibi pignori obligato, si quidem consecutus sit pecuniam, eam compensare debeat cum eo, quod sibi debetur. Sin autem aliud consecutus sit corpus, id non compensari, sed incipere apud creditorem esse loco pignoris.* Secundum quam sententiam de fructibus ex re pignolata perceptis dicendum videtur, quia hæc corpora sunt, ea non compensari cum debito eorum, nec debitum exonerare, sed ita manere apud creditorem ut sunt, id est, tantum apud eum pignoris loco. Respondendum: Et hoc verum est, quam diu corpora fructuum existabunt, *ex d. l. si conuenerit.* Huius rei rationem reddi *infra ad l. ult. prox. tit.* Quod ergo hic dicitur quod a creditore perceptum, id extenuare debitum sic accipiendum est, si quod perceptum est, consumtum sit, ita ut res, de qua agitur, compensationem admittat, & re veratam demum fructus percepti, plane remittatur a creditore, cum ab eo consumti sunt, ut si res suas fecerit. Nam iis adhuc existentibus magis videtur accepisse fructus, quam cepisse. Id enim capere dicimur, quod mansuetum est apud nos, *l. aliud est capere. D. de verb. sig.*

Ad L. 3. Creditor.

Idem A. Victorino.

Creditor, qui prædictum pignori nexum detinuit, fructus, quos percepit, vel percipere debuit, in rationem exonerandi debiti, computare necesse habet: & si agrum deteriorem constituit, eo quoque nomine pignoratitia actione obligatur. PP. VI. Id. Decemb. Antonino IV. & Alexandro Cess. 223.

S V M M A R I A

- 1 Creditor non tantum de fructibus rei pignolata perceptis tenetur, sed etiam de percipiendis.
2 Creditor, si culpa eius res sit reddita deterior, tenetur de dolo, & culpa, & negligentia sua, & nu. 6.
3 Dolus & culpa, item diligentia & custodia in actione pignoratitia veniunt.
5 In pignore & creditoris & debitoris utilitas versatur.

Creditor si pignore accepto, non tantum tenetur de fructibus inde perceptis, de quo dictum est ad legem 1. Sed etiam de non perceptis, si percipere potuit. Et quod ad corpus rei pignorate attinet, non tantum restituere rem debet, qualis tum est, cum repetitur, sed etiam reddere non deteriorem, quam tunc fuit, cum data est. Quod si deterior sit res constituta culpa eius, tam tenetur, quam si talis res exstaret, qualis ab initio fuit, cum data est, quæ summa est huius rescripti. Ducitur autem hæc sententia ex hoc principio. In si actione pignoratitia venit dolus creditoris, venit & culpa, venit & diligentia & custodia, ut est in *l. si cum venderet, §. ult. D. de pign. act.* Huius sententia hic sensus est, non tantum teneri creditorem, si quid apud eum est ex re pignori obligata, sed etiam si quid apud eum non est, cum apud eum esse potuisset, quo minus autem factum esset, sit vel eius dolo, vel eius culpa, id est, culpa, quæ in omittendo sit, & igitur teneri eum, ut præstet quicquid diligens paterfamilias in rebus suis facturus esset, aut non facturus pro commodato, & utilitatem cuiusque rei, *l. ea igitur. D. de pign. act.*

Hinc si responderi potest ad omnes fructus rei pignolata, & ad rem ipsam pignori obligatam. In fructibus hoc respondetur facere, ut non tantum creditor fructus ex re pignolata perceptos restituere debeat, aut sorti imputare. Sed etiam non perceptos, si quos paterfamilias percepturus fuisset. Et hoc ideo, quia creditor, quos potuit, ita percipere debuit, secundum infra scriptum responsum. Ratio hæc est, quia si in pignore utriusque utilitas versatur & debitoris & creditoris, *l. si ut certo, §. nunc videndum, & seqq. D. commodat. §. ult. Inst. quib. mod. re contr. ob.* Si igitur non percepit fructus creditor, aut tenetur restituere æstimationem debitori, si fors aliunde soluta est, aut si ea non soluta sit, in sortem imputabit, atque ita fiet ut fructus non percepti debitum extenuent, ut hoc in loco dicitur. In re autem pignori obligata superior responso exigit, ut creditor rem diligenter obseruet, ex quo consequens est, ut si res deterior facta sit, eo nomine si teneatur, siue dolo malo eius contigerit, ut quia arbores excidit, ædificium demolitus, &c. & si ne culpa, ut quia male coluit, dum putat se bene colere: siue negligentia, dum ædificia ruinosa collabi patitur, aquæ ductus patitur corrumpi, agrum non profundi, & quæ sunt similia, *l. creditor 69. l. si cuius rei, §. denique. D. de usufr.*

Ad L. 4. Pactum.

Impp. Alexander Hermeco & Maximilla.

Pactum vulgare, quod proposuisti, ut, si intra certum tempus pecunia soluta non fuisset, prædicta pignori vel hypotheca data vendere liceret: non adimit debitori aduersus creditorem pignoratitiam actionem. PP. XII. Kal. Maii, Maximo II. & Aliano Cos. 224.

S V M M A R I A.

- 1 Debitor quibus conditionibus habeat pignoratitiam actionem de pignore creditori dato.
- 2 Consentio hac, pecunia intra tot & tot dies non soluta licebit pignus vendere, an actionem pignoratitiam impediatur & adimat. & nu. 4.
- 3 Poena promissa sub conditione, ea non impleta, poena committitur.

1 **D**ebitor ꝑ de pignore creditori dato habet pignoratitiam actionem, qua pignus consequatur a creditore his conditionibus, si aut pecunia omnis soluta sit creditori, aut eo nomine creditori satisfactum, aut q idem valet, si pecunia in iudicio offeratur. *l. si rem, §. oranis, & §. ult. D. eod.* Quæsitum ꝑ est aut, an hanc actionem impediatur conventio, quæ hic proponitur, si forte convenit inter debitorem & creditorem, ut pecunia intra Kal. Mart. non soluta, liceret creditori pignus vendere, & pecunia intra Kal. Mart. soluta non sit, conventio debitorum attulit, quæ videlicet servanda fuisset, & ideo secundum conventionem licere deinde creditori post Kalen. Mart. ut libet pignus vendere. Rescriptum est, eam conventionem non adimere debitori pignoratitiam actionem, quæ significatur, quamvis debitor intra Kalen. pecuniam non soluerit ex conventionem, nihilominus tamen pignoratitiam actionem habere adversus creditorem, si aut pecuniam solvat, aut eam tum in iudicio offerat, ut supra dixi.

Huius sententiæ duo obstat: Primo, ius de conventionem constitutum: conventio ex edicto servanda est. Et quidem hoc ius ratum est, omnem conventionem, quamvis nudam, parere exceptionem. *l. in bon. infr. de pact. l. igitur, §. sed cum nulla, D. de pact.* Proinde pecunia intra Kal. non soluta, si debitor pignoratitia agat adversus creditorem, recte creditor se tuebitur exceptione pacti, ut neget se pignus restituere, quia velit distrahere, secundum conventionem. Respondendum, nihil facere propositum debitorem contra conventionem, cum pignoratitia actione experitur. Nam quod dicitur hic eum habere actionem pignoratitiam integram, hoc continet, quod supra dixi, ut eam habeat sub conditione, si pecuniam creditori in iudicio offerat, *d. l. si rem, §. ult. D. eod.* Debitor enim cum pecuniam creditori offert in iudicio, non reperit rem suam contra conventionem, sed maxime secundum conventionem. Observandum est enim non convenisse, ut pecunia intra Kalen. Mart. non soluta, creditor simpliciter rem venderet, sed ut liceret ei vendere pignus, & id eo ut vendere ei liceret sub conditione, si res pignori esset. Hæc conditio deficit tunc, cum debitor aut pecuniam solvit, aut pecuniam offert in iudicio: nam solutione debiti pignus liberatur, *l. item, D. quibus mod. pign. vel hyp.* Pro solutione habetur obligatio pecuniæ, cum in iudicio offertur. Nam debitori prodita est actio pignoratitia sub conditione, si pecunia soluta esset. Hæc conditio existere intelligitur, cum per creditorem stat, quo minus pecunia ei solvatur. *l. in iure, de reg. iur. l. in iur. D. de cond. & dem. II. obstat. l. Celsus. in pr. D. de reg. iur. l. traiecit. D. de obl. & act.* Quibus locis traditur, si ꝑ poena promissa sit, sub conditione, si pecunia intra certum diem soluta non esset evenire, ut pecunia eo die non soluta poena committatur, ita ut postea nulla obligatione nova evitari possit. At in pposita poena, ut creditori pignus di-

strahere liceat, constituta est conventio sub hac conditione, Si pecunia intra Kalen. Mart. soluta non esset. Ergo secundum sententiam supra scriptam pecunia intra eas Kalen. non soluta, sic poena committetur, ut quamvis pecuniam debitor postea offerat, tamen poenam postea evitare non possit. Respondeo, fatendum est in conventionem proposita, potestatem alienandi pignoris esse constitutam sub sola conditione, Si pecunia intra Kalen. Mart. soluta non esset. Nam hæc potestas constituta est, sed duabus conditionibus: Una, Si pecunia intra Kalen. Mart. soluta non esset. altera, Si res pignori oblata esset. Prior quidem conditio existit, pecunia intra Kalen. Mart. non soluta, sed posterior conditio deficit, cum debitor creditori in iudicio pecuniam offert. Hæc enim oblata facit, ut pignus pro liberato esse incipiat, ut supra dixi. Proinde nec poena hic committitur, eoque nec species hæc ad sententiam supra scriptam pertinet.

Sed ꝑ rursus non recte videtur dici absolute conventionem hanc propositam de potestate pignoris distrahendi, posse adimere debitori pignoratitiam actionem. Nam duobus modis fieri potest, ut debitor pignoratitiam actionem non habeat. hæc conventionem interposita. Primo, si pignoratitia agat, nec pecuniam creditori offerat, tum pignoratitiam actionem non habet. Secundum, si creditor ante actionem institutam sua lege usus, pignus distraherit. Nam antea potuit creditor pignus distrahere, quamvis illi pecuniam obtulerit, nisi oblatam obligauerit, & deposuerit solemniter, *l. i. j. D. de vend. pig. l. si prius. infr. de distract. pign.* Respondeo, hæc vera sunt, sed huic loco non adversantur. Nam quod iis casibus debitor non habet actionem pignoratitiam, non eo fit, quia conventio proposita ei adimat hanc actionem, sed quia eius cessio, & tempestiva, legitimaque alienatio, adimit ei actionem. Quod igitur hic dicitur, pecunia intra Kalen. non soluta ex conventionem debitorem nihilominus pignoratitiam actionem habere meminisse oportet, hoc ita dici, si nihil aliud impediatur, quam superior conventio, quod ita fit, si cetera faciat debitor, propter quæ in tempore actionis pignus habet, & nihilominus creditor, se superiore conventionem tueri velit, ut sibi rem distrahere nec restituere liceat.

Ad L. 6. Qui fortuitis.

Imp. Alexander A Trophimæ.

Qua fortuitis casibus accidunt, cum prauideri non potuerint (in quibus etiam aggressura latronum est) nullo bona fidei iudicio præstamur: & ideo creditor pignora, qua huiusmodi casu interierint, præstare non compelluntur. Nec a petitione debiti submovetur, nisi inter contrahentes placuerit, ut amissio pignorum liberet debitorem. PP. Idus April. Fusco & Dextro Coss. 226.

S V M M A R I A.

- 1 Casus fortuitus quis.
- 2 Casus fortuitus cur dicatur vis maior, cur item factum.
- 3 Vis maioris divisio in externam & internam.
- 4 Interna, & eius subdivisio.
- 5 Externa, & eius subdivisio.
- 6 Furtum sit ne inter casus fortuitos numerandum.
- 7 Amittens rem, quam asseruandam accepit, an liberetur prætextu casus fortuiti.
- 8 Incendium an sit casus fortuitus.

Incendium sine culpa inhabitantium accidere potest tribus modis.

- 9 *Incendium ut probetur casus esse fortuitus, non est satis, docere in aedibus nostris obortum esse, sed probare oportet sine culpa nostra ortum esse.*
- Presumptio onus probandi semper in eum confert, aduersus quam presumptio facit.*
- Presumptio quid. ibid.*
- 10 *Casus fortuiti nullo iudicio prestandi.*
- 11 *Casum fortuitum prestare: culpam, dolum prestare, diligentiam prestare: quid per haec verba significetur, & in quo differant. & nu. 12.*
- 12 *Debitor quamuis casibus fortuitis omnia bona sua amiserit, nihilominus manet obligatus.*
- 13 *Incendium an ere alieno exuat.*
- 14 *Re debita perempta quando debitor liberetur.*
- 15 *Fortuito si casu mutuum perierit, an nihilominus debitor teneatur.*
- 16 *Mutuum qui accipit non tenetur de eadem re restituenda, sed aliam eiusdem generis debet.*
- 17 *Re estimata commodato data, an commodatarius casum fortuitum praestet.*
- 18 *Estimatio facit emtionem.*
- Rem estimatam accipiens contrahit & rem emere intelligitur.*
- 19 *Res ex contractu stricti iuris debita, si casu fortuito perierit, an debitor casum praestet.*
- 20 *Contractuum bona fidei distinctio.*
- 21 *Officium sui nemini debet esse damnosum: & explicatur num. 25*
- Commodatarius an casus fortuitos praestet.*
- 22 *Impossibile nulla obligatio.*
- 23 *Culpa debitoris perpetuat obligationem.*
- 24 *Initium & causa in rebus & contractibus spectanda.*
- 25 *Mors animalis, an & quando a debitore praestetur.*
- 26 *Re debita igni consumpta, an & quando debitor liberetur.*
- 27 *Prædonum impetus & naufragia, an & quando, ut casus fortuiti praestentur.*
- 28 *Damnorum iniuria oblatum, an & quando praestetur.*
- 29 *Inimicitia quas cum inimico habemus culpe nostrae attribuntur.*
- 30 *Re debita perempta post moram debitoris, cuius sit detrimentum, & an debitor non minus obligetur, quam antea.*
- Culpa & dolus non perpetuant obligationem.*
- 31 *Dolus & culpa in debitore morante non spectantur.*
- 32 *Moram facere intelligitur debitor, cum opportuno loco & tempore interpellatus non restituit, aut praestet rem quam debuit.*
- 33 *Debitor, an casus fortuitos prestare cogatur, si ita conuenierit.*
- 34 *Pactio nuda ex intervallo interposita, etiam in bona fide iudicio actionem non parit: parit tamen exceptionem, nu. 36.*
- 35 *Conuentio de casu fortuito prestando duplex: & quid ea operetur, num. 34.*
- 36 *Conuentio specialis & generalis, an valeant, & numer. 40.*
- 37 *Appellatione generis continentur species omnes, non minus quam si simpliciter expressae essent.*
- Idem in conuentione generali.*

40 *Conuentio generalis de casu prestando cur non valeat, causa duplex.*

Vtilis regula hoc loco traditur de casibus fortuitis, non ad vnam speciem iudicii, sed ad omnes generaliter pertinet, quam ut recte explicem, dicam primo de casibus fortuitis, deinde de iure, quod de hoc genere constitutum est. Casus \dagger fortuitus, est casus, qui humana diligentia prouideri non potest, aut cui prouiso resisti non potest. prius positum est in hac leg. posterius in *l. in rebus. D. commod. & l. rer. conducto. §. primo. D. locati.* Idem dicitur: Vis maior, leg. *si cum venderet, in fin. D. de pignor. actio. leg. i. infr. commod. vbi dicitur: Quia omnis casus est maioris rei impetus, ut vis definitur in leg. 2. D. quod met. caus.* Maior \dagger ideo, quia maior est, quam ut ei resisti possit. Idem dicitur interdum fatum, quia vi occulta & ratione hoc contingit, *l. utique, in pr. D. de rei vindic.* Vnde damna fatalia, quae casibus fortuitis accidunt, leg. *cum duobus §. damna, D. pro socio.*

Vis haec \dagger omnis maior, aut interna aut externa est. Interna \dagger quae in re ipsa nascitur, nulla re extrinsecus se nobis aperte offerente. Externa \dagger quae extrinsecus nascitur. Interna est, ut in animalibus mors, & morbi animalium, quod indicatur in *l. contractus, D. de regulis iuris. l. in rebus, D. commodati.* In rebus inanimatis, vitia naturalia, ut cum vinum acescit, frumentum putrescit, quae indicantur ex *l. 9. conducto, D. locat.* In solo hiatus terrae, de quo in *leg. cum res, §. ult. D. de legat. tertio.* Externa vis aut coelitus immittitur, aut inferitur a rebus inferioribus & nobis cognatis. Coelitus, ut sunt tempestates pluiarum, grandinum, fulminum vredines, solis exustiones, quae indicantur in *dict. leg. ex conducto, §. 1. D. locat.* A rebus inferioribus vis inferitur, partim in rebus inanimatis, quo in genere sunt haec, incendia, naufragia, ruina, aquarum inundationes, quae indicantur in *l. contractus, in fin. de regul. iur. l. in rebus. D. commod. §. item is qui. Instit. quibus mod. re contr. obl.* Partim ab animantibus brutis, quales sunt depastiones gracularum, sturmarum & locustarum, & similia animalium, quae indicantur in *d. l. ex conducto, §. 1. D. de locat.* Partim ab hominibus, quo ex genere sunt hostium incurfus, prædonum impetus & piratarum, qui indicantur in *dict. leg. contractus, D. de reg. iur. & d. l. in rebus. D. commod.* Adde his damna, etiam quae in priuatis dantur iniuria, nulla enim diligentia caueri potest, ne quis nobis damnum det iniuria, *l. ad eos, D. commod. l. si ea res, D. de act. emt. l. sed de damno. D. locati.*

In his quaesitum est de duobus, primo de furto, si ne \dagger furtum inter casus fortuitos numerandum, si quis forte rem commodatam aut pignori obligatam furto amiserit, nam furtum videtur dictum a prædonibus, iam autem dixi impetum prædonum esse fortuitum casum, sed placuit furtum inter casus fortuitos numerandum non esse. Proinde eum, qui solo casu fortuito liberatur, \dagger non liberari, si rem quamvis, quam accepit asseruandam, furto amiserit, leg. *cum duobus §. damna, D. pro socio, leg. quod si neque, §. 1. in fin. D. de peric. & commod. rei vendit.* Deinde quaesitum est in incendio, propter dissidentes in speciem de hoc genere locos. Nam \dagger incendium aperte numeratur inter casus fortuitos, his locis, *l. contractus, in fin. D. de regulis iuris. l. si ut certo, §. quod*

vero senectute, l. in rebus, D. commodati, §. item is Instit. quibus modis re contr. oblig. Sed dissentire videntur. l. 3. §. 1. de off. pref. vrb. l. si vendita. D. de peric. & com. rei vend. In prima scriptum est, incendia plerunque accidere culpa inhabitantium. Sed hæc sententia maxime confirmat incēdium esse casum fortuitum, si non semper, at interdum. Et certum est incendium sine culpa inhabitantium accidere posse & solere, quod tribus modis fieri potest. Primo, Si quis ignem inferat, aut iniiciat in ædes. Deinde, si ædes fulmine tangantur, & ex fulmine ignē accipiant. Postremo, si incendium in alienis ædibus obortum occupet vicinas ædes. Recte ergo his casibus dicimus, incendium esse casum fortuitum. Difficultas maior est ex leg. si vendita. D. de peric. & com. rei vend. nam illic initio scriptum est, incendium non posse fieri nisi culpa inhabitantium. Sed illic obseruandum est. hoc verbum esse consultoris, sententiam autem hanc postea corrigi responso Alfeni. quod subiicitur. Is enim aperte responderet incendium accidere posse & sine culpa patrisfamilias, & sine culpa familiæ. Et vero sententiam falsam esse ex iis, quæ dixi apparet.

Interim ex iis locis diligenter notandum est, vt 9 probetur † incendium casum fortuitum esse, non esse satis docere incendium in ædibus nostris obortum esse, sed probare oportere, sine culpa nostra ortum esse propter vnam aliquam causam ex his quas supra audiuius. Id hic probatur: Nam præsumtio semper onus probandi confert in eum, aduersus quem præsumtio facit. l. cum de indebito, §. si vero. D. de probat. Præsumtio autem nihil aliud est, quam ratio sumta ex iis, quæ plerunque accidunt. Iam autem dixi sic existimari incendia plerunque accidere culpa inhabitantium, proinde hæc præsumtio onus probandi transfert in inhabitantes.

Deinde in l. si vendita, D. de peric. & com. rei vend. ædibus venditis incendio consumtis, dicitur, venditor ita non teneri si dicat, se diligentiam summam adhibuisse in igne obseruando, & ignem aliunde accidisse, cum venditore id dicente, consequenter idem probare debeat, ex regula iuris, leg. secunda, de probationibus.

Atqui hi sunt casus, qui fortuiti appellantur. De hisce casibus hæc regula traditur. Quæ fortuitis casibus accidunt vel, vt alibi scriptum est, Casus † fortuiti, nullo iudicio bonæ fidei præstandi, siue a nemine præstantur. Exstat hæc regula hoc loco, & in 10 l. contractus, in fin. D. de regulis iuris. Casum † fortuitum præstari locutio est nostris visitata, sed ad aliquid nouum, proinde & obseruanda est. Dicere solemus in commodato, in pignore, & in omnibus contractibus, in quibus vtriusque & creditoris & debitoris, aut solius debitoris vtilitas versatur, dolum & culpam præstandam esse, casum fortuitum præstandum non esse, l. si vt certo, §. nunc videndum, D. commodati. Hæc omnia vno sensu. Sed dicimus prætere in his omnibus diligentiam esse præstandam, dict. l. si vt certo, §. nunc videndum, §. custodia. l. in rebus. D. commodati, & aliis in rebus innumeris. Hoc vero ne erremus eodem sensu non dicitur. Diligentiam præstandam esse cum dicimus, significatur diligentiam esse adhibendam. hoc sic explicatur in §. item is, vers. at si, & §. ult. Instit. quibus modis re contr. obli. Cum autem dicimus dolum, culpam, casum præstari, contrarium significatur. Nos non dicimus adhibendum esse dolum, adhibendam esse culpam,

aut adhibendum casum, sed contra significatur, hæc omnia remouenda esse, & propter hæc debitorem teneri.

Quid ergo his verbis intelligimus? Respondeo Dolum, † culpam, casum fortuitum præstare locutio est non propria, sed figurata, vbi causa ponitur pro effectu, μετωνυμικῶς, dolum p. damno dolo dato, culpa pro damno culpa dato, casus pro damno quod casu fortuito contigit. Itaq; hic sensus est: Culpa & dolo præstanda sunt, id est, damna & culpa dolo contingentia præstanda sunt. Item casus fortuitus præstandus non est, id est, damnum casu fortuito contingens præstandum non est. Quamobrem pro casibus fortuitis hic dictum est, quæ casibus fortuitis accidunt, nempe damna: hæc vero non præstantur. Quare his verbis, Casus fortuitos non præstari, hæc sententia exprimitur, si res casu fortuito vel perimit, aut amissa vel deterior facta sit, detentione non teneri, sed eatenus liberari.

Hoc etsi simpliciter & absolute dicitur, tamen sic intelligendum est, si casus fortuitus in re debita contigerit; In re non debita si contingat, non eo magis debitor liberatur, nec eo minus casum præstat. & id eo cum dicimus, commodatarium casum fortuitum non præstare, sic intelligimus, commodatarium non teneri, si res commodata quam restituere debuit, casu perierit, vt est in §. item is, Instit. quibus modis re contr. obl. Similiter cum dicimus: Creditorem casum fortuitum non præstare pignoratitia actione, hoc sic intelligimus: Creditorem non teneri, si res pignolata, ad quam restituendam tenebatur, ipsa perierit, non alia, §. ultim. Instit. eodem, leg. si creditor, infr. & l. si nulla, infr. hoc tit. Ceterum si alia res non debita petierint, quamuis debitor † casibus fortuitis omnia bona sua amiserit, nihilominus obligatus manet. Et hoc est quod dicitur in leg. incendium, infr. si cert. petat. Incendium † ære alieno non exire debitorem. Est enim hic sensus, incendium, id est, hic casus fortuitus, & omnes alii similes fortuiti casus, quamvis debitor omnia sua bona amiserit, tamen debitorem non liberat pecunia numerata, quam debuit. Et ratio est, quia hæc pecunia non periit: non enim debuit eam pecuniam, quam habuit in loculis, aut in bonis suis, sed generaliter & indefinite pecuniam, vbiunque ea esset, quam postea præstaret: hæc pecunia perire non potest, idque est quod vulgo dicitur, Genus perire non posse, leg. in ratione, §. incerta, D. ad legem Falcidiam. Et in summa ita statuendum est ne vllus sit error: Re † debitorem liberari. Aliis rebus debitoris peremptis, nihilominus rem debitam manere, quæ deinde semper præstari debeat, l. quod te. D. si cert. pet. l. si ext. de verb. oblig.

Hæc ratio diligenter notanda est, propter duarum rerum periculum, quod in contractibus præstandum esse legimus, mutui nimirum, & rei, quæ æstimata data est. In mutuo, si id † quod debitor accepit mutuo, casu fortuito perierit, nihilominus teneatur, §. item is. Instit. quibus mod. re cont. Hæc prima ratio inique constitui videtur, nam si is qui commodatum accepit, eam rem casu fortuito amiserit, non teneretur, vt ibidem scriptum, de quo inox plura: & tamen mutuum non est officii minus & liberalitatis, quam commodatum, imo magis, vt par esse videatur idem de periculo in vtroque contractu sta-

- tui. Sed differentia, ex superiori notione facile explicatur: Nam re commodata casu fortuito amissa, ideo commodatarius non tenetur, seu casum non præstat, quia perit res quam debuit: Fuit enim obligatus, ut eandem rem restitueret. Contra re mutuo data, casu amissa, debitor non liberatur, quia non perit res debita. Qui enim \dagger mutuum accipit, non tenetur de eadem re restituenda, sed aliam debet eiusdem generis, *in prin. Instit. quibus modis re cont. & leg. secunda, in pr. D. si cert. petat.* Hæc autem alia res non perit. Item, de re æstimata idem traditur, si
- 17 res \dagger æstimata commodato data sit, commodatarius casum fortuitum præstat, *l. si ut certo, §. commodatum. D. commod.* Idemque in omnibus rebus, quæ æstimatæ datæ sunt, placuit, ut casus fortuiti periculum ad accipientem, eundemque debitorem pertineat.

- Quoties de iure dubitatur, & tamen tot locis dicitur, neque in commodato, neque in vllis aliis contractibus casum fortuitum a debitore esse præstandum, *l. contractus, de regul. iur. l. si ut certo, §. quod vero. D. commod.* Sed & hoc superiore ratione cognita facillime explicatur, in commodato & ceteris contractibus, casus fortuitus non præstat, nempe casus in re debita contingens, seu tunc cum re eo contractu debita casu fortuito perit, ut supra ostendimus. At ubi alia res perit quam quæ debita, nulla hic liberatio debitoris contingit. Id autem intelligendum est euenire, cum res æstimata debitori data sit.
- 19 Sciendum \dagger est enim æstimationem, emtionem facere, id est, eum qui rem æstimatam accipit, contrahere & intelligere rem emere, quam non debeat, sed cuius nomine debeat æstimationem tanquam pretium, *leg. plerumque, §. penultim. D. de iur. dot. leg. 1. in fin. D. de æstimat. l. quoties, D. de iure dot.* Hoc si ita est, consequens est eum, qui rem æstimatam accipit: ea re casu amissa nihil minus obligatum manere, quia & res amissa est, quam non debuit: Cæperat enim habere pretium non rem, hoc pretium non perit.

- Dicimus hos casus fortuitos nullo bonæ fidei iudicio præstari. Quid ergo \dagger si res ex contractu stricti iuris debita, casu fortuito perierit, an debitor casum præstabit, id est, an nihilominus re ita amissa debitor obligatus maneat? Respondeo, neque in contractibus stricti iuris, re debita casu amissa, debitor amplius tenetur, sed generaliter hæc regula vera est, quam supra dixi, siue ex commodato, exempli causa, siue ex stipulatu rem certam mihi debeas, te non teneri si casu fortuito res debita perierit, quod sine culpa tua factum sit, *dist. leg. si ex legati causa, de verborum obligat. dist. leg. quod re, D. si certum petat.* & ideo in *l. contractus in fin. de reg. iur.* ita generaliter accepta est, casus fortuitos a nullo præstari.
- 20 Cur igitur hic additum est, nullo bonæ fidei iudicio; Hoc \dagger eo additum est, quia in bonæ fidei iudiciis quidam sunt contractus, in quibus solius creditoris utilitas versatur, ut in deposito solius deponentis, in mandato solius domini. Quidam sunt, in quibus versatur utriusque utilitas & dantis & accipientis, creditoris & debitoris, ut in societate, emtione, venditione, locatione, cōductione, in pignore, in dote. Quidam sunt, in quibus versatur solius debitoris utilitas, ut in commodato. In prioribus duobus generibus non inique statui videtur, ubi utilitas solius creditoris aut debitoris versatur, debitorem casus fortuitos

non præstare. At si solius debitoris utilitas ageretur, æquum videri potuit, debitorem re amissa casum præstare debere, ut in commodato, ne creditori officium & liberalitas sua noceat. Ut ergo intelligeremus nec commodatum excipi, id est, nec excipi eos contractus, in quibus solius debitoris utilitas versatur: Regula hoc loco ita concepta est: *Casus fortuitos neque prioribus generibus iudiciorum, neque postremo genere iudiciorum bonæ fidei præstari.*

Quod si ita est, non modo iis verbis non excluduntur iudicia stricti iuris, ut stipulatio, sed maxime ea iudicia comprehenduntur. Nam si in vllio iudicio æquum est casum fortuitum a debitore præstari, æquum est in commodato, ubi res solius commodatarii agitur. Quod si in eo iudicio nec casus fortuitus præstatur a debitore, multo minus debitor, qui ex stipulatu debuit, casum præstare tenetur, cum in stipulatione solius stipulantis utilitas versetur, non etiam promissoris.

Sed in commodato saltem iniquum esse videtur, & regulæ etiam iuris aduersum, in eo non præstare casum fortuitum a commodatario, ut videatur saltem hoc iudicium ab omnibus excipi debuisse. Nam naturalis ratio simul & civilis dicat, nulli \dagger debere officium suum damnosum esse. *leg. si seruus, §. quod vero, ad mandati, D. de furt. leg. sed si quid. D. quando testamentum aper.* Respondendum est, commodatarium casus fortuitos non præstare, & generaliter omnem debitorem re debita casu amissa liberari, non modo rectæ rationi & iuri civili non aduersatur, ut iis rebus duabus exigentibus ita statui non sit iuxta *dist. leg. quod de. D. si cert. pet. & leg. si ex legati causa, D. de verborum obligatione.* Aut enim re casu amissa volumus commodatarium aut alium debitorem, rem debere, aut rei æstimationem. Rem debere non potest, quia cum non sit in rerum natura, amplius deberi non potest. Impossibile \dagger enim nulla est obligatio, *l. imposs. de regul. iur. l. si stipulator, de verbor. obligat.* Æstimationem quidem per rerum naturam præstare potest, sed hanc ab initio non debuit, rem enim solam restituere debuit, non rei æstimationem, ut est obligatio commodati, *§. item is Instit. quibus mod. re contr. obl.*

Eadem conditio est omnium obligationum, in quas res aliqua deducta est certa, non eius rei æstimatione. Euentu quidē sciri potest, an re amissa commodatarius in æstimationem debere incipiat, veluti si dolo aut culpa eius res perierit, *l. si ut certo §. nunc videndum, D. commod.* Sed hoc eo fit, quia \dagger culpa debitoris, secundum regulam iuris perpetuat obligationem, *l. si seruus, §. sequitur. de verb. oblig.* Nulla culpa est debitoris in casu fortuito, qui vitari nō potest, proinde nihil est in casu fortuito, quod perpetuet obligationem rei prius debitæ: Ita æquum est, & rei & æstimationis obligatione remota, debitorem casu liberari; eumque casum fortuitum non præstare, quoties res debita, casu perit.

Hæc ratio ad commodatum æque pertinet, ut ad res ceteras debitas, proinde & commodatum recte definitioni huius loci includitur, ut dicatur casus fortuitus nullo bonæ fidei iudicio præstari, proinde nec iudicio commodati. Nec obstat \dagger quod dicitur: *Nulli officium suum debere esse damnosum.* Hoc enim sic accipiendum esse apparet, nisi quis velit sibi damnosum esse. Nam licet vnicuique, & de opera sua, & de beneficio, & de rebus suis omnibus,

omnibus, ut vult statuere, igitur & de ipso commodato. Nam qui vestem commodat, non potest commodare, nisi ut vestis atteratur usu, & qui equum commodat ad plures dies usu equi carere cogitur, aut saepe alium commodato rogare aut conducere, in quo damnum eum facere certum est, sed ideo facit quia vult. Porro qui simpliciter rem commodato dat neque de casu fortuito quicquam paciscitur, hoc velle intelligitur, ut re casu amissa suum detrimentum sit, non accipientis, quia ita commodat, ut velit commodarium solum ad rem ipsam restituendam obligari, & quamdiu eam habebit, illam bona fide seruare, & in ea facere, quod bonus paterfamilias faceret in re sua, *l. in omnibus, D. commod.* Contra hanc diligentiam & custodiam nihil facit commodatarius, si quid casu fortuito accidat, proinde nec commodator vult commodatario hoc damnosum esse, sed sibi.

Rata sit igitur haec sententia: *Casus fortuitos in re debita incidentes nullo omnino iudicio, & a nullo debitore praestari, ut sit sensus, re omni debita, casu amissa, debitorem liberari ea amissione.* Haec sententia tamdiu vera est, quamdiu nulla idonea causa incidit; propter quam debitor casum praestet. Sed interdum eiusmodi causae incidunt, ideo & interdum casus fortuiti a debitore praestantur, ut ab eo ad quem res deposita est, cui commodata est, cui pignori obligata est. Id contingit aut propter culpam debitoris, qui casui fortuito causam dedit, aut propter debitoris moram, aut propter conventionem de casu fortuito praestando, initio interpositam.

Culpa debitoris facit, ut debitor casum praestet, seu re casu amissa nihilominus obligatus maneat, si culpa casui causam praebuerit. Hic enim ut in contractibus & aliis rebus, initium & causam spectamus, ut est in *d. l. si ut certo, in pr. D. commodat.* Exemplum haec sunt: Dicimus & mortem animalium a debitore non praestari, ut fortuitum casum, hoc ita est, nisi culpa mortis causam praebuerit, vel quia debitor animal acceptum occidit, vel quia aegrotum non curavit, *l. si ut certo, §. custodiam, §. commod. l. in rebus, D. commodati.* Dicimus & re debita incensa, damnum nullo iudicio praestari, hoc ita est, nisi incendium culpa inhabitantis contigerit, *l. si venditor, D. de per. & com. rei vend.* Dicimus & praedonum impetus & naufragia, ut casus fortuitos non praestari. Hoc ita est, nisi culpa sua debitor in hac pericula se coniecerit, veluti si res ei commodata sit, ut domi haberet, ipse autem peregre profectus secum ferre maluit, deinde in latrones incidit, aut navim ingressus naufragium fecit, *§. item is, Institut. quibus mod. re contrah. obli.* Postremo dicimus & damnum iniuria oblatum a nullo praestari. Hoc ita est, nisi quis oborta rixa, cui rixae causam praebuit, rem debitam amiserit, *l. pen. in pr. D. sol. matr.*

In qua specie, singulare genus culpae nobis notandum est. Placuit enim veteribus, si quis inimicus noster nobis damnum iniuria dederit, hoc damnum nos praestare debere: veluti, si quis inimicus rem commodatam aufert, aut locatum, aut pignus datum quia inimicitiae, & quas cum illo exercemus, culpae nostrae ascribuntur, *leg. si merces, §. culpa, D. locat.* Et merito ascribuntur: siue enim causam inimicis praebuerimus aperte nostra culpa est, quod inimicitias exercemus: siue non praebuerimus, tamen haec ipsa culpa est, quod inimicitiam exercemus, & non operam damus, ut res inter nos componatur. Aliud est,

si quis a nobis non laesus, aut inimicitias quae prius fuerant remissis, & reconciliatione secuta, odio tantum nostri, nobis damnum det, nulla enim hic culpa est, eoque damnum non praestare cogimur, *dict. l. pen. in pr. D. sol. matr.*

Mora & quoque debitoris facit, ut si post moram res perierit, eius detrimentum sit & non minus obligetur, quam antea, *l. quod te, D. si certum pet. l. si ex legati causa, D. de verb. ob.* Idque est quod dicitur, culpam & moram, quae culpae species est, perpetuare obligationem, *l. si seruum, §. sequitur de verb. obl.* id est, facere, ut obligatio quae primo fuerat etiam re debita amissa, perpetua maneat, quasi res adhuc existeret, *l. si rem, §. ult. D. de verb. obl.* Et nihil & interest, quomodo post moram debitoris res pereat, utrum dolo eius, an culpa, an vero casu fortuito, quem evitare non potuerit, *l. item si verberatum, §. ult. D. de rei vindicat. l. cum res, §. ultim. de legat. tertio.* Nec quisquam hic apud se reputet, iniquum esse debitorem praestare eum casum, cui obistere non potuerit, aut creditorem id petere, quod habere non potuisset, etsi res restituta esset, quonia non apud creditorem aequae erat peritura. Nam huic dubitationi recte occurrunt a veteribus iuris auctoribus, optima ratione: quia si res sine mora restituta esset, potuisset creditor aestimationem rei habere, potuissent vendere & pretium lucrari, quae ratio prodita est in duobus locis a maxime citatis. Moram autem & regulariter facere intelligitur, cum opportuno loco & tempore interpellatus non restituit, aut praestat rem quam debuit, *l. moram, D. de usufr. l. si ex leg. causa, de verb. ob.* De mora nihil excipi, ad *l. i. sup. commod.* Sed solam culpam debitoris, propterea, quod generis culpae species est mora, *l. si seruum, §. sequitur, D. de verb. obl.* Sed huius generis species sunt duae culpae, quas hic nominatim comprehendimus.

Ad extremum & quoque conventionione fit, ut debitor casus fortuitos praestare debeat, si initio conuenierit, ut casus fortuitos praestaret, non solum si erit commodatarius aut creditor, qui initio conuenierit de re pignorata, sed etiam si in deposito idem conuenierit, ut depositarius periculum omne praestaret, *l. i. sup. commod. hac l. & l. legitur, §. si paciscar, D. de p. etis.* Hic opponitur natura horum contractuum, quae facit, ut casus fortuiti praestandi non sint in illo iudicio, *leg. contractus, de regul. iur. l. sicut certe, §. nunc vendendum & seqq. D. commod.* Ad hoc diluendum veteres hac ratione vtuntur: Contractus ex conventionione legem accipiat, *leg. i. §. si conuenierit, D. de pos. dict. lega. contractus, de regul. iur.* Sensus est, nihil fieri contra naturam & formam contractuum hac conventionione, ut proinde consequens sit, ut si quid hic secundum conventionem fiat, maxime videatur fieri secundum formam & naturam contractus. Sed diligenter hic notandum est, eiusmodi conventionione effici, ut casus praestentur si conventio initio, id est, in re contrahenda interposita fuerit. Hoc initio nominatim additum est, nam si postea, seu ex intervallo idem conuenierit, debitor casus fortuitos praestare non debet. Exempli causa: Equum nominatim tibi commodavi ea lege, ut si quo casu & fortuito amissiles, aestimationem mihi redderes. Dedi tibi res quasdam pignori, sed nominatim in dando, dedi ea lege, ut si res periisset, omne periculum ad te pertineret: ex hac conventionione periculum omne praestabis, sed si simpliciter tibi rem ab initio commodavi,

aut rem pignori dedi, deinde post vnum aut alterum diem conuenit, vt tu periculum omne præstares amissionis, sciamus conuentionem nihil egisse, quia non fuit interposita initio.

35 Hoc ex notis regulis iuris de pactis sumtum est: nam ꝑ nulla pactio nuda ex intervallo interposita etiam in bonæ fidei iudicio actionem parit. Hæc autem conuentio de casibus fortuitis præstandis eo spectat, vt re casu amissa agere nihil liceat, & æstimationem petere: id superiore nuda conuentione effici non potest. *igitur. §. quin iuri. D. de pactis. l. in bone, infr. de pact.* Sed si conuentio interposita erit, vt ex continenti seu ab initio, seu quod idem valet in re gerenda & contrahenda, conuentio contractus pars est, & ob hanc causam, actio, vt ex contractu nascitur iisdem locis. Sed si in contractu conuenit, vt debitor minus præstaret, quam per naturam contractus debet præstare, veluti si in commodato, aut in pignore conuenerit, ne commodatarius aut creditor culpam præstaret, hæc quidem conuentio rata est, vt superior, *l. contractus, de regulis iuris.* Sed hoc interest, quod hæc posterior valet, etiam si ex intervallo sit interposita: pertinet enim ad debitorem, non obligandum, sed liberandum. Nuda pactio ꝑ obligationem non parit, sed parit exceptionem, quandoque sit interposita, *l. in bone, infr. de pactis. l. igitur §. sed cum nulla, D. de pact.*

36 Conuentio ꝑ de casu fortuito præstando, duplex est. Generalis, cum generaliter & indefinite conuenit, vt debitor periculum omne præstaret, vel simpliciter, vt casum si fiat præstaret: Et specialis cum simpliciter species casuum expressæ sunt, veluti cum conuenit vt commodatarius, si incurfu hostium equum amisset, æstimationem præstaret. Specialem conuentionem de casibus fortuitis præstandis valere inter omnes conuenit, *leg. 1. supr. commod. l. 4. §. quasitum, Dig. si quis cautioni.* An ꝑ autem generalis valeat quasitum est, propter *dist. leg. 4. §. quasitum*, vbi scriptum est: Cum reus in ius vocatus promisit actori, se certo die iudicio statutum, si conuenerit, vt si reus non stetit, ne vlla obiectio ab eo obliiceretur, id est, si generaliter renuntiauerit omnibus casibus fortitis, vel aliis, quibus fieri potuit, vt iudicio non sisteret, propter quos casus reus iuari exceptione solet, scriptum est, inquam, in hac specie istiusmodi conuentionem generalem nullius momenti esse, sed ita valere conuentionem, si causæ propter quas exceptio nascitur, nominatim expressæ sint. Quibus verbis aperte conuentio specialis de casibus fortuitis admittitur, generalis repudiatur.

37 Respondeo: De hoc loco dicam paulo post: Nunc quod ad contractus attinet, de quibus quaritur, ita statuendum est, sine hæsitatione, vt specialis conuentio de casibus certis præstandis valet, sic & generalem valere, vt si conuenerit, vt debitor casum præstaret, vel periculum omne, eueniet vt quocunque casu res perierit, is casum præstet ex conuentione, non minus quam si is casus qui incidit, simpliciter expressus esset. Exprimatur hæc sententia his locis, *leg. igitur §. si pacisc. vers. Item si quis. D. de pact. leg. si quis domum, §. 9. §. Iulianus, alias, leg. si quis fundum, in pr. D. locat. & maxime hac l. in fine.* Hanc sententiam ratio euidenter suadet. nam appellatione ꝑ generis, species continentur omnes, non minus, quam si simpliciter expressæ essent. *leg. Ma-*

nus, §. duorum, D. de legatis secundo, leg. si seruus. D. de seruit. urb. prad. Et generaliter placuit oratione & conuentione generali, omnes species tam contineri, quam si simpliciter expressæ essent. *leg. qui perculi. D. de pecul. l. iniurandi. quod ex §. ultim. l. obligatione. de pignor. leg. prima, in pr. D. quod iussu.* Non obstat *lex 4. §. quasitum. D. si quis cautioni, §. conueneramus.* Nam quod generalis conuentio, & enumeratio casuum fortuitorum illic repudiatur, sit singulari ratione, non propter iudicium tantum, sed propter conuentionem, quæ interponitur in cautione iudicii sistendi causa facta.

40 Conuentio ꝑ generalis in hoc genere interposita, non valet duabus de causis. Vna est, quia si quid casu fortuito inciderit, cur Reus iudicio non sisteret, videtur de eo actor non sensisse, cõiectura ducta ex fine huius conuentionis. Nam cum actor stipulatur, vt Reus iudicio sistat, & nisi sistat stipulatur pœnam, eamque stipulationem conuentione sequenti confirmat, hæc omnia non intelligitur facere, vt principaliter sibi actionem alicuius pecuniæ acquirat, sed vt metu pœnæ inhibeat tergiversationem & frustrationem rei, seu faciat, vt is iudicio ad diem adsit, & faciat secum experiundi copiam. At nulla tergiversatio aut frustratio est rei, vbi reus casu fortuito prohibitus non stitit. Proinde non est mens actoris, vt reus eo casu teneatur. Altera ratio est, quod etiam si hæc mens sit creditoris, vt omni modo reus teneatur, vbi non stitit, tamen hoc incertum est, & de eo lis esse potest. Iam vero hæc conuentio interponitur litis iam constitutæ, promouendæ & citius finiendæ causæ. proinde conuentio, quæ eâ gratia interponitur, certa esse debet, alioqui lis ex lite nascitur, & ex priore lite instituta, nascitur sequentis litis exordium. Hoc autem ius auersatur, *leg. si quis iniurand. in fin. infra, de rebus credit. leg. quarta, §. an prætor, D. de re iudic.* Vtraque hæc distinctio est in contractibus, nam cum creditor in contrahendo pacificatur generaliter, vt debitor periculum rei omne, aut casus fortuitos præstet, id agit aperte, vt sic acquirat rei amissæ æstimationem. Deinde, si lis de eo nasceretur, tamen hæc lis ex præcedente non sequitur, sed nascitur ex conuentione, de qua sola nunc lis est.

Regula superiore generaliter constituta, casus fortuitos nullo iudicio præstari, præterquam ob eas causas, quas exposuimus, responsio aptatur ad creditorem in re pignoratam amissa hoc rescripto. Et hinc colligitur re pignoratam casu amissa creditorem ob casum non teneri, proinde detrimentum eius non esse, hinc consequens esse detrimentum debitoris, hinc rursus consequens, quod hic exprimitur, vt re pignoratam casu amissa, nihilominus creditor integram actionem personæ habeat ad debitum suum petendum. Idem, in lege pignus, *infra.*

Ad L. 9. Pignus

Imp. Dioclet. & Maximian. AA. & CC.
Georgio.

Pignus in bonis debitoris permanere, ideoque ipsi perire in dubium non venit. Cum igitur adseueras in horreis pignora deposita: Consequens est, secundum ius perpetuum pignoribus debitori perennibus (si tamen

tamen in horreis, quibus & alii solebant publice vii, res depositae sint) personalem actionem debiti reposcendi causa integram te habere. PP. 6. Nonas Maii. Mediolani. A. A. Coss.

S Y M M A R I A.

- 1 Creditor, rebus mobilibus pignori acceptis incendio consumptis aut per effractionem horrei ablatis, an teneatur.
- 2 Res casu amissa creditori non perit.
- 3 Pignus si perierit culpa vel dolo creditoris, creditori perit, non debitori.
- 4 Oratio hac, pignus debitori perit, generalis & indefinita est.
- 5 Falsum ex parte, totam enuntiationem falsam reddit.
- 6 Pignus perire proprie intelligitur, cum casu fortuito perit.
- 7 Culpa facit perpetuari obligationem.
- 8 Pignoris datio dominium & ius debitoris non mutat.
- 9 Pignus manet in bonis debitoris: etiam postquam datum est.
- 10 Res pignoratita si perit, cui pereat, eius qui dominus, an qui non est.
- 11 Res promissa si casu fortuito sine culpa promissoris pereat, liberatur debitor.
- 12 Res legata si casu pereat, non perit heredi eidemque domino, sed legatario.
- 13 Res vendita si pereat, emporine an venditori pereat.
- 14 Res debita si sine culpa debitoris pereat, semper debitor eo interitu liberatur.
- 15 Incommoda quem sequuntur, eundem & commoda sequi debent: & ordine conuerso.
- 16 Commodum rei cuiusque ad dominum pertinet.
- 17 Tutores, curatores, procuratores, &c. si pecunias, quas collocant, apud eos nummularios deposuerint, qui publice idonei habentur, non tenentur, si postea nummularii foro cedant.

CREDITOR ꝑ rebus mobilibus pignori acceptis, ut eas pro diligentia, quam debet, recte afferaret, deposuit in horreo publico, in quo & reliqui ciues sua afferuare consueuerant. Horreis incendio consumptis, res amissae sunt; aut latrones horreis effractis, res abstulerunt. Quaesitum est, an eo casu creditor teneretur? Incendium casum fortuitum esse constat: Est & casus fortuitus effractura, quae vim habet, ut dixi ad l. fortuitis, supra. Sed hos casus videtur culpa creditoris prouocasse, qui res pignori obligatas maluit in horreum publicum deponere, quam domi afferuare, quas si domo retinisset, non perissent illo incendio, aut illa effractura, quae interuenit.

De hac re consulti Imperatores respondent, primo generaliter de casu, deinde vero specialiter de culpa. De casu nihil aliud definiunt in summa, quam id quod apertius definitum est in l. cum fortuitis, supra. nempe ꝑ rem casu amissam creditori non perire, sed creditorem casum fortuitum non praestare, ita euenire, ut res debita pereat. Sed hoc respondent nouis verbis & noua ratione reddita, unde locus incidit in difficultatem. Verba & rationem expendamus. Sic definiunt, pignus debitori perire, si adicerent conditionem, si pignus casu perisset, sublata esset omnis dubitatio, sed generaliter definiunt & simpliciter pignus debitori perire. Haec sententia aperte falsa est.

nam ꝑ si pignus perierit dolo vel culpa creditoris, creditori perit non debitori, l. si creditor. l. si nulla, supra. hoc tit. l. si cum venderet, §. vlt. ff. eod.

Si dixerimus, intelligendam esse hanc conditionem, si res casu perierit, hoc responso non diluimus obiectionem, sed vitium sententiae magis confirmamus. Nam ꝑ haec oratio, pignus debitori perit, generalis & indefinita est, quae vim habet vniuersalitatis, l. si plures, de legat. tertio. l. si ita relictum, in pr. & l. seq. de legat. secundo. In ꝑ omni enuntiatione vniuersali, si quid aliqua ex parte falsum est, totam enuntiationem falsam efficit, ut est Iuliani sententia sumpta a Dialecticis in l. si is qui ducenta, §. utrum paulo post, ff. de reb. dub. At non tantum aliqua ex parte falsum est pignus creditori perire, sed etiam maiori ex parte. Nam vno casu tantum pignus perit creditori, nempe si perierit, aut dolo eius aut culpa. Proinde etiam ex superiori responso haec sententia tota falsa est, pignus perire debitori.

Respondendum; Nihilominus haec sententia hac conditione accipienda est, si res casu fortuito perierit ex supra scriptis locis, & l. quae fortuitis, supra. Neque ideo falsa aut vitiosa enuntiatio est, quod conditio superior non exprimitur. Et si enim non exprimitur verbis, tamen ex verbis enuntiationis intelligitur. Haec enim sententia: Pignus debitori perit, continet intra se hanc conditionem, perit debitori, si modo pignus pereat. At ꝑ proprie perire pignus intelligitur, cum casu fortuito perit: nam ubi perit culpa aut dolo creditoris, prope est, ut nec videatur perire, sed adhuc existare ut ante, quia ꝑ culpa ex regula iuris facit perpetuari obligationem, l. si rem, §. vlt. l. si seruum, §. sequitur, ff. de verb. oblig. Ita verum est, quod initio dixi, hoc loco nihil aliud exprimi, quam creditorem casum fortuitum non praestare, si res pignori data casu perierit, ut sit eadem huius legis sententia cum l. quae fortuitis, §.

Deinde ratio huius sententiae expendenda est. A iunt Imperatores, pignus debitori perire ideo, quia pignus in bonis debitoris maneat. Hic vero continetur sententia, quam videmus, & praeterea ratio & consecutio praecedentis sententiae. Sententia aperte vera est, pignus in bonis debitoris manere. Recte manere, quia in principio, cum pignus constituitur, est in bonis debitoris; nam aliter pignus esse non potest, l. quia pradium, §. si vlt. res pigno. data sit. Postquam autem ꝑ pignus datum est, ea res dominium & ius praecedentis debitoris non mutat. Pignus ꝑ enim non proprietatem transfert in creditorem, sed solam & nudam possessionem, l. cum & sortis, §. vlt. ff. de pignor. act. manere igitur oportet, quod fuit, neque postea sublatum est. Recte in bonis, non ut Accursius interpretatur in dominio. Nam ut pignus recte constitutur, necesse non est, rem, quae pignori data est, esse in dominio debitoris; satis est si sit in bonis, non tantum, cuius domini sumus, sed etiam, in quam ius vti & sigalis & superficiei habemus, quam bona fide possidemus, aut quae pignori data est, l. bonorum, de verb. sig. Quicquid horum iuris habebimus in realiqua, eam recte pignori dederimus, l. infra, quae res pignori dar. poss. & l. si alter res.

Sed ratio ꝑ qua Imperatores hic vtiuntur & consecutio vitiosa est; Includit enim ratio hanc sententiam, ut necesse sit rem perire ei, qui eius dominus est, seu qui pro domino habetur, cuius in bonis res est. Nam plena argumentatio rescripti haec est. Res

quoque domino suo perit, seu ei, cui in bonis est. Pignus creditori datum est in bonis debitoris, non creditoris, proinde si pereat, debitoris periculo perit, non creditoris. Optime concluditur si vera sunt, quæ sumuntur, & ex iis quæ sumuntur assumptio vera est, ut docuimus: sed propositio falsissima est, cum ita statuitur, rem domino suo perire, seu perire ei, cuius est in bonis. Hæc sententia falsa est, primo, quia si accipientis dolo aut culpa res debita perierit, semper perit accipienti, non autem domino qui dedit, ut accidit in re deposita amissa, in re commodata, in re pignori data, in re locata. Quæ omnes si dolo aut culpa accipientium perierint, pereunt non deponenti, non commodanti, non debitori, non locatori, qui omnes domini sunt, sed iis qui acceperunt, qui domini non fuerunt. Iam igitur videmus, quod hic dicitur, *Rem debitori, seu domino deberi*, sic accipiendum esse, si casu pereat, quia cum culpa, aut accipientium aut debitoris perit, magis sit, & videatur adhuc extare, cum culpa perpetuam faciat obligationem.

Sed rursum etiam dixerimus, rem domino perire, si res casu fortuito amissa sit, nihilominus sententia aperte falsa est, ut probatur in re ex stipulatu debita, in re ex causa legati debita, in re vendita. Si quis stipulanti \dagger rem suam promiserit & res promissa casu fortuito sine culpa promissoris perierit, liberatur debitor. *l. si ex legati causa. de verb. obl. l. quod te. si cert. pet. proinde res domino non perit, cum debitor sit idem dominus, sed perit stipulanti, qui dominus non est. Item si testator rem heredis Titio legauerit, nihilominus heres dominus manet, qui prius dominus fuerat, quoniam defunctus dominium transferre non potuit, qui ipse dominus non fuit. Si deinde \dagger casu res legata perierit, non perit heredi, eidemque domino, sed legatario, qui dominus non est, quoniam eo casu heres liberatur. *l. si ex mandati. ff. de verb. obl. lig.* Similiter \dagger cum quis rem suam vendidit, priusquam res tradita sit, venditor rei dominus manet, quin & dominus manet, etiam si rem tradiderit emtori, nec dum ei pretium solutum sit, aut fidem habuerit de pretio, *§. vendite. Inst. de rerum diu.* Et tamen si res vendita casu pereat, emtori perit, non etiam venditori. *§. cum autem. Inst. de emt. & vendit.* Non ergo res perit domino, sed ei qui dominus non est. Respondeo, hæc exempla nos admonent, ita se rem habere, ut non definiatur recte in vniuersum rem domino suo perire, sed recte definiatur hoc modo. Res domino suo perit, eive qui pro domino habetur, si idem est dominus & creditor in ea re, ut accidit in re deposita, commodata, locata, pignori obligata. In quibus omnibus dominus est rei, idemque & creditor est, id est, is, cui res restitui ex obligatione debet: in his omnibus recte dicitur, Si res debita casu pereat, eam perire domino, quia & idem creditor est, qui dominus. Exemplo est pignus, de quo nunc agitur. Si pignus casu fortuito perierit, perit debitori, quia debitor non solum dominus est, sed etiam in re pignorata repetenda creditor est. Debitor dicitur habita ratione sortis quam debet, sed cum pignoratitia excipitur de pignore, creditor est, & qui in sorte creditor erat, in pignore restituendo, debitor est: obligatur enim re, ut eandem rem restituat, *§. ult. Inst. quib. mod. re contr. oblig.* At si idem rei vendita dominus est & eius rei debitor, nunquam hæc res domino perit, sed semper aduersario, ut in illis speciebus patet, quas supra recensuimus.*

Id autem \dagger ex eo efficitur, quia regula est iuris peritui & certi, si res debita sine culpa debitoris perierit, semper debitorem eo interitu liberari. Ex quo euenit, ut periculum non sit debitoris, sed creditoris, *d. l. quod te. ff. si cert. pet. d. l. si ex legati, de verb. oblig.* secundum quam regulam eueniet, ut si is qui debitor est, dominus non sit, sed dominus sit creditor, tum recte dicamus rem domino perire, quia idem est creditor. Contra vero si debitor idem & dominus sit, commutatur ratio superior, & fit, ut res pereat, non domino sed creditori, quia dominus non est. Nam aduersatur hic locus. Non enim generaliter ex hoc rescripto colligitur rem perire domino, seu ei, cuius est in bonis. Sed hoc solum colligitur, rem perire domino; Si quis dominus sit talis, qualis est debitor in pignore, id est, si idem dominus sit & creditor, ut sit argumentatio huius loci: *Res perit ei cuius in bonis est, si idem in ea re creditor est. At pignus est in bonis debitoris, & ita in bonis, ut idem dominus sortis sit creditor in eo pignore repetendo*, ex quo efficitur, pignus ei perire.

Sed hic occurritur. Si res perit domino tantum ei, qui & idem creditor est, non debuit dici rem domino perire, sed perire creditori. Respondeo, vtrumque recte dicitur. Nam cum quis rei debita & dominus est & creditor, si res casu pereat, duabus de causis ei perit, vna quæ necessaria est, altera quæ æquitatem continet magis quam necessitatem. Perit ei primo, quia creditor est, idque necessario: nam necesse est, res debita quæ perit, aut debitori pereat, aut creditori. Effectum est eam debitori non perire, quia casu liberatur, ex quo consequens est, necessario perire creditori. Sed præterea etiam perit ei hac ratione, quia dominus est. Quemadmodum enim secundum naturam est, ut \dagger si incommoda alicuius rei alii quem sequuntur, eundem sequantur & commoda, *l. secundum. de reg. iur.* Ita ordine conuerso, accidit, ut si commoda alicuius rei ad aliquem pertineant, etiam periculum & incommodum rei eum sequantur. *l. vn. §. cumque, in fin. ff. de rei & verb. act. l. vnica. §. in nouissimo, infra de cad. toll.* Commodum \dagger autem rei cuiusque & fructus ad dominum pertinent, *l. qui scit. in pr. §. i. ff. de usur.* Quo fit ut recte constituatur etiam periculum rei ad eum pertinere.

Hæc de casu. De culpa respondent Imperatores, culpam in proposito interuenisse non videri, tamen si creditor rem domi suæ non asseruarit, quia et si deposuit rem in horrea aliena, tamen posuit ubi publice alii res suas asseruare solent. Non obstat quod dicitur in *§. item. Inst. quib. mod. re contr. oblig.* commodatarium cui res commodata est, culpa videri fecisse, si maluit rem secum ferre peregre profectus, & in latrones incidit, aut naufragio rem amisit. Nam aliud est rem suam ferre peregre proficiscentem, ubi nulla facta custodia est; aliud deponere in locum, qui publice tutus habeatur.

Hinc colligimus vtilem definitionem diligentiae & custodiae in rebus debitis asseruandis. Quicquid in rebus asseruandis publice homines diligentes facere solent, si a nobis factum sit, & recte & ex officio boni patrisfamilias factum videri, ut proinde si quid postea casu accidat, simus extra culpam, & casum non præstemus. Huc non incommode refertur potest, *l. 3. in pr. ad Senat. cons. Mac.* Hunc \dagger locum recte monet Bart. notandum esse in constitutione quotidiana pro tutoribus, curatoribus, procuratoribus, qui pecunias, quas pro officio collocare debent, ne sint otiosæ,

tiolæ, collocant apud nummularios & argentarios, nam si apud eos nummularios deposuerint, qui publice idonei habentur, apud quos alii ciues publice suas pecunias collocant, recte & ex officio bonorum patrum familias pecunias collocatas videri, hinc consentaneum est eos non teneri, si quando nummularii foro cedant, ut iuris auctores loquuntur in l. si hominem §. quoties ff. de pos.

Reigitur pignoratita ita pereunte, ut hic propositum est, consequens est, pignus debitori perire, ut est propositum. Huius interitus hic effectus est, qui subiicitur in fine rescripti, ut interitus hic sine villo damno creditoris contingat, proinde simul creditor liberetur pignoratitia actione, & nihilominus, actionem debiti personalem aduersus debitorem integram habeat, quod comprehensum est in d. l. qui fortuitis. 3.

Ad L. Nec creditores. 10.

Imp. Dioclet. & Maxim. AA. & CC.
Apollodora.

Nec creditores, nec qui his successerunt, aduersus debitores pignori quondam res nexas petentes, reddita iure debiti quantitate, vel his non accipientibus, oblata & consignata & deposita, longi temporis præscriptione muniri possunt. Vnde intelligis, quod, si originem rei probare potes, aduersario tenente vindicare dominium debes, ut autem creditor pignoris defensione se tueri possit, extorqueatur ei necessitas probandi debiti; vel si tu teneas per vindicationem pignoris hoc idem inducitur; & tibi non erit difficultas, vel solutione, vel oblatione, atque solemnī depositione pignoris liberatio. Dat. Nonis Maii ipsi CC. & Coss.

SUMMARIA.

- 1 Debitori quando de restituendo pignore agere liceat.
- 2 Pecunia tunc proprie soluta intelligitur, cum naturaliter numerata est creditori, liberationis causa.
- 3 Compensatio vim habet solutionis.
- 4 Ob signatio & depositio pecunia in solutionem & liberationem cognoscuntur.
- 5 Depositio pecunia solemnīs qua sit.
- 6 Conditio, si pecunia soluta sit, pro impleta habetur, si a debitore pignoratitia agente, pecunia in iudicio offeratur, & per creditorem stet, quo minus accipiat.
- 7 Actio pignoratitia ut nascatur, pecunia omnis soluta esse debet.
- 8 Satisfacere est creditorem contentum reddere in eo, quod a nobis petit.
- 9 Satisfactionis capita duo.
- 10 De pignore quandiu agere liceat, & an actor præscriptione longi temporis submoueri possit.
Creditor cur non possit muniri aduersus debitorem res pignoras repetentem, longi temporis præscriptione: cur nec eius successor possit. & nu. 17.
- 11 Præscriptio temporis, exceptio est.
- 12 Actiones personales omnes paucis quibusdam exceptis intra 30. annos dantur.
- 13 Ad præscriptionem longi temporis inducendam, qua concurrere debeant.
- 14 Possidere in usu iuris dicitur, qui effectum & opinionem domini tenet.
- 15 Iustus titulus in rebus acquirendis ea causa est, ex

qua dominium acquiri solet.

- 16 Titulus pignoris dominium non transfert, sed solam & nudam rei detentionem.
- 18 Heres seu vniuersi iuris successor in vitia auctoris sui succedit, & eodem iure vitatur.
- 19 Successores singulares ut successores præscriptione non vitantur: ex persona sua vitantur.
- 20 Longissima præscriptio hic qua sit.
- 21 Vindicatio actionem in rem significat.
- 22 Originem rei probare quid denotet.
- 23 Actionem in rem qua pariant.
- 24 Actio in rem non datur nisi aduersus possidentem, aut eum, qui pro possessore habetur.
- 25 Creditor pignus persequens aut dum possidet retinere volens, cogitur probare pecuniam sibi debitam esse, cuius nomine pignus constitutum est.
- 26 Pignus est res omnis pro debito obligata.

HI IVS rescripti tria sunt capita. I. Quando debitori de pignore sibi restituendo aduersus creditorem & eius heredes agere liceat. II. Quamdiu liceat, & an præscriptione longi temporis remoueri debitor possit. III. Quæ sint in eam rem debitori actiones.

Primo: Constat creditorem re obligari debitori, ut aliquando pignus reposcenti reddat, in eamque rem comparata est pignoratitia actio. l. pact. supr. §. ult. Insti. quib. mod. re contr. obl. Hoc tamen quia iuris certi est, hic prætermisum est, & primo quæritur, quando de pignore restituendo debitori agere liceat? Et respondetur, agere licere cum pecunia soluta est a debitore creditori. Item in pr. l. penult. & ult. infra. Sumtum est ex edicto prætoris in l. si rem. §. omnis. ff. de pig. act. Soluta tamen pecunia proprie tunc intelligitur, cum naturaliter numerata est creditori, liberationis causa, l. solutum. ff. de solut. Sed numerata huius vim habet, si creditor quid ex pignore percepit, nam id in sortem imputari debet, & cum debito compensari. Compensatio tamen autem solutionis vim habet, l. 4. de compens. infr. Hinc est quod dicitur in l. ult. hic. si creditor fructus ex re pignoratita percipit, fructus primum in sortem computandos, deinde si reliquum soluat, nasci liberationem pignoris. Hoc eo dicitur, quia imputatio fructuum, compensatio solutionis est, ut dixi. Sed etsi neque pecunia numerata sit creditori, neque creditor ullam pecuniam debitori vicissim debeat, tamen solutionis vim habet pecunia debita oblatio, si modo hæc concurrant, ut creditore pecuniam oblatam recusante, debitor pecuniam sacculo aut alia re includat, inclusam obfignet, ob signatā deponat solemniter. Ob signatio & depositio tamen in solutionem & liberationem cognoscuntur, hac l. in pr. l. int. infr. l. accept. infr. de usur. l. si pignus infr. de distract. pig. l. 2. infr. rebus venditis. Exigitur pecuniæ depositio, non omnis aut quælibet, sed solemnīs, ut est in extremo huius rescripti. Solemnem accipere tamen debemus, cum pecunia deponitur, ubi pecuniæ more publico deponi solent, si quis talis aliquis sit locus, aut si deponitur in eum locum, in quem idoneus magistratus iussit deponi. Hoc sic explicatur in d. l. acceptam. infr. de usur.

Ergo recusante creditore, ad pignoris liberationem non est satis, pecuniam tantum obtulisse creditori, nisi superiora accesserint, hoc est, nisi pecunia a debitore pignoratitia agente, offeratur creditori in iudicio l. si rem. §. ult. ff. de pig. act. Quod per interpretationem edicti ita effectum est: nam pignoratitia

6 proposita est edicto, sub conditione, si ꝑ pecunia sit soluta. Hæc conditio pro impleta habetur, si a debitor pignoratitia agente, pecunia in iudicio offeratur, & per creditorem stet, quo minus accipiat, *l. in iure. de reg. iur.* Sed ꝑ pecunia omnis soluta esse debet, vt nascatur actio pignoratitia *d. l. si rem. §. omnis. ff. de pig. act.* Si vel tantillum superest ex debito, pignus in solidum obligatum manet, & totum retineri ac totum vendi potest. *l. quamdiu. infr. de distract. pign. l. vlt. infr. de vend. pig.*

Adiicitur in edicto & altera conditio, vt pignus liberetur non tantum, si pecunia omnis soluta erit, sed etiam si erit creditori eo nomine satisfactum. *d. l. si rem. §. omnis. ff. de pignor. act. l. item. ff. quib. mod. pig. vel hypoth.* Satisfacere ꝑ est creditori contentum reddere in eo, quod a nobis petit. *l. i. ff. qui satisdare cog.* Itaque ꝑ satisfactionis duo sunt capita. Vnum, cum creditor sponte, sine solutione liberat debitorem, vel numeratione vel acceptilatione, vel pacto cōuento: Alterum caput est, cum principali obligatione integra manente, sponte discedit a pignore, vel paciscens ne amplius res sit pignori, vel pro pignore alias res accipiens, velut alia pignora aut fideiussores. Hæc probantur in *d. l. si rem. §. omnis* & *2. l. seqq. de pignor. act. l. soluitur, & l. item. ff. quibus mod. pig. vel hypoth.*

10 Secundum ꝑ caput esse dixi, quamdiu de pignore agere liceat, & an actor præscriptione longi temporis submoueri possit. Hic scriptum est in pr. pignore liberato, ita, vt supra dixi, creditor aduersus debitorem res pignoras repetentem, nulla præscriptione longi temporis muniri potest, nec successor eius, nisi rem sine interpellatione iuste possedit. Præscriptio ꝑ temporis, exceptio est *l. super, infr. de præscript. long. temp.* Nascitur hæc præscriptio ex ea possessione, quam dixi, *l. vlt. infr. de præscr. long. temp.* Longum ex vsu iuris hic intelligitur decem annorum. Interdum præscriptio viginti annis absoluitur, *l. pen. & vlt. infr. de præscript. longi temp.* Recte dicitur hac præscriptione, creditores muniri non posse aduersus debitores res pignoras repetentes: aut enim debitor, pignoratitia ager, aut res pignoras vt suas vindicabit. Pignoratitia si agat, pignoratitia remoueri non potest: nam pignoratitia actio, est actio in personam, puta ex obligatione, *§. vlt. Instit. quib. mod. re cont. obl. l. vlt. infr. de distract. pig.* Omnes ꝑ actiones personales paucis quibusdam exceptis, intra triginta annos dantur, *l. 2. circa med. infr. de const. pæn.*

Quod si creditor res pignoras vindicabit, id est, in rem actione ager, ideo creditor eum præscriptione longi temporis submouere non potest, quia vt res 13 præscriptione ꝑ longi temporis acquiratur aut retineatur, tria hæc concurrant oportet. Primo, vt qui præscriptione vitur, rem possederit per tot annos, deinde, vt possederit iusto titulo, tum vt possidere cœperit bona fide. Possessio exigitur, in *l. i. Titulus, in l. 4. bona fides in l. 2. infr. de præscrip. long. temp.* Et hæc omnia in *l. vn. infr. de usur. transfer.* Creditor etsi bona fide res pignoras tenet, tamen die illi destinata primo, rem pignoratam non possidet; Is ꝑ enim possidere in vsu iuris dicitur, qui effectu & opinione domini tenet, *l. 2. ff. qui satisd. cog. §. item plac. Inst. per quas person.* At creditor non possidet rem pignoratam vt suam sed vt alienam. Ideo non possidet. Quare ratione dicitur rem pignoratam vsucapere non posse in *l. pignori. ff. de usur. & vsucap.* Deinde creditor rem pignoratam nullo iusto titulo possidet; iustum

enim ꝑ titulum in rebus acquirendis intelligimus 15 eam causam, ex qua dominium acquiri solet, *Instit. de vsuc. in prin.* At ꝑ titulum pignoris dominium non 16 transfert, sed solam & nudam rei detentionem. *l. cum & sortis. §. vlt. ff. de pig. act.* Non est igitur hic iustus titulus. His de causis præscriptione longi temporis creditor muniri non potest aduersus debitorem res pignoras repetentem, quacunque actione debitor experiatur, siue in rem, siue in personam.

Additur in rescripto; Nec ꝑ successores creditoris 17 ea præscriptione muniri posse. Quod si de heredibus suis vniuersitatis successoribus dicitur, recte dicitur. Ita successio vniuersitatis, non est idoneus titulus, vt succeditur ei, qui ipse præscriptione acquirere non potuit, *l. 4. infr. de præscript. long. temp.* Ratio, rationis hæc est, quia ꝑ heres seu vniuersi iuris successor, in vitia auctoris sui succedit, & eodem iure vitur. *l. qui in ius. de reg. iur. l. vitia. infr. de acquir. pos.* Sed successores singulares intelligimus, veluti eos, qui a creditoribus euenerunt aut ex donationis causa, aut alia rem acceperunt. Idem quoque verum est, & recte dicitur hos præscriptione longi temporis muniri non posse si hac præscriptione vt successores vtantur. *l. an vitia. ff. de long. temp. præscrip.* Hic enim de successoribus loquimur. Quod si singulares ꝑ successores 19 ex persona sua, numerant annos, & præscriptione vtantur, præscriptione vti non prohibentur. *d. l. an vitium.* Idque eo fit, quia ratio superior, qua vsi sumus, commutatur. nam qui incipiunt rem tenere pro sua, id est, possidere, & possidere ex iusta causa, & simul bona fide, quæ omnia in præscriptione concurrunt, iis præscriptio longi temporis tribuitur, vt dixi. Quod tamen accipiendum est cum ea distinctione, quæ postea inducta est in *Auth. mala fid. infr. de præscript. long. temp.*

Recte autem dictum est, creditores non posse muniri præscriptione longi temporis: nam longissimi temporis præscriptione omnes & debitores, & possesores muniuntur. *l. sicut. infr. de præscript. long. temp.* Longissimam hic ꝑ vocamus 30. annorum spatium. 20 Ita in summa actio, quæ de pignore repetendo aduersus creditorem competit, siue ea sit pignoratitia, siue in rem, perpetuo competit, id est, vsque ad 30. annos.

Tertio proponitur actio, qua commodissime debitor possit experi de pignore restituendo, idque in veris. unde intelligit. Aiunt igitur Imperatores, debitorem dominium vindicare debere, id est, in rem agere debere, & rem repetere tanquam suam. Nam vindicatio ꝑ actionem in rem significat qua rem nostram esse intendimus, *§. appellamus. Instit. de act.* Volunt enim etiam dominium vindicare duabus conditionibus. I. aduersario tenente, id est, si aduersarius res pignoras teneat, possideat. Nam ablatiui absoluti. resoluuntur in eiusmodi conditiones, *l. testatorib. ff. de cond. Altera conditio est, si debitor originem rei probare potest. Originem rei ꝑ sic accipere debemus, vt originem domini, vt sit sensus; Eum debere rem vindicare, si probare possit, se esse dominum, quod ita fit, si probat originem domini, id est, unde & a quibus ipse dominium acquisierit. Nam recte tantummodo dominia rerum iure acquiruntur, veluti si doceat se eas res emisse, aut ex alia iusta causa accepisse ab eo, qui dominus erat, vt indicatur in *l. cum res. infr. de probat.* Itaque origine rei hic non intelligimus originem pignoris constituti, vt debitor pro-*

probet, se eas res, quas vindicat, pignori dedisse creditori. Nam hæc allegatio & probatio ad vindicationem nihil pertinet, quod naturâ vindicationis & actionis in rem declarabit.

23 Nam duæ res actionem in rem pariunt auctori. Vna est in persona eius, qui convenitur, ea est, ut is possideat, 24 vel dolo malo desierit possidere. Nam actio in rem non datur, nisi aduersus possidentem, aut eum, qui pro possessore habetur, *l. qui petitor. ff. de rei vind. l. action. ff. de obl. & act.* unde dictum est, possessorem in rem parere actionem aduersario, nempe ex parte rei. *l. vn. j. de al. ind. ca.* Altera res & causa huius actionis est in auctore: ea est, ut is, qui rem vindicat, sit eius rei dominus, *l. in rem. ff. de rei vind. §. i. §. sed in act. vers. namq.* *Insti. de act.* Itaque qui in rem actione experitur, iure civili se dominum intendere debet, & quia intendit, probare quoque debet, quod sit probata rei, id est, domini origine. Recte igitur rei originem, hic originem domini interpretamur, quo significatur, debitorem res a se pignoratitas vindicantem, probare debere se dominum esse, si creditor negetur esse dominus.

Hoc loco opponitur *l. si rem. §. is quoq. ff. de pig. act.* ubi scribitur, *pignoratitiam actionem ei competere, qui rem pignori dedit, etsi dederit alienam.* Quibus verbis significatur, debitori res pignoratitia actione repetenti, creditorem non posse referre questionem domini, id est, non posse eum dicere: *Tu non es dominus*, aut si dicat, debitorem hac exceptione non remoueri; quo fit ut nec debitor dominum rei necesse habeat probare. Respon. Hæc vera sunt, cum pignoratitia agitur, de qua in infra scripto loco agitur: nam debitor nihilominus pignoratitia agit, etiam si nihil amplius intendat, quam se rem pignori dedisse creditori. Hoc igitur solum probare debet. Potuit autem etiam pignori dare rem alienam, & creditor quamcumque acceperit ei obligatur, ut eam restituat pecunia soluta, *§. ult. Inst. quib. mod. re contr.* Nos autem hic loquimur de eo debitore, qui rem pignoratitiam non pignoratitia actione repetit, sed qui eam vindicat. hic ut repetat suam, cum suam esse intendat, etiam probare debet, si negetur dominus esse, & nisi probet, sit locus regulæ iuris; auctore non probante reum absolui, etiam si possessor nihil prestitit, atque adeo nullam iustam tenendi causam habeat, *l. ult. j. de rei vind.* Nihil ad rem pertinet, quod dicitur, creditorem domini questionem referre non posse, quemadmodum ne ullus p. test; qui ad rem restituendam, quam acceperat, obligatur, *l. ita ut. ff. commodat.* Hoc enim recte dicitur, cum res repetitur ut data, idque actione in personam, aliud est cum repetitur ut nostra, in quo iudicio creditor non quaeritur, ut creditor, sed ut possessor.

Sed sententia Imperatorum, ut concepta est illis verbis, unde intelligitur, duo vitia manifesta videtur continere. Nam primo dicunt, debitorem ut res pignoratitas ad se recuperet, debere dominium vindicare. Quo vocabulo necessitas vindicandi significatur, & hanc necessitatem colligunt ex præcedentibus: sic enim inferunt; *Unde intelligitur, quod dominum vindicare debet.* Hoc vero male inferitur ex præcedentibus: nam prius dixerunt, res pignori obligatas repeti posse, cum pecunia soluta sit, & creditorem aduersus hanc repetitionem, nulla præscriptione longi temporis muniri posse. Ex his recte colligitur, posse debitorem eas res vindicare, vel alio modo repetere actione intra 30. annos. Eum autem propterea rem domino vindicare, id est, nec habere id facere, id vero

ex prioribus illis non efficitur. Nam quia actionem habet, experiri potest, si vult. Ceterum nemo agere debet, id est, nemo agere cogitur, *l. vn. j. ut rem vniuersam agendo accipiat.* Respondeo: Prima collectio ex præcedentibus est, debitorem intra 30. annos de re sua agere posse causam vindicando. Secunda collectio est ea, quæ hic ponitur, ut id facere debeat, si sibi consultum vult: nam hoc si vult, necesse habet dominium vindicare, si modo dominum probare potest.

Sed hoc rursus incidit in aliud vitium: nam etiam si debitor non habeat aliqua actione experiri, ut sibi consulat, tamen non debet dominium propterea vindicare. Nam potest rem repetere alia actione, nempe pignoratitia, quæ proprie de pignore repetendo competit, *l. pen. j.* Et videtur ea non minus commode debitorem experiri posse, nam in ea non habet necesse probare se dominum, ut in vindicatione. Respondeo, tota hæc illatio accipi debet, ut ab Imperatoribus iis accipitur, qui responso suo debitori cauere volunt. Proinde sic tota illatio accipienda est; quasi dicant: Debitorem si maxime & optime sibi consultum velit, debere non pignoratitia experiri, sed dominum vindicare, si modo probare originem domini possit. Hæc eo dicunt, quia si debitor originem domini probare potest, consultius faciet, si dominum vindicet, quam si pignoratitia experiat, & ad pignus probandum sequatur actionem in rem, cum hac actione debitore rem suam esse probante necesse habeat creditor, idemque possessor statim rem restituere, si nulla exceptione vtatur. *l. efficitur. de rei vind.*

Sed & si aliqua exceptio vtatur, non potest alia, quam si dicat se prescriptione longi temporis tutum esse. At hac exceptione defendi non potest. Nam ut defendatur, necesse est ut iusto titulo possederit, *l. 4. j. de prescript. long. temp.* Creditor nullum alium titulum allegare potest, quam ut dicat res sibi pignori esse datas. Hic titulus iustus non est, ut supra ostendimus, proinde prescriptione longi temporis uti non potest. Accedit ad eam defensionem hoc incommodum creditori, quod si dicat, res sibi pignoratitas, probare debet se creditorem esse, & sibi pecuniam deberi, ut faceret, si ipse pignus sibi datum aduersus possessores vindicaret, id est, peteret actione hypothecaria, quæ actio in rem est. *l. pignoris. ff. de pig. & ob id ipsum quoque vindicatio pignoris appellatur, l. si fundus. §. in vindicatione. ff. de pig.* Summa est: Sæpe t. cre- 25 ditor pignus persequens, aut dum possidet retinere volens, cogetur probare sibi pecuniam debitam esse, cuius nomine pignus constitutum est. Id defenditur ex definitione pignoris: nam pignus t. est res omnis 26 pro debito obligata, *§. item Seru. ana. Inst. de act.* Qui igitur pignus sibi constitutum intendit, vel agendo vel excipiendo, non solum probare debet rem sibi obligatam ab eo, cuius in bonis fuit, *l. & contra non. §. i. ff. de pig.* sed etiam probare rem esse obligatam pro debito, seu pro eo quod ipsi debetur, nam pignus principalis obligationis præcedentis accommodatio est, *l. res hypoth. ff. de pig.*

Quod si creditor pecuniam sibi debitam recusauerit, tamen debitor laborare non debet, nec metuere, quo minus vindicando rem suam consequatur. Potest enim pecuniam creditori offerre, & ita pignus liberare. Hæc commoditas non eadem est in pignoratitia actione. Nam debitor ad pignus agens vitro constituit, se pecuniam debuisse, aut certe pro debita habuisse, hoc ipso quod fatetur, se pignus dedisse. Nam

iam dixi pignus continere vi sua obligationem principalem, præcedere pro quo obligatum est. Maior ergo utilitas & commoditas suum consequendi cum sit in dominio rei vindicando, merito responderunt Imperatores; debitorem si optime sibi consultum vellet, & dominium probare posset, debere dominium vindicare, cum in ea actione non habeat necesse de debito confiteri. Notemus semper hoc dici sub conditione, si debitor originem domini probare possit. Ceterum si non potest, tutius est hoc casu pignoratitia experiri, quam dominium vindicare. Cursus qui vindicat, dominium probare debeat; is qui actione pignoratitia experitur, non debeat.

Ad L. Pignoris penult.

Pignoris causa res obligatas, soluto debito restituere debere, pignoratitia actionis natura declarat. Quo iure, si titulo pignoris obligasti mancipia, per eandem actionem uti potes: nec creditor citra conventionem vel præsidialem iussionem debiti causas debitoris arbitrio suo auferre potest. Dat. V. Kal. Ianuar. Sirmis, iussis CC. & Coss.

S Y M M A R I A.

- 1 Pecunia a debitore soluta si creditor res pignoras non restituat reposcanti debitori, an possit iure suo res creditori auferre.
- 2 Debitor rem pignori datam creditori aliter auferre non potest, quam pignoratitia actione agendo.
- 3 Creditor si abstulerit quippiam debitori suo, rem restituere & præterea eius rei æstimationem debet.
- 4 Creditori non licet rem suam auferre, nisi aut ita conveniunt, aut præsidiali iussione fiat.
- 5 Auferendi suum una legitima & ordinaria via.
- 6 Conuentione quomodo creditor rem auferat: quomodo item per iussionem præsidialem. §. nu. 9.
- 7 Creditor an propter conventionem pignus auferre possit, ita ut non incidat in poenam leg. lul. de vi public. & priuat.
- 8 Possessio iniusta dicitur, qua quis ingreditur sine domini tradentis voluntate.

PECUNIA † a debitore soluta, si creditor res pignoras non restituat reposcanti debitori, consulit debitor, an non possit iure suo res creditori auferre, cum sint eius, & pignus liberatum sit? Respondent Imperatores non posse, quæ summa est, ad quid hoc rescriptum referri debeat, atque ita docent: Soluta debito pignoris actio iure constituta est ad pignus repetendum, de quo supra dixi *l. precedent. in pr.* Hac actione, si debitor vult, uti potest. Quo significat Imperatores, legitimam & ordinariam viam pignoris consequendi hanc esse, ut actione pignoratitia experiat. Ceterum alio modo, id est, sua auctoritate rem auferre non posse.

Id probant Imperatores argumento creditoris, in illis verbis, *Nec creditor, &c.* Quæ verba sic interpretanda sunt, ut noua sententia subiiciatur, non coherens particula coniunctiua cum præcedentibus, sitque hic sensus: *Non creditor, id est, nec creditor quidem pignus sibi obligatum suo arbitrio auferre potest.* In quo inest argumentum a maiore. Nam creditor in pignore persequendo plus iuris habet, quam debitor, quamuis debitor sit dominus. Nam & aduersus debitorem ipsum, si creditor hypothecaria agat, res ei restitui debet. *si inter. §. ult. ff. de pignor.* At creditor pignus auferre non potest propria auctoritate, sed hypothecaria actione tantum agendo. Proinde nec

debitor † rem pignori creditori datam aliter auferre potest, quam pignoratitia actione agendo, aut rem vindicando, ut dictum est *§. in l. preced.*

Hoc rescripto exprimitur ea sententia, quæ apertius comprehensa est, *in l. exstat. ff. quod metus causa.* quæ est: Eum qui actionem habet ad rem petendam, actionibus suis apud iudicem experiri debere, non autem sibi ius in ea dicere, id est, eam rem sua auctoritate auferre. Si contra faciat, poena hæc est: ut creditor id ius creditoris amittat. Noua etiam poena addita est constitutioni, ut si debitor rem suam auferat creditori per vim, ablatum non solum creditori restituere debeat, sed etiam eius rei dominium amittat. Quod si is, qui abstulit, dominus non sit, veluti si creditor † abstulerit vi debitori suo, iubetur debitori eam rem restituere & præterea eius rei æstimationem, *l. si quis in tantum. §. unde vi.*

Sed adiciunt † hic exceptiones, diligenter obseruandas, quibus sit potestas creditori rem suam auferendi. Cum enim dicitur eum non posse rem auferre, citra conventionem & præsidialem iussionem, aperte declaratur eum posse auferre duobus hisce casibus, si aut conuentio interuenerit, ut auferre liceret, aut præsidiali iussione res auferretur. Cum creditor hypothecaria actione pignus persequitur apud iudicem, & per traditionem pignus auferat. Hæc enim † una & legitima & ordinaria via est suum auferendi, *l. exstat. §. quod metus causa.* Huius iudicii hic est exitus, iubet iudex debitorem aut possessorem pignoris pignus restituere creditori, si iussus non restituit, & pignus apud eum exstat, tunc interim res possessori auferatur, & ita creditor per iudicem rem auferat, *l. qui restituere. ff. de rei vind.* Si res apud eum non exstat, sed dolo desit possideri, lis aduersus possessorem æstimatur iureiurando actoris, & in tantam æstimationem possessor condemnatur, *l. qui restituere. de rei vindic. l. si fructus. §. in vindicatione. ff. de pign.* Hoc periculum metuens possessor rem suo consilio ultro restituit actori, ita actor metu huius iudicii rem suam auferat, prius autem a iudice seu metu iussus.

Conuentione autem † rem auferat creditor, cum conuenit ut creditori pignus sua auctoritate sumere liceret, & creditor hac conuentione usus pignus sua auctoritate auferat, si res mobilis est, aut sua auctoritate ingreditur, si res est soli, *l. §. de pig.* Quod dicitur per præsidialem iussionem pignus auferri posse eo modo, quo supra dictum est, certi iuris est. Quod autem † dicitur propter conventionem superiorem pignus posse auferri, falsum esse videtur. Nam propter hanc conuentionem creditor vi pignus auferre non potest sed si abstulerit, incidit in poenam, *l. si quis in tantum infr. unde vi. l. exstat. ff. quod metus causa.* Quibus locis poenæ statuuntur aduersus eos, qui vi res suas abstulerunt. Incidit enim debitor in poenas Iulias, de vi publica & priuata, *§. item. l. Iulia de vi. Inst. de pub. ind.* Nec conuentio debitori patrocinabitur, nam hæc conuentio, ut vim facere liceat, seu quod creditor ob rem amotam non teneatur, est contra bonos mores, ideo perinde habetur, quasi interposita non esset, *l. illud ff. de pact. dor.*

Hæc vera sunt, si creditor vi pignus extorqueat. Quod igitur dicitur, *creditor ex conuentione pignus auferre posse*, sic intelligendum est, si sine vi auferat, sua auctoritate, puta vel ignorante debitore, vel sciente quidem, sed annuente, non autem vi reluctante, tunc enim creditor conuentione ita defenditur,

vt rem ita auferens non videatur vim facere, vt est in l. 3. *supr. de pig.* Huius rei effectus hic est, vt quoniam vim non videtur facere, non incidat in pœnas, l. *exstat. & l. si quis, vnde vi.* Et rursus etiam siue non vt creditor sua auctoritate ingredi posset, scriptum est, eum nihilominus per præsidem debere ingredi possessionem, quod verbum potestatis est & significat, si sine præside possessionem creditor nactus sit, impune non esse, quando quis ingressus sit secundum conuentionem. Docui ad l. 3. *de pig.* & hoc quoque posterius verum esse, neque tamen inter sese hæc esse contraria. Sic autem conciliantur ista. Creditor secundum conuentionem sua auctoritate ingressus possessionem, vim non facit, & ad hoc conuentio illi profuit, vt illic scriptum est. Hæc res facit, ne teneatur supra scriptis pœnis, de quibus dixi. Et tamen idem sua auctoritate possessionem ingredi non debet, & si fecerit, pœna constituta est ingredientem. Sed hæc pœna est, vt non videatur vim fecisse, non vt teneatur superioribus pœnis aduersus vi ingredientem constitutis, sed vt videatur non iure possidere, seu videatur possessio in iusta, quæ dicitur quoties quis eam ingreditur sine domini tradentis voluntate, l. *si ex stipulatione. l. si fraud. ff. de acqu. poss. de qua plura dixi ad l. 3.*

Sed rursus secundum hæc non recte dicunt Imperatores creditorem extra hos duos casus, id est, ex arbitrio suo. Nam verba aperte significant, si ex his casibus vnus interuenerit, saltem hoc casu creditorem posse auferre rem arbitrio suo, quod vt dixi aperte falsum est. Nam præsidiali iussione vtens, ipse rem non aufert, sed præses, & præses non arbitrio suo, sed tantum iure & legitimo ordine, de quo dixi. Sed etsi creditor conuentione vtatur, tamen nihilominus rem arbitrio suo potest auferre, nam vi auferre eum non posse, effectum est. Respondeo: Hoc quoque non verum est, si hæc verba (cōtra conuentionem & præsidialem iussione arbitrio suo) si inquam hæc verba coniunctim legimus pro diuersis rebus. Aperte enim falsum est, creditorem possessionem suo arbitrio auferre, quamuis conuenerit, vt auferre liceret, aut quamuis præsidis iussus interuenerit. Sed hæc verba arbitrio suo intelligenda sunt *ἐπὶ τῇ συντηκῶς*, vt interpretentur illa verba extra conuentionem seu præsidis iussione, vt sensus huius loci sit, quasi ita scriptum esset: Nec creditor citra conuentionem aut præsidialem iussione, id est, arbitrio suo, pignus potest auferre.

Ad L. Quo minus. ult.

Imp. Diocl. & Maxim. AA. & CC.

Herisco.

Quo minus fructuum, quos creditor ex rebus obligatis accepit, habitatione, ac residuo debito soluto, vel si per creditorem factum fuerit, quo minus solueretur, oblato, & consignato, & deposito pignora, quæ in eadem causa durant, restituat debitori: nullo spatio longi temporis defenditur. Dat. XII Kal. Dec. CC. Consf.

PLANÈ hic eadem sententia est, quæ comprehensa est in l. nec creditores. in pr. *supra.* ubi locus est expressus.

AD TIT. XXV. C. DE EXERCITORIA & INSTITORIA ACTIONE.

SUMMARIA.

1. Continuatio huius tituli cum superioribus nulla.

2. Ex contractu alterius an quis possit obligari, & conueniri.
3. Ex alterius contractu an cui possit obligatio acquiri.
4. An quis ex suo contractu obligari & conueniri possit. Neg.
5. Quinam tituli ad hunc locum pertineant.
6. Eorum, quorum ex contractu alii obligari possunt, genera quatuor: & qui ex eorum contractibus obligentur.
7. Ex contractu magistri nautis tenetur exercitor, qui eum nauti preposuit.
8. Exercitoria actio unde dicta.
9. Magister nautis quis dicatur.
10. Exercitor nautis quis dicatur.
11. An ex omni contractu magistri nautis exercitor teneatur.
12. Ex contractu institoris quis teneatur.
13. Institoria actio unde dicta.
14. Negotiatio quarum rerum proprie sit.
15. Institor proprie quis sit.
16. De quasi institoria actione.
17. Institoria ex qua causa & qua conditione competat.
18. Permittens aliquid, videtur omnia permisisse, sine quibus id, quod permissum est, exerceri non potest.
19. Mulier si nauem exerceat aut tabernam, an teneatur ex contractu eorum, quos nauti aut tabernæ preposuit.
20. Contractus facit locum exercitoria & institoria actioni, non persona eius qui contraxit, aut eius qui preposuit.
21. Actio institoria & exercitoria an recte ex contractu liberi hominis a patre proposita sint.
22. Obligatio ex contractu liberi hominis alteri acquiri non potest.
23. Aequius est alterius conditionem facere meliorem, quam deteriorem.
24. Ex qua persona quis lucrum capit, eius & factum prestare debet.
25. De ordine & collocazione exercitoria & institoria actionis in Instit. & Cod. & utra altera sit prior.
26. Prius est id, ex quo exemplum sumitur.

TITULI quinque sequentes, usque ad titulum de non numerata pecunia, cum proxime præcedentibus nullo modo cohererent, sed pertinent ad locos communes, qui partim ex professo tractantur, partim attinguntur in titulis, *Ne uxor pro marito, Ne filius pro patre.* & aliquot sequentibus j. Primum j. illic quaritur: an ex contractu alterius, alius obligetur, & an conueniri possit: Et placet non posse, l. 3. & t. i. *Ne uxor pro marito. l. i. & t. j. Ne filius pro patre.* Hæc regula aliquot exceptiones habet. Hæc exceptiones a regula diuelli non possunt, si volumus vniuersum statuere, an ex alterius contractu aliquis obligari aut conueniri possit. Atq; hæc cōuentiones traduntur his duobus titulis, de Institor. & tit. seq. *Quod cum eo, & c.*

Deinde ex hoc iure atq; ex his exceptionibus incidit hæc quæstio, postquàm ex alterius contractu, obligari quis ac teneri potest, an nō possit etiā ex alterius contractu alteri obligatio acquiri? Et placet ex liberi hominis contractu non posse, ex eius contractu, qui in potestate sit, posse. Hinc locus subiicitur in tit. 3. *per quas personas.* Tertia quæstio ex eodem genere introducitur, Si non j. potest quis per regulam iuris ex contractu alterius obligari & conueniri, an non etiam quis ex suo contractu possit? Et placet, quemq; ex suo contractu obligari, si modo is sit, qui præditus sit intelligentia & con-

fenſu. Veruntamen ne hoc quidem perpetuum eſt: excipitur enim ſeruus Senatuſconſulto Maced. in mutua pecunia accepta. In ceteris contractibus idem excipitur in ea parte edicti, quæ refertur in l. 2. j. quod cum eo. Excipitur præterea mulier, quæ pro alio interceſſit, idque Senatuſconſulto Vell. Hinc ꝑ hi tituli ſubiekti ad hunc locum pertinentes ad SC. Mac. item ad SC. Vell.

Habent igitur iſti tituli aliquid commune & con- iunctum cum ſuperioribus illis principiis, in quibus quaeritur, *An quis ex ſuo contractu obligari, an vero obligari poſſit ex alieno; & ſi obligari poteſt, an ex alieno ſibi obligatio acquiri poſſit?* Hæc ſcriptura ſunt diuulſa a compoſitoribus, ſed nihil refert, dum intelligentia a nobis ad ſuum locum & ordinem referantur.

Reſpondeo ad eos, quorum ex contractu alii obligari poſſunt, de quibus iis duobus primis titulis ageretur. Eorum, ꝑ quorum ex contractu alii obligari poſſunt, quatuor ſunt genera, neque plura: Magiſter nauis, qui nauis præpoſitus eſt, inſitor, ſeruus, & qui ſeruorum loco habentur, vt liberi homines bona fide poſſeſſi; item filii familias. Ex horum contractibus non quicuiſque alii obligantur, ſed certa ſunt item genera eorum, qui iis obligantur, & ex eorum contractibus tenentur. Hi ſunt ſcilicet: Ex contractu magiſtri tenetur exercitor, qui eum præpoſuit nauis: Ex contractu inſitoris, tenetur dominus, qui inſitorem conſtituit: Ex contractu ſerui tenetur dominus, & qui eum in poteſtate habet: Ex contractu filii familias, pater, cuius in poteſtate eſt filius. Sed hi omnes non tenentur eadem conditione, ſeu eodem tempore, neque in eandem quantitatem, ſed in iis conditiones & quantitas actoris variatur. Ideo quaeritur, quando ex prioribus contractibus poſteriores teneantur, & quatenus, quod hiſ titulis duobus declaratur. De duobus prioribus agitur ex proſeſſo in titulo ſequenti, *Quod cum eo. &c.* permixtim tamen agitur etiam in hoc titulo de Inſtit.

Hæc quæ quaerimus proſiſtis & expoſiſtis ſingulis generibus intelligentur, de quibus conſtitui breuiter & ſummarie dicere. Ex ꝑ contractu magiſtri nauis tenetur exercitor, qui eum nauis præpoſuit, propoſitam in rem a prætore actione, quæ exercitoria appellatur *ſ. eadē Inſt. quod cum eo.* Hinc titulus in ff. *de Exercitoria*, & hoc titulo ex parte. Nomen ꝑ dictum eſt ex perſona eius, aduerſus quem agitur. Magiſter ꝑ nauis eſt iſ, cui totius nauis cura mandata eſt, ſeu cuius opera & adminiſtratione ad nauem exercendam ſeu quaſtum faciendum vitur exercitor, id eſt, iſ, qui per magiſtrum nauem exercet, *l. 1. §. magiſtrum. ff. de exercit.* Exercitor ꝑ nauis iſ dicitur, qui aut per ſe, aut per alium nauem exercet, ad quaſtum ſuum, ſeu iſ ad quem omnes obuentiones, & quotidianus quaſtus nauis pertinet, *l. 1. §. exercit. ff. de exercit. d. §. eadē Inſtit. quod cum eo.*

II Sed non ꝑ ſtatim ex omni contractu magiſtri exercitor tenetur, ſed tenetur hac conditione, ſi cum magiſtro nauis contractum ſit, eius rei cauſa, cui magiſter præpoſitus eſt, quod quale ſit explicatur *l. 1. §. non autem. ff. de exercit.* Comprehenſum hoc eſt in d. *ſ. eadē Inſtit. quod cum eo.* Ex hac cauſa tenetur exercitor in ſolidum, eodem *ſ. eadē.*

12 Ex contractu ꝑ quoque inſitoris tenetur dominus, qui eum propoſuit conſtituta item a prætore in eam rem actione, quæ inſitoria appellatur. *d. §. eadē.* De qua item tractatur in ff. *de inſtit.* & hoc titulo

ex parte. Sed ꝑ de nomine notandum eſt, inſitoriam dictam eſſe, ex perſona eius, non qui conuenitur, ſed ex perſona inſitoris, de cuius contractu agitur, aliter atque exercitoria, vt ſupra dixi.

Cur hæc tam varie quaerat aliquis? Reſpondeo. Veteres in hac re commoditatem loquendi ſecuti ſunt: nam exercitoria potuiſſet etiam appellari ex perſona magiſtri nauis, ſi modo ratio latini ſermonis hoc pateretur, ſed hoc non patitur; dicendum enim fuiſſet: Actio magiſtralis quod parum eſt latinum, inſitor eſt, *l. 3. l. cuicumque. ff. de inſtit. §. eadē Inſtit. quod cum eo.* Negotiatio ꝑ eſt non omne negotium, *14* ex quo obligatio contrahitur, ſed negotium, quod rerum permutatione conſtat, vbi vnus dat, & viciffim accipit, vt in emtione & locatione, conductione & rerum permutatione accidit. Ideo ꝑ proprie inſitor eſt, qui hiſ rebus præpoſitus eſt, vt declarant exempla *d. l. cuicumque. ff. de inſtit.* Proinde qui præpoſitus eſt pretiis mutuis accipiendis, proprie inſitor non eſt, quia ꝑ in mutuo vnus tantum accipit, obligatur, & quaſtum facit, & hic quaſtus ad dominum redit, niſi ipſe velit eum, qui ita præpoſitus eſt, vice inſitoris eſſe. Qua ratione placuit, qui propoſuit, eū ad ſimilitudinem inſitoriae teneri. Sic explicatur *l. pen. in pr. ff. de inſtit. Sic l. pen. hoc tit.* In hoc exemplo Domitianus quidem Demetrio mandauerat, vt pecuniam mutuo acciperet ab aliquo. Demetrius accipit. Reſpondebimus: Domitianum inſitoria non teneri, quia Demetrius negotio præpoſitus eſt, non negotiationi: & tamen quia eadem æquitas eſt in hoc negotio, quæ in negotiationibus veris, vt Domitianus teneatur, reſpondetur eum inſtar inſitoriae conueniri poſſe ab eo, qui pecuniam mutuauit.

Notandum eſt diligenter, quod dicitur: *Inſitorem eſſe, qui alicui negotiationi præpoſitus eſt, puta mercibus vendendis*, ſic accipiendum eſſe, ſi principaliter præpoſitus ſit, diuerſum eſt, ſi præpoſitus ſit per conſequentiam alicuius contractus præcedentis. Vt exempla ſunt hæc: Præpoſitus eſt aliquis villicus villæ, vt fruſtus colligeret & aſſeruaret, non vt iis negotiaretur. Certum eſt hunc principaliter inſitorem nō eſſe ex definitione ſuperiore. Quid ſi huic villico mandatum ſit, vt merces hortulanas vèderet? Placuit dominum ad ſimilitudinem inſitoriae conueniri poſſe, *l. ſi cum villico. ff. de inſtit.* Cur non directæ inſitoria? Quia villicus in hiſ mercibus inſitor non eſt. Cur non eſt inſitor, cum dicatur inſitor eſſe, qui mercibus vendendis præpoſitus eſt in *l. cuicumque. de inſtit.* Quia villicus mercibus vendendis principaliter præpoſitus non eſt, ſed per conſequentiam villicationis: nos autem in omni contractu initium contractus ſpectamus & cauſam. Eiſdem rei exemplū hoc eſt: Aliquis inſtituit rerum ſuarum procuratorem, & procuratori mandauit, vt litem quam emiſſet venderet. Placet dominum non teneri inſitoria directæ, ſed vtili, quia hic procurator non ſit inſitor, *l. Iulianus. §. ſi procurator. ff. de act. emt.* Et vero inſitor non eſt, quia quod de re vendita illi mandatum eſt, factum eſt propter conſequentiam prioris mandati.

Inſitoria ꝑ cōperit ex eadem cauſa & eadē conditione, qua exercitoria, nempe ſi cum inſitore contractum ſit eius rei gratia, cui præpoſitus eſt, *ſ. eod. Inſtit. quod cum eo. l. 2. & 3. hoc tit.* Hinc eſt quod traditur in *l. 1. hoc tit.* Si inſitor mutuam pecuniam acceperit, ſed permiſſum illi intelligitur, ſiue nominatim dominus permiſit, vt acciperet, ſiue inſitor accepit

in usum eius rei, cui præpositus est; Idem quod & de magistro navis, qui mutuam pecuniam accepit, dicendum est, veluti si institor præpositus sit mercibus emendis, & pecuniam acceperit ad reficiendam navem, ad naturas conducendos & alendos, *l. i. §. non aut. vers. quid tamen ff. de emt.* Hoc ideo dicitur, quia qui

18 permittit ꝛ aliquid, videtur omnia permisisse, sine quibus id, quod permissum est, exerceri non potest, *l. 2. ff. de ll. Competit Institoria & Exercitoria in solidum. l. 2. hoc tit. §. eadem. Instit. quod cum eo.*

De persona eius, qui præposuit magistrum navis, aut institorem negotiorum, tenendum est, quod is sit, qui suo nomine ex consensu obligari possit, & ideo ꝛ etiam si mulier navem exerceat aut tabernam, tenebitur ex contractu eorum, quos navis aut tabernæ præposuit, *l. et si hoc tit. l. i. §. exercitorum, vers. si par. ff. de exerc. l. sed est si quis §. par. ff. de instit.* Contra quoque nihil interest, quis magister navis præpositus sit, quis institor tabernæ, ut is teneatur, qui magistrum aut institorem præposuit.

Ex contractu servi institoris aut magistri, dominum teneri institoria aut exercitoria certum est. Sed idem iuris etiam est, etsi quis liberum hominem navis, tabernæ aut alicui alii negotiationi præposuerit, etiam si is, qui præpositus est, non sit in cuiusquam potestate, ut intelligamus, contractum ꝛ facere locum exercitoria & institoria actioni, non personam eius, qui contraxit, aut eius, qui præposuit, quod diligenter notandum est. Idem dicitur diserte in *§. eadem. in fin. Instit. quod cum eo. Idem in d. l. i. §. in l. sed est si quis. §. i. ff. de inst.* Quam ob causam recte hic titulus de Instit. & Exercit. separatur a tit. sequenti, *Qui cum eo, &c.*

Hic quaesitum est, quam recte proposita sit hæc actio ꝛ a prætore ex contractu liberi hominis: nam videtur actio & nature & regulis iuris aduersari. Præterea, quod ex ꝛ contractu liberi hominis obligatio alteri acquiri non potest, *l. i. ꝛ per quas pers.* Par est igitur, ut ex contractu liberi hominis alius non obligetur, cum sit ꝛ æquius, ut alterius conditionem meliorem facere liceat, quam deteriolem, *l. soluendo, de neg. gest.* Huc accedit, quod si mandaverim alicui, ut cum alio contraheret, ego ex contractu liberi eius hominis non tenear, quod iussu solum, non qui iusserit, tenetur dominus aut pater, si iussu domini aut patris cum servo aut filiofamilias contractum sit, *l. i. ff. quod iussu. §. i. Instit. quod cum eo.* Adversus eas dubitationes ratione æquitatis hoc ius muniendum est. Propositæ vero sunt hæ actiones duæ ex contractibus alterius, quamvis liberi hominis æquissime. Æquitas duas rationes habet. Quod contractum est voluntate eius domini, qui convenitur, non est satis etiam iis, qui conventi ex contractu magistri navis aut institoris lucrum capiunt. Nam magister navem, institor negotiationem, non sibi exercet, sed domino qui præposuit. Regula iuris est ex natura ducta. Ex qua ꝛ persona quis lucrum capit: eius & factum præstare debet, intellige in ea re, ex qua lucrum capit, *lex qua. de reg. iur.* Et hac ratione defenditur ius hoc a prætore constitutum in *l. i. in pr. de inst.* Ex quo intelligimus, si quid cum alio contractum sit, quamvis iussu & mandato nostro, si tamen lucrum ad nos non pertineat, nullam ea ratione adversus nos actionem esse ex contractu alterius.

De ordine ꝛ collocazione harum actionum, obiter notandum est, in Instit. prius agi de Exercitoria,

deinde de Institoria, *d. §. eadem. Instit. quod cum eo.* Idem servatur in his actionibus proponendis, prius enim proponitur de Exercitoria, deinde de Institoria. Converteritur hic ordo in hoc titulo, sic enim inscribitur: *De Instit. & Exercit. act.* Etsi hæc res non momenti est, tamen factum non caret ratione. In edicto prætoris, prius proposita est Exercitoria, deinde Institoria, totoque ordine scripturæ exercitoria prior est. Ceterum ordine intellectus prior videri potest Institoria. Nam traditur Exercitoriam propositam esse ad similitudinem Institoria, *l. 4. h. t. l. i. in pr. ff. de exerc.* Nunc autem ꝛ prius est id, ex quo exemplum sumitur. Cetera huius tituli ex iis intelliguntur. *L. ultima ad titulum sequentem pertinet: Est enim de actione quod iussu, &c.*

AD TITVL. XXVI. C. QVOD

cum eo, qui in aliena potestate est, negotium gestum fuisse dicitur; vel de peculio quod iussu, seu de in rem vers.

SUMMARIA.

- 1 Summa huius tituli.
- 2 Ex contractibus cum dicitur, etiam quasi contractus intelliguntur.
- 3 Dominus quibus conditionibus & in quantum ex contractu servi teneatur.
- 4 Iubente domino servum contrahere, dominus sine exceptione in solidum & perpetuo tenetur, eo modo, quo iussit.
- 5 Voluntatem domini quis sequi intelligatur.
- 6 Actio quod iussu in solidum est, & habet hanc æquitatem, quod qui iubet, ipse contrahere videatur.
- 7 Actio Trib. & eius effectus, & unde ita appellatur.
- 8 Actio Trib. & actio de peculio quid differant.
- 9 Domino neg. mandante, neg. iubente, neque sciente, nec consentiente, si cum servo contractum sit, quomodo & quando dominus teneatur, & nu. 10.
- 10 Versum in rem quando quid intelligatur.
- 11 Dominus etiam si nominatim cum servo contrahi voluerit, an nihilominus in iussu teneatur de peculio.
- 12 Servus nihil suum habere potest, sed quicquid habet, totum est domini.
- 13 Servus si cum quopiam vetante domino contraxerit, cur non prius nihilominus quam dominus conveniatur.
- 14 Servus iudicio conveniri non potest.
- 15 Peculium servi quid sit.
- 16 Peculium servi quomodo permissu domini constituitur.
- 17 Id solum in peculio servi est, quod deducto are domini in peculio superest.
- 18 Servus civiliter obligari non potest, ne domino quidem.
- 19 Peculium quando esse desinat.
- 20 Voluntate domini nuda adimitur peculium.
- 21 Res peculii quomodo naturaliter & civiliter intereat.
- 22 Peculium quomodo esse desinat sublata persona, de cuius peculio agitur.
- 23 Patrisfamilias peculium esse non potest.
- 24 Peculio adeo quando dominus teneatur, quando nō.
- 25 Dominus cur dum servus vivit, & apud eum manet, de peculio perpetua, post mortem autem, manumissionem & alienationem, actione temporali teneatur.
- 26 Servorum & filiorumfamilias in actione quod iussu communia & pecuniaria, & nu. 25.
- 27 Peculia filiorumfamilias & servorum quid differant.
- 28 Peculium filiorumfamilias quid sit.

- 29 Peculii filiorum fam. duo genera.
- 30 Peculium militare quid.
- 31 Peculium paganum quid.
- 32 Militaris peculii diuisio in castrense aut quasi ca-
- 33 Castrense quid. (strense.)
- 34 Quasi castrense quid.
- 35 Aduocatorum & Professorum peculium quasi ca-
- 36 Peculii pagani diuisio in profectitium & aduentitium.
- 37 Profectitium quid.
- 38 Aduentitium quid.
- 39 Pater an teneatur ex contractu filii familias de pecu-
- 40 Pater cur mortuo filio teneatur de castrensi peculio,
- 41 Seruus quicquid acquirit, id totum acquirit domino.
- 42 Peculium profectitium in totum acquiritur patri.
- 43 Pater viuo filio semper conuenitur de peculio profecti-
- 44 Peculium profectitium patris est totum, potestq. pater
- 45 Peculium aduentitium quoad proprietatem est filio-
- 46 De peculio aduentitio an pater ex contractibus filii-
- 48 Pater conuentus de peculio aduentitio ex contractu
- 49 Filio sui iuris effecto de peculio amplius pater conue-
- 50 Filiusfam. ad honores & munera publica aequae admit-
- 51 Ex administratione Reipub. filiusfam. quando & in
- 52 Ex tutela aut curatela filiusfam. quando & in quan-
- 53 Ius filiorum proprium in muneribus publicis, & n. 50.
- 54 Pater in omnibus contractibus si iussit tenetur in soli-
- 55 Pater quando iussisse videatur.
- 56 Re: habitio mandato equiparatur.
- 57 Re: id habere possumus, quod nostro nomine ge-
- 58 Seruus an res domini aut proprias, aut peculiare alie-
- 59 Peculium profectitium & aduentitium an acqui-
- 60 Magister nauis liber an ex contractu suo obligari pos-
- 61 Quid iuris in institore. (sit.)
- 62 Quid iuris in seruis.
- 63 Quid in filiofamilias.
- 64 Titius fideiubens pro alio an ex ea causa recte conue-
- 65 Mutua pecunia fil. of. data an ex ea filius teneatur: an
- 66 Filius, si sui iuris esse coeperit, in quantum teneatur
- 67 Beneficium, quod filiusfam. sui iuris factus contine-
- 68 Repente qua emergunt, auxilio indigere putantur.
- 69 Contrahens cum alio, non debet eius conditionis igna-
- 70 Facere posse quot modis quis dicatur.
- 71 Naturaliter facere posse quid.
- 72 Similiter facere posse quid.

73 Beneficii filiofamil. contrahenti concessi denegandi
causa due.

74 Deceptis, non decipientibus iura opitulantur.

75 Post multos annos & diu valent decem annos.

76 Filiusfam. cur post decem annos, denegato sibi edicti
beneficio, in solidum conueniri possit.

Hic titulus, dixi, agit de contractu seruorum & fi-
liorum. Et hoc quaeritur, quando & ex iis & qua-
tenus teneatur dominus aut pater. Adicitur etiam
tractatio propria filiusfam. in qua ostenditur, ipsi filius.
ex suis contractibus, an & quando, & quatenus tene-
antur. De his ordine agemus, & summatim quemad-
modum res postulabit. Et quoniam cum quaeritur, an ex
contractu seruorum & filiorum, teneatur dominus aut
pater, & quatenus, de eo fere idem ius est & in seruis &
in filiis. ideo ita incipitur in pr. tit. *Quod cum eo, Instit.*
Vt ne verbosa sumatur disputatio, disputatione con-
feramus in personam serui & domini, idem intelle-
cturi in persona patris & filiusfamilias. Si quid proprie
in filiisfamilias seruatur, de eo separatim dicemus.

Ergo ex contractibus serui, iure praetorio domi-
nus tenetur, eo modo, quem postea ostendemus. Ex
contractibus & cum dicimus, etiam quasi contractus
intelligere debemus, veluti si seruus aliena negotia
administrait, nam & hoc nomine dominus tenebi-
tur, quod in filiis, persona traditur in l. i. h. t. Sed tene-
tur dominus varie, id est, diuersis conditionibus, & in
diuersa quantitate, prout cum seruo contractum erit
aut volente, aut ignorante domino. De eo ex hac di-
stinctione statuendum est. Cum & ex contractu serui
conuenitur dominus, ante omnia videndum est, an
domino mandante siue iubente cum seruo contra-
ctum sit an non. Si iubente & domino contractum
est, dominus sine exceptione in solidum & perpetuo
eo modo tenetur, quo iussit, l. si mandati. h. t. Et huc re-
ferri debet species l. ult. §. tit. prox. ubi ita scribitur: *Si*
quis voluntatem domini secutus cum seruo contraxerit,
dominum conueniri posse in solidum, ad instar institoria
actionis. Is & voluntatem domini secutus intelligitur
in contrahendo, qui contraxit, dum aut dominus
contrahenti mandat ut contrahat, aut iussit seruum
cum eo contrahere dominus.

In hac specie dicitur, teneri ad similitudinem In-
stitoriae, non quia tenetur vtili Institoria ex facto, e-
am speciem ad priorem tractationem referimus, sed
quia tenetur in solidum, ut si institoria ageretur. Nam
actio & quod iussu, in solidum est, & habet hanc a-
quitatem, quod qui iubet, ipse contrahere videatur,
d. l. i. in pr. ff. quod iussu. Est autem hic titulus, *Quod*
iussu, natus ex principio edicti, quo haec actio pro-
posita est. Eius edicti initium hoc erat; *Quod iussu*
contractum erit. Itaque actio quod iussu, est actio a
praetore proposita de eo, quod iussu domini aut pa-
tris contractum est, cuius edicti initium est, *Quod iussu*.

Quod si neque mandante, neque iubente domi-
no cum seruo contractum erit, proximum est, ut vi-
deamus, an saltem contractum sit domino sciente: si
scientie domino contractum est, hic peculiaris actio
constituta est, quae appellatur & Tribut. cuius potestas
& effectus hic est, si scientie domino, cum seruo in
merce peculiari, eius mercis causa contractum erit,
iubet praetor, ut dominus inter se, si quid ei debeat-
ur, & inter reliquos serui creditores distribuatur, quic-
quid est in ea merce, & si quid ex ea paratum erit.
Distribuatur autem non ex aequalibus partibus, sed pro
rata portione eius quod cuique. Hoc si facit dominus,
possi-

Respondeo. Iniquum esset dominum ex contra-

Adiicitur ¶ *separatum a rebus dominicis*, quo signi- 16
ficatur, ita demum permissu domini peculium con-
stitui, si dominus nominatim concessit seruo, vt ha-
beret vt suū, & tanquam proprium separatu a bonis
domini. Sed quicquid dominus concessit seruo,
semper de peculio deducitur id, q sibi debetur, vt in-

17 telligamus id solum esse in peculio, quod deducto
 are domini in peculio superest, quasi dominus sem-
 per intelligatur deduxisse quod sibi debetur, *l. sed si
 damnum 9. §. peculium. ff. de pecul. §. cum autem queritur.
 Inst. quod cum eo.* Quod cum domino debetur, sic ac-
 cipiendum est, quod naturaliter debetur. *l. pen. hoc tit.*

18 Nam et seruus ciuiler obligari non potest ne cete-
 ris quidem, multo minus domino. *l. serui. de obl. & act.*

Adiicitur in §. cum autem. *Inst. quod cum eo.* dedu-
 ci etiam id, quod debetur ei, qui in domini potestate
 est, idem in *l. 6. §. 7. ff. de pec.* Sed ut illic bene notatur,
 etsi verum est hoc, quod de peculio deduci dicitur,
 non fuit necesse adicere definitioni, quia quod ei
 debetur, qui in potestate domini est, id domino de-
 betur. Ex hac definitione intelligitur, si quidem ser-
 uus nihil habet, nisi permissu domini, si deducto eo,
 quod seruus domino debet, nihil in peculio super-
 est, dominum ex contractu serui non teneri, quia
 tantum tenetur de peculio. Nunc autem in peculio
 nihil est. Hinc & illud consequens est; Si peculium
 ab initio seruus habuit, deinde peculium esse desit,
 dominum non teneri. Itaque ad hunc locum perti-
 net nosse quando peculium esse definat.

Peculium et esse definit aut domini voluntate, aut
 rebus, peculiis amissis, aut sublata persona, de cuius
 peculio agitur. Voluntate et domini, cum dominus
 peculium adimit, adimitur autem nuda domini vo-
 luntate, *l. 1. in fine. ff. de pec.* Res et peculii inter-
 cedunt & amittuntur, partim ciuiler, partim natu-
 raliter. Ciuiler, cum seruus aliquid delinquit ad-
 uersus dominum, *l. 4. §. ex his apparet. ff. de pec.* Hoc eo
 quia seruo obligato, tantum de peculio deducit-
 ur. Naturaliter res amittuntur aut Marte, aut seditione,
 aut aliis casibus vulgo notis. Sublata et persona,
 de cuius peculio queritur, definit esse peculium, cum
 seruus moritur, aut manumittitur, aut alienatur, *l. 4.
 §. annus. l. ult. in fin. j. de inoff. testam.* Hoc inde accidit,
 quia peculium non est, nisi serui, & eius, qui in pote-
 22 state est, patrisfamilias et peculium esse non potest. *l. 1.
 patrisfam. de verb. signif.* Porro seruus his modis ser-
 uus esse definit, naturaliter, morte, ciuiler, manu-
 23 missionem: alienatione quoque; definit seruus esse eius,
 cuius prius fuerat. Proinde totidem modis accidit, ut
 naturaliter dominus de peculio non teneatur.

Sed hic duæ actiones sunt edicto prætoris consti-
 tutæ. Nam et peculio adempto, aut rebus peculiaribus
 24 amissis, ita dominus non tenetur, si sine dolo malo ei-
 us factum sit, ut adimeretur peculium, aut res amitteretur.
 Ceterum si dolo malo eius factum sit, quo
 minus quid in peculio esset, tam tenetur ex edicto,
 quam si peculium haberet, *l. summa. ff. de pec.* Sublata
 quoque persona serui, constituta est actio de peculio
 aduersus dominum intra annum, ex quo seruus aut
 mortuus, aut manumissus, aut alienatus est. *l. 1. in pr. ff.
 quando de peculio agitur.* Vnde sumtum, quod dicitur
 in *l. ei qui. §. in l. cum ancilla. hoc tit.* Est autem his locis
 hæc distinctio tradita; dominum de peculio perpetuo
 teneri, dum seruus apud eundem dominum vi-
 uit & manet, post mortem autem serui, aut manu-
 missionem, aut alienationem dominum teneri, actio-
 ne temporali, nempe intra annum.

Sed cur et his casibus dominus non tenetur per-
 25 petuo? Quia ut iam dixi peculium esse desit, ut con-
 sequens sit, dominum de peculio quod non est, con-
 ueniri non posse. Cur ergo dominus conuenitur in-
 tra annum, cum peculio sublato, nullo modo de pe-

culio conueniri debuerit? Respondeo: Quia nomen
 peculii, sublatum est, emolumentum apud verum
 dominum manet, quoniam id, quod prius peculium
 nominabatur, manet penes dominum. Ita cum neque
 in totum peculium sit, quod tunc manet, neque rur-
 sum in totum a peculio recedat: ideo prætor in hac
 re mediam viam secutus est, ut neque in totum deroga-
 ret actionem de peculio, sublata persona serui, ne-
 que ita rursus daret, ut esset perpetua.

Hæc itaque adhuc propria sunt seruorum & domi-
 norum. Eadem cum filiisfamilias & patribus com-
 munia, si quid iussu patris, cum filio contractum sit,
 aut si quid ex contractu filiofamilias in rem patris
 versum sit, ut declaratur sub titulo quod cum eo. *Inst. §. 1.
 & §. præteriti.* Sed quædam filiorumfamilias propria
 sunt, quæ nunc separatim exsequemur.

Primo et hic peculiare ius seruatur ex contracti-
 26 bus filiorumfamilias, cum de peculio agitur aduer-
 sus patrem. Hæc autem dissimilitudo est inter seruos
 & filiosfamilias, cum de hac actione queritur: item
 de peculio. In seruis unum genus peculii est, in filiis-
 fam. species multæ. In seruis omne peculium eodem
 iure habetur: nam quicquid seruus habet, proprie-
 27 torum est domini. §. item nobis. *Inst. per quas person. nob.
 acquir.* Non et item omne peculium filiorum est, &
 proprietate & usu. Quædam ita usufructu ad patrem
 pertinent, ut proprietate tamen sit filiorum. In seruis,
 quia peculium serui totum est domini, inde fit, ut sine
 exceptione ex contractu serui dominus teneatur de
 peculio, ratione in filiis commutata. Contra euenit,
 ut non de omni peculio pater teneatur ex contracti-
 bus filii, sed ex certis tantum. Id quare fiat diuisio pec-
 ulii, & conditio cuiusque exposita docebit.

Peculium et filiorum est, quicquid filius habet ut
 28 suum, id quando accidat, species subiectæ indicabunt.
 Non adicimus, quod habet permissu patris, ut in pecu-
 lio serui adicitur, permissu domini, quoniam pleraque
 in peculio habet filius, etiam inuito patre. Eius et pe-
 29 culii duo genera sunt: Militare & Paganum. *l. 1. j. de
 inoff. testam.* Militare et est, quod filius euenit, per ac-
 ceptionem militiæ, vel armatæ, vel togatæ. Paganum,
 quod et filiis alias quæsitum est, ob hanc causam di-
 30 ctum, quod omnes qui milites non sunt in usu iuris
 pagani vocantur, §. 1. *Inst. de testam. mil.*

Militare et peculium duplex est, Castrense aut quasi
 32 Castrense. *l. 1. §. Castren. ff. de coll. honor. l. cum oportet. §.
 1. in fin. j. de bon. que sibi. §. 1. Inst. quib. non est permis.
 fac. test.* Castrense et peculium est, quod filiusfamilias
 33 miles, sub armata militia stipendia merens acquisiuit
 per accretionem non aliter acquisiturus. Huius ge-
 neris sunt stipendia militaria, res ex præda hostium
 quæsitæ, res proficiscenti in militiam a parentibus
 aut cognatis donatæ, ut equi, arma, viaticum & res
 similes. *l. Castr. de Castr. pec.* Quasi Castrense et pecu-
 34 lium est, quod filiusfamilias in administratione & o-
 pera publica, quam Reipub. nauat, per causam & ac-
 cretionem eius operæ acquisiuit. In hoc genere sunt
 magistratus, iudices, iudicium, assessores, patroni &
 35 aduocati. Item et professores liberalium artium, qui
 de publico, stipendia percipiunt.

Horum peculium quasi Castrense est, quicquid
 vel de publico perceperunt, vel ex laboribus iis pu-
 blicis acquisiuerunt. *l. ult. §. 1. & §. pen. infr. de inoff. testam.*
 Horum peculium dicitur militare, quia qui
 Rempublicam opera sua defendunt, ii non minus
 Reipublicæ militant, quam qui armis & gladio defen-

defendunt, *l. aduocati. infr. de aduocat. div. ind.* Sed hi proprie in castris non militant aut versantur, verumtamen castra sunt hæc quædam, in quibus exercentur, unde peculium quasi castrense appellatur. Cicero in *Orat. pro Murena*, Militiam hanc urbanam vocat, quam scutum ait hered. Sulp. Iureconsultus.

³⁶ Peculium † paganum item duplex est profectitium, & aduentitium. Profectitium † est, quod profectum est de bonis patris in filium, ita ut filius separatim haberet a nominibus patris & tanquam suum, *l. profectitia, in pr. & in l. sed si plures, §. in arrogato, D. de ventus sub. §. 1. vers. quoniam iniust.* Instituit per quas ³⁷ person. nob. acquirit. Aduentitium † est, quod aliunde aduenit quam a patre. *dict. l. profect. §. si patr. de lege dot.* Verba si spectamus, non aliud est profectitium, quam aduentitium: Nam quod a patre proficitur, recte dixerimus a patre obuenisse, & contra quod aliunde obuenit, aliunde profectum esse, verum est. Sed docendi causa hæc distinguuntur, ut singulæ causæ suis nominibus notatæ, melius intelligantur, ut factum est in appellationibus iniusti, iusti, rupti aut irriti facti testamenti infr.

Ut hæ species peculii filii familias aduersæ sunt, ita diuerso quoque iure habentur. Ex quo aliud atque aliud in singulis, de actione de peculio constitutum est. Peculium castrense & quasi castrense, totum est filii familias, & proprietate & usu, in eo nihil est patris, §. 1. *Instit. per quas person. l. 1. §. nec castr. D. de coll. bon. §. 1. Instit. quib. modis non est permiss. fac. test.* Itaque de hoc ³⁸ peculio † non tenetur pater ex contractu filii familias, ut diserte traditur in *l. ex Castr. §. ult. D. de castr. pec.* & ratio illic adiicitur, quia separatim est a bonis patris. Optima ratio est: nam non debet conueniri pater, ut præstet peculium filii, quod peculium ipse non habet, ac ne possidet quidem.

Non obstat, quod in *§. act. aut Instit. de act. generaliter* & absolute scriptum est, patres ex contractu filiorum, de peculio teneri. Nam peculium castrense & quasi castrense, proprie peculium non est. Eoque etiam hoc genus peculii ad superiorē definitionem non pertinet. Nam patris familias peculium non est, *l. paterfam. de verb. sig.* Filius autē familias in peculio castrensi & quasi castrensi, pro patrefam. habetur, *l. 2. D. ad Senat. consul. Mac.* Proinde hoc peculium, non est proprie peculium. Sed ita pater non conuenitur de peculio castrensi, aut quasi castrensi, si filius familias, uiuat. filio familias autem mortuo milite, accidit quod scribit Papin. in *l. pater qui castr. in pr. D. de castr. pec.* nempe filius familias miles si intestatus moriatur, pater æs alienum filii, intra modum peculii, & annum utilem creditoribus soluere cogitur. Sensus hic est: Aëris alieni nomine, id est, ex contractu filii familias militis, tenetur pater creditoribus filii intra modum peculii, id est, de peculio duntaxat, non in solidum, idque intra annum utilem, ex edicto prætoris. Ergo actio de peculio post mortem filii est annalis, *l. 1. D. quando act. de pecul.*

⁴⁰ Sed cur † mortuo filio pater tenetur de castrensi peculio, qui uiuo filio non tenebatur? Quia pater eius filii pecuniam in bonis non habuit, nam totum erat filii uiuentis. Mortuo autem filio familias, peculium etiam castrense ad patrem redit. Id enim pater occupat & peculium accipit ut hereditatem, *l. 2. D. de pec. Castrenf.* Itaque commutata ratione incipit teneri, qui prius non tenebatur. Sed ita pater tenetur hoc casu duntaxat de peculio, si filius familias miles, inte-

status mortuus sit. Ceterum si testamento patrem heredem relinquat, tenebitur in solidum pater, ut ibi scriptum est. Hoc eo fit, quia filius suo nomine in solidum tenebatur, ut & filii familias omnes, *leg. filius familias ex omnibus, de obl. & actio.* Heres autem æri alieno defuncti in solidum obligatur, *leg. ultim. infr. de actio. hered. l. morte, de acquiren. hered.* Quod si heredem filius familias alium instituerit, eueniet ut pater nullo modo teneatur ex contractu filii. Non in solidum, quia non est heres. Non de peculio, quia peculium ad heredem scriptum peruenit: ut consequens sit, non magis patrem de peculio castrensi conueniri posse, quam potuit conueniri filio uiuo, quo tempore peculium non erat patris. Restat igitur, ut si volumus patrem de peculio teneri uiuo filio, necesse sit eum solum teneri de peculio profectitio & aduentitio filii familias.

Sed & hæc dissimili iure habentur. Peculium profectitium simile est, peculio seruorum. Id † quicquid seruus acquirit, id totum domino acquiritur, siue sit in peculio, siue extra peculium, §. *item nobis, Instit. per quas person. Sic † & peculium profectitium in totum acquiritur patri, §. 1. Instit. per quas person. & l. cum oportet, infr. de bonis que liberis.* Proinde nulla hæsitatio esse debet, quin ex contractu filii, teneatur pater † de hoc peculio, ad similitudinem domini, qui ex contractu serui conuenitur. Proinde uiuo filio, conuenietur pater semper de hoc peculio: filio autem mortuo, aut emancipato conuenietur pater de peculio intra annum, *l. 1. D. quando de pec. est act. an.* Et † quoniam hoc peculium totum patris est, potest pater de hoc peculio deducere, idem quod dominus de peculio serui. *l. sed si damnum, §. pec. D. de pec.*

Non est † in eadem causa peculium aduentitium. Hoc quoad proprietatem est filiorum, usufructu vero patris. *l. cum oportet, infr. de bonis que liberis, §. 1. Instit. per quas person. obl. acquiritur.* Sed & quædam aduentitia in totum filii familias acquiruntur, & proprietate & usufructu. Casus excepti sunt in *l. ultim. in Auth. excipitur & duobus sequentibus, infr. de bonis que liberis.* De † peculio aduentitio, quod in totum filio familias acquiritur sic statuendum est, patrem de eo peculio conueniri non posse, non magis, quam potest conueniri de peculio castrensi, aut quasi castrensi, *l. ult. §. 1. & 2. infr. de bon. que lib.* solum mortuo filio familias, potest de eo peculio conueniri intra annum. Nam mortuo filio pater omne peculium occupat ut peculium si filius æs. intestatus decesserit, usque adeo ut occupet castrense & quasi castrense, multo igitur magis aduersatur, *d. l. 2. ff. de Castr. pec.* Non potest autem pater in hac causa conueniri in solidum, quia non potest esse heres filii familias, non militis, propterea quod filius familias de bonis aduentitiis testamentum facere non potest, *l. penult. & ult. infr. qui testament. fac. poss.*

Dubitari † potest de aduentitio peculio, cuius usufructus prorsus est patris; dubitari, inquam potest an ex contractibus filii familias, pater de eo peculio conueniri possit. Nam cum antea dixerim, patrem de peculio castrensi non teneri, quod id peculium non est patris. Est autem iniquum exigere a patre, ut præstet quod non habet. Respondeo. Eris aduentitii peculii proprietas non est patris, tamen si usufructus patris est, una cum usufructu eius peculii plena etiam administratio patri tribuitur, ut possit & debeat

pater in eo peculio excipere omnes actiones filii, quibus tenetur *l. ult. §. ubi autem infr. de bon. qua lib.*

48 Sed ¶ an conuentus de hoc peculio pater poterit deducere, quod sibi debetur, cum peculium non sit eius? Respondeo, potest non minus quam si de proprio aduentitio conueniretur. Idq; efficitur eadem, *l. ultim. §. ubi autem*, ubi in hoc peculio tribuitur patri, ut non solum excipiat ea, quibus filiusfamilias tenetur, sed etiam, ut mouere possit actionem filii nomine, id est, ut possit exigere iudicio, quod filio debetur. Poterit igitur etiam exigere, quod sibi debetur, ex iisdem verbis. Et si potest exigere, etiam similiter soluere potest, exemplo tutoris, cui pupillus aliquid debet, *l. quoties. §. sicuti. D. de adm. tut.* Hoc autem exigere, quod filius patri debet, nihil aliud est, quam deducere de peculio, quod patri debetur.

Hæc de peculio aduentitio ita sunt, quamdiu filius uiuit, & in potestate patris manet. Quod si filius sui iuris effectus sit, actio de peculio ipso iure euane-
49 scit, nec sit amplius ex edicto. nam ipse ¶ filius conueniri de peculio non potest: suo enim nomine tenetur in solidum, *l. filiusfam. de obl. & act.* Non potest conueniri pater de peculio, aut patris heres, quia amplius pater aut heres id peculium non habet, sed peculio sublato proprietas manet filiofamilias. & ususfructus patris eodem tempore finitur, finitus ad proprietatem redit, ita ut iam peculium incipiat totum esse filii. Quod si filiusfamilias mortuus erit, hoc solum casu actio de hoc peculio dabitur aduersus patrem intra annum. Eodem exemplo, quo aduersus patrem datur actio de peculio castrensi intra annum, si filiusfamilias intestatus moritur. Nam eodem modo pater peculium aduentitium filii occupat tanquam peculium, ut occuparet peculium Castrense aut quasi, ut antea dixi.

Propria igitur causa filiofamilias, diuersa a seruis est in peculio, & cum de peculio aduersus patrem agitur, ex contractu filiofamilias. In altero quoque genere rerum, propria causa filiofamilias, est, cum de patre conueniendo agitur ex contractu filiofamilias, nempe in muneribus publicis, quæ filiusfamilias gessit, veluti si magistratus ciuitatis creatus sit, aut decurio. Nam ¶ filiofamilias ad honores & munera publica admittuntur, æque ac patresfamilias, neque in eo sequitur ius propositum, *l. ille a quo, §. ult. cum l. sequ. in pr. D. ad Treb.*

51 Ex hac ¶ administratione tenetur pater non tantum de peculio, aut de eo quod in rem patris versum est, sed etiam in solidum, si modo filius munus gesserit voluntate & consensu patris, *l. 1. hoc tit.* Concessisse pater gerente filio intelligitur si cum filius crearetur pater præsens nominationi non contradixit, *l. 2. D. ad mun.* Idem est si absente aut ighorante patre, filius creatus est, deinde re cognita munus pater agnouit. Agnoscere intelligitur, si verbis testatus est, se munus admittere, aut velle administrationem ad se pertinere, siue sine verbi aut vlla testificatione administrationem eius muneris attigit, *leg. si filiusfam.*

52 *lias, D. de tut.* Hoc ¶ si in ceteris muneribus recipitur, idem quoque recipiendum fuit, si filiusfamilias tutor, aut curator creatus est. ut in hac *l. 1. scribitur.* Nam tutela & cura munera publica sunt, *Insti. de exc. tut. in pr.* Sed hæc cautio adhibenda est: Nam interest utrum filiusfamilias creatus sit tutor a magistratu, an vero testamento priuati datus, si a magistratu datus est, valet quod supra dixi, & pater ex hac admini-

stratione tenetur in solidum, si filio in hac administratione consenserit, *d. l. si filiusfam. D. de tut.* Ita non est si filiusfamilias testamento datus sit tutor: nam hoc casu quamuis voluntate patris tutelam admiserit, tamen non tenetur in solidum pater. Sed pro conditione reliquorum contractuum filiofamilias, nempe de in rem verso & de peculio, *l. Lucius 21. D. de admin. tut.*

Cur hæc tam varie, cum testamento debita tutela, non minus sit munus publicum, quam delata a magistratu. Respondeo: Differentiam auctoritas deferendum facit, magistratus auctoritas publica est, publice interest res ab eo constitutas seruari, & plenius interpretari pro fauore Reipub. *l. seruo inuit. §. cum prator. D. ad Treb.* Testatoris, priuata auctoritas est. Huc accedit, quod est verius, quod pater dum tutela testamento delata, consentit filio, magis ex consensu videtur probare testamentum. Et vero primo probat testamentum sine quo neque tutela, neque quicquam aliud testamento scriptum valet. Deinde per consequens probat tutelam. Nos ea quæ principaliter fiunt spectare debemus, non quæ per consequens, *l. 1. D. de auct. tut.*

Hoc ¶ ius recte filiis proprium dixi in muneribus publicis. Nam ¶ in ceteris omnibus pater in solidum tenetur ex contractu vel quasi contractu filiofamilias, si pater iussit, *l. ult. infr. hoc tit. l. 1. & ult. D. quod iussu.* Dicimus ¶ etiam patrem videri iussisse, qui a principio nihil iussit, sed contractu filii cognito, ratum contractum habuit, quia rati habitio mandato comparatur, *l. 1. §. quod ratum, D. quod iussu.* Sed nihil horum in hoc consensu, de quo dixi interuenit, nam cum pater nominationi filii non contradicit, non ideo iubet ut creetur magistratus aut tutor, sed etsi munus deditum filio, postea agnoscat, non tamen ideo ratum habet. Nam id ¶ demum ratum habere possumus, quod nostro nomine gestum est, *l. si pupilli. §. sed si ego. D. de negot. gest.* In muneribus autem publicis, nihil nomine patris aut filii geritur, sed Reipublice aut alieno, proinde nulla hic rati habitio patris, interuenire potest. Quod cum ita sit, consequens est, si pater in hac causa nihilominus in solidum tenetur, eum iure huius causæ proprio teneri. Hæc sunt, in quibus ex contractibus seruorum & filiorumfamilias domini aut patres tenentur vel in solidum, vel in aliam quantitatem, quam exposuimus.

Ex his causis, cum pater & dominus teneri dicuntur, apparet hoc dicere nos, extra has causas, neque factum serui domino, neque factum filiofamilias patri nocere. Animaduertitur autem potest in superioribus, tantum hoc tribui seruis & filiofamilias, ut personas suas obligent, deinde his obligatis, perueniant ad dominos aut patres ad eas summas, quas exposuimus. Hic nihil tribuitur seruo aut filiofamilias, ut quicquid de rebus dominicis aut paternis seu peculiaribus constituerit, perinde esset, quasi gestum non esset, neque id domino noceat. Hinc est quod dicitur in *l. si seruus hoc fit.* si seruus pecunia accepta concesserit ædes domini creditori habitandas, eum nihil egisse. Item consequens, in *l. si liber. hoc tit.* seruorum res ¶ domini, aut proprias aut peculiarias, alienare non posse: quod tamen in peculiaribus sic accipiendum est, nisi seruo libera peculii administratio concessa sit: hac concessa, etiam alienatio permissa intelligatur, dummodo nihil deberet, *l. contra, §. ult. D. de pactis. l. filiusfam. D. de donat.*

Hæc administratio non concedi intelligitur vna cum peculio, sed ita demum, si peculio concessio, etiam hæc administratio nominatim concessa sit. *leg. quam, in fin. D. de pecul.* Sine hac tamen concessione vna cum peculio hæc alienatio permixta intelligitur, in nummis pecularibus, ut eos servus collocare possit. Idemque intelligendum est concedi in rebus omnibus, quæ servando servari non possunt, ut in fructibus, & aliis rebus, quæ cito tempore corrumpuntur. Et ideo placuit servum pecuniam peculiarem, hoc ipso quod peculiaris est, posse mutuam dare, & exigendo debitorem liberare, *l. fugitivus, §. ult. l. quod servus, D. de sol.* Quod in servo & peculio servi diximus, ad filiosfamilias peculium etiam transferendum est. Nihil ex eo alienare potest filiusfamilias, nisi secundum conditiones supra scriptas. De profectio *†* eius peculio non dubitamus, quin hoc similiter acquiratur patri, ut peculium servi domino. *§. i. Instit. per quas person.* De adventitio dubitari potest, cum proprietas huius peculii sit filii. Sed nihilominus in hoc idem placet, *l. ultim. §. filiusfam. infr. de bon. qua lib.*

Expositus est primus locus huius tituli, in quo quæri dixi, ex contractibus servorum & filiorum familias, quando & quatenus domini, patresve teneantur. Alter locus attingitur de ipsis filiisfamilias contrahentibus, an hi ex suis contractibus teneantur, & quatenus. Hæc quæstio ad generale constitutionem revocanda est & quærendum, utrum infra scriptæ personæ quatuor, ex quarum contractibus alios teneri dixi, etiam ex suis illis contractibus teneantur. Et in exercitoria actione, ubi liber homo navii præpositus est, placet, si quid cum eo eius rei causa contractum sit, eo nomine duos teneri, dominum qui præposuit exercitoriam, & citra controuersiam ipsum magistrum, qui contraxit. Optima ratione, quia ipse est qui contraxit, non exercitor, & præterea liber est, ut nihil obstat eius obligationi: proinde necesse est secundum regulam iuris eum ex contractu suo obligari, *l. i. §. est autem, D. de exerc. §. i. Instit. de obl.* Idem *†* in institore libero non minus probandum est, præsertim cum exercitoria dicatur constituta ad similitudinem institutoriam, *l. 4. §. prox. tit.*

Alia cōditio *†* est servorū. Servi ex delictis suis obligantur, & manumissi obligati manent, *§. omnis. Instit. de nox. act. l. servi, de obl. & act.* At ex contractibus civiliter non obligantur, tamen obligantur naturaliter, *l. i. §. de obl. & act.* Quia quod ad ius civile attinet, si sui pro nullis habentur, *l. quod ad ius, de regul. iur.* Idque adeo verum est, ut nec manumissi ex suo facto cōveniri possint, *l. ult. infr. an servus pro facto.* Filiisfamilias *†* propria causa est, diversa a ceteris hominibus liberis, & diversa a servis. In eo cōditio filiorumfamilias communis est, cum reliquis patribusfamilias, quod filiusfam. quamdiu in potestate patris sunt, ex omnibus contractibus, ut patresfam. obligantur & conveniri possunt, proinde in solidum, *l. filiusfam. §. ex omnibus, de obl. & act.* Minor dubitatio est de beneficiis filiorumfamilias, quando ex iis teneantur, cum & ex suis teneantur servi. De contractibus maior dubitatio. Sed & de contractibus filiorumfamilias idem placuit, *l. iam ex contractibus, D. de iud.* Nec hic ullus contractus generaliter exceptus est, siue filiusfamilias suo nomine se obliget, siue alterius dum fideiubet, dum spondet, dum constituit pecuniam, *l. si ex alia, l. si mandata h. tit.* Hinc fit ut quoties cum filiofamilias contractum est, ex eo con-

tractu incipiant duo esse eius rei nomine debitores, filius in solidum, pater de peculio dūtaxat. Quod sic intelligamus, si neque iussu patris contractum, neque quicquam in rem eius verum, *l. si cum filiusfam. & l. seq. D. de pecul.*

Hæc autem eadem sententia est in nulla, hoc tituli, ibi pater Asclepiad. cōsulebat, quoniam filius *†* suus fideiussisset pro alio, an ipse filius ex ea causa recte conveniretur in solidum, & an etiam in solidum conveniri possit ipse pater? Respondetur, nullam rem prohibere, quo minus ex causa, filius qui fideiussit in solidum cōveniat, cum in ea lite suis defensionibus usus. Defensiones patris in actione de peculio sunt hæc, ut dicat se peculium non concessisse filio, aut peculium ante permissum, sine dolo malo ademisse, aut res peculii sine dolo malo suo intercidisse, aut filium sibi multa debere, quæ prius deducere oporteat, quibus deductis nihil superfit in peculio, aut superfit parum. Quæ omnes defensiones nascuntur ex definitione peculii, de qua supra dixi, item ex ratione peculii finiendi.

Ex *†* omnibus causis ex quibus filiumfam. teneri dixi, excepta est mutui datio, cum pecunia filiofamilias mutuo denique data est, sed hoc ita si sit illicita mutui datio. Ex hac nec filius, multo minus pater tenetur, *l. si ex alia, h. tit.* Illicita mutui datio est in persona filiofamilias, cum mutua pecunia filiofamilias data est contra Senatusconsultum Macedonianum, de quo *†* ad SC. Maced. Hæc de obligatione filii ita sunt, quamdiu filiusfamilias in potestate manet, ut initio præfati sumus. Quod *†* si sui iuris esse cœperit, id ius mutatur, & incipit filii causa fieri diversa a ceteris liberis quam a servis. Nam placet eum teneri solum in id, quod facere potest, non amplius in solidum, quod ius proponitur in *l. 2. h. tit.*

Hoc beneficium filio tribuitur certis conditionibus, quæ sunt comprehensæ edicto, quod exstat in *l. 2. D. quod cum eo.* Merito, nam nulli in delictis succurritur, *l. si ex causa, §. cum videndum, l. auxilium.* Secundo exigitur, ut contractum sit cum filiofamilias, ergo si contractum erit cum eo qui sui iuris erat, deinde is se arrogandum dederit, ac postea emancipatus sit, aut alio modo sui iuris factus, nihilominus in solidum cōvenitur. Hoc ideo, quia cum homine sui iuris contraxit, eius conditionem secutus est. Itaque ab initio, obligatio certam conditionem accipit, ut qui contraxit exemplo ceterorum patrumfamilias in solidum teneatur. Hæc conditio obligationis postea, tempore mutari non potest, argumento *l. vero, §. pen. D. de sol.* Tercio exigitur ut is, qui contraxit, sui iuris esse cœperit, vel emancipatione, vel aliis modis, ut morte patris, ergo quamdiu filiusfam. qui contraxit, erit in potestate patris, tamdiu in solidum conveniri potest, cum non tribuatur hoc beneficium nisi emancipato.

Cur hæc tam varie? cum filiusfam. minus habeat, quam is, qui paterfamilias esse cœpit. Nam ei qui sui iuris esse cœpit, incipiunt omnia acquiri posse. Et quod peculium adventitium prius habuit, in solidum proprium eius efficitur, ut videatur multo magis ipsi filiofamilias consuli debuisse? Respon. hoc ipso filiusfam. plus habere intelligitur, quæ sui iuris, quia quædiu in potestate manet, etsi cetera deficiant tamen sumptibus patris alicui in domo patris, ut ceteri domestici, & qui sunt in potestate patris. Solutus aut potestate transiit in aliam familiam, & se suis sumptibus alere cogit, nisi velit cum patre cōtendere, ut ab eo inops aleretur quod facere potest, *l. si*

quia *lib. D. de agn. lib.* Sed cum patre cōtendere filio durum est, soluto ergo patria potestate filio beneficium huius edicti tribuitur, & si filius emancipatus est, aut alio modo liberatus patria potestate uiuo adhuc patre nihil amplius exigitur ad beneficium huius edicti obtinendum.

At si filius solutus sit potestate morte patris, hic amplius quartū exigitur, ut filius sit exheredatus. Ergo si a patre erit institutus, & patri heres exstiterit, hoc beneficio non utetur. Hæc differentiæ ratio est, quia qui heres patri exstiterit, eodem loco est, quo esset si in patris mansisset potestate. nam iisdem bonis paternis fruitur. Sed exheredatum & institutum hic cum effectu accipimus. Nam interdum exheredatus beneficium huius edicti non habet, & contra, interdum habet institutus, si filius a patre exheredatus sit alio herede instituto. Sed si heres rogatus restituere hereditatem filio, & hereditas filio restituta sit, filius in solidum conuenietur, quia effectu heres est, non exheredatus, *l. 5. §. ult. D. eod.* Contra si filius sit institutus, sed ex minima parte, hæc institutio pro exheredatione est, quamuis filius hereditatē adierit. Itaque beneficium edicti ad eundem pertinet, *l. 2. in fin. l. 4. in pr. D. eo.* Exheredationis vim habet ex edicto, si instituitur heres filius, hereditate patris se abstineat. Sic enim fit, ut nihil ex hereditate patris consequatur, non magis quam exheredatus, *l. 2. hoc tit. l. 2. D. eodem.*

67 Hæc cum cōcurrent, & tum placet, filium, qui sui iuris factus est, conueniri posse solum in id, quod facere potest. Sed cur hoc beneficiū potius tribuitur filiofamilias debitori, quā ceteris debitoribus, cum dixerimus filiosfamilias ex omnibus causis similiter obligari, ut patresfamilias? Respond. Æquitas huius iuris hæc est quia filiusfamil. emancipatione, & aliis modis, quib. liberatur patria potestate, repente bonis prioribus, & facultatibus excidit, cū amplius bonis patris & sumtib. non alatur: quæ repēte & emergunt, auxilio egere putantur, *l. de reb. ex caus. D. de interrog.* non est tamē hoc satis, nam hac ratione omnibus debitoribus qui repēte sua amisissent, idem tribueremus, quod secus est. Nam certæ sunt tantum personæ, quibus hoc beneficium datur, quæ commemorantur in *l. sunt qui, D. de rei iud.* Addo igitur quod creditores, qui cum filiofamilias cōtraxerunt, hos casus præuidere potuerūt. Nihil enim frequentius est, quam filiumfam. liberari potestate patris, aut mori patres. Nec queri possunt, ut dicant se ignorasse eum, cum quo contraherant, esse filiumfamilias.

68 Nam & qui cum alio contrahit, est vel debet esse eius conditionis non ignarus *l. qui cum alio. de reg. iur.*

70 Facere & posse dicitur aliquis dupliciter. Naturaliter & Civiliter: Naturaliter & unusquisque facere potest, qui habet in bonis quod præstet creditori. Non sic hoc loco accipimus. nā alioqui omnes debitores non conueniuntur, nisi in id quod natura facere potest, id est, de suis bonis præstare. Nemo enim præstiterit, quod nō habet. Alia igitur significatio hæc est, ea autē est civilis ut dixi. Civiliter & igitur facere posse debitor dicitur, quod facere potest deducto prius ne egeat, id est, deducto eo, unde honeste pro dignitate filiofamilias viuere possit. Hoc deducto, si quid relinquatur id demum est, quod cū facere possit nunc dicimus, *l. in commendatione, de reg. iur.* Civilis, ut dixi, hæc significatio est, quia consuetudine loquendi ita homines & ciues loquuntur, ut dicant, quenquam

facere posse, quod potest commode, & sine vitæ aut existimationis periculo, *l. nepos, de verb. sig.*

Sed additur in edicto, ut filiusfam. hæcenus conueniatur cum sui iuris factus est, causa tamen cognita, *d. l. 2. D. eod.* Hæc verba eo pertinent, nō ut conueniatur filius in id, quod facere potest, sub conditione, *Si causa sit, ut ita conueniatur.* Nam hæc abunde idonea causa est si sit emancipatus, nec hereditatem patris obtineat: sed pertinet eo, ut denegetur filiofamil. hoc beneficium si sit causa, cur denegetur, quas causas & debitorem probare oportet, cuius & beneficii denegandi causæ duæ sunt. Vna, cum filiusfamil. cum contrahebat, mentitus sit, se esse patremfamil. *l. 4. §. interdum, l. 1. D. eod.* Merito huic denegatur beneficium edicti, quia hoc beneficio succurritur inopiæ filiofamil. Deceptis & non decipientibus iura opitulantur, *l. 2. §. verba, ad SC. Velleian.* Altera causa est, si post multos annos, quibus filius emancipatus est, is conueniatur, *l. 4. §. sed an etiam, D. eod.* Post multos annos valet diu, hoc & autem diu valet post decem annos, *l. si cum. §. Aristo. D. qui & a quib. manum. lib. non fiant.*

Cur post decem annos filius in solidum conueniri possit, hæc ratio probabilis redditur, quia intra tam longum tempus quærere potuit, unde creditoribus satisfaceret: quod si nō fecit, de sua ignauia & socordia quæri debet. In hoc tamen cognitio causæ versatur: Nam fieri potest, ut intra pauciores annos quærere potuerit, fieri potest, ut intra tam multos annos non potuerit. Si intra paucissimos annos quærere potuerit neque quæsiuerit, in solidum tenebitur, veluti si oblatas successiones aut donationes repudiauerit. Et contra si intra decem annos valetudine prohibitus est, ne quid possit quærere, aut prohibitus aliis casibus huiusmodi, ut bellis, &c. semper beneficio edicti utetur, *d. l. 4. sed an etiam.* Dixerit aliquis filium emancipatū, aut morte patris, sui iuris factum in totum conueniri non posse, id enim scriptum esse in *l. 4. hoc tit.* Sed animaduerti debet in ea lege agi de filio, qui non contraxit, sed qui ex contractu patris mutuam pecuniam acceperat. Id ita cōtingerat: Conueniatur inter patrem & creditorem futurum, ut creditor patri mutuam pecuniam daret, quia pater deberet creditori. Cum testaretur ut acciperetur pecunia a creditore, pater mandauit filio, ut eam pecuniam a creditore acciperet, acceperit, sed non ex suo contractu, sed ex contractu patris. Non est dubium, quin mortuo patre filius omnimodo non teneatur. Nam non teneretur, si adhuc esset in potestate patris, propterea, quod non contraxit, sed pater. Si tamē idem filius patri heres exstiterit, conueniretur in solidum, non quia contraxit, sed quia heres in æs alienum defuncti succedit, *l. ult. §. de hered. act.*

Cetera huius tituli exposita sunt. Quædam obiter obseruanda, quæ indigent obseruatione, in *l. ei qui, §. ult. & l. ult. hoc tit.*

Ad L. 7. Ei qui.

Impp. Dioclet. & Maximian. Augusti. & CC. Crescenti.

Ei, qui seruo alieno dat pecuniam mutuam, quam diu superest seruus, item post mortem eius intra annum de peculo in dominum competere actionem: vel, si in rem domini versa sit hæc quantitas, post annum etiam esse honorariam actionem, non est ambigui iuris. Quapropter siquidem in rem domini pecunia versa est: heredes eius conueniunt.

conuenire potes de ea summa, quæ in rem ipsius processit. si vero hoc probari non potuerit: consequens est, ut superfluit quidem seruo dominum de peculio conuenias: vel si iam seruus rebus humanis exemptus est, vel distractus seu manumissus, nec annus excoësit: de peculio quondam aduersus eum experiri possis. Alioquin si cum libero res eius agente, cuius precibus meministi, contractum habuisti. Et eius personam elegisti: peruides contra dominum nullam te habuisse actionem, nisi vel in rem eius pecunia processit, vel hunc contractum ratum habuit. Dat. Non. April. Bizantii A. A. Coss.

S V M M A R I A.

- 1 Creditori negotiorum gestorum, an actio detur, aduersus dominum negotiorum ex datione mutui.
- 2 Negotium domini ut gestum dicatur, quæ requirantur.

SI quis alienum negotium gerens, pecuniam mutuam accipiat, rem agens domini, id est, in re domini negotium gerens, constat eum, qui accipit, ex persona sua obligari, quia cum creditore contrahit, sed quæsitum est, an ex ea causa creditori actio danda sit aduersus dominum negotiorum? Et hoc loco traditur dari posse. Sed quomodo creditori ex hoc mutuo, actio dari poterit aduersus dominum, cum mutuum sit contractus. Creditor autem cum domino nihil contraxit, quoniam non contrahitur nisi inter consentientes. *l. si me & Titium. D. si cert. pet.* Respondeo. Non est actio aduersus dominum ex contractu mutui, ne erremus, sed est actio negotii gerendi. *l. si pupilli. §. 1. de negot. gest.* Ergo erit actio ex hac causa aduersus dominum, si in ea mutui datione, negotium domini gestum sit.

2) Ut negotium hic domini geratur, tribus modis contingit. I. Si pecunia in rem domini versa est, ut in rem eius accepta erat. Hic opponitur, *l. non aduersus. j. si cert. pet.* ubi is, qui pecuniam mutuam primo accepit, solus tenetur, & quamuis eam pecuniam postea alii crediderit, tamen non tenetur primo creditori, secundo debitori. Respondeo, illic agitur de debitore, qui pecuniâ suo nomine accepit. Hic quærimus de eo, qui pecuniam accepit alterius nomine. Item, qui suo nomine pecuniam accepit, ipso gestu suum negotium gerit, quod eius negotium esse cœpit, id alterius postea euentu fieri non potest. *l. si pupilli. §. 1. de negot. gest.*

Altero modo id contingit, si dominus mandauit negotiorum gestori, ut pecuniam mutuâ is acciperet. Voluntas domini negotium & rem eius facit, *l. 3. §. sed si, de in rem verso.* Tercio modo id contingit, si neque pecunia in rem domini versa est, neque dominus ab initio mandauit, ut ea pecunia acciperetur, sed re postea cognita contractum ratum habuit, ut hic scriptum est: Hoc consequens est prioris. Nam si tenetur dominus qui iussit, tenetur & is qui ratum habuit, quoniam ratihabitio mandato comparatur, *l. ut. j. ad SC. Maced.* Et ex hoc notandum est, hoc loco agi de eo administratore, qui negotiorum alienum gerebat sine mandato. Nam si procurator esset domini, nihil opus esset ratihabitione, *l. si proc. D. de condic. ind.* Hæc sententia minus dubitationis, habet, si creditor negotiorum gestorum pecuniam crediderit domini cõtēplatione. Nam hoc casus expressum est in *l. si pupilli. §. 1. D. de negot. gest.* & in *l. liberato, in pr. D. eod.* dominum teneri negot. gest. actione. At quid si creditor pecuniam gestori crediderit ipsius solius cõtēplatione,

seu eius personam eligens? Et scriptum est hoc loco, idem dicendum esse.

Hic nonnulli loci opponuntur. Primo, *l. si creditor per. infr. si tut. vel cur.* Nam illic, pecunia curatorî data est ab eo creditore, qui curatoris personam secutus est, non minorum, quorum negotia gerebantur, illic scriptum est, hoc casu, nullam esse actionem creditori aduersus minores. Respond. Hoc ideo contingit in specie eius loci, qui non opponitur, si curator pecuniâ accepisset ut curator, id est, nomine minorum. Quod si nomine minorum pecuniam accepisset, eandem exceptionem adiceremus, quæ hoc loco adiecta est, ut diceremus, nullam actionem aduersus dominum dari, nisi contra quæ hic sequuntur, quæ non proponuntur contigisse, in *d. l. si creditor.* Opponitur præterea, *l. si pupilli. §. 1. de negot. gest.* Illic enim traditur, si creditor pecuniam procuratori dederit, cõtēplatione domini, non procuratoris, solum dominum negot. gest. actione teneri, procuratorem non teneri. Ergo idem econuerso dicendum est, ut si creditor pecuniam dederit cõtēplatione procuratoris, solus procurator teneri debeat, non dominus. Respond. Non recte colligitur, non enim hæc sunt similia. nam cum creditor pecuniam dat cõtēplatione domini, negotiû procuratoris hic non geritur, quoniam utilitas ad dominum redit, & pecunia accepta procurator teneri non potest domino, cum rem utiliter gesserit. At cum creditor pecuniam dat procuratori, aut negotiorum gestori, huius gestoris cõtēplatione, ne scilicet ab administratione teneatur, hoc ipso, domini cõtēplatione maxime dare intelligitur. Nam ut negotiorum alienorum gestor non teneatur ob pecuniam non acceptam, prius est, ut ea pecunia in utilitatem domini conuerteretur. Ergo creditor, qui posterius vult, nempe ut negotiorum gestor teneatur, intelligitur velle antecederes, ut res prius in utilitatem domini conuerteretur, *l. illud. D. de acquir. hered.*

Rursum non videtur cum sententia huius loci procedere posse, quod dicitur, si pecunia data sit ei, qui sine mandato negot. gerit, & data non sit domini cõtēplatione, dominum teneri, si contractum ratum habuerit. Non possunt hæc concurrere, ut pecunia data sit ei, qui sine mandato negotium gerit domini, & nihilominus dominus eam dationem ratam habeat, quia quod nostro nomine gestum non est, ratum habere non possumus. *l. si pupilli. §. sed si ego, D. de negot. gest.* Recte Accur. hoc expedit: Creditor in proposito, negotium non gerit cõtēplatione domini, sed gestor negotiorum nomine domini accipit: quod eius nomine acceptum est, recte ratum habetur.

Ad L. ultim.

Imp. Honorius & Theodosius AA. Ioanni præfecto prætorio.

Dominos ita constringi manifestum est actione prætoriana, quæ appellatur, quod iussu, si certam numerari præceperint seruo actorine pecuniam, igitur hac in perpetuum edictali lege sancimus: ut qui seruo, colono, conductori, procuratori actorine possessionis, pecuniam mutuam dat, sciat dominos possessionem cultore sue terrarum obligari non posse. Neque familiares Epistolas, quibus homines plerumque commendant absentem, in id trahere conuenit, ut pecuniam, quam rogatus non fuerat, impendisse pro prædiis mentiat, cum nisi specialiter, ut pecuniam præstet, a domino fuerit postulat, idem

dominus teneri non possit: creditaque quantitate mul-
 Et ari volumus creditores, si huiusmodi personis non iubente domino, nec fideiussoribus specialiter acceptis fuerit credita pecunia, sane creditori damus licentia: ut si liber arationibus, quas gerebet, fuerit inuentus actor, seruus, procuratorue prediorum, utilis actio pateat de peculio. Datum 5. Id. Iun. Ravenna. Honorio X. & Theodosio VI. AA. Coss. 415.

S V M M A R I A.

- 1 Dominus an de pecunia mutuo seruo data teneatur, si non praeceperit iusseritue eam pecuniam credi.
- 2 Conciliatio huius leg. cum l. 1. ff. Quod iussu.
- 3 Conciliatio huius leg. cum l. 1. ff. Quod iussu.
- 4 Dominus an teneatur quod iussu, etsi generaliter ita dixerit, Quodcumque cum seruo meo contraxerit, id ratum est, & nu. 6.
- 5 Permissus seu iussus generalis quando sit.
- 6 Quando idem sit specialis.
- 7 Procurator usu loquendi veterum quis dicitur, cui uniuersa bonorum procuratio mandata est.
- 8 Procurator generaliter dicitur, qui mandatu domini negotia administrat.
- 9 Mandatum generale procuratori datum ad contrahendum, an ad pecuniam credendam extendatur.
- 10 Generali actione specialia omnia, ac si essent expressa, continentur.
- 11 Procurator seu actor possessionis quis sit.
- 12 Negotium possessionis procuranda in quo consistat.
- 13 Creditor sine speciali mandatu domini pecuniam seruo possessionis credens, illam amittit, nisi data sit sub fideiussoribus, nu. 15. dubitatur nu. 18.
- 14 Serui civiliter non obligantur: licet naturaliter, numer. 17.
- 16 Fideiussor omni obligationi accedere potest.
- 19 An ex contractu seruorum domini teneantur.
- 20 Peculium non est nisi in seruis aut filiis familias.
- 21 Distio seruus in genere quid significet.
- 22 Seruorum species.
- 23 Seruus possessionis quis.
- 24 Colonus quis.
- 25 Conductor quis.
- 26 Inquilinus quis.
- 27 Colonus & inquilinus quid differant.
- 28 Procurator possessionis quis.
- 29 Actor possessionis & procurator possessionis quid differant.
- 30 Seruus est qui negotia domini administrat.
- 31 Sententia huius legis, & num. 34.
- 32 Pecunia sine nouo mandato domino credita, an saltem de peculio dominus teneatur.
- 33 Generi per speciem derogatur in toto iure.
- 35 Rationes seu liber rationum serui quis.
- 36 Causa huius legis lata ab Imperatoribus.

1 N + hac lege multa sunt animaduersione digna, propterea, quod prima facie falsa videri possunt. Primo ait lex: Dominos ita demum teneri, quod iussu, si praeceperint seruo mutuum pecuniam dari. Hoc falsum est. Nam non tantum ex causa mutui, sed etiam ex omnibus quasi contractibus, dominus teneri, quod iussu, si iussu eius cum seruo contractu sit, l. 1. D. quod iussu. Resp. Quod + hic dicitur, recte dicitur, quia videtur hypotheca proposita: Apparet enim ex reliqua l. hic quari de seruo, cui pecunia mutuo data est, sed de ea pecunia queritur, recte definitur, dominum

eo nomine non teneri quod iussu, nisi praeceperit iusseritue eam pecuniam credi. Ceterum in vniuersum si definire velimus, verum est, Quicquid + cum seruo, iussu + domini contractum sit, dominum qui iussit, in solidum teneri.

Deinde ait lex, Pecunia seruo credita, non aliter dominum teneri quod iussu, quam si simpliciter rogatus sit creditor, ut pecuniam ipsi crederet, quasi speciale mandatum hic interuenire oporteat, generale autem non sufficiat. Contrarium scriptum est, in l. 1. in princ. D. quod iussu, ubi traditur, dominum quod iussu teneri, etsi generaliter ita dixerit: Quodcumque cum seruo meo contraxerit, id ratum est. Respond. Verum + est, etiam + generali iussu dominum quod iussu teneri, id huic loco non aduersatur. Nam obseruandum est, hic agi de seruo, cui certa possessio dominica commissa est, seruo generaliter proposito hic deinde dominus generaliter permittat cum seruo contrahi, hic permissus recte dicitur & generalis, & specialis: Generalis est, + si verba spectentur, quoniam nihil excipitur. Specialis est, + si conferatur cum iure mandato, quo dominus seruum possessioni proposuit. Generalis dicitur in d. l. 1. D. quod iussu. Hic dicitur specialis, addita ratione prioris mandati, quo seruus propositus est possessioni. Itaque hic sensus est: Si seruo cura possessionis dominica mandata sit, deinde ei seruo pecunia ab alio credita sit, non aliter dominus teneri eo nomine quod iussu, quam si simpliciter, id est, nouo mandato effectum sit, ut creditor seruo pecuniam crederet. Ceterum dum nouum mandatum, nouus iussus intercesserit, nihil refert ad hanc actionem pariendam, vtrum dominus nominatim iusserit de pecunia credita, an vero generaliter iusserit contrahi.

Tertio ait lex: Non aliter dominum teneri, quod iussu, quam si simpliciter praeceperit pecuniam dari, non tantum seruo, sed etiam procuratori actoris possessionis. Hoc rursus falsum videtur in procuratore & actore. Nam procurator + usu loquendi veterum is dicitur, cui vniuersa bonorum procuratio mandata est. Et vt proprie nomen procuratoris id non significet, tamen generaliter omnis + procurator dicitur, qui mandatu domini negotia administrat, siue quaedam, siue omnia, l. 1. D. de proc. At + cum procuratori generali mandatum est, vt contraheret, gereret, generali mandato etiam comprehensum de pecunia credenda accipiendum videtur, quoniam generali + actione, specialia omnia ei generi subiecta continentur, non minus, quam si simpliciter expressa essent, l. qui peculii, de pec. l. oblig. D. de pig. Si omnia continentur isto mandato, frustra nouus iussus de pecunia accipienda requiritur.

Respond. Recte haec diceretur, si hic simpliciter legeretur de seruo, procuratore, actoreue possessionis. Is + procurator est seu actor possessionis, cui negotium possessionis procuranda datum est. Id + negotium in eo consistit, vt procurator possessionem curet & colat, fructus percipiat, & si opus sit, videat ne corrumpantur. Haec enim ad curam possessionis pertinent. Hoc mandato non continetur, vt procurator pecuniam accipiat. Potest enim accipere in aliam rem, quam in usum possessionis, vt tamen in eum usum non conuertat.

Quarto loco ait lex: Si quis + sine speciali, id est, nouo mandato domini, pecuniam seruo possessionis crediderit, creditorem eam pecuniam amittere, si non crediderit fideiussoribus.

de iussoribus adhibitis. Quod ait: *pecuniam a creditore amitti*, superioribus consequens est. Nam seruum eo nomine non teneri certum est, quoniam et serui civiliter non obligantur, *leg. serui. Dig. de obl. & actio.* Quod ad dominum attinet, prius effectum est, cum hic non teneri. Restat igitur, ut pecunia creditori pereat, sed hoc ita, nisi et seruo credita sit fideiussoribus datis, quod ideo adiectum est, quia si fideiussores interuenerint, fideiussores tenentur. Omni enim obligationi et fideiussor accedere potest, etiam naturalis, *l. fideiussor obligari, §. fideiussor. D. de fideiuss.* Serui autem et etsi non obligantur civiliter, tamen naturaliter obligantur. Sed et tamen et hæc sententia videtur falsa, nempe fideiussoribus non interuenientibus pecuniam sine nouo iussu aut mandato seruo creditam, creditori petire. Nam creditor saltem eo nomine actionem habet aduersus dominum de peculio, quæ non tantum competit, si cum seruo contractum sit, ignorante domino, sed etiam si contractum sit domino inuito, *leg. si quis seruum, §. vltim. Digest. de pec.* idque etiam ipsum dicitur in exemplum huius legis. Respondeo, de eo suo loco postea dicetur.

Quinto ait lex: *Si dominus præceperit pecuniam dari procuratori, actorine sue possessionis, tunc eum, quod iussu teneri, non tantum si seruo dederit.* Ergo etiam tunc dominus tenebitur quod iussu, cum pecunia libero homini mutua data erit, qui non sit in potestate domini, alioqui lex male distinguit seruum possessionis, a procuratore aut actore possessionis. Item, que seruum a colono & conductore. Falsum est autem ex contractu seruorum dominos teneri, ut & patres ex contractu filiorum familias, *leg. prima, quod iussu, §. primo, inuito, §. eadem sequen. Instit. quod cum eo, &c.* ubi traditur, solum ex contractu liberorum hominum alios teneri in iustitia aut exercitoria actione. Respondeo. Diligenter notandum est, in tota hac l. agi tantum de pecunia seruo credita, quæ a domino serui repetatur. Id ostendunt primo illa verba: *Dominos non teneri, quod iussu, nisi præceperint mutua pecuniam dari.* Non sunt domini, nisi qui seruos habent, & ex contractu seruorum conueniuntur. Deinde id declaratur in exemplo l. cum dicitur: *Ex contractu procuratoris, actorisue in specie proposito dominum teneri de peculio.* Non est peculium, nisi in seruis aut filiis familias, *l. pater familias, de verborum significatione.* Non agitur hic de filiis familias, ut apparet. Reliquum est igitur, ut de seruis agi intelligatur. Hac ratione recte dicitur: *Si simpliciter dominus iusserit pecuniam seruo suo credi, dominum teneri quod iussu.*

Non obstat, et quod in lege distinguitur seruus a colono, conductore, procuratore, actoreue possessionis. Nam generaliter hi omnes serui intelliguntur, sed genus serui, distinguitur in has et species, ut quidam sit seruus solum possessionis, quidam colonus, quidam conductor, quidam seruus procuratoris. Seruus est duntaxat possessionis, is, qui collocatus est a domino in possessione, vel ut obsecrator, & ut custos. Colonus est, cui dominus agrum suum locauit, ut seruus fructus suo nomine perciperet, & conuerteret in peculium, mercedem autem domino solueret ex peculio suo. Conductor est generaliter verbum est, & pertinens ad colonos qui agrum conducunt. Sed hic simpliciter accipiendum est, verbum, de conductore etiam, qui proprie dicitur et In-

quilinus. Nam et colonus est in agro, Inquilinus in ædibus, ambo conductores, *l. repignoris, D. de acquir. possess.* Procurator et possessionis est, cui possessio gerenda & curanda commissa est, *l. 1. D. de proc.* Actor idem significat, et sed hoc interest, quod procuratoris nomen, tam ad liberos, quam ad seruos pertinet. Actor proprie de seruis dicitur. Is autem est seruus qui et negotia domini administrat, *l. qui ita stipulatus, §. Chrysogonus, de verb. oblig.* Itaque et legis sententia hæc est. Pecunia seruo credita sine nouo mandato domini, dominus quod iussu, non tenetur, siue ut seruus sit, tamen possessionis custos, siue colonus in agro, siue conductor & inquilinus in ædibus, siue procurator rem administret nomine domini, aut actor, quod idem est.

Ad extremum et ait lex: *Etsi pecunia sine ullo nouo mandato procuratori, actorine possessionis credita sit, saltem dominum de peculio teneri.* Obstant præcedentia: Nam prius generaliter dictum est, *Si quis simpliciter non rogatus pecuniam seruo huic crediderit, eum pecuniam amittere.* Respondeo: Quod prius generaliter dictum est, cum exceptione, hic subiuncta, accipiendum est, ut intelligatur creditor pecuniam amittere, nisi agat aduersus dominum de peculio. Non obstat generalitas præcedentis sententiæ. nam quoties de generali actione aliquid simpliciter excipitur, nihil amplius in generali manere intelligitur, quæ id quod exceptum non est. In toto iure et generi, id est, generali creditori, per speciem, id est, specialem derogatur, *l. in toto iure. D. de reg. iur. l. si peculium, in pr. de na. test.* Ex his apparet, summam et huius legis hanc esse, quæ conueniat omnimodo cum iis, quæ initio dixi. Si seruo pecunia mutuo data sit, iubente domino, vel simpliciter, vel generaliter, dominum quod iussu teneri, si nullus iussus domini intercedat, tamen dominum de peculio saltem teneri.

Sed hic conditio in actione de peculio additur: *Si seruus, cui pecunia credita est, liber inuentus sit, a rationibus quas gerebat.* Sensus est: Si reperiat dominus nihil debere, continens pro contento positum. Nam rationes, seu liber et rationum serui, estis, in quem referuntur ea, quæ seruus debet ex administratione et aliis causis. Hoc eo additum est, quia si quid seruus domino debet, id ante omnia de peculio deducitur, & ob hanc causam eatenus peculium minuitur, ut eatenus de peculio agi non possit, *l. sed si damnum, §. peculium, D. de pec.* Solum ergo peculium intelligitur, & de eo solum agi potest, cum deducto eo, quod domino seruus debuit, aliquid in peculio superest, *l. sed si damnum, §. pecul. D. de pec.*

Hæc cum sint ex l. veter. merito quaeritur, quid opus et fuerit eadem sarcire hac lege, quam Imperatores edictum vocant, quasi aliquid noui iuris aut perplexi constituent. Respondeo: Legi occasionem præbuerunt circumstantiæ quaestionis huius, propositæ. Nam hic non agitur de quouis seruo, sed de seruo, qui agris, aut ædibus domini propositus est a domino, vel ut custos, vel ut conductor. Hoc præterea addebat dominus, qui seruum possessioni præposuerat: Commendauerat seruum creditori, qui postea seruo pecuniam tradidit. Hic circumstantiæ efficere videbantur, ut dominus satis de pecunia seruo credenda mandasse videretur, quia pecunia videretur accepta esse, ad utilitatem possessionis, cuius cura seruo mandata est. Deinde qui commendat seruum, mandare videtur, ut in seruum quiduis officii conse-

rat. Quæstio est, an hæc circumstantiæ ita accipi debeant? De ea hac lege cautum est, & obiter notandum, commendationem † qua alios cōmendamus, nos non obligare, *l. si vero non remunerandi, §. cum quid. D. mandat.*

AD TITVLVM COD. XXVII.

Per quas personas nobis obligatio acquiritur.

ET contractib. & facto alterius onerari & conveniri nos non posse, præterquam in his causis, quæ superioribus titulis duobus exposite sunt, dixi initio. Hinc introducitur quæstio, an saltem per alios nobis obligatio acquiri possit? Quæ quæstio hoc titulo attingitur.

Ad L. i. Excepta.

Imp. Dioclet. & Maximian. AA, Marcellæ.

Excepta possessionis causa, per liberam personam, quæ alterius iuri non est subdita, nihil acquiri posse, indubitati iuris est. Si igitur procurator non sibi, sed ei, cuius negotia administrabat, redintegrata rei vindicationem pactus est, idque pactum etiam stipulatio insequuta est, nulla domino obligatio acquisita est. Servis autem res tradite, domino acquirantur. Datum Calend. Jul. ipsis & Cois.

SUMMARIA.

- 1 Redintegrare est rem amissam restituere in integrum.
- 2 Vindicatio est in rem actio: quæ non nisi domino competit.
- 3 Ex stipulatione procuratoris stipulantis domino fundum restitui an domino actio queratur. nu. 14.
- 4 Personarum, per quas nobis acquiritur, genera duo: servi & filii famil.
- 5 Per servos alienos quomodo nobis acquiratur.
- 6 Servorum nomine etiam liberi homines intelliguntur, quos bona fide possidemus.
- 7 Per causam possessionis quid intelligatur.
- 8 Causa in usu iuris quomodo accipiat.
- 9 Possessio per quolibet nobis acquiritur: nostro tamen nomine, & nobis volentibus: an etiam nobis ignorantibus. nu. 11.
- 10 Possessio non acquiritur nobis nisi animo & corpore: explicatur.
- 11 Procurator quis sit.
- 12 Dominum an per procuratorem nobis acquiri possit.
- 13 Stipulari alteri an possimus. & nu. seqq.
- 14 Nuncius acquiri quæ dicantur.
- 15 Civiliter acquiri quæ dicantur.
- 16 Procuratore stipulante domino dari, an domino ex stipulatione actio acquiritur: si non directa, an saltem utilis. & nu. 19.
- 17 Ex stipulatione an patrono actio acquiratur.
- 18 Ex constituto, quo quis constituit, procuratori se non domino soluturum, an domino acquiratur actio, saltem utilis. & nu. 23.
- 19 Persona, quibus ex constituto pecunia solvenda actio utilis datur.
- 20 Actio ex stipulatione procuratoris procuratori quaesita, quando & quibus casibus in dominum transferatur: & quod utilis saltem, non directa transferatur.

Species ex facto proposita est huiusmodi. Dominus fundi, vi coactus aut dolo inductus, eum Titio dedit, & ita dando, ipsum dominium amisit, *leg. si procurator. de acquir. rer. domin.* Huius domini procurator re cognita, vel quod illi nominatim ita mandatum est a domino, agit cum Titio possessore, ut eum fundum, quem malis rationibus possidebat, restitueret domino suo, & perfecit, ut possessor vellet restituere. Hoc modo res redintegrata est. quo verbo hoc rescriptum vitur. Est enim † redintegrare, rem amissam restituere in integrum, *leg. 2. infra. in quibus causis*

Ob hanc causam, ut res magis caueretur domino, procurator pactus est a Titio, stipulatus est redintegratæ rei & redintegrati fundi vindicationem, sic enim verba sunt rescripti, quæ verba non sic accipere oportet, quasi procurator his ipsis verbis usus sit in stipulatione, alioquin stipulatio non tantum esset inutilis, ideo quia procurator alii stipulatus esset, & quia stipulatio esset impossibilis, usque adeo ut non valeret stipulatio, sed dominus ipse stipulatus esset a Titio eius fundi vindicationem, seu eum fundum sibi vindicare licere. Nam † vindicatio est in rem actio, *l. actionum, D. de obl. & act.* Hæc actio non competit, nisi domino, *leg. in rem, de rei vindicat.*

Porro hic verus dominus, postquam rem suam transtulit in Titium, dominus esse desiit, ut dixi, *dict. leg. si procurator meus.* Proinde nec iure rem, quæ aliena est, vindicare potest, nec quicquam prodest ei voluntas Titii, restituere volentis. Nam Titius dominus eius fundi, transferre non potest nudo pacto, sed sola traditione, *leg. tradit. infr. de pact.* Sic igitur verba hæc accipere debemus, ut intelligatur procurator stipulatus esse a Titio, eum fundum, de quo queritur domino suo restitui. Qui stipulatur eius fundi stipulationem, cum effectu stipulatus est eius fundi vindicationem. Nam fundo restituto verus dominus, rursus dominus esse incipit. Domino, ut dixi, vindicatio competit, ita procuratoris est fundi vindicatio, quæ inde nascitur. In summa procurator eum fundum, quem diximus, stipulatus est restitui, non sibi, sed domino suo. Quæsitum † est, an ex ea stipulatione procuratoris, vlla queratur actio domino.

Responsuri Imperatores præmittunt regulam iuris, ex qua inferunt, quod ad quæstionem propositam attinet. Regula iuris est, *Semper libera persona, quæ nostro iuri subiecta non est, nihil acquiri posse excepta causa possessionis.* Eadem exstat in §. ex iis, *Instit.* per quas personas nob. acquiratur. Hæc regula paucis complectitur, & per quas personas nobis acquiri possit, & per quas non possit, de iis brevis sit ius habet.

Duo sunt genera personarum, † per quas nobis acquiritur: servi, quique servorum loco habentur, & filii familias. Per servos nostros, quicquid acquiritur, nobis acquiritur, §. *item nobis, Institut.* per quas personas. Per servos † item alienos nobis acquiritur, si in iis usum fructum habemus, aut res bona fide possidemus, §. *de iis, & §. sequen. Institut. eodem.* Sed per hos duos posteriores, ex iis tantum duabus causis, si quid illi acquirant ex re nostra, aut ex operis suis, ut ibidem scriptum est, Servorum † nomine, & liberi homines intelliguntur, quos bona fide possidemus. Per hos quoque itidem

itidem nobis acquiritur, sed non quiduis. Peculium enim profectitium in solidum patri acquiritur. Aduentitii peculii proprietas est filii familias, vsusfructus acquiritur patri, §. 1. *Instit. eodem*. Interdum nec vsusfructus patri acquiritur, sed in solidum peculium aduentitium efficitur filii familias, & proprietate & vsufructu, quod contingit in causis comprehensis, in leg. ultim. in princ. & *Authen. excipitur, infra de bonis quæ liberis*. Peculium castrense & quasi castrense, si filius familias intestatus moritur, ad patremredit, non successionis & hereditatis iure, sed iure patris, quo pater bona filii, vt peculium occupat, l. 2. *de cast. pecul.* alias ad heredem filii pertinebit dict. §. primo. *Instit. eodem*, §. 1. *Instit. quibus non est permittit facere testamen.* Peculium autem aduentitium mortuo filio familias, pater totum, iure occupat, eodem exemplo, quo castrense & quasi castrense. Non adiicimus hic, si filius familias intestatus moritur, in bonis enim aduentitiis, aliter quam intestatus mori non potest. Non enim potest testamentum de iis facere, l. pen. & ult. §. qui testam. fac. poss.

Si per has personas solas nobis acquiri potest, efficitur per reliquas personas nobis acquiri nihil posse. Hinc responsio huius loci ita concepta est, *pro liberis personis, quæ iuri nostro subiectæ non sunt, nobis nihil acquiri posse*. Dictum est pro liberis personis, quia per seruos tum nostros, tum alienos acquiri potest. Adiicitur, *quæ iuri nostro subiectæ non sunt*, quia per filiosfam. qui homines liberi sunt, acquiri potest, sed & per alios homines liberos, qui in potestate nostra non sunt, si modo a nobis bona fide possideantur, quæ possessio facit, vt iuris interpretatione intelligantur, iuri nostro subiectæ esse.

7 Excipitur hoc loco, causa possessionis. Causa possessionis, † nihil aliud est nisi possessio. Itaque quod dicitur hoc loco causam possessionis, per liberam personam acquiri posse, id alibi dicitur possessionem per liberam personam acquiri posse, l. 1. & l. per pec. *infr. de acq. poss.* Sunt qui putent hic, verbum causa, vacare, & solius elegantiæ causa additum esse, vt cum dicimus, causam facti, pro facto, in l. denique, D. ex quib. caus. causam testamenti pro testamento, in l. 1. §. hoc interdictum, de tab. exhib. causam notationis, pro notatione, l. 4. in fin. D. de usuris. Causam pignoris pro pignore, l. si conuenerit, §. si fundus, D. de pign. act. Cuius rei plura exempla colligit Briffon. in leg. exitus. Veruntamen nihil prohibet causam possessionis vtitate hic interpretari pro negotio, in quo de possessione agitur, vt sit sententia excepta possessionis causa, id est, excepto eo, si de possessione agatur, per liberam personam nobis nihil acquiri posse. Constat † causam in vsu iuris pro negotio, & re gesta accipi, vt cum dicimus: Creditorem esse, cui ex quavis causa debetur, obligationes ex certis causis nasci, in quibus omnibus intelligimus negotia & facta, ex quibus obligationes nascuntur, l. creditores, de verb. signific. l. 1. D. de obl. & act. §. si res aliena.

In summa excipitur his verbis possessio: Hæc per quemlibet † nobis acquiritur, si nostro nomine ingrediatur possessionem, id est, si ingrediatur hoc animo, vt velit nostro nomine possidere, sed acquiritur tantum nobis volentibus, l. ea, quæ, de acquir. rer. dom. de quo ex regul. acquir. possessionis dictum.

16 Nam possessio † non acquiritur nobis, nisi animo & corpore, vt igitur per alium nobis acquiratur, hoc animo esse debemus, vt velimus possidere, l. 3. de ne-

quir. poss. Corpore autem alieno recte nobis acquiritur. Hic enim ministerio corporis quis vtitur. Nihil autem interest, vtrum ministerio sui corporis, an alieni vtratur: Non obstat † quod dicitur in l. 1. de acquir. poss. possessionem per liberas personas nobis acquiri posse etiam ignorantibus. Vtrumque enim verum est, per liberas personas possessionem non acquiri nisi volentibus: & tamen acquiri posse etiam ignorantibus. Volentibus nobis acquiritur, si mandauerimus alicui, vt nostro nomine ingrediatur possessionem, & ille sit ingressus. Idq; est, quod dicitur per procuratorem nobis posse acquiri, l. 1. §. pro proc. D. de acquir. poss. l. per proc. D. de acquir. poss. Nam procurator † is est, cui negotia nostra gerenda mandauerimus, l. 1. D. pro emi. Sed & volentibus nobis acquiritur, si quis sine mandato nostro ingressus sit possessionem nostro nomine. Deinde nos re cognita, ratum habuimus, quod gestum est, l. omnis, §. ult. de acquir. poss.

At hoc vtrumque recte fit nobis ignorantibus. Nam & procurator noster ingredi potest possessionem tunc cum ignoramus, non tamen sine voluntate nostra, quia volumus vt faciat. sed & qui sine mandato nostro ingreditur, nobis ignorantibus ingreditur, nihilominus tamen volentibus, si postea ratum habeamus.

Vt possessio excipitur, quam per liberas personas acquirimus, ita hoc loco nihil aliud nobis intelligitur posse acquiri per procuratorem. Hoc falsum videtur in domino. Nam per † procuratorem, vt possessio nobis acquiritur, sic & dominium, si incipiat ab eo, qui dominus fuit, & dominium in nos transferre vult, l. traditio, §. ult. de acquir. l. per proc. §. de acquir. poss. §. ex iis, in fin. per quas person. Respond. Dominium quidem per liberas personas nobis acquiritur, sed acquiritur per possessionem prius quaesitam, vt infra scriptis in locis diserte audimus, quibus significatur, dominium per se nobis per liberas personas acquiri non posse. Exempli gratia, si fundus Titio sit legatus, vt nobis restitueret, & ille nostra causa legatum agnouerit, tum nobis dominium non acquireretur, sed ipsi soli, si fundi possessionem nostro nomine ingressus non sit: quam si ingressus erit acquireret nobis dominium, sed non propter dominium, verum propter possessionem, quam prius nobis acquisiuit. Ita prima causa acquirendi domini est in possessionem per procuratorem vere dicitur solam posse intelligamus solam possessionem nobis acquiri posse, vt acquiri posse: Nam nec dominium per liberas personas nobis principaliter acquiri potest. Si per liberas personas solū poss. mo nobis acquiratur, consequens est, quod de proposita † questione hic respondetur, vt per procuratorem, qui stipulatus est domino suo, fundum restitui, nulla actio acquiratur.

Et hoc est, quod aliis regulis hic comprehensum est. Regulæ sunt hæ: Per liberam personam, quæ iuri nostro subiecta non est, obligatio aut actio nobis acquiri non potest, l. si ita stipulatus, §. Chrysogonus, de verb. obl. l. solut. §. per liberam, D. de pign. act. Item, Alteri † stipulati nemo potest, l. stipulatio ista, §. alteri, D. de verb. oblig. Item, Quæcunque gerimus, cum ex nostro contractu initium sumunt, nisi ex nostra persona initium obligationis sumatur, nihil agitur, & ideo neque stipulati, neque emere, vendere, locare, vt alter suo nomine agat, possumus, l. quacum-

que, *D. de obl. & act.* Hinc etiam nata est illa distinctio, quæ est in *l. ea que, D. de acquir. rer. dom.* ut quæ ciuiler acquiruntur, veluti possessio, per quoslibet volentibus nobis recte acquirantur. Naturaliter dicuntur ¶ acquiri, quæ acquiruntur apprehensione & occupatione, quoniam iure naturali seu gentium dominia rerum adhuc possessione nata sunt, *leg. 1. de acquir. poss.* Contra ¶ ciuiler acquiri dicuntur, quæ nullam eiusmodi apprehensionem habere possunt. Huius generis est obligatio & actio. Hæc prehendi non possunt, quoniam non sunt res corporales, sed quæ intelliguntur tantum, vnde dicuntur consistere in iure, id est, iuris auctoritate & potestate, *Instit. de reb. corpor.* Deinde etsi res hæc prehendi possint, tamen solo consensu, aut solo facto delinquentis acquiruntur ei, qui contraxit, aut in quem delictum commissum est. Ratione igitur ciuili id fit, non ratione generali ad res acquirendas comparata.

18 Quod si procurator ¶ stipuletur domino dari, hic scriptum est, ne domino quidē ex stipulatione procuratoris actionem acquiri. Hic opponitur *lex quod procurator, D. de proc.* vbi scriptum est, quod procurator ex re domini, mandato non refragante, stipulatus est, id dominus & inuito procuratore petere potest. Non potest dominus petere nisi actionem habeat, *l. si pupilli, §. ult. D. de neg. gest.* Non potuit habere, nisi quæsitam ex stipulatione procuratoris. Proinde ex stipulatione procuratoris, & per liberam personam domino actio acquiritur. Respondeo, quod illic dicitur dominum petere posse, quod procurator stipulatus est vtiliter, nam si inutiliter stipulatus esset, nec stipulatus videretur, *l. quoties viti, D. qui satis dare cog.* Vtilitas autem stipulati procuratoris est cum sibi stipulatur, ceterum cum stipuletur domino dari, inutilis est stipulatio, ex hoc loco, cum nullam stipulatio in personam alterius conferatur, ex *l. quacunque gerimus, ff. de obl. & act.* Nos hic de eo loquimur, qui alteri stipulatur aut paciscitur, hoc qui facit, alteri obligationem aut actionem acquirere non potest.

19 Quæsitum ¶ est si procurator domino suo dari stipuletur, si domino directa actio non acquiritur, an saltem acquiratur vtilis. Mouent duo loci quidam, in quibus traditur ex stipulatione procuratoris, domino vtilem actionem dari, *l. si procuratori, de verb. obl. l. 5. D. de prat. stip.* & aliis quibusdā locis, de quibus mox. Respon. Si procurator domino dari stipuletur, stipulatio in dominum collata, hoc loco inutilis actum esse, ita ut nec inutilis actio domino acquiratur, quod tamen satis esset ad excludendam actionem vtilem, sed nominatim dicitur, nullam actionem quæri, verbo non generali, sed vniuersali: qui nullam acquiri dicit, omnem actionem excludit, proinde non tantum directam, sed etiam vtilem.

20 Confirmatur eadem sententia non obscure, in *l. si ita stip. §. Chrysogonus, de verb. obl.* vbi proponitur, libertus stipulatus esse dari prædium, suo nomine, magis aut æquius, nemo potest acquirere alteri, quā libertus patrono, propter suum beneficium libertatis, a patrono acceptum, & propter honorem, quem libertus patrono debet. Placet tamē illius stipulationem adeo nullius momenti esse, ut nec adiectio absentis patroni ei profit ad solutionem, id est, adeo stipulationem esse inutilem, ut nec ex ea stipulatione patrono solui possit, & si solutum sit, solutum repeti possit. Si solui patrono ex hac causa non potest, patrono ex hac

causa nihil debetur, atque ita ne vtile quidē actionem habet. nam ei mox debetur, qui vtilem actionem habet, *l. proc. in rem suam dato, D. de proc.* Non minus aperte confirmatur eadem sententia, in *l. cum qui, §. Julia, & §. si actori.* pecuniā vtiliter constitui posse, dummodo quis constituat, se procuratori daturum, non daturum domino. Non adicitur de actione, an ea ¶ ex constituto, quo quis procuratori constituit, se non domino daturum acquiratur domino actio vtilis. Sed satis significatur ex eo constituto ne vtilem actionem domino acquiri, idque ex *dict. §. si actori*, qui sequitur, in quo tantum in certis personis datur actio vtilis, ex eo quod quis apud aliquem constituit, se alii daturum, aut soluturum. Personæ ¶ aut sunt hæc, si quis constituat actori consulis, se consuli soluturum, aut tutori constituat se pupillo soluturum, aut curatori constituat se adiuncto soluturum. Si in his tantum personis actio vtilis datur ex eiusmodi constituto, in persona procuratoris, ne vtilis quidē actio datur, alioqui male procurator, ab aliis personis distinguitur.

Sed ¶ hic opponitur *l. si procuratori, de ver. obl. vbi 23* scribitur: Si procuratori præsentis fuerit cautum, id est, promissum, vtilem actionem ex ea causa domino dari, habenturque in eandem sententiam alii loci complures. Respond. quod in *d. l. si procurat.* & similibus dicitur, domino actionem vtilem dari, ex stipulatione procuratoris, ubique sic accipiendum est, si modo stipulatio procuratori ab initio constiterit, quod ita fit, si procurator stipuletur sibi aut domino simpliciter. Non de eo procuratore loquimur, qui recta domino dari stipulatur. Hæc stipulatio ab initio non constitit, neque in persona procuratoris, quia sibi non est stipulatus, nec ex persona domini, quia regula iuris alteri actionem quæri vetat, proinde ex ea stipulatione, quæ nulla est, actio quæri alteri non potest, neque directa, neque vtilis.

Sed ¶ si procurator sibi dari stipulatus sit, constitit ab initio stipulationis ex ea stipulatione etiā dominus, ut actionem habere possit, quod tribus modis contingit: Primus, si procurator ex re domini stipulatus sit, *l. quod procurator, D. de proc.* Id si accipi debet, petere posse vtili actione, ut est in *dict. l. si proc. de verb. obl.* Alter, si procurator præsentis domino stipulatus sit, *l. si proc. de verb. obl.* Tertius, si iusta causa postulare videatur, *l. damni, §. ult. D. de dam. inf. l. 5. D. de prat. stip.* Hanc iustā causam interpretari debemus, cum res domino, aduersus verum debitorem, aliter salua esse non potest, exemplo institutoris, quæ interpretatio significatur in *d. l. 5. D. de prat. stip.* addito exemplo institutoris, de quo scriptum est in *l. 2. D. de Inst.*

Hæc ideo in stipulatione procuratorum recepta sunt, quia cum procurator in causa domini sibi actionem acquisiuit, videtur supra scriptis casibus, hoc necessarium esse, ut actio sibi quæsitā, ad dominum transferatur, proinde, quia directa transferri non potest, transfertur ipso iure vtilis. Hoc non est proprium procuratorum, sed ad alias personas quaslibet extraneas, transferendum est, & generaliter ita definiendum: Quotiescunque alicui actio quæsitā est suo nomine, iis modis quibus acquiri solet, toties, qui eam actionem habet, alteri non acquirere, sed in alterum sua voluntate transferre potest, & quacunque ex causa, vel domini, vel emtionis, vel alia voluerit, eam actionem in alium transferri: transfertur in eum non directa, sed vtilis. Ad hanc definitionem referri debent exempla duorum locorum,

locorum, quæ ad superiorem regulam expensa, nihil contrarium habent, contra autem ad eam regulam non expensa, omnibus maxime modis sunt contraria. Loci hi sunt, *l. pen. j. ad exh. § l. quoties, j. de don. qua sub. § c.* In *l. pen. j. ad exh.* hæc species est. Res aliena cum apud me esset, eam tibi commodavi, aut apud te deposui, & convenit, ut eam domino Titio redderes, ubi scriptum est, ex hac conventionione domino actionem acquiri non directam, sed utilem, ergo ex conventionione mea alteri actio acquiritur saltē utilis. Resp. Non ita est, nam in ea specie, mihi primū actio quaesita est commodati, si commodari: depositi, si deposuerit. Verum ad rem pertinet, quod rem alienam tibi commodavi. nam quæcunq; res comodata sit, actio commodati acquiritur, *l. commodare. § l. seq. D. commodati.* Hanc actionem mihi prius recte quaesitam in alium transferre tunc voluisse intelligor, cum pactus sum, ut eam domino restitueres, & ideo actio commodati, quam habeo, in dominum transfertur, unde in *d. l. pen.* non dicitur ex hac conventionione nova actio domino acquiri, sed acquiri actio commodati. Hæc vero prius in mea persona constitit, nam dominus reuera tibi nihil commodavit.

Simile exemplum est in *dict. l. quoties, j. de don. qua sub. § c.* Donavi tibi fundum, ea lege, ut eum Titio restitueres. Titius ex hac conventionione aduersus te utilem eandem habet. Hæc non aduersantur regulæ iuris. Neque enim hic per me Titio actio quaeritur, quæ in mea persona non constitisset, sed ex quo primum mihi quaesita est, transfertur in Titium mea voluntate & conventionione. Nam cum do tibi fundum ob eam causam, ut Titio reddas, nisi reddis, competit mihi condictio, ob causam dati, causa non secuta, *l. ea. § l. d. legem. infr. de condict. ob causam dat.* Hæc causa sequitur rem, simulatque Titio non restituis. Ita statim condictio superior mihi acquiritur, quaesita in Titium transfertur mea voluntate. Hoc fit non singulari iure donationis, aut rei alienæ, sed iure communi, quo omnes qui actionem habent, suam actionem alteri cedere, & in eum transferre possunt, ex qua voluntate statim alteri utilis actio acquiritur ipso iure, veluti si quis alteri actionem quam habet, dederit in solidum, *l. ult. infr. quando filiusfamilias, vel.* Hic si quis ad interpretationem & explanationem superioris regulæ plura desideret, legat quæ diligenter scripsimus in hunc locum ad *l. stipulatio ista, §. alteri vero 61. § 62. & deinceps, de verbor. obligat.*

Ad L. 2. Cum per, &c.

Imp. Iustinianus A Iuliano præfecto prætorio.

Cum per liberam personam, si pecunia alterius nomine fuerit numerata, acquiratur quidem ei cuius nomine pecunia credita est, per huiusmodi numerationem condictio, non autem hypotheca vel pignus eorum qua procuratori data vel supposita sunt, dominis contractus acquiritur: Talem differentiationem expellentes, sancimus & condictionem & hypothecariam actionem, vel pignus ipso iure & sine aliqua cessione ad dominum contractus pervenire. Si enim procuratori necessitas legibus imposita est, domino contractus cedere actionem: quare quemadmodum ab initio in personali actione cesso superflua videbatur, non etiam in pignoribus & hypothecis, simili modo dominus contractus habeat hypothecariam actionem, seu pignoris vinculum, vel retentionem sibi acquisitam.

Datum Kalend. Nouemb. Lampadio & Oreste VV. CC. Cos. 530.

SUMMARIA.

- 1 Ex mutuo, cuius obligatio nominatim in alterius personam collata est, an alteri condictio acquiratur.
- 2 Absentis nomine dare quid.
- 3 Obligatio pignoris seu hypothecæ, an acquiratur absentis, cuius nomine debitor pecuniam accepit.

Sententia hæc iure veteri, iam olim recepta fuit: Si dederim tibi hummos meos, alterius nomine, quamvis absentis & ignorantis, tamen illi alteri condictionem acquiri, non dico utilem sed directam. Nomine absentis cum dico, hoc intelligo, si dederim tibi nummos meos, ut mutuum videaris accepisse a Titio absente, & eo nomine Titio obligeris, ex hoc inquam mutuo, cuius obligatio collata est nominatim in personam alterius, placuit illi alteri condictionem acquiri, *leg. certi. §. si nummos. Dig. si cert. pet.* Quam sententiam, quia iuris erat explorati, Iustinianus hic non confirmat, sed pro certo relinquit.

Videri prima fronte potest, hoc receptum a veteribus contra regulam iuris: Per liberam personam alteri actionem acquiri non posse. Sed nihil hic fit aduersus eam regulam. Quæ res fecit, ut citra hæsitacionem hæc sententia retineretur a veteribus. Intelligendum est autem, quod a me datur alterius nomine, id illi alteri statim acquiri. Nam cum do illius nomine, simul constituo me illius nomine possidere. Is autem possidet cuius nomine possidetur. *leg. quod meo. D. de acquirend. possessio.* Proinde hac mea voluntate statim illi acquiritur per me possessio rei datæ, iure quo per liberam personam alteri possessio recte acquiritur, & per possessionem recte dominium, *§. ex his, Institut. per quas personas, leg. traditio. §. ultim. D. de acquirend. re. dominio.*

Hoc posito expedita huius sententiæ ratio est: Si nummi quos nomine absentis dedi, illi acquiruntur, ipse videtur mutuum dedisse, non ego, ille enim pro me dedit. Quod si ita est, recte ex hoc mutuo condictio illi acquiritur, idque secundum regulas iuris. Non tam enim ego illi, quam ipse per se, & contractu suo condictionem acquirere intelligitur. Non obstat quod Iustinianus in hac lege dicit: *In hac specie per liberam personam alteri condictionem acquiri.* Hoc enim verum est, initio rei gestæ inspecto: Nam ab initio per liberas personas dominium nummorum alteri acquiritur, sine quo dominio, condictio illi acquisita non esset, quia non est mutuum, nisi ubi nummi sunt dantis. Ceterum ubi dominium semel per me alteri quaesitum est, evenit ut is mutuum dare intelligatur, non ego. Ita proxima causa condictionis inspecta nempe mutuo, illi alteri ex suo contractu acquiritur condictio, non ex alieno.

Hac sententia accepta, quaesitum est: Si ego in eadem specie, pactus sum cum debitore, cui nummos meos dabam absentis nomine, ut ille res suas absenti illi obligaret pignori, velut obligatæ ei iam essent: an etiam hac conventionione mea, illi obligatio pignoris seu hypothecæ acquiratur? Et hoc veteribus non placuit: Hoc quoque recte veteres, si ex regulis iuris res iudicatur, quoniam in hac conventio-

ne pignoris, nihil amplius interuenit, quam mea cōuentio, ut si alteri ex hac conuentione obligatio acquiratur, nihil aliud dici possit, nisi ex mea conuentione, & meo contractu alteri obligationem acquiri, quod reg. iuris vetat. Et in hanc sententiam scriptum est in *l. solutum, §. per liberam, de pign. actio*. Iustinianus hac lege aliter constituit, & vult, quemadmodum personalis actio alteri acquiritur ex hac causa, sic & per me illi obligationem pignoris acquiri.

Hoc ius magis nititur auctoritate constituentis, quam vera & certa ratione. Certe argumentum, quo Tub. ad hanc sententiam hoc in loco vitur, plane vitiosum est, & quod aduersus auctore facit. Ille sic ratiocinatur: Si in hac causa mutui, per procuratore personae actio domino dari potest, poterit & pignoris obligatio. Non recte colligitur, quia haec plane dissimilia sunt. Nam in hac causa, conditio per me procuratorem alteri acquiritur, quia illi acquiritur ex suo contractu, non meo, quod ius non vetat. Contraria de causa obligatio pignoris illi per me acquiri non potest, quoniam non potest illi acquiri, nisi ex mea conuentione, quod reg. iuris non patitur. Præterea conditio illi acquiritur, quia conditio consistit in eius persona. At hic nulla est pignoris obligatio, quæ in cuiusquam persona consistat. Nō enim consistit in mea persona, quia mihi nihil debetur. Pignus autem accusatio est principalis obligans, *l. res hypoth. D. de pign.* Sed nec in persona alterius potest consistere, quoniam ei mea conuentione obligationem acquirere non potui.

Non minus falsum est, quod hic Tub. ait: Personalem actionem in hac causa, domino per procuratorem acquiri sine cessione, quia cessio sit superuacua. Hoc cum dicit, significat procuratorem, qui nummos suos dedit, domini nomine, posse cedere domino conditionem, ex ea causa, sed ideo non esse necesse cedere, quia sit superuacuum. Hoc falso dicitur, ne dicam imperite. Nam procurator, qui hos nummos dedit, non potest cedere domino suo conditionem, nisi eam habuerit, *l. nemo plus, D. de regul. iur.* At in proposito, qui dat nummos alterius nomine, conditionem sibi acquirere non potuit, quia noluit, dum alii vult eam acquiri. *l. multum, circa fin. infra. si quis alteri vel sibi. l. si genere. infra. de iur. dot.* Nec ad rem pertinet, quod nummi a dante proficiuntur, nam ad obligationem ex numeratione acquirendam, non sufficit sola numeratio, nisi id ipsum agatur, ut qui accipit, numeranti obligetur, *l. non omnis. D. si cert. pet.* Non ergo ex hac causa alteri conditio acquiritur, quia cessio fuit superuacua, sed quia nulla omnino cessio esse potuit, atque adeo nec esse debuit, cum statim & recta conditio alteri acquireretur. Si quis ita argumentaretur: per me alteri principalis obligatio ex hac causa acquiritur, ergo multo magis acquireretur accusatio: in promptu, responsio est: Accusationem acquiri potuisse, si modo vlla esset accusatio pignoris: sed iam antea dixi, cum paciscor, ut res sit alii pignolata, nullum pignus ab initio contrahi, nec in cuiusquam persona consistere. Ius igitur hoc, ut dixi, magis in auctoritate constituentis est, quam in ratione.

Veruntamen & hac sententia defendi potest, sed alia ratione. Nam si alicuius opera & beneficio ex causa mutui, alteri conditio acquiri potest, non est iniquum, per eundem etiam obligationem pignoris, quæ accessio est, eidem acquiri, etsi subtilitas iu-

ris refragari videatur. Quamuis enim ex hac causa non proprie dicitur alteri per alterum conditionem acquiri, tamen prope est, ut videatur acquiri, cum sine dantis opera & conuentione actio quaesita non esset. Huc accedit, quod in pignoris obligatione acquirenda non tam noua obligatio acquiri videtur, quam vetus constitui.

Ad L. ultimam.

Imper. Iustinianus A. Iuliano praefect. praetor.

Si duo vel plures communem seruum habeant, & unus ex his iusserit, ut suo nomine seruus ab aliquo stipuletur decem (puta) aureos, vel aliam rem: Ipse autem seruus non eius, qui iussit, sed alterius ex dominis suis fecit mentionem, & nomine illius stipulatus est: Inter antiquam sapientiam quarebatur, cui acquiratur actio, vel lucrum quod ex hac causa accidit: utrum ei, qui iussit, an ei, cuius seruus fecit mentionem, an ambobus. Cumque ex omni latere magna pars auctorum multum effuderit tractatum: nobis verior eorum sententia videtur, qui domino, qui iussit, asserunt stipulationem, & ei tantummodo acquiri dixerunt, quam aliorum, qui in alias opinionibus deferuntur. Neque enim malignitati seruorum indulgendum est, ut liceat eis, domini iussione contenta, sua libidine facere stipulationem, & ad alium dominum, qui eum forsitan corrumpit, alienum lucrum transferre. quod neque ferendum est, si seruus impius domino quidem, qui iussit, minime obediendum existimauerit, alii autem, qui forsitan ignorat & nescit, repentinum adducat solatium. Quod enim saepe apud antiquos dicebatur, iussione domini non esse absimilem nominationi: tunc debet obtinere, cum seruus iussus ab uno ex dominis stipulationem facere, sine nomine stipulatus est. Tunc etenim ei soli acquirit, qui iussit. Sin autem expresserit alium dominum: Soli illi necesse est acquisitionem celebrari. multo enim, amplius oportet valere dominici nominis mentionem, quam sterilem iussione. Datum XV. Kal. Decemb. Lampadio & Oreste VV. CC. Coss. 530.

S V M M A R I A.

1. Seruus stipulans, quicquid stipulatur, domino acquirit.
2. Seruus si habeat duos dominos communes, quibus & quatenus acquirat.
3. Seruus stipulari iussus ab uno ex dominis, si nominatim stipulatur alteri dari, utrum iubenti, an nominato, an potius utrique stipulatio acquiratur. Iussio an sit nominationi similis.
5. Emendatio & peculiaris lectio quarundam dictionum huius legis.

Quod si seruus stipulatur, quocunque modo stipuletur, siue sibi, siue domino, siue impersonaliter, id semper domino acquirit, *Insti. de stipul. seru. in prin.* Res expedita est, cum seruus unum dominum habet. Quid si seruus erit communis, duorum domini-
minorum, quibus & quatenus acquireret? Et iure d. omnibus dominis acquirit cum simpliciter stipulatur. Et multo magis, cum stipulatur dominis suis. Idem est, & si sub propriis nominibus dominorum stipuletur, hoc modo, primo & secundo dabis &c. Hi autem domini erant serui communis, tantum hoc interest, utrum seruus stipuletur dominis verbo communi & appellatiuo, an vero stipuletur nominatim dominis suis nominibus propriis appellatis, quod priore casu dominis stipulatio acqui-

quisitur pro portione domini, quod in seruo habent; posteriori acquiritur dominis, pro virilibus & æquis portionibus. §. 1. *Instit. de stip. seruo. l. si communi seruus ita stipuletur 37. de stip. seruo.*

Vni ex dominis acquiritur, cum vnus ex iis iubet seruum stipulari, & seruus aut iubenti aut simpliciter dari stipulatur; tunc enim soli iubenti acquiritur: aut cum neuter ex dominis iubet seruum stipulari, sed seruus nominatim vni ex dominis stipulatur: tunc enim nominato soli acquiritur, §. pen. *Instit. de stip. ser.*
 3 Hinc nata quæstio: Quid si vnus ex dominis iubeat, vt seruus stipuletur, seruus autem nominatim stipulatur alteri domino dari, vtrum iubenti stipulatio acquiritur, an potius nominato, an potius vtriq; quia in proposito concurrunt qui iussit, & qui nominatus est? Hæc quæstio hæc lege deciditur, in qua ita instituit Iustin. stipulationem iubenti acquiri, non autem nominato, si modo duo concurrant, nempe, si nominatim vnus ex dominis iussit seruum stipulari, sed etiam iussit simpliciter, vt suo nomine seruus stipularetur, id est, nominatim, nomine iubentis, hoc modo: *Centum aureos quos ille mihi debet, stipulare ab illo mihi dari.* Hæc Iustiniani constitutio est vsq; ad verbum, *Quod enim, &c.*

Huic sententiæ obstat dictum veterum. Dicere enim veteres solebant, *iussione* ¶ non esse *absimilem nominationi*, quo dicto significatur nominato acquiri, & si acquiratur iubenti, non alia de causa fieri, quã quia iussio est similis nominationi. Ex quo intelligimus, plus valere aut certe tantũdem nominationem, secundum quam sententiã in proposito dici debuerat, stipulationem aut nominato soli acquiri, aut certe pariter & nominato & iubenti. Nunc autem Iustin. dicit acquiri solum iubenti. Merito igitur superius dictum veterum sibi in hac sententia opponit. Hanc obiectionem diluit in versu, *Quod enim, &c.* ait dictũ superius non ob stare. Quod enim ita dictum est a veteribus, tunc debet obtrahere, cum vnus ex dominis iussit seruum stipulari, non adiecto, cui ex dominis stipularetur, si inquam seruus hoc casu stipulatus est, id est, simpliciter stipulatus, soli iubenti stipulatio acquiritur, vt sic verum sit, iussione similem esse nominationi: sed si hoc casu seruus alteri ex dominis expresserit, tum ex superiore dicto veterum, stipulatio acquireretur nominato, quia, inquit, plus valere oportet dominici nominis mentionem, quam iussione.

Huic parti initium constitutionis opponitur, vbi cautum est, stipulationem acquiri iubenti, & plus valere herilem iussione, quam dominici nominis mentionem. Solutio per se patet. Nã initio Iustin. loquitur de eo domino qui iussit, vt seruus stipularetur, non simpliciter, sed iubenti. In hoc autem versu, *Quod enim, Iustin.* loquitur de eo qui iussit, sine nomine, vt seruus stipularetur, quo casu si seruus alteri nominatim stipulatur, ideo nominato acquiritur, quia hic nulla est mentio alteri domini, neq; in iussu eius domini, neq; in stipulatione serui. Sed huic solutioni opponuntur verba extrema, cum ait Iustin. minus valere herilem iussione, generaliter legitur de herili iussione, neque distinguitur, vtrũ herus simpliciter iubeat stipulari, an sibi. Resp. Et si hoc nõ adicitur, tamen ex præcedentibus satis id intelligitur. Nam Iustin. opponit herile iussione mentioni dominici nominis, vnde intelligimus ex antithesi, herilem iussione sic nominari, quã eius domini mentionem coniunctam nõ habet, quo sensu tota sententia & distinctio vera est.

Hinc intelligimus totius huius legis hanc distinctionem esse, quam recte sequitur Azo, & quam recte sequitur Bart. & vna Salic. Est autem hæc. Cum vnus ex dominis iubet vt seruus stipuletur, & is nominatim alteri domino stipulatur, siquidem is qui iussit seruum stipulari, iussit simpliciter vt stipularetur sibi seu suo nomine, stipulatio iubenti acquiritur, & ita plus valet specialis iussio. Sin autem is, qui iussit seruum stipulari, simpliciter iussit, stipulatio nominato acquireretur, & ita generalis iussus minus valet, quam nominatio.

In hac ¶ sententia vt magis confirmemur, quãdam animaduertenda sunt in scriptura huius loci & in verbis. I. Notandum est recte legi: *Quod enim, non, Quod autem*, vt quidam reponendum censuerunt. Nam Iustin. hic rationem reddit, cur dicat dictum veterum non ob stare. hæc ratio non subiicitur per aduersatiuam, sed per rationalem particulam enim. Notandum præterea in eodem versu, illa verba: *Sine nomine*, coniungenda esse cum præcedentibus, non autem cum sequentibus, & ita locum interpretandum, quasi ita scriptum esset: *Tunc obtrahere, cum seruus ab vno ex dominis iussus est, sine nomine stipulationem facere, & deinde stipulatus est.* Quo sensu recte hæc pars, a priore parte legis distinguitur. In verbis hoc notandum est, cum ait: *Si seruus sine nomine iussus stipulationem facere, stipulatus est*, hoc sic interpretandum est, *stipulatus est simpliciter non autem nominatim vni ex dominis.* Hoc intelligitur ex aduersatiua sequentis versus, vbi dicitur: *Si autem vnum dominum expresserit.* Deinde notandum illa verba extrema, *herilem iussione*, sic accipienda esse, *herilem iussione simplicem*, vbi dominus non iussit seruum sibi stipulari, vt supra ostendi.

AD TITVLVM XXX. COD. De non numerata pecunia.

S V M M A R I A

- 1 Summa huius tituli, & nũ. 5.
- 2 Obligatio literarum qua fit.
- 3 Huius tituli capita duo.
- 4 Huius tituli cum superioribus nulla connectio.
- 5 Confessus se aliquid debere ex alia causa, quam mutui, confessioni sue stare cogitur. & nũ. 6.
- 6 Confessio ex causa mutui se accepisse, confitenti non nocet.
- 7 Exceptio non numerata pecunia qua fit, & eius vis.
- 8 Exceptio non numerata pecunia quando & cui datur.
- 9 Exceptio non numerata pecunia quando cessat.

Hic titulus ¶ verbis est, de nõ numeratã pecunia, ¶ re autem ipsa est de vi & fide instrumenti, in quo quis confessus est, se aliquid debere aut aliquid accepisse, vel a debitore suo, vel a creditore. Item de obligatione, quã dicitur literarum. Nam cum quis scripsit, se aliquid debere aut aliquid accepisse, quari solet, vtrum eam confessionem infirmare possit, vt dicat, non ita esse, vt confessus est; An vero confessio aduersus eũ fidẽ faciat, & an cogatur confessioni sue stare de quo hoc titulo agitur. Hic autem de vi & fide eius instrumenti quari intelligitur. Iã vero cũ ad vim eius instrumenti ventũ est, hic constituitur inter cetera, vt si is, qui cõfessus est, sibi pecuniã numeratã esse ab aliquo creditore. de nõ numerata pecunia quæstus nõ sit intra biennũ, exinde ita teneatur sua cõfessione, vt eã nulla exceptione infirmare possit, vt postea

2 patebit. Hinc † ergo obligatio illa, qua teneri incipit, propter literas a se emissas, quæ obligatio inde dicitur *obligatio literarum*.

3 Ita sunt huius † tituli duo hæc capita, in quibus versatur, sed ideo inscribitur, *De non numerata pecunia*, quia superiori constitutioni & iuri maxime locus est, cum quis pecuniâ sibi numeratam cōfiteretur, quæ dicitur postea non esse numerata. Vnde constitutio de pecunia, quæ non numerata dicitur, quam
4 prius quis confessus erat numeratam. Hinc † apparet, hunc titulum nihil habere coniunctum cum proxime antecedentibus, & ineptum esse Accursiū, qui illum cum præcedentibus connectere conatur, cum in præcedentibus, neque de fide instrumenti, aut alia probatione agatur, neque de obligatione vlla agatur contrahenda, quæ sit huic similis. Sed ideo hic titulus insertus est, quia ad constitutionem vniuersi libri pertinet. Agitur in hoc libro de argumento probationum: Agitur præterea in vniuersum de contractibus & eorum causis. Qua parte hic titulus est de fide instrumenti, & reuera hoc argumentum illius tituli maxime perspicuum est. Qua autem parte agitur hoc titulo de obligatione literarum, eate-
5 nus ad contractus pertinet, de quibus hic agitur, de quæ eo genere agi & quæri conuenit, si quis sequi velit naturæ ordinem, quo ordine causæ contractuum initio proponuntur, ut est ordo in Instit. traditus, §. *ult. Instit. de oblig. & deinceps seq. tit.*

Summam iuris initio paucis complectar, ut intelligi possit, quid in hoc titulo quæri oporteat ad vsum & vtilitatem nostram, simul ut initio notentur loci, ex quibus singularum partium interpretatio plenior
6 postea reperatur. Summa redigitur † ad vnam quæstionem, ea est huiusmodi: Cum quis debitor in instrumento confessus est, se aliquid debere, aut creditor confessus est, se pecuniam a debitore suo accepisse, vtrum ei confessioni illum stare oporteat, an possit confessionem infirmare? De confessione creditoris vnus locus est & brevis, in *l. in contractibus. §. 1. hoc tit.* De confessione debitoris reliqua est hoc loco tota tractatio.

De eo autem ita distinguitur, in qua distinctione
7 versatur hic titulus. Nam si quis † confessus sit, se aliquid debere, ex alia præcedenti causâ, quam mutui, confessioni suæ stare cogitur hoc tit. Quod † si confessus sit se pecuniam accepisse ex causâ mutui, confessio ei non nocet, habet enim exceptionem non numeratæ pecuniæ, qua tutus, non magis teneretur, quam si confessus nihil esset, *l. aduersa. l. 3. hoc tit.* Vis
8 huius † exceptionis in his tribus spectatur, quæ sunt consequentia. Primum consequens est, si creditor pecuniam numeratam petat ab eo, qui confessus est, sibi numeratam, ipsum cogi probare, numeratam esse, alioqui nihil agere, *l. 3. hoc tit.* II. Posse debitorem qui confessus est, interim contradicere, & repetere contradictionem suam. *l. si quasi. h. tit.* III. Si debitor pecuniam sibi numeratam confessus, dederit in eam rem pignora, hæc pro non datis esse, eaque non impedire dominum, quo minus res a se pignori
9 datas, vindicet a creditore, aut retineat, si eas possideat, *l. 1. hoc tit.* Hæc † exceptio, ut apparet, propter præcedentia datur, & causam, nempe, propter pecuniam non numeratam, proinde ad quoscunq; transcunt reliquæ exceptiones, quæ causæ coherent, ad eos omnes etiam hæ exceptiones pertinent. Itaque mortuo debitore, qui confessus erat, sibi pecuniam

numeratam, exceptio transit ad heredes eius, & in heredes creditoris, *l. si intra. hoc tit.* Eadem datur fideiussoribus confessis & similibus aliis personis, *l. tam mandatori. & l. pen. hoc tit.*

Sed tamdiu confessionis superioris hæc vis est, quamdiu hæc exceptio confessionis competit. Hæc autem non est perpetua. Duabus rebus excluditur exceptio † non numeratæ pecuniæ, agnitione noua debiti, *l. cum fidei. hoc tit.* & tempore constituto. Nam hæc exceptio datur iure intra certum tempus, olim intra quinquennium, hodie ex constitutione Iustiniani intra biennium, *l. in contractibus. h. tit.* Ergo intra biennium datur, nisi interim confessus, debitum agnouerit, *d. l. cum fidei. h. tit.* Sed & post biennium competit, si confessus intra biennium, questus sit, sibi pecuniam numeratam non esse, quo casu perpetua sit exceptio. Quod si confessus intra biennium, quæstionem non nouerit non numeratæ pecuniæ, ex eo ita teneri incipit, ut sine exceptione soluere cogatur, quod confessus est sibi numeratum, unde incipit vis certa literarum, *l. si intra. j. hoc tit. l. in contractibus. j. hoc tit.* Quod si ita est, consequens est, post id tempus, cum qui confessus est, obligari literis, ut recte exinde dicatur teneri obligatione literarum, ut suis locis dicitur.

Ad L. 1. Si pecuniam.

Imp. Seuerus & Antoninus A. A. Hilario.

Si pecuniam tibi non esse numeratam, atque ideo frustra cautionem emissam adseris, & pignus datum probaturus es: in rem experiri potes. nam intentio dati pignoris, nec numerata pecunia, non aliter tenebit, quam si de fide debiti constiterit. Eademque ratione veritas seruetur, si te possidente pignus, aduersarius tuus agere coeperit. PP. Kal. Septemb. Laterano & Ruffino Cons.

S Y M M A R I A.

- 1 *Cautionis definitio: & etymologia.*
- 2 *Neganti pecuniam sibi esse numeratam, competit exceptio non numerata pecunia.*
- 3 *Pignus non est sine principali obligatione, pro qua res pignori obligetur.*
- 4 *Accursius reprehenditur cum Bartolo. An debitor in rem experiri possit de pignore repotendo, & num. seqq.*
- 5 *In rem ut quis agat, quæ requirantur.*
- 6 *Pignus datum sibi qui dicit, eo ipso dicit, rem esse in dominio & bonis debitoris, quia aliter pignus non constiteret.*
- 7 *Intentio hic quid.*
- 8 *Intentio tenet quid.*
- 9 *Confesso sibi pecuniam numeratam, nihil nocet sua confessio.*
- 10 *Lectio genuina quorundam verborum huius legis: & unde is error natus.*
- 11 *Duo ex hoc rescripto notanda.*

ALIVIS pecuniam a creditore futuro accepturus, cautionem emisit, qua scripsit, sibi tantam pecuniam pecuniæ ab illo numeratam esse mutui causa. Cautio † hic dicitur, ut in vfu iuris instrumentum seu chirographum, quo debitor scribit, se quid creditori suo debere, sic in *l. emtor. §. ult. de pactis*, & in *l. qui tabulas, de furt.* Cautio ideo dicitur eiusmodi scriptura, quia datur creditori, in hoc vt illi cautum & prospectum sit fide huius scripturæ, aduersus fraudulentam inficiationem debitoris. Idem debitor in
can-

eandem causam pignus creditori constituit, neque pecuniam postea accipit, quam dicit sibi non esse numeratam. Hic traditur posse eum pignus a se datum vindicare a creditore, & si forte res pignori obligatas possidet, posse illum eas retinere suo iure, nec ob stare illi, quod eas pignori dedit, quoniam cum dicit pecuniam sibi non esse numeratam, constituit cautionem & scripturam inanem. Hoc eo dicitur, quia neganti ꝑ pecuniam sibi esse numeratam, competit exceptio non numeratæ pecuniæ, l. 3. l. aduersus. j.

Hæc exceptio hoc præstat debitori, vt intelligatur omnino non teneri, quasi nihil confessus esset: Nihil enim interest, vtrum creditor actionem suam non habeat, an eam habeat, quæ exceptione infirmatur, l. nihil interest. de reg. iur. Inanis igitur cautio est propter hanc exceptionem, id est, ab obligatione inanis, seu talis, quæ nullam obligationem continet, obligatione remota, recte colligitur hic nullum esse pignus constitutum, quod vindicanti debitori ob stet. Nam ꝑ non est pignus sine principali obligatione, pro qua res pignori obligetur, l. res hypotheca. ff. de pignor. & hypoth. §. item Seruiana. Instit. de act. Pignore distracto, consequens est, quod hic dicitur, debitor rem non prohiberi, quo minus rem suo iure vindicet, aut processum teneat. Ita hic constituitur effectus exceptionis pecuniæ non numeratæ is, de quo initio dixi.

Nunc partes rescripti expendamus, quæ paulo obscuriores sunt. Ait rescriptum: *Eum qui scriptura confessus est, sibi pecuniam numeratam esse, & in eam rem pignus dedit, si postea dicat, sibi pecuniam non numeratam esse, posse eum in rem agere.* His verbis significatur posse eum res a se pignori obligatas & creditori datas petere a creditore vt suas: nam actio in rem est, qua rem nostram ab eo, a quo possidetur, petimus. Ergo his verbis ꝑ non significatur actio pignoratitia aduersus creditorem, vt Accursius interpretatur. Sane huic debitori qui pecuniam non accepit, & spe futuræ numerationis, pignus dedit, competit pignoratitia actio ad eam rem petendam, quam pignoris causa dedit, seu vt pignori datum repetat. l. soluium. §. 1. de pignor. act. Sed hoc huic loco non conuenit, imo maxime aduersatur. Nam actio pignoratitia nascitur ex obligatione, §. vt. Instit. quib. mod. re contrah. oblig. Proinde est in personam, de quo nemo ambigit. §. 1. de act. d. l. actionum. de obl. & act. Non est ergo in rem, quia actio in personam, & actio in rem, toto genere distant, & vt contrariæ inter se opponuntur, vt declarant definitiones, d. l. actionum. & d. §. 1. Instit. de actionib.

Nec ferenda est cauillatio Accursii & Bartoli, qui interpretantur hic, competere actionem pignoratitiam in personam, sed in rem, id est, propter rem. Primum verba refragantur, nam in rem, non significat propter rem Latinis. Deinde res ipsa repugnat, nam actio in personam non datur aduersus debitorem obligatum propter rem debitam, sed propter personam seu personæ obligationem. Datur enim ideo, quia aliquis est obligatus, d. §. 1. de actionib. Ergo debitori in proposito, datur in rem actio de re ab eo pignori data, id est, vindicatio aduersus creditorem, cui pignus constituit. Sed datur duabus conditionibus, prior est hæc, si confessus in rem agens asserat, id est, affirmet pecuniam non esse sibi numeratam. Hæc conditio ideo exigitur, quia si debitor fateretur pecuniam sibi numeratam, consisteret obligatio

mutui quo teneretur, idque ipsius confessione, obligatione principali constituta, consisteret & pignus, l. res hypoth. de pign. & hypoth. Pignore constituto, citra controuersiam creditor pignoris habet retentionem, qua remouet debitorem vindicantem. Nam etsi creditor pignus non possideret, tamen ei ad pignus persequendum datur actio in rem hypothecaria, §. item Seruiana, de act. l. pignoris. §. de pig. Multo ergo magis secundum regulam iuris, dabitur ei possidenti ad pignus retinendum exceptio, l. inuitus. de regul. iur. Nunc quando debitor dicit, pecuniam sibi non esse numeratam, in hac negatione debitor habet exceptionem seu replicationem non numeratæ pecuniæ. Hæc exceptio constituit inanem cautionem, vt sequitur, quod quando fiat, antea dixi.

Altera conditio hic comprehensa est, *Si in rem agens probaturus est pignus a se creditori datum.* Hoc ideo exigitur, quia vt quis ꝑ in rem agat, non est satis agentem dominum esse, sed opus est, vt is cum quo agitur, rem possideat, aut dolo defierit possidere. l. qui peritorio, de rei vindic. l. actionum. de obl. & act. Sic autem creditor pignus possidebit, si debitor ei dederit, id est, tradiderit. Itaque si tantum conuenisset, vt res creditori pignori esset obligata, constitueretur quidem conuentione pignus. l. in prin. de pignor. act. sed non ita constitueretur, vt creditor teneatur actione in rem, quia pignus non possidetur. Exigitur igitur, vt ei traditum sit pignus, & si neget sibi traditum esse is qui agit probet traditum.

His conditionibus interuenientibus colligit rescriptum, agenti debitori actionem in rem competere. Hoc vero male colligitur, quæ res præbuit causam interpretationi illi Accursii superiori. Nam vt agenti in rem hæc actio competat, in primis requiritur, vt is qui agit, sit dominus & probet se dominum esse, si domini illius fiat controuersia, l. in rem. de rei vindic. d. l. actionum. de obl. & act. Ad hanc obiectionem vitandam Accursius, quod dicitur in rem experiri posse, sic interpretatus est, vt possit experiri pignoratitia actione. Nam reuera pignoratitia actio nihil amplius exigit, quam vt debitor dicat, rem a se pignoris causa datum fuisse creditori. Nam siue creditor dominus sit, siue non, nihil in personam actio rei competit, l. commodare. l. seq. commodat. Sed dum vitat vnum incommodum, incidit in aliud maius & manifestius, vt faciat aduersus manifestam scripturam huius loci.

Nos tenebimus, debitorem in rem experiri posse, id est, res a se pignori datas vindicare posse a creditore, & non mouebimur superiori obiectione. Etsi enim verum est, eum qui in rem agit, dicere debere se esse dominum, & id probare etiam debere, tamen id hæcenus verum est, si negetur. In proposito enim ideo non exigitur hæc conditio, quia conueniebat inter litigatores, debitorem esse dominum rerum pignori datarum. Hoc cum dicimus, non diuinamus, sed sumitur ex ipsis verbis rescripti. Nam creditor vtebatur hac defensione aduersus debitorem, quod diceret, *sibi eas res pignori datas esse a debitore*, id enim significant illa verba, *Nam intentio*. & cetera quæ sequuntur, vt mox dicemus. Quis dicit pignus sibi datum, eo ipso dicit, rem esse in dominio & bonis debitoris, quia aliter pignus non consisteret, l. quæ prædium. §. si al. res. l. quæ nondum. §. 1. de pignor. Ex hac hypothese recte in proposito respondetur, debitorem in rem experiri posse, de pignore repetendo, si dicat, pecu-

niam sibi non esse numeratam, & probet se pignus dedisse & tradidisse creditori, quoniam de eo erat controuersia, de dominio nihil adiicitur, quia ut dixi de eo conueniebat inter creditorem & debitorem.

Sed huic sententiæ obstat defensio creditoris, quam diluunt Imperatores in illis verbis: *nam intentio dati pignoris*. Defensio & exceptio creditoris hæc erat aduersus vindicationem debitoris. Non teneor tibi actione in rem, quoniam res, quas a me repetis, mihi pignori dedisti, ob pecuniam a me tibi numeratam. Pignore constituto, mihi actio esset aduersus te, & aduersus omnes possessores, §. *item serui. Instit. de act.* Multo igitur magis esse mihi debet retentio aduersus te, si pignus possideam, ut nunc possideo. d. l. *nuitus. de reg. iur.* Diluunt hanc obiectionem Imperatores hoc modo: *Recte diximus debitori in proposito, competere actionem in rem*. Non obstat superior exceptio & defensio creditoris. Nam intentio dati pignoris & pecuniæ numeratæ, id est, exceptio, qua creditor intendit, sibi pignus ab actore datum, & pecuniam a se numeratam esse, non aliter tenebit, id est, non aliter valebit, & remouebit debitorem agentem, quam si de fide debiti constiterit, id est, quam si creditor probauerit debitum, id est, pecuniā a se numeratam. Quod cum in proposito non faciat, recte debitor, in rem experietur.

Intentionem ꝑ hanc vocant Imperatores Exceptionem, qua creditor se tuetur. Nam is solus est, qui dicit sibi pignus datum & constitutum, & qui dicit pecuniam a se numeratam. Denique solus is est, cui hæc intentio prodesse possit, aduersus actionem in rem. Non obstat verbi significatio. Et si enim Intentio est verbum conueniens solum actori, qui aliquid agendo intendit, §. *1. Instit. de act. §. 1. & seqq. de exc. l. 2. ff. de exc.* tamen ea res, non excludit exceptionem rei quominus hoc verbo contineatur, quoniam & in exceptione Reus, actor est, & eius exceptio intentio est, l. *1. de exc. l. in exceptionib. de probat.*

Aiunt Imperatores, *hanc exceptionem non tenere*, phrasis est veteribus auctoribus iuris usitata. Intentio ꝑ tenet, id est, tenet aduersarium, id est, intentione ita tenetur aduersarius, ut eam a se remouere non possit. l. *questum. in princ. ff. de ped.* Aiunt, hanc exceptionem non aliter valere, quam si de fide debiti constiterit: quod sic interpretandum est, quam si creditor, qui hac exceptione utitur, probauerit debitum esse, quod dicit, id est, pecuniam a se numeratam. Hanc esse significationem horum verborum, sic colligere oportet. Non constat de debito, nisi probatione: non debet quisquam probare, nisi qui dicit, l. *2. de probat.* Nec quisquam in proposito dicit pecuniam sibi debitam, nisi creditor, qui eam se numerasse dicit, proinde nemo alius probare hic debet, quam creditor, eoque nec ab alio proficiscitur hæc intentio & exceptio, quam a debitore.

Huius rationis Imperatorum hæc ratio est, quia cum ꝑ debitor confessus est, sibi pecuniam numeratam, nihil ei nocet sua confessio, quoniam habet exceptionem non numeratæ pecuniæ, qua fit, ut non teneatur, nisi creditor pecuniam numeratam probet, l. *3. j. h. t.* Interim ergo nulla obligatio, nulla actio est pecuniæ creditæ, ut quæ exceptione remoueat, d. l. *nihil interest. de reg. iur.* Actione remota, ut initio diximus, consequens est, non valere retentionem pignoris dati, quoniam pignus nullum est, ubi nulla est principalis obligatio, cui accedat.

De lectione ꝑ horum verborum monendi sumus, ita legendum esse: *Nam intentio dati pignoris & numeratæ pecuniæ*; non autem *nec numeratæ pecuniæ*. Nam constat hanc esse, defensionem, & exceptionem creditoris, qua dicebat sibi pecuniam creditam. Creditor autem ad suam defensionem, non diceret, pecuniam non esse numeratam. Sed contra dicit, numeratam esse debitori, ac proinde consistere obligationem pignoris. Nec possumus interpretari illa verba: *Nec numeratæ pecuniæ, &c.* ut vulgo faciunt, ut sit sensus, *nec pecuniæ creditori soluta a debitore*, quasi creditor ita diceret: *Pignus a me repetere non potes, quia pignus mihi dedisti, & pecuniam non numerasti, id est, non renumerasti mihi, seu non soluisti*. Huic interpretationi tria euidenter refragantur. I. verbum *numeratæ*. dici enim debuisset, renumeratæ pecuniæ, non autem numeratæ. II. verbum *intentio*, nam creditor intentione utebatur, id est, affirmatione. At qui dicit sibi pecuniam non esse solutam, is non affirmat & intendit, sed negat. III. Quod exigitur probatio a creditore de debito, non exigitur probatio nisi de eo, quod creditor dicit, non ergo aliud dicit, quam sibi pecuniam debitam, nec adiicit sibi eam non solutam.

Error lectionis natus est ex prioribus verbis rescripti, quoniam in illis proponitur intentio debitoris agentis, in qua dicebat debitor, nempe sibi pecuniam non numeratam, & pignus a se datum. Imperiti scriptores putant hæc verba sequentia: *Intentio dati pignoris nec numeratæ pecuniæ*, accipienda esse de præcedente illa intentione debitoris, in qua pecunia dicebatur non numerata, quod secus est. Nam ut ostendi, & conuenit inter omnes interpretes, hæc verba: *Nam intentio*; continent exceptionem & defensionem creditoris, aduersus actionem in rem.

Addunt Imperatores: *Eademque ratione veritas seruetur, si possidente debitore pignus cum eo agatur*. Sensus est: Si debitor, qui confessus est se pecuniam accepisse, pignus solum constituerit creditori, nec tradiderit, si creditor id pignus postea vindicet a debitore, actione hypothecaria, veritas hic seruabitur, eodem modo, quo supra id est, intentio creditoris agentis, qua dicit, se pecuniam numerasse, & sibi pignus in eam causam constitutum esse, non valebit, nec tenebit debitorem, nisi prius probet pecuniam a se numeratam. Merito: nam si debitori agenti confessio sua non nocet, multo minus ea possidenti & excipienti nocebit, iuxta eandem regulam, quam supra dixi. Si actori ad pignus repetendum datur actio, multo magis possidenti ad retinendum dabitur exceptio.

Ex ꝑ hoc rescripto obiter duo notanda sunt. Primo debitorem, qui confessus est, sibi pecuniam numeratam, quamuis pignus in eam causam adiecerit, tamen pignoris datione, non confirmare confessionem suam, quo minus ei exceptio non numeratæ pecuniæ detur, itidem ut daretur, si pignus nullum dedisset. Et recte hoc constituitur: Nam ut pignus confirmet præcedentem confessionem, prius esse pignus oportet. At hic nullum est pignus, ubi nulla subest principalis obligatio, ut quæ exceptione remoueat. Alterum, hoc rescripto statuitur, quemadmodum debitori conuenio datur exceptio non numeratæ pecuniæ, cum confessus est, sibi pecuniam numeratam. Ita eidem debitori aduersus creditorem agentem, si exceptio pecuniæ non numeratæ remouea-

moueatur, dabitur aduersus exceptionem replicatio pecuniæ non numeratæ, vt in proposito accidit, in priori specie huius rescripti.

Ad L. 2. Minorem.

Imp. Antoninus A. Maturio.

Minorem pecuniam te accepisse, & maiorem cautionem interposuisse, si apud eum, qui super ea re cogniturus est, constiterit: nihil ultra quam accepisti, cum usuris in stipulatum deductis restituere te iubebit.

S V M M A R I A.

- 1 *Confessus maiorem summam, quam accepit, an nihilominus cogendus sit maiorem restituere.*
- 2 *Debitor si minus acceperit, uter probare debeat, debitor ne, se partem, quam negat, non accepisse, an creditor se numerasse.*
- 3 *Non probat nisi is, qui dicit.*
- 4 *Exceptio non numerata pecunia, quoties iure datur, transfert onus probandi in creditorem, ut probet se numerasse.*
- 5 *Actio quoties lege alicui datur de re tota, etiam de parte data intelligitur.*
- 6 *Rei sunt fauorabiles quam actores.*

Q V I D A M, cum minorem summam accepisset, scripsit, aut aliter confessus est, se maiorem accepisse, puta pro 5. sibi numeratis, scripsit se 10. accepisse a Titio. Conuenitur in 10. de quibus confessus est. Fatetur quinq; altera quinq; negat se accepisse. Duo autem quaesita sunt. I. Si constet \dagger reum accepisse tantum quinq; an nihilominus cogendus sit 10. restituere, ultra quam accepit? Respond. non esse cogendum restituere ultra quam accepit. Nec obstat ei sua confessio, nam in pecunia numerata, seu mutua, non oritur obligatio aduersus debitorem ex eius confessione, sed ex re, id est, ex numeratione. Re autem obligatio, ultra quam acceptum est, contrahi non potest. Altera \dagger questio est paulo obscurior: Si de eo controversia sit, an minus debitor acceperit: uter probare debeat, debitor ne, se partem, quam negat, non accepisse? an creditor se numerasse?

Incidit hæc questio in difficultatem, propter hunc locum & dissentientes in speciem, locos & rationes. Verba huius rescripti efficere videntur reum, qui partem negat se accepisse, debere probare se non accepisse. Sic enim verba sunt: *Eum restituere non cogi ultra quam accepit, si modo constiterit, eum ultra promississe & non accepisse.* Non constat, nisi probatione, ut dixi ad l. 1. §. Non probat \dagger nisi is, qui dicit. l. 2. de probat. Non dicit autem partem se non accepisse, nisi reus, proinde verbis huius rescripti exigitur hæc probatio a reo. Sed in contrariam sententiam est l. 3. seq. ubi generaliter ei, qui negat, se pecuniam accepisse, quam prius se accepisse confessus erat, datur exceptio non numerata pecuniæ, qua fit, ut non teneatur, nisi creditor probet, a se numeratam. Itaque sunt qui priorem sententiam defendant: sunt qui posterio-rem, de quo nobis iudicandum est.

Prima sententia prima fronte probabilis est, & sequenda, nam præter verba huius rescripti non difficilis responsio est ad regulam. l. 3. seq. Illic ei qui dicit se pecuniam non accepisse datur exceptio non numerata pecuniæ, sed tunc, cum negat se totam accepisse, quam prius confessus erat. In specie hac proposita, reus qui de decem confessus erat, de parte confitetur, alteram partem negat, prior confessio partis onerat debitorem in probationem alterius, qui de

parte confitetur quasi debita, præsumitur etiam alteram partem eodem modo accepisse. Probatur hæc sententia in l. cum de indebito. §. si autem is, versic. si autem de probat. Illic ita traditur: Mulier exempli gratia indebitum soluit creditori suo, quemadmodum creditor putabat, & soluendo tacite confitetur se illam summam solutam debuisse, sic enim soluit, quasi deberet. Deinde tanquam indebitum a se solutum repetit. Quæritur idem quod hæc loco, utrum illa probare debeat, se non debuisse, an vero creditor debeat probare, sibi pecuniam debitam fuisse. Distinguitur in illis locis, si mulier dicat, totum quod soluit, indebitum esse, creditor probare debet fuisse debitum, & hoc tribuitur ignorantia mulieris, ut non probet quod dicit nempe indebitum. Quod si mulier fateatur partem debitam fuisse, alteram autem partem dicat fuisse indebitam, placet prioris partis confessione transferri onus probandi in mulierem de altera parte.

Ex quo colligitur, quod quæritur, cum quis confessus est se summam aliquam totam debere, si postea fateatur partem, alteram autem neget, confessione vnius partis, etiam alterius partis probationem suscipit, quasi de priore confitendo præsumatur etiam alteram debuisse, & ita de tota summa debitor confessus esse. Si hoc recipitur in confessione mulieris tacita; multo magis recipiendum est, cum quis aperte confessus est, se aliquam summam totam debere, si deinde de parte confiteatur, & partem neget. Probabilis hæc ratio est, & nos vincere deberet, nisi in hac ipsa specie scriptum esset, quid sequi deberemus in l. cum ultra infra. Sed illic diserte scriptum est, in specie, iisdem verbis concepta, quæ hic: *Eum qui confessus est, se ultra accepisse, quam accepit, puta, accepisse decem, cum accepisset tantum quinque, habere exceptionem non numerata pecunia, in eam partem quam se accepisse negat.*

Certum est \dagger autem exceptionem non numeratæ pecuniæ, quoties iure datur, transferre onus probandi in creditorem, ut probet se numerasse, quod dicit numeratum esse. l. 3. infra. l. ad Sever. infra. eod. Confirmatur hæc sententia argumento non improbabili. Quoties lege \dagger actio alicui datur, de re tota: etiam de parte actio data intelligitur, l. qua de tota, de rei vindic. Multo igitur magis si exceptio data est. Fauorabiles \dagger enim sunt rei, quam actores. l. fauorabiles. de reg. iur. At de tota summa, quam quis se accepisse confessus est, datur reo exceptio non numeratæ pecuniæ, cum totam se accepisse neget. l. 3. §. Ergo & partem neganti eadem exceptio dabitur.

Sed obstant duo illa superiora, quæ pro tertia sententia diximus. I. Verba huius rescripti, quibus ita dicitur: *Non esse cogendum reum, partem quam negat restituere, si constiterit*, id est, si probetur ab eo, ipsum non accepisse. Quibus verbis exigitur ab eo huius rei probatio. Resp. utrumque verum est; & exigi ab eo probationem, & tamen creditorem probare debere pecuniam esse numeratam. Nam probatio quæ a debitore exigitur, est probatio legitima, id est, ea, quæ iure probatur & sufficit. Tunc autem reus iure abunde probare intelligitur, cum utitur exceptione non numeratæ pecuniæ, si aduersus eam exceptionem nihil probetur contra a creditore. Hæc enim vis est huius exceptionis, l. 3. seq.

Obstat magis l. cum de indebito, in illis verbis, quos dixi, dicendum est exemplum simile non esse.

multum enim interest inter eum, qui confitetur se debere, & simul totum soluit, quasi debitum: Et inter eum, qui confitetur se totum aliquid debere, & non soluit, de quo nunc agimus. Nam qui confitetur, se totum debere, & totum soluit, si postea partem confiteatur, præsumptio aduersus eum facit, de altera parte, quia verisimile est eum, qui intellexit se partem debere, etiam si sit mulier, aut minor, potuisse etiam intelligere de altera parte, an debita esset, nec ne. Hæc si se prudenter gessit in vna parte soluenda, quam soluit, vt vere debitam, verisimile item est, non minus prudenter se gessisse in alterius partis solutione, vt non solueret nisi quoque debitam.

Præsumptio hæc admittitur, quia nulla res eum cogebat, alteram partem soluere, & de ea mentiri. Contra vbi quis initio se pecuniam accepisse dixit, quam non soluit, nulla præsumptio est aduersus eum, de tota summa, etiam si de parte accepta confiteatur, quia etsi verisimile est, imo vero certum, eum qui sciuit se partem accepisse, etiam sciuisse de altera parte, tamen non potest præsumi, quia se prudenter gessit in vna parte confitenda, quam non accepit, quia necessitate rei familiaris cogitur, vt fateatur se accepisse, quod non accepit, vt sic deinde pecuniam auferat a creditore, & ob hanc ipsam rem comparata est exceptio non numeratæ pecuniæ.

Ad L. 3. Si ex cautione.

Imp. Antoninus A. Demetrio.

Si ex cautione tua, licet hypotheca data, conueniri cœperis: exceptione opposita seu doli, seu non numeratæ pecuniæ, compellitur peritor probare pecuniam tibi esse numeratam: quo non impleto, absolutio sequetur.

S V M M A R I A.

- 1 Summa huius legis.
- 2 Debitor qui ex cautione sua conuenitur, qua se pecuniam sibi numeratam accepisse dicit, tutus est aduersus confessionem suam exceptione.
- 3 Cautio est scriptura, qua vel debitor creditori, vel creditor debitori fatetur, se quid ab altero accepisse.
- 4 Debitori sine scripto confesso se pecuniam a creditore accepisse, si fateatur postea se id confessum, sed dicat, se falso confessum, negetque se pecuniam accepisse, an exceptio non num. pec. datur?
- 5 Exceptio non numeratæ pecuniæ non tribuitur scripturæ sed confessioni, qua scriptura exprimitur.
- 6 In scripturis non litera seu literarum figura, sed verba, qua scriptura continentur, spectanda.
- 7 Exceptio non numeratæ pecuniæ an omni, qui cautione & scripturæ sua sine priuata, sine publica confessus est se accepisse, datur.
- 8 Scriptura debitoris priuata an fidem faciat, ita vt non sit debitori opus ullæ exceptione. § nu. 11.
- 9 Scripturæ publicæ per notarium confectæ stari oportet, nulla exceptione obstante.
- 10 Scripturæ priuata an minorem vim habeat, quam quæ publice confecta est, & an fidem faciat, eique standum sit.
- 12 Exceptio non numeratæ pecuniæ an quoque ex publica cautione debitori datur.
- 13 Scripturæ priuata & publicæ eadem vis.
- 14 Confitens se quid debere ex ceteris causis quam ex causa mutui, confessioni suæ parere debet, etiam si priuata cautione id testatus esset.

15 Exceptio non num. pec. locum non habet, nisi vbi quis confessus est, se mutuam pecuniam accepisse.

16 Exceptio non num. pec. an datur, si notarius ita scripserit, L. Titius decem accepit a Sempronio sibi ab eo numeratæ, nec quicquam de confessione debitoris adiecit.

17 Argumentum idoneum non est id, cum ex eo nulla necessitate sequitur, quod probare volumus.

18 Exceptio non num. pec. an datur, si ita scriptum sit: L. Titius confessus est se 10. debere Sempr. sibi ab eo numeratæ, quæ & vere illi numeratæ sunt, me presentē & presentibus testibus infra scriptis.

19 Fides unicuique aduersus se habetur.

20 Debitor se pecuniam accepisse confessus, an si renuntiet exceptioni pec. non numer. hanc exceptionem postea habeat. § nu. seqq.

Exceptioni non numeratæ pecuniæ an renuntiari possit.

21 Repudiare unicuique licet quod suum est.

22 Pacto si quid remissum est, pactum valet, & ex pacto est pacti exceptio.

23 Negatio facti a debitore per rerum naturam probari non potest.

24 Exceptio non numeratæ pecuniæ, & exceptio infactum coincidunt & in idem significant.

25 Exceptionis non numeratæ pecuniæ potestas & effectus.

Exceptio non numeratæ pecuniæ an debitorem ab onere probandi intentionem liberet.

26 Reus an in exceptionibus actoris partibus fungatur, & exceptionem suam vt intentionem probare debeat.

27 Exceptio non numeratæ pecuniæ cur ita dicatur, cum tamen mera inficiatio videatur esse.

28 Exceptio non numer. pecun. quamdiu duret, & an sit perpetua.

TRIA hic traduntur prope continentia, id quod pertinet ad vim & fidem confessionis, seu cuiusvis scripturæ de pecunia debitori numeratæ. I. Eum qui confessus est, sibi pecuniam creditam & numeratam esse, habere exceptionem aduersus confessionem suam. II. Traditur, quæ sit hæc exceptio. III. Quæ sit potestas, effectus huius exceptionis. IIII. Prætermisum est, quod declaratur in l. intra. j.

Primum ergo statuamus ex verbis huius loci, debitorem, qui ex cautione sua conuenitur, quia se pecuniam sibi numeratam accepisse dicit, tutum esse, aduersus confessionem suam exceptione. Ait rescriptum ex cautione sua. Cautio ut diximus ad l. r. j. cum de scriptura & instrumentis agitur, fere accipi solet pro scriptura, quæ vel debitor creditori, vel creditor debitori fatetur, se quid ab altero accepisse, l. emtor. §. vlt. de pact. l. qui tabulas. de furt. Eamque significationem verbi esse in hoc rescripto, conicere possumus ex eo, quod dicitur debitor hanc cautionem interposuisse. Quid ergo si quis debitor sine scripto confessus sit, se pecuniam a creditore accepisse, & fateatur postea se id confessum esse; sed dicat, se falso confessum esse, & neget se pecuniam accepisse, an ei quoque exceptio non numeratæ pecuniæ danda est? Respond. dandam esse non minus, etsi in hist. sub tit. de lit. oblig. hæc exceptio datur ei, qui scripsit se debere, nec quicquam adiecit de eo, qui non scripsit. Sed ea re moueri non debemus, quo minus etiam ei, qui sine scripto est confessus, eandem exceptionem demus, quoniam hæc exceptio non tribuitur.

buitur scriptura, sed confessioni, quæ scriptura exprimitur. *l. aduersus. infr. & l. asseueratio. infr.* Proinde vbicunque eadem confessio est, etiam eadem exceptio locum habebit, & maxime cum placeat in scripturis non esse spectandas literas, seu literarum figuram, sed esse spectanda verba, quæ scriptura continentur. *l. non figura. de obl. & act.*

7 Illud semper constat, omni tibi hanc exceptionem dari, qui cautione & scriptura sua confessus est se accepisse. *d. tit. de lit. oblig. Instit.* sed non videtur consistere posse hæc sententia secundum reg. iuris. Nam aut scriptura debitoris est priuata, aut publice confecta per notarium. Si priuata tibi fidem non facit, ita ut non sit debitori opus exceptione vlla, *l. instrumenta. s. p. de probat.* Sin tibi confecta publice per notarium, statim ei oportet nulla obstante exceptione. *l. antiq. versu 2. sup. prox. tit.* Hæc res facit, ut quærendum sit, de scriptura tam priuata, quam publice confecta. Dicendum est, verba huius loci esse de cautione generaliter, proinde sententiam pertinere tam ad priuatam scripturam, quam ad instrumentum publice confectum per notarium.

10 Ad priuatam sine dubitatione pertinet. hæc enim minorem tibi vim habet, quam quæ publice confecta est, idque declaratur *d. tit. de oblig. lit. in Instit.* Nihil ad rem pertinet, quod ex *l. instrumenta. sup. de probat.* dicitur, scripturas priuatas, & annotationes fidem non facere: hoc enim tibi dictum est de iis instrumentis, quæ quis sibi scripsit, & quibus pro se vtitur. Hæc pro scribente fidem non faciunt, id quod declaratur ratione, & *l. exemplo. seq. de probat. sup.* At si quis scripserit aduersus se, nempe se debere, hæc scriptura omnes aduersus scribentem fidem faciunt. *l. scripturas. j. qui part. in pig. hab.* proinde manere vim earum oportet, ni exceptione aduersus eas occurritur.

Sed hic rursus opponitur *d. l. scripturas.* Nam si huiusmodi scripturis priuatis, quas a se emissas quis confitetur, standum est, consequens est non infirmari eas exceptione non numeratæ pecuniæ, uti hic cautum est. Respondeo, priuatis scripturis aduersus debitorem, cuius consensu scriptæ sunt, non minus fides habetur, quam instrumentis publice confectis per notarium, *d. l. scripturas.* sed hoc hanc exceptionem habet, nisi quis confessus fuerit sibi pecuniam fuisse creditam: excipitur enim hæc causa mutui, ex omnibus aliis causis & confessionibus. *l. generaliter. l. aduersus. infr. hoc tit.* Quid si debitor non dixerit, se confiteri, sibi pecuniam esse numeratam, sed aperte ita scripserit: *Vere mihi 10. a Titio numerata sunt.* Vel, *Debeo Titio 50. quam ille hac die mihi numerauit?* Respond. & hic debitor eandem exceptionem habet, *§. 1. Instit. de lit. obligat.* Hæc de priuata cautione & scriptura.

12 Quid si tibi instrumentum publice confectum erit per notarium, in quo scriptum sit; *L. Titium a Sempronio 100. mutuo accepisse, ut confessus est?* Respond. Nihilominus & aduersus hanc cautionem eandem exceptionem debitor habebit, ex hoc loco, quia conuenitur ex cautione sua; non enim hic alia confessio est debitoris, quam quæ facta esset, si ipse cautionem sua manu scripsisset. Scripturam confessionem & cautionem suam non mutat. Iam autem dixi hanc exceptionem dari non propter scripturam, sed propter confessionem, quæ scriptura continetur, *l. non figur. de obl. & act.* Præterea cum quis debitor fateretur, priuatam scripturam a se emissam esse, eadē vis tibi est priuatæ scri-

pturæ, quæ & publice confecta, cum de vi & fide scripturæ quaeritur, *l. scriptura. j. qui part. in pig. hab.* Quare si hæc exceptio est ex cautione priuata, quam quis debitor agnoscit a se emissam, erit & ex cautione, quæ instrumento publice confecto testata sit.

Non obstat *l. antiq. sup. prox. tit.* vbi muliere confitente se accepisse pecuniam, si id confessus sit in instrumento publice confecto, placet instrumento omnino credendum esse. Hoc enim eo fit, non quia instrumentum confectum est solum, sed quia illic proponitur, mulierem confiteri, se pecuniam accepisse ex alia causa quam mutui, nempe se accepisse propter intercessionem. Qui ex ceteris causis, quam ex tibi causa mutui confiteretur, se quid debere, confessioni suæ parere debet, etiam si priuata cautione id testatum esset. *l. generaliter. infr. hoc tit.* Hæc tibi exceptio de qua quaerimus locum non habet, nisi vbi quis confessus est, se mutuam pecuniam accepisse. *l. aduersus. infr. hoc tit.* De hac autem specie cautionis hic agitur, vbi quis confessus est, se debere, quia mutuam pecuniam accepit. Id etsi non exprimitur ab initio, tamen quod initio ambiguum est, sequentibus verbis explicatur, cum dicitur, *confesso dari exceptionem non numeratæ pecun.* Non est locus huic exceptioni, nisi cum intenditur pecuniam esse numeratam ex cautione, in qua inscriptum est. Sed etsi de ea numeratione nihil hic nominatim expressum esset, tamen quod hic prætermisum est, explicandum esset, ex certis locis, in quibus diserte scribitur, hanc exceptionem in sola pecuniæ creditæ confessione locum habere. *d. l. aduersus. l. asseueratio. infr. hoc tit.*

Quid tibi si notarius ita scripserit, *L. Titius 10. accepit a Sempronio sibi ab eo numerata,* neque quicquam adiecit de confessione debitoris? Respond. Recte Bartolus & in hac specie debitorem habiturum exceptionem non numeratæ pecuniæ dicit, non minus quam si debitor in priuata cautione scripsisset, non, *se confiteri,* sed absolute, *se debere Titio 10. sibi numerata,* idque hac ratione; Quia verba notarii sic accipi possunt, ut expriment confessionem debitoris, qui ita dicebat: *Ego accepi a Sempronio 10. numerata,* in qua parte, cum hæc verba accipi possint, non necessario probatur, notarium id testatum esse, ut instrumento notarii fides habeatur. Non est enim idoneum tibi argumentum alicuius rei, cum ex eo argumento nulla necessitate sequitur id, quod probare volumus, *l. natales. sup. de probat.*

Quid si instrumento tibi ita scriptum sit, *L. Titius confessus est, se decem debere Sempronio, sibi ab eo numerata, quæ & vere illi numerata sunt, me presente & presentibus testibus infra scriptis?* Respond. Recte idem Bart. existimat, & in hanc sententiam omnes conueniunt, standum esse instrumento, neque hic locum esse exceptioni non numer. pecuniæ. Et recte. Nam hic non agitur de confessione debitoris, sed de instrumento notarii, quod publicum est. Non aduersus debitorem, qui ex sua cautione conuenitur, quoniam in instrumento ita concepto, ut supra scriptum est, non tam conuenitur debitor ex cautione sua, quam ex confessione & instrumento notarii.

Hic occurritur: Nam cum quis de se & sua scriptura confitetur, non minus ei aduersus se fides habenda est, quam habenda est notario. Vnicuique fides aduersus tibi se habetur. *l. ceteri. §. 1. de interrog.* Respond. Hoc verum non est, in confessis pecuniæ numeratæ,

& causa est in promptu, cur potius notario de pecunia numerata affirmanti credatur, quam privato debitori, eam sibi numeratam esse confitenti. Nam in debitor causa est, cur falsa dicat, seu cur falso confiteatur, se pecuniam accepisse, eget enim pecunia. Hac necessitate inductus est, ut falso confiteatur, quo pecuniam postea accipiat a creditore; alioqui non credituro. At in notario nulla eiusmodi causa est & necessitas mentiendi, quoniam de re eius non agitur. Summa hæc est: *Quisquis scriptura aliqua aut sine scriptura confitetur, se pecuniam accepisse, sibi numeratam ex mutui causa, is exceptionem habet ex hoc loco, sine erit confessio priuata, sine testata erit instrumento publice confecto, nisi in instrumento publice confecto notarius hæc verba addiderit: Quæ pecunia illi numerata est, presentibus me & testibus infra scriptis.*

- 20 Quæsitum est hoc loco, An etiam tunc debitor, qui confessus est, se pecuniam accepisse, habeat hanc exceptionem, si exceptioni renuntiauerit, id est, dixerit se nulla exceptione usurum aduersus hanc cautionem & confessionem suam? Et in summa quæsitum, an huic exceptioni renuntiari possit? Regula iuris effici videtur renuntiari posse: sic enim ius est, Licere unicuique
21 quod est suum est repudiare, *l. pen. sup. de pact. l. pactum. ff. de pact.* Sed verius est, quod Bartolo videtur cum aliis quibusdam veteribus, quorum sententiam sequitur, eiusmodi renuntiationem ab initio interpositam nullius esse momenti. Ille hac ratione vitur. Qua facultate debitor ab initio confitetur, se pecuniam accepisse, quam non accepit, ut inducatur creditor ad pecuniam postea dandam; eadem facultate etiam ab initio exceptioni non numeratæ pecuniæ renuntiabit. Prius non admittitur, ut constet ex hoc loco: Ergo nec posterius, *argumentum in l. si mulier 2. sup. prox. tit.*

- Sed hæc ratio infirmior est, quoniam quacunque facultate pacto aliquid remittamus, tamen placet, si
22 quid est pacto remissum sit, pactum valere, & ex pacto esse pacti exceptionem. *l. pactum. l. iuris gent. §. sed cum nulla. de pact.* Hæc autem renuntiatio nihil aliud est, nisi pactum, quo remittitur exceptio, competens iure, proinde facultas sola remittentis non obstat, quo minus recte exceptio remittatur. Certa ratio huius sententiæ hæc est, cui huic exceptioni renuntiari ab initio non possit, quia hac ratione remittitur creditori dolus & fraus, præterea impunitate creditori proposita, inuitatur creditor ad peccandum & delinquendum. Nam si pecuniam non numerauit, consequitur hac renuntiatione, ut liceat ei postea impune non numerare, & ita fraudare debitorem, quod cum contingit, pactio nullius est momenti, *l. si unus §. illud. de pactis. l. illud. de pact. dot.*

- Nihil ad rem pertinet, si quis dicat hac renuntiatione exceptionis nihil remitti, nisi necessitatem probandi, quæ creditori imponebatur: querendi autem potestatem non adimi debitori, si modo probet non numeratam pecuniam. Nam necessitate probandi creditori remissa, continuo imponitur necessitas debitori, sine exceptione soluendi. nam negatio
23 facti est a debitore, per rerum naturam probari non potest, *l. asseneratio. j. h. t.* Sed hæc dicta sunt de eo, qui ab initio & confessus est se pecuniam accepisse, & simul exceptioni non numeratæ pecuniæ renuntiavit. Quod si post confessionem pecuniæ numeratæ, deinde diuerso tempore renuntiavit exceptioni suæ, quia po-

tius, si nondum creditor pecuniam dedisset, & vellet extorquere hanc renuntiationem a debitore, magis se debitori suspectum redderet, ut non tantum debitor nollet remittere eam exceptionem, sed etiam vellet ultro conficere cautionem suam, iuxta *l. si quis. j. h. t.*

Postquam constat de pecunia numerata debitorem confitentem habere exceptionem aduersus eam cautionem, videndum est, quæ sit exceptio. Id subiicitur in rescripto. Ea duplex est: Doli mali exceptio, & pecuniæ non numeratæ exceptio. Hæc posterior propria est huius causæ, estque principalis. nam in alias causas non competit, præterquam in hac, ubi intenditur pecuniam esse numeratam. Ex hac per consequens nascitur exceptio doli mali, de qua hic dicitur. Nam hæc exceptio oritur ex omnibus exceptionibus specialibus in factum. *l. 2. §. generaliter. de dol. mal. excep.* Quæ exceptio non est numeratæ pecuniæ hoc loco 24 dicitur, ea dicitur exceptio in factum in *l. cum ultra. j.* Quod ideo monemus, ut intelligamus, non tres exceptiones esse, sed duas, quæ hic commemorantur.

Adiicitur etiam tertio loco potestas & effectus huius 25 exceptionis: potestas hæc est, ut hæc exceptio tueatur debitorem confitentem, sine vlla probatione non numeratæ pecuniæ: ex quo consequens est, ut creditor, qui pecuniam numeratam intendit, cogatur probare eam numeratam esse; sic fit, ut hæc exceptio rem eo deducat, ut cautio, & scriptura seu confessio, debitori non noceat, non magis quam si omnino nihil confessus esset, quod de vi huius confessionis initio tituli posuimus. Ergo duo continet hæc exceptio: Primo, tuetur debitorem, hoc commune est cum aliis exceptionibus, *Instit. de except.* Alterum est singulare & huius exceptionis proprium, quod hæc exceptio debitorem tuetur, sine vlllo onere probandi, quod debitori imponitur.

Hoc vero dubitationem habet: aduersatur enim regulæ et iuris traditæ in *l. in except. de except.* Regula est hæc: *In exceptionibus reum actoris partibus fungi, & exceptionem suam ut intentionem probare debet.* Respondeo: Regula etsi generaliter scripta est, tamen ad eas solum exceptiones pertinet, quibus reus quid affirmat, & affirmando quid intendit, ut declaratur, cum adiicitur: *Reum debere exceptionem probare ut intentionem.* Id ipsum declarant exempla omnia, quibus Vlpianus in ea lege vitur. Regula ad eos non pertinet, qui in except. negant, cuius generis est hæc exceptio. Differentiæ ratio est in *l. asseneratio. infra.* Factum negantis per rerum naturam nulla probatio est.

Hoc et effectum exceptionis constituto, oritur dubitatio huiusmodi. Si debitor, dicens pecuniam sibi non numeratam, sola inficiatione tutus est, sine alia probatione, quomodo hæc inficiatio dicitur exceptio non numeratæ pecuniæ. Non videtur dici posse. nam iure multum distat inficiatio ab exceptione, nec vlla exceptio est sola inficiatio. nam qui inficiatur, quod actor intendit, is negat plane obligationem esse contractam. At quisquis exceptione vitur, is prius fatetur actionem inter contrahentes natam, sed defensionem opponit, propter quam dicat, se condemnari iniquum esse, *§. i. & seqq. de except.* Nihil si eiusmodi in hac exceptione ut videtur. Non est igitur exceptio dicenda. Respondeo: Verissimum est, nullam esse exceptionem, nisi in qua reus de intentione actoris confitetur, aduersus quam confessionem opponit defensionem, id est, exceptionem. Id probat
defi-

definitio exceptionis: nam dicitur esse actionis exclusio. *l. 2. de except.* Sed & hoc ipsum fit in exceptione non numeratæ pecuniæ. Nam hæc exceptio duo continet, partim inficiationem solam, partim confessionem intentionis aduersarii. Qua parte negat debitor sibi pecuniam numeratam, ea parte solum inficiationem habet, & eatenus non recte dicitur exceptio, si id solum spectaremus, sed præter hanc inficiationem etiam confessionem habet. Nam conuenitur debitor ex suo chirographo, siue ex sua cautione. Is fatetur cautionem a se scriptam, vel scriptam suo mandato, secundum hanc confessionem, ex regula communi iuris, debuit stare confessioni suæ. *l. generaliter. j. h. t.* Sed de hac intentione confessus tueretur se exceptione, quam illi ius concedit, ut dicat: *quamuis scripserim, tamen falsum scripsi, neq. cogor confessioni meæ stare, propter exceptionem mihi concessam in eam rem.* Constat igitur utrumque, ut dicamus in hac exceptione non cogi debitorem, quicquam probare de inficiatione pecuniæ numeratæ: Et tamen nihilominus exceptionem recte dici aduersus intentionem actoris confessam, constitutam esse.

28 Quartum † in hac lege prætermisum est, intra quod tempus hæc exceptio competat confesso: Et monendi sumus, competere intra certum tempus, de quo in *l. ultra. j.* Hoc eo monere hoc loco necesse est, ne decipiamur verbis generalibus huius rescripti. Nam hæc si sequimur, quoniam simpliciter scriptum est, *iure exceptionem competere aduersus cautionem*, consequens est perpetuam exceptionem esse. Nam omnes exceptiones, quibus certum tempus non additur, perpetuæ sunt, *l. plane. §. ult. de except. dol. mal.* Sed hæc non est huiusmodi exceptio, proinde merito dicimus; quod hic deest de tēpore ex suis locis adici debere.

Ad L. 4. Cum fidem.

Imp. Antoninus A. Bassano.

Cum fidem cautionis agnoscens, etiam solutionem portionis debui vel usurarum feceris: intelligis te de non numerata pecunia nimium tarde querelam deferre.

S V M M A R I A.

- 1 Confessus se pecuniam accepisse, si partem soluat, fidem cautionis suæ secutus, an amplius de non numerata pecunia queri possit.
- 2 Soluens scienter indebitum non repetit, quia donare voluit.
- 3 Quid si ignoranter soluat.
- 4 Facti sui probabilis ignorantia non est.
- 5 Errantis nullum iudicium, nulla voluntas est.
- 6 Iuris sui ignorans partem soluendo agnoscit totam obligationem.

¶ Vi † confessus est se pecuniam accepisse, si partem soluat, fidem cautionis suæ secutus, amplius de non numerata pecunia queri non potest. His verbis rescripti simul respondetur de parte soluta, & de parte non soluta, quid statui oporteat. De parte soluta his verbis rescriptum significat, esse ut non numeratum, id est, ut indebitum repeti non posse: nam qui ut indebitum repetit, non numeratum dicit. Et hoc ius certum est, nam debitor si sciuit, se pecuniam accepisse, non repetet, quia debitum soluit: qui soluit sciens † indebitum, non repetit quia donare voluit. *l. indebitum. sup. de condit. indeb. l. cuius per errorem. de reg. iur.* Quid † si is, qui soluit, ignorauit, sibi pecuniam numeratam, & errauit? Respond. Hæc questio

in debitore, qui cōfessus est, inepta est. Nam cum de facto eius agatur, non potest ignorare an acceperit, nec ne; Facti sui ignorantia † probabilis non est. *l. 4. quamquam. ff. ad edict. Velleianum.* Agitur autem hoc rescripto de debitore, qui agnouit fidem cautionis suæ: non adicitur quidem suæ, sed ex vñu Latinorum intelligitur: deinde aperte rescriptum loquitur de eo, qui agnouit fidem cautionis siue suæ, siue alienæ, non agnoscit, nisi qui iudicio & voluntate agnoscit. Errantis † autem nullum iudicium, nulla voluntas est. *l. cum testatus. supra de iur. & fact. ignor.* Quod si proponeremus heredem confelli partem soluisse, cum putaret, pecuniam non numeratam esse, quæ numerata iam erat, sine dubio indebitum a se solutum repeteret, quia per errorem soluit. *l. 1. sup. de condit. indeb.* Et hic error in herede probabilis est, quia in ius alterius succedit. *l. qui in ius. de reg. iur.* Sed quoniam, ut dixi, agitur hic de debitore ipso, qui partem soluit, fidem cautionis agnoscens, recte dicitur contrario modo, eum de parte soluta querelam amplius deferre non posse, ut sit sensus non posse eum partem eam repetere ut indebitam.

De parte non soluta rescriptum significat, debitorem amplius de ea parte queri non posse, ut exceptionem non numeratæ pecuniæ sibi perpetuam faciat, iuxta *l. si intra. j.* Sed hoc amplius si de ea parte nondum soluta conueniatur, eum exceptionem non numeratæ pecuniæ non habere. His opponitur ius constitutum de exceptione non numeratæ pecuniæ. Nam qui confessus est, se accepisse pecuniam, habet exceptionem non numeratæ pecuniæ de tota summa confessa, si totam se accepisse negat. *l. 3. §. Et de parte, si solum se partem accepisse neget. l. cum ultra. j. de quo dictum est ad l. 2. §.*

Respond. Hoc ius ita est nisi debitor facto suo exceptionem iuris amittit: amittit autem, partem debiti confessi soluendo, si in eo fidem cautionis agnoscat. Agnoscere fidem cautionis intelligitur debitor, cum partem ita soluit, *En tibi creditor partem eius summa, quam tibi debeo ex illa causa mutui, ea autem causa continebatur chirographo.* Qui his verbis utitur in parte soluenda, non solum agnoscit se debere partem, quam soluit, sed etiam se vere debere eam, quam non soluit. Fatetur enim, se debere totum, cuius nunc partem soluit, & in ea confessione agnoscit fidem cautionis, id est, agnoscit verum esse, quod cautione continetur, ut de eo cautio certam fidem faciat. Hinc ergo apparet eum, qui postea fidem cautionis suæ agnoscit, si etiam partem soluat, amittere exceptionem non numeratæ pecuniæ, quam prius habebat iure sibi constitutam.

Aduersus hanc argumentationem & confirmationem cautionis, nonnulla dicuntur, quæ videntur probare, eiusmodi agnitione, cautionem non confirmari, neq. amitti exceptionem non numeratæ pecuniæ. I. Qui initio chirographo confiteretur se pecuniam accepisse, is utiq. pecuniam se debere confiteatur, & tamen non eo minus exceptionem habet non numer. pecun. aduersus confessionem suam. *l. 3. §. Et ergo & qui postea iterum idem agnoscit, nihilominus eandem exceptionem habebit.* Resp. aliud est agnoscere debitum, aliud fidem cautionis suæ, seu cautionem. Qui initio confiteretur, se pecuniam accepisse, agnoscit quidem debitum, sed non agnoscit veram esse suam confessionem, de eo enim nondum querebatur. At is agnoscere dicitur fidem cautionis, qui

prius cautionem exposuit, deinde eam cautionem veram esse confitetur. Præterea etsi in vtraque confessione nihil amplius contineretur, quam agnitio debiti, tamen multum interest inter primam agnitionem & secundam. Nam prima agnitio sola est, & seipsam non potest confirmare: secunda agnitio accedit ad prioris agnitionis confirmationem: constantia & perseverantia eiusdem confessionis declarat priorem confessionem veram fuisse, *argumentum in l. si mulier sup. ad Velleian.* Huc accedit, quod prima confessio & agnitio debiti necessitatem habet, quæ sæpe fit, ut debitor falso confiteatur, se accepisse. At secunda agnitio nullam eiusmodi necessitatem habet, propter quam debitor falso debeat agnoscere, ideo priori agnitioni fides non habetur, secundæ vero habetur.

Rursum opponitur exemplum eius debitoris, qui simul cautionem debiti exposuit, & præterea pignus dedit. Hæc pignoris datio confessionem debitoris non confirmat, nec debitori adimit exceptionem non num. pec. *l. 1. l. 3. sup. hoc titulo.* Ergo nec partis solutio ei exceptionem reliquæ partis adimet. Respond. Non recte ista comparantur, pignoris datio & partis solutio, cum quæritur de confirmatione prioris confessionis: nam pignus dari potest etiam futuræ obligationis causa, ut tunc obligetur pignus, cum obligatio principalis contracta fuit. At non potest solui, nisi q̄ prius debitum fuit, non est enim solutio nisi rei debitæ. *Iust. quib. mod. toll. oblig. in pr.* Ob hanc causam pignoris datio non est argumentum, pecuniam numeratam fuisse, & obligationem contractam, cum pignoris datio interuenire potuerit ob futuram obligationem, *argument. in l. neque naturales. sup. de probat.* At solutio cum non possit esse, nisi rei debitæ, aperte arguit rem antea debitam fuisse quæ soluta est.

Hic nobis occurritur & probatur, ad agnitionem obligationis nihil interesse, an debitor partem soluat, an vero in eam causam pignus det. Id confirmatur in persona filifam. qui mutuam pecuniam accepit: nam si sui iuris factus, partem soluat, agnoscat totam obligationem, & tenetur. *l. item si. §. ult. ff. ad Maced.* Idem placet, si non soluat, sed pignus det. *l. sed si paterfam. in princ. ad Maced.* Ergo & nunc, quemadmodum qui pignus dedit non amittit exceptionem, sic nec amittere eum oportet, qui partem tantum soluit. Respondeo, pignoris datio & partis solutio non significant obligationem prius contractam esse; & eum qui pignus dat, aut partem soluit, pariter agnoscere se pecuniam accepisse. Sed significat eum, qui pignus dat, obligationem priorem approbare, quod & verum est. Nunc autem non quærimus, an debitor approbet obligationem, quam constat prius esse constitutam, sed an confiteatur obligationem esse constitutam. Manebit igitur ratum, quod hic dicimus eum, qui partem soluendo fidem cautionis agnouit, sic priorem cautionem confirmare, ut exinde exceptionem non num. pecun. amittat.

Sed obseruandum est, ut quis ita exceptionem amittat, rescriptum duo complecti, & velut exigere coniunctim: nempe ut debitor fidem cautionis agnoscens, eius partis solutionem faciat. Quid si horum alterutrum deerit? Ac primum: Quid si debitor partem eius pecuniæ antea cautæ soluat, sed fidem cautionis non agnoscens, quia erret, finge heredem esse debitoris? Tum dicendum est, eum errore suo exceptionem non amittere, quia amittendæ causa est in

eo, quod quis fidem cautionis agnouerit; Nulla autem agnitio est errantis. Quid e conuerso, si debitor nihil de cautâ summa soluat, sed fidem cautionis agnoscat? Propone hoc modo: Conueniebatur debitor ex cautione sua, idque præsentibus testibus; debitor lecta cautione dixit coram testibus, agnoscere se hoc suum chirographum esse, & pecuniam sibi vere esse numeratam, ut illic confessus est; petiit autem a creditore, ut vellet adhuc aliquantisper expectare, quod creditor se facturum pollicitus est, & ita discessit. Quæro an debitor postea conuentus ex ea cautione possit se defendere exceptione non num. pecun.

Verba huius rescripti efficere videntur, quod possit se defendere, quoniam etiam solutionem partis exigunt, quæ hic non interuenit. Sed verius est, eum qui sine vlla partis solutione, fidem cautionis constitutæ agnouit, amplius exceptionem non num. pec. non habere, idque sic colligitur. Nam cum debitor partem debiti soluit, fidem cautionis agnoscens, in parte soluta duo concurrunt, nempe eius partis solutio, & præterea totius debiti agnitio. Et ideo hæc pars non bene comparatur toti non soluto, sed in parte non soluta nihil amplius esse apparet, quam solam agnitionem debitoris, propterea quod eam partem non soluit, & tamen eius partis agnitio exceptionem non numeratæ pecuniæ excludit, proinde etiam agnitio totius summæ sine alia solutione exceptionem non numeratæ pecuniæ excludet, scilicet ut, in quibus causis eadem ratio est, in iisdem idem ius statuatur. *l. illud ff. ad l. Aquil.*

Non obstat quod dicitur in rescripto: *Si fidem cautionis agnoscens, etiam solutionem partis fecerit.* Nam hæc verba, *etiam solutionem*, non definiendæ rei causæ adiecta sunt, sed amplificandi gratia, ut sit sensus: Si fidem cautionis solum agnouisset debitor, sine alia solutione, queri de non numerata pecunia non posset. Nunc autem si ex hypothesi tua proposita fidem cautionis agnosceres, hoc etiam amplius solutionem partis feceris, nunc demum intelligis certe, te multo minus de pecunia non numerata queri posse.

Ad Auth. Contra qui, &c.

Contra qui propriam scripturam, qua conuenitur, abnegat, vel numerationem inficiatur: conuictus in duplum condemnatur, nisi sacramento illato confiteatur: tunc enim non puniatur nisi in expensas circa probationes factas, actoris iuramento declarandas. At si post numerationis inficiationem prætendat solutionem: omnino solidum exigitur, nec prodest iam facta solutio. Contra si actor literas suas a reo prolatas abneget, eadem sit & pœna & iuris iurandi forma: hac pœna curatoris infligenda, si de suis literis questionem referat in causa eius, quem curat.

S V M M A R I A.

- 1 Propria scriptura debitoris qua sit.
- 2 Duo in hac lege notanda.
- 3 Debitor inficiens & conuictus in duplum condemnatur.
- 4 Debitor ubi semel soluit, equitas non patitur, ut bis idem exigatur.
- 5 Index condemnare non potest nec absolueret, ubi nullum est iudicium.

LEGE 3. & 4. supra consulitur debitori inficianti, se pecuniam accepisse, de qua accepta prius confessus erat, data ei in eam rem exceptione non numeratæ pecuniæ, si modo eam facto suo non exclusisset. Quæ summa est duarum legum præcedentium.

tium. Hac Authentica e contrario cauetur aduersus eundem debitorem inficiantem, & poena aduersus eum constituitur, si falso inficiatus esse conuictus erit. Locus exigit, ut spectemus, quodnam hic delictum coerceatur, tum quæ sit eius delicti poena hic constituta.

Coercet constitutio inficiantem primum, si inficietur scripturam propriam, ex qua conueniatur, si deinde conuictus erit, falso inficiatum esse. Exigit constitutio, ut sit scriptura, ex qua debitor conuenitur. Ex quo intelligitur, si debitor sine scripto confessus aliquando fuerit, se pecuniam accepisse a creditore, deinde conuentus neget se confessum esse, si postea conuincatur, eum poena huius legis non teneri, quia non est inficiatus scripturam suam, quæ nulla fuit. Sed cur potius qui inficiatur scriptura interueniente coerceatur, quàm qui nulla scriptura interueniente, cum debitor utrobique pariter mentitur? Resp. Differentiæ ratio hæc videtur esse, quia potest aliquis error esse in eo, qui sine scriptura confessus est. Fieri enim potest, ut præcedentis confessionis non meminerit, fieri etiam potest, ut conueniatur falsis testibus quorum etiam dicta non probant. At cum scripturæ eius ei ostenditur, non potest eam non agnoscere, & sine manifesta calumnia eam abnegare.

Exigit constitutio, ut quis neget non scripturam quamlibet, sed propriam. Est autem propria scriptura debitoris, cum vel ipse scripsit vel subscripsit, ita ut instrumentum literas debitoris habeat, sic enim loquitur constitutio, unde hæc Auth. sumpta est in *Non. de rient. & semis. §. studium*. Quid ergo si instrumentum a notario scriptum sit voluntate debitoris, & neget debitor sua voluntate, aut suo mandato scriptum si conueniatur? Respond. Poena huius legis non tenetur, ut ex verbis apparet. Videtur hoc inique constitui, dicit aliquis, quoniam non interest, utrum instrumentum a me scriptum sit, an ab alio, mea voluntate. Respondeo. In fide & probatione instrumenti nihil interest: In difficultate probandi instrumentum scriptum esse a debitore aut ab alio multum interest, quoniam facile probari potest, instrumentum scriptum esse ab alio aut a notario, & scriptum mandato debitoris; non item facile probari potest, aliquid scriptum esse a debitore, si is scripturam suam inficietur. Iustinianus poenam constituit huius difficultatis remouendæ gratia, ut declaratur in *d. §. studium. vers. si enim protulerit*.

Exigit deinde constitutio, ut debitor ex ea scriptura conueniatur. Accursius & Bartol. hoc sic interpretantur cum aliis quibusdam veteribus, si scriptura facta sit, ad obligationem constituendam; diuersum esse, si facta sit ad probationem solum. Et interpretantur scripturam fieri ad obligationem, cum de mutuo cauetur, hinc enim esse literarum obligationem; *Inst. de lit. oblig.* Ceteras scripturas, quæ de aliis negotiis fiunt, dicunt fieri ad probationem. Hæc distinctio tota longe hic repudianda est: primo, quia per se falsissima est: deinde, quia si vera esset, tamen non modo huic loco non conuenit, sed etiam sententiæ Iustinianus aduersatur. Falsa est, quia ab initio nulla scriptura, nullum instrumentum obligationem parit, non enim figura verborum & literarum obligatur, sed iis causis, quæ literis comprehenduntur, *l. non figura. de obl. & act.* Ex literis de mutuo scriptis obligatio nascitur post biennium, sed antea nequaquam, *d. tit. de lit. oblig.* Illud etiam magis falsum est, quod dicunt, quasdam scripturas non fieri ad rei pro-

bationem. Generalis sententia hæc est iuris, fieri de rebus scripturas, ut per eas facilius res probentur, ceterum sine iis valere quod gestum est, si habeat aliunde probationem, *l. 4. de pig. l. 4. de fid. instrum.* Et tamen ut quis concedat distinctionem hanc esse veram, tamen huic loco aduersatur: hanc Iustinianus loquitur generaliter de scriptura debitoris, quam ille suam esse negat, neque distinguit, quæ sit scriptura, proinde qualiscunque erit nihil refert ad sententiam legis. *l. item veniunt. §. petitum. vers. a quo, de petit. her. l. metum autem. §. 1. quod met. l. de pretio, de public. in rem.* Præterea Iustinianus poenam constituit aduersus inficiationem ob hanc causam, quia difficile est creditori probare id, quod scriptum est, scriptum esse a debitore, *d. §. studium*. Hæc ratio ad omnes scripturas priuatas debitoris pertinet, quibuscunque de causis fateantur se debere, proinde in omnibus idem ius statuendum. *l. illud. ad l. Aquil.*

Non obstant verba huius Auth. quæ exigunt scripturam, ex qua debitor conueniatur: nam hæc verba non sunt in Iustiniani constitutione Nouella, unde hoc fragmentum sumitur, sed tantum ibi loquitur Iustinianus de scriptura, quam actor profert aduersus debitorem: ut autem hæc verba essent, tamen scriptura, ex qua debitor conuenitur, non significat scripturam, ex qua debitor obligatur. Non potest quidem debitor conueniri, nisi ex ea re, quæ est causa obligationis. Sed causa obligationis & actionis duplex est; quædam quæ proprie causa est, ea est numeratio aut alia causa, ex qua obligatio nascitur, de quo genere est in *§. ult. de oblig. cum tit. seq.* Sed etiam est causa quæ improprie ita dicitur, ea est causa, sine qua aliquid non fit, huiusmodi causa est cautio & chirographum. Nam debitor, qui pecuniam accepit, vere obligatur ex numeratione, sed hæc numeratio frustra allegatur sine probatione, & confirmari non potest, nisi probetur. Hæc probatio est in cautione & chirographo, sine quo ad numerationem probandam non perueniremus. Quo sensu recte dicitur debitor etiam ex cautione conueniri, quantumvis ex cautione non sit obligatus, quod aperte declaratur in *l. 3. hoc tit.* ubi dicitur debitor conueniri ex sua cautione, aduersus quam tamen habet exceptionem non numeratæ pecuniæ, quæ fit ut non teneatur. Tenebimus igitur sine hesitatione, quocunque instrumento debitor scripserit, se aliquid debere ex quauis causa, si scripturam suam neget, & postea conuincatur, incidere eum in poenam huius legis.

Exigit deinde constitutio, ut debitor falso neget suam scripturam esse, & in eo conuincatur legitimis probationibus. Hoc eam vim habet, ut si debitor primo inficietur, postea confiteatur suam scripturam esse, priusquam conuictus sit, euiter poenam huius legis. Nec interest, utrum sponte confiteatur, an vero delato ei iureiurando ab actore motus & coactus sit religione ut confiteretur, ut hic scriptum est. Nam hoc casu solum tenetur in sumtus & impensas litis, quod initio temere sit inficiatus: hoc autem ius commune est omnium eorum, qui condemnantur. *l. prociurandum §. si aut. 3. de iudic.*

Quæ poena constituitur aduersus debitorem, qui propriam scripturam inficiatus est: eadem constituitur aduersus eum, qui primo agnouit scripturam, sed negauit sibi pecuniam numeratam esse, quam se accepisse confessus est. Hic duo notanda sunt: Primo aduersus eum, qui pecuniam sibi numeratam ne-

gat, constitui pœnā huius legis, quocumq; instrumento cōfessus sit se pecuniam accepisse, & ideo nihil referre, utrū scriptura propria id cōfessus sit, an vero id cōfessus sit instrumento publice cōfesso per notarium. Ratio huius interpretationis hæc est, quia hac parte inquiritur inficiatio numerationis. Semper autē eadem inficiatio est, & idē nocet auctori, ubi-
cunq; debitor cōfessus sit, sibi pecuniam numeratā.

Alterum in hac parte notandum est, solam inficiationem debiti incidere in pœnam huius legis in contractu mutui, ubi debitor cōfessus est, sibi pecuniam esse numeratam & creditam. Quod si ex aliis causis cōfessus fuerit, se debere, & postea se debere neget, non tenetur pœna huius legis. I. Quia ex aliis causis non negat sibi pecuniam esse numeratam, sed solum se debere negat. II. Quia ex ceteris causis non est necesse eum conuinci, ut hæc constitutio exigat, propterea, quod ex ceteris causis debitor suæ confessioni stare cogitur. Et hæc est ratio differentiae, cur si quis mutuum acceptū inficietur, teneatur pœna huius legis: sin autē aliud debitum neget, non teneatur, quia priore inficiatione nocet auctori, cogit enim actorem probare, pecuniam esse numeratam. l. 3. §. posteriore autem inficiatione nihil nocet auctori, quoniam etiam si debitor se debere neget, tamen confessioni suæ stare cogitur. Atq; hæc delicta sunt, quæ coercentur hac lege, in debitore inficiente.

Pœna, quæ aduersus has inficiationes constituitur, est, ut debitor conuictus, in duplum condemnatur, id est, ut in eam summam quæ ab eo petitur, & præterea in alteram partem, iubet enim constitutio eum condemnari in duplum. Quid si id postulatum non sit ab auctore, ut debitor ita conuictus in duplum condemnatur, an iudex sua auctoritate in duplum condemnabit, & an id facere potest pro parte? Quodcumq; iudicium & quæcumq; actio alicui datur, hanc conditionem habet: si postuletur a iudice. seu magistratu. proinde auctore duplum non postulante iudex non condemnabit debitorem nisi in simplum, quod petitum est, l. 4. §. hoc autem iudic. de damno inf. Huc pertinet, quod dicitur, extra id quod in iudicio deductum est excedere iudicis potestatem non posse. l. in hoc iudicio. de commun. d. uid. l. ut fundus. ff. eod. Ergo in hac causa consultum est auctori, ut cum conueniret debitorem suum ex cautione sua & chirographo, ita actionem instituat, ut petat ab eo sumtum si fateretur, sin autem inficeretur, petat ut in duplum condemnatur.

Auctor audiendus est, neque nouo iudicio est opus. Verba constitutionis id ostendunt. Vult enim Iustinianus inficientem & debitorem & conuictum, ab eodem iudice in duplum condemnari. Non obstat, quod in l. non videtur. ff. de iud. exigitur noua interpellatio de iis, quæ post litem contestatam accidunt. Nam interpellatio exigitur noua, non nouum iudicium ceterum noua interpellatio satis est.

Adiicitur ad hanc pœnam, ut debitor quamuis initio soluerit creditori, & posteaquam conuictus est alleget solutionem, tamen ea solutione non enitet pœnam inficiationis. Sed hoc casu scriptum est in hac constitutione, debitorem debere solidum prestare. Quibus verbis significatur, non debere eum præter id, quod iam soluit, duplum dependere, sed debere alterum solidum tantum adiicere. & ita recte dicitur duplum præstare: prius enim simplum soluerat, nunc alterum simplum adiicit, ut fiat duplum. Sed viderur

hac parte iniqua esse constitutio & aduersus regulam iuris; nam ubi semel debitor ꝑ soluit, bona fides, id est, æquitas non patitur, ut bis idem exigatur, l. bon. fid. de reg. iur. Resp. Nihil fit hac constitutione aduersus hanc regulam. Non enim bis idem exigitur, etsi debitor post solutionem factam, alterum tantum præstare cogitur, nā prius soluit, quia debuit, posterius est pœna inficiationis. Quotiescumq; sunt duæ actiones, seu petitiones, quarum vna continet rei persecutionem, altera pœnam, nunquam vna per alteram consumitur. l. si profure. §. 1. de condi. furt.

Sed rursus non videtur procedere posse huius solidi simpli condemnatio, postquam debitor semel soluit, nam iudex ꝑ condemnare non potest, aut ab- soluere, ubi nullum est iudicium, argumentum in l. 1. de re iudic. nullum autem iudicium esse potest, ubi auctor actionem non habet. l. si pupilli. §. ult. de negot. gest. Porro pecunia creditori soluta, nullam amplius actionem creditor habet, quoniam solutione eius quod debetur, tollitur omnis obligatio, §. 1. Instit. quib. mod. toll. oblig. in pr. §. 1. de act. sic fit, ut hoc iudicio, quod nullum est, non possit reus condemnari, neque in hanc summam, quæ petita est, neq; in aliam. Respond. Hæc vere dicuntur, cum constat aliquid solutum esse. Hic autem ex constitutione hac, quod solutum est, perinde habetur, quasi solutum non esset, ut Iustinianus nominatim cauet, occurrens videlicet illi obiectioni tacite, quam supra dixi.

Hæc constituta sunt aduersus debitorem inficientem. Placet autem hac constitutione coerceri similiter creditorem e conuerso, siue neget propriam scripturam, siue neget pecuniam sibi numeratam a debitore. Propono hoc modo. Debitor decem quæ debebat creditori soluit, & apocham a creditore accepit, quæ ille confitetur, sibi decem soluta & numerata esse a debitore, si is conueniat iterum debitorem, & cum debitor se tueretur apocha creditoris, creditor vel inficietur scripturam suam, vel scripturam agnoscens, dicat sibi pecuniam non numeratam. Si postea conuincatur a debitore, pœna hæc est aduersus creditorem, ut duplum præstet debitori.

Sed diligenter animaduertendum est, in hoc duplo, multo grauiorem pœnam constitui, aduersus creditorem, quam debitorem. Nam cum debitor in duplum condemnatur, nihil amittit, nisi simplum, quia id, quod ab eo petitur, non amittit, cum deberet, id solum amittit, quod præterea soluere cogitur, cum non deberet. At creditor ex hac constitutione cogitur primum restituere pecuniam sibi solutam, & præterea alterum tantum adiicere, in quo utrumque utiq; amittit, primum amittit id, quod restituit, quia vere ipsi debebatur, & ipsius factum erat; deinde citra dubitationem amittit, alterum tantum, quod adiicit, in quo manifestū est, æqualitatem pœnæ a Iustiniano non seruari aduersus creditorem & aduersus debitorem. Cur hæc tam varie? Resp. Ratio probabilis non alia reddi potest, quam quod fauorabiliores sint rei quæ auctores. l. fauorabiliores. de reg. iur.

Eadem pœna constituitur aduersus tutorem & curatorem in administratione minorum, si de ipso- rum scriptura & confessione agatur.

Ad L. 5. Aduersus.

Imp. Alexander A. Haustiano.

Aduersus petitiones aduersarii, si quid iuris habes.

uti eo potes. Ignorare autem non debes, non numerata pecunia exceptionem ibi locum habere, ubi quasi credita pecunia petitur. Cum autem ex precedente causa debiti in chirographum quantitas redigitur: non requiritur, an tunc cum cauebatur numerata sit: sed an iusta causa debiti præcesserit.

S V M M A R I A.

1. *Mutuum est iusta causa debiti*
2. *Chirographo dato, in quo debitor confitetur se ex aliqua causa pecuniam debere, an stare debeat.*
3. *Sententia huius rescripti.*
4. *Ex causa mutui conventus habet exceptionem non numeratæ pecuniæ.*

Non parva obscuritas est huius rescripti. Difficultas nascitur ex versic. ultimo. Nascitur autem ex hac definitione, quæ illic ita traditur. Cum ex precedente causa in chirographum quantitas redigitur, id est, cum quis confitetur chirographo se quantitatem debere, ex causa precedente inquiritur, an pecunia numerata sit. Hæc sententia aperte falsa est. Nam si quis chirographo confessus sit, se pecuniam debere ex causa mutui, is quantitatem redigit in chirographum ex precedente causa debiti. Nam mutuum est iusta debiti causa, *instituitur quibus modis re contr. obligat. in princ.* Et tamen ex hac causa conventus debitor, si negat se mutuū accepisse, hic requiritur, an pecunia illi numerata sit, & si creditor id probet, debitor condemnatur, *l. 3. supr. hoc tit.*

Hæc res nos admonet, hæc verba: *Ex precedente causa debiti*, necessario sic interpretanda esse: *Ex precedente causa debiti alia, quam mutui.* Atque hinc difficultas nascitur, cum, ut videtur, ad sententiam veram eruendam, cogimur aliquid vel supplere præter verba, vel contra verba facere. Hac autem interpretatione admissa sunt duæ sententiæ, quæ probabiliter iis verbis rescripti aptari possunt. Vna, ut superiora verba accipiantur de eo debitor qui pecuniam debuit, ex alia causa quam mutui, & eam pecuniam redigit in chirographum ex eadem causa, id est, eam pecuniam ex eadem causa confessus est se debere. Secundum hanc interpretationem, species ex facto ita proponi debet: Iustin. consultor debebat Titio decem ex causa emtionis, quia fundum ab eo tantum emerat, nec dum pretium soluerat, eam summam redigit in chirographum, ita ut fateretur Titio se id debere ex pretio illius emtionis. Conveniebatur debitor ex hoc chirographo, dicebat se eam pecuniam non debere, & contendebat sibi aduersus suam confessionem competere exceptionem non numeratæ pecuniæ, exemplo eius qui confessus est se pecuniam debere numeratam.

Consultus Imperator Alexand. respondit, hunc debitorem in proposito exemplo, non numeratæ pecuniæ non habere, quoniam hæc exceptio tunc locum habet, ubi ex pecunia credita & numerata a debitore petitur, & petitur solum ut credita: Tunc enim non potest esse credita, nisi sit numerata. Proinde si numeratam esse intenditur, recte debitor negatur exceptione non num. pec. At in proposito, cum ex alia causa debiti præcedente, quantitas redigitur in chirographum, hic non quaeritur, an pecunia sit numerata, sed an iusta alia causa debiti præcesserit. Quorsum hoc, ut intelligatur in his causis non constare debitori, qui se debere negat, exceptionem non

numeratæ pecuniæ. Nam hisce in causis, creditor non intendit, se pecuniam numerasse debitori, quod si hoc non intenditur, inepta est exceptio pecuniæ non numeratæ, quoniam hac exceptione intentio non excluditur, quæ intentio de pec. numer. non fuit.

Secundum hanc interpretationem huius rescripti sententia hæc est. Cum quis chirographo confessus est, se pecuniam debere ex aliqua causa, & quaeritur, an huic chirographo, & confessioni suæ stare debeat distinguendum est. Nam si confessus est, se debere ex causa mutui, ubi pecunia petitur, ut tradita & ut numerata, habet exceptionem pec. non numeratæ, qua efficitur, ne cogatur confessioni suæ stare, nisi creditor numeratam probet, *l. 3. supr. hoc tit.* Quod si confessus sit, se debere ex aliis causis, confessioni suæ stare cogitur, quoniam nullam exceptionem habere hic potest non numeratæ pecuniæ, hæc enim in proposito inepta est ei & inutilis, quia non quaeritur, an pecunia sit numerata nec ne. Hæc sententia per se necessaria est, & confirmatur in leg. generaliter, in fr. cod. Sed huic rescripto nullo modo convenit, sed potius contra secundum hanc sententiam partim rescriptum ineptum est, partim etiam falsum.

Nam primo ait rescriptum, cum ex præcedente causa debiti, nos subaudimus ex præcedente causa alia quam mutui, hoc est, pervertere manifeste sententiam verborum, ubi ex generali sententia verborum specialis efficitur, & non tantum specialis, sed etiam redigitur ad certam speciem debiti, cuius hic nulla est mentio. Deinde ait rescriptum: *in hac specie non requiri an pecunia sit numerata, cum pecunia cauetur ex alia causa quam mutui.* Hoc falsum est. Nam si maritus confiteatur chirographo se accepisse id ab uxore ex causa dotis, confiteatur, se debere ex alia causa quam mutui, & tamen si postea condemnatus nomine dotis, neget se dotem accepisse, ut confessus est, hic necessario requiritur, an pecunia illi fuerit numerata. Tertio ait rescriptum: In hoc casu requiri, an iusta causa debiti præcesserit. Male respondet, in hoc casu, quoniam etiam aliquis confiteatur se debere ex causa mutui, si id postea negat, requiritur ab iusta causa præcesserit. Quare superior sententia huic rescripto nullo modo aptari potest, sed ineptum rescriptum efficiet & falsum, ut dixi.

Restat altera sententia quæ huic rescripto convenire potest, ut superiora verba versic. ultim. intelligantur, de eo quidem debitore, qui pecuniam debet ex causa tanquam mutui, id est, chirographo fateretur se eam pecuniam a creditore suo retinere ut mutuam, & se ut mutuam debere. Verba rescripti huic hypoth. si optime aptari possunt. Nam prius in rescripto hæc verba fuerunt, ubi pecunia credita petitur, cum ergo rescriptum subicit: Cum autem quantitas in chirographum redigitur: quantitas hic intelligere debemus, ut sit quantitas credita, cuius prius mentio facta erat. Rursum cum dicitur, ex precedente causa debiti, hæc verba sic intelligere debemus, ex causa debiti, quæ præcedit, supple, mutuum, seu creditorem, sitque hic sensus: Cum autem quantitas seu pecunia credita, de qua prius dixi, redigitur in chirographum ex causa debiti, quæ mutuū hoc præcedit, & quæ sequuntur, &c. Tunc autem debitor redigit in chirographum pecuniam creditam, ex causa

debiti præcedente, cum pecuniam ex alia causa debuit, & conuenit cum creditore, ut eam pecuniam retineret ut mutuam, hac conuentione mutua efficitur, *l. singular. D. si cert. pet.*

3 Secundum hanc interpretationem hæc est sententia huius totius rescripti: Quidam debuit 10. Titio, ex causa emtionis, conuenit cum creditore, ut eam pecuniam retineret, & chirographum emisit, quo ita rem gestam esse confessus est, his verbis: Decem quæ Titio debui ex causa emtionis, ea profiteor, me retinere ex causa mutui, ipsius voluntate, quam summam ego ex ea causa, bona fide reddam, cum petierit. Conuenitur debitor ex hoc chirographo, is defensione hac utitur, dicit sibi pecuniam eam non esse numeratam, cum causa chirographi carebat, quod & verum est, ab hac conuentione remouet actorem exceptione non numeratæ pecuniæ. Quaritur an in hac specie illi competat hæc exceptio?

Respondet Alexander: Si quid iuris habes, præter exceptionem non numeratæ pecuniæ, aduersus petitionem aduersarii tui, eo iure uti potes, ut puta si chirographum id non scripsisti, id dicere potes, item si metu coactus es, aut dolo inductus ut confitereris, te debere ex causa emtionis, quod non debuisti; aut si etiam errore existimasti te debere, quod non debebas, doli mali exceptione te tueri poteris ex iis causis; ceterum exceptionem non numeratæ pecuniæ, de qua quaritur in proposito, non habes, ignorare enim non debes, hanc exceptionem ibi locum habere, ubi pecunia tamquam credita, id est, mutua petitur, & petitur solum tamquam credita. At cum quantitas credita, redigitur in chirographum ex causa debiti præcedente, ut hic factum proponis, non requiritur an pecunia tibi numerata sit, sed an iusta causa debiti præcesserit supplementum, de quo dixisti.

Quorsum hoc responsum? Ut intelligatur, quod proposuit, si in proposito non quaritur an pecunia sit numerata, consequens sit, exceptionem non numeratæ pecuniæ hic esse inutilem, quoniam ad intentionem actoris nihil pertinet. Verum est quod Imperator respondet, in proposito non requiri, an pecunia numerata sit. Nam cum conuenit ut debitor, qui pecuniam ex alia causa debebat, eam pecuniam ex crediti causa retineret, hic mutuam contrahitur, sine ulla numeratione, solum conuentione, *l. singular. si cert. petat.* Hoc amplius etiam in proposito non quaritur, an pecunia sit credita debitori, tamen si vere credita est, saltem quaritur, an iusta causa debiti præcesserit hoc mutuam, ut debitor in suo chirographo confessus est? Id autem sic certo demonstratur. Nam si debitor in proposito fateatur, se 10. debuisse ex causa emtionis, quæstio omnis & lis tollitur, *l. si debitori. D. ind.* Quod si neget se debuisse, hic nihil amplius quaritur, quam an debuerit ex causa emtionis, an ex causa mutui. Quia si debuit ex causa emtionis, soluere cogitur, si conuenit ut pecuniam eam creditam haberet, propterea quod diabus ex causis eam debuit. Sed etsi non conuenit, ut eam creditam haberet, tamen semper relinquitur præcedens causa, quod eam debuit. Ita verum est quod Imperator hic respondet: quamuis pecunia hic petatur ut credita, tamen non esse quæstionem an sit numerata aut credita, sed solum quæstionem esse an sit debita ex causa præcedente. Ex quo efficitur quod dixi: Debitorem in proposito probare

debere, se pecuniam non debuisse, si vult absolui: non autem creditorem debere probare pecuniam ex ea causa sibi deberi. Nam aduersus confessionem suam debitor nullam defensionem habet, nisi exceptionem non num. pec. Hanc exceptionem in proposito non habet, quia non quaritur an pecunia illi sit numerata, proinde nullam defensionem habet, & ideo confessioni suæ stare cogitur.

Hinc utilis sententia notanda est, quæ huc spectat, ut interpretetur vetus illud dictum, quo traditur: Eum qui ex causa mutui conuenitur habere exceptionem non numeratæ pecuniæ. *Instit. de liter. obl. in prin.* Hoc rescriptum docet, id ita esse interpretandum, si debitor conueniatur, ex sola causa mutui, quod debitori numeratum sit: diuersum esse, si debitor debuerit pecuniam ex alia causa præcedente, & conuenierit, ut eam crediti nomine retineret. Nam hic quamuis ex mutui causa conueniatur, tamen quoniam præcipue conuenitur ex præcedente causa, ex qua & mutuam postea securum est, exceptionem non numeratæ pecuniæ habere non potest.

Ad l. 7. Si quasi &c.

Imp. Alexander. A. Iuliano & Ammiano.

Si quasi accepturi mutuam pecuniam aduersario cæuisti, quæ numerata non est: per conditionem obligationem repetere, & si actor non petat: vel exceptionem non numeratæ pecuniæ aduersus agentem uti potestis.

S Y M M A R I A.

- 1 Quomodo debitor cauere dicatur.
- 2 Pecunia debitori mutua data in stipulationem deducta, obligatio non ex credito, sed ex stipulatione nascitur.

Q Vidam quasi accepturi pecuniā a creditore futuro, cauerunt ei eam pecuniam. Multis modis debitor qui cauere dicitur, id est, prospicere creditori suo. Cauet chirographo & scripto, ut scriptum illi valeat ad fidem, cauet etiam stipulanti promittendo, unde & cautionis verbum varie accipitur. Interdum pro chirographo, *l. emtor, §. ult. de pact.* Interdum & vltate pro stipulatione, *l. sancimus, de ver. sig.* Ex instituto & voluntate loquentis significatio distinguitur, ut sit & hoc loco. Ceteri dicuntur hic debitores, pro stipulatione se obligare creditori futuro, dum creditori stipulanti ita promittunt, se illam pecuniam ab illo sibi recte numeratam restituros, cum volet.

Hæc significatio intelligitur ex eo quod subiicitur, hos tres debitores posse obligationem condicere, quo se obligauerant creditori, etiam sine numeratione, non obligant se literis, *l. non figura. de obl. & act.* Obligant igitur se eo modo, quo obligatio iure ciuili constituitur, nempe stipulatione, *§. de constituta, de act.* Hic quæsitum est, si debitores ex ea cautione & stipulatione conueniantur, an habeant exceptionem non numeratæ pecuniæ? Et placet habere.

Hic opponitur *L. aduersus, supr.* Non enim locum habet hæc exceptio pecuniæ non numeratæ, nisi ubi pecunia credita petitur. At hic pecunia non petitur a debitore, tamquam credita, seu quasi mutua, sed solum ex stipulatione. Sciendum est enim, cum qui pecunia debitori mutua data, in stipulationem deducitur, obligationem non nasci ex credito, seu ex numeratione, sed ex stipulatione, *l. si ita, §. ult. l. seq. de Non.* Respondeo etsi verum est in proposito pecuniam ex stipulatione peti, non tamquam creditam, tamen stipulatio

pulatio interposita est, propter pecuniam creditam, semper autem origo obligationis, non titulus actionis considerandus est, leg. 3. *supr. ad Senatusconsultum Alaced.* Obligationis origo est ex pecunia credita, titulus actionis qua agitur certi conditione ex stipulatione originem habet, id est, pecuniam creditam spectare debemus; quo fit, ut hic perinde habeatur, quasi petatur pecunia credita. Ita secundum regulam iuris aduersariis recte respondetur, etiam in hac specie competere exceptionem non numeratæ pecuniæ; sed adiicitur in rescripto, hanc competere debitoribus sub conditione, si cauerint eam pecuniam quasi accepturi, neque ea numerata sit. Ergo debitores hoc dicere debent, si dicunt, secundum regulam iuris probare debent, leg. 2. *de probat. l. qui accusare, supra, de edend.*

Quæro igitur, utri parti probatio hic incumbat, debitoribusne ut probent sibi pecuniam non numeratam, an creditori, ut probet numeratam esse? Respondetur ex leg. 3. *supr. hoc tit. l. asseneratio, infra hoc tit.* hoc ipso, quod debitoribus datur exceptio non numeratæ pecuniæ, intelligi, onus probationis conferri in creditorem, ut nisi probet pecuniam numeratam, debitores absolui debeant. Non obstat quod exigitur in hac lege, ut debitor dicat sibi pecuniam non numeratam esse. & secundum regul. iuris, qui dicit probare debet; Nam ut docui ad leg. 2. *supr. is, qui exceptione non numeratæ pecuniæ utitur, hoc ipso satis probat non numeratam pecuniam, quod creditor numeratam non probat, l. 3. supr.*

Si exceptio non numeratæ pecuniæ in proposito debitoribus competit, consequens est, quod adiicitur in hoc rescripto, etiam eos non expectata conventionem, id est, petere a creditore, ut liberentur sua promissione. Id enim conditio obligationis significat, leg. 3. *de condit. sine causa.* Hoc ex priorē consequens est, ut dixi, nam exceptio non numeratæ pecuniæ, facit, ut debitores non teneantur quamdiu illa competit, id est, ut nulla sit interim debendi iusta causa, leg. 3. *supr. hoc tit.* Quod si debendi nulla causa est, fit locus conditioni sine causa, l. 1. 2. *de condit. sine causa.* Ea est conditio, quam hoc loco intelligere debemus.

Exitus conditionis hic est, ut creditores a debitore liberentur. Liberandi ratio est, ut accepta pecunia illis feratur, §. *item per acceptilationem, Institut. quibus modis toll. obligat.* de qua plura ad leg. 3. *supr. de condit. indebit.* Si ii debitores etiam chirographa interposuerint, huius obligationis nomine, chirographi quoque eadem conditio est, quia inane est chirographum, ubi nulla est obligatio, l. *ult. supr. de condit. ex l.*

Ad L. 8. Si intra &c.

Imperator Alexander A. Materno.

Si intra legibus definitum tempus, qui cautionem exposuit, nulla querimonia usus defunctus est: residuum tempus eius heres habebit tam aduersus creditorem, quam aduersus eius heredem. Sin autem questus est: exceptio non numeratæ pecuniæ heredi & aduersus heredem eius perpetuo competit. Sin vero legitimum tempus excessit, in querimonia creditore minime deducto, omnimodo heres eius, etiam si pupillus sit, debitum solvere compellitur.

- 1 Exceptio non numeratæ pecuniæ cui & aduersus quæ datur, & nu. 5.
- 2 Tempus, intra quod exceptio non numeratæ pecuniæ datur, unde & quando cedat seu computeur.
- 3 Minor viginti quinque annis, si debitori successerit in tempus exceptioni non numeratæ pec. præstitutum, an eo tempore finito amittat exceptionem non numeratæ pecuniæ.
- 4 Succedens defuncto, quamvis ex persona sua privilegium habeat, tamen defuncti iure uti dicitur, nec in re, in quam successit, ullo proprio privilegio uti potest.
- 6 Petitio pecuniæ numeratæ non datur tantum creditori sed etiam heredi, qui in ius defuncti succedit.
- 7 Exceptio non numeratæ pecuniæ, an aduersus heredem datur.
- 8 Exceptio non num. pecuniæ datur intra biennium.
- 9 An & post biennium competat.
- 10 Exceptiones omnes perpetuæ sunt, etiam si sint doli exceptiones.
- 11 Exceptio non numeratæ pecuniæ, cur non sit perpetua.
- 12 Ususfructus car morte ususfructuarii & aliis modis finiatur.
- 13 Debitori cur non permittatur eodem modo querendi aduersus creditorem in ceteris exceptionibus, ut conceditur ei, qui confessus est, se pecuniam accepisse.
- 14 Chirographi & cautionis post lapsum biennii quæ vis sit & potestas.
- 15 Heres, quamvis ex sua persona privilegium habeat, tamen cum ex persona defuncti convenitur, eodem iure uti debet quo defunctus, nec potest ullo suo proprio privilegio defendi.
- 16 Debitor, qui chirographo cauit, se pecuniam accepisse, & ex ea causa debere, post biennium exceptionem pecun. non numeratæ non habet, sed pecuniam, quasi numeratam esset, solvere cogitur. Et obligationem hanc ex literis nasci.
- 17 Obligationis ex contractu causa.
- 18 Scriptura literarum an obligemur.
- 19 Obligatio literarum cur a Caio fure consalto sit prætermissa.
- 20 Debitor an post lapsum biennii possit dicere pecuniam non esse numeratam, quæ vere numerata est, & an liceat ei quicquam aduersus creditoris intentionem obuiere.
- 21 Debitor post lapsum biennii, si ultro paratum se dicat probare, pecuniam sibi esse non numeratam, an omnimodo compellendus sit solvere nec audiendus sit, nec cum possit probare pecuniam sibi non esse numeratam ad probationem admittendus, & nu. seq.
- 22 Iusiurandum an sit probatio iuranti, an deferenti.
- 23 Confessus pecuniam se accepisse intra biennium habet duas exceptiones, except. non numer. pecun. & exceptionem doli mali.
- 24 Exceptio doli cum alias sit perpetua finitur hic biennio similiter ut exceptio non num. pec.
- 25 Exceptio doli duplex, generalis & specialis.
- 26 Specialis.
- 27 Generalis.
- 28 Conditio sine causa qua creditor debitori tenetur, ut ei chirographum reddat, & eum liberet, temporalis ne sit an perpetua, & nu. 37.
- 29 Conditio sine causa nunquam competit, nisi ubi iusta causa debendi non subest.

- 30 *Actiones in personam an omnes perpetuae sint.*
 31 *Obligationes quibus modis tollantur.*
 32 *Actio in personam non est, nisi aduersus eum, qui obligatus est.*
 33 *Debitor confessus sine scripto, se pecuniam accepisse, si intra biennium questus non sit de pecunia sibi non numerata, an soluere omnino compellatur, nec sit audiendus si dicat se paratum esse probare creditorem confessum esse, pecuniam a se nondum esse numeratam. Et ratio diuersitatis. nu. 35.*
 34 *Concessum id cuique iure intelligitur, quod iure ademptum non est.*

Hic agitur de cautione debitoris, sed de cautione ita, ut hoc verbo significetur chirographum, seu scriptura, qua fateretur se debere, quod intelligitur ex adiuncto, quia dicitur debitor cautionem exposuisse seu emisisse. Hæc verba cum adiunguntur scriptura, causa significatur, *l. cum de indebito. §. ult. de probat.* Non agitur de quavis scriptura, sed de ea, qua debitor scripsit, sibi pecuniam numeratam esse seu creditam, ut intelligimus ex exceptione non numeratæ pecuniæ, quæ illi tribuitur. Ex hac cautione tribuitur debitori exceptio non numeratæ pecuniæ, & de ea cautione & exceptione hoc rescriptum tria completur. Primo, de personis, quibus & aduersus quas detur hæc exceptio. Secundo, de tempore, intra quod competit. Tertio, hoc tempore finito, quam vim scriptura habeat ad cogendum debitorem confessum.

1. Primum igitur placet, quod exceptionem intra tempus præstitutum, debitori ipsi citra controuersiam dari. Quod si intra id tempus decesserit, placet etiam dari eius heredibus, sed hæc tenetur, ut nihil amplius detur heredibus, quam reliquum tempus, quod defuncto ad exceptionem competebat. Exempli gratia: Si post chirographum emissum intra annum decesserit debitor, heredi eadem exceptio competit, sed intra annum dixi, quia tantundem temporis solum relictum erat defuncto ad exceptionem, si modo exceptio competit, intra biennium tantum.

2. Hoc loco duo queruntur: Primo, unde et quando cedat, seu computetur hoc tempus reliquum, quod heredi dari diximus? Accursius putat, illi cedere ex adita hereditate, seu ex petita bonorum possessione, *argumento l. ea qua, supr. de temp. in integr. restit.* Hoc falsum est, cedit hoc tempus hereditate etiam non adita, nec quicquam hic plus tribuitur heredi, quam defuncto tribueretur si viueret. Hoc amplius, hæc questio in herede inepta & stulta est: Nam hæc exceptio datur in biennium, quod computari incipit ex eo die, quo scriptura emissæ est, *l. in contractibus, in prin. infr.* Competit autem deinceps intra biennium continuum, ut ibidem scriptum est. Proinde biennio continuo præterito, exceptio heredi competere non potest, & si continuum exigimus, inepte questum, unde pars huius temporis cedat, cum partes huius temporis non interrumpantur, sed sint continuæ.

Non obstat, quod heredi, qui hereditatem nondum adiit aut etiam heredi tacenti, non potest imputari quod intra reliquum temporis, querelam non numeratæ pecuniæ non detulerit. Nam quoties petita constituitur aduersus debitorem, nisi intra certum tempus aliquid fecerit, ut in proposito constituitur pœna, ut adinatur illi exceptio non numeratæ pecuniæ, nisi intra biennium querelam non numeratæ pecuniæ detulerit, toties intra id tempus, mor-

tuo debitore, pœna committitur, etiam si hereditas adita non sit, *l. ad diem, de verb. obl.* Nihil ad rem pertinet. *l. ea qua, supr. de temp. in integr. restit.* ubi traditur tempus petendæ in integrum restitutionis, in quam heres succedit, non cedere seu non computari, nisi ab adita hereditate. Multum interest utrum queratur de initio temporis, intra quod aliquod beneficium competit, an vero de progressu eius temporis. Initium a certo tempore incipit, hoc tempus non cedit heredi, nisi post aditam hereditatem, *d. l. ea qua &c.* At hoc tempus semel ceptum, continenter progreditur, nec morte debitoris interrumpitur, alioqui hoc tempus biennii non diceretur tempus continuum.

Deinde hoc loco queritur, quid si minor 25. annis successerit debitori, in id tempus quod reliquum erat, an eo tempore finito minor amittat exceptionem non numeratæ pecuniæ? Respond. ius certum est constitutum, in *l. ultim. j. in quibus causis in integrum restituere necesse non est*, exceptiones minori competentes, quamvis intra tempus competat, tamen minori non cedere, id est, quamvis id tempus præterierit culpa minorum, non exceptionem amitti ipso iure, sed solum tempus amittendæ exceptionis illius cedere, cum maiores 25. annis facti sunt. Hic occurreret nobis. Nam cum aliquis succedit defuncto, et quantumvis ex persona sua privilegium habeat, tamen defuncti iure uti dicitur, nec in re, in quam successit, ullo proprio privilegio uti potest, *l. heres absens, in pr. de ind. l. sub prætextu supr. de Inst. act. l. qui in ius. de reg. iur.* At in proposito defuncto hæc exceptio competeat tatum intra biennium, ergo & minori, qui heres debitori existerit intra biennium, d. exceptio competet, nec in eo heres beneficio ætatis uti debet. Respond. Verissimum est, heredem nullo suo proprio privilegio uti posse. Sed eodem iure cum defuncto uti debere, verum in iis tantum, in quæ successit, quæque habet a defuncto. At cum debitor post cautionem emissam intra annum decessit, minor non succedit, nisi in eum annum, quem defunctus habuit. Proinde recte dicitur, pro eo anno exceptionem minorem non habere, quoniam iure defuncti uti debeat. At in reliquum annum plene non successit, quoniam hunc defunctus nunquam habuit. Habet igitur minor hunc annum sequentem ex persona sua. Prius enim minor succedit in obligationem defuncti, ex hac obligatione conventus habet exceptionem non numeratæ pecuniæ, non quia heres, sed quia convenitur ex ea obligatione, cui hæc exceptio tribuebatur.

Cur hæc exceptio detur heredibus, exposuimus sup. tit. huius initio. Si datur et heredibus debitoris, consequens est, quod hic subicitur, etiam dari aduersus creditorem & eius heredes. Nam hæc exceptio datur aduersus petitionem pecuniæ numeratæ, & ubicunque hæc petitio est, ibi hæc exceptio non numeratæ pecuniæ locum habet. At et petitio pecuniæ numeratæ non datur tatum creditori, sed etiam heredi, qui in ius defuncti succedit, *l. heres in damno, de acquir. hered.* Ergo et etiam aduersus heredem petentem eadem exceptio dabitur.

De tempore ita hic cauetur: Exceptionem non numeratæ et pecuniæ, intra certum & præfixum tempus dari. Id tempus exprimitur, in *l. contractibus, in prin. hoc tit.* Id autem est biennium, cum prius quinquennium esset, competit igitur hæc exceptio intra biennium. Sed et post biennium competit, si debitor in-

tor intra biennium questus sit de pecunia sibi non numerata post quam querelam interpositam, incipit hæc exceptio esse perpetua, tam debitori, quam heredibus, & tam aduersus creditores, quam eorum heredes. qualis debeat esse hæc querela, & exceptio vtrum scriptum desideret, an non, comprehensum est in leg. in contrahibus, §. in qua, infr. vbi hac de re dicitur. Quod si nulla querela mota de pecunia non numerata, biennium elapsum est, exceptio amplius non competit. Hæc summa est de tempore huius exceptionis, ex qua intelligimus temporalē esse hanc exceptionem, non perpetuam.

70 Hic opponitur exemplum omnium exceptionum, quas ꝑ omnes placet esse perpetuas, etiam si sint doli exceptiones, leg. pure, §. ultim. de dol. mal. except. Et ratio ibi est addita, quæ etiam ad exceptionem non numeratæ pecuniæ pertinet; Quia non est in potestate rei, quando secum agatur, & ideo, si exceptione usus non sit, non debet ei imputari. Atqui in exceptione non numeratæ pecuniæ idem dici potest. Cur ꝑ non igitur & hæc perpetua est, cum in eadem causâ & ratione, idem ius statui debeat, l. illud ad l. Aquil.

Respondeo, dissimilis causâ est huius exceptionis & ceterarum. Differentia hæc est, quia ceteræ exceptiones sine incommodo creditoris reo dantur. sic enim competunt, vt reus exceptionem suam probare debeat, quæ probatio sine onere creditoris contingit, leg. in exceptionibus, de probatio. In exceptione non numeratæ pecuniæ, qua euenit, vt qui dicit pecuniam non numeratam, id probare non debeat, sed neganti fides habeatur, & transferatur probationis onus in creditorem, leg. 3. supr. leg. asseruatio, infra eodem. Hoc cum non fiat sine manifesto incommodo & onere creditoris, placuit in re dubia exonerari creditorem hoc incommodo, vt incommodum non esset perpetuum, vt qui probatione oneratur, in tempore probandi exoneretur, argumento æquitatis in leg. eum, qui in princ. de iurciu. Eiusdem æquitatis argumentum in usufructu finiendo, quem placet ideo morte usufructuarii ꝑ & aliis modis finire, ne proprietas penitus inutilis constitutur domino, §. ultim. de usufruct. Neque in eo fit vlla iniuria debitori. Nam si debitor vere non accepit pecuniam, & aliquod metuit incommodum, ei prospectum est, aduersus hoc incommodum. Fit enim, vt iam dixi, ei potestas intra biennium querendi de non numerata pecunia: si queritur, iam quo queritur fit exceptio perpetua: si non queritur, de se ipso queri debet, qui beneficio legis usus non est.

13 Sed cur in ceteris exceptionibus non permittitur ꝑ debitori, eodem modo querendi aduersus creditorem suum, vt conceditur ei, qui confessus est, se pecuniam accepisse? Respondeo: Ceteri debitores, non perhibentur queri aduersus creditores suos. Sed ideo hoc non nominatim illis conceditur lege, quia esset ineptum & superuacuum. Hæc enim querela tantum conceditur debitori in pecunia non numerata, vt exceptionem perpetuam efficiat, quæ prius erat temporalis. Hoc cauere non est necesse in ceteris exceptionibus, quia per se sunt perpetuæ, sine alia querela debitoris.

14 Tertium ꝑ restat de vi chirographi & cautionis, quænam sit, biennio elapso, intra quod debitor de pecunia non numerata questus non est? Et hic scri-

ptum est, deinceps chirographi & literarum hanc vim esse, vt debitor omnino numeratum soluere cogatur, nec tantum debitor, sed etiam heres eius, etiam si sit pupillus. Quod de pupillo dicitur, sic intelligamus, heredem ꝑ quamuis ex sua persona priuilegium habeat, tamen cum ex persona defuncti conuenitur, debere eodem iure vti quo defunctus, nec posse eum vilo suo proprio priuilegio defendi, leg. qui in ius, de regulis iuris, leg. heres, in princ. de iud. Hæc vi chirographi & literarum posita, recte colligitur quod Iustinianus colligit, in Instit. de litera obligat. debitorem ꝑ qui chirographo cauit, se pecuniam mutuo accepisse, & ex ea causâ debere, post biennium, exceptionem pecuniæ non numeratæ, non habere, & hoc amplius, obligari literis, ex quo est literarum obligatio, quæ inter causas quatuor obligationum tertia hic ponitur a Iustin.

Id autem efficitur ex definitione obligationis, nam obligatio est iuris vinculum, qua quis necessitate astringitur alicuius rei soluendæ, Inst. Hic debitor, de quo agimus, post biennium necessitate astringitur pecuniæ soluendæ, quasi numerata esset, vt hic dicitur scriptum. Igitur est obligatus. Nasci autem obligationem hanc ex literis, sic colligitur ex remotione partium nam qui obligatur, necesse est aut re obligari, aut verbis, id est, stipulatione, aut consensu solo, aut si nihil horum est, relinquatur, vt obligetur ex literis & instrumento, quoniam ꝑ non sunt plures causæ, ex quibus obligatio ex contractu nascatur, l. 1. de obligat. & actio. §. Instit. eodem. At hic debitor non obligatur re, quoniam eum proponimus, cui reuera pecunia non sit numerata, non quia id constat, sed quia id affingimus, & volumus ita esse. Rursum non obligatur stipulando, quia eum proponimus, qui simpliciter confessus est, se debere, citra stipulationem dict. tit. Instit. Multo minus est consensu solo, quoniam non obligaretur, nisi diceret pecuniam sibi esse numeratam. Relinquatur igitur quantum, vt obligetur literis. Recte igitur obligatio hæc literarum constituta in hac specie.

Sed hic opponitur l. non figura de obligat. & actio. vbi dicitur scribitur, non ꝑ obligari nos scriptura literarum, sed oratione, quæ literis exprimitur. Quod si verum est, consequens est non debere dici quænam obligari literis, sed oratione, proinde non debere dici obligationem literarum, sed obligationem orationis, seu verborum, quæ verbaliter continentur. Variæ sunt huius loci interpretationes, sed cuiusmodi omnes, vt rem nullo modo expediant. Vna est, quæ a quibusdam affertur, non improbabilis, quod dicunt, l. non figura, veram esse Pauli illius temporibus, quibus vere dici volunt, nullam obligationem nasci ex figura literarum, seu ex literis, quia hoc genus obligationis postea natum sit. Id probant ex l. 1. de obl. & actio. vbi dicitur obligatio nasci ex tribus causis, quæ re, verbis, consensu concipiuntur, literarum nulla sit mentio. Sed hoc dicere nobis non licet. Fuit enim & Pauli temporibus hæc obligatio, nam rescriptum quod hic proponitur est Alexandri Imperatoris, in quo Alex. non constituit ius nouum sed antiquum refert. At constat ex historiis Paulum vixisse sub Alexandro. Fuit igitur hæc obligatio Pauli temporibus, vera sententia, l. non figura. Et cetera solutio hæc est: Obseruandum est, Paulum non dicere simpliciter & absolute, nos nõ obligari figura literarum, sed sub conditione, quæ subiicitur. Ait enim,

id eatenus verū esse, quatenus placuit, nō minus valere quod scriptum est, quam quod vocibus lingua figuratis significatur. His verbis significat Paulus quatenus iure placeat, & constituitur vt scriptura nō minus valeat, quam oratio, id est, vt valeat tantundem atque oratio, non autem plus. Eatenus verē dicitur neminem ea scriptura obligari, sed obligari oratione, quā ea scriptura comprehensa est. Ratio, quia scripturæ eiusmodi omnes fiunt ab initio ad probationem, *leg. quarta, de fid. instrumen.* Probatio autem nihil amplius continere potest, quam id quod dictum & factum est, id quod comprehensum est verbis & oratione. At in hac specie obligationis literarum, vbi debitor post biennium obligatur literis, id ius locum habet. Hic enim scriptura non valet tantūdem quam oratio, sed plus. Nam si quis scripto confessus est, se debere, post biennium obligatur omni modo, vt hic scriptū est. At si scripto idem fateatur, post biennium non obligatur, si modo doceat, sibi pecuniam ab initio non fuisse numeratam, vt postea dicemus.

Ex hac interpretatione intelligimus, non modo non infirmari hanc literarum obligationem in *d. l. non figura*, sed maxime eam confirmari, cum Paulus ex definitione illiū proposita excipiat hanc speciem scripturæ, quæ plus valeat, quā omnino scripto non comprehensa. Sed rursus hic oritur hic scrupulus; Si etiam temporibus Pauli & prioribus, hæc obligatio literarum fuit, eaque confirmatur in *d. l. non figura*, qui factum est, vt genus hoc causæ prætermisum sit a Caio Iureconsulto, in *d. l. 1. de obl. & actio.* Cur enim prætermisum est, nisi quia hæc species obligationis non erat? Alioqui vitiosa erit diuisio Caii, in qua aliquod genus prætermisum est.

Respondi id eo factum recte defendi potest, quia hæc obligatio, quæ post biennium aduersus debitorem nascitur, dici potest nasci ex re, dici etiā pōt nasci ex literis, diuersis rationibus. Dici potest nasci ex re, quia qui agit, pecuniam petit vt mutuā. Mutuum re contrahitur. *Instit. quibus mod. re contr. in prin.* Si debitor negat, conuenitur ex suo chirographo & sua scriptura, cui omnimodo creditur post biennium: Hac ratione causæ obligationis non est in scriptura, sed eius obligationis probatio. Rursus ideo dicitur recte nasci ex literis obligatio, quia non proprie chirographum pertinet ad probationem solū. Nam si probationem solam contineret, aduersus eam probationem admitti posset contraria probatio, *l. cum precib. supr. de probat.* Nunc autem contraria probatio non admittitur, vt postea docebimus. Verius est igitur, & melius dici, obligationem nasci ex literis, quā literis probari. Placebat prius Caio & aliis veteribus quibusdam, posterius aliis placuit, deinde receptum est a Iustiano in *Instit. de literar. obligat.* Et hoc vt rectius intelligamus, tenebimus hanc obligationem literarum recte constitui, non tantum eo, vt confirmetur hæc species, quæ videtur Caio non fuisse cognita, sed etiā vt intelligamus verum esse, quod in hoc rescripto dicitur, eum qui ante biennium habuit exceptionē pecuniæ nō numeratæ finito biennio, querela pecuniæ non numeratæ non delata, incipere ita obligari, vt omnimodo compellatur soluere, quod se scripsit accepisse.

Quid ergo post biennium non licebit vllō modo debitori dicere, pecuniam non esse numeratam, quæ vere numerata non est: & non licebit ei quic-

quam aduersus intentionē creditoris obicere. Respond. Imo vero licebit. Meminisse enim debemus hic agi de eo debitore, qui dicit, tantum pecuniam sibi non esse numeratam, & in eo exceptione nō numeratæ pecuniæ, vtitur. Dicitur hunc exceptionem non numeratæ pecuniæ post biennium amittere, ergo aliis defensionibus legitimis vt non prohibetur, si quibus vtatur, præter id quod dicit, sibi pecuniam non esse numeratam. Quapropter potest obicere & aduersus scripturam, & aduersus confessionem suam, quæ scriptura continetur. Aduersus scripturam dicere potest, hanc suam scripturam nō esse, & si agitur de instrumento Notarii, dicere potest suo consensu scriptum non esse, sed falsum esse instrumentum. Hac defensione perpetuo vti potest, *l. optimum, infra, de contrahend. stipul. l. cum precibus. supr. de probat.*

Sed etsi confiteatur instrumentum, vel a se scriptum, vel ab alio suo consensu, tamen dicere potest, se falso confessum esse, si aliis exceptionibus vtatur, quam exceptione sola, nō numeratæ pecuniæ. Quid enim si vi coactus sit, vt ita confiteretur? Quid si inductus sit dolo creditoris, vt cōfiteretur, vt puta, creditor dixit debitori futuro, Ego Spira numeravi institori tuo centū aureos mutuos, quos non numerauerat, & debitor persuasus mēdacio creditoris, emisit chirographū, quo confessus est, se centum mutua ab illo accepisse, numerata institori suo. Hic debitori & exceptio, q̄metus causā dabitur, & dabitur exceptio doli mali, *tit. de excep. in pr.* Atqui hæc exceptiones perpetuæ sunt, proinde etiā vltra biennium competunt, *l. pure, §. vltim. de doli mali excep.*

Fieri etiam potest, vt debitor dicat, se confessum esse sibi pecuniam esse numeratam, sed cum aliud ageretur, aliud simularetur, vt in *l. si ex pretio sup. sicer. petat.* hic locum habet illa communis defensio, eaque perpetua, plus valere quod agitur, quam quod simulare concipitur, *leg. 1. & titul. supr. plus agere &c.* Neque hæc contraria sunt huic loco, tamen generaliter dicitur, heredem debitoris post biennium omnimodo compelli soluere. Hoc enim dicitur ex conditione præcedentium, quæ hæc fuit, si ageretur de eo, qui se defenderet solum exceptione non numeratæ pecuniæ. Est igitur hæc sententia rescripti, & in hac specie tantum obligatio literarum locum habet, si quis scripto cauerit, se mutuam pecuniam accepisse, & conuentus ex sua cautione, agnoscat cautionem a se scriptam, & nihil amplius dicat, quam sibi pecuniam non esse numeratam. Hic post biennium ita exceptionem nō numeratæ pecuniæ amittit, vt omnimodo soluere cogatur.

Hic exoritur vetus quaestio. Quid si debitor vltro paratum se dicat probare pecuniam sibi non esse numeratam, An ne sic quid in audiendus est, sed omnimodo compellendus soluere ex hoc loco? Quidam putant non esse audiendum. Accursius contra, de sententia quorundam veterum, putat audiendum esse *ad l. 3. supr. & Instit. de literarum obligat.* Quam & sententiam Bartolus vt aequā & verissimam probat *ad l. 3. supr.* Vtrum igitur verius? Respond. nihil verius neque æquius, quam post biennium debitorem omnimodo compelli, soluere, id est, ita compelli vt nullo modo audiat, si dicat pecuniam sibi non esse numeratam, quantumvis eius rei probationem offerat. Hæc sententia probatur multis & locis & argumentis manifestis. Primum in hac lege scribitur

bitur, eum omnimodo cōpelli soluere, si omnimodo, consequens est, eum nullo modo euitare posse hanc solutionem, quia qui omnē modum dicit, nulum modum excipit. At si auditur debitor probationem offerens, & hoc modō soluere non compellitur, aliquo modo euitat solutionē, proinde hoc modo non est audiendus.

Secundo, in *l. in contractibus. §. respons. j.* diserte scribitur, post biennium nullam omnimodo querelam de non numerata pecunia admittendā esse, ergo nunc quidem admittenda est, cum debitor probationem offert, pecuniā nō numeratā. Tertio in eadem *l. in contractibus. §. super. in fi.* scribitur, post præsistutum tempus, intra quod competeat exceptio nō numeratę pecunię, adeo nō licere opponere hęc exceptionem, ut nec liceat dicere pecuniam non esse numeratam. Non licere hoc dicere: & dicentem debitorem non esse audiendū, idem significat. Quin etiam ex eodem loco euidenter probatur, debitore nō esse audiendum, quamuis probationem afferat, quia prius est, ut dicat sibi pecuniam non esse numeratam, quam ut prober non esse numeratam, *l. 2. de probat.* Quare si non licet ei dicere, non esse numeratam, non licebit probare non esse numeratam.

Quarto in eadem *l. in contractibus. in §. illo*, scribitur, eum qui post elapsū tempus exceptionem non habet, vique adeo non habere eam, ut non liceat ei offerre iusiurandū creditori. Ut puta debitor post biennium conuentus ex sua cautione dicit sibi pecuniam reuera non esse numeratā, & cum alias probationes non haberet, detulit iusiurandū creditori, ut iuraret se pecuniam numerasse, & ita a lite discederetur. Iustinianus constituit non esse cogendum creditorem suscipere iusiurandum, nec debitorem posse ea delatione uti. Hinc efficiatur non esse audiendum debitorem, si vllam probationem pecunię non numeratę offerat. Nam iusiurandum delatum probatio est, nec verum est quod Accursius respondet *ad tit. de literarum obligat.* Iusiurandum esse probationem iuranti: sed non esse probationem deferenti. Immo iusiurandum delatum, & iuranti probatio est, & deferenti, iuranti, quia eius iure iurando statur, quasi probasset rem ita esse, ut iurauit, *l. §. dato, de iureiurand.* sed & deferenti probatio est, quia si delato iureiurando, creditor iurare nolit, pro conuicto habetur, quasi probatum sit illum calumniatorem esse, *l. manifesta, de iur.* Apparet igitur hic denegata delatione iurandi, debitori denegari probationem.

Deinde ut probatio hęc non esset, tamen sic recte ex eo loco colligitur, si debitori ad defensionem pecunię non numeratę non conceditur quod est minus & facile, multo minus conceditur quod est maius & difficilius. At minus est creditori iusiurandum deferre, ubi sit testis & iudex in sua causā, & res illius vno verbo transigi potest, quam ut aliis probationibus quę longę sunt, & aduersus inuitum suscipiuntur. At prius non conceditur debitori, *d. §. illo*. Ergo multo minus conceditur suscipere longas probationes. Ad hęc infirmāda nihil valet responsio Bartoli, *ad l. 3. supra*, is ait, omnes istas leges sic accipiendas esse, si debitor neget, sibi pecuniam numeratam, & velit creditorem probare esse numeratam, ceterum si ipse probationem vltro in se suscipiat audiendum esse, neq; locum esse hic legibus. In promptu responsio est, & ea ita manifesta, ut mirum sit, si Bartolus viueret, an infirmare auderet. Hęc lex si ve-

ra dicit, debitorem omnimodo compellendū, nempe probationem offerentem. Item *l. in contractibus*, dicit post biennium nullo modo querelā esse introducendam & admittendam: Hęc aperte contradictoria sunt, quę simul vera esse non possunt. Verum est autem quod leges cauent. Falsum igitur, quod Bartolus dicit, & quidem sequitur. Præterea aperte dicitur, in *d. l. in contractibus, §. illo*, debitorem non esse audiendum, querentem de pecunia non numerata, quamuis vel minimam probationem, iusiurandum nempe offerat. Aperte contradicendi studium in illis oportet esse, qui denegata delatione iurandi, volunt concedi debitori, difficiliōres probationes, seu rationes suam consequendi.

Quinto, superioris sententię quam posuimus, euidentis argumentum est, quod post biennium dicitur debitor literis esse obligatus, ex definitione obligationis sic recte colligitur: Obligatus est, ergo necessitate astringitur soluendę rei. At non astringitur necessitate si aliquo modo euitat solutionē: Proinde nullo modo euitare potest, neque hic, neq; quo modo isti dicunt, neque alio.

Sexto ex eiusdem obligationis effectu sic recte argumentamur: quisquis obligatus est secundum formam iuris certi, non aliter liberatur facto suo, quam si soluat aut satisfaciāt creditori, iis modis qui recensentur, *Instit. quibus mod. toll. oblig. l. sic rem. §. omnis, de pig. act.* At dicere pecuniam non esse numeratam, & id probare, non est soluere creditori, sed maxime negare solutionem, multo minus est satisfacere. Proinde debitor literis obligatus ista probationis obligatione liberari non potest.

Septimo, si debitor post biennium in re dubia retinetur, chirographo suo, sed aduersus chirographum illi probatio admittitur, consequens est, etiam ex ceteris causis, in quibus debitor chirographo suo confessus est, se aliquid debere, obligari eum literis quia ex aliis causis quam mutui quisque in re dubia confessioni suę stare cogitur, tamen admittitur illi probatio in contrarium, *l. generaliter, infr. hoc tit.* Consequens est falsum & absurdum. nam excepta causā mutui, si quis scribat, se aliquid debere, is literis non obligatur, neque ab initio, neq; post biennium, sed solum hic obligationi locus est in cōfessione mutuę pecunię seu numeratę, *Instit. de lit. oblig.* Ergo falsum & consequens, ut proinde statuere ita debeamus, eum debitorem qui falsus est, se mutuum accepisse post biennium obligari ita, ut aduersus chirographū eius contraria probatio nulla admittatur. Atq; hęc ita sunt ex iure, cum quæritur, an debitor ad probationē admitti debeat, cum possit probare pecuniam sibi non esse numeratam.

Quod si debitor dicens sibi pecuniā numeratam non esse, id per rerum naturam probare non potest, quæstio tollitur, & secundum contrariam sententiam debitor statim soluere cogendus est. Conuenit enim inter omnes eum cogendum esse soluere, si nō prober pecuniam nō esse numeratā. At debitor hoc per rerum naturam probare non potest. Generaliter enim scriptū est *l. actor, §. de prob.* factum negātis per rerum naturam nullam esse probationem. In specie autē de qua quæritur nempe de pecunia nō numerata diserte scriptū est, eius negationis nullam esse posse probationem, in *l. asseneratio, hoc tit.* Eligant igitur aduersarii utrum velint, & semper in eandem reprehensionem incident. Nam si volunt debitorem id probare

non posse, verum erit eum statim compellendū neq; audiendum esse ex ipsorum sententia: si volunt eum id probare posse, reprehendūt *l. asseneratio, & l. actor*. Sed ne reprehendant, demonstrare licet, nihil esse verius, quam debitorem dicentem sibi pecuniam numeratam non esse, & nihil aliud affirmantem, nunquam id probare posse.

Non potest probare testibus, quoniam etsi mille testes dixerint, se non vidisse illi numerari, tamen nihil probat, fieri enim potest, ut numerata sit, & illi non viderint. Non potest probare instrumentis, etiam si debitor dicat se habere chirographum creditoris, quo creditor confessus est, se pecuniam non numerasse. Hoc instrumentum non probat, pecuniam debitori non esse numeratam, probat quidem de eo tempore, de quo creditor confessus est, & quo instrumentum scripsit, sed fieri potest, ut postea creditor numerauerit pecuniā, & si creditor id dicit, habenda ei fides erit, quia non exigitur amplius probatio pecuniæ non numeratæ, solum exigitur probatio a debitore, ut probeat non esse numeratam. At postea numeratam non esse, omnino probare non potest, certe non probat ex eo chirographo, quod dicimus. Verum est igitur debitorem post biennium idcirco compelli omnino soluere, quia etiam si velit probare pecuniam non esse numeratam, non potest, & dixi etiam si possit probare, non esse audiendū ex iure certo & manifesto.

Nunc cum dicamus idem per rerum naturā probari non posse, quæstio confecta est etiā ex contraria sententia, quæ vult non aliter liberari debitore, quam si probeat pecuniam non esse numeratā. Hæc sententia oppugnatur iis argumentis, quibus confirmatur contraria, de quibus iam respondebo. Hæc argumenta sunt quatuor. Primum est eiusmodi. Illicitæ exactiōnes concedendæ non sunt, *l. illicitas, D. de offic. prasid.* Hæc illicita exactiō est, ubi creditor pecuniam non numeratam exigit, tanquam numeratam, facit enim iniustum lucrū, cum recipit, quod non dedit, *d. l. illicitas*, ergo hæc exactiō ferenda non est. Respondeo: Illicita exactiō est, cum creditor fateatur, se pecuniam non numerasse, & nihilominus exigit. hoc si creditor fateatur, concedo illum audiendum non esse, neque ullam aliam probationem a debitore exigendam esse, sed de eo nunc agimus, qui pecuniam petit, ut a se reuera numeratam.

Fieri autem potest, ut sit numerata, & debitor numeratam neget, ex aduerso actor dicit numeratam esse. Queritur utri potius fides habenda sit, creditori an debitori? Nihil est æquius neq; magis secundum ius quam creditori fidem haberi, proferēt chirographum debitoris, nihil æquius, quam debitorem confessioni suæ stare. Primo, quia a principio æquū hoc erat, illū stare suæ confessioni. Deinde, silentio biennii eam confessionem confirmavit. Nō est verisimile illum tamdiu passum esse, chirographum suum esse apud creditorem, quin statuerit pecuniā esse numeratā. In summa, illicita exactiō est, exigere pecuniam quam constet non numeratam. At ubi controuersia est an sit numerata, de quo nunc agitur, nihil est æquius, quam probationem creditoris admitti, quæ posita est in confessione debitoris.

23 Secundum argumentum est: Is qui confessus est se pecuniam accepisse, habet intra biennium duas exceptiones: Exceptionem non numeratæ pecuniæ, & exceptionem doli mali, *l. 3. §. pr. hoc tit.* Necesse est, ut

tramq; etiam habeat post biennium, nisi sublata sit. At tollitur exceptio non numeratæ pecuniæ, *l. in contrahib. in pr. inf. hoc tit.* Nō tollitur doli mali exceptio post biennium, nam hæc exceptio perpetua est, *l. purre, §. ult. D. de dol. mal. except.* Ergo hanc etiam relinquit debitori post biennium necesse est, dummodo probeat sibi pecuniam non esse numeratam. Respon. In ceteris causis doli mali exceptio perpetua est, in hac specie non est perpetua, sed finitur biennio similiter ut exceptio non numeratæ pecuniæ, id quod euidenti argumento probatur. Non competit t doli 24 mali exceptio nisi aduersus eum, qui petens dolo facit, *l. 1. de doli mali except.* At post biennium creditor ex chirographo pecuniam numeratam petens, nihil facit dolo, proinde huic obiectio doli post biennium obici non potest.

Nihil dolo malo eum facere apparet, quia petit id quod sibi debetur ex literarum obligatione, *Inst. hoc tit.* Itaque in eo suo iure utitur, *l. nullus. de regul. iuris*. Præterea t doli exceptio duplex est, generalis & specialis. Specialis t aduersus eum, a quo de- 25 cepti sumus, ut promitteremus, *§. 1. de except.* Generalis t quæ oritur ex aliis specialibus exceptionibus, *l. 2. §. & generaliter, de except. dol.* Specialis est perpetua, *dict. leg. pure. de exceptio. dol.* At generalis, quæ ex aliis specialibus oritur, non potest alia esse, quam specialis ex qua oritur. At in proposito, exceptio doli mali, quæ competit de pecunia non numerata, generalis exceptio est, quæ oritur ex eo, quod pecunia numerata non est, ut docuimus *ad l. 3. supr.* Proinde qualis est exceptio non numeratæ pecuniæ, talem in hac specie doli mali exceptionem esse oportet. Prior finitur biennio, ergo & posterior. Id etiam aperte confirmatur *in leg. in contrahib.*, ubi Iustinianus non vetat post biennium exceptionem pecuniæ non numeratæ opponi, sed vetat querelam moueri de pecunia non numerata, ergo quauis exceptione hanc querelam moueri vetat, siue sit exceptio non numeratæ pecuniæ, siue doli mali.

Tertium argumentum est: Intra biennium non solum creditor remouetur exceptione non numeratæ pecuniæ, sed etiam obligatus est debitori ex conditione sine causa, ut chirographū restituat & eum liberet, *leg. si quasi. supr. hoc tit.* At actiones in personam sunt perpetuæ, *leg. 2. supr. de constit. pec.* Ergo & hac actione perpetuo tenetur creditor, etiam post biennium, ut debitorem liberet & chirographum suum ei restituat, dummodo debitor probeat sibi pecuniam non numeratā. Quod si debitori post biennium hanc actionem damus, multo magis debitori exceptionem non numeratæ pecuniæ competere quis dixerit, probanti sibi pecuniam non numeratam, ex *reg. iur. l. inuitus, §. 1. de reg. iur.* Respon. Condictio sine causa t qua creditor tenetur debitori, ut ei chirographum reddat & eum liberet, æque temporalis est, & finitur biennio, ut exceptio non numeratæ pecuniæ. Id quoque argumento euidenti declaratur, sumto ex natura eius conditionis. Nam cōdictio t sine causa nunquā competit, nisi ubi iusta 29 causa debendi nō subest. *l. 1. 2. D. de condict. sine causa.* At post biennium iusta causa debendi subest, cum creditor pecuniam numeratam petit, quoniam debitor cœpit obligari ex literis, *Inst. de lit. oblig.* Igitur post biennium ea conditio sine causa aduersus creditorem competere non potest.

30 Sed obicitur ꝑ actiones omnes in personam esse perpetuas, *dist. l. 2. supr. de const. pec.* Respondeo: Intelligere Accursius debebat, hæc ita esse nisi iustis & legitimis modis obligatio sublata sit. Nam ꝑ certis modis obligatione tolluntur, vt solutione, & similibus, *tot. tit. quib. modis oblig. toll.*

32 Obligatione sublata, tollitur actio in personam, quoniam ꝑ non est actio in personam, nisi aduersus eum, qui obligatus est, *l. obligatum, de obl. & act.* At post biennium tollitur obligatio & condictio sine causa, qua prius tenebatur debitor, ante biennium, idque certo & legitimo ad tollendam obligationem modo. Nam modus tollendæ obligationis inter ceteros hic est, cū obligatio redit in eum casum, a quo incipere non poterat. *l. ex part. de seru.* Id autem in hac specie contingit post biennium. Nam a principio condictio sine causa esse nō potest, si esset a principio iusta debendi causa. Hoc autem accidit post biennium, vbi incipit debitor obligatus esse, & pecuniam debere, proinde ex euentu hæc obligatio & actio tollitur.

33 Sed rursus ꝑ mouet Accursium, vt dicat hanc conditionem esse perpetuam, nec finiri biennio, quod certi iuris sit, obligationes & actiones initio recte contractas, tempore non finiri, *l. obligat. fere, vers. placet, de obl. & act.* Respondeo, cum dicimus conditionem sine causa aduersus creditorem non dari post biennium, nihil sit contra superiorem definitionem iuris. Hic enim cōdictio non finitur tempore, sed iusto modo & ciuili, quo obligationes tolluntur, nempe obligatione in eum casum recidente, a quo incipere non poterat.

Quantum & postremum argumentū Bartoli est, *ex l. asseueratio, hoc tit.* Est autem huiusmodi firmissimum, si recte explicetur. Non potest biennii lapsus creditori adimere, nisi quod prius habuit ex biennio, *leg. non potest videri desisse. l. nemo videtur rem de regul. iuris.* At biennium solum tribuit debitori immunitatem probationis intra biennium, *l. asseueratio, infr.* Ergo lapsus biennii ei amplius adimere non potest, quam hanc immunitatem probationis. Relinquitur ergo illi eadem exceptio, quam prius habuit, dummodo in se suscipiat onus probandi pecuniam non numeratam esse. Respondeo: Assumptio aperte falsa est. nam biennium debitori duo tribuit, exceptionem pecuniæ non numeratæ, & huic adiunctum munus probandi, *l. 3. supr. hoc tit.* Quare argumentum aduersus illū ita conuerti debet, quod biennium debitori tribuit, id lapsus biennii totum adimit, *l. si intra l. in contractibus, hoc tit.* At biennium debitori non tribuit solum immunitatem probationis, sed maxime exceptionem non numeratæ pecuniæ, *dist. l. 3. supra.* Ergo lapso biennio debitor habere vtrumque desinit, id est, omnino pecuniam non numeratam queri non potest, & hoc expressum est in *dist. leg. in contractibus, in principio, & §. super, infra eodem.*

Quæ argumenta pro contraria sententia cum videamus esse huiusmodi, multo iam certius in superiori sententia confirmari possumus & debemus. Meminerimus autem hactenus necessitatem soluendi a nobis constitutam esse, post biennium, in eo debitor, qui literis confessus est, se pecuniam accepisse, aduersus quem post biennium nascitur literarum obligatio, id est, necessitas soluendæ eius pecuniæ, quam confessus est. Quid si debitor sit confessus sine scri-

pto, se pecuniam accepisse? Nam placet hinc quoque confessioni suæ stare debere, post constitutum tempus, vt dicemus *ad l. generaliter, infr.* Sed intra biennium huic quoque exceptio non numeratæ pecuniæ competit, vt dixi *ad l. 3. supr.*

Quarto igitur, si hic intra biennium questus non sit, de pecunia sibi non numerata, an æque hic soluere omnimodo compelletur, nec sit audiendus, si dicat, se paratum esse probare creditorem cōfessum esse, pecuniam a se nondum esse numeratam. Respondeo, Puto verius esse, hunc esse audiendum, his argumentis. Primum, quia in *l. in contractibus, infr.* post biennium vetatur introduci querela nō numeratæ pecuniæ, aduersus eum solum, qui scripto confessus est, se debere. Proinde, si quis scripto confessus non sit, huic querela pecuniæ non numeratæ non adimitur, & ob hanc causam concessa intelligitur, dummodo probet non numeratam. Nam id iure ꝑ cuique intelligitur concessum, quod iure ademptum non est, *l. i. §. i. de testibus.* Deinde post biennium is qui scripto confessus est se debere, compellitur soluere, quia obligatur literis, *Instit. de lit. obl.* At literarum obligatio nulla esse potest, aduersus eum, qui sine literis cōfessus est. Proinde & hic post biennium auditur, si dicat sibi pecuniam non numeratam, & probet.

Cur ergo hic auditur ꝑ potius post biennium, quā is, qui scripto confessus est? Nō obscura ratio differentia est: Nā duo vincula sunt fortiora vno, qui scripto confitetur, duabus rebus tenetur, confessione sua, & scripto quo confessionem confirmauit. Et in hoc scripto maior & certior fides est, neque enim temere quisquam scribit aduersus se, quod verum non est. At qui sine scripto confitetur, is sola confessione tenetur. In ea confessione est magna incertitudo: quoniam leuiter homines effundere solent, etiam quæ vera non sunt. Sed hic videmur nobis pugnantia dicere: nā prius diximus, eum debitorem, qui scripto confessus est, se aliquid debere, post biennium non esse audiendum, si dicat pecuniam ei non esse numeratam, quia factum hoc negantis nulla probatio est. Nunc autem dicimus, eum debitorem qui sine scripto idem confessus est, post biennium esse audiendum, si velit id probare: Quomodo id probare potest, si eius rei nulla probatio est, vt antea dixi?

Respondeo, Factum negantis nulla directa probatio est, obliqua esse potest, si debitor dicat: Creditorem confessum esse pecuniam a se non esse numeratam. Sed hæc confessio & obliqua probatio refellitur a creditore, qui chirographum accepit. Nam dicet se post eam confessionem suam numerasse pecuniam debitori, & probabit ex chirographo. Nihil enim interest, vtrum debitor post eam confessionem chirographum dederit, an vero chirographum ante datum, passus sit apud creditorem esse, *leg. quæ ratione. §. interdum. de acquir. rer. domin.* At in eo debitor, qui sine scripto confessus est, se debere: Si is doceat, creditorem confessum esse pecuniam a se non esse numeratam, non est metuumdum ne creditor aduersus hanc confessionem probationem deferat, nisi probet, se postea pecuniam numerasse. Quoniam si ad probationem sequentis numerationis vratur confessione debitoris, nihil ei confessio debitoris præderit; quoniam hæc confessio est verus, nec noua cōfessio secuta est priorem confessionem creditoris.

Ad L. 12. Tam mandatori &c.

Imp. Diocl. & Maxim. AA. Seueriano.

Tam mandatori, quam fideiussori non numerata pecunia exceptio, exemplo rei principalis competit.

S V M M A R I A.

- 1 Exceptio non numerata pecunia an fideiussori competat.
- 2 Item an mandatoribus & eiusdem pecunia constituta reis. Et in quantum tempus nu. 3.
- 4 Fideiussor, si eo ignorante, vel sciente, & non contradicente, debitori pecunia numerata sit, an exceptionem non numerata pecunia amittat.
- 5 Fideiussor si ante numerationem creditori denuntiet, ne pecuniā numeret debitori, nolle enim se amplius teneri, an si postea creditor pecuniā numerarit, hac exceptione liberetur, & pecunia postea numerata, non teneatur?

1 **E**Xceptiones † omnes, omniaque iura debitoris, fideiussori etiam inuito debitore cōpetunt, dummodo non sint personalia, sed rei & causæ cohæreāt, l. exceptiones, j. l. omnes. de excep. l. ex persona, de fideiuss. Exceptio autem non numeratæ pecuniæ, rei & causæ cohæret: non enim cōpetit alicui, quia debitor est, alioqui etiam ex ceteris causis, ubi pecunia numerata non est, competeret. Sed competit propter rem, id est, pecuniam, & propter hanc causam, quia pecunia numerata nō est. Sequitur igitur, ut & fideiussori hæc exceptio competat, ut hic traditur.

- 2 Hoc † ius ad omnes, qui pro aliis se obligant, pertinet, ut ad mandatores & pecuniæ eiusdem constitutæ reos, l. ult. infr. de fideiuss. Hoc posito, superuacuum
- 3 est † querere, utrum hæc exceptio fideiussori etiam post biennium competat? Nam cum competat fideiussori ex persona rei principalis, non potest diutius fideiussori competere, quam reo competit. Constat autem hanc exceptionem competere tantum in certum tempus, & constitutum, l. si intra sup. l. in contrariis, infr.

- 4 Sed eleganter hic duo quæsitæ sunt. I. Quæritur, si creditor † fideiussore accepto postea debitori pecuniam numerauerit, quam reus confessus erat se accepisse, & in quam fideiussorem dederat, an fideiussor exceptionem nō numeratæ pecuniæ sibi prius competentem amittat? Quæstio est anceps, quia si dixerimus eū amittere, eueniet ut facto creditoris ei exceptio auferatur, quod ius non patitur, ut scriptum est in l. ult. de pact. Rursum si dixerimus, secuta numeratione fideiussorem eandem, quam prius exceptionem habere, eueniet ut habeat exceptionem, non numeratæ pecuniæ, ubi vere pecunia numerata est, quod absurdum est. Nec ad rem pertinet, quod pecunia non est numerata fideiussori. Nam hæc exceptio competit ex persona debitoris, ac proinde ex persona debitoris æstimanda est. Constat autem debitori pecuniam esse numeratā, quia numerata non potest illi exceptio competere non numeratæ pecuniæ, l. 3. sup. hoc tit.

Respon. Numeratione secuta fideiussor itidē ut debitor exceptionem non numeratæ pecuniæ habere definit. Non obstat quod dicitur exceptionem semel fideiussori quæsitam, quamuis quæsitam ex persona debitoris, fideiussori auferri non posse, neque facto creditoris, neq; facto debitoris, d. l. ult. de pact. Adiiicitur enim non posse auferri inuito fideiussore. At in proposito, numeratione pecuniæ secuta fidei-

iussor exceptionem amittit volens, nō inuitus, quoniam ab initio obligauit se in hunc casum, si pecunia numerata esset, qui casus postea existit. Nemo enim dicit, fideiussorem se obligasse in hunc casum, quod pecunia numerata non esset. Nam hoc casu debitor non tenetur, l. 3. sup. hoc tit. Ergo nec fideiussor, cum fideiussor sit accessio solum principalis, §. 1. & §. fideiussores, Instit. de fideiuss.

Sed hæc recte dicuntur de fideiussore, quo ignoratē vel sciente & non contradicente pecunia numerata est debitori. Hinc sequēs quæstio introducitur. Quid si ante numerationem fideiussor denuntiet creditori, ne pecuniam numeret debitori, quod ad se attinet se amplius teneri nolle, si pecuniam numerauerit. Quæro an hac denuntiatione fideiussor liberetur, & quamuis pecunia postea numerata sit, tamen non teneatur? Respon. Puto non teneri, & liberū esse in hac specie fideiussori recedere a priori fideiussione, ubi hoc denuntiauerit creditori, ac forte ignorans deciperetur, si postea numerarit debitori. Hanc sententiam euident ratio iuris suadet. Nam in pecunia numerata, quotiescunque conuenit, ut creditor pecuniam mutuam daret futuro debitori, debitor ante pecuniam acceptā non est obligatus vllo modo, vsq; adeo, ut sit in potestate eius, pecuniam postea nō accipere, & non accipiendo non obligari, leg. qui pecuniam, si cert. pet. Ergo nec fideiussor eius rei nomine acceptus, ante eam numerationem vllo modo obligatus est, d. §. fideiussores. Instit. de fideiuss. Sed etsi pecunia postea numerata sit debitori, debitor quidem obligatur, sed obligari incipit solum ex tempore numerationis, non autem ex tempore cōventionis interpositæ, l. 1. in fi. l. potior, qui pot. in pig. hab. Ergo si in hac specie post denuntiationem fideiussoris, pecunia debitori numerata sit, non potest fideiussor ex ea numeratione retro obligari, quoniam ante obligatus esse desuit. Desinere autem ante esse obligatum fideiussorem, regula iuris efficitur, quæ est in l. sicut supra, de act. & obl. qua efficitur, licere vnicuique non dum constitutæ obligationi renuntiare: ante numerationem pecuniæ obligatio nulla constituta erat: liberum igitur fuit fideiussori renuntiare præcedenti fideiussioni: & hac renuntiatione consequitur, ne tunc sit obligatus. Necessario se quens, cum non trahatur retro, perspicuū est, eum semper manere non obligatum, qui prius obligatus non erat.

Non me mouit ratio Bartoli. Air ille sero denuntiare creditori, ne pecuniam numeret debitori futuro, quoniam obligatus est saltem propter existimationem vel verecundiam suam, ut pecuniam numeret, quam pollicitus est se numeraturum. Vbi quis ita obligatus est, protestatio & denuntiatio contraria recte ab eo cōtemni potest, l. quint. D. mand. Respondeo, Fideiussorē in proposito non liberari propter denuntiationem. Concedo etiam denuntiationem hanc non impedire, quo minus creditor recte pecuniam numeret debitori, sed de hac te non quæritur. Agitur hic non utrum creditor sit obligatus debitori, aut debitor creditori. Sed utrum fideiussor sit obligatus ante numerationē, & an non possit et illi obligationi futuræ renuntiare? Effectum est illum posse, proinde sequens necessario illi non nocebit.

Ad L. 13. Generaliter &c.

Imp. Iustinus A. Theodoro. PP.

Generaliter sancimus, ut, si quid scriptis cautum fuerit pro

ut pro quibuscunque pecuniis ex antecedente causa descendens, eamque causam specialiter promissor edixerit, non iam ei licentia sit, causa probationem stipulatorem exigere, cum suis confessionibus acquiescere debeat: nisi certe ipse e contrario per apertissima rerum argumenta scriptis inserta, religionem iudicis possit instruere, quod in alium quenquam modum, & non in eum, quem cautio perhibet, negotium subsecutum sit. Nimis enim indignum esse indicamus, quod sua quisque voce dilucide protestatus est, id in eundem casum infirmare, testimonioque proprio resistere.

SYMMARIA.

- 1 Qualem confessionem hac lex exigit.
- 2 Confessionis vis sine eadem in creditore, q̄ in debitore.
- 3 Debitor si extra iudicium sine scripto confessus sit, se pecuniam creditori debere, an confessioni suae stare cogatur.
- 4 Testium & instrumentorum in litibus exercendis eadem est vis.
- 5 Debitor an cum absente creditore confessus est se illi debere, an etiam tunc confessioni suae stare cogatur, an vero praesentia creditoris in hac confessione sit necessaria.
- 6 Debitor, an causa debiti in chirographo non expressa, chirographo & confessioni suae stare cogendus sit?
- 7 In conventionibus & negotiis gerendis non minus valent tacita quam expressa conditiones.
- 8 Creditor cum confitetur de pecunia accepta aut debitore liberato an confessioni suae stare debeat, etiam si nullam liberationis causam expresserit.
- 9 Simpliciter causam edicere quid.
- 10 Species in iure significat idem quod Dialecticis indiduum.
- 11 In stipulatione an causa necessario exprimenda sit.
- 12 Confessus sibi pecuniam numeratam ex mutui causa, an confessioni suae stare cogatur, exceptione non numerata pecunia reiecta.
- 13 Confessionis vis & potestas.
- 14 Debitor an admittatur ad probandum sine testibus, siue instrumentis, se non debere contra confessionem suam.
- 15 Testium & instrumentorum eadem vis est.
- 16 Indebitum non potest probari nisi instrumentis.
- 17 Cautio mutui & cautio in ceteris contractibus quid differant: & quae sit huius differentiae ratio, & n. 17.
- 18 Testator si instrumento suo profiteatur, se decem ex certa causa Titio debere, an ipse vel heredes eius, Titio agente, confessioni testatoris stare cogantur.
- 19 Dilectio scilicet explicatur.

Lex est de confessione debitoris, qui confitetur se aliquid debere creditori suo. De vi huius confessionis statuitur hac lege, debitorem confessioni suae stare debere, sed certis conditionibus & exceptionibus. Itaque huius legis explicatio duobus capitibus continetur. Primum est de confessione, qualem confessionem lex exigit, ut eam vim habeat, quam quaerimus. Secundum est de vi huius confessionis, quae sit hac vis, & quousque progrediatur.

Qualem confessionem hac lex exigit, intelligitur ex iis conditionibus, quae hoc loco comprehensae sunt. Haec sunt tres, quae an sint necessariae, & quales sint consideremus. Prima conditio est, si quis promissor quid cauerit, id est, se debere confessus sit. Est igitur lex de debitore confitente, quid si creditor confessus sit se pecuniam accepisse a debitore? Resp. Idem

iuris est, & multo magis hic confessioni suae stare cogendus est. Nam cum debitor cogitur stare confessioni suae, res eo spectat, ut debitor obligetur. Cum autem cogimus creditorem confessioni suae stare, id agitur, ut debitor liberetur. Multo igitur magis hac posterior confessio seruanda est, quoniam prioriores debemus esse ad liberandum, l. Arrianus, de obl. & act. Cur ergo hac lex de debitore concepta est, non de creditore? Respond. quia de debitore maior erat dubitatio utrum hic cogendus esset confessioni suae stare, ut obligaretur. Si igitur positum hoc ius est, ex quo id quod minus dubium erat, decideret, hinc intelligimus hanc conditionem exempli causa & dubitationis tollendae gratia adiectam & positam esse, ceterum conditionem necessariam non esse, cum ius pariter ad debitorem & ad creditorem confitentem pertineat.

Secunda conditio est, ad vim huius confessionis, de qua quaeritur: Si debitor scripto cauerit, puta vel chirographo priuato, vel instrumento per notarium confecto. Quid ergo si debitor extra iudicium sine scripto confessus sit, se pecuniam creditori suo debere, an necesse non habet confessioni suae stare? Respond. si conditionem hanc sequimur, necesse non habet. Non enim frustra conditio adiecta est, nec potest vtiliter adiecta intelligi, nisi ut confessio non scripta excludatur. Sed verius est, quod & vulgo placet, etiam tunc debitorem confessioni suae stare debere, cum sine scripto confessus est, se debere creditori. Non obstat initium legis, nam quod in principio legis positum est, de specie, postea generali regula comprehensum est in fine legis: *Vnumquemque acquiescere debere confessioni suae*. Quinimo si verba sequi volumus, verba extrema rescripti potius referuntur ad eum debitorem, qui sine scripto confessus est: sic enim verba sunt. *Neminem infirmare posse, quod voce sua dilucide protestatus est*. Vox ad eos qui loquuntur, non ad eos qui scribunt pertinet, si proprietatem spectamus.

Defenditur hac sententia hac ratione optima. Nani si debitor, qui scripto cauit, se debere, neget se debere, chirographo suo conuinci potest, ergo & is, qui sine scripto confessus est, conuinci potest testibus, ut non minorem fidem testes faciant ad probandum, quam chirographum, quoniam in litibus exercendis, eadem vis est testium, & instrumentorum, l. in exercen. §. de fid. instr. Sed dubitatio omnis tollitur ex Nou. de rebus, §. & licet. vers. hac autem inania, ubi diserte Iustinianus recipit confessionem debitoris, dicentis se debuisse, dummodo confessio probetur idoneis testibus. Vnum in hac probatione testium de hac specie proprium & singulare exigitur, ut testes producatur, qui fuerint rogati, ut confessionem debitoris audirent & meminissent, de qua re dixi §. in auth. rogatus, de test.

Sed hic opponitur, quod constitutum est de confessis, in l. 1. de confessis, & l. vn. §. de confessis, ubi traditur, confessos per iudicatis haberi, sed hac conditione, si in iure confessi sint, id est, apud praetorem & tribunal. l. 4. de int. in iure fac. Respond. hac obiectio non magis obstat confessioni non scriptae, quam scriptae. Nam & confessio non scripta emittitur extra ius, & tamen conuenit confessioni scriptae ius illud de confessis non obstat. Quare non debet estimari magis obstat confessioni non scriptae, de eo enim paulo post suo loco docebimus. Si debitor sine scripto caues se debere, cogitur confessioni suae stare, cur in hac lege adiecta est hac conditio, si quid scriptis cautum sit? Resp.

Ex extremo constitutionis apparet, exempli causa additum esse, ut in una specie confessionis scripta, reliquæ species intelligerentur, quoniam ut antea dixi, in extremo generalis sententia est: *Vnumquemque stare debere confessioni suæ, nec posse proprio testimonio resistere.*

4. Hac ¶ confessione non scripta recepta, quasi sit, an debitor etiam tunc confessioni suæ stare cogatur, cum absente creditore confessus est, se illi debere, an vero præsentia conditoris in hac confessione sit necessaria, ut debitor confessione sua teneatur creditori? Resp. Apparet ex verbis huius legis liquido, præsentiam creditoris non esse necessariam. Dicitur enim, *vnumquemque* debere stare confessioni suæ: At debitoris confessio, est confessio, etiam si absente creditore sit confessus. Dicitur præterea neminem posse infirmare quod voce protestatus est, neminem posse testimonio proprio resistere. Testatio & testimonium debitoris, non minus est, si absente creditore sit testatus, & certe superuacua est & inepta præsentia creditoris, si ex hac confessione debitor creditori non obligatur. Si obligaretur non posset obligari nisi conventionione, non esset conventio, nisi inter consentientes, *l. 1. §. 1. de pact.* Non posset esse consensus, nisi inter præsentem aut inter absentes, interposito nuntio vel epistola, *d. l. 2. de pact.* Nunc autem confessionem hic dicimus tantum valere ad probationem & fidem faciendam aduersus creditorem, ut confessio debitoris hanc vim habeat, præsentia creditoris in confessione non est opus. Sed opponitur, *l. certum, §. si quis absente, D. de confessis*, ubi si quis absente aduersario confessus sit in iure se debere, placet eum pro iudicato non haberi. Obiicitur in eandem sententiam, *l. ult. de interrog. in iur. fac.* ubi placet, si quis in iure confessus sit, non interrogate aduersario, eum ex ea interrogatione non teneri. Resp. illi loci ad hanc questionem nihil pertinent. Dissimilitudo manifesta est, nam in illis locis, agitur de debitor obligando, qui ex responsione & confessione teneatur. Iam dixi, non posse eum teneri nisi conventionione sua. Nullam autem esse conventionem nisi inter consentientes, eoque & præsentem, ubi res per nuntium aut epistolam non agitur. Hic autem agitur de confessione, non ex qua debitor creditori obligatur, sed ut tanquam eo prius obligato, cōvincatur eum obligatum esse, ut dixi, quam ad rem confessio fidem facit sine partium præsentia. Si debitor sine scripto confessus est se debere, confessioni suæ nihilominus stare cogitur, ut dixi: multo magis, si creditor sine scripto confessus sit, se accepisse pecuniam a debitor suo confessioni suæ acquiescere cogendus est. Id diferte traditur in *Auth. rogatus, de testib.* ut dixi. Ex iis rursus apparet conditionem hanc de cautione scripta, hic non esse necessariam, cum confessione non scripta non minus debitor & creditor teneantur.

5. Tertia ¶ conditio sequitur, ut si debitor confessus sit, se debere ex iusta debiti causa præcedente & eam causam specialiter edixerit, hoc modo: *Profitetur me 10. debere ex causa emtionis Lucio Titio, vel me 10. debere L. Titio mihi mutuo ab illo numerata.* Confessio & cautio cum causam ita habet, tum demum debitor confessioni suæ stare cogitur. Contra vero quantumvis confessus sit se debere, nisi nominatim causam expresserit, per quam debeat, nullo modo confessione sua tenetur, quantumvis agnoscat se confessum esse, & agnoscat chirographum suum, ut hic scriptum est, & *l. cum de indebito circa si, de prob.* Exempli gratia: Sit hoc

chirographum, *Ego profiteor me Titio 10. ex iusta causa debere, quæ ego bona fide illi reddam, cum petierit.* Hoc chirographum totum est inutile, nec debitori quamvis chirographum & confessionem agnoscenti nocet. Sed videtur huic sententiæ hæc ipsa lex, & manifesta æquitas refragari. Nam si debitor cum causam expresserit, cur debeat, confessioni suæ stare cogitur. Ergo & cum confessus est se debere nulla causa expressa, eadem ratione confessioni suæ stare cogendus est. Non enim hic minus fatetur se debere quam prior. Paribus in causis & ubi eadē ratio est, idem ius statuendum, *l. illud, ad l. Aquil.* Resp. In totum vere & recte dicitur in hac lege, debitorem debere stare suæ confessioni, sed confessionem prius esse oportere, & non est confessio, nisi quæ est utilis. Porro cum sine causa debendi confessus est, se debere, inutiliter confessus est, ideoque nec confessus intelligitur.

Id non subtili ratione intelligitur, sed iuris ratione notum & apertum efficitur. Nam nemo potest debere nisi ex iusta aliqua causa, ex qua obligatio nascitur. Certæ sunt enim & constitutæ causæ, ex quibus iure nascuntur obligationes, *§. ult. Inst. de oblig. & deinceps.* Proinde nihil prodest creditori aduersus debitorem agentem, si creditor dicat, *debitorem sibi debere*, nisi adiciat eum debere ex hac aut illa causa, ex qua nascitur obligatio: si hanc causam dicit creditor, probare debet secundum formam iuris, *l. 2. de prob.* Hanc chirographo probare non potest, quia chirographo debitoris non est expressa, ex quo efficitur chirographum creditori ad hanc probationem esse inutile.

Sed rursus hic occurreret ex hac ipsa lege aduersus superiorem responsionem. Si exigimus, ut debitor causam debendi exprimat, & causa expressa confessioni suæ stare cogitur, consequens est, etiam eum debere stare confessioni, ubi simpliciter dixit se debere, ex hac ipsa ratione, quia qui se debere dicit, ut ipsa, se ex aliqua causa debere dicit quoniam iure civili sine causa debere non potest. Proinde ut causa expressa confessioni suæ stare debet, ex hac lege. Nec ad rem pertinet, quod causa verbis expressa non est: satis est eam expressionem tacite intelligi, quia in conventionibus & negotiis ¶ gerendis, non minus conventioniones tacitæ valent quam expressæ, *l. item quia de pact. l. 3. si cert. pet.* Resp. Verum est eum, qui dicit se debere, etiam ut ipsa dicere, se debere ex aliqua causa, sed hoc non est satis, ut cogatur ex hac lege confessioni suæ stare, dicere enim debet, ex qua causa debeat, quod hic non facit. Ut in debitor, qui confitetur se debere exigimus, ut causam cur debeat exprimat: sic in creditore qui confitetur debitorem non teneri, exigere oportet ad liberationem, ut exprimat causam, cur debitor sit liberatus, alioqui nec confessioni suæ stare cogitur eadē ratione, qua debitor causam exprimere cogitur. Nam ut certæ sunt causæ obligationis sine quibus nemo debet, ita certæ sunt & constitutæ causæ liberationis, sine quibus nemo debitor liberatur. Proinde, si creditor ita scripsit: *Profitetur me 10. a Titio accepisse*, nulla causa liberationis expressa, non valet confessio ad liberationem.

Hæc sententia vulgo non placet, existimant ¶ enim cum creditor fatetur, de pecunia accepta, aut debitore liberato, eum debere confessioni suæ stare, etiam si nullam liberationis causam adiecerit. Et hanc sententiam probant ex *leg. tale factum, de pact.* ubi ita scriptum est: *Tale pactum profiteor te non tenere, & generalis tam ad debitorem, quam ad eius heredes pertinere.*

teneri. At in hoc exemplo nulla causa expressa est, propter quam debitor diceretur non teneri, proinde hic nihilominus causa non expressa confessione sua teneretur creditor. Sed hoc loco maxime refelluntur, ut non alius locus pro sententia superiore, quam posuimus, citandus sit, quam hic. Nam cum ego creditor dico; *Profitetur te non teneri*, hoc dico, *profitetur te non teneri propter pactum quo ego te libero*. Nam haec ipsa confessio pactum est & pactum appellatur in ea *l. tale pactum*. Constat autem debitores ut solutione iure civili liberantur, sic iure pretorio liberari pacto. *l. s. de pact.* At sic non exprimitur causa obligationis creditor, a qua velit debitor liberari? Resp. Non est hoc necesse, quoniam cum agatur de debitore non obligando, sed liberando, satis est exprimi causam liberationis, de qua agitur. Satis autem exprimitur, cum praesens creditor praesenti debitori dicit: *Profitetur te non teneri*, sic enim pactum exprimitur, quod est idonea causa ad liberandum iure pretorio, ut dixi.

Ceterum si neque haec, neque alia causa liberationis contineretur confessione creditoris, ea confessio illi non magis noceret, quam confessio debitoris, ubi debitor nulla causa obligationis expressa, se debere dixit. Propone hoc modo: Creditorem absentem sine scripto dixisse, coram testibus, *Profitetur L. Titium creditorem meum mihi non amplius teneri*, dicemus creditorem hac confessione non teneri, eadem ratione, quam in debitore supra exposuimus, quia cum debitor a creditore postea conuentus, dicat, se aliquando debuisse, sed iam liberatum esse, hanc liberationem probare debet, *l. i. s. de probat.* & ideo debet, quia qui mutat obligationem dicit, mutationem probat, *l. eum qui de probat.* At hac liberationem confessione superiori creditoris probare non potest. Nam ut sit liberatus necesse est, ut liberatus sit aliquo certo modo, vel iure pretorio cognito, vel iure civili. Non potest dicere, se liberatum iure pretorio, pacto, quia hic pactum esse non potuit, inter absentes non consentientes, ex definitione pacti, *l. i. s. i. de pact.* Aliud autem modum si dicit, non potest eum probare confessione creditoris, quia confessione expressus non est. Restat igitur ut ei nil possit superior confessio, ita sit, ut quando exigitur expressio certae obligationis, in confessione debitoris, ut confessio sua illi noceat, hoc idem exigendum sit in confessione creditoris, ut causam liberationis exprimat, si confessionem ei suam nocere volumus.

8 Exigit lex, ut causa debendi simpliciter edicatur. Quid est simpliciter? Vtrum ut species tantum contractus vel maleficii exprimat, an vero ut exprimat etiam in specie res, de qua contractus est, & species facti, in quo maleficii admissum est? ut puta, debitor fateatur se debere Titio 10. ex causa emtionis, utrum satis est dicere, ex causa emtionis, an vero adiciere debet, ex causa emtionis illius fundi Tusculani? Mouet quasi

9 species tantum nostris significet id, quod Dialectici Individuum vocant, id est, rem certam; numero & loco comprehensam & designatam. *l. 2. in princ. si cert. petat. l. certum, eod. l. in stipulationibus. alias de verborum oblig.* Respondeo. Satis est, speciem contractus exprimere, etiam si res, de quibus contractus est, non exprimitur. Observandum enim, in hac lege exigi solum, ut exprimat causa debiti seu obligationis, emtio & similes contractus, item singula maleficia, idoneae causae sunt, ad obligationem faciendam, nec res, quae emta est, emtionem mutat.

10 Hoc loco quaesitum est, an et haec explicatio in stipulatione etiam adici debeat, propter quam quis aliquid promittit? Respondeo. Non satis apta hac

quaestio est: nam ipsa per se stipulatio abunde idonea causa est debendi, *s. de constituta. Instit. de act.* Sane si constet stipulationem esse interpositam ex alia aliqua causa praecedente, & constet eam causam non praecessisse, exceptio agentis stipulatori obstat. *l. 2. s. circa. de dol. mal. excep.* Sed id ad hunc locum nihil pertinet. Horum summa haec est: Siue quis fateatur se debere, siue fateatur debitorem non teneri, dummodo debitor causam debendi exprimat, & creditor causam liberationis; omnem ita consistentem ex hoc loco, debere stare confessioni suae, nec referre quis confiteatur, utrum debitor, an creditor: Item nihil referre, quia ex causa praecedente debitor fateatur se debere. Et ait lex generaliter se id constituere de quibuslibet pecuniis ex antecedente contractu nascentibus.

Huic parti opponuntur ea, quae hactenus hoc titulo constanter tradita sunt de contractu mutui, in quo placet, si quis et confessus sit, sibi pecuniam numeratam esse ex mutui causa, eum non debere confessioni suae stare. Nam intra biennium habet exceptionem non numeratae pecuniae, *l. aduersus. s.* Haec exceptio probationem exigit a creditore. Itaque facit, ne debitor confessioni suae stare cogatur. *l. asseneratio. l. 3. s. h. tit.* Verba generalia huius legis mouere nos possunt, ut tentemus num etiam causam mutui huic legi includamus. Dixerit igitur aliquis, exceptionem non numeratae pecuniae locum habere in mutuo, tunc cum debitor simpliciter factus est sibi pecuniam numeratam, ut ita accipiantur superiores loci, de quibus hac exceptione cautum est. Diuersum esset, si debitor non solum id sit confessus, sed amplius stipulanti creditori promiserit, se iam pecuniam redditurum. Et hanc sententiam esse huius legis, quia *l. scripta est de promissore & stipulatore, & de pecunia, quam debitor cauit, quod verbum proprie usurpatur de promissione stipulanti reddita, l. sancimus. j. de verb. sig.* Sed in promptu responsio est. Nam quamuis debitor eam pecuniam, quam se dicit accepisse stipulanti creditori cauerit, nihilominus habet exceptionem pecuniae non numeratae. *l. si quasi. s. p. hoc tit.*

Quid ergo si dicamus, superiora, quae de exceptione non numeratae pecuniae constituta sunt, emendari hac lege, quae est posterior? Respondeo. Id multo minus dici potest. *l.* Quia haec lex non est ex genere earum, quae ius vetus emendat: sunt enim solum in hoc numero decisiones Iustini. & Nou. extra quas Iustin. nihil vult esse contrarii. *l. 2. s. contrarium. de vet. iur. emend.* Praterea *l. in contractibus. seq.* quae est Iustin. ideoque multo posterior, confirmat nominatim exceptionem pecuniae non num. uti ex veteri iure competebar, praeterquam in quinquennio. Restat igitur ut dicatur, in quo recte omnes Interpretes consenserunt, legem hanc de ceteris omnibus causis constitutam esse: excipi mutui eam, in qua si quis fateatur sibi pecuniam numeratam, non cogitur intra biennium confessioni suae stare, sed nec post biennium, si intra tempus constitutum querelam mouerit de pecunia non numerata.

Sed nobis opponuntur verba huius legis, nam ait lex generaliter, sancimus vnumquemque confessioni suae acquiescere debere, generaliter vult in vniuersum, & sine exceptione. *l. 2. s. & generaliter. de except. dol. mal. l. qui restituere. in fin. de rei vindic.* Praterea ait lex de quibuslibet, & de omnibus pecuniis idem valere. Omnes qui dicit, nullum excipit. Respondeo.

In generali oratione, qualis est oratio huius legis, verum est, compendio sermonis omnes species sine exceptione contineri, sed hoc tunc, cum nulla species nominatur, quæ excipiatur. nam ubi excipitur in generali oratione exempta intelligitur, hicque locum habet regula iuris; In toto genere iuri per speciem derogari, *l. in toto. de reg. iur.* Constat autem aliis locis excipi causam mutui, in qua placet consentientem non cogi stare confessioni suæ, proinde per hanc speciem generali oratione huius legis derogatum intelligitur, ut lex ita accipi debeat, quasi scriptum esset: *Generaliter volumus in omnibus causis debitorem stare confessioni suæ, nisi causa ea nominatim hic excepta sit.* Non obstat quod causa mutui hac l. excepta non est, sed aliis legibus. Nam in iure civili hæc regula tenenda est; semper posteriores leges ad priores trahi, & contra priores ad posteriores, quasi priores posterioribus inessent, nisi priores & posteriores sint ex diametro contrariæ, *l. non est nouum. l. sed & posteriores. de leg. b.* Ex iis tenemus, quam confessionem hæc lex exigat, ut ea seruetur.

12 De vi confessionis videamus. De ea ꝑ sic constituitur hac l. superiori confessioni suæ vnumquemque acquiescere debere, cum hac exceptione tamen, ut si debitor contra probare velit se non debere, quod debere se confessus est, probatio admittatur, sed instrumentorum, non testium. Primo vult lex vnumquemque stare debere confessioni suæ, & addit rationem, quia indignum sit quenquam resistere proprio testimonio, idque est quod dicitur *in l. de cet. de interrogat.* cuique aduersus se fidem haberi debere: merito, quia non est hoc testimonium suspectum: nemo enim præsumitur damnum facile iactare suum, *l. cum de debito. de probat.*

Sed huic constitutioni videtur aduersari ius constitutum de confessis, siue quis confessus fuerit scripto, siue sine scripto. Nam, ut antea dixi, placet confessos pro iudicatis & conuictis haberi, sed ita, dum sint confessi in iure, *l. i. de confessis. l. v. inf. de confess.* Respondeo, non est huic legi ius contrarium: ut quis confessus pro iudicato habeatur, oportet eum in iure confessum esse, ut autem cogatur confessioni suæ stare, tanquam iusto testimonio, non est necesse, ut confiteatur in iure, sed ubicunque confessus erit, confessio tanquam iusta probatio eum tenebit. Vtrum quis debitor pro iudicato habeatur, an vero dicatur cogi stare suæ confessioni, hoc interest, quia cum dicimus eum pro iudicato esse, hoc dicimus, ita eum teneri confessione sua, ut nulla probatio eius contraria admittatur, quia post rem iudicatam & confessam nihil amplius queritur. *l. post rem. de re iudic.* At cum dicimus debitorem stare debere confessioni suæ, hoc dicimus eum debere stare confessioni suæ in re controuersa, sed hac lege, ut contrarium probare volens, audiatur, ut hic postea constituitur.

Adiicitur igitur in constitutione hæc exceptio, ut debitor ita stet confessioni suæ, nisi se falsum confessum esse doceat, idque argumentis ex scriptura petitis. Hinc colligimus confessionem omnem superiorem, de qua dixi, non ponere obligationem, sed tantum probationem confessi continere. Nam si debitor confessus obligaretur, necesse haberet soluere, quicquid postea contra probare conaretur. Nam obligatio est iuris vinculum, quo necessitate astringimur, *Instit. de obligat. in pr.* Nunc autem contrarium doceri potest. Hoc vero commune est omnium

probationum, ut aduersus testes productos, & prolata instrumenta, contrariis testibus & instrumentis uti possimus, *l. cum precibus. sup. de probat.* Tunc solum obligatio nascitur ex confessione chirographi, cum de mutuo agitur, & exceptio intra biennium appositata, aut querela mota non est de pecunia non numerata, de quo dixi *ad l. si intra. sup.* Illud diligenter obseruandum est in hac lege, quod dicitur, debitorem admitti ꝑ ad probandum, se non debere, contra confessionem suam, dum rem probet instrumentis. Unde intelligimus aliis testibus locum non esse. Idem scriptum est *in l. cum de debito. in fin. de probat.*

Hæc sententia multis modis videtur falsa esse: nam debitor conuentus ex chirographo publice confecto, ei instrumento stare debet in re dubia, sed si dicat non esse instrumentum sua voluntate confectum, & denique falsum, audiendus est: & placet eum id probare posse, non tantum instrumentis, sed etiam idoneis testibus, ut diserte cautum est *in l. optim. inf. de comm. & confer. stip.* Sed etsi debitor agnoscat, aut chirographum suum, aut instrumentum suo mandato confectum, tamen dicere potest, se metu coactum ab aduersario, ut diceret se debere, quod non debebat; potest dicere se mendacio eius esse circumuentum, quas exceptiones ipse habet. *§. 1. Inst. de except.* At constat metum & dolum aduersarii non posse probari instrumentis: neque enim is, qui vim facit, aut qui mentitur, interponit instrumentum, quo fatetur se vim facere, aut se mentiri. Ita potest utraque res non probari nisi testibus. Præterea potest debitor dicere, se simulasse obligationem, cum reuera id ageretur de alio obligando, aut denique ut aliud simularetur, quo casu debitor non tenetur, *l. i. plus valere, &c. sup.* Porro eam simulationem nisi testibus probare non potest. Non est igitur verum, quod hic constituitur: Debitorem negantem se debere, quod ante se debere confessus est, non admitti ad probandum contrarium, nisi instrumentis. Respondeo. Hæc omnia vera sunt, sed nihil aduersus hanc constitutionem faciunt. Nam obseruandum est, hic agi de debitore, qui primum agnoscat cautionem & confessionem suam: dicitur enim, vnumquemque debere stare suæ confessioni. Non est confessio, nisi ubi constat aliquem confessum esse, vel ipsius confessione, vel quia conuictus est. Nam si neget se confessum, nisi aduersarius id prober, necesse est reum absolui, *l. qui accusare. sup. de edend.* Agitur hoc amplius de eo, qui ita agnoscat cautionem & confessionem suam, ut simpliciter tantum neget se debere aduersus confessionem suam. Nos quæ supra attulimus, de eo dicta sunt, non solum qui neget se debere, sed etiam præterea aliqua affirmet, quæ probare velit, puta metu se & dolo inductum, rem simulatam esse. In his affirmationibus probandis, pariter adhiberi possunt & testes & instrumenta, quinimo potius testes quam instrumenta. At ubi debitor nihil amplius, quam negat se debere, & probationem a creditore exigit, ut hoc loco; hic recte dicitur, debitorem non posse indebitum probare, nisi instrumentis, seu argumentis scripto habitis.

Sed hic rursus occurritur *ex l. in exercendis. sup. de fide instrum.* ubi generaliter traditur in exercendis libris, eandem ꝑ vim esse testium & instrumentorum. 14 Quibus verbis efficitur, ubi instrumenta admittuntur, ibi & testibus locum esse. Respondeo. Et hoc verum est, ubi natura rei testes admittit; At species proposita.

posita non recipit testimonia testium, ideo necesse est, sola instrumenta admitti. Itaque errant vulgo Interpretes, cum putant singulari hoc iure constitutum esse, ne testes recipiantur. Non enim id iuris ratione fit, sed natura rerum ita cogente, idque in promptu est attendenti. Nam cum debitor fateatur, se aliquid ex aliqua causa Titio debere, possunt interesse testes, qui id audiant, & affirmant; At utrum debitor vere debuerit, nec ne, nulli testes per rerum naturam possunt certo affirmare, neque enim diuinare potuerunt.

15 Remotis igitur testibus sola relinquuntur instrumenta, quibus hoc indebitum probetur. Sic autem probabitur. Exempli causa: Finge heredem legatario promississe 100. quae diceret se illi debere ex testamento L. Titii. Si heres hanc cautionem suam postea agnoscat, & tamen dicat, se tantum non debuisse, audietur, dummodo id probet. Probare autem solum potest ex instrumento testamenti, cuius mentio facta est. Legetur enim testamentum, & ex eo patebit aut nihil deberi, aut deberi solum 50. Idem perhibebitur, platis postea codicillis, quibus ea 50. testamento legata postea adempta sunt. Idem tamen dicere si quis confessus sit se Titio debere 100. ex huiusmodi causa, quod tanti emisset ab eo fundum Tusculanum, id falsum esse probabitur instrumento auctoris prolato, in quo pretium dictum sit solum 50.

16 His expositis intelligitur, quid intersit inter cautionem in ceteris contractibus, & inter cautionem mutui. Intelligitur autem haec distare & ab initio, & progressu: nam in ceteris contractibus etiam ab initio unusquisque debitor confessioni suae stare debet; At hic in mutuo intra biennium confessioni suae debitor stare non cogitur, sed recte probationem pecuniae non numeratae a creditore exigit. *l. 2. l. aduersus. sup.* progressu autem & post biennium hoc discrimen in contrarium commutatur, & plus tribuitur debitori in cautione ceterorum contractuum, quam in mutui cautione. Nam in ceteris contractibus, & initio, & perpetuo ita debitor cogitur stare suae confessioni, ut tamen contraria eius probatio recipiatur, ut hoc loco. In mutuo contra, exacto biennio ita debitor cogitur stare confessioni suae, ut nec contraria probatio eius vlla audiat, ut docuimus *ad l. si intra. sup. hoc tit.*

17 Qua differentia constituta, hoc loco tempestivum est quaerere, quae sit huius differentiae ratio? Nec abs re hoc quaeritur; nam cum in omnibus contractibus tam mutuo, quam ceteris, eadem sit confessio, & idem instrumentum debitoris, aequitas exigere videbatur, ut in quibus eadem ratio est, in iis idem ius statuatur, *l. illud. ad l. e. Aquil.* Cur ergo contra statuitur. Respondeo. Haec ratio est: Quia ubi periculum intenditur, ibi subueniendum est, ubi autem nullum est periculum debitoris, ibi auxilio non est opus, *l. 1. §. sed & si quis. de Carbon. edict.* At in ceteris contractibus nullum commodum praesens aut futurum ostenditur debitori, cur velit praemature confiteri, se debere quod non debet, quoniam ex iis debitor pecuniam dat, non accipit, & cauet se debere ut debet, non ut accipiat. Nemo autem tam supinus est, ut velit fateri, se debere, cauens creditori, ubi ex ea confessione nullum commodum consequatur. At in mutuo, spes commodi futuri, & eius desiderium, periculum inducit, cui succurrendum est. Nam debitor cauet creditori, non solum ut reddat pecuniam, sed magis ut accipiat. Creditores enim

pecuniam daturi solent exigere prius a debitore cautionem mutui, ut sibi prospiciant priusquam dent pecuniam, & promittunt se cautione accepta pecuniam petenti numeraturos. Debitor vero qui pecunia indiget, quidvis cauebit creditori ut pecuniam accipiat, praesertim cum speret, se accepturum ab eo qui promittit.

Haec non semper ita fiunt, sed experientia nos docet, ut plurimum ita fieri, & postea creditores pecuniam non numerare, sed aut moras necere, aut abire longius. Iura constituta sunt ad ea, quae ut plurimum accidunt, non ad ea, quae raro, *l. non ad ea. §. 2. preced. de legib.* Hinc igitur initium proponendae exceptionis pecuniae non numeratae in mutuo. Quod autem post biennium ius commutatur, & debitor ex cautione sua obligari incipit, remota omni specie probationis contrariae, eo fit, quia cum posset intra biennium queri, videtur silentio suo confirmasse fidem cautionis, quia poterat infirmare, & non fecit, *l. 3. sup. de postul.* Non idem fit in ceteris contractibus etiam post biennium, quia si debitor in illis questus intra biennium non est, ideo fecit, quia necesse habebat facere, non enim poterat queri cum ex hac lege confessioni suae stare cogeretur. Haec omnia dicta sunt de iis, quae creditores ac debitores cauent, inter vivos: agitur enim de promissore & stipulatore, & eo quod istis scriptis caueat, quae omnia ad viuos pertinent.

Sed cum definitio huius legis generalis sit, v-
numquemque confessioni suae stare debere, non alienum est hoc loco quaerere, quod & vulgo quaeritur, quid iuris sit, si testator testamento suo confessus fuerit, se 10. ex certa causa Titio debere, an hic quoque vel testator, vel heredes eius, Titio agente, confessioni testatoris stare cogendi sint?

De eo sic habendum puto, quamdiu testator vivit, non cogitur confessioni suae stare, quamvis testamentum venerit in manus Titii, & eo utatur aduersus testatorem; optima ratione, quia quicquid in testamento scribitur, ita valet: si testator mortuus fuerit, cum testamentum scribitur de iis, quae quis post mortem suam fieri & cauere vult. *l. 1. qui testament. facere possunt.* Mortuo autem testatore heredes confessioni eius stare coguntur. Et hoc citra controuersiam, si testator iurauerit se debere. *Authen. quod obtrinet. sup. de probat.* Idem est, etsi testator non iurauerit se debere, sed scripserit se iurasse Titio redditurum. *l. cum quis. §. codicillis. de legat. 3.* Ego autem puto, etsi testator neque iurauerit in testamento se debere, neque dixerit se olim iurasse se redditurum, nihilominus scriptura standum esse. Moueor his rationibus. I. Generalis hic sententia traditur, vnumquemque acquiescere debere confessioni suae, & indignum esse quenquam proprio testimonio resistere. Deinde, si cautioni priuatae inter viuos emissae, credendum est, aduersus eum, qui emisit, quasi verum dixerit, multo magis testamento, aduersus testatorem credendum est, quia testatores cum in testamentis de extremis cogitant, ac proinde cogitantes de iudicio Dei, solent omnia religiosius ac sanctius affirmare. Tertio, verisimile est testatorem non fuisse id affirmaturum, nisi vere debuisset, propter heredes, quoniam in exonerandis heredibus, solent faciliores esse voluntates testatorum, *l. vnu. §. si re. de legat. 2.* Obstat *d. l. cum quis. §. codicillis. de legat. 3.* ubi scriptum est, Scripturae testamenti credendum esse, sci-

licet cum se iurasse testator affirmavit. Respondeo.
 19 Hoc verbum, scilicet, † accipiendum est pro præsertim, ut sit sensus: Ex iis, quæ illic proponerentur, credendum esse scripturæ, præsertim cum testator affirmavit hæc, se iurasse. Id ideo ita interpretandum est, quia is, qui dicit in testamento se olim iurasse, non magis iurat, quam is qui dicit se debere. Quare si dicenti se iurasse fides habetur, etiam dicenti se debere fides adhibebitur, quia ubique affirmatio est sine iureiurando.

Obiicitur etiam l. Lucius. §. quisquis 2. de legat. 2. vbi dicitur: Ex huiusmodi scriptura testamenti, qua faceret testator, se debere Titio, placet summam peti posse ex fideicommissio, si ea non deferatur, ex quo manifeste colligitur, eam summam ex cautione testamenti non deberi ex præcedenti causa. Respondi. Et hoc verissimum est, neque nunc dicimus ex cautione vel priuata vel testamentaria obligationem oriri, sed dicimus, probationem ex ea impleri posse, quod & ipsum verum est ex l. Publia. §. vlt. de posui. Est igitur sensus eius loci: Si constaret testatorem non debuisse, quod scripsit, debere, quod constare potest vel legatarii confessione, vel quia heres probauerit testatorem nihil debuisse: hoc casu nihilominus summa ex fideicommissio debetur. Interim non negatur, quin ea cautione debitum probari possit.

Postremo obstat Auth. quod obtinet, sup. de probat. vbi dicitur, affirmanti testatori credendum esse, sed vbi iureiurando id affirmavit. Ex quo colligi videtur, sine iureiurando confirmationi testatoris credendum non esse. Sed hoc non recte colligitur, idque apparet ex d. l. cum quis, §. codicillis. de legat. 3. vbi scripturæ testatoris creditur, cum tamen testator non iurasset, se debere, sed tantum dixisset, se iurasse, inter quæ multum interest. Nam qui dixit se iurasse, fieri potest, ut non iurauerit. Sed certa sententia Auth. quod obtinet, hæc est: Cum testator aliquid de bonis suis affirmavit, iureiurando, puta in proposito, affirmavit se debere Titio 100. placuit Iustin. heredes stare debere huic affirmationi, quamvis testator nullam causam debendi expresserit, & quamvis heredes parati sint contrarium probare, ut declaratur in Nou. de iureiur. a mor. præstit. Sine hoc iureiurando fatemur, non ita standum esse affirmationi testatoris. Nam secundum formam iuris communis stabitur confessioni testatoris, si causam expresserit, ut exprimitur in d. l. cum quis, §. codicillis. Et præterea ita stabitur ei confessioni, ut contraria probatio heredi admittatur, ut colligi potest ex d. l. Lucius. §. quisquis. de legat. 2.

Illud monendi sumus, quicquid de hac questione statuerimus, non admodum sollicitos & anxios nos esse debere, quia etiam si eiusmodi confessioni testatoris fides non habeatur, nihil minus tamen semper summa a testatore expressa debiti, si creditur scripturæ, debetur ex vetere causa a testatore comprehensa. Si non creditur, nihilominus recte creditor petet eam summam, tanquam ex fideicommissio, ut expressum est in d. l. Lucius. §. quisquis. Et ob hanc causam creditor, qui eam summam petere volet, ita actionem instituet, ut dicat duas actiones, veterem & novam ex fideicommissio, protestatus se debitum insequi velle ex vna tantum harum actionum, quod est consilium Vlpiani, in l. 1.

§. quia autem ff. quod leg.

Ad L. 14. In contractibus.

Imp. Iustinianus A. Mennæ Præfecto prætorio.

In contractibus, in quibus pecunia vel alie res numerata vel date esse conscribuntur, non intra quinquennium, (quod antea constitutum erat) non numerata pecunia exceptionem obicere possit, qui accepisse pecunias vel alias res scriptus sit, vel successor eius, sed intra solum biennium continuum: ut, eo lapsò, nullo modo querela non numerata pecunia introduci possit: his scilicet qui propter aliquas causas specialiter legibus expressas, etiam elapsò quinquennio in præteritis temporibus adiuvabantur, etiam in posterum (licet biennium pro quinquennio statutum est) eodem auxilio potituris.

S V M M A R I A.

- 1 Exceptio non num. pecunia tam debitori, quam creditori competit.
- 2 Et quæ sint propria utriusque, & quæ utriusque in ea communia.
- 3 Causæ exceptionis non numerata pecunia debitori competentis enarrantur.
 I. Ut de mutuo agatur, quod debitor se fatetur accepisse.
 II. Ut in mutuo sit pecunia numerata.
- 4 An exceptio hæc etiam in ceteris contractibus, quam mutuo, detur. & nu. 7.
- 5 Huius legis cum proximè præcedentibus ambigua & conciliatio.
- 6 Pecunia generaliter accepta quæ comprehendantur.
- 8 Mutui nomine non tantum pecunia numerata intelligitur, sed etiam omnes res mutuo date.
- 9 De vino, oleo, frumento mutuo datis, & c. an exceptio non numerata pec. detur.
- 10 Exceptio pecunie non date quæ.
- 11 Debitor sine scripto confessus se accepisse, an exceptione non num. pec. uti possit.
- 12 Obligatio an etiam vlla contrahatur verbis in futurum non conceptis.
- 13 Tempus intra quod exceptio non numerata pecunia datur, olim erat quinquennium, hodie biennium.
- 14 Exceptio hæc an etiam currat minoribus & maioribus absentibus.
- 15 Post lapsum biennii, quo competit exceptio non numerata pecunia, an debitor confessioni suæ stare, & sine exceptione soluere cogatur.

Lex est tria de exceptione non numerata pecunie. Summa constitutionis est: Hanc † exceptionem lex tribuit partim debitori, se debere confitenti, partim creditori confitenti sibi pecuniam esse solutam a debitore. De debitore initio legis cauetur; de creditore cauetur in §. 1. §. super. Vtriusque generis quædam propria sunt: Quæ † debitoris propria sunt, exponuntur in pr. vbi de debitore agitur. Quæ sunt propria creditoris, exponuntur item vbi de creditore agitur, nempe in §. 1. §. super. Quæ sunt communia utriusque, exponuntur in §. in illo. & in §. vlt. vsque ad fin. legis.

Initium, ut dixi, legis est de debitore profitente se aliquid debere creditori. Huic lex exceptionem non numerata pecunie tribuit, sed certis conditionibus, in quibus tria hæc observanda sunt, quæ lex cauet. Primo, quibus in causis hæc exceptio competat debitori: deinde, intra quod tempus: postremo, finito hoc tempore an debitor confessioni suæ stare debeat. De

De ꝑ causis diligenter notandum est, quod hic cauetur: nam videtur Iustinianus aliquid constituere nouum, præterquam quod superioribus legibus cautum est. Nam in *l. aduersus. sup.* traditur, huic exceptioni locum esse, cum a debitore pecunia credita petitur: quibus verbis duo exiguntur, primo, vt de mutuo agatur, quod debitor fatetur se accepisse, deinde vt in mutuo sit pecunia numerata. Id enim pecuniæ verbum in mutuo proprie significat, idque ita esse verba exceptionis declarat. Dicitur enim exceptio pecuniæ non numeratæ, cui locus esse non potest, nisi vbi pecunia numerata petitur. Iustinianus autem in hac lege videtur hanc exceptionem tribuere ꝑ debitori, consentienti se debere, in omnibus contractibus. Ait enim in contractibus verbo generali, non autem in contractu, aut in contractu mutui. Eandem exceptionem videtur tribuere in rebus omnibus, quas debitor fatetur sibi datas esse. Ait enim, *in quibus vel pecunia numerata, vel alie res date conscribuntur.*

Sed recte Accursius & alii omnes interpretes hæc verba sic accipiunt, vt in contractibus valeat idem, quod in contractibus cuiuscunque mutui, & illa verba, *vel alie res*, sic quoque acceperunt, vt intelligerentur alie res, quæ pondere vel mensura, aut numero constant, id est, in summa res, in quibus mutuum consistit, vt sit sensus legis: *Exceptionem non num. pec. tribui debitori in mutuo, sed ita in mutuo, vt nihil intersit, quæ res debitori mutuo data sint, utrum pecunia numerata, an vero vinum, oleum, frumentum, argentum infectum, quæ omnes res mutuo recte dantur æque atq. pecunia numerata. Inst. quib. mod. re contrah. in pr.*

Sed huic interpretationi statim opponuntur verba legis: nam Iustin. generaliter dicit in contractibus, in quibus vel pecunia numerata, vel alie res date sint. Nihil igitur nos, neq. in contractibus, neq. in rebus datis distinguere debemus, quin debitor confessus in omnibus exceptionem habeat, & ita mutantur priores leges, argu. in *litem veniant. §. petitum. de per. her. l. metum autem. §. 1. quod metus causa, & similibus locis.*

Recte ꝑ respondebimus hanc interpretationem esse ex mente l. partim ex verbis, partim ex prioribus ll. Ex verbis huius l. est hæc interpretatio, quia Iustin. in hac exceptione referenda, aperte se retulit, ad veteris iuris exceptionem, in qua dicit se tantum corrigere quinquennium, quod antea constitutum erat, & pro quinquennio biennium statuere, cum præter quinquennium in hac exceptione nihil mutet, consequens est, eum ius antiquum in reliquis circa legis exceptionem seruare. *l. præcipimus. in fin. j. de appel. Sed et si nihil expressum esset aliud in hac lege, vnde intelligeremus Iustinianum rem referri velle ad veteres leges; tamen in interpretatione omnium legum posteriorum, hæc regula tenenda est, semper priores & antiquiores, ad posteriores trahi, l. non est nouum. de legib.* Hæc sententia est: Quæ prioribus legibus, de aliqua specie in certis personis, & certis rebus aut contractibus constituta sunt, ea omnia in posterioribus legib. pariter intelligi, quæ leges de ead. specie constitutæ sunt, *l. ideo. de ll.* Veteres autem leges, quæ exceptionem non num. pec. tribuunt debitori, hanc tribuunt nominatim in mutuo: proinde & leges posteriores, de hac exceptione loquætes, de mutuo solū accipiendæ sunt, nisi quid cōtra in posteriorib. legib. aperte caueatur.

Sed quod hæc constitutio exceptionem hic porrigit etiam ad ceteras res, præter pecuniam numera-

tam, videtur hæc aduersari veteribus legibus, inter alias *l. aduersus. sup.* vbi dicitur, huic exceptioni locum esse, vbi pecunia creditur. Respond. Etsi verisimile est, legem illam loqui de pecunia, quæ proprie ita dicitur, id est, de pecunia numerata; tamen post hanc legem Iustiniani generaliter ꝑ pecunia illic sic accipienda est, vt intelligatur omnis quantitas, id est, res omnis, pondere, numero, mensura consistens, in qua mutuum possit consistere, idque efficitur ex alia regula iuris, infra, quæ hic adhibenda est, quod vt priores leges ad posteriores trahuntur: ita e conuerso posteriores trahantur ad priores, *l. sed & posteriores. de legib.* Sensus est: Quod posterioribus legibus de eadem specie cautum est, id videtur & in prioribus inesse, quasi aut posteriores sint ita interpretatæ priores leges, aut prioribus hoc adiecerint, quod cauet. Interim summa hæc relinquitur, quam dixi: Exceptionem ꝑ non numeratæ pecuniæ debitori dari, sed in mutuo dixi, non in reliquis contractibus, vnde in reliquis etiam nunc manebit ius constitutum, in *generaliter. §. sed ꝑ in mutuo ita hanc exceptionem. 10. 8* cum habere, vt locum habeat in reliquis omnibus mutuo datis, non tantum in numerata pecunia.

Hic occurritur. Nam ꝑ quomodo in vino, oleo, 9 frumento, argento infecto, mutuo datis potest vsurpari exceptio non numeratæ pecuniæ, cum res istæ omnes non numerentur, nec numero constant, sed dentur aut mensura, vt vinum, aut pondere vt argentum infectum? Certum est verba rebus consequentia esse debere, *§. ult. Inst. de don.* At non potest verbum, exceptio non numeratæ pecuniæ, conuenire ei rei, in qua pecunia numerata non est. Respondeo. Et hoc de nomine exceptionis admittendum est *ex d. §. ult. Inst. de don.* sed exceptio sic accipienda est, vt in pecunia non numerata dicatur exceptio non numeratæ pecuniæ: In ceteris autem rebus dicatur ꝑ exceptio pecuniæ non datæ.

Addit Iustinianus competere hanc exceptionem in rebus mutuo datis, quæ conscribuntur. Quid ergo, si debitor ꝑ sine scripto confessus sit se accepisse: 11 Resp. Dixi *ad l. 3. §. nihilominus* eum exceptione hac vti posse, sed ideo de pecunia scripta constitutio cōcepta est, quia subiicitur eum, qui ita scripsit, post biennium literis obligari, vt sine exceptione soluere cogatur. Hæc obligatio soluta contrahitur in eo, qui scripto cauit, non etiam in eo, qui sine scripto idem confessus est, vt docui *ad l. si intra, in fin. sup. eod.*

Addit Iustinianus, in *his rebus, quæ numeratæ vel date conscribuntur.* Quibus verbis declaratur, hanc exceptionem cōpetere debitori tunc, cum scribit, pecuniā sibi numeratā, aut alias res mutuo datas esse, neque verbis in præteritum conceptis, quod & aptius comprehensum est in *Inst. de literar. obligat. in prin.* Hic occurritur. Nam si debitor solum scribit, sibi pecuniam datam aut numeratam, quomodo post biennium obligari potest, vt hic scribitur? Subiicitur enim, debitorem post biennium omnino compelli soluere. Mouet dubium, ꝑ quod omnis contractus, & omnis obligatio contrahitur verbis in futurum conceptis, cum scilicet debitor promittit, aut se in hoc obligat, vt aliquid postea det aut faciat: argumentum ex stipulationis definitione, in *l. §. stipulatio. de verb. oblig.* Ob hanc causam Accursius, & veteres alii complures, hunc locum sic acceperunt, vt dicerent: debitori competere exceptionem non numeratæ pecuniæ de *his rebus, quæ scripsit sibi datas, aut*

numeratas, si modo nominatim etiam adiecerit, se eas creditori redditurum. Hoc ideo fecerunt, ut occurrerent obiectioni superiori illi, & probarent hanc adiectionem ex l. 3. §. de postul. ubi is, qui scripsit, sibi pecuniam numeratam, proponitur nominatim addidisse, se eam redditurum.

Respondeo. Nihil verius est, quam obligationem contrahi non posse, nisi in futurum: est enim obligatio omnis, ut quid solvatur; non potest solui, nisi postea ubi obligatio procedit, sed non ideo efficitur, eum non obligari, qui simpliciter scribit, se pecuniam mutuam accepisse. Hoc qui facit, vi ipsa se obligare intelligitur, ut eam pecuniam reddat, quoniam in mutuo pecuniae datio est causa obligationis. Nascitur enim obligatio ex re, id est, ex numeratione pecuniae, *Instit. quib. mod. re contr. oblig.* Causa posita necessario effectus ponitur, ita qui prius dicit, & posterius dicit. Idque manifestum est ex verbis, quibus mutuum contrahitur. Nam cum dico, *me tibi mutuo pecuniam dare*, & tu dicis, *te mutuo accipere*: mutuum contrahi constat, quamvis de reddenda pecunia nihil nominatim exprimat, videlicet, quia hoc non expressum vi ipsa intelligitur. Ex numeratione enim, ut antea dixi, nascitur obligatio necessario, ubi dictum est, pecuniam mutuam numerari. At in hac non exprimitur? Respondeo, non eo minus intelligitur, quasi expressum esset: semper enim in contrahendo id, de quo agitur, pro certo habetur, l. 3. §. *cert. per.* Quapropter bene hoc loco, & bene in titulo de lit. obligat. dicitur, post biennium obligatio contrahi ex hac scriptura, cum quis simpliciter scripsit, se pecuniam sibi datam debere.

- 13 De tempore tunc cauet constitutio, olim quinquennium fuisse; nunc se constituere biennium continuum. Addendum est ex l. si intra. 3. §. ex l. hac. §. in omni, si debitor intra biennium questus erit de pecunia sibi non data, exceptionem perpetuam effici. Quod dicit Iustinianus, hoc biennium continuum fore, a tempore cautionis, id pertinere vult ad eos, qui nullo singulari iudicio adiuvantur, non etiam ad eos, quibus beneficium in integrum restit. iure tribuitur. In hoc numero sunt minores 25. annis, aut ii, qui Reipub. aut alia de necessaria causa absunt. Minoribus tunc haec exceptio non currit, nisi post 25. annos l. ult. §. in quib. caus. rest. in integ. non est neces. Ceteris maioribus qui per absentiam, iustam querelam movere non potuerunt, intra biennium, cedit quidem & amittitur exceptio, sed in integrum restituntur, ut exceptionem, quae de bonis exiit, recipiant.
- 14 Nonibus tunc haec exceptio non currit, nisi post 25. annos l. ult. §. in quib. caus. rest. in integ. non est neces. Ceteris maioribus qui per absentiam, iustam querelam movere non potuerunt, intra biennium, cedit quidem & amittitur exceptio, sed in integrum restituntur, ut exceptionem, quae de bonis exiit, recipiant.
- 15 l. si ex quib. causis maior. Post hoc tunc tempus placet debitorem cautione sua ita teneri, ut sine exceptione cogatur solvere, ex quo est illa literarum obligatio, quam legimus in *Instit. de quo loco satis est dictum ad l. si intra. 3.*

Ad §. Sed quoniam.

Sed quoniam securitatibus & instrumentis depositarum rerum vel pecuniarum talem exceptionem opponere litigatores conantur, iustum esse perspicimus, huiusmodi potestatem in certis quidem casibus prorsus amputare, in alio vero brevi tempore concludere. Ideoque sancimus instrumento quidem depositionis ceterarum rerum, vel certa pecunia, securitatibusque publicarum functionum, siue in solidum siue ex parte soluta esse conscribantur, illis etiam securitatibus, quae post confectionem dotalem instrumentorum de soluta dote ex parte vel in solidum ex-

ponuntur, nullam exceptionem non numerata pecunia penitus opponi.

S V M M A R I A.

- 1 Depositarius an ex sua cautione conventus confessioni suae stare cogatur, nec habeat exceptionem pecunia non numerata.
- 2 Exceptio non numerata pecunia an deneganda sit deponenti, qui deposito reddito scribit se depositum accepisse? & casus tres sequuntur, quibus ea non datur.
- 3 Exactores tributorum, vectigalium, aut aliarum publicarum functionum, cauentes se pecunias eo nomine a debitoribus & collatoribus accepisse, an habeant exceptionem non numerata pecunia.
- 4 Cautio ab exactore publicarum functionum emissam, ut noceat exactori, an etiam noceat fisco, si fisci eandem pecuniam exigat?
- 5 Cautio solemnns qua sit.
- 6 Debitor pupilli si soluerit tutori, & a tutore cautionem acceperit, etiam solemnem, an cautio noceat pupillo eandem pecuniam repetenti.
- 7 Maritus cauens dotem sibi numeratam an confessioni suae stare cogatur, nec uti possit exceptione non numerata pecunia.
- 8 Et intra quantum tempus exceptionem non numerata pecunia dotis habeat. & nu. 9.
- 9 Maritus in confessione dotis soluta utrum creditor an debitor sit?
- 10 Creditor aut debitor si post primam cautionem de pecunia sibi numerata emissam, secundam emitat, an exceptionem non num. pec. prius competentem amittat? & quid in marito nu. 9.
- 11 In emtore rerum fiscalium pecuniam fisco solvente & solemnem cautionem accipiente an cesset exceptio non numerata pecunia?
- 12 Mulier si instrumento publice confecto, adhibitis tribus testibus, confessam sit se pecuniam ab aliquo accepisse, an exceptione non numerata pecunia tuta sit.

Hoc loco proponuntur tres species cautionum, in quibus cessat exceptio non numerata pecunia. Prima species est eius cautionis, in qua depositarius scribit, pecuniam, aut alias species, apud se esse depositas. Ex hac cautione conventus confessioni suae stare cogitur, nec habet exceptionem pecuniae non numeratae. Ratio haec est, quia depositarius res depositas non sibi accipit, sed deponenti, nullumque commodum eius in deposito versatur. Ideo verisimile non est, illum falsa confessione se onerare velle, ubi ex ea nil commodi consequatur. Quod secus est in eo, qui fatetur se pecuniam numeratam accepisse: cupit enim pecuniam accipere, quae eius commodum accipitur, & cupit inuitare creditorem ad credendum, postquam cautionem acceperit. Sed quid opus fuit hoc cauere, de cautione depositarum pecuniarum, cum Iustinianus generaliter dicere debuerit, omnem debitorem ex omni contractu stare debere confessioni suae, ex causa mutui, l. generaliter. *Sup. hoc tit. h. l. in pr.* Respondeo, non fuisset necesse de hac specie cautionis hoc loco exprimi, nisi litigatores, temporibus Iustiniani, conati essent huic cautioni depositarum pecuniarum apponere exceptionem non numeratae pecuniae. Hanc dubitationem Iustinianus hic sustulit, ut ipse testatur. Queritur tamen etiam exceptio non numerata pecuniae deneganda sit depo-

depōnenti, qui deposito reddito scribit, se depositum recepit? Respondeo, hæc quæstio pertinet ad § *super. infr. hoc tit. vbi dicitur.*

3 Secunda species cautionis est, qua ꝑ exactores tributorum, vectigalium, aut aliarum publicarum functionum, cauent, se pecunias eo nomine a debitoribus & collatoribus accepisse. Exactores si idem exigant coguntur suæ confessioni stare, nec habent exceptionem non numeratæ pecuniæ. Ratio hic eadem, quæ supra, quoniam nullum commodum exactori in his pecuniis versatur, vt non sit verisimile, illos scripturos, se accepisse, quod non acceperunt. Sed rursum quæro, quid opus fuit de hac specie nominatim cauere, cum iam dixerim, regulam esse generalem, exceptionem non numeratæ pecuniæ non dari, nisi in causa mutui, *b. l. in pr.* Non data autem mutuum exactor, sed nec mutuum exigit, proinde hæc species satis ad regulam generalem pertinebit. Respondeo. Quod dicitur, exceptionem non numeratæ pecuniæ solum locum habere in contractu mutui, tunc dicitur, cum agitur de debitore confitente se mutuum accepisse. Ceterum creditori confitenti sibi pecuniam solutam esse, etiam eadem exceptio tribuitur in § *super. seq. vt necesse sit, eam regulam etiam ad cautionem publicarum functionum pertinere, nisi illæ cautiones excipiantur, hic ergo excipiuntur.* Vnde apparet, exceptionem hanc ad regulam infra scriptam in d. § *super.* referendam esse.

4 Sed cautio ꝑ ab exactore publicarum functionum emissæ, ipsi exactori nocet, an etiam nocebit fisco, si fiscus eandem pecuniam exigit? In hac re iuris distinctio est: Si debitor solemnem apocham & cautionem accepit ab exactore, etiam fisco cautio nocebit, vt exceptione pecuniæ non numeratæ fiscus vt non possit. Est autem ꝑ solemnis cautio, vbi tabularius fiscalis ad eam rem destinatus cautionem subnotauit. *l. 2. circa fin. infr. de quadr. præscript. l. 2. infr. de conuent. fisc. debita. lib. 20.* Quod si priuata tantum cautio exactoris fuit, non solemnis, hæc tunc cautio non nocet fisco, vt prius cogatur excutere exactorem, vt si soluendo sit, debitor liberetur; si soluendo non sit, tum debitor possit conueniri, & cogatur pecuniam inferre. *d. l. 2. j. de conuent. fisc. debita.*

6 Hoc exemplo recte quæritur, An si debitor ꝑ pupilli soluerit tutori, & a tutore cautionem acceperit, etiam solemnem, an cautio noceat pupillo eandem pecuniam repetenti? Respondeo: Non nocere, quoniam cum debitores publicarum functionum exactori soluunt, nihil est quod eis imputetur qui solunt quia soluere necesse habent. Debitores autem pupillorum non habent necesse soluere, nisi sententia iudicis coacti. Itaque si secus soluant, de se queri non debent, § *vl. In tit. quib. alien. & pec. l. sancimus. de administrat. tut.*

7 Tertia species est eius cautionis, quam ꝑ maritus post confectionem dotalium instrumentorum emittit, qua fatetur, dotem sibi esse numeratam. Hic confessioni suæ stare cogitur, nec vt potest exceptione non numeratæ pecuniæ. Hic opponitur extremum eiusdem legis, vbi scriptum est, etiam exceptionem non numeratæ pecuniæ dotis iure admitti, & in ea eadem seruanda esse, quæ infra scripta sunt. Respondeo: Vtrumque horum verum est, & quod hic, & quod illic scribitur. Admittitur exceptio non numeratæ pecuniæ dotis, vt illic declaratur, sed non semper, quod sic ostenditur. Tunc enim denegatur

hæc exceptio, cum maritus post confectionem dotalium instrumentorum confessus est, se dotem accepisse. Ex quo aperte intelligitur, si in ipso instrumento dotali idem confessus sit maritus, exceptioni locum esse. Ergo his verbis introducit hæc distinctio, cum quæritur an maritus cauens sibi dotem solutam esse, habeat exceptionem non numeratæ pecuniæ; si id cauit in instrumento dotali, exceptionem habet, vt hic colligitur, & expressum est in *l. 1. & l. vlt. j. de dot. caut. num.*

Habet autem ꝑ exceptionem *ex d. l. vlt. infr.* intra 8 annum continuum, numerandum ex die soluti matrimonii. Sed hoc tempus postea aliter temperauit in *Auth. quod locum. eod. tit. de dot. caut. non num.* de quo hæc sententia est: Si matrimonium soluitur intra biennium, ex quo contractum est, maritus aut heredes eius soluto matrimonio intra annum possunt opponere exceptionem non numeratæ pecuniæ. Quod si post biennium intra tantum 10. dies, matrimonium solutum sit, potest maritus aut heres eius opponere exceptionem non numeratæ dotis. Sed intra tres menses tantum. Si vero matrimonium solutum sit post 10. annos, hic denegatur omnis exceptio.

Sed huic parti opponitur *l. generaliter. 3. vt & hac lin. princip.* vt principium interpretati sumus. Nam vtroque in loco generalem hanc sententiam tradi diximus: Vnumquemque debitorem in omni contractu confitentem se debere, stare oportere confessioni suæ, remota omni exceptione pecuniæ non numeratæ, præterquam in causa mutui. Constat autem maritum cum accipit dotem non accipere mutuum, & cum de dote sibi soluta confitetur, non confiteri de mutuo, proinde secundum regulam superscriptam confessioni suæ stare debet. Et maxime hoc in dote admittendum fuit, quia dotis causa semper & vbiq; præcipua est, eiusq; restitutioni præcipue faueri oportet, *l. 1. l. Caius in fin. sol. matrim.* Respondeo: Quod dicitur exceptionem non numeratæ pecuniæ cessare in omnibus contractibus, excepto mutuo, iam dixi tunc locum habere, cum agitur de debitore confitente se debere. Diuersum est si creditor fateatur sibi solutum se accepisse: nam huic ex omnibus causis pecunia soluta tribuitur exceptio pecuniæ non numeratæ, nisi aliqua species nominatim excipiat. *d. § super. seq.* Obseruandum est autem maritum, qui confitetur sibi dotem datam in hac confessione magis creditorem esse, quam debitorem. Nam prius ei debebatur cum esset ei promissa, proinde cum ei numeratur, magis illi solui, quam tunc primo dari intelligitur. Sic fit vt ex reg. superscripta creditori huic quoq; exceptio non numeratæ dotis tribui debeat.

Hunc autem potius in ꝑ hac confessione creditorem esse quam debitorem argumentum est, quod illi exceptio datur non intra biennium, vt datur debitori de mutuo confitenti, sed intra annum, aut tres menses tantum; & tamen quia eodem tempore maritus de dote sibi numerata cauens, dotem debere incipit, ideo recte placuit mediam viam hic sequendam esse, vt ei biennium non detur, quia solum debitor non est, & rursum plus tribuatur quam ceteris creditoribus, quibus dantur tantum 30. dies, quia & hic maritus partim debitor esse incipit. Quod si maritus post confectionem dotalium instrumentorum noua cautione cauerit sibi dotem numeratam: hic

cessat exceptio non numeratæ dotis, vt hic cautum est. Differentiæ ratio hæc est: Quia cum maritus ab initio in instrumentis dotalibus, quæ ante nuptias interponi solent, fatetur sibi dotem numeratam, due res ei exceptionem tribuunt, desiderium matrimonii contrahendi, & spes accipiendæ dotis: sed in primis desiderium matrimonii contrahendi, quia cupit contrahi, & videt contractum matrimonium non iri, nisi instrumenta ita conficiantur, vt fateatur se pecuniam accepisse, & promissorem accipiat fore, vt contractis nuptiis statim pecuniam accipiat. At vbi post contractas nuptias confitetur, sibi dotem numeratam, cessat prius periculum, quod metuebatur: habet enim quod cupiebat, uxorem, & de dote postea accipienda non laborat. Quod si in instrumento dotis iam falsus erat, se dotem accepisse, manifesta ratio est, cur secunda cautione teneri debeat, vbi rursus id confitetur. Nam posteriore cautione prioris fidem aperte confirmauit, qua confirmata, exceptionem habere non debet, *arg. in l. 3. sup. de postul.*

Sed etsi in instrumento dotali tantum dos promissa est, nec numerationis mentio vlla facta, nihilominus probandum est ex hoc loco, si maritus postea scripto confiteatur sibi dotem datam, eum debere stare confessioni suæ. I. Quia cessat periculum superius, quod dixi. II. Quia fauore dotis multa de iure communi remissa sunt *d. l. Carius. in fin. solut. mat.*

10 Hoc exemplo eleganter quaritur, si creditor aut debitor post primam cautionem de pecunia sibi numerata emissam, secundam emittat, qua confitetur, eandem pecuniam se accepisse, an exceptionem non numeratæ pecuniæ prius competentem amittat, exemplo mariti, qui amittit propter secundam cautionem? Et verius puto eum amittere, hoc argumento. I. Quia plus valet aperta confirmatio prioris cautionis quam tacita: at tacita confirmatio prioris cautionis est in eo, si debitor aut creditor intra tempus constitutum non queratur de pecunia non numerata, placetque hanc sententiam priorem cautionem confirmare, *d. l. 3. sup. de postul.* Ergo multo magis secunda, eaque aperta confirmatio fidem priori cautioni astringet.

Præter has tres species cautionum narrantur ab Accursio etiam aliæ duæ, in quibus cessat exceptio non numeratæ pecuniæ, id est, in quibus is, qui confessus est, se accepisse pecuniam, confessioni suæ stare cogitur. Vna est, cum emtores ꝑ rerum fiscalium pecuniam fisco soluerunt, & acceperunt a fisco solemnem cautionem. Hic verius est cessare exceptionem non numeratæ pecuniæ, idque magis colligi videtur *ex l. 2. circa fin. infr. de quad. præscript.* Et certe hæc species similis est iis cautionibus, quibus exactors fatentur se publicas collationes accepisse. Altera species est, cum ꝑ mulier fatetur, se pecuniam accepisse ab aliquo, vt pro eo intercederet. Hic placuit, si mulier instrumento publice confecto adhibitis tribus testibus, id confessum sit, eam omnimodo stare debere confessioni suæ, *l. antiq. sup. ad Velleian.* Hæc sententia per se vera est, sed exceptio huic loco nullo modo conuenit: nam mulier non est creditrix in hac specie, cum pecuniam accipiat, rursus non est debitor ex causa mutui, sed accipit pecuniam vt faciat.

Proinde hæc species satis continetur regula generali, *l. generali-*

ter. sup.

Ad §. Super ceteris.

Super ceteris vero securitatibus, quæ super priuatis debitis a creditore conscribuntur, partim debiti sortis vel usurarum nomine solutam esse significantes, vel adhuc fœneratitia cautione apud creditorem manente, soliditatem debiti solutionem factam esse demonstrantes, vel etiam futuram esse redhibitionem instrumenti fœneratitii promittentes, vel si qua alterius cuiuscunque contractus gratia, in quo numeratio pecuniarum vel datio certarum specierum scripta est, securitas similiter data sit, depensas esse pecunias, vel alias res, vel partem earum significantes: intra triginta tantummodo dies post huiusmodi securitatis expositionem connumerandos, exceptionem non numeratæ pecunia posse obui: vt, si hi transacti fuerint, eandem securitas a iudicantibus omnibus modis admitatur: nec eiliceat, qui securitatem exposuit, post excessum memoratorum triginta dierum non esse sibi solutas pecunias vel alias res dicere.

S V M M A R I A.

- 1 Creditor confitens pecuniam sibi a debitore solutam, uti potest exceptione non numeratæ pecunia, quibuscunque ex causis pecunia sibi soluta sit.
- 2 Creditor confessus sibi stychum solum, & eandem speciem accepisse, an uti possit confessione non numeratæ pecuniæ.
- 3 Creditori confitenti pecuniam sibi a debitore solutam, intra quantum tempus tribuatur exceptio non numeratæ pecuniæ?

V T debitori confitenti, se pecuniam numeratam accepisse, exceptio tribuatur non numeratæ pecuniæ, de quo initio huius legis: sic ꝑ tribuitur hoc loco creditori confitenti, sibi pecuniam a debitore solutam esse. Ratio æquitatis eandem exceptionem postulat. Nā & creditor, qui cupit pecuniā accipere, potest iure prærogare apochā debitori suo, & inuitare eum ad soluendum, simul vt ostendat se ei, vt viro bono, fidem habere. De hac exceptione itidem, vt de exceptione, quæ debitoribus tribuitur, Iustinianus hoc loco complectitur tria, quibus in causis hæc exceptio creditori detur, intra quod tempus, & post id tempus, quam vim habeat cautio & confessio creditoris. De causis aliud constituitur, quam in confessione debitoris. Nam debitori confitenti exceptio datur solum in contractu mutui, *h. l. in prin. ceteris in contractibus confessioni suæ stare cogitur, l. generali- ter sup.* At in cautione & confessione creditoris placet confitenti hanc exceptionem dari, quibuscunque ex causis pecunia illi soluta sit.

Differentiæ ratio non est admodum obscura: nam pecunia numerata cum datur, non solet dari, nisi ex mutuo, vbi commodum debitoris versatur. At pecunia solui ex omnibus causis potest. Sic fit vt ex omnibus causis dici possit, pecunia creditori non numerata. In rebus etiam obseruandum est, quod Iustin. ait, hanc exceptionem creditori dari, siue illi pecunia numerata soluta sit, siue alia res. Quaritur quomodo alias res accipere debeamus, vtum etiam species, veluti, si ꝑ creditor confessus fuerit, sibi stychum solum esse; An etiam hic vietur exceptione stychi non soluti. Dicendum est, etsi verba huius loci generalia sunt, de rebus aliis, tamen hic res alias intelligi debere, vt initio huius legis fecimus, vt intelligantur nec aliæ similes pecuniæ numeratæ, nempe eæ quæ pondere aut mensura consistunt, idque efficitur hoc argumento. Nam debitor si confessus sit, se

spe-

speciem aliquam debere, quæ pondere, numero aut mensura non constat, cogitur statim confessioni suæ stare, *l. generaliter. sup.* & docuimus initio huius legis. Ergo multo magis creditor, eandem speciem se accepisse confessus, confessioni suæ stare cogendus est, quia plus tribuitur debitoribus quam creditoribus, sunt enim debitores favorabiliores, *l. favorabiliores, de regul. iur.* Quare si debitori de aliis rebus confitenti exceptio hæc non datur, multo minus creditori de iis rebus confitenti dabitur. Tribuitur tamen hæc exceptio creditori intra 30. dies tantum. Sed cur non similiter intra biennium, ut debitori datur, cum uterque pecuniam habere velit? Respond. Quia ibi magis subueniendum est, ubi maius periculum est, *l. i. §. sed si quis. de Carb. edit.* At minus periculum est, ne creditor falso confiteatur se accepisse, quam non accepit: nam etsi pecunia indiget, & eam habere vult, tamen potest cogere debitorem ut soluat, neque necesse habet ad pecuniam accipiendam prærogare ei apocham. Veruntamen, quia creditores non contentiosi & humani, malunt eblandiri solutionem officio, quam iudicio contendere, solent debitoribus dicentibus, velle se pecuniam solvere, apocham prærogare, postea pecuniam accepturi. At debitor pecuniam a creditore accepturus, non potest pecuniam consequi inuito creditore, nisi cautionem illi prærogauerit, & hoc officio creditorem inuitet, ad credendum, quoniam creditor pecuniam credere non cogebatur. Merito igitur in maiori periculo debitoris longius tempus ad exceptionem illi tributum est.

Sic autem creditori exceptio competit intra 30. dies, ut meminerimus intra hos dies fieri illi potestatem querendi, sibi pecuniam solutam non esse. Quod si recte facit, efficit exceptionem perpetuam. *§. in omni. ead. l.* Post hoc tempus creditori præstitutum, sic creditor exceptionem amittit, ut omnimodo cautioni suæ stare cogatur, nec possit querelam mouere de pecunia sibi non soluta, quod illi cum exceptione debitoris commune est, de quo initio huius legis.

Ad §. Illo.

Illo videlicet semper observando: ut, in quibus non perimitur exceptionem non numerata pecunia opponere vel ab initio vel post taxatum tempus elapsum, in his nec iusiurandum offerre liceat.

SUMMARIA.

1. Iusiurandum creditori debitorum post lapsum temporis exceptioni non numerata pecunia præstituti an admittatur.
2. Manifesta turpitudinis est nec iurare velle, nec iuramentum referre.
3. Iusiurandi recusandi una & certissima causa.
4. Iusiurandum litis contestata & iudicii vim habere.
5. Quibus ex causis quis iudicium suscipere non cogitur, ex iis causis nec iurare cogendus est.

Ex iis, quæ supra scripta sunt in hac lege, apparet, commune esse tam debitori quam creditori, ut post tempus præstitutum exceptionis opponendæ uterque confessioni suæ stare debeat, nec possit dicere sibi pecuniam non numeratam, quam numeratam confessus est. Hinc consequens, quod traditur hic, ut neuter post tempus præstitutum possit de pecunia numerata iusiurandum aduersario suo afferre. Finge post biennium, intra quod debitor questus

non est eum ex cautione sua conueniri, dixi eum solvere omnimodo compellendum esse. Quod si iusiurandum deferatur creditori, an non saltem hic cogendus est creditor iurare, se pecuniam numerasse? Equissimum videtur, cum ea res ei non noceat, & cum fiat iudex & testis in sua causa, ut de iure iurando dicitur in *l. ultim. infr. de fid.* Placet non esse cogendum etiam iurare. Idemque dicimus in creditore, si post triginta dies vel aliud tempus præstitutum utatur exceptione pecuniæ sibi non solutæ: quamuis enim iusiurandum deferat reo, ut iuret pecuniam se soluisse, tamen nec sic quidem reus iurare cogendus est.

Hic opponitur manifesta æquitas, ut videtur, & ius commune, quo placuit, manifestæ turpitudinis esse nec iurare velle, nec iuramentum referre. *l. manifesta. de iur.* Respondeo. Ita manifestæ turpitudinis est, nolle iurare, & in totum ita quisque iurare cogendus est, nisi iusta de causa recuset iusiurandum. Ceterum iusta de causa recusari potest. *l. generaliter. §. si autem. supr. de iure iurando.* Inter ceteras autem causas iusiurandi recusandi tamen hæc verna certissima est, si is, cui iusiurandum deferatur, non rogatur de ea re iudicium suscipere & litigare. Nam tamen iusiurandum litis contestata & iudicii vim habet, *l. qui iurasse. §. ultim. de iure iurando.* Et hinc regula certi iuris, ut tamen quibus ex causis quis iudicium suscipere non cogitur, ex iis causis nec iurare cogendus sit, *l. sed etsi restituatur. §. quibus ex causis. de iure iur.*

Ac supra constitutum est, cum debitor conuenitur post biennium, creditorem non esse cogendum iudicium suscipere de pecunia non numerata, nec de ea re litigare cogendum. Ergo superioris regulæ consequens est, quod hic diligentius cauetur, ut nec de ea pecunia iusiurandum suscipere cogendus sit.

Item constitutum est, cum creditor remouetur post triginta dies ex apocha sua, debitorem de pecunia non soluta litigare non cogi, consequens est igitur nec de ea reum cogendum iudicium suscipere. Atque hic locus & superior ratio euidenter demonstrant verum esse quod docuimus in *l. si intra sup.* post biennium ita debitorem literis obligari, ut omnimodo soluere cogatur, nec vlla eius probatio contraria recipiatur: nam si recipitur eius probatio, creditor de pecunia non numerata iudicium suscipere cogitur ex hoc loco; Ergo nulla probatio debitoris oblata recipienda est.

Ad §. In omni. ult.

In omni vero tempore, quod memorata exceptioni taxatum est, ei licebit, cui talis exceptio competit, vel denuntiationibus scripto missis querelam non numerata pecunia manifestare ei, qui numerasse eam, vel alias res dedisse instrumento scriptus est: vel si abesse eum his locis, in quibus contractus factus est, contigerit, in hac quidem alma urbe apud quemlibet ordinarium iudicem, in provinciis vero apud viros clarissimos rectores earum, vel defensores locorum, eandem querelam manifestare, eoque modo perpetuam sibi exceptionem efficere. sed si presens quidem sit, qui pecuniam numerasse, vel alias res dedisse scriptus est, aliquam vero administrationem in hac alma urbe vel in provinciis gerat, ut difficile esse videatur denuntiationem committere: licentiam damus ei, qui memorata exce-

ptione uti velit, alios iudices adire vel in hac alma urbe, vel in provinciis, & per eos ei manifestare, cui exceptionem huiusmodi obicit, factam a se super non numerata pecunia querelam esse. Quod si in provinciis vel non sit alius administrator civilis vel militaris, vel propter aliquam causam difficile sit ei, qui memoratam querelam opponit, adire eum, & ea quae dicta sunt, facere: Licentiam ei damus per virum reuerendissimum Episcopum eandem suam exceptionem creditori manifestare, & ita tempus statutum interrumpere. Quae etiam in exceptione non numerata dotis locum habere certum est. Datum Kal. Iulii Constantinop. Dn. Iust. A. II. Cosf.

- S Y M M A R I A.

- 1 Testatio creditoris & debitoris de pecunia sibi non numerata, quam numeratam fassi erant, quam vim habeat.
- 2 Testationem hanc qualem esse oporteat, ut exceptionem perpetuam efficiat.
- 3 Denuntiatio pecuniae non numerata quo modo significari debeat ei, qui dicitur non numerasse.
- 4 Denuntiationis significanda modus: & an in ea requiratur scriptum.

COMMUNE est hoc debitori & creditori, ut intra tempus exceptioni praestitutum non solum exceptione uti possint, sed ut ultro queri & testari possint, sibi pecuniam non numeratam, quam numeratam fassi sunt. Quae testatio si interposita erit, hanc vim habet, ut deinceps perpetua efficiatur exceptio, quae prius erat temporalis, ut significatur hic in versu secundo, & expresse in l. si intra, supr. Sed testationem hanc solemnem esse oportet, id est, in ea seruari ea, quae ius praescribat, ut in testando iuri pareatur, ut scriptum est in l. cum ultra, sup. Id autem comprehensum est hoc loco, usque ad finem legis, & in Auth. hanc autem seq.

- 2 Sententia autem haec est: Testationem hanc eiusmodi esse debere, ut eius qui dicit sibi pecuniam non numeratam denuntiatio debeat innotescere ei, qui numerasse scriptus est. praeterea ut debeat innotescere scripto ad eum transmissio, non verbis tantum, quae duo comprehensa sunt in Authent. sequen. in exceptionibus quidem dotis non numeratae, sed ita ut nihilominus ad ceteras causas utrumque pertineat, ut declaratur in hoc §. ult.

- 3 Primo volumus hanc denuntiationem pecuniae non numeratae significari ei, qui dicitur non numerasse, quomodo ei innotescat & significetur, hoc §. cautum est diligentius ad hanc summam. Praesenti recte denuntiari potest: Si aduersarius vel abest, vel ita praesens est, ut facile adiri non possit, propter potestatem & imperium quod gerit, licet denuntiationem exponere iudici ordinatio, & dare operam, ut per eum iudicem denuntiatio significetur aduersario. Si iudicis ordinarii in illis locis copia non est, aut etiam deterretur is, qui denuntiat eum adire, propter iustas causas, sit ei potestas adeundi Episcopum, per quem etiam denuntiatio aduersario significetur. Quod dictum est de episcopis iis, qui politica tractant cum iurisdictione, & suos publicos ministros habent, ad imperia exsequenda, quales maxima ex parte fuerunt temporibus Iustiniani, quibus Episcoporum auctoritas in immensum excreuerat. Quod si qui sunt Episcopi vere Episcopi, qui iuxta

verbum Dei non implicentur secularibus, nec tellitium more Regum & Principum habeant, iis imponere istam necessitatem denuntiationis ad alium transmittendae, valde ab eorum persona & munere alienum est.

Modus significandae denuntiationis in eo est, ut qui denuntiat, scripto complectatur denuntiationem pecuniae sibi non numeratae, & eam tradat aduersario, ut comprehensum est in hoc §. in princ. Sed videtur in hanc rem scriptum inepte exigi, & contra formam iuris, quia dummodo debitor praesentibus testibus denuntiat creditori, sibi pecuniam non numeratam, superuacuum est aliud scriptum exhibere, & ius prohibet scriptum exigi, quoniam non est minor fides & auctoritas testium, quam instrumentorum. Respondeo: Haec vere differuntur, si hic exigeretur scriptum probationis causa. Nam denuntiatio satis probaretur adhibitis testibus. Nunc autem scriptum ideo exigitur, ut caueatur creditori, nempe ut possit secum deliberare diligentius, quid sibi denuntietur, & non possit causari, se non satis percepisse, quod debitor dicebat. Sed videtur etiam in huiusmodi denuntiationibus repudiari scriptura, ubi testes interuenerint; id fit in l. ultim. supr. de negot. gest. ubi licet domino negotiorum denuntiare negotiorum gestori, ut abstineat se a rei suae administratione, placetque eius denuntiationis hanc vim esse, ut dominus in posterum non teneatur, etiam si denuntiatio sine ullo scripto processerit. Rursum contrarium hic non tantum exigitur, sed etiam in l. 2. infra de annal. exc. Haec ita recte conciliantur, si denuntiatio spectat ad ius nostrum solum retinendum, nec quicquam aduersario adimitur, quauis denuntiatio sufficit, siue testibus adhibitis fiat, siue scripto, ut contingit in eo domino, qui non vult alteri administratori teneri, in l. ultim. supr. de negot. gest. D. uersum est, si denuntiatio spectat ad aliquid nobis acquirendum aduersus alium, & ita ad alterius ius dirimendum, ut accidit & hic & in dicta l. 2. infra de annal. except. ubi is, qui exceptionem tantum temporalem habebat iure constitutam, vult consequi denuntiatione sua, ut habeat perpetuam. Non est aequum illi permitti ius adimere aduersario, nisi recte admonito, quod sit scriptura.

Ad L. penult. Si cui, &c.

Imp. Iustinianus A. Mennae PP.

Si cui non numerata pecunia competere possit exceptio: etiam eo super sedente tali auxilio uti, vel praesente, vel absente, creditores eius (siue ipsi conueniantur, ut potest res eius detinentes ab his, qui debita eius exigunt, cui competit huiusmodi exceptio, vel dotis vel alterius causae nomine: siue contra alios possidentes aliquam actionem ipsi moueant) possint in examinando negotio suis aduersariis eandem non numerata pecunia exceptionem opponere: nec eo prohibeantur, quod principalis debitor ea nunquam usus sit: ita tamen ut neq. principali debitori, neque fideiussori eius aliquod praedictum generetur, si is, qui eam exceptionem opposuerit, victus fuerit: sed possint illi postea si conueniantur intra statuta scilicet tempora eandem se exceptione tueri.

S Y M M A R I A.

- 1 Creditor secundus, qui propter obligationem debitoris conuenitur a priore creditore, an possit eadem exceptione uti, qua debitor uteretur.
- 2 Cre-

2. *Creditori secundo an exceptio non numerata pecunia ex persona debitoris competat, non solum consentiente debitore, sed etiam absente, aut praesente & inuito.*

3. *Sententia lata, debitorem primo creditori debere, an debitori, aut fideiussoribus eius noceat.*

QVI ex parte debitoris, propter eius obligationem conueniri possunt, iis omnibus exceptio non numerata pecuniae competit, quae & debitori competeret. In hoc numero sunt citra controuersiam omnes accessiones principalis debitoris, ut fideiussores, mandatores, pecuniae constitutae rei, de quibus traditur in *l. tam mandatori. §.* Sed sunt etiam in hoc numero, de quib. maior dubitatio est. etiam creditores debitoris, quib. a debitore res eius pignori obligatae sunt. Quod contingit in hac specie, si debitor duobus creditoribus res suas pignori obligarit, diuersis temporibus, & posterior a priore conueniatur. Nam si debitori exceptio non numerata pecuniae competeret aduersus creditorem, eadem exceptio aduersus priorem creditorem posteriori dabitur, quod hac *l.* cautum est.

Proponitur ita: Debitor scripsit, se a primo 10. mutua accepisse, spe futurae numerationis, & in eam rem illi omnia bona sua pignori obligauit, habet hic debitor exceptionem non numerata pecuniae aduersus creditorem hunc intra biennium. Idem debitor paulo post ab alio secundo creditore 10. mutua reuera accepit, & eirursum bona sua obligauit. Conuenitur posterior creditor a primo hypothecaria actione, & si vere illi hypotheca data est, necesse est illum iure esse potiorum, quia tempore prior est. *l. 2. §. qui pot. in pign.* Sed posterior creditor priorem hoc modo remouet, quod dicat, priori non potuisse res debitoris obligatas esse, sine principali obligatione. *l. res hypothecariae, de pign.* Nullam autem hic principalem obligationem fuisse, quia obligatio remoueatur exceptione non numerata pecuniae, quam in hac specie debitor habuit, & nunc habet. Nihil enim interest, utrum quid non debeat, an per exceptionem remoueatur. *l. nihil interest. de reg. iur.* Hic refert prior creditor, exceptionem non numeratae pecuniae competere debitori, & debitorem ea uti posse; sed creditorem posteriorem non item uti posse, non ex persona sua, quia debitor non est; non ex persona debitoris, quia debitor hanc exceptionem in illum non transfudit.

Questio, an secundus & creditor, qui propter obligationem debitoris conuenitur a priore creditore, possit eadem exceptione uti, qua debitor uteretur? Mouet quaestione, quod hanc exceptionem legimus dari accessionibus, *l. tam mandatori. §.* Sed hic creditor accessio non est, non est enim debitor eiusdem obligationis, sed creditor, praeterea hanc exceptionem cessam a debitore non accipit. Quo iure igitur realia utatur, sine domini voluntate? Hic constituitur etiam posteriorem creditorem aduersus primum hypothecas vindicantem, eadem exceptione uti posse. Haec ratio est, quia reuera posterior hic creditor conuenitur ex persona debitoris, & propter debitoris obligationem. Nam nisi is debitor vere obligatus sit primo creditori, non consistit primi creditoris intentio in pignore. Igitur primus pignus vindicat, quia dicit debitorem fuisse sibi obligatum, & in eam obligationem sibi pignus datum. Non debet ex obligatione debitoris teneri, ultra quam continetur ex obligatione: At obligatio debitoris ad-

uersus primum creditorem eiusmodi est, ut exceptione non numerata pecuniae infirmetur, proinde ac recte creditori eandem conditionem obligationis seruabimus, dabimusque ei eandem exceptionem.

Nihil ad rem pertinet, quod haec exceptio primum quaesita est debitori, nec a debitore cessat est creditori posteriori: nam haec exceptio est non personae, sed rei, & causae cohaerens, ut ostendimus ad *l. tam mandatori. §.* cui consequens est, ut ad quoscunque causae eadem, id est, eadem principalis obligatio pertinebit, ad eos quoque omnes transeat eadem exceptio. Idem iuris erit in eodem exemplo, si secundus creditor pignus vindicet a primo isto creditore. Nam si primus creditor uteretur exceptione cautionis, qua debitor scripsit, se illi debere 10. & sua bona se illi obligasse: secundus creditor uteretur replicatione non numerata pecuniae, id est, dicet, non numerasti pecuniam debitori, & ideo tibi pignus teneri eo nomine non potuit.

Hoc constituto amplius quaesitum est, an huic creditori & secundo exceptio non numerata pecunia ex persona debitoris competat, non solum consentiente debitore, sed etiam absente, aut praesente & inuito? Et hic amplius constituitur, hanc exceptionem secundo creditori competere etiam debitore inuito. Idem placuit in omnibus esse exceptionibus, quae ex persona debitoris accessionibus dantur. Placuit enim eas dari etiam reo inuito, *l. omnes except. de except. l. ex persona. de fideic.* Sed quomodo inuito debitore competere alteri potest, quod ex persona eius competit? Respond. Optime, quia etsi haec exceptiones ex persona debitoris competunt, non tamen ex voluntate eius competunt, sed iure. Exceptionem aliis iure quaesitam, debitor suo facto adimere non potest. *l. ult. de pact.*

Deinde quaesitum est: Quid si in hac lite posterior & creditor victus est a priore creditore, id est, pronuntiatus sit, debitorem primo creditori debere, nec habere exceptionem non numerata pecuniae, & ideo primum creditorem in pignore esse potiorum? Cauter Iustinianus hanc sententiam neque debitori, neque fideiussoribus eius nocere, ut intelligamus, quemadmodum debitoris factum secundo creditori nocere, & adimere exceptionem non potest, sic nec factum creditoris in hac exceptione opponenda, nocere debitori, aut ullis aliis. Ius scriptum ex regulis iuris: *Res inter alios actas, aliis non praedicare, cum iis, quibus nocere volumus, eos qui ante iudicari sunt, prohibere non potuerunt, quod minus agerent, ut hic accidit. l. saepe. in princ. & vers. cum autem. de re iudicat.*

Ad L. Indubitati, ult.

Imp. Iustinianus A. Ioanni PP.

Indubitati iuris est, non numerata pecunia exceptionem locum habere & in talibus nominibus, vel fenerationibus, vel aliis cautionibus, quae etiam sacramenti habent mentionem. Quae enim differentia est in huiusmodi exceptione, siue insurandum positum est, siue non, tam in fenerationibus quam in aliis instrumentis, quae talem exceptionem recipiunt.

S V M M A R I A.

1. *Exceptio pecuniae non numerata an competat debitori etiam tunc, cum iurauerit se accepisse.*
2. *Debitori iureiurando affirmanti se pecuniam accepisse non competit exceptio non num. pecun.* Ratio ibi.
3. *Turpitudinem suam allegans non est audiendus.*
4. *Verbum reddendi pertinet ad ea, quae accepta sunt.*

5 *Iurans se iudicio stitutum non peierat si iusta ex causa aliqua exceptione utatur.*

Qui scripsit se pecuniam accepisse, exceptionem habet pecuniae non numeratae, ubi scripsit sine iureiurando. l. 3. §. si intra. l. in contractibus. supra eodem. Idem placuit hoc rescripto, & si quis scripserit, mentione facta Senatusconsulti, id est, adiecto iureiurando. Duobus modis iusiurandum adicitur, primo modo, ut debitor iuret se accepisse; altero modo, ut simpliciter se accepisse dicat, sed iuret se redditurum.

1 *Quaeritur si ex verbis huius rescripti, an quocunque modo ex his debitor iurauerit, exceptio ei non numerata pecuniae competat?* Verba exceptionem admittere videntur in utroque casu, quia nihil distinguitur, cui affirmationi iusiurandum hoc hic adiicitur. Sed verius est, non competere exceptionem non numeratae pecuniae ei, qui iureiurando affirmavit, se pecuniam accepisse, quia qui hac exceptione utitur pecuniae non numeratae, is de periurio suo aperte confitetur. Non est audiendus, qui turpitudinem suam allegat. l. merca. sup. de condi. ob turp. causam. Non est etiam exceptio cuique tribuenda, argum. l. transact. finita. sup. de transact.

Restat igitur, ut hanc legem sic intelligamus, ut competat exceptio non numeratae pecuniae ei, qui cum scripserit, se pecuniam accepisse, adiecit promissionem cum iureiurando fore, ut eam pecuniam remitteret. Sed cur hoc casu potius exceptio iurisiurandi datur? Respondeo: Quia non datur aduersus iusiurandum, nec peierat, qui in hac specie hac exceptione utitur. Nam in hac promissione: *Iuro me eam pecuniam redditurum*, inest ex verbis conditio, si accipero. Nam si verbum reddendi pertinet ad ea, quae accepta sunt ante, cum proprietatem verbi sequi volumus, ut semper in re dubia & aduersus dubitationem fieri oportet. l. non aliter. de legat. 3. l. 1. §. in rem. de exerc. act.

Huc pertinet, quod dicitur in l. ultim. qui satisdare cogant. eum qui iuravit se iudicio stitutum non peierare, si ex iusta aliqua causa exceptione utatur, scilicet quia in ea promissione inest haec conditio, ut debitor sistat, si postea. Nam impossibilia praestare non potest. Atque hoc loco notabimus exceptionem, quam in exceptione non numeratae pecuniae tenemus, ut scilicet qui scripsit se aliquid accepisse, non habeat exceptionem, si iureiurando affirmavit. Diuersum est, si iureiurando promisit se redditurum.

AD TITVLVM XXXI. COD. De Compensationibus.

SUMMARIA.

- 1 *Compensatio est debiti & crediti in unum contributio.*
- 2 *Contribuere debitum & creditum, est ita permiscere utrumque, ut confundantur.*

COMPENSATIO est species quaedam solutionis, l. 4. inf. Itaque haec species inter genera liberationum numerari debet. At quamobrem hoc loco collocetur haec tractatio, nulla ratio probabilis dari potest. Ius de compensatione in summa ita habet. Qui quid debet, ea re soluta ita liberatur, *Instit. quibus modis toll. obligat. in prin.* Idem est, si ei debitori quid inuicem debeat, & id velit compensare cum eo, quod debet, hac compensatione consequitur, ut

tanquam solutione liberetur, idque ipso iure. l. 4. hoc tit. ubi definitio iuris plenius traditur & explicatur. Compensatio est si debiti & crediti in unum contributio. l. 1. ff. eod. Contribuere si debitum & creditum, est ita permiscere utrumque, ut confundantur. Nam confusio & contributio promiscue usurpantur iuris auctoribus, ut passim in l. quod ratione. §. quod vulgo. circa prin. & §. si filio. circa fin. §. quaestum. ad l. Falcid. Haec contributio & haec confusio huic loco optime congruit. Nam haec confusio facit ut debito & credito confusis utrumque tollatur. Vis haec est confusae obligationis. l. debitori. §. de pact.

Ad L. 1. Et Senatus.

Imp. Antoninus A. Dianensi.

Et Senatus censuit, & saepe rescriptum est, compensationi in causa fiscali ita demum locum esse, si eadem statio quid debeat, qua petat. Atque hoc iuris propter confusionem diuersorum officiorum tenaciter seruandum est. Si quid autem tibi ex ea statione, cuius mentionem fecisti, deberi constiterit: quamprimum recipies.

SUMMARIA.

- 1 *Compensatio non tantum aduersus priuatum creditorem, sed etiam fiscum ipsum admittitur. Quod tamen restringitur ita, si modo debeat ab ea statione, qua petat. & nu. 5. Et ratio diuersitatis.*
- 2 *Stationes dicuntur loca, ubi statur & constituitur ad res fisci administrandas.*
- 3 *Statio etiam dicitur munus ipsum administrandum & actus.*
- 4 *Statio quoque dicuntur persona, qua hanc stationem obtinent.*
- 5 *Compensatio an admittatur in duobus tutoribus, quorum officia diuisa sunt.*
- 6 *An quoque in diuersis officiis fiscalibus diuisis.*
- 7 *Debitori fiscali, cui volenti compensare, quod ei inuicem a fisco debetur, licet debeat ab alia statione, non licet, an fiat iniuria.*

Qui quid debet, creditorem suum submouet, si inuicem debitori debeat, & debitor compensare velit, quod sibi debetur, l. 2. ff. eod. Non admittitur si solum haec compensatio aduersus priuatum creditorem, sed etiam aduersus fiscum ipsum, l. eodem, ff. eod. Sed hoc in fisco accipiendum est, cum ea exceptione, quae hoc rescripto traditur, ut scilicet debitor fisci conuentus possit compensare, quod sibi a fisco debeat, si modo debeat ab ea statione, qua petat: quod ab alia statione debetur, in compensationem vocari non potest, sed solum ab ea statione exigitur, a qua debetur. Hoc ius eiusmodi est: Fiscus in singulis territoriis habet ea, quae ad fiscum pertinent, ut vectigalia, tributa, quae illic exiguntur. Res fisci proprie, quae administrari debent & vendi, ubi res postulat. Ea res facit, ut necesse sit, ad res ad fiscum pertinentes recte administrandas, praefici singulis territoriis, opportunis in locis homines idoneos, per quos ea res curentur & administrentur. Ea loca dicuntur stationes, ubi videlicet & statur & constituitur ad res administrandas: etiam si munus ipsum administrandum & actus, dicitur statio: immo etiam significatur hoc verbo personae si ipsae, quae hanc stationem obtinent, ut in hoc rescripto, & l. 1. inf. ne fisci rem quam vendid. figura nominis usitata, ut cum minister dicitur pro ministerio, l. 1. §. in publicum de iur.

de fugitiuis. officium pro officialibus magistratibus, l. cum sententiam, infr. de sent. & interl. omnium iud. l. antepen. D. de euict. Hinc quæ hoc loco dicitur statio, alibi aperte & sine figura dicitur Stationarius, vt in l. vniuersi, infr. de uetigal.

Ex facto igitur ita quæsitum est. Quidam cum statione fiscali huius territorii, ita contraxit, vt condiceret portorium aliquod huius territorii, quo nomine mercedem fisco & huic stationi debebat Idem stationi fiscali proximi territorii, eidem principi subiecti, mutuam pecuniam dederat ad eandem quantitatē, aut etiam maiorem, quam debebat hoc loco. Conuenitur a statione huius loci: desiderat compensare, quæ sibi a vicina statione fisci debentur. Quæritur an admittenda sit hæc compensatio? Ius uidetur hanc compensationem admittere. Nam debitor fisci compensare potest, quod sibi fiscus debet, dummodo nō compenset in iis causis, quæ exceptæ sunt, de quibus in l. 3. infr. hoc tit. Id ius est multis locis traditum, d. l. idem; D. eod. l. aufertur, §. qui compensationem, de iure fisci. At in proposito debitor a fisco conuenitur & compensare vult, quod sibi fiscus idem debet, nam quod a vicina statione debetur ab eadem fisco debetur.

Respondeo, quod ab alia statione debetur, quam ab ea, quæ petit, compensari non posse. Hæc videtur repugnantia. nam debitor compensare potest, quod debetur ab ea statione quæ petit, quia vicissim a fisco debetur, cur non igitur compensare potest, quod debetur ab alia statione, cum pariter a fisco debeatur? Non sunt hæc contraria. Differentiæ ratio explicatur hoc rescripto. Constitutum id est propter confusionem officiorum, id est, non vt incidat aliqua confusio officiorum, sed vt vitetur, ea confusio, vt Accursius bene interpretatur. Vitandæ huius confusionis duæ sunt causæ. Prima, quia hæc confusio nocet stationibus & officiariis & est contra administrationem officiorum. Nam si statio huius loci cogitur admittere compensationem eorum, quæ alii stationi debentur, cogetur in ea inquirere, quæ alia statio gerit, & videre, quæ recte gesta sint, & an debeantur ab illa, quæ dicuntur esse debita. Ita, oneratur hæc statio ultra quam administrationi proposita est. Deinde ex hac confusione creatur manifestum periculum fisco. Nam si compensatio admittitur aduersus stationem huius loci, fieri potest, vt altera statio, quæ debet ignorare, aut eius stationis successores, in qua ignorantia facile erit debitori, quæ hic compensationem obicit, iterū exigere debitum suum ab ea statione, a qua debebatur. Ex quo manifestum est periculum fisci, quia fieri potest, vt postea nō possit exigere solum, aut si velit petere, debitor nō sit soluendo.

Hoc loco opponitur, *lex inter tutores*, D. de admistr. tutor. vbi ¶ sub personis duorū tutorum, quorum officia diuisa sunt, contrarium respondetur de compensatione, & confusio officiorum, de qua hic dicitur, illic contemnitur. Sic autem loci exemplum est. Duo sunt pupillo tutores dati, inter eos postea tutela diuisa est a magistratu; quo facili⁹ pecunia per eos administratur, & primus prefectus est rebus Italicis, alter prouinciæ. Quidam debuit tutori rerum Italicarum 100, sed vicissim a tutore rerum prouinciæ ei 100 debebantur. Conuenitur debitor a tutore Italicarum: compensare vult, quod sibi a tutore prouinciæ debetur, id est, quod debetur ab alia statione,

& ab alio officio. Placet admittendā esse æquitatem compensationis. Respondeo, non sunt hæc contraria. Diuersum est enim in tutela, inter tutores diuisi, quam in diuisis fisci administratoribus. Differentiæ ratio tacite exposita est in d. l. inter tutores. Est autem hæc ratio Papiniani, cur debeat admitti cōpensatio eius, quod a tutore prouinciæ debetur, quia debetur ab eodem pupillo, non autem a tutore. Itaq; quamuis diuersi tutores sint, tamen idem est pupillus, cui debetur, & qui inuicem debet.

Nō obstat diuisio tutelæ inter tutores, de qua præcipue Papin. respondet, quia inquit, hæc diuisio iurisdictionis est non iuris, id est, tutela diuiditur inter tutores iurisdictione, id est, officio magistratus, non autem diuiditur iure, quia nihilominus singuli in solidum sunt tutores iure, vsq; adeo, vt qui omnino tutelam non administrat, nihilominus sit honorarius tutor, & inspectionē habeat rerum, quæ ab aliis geruntur, & si suspectos non facit, cum tutela male ab eis administraretur, periculum tutoris sustinet, l. 3. §. 1. de admin. tut. Et ideo inquit Papin. Ea diuisio quæ non est iuris, modū administrationi facit, id est, non diuidit tutelam, sed tantum administrationem tutelæ, ipsa tutela, seu ipso tutelæ periculo integro manente. Subiicit: *Hæc diuisio est iantum inter ipsos tutores & pupillum, quo scilicet res facilius inter ipsos geratur & componantur, quia iuxta prouerbium: Multitudo Carianæ perdidit, quod ad omnes administratores recte pertinet.* Subiicit: *Et ideo nec ea diuisio, cum pupillo experiri volentibus, ob stare debet. Qui compensationē obicit, ex eo quod sibi debetur, a tutore prouinciæ experitur, & agit non aduersus tutorem prouinciæ, sed cum pupillo ipso, quia pupillus est a quo pecunia debetur, nō tutor prouinciæ.* Hæc ratio Papiniani exposita ostēdit, cur ¶ diuersum 6 statutum sit in diuersis officiis fiscalibus diuisis. Nam etsi quod ab alia statione debetur, intelligitur semper deberi ab eodem fisco, tamen cum officia ab initio in administratione fisci distinguuntur, iure distinguuntur non iurisdictione, quia ab initio non plus singuli capiunt, quā in eo territorio, cui sunt præpositi, vt recte dici possit, diuisionē istorum officiorum, modum ipsis officiis facere, nō ipsorum officiorum administrationem, vt Papin. loquitur.

Quid ergo ¶ an non sit iniuria debitori fiscali, cui non licet cōpensare, q̄ ei inuicem a fisco debetur, licet 7 debeat ab alia statione? Subiicitur in extremo rescripti, nullā ei fieri iniuriā, quia potest exigere ab alia statione, q̄ sibi debetur ab ea, & si deberi constiterit, statim cōsequetur. Inter m hoc motet, si debitor fisci velit cōpensare quod sibi debetur ab ea statione quæ petit, cōpensationi locum esse. Hæc pars rursus sic intelligenda est, nisi in causis quibusdam exceptionem habeat, quæ comprehensæ sunt, in l. 3. infr. hoc tit.

Ad L. 2. Ex causa.

Imp. Antoninus A. Asclepiadæ.

Ex causa quidem iudicati si debium solutum repeti non potest, ea propter nec compensatio eius admitti potest. Eius vero, qui iudicati conuenitur, compensationem pecunie sibi debita implorare posse, nemini dubium est.

S Y M M A R I A.

- 1 Debitor condemnatus an quod ex causa iudicati soluit, ei debeat.
- 2 Solutum ex causa iudicati repeti non potest.

- 3 Debitor condemnatus si nondum ex causa iudicati soluit, & ex ea causa iudicati conueniatur, an actioni iudicati possit compensationem alterius rei sibi ab eodem creditore debita opponere, & nu. 6.
- 4 Compensatio an per exceptionem opponatur.
- 5 Exceptiones omnes opponi debent ante sententiam, & rem iudicatam.

Debitor a creditore conuentus & damnatus est. Post rem iudicatam duo quaesita sunt ab hoc condemnato. Primo, si is conueniatur postea ab eodem creditore ex alia causa, & debitor ante iudicatum fecerit, an possit compensare aduersus creditorem, quod ante ex causa iudicati soluit, eo quod diceret, se iudicatum soluisse. Placet eum non posse.

1 Quaestio in eo est, an quod debitor condemnatus ex causa iudicati soluit, ei debeat. Non potest autem ei aliter deberi, quam si indebitum ex causa iudicati solum repetere possit. Ob hanc causam declaratur, initio huius rescripti, quod debitor ex causa iudicati soluit, ei nullo modo deberi. Non potest enim tanquam indebitum solum repetere. Quod

2 ex causa iudicati solum est, repeti non posse certum est, l. 1. *supr. de condict. indeb.* Hae ratio est: Quia qui ex hac causa soluit, debitum soluit, ut hic significatur. Debetur enim ex causa iudicati & in eam causam est actio iudicati, l. miles, §. ult. *de rei iud.* Hae actio ex contractu est, quoniam iudicium accipiendo contrahitur itidem ut stipulatione, l. 3. §. *idem scribit, de pecul.*

3 Alterum quaeritur, si hic debitor condemnatus nondum ex causa iudicati soluit, & ex ea causa iudicati conueniatur, an actioni iudicati opponere possit compensationem alterius rei sibi ab eodem creditore debita? Et placet posse. Quae pars obscurior est, ac videtur actioni iudicati, compensationem opponi non posse. Nam compensatio per exceptionem opponitur, si vera est sententia vulgaris in l. 4. *infr. hoc tit.* ubi plenius dicitur. Porro exceptiones

4 omnes, & quamuis peremptoriae opponi debent ante sententiam & rem iudicatam, postea frustra opponuntur, l. *prescriptionem, l. siquidem, infr. de exceptio.* Proinde exceptio compensationis post rem iudicatam, actioni iudicati opponi non potest.

6 Hic duplex & responsio est idonea. Primum negandum est compensationem obiici tantum creditori per exceptionem: Nam iure ipso eum liberat, ut etiam solutio, l. 4. *hoc tit.* Proinde ut solutio, ita & compensatio omni tempore, omni actioni opponi potest. Altera responsio est non minus idonea: Nam etsi fateremur compensationem liberare debitorem tantum per exceptionem, tamen idcirco post rem iudicatam opponi creditori potest, quia intelligitur noua esse exceptio actionis praesentis, non actionis eius, de qua iudicio actum est, propterea quod compensatio ei solum actioni nocet, cui ex voluntate debitoris destinatur, l. *verum, l. quod Labeo, D. eod.*

Ad L. 3. *In ea.*

Imp. Alexander A. Capitoni.

In ea, quae Reipublica te debere fateris, compensari ea, quae inuicem ab eadem tibi debentur, is, cuius de ea notio est, inuehit: si neque ex Calendario, neque ex vectigalibus, neque ex frumenti vel olei publici per unum, a, neque tributum, neque alimentorum, neque eius qui statutis sumtibus seruit, neque fideicommissi ciuitatis debitor sis.

- 1 Reipublica nomine simpliciter lecta hic intelligitur Romana.
- 2 Ciuitates priuatorum locum habentur.
- 3 Reipublica appellatione hic qualibet ciuitas significatur.
- 4 Compensatio in quibus causis aduersus rempublicam cesset, & nu. seqq. recensentur septem.
- 5 Calendarium iuris auctoribus quid & unde dictum.
- 6 Debitor ex calendario quis sit.
- 7 Vectigal quid & unde dictum.
- 8 Compensatio cessat in omnibus rebus a fisco emtis, ubi pretium rei emta petitur.
- 9 Annona dicitur omnis res ad victum pertinens.
- 10 Tributum quid.
- 11 Debitor alimentorum ciuitatis quis dicatur.
- 12 Compensatio cur cesset in debitore fideicommissi ciuitatis relict.

Debitores fisci compensare possunt, quod inuicem fiscus eis debet, praeterquam certis in causis, quae commemorantur in l. *ausfertur, §. qui compensare, D. de iur. fisci*, quod ius illic fisco tributum est, idem tribuitur hoc loco Reipub. & ciuitati. Rempublicam cum simpliciter legimus, placet intelligi Reipub. Romanam, per excellentiam, l. *eum qui vectigal, l. inter, de verb. sign.* Itaque si in hoc rescripto non intelligeremus quid lex sentiret Reipub. verbo, acciperemus Reipub. Romanam, id est, fiscum publicum, & multo magis fiscum Principis, ut esset huius loci eadem sententia, quae in dict. §. *qui compensat, leg. ausfertur, de iur. fisci.* Neque hoc priuilegium transferemus ad ciuitates & reliquas, quae priuatorum loco esse dicuntur, in d. l. *eum qui vectigal, de verb. sign.* Sed apparet ex verbis rescripti Reipublicae & appellatione hic significari quamlibet ciuitatem: Nam qui initio dicitur, *Reipub. debitor*, is in fine dicitur, *debitor ciuitatis*. Scimus autem *etiam a reliquis ciuitatibus* etiam respublicas appellari in usu iuris, l. 5. *infr. de seru. fugit, l. si in aliam, de offic. procons.*

Causae, in quibus aduersus Reipub. cessat compensatio, hoc loco comprehensae sunt haec septem. Primo, si quis sit debitor ciuitatis ex Calendario, id est, si mutuam pecuniam fœnoraria ciuitate acceperit, continens hic positum est pro contento. Nam Calendarium iuris auctoribus erat liber rationum, in quem fœneratitia pecuniae referebantur, l. *qui situm, de legat. 3. l. Stichus, §. ferui, vers. item quaro an eo, de stat. lib.* Dictum est ex eo, quod veteres Calendas stipulari solebant, ut sit in exemplo, l. *lecta, si cert. petat, l. si ita stipulatus, §. Chrysogonus, de verb. oblig.* Igitur & ex Calendario debitor est, qui debitor est ex fœnoratitia pecunia in Calendarium relata. Hoc priuilegium tribuitur pecuniae publicae, quia in pecunia publica sunt nerui ciuitatis ad res gerendas.

Secunda causa est si quis debitor sit ex vectigalibus. Vectigal est quod praestatur nomine mercium, quae inuehantur aut reuehantur, inde nomen vectigalis a vehendo, l. *uniuersi, infr. de vectig. & com. l. inter, de verb. signific.* Vectigalia in primis ad usum rei bellicae Reipub. penduntur Reipub. Hinc priuilegium in causa vectigalis. Tertia causa est, si quis debitor sit ex pecunia frumenti, vel olei publice emti. Nam haec sententia per se vera est, si fiscus pretium rei a se vendita petat, compensationem in hac causa oppo-

sa opponi nō posse, *l. aufertur*, §. *qui compensat. de iur. fisci*. Sed hæc interpretatio minus commoda est, nam neque verbis conuenit, neque rei de qua agitur, quod ad verba attinet, pecunia non significat pretium, sed ex omnibus causis pecunia dari potest. Deinde & hoc loco dicitur, non posse compensationem opponi fisco, si quis debitor sit ex pretio frumenti & olei publice emti. Non satis dicitur: Nam ꝑ non tantum cessat compensatio, vbi frumentum vel oleum emtum est, sed in omnibus rebus a fisco emtis, vbi pretium rei emtæ petitur. *l. si ex vendit. infr. d. l. aufertur*, §. *qui compensat. de iure fisci*.

Melius est igitur, vt hæc verba sic interpretemur: *si quis sit debitor ex pecunia frumenti vel olei publici*, id est, pecunia, quæ eo nomine debetur. Et in summa, si quis sit debitor ex pecunia frumenti, vel olei publici, id est pecunia, quæ eo nomine debetur, & in summa si q̄s debitor sit ex pecunia annonæ. Nam ꝑ frumentum & oleum an nona est & generaliter ꝑ annona dicitur omnis res ad victum pertinens, *leg. prima, & leg. vltim. ad legem Iuliam, de annona*. Constat autem fisco compensationem opponi non posse in causa annonaria, id est, vbi quis ob annonam publicam administratam tenetur fisco, siue male administrauit, siue pecunia ex ea re desit, vt est comprehensum, in *dict. leg. aufert*, §. *qui compensat. de iure fisci*.

Quarta causa est, si quis debitor sit ex pecunia tributorum, & simpliciter debitor sit tributorum. Tributum ꝑ est modica pecunia, quæ a ciuibus publice tribuitur pro modo census, cuiusque rei, *desinit Varro libr. 4. de legibus circa fin.* a qua definitione non est aliena Pomponii definitio in *l. ager. de verbor. signific.* Constat & causam annonæ & tributorum, quemadmodum & vectigalium maxime ad summam Reipub. pertinere. Vnde & hæc in eadem causa cum supra scriptis habentur.

Quinta causa est, si quis debitor sit alimentorum ciuitatis. Nam verbum *Ciuitatis*, quod in extremo est, hic coniungi debet. Debitor ꝑ alimentorum ciuitatis hic dicitur, qui debitor est eius pecuniæ, quæ redigitur in alimenta ciuitatis, id est, non quæ ciuitati præstantur, sed quæ ciuitas publice præstat vt pauperibus, Ptochotrophis, Xenodochiis, Nosocomiis, & miserabilibus locis, quæ commemorantur, in *leg. pen. supr. de sacrosanct. eccles.* Hæc alimēta præcipuum fauorem merentur, propter caritatem, & propter necessitatem moram non faciunt. Ideo hic quoque denegatur compensatio.

Sexta causa est, si quis debitor sit eius, supple. *pecunia, quæ statutis sumtibus seruit*, sic enim legendum esse quidam recte monent, non autem, *eius qui*. Hic enim intelligitur pecunia quæ seruit statutis sumtibus, id est, quæ destinata est ad certos sumtus publice faciendos, vel in res certas, vel in certas personas, quales sunt pecuniæ destinatæ in hunc vsum, vt inde soluantur stipendia magistratibus, consiliariis, professoribus publicis, & aliis ministris vel principis vel ciuitatis, vt enim eorum opera necessaria in ciuitate, sic necessaria præstatio eius est pecuniæ, quæ istis suppeditatur, vt operam nauent. Hinc priuilegium idem in hac causa.

Septima causa est, ꝑ si quis debitor sit fideicommissi ciuitatis, id est, fideicommissi ciuitati relictæ. Sed cur in hac specie non admittitur cōpensatio, cum fideicommissum non pertineat ad vsum necessarium

superiorum rerum, sed ad honorem ciuitati habendum. Respondeo, duæ causæ coniunctæ sunt, quæ hic compensationem repudiant. Primo, generalis illa quæ ad omnia fundamenta etiam priuatorū pertinet, quod publice interest supremas voluntates restantium exitum habere, idque primo quoque tempore, *l. vel magna. D. quemadmod. testam. aper. l. 1. supr. de sacrosan. eccles.* Accedit altera causa, quia fisci causa est, quæ est magis fauorabilis, vt apparet ex his causis exceptis, quæ exceptiones in priuatis creditoribus locum non habent.

His causis octaua est adicienda, *ex d. l. aufertur*, §. *qui compensare, de iur. fisci*. Nam si ex illis verbis, ex frumenti vel olei publici pecunia, intelligimus excipi pretium rei a fisco emtæ, octauam causam adicere debemus annonariam. Sin autem supra scriptis verbis magis placet excipi causam annonariam, octaua causa adicienda erit pretii rei a fisco emtæ. Et quemadmodum hæc causa hoc loco supplenda est *ex dict. l. aufertur*, §. *qui compensare*. Sic ex hoc loco, vbi plures causæ excipiuntur, supplendū esset, quod deest in *d. l. aufertur*, §. *qui compensare*, vt ii loci inter se coniuncti tradant mutuas operas, & vnus alterum interpreteretur.

Ad L. 4. Si constat.

Imper. Alexand. A. Luciano.

Si constat pecuniam inuicem deberi ipso iure pro soluto compensationem haberi oportet ex eo tempore, ex quo ab utraque parte debetur, utique quo ad concurrentes quantitates: eiusque solius, quod amplius apud alterum est, usura debentur, si modo petitio earum subsistit.

S V M M A R I A.

- 1 *Compensare quis queat.*
- 2 *Aduersus quem compensare quis possit.*
- 3 *Quod & quale debitum compensetur.*
- 4 *Debitor quando compensatione vri possit.*
- 5 *Compensationis effectus primus est, vt cōpensatio pro soluto habeatur.*
- 6 *Secundus, vt iure nulla amplius maneat obligatio.*
- 7 *Ipsō iure quid fieri quid significet, & nu. 9. 11.*
- 8 *Compensatione an debitor liberetur.*
- 10 *Ipsō iure liberari quid significet.*
- 11 *Liberari per exceptionem quid.*
- 12 *Tertius, vt compensatio habeatur pro soluto ex eo tempore, ex quo pecunia ab utraq. parte debetur.*
- 13 *Usura non possunt dari sublata principali obligatione.*
- 14 *Usura compensari nequeunt.*
- 15 *Quartus vt admitatur non nisi ad concurrentes quantitates.*

Hoc rescriptum commode complectitur ius de compensatione. Itaque in huius rescripti explicatione, explicatio totius fere iuris huius, & totius huius tituli maxime continetur, si tamen explicetur, nam breuitas rescripti facit, vt non statim omnes huius iuris partes intelligant, quæ nobis plenius explicandæ sunt, vt res tota facilius intelligatur.

Huius iuris duo sunt summa capita, quæ licet obseruare hoc rescripto esse comprehensa. Prius est in eo, quando compensationi locus sit, secundum de admissa compensatione, quis sit effectus, & quod commodum admissæ compensationis, vt prius contineat causam, quæ locum faciat compensationi, alterum contineat effectum compensationis.

1 Quod ad causam compensationis attinet, de ea sic recte & facile querendo inuestigabimus. Primo igitur quero, *Quis compensare queat?* Respond. is a quo pecunia petitur, l. 2. D. eod. Sed ut petatur ab eo pecunia exigimus. Nam hoc præscriptum exigit, ut pecunia invicem debeat. Hoc eo pertinet monere, ut intelligamus, si creditor speciem aliquam, veluti equum petat, debitorem compensationem opponere non posse, quamvis ei non species, sed pecunia numerata a creditore debeat.

2 *Adversus quem compensare potest?* Respon. Adversus omnem qui petit, d. l. 2. D. eod. Nec refert quis sit creditor, priuatus aut filius, aut Respub. Et fisco & Repub. petentibus compensatio opponi potest, itidem ut priuatis. l. idem. D. eod. Præterquam certis in causis, quæ excipiuntur in persona fisci & Reipub. quod ius comprehensum est in l. 1. & l. 3. supr. hoc tit.

In quibus causis compensare quis potest? In omnibus siue in personam agatur, siue in rem. l. ult. infr. hoc tit.

3 *Quid compensabit?* Pecuniam quæ ei a creditore debeat. Hoc comprehensum est verbis huius rescripti, dum exigitur, ut pecunia debeat, & debeat invicem. Quibus verbis quatuor comprehendimus, quæ diligenter obseruanda sunt, habent enim suam vim singula. Primo exigimus, ut sit pecunia quam debitor compensare vult, quæ ipsi debeatur. Proinde si creditor ab eo pecuniam petit, & invicem ei species aliqua ab eodem creditore debeat, cessat compensatio. Ut pecuniæ cum specie petita nulla compensatio est, sic speciei invicem debita, cum pecunia petita nulla ite compensatio est, sed pecuniam utrinque deberi oportet, ut hic scriptum est. Secundo exigimus, ut unde petitur, debeat debitum. Hoc sic accipimus primo si vere debitum sit, & tale quod possit reus a petitore exigere, de quo nulla est dubitatio, cum id demum & solum vere sit debitum, leg. debitor. de verb. sign. Sed nihilominus & hic debitum intelligimus & id, quod naturaliter debetur, quamvis exigi non possit. Hoc debitum etiam in compensationem venit, l. etiam. D. eo. Exempli causa promissisti mihi 10. pacto hæc a me petere non potes, quia ex pacto nulla nascitur actio, l. ius gent. de pact. §. sed cum nulla. Veruntamen naturaliter mihi obligaris, l. 5. §. imperator, de solut. Si ergo centum tibi vere debeam ex alia causa, eaque a me petas, recte tecum compensabo 10. ea quæ mihi pacto debes. Item pater credidit pecuniam filio, quem in potestate habet, vel frater fratri, cum in eiusdem patris potestate essent, neque filius patri, neque frater fratri civiliter obligatur, sed tantum naturaliter. l. frater a fratre, de condit. indeb. Si filius hic emancipatus contraxerit cum patre, ita ut pater ei cõperit debere, & filius debitum a patre petat, recte pater cõpensabit pecuniam ante filio in utroque datam, quamvis naturaliter tantum debitam.

Solum id debitum non continetur hoc verbo, quod debitum est iure civili summo, non naturali, id est, quod ita debetur ut iure summo peti possit, sed petitio per exceptionem remoueat, cuius generis debiti exempla sunt complura, sub tit. de except. Instit. Hoc est quod definitur in l. quacunque, D. eod. Quacunque per exceptionem remoueri possunt, in compensationem non veniunt. Exempli causa: Debes mihi 10. vere mutua, deinde pactus sum, ne a te peterem, etsi summo iure obligatus manes, tamen tibi comperit exceptio pacti, quæ a me petentem remoueat.

§. præterea, Instit. de except. Si tu 10. a me petas, quæ ego ex alia causa vere tibi debeo, non possum tecum compensare, quod prius mihi debebas, quia per exceptionem remouetur. Hac exceptione fit, ut hic nihil mihi debeat, neque iure civili, neque naturali. Non deberi natura, argumento est exceptio quæ datur, quia æquum est te non teneri, ut est in d. ult. de except. Sed nec iure civili teneris, quia non est petitio, quæ effectum non habet. Et hoc est quod regula iuris dicitur, nihil interesse vtrum quis actionem non habeat, an per exceptionem infirmetur, l. nihil interest, de reg. iur.

Sed quodcumque debitum dixerimus in compensationem venire, debitum præsens intelligendum est. Quod in diem debetur ante diem compensari non potest, l. quod in diem, D. eo. ut puta petis a me 10. quæ vere tibi debeo, tu vicissim mihi ex alia causa 10. debes, sed quæ promissisti Calendis proximis, si a me petas, non possum compensare, quod mihi in diem debes, quia ante diem inuitus non debes, alioqui auferetur tibi commodum temporis, quod obligatione tibi constitutum est, §. plus autem, vers. tempore, Instit. de actio.

Sed hic obstat l. in diem, de condit. indeb. ubi deferre scribitur, in diem debitorem adeo debitorem esse, ut quamvis ante diem soluerit, repetere non possit. soluit igitur debitum: nos autem indebitum dicimus. In eandem sententiam est l. cedere, de verb. sig. ubi traditur in obligatione in diem cõpisse deberi, tamen si dies obligationis non venerit, id est, dies quo peti possit. Respon. Quod in diem debetur, statim debetur volente debitore, inuito non debetur. Debetur illo volente, quia totum id spatium pro illo comparatum est. l. cum qui Calend. §. ult. de verb. oblig. Licet igitur illi eo non uti, quia licet unicuique iuri pro se introducto renunciare, l. pen. supr. de pact. Sed meminisse nos oportet, loqui nos de die, qui obligationi adiectus sit: non autem de die, qui hereditatis causa indulgetur ad solutionem, qualis est dies, qui iudicatis datur ad soluendum. Quod ex iudicati causa mihi debetur, si iudicatus a me quid petit, compensare cum eo possum, etiam ante diem iudicato præstitutum, l. cum militi, l. si cum milite, §. 1. D. eod.

Quæ differentia ratio est? Et Papinianus hanc reddit in eo loco, quæ citavi, quia aliud est venisse diem obligationis, aliud diem hereditatis causa solutioni indulgeri. Sed refellitur hæc ratio ex regula iuris, indultum a iure beneficium, nulli est auferendum, l. indultum, de reg. iur. in sexto. Dies iudicato datus, est beneficium lege iudicato tributum, l. 2. intra, de re iud. Ergo non magis hoc beneficium iudicato auferri potest, quam dies obligationi constitutus. Respon. Neque dies obligationi constitutus, neque beneficium lege tributum, contra legem auferri potest, sed non auferitur beneficium lege tributum, ubi beneficium tribuitur certa de causa, & hæc causa cessat, nam cessante causa beneficium deficit, l. in omnibus causis id obs. de reg. iur. At beneficium dierum iudicato tributorum, tribuitur hereditatis causa, ut recte Papinianus scribit in supra scripto loco, id est, tribuitur ut succurratur reo pulsato, & laboranti propter solutionem quæ ab illo expetitur. Quare si ipse ultro pulsat creditorem suum, cessat causa legis, incipit enim pro reo actor esse, pro pulsato, is qui pulsat, proinde beneficio legis non utitur adversus creditorem suum, sed cogetur ius commune compensationis pati, ut que mad-

quemadmodum ipse experitur aduersus creditorem suum, intra tempora iudicati, ita patiatur & creditorem suum intra idem tempus aduersus ipsum experiri. Quod quisque iuris in alium statuit, ipse eodem iure utatur, *l. i. quod quisque iuris.*

Tertio exigimus, ut qui compensare vult, debeatur ei ipsi id quod compensare vult, non autem alii, ut sic inuicem debeatur. Proinde si creditor creditoris velit compensare, quod sibi debetur nomine eius debitoris, qui nunc conuenitur, non audietur, quia vult compensare quod debetur a creditore agente, sed non quod debetur ipsi debitori, qui conuenitur, *l. eius, infr. hoc tit. l. in rem §. 1. D. eod.*

Quarto: Ad extremum exigimus, ut quemadmodum pecunia debetur ei ipsi, qui conuenitur, sic etiam ei debeatur ab eodem qui agit, ut sic efficiatur vtrinque, quod hic dicitur, ut pecunia inuicem, seu ab utraque parte debeatur. Sic hoc exemplum. Duo sunt defuncti heredes, vni 10. debeo, alter ex alia causa mihi 10. debet, is cui debeo a me petit 10. non possum illi compensare, quod mihi debetur ab altero coherede, non enim inuicem debetur, quod hic exigimus. Exemplum est in *l. cum militi, in pr. D. eod.*

4 Quando \dagger debitor compensatione uti poterit? Hic scriptum est, tunc potest, cum constabit vtrinque pecuniam deberi, id est, deberi etiam ei qui conuenitur. Quid ergo si de eo erit controuersia an actor reo inuicem aliquid debeat? Respon. Et olim adittebatur compensationis & mutue petitionis allegatio, nec prius debitor condemnabatur, quam actor mutue petitione respondisset, *l. neque scriptum, infr. eod.* Sed id nunc immutatum est a Iustiniano, *leg. vi. infr. hoc tit.* de quo suis locis. Ergo cum superiora concurrant, & in personis, compensationum, & in causis ex quibus agitur, & in rebus quae vocantur in compensationem, & in tempore compensationis opponendae, tum videlicet compensationi locus erit. quod prius caput est quod hic proponi dixi.

Admissa compensatione, quam vim habeat, seu quid praestet debitori, deinceps videndum est, quod alterum caput est huius rescripti. Et obseru. relacet hoc rescripto circiter quatuor effectus proponi compensationis, quorum posteriores ex primo tanquam ex fonte deriuantur. Primus \dagger hic est ut compensatio pro soluto habeatur. Recte pro soluto: Nam debitor vere soluere intelligeretur, si pecuniam debitam naturaliter numeraret creditori suo, *l. solu. u. de solut.* Nihil autem interest vtrum debitor pecuniam tradat creditori suo an eam pecuniam, quae erat debitoris apud creditorem, patiatur debitor eam apud creditorem suum esse pro tradita, solutionis causa, *l. quare ratione, §. interdum, de acquir. rer. dom.*

6 Secundus effectus adiicitur priori consequens, ut compensatio pro soluto habeatur, ipso iure, id est, ita liberetur, ut iure nulla amplius maneat obligatio, *Instit. quib. mod. toll. oblig. in pr. l. §. supr. de puit.* Placet compensationem solutionis vicem habere. Consequens igitur & compensatione debitorem ipso iure liberari, de quo ne dubitemus amplius expressum est in *l. verum, D. eod.* & aperte constitutum, in *l. vi. infr. eod.* Hic oritur veteribus dubitatio? Nam \dagger ipso iure quid fieri, significat ita quid fieri iure, ut in ea res. Et hominis non sit opus, ut cum dicuntur sui heredes existere ipso iure, sic intelliguntur, existere sine vilo facto & opera sua, etiam ignorantes, atque adeo inuitos, *§. sui autem, Instit. de her. qua ab inuit.* At com-

pensatio non admittitur, nisi a debitore opposita, *l. 2. l. verum D. eod.* & passim alibi significatur. Non ergo compensatio debitorem ipso iure liberat.

Martinus adittebat, compensatione \dagger debitorem liberari sine facto vilo suo, ut retineat verba huius rescripti: Ioannes dissentiebat & negabat compensatione liberari ipso iure, nisi in vsuris, de quib. in fine rescripti agitur, quae dissensionem in glossa Accursii, & alii interpretes vna ex iis opinionibus sequuntur, alii altera. Vtrique valde imperite. Verum est, debitorem compensatione liberari ipso iure, nam loci de hac re apertius scripti sunt, quae ut detorqueri possint: Neque ideo consequens est debitorem liberari compensatione, sine facto suo, id est, compensatione non opposita. Non obstat \dagger quod ipso iure aliqui fieri dicitur cum sit iure sine facto cuiusquam, hoc enim interdum significatur his verbis, ipso iure: sed haec verba ambigua sunt, & ambiguitas ex proposito loco explicanda. Nam alias, ipso iure opponitur per exceptionem quod fit cum agitur de aliquo liberando, ibi liberari ipso iure, & liberari per exceptionem opponitur. Et cum simpliciter dicimus aliquem liberari ipso iure, hoc intelligimus, eum ita liberari ut liberetur sine ope exceptionis: Et contra cum dicimus aliquem liberari per exceptionem, hoc intelligitur, non liberari eum ipso iure, sed tantum per exceptionem. Sic ista inter se opponuntur cum de liberatione debiti agitur, eaque istorum verborum significatio est, ut patet ex *l. si vnus, §. pactus ne peteret, de pact. l. qui seruus, de act. & obl.* Id ipsum est igitur quod significatur hoc loco. Compensatio ipso iure pro soluto habetur, id est ita debitorem vice solutionis liberat, ut liberetur iure ipso sine ope exceptionis.

Ipso \dagger iure liberari est liberari iure ciuili, ut ipsum ius intelligatur hic dici per excellentiam ius ciuile, ad differentiam & discrimen iuris honorarii seu praetorii, quoniam ius ciuile non tam ius est, quam iuris ciuilis vna vox & interpretatio, ut dicitur in *l. nam & ipsum, de iust. & iur.* Liberari autem \dagger per exceptionem, est ita liberari, ut summo iure ciuili, id est, verbis legis ciuilis adhuc tenearis, seu defensio seu exceptio tibi detur iure praetorio, qua tutus condemnari non debeas, quae defensio exceptio appellatur. Hoc declaratur totidem exemplis exceptionum, quod sunt exempla in *Instit. de excep.* Cum dicimus debitorem compensatione liberari, non per exceptionem, eff. etus hic est, si per exceptionem liberaretur, oporteret eum exceptionem compensationis initio iudicii contestari, & ut plurimum illi tribueremus, saltem oporteret eum opponere exceptionem ante sententiam, *l. praescriptionem, l. si quidem, §. de exc.* Nunc autem quoniam liberatur ipso iure tanquam per solutionem, non habet necesse compensationem opponere ante sententiam, sed & post sententiam in executione iudicati eam impetrare potest, ut expressum est in *l. 2. supr.* Et hoc certissimum argumentum est huius sententiae. Nempe debitorem compensatione liberari ipso iure, non per exceptionem, propter quem effectum diligenter notandum est, quod dicimus, debitorem compensatione ipso iure liberari.

Sed huic doctrinae opponitur regula iuris, qua efficitur nihil interesse, vtrum quis ipso iure actionem non habeat, an vero per exceptionem infirmetur. Hoc si verum est, non solum doctrina superior tollitur, quia dicimus aliquid interesse, sed etiam redditur superuacuis labor, & superuacua sententia huius rescripti, cum referre existimatur, vtrum compensatio liberet

ipso iure, an per exceptionem. Respondeo: Quod dicitur nihil interesse, vtrum quis actionem ipso iure non habeat, an per exceptionem infirmetur, tunc locum habet, cum exceptio opposita est suo tempore. Diuersum est, si suo tempore non opponatur. At compensationi & solutioni alleganda quævis temporaria idonea sunt, ante executionem iudicati. Etsi autem hæc sententia de debitore per compensationem ipso iure liberando, non autem per exceptionem, sententia certa est, ex iis quæ dixi, tamen nonnulli loci aduersari videntur, de quibus videndum est. Primo, obstat *l. verum, ff. eod.* vbi traditur cum creditorem, qui debitori suo inuicem pecuniam debuit, si ab eo debitore petat, male petere propter compensationem quæ opponi potest. Quod dicitur male petere his verbis debitorem ipso iure non esse liberatum significatur: Nam si liberatus esset, non diceretur creditor male agere, sed nihil agere, *l. vn. in fin. D. quando dies vsusfr. leg. ced.* Respond. Cum dicimus debitorem compensatione liberari ipso iure, hanc conditionem habet, si modo velit debitor compensatione uti, nam illi liberum est non uti, *l. 2. D. eod.* Et ideo priusquam id constet, creditor habet actionem, tametsi male agat, petendo ab eo cui tantundem debet, sed postquam debitor declarauerit, se compensatione uti velle, conditione hac impleta fit, ut retro versus ipso iure liberatus intelligatur.

Deinde obstat §. *in bonæ fidei, Instit. de act.* duobus in locis. Nam illic ita scribitur, *Sed in stricti iuris iudicio ex rescripto D. Marci, compensatio per exceptionem inducebatur.* Si per exceptionem, consequens est non ipso iure, quoniam hæc inter se opponuntur, *d. l. qui seruum, §. 1. de oblig. & act.* Respondeo, Vtrumque verum est, tunc temporibus Marci Imperatoris compensationem induci solitam solum per exceptionem. Proinde nec ipso iure: Sed postea obtinuisse ut ipso iure pro soluto haberetur. Id constat ex hoc rescripto. Scimus autem multis annis secutum esse Alexandrum, auctorem huius rescripti, quo olim inducebatur compensatio per exceptionem. Temporibus Alexan. III. invaluerat, siue id ab eo constitui cœpit, siue ante constitutum esset.

Sed rursum in eodem §. *bonæ fidei*, scriptum est, *Iustinianum latius introduxisse compensationes, ut ipso iure actiones minuerent.* Si has introduxit Iustinianus, ante tempora Iustini hoc ius non fuit. Respond. Iustinianum non dicere, se introduxisse, ut compensationes ipso iure actionem minuerent, in omnibus actionibus, tam in rem quam in personam. Constituit igitur ut locus esset compensationi in omnibus actionibus, etiam in rem, de quo prius dubitabatur. Sed siue a Iustiniano constitutum est, ut compensatio ipso iure debitorum liberet, siue ante illum ab aliis Imperatoribus constitutum est, semper hoc manebit, quod hoc rescripto traditur, compensationem pro soluto haberi ipso iure, non per exceptionem.

¹² Tertius effectus adicitur, ut compensatio habeatur pro soluto, ex eo tempore, ex quo pecunia ab utraque parte debetur, ut puta debui tibi 100. ante 5. annos, ex eodem tempore debuisti mihi ex alia causa item 100. si hodie a me 100. petes, compensatio admittitur, ita ut liberer, non ex hac die, sed ex eo die, qui quinquennium antecessit, quoniam eo tempore ab utraque parte pecunia debebatur. Sed videtur otiose hoc cauteri cum nihil intersit vtrum ex hac die liberer, an vero multo ante. Nam finis compensatio-

nis est, ut debitor creditorem agentem remoueat, ut ex petitione condemnetur, *l. 2. D. eod.* At si debitor compensatione opposita ex hac die remouet creditorem, tam eum remouet, & tam consequitur liberationem, quam si liberaretur quinquennio ante. Quid igitur refert constitui, debitorem liberari ex eo tempore, ex quo pecunia utrinque debetur, potius quam ex hoc tempore, quo nunc agitur, & compensatio exponitur? Respondeo, ad principales quantitates quæ compensabantur nihil interest, solum hoc statui utile est propter vsuras pecuniæ petita. Nam quocitius principalis pecuniæ obligatio sublata est, eo citius eius pecuniæ vsuræ deberi desinent, quoniam ¹³ vsuræ non possunt dari sublata principali obligatione, *l. eas, in pr. inf. de vsur.* Sit igitur hoc exemplum.

Debui tibi ante quinquennium 100. & debui sub vsuris, de quibus inter nos conuenit, quæ vsuræ, toto quinquennio a me tibi solutæ non sunt, tu vicissim mihi ex alia causa debuisti 100. Hodie 100. a me petis principaliter tibi debita, & vsurarum nomine, quæ per quinquennium solutæ non sunt, petis 25. Ego compensare volo 100. quæ mihi debes in illa 100. quæ ego debeo, citra controuersiam admittetur compensatio utriusque quantitat. Sed quæritur an amplius a me petere possis, 25. vsurarum nomine? Quæstio in eo est ex quo tempore mihi debere cœperis 100. Nam si paulo ante hanc petitionem tuam debere cœpisti, vsuras præteriti temporis totas tibi debeo, nec compensatione tollentur, quia compensatio non admittitur in præteritum tempus, quo tu mihi pecuniam non debuisti. Sed si tu 100. mihi item debuisti ante quinquennium, eodem tempore euenit, ut liberer a te ut 100. quæ principaliter debui, & vsuras eius 100. tibi omnino non debeam, quia sublata obligatione principali, ante quinquennium, quod contingit compensatione, non potui tibi eius sortis exinde debere vsuras: optima ratione, quia si tibi 100. soluissem, ante quinquennium, sine dubio vsuras eius sortis non deberem, *l. acceptam, infr. de vsuris.* Compensatio autem admissa, facit, ut videar tibi soluisse ex illo tempore, consequens igitur, tibi ex eo tempore vsuras non deberi.

Et hæc est sententia, quæ confirmatur in extremis verbis huius rescripti cum dicitur, *admitti compensationem usque ad concurrentes quantitates, & eius solius pecuniæ quæ debetur, vsuras peti posse.* Si ei⁹ pecuniæ quæ reliqua est, vsuræ peti possunt, cōsequens est eius pecuniæ, cuius obligatio compensatione sublata est, vsuras amplius peti non posse. Id aperitius expressum est in *l. eius, seq.* vbi hæc verba sunt: *Compensationis a-*
quantitas & vsurarum compensationem excludit. Est enim ¹⁴ hic sensus, admissa compensatione concurrentium quantitarum, quæ inuicem debentur, vsuræ earum quantitarum computari amplius non possunt. Sed huic sententiæ ipsum hoc rescriptum aduersari videtur, cum subiicitur: *Compensationem admitti ut dixi, usque ad concurrentes quantitates inuicem debitas.* Ergo in specie proposita compensatio admittetur usque ad 100. quæ tibi debeo, & quæ inuicem tu mihi debes. Ultra autem non admittitur compensatio pro soluto, ac proinde vsuras quinquennii integras adhuc tibi debeo, quia hæc 100. summam excedunt, Respondeo, neque fors principalis, in specie proposita debetur, neque eius sortis vsuræ, ex eo tempore, quo compensatio admittitur: nec aduersatur, quod dicitur compensationem non admitti, nisi usque ad concur-

concurrentes quantitates. Quod enim usura quin-
quennii præteriti, a me non præstantur, non fit per
compensationem, neque enim compensari potue-
runt usura, quæ nullæ fuerunt, sed eo fit, quia sublata
obligatione 100. ante quinquennium, non potui ex-
inde tibi eius sortis debere, propter ea quæ supra dixi.
Non ergo hic tollit obligatio usurarum, sed vere cedit,
nō tollitur usura debita, sed ab initio nō debentur.

15 Quartus effectus ꝑ adiicitur, qui præcedentium
temperamentum continet, placet enim compen-
sationem admitti pro soluto, sed dixi usq; ad cōcurren-
tes quantitates. Finge hoc modo: Debui tibi 100. tu
ex alia causa mihi debes 50. si a me 100. petas, recte
opponam tibi compensationem 50. quæ mihi inui-
cem debes: sed hac compensatione hoc solum con-
sequor, ut liberer, nō in 100. quæ petis, sed in 50. quæ
inuiquem mihi debes. Hoc superioribus consequens
est. nam si compensatio habetur pro soluto, non po-
test ultra quam solutum intelligi. Non intelligor au-
tem amplius tibi soluisse, quam quantum de meo ap-
ud te est. De reliquo autē quid fiet? Subiicitur in re-
scripto, *eius solius quod amplius apud alterum est usuras
deberi, si modo & petitio eorum consistit.*

Mancamus in eodē exemplo: Debui tibi 100. ante
quinquennium sub usuris, de quibus inter nos cōue-
nit, quos toto quinquennio tibi non solui. Ex eodem
tempore debuisti mihi 50. sine usuris, si 100. & usuras
quinquennii a me petas, compensatione opposita,
consequar, ut tibi 50. sortis non debeam, idque ex eo
tempore quod antecessit quinquenniū. Vnde simul
eueniet, ut tibi eiꝑ partis usuras nō debeā ex illo ipso
tempore, quo sortē debere cœpi: solum 50. reliqua
a me petere potes, ad quæ compensatio non perue-
nit, simul & eius partis usuras, si modo usurarum pe-
titio subsistat. Quod ideo adiicitur, quia interest,
quomodo de usuris præstādis inter nos conuenierit.
Nam si conuenit pacto, usuras non debeo, si stipulor,
debeo, & a me petere potes, l. 3. *infr. de usur.* Huius
eiusdē partis appositissimum exemplū est in *Letia seq.*

Ad L. 5. etiam.

Imp. Alexand. A. Honoratæ.

*Etiam si fideicommissum tibi ex eius bonis deberi con-
stat, cui debuisse te minorem quantitatem dicis: æquitas
compensationis usurarum excludit computationem. Pe-
titio autem eius, quod amplius tibi deberi probaueris, sola
relinquitur.*

S V M M A R I A.

- 1 Fideicommissi petitioni an compensatio opponi possit.
- 2 Compensatione in certam summā admissa, an possint
eius partis usura in certū tempus præteritum recte
peti, quia eo tempore in fideicommissio cessatum est,
& ideo usura debita sunt.
- 3 Compensatio pro soluto habetur ex eo tempore, ex quo
pecuniam utrinque deberi cœpit.

DEbui Honoratæ 100. ex causa fideicommissi re-
lictī ei testamento patris a me, qui patri successi:
& cum eius fideicommissi moram facere cœpissē,
ante quinquenniū puta ab Honorata interpellatus,
ex eo tempore usuras fideicommissi debere cœpi. Nam
in fideicommissi persecutione ut fructus fundi veniunt
ex mora, sic fideicommissio pecuniæ post moram usuræ
accedunt, quæ in bonæ fidei iudiciis, in legatis & fi-
deicommissis vicem fructuū obtinent, l. *usura*, D. de
usur. Eadem Honorata ante quinquenniū mihi mi-
norem quāritatē ex alia causa debuit, puta 50. & de-

buit sine usuris. Illa hodie a me 100. vna cum usuris
quinquennii petit, ex causa fideicommissi. Ergo com-
pensationem 50. mihi debitorum opponere volo &
postulo, ut in ea quoque 50. usuras præteriti tempo-
ris non præstem.

Hic duo quæruntur ab Honorata. I. An ꝑ petitioni fi-
deicommissi possim opponere compensationem? Resp. Et si
fideicommissum ab Honorata petatur, tamen ei pe-
titioni compensationē opponi posse. Cur dicitur, *et-
iam si fideicommissum petatur?* Resp. Quia dubitabatur
an huic petitioni compensatio opponi possit? Dubi-
tationis causa nō ea est, quam Accursius reddit, quia
lege veteri fideicommissum peti non possit. Nam et si
olim initio fideicommissorū, debebant fideicom-
missa ex fide heredū, tamen iam alia multo ante tem-
pora huius rescripti actio cōstituta erat de fideicom-
misso, et si cōstituta esset extra ordinem iuris, *inst. de
fideicom. ser. in pr. l. pecunia verbum, §. actionis, de verb.
signifi.* Deinde quo minus fideicommissum peti pos-
sit iure, eo magis & citius compensatione remouē-
potuit. Sed dubitatio ex eo est, quod videri potuit fi-
deicommissi præstatio præter ceteras causas maxime
fauorabilis, propter supremā voluntatem testatoris.
Nam publice interest primo quoq; tempore volun-
tates testantium ex tū habere, l. *vel negare, quemad-
modum test. aper.* Placet igitur nō obstare hunc fauo-
rem, quo minus fideicommissi petitioni compen-
satio opponatur, idq; propter compensationis equita-
tem, quod verbum in rescripto exprimitur, ut sit re-
scripti ratio.

Alterum ꝑ ab Honorata quærītū est, si compen-
satio fideicommissi in 50. cōmittenda est, an nō pos-
sit saltem eius partis usuras in quinquennium præter-
itum recte petere, quia toto quinquennio in fidei-
commissio cessatū est, & ideo usurae iure debita sunt.
Respondetur, neq; eorū 50. usuras deberi, compen-
sationis æquitatem, computationē usurarum exsolue-
re. Ratio intelligitur ex l. præcedenti. Nam compen-
satio ꝑ pro soluto habetur ex eo tempore, ex quo pe-
cunia utrinq; deberi cœpit. In proposito autē fingi-
mus me tibi debuisse 100. ante quinquennium, te vi-
cissim mihi debuisse ex eo tēpore 50. Proinde ex eo
tempore usuras tibi debere non potuisse eius partis,
quæ compensatio sublata est. Et ideo quod dicitur
in hoc rescripto: *Æquitatem compensationis excludere
compensationem usurarum:* sic intelligendum est, ut
excludat de eo tempore, ex quo pecunia utrinq; de-
beri cœpit. Non adiicitur id quidem hoc loco, sed sa-
tis intelligitur, hoc ipso, quod nominatur compen-
sationis æquitas. Nam hæc æquitas introducit retro-
uersis, ex eo tempore, ex quo pecunia inuicem debe-
tur, *dist. l. 4. supr.* Ergo solius eius summæ, quæ am-
plius debetur petitio Honoratæ relinquitur, ut sub-
iicitur in rescripto. Summa enim quæ in proposita
specie amplius debetur est 50. aureorū sortis, & eius
partis usurarum.

Ad L. 6. Neque scriptura.

Imper. Alexand. A. Pollidenti.

*Neg. scriptura, quæ cautū est, accepta, quæ negas tra-
dita, obligare te contra fidem veritatis potuit, & compen-
sationis æquitatem iure postulas, non enim prius exsolui,
quod deberete constiterit, æquum est, quam petitioni mu-
tua responsum fuerit, eo magis quod ea te persequi dicis,
quæ a muliere diuortii causa amota quereris. PP. Dat.
Kal. Decemb. Alex. A. III. & Dione Cos.*

S V M M A R I A.

1. *Maritus an ex scriptura sua, qua se dotis nomine 100. ab uxore accepisse fateatur, soluto matrimonio conueniri, & 100 reddere debeat.*
2. *Repetitioni dotis an iure opponi possit compensatio.*
3. *Dotis causa in omnibus rebus maxime fauorabilis.*
4. *Maritus ob res ab uxore amotas an compensatione uti & dotem retinere possit & nn. seqq.*
5. *Retentio dotis & compensatio dotis quid differant.*
6. *Prioribus legibus quod est cautum, posterioribus comprehensum videtur, nisi nominatim sint contraria.*

Maritus scripserat, se 100. nomine dotis ab uxore accepisse. Soluta matrimonio diuortio, conueniebat de dote ex hac scriptura. Is petitionē remouebat hoc modo. Dicebat se partem non accepisse, eoq; reddere nō debere. Quod accepisset partē, fatebatur, sed obieciebat compensationem, q̄ diceret sibi res ab uxore remotas esse ad eandem quantitatem, quam alioqui debuisset. Vtriusq; rei fiebat ei cōtrouersia ab uxore. Ac primo de ea parte, quā maritus se accepisse negabat, mulier referebat, nihil ad rem pertinere, quod eam summam nō accepisset, quoniam etiam si non accepisset, tamen satis obligaretur scriptura, in qua & scripserat se accepisse, & promiserat se redditurū. Hic igitur prima fuit quæstio: *an teneretur maritus, quamuis constaret eum non accepisse?* Respondetur: Eum ꝑ reddere nō debere quod non accepit. Nihil ad rem pertinet, q̄ scripsit, se accepisse, & se redditurum promisit. Non enim potuit ꝑ scriptura eum obligare. Ratio sumta est ex vi & natura cuiusq; scripturæ: Scripturæ enim adhibetur vt per eas res probentur, non vt res gerantur, & ex iis contrahatur obligatio, secus quam natura rei gesta postulat. *leg. cum res. supr. de probat. l. 4. de fid. instr.*

Sed huic sententiæ opponitur, quod scriptum est de literarum obligatione in principio Qui scripsit se pecuniam accepisse, post bienniū scriptura obligatur. Idem comprehensum est in *l. si intra. supr. de non num. pec.* vbi dixi. Et hoc in scriptura dotis traditur in *l. in contrahentibus, §. 1. & §. supr.* si quis confessus sit se dotem accepisse, intra certum tempus habere exceptionem non numeratę dotis, post quod confessioni suę stare cogitur, vbi & de eo dixi. Resp. Hęc dicta sunt de eo creditore, qui intendit se pecuniā numerasse, & vt numeratā repetit. Quod si fateretur se non numerasse, & repeteret, cōcessimus ad *d. l. si intra*, eū audiendum non esse. Illicitam enim esse hanc petitionem, quia illicitum lectu peteretur, *leg. illicitas, de offic. presid.* Sed hoc loco agitur de ea muliere, quæ non petebat dotem nisi ex scriptura, quasi sola scriptura maritus obligatus esset, ad reddendam dotem. Quæ oratio non pertinet nisi ad eam mulierem, quæ fatebatur dotem non esse numeratam, sed nihilominus contendebat maritum scriptura sua obligari, quod non ita esse hic responderetur, de quo plura dixi ad *l. 2. supr. de non num. pec.*

De altera parte, quam maritus se accepisse fatebatur, & propter quam cōpensatione uti volebat: Mulier dicebat, *compensationem nō esse admittendam.* Vnde de ab ea quæsitum est. An hic quoq; ꝑ compensatio iuste postularetur? Probabilis causa dubitationis nulla esse potuit pro muliere, nisi mulier dotem repeteret. Nam in ceteris causis ius commune certum erat compensationem creditoribus opponi posse, *l. 2. D. h. t. l. si constat. §. h. tit.* Sed in causa dotis probabilis dubitatio fuit, an repetitioni dotis iure opponi

possit compensatio, propterea quod dotis ꝑ causam ꝑ præcipuam esse in omnibus rebus placuit, id est, maxime præter ceteras causas fauorabilem, *l. 1. D. solut. matr.* Et ob hanc causam finimus initio maritum scripsisse, se accepisse pecuniam, nō ex causa mutui, sed ex causa dotis sibi numeratam. Sed vt procederet quæstio & dubitatio huius loci, quæ alioquin alia causa nulla iusta esse potuit, responderetur, quemadmodum maritus restituere non debet partem quam non accepit, ita & in ea parte, quā se debere fateretur, iuste compensationis æquitatem eum postulare, vt intelligamus etiam repetitioni dotis, rei maxime fauorabilis, recte compensationem obici. Non additur hoc loco, compensationem recte postulari in ea parte reliqua, quam maritus fateretur, & quam debuit, sed hoc statim in versu sequenti exprimitur.

Non obstat, quod dotis causa præcipua esse dicitur. Nā hic fauor nō facit quo minus recte hic compensatio admittatur. Ratio significatur in hoc rescripto, cum nominatur compensationis æquitas. Significatur enim eam æquitatem esse compensationis, vt nulla in causa priuata reici possit. Et merito: Nam si maritus dotem iam soluisset mulieri, omnes intelligerent dotem amplius ab eo peti non posse. Nunc autem compensatio pro soluto est, *l. si constat, supr.* Non est igitur æquum vt compensatione opposita, dos repetatur. Additur in rescripto, eo magis compensationem admittendam esse, quia maritus perfequeretur eas res, quas queritur sibi ab uxore amotas. Ergo ob res ab uxore remotas ꝑ maritus cōpensatione ne uti, & dotem retinere potest. Hic duo obstant *l. vn. §. sed nec retentio, j. de rei vxor. act.* vbi cauetur retentionem dotis marito nō concedi ob res ab uxore remotas. Respon. Nō conceditur retentio dotis, quæ retentio est sine compensatione, sed compensatio non prohibetur, vt hoc loco. Retentio ꝑ sine compensatione est, cum species in dotem marito datæ sunt, quas retinere vult, ob res sibi amotas: hic non est locus compensationi, quia non est compensatio, nisi vbi vtrinq; pecunia debetur. *l. si constat, supr.* Item retentio est sine compensatione, vbi pecunia in dotem data est, sed species marito amotæ, quas compensare vult cum pecunia accepta. Hic cōpensatione locum non habet, eadem ratione, quia pecunia vtrinq; non debetur, hic ergo retentio est sine compensatione. Hęc retentio prohibetur, in *d. l. vn. §. taceat.* Sed compensatio non prohibetur, vt hoc loco, cui tunc locus est, cū maritus pecuniam in dotem accepit, & ei pecunia debetur ob res amotas, huius pecunie inuicem ei debita compensatione rectissime vititur. Mouere nos non debet, q̄ *l. vn. §. taceat*, generaliter prohibetur retentio dotis, & in cōpensatione inest dotis retentio, is enim compensat, qui retinet quod debet, pro eo quod sibi debetur. Nam retentio generaliter illic prohibetur. In toto iure generi per speciem derogatur, & id potius est, quod ad speciem dirigitur, *l. in toto, de reg. iur.* Retentionis species est compensatio: de hac specie hic comprehensum est, compensationem in petitione dotis admitti.

Hactenus igitur generali illi constitutioni de retentione derogatur. Nec ad rē pertinet, quod hæc lex prior est, illa aut Iustiniani multo est posterior. Nam hic seruari oportet regulam illam: *Semper priores leges ad posteriores trahi, & contra, posteriores trahi ad priores, vt sit sensus.* Quod prioribus ꝑ legib. cautum est, posterioribus cōprehensum videri, nisi nominatim sint

tim sint contraria, *l. non est nouum. l. ideo. l. sed & poste-
riores, de legib.* Præterea huic compensationi obstat,
quod maritus vult compensare res id est, species sibi
amotas, in pecuniâ quam debet. Speciei cum pecu-
niâ nulla compensatio est, sed vtrinque; pecuniâ in-
uicem esse oportet, *d. l. si constat, supr.* Respondeo &
hoc ita esse, admittendum est itaque quod dicitur:
Maritum opponere posse compensationem ob res
amotas. Sic intelligendum est, si res amotæ non ex-
sint, quarum rerum æstimatio debeat a muliere,
l. in re furtina. de cond. furt. Idem est si conueniat inter
maritum & mulierem de æstimatione earum rerum
præstanda. Nō obstat, quod nihil huiusmodi, rescrip-
to hoc exprimitur, satis enim intelligitur verbo ip-
so compensationis, quod verbum locum nō habet,
nisi cum constat pecuniam vtrinque deberi, *dict. l. si
constat, supr.*

Quæsitum est: *Quid si mulier neget, se res amouisse,
neque se quicquam marito eo nomine debere?* Hic adiici-
tur in extremo, nihilominus petitionem mariti ad-
mittendam esse, dum doceat, res sibi amotas, vt que-
ritur: non esse æquum eum mulieri condemnari,
priusquam mulier eius petitioni responderit. Id adeo
iure veteri placuit, in mutuis petitionibus, vt si iudex
debitorem cōdemnaret petitori, priusquam de mu-
tua petitione debitoris agnosceret: placeret ipso iure
sententiam non valere: tamen si tutius est ab eo ap-
pellare, *l. 1. §. ult. D. qua sent. fin. appel. rescin.* Hinc ap-
paret iure veteri, compensationis obiectioni locum
fuisse, etiam si quis obiceret debitum nō liquidum.
Quod ius immutatum est a Iustiniano, in *l. ult. infr.*
vbi dicitur.

Ad L. 7. & 8.

DE his partim iam dictum, partim dicitur in se-
quentibus legum explicationibus.

Ad L. 9. Eius.

Imp. Gordianus. A. Eumenidi.

*Eius, quod non ei debetur, qui conuenitur, sed alius,
compensatio fieri non potest.*

S V M M A R I A.

- 1 Conuentus cōpensare potest, quod sibi debetur a cre-
ditore, non autem, quod a creditore alii debetur, et-
iam si is compensare paratus sit.
- 2 Qui ex persona alterius eius iure & defensione vti
possunt.
- 3 Procurator nomine domini conuentus an compensa-
re possit, quod domino debetur, ab eo qui agit.
- 4 Defendere quid.
- 5 Procurator compensans an cauere cogatur, dominum
compensationem ratam habiturum.
- 6 Potestas compensandi cur ratum procuratori in rem
tribuat.
- 7 Fideiussor an compensare possit quod sibi inuicem a cre-
ditore debetur: an & id quod debetur reo principali.
- 8 Vnus ex promittendi reis, si a stipulatore conuenia-
tur, an possit compensationem obicere.
- 9 Filiusfam. si societatem contraxerit, & a socio eo no-
mine conueniatur, an possit vna compensatione eius,
quod patri debetur, ab eo qui agit liberari.
- 10 Filius quod contraxit perinde habetur, quasi pater
contraxisset, & ideo obligatio patri acquiritur.

Qui si conuenitur, compensare potest, quod sibi
debetur a creditore, non autem quod a credito-
re alii debetur, etiam si creditor creditoris paratus sit,
compensare nomine eius, qui conuenitur, *l. in rem, §.*

*ult. D. eod. natum ex regula quæ traditur in l. si constat,
supr.* Sed hæc definitio cautione indiget, sic enim ac-
cipienda est, nisi is qui conuenitur, velit compensa-
re quod debetur ei, cuius iure & defensione potest
vti ex sua persona. Nā qui aliis defensionibus ex per-
sona alterius vti potest, idem & cōpensatione ex per-
sona eius vti potest, nā imprimis compensatio iusta
defensio est, quæ etiā pro solutione habetur, *l. 4. §. b. r.*

Sunt autē quatuor, qui si ex persona alterius iure
& defensione eius vti possunt: Procurator ex perso-
na domini, fideiussor ex persona rei principalis, vnus
ex duob. reis sociis ex persona alterius, & filiusfam.
ex persona patris. Procurator si si nomine domini
conuenitur, compensare potest, quod domino debetur,
ab eo qui agit, *l. posteaquam, D. eo.* Ideo quia procura-
tor conuentus nihil amplius debet, quam dominum
defendere, *l. seruum quoque, §. ult. de proc.* Defendere
autem, si est eandē vicem, quā reus principalis, sub-
ire, & iisdē vti defensionibus, *l. sed & ha. §. defendere, l.
minor, de proc.* Idque adeo verum est procurato-
rem facere posse, vt dum opponat compensationem
eius quod domino debetur, tamen si non cogatur cau-
ere, dominum eam compensationem ratam habi-
turum, *vt est in d. l. posteaquam, D. eo.* Sed obstabat Paulo
hæc ratio: Qui compensatione vtitur, agit *l. in rer. de
administ. tut.* Qui alieno nomine agit ex dicto præ-
toris debet cauere dominum ratum habiturum, *l. ser-
uum quoque, §. ult. de proc.* Ergo qui compensat ex per-
sona domini, cauere debet dominum hanc compensa-
tionem ratam habiturum. Huic obiectioni tacitæ,
Paulus illic occurrens ita respondet, procuratorem
ideo hic de rato cauere non debere, quia non com-
pensat, sed minus ab eo petitur. Nō compensare ait,
quia iam ante dominus ipso iure liberatus est benefi-
cio compensationis. Itaque cum procurator compen-
sationem obicit, non tam ipse compensat, quam com-
pensationem iam factam allegat. Ideo aut compen-
satio iam ante posita videtur, quia dominus intelli-
gitur procuratori mandasse, vt faceret, quæ ipse do-
minus in sua causa facturum esset. Dominus autem
compensatione vtens consequeretur, vt retro ver-
sus intelligeretur esse liberatus.

Sed si quis si procurator potest cōpensare id quod
domino debetur, quid sibi vult, quod hæc potestas com-
pensandi tribuitur tantum procuratori in rem suam,
*in l. in rem suam, in pr. ff. eod. vbi ita scriptum est: In rem
suam procurator datus si post litis contestationem vice mu-
tua conueniatur, æquitate compensationis vti potest.* Re-
spondeo: In commune hoc tribuitur omnib. procu-
ratoribus, tam in rem suam factis, quam extraneis, vt
compensationem opponere possint, eius quod do-
mino debetur. Hoc propriū est procuratoris in rem
suam dati, vt possit compensare etiam quod sibi de-
betur. Itaque quod *in d. l. in rem*, ita scribitur: Cōpen-
sationis æquitate vti potest, sic accipiendum est, non
tantum ex persona domini, sed etiam sui, de quo po-
steriore iusta dubitatio esse poterat. Nā procurator
etiam in rem suā datus, agit ex domini persona man-
data actionibus, quod totum quale sit, exposuimus *ad l.
1. §. de obl.* Consentaneum igitur videbatur, vt qui
conuenitur ex persona domini, possit tātum cōpen-
sare quod domino debetur, vt restora geratur ex perso-
na domini. Sed sciendum est procuratorem in rem
suam datum, sic forma agendi agere, ex persona do-
mini, qui actionē ei cessit, vt tamen teipsa & effectu
procurator sit vere dominus, quia res commodo &

& periculo eius geritur, *l. procuratore in rem sua dato, D. de proc.* Proinde defensio compensationis ei dabitur etiam lite nondum contestata, sed multo magis, si post litis contestationem conveniatur, quia tunc maxime dominus esse incipit: nam & ceteri procuratores omnes post litis contestationem, litis domini fiunt, *l. pro rebus, l. nulla, supr. de proc.*

7 Secundo, Fideiussor ꝑ quoque si conveniatur primum citra controuersiam recte compensabit, ex hoc loco, quod sibi inuicem a creditore debetur, sed hoc amplius etiam compensare potest, quod debetur reo principali, *l. s. D. eo.* quia alii debetur, sed iure suo, quoniam ex persona rei principalis, omnis exceptio, & omnia commoda rei, fideiussori competunt etiam inuito reo, *l. ex persona, de fideius.* Est & huius iuris hæc ratio, quia cum fideiussor convenitur, videtur magis ipse reus principalis conveniri, *l. quod dict. de pact.* Proinde cum fideiussor compensabit, quod reo debetur, magis videtur reus ipse compensare quod sibi debetur.

8 Tertio, præterea ꝑ vnus ex promittendi reis, si a stipulatore cōueniatur, potest obicere cōpensationē eius ꝑ alteri ex reis debetur, si modo rei socii sint, *l. si duo, de duob. reis promitt.* Id habet hæc rationem, quia cū inter eos, societas cōtracta est, societas facit, vt quod socii est, meum esse intelligatur: & ꝑ meum est, intelligatur esse socii, rebus omnib. iure societatis inter nos communicatis, *l. 1. in fi. & l. 2. 3. in pr. pro socio.* Quid ergo si duo rei promittendi socii non sint? Diserte traditur *in d. l. si duo*, vno conuento nihil ei prodesse ad compensationem, quod alteri debeatur a stipulatore huius scilicet, quia illud pertinet ad reg. iur. huius loci. Vnus enim ex persona alterius non conuenitur. Sed hic obiicitur id ꝑ de fideiussore supra dixi. Nam fideiussor compensare potest etiam ꝑ reo debeat. At duo rei promittendi, dicuntur intelligi esse vice mutua fideiussores, quasi vnus ꝑ altero fideiussor alteri principali reo, *l. reus, in pr. ff. de duob. reis.* R. sp. Duo rei promittendi intelliguntur esse vice mutua fideiussores. Intelliguntur, id est, videntur esse, non sunt, vel intelliguntur quodammodo seu ad aliquid, nēpe ad hoc, vt diuidi inter eos actio possit volente stipulatore, de quo respondetur, *in dict. l. reus.* Ceterum ultra fideiussores non sunt, idq; manifestissimum est, ex eo, quod duo rei promittendi sunt duo principales rei, *§. 1. inst. de duob. reis stip.* Neuter ergo eorum fideiussor est, quoniam fideiussor nō est principalis reus, sed accessio principalis obligationis, *§. fideiussores, Insti. de fideiuss.*

Sed rursus hic obiiciat aliquis, in obligatione duorum reorum, vna res & vna obligatio versatur, quæ res facit, vt vno liberato, quocunque modo liberatus est, alter liberetur, *l. 3. in fin. de duob. reis, §. 1. Instit. de duob. reis.* Ergo vno compensatione liberato, consequens est etiam alterum liberari. Ita consequens etiam vnum vt posse compensationem ex persona alterius, quamuis socii non sint. Respon. Non est dubium quin vnus possit vt compensationem ex persona alterius, si alter fuerit compensationem iam liberatus. Sed intelligendum est, alterum compensationem non liberari, nisi ipse cōuentus, opposuerit compensationem eius, quod ei inuicem debetur. Hanc compensationem solum ille obicere potest, alter autem cui nihil debetur, non potest, idque est, de quo nunc queritur *d. l. si duo, de duob. reis.*

9 Postremo ꝑ filiusfamilias si societatem contraxerit,

& a socio eo nomine conueniatur, potest vna cōpensatione, eius quod patri debetur, ab eo qui agit liberari, *l. si cum filiofamil. vers. 2. D. eod.* vbi adiicitur hæc ratio, quia vnus contractus est, id est, quia contractus societatis, quæ inita est a filio, vnus est inter socium filiumfamilias & patrem filiifamilias. Nam secundum regulam iuris, quod filius ꝑ contraxit perinde habetur, quasi pater contraxisset, & ideo obligatio patri acquiritur, *l. ult. de stip. seru.* Hac ratione intellecta, habemus vnā rationē, qua hic vtamur. Ergo filiusfamilias conuentus a socio, potest compensare etiā quod patri debetur ab eo qui agit, quia filius ex persona patris conuenitur. Tamen enim filiusfamilias ab initio contraxit, tamen potestate iuris, obligatio patri tota quæ sita est, quasi ipse contraxisset. Vt igitur, si procurator conueniretur ex persona domini, recte defensionibus domini vti posset, vt initio ostendimus, sic ex persona patris conuentus filius recte eadem defensione & compensatione vti potest. Vnde intelligimus quod respondetur, *in d. l. si cum filiofamilias*, in specie societatis a filio contractæ, non debere consistere id intra idem exemplum, sed referri debere ad omnē contractum filiifamilias, vt si filius postea cōueniatur, eo nomine possit compensare id, quod ab auctore patri debetur. Sed adiicitur illic hoc temperamentum, dummodo filiusfam. compensando id quod patri debetur, caueat patrem ratum habiturum.

Hic opponitur *l. posteaquam, D. eo.* vbi in procuratore dicimus, procuratorem posse vti compensatione ex persona domini, neque necesse habere cauere, ratum habiturum dominum, quia non compensat. Cur non in filiofamilias, eadem ratione idem dicimus? Respond. Differentiæ ratio hæc est, quia cum procurator datur, intelligitur ei mandari, vt omnia faciat, quæ dominus in re sua faceret. Dominus autem sine dubio conuentus compensaret quod sibi debetur. Hoc ergo & procurator facere poterit, quasi ex mandato, quo interueniente rati habitio non desideratur, *l. 6. de cond. indeb.* At filiusfamilias patris procurator non est, vnde merito cautio ab eo exigitur, fore vt pater ratam habeat compensationem.

Ad L. ultim.

Imp. Iustinianus A. Ioanni. P.P.

Compensationes ex omnibus actionibus ipso iure fieri sancimus, nulla differentia in rem vel personalibus actionibus inter se observanda; Ita tamen compensationes obici iubemus, si causa, ex qua compensatur, liquida sit, & non multis ambagibus innodata, sed possit iudici facilem exitum sui prestare. Satis enim miserabile est post multa forte variæque certamina, cum res iam fuerit approbata, tunc ex altera parte, qua iam pene conuicta est, oppositi compensationē iam certo & indubitato debito & moratoris ambagibus spem condemnationis excludi. Hoc itaque iudices obseruent, & non procliuiores ad admittendas compensationes existant: nec molli animo eas suscipiant: Sed iure stricto videntes, si inuenerint eas maiorem & amplius rem exposcere indagine, eas quidem alii iudicio referrent, litem autē pristinam iam pene expeditam, sententia terminali componant: excepta actione depositi secundum nostram sanctionem, in qua nec cōpensationis locum esse disposuimus. Possessionem autem alienam perperā occupanti, bus compensatio non datur.

SUMMARIA.

1 Compensatio an in omnibus actionibus, siue in rem, siue

- siue in personam locum habeat, præcipue vero an in actionibus in rem opponi possit, & nu. seqq.
- 2 Compensationi locus non est, nisi cum pecunia petatur.
 - 3 Compensationis effectus.
 - 4 Compensatio quomodo admittatur ipso iure in omnibus actionibus & nu. 5.
 - 6 Causa quomodo fiat liquida.
 - 7 Causa liquida est quæ facilem exitum suo iudici faciat.
 - 9 Debitor si initio negauit se debere creditori, deinde conuictus ad compensationem confugit, an sit audiendus.
 - 8 Ad probandam compensationem duo menses dantur.
 - 10 Compensatio quando possit opponi, & quando non, num. 11.
 - 12 Compensatio non habet locum in actione depositi, & ea actione quæ repetitur res vi occupata. Rationes ibid.

Complectitur hæc constitutio tria capita obseruanda de cōpensatione. Primū, in quibus causis & actionibus compensatio locum habeat. Secundū, quis sit effectus. Terriū, quando locum habeat.

De actione ita constituit, compensationi locum esse in omnibus actionibus tam in rem, quam in personam. Effectum compensationis hoc esse vult, vt in omnib. actionibus ipso iure minuat obligationem. Tempus hoc statuit, vt tunc admittatur, cum causa ex qua compēsatur est liquida. In actione, excipiuntur quædam, in quibus compensatio nō admittitur, quæ est summa constitutionis. Hæc capita sigillatim expectamus.

De actione† ergo statuit compensationi locū esse non tantum in actione in personā, sed etiam in rem. De actione in personam ius certum fuit, cum videlicet pecunia debita petitur, *l. 4. sup.* De actione in rem ius dubium fuit, & verisimile est, in his compensationem insolitam fuisse. Hoc igitur constituit, vt etiam in actione in rem, compensatio admittatur. Sed huic parti duo obstant. Primo, quod pecuniæ vel speciei cum specie petita nulla compensatio est, nam pecuniam inuicem deberi oportet, vt sit compensationi locus, *l. 4. sup. hoc titul.* At in actione in rem pecunia numerata non petitur, sed certa species, & singularis, quæ vindicatur, *l. si in rem, 6. de rei vindicac.* Ergo siue possessor speciem aliam, siue pecuniam in speciem petitam compensare velit, non audietur, refragante compensationis natura. Hæc ratio mouere nos potest, vt mutemus sententiā communem, quam posuimus *ad l. 4. sup.* Putemusque etiam speciei, vel quantitatis, cum specie petita compensationem induci posse exemplo actionis in rem, in qua species petitur, & tamen compensatio in eam speciem admittitur. In qua sententia & doctissimi interpretes fuerunt, vt Duarenus, qui multis hanc sententiā defendit, in *l. fructus, §. ob donationes, solut. matrim.*

Id ne nos cum illis moueat, statuemus verissimum esse, quod vulgo placet: non† esse compensationi locum, nisi cum pecunia petitur, & compensare vult, qui conuenitur. Et in summa non esse compensationem nisi pecuniæ cum pecunia, pecuniæ autem cum specie, vel speciei cū pecunia, vel speciei cum specie petita compensationem nullam esse. Hæc sententia & certis locis, & manifestis rationibus iuris defendi-

tur. Locū præcipui in hanc sententiā sunt duo, videlicet, *Lex 4. sup.* vbi disertè scriptum est, compensationem pro soluto haberi, hac cōditione, si constet pecuniam inuicē deberi. Item *l. si conuenit, 2. respon. de pig. act.* vbi exemplū proponitur huiusmodi. Debitor creditori suo dedit pignori nomen debitoris sui: creditor hac datione vltus, egit aduersus debitoris sui debitorē, cuius nomen habebat pignori, & ab eo debitore consecutus est, quod is debebat. Quæsitum est, an creditor debeat compensare cum debitore suo, quod is accepit a debitore sui debitoris? Distinguitur, si creditor pecuniā recepit, quā debitor debitoris debebat, hanc secum pensabit, quia ipsi pecunia debebatur, & inuicem pecuniā debitori suo debuit. Quod si creditor accepit speciem & corpus aliquod: negat Vlpianus id compensari, sed pignoris loco esse creditori, donec debitor pecuniam soluat. Quibus verbis aperte speciei compensationem cum quantitatū repudiat. Proinde & econuerso idem statui oportet, si pecunia compensetur cum specie petita.

Sed vt ii loci non sint, ratio iuris euidentis id ostendit, compensationi aliter locum esse nō posse, quam si vtrinq̃ pecunia debeat, vt de eo, his rationibus cognitis, dubitari nō possit. Duplex est autem huius sententiæ ratio. Vna est hæc: Inuito creditore, aliud pro alio soluere debitor non potest, *l. 2. §. 1. si cert. per.* Compensare autem soluere est, *l. 4. l. amicem. sup. hoc tit.* Ergo inuito creditore aliud pro alio compensare non potest, id est, neque pecuniā pro specie petita, neque speciem pro pecunia quæ petitur, neque pro specie aliam speciem, quam quæ ei debeat. Quinimo ita rectius dicitur. Multo facilius est solutione liberari quā compensatione, quæ non est propria solutio, sed vicem solutionis habet, *l. 4. sup. hoc tit.* Non licet autem debitori, quod est facilius, nempe soluere aliud pro alio. Non licebit igitur, quod est difficilius, nempe aliud pro alio compensare.

Altera ratio non minus certa, hæc est: Inuitus nemo emere aut vendere, aut permutare rem suam, aut sibi debitam cogitur. Et generaliter, nemo inuitus cogitur initio contrahere, *l. nec emere, infr. de iure delib. l. sicut, de oblig. & act.* At cum debitor vult aliud compensare, quā quod petitur: aut vult cogere creditorem, vt emat, aut cogere vt vendat, aut cogere vt permutet. Quare nullius harum rerum compensatio admittenda est. Assumptio sic demonstratur: Si creditor speciem perat, veluti equum debitum, & debitor velit compensare pecuniam, quæ ei a creditore debetur, is vult equum emere ea pecunia, quæ ei debetur, ac proinde cogit creditore vendere. Rursum si creditor pecuniam petit, & debitor compensare vult equum, qui ei a creditore debetur, vult equum suum vendere & ita creditorem cogere, vt emat. Nam quoties pro re pecunia datur, toties emptio & venditio est, *l. naturalis, §. 1. de præscript. verb. l. 1. dererum permut.* Quod si creditor & speciem certam petat, & debitor aliam speciem sibi debitam compensare vult: vult rem cum re permutare. Est enim permutatio, vbi species pro specie datur, *l. 1. de rerum permut.* Effectum est, nihil horum facere cogi creditorem, ex quo consequens est, nullius harum rerum compensationem esse admittendam.

Sed obiicitur hic locus, vbi placet, compensationem admitti in actionibus in rem, in quibus tamen certum est, speciem peti, nō pecuniam numeratam. Respondéo: Quod dicitur in actionib. in rem com-

penfationem fieri poffe, fic intelligendū eſt, ſi cetera concurrant, quæ defiderantur in compenfatione, id eſt, dummodo res compenſetur, in quam cadit compenſatio, & obiciatur compenſatio ei rei, cui obici poteſt. Item dum poſſeſſor cōpenſet, quod ei debetur, nō quod debetur alii. Nec ad rem pertinet, quod iſta non exprimat̃ur. Satis enim ſignificantur verbo compenſationis, hoc ipſo quod dicitur admitti compenſatio. Non eſt enim compenſatio, niſi cum ſuis conditionibus & ſua natura, id eſt, vt pecunia vtrinq; debeat̃ur, & compenſetur id quod debitū eſt, & debitum ei qui compenſatione vtitur, vt oſtendimus *ad l. 4. §. 1.* Proinde in actionib. in rem, ſic poſſeſſor pecuniā ſibi ab actore debitā recte cōpenſabit, ſi ſpecies petita exſtare definit, p̃ qua poſſeſſor æſtimationem debere incipiat, quod contingit cum res petita dolo aut culpa poſſeſſoris perit, *l. qui reſtituere, de rei vind.*

Hoc diuinare eſt, dicit aliquis. Imo vero eſt contra generalitatem eius loci, vbi ſimpliciter dicitur, compenſationem admitti in actionib. in rem. Reſp. Dixi iam ſatis, hanc conditionē contineri compenſationis verbo. Sed amplius recte ita dicimus. Non dicitur hoc loco compenſationem opponi poſſe in actionibus in rem, ſi pecunia pro re deperdita deberi cōperit. Sed etiā non negatur. Proinde quod poſtiori lege nominatim correctum nō eſt, id priorum LL. regulis relictum intelligendum eſt, *l. præcipimus. in ſ. j. de appell.* At ius vetus certum eſt, ita demū compenſationē admitti poſſe, ſi pecunia vtrinq; debeat̃ur, *d. l. 4. h. tit.* Proinde nihil facit hæc obiectio, quominus in comuni ſententiā maneamus.

Sed aliud ſecundum obſtat huic compenſationi. Nam de compenſatione ita eſt reg. iur. compenſationem admitti, ſi conſtet pecuniam vtrinq; deberi, *d. l. 4. §. h. t.* At conſtat in actionibus in rem, actore non petere debitum, ſed petere ſuū: agit præterea aduerſus eum qui obligatus non eſt, ſed qui ſolū rem poſſidet, *§. 1. in ſt. de act. l. action. de obl. & act.* Proinde vel hoc nomine ſolum compenſatio petitori obici non poterit, quia pecunia ei non debetur, Reſp. Non dubito, quin hæc obiectio mouerit veteres, cur putarent ſolum in actionib. in perſonā compenſationi locum eſſe, in actionib. in rem relicerēt, propter quam dubitationē hac conſtitutione Iuſtiniani opus fuit, quæ alioqui eſſet ſuperuacua, ſi de hac re apud veteres dubitatū non eſſet. Quin imo Iuſtinianus aperte teſtatur, ſe hoc ius introduxiſſe, vt hic in principio, & apertius *in §. in bona ſid. Inſti. de act.*

Sed tamen ne hæc quidem obiectio mouere nos debet. Verum eſt enim actione in rem, non peti rem debitā cum ſpecies ipſa numerata petitur. At re non exſtante, cum petitur æſtimatio, petitur res quæ deberi cōperit. Meminiſſe enim oportet in omnibus actionibus, iudicio contrahi, vt cōtrahitur ſtipulatione. *l. 3. §. item ſcribit, D. de pec.* Quæ res facit, vt ſimulatq; lis conteſtata eſt, in actione in rem, omnia petitori incipiant deberi, quæ in iudicium dedit̃ur. Deducitur autē rei amiſſæ æſtimatio, hæc igitur deberi incipit. Proinde ei vt pecuniā debitā, recte opponitur compenſatio alterius pecuniæ inuicem debitæ. Sit igitur hoc ratum, nihil obſtare, quo minus in actione in rem, recte cōpenſatio admittatur, cum pecunia cōperit deberi petitori, pro qua compenſare debitor velit pecuniam ſibi ab eo inuicē debitam.

Quod ſi in actione in rem recte dicitur, dubitari non debet, quin in ſimilibus omnibus cauſis & a-

ctionibus intelligi debeat, vt quotieſcunq; legimus ea actione agi, qua ſpecies petitur, & legimus compenſationem nihilominus opponi poſſe, ſic locos eos omnes accipere debeamus, vt compenſatio admitti poſſit cum ſuis cōditionibus, id eſt, cum pro ſpecie debita quæ periit, cōperit deberi quantitas, vt vbique teneamus illam ſententiā ratam, non eſſe compenſationi locum, niſi cum pecunia petitur, & in eam pecuniam compenſatur pecunia inuicem a creditore debita. Quod tamen dicitur compenſationem locum habere cum pecunia vtrinq; debetur, ſic accipiendum eſt, vt pertineat etiam ad eas res, quæ pondere, menſuraue conſtant.

Exempli gratia, Debeo tibi 10. modios frumenti, tu ex alia cauſa totidem mihi debes, recte tecum compenſabo eos, quos mihi tu debes, tametiſi non debeat̃ur vtrinq; pecunia numerata. Hoc ideo, quia ceterarum rerum, quæ pondere menſuraue conſtant, eadem natura eſt, quæ pecuniæ numeratæ. Omnes enim in ſuo genere functionē recipiunt, id eſt, idem præſtant & valent ad ſolutionem & liberationem *l. 2. §. 1. ſi cert. pet.* Defenditur hæc ſententia euidenti ratione, ne quis putet eam magis poſitam in auctoritate cōmuni interpretum, quam auctoritate iuris. Nam cum tibi debeo 10. modios frumenti, quos a te accepi, alios decem æque boni frumenti reddendo liberor, *diſt. leg. 2. §. 1. & l. 3. ſi cert. petat.* At compenſatio ſolutio eſt, *l. 4. ſupr. hoc titul.* Proinde & aliis eiufdem generis modiis recte tecum compenſabo ſolutionis vice.

Secundum caput ꝑ conſtitutionis pertinet ad effectum compenſationis. Eſt autem hic effectus, vt compenſatio fiat ipſo iure, id eſt, liberet debitorem ipſo iure, non per exceptionem. Quod quale ſit, expoſuimus pluribus, *ad d. l. 4. ſupr.* Illud meminiſſe oportebit, non fuiſſe hunc effectum inductum primum hac conſtitutione, nam & ante tempora Iuſtiniani idem ius fuit, vt patet *ex leg. 4. ex l. ſi ambo 2. reſpon. §. 1. l. poſteaquam, D. eodem.* Sed Iuſtinianus hoc ius nouum induxit, vt vellet etiam ipſo iure fieri compenſationem in rem. Cetera ad hunc locum pertinentia, reperentur ex iis, quæ dixi *ad d. l. 4. ſupr.*

Tertium caput huius conſtitutionis obſcurius & difficilius eſt, & id in quo præcipue hæc conſtitutio verſatur, in quo queritur: Quando ꝑ compenſatio admittatur ipſo iure in omnibus actionibus. Continet autem duas partes, vna eſt in qua offenditur, quando compenſatio admittatur, altera cōtraria, quæ declarat, quando compenſatio non admittatur.

Quando compenſatio admittatur, de eo hæc definitio eſt huius legis. Quoties ꝑ cauſa ex qua compenſatur, id eſt, ex qua compenſatio a debitore obicitur, liquida eſt, toties compenſatio admittitur ipſo iure, id eſt, ſemper, id eſt, non tantum initio litis, cum agitur aduerſus debitorem, ſed etiam recte obicitur compenſatio poſt litis conteſtationem, ante ſententiā, imo & poſt ſententiā recte obicitur in actione & executione iudicati. Poſtremum ſi licet facere, non dubium eſt quin priora liceant, ſunt enim faciliora priora. At primum licet, vt diſerte comprehēſum eſt *in l. 2. §. h. t.* Ergo & priora licēt. Solum exigitur, vt cauſa ex qua compenſatio obicitur, ſit liquida.

Cauſa ꝑ liquida ſit aut aduerſarii, creditoris cōfeſſione, aut ex genere cōſtitutionis, aut ex facultate & celeritate probationis. Cōfeſſione aduerſarii creditoris cauſa ſit liquida, cū debitor dicit ſibi a creditore deberi

re deberi tantundē ex causa emtionis, & creditor fatetur. In hac confessione statim compensatio admittitur, omnibus superscriptis temporibus, quia causa liquida est, ex qua compensatio obicitur, & liquida confessio aduersarii: nam aduersario confitente lis omnis & controuersia tollitur. *l. 3. §. quib. ad libert. procl. non licet.* Genere constitutionis causa liquida efficitur, ubi nascitur inter debitorem & creditorem quaestio iuris, id est, ubi creditor negat, se debere inuicem debitori, sed ita, ut de facto confiteatur, de iure neget. Ex genere, creditor 100. petit mutua a debitore: debitor dicit sibi tantum ex pretio deberi a petitore, & praeterea dicit, sibi vsuras deberi eius pretii, quia emtor moram fecerit, vel quia conuenerit inter ipsos, ut vsuras praestaret. Creditor factum fateatur, id est, se emisse, se moram fecisse in pretio soluendo, vel conuenisse de vsuris praestandis, sed ideo se non vsuras debere, quia vsura non debeatur ex mora, aut ex sola conuentione. Hic quaestio iuris introducit, utrum vsurae in emtione & venditione in bonae fidei iudiciis debeantur ex mora, aut sine mora ex conuentione, quae iuris quaestio dicitur, quia iure certo deciditur, cum de facto prius constet. Dicimus si de huiusmodi constitutione sit controuersia, compensationem admitti debere quouis tempore, quia quaestio liquida sit: liquida ideo, quia iure certo definiatur, *l. mora. §. in bona. l. cum quadam. §. ex locato. ff. locati.* & quoniam iure deciditur, idcirco quaestio certa est, quia ius certum & finitum est. *l. 2. de iur. §. fact. ig.* non quidem apud imperitos, sed peritos iuris, quales iudices esse oportet, idque intelligitur satis ex verbis huius constitutionis *in versu 2.* ubi \dagger causa liquida definitur ex parte ea, quae facilem exitum suo iudici faciat.

Celeritate etiam probationis causa liquida efficitur, cum creditor factum negat, quod a creditore obicitur, sed debitor offert probationem, ut probet, hodie rem ita se habere. Huiusmodi probatio, quoties offertur, in omnibus iudiciis recipienda est, etiam si sit momentanea, & ea quae altiore quaestione non admittat. *l. 3. in pr. ut in poss. leg. esse lic.* Ex his intelligimus, quae sit causa non liquida, ex qua compensatio obicitur. Ergo ea causa liquida non est ex sententia huius constitutionis, & superioribus partibus, quas exposuimus, quoties debitor sibi dicit aliquid deberi ex ea causa, quam debitor non possit probare nisi testibus, qui nunc non sunt in praesentia, aut instrumentis, quorum fides in dubium reuocetur. Haec sunt illae causae, quae dicuntur habere altiorē seu obscuriorem indaginem, quoniam neque facilis est probatio per testes, neque facile fides instrumentis confirmatur.

Huiusmodi debitum si opponatur, hic placet compensationem opponi non posse, sed ita ut non semper hoc casu compensatio repudietur, sed in eo haec distinctio ex sententia huius constitutionis adhibenda est. Refert utrum debitor, qui compensationem opponit debiti non liquidi, eam opponat iam conuictus debere, quod prius se debere nec probauerit; an vero eam opponat iam ab initio litis, si iam conuictus aut pene conuictus confugit ad compensationem; verba constitutionis manifesta sunt, compensationem admitti non debere, sed eam reiiciendam esse in aliud iudicium, & iudicem debere causam iam pene finitam, sententia definitiua componere *hac in vers. Satis enim. §. in vers. exist. mo. &c.*

Sed opponitur *l. aufertur. §. qui compensationem. ff. de iur. fisci.* ubi traditur, eos qui compensationem fisco opponunt, debitum intra duos menses probare debere. Quibus verbis efficitur, \dagger saltem iis duos menses ad probandam compensationem dandos esse. Id si aduersus fisco recipitur, multo magis aduersus priuatos recipiendum est, quibus debitor compensationem opponit. Et hoc argumento male Accurs. hoc loco & Bart. putant etiam iam conuicto compensationem opponenti saltem duos menses dandos esse ad probandum debitum, si modo ei condemnato totidem menses dandi essent ad iudicatum faciendum. Quae sententia speciem equitatis habere videtur. Nam nulla fit iniuria creditori, si intra tempus, quod debitori ad soluendum datur, admittitur probatio debiti, cum ante id tempus creditor exigere pecuniam iudicati non possit.

Sed verba huius constitutionis aperte refragantur, quae ut dixi iubent causam statim sententia definitiua componi, & simpliciter compensationem alii reueruari iudicio, quorum neutrum fit, si duos menses ad probandum debitum debitori concedimus. Et ideo haec sententia tenenda est: Nullo modo audiendum esse debitorem, \dagger compensationem opponentem, qui initio negauit se debere creditori: deinde conuictus aut pene conuictus confugit ad defensionem compensationis, si opponat debitum non liquidum. Moueri non debemus. *l. aufertur. §. qui compens. de iur. fisci.* Quod enim illic dicitur: Qui compensationem fisco opponat, necesse esse intra duos menses debitum eum probare posse, ex iure veteri dictum est, quod hanc declarationem Iustiniani antecessit: quo iure quisquis debitor compensationem in iudicio opponeret audiebat, quodcumque tempus esset ad probandum debitum, nec prius condemnari debebat creditori, quam creditor mutuae petitioni respondisset, ut expressum est *in l. neque scriptura. §. h. t.* Singulare ius erat in fisco, ut qui compensationem fisco opponeret, non audiretur, nisi debitum probans intra duos menses. Hoc ius emendatum est hac constitutione, & placuit debitorem compensationem opponentem, qui opponat priuato creditori non fisco, tamen audiendum non esse, si post longam disputationem conuictus compensationem opponat, ut hic verba manifesta sunt legis. Quod si constituitur etiam pro priuato creditore, multo magis pro fisco constitutum intelligendum est, ut qui fisco compensationem opponunt, conuicti nullo modo audiantur, ne intra duos quidem menses.

Nihil ad rem pertinet, quod dicitur *in l. 2. §. contrarium. sup. de vet. iur. enuclie.* Nam hoc non pertinet ad nouas decisiones Iustiniani, quae postea emendato codici insertae sunt. *l. vn. §. de emend. cod.* Ex iis decisionibus una est haec, quod apparet ex inscriptione. Inscriptio est enim, *Præfectori praetorio, Iohannes praefectus* Coll. Lampadii & Orestis, ut patet ex inscriptionibus & subscriptionibus, *l. cum antiquitas. l. iubemus. cum seq. inf. de testam.* Neque hic quicquam inique aut acerbe aduersus debitorem constituitur, quod non expectatur saltem tempus iudicati: sic enim salua hac constitutione res transigetur sine eius incommodo, si debiti non liquidi compensationem opponit debitor iam probato, statim condemnandus est, ut haec *l.* iubet: si ei tempus ad iudicatum faciendum datur, poterit interim petere, quod sibi dicit deberi, aut exceptione uti aduersus actionem iudicati, & intra id tempus parare suas probationes, si interim probat sibi

intuicem quid deberi, compensatio admittetur etiam aduersus actionem iudicati, & ita executionem iudicati euitabit, *l. 2. in fin. sup. hoc tit.* Si interim probare debitum non potest, de se queri debet, qui in tempore compensationem non opposuit.

Ex hac re duo sunt incommoda debitori, quod compensatio non admittitur. Primum incommodum hoc est, quod fieri potest, vt si debitum petat a creditore, is interim destinat esse soluendo; atque ita debitum amittat: inanis enim est actio, quam excludit inop. a debitoris. Alterum incommodum est, quod fieri potest, vt quod debitori debetur, id debeatur tantum naturaliter; hoc debitum seruare potuit, si compensatio non admitteretur, *l. etiam. ff. eod.* Compensatione repudiata hoc debito excidit, quia compensatione iam seruare non potest, persequi enim non potest, quia id debitum naturale est, quod solum potest retineri, peti autem non potest, *l. naturales. de obl. & act.* Quod si debitor a creditore suo conuentus iam ab initio compensationem opposuit, quodcumque & intra quodcumque tempus eam postea probet, audietur, etiam si debitum, quod hac compensatione petitur, obscuram & difficilem questionem habeat. Hoc non exprimitur hac lege, sed satis intelligitur partim ex versu *Satis enim*; partim ex versu *ult.* cum compensatio repudiatur sub conditione, si debitor iam conuictus aut pene conuictus compensationem opponat: sic enim colligitur recte. Ergo si statim opponat, compensatio admittetur, ubi opponit eam & ante disceptationem omnem, & nullo modo conuictus, argumento *l. 1. vers. huius. de offic. eius.*

Hoc vulgo interpretes omnes admittunt cum Accursio, si debitor a creditore conuentus initio bonam fidem statim opponit, dicens sibi tantundem a creditore deberi, eaque defensione aduersus intentionem creditoris vitur, eandemque sententiam defendunt hac ratione. Quia cum debitor confessione sua exoneret creditorem onere probandi, æquum est, etiam eum in hac re onerari, vt compensatio debitoris eius debiti probatio admittatur. Argumentum sumtum ex *l. eum qui. in pr. ff. de iure iur.* ubi putant, hac regula tradi licet falso, eum qui in vno releuatur, in alio debere onerari. Etsi hoc falsum est, neque id probatur eo loco, de quo alias dicendum est, tamen nihil opus est hac probatione. Nam ego amplius puto, etsi debitor initio negauerit, se debere, si modo etiam compensationem simul opposuerit, semper audiendum esse, probantem debitum, quod opponit, etiam si minime sit liquidum. Exempli gratia: Debitor, a quo 100. petebantur tanquam mutua, negauit se creditori ea debere, & simul adiecit, si deberet, sibi tantundem deberi a creditore ex emto; & eam compensationis exceptionem initio litis contestatus est: ait, si creditor probauerit sibi 100. mutua ab eo deberi, nihilominus debitorem conuictum recte oppositurum compensationem, quam initio contestatus est, & audiendum esse volentem probare, sibi id debitum esse, quod debitum dicit.

Hæc sententia multis argumentis probatur, partim petitis ex hac *l.* partim ex *§. in bona fid. Inst. de act.* partim ex principiis iuris noti de except. I. Argumentum hoc est ex hac lege. Non admittit Iustinianus compensationem debiti non liquidi sub conditione, Si debitor iam conuictus post longam disceptationem eam opponat, quæ conditio aperte expressa est in *§.*

ult. huius legis. Ergo hac conditione cessante compensatio etiam a conuicto oblata recipienda est, quamuis compensatio obiciatur debiti minime liquidi, *d. l. 1. vers. huius. de offic. eius, &c.*

II. Argumentum est ex eadem lege, in vers. *existimo in iis verbis, Sed stricto iure utentes.* Iustinianus iubet vt iudices stricto iure vtantur aduersus eum debitorem, qui conuictus aut pene conuictus compensationem opponit. At stricti iuris ratio hoc exigit, vt exceptionem initio non contestatam deinceps in iudicio opponere ante sententiam non liceat, initio autem contestatam quandoque obicere liceat, *l. prescriptionem. l. siquidem. infr. de except.* Ergo etiam verbis huius constitutionis admittitur compensatio & quauis probatio eius, si compensatio initio in iudicio deducta erit, seu contestata erit.

III. Argumentum ex *§. in bona fid. Inst. de act.* Illic Iustinianus ait, compensationes olim admitti solitas ex rescripto D. Marci per exceptionem. Hoc ius mutat, vt compensatio minuat ipso iure actionem, sed sub conditione, si compensatio aperto iure nitatur. Ergo si compensatio aperto iure non nitatur, id est, si compensatio sit debiti non liquidi, Iustinianus vult manere ius antiquum, vt compensatio per exceptionem opponatur. Quæ enim aperte non emendantur in veteribus legibus, ea veterum legum regulis reseruantur, *l. precipimus. infr. de appell.* Iam autem dixi, iure veteri exceptionem initio contestatam, licuisse postea intra quoduis tempus probare, dum idoneum, *l. siquidem. infr. de except.* Ergo & nunc ex constitutione Iustiniani idem facere licebit.

IV. Argumentum est ex iis regulis, quæ sunt de omnibus exceptionibus. Si debitor conuentus vel ex stipulatione, vel alia actione, quæ iure summo consistat, fateatur se debuisse & debere ex ea causa, sed idonea aliqua exceptione vtatur, vel pacti conuenti, vel rei iudicatæ, vel iurisiurandi, inter omnes conuenit, exceptionem admitti: & vt probare debitor exceptionem debet, ita dandum ei esse spatium ad probandum, nec prius eum damnandum esse, quam exceptionem implere non potuerit, *l. in except. de probat.* Inter ceteras defensiones iustissima est defensio compensationis, vt quæ pene eadem est cum solutione. Ergo quodcumque intra quodcumque tempus eam probet debitor audiendus est. Si initio compensationem opposuerit, neque distinguitur, vt debitor initio confessus fuerit se debere, an exceptionem opposuerit; an vero vtrumque fecerit, vt negaret se debere, & tamen compensationem opponeret, aut aliam exceptionem, si conuinceretur debere, *l. exceptionem. sup. de probat. l. siquidem. infr. de except.* Postremum argumentum hoc est, si debitor conuentus neget se debere, & si debet, dicat tamen soluisse; audiendus est solutionem probare volens, ubi erit conuictus, etiam si solutio non sit liquida, *argumentum in l. 1. sup. de probat.* Compensatio solutio est *l. 4. sup.* proinde & in compensatione initio opposita idem admittere debemus, quamuis debitor primo negauerit se debere.

Ex his efficitur hæc sententia, quæ teneamus, cum 10. quaeritur, quando compensatio opponi possit; compensationem opponi posse tribus temporibus: Vno, Si id debitum, quod debitor opponit, constat deberi confessione aduersarii. Secundo, Si de eo debito controuersia sit, sed debitum sit liquidum, id est, eiusmodi, quod iuris questionem habeat, aut facile & cito eadem die probari possit.

possit. Tertio, si de debito controuersia erit, & res facti ob-
scuriorem questionem habebit, sed debitor statim initio
compensationem opponat. Contra † vero compensa-
tioni locus non erit, cum debitor compensationem
non opponet, si hæc concurrent, vt iam conuictus,
aut pene conuictus, eam opponat, & debitum non
sit liquidum.

Hic monendi sumus ex verbis huius constitutio-
nis, nihil interesse, vtrum debitor iam statim ab ini-
tio compensationis exceptionem contestetur, an ve-
ro ea omissa statim ante aliam discepcionem cau-
sa eam opponat, vt colligitur ex hac l. *versicu. satis. &*
vers. ult. Ex omnibus causis duæ actiones excipiun-
tur, in extremo huius legis, in quibus † placet nullo
modo compensationem opponi posse, siue debitum
liquidum opponatur, siue non liquidum, actio depo-
siti, de qua *in l. pen. j. depos.* & actio, qua repetitur res
vi occupata. Placet spoliatum ante omnia restituen-
dum esse, vsque adeo, vt ei, qui spoliatus rem repetit,
non possit exceptio eiusdem criminis obici, *l. si quis*
ame. j. ad l. lul. de vi publ. Quæ quærenda sunt de a-
ctione depositi, reiciuntur *ad l. pen. j. depos.*

Cum hæc duæ actiones tantum excipiantur, regu-
la superior in reliquis causis confirmatur, vt scilicet
in omnibus compensationi sit locus secundum di-
stinctionem superscriptam. Vnde hoc loco opponi-
tur *l. ult. j. commod.* vbi verba sunt: *Prætextu debui non*
recte recusari commodati restitutionem. Sensus est: *Ei*
qui commodatum repetit, non posse opponi compensatio-
nem debiti, quo minus commodatum restituatur. Dixi
ad eam legem: quod verba eius legis demonstrant:
Idcirco id dici, quia commodator, non petebat pec-
uniam, sed petebat rem commodatam, quæ exsta-
bat, sed quam debitor dicebat se nolle restituere,
quia sibi pecunia a commodatore deberetur. Id in-
dicant illa verba: *Restitutio commodati non recte recu-*
satur. Non est mirum, si hic cesser compensationem. Nam
hic recte constituimus *ad l. 4. sup. & initio huius legis,*
neque quantitatis cum specie, neque speciei cum
quantitate, neque speciei cum specie compensatio-
nem esse. Recte est igitur huius exceptio, neque ad
plures causas pertinet.

AD TITVLVM XXXII. COD. De Vfuris.

S V M M A R I A.

- 1 Coherencia huius tituli cum præcedente nulla.
- 2 Vsuræ quid.
- 3 Sors quid.
- 4 Pecunia appellatione quæ contineantur.
- 5 Vsuræ unde dicta.
- 6 Summa huius tituli.
- 7 ~~Prætextu debui non recte recusari commodati restitutionem.~~

Hic titulus cum † præcedente nullo modo cohæ-
ret, quin imo conditione præcedentis tituli ex-
cluditur. Nam si pecunia numerata non est, nulla
sors debetur, sorte nulla constituta, vsuræ sortis na-
tura nullæ dari possunt. Sed titulus hic insertus
est, quia ad tractationem huius lib. generalem perti-
net. De contractibus hoc libro agitur. Contrahun-
tur obligationes, quibus principaliter pecunia debe-
tur. Pro ea pecunia interdum æquum est etiam acce-
dere vsuræ, tanquam eius pecuniæ fructum. Sed cum
id in aliis contractibus accidat, præcipue vsurarum
ratio haberi solet in bonæ fidei iudiciis, vt *mandat.*

societat. emt. locat. Ob hanc causam hoc loco hic titu-
lus collocatus est, non solum vt pertineret ad præce-
dentes contractus, vt mutuum & similes, in quibus
pariter pecunia debetur, sed etiam & multo magis vt
præmitteretur hæc tractatio contractibus bonæ fi-
dei, qui deinceps sequuntur.

Vsuræ † est accessio seu additamentum pecuniæ, 2
quod supra sortem pro eius sortis vsu præstat. Vsu-
ra accessio & additamentum est, sic vocatur *in l. cum*
non. l. si ea lege. l. frumenti. inf. hoc tit. quia vsuræ acce-
dit & additur ad sortem, quæ principaliter debetur.
Est accessio pecuniæ, vt intelligamus, non consistere
vsuram nisi in pecunia numerata, quæ præstat pro
vsu sortis. Ideo si aliæ res ultra sortem pro eo vsu præ-
stantur, dicuntur præstari inuicem vel in fraudem vsu-
rarum, quo declaratur vsuræ non esse. *ad l. cum non.*
l. si ea lege. l. frumenti. inf. hoc tit. Est accessio pecuniæ, quæ præstatur
pro sortem.

Sors † latine, & præcipue iuris auctoribus est sum-
ma pecuniæ, quæ ex quavis obligatione principaliter
debetur: huic accedunt vsuræ. *l. lecta. vers. dicebam*
& deinceps. si cert. per. l. uxori. de vsu. leg. Ergo sors est
pecunia & summa, quæ principaliter debetur. Ea re
admonemur, quemadmodum vsura non est, nisi pecu-
nia sit, nec vsuræ accedere posse, nisi pecuniæ prin-
cipaliter sint debita, id enim sors significat. Deinde,
si quæ species principaliter ex aliqua causa debebitur,
eius speciei nomine vsuræ deberi non possunt.
Et breuiter commoda, quæ ex specie quacunque per-
cipiuntur, dicuntur fructus; quæ ex pecunia debentur,
proprie vsuræ, nec in alias res vsuræ cadunt, *l. v-*
suræ. de verb. sig. l. 3. §. nonnunquam. ff. eod.

Huius rei effectus duplex, propter quem condu-
cit hæc tenere. Vnus est, vt intelligamus, si pro aliis
rebus vsuræ promissa sit, inutilem esse promissio-
nem, vt si equum mihi debeas, & stipuler vsuræ in
singulos menses, quibus equum non dederis. Alter
effectus est, vt quibus in causis placet Iureconsultis
vsuræ ex mora deberi, in iis intelligamus non debe-
ri vsuræ, si aliæ species & aliæ res quam pecunia nu-
merata debeantur *l. 3. §. ult. de vsu.*

Cum vsuram pecuniæ esse debere dicimus, &
accedere præterea debere sorti, id est. pecuniæ prin-
cipaliter debita, hoc ita dicimus, vt velimus pecu-
niæ † appellatione hic intelligi etiam ceteras res, 4
quæ quantitate constant, vt pondere, mensura, &c.
vt puta cum oleum vel frumentum debetur, vsuræ eo no-
mine recte accedunt, ac si pecunia numerata debe-
retur. Et in his ipsis rebus non tantum pecunia nu-
merata accedere potest, additamenti loco, sed etiam
aliæ res eiusdem generis præstari, *l. frumenti. l. olei. inf.*
hoc tit. Huius rei rationem illic exponemus. Videbi-
tur tamen superiori sententiæ aduersari, *l. pro auro. j.*
b. vbi pro veste etiam vsuræ præstantur. Sed illic quæ
sit sententia eius loci dicemus.

Est autem vsura, quæ pro vsu sortis præstat, vt in-
telligamus, si quis sorte non vitur, sed eam sol-
uit, vsuræ deberi non posse. Hic autem locus no-
tationem verbi aperte indicat. Est enim † vsura di-
cta, quasi vsus, eo quod pro vsu sortis præstat. Et
notum est, Ciceronem vsuram innumeris in locis
pro vsu nominare.

De vsuris † summa huius tituli hæc est: Vsuræ ini-
tendum etiam præter sortem recte deberi & exigi; Id
tunc fieri, cum tria hæc concurrant, vt eæ causæ præ-
cedant, ex quibus iure ciuili obligatio vsurarum

nascitur; ut usurarum quantitas legitimum modum non excedat: ut quæ semel recte deberi cœperint, deberi non desierint. Hinc sunt constitutionis huius tria hæc capita: Quibus in causis deberi incipiant: Usurarum legitimus quis sit modus: Usuræ quibus modis deberi definant, quæ primo competissent. Quibus ex causis deberi incipiant, dicam ad l. 3. *infr.* Usurarum modus præstitutus est in l. eas. § l. ult. *hic.* Quomodo deberi definant, attingitur ad l. acceptam. *infr.*

Sed quoniam hæc omnis disputatio inutilis futura est, si usuræ lege & verbo Dei sint illicitæ, initio ita statuemus, variis in causis non tantum licitas esse, sed etiam iustissimas, quæ suis locis a nobis notabuntur. Et quoniam de eo tractari vulgo solet ad *Auth.* 7 *ad hac. infr. hoc tit.* opportunius dicemus.

~~Interrogatio, responsio & promissio quomodo probentur. Si interrogatio præcedente promissio usurarum recte facta probetur: licet instrumento conscripta non sit, tamen optimo iure debentur.~~

Ad L. 1. Si interrogatione, § 6.

Imp. Anton. Pius A. Euocato.

Si interrogatione præcedente promissio usurarum recte facta probetur: licet instrumento conscripta non sit, tamen optimo iure debentur.

S V M M A R I A.

- 1 Usuras stipulatione promissas iure optimo deberi & exigi posse, si interrogatione præcedente promissæ sint, & promissio facta probetur. § nu. 5. & nu. 10.
- 2 Dictionum iure optimo sensus.
- 3 Natura quando usura debeantur.
- 4 Officio iudicis usura quando debeantur.
- 6 Stipulatio quibus rebus constet.
- 7 Recte aliquid facere, est facere ut ius præscribit.
- 8 Lex est faciendorum regula, ad quæ facienda & non facienda diriguntur.
- 9 Iure quæ sunt utiliter sunt, quæ contra inutiliter.
- 11 Interrogatio, responsio & promissio quomodo probentur.
- 12 Instrumento dicente debitorem promississe, cur omnia solemniter acta existimentur.

RES sententiæ breuiter hoc rescripto comprehensæ sunt, quas sigillatim expendi oportet. Sunt autem hæ: Usuræ stipulatione promissæ, & iure optimo debentur, ita promissæ iure exigi possunt, sed hac conditione, si interrogatione præcedente promissio earum recte facta probetur. Neque obligationi neque petitioni huic quicquam obstat, si promissio conscripta non fuerit. Quod dicitur usuras stipulatione promissas iure deberi, certi iuris est, ex l. 3. *infr.* hoc tit. Quod & dicitur iure optimo deberi, quæritur quid sit illud, iure optimo. Quid enim? Est ne aliquid ius non bonum vel non optimum? Item, est ne aliud ius alio melius? Respondeo: Cum agitur de re aliqua obtinenda, ut hic de usuris obtinendis, ius optimum dicitur id ius, quod est optimum & conuenientissimum, vtilissimum ad id obtinendum, de quo agitur, ut Vlpianus in *frag. tit. de leg.* vocat ius legati per donationem, ius optimum ideo, quia prius ostendit esse aptissimum & conuenientissimum modum ad omnia legata, & omnes res utiliter relinquendas. Sic hoc loco usuræ stipulatione promissæ dicuntur iure optimo, id est, iure certissimo & efficacissimo ad obtinendas usuras.

Quod recte dictum est per comparisonem co-

rum modorum, quibus præter stipulationem usuræ debentur. Nam & natura deberi possunt & officio iudicis. Natura, & cum pacto promissæ sunt. l. 5. §. Imperator. de solut. Hoc modo debentur, iure bono, id est, ad aliquid vtili debentur, quia si solutæ sint retineri possunt, neque in sortem impurantur. l. 3. *infr. hoc tit.* sed deest quod est optimum ad usuras obtinendas. Nam ex hoc iure peti usuræ non possunt, d. l. 3. *hic.* Officio iudicis & usuræ debentur in bonæ fidei iudiciis ex mora, l. quero. ff. locari. & hoc iure etiam vtili ad aliquid & efficaci. Nam & ex hac causa solutæ retineri possunt, & nondum solutæ peti possunt, d. l. 1. quero. sed hac distinctione, quod non possint peti nisi vna cum sorte. Sortis autem petitione sublata usuræ ita debentur, ut ad earum persecutionem nihil desit earum rerum, quas supra desideramus. Nam & peti possunt stipulatione promissæ, & peti possunt solæ, sine sorte, l. centum Capue, de eo quod cert. loco. Vere igitur ita promissæ debentur optimo & efficacissimo iure, non item quæ aliis modis debentur.

Ex eo efficitur ea sententia, quam supra posuimus, ut quoniam stipulatione promissæ ita dicuntur, ut dixi, intelligamus & etiam eas vtiliter iudicio exigi posse. Itaque id includitur illis verbis, *Optimo iure.* Ad hanc autem petitionem referri debet conditio, quæ ponitur in principio huius legis: non enim debentur usuræ, id est, in obligationem veniunt, si stipulatio probetur. Debentur enim etiam sine vlla probatione, sed peti non possunt, nisi hac conditione, si interrogatione præcedente promissio recte facta probetur. Exigitur ut præcedat interrogatio & promissio sequatur. Hoc ideo, quia exigitur, ut ex stipulatione debeatur. l. 3. *infr.* Constat autem & stipulatio his duabus rebus, interrogatione præcedente, & responsione sequente, *Instit. de verb. oblig.* Hæc responsio, qua respondemus nos daturos facturosue, est promissio, §. de constituta pec. *Instit. de act.* Recte igitur hic vtrumque exigitur ad stipulationem, interrogatio præcedens, & sequens promissio.

Exigitur amplius, ut promissio recte facta sit. Non adiicitur hoc otiose. Recte & aliquid facere, est & facere ut ius præscribit, facere ut iure fieri oportet, ut cum dicimus nuptias recte contrahi in l. adigere. de iur. patron. Id significatur, quod est in principio tituli, *Instit. de nupt.* secundum præcepta legum. Significatio ex eo est, quia lex & est faciendorum regula, ad quæ facienda & non facienda diriguntur, l. 2. de legib. Et quoniam & quæ iure sunt, & vti oportet, vtiliter sunt, quæ contra, sunt inutiliter. l. non dubium. de legib. Hinc fit, ut recte sit, & iure & vtiliter aliquid facere. l. nemo rem 8 2. in pr. de verb. obl. Ergo hoc loco promissio recte facta intelligitur, quæ facta est eo modo, quo iure optimo ac proinde vtiliter. Hoc ut dixi non adicitur otiose, nam ad vim stipulationis non est satis præcedere interrogationem, & responsionem seu promissionem sequi, sed præterea hoc accedere oportet, ut promissio præsens præsentem respondeat, ut respondeat statim, non ex intervallo, & respondeat non nutu, sed verbis: nam vbi contra fit, inutilis est stipulatio. l. 1. §. 1. & §. seq. l. continuus. in pr. de verb. obl. l. 2. §. de iur. stip.

Exigitur & præterea, ut hæc omnia probentur, id est, interrogatio præcedens, responsio sequens & promissio, quæ quis in præsentia sine intervallo & verbis promiserit. Hæc probatio ex regulis iuris de probationibus conuenienter exigitur: nam qui usuras pe-

tas petit, stipulatione debitas dicit, qui dicit, probare debet, *l. 2. de probat.* Non probatur stipulatio nisi iis rebus, quib. stipulatio conficitur. Cōficitur autē reb. superscriptis, p̄inde vt ea p̄bentur recte hic exigitur.

Sed hoc loco opponitur §. *si scriptum. Instit. de inut. stip.* & *l. sciendum. de verb. oblig.* In §. *si scriptum*, ita scriptum est. Si scriptum sit in instrumento, aliquem promississe, videtur omnia solemniter acta. Et in eandem sententiam scriptum est in *d. l. sciendum*, si quis scripserit, se fideiussisse. Quibus verbis aperte hoc dicitur: Quoties probatur promissio ex instrumento, probationem sufficere, nec necesse esse probari interrogationem præcedentem, aut probari promissionem amplius recte factam. Respondeo: Non est necesse ad hæc concilianda, quærere diuinariam distinctionem, vt hic dicatur res probari per testes: In superioribus autem locis probatur per instrumentum, quoniam hæc non modo contraria non sunt, sed etiam superioribus locis maxime confirmantur. Ideo quod hoc loco dicitur, cum in eisdem scriptum est, aliquem promississe exempli gratia, vsuras, de quibus agitur, non est necesse nominatim probare interrogationem, præcessisse, & promissionem recte factam esse, quia promissione recte probata superiora hæc satis probantur.

Cum enim dicitur aliquem promississe, hoc dicitur, illud vtiliter promississe, interpretatione iure recepta. I. Quia verba cum effectu accipienda sunt, *l. 1. quod quisque iuris.* Deinde, quia cum promissor aliquid promissit, quia dixit, verba sic accipienda sunt, vt res sit in tuto, quia hoc animo erat, vt obligaretur, *l. quoties in stipulationibus, de verb. oblig.* At promissio ea demum vtilis est, quam interrogatio præcedit, & quæ recte fit, vt supra dixi. Proinde qui probauit promissorem promississe, seu scripsisse, se promississe, vi ipsa & necessitate definitionis vel consequentie probat interrogationem præcedentem, & promissionem recte factam. Ergo id ipsum illic fit, quod in hac lege exigitur. Exigitur enim vt interrogatio præcedens & promissio recte facta probeatur. Hæc omnia probantur, cum quis proferat instrumentum, in quo scriptum est, promissorem promississe. Proinde fit, quod hoc loco exigitur.

Sed hic occurritur: Nam probato instrumento, in quo scriptum est, aliquem promississe, non est necesse nominatim & aperte probare interrogationem præcedentem & promissionem recte factam. Respondeo: Non est id huic loco contrarium vllō modo. Nam hic exigitur tantum, vt interrogatio præcedens, & promissio recte facta probeatur. Non exigitur autem vt hoc aut illo modo p̄betur. Ergo quocūq; modo hæc probabuntur, ad sententiā huius loci nihil interest.

Quomodo igitur hæc probantur? Duobus t̄ modis: Aut enim instrumentum scriptum est, in quo dicitur debitorem promississe vsuras; aut nihil scriptum est. Si scriptum est, sufficit instrumentum proferri. Nam hoc ipso, quod dicitur, debitorem promississe, cetera videntur solemniter acta, id est, cetera sua sponte hoc verbo prolata intelliguntur. Quod si nulum huiusmodi instrumentum est, hæc sigillatim probari oportet, quæ hic comprehensa sunt, si debitor postulet, hoc ideo, quia hic nihil dictū est a promissore, ex quo interrogatio præcedens, aut promissio recte facta intelligatur, vt colligitur, cum in instrumento dicitur, illum promississe.

Quid ergo si testes interrogati dicant debitorem

promississe vsuras, nec quicquam adiciant amplius? An hoc ipso omnia solemniter gesta existimari debent, vt fieret si instrumentum idem diceret? Hanc dubitationem facile præcedet bonus patronus & bonus iudex. Patronus, si præcidat capita, de quibus testes nominatim interrogari velit, nempe de interrogatione præcedente, & de promissione statim ex verbis & præsens facta. Idem etiam faciet bonus iudex. Quo facto nulla dubitatio supererit.

Sed si id forte prætermisum sit, quomodo dictum testis interpretabimur? Respondeo: Si proponatur peritus aliquis iuris testis, existimandus est, locutus esse ex eo quod intelligit, id est, ex vsu iuris, vt promittendi verbo intelligatur dixisse promissionem vtilem, atque ita omnia solemniter gesta esse intelligantur. Sin erit rusticus aut plebeius, aut alius imperitus rerum forensium, minime ex eius verbis existimari debent omnia solemniter gesta. Non enim amplius de eius verbis æstimandum est, quam ipse sensit, nec potest responderi sensisse, quod nō intellexit.

Cur ergo instrumento t̄ dicente debitorem promississe, existimantur omnia solemniter acta. Respondeo: Quia instrumentum verbis promissoris vtitur, testis vtitur suis. Proinde de verborum interpretatione ex eorum persona iudicandum est: cum in instrumento scribitur debitorem promississe, videtur ipse debitor id dixisse, quoniam instrumentum ipsius voluntate & approbatione scriptum est. Iam dixi, quia ipse contrahit, verba eius sic esse accipienda, vt obligetur, *d. l. quoties in stip. de verb. oblig.* At testis affirmat suis verbis. Nō enim dicit promissorem dixisse, se promississe, sed ipse suis dicit, illum promississe. At testis non contrahit. Proinde non debent ipsius verba sic accipi, vt obligetur vel ipse vel alius. Ita solum eius intelligentiæ seruiendum est, id est, videndum, quid senserit & intellexerit.

Hic obiicitur *l. in exercendis. sup. de fid. instrum.* vbi traditur, eandem vim esse instrumentorum & testimonii, quo efficitur, vt si instrumento creditur omnia solemniter acta, etiam testi idem credendum esse. Respondeo: Eadem vis est instrumentorum & testimonii ad fidem & probationem, id est, vt probeatur factum esse, quod instrumenta aut testes dicunt: sed non eadem est vtriusque generis verborum interpretatio, quoniam in instrumentis de verbis promissoris agitur, in testimoniis de verbis testis, quorum non eadem sententia & interpretatio est, ob eam causam, quam supra reddidimus.

Quod tertium adiicitur in hac lege, non obstat obligationi & petitioni vsurarum, si stipulatio scripta non sit, sumtum est ex iure certo de vi instrumentorum, quæ hæc est, vt per instrumenta res non gerantur, sed probentur, ac proinde sine iis res gesta valeat, si habeat aliunde probationem, *l. cum res, de probat. §. l. 4. de fid. instrum.*

Ad L. 2. Vsuras.

Impp. Seuerus & Anton. AA. Lucio.

Vsuras emtor, cui possessio rei tradita est, si pretium venditori non obtulerit: quamuis pecuniam obligatam in depositi causam habuerit, æquitatis ratione prestare cogitur.

S V M M A R I A.

Emtor, si pretium venditori non soluat, an vsuras debeat, & an statim, an vero ex aliquo tempore & aliqua causa.

- 2 *Moram nemo facit quamvis interpellatus, si iustam recusandae solutionis causam habeat.*
- 3 *Conventiones ut dolus praestetur, vel quae dolum inuoluntant iure improbantur.*
- 4 *Emtor, qui statim retradita pretium offert, moram non facit.*
- 5 *Vsuræ pretii quando debeantur.*
- 6 *Emtor, quo iure vsuras prestare cogendus sit, si neque stipulatione neque pacto conuenito promissa sint.*

EM TOR pretium venditori debet, & si pretium non soluat, etiam accedunt pretii vsuræ, quas creditor praestare debeat, *l. Iulianus. §. ex vendito. de act. emt.* Quæritur tamen statim vsuras debeat, an vero ex aliquo tempore & aliqua causa? Et placet, non simpliciter eum vsuras debere, sed generaliter, his duabus de causis: si conuenit ut praestaret, & sine conuentione ex mora, *l. cum quidam. §. ex locato. ff. eo. l. initio. inf. de pact. inter emt. & vendit.* Hæc ipsa iuris definitio explicatur in hoc rescripto, quo aptius declaratur, quando debitor vsuras prestare non debeat, quando debeat. Totum ex definitionis moræ interpretatione.

Hic igitur significatur, emtorem, quamvis pretio non soluto, vsuras non debere tribus temporibus. I. Si ei possessio rei venditæ tradita non sit. Hoc colligitur ex eo, quod hic exigitur ad obligationem vsurarum, ut possessio sit emtori tradita; Ergo hac non tradita vsuras non debet. Id autem efficitur ex superiori definitione, nam vsuræ pretii ab emtore non debentur, nisi ex mora, ubi conuentio nulla est. At antequam res sit emtori tradita, emtor moram in pretio soluendo non facit, quantumvis interpelletur a venditore, ut pretium soluat. Nemo enim quamvis maxime interpellatus tamen moram facit, si iustam recusandæ solutionis causam habet, *l. sciendum. ff. eod.* Re autem nondum tradita iustam causam habet emtor pretii non soluendi: non enim venditor recte ab emtore exigit, quod ipse emtori non praestat, *l. qui prudentem. ff. de act. emt.* quemadmodum nec venditor moram facit in re tradenda, nisi emtor pretium afferat, *l. Iulianus. §. offerri. de act. emt.* Proinde re non tradita moram non facit, eoque nec vsuras pretii debet.

Hoc amplius dicimus, etiam si nominatim conuenierit inter emtorem & venditorem, ut emtor vsuras pretii praestaret, tamen re nondum tradita vsuras ex conuentione non deberi, quoniam in conuentione inest hæc conditio, si venditor rem tradiderit. Nam & venditor rem venditam ex conuentione emti & venditi praestare debet, sed tamen non debet, nisi hac conditione, *Si emtor pretium offerat.* Similiter & emtor pretium debet ex conuentione, & tamen non cogitur soluere, nisi hac conditione, *Si venditor rem tradat*, ut supra dixi; Ergo & in conuentione vsurarum multo magis eadem conditio intelligenda est, imo et si nominatim conuenierit, ut emtor nondum re tradita vsuras pretii praestaret, tamen vsuras ante non deberi, quoniam conuentio iniqua est: inuitat enim dolum venditoris. Quæcunque autem tamen conuentiones sunt, ut dolus praestetur, vel quæ dolum inuoluntant, iure improbantur, tanquam contrariæ bonis moribus, *l. si unus. §. pacta, de pact. l. §. de pact. dot.* Ratum est igitur, ante traditionem rei venditæ emtorem vsuras prestare non debere, quia nec debeat ex mora, nec ex conuentione.

Altero tempore vsuras non debet, si pretium venditori obtulerit. Hoc item ex hac lege intelligitur,

cum ad præstationem vsurarum exigitur, ut emtor pecuniam non obtulerit. Ergo si obtulit, vsuras non debet. Quod sic intelligendum est, si tunc cum res ei tradebatur, aut paulo post pretium venditori obtulerit, & ille accipere noluit. Hoc item efficitur ex ea definitione, quam initio posuimus. Nam vsuræ pretii non debentur nisi ex mora. Emtor autem qui statim tamen re sibi tradita pretium offert, moram non facit, *l. qui 10. de solut. l. illud. de peric. & commod. rei vend.* Proinde post hanc oblationem vsuras non debet, nec alia oblatio pretii desiderabitur.

Hic opponitur *l. i. in fin. l. debitor. l. tutor. §. i. ff. eod.* ubi constanter dicitur, non desinere vsuras deberi sola oblatione pecuniæ debitæ, sed ita, si debitor pecuniam obtulerit, & creditore recusante obsignauerit. Respondeo: Interest, utrum emtor in pecunia debita nunquam moram fecerit, an vero facere aliquam cœperit. Si nunquam moram facit, ut accidit in eo, qui statim re accepta pretium obtulit, is vsuras non debet, sublata enim mora vsuræ deberi non possunt, ut hic & *l. si pro te. inf. hoc tit.* At si semel moram facere cœperit, non euitabit obligationem vsurarum, nisi sortem debitam obtulerit, & oblatam obsignauerit, in quam speciem sunt superiores loci, quos contrarios diximus. Et in summa oblatio sola pecuniæ impedire obligationem vsurarum potest. Obligatione autem vsurarum semel nata, hac sola oblatione non tollitur.

Tertium tempus cum emtor vsuras non debeat est, cum ab initio etiam mora facta pretium venditori obtulit, & illo recusante obsignauit, ut comprehensum est superscriptis locis, quos modo citauimus, *l. acceptam. inf. hoc tit.* Id ipsum & ex hac lege intelligitur, cum dicitur, *Emtorem debere prestare vsuras, si pecuniam non obtulit, & in causam depositi habuit animo, & certo iure vsuras non debuit.* Quod si solum in causam depositi pecuniam habuit, prestare vsuras non liberabitur, quoniam non sola depositio debitorem liberat, sed oblatio præcedens, & obsignatio cum depositione coniuncta, *l. acceptam. §. hoc tit.*

Ut autem his tribus temporibus emtor vsuras pretii non debet, ita tunc tamen debet, si hæc concurrerent, ut possessio rei venditæ ei tradita sit, ut pecuniam non obtulerit, aut non obtulerit & deposuerit cum oportebat. Sed hoc quoque falsum esse videtur ex definitione quam initio posuimus, nec tantum ex definitione ea, sed etiam ex aliis locis, ex quibus hæc quaestio in difficultatem incidit. Nam hic scriptum est, emtorem vsuras debere, si possessio ei tradita fuerit, nec amplius quicquam exigitur, si pecuniam non obtulit, aut non obsignauit cum opus erat. Idem traditur in *l. Iulian. §. ex vend. de act. emt.* Contra initio dixi vsuras in bonæ fidei iudiciis non deberi, nisi ex mora. Hoc amplius, diferte de vsuris pretii hoc traditur in *l. initio. inf. de pact. inter emt. & vendit. l. ult. de peric. & commod.* At videtur fieri posse, ut res vendita tradita sit emtori, & tamen emtor moram in pretio soluendo non faciat, quoniam mora non fit nisi ex interpellatione, *l. mora. ff. hoc tit.* Fieri autem potest, ut emtor non sit interpellatus, ut pretium solueret.

Respondeo. Hoc utrumque verum est, emtorem debere vsuras statim, ex quo res tradita est, & tamen non deberi vsuras nisi ex mora. Non obstat, quod dicitur mora non fieri nisi debitor sit interpellatus: nam satis interpellari intelligitur ex natura & conditione emtionis: nam venditor rem non vendit, nisi ut pre-

vt pretium accipiat, & hoc animo maxime intelligitur esse, cum rem tradit. Confirmatur hæc sententia ex eo, quod placuit, quamuis venditor rem tradiderit emtori, tamen non videri eum dominium transfuisse, nisi vel pretium acceperit, vel fidem habuerit pretio, §. *vendita. Inst. de rer. dom.*

6 Sed quo iure ¶ emtor vſuras præſtare cogendus eſt, vbi neque ſtipulatione promiſſæ ſunt, neque pacto conuento? Reſpondet reſcriptum, præſtandas eſſe ratione æquitatis. Æquitas hæc explicatur in l. *Julian. §. vend. de act. emt.* Nam cum emtor re vendita ſibi tradita fructus percipiat ex ea re, etiam æquum eſt, vt ipſe rei a ſe debita fructus venditori præſtet, vt quod accipit, id vice mutua præſtet, quoniam emtio & venditio permutatio eſt, & iniquiſſimum eſt illum plus conſequi a venditore, quam ipſe præſtet venditori. Vſuræ autem vicem fructuum obtinent. l. *vſura. ff. eod.* Sed hac ratione effici videtur, vt emtor vſuras pretii præſtare debeat, etiam pro eo tempore, quo res ei tradita non eſt. Nam etſi venditor rei nondum tradita fructus percipit, vt rei dominus, tamen quandoque eos fructus vna cum re emtori reſtituere debet, quia emtione ſemel contracta ſtatim omne commodum emtionis & venditionis ad emtorem pertinet. §. *cum autem. Inſtit. de emt. & vendit.* Vt ergo quandoque fructus accipit emtor etiam præteriti temporis, ſic videtur æquum eſſe, vt etiam eius temporis vſuras præſtet, eadem ratione æquitatis, quæ redditur in d. §. *ex vend.*

Reſpondeo: Non debet emtor præſtare vſuras ſolum propter fructus, quos ex re vendita accipit, ſed coniunctim propter fructus a ſe perceptos & propter moram. Alterum ſine altero ad præſtationem vſurarum non eſt ſatis. Ex quo intelligitur æquitas huius præſtationis, cum ex mora vſuræ pretii ab emtore exiguntur. Hæc æquitas facit, vt in hoc iudicio & omnibus ſimilibus bonæ fidei contractibus vſuræ ex mora iure licito exigantur, non tantum humano ſed etiam diuino. Nam lex Dei vetat furtum facere, id eſt, adimere quid alteri: vetat alienum concupiſcere. At cum aliquid alicui dederis, pro eo tantundem accipere, non tantum omnibus legibus, ſed etiam eadem lege Dei per contrarium conceditur, & certiffimum eſt verbo Dei licere vendere, emere, locare, permutare. Licebit igitur pro fructibus, quos emtor ex re non percepit, non tantum recipere ab eo vſuras pretii mihi debiti, ſed etiam vltro exigere, ſi in eo ſoluendo moram facit.

Ad L. 3. *Quamuis.*

Imp. Seuerus & Antoninus AA. Iu-
liano.

Quamuis vſura fœnebris pecunia citra vinculum ſtipulationis peti non poſſint: tamen ex pacti conuentione ſolutæ, neque vt indebita repetuntur, neque in ſortem accipiendo ſerenda ſunt.

S V M M A R I A.

- 1 *Vſura an citra vinculum ſtipulationis peti poſſint? & num. §.*
- 2 *Vſuris ſimpliciter promiſſis ſtipulatio nulla eſt.*
- 3 *ſtipulatio vſurarum ſine quantitate certa nulla eſt.*
- 4 *Vſuris ſine certa quantitate promiſſis quando vſuræ ex conſuetudine regionis aſtimentur.*
- 6 *Fiſco ex omnibus cauſis vſura debentur, ſimulatque*

debitor moram fecerit in ſoluendo, etiam ſine conuentione.

7 *Ciuitatibus an vſura debeantur ex mora ſine conuentione.*

8 *In quibus cauſis vſura citra vinculum ſtipulationis peti poſſint.*

9 *Fœnebris pecunia qua ſit.*

¶ N I T I O ¶ huius legis videtur tradi generalis definitio pecuniæ fœnebris: *Vſuras citra vinculum ſtipulationis peti non poſſe.* Hæc definitio ſi generaliter traditur, multis modis falſa eſt. Et ideo locus poſtulat, vt hic duo ad cauſas obligationum vſurarum pertinentia explicemus. Primum, multis modis accidere, & multis in cauſis, vt citra ſtipulationem vſuræ debeantur & peti poſſint, & querendum quibus. Deinde, ſi hoc ita eſt, dicendum eſt, quomodo non aduerſentur verba huius legis. Vſuræ pecuniæ varie deberi incipiunt. Variantur modi & cauſæ huius obligationis ex conditione contractuum. Aliter enim debentur ex contractibus ſtricti iuris velut mutuo, aut ſtipulatione, aliter ex contractu bonæ fidei, vt emtione, venditione, locatione, conductione, ſoc. mand. & ſimilibus, quæ enumerantur in §. *actiones. de act.* His poſteriorib. ſimilia ſunt legata & fidei commiſſa. Omnium hæc cauſa eſt, vt vſuræ ſtipulatione, promiſſæ optimo iure debeantur, l. 1. §. *h. t.* ſcilicet quia ſtipulatio contractus eſt iure ciuili conſtitutus in hoc, vt q̄ in ſtipulatione deducta ſunt, omnia peti poſſint, niſi nominatim lex refragetur, §. *de cõſtituta act. Inſtit. de verb. obl.*

Hoc tamen ſic accipiendum eſt: Si vſurarum quantitas certa ſtipulatione expreſſa ſit. Nam ſi ſimpliciter ¶ vſuræ promiſſæ ſint, nullius momenti ſtipulatio eſt, l. *quod in ſtipulatione. l. tutor. §. vlt. ff. eod.* Hæc lex omnium ſtipulationum communis eſt. Nam ¶ ſine quantitate, quæ in ſtipulatione exprimitur, nulla ſtipulatio eſt, quia incerta eſt, l. *cum poſt. §. gener. de iur. dot. l. ita ſtipulatus. i. reſponſ. de verb. oblig.* Quod ¶ in ſtipulatione vſurarum præcipue moneri oportet, ne quis putet, vſuris ſine certa quantitate promiſſis modum vſurarum ex conſuetudine regionis aſtimumdum eſſe, iuxta l. 1. in pr. ff. eod. Hic ad hunc modum regionis recurritur, in iis vſuris, quæ lege inſtiguntur, vt in bonæ fidei iudiiciis. Quod autem ſtipulatione inducitur, tantum debetur, quantum ſtipulatione expreſſum eſt, l. *quicquid. de verb. oblig.*

Citra ſtipulationem vſuræ in ſtrictis iudiiciis regulariter non debentur, ita vt peti poſſint, vt hoc loco traditur. Ergo nec debebuntur ex mora. Ergo, nec ſi pacto conuento promiſſæ erunt, debebuntur, vt peti poſſint, vt hic expreſſum eſt. Quod ſic intelligendū eſt, vt quamuis pactum in traditione pecuniæ interpoſitum ſit de vſuris præſtandis, tamen vſuræ nihilo magis peti poſſint. Id intelligitur ex hoc loco. Quia non ſolum dicitur, vſuras ex pacti conuentione peti non poſſe, ſed adiicitur, peti non poſſe citra vinculum ſtipulationis. At etiam tunc, cum pactum in te tradenda interponitur, verum eſt, citra vinculum ſtipulationis id fieri. Igitur vſuræ ne ſic quidem debebuntur. Exempli gratia. Dedi tibi 100. mutua nominatim hac lege & conuentione adiecta in pecunia tradenda, vt vſuras ſemiffes eius pecuniæ in ſingulos meſes mihi præſtares, & ea lege pecuniam accepiſti. Dicemus, quamuis conuentio in traditione rei mere interpoſita ſit, tamen vſuras nihilo magis a me peti poſſe, vt id colligitur ex hoc loco, ſic expreſſum eſt in l. *ſi tibi. do pact. l. rogati. §. ſi tibi. ſi cert. petat.*

In quo ius singulare & proprium vsurarum notandum est, ne forte hic quis nobis obiiciat regulas communes iuris. Nam pactis ita placet, in traditionibus rei numeratae quodcumque pactum interpositum sit, valere, ut dedi tibi Stychum, ut mihi Pamphilum dares; donavi tibi fundum ut me aleres, pactio valebit, & actionem pariet iure civili, *l. in traditione. de pact. l. legem. §. eod.* Consentaneum erat hic responsum, idem admitti, si tibi pecuniam mutuam meam dederim, ea lege, ut vsuras mihi praestares. Cur ergo id non seruatur in vsuris? Apparet ius singulare esse, odio vsurarum constitutum. Hoc tamen ius non est perpetuum. Nam interdum etiam pecuniae creditae, & ex aliis quibusvis contractibus aut obligationibus strictis, debita, vsurarum petitio iure tribuitur, sine vlla stipulatione, alias ex persona creditoris, alias ex causa, propter quam vsura petitur.

Ex persona creditoris haec petitio tribuitur fisco & ciuitati. Fisco † ex omnibus causis vsurae debentur, simulatque debitor moram fecerit in pecunia debita fisco soluenda, idque sine vlla etiam conuentione. *l. cum quidam. §. fiscus. ff. eod.* Apparet fauore fisci hoc ius constitutum esse, ut alia pleraque priuilegia, de quibus *sub tit. de iur. fisci.* idque propter utilitatem publicam. Ciuitatibus † etiam creditarum ab iis pecuniarum vsurae debentur, sed non ex mora tantum, verum ita si ciuitates de vsuris conuenerint, etiam pacto nudo. *l. etiam. ff. eod.* ubi pactum nudum interpretari debemus nudum a stipulatione, de qua in vsuris agitur, ut licet intelligere ex *l. §. in fin. ff. de naut. foen.* Sed cur non debentur ciuitatibus vsurae ex mora debitoris, sine vilo pacto, quemadmodum & debentur fisco? Respon. Fiscus publicus est, ciuitates magna ex parte priuatorum loco habentur, *l. eum qui vectigal. de verb. sig.* sed tamen quia ciuitates sunt, amplius illis tribuitur, quam priuatis, propter utilitatem ciuitatis publicam.

Interdum ciuitatibus etiam sine conuentione vsurae debentur ex mora, quod placuit in pecunia, quam quis Reipub. pollicitus est, & ex pollicitatione debet, *l. 1. in pr. de pollicit.* Neque contrarium est huic sententiae, quod legimus in *l. liberalitatis. in pr. de vsur. liberalitatis* in Remp. factae vsuras non deberi. Nam liberalitatis est, cum quis Reipub. aut ciuitati sine alia causa praecedente pecuniam promissit solius liberalitatis exercendae causa, *l. 1. de donat.* Huius pecuniae ita promissae vsurae non debentur. At cum quis pollicetur pecuniam Reipub. & ex ea pollicitatione obligatur, non aliter obligatur, quam si pollicitus sit ob iustam aliquam causam praecedentem, *l. 1. §. 1. de pollicit.* Donationes ob causam factae proprie donationes non sunt, certe non sunt liberalitates, *l. hoc iure. §. 1. de donat.*

Ex causa petitio vsurarum tribuitur, quamuis stipulatione non promissorum, in iis tribus causis. I. in pecunia mutua nautica, *l. periculi. in fin. l. in quibuscumque, de naut. foen.* Haec quae sit, dicitur in *l. sequenti.* II. In oleo, frumento & similibus rebus mutuo datis, in quibus etiam ex pacto nudo accessio debetur, ut peti possit, *l. frumenti. j. h. r.* ubi pactum nudum quid sit dicitur. III. Causa est iudicati. Nam si condemnatus post legitimum tempus ad iudicatum faciendum datum, pecuniam non soluat, placet exinde sine alia conuentione vsuras deberi, easque centesimas, tot. *iii. j. de vsur. rei indicat.*

In aliis † causis & personis citra vinculum stipulationis vsurae peti non possunt ex pacto quidem, sed

quamuis pactum ad vsuras petendas non profit, tamen non est inutile. Prodest enim ad vsuras seruandas duobus temporibus: Vno, si vsurae pacto promissae solutae sint. Nam ut hoc loco scriptum est: Solutae ex pacto vsurae non repetuntur. Et recte. Aut enim debitor sciens se non debere, soluit, aut ignorans & in iure errans. Si sciens, ideo non repetit, quia donauit, *l. indebitum. sup. de cond. indebit. l. cuius per errorem. de reg. iur.* Si in iure errans ideo non repetit, quia vsurae pacto naturaliter debita sunt, *l. §. Imper. de solut.* Naturalis obligatio impedit indebiti conditionem, quia quod debetur naturaliter, id per se simpliciter vere debetur, ut non possit dici indebitum solutum, *l. si poena. in pr. ff. de condict. indeb. l. naturales. de obl. & act.* Eadem vsurae non imputantur in sortem, sed in vsuras, quoniam vsuras debitas fuisse dicimus, ut rei debita solutio recte dicatur. Et hoc ita est, cum pecunia nominatim vsurarum nomine soluta est, ut hic factum proponitur. Quod si debitor simpliciter soluerit pecuniam creditori, id est, ita ut non diceret, in quam causam pecuniam solutam vellet, pecunia haec non potest imputari in vsuras indebitas, id est, in vsuras pacto promissas. Et ideo in sortem solum imputatur, *d. l. §. 1. vers. quod si forte. de solut.* Altero tempore vsurae pacto promissae seruari possunt, cum debitor pignus in eas vsuras obligauit; tunc enim per retentionem pignoris vsurae seruari possunt. *l. per retentionem. seq.*

Ex his apparet saltem in strictis iudiciis, multis in causis accidere, & non vno modo, ut vsurae citra vinculum stipulationis peti possint. An non igitur falsa est haec definitio? Quamuis vsurae pecuniae foenebris citra vinculum stipulationis peti non possint, quae definitio initio huius legis concepta est. Respondeo: Si ut definitio hic tradita esset, multis modis falsa esset, ut apparet ex iis quae dixi. Sed obseruandum est, verba superiora non continere affirmationem, sed continere modum potentialem seu concessionem. Est enim apertus hic sensus latine intelligentibus: Quamuis detur aliqua causa, ubi pecuniae vsurae citra vinculum stipulationis peti non possunt; tamen haec pacto promissae seruari possunt. Et ita hunc locum interpretatur *l. pignoris. in pr. j. h. r.* Non igitur simpliciter dicitur, vsuras citra vinculum stipulationis peti non posse; sed dicitur, quamuis accadat, ut peti non possit, tamen seruari posse pacto, ut dixi. Atque hoc in strictis iudiciis ius est de vsurarum obligatione contrahenda, unde consulto additum est in pr. huius l. de vsuris pecuniae foenebris. Foenebris pecunia † est pecunia mutuo data foenori siue sub vsuris. *l. praesid. si cert. per.* Aliter in bonae fidei iudiciis obseruatur. In iis ita ius est, ut citra vllam stipulationem vsurae debeantur, aut ex conuentione, aut sine conuentione ex mora. De quo dicitur ad *l. in bona fid.*

Ad L. 4. Per retentionem.

Impp. Seuerus & Anton. AA. Honorio.

Per retentionem pignoris vsuras seruari posse, de quibus praestandis conuenit, licet et stipulatio interposita non sit, merito constitutum est, & rationem habet: cum pignora conuentione pacti etiam vsuris obstricta sint. Sed enim in causa, de qua agitur, haec ratio cessat, si quidem tempore contractus de minoribus vsuris petendis conuenit: postea autem, cum se debitor praestaturum maiores repromissit, non potest videri rata pignoris retentio: quando eo tempore, quo instrumenta emittebantur, non conuenit, ut pignus etiam ad hanc adiectionem teneatur.

S V M M A R I A.

- 1 *Pignus an in causam usurarum retineri possit.*
- 2 *Pignori obligari non potest res, ubi de pignore non conuenit.*
- 3 *In contrahendo, quæ in præfationibus concipiuntur, ea in stipulatione subiecta repetita creduntur.*
- 4 *In negotiis gerendis & contrahendis nulla est obligatio sine contrahentium consensu.*
- 5 *Pignus an possit retineri in vfuras maiores, in quas pignus nominatim obligatum non est.*

VT vfuræ pacto promissa seruari possunt, si soluta fuerint: sic & seruari per pignoris retentionem, si pignus a debitore in eas vfuras datum fuerit, vt hic traditur in *pr. & l. pignoris. j. cod.* Finge t̄ creditorem dedisse mutuam pecuniam, eo pacto, vt vfuræ semilles illi præstarentur: & debitorem in sortem & eas vfuras fundum suum dedisse pignori, quamuis fors ita soluta fuerit creditori, & vfuræ pacto promissæ peti non possint, tamen creditor iure fundum retinebit, donec ei vfuræ de quibus conuenit, præstentur. Huius iuris ratio hic redditur obscurior, sed quæ hanc sententiam habet: Ideo pignus in causam harum vfurarum retineri potest, quia in eam causam vere obligatum est. Nam pignus dari potest pro omni obligatione, etiam naturali. *l. res hypothec. de pig.* Vfuræ autem pacto promissæ naturaliter debentur, *l. j. §. in his. de solut.* Recte igitur hic scriptum est, pignus in eam causam obstringi.

Hociure posito, quæsitum est ex facto, Creditor mutuam pecuniam dederat, vt ante dixi, & in pecunia danda conuenerat, vt debitor vfuras semilles præstaret, si sua die pecunia soluta non esset. Debitor in vtramque rem, id est, in sortem, & in has vfuras pactas fundum quendam suum pignori dedit. Postea conuenit inter creditorem & debitorem, vt debitor, si pecuniam non solueret, vfuras besles vel centesimas, modo licitas præstaret, id est, præstaret multo maiores, quam sunt eæ, de quibus antea conuenerat. Quid autem his verbis & similibus significetur, dicetur *infr. ad l. eas.* In hac posteriore conuentione vfurarum maiorem de pignore dando, nihil dictum est. Debitor sortem soluit, & eius temporis, quo non soluerat, affert vfuras minores, de quibus initio conuenerat. Creditor petit vfuras maiores, & in eam rem retentione pignoris vtitur. Negat debitor eum retinere posse pignus in eam causam: ille ait se posse, quia per retentionem pignoris vfuræ pacto promissæ retineri possunt.

Respondent consulti Imperatores, primo, verum esse, & certum ius illud, quod creditor dicit, nempe per retentionem pignoris vfuras seruari posse, sed adiiciunt prius esse, vt in eas vfuras pignus obligatum sit, quod in proposito factum non est. Nam fundus pignori datus est in sortem, & in minores vfuras, de quibus initio conuenit: in maiores autem vfuras pignori datus non est, quia tunc cum de maioribus conuenit, nihil dictum est de pignore, nec potest res ali-

2 *qua t̄ pignori obligari, ubi de pignore non conuenit. l.aresto. quæ res pignori obligat.* Ex quo efficitur, creditorem in proposito maiores vfuras, quamuis facto promissas, per retentionem pignoris seruari non posse: & quod idem est, non posse pignus in eas vfuras retinere. Hic ergo duo dicunt Imperatores. Primum est: Pignus, quod in sortem & minores vfuras obligatum est, in posteriores vfuras, de quibus conuenit, obligatum non esse, quia de pignore in eam

causam nominatim non conuenit. Alterum: Non posse pignus retineri in eam summam, in quam pignus obligatum non est.

Horum vtrumq; falsum videtur. Itaque de eo cognoscendum est. Ac primo dici potest. Pignus quod in sortem & vfuras priores obligatum est, in vfuras maiores posteriores repetitum videri, quamuis aperte de eo nihil conuenierit. Hac ratione, quia quæ in præcedentibus dicta sunt inter aliquos; ea in sequentibus repetita intelliguntur. Quod probatur his argumentis. Nam in t̄ contrahendo, quæ in præfationibus concipiuntur, ea in stipulatione subiecta repetita creduntur. *l. Titius. §. 1. de verb. obl.* In testamentis legata ab instituto relicta, ab substituto repetita intelliguntur. *l. licet. de legat. 1.* In legibus, quod prioribus capitibus expressum est, id in sequentibus suppletur, quoties eadem ratio est rerum constitutarum: hoc ideo quia legislator voluit. Nam legis & legislatoris mens est, vt in quibus eadem ratio est, in iis idem ius statuatur. *l. vlt. sup. de constit. pec. l. illud. ad leg. Aquil.* Ergo in iis, quæ prius dicta sunt, in sequentibus repetita intelliguntur, quia id actum est, quia ita dicentibus placuit.

Quod si id aperte non apparet placuisse, nunquam repetita intelliguntur. Idq; maxime statuendum est in contractibus, & in ea specie, de qua hic nunc agitur, de qua ita in vniuersum habendum est. Qui se vel res suas in aliquam causam obligauit, nunquam se vel res suas in aliam causam obligationem eandem repetiisse intelligitur. Optima ratione, quia in t̄ negotiis gerendis & contrahendis nulla est obligatio sine contrahentium consensu. *l. i. §. 1. ff. de pact.* At debitor, qui se aut res suas in vnam causam obligauit, nunquam existimandus est, se aut easdem res in aliam causam obligasse. Nam omnes existimantur ita esse affecti, vt nolint facile iactare suum. Ac proinde nolint obligari, nisi ubi aperte voluerunt. *l. cum de indeb. de probat.* Inde hæc interpretatio sumta in iure, vt etiam in obscuris & ambiguis, semper id sequamur, quod minimum est, pro debitore nempe, vt quod minimum, debeat. *l. semper in obscuris. de reg. iur.* At hæc species est, quæ hic proponitur. Nam debitor fundum suum obligauit in sortem & vfuras minores: non obligauit in vfuras maiores aperte, id est, in aliam causam, de qua postea conuenit. Proinde in eam causam pignus obligasse existimari non debet, vt hic recte responsum est.

Quod attinet ad alterum, cum Imperatores volunt, pignus retineri t̄ nō posse in vfuras maiores, in quas pignus nominatim obligatum non est, falsum id videri potest ex *l. vn. j. etiam ob chir. pec. pig. ret. pos.* Nam ea l. efficitur, vt si debitor duas summas diuersas creditori debeat, quarum in vnam pignus obligauerit, alteram debeat chirographariam, id est, sine pignore, nihilominus pignus a creditore retineri posse, non tantum in eam summam, in quam obligatum erat, sed etiam in alteram summam chirographariam, id est, eam, quæ solo chirographo sine pignore debetur. Et si igitur quis concedat vfuras maiores in proposito deberi sine pignore, tamen ex superiore constitutione pignus in eas vfuras retineri potest. Respondeo: Lex superior tunc locum habet, cum chirographaria pecunia, in quam pignus retinetur vere debetur, id est, ita debetur, vt peti possit, & debitor cogatur soluere, qualis est ea, quæ mutuo data est, quo exemplo vtitur *d. l. vn. j. etiam ob chiro.*

Et Idque probatur dilucide in l. 5. §. 1. vers. sed si forte. Et vers. seq. de solut. vbi scriptum est, si debitor simpliciter pecuniam soluerit, eam pecuniam non posse retineri nisi in vsuras, quas debitor cogebatur exolvere: in eas autem, quæ ex pacto debentur, non posse retineri. Si ipsa pecunia ultro iam soluta non potest retineri in vsuras pacto debitas, multo minus pignus in eas vsuras retineri poterit, vbi in eas vsuras pignus obligatum videtur. Plus est enim reuera soluere, quam pignus dare.

Ad L. Adversus. 5.

Impp. Seuerus & Anton. AA. & CC. Sabino & aliis.

Adversus creditorem vsuras maiores ex stipulatu petentem, si probetur per certos annos minores postea contentus, utilis est pacti exceptio, secundum quod tueri causam potestis etiam adversus defensores civitatis maiores petentes ex cautione, si probaveritis semper quincunces amitam pupillorum vestrorum, quæ maiores canerant, dependisse.

S V M M A R I A.

- 1 Deremissione vsurarum aperta & tacita.
- 2 Vsuras quomodo creditor remittere intelligatur, cum de eo aperte nihil dixerit.
- 3 Minores vsuras qui accipit per 10 annos, non tantum præteriti temporis vsuras maiores petere non potest, sed nec in posterum. Et quid ei hac in re obstat. n. 4.
- 5 Creditor quomodo tacito pacto debitori maiores vsuras remittere intelligatur.
- 6 Debitor minores vsuras soluendo cur obligetur in maiores, & maiores soluendo in minores non obligetur.
- 7 Defensores civitatis hic qui sint.
- 8 Defensor civitatis an possit tacito pacto remittere maiores vsuras semel promissas nomine civitatis: & si ei sint maiores promissæ, civitati actio acquiritur inde.
- 9 Pactione nostra cur aliorum ius ladi non possit.
- 10 Pacisci de re sua unicuique licet.

Hic † locus est de remissione vsurarum. Ut ceteræ res pacto remitti possunt debitori, l. 5. §. 3. de pact. Ita & vsuræ, & quidem multo magis, ut est odium vsurarum. Remittit autem creditor vsuras alias aperte, alias tacite pacto. Aperte quando remittat, notum est. Vbi tacite remittat, hic locus docet, cum aliquot aliis, de quibus hic dicitur. Est autem sententia huius loci: Si creditor, cui vsuræ maiores solæ debebantur, veluti semisses, minores a debitore acceperit, hoc facto remittere maiores intelligitur, partim in præteritum, partim in futurum. In præteritum maiores remittere debitori intelligitur eas omnes, pro quibus minores accepit, ut ex hoc rescripto colligitur, in quo de remissione præteritarum vsurarum nihil quæritur, quoniam hæc remissio pro confessa habetur.

Sed quomodo † remittere intelligitur, cum de eo aperte nihil dixerit? Respondeo: Non tantum conveniri potest verbis, & aperte, sed etiam tacite, vbi consensus ex re & facto colligitur aliquo. l. 2. de pact. Remissio in proposito, consensus coniecturam habet non obscuram, quia dum debitor solvit minores vsuras, pro iis quas debet, & creditor ita vsuras accipit, iis vsuris contentus esse intelligitur pro iis, quæ debentur, l. si creditores. §. de pact. Minoribus contentus, aperte maiores præteritas remittere intelligitur. In futurum autem maiores intelligitur remittere, ut

eas in posterum petere non possit, si minores per certos annos acceperit, ut scriptum est hic. Per certos annos intelligere debemus, pro multis annos, ut interpretatur l. qui semisses. eod. per multos autem annos, valet idem quod diu, & diu idem cum minimum, quod per 10. aut plures annos, l. si cum fideicommissa. §. Aristoteli. qui & a quibus manumissus. lib. non si. Itaque hæc summa est, cum † qui vsuras minores per 10. annos accepit, non tantum præteriti temporis maiores vsuras petere non possit, sed ne in posterum quoque.

Sed quid † hic creditori obstat? Pacti conventio, ut hic scriptum est. Vnde intelligitur hæc conventio, quæ creditor remiserit, quod aperte non remisit? Nam quod minorum præstatione contentus fuit, solum contentus fuit pro iis præteritis, quæ solvi debebant, non pro futuris, quæ nondum solutæ sunt, alioqui minores accipiendo statim maiorum obligationem remittere intelligeretur. Resp. Intelligitur hæc conventio ex duabus rebus concurrentibus. Ex eo quod minores accepit, & ex perseverantia & diuturnitate eius voluntatis. Perseverantia declarat, illum non tantum in præteritum contentum esse minoribus, sed etiam in futurum.

Hic opponitur l. quāvis Bassa. §. h. t. vbi placet, eum, qui minores vsuras accipit, statim a maiorum vsurarum obligatione recessisse, neque exigitur, ut per 10. annos aut plures acceperit minores vsuras. Respondeo: Id recte responderetur in specie ibi proposita, vbi debitor minores promiserat. Idem promiserat separata stipulatione maiores sub conditione, si in minoribus præstandis aliquandiu cessaret. Si post præfinitum id tempus creditor ultro minores acceperit, solvente debitore, in posterum maiores petere non poterit. Non est id contrarium huic loco, vbi debitor solum vnas vsuras debuit, nempe maiores, pro quibus creditor minores volens acceperit, non quia debentur aut promissæ erant, sed quia voluit debitori gratificari. Differentiæ ratio hæc est, quia vbi debitor vsuras vnas tantum debuit, & creditor minores accepit, non potest intelligi creditor remisisse maiores, nisi ex diuturnitate temporis, quo minores accepit. At vbi debitor duas vsuras debuit, sepositis stipulationibus, idque sub contrariis conditionibus, priores eligendo, hoc ipso posteriore conditionem repudiassse intelligitur.

Neque id nouum est in hac specie, sed vetus ius est in l. commissoria. Venditus est fundus, ea lege, ut nisi ad diem certam pecunia pretii solveretur, fundus inemptus esset. Hic duæ conventiones sunt: Vna, ut debitor pretium soluat: Altera, sub contraria conditione, ut si pretium non soluat, fundus sit inemptus. Placuit, si post constitutum diem, pecunia non soluta, venditor emtionem eligat, id est, vel minimam partem pretii ab emptore accipiat, videri eum recessisse a l. commissoria, l. de lege. §. ult. l. pen. de leg. commiss. Id hanc habet rationem, quia soluendi pretii, & fundi inempti faciendi, contrariæ sunt conditiones. Proinde vna electa videtur creditor alteram repudiare. Idem in hac specie vsurarum contigit, cum debitor primo vsuras minores promisit, deinde promittit maiores. Nam maiores promittit sub conditione priori contraria, nempe si minores non soluerit. Minoribus igitur electis posterioris stipulationis conditio contraria repudiata recte dicitur.

Sed rursus huic loco obstat videtur l. cum quidam. §. diuus. ff. eodem. vbi placet, si creditor per longum tempus maiores vsuras non acceperit, quia non petit, remitti solum vsuras præteritas, neque eas omnes,

omnes, sed solum eas pensiones, post quas longum intervallum intercessit. Veluti si per decem annos non exegerit maiores vsuras, non intelliguntur remissæ, quia post eas decem anni non intercesserunt. Respondeo: Longe aliud est, creditorem vsuras maiores solum non petere; & aliud ita non petere, ut simul pro iis minores accipiat. Non petendo non intelligitur remittere, nisi præteritas, quas per longum tempus non petiit. Minores vltro accipiendo, non solum præteritas, sed etiam futuras maiores intelligitur remittere, de quibus ut certius liqueat, in summa sic habendum est.

5 Creditor ꝑ tacito pacto vsuras maiores debitori remittere intelligitur, aut minores accipiendo, aut maiores solum non petendo. Minores accipiendo remittere intelligitur maiores in præteritum, statim, ut ex hoc rescripto intelligitur: In futurum autem non statim. Sed refert utrum debitor maiores solas promiserit, an vero primo minores, deinde maiores sub conditione, si minores non soluerentur. Si solas maiores debitor promiserit, non aliter creditor minoribus acceptis maiores in futurum remittere intelligitur, quam si per 10. annos minores acceperit, ut hic cautum est. Quod si minores & maiores promiserit diversis stipulationibus, & sub conditione contraria, simul atque minores accepit, a maiorum obligatione recessisse intelligitur, *l. quoties. j. hoc tit.* Non petendo autem maiores vsuras, creditor nihil remittere amplius intelligitur, quam præteritas, & eas, post quas non petitas longum intervallum intercessit nempe 10. annorum. *l. cum quidam. §. diuus. ff. eod.*

6 Quæsitum est, cur ꝑ si debitor minores vsuras soluerit, in maiores liberetur, item si maiores soluat, in minores non obligetur, ut est in *l. creditor. §. vlt. de solut.* Ratio est in promptu, quia cum debitor minores soluit, creditor sciens accipit, eo pacto debitorem liberare vult, potest autem debitor pacto liberari. At cum debitor maiores soluit, neque vult in eas obligari, neque voluntate sua fieri potest, ut maiores soluat per ignorantiam, ut est species *d. l. creditor. de solut.* Non consentiunt, qui errant. *l. 2. de iud.* Sed etsi debitor sciens maiores soluat, non ideo tamen soluit, ut in posterum obligetur. *l. creditor. inf.* Et si vellet obligari, tamen ea conventionione obligari non potest, quoniam vsuræ citra vinculum stipulationis non debentur, *l. 3. sup. h.*

Adiicitur in hoc rescripto, *Eum qui minores vsuras diu soluit, in maiores ita liberari, ut hoc iure possit uti etiam aduersus defensores ciuitatis.* Hoc vero neque iuris, neque æquitatis ratione videtur defendi posse. Quod ut intelligatur, sciendum est, defensores ꝑ ciuitatis hoc loco non dici magistratus, ut interdum defensores ciuitatis accipiuntur, ut in *tit. de defenf. ciuit. sup.* Sed defensores ciuitatis hic dicuntur, ut alias in vlti iuris, qui res ciuitatis curant & administrant, qui dicuntur Syndici, *l. i. circa prin. l. vlt. §. defensores, de mun. lib.* Idem & actores ciuitatis dicuntur, in *l. 1. §. 1. quod cuique vniuers.* Hæc significatio hoc loco demonstratur ex adiunctis. Nam proponuntur hic defensores ciuitatis petere pecuniam, quæ petitio non conuenit magistratui, sed actori & syndico.

Horum defensorum & actorum persona & ius hoc est, ut si quid in re ciuitatis stipulati sint, eius rei actio utilis ciuitati acquiratur. *l. eum qui. §. si actori. de pec. conf.* Hoc ꝑ intellectu dicimus non posse defensori ciuitatis tacito pacto remittere maiores vsuras,

semel promissas nomine ciuitatis. Nemo paciscendo aut alio facto suo alterius actionem remittere, aut ius alterius lædere, aut in vniuersum conditionem alterius deteriore facere potest. *l. Imp. de transact. l. soluendo. de negot. gest. l. non debet. de reg. iur.* At cum maiores vsuræ promissæ sunt defensoribus ciuitatis, in re & negotio ad ciuitatem pertinente, effectum est actionem inde ciuitati acquiri, proinde quamuis defensores postea minores vsuras acceperint, ea res non lædet ciuitatem, nec actionem illi semel quassitam auferet.

Hæc sententia verissima est, nec vlla ratione infirmari potest, ut sunt superiora principia iuris & æquitatis communis. Nec ad hæc concilianda recipi villo modo debet, quod Bart. hic probat, & reliquis interpretibus probari dicit, ut dicamus, defensores ciuitatis aperta conventionione maiores vsuras remittere non posse, at tacita posse, dum scilicet minores vsuras accipiunt per conuiuentiam. Hæc distinctio ridicula est, & seipsam confutat. Nam si aperta contentio non habet maiorem vim, quam tacita; at certe eandem vim habet, quandoque expressa tanto firmitior & certior est, quanto certiora sunt ea, quæ exprimuntur, quam quæ intelliguntur. Quare si defensores ciuitatum aperte pacto maiores vsuras remittere non possunt, perspicuum est, eos tacita conventionione remittere multo minus posse. Deinde, hoc responso nullo modo diluitur obiectio. Non enim dicitur in *l. Imp. de transact.* aperta pactione non lædi ius aliorum, sed simpliciter non lædi pactione alterius. Primo ꝑ cur pactione nostra aliorum ius lædi non possit, hæc ratio est, quia alterius conditionem deteriore facere non possumus. At non minus sit deterior tacita conventionione, quam expressa. Proinde ius superius ad utramque pactionem pertinet, & pertinet maxime ad administratores ciuitatis, quos placet non magis pacto suo posse lædere ius ciuitatis, quam ceteros priuatos.

Nihil ad probandam superiorem distinctionem facit *§. si vero liberi. No. ut cum de app. cog.* Ibi ita ius est: *Si aliquis ex numero cleri Nestorianus aut Arrianus, & aliquis ex eo numero hæreticorum decedens, non habeat cognatos parentes aut liberos orthodoxos, placet eius bona deferri ei Ecclesie, in qua defunctus domicilium habuit.* Et adiicit: *Si Ecclesiastici intra annum hereditatem suscipere neglexerint, ut hereditas ad fiscum pertineat.* Hæc negligentia, tacita repudiatio & renuntiatio est. Ergo tacita pactione & repudiatione hereditas remitti potest. Sed palam est, hæc nihil ad questionem propositam pertinere. Nam illic non defensores Ecclesie, sed ipsi Ecclesiastici repudiant, id est, consistorium, penes quod est ius rerum Ecclesiasticarum, & breuiter Ecclesiastici omnes, non autem defensores Ecclesiarum. Deinde, si Ecclesiastici tacita repudiatione hereditatem amittere possunt, multo magis poterunt aperta repudiatione. Et ita statuendum est, si eiusmodi hereditas, de qua dixi, delata sit Ecclesiasticis, & nolint Ecclesiastici ad se pertinere, statim amittunt, quamuis tempora hereditatis adeundæ largiuntur *l. 1. §. qui semel. & §. quibus. de succ. edict.*

Restat igitur, ut quod hic dicitur, ius hoc scripto comprehensum etiam valere aduersus defensores ciuitatis, sic accipiendum sit, dummodo hi minores vsuras acceperint, qui pacto suo maiores repudiare potuerunt, ut scilicet semper pactum id hic retineatur, quod valeat. Id autem duobus modis contingit.

Vno, si defensores ciuitatis pecuniam propriam mutuo dederint, & capiant sibi maiores vsuras, hi si minores postea accipient, sibi nocebunt, & aduersus eosius huius rescripti valebit, quia licet vnicuique pacisci de re priuata & familiari, *l. iuris quis. §. si paciscar. de pact.* Altero modo, si priuatus creditor fuerit, cui debeantur vsuræ, & qui minores accepit pro maioribus, deinde, huic defuncto succedit ciuitas, cuius nomine defensores ciuitatis maiores vsuras nunc petant. Fiscus si priuato succedit, priuati iure vitur ut priuati successor, *l. cum quidam. §. si fiscus. ff. eod.* Multo magis ciuitas si priuato successerit.

Ad L. 6. 8. & 9.

DE his legibus satis dictum in Commentario ad titulum De vsuris.

Ad L. 7. Creditor.

Imp Anton. A. Aristeo.

Creditor instrumentis suis probare debet, quæ intendit, & vsuras se stipulatum, si potest. Nec enim si aliquando ex consensu præstita sunt, obligationem constituunt.

S V M M A R I A.

1. *Vsuras promissas qui recte petere vult, probare debet stipulatione promissas.*
2. *Debitor, qui de vsuris præstandis conuenit, si fidem pacti secutus pluribus annis vsuras soluerit, an ea præstatione ad conuentionem accedente in futurum obligetur, ut vsuras deinceps tanquam debitas præstet.*
3. *Heres indebitum fideicommissum annuum, relictum in imperfecto testamento, per triennium soluendo, in futurum ad id præstandum obligatur.*
4. *Vsuræ an ab herede defuncti sint soluenda hoc ipso, quod eas defunctus per longum tempus præstitisset.*
5. *Præstatio vsurarum diuturna an constituat earum obligationem.*

CONSTAT vsuras in strictis iudiciis citra stipulationem non deberi, quamuis de iis præstandis conuenerit, *l. 3. sup. hoc tit.* Hinc consequens est, eum qui vsuras promissas recte petere velit, probare debere stipulatione promissas, ut responderetur *hic in prin.* & pluribus in *l. 1. sup.* Sed hæc ita sunt, si nihil amplius interuenerit, ad obligationem vsurarum, quam sola pactio. Quæritur est, quid si is debitor, qui de vsuris præstandis conuenit, fidem pacti secutus pluribus annis vsuras soluerit? De solutis non quaritur, constat repeti non posse, ut docuimus *ad l. 3. sup.* De futuris quaritur, an quia debitor pactiorem suam agnouit, & sæpius vsuras præstitit, ea præstatione ad conuentionem accedente, in futurum obligetur, ut vsuras deinceps tanquam debitas præstet? Hic placet non magis debitorem eo facto obligari. Idem in *l. si certis. §. de pact.*

Hoc ius manifestam rationem habet: nam debitor, qui vsuras postea soluit, neque in posterum obligari voluit, nec si voluisset, tamen potuisset. Primum, si voluit ea præstatione in posterum obligari, hoc tenendum est, eum obligari non posse. Rata est enim hæc sententia: In negotiis gerendis & omni conuentione nullam esse obligationem sine consensu, seti nullam esse obligationem, ubi id ipsum non agitur, ut quis obligetur, *l. 1. §. 1. de pact. l. non omnis. si cert. per.* At qui vsuras soluit, non ideo vult in posterum eas dare. Quis enim si per errorem soluerit, iuris error consensum non habet, *l. 2. de iud.* Sed etsi sciens indebitas soluat, tamen fieri potest, ut ideo soluat, quia libet ei præstare pro specie, & liberalitatem interim

exercere, vel quia vult eo facto sibi conciliare creditorem, ne sit molestus in sorte repetenda. Nemo igitur ex ea præstatione consensum facere tempus recte colligit, *argumento l. neque naturalis. sup. de probat.* Sed amplius dicimus: Etiam si debitor solueret vsuras eo nomine, ut perpetuo eas præstaret, non tamen potest ad eas præstandas eo pacto obligari, repugnante vsurarum conditione & iure, quia vsuræ nulla conuentione citra vinculum stipulationis in strictis iudiciis deberi possunt.

Quid ergo si debitor non semel, sed per totos tres annos eas soluerit? Respondeo: Non eo magis in futurum obligabitur, iis rationibus, quas supra dixi, quia etiam per tot annos præstando, neque voluit obligari, nec si vellet, potuit. Non obstat, quod si heres indebitum fideicommissum annuum, relictum in imperfecto testamento aut imperfectis codicillis præstiterit per triennium, placet eum in futurum ad id præstandum obligari, *l. inf. de fideicom.* Nam heres per tot annos fideicommissum præstando, voluntatem defuncti agnoscit. Hæc autem voluntas est, ut in futurum perpetuo fideicommissum præstetur. Proinde heres per tot annos soluendo, hoc animo est, ut in perpetuum præstet, & ut vult in perpetuum obligari, ita etiam voluntate sua obligatur hereditatem adeundo & quasi accipiendo a testatore, ut ipse faceret. Quæ ratio est, cur heres obligetur legatis, *§. item heres. Instit. de oblig. quæ ex q. cont.* At debitor, qui vsuras per tot annos soluit, neque ideo soluit, ut perpetuo id faciat, aut conuentionem agnoscat, nec si agnoscat, iure obligari potest, ut supra effectum est.

Quid si non per tres annos tantum, sed longo tempore, id est, per decennium soluerit, fidem pacti sui secutus? Respondeo: Si neque ideo soluere existimatur, ut in perpetuum obligetur, neque id volens, tamen pactiione obligari potest, consequens est, quæ totumque tempore eas soluerit, ea tamen præstatione in futurum non obligari: ut sine exceptione verum sit, quod hic dicitur: eum qui ex pacto aliquoties vsuras soluit, in futurum tamen non obligari.

Hic obstat *l. cum de in rem verso. ff. eod.* ubi scriptum est: Imperatore iudicasse, vsuras ab herede defuncti esse soluendas, hoc ipso, quod defunctus eas vsuras per longum tempus præstitisset. Quibus verbis significatur, vsurarum præstationem, si longo tempore præstita sint, inducere earum vsurarum obligationem; aut si obligationem non inducit, saltem inducere eius obligationis probationem, ut præsumantur debita per stipulationem, quas debitor tot annos præstitit. Respondeo: Neutrum horum colligitur ex ea lege, quoniam responsum aptandum est ad quæstionem & speciem illic propositam. Ex specie autem pacti nihil superiorum colligi intelligitur.

Species hæc est: Filius familias mutuum pecuniam acceperat, & eius pecuniæ vsuras promiserat creditori, constabatque tam de pecunia filio familias data, quam de vsuris ab eo recte promissis. Pater eius pecuniæ vsuras per longum tempus præstiterat, id est, per 10. aut plures annos. Mortuo patre creditor eam pecuniam repetebat ab herede patris, tanquam a patre debitam, ideo quia in rem patris versa esset: quod indicant illa verba, quæ sunt in principio, cum de in rem verso cum herede patris ageretur, &c. Ergo agebatur cum herede patris ideo, quia diceretur pecunia versa in rem patris, quod heres

negabat. Præterea creditor ab eodem herede petebat eius sortis vfuras, quas ille non soluiſſet. Subiicitur enim ibidem in principio, *Et vſurarum quaſtio moueretur, ſupple cum herede patris*, heres negabat, ſe eas vfuras præſtare debere, duabus de cauſſis. Primo, Quia defunctus eam pecuniam nõ debuiſſet, vt iam dixerat, vtpote in rem patris nõ verſam, deinde, quia etiamſi ſors in rem patris verſa eſſet, tamen non debuit pater vfuras, quorum ſtipulationem pater non agnouifſet. Creditor non poterat probare aperte pecuniam in rem patris verſam eſſe: Non etiam poterat docere, patrem agnouifſe, ſeu ratam habuiſſe ſtipulationem vſurarum, quæ a filio interpoſita erat. Sed coniectura & argumento ad vtramque rem vtebatur, quod diceret: Pecuniam in rem patris verſam eſſe, & patrem agnouifſe vfuras a filio eo nomine promiſſas, certum argumentum eſſe, quod ipſe pater vfuras eius pecuniæ præſtituiſſet, & præſtituiſſet longo tempore. Sic enim declarafſe eum, ſe eam pecuniam debuiſſe. Neq; enim ſolueret vfuras eius ſortis, quam non deberet, & quia non potuit debere, niſi in rem ſuam verſam, declarauit eo facto in rem ſuam verſam eſſe. Eodem facto declarauit, ſe agnouifſe ſtipulationem vſurarum, nam niſi agnoſceret, tamdiu in præſtatione vſurarum non perſeuerafſet.

In hac quaſtione Imperator, qui quaſtionis iudex erat, iudicauit vfuras ab herede eſſe præſtandas, eo quod pater, per longum tempus eas præſtituiſſet. Hoc in ſpecie propoſita rectiſſime reſpondetur, id eo, quia ſequitur patrem ex diuturna præſtatione vſurarum, declarafſe, ſe ſortem non debuiſſe, vt in rem ſuam verſam. Et vt hoc de ſorte declarauit, ita multo magis declarauit, ſe ſtipulationem vſurarum agnouifſe. Ratio huius iudicii hæc eſt, quia quod pater per tot annos vfuras ſortis ſoluit, neceſſe eſt aut cauſſam eſſe liberalitatem eius, aut quia eam pecuniam debuit. Liberalitatis cauſſa ſoluiſſe, exiſtimare non debemus, quia donare, perdere eſt, *l. filiusfam. de donat.* Nemo enim facile rem ſuam iactare credendus eſt, *l. cum de indebito, de probat.* Reſtat igitur, vt id eo ſoluerit, quia debebat. Et ſi in ſorte hæc ratio locum habet, multo magis locum habebit in vſuris, vt pater quemadmodum ſortem a ſe deberi agnouit, ſic intelligatur agnouifſe deberi a ſe vfuras, non pacto nudo, ſed ex ſtipulatione filii, quæ diuturna præſtatione agnouit.

Quæ cū ita ſint, apparet non probari hoc reſponſo, ꝑ propter diuturnam præſtationem vſurarum conſtitui vſurarum obligationem. Nam pater, qui eas diu præſtitit, non ideo eas debet, quia ſoluit: Sed quia pecuniam ſortis in rem ſuam verſam, debuit, & contractum filii ſui agnouit, & ratum habuit: Quæ ſunt iuſtæ cauſſæ, cur quis ſortem & vfuras debeat. Sed propter præſtationem diuturnam exiſtimatur pecunia in rem patris verſa, & contractus filii a patre agnitus, ob eas cauſſas quas ſupra dixi. Sed ſi pater ꝑpter diuturnam præſtationem vſurarum præſumitur debuiſſe ſortem ipſam: recte eadem ratione præſumetur ipſas vfuras iure debuiſſe, nimirum ꝑ ſtipulationem, ſi ſorte creditor ꝑ ſtipulationem promiſſas dicat. Reſp. Nullo modo, quoniam hæc ſunt diſtincta: Nam pater qui vfuras diu ſoluit, ſi ꝑ liberalitatis cauſſam non ſoluit, non poteſt videri ob aliam cauſſam ſoluiſſe, quam quia ſortem debuit. Liberalitatis aut cauſſa ſoluiſſe exiſtimandus non eſt, vt dixi. At debitor poteſt vfuras diu ſoluere multis aliis de

cauſſis, quam quod ſtipulatione debita eſſent. Fieri poteſt, vt ideo ſoluerit, quia pactus erat, & bona fide agnoſcere voluerit. Fieri etiam poteſt, vt omnino indebitas ſoluerit, ideo vt eblandiretur fauorem creditoris, ne ille pecuniam celerius reſpiceret, quam debitor vellet. Ita præſtatio vſurarum ſine ſtipulatione eſſe poteſt. Quare præſtatio diuturna vſurarum idoneam probationem promiſſarum vſurarum non continet, vt eſt in *diſt. leg. neque natales, ſupr. de probat.*

Summa hæc erit: Vſuræ ita exigi poſſunt, ſi ꝑ ſtipulationem promiſſæ aperte probentur. Diuturna earum præſtatio ad eas in poſterum exigendas, plane eſt inutilis. Nam neque inducit obligationem vſurarum, vbi conſtitit, vfuras non fuiſſe debitas, vt hoc loco, neque inducit probationem vſurarum ſtipulatione promiſſarum, vbi creditor intendit ſibi vfuras ſtipulatione promiſſas.

Ad L. 10. Vſura.

Imper. Anton. A. Donato.

Vſura per tempora ſoluta non proficiunt reo ad dupli computationem. Tunc enim vltra ſortis ſummam vſura non exiguntur, quotiens tempore ſolutionis ſumma vſurarum excedit eam computationem.

S Y M M A R I A.

- 1 *Vſura vltra duplum ſortis exigi non poſſunt.*
- 2 *Quæ vſura reo ad dupli computationem proficiant.*
- 3 *Vſura cur vltra duplum non exigantur, cum ſolueda excedunt duplum.*

I Ex ꝑ eſt vetus, vfuras vltra duplum ſortis exigi non poſſe, vt intelligimus ex *l. penult. in fin. l. 1. eo. ex N. vt particulares vſurarum ſolutiones, 121. §. vltim.* Circa ꝑ hanc legem quaſtum eſt, quæ vſura hic intelligantur, vtru omnes, tam ſolutæ quam nõ ſolutæ, vt ea omnes computentur in duplo, vltra q lex vfuras exigi vetat, an vero intelligantur vſura nondum ſolutæ, non autem eę, quæ iam ſolutæ ſunt. Et *L. 1. vltim.* ſic accepta eſt, vt in hoc duplo vltra quod vſura exigi non poſſunt, placeret computari ſolum vfuras nondum ſolutas, eas autem, quæ iam ſuis temporibus ſolutæ eſſent, non eſſe computandas, quod hoc reſcripto declaratur. Id autem, vt poſſit plenius intelligi, ſic ius in hoc exemplo expoſui. Debitor vfuras debebat centeſimas, quibus caſibus centeſima vſura deberi poterat. Vſura centeſimo menſe conſicit ſummam ſortis, vt dicemus ad *L. eas*, ſuo loco. Ergo ducenteſimo menſe exigit duplum ſortis. Poſt ducentos menſes, creditor vſuram centeſimam petat, remouetur a debitore, quod dicat, enim petere vſuras vltra duplū ſortis, quod lex ſuperior vetat. Quæritur an recte petat, necne, & an petendo contra legem ſuperiorem faciat? Veteres diſtinguebant hoc modo: Si per totos ducentos menſes debitor vfuras centeſimas non ſoluiſſet, & poſt ducenteſimū menſem creditor inciperet, & eam ſummam, & ſequentis temporis vfuras peteret, non poſſet creditor vſuras petere vltra duplum ſortis. Quod ſi debitor vſuras ſoluiſſet per tot menſes, aut ſoluiſſet per 100. menſes, placebat legem ſuperiorem nõ obſtare, quominus creditor poſt ducentos menſes, eaſdem vfuras peteret, quia ſolutæ antea vſuræ noti computarentur in duplum, vltra quod lex vfuras exigi vetat. Atque hæc ſententia eſt huius reſcripti, vt ex interpretatione verborum cognoscitur.

Ait igitur lex: *Vsura per tempora soluta, id est, soluta particulatim suis quaque temporibus & pensionibus, non proficiunt reo ad dupli computationem*, id est, non profunt reo ad hoc ut computentur in duplo, ultra quod lex usuras exigi vetat. Subiicitur ratio: Tunc enim ultra fortis summam usurae non exiguntur. *supple, supra duplum fortis*, ut subiicitur, cum tempore solutionis, id est, eo tempore, quo usurae solui debent, eoque non solutae petuntur, cum inquam eo tempore quantitas usurarum petitarum excedit eam computationem, nempe computationem & summam dupli, de qua initio rescripti responsum est. Est autem breuiter haec sententia: Tunc enim usurae supra duplum non exiguntur, cum usurae, quae solui debent & non solutae repetuntur, eo tempore, quo petuntur, excedunt dupli computationem, ut sit summa, in eo duplo, de quo quaeritur, usuras ante solutas non computari, sed computari solum soluendas, id est, nondum solutas.

3 Sed quaeritur ratio huius rationis. Cur enim tunc usurae ultra duplum non exiguntur, cum soluendae excedunt duplum? Respond. Ratio ex verbis legis, supra scriptae ducitur, nam lex vetat usuras exigi ultra duplum, & ideo lex se retulit ad id tempus, quo usurae petuntur, & ad summam usurarum petitarum ultra duplum. Non petuntur ultra duplum, nisi nondum solutae, nam solutae amplius peti non possunt. Haec sententia huius legis confirmatur aperte, in d. N. 121. §. ult. Hoc loco lectio variat, quae varietas difficultatem loci auxit, & quibusdam ansam praebuit, ut variarent in sententia huius loci, sed ne de hac varietate frustra litigemus, utraque lectio recta est, & exprimit eandem sententiam. Nam qui dicit usuras ultra duplum non exigi: is aperte ius refert, quo illud cautum est. Qui autem dicit, usuras supra duplum fortis exigi, is factum refert, sed id factum, quod statim intelligitur esse contra legem. Nihil autem interest utrum dicamus, usuras ultra duplum exigi, quod lex vetat.

Sed huic interpretationi & distinctioni veterum opponitur rei absurditas. Plusquam enim absurdum videtur in duplo, ultra quod usurae exigi non possunt, computari usuras a debitore non solutas, eas autem quae solutae sint, non computari, cum sit multo aequius legem benigne interpretari, pro eo, qui sponte bonam fidem agnouit, & usuras soluit, quam pro eo, qui creditorem suum frustratus est non soluendo. Et certum est hanc interpretationem aliquid absurdi habere, sed veteres verba legis retinebant, quia lex est de usuris exigendis. Non exiguntur autem solutae, sed nihilominus in re eadem iniquitas & absurditas manet, quae res recte causam praebuit Iustiniano huius iuris abrogandi, ergo is constituit, ut siue usurae solutae non sint intra tantum tempus, quod efficiat duplum fortis, siue iam ante, per tempora sua solutae sint, amplius non possint usurae exigi. Id esse & cum est illis N. 26. quas supra recitauimus.

Ad L. 11. Ex praediis.

Imperator Anton. A. Popilio.

Ex praediis pignori obligatis creditor post oblatam sibi iure pecuniam, quam non suscepit, si fructus accepit, exonerari fortis debitum, certum est.

S V M M A R I A.

1 Fructus ex re pignoratam percepti exonerant sortem.

2 Et quando in usuras computentur.

Creditor fructus ex re sibi pignoratam perceptos suos non facit, sed aut restituere debet, si existant, aut consumptos in debitum imputare: quo modo fructus percepti debitum exonerant. Idque ita est, etsi debitor nunquam pecuniam creditori obtulerit, l. 1. 2. *supr. de pign. act.* Quid est igitur, quod in hoc rescripto dicitur, fructus ex re pignoratam perceptos exonerare sortem, si debitor pecuniam creditori obtulerit & postea creditor fructus perceperit? Respond. Hoc eo additum est, quia non tamen semper hi fructus in sortem imputantur, sed interdum computantur prius in usuras. Quod maxime tunc contingit, cum in pignore dando conuenit, ut creditor in vicem usurarum fructus perciperet, ut est species, in l. 1. §. penul. *de pign.* In hac conuentione locus est huic rescripto. Ut si ab initio fructibus nondum a creditore perceptis pecunia credita offeratur, sola haec oblatio impediatur, quo minus ii fructus percipi possint, & imputari in usuras, quia, ut dixi *ad l. si per te, supr. eod.* prius quam usurae deberi coeperint, sola oblatio sortis cursum usurarum impedit. Quod si fructus hi non imputantur in usuras in specie proposita, consequens est, quod hic responderetur, in sortem imputari. Summa: Rescriptum pertinet ad eandem sententiam, quae tradita est in d. l. si per te.

Ad L. 12. Frumenti.

Imp. Alexand. A. Tyranno.

Frumenti vel hordei mutuo dati accessio etiam ex nudo pacto praestanda est.

S V M M A R I A.

- 1 Frumenti & olei usura, an quoque debeantur.
- 2 Usura frumenti & olei cur etiam ex pacto debeantur, aliter ac sit in usuris pecunia.
- 3 Et non tantum ex pacto, sed etiam pacto nudo.
- 4 Dictionum, pactum nudum, diuersa acceptio, & *supr. 6.*
- 5 Usura pecunia traiecticia an ex pacto etiam debeantur citra stipulationem.

Frumenti tamen & olei mutuo dati nomine, etiam usuras deberi posse placet, ut h. & l. oleo, *infr.* Atqui initio huius tituli dixi usuras non consistere, nisi ubi pecunia deberetur? Respondeo, Usura pecuniae admittitur, consequens fuit, ut eadem ratione aequitatis, etiam usurae in hoc genere rerum admitterentur. Usura pro usu pecuniae praestatur. Par est ut pro usu istarum quoque rerum usura praestetur, quarum non minor est usus, quam pecuniae. Hoc tamen amplius proprie placuit in his rebus, ut usurae etiam ex pacto debeantur, ut hic adiectum est, in quo ius singulare harum rerum notandum est, cum in pecunia numerata placeat, non aliter usuras deberi in strictis iudiciis, quam si stipulatione promissae fuerint, l. 1. l. 3. l. creditor, *supra hoc tit.*

Sed cur hoc potius in frumento, oleo, & similibus rebus placuit, quam in pecunia numerata, cum semper usura sit usura, quibuscunque ex rebus praestetur? Usura autem res odiosa non sit adiuvanda, interpretatione legis, cum quidam, de lib. & posthum. Respon. Id eo comparatum videtur, quia magis necessarius est usus istarum rerum quam pecuniae numeratae. Nam vita nostra pecunia carere potest, frumento & similibus rebus ad victum pertinentibus, carere non potest. Ut igitur publicae utilitati, & necessitati consule-

consuleretur, inuitandi erant creditores, ut facilius has res mutuo dare vellent. Quod ita fit, si liceat ex hoc mutuo consequi vsuras, secundum regulas communes iuris, id est, non solum ex stipulatione, sed etiam ex pacto, ubi nominatim frumentum & similes res dederunt ea lege & pacto, ut debitor pro iis vsuras penderet. Nam in traditionibus rei numeratae quodcumque pactum interpositum, valet secundum regulas iuris, quamuis nulla stipulatio interuenerit, *l. in traditionibus, l. diuisionis, de pact.*

Sed amplius adiicitur hoc rescripto, quod regulis iuris aduersari videtur. Placet enim harum rerum nomine vsuras deberi, non tantum pacto, sed etiam pacto nudo, ut hic diserte scriptum est. Hoc vero regulae iuris aduersari videtur, quia placuit, ex pacto nudo actionem non nasci, *l. legem, supr. de pact. l. iuris gent. §. sed cum nulla, de pact.* Nos vero dicimus, secundum regulam supra scriptam vsuras, neque frumenti nomine, neque in aliis causis omnibus, ex pacto nudo deberi posse, ut pactum et nudum accipitur in regulis iuris. Nudum enim illic dicitur, ubi in continenti pactum adiectum non est, seu non est adiectum in re mutua tradenda, veluti, si frumentum tibi mutuo dederim ab initio simpliciter, postea conuenierit, ut vsuras mihi praestares. Hoc pactum in superiori regula nudum dicitur, quia interpositum est contractui iam perfecto, non autem in re mutuo danda. Ex hoc pacto vetat superior responsio actionem nasci. Hanc regulam in vsuris etiam sequemur, dicimusque: Nunquam aliquem in hoc genere rerum, de quo agimus, aut in aliis personis, aut in ciuitate, vsuras debere eiusmodi pacto, sed tunc solum, cum creditor frumentum dedit mutuo, & in eo dando nominatim conuenit, ut vsurae praestarentur, vel aliis verbis, cum frumentum dedit nominatim ea lege, ut frumentum praestaretur.

Hac sententia confirmatur his argumentis. Ceterae res omnes quamuis honestae & minime odiosae pacto nudo promissae, iure ciuili peti non possunt, ex regula superiori. Ergo multo minus vsurae poterunt, res odiosae: odia magis restringenda sunt quam adiuvanda, & si contra fieret absurde constitueretur, non tantum inique, *dist. leg. cum quidam, D. de lib. & posthum. c. odia, extra. de reg. iur.* Deinde in bonae fidei iudiciis ubi vsurae praestantur ex conuentione & pacto, non debentur vsurae ex pacto, nisi in continenti adiecto, id est, in re contrahenda, *l. initio, infr. de pact. inter emt. & vend.* Ergo multo minus in strictis iudiciis debebuntur ex pacto, nisi in re tradenda pactum fuerit interpositum. Postremo et in traiectionibus pecunia aequissime constitutum est, vsuras etiam ex pacto deberi citra stipulationem, propter periculum creditoris in pecunia mutuo data, *leg. periculi, D. de naut. faen.* At etiam in hac pecunia non debentur ex pacto vsurae, nisi cum nominatim pecunia data est, ea lege, ut vsura centesima praestaretur. *l. in quibuscunque, de naut. faen.* Ergo nec frumento, aut similibus rebus mutuo datis, aliter debentur vsurae ex pacto, quam si ea res nominatim datae sint, ea lege, ut vsurae praestarentur.

Sed opponitur hic locus, ubi diserte scriptum est, vsuras in hoc genere rerum etiam ex nudo pacto deberi. Respondeo. Superioribus argumentis admonemur, pactum nudum verbum ambiguum esse. Aliter et enim nudum dicitur, cum de pactis agitur, & placet ex pacto nudo actionem non nasci; aliter cum

agitur de vsuris, ut hoc loco. Cum de pactis agitur, nudum intelligimus, quod in continenti adiectum non est, aut nullam aliam causam habet, praeter conuentionem. In vsuris, nudum pro loco proposito accipere oportet, nudum ab ea re, de qua hic agitur, nempe nudum a stipulatione, quae in ceteris vsuris desideratur, & ita nudum explicatur in *dist. leg. periculi, in fin. de naut. faen.* cum dicitur, vsuras nauticas deberi ex pacto, & adiicitur, citra stipulationem.

Ad L. 13. In bona fidei iudiciis.

Imp. Alex. A. Eustachiae.

In bona fidei iudiciis (quale est negotiorum etiam gestorum) vsurarum rationem haberi certum est. Sed si finitum est iudicium sententia: quamuis minoris condemnatione facta est, non adiectis vsuris, nec pronocatio secuta est: finita retractanda non sunt: nec eius temporis, quod post rem indicatam fluxerit, vsura ullo iure postulantur, nisi ex causis indicatis.

S Y M M A R I A.

- 1 Vsura quibus ex causis in bona fidei iudiciis citra stipulationem debeantur, & cur, nu. 5.
- 2 I. Ex conuentione quomodo.
- 3 II. Sine conuentione ex mora.
- 4 Fiscus ex suis contractibus vsuras accipit, ipse non dat.
- 6 An etiam vsurae sine mora debeantur in bona fidei iudiciis.
- 7 Vsurae in bona fidei iudiciis quo iudicio exigantur & obtineantur.
- 8 In fideicommissis & legatis, cur potius vsurae debeantur ex mora, quam in aliis strictis iudiciis.

Traditur in hoc rescripto, in bona fidei iudiciis vsurarum rationem haberi, id est, vsuras etiam compitari, & accedere supra sortem: Et adiicitur, quomodo in iis vsurae peti & obtineri possint. Sed regula superior fallax est: Simpliciter enim dicitur, in iis iudiciis vsurarum rationem haberi: Quid ergo, cum sine discrimine in iis iudiciis vsurae debentur? Deinde adiicitur, in bona fidei iudiciis: Quid ergo, an cetera iudicia hoc verbo excluduntur? Ergo ut generalitas huius definitionis nos non fallat, dicendum est, quibus modis vsurae accedant in his iudiciis: Et adiectionem, bona fidei iudiciorum, alia iudicia non excludere. De qua re tota, ut liqueat, sic habendum est.

Duobus in generibus iudiciorum vsurae citra stipulationem debentur, etiam inter primates: In bona fidei iudiciis, & iis, quae ex testamento nascuntur, id est, legatis & fideicommissis. In et bona fidei iudiciis, citra stipulationem vsurae debentur, non simpliciter, ut hic regula tradita efficere videtur, sed ex duabus his causis, ex conuentione, & sine conuentione ex mora. Ex et conuentione vsurae debentur, veluti cum re vendita, & tradita emptori, si dem habuit de pretio, sed nominatim conuenit, ut vsuras praestaret. Idemque est in mercede locationis, & ceteris summis, in contractu bonae fidei debitis, *l. cum quidam, §. eas. Instit. hoc tit. l. in initio, de pact. inter emt. & vend.* Sed de conuentione quod dictum est, sic accipi debet, si de vsuris praestandis initio contractus conuenierit, seu in re contrahenda, *dist. leg. in initio, l. tempore, infr. de pact. inter emt. & vend.* Quod

secundum regulas iuris exigitur, quibus efficitur, ex pacto ita actionem nasci in bonæ fidei iudiciis, si pactum in continenti secutum sit, *l. in bonæ. sup. de pact. l. iurigent. §. quinimo, D. de pact.*

3 Sine t̄ conuentione in iis iudiciis vsuræ debentur ex mora, *d. l. cum quidam, §. eas, D. eod.* Idq; est, quod dicitur in bonæ fidei iudiciis fructus ex mora præstari, *l. mora, §. in bonæ fid. D. hoc tit.* Nam in iis iudiciis vsuras vicem fructuum obtinere placet, *l. vsuræ, D. hoc tit.* Excipitur fiscus. Is enim ex suis contractibus vsuras t̄ accipit, ipse non dat, *l. cum quidam, §. fiscus, D. eod.* Cur t̄ in iis iudiciis ex iis causis vsuræ accedant, facit iudiciorum conditio, in quibus omnia æstimantur, quæ ex bona fide & æquitate oportet præstari, *§. in bonæ, fustit. de actio.* Nihil autem æquius, quam pacta seruari inter contrahentes, *l. ex emto. in pr. de act. emt. l. 1. in pr. de pact.* Sed & æquissimū est, frustrationem debitoris impunitam non esse, *l. hereditatem, mandat.*

6 Vt autem t̄ in iis iudiciis vsuræ debentur ex superscriptis causis, ita ubi de vsuris nihil conuenit, sine mora vsuræ non debentur, quantumuis diu debitor, quod ex iis contractibus debet non soluit, *d. l. cum quidam, §. eas, D. eod.* Non obstat quod dicitur in *l. 2. supr. eod.* Emtozem debere pretii vsuras, simul atque ei possessio tradita fuerit. Ibi enim docuimus, etiā ex eo tempore moram a debitore fieri, tanquam ea traditione satis interpellato. Non obstat etiam, quod traditur in *l. 1. §. 1. de vsur.* si socius communem pecuniam inuasit, & in suos vsus conuerterit, deberi vsuras, etiam mora non interueniente. Hoc enim sic interpretandum est, etiam mora alia, seu mora noua non interueniente: Nam reuera satis mora ab initio facta intelligitur, cum socius pecuniam inuasit. Imo ex tempore delicti plusquam frustrator debitor intelligitur, ut diserte traditur, in *l. ult. de conduct. furt. l. pen. unde vi.*

Sane in quibusdam iudiciis bonæ fidei vsuras deberi, constat sine vlla mora, ut in administratione alienorum negotiorum, si procurator inuenerit pecuniam aliquam domini, & eam non collocarit fœnori, sed otiosam manere passus sit, præstabit vsuras, quas dominus consequi potuisset, si modo & dominus pecunias locare consueuisset, *l. qui semisses, §. ult. D. hoc tit.* Hoc autem contingit sine vlla mora procuratoris, quia nunquam a domino est interpellatus, nec mora fit sine interpellatione, *l. mora, D. eodem.* Idem procurator, si pecuniam debuerit domino, cuius negotia administrat, eam pecuniam a se exigere debet, & nisi exegerit, tenetur Neg. gest. actione vel mandati. Et si ante pecuniam debebat sine vsuris, debitum incipiet esse vsurarium, *l. si pupilli, §. ult. de negot. gest.* Idem procurator in contraria actione negot. gest. vsuras a domino exigit, sine vlla mora. Nam si pecuniam mutuum sumserit sub vsuris, ut ea pecunia liberaret dominum suum, exigit eas vsuras a domino contraria actione negot. gest. & si de suo impenderit in rem domini, exiger a domino vsuras pro consuetudine loci præstari solitas, *l. §. in contraria, D. eod.*

An non ergo hoc ius saltem superiori regulæ contrarium est? Respon. Nequaquam. Nam quas vsuras procurator præstat domino, & quas a domino exigit, in superscriptis causis, hæ non tanquam vsuræ præstantur, sed tanquam fors, quæ principaliter præstat domino vsuras in superioribus causis, nihil præstat, nisi

negligentiæ & culpæ suæ damnum, quod dominus passus est, propter procuratoris negligentiam. Hæc æstimationo culpæ, est id, quod procurator domino principaliter debet ex negotiorum administratione, *l. 2. de negot. gest.* Item cum procurator vsuras a domino exigit, in iis causis, quas dixi, exigit id quod sibi abest: Nam absunt illi vsuræ quas præstat, & quas consequi potuisset. Id autem quod procuratori abest, propter negotiorum administrationem est id, quod illi contraria actione principaliter debetur, *d. l. 2. de negot. gest.* Non ergo hic vsuræ præstantur & exiguntur, ut vsuræ & accessiones fortis. Ita manebit regula hæc: in bonæ fidei iudiciis vsuras nō nisi ex mora deberi.

Sed t̄ quo iudicio hæ vsuræ exiguntur, & quomodo obtinebuntur? Hic ius diligenter notandum: vsuras in iis iudiciis ex conuentione aut ex mora debitas, non peti nisi actione principali de sorte, *leg. 4. infr. de poss.* cui consequens est, ut actione fortis sublata vsuræ in iis iudiciis ex superscriptis causis peti non possint. Et ideo si debitor sortem soluerit, nulla mentione facta vsurarū, creditor de vsuris postea experiri non poterit. Actione enim fortis sublata, nulla relinquitur actio de vsuris & accessionibus, *l. centum Capua, de eo quod certo loco.* Hinc & illud consequens, quod in hac *l. in extremo* dicitur, ut si creditor de sorte egerit, & forte condemnatio vsurarum nulla facta sit, nec ab ea sententia appellatum sit, postea de vsuris non possit experiri, scilicet, quia sententia iudicis, vetus actio sublata est, *l. 4. infr. de poss.*

Hic occurrebatur. At post rem iudicatam manet actio iudicati de sorte, *l. miles, §. ult. de re iud.* Ergo saltem actione iudicati agere poterit, cui vsuræ accedunt? Respondetur in hoc rescripto, actione iudicati vsuras non deberi. Huius sententiæ ratio est hæc, quia in bonæ fidei iudiciis non debentur vsuræ, nisi ex mora, ut supra effectum est. Debitor autem moram non facit, a quo fors peti non potuit, *l. lecta, vers. pen. si cert. pet. l. nulla, de regul. iur.* Intra tempora autem iudicati nulla petitio est aduersus iudicatum, *leg. cum militi, §. ult. D. de compens.* Proinde secundum regulas iuris vsuras eius temporis debere nō potest. Transacto tempore iudicati, debet proprio iure, *l. 1. §. tot. tit. de vsur. rei iud.* Non est simile, quod traditur de fructibus. Placet enim condemnatum intra tēpora iudicati fructus præstare debere, *leg. 3. 1. resp. D. hoc tit.* Sed idcirco dicitur, quia perceptos habet, si non percepit, percipere potuit, & ideo merito culpam præstat.

Nō tantum ius superius seruatur in bonæ fidei iudiciis sed etiam in legatis & fideicommissis, in quibus vsuræ citra stipulationem ex mora quoque accedunt, *l. 3. §. ult. l. mora, §. in bonæ. de vsur.* Sed t̄ cum legata & fideicommissa debeantur actione stricti iuris, *l. alias, D. de in lit. iur.* cur in iis potius vsuræ debentur ex mora, quam in strictis aliis iudiciis? Respondeo, Id facit supremarum voluntatum fauor, quo fit, ut publice intèresse existimetur supremas voluntates exitum habere, *l. vel negare, D. quemadmodum testament. aper.* Item ut voluntates supremæ quam plenissime accipiantur, *l. in testamentis, de reg. iur.* Huc pertinet *l. 1. supr. de sacrosanct. eccles.*

Cum in legatis vsuras ex mora deberi dicimus, nempe hoc dicimus, simul atque heres interpellatus est, deberi, etiam si extra iudicium sit interpellatus: Qui fit igitur, ut in *l. 1. §. 2. infr. de vsur. rei legat. scriptum*

Scriptum sit: in legatis & fideicommissis vſuras poſt litem conteſtatam deberi? Reſpond. Non ſunt hæc contraria. Nam & poſt litem conteſtatam debentur, & verum eſt etiam ante deberi. Immo ex eo quod dicitur eas deberi poſt litem conteſtatam, recte colligitur etiam ante deberi ex mora, quoniam poſt litem conteſtatam non debentur, niſi quia mora facit litem conteſtatam; *leg. neque. §. vltim. de eadem, de verb. obl.* Extra hæc iudicia circa ſtipulationem vſuræ non debentur, neque ante neque poſt litē conteſtatam, vt teſtatum eſt *ſupr. de condiſt. indeb.* Quod igitur dicitur, in *l. lite. D. eod.* litē conteſtata vſuras concurrere, non ſignificat vſuras deberi lite conteſtata, ſed vſuras ante debitas, non deſinere deberi, litē conteſtata, vt explicat, *l. ſup. de iud.*

Ad L. 14. Si ea pactione.

Imper. Alexan. A. Aurelio.

Si ea pactione vxor tua mutua pecunia dedit, vt vice vſurarum domum inhabitaret, pactoque ita, vt conuenit, uſa eſt, non etiam locando domum penſionem redegit: reſerri quaſtione, quaſi plus domus redigeret, ſi locaretur, quam vſurarum legitimam ratio colligit, minime oportet. Licet enim vberiore ſorte potuerit contrahi locatio: non ideo tamen illicitum ſœnus eſſe contractum, ſed vilius conducta habitatio videtur.

S Y M M A R I A.

1. Extra modum legitimum vſuræ promiſſæ non debentur & ſolutæ repeti poſſunt, aut in ſortem imputari. Et ſi quid aliud promiſſum ſolutum ſit.
2. Creditor vice vſurarum, quæ ſunt 12. domum debitoris inhabitans, cuius merces eſt, ad 20. an octo quæ excedunt vſuram legitimam in ſortem imputare debeat.
3. Mercede domus creditori vice vſurarum locatæ legitimam vſuram excedente, an ſi locatio iuſta.
4. Quid ſi merces excedat duplum vſurarum.

Vſurarum modus certus eſt, lege conſtitutus, de quo in *l. eas, §. 1. infr.* Extra hunc modum vſuræ promiſſæ ꝛ non debentur, dict. *leg. eas, §. ſi quis autem, leg. conſtitutionibus, infra eodem.* Sed & ſolutæ repeti poſſunt, aut in ſortem imputantur, *l. indebitas, d. l. eas, §. ſi quis autem.* Et vt ſupra legitimū modum vſuras ſtipulari non licet, ſic nec quicquā aliud quod ſit in fraudem vſurarum, *leg. cum allegas, ſequen.* Et ſi quid aliud promiſſum ſolutum ſit, æque repeti poſteſt, aut in ſortem imputari. Ad hanc ſententiā pertinent quatuor leges ſequentes.

Atque hic quaſtio huius reſcripti, in hac ſpecie.
 2. Debitor ꝛ creditori ſuo, pecunia mutuo accepta, domum dedit, ea pactione, vt creditor vice vſurarum domum inhabitaret. Erant autem vſuræ legitimæ, quæ ei debere poterant ſorte, ad duodecim. Merces autem quæ ex locatione domus recte redigi poterat, erat ad viginti. Ita merces legitimam vſuram excedebat in octo nummos. Creditor pacto vſus eſt, & domum inhabitauit. Poſtulat debitor, vt creditor imputet in ſortem octo, quæ ex locatione domus redigi potuerunt ſupra vſuram legitimā. Quaritur, an creditor imputare debeat? Quaſtio in eo eſt an creditor ea octo videatur accepiſſe? Nam ſi accepiſt, exceſſit legitimum modū vſurarum, prei de reſtituere ei im oportet, aut in ſortem imputare, *d. l. eas, §. ſi quis infr.*

Reſpondet Alexander nihil hic exigi aut imputari poſſe aduerſus creditorem nomine conductionis domus, quia in propoſito ſœnus illicitum contractum non ſit, id eſt, quia in propoſito creditor nihil amplius, quam vſuram legitimam percepit. Sed hic contradicitur a debitore, & videtur in promptu poſſe probari ſœnus eſſe illicitum, quia merces, quæ recte potuit redigi ex conductione domus, eſt ad viginti nummos, ideoq; 8. nummis ſuperat legitimam vſuram. Quicquid ſupra legitimum vſurarum modum permittitur aut preſtatur, illicitum eſt. *l. placuit, D. eod.* Reſpondet Alexander huic obiectioni occurrens, etſi maior merces redigi ex locatione potuit, quam duodecim, tamen vilius habitationem conductam videri. Significatur his verbis non eſſe ſpectandum in propoſito, quanti domus locari, & conduci potuerit, ſed quanti ſit conducta a creditore. Et recte hoc ſolum ſpectandum eſt: Non enim debet aliud creditor reſtituere, quam quod accepiſt, ſupra modum legitimum. At hic non accepiſt, niſi 12. vſurarum nomine, quoniam non pluriſ illi domus locata eſt, nec pluri� ab eo conducta. Id intelligitur ex verbis pactionis, nam domus illi data eſt inhabitanda vice vſurarum, id eſt, ad ſummam concurrentem vſurarum.

Sed cum ꝛ iuſta merces ita excedat legitimam vſuram, an hæc locatio & conductione iuſta eſt, in qua ita fraudari videtur debitor, idemque dominus domus. Reſpondeo: Eſt. Vt enim licet, quod pluriſ eſt, minoris emere, & quod minoris eſt pluriſ vendere, ſic in locatione & conductione, quod pluriſ eſt, licet conducere minoris, & quod minoris eſt, licet locare pluriſ. Idque eſt, quod a veteribus dictum eſt, hætenus licere contrahētibz in pretio emtionis & mercede locationis, ſeſe circumſcribere, *leg. item ſi. §. vltim. D. locat. l. in commune, 2. §. pen. de min.*

Quid ergo ſi merces ꝛ quæ ex locatione confici potuit excedat duplum vſurarum, an hæc quoque rata erit conuentio, & nihil creditor reſtituere, aut imputare debeat, veluti ſi domus locari potuit 25. Reſpondeo: Hic locus eſt *leg. ſecunda, infr. de reſcind. vendit.* Vt quemadmodum ex ea lege venditor, vltra duplum dimidii pretii deceptus, reſcindere poteſt venditionem, ſic & locator vltra duplum mercedis deceptus, quoniam locatio & conductione iſdem rebus contrahuntur, quibus emtio & venditio, *l. 2. locati.*

Sed hæc dicta ſunt de eo creditore, qui accepta domo ad inhabitandum, tantum inhabitauit, non autem locando penſionem percepit, quæ conditio hoc reſcripto adiecta eſt. Ex quo colligitur, ſi creditor domum locauerit, & amplius redegerit, quam efficit legitima vſura, id in ſortem imputari aut reſtitui deberi. Probatur collectio *l. 1. §. huius, D. de offic. eius.* Sed cur hoc caſu creditor potius imputat, quod legitimam vſuram excedit, quam ſuperiore: Cum etiam hoc caſu dici poſſit habitationem vilius eſſe conductam, & ob id ſœnus illicitum contractum? Reſpondeo, Differentiæ ratio in promptu eſt, quia priore caſu, cum creditor domo tantum vſus eſt, nihil accepiſt præter legitimam vſuram, ad cuius vſque quantitatem domum conducere voluit.

Posteriore caſu, aperte amplius accepiſt quam efficit legitima vſura.

Ad L. 15. Cum allegas.

Imper. Gord. A. Claudio.

Cum allegas uxorem tuam ea conditione mille aureorum numero quantitatem sumisse, ut, si intra diem certum debito satis non fecisset, cum pœna quadrupli redderet, quod accepit: iuris forma non patitur legem contra-ctus istius ultra pœnam legitimarum usurarum posse procedere.

S V M M A R I A.

- 1 Pœnam supra modum legitima usura stipulari an liceat.
- 2 Stipulatio pœna, nisi intra tot & tot dies reddideris, duplum dabis, an sit contra leges.
- 3 Contra leges fieri dicitur quod aduersus verba legis fit.
- 4 In fraudē, quod retentis verbis legis fit aduersus mentem & sententiam legis.
- 5 Contra sententiā & mentem, quod sit contra propositum & finem legis.
- 6 Pœna promissa, an in totum stipulatio inutilis sit, an ad certum tantum modum valeat.

VT usuram supra legitimum modū stipulari non licet, legis constitutionibus, *infr. dict. l. eas, §. si quis autem.* Ita nec quicquam aliud extra usuram, ubi pecunia mutuo data est. Proinde † nec pœnam supra modum legitime usura stipulari licet, *l. pœnam, D. eodem.* Eius sententiæ exemplum hoc est in hac specie. Creditor mutuam pecuniam dedit, eamque sibi reddi stipulatus est intra sex menses proximos, quod si non redderetur, stipulatus est pœnæ nomine duplum, aut triplum, aut quadruplum, prout volumus, sibi reddi. Placet inutilem esse stipulationem supra usurarum modum, eoq; eatenus pœnam non deberi. Sed cur hæc pœna non debetur ex conventionē, cum prætor polliceatur se pacta seruaturum, quæ non sint contra leges? *l. inrigent. §. ait prætor. de pact. l. pact. quæ contra, sup. de pact.* Dicat aliquis † hanc pactionē esse contra leges: Sed defendi potest, non esse contra leges. Hinc quærenda causa: Nam non potest esse illicita pœnæ conventio in specie proposita, nisi aut tanquam usura prohibeatur, aut tanquam pœna. Non prohibetur, tanquam usura, quia hic usura non est, non enim exigitur hic pecunia pro usu fortis, sed coercendi debitoris causa, si sua die pecuniam non soluit. Et ideo pœna est non usura.

Rursum tanquam pœna non improbata legibus, quia ubi stipulamur aliquid dari fieriue, & nisi datum factum sit, stipulamur pœnā, placet licere pœnam stipulari ad duplum, triplum, quadruplum. Denique quantacumq; promissa erit pœna, tantam deberi, *l. si dictum, in pr. de emt. l. Lucius, de actio. emt. l. stipulatio ista, §. alter. de verb. oblig.*

Respondeo: Improbatur in hac specie pœna ut usura vel ut pœna non simpliciter, sed ut pœna in fraudem usurarum adiecta. Quæ res facit, ut hic usura promissa videatur. Improbatur hanc pœnam in hac specie, quia sit adiecta pœna in fraudem usurarum, scriptum est in *leg. Iulianus, §. ibidem Papin. de actio. emt.* Sic ius est: Quicquid verbis legis prohibetur, non tantum prohiberi intelligitur, quod est contra legem, sed etiam quod est in fraudem legis, & quicquid horum factum est, pariter pro infecto habetur, *l. non dubium, sup. de legib.* In proposito autem recte dicimus pœnam adiectam videri in fraudem usu-

rarum, id intelligitur ex definitione eius, quod est contra legem & in fraudem legis.

Contra legē † fieri dicitur, quod fit aduersus ipsa 3 verba legis. In fraudem autē † quod retentis verbis 4 legis fit aduersus mentem & sententiam legis, *l. contra l. seq. de legibus.* Contra † sententiam & mentem 5 est, quod fit contra propositum & finem legis. Hoc propositum in iis legibus, quæ vetant usuras exigi supra certum modū, est tale, ut creditor præter sortem nihil accipiat, extra id, quod intra modū legitimum usurarum conceditur. Fit aduersus hoc propositum legis, cum creditor nō accipit usuras, sed accipit pœnam supra modum legitimum usurarum: nam usuras non accipiendo non facit aduersus verba legis, quæ usuras accipi vetat, sed facit aduersus id quod lex voluit, quia lex eum accipere nō vult, ultra quam in usuris præscribit. Ex his intelligimus, quid responderi oporteat, de iis locis, in quibus traditur diserte, licere pœnam stipulari etiam usque ad quadruplum, quos supra retulimus.

Hæc autem responsio rata est, semper licere pœnam stipulari ad quamvis quantitatem, cum vna hac exceptione, nisi stipulemur in fraudem usurarum, *dict. leg. Iulianus, §. ibidem, de act. emt.* Id autem tunc solum contingit, cum pecunia principaliter debetur, quæ certo tempore reddi debet, & nisi reddita sit promittitur pœna, ut ibidem scriptum est. Hanc pœnam ideo dicimus in fraudem usurarum adiectam esse, quia solum in pecunia numerata usura locum habet, cum scilicet pecunia principaliter debetur. Et ideo, siue quid principaliter fieri stipulemur, siue speciem aliquam præstari principaliter, & nisi fiat aut præstetur, stipulari volumus pœnam, sine exceptione recte defendetur, quantacumque summa promissa erit, tantam peti posse, *d. l. Lucius, de actio. emt. l. quod dictum, de emt.*

Postquam † pœnam supra legitimū modum sti- 6 pulari non licet, quid fiet, si promissa erit, an in totum stipulatio erit inutilis, an ad certum tantum modum? Et placet hoc rescripto, ut & aliis locis, non ideo in totum stipulationem esse inutilem, sed quod legitimum modum usurarum excedit, pro non adiecto esse; hoc detracto stipulationem vires habere, ut ad licitam quantitatem pœna exigi, aut soluta retineri possit, *l. placuit, l. pœna, in pr. D. hoc tit.*

Ad L. 16. Cum non frumentum.

Imp. Gord. A. Sulpitio.

Cum non frumentum, sed pecuniam scilicet te accepisse alleges, ut certa modiatio tritici præstaretur, ac, nisi is modius sua die fuisset oblatus, mensurarum additamentis in fraudem legitimarum usurarum grauatum te esse contendas: potes aduersus improbam petitionem competentem uti defensione.

S V M M A R I V M.

- 1 Siue pœnam siue frumentum siue fructus & similia additamenta vel quid aliud an creditor pro usura sibi præstari, stipulari possit.

VT pecunia mutuo data, non licet aliud amplius stipulari, in fraudem usurarum, veluti pœnam, de quo *supr. prox. tit.* Sic nec quicquam aliud, præter pœnam, veluti si pro usura creditor stipuletur sibi præstari vel fructus, vel frumentum, vel quid aliud, quod declaratur exemplo in hoc rescripto, in hac specie. Creditor mutuo 100. dedit, ea lege, ut pro iis sibi red-

sibi redderentur 100. modii. Pecuniam dedit, ut aliud genus redderetur, quæ conuentio licita est, l. 2. in pr. si cert. pet. Et præterea si illi modii sua die, de qua conuenit, non redderentur, placuit, ut pro singulis vfuris præstaretur frumentum, vsque ad centesimam, vel ultra centesimam vfuram. Hæc conuentio hoc consilio fraudulento ita interposita est a creditore, quia si pecunia tantum mutuo data esset, eaque sola reddi deberet, non posset creditor vfuras stipulari eius pecuniæ, nisi aut semisses, aut ad summum besse, id est dimidiam partem centesimæ, vel octo vncias centesimæ, ut suo loco exponemus: Vel iure antiquo non potuisset stipulari ultra centesimam, l. eas, §. 1. infr. hic. At si quis frumentum dedisset, olim poterat additamenta eiusdem speciei stipulari, etiam ultra centesimam vfuram. Nunc post constitutionem Iustiniani, licet saltem stipulari additamenta, vsque ad 100. d. l. eas, §. in traiectionis. Ut ergo creditor secundum legem posset 100. vel ultra 100. consequi, hanc conuentionem interposuit, de modis reddendis, & de additamentis earum specierum.

Quæritur ergo, an creditor hac cautione aliquid profecerit, ad petenda additamenta supra modum legitimum vfurarum? Et placet profecisse, sed debitorem aduersus improbam conuentionem vfurarum, vfurum competenti defensione. Cõpetens defensio hæc est ut neget se teneri: quia ut adiicitur in rescripto conuentio est in fraudem vfurarum legitimarum. Quicquid autem in fraudem legis fit, ipso iure pro infecto est, l. non dubium, supr. de legibus. Hic occurritur: Nam quomodo dici potest hæc conuentio in fraudem vfurarum, cum in hoc specierum, de quibus reddendis hic conuenit, liceat etiam licite vfuras stipulari, vel vsque ad 100. vel ultra ut olim, d. l. eas, §. in traiectionis, infr. h. Respondeo hic non frumentum mutuo datum est, sed pecunia. Imo dicet aliquis de frumento hic agitur, quoniam etsi ab initio pecunia mutuo data est, tamen data est ea lege, ut frumentum redderetur. Hæc conuentio seruanda est, l. 2. in prin. si cert. petat. Proinde ex conuentione, perinde etiam debet.

Neque id recte colligitur, quoniam cõstat initio pecuniam mutuatam esse, per cuius mutui occasionem conuenit de frumento reddendo. In omni contractu, cuiusq; cõtractus initium & causam intueri debemus, l. 3. supr. ad Maced. l. si procuratorem, infr. mandat. Summa rescripti huc tendit, ut vfuras supra legitimum modum stipulari non licet: sic nec quicquam aliud, quodcumque id erit, siue pœna ut l. preced. siue frumentum, & similia additamenta, etiam si valor frumenti principaliter, id est, in principio reddendi, quæsitus sit, ut in specie huius loci.

Ad Authen. Adhæc.

Ad hæc qui fructus aridos credidit agricola, vel pecuniam, in unoquoque anno pro modio octauam partem modii, pro solido siliquam unam vfurarum nomine accipiens: terram siue aliquid aliud, quod pignori accepit, omnimodo reddat. Si aliquid præter hoc commiserit: ab actione cadat omnimodo.

SUMMARIA.

1. Fructus aridos mutuo dans agricola, potest eo nomine exigere octauam partem modii in singulos annos vfurae sui loco: omnia item centesimam.
2. Octauam partem sortis excedere centesimam.

3. Centesima vfura quæ.
4. Pecuniam agricolæ mutuo dans potest vfura nomine exigere in singulos annos siliquam unam, hoc est, trientem octaua partis, olim non nisi octo vncias centesima.
5. Pœna huius constitutionis.
6. Fructus aridos vel pecuniâ si quis credat aliis quam agricolis, an idem in iis ius sit, quod in agricolis. An lex hæc ad omnes debitores extendi possit.
7. Cur maiores vfurae ab agricolis quam a ceteris debitoribus hic exigantur.
8. Haloander reprehenditur.
9. Frugum verbo continentur omnes fructus.
10. Aridi fructus qui sint: & unde ita dicti.
11. In fructibus non aridis, velut oleo, vino, melle, &c. an creditori octauam quoque partem exigere liceat vfura nomine.
12. ~~Nullum credentem agricolæ. Subiecta est superiori rescripto ex hac causa, quia in rescripto mentio facta erat de frumento reddendo & accessione frumenti. In hac Authentica, de frumento mutuo dato agricolæ agitur. Sed melius subiecta esset l. frumenti, supr. aut l. olei infr. ubi de mutuo frumenti aut similium rerum agitur: Non item agitur in rescripto præcedenti. Summa constitutionis hæc est. Tria hic constituntur noua, circa mutuum quod datur agricolis. I. Est de fructibus aridis mutuo datis agricolæ. II. alterum de pecunia agricolæ mutuo data. III. de pœna, quæ hic constituitur aduersus eos, qui contra superiorem constitutionem fecerint.~~
13. ~~Sed de fructibus aridis ita cauetur, ut si quis fructus aridos mutuo dederit agricolæ, possit eo nomine exigere octauam partem modii in singulos annos vfurarum loco. Hoc ius ut dixi nouum est. Nam in frumentis aridis, & non aridis, ut frumento, vino, oleo, & similibus speciebus, cautum est in leg. eas, §. in traiectionis, infra hic. Si hæc res mutuo datæ sint, licere creditori stipulari eo nomine vfuram centesimam, sed non amplius quam centesimam. Octaua autem pars sortis in singulos annos centesimam excedit. Proinde cum Iustinianus hanc quantitatem nunc excedat, ius nouum constituit. Octauam tamen partem sortis in singulos annos excedere centesimam, hoc exemplo intelligitur. Finge 100. aureos mutuo datos esse. Centesima tamen vfura est in singulos centenos aureos unus aureus in singulos menses, & ita in singulos annos sunt duodecim aurei in singulos centenos aureos, ut pluribus dicitur, dist. leg. eas. At octaua pars 100. aureorum, hanc summam excedit in singulos annos. Nam 12. aurei sunt octaua pars 96. aureorum, desunt adhuc quatuor aurei ex sorte 100. aureorum, quorum octauam portionem adhuc habere debet creditor ex hac lege. Itaque si fingas singulos aureos valere 24. bacii, erunt 96. bacii in 4. aureos. 96. baciorum octaua pars sunt duodecim bacii. Itaque si has summas~~
14. ~~Nullum credentem agricolæ. Subiecta est superiori rescripto ex hac causa, quia in rescripto mentio facta erat de frumento reddendo & accessione frumenti. In hac Authentica, de frumento mutuo dato agricolæ agitur. Sed melius subiecta esset l. frumenti, supr. aut l. olei infr. ubi de mutuo frumenti aut similium rerum agitur: Non item agitur in rescripto præcedenti. Summa constitutionis hæc est. Tria hic constituntur noua, circa mutuum quod datur agricolis. I. Est de fructibus aridis mutuo datis agricolæ. II. alterum de pecunia agricolæ mutuo data. III. de pœna, quæ hic constituitur aduersus eos, qui contra superiorem constitutionem fecerint.~~
15. ~~Sed de fructibus aridis ita cauetur, ut si quis fructus aridos mutuo dederit agricolæ, possit eo nomine exigere octauam partem modii in singulos annos vfurarum loco. Hoc ius ut dixi nouum est. Nam in frumentis aridis, & non aridis, ut frumento, vino, oleo, & similibus speciebus, cautum est in leg. eas, §. in traiectionis, infra hic. Si hæc res mutuo datæ sint, licere creditori stipulari eo nomine vfuram centesimam, sed non amplius quam centesimam. Octaua autem pars sortis in singulos annos centesimam excedit. Proinde cum Iustinianus hanc quantitatem nunc excedat, ius nouum constituit. Octauam tamen partem sortis in singulos annos excedere centesimam, hoc exemplo intelligitur. Finge 100. aureos mutuo datos esse. Centesima tamen vfura est in singulos centenos aureos unus aureus in singulos menses, & ita in singulos annos sunt duodecim aurei in singulos centenos aureos, ut pluribus dicitur, dist. leg. eas. At octaua pars 100. aureorum, hanc summam excedit in singulos annos. Nam 12. aurei sunt octaua pars 96. aureorum, desunt adhuc quatuor aurei ex sorte 100. aureorum, quorum octauam portionem adhuc habere debet creditor ex hac lege. Itaque si fingas singulos aureos valere 24. bacii, erunt 96. bacii in 4. aureos. 96. baciorum octaua pars sunt duodecim bacii. Itaque si has summas~~
16. ~~Nullum credentem agricolæ. Subiecta est superiori rescripto ex hac causa, quia in rescripto mentio facta erat de frumento reddendo & accessione frumenti. In hac Authentica, de frumento mutuo dato agricolæ agitur. Sed melius subiecta esset l. frumenti, supr. aut l. olei infr. ubi de mutuo frumenti aut similium rerum agitur: Non item agitur in rescripto præcedenti. Summa constitutionis hæc est. Tria hic constituntur noua, circa mutuum quod datur agricolis. I. Est de fructibus aridis mutuo datis agricolæ. II. alterum de pecunia agricolæ mutuo data. III. de pœna, quæ hic constituitur aduersus eos, qui contra superiorem constitutionem fecerint.~~
17. ~~Sed de fructibus aridis ita cauetur, ut si quis fructus aridos mutuo dederit agricolæ, possit eo nomine exigere octauam partem modii in singulos annos vfurarum loco. Hoc ius ut dixi nouum est. Nam in frumentis aridis, & non aridis, ut frumento, vino, oleo, & similibus speciebus, cautum est in leg. eas, §. in traiectionis, infra hic. Si hæc res mutuo datæ sint, licere creditori stipulari eo nomine vfuram centesimam, sed non amplius quam centesimam. Octaua autem pars sortis in singulos annos centesimam excedit. Proinde cum Iustinianus hanc quantitatem nunc excedat, ius nouum constituit. Octauam tamen partem sortis in singulos annos excedere centesimam, hoc exemplo intelligitur. Finge 100. aureos mutuo datos esse. Centesima tamen vfura est in singulos centenos aureos unus aureus in singulos menses, & ita in singulos annos sunt duodecim aurei in singulos centenos aureos, ut pluribus dicitur, dist. leg. eas. At octaua pars 100. aureorum, hanc summam excedit in singulos annos. Nam 12. aurei sunt octaua pars 96. aureorum, desunt adhuc quatuor aurei ex sorte 100. aureorum, quorum octauam portionem adhuc habere debet creditor ex hac lege. Itaque si fingas singulos aureos valere 24. bacii, erunt 96. bacii in 4. aureos. 96. baciorum octaua pars sunt duodecim bacii. Itaque si has summas~~

colligamus, octaua pars centum aureorum in singu-
los annos sunt duodecim aurei, cum duodecim bac-
ciis, cum centesima vsura esset tantum 12. aureorum.
Octaua igitur pars sortis centum aureorum excedit
centesimam vsuram duodecim bacciis. Recte igitur
dicimus, hic ius nouum constitutum in fructibus
aridis agricolæ mutuo datis.

De pecunia mutuo data agricolæ, ita caueretur, ut
4 si quis pecuniam agricolæ mutuo dederit, possit
exigere vsuræ nomine vnam siliquam in singulos an-
nos. Hoc obscurius dictum reuocandum est ad vsum
veterum legum: & vsum nostrorum temporum. Si
gnificatur autem his verbis, cum pecunia mutuo da-
tur agricolæ, exigi posse vsuræ nomine trientem, id
est, tertiam partem octauæ partis in singulis annis, &
prope trientem centesimæ, & aliquid paulo amplius.
Id autem sic demonstratur cognita significatione ver-
borum. Nam solidus est octauus 24. siliquarum. Hinc
intelligi potest quid distet summa siliquarum ab octaua
parte, de qua prius dictum. Nam octaua pars 24. sunt
tria. Nunc autem constitutio vult vnam siliquam, vult
igitur præstari tertiam partem, vt sic vsura sitens cen-
tesimæ vsuræ. Hic ergo ius non nouum constituit. Nam
quicumque & quibuscumque pecuniam crediderint,
ius olim ita erat *ex l. etis*, §. 1. vt negotiatores possint
stipulari vsuras besseles, id est, octo uncias centesimæ,
id est, in singulos 100. aureos in singulos annos, oc-
cto aureos pro duodecim, quæ est centesima: Reliqui
omnes possint stipulari vsuras semisseles, id est, in sin-
gulos annos sex, in singulos centenos aureos, vt suo
loco exponemus. Nunc in singulos aureos centenos
mutuo datos agricolæ, licet tantum stipulari & ac-
cipere 4. cum quatuor bacis.

Pœna ꝑ sequitur constituta aduersus eos credito-
res qui vsurę nomine in supra scriptis causis aliquid
amplius exegerint. Pœna hæc est, vt qui contra fe-
cerint, actione cadant, id est, denegetur eis etiã ipsius
sortis exactio, quod recte nouũ dicitur, quia priori-
bus titulis & constitut onibus, si quis supra legiti-
mum modum vsuras acceperit, illud perdit, quod est
supra sortem, ceterum sortis exactiõnem saluam re-
tinet, *l. indebitas, infr. l. si non sortem, in princip. si cert.
petat.*

Summa constitutionis cognita, de ea hæc quasi-
ta sunt. I. Loquitur Authentica de agricolis, quibus
mutuum datum est. Quid ꝑ si quis crediderit aliis,
vel fructus aridos, vel pecuniam, an nō idem ius erit?
Respondeo: Non erit. Est enim hic ius singulare in
agricolis constitutum. Proinde in ceteris omnibus
debitoribus ius antiquum est proditum, *in l. eas, infr.
hic*. Sic enim generaliter tenendum est. Quod no-
vis legibus simpliciter non emendatur, id veterum
legum regulis relinqui, *l. precipimus, in fin. infr. de ap-
pell.* Sed vt est vulgaris translatio, videtur verba nouæ
constitutionis repugnare. Videntur enim verba per-
tinere ad omnes creditores, etsi titulus constitutio-
nis sit specialis: Nam in illa translatione hæc verba
sunt: *Et hanc saluberrimam legem communem vo-
mus esse omnibus*. Sed hic animaduertenda est, vel in-
scitia, vel improbitas translatoris. Nam priora illa
verba non sunt in Græco. In posterioribus dicitur, *le-
gem esse communem*, sed non adiicitur, *omnibus*. Com-
munem aut legem Iustinianus intelligit, vt sit com-
munis omnibus locis, non cōmunis ad omnes per-
sonas pertinens. Nam in Græco, *in §. i. nominatim
comprehensum est, de pecunia data agricolæ*. Est igitur

tur hoc ius, quod hic constitutum est, proprium agricolarum, quibus mutuum datum est.

Hinc colligimus, si quis fructus aridos alii mutuo dederit, quam agricolæ, non posse ab eo exigere octavam, sed solum centesimam vsuram, aut id, quod eâ vsurâ non excedat, quia ita exigit lex vetus, *leas, §. in traseclitris, infr.* Sed † hoc videtur absurdissime constitui, vt minus exigatur a debitorib. ceteris, plus aut ab agricolis, cum omnium maxime consuli oportuerit agricolis miseris. I. Propter simplicitatem vitæ, qua facile decipi possunt, *l. cū de indebito, de prob. l. regula, de iur. & fact. ign.* II. Propter paupertatem & tenuitatem, quæ auxilio subleuanda fuerit. Postremo, quia adiuari rusticos etiam publice interest, ne illis uerfis, cessent opera rustica, quibus respub. carere non potest. Resp. Hæc in aliis rebus recte dicuntur, in frumento & similibus fructibus aridis, qui mutuo dantur agricolæ, non perinde recte retinentur. Differentiæ ratio hæc est inter agricolas & ceteros debitores, quibus eadē species dantur mutuo, q̃ ceteri debitores has res mutuo accipiant, vt vratur & consumant: Agricola vt eas res serant, & ex satis fructum colligant, quem postea colligūt vberiore. Quanto plus fructus quisq; capit ex mutuo, tanto plus illum restituere æquum est. Ex eadem re colligimus, si quis pecuniâ crediderit alii quam agricolæ, posse exigere eas vsuras, de quibus cautum est. *in leas, §. i. infr.*

Vnde apparet in hac parte meliorem esse conditionem agricolarum, quam ceterorum debitorum. Quod ideo constitutum est in pecunia, quia & ipsi agricola pecuniam accipiunt quam consumunt, non enim serunt, ut fructus. Hanc autem esse germanam sententiam Iustiniani, constat ex fine constitutionis Nouellæ, ubi Iustinianus diserte scribit, se, quæ supra constituit, constituisse, partim ut consuleret plenius creditoribus, partim ut agricolis. Plenius in eo creditoribus, dum illis tribuit octauam partem modii, plenius agricolis, dum ab iis tantum trientem usurarum exigit. In eo etiam cernitur fauor agricolarum, quod mulctatur creditor amissione actionis principalis, si quid amplius, quam hic cautum est, exegerit.

Deinde constitutio loquitur de fructibus non omnibus, sed de fructibus aridis, mutuo datis agricolæ, in quo notandum est, ob hanc causam non recte vertisse Haloandrum, dum pro fructibus aridis, fruges vertit. Nam hoc verbo frugum, continentur omnes fructus, *leg. frugem, de verb. significat.* Qui sunt igitur fructus aridi? Sunt ii, quod bene dicit Accursius, qui inter se commixti, non confunduntur, ut frumentum, hordeum, triticum, pisa, faba & omnia legumina: Dicti fructus aridi, ad discrimen liquidorum, quale est oleum, vinum, mel & similes fructus. Ergo in his posterioribus, non licet creditori octauam partem vsuræ nomine exigere, sed ius vetus est, ut solum exigat centesimam. Cur hæc tam varie? Respondeo: Eadem ratio est, quæ a nobis supra reddita est. Nam fructus aridi seruntur, liquidi non item. Ex quibus plus fructus percipitur, ex iis æquum est etiam plus a debitore præstari. His constitutis apparet etiam hac Nouella constitutione Iustiniani, confirmari vsuras.

... nostra, & lucrum in re
... in + luci
... n-

Ad L. 17. Si ea lege.

Impet. Philippus A. Euxeno.

Si ea lege possessionem mater tua apud creditore suum, obligauit, ut fructus in vicem usurarum consequeretur: obtentu maioris percepti emolumenti propter incertum fructuum euentum rescindi placita non possunt.

S Y M M A R I A.

- 1 *Creditor si ex fundo debitoris plures fructus, quam summa usurarum legitimarum exigit, colligat, an quod excedit usuram legitimam in sortem imputare, aut restituere debeat.*
- 2 *Artixenoti quid, & late nu. seqq.*
- 3 *Idem iuris in artixenoti, quod in usuris.*
- 4 *Error quorundam, qui scripserunt in artixenoti omnia diuersa esse ab usuris, notatur.*

DEbitor ꝑ creditori suo fundum dedit pignori: ea lege, ut creditor vice usurarum fructus perciperet. Vno anno accidit, ut creditor plures fructus perciperet, quam summa usurarum legitimarum colligit, quaesitum est, an quod excedit usurarum legitimam, id creditor in sortem imputare aut restituere debeat, ut eatenus pactio seruanda non sit? Mouet questionem, quod quemadmodum supra legitimum modum stipulari non licet, sic nec quicquam aliud, quoniam intelligitur promitti in fraudem usurarum, seu in fraudem, quod perinde nullius momenti est. *l. Julianus, §. ibidem, in Pap. n. D. de actio. em. l. cum allegas supr.*

Hic respondetur, propter incertum prouentum fructuum, conuentionem esse seruandam, vbi est incertus prouentus fructuum. Tunc incertus prouentus esse intelligitur, cum vt plurimum pauciores fructus percipiuntur ex fundo, quam efficit summa vsurarum, interdum plus, sic tamen vt vtrum fiat, sit incertum. Hoc cum accidit, placet conuentionem esse seruandam, etiam si aliquando plus fructuum perceptum sit, quia hæc incertitudo facit, vt non videatur conuentio esse in fraudem legis. Ideo autem non est in fraudem legis, quia nihil videtur plus percipi, & si plus percipitur, id compensatur cum minore prouentu aliorum annorum, aut certe cum spe aut periculo prouentus minoris aliorum annorum.

Hæc compensatio æqualitatem omnium annorum, & vtriusque partis indicat, nititurque hæc ratio regula & æquitate naturæ. Secundum naturam est, commoda cuiusque rei eum sequi, quem sequuntur & incommoda, *leg. secundum, de regulis iuris*. At in proposito si pauciores fructus percipiuntur, creditoris incommodum est, non enim debitor supplere debet, quod est amplius. Proinde si plures aliquando percepti erunt, commodum creditoris esse oportet. Quin immo, etsi vno tantum anno hæc perceptio steterit, tamen propter spem incertam prouentus æqualis, & ideo æqua & iusta conuentio est, quia tam possunt pauci fructus percipi pro debitore, quam plures pro creditore. Hæc spes mutua incerta, æqualitatem inducit, propter quam conuentio seruatur, etiã inter minores, vt de fideicommissio conditionali responsum est, in *l. de fideicommissis, supr. de transact.* vbi de eo fideicommissio transigitur, pendente conditione.

Sed vt dixi diligenter notandum est, placere hanc conuentionem, propter incertum prouentum fructuum. Proinde, si communiter certum est, ex eo fundo plures fructus colligi, quam efficit vsura legitima, conuentio non est seruanda in eo, quod modum legitimum excedit. Finge vsuras esse vsque ad decem. Vineam pignori datam esse, ex qua colliguntur fructus ad 20. Dicemus quicquid fructuum super decem percipitur a creditore, in sortem id imputari, aut restitui debere, quia tunc aperte fructuum perceptio, est in fraudem vsurarum legitimarum, nec vlla est incertitudo, quæ eam conuentionem tueri debeat. Consequitur autem debitor pignoratitia actione, vt hi fructus impurentur in sortem, aut si iam fors soluta erit, vt restituantur, *l. 1. & l. 2. supr. de pign. act.*

Hic & illud notandum est, conuentionem quæ hic proponitur eam esse speciem, quæ iuris auctoribus vno verbo græco dicitur ἀντίχρησις. Sic tamen enim ἀντίχρησις describitur, cum pignus datur creditori ea lege, vt in vsuras fructus percipiat, *l. si is, §. 1. de pign. l. si pecuniam, de pignorat. actio.* de quo necesse est hoc loco nos admoneri, cum hæc perceptio constituitur in vicem vsurarum, quæcunque de vsurarum modo & conuentione dicuntur, tamen eadem & de ἀντίχρησει dicenda esse. In quo ne erremus, nobis cauendus est error quorundam, qui ad *N. Iustin.* Null. cred. agr. scripserunt, in ἀντίχρησει diuersa esse omnia ab vsuris. Aiunt ἀντίχρησιν contrahi solo pacto, vsuras non item, sed solum stipulatione. Vtrumque falsum est. Ἀντίχρησις pacto non contrahitur, nisi re ipsa debitor pignus creditori dederit fruendum. Pacto igitur contrahitur & traditione fundi, non ali-

ter, *dict. leg. si is, §. primo, de pign.* At pignore creditori tradito etiam vsuræ ex pacto debentur, & per retentionem pignoris non minus seruari possunt, *leg. 3. leg. per retentionem, infr. hoc tit.* Quod si neque in vsuris, neque in conuentione fructuum percipiendorum, pignus creditori datum erit, sine dubio non magis creditor fructus ex fundo sibi seruabit, quam seruatur vsuras. Stat enim semper hæc regula iuris certi, ex pacto nudo actionem non nasci, *l. legem, supr. de pact. l. iuris gen. §. sed cum nulla, de pact.*

Aiunt ἀντίχρησιν posse excedere legitimum modum vsurarum, vsuras non posse. Hoc quoque falsum est. Quoties fundus creditori datur ea lege, vt in vsuras fructus percipiat, si constat prouentum fundi excedere legitimas vsuras, conuentio nullius momenti est, est enim in fraudem legis, vt supra docuimus. Præterea diserte hoc scriptum est, in *leg. 1. §. penult. de pignor.* Vbi cum de fructibus fundi ita conuenisset, vt dixi, diserte Papinianus respondet ita conuentionem valere, si conuenerit, vt creditor fructus perciperet fini legitimarum vsurarum, id est, ad finem & modum legitimarum vsurarum, & addit nominatim hanc rationem, quia vsuras eodem modo stipulari liceret, significans non aliud seruandum esse in ἀντίχρησει, quam in vsuris, cum de modo vtriusque quaeritur. Non obstat hoc rescriptum, vbi conuentio seruatur in maiori prouentu. Nam adiicitur seruari, vbi incertus est prouentus. Hæc incertitudo facit, vt non videatur amplius capi quam efficit legitima vsura, quia etiam minor prouentus esse potuit, cum quo incommode compensatur commodum alterius temporis.

Aiunt præterea vsuras non finiri sola oblatione sortis, ἀντίχρησιν autem finiri, *l. ex pradiis, supr.* Hoc quoque aperte falsum est. Nam quæcunque stipulatio aut conuentio interponitur propter aliquam rem, ea conuentio sequitur naturam eius rei propter quam interponitur, vt est in *l. si eum, §. qui iniuriarum, si quis caut.* At conuentio ἀντίχρησεως interponitur propter vsuras, vt scilicet fructus in vsuras percipiantur, *l. si is, §. primo, de pignor.* Ergo conuentio de fructibus percipiendis, seu ἀντίχρησις eum modum excedere potuit. Demonstratur idem hoc argumento certo. Ἀντίχρησις est pignus, vt diserte traditur, in *l. si pecuniam, de pign. actio.* Et pignus eiusmodi, vt eius possessio retineri possit, donec pecunia soluta sit, *dict. l. si is, §. 1. de pign.* At pignus sola oblatione sortis non tollitur, sed ita demum, si ad oblationem accesserit obsignatio, & depositio pecuniæ, *leg. creditor, infr. de pignor. l. si prius, de distra. pignor. l. 2. infr. deb. vend. pignor. imp. non poss. l. ultim. infr. de luit. pign.* Adhuc nisi pecunia in iudicio offeratur, quo casu denegatur creditori pignoratitia actio, *l. si rem, §. ultim. de pign. actio.* Ergo sola oblatione, vt pignus non tollitur, sic nec ἀντίχρησις, quæ est pignus. Proinde manente pignore, etiam ius percipiendi fructus manebit. Non obstat *l. ex pradiis, supr.* Nam, vt illic docuimus, sic oblatione vsuræ cessant, si prius contracta earum obligatio non esset. Idemque de ἀντίχρησει dicendum est, oblatione ἀντίχρησιν, quæ nondum cessit, impediri posse: quæ autem cessit, non tollitur, nisi obsignatione & depositione solenni pecuniæ, vt dicitur ad *l. acceptam.*

Ad *L. 18. Indebitas.*

Imper. Philippus A. Castori.

Indebitas vsuras, etiam si ante sortem soluta non fue-

rint, ac propterea minuire eam non potuerint, licet post sortem redditam creditori fuerint data, exclusa veteris iuris varietate, repeti posse, perpensa ratione firmitum est.

S V M M A R I A.

- 1 Indebitas pecunias, an creditor retinere, debitorue repetere possit.
- 2 Indebita usura condici possunt.
- 3 Quis natura debet, quem iure civili dare oportet.
- 4 Indebita usura qua sint.
- 5 Debitor si sciuit se vsuras non debere, & soluit, an eas repetat.
- 6 Indebitum sciens soluens, donat.
- 7 Donati nulla repetitio.
- 8 Debitor si putarit se debere sed errās in iure, si soluat, an repetere vsuras possit.
- 9 Stulti non debent esse melioris conditionis quam periti.
- 10 Cur veteres de repetitione vsurarum dubitarint.

Indebitas vsuras constat exigi non posse, si solutæ sint ultro a debitore. Quæritur, si an creditor retinere eas possit, an vero debitor repetere? Et placuit indebitas vsuras non posse condici, si sorte nondum reddita, solutæ sint, non quod debitor eas amittat, sed quod tunc solutæ in sortem imputantur, & sortem minuunt, ut hic significatur in pr. & aperte explicatur, in l. si non sortem, in pr. de condi. indeb.

Si vsuræ in sortem imputantur, eatenus solutio debitorē liberat: certi iuris est, eandem solutionem non posse parere debitori & liberationem & repetitionem. Si liberatur, non repetit, si repetit non liberatur, l. si non sortem, §. si decem, de condi. indeb. Quod si sorte iam reddita, debitor vsuras soluat, dubitatum est apud veteres, an possit repetere. Dubitationis causa hæc videri potuit. Nam cum debitor sortem causa hæc videri potuit. Nam cum debitor sortem aliquam accepit a creditore, hoc ipso beneficium a creditore accepit, & propter beneficium cupit creditori obligatus esse ad *ἀντίδωρα*, l. sed et si lege. §. consului, de petit. hered. Porro obligatio naturalis debiti conditionem impedit, l. si pœna, in pr. de condi. indeb. l. naturales, de obl. & act. Hæc ratio ita mouit plerosque ex veteribus, ut in hac specie, conditionem denegarint debitori. Quod intelligimus ex hoc rescripto, ubi dicitur, tandem obtinuisse, ut vsuræ condici possent, sublata veterum varietate.

Nō est sententiarum varietas, nisi ubi quibusdam vnum videtur, aliis aliud. Et verisimile est Vlpianum in hac sententia fuisse. Certe id significant verba Pandect. Florent. in di. leg. si non sortem, in princ. de condi. indeb. Sic enim illic verba sunt: Indebitas vsuras condici non posse, si debitor sortis debita, vsuras soluit. Quibus verbis significatur: Ut vsuræ solutæ repeti non possint, satis esse, si fors a debitore fuerit debita, quantumvis vsuræ fuerint indebitæ. Solum Vlpianus excipit eas vsuras indebitas, quæ legitimum modum excedunt: Nam in iis fit contra legem, non autem in iis, quæ ad legitimum modum præstantur.

Sed placuit, quod hoc rescripto demonstratur contraria sententia, ut in totum vsuræ indebitæ solutæ, quamvis post sortem redditam solutæ sint, condici possint, ut indebitæ, nempe debiti conditione. Non impedit hanc conditionem illa obligatio, quæ dicimus vnumquemque beneficio accepto

ad *ἀντίδωρα* obligari. Hæc enim improprie obligatio dicitur, magis enim æstimatio est, ad existimationem & ciuitatem morū pertinens, quam obligatio necessitatis etiā naturalis. Ac proinde obligatio naturalis non est, quomodo in vsu iuris obligationes naturales vocamus. Nam is qui natura debet, quem iure ciuili dare oportet, l. cum amplius, §. 1. de regul. iur. Nemo autem vnquam dixit, iure ciuili eum dare oportere, qui beneficium accepit. Nam si eum reddere oporteret, non esset beneficium, sed permutatio. Itaque bene placuit hanc obligationem nō esse impedimento, quo minus indebitæ solutæ vsuræ repeti possint.

Indebitas hic accipere debemus, quæ nullo iure debita sunt, id est, nec stipulatione nec pacto. Nam si de vsuris pacto conuenerit, sunt quidem indebitæ iure ciuili, sed debita natura, & iure pratorio. Proinde hæc quamvis per errorem facta solutæ repeti non possunt, leg. 3. leg. 4. sup. hic. Sed hæc sententia de vsuris indebitis solutis condicendis cautione indiget. Quid enim si debitor scribit, se vsuras non debere, & soluit, an repetet? Respondeo: Non repetet, l. indebitum, sup. de condi. indeb. quia qui indebitum sciens soluit, donat. l. cuius, de reg. iur. Donati nulla repetitio est, l. cum ancillam, & l. repetendi, sup. de condi. ob causam dot. Quod si debitor putarit se debere, sed in iure errans, ut puta promittit vsuras supra legit. modum, sed putat, se nihilominus vsuras debere, & in eo errore soluit. Respondeo, Nec sic quidem solutas repetet, quamvis indebitas, quia non est conditio indebiti iis, qui per errorem iuris, indebitum soluunt, leg. cum quis, sup. de iur. & facti ignor. de quo dixi ad leg. 1. sup. de condi. indeb. Et merito, quia si sciens se non debere, non repetit ius ignorans, ideo non repetit, quia non debent esse melioris conditionis stulti, id est, iuris ignorantes, quam periti, l. 4. D. quod vi aut clam, l. regula. §. pen. in fin. D. de iur. & fa. ignor.

Sed opponitur hic locus, ubi nihil distinguitur, sed simpliciter dicitur, vsuras indebitas solutas repeti posse. Duplex hæc defensio est. Prima, ubicunque dicitur indebitum solum condici posse, intelligendum est iis legibus & conditionibus, quæ sunt propriæ huius conditionis. Hæc autem sunt, si indebitum solum sit per errorem & eum errorem nō iuris, sed facti, ut docui ad l. 1. sup. de condi. indeb. Deinde etiam secundum verba huius rescripti, consentanea huic rescripto dicimus. Nam qui vsuras sciens soluit indebitas, non soluit, sed donat. Soluenti autem solum datur conditio, & si in sciente hoc recte dicitur, etiā in eo, qui ius ignorat, recte dicitur, quia pro sciente habetur, ut dixi.

Summa igitur est, vsuras etiam indebitas si solutæ sint per errorem facti, condici posse. Veluti dum heres putat conuentiones promissas, aut soluit supra duplum, cum ignorat quantum prius sit solum. Sed si hoc ita est, quæretur statim quid causæ fuerit veteribus, ut de repetitione harum vsurarum dubitarent? Plane stulta fuit dubitatio. Nam ceteras nec omnes per errorem facti solutas repeti posse constat: Multo ergo magis constare debuit repeti posse vsuras, cum vsuræ sint odiosæ, & odia restringi debeant, l. cum quidam, de lib. & posthum. c. odia, extra, de regul. iuris, in sexto. Respondeo, hæc fuit dubitationis causa, quam ostendi initio, quod hoc ipso, quod debitor aliquando sortem debuisset, satis causæ esse videretur,

deretur, vt pro beneficio vfuras penderet, propter quod si vfuræ exigi non possent faltem solutæ possent retineri, de qua dubitatione respondi.

Ad L. 19. Acceptam.

Imp. Philippus A. Hyreniæ.

Acceptam mutuo sortem cum vfuris licitis creditoribus post contestationem offeras, at si non suscipiant, consignatam in publico deponere, vt cursus legitimarum vfurarum inhibeatur: (in hoc autem casu publicum intelligi oportet vel sacratissimas ades, vel ubi competens index faciat per ea re aditus deponi eas disposuerit) Quo subsecuto, etiam periculo debitor liberabitur, & ius pignorum tollitur: cum Seruiana etiam actio manifeste declararet pignoris inhiberi persecutionem vel solutis pecuniis, vel si per creditorem steterit, quo minus soluantur. Quod etiam in traiectionis seruari oportet: creditor scilicet actione utili ad exactionem earum non aduersus debitorem, nisi forte eas receperit, sed contra depositarium, vel ipsas competentes pecunias.

S V M M A R I A.

- 1 Vfuræ quot modis deberi definant.
- 2 Vfuræ deberi definere sublata principali obligatione fortis.
- 3 Obligatio maxime sortis solutione tollitur.
- 4 Debitor si debitum offerat, & creditor pecuniam accipere recuset, obsignanda ea est, & solemniter de oblationis pecunia requisita. (ponenda.)
- 5 Offerre pecuniam quid.
- 6 Offerre quis debeat.
- 7 Vnusquisque pro debitore soluendo eum liberat in.
- 8 Cui debeat debitor offerre. (iurum.)
- 9 Quid & quomodo offerre debitor debeat, & an particularim ei soluere liceat.
- 10 Seruus ut ad libertatem citius perueniat, particularim soluere potest.
- 11 Oblatio pecunia debet fieri opportuno loco & tempore: aliter iuste recusatur.
- 12 Opportunus soluendi locus quis sit.
- 13 Opportunum soluendi tempus quod.
- 14 Contestationis verbo quid exigatur.
- 15 Testatio in oblatione pecunie an sit necessaria.
- 16 Obsignatio pecunie quid contineat, & eius descriptio.
- 17 Obsignationis vfus duplex.
- 18 Depositio solemnitas que sit.
- 19 Locus publicus hic quis sit.
- 20 Oblationis pecunie, obsignationis & depositionis effectus duplex.
- 21 Prior debitorem spectat: isque liberationem sortis primum consequitur.
- 22 Debitor an oblatione, obsignatione & depositione pecunie ipso iure liberetur. & nu. 27.
- 23 Liberari simpliciter quis dicatur.
- 24 Liberationis huius consequentia.
- 25 Vfurarum obligatio accessio est sortis.
- 26 A quo petitio nulla est, aut a quo petitio est, que per exceptionem remoneri possit, is moram facere non potest.

EXtribus locis, in quibus initio huius tituli questionem de Vfuris versari diximus, exposuimus primum illum, quibus ex causis vfuræ deberi incipiunt ad l. 3. §. Postremus erat, cum deberi cœperint, quomodo deberi definant, seu quando earum obligatio finiatur. Huius loci optima pars hic explicatur, & ob id hoc loco nobis attingetur.

- 1 Vfuræ & tribus modis deberi definunt, aut sublata

principali obligatione sortis, aut principali obligatione manente remissione vfurarum: aut tunc, cum vfuræ ad duplum processerint. Remittuntur vfuræ voluntate & pacto creditoris, partim expresse, partim tacite. Id quando accadat, dictum ad l. aduersus. §. De dupli quantitate, qua vfuræ tolluntur, dicitur ad l. pen. j. De primo genere hic agitur, de quo sic habendum est in vniuersum.

Sublata & principali obligatione sortis, simul vfuræ deberi definunt, nec quicquam interest, quomodo obligatio tollatur, vtrum solutione, an acceptilatione, nouatione, & aliis modis, quibus obligatio tollitur, de quibus in Inst. quib. mod. toll. obl. Sed nec refert, vtrum ipso iure liberatus sit debitor de sorte, an vero iure prætorio pacto tantum conuenio. Nam & hoc modo per exceptionem liberatur, l. 5. §. de pact. Liberato debitore, quocunque modo liberatus sit, quia principalis obligatio sublata est, non potest accessio- nibus locus esse. l. cum principalis. de reg. iur. Est autem obligatio vfurarum accessio sortis, qua sublata, vfuræ non subsistunt, l. eas. in pr. j. eod.

Sed inter & ceteros modos maxime tollitur obligatio sortis solutione. Quod si creditor pecuniam, quæ solutioni offertur, accipiat, res expedita est. At quid si oblatam a debitore pecuniam recuset accipere, forte fraudulentum consilio, vt semper vfuræ currant aduersus debitorem, quem nouit esse idoneum? Aduersus hanc recusationem præscribitur in hac lege cautio debitori, quæ cautione obseruata non minus consequitur, vt obligatione & sortis & vfurarum liberetur, quam si pecuniam creditori volenti & accipienti soluisset. Itaque huius rescripti duæ sunt partes: Prior continet descriptionem huius obseruationis: Posterior eius obseruationis effectum. De eadē re aliis multis locis cautum legimus, sed nusquam expresso, neque ita plane & dilucide vt hoc loco, vt in hac constitutione hic locus in primis notari debeat.

Obseruatio hæc est, vt debitor & debitum offerat: si creditor recuset accipere pecuniam, obsignet, obsignatam solemniter deponat. Itaque hæc obseruatio has tres partes continet: Oblationem pecunie, obsignationem & depositionem, de quibus singillatim cognoscamus. Oblatio & hoc exigit, vt debitor creditori totum debitum recte offerat. Primum opus est pecuniam offerri. Offerre & pecuniam, non est dicere se esse paratum soluere, sed est presentem offerre, id est, pecuniam, quæ debeat, secum ferre, & eam totā representare creditori, & illi representatā offerre ad solutionem. Proinde si debitor creditori suo dicat, se paratum esse soluere creditori, si velit, se continuo pecuniam expediturum, non obtulit, eoque pro eo habebitur, quod dixit, atque si nihil dixisset. Probatur hoc in l. cum seruus. de condit. & demonstrat. ubi placet, seruum iussu rationes reddere, vt ad libertatem perueniat, nihil proficere, neque quicquam videri reddidisse, si rationes & reliqua in folle offerat, id est, in crumena vel sacco: Sed ita eum recte reddere, si rationes primum expediat heredi, deinde reliqua etiam annumeret & representet. Quod multo magis probandum est in eo, a quo oblationem exigimus. Nam in offerendo inest & ferre.

Quis autem & offerre debet? Respondeo: Rescriptum hoc alloquitur debitorem, ex quo intelligimus, si debitor velit hoc modo liberari, ipsum offerre debere, sed tamē si pro debitore alius offerat, idē iuris erit. Nam & vnusquisque pro debitore soluendo eum liberat etiam in iurum, l. solutione. de solut. l. soluendo. de

negot. gest. Oblatio autem & obsignatio pro solutione est, *l. obsignatione. j. de solut.*

- 9 Cui pecuniam offeret? Creditori. Nam huic pecunia debetur, idque hic expressum est. Sed hoc ita est, si sit copia creditoris. Quod si creditor aberit, cautum est in *l. si creditorici. s.* vt debitor magistratum competentem adeat, apud quem pecuniam offerat & numeret, & faciat quæ sequuntur oblationem, ita
- 10 ea res pro iusta oblatione cedit. Quid tamen & quomodo offerre debet? Placet ita eum liberari, si debitum & totum debitum offerat, & apertius, si totum vna cum usuris debitis offerat, vt hic expressum est in *pr. & in l. si creditorici. s.* Hoc eo pertinet, vt si partem tantum sortis obtulerit, plus dicimus, & si vel minimum desit etiam ex usuris, intelligamus, debitorem nulla ex parte liberari, neque interpellari totius sortis usurarum cursum, *l. tutor. s. Lucius. ff. hoc tit.* Quod tamen hanc exceptionem habet, nisi conuenierit, vt particulatim soluere liceret, *d. l. tutor. s. Lucius.* Aut tamen seruus libertatis causa iussus sit pecuniam dare: nam fauore libertatis, vt citius ad libertatem perueniat, placuit seruum particulatim soluere posse, *l. 4. s. item si 10. de stat. lib.* Alias partis solutionem recte recusat debitor, vt pluribus docui ad *l. quadam. ff. si cert. petat.*

- Non solum in oblatione superiora cauenda sunt, sed etiam exigitur, vt debitor certo modo offerat, & vt dixi recte. Hoc autem tria continet, vt debitor offerat pecuniam opportuno loco, tum vt opportuno tempore, deinde vt contestationem adhibeat. Exigimus, vt tamen offerat opportuno loco & tempore, quorum vtrumque nisi sit, iusta causa est recusandi, *l. si solutus, ff. de solut. l. designatione. in fin. j. eod. de solut.*
- 12 Opportunus tamen locus est, cum debitor certo loco dare debet, & eo loco offert, alio loco soluere non potest, inuito creditore, *l. pen. ff. de eo quod cert. loc. l. qui Rom. in pr. de verb. oblig.* Opportunu n tamen soluendi tempus est omne, cum pecunia pure aut in diem debetur. Nam & quod in diem debetur, ante diem recte solu potest, cum dies sit pro reo, non pro stipulatore, *l. quod cert. de solut. l. eum qui Calend. s. ult. de verb. oblig.* Hæ tantum exceptiones sunt, nisi aperte dies adiectus sit creditoris causa, vt in exemplo *l. 3. s. cum Pollidius. ibi, cum certam aetatem compleisset. ff. hoc tit.* Item nisi qua necessitas, vel naturalis, vel ciuilis, non longa, creditorem impediat, quo minus in præsentia possit pecuniam accipere. Naturalis, veluti si creditor sit in paroxysmo: Ciuilis, veluti si creditor funus familiare ducat, & debitor ducenti offerat pecuniam, aut si creditor ducat uxorem domum. Intempestiua sunt hæc tempora offerendi, & pecuniæ explorandæ. Cogetur igitur debitor expectare. Nam hæc cito transferint, & in mora modici temporis non magnum damnum est, *l. si debitori. de indic.*

- Ad hæc exigitur contestatio in *pr.* huius rescripti, vbi cauetur, vt debitor post contestationem pecuniam offerat. Contestationis verbo tamen hoc exigi intelligitur, vt debitor pecuniam offerat testato, id est, primum dicat, se venisse vt solveret creditori, & illo recusante adhibeat testationem, id est, testes. Post quam testationem annumeratam pecuniam offerat. Et in summa hoc verbo continetur id, quod aliis locis exigitur aperte, vt debitor pecuniam adhibeat testibus adhibitis, seu testibus præsentibus, *l. si creditorici. s. l. i. j. de suscept. & prapof. libr. 10.* Sed tamen videtur superuacua esse hæc testatio seu testium præsentia. Nam vt

instrumentis res non geruntur, id est, instrumenta nihil ad substantiam rei gerendæ pertinent, *l. cum res. s. de probat. l. 4. de fid. instr.* sic nec pertinent testes, quia in negotiis exercendis eandem vim habent testes & instrumenta, *l. in excercend. s. de fid. instrum.* Respondeo: Certissimum est neque instrumentum, neque testes, ad vim & substantiam huius obligationis quicquam pertinere, sed & sine instrumentis, & sine testibus valere oblationem, sed hac conditione, si modo probationem habeat aliunde, vt adicitur in *dict. l. 4. de fid. instrum.* At non potest habere aliunde nisi a testibus, & ob id testatio hæc exigitur, vt testator sibi prospiciat. Nam quodcumque conuentusa creditore postea vtetur hac defensione, vt dicat se ei aliquando pecuniam obtulisse, recte non audietur, nisi probet, *l. 2. de probat.* Non probabit autem recte instrumentis, quorum usus in hac re esse non potuit inuito creditore. Ita restat vt probet testibus.

Oblationem ita recte peractam sequi debet pecuniæ obsignatio. Hæc autem tamen obsignatio id continet, quoniam nummi singuli per se obsignari non possunt, immitti debent in crumenam vel saccum, vel capsam aliquam, & saccus obligari, deinde obligato sigillum ita imponi, vt non possit aperiri saccus, nisi remoto signo, vt eo remoto furtum possit deprehendi. Sic describi videtur obsignatio in *l. i. s. si pecunia. de pos.* Huius obsignationis tamen usus est duplex. Primo exigitur, vt ita creditori cautum sit, ne facile pecunia illa pereat aut dilabatur, aut si forte sublatæ erit, illi pareatur actio aduersus depositarium, qui signa remouit, aut cuius dolo remota sunt. Pertinet etiam hæc obsignatio ad cautionem debitoris, vt cum saccus resignabitur a creditore, intelligi possit, congruere summam, quam dicit debitor se immisisse.

Ad eandem cautionem tertium & postremum exigitur, vt pecunia ita obsignata deponatur solemniter, quo magis creditori tuto asseruetur, ne queri possit. Solemnis tamen quæ sit, hoc rescripto significatur. Est autem solemnis, cum pecunia obsignata deponitur in locum publicum, & locus publicus tamen hic esse dicitur, vel ædes sacra, vel is locus, de quo aditus iudex constituerit. Ædes sacra hic commemoratur, quoniam ita apud Romanos & alias gentes gentiles in usu erat, vt pecuniæ deponerentur apud æditiuum, vel ædem sacram, vel in sacrarium, in quæ loca vel propter religionem, vel propter munitionem loci non facile patebat furibus & sacrilegis aditus. Nunc moribus nostris nihil tale obseruatur. Et ideo consultum est videre in vnaquaque regione, quid in cuiusmodi depositione obseruari soleat, ex consuetudine loci. Hæc si certa erit, eam seruabimus, *argumento l. i. in pr. ff. eod. l. generaliter in fin. s. de iureiur.* Si nihil proprii seruabitur in ea regione, res expedita est, vt magistratum & eum iudicem adeamus. Quem locum is constituit, is locus idoneus est & solemnus, ex hoc rescripto. Et ita fere obseruari solet moribus nostris. Hæc obseruatio est, quam dixi hic describi.

Huius tamen obseruationis effectus duplex traditur in extremo rescripti. Vnus, qui ad debitorem pertinet, alter qui ad creditorem. Qui tamen effectus debitorem attingit, hic est. Is liberationem sortis primum consequitur, *l. obsignatione. j. de solut.* Sed tamen an ipso iure hoc modo liberatur? Id significat verbum liberationis, quo vtitur *l. obsignatione.* Is enim dicitur tamen liberari sim.

simpliciter, qui iure civili liberatur. Qui autem liberatur tantum per exceptionem, is absolute non liberatur, alioqui non esset ei necessaria exceptio, quod declaratur generibus exceptionum, *Instit. de except.*
 25 Huic liberationi ꝑ hæc consequentia sunt. I. Liberatur debitor periculo, ut hic scriptum est, id est, quantumvis nummi postea perierint, & quocumque modo perierint, creditori pereunt, non debitori, quoniam debitor iam teneri desinit. Sed & illud consequens est, etsi nummi adhuc extiterent, & possit debitor obtinere, ut illi sibi restituantur, tamen a creditore conueniri non possit. Neque enim conueniri potest actio in personam, is qui non est obligatus, §. 1. *Instit. de act.* Sed & hoc significatur in extremo huius rescripti, cum dicitur, *creditorem nullam actionem habere aduersus debitorem, nisi debitor pecunias ante debitas ad se receperit.*

Consequens & illud, ut debitor, quemadmodum obligatio liberatur de sorte; sic & liberetur de accessionibus principalis obligationis, *l. in omnibus. de solut.* Ideo inhietur vsurarum cursus, ut hic scriptum est, & in *l. debitor. l. i. in fin. eod.* Nam ꝑ vsurarum obligatio accessio est sortis, *l. eas. in pr. j. eod.* Ideo & liberantur pignora, ut hic quoque traditur, & *d. l. in omnibus. de solut.* quoniam & pignus accessio est principalis obligationis, *l. res hypoth. de pig.*

Sed huic solutioni, quam statuimus, quædam videntur aduersari. Volumus enim debitorem obligatione pecuniæ non tantum liberari, sed etiam liberari ipso iure, & de sorte, & de accessionibus. Re-
 27 pugnare ꝑ videtur hoc ipsum rescriptum, cum in fine pecuniæ depositæ datur tantum utilis actio. Hinc enim intelligimus dominium pecuniæ in eum translatum non esse. Nam si translatum esset, haberet actionem directam, *l. in rem. de rei vindicat.* Hinc effici videtur debitorem ea obligatione non esse liberatum saltem ipso iure, ut probatur exemplo in *l. cum quis. §. si debitor. de solut.* ubi debitor soluit procuratori creditoris, sed tunc cum mandatum reuocatum esset a creditore, ignorante debitore. Placet debitorem in proposito ideo ipso iure non esse liberatum, quia dominium pecuniæ in creditorem non transtulit.

Respondeo: Non recte colligitur, quia dominium pecuniæ non transfertur in creditorem, idcirco debitorem ipso iure non liberari. Argumento sunt acceptilatio & nouatio; quibus modis constat vnumquemque debitorem liberari iure civili, §. item. §. præterea. *Instit. quib. mod. toll. obl.* Et tamen constat in utraq; specie nihil in creditorem transferri. Proinde non est mirum, si & in obligatione pecuniæ debitor liberetur, quamuis nihil in creditorem transferat. Sane si debitor procuratori creditoris sui soluat, non aliter liberabitur ipso iure, quam si dominium translatum sit in creditorem, *d. l. cum quis. §. si debitor.* Sed hoc ideo fit, quia hic id agitur, ut res constituatur ex voluntate creditoris, & hanc ob causam merito creditoris voluntas spectatur. In obligatione autem pecuniæ res geritur inuito creditore, ut proinde eius voluntatem spectare non oporteat ad debitoris liberationem.

Deinde obstat id ipsum rescriptum, cum ait: *Debitorem pecunia obsignata & deposita conueniri adhuc posse a creditore, si pecuniam receperit.* Licet argumentari hoc modo: Si debitor obsignatione pecuniæ liberatus est, nunquam eo nomine conueniri potest, quoniam actio semel extincta suscitari non potest, *l. qui*

res. §. necessaria. de solut. At debitor obsignata pecunia adhuc conueniri potest, ut hic traditur. Ergo ante non fuit liberatus. Respondeo: Verum est, debitorem obsignatione pecuniæ statim liberatum esse, sed liberatum vetere actione, qua tenebatur. Hæc actione nunquam conueniri potest, quamuis pecuniam prius obsignatam ad se receperit, ob hanc causam, quæ dixi, quia semel extincta obligatio redintegrari non potest, quoniam iuris, certis ex causis nascuntur, inter quas causas non est hæc pecuniæ receptio, ut quidem vetus actio restituatur. Non obstat, quod debitor recepta pecunia conueniri potest: potest enim conueniri non veteri actione, sed noua, nempe actione in rem, quæ creditori competit, vel actione depositi utili. Quibus actionibus debitor ante receptam pecuniam non tenebatur, post receptam teneri incipit, sed nouis, non autem veteri, qua prius tenebatur.

Postremo obstat huic liberationi maxime *l. debitor. ff. hoc tit.* ubi debitor pecuniam obsignauit, & rite deposuit, illic tamen adiicitur: *Si post obsignationem debitor conuentus moram fecerit, pecunias inanes non vsuras*, id est, etiam eum debitum eius pecuniæ vsuras. Quod si debitor post obsignationem moram facere potest, declaratur eum etiam post obsignationem teneri, & quidem actione in personam, etiam ea, quæ per exceptionem remoueri non potest. Nam a quo ꝑ nulla petitio est, aut a quo petitio est, quæ per exceptionem remoueri possit, is moram facere non potest, *l. si pupillus. de verb. oblig. l. lecta. vers. pen. si certi. petat. l. nullum. de reg. iur.* Eiusdem rei argumentum est, quod dicitur debitor vsuras debiturus esse. Nam principali obligatione non consistente vsuræ deberi non possunt, *l. eas. in pr. j.* Teneretur ergo debitor etiam post obsignationem pecuniæ, & teneretur actione in personam, ut præstet vsuras, & teneretur, ut videtur, veteri, non noua. Nam quæ noua in personam hic potest occurrere?

Respondeo: Non dicitur in *d. l. debitor.* debitorem post obsignationem pecuniæ conuentum moram facere, sed dicitur moram facere posse. Hæc enim cōditio est, si conuentus moram fecerit. Sciendum est, quamdiu debitor pecuniam obsignatam ad se non receperit, moram facere non posse, quamuis conuentus a creditore, quia vetere actione liberatus est, noua teneri non potest, cum pecuniam ad se non receperit ex hoc loco. Sed si pecuniam receperit, intelligimus ex hoc rescripto, eum incipere teneri creditori, tunc demum conuentus moram faciet. Sed hoc argumentum non est, eum non fuisse liberatum veteri actione, teneri enim incipit creditori noua, ut dixi, & paulo post plenius explicabitur. Si quis quærat, *qua actione teneri incipiat, ita ut incipiat debere vsuras?* Respondebimus: Eum non teneri actione in rem, quoniam prior stipulatio vsurarum sublata est obsignatione, noua autem obligatio non potest contrahi. Teneri etiam non potest actione in rem, quoniam citra controuersiam vsuræ non possunt deberi nisi ex mora in bonæ fidei iudiciis, ut docuimus *ad l. 3. sup.* Actiones autem in rem bonæ fidei non sunt, sed tenetur debitor actione depositi creditoris, ut mox dicitur. Actio depositi bonæ fidei est, & ideo veniunt in eam vsuræ ex mora, *l. 4. §. de pos.*

Hoc est igitur quod dicitur in *l. debitor.* debitorem obsignatione liberari & a sorte & ab vsuris, sed si conuentus moram facere non cœperit, quod tunc solum contingit, cum pecuniam ad se receperit, quæ a creditore

repetitur, tunc ex mora incipit debere etiam vsuras bonæ fidei iudicio. Summa est, debitor ob signatione pecuniæ ita liberatur ipso iure, ut nunquam veteri actione creditori teneatur, neque de sorte, neque de vsuris ante in stipulatione deductis. Nec refert vtrum debitor pecunias obligatas ad se receperit, an non, sed si receperit, teneri incipit creditori, sed noua actione, non veteri. De hac lege vide plura in l. ob signatione. de solut. j.

Ad L. 21. Si vsuras.

Imp. Philippus A. Chresimo.

Si vsuras prestari pignore dato conuenerat, & in continenti numeratione facta, postea vel ante, propter quod debitum solutionem feceras, non designasti: habuit creditor in vsuras tibi accepto ferenda soluta quantitatis facultatem.

S V M M A R I A.

- 1 Debitor soluens habet potestatem imputandi siue in sortem siue in vsuras.
- 2 In continenti numerationis quid sit.
- 3 Simpliciter solutum an in sortem imputari debeat, an in vsuras.
- 4 Creditor simpliciter soluens debet in duriores causam sibi accepto ferre.
- 5 Solutione eius quod debetur tollitur omnis obligatio.
- 6 Debitor, si nulla usura sint debita, quo modo possit solutum in vsuras imputare, quæ non sunt.

DEBITOR † qui sortem & eius sortis vsuras debuit, si pecuniam soluit creditori, habet in potestate, in vtram causam velit soluere, seu id quod soluit, in vtram causam velit imputare, si modo designet in continenti vel ante, in quod debitum solutum velit. In continenti intelligere debemus in continenti numerationis, & ante, nempe numerationem factam. In † continenti numerationis valet idem, quod tempore solutionis, quo tempore licet debitori soluenti dicere, in quam causam solutum velit & in eam causam solutum erit. l. i. j. de solut.

Sed etsi debitor tempore solutionis nihil constituit, in quam causam pecuniam solutam veller, tamen poterit solutam in sortem imputare, si modo id ante solutionem & numerationem designarit. Vtputa debitor creditori solutus dixit, se paratum illi aliquam pecuniæ summam soluere velle, dummodo veller eam summam imputare in sortem, & non in vsuras, creditor dixit, se paratum accipere, & postea debitor creditori soluit simpliciter. Dicimus quod simpliciter solutum est, in sortem imputari debere ex voluntate creditoris, propter conuentionem præcedentem. Præfationes ad subiectam stipulationem & solutionem referri intelliguntur, ita ut solutionem & stipulationem subiectam temperent, l. 4. in fin. de pact. l. i. Tuius. §. i. de verb. oblig.

Hæc † non exprimuntur hoc rescripto, sed per contrariam conditionem intelliguntur. Nam hic scriptum est, creditorem posse solutum in vsuras accepto ferre, si debitor in continenti vel ante numerationem non designarit, in quam causam solutum veller. Ergo si horum alterutrum factum est, imputabit solutum non in vsuras, sed in sortem, ut debitor voluit & designauit. Quod si debitor neque ante solutionem, neque in continenti solutionis, id est, in ipsa solutione quicquam dixerit, in quam causam solutum veller: hic placet posse creditorem pecuniam

in vsuras accepto ferre, neque necesse habere imputare in sortem. Sed videtur otiosa esse hæc quæstio, vtrum creditor solutum in sortem debeat imputare an in vsuras, cum vtrum fiat, neque debitoris, neque eius inter sit. Nam in vtramque summam solutum imputatum erit, semper reliquum totum eodem modo debetur. Si imputatur in sortem, vsuræ & reliquum sortis debentur, si vero solutum imputatur in vsuras, tota fors debetur, ut plane stultus sit labor in hac quæstione laborare.

Respondeo: Multum vero interest ad vtilitatem vtriusque, vtrum horum fiat. Nam si solutum imputatur in vsuras, in vnam tantum rem liberatur debitor, nempe in vsuras, quoniam vsuræ alias vsuras non pariunt, l. ult. inf. hoc tit. At si solutum imputatur in sortem, debitor in duas res liberatur, primo in sortem, deinde in vsuras eius sortis solutæ, quæ competituræ essent, si fors soluta non esset. Ex quo apparet, cum dicitur, posse creditorem imputare in hac specie solutum in meliorem sibi & commodiorem causam, non immerito, hoc intellecto, opponi huic sententiæ, l. 1. 2. 3. 4. de solut. Quibus locis constanter traditur, cum debitor, qui ex pluribus causis debeat, soluit aliquam summam simpliciter, ita ut neque debitor dicat in quam causam solutam velit, neque creditor in quam causam acceptam ferat, creditorem non posse postea solutum imputare nisi in duriores sibi causam. Hanc obiectionem ut tollant, adiunt idem fieri in hac specie, cum creditor imputat solutum in vsuras, sed hoc satis refellitur ea ratione, quam supra exposuimus. Deinde si ita esset, scribendum fuisset ita in hoc loco: Debit debitor solutum in vsuras acceptum ferre. Nunc autem ita scriptum est: *Habet creditor eius summa accepto ferenda in vsuras potestatem.* Quibus verbis electio illi tribuitur, vtrum imputet in vsuras, an in sortem. Dicendum est, regulariter recte constitui illud, quod dictum est in d. l. i. & seqq. de solut. creditorem † nimirum, quod simpliciter solutum est, debere in duriores causam sibi accepto ferre: sed vna hæc exceptio est, nisi aliud actum sit, & nisi creditore solutum in causam aliquam imputante ius suum ei auferatur. Quorum vtrumque contingit, si creditor cogitur solutum acceptum ferre in sortem.

Nam primum id agitur inter creditorem & debitorem, ut prius soluantur vsuræ commissæ, quam fors, quoniam placet retineri sortem, dum vsuræ soluantur. Præterea creditoris hoc ius est, ut ne cogatur partem sortis oblatam a debitore accipere. l. tutor. §. Lucius. hoc tit. Si ab initio partem creditor accipere non cogitur, nec postea accipere cogendus est, quoniam obligationis conuentio, initio constituta, inuito altero ex contrahentibus, mutari non potest, l. vero, circa fin. de solut. At cum debitor postulat solutum imputari in sortem, nihil aliud postulat, quam partem debiti creditori soluere, & in eam partem liberari. Hoc ab initio facere debitor non potuisset. Ergo nec ei postea facere concedendum est. Hæc interpretatio & sententia tota cum sententiis iuris & aliorum locorum plane congruit. Nam de vsuris ad hanc sententiam traditum est & in l. i. de solut. & l. 5. §. quod generaliter. vers. pen. de solut.

Sed sententia hæc incidit in difficultatem, propter contextum huius rescripti. Nam contextus hic est, ut creditor possit solutum imputare in vsuras hac conditione, quæ his verbis expressa est, *Si in continen-*

vi, numeratione facta postea, vel antea, propter quod debitum solutionem feceras, non designasti. Ex quo contextu duo colliguntur, partim absurda, partim aperte falsa. Nam primo hoc videtur dici: Creditorem posse solum imputare in vfuras, si in continenti post conventionem de vfuris interpositam numeratio sortis facta sit, & debitor non designauit, in quam causam solutum vellet. Hoc vero & absurdum, & aperte falsum est. Nam si debitor statim post conventionem de vfuris sortem soluit, statim liberatus est obligatione, satis ex regula iuris nota. Solutione eius † quod debetur tollitur omnis obligatio, *Instit. quib. mod. toll. oblig.* Principali obligatione soluta vfuræ sequentis temporis deberi non potuerunt, cum non debeantur vfuræ, nisi pro vsu sortis. Quinimo etsi ante vfuræ debitæ fuissent, tamen desinerent deberi, cum principali obligatione sublata, non sit accessioni locus, *Leas. in prin. hoc tit. infr.*

Quod si vfuræ † nullæ debitæ sunt, quomodo creditor potest solum imputare in vfuras, quæ non sunt? Quod si quis dicat, non tam falso dicit, quam absurde, & expressum est in *l. pignoris. seq.* Nec ad defensionem creditoris quicquam facit, quod quidam putant, si fingamus in hac specie debitorem, cum sortem mutuo accepit, eodem tempore prærogasse vfuras in multos menses, vt tamdiu sibi pecuniam retinere liceret, iuxta *l. 4. §. fin. & l. qui in futurum. de pact.* Volunt in hac specie, quamvis debitor postea statim sortem soluat, nihilominus creditorem posse solum retinere in vfuras, quæ prærogatæ erant, vt non cogatur eas vfuras restituere. Sed hoc non minus falsum est quam prius. Nam cum debitor vfuras ita prærogauit, est quidem in eius potestate, sortem non soluere ante id tempus, *d. l. qui in futurum. de pact.* Sed si sortem vltro soluerit accipiente creditore, in confesso est, eum principalis sortis obligatione liberari, quæ sublata, vfuræ, vt dixi, deberi non possunt, ne præteritæ quidem, *d. l. Leas. j.* Itaque ratum hoc esse debet, falsum esse, si statim solutio sortis facta sit, falsum inquam esse, creditorem quicquam ex eo imputare posse in vfuras, quas constat deberi.

Alterum etiam ex eodem contextu falsum colligi videtur. Dicitur enim creditor posse solum imputare in vfuras, si debitor non designauit postea, vel ante numerationem, in quam causam solueret. Ex quo colligitur, si debitor postea, id est, post solutionem designauerit, se velle solum in sortem, id ei permitti, quod est contra *l. 2. & 3. de solut.* vbi disertè scriptum est, debitorem in re gerenda & pecunia soluenda postea constituere, in quam causam velit solutam, ceterum postea ei non permittitur.

Respondeo: Fatendum est, vtramque hanc sententiam hoc rescripto exprimi, si sequimur distinctionem contextus vulgatam. Sed distinctio verborum commoda sententiam totam explanabit, & ideo monendi sumus, verbum in continenti referendum esse ad verbum designasti, & verbum postea coniungendum esse cum participio, facta, & totum contextum ita distinguendum, quasi ita scriptum esset: Si vfuras pignore dato præstari conuenerat, & numeratione postea facta non designasti in continenti, vel ante, propter quod debitum solutionem faceres, tum creditor potuit solum in vfuras imputare. Quo contextu exprimitur hæc sententia: Sortem mutuo datam debitori, debitorem in solutione cessasse & vfuras debuisse, postea fecisse numerationem sortis.

Respondetur: Creditorem posse hanc solutionem imputare in vfuras, si debitor in continenti numerationis, id est, solutionis tempore, vel ante eam solutionem non designauit, in quam summam solutum vellet. Qua distinctione exprimitur sententia illa, quam supra exposuimus, optima & certissima.

Ad L. 22. Pignoris.

Imp. Philippus A. Carino.

Pignoris quidem interuenientibus, vfura quæ sine stipulatione peti non poterant, pacto retineri possunt. Verum hoc iure constituto, cum huiusmodi nullo interposito pacto tantummodo certa summa præstari pœnam conuenisse proponas, nec peti nec retineri quicquam amplius potest, & ad pignoris solutionem urgeri te disciplina iuris perspicis.

S V M M A R I V M.

1. Creditor an pignus restituere, vel in vfuras, vel saltem in pœnam retinere possit.

DEBITOR † pecuniam mutuam accepit, de vfuris præstandis nihil conuenit, neq; stipulatione neq; pacto, sed si sua die pecuniam non soluisset, conuenit citra stipulationem, vt duplum restitueret, & simul pignus creditori dedit, nominatim in sortem & vfuras. Debitor sua die pecuniam non soluit, & etiam post cessauit. Itaq; secundum conventionem pœna commissa est. Re ita gesta debitor pignus suum repetit pignoratitia actione, offerendo sortem quantam debuit, nihil autem vfurarum nomine, neq; pœnæ eius, de qua conuenerat, creditori offert, quæritur an pignus suum recipere debuit? Quæstio in eo est, an quemadmodum debuit offerat, nam pecunia omni soluta, nascitur debitori pignoratitia actio, idemque est si pecunia debita in iudicio offeratur, *l. si rem. §. omnis. & §. ult. de pign. act. l. ult. j. de pign. vend. l. ult. j. de licit. pig.* Creditor negat se pignus restitutum, hoc se retinere ait vel in vfuras, si eas debitor dare vult, vel saltem in pœnam, de qua conuenit, sed de pœna nihil contendit, quoniam pignus pœnæ nomine obligatum non est. Quoties enim pignus in certas causas obligatur, in ceteras liberum esse intelligitur, *l. solutione. §. si in sortem. de pig. act.* sed se pignus in vfuras retinere posse contendit, ex sententia iuris constitutionibus recepta, qua efficitur vfuras per retentionem pignoris retineri posse. Hic pignus datum est, & datum est nominatim in vfuras. Proinde per retentionem huius pignoris in proposito seruari possunt.

Respondet Imperator, nec vfuras per retentionem pignoris in hac specie seruari posse. Non obstare, quod constitutum est, per retentionem pignoris vfuras seruari, *l. per retentionem. sup. h.* Sic autem vfuræ nec pacto debitæ sunt, proinde non potest pignus retineri in vfuras non debitas. Sed videtur hoc ipso conuenisse de vfuris, quod pignus obligatum est nominatim in vfuras. Cur enim in vfuras, nisi quia placeret vfuras deberi? Respondeo: Vt vfuræ debeantur vel pacto, vel stipulatione etiam, non sufficit de vfuris tantum conuenisse, nisi certa summa seu quantitas vfurarum expressa sit, quod hic factum non est, *l. tutor. §. ultim. de vfur.* Sic fit vt in proposito neque pignus retineatur in vfuras, quia nullæ vfuræ sunt, neq; possit retineri in pœnam commissam, quia pignus in eam causam obligatum non est. Ex quo efficitur, quod hic colligitur & propositum erat, cum pignus neque in vfuram, neque in pœnam retineri possit, nihil esse, cur non debitori restitui

debeat, oblata sorte, quanta debeatur. Rescriptum in hoc notandum est, ut intelligamus, ubi locum habeat ea sententia, qua dicimus pignus in usuras retineri posse.

Ad L. 23. Oleo.

Imp. Philippus A. Iasoni.

Oleo quidem, vel quibuscunque fructibus mutuo datis, incerti pretii ratio additamenta usurarum eiusdem materia suavit admitti.

SUMMARIA.

- 1 In oleo, frumento & frugibus similibus an accessiones consistere possint: & ad quem modum prestari possint. num. 2.
- 3 Accessiones olei, frumenti & similium frugum, in quibus rebus consistere possint.

OLEO & frumento & similibus frugibus, mutuo datis, de accessionibus supra sortem prestandis, quatuor quaeruntur. I. An iis rebus etiam supra sortem accessio recipi possit. II. Quomodo accessio debeatur. III. In quibus rebus harum rerum accessiones consistere possint. IV. Ad quem modum prestari possint. Duo priora decisa sunt in l. frumento. 1. ubi traditur etiam in iis rebus accessiones prestari posse, easque accessiones etiam ex nudo pacto prestandas. Quartum tamen de modo attingimus ad Anth. ad hac. 3. decilum est etiam in l. eas. 3. eod. Tertium tamen hic exponitur de quo ita constituitur: *Iis rebus mutuo datis additamenta usurarum, eiusdem nomine admitti.* Quibus verbis intelligimus hoc dici; Accessiones, quae pro usuris in his rebus prestantur, consistere posse in rebus eiusdem naturae; in pecunia non posse. Additur ratio, *Quia ratio incerti pretii id suadet.*

Optima ratio ad id efficiendum quod proposuimus, nempe usuras pro iis rebus promitti & constitui non posse. Nam usura est pecunia, quae pro portione sortis, ad certum modum prestatur supra sortem. Id modus usurae definitus declarat, l. placuit. l. poenam. ff. eod. l. eas. §. 1. h. Non potest autem certus modus usurarum constitui pro portione sortis; nisi & quantitas sortis sit certa. At in rebus superscriptis, de quibus agimus, earum rerum incertum pretium est. Non potest igitur in his rebus certa usura constitui, ac proinde nec usura constituitur. Sic fit, ut ratio incerti pretii earum rerum admittat tantum additamenta in rebus eiusdem naturae, quoniam quantitas earum rerum certa est in mensura, ac proinde in iisdem rebus, & in eadem quantitate certitudo esse potest pro portione sortis, ut si pro 10. modis, unus modius, aut duo praestentur.

Hinc apparet non quaeri hoc loco, quanta additamenta prestari possint iis rebus mutuo datis, sed in quibus rebus haec additamenta consistere possint. Quid ergo si pro iis rebus sint usurae promissae essent pro auro & argento facto, quoniam in iis rebus certa usura constitui non potest pro portione sortis, cum fors non sit aestimata, l. 3. §. ult. ff. h.

Ad L. 24. Si mater.

Imp. Philippus A. Glauclia.

Si mater tua maior annis constituta, negotia, quae ad te pertinent, gesserit: cum omnem diligentiam prestare debeat: usuras pecuniae tuae, quam administrasse fuerit comprobata, prestare compelli potest.

SUMMARIA.

- 1 Negotiorum gestor pecuniam fœnori collocare debet, si honeste potest: sin minus eo nomine usuras praestabit. §. nu. 3.
- 2 Negotiorum alienorum gestor omnem diligentiam & omnem culpam prestare debet. §. nu. 4.
- 3 Diligentia verbo quid exigatur. An amicus negotiorum gestor diligentiam prestare debeat.

QUI negotia aliena sine mandato gerenda suscipit, si quam pecuniam in illis negotiis reperit, & eam in suos usus conuertit, extra controuersiam est, eum iure obstringi ad maximas usuras praestandas eius pecuniae nomine, id est, centesimas, l. qui sine. de negot. gest. De eo hic non agitur, sed amplius dicimus, eum tamen qui negotia gerit, eam pecuniam attingere, & collocare debere fœnori, si honeste potest, si non facit, usuras eo nomine praestabit, quas si pecuniam collocasset, consequi potuisset. Idem in l. atqui. §. non tantum. l. liberto. §. qui alienas. de negot. gest. Hoc ideo, quia qui negotia tamen aliena gerit, omnem diligentiam & omnem culpam in iis negotiis administrandis prestare debet, ut hic traditur, & l. si negotia. de negot. gest. Est autem diligentia collocare pecuniam ne vacet: contra est culpa non collocare, & otiosam relinquere pecuniam. Proinde ex potestate huius iudicii is, qui negotia gerit, huius culpa & damni aestimationem domino prestare debet, in quo est, si usuras consequi potuit, nec consecutus est.

Sic tamen usuras, quas consequi potuit, praestat, nisi dominus ipse soleret pecuniam apud se retinere, non autem collocare. Nam quod dominus faceret, idem facere potuit negotiorum gestor sine fraude sua, l. qui semisses. §. ult. ff. h. t. Non est hoc prioribus contrarium, sed maxime conueniens: Est enim ex eadem definitione culpa, quam negotiorum gestor prestare debet. Nam cum culpa est gestoris, cum aliquid facere potuit, & debuit, & non fecit. At amicus, qui domini negotia gerit, potuit quidem collocare pecuniam domini, sed non debuit, si dominus eius facere id non soleret. Neque enim debuit quicquam suscipere contra voluntatem & morem domini, sciens dominum esse moderatorem & arbitrum rei suae, l. in re mandata. C. mandati. Proinde si tunc pecuniam non collocauit, ut culpam non admittit, sic nec usuras prestare cogitur ex sententia huius rescripti.

Illud tamen notandum est, quod dicitur hoc loco, non tantum negotiorum gestorem prestare debere culpam latam, sed etiam leuem, & praeterea diligentiam, ut expressum est in l. contractus. Quibus verbis hoc significatur, negotiorum gestorem in negotiis gerendis debere omnia facere, quae pro suo capto & diligentia consueta potest. Nam si hoc non facit, culpa eius lata est. l. quod Nerva. ff. de pos. Hanc dicimus eum prestare debere. Hoc amplius etiam si quid pro capto suo facit, sed in quo laedit negotia, hoc quoque prestare debet, idque est, quod significatur, cum dicitur, eum prestare debere leuem culpam. Intelligimus enim, hoc verbo debere eum prestare factum suum, seu culpam, quae sit in faciendo, quamuis paret se in eo bene facere, argumentum in l. & quicquid 21. ff. pro socio. Hoc amplius dicimus, etiam si aliquid neglexerit, dum metuit negotia attingere propter imperitiam suam; aut, dum propter imperitiam suam amittit, debere

bere etiam præstare damnum, quod ex ea re contingit. Idque est, quod significatur, cum dicimus: *Eum præstare debere culpam & diligentiam*. Nam diligentiam, qui præstare debet, hunc dicimus teneri, si diligentiam non adhibuit, id est, teneri negligentiae suae nomine, in quo numero est, si pecuniam collocare potuit & vfuras consequi, neque consecutus est.

Quidam putant huic sententiae aduersari. tutores *qui, §. 9. §. qui negotia de administ. tut. & cur. l. tutori. sup. de negot. gest.* vbi iisdem verbis traditur: *Si amicus quadam negotia ex rebus alienis gerenda suscepit, sufficere, si per amici laborem in iis paucis amico consulatur*. His verbis exigi videtur, ut amicus præster domino tantum laborem suum, id est, eum laborem, quem pro captu suo præstare potest, non autem exigi, ut præster laborem alienum, id est, boni patrisfamilias, seu eam diligentiam, quam bonus paterfamilias suis rebus adhibet, si amicus non ita sit diligens in rebus suis. Quod si ita est, non debet amicus negotiorum gestor diligentiam præstare, † quoniam *diligentia* verbo exigitur, ut quis præster eam diligentiam, quam bonus paterfamilias suis rebus adhibet, *l. si cum venderem. §. ult. cum l. seq. de pig. act.*

Respondeo: Amici labor duplex est. Est enim labor amici, quem amicus reuera præstat. Dicitur etiam amici labor is, quem amicus præstare debet. Itaque verbum hoc ambiguum est. Dicimus in superscriptis locis duobus utrumque laborem significari. Primum igitur amicus, qui aliena negotia gerere debet, laborem præstare debet, quem præstitit, id est, ea omnia commoda, quæ ex labore suo consecutus est. Præterea etiam præstare debet laborem, quem pro officio boni patrisfamilias præstare oportuit, cum sit verbum hoc ambiguum. Ex iure interpretatio sumenda est quid in superioribus locis intelligatur, *argument. in l. 6. de solut.*

Præterea obseruandum est, in superscriptis locis non quæri, quem laborem amicus domino negotiorum præstare debeat, sed in quibus causis debeat præstare laborem. Nam proponebatur amicus suscepisse ex rebus domini quasdam gerendas, quasdam non gerendas: quærebatur an de non susceptis teneatur, quasi eas quoque suscipere debuisset? Mouet exemplum tutoris & curatoris, nam hi in rebus pupilli tenentur de omnibus rebus, siue eas gerendas suscepint, siue non suscepint. Quo exemplo patet esse videatur idem admitti in eo, qui sponte negotia aliena gerenda suscepisset.

Illic responderetur dissimilia hæc esse. Nam tutores & curatores cogi necessitate muneris, ut omnia administrarent, quia omnibus bonis præficiuntur, siue velint siue nolint. At qui negotia aliena administranda suscepit, voluntate sua suscipit, & tantum suscipit, quantum vult, quoniam non habet necesse administrare, & additur hæc ratio: *Satis enim abunde quæ sufficere, si in paucis amici labore domino consulatur*. His verbis apparet, quæstionem esse, in quibus negotiis amicus debeat laborem præstare. Placet enim eum præstare debere in susceptis, non autem in iis, quæ non suscepit. Sequens quæstio est, quem laborem in susceptis præstare debeat. Hæc quæstio illic non attingitur, ut apparet, ex quo consequens est, eam decidendam esse, ex aliorum locorum, & aliarum legum regulis, iuxta præscriptum *l. precipimus in fin. infr. de appell.*

Ad L. 26. Eos.

Imperator Iustinianus A. Mennæ Præfæto pratorio.

Eos, qui principali actione per exceptionem triginta vel quadraginta annorum, siue personali siue hypothecaria ceciderunt, iubemus non posse super vfuris vel fructibus præteriti temporis aliqua mouere quæstionem, dicendo ex iisdem temporibus eas velle sibi persolui, quæ non ad triginta vel quadraginta præteritos annos referuntur, asserendo singulis annis earum actiones nasci. principali enim actione non subsistente, satis superuacuum est super vfuris vel fructibus adhuc iudicem cognoscere.

S V M M A R I A

- 1 *Obligatione principali sublata, vfura deberi non possunt.*
Hæc regula an de præteritis quoque vfuris intelligi possit.
- 2 *Nec interest quo modo principalis obligatio sublata sit.*
- 3 *Debitor qui aliquot annorum vfuras debet, liberatus de sorte præscriptione temporis, an quoque de vfuris liberetur.*

IN ITIO obseruanda est regula generalis hic tradita de finienda obligatione vfurarum, tamen si per occasionem hypothesis proposita subiicitur. Definitio hæc est. Sublata † principali obligatione sortis, vfuras deberi non posse, quippe vfurarum obligationem esse accessionem sortis, porro principali causa non subsistente, nec accessiones posse subsistere. *l. cum principal. de reg. iur. l. 2. de pecul. l. in omnib. de solut.* De futuri vfuris nulla dubitatio est, quin sublata obligatione sortis non committantur. Nam non possunt esse vfuræ nisi pro vfui sortis. Itaque vbi fors nulla est, illic vfuræ intelligi non possunt. Sed de præteritis vfuris, quæ iam competierant, dubitari potuit. Ut puta debitor 100. in sorte debebat, & 10. aut 5. annorum vfuras, soluit sortem accipienti creditori, etiam ne liberetur ab vfuris decem aut quinque annorum, quas non soluit, & quarum nomine creditori non satisfecit. Et definitio huc pertinet, ut intelligamus etiam has ipsas definire deberi. Nihil ad rem pertinet, quod neque solutæ sunt, neque earum nomine satisfactum creditori. Et ius ita est, ut pecuniam debitam aut solui oporteat, aut eo nomine creditori satisfieri, ut debitor liberetur, *l. si rom. §. omnis. de pig. act.* Hoc enim tunc locum habet, cum de obligatione principaliter tollenda agitur, nunc autem agitur de accessione principalis obligationis, accessio principalis causæ conditionem sequitur, ut principali causa sublata, consequens sit, tolli & accessiones.

Hic opponitur *l. 1. sup. de ind. l. centum Capua. de eo quod certo loco*. vbi traditur, quoties debitor sortis stipulatione promisit sortem & vfuras, duas esse stipulationes distinctas, quâvis iudicio agi cœperit de sorte, tamen manere stipulationem vfurarum integram, neque iudicio cœpto eam tolli. Atqui huius contestatione nouatio fit, ita ut principalis obligatio quodammodo tollatur. Ergo principali obligatione sublata, non continuo vfurarum stipulatio tollitur. Respondeo: Non proprie tollitur principalis obligatio litis contestatione. Nam litis contestatio habet quidem nouationem, *l. aliam. de nouat. l. vlt. infr. de vser. rei ind.* Sed hæc nouatio nouationis effectum non habet, nisi hæcenus ut profit creditori. Non solet li-

tis contestatio deteriore conditionem nostram facere, sed ut plurimum meliorem, & ad hoc comparata est, *l. non solet. l. vero. de reg. iur. d. l. aliam. de nouat.*

2 Quomodo ¶ principalis obligatio sublata sit, nihil interest, utrum ipso iure, an per exceptionem, ac sic principali obligatione sublata, usura definant deberi. Id in vniuersum probatur regula iuris, qua traditur, nihil interesse, utrum quis actionem non habeat, an per exceptionem infirmetur, *l. nihil interest. de reg. iur.* Sed in specie huius loci præcipue confirmatur, ubi placet, eum debitorem, qui præscriptione longi temporis tutus est, ab usuris etiam liberari. Hæc præscriptio nihil aliud est, nisi exceptio temporis, *l. penultim. infr. de præscript. longi tempor.* ut quod de vna specie exceptionis hic dicitur, transferri debeat ad alias.

3 Hac regula constituta, nata est quæstio in specie, de qua præcipue hic agitur. Quid ¶ si debitor, qui aliquos annorum usuras debeat, liberatus sit de sorte, præscriptione temporis? Finge per triginta totos annos sortem ab eo petitam non esse, triginta annorum spacio omnes actiones in personam tolluntur præscriptione seu exceptione longissimi temporis, *l. sicut. l. omnes. infr. de præscript. 30. vel 40. annor. l. 2. cir. med. supr. de constit. pecun.* Quæritur, an quemadmodum de sorte liberatus est præscriptione temporis, ita etiam usuras præcedentium annorum debere definat. Non videtur in hac specie definire debere, sed in eo præcipuum quiddam esse, quod non est in ceteris liberationibus, quo fiat, ut videatur proprium hic quoque ius constitutum debere.

Dubitationis ratio hæc est, quæ hic attingitur a Iustiniano. Nam cum quis usuras stipulanti creditori promittit in singulos menses, aut in singulos annos, singulorum annorum singulæ sunt stipulationes, exemplo legati annui: Ut pote testator legauit Titio 10. annua, hic plura sunt legata non vnum, *l. si Strychum. §. ult. de verb. oblig.* Et hoc ideo, quia primi anni legatum est conditionale, si legatarius viuat, *l. 4. de ann. leg.* At usurarum stipulatio singulis mensibus vel singulis annis conditionem habet, si fors soluta non erit, ut differit Paul. in *l. lecta. si cert. pet.* Proinde & singulorum mensium & singulorum annorum singulæ sunt stipulationes in usuris. Hic consequens est, ut trigesimali anni stipulatio usurarum præscriptione longi temporis tollatur, si usura eius anni petita nunquam sunt. At sequentium annorum stipulationes, quæ interuenerunt post trigesimalum præteritum annum usque ad diem petitionis, necesse est in ea causâ esse, ut præscriptione temporis tolli non possint. Quia post trigesimalum annum 30. anni non intercesserunt. Non tolluntur autem obligationes nisi spatio 30. annorum.

Respondet Iustinianus, se non moueri hac obiectione, quo minus statuatur, quoties debitor præscriptione temporis de sorte liberatus est, toties usuras omnium sequentium annorum etiam proximorum definire debere. Nos enim hic spectamus præscriptionem temporis, quæ inducitur aduersus obligationem sortis. Hac præscriptione sortis obligatio in solidum tollitur, hac sublata, consequens est & stipulationem usurarum in solidum tolli, non præscriptione, sed consequentiæ necessitate, quoniam accessio sine principali causâ esse non potest. Hæc summa est sententiæ huius loci. Sed huic sententiæ in specie hac ipsa obstat *l. cum notissimi. §. ultim. infr.*

de præscript. 30. annorum, ubi Iustinianus idem constituit, ut in omnibus legatis annuis, & omnibus annuis & mensuris obligationibus, solum præscriptione temporis tollantur obligationes trigesimali ab hinc anni & præcedentium; sequentium autem annorum obligationes integræ sunt, quia post trigesimalum annum 30. anni non intercesserunt. Equum autem esse ait, præscriptionem temporis initium sumere non ab initio obligationis, sed a singulis mensibus & annis, de quibus pensiones debentur.

Respondeo: Hoc de principalibus obligationibus annuis vel mensuris constitutum est eo loco, hæ obligationes, cum ab aliis obligationibus non pendeant, non possunt tolli tempore, nisi præscriptione temporis. Diuersum ius est in obligationibus accessoris, qualis est obligatio usurarum. In his spectamus præscriptionem natam aduersus sortem & principalem obligationem, ut antea dixi.

Secundo loco opponitur *l. pen. infr. de luit. pig. vbi* hæc verba sunt, ut est lectio in omnibus exemplaribus recepta: *Intelligere debes, pignora durare personali actione submota.* Hoc posito, licet ita argumentari aduersus sententiam huius loci. Pignoribus manentibus licet per retentionem pignoris retinere usuras, & maxime eas, quæ prius stipulatione promissæ sunt. *l. per retentionem. sup. b.* At debitore præscriptione temporis liberato, & ita personali actione submota, nihilominus hypothecariæ durant, *d. l. 2. infr. de luit. pig.* Ergo etiam nunc per retentionem eorum pignorum, usura possunt seruari, ut nō definant deberi, ut hic constitutum est. Duo sunt, quæ hic recte respondendi possunt. I. Usuras per retentionem pignoris seruari posse, sed eas, quæ adhuc debeantur: indebitæ non possunt, *l. pignoris. sup.* Hic autem indebitas esse usuras diserte constitutum est, quo fit, ut quamuis contenderimus principali obligatione sublata, pignora manere, tamen nō efficiatur, usuras adhuc retineri posse, ut quæ principali obligatione sublata, deberi desierint.

Alterum responderi licet & verius & certius, mendosam esse lectionem *d. l. infr. de luit. pignor.* Et contra ita legendum esse: *Intelligere debes, pignora non durare personali actione submota,* ut olim in interpretatione eius loci monuimus. Id ita esse declaratur generalibus sententiis iuris, natura pignoris, & verbis illius loci, ac consuetudine omnium loquentium. Sententiæ generalis hæc sunt: *Principalis obligatione sublata accessiones tolli.* Et additur nominatim, tolli pignora, *l. in omnibus speciebus, de solut.* Huc pertinet *l. cum principalis. de regul. iur.* Natura pignorum hæc est, ut sine principali obligatione esse non possint, *l. res hypothec. de pig. §. item Seruiana. de act.* Non patitur igitur pignorum natura, ut obligatione principali submota consistat pignus. Verba legis sunt hæc: *Intelligere debes.* Hæc sententia generalis est, proinde necesse est, sententiam esse falsam, siue in toto falsa sit, siue in vno aliquo. Nam falsum dixit, qui dixit, *Omnes homines currere,* etiam si tantum vnus non currat. Deinde hæc verba sunt increpantis debitorem, qui quærebat, utrum adhuc manerent pignora: Respondetur: Non recte consulis, nam intelligere debueras ius certum. At si aliquo modo sublata obligatione principali pignora manerent, certe debitor iustissime de eo dubitaret. Ut sitigitur huic interpretationi locus, intelligere oportet, ius certum & commune fuisse tolli pignora.

Rata igitur est sententia generalis hoc loco tradita, non ad hanc speciem tantum, sed ad omnes perti-
nens, ut quocunque modo obligatio principalis for-
tis sublata sit, siue ipso iure, siue per exceptionem,
continuo vsuræ, non dico in futurum, non debean-
tur, sed & præteritæ tum desinant. Igitur cuicumque
debeantur vsuræ, si sibi cauere volet, cum ei fors of-
fertur, dabit operam, ut prius vsuras accipiat, quas vel-
lit consequi. Quod si sortem accepit, aut alio modo
debitorem liberauerit, sciat se cum sorte etiam vsu-
ras præteriti temporis remisisse.

Ad §. i. vsque ad fin.

Super vsurarum vero quantitate etiam generalem
sanctionem facere necessarium esse duximus, veterem du-
ram & grauissimam earum molem ad mediocritatem de-
ducentes. Ideoq. iubemus illustribus quidem personis, siue
eas precedentibus, minime licere ultra tertiam partem
centesima, vsurarum nomine in quocunque contractu vili
vel maximo stipulari. Illos vero, qui erga steriles præsent,
vel aliquam licitam negotiationem gerunt, vsq. ad bessem
centesima vsurarum nomine in quocunque contractu suam
stipulationem moderari. In traiectionibus autem contracti-
bus, vel specierum fœnori dationibus, vsq. ad centesimam
tantummodo licere stipulari, nec eam excedere, licet ve-
teribus legibus hoc erat concessum. Ceteros autem omnes
homines dimidiam tantummodo centesima vsurarum
nomine posse stipulari, & eam quantitatem vsurarum et-
iam in aliis omnibus casibus nullo modo ampliari, in qui-
bus citra stipulationem exigi vsura solent, nec liceat indi-
ci memoratam augere taxationem occasione consuetudi-
nis in regione obtinentis. Si quis autem aliquid contra
modum huius fecerit constitutionis, nullam penitus de su-
perfluo habeat actionem, sed & si acceperit, in sortem hoc
imputare compellitur. Interdicta licentia creditoribus ex
pecuniis fœnori dandis aliquid detrachere vel retinere si-
liquarum nomine, vel sportularum, vel alterius cuiuscu-
que causæ gratia. Nam si quid huiusmodi factum fuerit:
principale debitum ab initio ea quantitate minuetur, ut
tam ipsa minuenda pars, quam vsuræ eius exigi prohibe-
antur, machinationes etiam creditorum, qui ex hac lege
prohibiti maiores vsuras stipulari alios medios subiiciunt,
quibus hoc non ita interdictum est, rescantes iubemus, si
quid tale fuerit attentatum, ita vsuras computari, ut ne-
cesse esset, tanquam si ipse, qui alium interposuit, fuisset
stipulatus. in quo casu sacramenti etiam illationem lo-
cum habere sancimus. Datum Constantinop. Iustiniano
Consule.

S Y M M A R I A.

1. Supra centesimas vsuras neque stipulari, neque exi-
gere cuiquam licet, nisi in pecunia traiectionis. §.
2. Centesima vsura quid, & cur ita dicatur.
3. Calendarium quid.
4. Centesima vsuræ cur dicantur legitima.
5. In fructibus cur vsura centesima admittatur.
6. Triens vsura qua.
7. Semis vsura qua.
8. Bes vsura qua.
9. Illustres persone qui sint.
10. Iustinianus cur personarum discrimen in exactione
vsurarum obseruari.
11. Siliqua quid.
12. Fisco semper debentur semisses vsuræ.

Hoc loco Iustinianus certum modum vsuris con-
stituit, ac si quis contra hunc modum stipulatus

sit vsuras, vel exegit, pœnam statuit, ut his in locis
contineatur tota hæc quæstio reliqua.

De modo vsurarum, ut plenissime intelligatur,
quid constituatur, intelligendum est, constituere e-
um hos gradus, ut ostendat primum, quid de vsuris
liceat supra centesimam vsuram. Deinde, quid liceat
de ipsa centesima. Tertio, quid infra centesimam.
Quod centesimam vsuram excedit, de eo ita consti-
tuit: Supra † centesimas vsuras, neque stipulari ne-
que exigere cuiquam licere, in quibusvis causis.
Hanc sententiam statuit in *vers. in traiectionibus*. Nam cum
in traiectionibus pecuniis maximæ vsuræ receptæ sint,
& omnibus temporibus fuerint propter periculum
pretii, ut est in *l. §. de nauis fœn.* Hic Iustinianus per-
mittit vsuram centesimam, eam autem vetat excede-
re, ut intelligamus eum multo magis in ceteris cau-
sis idem constituere.

Centesima vsura † est centesima pars sortis in sin-
gulos menses. Centesimam partem sortis esse pro-
batur ex eo, quod centesima vsura appellata est ex ra-
tione & comparatione sortis. Non potest autem ex
ratione sortis ita nominari, nisi quia continet eius
sortis partem centesimam. Sed cur dicitur centesi-
ma pars sortis in singulos dies aut in singulos annos?
Quid horum dicatur aperte, multum interest. Nam
si dicamus esse centesimam partem sortis in singulos
dies, centesima vsura erit in singulos centum aureos,
in singulos annos triginta aurei. Si in singulos men-
ses erit pars centesima, fiet in singulos annos centesi-
ma vsura duodecim aureorum. Si dicimus esse cen-
tesimam sortis in singulos annos, non erit centesi-
ma in singula centena in singulos annos, nisi vnus
aureus. Cum ergo quid horum dicamus, multum in-
terest, iuste quæritur, cur dicamus centesimam vsu-
ram esse centesimam partem sortis, solum in singu-
los menses? Quia hoc ita sentiunt omnes veteres, qui
de vsura centesima locuti sunt.

Sententia autem & vsus eorum deprehenditur ex
more Romanorum, qui de his rebus scripserunt, &
iura constituerunt. Romani non solebant stipulari &
pendere vsuras in singulos dies, aut in singulos an-
nos, sed in singulas Calendas, id est, in primum cu-
iusque mensis diem. Id declarant exempla *l. lecta. si
cert. pet. l. si ita stipulatus. §. Chrysgonus. de verb. obligat.*
deinde verbum *Calendarii*, & hæc forma loquendi,
Calendario præponere. Quibus verbis significatur is,
qui præpositus est pecuniis fœnori dandis & accipien-
dis, ut *Calendarium* † sit liber rationum, in quem hæc
vsuræ referuntur, a *Calendis, Leius, si cert. pet. l. qui fi-
lium. de legat. 3.* Idem ostendunt tum alii loci aucto-
rum probatorum, tum hic maxime locus, apud Ho-
ratium *Serm. lib. i. Sat. 3.*

*paulum deliquit amicus;
Odisti & fugis ut Drusonem debitor aris;
Qui nisi cum tristes misero venere Calende,
Mercedem aut nummos unde exurcat, &c.*

Si vsura centesima est centesima pars sortis in sin-
gulos menses, cōsequens est, centesimam esse duode-
cim aureos pro centum in singulos annos, quia in
anno insunt duodecim menses. Proinde si vnus au-
reus ex centum est as, qui efficit centesimam vsuram
centum aureorum in singulos menses, consequens
est duodecim aureos esse assem, qui efficit centesi-
mam vsuram eiusdem summæ in singulos annos, ut
vtrum horum dicamus, & vtrum horum partiamur
in minores vsuras, plane nihil interest. Non licet igitur

tur ex hac constitutione hanc centesimam excedere, in quo veteres leges a Iustiano in quibusdam causis abrogantur. Nam in traiectionis pecuniis ante concessum erat, ultra centesimam stipulari, ut hic testatur in *vers. in traiectionis*. In frugibus autem mutuo datis exstat in *C. Th. l. Constantini. l. i. de usuris*, quod permissum est pro duobus modis accipere vnum modum in singulos annos, quæ usura excedit quatuor centesimas. Nam quatuor centesimæ centum efficient tantum 48. Has igitur leges sustulit hoc loco Iustinianus. In ceteris causis etiam iure veteri ultra centesimam exigere non licebat, idque intelligitur argumento *huius ipsius versiculi in traiectionis*. cum ait, concessum esse excedere centesimam in traiectionis. Si in traiectionis concessum, in ceteris prohibitum erit, *l. cum lex. de legib. l. ex eo, de testib. l. cum prator in prin. de iud.*

Hoc in primis nobis notandum est, conducit enim ad intelligendos quosdam locos obscuriores, qui sine hac cognitione explicari non possunt, quibus comprehensum est de maximis, grauissimis & legitimis usuris, nec additur, quænam sint illæ usuræ. Tutores si pecunias pupillares in usus suos conuerterint, subiiciuntur ex Constit. maximis & grauissimis usuris, ut est in *l. qui sine. de negot. gest. l. non existimo, de administ. tut.* Quæ sunt maximæ hæ usuræ? Respon. Centesimæ ex hoc loco, ut puta supra quas aliæ maiores & grauiores legitimæ non essent. Eadem dicuntur legitimæ in *l. 3. inf. de arbit. tut. l. i. inf. de usur. pupill. tutor qui rep. § pecunia. de administ. tut.* Cur hæ legitimæ, cum etiam minores centesimis legitimæ 4 sint, & maxime legitimæ? Nempe 1 centesimæ dicuntur legitimæ per exceptionem, id est, quæ perueniunt ad summum gradum, legibus cognitum, & supra quas aliæ nullæ sunt legitimæ. Quod tamen dicimus supra centesimam usuram exigere nihil licere; ab eo iure non nihil postea deflexit Iustinianus in *N. null. cred. agr.* Nam in fructibus aridis mutuo datis agricolæ constituit pro vno modio octauam modii partem exigi licere in vnum annum, *Auth. adhuc. sup.* Hæc octaua non nihil excedit centesimam, ut illic docuimus, sed ita ut prope non videatur centesimam excedere.

Hic primus gradus est usurarum, a quo peruenitur ad centesimam ipsam. De centesima usura Iustinianus sic constituit, ne hanc quidem stipulari licere ullis personis, nisi in duabus causis, in traiectionis pecunia, & in speciebus fœnori dandis, id est, in fructibus, ut frumento, oleo, vino, & similibus frugibus in quibus mutuum consistit, de quibus dictum ad *l. frumenti. l. oleo. sup.*

Traiectionis pecunia quid sit explicatur in *titul. sequent.* ubi dicitur, & simul exponitur huius iuris ratio. In fructibus autem 1 cur admittatur centesima usura, facit varietas pretii, quæ in iis rebus incidere solet, secundum quam sepe euenit, ut creditor iisdem rebus receptis multo minus recipiat quam debitor debet. Vnde non est iniquum hoc damnum aliis accessionibus & additamentis suppleri. Et hæc exceptio est in *vers. traiectionis*.

Sed hæc exceptio cautione indiget. Nam cum Iustinianus has tantum causas duas excipit, in quibus centesimam admittat, ceteras causas excludere videtur, & in iis regulas iuris confirmare, ne in illis centesimam exigere liceat, argumento *l. questum. §. idem respondet domo. de fund. instr. leg. l. ex eo, de testib. d.*

l. cum l. de legib. Quod tamen falsum videtur, nam etiam aliæ causæ sunt, in quibus licet centesimam usuram exigere. Licet exigere in pecunia debita, ex causa iudicati, *l. ultim. inf. de usur. rei iudic.* Licet etiam exigere in causa priuata & publica, quam tutores curatoresve in usus suos conuerterunt, *d. l. qui sine. de negot. gest.* Sed vera est Iustiniani hoc loco definitio & exceptio. Verat enim Iustinianus, ne quis stipuletur usuras ultra centesimam, præterquam in traiectionis pecunia, & speciebus fœnori dandis. Hinc colligimus, in ceteris causis stipulari non licere, ut usuræ ex stipulatione debeantur. Hoc verissimum est. Nam quæ usuræ exiguntur in duabus posterioribus causis, quas dixi, hæ non præstantur ex stipulatione, sed ipso iure infliguntur in constitutione, sine ulla controuersia.

Et tamen si quis hic in vniuersum rem completi velit, ut comprehendantur omnes causæ, in quibus centesimas exigere liceat; dicemus has causas esse quatuor: traiectionis pecuniam, fruges mutuo datas, pecuniam ex causa rei iudicatæ, debitam post iudicati tempus, tum pecunias publicas priuatasve, quas administratores in usus suos conuerterunt. Sed in prioribus duabus causis centesima non debetur, nisi ex stipulatione aut conuentione: In posterioribus debentur ex constitutione, ipso iure, sine vlllo facto creditoris. De duabus prioribus hic comprehensum est in *vers. in traiectionis*. De posterioribus, illis locis, quos supra notauimus.

A centesima usura tertius gradus est ad inferiores usuras & minores. De iis ita constituit Iustinianus, ut permittat non quaslibet minores stipulari aut exigere, sed solum, aut trientes centesimæ, aut semissem, aut dimidiam centesimæ, aut bessem centesimæ, sic enim nominat in *prin. & in vers. ceteras*. Neque passim & sine discrimine concedit omnibus, quas ex iis velint stipulari, aut exigere. Sed distinguit pro conditione personarum, hoc modo, ut illustribus personis tantum concedat trientes, mercatoribus & negotiatoribus bessem, intermediis autem personis semissem.

Hic primum nomina usurarum notanda sunt, quas ipse commemorat, ut cum nominat trientem, bessem, semissem usuram, hic intelligamus appellari partes assis. Nam hæ sunt partes assis, ut nominatur in *l. seruum. §. ultim. de hered. instit. & §. hereditas. instit. de hered. instit. ubi Theophilus*. Præterea cum hic nominat trientem centesimæ, semissem centesimæ, bessem centesimæ, ex eo intelligimus adhuc minores reperiendas, ante omnia querendam esse centesimam usuram eius sortis, de qua queritur, hanc centesimam redigendam ad assem facilioris diuisionis causa; sic enim solebant Romani ubicunque rem aliquam commodè diuidere volebant, ac non tantum in hereditate diuidenda, ut indicat ille locus Horat. in arte poet.

Romani fueri longis rationibus assem

Discant in partes centum deducere. Dicat

Filius Albini, si de quæcunque remota est

Vncia, quid superet? poterat dixisse triens, bessem

Et quæ sequuntur. Asses centesimæ constituitur, tum intelligitur, quas velimus esse hæ usuras minores, trientem, semissem, bessem. Ergo cum centum aureorum centesima in singulos annos sint duodecim aurei, ut dixi: Triens 1 usura centum aureorum erunt 6 4 aurei eius summæ in singulos annos. Sunt enim quæ

7 quatuor tertia pars 12. Semis † vfura, erunt sex aurei eius summæ in singulos annos, nempe dimidia 12.
 8 Bes † vfura, erunt 8. vnciæ duodecim 8. nummi 100. aureorum in singulos annos. Et de reliquis minoribusidem pro portione dicendum est, vbicunq; nomina occurrent.

Notandum præterea discrimen personarum, cum alias vfuras illustribus attribuit, alias negotiatoribus, alias ceteris. Mercatores qui sint notum est; Intermediæ personæ quæ sint notum est, modo intelligamus, quæ sint personæ illustres. Sunt † autem illustres personæ non nobiles, non magistratus, non senatores aut patritii alicuius vrbis, sed ii qui summas dignitates secundum Principem obtinent, infra quos sunt qui dicuntur spectabiles & clarissimi, quales fuerunt Imperatoribus Romanis, præfecti prætorio. P. V. Magistri mil. Comites sacr. scriniorum, Quæstores. Significatur hoc in *N. de appell. 23. §. ult. l. 1. sup. vbi senat. l. vit sup. de sportulis.* de quo plura fideliter notata sunt in Lexico Briffon. Sed cur Iustinianus † secutus est hoc discrimen personarum, ac non omnibus permittit, easdem exigere vfuras? Respondéo: Apparet, hoc ideo factum esse, quia alii facilius & minori damno suo carere possunt pecunia sua, alii difficilior, propter tenuitatem. Mercatores difficilior, quia ad mercaturam exercendam illis quotidianis & magnis sumptibus opus est. Equum est, vt quo maius cuiusque damnum est, in eo quod careat pecunia sua, ei etiam maiores vfuras adhiberi minuendi incommodi causs.

De negotiatoribus hic notandum est, proprium quiddam hic esse argentariorum. Nam in iis non conceduntur quidem nisi beses vfuræ, vt hoc loco, sed ita hæc illis conceduntur, vt placeat ei deberi ipso iure, sine alia conuentione. *N. iustin. 136. de arg. contr. §. quia vero.* In vniuersum autem de mercatoribus & intermediis personis vna exceptio est, quæ postea inducta est a Iustiniano in pecuniis agricolæ mutuo datis. Placuit enim hic non posse exigi vfuræ nomine in singulos solidos, in singulos annos, nisi filiquam, *Auth. adhac. sup. h. vbi dixi filiquæ †* nomine significari trientem centesimæ vfuræ & non-nihil amplius.

Hoc modo ita constituto, adicit Iustinianus in *vers. ceteras.* se non tantum hunc modum præstitueri in vfuris ex stipulatu & conuentione certa debitis, sed etiam in omnibus, quæ iure debentur, veluti in bonæ fidei iudiciis. In his vfuræ præstantur, & quoniam de modo earum queritur, placuit eum modum seruari, qui in ea regione, in qua contractum est, frequentatur, *l. 1. in pr. ff. hoc tit.* Hoc ita est, si modo modum hic præstitutum non excedant, vt est in *hoc vers. ceteras.* Id quod etsi expressum non esset, hoc tamen loco intelligeretur. Nam & hoc Papinianus expressit longe ante hanc constitutionem, *d. l. 1. in pr.* Et ideo si more regionis minores frequentantur quam beses aut semisses, hæc præstabitur ex more regionis: Si maiores, non excedant semisses aut beses pro conditione personarum. Sed hic proprium ius annotandum est Fisci & Reipub. his quidem non debentur nisi semisses ex hac lege, sed hoc proprium 12 est earum, vt fisco † semper debeantur semisses, quamuis ex more regionis minores præstentur, *l. cum quidam. §. si debitores. ff. hoc tit.* Reipub. si pecunia in opus legata sit, ab initio debentur vfuræ trientes post

6. menses debentur semisses, quamuis aliud more regionis obseruetur, *l. cum quidam. §. ult. ff. b. iunctal. §. de apert. publ.*

Adicit Iustinianus ita se vetare, vt supra constitutum modum vfuræ exigantur, nolle etiam quicquam in fraudem eius constitutionis fieri, in quo simpliciter duo genera fraudum excludit, in *versicul. Si quis autem. & versicul. existimo.* Vnum est, dum creditores nihil vfuræ nomine exigunt, sed de sorte aliquid detrahunt, sic tamen vt sortem velint integram debere, veluti si dederit creditor centum murua, quæ debitor se redditurum promissit, creditor autem detrahat duos aut tres aureos de sorte, vt nihilominus obligatio sortis integra maneat. Detrahit autem creditor honesto & specioso titulo, veluti propter filiquas aut sportulas, id est, in summa propter laborem mutationis, seu pro honore & honorario. Alterum genus fraudum est, cum personæ, quæ minores vfuras accipere possunt, veluti intermediæ personæ, de quibus dixi, interponunt alias personas, quæ maiores vfuras stipulari possunt, vt mercatores. Horum vtrumque tam fieri vetat, quam modum supra constitutum aperte excedit.

Hactenus modus vfuris hac lege constitutus, si quid aduersus hæc fiat: deinde pœnam constituit in *eodem versicul. Si quis autem. & sequent.* Summa hæc est: Vt quicquid contra factum erit, pro infecto habeatur ex regula communi, *l. non dubium. sup. de legib.* Hinc autem hæc efficiuntur, quæ simpliciter hic sunt comprehensa. Primo, vt si quis maiores vfuras stipulatus sit, stipulatio non valeat, non tamen in totum, sed quatenus vfuræ illicitæ promissæ sunt. *Hoc in versicul. Si quis autem.* Præterea vt si quid creditor de sorte detraxerit, vt supra dixi, id sortem eatenus minuat, vt nec debeatur, neque eius quantitatis vfura. Postremo vt si creditor alias personas apposerit, per quas maiores vfuras consequitur, quam ipse consequi posset, si ex persona sua stipulatus esset, nihil amplius possit consequi, quam quantum ex persona sua consequeretur. Idem in *l. & qui sub imagine. inf. de distract. pignor. l. pupillus. §. penult. ff. de anct. tutor.*

Hæc pœna est hoc loco constituta. Alteram pœnam ex aliis locis adicere debemus, nempe ex *l. improbum. sup. ex quib. causis inf. irrog.* Qua lege cautum est, vt improbum fœnus exercentibus infamia irrogetur. Est autem improbum fœnus, quod contra leges exercetur. Præter modum hac lege constitutum est etiam aliud quidam vfurarum modus, vt ne vfuræ vfurarum exigantur, de quo in *l. ultim. hoc tit.* Aduersus quem si fiat, intelligere debemus easdem esse pœnas, quas modo dixi.

Ad L. penult. Vfuræ.

Vfuræ minutim & per intervallum soluta cum duplo compensantur, etiam si non vniuersæ simul solute fuerint.

S V M M A R I A.

1 *Futurarum vfurarum nomine quid intelligi debeat.*

2 *Vfuræ an ad duplum exigi possint.*

L Ex quæ vetat vfuras supra modum exigi, ad futuras vfuras pertinet, non ad præteritas, iuxta normam *l. leges & constitutiones. sup. de legib.* Sed futuras † vfuras intelligere debemus ex hoc loco non

tantum eas, quarum stipulatio contracta est post legem latam, sed etiam quarum obligatio contracta est ante legem, si modo post legem pensionum temporaria cessarunt. Exempli gratia: Stipulatio usurarum contracta est tribus annis ante legem, deinde legem lata perseneravit eadem obligatio usurarum, dicemus commissas & debitas ante usuras exigi posse secundum modum legum præcedentium, pensiones autem sequentis temporis exigi non posse. Non obstat, quod earum obligatio ante contracta est: nam verbis contracta re non est contracta: Primo, quia contracta est sub conditione, conditio autem post legem existit, ut tunc primum intelligatur nata obligatio, *l. cedere. de verborum obligat.* Deinde, quia pluribus pensionibus mensuris in stipulatum deductis, intelliguntur singulorum mensium pensiones singulae esse stipulationes, quæ singulis mensibus cedant, argumento *l. cum notissimi §. ult. j. de præscript. 30. vel 40. annorum.* Quod & attigimus ad *l. eos. in pr.* Hæc in initio huius legis.

Alterum caput est, quo confirmatur ius vetus in hanc sententiam, ne usura duplum excedant, seu ne ultra duplum exigantur. Qui locus non tam pertinet ad usurarum modum, id est, quantitatem, quam ad finem usurarum obligationis, id est, ad eos modos, quibus usura recte contracta postea deberi definit. In hoc iure hæc dubitatio est, utrum in hoc duplo fors computari debeat, an vero si usura ad duplum exigi possint, & præter duplum fors ipsa non desinat autem prius usura nomine aliquid peti posse, quam duplum usurae ipsæ exceßerint. Si sortem in hoc duplo computamus pro centum mutuo datis, non poterimus exigere nisi ducentos, centum sortis nomine, & centum usurarum nomine, & cum ducentos exceßerimus, desinent usurae deberi. Contra si in hoc duplo sortem non computamus, eveniet, ut centum mutuo datis liceat exigere ducentos usurarum nomine, & præterea sortem integram. Utrum ergo horum intelligimus?

Respondeo: Ut verba sunt huius loci, & præterea verba veterum, in *l. si non sortem. de cond. ind.* non poterit aliud dici, quam usuras exigi posse usque ad duplum sortis, ita ut in hoc duplo fors non computetur, sed separatim peti possint. Nam cum dicitur, usuras exigi non posse ultra duplum, ut hic, aperte significatur, usque ad duplum exigi posse. Item cum dicimus, usuras ultra duplum in stipulatum deduci non posse, quæ verba sunt *l. si non sortem. §. 1.* manifeste hic quoque significatur, usuras usque ad duplum deduci posse in stipulationem. Si usura usque ad duplum promitti & exigi possunt, consequens est, in eo duplo sortem computari non posse. Nam si sortem & usuras separatim spectamus, & computamus sortem in hoc duplo, fors solum peteretur usque ad simplum, & rursum usura usque ad simplum sortis, neutrum igitur per se ad duplum exigetur. Quod si hæc coniungimus, vere quidem dicitur duplum exigi, sed falsum erit, usuras ad duplum exigi, quoniam in hoc duplo exigetur partim fors, partim usura, fors autem usura non est. Præterea cum dicitur in furto, poenam usque ad duplum aut quadruplum exigi: Ideo intelligimus, in hoc duplo aut quadruplo non contineri simplum rei ablatae, quia de re ablata specialis actio constituta est, ut diserte scribitur in *§. ex maleficiis. d. act.* Ergo & cum dicitur usuras ad duplum exigi posse, ideo in hoc duplo simplum sortis

non continebitur, quia de sorte propria & maxime specialis actio est constituta.

Sed refragatur huic sententia *l. usura. sup.* ubi scriptum est, usuras supra simplum sortis non exigi, ut intelligamus, sorte & usuris coniunctis non posse exigi nisi duplum, in quo sit fors, ut supra sortem usurae exigantur in aliud simplum. Res esset incerta, si ex his tantum locis decideretur: nunc autem quaestio hæc omnis sublata est constitutione Iustiniani Novella 121. Qua lege sine ambiguitate scriptum est, si quis quingentos aureos mutuo dederit, & mille acceperit, id est, duplum, in quo duplo sit fors, nihil amplius deberi creditori, neque de sorte, neque de usuris, postquam constitutionem melius ita dicturi sumus tollendæ omnis dubitationis, causa, ultra duplum sortis exigi nihil posse, ut scilicet non dicamus, sortem aut usuras exigi non posse ultra duplum, sed exigi posse ita ut in duplo contineatur & fors & usura. Intelligimus hic quoque, verissimam esse sententiam eorum, qui dicunt: Simulatque usura æquarunt sortem, nihil amplius usura nomine deberi, sed tantum sortem relinqui ad petitionem, si prius soluta non est.

Ad L. ult. Præsens.

Præsens constitutio declarat, usuras particulatim solutas, duplum debita sortis non excedere. Verum excipitur id, quod positum est in CLX. Novella de usuris pecuniarum municipalis.

SUMMARY.

1. Usura usurarum in stipulationem deduci non possunt

VERUM sius est, quod hic magis confirmatur: Usuras si usurarum in stipulationem deduci non posse, *l. si non sortem. §. 1. ff. hoc tit.* Hæc constitutio duas rationes manifestas habet. Primo: Absurdum est, eandem rem & sortem esse & usuras, quoniam fors est res principalis: usura accessio. Natura autem non patitur, ut eadem res sit principalis causa & accessio. At si usurae usurarum recipiuntur, eveniet, ut priores usurae sint & fors & usura. Nam quatenus pro sorte præstantur, sunt usurae, quatenus autem pro iis præstatur usura, sunt fors. Id cum natura non patiatur, secundum naturam constituitur, ne sint usurae usurarum. Confirmatur hæc ratio hac sententia veterum, qui definierunt, nullum diversarum personarum officio fungi posse *l. si plures. de pact. l. pen. de rec. arb. l. ille a quo. §. pen. ad Trebell.* Quod de personis dicitur, idem & de re dicendum est, ut nulla res eadem possit diversarum & contrariarum rerum officio fungi, quod futurum est, si eadem usura sit usura & fors.

Altera ratio non minus evidens est. Nam usurae si quid habent, id maximum est ut fructuum vicem & similitudinem obtineant, *l. usura. ff. hic.* Natura autem fructus fructum non parit, neque potest, sed solum fundus fructu accepto. Est igitur absurdum, ut usurae fructum pariant, ne incipiat dici, plus tribui similitudini, quam veritati naturæ. Huius iuris eas rationes esse, quas dixi, apparet ex machinatione creditorum, quam aduersus superiorem legem excogitarunt. Machinatio hæc fuit: Quod prius stipulantur usuras, ita ut redigerent in sortem novam, deinde stipulantur usuras. Huic fraudi occurratur hic, ut pariter usurae usurarum non debeantur, siue usurae in suo statu manserint, ut prius, siue fraude creditorum redactæ sunt prius in sortem. Secundum verba legis licet harum usurarum

vsuras stipulari, quoniam per leges licet stipulari vsuras fortis, hic autem fors est. Sed hic fraus agnoscitur, quod mutantur verba, sed res eadem manet. Nam stipulatio qua rediguntur vsuræ in sortem non facit, quo minus vsuræ fuerint, quæ reuera fuerint vsuræ. Proinde re eadem manente, ius manere debet, quoniam verbis mutatis sententia legis circumueniatur, id est, sit in fraudem legis, *l. 3. l. fraus, de legibus*. Quæcumque sunt in fraudem legis, tam sunt irrita, quam si essent aperte contra leges, *l. nō dubium, supr. de legibus*.

AD TITVLVM XXXIII. COD.

De nautico fœnore.

S V M M A R I A.

- 1 Nauticum fœnus quid.
- 2 Traiectitia pecunia singularia & propria, & nu. 3. & seqq.
- 3 Traiectitia pecunia quid, & unde dicta.
- 4 Vsura nautica quæ.
- 5 Traiectitia pecunia quando non debeantur vsuræ nautica sed communes.

Nauticum † fœnus est vsura nautica, quæ pro nautica pecunia recipitur. Est autem nautica eadem, quæ traiecitia, vt ex definitione traiecititiæ postea subiecta melius intelligitur. Ergo hoc titulo agitur de vsuris traiecititiis nauticæ pecuniæ. Agitur ita separato titulo, quia de vsuris huius pecuniæ propria quædam sunt, quæ cognosci oporteat, & propter quæ oporteat inquiri diligentius, quæ sit traiecititia pecunia. Singularia † in specie duo sunt. Primum: Quod traiecititia libera est ab obseruatione communium vsurarum, vt est in *leg. 1. hic*. Id est, in traiecititiæ pecunia, maius omnibus licitis & communibus vsuris fœnus deberi potest, *l. 4. D. hoc tit.* Id olim excedere potuit multis partibus centesimam. Nunc redactum est ad centesimam, *l. eos, §. 1. vers. in traiecitit. supr. tit. proxim.* Alterum est, quod etiam hæc vsuræ ex pacto debeantur, si quis pecuniā mutuam dederit nominatim ea lege, vt vsura nautica præstaretur, *l. 1. in fin. l. in quibusdam. D. hoc tit.*

His de causis queritur, quid sit traiecititia pecuniæ. Respondeo: Traiecititia † pecunia, est pecunia mutua, quæ trans mare vehenda datur, periculo creditoris. Quæ trans mare vehitur & traicitur, *leg. prima, in princip. D. hoc tit.* Periculo creditoris, *dict. leg. prima, hic in fin.* Itaque traiecititia pecunia duas res proprias habet, quibus a ceteris pecuniis mutuis separatur, quarum vna si desit, mutuum ad modum communem vsurarum pertinet. Primum est, quod traiecititia pecunia trans mare vehenda datur. Atque hinc nomina huius pecuniæ & vsuræ pro ea pecunia debita. Nam quæ trans mare vehitur, eadem traicitur, & traicitur mari, & traicitur nauibus, itemque operis nautarum. Hinc ergo a traiciendo, dicta est traiecititia; a nauibus & nauigio, nautica, *l. 3. D. hic*. quam posteriorem appellationem vsura huius pecuniæ retinuit. Dicta est igitur vsura, quæ pro traiecitia pecunia debetur, vsura nautica, † seu fœnus nauticum, vt sunt inscriptiones horum titulorum in Pandect & Cod. Vsura a mari dicta est maritima, *l. fœneratori, D. h.* Hinc intelligimus, si pecunia in aliquo portu mutuo data sit, ita vt ibi consumeretur ad merces emendas vel alias res,

pecuniam traiecititiam non esse, eoque maius pro ea communibus vsuris fœnus non debetur. Hoc ita est, nisi ex ea pecunia merces emanent, & conuenierit, vt hæc merces veherentur trans mare periculo creditoris, sic enim fiet pecunia traiecititia, *dict. leg. 1. D. hoc tit.*

Alterum proprium huius pecuniæ, quod vehitur pecunia periculo creditoris, hoc vere proprium huius pecuniæ est, excedit enim communis mutui terminos. Nam in mutuo pecunia sit accipientis, & ob hæc causā si pecunia perierit, debitoris eiusdem domini periculum est, non autem creditoris, *§. si qui, Instit. quib. re. d. re cont. obl. l. ult. hic l. incendium, supr. si cert. petat.* Proinde sit contra naturam mutui, si creditor in se periculum recipit. Huius conuentionis vis & potestas hæc est, vt si naus amissa sit, & pecunia postquam peruenerit in locum trans mare destinatum, nulla sit petitio aduersus debitorem, neque de sorte, neque de vsuris, *d. l. fœneratori, vers. respondet. D. h. tit.* Quod tamen sic accipiendum est, nisi debitoris culpa huic amissioni causam præbuerit. Culpa transfert periculum in debitorem, *leg. penult. hic*. vt accidit in omnibus contractibus, in quibus periculum debitor non præstat. Placet enim tunc cum præstare, cum culpa eius casum præcesserit, *leg. sic ut certo, §. quod vero. D. commod. dict. §. item is.* Hoc periculum est ea res quæ causam præbuit superiori iuri de vsuris nauticis recepto.

Apparet enim hic graue periculum agi creditoris, priusquam naus ad locum destinatum peruenerit, cum naue amissa, nō solum amittat vsuras, sed etiam ipsam sortem. Idque propter naturam mutui æquissimum est, vt huius damni periculum maiori lucro pensaretur, quam in ceteris mutuis. Est enim hic excessus, veluti pretium & merces periculi, id est, quædam periculi pensatio, vt est in *l. 5. D. h.* Hæc pensatio maxime secundum naturam est, *l. secundum, de regul. iur.* Sed cum hæc pensatio nascatur ex periculo, quod creditor in traiecititia pecunia suscipit, apparet periculo detracto vsuras creditori deberi non posse, nisi communes & licitas. Quoties enim aliquid tribuitur propter certam causam, ea causa deficiente, iuris quoque beneficium deficit, *leg. in omnibus causis id obseruatur, de regul. iur. leg. quod dictum, de pact.*

Duobus autem modis efficitur, vt periculum pecuniæ ad creditorem non pertineat. Vno si pecunia simpliciter mutuo data est, non autem vt esset nominatim periculo creditoris. Altero, si data sit, vt esset periculo creditoris, donec naus in eum portum peruenerit, aut nisi aliquid factum esset. Nam postquam naus ad portum peruenerit, aut conditio existit, periculū definit esse creditoris, & vt Papinianus loquitur, discutitur periculum prius. Proinde placet † utroque modo euenire, vt traiecititiæ pecuniæ data, non debeantur vsuræ nauticæ, sed communes, *l. 4. D. h. l. 2. hoc tit.*

Notandum est hanc vsuram dici etiam pœnam, in *l. pen. & ult. D. h.* quia non permittitur hæc vsura, nisi sub conditione, si sua die fors non soluta erit, vt est exemplum huius pecuniæ, in *l. qui Roma, §. Callimachus, de verb. obl.* Quicquid autem permittitur coercendi debitoris causa, id est, sub conditione, si quid fecerit, vel non fecerit, pœna est, *§. ult. m. Instit. de leg.* Sic vsura nominatur, in *leg. h. l. 1. si* *cert. petat.*

AD TITVLVM XXXIV. COD.

Depositum vel contra.

S Y M M A R I A

- 1 Huius tituli cum superioribus connexio.
- 2 Depositum ambigüe accipitur.
- 3 Depositum definitio.
- 4 Dare cum simpliciter dicitur significat transferre dominium.
- 5 Depositum quid a mutuo, commodato, pignore distet.
- 6 Deponere an idem sit quod commendare.
- 7 Deponere & commendare quid differant.
- 8 Directa depositi actio cui detur & cui contraria.
- 9 Inscriptio huius tituli unde nata.
- 10 Depositum an sit contractus. & nu. 1.

Depositum est contractus, *l. igitur, in prin. de pact.* Contractus est ex genere eorū, ex quibus obligatio re nascitur, *§. præterea. Instit. quib. mod. re cont.* Hinc apparet nihil habere cōiuncti hunc tractatum cum præcedente tituli proximi. Sed † si recto ordine traderetur coniungi debuisset cum titulis, si certum petatur, commod. pig. act. in quibus de mutuo agitur, de pignore, de contractibus eiusdem iuris, ut declaratur, *in Instit. quib. mod. re contra.* Sed dum res intelligatur, satis est, utrum depositum sit cōtractus. Vtrum ex eo nascatur obligatio, quæ re contrahi dicitur, ex definitione intelligitur.

2 Depositum † verbum ambiguum est: nam & rem depositam significat, & contractum ipsum depositum. R. m. ut cum dicimus, depositum restitui debere, *l. qui depositum, infr. h.* Res deposita restituitur non contractus. Et hoc modo definitur ab Vlpiano, *in l. 1. in pr. D. hoc tit.* Sed figura nota. Ex re quæ deponitur, negotium rei gestę intelligitur, id est, contractus, qui hæc depositione interuenit. Vnde fit, ut contractus etiam depositum vocetur, *d. l. qui in pr.* Sic ergo definitur † depositum *in l. 1. D. h.* quod custodiendum alicui datum est: adde gratis. Quod datum est: desiderat ergo depositum, dationem. Dare † cum simpliciter dicitur significat transferre dominium, seu ita tradere ut dominiū transferatur, *§. sic itaque, de act.* Sed ex adiuncto mutatur significatio, ex sententia scribentis, ubi dicimus dare ad aliquem usum & finem, ex quo intelligitur, dominium non transferri, quod cum sit, dare idem valet quod tradere simpliciter, ut cum dicimus, dare commodato, dare utendum, dare precario. In his omnibus intelligimus nihil aliud, nisi tradere utendum, commodato, precario, quoniam ex his causis proprietas non transfertur. Sic accipimus in hac definitione, cum dicimus, Depositum esse quod datum est.

Adiicitur autem custodiendum, ut intelligatur res dari, non dominiū transferendi causa, sed custodienda gratia, quod longe abest a dominiū trāslatione. Interim in deposito rem tradi oportet, ut sit depositum. Proinde si conuenerit inter nos tantum, ut res aliquas meas custodires, non obligaris mihi, quia non est depositum, non enim quicquam tibi datum est. Extra autem depositum, est nuda conuentio, ex pacto nudo iure ciuili non nascitur obligatio, *leg. 1. qui, §. sed cum, de pact.* Hinc est quod dicitur depositum re fieri, seu in deposito obligatio re contrahi. Recte enim re, cum hic res tradita initiū obligationi præbeat, non sola conuentio, ut dicitur de permutatione, *l. 1. de rer. permut.* Sed hæc traditio & interuen-

tus rei, communis est deposito cum mutuo, cōmodato, pignore & similibus contractibus eiusdem generis, qui itidem & re fiunt.

Proprium † & depositi, quo depositum ab illis distinguatur, quod depositum datur custodiendum, seu custodiendæ gratia, mutuū datur, sed ut dominium transeat in accipientem, quo is deinde re accepta utatur. Commodatum datur, sed utendi etiam causa. Pignus datur rei possidendæ, atque etiam vendendæ causa, si opus sit. Solum depositum, solam habet rei custodiam sine vlla utilitate accipientis.

Nondum etiam satis ad distinguendum depositum a ceteris contractibus. Nam fieri potest, ut res aliqua deponatur, vel apud fullonem, vel apud nau-tam, cauponem, mercede constituta. Mercede interueniente depositum non est, sed locatio, *leg. 1. §. si instrumenta, & §. seq. D. hoc tit.* Addendum est igitur in definitione ut dixi: Gratis: sic erit confecta definitio, id est, proprium id quod in solum depositum concurrat.

Deponere † etiam veteres dixerunt commendare, *l. Lucius, D. h. l. is penes, l. si is qui, infr. hic.* Vnde definitio *in l. commendare, de verb. sign.* Commendare nihil aliud est, quam deponere. Sed hic cautione opus est, nam definitio hæc, si generaliter accipitur, falsa est. Inter commendare & deponere tantum interest, quantum inter genus & speciem. Commendare † genus est, commendati species depositum: Nam quisquis deponit, commēdat, sed non quisquis commendat deponit, ut cum per literas filium alicubi studiorum causa degentem pater commendat amico, aut cum quis abiens, commendat amico familiam suam & domum, is neque filium deponit, neque familiam. Et denique nulla hic obligatio aut mandati aut depositi contrahitur, *l. si vero, §. vnus quidam, D. mandati.*

Quid est igitur, quod Papinianus dicit *in l. Lucius, D. h.* commendare nihil aliud esse, quam deponere? Respond. Recte hoc dicitur a Papiniano, sed in specie illic proposita. Eo loco species erat de eo, qui rem suam alii tradidit, & traditam ei commendauit, utens commendandi verbo, non deponendi. Recte dicitur, rem traditam cōmendare, nihil aliud esse quam deponere. Reuera enim nihil aliud est cum ab eo apud quem deponimus, officium in re custodienda petimus. At simpliciter commendare non est idem quod deponere, & ideo Tribonianus, aut si qui sunt alii ex compositoribus Pandect. quod a Papiniano simpliciter recte dictū erat in superiore specie, male ita ex eo responso subtraxerunt, ut inde generalem definitionem facerent. Meminerimus igitur definitionem, *l. commendare*, reuocandam esse ad suum locum, unde translata est, & ita accipiendam, ut intelligamus commendare rem alii traditam, nihil aliud esse, quam deponere. Verbi definitio, id est, Etymologia etiam adiicitur ab Vlpiano, *in d. l. 1. in princ. D. deposit.* quæ per se patet. Dictū enim est depositum quod ponitur, apud aliū, & ita ponitur, ut totius rei custodia ei committatur, quod significatur præpositione de adiecta, hæc enim particula positum auger, inquit Vlpianus.

Ex hoc contractu obligationes mutue nascuntur inter dantem & accipientem. Nam qui accipit, obligatur deponenti, ut quod accepit restituat fide bona, cum asseruauit, *§. præterea, quibus mod. re cont.* Sed & contrariis, qui deposuit, obligatur depositario, ut eum

verum indemnem prester, id est, ut quicquid depositarius in rem depositam pro officio custodiæ impenderit, id illi præstetur, & damnum sarciantur, *l. ei qui, d. actione, D. h.* Ex iis obligationibus istarum rerum obtinendarum gratia, quas præstari debere diximus, etiam mutuae actiones inter dantem & accipientem proditæ sunt. Directa depositi, & contraria. Directa deponenti ꝑ datur, contraria ei qui depositum accepit. Hinc contrarium iudicium dari traditur in *l. si apud quem, D. h.* Ex quo intelligimus deponenti directam dari, quoniam contrarium iudicium directo, contraria actio directæ opponitur, *l. in rebus, §. ultim. de commod. §. pen. Inst. de pen. tem. litig.* Hinc ꝑ nata inscriptio huius tituli, depositi vel contra, ut & in titulo commodati infra. Itaque est hic sensus inscriptionis, de actione directa depositi, vel contra, id est, de ea quæ contra competit, id est, de contraria.

Hinc summam intelligimus, & contractum de quo quæritur & vim huius contractus, & potestatem, id est, causam & effectum, de quibus hic agitur. Quibus positis, oritur hæc dubitatio: Postquã dicimus ex deposito nasci has actiones mutuas inter dantem & accipientem, simul dicimus has actiones ex obligatione nasci, quoniam non sunt obligationes in personam, nisi aduersus eos qui sunt obligati. *§. 1. Inst. de act.* & quoniam ex deposito mutuam obligationem contrahi dicimus, eadem opera redimus ad id quod initio positum est, depositum ꝑ contractum esse, quoniam non nascitur obligatio, nisi ex contractu, aut quasi contractu, maleficio aut quasi. Depositum neque maleficiū est neque, quasi, neque quasi contractus, ubi sine consensu duorum res geritur. Est igitur depositum contractus atque hæc ex contractu obligatio. Iam vero nullus est contractus nulla obligatio ex contractu sine conventionione, id est, nisi conuenierit de iis præstandis, ad quæ præstanda obligationem contractam dicimus, *l. 1. §. 1. vers. adeo, de pact.*

Vnde igitur in deposito intelligimus conuenisse, ut is qui depositum accepit, depositum redderet, & contras qui dedit, depositarium indemnem præstaret. Nam de his rebus nihil conuenit, tantum enim res datur custodienda & statim deposita intelligitur, idemque est si tradita commendetur. Respondet. Constare hoc nobis debet, non esse superiorum rerum obligationem ex contractu, nisi de iis præstandis conuenierit. Non conuenit aperte verbis, sed tacita conuentio est de his rebus, dum in deposito dando agitur inter contrahentes, ut ille præstetur. Quicquid in contrahendo agitur, ut ille præstetur. Quicquid est, id est, tam valet, quam si verbis esset nominatum comprehensum, *l. 3. si cert. per.* Intelligitur autem id agi ex fine depositi, qui finis vel exprimitur, vel verbo significatur. Finis hic est, quod res datur ad custodiendum, seu ut custodiatur ab eo qui accipit.

Ex hoc fine hæc perspicue intelliguntur, primo intelligimus eum qui depositum dat, velle retinere in eo omnia, quæ prius habuit, quoniam in accipientem nihil transit præter onus custodiæ. Prius autem quam traderet, rem in potestate sua habuit, eam suo iure retinere, & absentem repetere potuit. Proinde cum solum dat ad custodiendam, etiam hoc retinere intelligitur, ut sibi repetere liceat quando videtur, pro eo iure quo prius habuit, & nunc etiam sibi retinere vult. Ex eodem verbo & fine intelligimus, eum qui accipit, spondere officium custodiæ & diligentia, ut rem custodiat gratis sine ulla mercede.

Nomen officii ex naturali significationum capto & intelligentia significat id agi, ut officium accipienti damnosum non sit: Nulli enim officium suum debere esse damnosum, naturaliter omnes sentiunt & intelligunt, *leg. si seruus, §. quod vero, D. de furt.*

Ad L. 1. Si incursum.

Imperator Alexander A. Mesteno.

Si incursum latronum vel alio fortuito casu ornamenta deposita apud interfectum perierint: detrimentum ad heredem eius, qui depositum accepit, qui dolum solum & latam culpam (si non aliud specialiter conuenit) præstare debuit, non pertinet. Quod si prætextu latrocinii commissi, vel alterius fortuiti casus, res, quæ in potestate heredis sunt, vel quas dolo desit possidere, non restituntur, tam depositi, quam ad exhibendum actio, sed & in rem vindicatio competit.

S V M M A R I A.

- 1 Actio depositi cui videtur.
- 2 Aduersus quem datur.
- 3 Quæ de re competat.
- 4 Depositarius fructus rei deposita restituere tenetur, & si mora facta sit tenetur quoque ad usuras.
- 5 An quoque eos restituere teneatur quos non percepit.
- 6 Actio depositi quamdiu duret.
- 7 Depositarius utrum damnum, periculum, & dolum debeat præstare.
- 8 Dolum est machinatio consilio adhibita ad fraudandum, & nu. 16.
- 9 Depositarius an teneatur ob latam culpam.
- 10 Culpa definitio.
- 11 Culpa species duæ, lata & levis.
- 12 Culpa latior, latissima, eadem quæ lata.
- 13 Lata culpa definitio.
- 14 Lata culpa ex quibus rebus aestimetur.
- 15 Lata culpa dolum sit nec ne.
- 17 Lata & magna culpa idem significant.
- 18 Lata culpa unde dicta.
- 19 Lata culpa dolo comparatur.
- 20 Depositarius quomodo dolum & latam culpam præstet.
- 21 Depositarius an leuem quoque culpam præstet.
- 22 Depositum proprium quod.
- 23 Conuenientia in omnibus contractibus seruanda.
- 24 Contractus a conventionione legem accipiunt.
- 25 Debitor & accipiens in omnibus contractibus in quibus eorum utilitas versatur, debent præstare culpam non latam tantum sed & leuem.
- 26 Depositarius an de casu fortuito teneatur.
- 27 Heredes depositarii an non aliter teneantur quam si rem depositam vel habeant vel dolo malo deserint possidere.
- 28 De casu fortuito si dubitatur utrum heredi an deponenti onus probandi incumbat.
- 29 Heredes si rem depositam in potestate habeant aut dolo amittant, si rem aut rei aestimatione non restituant, quæ actione teneantur.

Hoc rescriptum postulat, ut natura actionis depositi directæ explicetur, sine qua neque præcipua questio rescripti, neque singulæ partes comode intelligi possunt. Natura actionis in his rebus versatur, ut cognoscamus, cui datur, aduersus quos, quæ de re, & ad quid, tum quãdiu. Datur actio depositi, ꝑ quo verbo per excellentiam actio directæ significatur, ei qui

deposuit, si statim reposcanti res non redditur, *l. pen. in prin. infr.* Hinc & heredibus competit, *l. 1. §. hac actio. D. eod.* quia actio in personam est. Datur t̄ aduersus eum, qui deponenti obligatur, *§. 1. Inst. de act. l. actionum. de oblig. & actio.* Proinde aduersus eum, qui depositum accepit, heredemque eius, non etiam aduersus alios, quod significatur hoc rescripto, sed apertius comprehensum est in *l. sis qui, infr. hoc tit.*

3 Competere t̄ hanc actionem de re deposita, ut ea res restituatur, scriptum est in *§. præterea, Instit. quib. mod. re contr. & hic.* Sed plenius ita definiendū: Competere hanc actionem de eo, quod ex causā depositi ad depositarium peruenit. Constat maxime ad eum peruenisse rem depositā, id est, id, de quo eum præcipue teneri dicimus. Sed hoc amplius dicimus, si quid depositarius per causā & occasionem rei depositæ nactus fuerit, teneri deponenti, ut id reddat, veluti si heres depositarii rem depositā, putans esse hereditariam, v̄diderit, debet restituere pretium, quod percepit, & si nihil rum percepit, debet saltem actionem præstare deponenti, *l. 1. §. ult. cum seq.*

4 *D. hoc tit.* Multo t̄ ergo magis depositarius debet restituere fructus ex re deposita perceptos, veluti si iumentum apud eum depositum peperit, etiam restituere debet fructum, si gallinæ depositæ pariant oua, etiam oua debet restituere. Interdum etiam depositarius de iis rebus, quæ ad eum non peruenerunt, tenetur, & mora facta tenetur nō solum ad rem depositam, sed etiam ad pecuniæ depositæ usuras, *l. 2. §. 3. 4. infr.* Multo magis t̄ fructuum nomine, quos non percipit, si modo eos ex re deposita percipere potuerit, *l. mora §. in bon. fid. de usur.* Præterea etiam tenetur ex edicto in duplum is, apud quem res aliqua deposita est, tumultus, incendi, ruinæ, naufragii causa, *l. 1. §. 1. D. hoc tit.*

Tenetur t̄ hac actione depositarius perpetuo, quam diu res deposita apud eum existat. Quod si res amissa sit, aut apud eum deterior facta. quæritur vtrum hoc damnum & periculum depositarius t̄ præstare debeat, ut non minus teneatur, quam si res integra esset? Ex ceteris contractibus, in quibus aut solius accipientis utilitas versatur, ut in commodato, aut utriusque & dantis & accipientis, ut in locatione, mentione societate, debitor nō solum ob suum dolum tenetur rem amissa, aut deteriore facta, sed etiam ob culpam leuem. Ac quoniam in deposito nulla utilitas versatur depositarii, sed solius dantis, idcirco placuit, non longius depositario obesse debere suum officium, quam ut dolum præstet, & huic proximam latam culpam, *l. si ut certo, §. nunc videndum, D. commodati.* Quod & de deposito hic traditur, *§. l. 1. §. ult. l. quod Nerua, D. hoc tit.* Ergo depositarius ob dolum suū tenetur. Dolus depositarii est, si sciens rem depositam, de industria aliquid fecit, quo res amitteretur aut deterior fieret. Nam dolus t̄ est machinatio consulto adhibita ad fruendum, *leg. 1. de dol.* Exemplum sunt hæc: Si depositarius equū depositum occiderit, si ornamenta deposita corruperit, si rem depositam vendiderit, aut donarit, si feram caueæ inclusam emisit e cauea.

9 Non t̄ minus idem tenetur ob latā culpam. Culpa est t̄ quicquid factum, omissumue est, propter quod damnum iricidit res amissa, aut deterior facta est, de quo plura constituimus dicere, *ad l. procuratore, infr. mandat.* Lata culpa adiicitur, ut apparet, discriminis causa, quoniam est etiam culpa, quæ lata non

est, & res ita habet. Duplex enim culpa nominatur a iuris auctoribus, quæ modo in dolum non cadat. Nempe, lata & leuis, *l. quicquid, infr. arb. tut. l. mulier. §. sed enim, ad Trebell.* neque plures t̄ sunt culpæ species. Nam quod a vulgaribus interpretibus quædam dicitur lata, quædam latior, quædam latissima, inauditum est iuris auctoribus, & re falsum, quoniam lata culpæ vna definitio est, ut ex subiecta a nobis definitione patebit. Nec ad rem pertinet, quod lata culpa dicitur a Celsō, culpa latior, in *l. quod Nerua, de pos.* Nam culpa t̄ latior eadē est, quæ lata. Dicitur enim latior t̄ per comparisonem leuis culpæ, ut intelligatur culpa latior, quam ut contineatur communi culpa, quia etiam scimus interdum comparatiua minuerē rem, ex usu Latine loquētiū, non autem augere, ut in illo Virg. 1. *Eneid. Tristior & lacrymas,* ubi intelligitur non tristior quam tristis, sed paulo tristior quam antea, seu subtristis.

Lata t̄ culpa dicitur quæ est magna, quasi dicat, quæ latius pateat, & sit amplior quam communis & leuis culpa, *l. magna, de verb. sign.* ubi quæ lata culpa aliis in locis dicitur, appellatur magna negligentia, & culpa magna. Estimatur t̄ autem lata culpa duabus ex rebus, quæ definitionem huius culpæ continent. Aut enim estimatur ex captu hominum communi, aut ex captu & soluta diligentia eius, de cuius culpa quæritur. Ex captu hominum communi, culpa lata intelligitur, cum quis peccauit, & facto suo damnum dedit, dum non putat id euenturum, quod omnes homines euenturum intelligunt, pro captu hominum non dementium communi. Hoc est quod dicitur in *l. lata, de verb. sign.* lata culpæ finem esse non intelligere, quod omnes homines intelligunt Finis, id est, finitio, seu definitio, ac velut nota, quæ lata culpa designetur, cum quis in eo damno, quod eius culpa datum est, obtrahit ignorātiā eius rei, quam omnes homines intelligunt. Huius rei exempla sunt in *l. in lege, ad L. Cornel. de scar.* si quis aliquid deiecerit ex alto, & imprudēs prætereuntem occiderit: si putator arboris ramum deiecerit in eum locum, quæ vulgo aut priuatim iter fieri solet, & ex eo istu prætereuntem interfecerit. Hic dolus non est, nam nihil factum est consulto & de industria, ut homo interficeretur, sed lata culpa est, quia si ex ea deiectione non intellexit euenire posse, ut aliquem interficiat, dicit se non intelligere id, quod omnes homines intelligunt euenire posse, & in quō sciunt præsens esse periculum.

Hac de causā tenebitur depositarius ob latā culpam huiusmodi, si proponas eum non cernentem deieciisse tegulas vel trabē ex superiore loco ædium in eum locum, ubi animalia deposita continebantur. Nam si putauit animalia vitatura esse istū & casum, pro sua prudentia id putauit, non vero ex sensu communi putauit, & ignorauit id euenturū, quod omnes intelligunt. Eiusdem generis culpa est, si proponatur eum reliquisse ostium stabuli apertum, & animalia non bene ligata dederunt se in libertatem. Debit enim intelligere euenturum esse stabulo aperto, & si non intellexit, id ignorauit, quod omnes homines intelligunt. Hoc modo qui peccat, lata culpa peccat, eamque præstabit, etiam si proponatur in suis rebus id facere aut fecisse, *argum. in l. si constantes, §. si maritus, sol. marim.* Deinde quoduis factum huius generis, pertinet ad definitionem, *l. lata culpa, de verb. signific.*

Ex capto priuato & soluta diligencia eius, de cuius culpa quæritur, lata culpa esse intelligitur, si quis diligentior quam ceteri in rebus suis custodiendis non adhibeat in re deposita eandem diligentiam, quam in suis præstat, *l. quod Nerva. de pos. l. mulier. §. sed enim ad Trebell.* Exempli causa: Cum nuntiaretur, hostes esse in vicinia, aliquis qui res depositas in villa habebat, habuit villam diligenter occlusam, sed tamen hostes incurrentes ingressi sunt, & res depositas abstulerunt. Si putauit depositarius villam ita esse clausam, ut non facile hostes ingrederentur, id putauit, & plerique homines putant, sed tamen hoc damnum potest contingere lata eius culpa, quod ita intelligitur, si spectemus quomodo se gesserit, in rebus suis. Nam si pariter illic res suas habuit, easque reliquit, aut ibi etiam mansit, non est lata culpa, sed leuis, nempe culpa hominis negligentis, & qui eodem modo negligens esset in rebus suis. Sed si propter metum eius periculi abstulit res suas, & alio transiit, res autem depositas in villa reliquit, cum haberet satis spatii ad eas quoque transferendas, dicemus eum lata culpa peccasse, & ita damnum præstaturum, quia non pro suo capto diligens fuerit in rebus alienis, *d. l. quod Nerva, D. h.*

15 Ex his apparet, quod lata culpam reuera dolum non esse: Nam ita usus est iuris auctorum, ut ubique lata culpa distinguatur a dolo, ut & a leui culpa, *dist. leg. quicquid, infr. arbitr. tut. & dist. l. mulier, §. sed enim, ad Trebellian.* Itē & ab iis hæc culpa dicitur doli proxima, ut in *l. cum res. §. penul. D. de legat. i. dist. leg. mulier. §. sed enim.* Præterea idem declarant definitiones superiores. Nam quod dolum est consulo aliquid facere, & de industria, ut res pereat, & deterior fiat, *d. l. i. de dol.* At in utraque specie lata culpæ, quam supra exposuimus, fieri potest, ut qui peccauit, nihil fecerit de industria aut consulo, ut qui deiecit aliquid in virum, qui negligenter ostium operuit, & opertum habuit, & quæ sunt generis eiusdem. Et tamen quibusdam locis legimus latam culpam dolum esse, ut in *l. magna, de verbor. signific.* ita scriptum est: Magna negligentia culpa est, magna autem culpa, dolum est: Ergo magna negligentia etiam dolum est. Argumentum ductum est a genere ad speciem, ut cum generi aliquid in commune tributum sit, etiam speciei tributur. Culpa genus est, continens tam eam, quæ in faciendo est, quam quæ in negligendo. De hoc genere hæc definitio est, Magna culpam dolum esse. Vnde intelligitur eandem definitionem pertinere ad speciem magnæ culpæ, id est, ad magnam negligentiam. Interim hoc relinquatur ex eo loco, magnam culpam dolum esse. Nihil autem quod est magna culpa, nisi lata.

17 Dicta quod est lata, quæ late patet, id est, magna est. Item in *l. quod Nerva*, is qui non adhibuit in re deposita consuetam in suis diligentiam, dicitur dolo non carere, quod nihil aliud est, quàm eum dolum admittere. Quomodo igitur hæc cum prioribus cōueniunt? Respondeo: Reuera lata culpa dolum non est. Distinguuntur enim hæc definitionibus, id est, re ipsa & substantia sua. Quod autem dicitur lata culpa dolum esse, ideo dicitur, quia interpretatione iuris & effectu lata culpa dolum est, quoniam iure pro dolo habetur, iure effectum doli patitur. Et quod dicitur in *l. quod Nerva, D. hoc tit.* qui lata culpa peccat, dolo non carere, sic accipiendum est, non ut certitudine definitionis, & re ita se res habeat, sed quia ita se habeat violenta præsumptione, quæ iure pro explorata ha-

betur. Et ius ita est, ut semper lata culpa pro dolo habeatur. Hinc illud constanter traditum est a veteribus, latam culpam dolo comparari, *l. i. §. si mens. fals. mod. dix. l. questum. §. cum quo deinde procurator, l. i. §. non autem. D. si is, qui test. lib. instit. l. quod Nerva. D. h.* Quæ sententia hanc significationem habuit, ut quotiescunq; lege placet aliquem teneri ob dolum, quamuis culpæ latæ mentio adiecta non sit in lege, tamen verbo doli etiam lata culpa intelligi debeat, iisdemq; regulis & legibus lata culpa contineatur, quibus dolum, ut ex ipsis locis supra scriptis patet.

Et hoc perpetuum est, nisi ex verbis legis, appareat legem, quæ dolum exigit, nominatim exigere factum, quod fiat consulo & de industria. Hinc est quod placuit in *l. Cornel. de fisco*, latam culpam pro dolo non haberi, *l. in lege. ad leg. Cor. de fisco*. Quod sumtum est ex verbis manifestis legis, quoniam lex eum coercet, non qui dolum adhibuit in homine occidendo, sed qui dolo malo hominem occidit, vel dolo malo cum gladio ambularit hominis occidendi causa, *l. 2. D. eod.* Hic verba occidendi & ambulandi, aperte factum occidentis & ambulantis exigunt, & una cum facto dolum eius, idque est quod Paulus ait, in *d. l. in lege, id est, in leg. Cornel.* dolum pro facto accipi.

Intelligimus ex his, quid sit, quod dicitur, depositarium ob dolum & latam culpam teneri: seu depositarium in re deposita dolum & latam culpam suam præstare. Sic autem hæc præstat depositarius, ut placeat eum nihil præstare amplius. Itaque non solum, si res deposita perierit casu fortuito, sed etiam si perierit culpa eius, dummodo leui, id est, ea, quæ in dolum & latam culpam non cadat, eum amplius non teneri, *l. si ut certo, §. nunc videndum. D. commodati. §. præterea. Instit. quib. mod. re.* Hoc tamen quod posterius non est perpetuum, sed interdum & leuem culpam depositarius præstat. Quod tamen intelligendum est, nunquā accidere ex natura depositi, sed ita demum, si quid extra depositum interuenerit, quod eum periculo leui culpæ alligaret.

Proprium quod depositi est, ut res simpliciter deponatur, ut in deposito depositarius suscipiat officium & operam custodiæ, non sua causa, sed deponentis: alioqui officium non esset. Hinc ergo accidit, ut interdum depositarius in deposito culpam leuem præstet, cum extra hos fines depositum progressum erit. Præstat igitur, si conuenit nominatim, ut culpam præstaret, *l. i. §. cum conuenit, §. sepe, D. eod.* Conuentio quod in omnibus contractibus seruanda est ex edicto prætoris, sed in bonæ fidei iudiciis semper seruanda, si in continenti adiecta est, *l. iur. gent. §. quinquennio, D. de pact.* Inde dictum a veteribus: Contractus quod a conuentione legem accipere, *d. l. i. §. si conuenit, D. eod. l. contra-ctus, de reg. iur.* Legem, id est, modum & temperamentum. Idem iuris est, si depositarius deposito se obtulit, *l. i. §. sepe, D. eod.* Hoc ideo, quia qui se deposito offert, is de sua diligentia polliceri intelligitur, ut in ea obligatione tacite insit conuentio de diligentia præstada. Hic dicitur se offerre deposito, qui cum dominus in animo non haberet rem deponere, ultro ei dixit, ne labora, committe mihi illam rem, & apud me deponere, eam recte asseruabo. Idem facere videtur is, qui cum dominus apud alium depositurus esset, ultro interuenerit, & petierit a domino, ut potius apud se deponeret.

Idem dicendum est si in deposito interueniat aliqua utilitas depositarii, & ideo, si merces deposito

cōstituitur, etiam culpam præstabit in re deposita, *d. l. si ut certo, §. nunc vidend. D. commod.* Item si pecunia apud aliquem deposita sit, ut ipse cum videretur, vteretur ea pecunia, *l. si quis cum, 4. si cert. pet.* Hæc exceptio nata est ex ea regula veterum, qua placet in omnibus contractibus, in quibus et etiam debitoris & accipientis utilitas versatur, debitorem & accipientem debere præstare, non tantum dolum & latam culpam, sed etiam culpam leuem, *dict. l. si ut certo, §. nunc vidend. l. cōtract. de reg. iur.* Adiciit Accursius in gl. huius l. etiam hanc exceptionem in deposito, si culpa depositarii et casum præcesserit, quod cum sit, vult depositarium etiam ob casum fortuitum teneri. Hoc verum non est: Id enim recte dicitur in commodato, in quo commodatarius etiam culpam præstat, *leg. si ut emio, §. quod vero, D. commod. §. item is, Insti. quib. mod. re.* Ad depositum non pertinet, ubi depositarius culpam non præstat, sed solam dolum, & culpam dolo proximam, ut supra dixi *in l. 1. §. ubi D. h.* Nihil ad rem pertinet pro hac sententia *l. si in Asia, §. ult. infr. eod.* ubi traditur post iudicium acceptum, depositarium omnem casum præstare. Id non eo fit, quia depositarius iudicium accipiendo culpam committat, sed quia dolo malo rem non restituat. Is autem non restituit dolo malo, qui sciens depositum a se reposci non reddit deponenti, etiam si extra iudicium interpellatus non reddat, *l. 1. §. est etiam, l. si quis inficiatus, in prin. D. eod.* Extra has causas vere dicitur depositarium non teneri rei depositæ nomine, nisi aut rem possideat, aut dolo malo desierit possidere, vel quod idem est, lata culpa. Vnde adicitur in fine rescripti, *Idem ius in heredibus seruandum esse.* Ob hanc causam heredem depositarii, qui interfectus a latronibus proponebatur, ita demum teneri, si res depositas in potestate habeat, vel dolo malo desierit possidere.

Ex iis verbis eruuntur duæ dubitationes. Primo, 27 quæritur et an non aliter teneantur heredes depositarii, quam si rem depositam, vel habeant, vel dolo malo desierint habere? Et certum est etiam extra hos casus teneri posse heredem, tenetur enim et si defunctus dolo malo desierit rem depositam possidere aut lata culpa, *l. si heredem, §. 1. D. h.* Cur ergo hic dicitur heres teneri hac conditione si rem in potestate habeat, aut dolo possidere desierit? Respondeo, quia id recte dicitur in hypothesi proposita. Proponebantur enim heredes eius defuncti, qui a prædonibus interfectus erat, ereptis ornamentis depositis, unde constabat defunctum nihil in proposito, vel dolo vel lata culpa peccasse. Ex quo consequens est, si eius depositi nomine teneantur heredes, non posse teneri, nisi ex persona sua, quod ita sit, si vel possideant ipsi, vel desierint possidere.

28 Altera et dubitatio est ex iisdem verbis. Cum in specie hic proposita heredes dicant, ornamenta deposita perisse latrocinio vel alio casu fortuito, contra is qui deposuit, dicat res depositas adhuc exstare apud heredem, aut heredem dolo fecisse, quo minus possideret. Vtri parti in hac controuersia incumbat onus probandi, utrum heredi, ut probet casum fortuitum, an vero deponenti, ut probet rem depositam adhuc exstare, aut dolo amissam esse? Et ut sunt verba huius constitutionis quam dixi, apparet deponentem probare debere. Nam dicitur ei competere actionem hac conditione, si res deposita sit in potestate heredis, & ideo non procedit deponentis actio, nisi hoc ipsum intercedat. Hæc enim est causa

eius actionis. Quod si intendit, secundum regulam probare debet. I. Quia dicit, *l. 2. de probat.* Deinde quia actor probare debet intentionem suam, *l. 1. l. actor, supr. de probat.* Cui consequens est, heredem non cogi probare casum fortuitum, nam si cogeretur superuacuum esset, deponentem dicere, res adhuc apud heredem exstare, nec quicquam de ea re probare cogeretur.

Sed huic sententiæ contrarii sunt innumeri loci, in quibus cōstanter traditur, eum qui casum allegat, casum probare debere, ut *l. si creditor, supr. de pign. act. l. si quis domum, 9. §. Imperator, D. locati; l. sicut supr. de fid. instrum. l. testium, in fin. supr. de testib.* Respondeo. Est hæc sententia vera & perpetua, vnumquemque qui dicit rem casu fortuito amissam esse, eum casum probare debere, idque consentaneum esse regulis iuris, docuimus *ad d. l. si creditor, supr. de pign. actio.* Non mutatur hæc sententia hoc rescripto, sed confirmatur, & simul vtilis definitio traditur ad quæstiones omnes similes decidendas. Heres in specie huius rescripti, qui casu fortuito dicebat ornamenta deposita amissa esse, etiam hunc casum probare debuit, sed satis probat hoc ipso, quod probabat defunctum eum, apud quem ornamenta erant deposita: vel domi suæ, ubi erant ornamenta, vel foris cum esset cum ornamentis, interfectum esse, idque probat quia de eo constabat inter deponentem & heredem defuncti. Huius cedis probatio etiam idoneam probationem & præsumptionem rerum depositarum ablatarum habet. Nam prædones verisimile est, qui vitam depositario ademerunt, multo magis alias res ademisse. Et si hæc probatio non est necessaria, tamen maximam præsumptionem veri habet, quæ si nihil aliud præstat, certe onus probandi in aduersarium confert, ut est natura præsumptionum verarum, *l. cum de indebito, de probat.* Et ob hanc causam, tamdiu heredi casum fortuitum alleganti, in hac specie creditur, donec is qui deposuit, probet res depositas non periisse eo casu, sed adhuc exstare apud heredem, aut heredem dolo malo amisisse. Notandus est igitur hic locus, ex quo colligitur, si apud aliquem domi res sint depositæ, si alicui commodatæ, vel ex aliis contractibus sint apud aliquem debitorum, in quibus contractibus debitor non teneatur, si res casu fortuito perierint, debitorem quidem casum probare debere & debitoris heredes, sed ad casus fortuiti probationem sufficere, si probetur prædones ac hostes inuasisse ædes, & diripuisse, etiam si specialiter probari non possit, illos abstulisse res eas de quibus nunc quæritur.

Quid ergo et si heredes dum rem depositam in potestate habebunt, aut dolo amiserint, rem non restituant, aut rei depositæ æstimationem? Hic adicitur in rescripto tribus actionibus eum teneri. I. Est depositi, quæ est in personas, ex contractu videlicet, ut in disceptationem vocemus. II. Est rei vindicatio, quæ deponenti datur, si dominus est, *l. in rem, de rei vindic. l. actionum, de obl. & act.* III. Ad exhibendum. Hæc ideo competit, quia maxima ex parte comparata est ad futuras vindicationes, *l. 3. §. est autem, ad exhib. l. si quis inficiatus, §. 1. D. eod.* Nam qui dolo possidet, qui dolo contrahit rem depositam, is furtum facit, *l. 3. infr.* Fur non tantum pænæ nomine furti tenetur actione, sed etiam de re furtiva, quo pluribus actionibus teneatur, *§. ult. Instit. de oblig. quæ ex del. §. si neque,*

neque, de act. Vtrum depositum, an rei vindicatione cōtrahat, hoc iuris est, quod actio depositi omnib. qui rem deposuerunt competit, etiam si domini nō sunt, item etiam si p̄dones fuerint, *l. 1. §. si p̄rado. D. eo. Rei* autem vindicatio non nisi domino competit. Sed tamen interdum etiam rei vindicatione vti vtilius est, quia facile quis probare potest interdū se dominum esse, & eum qui conuenitur possidere rem, de qua hic agitur, aut dolo malo desuisse possidere. Depositum autem non item facile s̄pe probatur. Itaque in his actionibus erit prudentiæ deponentis, existimare, quid maxime ipsi conducatur.

Ad L. 2. Vsuræ.

Imperator Gordianus A Celso.

Vsuræ in depositi actione, sicut in ceteris bonæ fidei iudiciis, ex mora venire solent.

S V M M A R I A

- 1 *Vsuræ an in deposito veniant.*
Depositum est contractus bonæ fidei.
 - 2 *Depositarius quibus modis morā in deposito faciat.*
 - 3 *Vsuræ in deposito ex mora præstandæ sunt.*
 - 4 *Vsuræ in speciem aliam non cadunt, nisi in pecuniam numeratam.*
 - 5 *Depositarius re deposita amissa, tenetur ad æstimationem rei.*
- 1 **P**RÆTER t̄ rem depositam, etiam vsuræ in deposito extrinsecus accedunt. Nam depositum est contractus bonæ fidei, §. *actionum, de actionibus*, in bonæ fidei autem contractibus vsuræ veniūt sine alia conventionē, *l. in bon. supr. de vsur.* Sed non statim vsuræ hoc iudicio debentur, verum pro ratione, quæ seruatur in omnibus huius generis cōtractibus ex mora, vt hic traditur. Quæ de re dixi satis, *ad d. l. bonæ fid. supr. de vsur.* Depositarius t̄ in deposito duob. modis moram facit, vno modo si interpellatus depositum nō reddat, *l. mora, de vsur.* Altero modo, si pecuniam depositam in vsus suos cōuertat. Hinc totidem modis accidit, vt ex causa depositi, depositarius vsuræ debere incipiat. De priore modo non dubitatur, de eo autem, qui pecuniam in vsus suos cōuertit, subiicitur *in l. 3. §. 4. seqq.* Quamobrē & illi loci ad hanc regulam referri debent.
- 3 Hic generaliter dicitur vsuræ t̄ in deposito ex mora præstari debere, neq; distinguitur, quæ res depositæ sint. Sed ex natura vsurarū hoc sic accipiendū est, vt vsuræ debeantur ex mora, dummodo earū rerum depositarū, in quas vsuræ cadant. Cadit t̄ aut̄ solum vsuræ in pecuniam numeratam. In speciem certam aliam nō cadit, *l. 3. §. ult. de vsur.* Et ideo intelligere debemus vsuræ debere ex mora, si aut pecunia deposita erit, vt dicitur *in l. 4. j.* aut deposita quidē alia species certa, sed quæ dolo malo aut culpa depositarii perierit. Nā t̄ cū re ita amissa teneatur depositarius, *l. 1. in pr. nō potest aliud iam debere quam æstimationem rei amissæ, l. in re futura, de cond. furt.* Ea æstimationem in pecunia consistit, proinde eius pecuniæ vsuræ ex mora debere incipiūt. Dicitur etiam hic simpliciter vsuræ debere, neq; adiicitur, quæ vsuræ debeantur. Id sic interpretandum est, vt hic debeantur vsuræ, quæ in ea regione frequententur, vbi agitur, dummodo legem non offend. nt, *l. 1. in pr. de vsur.* id est, dum nō excedant modum lege constitutum, qui modus est præstitutus, *in l. eos. §. 1. supr. de vsur.*

Ad L. 3. Si depositi.

Imper. Gordian. A. Aufiero.

Si depositi experiaris, non immerito etiam vsuræ tibi restitui flagitabis: cum tibi debeat gratulari, quod furti eum actione non facias obnoxium. Siquidem qui rem depositam inuito domino sciens prudensque in vsus suos conuerterit, etiam furti delicto succedit.

S V M M A R I A

- 1 *Pecuniā depositam in vsus suos conuertens, de eadē vsuræ præstare tenetur, & an furti actione is teneatur.*
- 2 *Pœna furti non manifesti.*

QUæ pecuniā t̄ apud se depositam in vsus suos cōuertit, eiusdem vsuræ pecuniæ depositæ præstare debet, vt hic traditur, *§. in l. seq. in pr. neq; alia mora depositari desideratur.* Non obstat, q̄ dicitur, *in l. 2. j.* & similib. locis, in bonæ fidei iudiciis sine cōventionē vsuræ non debere, nisi ex mora. Nam & is, qui pecuniam in vsus suos conuertit, hoc ipso moram facit, vt non sit necessaria alia mora. Qui enim pecuniam cōuertit in vsus suos, is pecuniæ furtū facit, t̄ alienam contrectando inuito domino, vt est furti definitio *in l. 1. in fi. D. de furt.* Fur ex ipso tempore delicti in mora est, & perpetuo morā facere intelligitur, *l. in re furtiva, §. 1. l. ult. de cond. furt.* Et hoc est, quod in hoc rescripto dicitur: *Eum depositarium, qui pecunia deposita vsus est, non debere queri, si præter pecuniā vsuræ ab eo exigantur.* Potius enim ipsum sibi debere gratulari, q̄ vsuræ petuntur. Non aut̄ furti aduersus eum agitur cum furti agi possit. Nā vsuræ inuito minores sunt duplo. At si furti ageretur t̄ duplum exigi potuit, hæc enim est furti nec manifesti pœna, §. *pœna, Insti. de oblig. qua ex delict. nasc.* Non distinguitur *in l. 4. in pr. j.* quæ pecunia deposita sit, vtrum ob signata, an vero non ob signata. Proinde & si quis pecunia non ob signata deposita vsus fuerit, nihilominus vsuræ præstabit, & merito, quia eodem modo rem alienam contrectat inuito domino, ex qua contrectatione furtum facit, & propter furtū morā, ex mora vsurarū præstatio est. Plane quod dicitur, depositarium pecunia deposita vtentem furtum facere, & vsuræ exinde incipere debere, sic accipiendū est, si inuito domino pecuniam contrectet, vt significatur hoc loco. Quod si domini voluntate & permissu secus erit, quoniā volente domino furtum non facit, eoq; nec moram, ac proinde ex regula horum iudiciorū non potest debere vsuræ, qui in mora non fuit. Duob. autē modis accidit, vt depositarius pecunia deposita vtatur permissu domini, vno si pecunia apud eum deposita sit ea lege, vt tantundem redderet. Altero si dominus aperte permisit depositario pecunia deposita vti. Vnde placuit vsuræ non debere, nisi postea interpellatus moram fecerit, *l. die. §. ult. l. si sacculum in pr. §. 1. D. hoc tit.*

Ad L. 4. Si deposita.

Imper. Gordianus A. Timocrati.

Si deposita pecunia is, qui eam suscepit, vsus est: nō dubium est, etiam vsuræ debere præstare. Sed si cum depositi actione expertus es, tantūmodo sortis facta condemnatio est: ultra non potes propter vsuræ experiri. Non enim duæ sunt actiones, alia sortis alia vsurarū, sed vna ex qua cōdamnatione facta, iterata actio rei indicata exceptione repellitur.

S V M M A R I A

- 1 *Vsuræ qua actione quomodo petantur.*
- 2 *Iudicium bonæ fidei unde dicatur.*
- 3 *Ex fide bona indicare quid.*

- 4 *Vsuræ non sunt in obligatione, sed officio iudicis præstantur, ergo nec in deposito.*
 5 *Obligatio est necessitas alicuius rei præstandæ.*
 6 *Vsuræ quædiu in bonæ fidei iudiciis peti possint actione sortis.*
 7 *Actio de sorte an possit remoueri.*
 8 *Dere principali quoties sententia lata est, etiam de accessionibus iudicium finitum est.*

In principio traditur eadem sententia, quæ in l. 3. 3. nempe eū qui pecunia deposita vitur, exinde incipere eius pecuniæ vsuræ debere, de qua sententia illic dixi. Adicitur quod ad definitionem, l. 2. & 3. pertinet. Et in primis notandum est propter nouitatem sententiæ *Nouitatem* dico, quæ videtur, non quæ reuera est. Adicitur enim in hoc rescripto, quæ actione quoque modo vsuræ petantur, quæ in bonæ fidei iudiciis debentur ex mora. Item alterum, quamdiu hæ vsuræ peti & obtineri possint.

De actione & modo quo peti possunt, sic hoc loco traditur. Cū vsuræ in bonæ fidei iudiciis, vt in deposito, de quo agitur, ex mora debeantur, non hic sunt duæ obligationes seu actiones, vna solius depositi, altera vsurarum debitarum, sed tantum vna actio & ea sortis, vt dixi, depositæ, non aut actio, quæ contineat actionem principalem & sortis & vsurarū. Quomodo igitur ea actione, quæ est solum de sorte, vsuræ etiam consequimur? Id explicatur in l. centum Cap. de eo quod cert. loc. his verbis: *Vna est actio sortis seu pecuniæ creditæ, sed circa huius executionem estimationis ratio habetur officio iudicis.* Sensus est, vna est principalis actio de sorte, seu de deposito, de quo nūc agimus, sed iudici de ea actione dato vel adito committitur, vt vsurarū rationem habeat, & quemadmodū reum, in depositum seu pecuniam principalem condemnat, sic condemnet in vsuræ & accessiones, idque officio & potestate sibi a iure concessa.

Hoc officium iudici bonæ fidei committi intelligitur ex eo, quod vt erant veteres formulæ iudiciorum, iudex in his iudiciis iubeatur iudicare ex bonæ fide. Vnde & nomen iudicii bonæ fidei. Ex fide & autem bona iudicare nihil aliud est, quam iudicare ex æquo & bono, seu alterum alteri condemnare in id, quod alterum alteri ex bono & æquo præstare oportet, s. in bonæ *Iustit. de act.* Nihil autem æquius visum est, quam cum debitor in pecunia soluenda facit moram, cum pecuniæ vsuræ præstare, ne sit eius mora impunita, l. hereditatem, in fin. mand. Hinc illud est, quod dictum est a veteribus in bonæ fidei iudiciis, vsuræ & non esse in obligatione, sed officio iudicis præstari, seu officio iudicis accedere, l. qui per collusionem §. ult. de act. emt. l. quero, D. locat. Non sunt vsuræ in obligatione in his iudiciis. Exempli gratia, in deposito: Nam in obligatione depositi nihil est, nisi id quod depositum, & quod inde ad depositarium peruenit, l. i. §. ult. & seqq. tit. D. hoc tit. At vsuræ in deposito, neq; sunt depositæ, neque perueniunt ad depositarium, quin hinc extra rem petuntur & insistantur tanquam pœna, l. cum quidam §. si pupillo, in fi. D. de vsur.

Non sunt igitur vsuræ in deposito, in obligatione depositi, sed officio iudicis, qui de actione depositi cognoscit, accedunt, quoniam iudex etiam reum in has vsuræ condemnat pro potestate sibi commissâ. Vnde principaliter in obligatione non sunt, sed sunt quodammodo per consequentiam principalis a-

ctionis, quæ creditor consequitur, vt reus vsuræ præstare necesse habeat. Nihil autem aliud est & obligatio, quam necessitas alicuius rei præstandæ, *Instit. de oblig. in pr.* Et ideo bene Paulus dixit, in d. l. quero, in bonæ fidei iudiciis vsuræ non tam proficisci ex obligatione, quam officio iudicis applicari. Non simpliciter dixit: *Ex obligatione non proficisci*: Sed magis præstari ex officio iudicis, quam ex obligatione, innuens etiam quodammodo in obligatione esse. Quod & verum est. Sunt enim vt dixi per consequentiam, non principaliter. Hæc de actione & modo, quo vsuræ in his iudiciis obtinentur & petuntur.

Adicitur & in hoc rescripto, quamdiu vsuræ in his iudiciis, ita peti & obtineri possint, vt dixi supra. Et de eo ita definiendum est: Si in bonæ fidei iudiciis vna est tantum actio sortis, nulla actio propria vsurarum, consequens est, sublata actione sortis, amplius de vsuris, quamuis antea debitis agi non possit. Duobus autem modis euenit, vt actio sortis tollatur, vnde & totidem modis accidit, vt amplius vsuræ peti non possint. Vno modo si debitor liberatus sit obligatione sortis, vel solutione, vel aliis modis, quibus tollitur obligatio, aut ipso iure, aut per exceptionem perpetuam, l. qui collusionem, §. ultim. de actio. emt. l. eos, in princ. supr. de vsur. Altero modo idem fit si creditor, & in proposito dominus rei depositæ, depositi egerit de sorte, id est, de pecunia deposita. Iudex autem reum condemnarit solum in sortem, nulla mentione vsurarum facta, neque ab ea sententia appellatum sit. Hæc condemnatio de sorte facta hanc vim habet, vt quæstione actionis sublata, amplius vsuræ peti non possint, quod præcipue hoc rescripto traditur, & in eandem sententiam in l. in bon. fid. supr. de vsur.

Huic sententiæ statim occurrebat ex aduerso exemplum vsurarum stipulatione promissarum. Nam cum creditor pecuniam quam credidit, sibi reddi stipulatus est, & eius pecuniæ separatim vsuræ: hic duæ sunt stipulationes: & si de sorte iudicio egerit & vicerit, nihilominus vsurarum stipulatio salua manet, de quibus separatim nouo iudicio experiri potest, l. i. supr. de iud. Et significatur in l. centum Cap. de eo quod cert. loc. Ergo etiam in bonæ fidei iudiciis, vt in deposito, creditori debeatursors deposita, & præterea eius sortis vsuræ ex mora, quamuis de sorte iudicio egerit, & reus condemnatus sit, tamen vsurarum petitio erit integra, & non minus nouo iudicio vsuræ peti possunt. Nec ad rem pertinet, quod hæ vsuræ non debentur stipulatione, sed officio iudicis, quia in bonæ fidei iudiciis, tantundem officium iudicis valet, quantum in strictis iudiciis, nominatim de ea re facta stipulatio, vt diserte traditur in l. quia tantundem, de neg. gest.

Huic obiectioni tacite occurritur hoc rescripto in fine, hoc modo. Dissimilis causa est vsurarum stipulatione promissarum, & vsurarum, quæ in bonæ fidei iudiciis, officio iudicis debentur. Nam cum creditor & sortem stipulatus est, & separatim sortis vsuræ, duæ sunt stipulationes, ex quibus duæ separatæ actiones nascuntur, vna sortis & altera vsurarum, quæ cum sint diuersæ, & de duabus diuersis rebus, vna iudicio conclusa & finita, alteram non consumit, vt accidit in plurib. actionibus, quæ de diuersis rebus competunt, l. si sine, §. primo, de condictione furt. Diferens est cum vsuræ in deposito, exempli gratia ex mora debentur officio iudicis. Hic enim non sunt, duæ actio-

duæ actiones, vna sortis, altera vsurarum, vt supra, sed vna sortis, depositi, vt docui, quo fit, vt ea actione sublata amplius de vsuris agi non possit. Actio sortis fuit principalis actio, vsurarum præstatio accessoria. Principali obligatione & actione sortis sublata, non ost accessioni locus, *l. cum principalis, de regul. iur. leg. 2. de pec. legat.*

Nō obstat quod dicitur in bonæ fidei iudicio, officium iudicis tantum valere, quantum valet stipulatio. Hoc enim ita est, quamdiu officium iudicis manet. Prius enim est, vt sit officium iudicis, deinde quæri oportet, quid valeat. Quod si nullū officium iudicis est, sequens quæstio tollitur. At si in deposito vna est tantum actio sortis, ea actione sublata, nullum iudicium futurum est. Si nullum iudicium, nullus iudex. Si nullus iudex, nō potest intelligi officium eius iudicis, qui non est. Porro in proposito, vbi iudex sortis tantum condemnationem fecit, neque vsurarum meminit, actio principalis de sorte sublata est. Horum responsio incidebat in nouā reprehensionem. Falsum enim est cum reus de sorte condemnatus est, sublata esse actionem sortis, quæ prius deponenti competebar. Nam litis contestatio deteriorem deponentis conditionem non facit, sed meliorē. *l. non solet. l. nemo enim. de regul. iur.* Ante litis contestationē competebar depositi actio de sorte, ergo & post litem contestatam cōperet, vt litis contestatio non minuat ius præcedens, sed augeat. Si post litis contestationem vetus actio mansit, etiam manebit post condemnationem rei, eiusque depositarii, quia hæc condemnatio pro actione est. Quod pro aliquo est, non debet aduersus eum conuerti, *l. nulla, de legib. l. quod favore, supr. de legib. l. non eo minus. supr. de procur.*

Huic quoque obiectioni, hoc rescriptū in extremis verbis fatetur, verum esse post litis contestationem & condemnationem rei factam, manere veterem actionem depositi de sorte, cum ait: *Iteratam actionem rei iudicata exceptione remoueri.* Non remouetur actio vetus iterata, nisi actio iure summo consistat, *in pr. & §§. seqq. Instit. de except.* Proinde cum dicitur, deponentem iterum agentem, remoueri posse exceptione, hoc ipso fatetur rescriptum, veterem actionem illi mansisse, sed ita mansit, vt sit inefficax. remouetur enim exceptione rei iudicatæ. Nihil autem interest, vtrum quis actionem non habeat, an actio per exceptionem infirmetur, *l. non interest, de regul. iur.*

Hæc ratio & solutio rescripti incidit in maiorem difficultatem, *ex l. euidenter, D. de excep. rei iud.* vbi traditur, euidenter iniquum esse, exceptionem rei iudicatæ nocere ei, secundum quem iudicatum est legē. Ergo si idem postea de eadem sorte ager, non poterit submoueri exceptione rei iudicatæ. Proinde recte & vtiliter de sorte ager, & vt de sorte recte ager, sic recte vsurarum astimationem circa huius actionis executionem officio iudicis habebit, conuersa superiori ratione, qua dicebamus ideo in proposito vsuras peti nō posse, quia principalis actio nulla esset. Vulgo probant solutionem. Accursii tertiam, vt dicamus hic non tolli petitionem vsurarum, propter sententiam, qua secundum actorem iudicatum est, sed propter consequentiam iudicati, quia principalis actio sublata sit. Ex quo euenit, vt principali causa sublata de accessionibus agi non possit.

Hæc solutio dupliciter vitiosa & repudianda est.

Primò, quia falsa est, & aperte huius rescripti verbis aduersatur. Verba enim non dicunt, amplius de vsuris agi non posse, sed si agatur, eam petitionem exceptione rei iudicatæ submoueri posse, sed loquuntur de actione principalis sortis. Sic enim verba sunt: *Iterata actio submouetur.* Ea actio iteratur, qua prius actum est. Propositum est autem, actum prius fuisse depositi, id est, actione principali de sorte. Non est satis: Verba concepta sunt de ea actione, ex qua condemnatio facta est. At aperte propositum est, condemnationem factam esse de sorte, non de vsuris. Ex quibus liquido apparet rescriptū hæc dicere: si post condemnationem sortis veteri actione de sorte agatur, eam ipsam actionem remoueri posse rei iudicatæ exceptione, *dict. leg. euidenter.* Vnde † quæstio est, an possit, nec ne remoueri. Isti autem dicunt, & pro confesso sumunt, eam actionem esse sublata. Itaque petunt principium, id est, id quod erat in controuersia, & ideo plane nihil dicunt, vt non tam sit responsio falsa, quam, vt dixi, nugatoria.

Sic habendum est, nisi dixerimus in proposito reum de sorte condemnatum esse, de vsuris autem per consequentiam esse absolutum, nunquam poterit actor veteri actione agens, exceptione rei iudicatæ submoueri. Nam si de sorte agit, ideo non nocet ei exceptio, quia secundum eum iudicatum est, vt quæ sententia pro eo est, non debeat aduersus eum conuerti, sed et si petet eadem actione vsuras, ideo non poterit submoueri rei iudicatæ exceptione, quia de vsuris aduersus eum iudicatum non est, imo ne iudicatum quidem quicquam est. Prius est autem, vt sit iudicatum, quam vt sit exceptio rei iudicatæ. Et ita se res habet in proposito, cum iudex condemnationem facit sortis, & si aperte de vsuris nihil dixit, tamen in vsuras reum absoluisse intelligitur per consequentiam prioris condemnationis.

Hoc intelligitur ex fine sententiæ & rei iudicatæ. Nam finis sententiæ diffinitiuæ est hic, vt velit iudex per hanc sententiam ab omni lite discedi, *leg. prima, de rei iudic. l. qualem, §. primo, de rec. & qui arb.* At cum iudex sententiam in iudicio depositi tulit de sorte, in quam reum condemnauit, non potest esse hoc animo, vt a controuersia sortis discedatur, quemadmodum per consequentiam discedatur a controuersia vsurarum & accessionum, quoniam fors principalis est, cui vsuræ accedunt, vt sublata principali controuersia, velit iudex etiam cōsequenter & accessiones tolli. Non possunt vsuræ & actio finiri sententia iudicis, nisi aut condemnatione rei aut absolutione, *leg. prima, de rei iudic.* Non condemnatur reum in vsuras, vbi solum condemnat eum in sortem. Proinde vi ipsa condemnando depositarium in sortem, in vsuras absolvere intelligitur. Et hoc est, quod traditur *in leg. bonæ. supra, de vsur. & l. terminato, infra, de fruct. & lit. expen.* Quoties de re principali sententia lata est, etiam de accessionibus iudicium finitum esse, vt de his amplius lis moueri non possit, siue sint vsuræ, siue fructus rei petita. Non possunt finiri hæ accessiones, vt dixi, nisi absolutione iudicis, cum sententia omnis constet vel condemnatione vel absolutione, *dicta leg. prima, de rei iudic.*

Secundum hæc recte ad solutionem obiectionis ita dicemus: Si cum reo de sorte condemnato, actor idemque deponens, iterum agat veteri actione

de forte, siquidem agit de forte, propter sortem, recte agit, nec poterit exceptione rei iudicatae repelli, quia secundum eum de forte iudicatum est. *ex dist. l. euidenter, de exceptio. rei iudic.* Sed si veteri actione, si de forte agit, non propter sortem quam consequi velit, sed propter viuras fortis, ut in proposito accidit, submouebitur rei iudicatae exceptione, commutata priore ratione, quia agit earum rerum nomine, de quibus sententia aduersus eum lata est. Reus enim de iis est absolutus, ut dixi. Bene enim hoc rescripto dictum est: Si fortis condemnatio tantum facto sit iterata, actionem etiam de forte, exceptione rei iudicatae remoueri, quae iteratur non propter sortem, sed propter viuras aduersus rem pro reo contra actionem iudicatam.

Sed reprehenditur vulgo haec solutio, ut est in glossa. Accursii hic, *ex leg. si autem. §. si quocunque, de negot. gest. & l. quod in diem, §. primo, de compe.* Ex quibus locis colligitur, si eodem iudicio de pluribus rebus actum sit, & iudex, de quibusdam reum condemnauerit, non ideo videri iudicem de ceteris iudicasse, sed de ceteris integram actionem manere. Species eorum locorum haec est. Dominus cuius negotia gesta erant, egit negot. gestor. aduersus eum, qui gesserat, de iis rebus, quae ad eum ex iis negotiis peruenerunt, aut culpa eius factum erat, quo minus peruenerunt. Negotiorum gestor contra dicebat: se quosdam sumtus in eam administrationem fecisse. Itaque eorum fructuum compensationem obiciebat actori. In illis locis scriptum est, si iudex reum condemnauerit domino negotiorum, & de compensatione fructuum nihil dixerit, sed tantum eius compensationis rationem non habuerit, non ideo videri absoluisse dominum de iis sumtibus, sed superesse actionem contrariam gestori negotiorum, neque eum metuere exceptionem rei iudicatae.

Respondeo: In exemplo superiorum locorum apparet de mutuis petitionibus actum fuisse, quarum una proficeretur ab actore aduersus reum, altera a reo aduersus actorem. In iis recte ita dicimus. Quoties mutuae sunt actiones & petitiones in iudicio, quae sunt de diuersis rebus, & diuersis competunt, idcirco haec actiones inter se nihil commune aut coniunctum habent. Vnde fit, ut si iudex de vna sententiam tulerit, nihilominus reliquae integrae maneant, quae ex priore sententia non pendent, nec quicquam ut dixi, cum priore sententia commune habent. Sed si de vna actione agitur, ut in proposito actum est actione depositi, dicendum est, si de ea actione iudex pronuntiauerit ad aliquam summam, de superfluo quoque iudicasse videri, & maxime si de forte id est, de re principali iudicauit. Nam principali controverfia sublata, etiam hoc animo fuit, ut finirentur accessoriae, reo exceptione absoluto. In quam sententiam hic locus est, sed expressior in leg. in bona. supra, de usur. Plus dicimus, quoties una actione actum est, in qua de pluribus capitibus agitur, veluti si agatur tutelae aut negotiorum gestor. ex diuersis administrationibus. Si iudex reum condemnauerit ex hac actione in vnam aliquam summam, hoc ipso ita de hac summa iudicasse intelligitur, ut velit actionem & iudicium hac summa finire, & ideo velit reum de superfluis absolui, quae sententia est leg. pri-

ma, supra, si aduers. rem.
iudic.

Ad L. 5. Propter instrumenta.

Imp. Valerianus & Gallienus AA. & Valeria-
nus Caesar Claudiano.

Propter instrumenta quidem, quae te deposuisse cum aduersario tuo dicis, ut, residua pecunia, quae ex conducti-
one debebatur, soluta, ea reciperes: si id quod placuerat im-
plesti, sequestrum potes conuenire. Quamuis autem haec
reddita non fuerint: tamen aduersus eum, a quo fundum
conduxeras, si omne, quod ex contractu debebatur, reddi-
disti, ipsis solutionibus tutus es.

S V M M A R I A.

1 Sequester an teneatur actione depositi.

2 Sequester quis sit.

3 Sequestri & depositarii quid differant.

Haec lex & sequens sunt de sequestro, de quo recte hoc titulo agitur, quia in sequestro depositum est, *l. prope, D. eodem.* Vnde et sequester eodem modo, ut ceteri depositarii actione depositi tenetur, itemque eius heredes, *l. ei apud, l. si in Asia, §. cum sequester, D. hoc tit.* Est et sequester is, apud quem duo pluresue eandem rem, de cuius detentione controverfia est, certa conditione custodiendam reddendamue deponunt, ut patet ex his locis, *l. sequent. D. de verborum signifi. l. proprie, l. licet, D. eod.* Exempli causa, sequester est apud quem duo, qui de proprietate rei iudicio contendunt, eam rem deponunt apud tertium, ea lege, ut eam vincenti restituant, interim apud se afferunt. Item is apud quem duo pluresue, qui inter se transegerunt, aut quid contraxerunt, instrumentum transactionis, aut alterius contractus deponunt ea lege, ut restituant ei, qui promissa fecerit, de quibus in instrumento cautum erat, quod exemplum est huius legis & sequentis. Ex hac definitione apparet quod dixi, in sequestro depositum esse, & ideo cetera cum depositariis aliis, sequestro sunt communia.

Duo sunt et propria sequestris: vnum in personis agentium, alterum in specie restituendi agendine. In personis, quia cum vnus aut duo simpliciter rem aliquam deponunt, si in solidum singuli, in solidum repetere depositum possunt, si in communi singuli, repetere tantum possunt pro parte, *l. 1. §. sed si duo, D. hoc tit.* In sequestro contra vnus tantum depositum repetere potest, nempe is, de quo conuenit, ut ei depositum restitueretur, ut in exemplo huius legis. Idque est quod in *l. seq.* dicitur: Sequestrum seruare debere legem, quae depositum suscipit. Est autem haec lex, ut vni certo restituant, non vtrique, aut vni cui volet. In tempore depositi reddendi hoc proprium est sequestri, quod cum vnus aut plures, simpliciter aliquam rem deponunt, quamuis deponant, ut post aliquod tempus sibi reddatur, tamen statim repetere depositum possunt, quia quod cauerunt sua causa cauerunt. Ideoque licet illis id contemnere, *l. 1. §. est autem, & §. pen. D. h.* In sequestro contra non vnus prius ex iis, qui deposuerunt repetere potest, quam lex & depositi conditio impleta sit, quod hoc rescripto traditur in specie huiusmodi.

Conductor partem mercedis debitae soluerat locatori, reliquam partem promiserat se soluturum intra certum tempus, idque in instrumento cautum erat: cum de eo instrumento asseruando, neuter alteri fidem haberet, placuit inter eos, ut instrumentum apud tertium deponerent, ea lege, ut conductori restitueretur, si partem mercedis promissam persoluisset. Hic placet conductorem instrumentum repetere posse a sequestro.

sequestro qua actione supra dixi. Sed hac lege posse, si promissa impleuerit. Hoc ideo proprie seruatur in sequestro, quia non vnus solius deponentis interest, vt ei depositum reddatur, sed vtriusq; secundum legem deposito dictam; hanc legem & mentionē seruari oportet. Vbi autem vnus deposuit, eius solius interest ei reddi, vbi duo simpliciter deposuerunt, nihil interest vnus, alteri reddi, si tantum redditur, quantum conuenit.

Adicitur in hac lege: *Et si conductor in specie proposita instrumentum a sequestro non repetat, nihilominus tutum fore aduersus locatorem, si soluerit. Et recte.* Nam solutione eius quod debetur, tollitur omnis obligatio, nec nocet conductori instrumentum, quo partem mercedis promissit. Nam pecunia soluta, quæ instrumentum continetur, instrumentum incipit esse inane, l. 2. *supr. de cond. ex l.* Quid ergo opus fuit conductorem laborare de instrumento a sequestro repetendo? Respondeo: Id interest, quia non semper constare potest, illum soluisse. Igitur ad plenam cautionem & probationem liberationis, expedit ei instrumentum recipere. Nam instrumentum cancelatum, pariet ei exceptionem.

Ad L. 6. Is penes.

Impp. Dioclet. & Maximian. AA. & CC.

Alexandro.

Is penes quem vtramque partem transactionis, vel alia instrumenta commendasse dicis: legem, qua hac suscepit, seruare necesse habet.

SUMMARIA.

1. *Commendare idem quod deponere.*

2. *Sequestro officium deponere volenti, an liceat reddere cum volet, & custodia molestia liberari.*

ET hic de sequestro agitur, vt proxima lege dixi. Nam proponuntur partes tradidisse instrumenta transactionis, aut alterius contractus cuidam tertio, et ea; illi commēdasse. Commēdare ꝑ deponere est, vt dixi initio huius tit. Itaq; ponitur in summa, duos eandem rem apud aliquem deposuisse. Hæc autē est sequestri definitio, vt superiori lege dixi. Hic præcipitur: *Sequestrum legem, qua depositum suscipit, seruare debere.* Hoc præceptum duo continet, nempe vt sequester, neq; vtrique depositum reddat, neque vni cui volet, sed ei solum de quo conuenit, vt ei redderet, neq; reddat depositum statim, sed tunc, cum lex & conditio depositi impleta fuerit, vt est exemplum legis præcedentis. Itaq; interim exigitur a sequestro, vt rem depositam seruet. Quid ergo ꝑ si officium deponere velit sequester, an non licebit ei rem reddere cum volet, & custodia molestia liberari? Respondeo: Imo potest, sed certa lege & forma, quæ præscribitur in l. ei apud §. vlt. D. h. t.

Ad L. 7. Desiderium.

Impp. Dioclet. & Maxim. AA. Attico

Desiderium tuum cum rationibus iuris non congruit. nam si custodiam pecunia suscepisti, quam alius a te mutuo datam, conscriptum instrumentum, quo hanc tibi reddi proferis, arguit solutionem eius competentem improbe recusas.

SUMMARIA.

1. *Depositam pecuniam alii mutuo danti, an eo facto depositi liberetur.*
2. *Depositarius rem depositam amissam dicens, id probare debet.*

Qui pecuniam ꝑ depositam acceperat, eam alii mutuo dedit, fortasse non malo animo, sed vt eam bene collocaret. Queritur an eo facto depositi liberetur, cum depositarius nihil amplius debeat præstare re deposita amissa, quam dolum & latam culpam, l. 1. *supr. b.* Et placet eum nihilominus teneri, hac l. & l. seq. Merito, quia etsi forte nihil dolo facit in eo, q se putauit pecuniam bene collocare; tamen dolo fecit aduersus fidē datam, quia depositum accepit, vt redderet, pecunia autem mutuo data facit, ne possit reddere. Igitur propter dolum tenebitur: Et hoc ita si constet vel eius confessione, vel alia probatione euidenti, eum pecuniam depositam mutuum dedisse. Quid si neget se mutuo dedisse, sed solū dicat pecuniam apud se amplius non esse? Hic responderetur: Illum conuinci hoc modo posse, si is qui pecuniam deposuit, proferat instrumentum, quo depositarius confiteatur se pecuniam mutuo dedisse.

Hic oritur ꝑ quæstio, circa hanc probationem. Quid enim opus est probatione deponenti aduersus eum, quem constat depositum accepisse? Nam cum depositarius pecuniam acceperit, necesse est eū semper eam pecuniam habere, nisi possessionem mutauerit, vel facto suo, vel casu. Quod si pecunia se amississe dicat, quia dicit se possessionem amississe & mutasse, ideo hanc mutationē probare debet, l. sine possidentis. *supr. de prob. l. ei qui mutato. D. de prob.* Quod si id probare debet, frustra probationem a deponente exigimus, & frustra cauemus ei vt proferat instrumentum huius mutui. Respondeo: Ita res habet, vt depositarius omnis, qui dicit se rem depositam amississe, probare id debeat, vt probat loci supra scripti duo: Sed si dicit se amississe sine dolo malo, fides ei habebitur, nisi aduersarius dicat, eū dolo malo amississe. Id vero si dicat probare debet, l. quoties, §. qui dolo. *D. de probat.* Ad hanc rem probandam utilis erit huius loci cautio, si deponens doceat, depositarium pecuniam depositam alteri mutuum dedisse, ad quod probandum expedita ratio est in instrumento mutui. Itaq; nō temere de hac probatione hic respōdetur.

Ad l. 8. Si is qui.

Impp. Dioclet. & Maximian. AA. Alexand.

Si is, qui depositam a te pecuniam accepit, eam suo nomine, vel cuiuslibet alterius mutuo dedit, tam ipsum de implenda suscepta fide, quam eius successores teneri, certissimum est. Aduersus eum autem, qui accepit, nulla actio tibi competit, nisi nummi exstent, tunc enim contra possidentem vti rei vindicatione potes.

SUMMARIA.

1. *Successores depositarii, si depositarius res depositas alii mutuo dederit, an teneantur de deposito.*
2. *Actio depositi ex dolo defuncti an detur in heredem.*
3. *Actio depositi an detur aduersus eum deponenti, cui pecunia a depositario mutuo data est.*

Iam dixi in lege superiori, eum qui depositam pecuniam alii mutuo dedit nihilominus teneri, quia dolo fecerit quo minus eam posset reddere secundum fidem susceptam. Hic oriuntur duæ quæstiones, quæ hoc rescripto deciduntur. Primum: Queritur, ꝑ an etiam hoc casu depositarii successores reneantur? Et placet teneri. Hæc sententia videtur aduersari manifestis regulis & principiis iuris, vnde & dubitationem veterē habuit. Nam quæ actiones

ex maleficio & dolo alicuius nascuntur, hæ in heredes non dantur. Exemplo sunt hæ actiones: Actio quæ datur aduersus argentarium, ob rationes ab eo non editas, est ex dolo argentarii, *l. ubi, ff. de eden.* Ob hanc causam placet in heredem argentarii non dari, *l. ult. de eden.* Similiter actio, quæ datur aduersus mensorem, ex dolo mensoris cõpetit, *l. 1. §. hac actio. D. si men. fal. mod. dix.* Propterea in heredem mensoris non datur, *l. 3. §. 1. hanc actionem, D. si men. fal. mod.* Item tributoria actio aduersus dominum competit, si dominus dolo malo, male distribuerit mercem peculiarem, *l. illud. §. si cuius, de trib.* Et ob id etiam in heredem domini non datur, nisi quatenus ad eum peruenit, *dict. l. illud. §. ultim. leg. seq.* Ergo nec actio depositi, ex dolo defuncti, videtur in heredem dari debuisse, quia ex dolo est, item quia ex delicto est, nam dolus delictum est.

Hanc rationem ibi diluit Vlpianus in *l. si hereditatem, §. 1. D. hoc titul.* & respondet, actionem depositi, quæ datur in heredem ex dolo defuncti, non nasci dolo defuncti, sed esse actionem ex contractu, & quia ex contractu est, rei persecutionem continere, *iuxta §. sequens. Instit. de actio.* quoniam rei persecutio, etiam in heredem datur, *iuxta l. si pro fure, §. ultim. de condi. fur. l. in honorariis, de obligat. & actio.* Quæret aliquis quomodo hæc actio ex contractu dici debet, cum competat ex dolo, & ob dolum defuncti? Respondeo: Etsi postea dolus defuncti in deposito interuenit, tamen initium obligationis natum est ex deposito, id est, ex eo, quod depositum custodiendum suscepit. Ex hoc initio recte obligationem & actionem ex contractu esse dicimus, quoniam in omni contractu, initium cuiusque contractus spectare oportet, & causam, *l. si procurator, in prin. D. mandati.* Inde traditum generaliter ex contractibus venientes actiones in heredes dari, etiam si delictum defuncti in iis versetur, *leg. ex contractib. D. de obl. & act.*

- 2 Deinde quæsitum est in specie proposita, an depositi teneatur is, cui pecunia mutuo data est a depositario? Et placet non teneri actione depositi, aut alia actione in personam. Merito: Quia eiusmodi actio non potest nasci in hoc facto, nisi in contractu. Nullus autem contractus interuenit, inter dominum pecuniæ, & eum qui pecuniam a depositario accepit, quoniam inter hos nullum negotium gestum est, nullus consensus intercessit. Non est autem contractus, sine consensu & conuentione, *leg. 1. §. 1. vers. adeo, de pact.* Idem traditur quod hoc loco, *in l. non aduersus, si cert. pet.* Sed is, qui pecuniam mutuam accepit, teneri potest deponeri, actione in rem, iis conditionibus, quæ in hac actione instituenda, necessariae sunt. Sunt autem hæ, ut qui agit dominus sit, is cum quo agitur rem domini possideat, *l. actionem, de obl. & actio. l. in rem, de rei vindic.* Et secundum hanc regulam, dicitur in hoc rescripto, eum, qui mutuam pecuniæ accepit, teneri, actione in rem si nummi exstent. Quod sic intelligere debemus, si exstent apud eum, id est, si possideat. Sed & hanc actionem sic interpretari oportet, ut nihilominus teneatur idem, si nummos dolo deserit possidere, *l. qui petitorio, in pr. D. de rei vindic.* Neque id aduersatur huic loco, ubi exigitur nominatim, ut nummi exstent: Nam hic tenenda est regula iuris: Nihil interesse, utrum quis possideat, an dolo deserit possidere, Dolum ubique pro possessore esse, *l. pacem, l. qui dolo, de reg. iur.*

Adl. 9. Cum hereditas.

Impp. Dioclet. & Maximinian. AA. Menophylo & ceteris.

Cum hereditas personam domini sustineat: ab hereditario seruo priusquam patri vestro successeritis, res commendatas, secundum bonam fidem ab eius, qui suscepit, successoribus apud rectorem provincie petere potestis.

S Y M M A R I A.

- 1 Actio depositi an detur domino ex contractu serui.
- 2 An idem in seruo hereditario.
- 3 Seruus hereditarius quis.

Quicquid si seruus gerit, aut contrahit, ex eo, domino actio acquiritur, *l. ultim. D. de stipul. §. seruorum, Instit. de stip. seru. l. acquiruntur, de acquir. rer. domin.* Proinde si quid seruus deponat, depositi actio domino dabitur, *l. 1. §. non solum. D. hic.* Quæsitum est si de seruo hereditario, si is rem aliquam deposuerit. Appellatur autem seruus si hereditarius is, cuius dominus mortuus est, & hereditas adhuc iacet, nemine herede existente, *§. seruus autem alienus, Instit. de hered. instit. l. non eo minus, de hered. instit.* Vetus est dubitatio, quæ ex hac re nascitur: Nam placet seruum stipulari & contrahere posse, ut dixi, ex persona domini, ut si dominum non habeat, contractus & quod cum eo geritur non consistat, *Instit. de seru. stipul. in prin.*

Porro, non videbatur seruus hereditarius dominum habere, non enim habet defunctum, qui esse desiit, non habet heredem domini, quia nullus heres adhuc exsistit. Et placet nihilominus seruum hereditarium omnia gerere recte posse, & cum eo omnia recte geri, ut quod per eum acquiritur, id acquiratur heredi, & per hereditatem heredi postea futuro. Nec obstat, quod dominum exigimus. Nam hic placuit hereditatem domini locum obtinere & sustinere personam defuncti non heredis futuri. Hæc in *l. in eo, §. ultim. & l. seq. l. hereditas, 2. de acquir. rer. dom. l. non eo minus, de hered. instit. toto tit. de stip. seru. in pr. & §. 1.* Id autem est quod hoc rescripto confirmatur.

Ad L. 10. Qui depositum.

Impp. Dioclet. & Maximian. AA. & CC. Septimæ.

Qui depositum non restituit, suo nomine conuentus & condemnatus ad eius restitutionem cum infamia periculo urgetur.

S Y M M A R I A.

- 1 Depositum damnatus sit infamis.

Ne is qui depositum accepit, cesset depositum reddere, denuntiatur illi hæc pœna. Non enim solum iudicio cõueniri potest actione depositi in rem depositam, sed in pecuniæ depositæ, vel ex causa depositi debitorum vsuras, *l. 2. 3. 4. §. hic.* Sed hoc amplius ex edicto prætoris de iis qui notantur infamia depositi, si damnatus sit infamis his conditionibus, si damnatus sit suo nomine, nec contrario iudicio. Exstat clausula, in *l. 1. vers. qui pro socio, de iis qui notantur infam.* Quid autem contineant superiores conditiones duæ, declaratur in *l. furti, §. 1. & §. ult. de iis, qui notantur infam.* vnde definitio huius loci sumpta est.

Ad L. Penult. Si quis.

Imp. Iustinianus A. Demostheni P. P.

Si quis vel pecunias, vel res quasdam per depositionis acceperit titulum: eas volenti ei, qui deposuit, reddere illi-
co modis omnibus compellatur: nullamque compensatio-
nem, vel deductionem, vel doli exceptionem opponat, qua-
si & ipse quasdam contra eum, qui deposuit, actiones per-
sonales, vel in rem, vel hypothecariam pretendens: cum
non sub hoc modo depositum acceperit, ut non concessa ei
retentio generetur, & contractus, qui ex bona fide oritur,
ad perfidiam retrahatur. Sed & si ex utraque parte ali-
quid fuerit depositum: nec in hoc casu compensationis
prædictio oriatur: sed deposita quidem res vel pecunia ab
utraque parte quam celerrime sine aliquo obstaculo resti-
tuantur, ei videlicet primum, qui primus hoc voluerit: &
postea legitima actiones integra quoque ei referantur.
Quod obtinere (sicut iam dictum est) oportet, & si ex v-
na parte depositio celebrata est, ex altera autem compen-
satio fuerit opposita: ut, integra omni legitima ratione ser-
uata, deposita res vel pecunia prima fronte restituatur.

¶ 1. Quod si in scriptis attestari non per dolum vel frau-
dem fuerit ei, qui depositum suscepit, ab alio transmissa,
ut minime depositum restituat, hocque per iusiurandum
affirmaverit: liceat ei, qui deposuit, sub defensionis cautela
idonea præstita, res depositas quam ocyssime recuperare.

S V M M A R I A.

- 1 Depositum reddere, an omnis, qui suscepit, cogatur.
- 2 Depositum, an omni, qui deposuit, sit reddendum, etiam furi & pradoni.
- 3 Depositum illico & confestim reddendum, si modo depositarius possit, & aliud nihil conuenerit. & nu. s. etiam sine omni exceptione doli. nu. 8.
- 4 Lex depositionis seruanda est.
- 5 Compensatio in deposito locum non habet.
- 6 Deducere quid.
- 7 Depositum si ab utraque parte interuenerit: an depositarius compensatione uti possit.
- 8 Depositarius an possit uti exceptione doli.
- 9 Quibus ex causis res debita a reo petita retineri possit. & nu. 11.
- 10 Depositarius an possit uti exceptione spoliationis, si de deposito reddendo conuentus fuerit.
- 12 Canere idonee quid.
- 13 Summa huius legis.

S V M M A constitutionis est: Qui rem aliquam de-
positionis titulo, id est, ex causa & nomine depo-
siti datam suscepit, eam restituere debet reposcenti
ei, qui dedit: idque confestim, & præterea sine vlla
exceptione, quæ spectet vel ad compensationem, vel
ad rei alioqui debitæ retentionem, præterquam vno
casu, de quo postea suo ordine. Iubetur tamen depositum
reddere is, qui suscepit, an omnis? Respond Omnis,
qui modo iure civili obligari potest, præterquam si
res apud dominum rei sit deposita, dominus depositi
actione non tenetur, l. bona. §. ult. ff. eod. Non aduer-
satur generalis definitio huius legis, quoniam hac le-
ge iubetur restitui id, quod depositum est, vel datum
ex causa depositi. Quod idem valet, cum apud domi-
num res sua deposita est, nullum est depositum, de-
positum rei nostræ non consistit, l. neque pignus. de re-
gul. iur.

¶ Iubetur tamen reddere depositum ei, qui deposuit, an
omni? quid enim si non sit dominus, qui deposuit,
quid si fur sit aut prado, qui rem ereptam deposue-
rit? Resp. Placet nihilominus & furi & pradoni de-
positi actionem competere, ut quod deposuerunt
recipiant, quia in deposito non quæritur, cuius res

sit, sed quis deposuerit, & spectatur hoc solum, an e-
ius intersit. Interest autem furis & pradonis, rem re-
cipere, cuius nomine tenentur, l. 11. §. si prado. ff. eod.
Idem in commodato traditur in l. ita ut. ff. commod.

Iubetur tamen restituere depositum illico seu confe-
stim. Hoc sic accipiendum est, si modo possit deposti-
tarius statim reddere, & nihil aliud conuenerit. Ce-
terum si sine dolo malo depositarii res sit in alio lo-
co, quam ubi petitur, aut sit inclusa in horreis, quo-
rum aperiendorum nunc facultas non sit, deposti-
tarius non tenetur prius reddere, quam in eum locum
peruenire possit, ubi res deposita continentur, l. 1. §. si
etiam. in fin. ff. h. Idque ex eo dicimus, quia non debet
res deposita alicubi præstari, quam ubi est, si modo ibi
sit, sine dolo depositarii, nisi velit is, qui deposuit eam
iudicio peti, & transferri eo, ubi nunc agitur suis
sumtibus, quod si petit, audiendus est, l. si in Asia. §. 1.
ff. h. Nec hic quidem aduersatur generalitas defini-
tionis huius legis. Quoties enim lege volumus ali-
quem compelli ad id præstandum, ad quod obliga-
tus erat, natura semper inest hæc conditio, ex natura
obligationis, si res per rerum naturam præstari pos-
sit, quoniam impensarum nulla est obligatio, l. imp. de
reg. iur. Eiusdem generis defensio est, si depositum
custodiendum datum sit certa lege & condicione.
Non enim prius reddi debet ex conuentione, quam
conditio exstiterit, d. l. 1. §. est autem. in fin. ff. h. Quip-
pe contractus ex conuentione legem accipit, d. l. 1. §.
si conuenit. ff. h. Sed monendi sumus, huic exceptioni
solum locum esse in sequestro, ubi duorum depo-
nentium interest, ne res vni reddatur ante conditio-
nem impletam. Ob hanc causam placet hic tamen legem
depositionis seruandam esse, l. propter. l. is penes. supr.
Quod si vnus rem deposuerit, quamuis deposuerit
ea lege, ut sibi redderetur post certum tempus, vel
cum aliqua conditio exstisset, non prohibetur ea
adiëctione, quo minus depositum statim reposcat, l.
1. §. pen. ff. hoc tit. Et merito, quia qui deposuit, legem
hanc adiecit, sua causa, non depositarii, cum in de-
posito, solum onus depositarii versetur. Quod nostra
causa cautum, constitutumve est, licet nobis eo non
uti & id repudiare, cum volumus, l. pen. sup. de pact. l. si
index circumuento. de min.

Iubetur tamen depositarius non solum depositum red-
dere confestim, sed etiam hoc additur, ut reddatur si-
ne vlla exceptione, quæ ad compensationem, vel ad
retentionem spectat. I. Hæc constitutio repudiat o-
mnem compensationem in deposito, quia sic intelli-
gere debemus, ut quamuis depositarius pecuniam
solum debeat, ex causa depositi, puta quia dolo ma-
lo deserit rem possidere & velit compensare pecu-
niam, quæ sibi ex alia causa debetur, eaque causa sit
liquida, puta quia actor de ea causa confiteatur, ta-
men sic ius sit, ut non possit uti compensatione, sed
statim cogatur depositum reddere, seruata ei actio-
ne, de eo quod sibi deberi dicit. Hoc intelligimus ex
l. ult. sup. de compens. ubi si pecunia debita, cum pecu-
nia mutuo debita compensetur, ex ea causa, quæ li-
quida sit, placet compensationem admitti in ceteris
causis, excipitur depositi causa. Quemadmodum re-
pudiatur compensatio totius pecuniæ depositæ, aut ex
causa depositi debita, sic repudiatur hic compensatio
partis, quæ compensatio appellatur in l. deductio. ut recte
Accursius accepit. Nā deducere tamen dicimus, cum ex eo
toto, quod a nobis petitur, aliquid detrahimus, quo
detracto reliquum præstare volumus, nempe quæ de

re tota constituntur, eadem recte constituuntur de parte, *l. qua de tota. de rei vindic.*

7 Hic oriebatur dubitatio: Quid tamen si ab utraque parte depositum interuenit, puta, deposui apud aliquem pecuniam, is prius apud me rem deposuerat, cuius rei nomine debeam ei tantundem, quia dolo rem amissem. Queritur, si ego rem a me depositam repetam, an depositarius non possit uti compensatione ex eadem causa depositi? Prima ratione videtur uti debuisse, quia in pari causa potior est causa possessoris & rei, *in pari, de reg. iur. l. si seruus §. sequitur, cir. fin. de verb. oblig.* Pro hac sententia facit, quod cum duo sunt priuilegiarii, quorum unus cum altero agit, veluti si minor velit restituere aduersus minorem, placet potiore causam esse debere eius, cum quo agitur, *l. verum, §. item queritur, ff. de min.* Aduersus hanc dubitationem cautum est, *hac lege, in vers. sed etsi.* ne in hac quidem causa compensationem obici posse, & recte. Est enim semper eadem compensationis causa, quam antea constitutio repudiat. Nihil ad rem pertinet regula iuris. Nam cum quis depositum repetit ab eo, qui depositi compensatione uti postulat, non est par causa utriusque, & agentis & rei. Nam actor prius petit depositum, reus posterius. Proinde actoris potior causa, hoc ipso, quod prior tempore petit. Deinde in hac controuersia reus idemque depositarius non est possessor neque reus. Nam si mutua petitione & reconuentione depositi utitur, aperte actor est non reus. Sed etsi non petitione utatur, sed tantum exceptione compensationis, tamen idem dicendum est, quia reus in exceptione actor est, *l. i. de excep. l. in excep. de probat.* Nihil etiam ad rem facit, quod cum minor cum minore agit, id est, priuilegiarius cum priuilegiario, reus potior habetur. Hoc enim tunc locum habet, cum uterque idem priuilegium obtinet, in ea re, quae petitur, ut accedit, cum minor a minore eandem rem petit. Id autem in specie proposita non accidit. Nam depositarius habet priuilegium in deposito suo, seu in ea re, quam ipse deposuit, sed non habet priuilegium in ea re, quae apud eum deposita est. Merito ergo in ea re priuilegio non utitur etsi verum sit, depositi actionem hoc priuilegium habere, ne ei compensatio opponatur, *d. l. ult. cir. fin. sup. de compens.*

8 Præterea tamen repudiatur hac lege omnis exceptio doli, quæ spectet ad retentionem rei, præterquam vno casu. Duæ tamen sunt autem causæ summæ, propter quas res debita petita a reo retineri possit, aut retineri posse honesta specie æquitatis videatur. Vna causa est, si depositarius dicat, *se vicissim habere aliquos actiones, vel in personam, vel in rem, vel hypothecam, aduersus actorem*, ut sic dicat, *tu mihi tantundem debes ex alia causa, tu prius solue quam depositum reddo, vel, tu rem meam prius possides, hanc prius redde, vel, tu illam rem mihi pignori obligatam tenes, hanc prius restituere, tum demum depositum tibi reddam.* Et placet, omnem exceptionem, quæ hac defensione etiam nitatur, non ob stare deponenti, quo minus res deposita ei statim restituatur. Hoc in ceteris actionibus minus dubitationis habet in duabus habere potuit.

Vnde intelligimus ex hac lege, etiam in illis causis omnem exceptionem remoueri, qua depositum remouetur. I. In ceteris contractibus veluti in deposito, aut in pignore, si commodatarius sumtus fecerit in rem commodatam, creditor in rem pignori obligatam, placet eum eorum sumtuum nomine ha-

bere rei retentionem per exceptionem doli mali, *l. creditoris, §. ult. l. si is qui rem commod. de furt.* Ex hac lege dicimus, etiam hanc retentionem remoueri, quamvis depositarius sumtus aliquos in rem depositam fecerit. Nam de his sumtibus actionem in personam habet, nempe actionem contrariam depositi, ut initio ostendimus. Ea ergo actione postea suo loco utetur.

Hinc etiam colligimus, depositarium tamen exceptione spoliationis uti non posse, quo minus depositum statim reddat. Propone ita: Depositarius deiectus erat de possessione fundi ab eo, qui vel ante vel postea rem aliquam apud eum deposuit, is conuenitur depositi a deponente, utitur hac defensione, dicit se vi eiectum esse ab actore de illo fundo, petit, ut prius restituatur sine exceptione, quam cogatur de deposito respondere. Dicimus ex hac lege, eum non esse audiendum, idque verba liquido ostendunt, quia utitur exceptione doli ad retinendum depositum, hac ratione, quod dicat, se habere actionem personalem, aduersus actorem. Nam interdicta est actio, siue sit in personam, siue in rem, *l. actio, de act. & oblig.* Porro verba legis eiusmodi exceptionem aperte repudiant. Sane si is, qui spoliatus est, possessor prius interdicto agat, ut restituatur, si actor incipiat ab illo depositum petere, recte depositarius petet sibi prius de vi & spoliatione satisfieri, idque colligitur ex *l. ult. sup. de compens.* Nam quod priuilegium tribuitur depositario illi, idem tribuitur deiecto & spoliato in fine eius legis. At aduersus deponentem nulla sponcione, aut doli exceptione ad retinendum uti possumus ex eo, quod aliquam actionem aduersus eum habeamus, *h. l.* Ergo nec aduersus spoliatum iisdem exceptionibus uti licebit, quo minus res restituatur. Prior sententia, quam dixi, confirmatur in *c. bona fides, vers. sane ex deposito.* Posterior confirmatur in *c. super, extr. de ord. cogn.*

Altera causa est, tamen quæ honeste ad retentionem rei debita petita obtenditur, si extraneus denuntiet depositario, ne rem depositam deponenti restituatur, quoniam se dicat eius rei dominum esse, & se velle cum depositario de ea experiri. Ex hac causa recte res retinetur in controuersia proprietatis. Nam si quis rem a possessore vindicer, ut rei dominus, & existat alius, qui se dicat dominum esse, & denuntiet possessori, ut rem priori non restituatur, placet possessorem priori domino rem restituere non debere aliter, quam si is caueat se possessorem defensurum aduersus eum qui obnuntiauit, *l. is a quo, de rei vindic.* Et iusta causa retentionis est in hac specie. Nam possessor post controuersiam ab alio extraneo motam, incipit mala fide possidere, & illi extraneo teneri, siue rem possideat, siue desinat eam possidere, quia quandoque desinat, non potest desinere sine dolo malo, *litem veniunt, §. peritam, l. sed etsi leg. §. si ante litem, de perit. hered.* Idem periculum creator depositario, si extraneus existat, qui illi controuersiam moueat rei depositæ. Inde quaesitum est, an in hac specie depositarius recte usus sit exceptione ad rem depositam retinendam, nisi sibi cauetur a deponente?

Et placet in hac *l. in §. ult.* & depositario eandem exceptionem ad retentionem recte dari. Nam Iustinianus ita constituit, si attestatio in scriptis transmissa sit ad depositarium, ab extraneo, ne depositarius depositum redderet, & depositarius iure dolo malo suo factum id non esse, posse deponentem

tem statim recuperare depositum, sed hac conditione, defensionis cautela idonea prius præstita, id est, si deponens idonee caueat depositario, se illum defensurum, si ab extraneo obnuntiante cornueniatur. Cauere est stipulanti depositario promittere, *l. sancimus. j. de verb. sig.* Idonee t. cauere, est cauere fideiussoribus datis, aut pignoribus, *l. 4. §. adiciit. de fid. lib.* Quod & iuris auctores dicunt recte caueri, *l. 1. §. inbet. de col. lat.* Sed interim exigitur a deponente, vt idonee caueat, se depositarium in proposito defensurum. Ex quo colligitur depositario competere exceptionem ad rem retinendam nec restituendam, si illi idonee non caueatur, *arg. in l. 1. vers. eius. ff. de offic. eius, cui mandat. est iurisd.* Ergo in hac specie hæc exceptio potius admittitur, ad depositum retinendum, quam superiores exceptiones, de quibus dixi. Respondeo: Vt æquum est depositarium reddere depositum, cum repetitur: sic æquum est, eum ita reddere, ne ei sit officium suum damnosum, *l. si seruus. §. quod vero. de fur.* At non potest post hanc obnuntiationem extranei interpositam reddere depositum, sine damno suo, quoniam futurum est, vt semper obnuntianti teneatur, hoc periculo, non potest liberari, nisi illi caueatur, fore vt defendatur aduersus obnuntiationem. Iure ergo hæc cautio prius a deponente exigitur.

Sed notandum est, hanc cautionem a deponente exigi, eoq; depositario retentionem concedi, si duo concurrant. I. Exigitur in hac obnuntiatione extranei, vt attestatio & obnuntiatio hæc scripto transmittatur ad depositarium. Quid ergo si extraneus sine scripto idem obnuntiarit testibus presentibus? dicemus hanc obnuntiationem nihil prodesse ad depositum retinendum, quamuis deponens nullam idoneam cautionem defensionis offerat, quoniam nulla idonea cautio scriptam exigit. Cur ergo hic potius scripti attestatio exigitur, cum in exercendis litib. eandem vim habeant ad hanc probationis testes & instrumenta, *l. in extran. §. de fid. instr.* Ratio differentia est, q. attestatio scripta statim pferri potest in iudicio: vbi autem res pbatatur tantum testibus, probatio longa est, & diutius differitur depositum. Consilium autem Iustiniani est, ne diu depositi restitutio differatur. Hinc intelligimus, attestationem non scriptam depositario non nocere, quo minus rem depositam reddat ei statim, qui deposuit, & imputet sibi extraneus qui obnuntiauit, quod non obnuntiauerit scripto, vt hæc lex exigit.

Præterea exigitur ad hanc retentionem depositi, vt depositarius iuret attestationem hanc interpositam sine dolo & fraude sua. Querat aliquis: Ad quid hoc iusiurandum. Nam depositarius non debet probare attestationem missam sine dolo suo: si enim deponens dolum obicit, ipse pbari debet, non is qui negat sine dolo suo factum, *l. quories. §. qui dolo. de probat.* Resp. Apparet iusiurandum hic exigi hac l. non ad probationem, quæ depositario non est necessaria, sed ad ipsius purgationem, & maiorem confirmationem deponentis. Hæc cum ita sint, siue nullus extraneus prohibuit depositario, ne depositum redderet; siue prohibuit, sed sine scripto, siue attestatio scripta interuenerit, sed depositarius iureiurando se purgare non vult, nihil dolo malo a se factum, siue etiam superiora omnia interuenerint, & deponens idoneam cautionem defensionis offerat, iis omnibus casibus restitutio depositi differri non potest: solum ergo vno casu potest differri, si cum superiora interuenerint, deponens non caueat idonee, se depositarium defensurum. Ex

iis apparet, verum esse, quod initio posuimus, depositum reddendum esse reposcenti, confestim, & sine vlla exceptione, quæ spectet ad compensationem aut rei debitæ retentionem, præterquam vno hoc casu postremo, quem modo ostendimus.

Diuerſa causa est omnium aliarum exceptionum, quæ contineant vel solutionem, vel liberationem, vel generaliter inficiationem debiti ex causa depositi, de quibus ita definiendum est: Quæcunq; defensiones a depositario afferuntur, quæ defensiones eo spectant, vt neget se debere, seu teneri se ex causa depositi, eæ depositi actioni omnes recte opponuntur, & deponentem agentem submouent, siue summariam & presentem probationem habeant, siue sic considerent maiorem inficiationem. Exempla sunt: Cōuentio pacti conuenti, iurisiurandi, rei iudicatæ. Finge hoc modo: Repetitur depositum a depositario. Is se ita ruetur, quod dicat de eo transactum esse, actorem pactum esse, ne amplius peteret, aut actorem prius de eo iusiurandum derulisse, se autem iurasse nihil se ex ea causa dare oportere: aut dicat secum iudicio actum esse de eadem re, & se absolutum esse. Quæro an hæ exceptiones aduersus actionem depositi admittendæ sint, præsertim si de iis non constet, sed longiorem quæstionem habeant, propter difficultatem probationum? Dicimus admittendos esse, nec prius damnari debere depositarium, quam re diligenter cognita constiterit, eum probationes non probare, iis enim probatis absolui debere.

Hæc sententia multis modis probatur. I. Quæ de exceptionibus seruantur in actione ad exhibendum, placet eadem seruari in actione depositi, quia actio ad exhibendum summaria sit, *l. si in Asia. §. 1. ff. de pos.* At in actione ad exhibendum admittuntur hæ exceptiones, pacti conuenti, iurisiurandi, rei iudicatæ, *l. 3. §. ibidem. ff. ad exhib.* Ergo & in iudicio depositi admittendæ sunt. Id etiam euincit certa ratio. Nam depositarius non est cogendus quicquam reddere ei, qui actionem non habet, cum ius persequendi sit solum in actione, vt est definitio actionis, *in Instit. de act. in pr.* At deponens, qui superioribus exceptionibus remouetur, actionem iure efficacem non habet: nihil enim interest, vtrum quis actionem non habeat, an actio per exceptionem infirmetur, *l. nihil inter. est. de reg. iur.* Proinde ei, qui his actionibus submouetur, nihil restitui necesse est. His accedit rei æquitas. Nam non possunt reiici hæ exceptiones sine manifesta iniuria depositarii. Posteaquam enim depositum restituerit, contemtis iis exceptionibus, deinceps ei inutiles exceptiones futuræ sunt, cum iam soluerit, & hæ exceptiones prosint solum ad rem retinendam, *l. 2. & 3. de compens.* Sed nec solum condicere potest, nulla enim condictio est eius quod soluitur ex causa iudicati, *l. 1. de condict. indeb.* Hoc cum sit iniquissimum, eius exceptiones in tempore admittendæ sunt.

Confirmatur hæc æquitas in hac ipsa lege, *in vers. quod obtinere.* Nam Iustinianus ita demum vult repudiari exceptionem depositarii, vt illi seruetur integra actio ad id, quod consequi volebat. At ei, cuius exceptiones superiores repudiantur, nulla relinquitur ratio, qua ius suum retineat. Proinde ad hanc speciem hæc constitutio non pertinet.

Non obstat quod initio huius legis repudiatur exceptio aduersus depositum. Obseruandum est enim, quod supra attigi, non remoueri omnem exceptionem,

sed solum eam, quæ ex eo ducitur, quod depositarius dicat se habere aduersus deponentem aliquas actiones personales, vel in rem. Id non facit is, qui exceptione pacti & similibus vitur. Non enim iis vitur, quod dicat, se habere aliquam actionem, sed quod dicat, actorem nullam habere.

Ex omnibus exceptionibus excipitur in hac lege, exceptio compensationis, sed propria & singulari ratione, quia is, qui exceptione hac vitur, etiam ommissa exceptione vltro habet actionem ad rem petendam, quam compensare volebat. Si actioni depositi recte opponuntur exceptiones, quibus depositarius per exceptionem non ipso iure utebatur, multo magis audiendus est depositarius, qui depositi conuenitur, si dicat, se eo nomine soluisse aut satisfecisse deponenti, ita ut ipso iure liberaretur. Eadem ratione dicemus, exceptionem dominii deposito oppositam admittendam esse, id est, audiendum esse depositarium, etsi fateatur, rem apud se depositam fuisse, sed dicat, eam rem suam esse, *l. bona fide. §. vlt. ff. de pos.* Nam si post depositum depositarius cepit dominus esse eius rei, ipso iure liberatus est obligatione depositi, non secus quam solutione, quia depositum rei nostræ non consistit, *l. neque. de reg. iur.* Et tollitur omnis obligatio, cum in eum casum peruenit, a quo incipere non potuit, *l. pro parte. ff. de seru.* Quod si depositarius iam a principio dominus fuit, multo minus tenebitur, quoniam iam a principio nullum depositum fuit.

Eadem ratione dicemus, audiendum esse depositarium, si dicat, rem depositam sibi pignori obligatam esse, ab eo qui deposuit. Nam hoc ipso, quod res pignori traditur creditori, conuenisse intelligitur, ne eam rem deponenti redderet, nisi soluta pecunia, *l. si rem. §. omnis. de pig. act.* Hæc conuentio non tollitur deposito, sine deposito præc. sterit pignus, siue secutum sit. Proinde depositarius recte se tuebitur, quasi pacti conuenti exceptione. Neque iis posterioribus causis aduersatur hæc constitutio, quæ repudiat exceptionem. Iam enim dixi, repudiari exceptionem, si quis eam opponat, quod dicat, se habere aliquas actiones, aduersus deponentem: Nunc autem qui se dominum esse dicit, aut rem pignori obligatam, is nullam actionem habet aduersus deponentem eius rei nomine. Primo, quia possidet: Actio autem in rem possidenti non datur, *§. æque. vers. quod genus. Inst. de act.* Deinde, is qui deposuit neque possidet, neque dolo desit possidere. Summa hæc est:

13 Aduersus depositi actionem non potest depositarius se tueri exceptione vel compensationis, vel exceptione, quæ pertineat ad rem depositam retinendam, quam fatebatur depositarius se debere. Ceterum quæcunque exceptiones pertinent ad liberationem & inficiationem depositi, hæc non minus in hoc iudicio recte admittuntur, quam in ceteris omnibus, nec initium constitutionis vlllo modo aduersatur.

Ad Authen. Sed iam cantum.

Sed iam cantum est, ne quis extrinsecus depositario interdiciat depositi restitutionem: qua subsequenti, depositor possidens pulsari poterit ab eo, qui interdixit. Si contra factum fuerit damnum, quodcumque acciderit ei, qui vim passus est, præstabitur ab eo qui interdixit, nec non & tertia centesima vsurarum nomine, ex quo facta est huiusmodi contestatio. Quibus poenis subiaceret, qui vel inquil-

no dationem pensionum, vel publica persona poenis interdicit administrationem.

SUMMARIA.

- 1 Huius authent. cum leg. præcedenti conciliatio.
- 2 Extraneus, qui cum dominus non esset, inhibuit restitutionem depositi, damnum præstabit.

Hæc † Authentica non abrogat legem superiorem, ut vulgo putatur, sed ei legi adiicit. In extremo legis præcedentis ita constitutum est, ut si extraneus depositario denuntiaret, ne depositum deponenti redderet, possit depositarius rem depositam retinere, nisi deponens idonee caueat se esse defensurum. Vnde intelligimus, extranei obnuntiationem non esse inutilem, ut quæ pariat depositario retentionem depositi. Prima fronte videtur hoc abrogari in hac Authentica. Nam initio ita scriptum est, *Prohiberi omnem extranei prohibitionem, qua prohibeatur depositarius depositum reddere.* Si prohibetur hæc denuntiatio, consequens est, denuntiationem, quæ contra legem facta sit, nullius esse momenti, *l. non dubium. sup. de legib.* Et hinc opinio illa vulgaris, quæ est in extrema glossa Accursii legis præcedentis.

Sed tantum † abest, ut id ex Auth. hac colligere debeamus, ut aperte contrarium hac lege efficiatur. Subiicitur enim: *Si quis extraneus contra faceret, eum præstare debere deponenti omne damnum, quod illi ex ea denuntiatione contigerit.* Hinc aperte colligitur, denuntiationem non fuisse inutilem, sed præbuisse exceptionem depositario ad rem depositam retinendam. Nam si depositarius potuit contemnere hanc denuntiationem, nisi consenserit, ipsius culpa est, non denuntiantis. Et ideo nisi contenta hac denuntiatione restituerit statim depositum, ipse deponenti damnum præstare debet: non denuntiat autem, qui in culpa non est, cum denuntiatio eius fuerit inutilis.

Non obstat quod initio huius Auth. dicitur, *Prohiberi extraneum, ne inhibeat depositi restitutionem.* Nam iniuile est, nisi tota lege perspecta, iudicare & pronuntiare, *l. iniuile. de legib.* In hac autem lege, quod in principio generaliter dicitur, id explicatur postea ad hanc sententiam, ut intelligatur hoc prohiberi, sed indicta hac poena denuntianti, ut si quod damnum ex ea denuntiatione deponenti contigerit, id damnum farciat: sic sit, ut si personam depositarii spectet, denuntiatio sit inutilis ad retentionem rei depositæ ei pariendam: si autem spectemus personam denuntiatoris, denuntiatio sit ei non solum inutilis, sed etiam damnosa, propter quam damnum deponenti facere debeat.

Sed hic opponuntur duæ regulæ iuris, quibus efficitur, extraneum, qui denuntiavit depositario, ne depositum redderet, non debere affici illa poena, eoque non debere vllum damnum deponenti præstare. Nam si extraneus hic denuntiator est dominus rei, licuit ei sibi vigilare, & sibi cauere, cum ius ciuile vigilantibus scriptum sit, *l. pen. cir. fin. ff. qua in fraud. cred.* Hoc amplius licuit ei rem suam vindicare, & vindicanti nulla potuit exceptio opponi, *l. officium. de rei vind.* Hæc si iure facere potuit dominus, quod iure sit, poenam non meretur, *l. Gracchus. infr. de adult.* Respondeo: Hæc omnia vera sunt & admittenda in domino, qui denuntiavit depositario, ne depositum redderet. Non aduersatur hæc Auth. Non enim pertinet ad extraneum, qui dominus sit, sed ad eum, qui domi-

hunc non est, & iniuria retardauit depositi restitutionem propter suam denuntiationem. Id liquet euidenter ex eo, quod exigitur ab extraneo, ut damnum deponenti præstet. Nullum damnum est deponentis, nisi is depositæ rei dominus fuerit: non potest autem dominus esse, quin extraneus non sit dominus, quia duo in solidum domini eiusdem rei esse non possunt.

Sed hic rursus occurritur. Si extraneus dominus non fuit, de quo extraneo hic agitur, quo iure potuit prohibere, ne depositarius depositum redderet, & efficere, ut depositarius haberet rei depositæ retentionem? Resp. Reuera nullo iure inhibere potuit depositi restitutionem, quia dominus non est: sed non constat, eum non esse dominum, sed adhuc incertum est, propter hanc incertitudinem, & metum huius periculi, recte depositarius depositum retinet, priusquam illi idonee caueatur. Sicut autem ex denuntiatione damnum pari potest is, qui rem deposuit, si res deposita sine dolo malo depositarii pereat, aut dolo quidem malo eius, sed is soluendo non sit. Nam priore casu depositarius non tenetur, posteriore tenetur, sed actio propter eius inopiam est inutilis. Ita fit, ut pereat deponenti, si nullus alius teneatur quam depositarius. Hoc damnum præstabit extraneus, qui cum dominus non esset, inhibuit restitutionem depositi.

Adiicitur in Authentica, etiam eum obnuntiatorem præstare debere vsuras trientes eius pecuniæ, quæ ex depositi causa debeatur. Quæ sint hæ vsuræ, dixi ad l. eos. §. 1. de vsur.

Ad L. ult. Supernacuam.

Imperator Iustinianus A. Ioanni præfæto pratorio.

Supernacuam veterum differentiam e medio tollentes: si quis certum pondus auri vel argenti confecti vel in massa constituti deposuerit, & plures scripserit heredes, & unus ex his contingentem sibi portionem a depositario acceperit, alter superfederit, vel alias fortuito casu impeditus hoc facere non potuerit, & postea depositarius in aduersam incidit fortunam, vel sine dolo depositum perdidit: sancimus, non esse coheredi eius licentiam venire contra eum coheredem suum, & ex eius parte auellere, quod ipse ex sua parte consequi minime potuit, quasi eo, quod coheres accepit, communi constituto: cum si certa pecunia deposita fuerint, & suam partem unus ex heredibus accepit, nemini veniat in dubium bene eum accepisse partem suam, & non debere aliam partem attingere nobis etenim non videtur esse homo obnoxius, neque in massa, neque in specie, neque in pecunia numerata, qui suam partem suscepit: ne industria poenas desideret. Si enim & alius heres tempora opportuna, quemadmodum coheres eius, obsequasset: & si iam uterque acciperet, & sequentibus altercationibus minime locus relinqueretur.

S V M M A R I A.

1. Res numero, pondere, mensura vel constantes, depositæ, deponente defuncto, pluribus heredibus relictis, diuiduntur numero, non corporibus.

2. Re una duobus heredibus relictæ, si unus ex iis partem suam receperit, & altera pereat, an qui parte recepit, cum herede damnum communicare debeat.

1. Cum res depositæ sunt, quæ pondere, numero, mensurae constant: Pondere: ut massa auri, argenti infecti, ser. species factæ, ut vasa aurea vel argentea; Numero, ut pecunia numerata; Mensura, ut vinum, oleum, frumentum: Si is, qui deposuit, decesserit, duobus pluribusve relictis heredibus, singuli heredes partem rerum depositarum pro numero & portione he-

reditaria recte petunt, eamque iure a depositario insequuntur, ita ut quod singuli consecuti sunt, proprium sibi habeant. Hoc scriptum est de pecunia numerata deposita, in l. 1. §. si pecunia. ff. h. Sed nihilominus ad ceteras res omnes pertinet, quæ pondere aut mensura constant, de quibus ita placuit, ut eæ inter plures heredes diuidantur numero, non corporibus, in stipulationibus 54. de verb. obl. l. cum Syechus 29. de solut. Fingere ergo duos esse heredes, ex massa duarum librarum, singuli unam ferent: Ex duobus dolis vini depositis, singuli unum: Ex 100 aureis, 50. singuli. Hoc ius inter omnes veteres certum fuit, neque id mutatur in hac lege, sed magis confirmatur.

Verum hic existit hæc quaestio: Fingere si unum ex duobus heredibus partem rerum superiorum accepisse, partem alteram, quæ reliqua erat apud depositarium, ita perisse, ut alteri coheredi salua esse non possit. Quod his modis contingit, si perierit sine dolo malo depositarii, quoniam depositarius nihil nisi dolum malum præstat, l. 1. §. h. aut perierit quidem dolo eius, sed is soluendo non sit, ut inopia eius excludat actionem, quia hæc pars amissa, cui ex heredibus pereat, utrum alteri coheredi, qui nihil receperat, an vero utriusque, ut is qui partem suam recepit, eam coheredi suo communicare debeat? Hæc quaestio est, quæ hic deciditur. Dubitatio videri potest ex eo esse. Nam rebus depositis integris manentibus, si pars pereat, commune damnum est, quoniam res est omnium heredium communis. In re communis damnum & periculum commune. Res enim sua domino cuique perit, l. pignus. sup. de pig. act. Par ergo esse videbatur, si parte recepta, altera pars perierit, ut idem seruemus, quasi coheres partem suam recipiendo conditionem depositi mutare non potuerit, neque conditionem coheredis sui facere deteriorem, l. soluendo. ff. de neg. gest. l. non debet alteri. de reg. iur.

Iustinianus hac ratione contentus, constituit in proposita specie partem amissam alteri coheredi perire: eum autem, qui suam partem recepit, non debere eam cum coherede suo communicare. Utrumque optima ratione ducta ex regulis & principiis iuris, ut etiam si hæc constitutio non esset, tamen ex illis principiis ita respondere deberemus. Nam quod attinet ad partem receptam, ea recipientis facta est, d. l. 1. §. si pecunia. ff. h. Quod eius esse coepit, ei inuito auferri non potest, l. si procur. meus. de acq. rer. dom. l. id quod de reg. iur. Quod autem ad reliquam partem attinet hoc soli alteri coheredi debebatur, & præterea solius eius erat. Id enim necesse est, cum persona ex extra facta sit, eius qui recepit. Sic etiam regula iuris, res debita sine debitoris culpa amissa, creditori suo perit, & multo magis, si idem creditor sit, & idem rei dominus, l. quod te. si cert. petat. l. si ex legati causa. de verb. oblig. d. l. pignus. sup. de pig. act. Nihil aliter rem pertinet, quod initio obiciebatur, si re deposita integra manente pars apud depositarium pereat, commune detrimentum esse. Hoc enim eo fit propria ratione, quoniam ubi res manet integra, manet etiam communicatio in coheredes iam dixi rei communis non posse aliter periculum & damnum esse, quam commune. Commutatur hæc ratio ubi unus ex coheredibus partem suam recepit, sic enim recessum est a communicatione, & pars recepta facta est recipientis, pars reliqua soli alteri debetur, solius eius est, ut dixi. Quibus de causis accidit, ut illi perire oporteat.

Diligenter autem notandum est, constitutionem

hanc scriptam esse de certis rebus, & certis personis, inter quas res communes sunt, ut sciamus in iis & rebus & personis constitutionem locum habere, ad ceteras res & personas non pertinere, ne forte aliis rebus aut personis obiectis existimemus hic aliud statui contrarium aliis locis. Loquitur ergo constitutio de iis rebus depositis, quæ pondere, numero, mensura constant. Hoc ad eas res non pertinet, quæ constant certa specie. Finge, plures equos esse depositos, plures boues, pluraligna; vnum ex heredibus duobus partem equorum aut certarum rerum ad se recepisse. Dicemus: Siue reliquæ partes, quæ apud depositarium manserunt, perierint, siue adhuc extant, tamen & ipsas exstantes communes esse, & eam partem, quæ recepta est, semper esse communem, ut non tantum coheres, qui eam partem recepit, communicare suo coheredi debeat, sed etiam coheredi pro parte maneat ipso iure. Hoc enim est, quod veteres tradiderunt, in speciebus diuersis, fieri inter plures dominos corporibus non numero, ut intelligamus si i.o. boues depositi sint, eos inter duos heredes non sic diuidi, ut singuli accipiant s. boues, sed ita, ut singula bouum corpora, sint inter ipsos communia pro partibus indiuisis, *d. l. in stipulationib. de verb. obl. l. 5. de stip. seru.* Hæc res facit, ut siue vnus certum numerum bouum receperit, siue non receperit, semper singuli boues maneant inter singulos heredes communes, ex quo eueniet, ut in singulis bobus & commo- dum & damnum idem sit commune. Itaque ut dixi, hæc constitutio recte concepta est, de iis rebus, quæ pondere, numero, mensura constant, quæ ad species plures depositas non pertinet, neque potest pertinere.

Non obstat hæc lex, cum in *vers. penult.* Iustinianus ait, se hoc constituere non tantum in massa, sed etiam in specie deposita: sed addit in specie, cuius partem suam coheres suscepit, ut coheres partem suam recipiat ex rebus depositis, id est, ita partem, ut pars eius propria efficiatur. Contingit autem solum in rebus, quæ pondere, numero, mensura constant, siue consistant massa, siue certâ specie, in aliis rebus locum non habet. Differentiæ ratio redditur in *d. l. cum Syechus. de solut.* quod res omnes pro indiuiso manere debeant communes inter heredes, nisi utilitas & necessitas aliud suadeat, quam utilitatem admittunt pecunia & res similes, quæ pro numero ita recte diuiduntur inter coheredes, ut hæc diuisio contingat sine cuiusque iniuria. Nam hæc in pari quantitate eandem utilitatem præstant, *l. 2. §. 1. si cert. petat.*

Loquitur præterea constitutio de re communi inter plures heredes: hæc communio contingit sine heredum consensu, nam heredes in communionem incidunt, non autem societatem inter se contrahunt, *l. heredes. §. non tantum. ff. fam. ercisc.* Ad hos, inter quos sine consensu ita communio constituitur, hæc constitutio pertinet: ad plures socios, quamuis inter eos res communis sit, non pertinet, ut puta ex duobus sociis vnus a debitore societatis partem debiti accepit, altera pars debiti periit, vel debitor soluendo esse desiit, placet eum, qui partem suam accepit, debere eam communicare alteri suo socio, *l. verum. §. si cum tres. ff. pro soc.* Differentiæ ratio est, quia nihil prohibet ex rebus sine societate communibus plus cum consequi diligentia sua, quam alterum, quia alter negligentia sua partem amisit. Nec æquum est

eum, qui sibi vigilauit, partem ad se receptam alteri communicare, quia de eo inter ipsos nihil conuenit. Diuersa causa est societatis, quæ conuentione contrahitur, ut quicquid est damni & lucri ex societate, id sit commune inter socios, *Instit. de societ. in pr.*

AD TITVLVM XXXV. COD.

Mandati vel contra.

S Y M M A R I A.

- 1 Contractuum genera quatuor.
- 2 Contractus quidam cur consensu fieri dicantur.
- 3 Contractuum qui consensu fiunt genera sex.
- 4 Ordo horum contractuum diuersus in Pand. Instit. & Cod.
- 5 Ordo natura quis.
- 6 Ordo doctrine quis.
- 7 Mandati summa.
- 8 Mandare quid.
- 9 Mandare quis intelligitur aut verbis aut silentio.
- 10 Verba mandati communia.
- 11 Verbum commendandi an mandatum contineat.
- 12 Silentio sine verbis quomodo quis mandare intelligatur.
- 13 Ad obligationem mandati, quæ præter verba & silentium requirantur.
- 14 Mandatum debet esse gratuitum.
- 15 Mandatum rei turpis nullum est.
- 16 Mandatum non debet esse solius eius gratia cui mandatur.
- 17 Ex consilio nemo obligatur.
- 18 Mandatum quibus modis finiatur.
- 19 Actio mandati directæ cui competat.
- 20 Contraria mandati actio cui detur.

Hic fere initium est tractandi de contractibus, qui consensu fieri debent, idque ex instituto huius libri. Nam hic institutum est agere de contractibus, ut tituli declarant, & ostendimus initio huius libri. Contractuum autem quatuor genera esse dixi. Aut enim re contrahitur, aut verbis, literis, aut consensu, *§. ult. Instit. de oblig.* De prioribus generibus, id est, de iis, qui re fiunt, item qui literis, prius dictum est. De stipulatione, id est, de eo genere contractus, quod verbis fit, nihil agitur in hoc libro, sed agitur in libro octauo, quoniam visum est, stipulationem ad omnes contractus, omnia negotia & actus pertinere, ut iis quoque omnibus merito videatur subiici debuisse. Prioribus expositis restat quartum genus eorum contractuum, qui consensu fiunt, de quibus, ut dixi, hoc loco tractandi initium est. Sed fere, ut dixi, nam prius de constitutione actum est, quæ & ipsa obligatio ex consensu nascitur, ut attigi suo loco, & paulo post dicemus, obligationes quædam consensu contrahi debent, sed & quidam contractus consensu fieri, non quod consensu interueniente re fiant, alioqui nihil distarent hi contractus a ceteris generibus, quoniam nullus est contractus, nulla obligatio contrahendi, nisi cum suo consensu, *l. 1. §. 1. vers. ad & ff. de pact. l. inter s. i. l. continemus. ff. de verb. obl.* Sed tamen ideo dicuntur fieri consensu, quod solo consensu fiunt, nec præter consensum ad contrahendum rem ullam desiderant. Non rem, non rei interuentum & donationem, non verba, non literas. Id ita explicatur in *Instit. de obligat. ex consensu.*

Videri potest contrarium esse, quod traditur in *l. 4. ff. pro socio.* nam illic scriptum est posse nos societatem

tem coire & re & verbis, & tamen constat societatem esse ex numero eorum contractuum, qui consensu fiunt, *Instit. de oblig. ex consen.* Respondeo: Aliud est, cum dicimus, contractum aliquando re fieri, aliud cum dicimus, re fieri posse, ut in d. l. 4. pro socio. Nam cum dicimus contractum re fieri, ut in d. l. 1. ver. *atqui. ff. de pact.* necessitatem significamus. Hoc enim dicimus ita re fieri, ut sine re, fieri non possit, seu rem esse eiusmodi, quæ ad contractum sit necessaria. Hoc modo societas non potest dici re fieri, neque contractus quisquam ex iis, qui consensu fieri dicuntur. At cum dicimus societatem aut alium contractum posse re fieri, hoc verbo *posse*, declaramus, posse quidem rem interuenire, ut ex re declaretur consensus & conventio, sed ad eam obligationem contrahendam non esse necessariam. Quod cum dicimus, nihil hic contrarii dicimus. Volumus enim contractus consensu fieri: cum solo consensu fiant, ut propter consensum rem alia ad obligationem contrahendam non desiderent.

In horum contractuum tractatione duo hæc spectanda sunt: Numerus horum contractuum, & tractandi ordo. Vtrumque idem, quod multa sunt in iis, quæ nos fallant, nisi attendimus. Numero quatuor huius generis contractus proponuntur, *Instit. de oblig. ex cons.* Emptio & venditio, locatio & conductio, societas, mandatum. Neque plures huius generis referuntur deinceps in hoc libro, neque etiam in Pandectis, ibi idem ordo Iureconsultorum observatus est. Sed intelligere oportet, huius generis contractus sex esse species. Nam præter quatuor illos superiores in hoc genere, habere adhuc duos necessarium est, constitutum & pactum donationis, seu pactum, quo quis dicit non se donaturum, sed iam donare illud aut illud. Priores quatuor contractus, qui hic ordine explicantur, contractus sunt, ex quib. obligatio nascitur. Ex constituto nascitur actio lege permilla, *§. de constituto. Instit. de act.* De eo genere supra dixi sub eodem titulo de const. pec. Ex pacto donationis nascitur obligatio & actio constitutione Iustin. l. si quis arguit. in pr. *§. fin. vero & hanc. §. de donat.* De ea conventionione idcirco non agitur in hoc libro, sed sub tit. *de donat. lib. 8.* quæ ad contractum donationum videtur pertinere. Ceterum in his omnibus pariter conventio est. Inest enim in omnibus consensus, & pariter in his solo consensu nascitur obligatio: quo fit, ut non minus dicatur necessarium, conventiones & contractus fieri consensu, quam emptionem venditionemque iure Cod.

Ordo in his tractandis alius atque alius servatus est in Institutionibus & in Pandectis, itemque in Cod. hoc loco. Institut. hic ordo est, ut prius de emptione & venditione, secundo loco de locatione & conductu, tertio de societate, & quarto de mandato agatur. Convertitur hic ordo & in hoc libro & in Pandectis, ubi eadem collocatio est. Nam prius agitur de mandato, postea de societate, de emptione & locatione. Sed & in partibus duabus tractandis, prius agitur de mandato, quod erat in Institut. posterius. Ex quo intelligitur, non idoneam rationem collocationis reddi tam ab Accursio hoc loco, cum ait: Idcirco hic prius agitur de mandato, quod transit ex officio & amicitia, l. 1. §. 1. ff. mand. Nam si hæc ratio vera est, male in Institutionibus initium fit ab aliis titulis, sed cum sint hi ordines contrarii quiddam actu, defendemus vtrumque ordinem natura & suis propriis rebus. Nam est ordo quidam naturæ: est & doctrinæ ordo.

Naturæ quodammodo postulat, ut in rebus natura primis

ordiamur, deinde ad secundas & natura terrias pergrédiamur. Hunc ordinem secuti sunt auctores Institutionum. Antiquissimum est emptio & venditio, l. 1. ff. de contrab. emr. Huic similis & pene eadem locatio est & conductio, ideo merito secundo loco tractatur. Ad vtrumque igitur contractum accedit similitudine societas. Nam ex societate sunt mutue actiones, ambæ directæ ut in prioribus contractibus, *§. ex quibus d. Instit. de pen. rem. lit.* Quib. expositis postremus locus relinquebatur mandato. At doctrinæ ordo hic est, ut in rebus faciliore & leuiores progressus fiat ad res difficiliore & latius patentes. Hic ordo servatus est in C. & D. Nam & faciliores sunt contractus societatis & mandati, certe paucioribus præceptis continentur, difficiliore & latius in omnem partem patentes contractus reliqui, & ideo plus sequentium tituli occupant. Ideo initium factum est a mandato & societate, in quibus hoc loco præponitur mandatum societati, contra quam factum est in Institut. ob hanc causam, quod mandatum obligationis, propius accedit ad eos contractus, qui præcesserunt, nempe Commodati, De pignoratitia actione, Depositum. Nam in illis mutue sunt actiones & obligationes, sed una directæ, altera contrariæ. Vnde fit in mandato, unde erat inscriptio, *Mandati vel contra.*

Mandatum hoc titulo primum proponitur, cuius contractus & obligationis hæc summa est, (quod tenere etiam fit ad intellectionem legis) Ut sit mandatum obligatio. Hæc antecedere oportet. I. Ut sit mandatum. II. Ut suscipiatur ab eo, cui mandatum. III. Ut mandatum habeat conditiones, quas natura mandati exigit, ut non solum mandatum sit, sed etiam tale mandatum, quale oportet. IV. Ut mandatum perseveret, nec sit finitum. Nam finitum pro eo est, ac si mandatum non interuenisset. In primis mandatum esse oportet. Id an interuenierit intelligitur ex definitione & ratione mandati.

Mandare est aliquid alicui gerendum committere, veluti ut per me fideiubeatur, ut meo nomine fundum emas, ut mea negotia geras, cuius rei exempla sunt in l. 2. ff. eod. Mandare quis intelligitur aut verbis aut silentio. Verba mandati sunt communitia, quibus quis significat alteri, se petere, ut aliquid gerat, siue dicat alicui, *Gere meo nomine negotia mea, vel, lubeo ut geras, fideiubeas, &c.* siue sint rogatus verba, ut rogo fideiubeas meo nomine, siue sint iniungentia, ut volo geri fidei committi, vel etiam si sint significantia voluntatis, veluti, si negotia mea gesseris, gratum mihi feceris; spero fore ut meo nomine fideiubeas. Hæc ex l. 1. cir. pr. ff. eod. sed maxime ex l. si quis mihi bone. §. sed & C. de seq. ff. de acquir. hered.

In hoc genere quaesitum est, an verbum commendandi mandatum contineat, ut puta, commendavit quis alicui per literas amicum suum, an de amico aliquid mandasse gerendum intelligitur? Et placet non videri mandasse eum, qui commendavit. Itaque commendandi verbum mandatum non esse. l. cum vero. §. cum quidam. ff. eod. de quo dicitur pluribus ad l. si literas. infr. h. tit. Verbis superioribus cum dicimus mandari non hoc intelligimus, quod necesse sit id fieri verbis inter presentes, ut cum dicimus, stipulationem verbis contrahi, sed intelligimus superius verba exprimere mandatum, quo & ei mandata significantur, siue verbis inter presentes, siue re-

- bus interpositis per nuntium aut per epistolam con-
 12 trahi potest, *l. i. in pr. ff. eod.* Silentio ꝛ sine verbis man-
 dari intelligitur, cum quis nostro nomine aliquid
 gerit, veluti fideiubet nobis presentibus & scienti-
 bus, & nos patimur. Hæc passio & concessio pro
 mandato est, *l. si fideiussor. in fr. hoc tit. vbi dicitur: Non*
est satis aliquid mandatum esse alteri vt gerat, vt
mandati obligatio contrahatur, etiam ab eo cui
mandatum, mandatum suscipi oportet. Tunc ergo
mandati obligatio esse incipiet, cum ille mandatum
receperit, id est, declarauerit, se facturum esse, quod
mandatum est, l. si mandauero. §. ult. ff. eod. §. pen. ff. eod.
 Mandato autem ita recepto mandati obligatio
 contrahitur, solo hoc consensu, ita vt nihil referat, v-
 trum is, qui mandatum dedit, id significet presenti
 verbis, an vero per nuntium absentia aut per episto-
 13 lam, *l. i. in pr. ff. eod.* Non ꝛ sunt hæc duo ad obligatio-
 nem mandati satis. Tertio loco accedere oportet has
 condiciones tres, quæ sunt mandati propriæ, vt man-
 datum sit gratuitum, seu suscipiatur gratis, vt man-
 datum sit rei non inhonestæ, tum vt mandatum non
 sit solius eius gratia cui mandatur.
 14 Mandatum gratuitum ꝛ esse oportet, nulla pecu-
 nia initio interposita, siue data sit, vt negotium gera-
 tur, siue sit constituta certo loco, aut sic constituta, vt
 postea certa quantitas daretur, est incerti contractus
 genus, non mandatum. Mandatum enim ab obser-
 uatione & amicitia rectius dicitur, *l. i. §. ult. ff. eod. l. si*
tibi. ff. de præscript. verb. Hæc res tamen non facit, quo-
 minus in mandato recte salarium interueniat &
 constituatur pluraliter, de quo dicitur *ad l. i. 6.* Etiam
 15 rei ꝛ turpis mandatum nullum est, veluti si mandem
 tibi vt hominem occidas, vt furtum facias, *l. si remun-*
nerandi §. 8. rei turp. l. si mandauero 22. l. qui eadem. ff.
mandati, §. illud. Instit. eod. Et hoc omnium obligatio-
 num & contractuum commune est, *l. generaliter. §. l.*
 16 *seq. ff. de verb. oblig.* Tertia ꝛ mandati lex & conditio
 est, vt non sit mandatum interpositum solius man-
 dati causa, Ad hanc quæstionem explicandam refe-
 runtur illæ species mandati, de quibus agitur in *l. 2. ff.*
eod. Traditur mandatum interponi aut gratia tan-
 tum mandantis & alterius simul, aut mandantis &
 mandatarii simul, aut solius mandantis, de quibus
 generibus cognoscamus, ne dubitemus.
 Sciendum est, summam totius huius contractus
 huc redire, vt intelligamus, cuiuscunque seu quo-
 rumcunque gratia aliquid mandatum sit, mandatum
 consistere, præterquam si mandatum sit solius eius
 causa, cui mandatur: veluti nullum mandatum est, si
 mandem tibi, vt fundum tibi emas, aut vt pecuniam
 in emtione prædii collesces potius, quam fœnori,
 vel contra. Hoc ideo nullum mandatum est, quia est
 17 constitutum: ex ꝛ consilio autem nemo obligatur, *l.*
2. cit. in ff. eod. Ratio redditur in *d. l. 2.* Quia in consi-
 lio liberum est unicuique existimare, an consilium si-
 bi expediat, nec ne: vt si male existimet, de se queri
 debeat, non de mandante, sed ita placet, consilii nul-
 lam obligationem esse, si non sit fraudulentum, vt
 est in regula iuris, *Fraudulenti consilii de obligatione a-*
ctio est: veluti si tibi mandem, vt in vicinum oppi-
 dum proficiscaris, vt tibi pecuniam tuam collesces, ibi
 reperiri paratos & locupletes, apud quos recte id om-
 ne collesces, cum scire in itinere esse, & te exspe-
 ctare, qui pecuniam ablaturi essent. Consilium tunc
 esse intelligitur, quoties sine expressione certæ per-
 sonæ tibi mando, vt quid geras, veluti si mando in-

definite vt pecuniam tuam collesces, vel in emtiones
 prædiorum, vel fundi, neque adiicio a quo emas, aut
 apud quem collesces, cuiusmodi sunt exempla, *d. l. 2.*
in fin. ff. eod. Diuersum est, si ita tibi mandarem, vt pe-
 cunias tuas collesces in emtione prædii *L. Titii, quod ab*
illo emas, vel vt pecunias tuas apud Titium collesces. Quo
casu placet mandati obligationem esse in §. actio. In-
stit. eod. Quæ videri possunt prima specie contraria,
 sed non sunt: nam vbi certam personam expressi, a-
 pud quam collocares, aut cum qua negotium gere-
 res, videor non tantum tua causa mandasse, sed er-
 iam personæ adiectæ gratia, quæ res a consilio rece-
 dit: Et in hanc sententiam accipere oportet, quod
 Ulpianus scribit in *l. si remunerand. §. plane. ff. eodem.*
 vbi ait: Et si mandatarii solius causa aliquid mande-
 tur, tamen mandatum est, si ille aliter facturum non
 fuerit.

Quæro, quando aliud non facturum fuisse videat-
 ur? Nempe tunc, cum aut nominatim id dixit, &
 mandatum periculum in se suscepit, vt in exemplo *l.*
si hered. ff. eod. aut cum mandator nominatim certam
 personam expressit, cum qua negotium gereretur:
 hac expressa inquit, ideo mandati obligatio est, quia
 non videtur mandatarius aliter cum eo negotium
 gesturus fuisse, quod diserte ita explicatur in *d. §. adeo.*
Instit. eod.

Postremo, vt mandatum interueniat, vt sit susce-
 ptum, vt habeat eas condiciones, quas supra dixi, ta-
 men definit esse mandatum, si sit finitum, vt perinde
 habendum sit, quasi omnino non interuenisset. Fi-
 nitur ꝛ autem certis modis, veluti morte, *l. mandati. 18*
hoc titul. vbi dicitur, mandato ita contracto & perse-
 ueranti, vt diximus, mandati obligatio nascitur inter
 mandatorem & eum, qui mandatum suscepit, quem
 iuris auctores & mandatarium & procuratorem ap-
 pellant. Mandatarii verbum passim occurrit, man-
 datarium etiam dici procuratorem intelligimus ex *l.*
si vero. §. contrario. ff. eod. & definitione procuratoris
 in *l. i. de procurat.*

Quibus locis constanter traditur, omnem negotii
 alieni procuracionem, etiam si vnum negotium ge-
 rat, si mandatu geratur, procuratorem facere eum
 qui gerit. Hic autem obligatur non tantum is, qui
 mandatum suscepit, sed etiam obligat sibi eum, qui
 mandauit, vt sint hic mutue obligationes inter man-
 dantem & procuratorem, vnde & mutue actiones
 proditæ, directæ & contrariæ. Directæ ꝛ mandatori,
 quæ mandati actio absolute appellatur, *l. si procura-*
tor. §. mandat. ff. eodem. Contrariæ procuratori seu
 mandatario, *l. si vero. §. contrar. ff. eodem. l. 4. h.* Ex con-
 trariæ actione, quæ sequentibus in locis nominatur
 intelligimus, huic oppositam esse directam, quæ
 mandatori competit. Nam contrariæ directis oppo-
 nuntur, *§. ex quibusdam, Instit. h.* Directæ actione
 mandati quid procurator domino præstare debeat,
 & quas ad res obligetur, comprehensum est in *l. pro-*
curat. & similibus aliquot locis, vbi dicitur. Con-
trariæ ꝛ mandati actione, quid mandator præstare
debeat procuratori, significanter declaratur in l. i.
hic.

Ad *L. i. Aduersus eum.*

Imp. Seuerus & Antoninus Augusti
 Leonidæ.

Aduersus eum, cuius negotia gesta sunt, de pecuniâ
 quam, de propriis opibus vel ab aliis mutuo acceptam
 eroga-

erogasti, mandati actione pro sorte & usuris potes experi-
ri. De salario autem, quod promissum, apud praesidem pro-
vincia cognitio praebebitur.

S V M M A R I A.

- 1 *Negotio gesto quae procuratori a mandatore sint praestanda.*
- 2 *Impendia mandati exsequendi causa facta procurator recte petit: & quae ea sint.*
- 3 *An & impensarum usurae procuratori debeantur.*
- 4 *Mandati iudicio damnatus notatur infamia.*
- 5 *An in mandato locus esse possit salario.*
- 6 *Salarium quid.*
- 7 *Inter mercedem & salarium quid intersit.*
- 8 *Salarium an omnino debeatur iis, qui mandatum susceperunt & executi sunt, sine ulla conventionione, an vero non nisi constitutum & promissum.*
- 9 *Advocatus quis.*
- 10 *Salarium si non sit promissum, qua conventionione & promissione debeatur.*
- 11 *Salarium an ex omni conventionione & semper constitutum peti possit.*
- 12 *Salarium qua actione peti possit. & nu. i. 4.*
- 13 *Extra ordinem verba quid significant.*

TR I A ¶ sunt, quae negotio gesto procuratori praestanda sunt a mandatore, de quibus breuiter hoc rescriptum comprehensum est. I. Quod impendit procurator mandati exsequendi causa. II. Eius pecuniae usurae. III. Praeterea & salarium ob negotium gestum. Impendia ¶ mandati exsequendi causa facta, procurator recte petit, *l. si quis alicui. §. impendii. ff. eod.* Huius generis impendia sunt, quae hic notantur, veluti si procurator impenderit pecuniam suam, ut pro mandatore solueret & liberaret eum a distractione pignorum, aut poena, quae alioqui committeretur; Aut si pecuniam aliunde sumserit mutuo, quam in eundem usum collocaret, nam & haec vere deberetur, *l. eius qui mutuum accepit. l. 2. in pr. & §. pen. & ult. ff. si cert. pet.* Nihilominus hic idem dicendum est, si procurator nomine mandantis se alicui obligauit, tantum ei abesse intelligitur, *l. si quis mandator. in fin. ff. de neg. gest.*

3 Hoc amplius ¶ & eius pecuniae impensae usurae procuratori debentur citra controuersiam ex mora, ut in omnibus bonae fidei iudiciis, *l. post solutionem. l. pretii. §. b. sed & sine mora usurae ei debentur, si quae ei ab sunt.* Quod ita contingit, si coactus est ad negotium exsequendum, pecuniam aliunde mutuo sumere, quam non potuit reperire nisi usuris promissis, has usuras si soluit procurator, recte exigit. Idem est, si pecunia ei debeatur sub usuris, & eam recipit a debitoribus suis, ut eam in negotium gerendum impenderet, hic quoque eas usuras recte exigit, quibus cauit, cum alioqui habere potuisset. Et hoc si ex fide gestis & necessitate negotii ita postulante, *l. si vero. §. si mihi mand. ff. eodem.*

Non obstat, quod traditum est in bonae fidei iudiciis, usuras non deberi sine conventionione, nisi ex mora, *l. in bon. fid. sup. de usur.* Hoc enim ita verum est, si usurae ut usurae petuntur, id est, ut sortis accessiones. Diuersum est, si usurae, quae petuntur, sunt res principalis, de qua in contractu agitur, ut docuimus ad d. *l. bon. fid.* quod in superioribus usuris accidit. Nam in actione mandati pecunia & res principalis, quae in ea actione & obligatione deducitur, est id, quod procuratori per causam mandati abest, *argument. in l. 2. ff. de neg. gest.* Superiores autem usurae illi absunt,

mandati exsequendi causa petuntur. Ergo ut res principales non ut accessiones sortis. Et ob id ad regulam superiorem de usuris mutuo praestandis non pertinent. De his rebus mandati actio procuratori competit, ut hic scriptum est. Mandati contrariam intelligere debemus. Haec enim datur ei, qui mandatum suscepit, *d. l. si vero. §. contrar. ff. eod.* Hoc moneri eo spectat, ut ex eo statuatur de infamia iudicii. Nam mandati ¶ iudicio damnatus notatur infamia ex edicto, sed ita si damnatus sit directo iudicio, non contrario, *l. i. in clausula edict. pro socio. & l. furti. §. ult. ff. de his qui not. inf.*

De ¶ salario hic traditur, id peti posse a procuratore seruo, cognitione praesidis, si permissum sit. Hinc multa de salario quaesita sunt ad explicationem huius loci & similibus pertinentia, de quibus dicam, ut ordo rei postulat. Ac primum quaeritur, an in mandato locus esse possit salario? id est, an mandato consistente possit deberi salarium? Nam ¶ salarium pecunia est, quae remunerandi causa datur. Respondeo: Constitat ex hoc loco & aliis quamplurimis, ut *l. salarium. §. ff. eod.* salarium in causa mandati constitui & dari posse. Sed id expressum est in *l. si remunerandi. in pr. ff. eod.* ubi Iustiniani verba sunt: Si remunerandi causa honos interuenit, mandati actio est. Honos figurete, id est, salarium remunerandi seu honorandi causa datum seu constitutum, quod & vno verbo nominatur honorarium, *l. i. infra si mens. sal. l. i. §. in honorariis. ff. de extraord. cogn.* Non debemus moueri eo, quod mandatum gratuitum esse oportet. Non enim eo minus gratuitum est mandatum, quod salarium & honorarium interuenit. Tunc enim mandatum gratuitum esse intelligitur, cum ab initio recipitur mandatum ea lege, ut mercedem certam pro opera accipiat, aut accipiat eam, de qua postea constituitur.

Hac conventionione interposita aut loco contrahitur, aut aliter contractus geritur, ex quo de praescriptis verbis actio tibi potienda *ff. de praescrip. verb. & cum mandatum ab initio gratis recipitur a procuratore seu mandatorio, tunc vero mandatum est gratuitum.* Hic autem salarium & honorarium locum habet. Tunc enim salarium & honorarium intelligitur cum mandato gratis recepto, dominus idemque mandator salarium sua voluntate constituit, sine ulla necessitate conventionis aut contractus. Haec libertas & voluntas salarii constitui ostendit gratis, & beneficii loco mercedem: nam dicitur honos, unde honorarium, ut traditur in *d. l. i. ff. si mens. sal. mod.* Hinc ¶ apparet, quid intersit inter mercedem pro opera constituta & salarii: utrumque pecunia est pro opera constituta, sed merces conventionione ab initio constituitur, salarii postea cum ab initio mandatum gratis esset susceptum: non ¶ prohibet natura mandati, quo minus honos & salarium recte interueniat, postea ut constitutur beneficii, non mercedis causa, & ut dicitur in *l. si remunerand. dum constitutur remunerandi & honoris causa.*

Sequens quaestio est, ¶ postquam salarium deberi potest ei, qui mandatum exsequitur, an omnino qui mandatum susceperunt, & executi sunt, eis salarium debeatur sine ulla conventionione, an vero non nisi promissum & constitutum a mandatore. Nam hoc rescriptum promissi salarii mentionem habet, & pene omnes loci, qui sunt de salario, constitutionem & promissionem exigere videntur, ut haec *l. salar. §. de salar. & l. qui mutuum. §. salar. ff. eod.* Respondeo: Sunt quibus etiam sine conventionione salarium debeatur;

Sunt contra, quibus non debeatur nisi promissum & constitutum. Qui procuratores causæ agendæ operam dant, etiam sine vlla conventionione honorarium recte petunt, iisque constituitur pro æstimatione magistratus. Hinc tributum est aduocanti ex constitutionibus, *l. i. §. in honor. ff. de extraordinar. cognit.* Ad uocatum † definiunt, qui causis agendis quoquo studio operatur. Hac definitione continentur etiam procuratores litis, proinde & hi ad superiores constitutiones pertinent. Ceteris procuratoribus non debetur salarium nisi promissum, ut hæc lex & infra scripti loci exigunt.

10 Tercio loco quæritur, si † non nisi promissum salarium debetur, qua conventionione & promissione debeatur? Nam hoc rescriptum de promisso salario loquitur, proprie autem, id est, simpliciter promitti dicitur, quod promittitur stipulatione, §. *quod scriptum. Inst. de inut. stip.* Sed constat ex aliis locis, ut salarii constitutum dicatur, satis esse constitui pollicitatione, sine vlla stipulatione, *l. salar. j. d. l. quod mutuū. §. salar. ff. eo.* Hinc est, quod in *l. 7. ff. eod.* dicitur, stipendium peti posse, si sit constitutum, ut intelligamus, quomodocumque constitutum sit, siue stipulatione, siue pacto domini. Nihil ad rem pertinet, quod in hoc rescripto exigitur, ut sit salarii promissum. Nam generaliter promissum tam dicitur, quod pollicitatione promissum est, quam quod sponcione, *l. sciendum. §. dictum. ff. de ad. ed.*

Sed hic obstat regula iuris noti: Ex pacto nudo non nascitur actio, *l. lege. §. i. de pact. l. iur. gen. §. qui minimo. & seq. de pact.* Respondeo: Non est pactum nudum, ubi dominus constituit salarium hac lege, ut mandatarius mandatum libentius exsequatur, & mandatarius exsequitur. Hic enim præter conventionem mandatarius facit ut accipiat, quod cum interuenit, pactum nudum non est, sed negotium civile contrahitur, *l. solent. ff. de præscript. verb. d. l. legem. supr. de pact.* Et ideo intelligimus, salarium recte constitui, & constitutum peti posse, tunc, cum mandato gratis recepto, constituitur salarium, antequam mandatarius mandatum implevit. Quod si mandato impleto dominus polliceatur mandatario, se aliquid certi daturum, pactum nudum est, ex quo non nascitur actio. Itaque tunc solum nascetur, cum stipulanti mandatario promiserit, ut pactum ex stipulatione sumat effectum, *l. diuis. ff. de pact.*

11 Quarto loco quæritur, quoniam † salarium constitui potest ut debeatur, etiam conventionione, an ex omni conventionione & semper constitutum salarium peti possit? Respondeo: Non potest. Due conventiones excipiuntur, quas ad definitionem huius loci & cognitionem præsidis reuocare oportebit. Una est, si simpliciter constitutum, incerta quantitate, *l. salar. j. d. l. qui mutuū. §. salar. ff. eod.* Exempli gratia, si dominus mandatario ita dixerit, *Exsequere quantum potes, mandatum, polliceor tibi me memorem futurum & salarium daturum, cuius te non poenitebit.* Eiusmodi constitutio eum non obligat, nec salarium peti potest, vel mandati actione, vel extra ord. ut est in *d. l. qui mutuū. §. salar. ff. eod.* Hoc commune est in omnibus conventionibus & stipulationibus. In omni stipulatione & promissione rem esse oportet, quæ præstetur. Nihil autem interest, utrum nulla res sit, an vero incerta, eo sit, ut placeret, omnem stipulationem incertæ quantitatis esse inutilem, *l. ita stipulatus. in pr. ff. de verb. obl.* Altera conventio constituti salarii est inutilis, ubi certa quantitas salarii constituitur, sed ex euentu li-

tis, ut si dominus ita dicat, *si viceris, promitto tibi tertiam partem victoriae*, de qua conventionione est in *l. si causam. j. b. i. vbi* plura dicuntur. Tunc ergo in summa salarium debetur & peti potest, cum quis procurator causam egit, idque sine exceptione. Ceteris salarium ita debetur, si promissum erit, & certa quantitate ab initio constituta, aut ea, quæ fiat certa ex euentu, dummodo non ex euentu litis.

Postremo quæritur: Salarium † ita debitum qua actione peti potest? Nam hæc lex videtur proponere aliam actionem quam mandati. Cum enim in prioribus rebus mandati actionem tribuisset, subiicit per aduersatiam, *De salario autem quod mandator promissit, apud præsidem cognitio præbebitur.* Respondeo: Et hoc verum est, de salario nullam certam ac ne mandati quidem actionem competere, quod intelligitur ex superscriptis verbis, quibus duo continentur. *l. Sequitur*, non dari de salario actionem mandati. Id significat cognitionis verbum: nam ea, quæ pendent ex cognitione præsidis, nullam certam & propriam actionem habent, *l. quod si velit, §. ult. ff. de min.* Hic autem de salario tribuitur præsidis cognitio. Huc accedit aduersatiua, quæ interponitur. Ait enim lex, prius, ut dixi, de sorte impenſa & in eius sortis vsum rescriptum nominatim dederat actionem mandati, nunc per aduersatiam de salario tribuit cognitionem præsidis. Proinde mandati actio denegari intelligitur, alioquin præcedentibus non aduersaretur. Quinimo ita dicendum est, si mandati actio competet de salario, quoque eadem actio esset. Nunc autem ita dicitur: *De salario autem cognitio præsidis præbebitur.*

Ea res ita habet de salario & petitione in mandato interueniente. In mandato actio esse non potest, si ab initio merces constituta est: locus est in mandato, si salarium non est constitutum: ut non constitutum detur procuratoribus litis, citra controuersiam mandati actione peti non potest. Dicitur enim peti extra ordinem, mandati autem actio ordinaria est, *l. salar. ff. eod.* Sed etsi constitutum sit salarium, nihilominus extra ordinem petitur, *d. l. salar.* Et sane mandati actione directa non petitur, quoniam hæc procuratoribus non competit, sed nec peti potest contraria, quia in contrariam mandati actionem id venit, quod procuratori videtur abesse. Recte ergo dicitur, mandati actionem de salario non competere. Ideoque prudenter in hac lege petitio de salario distincta est a ceteris rebus, quas procurator & mandatarius persequitur mandati actione, liquidis verbis alterum significatur, nempe ipsum prætorem & præsidem, id est, magistratum ordinarium, qui iurisdictionem habet, ipsum de salario cognoscere debere, iudicem autem dari non posse, id significat cognitio præsidis. Tunc enim cognitio præsidis vel prætoris & magistratus esse dicitur, cum ipse solus cognoscit, *d. l. quod si velit, §. ult. ff. de minor.*

13 Vtraque de causa salarium dicitur peti † extra ordinem in *d. l. salarium. ff. eod.* & *d. l. qui mutuū. §. salar. ibid.* Cuius verbi hæc ratio est: Ordo auctoribus iuris dicitur, quod sit recepto & vſitato more, quoniam quæ rite fiunt, geruntur certo ordine constituto rerum gerendarum. Hinc fit, ut cum aliqua in re receditur a veteri & vſitato more, ab vſitata via & forma, dicatur res geri extra ordinem, ut sit sensus extra consuetum agendi morem, ut patet ex his locis, *l. ordo. de public. iudic. l. 3. in princip. ff. ne vis fiat ei qui in possessione*

possessionem. l. actio, antepen. de neg. gest. Id autem accidit in petitione salarii ex iis, quæ supra dixi. Nam ordinaria agendi ratio est, ut agatur actionibus & constitutionibus iure constitutis, *lex stat. ff. quod metus causa.* Proinde ubi directa actione non agitur, sed utili, ut hic fit, dicitur actio extraordinaria, vel iudicium extraordinarium *d. l. antepen. de neg. gest.*

Præterea in iurisdictione veteri magistratuum & iudicum hic mos erat vet. Rom. ut prætores, præfides, id est, magistratus, qui imperium & iurisdictionem habebant, pœnam cognoscerent de ea re, de qua iudicio auditi erant: sed non solebant verum iudicem dare priuatim, qui de re cognosceret. Id significatur in *l. imperium, de iurisd.* illa iurisdicatio est iudicem dandi licentia. Est enim hic sensus: Iurisdicatio est, ut qui eam habet, possit iudicem dare, cognoscere vero, non necesse habeat. Quare in quibus causis prætor ipse vel præses cognoscere cogebatur, hic dicebatur cognoscere extra ordinem, id est, extra consuetum iudiciorum & iurisdictionis morem, & ipsa cognitio prætoris dicitur extraordinaria, talis est autem cognitio de salario. Hinc titulus de extraordinariis cognitionibus. Quo verbo significantur prætorum & præsidum cognitiones eæ, in quibus ipsi cognoscere cogebantur: non enim poterant iudices dare: quod significatur in *l. 2. §. de pagan. iudic.*

14 Sed utrumq; ¶ quod diximus de mandati actione, deq; extraordinaria persecutione salarii consequendi causa, eueri videtur *l. si remunerandi. ff. eod.* ubi in principio hæc verba sunt, quæ iam dixi: *Si remunerandi causa honoris, id est, honorarium & salarii interueniat, mandati actio est.* Ergo dicat aliquis, mandati actionem esse de salario & honorario, de quo Vlpianus locutus est, ut versio ad questionem & propositionem referatur. Ergo de salario ordinaria actio erit. Proinde extraordinarie de salario non agitur, neque cognitione prætoris. Respondeo: Quod dicitur salario interueniente actionem mandati esse, sic interpretandum est, ut sit mandati actio de aliis omnibus rebus, quæ mandati iudicio petuntur. Ceterum non est mandati actio de salario.

Hoc sentire Vlpianum in superscriptis verbis plusquam manifestum est ex vers. sequenti, *Et continenti.* Scribit enim: Si alicui mandatum sit, ut negotia mea administret, hac actione conueniendus erit. Hanc actionem intelligens directam, quoniam mandati actio directa competet mandatori, non autem contraria, *l. si vero. §. contrar. ff. b.* Hac autem (demonstratione) hac actionem demonstrat, actionem mandati, de qua prius locutus erat, dum dixit, mandati actio est. Ergo cum dixit, *Salario interueniente mandati actionem esse*, significauit, actionem mandati directam esse. Porro mandati actio directa de salario non competit, quoniam salarium debetur procuratori, huic autem contraria actio mandati datur, non directa. Proinde Vlpianus non sensit mandati actionem de salario dari, cum dixit: *Salario interueniente mandati actio est.*

Sed etsi Vlpianus de mandati actione non loqueretur, tamen idem intelligere oportet, nempe mandati actionem non competere de salario, sed de ceteris rebus. Non enim dicit Vlpianus nominatim, mandati actionem competere de salario, sed simpliciter & generaliter mandati actionem esse. Hæc verba non possumus aliter interpretari, quam ut mandati actio competat de iis rebus, in quas mandati actio cadit. Neque

enim mandati actio competit de omnibus rebus, ut puta, non competit de deposito, aut commodato, aut emto, aut locato. Iam vero constat ex aliis locis, nec eam competere de salario, sed salarium etiam constitutum peti extraordinarie, *l. 7. ff. b.* Proinde dicendum est, etiam superscriptis verbis non significari, actionem mandati competere de salario.

Sed si de salario hæc actio non competit, cur Vlpianus prius mentionem fecit salarii interuenientis? Resp. Quod dubitabatur, an salario interueniente mandatum vllum esset, ac proinde an vlla dari posset mandati actio, non dico de salario, sed in vniuersum in omnibus rebus, quæ mandati iudicio peti possunt. Nam mandatum debet esse gratuitum, non videtur autem esse gratuitum, ubi salarium interuenit. Aduersus hanc dubitationem definit Vlpianus: *Etsi remunerandi causa honorarium interueniat, tamen nihilominus mandati actio est.* Ut sit sensus: Nihilominus mandatum consistere, proinde & mandati actionem esse, sed actionem de iis rebus omnibus, de quibus esset mandati actio, si salarium non interuenisset. Nam de salario neque mandatum contrahitur, neq; mandati actio est, sed petitur extraordinarie. Sed etiam si de salario quis concedat mandati actionem non esse, tamen videtur id peti posse actione ciuili præscriptis verbis, quasi negotio inter dominum & procuratorem gesto, quia dominus salarium constituit, eo pacto, aut certe eo animo, ut procurator negotia gerat, aut gerat libentius & alacrius. Ergo ubi procurator gessit, negotium contrahitur, ex quo est præscript. verb. actio, ut traditur in *l. solent. de præscript. ver.* Quod si præscriptorum verborum actio competit de salario, non petitur salarium extraordinarie, quia præscript. verb. actio ordinaria est, *l. iur. gent. de pact. l. 1. 2. 3. d. l. solent. de præscript. ver.* Respondeo: In salario constituto nullum negotium ciuile proprie geritur. Nam etsi dominus constituit salarium hoc animo, ut procurator negotium gerat, tamen procurator non ideo accipit salarium, ut negotium gerat. Argumento certissimo est, quod & sine salario gesturus erat, cum ab initio mandatum gerendi suscepit, denique beneficii loco operam probare creditur, unde & quod ei datur honor seu honorarium dicitur, ut est in specie simili de agrimenfore, *l. 1. cir. princ. ff. si mercis fals.* Quare ne hic quidem præscriptorum verborum actionem visum est esse, & ob id recte placuit veteribus salarium, quamuis constitutum est, extraordinarie peti, ut explicatur in *d. l. 1. ff. eod.* Proinde peti cognitione prætoris seu præsidis, quæ extraordinaria cognitio est, ut supra dixi.

Ad L. 2. Cum ex causa.

Impp. Severus & Antoninus Augusti Marcello.

Cum ex causa fideiussionis pecuniam patrem tuum exsoluisse proponas, habes mandati actionem: qua non solum pecuniam, sed etiam pignora in obligationem deducta, potes consequi.

S V M M A R I A.

- 1 Fideiussor, qui mandato debitoris pro debitore fideiussit, quando aduersus eum mandati contrariam habeat: & an hæc actio liberis eorum detur. & nu. 2.
- 3 Mandati actio an competat fideiussori de pecunia a fideiussore soluta.
- 4 An etiam competat de pignoribus in obligationem deductis.

FIDEIUSSOR, qui mandato debitoris pro debitore fideiussit, habet aduersus debitorem manda-

ti actionem contrariam, ut omnes qui mandatum
 1 suscepunt, *l. si vero. §. contrar. ff. eod.* Sed tamen habet, cum
 pecuniam soluit, non ante, nisi in iis causis, quæ exci-
 2 piuntur, de quibus est in *l. si pro eo. inf. eod.* Hæc tamen actio
 non tantum fideiussori datur, sed etiam liberis fidei-
 iussoris, utpote patris heredibus: nam nisi quid aper-
 re contra exprimitur, semper patre mortuo liberi,
 qui primo gradu sunt, existunt patri heredes, *l. in suis.*
de lib. & posth. Porro omnes actiones in personam,
 etiam heredibus competunt, excepta iniuriarum ac-
 tione, & si quæ actiones similes sunt, quæ solam vin-
 dictam, non rei persecutionem continent, §. 1. *Instit.*
de perpet. & tempor.

Competit autem hæc actio, ut hic scriptum est,
 duas ad res, ad pecuniam solutam, & ad pignora in
 3 obligationem deducta. De tamen pecunia a fideiussore
 soluta, quin mandati actio competat, nulla dubitatio
 est. Nam pecunia soluta fideiussori mandati exse-
 quendi causa, de omnibus eiusmodi impendiis
 mandati actionem contrariam esse constat, *l. si quis*
 4 *alicui. §. impend. ff. eod.* Sed de tamen altero dubitatur, quod
 hic traditur, fideiussorem, itemque heredem fideiuf-
 soris, pecunia soluta, habere actionem mandati con-
 trariam, quia consequatur pignora in obligationem
 deducta. Hoc defendi posse non videtur, unde est
 huius rescripti difficultas. Nam aut pignora hæc, quæ
 nomine debitoris creditori obligata sunt, profecta
 sunt a debitore, qui res suas creditori suo pignori ob-
 ligauit: aut profecta sunt a fideiussore, qui vel res suas
 debitoris nomine creditori eius obligauit, vel res su-
 as dedit debitori, quas deinde debitor suo nomine
 creditori suo obligauit: nihil est quartum.

Hic in iis omnibus speciebus non videtur fideiuf-
 forem aut heredem eius de iis pignoribus mandati ac-
 tionem habere aduersus debitorem. I De rebus de-
 bitoris, quas ille suo nomine pignori obligauit cre-
 ditori, non habet actionem mandati, neque fideiussor,
 neque heres eius. Nam non est mandati actio contra-
 ria, nisi de eo, quod procuratori abest. Hæc autem pi-
 gnora fideiussori non absunt, quia nunquam fuerunt
 in bonis eius, neque ab eo profecta sunt, sed a debitore.
 II. Sed etsi fideiussor res suas pignori obligauit nomi-
 ne debitoris, tamen pecunia soluta ipse repetere de-
 bet pignora sua a creditore pignoratitia actione. De
 iis autem mandati actionem non habet aduersus debito-
 rem. Nam, ut iam dixi, hic mandati actionem habet, si id
 petat, quod ei abest: hæc autem pignora illi abesse non vi-
 dentur, postquam pecuniam creditori soluit. Nam qui ac-
 tionem habet ad rem recuperandam, is rem habere
 videtur, *l. qui habet. de reg. iur.* Ipse autem habet ac-
 tionem pignoratitiam, qui pignora dedit, *l. si rem. §. is*
quoque. ff. de pig. act. III. Postremo si ipse fideiussor
 dedit res suas debitori, quas debitor deinde creditori
 suo oppignoraret, hoc casu non habet mandati ac-
 tionem, quia commodati actionem esse diserte scri-
 ptum est in *l. si incerto. §. nunc videndum. ff. commod.*
 Sic fit, ut dixi, ut non videatur mandati esse actionem
 fideiussoris heredisve eius, quia pignora in obliga-
 tionem deducta consequatur a debitore, siue debi-
 tor de suo dederit, siue fideiussor.

Respondeo: De iis ita ius est. Primo, quod attinet
 ad eas res debitoris, quas debitor creditori suo pi-
 gnori obligauit, constitutum hoc esse debet, neque fi-
 deiussorem neque heredem eius habere de his rebus
 actionem mandati contrariam aduersus debitorem.
 Hæc enim actio competit de his, quæ procuratori

absunt, *l. si vero. §. si mihi, mandati. l. si quis alicui. §. im-
 pendia. ff. eod.* Constat autem, hæc pignora, quæ a de-
 bitore profecta sunt, fideiussori non abesse. Sane fi-
 deiussor, priusquam pecuniam soluat, potest conse-
 qui a creditore, ut se in ius pignorum a debitore ob-
 ligatorum transferat, sed id consequitur exceptione,
 non actione, *l. 2. j. de fideiuss.* & si consequeretur, non
 tamen esset mandati actio, cum mandatum inter
 creditorem & fideiussorem nullum interueniat.
 Quod si fideiussor consecutus fuerit a creditore, ut
 pignora in se transferantur, habebit ille quidem deinceps
 actionem ad ea persequenda, etiam aduersus debito-
 rem, si debitor ea possidebit, sed ea actio est actio de
 pignore, id est, hypothecaria, quæ in re est, §. item *Ser-
 uian. de act. l. pignoris. j. de pign. l. pign. ff. eod.* Proinde non
 est actio in personam, eoque nec mandati, quæ in per-
 sonam est: toto enim genere distat actio in re & actio
 in personam, §. 1. *de act. l. actionum genera. de act. & obl.*

Restat igitur, ut fideiussor heresve eius, si quam
 mandati actionem habet de pignore repetendo, eam
 habeat de pignoribus a fideiussore profectis. Et vero
 de iis mandati actio contraria competit aduersus de-
 bitorem ob pecuniam a fideiussore solutam, siue fi-
 deiussor ipse eam obligauit nomine debitoris, siue de-
 bitori dederit creditori obliganda. Si ipse obligauit,
 nomine debitoris, ideo pecunia soluta, habet actionem
 mandati contrariam aduersus debitorem, quia
 hæc pignora per mandatum debitoris illi absunt. Non
 obstat ei, quod dicitur, eum, qui actionem habet ad
 rem recuperandam, ipsam rem habere videri, *d. l. qui*
habet. quoniam in proposito fideiussor de pignoribus re-
 petendis, ut pignoribus, aduersus creditorem actionem
 non habet. Ipse quidem dedit pignora creditori, sed
 dedit nomine debitoris, non suo. Is dedisse intelli-
 gitur, cuius nomine pignus datum est. Debitoris nomine
 datum est. Proinde ipse debitor dedisse intelligitur, at-
 que de pignoribus actionem habet, non fideiussor. Quæ
 admodum in mutuo is mutuum dedisse intelligitur,
 cuius nomine mutuū datum est, ei; actio de mutuo
 competit, *l. certi. §. si nummos. ff. si cert. per.* Item inde-
 bito soluto is indebitum soluisse intelligitur, cuius
 nomine solutum est, ei; soli condictio indebiti co-
 petit, si eius mandato maxime solutum sit, *l. indebitum.*
l. cum indebitum. l. 6. de condict. indeb. Quare & in pi-
 gnore is pignus dedisse intelligitur, cuius nomine
 datum est, ei; soli pignoratitia actio competit.

Sed etsi fideiussor res suas debitori dederit in hoc
 utendas, ut ipse eas creditori suo pignori obligaret,
 habebit fideiussor heresque eius, soluta pecunia, actionem
 contrariam mandati, aduersus debitorem ad ea
 pignora consequenda, utpote quæ illi absunt ex causa
 mandati, ubi debitor mandauit fideiussori apud
 creditorem intercedere persona sua & pignoribus.
 Non obstat *l. si ut. §. nunc vid. 2. ff. commod.* ubi com-
 modati actio datur ei, qui res suas commodauit debi-
 tori, ut eas pignori obligaret. Hoc enim tunc recte di-
 citur, cum solum commodatum fuit, mandatum autem
 nullum antecessit. At si mandatum præcessit, ut in spe-
 cie proposita, mandati actio erit non commodati. Id
 ut dixi in specie proposita hoc modo accidit. Debitor
 ab amico suo homine locuplere petit, ut vellet pro
 se intercedere apud creditorem suum, & promissio-
 ne sua & pignoribus: amicus mandatum suscepit, ac
 primo fideiussor: de pignoribus sic transiit: dedit de-
 bitori res quasdam suas, quas debitor suo nomine
 pignori creditori obligaret, ut parceret pudori debi-

debitoris, ne videatur debitor nihil habere, quod obligaret. Dicimus in proposito si fideiussor pecuniam soluerit, etiam de iis pignoribus eum habere actionem mandati aduersus debitorem, ut debitor ea a creditore recuperata fideiussori restituat. Hoc ideo quod etsi vere hæc pignora commodauit creditori atque vtenda dedit, ad ea oppignoranda, tamen dedit propter mandatū præcedens, quod mandatum huic commodato causam dedit. Placet in omnibus contractib. initium contractus spectandum esse & causam, & ideo hic mandati actionē esse non commodati, *l. si procurat. in prin.*

Ad L. 3. Si pater tuus.

Impp. Seuerus & Antoninus. AA. Germano,

Si pater tuus tibi sui iuris constituto actionem aduersus debitores suos mandauit: potuit & ipse præsens aduersus eos re integra experiri. Si quid itaque ab eo apud iudicem actum est, rescindi nulla ratio patitur.

S Y M M A R I A.

1. Pater mandans actiones suas, quas habet aduersus debitores duos: filio suo, an nihilominus aduersus eos experiri, & si expertus sit, an reuocari & rescindi non possit quod egerit. §. *nn. 6.*
2. Mandare actiones quid.
3. Mandare & cedere actiones idem.
4. Mandata seu cessæ actionis vis & effectus.
5. An ex omni mandata actione actiones in mandatarium transeant.
6. Pater qui mandauit actiones filio, potest experiri aduersus debitores: re tamen integra. Quod explicatur fuse ibid.
7. Pater si re integra, ut potuit experiri aduersus debitorem, ita etiam expertus sit, an filius postea existens possit eam patris persecutionem inhibere, & si velit aduersus debitores agere, audiendus sit.
8. Agere quid.
9. Filius cur non possit nec debeat patri præferri post litem contestatā a patre, qui ante litem contestatam patri præferebatur.
10. Etsi ambo concurrant, uter alteri præferri debeat.

Pater, qui habebat duos debitores, actiones quas aduersus eos habebat mandauit filio suo, sui iuris constituto. De effectu ꝑ huius mandati queritur, an pater mandatis actionibus, nihilominus possit aduersus suos debitores veteres experiri, & si expertus erit, an reuocari & rescindi non possit quod egerit? Iustissima dubitationis causa est: sed neque & causam, neque vsum qualis sit, potest intelligi nisi intelligatur, quid sit mādare actiones, cuius mandati is sit effectus, ut transferantur actiones in mandatarium, aut cur pponantur actiones mandati, etiā filio sui iuris constituto. Prius ergo de iis monere nos oportet.

2. Mandare ꝑ actiones alicui, non est mandare ei pecuniam solum exigendam, sed est actiones cedere eo animo, ut in eum transferantur, seu ut eas exerceat in rem & vtilitatem suam. Mandare ꝑ & cedere actionem pro eodem vsurpantur in *l. prodest*, in *D. de solut.* Et si apertius volumus: Mandare actiones suas alicui, est ita mandare actiones illi exercendas, ut eum procuratorem in rem suā faciamus. Quod dicitur mandare actiones in *l. emtor. infr. de hereditate vel acti. vend.* hoc dicitur procuratorem in rem suam facere, in *l. ex nominis ord. infr. de hered. vel acti. vend.*

Huius ꝑ mandati vis & effectus hic est: Mandatis ꝑ actionibus seu cessis transeunt actiones in eum, cui mandata sunt, & directa & vtilis. Directa quam creditor idemque mandator habuit, sed ita ut mandatarius sit procurator in rem suam, & causam actionis exerceat ex persona mandantis. Vtilis transit, quam mandatarius habeat & exerceat suo nomine, *l. ultim. inf. quando fil. patris. d. l. emtor. infr. de her. vel acti. vend. l. ex legato. infr. de leg.* Sed ita ꝑ ex hoc mandato transeunt actiones in mandatarium, si is sit, cui actiones acquiri potuerāt. Et ob hæc causam proponitur hoc loco pater mandasse actiones filio sui iuris constituto, ut intelligamus mandatum & translationem in eius filii personam constituisse. Nam si pater mandaret actiones filio, quem in potestate habet, nihil filio quæreretur, & mandatum non consisteret, nam actio ad patrem rediret, §. *ei*, *Instit. per quas person.* Ita fieret, ut non consisteret mandatum, ut dixi, uti nec consisteret donatio, si quid pater filio familias donaret, *l. 1. §. 1. D. de donat.* Transeunt ergo in hūc filium actiones & directæ, quas pater habuit, & vtilēs, quas filius habebat suo nomine.

Hinc ꝑ ut dixi, dubitatio ea, an ita mandatis actionibus pater adhuc possit aduersus debitores suos experiri? Non videtur posse, ut est translatio & effectus superior. Nam si transeunt in filium mandatarium actiones, pater habere desinit, quod si pater amplius actiones non habet, sine actione experiri non potest, *l. si pupillus alias. l. item si §. ult. D. de nego. gest.* Hic responsum est, etiam mandatis actionibus posse mandatorem præsentem aduersus debitores suos experiri, item in *l. 3. infr. de Non.* Hic opponitur mandatum & effectus mandati, de quo dixi: Pater mandando actiones filio suo, eas in filium transtulit. Transferendo amisit actiones, sine actione autem experiri non potest. Confirmatur hoc exemplo rerum corporalium: Nam qui rem suam alii cedit, seu tradit, tradendo transfert, & transferendo simul alienat, id est, suam habere definit actionē, §. *per trad. Instit. de non diui.*

Respondeo: Siquidem mandatis actionibus transeunt in mandatarium actiones nudæ, verum esset, quod dixi, nō posse amplius patrem mandatis actionibus, aduersus veteres debitores experiri, ut qui actiones cedendo, habere desisset. Sed hoc tenendum est de effectu superiorum mandatorum, & cessarum actionum: Nunquam mandatis actionibus ita actiones transferri in mandatarium, quin mandator directam semper retineat. Denique directæ nulla cessione in alium transferri possunt. Id intelligitur ex eo, quod mandatis actionibus, dicitur procurator directas actiones exercere, ex persona mandantis, *l. emtor. infr. de hered. vel acti. vend.* Non exerceat ex persona mandantis, nisi ꝑ in persona mandantis constituerant. Idem intelligitur ex eo, quod is cui mandata sunt actiones dicitur procurator in rem suam factus, *leg. ex nominis, infr. de her. vel acti. vend.* Non ꝑ procurator, nisi qui mādato domini actionem exercet, ex definitione procuratoris, quæ est in *lege prima, D. de proc.* Et has actiones non posse transferri expressum est. in *l. 1. §. D. pro soc.* Quod si pater mandatas actiones directas non transtulit, & apud eum manserunt, ut antea, consequens est, eum iisdem actionibus, ut antea aduersus debitores experiri. Non obstat exemplum rerum corporalium, dissimilia enim hæc sunt: Res corporales natura sua

tradi & cedi possunt, ideo voluntate domini & traditione transferuntur recte & secundum naturam. Actiones quamuis cessae in alium transferri non possunt, repugnante earum natura & iuris constitutione. Nam actiones non sunt res, quae subsistunt, aut quae cedi traditae possunt: sunt enim incorporeales, *Instit. de reb. corp. & in corp.* & hoc praeter ceteras incorporeales, ut usufructus & servitutes, proprium habent, quod in actionibus nihil interuenire potest, quod pro traditione & potestate habeatur.

Iuris etiam constitutio de actionibus haec est, quod omnes actiones certis personis prodita sint iure, & aduersus certas personas, extra quas non competunt actiones. Actio exceptionis contractus prodita est ei, qui contraxit, aduersus eum, cum quo contractum est. Actio ex maleficio prodita est ei, cui maleficio nocitum est, aduersus eum, qui deliquit & nocuit. Exempli causa: Actio ex mandato de pretio rei empta, iure solum competit venditori, & cum ex mandato alii non cedat, iure non potest transferri, quia semper verum erit eum, cui mandata est haec actio, venditorem non esse. Rata est ergo haec sententia eum qui mandauit, & cessit alteri actiones suas, nihilominus actiones ut ante retinere, proinde & iis actionibus recte aduersus debitores experiri etiam post mandatū & cessionem actionū, ut hic traditur.

6 Sed additur exceptio, ut possit pater qui mandauit actiones, experiri aduersus debitores suos, re integra. Res integra esse desuit patri eidemque mandatori, non tantum, si filius idemque mandatarius litem contestatus erit cum debitoribus, aut sine contestatione aliquid ab iis debitoribus acceperit: Sed etiam si solum denuntiauerit iisdem debitoribus, sibi mandatas esse actiones aduersus eos, an sibi soluere vellent, ut explicatur in *l. 3. infr. nouat.* Hinc duo intelligimus, simulatque mandatis actionibus mandatarius seu procurator in rem suam factus denuntiatur debitoribus, aduersus quos actiones mandatae sunt, ut sibi soluere, amplius patrem & eum, qui mandauit, aduersus debitores experiri non posse, quod apertius significatur, in *d. l. 3. infr. de Non.* & ex hoc loco diserte colligitur,

Sed huic parti multa opponuntur de quibus dicam ordine. I. Facit pro patre eodemque mandatore actionum, quod directas actiones ante denuntiationem filii habuit, ut dixi, ergo & post denuntiationem filii habere perseverabit, quod denuntiatione filii non amisit. Haec enim denuntiatio non est modus, quo tolluntur obligationes aut actiones. Deinde dixi actiones directas, quamuis cessas, in filium transferri non posse. Quare si pater ante denuntiationem experiri potuit aduersus debitores, quia directam actionem tunc habuit, etiam post denuntiationem filii experiri poterit, & tunc eas actiones retinebit. Respondeo: Verum est, patrem qui mandauit actiones, etiam post denuntiationem filii actiones directas easdem habere, quas antea habuit. Neque enim denuntiatione filii, aut ullo facto eius potuit amittere. Sed meminisse debemus, filium praeter directas actiones, ex suo mandato habere ab initio viles, has actiones pater illi adimere nullo suo facto potest. *l. habere, D. de exiit. l. ult. D. de pact.* Habet quidem & pater directas actiones eiusdem rei nomine, sed quoties mandatis actionibus concurrunt dominus & procurator in rem suam, ita ut uterque velit experiri, placet procuratorem in rem suam, domino praeferrī ad

litem mouendam, *l. proc. in rem suam dato, D. de procur.* Et merito: et si enim is dominus est, qui mandauit, quoniam recedere actiones ab eo non poterant, re tamen & effectu dominus est is, cui mandatae sunt actiones, quoniam actiones exercet in rem & utilitatem suam, unde dicitur negotium suum gerere non alienum, *l. qui stipendia, D. de procur.*

Hic nobis occurrit ac probatur viles actiones, quas mandatarius seu procurator habet non debere obstare domino directas actiones habenti, his argumentis. I. est, quod mandatarius etiam antequam denuntiavit debitoribus, viles actiones habuit. Has enim habuit statim ab initio mandati, *l. ult. §. quando fiscus.* At haec actiones ante denuntiationem filii, non obstiterunt patri, quo minus aduersus debitores recte experiretur, *l. 3. infr. de Non.* Ergo nec post denuntiationem filii obstabunt. Respondeo: Non recte haec tempora comparantur. Nam ante denuntiationem filii nihil est, quod imputari possit debitoribus, si soluant patri mandanti, aut si illo agente actiones suscipiant, & cum eo litem contestentur, nam iuste ignorant an filius, cui mandatae sunt actiones, velit sibi solui. Proinde eorum ignorantia est excusata, *argumento in §. recte, Instit. de mand.* At postquam filius aperte debitoribus denuntiavit, sibi solui velle, culpa est debitorum si alii soluant, cum intelligant, aut intelligere debeant, eum cui mandatae sunt actiones, habere actiones viles, & in iis praeferrī domino creditori, *d. l. proc. D. de proc.* Ergo ut ad rem respondeatur, pater & ante & post denuntiationem filii habet aequae directas actiones, sed post denuntiationem filii, constituuntur illi viles: quare debitores si ei soluant, non liberantur, & ob id eius actiones suscipere non coguntur.

Alterum argumentum in eandem rem pro patre est. Quod si filius viles actiones habet ex mandato patris: At mandatum voluntate mandatoris reuocari potest, *§. recte, Instit. de mand.* Proinde si pater aduersus debitores ita agat, ut mandatum reuocet, id est, ut dicat se nolle filium agere, filius agere non poterit, utpote amissis & reuocatis actionibus vtilibus quas habebat. Respondeo primo, dici potest filium in proposito non habere actiones viles ex mandato patris, habet solum directas ex eius mandato, viles habet ex eius voluntate, sed in iis mandatum patris non consistit, quia eas habet suo nomine, proinde ut proprias, non alienas, quarum natura mandatum non consistit, *l. 3. in fin. D. mand.* Sed amplius dicimus: Neque viles neque directas actiones, quae habentur ex mandato patris, reuocari posse a patre. Id apparet euidenter ex eo, quod dicitur in *d. l. proc. in rem suam dato, D. de proc.* Procuratorem in ea lite, quae mandata est, domino praeferrī. Ergo praefertur domino volenti & mandatum reuocare conanti. Non obstat, quod dicitur mandatum voluntate mandantis reuocari posse, hoc enim dicitur de eo, quod reuocatur re integra, res integra esse desuit, cum mandatae sunt actiones. Praeterea, quod dicitur mandatum reuocari voluntate mandantis, sic intelligendum est, voluntate eius domini, cui dari mandatur. Nuncautem mandatis actionibus, mandator vere dominus actionis esse desuit, & effectu actio esse cepit procuratoris, propter emolumentum actionis in procuratorem translatae, *d. l. qui stip. infr. de pro.* Postremo hic pro patre ad reuocationem vtilium actionum pugnat. *l. si ideo, §. si mandauero, penult. D. eod. ubi*

Mod. vbi diserte traditur, eum qui procuratorem dedit ad pecuniam exigendam, seu qui mandauit pecuniam exigendam, posse, quoties volet, mandatum reuocare. Respondeo: longe aliud est mandare actionem, de quo hic quærimus, & aliud mandare pecuniam exigendam, tamen si hoc non sit sine actionibus mandantis. Nam mandare actiones, ut initio monui, est actiones cedere nomine eius, cui mandantur, qui ob id constituitur procurator in rem suam. At mandare pecuniam exigendam, est mandare exigendam nostro nomine. Strictè mandati actiones alienantur, & effectus in mandatorem transeunt posteriores, nihil in procuratorem transit, sed omnis actio penes dominum manet, qui procurator constituit.

Effectum est patrem, eundemque mandatorem actionum, postquam filius denuntiavit debitoribus, sibi solui velle, amplius aduersus debitores experiri non posse, quoniam non potest experiri, nisi re integra. Res autem integra esse desiit, superiore filii denuntiatione, ut dixi. Hinc alterum per contrarium efficitur, quod hoc rescripto comprehensum est: Ante superiorem denuntiationem filii, patrem ut prius, ita etiamnum aduersus debitores suos experiri posse. Cur magis ante denuntiationem filii, quam post denuntiationem pater experiri possit, cum utroque tempore directas actiones habeat, rationem supra reddimus. Atque hæc prior rescripti in specie proposita quæstio est.

7 Sequens quæstio est, si pater ante denuntiationem filii, id est, re integra, ut potuit experiri aduersus debitorem, ita etiam expertus sit, an postea filius existens, possit inhibere eam persecutionem patris, & si velit aduersus debitores agere, an sit audiendus? De hac re ita respondetur hoc rescripto: si a patre actum sit per iudicem, id est, in iudicio, aduersus debitores, idque factum sit re integra, id est, antequam filius quicquid denuntiasset debitoribus, rescindi non posse, id quod actum est. Quibus verbis sequitur: Si postea existat filius, qui postulet agere aduersus debitores, & se patri præferri ad eam litem persequendam, eum audiendum non esse, nec posse rescindere quod actum est, id est, actionem conceptam in persona patris, in eius quoque persona persequere debere. Denique nullam amplius actionem filium habere inuito patre aduersus debitores. Sed hoc ita, inquam, si pater egerit aduersus debitores. Agere quod non est tantum actione instituire aduersus debitores, quod sit eos in ius vocando, actionem iis edendo sed est litè & iudicium cum illis contestari, *l. amplius, D. rem ratam haberi.*

Itaque hoc rescripto exigitur, ut pater cum debitoribus re integra litem sit contestatus, ad hoc, ut quod cum illis egerit rescindi a filio non possit. Ex quo duo hæc intelligimus. I. Quamdiu pater cum debitoribus litem contestatus non sit, quamuis illos interpellarit, ut soluerent, atque adeo quamuis illos in ius vocarit, iudicio cum illis experturus: tamen si filius ante litem contestatam veniat, & velit se patri præferri ad litem mouendam, audiendum esse, quod expressum est in *d. l. proc. in rem suam, D. de procur.* II Si pater semel contestatus sit litem cum debitoribus, idque fecerit re integra, filium amplius præferri patri non posse, neque posse amplius aduersus debitores experiri.

9 Sed quod cur non potest nec debet patri præferri post litem a patre contestatam, qui ante litem a patre contestatam patri præfertur? Ratio hæc est, quod ante litem contestatam pater habuit solum eas a-

ctiones, quas filio cessit, ideo filius in iis actionibus tanquam suis patri præferri debet. At lite contestata, pater nouam actionem acquisiuit, iudicatam. Nam iudicium accipiendo, seu litem contestando contrahitur, *l. 3. s. idem scribit, D. de pecul.* Hæc actionem pater non mandauit filio suo, proinde in ea filius proferri patri non debet, quod nullam causam habet cur præferatur. Sed & hoc pro patre dici potest, actionem patri semel quæsitam, illi inuito auferri non posse, *l. habere, D. de emet. l. ult. D. de pact.*

Sed hic pro filio opponuntur patri viles actiones, quas filius suo nomine iam ab initio habuit, quauis post litem sit contestatus cum debitoribus, tamen nihilominus filius actiones viles quas habuit retinet. Eadem ratione quam ante dixi, quod actio illi semel quæsitam inuito auferri non potest. In iis autem actionibus semper filius domino, eidem mandatori præferri debet, *dist. leg. procur. in rem suam, D. de proc.* Quare filius post litem etiam a patre cum debitoribus contestatam, nihilominus vtilibus actionibus cum debitoribus experiri potest, ut patri præferatur. Respondeo: Et post litem a patre contestatam verum est, filium easdem actiones viles habere, quas prius habuit, quandoquidem inuito ei auferri non poterant, sed pater contra etiam suas actiones habet aduersus debitores, nempe actionem nouam iudicatam lite contestata quæsitam. Solum quod hoc quæritur, si isti inter se concurrant, in hoc concursu, vter alteri præferri debeat? Dicimus ex hoc rescripto, patrem qui litem contestatus est filio viles actiones habente esse potiores, hac ratione, quia pater re integra sibi vigilarit, egerit enim aduersus debitores: Filius autem sibi non prospexit, qui cum posset denuntiare debitoribus ut sibi soluerent, non denuntiavit. Vigilantibus hic locus est, ius enim vigilantibus scriptum est, *l. pen. D. de quib. in fraud. cred.*

Ad L. 4. Etiam.

Imp. Alexander A. Vulnerato.

Etiam si contrariam sententiam reportauerunt, qui te ad exercendas causas appellationis procuratorem constituerunt: si tamen nihil culpa tua factum est, sumtus, quos in litè probabili ratione feceras, contraria mandati actione petere potes.

S V M M A R I A.

- 1 Procurator an sumtus, quamuis inutiles, mandati tamen exsequendi causa factos, a mandatoribus consequi debeat.
- 2 Sumtum probabilis ratio qua sit, & qui sumtus bona fide fieri intelligantur.
- 3 Procurator cuius culpa factum est, ut mandans damnaretur, non solum tenetur mandanti ad id quod interest, sed etiam sumtus amittit quamuis probabiliter factos.

DVo heredes exempli gratia de re hereditaria communi, in communi iudicio egerunt, vel cum conuenirentur, in commune defensionem susceperunt, ut accidit inter confortes eius, *d. l. 1. & ult. de confort. eius lit.* In ea re victi sunt. Victi appellarunt, & ad causam appellationis exercendam, constituunt sibi communem procuratorem, is procurator causam persecutus est, & in lite sumtus fecit. Sed tandem & is condemnatus est, vel sententia aduersus eum directæ est, secundum formam iuris præscriptam, in *l. 1. infr. de sent. & inter.* Is nihilominus sumtus a se in ea lite factos a mandatoribus repetit mandati actione

contraria, iuxta *legem, si vero, §. questio, l. si quis alicui, §. impendio, D. eod.* Negant mandatores, se sumtus restitutos, quod si sumtus isti fuerunt inutiles, utpote qui victi sunt in causa appellationis, Queritur, an ꝑ procurator sumtus, quauis inutiles mandati tamen exsequendi causa factos, cōsequi debeat a mandatoribus? Placet consequi debere, & petere posse mandati actione contraria.

Hic ex aduerso occurrit exemplum eius, qui sine mandato negotia aliena gessit. Nam & is habet contrariam actionem de eo, quod in aliena negotia impendit, non minus quoque is qui gessit negotia domini mandatu, *dist. l. 2. l. si seruum, de neg. gest.* Cur non in mandati actione contraria idem dicamus? Respondeo, Recte placuit diuersam esse causam harum actionum, & horum administratorum: Nam qui mandauit negotium suum geri, is se obligat procuratori negotiorum: tiam eum procuratorem ex eo mandato sentiat, *l. ex mandato, in prin. D. eod.* Et requisitum est nulli officium suum, quod sua sponte susceperit damnosum esse, *leg. si seruus s. D. de furt.* Nulla fit mandatori iniuria, si hoc dominum, in quod se obligauit præstat, etiam si nullam vtilitatē ex mandato senferit. Non enim fraudantur qui consentiunt, *l. nemo videtur fraud. de reg. iur.* At is sine cuius mandato negotia administrantur, non se obligauit administranti, ut is administrationis periculum præstaret. Proinde non debet teneri, nisi alia causa obligationis accesserit. At alia causa nulla est, vbi vtiliter negotium gestū non est, nisi vtilitas negotii. Ergo nulla esse proponitur. Nam factum & consilium administrantis, quamuis bona fide & sedulo ad negotia gerenda accesserit, tamen iuxta reg. iur. non potest facta sua, alterius conditionis facere, aut alterum onerare, *l. id mand. D. de neg. gest. l. in causa, vers. sed hac ita, D. de proc.*

Sed ut procurator in proposito suum repetat hæc conditio adiecta est: *Si sumtus in litem fecerit probabili ratione.* His verbis exigitur, si sumtus fecerit mandati exsequendi causa, & bona fide, ut aliis verbis expressum, *in d. l. si quis alicui, §. impendia.* Quæ est probabilis ꝑ ratio sumtuū, & qui sumtus bona fide fieri intelliguntur? Respon. Hi qui fiunt in litem necessario, id est, qui ad litem persequendam, & ad victoriam obtinendam fieri necessario debuerunt. Et ideo, quam hic probabilem rationē rescriptum nominat, eam Papinianus alibi interpretatur, eam esse cum sumtus necessario fiunt *in l. qui mutuum, §. ult. D. eod.* Cuius generis sumtus in lite sunt sportulæ apparitoribus præstitæ, salaria legitima aduocatorum, sumtus in consultationes necessarias facti, sumtus in mercedem eorum, qui instrumenta litis, aut ad litem necessaria conscribunt, sumtus qui prærogantur testibus, qui testes in lite producti sunt iure, *l. quoniam, infr. de testib.*

Adiicitur & alia conditio, seu exceptio, *nisi procuratoris culpa factum sit, ut causam amitteret,* veluti si necessaria instrumenta non protulerit, si non produxerit testes quos poterat, si necessariam aliquam exceptionem vel defensionem omiserit, de quibus dicitur *in l. cum procur. infr.* Hac exceptione intelligimus, quamuis procurator primo sumtus fecerit, in litem necesarios, si tamen postea culpa eius, causa amissa sit, eum duplex damnata sentire, vnum quod teneretur mandatoribus in id quod ipsorum interest, *l. ad comparanda, infr.* alterum, quod nec sumtus a se

necessario factos consequitur ex hoc rescripto. Hic opponitur sententia, *l. si quis alicui, §. impendia, D. eod.* vbi traditur procuratorem cōsequi debere impendia mandati exsequendi causa facta, si bona fide facta sunt, quamuis exsecutio mandati effectum non habuit. Respondeo: Primum dici potest, eum procuratorem, cuius culpa causa amissa est, non videri vnquam sumtus fecisse bona fide. Idque ex euentu apparere, quia si bona fide egisset initio, non factus esset tam negligens, ut veller commodum prius sibi quasitum abiicere, ut nemo videtur iactare suum, *l. cum de indebit. D. de procur.* Sed & alia responsio est certa, quod procurator, quemadmodum impendia mandati exsequendi causa facta consequi potest, sic etiam vice versa præstare debet domino, eique mandatori omnē vtilitatē, quam ex sumtib. factis consecutus erat, idq; mandati iudicio directo continetur, *l. idemque, in pr. vers. ii. 2. 2. seqq. l. ex mandato, in pr. D. eod.* Et quemadmodum eam vtilitatem quasitam, procurator præstare debet domino si eam habet, ita & tunc præstare debet cum culpa amisit, *l. proc. infr. hoc tit.* At in proposito, cum procurator sumtus in litem fecit necesarios, hanc vtilitatem consecutus est, ut vincere possit, si adhibuisset defensiones & probationes necessarias. Quare si id non fecit, culpa vtilitatem amisit, & quia amisit, tenetur domino in id damnum, quod eius interest, *d. l. ad compar. infr.* Interest autem domini vel eos simul repetere, si iam prærogauit, vel non soluere si nondum soluit. Quare merito & cōuenienter ratione iuris & æquitatis hic rescriptum est, procuratorem, ꝑ cuius culpa factum, ut condemnaretur, non solū teneri domino, id quod interest, sed etiam sumtus amittere, quamuis prius probabiliter factos. Et in hac sententiam bene congruit *lex sine hereditaria.* quæ citatur *in gloss. infr. de neg. gest.*

Notandum est in verbis rescripti, quod dicitur in proposito, dominos, qui procuratorem constituerint, sententiam cōtrariam reportasse, nim. sententiam, quæ aduersus eos collata est. Hoc vero contrarium videtur, *l. i. infr. de sent. & inter.* vbi cauetur, si causa per procuratorem agatur, sententiam non esse ferendam aduersus Dominū, sed aduersus procuratorem, ut procurator ipse condemnatur, & si contra factum sit, ipso iure sententiā nullius esse momenti. Respondeo: Vtrumque verum est, procuratorem condemnari de re *ex l. t. infr. de sent.* Et nihilominus dominum ipsum sententiam contrariam reportare, atq; adeo in dominum sententiā ferri, seu dominum condemnari. Vtrumq; recte dicitur, diuersis rebus: Nam verbis sententiæ procurator condemnari debet: procuratore condemnato, re ipsa & effectu intelligitur dominus condemnatus, quod iudicati actio aduersus dominum datur, non aduersus procuratorem, quæ res facit, ut damnum sententiæ sit domini, non procuratoris, *l. 4. in pr. D. de re ind.*

Ad L. 5. Si maritus.

Imperator Alexander A. Guliano.

Si maritus sororis tuæ tibi procurans petere bonorum possessionem noluerit, cū ipso tibi congregiendū est: quam querelam ita cum effectu habes si mandasse te ut peteretur bonorum possessio, eumque neglexisse arguas.

S V M M A R I A.

1 *Juliano testamento tabularum instituto an bonorum possessio per procuratorem acquiri possit.*

2 *Bono-*

2 Bonorum possessione per exclusionem temporis a procuratore amissa, an procurator teneatur.

3 Procurator quis sit.

1 Iulianus est cōsultor rescripti Iuli. Institutus ē erat testamento tabularum, ab aliquo cognato proximo. Itaque ei bonorum possessio secundum tabulas delata erat, vel cognato intestato mortuo iure proximi, delata erat Iuliano bonorum possessio, ut leg. vel iure agnati, ut est hęc bonorum possessio exposita, in l. 1. *D. si tab. test. exstabunt*, §. *sunt autem, Instit. de bon. poss.* Bonorum possessio acquiri illi potuit, non tantum per ipsum, sed etiam per quemvis alium, qui eius nomine agnosceret apud magistratū bonorum possessionē. Sed imprimis, si procurator Iuliani bonorum possessionem agnosceret. Nam hoc facto, statim Iuliano acquireretur bonorum possessio, l. 3. §. *acquirere, D. de bon. poss.* Cum hic Iulianus in ipsis locis, ubi hereditas delata erat, haberet maritū sororis suę, qui negotia eius procurabat, speravit fore, ut is procurator bonorum possessionē agnosceret, itaque sibi eam acquireret, sed procurator bonorum possessionem petere noluit intra centum dies huic petitioni constitutos: ita factum est, ut Iulianus tempore excluderetur, eoque amitteret bon. posses.

2 Bonorum possessione ita amissa, queritur, utrum hoc damnum consequi possit a marito sororis suę, eodemque procuratore suo? Rescriptum est, Iulianum cum marito sororis suę congregari posse iudicio, & queri ipsius culpa omisam esse hanc bonorum possessionem. Et hanc querelā habere cum effectu, id est, ita ut maritus sororis suę possit & debeat condemnari in estimationem bonorum possessionis amissę: sed his conditionibus, si duo hęc concurrant, quę rescripto comprehensa sunt. I. Si Iulianus probet se mādasse marito sororis suę, ut peteret eam bonorum possessionem. Ex quo intelligitur sine mandato domini neminem cogi aliena negotia attingere. Hanc administrationem voluntatis esse, nō ullius necessitatis, ubi quis eam administrandam non suscepit: mandatum ergo exigitur, ut maritus sororis eo nomine teneatur.

Sed videtur hoc responsum esse nugatitium, aut certe secū ipsum pugnare. Nam in principio proposuit, maritum hūc, de quo queritur, procurare res Iuliani, quoniam procurator est qui aliena negotia mandato domini administrat, l. 1. *D. de proc.* Nunc autem respondet dubitāter, maritum teneri si ei mandatum sit, id est, si in hac re procurator sit, quasi dubitet de eo, quod prius affirmavit. Deinde rescriptum exigit, ut Iulianus hoc mandatum probet. At prius dixerat hoc mandatum esse, & ideo certū mandatum habebat: in mandato certo probatione non est opus, l. 3. *infr. quib. ad lib. procl. non licet.* Respondeo, Bene rescriptū cum propositione cōgruit. Vtrumque verum esse potest, maritum sororis mandato Iuliani, negotia Iuliani administrare, & tamen nihilominus nihil illi mandatum esse, ut bonorum possessionem Iuliani nomine peteret. Id dupliciter cōtingere potest. Vno modo, si Iulianus marito sororis suę mādauerit, de quibusdam negotiis gerendis aliis, quām de bonorum poss. petenda. Hoc casu nō modo nihil mandatum intelligitur de bonorū poss. petenda, sed etiam hęc ipsa petitio & ceterarum rerum administratio excepta intelligitur, l. *maritus, §. de proc.* Ex quo colligimus quamvis huic marito alienarū rerū procuratura mandata sit, tamen non cogi, ex mandato

bonorum poss. Iuliano delatam petere, q̄ id mandatum non sit. Nec obstat, quod alias res gerit nomine Iuliani: Nam hic locum habet quod dicitur in l. *tutor, §. de neg. gest.* satis abundeque sufficere, si cui vel in paucis amici labore consulatur.

Altero modo idem fit, si marito huic generaliter vni, omnium bonorū administratio mādata sit. Hoc mandato non intelligitur contineri mandatum, ut possessionē bonorū peteret nomine Iuliani. Et ideo nihil nocet hoc mandatum marito, nisi, ut hic scriptum est, mandatum sit ei hoc ipsum, ut bonorum possessionem peteret, id est, mādaturū ipsi nominatim & specialiter. Et hic verus est sensus huius rescripti. Intelligere ergo debemus huic marito procuracionem omnium bonorum generaliter mandatam esse: unde absolute dicitur procurasse Iuliano. Placet tamen eum non cogi bonorum possessionem petere Iuliano delatam, quamvis ea res sit ex negotiis Iuliani, quia hoc mandato generali non intelligitur contineri, ut bonorum posses. petat. Sed mandato speciali ad eam rem opus est. Et ob id, rescriptum hoc mandatum certum & simplex exigit. Non contineri hoc mandatum generali mandato administrationis, declaratur in l. *si quis mihi, §. instā, vers. sed utrum, D. de act. hered.* ubi placet non videri filiofam. mādaturū esse, ut certam hereditatē sibi delatam habeat, si generaliter pater ei mandavit, ut quęcunque hereditas ei deferatur, eam adiret. Quod de hereditate illic dictum est, pertinet ad bonorum possessionem: nam bonorum possessio nihil aliud est, nisi hereditas & successio prætoria, quę nos iisdem incommodis & oneribus obstringit, quibus hereditas, l. 1. 2. & 3. in pr. *D. de bon. poss.*

Sed hic opponitur vis & potestas generalis orationis. Nam generali oratione omnes species ei generi subiectę continentur, ut est verborum sententia. Et iure placet contineri, leg. *si servitus, D. de serv. urb. prad. l. Marcius §. duorū autem, de legat. secundo.* Et in specie propofita placet vniuersali bonorum procuratori, de omnibus rebus tam mandatū videri, quam si res omnes specialiter expressę essent, & de singulis mandatum esset. *l. iuris iur. quod ex convent. §. vlt. D. de iur. iur.* Respondeo. Hęc semper vis est generalis orationis, itemq; generalis mandati, & contestationis, nisi de sententia creditoris aliquid accipiat. Placet autem generali exceptionē, excipi omnia, quę quis nō videatur specialiter fuisse contestatus, l. *qui peculii, D. de pecul. l. obligatione, D. de pignor.*

Ob hanc causam placet generali mādato quatuor causas excipi. Primo excipitur famę causa, id est, ne procurator suscipiat defensionē domini in ea causa, quę ad famam & existimationem domini pertinet, neue quid negligentius aduersus existimationem domini faciat, l. *non solum, §. vlt. D. de proc.* Superiorem proximum est, ne procurator vniuersorum bonorum, nomine domini testamentum petat, leg. *illud, §. vltim. D. de mand.* Habet præterea coniunctam aliquam iniuriam aduersarii, cui aliquid admittitur aduersus dolum. Terrio, excipitur ex hoc mandato, ne procurator agat de liberis domini exhibendis, deducendisue, propter affectionem patris, quā liberorum nulli vult pater deductionem esse. præterquā sibi, l. *Pomponius, in pr. D. de proc.* Postremo excipitur hęc causa, de qua hic agitur, ne procurator bon. posses. domini petat, quod recte constitutū est

propter periculum, quod ex bonorum possessione admissa imminet, nam hereditas obligat nos omni æri alieno, etiam si soluendo non sit, *l. morte. D. de acquir. hered.* Proinde & bonorum possessio admissa, quoniam bonorū possessio hereditatis loco est, eademque commoda & incommoda continet, ut dixi *dist. leg. 1. 2. 3. D. de bonor. posses.* Hoc periculum non facile quisquam in se creditur recipere velle, & ut hereditas damnosa non sit, tamen multa sunt in hereditate, quæ quis metuat, quæ eius arbitrio & estimationi committenda sunt, ut est in *l. 4. D. ad Senatusconsult. Treb.*

Recte ergo hic significatur maritū sororis, quamvis alioqui ex generali administratione bona Iuliani procurantem, tamen non teneri, si bonorum possessionē Iul. delatam non petierit, quia nihil de eo mandatum intelligitur, nisi aliter de mandato speciali doceatur, quod hoc rescripto recte exigitur. Atque hinc videmus, quod adiicere licet ad defensionem mandati, de quo dixi initio huius tituli, ubi inter cetera dixi mandari aliquid verbis, adiiciemus, quicquid verbis mandati continebit, id mandatū ex sententia quoque videri, idque citra controuersiam, si specialiter aliquid mandatum sit. Idem quoque probandum, si aliquid generaliter bonorum administratori mandatum sit, quoniam generali mandato singularū rerum mandata continentur, nisi appareat aliquid exceptum esse, in quo genere sunt ea, quæ dixi, quod confirmatur exemplo bonorum possessionis in hoc rescripto. Recte ergo hoc primo exigitur, ut probeatur specialiter mandatum esse marito huic, ut bonorum possessionem delatam peteret ad hoc, ut ea non petita Iuliano teneatur.

Non est autem id satis, alterū etiam exigitur hoc rescripto, ut si ei mandatū est hoc ipsum, ut bonorum possessionem peteret, etiam petere eam neglexerit, Quibus verbis significatur, ita maritum bonorum possessione non petita teneri, si cum posset non petierit, ut in eo arguatur aliqua eius culpa & neglectus. Quod eo pertinet, ut si voluerit quid petere, sed non potuerit casu aliquo prohibitus, non teneatur. *l. si quis alicui. §. qui mandat. D. eod.* Et hoc est, quod generaliter definitur, procuratorē nihil amplius præstare debere, quam dolum & culpam in mandato. *l. procuratorem infr. eod.*

Ad L. 6. Si Fideiussor.

Imp. Gordianus A. Sotibio.

Si fideiussor pro eo patiente fidem suam adstrinxerit, mandati cum eo, post exsolutā pecuniam vel factam condemnationem, potest actionem exercere.

SUMMARIA

- 1 Fideiussor, qui pro debitore apud creditorem fideiussit, habet mandati actionem contrariam aduersus debitorem pecunia soluta, aut cum de ea condemnatus erit, si mandato debitoris fideiussit.
- 2 Fideiussori quot modis fideiubere mandatū videatur.
- 3 An silentio quoque fideiussori mandari videatur.
- 4 An qui tacet pro consentiente habeatur.
- 5 Fateri & consentire quid differant.
- 6 Regula, quæ tacet, non utique consentit, sensus.
- 7 Silentium interdum pro consensu interdum pro dissentio habetur: & in quibus causis id fiat latissime in sequ. ad fin. usque.

Fideiussor, † qui pro debitore apud creditorem eius fideiussit, habet mandati actionem contrariam aduersus debitorem pecunia soluta, aut cum de ea condemnatus erit, *l. 24.* Hoc ita est, si mandato debitoris fideiussit. Nam sine mandato non est ei actio mandati, sed negot. gest. *leg. mandato. §. ult. D. eodem.* Placet † veteribus dupliciter huic fideiussori mandatū videri. Primo, verbis & aperte, cum debitor petit ab eo, ut suo nomine fideiubeat, quod dubitationem non habet. Placuit etiam videri fideiussori † idem mandari silentio, si præsentem debitore & tacite aliquis pro eo fideiussit, quod hic traditur, item in *leg. prima. §. si pactus. leg. qui patitur. l. qui fide. D. eodem.* Vnde intelligimus † in hac specie eum qui tacet, hoc ipso quod tacet, pro consentiente haberi. Cui sententiæ multi loci opponuntur, quibus constanter traditur, in contrahendo & rerum nostrarum alienatione eum qui tacet, pro inuito & contradicente haberi, *leg. filiusfamilias. §. inuitus. D. de stip. leg. inuitum. D. de seruit. prad. l. sicut. §. non videtur.*

Respondeo aliis in causis, quam in fideiussione hoc traditum est, & recte traditum. Sed non ideo ad fideiussionem pertinet, quoniam dissimiles causæ sunt, ut mox dicetur.

Huic responsioni occurritur, ex *l. qui tacet. D. de reg. iur.* ubi videtur absolute & generaliter definiri, eum qui tacet non videri consentire, sic enim verba sunt: *Qui tacet non utique fatetur.* Respondeo: Hæc regula est de fatente, non de consentiente: Aliud est longe fateri, & aliud consentire: alia causa fatentis, alia consentientis. Fatemur † ea quæ sunt præterita, cum ita esse affirmamus, ut dicuntur, consentimus in futurū, ut aliquid fiat. De præteritis affirmādis nulla causa est, cur ea fateamur, si falsa sunt. At ut consentiamus in futurū multæ sunt causæ & idoneæ, qualis in fideiussione accidit, cū res nostra causa quaritur, & ad utilitatem nostram. Deinde etsi in regula ita dictum esset: *Qui tacet, † utique non consentit,* non ideo tamen regula generalis esset. Nam his rebus apud iuris auctores, non utique sequitur non indistincte, non omnino, non semper, non statim, ut sit sensus huius regulæ: *Non statim qui tacet consentire intelligitur, aliquando consentire intelligitur, non tamen semper, non indistincte.* Probat hic usus in *l. utique. 1. respons. de rei vind.* ubi scriptum est, *reum post litem contestatam non utique factum prestare.* Significatur non semper, nam ut plurimum præstat, *l. illud. D. de pet. hered. item in l. non utique. D. de excep.*

Non utique existimati debet confiteri de intentione aduersarii, qui exceptione utitur. Ceterum interdum intelligitur confiteri & sæpe, *l. si quid. infr. de excep.* Itaque & ex obiectione superiorum locorum, & ex sententia superioris regulæ, res huc deducitur, ut intelligamus interdum silentium † tacentis pro consensu haberi, interdum non haberi, ut sunt coniecturæ voluntatis in contrarias partes. Vnde statuentum est, quibus in causis hoc silentium pro consensu habeatur, quoniam de eo varie scriptum est in iure, & ita ut nullus locus magis dissimilia responsa habere videatur, sed omnia recte & consentienter, ut sunt res quæ incidunt.

Res tota posita est in coniectura voluntatis & affectuum eius qui tacet: ut quisquis qui tacet affectus est, ita modo consentire, modo dissentire dicitur. De re autem tota sic videtur commode definiri posse, si quid

quid sit nostra causa, quod totum ad utilitatem nostram plene pertinet; si patimur fieri neque contradicimus, pro consentientibus habemur. Exemplo est fideiussio pro nobis interposita, de qua est hic locus. Qui fideiubet nostro nomine, eiusque fideiussionis utilitas tota principaliter ad nos pertinet, nec principaliter ad nos pertinet ullum incommodum. Eo enim spectat fideiussio, ut facilius pecuniam accipiamus a debitore, vel acceptam seruemus, & quamvis pecunia a fideiussore soluta, nos illi obligemur tamen. id ex post facto accidit, & per consequens non principaliter, denique accidit ex soluta pecunia, non ex fideiussione. Ob hanc causam placuit, si scientibus nobis quis fideiubeat, ei proinde mandari ut fideiubeat, quoniam hic consensus nihil nisi mandatum est.

8 Coniectura huius voluntatis manifesta est ex effectu omnium hominum communi, quoniam omnes homines se amant, & volunt, quae petunt sibi expediri, nec quisquam reperitur, qui commoditates suas effundat ac non potius complectatur. Sed etsi quid fiat, non nostra causa, neque statim ad utilitatem nostram pertineat, tamen si recte factum nobis prodest, aut ad affectionem nostram pertinet, non recte factum nocet, vel ad existimationem, si prohibere possumus, neque prohibemus, consentire & probare videmur, ob eandem affectionem ex utilitate nostra ductam. Huius rei exemplum est in sponsalibus. Filia familias sponsalia contrahere non potest, nisi consentiente patre, cuius in potestate est, *l. in sponsal. 7. D. de sponsal.* Sed tamen ibidem scriptum est, patrem voluntati filiae consentire in sponsalibus, nisi euidenter contradicat. Hoc eo fit, quod si recte & idonee sponsalia contrahantur, res ad honorem & utilitatem filiae pertinet, ac per filiam etiam ad patrem utrinque, quoniam parentes commodis & incommodis liberorum magis afficiuntur, quam suis, ut est in *l. isti quid, D. quod metus causa*. Quod si non recte sponsalia contrahuntur, non tantum inutile id est filiae, sed etiam coniunctum cum dedecore parentis, qui cum prohibere posset dissentiendo non prohibuit. Merito quoque ita interest patris, sponsalia ita contrahi & ita eum consentire existimare, ideo & consentire intelligitur propter mandatum utile, quod supra dixi.

9 Contra recte si id quod sit, pertinet ad nos onerandos vel obligandos, vel ad rei, vel ad iuris alicuius nostri in minutionem, contraria silentii interpretatio est, & silentium habetur pro dissensu, qui tacet, habetur pro inuito & contradicente, & quod non contradicit, non eo fit, quod consentiat, sed quod tacendo mauult vitare inuidiam, aut odium contradictionis, coniectura ex contrario affectu ducta, quia ut homines amant utilitates suas, sic incommoda, & inutilia auerfantur, & quantum possunt a se reiciunt. Et ut supra dixi: Nemo reperitur qui facile suas commoditates aut utilitates effundat, ut est in *l. cum de iud. D. de prob.*

10 Huius definitionis hanc exempla sunt: Aliquis in iudicio, aduersario suo constituit me procuratorem, tamen si me praesente factum id sit, tamen nisi aperto consensu, pro inuito habetur & dissentiente, quod procuratio me onerat, nec verisimile est, me hoc onus velle suscipere, *leg. filius familias, §. inuitus, Dig. de procur.* Item aliquis inmittit stillicidia sua in arcem meam, me patiente & sinente, aut ius agit per fundum meum, me item consentiente.

Placet eum facere videri, me inuito, & contradicente, ut nullo modo seruitus illi constituatur patientia mea & silentio, *leg. inuito, D. de seru. praed.* Hoc ideo, quia hoc factum ad rem meam seruitute onerandam pertinet, quam nemo facile in semitteret. Item, debitor meus res mihi pignori obligatas vendidit me sciente, si hoc facto consentio, liberantur pignora, si non consentio, sed contradico pignora manent. Et placet pignora manere, ut hic silentium pro consensu non habeatur, *l. sicut §. non videtur, D. quibus mod. pign.*

Sed huius definitionis hanc exceptio est, nisi evidens aliqua ratio suadeat eum qui tacet, consentire videri etiam in obligationem, aut iuris sui immi-
nutionem. Id receptum animaduerte in quatuor causis. Prima species est in iis rebus, quas pater facit iure suo in persona aut re filii aut filiae, quos in potestate habet, quas res tamen facere non potest, nisi ex consensu filii vel filiae. Quicquid est earum rerum, quas pater ita facit, si sciente filio aut filia facit nec contradicente, filius consentire intelligitur, itemque & filia. Hoc accidit primum in adoptionibus: Pater filium quem in potestate habet, dare potest adoptandum, & procedit adoptio dummodo fiat consensu filii, *l. in adopt. D. de adopt.* Hic placet filium consentire videri, siue aperte consentiat, siue non dissentiat, nec contradicat patri, *d. l. in adopt.* Idem accidit in adoptione dotis filiae familias. Nam si pater filiae nomine, quam in potestate habet, dotem dederit, ius ita est, ut soluto matrimonio dotis actio sit communis patri & filiae. Sic tamen ut pater solum possit eam actionem exercere, dummodo ex voluntate & consensu fiat, *l. 2. 2. resc. l. 3. D. solut. matrim.* De voluntate & consensu filiae in hac causa ita placuit filiam hoc ipso patri consentire videri, si non contradicat, *l. 2. §. vlt. D. solut. matr.*

Vnde ergo coniectura huius consensus in silentio filii aut filiae? Respondeo, Ex eo, quod ut filius aut filia consentire patri intelligatur, pertinet ad filii & filiae existimationem & rei familiaris utilitatem, quarum rerum commoditatem filius non creditur vellemittere. Primum pertinet ad filii & filiae existimationem, ne videantur patri contradicere temere, quod est contra honorem & reuerentiam patri debitam, pertinet etiam manifeste ad utilitatem utriusque si res per aliquem tractanda est, quae res ad liberos pertinet: nemo melius aut fidelius, aut maiori cum affectu tractabit, quam pater: Nullus est enim affectus, qui vincat paternum, ut est in *l. vlt.*

Secunda species huius eandem interpretationem silentii admittit, est in conductione agrorum. Nam si colonus conduxerit agrum ad certum tempus, & impleto tempore conductionis maneat in conductione sciente & patiente domino, eodemque locatore, placet utriusque partis taciturnitate conductionem renouatam videri, nec solum renouatam, sed etiam reuocatam in vnum annum integrum, *l. item queritur, §. in potestate, l. vlt. D. locat.* Vnde ergo silentium pro consensu? Respondeo, Ex facto coloni, & ex eo quod ita fieri, utriusque interest: Nam colonus dum manet in conductione, ostendit se manere in agro, ita ut prius erat. At prius tenebat agrum iure conductionis. Ostendit ergo, se velle manere eodem iure conductionis. Ut autem dominus tacens in eam rem consentire intelligatur, facit manifesta eius utilitas, quia nisi fundum eidem colono locabit,

aliud colonum non reperiet pro eo anno, & ita ager illi vacabit. Quod autem uterque intelligitur consentire in locationem vnius anni, eadem utilitas necessario facit, quoniam colonus non conducit agrum, nisi, ut fructus percipiat. Fructuum perceptio annum spatium desiderat, & quemadmodum non potest percipi fructus nisi vno anno, sic quoque fructuum vnius anni non potest percipi domino merces, nisi vnius anni. Huius coniecturæ rationem esse in hac re, id est, in hac perceptione fructuum, apparet ex urbanis prædiis, quæ cum quotidie suas utilitates ad habitandum præstent, eo fit, ut placeat in urbanis prædiis ita inquilinum obligari, prout inhabitauerit.

- 14 Tertia species ꝑ eiusdem generis est in re trium fratrum communi, quam vnus ex fratribus donauit vxori vnius fratris. Placet in hac specie, si rem communem donauerit ceteris fratribus scientibus, nec contradicentibus, rem ab vxore auocari non posse. Quod non alia de causâ dicitur, quam quod videntur ceteri fratres scientes consensisse, & tamen hæc donatio aperte pertinet ad imminutionem iuris ceterorum fratrum. Vnde ergo consentientes existimantur contra utilitatem suam? Respon. Coniectura consensus ducta est ex his rebus, ex affectu fratrum, ex exemplo eius qui donauit, item ex coniuratione partium rei donatæ. Frater erga fratrem bene affectus est: Proinde & erga vxorem, quæ eadem persona existimatur propter coniurationem. Præterea mouentur ceteri fratres exemplo eius, qui partem donauit, ne is videatur magis diligere fratrem, quàm reliqui fratres. Postremo, quia res communis donata est, ut si qui fratrum velint partes suas auocate, etiam partem fratris qui donauit inutilem vxori constituent, propter cõmunionis incommoditatem. Ideo recte hic consensus admissus est in re communi fratrum ab vno donata in d. l. seruus. Vnde probandum puto, quod si vnus ex fratrib. vxori vnius fratris dederit res partim suas, partim aliorum fratrum, diuersas & discretas, non ideo videantur ceteri fratres donationi consentire, quoniam de rebus suis diuisis suum arbitrium sibi permitti velint, & nullam incommoditatem cõmunionis inducere hac repetitione. Ergo hic coniectura consensus, nõ ex utilitate fratrum ducta est, sed ex conditione personarum & facti.

- 15 Quarta & postrema ꝑ species est, quæ eandem interpretationem regit etiam aduersus eum qui obligatur in decurionali honore delato filio familias. Placuit enim si consentiente patre filius familias decurionatus sit, patrem obstringi omnibus oneribus decurionatus filii. De consensu autem patris si quæritur, etiam hic placuit, si pater sciuerit filium decurionem creari, hoc ipso videri consentire, quod non contradixit, l. 2. D. mand. l. 1. infra, de filio familias. Et tamen aperte decurionatus, neque ad utilitatem filii, neque patris, sed ad vtrumque onerandum & obstringendum pertinet. Vnde ergo contra superiores coniecturas consensus patris? Respondeo: Id receptum est in re ad rempub. pertinente, propter honorem, quem pater reipub. debet, quò honore efficitur, ut si non vult consentire eloqui debeat, ne fraudetur ciuitas.

Nihil ad hanc speciem faciunt plerique loci, qui huc referuntur ab Accursio, partim in l. qui tunc, de reg. iur. partim in d. l. 1. ad municip. Il sunt quatuor, de quib. paucis subiciam, ne quis error nobis subiciatur. I. Huc non pertinet exemplum in l. quid. D. de iust.

vbi vnus ex heredibus proponitur vendidisse prædia hereditaria cõmunia, & reliqui coheredes pretium accepisse: Illic respondetur aliquos heredes, qui sciuerunt & non dissenserunt, emtioni consensisse videri. Non hoc ideo fit, quod reliqui coheredes sciuerunt & contradixerunt, sed quod scirent emtione præcessisse, pretium emtionis acceperunt. Non potuerunt accipere pretium, nisi prius emtio consisteret. Itaque pretium accipiendo voluerunt quod erat consequens emtionis. Qui consequens voluerunt, prius manifesta voluntate antecedens probant, l. illud. D. de acquir. hered.

Similiter nihil ad hunc locum facit l. qui in futurum, in pr. D. de pact. vbi creditor accepit vsuras, sibi prærogatas in vnum annum, placet eum intra eum annum sortem petere non posse, & si petat excidere parti, id est, consensu remoueri. Hoc non accidit, propter silentium & taciturnitatem creditoris, sed propter factum eius, quod vsuras in vnum annum accepit, non possunt esse vsuræ in vnum annum debite, nisi fors penes debitorem in eum annum maneat. Proinde, ut in superiori specie, sic in hac accidit, ut creditor facto suo aperte volens, quod est cõsequens, nempe vsuras penes se manere, simul etiam velit, quod illud antecedit, nempe ut fors penes debitorem tam diu maneat, dict. leg. illud, D. de acquirend. hered.

Similiter nihil ad hunc locum facit exemplum, l. consil. §. ultim. D. de cur. fur. vbi placet ex duobus curatoribus furiosi, vnum posse quidvis gerere, puta accipere solutum, vendere, & cetera facere etiam altero ignorante & absente, dummodo alter non contradicat. Et adiicitur ideo id esse, quod alter videatur consentire, si non contradicat ex post facto. Id in hac specie dicitur, non quod exigit, ut alter curator consentiat, alioqui illum præsentem aut scientem esse oporteat, sed ideo, quod ratum est quod vnus gerit, si alter non contradicat.

Postremo ad hunc locum referri non debet exemplum leg. 1. §. denuntiavit, vers. pœna, D. de agn. lib. vbi placet, si mulier dixerit marito, se esse ex eo prægnantem, debere maritum vxori denuntiare eam non esse ex se prægnantem, quod nisi faciat, placet eum agnoscere partum pro suo debere. Non constituitur hoc, quod maritus consentiat filium suum esse, sed quod afficitur hac pœna, ut cogatur etiam inuitus pro suo agnoscere, si volens agnosceret, nulla esset pœna mariti, sed in eo pœna est, quod cogitur agnoscere etiam inuitus. Dictum est inuitos non consentire. Proinde ex eodem loco dici non potest eum qui tacet consentire videri. Hoc de iis locis moneri eo spectat, ut intelligamus totius huius quæstionis de interpretatione silentii & taciturnitatis contineri illis definitionibus & exceptionibus quas supra ostendi, quarum ratio idonea reddita est: Ut item intelligeremus in hac quæ videtur dissimilitudine & varietate, tamen summam rationem & constantiam iuris & aequitatis, auctoribus iuris constituisse.

Ad L. 7. Si literas.

Imper. Gordian. A. Aureliano.

Si literas eius secutus, qui pecunia actor fuerit, ei, qui tibi literas tradidit, pecunias credidisti: tam conditio aduersus eum, qui a te mutuam sumpsit pecuniam, quam aduersus eum, cuius mandatum secutus es, mandati actio tibi competit.

1 *Creditor amicus, si mandato amici Titio pecuniam mutuo det, an sicut mandati contrariam habet aduersus mandantem amicum, sic quoque actionem habeat aduersus Titium cui pecuniam tradiderat? Et quam nu. 2. & 4.*

3 *Non omnis numeratio obligat accipientem, sed eum solum cum id agitur, ut qui accipit obligetur.*

4 *Creditor an possit eandem summam tam ab accipiente quam a mandante diuersis temporibus, & ita bis exigere.*

1 **A**micus ꝑ quidam dedit Titio literas ad Aurelium, quibus nominatim petebat ab Aurelio, ut certam summam pecuniæ mutuo daret Titio, *leg. 5.* Amicus in hoc rescripto dicitur, *pecunia actor*, ut in vulgarib. exemplarib. legitur, sed rectius *pecunia auctor*, ut in veterib. exemplaribus cōsentientibus, ut intelligatur is, qui auctor fuerit huius pecuniæ Titio dandæ. Aurelius literas amici secutus, pecuniam Titio, suo nomine accipienti credidit. Hic constabat Aurelium habere mādati actionem contrariam aduersus amicum mandantem, quia mandatum suscepit, & mandatum illud implebat. Quibus interuenientibus mandati actio contraria competit aduersus mandantem. *l. si vero. §. contraria.*

Sed hic quaesitum est amplius, an & Aurelius haberet actionem aduersus Titium, cui pecuniam reddiderat? Mouet quaestionem, quod pecuniam Titio dedit, non propter Titium, sed propter amicum, cuius literas secutus est. Vnde videri potest, nullam actionem esse aduersus Titium, quia actum non sit, ut Titius obligaretur, sed ut solum amici ratio in hoc mutuo haberetur. Nō ꝑ omnis numeratio accipientem obligat, sed eum solum, cum id agitur, ut qui accipit, obligetur, *l. non omnis, D. si cert. pet.* Huc accedit, quod cum Aurelius huius pecuniæ nomine obligatum habeat mandantem, nō videtur, debere alium debitorem pecuniæ exigere, ne fiat contra regulam iuris, quæ verat. bis idem exigi. *l. bon. fid. de regul. iur.* Ad hanc dubitationem rescriptum est, tam conditionem inde biti competere aduersus eum, qui pecuniam sumsit, quam competit mandati actio aduersus eum, qui mādauerat. Ergo, qui alterius mandato pecuniā alii credidit, vna numeratione incipit habere duos obligatos, & eum qui pecuniam accipit, ex mutui causa, quia illi pecunia mutua data est, & is suo nomine accipit. Vnde conditio incerti, *Instit. quibus modis contrah. obligatio. in prin.* Et cum, qui mandauit aduersus quem mandati actio contraria est. Nec mutat mandatum, quod absens amicus pet literas mandauit. Nam mandatum ex eo genere est, quod etiam per epistolam inter absentes recte contrahitur, *l. i. D. eod.*

Non obstat, quod creditor propter amicum pecuniam Titio credidit. Nam primo propter amicum motus est, ut veller Titio pecuniam credere, sed initio inductus, cepit etiam velle dare Titio propter Titium, id quod facto declaratur. Nam creditor dedit Titio pecuniam suo nomine accipienti, vnde apparet mutuo Titio datum, non autem mandato. Quare obligatur Titius, quia id actum est, ut obligaretur. Actum est enim ut mutuum acciperet. Nihil ad rem pertinet, quod eiusdem pecuniæ & numerationis nomine duo obligatur. Nihil enim prohibet, eiusdem pecuniæ & quantitatis plures reos

principales esse. Nam certum est pro reo principali, fideiussorem interuenire posse, *leg. prima, de fid. insti.* mandatores fideiussoribus comparantur, ambo enim mandantes sunt principales obligati, *l. si primo, infra hoc titul. leg. vltim. infr. de constitut. pecun.* Sed & eiusdem pecuniæ plures rei principales esse possunt, quod est iuris certissimi, *l. de duobus reis, l. instituta, de duobus reis. in princip.* Neque hic metuere debemus, ne vtrinque hac obligatione recepta fiat contra reg. iuris, quasi bis idem exigere possit creditor. Nam hic et si duo rei sunt, vna tamen summa in obligatione versatur, quam simul ab alterutro potest exigere, ut paulo post dicemus.

Sed tamen dici potest in proposito, Titium, cui pecunia numeratur, alterius mandato non teneri, sed solum cum qui mandauit, *ex l. si ex contractu, infra, quod cum eo.* Nam & illic filius patris iussu pecuniam mutuum ab aliquo accepit ex contractu patris, & placet solum patrem obligari mādati, filium non obligari. Respondeo, obiectio tollitur ex eo, quod in d. l. si ex contractu patris dicitur. Hinc enim intelligimus, pecuniam fuisse creditam patri, seu prius conuenisse inter patrem & creditorem, ut pecunia patri crederetur. Deinde patrem misisse filium ad creditorem, & iussisse, ut eam pecuniam acciperet a creditore, nomine tamen patris, cuius de contractu agebatur. Itaque solus debitor est pater, filius erat nuntius patris. Multum interest, cum quis pecuniam accepit alterius mandatu, utrum ei pecunia detur, ut debitori suo eam accipere, an vero ut amico sine ministro mandantis aut iubentis. Si suo nomine accipienti, obligatur, ut in specie hic proposita, si ut nuntio aut ministro, non obligatur, & non id agitur, sed id solum ut is obligetur, cuius nomine pecunia datur.

Iam dixi non ꝑ omnem numerationem obligare accipientem, sed tunc solum, cum id agitur, ut qui accepit obligetur, *d. l. non omnis, D. si cert. pet.* Rursum dici potest ꝑ in specie proposita, non competere actionem mandati aduersus amicum, cuius mandatu Titius pecuniam accepit, sed competere vtilem institutoriam, *ex l. si mutu. pec. de f. insti.* vbi proponitur aliquis mandasse procuratori suo, ut pecuniam aliunde acciperet. Is procurator cum id significasset Titio creditori, creditor propter mandatum præcedens, pecuniam illi procuratori credidit. Illic scriptum est, eum qui mandauit, non teneri creditori mandati actione, sed tantum teneri ad exemplum institutoriae. Respondeo, Longe dissimiles sunt horum locorum species: Nam in specie, quæ hic proponitur, amicus mandatum suum direxit ad creditorem ipsum, & id eo merito amicus mandati tenetur, quoniam inter ipsum & creditorem, mandatum intercessit. At in specie superiore, *l. pen. supr. de Instit.* mandator mandauit tantum procuratori suo, nihil autem creditori. Quamobrem creditor mandati actionem habere non potest, quia soli ei contraria mandati actio competit, qui mandatum suscepit. *d. l. si vero §. contraria. D. eod.* Sed tamen quod hic procurator proxime accedit ad institutorem. Ideo exemplo institutoriae, datur aduersus mandantem actio, de qua illic suo loco dixi. Manebit ergo sententia hæc huius rescripti, cum quis mandatu alterius, quod mandatum ad creditorem dirigitur, pecuniam illi alteri credidit, eodem facto ei obligari & debitorē, qui pecuniam accepit ex causa mutui, & mandantem eum qui mādauit ex causa mandati.

Sed in hoc rescripto quædam cauēda sunt. Primo enim quod rescriptum ait: *Eiusdem pecunia nomine duos teneri*: monendi sumus non sic accipiendum esse, quasi creditor ꝑ possit eandem summam exigere ab utroque diuersis temporibus. Nam, vt supra dixi, hic vna summa versatur in obligatione, quam creditor consecutus ab altero, amplius ab altero exigere non potest. Si mandator pecuniā soluerit creditori, nomine debitoris, statim debitorē liberat, *l. indeb. D. de cōd. ind.* Et liberato debitorē principali ipse quoq; mandator liberatur ꝑ consequentiā, *l. in omnib. speciebus, D. de solut.* Quod si mandator soluerit suo nomine, se quidem liberat, sed debitorem ipso iure non liberat, *l. Papin. D. h. t.* Veruntamen per exceptionem mandator hic quoq; liberatur. Nam si ab eo iterum petitur, exigitur bis idem, quod est contra bonam fidem, & contra reg. iur. *l. bona fid. de reg. iur.* Vnde doli mali exceptio debitori aduersus creditorem competit contra æquitatem aliquid petentem, *leg. 1. D. de dol. mal. exc.* In summa semper mandatore solvente, debitor principalis liberatur. Contra vero si debitor principalis soluat, primum ipse liberatur solutione, vt tollitur obligatio solutione eius, quod debetur, *Inst. quib. mod. toll. obl. in pr.* Deinde principali liberato, liberantur etiam accessiones, vt fideiussores & pignora, *d. l. in omnib. speciebus, D. de sol.* In hoc numero accessionum sunt mandatores, vt dixi. Ex quibus intelligimus verum esse, quod supra dicebamus: Tamen hic duo obligentur ex eadem enumeratione, nō tamē bis idem exigi, sed semel duntaxat, cū alterutro liberato, alter quoq; liberetur debitor, & contra, si conuenērit prius debitorem liberari, liberatur & mādator, *l. si mandatori 13. D. de fid. l. si quis alicui. §. ult. D. hoc tit.* Solutione rei debitæ nomine vnus ex rei conuentione, plures rei liberantur, *l. 1. §. si ap. duos. D. de pos.*

Observandū præterea in hoc rescripto, quod pariter duæ actiones hic dantur, vna aduersus mādatorē, altera aduersus debitorem. Hoc ne sic accipiamus, quasi vterque ex iis in hac causa eodem modo teneantur, monendi sumus, inter has actiones & obligationes hoc interesse, quod debitor conditione conuentus ob pecuniam numeratā omnino necesse habet creditori soluere, nec vllam exceptionem habet, qua quicquam postulet sibi a creditore præstari. Contra vero mandator, mandati actione conuentus, non cogitur creditori soluere, nisi creditor cedat ei actiones suas aduersus debitorem principalem, *d. l. si quis alicui. in fi. D. eod. d. l. si mandator. D. de fid. l. 2. 3. §. de fid.* Hoc etiam inter has actiones interest, in ordine agendi, quod iure nouo prius debitor cōueniendus est, si præsens est: quod si totum facere non potest, tum peruenitur ad mādatorē & fideiussorem. *Auth. præsentē. infr. de fid.* Olim ius ita erat, vt esset in potestate creditoris, vtrum vellet prius conuenire, *l. 3. infr. de fid.*

Notandum est, quod in specie facti proposuit amicum, qui literas ad Aurelium dedit, nominatim mandasse, vt pecuniam Titio crederet, idque verbis rescripti in fine exprimitur, cum dicitur, *Aurelium secutum esse mandatum eius qui scripsit.* Non idem iuris est, si proponatur amicus solum per literas cōmendasse Titium Aurelio, vt diceret: *Rogo hunc Titium, qui tibi literas reddet, omnimodo cōmendatum habeas.* His verbis mandatum non continetur, & si hæc verba secutus Aurelius Titio pecuniam credat, solum

Titium obligatum habet, nō eum qui literas scripsit, *l. si vero. §. cum quidam. D. eo. l. ult. §. quod cum eo.* Sed quid est commendare amicū al. cui, nisi mandare illi vt in commendatum officia & beneuolentiam omnem conferat? Ex quo officio est, vt pecunia illum adiuet. Respondeo: cōmendationis verbo nihil aliud continetur, quam vt is, cui quis commendatur, officia beneuolentiæ in commendatum conferat, & commendatum iis rebus adiuet, sed citra damnum & impensa rei familiaris. Vnde intelligimus eum qui commendat nullo eo nomine obligari.

Ad L. 8. Si tibi.

Impp. Valerian. & Gallien. AA. & Valer. Casi. Lucio.

Si tibi pupillorum pater, vt pecuniam in rem suam seruus eius crederet, mandauit, & in hanc rem æque ipso præcipiente pignora sunt obligata: & mandati actione pupillos post mortem patris conuenire, & exsequi ius obligationis pignorum poteris. si in solutione cessabitur.

S V M M A R I A.

- 1 Actio mandati contraria an detur, aduersus heredes mandantis.
- 2 Creditori an pignoratitia detur aduersus heredes & pupillos.

HOC rescripto in summa declaratur, quod iuris est aduersus defunctum in obligatione mandati & obligatione pignoris, idem seruare creditorem aduersus heredes defuncti, nec tantum aduersus alios, sed etiam aduersus pupillos heredis. Pater viuus mandauerat Lucio, vt pecuniam seruis suis crederet: Lucius credidit. Si pater viueret, certū est creditore aduersus patrem actionē mandati habere, quia mandatum eius suscepisset, & pecuniam dādo, exsecutus esset, *ex l. si vero, §. contr. D. eod.* Idem ꝑ ergo iuris erit aduersus defuncti patris heredes etiā pupillos. Proinde vt actio mandati contraria datur aduersus mandantis heredes, *l. 2. §.* Sic etiam datur aduersus mādatorii heredes. Idq; est omnium, qui habent actionem ex contractu, commune, *§. 1. Inst. de perp. & temp. act.*

Idem ꝑ pater promiserat seruis pecuniā accipientibus, vt res quasdam suas, id est, dominicas pignori, Lucio creditori obligarent. Obligarunt. Constat ab initio res esse iure obligatas: Etsi enim iniuncto domino res eius ab aliis obligari pignori non possunt, volente tamen possunt, & non secus obligantur, quam si ipse dominus obligasset, *l. 4. l. quod prædium, l. ult. infr. si aliena res pig. data sit. l. Lucius. D. h.* Itaque hæc obligatione constituta, si pater idemque seruorum dominus viueret, posset creditor ius pignorum, aduersus eum exsequi, vt hoc rescriptum loquitur. Id autem ius est, vt posset creditor pignora persequi aduersus omnes debitores, *§. item seruus, Insti. de act. l. si fundus. §. in vindicatione, l. pign. D. de pig.* Idem etiam posset pignora distrahere, si mandator in solutione cessaret, *l. quādiu, l. si cessante, §. de distract. pign.* Proinde & patre mortuo idem facere poterit creditor aduersus heredes & pupillos.

Sed hic dubitationem faciebat persona pupillorum heredum. Nam pupillis hoc beneficii tributum est iure, vt si quid sine tutoris auctoritate gerant, omnino non obligentur. *l. oblig. 9. D. de aut. tut. & Inst. eo. tit.* Quod si quid auctore tutore contrahant, obligantur quidem ipso iure, sed in integrum restitui possunt. *leg. prima, D. de min.* Hinc igitur dubitatio, an cum pupillis heredibus eodem iure agi possit, quo

quo cum defuncto, ageretur? Et rescriptum est posse. Merito, nam superiora tribuuntur pupillis, cum pupilli conueniuntur ex persona sua. At ex obligatione hereditaria & facto defuncti conueniuntur, non ex persona sua, sed ex persona defuncti. Proinde ut heredes conueniunt, iure defuncti utuntur, non suo, & in eo nullo suo proprio priuilegio defenduntur. *leg. qui in ius, de regul. iur. leg. 3. D. de iud. idque est æquissimum.* Primum: quia ex persona heredum conditio obligationis immutari non debet, nec etiā potest, *l. 2. §. ex his, de verborum oblig.* Est enim hæc mutatio contra naturam hereditatis, quoniam heredis est succedere in ius defuncti, successionem ergo eodem iure esse oportet, *l. hereditas, de reg. iur. l. nihil aliud, de verborum significatione.* Deinde iniquissimum est eos creditores conditionem pupilli sequi, qui cum pupillo nihil contraxerunt, ut est in *l. 3. D. quibus ex causis in possess. eatur.* Sane pupilli in integrum restitui possunt, ut se hereditate abstineant, si damnofa videbitur hereditas. Leges enim sinunt, ut se hereditate abstineant. Sed de heredibus pupillis loquimur: Quamdiu ergo heredes erunt, tamdiu eos iure heredum uti oportet. Est enim idem ius quod defuncti.

Ad L. 9. Cum per procuratorem

Imp. Dioclet. & Maximianus Augusti
Marcello.

Cum per procuratorem causam tuam lesam esse dicas, mandati actio aduersus eum tibi competit.

S V M M A R I A.

- 1 Procurator tenetur mandati actione directa, si per eum causam lesam esse probari potest.
- 2 Causa quibus modis a procuratore ledatur.
- 3 Appellatio rescindi pronuntiatum.

PROCURATORI ꝑ ad litem agendam dato hoc mandatum intelligitur, ut causam iuuat & omnia faciat, quæ ad causam vincendam pertinent, non ut causam lædat. Proinde si lædat mandati tenetur, siue dolo id faciat, siue culpa & negligentia: utrumque enim procurator præstare debet, *l. proc. supr. hoc tit.* Id est, quod hic traditur, procuratorē teneri mandati actione directa, si per eum causam lesam esse probari potest. Læditur ꝑ causa a procuratore, aut faciendo aut omitiendo. Faciendo, si causam intervertit, aut corrumpit, quæ ad victoriam pertinent, veluti, si aliquod chirographum, in quo aliquid petitur, deleuerit, si in iudicio prolatum subtraxerit dolo malo. Omitiendo si ea omittit, quæ erant ad causam obtinendam necessaria, veluti, si defuit, neque causam præfens egit, & ita aduersus eum iudicatum est quod defuit. quæ culpa vindicatur in emtore in causa euictionis, *l. si ideo, in prin. D. de euict.* Aut si præfens necessarias exceptiones aut defensiones omisit, cum sciret eas haberi aut sciri posse. Quæ item culpa vindicatur in fideiussore, in *l. si fideiuss. D. mand.* Aut si allegatis exceptionibus aut defensionibus, necessarias probationes omisit, quarum facultas erat, veluti si instrumenta ad eam rem necessaria non protulit, si testes necessarios non produxit, cum intelligere deberet, actore non probante reum absolui, *l. qui accusatur, infr. de euict.* Sed etsi hæc omnia præstiterit procurator, quibus ad vincendum opus erat, tamen condemnatus causam lædit, si omittit appellationem, & ideo exigitur a procuratore, ut vi-

ctus appellet, & sic causam integram præstet domino, *l. inuitus, infr. de procur.* Lædit autē causam non appellando, ideo, quod intra tempus constitutum non appellauerit, ut iam amplius appellari non possit, sed rei iudicatæ standum sit, *l. cum prolatis, D. de sent. iud.* quod contra fit interposita appellatione. Nam ꝑ appellatio rescindit pronuntiatum, ut est in *l. 3. §. ultim. D. ad Turpili.* Sic fit ut rescissa pronuntiatione per appellationem causa adhuc præstetur domino integra si persequi volet appellationem.

Ad L. 10. Si pro ea.

Imp. Diocletian. & Maximianus A. A.
Papio.

Si pro ea, contra quam supplicas, fideiussor seu mandator intercessisti, & neque condemnatus es, neque bona sua eam dilapidare postea cepisse comprobare possis, ut tibi instam metuendi causam prabeat, neque ab initio ita te obligationem suscepisse, ut eam possis & ante solutionem conuenire: nulla iuris ratione, antequam satis creditori profeceris, eam ad solutionem urgeri certum est. Fideiussorem vero seu mandatorem exceptione munitum & iniuria iudicis damnatum & appellatione contra bonam fidem minime usum, non posse mandati agere, manifestum est.

S V M M A R I A.

- 1 Fideiussor quando actionem mandati contrariam habeat aduersus debitore, cuius nomine fideiussit, utrum statim, an vero pecunia soluta demum?
- 2 Negatur i. & n. §. & late disputatur.
- 3 Mandati lex communis omnibus mandatariis & procuratoribus constituta.
- 4 Fideiussori actio mandati competit etiam antequam soluat, si modo se obligauit pro debitore.
- 5 Quibus in causis fideiussor etiam ante solutionem actionem mandati habeat aduersus debitorem ut liberetur. Recensentur quatuor.
- 6 I. Si condemnatus sit.
- 7 Fideiussor cur post condemnationem potius, quam ante mandati agere possit.
- 8 Fideiussor condemnatus quibus casib. actionem mandati non habeat.
- 9 II. Si debitor bona dilapidare comprobatus fuerit, & quæ ad hanc exceptionem exigantur.
- 10 Inprobanda dilapidatione bonorum an fama sufficiat absque instrumentis & testibus.
- 11 III. Si fideiussor ab initio obligationem ita suscepit, ut etiam ante solutionem posset debitorem conuenire.
- 12 Pacta in bonæ fidei contractibus apposta ad exceptionem omnia profunt, ad actionem non valent, nisi in continenti secuta sint.
- 13 IV. Si fideiussor in obligatione diu manserit.
- 14 Diu ad minimum significat. 10. annos.
- 15 Diu biennium aut triennium non significat aduersus Bart.
- 16 V. Si inimicitie capitales inter debitorem & fideiussorem postea interueniant, quibus debitor causam dederit.
- 17 Fideiussor an ob inimicitias capitales etiam ante solutionem actionem mandati habeat. Affirmatur nu. 20. & fulcitur rationibus firmissimis.
- 18 Cui certis in causis nominatim datur actio, aut mandatur aliquid, in ceteris omnibus hoc ipsi denegari intelligitur.
- 19 Mandatum finitur ob inimicitias capitales postea interuenientes.

- 21 *Arbiter ex edicto prætoris sententiam dicere non cogitur, si inter eum & aliquem ex litigatoribus inimicitia capitales interuenerint.*
- 22 *In inimicitia quæ requirantur.*
- 23 *Fideiussor an etiam ob eam inimicitiam, cui ipse causam dedit, mandati actionem habeat aduersus fideiussorem.*
- 24 *Beneficium quo fideiussor ante solutionem mandati agit aduersus debitorem an quinque enumeratis causis contineatur.*
- 25 *Actio mandati competens fideiussori in certis causis ante solutionem ad quid seu qua de re competat.*
- 26 *Beneficium exceptionis, qua licet fideiussori ante solutionem conuenire debitorem, an pertineat ad omnem fideiussorem.*
- 27 *Fideiussor, qui absque mandato fideiussit, an uti possit beneficio exceptionis, qua licet fideiussori ante solutionem actione mandati debitorem conuenire.*
- 28 *Et quid iuris in fideiussoribus tutela.*
- 29 *Item in fideiussoribus iudicio sistendi causa.*
- 30 *Fideiussor si satisfecerit creditori continuo mandati actionem habet aduersus debitorem.*
- 31 *Satisfaciendi verbo quid intelligatur.*
- 32 *Solvere est propriam pecuniam naturaliter numerare creditori, quæ illi debeat.*
- 33 *Fideiussor quibus quinque modis liberatur ex satisfactionis causa, mandati actionem aduersus debitorem habet, si modo fideiussori ex ea aliquid absit.*
- 34 *Quid mandati actio competat solum de eo quod absit.*
- 35 *Fideiussores quibus rebus sine pecunia numeratione liberentur.*
- 36 *Facto suo quomodo liberetur fideiussor.*
- 37 *Fideiussor, debitorem, qui soluendo non erat, delegando, an mandati actionem habeat aduersus debitorem.*
- 38 *Facto alieno quomodo.*
- 39 *Fideiussor an mandati actionem habeat, si extraneus pro eo soluat, aut quod sibi debuit creditori remittat, hoc animo ut fideiussori daret.*
- 40 *Fideiussor a creditore heres institutus, hereditatem adeundo liberatur: & an hoc casu actionem mandati aduersus debitorem habeat, & debitor liberetur.*
- 41 *Fideiussorem mandati actionem habere soluta pecunia aduersus debitorem: quid significet explicatur late.*
- 42 *Exceptionum fideiussori competentium genera tria.*
- 43 *I. Exceptiones de apicibus iuris qua sint.*
- 44 *Apices iuris quid Vlpianus appellet.*
- 45 *II. Exceptiones, qua fideiussori soli nascuntur ex re, id est, ex eo, quod non debet, & sic ex persona sua, qua sint, & an impune omitantur.*
- 46 *Exceptiones & defensiones qua de re competunt, & ex persona debitoris nascuntur, qua sint, & earum species tres, & an eas omittere fideiussor impune possit, num. 48.*
- 47 *Appellare fideiussorem an semper sit necesse.*
- 48 *Fideiussor utrum, cum appellatio ab eo exigitur, ita appellare debeat, ut etiam debeat appellationem persequi, an vero satis sit fideiussore appellasse, ut deinde appellationem tradat debitori.*

Questio est, quando † fideiussor actionem contrariam habeat aduersus debitorem, cuius no-

mine fideiussit, utrum statim etiam pecunia nondum soluta, an vero non nisi tunc cum pecuniam creditori soluit ut debitorem liberaret? De eo comprehensum est breuiter & dilucide hoc rescripto, fictamen, ut non nihil desit. Continet autem rescriptum duas sententias contrarias, quarum utraque adiunctas suas habet exceptiones. Prior est hæc: Fideiussorem priusquam pecuniam soluerit, pro qua fideiussit, aut eo nomine satisfecit creditori, actionem mandati non habere. Altera: Tunc eum habere cum pecuniam soluerit, aut eo nomine satisfecerit, ita ut ei pecunia abesset, & liberaret debitorem. De utraque dicemus ordine.

Primo ergo † hæc lex generaliter statuit fideiussori, ut priusquam pecuniam soluerit, aut eo nomine satisfecerit creditori, actionem mandati contrariam non habeat aduersus debitorem. Huic sententiae multi loci statim opponuntur, & in vniuersum opponuntur omnia exempla, l. si mand. 45. D. eodem. Quibus demonstratur, cum alicui mandatum est, ut quid faciat, simul atque facit, si eo nomine obligatus est, statim mandati agere posse aduersus debitorem, ut ab eo liberetur, etiam ante pecuniam ex ea obligatione solutam. Exempli causa, mandavi tibi, ut fundum Tusculanum, meo nomine emereres, emisisti, statim mandati aduersus me ages, etiam ante pretium solutum, dict. leg. si mandatum, in pr. Item mandavi tibi, ut negotia mea gereres, dum geris expromisisti pro me pecuniam creditori meo, ne in pœnam incideres, aut ne pignora mea ab eo distraherentur, in quo negotia mea gessisti, statim habes actionem mandati, ut te liberem etiam pecunia a te nondum soluta. Idem sequimur in negotiis gestis sine mandato: Nam si quis dum negotia mea gerit, si distinxerit meo nomine, statim datur negotiorum gestori actio, de eo in quo obligatus est, ante solutionem l. si quis mandatum, D. de neg. gest. Sic etiam ego mandavi alicui, ut meo nomine fideiuberet. Simulatque fideiussit, quoniam obligari inceperat, habebit mandati actionem aduersus me, ut eum liberem.

Respondeo: Non certe colligitur ex superioribus exemplis, quoniam diuersa est causa mandati in aliis omnibus, quibus mando, ut meo nomine quid faciant, alia mandati, quo mando fieri, ut pro me fideiubeat, non habet actionem priusquam soluerit. Vtrumque recte dicitur & efficitur ex lege communis omnis mandati. Communis † mandati lex est constituta omnibus mandatariis & procuratoribus, ut non prius mandati actionem habeant, aduersus debitorem, quam mandatum perfecerunt. Mandato autem perfecto, statim mandati agere possunt. Hæc lex indicatur in dict. leg. si mandatum, 2. respon. D. eod. Ex hac lege hæc distinctio ducitur. Interest ergo utrum mandetur alicui ut quid faciat, non aut ut det, an vero mandetur ei, ut det pecuniam vel quid aliud. Si mandatur, ut quid faciat, eo profecto statim actionem habet, quod mandatum perfecit, ex supra scripta leg. mandati. Ideo cum mandavi tibi, ut fundum emereres, fundo emto agis mandati, quia fecisti, quod mandatum erat. Emptio enim perficitur solo consensu, etiam pretio non soluto, Instit. de emptio. & vendit. in princ. Similiter, si ut negotia mea gereres te obligasti meo nomine, fecisti quod mandatum erat: negotium enim meum gessisti dum fecisti, ut vitarem pœnam aut retardasti distractionem pignorum, quæ alioqui creditor distraheret, erat,

erat, proinde merito ex ea lege statim mecum recte ages mandati. At ubi mandatum est alicui, ut daret, ex eadem lege efficitur, eum prius mandati actionem non habere, quam dederit, quod non prius mandatum perfecit. At huius generis mandatum est, cum mando alicui, ut pro me fideiubeat: nam ei hoc quoque mandatum intelligitur, ut pecuniam soluat auctore Celsi in *l. deb. ff. de cond. ind.*

Sed hæc sententia Celsi videtur manifeste falsa esse: nam fideiussori nihil amplius mando, quam ut pro me fideiubeat, id est, pro me promittat & se obliget, verum obligatio facti est, non taciti, *l. consilio. ff. de confess. & alio.* Proinde quod de ceteris mandatis, in quibus mandatur, ut quid fiat, probatum est, idem etiam in fideiussione servari oportet.

Respondeo: Si fideiussori mandaretur solum, ut fideiuberet, non intelligitur aliud ei mandari, quam ut faceret & se obligaret, sed mandatur ei ut fideiubeat pro me debitore, ut est in *Instit. in princ. de fid.* Id autem valet, ut meam obligationem in se recipiat, quibus verbis hoc rescriptum videtur potest. His verbis, ut meam obligationem suscipiat, hoc exprimitur, ut pro me soluat: nam obligatio ea erat ut soluerem. Recte ergo dictum est, mandari fideiussori, ut pro me pecuniam soluat.

4 Sed tamen hoc ipso videtur ei actio mandati dari debere, etiam antequam soluat, si modo se obligavit pro debitore. I. Hoc argumento, si pecunia, in quam fideiussor se obligavit, ei abesset, mandati agere posset aduersus debitorem, *l. inter. §. abesse. ff. hoc tit.* At hoc ipso, quod fideiussor obligatus est in certam summam, hæc summa illi abesse videtur, ut est in *l. si quis mandati ff. de negot. gest.* Ergo hoc ipso, quod pecunia illi ab sit, mandati agere poterit. Respondeo: Non est verum, fideiussorem mandati agere posse, si pecunia illi abesset. Exigitur hoc amplius, ut pecunia ita illi abesset, ut non liberaret & se & debitorem, ut sic non in debitore gereret, alioqui mandati actio non habet, *l. Iulianus 47. §. 1. ff. eodem.* Ideo merito exigimus, ut pecuniam soluat, priusquam mandati agat, etiam si in eam pecuniam sit obstrictus.

Sed rursus in specie ipsa fideiussionis videtur probari in *d. l. si mandati. §. si iudicio. ff. eod.* fideiussorem, etiam antequam pecuniam soluat, hoc ipso, quod obligari cepit, mandati actionem habere ut liberetur. Sic verba sunt etiam loci: *Si iudicio me sisti promiseris, & tu non siteris, quia eo nomine obligatus es auctori, statim mandati actionem aduersus me habes.* Hoc rursus videtur esse de fideiussoribus iudicio sistendi causa, de quo in *l. 2. in princ. & l. ultim. ff. qui satisfacere cog.* Ergo saltem in hac causa fideiussor mandati actionem habet etiam ante solutionem. Neque vero illa causa est, ut recipiatur in hac fideiussione, & non in ceteris fideiussor recipi debeat quia & hic fideiussor in pecuniam debitam obligatur, *d. l. 25. §. ult. ff. qui satisfacere cog.* Respondeo: Superius rescriptum intelligendum est de principali ac promissore, qui solus promissit, reum iudicio se stitutum, cum prius reus idem non promississet, non autem de fideiussoramento colligitur, quia fideiussor iudicio sistendi causa adhibitus, non promittit se reum stitutum, sed prestare oportet, *d. l. 2. §. ultim. ff. qui satisfacere cog.* Quod si promittat se stitutum reum ipsum, inutilis

fideiussio est, quia fideiussor inutiliter aliud promittit, quam facere debeat, *l. contrar. §. si quis Syonem. ff. de fideiuss.* At si fideiussor promitteret, se reum stitutum, aliud promitteret, quam quod reus promissit. Nam reus non promissit, ut a fideiussore sisteretur, sed fore, ut se ipsum sisteret. Aliud ergo promittit fideiussor, cum non promittit fore ut reus se sistat, sed ut ipse sistat reum. Non ergo superius rescriptum de fideiussore accipi potest. Itaque sententia hoc loco posita exemplum non aduersatur: pertinet enim ad id mandatum, quo in rebus aliis, quam in fideiussione mandatur alicui, ut quid faciat. Iam ante dixi, simulatque id factum erit, mandatum impleri, ideo mandato impleto esse mandati actionem.

Stat ergo hæc sententia locis certis: fideiussorem, quantum fideiussor ex mandato, & se obligavit pro debitore, tamen priusquam pecuniam ex ea causa soluerit, mandati actionem non habere aduersus debitorem ut liberetur. Quod mandatum est etiam ei ut solueret, priusquam factum erit quod mandatum non perfecit, ex eo: mandati actionem habere non potest, ex lege mandati, quam supra posuimus.

Sed hoc non est perpetuum. Interdum fideiussor etiam ante solutionem actionem habet aduersus debitorem ut liberetur, quod videtur æquum & iustum esse, denique ex lege fideiussoris id admitti. Ita autem receptum est in quatuor causis, puta etiam in quinque, sed de quinta dubitatur. Ex quibus tres hic comprehensæ sunt, una expressa est in *l. Lucius. ff. eod.* de quinta nihil nominatim traditum legimus. I. causa est, si fideiussor condemnatus sit, ut hic dicitur, & in *l. si fid. infr. eod. l. si mandati. §. sed si mandauero. ff. eod.* Sed videtur nullam esse causam, cur fideiussor post condemnationem agere possit mandati, potius quam ante condemnationem. Nam condemnatus priusquam pecuniam soluat, actione iudicatur in eam rem constituta, *l. 4. §. 1. ff. de re iudicat.* Sed ante condemnationem æque obligabatur, & eam pecuniam debebat. Nam obligatio est vinculum, quo necessitate solvendi obstringimur, *Instit. in princ. de obligat.* Quare cum eadem causa sit condemnati & non condemnati, aut utrique actio dari debuit, etiam ante condemnationem, ut post condemnationem, aut neutri, quoniam, in quibus causis eadem ratio est, idem ius statui oportet, *l. illud. ff. ad legem Aquil. l. ultim. infr. de constit. pec.* Respondeo: Inter condemnationem fideiussorem & non condemnatum hoc convenit, quod uterque obligatus est tantum, sed hoc interest, quod qui condemnatus non est, differre potest solutionem, potest enim ad iudicium provocare, condemnatus potest appellare, etiam si iniuria. Atqui qui ita condemnatus est ut non appellare, is differre solutionem non potest. Rata est enim differentia executionis rei iudicatæ. Hæc necessitas huius obligationis facit, ut condemnatus prope iam videatur soluisse, qui solutionem non potest differre. Sed ita condemnatus fideiussor mandati & actionem habet, si nihil sit, quod ei imputari possit, cum ita sit condemnatus & ita persolveret. Quod ita sit, si nullam executionem habuit, aut si quam habuit, ignoravit se habere, sciuit aut scire debuit in iure errans, tribus temporibus actionem non habebit, quomodo condemnatus. I. Si exceptionem eam non opposuerit, *l. si fideiussor. ff. eod.* II. Si ad probandum necessitatis probationibus usus non sit, quibus uti poterit,

causarum, quibus fideiussor ante solutionem mandati agere possit, an plures sint quam quinque, quas comprehendimus. II. De actione, ad quid fideiussor ante solutionem competat, & quam utiliter. Postremo, an hoc beneficium similiter omni fideiussori competat. Primo, ut dixi, † quæsitum est de numero earum causarum, & an beneficium hoc intra quinque causas superiores consistat, quoniam plures enumerantur vulgo ab Accursio & aliis *ad d. l. Lucius. § hac l.* Respondeo: Non sunt plures causæ, quam quinque superiores: nam quod vulgo enumerantur aliæ, non sunt modi, quibus fideiussor ante solutionem mandati agit, sed quibus agit post solutionem. Nam ii modi omnes loco solutionis sunt, itemque ad legis sententiam, non ad superiores pertinent. II. loco † quæsitum est, ad quid seu qua de re hæc actio competat fideiussori ante solutionem. Neque enim videtur utiliter posse competere: nam inanis est omnis actio, nisi de re aliqua agatur quæ petatur, §. i. *inst. de act.* At ante solutionem non videtur fideiussor quicquam petere posse, cum ei nondum quicquam absit, & præsertim cum mandati contraria agat, quæ actio non competit, nisi de eo quod mandatario abest, ut initio huius tituli dixi. Nihil autem abesse videtur ei, qui non soluit.

Respondeo: Verum est, non competere fideiussori actionem nisi de eo quod ei abest. Non abest quidem ei pecunia quam nondum soluit, sed abest ei libertas: nam se obligando amisit. Agit ergo ut ea obligatione liberetur, quo re scilicet in pristinam libertatem. Est ergo hæc petitio ut liberetur, itaque ita expressum est in *l. Lucius, § l. si mandatum. ff. eod.* Sed hoc quoque in dubium incidit: nam volente creditore accepto liberatur, sed quid si creditor nolit? acceptum cum facere non cogitur. Resp. Restat ut debitor eum liberet, quod ita fit, si debitor soluat creditori. Nam soluendo se prius liberat, deinde fideiussorem per consequentiam. Quid si debitor nolit magis soluere fideiussori quam creditori, quid fiet? Resp. Id fiet, quod in omnibus facti obligationibus receptum est, debitor condemnabitur in pecuniam numeratam fideiussori, *l. si quis ab alio. §. ult. ff. de re iudic.* id est, in quod fideiussoris interest, cuius æstimatio est prima. Nam in omnibus facti obligationibus, condemnatio & obligatio est in id, quod interest actoris, *l. si poenam. l. si quis §. 8. §. l. 112. §. ult. de verb. oblig.*

At rursum quæritur, quid interesse possit fideiussori, cum ei nihil absit? Respondeo, quod est in *l. si quis mandati. ff. de neg. gest.* Tanti fideiussoris interesse videtur, quanta est ea summa, in qua est obligatus. Quare si debitor ei condemnari debet in id, quod eius interest: consequens est, condemnari debitorem debere in eam summam, in quam fideiussor se obstrinxit. Hæc pecunia accepta vere fideiussori consultum erit ad id, quod quæret. Soluet enim creditori, atque ita liberabitur, id quod petebat. Sed rursus ex eo hoc incommodum est, quid enim si pecunia fideiussor accepta a debitore creditori non soluat, fatum est, ut debitor duplex damnum trahat, quod soluit primo fideiussori, deinde etiam soluere cogitur creditori, quod is nihil dum accepit. Respondeo: Hoc incommodum sic vitatur a debitore, si rebus integris soluerit creditori: sic enim & fideiussorem liberat, sed et si pecuniam soluat creditori, tum passum est ei remedium aduersus fideiussorem. Nam si fideiussor non soluat, debitor potest repetere pecu-

niam a fideiussore conditione ob causam dati non secutam. Nam hæc pecunia fideiussori soluta est ob causam, nempe ut liberaretur, quoniam si non soluit, & causa non sequitur, proinde erit conditio ob rem dati, re non secuta.

III. loco quæsitum est, an † beneficium huius exceptionis, qua licet fideiussori ante solutionem convenire debitorem, pertineat ad omnem fideiussorem? Nam hoc rescripto, *§ l. Lucius*, nullus fideiussor excipi videtur, & tamen de plerisque iusta dubitatio est. Hoc loco de tribus generibus fideiussorum quæsitum est. I. De † fideiussore, qui sine mandato domini pro eo fideiussit, an huic quoque beneficium huius loci tribuatur, ut possit ante solutionem agere neg. gest. aduersus debitorem, ex iis causis quæ hic comprehensæ sunt? Quidam putant hoc beneficium ad hunc fideiussorem non pertinere, cum Accursio, qui hoc scribit *ad l. 2. ff. de neg. gest.* Vnde intelligi volunt, fideiussorem, qui sine mandato pro debitore fideiussit, nullam actionem habere aduersus debitorem, priusquam soluit, quoniam, quod huic tribuitur, ut ante agere aliquando possit, id tribuatur fideiussori, qui mandatu debitoris fideiussit. Quidam contra putant beneficium huius legis etiam ad hunc fideiussorem pertinere, cum Accursio, qui hoc scripsit contra priorem suam sententiam in *l. ieruzli. de neg. gest.* quo sequitur, etiam ante solutionem hunc fideiussorem, de qua quæritur neg. gest. agere posse: sic tamen dummodo aliqua causa interueniat ex his, quæ hic comprehensæ sunt.

Vtrum verius? Respondeo: Neutrum verum est. Nam ei, qui sine mandato debitoris fideiussit, competit neg. gest. actio aduersus debitorem, etiam ante solutionem, nec beneficium huius loci ad eum pertinet, quod non est necessarium, quia statim agere potest, etiam si nondum sit condemnatus, nec debitor sua dilapidet, nec quicquam convenit, ut statim agat. Paret hæc sententia ex conditione actionis neg. gest. Nam fideiussor, qui sine mandato debitoris fideiussit, habet actionem neg. gest. si negotium utiliter gessit fideiubendo, etiam si non soluat. Finge absente debitore creditorem voluisse distringere bona debitoris, pignoris iure, intervenisse amicum, qui fideiussit pro absente ea lege, ut inhiberet pignori distractionem. Apparet hac fideiussione consultum esse absenti, & negotium eius gestum esse, quod & dicitur in *l. 1. ff. de neg. gest.* Si hoc ita est, statim fideiussor neg. gest. agere potest nec ad rem pertinet, etiam si nondum soluerit. Nam neg. gest. actio competit, si negotium utiliter gestum est, & competit non tantum de eo, quod abest, sed etiam de eo, quod adhuc fideiussori absuturum est, ut traditur in *l. 2. de neg. gest.*

Quare & apertius definitum est in *l. si quis mand. de neg. gest.* omnem, qui dum aliena negotia gerit, se obligat, statim habere actionem aduersus dominum negotiorum, ut ealiberetur obligatione. Quare non dubium est, quin fideiussor, qui sine mandato soluit, hoc iure uti possit: ei vero, cui mandatum est, ante solutionem agere non licet. Huius enim longe diversa causa est. Hic non potest agere mandati priusquam mandatum impleverit, *l. si mandatum. ff. eod.* Et ob hanc causam non potest agere, antequam solvatur, quia ei mandatum hoc quoque est, ut solveret. Huic vero nihil plane mandatum est, ut proinde non debeat nec possit exigi ab eo, ut mandatum impleat antequam agat, sed ut fideiubendo se in hoc distinxerit.

trinxerit debitori, ut pro eo solueret. Nam in negotiis alienis sponte gerendis hæc lex est, ut qui vnum negotium suscipit pro absente, non cogatur alia eius negotia suscipere gerenda, multo minus ea implere: abunde enim sufficit, si cui vel in parte amici labore consulatur, *l. tutori. inf. de neg. gest.*

28 Secundo loco quaesitum est *†* de fideiussoribus tutela. Nam debitores tutela & fideiussores debent eius nomine dare, id enim satisfacere significat, *l. i. ff. qui satisfacere cog.* Finge pendente tutela, tutorem dilapidare bona pupilli vel sua, & fideiussorem mansisse in ea promissione per decem, duodecim, tredecim annos, quibus tutela perseverauit, aut etiam ab initio ita datum esse tutorem, ut posset etiam ante solutionem conueniri. Queritur ergo, an in iis causis pendente tutela possint tutores agere, ut obligatione liberentur? Et vulgo placet, non posse eos agere, ut liberentur obligatione, quoniam pendente tutela obligati sunt, sub conditione, quoniam nisi finita tutela agi non potest tutela nomine, *l. nisi finita. in pr. §. ult. ff. de tut.* Qui sub conditione obligatus est, pendente conditione, non est obligatus, *l. cedere diem. ff. de verb. sig. §. ibi Alciatus.* Ergo non recte pendente fideiussione se obligatione liberari petent, quæ nulla est.

Sed putant petere posse fideiussores, ut liberentur promissione sua, quoniam beneficium huius loci generale est, tribuiturque omnibus fideiussoribus, qui mandatu alterius fideiussulerunt, nec vlla ratio est, cur hi fideiussores excipiantur, ut proinde in iisdem ius cum ceteris statuendum sit, *arg. in l. a Titio, de ver. obl. l. illud. ff. ad l. Aquil.* Resp. Hoc verum non est. Fideiussores tutela, pendente tutela cum tutoribus agere non possunt, ut liberentur, quæcunque causa ex hoc rescripto a fideiussoribus allegetur, quoniam frustra fideiussores petunt, ut liberentur vel ab obligatione, vel a promissione, si eorum nihil interest. Nam primo neque mandati actio, neque vlla alia prodita est ei, cuius nihil interest, *l. stipulatio ista. §. alteri. ff. de verb. oblig. l. si vero. §. mandati. ff. eod.* Præterea dixi supra, quod & verissimum est, si fideiussores petant, ut liberentur a debitore, non aliam esse conditionem debitoris, nisi in id, quod fideiussorum interest, *d. l. si quis ab alio. §. interest. ff. de re iud.* At pendente tutela fideiussorum nihil interest, quoniam id solum interesse fideiussorum intelligitur, in quo sunt obligati, & quod illi debent, *l. si quis mandat. ff. de neg. gest.*

Porro interim nec illi obligati sunt, nec quicquam debent, aut certe quid debeant non apparet, nec natura explicari potest. Nam tutores interim nihil debent, neque ab illo quicquam interim peti potest: totum enim obligantur tutela nomine, si quid finita tutela debere eos constiterit, nec prius cum illis agi potest, *d. l. nisi finita. de tut. §. rat. dist.* Fideiussores autem conditionem principalis debitoris sequuntur, proinde ne ipsi quidem pendente tutela quicquam debent, quod certo aestimari possit, quoniam in accessione non plus esse potest, quam est in principali obligatione, fideiussores autem accessiones sunt principalis obligationis, *§. fideiussores. Inst. de fid.*

Quid ergo si nominatim conuenierit cum tutoribus, ut fideiussores etiam ante solutionem cum debitoribus agere possint? Respond. Inutiliter agunt, quia nihil eorum interest, ut dixi. Quid si diu in promissione tutela manserint? Respon. Habetur in hoc rescripto: duabus de causis agere non possunt pen-

dente tutela, primo, quod nihil eorum interest deinde quoniam nominatim se obligarunt in omne tempus tutela. Proinde si ante finitam tutelam agant, recte obstat illis exceptio, nec fit iniuria, quia sciebant tamdiu tutelam durare, *Inst. quib. mod. tut. fin.* Si hoc ignorarunt, ius ignorarunt. Neque debent melioris conditionis esse stulti, quam ignorantes, id est, iuris imperiti, *l. testam. §. ult. ff. de iur. §. fac. igno. l. seruus etiam. ff. vi aut clam.* Sed hoc consilium fideiussoribus vtile erit, si videant tutores bona dilapidare vel sua vel pupillorum, ut non ex fide tutelam administrent, suspectos eos faciant, accusent ut suspectos, quod licet facere omnino, *§. consequens. §. suspectos autem. Inst. de susp. tut.* Vbi suspecti pronuntiati erunt, finita erit tutela, & tunc constabit, quid tutela nomine tutores debeant. Quæ ex re simul constabit, quantum interest fideiussorum, ut liberentur, tantum enim eorum interest, quantum a tutoribus debetur, *d. l. si quis mandat. ff. de neg. gest.*

Sed opponitur huic sententiæ hic locus, & *l. Lucius. ff. eod.* quorum utroque in loco hoc beneficium indistincte omni fideiussori tribuitur, si modo ex mandato fideiussor promiserit. Resp. Tribuitur hoc beneficium, sed non simpliciter, sed ut possit agere ut liberetur, & liberetur in id quod eius interest, tolle (*id quod interest fideiussoris*) locus non relinquitur beneficio. Postremo *†* quaesitum est, an beneficium huius rescripti tribuatur quoque fideiussori, qui fideiussit iudicio sistendi causa? Dicendum est tribui, ut scilicet cum reus non stetit, fideiussor possit agere aduersus eum ut liberetur, sed hac lege, *Si aliqua causa ex his quæ hic comprehensa sunt interuenerit.* Citra causas non potest agere ante solutionem. Sed cur dubitamus? Cum de eo nulla dubitatio sit, *ex l. si mandat. 45. §. si iud. ff. eod.* vbi ei, qui promisit, se aliquem iudicio stitutum, statim datur actio mandati sine alia conditione. Respondeo: Iam supra monui in eo loco non agi de fideiussoris sistendi iudicio causa, id est, de eo, qui se obligat pro debitore, qui debitor prius promisit, se iudicio stitutum, sed agi de eo, qui principaliter de suo facto id promittit, & dicat: Ego promitto me in iudicio vobis stitutum eo die & eo loco. Hic quoniam fideiussor non est, nihil etiam mandari ei intelligitur ut soluat, ac ob hanc causam etiam ante solutionem mandati agere potest. Hæc de specie huius rescripti & de exceptione ei adiuncta dicta sunt.

Altera sententia est superiori contraria in hæc verba, ut si *†* fideiussor pro eo satisfecerit creditori, continuo mandati actionem habeat aduersus debitorem. Satisfaciendi verbo *†* hoc loco continentur: I, vera & naturalis solutio II. ea, quæ sine naturali solutione ad liberationem profunt, & solutionis vicem habent. Extra controuersiam est, fideiussorem mandati actionem habere, si pecuniam creditori soluerit, *l. 2. l. si fideiussor. sup. hoc tit.* Est autem *†* soluere propria pecuniam naturaliter numerare creditori, quæ illi debeatur, *l. solut. ff. de sol.* Et si fideiussor hoc non fecerit, tamen si satisfecerit creditori alio modo, iure dicimus habere eum mandati actionem, scilicet quod iuxta regulam iuris satisfecerit pro solutione, *l. satisf. ff. de sol.* Hoc verbo continentur omnes modi, quibus fideiussores liberantur. Proinde ex sententia huius rescripti, quibuscumque modis *†* fideiussor liberatur ex satisfactionis causa, mandati actionem aduersus debitorem habet, sed addendum quod deest, iure rescripti,

si modo fideiussori pecunia aut aliquid ex ea abesse intelligatur. Nam nisi quid abest, mandati actionem non habet, ut quæ solum competit, de eo, quod fideiussori abest, *l. inter. §. præterea. ff. h. t.* Id autem cuiusmodi sit, non potest recte intelligi, nisi cognitis ordinis rebus, quibus fideiussor sine numeratione pecunie liberatur, quibus expositis, hoc etiam assequemur, ut intelligamus, cur innumeris prope locis fideiussor habeat mandati actionem, etiam ante naturalem solutionem, quæ sparsim exstant sub eodem titulo.

De illo ergo scilicet est. Fideiussores et liberantur facto suo, aut altero, aut facto creditoris actum fideiussionis remittentis. Quocumque facto et suo fideiussor ita liberatur, ut eo nomine illi aliquid absit, non solum id facto pro solutione est, sed etiam statim mandati actionem habet, proinde ac si vere & naturaliter soluisset. Huius generis facta hæc sunt: Obligatio pecunie solutionis, compensatio, delegatio. Si fideiussor creditori accipere recusanti, aut cum non esset creditor idoneus, cui solui possit, pecuniam obligauit, & obligatam solemniter statim deposuerit, mandati actionem aduersus creditorem habet, *l. qui mutuat. §. 1. ff. hoc tit.* Hoc ideo, quod obligatio pro iusta solutione debitorem liberat, *l. ob signatione. supr. de solut. l. acceptam. supr. de usur.* & præterea eo facto aperte pecunia fideiussori abest. Idem iuris est, si creditor fideiussori tantundem debeat, & fideiussor id compenset seu creditorem liberet compensandi animo, soluere videtur, quod debitorem liberat, & idem mandati statim actionem habet, *l. inter. §. si is qui fideiussori. ff. hoc tit.* Vnde etiam compensatio aperte pro soluto esse dicitur in *l. 4. sup. de compens.* Idem est, si fideiussor debitorem aliquem suum creditori deleget, id est, vice sua creditori alium det, *l. inter. §. abesse. ff. hoc tit.* Hoc ideo, quod nihil interest, utrum debitor soluat, an vero quod habere poterat remittat solutionis loco, *l. quamuis. §. in eod. ff. ad Vell.* Id autem in delegatione contingit: nam debitor delegando liberatur a creditore, quod pro eo alium debitorem accipit, & vicissim fideiussori abest pecunia, quoniam hanc debitori suo delegato remittit.

Sed hoc loco quaesitum est, an fideiussor, et debitorem qui solvendo non erat delegando, mandati actionem habeat aduersus debitorem? Mouet quaestionem, quod nihil videtur fideiussori hoc casu abesse, quoniam etsi debitorem suum non delegasset, tamen ab eo nihil consecutus esset: inanis enim actio est, quam excludit inopia debitoris, *l. nam is. ff. de do. lo.* Huic dubitationi occurrit Paulus, in *d. l. inter. §. abesse. ff. eod.* & ait, etiam non idoneo debitore delegando nihilominus fideiussorem mandati actionem aduersus reum habere. Nam & hoc casu pecuniam ei abesse, quoniam creditor bonum nomen facit, admittendo debitorem delegatum, id est, debitor idoneus sit voluntate creditoris, qui pro idoneo admisit. Sed iis modis ideo consequitur mandati actionem, quod præterquam, quod is mandato liberatur, etiam illi pecunia abesse intelligitur.

Quod si ei nihil absit, quamuis facto suo liberatur, tamen mandati actionem non habebit. Exempli causa: Fideiussor a creditore in ius vocatus, defendit & iuravit nihil creditori deberi, neque a se, neque a debitore principali. Hoc iureiurando fideiussor liberatur, nec tantum ipse, sed etiam principalem reum liberat, quoniam hoc iusiurandum pro solutione est

& acceptilatione, *l. in bonis §. 1. l. iureiur. a deb. ff. de iureiur.* Sed tamen hoc casu fideiussor mandati actionem non habebit aduersus reum principalem, quod non est satis fideiussorem liberatum esse, & una cum fideiussore debitorem; sed amplius exigimus ut fideiussori absit pecunia, quam mandati iudicio repetat, *l. inter. §. abesse. ff. eod.* Apparet autem ex hac causa nihil abesse, quod ideo liberatus est, quod diceret se nihil debere.

Facto et alieno liberatur fideiussor, veluti si quis pro fideiussore creditori soluat, hoc ita definiemus. Quibus factis consequitur fideiussor, ut mandati actionem habeat, si ab ipso profecta sint; iisdem eandem consequitur, si aliquis alius eadem contulerit in creditorem, fideiussoris causa. Et ideo quemadmodum fideiussor mandati actionem habet, si pecuniam soluerit: ita habet etsi alius soluerit pro eo, *l. si vero. in pr. ff. h. tit.* Quare nihil interest, utrum debitor soluat an alius pro debitore, sic enim debitor per alium soluere intelligitur, *inst. quib. mod. toll. oblig. in pr.* Idem quoque placet, etsi quis fideiussor creditorem habeat debitorem suum, & illi debitum remittat fideiussoris causa. Nihil enim interest, utrum soluat pro fideiussore, an vero creditor debitorem propter fideiussorem liberet, *l. inter. §. si is qui ff. hoc tit.*

Sed in his speciebus quaesitum est, an et fideiussor mandati actionem habeat, si extraneus pro eo soluat, aut pro eo sibi debitum creditori remittat, hoc animo, ut fideiussori daret? Prima fronte videtur fideiussori hoc casu actionem mandati dari non debere, quod nihil illi de suo abest, cum alius dederit, nec pro eo quicquam debeat præstare fideiussor. Et placuit, etiam si alius soluerit donandi animo, aut quid remiserit creditori, eadem causa, tamen fideiussorem eandem actionem habere, *d. l. si vero. d. l. inter. §. si is qui.* Quod recte placuit: nam & hæc pecunia fideiussori abesse intelligitur, quamuis donandi animo soluta sit, perinde est enim ac si extraneus, qui fideiussori donaturus erat eam pecuniam, primo dederit fideiussori, deinde fideiussor eam acceptam soluerit creditori suo. Hoc ita factum fingitur propter celeritatem coniungendarum actionum, id est, quod celerius extraneæ actiones inter se coniungantur omissis ambagibus non necessariis. Hoc sic declaratur in *l. 3. §. ult. ff. de don. inter vir. & vxor.*

Facto creditoris liberatur fideiussor, cum creditor ei obligationem remittit, vel pacto, vel acceptilatione, vel alia voluntate. Hoc quando consequitur fideiussor, mandati actionem habet, si modo pro ea remissione ei aliquid absit, & ideo non ex omni remissione creditoris fideiussor mandati actionem consequitur, quia in ea re hæc distinctio adhibenda est. Aut enim creditor fideiussori suo actionem remittit animo donandi, aut remittendi fideiussionem fideiussorem sibi faciēdo. Si remittit fideiussori actionem, ea lege, ut fideiussor vicissim aliud præstet, simulatque præstare id cupit, mandati actionem habebit aduersus debitorem, ut in hoc exemplo *l. Julia. in pr. ff. h. tit.* Aliquis pro debitore mulieris fideiussit apud mulierem, mulier tunc fideiussori nuptura, dedit ei in dotem id, quod fideiussor debebat ex fideiussoria causa. Placet in *d. l. Julia.* nuptiis contractis statim fideiussorem agere posse mandati actione, aduersus reum principalem. Et additur illic ratio, quod non solum fideiussor liberatus est ex causa translata in obligationem dotis, sed etiam res abesse illi

illi intelligitur, hoc ipso, quod cogitur matrimonii onera sustinere.

Si creditor donandi animo actionem remittat fideiussori, distinguitur. Nam si remittat animo non remunerandi, sed principaliter donandi, fideiussor mandati actionem non habebit, *l. si vero. in pr. ff. hoc tit.* manifesta ratione, quoniam liberatur quidem fideiussor, sed ita, ut ei eo nomine nihil absit; hac remissione potius manet apud eum pecunia, quam vltra ibi abest. Diuersum est, si creditor donandi animo remittat fideiussori, sed simul animo remunerandi, *l. idemque. §. ult. ff. h. tit.* & recte ratio reddita est ab Accursio eo loco, quod qui beneficio accepto par reddit, permutare beneficium intelligitur, ut iam non tam sit hic permutatio, quam donatio, *l. sed ex si lege. §. consulunt. ff. de per. her.* Idem iuris est, si creditor remittat actionem fideiussori mortis causa, aut si liberationem leget testamento, idque multo magis quam infra dicendum est, ut est *in d. l. idemque. in fin. ff. h. duabus de causis*: Prima est, quod & legata & donationes causa mortis, quæ legatis comparantur, fere a merito aliquo proficiuntur, & ita proficisci in reducta existimantur, *l. nec adu. c. 2. seqq. ff. pro socio.* Deinde quod creditor fideiussori liberationem legando, intelligitur voluisse liberare reum principalem, ut deinde hoc beneficium fideiussor a debitore repesceret, quod ita in supremis voluntatibus potius interpretamur, quam in donationibus inter viuos, quod in testamento plenius voluntates testantium interpretamur ex reg. iuris, *l. in testamentis. de reg. iur.*

40 Quod si fideiussor ꝑ a creditore heres institutus hereditatem adierit, certi iuris est liberari hoc quoque modo fideiussorem, quoniam debitor creditori suo succedit, nec potest idem debitor esse & creditor, ita contracta tollitur obligatio, *l. debitor. sup. de pact.* Sed hoc ꝑ casu fideiussor mandati actionem aduersus debitorem non habet, tanquam principalis creditor eius actionis, quæ defuncto competeat, *l. heres a deb. §. ult. ff. de fid.* Hoc ideo, quod fideiussori ex hac confusione nihil abest ipse enim liberatur, sed solus liberatur; reus principalis non liberatur; & ideo manet ei actio pristina aduersus reum principalem, ut explicat Afr. *in d. l. heres a debitore. §. ult. ff. cod.* Cur autem hoc casu non liberetur reus, in promptu ratio est attendentibus. Nam ex additione tollitur obligatio, cum debitor creditori successit, alii fideiussoris personalis est, quare deficiente confusione & additione consensus est inter principalem obligationem, qua manente fideiussori nihil abest, ut qui actionem veterem retineat aduersus debitorem, ut antea dixi. Bene ergo Afr. respondit eum eandem habere.

Sed obstat huic sententia *l. si ei. ff. h. tit.* ubi fideiussor creditori suo prius condemnatus est; deinde creditoris heres institutus ei successor existit. Illic traditur fideiussorem actionem mandati habere. Certum est fideiussorem hoc casu tantum habere mandati actionem ut liberetur a debitore, quoniam iam ante consensu liberatus est. Restat ergo, ut mandati actionem habeat ad pecuniam exigendam quæ ipse sibi soluerit. Hoc autem diserte negatur *in d. l. heres a deb. §. ult.* Resp. Differt fideiussor condemnatus a fideiussore non condemnato, quorum uterque creditori suo heres existit; si nondum condemnatus fideiussor creditori heres existat, ipse solus liberatur confusione: reus autem principalis non liberatur, idque eo quod respondit Afr. *in d. l. heres a deb. §. ult.* non sine ratione, ut

euidenter supra ostendimus. Diuersum est, si fideiussor iam ante creditorem condemnatus, ipsi creditori heres existat. Nam hac additione vna & se liberat, & liberat reum principalem, unde quod pro eo soluerit mandati actionem habebit. Hoc ideo de non condemnato dicimus, quod condemnatus non amplius tenetur ut fideiussor, sed ut principalis eiusdem pecuniæ reus, quoniam iudicium accipiendo novam obligationem contraxisse iudicatur, eamque principalem, non ut fideiussor, sed ut principalis. Ex obligatione & promissione conditio existit, postquam condemnatus est. Certi autem iuris est, vno ex duobus reis debendi liberato, alterum quoque liberari, quocunque modo vnus sit liberatus, *l. 2. ff. de duobus reis. l. vnus. ff. de pact.*

Cum dicimus fideiussorem pecunia soluta, aut cum satisfecit creditori, mandati actionem aduersus reum habere, non hoc dicimus, habere eum actionem mandati ut liberetur: nam iam satis solutione liberatus est, sed ut pecuniam repetat a debitore, pro quo fideiussit: non tamen totam, sed quantum ei abest: nam vltra mandati actionem non habet, *l. inter. §. prater ea. ff. cod.* Sed & hæc sententia superior, itidem ut prior, suam exceptionem habet, quæ subiicitur in extremo huius rescripti. Est autem hæc, ut fideiussor pecunia soluta mandati actionem habeat aduersus debitorem, nisi sit aliquid quod fideiussori imputetur, quam obrem soluerit. Duobus autem temporibus hoc contingit, vno, si exceptione aut defensione aliqua munitus, iure condemnatus sit, quod ita sit, si eam defensionem omisit, aut defensione opposita, omisit probationem, quam in sua potestate habuit. Colligitur hoc ex eo, quod hic in extremo dicitur fideiussorem mandati actionem habere, si exceptione munitus iniuria iudicis condemnatus sit, exceptionem non habebit.

Alterum tempus est, si exceptione opposita & iniuria iudicis condemnatus non appellauerit. Exigitur enim hoc loco, ut iniuria condemnatus appellet. Ita duo a fideiussore exiguntur. I. Ut si quam exceptionem habeat, eam alleget, nec soluat. II. Ut si opposita defensione nihilominus condemnatus sit, appellet ab iniusta sententia. Sed neutrum horum perpetuum est, & multa huic rescripto defunt. Quare ut hic locus liqueat, de re tota planius & explicatius sic habendum est.

Primo hoc statui oportet, si fideiussor nulla exceptione aut defensione munitus fuit, recte eum solvere, nec quicquam aliud eum prestare debere, vsq; adeo, ut nec appellare debeat si sit condemnatus. Id significat hoc rescriptum, cum exigit appellationem a fideiussore, qui exceptione munitus condemnatus est. Aliud seruatur in procuratore litis. Nam si condemnatus sit exigitur ab eo omnimodo ut appellet, *l. inuitus. inf. de proc.* Neque hæc contraria sunt: nam procurator litis datur ad agendum causam, cuius actionis pars est, ut appellet, ut sic integra seruetur a domino, ut dixi *ad l. cum per proc. prac.* Fideiussor autem non datur nisi ad pecuniam soluendam. Quare si eam soluit cum deberet, mandatum impleuit, & ideo mandati actionem habet, *l. si vero. §. contrar. ff. cod.*

Quod si fideiussor exceptionem ac defensionem aliquam habuit, qua se tueri potuit, ne solueret continuo, actionem mandati non habet, si eam amisit: nam nullus omittere potest impune. Sciendum est autem, tria genera esse exceptionum, ꝑ quibus fideiussor uti possit, quarum scilicet exceptionum gene-

ratio est quia succedendo creditori confuditur obligatio fideiussoris in re ipsa condemnata ꝑ de noua obligatio, fideiussoris in obligatione iudicati non habuit obligatio et sic liber auit de qua pro ꝑter succedendo confuditur obligatio iudicati a obligatio mandati quæ semel con-

- ra fideiussori nascuntur ex ritu agendi, id est, ex eo, quod non rite cum eo agitur, non autem ex eo, quod non debeat, quæ ab Vlpiano dicuntur exceptiones
- 43 de apicibus iuris. Hoc genus totum exceptionum fideiussor impune omittit etiam sciens, & iis omissis nihilominus mandati actionem habet, *l. si fideiussor conuentus. §. quidam. ff. hoc tit.* Exempla hæc sunt: Fideiussor vocatur in ius a creditore nullo libello oblato, aut vocatur in ius per amicum priuatum, non per apparitorem: non cogitur fideiussor parere, & habet exceptionem ut veniat, quoniam iure libellus offerri debet, *l. ante offeratur. §. de lit. cont.* Sed si iis defensionibus contemtis soluerit, nihilominus mandati actionem habet, *l. idem autem con. §. fideiussores. ff. eod.* Item conuenitur fideiussor per procuratorem creditoris. Is procurator mandatum non profert: potest remoueri exceptione procuratoria, si non satisfacit, dominum ratum habiturum, *l. propen. ff. de proc. l. 2. ff. de proc.* Hanc exceptionem fideiussor recte contemnet, & si hac contemta soluerit, mandati recte ager, *d. l. si fideiussor. §. quidam.* quoniam inquit Vlpianus huius mandati exceptiones sunt de apicibus iuris.
- 44 Apices iuris vocat ritus, qui obseruantur in iudiciis ad verum obtinendum aduersus inuitos: qui ritus siue interuenerint siue non interuenerint, iudicium nihil mutatur de sententia debiti & specie, nihilominus fideiussor debet. Metaphoræ sumuntur ex apicibus scripturæ & literarum, qui literis aut inscribuntur aut subscribuntur. Nam hi apices valent solum ad ornatum scripturæ, & faciliorem cursum lectionis & intelligentiæ. Ceterum iis sublati nihilominus sententia, quæ inest scripturæ, manet integra, quod in superioribus ritibus idem accidit. Cur ergo
- 45 eiusmodi exceptiones impune omittuntur a fideiussore etiam sciente? Id fit hac ratione, quæ additur in §. quadam. Quia qui mandati iudicio agit aduersus reum, is agit iudicio bonæ fidei, in quo quæri oportet, quid fideiussor ex bona fide fecerit, aut contra bonam fidem. Iul. quod continuo dedit, de apicibus iuris, id est, de superioribus ritibus & subtilibus solemnitatibus quæ omissæ non faciunt, quo minus fideiussor debeat. Quod sic debet fideiussor ex bona fide agnoscere, ut de tutore soluente idem Vlpianus scribit, in *l. toties. §. sent. ff. de admin. tutor.*
- 46 Alterum genus exceptionum fideiussori competentium est earum, quæ fideiussori nascuntur ex re, id est, ex eo quod non debet: sed sunt ex persona fideiussoris, & eiusmodi, quibus reus uti non potest, ita ut personam fideiussoris non egrediantur. Huius generis quoque exceptiones omnes fideiussor etiam sciens recte omittit, & iis neglectis nihilominus habet mandati actionem. Exempla hæc sunt: Mulier pro debitore fideiussit: habet mulier exceptionem Vell. qua tuta, conueniri non potest utiliter, *l. 1. §. 2. ff. ad Velleian.* Dicimus esse in potestate mulieris si conueniatur, utrum eam exceptionem opponat, an vero hac contemta soluat, ut si soluerit, nihilominus mandati actionem habeat aduersus debitorem, quia exceptio est, quæ soli mulieri competit, & non reo, & qua reus uti non potest, *l. pen. ff. ad Vell.* Idem confirmatur in hoc exemplo in *l. si fideiussor conuentus. §. ult. ff. h. t.* fideiussor hoc tempore solus liberatus est. Finge fideiussorem promississe usque ad annum, anno finito nihilominus post tempus habet exceptionem pacti vel doli, *l. obligatione fere, vers. placet. ff. de ver. obl. & traditur in d. §. ult.* si fideiussor hac exceptione o-

missa soluerit, nihilominus mandati actionem habiturum, quod exceptio est, quæ soli fideiussori competat, & qua uti reus non possit. Quare iis exemplis idem dicemus: Si fideiussor pactus sit ne a se peteretur, & exceptione huius pacti omissa, nihilominus soluerit, & hoc pactum eiusmodi est, cuius exceptione reus uti non possit, *l. si fideiussoris. ff. de pact.* Idem dicemus, si fideiussor prius conuentus sit a creditore quæ debeat. Nam quamuis fideiussor ex iure nouo exceptionem habeat, ne prius conueniatur, quam excussus fuerit debitor principalis, *Auth. praesens. §. de fid.* tamen si hoc beneficio omissio ultro soluerit, mandati actionem habebit aduersus debitorem, quoniam exceptio fuit, qua reus uti non potuit, sed solus fideiussor, quam ob causam impune eam omittit.

Sed hic obiici posse videtur fideiussori, quod soluerit. Dicitur enim ei, cum exceptione tutus esses, ne solueres, si soluisti, culpa tua est, cum esset in potestate tua non soluere, quia quod quis ex culpa sua sentit damnum, sentire non videtur, *l. quod quis ex culpa. de reg. iur.* Aduersus hanc obiectionem est defensio, in *d. l. si fid. conuent. §. ult. ff. eod.* Est autem ratio hæc: Ideo fideiussor exceptionem sibi soli competentem recte omittit, quod soluendo pro debitore mandatum implet, & debitorem liberat. Hoc recte: Nam fideiussori mandatum erat, ut pro eo obligato solueret, *l. indebitum. de codicill.* Hic soluit, & soluit præter obligationem, quod reus exceptionem non habuit. Quare soluendo bona fide, & mandatum impleuit, proinde mandato impleto recte mandati contraria ager. Nec videtur fideiussor culpa soluisse pro debitore, quamuis exceptione tutus esse potuerit: nulla enim culpa est mandatum implere, sed potius mandatum implendo facit officium viri boni, & fideiussionem implet, proinde merito hac exceptione omissa mandati actionem habebit, ut dixi.

Nec distinguamus cum vulgò interpretum, utrum exceptio sit honesta an inhonesta. Nam etiam si honestissima erit exceptio, quæ soli fideiussori competat, hanc nihilominus omittet, ut mandati actionem habeat. Exemplo sunt superiores exceptiones, de quibus dixi. Nam exceptio Vellei. honestissima est, quæ habet iustas causas omnes, de quibus *l. 1. §. 2. ff. ad Vell.* iusta quoque & honesta est pacti conuentio, de qua omnes interpretes acceperunt, *d. l. si fideiussor. §. ult. ff. eod.* Et honestam actionem perinde omitti posse, atque inhonestam, si fideiussori soli competat, facit ratio, qua supra vti sumus. Nam verum erit fideiussorem exceptione sibi competente omissa, ex mandato soluere pro debitore & eo obligato. Sed opponitur *l. idemque. §. generaliter. ff. eod.* ubi scriptum est, si fideiussor exceptionem omiserit, siquidem minus honestam, qua reus uti non potuit, nihilominus eum mandati actionem habere. Hinc colligunt: Ergo si fideiussor exceptionem honestam habeat, hanc omittere non potest & si omittat actionem non habebit.

Respondeo: Pro parte hoc colligitur ex eo loco: non enim simpliciter dicitur, fideiussorem mandati actionem habere, si omittat exceptionem minus honestam, sed adiicitur, si omittat exceptionem minus honestam, qua reus uti non potuit. Ex quo colligitur, si fideiussor exceptionem minus honestam habeat, sed eam, qua reus uti potuit, fideiussorem hanc exceptionem impune omittere statim non posse. Et hoc ipsum est, quod postea in eodē loco sequitur. Est contra sententiam eius loci. Distinguitur exceptio inhonest-

honestā, quā reus vti non potuit, ab exceptione inhonestā, quā reus vti potuit: priore impune omittit fideiussor, posteriorem non semper. Ceterum si agatur solum de ea exceptione, quā reus vti non potuit, dicendum est fideiussorem eam impune omittere, siue honesta sit, siue non honesta, vt superiora etiam exempla, & ratio eadem probat.

Sed hoc tamen ita accipiendum est, dummodo fideiussor hanc exceptionem omittendo, non contra mandatum faciat. Nam si contra mandatum faciat & exceptionem omittat, actionem non habebit, vt pote quā competat mandato impleto. Cuius rei exemplum hoc est in l. mandauero. §. i. ff. eod. Fideiussor mandatu debitoris fideiussit in diem, puta promisit se soluturum post tres menses: deinde cum cognouisset debitorem plura debere creditori, ante tres menses soluit, placet eum ante tres menses exactos mandati actionem non habere.

Atqui hæc exceptio soli fideiussori competit, & prius dixi fideiussorem huius generis exceptiones impune omittere. Respondeo: Ideo hic actionem non habet, quod exceptionem non simpliciter omittit, sed quod omittit vetante debitore, qui cum iussit, vt fideiussor creditori fideiuberet, iussit quoque, vt post eum diem solueret, nō ante. Vbi fideiussor non contra mandatum exceptionem sibi competentem omittit, nihil nocet debitori, sed prodest, eum liberando: At vbi contra mandatum omittit exceptionem, debitori nocet, & præterea contra mandatum facit, quo non impleto, non est mandati actio, vt dixi.

47 Tertium genus † exceptionum & defensionum fideiussori competentium, est earum defensionum, quæ de re competunt, & ex persona debitoris nascuntur, cuius generis tres sunt species: nam aliquis ab initio fideiussionis inutiliter obligatus est, de qua specie in l. si fideiussor conuentus. §. non male. ff. eod. veluti si debitor stipulanti non contradicit verbis, sed annumerat, neque ciuilitur, neque naturaliter obligatur, proinde nec fideiussor pro eo, l. i. §. si quis ita. ff. de verb. obl. Hinc habet fideiussor defensionem hanc, vt dicere possit, se iure non teneri, alias fideiussor a principio vtiliter obligatur, sed debitor pecuniam soluit, hic liberatur debitor ipso iure, Inst. quib. mod. toll. oblig. in pr. & vna liberatur etiam fideiussor, l. in omnibus. ff. de solut. Hinc nascitur defensio fideiussori, vt dicat se iure non teneri. De hac specie est in d. l. si fideiussor. §. si cum debitor. ff. eod. Nonnunquam fideiussor vtiliter obligatur, & debitor non liberatur postea ipso iure, sed habet aliquam exceptionem, ex his de quibus Inst. tit. de except. veluti, quod pecunia ei numerata non sit, vnde exceptio non numeratæ pecuniæ; aut quod creditor pactus sit, ne ab eo peteret, vnde exceptio pacti; aut quod debitor absolutus est, vnde exceptio rei iudicatæ; aut quod debitor iurauit, se non debere, vnde exceptio iuris, de qua specie est in d. l. si fideiussor conuentus. in pr. Quæ defensiones & exceptiones principali debitori competunt, eadem exceptiones personæ eius & fideiussori competunt, l. exc. per. ff. de fid. l. omnes. ff. de except.

48 Hæc demum sunt exceptiones, quas fideiussori non licet omittere, vt si omittis iis soluat, actionem mandati non habeat, quod tractat in d. l. si fideiussor conuentus. in pr. & 22. §. segg. ff. eod. Huius rei hæc rationes sunt: Primo, quod si his omittis fideiussor soluit, aperte nocet debitori: Deinde, quod si quod damnum fideiussor sentiat iis omittis, ipsius culpa est,

cum iis exceptionibus vti potuerit, non minus quam reus principalis. Postremo, quod iis omittis contra mandatum facit, si soluit. Nam mandatum est e, vt soluat, nempe pro reo obligato: nam pro non obligato nulla solutio est. Porro iis defensionibus & exceptionibus tutus debitor hoc consequitur, ne sit obligatus, l. nihil interest. de reg. iur.

Sed tamen hæc ipsæ exceptiones interdum impune omittuntur a fideiussore, quod contingit, aut ex ignorantia, si ignorauit vllam defensionem aut exceptionem sibi competere. In hac ignorantia si soluit, excusatus est d. l. si fid. in pr. ff. eod. Nam qui ignorantia iuris soluit, non magis mandati actionem habet, quam si sciisset sibi actionem competere, & omittisset, l. si fideiussor. §. non male. ff. eod. & distinctio est ex sequentibus notis de ignoratione facti & iuris, l. 9. §. nulli nocet, l. nulli prodest acquirere volenti, vt hic fideiussor soluendo mandati actionem acquirere vult, l. iur. ign. l. error, l. regula, de iur. & facti ign. Ergo si fideiussor sciuit debitorem pactum esse, ne a se peteret, aut iurasse se non debere, aut absolutum esse, sed non putauit iis rebus liberari debitorem, aut etiam non putauit, quæ defensiones debitori competunt, sibi competere: si in hoc errore soluerit, mandati actionem non habet, quia in iure erratum est, putans sibi non competere exceptionem, quæ iure competit. Facti ignorantia erit, si ignorauit debitorem soluisse, debitorem pactum esse, debitorem absolutum esse, aut iurasse. In hac demum ignorantia, si soluit, mandati actionem habet.

Ex conditione exceptionis interdum licet eam omittere, si exceptio minus honesta est. Nam si reus principalis abest, ita vt ei denuntiari nihil possit, fideiussor impune omittit non honestam exceptionem, & ea omittit si soluit, mandati actionem habet. Quare si reus præsens est, potest quidem fideiussor omittere exceptionem, si d. hac lege, vt denuntiet debitori, vt si velit ipse iudicium suscipiat, aut suo nomine aut procuratoris. Quod si debitor hanc denuntiationem contemnit, hic quoque impune licet fideiussori soluere contra exceptionem, l. idemque. §. generaliter. l. si procurat. ff. eod. Huius distinctionis ratio redditur in l. Quintus. ff. eod. Minus honesta exceptio est, exempli gratia, si debitor contra ius impetravit perempt. exceptionem de parte debita, huius interpretationis mentio est in l. 2. supr. de prec. imp. off. lib. 2. 11. Item si proponas debitorem, aut successorem debitoris, iurasse nihil se debere ex testamento aut codicillis, aut etiam ex nomine absolutum esse iudicio: deinde emeruisse testamentum aut codicillos, quibus aperte legatum relinquebatur, si legatarius legatum petat a fideiussore, qui huius obligationis nomine initio interuenerat, habet fideiussor exceptionem iurifurandi, aut rei iudicatæ, quæ exceptione se tueatur. Sed exceptiones non sunt honestæ, proinde secundum ea, quæ dixi, recte fideiussor exceptiones huiusmodi omittet, vt parcat pudori suo, vt est in d. l. Quintus. ff. eod.

Atque hæc exceptiones sunt, quas fideiussor omittere potest, aut in iudicio allegare non cogitur. Quod si iis allegatis, quas cogeatur allegare, nihilominus iniuria iudicis condemnatus est, alterum ab eo exigitur, vt hoc rescripto comprehensum est, quod nisi appellauerit, mandati actionem non habet. Hæc appellatio iisdem de causis exigitur a fideiussore, quibus exigitur, si quam exceptionem habet, qua se tue-

atur. Vt enim exceptio ad defensionem & fideiussoris & rei pertinet, ita & appellatio, vbi iniuste fideiussor condemnatus est, *l. i. de appell.* Nam appellatio rescindit procuratorem, & rem in eum locum restituit, in quo est, si causa adhuc exceptionis penderet, *l. i. §. ult. ff. ad Turpill.*

Sed tamen & hic non semper necesse est fideiussorem appellare. Duæ res fideiussori excusationem in hac re tribuunt, paupertas, & eius denuntiatio, *l. si procurat. §. si signorantes iub. ff. cod. Paupertas*, quoniam paupertate impeditur vt prosequatur appellationem, neque fideiussor, neque quisquam alius, qui mandatum suscepit, amplius præstare debet, in re mandata, quam culpam & dolum, *l. proc. hoc tit.* Nulla autem culpa est in eo, qui propter paupertatem appellare non potuit, sed etiam si fideiussor condemnatus diues in tempore denuntiet debitori, vt ipse appelleret, si videatur, audiendus est, quoniam huic causa integra seruetur, & ignoscendum est fideiussori, si principalis appellationem subire non vult.

49 Sed hic quæritur, vtrum fideiussor ¶ ita appellare debeat, cum appellatio ab eo exigitur, vt etiam debeat appellationem prosequi, an vero satis sit fideiussorem appellasse, vt deinde appellationem tradat debitori? Respondeo: Qui appellauit, etiam appellationem sequi cogitur, & cum a fideiussore exigimus vt appellet, hoc exigi intelligendum est, vt appellet cum effectu, id est, vt appellationem prosequatur. Id probatur in *l. 2. Ambros. per alium appel.* vbi hæc generalis sententia traditur: Eum qui appellauit etiam rationem appellationis reddere de re ea, quam persequitur: In fideiussore autem idem intelligitur *ex d. l. si proc. §. ult. ff. cod.* cum dicitur: Si propter paupertatem non appellauit eum excusatum esse, quod paupertas ei non permisit. Non potest paupertas prohibere, quo minus fideiussor appelleret: nam appellare verbo licet, sine vllis sumtibus, *l. litigatoribus. infr. de appellat.* Tunc solum paupertas obstat, cum ad appellationem sumtibus opus est: non sunt autem necessarii sumtus, nisi ad perfequendam appellationem. Non obstat *l. inuitus. sup. de proc.* vbi dicitur inuitum procuratorem non cogi procuratorem extendere, vltra procuratoris causam: nam & illic procuratoris causa intelligitur, non tantum causam domini interpretando, sed etiam perfequendo. Et maxime in procuratore litis obtinendum est, vt quoniam ad agendam causam datus est, si iniuste condemnatus est, non solum debeat appellare, sed etiam appellationem interpositam sequi, quoniam hæc persecutio est pars illius procuratoris, quæ illi mandata est.

Ad L. ii. Procuratorem.

Imp. Dioclet. & Maximianus Augusti Caio.

Procuratorem non tantum pro his, quæ gessit, sed etiam pro his, quæ gerenda suscepit, & tam propter exactam ex mandato pecuniam, quam non exactam, tam dolum, quam culpam, sumtuum ratione bona fide habita, præstare necesse est.

S Y M M A R I A.

- 1 Rescripti huius summa.
- 2 Procurator quis hic. & nu. 40.
- 3 Mandatarius mandato non impleto tenetur mandati actione directa in id, quod interest mandatoris, mandatum impletum esse.
- 4 Id quod interest mandatoris est quod ei abest, ob ne-

gotium non gestum, aut quod negotio gesto lucrari potuit.

- 5 Procurator an semper teneatur mandato non impleto.
- 6 Procurator mandatum implere impeditus morbo, impetu hostium, vel alio casu non tenetur.
- 7 Procurator mandatum renuntians mandanti, si tempore faciat, actione mandati non tenetur.
- 8 Procurator an mandati mandanti renuntiare possit.
- 9 Procurator an etiam tum interdum teneatur, cum tempestine mandatum non renuntiavit.
- 10 Procurator mandato impleto ad quid domino teneatur.
- 11 Mandans ad quid teneatur procuratori. (cur.)
- 12 Procurator an rebus amissis quoque dolum & culpam, & quam præstare debeat.
- 13 Nemo tenetur in eo, quod casu fortuito contingit sine dolo & culpa.
- 14 Culpa generaliter etiam dolum comprehendit.
- 15 Culpa specialiter dicta quid. Et explicatur definitio. *ibid. nu. 16.*
- 17 Factum a culpa quæ vindicare possint.
- 18 Culpa diuisio in latam & leuem.
- 19 Lata culpa quæ sit.
- 20 Culpa levis quæ sit.
- 21 Diligens paterfamilias quis dicatur.
- 22 Diligens & diligentissimus idem valent iuris auctoribus.
- 23 Casus fortuitus quid.
- 24 Casum fortuitum nemo præstat vlllo iudicio.
- 25 Culpa lata & levis quomodo dignoscantur.
- 26 A procuratore non tantum dolum, nec tantum lata culpa, sed & levis præstanda est. Explicatur & declaratur exemplis. *ib.*
- 27 Exemplum late culpe.
- 28 Exemplum levis culpe. (num. 31.)
- 29 Culpa species an aliqua sit præter latam & leuem. &
- 30 Culpa leuissima quid, & an aliqua sit. *nu. 31. & 33.*
- 32 Culpam leuissimam nihil aliud esse quam leuem.
- 33 Cur cum non sit leuissima culpa, iuris auctores in iis contractibus, in quibus dicunt culpam leuem præstari, aliquid amplius exigant.
- 34 Negligentia & desidia culpa sunt.
- 35 Verbi & culpa significatio & vsus diligenter notandus. Declaratur exemplis.
- 36 Levis culpa quæ in faciendo, & ea, quæ in negligendo est, cum sint utraque leues, ad quid earum distinctio proficiat.
- 37 Cur cum utraque culpa, tam quæ in faciendo quam in non faciendo posita est, sit levis, saltem tamen ea, quæ in faciendo posita est, in tutela rerum communione, societate & dote præstetur, altera non item.
- 38 Mandatum an utramque culpam, tam eam quæ in faciendo, quam quæ in non faciendo est, recipiat. Procurator an etiam leuem culpam præstare debeat. Disiuntur *ibid.*
- 39 Præstare bonam fidem quid sit. (gatur.)
- 41 Procuratoris verbo an etiam procurator litis intelligatur.
- 42 Mandatarius præstare debet omnem diligentiam & culpam, non quia procurator litis est, sed quia agitur de re mandata.
- 43 Debitor ob leuem culpam an teneatur. (prestat.)
- 44 Procurator cur omnem culpam, atque adeo etiam leuem

Hoc rescriptum commodè complectitur, quid continetur obligatione procuratoris, seu quas ad res procurator obligetur ex causa mandati. Procuratorem ¶ hic intelligere debemus omnem, qui mandatum alterius suscepit, non tantum si erit procurator litis, sed etiam si ei negotia extra iudicia gerenda man-

da mandata sunt, nec tantum si plura negotia, sed etiam si vnum, *l. i. ff. de proc. l. si vero. §. contrarium. ff. eod.* Quisquis mandatum alienum suscepit gerendum, duas ob res obligatur. Nam & obligatur mandato non impleto, & mandato impleto. Non impleto mandato † obligatur, ut mandatum susceptum impleat, quæ prima mandati obligatio est, *l. si mandauero. §. ult. l. si quis alicui. §. qui mandati. ff. eod. §. penult. Inst. eod.* Nisi impleuerit, tenetur mandati actione, mandati nempe directæ, sic dictæ, quod directo ex mandato est, & propter mandatum competit: competit autem in id, quod interest mandatoris mandatum impletum esse, *l. si proc. §. mand. ff. eod.* Id † quod interest mandatoris, est id, quod ei abest ob negotium non gestum, aut mandatum non impletum, aut quod negotio gesto lucrari potuerit, aut consequi, *l. si procurator. l. si commissi. ff. rem rat. hab.*

Quod mandato non impleto dicimus, mandatarium teneri in id, quod interest, hoc dicimus, si mandatoris nihil interfit, mandatarium non teneri, quod quando accidat, declaratur in *d. l. si procur. §. mandati.* Non † semper tamen tenetur procurator mandato non impleto. Nam mandatum susceptum implere debet, si potest, quod si cum ad implendum proficisceretur, aut cum paratus esset implere, vel † morbo impeditus sit, vel impetu hostium, vel alio casu, non tenebitur, *d. l. si quis alicui. §. mandati. ff. eod.* Et hoc ex eo, quod in hac lege dicitur, quod procurator nihil amplius præstare debet, quam dolum & culpam in iis, quæ non gessit, casum fortuitum præstare non debet, ut est in *l. a. proc.*

7 Sed etsi procurator † mandatum implere posset, tamen non tenetur, si mandatum renuntiet mandatori, dum in tempore id faciat, id est, tum, cum mandator potest per se, aut per alium negotium commode explicare, *d. §. pen. Inst. eod.*

8 Sed videtur huic rationi † regula iuris & manifesta æquitas aduersari. Regula iuris certi est, liberum esse ab initio non contrahere, semel autem re contracta non licere vlli, obligationi constitutæ renuntiare inuito aduersario, *l. siuit. infr. de obl. & act.* Respondeo: Et hoc ita est, neque in mandato, neque in vllis aliis contractibus licere renuntiare semel constitutæ obligationi, sed quando mandato recepto mandator renuntiat tempestiue domino, non renuntiat constitutæ obligationi, quoniam non erat obligatus præcisè in hoc, ut mandatum impleteret, sed disunctim ut impleteret, vel tempestiue renuntiaret domino, ut in *supra scriptis locis traditum est.* Proinde qui domino statim renuntiat mandatum, is nihil contra mandatum facit, sed ita implet, id præstando, quod ex obligatione eum præstare oportebat.

Sed huic responsioni opponuntur verba mandati. Nam dominus simpliciter mandauit negotium gerendum, non autem ut mandatum renuntiaretur, proinde mandatarium, qui mandatum simpliciter accepit, in hanc sententiam accepisse intelligitur, *§. præterea. Inst. de inut. stip.* Proinde contra mandati obligationem susceptam est, mandato renuntiare posse, quia qui mandato renuntiat, is non gerit negotium, quod suscepit gerendum, sed contra renuntiat mandatori, ne negotium gerat. Respondeo: In mandato suscipiendo verum est, de renuntiando mandato nihil aperte caueri, sed hæc renuntiatio ex æquitate nascitur, cuius præcipua ratio haberi debet in bonæ fidei iudicio, quale est obligatio & actio mandati.

In iis omnia præstari debent ex bona fide, id est, ex æquo & bono, *§. in bona fid. Inst. de act.* Nam nonne hoc æquum est, vnumquemque tamdiu beneficio nostro uti, quamdiu volumus? Cum autem volumus, hoc æquum est, ut liceat nobis bona fide renuntiare, dummodo alterius nihil interfit, *l. 2. ff. de procur. l. in commodati. §. sicut. ff. commod.* Porro mandatum officii & liberalitatis est, *l. i. in fin. ff. eod.* Quare est ex æquitate superiore, ut tamdiu hoc beneficium mandatori tribuere liceat, quamdiu volumus, & cum volumus, ut liceat reuocare, dummodo in eo illi non noceamus, quod ita fit, si tempestiue renuntietur.

Postremo † etsi procurator mandatum implere potuerit, & mandatum non tempestiue renuntiauerit, aut omnino non renuntiet: tamen interdum non tenetur, quod ita fit, si mandatum renuntiare non potuit, aut non debuit: non potuit, valetudine impeditus: non debuit, inimicitiis capitalibus obortis inter ipsum & mandatorem, *l. si mandauero. in fin. & l. sane. & seq. ff. eod.* Id significatur obsecutus in hoc re scripto, cum ita dicitur, procuratorem de iis, quæ gerenda suscepit, & non gessit, debere præstare dolum & culpam. Ex hac regula sunt supradicta, nam qui tempestiue renuntiat, dolo & culpa caret. Item & in quo non renuntiat, si iustis de causis impeditus sit, ut supra dixi.

Impleto † mandato etiam hæc altera pars est obligationis, qua procurator & mandatarium omnis tenetur, ut restituat mandatori, quicquid ex mandato consecutus est, nec tantum ex mandato, sed etiam per causam & occasionem mandati, ut omne lucrum ei auferatur. In quo primo nihil interest, utrum quid ad procuratorem principaliter ex mandato peruenerit, an vero ex ea re, quæ principaliter peruenit, aliquod lucrum fecerit. Exempli gratia: Mandatum est alicui, ut pecuniam a debitore mandatoris exigeret. Exegit. Hanc sine dubio reddere cogitur mandatori, quod principaliter eam ex mandato consecutus est, de quo hic dicitur. Sed hoc amplius dicimus, eum restituere debere etiam vsuras, si eam pecuniam collocauit, & vsuras inde consecutus est, cum inuito domino pecuniam crediderit sub vsuras, *l. idemque. §. si procurator. ff. eod.* Similiter si mandatum est alicui, ut fundum emeret, acceptum restituere debet circa controuersiam, quoniam principaliter ex mandato eum habet, sed hoc amplius, etiam debet omnes fructus, & datum emittatum mercedem, quam etiam consecutus sit, cum mandator mandauerit eas locari, *d. l. idemque. §. 1. & seq. si proc. ff. eod.*

Hoc amplius, hic nihil interest, utrum id quod procurator consecutus est per occasionem mandati, consecutus sit iure an vero iniuria per errorem & iniuriam iudicis. Veluti si mandato domini exegerit pecuniam non debitam: Etsi hic nihil est quod domino debeat, quodque debuerit illi præstari a debitore, tamen a procuratore restitui debet, quod per causam mandati id consecutus est, *l. qui proprie. §. procurator. ff. de procur.* Et generaliter definitur in *l. ex mandato. ff. eod.* ex causa mandati, lucrum nullum apud procuratorem & mandatarium manere debere. Ut autem nihil interest, quo modo, quove iure aliquid peruenerit ad procuratorem per causam mandati: sic nec interest, quam rem ille per causam mandati sit consecutus, utrum rem an corpus aliquod, an vero actionem. Exempli causa: Mandatum est pro-

curatori, ut emeret fundum: emit, & nec dum fundus illi traditus est: habet actionem, ut continuo sibi tradatur, *l. ex emto. ff. de aresto*. Hac actione postulanti domino cedere debet, *l. possessio. §. ultim. ff. de acquir. vel am. poss.* Similiter et si fundus ei traditus est, sed sibi cavit stipulatione dupla ob emtum fundum, aut si actionem ex emto habet, ad eam cautionem exigendam non habet, nisi eam remiserit, *l. ex emto. §. vendit.* Has quoque actiones & quaecunque sunt similes ex similibus causis, domino restituere debet, aut illo mandante debet creditorem aut debitorem liberare, *l. si proc. §. antep. §. ult. l. si mandatum. §. quoties. l. quod mandato.*

11. Ut hanc obligatione mandati continentur, quæ procurator domino, eidemque mandatori præstare debeat: sic mutuae præstationes sunt, id est, ea, quæ mutuo præstari debeant procuratori, nempe sumtus bona fide facti, quorum rationem haberi debere in hoc rescripto adiectum est. De his sumtibus dixi supra ad *l. etiam*. De repetitione horum sumtuum quid iervandū sit, declaratur in *l. idem. §. idemq. Labeo. ff. eo.*

Sed in iis, quæ dicimus procuratorem & mandatarium domino partim facere, partim præstare & restituere debere, oritur communis hæc quæstio: Quid, si quid non fecit, cum vellet? quid si res, quas consecutus est, iam apud se non habet, sed amisit, an eas quoque restituere debet, quamprimum modo amiserit?

12. Quæstio in eo est, utrum quoque rebus amissis, præstare debeat dolum suum & culpam, & quam culpam præstare debeat? De hac re scriptum est & hoc rescripto & pleraque in *l. si procurator. item in l. si re mandata infra*, quos locos ideo coniungi oportet. Est autem hæc summa omnium. Cum quæritur: Re quæ restitui aut præstari debet amissa, aut deteriore facta, quid eo nomine procurator præstare debeat, & quatenus teneatur? Verum hoc est, quod casum fortuitum præstare non debeat sed dolum & culpam, & quidem omnem præstare debeat. Nam omnem culpam præstandam esse, diserte scribitur in *l. a procuratore infra*. Certi iuris definitio est de casibus fortuitis, hos nullo neque bonæ fidei, neque alio iudicio præ-

13. stari, id est, neminem ut teneri in eo, quod casu fortuito contigerit sine dolo & culpa, *l. qua fortuit. de pign. action.* ubi dixi, *l. contractus. in fin. de regul. iur.* De dolo & culpa hæc distinctio est, ut quidam contractus tantum dolum accipiant, ut depositum, alii & dolum & culpam, ut commodatum, emtio, locatio & similes, iuxta eam distinctionem, quæ traditur in *l. §. §. nunc videndum ff. commod. l. contractus. de regul. iur.* Ex hoc genere posteriore est mandatum, ut etiam diserte traditur in *d. l. contractus*. sed ita mandatum, ut etiam omnem culpam in mandato præstare debeat procurator. Hæc res postulat necessario, ut duo hic explicemus. I. Ut videamus, quid sit culpa, & quot species culpæ, posteaquam dicitur, hic omnem culpam præstandam esse, quibus verbis significatur, non esse unum genus culpæ, sed plura. Alterum est, ut videamus, quam recte & vere constituatur, in mandato mandatarium omnem culpam præstare debere, cum mandatum omne proficiscatur ex officio & liberalitate, multo magis quam depositum, in quo tamen constat, nihil amplius quam dolum præstari & culpam latam.

14. Culpa ut generaliter etiam dolum complectitur, & dolo culpa est, ubi appellatio culpæ in legibus

continetur, ut in *l. Aquilia*, vindicatur damnum iniuria datum, id est, culpa: sic enim veteres iniuriam in ea lege acceperunt, *l. §. §. i. ff. ad l. Aquil.* & tamen inter omnes convenit ea lege teneri etiam eum, qui dolo damnum dederit, *l. qui occidit. §. ult. ff. ad l. Aquil.* Sed hoc magis fieri videtur collectione a minori ad maius, aut contra, quam verbi significatione. Sic enim recte colligitur: Tenetur ea lege etiam, qui solum culpa damnum dedit: multo ergo magis qui dolo dedit. Ceterum significatio verbi & usus iuris auctorum ita est, ut perpetuo culpa a dolo distinguatur, ut hic & in *l. a proc. j. l. contractus. de reg. iur. l. si ut certo. §. nunc videndum. ff. de com. & passim hic usus occurreret, quoties in contractibus mentio fit de dolo & culpa præstanda. Hoc sensu sic culpa recte definitur. Culpa ut est omne factum non de industria, quo nocetur alteri, si modo huius facti casus & periculum humano lapsu provideri potuit, & quod facis, id nullo tuo iure facias. Omne factum: ut intelligamus etiam quod omisum & neglectum est: nam & qui negligit, facit. Est autem culpa etiam in non faciendo, *l. si se no. ff. de verb. oblig. Non de industria*. ut distinguatur culpa a dolo. Nam ut dolo est factum & machinatio, consulto adhibita seu de industria, ad alium fallendum fraudandumq; *l. i. ff. de dolo*. Culpa omnis hanc machinationem & propositum apertum non habet. Quo nocetur alteri: nam qui prodest iure facit & ex officio, tantumq; abest ut sit in culpa, ut etiam mereatur laudem. Sed & qui nocet sibi & rebus suis, extra culpam est, *l. etiam. §. licet. ff. sol. mat.* quoniam unusquisque rei suæ ut dominus ita & arbiter est, ut possit sine culpa & cuiusque iniuria rem suam etiam in mare proicere, *l. in re mandat. inf. h. iit.**

Si modo huius facti casus, & quæ sequuntur in definitione: quibus verbis intelligi volumus ita factum omne, quo alteri noceatur culpam esse, nisi iustam excusationem factum habeat. Duas autem esse facti actiones, quæ ut factum a culpa vindicent, una est, si factum eiusmodi est ut nemo diuinare potuerit aliquod damnum aut periculum ex eo euenturum, veluti, si purator arboris ex arbore deiecerit ramum, in eum locum, in quo vulgo aut priuatim nemo iter facere solebat, & casu aliquis ibi fuerit, qui delitesceret, cui ea deiectione nocitum sit. Hic extra culpam est, & ob id lege Aquilia de damno dato non tenetur, *l. si purator. ff. ad legem Falcid.* Eiusmodi factum est in fideiussores, si exceptionem reo competentem omisit, cum ignoraret in facto eam competere. Ideo secutus est fideiussores, quia non potuit diuinare eam competere debitori, nisi a debitore aut ab alio id cognovisset, *l. si fideiussores conventus, §. si cum debitor, ff. eodem.*

Alteræ res excusationem habet, si quod quis facit, id facit suo iure. Quicquid eiusmodi est, etiam si eo facto alteri noceat, & non ignoret ita futurum esse, tamen non tenetur, quasi culpam admiserit, quoniam in eo nulla culpa est. Exempla sunt: Commodata sunt alicui instrumenta ad utendum, ad aliquod tempus utendo: attriuit & deteriora fecit, etiam si, ut diligentes patresfamilias solent, usus sit. Placet enim ob id interuentum non teneri, *l. eum qui in pr. ff. commod.* Id causæ est, quia qui ita usus est commodato iure suo & voluntate domini usus est. Item: Commodatus est alicui equus ad aliquod certum iter: in itinere incidit equus in latrones aut in hostes, & ita abductus est equus. Hoc factum culpa caret, nec commodatarius præstat, *l. ult.*

ult. D. commod. Et tamen constat facto commodatarii id euenisse, quod si profectus non esset, non incidisset in latrones aut hostes. Et poterat homo prudens cogitare, euenire id viatoribus posse. Sed ideo extra culpam est, ob id quod profectus est domini voluntate.

18 Culpa † duplex est, lata & leuis, hæc enim genera traduntur a veteribus, *l. quicquid. de arb. tut. l. cum res, §. pen. culpa, D. de leg. i. l. mulier, §. sed enim, D. ad Treb.*

19 Lata † culpa est omne factū quo alteri nocetur non data ad id opera, sed tamē eo facto, quod dolo sit proximo, id est, ex facto, quod is, qui facit in reb. suis non admitteret, aut cuius casum & periculum omnes homines intelligerent. Prius factum esse latæ culpæ, est *in l. quod Nerva, D. de positi.* Posterius *in l. lata, de verb. sig.* Dixi factum non dedita opera, quoniā lata culpa etsi proxime ad dolum accedit, tamen dolum non est. Eiusque rei hæc nota est, quod dolo facit, quisquis aliquid facit cōsulto & de industria ad alii nocendum. Culpa lata eiusmodi propositum non habet, sed tamen habet factum eiusmodi, q̄ vehementi præsumptione videatur nō carere fraude & dolo, *d. l. q̄ Nerva, D. de pos.* De qua specie dixi satis *ad l. i. de de positi.*

20 Culpa † leuis est ob factū, quo nocetur alteri iniuria, non tamen mala mente, sed per imprudētiā. Non mala mente, vt distinguatur leuis culpa & a dolo & a lata culpa. Nam etsi lata culpa dolum nō est, non tamen peccatur lata culpa, nisi mala mente, vnde & hæc culpa dicitur fraude non carere *in d. l. quod Nerva.* Imprudētiā autem intelligimus, cum quis quid facit aut omittit, quod idem in suis rebus facere & omittere consuevit, sed non prouidit id quod diligens paterfamilias prouidisset, ne damnum contingeret, & ideo *in l. si pro. D. ad l. Aquil.* culpa leuis atque adeo lenissima, quæ vindicatur lege Aquilia, hac veluti nota describitur, cum quod a diligente prouideri potuisset, nō est prouisum. Ergo ad leuem culpam cognoscendam necesse est intelligi, quis sit diligens paterfamilias, qui hanc culpam non admitteret.

21 Et iuris auctoribus diligens † paterfamilias is dicitur, qui quacunque humano captu & intelligentia prouideri possunt, prouidet, & cauet ne quid damni res capiat, qui idem omnia faciat in rerum suarum administratione, quæ pro humana intelligentia ad rem tuendam & conseruandam, & recte gerendam pertinet. Hoc ita esse, ita probatur. Nam qui diligens est paterfamilias idē dicitur & frugi, vt idem sit diligens & frugi paterfamilias, *leg. si venata, D. de per. & com. rei vend.* Frugi autem homo & paterfamilias est is, qui omnia facit fructuose, vnde & a veteribus dictum est, hominem frugi omnia recte facere, id quod & in prouerbiū abiit, cuius meminit Cicero, *libro quarto, Tuscul. quæst. o.* Proinde & diligens est, qui in rerum administratione omnia recte facit. Præterea cōstat diligentissimum patremfamilias eum esse, qui nihil omittit, quod ad summam & exactam diligentiam rei gerendæ pertinet. Quare & diligens idem est. Nam quod diligenter etiam atque etiam notandum est, in vsu iuris diligens paterfamilias idem est, qui etiā diligentissimus dicitur, ne forte nos fallant illi loci, vbi hæc verba vsurpantur, quasi dicatur de rebus diuersis, aut ne cum vulgo inutilem laborem suscipiamus & inexplicabilem quærendi, qua nota distinguamus diligentem a diligentissimo.

22 Diligens † in quā & diligentissimus idem valent

iuris auctoribus, quod patet his argumentis. Primum est *l. in rebus, D. commod.* Exigitur a commodatario iure commodati, talis diligentia, qualem diligentissimus paterfamilias suis rebus adhibere solet. At in eadem re commodata nihil amplius exigitur alibi, quam diligens custodia, non autem diligentissima, *l. 3. §. custodiam, D. commod.* Est ergo eadem custodia diligentis & diligentissimi. II. Vt a commodatario exigitur ea diligentia, quam diligentissimus paterfamilias suis rebus adhibet. Sica conductore totidem verbis *§. ult. Instit. loc. & cond.* At in conductione non exigitur a conductore, nisi ea diligentia, quam diligens paterfamilias suis rebus adhiberet, propterea quod in conductione vtriusque, id est, locatoris & conductoris versatur vtilitas, vt de pignore dicitur *in l. ea ergo. D. de pig. act.* Non est ergo alius diligens, quam diligentissimus, nec alius diligentissimus, quam diligens.

Tertium argumentum est *in l. 3. D. de per. & com. rei vend.* Scriptum est in re vendita eandem diligentiam adhiberi debere, quæ adhibetur in re commodata. At in re commodata exigitur diligentia quam diligentissimus paterfamilias adhibere debet, *d. l. in rebus, D. commod.* In re autem vendita ea excipitur diligentia quā diligens & frugi paterfamilias suis rebus adhibere consuevit *in l. si vendita, D. de per. & com. rei vend.* Aut ergo falsum est in re vendita eandem diligentiam exigi, quæ in re commodata exigitur aut fatendum est, quod & verū est, nihil aliud esse diligentissimum quam diligentem & frugi patremfamilias.

Quartum, si diligens paterfamilias est idem qui & frugi dicitur, non potest, quin diligens sit idem diligentissimus, qui frugi, id est, omnia recte facit. Non est autem diligentissimus, nisi qui idem præstat.

Quintum argumentum est ab absurdo. In conductione exigitur a conductore exactissima diligentia *in l. si vero, §. qui columnam, D. locat.* In commodato autem exigitur a commodatario exacta diligentia rei constituendæ, *in §. item is qui. vers. at qui. Instit. quib. mod. re.* Si plus continet exactissima diligentia, quam exacta, id est, diligentia diligentissimi plus continet, quam diligens, dicendum erit in conductione, conductorem maiorem diligentiam adhibere debere, quam commodatarium in re commodata. Hoc vero est absurdum, & absurditas per se patet, cum in conductione versetur vtilitas vtriusque: In commodato autem solius comodatarii, propter quam vtilitatem plus ab eo exigitur, quam a ceteris debitoribus, *in l. 5. §. custod. D. commod.*

Fatendum ergo nobis est, non aliud esse exactissimam diligentiam quam exactam, ac proinde non aliam esse diligentiam diligentissimi, quam diligentis.

Ex hac re hoc intelligimus, quod ad præsentem rem & transactionem attinet: Quicquid humana diligentia caueri aut prouideri non potest, id casus † est fortuitus si accidat. Hunc † casum fortuitum nemo debitor præstare cogitur villo iudicio, *leg. quæ fort. supr. de pig. actio.* Contra † quacunque humana diligentia prouideri possunt, si nō sunt prouisa, siquidem id dolo factum non est, ultra quæratur, vt culpa factum intelligatur alias lata, alias leui, quæ ita distinguemus, si quis in rebus alienis fecit, quod in suis nō faceret & ex eo damni aliquid accidat, culpa lata est, etiam si is qui fecit in rebus suis diligentissimus fuerit: Nam lata culpa est minorem diligentiam

adhibere alienis rebus, quam suis, *l. quod Nerva, D. depof.* Quod si quis eandem culpam admittere confuevit in rebus suis, quæ in rebus alienis admissa est: ea est culpa, quam dicimus leuem, quoniam est confueta in rebus suis negligētia, ut culpa leuis non male videatur dici posse, cum quis præcauit consueta in suis rebus negligentia sine dolo malo, his enim verbis leuem culpam circumscribere videtur *l. mulier §. sed non, D. ad Treb.*

Cum hæc genera duo culpæ esse constet, & hoc loco dicamus a procuratore, omnem culpam præstari: hinc intelligimus ab eo præstari debere non tantum dolum, nec tantum latam culpam, sed etiam leuem, quoniam hæc culpæ species sunt. Est autem hic sensus, procuratorem in negotii mandati administratione & custodia earum rerum, quas ex mandato consecutus est, non tantum eam diligentiam adhibere debere, quam suis rebus adhibere confuevit, ne quid damni accidat: sed & eam, quam diligens atque adeo diligentissimus paterfamilias suis rebus adhibere confuevit. Proinde si procurator tantam diligentiam non adhibuit, quātam potuit, si tamen alius pro humana intelligentia, diligētius & cautius gerere potuit, hæc culpam præstabit. Quod si id admisit, quod in re sua non admitteret, præstabit multo magis, etiam si id quod factum non est diligentiam exactissimam requireret, quia prius est culpa leuis, posterius lata culpa.

Harum rerum hæc sunt exempla: Mandavi alicui, ut fundum Titianum mihi emeret, is cum emendi facultatem haberet, pecunia corruptus ab alio, non emit, ut illi liceret emere sine competitore: mandatarii dolus est. Item si promiserit alii emere amicitia ductus, lata culpa est, *l. si procur. §. ult. D. hoc tit.* Lata culpa ideo, quia qui amico gratificatus remisit emtionem, apparet eum nihil facere mala mēte, ut mandatori noceat, sed ut prosit & gratificetur amico. Sed ideo lata culpa est, quia hoc facto omnes homines intelligerent futurum esse, ut ille fundum non emeret secundum mandatum. Est autē inter cetera tunc lata culpa, cum quid factum est, ex quo aliquid damni futurum esse, omnes homines intelligerent, *leg. lata, D. de verb. sign.*

Leuis tamen culpæ exemplum hoc est: Procurator, cui pecunia mandata erat exigenda, aut qui ex aliquo mandato aliquid consecutus est, id quod consecutus erat tradidit alicui perferendum Spiram, homini non satis certo, perferendum ad mandatorem. Nuntius aufugit & pecuniam secum abstulit, aut aliter rem quam habebat male perdidit, procurator etiam ei nuntio alias res perferendas commendauerat. Queritur, utrum procurator hoc damnum mandatori præstare debeat? Dicimus debere, quia peccauit culpa non lata, at certe leui, & ob hanc causam culpam præstat ei mandatori, si rem commodatam ad dominum perferendam alicui commiserit, & ea res amissa sit, *l. cum qui, §. ult. D. commod.* Hoc factum culpa est, quia aut ipse perferre debuit, aut expectare donec dominus eam rem repetere, & denūtiare illi, cui eam rem redderet. Ea culpa leuis est, quia non omnes homines intelligunt nuntium rem amissurum fuisse, præterea apparet magis leuem culpam esse, quod procurator idem facit in re sua quod in aliena. Nam ut illi res alienas commiserat perferendas, sic & suas.

Queritur etiam, num sit alia species culpæ, quam superiores, ut sic eam speciem in definitione huius

loci includamus, posteaquam ita definitur, a procuratore omnem culpam præstari? Et vulgo tres species culpæ faciunt. Volunt enim quandam culpam esse leuissimam, distinctam a lata & leui culpa. Mouentur his rationibus, quia leuissima culpa nominatur in *l. in leg. Aquil. 44. D. ad l. Aquil.* deinde quia alius est diligens, alius diligentissimus paterfamilias. Est ergo illis auctoribus culpa leuis, quam non admitteret diligens paterfamilias. Leuissima autē ea, quæ quam non admitteret diligentissimus.

Nos tamen cum iuris auctoribus, duo genera culpæ agnoscimus, latam & leuem. Neque enim plura nominantur in *l. quicquid, supr. arb. tut. l. tutori, infr. de neg. l. item res, §. penult. D. de legat. 1. l. mulier. §. sed non, D. ad Trebell.* Neque plura esse possunt, si idem est diligens, & diligentissimus, ut docuimus. Moueri non debemus, quod legimus dici leuissimam culpam: Nam hoc verbum semel tantum occurrit, quod sciam, in *d. l. in leg. ad leg. Aquil.* Et præterea etsi leuissima culpa aliqua est, non tamen ea res tertia & noua speciem facit, quoniam leuissima culpa nihil aliud est, quam leuis, quod tamen euidenter his argumentis probatur. Nam quæ leuissima culpa nominatur, in *d. l. in leg. ad leg. Aquil.* ea est culpa, quæ præstatur & vindicatur lege Aquilia, cum damnum alicuius culpa datum est. At culpa, quæ vindicatur lege Aquilia, sic definitur in *l. putator, ad leg. Aquil.* cum quod a diligente prouideri potuit, non est prouisum. Porro hæc culpa est leuis, omnium consensu, qui definiunt culpam leuem esse, quæ a diligente paterfamilias admissa non esset, & probatur definitio exemplo pignoris. Nam in pignore exigitur, ut creditor præster ea, quæ diligens paterfamilias in suis rebus faceret, *lea ergo, D. de pign. act.* Porro constat in pignore, in quo utriusque utilitas versatur & creditoris & debitoris, nihil amplius a creditore præstari debere, quam leuem culpam, idque omnibus interpretibus consentientibus. Non est ergo alia leuissima, quam leuis, quoniam quarum rerum definitiones eadem sunt, hæc quoque res inter se eadem sunt. Denique omnes definiunt, culpam leuem esse, quam non admitteret diligens paterfamilias, a diligenti in usu iuris. Ergo etiam a procuratore præstanda est culpa leuissima, sed ita ut intelligamus hoc verbo, nihil aliud eum præstare debere, quam culpam leuem, id est, omne id, quod a diligere & diligentissimo paterfamilias prouideri potuisset, si ab eo non sit prouisum. Ita manebunt superiora duo genera culpæ iuris auctoribus, nempe lata culpa & leuis.

Quid ergo tibi vult, quod iuris auctores in iis contractibus, in quibus dicunt præstari culpam leuem, præter culpam aliquid amplius exigunt quod præstetur? Dicunt enim constanter, quosdam contractus recipere dolum & culpam, & præterea etiam diligentiam seu custodiam, ut pignus, ut res legata, ut alii contractus, in quibus utriusque utilitas versatur. Traditum hoc est in *l. si cum venderet, §. ult. D. de pign. act. l. cum res, §. culpa. D. de legat. primo.* Et præterea in *leg. contractus, de reg. iur.* initio dicitur, quosdam contractus recipere duntaxat dolum, ut depositum, quosdam & dolum & culpam, ut mandatum, & alios plerumque qui enumerantur, ubi verbo culpæ non significatur lata culpa, nec leuis, alias male distinguerentur sequentes contractus a deposito, cum in deposito depositarius non solum dolum, sed etiam latam culpam præstet, *l. i. supr. depof.* Ergo hoc dicitur quosdam

quosdam contractus recipere dolum & latam culpam, & tamen paulo post subiicitur, *in his & quibusdam contractibus recipi etiam diligentiam*. Quibus ex verbis liquido apparet aliquid amplius esse præstandum, in quibusdam contractibus quam leuem culpam. Id autem non est casus fortuitus. Nam casus fortuitus nullo iudicio præstat, *d. l. contractus*. Ergo est opus ut sit culpa. Si non est levis, necesse est tertium aliquod genus culpæ intelligi præter latam & leuem. Hoc verò non potest dici nisi leuissima, ut interpretibus visum est.

Respondeo: Cum dicitur quosdam contractus recipere culpam & diligentiam, his verbis non significatur, tertium aliquod genus esse culpæ, præter latam & leuem. Sed levis culpa in duas species deducitur, & ita res habet. Levis culpa in genere una est, speciebus duplex. Nam omnis culpa ac proinde etiam culpa levis consistit aut in faciendo, aut in non faciendo seu negligendo, quod præterquam quod natura rei per se demonstrat, etiā diserte scriptum est in *l. si seruum, in pr. D. de verb. obl.* Culpa levis in faciendo est, cum quis facit quod noceret alicui, quod tamen in suis rebus etiam facere consuevit, sed quod diligens paterfamilias in suis reb. non faceret, veluti si socius extraneum in societatem admiserit, minus idoneum, qui & deinde societati nocuerit. In non faciendo est, cum quid ad rem tuendam & conseruandam fieri debuit, quod & diligens paterfamilias faceret, id vero quis non fecit, consueta in suis rebus negligetia. Veluti si quis agros tempestive non coluit, ædificia collabi passus est, animalia ægrotare non curauit.

34 Culpa igitur quæ in faciendo est recte factum dicitur: culpa quæ est in non faciendo, recte vno verbo appellatur negligentia & desidiam. Negligentiam & desidiam culpam esse constat, tum ex re ipsa, tum ex his locis *l. magna, de verb. sig. l. socius socio, D. pro socio §. ult. Inst. de soc.* Hanc speciem culpæ levis significant iuris auctores verbo diligentia, quam præstari debere dicunt. Nam cum dicunt aliquem præstare debere diligentiam, hoc dicitur, eum debere diligenter facere ea, quæ ad rem recte gerendam pertinent. Qui autem dicit aliquem facere debere, quæ pertinent ad rem tuendam, significat eum huius negligentia & omissionis nomine teneri. Ita verbo diligentia iuris auctores per contrarium, negligentiam seu negligentiam æstimationem præstari debere dicunt. Huic obligationi cum opponitur culpa, id euenit, ut verbum culpæ transeat in speciem negligentia contrariam, & iam significet culpam in faciendo positam.

Nec obstat quod culpa generaliter omnem culpam etiam leuem, & quæ in negligendo est complectitur *d. §. ult. Inst. de soc. d. l. socius socio, D. pro socio*. Nam sic est usus iuris auctorum, ut cum verbum aliquod per se generaliter ponitur in diuisione eiusdem generis, incipiat transire in nomen speciei, & significet speciem alteri contrariam, ut adoptio generale nomen est, & omnem speciem adoptionis complectitur. Eadem tamen diuiditur in adoptionem & arrogationem, *l. 1. D. de adopt.* In hac diuisione apparet verbum adoptionis, quod prius generale erat, significare speciem ab arrogatione diuersam. Idem fit in verbo actionis, ut declaratur in *l. pecunia, §. act. de verb. sign.* Idem in verbo cognationis & cognatum, ut significatur in *l. 1. §. 1. de grat. offic.* Sic & in verbo culpa dicitur & simpliciter. Generaliter omnis culpa, tam quæ in faciendo est, quam quæ in negligendo, id est, tam

facta quam neglecta, simpliciter & vscitate significat culpam leuem, quæ in faciendo est, ut in lege Aquilia vsurpatur, cum punitur damnum culpa datum. Nam hic culpa significat quod factum est, non quod omisum est *l. si cuius, §. denique. D. de vsufr.*

Hæc significatio, igitur atque hic verbi usus diligenter obseruandus est: Valet enim significatio ad nodos plerisque dissoluendos huius argumenti alioqui in speciem indissolubilis. Hæc difficultas consistit in his quatuor contractibus, in tutela, in rerum communione, quæ sine societate contingit, ut inter coheredes & inter legatarios plures in societate, in dote. Hi quatuor dicuntur recipere & dolum & culpam, *l. contractus, de reg. iur.* Quo significatur, tutorem pupillo in tutelæ administratione, heredem coheredi in re ex hereditate communi, socium socio in societate, maritum uxori, in re dotali, eo nomine teneri, si quid damni contrigerit, vel eorum dolo vel culpa, ubi culpam constat dici non latam sed leuem, quia alioqui male hic contractus distinguerentur a deposito, in quo etiam venit dolum & lata culpa, *ut infra dixi*. Et tamen de iis omnibus supra scriptis personis, constanter diuersis locis ita traditur, non debere eas maiorem diligentiam præstare, quam suis rebus adhibere solent. De tutela hoc traditur in *l. 1. in princ. D. de tut. & reb. distrah.* De rerum communione, in *leg. heredes, §. non tantum, D. famil. heres. cund.* De societate, *§. ultim. Instit. de societa.* De dote, *leg. in rebus, de iur. dot.* At superioribus verbis significatur supra scriptas personas ob negligentiam ita teneri, si maiorem diligentiam adhibuerint in rebus alienis, quas seruare & restituere debuerint, quam in suis rebus solent. Porro, hæc culpa est lata, *l. quod Nerva, D. de pos.*

Contra vero si eandem diligentiam adhibuerint in alienis rebus, quam in suis consueuerunt, etiam si non fecerunt ea, quæ diligens paterfamilias faceret, iisdem verbis significatur eas personas non contineri. Atque hæc est culpa & negligentia levis, cum quis peccet consueta tantum rebus suis negligetia, quam tamen diligens paterfamilias non admitteret. Ergo hoc iam dicitur, supra scriptas personas leuem culpam non præstare, sed solum latam.

Quomodo hæc conciliantur? Respon. Conciliantur animaduersa & obseruata superiori verbi culpa significatione & usu, hoc modo. Quod dicitur istos contractus quatuor, recipere dolum & culpam, verissimum est, ut non tantum recipiant dolum & culpam latam, sed etiā culpam leuem. Sed hic culpam accipere debemus, culpam in faciendo positam, seu eam culpam, quæ distinguitur a negligetia. At negligentiam leuem hi contractus non recipiunt, id est, culpam leuem in non faciendo positam, non recipiunt, quod contrariis in specie locis significatur. Hæc sententia ut verbo & vsui iuris conueniens est, ita iure est verissima. Quod ut intelligatur exemplum erit societas, de qua potissimum dubitatur inter eruditos, propter *§. ult. Inst. de proc.*

Societas recipit dolum & culpam, *l. contractus, de reg. iur.* id est, socius socio tenetur in id, quod damnum dederit societati, non tantum dolo suo, sed etiā culpa. & quidem leui culpa, ut hoc verbum intelligitur in *d. l. contractus*. Sed hoc ita, ut intelligatur culpa eius, quæ sit in faciendo: socius socio suo omne factum præstabit, id est, quicquid fecerit quam obrem noceat societati, id præstabit socius, etiam si culpa leui, atque adeo leuissima peccarit, quod comprobatur exemplo commodatissimo, *l. qui admittitur, & seq. D. pro soc.* Exemplum tale

est: Cum essemus duo socii, socius meus extraneum quendam, quem putabat hominem industrium & commodum societati, ascivit sibi in eandem societatem. Illic respondetur, extraneum illū socio sociū futurum, sed mandati nō futurum socium, quia non consensu, socii mei socius, socius meus non est. Additur præterea, si quid ille extraneus nocuerit societati, hoc me damnum repetiturum a socio, qui eum admisit, *l. & quicquid, l. de illis, quæ paulo post sequuntur, D. pro socio*. At hoc factum socii mei, nihil aliud est, quam culpa levis & leuissima: Nam prodesse voluit societati, dum putat extraneū esse hominem industrium, & posse per illum res societatis promoueri. In illo etiam aperte peccauit consueta in suis rebus negligentia. Nam quod fecit in re mea, prius fecit in sua. Illum enim prius sibi ascivit, quam mihi. Quare verum est, ut hoc exemplo aperte declaratur, etiam in societate, socium socio præstare debere culpam leuem, sed eam, quæ sit in eo, quia socius aliquid fecerit, aliquid instituerit, quod recte & commode gerere non potuit. Sed non præstat socius socio culpam leuem, si culpa sit in negligendo. Et de hac culpa agitur in *d. l. socius socio, D. pro socio & d. §. ult. Inst. de societ.* Idem de tribus reliquis superioribus contractibus intelligendum est.

Sed cur debemus distinguere leuem culpam, quæ in faciendo est, & eam, quæ in negligendo, cum fateamur vtramque esse leuem? Respondeo: Eo fit, quia vtraque hæc culpa non eodem iure habetur. Idque perspicuū est ex superioribus contractibus quatuor, in quibus dixi præstari debere dolum & culpam leuem, sed in faciendo positam. Culpam vero positam in non faciendo, seu negligentiam non præstari, nisi latam & quam debitor in rebus suis non admitteret. Alii sunt autem contractus, qui vtramque leuem recipiant, ut constat ex *l. §. nunc vidend. D. commod.*

37 Sed an t̄ non male hoc constituitur, ut in scriptis contractibus præstetur culpa levis, posita in faciendo, non præstetur autem ea, quæ est in non faciendo, cum vtraque sit levis, ut fatemur, & in iisdem causis, idem ius constituere oporteat, *l. illud, D. ad l. Aquil.* Respondeo: Multum interest inter factum & negligentiam, & multo grauius peccamus, dum nocemus alteri aliquid faciendo, quam dum nocemus negligendo & aliquid omittendo. Nam ei qui facto suo alicui nocet, semper culpa obici poterit, cur fecerit, nam erat in eius potestate non facere, nec ius eum cogebat. Recte illi dicitur, non debuisse eum suscipere id, in quo intelligebat aut intelligere debebat imperitiam, aut infirmitatem suam aliis periculosam futuram, ut eleganter dicitur in *l. idem iuris, ad l. Aquil.* At in eo qui aliquid non facit, quod ad rem tuendam pertinebat, multa sunt quæ excusent. Certè duo sunt in promptu. I. quia nō intellexit quid facere debebat, aut quid ad rem gerendam pertineret, eiusque rei indicium est, quod & ipse in rebus suis non intellexit, sed peccauit eadem negligentia. Alterum, quod etsi intellexerit, quod res postularet, tamen suscipere non est ausus, diffusus suis viribus, metuit enim ne non possit efficere, aut ne non faceret recte. Venia dignus est, qui maluit rem non attingere, quam male tractando perdere.

Ob hanc causam diligentia hæc exacta remittitur in superioribus contractibus partim propter necessitatem, qua tenetur debitor ad rem gerendam, partim propter utilitatem creditoris. Propter neces-

sitatem, ut in tutela & rerum communione. Nam tutor suscipit tutelam inuitus, coheres cum coherede incidit in communionem inuitus, propter hanc necessitatem æquissimum est non maiorem diligentiam exigi, quam quæ ibi præstari potest. Multo melior est societas in matrimonio, inter maritū & uxorem. Sunt ergo superiores contractus, in quibus debitor factum suum præstat, negligentiam leuem non præstat, sed latam duntaxat. In reliquis omnibus, in quibus legimus venire dolum & culpam leuem, præstat omnis culpa levis, tam quæ in faciendo est, quam quæ in omittendo, ut est commodatum, ut sunt hi contractus, in quibus vtriusque, id est, & creditoris & debitoris utilitas versatur, *l. §. nunc videmus, D. commod.*

In iis an sit t̄ mandatum de quo nunc agitur dubitari potest? Ac ex superiori diuisione coniuncta cum hoc loco, & *l. a procurat. infr.* intelligemus, etiā mandatum vtramque hanc culpam recipere. Nam si levis culpa partim in faciendo est, partim in nō faciendo, ut sunt hæc duæ species culpæ: Sic autem ius est, ut procurator in mandato omnem culpam præstare debeat, ut hic traditum est: Consequens est procuratorem etiam vtramque hanc culpam leuem præstare debere, ut sit sententia, procuratorē & omnem, qui mandatum alienum suscepit, in iis quæ gerere debuit, itemque in iis, quæ ex mandato illum constituere oportebat, si quid nocitum sit domino, præstare domino debere, non solum si quid fecerit, quamobrem domino noceret, peccans consueta in suis rebus imperitia, sed etiam, si quid fieri potuit ad rem recte gerendam pro officio diligentis patrisfamilias, & id non facit, consueta in suis rebus negligentia. Hocque ex iis intelligitur, quæ continentur his verbis: *Procuratorē debere domino omnem culpā præstare.*

Videndum est autem quam recte id constituatur, nam infinitæ hic sententiæ videntur aduersari. I. generalis definitio, recepta de dolo & culpa præstanda in contractibus, quæ exstat in *leg. §. nunc vidend. D. commod.* Definitio hæc est. Cum in contractibus solius dantis seu creditoris utilitas versatur, nulla autem utilitas debitoris, tū debitor nihil amplius quam dolum suum præstat & latam culpam, ut in deposito. At huius generis exemplum est in mandato, quod totum originem habet ab officio & liberalitate, & in quo res tantum geritur mandatoris non procuratoris, *l. i. D. eod.* Ergo secundum hanc definitionem superiorem generalem, procurator non nisi dolum suum & latam culpā præstare debet. II. loco aduersatur æquitas ut videtur manifesta, qua superior definitio nititur. Æquissimum enim est, nulli damno esse officium suum, *l. si seruus, §. quod vero, D. de furt.* At procuratori damno est officium suum, si amplius præstare cogitur in re mandata quam potest, & nouit præstare in reb. suis, quare amplius præstare non est cogendus.

III. loco repugnāt plures loci in specie ipsa mandati. Nam in *l. procurator, §. ult.* nominatim traditur, si procurator ex mandato fundum quem emere debebat, non emerit, ita teneri, si dolo non emerit, aut lata culpa. Proinde si culpa tantum leui non emerit, aut in aliis rebus culpa tantum leui peccarit, non tenetur. Collectio est nostris vltata, *l. i. vers. huius, D. de officio eius.* Item in *l. si fideiusor conuentus, in pr. D. eo.* traditur fideiussorem omittentem exceptionem, si sciens omittat, mandati actionem non habere. Ad-

ducitur

scienter omittens exceptionē, dolo proximus est. Ex hac ratione colligitur, si quid peccarit fideiussor, & dolo non sit proximus, eum non teneri, sed mandati actionem habere, hac ratione, quia cessante ratione legis, cessat ipsa lex, *l. quod dicitur, D. de pact.* Postremo videtur res aperte decisa esse in *l. idemque, D. eo. illic traditur*, procuratorē nihil amplius præstare debere, domino quam bonam fidem. Præstare, & bonam fidem est adhibere in re mandata tantā diligentiam, quantā in suis procurator adhiberet. Contra bonam fidem autē is facit, qui minorem diligentiam alienis rebus adhibet, quam suis, ut de pecunia traditur, *l. quod Nerva, D. de pos.* Ergo procurator maiorem diligentiam præstare non debet in re mandata, quā in suis rebus adhibere solet. Proinde non leuē culpam præstat, si alius diligentius rem gesturus fuisset, dum modo non minorem diligentiam adhibeat, quā suis rebus. Quod si facit tenebitur, sed hæc culpa lata est, non leuis. Non temere est ergo, quod ex veteribus Odofredus & Martinus, qui citantur in glō. Accursii existimauerunt, procuratorem seu mandatarium non aliter teneri, quam depositarium, id est, teneri solum de dolo & lata culpa, de leui non teneri, multoque minus de leuissima, quia nulla utilitas procuratoris versatur in mandato, præterquam si procurator salarium accipiat. Nam tunc incipit vtiliusque utilitas in eo contractu versari, quæ res facit, ut incipiat procurator & doli & culpam & diligentiam præstare debere, ut est in *d. l. §. nunc videndum, D. de commod.*

Et omnino hanc sententiam sequi oporteret, nisi euidens aliquid afferretur in contrariam sententiam. Nunc autem sententia contraria manifeste expressa est, & in hac *l. §. in l. a procurat. itemque in leg. in re mandata, infr. §. in l. contractus, de reg. iur.* ut eam sine manifesto vitio, & sine manifesta tergiversatione ommittere non possimus. In hac lege traditur, *procuratorem debere præstare dolum & culpam.* Hæc cum coniunguntur, culpæ verbo constat significari culpam leuē. Nam aliqui doli verbo satis continetur lata culpa, quæ dolo comparatur, *l. contractus, de reg. iur.* Sed omnem dubitationem tollit, *l. a procuratore. vbi diserte traditur*, procuratorem omnem culpam præstare. Procurator & est omnis cui negotium alienum mandatum est, *l. i. D. de proc. l. si vero, §. contractum, D. mandat.*

Hic tamen dici ab aliquibus poterit, procuratoris verbo interdum significari procuratorem ad litem datum, ut usurpatur in *l. de proc. D. sub quo non agitur, nisi de procuratoribus ad litem datis.* Sed hoc defendi nullo modo potest. Nam procurator verbum generale est, ut definitur in *l. i. D. de proc. & tam dicitur & de procuratoribus*, qui extra iudicium negotium alienum gerunt, quam qui ad litem dati sunt, ut constat ex *l. qui proprie, §. proc. D. de proc.* Idem maxime probatur in edicto prætorio, quod est de procuratoribus, ad litem datis. Nam in *l. filiusfam. §. vltim. D. de proc.* prætor cauens de procuratore litis, non dixit simpliciter, ut quæ sequuntur, sed adiecit procuratorem ad litem datum, ut intelligeremus procuratorem esse, etiam si ad litem datus non sit. Item in *l. seruus quoq. §. vlt. D. de proc.* prætor de procuratore litis agens his verbis utitur, qui alicuius nomine actionem postulabit: quæ circumscriptio fuisset otiosa, si procuratoris verbo intelligeretur procurator litis.

Præterea hanc defensionem præcidit hæc *l. procu-*

ratorē, & magis leg. in re mandata, infra hoc titulus. Nam hic dicitur procuratorem præstare dolum & culpam, addita hac ratione, quia negotia gerenda suscipit. Causa ergo præstationis, non est in eo, quod sit aliquis procurator litis, sed quod mandatum gerendum suscepit. In leg. enim in re mandat, infr. eod. diserte definitur, in re mandata, mandatarium præstare debere omnem diligentiam, & si quid neglexerit, culpæ nomine teneri. Teneretur ergo non, quia procurator litis est, sed quia agitur de re mandata. Idem declaratur in leg. contractus, de regulis iuris, vbi traditur, mandatum recipere & dolum & culpam, vbi quod iam sepe dixi, Vlpianus intelligit, culpam leuē, quoniam aliqui male distinguerentur sequentes contractus a deposito, quem contractum prius dixerat recipere tantum dolum. Nam & depositum recipit dolum & latam culpam, quæ dolus est. Ergo recipit culpam leuē, hoc ipso, quod mandatum est, non autem ideo, quia hic aut procurator est litis aut salarium accipit.

Hæc sententia iam dilucide constituta, de iis, quæ contra dicebantur, breuiter respondebo ordine. Primo opponitur sententia & illa generalis de contractibus, in quibus solius creditoris utilitas versatur, quo in genere placet debitorem ob leuē culpam non teneri.

Respondeo hæc sententia, etsi ut plurimum ita se habet, tamen non est perpetua. Possunt enim interuenire iustæ causæ propter quas etiā ob leuē culpam teneatur debitor, quamuis nulla eius utilitas in contractu versetur, ut puta depositarius omnē culpam præstat in deposito, si se obtulit, *l. i. §. supr. D. de pos.* Quia se offerendo intelligitur de omni diligentia sua pollicitus fuisse, ut qui depositum affectauit. Item, in negotiorum alienorum administratione, nulla utilitas gerentis versatur, sed solius domini negotiorum. Et tamen qui negotia aliena administrat in iis, præstat & dolum & culpam omnem, *l. si negotia, de neg. gest.* Hoc ideo, quia & hic, qui ad negotia aliena gerenda accedit de sua industria spondere intelligitur, & præterea eius est affectasse id, in quo intelligere debebat, domino imperitiam suam damnosam futuram, ut paulo ante dixi, & *l. idem iuris, ad l. Aquil.* Non igitur mirum & nouum est, si & procurator leuē culpam præstat, quamuis in mandato nulla eius utilitas versetur.

Cur ergo hic etiam & leuē atque adeo omnem culpam præstat, præter ceteras, quorum de utilitate agitur? Respondeo: Bene Cynus vetus interpret rationē reddidit, etsi minus expressit quod sentiebat, quod Bartolus refert ad *l. quod Nerva, D. de pos.* Est ergo hæc ratio, si explicate dicendum est, procurator omnisq; mandatarius omnem culpam a re mandata præstare debet, quia mandatum recipiendo, intelligitur polliceri de industria sua rei gerendæ cōueniente, nec longius huius rei probatio quarēda est. Nam procurator ut rem gerat recipit gerendam, non geritur sine industria & diligentia ei rei cōueniente. Hoc cū dixerit & pollicitus fuerit præstare debet. Est enim ex bona fide, ut præstetur in omni cōtractu bonæ fidei, & quis dixerit & affirmauit, *l. si qd creditor, D. de cred.*

Hic occurritur ex exemplo depositi: Nam & in deposito is apud quē res deponitur recipit rem custodiendam, & tamen hic non amplius præstare debet, quam diligentiam in rebus suis consuetam, *l. quod Nerva, D. de pos.* Respond. dissimiles hi contractus

sunt, multumque interest, vtrum quid constitutum accipias, an gerendum. Nam non geritur negotium sine industria, quæ conueniat rei gerendæ. Ad aliquid autem custodiendum non diligentia & industria sed fide opus est, quam si depositarius præstat, securus est, *d. l. quod Nerva. D. de pos.*

Secundo loco opponitur æquitas illa, qua efficitur, nulli debere officium suum damnosum esse. Nam qui id vult, hætenus ei erit damnosum, nec fiet volenti aut consentienti iniuria, *l. ero, de reg. iur.* Huius rei certissimum est argumentum in hoc ipso genere mandati & omni administratione alienorum negotiorum. Nam sæpe aliena negotia gerere non possumus sine molestia nostra, atque adeo sine damno & incommodo nostræ rei familiaris, dum cogimur necessarias res omittere, vt alienas ex bona fide geramus. At qui aliena negotia suscepit de industria sua pollicetur, & hætenus officium suum sibi damnosum esse vult. Proinde hætenus ei damnosum erit sine eius iniuria.

Tertio loco opponitur *l. si procur. §. ult. D. eod.* vbi traditur procuratorem teneri si quid fecerit dolo & lata culpa. Respondeo: Si nihil amplius illic adiceretur fatendum esset, recte colligi eum non teneri, si dolo vel lata culpa nihil fecisset: sed statim adicitur, si procurator rem ex mandato receptam non restituit, eum non teneri, si eius dolus non interueniat, vel culpa. Ex quo intelligitur eum teneri, si vel dolus interuenierit, vel culpa, quo verbo semper culpam leuem intelligi oportet, vbi dolo opponitur, vt dixi. Item quod dicitur in *l. si fideiuss. D. eod.* Fideiussorem qui sciens amisit exceptionem ideo teneri quia dolo proximi fecit. Non arguit eum teneri, si nihil prope dolum fecerit, sed significat eum maxime hoc nomine propter dolum aut latam culpam teneri, vt sit argumentum a maiore ad minus. Facilius fideiussor plecti debet ob dolum, propter grauitatem delicti, quam ob culpam, quod est peccatum leuius. Et tamen ob culpam plectitur, *l. si procurator, §. ultim. infra eod.* Multo ergo magis plecti debet, si quid doli in proximum commiserit. Et hanc sententiam esse Vlpiani eo loco declaratur in *§. 1. & §. si cont. eiusdem l. si fideiussor conuentus*. Nā illic traditur fideiussorem, qui factum ignorauit, non teneri, quia diuinare non potuit quid esset in facto, nisi a debitore admoneretur. His verbis significatur, ideo fideiussorem non plecti, quia non culpa eius est, quod non diuinari.

Postremo magnum momentum ad contrariam sententiam confirmandam habere videtur *l. itemque, in prin. D. eod.* cum ita definitur, procuratorem nihil amplius præstare debere, quam bonam fidem. Respondeo: His verbis maxime confirmatur, procuratorem in re mandata omnem culpam suam præstare debere, & non tantum dolum. Nam iam ante dixi eum qui rem gerendam recipit, verbo gerendi intelligi spondere & fidem dare, se adhibiturum industriam & diligentiam rei gerendæ conuenientem. Nihil est magis secundum bonam fidem, quam præstare ea in contractibus bonæ fidei, quæ dixerit, *l. ex emptio, in prin. D. de actio. emt.* Proinde vel hoc ipso efficitur, eum leuem culpam præstare debere. Sed hic occurritur nobis ex *l. quod Nerva. D. de pos.* vbi declaratur eum qui bonam fidem præstare debet, salua fide, nihil amplius præstare debere quā quantam in suis rebus diligentiam adhibet. Illic enim traditur depositarium non aliter facere contra bonam

fidem, quam si in deposito minorem diligentiam adhibuit, quam in suis rebus solet. Respondeo: In deposito vere definitur, in mandato falsum est, quia vt ante dixi, ad depositum custodiendum fide opus est, non industria. At in mandato procurator de industria sua fidem dare intelligitur: Proinde actionem ex bona fide vt hic præstat.

Ad L. 15. Mandatum re.

Impp. Diocletia. & Maximianus. AA.

Precatio.

Mandatum re integra domini morte finitur.

S V M M A R I A.

- 1 *Mandatum ex persona mandatarii finitur eius voluntate etiam inuito procuratore.*
- 2 *Finitur etiam morte eius, & an semper morte mandatoris finitur. nu. 3. Negatur, si aliquid post mortem suam fieri mandauerit.*
- 4 *Ex causa mandatarii quot modis mandatum finitur.*
- 5 *I. Renouatione tempestiua.*
- 6 *II. Casu & vi aliqua maiori.*
- 7 *III. Causa iusta cur implere non debuerit.*
- 8 *Iusta cause cur mandatum impleri non debeat qua.*
- 9 *IV. Morte mandatarii. Quod in dubium vertitur & disputatur ibid.*
- 10 *V. Mandatum ita demum finitur, si re adhuc integra, sine vnus, sine omnes hi modi interueniant.*
- 11 *Res integra in mandato quando intelligatur.*
- 12 *In mandantis persona quando res esse desinat integra.*
- 13 *In mandatarii persona quando res integra desinat esse.*
- 14 *Mandatum morte &c. finiri, quam vim & effectum habeat in mandatoris & mandatarii persona.*
- 15 *An mandato extincto nasci possit actio & quomodo.*

Quod dictum est, mandato suscepto obligationem contrahi inter mandatorem & procuratorem, tamdiu verum est, quamdiu mandatum perfectum fuerat. Mandato autem soluto, nulla obligatio nasci potest, mandatum enim finitum iam non est mandatum, sed quasi nunquam mandatum interuenisset. Finitur autem mandatum certis modis, partim ex persona mandatoris, partim ex persona mandatarii aut procuratoris. Ex persona mandatoris dupliciter. Primo, mutata voluntate mandatoris, si is mandatum reuocet re integra, veluti si mandauerit, vt fundum emeret & veret emi, *§. recte. Institut. mandat. l. si vero, §. penult. D. eodem*. Quando solui mandatum dicimus, dicimus etiam inuito procuratore. Sola enim voluntate mandatoris dicimus finiri mandatum. Nec obstat, quod ab emtione, venditione & ceteris similibus contractibus placet non discedi, nisi vtriusque contrahentium voluntate & consensu, *l. ab emtione. D. de pact. l. nihil tam male, de regul. iur.* Nam in ceteris contractibus id eo fit, quoniam statim consensu obligatio mutua contracta est, contractæ obligationi renuntiare non licet inuito aduersario, alioqui non esset obligatio, *l. hic, supr. de obligat. & actio*. At in mandato is, qui mandat negotium gerendum, non obligatur ad hoc, vt in eo mandato & in ea voluntate perseveret. Proinde non obstat illi regula iuris, quo minus ab ea voluntate discedat, cum videtur. Id intelligitur ex eo, quod mandatum totum constituitur ex commodo & utilitate mandatoris. Licet autem vnicuique renuntiare iis,

re iis, quæ pro se introducta sunt, *l. pen. supr. de pact. l. si iud. D. de min.*

2 Deinde finitur mandatum ꝑ morte eiusdem mandatoris, *§. item si adhuc, Inst. mandat. l. inter, in princ. D. eodem.* Hoc propemodum ex superiori nascitur: Nam si mandatum finitur mutata voluntate mandatoris, consequens est & morte mandatoris finiri, quoniam voluntas morte finitur, *leg. 4. locat.* Sed habet etiam hæc species soluendi mandati has rationes. Nam heredis mandatoris, negotium esse cœpit. Intelligitur autem mandatum ab eo reuocatum, quia non idem expedit heredi, quod defuncto, non expedit heredi negotium geri, aut non expedit per alios, aut non expedit geri per eum, cui mandatum erat. Denique etiam si expediat heredi ita geri: tamen alia eius mens, aliud iudicium defuncti est: Sed & procurator non recte cogitur idem officium præstare heredi, quod defuncto præstitum voluit, ut ex voluntate etiam huius recte dicatur mandatum solui morte mandatoris.

3 Interdum ꝑ tamen mandatum morte mandatoris non soluitur, si mandator nominatim mandauerit aliquid post mortem suam gerendum, veluti si mandauerit sibi aliquid extrui post mortem suam, aut si mandauerit fundum emendum heredibus suis, placet post mortem mandatoris, mandati obligationem perseverare, & cui mandatum est, mandato non impleto eum teneri, & eo impleto, ut restituat quod inde consecutus est, vice versa ipse mandati actionem habeat aduersus heredes, *l. si vero, §. ult. l. idem est. D. mand.* Quod certum argumentum est, verum esse quod supra dixi, ideo morte mandatoris finiri mandatum, quia morte eius voluntas finita est. Nam ubi constat eum voluisse etiam post mortem suam aliquid fieri, perseverat mandatum, ut in iis causis placuit.

Sed contrarium scriptum videtur in *l. §. si quis, §. si cui. D. de rel. & sumt.* Nam si testator mandauerit alicui curam funeris sui, id est, ut funus eius mortui curaret, placet hanc actionem esse de dolo aduersus eum, qui mandatum suscepit, aut etiam eum extra ordinem cogi funus curare. Unde intelligimus mandati hic actionem non esse; nam de dolo actio aut extraordinaria executio locum non habet, ubi mandati aut alia actio ordinaria est, *l. ult. in prin. §. ait prætor. D. de dolo.* Et quid interest rogo, utrum quis mandet sibi monumentum fieri post mortem suam, an vero mandet sibi funus fieri & curari post mortem suam. Respondeo: His explicatis monemur, cum mandator mandauerit, ut quid fieret post mortem suam & queritur utrum mortuo mandatore ad heredem non pertineat, ut ibi perseveret mandatum & mandati actio locum habeat, distinguendum esse, ut si res de qua mandatum est mortuo mandatore ad heredem pertinere incipiat, ibi mandatum solutionis non minus quam si simpliciter mandatum esset, ut viuo testatore aliquid gereretur. Huius distinctionis exempla habemus in iis causis, quæ supra proposuimus. Nam monumentum extruere non est res & negotium heredis, is funus curare debet defuncto; sed funus, nihil amplius, *l. si quis, §. ult. de rel. & sumt. fun.* Monumenti constructio ad curam funeris nihil pertinet. Idem est cum & mandatum est alicui ut fundum emeret heredibus mandatoris. Nam & hic fundus heredum non est, multoque minus eius fundi emptio & venditio.

In iis recte responsum est morte mandatoris non

extingui mandatum: Non enim extinguitur propter mutata voluntatem mandantis, quia aperte voluit rem geri, etiam eo mortuo. Sed nec mandatum finiri potest reuocatione heredum, quia res eorum non est, de qua agitur. At cum finiatur mortuo mandatore est negotium proprium heredis, unde & aduersus hoc funeraria actio competit, de qua negotio eius gesto, ut declaratur in *l. §. siquidem. §. ult. D. de rel. & sumt. fun.* Hoc mandatum etsi testator voluit post mortem firmum manere, tamē id consequi non potest, quia res cœpit ad heredes pertinere, aduersus quorum voluntatem mandatum nullum esse potuit in res, ad eos pertinentes.

Ex persona ꝑ mandatarii soluitur mandatum quatuor modis. I. Reuocatione ꝑ eius, si modo tempestive mandatū mandatori renuntiet, ut is vel per se, vel per alios idem negotium commode explicare possit, *l. si mandauero, §. ult. l. si quis alium, §. qui mandauerit, D. eod.* cuius iuris rationem reddidimus, in *leg. ad procuratorem, sup.* II. Item ꝑ & sine renuntiatione mandati finitur mandatum solum mutata voluntate mandatarii, si cum se pararet ad renuntiandum mandatum casu & vi aliqua maiori prohibitus fuit, quo minus possit, *d. l. si mandati, in fin. D. eod.* III. Et ꝑ sine voluntate aperta mandatarii vlla, tantum præsumpta eius voluntate finitur mandatum, si quam ibi iustam causam habuerit, cur mandatum implere non debuit. Iustæ ꝑ causæ hæc sunt: Si inimicitie capitales obortæ sunt inter ipsum & mandatorem. Item, si inanes eius actiones esse cœperint, si post susceptum mandatum desinat mandator esse soluendo, fiunt enim actiones inanes aduersus eum, a quo propter egestatem nihil consequi possumus, *l. nam in. D. de dolo.* Postremo ꝑ finitur mandatum ex persona mandatarii, morte huius ipsius mandatarii, *l. est mand. l. mandati, §. 7. D. eod.* Sed videtur ius repugnare, quo minus ita mandatum finiatur. Nam mandatarius si viperet non finiretur mandatum, nisi ipse renuntiat; *l. si mandauero, §. ult. D. eo.* Proinde nec eo mortuo finiri debet, nisi renuntiatum sit ab herede, quia heres in idem defuncti ius succedit & in contractu eodem iure uti debet, *§. ult. Inst. de locat. l. qui in ius de reg. iur.*

Respondeo: Non finitur mandatum morte mandatarii propter solam mortem mandatarii, sed quia mandator mandatum reuocasse intelligitur, seu potius quod id actum ab initio est, ut in persona mandatarii executio mandati consisteret, essetque hæc executio personalis: Nam mandator dum mandat alicui negotium gerendum, in mandatario duas res spectat & eligit, industriam personæ & fidem: Industriam, ut possit negotium exsequi: Fidem, ut velit fideliter & diligenter, *d. l. mandati, §. 7. D. eod. & ult. §. 1. extr. de offi. & potest. ind. del.* Hæc duæ res personam mandatarii non egrediuntur, quia in heredibus eius aut non eadem fides est, aut non eadem industria, aut certe non patitur probata mandatori, quæ omnia eleganter explicantur pluribus in *l. cuius. D. de act. fut.* Illic scribitur, re alicui curatori mandata, curatore mortuo negotium ad heredes eius non transire, nisi finita voluntate eius qui commisit, his de causis, quia fieri potest, ut heres defuncti aut propter sexum infirmitatem, aut propter dignitatem maiorem minoremue, non possit negotium explicare. Fieri etiam potest, ut plures sint heredes mandatarii: omnibus negotium committere est perdere, secundum commune prouerbium: *Imperatorum multitudo Carum*

perdidit; Vni cōmittere est iniquum, quia non debet vnus onerari potius, quam ceteri. Manifesta ergo ratio est in persona mandatarii, cur mādatorio mortuo mandatum finiatur. Non obstat quod dicitur, heredem succedere in contractum & obligationem defuncti eiusq; iura. Nam hoc ita est, nisi factum, aut obligatio sit personalis, qualis est mādati exsecutio, quæ facta & iura personæ cohærent, ad heredes non transeunt. *l. 1. D. de lib. leg.*

Sed siue reuocatione, siue morte vtriusque vel mandatoris vel mandatarii finiatur mandatum, in omnibus iis modis, ita placet finire, si mutatio & mors vtriusque re adhuc integra interueniat, vt hic scriptum est & plenius in *§. recte & §. seq. Instit. eod.* Res [†] integra in mandato intelligitur, cum neque mandatoris interest, neque ex causâ mandati mandatario quicquam abest. Quod si quid contra fiat, res integra esse desinit. Ergo in [†] mandantis persona res integra esse desinit, si quid eius interesse cœpit, quia mandatum impletum non est oportune. tunc enim actio mandati directâ mandanti acquiritur *l. procurator, D. eod.* Hæc actio illi neque reuocatione, neque morte cuiusquam adimi potest. Non morte eius, quia actio personalis est rei persecutionem continens, cuius generis actiones ad heredes transeunt, *§. 1. Instit. de perpet. & tem. act.* Non reuocatio mandatarii hanc actionem illi adimet, quoniâ actio & ius alicui semel quæsitum ei inuito adimi non potest. *l. ult. D. de pact. l. habere, de eiusd.* Non mors mandatoris, quia actio semel aduersus eum quæsita in heredes competit si ex contractu est, & rei persecutionem continet, qualis est hæc mandati. *§. 1. Instit. de temp. & perpet.*

¹² In persona [†] mandatarii res integra esse desinit, si quid ei abesse cœpit propter mandatum, seu si quid propter certum mandatum, & ideo in huius persona res & mandatum integra esse desinit, tribus modis. Si mandatarius mandatum impleuerit. Nam mandato impleto illi acquiritur mandati actio contraria, *leg. si vero, §. contraria. D. eodem.* Hanc illi quæsitam nulla res auferre potest, id est, neque mutata voluntas mandatoris, neque mandatoris mors, neque ipsius mandatarii mors, quoniam quæ mandatario actiones competunt, eadem & heredibus eius competunt. *dict. §. primo, Instit. de tempor. & perpet.* Secundo, si mandatarius mandatum quidem non perfecit, sed ita cœpit implere, vt perficere necesse habeat, nec sit ei integrum a mandatario recedere. Id accidit in fideiussore, qui mandato debitoris, pro eo fideiussit & stipulanti creditori spondidit. Hic fideiubendo & spondendo cœpit partem mandati implere. Sed mandatum non perfecit, nec hoc quoque mandatum est, vt pecuniam soluat, *l. indebitam, D. de cond. indeb.* Ergo priusquam soluerit, non impleuit mandatum, vnde ante non habet actionem mandati, *leg. si pro eo, supra hoc tituli.* Sed tamen placet si fideiussor decesserit, & heres fideiussoris soluerit, sciens fideiussorem decessisse, heredem habere actionem mandati, *l. idem, D. eodem.*

Hoc prima fronte non videbatur, quomodo satis eiusdemque mandatarii morte mandatum finiri h. l. si mors mādatorii re integra interuenierit. Hic autem interuenit, cum iam res integra fideiussori esse desinit, & ob id desinit, quia fideiubendo se obstrinxit creditori, & ob hanc causam necesse habet ei solvere propter vinculum obligationis, quia de causâ dicimus etiam fideiussorem ipsum habere manda-

ti actionem pecunia etiam creditori soluta, quamuis soluerit volente debitore, aut soluerit debitore mortuo, quoniam & hæc reuocatio & mors mandatoris interuenit re non integra.

Tertio idem accidit, cum mandatarius ita se ad mandatum exsequendum cōparauit, vt posset mandatum omittere, & tamen sumtus aliquos fecerit, dum res suas componit ad mandati exsecutionem. Hic mandatum reuocari non potest, nisi prius illi solutum sit, quod mandati exsequendi causâ impendit, *argumento leg. si pecuniam, D. de condict. causat.* Id ex eo est, quod placet mandatarium nulum damnum ex mandato sentire debere, *l. ex mandato, D. eod.*

Quod dicitur [†] mandatū superioribus modis finiri, si ii modi re integra interueniant, puta reuocatio aut mors alterutrius, vel mandatoris, vel mandatarii, id in persona mandatoris hanc vim habet, vt si mandato iis modis finito aliquid eius inter sit, aut aliquid absit, ideoque mandatum impletum non est: is mandati actionem non habeat, quæ actio mandato extincto nulla esse potest. In mandatarii persona hanc vim habet, vt si mandatarius mandato ita, vt supra dictum, finito mādatum impleuit, is neq; mandati actionem contrariam habeat, neque facti, sed si domino noceat, hac ratione, quia sine mandato impleuit, vel potius contra mandatum. Hoc in persona mandatoris perpetuum est, in persona mandatarii non item; nam siue mandator mutauerit voluntatem, siue decesserit, si mandatarius id ignorans mandatum impleuit, placet eum mandati actionem habere, ne iusta ei ignorantiâ noceat, aut dāno is afficiatur propter mandatum, *§. adhuc, Instit. eod. l. si mandafsem §. l. latet, 1. resp. D. eod.*

Sed hic oritur dubitatio veteribus, nam certum est superioribus modis finiri mandatum, vt docuimus. Quomodo autem [†] mandato extincto potest nasci mandati actio? Responderetur in *d. §. item si adhuc*, vtilitatis causâ comparatum esse, vt hic competeret actio mandatario. His verbis significatur summo iure & vtilitate mandatum finitum esse, vt quasi mandatum adhuc existeret, ita mādati actio daretur mandatario. Id sic interpretatur Iul. *l. ita vulneratus, circa fin. ad L. Aquil.* Hinc intelligere possumus, quid sit, quod in hac specie veteres dixerunt, vbi mandatarius finitum mandatum ignorans mandatum impleuit, mandatum finiri, non etiam mandati obligationem, vt traditur in *l. inter, & l. si preced. §. 9. in pr. D. eod.* Id hanc significationem habet, vere mandatum solutum est, ita vt id nō profit amplius mandatario, sed mādati obligatio manet, nempe vtilitatis causâ, quæ summo iure nulla esset, vbi nullū est mandatum.

Dixi mandatarium mandati actionem habere mandato completo, si ignorauit mandatorem reuocasse mandatum, aut mandatorem esse mortuum, quoniam eadem ignorantia mandatarii, non potest contingere si mandatum finitū sit eius reuocatione aut morte. Nā si ipse semel renūciauit mandato, & postea mandatum impleat, ideo nō potest habere mandati actionem, quia hæc non competit nisi ob iustā ignorantiam. Hic autem non potest mandatarius facti sui ignorantiam prætereundere *l. quemquam, ad Vell.* Similiter si mandatarius mortuus sit, deinde eius heredes mandatum impleant, mādati actionem habere non possunt, quoniâ si ignorant mandatariū defunctum esse, heredes nō sunt, neque esse possunt, *§. item extra-*

neus, Instit. de hered. qual. & diff. Ideoque ut heredes mandatum implere non possunt. Quod si sciant mandatum decessisse, & ideo mandatum impleat, quia existimant se in eandem obligationem succedere, in iure errant, iuris ignorantia iusta non est, neque tolerabilis, neque ideo illis tribuere potest actionem, *l. error. l. regula, §. ult. D. de iur. & fact. ignor.*

Ad L. 20. Si contra.

Impm. Dioclet. & Maximianus AA.

Epagatho.

Si contra licitum, litis incertum redemisti: interdicta conventionis tibi fidem impleri frustra petis. §. Quod si gratuitum mandatum suscepisti, secundum bonam fidem sumtus recte postulas.

S. V. M. M. A. R. I. A.

- 1 *Procurator ex eventu aliena litis certam emolumentum partem paciscens, inutiliter paciscitur.*
- 2 *Procurator incertum litis redimere duabus de causis dicitur.*
- 3 *Conventio de lite redimenda iure introducta est.*
- 4 *Procurator ex eventu litis minorem dimidia partem an utiliter paciscatur?*
- 5 *Ratio cur conventiones de lite redimenda improbantur.*
- 6 *Vis interdictiois de non redimenda lite aliena.*
- 7 *Procurator litem redimens an sumtus in litem factos consequatur.*
- 8 *Procurator gratuitum mandatum suscipiens sumtus in lite bona fide factos repetit: secus, si salarium accepit.*

Qui ad procuracionem alienae litis accedit, ita ut ex eventu litis, id est, ex victoria paciscatur sibi praestari partem aliquam certam emolumenti, puta dimidiam, inutiliter paciscitur, *leg. sumtus, D. de pact.* Haec est illa conventio, quae aliis locis sub aliis verbis obscurius improbat, cum dicitur inutilem esse pactionem, cum procurator seu advocatus ex eventu litis certam quantitatem paciscitur, *l. si non remunerand., §. ultim. D. eodem, l. 1. §. si cui carum. D. de extraord. cog.* Haec eadem est conventio, de qua hoc loco agitur, cum quis redimit incertum litis, ut iudicamus, emolumentum, id est, recte dicitur redimere emolumentum litis, qui ita, ut supra dicitur, paciscitur. Nam emolumentum emit pretio, & pretio facit sumtus in litem, & praebet operam liti persequendae.

2 Dicitur et redimere incertum litis, duabus de causis. Primum, quia paciscitur partem huius emolumenti, hac conditione, si emolumentum pervenerit ex victoria, id est, si vicerit, huius conditionis eventus incertus est. Incertum etiam ideo, quia pactio & conventio incertam quantitatem pecuniae continet. Refertur enim ad partem emolumenti, quod ex victoria proutum est. Sed hoc emolumentum totum est incertum, proinde & partem incertam esse oportet. Exempli causa, si pactus sit sibi praestari dimidium emolumentum, & emolumentum erit ad ducentos aureos, dimidia pars erit centum. Quod si emolumentum erit 100. pars dimidia erit 50. Vtraque ergo ratione haec pactio continet redemptionem incertam litis. Non obstat, quod in *dict. leg. 6. §. ultim. D. eod.* dicitur, procuratorem in hac pactione pacisci ex eventu litis certam quantitatem. Nam dimidia, tertia, quarta pars emolumenti diversis

rationibus recte dicitur certa quantitas & incerta. Certa est numero: nam certus numerus est cum dico 2. 3. 4. tertiam, quartam, quintam portionem, corpore seu corporum quantitate & magnitudine incertam. Nam quoniam ex victoria redditur, incertum est. Est igitur ut in scholis Dial. Etici loquuntur, haec quantitas certa ex quantitate discreta, eadem incerta ex quantitate continua.

Haec conventio et iure introducta est, *l. si sumtus, D. de pact.* & aperte hoc loco. Sed ex *l. si sumtus*, dubium nascitur hoc. Nam illic traditur huiusmodi pactione non licere pacisci dimidiam partem litis. Quid ergo et si procurator ex eventu litis, minorem partem sibi praestari pactus sit, veluti, tertiam, quartam, quintam, aequae conventio iure improbat est. Nam in *dict. leg. 6. §. ultim. D. eod.* generaliter improbat conventio, quia quis ex eventu litis certam quantitatem paciscitur. Item in *dict. leg. 1. §. si cui, de extraord. cog.* generaliter improbat conventio, quae litis causa pollicetur emolumentum locustatem. At si non minus admittitur in societatem emolumenti, qui partem tertiam, quartam, quintam paciscitur, quam qui paciscitur dimidiam: Ergo & aequaliter pactiones posteriores iure improbantur. Idem efficitur hac lege, ubi generaliter intenditur conventio, si quis incertum litis redimit, id est, incertum emolumentum, seu incertam partem emolumenti, quod ex lite, id est, ex victoria litis provenit. Improbandi et has conventiones haec ratio est, quia malo more haec conventio & redemptio interponitur, ut est in *d. l. 1. §. si cui, de extraord. cog.* id est, quia conventio est contra bonos mores. Placet autem omne pactum esse inutile, quod aduersatur bonis moribus, *l. pacta ergo, supr. de pact.* Ideo contra bonos mores esse dicitur, quia inuitat ad delinquendum.

Huius generis pactiones omnes improbantur, tanquam turpes, *leg. si unus, §. pactus. D. de p. et.* Nam procurator seu advocatus, qui hac lege accedit ad causam agendam, si pactio ei servatur, spe maioris lucri quidvis faciet ut vexet adversarium, ut si iure non potest vincere, saltem extorqueat ab eo transactionem, ut ex ea aliquid consequatur, cuius emolumenti deinde partem ferat, etiam audebit falsum fabricare, ut vincat, quod totum turpe est & hanc ob causam merito improbat iure civili. Huius interdictiois et haec vis est, ut qui ita emolumentum litis pactus est, suspensa adhuc lite, non modo nihil petere possit ex ea conventionione, sed nec quicquam retinere, si proponas ex victoria ei pecuniam solutam fuisse. Nam quod contra leges convenit, pro nichil conventio est, *l. non dubium, §. pr. ad leg. Iulia.* Et haec est certi iuris sententia, cum de pacta quantitate emolumenti agitur.

7 Quæritur et de sumtibus, quos procurator, qui isto modo litem redemit in ea lite, cerit an non saltem eos possit consequi? Et videtur consequi debere, si non mandati iudicio, at certe negotium confirmatum est: quia actione omne peti potest, quod valiter in rem alienam impetratum est, *l. 2. de negot. gest. l. negotium, §. 1. de negot. gest.* Nec conventio operatur videtur aduersari, quia interposita est de emolumento litis, non de sumtibus, ut hic dici debere videatur, quod est in *l. planus, D. de usur.* illicite facta non valere, sed id non infirmari, quod licite factum est. Item illud, quod dicitur in *l. 1. §. vlt. D. de verb. oblig.* valere per inutile non vitiari.

Sed rursum videtur hæc l. repugnare in exemplo: Subiicitur enim de sumtibus, procuratorem posse repetere sumtus bona fide factos, si gratuitum mandatum non suscepit, sed pactus est partē emolumentī, nec sumtus in ea lite factos cōsequi debere. Et hoc verum est, quod diligenter notandum est, idque traditur in d.l. 6. §. ult. D. eod. Hæc enim sententia non est obscure illic scripta, eum qui superiore conventionē accessit ad talem redemptionē litis, non modo non posse consequi partem emolumentī, quam pactus est, sed nec actionem habere ad sumtus consequendos in ea lite factos, ut intelligamus hanc pœnam statui turpi illi redemptioni litium. Non obstat quod dixi, cum quis partem vtiliter gessit, partem inutiliter, vtile per inutile non vitari. Hæc enim redemptionis litis pœna est, ut is qui litem redemit, nec sumtus in ea lite conferuet.

8 Quid ergo si quis nihil tale pactus fuerit, quod supra dixi? Hic aperte scriptum est, eum posse sumtus bona fide factos repetere, quod dixi ad l. cum, sup. Sed hic adiicitur conditio imprimis animaduertenda, si gratuitum mandatum suscepit. Ex quo colligitur, si quis pecunia seu salario accepto sumtus in litem fecerit, eum sumtus bona fide factos, repetere non posse, argumento legis i. §. cuius. D. de offic. eius, cum. At hoc consequens est falsum ex d.l. 6. in fin. & l. ideoque, §. idem Labeo. D. mand. Respondeo: Omnia hæc dicuntur & vere & consentienter, qui sumtus in lite aliena fecit, hos sumtus recte repetit, si mandatum est gratuitum. Si salariū interuenierit, non repetit. Sed hoc non semper accidit, non enim semper sumtus consequitur, quod tunc colligitur, cum salariū datum est ea lege ut de salario sumtus faciat, d.l. 6. in fin. d.l. itemque. §. idem Labeo. propter quam conventionem, superior conditio in hac lege adiecta est.

Ad L. 21. In re.

Imper. Constantinus A. Lusiano. PF. P.

In re mādata non pecunie solum, cuius est certissimum mandati iudicium, verum etiam existimationis periculum est. Nam sua quidem quæque rei moderator atque arbitri, non omnia negotia, sed pleraque ex proprio animo facit. aliena vero negotia exacto officio geruntur: nec quicquam in eorum administratione neglectum ac declinatum culpa vacuum est.

SUMMARIA.

- 1 Summa huius legis.
- 2 Mandatarii susceptum mandatum non fideliter implentis periculum duplex, pecunia vnum, alterum existimationis.
- 3 Periculum pecunie in quo consistat.
- 4 Periculum existimationis definitur.
- 5 Ratio huius legis duplex late examinatur.
- 6 Vocabuli, Certissimum, explicatio.
- 7 Sententia, unumquemque esse moderatorem & arbitrum suæ rei, declaratur.
- 8 Definitio domini: ex hac lege desumpta.
- 9 Mandatarius in re mandata omnem diligentiam, etiam exactam debet prestare.
- 10 Inter exactam & exactissimam diligentiam nihil interest.
- 11 In negligentia prestanda quid intersit inter commodatarium & ceteros contractus.
- 12 Negligere & declinare quid differant.

In hac lege, ut mandatarius omnis velit susceptum mandatum fideliter & diligenter implere, admonetur officii sui, proposito periculo, nisi mandatum ita impleat. In quo denūtiatur ei periculum duplex, vnum pecuniæ alterum existimationis. Pecuniæ periculum in eo est, quod si quod mandatum susceptum nō implet, non tenetur in id tantū quod suscepit mādati causa, sed etiam in id, quod interest auctoris, quod interdu acceptum longe excedit, l. ad comp. infr. hoc tit. l. si proc. §. in mand. D. eod. Idque quod interest, consistit in pecunia, §. ult. Instit. de verb. obl. l. ult. D. de prat. stip. Vnde in faciendi obligationibus, cum contineatur id, quod interest, l. si pecunia, de verb. obl. d. §. ult. Instit. eod. Alibi traditur in faciendi obligationibus, condemnationem & obligationem esse in pecuniam numeratam, l. si quid. §. ult. D. de reduct. l. stipulationes, §. Celsus, D. de verborum obligationibus.

Periculum existimationis seu famæ, est existimationis seu famæ amissio, vno verbo infamia, l. i. §. qui pro soc. D. de his qui not. inf. §. ex quibusdam. Instit. de pœn. litig. Sed hoc ita est si quis ob dolum & perfidiam damnaretur, id est, si quis cum potest & debet implere, non impleuit. Nam aliter in contractibus damnatus, non fit infamis, id probatur in §. suspectus, Instit. de suspect. iur. vbi ita traditur: Suspectus remotus, siquidem ob dolum, infamis est; si ob culpam, non item. Item in l. item §. ult. D. de his qui not. infam. vbi dicitur mandatoreni cōtrario iudicio non agere. Ergo in iudicio directo quo agitur aduersus mandatorē, non agitur de perfidia, sed solum negligentia, non erit infamis, aut in quibus personis eadem causa & ratio est, in iis idem ius statuatur, l. illud, ad L. Aquil. Non obstat quod simpliciter & generaliter hic scriptum est: mandatarium in re mandata propositum habere periculum existimationis. Nam & hic quoque simpliciter dicitur, propositum ei esse periculum pecuniæ, & tamen hoc sic intelligimus, si quid intersit mādatoris. Nam vbi eius nihil interest, nulla est mandati actio directa, l. si proc. D. mand.

Quare cum dicitur ei propositum esse periculum existimationis, etiam si nihil adiicitur, tamē sic accipere debemus, ut sit periculum hoc suis conditionibus, quæ quales sint, ex aliis locis iuris peti oportet. Idque ex eo euidentius apparet, quod simpliciter dicitur mandatarium incidere in periculum existimationis, neque distinguitur, an damnatus sit, an non. Et tamen scimus, neque in mandato, neque in ceteris contractibus similibus, in quibus locum habet infamia, neminem fieri infamem ipso facto sed sententia iudicis, id est, si sit mandati. & ex ciuilibus contractibus damnatus, d.l. i. D. pro soc. Non obstat etiam extremum huius rescripti, vbi dicitur, in re mandata nihil neglectum, culpa vacuum esse. Nam ut paulo post dicemus, hæc non est ratio huius propositionis.

Atque hæc legis propositio est, subiicitur ratio, quæ imprimis animaduertenda est, alioqui facilius nos fallat, & necesse est ut fallat, si eam rationem pro ratione propositionis confirmare recipiamus. Subiicitur autem ratio duplex: Prior est hæc. Mādatorius mandati damnatus infamie est obnoxius, quia vnusquisque res suas pro arbitrio gerere potest, aliena vero negotia exacto officio geruntur. Ex hac ratione non recte colligitur ideo mandatariū si mandati damnatus sit, infamia notari: Nam in commodato commodatarius simpliciter potest res suas pro arbitrio gerere; at nego-

at negotium alienum in re commodata exacto officio geritur. Exactam enim diligentiam commodatarius præstare debet in re commodata, §. *item is*, *Insti. quibus modis re contr. oblig.* Nec tamen commodati damnatus fit infamis, id enim de certis contractibus quatuor, edicto prætoris caput est, *leg. 1. §. qui pro socio, D. de his qui not. infam. dict. §. ex quibusdam*, inter quos non est commodatum. Idem licet dicere de debitore in re mandata custodienda. Item de creditore in re pignori data seruanda. Hi enim tametsi domini sunt suarum rerum, tamen in re mandata & pignori data exactam diligentiam præstare debent. *leg. 3. D. de per. & com. rei. l. ea igitur, D. de pign. actio.* Nemo tamen ideo colligit in iis versari periculum existimationis. Inepta ergo hæc ratio est, ad probandum in re mandata periculum existimationis versari.

Altera ratio est etiam ad eam rem ineptior & futillior. Ait enim lex: Nihil in negotiis alienis neglectum vel declinatum culpa vacuum esse. Non igitur efficitur in re mandata agi periculum famæ seu infamiæ. Nam culpa infamiam non parit, sed solum dolus & perfidia, ut ostendimus. Alioqui dicendum foret in omnibus contractibus in quibus culpa præstanda est, in his contractibus infamem fieri damnatum, quod & falsum & inauditum est. Et res ita habet: Ineptæ sunt & futiles hæc rationes, si adhibentur ad probandum id, quod in hac lege propositum est, id est, ad probandum in re mandata periculum existimationis versari. Intelligendum est igitur has rationes non esse rationes quibus confirmetur propositio, sed quibus infirmatur id quod obiici poterat ei propositioni. Et in summa hæc excusatio tacitæ obiectionis, non confirmatio propositionis directæ. Obiectio hæc statim occurret: Non debet in re mandata mandatarius ob mandatum non impletum infamia notari, siue nondum damnatus sit, siue sit, quoniam qui mandatum non implet, nihil amplius quam mandatum negligit. At si quis in re sua negotium suum negligit, hæc negligentia non notabitur infamia, proinde nec negligentia in rebus alienis adhibita infamia mulctari debet.

Huic obiectioni occurratur in hac lege sequentibus rationibus ad hunc modum. Recte dicitur, & iure constitutum est in re mandata, mandatarium, qui mandatum non impleuit, infamia notari. Non enim ad rem pertinet, quod si quis res suas negligit, infamia non notatur: multum enim interest, id quod potest intelligi ex eo, quod unusquisque res suas negligere potest pro arbitrio. At aliena negotia exacto officio geruntur, nec in his quicquam neglectum culpa vacuum est. Differentiæ ratio adicitur, quod unusquisque moderator est & arbiter suæ rei, ut pro ea potestate, possit de re sua statuere ut velit, sine iniuria, & quamvis sæpe læditur dominus negligentia sua, tamen quia nude læditur, nec fraudari, nec frustrari videtur. Non fraudantur qui sciunt & consentiunt, *leg. nemo videtur, de regul. iur.* At res alienæ nostræ non sunt, & ideo non licet nobis pro arbitrio nostro de his statuere. Conditionem alterius meliorem facere possumus inuiti & ignorantis: deteriore non possumus, *l. soluendo, de negot. gest.* repugnat enim principia iuris, alterum non lædere, suum cuique tribuere.

In hac lege quædam diligenter notanda sunt. Ait in re mandata pecuniæ, seu de pecunia esse certissi-

imum iudicium mandati. Certissimum [†] glossa recte accepit, ut intelligamus certissimum iuris constitutione, non actionis persecutione. Est enim hic sensus: Mandati iudicium est certissimo iure constitutum de pecunia, seu de eo quod interest, aduersus mandatariū. Id constat ex iis locis, quibus hoc ius deferre traditum est, quos initio notavi. Ceterū mandati actio directa, persecutione actionis est incerta. Agitur enim id quod interest, *dict. leg. si procurator, §. mandat, D. eod.* id autem quod interest, incertum est. *l. si penam, de verb. obl. §. ult. Instit. eod.*

Notanda præterea hæc insignis sententia. Vnumquemque [†] esse moderatorem & arbitrum suæ rei, sed hæcenus, ut pleraque pro suo arbitrio possit gerere. Sensus est: Vnumquemque dominum posse moderari res suas ut vult, & posse statuere ut arbitrat, seu pro arbitrio. Hoc tamen non esse perpetuum, declaratur cum dicitur, dominum posse in re sua pleraque, non omnia pro arbitrio gerere, quod eo adicitur, quia plerisque dominis interdicitur rerum suarum alienatio, partim iure, partim natura, certis & iustis de causis: Nempe furiosis & mente captis, non transfertur enim res, nisi domini voluntate, §. *per traditionem. Instit. de rer. diuis.* Iure & ceterarum rerum alienatio nonnunquam interdicitur, & alias certis quibusdā personis, ut interdicitur fundi dotalis alienatio marito, manumissio seruorum impuberi, rerum omnium sine tutorum auctoritate administratio minoribus, omnium rerum, quæ seruando seruari possunt, prodigis, ut patet ex his locis, *Inst. quib. ex caus. alien. licet vel non, in pr. & §. admonedi, Instit. quibus ex caus. manum. l. 1. §. cui bon. de verb. oblig. l. Iulianus, de act. furt. l. lex qua tutores. C. de admin. tut.*

Hic locus imprimis notandus est ad definitionem dominii, nam hæc nusquam ex professo traditur, ut exstat in libris nostris, & ideo sæpe queri solet, quid sit dominium, & quibus rebus contineatur? definitio recte sumitur ex hoc loco. Nam inter se relata sunt res sua cuiusque & dominus, nam res est eius, qui dominus est, & dominus est cuius res est. De domino autem traditur, vnumquemque posse statuere de re sua, nisi iure prohibeatur. Ex quo intelligimus dominium [†] recte definiri, ut recte Battolus definiuit in *d. l. quis, §. differentia, D. de acq. poss.* ut sit ius de re sua statuendi ut velit, nisi natura vel iure prohibeatur, ad exemplum liberti, quod exstat *Instit. sub tit. de his person. in pr.*

Deinde ait lex: iure mandata & negotiorum alienorum administrationem exacto officio geri. Vnde intelligimus [†] mandatarium in re mandata omnem diligentiam & extremam præstare ad exemplum commodatarii, a quo omnem diligentiam exigere constat, & tamen nihil de eo dicitur in *§. is qui, Instit. quibus mod. re contr. oblig.* quam eum exactam diligentiam præstare debere, non dicitur officio exactissimo, sed nihilominus hoc idem valet, quoniam subiicitur nihil in re mandata neglectum, culpa vacuum esse. Item ex *leg. a procuratore, supr.* didicimus in re mandata omnem culpam præstari, ergo & eam, in qua diligentia exactissima adhibita non est. Quæ res [†] nos docet inter exactam & exactissimam diligentiam nihil interesse, alioqui falsum esset, quod hic scribitur, & in *leg. a procur.* Idem declaratur aperte vi verbi: nam ea demum diligentia exacta est, cui nihil deest ad diligentiam. Ea autem cui nihil deest, illa ipsa est, quam exactissimam diligentiam appellare possumus. Eodem

pertinet quod in commodato exigitur solum exacta diligentia, in d. §. item is, Instit. quib. mod. re contr. in quo genere constat inter omnes exactissimam præstari diligentiam debere.

Quæret ergo hic aliquis, quod permissum in leg. II apocur. supr. hic, commode dicitur. Vtrum † in negligentia præstantia in re mandata & commodata nihil interfit inter commodatarium, cuius solum utilitas versatur in commodato, & inter ceteros contractus, in quibus & debitoris & creditoris utilitas versatur? Nam si dicimus nihil interesse absurdum respondere videmur.

Respondeo, hanc solum esse differentiam inter commodatarium & ceteros debitores, quæ significatur in l. 5. §. custod. D. commod. ut si mandatarius exorto aliquo incendio aut periculo fortuito, deducatur in necessitatem, ut non possit servare aut res suas aut mandatoris, ut sæpissime evenit, non teneatur, si suas res prætulit alienis: in commodato contra exigitur a commodatario, ut si res in eam angustiam venerit, is perseveret commodatas res cum suis retinere, ut dicitur in §. custodiam. Evoluatur totum ius civile, non alia differentia in iis contractibus, in quibus utriusque utilitas versatur, & in iis, quibus sola utilitas creditoris versatur, reperietur.

Postremo ait lex: In re mandata nihil neglectum & declinatum culpa vacuum est. Inter † neglectum & declinatum hoc interest. Negligimus tam ea, quæ non attingimus omnino, quam ea quæ attingimus, dum ea negligenter tractamus, & consueta in rebus nostris negligentia. Declinamus solum ea quæ non attingimus: Nam declinate est effugere, ne quid geramus. Præterea negligi quid potest non solum dolo, sed etiam culpa, unde etiam desidium & negligentia dicitur culpa levis, quæ in non faciendo est, §. ultim. Instit. de Soc. At nihil declinamus scientes, prudentes, nisi consulto.

Ad L. penult. Per diversas.

Imper. Anastasius A. Eustachio præfecto prætorio.

Per diversas interpellationes ad nos factas, comperimus quosdam alienis rebus fortunisque inbianes, cessiones alius competentium actionum in semet exponi properare: hocque modo diversis personas litigatorum vexationibus efficere: cum certum sit pro indubitatis obligationibus eos magis, quibus antea suppetebant, iura sua vindicare, quam ad alios ea transferre velle. Per hanc itaque legem iubemus in posterum huiusmodi conamen inhiberi, nec enim dubium est redemptores litium alienarum videri eos esse, qui tales cessiones in se confici cupiunt: ita tamen, ut si quis datis pecuniis huiusmodi subierit cessionem, usque ad ipsam tantummodo solutarum pecuniarum quantitatem, & usurarum eius actiones exercere permittatur: licet in instrumento cessionis venditionis nomen insertum sit: exceptis scilicet cessionibus, quas inter cohæredes pro actionibus hereditariis fieri contingit: & his quasunque vel creditor, vel is qui res aliquas possidet, pro debito, seu rerum apud se constitutarum munimine ac tuitione accipit: nec non his, quas inter legatarios seu fideicommissarios, quibus debita vel actiones seu res alie relicte sunt, pro his fieri necesse sit. Nulla etenim tali ratione intercedente, redemptor (sicut superius declaratum est) magis existit, qui alienas pecuniis præstitis subiit actiones. Si autem per donationem cessio facta est: sciant omnes huiusmodi legi locum non esse, sed antiqua iura esse servanda: ut cessiones non tam

pro exceptis & specialiter enumeratis, quam aliis causis facta seu facienda secundum actionum, quasunque cessæ sunt vel fuerint tenorem, sine quadam immutatione obtineant.

SUMMARIA.

- 1 Inhibitio cessionis actionum & eius modus.
- 2 Ratio inhibitionis.
- 3 Cessio actionum an valeat, ut is cui actiones cessæ sunt, possit actionem adversus debitorem exercere: distinguitur & declaratur.
- 4 Cessio donationis causa facta valet sine exceptione.
- 5 Debitore negante actionem donationis causa factam esse, actor id ipsum probare tenetur, & quomodo?
- 6 Debitor cessionem actionum donationis causa factam infirmare volens, probare debet, pro cessione aliquid datum esse.
- 7 Cessio pretio accepto facta quatenus valeat.
- 8 Cessio ut valeat, duo requiruntur.
- 9 Cessionarius adversus debitorem si agat, vel cessionibus vel utilibus, remouetur, nisi intendat & probet, se pro ea cessione pecuniam re ipsa soluisse. Et quomodo id probetur, ibidem.
- 10 Confessio cedentis de pecunia sibi soluta inutilis est & nihil probat.
- 11 Obiectiones, circa materiam actionum venditarum, in quantum valeant, diluuntur.
- 12 Species quatuor in quibus cessio ob pretium facta valet.
- 13 Prima est, cum cessio sit actionum hereditariarum inter plures heredes.
- 14 Secunda est, cum creditor cessionem accipit pro debito.
- 15 Tertia est, cum possessor rerum alienarum pro tuitione & munimine rerum posassarum, cessionem actionum ab aliquo accipit.
- 16 Quarta est, cum sit cessio inter plures legatarios, quibus debitum, aut res alie legate sunt.
- 17 Adduntur alie species similes in quibus cessio valet. & nu. 19. 20. 21.
- 18 Interpretatio Acuriana verborum, tali ratione intercedente, reprehenditur.
- 21 Tria cessionum genera, in quibus cessio valet.
- 23 Species una, in qua cessio hac lege improbat, & quanam illa sit.

Hæc lex † inhibet cessionem & translationem actionum, non omnem, sed unam speciem duntaxat, neque omne in totum, sed usque ad certum tantum modum. Inhibet, quia ante hanc constitutionem sine exceptione cessio valuit, alioqui superuacanea esset hæc constitutio. Ut ceteræ res nostræ omnes voluntate nostra in alium transferri possunt, si modo translationem & traditionem recipiunt, §. per traditionem, Instit. de rer. divif. Ita placuit actiones transferri posse, quæ sunt in bonis nostris, l. bonorum, de verb. signifi. Sed hæc ad suum modum transferuntur, ita ut cui cessæ sunt, is actionem exerceat, ex cedentis persona, & non mandatis actionibus, habet etiam utiles ex sua persona, ut docui ad leg. 1. supr. h. Hæc potestas temperatur, ut dixi in hac lege, qua ad aliquem modum cessio actionum inhibetur. Inhibendi † ratio hæc fuit quæ declaratur in prin. & §. 1. quia sæpe periculum est, ne is qui actionem cedit, non tam cedat alteri, ut in eum transferat, quam ut vexet debitorem, opposito ei litigatore contentioso, sic ut nihilo-

ut nihilominus commodum litis ad cedentem redeat, & alter ea lege suscipiat persecutionem actionis, ut veniat in partem & societatem emolumentum, atque ita redemptio litis fiat. Sic & vexatio debitoris & redemptio litis, quæ in cessione actionum metuntur, inhibitioni huius legis causam dederunt.

Lex sub hoc titulo inserta est recte, quia est de mandato: nam cedere actionem, & mandare idem sunt, ut dixi ad l. 1. §. h. Quoniam autem non semper illa redemptio litis interuenit, quæ huic inhibitioni causam præbuit, ideo non in totum prohibentur cessiones actionum, neque omnes, sed adhibita ea distinctione, in qua hæc constitutio continetur. Est autem hæc distinctio, cum quæritur, an cessio actionis valeat, ut is, cui actio cessa est, possit actionem suo iure aduersus debitorem exercere, videndum est; utrum cessa sit gratis & ex donationis causa, an vero pretio accepto pro cessione. Sed donationis causa in totum valet cessio sine exceptione, *vers. ult. h. l.* si pretio accepto, valet quoque hæc cessio, sed usque ad quantitatem pecuniarum pro cessione solutarum & usurarum eius. Ultra a. eam quantitatem cessio est inutilis, id est, pro eo quod reliquum est actio aduersus debitorem exerceri non potest, præterquam in quatuor speciebus, quæ nominatim excipiuntur, & in similibus. *hoc in §. h. l.*

4 Has partes distinctionis expēdemus. Ergo cessio valet sine exceptione, si donationis causa factum sit, ut creditor diceret se actionem donare ei cui dedit. Hoc ideo, quia cessat causa, propter quam inhibetur h. l. cessio, inhibetur propter periculum & metum hunc, ne is, cui ceditur, redimat actionem debitoris vexandi causa. Cessat hic metus in donatione, in qua nullum est vestigium redemptionis: nam is redimit, qui aliquo pretio dato venit in partem emolumentum: in donatione autem is, qui actionem accipit, nihil dat, proinde actionem non redimit. Quid si debitor dicat actionem donationis causa cessam non esse? Respondeo: Actor probare debet donationis causa factum, quod faciet vel instrumentum cessionis vel testimonio cedentis, qui productus in iudicio, dicet se actionem donasse & etiam nunc donare. Nam donationes inter vivos voluntate donantis perficiuntur, cum is voluntatem suam aut scripto aut sine scripto declarauerit, §. alia. *Inst. de donat.* Si debitor eam rem infirmare volet, necesse habebit probare pro cessione aliquod datum esse, & simulatam esse donationem. Quo probato solū valet cessio usque ad quantitatem pecuniæ datæ, in reliquum nec cessio valebit, & debitor in totum id reliquum liberatur, §. ult. h.

7 Quod si pro cessione pecunia cedenti data sit, hic valet cessio, sed usque ad quantitatem pecuniæ solutæ & usurarum eius pecuniæ. Ita ergo duo exigui videntur ut cessio valeat. I. Ut cedatur actio ex causa & titulo donationis. Nam cum pro re aliqua pecunia datur, emptio est, *l. naturalis. vers. Et si quidem ff. de pres. verb.* & præterea in §. 1. h. l. nominatim venditionis mentio fit. Quid ergo si pro cessione actionis non pecunia sed alia res data sit, ut sit non venditio, sed permutatio, vel aliud genus contractus vel commercii, an nihilominus cessio eo modo consisteret? Respondeo: Consisteret, & quod de venditione hic dicitur, exempli causa dicitur, vel potius quod de venditione dicitur, ad omnes contractus, quibus res alienatur, pertinet, ut emptionis verba lege duodecim tabularum omnem alienationem complexa sunt, ut est in l. statuli liberi. §. 1. ff. de statuli lib.

Exigitur præterea, ut non tantum dicatur actio

cessa esse pro pretio, seu titulo venditionis, sed ut re ipsa soluta sit quantitas, de qua conuenit. Id significatur satis his verbis, cum dicitur, valere cessionem usque ad quantitatem non promissarum sed solutarum pecuniarum, solutas ergo pecunias oportet. Sed hoc aperius exprimitur in l. ult. §. 1. §. vbi diserte traditur, eum cui actio cessa est, pecunia data, nihil amplius accipere, quam quod vero contractu re ipsa persoluit. Hinc intelligimus, quod eum, cui cessæ sunt actiones aduersus debitorem, si agat vel cessis actionibus vel utilibus, remoueri posse, nisi intendat se pro ea cessione pecuniam re ipsa soluisse, quod si intendat, & de eo sit controuersia, ipse probare debet iuxta reg. iur. l. 2. de prob. Ad hanc probationem utetur testibus extraneis, qui dicant se interuenisse, cum is pecuniam pro cessione solueret cedenti, *l. testium. §. de testib.* Ad eam autem rem inutilis erit confessio cedentis, si productus testis ultro fateatur sibi pecuniam fuisse solutam, duabus de causis. I. Quia id fateri potest, in fraudem huius legis, quod cum metuitur, testimonium non admittitur, *l. qui testim. ff. de probat.* Deinde, quia cedens id fateretur in causa sua, & pro suo commodo nullus in re sua idoneus testis est, *l. nullus. de testib. l. omnibus. §. de testib.* Sane si inter cedentem & eum, cui actio cessa est, sit controuersia, an pretium cedenti solutum sit, sola cedentis confessio fidem faciet, quia tunc confitetur non pro se, sed aduersus se, ergo hæc eius confessio controuersiam dirimit, *l. ult. §. quibus ad lit. proc.*

Ceterum ultra quantitatem pecuniarum solutarum & usurarum eius, placet inutilem esse cessionem. Hic quædam obiciuntur, quæ diluenda sunt. I. Opponitur *l. emptor. l. postquam. §. de her. Et act. vend.* Itemque *l. 1. ff. hoc tit.* sed præcipue loci superscripti, in quibus declaratur, si actio vendita sit, venditionem esse utilem, utpote ex quo utiles actiones ut minimū in emptorem transferuntur. Hic locus & hæc obiectio perplexos habet veteres interpretes. Eorum solutio hæc est. Si venditio vera non simulata est, in totum valet cessio nisi usque ad quantitatem solutam. De hac venditione agitur in hac lege. Hinc quæstio subdilis, & quam adhuc non potuerunt explicare, Quibus ex rebus præsumatur? Et inter ceteras notas ad diluendam hanc obiectionem dicunt, hanc esse, si actio empta sit exiguo pretio, unde incidunt in hunc scopulū, ut cogantur explicare quid sit exiguum pretium, de quo inter eos non conuenit. Vtraque pars falsa est, & ab his locis de quibus agitur alienissima. Nam in titulo de heredi vel act. vend. emptio valet, non distinguitur an sit vera, an vero dubitetur, an sit simulata. Contra in hac lege aperte cauetur, omnem cessionem, pro qua quid solutum est, non valere, ultra quam solutum est, siue sit exiguum pretium, siue non sit.

Dicendum est, nihil esse verius quam hoc veteri iure, quod ante hanc constitutionem voluit omnem cessionem actionis valuisse, & maxime si actio esset nuda, remota omni quæstione, quanti empta esset. Id apparet ex hac lege. Cum enim in hac lege inhibetur, superuacua erit constitutio, si etiam lege veteri inhibeatur. Sed apparet ius vetus hac constitutione in hac parte emendatum esse quod non esset emendatum si aliquando superior distinctio obtinuisset. Neque tamē illi aduersantur. Nam obseruandum est in *l. emptor. l. postquam. Et lex nominis.* non dici, venditionem actionis omnem valere in totum, sed quo casu venditio valet indicatur illis locis, quod ex ea venditione in emptionem transferatur, & dicitur transferri venditas actiones,

quas emtor ex persona venditoris exercere velit. Non venditis autem actionibus statim transferri vtilis, quas emtor exerceat suo nomine. Relinquitur ergo illis locis quaestio, an venditio valeat, & in quantum valeat, de qua sic respondebimus: Olim in totum valuisse, post hanc autem constitutionem valere duntaxat usque ad quantitatem solutam. Ex hac solutione liberamur multis quaestionibus frustra & imperite in hunc locum inuolutis, ut non quaeratur quid sit exiguum pretium, quid non sit, cum aperte dicatur hic solum spectandum esse quid solutum sit, ultra autem id quod solutum est nullam valere emtionem, etiam si iustum pretium in aliis rebus proponas.

Secundo loco huic constitutioni opponitur aequitas recepta in emtione & venditione. Nam recte placuit veteribus in emtione & venditione licere venditori, id quod minoris est plus vendere, & contra emtori licere id quod plus est, minoris emere, vel quia aliter ei non expedit, aut quia aliter emere noluit, *litem si pretium. §. vlt. ff. locat.* Id cum in aliis rebus aequum est, tum vero in venditione actionum aequissimum est, ut actio, quae ad magnam quantitatem est, tamen exiguo pretio ematur, idque partim propter inopiam debitoris, partim propter iudiciorum incertitudinem, partim etiam propter molestiam & impensam iudiciorum. Nam fieri potest, ut debitor, aduersus quem ceditur actio, non sit soluendo: fieri potest, ut sit soluendo, sed litigare velit: potest absolui iniuria iudicis, sed et si condemnatur, tamen magnae molestiae in persequenda lite faciendae sunt, ut in hac cessione in primis exiguitas pretii tolerari debuerit.

Respondeo: Hac vere dicerentur, si inhiheretur cessio actionis nudae propter exiguitatem pretii. Nuncautem propter hanc exiguitatem non inhiheretur, sed quia interdictitur redemptio litium, quae redemptio metuitur, ubi non tantum soluitur, quantum actio continet. Ex quo & perspicue refellitur error superior vulgaris, cum propter exiguitatem pretii dicitur inhiheri eiusmodi cessiones. Nam exiguitate illa admissa necessario constitutio incurrit in eam responsionem, quam dixi, cum in hac venditione exiguitas pretii multis & iustis de causis tolerari debeat.

Postremo inhibitioni superiori videtur repugnare extremum huius descripti, ubi dictum est, cessiones actionum iam factas, & deinceps faciendas, placere valere in casibus ante exceptis, nec non & in aliis. Ergo in hoc casu cessio valebit, quod prius constitutio negauerat, atque ita constitutio seipsam euerteret. Respondeo: Quod dicitur in extremo, cessiones valere & in exceptis ante casibus, & in aliis, sic intelligendum est ex praecedentibus & in aliis casibus similibus. Nam constitutio vult intelligi cessiones actionum valere, non tantum in casibus, quos simpliciter exceptit, de quibus mox; sed & in aliis similibus, ut deinde diceretur. Sed ita inhiheretur cessio, ultra quantitatem pecuniarum solutarum, & usurarum eius, ut hic quaedam species excipiantur, quae comprehensae sunt, *h. l. §. in §. 1.*

12 Excipiuntur tamen autem nominatim species quatuor, in quibus cessio facta ob pretium in totum valet, & praeterea iis quatuor speciebus aliae omnes similes, ob hanc causam, quod & quae hic enarrantur quatuor, & quae iis sunt similes habent antecedentem causam necessariam, quae necessitas contractum &

cessionem, omni suspicionem simulationis & redemptionis liberat. Species enarratae haec sunt. I. est, tamen cum cessio fit actionum hereditariarum inter plures heredes. Exempli causa: Defuncto debebantur ex causa mutui a Titio 300. Defunctus decessit tribus heredibus relictis ex aequissimis portionibus. Inter hos iure diuisa est superior actio pro portionibus hereditariis, ita ut singuli actionem habeant aduersus debitorem in 100. *l. 2. inf. de her. act.* Duo ex heredibus suas portiones cesserunt tertio heredi, modica pecunia accepta & infra 100. aureos, nihilominus cessio in totum valebit. Hoc ideo, quia cessio necessaria est: nam si singuli heredes volunt partes suas separatim persequi, & iudicio agere, haec persecutio multa & magna habet incommoda, proinde necessitate rei familiaris suadente coguntur omnes, vni actiones cedere, & eum periculum in rem suam facere, quod nihil aliud est, quam mandare & cedere actionem, *l. 2. §. 3. ff. sum. herc.*

II. Species est, tamen cum creditor cessionem accipit pro debito, nempe in solum, & in speciem *l. vlt.* Exempli causa: Creditori debentur tantum 50, debitor cum non haberet quod solueret creditori, cessit illi actionem, quam aduersus debitorem suum habebat in 60. cessio nihilominus in totum valebit, non autem usque ad 50. tantum, quae creditori debebantur, & quae ille dedisse intelligitur, dum debitori suo remisit. Hoc quoque ideo, quia haec cessio & acceptio necessariam causam habet: nam debitor cogitur, aut quod debet, aut aliud pro alio soluere volente creditore. Cum ergo non habuit pecuniam, quam solueret, necesse habuit actionem cedere, quam non potuit cedere creditori, nisi ipsius conditionibus, cum ipse accipere antea non cogeretur. Sed creditor cogitur eam iis conditionibus accipere, si utilitatem rei spectamus: consultum est enim ei, potius pro debito aliquid accipere, quam nihil, et si forte debitum non idoneum cedatur.

III. Species est, tamen cum is qui res alienas possidet pro tuitione & munitione rerum possessarum, cessionem actionum ab aliquo accipit. Exemplum hoc est: Qui bona fide fundum emit, is publicam actionem habet, qua rem emtam vindicet a quouis possessore extraneo, *§. sed ista. inf. de act.* Hic ergo bona fide emtor fundum emtum ab extraneo possessore vindicabat publica actione, & cum de iure suo in dubium veniret, tandem placuit ut res inter eum & possessorem transigeretur hac lege, ut actor aliquid acciperet, & vicissim cederet possessori iussionem fundi emti, & simul possessori actionem suam cederet, qua possessor aduersus alios vteretur. Dicimus hanc cessionem in totum valere, & si pro cessione nimium solum sit transactionis causa, quia possessor accipit pro tuitione rerum a se possessarum, id est, quia cessio possessori necessaria est, si velit possessionem remi possessor sibi teneri. Aliud exemplum: Verus dominus qui fundum suum creditori pignori obligauerat, eum fundum vindicabat a possessore extraneo. Is possessor cum intelligeret, se necesse habere rem domino restituere, redemit actionem a creditore, tam personalem, quam hypothecariam, qua vtitur aduersus dominum vindicantem. Valebit haec cessio quantocunque pretio hanc cessionem redemerit, quia pro tuitione rei a se possessae cessionem accepit, id est, necessariam, ut dixi, ut rem a se possessionem sibi tueretur.

¹⁶ IV. Species est, † cum sit cessio inter plures legatarios, quibus debitum seu actiones aut res aliæ legatæ sunt: debitum & actiones hic pro eodem sumuntur, non est enim debitum, nisi quod actione exigi potest, *l. debitor. de verb. sig.* Nec est actio, nisi de eo, quod debetur, ut est definitio actionis, *Inst. de act. in pr.* Huc facit *l. qui chirograph. de legat. 3.* In cessione harum actionum seu huius debiti inter legatarios, tota cessio valet. Exemplum idem quo vti sumus inter plures coheredes. Defuncto debebantur centum, hæc legauit tribus legatariis Duo portiones suas cesserunt tertio legatario minima sorte accepta: placet nihilominus cessionem valere, eadem ratione quam in pluribus coheredibus reddidimus: quia si singuli coguntur particulatim persequi, plurima habet incommoda, *d. l. 5. ff. fam. her.* Coguntur ergo necessitate rei familiaris, ut sibi consulant, vni totam actionem cedere.

Quod de rebus legatis hic scriptum est, recte vulgo accipitur de rebus heredis, quæ legatæ sunt. Propono hoc modo: Testator fundum, qui heredis erat, tribus legauit, his legatariis acquiritur actio in personam ex legato aduersus heredem, §. *heres quoque. Inst. de obl. que ex contr.* Quare actio dicitur iuris auctoribus actio ex testamento, *l. alias. ff. de in lit. iur.* Acquiratur autem hæc actio singulis pro virili portione, ut quot sint personæ, tot sint partes, *l. vn. §. vbi aut. ff. de cad. toll.* Si ex iis duo, vni partes suas, vel vnus aliis cesserit partem suam, cessio in totum valebit, siue gratis cessa sit, siue pretio accepto. Hoc ideo, quia itidem facere non habuit, ut expressum est.

¹⁷ Et si hæc † tantum species quatuor numerantur, hic nominatim tamen intelligi debet, idem statuendum esse in omnibus aliis non enumeratis, quæ erunt similes, id est, quæcunque antiquiorum & priorum cessionum causam habuerint necessariam, & quæ voluntariæ erunt, ut alias traditur de alienationibus in *L. alienationes. ff. fam. her.* Hoc ita esse intelligitur ex hac lege, duobus in locis sub finem, primo ex illis verbis, cum ait lex: Nulla etenim tali ratione intercedente magis est, ut qui actionem accipit redemptor intelligatur. Hinc colligitur: Ergo redemptor non est, si aliqua species interuenerit, quæ sit talis: non dicitur, quæ sit eadem, sed tantum, quæ sit talis id est, similis. Vnde † recte a Bartolo & ceteris reprehenditur Accursius in interpretatione horum verborum, qui hæc verba, tali ratione interueniente, sic accipit, nullis causis interuenientibus ex iis, quæ supra enarrate sunt. Non dicit, constat suprascriptas causas, sed causas suprascriptas similes: Ergo in similibus idem iuris est, ex his verbis.

Sed hoc euidentius patet ex extremo huius legis, vbi cautum est, omnes cessiones, tam factas, quam postea faciendas, obtinere non solum in simpliciter exceptis & enarratis antea causis, sed etiam in aliis. Alias debemus hic interpretari alias similes, ut in iis cessiones omnes obtineant in totum. Nam aut hoc verbo intelligimus alias omnes, aut alias tantum similes, nihil certum est. At alias omnes interpretari non possumus, alioqui constitutio aperte repugnabit: nam diceremus omnes cessiones ex his verbis valere, cum tamen prius lex quasdam interdixerat. Relinquitur ergo, ut alias accipiamus similes.

Sunt autem similes, in quibus necessaria est cessio, non voluntaria, cuius generis sunt similes hæc, si ¹⁹ creditor † fideiussori soluenti cesserit actionem ad-

uersus debitorem suum. Hæc cessio valebit, etsi minima summa a fideiussore accepta, contentus sit, quoniam hæc actiones fideiussori cedere coguntur, *l. si. §. 1. de fid. l. cum quis. ff. de fidei.* Eiusdem † generis est, ²⁰ cum creditor possessori, a quo pignus vindicabat, actiones suas cessit aduersus debitorem suum, cum ab ipso possessore pecuniam accepisset, de qua specie est in *l. mulier. ff. qui pot. in pignor.* Item † cum plures ²¹ socii societate omnium bonorum contracta, actiones suas alii aliis inuicem cedunt, valet hæc cessio in totum, quia accedit causa societatis, quæ illos cogit actiones inter se cedere, *l. 2. 3. ff. pro soc.* Ex iis † si sum- ²² matim & breuiter rem completi volumus, recte ita dicemus, tria esse genera cessionum, in quibus cessio valet. I. Cum ceditur actio ex causa donationis. Hic in totum valet cessio. II. Cum ceditur actio, pretio accepto, sed ex causa necessaria, utilitate rei familiaris ita cogente. III. Cum ceditur actio, pretio accepto, & cessio voluntaria est. Nam hanc quoque placet valere, usque ad quantitatem solutam & usuram eius. Contra † vna tantum species est, in qua ²³ cessio improbat hac lege. Ea est, cum actio ceditur pretio, & cessio voluntaria est, nec tantum præstatur, quantum est in actione cessa; nam ultra id, quod solutum est placet cessionem non valere.

AD TITVLVM XXXVI. COD. Si seruus extero se emi mandauerit.

Impp Dioclet. & Maximian. Augusti & CC. Dionysia.

Si seruus extero se mandauerit emendum: quamuis nec ex persona serui (quia hoc liber mandare non potest) nec ex domini persona (quoniam qui mandat, ut a se res comparatur, inutiliter mandat) consistere credebatur actio: tamen optimaratione, quia non id agitur, ut ex ipso mandato, sed propter mandatum, ex alio contractu nascatur actio: domino quæri placuit obligatione. Si itaq, domino ignorante emi se mand. sti, ac te nummos subministrante peculiari soluti sunt: emptori minime liberatio per huiusmodi factum potuit peruenire. Nec tamen si tradita, nec manumissa es: etiam mandati de ancilla, & emi de pretio consequendo contrarias actiones ei exercere concedi placuit. Sane in illius arbitrio relictum est, utrumne mancipium, an pretium consequi velit: cum ex peculio, quod eius fuit, solutio celebrata obligationis vinculo emptorem liberare non potuerit.

S V M M A R I A.

- 1 An ex mandato serui extero facto nascatur actio, & an ea domino serui acquiratur.
- 2 Dictionis Ex significatio.
- 3 Dominus cum habeat aduersus exterrum emptorem actionem ex vendito, an etiam tunc habeat, cum emptor soluit ei nummos peculiariter a seruo acceptos.
- 4 Vtrum dominus & mandati actione & actione ex vendito aduersus exterrum emptorem experiri possit, an vna tantum. & nu. 6.
- 5 Actiones plures vbi competunt, vna tantum experiri possumus.
- 7 Actio emptio quid significet.
- 8 Domino serui an datur electio vtra velit actione experiri.

Q V A S T I O hæc proponitur: Seruus mandauit extero, id est, alii q̄ domino suo, ut se emeret, exte-

rus recepit se emiturum. Hic quatuor quæsitæ sunt, quæ ordine deciduntur hac legē. I. Quæstio est, † an hoc mandatum valeat, & an ex eo nascatur vlla actio, quæ domino serui acquiratur? Respondent Imperatores in principio: Emitione non secuta, nullum mandatum, nullam obligationem esse: emitione autem secuta obligationem contrahi, eamque domino serui acquiri. Primum ergo placet, emitione non secuta, seu modo non completo, nullum mandatum esse, ideoque nec exterum vlla actione domino serui teneri. Idem in *l. cum seruus* 54. ff. h. tit. Sed hic refragati videntur regulæ iuris, quæ sunt de contractibus seruorum. Nam serui & stipulari & quidvis contrahere possunt, vt contractus valeat ex persona dominorum, vnde & dominis actio acquiratur, non minus, quam si ipsi contraxissent, *Instit. de stip. seru. in pr. Instit. per quas person. nob. obl. acquir. §. item vobis. l. acquiritur. de acquir. rer. dom.* Proinde merito requirebatur huius sententiæ ratio, quæ a superiore iure recedere videbatur, & hic redditur ratio initio, sic autem probatur.

Hic mandatum nullum est, nulla etiam obligatio ab initio: nam si mandatum valet, necesse est valeat, aut ex persona serui, aut ex persona domini. Neutrum horum. Non ergo valet mandatum. Non potest valere ex persona serui, quia iniquum Imperatores nec homo liber ita mandare posset. Optimum argumentum. Nam constat iure ciuili meliori conditione esse liberos, quam seruos: nam liberi sunt inter ciues, §. *vt. Instit. de libert. serui iure ciuili pro nullis habentur. l. quod attinet. de reg. iur.* Itaque absurdum est, seruos meliori conditione esse quam liberos, *l. pen. quib. ad lib. proclam.* At liber homo se emendum alteri mandare non potest, proinde recte colligitur, nec seruum mandare posse alteri se emendum. Sed cur liber homo non potest mandare alteri se emendum, cum liberi hominis venditio subsistat, si is emit, qui liberum esse ignorauit, *l. §. liberi. de contrahend. emt.* Respondeo: Liberi hominis emtio consistere potest, si ab alio venditur quam a se, & venditur ignorantibus: ceterum si ipse se vendat, emtio non consistit, siue se vendat ignorantibus, siue scientibus, quoniam in emitione distincta hæc esse oportet, venditorem, & rem quæ venditur; neque idem potest esse venditor & res vendita, *l. i. de rer. perm.* At cum liber se mandat emendum, necesse est vt ipse se vendat, si voluit mandatum consistere. Ita futurum est, vt idem sit venditor & res quæ venditur. Hoc natura non patitur. Quare nec seruus eadem ratione se potest mandare emendum, vt mandatum ex persona eius consistat.

Sed nec ex persona domini mandatum potest consistere, quia, inquit Imperatores, si liber homo ita mandat extero: mando tibi vt seruum meum illum emas: inutile est mandatum. Sed cur inutile? Non vtiq; quia hic venditor idem futurus sit, & emptor, vt Accursius scribit, quod falsum est. Nam cum seruus ex hoc mandato se vendat extero, incipit dominus eius esse venditor actione ei per seruum quæsitæ: potest autem emtio inter dominum & externum consistere, cum vnus sit venditor & alter emptor. Sed ideo inutile hoc mandatum est ex persona domini, quia non est actio mandati, nisi mandantis inter sit, *l. §. proc. ff. mandat.* Hic autem domini nihil interest, seruum emi seu mandatum impleri, quoniam mandatum & mandati actio in hac specie non alio spectat, quam vt dominus seruum a mandatario emtum

consequatur iudic. mandati, *l. si procur. §. vlt. ff. mandat.* At hunc postea seruum consequi domini nihil interest, cum iam habet. Merito ergo hoc placuit, mandatum, cum seruus se extero mandat emendum, nullum esse ab initio.

Sed hoc ita est, vt dixi, ab initio, & emitione non secuta, quia si exterum mandatum secutus seruus emerit, ab ipso seruo placet actionem nasci, eamque domino acquiri, vt hoc loco scriptum est. Actionem hic & obligationem intelligere debemus duplicem, nempe & mandati, ad consequendum seruum, & ex venditione, ad consequendum pretium ab emptore, vt declaratur in *vers. pen. §. vlt. h. l.* Sed oritur hic dubitatio ex eo, quod prius dixi. Nam si ab initio nullum mandatum fuit, quomodo ex post facto nasci potuit? Respondent Imperatores: Optima ratione id placuisse, quia in hoc mandato non id agitur, vt actio nascatur ex mandato solo, sed id agitur vt actio nascatur propter mandatum ex alio contractu, veluti ex emitione & venditione, vbi seruus ab extero emptus erit. Ex † alio contractu hic interpretari debemus, post alium contractum, nempe post emitionem contractam, vt cum dicimus, *ex quo, pro postquam, vel post tempus, ex illo, pro post illud tempus*, vt apud Virgilium secundo *Aeneid. Impius ex quo, §. c. & paulo post: Ex illo fluere & retro sublapsa referri, spes Danaum. Ex illo pro post illud tempus*. Sic autem interpretari debemus ex contractu, vt post emitionem contractam a seruo mandati actio nascatur. Et declaratur in *vers. Sed & postea*. Certiautem iuris est, mandatum non nasci ex alio contractu, sed solum ex mandato, *l. ex mandato. §. i. mandat.* Quare necesse est sententiam huius loci hanc esse, post alium contractum, nempe post emitionem, quæ propter mandatum interposita est, nasci obligationem, non ex emitione tantum, sed etiam ex mandato.

Sed amplius quæro: Cur magis post hunc contractum obligatio nascitur, quam ante? Respond. id, quod non est obscurum, quia vbi seruus ab extero emptus est, incipit domini interesse, vt & mandati agat & ex venditione. Agat mandati, quo seruum consequatur, qui per emitionem ei abesse cœpit: Et agat ex venditione, quo scilicet pretium serui consequatur, quod potius habere domini interest. Ex hac parte intelligi potest, cur proposita sit quæstio de eo seruo, qui mandat extero se emendum. Cur potius de eo quæritur seruo, qui mandat extero, quam qui mandat idem domino suo? Quia neque ex hac causa, neque ex aliis omnibus inter dominum & seruum obligatio nasci potest, §. *ii qui, Instit. de oblig. qua ex del. §. si seruus. de noxal. action.* In hac quidem specie propria ratione nasci obligatio non potest inter seruum & dominum, si seruus mandat domino suo vt se emat. Quia emtio natura præcedere non potest: non enim potest dominus seruum suum seu rem suam emere, *l. sua. de contrah. emt.*

Sed & si de re aliena emenda mandatum esset, tamen nihilominus obligatio non contraheretur inter dominum & seruum. Finge seruum habere rem aliam, & mandare domino suo, vt eam rem emat, & si dominus mandatum secutus erat, tamen nihil agitur, quoniam, vt dixi, non potest nasci obligatio inter dominum & seruum: nam seruo aduersus dominum actio competere non potest, quoniam si quam actionem ille habet, ea statim domino acquiritur, §. *item vobis, Instit. per quas person. & toto tit. per quas person. nob. ob-*

is oblig. acquir. Sed nec domino aduersus seruum vlla actio esse potest, quoniam serui ex contractibus suis iure civili non tenentur. Constat ergo ratio superioris distinctionis, vt cum seruus se. mandet emendum etiam extero, mandatum non valeat, emptione nondum contracta; At vbi exterus emit seruum, actionem nasci & mandati ad seruum consequendum, & ex venditione ad pretium consequendum. Differentia ratio est, quia domini nihil interfit mandatum valere, seruo autem emto interfit illius, & mandati actionem habere, & actionem ex venditione.

3 II. Quæstio est, si seruo emto propter superius mandatum dominus actionem ex venditione habet aduersus exterum emtorem, an etiam tunc habeat, cum emtor soluit ei nummos peculiariter a seruo acceptos? Propone hoc modo: Seruus seu ancilla, de quo hic consultum est, mandauit extero, vt se emeret, & promisit, se nummos extero daturam, vnde ille solueret domino suo. Exterus emit & nummos peculiares ab ancilla emta accepit, eos emtor soluit domino ancillæ, qui admonitus huius emtionis, emtionem ratâ habuit. Quæritur, inq., An liberetur emtor, an vero etiam post hanc solutionem dominus integrâ actionem habeat aduersus extraneum emtorem?

Respondent Imperatores *in vers. Si itaq.* Si nummi hi ignorantia soluti sunt, non posse ex hoc facto obligationem nasci emtori, & videtur relinqui vt actio ex mandato adhuc sit integra aduersus extraneum emtorem. Ratio vulgo redditur recte. Nam in emptione non est satis, si emtor tradat venditori nummos, sed hoc amplius facere debet nummos venditoris accipientis, *l. ex emto. ff. de act. emt.* Quod in hac solutione non contingit: nam & peculiares nummi, & quicquid est in peculio serui aut ancillæ, id totum domini est. Non est ergo serui aut ancillæ, multoque minus emtoris. Nec ad rem pertinet, quod ancilla subministravit, & dedit emtori. Nam cum ipsa domina non esset, non potuit plus iuris in emtorem transferre, quam ipsa habuit, *l. traditio 20. de acquir. rer. dom. l. nemo plus. ff. de reg. iur.* Hac ratione nec emtor hos nummos facere potuit domini accipientis, quanquam & alia ratione non potuit facere accipientis, quia nummi iam domini erant. Quod alicuius est, id amplius eius fieri non potest, *§. si neque. Inst. de act.* Recte ergo dicitur, hoc facto & acceptione nummorum emtorem non liberatum esse.

Sed adiicitur hæc conditio: Si ignorante domino ancilla emta est, & eadem ignorante domino nummos peculiares subministravit emtori, qui & ignorantia soluti sunt. Quod ideo adiicitur, quia si dominus sciuerit eos nummos peculiares esse, & nihilominus accepit ab emtore, qui eos pro pretio debito & pro se soluebat, emtor liberatur, non secus ac si nummos suos soluisset. Nam cum emtor eos pro suo debito soluit, & creditor idoneus in eam causam accipit, intelligitur ea acceptione contentus esse, pro eo quod debetur, *argument. in l. si creditores. sup. de pact.* Ergo hac solutione ei satisficit: nam satisfacere est aliquem contentum reddere, *l. i. qui satisfacere cog. Porro satisfactio pro solutione est, l. satisfactio. de solut.*

4 III. Quæstio est, si postquam seruus ab extero emtus est, dominus serui habet actionem mandati aduersus exterum, & præterea actionem ex vendito, vtrum vtraque actione aduersus emtorem exterum experiri possit, an vna tantum? Dubitationem mouent regulæ iuris, de pluribus actionibus traditæ.

Certi iuris est, cum plures actiones competunt de diuersis rebus, licere omnibus vti, nec vnâ alteram consumere. Exempli causa: Ex furto nascuntur duæ actiones, furti & condictiois furti. Hæ competunt de diuersis rebus. Furti actio pœnam petit legitimam: condictio tantum prosequitur rem furtiuam. Placuit, vtramque ita competere, vt vna alteram non consumat, *l. si pro fure. §. i. ff. de cond. furti.* Id etiam colligitur ex regula iuris, *l. nemo ex his. §. ult. de reg. iur.* vbi hæc regula est: Quoties plures actiones concurrunt vnius rei nomine, vna tantum experiri licet. Ergo si competunt diuersarum rerum nomine, licet vtraque experiri, vt probatur in superiori exemplo. At in proposito serui emptus est, duæ actiones competunt, mandati & ex vendito, ex diuersis contractibus, nempe ex mandato & ex venditione, & de diuersis rebus. Nam mandati actio petit ancillam, actio ex vendito, petit pretium, non ancillam emtam. Ita effici videbatur regulis iuris, vtramque actionem in proposita specie domino competere aduersus extraneum emtorem.

Respondent Imperatores, *in vers. nec tamen.* Quamuis in proposito duæ actiones domino competant, ex mandato & ex vendito: tamen non posse eum vtramque actionem exercere. Non obstat regulas iuris, quæ sunt de pluribus actionibus ad res diuersas persequendas competentibus: eæ enim tunc locum habent, cum actiones non sunt contrariæ. Ex quo recte colligitur, vtramque actionem a domino exerceari non posse: recte id colligitur, vt dixi, ex natura contrariorum, quæ omnibus etiam natura nota est. Nam contrariorum ea natura est, vt vno posito alterum tollatur. Exempli gratia: Contraria sunt, heredem esse ex testamento, & ab intestato, quia contraria sunt testatum & intestatum. Proinde placuit, si quis, qui ex vtraque causa heres esse poterit, adierit hereditatem ex testamento, statim videatur repudiasse ab intestato, & contra si adierit ab intestato, statim videri prius voluisse ex testamento heres esse, *l. illud. de acquir. her.* Et generaliter placuit, eum qui contraria allegat & postulat, audiendum non esse, *l. 2. primores. ff. quand. appel. sit.* Idem ergo & in proposito recte dicitur, contrarias actiones esse, actionem mandati & actionem ex vendito.

Intelligitur ex fine & persecutione vtriusque actionis: nam mandati actione dominus petit ab extero emtore, vt ancillam emtam, quam mandato consecutus est, sibi restituat, *l. si procuratore. §. ult. ff. mand.* At ex vendito agendo aduersus eum petit, vt ancillam retineat. Quare ex hoc loco notabimus, cum plures actiones competunt, tantum vna nos experiri posse, non tantum cum competunt eiusdem rei nomine, *d. l. nemo ex. §. ult. de reg. iur.* sed etiam cum competunt de diuersis rebus, & contrariæ sunt, quoniam vna excludit alteram naturam suam, vt hoc loco exemplum est.

Sed adiicitur hæc conditio: Dicitur enim dominum non posse vtramque actionem exercere aduersus emtorem, si ancilla quæ se emendam mandauit, tradita est & nondum manumissa. Hæc conditio ideo adiicitur, quia dominus actionem ex vendito habere non potest aduersus exterum, nisi ancillam traderit: nam venditor in primis rem venditam tradere debet, *l. ex emto. de act. emt.* Et quemadmodum emtor non potest ex emto rem venditam petere, nisi prius pretium offerat, *l. Iulianus. §. offerri. de act. emt.* sic nec venditor potest ex vendito pretium petere, nisi rem,

quam debet, prius offerat & tradat volenti. Item mandati actionem habere non potest, si ancilla tradita manumissa sit, quoniam id agitur, ut manumittatur, *l. cum seruus. ff. hoc tit.* Sed cum hæc duo concurrunt, ut dominus ancillam ab extero emtam ei tradiderit, & ancilla nondum manumissa sit, tunc potest utramque actionem habere ex vendito & mandato. Unde quaeritur an ¶ cum hoc casu utramque actionem habeat, possit utramque exercere? Et placet non posse, quia actiones contrariae sunt.

Notandum est, quod hic in *d. verspen.* domino ancilla aduersus exterrum emtorem dicitur competere emti actio, quod falsum videtur. Nam in hac specie ex persona ancillae dominus eius venditor est, & exterrus est emtor. Venditori non competit actio ex emto, seu emti, sed actio ex vendito, *l. Iulianus. §. ex vendito, de act. emt.* Ex emto actio competit emtori non venditori, *lex emto. de act. emt.* Respondeo: Actio ex ¶ emto, seu emti ambigue dicitur: interdum enim his verbis significatur nomen actionis seu actio quæ dicitur emti, aut ex emto, ut in *d. l. ex emto.* Interdum his verbis significatur naturaliter actio, quæ competit ex emto, id est, ex emtione. Hoc sensu vere hic dicitur actionem emti competere venditori, quoniam etsi solum competit actio ex vendito, id est, ea actio, quæ ita dicitur, tamen ea ipsa actio non competit, nisi ex emtione, ut intelligamus ex emto & vendito, ut veteres vno ex his verbis totum contractum emtionis & venditionis complectuntur, *l. veteres. de act. emt.* Hoc sensu alias e conuerso actio ex vendito dicitur, quæ competit emtori, *lex conuent. §. de pact.*

8 Postrema quaestio est, ¶ Si in specie proposita dominus ancilla, utramque actionem & mandati & ex vendito aduersus exterrum emtorem exercere non potest, an saltem potest ita, ut si in potestate eius, utra experietur aduersus inuitum emtorem? Et in versu extremo respondetur, esse in eius potestate utra experietur. Hic locus est, in quo præcipua difficultas versatur, quæ explicanda est. Primo ergo cum seruus aut ancilla se mandauit emendam extero, si ancilla emta est ab extero, incipit venditio valere, ex qua & domino ancillæ competit actio ex vendito, aduersus exterrum, ad pretium consequendum, quanti ancilla se vendidit, eamque actionem dominus ita habet, ut eam exterrus euitare non possit. Hic duo obstant. I. Obstat, quod non potest esse domino actio ex vendito, ubi nulla venditio est. At hic non videtur consistere posse venditio, repugnante natura venditionis. Nam ut initio dixi, non potest esse emtio & venditio, nisi ubi vnus est venditor, & res alia quæ venditur, *l. i. ff. de rerum perm.* At in hac specie ancilla, quæ se emendam mandauit, se solam vendidit extero, ut ea sit venditor & res ipsa quæ venditur. Quare venditio consistere non potest, unde nec ex ea vlla potest esse actio. Respondeo: Si venditio hæc ex persona ancillæ æstimaretur, sine dubio nulla esset emtio, cum idem esset venditor & res, quæ venditur, qua ratione recte dixi inutilem esse venditionem, cum liber homo se vendidit etiam ignoranti. At in hac emtione, ut & in ceteris contractibus serui, contractus ex persona domini æstimatur & valet, *l. sit de stip. seru.* Et ideo perinde habetur quasi per seruum dominus ipse vendidisset, unde statim domino acquiritur actio ut venditoris, *l. utramque. in pr. ff. de verb. oblig. l. ult. de stip. ser.* Hac de causa fit ut hæc emtio valeat, quia alius est

dominus idemque venditor, & alius seruus qui venditur, nihil ergo hic impedimento est emtioni & venditioni.

Sed etsi dederimus emtionem hanc consistere, tamen videtur emtor exterrus posse euitare hanc actionem inuito domino eodemque venditore, si ancillam emtam & sibi traditam paratus sit domino reddere ex causa mandati, idque ita efficitur. Nam constat ex hoc rescripto dominum aduersus hunc exterrum habere actionem mandati directam ad ancillam consequendam. Proinde & exterrus habebit actionem mandati contrariam aduersus dominum eundemque venditorem ex persona serui, quoniam ex mandato mutue sunt obligationes inter mandantem & mandatarium, quæ obiectio est in *l. 19. ff. h. tit.* Respondeo: Quod & illic significatur obscurius, in proposito exterrum emtorem teneri domino, mandati actione, sed ipsum e conuerso mandati actionem non habere aduersus dominum, quia id actum est, ne ancillam emtam restitueret, quoniam dominus ideo permittit ancillam se vendere, ut eam perpetuo alienaret. Quod si domino ignorante ancilla se vendidit, ideo dominus ancillam recipere non cogitur, quia aduersus dominum deliquit, ut quæ mala fide se domino subtraxit, unde placuit exterrum emtorem quamuis ancillam emerit sua pecunia, tamen nullam actionem de pecunia eo nomine aduersus dominum ancillæ habere, *l. cum seruus, in fin. l. et. i. ff. hoc tit.* Constitutum est ergo in specie huius emtionis, dominum aduersus exterrum emtorem etiam inuitum eligere posse actionem ex vendito, ad pretium consequendum.

Quod si malit mandati iudicio experiri ad ancillam consequendam, etiam in eius potestate hoc esse hic traditur. Hoc vero multis modis falsum videtur, de quibus dicendum est. I. Opponitur illud quod dixi & quod apertius dicitur in *l. cum seruus. in pr. ff. hoc tit.* nempe cum seruus se emendum mandat, extero nullum mandatum esse, si nullum mandatum, nulla huic potest esse mandati actio, neque seruo, neque domino, quia non est actio mandati, nisi ex mandato, *lex mandato. §. ult. ff. h. tit.* Respondetur idem quod supra: Nullum mandatum est ante emtionem serui, emtione secuta, & emtio contrahitur, & mandatum vires habet. Huic responsioni occurritur ex regula iuris: Quod initio inutile est, tractu temporis conualefcere non potest, *l. quod initio. l. qua. de reg. iur.* Concedimus hic initio mandatum non valere seu inutile esse: ex quo efficitur, quamuis postea secuta emtione mandatum confirmari non posse. Respondeo: In proposito statim mandatum valet & contrahitur, sed sub conditione, si emtio volente extero contrahita erit, quoniam tunc interesse cœperit domini ut emtio valeret & mandatum consisteret. Non obstat quod in *d. l. cum seruus. in pr. ff. h. tit.* simpliciter dicitur: Cum seruus se extero emendum mandat, nullum mandatum esse. Hoc enim sic accipi debet, solum mandatum non esse. Tunc autem solum est, cum seruus non emittitur: at mandatum adiuncta emtione serui valet.

II. Obstat lex mandati, quo minus hic mandati agi possit. Nam mandati actio nulla est, ubi mandantis nihil interest, mandatum impleri, *l. si proc. §. mandati. ff. mandat.* At dominus cum ancillam venditam tradidit emtori extero, hoc ipso declarauit nihil sua interesse, eam ancillam habere. Nam si interesset, non tradi-

tradidisset. Non ergo potest ei competere mandati actio. Respondeo: Nihil interest domini, ancillam per se habere, quam sine traditione apud se retinere poterat, sed interesse potest ut manumittatur ancilla, quam prius tradita. Hoc casu competet mandati actio, ut mox dicemus. III. contraria est *l. cum seruus. ff. mandati*, ubi diuerse scribitur: Cum seruus se extero mandat emendum, ita demum valere mandatum, si mandatum in hoc intercesserit, ut manumittatur. Nihil autem tale adiicitur. Quare actio mandati competere non potest. Respondeo: Admittimus obiectionem, non posse mandatum hic consistere, nisi in hoc intercesserit, ut ancilla manumitteretur ab extero emtore, idque ratione certa. Nam actio in mandati domino competere non potest, nisi eius interfit, ut dixi. At si de ancilla manumittenda nihil conuenit, nihil domini interest eam ancillam habere, primum id declarauit, cum eam tradidit, deinde non interest domini eam ancillam habere, quæ fugit & odit dominum. At cum in hoc mandatum intercessit, ut ancilla manumitteretur, etiam si eam traderit, tum interest domini eam manumitti, vel propter affectionem sanguinis, *d. l. cum seruus*, vel etiam propter affectum hereditatis. Nam ut idem Papinianus respondet, interest hominis, heredem beneficio affici, *l. seruus ea lege. de seru. export.*

Mouere nos non debet, quod in hac lege nihil adicitur de ea conuentione, sed simpliciter dicitur, ubi ancilla manumissa est, propter superius mandatum incipere domino competere mandati actionem. Hoc enim intelligi debet cum suis conditionibus, quæ sunt huius actionis propriæ, ut intelligamus videlicet actionem mandati domino competere, si domini interfit. Non potest autem interesse, nisi conuentione interposita, de ancilla manumittenda, qua conuentione interposita dominus aget ad ancillam consequendam, ut eam consecutus manumittat, & ipse fiat patronus libertæ.

Sed huius solutioni rursus opponitur *l. 1. & 2. §. si manci. ita fuer. alien.* quibus locis certum est, quoties ancilla venditur hac lege ut manumittatur, ipso iure competere ancillæ libertatem, si manumissa non sit. Id si ita est, tollitur mandati actio, quoniam domini eius nihil interest eam ancillam recipere ad manumittendum, cum iam ancilla sit manumissa. Respondeo: Et si seruus venditur ea lege ut manumittatur, non tamen fit ipso iure liber, quamuis non manumittatur ab emtore. Tunc liber non fit, cum conuenit non simpliciter ut manumitteretur, sed conuenit ut manumitteretur certo modo, id est, vindicta, *l. qui Roma. §. Flanius. de verb. oblig.* In hac specie recte dicimus, si ancilla manumissa non sit, vindicta dominum posse agere, ut eam manumittat, quia nondum libera facta est. Possumus etiam respondere ita: Seruum hac lege venditum ut manumittatur, consequi ipso iure libertatem, si non manumittatur. Hoc ius tunc locum habere simpliciter, ubi venditus est, quoniam dominus qui vendidit nullam actionem habet ad eam infirmandam & seruum repetendum. Diuersum est, ubi mandatum præcessit, de seruo emendo, ea lege, ut manumitteretur. Hoc casu si manumissus non sit, dominus mandati actionem habebit ad seruum repetendum, manumittendi causa, quia interest eius seruum liberum non fieri ipso iure, sed a se manumitti, ut a manumisso patronus agnoscat.

Summa hæc erit. Cum seruus extero se mandat emendum, ante seruum emtum, nullum omnino

mandatum est, eoque nulla mandati obligatio, quamuis exterius mandatum susceptum non impleat. Quod si exterius mandatum secutus, seruum a seruo ipso emerit, & consistit emptio, in qua dominus venditor esse intelligitur ex persona serui, & mandatum valere incipit, quod sine venditione inutile fuerat, quoniam domini interesse incipit. Hinc domino actio competet ex vendito, aduersus emptorem, etiam si ab emptore nummi peculiare soluti sint. Mandati autem actio sic competit, si seruus in hoc se mandat emendum, ut manumittatur, quoniam aliter domini interest, qui non potest seruum repetere, nisi ut ipsum receptum manumittat. Sic has ambas actiones habet dominus, ut tamen utramque simul exercere non possit, quia sunt contrariæ, sed utramque habet, ut liceat ei utra velit experiri suprascriptis conditionibus, sic tamen, ut vna actione contentus esse debeat.

AD TITVLVM XXXVII. COD. Pro socio.

S Y M M A R I A.

- 1 Societas quid. § nu. 4.
- 2 Societas non est rerum aut operarum communicatio.
- 3 Societas donationis causa contrahi non potest.
- 5 An omnis communio societas sit.
- 6 In societatis definitione cur non ut lucra ita & damna causa adiiciatur.
- 7 In societate cur ut lucrum sic & damnum commune sit, nisi aliud conuenerit.
- 8 Societas an etiam recoiri possit.
- 9 An ex omni societate voluntaria obligatio nascatur.
- 10 Societas rei inhonestæ nulla est.
- 11 Societas donationis causa facta societas non est.
- 12 Quæ res inter socios communes esse debeant, quæ lucra & damna communia.
- 13 Maleficiorum nulla communio, nec ex illis quaestum in bonis sunt.
- 14 Res presentes & futuræ quomodo communicentur inter socios.
- 15 Socius ob factum suum quoduis culpam socio prestare debet.
- 16 Impenditorum in societate queratio.
- 17 Socius si alat familiam & liberos, utrum hos sumptus de communi consequi debeat, an solus agnoscere.
- 18 Quid si filium in studiis alat.
- 19 Quid si pater filia suam dotem dederit.
- 20 Lucrum quid.
- 21 Damnorum in societate ratio.
- 22 Quæ ex obligatione societatis socius socio prestare debeat.
- 23 Damna & lucra utrum ex æquis an ex inequalibus partibus inter socios communicari debeant.
- 24 Actio pro socio, & eius propria.

VT mandato, ita & societate obligatio contrahitur consensu, *Instit. de oblig. quæ ex consensu*. Societas est rerum aut plurium, aut vnus communio in aliquos, voluntate suscepta vberioris lucri inde in commune faciendi gratia. Societas communio est, unde *acquirere communioni*, pro *acquirere societati*, *l. 3. §. 1. ff. h. tit.* Hoc verbo admonemur, nullam esse societatem inter eos, qui inter se mutuo res non conferunt. Non exigimus in societate, ut omnes socii pecuniam aut res easdem conferant, sed exigimus, ut si vnus pecuniam confert, alter nullam rem corporalem confert, saltem conferat aliquid operæ in socie-

2 ratem, quod nisi sit, societas non est, quia † non est rerum aut operarum communicatio, *l. si non fuerit. ff. b. tit.* Inde † dictum est, societatem donationis causa contrahi non posse, *l. 5. §. ult. ff. hoc tit.* Nam donationis causa societas & communio inducitur, cum vnus pecuniam aut rem suam confert in medium, vt lucrum cum altero commune sit, qui tamen in societatem nihil conferat. Is enim accipit de alieno & gratis: ita, quia in hac donatione nulla communio est, fit, vt nulla sit societas ex definitione.

4 Societas † est communio & plurium rerum & vnus. Plurium, vt vniuersorum vel maioris partis, vel negotiationis vnus alicuius, plures res comprehendens. Vnius, vt cum prædium communi consensu emitur aut conducitur, vt fructus inde quæsitum sint communes, *l. 5. in pr. ff. h. tit. Instit. eod.* Non † omnis communio societas est. Illa communio societas non est, cum socii incidunt in communionem sine consensu, quæ communio est inter plures eiusdem rei legatarios, inter plures, qui eandem rem sine consensu societatis emerunt. Non est societas, nisi communio voluntate & consensu sociorum contracta sit, *l. vt sit, §. 3. ll. seqq. ff. hoc tit.* Vnde voluntarium consortium dictum est a Papiniano pro societate, *in l. cum duob. §. idem, Papin. hoc tit.* Non est satis, communionem consensu iniri inter aliquos, non erit societas, nisi communio inita sit lucri in commune faciendi causa, proprium hoc est societatis. Vnde si in societate conuenerit, vt lucrum non sit commune, sed vnus tantum socii, placet nullam societatem esse, quasi contra fines societatis constitutam, *l. si non fuerit. §. ult. ff. hoc tit.*

6 Sed cur † non adiciamus & damni causa: Cum in societate ineatur vt lucri sic damni communio? *l. si non fuerit, l. si vnus in fin. l. Respub. ff. h. tit.* Respon. De damno hic non adiciamus duabus de causis. Quia proposito contrahentium, non contrahitur societas nisi lucri faciendi causa: nam si aliquod damnum expectarent ex societate, a societate damnoſa abſtinerent. Deinde, quia damni communio ad substantiam societatis nihil pertinet: potest enim societas iniri, vt damnum non sit commune, sed vnus tantum socii, lucrum autem sit commune, *d. l. si non fuerint. hoc tit.* Nam & ita Iustinianus hic. Cur ergo in societate placet † vt lucrum, sic damnum commune esse, nisi aliud nominatim conuenerit? *§. 1. Instit. hoc tit. d. l. si non fuerint.* Respondeo: Per consequentiam id fit, non principaliter. Nam postquam placuit, vt lucrum commune sit, sequitur quod æquum videri debeat & secundum naturam, damnum etiam commune esse. Ita in toto iure comparatum est, vt commoda in commodis, & contra, sint coniuncta, *l. secundum de reg. iur.* sed & hoc vice versa valet, vt qui percipit lucrum ex re aliqua, idem etiam damnum agnoscere debeat, *l. si ergo. ff. hoc tit. l. vnus. §. 2. infr. de cond. toll.*

8 Hæc communio, quam societatem appellamus, & ex societate obligatio contrahitur consensu, vt dixi, id est, consensu solo, etiam si res nulla interuenerit, quæ communicaretur inter socios, *Instit. hoc tit.* Non est contrarium, quod dicitur *in l. 4. ff. hoc tit.* Societatem † etiam re coiri posse. Hoc enim significatur, societatem contrahi posse, non tantum verbis, sed etiam re, id est, facto, sine verbis, & aliquo iudicio voluntatis. Hoc idem explicatur a Paulo *in l. recusari. de acquir. her.* Id contingit hoc modo. Ex tribus fratri-

bus duo societatem bonorum paternorum inter se inierunt, ea lege vt frater absens in eandem societatem admitteretur. Cum tertius rediisset, admonitus est a fratribus, societatem inter ipsos contractam esse, & sibi placuisse, vt ipse quoque in eadem societate esset, & eo nomine tertiam partem prouentuum illi dederunt, quam ille accepit sine aliquo manifesto consensu. Dicemus eum quoque societatem cum illis contraxisse, quia partem lucri & prouentuum accipiendo sciens declarauit se societati consensisse. Argumentum est huius sententiæ *in l. quidam. de enict.*

Non tamen ex † omni societate voluntaria obligatio nascitur, quia non omnis societas iure valet, *l. 3. §. ult. ff. hoc tit.* Exempli gratia: Aliquis, vt induceret diuitem in societatem, multa de suis facultatibus mentitus est, dicens se habere illa & illa prædia, & forte etiam adhibuit emissarios, qui idem affirmarent. Quibus rebus persuasus mercator diues cum illo societatem contraxit. Hic dolo societas contracta est, quia mendacio istius contracta est. In mendacio eius dolus est, *l. si legatarius. l. cum a te, de dol.* Dicimus hanc societatem nullam esse, vnde lucrum solum erit illius mercatoris, illius autem alterius nulla ex parte.

Præterea † nulla societas est rei inhonestæ, veluti 10 si ita conuenit, vt quæ lucra percepissent ex rapina, ex præda, ex concurſionibus, ea essent communia, *l. nec pratermittendum. l. quia §. 4. ff. h. tit.* Non adicio societatem, quæ sit donationis causa. Etsi enim verum est, hanc societatem non valere, vt dixi, tamen ad hanc exceptionem hæc species non pertinet. Loquimur enim de his societatibus, quæ consensu & ceteris partibus definitionis reuera sunt societates, sed iure improbantur. Societas † donationis causa facta, 11 plane societas non est, quoniam non habet rerum communionem, quæ in societate exigitur. Ceteræ societates consensu contractæ valent, & ex iis obligatio nascitur inter socios.

Hæc obligatio communis societatis huc spectat, & hæc continet, vt res inter socios & lucra & damna communicarentur. Hinc duæ quæſtiones introducuntur ad hanc obligationem explicandam pertinentes. Prior hæc est: Quæ † res inter socios commu- 12 nes esse debeant, quæ lucra & damna communia? & si quid de eo nominatim conuenit, res expedita est. Societas enim est iudicium bonæ fidei, *§. act. Instit. de actionib.* Nihil autem magis conuenit bonæ fidei, quam vt ea, quæ inter socios placuerunt, seruentur, dum non sint iniqua, *l. ex emto. ff. de act. emt.* Proinde & hoc idem in societate seruandum erit, *d. l. si non fuerint.* Quod si de eo nihil conuenit, vt fere simpliciter fieri non solet, res posita est in hac distinctione. Videndum est vtrum societas contracta sit omnium bonorum, seu vniuersarum fortunarum, an vero societas contracta sit simpliciter, vt diceretur placuisse inter Titium & Sempronium, vt socii sint, an vero contracta sit vnus negotiationis causa aut rei certæ. Si societas nominatim omnium bonorum contracta est, hæc inducitur communio inter socios. Primo, res omnes sociorum præſentes communicantur, quæ traditione transferri & communicari possunt, solū nomina seu actiones non communicantur inter socios, quoniam non possunt, vt dixi *in l. 3. §. mand.* Sed inter ipsos cedi & mandari debent. Quod si mandata non sint, nihilominus verū est, statim viles actiones in socium transferri, vt accidit cum actio vendita est, *l. post quā. l. emtor. l. ex nominis. §. de act. vel her. vend.*

Res autem futurae, quæ postea sociis acquiruntur, hæc omnes postea ad societatis communionem pertinent.

De iis quidem constat, quæ ex quæstu obueniunt, *l. omni re 7. ff. hoc tit.* sed hoc amplius dicimus, si quid socio obuenerit, sine quæstu & labore eius, id omne venire in societatem, ut hereditates, quæ socio obueniunt, legata, fideicommissa, donationes, *l. 3. §. 1. ff. h. tit.* Idem est & si iniuria affectus aut damno, consecutus sit aliquid iniuriarum nomine, ut est *l. Aquil. cum duob. §. socium. ff. hoc tit.* Solum excipiuntur ea, quæ vni ex sociis maleficio quæsitæ sunt: Primo enim maleficiorum nulla communio esse debet: deinde maleficio quæsitæ non sunt in bonis, unde hæc ad societatem bonorum non pertinent, *d. l. cum duob. §. ult. & l. 4. seqq.* cetera omnia, ut dixi, veniunt in communionem.

13 Sed notandum est diligenter in hac societate, omnium bonorum & rerum quæsitæ communionem multum interesse, inter res præsentis, quæ fuerunt tunc cum societas iniretur, & inter res quæ postea accesserunt. Nam res præsentis statim communicantur, id est, singulorum sociorum pro parte fiunt, quæ in eos translata est, *d. l. 2. §. 3. ff. h. tit.* Res autem quæ postea socio obueniunt, fiunt eius socii propriæ, nec communicantur, sed iudicio pro socio in commune redigendæ sunt, ut si interim eas alienet, recte alienet ut suas, *l. si quis. ff. hoc tit.* Posterius minus dubitationis habet, quia regulis iuris conueniens est. Nam quod vnius socii esse cæpit, id in alterum transferri non potest nisi traditione, *l. traditionib. supr. de pact.* Vnde exigimus, ut socius rem sibi quæsitam ceteris communicet tradendo. Sed prius videtur his ipsis regulis aduersari. Nam ita traditur: Traditionibus non nudis pactis, id est, non sola conuentione dominia rerum transferri, proinde nec sola conuentione societatis, ubi traditio mutua non interuenit. Dicendum est, nihil hic fieri contra ius, societate bonorum inter socios contracta, ideo res præsentis statim fiunt communes sociorum, quia & iis possessio earum tradita intelligitur, & per possessionem dominium, ut dominium sequatur possessionem quæsitam, *l. tradit. §. ult. de acquir. rer. dom.* Sed ubi illa traditio possessionis, cum nulla aperte interueniat? Respondeo: Socii societatem omnium bonorum contrahentes intelliguntur singuli ex numero sociorum res suas possidere pro parte. Nam quod suo nomine possident possunt incipere possidere pro alieno. Id ubi sit, statim possessio transit in eum volentem, cuius nomine possideretur. Is enim possidet, cuius nomine possideretur, *l. quod meo. ff. de acquir. poss.* Eadem traditio intelligi non potest, ubi post societatem contractam vni alicui ex sociis aliquid quæsitum est. Nam tunc nulla conuentio interuenit noua, quæ intelligatur velle socius alterius socii nomine possidere. Deinde, etiam si vellet, tamen socio ignoranti non acquireretur possessio, quia possessio solum scientibus & volentibus acquiritur. *l. ea quæ de acquir. rer. dom.*

14 Damni hæc ratio est: Damna in rebus ad communionem pertinentibus, contingencia itidem communia sunt, nisi dolo aut culpa vnius ex sociis contigerunt. Nam socius socio dolo & culpa præstat, *l. cum duob. §. venit. §. damna. l. socius socio. ff. hoc tit.* ubi notandum est, socium suum ob factum quoduis, etiam leuissimam culpam, si culpa in eo sit, sociis præstare debere, *l. qui admittitur. cum l. seqq. l. cum duob. §. quidam. in vers. perinde. pen. ff. hoc tit.* negligentiam vero suam

non præstare, nisi eam, quam in rebus suis non admitteret, *d. l. socius socio. & §. ult. Instit. h. tit.*

Impediorum hæc quoque ratio est, si quid socius omnium bonorum turpiter impendit, ut in alea, aut adulterio, ipsius damnum est, non societatis, & id quanquā finita societate præstat sociis de suo. Idem est si quid necesse habuit præstare, sed ob maleficiū aliquod suum præcedēs, *d. l. cum duob. §. ult. ff. h. tit.* Quod si quid honeste impendit distinguendum est, utrum necesse habuerit impendere, an vero non. Si necesse habuit, damnum societatis est commune, veluti si damnatus sit nulla sua culpa sed iniuria iudicis, *d. l. cum duob. §. ult.* Quod si necesse non fuit, damnum eius solius est, non necessitatis, etiam si ex honesta & probabili causa videatur impendisse, veluti si impenderit in honorem filii sui, qui magistratus creatus est, *l. si societatem 73. ff. hoc tit.* Ex hac distinctione de multis quæstionibus quotidianis iudicari potest.

Socius omnium bonorum se aluit & familiam & liberos, quæro, hos sumtus utrum de communi consequi debeat, an solus agnoscere de suo? Respon. Ex communi consequitur, quia necesse habuit & se & familiam suam alere hoc modo. Quid si filium in studiis aluit? Respon. Si post societatem contractam filios studiis destinauit, qui prius non erant destinati, aut non alebantur in studiis, hos sumtus de suis præstabit. Si autem ante societatem liberi in studiis alebantur, hos sumtus consequitur de communi. Et si enim non necesse habuit filios destinare ab initio studiis, tamen semel destinatos in iis alere cogitur, nisi velit cursum studiorum abrumpere, quod facere non debet. Denique non incoantur negotia necessario, incoata necessario perficiuntur, *l. i. de fideicom.*

Quid si pater socius omnium bonorum filię suę dotem dederit, hi sumtus utrum de communi sumendi sunt, an de portione patris? Resp. De communi, quoniam pater necesse habuit dotare filiã, *l. ceteri. de ritu nupt.* Et hi sumtus multo iustius imputantur societati, quã ii quos socius facere necesse habuit iniuria iudicis condēnatus. Nam hos vere non debuit, dotem autem filiæ præstare debet. Non obstat *l. si socius 81. vbi scriptum est*, dotem a patre filiæ constitutam ita demum de medio sumi, si ita conuenerit. Non enim agitur illic de socio omnium bonorum, sed de quouis socio, quoniam recte respondetur, ita dotem filiæ constitutam sequi debere, si conuenerit illud; in societate omnium bonorum hæc conuentio inesse intelligitur, quoniam ex societate & lucra omnesque obventiones, & itē omnia onera communia esse debent. Dotis a constitutio patris onus est, non volutarium, sed necessariū. Diuersa causa est, si societas simpliciter cœpta sit, ut non adiceretur omnium bonorum. In hac societate placuit solum commune esse, quod ex quæstu, id est, opera sociorum conuenit, veluti ex emtione, locatione, artificio, &c. & ideo quod ad res præsentis sociorum attinet, hæc non communicantur. Futurarū nulla ita coitio est, quæ ex opera sociorum non obueniunt, veluti ex hereditatibus, legatis, fideicommissis, donationibus, *l. corri 7. cum 4. seqq. ff. hoc tit.*

Sed videtur ob stare significatio verborum: proponimus enim, societatem generaliter & simpliciter contractam esse. Placet verbo generali omnes species ei generi subiectas contineri, etiam si expressa non sint, *l. si seruitus. de seru. urb. præd. l. ult. j. quæ res pig. obl.* Hinc effici videbatur societate simpliciter contracta, hoc ipso omnium rerum societatem contractam videri;

eoque de hac societate eadem dicenda esse, quæ de societate nominatim omnium bonorum contracta. Respondeo: Quod dicitur verbo generali omnes species generis comprehensas contineri, tamdiu verum est quamdiu aliud actum non proponatur: semper enim in contractibus sequimur id quod actum est, *l. semper. de reg. iur.* At in societate simpliciter contracta actum intelligitur solum, ut questus & lucrum inde communia sint. Interpretatio huius voluntatis, ducitur ex affectu & proposito communi contrahentium, seu ex more observari solito contrahentium, *l. si libertus ita. ff. de ap. lib. l. si servus plurim. §. ult. de legat. i.*

Sic autem societas contrahi debet, ut lucrum inde fiat, & id commune sit, *l. si non fuerint. ff. h. tit.* Lucrum tamen nihil aliud est, quam questus, id est, quod opera queritur, *l. sed et si. ff. h. b.* Damni in societate hac eadem ratio est, quæ in societate singularum rerum, aut alius negotiationis, quoniam apparet hæc societatem specialem esse, non generalem. Ergo si societas alicuius negotiationis vel alterius rei coita sit, quicquid ex ea negotiatione obuenit, id commune esse debet inter socios; quod extra eam causam singuli socii quæsiuerunt, id ad communionem non pertinet, *d. l. cum duob. §. cum duo. §. §. Papin. quoque. ff. h. b.* De damnis tamen sic ius est: Damna de quibus queritur, aut in rebus communibus seu ad communionem pertinentibus contingunt, aut in re propria cuiusque socii. Damna in rebus communibus contingentia communia sunt, nisi, ut dixi, dolo aut culpa socii contigerint, *d. l. cum duob. §. venit. §. §. damna.* In quo socius interdum etiam leuissimam culpam, etiam in non faciendo politam præstat, quod fit, si rem ex societate æstimatam acceperit. Hæc si furto pereat socius damnum præstat, si casu non præstat, *d. l. cum duob. §. damna.* Damnum hic intelligere debemus, non tantum ubi res quæ sita vel amissa vel corrupta sunt, sed etiam ubi socius querere potuit, & non fecit, hoc etiam præstabit, *d. l. cum duob. §. item mala.*

Damna in rebus propriis socio contingentia hæc sunt, si quid impendit de suo, si qua in re se obligavit, si quid casu amisit. De his sic ius est: Si quid socius impendit in rem communem societatis, commune damnum est, quod ei a sociis præstari debet, *l. pro socio. §. ult. d. l. cum duob. §. si quis ex. ff. h. b.* Idem est, si qua in re se obligavit negotium societatis gerens, veluti, si quid emit in commune, unde pretium debere cœpit, aut si quas res vendidit, ad societatem pertinentes, aut ubi se ad tradendas, aut his traditis, ad emptionem earum rerum sese obstrinxit. Et hoc est, quod dicitur in *l. omne as. ff. h. b.* Omne as alienum, quod manente societate contractum est, de communi soluendum esse. Quod sic accipiendum, si manente societate contractum est, societatis ipsius causa. Nam aliter as alienum contractum societati non imputatur, *l. ius. ff. h. b.* Sed et si quid socius amisit, quod in rem communem societatis versum non sit, si tamen amisit propter societatem, non aliter amissurus, & hoc damnum a sociis agnoscendum est pro portione, *d. l. cum duob. §. quidam. ff. h. b.*

22 Ex his tamen intelligere possumus, quatuor esse, quæ ex obligatione societatis socius socio præstare debet. I. est, si quid socius acquisivit, quod ad communionem societatis pertinet, id sociis communicare debet, *l. adeo. §. ult. l. si quis 74. ff. h. b.* II. Si quid damni dedit in rebus communibus, id sociis sarcire debet. III. Si quid convenit ut faceret, tenetur in hoc ut præster,

d. l. cum duob. §. item mala. IV. Si quid socio abest, id socius agnoscere debet pro portione, si ex aliqua causa earum abest, de quibus supra dixi. Atque hæc damni, obventionum, & lucri ac rerum communio est, ex omni societate.

Sequens quaestio est, tamen pro quibus partibus hæc inter socios communicari debeant, utrum ex æquis, an ex inæqualibus? Et si ex inæqualibus, ex quibus? de quo in *d. l. si non fuerint, §. in instit. in pr. §. 2. seqq. eod.* Summa hæc est: Si de partibus damni & lucri nihil aperte convenit, æquales servantur: si convenit ut inæquales essent, queritur an conventio servanda sit? distinguitur utrum convenit, ut unus plus lucri ferret, an vero ut solus ferret lucrum: Si ut plus lucri, conventio servanda est, sed hac lege, dum ipse in societatem plus conferat vel pecunia vel operæ, vel alicuius alius rei. Quod si convenit, ut solus lucrum ferret, alter autem socius damnum, aut partem, conventio facit, ut nulla sit societas. Hæc quæ ita præstanda, & pro his partibus esse dixi, consequitur socius a socio, actione propria, quæ dicitur actio societatis *l. 2. h. b.* quia ex societate nascitur, sed proprio vocabulo in usu dicitur, actio pro socio, *l. ut si pro socio, l. pro socio. ff. h. b. l. tamdiu. in si. h. tit. §. in tit. pro socio.* Non adiiicitur, vel contra, ut in titulo depositi, commodati, mandati, quia ex illis contractibus nascuntur actiones directæ & contrariæ. Pro socio actio ex utraque parte sociorum directa est, *§. ex quibusdam. Instit. de poen. tem. litig.*

Huius actionis tamen duo sunt propria. Unum, quod ex hac actione damnatus sit infamis, *l. 1. §. pro socio. de his qui not. infam.* Alterum, quod socius socio hoc iudicio damnetur in id solum: quod facere potest, non tantum si sint socii omnium bonorum, sed etiam si unius rei, *l. sunt qui. ff. de re iud. l. verum.* ubi hic locus pluribus explicatur *ff. hac tit.* Sed tamdiu ea communio durat, quoad societas finiatur: finitur autem certis modis, de quibus in §. soluitur. *Instit. eod.*

Ad L. 1. Societatem.

Impm. Dioclet. & Maxim. Augusti & CC. Aurelio. Societatem, uno pecuniam conferente, alio operam, posse contrahi, magis obtinuit.

S Y M M A R I A.

- 1 Societas hæc, ut unus pecuniam, alter operam conferret, an valeat.
- 2 Opera pro pecunia valet, & interdum pluri est, quam pecunia.
- 3 In divisione societatis opera & pecunia, an socius qui pecuniam contulit, hanc ante omnia præcipere debeatur, & quod reliquum est, inter socios dividi.

SEMPER constitit inter omnes iuris auctores societatem nullam esse, nisi cum pariter socii, in societatem aliquid conferunt, *l. si non fuerint. ff. h. tit.* Hinc tamen olim dubitatum est, an huiusmodi societas valeret, cum duo societatem alicuius negotiationis ita coierunt, ut unus pecuniam conferret, unde merces emerentur, & negotiatio exerceretur, & alter tantum conferret operam, quia proficisceretur ad merces emendas, emeret & venderet, ut sic deinde lucrum commune esset: Dubitatio ex eo est, quod unus tantum pecuniam confert, alter non confert, & obrinuit, societatem valere, *§. nam & ita. Instit. h. tit.* Non obstat, quod unus pecuniam non confert, & non est societas, nisi ubi pariter aliquid confertur in societatem. Nam tamen opera pro pecunia valet, & interdum pluri est opera, quam pecunia, *d. §. nam & ita.* Hic

Hic eleganter queritur, † utrum in diuisione huius societatis & similium, socius qui pecuniam contulit, hanc ante omnia præcipere debeat, & quod reliquum est inter socios diuidi? Anceps quaestio est: Non defuit ratio Ioanni, cuius sententiam hic Accursius refert, & sequitur, ut putaret eum, qui pecuniam contulit, eam pecuniam deducere non posse, sed eam communem esse inter socios, quod suaderi possit videri hisce argumentis. I. Quod societatis est, id inter socios commune esse debet, *l. cum duob. §. cum duo. §. Papin. ff. hoc tit.* At pecunia hæc in societatem collata, societatis est. Debet ergo sociorum esse communis, non vni tantum restitui. Maiorem etiam speciem habet hæc ratio: Non debet in hac societate meliori conditione esse is, qui pecuniam contulit, quam is qui operam confert, quoniam opera pro pecunia valet, & saepe pretiosior est, *§. 1. & 2. Inst. h.* At in diuisione huius societatis, socius qui operam suam contulit, non deducit operam; Ergo nec alter socius deducere debet pecuniam, sed pecuniam cum opera compensare, ut æqualitas inter hos socios conseruetur.

Sed verius est, quod Bartolus putat, & quæ est sententia plurium, eum qui pecuniam contulit in hanc societatem, ante omnia in diuisione societatis pecuniam deducere debere. Eiusque rei hoc argumentum est: Quod pecunia in societatem collata est nominatim hac lege, ut lucrum commune esset, *d. §. nam & ita. Inst. h. tit.* Hoc ipso, quod nominatim conuenit, ut lucrum commune esset, intelligitur actum esse, ne pecunia in societatem collata esset communis. Quoties ex duabus rebus nobis aliquid simpliciter cauemus, de altera ommissa, non solum nihil cautum est, sed & contrarium cautum intelligitur, *l. si cum dotem. in pr. ff. sol. matrim. l. commodissime. de liber. & posthum.* Item quoties in pluribus rebus nominatim de quibusdam aliquid excipitur, hoc ipso de ceteris exceptum & prohibitum intelligitur, *l. maritus. 3. de proc.* Hic sunt duæ res pecunia & lucrum perceptum, sed nominatim tantum cautum est de lucro, & id concessum, ut id commune esset. Ergo de pecunia, de qua nihil cautum est, hoc ipsum actum intelligitur, ne esset communis. Hæc sententia probatur ex *d. l. cum duob. §. si coeunda. ff. h.* ubi vnus ex sociis dedit pecuniam pascendum, vel agrum colendum alii, querendis in commune fructibus. In hac specie & pecus & ager manet eius, cuius prius fuerant, neque communicantur. Id colligitur ex eo, quod illic dicitur, pastorem, cultorem vel locum debere in iis rebus præstare culpam, ergo res non sunt eius: nam a domino non exigitur culpa in rebus suis, *l. etiam. §. 1. sol. mat.* Et notandum ibi est, exigia socio culpam in toto pecore & in toto agro. Nam ibidem in fin. subiicitur: *Sociam quoque culpam præstare debere, si rei communi nocuerit.* Ergo prius de re non communi actum erat.

Quidam etiam hoc argumento, sed parum firmo, vtuntur: nam in societate & damnum & lucrum commune esse debet, *Inst. in pr. h.* At si hæc pecunia communis est, socius qui pecuniam non contulit, lucrum facit, & de ea pecunia nihil amittit, quia ab eo profecta non est. Is autem qui contulit, partem amittit, alteram autem partem non lucratur, quia ab eo profecta erat. Sed hoc argumentum facile diluitur, sic, cum dicimus: Non ideo effici damnum, & lucrum hoc commune non esse: nam opera compensatur cum pecunia, et si is, qui pecuniam contulit, partem pecuniæ communicat socio, is vicissim partem operæ

accipit ab altero, ut hic æqualitas lucri & damni efficiatur. Satis ergo erunt rationes superiores duæ, quibus efficitur pecuniam hanc ante omnia deduci debere in diuisione societatis.

Non obstat, quod quæ societatis erunt, ea communia inter eos esse debeant: nam pecunia, quæ in hanc societatem confertur, non est societatis. Non enim confertur, ut sit communis sociorum, sed ut ex ea negotiatio exerceri possit, ad lucrum faciendum, quod deinde commune sit. Non obstat, quod socius, qui operam contulit, non deducit operam suam: multum enim inter pecuniam & operam creditam interest, pecunia reddi potest: redditur enim ea, quæ tantundem præstat: at opera simul atque præstita statim euanescit, nec est in rerum natura ea opera, quæ reddatur: pretium operæ reddi potest, sed hoc pretium ideo deduci non debet a socio, quia nec socius, qui operam contulit, deducit vsum pecuniæ suæ, solum repetit sortem, vsuras seu vsum pecuniæ suæ, solum repetit. Ergo & vsum operæ cum vsum pecuniæ non repetit. Ergo & illud socio operanti sufficere debet, quod lucrum capit ex negotiatione, quod lucrum facturus non erat sine pecunia socii.

Ad L. 5. Tamdiu.

Impp Dioclet. & Maxim. AA. & CC. Theodoro.

Tamdiu societas durat, quamdiu consensus partium integer perseverat. Proinde si iam tibi pro socio nata est actio: eam inferre apud eum, cuius super ea re notio est, non prohiberis.

SUMMARIA.

- 1 Societas quamdiu duret, & quando finiatur, quotque modis. nu. 2.
- 3 Societati an ante tempus renuntiari possit, & renuntiationis iusta causa quæ sint.
- 4 Mutatione voluntatis quomodo societas dissoluatur.
- 5 Casu quomodo dissoluatur societas.
- 6 Heres mortuo vno ex sociis in societatem non succedit.
- 7 Bona quot modis amittantur.
- 8 Maxima capitis diminutio quæ sit.
- 9 Media item quæ?
- 10 Cessione bonorum quomodo societas soluitur.
- 11 Minima capitis diminutio quæ sit.
- 12 Tempore & morte cur finiatur societas.
- 13 Societas an finiatur vnus socii renuntiatione.
- 14 Societas an renuntiatione & morte ita finiatur; ut quamuis contra conuenerit, tamen nihil obstat, quo minus dissoluatur.
- 15 Societas an morte vnus socii soluitur.
- 16 Actione pro socio quando agi possit: & quando eadem soluitur, & an agi possit manente societate.

Hic duo capita attinguntur: vnum de societate finienda, quando finiatur: alterum, quando actio pro socio agi possit. De societate finienda hæc definitio est. Tamdiu † durat societas, quamdiu consensus partium integer perseverat. Hac definitione duæ sententiæ continentur: vna est, quæ iis verbis exprimitur: altera est, quæ hinc colligitur per contrarium: Societatem finire, ubi consensus partium mutatus sit. Vtraque sententia non recte concepta est, ut videtur: nam posterior loquitur de consensu partium, quasi in societate necesse sit interuenire consensum omnium sociorum, cum constet vnus dissensu & voluntate societatem finire: prior etiam sententia videtur aperte falsa esse. Nam mortuo vno ex sociis etiam si ceterorum integer consensus perseveret, non tamen durat societas ut hic dicitur, sed finitur: item si vnus

ex sociis bona sua amiserit, quamvis manente sociorum omnium eodem consensu, finitur tamen societas, non autem durat, ut hic dicitur, §. *soluitur. Instit. h.*

Ut autem hic locus pateat, non tantum pertinet ad interpretationem totius societatis, de qua hic agitur; sed etiam ad explicationem huius loci recte intelligendam, quibus modis societas solvatur, & quam recte ius id constitutum sit, quod plerisque in rebus iuri communi aduersari videatur, & certis preceptis iuris.

- 2 Societas † dissolvitur aut noua voluntate, aut sine noua voluntate casu. Voluntate dissolvitur non tantum omnium sociorum, sed etiam vnus solius, quod contingit aut renuntiatione, aut facto aliquo mutationem significante. Renuntiatione etiam vnus socii soluitur societas, quamvis inter plures socios contracta sit, idque inuitis ceteris, *l. verum. §. ult. in fin. ff. h. §. manet. Instit. hic.* Idque vsque eo placuit, ut quamvis nominatim conuenerit inter socios, ut societas perpetuo duraret, aut ne liceret a societate resilire inuitis ceteris; tamen nihilominus socius societati renuntiare potest, quia nulla eiusmodi conuentio est, qua socii teneantur, *l. nulla. ff. hoc tit.* Non † obstat, quod dicitur in *l. 1. ff. eod.* societatem etiam in perpetuum coiri posse. Hoc enim ad propositum & conuentionem sociorum contrahentium referendum est, qui ita coierunt inter se; non autem ad effectum iuris, quoniam nemo ex sociis tenetur iure huic conuentioni stare, sed tantum renuntiatione vnus soluitur societas, nisi ad certum tempus societas coita sit, tunc enim ante tempus renuntiare non potest, nisi ex iusta admodum causa, *l. actione. §. item. ff. h. l. item qui. §. ult. ff. hic.*

Iustæ causæ quæ sint, dicitur in *l. si conuenerit. in fin. §. 2. ll. seqq. ff. eod.* Huius autem exceptionis ratio est, quia cum nominatim ad certum tempus coitur societas, apparet eius temporis quæsitam esse opportunitatem, & utilitatem, unde ante id tempus intempestiue renuntiat, *d. l. si conuen. ff. h.* Sed et si simpliciter societas coita sit, placet inutiliter renuntiare, si intempestiue renuntiat. Inutiliter quidem renuntiat, quia si quid acquirat, id in commune redigere debebat, ac ceteris sociis utiliter communicare, iam ceteri si quid acquirant, renuntianti communicare non debent, *l. actione. §. d. ximus. ff. h. §. manet. Instit. hic.* Quibus in locis etiam explicatur, quid sit hoc intempestiue renuntiare.

- 4 Factum † socii mutationem voluntatis significat, eoq; hoc facto societas dissolvitur, ut dissolueretur aperta mutatione voluntatis, cum vnus ex sociis vel stipulatione vel iudicio causam societatis mutauit, ut est in *d. l. actione. in pr. eod.* id est, in summa, cum socius actionem pro socio nouauit, vel stipulatione, vel nouationis animo sibi stipulando, quod ex societatis causa debebatur, quomodo obligatio nouatur, *l. 1. de Nou.* non autem iudicio ita agendo pro socio, ut alius pro reo iudicium suscipiat: nam & alius iudicium pro debitore accipiendo eum liberat, transferendo in se actionem, *l. solutionem. ff. sol.* Hac nouatione declarat socius se a societate discedere velle, quia effectum societatis tollendo, etiā causam, id est, societatem tollere videtur. Item etiam si vnus ex sociis cum socio agat diuidendæ societatis causa, *d. l. actione. vers. 2.* Eiusdem generis factum est, cum socii separatim agere incipiunt & sibi negotiari, cum prius in commune negotiarentur, & quæ sita in communem ar-

cam conferrent, *l. itaque. ff. hoc titulo.* Casu † dissolvitur societas, sine alia noua voluntate, aut tempore, aut morte vnus ex sociis, aut bonorum vnus amissione. Tempore societas dissolvitur, cum societas ab initio ad tempus contracta est. Nam finito tempore & societas finitur, *l. actione. §. item qui. in fin. ff. hoc tit.* Item cum societas vnus rei coita est, negotio transacto finitur societas sua sponte, *d. l. actione. §. item is. §. soluitur. vers. item si. Instit. hic.* Morte etiam vnus ex sociis, dissolvitur societas, *d. l. actione. §. morte. ff. h. §. soluitur. Instit. hic.* Vnde intelligimus, mortuo vno ex sociis, heredem eius † in societatem non succedere, *6 d. §. morte. Instit. h.* præterquam in societatibus publicorum vectigalium, *l. adeo. ff. h.* Et adeo verum est, heredem defuncto socio in societatem non succedere, ut ne tunc succedat, si nominatim conuenit, in coeunda societate, ut heredes in societatem venirent, *l. nemo. §. adeo. ff. hoc tit.* si tamen heres socii defuncti certum negotium attigit, hætenus tenetur reliquis sociis, ut bonam fidem agnoscat, *d. l. nemo. ff. h.*

Bonorum etiam amissione vnus ex sociis, soluitur societas, quocunque modo bona omnia amissa sint. Tribus autem modis accidit, ut bona † alicuius 7 amittantur: capitis diminutione maxima, & media, cessione bonorum, quæ distractio secuta sit. Vnde placet totidē etiam modis societatem finiri. Finitur igitur societas capitis diminutione socii maximā, *l. verū. §. ult. ff. h.* Est autē † maxima, cum quis vel facto suo, vel 8 damnatione in seruitutē redigitur, §. *maxima. Inst. de cap. dim.* Qui hoc modo capite minutus est, si damnatione minutus sit, bona eius omnia publicantur, *l. 1. de bon. damn. l. eius. §. 1. ff. qui test. fac.* si sine damnatione, tamen hoc ipso, quod quis seruus efficitur, bona eius omnia domino acquiruntur, nec quicquam suum proprium habere potest, §. *item nobis. Inst. per quas pers.* Bene ergo dicimus hoc modo societatem finiri.

Solvitur item societas capitis diminutione media, *d. l. verum. §. ult.* Est autem † media, cum quis depor- 9 tatus est in insulam, §. *media. Inst. h. t.* Hoc autem modo itidem bona omnia damnati publicantur, *d. l. 1. ff. de bon. damn. d. l. eius. §. 1. qui test. facere pos.* Et hoc est, quod alibi dicitur, societatem solui bonorum publicatione, *l. actione. §. publicat. ff. h. §. soluitur. vers. public.* *Inst. h.* Et ob hanc causam alterum pro altero usurpauit Vlpianus. Nam cum in *d. l. verum. §. ult.* dixisset: Societatem solui inter cetera, capitis diminutione maxima vel media, nec vllam mentionem fecisset publicationis bonorum, tamen non dubitauit dicere in *d. l. actione. §. public.* publicatione etiam societatem finiri supra dixi. Vbi autem dixi? tunc, cum dixi finiri capitis diminutione maxima & media.

Cessione † bonorum soluitur societas, cum & 10 bona a creditoribus distracta sunt, §. *soluitur. Instit. h.* quia nec ante amittuntur bona, quam creditoribus distracta sunt, *l. 3. de cess. bon.* Minima capitis diminutione bona non amittuntur, & ob hanc causam nec societas hac diminutione soluitur. Minima † autem 11 est, cum is, qui sui iuris erat, subiicitur alterius iuri per arrogationem, aut is, qui in potestate erat, sui iuris esse incipit, per emancipationem, §. *minima. Instit. h.* His modis societas non soluitur, *d. l. actione. §. societas. ff. h.* quia his modis bona non amittuntur. Etsi enim arrogatus se & sua in potestatem patris arrogatoris transfert, *l. qui ex liberis. §. vltim. de b. p. secundum tabul.* non ideo tamen transferendo amittit, sed

sed potius confirmat collocando apud patrem, quo mortuo ea recepturus est, patri succedendo, quin imo & viuo patre quodammodo dominus bonorum paternorum esse intelligitur, *l. in suis, de lib. & posth.*

Ex his apparet, quod significatur hic, *Societatem non durare, sed finiri, cum consensus partium non perseverat in re*, & recte dici, dummodo partium sic intelligamus non tantum omnium sociorum, sed etiam singulorum, seu vnus partis, quoniam vnus etiam partis dissensu dissolvitur societas. Quod autem hic definitur tamdiu societas durare, quamdiu partium consensus perseverat, falsum videri potest, cum morte vnus ex sociis finiatur societas, quamvis is maxime voluerit societatem ad heredem suum transferri, & ipse mortuus sit aliis sociis ignorantibus, qui proinde consensum & voluntatem in societate aut ignorarunt, aut mutare non potuerunt. Sed nihil est verius, quam societatem tamdiu durare, quamdiu consensus partium perseverat, nec aliter solui, quam dissensu & mutata voluntate sociorum, quod intelligitur ratione cognita, quamobrem tempore mortis vnus ex sociis, aut vnus bonorum amissione societas dissolvatur.

12 Tempore soluitur, † quia cum societas ad tempus contracta est, aperte post id tempus cessat voluntas contrahentium: sed & morte vnus soluitur societas ob hanc causam, quia actus est id ab initio societatis. Nam ut recte dicitur *in d. §. soluitur, Inst. h.* Qui socium eligit, certam personam eligit propter diligentiam, industriam & fidem eius. Vnde persona sublata, hic animus est sociorum, ut nolint sibi societatem cum alio contrahi. Sed etsi plures eorum sint, tamen eorum animus est, ne perseveret societas, ut eo sublato nolint societatem manere. Vlp. quidem *in l. verum, §. ult. D. h.* ideo dicitur morte finiri societatem, quia persona morte interit, sed hæc ratio per se sola infirma est, & minime idonea, nam etsi pendente tempore conductor aut locator decesserit, interit quidem persona, sed ideo non finitur conductio, sed heres in locationem & conductio nem eodem iure succedit, *§. ult. Inst. de loca.* Præterea mortuo defuncto, personam interire non vsq; quaq; verum est: nam defunctus habet heredem, qui eadem cum defuncto persona esse videtur, *Novell. de iur. a mort. præst.* Et certum ius est, heredem succedere in ius defuncti eiusq; locum, *l. quædam, §. 1. D. h.*

Veræ est ut dixi ratio quæ redditur *in §. soluitur.* Eadem ratione societas soluitur amissione bonorum vnus ex sociis, quia id ipsum actum est inter socios, & hic animus est sociorum, ut hoc modo solvatur societas. Nam qui socium eligit, certam personam, ut dixi, eligit idoneam, non tantum ab industria & fide, sed etiam a facultatibus, primo ut socius facilius res expedire possit, cum habet facultates quibus res expediret, secundo si quid socius socio debere cæpit, id sociis præstet, ut sint inter socios damna & commoda communia, quod præstare non potest is socius, qui bona omnia amisit.

Sed si hæc ita sunt, cur non dicimus societatem vno modo finiri, nempe voluntate sociorum, aut vnus ex sociis mutato? Resp. Quia interdum sola voluntate dissolvitur societas. In iis autem modis in quib. dixi casu & eventu dissolui, dissolvitur quidem societas voluntate, sed sub conditione, si aliquis casus inciderit ex his quos dixi, id est, si tempore finita sit, si mors vnus intervenierit, aut vnus ex sociis bonorum amissio. Vnde iis modis tanquam ex causa societatem finiri dicimus, ad quos modos oportet referri capitis di-

minutionem maximam, mediâ & cessione bonorum siue egestatem, de quibus *in l. 4. §. 1. l. verum, §. ult. l. actione, §. public. D. h.*

In iis modis possumus observare quædam singularia, quæ quoniam videntur pugnare cum iure communi & certa æquitate, ideo paucis eorum ratio attingenda est. I. Hoc dicimus † societatem finiri etiam vnus socii renuntiatione. Contraria est reg. iuris, qua placet, constitutæ semel obligationi renuntiare neminem posse invito aduersario, *l. sicut, §. de obl. & act. Respon.* Nihil est verius quàm in vniversum neminem posse renuntiare constitutæ obligationi; alioqui obligatio non esset necessitas soluendi. Sed in societate nemo obligatur in futurum ad hoc, ut in societate invitatus perseveret. Hoc diuersum est in reliquis contractibus, ut in locatione & conductione, quæ si ad quinquennium, aut decem annos contracta sit, non licet ante id tempus renuntiare, & si mortuus sit vnus ex contrahentibus, nihilominus heres in eandem obligationem succedit, eademq; in ceteris contractibus est ratio. Sed proprium hoc est societatis & mandati, ut vnus voluntate renuntietur obligationi in præteritum contractæ. In societate hæc ratio est, quia societas est beneficium, non contrahitur societas, ut vnus socii industria, opera aut facultatibus aliorum sociorum facultates augeantur, & vna eius socii, qui beneficium præstat. Aut ergo is qui societati renuntiat beneficium dat sociis, aut a sociis beneficium accipit: Si dat, potest renuntiare societati quando vult, cum æquum sit vnumquemque tamdiu beneficio nostro uti quamdiu volumus, & ut liceat reuocare id, cum mutaverimus voluntatem, *l. 2. de proc.* Quod si ab aliis sociis beneficium accipit, tanto magis potest societati renuntiare, quia vnicuique licet renuntiare iis, quæ pro se introducta sunt, *leg. penultim. supr. de pact.* II. Dicimus † renuntiatione & morte ita finiri societatem, ut quamvis contra conuenerit, tamē nihil obstat, quo minus societas dissolvatur, *l. nemo potest, l. nulla, D. eo.* Hoc pugnat cum edicto de pactis, quo prætor vult pacta seruanda esse. Sed præcipue pugnare videtur cum æquitate & natura societatis. Nam societas est contractus bonæ fidei, *§. actum, Inst. h.* Nihil magis bonæ fidei conuenit quàm quæ in contrahendo placuerunt, seruare, *l. ex empt. in pr. de act. emt.* Resp. Imo repugnat edicto prætoris & naturæ societatis huiusmodi pactionem seruare, quæ efficitur ne a societate discedere liceat. Nam quod dicitur pacta seruanda esse, hæc exceptionem habet, ex eodem edicto, nisi pacta sint contra ius. At eiusmodi conuentio, ne liceat discedere a societate, contra ius est, quia est contra naturam & ius societatis. Nam societas contrahitur amicitie & fraternitatis inuendæ gratia, *d. l. verum in pr. D. h.* Proinde repugnat naturæ, quicquam fieri aut admitti in societate, quod pertineat ad tuendas discordias inter socios. At materia communionis discordias solet excitare inter non consentientes, ut Pap. scribit *in l. cū pr. §. dñtiff. de leg. secund.* Quare aperte pugnat cum natura societatis, socios inuitos cogi, ut maneant in communionem, aut ut suscipiant societatem cum his quos aperte non elegerunt.

Postremo dicimus † morte vnus socii solui societatem. Hoc pugnat cum certo iure tradito de iure hereditum. Nam heredes succedunt in commoda & incommoda omnia defuncti, eoq; & in defuncti obligationem, *l. 1. 2. 3. de bon. poss. secund. tab. l. qui in ius de reg. iur. §. ult. Inst. h.* Resp. Quod placet heredem succedere in eandem obligationem & eadem onera defuncti, hæc tamen verum est, nisi ius

de quo agitur, personale sit. Nam quod persona defuncti cohereret, id non transit ad heredes, *l. non solum* 2. §. *voluntate, de libe. leg.* Hæc de modis, quibus societas soluitur.

16 Alterum caput hoc est: Quando ꝑ actione pro socio agi possit? Et dicitur agi posse cum actio pro socio nata est. Hic quaeritur, quando nascatur actio pro socio & utrum nascatur & agi possit manente societate. Dubitatio oritur ex *l. actione, §. nunquam, D. h.* ubi significari videtur non posse agi pro socio, manente societate, præterquam in societate vectigalium. Unde intelligimus, nec eam actionem tunc nasci: nam cum nata est actio, tunc agi potest, *leg. cedere, de verb. signific.* Rursum ex aliis locis apparet & manente societate actionem pro socio nasci, & eodem tempore agi posse. Res sic habet: Statim actio pro socio nascitur, cum primum socius socio aliquid ex ratione & causa societatis debere coeperit. Primum, cum socius societati nocuit, aut quid amovit, *l. rei communis, l. sed nihilominus, cum l. seq. D. h.* II. Si ad socium aliquid peruenit ex rebus aut commodis societatis, ut si fructus rerum communium percepit, si pretium rei communis diuenditæ accepit, *l. pro socio, §. ultim.* III. Si quid socio abest, dum aut rem communem impendit, aut quid propter societatem de suo amittit, id reliqui socii pro parte agnoscere debent, *d. leg. pro socio, §. ult. l. cum duobus, §. quidam, D. h.* Postremo si quid conuenerit, ut socius faceret, nisi fecerit, statim cum eo pro socio actio nascitur, & agi potest, *d. l. cum duobus, §. item Mela, l. 69. l. duo socii, D. eod.* Hæ actiones non possunt nasci, nisi manente societate, *d. l. actione, §. si post distractam, D. h.*

Sed & noua actione statim agi potest, *d. l. cedere, de verb. signific.* Quo fit, ut manente societate, & nascatur actio pro socio, & etiã ex actione agi possit. Non obstat, quod dicitur in *d. l. actione, §. namque, D. h.* manente societate agi potest, ut incipiat & nasci actio, & agi posse: sed non potest pro socio actione agi manente in posterum societate, id est, ita agi, ut post actionem societas maneat, quia actione pro societate instituta, tacita renuntiatione soluitur societas, *d. l. actione, vers. 2.* Est autem hæc sententia, *d. §. nonnunquam.* Nam quod ibi dicitur, societate vectigalium manente pro socio agi posse, significat ita agi posse, ut nihilominus societas vectigalis postea maneat, ut sequentia verba eius loci declarant.

Denique in actione pro socio, cū ea agitur, idem accidit, quod tunc, cum quis exhalat animam, seu cum quis moritur. Nam nemo moritur nisi adhuc viuus seu manente adhuc vita, id est, ita ut post mortem adhuc vita maneat. Hinc intelligere licet, perperam apud Accursium hoc loco comparari actionem pro socio actioni tutelæ, quia actio tutelæ non nascitur, multoq; minus ea actione agi potest constanter tutela, sed solum finita tutela, *l. nisi finita l. si tutor, 9. §. si testamento & §. ult. cum l. seq. D. de tut. & rat. distract.* Quotum utrumque in actione pro socio fieri ostendimus.

Ad L. Penult.

Imper. Iustin. A. Ioanni P.P.

De societate apud veteres dubitatum est, si sub conditione contrahi potest: puta si ille consul fuerit, societatem esse contractam. Sed ne simili modo apud posteritatem fiat apud antiquitatem, huiusmodi causa veniunt: sancimus societatem contrahi posse, non solum pure, sed etiam

sub conditione. Voluntates etenim legitime contrahentium omnimodo conseruanda sunt.

S Y M M A R I V M.

i Societas an sub conditione contrahi possit & an sub die, & in diem.

Hic constituitur ꝑ societatem sub conditione contrahi posse. Hoc modo, Placet ut inter nos societas constituta sit vel omnium bonorum, vel illius negotiationis, si nauis venerit ex Asia: Cuius conventionis hæc vis erit, ut antequam nauis ex Asia veniat, nulla sit societas, postquam autem nauis venerit, id est, completa conditio sit, societas contrahatur. Idem scriptum est in *l. 1. in pr. D. h.* Sed addit Iustinianus, ideo se id constituere, quod veteres de eo dubitauerint. Contrarium est in *d. l. 1. D. h.* ubi sine hesitatione idem definitur. Respondeo, Definitio *l. 1. D. eod.* est Pauli, Paulus non est omnes veteres. Nihil prohibet quosdam ex veteribus pro certo habuisse, societatem sub conditione contrahi, quo in numero fuit Paulus, & alios dissensisse. Hic Iustinianus cum dicit, veteres dubitasse, significat quosdam dubitasse, non omnes: Sed videtur stultum esse de eo dubitare, ac proinde stultum etiam de eo constituere hanc legem, ut vel nulli veteres dubitauerint, vel si qui dubitauerint iustissime eorum dubitatio stulta contemni potuerit & debuerit. Nam ut placeat societatem, vel in diem contrahi, vel sub conditione, hoc totum ex placito & consensu est. Quibus autem in contractibus seruare oportet consensum, seu id quod placuit inter contrahentes, maxime seruare oportuit in iis contractibus, qui consensu fiunt, quo ex genere est societas. Ergo in societate præcipue constare oportebat hanc posse contrahi sub conditione. Idem semper constitit inter veteres, stipulationem, quæ non solo consensu fit, sed verbis; tamen & in diem & sub conditione contrahi posse, *§. omnes. Instit. de verb. obl.* Item & mutuum, quod re contrahitur, conditionem recipit inter omnes veteres, *l. omnia, si cert. pet.* Multo ergo iustius societas & conditionem recipere debuit, ut stultissimum fuerit de eo dubitare.

Respondeo, si nihil aliud in societate obstat, si ne dubio maxime constare oporteret societatem sub conditione contrahi posse. Sed est aliquid proprium societatis, ex quo dubitandi causa nascitur, quæ & dubitatio hodie subest, & ob hanc causam etiã hic diluenda est. Scieridum est autem ceteras obligationes sub conditione contractas, veluti stipulationem, autem tionem, ita fere contrahi, ut vnus ex contrahentibus adhuc pendente conditione non possit ei obligationi renuntiare, sed conditione existente, tam obligetur, quam si obligatio pure ab initio contracta esset, *l. necessario. D. de proc. & cond. rei vend. l. potior, in fin. qui pot. in pign.* Hoc in societate sub conditione contracta aliter fit. Nam si iam plene societati contracte renuntiare licet, ut licet, multo magis licet, renuntiare futuræ & nondum plene contractæ, pendente conditione. Hinc dubitandi causa: Sic enim licet ratiocinari: Nulla est obligatio, ubi est in potestate debitoris an obligetur an nō, *l. sub hac, de obl. & actio.* At cum societas sub conditione contracta est, est in potestate socii, pendente conditione efficere, ne in posterum obligetur, renuntians obligationi futuræ: Proinde societas & obligatio societatis huiusmodi contracta nulla est.

Respondeo, falsum est, nullam esse obligationem, quoties

quoties est in potestate debitoris, ne obligetur: Nam si mihi promiseris sub conditione, si in capitolium non ascenderis, est in potestate tua efficere, ne obligeris nempe capitolium ascendendo. Et tamen stipulationem valere constat, *l. ita stipulatus, vers. sed est, & deinceps, de verb. obligat.* Sed tunc obligatio nulla est, cum nominatim & expressa conditione confertur obligatio in debitoris voluntatem, cum ita promittit, si volet, idque est quod dicitur in *leg. sub hac, de obligat. & actio.* Quid ergo interest utrum quis promittat decem, si volet, an vero decem, si in capitolium non ascenderit, cum etiam ex posteriore conditione non sit debitorus 10. nisi velit? Respon. Hæc causa est, quia in prioris conditio si vola, exprimitur. In posteriore autem promissione intelligitur, non exprimitur. Expressa nocent, non expressa non nocent iuxta regulam iuris *l. nunquam, de cond. & demonstr. l. expresse, de reg. iur.* cuius differentia ratio hæc quoque est, quia cum quis promittit expressa conditione si volet, non aliter obligabitur, quam si dixerit se velle, *l. si in lege, de cond. & demonstr.* At ubi hæc conditio non exprimitur, veluti cum socio licet renuntiare societati, societas contrahitur conditione adiecta existente, etiam si socius non dixit, se velle manere in prioris conventionem,

Dicitur † hic societatem recte contrahi sub conditione, cur non adiecit Iustinianus etiam contrahi posse ex die seu in diem, cum constet etiam hoc modo societatem contrahi posse, *l. i. D. hic.* Respondeo: Eo factum est, quia nemo veterum dubitavit, quin recte ita contraheretur societas. Iustinianus autem dubitationem veterum in hoc genere eximere voluit. Ratio manifesta est, quia ubi in diem contrahitur societas, statim contrahitur obligatio, ut non sit conventio inutilis, tamen si actio in diem differatur, ut est definitio obligationum in diem contractarum, *§. in diem, Inst. de verb. oblig. l. centesimus, in pr. de verb. oblig.* Sed diligenter notandum est societatem ex die seu ex tempore non contrahi eodem modo ut stipulatio in diem contrahitur. Nam stipulatio in diem est, cum quis promittit Calendis, vel ex Calendis, vel post Calendas, vel post duos vel tres annos, *d. §. in diem, Inst. de verb. obi.*

Non sic societas in diem contrahi potest, ut puta, placuit inter socios futuros, ut societas inter eos contracta esset post duos menses, vel annum, vel Calendis, vel ex calendis. Hic societas non contrahitur in diem, quoniam placet, ut ante diem nulla sit societas, ex quo evenit, ut ante diem nulla sit societatis obligatio, ubi nulla societas est. Iam autem dixi obligationem ex die esse, cum præsens obligatio est, sed petitio differtur in diem, *d. l. centes.* Ergo meminimus societatem in diem, seu ex tempore ita contrahi, cum placet inter socios, ut iam nunc societas contracta sit, sed hac lege, ut damni & lucri communium differatur in certum tempus, vel quod idem est ea lege, ut socius sociis nihil præstare debeat, nisi ex Calendis, seu certo alio tempore. Hoc enim conventionem futurum est, ut præsens sit obligatio, actio autem pro socio in certum diem differatur, in quo genere societatis etiam ante diem societati renuntiari potest, neque tamen ante diem pro socio agi poterit.

Ad L. ultimam.

Imp. Diocl. & Maxim. AA. Ioanni P. P.

Sancimus, veterum dubitatione remota, licentiam

habere furiosi curatorem dissolvere, si malaverit, societatem furiosi, & socius licere ei renuntiare. Et quemadmodum in omnibus contractibus aliis legitimam auctoritatem ei dedimus, ita & in hac parte eum permittimus competenter commodis furiosi providere. Dat. (P. post consultat. Lamp. & Orest.

S V M M A R I V M.

1 Societati cum furioso contractæ an curator furiosi renuntiare possit & contra.

Quæsitum est, † an societati cum furioso contractæ curator furiosi renuntiare possit, & contra, an socii furiosi renuntiare possint societatem curatori furiosi? Et merito quæsitum est, ac secundum regulas iuris veteres non potuit curator hic societati renuntiare: nam renuntiatione soluitur societas, sed ita, si socius renuntiet, vel alius voluntate socii, puta procurator eius *l. actione, §. renuntiare. D. h.* At cum curator furiosi renuntiat societati furiosi, socius non renuntiat, quia curator socius non est, nec voluntate socii renuntiat, quia non est procurator eius & voluntate furiosi constitutus, præterea voluntas furiosi nulla est *l. furiosi, de reg. iur.* Et cōsequens erat, ut ante hereditatem constitutā, aut non possit curator renuntiare huic societati, aut iustissime de eo dubitaretur, an possit? Ob hæc causam res decisa est hac lege, quia placet curatorem furiosi, posse renuntiare societati cum furioso contractæ. Non obstat, quod curator socius non est. Nam hac lege illi tribuitur, ut pro socio esse videatur. Iubetur enim pro domino esse, in quo intelligere possumus ius idem tribui curatori furiosi, quod iure cōmuni tribuitur tutori, tutorque tutelā administrat pro domino habetur, *l. tutor, qui tutel. ff. de admin. tut.* Non eadē fuit potestas curatorum omnium. At hanc tribuitur curatori furiosi Iustin. h. l. Sed hoc cōstituendo prius cōstituit, societatem cum furioso constitutam esse posse. Hoc autem fieri posse non videtur, quemadmodum non recipitur testamentum, quod nullum est, *l. §. de lib. & posth.* Non est manumissio, nisi servitutis præcedentis. *Inst. de lib. in pr.* Sic non dissolvitur societas nisi quæ præcesserit, sic fit, ut dixi, ut dum vult Iustinianus societati furiosi renuntiare posse, hoc prius statuat etiam cum furioso esse posse societatem.

Hoc ut dixi non videtur defendi posse. Nam aut societas cum furioso constituta erit ex persona alterius aut ex persona furiosi. Ex persona alterius esse non potest nisi aut ex persona patris defuncti, cui furiosus successit, aut ex persona curatoris, qui hanc contraxit. Porro etiam si pater furiosi defunctus, socius fuerit, tamen furiosus filius in societate non succedit, quia societas morte soluitur, *l. verum, §. in heredum. l. act. §. morte, D. h.* Ex persona curatoris societas cum furioso esse non potest, quoniam non est societas inter socios, nisi ex consensu sociorum, *Inst. de obl. ex cons.* Iam autem dixi furiosorum nullum consensum, nullam voluntatem esse, *d. l. furiosi, de reg. iur.* Item certi iuris est ex facto tutorum aut curatorum, minores non obligari, nisi quod iudicium ad minores pervenit *l. 3. D. quando ex pact. tut.* Rursum ex persona furiosi, seu ex contractu eius multo minus cum eo societas esse potest: aut enim contraxit cum furiosus esset, aut contraxit cum esset sanæ mentis, & deinde in furorem incidit, si furiosus, aperte non obligatur, quia societas ex consensu est, furiosi nullus est consensus & idcirco furiosus nullum negotium gerere potest, *l. in negotiis, de regul. iuris.* Quod si homo sanæ mentis socie-

tatem contraxit, si postea in furorē incidat, hoc ipso dissolvitur societas consensu & voluntate omnium sociorum, quia ut dicitur in §. soluitur, Instit. h. qui socium eligit, certam personam eligit propter industriam, operam & fidem eius, ut iis mutatis non possit esse societas. Hæc omnia cum furore mutantur in furioso, proinde & societas dissolvitur. Quod si verū est, relinquatur quod proposui, societatem cum furioso esse non posse.

Respondeo: Cetera omnia vera sunt, illud postremum verum non est, quod dixi, societatem cum homine sanæ mentis contractam dissolui, si is in furorem incidit: hoc modo solui societatem nusquam proditum est, sed solum morte socii, aut bonorum amissione. Hic nobis occurritur, in quibus causis eadem ratio est, idem ius statui oportet, l. illud, ad l. Aquil. l. a Titio, de verb. oblig. At placet certo iure societatem dissolui morte vnius ex sociis. Et adicitur ratio, quia qui socium eligit, certam personam eligit, d. §. Hæc ratio etiam in furioso locum habet, quoniam furiosus alia persona esse incipit in iis etiam rebus, quas alii socii spectarunt. Ergo & socio in furorem incidente etiā eodem modo societatem dissolui oportebit.

Respondeo: Non est eadem ratio de mortui socii, & socii in furorem incidentis. nam socio mortuo, certum est, eum nunquam postea rediturum, ut operam præstet & diligentiam societati. At cum socius in furorem incidit, semper spes, est eum ad sanitatem rediturum, ut dum id sperant socii non abiciant animum societatis. Præterea mortuo socio nulla commiseratio est erga eius heredem, qua moueantur socii, ut velint cum eius herede societatem manere. At socio in furorem incidente, mouentur socii commiseratione furoris, ut magis illi velint prodelle, cōiectura ducta ex eo, quod fraternitatem prius cum illo coierint. Nam societas ius quoddam fraternitatis est. In hac specie locus erit huic constitutioni, ut quamvis socio qui furere cœperit concedant alii socii, ut in societate maneat, tamen officium sit curatoris expendere, an furioso id expediat, ut, si non expedit, renuntiet societati quod facere potest pro potestate hic constituta. Idem ex aduerso facere possunt socii furiosi.

AD L. REM MAIORIS PRE- tium. II. lib. 4. Tit. 44.

Imp. Dioclet. & Maximian. AA. Lupo.

Rem maioris pretii si tu vel pater tuus minoris distraxeris humanum est, ut vel pretium te restituente emptoribus, fundum venundatum recipias, auctoritate iudicis intercedente: vel, si emptor elegerit, quod deest iusto pretio, recipias minus autem pretium esse videtur, si nec dimidia pars veri pretii soluta sit.

S V M M A R I A.

- 1 In emptione & venditione licere contrahentibus in pretio se inuicem circumuenire, quomodo accipiendum.
- 2 Re vendita minoris dimidia veri pretii, rescindi venditionem ex hac lege, & quæ capita hic spectanda.
- 3 Verum pretium quod.
- 4 Verum pretium ex tempore venditionis hic æstimandum.
- 5 Eius temporis pretium quomodo probetur.
- 6 Renuntiantem, beneficio huius legis id amittere, &

renuntiare, quibusunque modis declarat venditor se aduersus venditionem non venturum.

- 7 Minorem renuntiantem beneficio utiliter, restitui in integrum.
- 8 Minor si renuntiet interposito iureiurando, cessare restitutionem.
- 9 Qui re vendita minoris dimidia iusti pretii dixit se, si plurius res valet, id quod amplius est, donare emptori, vel ei remittere, satis renuntiare beneficio huius legis.
- 10 Beneficio huius legis locum esse, quocunque modo res vendita sit minoris dimidia veri pretii etiam ab eo, qui in eo lapsus non probetur iusto errore.
- 11 Rescissionē venditionis ex hac lege esse in hoc, ut venditor rem suam recipiat reddito oblatione prius pretio, quod accepit.
- 12 Licere emptori ex hac lege supplere, quod iusto pretio deest, & rem retinere, & quod sit hic iustum pretium.
- 13 Re vendita perempta quando ex hac lege agi possit ad rei æstimationem recipiendam.
- 14 Restitutionem rei minoris dimidia veri pretii vendita solum in obligatione esse: pretii supplementationem in solutione, non in obligatione. proinde ubi de re restituenda agi non possit, ibi nec ad supplementum iusti pretii agi posse.
- 15 Qui emit minoris dimidia iusti pretii, si eam rem alii vendiderit, & pretium acceperit, nec eius pretii nomine teneri.
- 16 Ad rescindendam ex hac lege venditionem non restitutionem esse in integrum, sed civilem actionem ex vendito.
- 17 Emptori quoque esse beneficium huius legis ad rescindendam venditionem, non si emerit plurius dimidia iusti pretii, sed si duplo plurius emerit, quā valet, ut duplo plus det, quam accipiat.
- 18 Emptor duplo plurius emens omni modo recte agat, ut sibi pretium restituatur, nec venditor alias res supplere volens audiendus est.
- 19 Beneficium rescissionis ex hac lege etiam ad alios contractus, in primis ad locationem & conductionem pertinere, & quomodo id accadat.
- 20 Ad permutationem, & quomodo.
- 21 Ad divisiones rerum.
- 22 Beneficio huius legis in transactione locum non esse.
- 23 Sed nec in donat. onē.
- 24 Sive venditor non minoris dimidia iusti pretii vendiderit, siue emptor non duplo plurius emerit, venditionem ob iniustum pretium rescindi nō posse: præterquam in fisci venditionibus.

V Eterum sententia est in ius recepta, quod ante hanc legem videtur perpetuum fuisse; in emptione & venditione naturaliter licere contrahentibus in pretio se inuicem circumuenire, l. in causa 2. in fin. prin. D. de minor. l. item si. §. ult. D. loc. Quod ne quis finistre interpretetur, quasi probetur in hoc contractu dolus, qui cum vindicetur generali edicto in negotiis aliis omnibus, tum præcipue a contractu bonæ fidei, cui contrarius est, quā longissime abesse debet, l. 1. D. de dolo. l. tenetur 6. §. ult. D. de act. em. l. 3. §. ult. D. pro soc. habet superius dictum hanc sententiam; licere quod minoris est, plurius vendere, & quod plurius est, licere minoris emere. sed hactenus, dum fraudatio, id est, detrimentum in pretio sit: id est, in re & pretii quantitate, non in contrahentium machina-

inachinatione de re aliquid mentientium, aut malitiose calantium, quo pluris vendant, vel minoris emanant: denique dum dolus absit, *d. l. item si. §. ult. loc. l. si voluntate, in pr. infr. eod. d. l. 6. §. ultim. de act. emt.* Ita autem conditione ita superior circumscriptio in emtione & venditione concessa est, ut quamvis multo minus sit pretium, aut maius, quam oportet, tamen non liceat ob eam causam venditionem rescindere inuito alterutro, *l. ad rescindendam, l. ratas. infr. hoc tit.*

2 Exceptio tandem admissa est, quæ constituta est hac lege; siue putemus eam ante receptam fuisse, & hac lege apertius confirmatam: siue, quod ex verbis constitutionis propius vero est, hac lege primum inductam. Exceptio hæc est humanitatis iure constituta, ut hic dicitur, & constituta in venditore; nisi res minoris dimidia veri pretii vendita sit. Cum huius beneficii utilitas magna sit in commerciis hominum, qui sæpe errore minus accipiunt, quam dant, cum præterea hæc lex, quæ de eo beneficio constituta est, breuiter conscripta sit; idcirco de interpretatione & sententia eius multa quæsitæ & tractatæ sunt omnibus ætatibus apud interpretes. Nos tatum dicemus, quantum ad sententiam loci, & rerum ad eandem utilitatem pertinentium necessariam cognitionem facere videbitur. Continetur autem hæc omnis tractatio certis capitibus summis quinque, quæ mihi præscripti: de quibus dicam hoc ordine. Primum, *an & quando ex hac lege emtio alioquin sine metu & dolo contracta rescindi possit a venditore.* Secundo loco, *si potest rescindi, quid venditor petat, & quid consequatur.* Tertio, *qua actione, ut sciri possit, quamdiu duret ea actio.* Quarto, *an quod venditori hac lege tributum est, idem tribuendum sit emtori, qui minus accepit & plus dedit, & qua lege ac conditione ei tribuendum sit.* Quinto & postremo, *si venditori & emtori tribuendum est, an quod placeat in emtione, idem beneficium transferendum sit ad ceteras permutationes, ubi unus dat, & vicissim accipit.*

Primum igitur quærimus, quod & in re natura primum est, *an sit ex hac lege emtionis rescissio venditoris, & si est, quando.* Et constat ex hac lege ius esse venditori emtionem rescindere; cum fiat ei potestas pretium restituendi, emtoribus fundum venditum recipiendi, ut isto modo uterque quod prius dedit, recipiat. quod non fit nisi dissoluta, & ut nunc loquimur, nisi rescissa emtione. Sed & hoc diserte expressum est in *l. si voluntate, in fin. infr. eod.* Quando autem beneficio huius legis rescindi venditio possit, cōditio adiecta ostendit: *Conditio hæc est, si nec dimidia pars veri pretii soluta sit.* Quod quid cōtineat, videamus.

3 Verum præterpretium est, quanti res vere valet. dictum ad differentiam eius pretii, quod venditor arbitrio suo ex affectione & utilitate sua æstimat. Id quod non spectamus. Et ideo si fundum venditum æstimet venditor centum aureis, qui valet tantum octoginta aut septuaginta, non ideo rescindetur emtio, quamvis quadraginta quinque tantum acceperit. Minus quidem dimidia accepit, si pretium ex affectione eius spectemus. Sed verum pretium quærimus. In proposito autem qui tantum accepit, non accepit minus dimidia veri pretii. Sed etsi hic dictum esset solum pretium, nec adiceretur verum; tamen idem intelligeremus, id est verum. Est enim iuris certi sententia, pretia rerum non ex affectione aut utilitate singulorum æstimari, sed communi-

ter fingi. id est tanti res æstimari, quanti communiter valent. *leg. pretia. D. ad leg. Falcid. l. si seruum 33. D. ad l. Aquil.*

Sed cum pretium verum rei venditæ, & una cum pretio dimidia eius pretii variari possit, pro diuersis temporibus, id est, cum possit pretium aliud esse tempore venditionis, aliud quo tempore res traditur, aliud quo venditio rescinditur; cuius ex his temporibus pretium spectabimus? Id diserte comprehendimus est in *dict. leg. si voluntate, in fin. infr.* Placet emtionem rescindi, si soluta non sit dimidia eius pretii, quod fuit tempore venditionis. Quo loco generaliter tenebimus, quoties contractum ob aliquod vitium suum infirmari volumus, semper spectari debere vitium, quod interuenit in contrahendo. Nam ex eo tempore contractus æstimatur. Ut puta, propter dolum dicimus emtionem & societatem nullius esse momenti: nempe ita, si societas dolo contracta sit. *l. eleganter, D. de dol. l. 3. in fin. D. pro soc.* Item dicimus nullam venditionem esse cum furioso. Hoc sic intelligimus, si sit furiosus, cum contrahit. Nam si tunc fuit sanæ mentis, furor postea superueniens nihil nocet. *lege secunda, supr. de cont. emtio.*

Enimvero si multo post venditionem contractam agatur ad rescindendam venditionem ex hac lege, & de vero pretio remoti illius temporis sit controuersia, quomodo id probabitur? Et sciendum est, cuiusvis temporis verum pretium duabus his ex rebus æstimari, qualitate rei, & quantitate fructuum, *leg. si quis. infr. hoc tit. leg. penult. in prin. D. de reb. eor. qui sub tit. Ex qualitate, quia alia est prati æstimatione, alia agri, alia vineæ. Ex quantitate fructuum, quia superiorum quoque rerum in suo genere æstimatione pro modo fructuum longe est dissimilis. Intelligitur autem fructuum quantitas partim ex fertilitate fundi, partim ex eius magnitudine. Nam alii fundi aliis sunt fertiliores pro situ loci. Et maiores fundi plures fructus afferunt. Ex his rebus æstimatio, ut dixi, pender; sed ita, ut hæc æstimatione non sit posita in testimonio testium, ut omnibus testibus fides habeatur, qui dicent se ex supra scriptis rebus rem tanti æstimare. Etiam iudicio & intelligentia opus est ad has res recte reputandas. Proinde erit prudentiæ iudicis ad eam æstimationem admittere non quolibet, sed peritos earum rerum æstimatores, quales in omnibus locis fere semper multi reperiuntur. Et ita est, cum de re æstimanda, quæ in arte & peritia cōsistit, agitur, non debent adhiberi nisi periti eius artis & rei, de qua agitur, *l. 1. circa prin. D. de vent. in spi. l. semel, infr. de re mil. lib. 12.* Quod si difficile erit meminisse & probare, quæ fuerit vera æstimatione tempore venditionis, quia forte nimis longo post tempore emtio rescindatur; hoc cōsiliū dandum est venditori, ut probet præsentem æstimationem fundi, de qua agitur, & dicat eum fundum non fuisse mutatum ex eo tempore, quo venditus est. Necessè est enim, nisi sit mutatus, & mutata eius æstimatione, eandem æstimationem prius fuisse, quæ nunc est. Quod si emtor dicet mutatam esse, id probare debebit. argumentum in *l. cum qui, D. de prob.**

Ex hac præterea causa venditio rescindi potest beneficio huius legis sine exceptione, nisi tamē venditor huic beneficio renuntians pactus sit, se eo non usurum. Hoc qui fecit, sine dubio eo non utetur. licet enim iuri pro se introducto renuntiare. ex quo & remitten-

tribus actiones suas non datur regressus, *l. pen. supr. de pact. l. pactum, D. eod. l. quaritur, §. penult. D. de ad. ed.* Et si quidem aperte ac specialiter id pactus est, nulla dubitatio. At quid si non aperte id fecit? Hinc illa quaesita. Quid enim, si in venditione, seu in instrumento venditionis venditor, qui minoris dimidia vendidit, cauerit se contra eam venditionem nihil facturum, se contra non venturum? Puto satis eum renuntiasse huic beneficio generali conventioni. Nam his verbis pactus est, se nulla de causa venditionem rescissurum. Is enim contra venditionem facit, qui eam non seruat. Et aperte is non seruat, qui rescindit. Quisquis autem utitur beneficio huius legis, is ad rescindendam venditionem utitur, *dict. leg. si voluntate, in fin. infr.* Quare & superiore conventioni pactus est, se hoc beneficio non usurum; & quia pactus est, non minus prohibebitur ea conventioni, quo minus beneficio utatur, cui renuntiavit. Nihil ad rem pertinet, si dicat nihil specialiter de eo convenisse, aut se de eo non sensit. Nam generali renuntiatione omnes causae continentur, ex quibus rescindenda emtionis potestas est, ut semper generali oratione omnes species ei generi subiectae, *leg. si servitus. D. de ser. urb. praed. l. sub praetextu specierum, supr. de transf.* Et qui generaliter de omnibus pactus est, non est ferendus, si verbis suis aduersus neget se de aliqua causa, aut specie sensitisse. *l. non est ferendus, D. de transf. l. quidquid, D. de verb. obl.*

7 Quid si minor re minoris vendita quam dimidia iusti pretii, idem cauerit quod supra, se videlicet aduersus eam venditionem non venturum? Dicendum est, si res fait, quae vendi posset, & auctoritate curatoris id cauit, aut si curatorem non habens idem fecit, venditionem ipso iure valere, *l. 3. supr. de in integr. rest. min.* sed paratam ei in integrum restitutionem ex beneficio communi gratis: quia aperte laesus est, qui actionem ex hac lege sibi competentem remisit, *l. non omnia, D. de min.*

8 Quid si minor idem cauerit interposito iureiurando? Aduersus iusiurandum cessat in integrum restitutio certo & constituto iure, *l. 1. §. authen. sacramenta puberum, supr. si aduersus vend.* Vulgo tamen maxima pars contra existimat; ut Accursius hoc loco, qui mouetur hac ratione, quod sacramentum a minoribus interpositum hoc solum praestet, ut minores pro maioribus habeantur. Alii hanc rationem adiciunt, quod dicant, minorem in generali renuntiatione non videri sensitse de beneficio huius legis propter imperitiam iuris, quae in illa aetate recipitur, *l. regula, D. de iur. §. fac. igno.* Porro iusiurandum non pertinere ad eas res, de quibus quis non cogitavit, *l. ult. supr. de non num. pec.* Sed his rebus moueri non debemus aduersus constitutiones disertis verbis scriptas, *dict. leg. 1. §. d. Auth. sacramenta*, in quibus discrete scriptum est, sacramenta puberum debere inuolabiliter custodiri in contractibus eorum. Accursii ratio, quam dixi, eiusmodi est, ut potius aduersus eum faciat. Aut sacramenta minorum, id solum efficere, ut minores pro maioribus habeantur. Admitto, & est verissimum. Sed hac ratione efficitur minorem aduersus superius iusiurandam restituere non posse. Nam maior, si idem, non dico iurasset, sed conuenisset tantum, venditio non rescinderetur. Ergo nec rescinditur in persona minorum, quibus in hoc iureiurando duae res obstant, sua conventio, & suum iusiurandum. Conventio, quae pacti sunt se contra venditio-

nem non venturos, generalis est. conventioni generali comprehendunt etiam beneficium huius legis: Sacramento autem eorum fit, ut cum sine sacramento restitui possent, nunc non possint, quasi maiores constituti propter iusiurandum. Quod autem dicitur iusiurandum non pertinere ad eas res, de quibus cogitatum non est; & ipsum verissimum est. Plus dico: ne conventio quidem simplex, quantumvis generalis, pertinet ad eas species, de quibus sensum non est. *l. qui cum tutoribus, penetota. D. de transf.* Sed qui generaliter pactus est, & quid remisit, is specialiter quidem non sensit de singulis causis, propter quas rescindi res potest: sed sensit generaliter. Hoc enim animo est, ut quaecunque causa nunc est, vel incidet postea, propter quam res rescindi possit, nolit ex ea causa contra conventionem facere, etiam si causarum species, maxime tunc fuerint illi ignotae, *ut declaratur in d. l. sub praetextu specierum, supr. de transf. §. l. non est ferendus. D. eod.*

Rursum quid si venditor qui rem vendidit minoris dimidia veri pretii, in instrumento dixerit se si pluris res valet, id quod amplius est, donare emtori; seu ei remittere? Qui hoc fecit, satis & ipse beneficii huius actionem remisit, proinde nec eo utitur. Qui enim quod amplius est, ita donauit, perinde est, quasi datum ab emtore accepisset. Aut igitur volumus donatum sic accipi, quasi id solum donatum sit, quod deest ad efficiendum dimidiam iusti pretii: & hoc satis est ad inhibendam rescissionem, quasi dimidia parte soluta. Placet enim venditionem rescindi, non si dimidia pars veri pretii soluta sit, sed si minus. Aut volumus his verbis donatum seu remissum totum quod deest iusto pretio: & tum multo minus venditio rescindi poterit; quoniam non rescinditur, si emtor suppleat, quod iusto pretio deest. quod fecisse videtur, ubi quod deerat, ei donatum est. Sic enim satisfactum est venditori. satisfactio autem pro solutione est. *l. satisfactio. D. de solut.* Vulgo maxima pars in contraria sententia est. Mouentur *l. hac adiectio, D. de verborum signific. ubi in his verbis, solidorum decem esse rem, plurisue*, placet hoc verbo, *pluris*, non significari quamlibet quantitatem, sed minutulam. At si minuta quantitas ab emtore adiecta esset, non suppleretur dimidia iusti pretii. Vnde volunt semper ex hac conventioni relinquere locum huic legi: cum venditio semper consistat infra dimidiam iusti pretii. Sed quod dicitur hoc verbum *pluris* referri ad quantitatem minutulam: tunc verum est, cum eo verbo non exprimitur certa quantitas sed infinita. ut fit cum dicitur res esse decem, vel pluris. In hac infinitate necesse est esse, inutilem adiectionem, nisi minimam summam interpretemur. Infinitam enim estimationem intelligere non possumus, quia tanti res non valet. Ideo coniectura voluntatis utimur, quae ducti interpretamur eam summam, quae minima est, ut fit in specie non dissimili in *l. cum, qui Calendis. D. de verb. obligatio*. At cum plus, seu amplius, exprimit certam quantitatem: in recerca non est locus coniecturis, *l. continuus, §. cum ita, in fin. D. de verb. oblig.* Quamobrem & eam quantitatem certam sequi debemus. Iam vero in proposito, cum venditor dicit se donare id quod amplius est, quam quanti res valet, hac adiectione, quanti res valet, certa quantitas exprimitur. Finge fundum viginti aureorum venditum esse novem. Si venditor dixerit, si pluris res valet, se id quod plus est, donare: aperte dixit, se donare undecim au-

reos:

sepe uti. Si quis eam loquitur in remissionem casus, ut si nuda et renuntiatio sine expressione
et in remissionem casus, ut si nuda et renuntiatio sine expressione

reos; quia tantum fuit, quo pluris res valuit. Porro in iure non solum id certum habetur, quod per se certum est: sed etiam quod refertur ad rem aliam, ex qua certitudine accipit, ut si dicam me tibi donare eam summam, quæ testamento Titii mihi relicta est; dixi decem me tibi donare, si decem relicta sunt, *leg. 5. §. ult. D. de re ind.* Plus dicimus, etiam si in hac donatione & remissione verbo, amplius aut plus, concedamus exiguam quantitatem significari: tamen cessabit venditionis rescissio, sic enim statuendum est; ea remissione saltem remissum intelligendum esse; quod deerat ad dimidiam iusti pretii. Nam nisi hoc fit, remissio emptori erit inutilis. Volunt enim ei esse inutilem ad rescissionem venditoris evitandam. At qui erit etiam ei inutilis ad omne quamvis minimæ quantitatis donationem. Quoties enim in donatione, aut conventionione qualibet non exprimitur certa quantitas, quæ detur, aut promittatur, remittaturque; conventio nulla est, *leg. ita stipulatus, i. resp. D. de verb. obl.* Omnem autem orationem ambiguam sic interpretandam esse placet, ut aliquid egisse videatur, nec concessum sit inutile; *l. si quando, in pr. D. de leg. 2. l. quoties in actionibus. D. de reb. dub.* Neque vero in proposito remissio minimæ quantitatis, ut aliquid egerit, aliter accipi potest, quam si dicamus remissum esse saltem id, quod desit ad dimidiam iusti pretii efficiendam, ubi & constituitur certa quantitas, & remissio ad liberandum emptorem sit utilis. Quapropter & hoc ipsum accipere debemus. Summa hæc est; renuntiatione venditoris effici posse, ut beneficium huius legis non utatur. Renuntiare eum videri huic beneficio, sine specialiter id exprimat, siue ea faciat, quæ supra diximus, quibus tacite renuntiatio huius beneficii continetur. Quæ ob id, diligentius notanda sunt, ut qui vendunt, moniti caveant, ne quid eiusmodi paciscantur temere, cum sciant futurum, ut post eiusmodi conventiones hoc beneficio excendant. Quod si cessabunt superiores renuntiationes, redimus ad beneficium, cui tunc sine exceptione locum esse dicimus, ut qui minoris rem vendidit, agere possit ad rescindendam venditionem, si nec dimidia veri pretii soluta sit.

10 Quo loco ¶ notandum est, constitutionem nihil amplius exigere ad rescindendam venditionem, quam ut nec dimidia pars pretii sit soluta: ut intelligamus sufficere ad omnem causam rescissionis venditori, si dicat, rem quam vendidit, tempore venditionis tanti valuisse, se autem vendidisse eo pretio, quod esset infra dimidiam veri pretii. Quot circa animaduertendus est error interpretum, ut Bartoli, qui exigunt a venditore ad rescissionem huius venditionis, ut duo dicat & probet. Primum rem venditam esse minoris dimidia veri pretii. Deinde se iusto errore lapsum vendidisse. Quod posterius aperte huic legi refragatur, quæ ad rescissionem emtionis nihil amplius quam priorem conditionem exigit. Mouetur Bartoli *leg. 1. sup. si ma. fact. alien. rat. hab.* ubi si quis maior factus venditionem rei suæ ante factam ratam habuerit, placet eum admitti ad rescindendam venditionem, siue confirmationem venditionis eius; sed ita, si duo concurrant, nempe si minoris res distracta sit, & præterea si iusto errore deceptus emtionem ratam habuerit. Sed male mouetur eo loco. Nam illic non agitur de ea re, quæ vendita sit minoris dimidia iusti pretii, sed de ea solum, quæ vendita est minoris. Cur ergo illic exigitur, ut res minoris

vendita sit, cum ad rescissionem emtionis sufficiat iustus error confirmantis? Id vero in promptu est legenti. Eo fit videlicet, quia maior ille, de quo dicimus, volebat compensare pretium, quod amplius petebat, cum ea pecunia quam vicissim debebat emptori. Et respondetur eum compensare posse, sed hac conditione, si minoris iusto prædium, vel res distracta sit. Ceterum ubi res vendita est minoris dimidia iusti pretii, illic errorem venditoris amplius non exigimus. Quinimmo etsi exigeremus, tamen probari non oporteret ab eo, qui probat se vendidisse dimidia iusti pretii minoris. Etenim qui ita vendidit, eum necesse est, aut errore fecisse, aut donare voluisse; quod ultra est. Donare voluisse non creditur, quia nemo existimatur facile iactare suum, *l. cum de debito, D. de prob.* Restat ergo, ut hoc ipso existimetur errore vendidisse. Stet igitur beneficium superius huius legis, ut qui minoris dimidia veri pretii re vendidit, is ad rescindendam venditionem agere possit solū hoc ipso, quod minoris dimidia iusti pretii vendiderit, dum nulla interueniat renuntiatio, quæ illi hoc beneficium auferat.

Sequens ¶ locus est, postquæ ex hac causa ad venditionem rescindendam agere potest venditor, ut videamus quid petat ex hac lege, quidue consequatur. Et beneficium legis huc spectat, ut venditio rescindatur. unde etiam in hoc agitur, *l. si voluntate, circa fin. infr. hoc tit.* His verbis hoc continetur, ne venditor consequatur utrumque, nempe & pretium quod accepit, & rem quam dedit: sed ut reddat ipse pretium; rem autem quam dedit, ab emptore recipiat, ut hic scriptum est. sic enim fit, atque hoc continet venditionis rescissio, *l. quod si minor, §. restitutio. D. de min.* Unde intelligimus venditorem in proposito ita agere, ut rem quam dedit, repetat oblato pretio, quod accepit. Nam prius pretium offerri oportet, idque hac lege expressum est. congruit *l. Julianus, §. offerri. D. de act. emt.*

Non ¶ tamen semper venditor rem consequitur. 12 Tribuitur enim hac lege emptori electio, ut si malit rem retinere, possit supplere, quod iusto pretio deest. Quæritur hoc loco iustum pretium, quomodo accipere debeamus; utrum dimidium veri pretii, an vero totum ipsum pretium, quanti res valet. Est enim iustum, verbum ambiguum. quo & legitimum seu lege comprobatum pretium accipi potest, & verum. Hinc distracta res in duas sententias. Quidam enim prius malunt, putantque iustum hic accipiendum dimidium veri pretii, ut si emptor supplere velit venditori, quod huic dimidio deest, illi satisfiat, & emptor liberetur. ut puta fundus dignus viginti, venditus est solum novem, atque ita minoris dimidia veri pretii. Volunt isti satis fieri venditori, si venditor unum suppleat, quoniam eo suppleto efficiantur decem, quæ est dimidia veri pretii. Hæc autem dimidia illorum sententia est iustum illud pretium, quod hic appellatur. In qua sententia est Connanus in commentariis ad hunc titulum. Et videtur prima fronte sententia recte defendi, non solum significatione verbi, sed etiam manifesta iuris ratione. Nam, ut antè dixi, *instum*, ut plurimum significat legitimum, ut, cum dicimus iustas nuptias. *Instit. de nupt. in prin.* sic dicitur iustum pactum in *l. epistola, §. primo, D. de pact.* sic iusta hereditas, in *leg. tertia, §. penult. D. pro soc.* At pretium legitimum si hic accipimus, necesse est intelligi veri pretii dimidium. Nam dimidio veri pretii soluto;

emtionem iure consistit, nec rescindi potest, ut patet ex hac lege, in *fi*, & *l. si voluntate, infr.* Ut autem hæc sententia significationi verbi congruit; ita non minus certa ratione iuris niti videtur. Nam si emtor ab initio emtionis dimidium veri pretii solueret, non rescinderetur venditio. Ergo & si contracta emtione dimidium offerat, idem consequi debebit; quia non debet contracta emtione deteriore esse conditio, quam ab initio. item, quia iustum, quod ab initio fuit, non variatur temporibus, quin & postea iustum sit. Sed verius est iustum pretium hic accipi debere verum pretium, & quanti res valet. In quam sententiam omnes fere interpretes conveniunt. Neque nos contra hic movere debet aut significatio verbi, aut superior ratio. Nam cum hic fere est usus iuris, ut iustum pretium dicatur verum, & quanti res valet; *leg. si fundus, §. ultim. D. de pign. leg. si res, 12. §. 1. D. de iur. dot.* tum vero etsi varius esset verbi usus; tamen cum de sententia scriptoris constaret, quaestio tolleretur, concederentque omnes in ambiguo id quod sensit, qui loquitur, sequendum, *leg. 3. D. de rebus dub.* Atqui hanc significationem esse huius verbi in hac lege, ut iustum pretium sit verum, liquido probatur *leg. si voluntate, in fin. infr.* Nam quod verum pretium dicitur in hac lege, id in lege si voluntate dicitur in eadem re iustum. Hic scriptum est venditionem rescindi, si nec dimidia veri pretii soluta sit. In *leg. si voluntate*, scribitur rescindi venditionem, si nec dimidia iusti pretii soluta sit. Sunt autem auctores iidem utriusque legis: ut dubitari non possit, quin quod in posteriore vocant iustum; id sit, quod in priore lege vocant verum pretium. Non me movet ratio superior, quæ tamen plus ponderis habere videtur. Non enim verum est, idem tribuendum esse emtori contracta emtione, quod initio emtionis tribueretur; neque absurdum est, quod initio iustum fuit id circumstantiis temporum iniustum fieri. quod in hac specie plane accidit. Nam ab initio emtione nondum contracta, nihil emtor venditori debuit, nec fuit ei obligatus. Ideo & iure suo potuit rem emere, quanti voluit, etiam multo minoris vero pretio, dummodo non infra dimidiam veri pretii. Contracta autem emtione, ubi rem emit minoris dimidia veri pretii, prior ratio commutatur. Nam ex hac lege incipit venditori rem debere, ut restituat. Quod cum venditori debeat non potest recusare, qui in rem det, nisi velit emere conditionibus venditoris iustis, hoc est, ut rem retineat iusto pretio emta. Quare si proponas fundum dignum viginti venditum esse novem, & velit emtor supplere, quod iusto pretio deest, dicemus non aliter audiendum, quam si vndecim suppleverit. Tot enim desunt ad verum pretium rei venditæ, hic autem *iustum* intelligere oportet verum.

Sed siue emtor rem venditam restituere volet, recepto pretio, quod dedit, siue volet supplere, quod iusto pretio & vero deest, ut rem retineat, semper hoc efficitur hac lege, ut alterutrum facere debeat. Quæritur an hoc sit perpetuum. Ac primum illud occurrit, quod quæritur.

13 Quid enim, si res vendita & tradita perierit emtori? Hic utemur distinctione iuris certi. Si culpa eius perierit, non minus tenetur, quam si res exisset. Culpa enim perpetuat obligationem. *l. si ex legati. l. si servum. §. sequitur. l. nemo rem, §. 1. D. de verb. oblig.* Nec interest, qua culpa res perierit, utrum quæ in fa-

ciendo sit, an vero quæ in negligendo. Nam in emtione & venditione utraque culpa præstanda est ab iis, qui rem alteri præstare debent, *l. si ut certo §. nunc videndum. D. com. l. contractus. D. de reg. iur.* Quod si res casu perierit, quem nulla culpa aut mora emtoris præcessit, emtor de ea re liberatur, *leg. quod te. D. si cert. per. l. qua fortuitis, supr. de pign. act. d. leg. contractus, in fin. de reg. iur.*

Hoc posito, incidit ex re ipsa alia quaestio. Esto enim, liberetur hoc casu emtor rei venditæ restitutione. Etiamne in totum liberabitur, ut nec de supplendo iusto pretio cum eo agi possit: an potius non saltem hoc ab eo peti potest, ut quod deest iusto pretio, suppleat? Etsi enim rem, quæ non exstat, præstare non potest; at supplere potest, quod deest iusto pretio. Quæstio in eo est utrum in proposito, cum res vendita est minoris dimidia veri pretii, emtor rem solum debeat venditori, electionem autem pretii supplendi a lege accipiat; an vero debeat res duas sub distinctione, nempe aut rem restituere, aut pretium supplere. Nam si solum debet rem restituere, ut sola hæc restitutio in obligatione sit; re perempta statim liberatur, *d. leg. si ex legati. D. de verb. obligat. dict. leg. quod te. D. si cert. per.* Contra vero si sub distinctione debet rem restituere, aut pretium supplere, re perempta nihilominus superest alterum in obligatione, quod & solum recte peti potest, nempe ut pretium suppleat, *leg. 2. §. Si anula. D. de eo quod cert. loc. l. Stichum. in prin. D. de solut.* Et quod initio huius loci secundi attingi supra, nunc plenius dicendum est, emtorem in proposito nihil debere, nisi rem venditam restituere, seu solam restitutionem rei in obligatione esse. Id ex eo intelligimus, quod beneficium hic tribuitur ad venditionem rescindendam, ut diserte traditur, *in dict. leg. si voluntate, circa fin. infr.* Non rescinditur a venditore venditio, nisi cum id agitur, ut ille pretio restituto, quod certum est ei non deberi, sed potius ipsum debere, rem suam recipiat, quæ illi petenti ex hac lege reddi debet, *dict. l. quod si minor. §. restitutio. D. de minor.* Non obstat, quod in hac lege emtori nominatim tribuitur, ut rem restituat; vel si elegerit, suppleat, quod iusto pretio deest. Nam facultatem pretii supplendi ex obligatione contracta non habet, sed ab hac lege accipit, ut declaratur *in ead. l. si voluntate, in fin.* ubi hæc verba sunt: *electionem iam emtori præstitam servandam.* Hæc electio præstita est hac *l. 2.* Hanc enim legem, ut pote suam, & quæ de eadem re iam emissæ erat, iidem Imperatores intelligunt. Hoc ipsum certum argumentum est solam hic rei restitutionem esse in obligatione. Nam quoties pro re quæ debetur, tribuitur lege facultas alterius rei præstandæ, toties intelligitur in obligatione solū ea res esse, pro qua alterius rei electio tribuitur, *l. miles. 6. §. 1. D. de re iud.* Quapropter re vendita casu extincta, sic emtor liberatur, ut nec pretium iustum eum supplere oporteat.

Quid tamē, si emtor eam rem vendiderit, & pretium acceperit: an non saltem hic æquum est emtorem pretium quod acceperit, restituere, ne lucrum faciat? Distinguendum est, ut si res adhuc exstat, primus emtor ita teneatur, quasi adhuc eandem rem haberet. Culpa enim eius sit, quod habere desit. Plus dicimus, etsi res perierit culpa secundi emtoris, nihilominus priorem emtorem teneri, quasi res exstaret; quia hoc ipso culpa eius res perierit, quæ eam vendidit, quam poterat recte asseruare. *l. si servum, in prin.*

redatū redēdū

pr. vers. idemque fiat. D. de verb. obl. Quod si res casu perierit apud secundum emptorem, quo eodem casu peritura esset apud primum, sic primus emptor liberatur, ut nec pretium quod accepit restituere debeat, aut quod iusto pretio deest, supplere. Iam ostendimus, cum non debere supplere, quod iusto pretio deest. Quod autem attinet ad id pretium, quod ex venditione secunda consecutus est, idcirco nihil de eo debet prestare venditori suo; quia rem venditori debuit, non pretium. Denique pretium hic consequitur ex sua negotiatione & opera, non ex re, quae de causa & apud eum integrum manere oportet. Haec sententia expressa est in *l. venditor ex hereditate, vers. pretium enim. D. de her. vel act. vend.*

16 Tertium est, ut videamus, quo remedio, quae actione venditor in proposito agat ad rescindendam venditionem, seu petat rem venditam sibi restitui, aut eius rei estimationem, secundum ea quae proxime diximus: utrum extraordinario auxilio; hoc est, in integrum restitutione, an vero communi iure, & actione civili in personam, & quamnam sit haec actio. Hoc ideo quaeritur, quia verba huius loci rem ambiguum faciunt. Vtrum autem dicamus, multum interest, quia si hic locum habet restitutio in integrum ad rescindendam venditionem, ea intra quadriennium continuum solum competet, postea agere non licebit, *l. ultim. sup. de temp. in integ. resti.* Quod si erit in personam actio communis, ea perpetua erit usque ad triginta annos, *l. 2. vers. neque sit in quocumque. sup. de constit. pec.* Quidam putant esse in integrum restitutionem. Mouentur primum verbis huius rescripti. Ait enim, rescriptum, humanum esse hanc rescissionem dari. Quo significatur aequum esse praeter conventionem venditionis. Genus loquendi restitutioni in integrum maxime conveniens, cum restitutio omnis iure publico constituta ab aequitate sola proficiatur: praeter rationem iuris communis, *leg. 1. leg. penult. D. de in integ. resti.* Mouentur etiam his rationibus. Necessesse est hic intelligi restitutionem in integrum, si haec rescissio contra ius commune comparata est, *l. in causis 2. D. de min.* Haec autem rescissio talis est. Nam iure communi licet contrahentibus in pretio emtionis sese invicem circumvenire, *leg. si voluntate, infr. hoc tit. dict. leg. item si. §. ultim. D. loc.* Est igitur haec in integrum restitutio, non actio civilis ad rescissionem. Praeterea si qua hic actio civilis est iure communi, ea erit actio ex vendito. At actio ex vendito hic competere non potest, siue quod de ea rescissione in contrahenda emtione nihil convenit, siue quod haec actio competeret ad rescindendam venditionem. Absurdum autem videtur actionem ex vendito ad rescindendam venditionem dari, quae ad confirmandam venditionem comparata est. Postremo mouentur exemplo venditionis vi contractae. Nam si quis vi coactus rem venderit & tradiderit, competit ei actio ad rescindendam venditionem. At non ex vendito, sed actio quod metus causa, *l. 4. sup. de his quae vi met. cau. l. metum, §. sed quod prator. D. quod met. caus.* Haec autem actio est restitutio in integrum, quae intra quadriennium tantum competit, *l. 4. sup. de his quae vi met. cau. si. §. l. ult. §. de temp. in integ. resti.* Sed verior est sententia vulgo recepta, hic restitutionem in integrum non esse ad rescindendam venditionem, sed esse actionem civilem ex vendito, eoque perpetuam. Et restitutionem hic non competere hoc argumento non dubio

probat. Nam maiores viginti quinque annis, qui neque dolo circumventi sunt, neque metu coacti, ut venderent, non possunt in integrum restitui, nisi ex ea parte edicti, quae est de iis causis, ex quibus maiores in integrum restituuntur. Porro ea parte edicti nemo maior restituitur, qui facto suo laesus est, sed solum qui laesus est necessaria absentia vel probabili, *l. sed et si per. in si. §. l. nec non. in pr. D. ex quib. caus. ma.* Proinde venditor in hac specie in integrum restitui non potest, in qua neque dolo circumventus est, neque vi coactus, & si quo facto laeditur, is suo laeditur non villo facto adversarii, vllave necessaria absentia vel probabili. Restitutione remota, si qua hic est actio venditori ad rescissionem proposita, necesse est hanc esse ordinariam & communem. Ea vero erit actio ex vendito. Hanc autem recte dari in hanc rescissionem de qua agitur, definitio illa iuris manifeste probat, quaecumque sunt moris & consuetudinis, hoc est, quae more & consuetudine recepta venditor emptori, aut emptor venditori prestare debet, ea venire in actionem ex vendito & ex emto. *l. si quod nolit. §. quia assidua. D. de adil. ed.* Si quae sunt moris & consuetudinis, multo magis ea, quae iure certo sunt praestanda. qualis est restitutio, quae ex hoc rescripto fieri debet. Nam quod iure praestandum est, id etiam more praestandum est. Nihil ad rem pertinet, quod de hac restitutione nihil convenit, sed potius omnia contraria acta sunt. Nam & hoc certi iuris est, in bonae fidei iudiciis, qualis est emtio & venditio, omnia his iudiciis praestanda esse, quae ex aequo & bono praestanda sunt, etiam si de his nihil omnino conuenierit, *§. in bona. Instit. de actio. Instit. de obl. ex consensu. in fin.* Ne illud quidem nos offendere debet, quod actio ex vendito dicitur hic dari ad rescissionem venditionis. Neque enim novum est actionem ex vendito aut ex emto ad rescindendam venditionem dari. Primum dari constat, si fundus nominatim hac lege venditus sit, ut sub aliqua conditione inemptus fieret, *l. sed Celsus 6. §. 1. D. de cont. emt.* Sed etsi nihil tale conuenierit, sed solum iure liceat emtionem rescindere, ut hoc loco, in eam rem actio ex emto emptori, venditori autem ex vendito competit. Argumento certissimo est redhibitio. Constat edicto adilium curulium, si venditum sit animal morbosum, aut vitiosum, ius esse emptori animal redhibere, *l. 1. adiles aiunt. D. de ad. ed.* Nec quidquam est aliud haec redhibitio, quam rescissio emtionis, qua fit, ut venditor rem suam recipiat, & pretium reddat, *leg. facta. D. de adilit. edict.* At haec redhibitio petitur actione ex emto. *leg. ex emto. §. redhibitionem. D. de actio. emt.* Quo exemplo idem & de ea rescissione, de qua hic agitur, probandum esse dicemus: ut quoniam & in hac tribuitur venditori, ut possit reddere pretium emptori, & rem suam recipere: tametsi de eo nihil conuenierit, ut preterea in eo venditio rescindatur; tamen quia petitur quod emptorem prestare oportet ex iure certo, habeat & ipse in eam rem ex vendito actionem. Verum tamen hic nos impedit exemplum emptoris eius, qui vi coegit venditorem rem sibi vendere & tradere. Nam & hunc constat ex edicto debere venditori rem restituere: & tamen venditori in eam rem non competit actio ex vendito, sed extraordinarium auxilium quod metus causa. Non videtur igitur perpetuum, quod dixi, ubi quid venditori ab emptore restituendum est iure, in eam rem competere actionem civilem ex vendito. Sed & hoc ne nos moueat. Quod

enim dicimus venditori competere actionem ex vendito ad rescindendam venditionem, item emptori actionem ex empto, si modo hæc rescissio iure præstanda est; sic accipiendum est, si emptor aliquid restituere debet venditori, quod ex emtionis causa accepit, ut in proposito, ubi rem venditam emptor accepit ex causa venditionis: aut contra si quid restituendum est, quod accepit venditor ex causa emtionis, ut in redhibitione, ubi venditor reddit pretium, quod accepit. Non idem fit in re per vim venditam & traditam emptori. Hic enim emptor eam rem non habet ex causa emtionis aut venditionis, quia venditio vi facta iure irrita habetur, l. 1. D. quod met. cau. Non potest autem ex vendito actio esse, ubi venditio non constitit, si modo venditor eam venditionem stare nolit.

Hactenus de venditore ultra dimidiam iusti pretii in venditione læso. Videamus, quod quarto loco proposuimus, an quod venditori tribuitur hac lege ex ea causa, etiam emptori pariter læso tribuendum sit, & qua conditione tribuendum. Et recte convenit inter omnes interpretes, emptori quoque beneficium huius legis tribuendum esse, si plurius rem emerit iusto pretio, dummodo sit eadem eius causa, quæ venditoris. Quod respondetur ex definitione inter omnes iuris auctores recepta, in quibus causis eadem ratio est, in his idem ius constituendum esse; si modo beneficium quod tribuitur, causa sit beneficium, non personæ, illud. D. ad leg. Aquiliam. leg. ultim. supra, de const. pec. leg. in omnibus causis id observatur. D. de regul. iuris. Beneficium autem quod hic venditori tribuitur, aperte beneficium causæ est, non personæ. Tribuitur enim læsioni, hoc est, venditori, non quia venditor est, sed quia læsus est. Dubitatur solum, quando eadem causa sit emptoris, quæ hic venditoris. In quo nobis animadvertendus est error vulgaris profectus ab Accursio in hac lege. Voluit enim vulgo, quemadmodum venditor rescindere venditionem potest, si rem minoris dimidia iusti pretii vendiderit: ita posse etiam emptorem, si rem plurius dimidia iusti pretii emerit. Ut, si singas fundum qui valebat decem, emptum esse sexdecim, eorum sententia emptor restituatur, quia sex excedunt dimidiam partem decem. Hæc sententia aperte falsa est, & hominum parum attendentium, quid hic constituatur. Quod primum bene animadvertit Molinæus in libro, de retract. in qua sententia & doctos omnes interpretes animadvertito postea fuisse. Merito. observandum est enim in proposito restitui venditorem, non quia minoris dimidia iusti pretii vendidit; sed quia minus duplo accepit, quam dedit, & duplo plus dedit, quam accepit. Exempli gratia, si fundum, qui valet decem, vendiderit solum quatuor, locus est rescissioni huius legis, quia aperte duplo minus accepit, quam dedit, & contra emptor duplo plus accepit, quam dedit. Datus est enim fundus decem; venditor autem non accipit etiam quinque. Ergo ut emptor restituatur, eodem modo illum in pretio rei venditæ læsum esse oportet. Id non fit aliter, quam si emptor duplo plus dederit quam accepit; & quod idem est, si duplo minus acceperit, quam dedit. Et ideo retento eodem fundo vendito, qui valet decem, non aliter restitui emptorem dicemus, quam si viginti & aliquid amplius pretii nomine dederit. Sic enim fiet, ut duplo plus det, quam accepit. Sed incautis obicitur hoc argumentum de communi sententia. Eadem

causa est venditoris & emptoris, si quemadmodum venditor minoris vendit, ita etiam emptor plurius emat. Iam venditor restituitur, si minoris dimidia iusti pretii vendiderit. Ergo & emptor restitui debet, si plurius dimidia emerit. Quo argumento detineri nos non oportet. Non enim verum est, eandem causam esse emptoris & venditoris in eo, quod hic minoris vendit, ille emit plurius. Denique non ideo restituitur venditor, quia minoris dimidia iusti pretii vendidit; sed quia ita minoris vendidit, ut dimidio plus traderet. Accepit enim quatuor, & decem dedit. Sit ergo & emptoris eadem causa, non si emerit dimidia plurius; sed si ita emerit, ut duplo plus daret, quam acceperit. Eaque definitio in omnibus causis ad hanc rescissionem pertinentibus, de quibus postea dicitur, retinenda est.

Cum ita fraudatus erit emptor, quid petet a venditore? Pretium, quod dedit supra iustam estimationem; ut venditor fraudatus repetit rem, quam dedit. Quid, si venditor velit emptori supplere, quod ad iustam estimationem pretii deest, alias res emptori dando, quemadmodum dicimus venditore fraudato, electionem dari emptori, vel ut rem restituat, vel ut iustum pretium suppleat? Hic venditor non est audiendus. Neque simile est, quod venditore fraudato emptor facultatem habet pro re pretii supplendi. Nam cum eo casu emptor pretium supplet, id præstat venditori quod ille adiectum volebat, & quo non adiecto nunc queritur. Ideo enim queritur, quod dicat rem venditam esse non iusto pretio. proinde si pretium suppletur, ei satisficit. At e converso cum emptor fraudatus est plurius emendo, queritur solum de pretio rei emptæ, non autem de aliis rebus sibi non traditis. Quare venditor alias res tradendo, ei non satisfacit. Huc accedit, quod pro re vendita recte pretium præstatur; propterea quod pretium seu pecunia comparata est ad res omnes æstimandas. Pro pretio autem seu pecunia non recte præstantur res aliæ; quoniam aliis rebus non æstimatur pecunia, sed e converso, leg. prima, D. de contr. empt. & vend.

Superest postremum, ut quæramus, an beneficium huius legis, quod in emtione venditori, & emptori iuxta tribui dicimus, etiam ad alios contractus transferendum sit. Dicendum est transferendum esse, ubi causæ sunt similes: ubi scilicet unus dat, & accipit vicissim, si quis duplo plus det, quam accipiat. In quo eadem regula utimur, quam supra diximus in emptore, ut in quibus causis eadem ratio est, in his idem ius statui oportet, etiam si de una tantum causa ius nominatim constitutum sit, leg. non possunt, leg. sequen. D. de legi. leg. illud. D. ad leg. Aquiliam. Erit ergo huic beneficio locus in locatione & conductione de qua minor dubitatio est, cum traditum sit locationem & conductionem iisdem regulis iuris contineri, quibus emtio & venditio, l. 2. D. loc. Sic autem in locatione huic beneficio locus erit. Locator locavit fundum in quinque aut decem annos minoris dimidia parte iustæ mercedis. Is statim ex locato fundum suum repetet, nec conductor retinere poterit, nisi paratus sit supplere, quod iustæ mercedis est, ut in emptore hic constituitur. Plus dico, si per aliquot annos conductor pensionem infra dimidiam iustæ mercedis soluerit, poterit locator nihilominus totius eius præteriti temporis mercedes veras exigere ex locato. Idque sic colligitur ex hoc rescripto. Venditor qui

tor qui vendidit minoris dimidia iusti preti, repetere potest rem, quam vendidit & tradidit emtori. Ergo & locator qui minoris dimidia iustæ mercedis rem locauit, poterit repetere quod dedit. Is autem dedit conductori vsum & fructum fundi. Nam in locatione datur res fruenda, *l. ex conducto, D. loc.* Ergo locator huc vsum recte repetet. Et quoniam præstari hic vsum non potest, necesse est deberi eius æstimationem. Ea autem est iusta merces. E conuerso si conductor fraudatus fundum cōduxerit dimidio pluris iusta mercede, & per aliquot annos pactam mercedem soluerit, recte ex conducto ager aduersus locatorem, & repetet, quod amplius iusto præstitit, vt emtor qui duplo pluris emit facturus esset. Sed & conductor in futurum tempus recte denuntiabit locatori suo, se rem conductam ea mercede amplius habere nolle. post quam denuntiationem non tenebitur locatori, quamuis re conducta vtatur fruatur, nisi ad quantitatem iustæ mercedis. Nam si mercedem iam solutam conductor repetere potest, multo magis mercede nondum soluta exceptionem habebit aduersus locatorem, ne eam mercedem soluat, iuxta regulam iuris: Cui damus actionem, eidem exceptionem cōpetere multo magis quis dixerit. *leg. in iuris, §. 1. D. de reg. iuris.*

20 Etiam ꝑ huic beneficio locus erit in permutationibus, cum fundum cum fundo, ædes cum ædibus permutamus, aut res alias cum aliis rebus. Nam & permutatio emtionis vicem obtinet, *leg. 2. infr. de rer. per.* Id autem in permutatione ita continget, si, exempli gratia, dederis mihi fundum centum aureorum, ego contra permutationis causâ dederim tibi alium fundum valentem ducentis & eo pluris. Ibi recte repetam a te fundum quem dedi, reddito eo quem accepi. Sed hic laboratur circa actionem. Nulla enim hic videtur mihi competere actio ad eam repetitionem, sed solum in integrum restitutio. Nam ex placito permutationis duæ tantum sunt actiones, præscriptis verbis, & condictio ob causam dati causâ non secuta. Vtraque competit ei qui suum fundum dedit; sed aduersus eum, qui vicissim non dedit, quod debuerat, *l. naturalis. in princ. vers. Et si quidem, §. 1. seq. D. de præsc. ver.* At in proposito tu mihi fundum tuum dedisti, vt & ego tibi meum dedi: vt nec possim præscriptis verbis tuum petere, quia dedisti; neque meum a te condicere, quia dedi meum ob causam quæ & secuta est. Sed probandum est hic mihi competere aduersus te cōditionem ob causam dati, causâ non secuta, vt fundum meum qui duplo pluris est, a te recipiam. Nam reuera hæc causâ secuta non est, ob quam tibi meum dedi. Dedi enim, non solum vt mihi alium dares, quem dedisti, sed etiam vt alium dares in tranſactione iniquam æstimationem. Hæc vero causâ non est secuta, cum dederis mihi fundum minoris duplo, quam fuit meus. Illud etiam ambigitur hoc loco, an cui dedi fundum duplo maioris æstimationis, quam accepi, possit fundum retinere oblato, quod deest, iusto pretio, vt emtori concederetur, a quo res vendita repetitur. Et putem concedendum id quoque ei, qui fundum ex permutationis causâ accepit. Iam enim diximus, permutationem instar emtionis esse. Neque id tantum est, sed hoc amplius qui permutauit, vterque emtoris & venditoris loco habetur, *leg. sciendum, §. deinde. D. de edil. edict.* Quare si hoc emtori duplo plus consecuto tribuitur hac lege, tribuimus etiam

permutatori, id est alteri emtori, qui duplo plus accepit, quam dedit. Idque æquissimum est. Nam cum permutator hoc suppleuit, quod iusto pretio accepti fundi deest, id præstat aduersario, quod ille petit, & de quo non accepto queritur. Conqueritur enim solum ob id, quod dicit se dedisse fundum duplo maioris æstimationis, quam accepit. Proinde si ea æstimatio illi præstatur, abunde illi satisficit.

21 Hæc ꝑ eadem dicemus in diuisionibus rerum veluti, si fratres aut coheredes duo diuidant inter se res communes, ex quibus vnus duplo plus acceperit, quam alter: ex hac diuisione, qui minus accepit, ager aduersus alterum ad rescindendam diuisionem. Nam & diuisio permutationis genus est. vnde & emtionis quoque vicem habere dicitur, *leg. 1. supr. com. vtr. indi.* Ideo in hac specie eadem dicenda sunt, quæ supra diximus in rerum permutatione.

De duobus contractibus dubitatum est, transactione, & donatione, sitne etiam in his locus beneficio huius legis.

22 De transactione ꝑ hæc questio est. Qui petebat fundum, aut res plures, quæ valebāt centum, de his cum aduersario tranſegit, & transactionis nomine accepit vel triginta, vel quadraginta, hoc est, aperte duplo minus, quam petiit. Queritur, an ex sententia huius legis recte agat ad rescindendam transactionem. Respondeo: beneficium huius legis ad transactionem nullo modo pertinet. hoc est, qui tranſegit, etiam si triplo, atque adeo quadruplo minus accipiat, quam petiit, tamen transactioni stare cogitur. diserte traditum in *l. Lucius, §. vltim. D. ad Trebellian.* Sed ne quis forte apud se sic reputer, hanc legem postea secutam esse, & ideo recessum esse a responsō dicit. *l. Lucius.* ratione certa, mecum colligat, ex hoc rescripto ad rescindendam transactionem agi non posse, sed rescriptum ipsum aperte refragari. Nam hoc rescripto vt venditor agat ad rescindendam venditionem, non est satis eum minus aliquid accepisse, nisi etiam simul & dederit aliquid & duplo plus dederit, quam accepit. At in transactione qui huius causâ actionem remittit, & aliud accipit, non dat duplo amplius, quam accipit, sed omnino nihil dat. Nam etsi petit ea, quæ valebant centum, tam eâ actionem remittendo neque dare ea intelligitur, neque remittere, fieri enim potest, vt non iure petierit, quæ ipsius, aut ei debita non erant. Sed etsi debita fuerint, tamen potuit aduersarius absolui iudicis iniuria. Et quamuis fieri quoque potuerit, vt is petitor vinceret iudicio; tamen incertum est, an id futurum fuerit. Hunc quidem incertum euentum Bartolus hoc loco spectari & æstimari vult: sed male. Refellitur enim aperte ex *l. quemadmodum, §. idem Labeo. in fin. D. ad legem Aquil.* vbi diserte traditur circa legem Aquilam in æstimando damno eius, qui damnum sibi datum queritur, nunquam æstimari id, quod actor cōsequi potuerit, si an consecuturus esset, incertum fuerit. De reo tranſigente, qui duplo plus dederit, quam ab ipso petitum erat, ideo non querimus, quia hic casus non solet vñ venire. Nemo enim est mortaliū, qui duplo plus dare velit, quam ab ipso petitur: cum ne id quidem dare velit, quod petitur.

De donatione ꝑ hoc queritur. Quidam fundum donaturus, quem putabat ætati valere decem, cum valeret viginti & amplius, in hoc errore fundum donauit Titio. Comperto errore queritur, an possit fundum repetere ex sententia huius rescripti. Prima

fronte videatur audiendus, quasi duplo plus dederit, quam accepit. Nam usque ad decem quæ donata voluit, existimari potest illa ipsa decem accepisse hoc ipso, quod beneficii debitorem eatenus sibi acquisierit. Est enim lucri species beneficii debitorem acquirere, *l. si pignore 54. §. 1. D. de furt.* At duplo plus dedit, quam hanc summam. Ita videri potest donatio ad causam & rationem huius legis, proinde & ad sententiam pertinere. Sed verius est beneficium huius legis ad res donatas transferri non posse. Nam ut maneamus in specie proposita, is qui donauit fundum valentem viginti & amplius, cum putaret valere tantum decem, aut donare voluit, quod excedit decem, aut noluit. Si voluit donare, statim donatio perficitur in totam estimationem, *§. alie, Instit. de donat.* Perfecta donatio reuocari non potest. *l. cum ancillam, l. si repetendi, seq. supr. de cond. ob caus. dat.* Quod si donare noluit, quod amplius est, donatio ultra decem non valet; quoniam inuiti & non consentientis donatio nulla est, *l. nec ignorans, infr. de donat.* Sed non ideo donatio hoc casu non valet, quia donator duplo plus dederit, quam putabat, sed quia dedit aliquid amplius, quam putabat, & volebat. Itaque etiam si fundus valuerit tantum quatuordecim, donatio rata non erit, ne usque ad quatuordecim quidem. Unde apparet, cum queritur, an hæc donatio rescindi possit, questionem non esse in eo, an donator duplo plus dederit, quam copitabat; sed an aliquid vel minimum amplius dederit, quam volebat. Quo casu donator totum fundum repetet; quem donauit; & sufficere, si det ea decem, quæ donare constituerat. Ideo autem totum fundum repetet, non pro parte, ne in communionem incidat cum donatario. quam communionem nemo suscipere cogitur, idque ista ratione tribuitur ei, qui per errorem totum fundum soluit, cum deberet tantum partem, *in leg. si non sortem. §. si centum, D. de cond. indeb.* Queritur igitur, quando donator in proposito videatur voluisse donare, quod amplius est, aut quando noluisse, ut posteriore casu sit illi repetitio. Respondeo

id quod est in *l. si repetendi, supr. de cond. ob caus. dat.* & donator rei donatæ nullam conditionem adiecit, non repetiturum, quod dedit, etiam si apud se hoc animo fuerit, ut repeteret, si res pluris esset. Plus dicimus, etsi donator in fundo donando dixerit, se fundum Titio donare, quia fundus non pluris valeat, quam decem; tamen ob hanc causam fundum repeti non posse; quamuis multo pluris valeat, quia falsa hæc causa est, quæ donationi & traditioni nihil nocet. Et in hac causa falsa semper donatio subesse intelligitur, *l. in summa, §. id quoque. D. de cond. ind.* Tunc donatori repetitio esse poterit, cum ita dixerit, *Ego constitui ob merita dare decem Titio, & nihil amplius. Et quia fundum Tusculanum habeo, qui non pluris valet, idcirco pro illis decem fundum illi dono.* Hic repetitio erit, etsi fundus valebit duobus aut tribus aureis pluris. Quia ex ratione apparet donatorem noluisse amplius donare, quam decem.

His expositis, † summa beneficii & sententia huius legis hæc erit, sic venditori rescissionem venditionis dari, si minus dimidia iusti pretii acceperit, ut id ad ceteras personas & causas transferendum sit, si quis in commutationibus rerum duplo minus acceperit, quam dedit; & quod idem est, si duplo plus dederit, quam accepit. Hac conditione remota ius antiquum esse, ut quantumuis iniusto pretio res vendita sit, vel ut minoris vendatur, vel ut ematur pluris multo, quam valet: tamen si is qui minus accepit, saltē dimidiū acceperit eius quod dedit, cesset venditionis rescissio: quod & apertius confirmatur in *l. si voluntate, infr.* Quod posterius hoc loco monendi sumus sic ad omnes item alias venditiones & permutationes pertinere, ut tamen excipiendæ sint venditiones rerum priuatarum, quas fiscus de bonis debitorum suorum vendit ob cessationem tributorum, vel aliarum functionum publicarum. Nam in huiusmodi venditionibus cū alia multa pro utilitate priuatorum exiguntur, ut venditio rata sit, tum hoc etiam, ut res vendantur iusto pretio. Alioqui venditio irrita est, *l. si quos, infr. hoc tit.*



HVGONIS DONELLI, IV- RISCONSVLTI

NORICI QVONDAM

PROFESSORIS,

Commentarii,

AD TITVL. XXI. LIB. VI. C. DE TESTAM. MILIT.

S V M M A R I A.

- 1 Hereditas quot modis deferatur.
- 2 Testamentorum genera duo.
- 3 Ratio ordinis inuersi, quod prius de militari testa-
mento agatur.
- 4 Testamenti militaris priuilegium, quod sit & qua
contineat, vsque ad nu. 13.
- 5 Solemnia testamenti quæ.
- 6 Solemnia testamenti miles impune contemnit.
- 7 Testamenti contenta.
- 8 In heredis institutione qua sint spectanda.
- 9 Instituenendi heredis modus.
- 10 In substitutionibus qua sint spectanda.
- 11 Legatorum & fideicommissorum modus.
- 12 Testamenta quot modis rumpantur & irrita fiant.
- 13 Militum genera duo, armatorum & togatorum, &
an ad utrumque priuilegium militum extenda-
tur.
- 14 Miles quando quis esse incipit, & desinat.
- 15 Testamentum a pagano, qui postea miles esse cepit, fa-
ctum, an ex priuilegio militum valeat.
- 16 Miles militia missus an ex priuilegio militis testari
possit.
- 17 Miles si facto testamento miles esse desinit, an testa-
mentum eius ex priuilegio militis valeat.
- 18 Priuilegium testandi quibus militibus competat, &
quibus de bonis concessum sit. nu. 19.
- 20 Pagani qui dicantur.
- 21 Simplicitas quid proprie significet.
- 22 Simplicitas interdum imperitiam significat.

EX iis quatuor, quibus per vniuersita-
tem res nobis acquiruntur, heredita-
te, bonorum possessione, arrogatio-
ne, additione bonorum libertatum
conseruandarum causa, quæ tradun-
tur in §. ult. Instit. per quas person. nob. acquir. Ex iis, in-
quam, bonorum possessiones expolitæ sunt priore
loco, quia ita compositoribus Codicis visum erat; se-
quuntur hereditates, de quibus agitur deinceps. He-
reditas ꝑ deferri & acquiritur, aut testamento, aut
ab intestato lege, d. §. ult. per quas person. Testamenti

prior causa est, intestati posterior, l. i. si tab. test. nul. ex-
sta. Eo de testamentis prius agitur.

Testamentorum ꝑ genera duo sunt, quædam sunt
paganorum, quæ iure communi ciuium Romano-
rum sunt, quædam sunt militum, quæ ab iure com-
muni recedunt. Itaque in alia atque alia causa hæc
testamenta habentur, ideo separata de iis tractatio
est. Ordo ꝑ doctrinæ & naturæ postulabat, vt prius
de iis testamentis ageretur, quæ iure communi fiunt,
deinde de testamento militis. Nam cum in testa-
mento militis priuilegium sit, & priuilegium etiam
contra rationem iuris communis tribuatur, cum sit
ius singulare, l. in iis. l. ius singulare. ff. de hered. Non
potest omnino intelligi, vbi sit hoc priuilegium, nisi
intelligamus, in quo a iure communi recedatur. Ne-
que id intelligi vilo modo potest, nisi prius iure com-
muni constituto; & ideo hunc ordinem iuris aucto-
res in compositione edicti perpetui secuti sunt,
quemadmodum in Pandectis seruari videmus, vt se-
cundo loco ageretur de testamento militis. Sed ali-
ter visum est compositoribus Codicis. Non dubium,
quin in eo spectarint dignitatem personarum, vt vul-
go recte intellectum est. Sed hoc recte fieret, si hic a-
geretur de personis: nunc autem agitur de testamen-
tis militum & paganorum, in quibus partim ius sin-
gulare, partim ius commune spectatur. Sed ad rem
nihil pertinet ordo scripturæ, dummodo de re mo-
neamur, & sciamus, quo quidq; loco secundum na-
turam rerum statui debeat.

Testamentum ꝑ militis constat priuilegio militi-
bus concessio, quod priuilegium exponitur hoc titu-
lo, & simul in ff. & Inst. Huius priuilegii summa com-
prehensa est in l. i. 3. in pr. h. & planius in l. i. ff. Est au-
tem comprehensum fere illis verbis: *Quocumq; modo
milites de bonis testati sunt, in expeditione occupati, vo-
luntas ita eorum rata est, & pro iure seruatur.* Hinc pen-
dunt omnes ex partes & quæstiones, quæ in iis titulis
tractantur; de quibus vt certius iudicari possit, partes
superioris definitionis obseruandæ sunt, & vniuersi-
usque partis membra, quoniam ad hæc quæstiones
hic expolitæ intelliguntur.

Ergo definitio superior complectitur & priuilegium militum in testamentis faciendis, & quibus id tribuatur, & quando locum habeat, & de quibus bonis. Priuilegium hoc est, ut voluntas militis citra exceptionem rata sit. Hoc priuilegiū multa continet, quæ facile intelligentur ex partibus priuilegii, & ex iis rebus, in quibus vis & potestas testamenti continetur. In testamento ut constet hæc spectantur: Institutio, & compositio testamenti, tum ea quæ testamento continentur, postremo testamenti infirmitas. Nam initio testamentum fieri oportet, nec est testamentum, nisi de iis rebus, quæ testamento cauentur, & frustra ab initio factum, nisi perseveret ut exitum habeat. Nunc autem certis modis infirmantur testamenti iure communi. Quæ in institutione testamenti, ut testamentum valeat, iure communi hæc spectantur; persona testantis, solemnia testamentorum liberorum institutiones aut exheredationes, & institutio heredis. Quæ personæ testamentum facere non possint, declaratur *tit. seq. & tit. in Instit. qui test. fac. non poss.* Solemnia testamenti sunt in testibus adhibendis, in numero testium, in signis eorum & subscriptionibus, de quibus *sub tit. de test. ord. in Instit. & tit. de test.* Ad hæc si quis liberos habeat, ita ius est commune, ut heredes instituere debeat, aut nominatim exheredare, de quo *sub tit. de exhered. lib. in Instit.* Præter hæc iure communi heredem instituere aliquem oportet. Heredis institutio caput est & fundamentum testamenti, *ante heredes in Instit. de leg.*

Hæc omnia in milite continentur. In persona militis, quicquid testamentum facit, voluntas eius rata est, ut si sit mutus aut surdus, *l. 4. ff. h. §. quoniam. Instit. h.* ut si testator de suo dubitet, *l. ex militari. §. 1. ff. h.* dummodo ne sit minor quatuordecim annis, *l. ult. 6. infr. h.* Solemnia testamenti si miles impune contemnit, *l. si a fratre. h. l. 3. in pr. h. & in pr. h. tit. Instit.* Miles si liberos habet, & scit se habere, impune eos præterit, & præteritio eius pro exheredatione est, *l. si cut. & l. si cum. infr. h.* Heredis institutio multo minus desideratur in testamento militis, ut colligi potest *ex l. ex iis, h. l. de institutione testamenti.*

In testamentis autem continentur hæc: hereditum institutiones, substitutiones, legata seu fideicommissa. In heredis institutione ut valeat, spectatur heredis persona, ut sit idonea, neque enim omnes heredes instituere possunt, ut non possunt depotari, *l. de hered. instit. Et præterea si instituendi modus, in quo iure communi observatur hoc, ut heres pro parte institui non possit, neque pro parte temporis neque pro parte bonorum, ut testator pro parte temporis aut bonorum testatus decessat, aut pro parte intestatus, l. ius nostrum. de reg. iur. Et ideo heres neque ex die institui potest, neque ad tempus, l. hereditas ex die, de hered. instit. Hæc omnia contra in milite: miles quemvis heredem, etiam depotatum, recte instituere potest, *l. idem est. 13. §. 1. ff. eod. l. ex testamentis, 15. infr. h.* Miles ex parte heredem recte instituit, primo ex parte temporis, id est, ex die & ad diem, *l. certi. h. l. in fraudem. §. miles. l. miles ita hered. ff. h.* Item etiam pro parte bonorum, de quo *in l. 2. h.**

In substitutionibus si hoc cauetur, ne quisquam possit heredem substituere in hunc casum, si primus heres erit, & post aliquod tempus decesserit, præterquam pater filio impuberi. & hac conditione, si prius pater sibi testamentum faciat. Miles contra cuius heredia se instituto etiam in hunc casum substituere

potest, potest & filio impuberi, quamvis ipse sibi prius testamentum non fecerit, de quo *in l. testamento 6. h. l. in fraudem. §. miles. l. miles ita. §. ex hereditate. ff. h.*

In legatis & fideicommissis spectatur rerum modus. Nam ultra dodrantem legare non licet, sed quartam partem hereditatis manere oportet apud heredem *ex l. Falcidia, l. 1. ad l. Falcid. Instit. de leg. fal.* In testamento militis legatum locum habet, *l. in testam. 12. infr. h.* Testamenta si recte facta perpetuo manent, nisi infirmantur, at infirmantur iure communi ita, ut aut rumpantur, aut irrita fiant. Rumpuntur partim agnatione posthumi, partim alio testamento postea rite facto: Irrita fiunt testatore postea capite minuto, hæc *sub tit. quib. mod. test. infr.* Ex quibus intelligimus, sepe testamentum infirmari etiam volente testatore, ut agnatione, item capitis diminutione, & contra, quamvis testator testamentum suum infirmari, non tamen semper infirmabit, quoniam ad infirmandum nuda voluntas non sufficit.

Nihil horum in milite continetur: nam nisi miles aperte a priore voluntate discesserit, testamentum prius non infirmatur. Itaque agnatio liberorum testamentum militis non infirmat, *l. si cum. h. l. qui iure. ff. h.* multo minus capitis diminutio militis *§. pen. Instit. h.* Sed nec si aliud testamentum fecerit, prius infirmabitur, si voluerit etiam prius testamentum valere, licet enim militi facere plura testamenta, *l. quærebatur. ff. h.* E conuerso, si miles prius testamentum valere non vult, nihil opus est, eum nouum testamentum ad prius infirmandum facere, sed ad id infirmandum nuda voluntas sufficit, ut in testamento militis ubique, nuda voluntas satis est *l. 1. ff. h.* Quæ omnia si recte dicuntur in singulis partibus, & iis rebus, quæ pertinent ad omnem institutionem, licet iam intelligere, quam vere in vniuersum constituantur, militis voluntatem pro iure seruari. Atque iis rebus continetur priuilegium testandi, quod priuilegium tribuitur militibus.

Militum si genera duo habentur, quidam sunt, qui tuerentur Reipub. armis, quidam qui oratione in foro & toga, ut sunt aduocati & patroni, quæ duo genera posita sunt *in l. aduocat. sup. de aduocat. diui. ind.* Hoc priuilegium ad prius genus militum pertinet, non item ad alios qui militant Reipub. in toga. Nam iis conceditur quidem testamentum facere, quamvis sint filii familias, de bonis quasi Castrensis, sed conceditur testari iure communi tantum, *§. ult. in Instit. eod. l. ult. sup. de inoff. test.* Adde quod hoc priuilegium, de quo dicimus, tribuitur militibus propter imperitiam iuris, *eod. tit. Instit. in pr.* hi autem, in quibus est aut esse debet peritia iuris, ea est in aduocatis & patronis. Et vero, qui arma gerunt, ii soli proprie dicuntur milites, ut scire licet ex etymologia verbi, quæ traditur *in l. 1. ff. h.* Ceteri qui in toga ciues defendunt, magis abusive, & per similitudinem dicuntur militare, propter communem cum militibus Reipub. defensionem, unde quæ peculia illi acquirunt in opera publica, ea non dicuntur Castrensis, sed quasi Castrensis, *d. l. ult. sup. de inoff. test.* Miles igitur cui hoc beneficium ex constitutionibus tribuitur, ut quocumque modo velit & possit testetur, est is, qui nomine militiae dato, arma gerit pro Reipub. stipendiis publicis, qui idem dicitur sub armata militia, stipendia mereri *l. miles. ff. de re ind.*

Norandum si hunc solum militem esse incipere, cum in numerum militum numeratus est, *l. ex eo an. tepen.*

pen. ff. h. & tamdiu miles est, quamdiu manet in numeris, l. 4. ff. h. Tunc miles esse desinit, cum missus est ob eas causas militia, ob quas milites mitti solent, quarum genera enumerantur in l. 2. §. *ignominia, de his qui not. infam.* Tribuitur hoc privilegium militi, qui testatur, ut indicant illa verba constitutionis. Quocunque modo testati sunt, vere faciunt testamenta milites, quando volunt & possunt, *l. 1. ff. h. l. 3. in pr. h.* Quod eo pertinet, non quamvis voluntatem supremam militis ratam esse, sed ita, si hanc testatus sit, qui miles erat, & tunc decedat, cum miles est. Hinc sumtum est, quod Marcellus ait: Constitutionibus Imperatorum confirmari testamenta non militum, sed a militibus facta, *l. Titius. ff. h.* Non militum sic accipiendum est, non militum tantum: nam ut testamentum privilegio militis valeat, utrumque concurrere oportet, ut sit a milite factum, & sit testamentum militis.

15 Ex hoc tria colligimus. I. Si paganus testamentum fecerit, deinde militare cepit, testamentum eius ad ius commune pertinere, non ad privilegium militum, hoc est, ita valere, si iure communi factum sit, nisi miles secunda voluntate id approbavit, *d. l. Titius.* Approbasse autem videtur hoc ipso, si quis in eo testamento aliquid deleverit, aut adiecerit, §. *penult. Instit. h.* Et hoc est, quod dicitur in l. *in fraudem. §. testamentum. ff. h.* ut testamentum a pagano factum, qui postea miles esse cepit, ex privilegio militum valeat, satis esse, si nondum sit contraria voluntas militis. quod sic interpretandum est, si voluntas de eo testamento postea secuta, non sit contraria. Nam voluntatem aliquam sequi oportet, alioqui testamentum non confirmaretur, *d. l. Titius.* II. est, si miles militia missus sit, veluti veteranus, deinceps cum ex privilegio militis testari non possit, quia eius testamentum nec potest dici a milite fieri, nec dici testamentum militis, *l. idem est 1. in princip. ff. h. §. sed habet. Instit. h. c.* III. est, si miles testamentum fecerit, deinde miles esse desinat, desinere quoque testamentum ex privilegio militis valere, cum hac exceptione tamen, nisi miles honeste missus, intra annum post missionem decesserit, *d. §. si de hactenus, §. l. si ex testamento. j. h.*

18 Hoc privilegium tria testandi, non semper militibus tribuitur, sed militibus in expeditione occupatis, quod constitutione Iustiniani effectum est, *l. pen. j. h. t.* quam constitutionem commemorat *eo. l. i. in l. Instit. in pr. §. 1.* Hoc privilegium tria non de vno genere bonorum castrensiu concessum est militibus, sed de omnibus bonis tam castrensis, quam paganis, ut declaratur *l. i. hoc tit.* Ceteris quasi militibus, quibus permittum est quasi castrensis peculia habere, licet tantum de quasi castrensis bonis testamentum facere, & quidem iure communi, ut §. *d. §. ult. Instit. eod.* Quod in militibus, qui sub armata militia merent, contra est, præterquam in his militibus, qui ex militari delicto damnati sunt, quibus conceditur tantum de castrensis bonis testari, *l. §. militibus. j. h. l. ex militari ff. h.* Castrensis quæ sunt, declaratur in l. *castrense. de pec. castrensis.* Ceterum quæ castrensis non sunt, quæ hic appellantur pagana: nam quicunque non militat, pagani dicuntur, §. *1. l. j. eod.*

Summa militaris privilegii exposita est, quod et si sine exceptione manifesta concedi videtur, quædam tamen ex hac potestate excipiuntur, in quibus voluntas militis non servatur. Huiusmodi est: Si minor

viginti annis miles, manumittat servum testamenti; huius generis est captatoria voluntas militis, *l. 2. §. l. captatorias. j. h.* quibus in locis de his exceptionibus huius privilegii dicitur. Intelligendum est, causam & rationem huius privilegii esse duplicem, favorem militum quibus præmi loco hoc beneficium tribuitur, propter defensionem, quam in Reipub. conferunt, *l. testamenta. ff. h.* & præterea militum imperitiam & ignorantiam iuris, eamque iustam & probabilem in milite, quem magis convenit arma, quam iura nosse, *tit. eod. Instit. in pr. l. ult. in pr. j. de iure deliber.* Hæc imperitia est, quæ simpliciter nominatur in constitutionibus veterum Imperatorum, in l. *1. ff. h. §. l. 3. j. h.* Nam tria simplicitas proprie est, cum ita quis affectus est, ut quæ sentit, nude dicat & simpliciter, & cum dixerit, neque alia verba adiciat, neque alios canones, quibus sese muniat diligentius, quæ in nostris magna laus est, & in omnibus esse debet. Propter hunc habitum nulli hoc privilegium concedendum est. Sed quoniam huic simplicitati ut plurimum solet adiuncta esse imperitia rerum, imo vero cum hac simplicitas nascatur ex imperitia, dum homines non norunt, quid curari oporteat, ut se adversus id muniant, factum est ut Latinis significet simplicitas etiam imperitiam interdum, ut in illis versibus Ovidii:

*Fallere credentem non est operosa puellam
Gloria, simplicitas digna favore fuit.*

Ad L. i. Frater tuus.

Imp. Antoninus A. Floro militi.

Frater tuus miles si te specialiter in bonis, quæ in pagano habebat, heredem fecit: bona quæ in castris reliquit, petere non potes, etiam si is, qui eorum heres institutus est, adire ea noluerit: sed ab intestato succedentes veniunt: modo si in eius locum substitutus non es, & si quando probetur fratrem tuum castrensis bona adire pertinere non posse. Nam voluntas militis in expeditione occupati pro iure servatur. Accepta 5. Id. Sept. Duobus & Aspris Coss. 213.

S U M M A R I A.

- 1 Miles si fratrem heredem ex bonis paganis instituit, ad quem castrensis pertinere debent.
- 2 Quid item si nominatim quempiam instituerit, isque adire noluerit, vel non potuerit.
- 3 Duobus heredibus a milite institutis, vno deficiente, utrum eius portio ad coheredem pertineat, an vero ad heredes ab intestato succedentes.

Miles si fratrem heredem instituit, ex bonis paganis, id est, non castrensis. Quæsitum est, reliqua bona castrensis militis, ad quem pertinere debeant, utrum ad fratrem heredem institutum, an vero ad heredes militis ab intestato succedentes? Placet non ad fratrem, sed ad heredes legitimos: idque certa ratione, quia miles nullum heredem in castrensis bonis instituendo, pro his bonis intestatus decessit. Proinde in illis intestati ius sequi debemus. Si de testamento pagani ageretur, tunc ius esset, ut qui solus ex vna parte heres est, etiam heres sit ex cæteris omnibus, *l. qui ex duob. in princip. l. si solus, de acquir. heredit.* Sed hoc eo fit, quia in pagani ius non patitur, ut quis pro parte testatus decessat, pro parte intestatus decessat, *l. ius nostrum. de regul. iur.* Quod ius in militis testamento locum non habet, qui ex privilegio militum pro parte testatus decessere potest, & pro parte intestatus, *l. si miles vnum §. l. i. eod.*

2 Si miles † in reliquis castrensis bonis alium heredem nominatim instituerit, atque is hereditatem non adierit, vel quia non potuit, vel quia noluit, an non saltem hoc casu bona castrensis ad fratrem coheredem pertinebunt? Mouet dubitationem, quod hoc casu miles ex omnibus bonis testatus, ab initio decessit, cui consequens est, ut hic quoque testatus sequi debeamus. Est autem ita ius commune, ut pluribus heredibus institutis, si unus portionem suam adierit, deficientium coheredum partes ei acquirantur etiam inuito, *l. qui ex duobus. §. vlt. de acquir. hered. l. vn. §. ex iis. infr. de cad. toll.* Et placet hoc loco etiam hoc casu deficiente coherede bona castrensis ad heredes peruentura esse, non ad fratrem heredem institutum. Et recte. Nam hic quoque miles pro iis bonis intestatus decessit. Nec ad rem pertinet, quod ab initio in iis bonis heres institutus est, nihil enim interest, utrum non sit institutus, an institutus hereditatem non adiret. Non is tantum intestatus intelligitur, qui heredem nullum instituit, sed etiam ex cuius voluntate hereditas adita non est, ut est definitio intestati, *sub tit. Instit. de hered. qua ab intest. defer. in pr.*

Non obstat, quod iure communi deficientium coheredum partes reliquis accrescant, qui suas acquisuerunt: hoc enim ius ad testamentum militis non pertinet, ideo enim ius ad crescendi constitutum est inter plures heredes testamento scriptos, ne quis pro parte testatus decedat, pro parte intestatus, quod periculum in milite non metuimus. Et huc pertinet ratio reddita in *d. l. si miles 6. ff. h.* Sed bona castrensis, de quibus queritur, ita deficiente coherede (*Sic tamen deficiente coherede, reliqua bona deficientis*) placet pertinere ad legitimos heredes, non autem ad fratrem hic institutum, si duo concurrant, quae hac lege comprehensa sunt. Vnum est, si hic frater coheredi suo substitutus non sit. Nam in hac substitutione manifesta est voluntas militis, volentis castrensis bona ad fratrem redire. Alterum est, si liquido probatur, militem voluisse haec bona ad fratrem suum pertinere. Ex quo intelligimus, si heredes legitimi in proposito nihil tale probent, bona haec in re dubia peruentura ad fratrem, non ad heredes legitimos.

Huic sententiae opponitur *l. seq. & praecipue l. si duob. ff. h.* ubi duobus heredibus institutis a milite, si unus hereditatem non adierit, eius portio pertinet ad heredem ab intestato succedentem, non autem ad coheredem institutum, nisi ipse ultro probauerit militem voluisse portionem deficientem ad se pertinere. Respond. Obseruandum est in *d. l. 2. infr. §. in d. l. si duob.* eum heredem, ad quem volumus deficientem portionem peruenire, proponi heredem extraneum, & qui ab intestato successurus non esset. In hac lege contra proponitur is esse frater militis, quem constat etiam ab intestato fratri successurum fuisse, si defunctus neque liberos neque patrem aut matrem habuit, quod in proposito contigisse ex eo conicere licet, quod in hac lege nominantur indefinite heredes ab intestato succedentes, non autem nominatim pater, mater, liberi defuncti, quod praetermissum non fuisset, si tales heredes habuisset milites, *arg. l. seq. ubi nominatim mater defuncti militis appellatur.*

3 Proinde sic † distinguemus: Cum duobus heredibus a milite institutis, vno deficiente queritur, v-

trum eius portio ad coheredes pertineat, an vero ad heredes ab intestato succedentes? Refert utrum is coheres, ad quem portionem deficientem redire volumus, sit extraneus, & qui ab intestato non succederet, an vero is, qui etiam intestato militi succederet. Nam si extraneus erit, portio deficiens ad eum non pertinebit, optima ratione, quia pro ea parte miles intestatus decessit. At si etiam coheres intestato militi succederet, portio deficiens ad eum pertinebit, ea ipsa ratione, qua supra vsumus. Quia pro ea parte miles decesserit intestatus, etiam consequens sit in causa intestati militis, eum quoque heredem succedere, qui ab intestato succederet, qualis est frater in proposito, ex parte institutus. Sed hoc cum hac exceptione, nisi alii heredes ab intestato succedentes probent militem noluisse ea bona, de quibus queritur, ad fratrem institutum peruenire, quod probabunt, si aut codicillis id declarauerit miles, aut eorum testibus significarit, se hoc velle.

Ad L. 11. Miles si.

Imp. Anton. A. Septimio militi.

Miles si castrensis tantummodo bonorum commilitonem suam instituit heredem: cetera bona eius, ut intestati defuncti, mater eius iure possidebit. Quod si extraneum scripsit heredem, isque ad ius hereditatem bona eius in te transferri non iure desiderat. PP. 11. Kal. Mart. Antonino A. 1111. §. Balbino Coss. 214.

S V M M A R I V M.

1 *Matri praeerita in testamento militis an queri liceat de inofficioso testamento filii.*

Q V E M A D M O D V M cum miles pro parte bonorum heredem instituit, pro reliqua parte intestatus decedit, eoque portio reliqua pertinet ad heredes legitimos, ut ad matrem, in specie hic proposita, quod conuenit cum *l. praecedenti*. Ita si in reliqua parte miles alium coheredem instituerit, & is hereditatem adierit, in totum excluduntur heredes reliqui legitimi, etiam si sit defuncti mater, ut hic constitutum est. Sed † licetne matri praeerita saltem queri de inofficioso testamento filii? Respondeo: Licet, si filius paganus fuisset, *instit. de inoff. test. in pr. l. 1. ff. eod.* Sed hoc ius ad testamenta militum non pertinet, quorum, ut dixi, voluntas pro iure seruatur, *l. 1. sup. & ideo placuit de inofficioso testamento militis, nec militem quidem praeeritum queri posse, siue sit is defuncti filius, siue pater, l. si instituta. §. de inoff. test. ff. de inoff. test.*

Ad L. 3. Quaquam.

Imp. Anton. A. Vindiciano.

Quaquam militum testamenta iuris vinculis non subiiciantur, cum propter simplicitatem militarem, quomodo velint & quomodo possint, ea facere his concedatur: tamen in Valeriani quondam centurionis testamento institutio etiam iure communi accepit auctoritatem. Nam cum pater familias filiam ex duabus vnciis, uxorem ex vncia heredes scripserit, nec de residuis portionibus quicquam significauerit: in tres partes dimississe eum apparet hereditatem: ut duas habeat, quae sextantem accepit: tertiam, quae ex vncia heres est instituta. PP. Kalendis Nouembr. Antonino A. 1111. §. Balbino Coss. 214.

S V M M A R I A.

1 *Miles si filiam ex duabus, uxorem ex una vncia instituit.*

instituerit, ad quos reliqua nouem vncia pertinere debeant, utrum ad heredes scriptos, an ad heredes legitimos.

Nomina appellatina naturalia sunt, ac proinde immutabilia.

MILES † filiam ex duabus vncias heredem instituit, uxorem ex vna vncia, de reliquis vncias nihil significauit, quid fieri vellet. Reliquas vncias dicimus nouem. Nam solemnitas & vtitata diuisione hereditatis constat vncias duodecim, §. *hereditas. Inst. de hered. inst.* Ob eam causam quaesitum est, reliquæ hæ vnciæ nouem, ad quos pertineant, utrum ad heredes scriptos, an ad heredes legitimos? Quæstio nata est ex ea sententia, quæ constituta est, l. i. l. 2. *sup.* Quoties enim miles ex parte bonorum heredem instituit, pro reliqua parte intestatus decedere intelligitur, itaque fieri, ut ea pars pertineat ad heredes legitimos. Huic sententiæ conueniens esse videbatur, ut cum hic quoque miles de tribus tantum vncias cauerit testamento, reliquæ vnciæ nouem tanquam intestati perueniant ad legitimos heredes, non autem ad heredes scriptos tantum.

Hoc loco contra rescriptum est. Placet enim hic totam hereditatem pertinere ad heredes scriptos, eamque diuidi in tres partes, ex quibus filia duas vncias habeat, mater vnam, quod recte constituitur. Verum est enim cum, qui ex parte testatus est, pro reliqua parte intestatum videri, & quidem multo magis si heredem ex re certa, puta ex fundo instituerit, l. si miles *vn. ff. h. tit.* Sed qui heredem aut heredes ex certis vncias instituit, puta ex tribus, ut hic, is non de parte bonorum testatus est, sed de tota hereditate, quia in iis tribus vncias expressis totam posuit hereditatem. Sciendum est enim, testatorem posse hereditatem diuidere in quocunque vncias velit, & quemadmodum posuit, ita si pauciores vncias expresserit quam duodecim, in has solas videtur hereditatem diuisisse, §. *hereditas. Inst. de her. inst.* Et quod illic de testatore pagano scriptum est, id hoc loco traditur de milite testatore. Et hoc est quod in principio huius rescripti dicitur, institutionem hoc loco propositam, etiam si testator miles non est, tamen iure communi auctoritatem accipere, id est, valere, ut hereditas constet in iis tribus vncias, de quibus diximus.

Sed cur institutum heredem ex fundo non intelligimus institutum esse ex tota hereditate, quemadmodum institutos ex tribus vncias, ex tota hereditate institutos interpretamur? Respondeo: Quia fundi significatio refragatur. Nam fundus rem certam naturæ significat, neque sententia patitur, ut ceteræ res hereditariæ contineantur fundi appellatione. Sed nec contineri possunt etiam si miles velit, quia † nomina, quæ dicimus appellatina, id est, nomina imposita ad substantiam rei significandam, naturalia sunt, ac proinde immutabilia, l. 4. *ff. de legat. 1.* At vnciarum appellatio ex arbitrio hominum variatur, modo enim significat partes assis, modo totam hereditatem significat in iis expressis consistentem. Et merito hæc significatio pro voluntate testatoris mutatur. Vnciarum enim nomina ex arbitrio hominum imposita sunt, non ad significandam substantiam rerum sed ad commoditatem diuisionis & partium exprimendarum, proinde etiam non immutabilia, ut nomina rerum propria, d. l. 4. *de legat. 1.*

Sane in vncias exprimendis inter militem & paganus hoc interest, quod paganus si ex certis vncias

heredem instituit, pro reliquis intestatus decedere non potest, etiam si velit; miles potest, si significet se id velle. Et hæc est differentia, quæ in hac re significatur in d. §. *hereditas. de her. inst.* Ceterum in obscura voluntate vtriusque hoc conuenit inter vtrumque, ut qui certis vncias expressis testatus decessit, in has solas vncias totam hereditatem diuisisse intelligatur, & nulla ex parte decessisse intestatum.

Ad L. 4. Si Rufinus vir.

Imp. Alexander A. Iunio.

Si Rufinus vir clarissimus tribunus laticlavius maior annis lege definitis faciens testamentum, te manumissum, istam tibi libertatem competisse.

S V M M A R I A.

- 1 Miles minor an seruum suum in testamento manumittere possit.
- 2 Constitutiones posteriores prioribus legibus derogant, si contraria sint.
- 3 Libertus Orcinus quis.

LEGE Ælia Sentia vetatur minor 20. annis seruum suum manumittere, aliter quam vindicta; neque vindicta manumittere aliter permittitur, quam si iusta causa erit manumittendi, eaque fuerit consilio approbata, §. *eadem. Inst. quib. ex caus. man. non. & c.* ubi & causæ iustæ comprehensæ sunt. Iustinianus pro minore 20. annis substituit plenam pubertatem, id est, 17. annos, quæ ætate minorem vetuit seruum suum testamento manumittere, §. *pen. Inst. eod.* Hoc ius † an etiam ad militem pertineat quaesitum est, si miles minor seruum suum testamento manumittat? Mouit dubitationem ius militare, quo iure ex constitutionibus voluntas quævis militis rata est, l. 1. *ff. eod. l. 1. sup.* De hac re distinguitur hoc rescripto. Aut enim militi nulla causa iusta manumittendi fuit, aut fuit aliqua ex iis, quæ lege comprehensæ sunt. Si nulla, non magis miles testamento seruum manumittere potest, quam paganus. Lex enim Ælia Sentia prohibet manumissionem, idem confirmatur l. si a milite. §. *sentia. ff. eod. l. 3. ff. de manum. test.* id efficitur verbis L. Sentia: nam hæc cauet de omnibus minoribus, proinde & de militibus, & cum vetat seruum manumitti aliter quam vindicta, aperte etiam testamento manumitti vetat.

Sed hoc loco opponuntur constitutiones posteriores Imperatorum, quibus generaliter rata habetur suprema voluntas militis, & non absque re hæc constitutiones opponuntur, quoniam posteriores sunt. Constitutiones † autem posteriores prioribus legibus derogant, si contrariæ sint, l. *sed & de legib.* Respondeo: Quod dicitur posteriores leges contrarias derogare prioribus, sic intelligendum est, nisi posteriores sint generales: priores autem sint de specie ad id genus pertinente. Nam quoties id accidit, omnium legum interpretatione hoc seruatur, ut semper generi per speciem derogetur, id est, lex specialis ex generali æstimetur quasi quæ contineatur generali constitutione. Atque ita fit, ut specialis valeat, sed nec nude huic contraria, cum generali non contineatur, non quidem ex verbis legis posterioris, sed legis sententia, l. *in toto. de regul. iur. l. sancio. de pœnis.* Hæc tales autem leges sunt, quæ hic proponuntur tanquam contrariæ. Nam constitutiones Imperatorum, quæ liberam potestatem testandi militibus concedunt, generales sunt, de omnibus rebus, quæ in testamento spectari possunt, ut obseruetur legis

alia sententia, de vna minima specie earum rerum; nempe de serui manumissione, proinde ea constitutionibus derogat, vel potius ex constitutionibus exempta est.

Quod si militi vna causa fuerit manumittendi serui iusta; libertas competet seruo iusta ex testamento militis, id est, ex L. Alia Sentia, nempe ut per heredem manumittatur vindicta; nam L. Alia Sentia eam manumissionem exigit. sed cum manumissus seruus erit vindicta, tamen ea libertas competet illi ex testamento militis directo, quasi a milite manumissus esset & non ab herede; atque ita fiet libertus testatoris, qui appellatur Orcinus; non autem libertus heredis, §. ult. in Instit. de sing. reb. per fideic. rel. In quo notatur discrimen inter paganus & militem in extremo huius rescripti. Nam minor paganus, si iustam causam manumittendi serui habeat, eum testamento manumittere potest, sed solum per fideicommissum, ut scilicet roget heredem suum, ut seruum eum manumittat vindicta, iuxta L. Aliam, l. minor. in fi. de fideicom. libert. quo casu seruus manumissus non accipit libertatem ex testamento, id est, recta, sed accipit ob heredem, fitque eius libertus, d. §. pen. de sing. reb. &c. Quod in milite contra fieri diximus.

Ad L. 5. Ex testamento.

Imp. Alexander A. Zozomeno.

Ex testamento militis, siue adhuc in militia, siue intra annum missus honeste decebit, hereditas & legata omnibus quibus relicta sunt, debentur; quia inter cetera, quae militibus concessa sunt, liberum arbitrium quibus velint, relinquendi supremis iudiciis suis concessum est; nisi lex specialiter eos prohibuerit. Dat. 17. Kal. Febr. Iuliano II. & Crispino CC. Coss. 225.

S V M M A R I A.

- 1 Miles honeste militia missus si post intra annum decedat, an intra eum annum iure militari testari valeat.
- 2 Serui poenae heredes institui a milite non possunt.
- 3 Mulier, stupro cognita a milite, heres institui non potest.

Hic duo notanda sunt. I. Si miles non tantum in militia decedat, sed & postquam honeste militia missus est, si intra annum decedat, testamentum eius tempore militiae factum, etiam post missionem intra eum annum iure militari valere, l. quod dicitur. l. quod constitutum est. ff. h. §. sed haec tenus. Instit. cod. Ex quibus verbis apparet, hoc beneficium intra annum tribui iis, qui missi sunt. Proinde non pertinet ad eos, qui non mittuntur, scilicet tribunos, duces, qui successores accipiunt, d. l. quod constit. Tribuitur praeterea honeste missis, ut hic expressum est. Proinde ad eos non pertinet, qui ignominie causa mittuntur, l. testamento. ff. h. Notandum praeterea, quicumque testes heredes a milite instituuntur, recte institutos videri, nisi sint serui poenae, quia serui poenae nulli sunt, nulli per se, l. quod dicitur. de reg. iur. per dominum nulli, quia do minus ius habet, l. idem est 13. §. 1. ff. h.

Hoc rescripto excipitur, nisi quis lege specialiter prohibeatur, quod sic accipiendum est, prohibeatur institui, aut testamento capere, quo in genere est mulier, in quam turpis suspicio cadere potest, ut verba sunt, l. miles ita heredem. §. mulier. ff. h. Ea autem mulier intelligenda est, quae stupro cognita a milite, po-

stea in eius contubernio fuit, ut explicatur in l. mulierem. ff. de iis, quae ut indignis, &c.

Ad L. 6. In testamento.

Imp. Alexander A. Valentino.

In testamento quidem eius, qui non miles fuit, si duobus heredibus instituitis, altero cui potuit usque ad tempus pubertatis parens facere testamentum, altero cui postea, quam heres exstitit, substituere non potuit, inuicem substitutio eisdem verbis facta est: In eum solum casum eam locum habere sententis prudentium virorum, & constitutionibus duorum parentum meorum placet, quo utriusque pari ratione potuit substitui. Sed cum ex testamento militis controuersiam esse proponas, defuncta paruula eius filia, posteaquam heres exstitit patri, cum qua simul aequis partibus heres institutus eras, substitutione inuicem facta: & mater quidem intestata filia sibi successionem defendat, tu autem ex substitutione ad te pertinere contendas: iuris quidem ratio manifesta est, licere militibus proprio privilegio etiam heredibus extraneis, posteaquam heredes exstiterint mortuis substituere: sed ubi probandum est an ita frater tuus senserit. PP. 11. Kal. Maii. Fusco II. & Dexiro Coss. 226.

S V M M A R I A.

- 1 Quando quis ex testamento hereditatem adire potest, siue ex substitutione siue ex institutione, tandem legitimis heredibus locus non est.
- 2 Verbis substitutionis, eosque inuicem substituo, utrum quis substitutus videatur pupilla etiam in hunc casum, si pupilla heres erit, & intra pubertatem decesserit.
- 3 Verbum Substitutio generale est, & ad omnem substitutionem pertinet. §. nu. 7.
- 4 Substitutio pupillaris quae.
- 5 Substitutio vulgaris quae.
- 6 Substitutio reciproca a milite interposita inter eos heredes, quibus in utrumque casum substitui potuit, an videatur in utrumque casum facta esse ex privilegio militum.
- 8 Verbum, eosque inuicem substituo, commune est, & ad utrumque heredem substitutum pertinet.

MILES testamento duos heredes instituit, filiam impuberem, quam habebat, & Valentinum fratrem suum, ambos ex aequis partibus institutos, deinde inuicem substituit eisdem verbis, nempe iis, eosque inuicem substituo. Mortuo n. ille filia impubes, per tutores hereditatem adiit, & ita heres exstitit patri, deinde impubes moritur. De huius successione oritur controuersia inter matrem pupillae, & Valentinum defuncti fratrem patruum pupillae. Nam mater cum hereditatem pupillae possideret, eam sibi defendebat tanquam ab intestato, quod diceret, pupillam intestatam decessisse, id est, nullum ei ex testamento patris heredem datum esse. Valentinus contra hanc hereditatem sibi vindicat, iure superscriptae substitutionis, quod diceret, se pupillae substitutum esse in omnem casum, id est, siue pupilla heres non erit, siue heres erit, & intra pubertatem decesserit. Et certe si Valentinus ita pupillae substitutus est, hereditas ex substitutione ad eum pertinebit. Nam quando potest ex testamento adire hereditatem, siue ex substitutione siue institutione, tamdiu legitimis heredibus non est locus, in quo numero est mater, l. quamdiu potest. l. in plurimum. de acquir. her. Haec species controuersiae sic describitur in hoc rescripto illis verbis, Sed cum ex testamento.

2 *Quaestio* † igitur in eo est, vtrum iis verbis substitutionis, *eosque inuicem substituo*, Valentinus substitutus sit pupillae etiam in hunc casum, si pupilla heres erit, & intra pubertatem decesserit? Secundum verba videtur Valentinus etiam in hunc casum substitutus: nam verbum † *substituto* generale est, & ad omnem substitutionem pertinet, arg. l. si seruus, de seru. vrb. prad. Itaque nili mater aliquid ad defensionem hereditatis habeat, eam secundum verba vinci necesse est. Proinde mater allegat id ius, quod traditur in l. 4. de vulg. & pupill. & quod hic aliis verbis, idem tamen significantibus refertur in pr. rescripti. Ius autem tale est.

Quoties testator duos heredes instituit, quorum vti iure communi substituere non potuit, in hunc casum si heres erit, & postea decesserit, si eisdem heredes inuicem substituat, substitutionem reciprocam in vtriusque heredis personam in vulgarem casum tantum factam videri, id est, in hunc casum, *Si vnus heres non erit, alter heres esto*, non autem etiam in hunc secundum. *Si heres erit & postea decesserit*, vt scilicet substitutio facta intelligatur in eum casum, quo vtrique substitui potuit. Hoc ius in proposita specie locum habet, vbi filia pupilla heres instituta est, & institutus Valentinus frater defuncti. Nam pupillae substituere pater potuit in vtrumque casum siue heres non erit, siue erit & inter pubertatem decesserit, quae † substitutio appellatur pupillaris, & conceditur etiam iure communi paganis, toto tit. l. instit. de pup. subst. At Valentinus testator non potuit substituere iure communi in hunc casum: *Si Valentinus heres erit, & postea decesserit*, quoniam hoc modo potest substituere tantum pater liberis impuberibus, quos in potestate habet. Hic autem Valentinus non est in potestate, non est ex liberis, non est impubes. Quare ex eo iure Valentinus non intelligitur substitutus pupillae, si pupilla heres erit & decesserit, substitutus est tantum in hunc casum, *Si pupilla heres non erit*, qui casus vocatur † vulgaris, sed hic casus non existit.

Valentinus contra offendit ius superius sibi non ob stare, sed potius pro se facere: nam agitur de militis testamento, in quo miles potuit tam Valentinum, quam pupillae substituere in hunc casum, *Si vnus heres erit & postea decesserit*. Proinde consequens est superioris iuris, vt quod testator facere potuerit, heredes inuicem substituendo, etiam facere voluerit.

6 *Quaestio* an † reciproca substitutio a milite interposita inter eos heredes, quibus in vtrumque casum substituere potuerit, videatur in vtrumque casum facta esse ex privilegio militum? Consensus Alexander refertur ad hunc modum: Si hic agitur de pagano, certi iuris esse substitutionem reciprocam non esse factam in hunc casum, *Si vnus ex heredibus heres erit, & postea decesserit*, ac proinde Valentinum ex proposito exclusum iri. Sed quoniam agitur de testamento militis, dubitari posse ait, an substitutio etiam in hunc casum esse videatur facta, quia miles etiam Valentinum substituere potuerit pupillae, verumtamen etiam in testamento militis idem ius probandum esse. Proinde in proposito Valentinum ex substitutione non admitti, eoq; matri fore locum ab intestato: non ob stare quod miles etiam Valentinum substituere potuerit in hunc casum, *Si heres erit & postea decesserit*, quod etiam eodem modo potuit pupillae. Non potuit quidem vtrumque facere, sed Valentinum probandum est, an id voluerit, quia ex verbis

substitutionis hoc intelligitur.

Hic opponuntur tria. Primum obstat l. 4. vers. 2. ff. de vulg. vbi traditur his verbis: *Si pater duos filios impuberes institutos inuicem substituat in vtrumque casum, substitutio facta videtur*, id est, ita vnum alteri substitutum, non tantum si alter heres non erit, sed etiam si heres erit & inter pubertatem decesserit, & hoc ideo, quia pater impuberibus filiis a se institutis, potuerit in vtrumque casum pupillariter substituere. Ex quo colligitur, si testator heredibus inuicem substitutis poterit in vtrumque casum substituere, hoc ipso etiam in vtrumque casum substitutionem fecisse videatur. At in proposito, vt iam dictum, potuit miles & pupillae, & Valentino etiam in hunc casum substituere, *si alter heres erit, & post decesserit*. Ergo iis inuicem substitutis etiam intelligitur testator voluisse substituere in vtrumque casum vt potuit.

Respondeo: Quod dicitur substitutionem reciprocam in vtrumque casum videri, cum heredes substituti sunt, quibus testator in vtrumque casum substituere potuit, tunc locum habet, cum testator potuit vtrique substituere in secundum casum, pari ratione vt hic expressum est, in primo responso, in illis verbis: *Quod vtrique pari ratione potuit substitui*, pari ratione, id est, pari substitui ratione & pari iure, quod accidit in eo, quod retulimus ex d. l. 4. Cum videtur pater duos filios impuberes institutos inuicem substituere: nam iis potuit pari ratione vtrique substituere in pupillarem casum, quia ambo sint impuberes, ambo filii, ambo in potestate, & potest ita iis substituere iure communi. Hoc in proposita specie non idem fieri potuit: nam si velimus intelligere pupillam, & Valentinum inuicem substitutos esse in hunc secundum casum, *Si alteruter heres erit & post decesserit*, substituentur dispari ratione inter se, dispari substitutione & iure dispari. Nam hoc casu in pupilla intelligitur substitutio pupillaris, quam iure communi pater facere potuit. In Valentino autem non potest intelligi substitutio pupillaris, quia est pubes, sed intelligitur militaris, quam facere potest miles solum ex privilegio militis. Proinde in hunc casum non intelligitur militem substitutionem fecisse, quia noluit.

Secundo loco opponuntur verba substitutionis. Nam hoc verbum † *substituto* generale est, proinde vt 7 supra dictum, omnem substitutionem continet. Respondeo: Vi ipsa & significatione verbi verum est, omnem substitutionem hoc verbo contineri, sed in superscripta substitutione non continetur, ex sententia testatoris. Restrigitur enim significatio ex conditione personarum, quibus substitutio fit, idq; hac ratione intellectum est: nam hoc verbum, † *Eosque inuicem substituo*, verbum commune est, vt scribitur in d. l. 4. ff. de vul. id est, verbum communiter ad vtrumque heredem substitutum refertur, vnde absurdum esse visum est, vt cum sit vnum verbum semel prolatum, contineat in vna persona heredis vnam substitutionem, & in alterius persona heredis contineat aliam, vt dicitur in d. l. 4. §. 1. Ex quo consequens est, iis verbis ex voluntate testatoris heredes substitutos esse solum in eum casum, in quem vtrique pariter potuit substitui, quod & in milite locum habeat necesse est, propter voluntatem, quae ex eodem absurdo intelligitur eadem fuisse in milite, quae in pagano.

Postremo obicit aliquis privilegium militare, vt militis voluntas citra expeditionem seruetur. Res-

ſpondeo: Id ad hunc locum nihil pertinet, non enim quæritur id, an voluntas militis ſeruanda ſit? conſtat ſeruandam eſſe, & Valentinum pupillæ bona ex ſubſtitutione vindicare poſſe, ſi miles eum ſubſtituere voluerit pupillæ, quo caſu pupilla heres eſt & poſtea deceſſit; Sed hoc quæritur, an hoc miles ſenſerit? & negat Imperator militem ſenſiſſe, & quam recte neget, intellectum eſt.

Quid ergo, quærat aliquis, intereſt inter paganum & militem? Reſpondeo: In obſcura voluntate vtriuſque nihil intereſt, quia in hac ſubſtitutione vterque dicitur ſenſiſſe idem. At in aperta voluntate multum intereſt: nam paganus pupillam Valentino ſubſtituere non potuit in hunc caſum, ſi Valentinus heres erit & poſtea deceſſerit. Miles poteſt, in eoque eſt priuilegium militis, *l. miles s. ff. h. tit.* idque priuilegium naſcitur ex eo, quia miles heredem ſubſtituere poteſt uſque ad tempus, & poſt id tempus alium ſubſtituere, *l. miles ita. ff. h. tit.*

Ad L. 7. Ex his verbis.

Imp. Alexander A. Fortunato.

Ex his verbis, Fortunato liberto meo do lego, vindicare tibi libertatem non potes, ſi pagani teſtamentum proponatur. At enim cum teſtatore militem fuiſſe proponas: ſi non errore ductus libertum te credideris, ſed danda libertatis animum habueris: libertatem equidem directam competere tibi, ſed & legati vindicationem habere te prærogatiua militaris priuilegii præſtat. Dat. 12. Kal. Ian. A. Alexandro A. II. & Marcello Coſſ. 227.

S Y M M A R I A.

- 1 Paganus, ſi ſeruo ſuo aliquid relinquat teſtamento, non data prius libertate, cur nihil agat.
- 2 Heredi a ſe ipſo legari neque ius, neque natura patitur.
- 3 Paganus ſi dum legat ſeruo ſuo, eum appellauerit libertum ſuum, an iis verbis videatur teſtator libertatem dediſſe ſeruo.
- 4 Demonstratio falſa ſubſtantiam naturæ & veritatis non mutat.
- 5 Miles an dum legat ſeruo ſuo, eum appellando libertum ſuum, videatur ſeruo libertatem dediſſe: & an ei legatum debeatur. *nn. 6.*
- 6 Errantis nulla voluntas eſt, nullus conſenſus in eare, qua errat.

PAGANVS ſi ſeruo ſuo aliquid relinquat teſtamento, non data ſeruo libertate, nihil agit, id eſt, neque libertas, neque legatum, neque fidei commiſſum valet, *l. ſeruis. j. de legat. & hic. in pr.* Legatum ideo non ꝑ valet, quia ſi valeret hoc legatum, præſtaretur ab herede defuncti, & ſimul per ſeruum heredi acquireretur legatum, ita fieret vt heredi ꝑ a ſeipſo legaretur, quod neque ius, neque natura patitur, *l. legatum. §. 1. de legat. 1.* Prius ergo oportet ſeruo libertatem dare. At hic data non eſt: aliud enim eſt legatum ſeruo dare, aliud libertatem: nihil ex teſtamento competere poteſt, quod teſtamento ſcriptum non eſt, *l. 4. ff. de reg. iur.* Quod ꝑ ſi paganus dum legat ſeruo ſuo, eum appellauerit libertum ſuum, & ita legetur Fortunato liberto meo, fundum Tuſculanum do, lego, an iis verbis videtur teſtator libertatem dediſſe ſeruo? Negat Alexander hoc loco, & recte, quia hoc verbo, Fortunato, non continetur ſententia vlla teſtatoris, qua declararet ſe velle libertatem ſeruo dare, ſed continetur tantum demonstratio, ſeu affirmatio eius quod non eſt. Teſtator enim appellat eum libertum, qui eſt ſeruus. Falſa ꝑ demonstratio ſubſtantiam na-

turæ & veritatis non mutat, *l. cum falſa. 3. de iur. & fac. ignor.* Ita ſit, vt quibuſcunque verbis uſus ſit paganus, dum ſeruo ſuo legat non data libertate; nihil agat.

Quid ſi miles idem faciat? Hic diſtinguitur. Nam ſi ꝑ miles putauit libertum eſſe, quia reuera erat ſeruus, huic etiam ex teſtamento militis neque libertas, neque legatum, neque fidei commiſſum competet, quia neutrum miles voluit. Quod attinet ad libertatem, apparet militem eam dare noluiſſe, quia in ea errabat. Errantis ꝑ nulla voluntas eſt, nullus conſenſus in ea re, qua errat, *l. cum teſtamentum. ſup. de iur. & fac. ignor.* De legato dubitari poteſt, an velit miles id ſeruo dare, quia aperte legauit; ſed dicendum eſt, etiam militem nec legatum voluiſſe, quoniam legauit quidem ſeruo, ſed legauit vt libertum, quoniam talem eſſe putauit. ſeruo igitur legatum voluit, idque etiam hac ratione magis intelligitur, quia non voluit eum liberum eſſe, quem liberum putabat. Porro ei qui ſeruus teſtatoris manet, nec natura quidem legari poteſt vtiliter, ſiquidem legatum per ſeruum defuncti heredi acquireretur, iam dicto heredi autem a ſeipſo inutiliter relinquitur.

Quod ſi miles eum ſeruum, cui legabat, ſeruum eſſe non ignorabat, & ei legauit, vt ſupra ſcriptum eſt; & libertas directæ ſeruo competet & legati vindictio ei dabitur, vt hic ſcriptum eſt. Sed hic occurritur ex iis ipſis quæ ſupra dixi. Nam huic ſeruo libertas data non eſt: legatum autem ſine libertate inutile eſt. Si dicimus, militem colligi voluiſſe libertatem dari ex eo, quod libertatem appellauit, occurreret ruſus ex eo, quod de demonstratione falſa diximus, nimirum in hoc incerto liberti demonstrationem falſam obtinere, falſam demonstrationem ſubſtantiam veritatis non mutare. Reſpondeo: Voluntas militis de libertate danda non intelligitur ex eo, quod miles ſeruum libertum appellauit. Nam & ſi ſimpliciter ſeruo ſuo legatum dediſſet, tamen & libertas & legatum competeret, *l. Lucius. §. 1. ff. h.* Sed voluntas ex eo ipſo de libertate colligitur, quod miles legatum dedit. Quoniam legatum ſine libertate haberi non poteſt, eo ſit, vt legatum dando ea omnia etiam voluiſſe intelligatur miles, ſine quibus ad legatum perueniri non poteſt, *argum. leg. 12. de iuriſdict.*

Ad L. 8. Certi iuris.

Vide quæ diximus in ſumma huius tituli.

Ad L. 9. Sicut. & L. 10. Si cum.

Imp. Gordianus A. Valerio.

Sicut certi iuris eſt, militem qui ſcit ſe filium habere, alioſque ſcripſit heredes, tacite eum exheredare intelligi: ita ſi ignorans ſe filium habere, alioſ ſcribat heredes, non obſeſſe filio ademptam hereditatem, ſed minime valente teſtamento, ſi ſit in poteſtate, eum ad ſucceſſionem venire in dubiis non habetur. PP. 5. Non. Octob. Pio & Pontiano Coſſ. 239.

Imp. Philippus A. & Philippus C. Iuſtino militi.

Si cum vel in utero haberetur filia in ſcio patre milite, ab eo præterita ſit: vel cum in rebus humanis eam non eſſe falſo rumore perlato pater putauit, nullam eius in teſtamento fecit mentionem: ſilentium huiusmodi exheredationis notam nequaquam inſigit. Is autem miles, qui teſtamento filiam ſuam appellauit, eique legatum dedit: non inſtituendo eam heredem exheredauit. PP. 12. Kal. Iun. Preſente & Albino Coſſ. 247.

S V M M A R I A.

- 1 Miles sciens se uxorem habere pregnantem, aut se habere filium, si testamento facto, aliis heredibus institutis, nullam liberorum mentionem faciat, an pratercundo exheredare intelligatur?
 - 2 Unde hac exheredatio colligatur.
 - 3 Miles unum tantum heredem instituendo ex fundo, pro reliqua hereditate intestatus decessisse videtur.
 - 4 Duo heredes uni testatori in solidum esse natura non possunt.
 - 5 Liberis militis prateritis an detur possessio contra tabulas.
 - 6 Filiis militis an eius testamento prateriti de inofficioso testamento querelari possint.
 - 7 Constit. Iustin. de prateritione & exheredatione parentum an ad milites referenda etiam sit.
- S**i miles † sciens se uxorem habere pregnantem, aut se habere filium, & testamento aliis heredibus institutis, nullam liberorum mentionem fecit, hoc ipso quod pratereat exheredare intelligitur, *ut h. l. scilicet, & l. seq. in fin. & § sed si in exped. Instit. de exher. lib.*
- S**ed † unde hac exheredatio colligitur, cum de filiis exheredandis nullum verbum fecit pater? Videtur id fieri, inquit Accursius, fictione, *in gloss. ult. l. si cum: Quod non ita est: nam si miles pratercundo noluit filios exheredare, non fingitur voluisse. Finguntur enim ea, quae non sunt: si voluit exheredare, id fingere non debemus nec possumus aduersus voluntatem. Denique ut quid in testamento militis valeat, voluntatem militis esse oportet, l. 1. sup. h. nec satis est voluntatem esse, sed de ea etiam oportet constare, l. diuus. ff. b. Merito igitur iterum quaerimus, unde hac voluntas exheredationis colligatur? Nam profecto ex sola prateritione liberorum non colligitur, quoniam aliud est exheredare, aliud praterire: sunt enim in voluntate patris haec tria distincta: institutio liberorum, & huic contraria exheredatio, & tertium genus inter vtrumque interiectum, prateritio, cum pater neque instituit neque exheredat, §. eadem. in Instit. de hered. quae ab intestat.*
- Ut igitur ex prateritione liberorum non colligitur institutio, sic etiam ex prateritione non colligitur exheredatio, quoniam pariter vtrumque a prateritione distat, eiusque rei argumentum est, quod si miles † unum tantum heredem instituerit ex fundo, pro reliqua hereditate intestatus decessisse videbitur, l. 2. ff. b. Proinde hereditas pertinebit ad liberos, quorum primus locus est in causa intestati, §. 1. Instit. de hered. quae ab intestat.
- Respondeo: Nihil est verius, quam exheredationem ex sola prateritione non colligi: colligitur vero ex eo, quod miles aliis heredibus institutis filias silentio prateriit, quosdam heredes instituendo, ut ipse ceteros omnes hereditate excludat, quia non iure tantum, sed etiam † natura duo heredes uni testatori, in solidum esse non possunt, l. quod contra. §. ult. de reg. iur. Ita cum unum vult miles, etiam cetera voluisse intelligitur, sine quibus id quod voluit esse non potest. Sed † an prateritis liberis dabitur possessio contra tabulas? Minime, quia bonorum possessio contra tabulas exheredatis non datur: hic autem liberi exheredati sunt. Idem expressum est in l. num. ad bon. ff. eod. Sed exheredatis etiam supremum remedium superest, querela inofficiosi testamenti, l. i. de inoff. test. & in Instit. tit. eod. Num igitur filiis † testamento militis prateritis, de inofficioso testamento

querilicebit? Respondeo: Aduersus testamentum militis querela inofficiosi testam. non datur, ut militis voluntas seruetur, l. si instituta. §. de inoff. test. ff. de inoff. test. l. ult. sup. de inoff. test.

Sed hac quoniam ex iure veteri dicuntur, quasi tum est, num mutentur constitutione Iustiniani, cuius fragmentum refertur in Auth. licet. infr. de liber. prater. vel exhered. Nam constitutio † Iustiniani citra 7 controuersiam posterior est: ea autem cauetur generaliter, ne liceat parenti liberos praterire aut exheredare, nisi ingrati probentur, & prater ea causa ingratitudinis nominatim inferatur testamento. Respondemus: Constitutionem illam Iustiniani quamuis verbis generalibus vtatur, tamen ad milites non pertinere, sed manere nihilominus ius vetus de exheredatione militum & prateritione constitutum. Idque demonstratur duabus rationibus. Primum, quod posteriores leges ad priores trahantur, nisi sint aperte contrariae, l. sed & poster. ff. de leg. b. Dicuntur posteriores trahi ad priores, cum referuntur ad easdem res & easdem personas, quae prioribus comprehensae sunt ut intelligitur ex l. deo praeed. de leg. b. Itaque Iustiniani constitutio posterior de prateritione & exheredatione parentum loquens, referri debet ad eas leges priores, quae de exheredatione & prateritione constitutae sunt: leges autem priores, quae de exheredandis liberis cauent, ad paganos solum pertinent, non ad milites, utiis legibus duabus declaratur. Proinde nec constitutio Iustiniani ad milites pertinere putanda est.

Altera ratio est, quod in toto iure generi per speciem derogatur, & id potius haberetur, quod ad speciem directum est, l. in toto. de reg. iur. Lex autem Iustiniani generalis est, de parentibus loquens indefinite. Quod autem constitutum est de exheredatione militis, ad speciem parentum pertinet. Nam ex parentibus quidam sunt pagani, quidam milites. Quod igitur de hac specie constitutum est, potius habebitur.

Haec dicta sunt de eo milite, qui sciuit se uxorem pregnantem aut filium habere.

Quod si ignorauit, placet eum, qui liberos prateriit, non ideo exheredasse videri, contraria scilicet de causa, quia noluit. Nemo enim intelligitur quicquam velle de ea re statuere, quam se habere ignorauit. prius enim est, ut cogitemus de ea re, quam ut velimus quicquam de ea re statuere. De re autem ignota cogitare non possumus. Huc referri debet l. mater. vers. si. ceterum. ff. de inoff. test. l. qui cum tutoribus. in fin. ff. b.

Ad L. 11. Captatorias institutiones.

Impp. Philippus A. & Philippus C. Aemiliano militi.

Captatorias institutiones etiam in militis testamento nullus esse momenti, manifestum est. PP. 7. Kal. Iul. Praesente & Albino Coss. 247.

S V M M A R I A.

- 1 Institutiones, legata & fideicommissa captatoria nullius sunt momenti.
- 2 Captatoria institutio qua fit. §. nu. 5.
- 3 Captatoria institutionis requisita.
- 4 An quauis conditio captatoriam institutionem faciat.
- 6 Hereditas heredis quomodo capitur.
- 7 Hereditas alterius quomodo capitur.
- 8 Captatoria institutiones cui fini improbat.

1 **V**s t ita est; Captatorias institutiones nullius esse momenti. *l. captator. ff. de her. instit.* nec tantum institutiones, sed & legata & fideicommissa captatoria, *l. captatoria. ff. de legat. 1. idq;* adeo ius in testamento militis valet, ut hic cautum est. Quæ hoc verbo improbetur institutio, & quam ob causam improbetur etiam in milite, non tantum in pagano, sic intelligemus, si cognouerimus, quid sit captatoria institutio, idē intellegendi de captatorio legato & fideicommissio.

2 Captatoria t institutio est, qua alienam hereditatem captamus, id est, venamur seu facimus ut ad nos perueniat. Captatoria fit, non animo tantum & proposito instituentis, sed verbis, quoties institutio verbis inclusam in se habet captationem alienæ hereditatis. Et breuiter captatoria institutio est, cum heredem aliquem instituimus sub conditione. *Si nos heredes instituet vel ipse vel alius.* Hæc definitio t nos admonet, captatoriam institutionem tria habere debere. I. Conditionem. II. Conditionem de hereditate aliena obtinenda. III. Conditionem in futurum conceptam, non in præteritum. Conditionem principio esse oportet, quod declarant illa verba Papiniani, *Quorum conditio confertur in secretum aliena voluntatis. l. captatorias, de hered. instit.* Ex quo colligimus, si quis aliquem heredem instituat pure, quamuis apud se hoc animo, ut simulat, officio & simulata liberalitate prouocet heredem institutum ad se mutuo heredem instituendum, tamen captatoriam institutionem non esse, & nihilominus valere, quia verbis expressam captationem non habet, seu non habet expressam conditionem de aliena hereditate deferenda. Et ideo si testator vicissim instituatur ab eo, quem heredem instituerat prius, utraque institutio valebit, quia neutra sit captatoria. Et hoc est, quod Papinianus ait in *l. captatorias*, captatorias non eas senatusconsultum improbauit, quæ mutuis affectionibus indicia prouocauerunt, id est, mutua liberalitate & mutuis officiis, si modo præter liberalitatem & officium nihil interuenerit in institutione.

4 Non t quæuis conditio captatoriam institutionem facit, sed cum ita heredem instituimus, *Si vicissim ipse nos heredem instituat*, aut alius, in quo diligenter nobis cauendus est error vulgarium interpretum, qui prope ad nostra vsque tempora inualuit; hi enim magno consensu definiunt captatoriam institutionem tam esse, cum conditio institutionis confertur in expressam alterius voluntatem, hoc modo: *Titius heres esto, si Mauius voluerit*, decepti sunt verbis, *d. l. captator.* cum ita scribit Papinianus: Captatorias eas dici, *quarum conditio confertur in secretum aliena voluntatis.* Quæ verba sic interpretati sunt: Quarum conditio confertur in alienam voluntatem, quæ voluntas secreta est. Accedit ad confirmationem huius erroris, quod constabat ita ius constitutum esse, ut institutio sit nullius momenti, quæ confertur in voluntatem alterius expressam, puta: *Titius heres esto, si Mauius voluerit. l. illa institutio. ff. de hered. instit.*

Sed hic error recte notatus est ab Ant. August. *lib. 3. emendat. cap. 15.* Et certe hæc definitio aperte refellitur & verbo captatoriae institutionis, & eo loco, in quo hanc definitionem tradiderunt, nempe *l. illa autem. ff. de hered. instit.* Verbum satis eos monere debuerat, eum qui Titium ita heredem instituat, *Si Mauius voluerit*, nihil captare alieni, atque adeo ne voluntatem quidem alienam captare: nam is captat, qui aliquid confert in alium, ut eius voluntatem pro-

uocet & prouocando capiat, nihil tale facit, qui conditionem confert in alienam voluntatem. Nam is in quem confertur, nulla re prouocatur, ut velit aut nolit. Deinde quæmadmodum si ita heredem instituo: *Titius heres esto, si Mauius in capitolium ascenderit*, iis verbis non capto factum alienum, eaque omnium consensu captatoria institutio non est, sed valet, *l. si quis semper. ff. de hered. instit.* Ita hac conditione, *Si Mauius voluerit*, non capto Mauii voluntatem, eoque nec captatoria institutio est, quæ hanc conditionem habet.

Quod attinet ad *l. illa autem. ff. de hered. instit.* in ea duo sunt, ex quibus manifeste superior sententia conuincitur. Primum est, quod illic scriptum est, *Captatoriam institutionem esse, quæ refertur ad alicuius capitionem.* At cum ego aliquem sic instituo, *Si Mauius voluerit*, non pertinet neque institutio neque conditio ad quenquam decipiendum. Igitur hæc conditio institutionem captatoriam non facit. Deinde in eadem lege scriptum est, hanc institutionem esse captatoriam & senatusconsulto improbari: *Titius heres esto, si Mauius me heredem tabulis testamenti recitarit.* Hinc licet ita argumentari, estque ratio in promptu. Si institutio captatoria est ea solum, quæ confertur in expressam voluntatem alterius, consequens est, quæ in tacitam alterius voluntatem confertur captatoriam non esse, sed iure valere, *l. si quis Sempronius. ff. de hered. instit.* Consequens est falsum. Ergo & id quod sequitur. Nam iis verbis institutionis, *Si Mauius me heredem recitauerit*, conditio non confertur aperte in voluntatem Mauii, non enim dico, *Si Mauius voluerit*; sed confertur in eius factum, quod tamen non impleuit, nisi prius voluerit. Atqui hanc institutionem captatoriam & nullius momenti esse dictum lege institutionis.

Non obstat, quod Papinianus dicit, eam esse captatoriam, *cuius conditio confertur in secretum aliena voluntatis.* Nam hæc verba: *Secretum aliena voluntatis*, proprie ad supremam voluntatem referri debent. Nam voluntas, quæ declaratur inter viuos, antequam declaretur secreta est. At declarata aperta esse incipit. Voluntas vero suprema, quæ testamento declaratur, etiam declarata secreta est, quoniam testatores testamenta sua ut plurimum clausa & secreta esse volunt, *l. hac consultissima. infra de testamenti.* Itaque cum verba Papiniani magis exprimant supremam voluntatem, nihil causæ est, cur non ad hanc potius referantur, etiam si sola essent. Vtunque est, verba ambigua sunt, ambiguitas ex loco subiecto explicari debuit. Agitur autem de captatoria institutione, nihil captat conditio, quæ confertur in alterius voluntatem, sed ea sola, quæ confertur in eius secretum, quod præcipue secretum esse solet, id est, in voluntatem eius testamento declaratam, id est, in summa, in institutionem ab eo factam, aut legatum ab eo relictum.

Est igitur, ut dixi, t captatoria institutio, cuius conditio confertur ad captandam hereditatem vel heredis instituti, vel alterius, & ad captandū vel sibi vel alii. Captatur t hereditas heredis hoc modo: *Titius heres esto, si ipse me heredem instituerit.* Et ideo hanc institutionem captatoriā esse certum est, ut significatur in *l. illa autem.* in illis verbis, *Sed illud quæri.* Similis est illa institutio: *Qua me ex parte Titius heredem instituit, heres mihi esto.* Nam iis verbis, qua me ex parte heredem instituit, continetur hæc conditio, si qua ex parte

ex parte me heredem instituet, l. 2. ff. de her. instit. argument. in legem 6. ff. de legat. 1. Et hac de causa improbat hanc institutio in l. 1. in fin. ff. de his que pro non script. hab.

7 Captatur alterius hereditas hoc modo: Titius heres esto, si Manius me heredem instituet, idque colligitur ex d. l. illa autem. in prin. Nam illic scriptum est hanc institutionem valere; Titius heres esto, qua ex parte Manius me heredem instituit, & adicitur ratio; quia conditio in præteritum concepta est, unde intelligitur, si conditio ita concepta est: Qua ex parte Manius me instituet, in futurum, captatoriam esse institutionem secundum verba senatusconsulti, quo captatoriae institutiones improbantur: illæ solum improbantur, quibus testator captat hereditatem heredis instituti, vel alterius, & captat sibi: sed placuit ex sententia senatusconsulti etiam captatoriam videri institutionem; si quis institutionem capteret hereditatem alteri, quam sibi, hoc modo: Titius heres esto, si Manium heredem tabulis suis recitauerit. Et hoc est quod significatur in dicta l. illa autem. in fin. de hered. instit.

Non est satis, conditionem esse adiectam de aliena hereditate obtinenda, ut sit captatoria institutio, sed conditionem oportet etiam in futurum concipi. Quod si in præteritum concipitur, valet institutio, ut Titius heres esto si vere me heredem instituit, vel qua ex parte me heredem instituit, d. l. illa autem. in pr. Et merito valet institutio ita concepta, non est enim captatoria. Nam si captare, est facere ut capiamus, captamus tantum futura, præterita quæ facta & capta sunt, neque capiamus neque adeo capimus. Adde quod in iis, quæ sua sponte quis fecit, non potest dici fuisse captus.

8 Hoc et intellecto de captatoria institutione, facile intelligi potest etiam, cur improbatæ sint: ideo nimirum, quia pertinent ad captionem alterius, in iis autem improbatis nemo decipietur. Nam si institutio captatoria valet, facile futurum est, ut heres institutus sub conditione, si testatorem heredem instituatur, spe allectus potiundæ hereditatis illum heredem instituat, ut patendo eius conditioni perueniat ad eius hereditatem. Quod si intelliget heres se nihil ex ea institutione consequi posse, non erit tam stultus, ut velit conditioni parere, qua impleta nihil consequitur.

Hæc captio non tantum pertinet ad eum heredem, quem instituimus sub conditione, si nos heredem instituatur, sed etiam ad extraneum, si Titium heredem instituatur sub conditione & Manius me heredem instituatur, etsi hic Manius nulla spes defertur hereditatis meæ, fieri ut moueatur amore Titii, quem heredem instituit, fieri etiam potest, ut Titii fraudibus inducatur Manius, ut me heredem instituatur. Proinde hic quoque eadem captio metuitur, & ob eam causam merito improbat ut captatoria.

Sed quaeritur, quomodo placet etiam ius hoc ad captatorias institutiones militis pertinere, cum constitutiones generaliter velint omnem supremam voluntatem militis ratam esse, l. 1. ff. h. & l. 1. 3. sup. h. Auger dubitationem, quod constitutiones de testamento militis posteriores videntur: posteriores autem leges derogant prioribus. Deinde lex contra, quæ cauet de captatoriis institutionibus, generalis est, pertinens ad omnium testatorum institutiones captatorias: constitutiones autem, quæ cauent de te-

stamento militis speciales sunt: referuntur enim ad speciem personarum scilicet milites, supra autem dictum, in toto iure generi per speciem derogari, l. in toto. de reg. iur.

Respondeo: Hoc ipsum quod dicimus, captatorias institutiones in testamento militis non valere, comprehensum esse aperte iis ipsis constitutionibus, quæ sunt de testamento militis. Ex quo apparet, has constitutiones hac in parte veteribus legibus non derogare. Nam hæ constitutiones comparatæ sunt, ut simplicitati militum consulerent, ut expressum est in l. 1. ff. h. Hoc verbo satis excluditur calliditas militum, & in summa, etiam si causa privilegii in constitutionibus adiecta non esset, generaliter tamen tenendum, hoc loco est, in omnibus legibus & constitutionibus lege concessis, iura deceptis, non decipientibus opem ferre, simplicitatem & infirmitatem, non calliditatem auxilium mereri, l. 2. §. 1. ff. ad Sen. Velleian.

Ad L. In testamento 12.

Imp. Philippus A. & Philippus A. & C. Domitia.

In testamento militis legem Falcidiam, & in legatis & fideicommissis cessare, explorati iuris est. Sane si quid ultra vires patrimonii postuletur, competenti defensione tueri te potes. PP. 6. Non. Iul. Prasente & Albino Coss. 247.

S V M M A R I A.

- 1 Falcidia in testamento militis locum non habet.
- 2 Legis Falcidia summa.
- 3 Heres militis hereditatem adiens non factio inuentario in solidum obligatur creditoribus hereditariis, etiam si hereditas soluendo non sit. Et cur idem in legatis. nu. 4.
- 5 Heres militis, qua defensione se tueri possit, ne præstet legata ultra vires patrimonii defuncti.

Quod dicitur et in testamento militis, Falcidiam locum non habere, hæc sententiam habet, quantumcunque legauerit miles, etiam si totum patrimonium legatis exhausisset, nihilominus solida legata præstanda esse. Nam lex Falcidia et legata minuit, dum cauet ne supra dodrantem patrimonii legatur, & si legatum sit, iubet quartam partem manere penes heredem in omnibus rebus, quæ legata sunt, l. 1. ad leg. Falcid. Instit. ad leg. Falcid. Hæc non nocet voluntati militis, & voluntas in solidum leganti seruatur ex privilegio militibus concessio: Sed hoc ita accipiendum est, cum re legata præstentur ultra vires patrimonii militis, & hoc est, quod dicitur hic: Heres militis posse se tueri competenti defensione, si quid ultra vires patrimonii postuletur. Id enim sic interpretandum, si postuletur legatorum aut fideicommissorum nomine. Idque intelligitur ex præcedentibus, in quibus institutus est sermo, de legatis & fideicommissis in solidum præstandis. Ceterum quod hic dicitur, hæc ad heredem militis referri non debet. Nam si heres et militis non inuentario facto, hereditatem adierit, in solidum obligatur creditoribus hereditariis, etiam si hereditas soluendo non sit, l. mora. ff. de acq. her. l. vlt. §. 1. & §. celsi. j. de iur. delib. Sed et cur non idem dicimus in legatis, heredem scilicet militis, qui sponte hereditatem adierit, in solidum legatariis teneri, cum dicamus heredem hereditatem adeundo contrahere videri & cum creditoribus & cum legatariis, §. heredes quoq. Inst. de obl. qua ex quasi contr. l. 3. in fin. ff. ex quib. causis in poss. Resp. Hoc efficitur ipsis constitutionibus Imperatorum, quæ sunt de testamento militum;

Nam in ea constitutione, quæ refertur in l. 1. ff. b. in extremo ita scriptum est; & ut in diuisione bonorum suorum sufficiat nuda voluntas testatoris, quibus verbis declaratur, militem posse quomodo velit testari, dummodo testetur de bonis suis. Proinde ultra bona sua testari non potest: non potest enim alienum minuire, quod expressum est in l. cum filius ff. b.

Quæritur † quid sit hoc loco competens defensio, qua heres se tueri potest, ne præster legata ultra vires patrimonii defuncti? Respondeo: Defensio ut plurimum exceptionem significat, cum quis fatetur, se summo iure teneri, sed exceptionem opponit: nunc autem defensio hic intelligitur, ut heres neget, se ultra vires teneri ipso iure, sed hac ratione, quia ultra bona sua miles testatus sit, & hanc rationem defendat illis verbis constitutionis, quæ supra dixi.

Ad L. 13. Et militibus.

Impp. Valer. & Galien. AA. Claudia.

Et militibus nostris, centurionibus quoque ob flagitium militare damnatis, non aliarum quam castrensiarum rerum testamentum facere permittitur, & intestatis iure proprio succeditur a fisco. Prop. Non. August. Valeriano & Galieno AA. 3. Coss. 256.

S V M M A R I A.

- 1 Miles capite damnatus ob crimen an testamentum facere possit: & si intestatus decedat, ad quem intestati bona pertineant, & num. 3. & 5. & si potest, de quibus rebus possit. num. 4. & quo iure possit facere testamentum.
- 2 Capite iudicium seu capitis damnatio quæ?
- 6 Commune delictum quod dicatur.
- 7 Militare delictum quod.

Hic rescripto multa defunt, quæ supplenda sunt ex aliis locis ad eandem questionem pertinentibus, sed & illis locis defunt pleraque, quæ ex hoc rescripto interpretanda sunt. Recte igitur faciemus, si ex coniunctione horum locorum hanc questionem explicabimus. Quæstio hæc est: Si † miles capite damnatus sit ob crimen: Primum an ei testamentum facere permittatur ut ei qui adhuc miles sit: Deinde, si intestatus decedat, ad quem intestati bona pertineant? Est autem posita quæstio de eo milite, qui ob crimen capite damnatus sit, idque consulto: nam si miles ex quouis delicto non capitali iudicio damnatus sit, is in totum testamenti faciendi ius retinet. Nam retinent & pagani eodem modo damnati, multo magis milites, ne sint deteriori causa, quam pagani, l. eius. §. 1. ff. de iniust. rupt. Et ideo quod hic scriptum est permitti testamentum facere militibus ob flagitium militare damnatis, sic intelligendum est, dummodo damnatis capite, ut expressum est in l. ex militari ff. b.

Est † autem capitale iudicium, siue capitis damnatio, cuius poena, mors aut seruitus, aut exilium est, id est, deportatio, l. 2. ff. de pub. ind. Exempla sunt in d. l. si quis filio. §. irritum.

Primum ergo quæritur, † an miles capite damnatus testamentum facere possit? In eoque tria requiruntur, an possit facere testamentum? de quibus rebus possit? & quo iure possit facere testamentum? Et militi ita damnato permitti testamentum facere hic scriptum est: dummodo damnatus ex militari delicto, idem in l. ex militari ff. b. Si ex communi delicto capite damnatus sit miles, non idem ei conceditur,

sed in eo vitur iure communi, l. 1. ff. de veteran. & milit. success. Quod dicitur militi permitti damnato testamentum facere, hic simpliciter dicitur, idem in l. ex militari. Sed ex manifestis locis ita temperandum est, si modo ei permittatur in sententia ab eo qui damnauit, l. si quis, in pr. §. 1. ff. de legat. 3. l. cum hic status. §. si miles ff. de donat. inter vir. & uxor. permittit autem iudex petenti militi, unde in d. l. cum hic status. §. si miles, dicitur, militi permitti testamentum facere si impetrauerit sententia iudicis: impetrant, qui petentes impetrant. Quid si petat miles, & iudex sententia non concedat? Resp. Iure cautum est, concedi id oportere, l. 1. de vetera. & mil. succ. Quid si nihilominus deneget iudex? Resp. Denegatio iniuriæ facit. Proinde miles appellare potest ad Principem, l. 1. ff. de appel.

Hæc † potestas militi permissa definita est, ut militi liceat non de quibuslibet bonis testamentum facere, sed solum de castrensis, ut h. & d. l. ex militari. ff. b. Reliqua ergo bona paganica, quo iure habentur? Respondeo: Ad fiscum pertinent: nam iure communi bona damnatorum publicantur, si capitali iudicio damnati sint, l. 1. ff. de bon. damnat. Et ideo quod scriptum est in d. l. si quis, in pr. §. 1. de legat. 3. eum militem, cui permissum est sententia iudicis facere testamentum, consequi facultatem testamenti faciendi, ex iis locis temperandum est, ut consequatur hanc potestatem de rebus castrensis, non de ceteris. Hanc potestatem ita consequitur miles, ut testamentum facere possit, non tantum iure communi, sed etiam militari iure, prout velit & possit, contemptis observationibus & diligentia iuris communis, in testamenti faciendis, d. l. ex militari. ff. b. l. si quis filio. §. irritum ff. de iniust. rupt. nempe ideo, quia hoc beneficium conceditur militi, ut militi.

Sed hic hæc exceptio adiecta est, ex d. l. ex militari, ut scilicet miles capite damnatus possit de castrensis bonis testari iure militari, nisi fides sacramenti testanti rupta sit. Quibus verbis excipitur, ut si fides sacramenti rupta sit, non ideo miles facere testamentum non possit de bonis castrensis, sed ut non possit iure militari, veruntamen iure communi. Nam ad hanc partem tantum, in qua quæritur, quo iure testamentum facere possit miles, refertur Vlpiani exceptio, ut legenti apparebit. Hæc verba *Si non fides sacramenti rupta sit*, Accursius sic interpretatur, nisi miles damnatus sit de fide rupta. Male, duabus de causis. Nam ista ratione miles ex omni delicto damnetur ex fide rupta: semper enim miles in militari delicto facit contra fidem sacramenti, quoniam promissit sacramento, se neque contra Imperatorem, neque contra Rempub. aliquid admissurum, & præterea se strenue & fortiter in officio versaturum. Deinde, etiam si ex quouis delicto admittat miles, & ex eo damnetur, non tamen fides sacramenti rumpitur, nihilominus sacramento militari obstrictus manet, quo non soluitur nisi certis modis, l. 2. §. ignominia ff. de iis qui not. infam.

Est igitur hic sensus, militem posse de castrensis bonis testari, idque iure militari, nisi sacramento siue sacramenti fide solutus sit, ignominia causa: quod ita sit, si sit exactoratus, d. l. 2. §. ignominia. hoc cum sit, miles desinit esse miles, & ignominia causa soluto non tribuitur priuilegium militis, l. testamentum ff. b. Sed nihilominus ius testamenti iure communi faciendi habebit de castrensis bonis, ut habent ii, qui aliquando milites fuerunt, ut veterani, quibus

bus permittum est facere testamentum de bonis castrensis et si sint filii familias, §. *sed hactenus*, Inst. h. Hec et dicta sunt de eo, qui sibi permitti velit testamentum facere. Quod si nihilominus miles, qui hanc facultatem impetrauerit, intestatus decesserit, hic scriptum, intestato proprio iure succedi a fisco. Contrarium videtur scriptum in l. 1. *D. de veteran. success.* Sic enim verba sunt: Militi ob crimine capitale damnato, testamentum facere concedendum est, eiusque intestati bona ad agnatos pertinent. Rursus iis duobus locis quidquam contrarium tradi videtur, in l. 2. *D. de veter. success.* Illic enim scribitur intestati militis bona castrensia ad agnatos quidem deferri usque; ad quartum gradum. Hec omnia ita concilianda sunt.

Militis capite damnati, cui testamentum facere permittum est, intestati bona paganica ad fiscum pertinent citra exceptionem. Id colligitur ex l. 2. *D. de veter. success.* ubi nominatim castrensia tantum cognatis permittuntur. Idem hoc certissimo argumento colligitur. Nam quae ratio facit, ut miles capite damnatus non possit facere testamentum de bonis paganicis, quoties ei sententia permittatur, ea ratio multo magis facit, ne ea bona ad cognatos intestati perveniant. Quod miles capite damnatus de paganicis testamentum facere non potest, haec causa est, quia eius esse desierunt, propter damnationem, nam damnatorum bona, ut dictum publicantur. Huc pertinet *l. eius*. §. 1. *D. qui test. fac. poss.* Quod si haec bona militis manerent, citra dubitationem de iis testari posset ex l. 12. *tab. vii quisque legasset*, l. *verbis*, leg. *D. de verb. sig.* Si bona paganica milite capite damnato, militis esse desierunt, & ceperunt fisci esse, perspicuum est, ea ad heredes legitimos pertinere non posse. Nam ad heredes nihil pertinet nisi defuncti hereditas, quae nihil aliud continet, nisi quod defunctus habuit in bonis, l. *nihil aliud*, de verb. sig. l. *hereditas*, de reg. iur.

Sed huic parti aduersantur verba, d. *et l. 1. de veter. success.* Generaliter enim illic scribitur bona intestati militis ad cognatos pertinere. Respondetur verba haec: *Eiusque bona intestati*, manifeste referuntur ad eum militem, & ad ea bona, de quibus prius sermo erat. Fuit autem sermo de milite damnato, & de iis bonis, de quibus conceditur illi testamentum facere. Proinde haec verba subiecta, *Eiusque bona intestati*, sic interpretanda sunt, *Eiusque*, supple *militis*, & militis bona intellige, de quibus conceditur illi testamentum facere. Haec inquam bona ad agnatos pertinent ea autem sunt sola castrensia, haec enim sola sunt militis, ut militis, & sola ea, de quibus testamentum facere militi conceditur. Quod ad castrensia bona attinet, haec sunt, quae in d. l. intelliguntur ad cognatos pertinere. Necessarium enim est illis verbis aut omnia bona militis intelligi, tam paganica quam castrensia, aut saltem unum genus bonorum. Effectum est, non contineri illis verbis bona paganica. Proinde saltem bona castrensia intelligentur, quamvis ea sint militis capite damnati, tamen ad cognatos pertinent.

Hoc idem significatur in l. 2. *eo. tit.* Sed ibi infirmior probatio est: Nam illic quidem scriptum militis castrensia bona intestati ad cognatos pertinere, sed non id dicitur, *militis capite damnati*. Hoc quidem sensit Papinianus sine dubio, sed quoniam non expressit, certior probatio adicienda fuit, ex qua intelligeremus castrensia bona militis quamvis damnati, tamen ad cognatos pertinere. Sed rursus huic parti aduersatur hoc rescriptum, cuius in extremo haec verba sunt:

Et intestatis militibus iure proprio succeditur a fisco, quae verba, si ad praecedentia referri debent, ut referri necesse est, non intelliguntur solum de paganicis, sed potius de solis bonis castrensis: Nam prius scriptum erat, militibus damnatis licere solum testamentum facere de rebus castrensis.

Respondetur, haec verba, proprio iure, rem expediunt, significant enim intestatis militibus, qui damnati sunt, fiscum succedere quidem, sed non iure communi, verum iure quodam proprio, & quod ab omni alio iure successionis remotum sit. Nam si ius commune sequeretur, bona militis capite damnati, aut omnia sunt fisci, ex iure communi damnatorum, l. 1. *D. de bon. dam.* aut nulla sunt fisci, ut proinde intestato militi damnato, fiscus aut in totum succedere debeat, aut in totum non debeat. Nunc autem id non fit, sed proprium & singulare ius in hac re est, ut bona paganica ad fiscum pertineant, ut supra dixi. Castrensia quidem ad cognatos, sed usque ad quartum gradum, d. l. 2. *de veter. success.* intra quem gradum, si nullus cognatus exstat, tunc suo ordine in iis bonis succeditur a fisco.

Haec omnia dicta sunt de eo milite, qui damnatus est ex militari delicto, non communi, ut est in d. l. *leg. 1. D. de veter. & mil. success.* Et hic et commune delictum dicimus, quod communiter admitti potest, tum a pagano, tum a militibus, ut furtum, homicidium. Militare et autem est, quod a nullo nisi a milite admitti potest, ut desertorem esse, & transfugam, seditionem excitare in exercitu, & similia, de quibus in l. 2. *& l. omne. D. de militar.*

Ad L. 14. Si a fratre.

Impp. Dioclet. & Maxim. AA. heredibus

Maximi.

Si a fratre suo militante mater vestra scripta heres successorem eius sibi quaesivit: quamvis testamenti scriptura non continet iuris observationem: hanc tamen heredes atque frairem testatoris, vel eius filios ab intestato evincere non potuisse, iure constituit. PP. V. Non. Maii ipsi AA. & Coss.

S Y M M A R I U M.

1 Miles poterit testari sine vllis solemnitatibus.

Ad testandum nuda voluntas militis sufficit ut est in Inst. & l. 1. *D. eod.* Ergo sine vllis solemnitatibus, quod hic cautum est, & in Inst. eo. tit. in prin.

Ad L. 15. Milites.

Imp. Constantinus A. ad populum.

Milites in expeditione degentes, si uxores, aut filios, aut amicos, aut commilitones suos, postremo cuiuslibet generis homines amplecti voluerint, supremam voluntatis affectum: quomodo possint ac velint, testentur: nec uxorum, aut filiorum eorum, cum voluntatem patris reportauerint, meritum aut libertas dignitasque quaratur. Proinde sicut iuris rationibus licuit, ac semper licebit, si quid in vagina, aut clypeo literis sanguine suo rutilantibus adnotauerint, aut in pulvere inscripserint gladio sub ipso tempore, quo in praelio vita sorte derelinquunt, huiusmodi voluntatem stabilem esse oportet. Datum III. Idus Aug. Nicomedia, Optato & Paulino Coss. 334.

S Y M M A R I U M.

1 Miles quocunque modo voluntatem suam declarat, rata est.

Miles quemvis heredem recte instituit, de quo dictum in summa. Miles quocunque modo voluntatem suam declarat; haec rata est, tunc dicat,

quod sentit siue scribat, siue dicat, nec interest dum scribit visitato scribendi modo, vtrum sanguine suo in clypeo, aut vagina, aut galea, ut hic scriptum est in extremo. Huc pertinet *l. Lucius. D. h. Obstat l. Diuus, D. h.* ubi placet ad testationem esse supremæ voluntatis militis non sufficere, si dicat: *Ego Lucium Titium heredem instituo*, etiam si maxime hoc dixisse probetur: sed tunc hanc testationem ratam fore, cum miles hoc dixerit, conuocatis ad hoc hominibus, ut de ea re testaretur, Quod hic non exigitur, ut ex verbis apparet, neque enim moribundus conuocare homines poterat, de quo tamen hic agitur.

Dicendum est id, in quod omnes consentiunt, interesse plurimum, vtrum miles non prematur vlla necessitate testamentum faciendi, quia viuit & valet, & non versatur in conflictu inter hostes, an vero necessitate testandi astringatur, ut qui in prælio vulneri accepto sit propinquus morti. Qui a nulla necessitate premitur testandi. Ad hoc recte exigitur, ut testes habeat, ut denitetur suspicio falsi, & quia facile potest testes ad eam rem vocare, & quia nihil extrinsecus occurrit, cur velit testamentum facere. At vero, qui in extremis versatur, ab hoc exigi non potest, ut testes conuocet, nisi frustra; deinde necessitas satis ostendit, illum qui testatus est, primo testamentum esse.

Ad L. 16. Scriniarios.

Imp. Anastasius A. Hierio. PP.

Scriniarios vel apparitores qui virorum magnificorum magistrorum militum in sionibus vel actibus obtemperant, & si nomina eorum matriculis militaribus referri videantur, nullatenus tamen in ultimis a se conscribendis voluntatibus iuris militaris habere facultatem decernimus. Dat. Idibus. Feb. Constantinop. Paulo. V. C. Coss. 496.

S Y M M A R I A.

- 1 *Ius testandi, quo modo quis velit, soli milites habent.*
- 2 *In militum numero qui sint.*
- 3 *Apparitores & scriniarii an militum numero continentur & iure militari testari possint.*
- 4 *Hosticum quid.*
- 5 *In hostico deprehendi qui dicantur.*
- 6 *Miles ab hostibus captus sit seruus, nec testamentum facere potest, & quod ante fecit sit irritum.*

Ius testandi, quo modo quis velit, solis militibus tribuitur ex constitutionibus, *l. 1. 3. sup. eod.* Non sunt autem milites, qui non militant, seu qui in numeros militum relati non sunt, etiam si maxime sint in comitatu & officio ducum & magistratuum militarium, & proinde cogantur exercitum sequi, quales sunt apparitores, & quales ii, quibus commissa sunt magistratuum scrinia, quibus continentur scripta memoriarum causa, Epistolæ, libelli supplices, qui hoc loco dicuntur scriniarii. Proinde hi iure militari testari non possunt, ut hic, in quo continetur interpretatio verbi *Militis* Hoc cum hac exceptione accipiendum est, nisi si qui ex iis, qui non militant, in hostico deprehendantur & illic decedunt, quibus, cuiuscunque generis sunt, permittitur testari, quocunque modo velint, & possunt, similiter militi ut militi, *l. ult. D. eod. l. vn. D. de bon. poss. ex test. mil.*

Hosticum si iis in locis ita dicitur, ut a Latinis dicitur posticum, ut Horat. epist. 1. *Postico falle clientem.* Ut ergo posticum Latinis dicitur posterior pars domus, aut potius hostium in posteriore parte domus,

sic hosticum dicitur hostium siue locus ab hostibus occupatus. In hostico & dicitur deprehendi, qui in conflictu ita circumuentus est ab hostibus, ut effugere non possit, ibi si quis testamentum facit, priusquam ab hostibus capiatur, & ibi decedat, eius testamentum iure militari valet. Adieci, *Si nondum ab hostibus captus est.* Nam ab hostibus captus, fit & seruus hostium, quo tempore non solum testamentum facere non potest, sed etiam id, quod prius fecit, irritum fit. *l. eius, D. qui testam. fac. poss.*

Ad L. 17. Ne quidam.

Imper. Iustinianus A. Mennæ præfecto prætorio.

Ne quidam putarent in omni tempore licere militibus testamenta, quoquo modo voluerint, componere: Sancimus his solis, qui in expeditionibus occupati sunt, memorarum indulgeri circa ultimas voluntates conscribendas beneficium. Dat. 4. Idus April. Decio. V. C. Coss. 529.

S Y M M A R I A.

- 1 *Privilegium testamenti militaris tum demum valet, si sint in expeditione occupati.*
- 2 *Expositio quid, & unde dicta.*

Quod tribuitur militibus, ut testari possint, quo modo velint, tribuitur hac constitutione ita, *Si sint in expeditione occupati.* Expositio & est neque conflictus, ipse, neque rursum tempus belli, sed totum illud tempus, quo milites in armis procedunt, aut stant aduersus hostem, siue eum persequantur, siue eum imminet exspectent, vel ut inuadant intenti ad opportunitates omnes reigerendæ, vel inuadentem sustineant & propulsent. Dicta expositio, quod milites sint expediti ad conflegendum cum hoste, quandoque casus ingruit.

Ad L. Vltim.

Imperat. Iustinianus A. Ioanni præfecto prætorio.

Licet antiquis legibus permittebatur pupillis, si tributum numerorum merebantur, vltimum elogium conscribere posse: attamen indignum nostris temporibus esse videtur, eum qui stabilem mentem nondum adeptus est, propter privilegia militum sapientium hominum iura pertractare, & in tam tenera ætate ex tali licentia parentibus forte suis vel aliis propinquis nocere, propriam substantiam extraneis relinquendo. Ideoque hoc fieri nullo modo concedimus. Dat. Kalend. Nouemb. post consulatum Lampadii & Orestis, VV. & CC. anno secundo 532.

Dictum est satis in summa.

AD TITVLVM XXII. COD.

Qui testamentum facere possunt, vel non.

S Y M M A R I A.

- 1 *Testamentum ut sit iustum, quibus in rebus positum sit.*
- 2 *Testamenti faciendi ius qui habeant, & qui non.*
- 3 *Tres ordines eorum qui testamenta facere non possunt, num. 7. & 9.*
- 4 *Cines Romani qui sint.*
- 5 *Obsides an testari possint.*
- 6 *Deportati cur testari nequeant.*
- 8 *Quot desiderantur ad testamentum faciendum.*

10 In testamēto quod ab initio vitiosum est, tractu temporis non potest conualescere.

11 In questione, an is, qui testamentū fecerit ius testandi habuerit, spectandum est tempus, quo testamentum facit.

S V M M A.

Hinc initium fit iuris communis ciuiū Romanorum, quod seruatur in testamētis faciendis. Quid autem deinceps sequentibus titulis agatur, & quam recte collocati sint, intelligemus, si res reuocetur ad id, quod in hac tractatione propositū est. Initio dixi agi de hereditate acquirenda, ac primum de ea quæ testamēto deferatur. Hic ante omnia cōstituendum est, quomodo hereditas testamēto deferatur: sic autē defertur, si duo concurrant, scilicet testamentum erit, & si erit iustum, id est, secundum regulas iuris. An sit testamentū, intelligetur ex definitione testamēti, in quibus enim scripturis & nuncupationibus erit definitio testamenti, ius & nomen testamenti tribui necesse est. Quid sit testamentum traditur in leg. i. D. qui test. fac. poss. de qua definitione dicetur cōmodius, ad tit. de testam. seq. Vt t̄ autem testamentum iustum sit, tribus in rebus positum est; in persona testantis, ut sit is, qui testamenti faciendi ius habeat, in solemnibus testamentorum, & in iis institutionibus & exheredationibus, quas leges in testamento requirunt.

Sed prima quæstio est de persona testantis: frustra enim queruntur cetera in testamento, si is qui testamentum facit, ius testandi non habet l. 3. D. qui test. fac. poss. Merito igitur hinc initium factum est hoc titulo. Huic titulo multa defunt, sed querimus eos omnes, qui testamenta facere non possunt. Recte igitur faciemus si omnes cōplectemur initio. Summa autē hæc est: Hi t̄ testamenti faciendi ius habent, qui ciues Romani sunt, qui itē capaces sunt earū rerū, quas desiderat testamēti ordinatio, neq; lege iubentur esse intestabiles. In quib. contra hæc nō sunt, hi testamentū facere non possunt. Itaq; eorū, quib. nō est concessū facere testamentū, tres sunt ordines.

Primus t̄ est eorū, qui ciues Romani non sunt, sic enim statui debet ius testandi proprium tantum esse ciuium Romanorum, ut declaratur l. 1. & 2. l. falso. l. 1. D. ad l. falsid. Ciues t̄ Romani sunt, qui in orbe Romano liberi sunt, l. in orbem. D. de stat. hom. §. ult. Inst. de libert. in fi. Non sunt igitur ciues Romani, qui aut serui sunt, aut ex ciuib. Romanis libertate salua, ciuitatem amiserunt. Proinde totidem genera eorū, qui testari nō possunt. Sunt ergo in hoc numero serui nostri l. si filiusfam. D. qui test. fac. Itē qui ab hostib. capti sunt, l. eius. §. ult. Inst. eo. quib. non est perm. §. &c. Nā & hi efficiuntur serui hostium, leg. adeo. D. de acq. rer. dom. In t̄ eadē causā sunt obfides nobis dati ab hostib. l. obfides. D. eo. Nam & ii habentur captiuorum nostrorū loco, quippe qui ita dantur, ut nisi hostes stent promissis, sit ius & potestas in obfides statuendi l. diuus. D. de iur. fisc. Et hoc nisi pmittatur eis testari, d. obfides. Quod fit, cum accepto vsu toge Romanæ, ut erat mos Romanorū, cōceditur illis a principe, se pro ciuib. gerere, l. sed id accepto. D. de iur.isci. Eiusdem generis erant, qui olim serui pœnæ efficiebantur, quo in numero erant, qui ad forum, hoc est, qui ad ludum gladiatorium, aut ad bestias, aut in metallum damnabantur, §. 1. Inst. de cap. min. Quam ob causam etiam testamentum facere non poterant, l. eius. §. ult. D. eod.

Hodie ex cōstitutione Iustiniani nemo fit damna-

tione seruus, Nouell. de nupt. §. qui autem prius, & §. seq. Sed nihilominus ii, quos diximus, libertate salua ciuitatem amittunt. Itaq; pertinent ad id genus, cum qui ciues Romani erant, ciues Romani esse desierūt: In hac causā habentur omnes, qui capite damnati sunt, quo in numero sunt præter superiores deportati, l. 2. D. de publ. ind. §. cum autem, Inst. quib. mod. pot. Ob hanc causā hi testamentū facere non possunt, ut est in l. eius, in §. 1. D. h. Est quidem t̄ & alia causā, cur hi non possint, quæ superiori loco expressa est, q̄ videlicet bona habere definant, ut quæ publicentur, sed hæc præcipua causā est, cur non possint, q̄ desierunt esse in numero ciuium Romanorū, nam nec si bona haberent, possunt tamen facere testamentum.

Secundus t̄ ordo eorū, qui testamentum facere non possunt, est ciuium Romanorum, id est liberorum, & eorū qui sunt in orbe Romano, qui destituuntur rebus ad testamentum faciendum necessariis, ut etiam si velint, nec nominatim lege prohibeātur testamentum facere, tamen nō possint, prohibente rei natura, de qua agitur. Tria sunt autē, t̄ quæ desiderantur ad testamentum faciendum. I. Vt quis bona habeat, & habere possit iure, nam ius testandi ideo cōstitutum est, ut quis legare possit suæ rei, id est, de re sua statuere, ut cautū est verbis, l. 12. tab. & l. verbis legis. D. de verb. sig. II. Vt qui testatur, iudicio præditus sit, & iudicio possit testari, nam testamentum est voluntatis nostræ sententiā, l. 1. D. h. III. Vt q̄ quis sentit, possit testari vel scripto, vel lingua. Hæc in quib. non sunt, hi natura satis ipsa testamēta facere prohibentur. Itaq; eorū tria sunt genera in hoc ordine. Primum, si quis in bonis quid nō habet, nec habere potest iure, quo in genere est filiusfam. l. qui in potest. D. eo. Inst. eo. pr. l. 3. in fi. b. Alterum genus est eorū, qui mente aut iudicio certo destituuntur, vel propter artem, vel propter animi morbū, vel propter errorē ignorantie status sui. Ad hoc genus referri debēt hæc quinque personæ, impubes, furiosus, mente captus, prodigus, & qui de statu suo dubitant, sicut liberi an serui, filii familias, an sui iuris, de trib. prioribus est in §. præterea. Inst. h. de prodig. est in §. prodig. eo. it. De iis qui de statu suo dubitant est in l. qui in test. & l. de statu seq. D. h. De impubere est in l. 4. b. de furioso est in l. furios. b. Tertium genus in hoc ordine est eorū, qui q̄ sentiunt testari non possunt, aut nō possunt cōmode impediēte corporis vitio, quo in genere est cæcus, de quo in l. consultiss. j. b. Item mutus & surdus, de quibus in l. discretis. b.

Tertius ordo eorū, t̄ qui testamentum facere non possunt, est ciuium Rom. qui quidem præstare possunt omnia, quæ testamenti factio desiderat, sed lege prohibentur testamentū facere. In quo genere sunt, qui iubentur esse intestabiles. Iubentur autē, qui ob crimē famosum damnati sunt l. 15. cum lege, §. ult. D. h. Iis cognitis, de generib. eorū, qui testamentū facere non possunt admonendi sumus, quorū quæritur, an is, t̄ qui testamentū fecerit, ius testandi habuerit, in eo esse spectandū id tēpus, quo testamentū facit. Et ideo si eo tempore in ea causā fuit, ut testamentū facere nō possit, testamentū nullū erit, quando cūque statu mutato decesserit, ut puta filiusfam. impubes, seruus testamentū facit, quando cūq; hi decesserint, testamentū nō valebit, etiam si filiusfam. sui iuris, pupillus pubes, seruus liber factus decesserit, l. si filiusfam. D. h. §. præter. Inst. b. Idq; efficitur regula Catoniana, q̄ dicitur, q̄ in testamento t̄ ab initio vitiosum est, tractū u

temporis non posse cōualefcere, *l. 1. de reg. Caton. leg. quod initio, de reg. iur.*

Econuerfo si quis quo tempore testamentum fecit, ius testandi habuerit, valet testamentum, neque infirmatur postea, quamuis in vnam aliquam earum caussarum, de quibus dixi, inciderit. Vt si pubes sanæ mentis testamento facto, postea in furorem incidit, aut prodigus esse cœperit, § *furiosi*, & § *item prodigus, l. est. h.* Quod tamen ad eos non pertinet, qui post testamentum factum ciues Romani esse desierunt, vtpura si is, qui testamentum fecit, postea sit deportatus, testamentum eius, quod antea fecerat, irritum fit, *l. eius, §. 1. D. eod.* Vel verius ad superius ius non pertinent ii omnes, qui postea bona habere desierunt, siue ciues Romani sint, siue non. Nam etsi paterfamilias pubes testamentum fecerit, deinde se arrogandum dederit, atque ita decesserit, eius testamentum fit irritum, quamuis ciuem Romanum manere constet, § *non tamen, Inst. it. quib. mod. testam. infir.* Et hæc causa est, quia se arrogandum dando, bona habere desit, quæ transtulit in familiam patris arrogatoris, *l. pen. §. 1. D. de bon. poss. sec. tab.*

Sed & eius, qui sibi mortem consciiuit, testamentum irritum fit, quamuis in ciuitate decedat, id est, ius habens ciuitatis, seu decessit in numero ciuium Romanorum, *leg. si quis filio, §. eius qui, vers. nam eorum, D. de iniust. rupt.* Consequens iis erat, vt eius quoque testamentum irritum fieret, qui testamento facto ab hostibus captus esset, quia vt seruus fieret hostium, ita bona quoque amitteret. Sed huic subuentum est duabus legibus, nempe iure postliminii, & lege Cornelia testamentaria. Nam si captus redeat ab hostibus, eius testamentum valet iure postliminii, quasi captus non esset; sin decedat apud hostes, eius testamentum confirmatur lege Cornelia, quasi tum decessisset, cum captus esset *d. l. si quis filio, §. seruus, in prin. & §. quatenus, D. de iniusto rupto, §. vlt. Inst. quib. non est permiff. fac. test.*

Ad L. 1. Quamquam.

Imp. Gordianus A. Petronio militi.

Quamquam omnium bonorum socer tuus, itemque frater eius, si cui fuerint: tamen non eo minus idem frater eius, si facti minus impleat, testamento suo potuit sibi heredem instituere quem vellet. Item, non idcirco minus is testamenti factionem habet, quod indiuisam successionem cum sorore sua dicatur habuisse. PP. 12. Kal. Aug. Ariano & Pappo Coss. 244.

S V M M A R I A.

1 Socius omnium bonorum an testamentum facere & heredem instituere possit.

QVaritur si an is testamentum facere & heredem instituere possit, qui omnia bona habet cum alio communia, quod accidit iis, qui societatem omnium bonorum contraxerunt, aut qui sine societate inciderunt in communionem, vt liberi patri heredes facti, cum prius nihil haberent, nec postea quicquam priuatim sibi quaesierunt, *leg. prima, de commun. diuid.*

Quaestio recte existimatur hinc videri nata esse, quod ita demum voluntas suprema rata est, ex lege duodecim tab. si quis legasset suæ rei, id est, de sua re statuerit, *l. verbis legis, de verb. sign.* Dubitatur autem an is quicquam proprium habuerit, & quod suum possit dicere, qui non habet quicquam nisi cum alio

commune? Sed facilis solutio est ex verbi significatione. Nam & quod commune est, meum est, non quidem meum in solidum, sed pro parte indiuisa, quam in re communi vnusquisque sociorum habet, *l. pupillus, §. vltim. D. de verb. signific.* Lex iubet vnumquemque legare suæ rei: qui parti suæ legat, is est, qui de parte sua statuit. Nam appellatione rei, pars etiam continetur, *leg. appellatione, D. de verborum significat.*

Ad L. 2. Si is.

Imp. Diocletia. & Maximia. AA. & CC. Viatori & Pontia.

Si is, qui te cum uxore tua heredem scripsit, quando testamentum ordinauit, sana mentis fuit, nec postea aliquis sceleris conscientia obstrictus, sed aut impariens doloris, aut aliqua furoris rabie constrictus, se precipitem dedit, eiusque innocentia liquidis probationibus commendari potest a te: adscita mortis obtentu postremum iudicium conuelli non debet. Quod si futura poena metu, voluntaria morte supplicium anteuenterit: rata voluntate eius conservari leges vetant. PP. Kalend. Decemb. pps AA. & Coss.

S V M M A R I A.

- 1 Mortem sibi consciscientium bona quibus modis publicentur, & eorum testamentum fiat irritum.*
- 2 In quaestione nata inter fisco & heredes utrum is qui sibi mortem consciiuit id fecerit doli impatientia, aut aliis de causis, an vero metu poena imminetis, utri, fisco an heredi, onus probandi quod dicunt, incumbat.*

QVi mortem sibi consciiuerunt, eorum bona publicantur, & ob eam causam etiam si quod testamentum antea fecerint, irritum fit, quia heredem habere non possunt, *l. si quis filio, §. nam eorum, D. de iniusto rupt.* Sed hoc ita est, si hæc concurrant, quæ explicantur pluribus, in *l. 3. D. de bon. eor. qui sibi mor.* Ex quibus hoc rescriptum interpretandum est. Sunt autem hæc conditiones; si hi qui sibi mortem consciiuerunt, postulati sint rei criminis capitalis, aut in eo crimine deprehensi, & metu supplicii imminetis, mortem sibi consciiuerunt. Quibus conditionibus adinonemur, tria hic spectanda esse, vt bona publicentur & testamentum irritum fiat eius, qui sibi manus attulit. Tria hæc inquam, Accusationem, Genus criminis, & causam conscitæ mortis.

Prius accusationem esse oportet, aut id quod pro accusatione habeatur, nempe aut reum postularum esse, aut in crimine deprehensum, *d. l. 3. in prin.* Crimen quo reus postulatus est, capitale esse debet, id est id, ex quo si reus damnaretur, afficiendus esset aut morte, aut deportatione, *d. l. 3. vers. ut aut. l. eius, §. idem.* Quæ duo cum hoc rescripto satis expressa non sint, inde huc assumi debent. Postremo quaeritur causa hæc conscitæ mortis, vt reus supplicium metu poenæ anteuenterit, alioqui nihil constituetur noui in eo, qui quamuis reus & vere criminis capitalis reus mortem sibi consciiuerit aut impatientia doloris, aut furore adactus, aut tædio vitæ, *d. l. 3. §. 1. vers. si quis autem, & d. l. si quis filio, §. eius qui, vers. nam eorum, D. de iniust. rupt.* Ex quo colligimus, si mortui heredes aut actores aliquid eorū, quæ dixi, accidisse probent, non esse necesse quicquā docere de mortui innocentia, vt superiorib. locis euidenter declaratur. Et ideo quod in hoc rescripto exigitur, vt mortuus pro-

tus pro-

mortuus probetur impatientia doloris aut furore sibi mortem intulisse, eiusque innocentia etiam commendetur. Hęc verba, *eiusque*, aut ita testinēda sunt, ut legamus *eiusque*, aut coniunctiva oratio pro distinctiva accipienda est, ut sit *eiusque*, ut in usu iuris fieri solet, quoties sententia exigit, *l. sēpe, D. de verborum significatione*.

Hinc quæritur, si controuersia nata sit inter fiscum & heredes, utrum is, qui sibi mortem conscivit, id fecerit, doloris impatientia, aut aliis de causis, an vero metu pœne imminētis, utri id quod dicunt probare debeant, fiscus an heredes defuncti, de quo hic? Et dicitur heredes probare debere impatientiam doloris, aut furorem, aut alias causas, quas allegant. Et recte, nam cum prius reus fuerit sanæ mentis, & ita constitutus, ut nulla impatientia appareret, necesse est eundem semper videri, nisi dicatur fuisse mutatus. Heredes mutatum dicunt, proinde probare debent, iuxta regulam iuris communis, ei qui dicit, incumbit probatio, *l. 2. de probat. arg. l. siue possideris, supra, de probat.* Quod si heredes probare volent, non alia de causa reum sibi manus attulisse, quam rædio vitæ, non aliter id probare poterunt, quam si docuerint de defuncti innocentia, ad cuius defensionem admittuntur, si modo antea de crimine probatum non sit, quæ sententia est *l. 3. §. ult. D. de bon. eor. qui sib. mort.* Et hic casus, in quo exigitur ab heredibus defuncti, ut probent eius innocentiam, ne bona illius publicentur. Ceterum si alias probare volunt ipsum sibi mortem conscivisse, vel impatientia doloris, vel furore correptum, nihil necesse est de innocentia eius docere: alterum probare sufficit, ut supra dictum.

Ad L. 3. Senium.

Impp. Dioclet. & Maximian. AA. & CC.
Licinio.

Senium quidem atatis, vel aegritudinem corporis sinceritatem mentis tenentibus, testamenti factionem certum est non auferre. Filium autem, qui in potestate est testamentum facere non posse indubitati iuris est. Datum IIII. Non. Apr. Sirmii CC. Cos.

S V M M A R I A.

- 1 Senium & aegritudo testamenti factionem non auferunt.
- 2 Filiusfam. cur ius testandi non habeat: & in quibus bonis habeat nu. 7.
- 3 Testamentum an sit factio iuris publici.
- 4 Peculium filiifam. duplex, militare & paganum.
- 5 Militare item duplex, castrense & quasi castrense, & quid utrumque.
- 6 Paganum quid: estque itidem duplex profectitium & aduentitium: & utriusque definitio.
- 8 Filiusfam. an possit patre consentiente de bonis aduentitiis & profectitiis testari, legare, & donare.

Paterfamilias quæ pubes, qui mente & iudicio præditus est, testamentum iure facere potest, secundum ea, quæ initio diximus. Hoc iudicium tamen neque senilis ætas neque aegritudo sola corporis auferunt, proinde nec testamenti faciendi facultatē auferunt, ut hic dicitur. Huc facit, *lin eo, D. h.*

Filius autem qui in potestate est. Filiusfamilias tamen testandi ius non habet, *Instit. h. in prin. l. qui in pot. D. h.* quod efficitur satis iis verbis legum, quibus sit potestas legandi rei suæ, siue testandi de pecunia sua,

quæ lex indicatur, *in l. testandi prox. tit. & l. verbis leg. D. de verb. signific.* Nam ut ius antiquum fuit, filiusfamilias nihil habuit suum *l. 1. D. si a parente quis fuerit manum. §. 1. Instit. per quas pers. nob.* At filiusfamilias inter viuos quidvis gerere potest. Nam præterquam quod potest ex omnibus causis acquirere, *d. §. 1. per quas pers.* etiam ex omnibus causis obligari potest, & conueniri non secus ac paterfamilias, *l. filiusfamil. D. de oblig. & act. l. tam ex contractib. D. de indeb.* Cur non igitur & testamentum facere potest itidem ut paterfam. ut si testamentum non valet, quamdiu bona non habebit, at tunc certe exitum habeat, cum bona habere cœperit? Respondeo: Hæc causa est, quia filiusfamilias habet, in quo contractus exerceat, in quo autem testetur, non habet. Nam ut acquirat non est necesse, ut quicquam ante in bonis habeat, ut autem obligetur, satis est ipsius persona. Nam contrahendo persona eius contrahit, non bona. At sine pecunia testari non potest, nullam autem habet iure veteri, ut supra dictum.

Sed hic obiicitur, filiumfamilias tamen in iis, quæ sunt publici iuris, pro patrefamilias habetur. Nam quod ad ius publicum attinet, non sequitur ius potestatis, *l. nam, quod. D. ad Trebell.* Testamenti autem factio videtur esse huius generis, nam dicitur esse iuris publici, non priuati *l. 3. D. h.* Ergo in testamenti factione pro patrefamilias habetur, ut proinde tanquam paterfamilias liceat ei testari. Respondeo: Non recte colligitur: fallacia enim est, ex ambiguo. Nā cum dicimus filiumfamilias non sequi ius potestatis, quod ad ius publicum attinet, hic verbo *iuris publici*, intelligitur ius, quod ad statum reipublicæ spectat, quod consistit in sacris, sacerdotibus, magistratibus, *l. 1. §. huius studii, de instit. & iur.* In iis filiusfamilias non sequitur ius potestatis, id quod significari in *d. l. namque*, liquido apparet ex fine legis præcedentis, ubi traditur, *filiumfamilias magistratum constitutum omnia statuere posse etiam aduersus patrem pro iure magistratus.* Hoc sensu testamenti factio non est iuris publici, nemo enim testatur de re ad rempublicam pertinente, sed de priuata & sua re, *d. l. verbis legis.*

Non obstat, quod dicitur testamenti factio est iuris publici non priuati. Hic enim itis non significat legem & ius constitutum, sed significat facultatem & arbitrium testantis. Estque hic sensus, testamenti factio non est iuris & arbitrii priuatorum, ut possit quivis testamentum facere cum velit, sed est res posita in auctoritate legis & iuris publici seu communis, quoniam iis tantum licet testamentum facere, quibus lex concedit, iis non licet, quibus lex verat testamentum facere, eamque formam nulli priuato mutare licet, *l. testandi, infr. prox. tit.* Hac sola ratione efficitur, filiumfamilias ius testandi non habere, quoniam testamentum facere lege prohibetur.

Hoc ius olim perpetuum fuit, cum nihil proprium haberent filiifamilias, postquam autem distinctio peculiorum introducta est constitutionibus, cœpit hæc facultas testandi mutari in filiisfamilias. Peculium tamen filiifamilias cœpit duplex esse ex constitutionibus, quoddam paganum, quoddam militare. Militare duplex, tamen castrense & quasi castrense. Castrense est id quod definitur in *leg. castrense, Dig. de castrens. pecul.* Quasi castrense est id, quod extra armatam militiam ex administratione & opera publica questum est. Tribuitur iis, de quibus comprehensum, *leg. ult. supr. de inoff. test.* Hæc genera duo propria ef-

fecta sunt filiorum familias, ut in his pro patribus familias habeantur, *l. 2. D. de Senatuscons. Maced. l. 1. §. nec castrense, D. de collat. §. 1. Instit. per quas person.*

6 Paganum est, quod neque castrense est, neque quasi castrense, quod per occasionem militiæ acquiritur. Estque idem duplex: Profectitium & Adventitium. Illud dicitur, quod proficiscitur a patre in filium, *l. 5. D. de iur. dot. hoc, quod obuenit aliunde quam a patre, d. l. §. 5. pater, de iur. dot.* Quod a patre profectum est, id etiam nunc ex constitutionibus totum est patris: quod aliunde obuenit huius proprietatis filii est in solidum, ususfructus solus relictus est patri. *Instit. per quas pers. l. cum op. infr. de bon. que lib.* Quamquam & in quibusdam causis etiam adventitiorum ususfructus, una cum proprietate, filiofamilias tribuitur, quæ causæ notantur in *Amb. insertis, in d. l. cum oportet, etiam infr. de bon. que lib.* Una est etiam comprehensio in *l. ult. in pr. eod. tit.*

7 Hac distinctione etiam peculiorum introducta, facultas testandi etiam mutata est, ad hunc modum, ut filiusfamilias de bonis castrensis & quasi, suo iure testari possit, *tit. quib. non est perm. in prin. Et l. ult. infr. h.* Contra vero de ceteris bonis ius antiquum manet, ut in iis filiusfamilias testandi ius non magis habeat quam ante *leg. penult. infr. h.* Qui locus diligenter nobis expendendus est. Ex ea enim constitutione intelligimus filiumfamilias non tantum testari non posse de bonis profectitiis, de quibus nulla dubitatio est, cum non sint eius, & oporteat unumquemque de sua pecunia testari: sed etiam non posse de adventitiis, non tantum si ususfructus in iis acquisitus sit patri, sed etiam si non sit, ut intelligamus, quamuis bona adventitia filiofamilias in solidum acquisita sint, tamen eum de iis bonis testari non posse. Id autem colligitur ex iis verbis constitutionis cum Iustinianus vetat filiumfamilias de iis testari, etiam si sine consensu patris ea possideat secundum distinctionem nostræ constitutionis: iis enim verbis significat eam hereditatem, quam filius adit recusante patre, in qua specie constitutum est nominatim a Iustiniano, ut ea hereditas in solidum filio acquiritur, nihil patri, in *l. ult. infr. de bon. que lib.* quam constitutionem designat.

Sed hic requiritur ratio huius constitutionis. Nam cum bona adventitia in solidum sint filiofamilias, consequens esse videbitur superioribus, ut & de iis testari possit. Dictum enim, non alia de causa filiumfamilias prohiberi testamentum facere, quam quod nihil habet in bonis, de quo testetur. Hæc ratio cessat in hoc genere bonorum adventitiorum, proinde consentaneum erat, ut prohibitio quoque testandi collaretur, *argumentum in l. quod dictum, de pact.* Respondeo: Si bona adventitia etiam ea, in quibus ususfructus acquiritur filiofamilias, in totum, & pleno iure tribuerentur filiofamilias, consequens esset, quod diximus, ut & de iis testamentum facere possit, quemadmodum potest de castrensis & quasi castrensis. Et ideo si nihil cautum esset de hac re posterioribus constitutionibus officium nostrum, id est, interpretum esset hanc quoque consequentiam admittere, *mutata d. l. quod dictum, D. de pact.* Nunc autem adventitia bona non sunt in totum attributa filiofamilias, quamvis ususfructus iis acquiritur. Nam constitutiones hoc exceptum, ne iis liceret testamentum facere de iis bonis, *d. l. pen. infr. h.* Ex quo manifestum est, hactenus ea bona non esse filiofamilias

Nam cum testamentum de iis facere non possit filiusfamilias, eveniet, ut eo intestato mortuo, bona eius patri deferantur, quæ pater occipabit, non tanquam hereditatem, sed tanquam peculium, id est, rem suam. Nam idem fieret etiam in peculio castrensi si filiusfamilias miles intestatus decessisset, *l. 2. D. de cast. peculio.*

Sed obstat vehementer *l. ultim. §. filius autem, infra, de bon. que lib.* ubi ita scriptum est. Filiusfamilias in iis dictis casibus, in quibus ususfructus patri constitutus est, non permittimus, id est, vetamus testamentum de iis facere, ea alienare aut pignori obligare. Cum Iustinianus hoc vetat in iis bonis, in quibus patri ususfructus constitutus est, & vetat in iis solis, aperte intelligitur in omnibus reliquis bonis, in quibus ususfructus patri non acquiritur, hoc non vetari. Ergo non prohibetur filiofamilias de iis testamentum etiam facere. Respondeo: Non recte colligitur: Nam Iustinianus de iis bonis, quorum ususfructus acquiritur patri, vetat tria, sed simul & coniunctim, ex quo recte colligitur in ceteris omnibus hæc tria simul non vetari, quod & verum est: Nam in bonis adventitiis quorum ususfructus acquiritur filiofamilias, non vetantur simul hæc tria. Potest enim filiusfamilias dum vivit ea alienare, potest pignori obligare, quia alibi non prohibetur, sed quædam ex iis non permittuntur ei facere, nempe non permittitur ei testamentum facere, id enim exceptum in *l. eo, pen. infr. h.* quæ est post constit. Lampadii & Orestis, id est, ex postremis constitutionibus Iustiniani.

Quæsitum est, an etiam quod filiusfamilias per se facere non potest, ut testamentum faciat de bonis adventitiis & profectitiis, id possit facere consentiente patre? Et placuit, quamvis pater ei permittat, nihilominus iure testari posse, *l. qui in potestate, D. h. Instit. quibus non: ff. perm. fac. test. in pr.* Sed cum liceat unicuique consentiente deteriore suam conditionem facere, *l. pactum, D. de pact.* cur patri ita permittendo, conditionem suam deteriore facere non licebit? Respondeo: Non vetatur pater conditionem suam deteriore facere, sed vetatur filiofamilias testamentum facere. Cum filiusfamilias prohibeatur testamentum facere legibus, consensus privati patris non faciet, ut filiofamilias testari liceat. Ius enim publicum consensu privato mutari non potest, *l. testandi, tit. prox. generaliter autem leg. ius publi. D. de pact.*

Sed obstat exemplum donationis mortis causa. Nam filiusfamilias donare mortis causa potest, *leg. tam is, §. 1. D. de donat. caus. mort.* Parigitur esse videbatur, ut & filio licere deberet testamentum facere, permittente patre, idque sic recte colligi videtur. Si filiusfamilias permittente patre donare potest causa mortis, poterit & legare. Nam donationes causa mortis legatis comparantur per omnia, *illud, D. de mort. caus. don.* Si legare permittente patre potest, poterit & pater permittente testamentum facere, quia is solus legare potest, qui & testamentum facere potest *leg. 1. de legat. 3.* Ergo filiusfamilias permittente patre testamentum facere potest, uti & donare causa mortis.

Respondeo: Primum illud non recte hac argumentatione colligitur, si filiusfamilias permittente patre donare potest, poterit & permittente patre legare. Non recte inquam colligitur, quia diversa est causa legati & donationis causa mortis in ea parte, quæ

quæ nunc proponitur. Nam certis legibus prohibetur filiusfamilias testamentum facere, non prohibetur vlla lege donare causa mortis, si modo habeat aliquid quod donet, vel de suo vel de consensu eius, ad quem res pertinet, ut patris. Non obstat, donationes causa mortis legatis comparatas. Nam adiciendum est ferre, ut adiectum est in *prin. de dona. Instit.* Et ita res habet: Effectum per omnia comparantur legatis, quoniam neutrum confirmatur, nisi morte donantis. At initio ex substantia rei manifestum est aliud esse legatum, aliud donationem causa mortis. Nam in legato testator nihil donat in presentia, sed post mortem donare vult, §. *legatum, Instit. de legat.* In donatione causa mortis presentis presenti dat, *l. inter. D. de mort. caus. don.* In legato testator cum legatario nihil gerit, eoque nihil contrahit, *l. hac verba gesserunt, de verb. sig.* At in donatione causa mortis, qui donat, quia dat sub conditione tacita, ut sibi repetere liceat, contrahere hinc intelligitur; & conditio ob causam competit, *l. senatus, §. donatio. D. de mort. caus. don.* Quibus consequens est, ut filiusfamilias non possit legare permittente patre, & quantumvis permittat, ipse tamen non legat sed filius. At cum pater permittit filio donare causa mortis, ipse potius donare intelligitur. Donat enim & dominium transfert dominus, qui alii transferenti consentit, vel potius, qui per alium transfert.

Ad L. 4. Si frater.

Imp. Dioclet. & Maxim. AA. & CC.

Radoni.

Si frater patruelitus ante decimum quartum ætatis suæ annum decessit, cum facere non potuit testamentum: nihil recte ex eius postremo iudicio postulat. Nam si hanc ætatem egressus, licet vigoris nondum emerissent vestigia, suum solemniter ordinavit iudicium, hoc euellere frustra conaris. S. 6. Idus Nouemb. Pantichi CC. Coss.

SUMMARIA.

- 1 Impubes testamentum facere non potest.
 - 2 Pubes quis?
 - 3 Minor ante 14. annum non inceptum, sed completum testamentum facere nequit.
 - 4 Annus statutus quibus in rebus pro completo, quibus pro cepto habeatur.
 - 5 Annus postremum ad res agendas prestitutum quis compleuisse videatur.
- 1 Impubes testamentum facere non potest, ut est in §. *præterea, Instit. quibus non est permis. test.* Solus igitur pubes potest. Puberem tamen definimus in masculis, qui annum 14. non ingressus est, sed impleuit, in feminis quæ cōpleuit 12. *l. quæ ætat. D. h. Instit. in pr. quib. mod. tut. fin.* Ex quo intelligendum est, quod in hoc rescripto dicitur, minorem non posse testamentum facere ante 14 annum, sic accipiendum esse, ante 14. annum, non inceptum, sed completum. Tamen si prima ratione videri potest, non facere testamentum ante annum 14. qui 14. anno facit, is annum compleuisse intelligitur, qui ad ultimum eius anni diem peruenit, etiam si attingerit eum diem, non autem ingressus. Ut natus quis est Calendis Ianuar. hora 6. noctis, ut Romani numerabant, ut nos, hora prima noctis & prima eius diei. Si post annum 14. peruenit ad eandem Calendas, egressus est 14. Eoq; citra controversiam recte tum testamentum facit, sed non est necesse, ut ad eundem diem Calend. perueniat, si per-

uenerit ad eum diem, qui est pridie Calend. Is eo die recte testamentum facit, quia annum compleuit, *dict. leg. quæ ætat. D. h. l. 1. D. de manum. ff. seu vsucap. & l. seq. D. de vsucap. l. anniculus, de verb. sign.*

Quod ergo hic in extremo scriptum est, defuncti testamentum non conuelli, *Si egressus annum 14. testatus sit*, non pro regula accipiendum est, quasi testamentum non valeat, nisi hac conditione, *Si egressus ætatem eam, testamentum facit*, sed accipiendum est tanquam ad consultationem. Nam proponebatur Imperatoribus aliquis egressus annum 14. testamentum fecisse, qui tamen pleno iudicio prædictus non erat. Rescribunt Imperatores secundum ea, quæ proponuntur, *Si ita egressus hanc ætatem, testamentum fecit, testamentum eius conuelli non posse.* Sed nihilominus intelligendum est, etsi minor non egressus eum annum, testamentum fecisset, tamē nihilominus testamentum valitum fuisse, dummodo postremo die anni 14. testatus esset. Ex iis duo colliguntur: Primo, cum de anno 14. hic agitur, annum completum accipi debere, non ceptum. Deinde cum de completo quaeritur, quis compleuisse videatur annum. Hæc distinctionem seu definitionem esse, ut is intelligatur compleuisse, qui ultimum eius anni diem attingit. Vtraque hæc pars nonnullam difficultatem habet huic rescripto contrariam, Proinde de vtraque parte paucim dicenda.

De priore sic statuendum est: Quoties tamen in lege aut testamento, aut conventionem ad aliquid faciendum habendumve statuitur certus annus ætatis, cum id fieri, haberi debeat, aut ad aliquid acquirendum statuitur tot annorum possessio siue usus: in iis omnibus generaliter tenendum est, postremum annum completum accipi debere: annum autem ceptum nunquam proprie, & non nisi contraria sententia manifesta postulet pro completo haberi videri. Ut puta fundum vsucapit, qui possidet decem annos inter presentes. *Instit. de vsucap.* Decem annos completos intelligimus, *l. in vsucap. & l. seq. D. de vsucap.* Item minor annis 16. ne manumittat. Minor est, qui annum vigesimum non compleuit, *l. 1. de manum.* Item, ante annum 14. nemo testari potest: hoc sic accipimus ante annum 14. completum, non ceptum, ut hic. Item, Titio fundum do lego, cum ad 20. annum peruenerit: non debebitur fundus si annum 20. ingreßus sit tantum, sed ita, si compleuerit, *l. computabam. D. de cond. & demonst.*

Sed cum is non dicatur esse ante ædes, qui est in ædibus, quomodo dicitur esse ante annum 14. testari, qui est in 14. anno? Item, cum is dicatur peruenisse ad ædes, qui primum limen est ingressus, quomodo dicitur is non peruenisse ad annum, qui eius anni initium ingressus est? Respondeo: Hæc ratio est, quia non est annus, nisi constans suis partibus, quemadmodum non sunt ædes, nisi sint perfectæ. Annus suis partibus constans, est annus completus. Annus autem ceptus non potest dici annus, nisi improprie per aphorismam sequentis temporis, id est, relatione facta, non ad id quod non est, sed ad id quod futurum est. Nam annus ceptus postea futurus est, cum præterierint 365. dies. Nunc autem non est annus, ubi tot dies non sunt, *l. anniculus non statim, D. de verb. sign.* Non est simile exemplum ædium, cum dico aliquid fieri ante ædes, aut aliquem peruenisse ad ædes: de ædibus non perfectis & consummatis loquor. Cum autem dicitur aliquid fieri ante annum, aut aliquem

peruenire ad annum, non possum intelligi loqui de anno nisi sit completus.

Secundum hanc rationem & proprietatem verbi recte placet nunquam annum, de quo loquimur aliter accipiendum esse, nisi annum completum. Proinde cœptum non debere haberi pro pleno, sed hoc nisi manifesta sit loquentis sententia, vt appareat eum de anno cœpto sensisse. Et certe verisimilius est eum ita sensisse, quod in duab. causis admissum esse legimus: Primum, in lege quæ constituta est de iis, qui ad honores admitti debent. Ea lex ita scripta erat: *Ad rempublicam administrandam ante vigesimum quintum annum, ne quis admittitur*. Hic improprie dici potest non admitti ante 25. annum is, qui annum 25. ingressus est. Placuit igitur hanc admitti interpretationem, *leg. ad rempublicam. D. de muner. & honor.* Sed iis de causis: Primo, quia id nominatim constitutum est. Secundo, quia fauor reipublicæ hanc interpretationem exigit, quo plures ad rempublicam administrandam adhibeantur *dict. leg. ad rempublicam*. Tertio, quia verba hæc *ante annum 25.* sunt ambigua, & ex vi loquendi, non male dicitur esse ante annum vigesimum quintum, qui est in anno vigesimo quinto. Quod si aliis verbis lex scripta esset, puta qui 25. annos nati sunt soli ad Rempublicam admittuntur, sine dubio hanc interpretationem non reciperemus, quantumvis esset hic idem ferme, scilicet quia verba refragarentur.

Eadem interpretatio recepta est in ea specie fideicommissi, de qua agitur in *l. qui filium, §. vltim. D. ad Trebellian.* vbi pater rogauerat filiam suam, vt portionem hereditatis restitueret fratri suo, cum is ad annum 20. ætatis peruenisset. Nam cum filia prius decessisset, deinde frater eius annum 20. ingressus, non dum anno completo decessisset: placuit nihilominus fideicommissum filix defunctæ fratri deberi. Quod non est superioribus contrarium: nam illic nominatim scriptum est, placuisse fideicommissum deberi, non tantum propter significationem verborum, sed etiam quia æquitatis ratio in ea specie, id exigere videtur. Erat autem hæc æquitas atque hæc ratio: Nam pater relinquebat fideicommissum filio 20. Filius autem decesserat pupilla egente relictæ. Non est verisimile eum voluisse hoc fideicommissum ad nepotem non peruenire, vt illa egestate laboraret. Tolle hæc circumstantias, relinquetur verisimile esse, quod idem auctor Paulus scripsit, iis verbis cum ad 20. annū peruenierit, non videri eum peruenisse ad annum, nisi quem cōpleuerit, *d. l. computabam, D. de condit. & demonstr.* Vt appareat istos duos locos non esse pugnantes, qui sunt eiusdem auctoris Pauli, *d. l. computabam, & d. l. qui filium, §. vlt. D. ad Trebell.*

Cum constitutum erit, annum postremū compleri debere, & quæretur, quis videatur compleuisse? hæc definitio est certa, quā supra posuimus, eum videri compleuisse, non qui ab hora natiuitatis ad eandem horam peruenierit, vt sic computentur anni a momento incipiente, ad momentū finiens, sed eum, qui vltimum diem anni postremi attingat, attingerit, inquam, non cōplerit, *l. anniculus amittitur, l. anniculus non statim, de verb. sign. l. in vscap. & seq. D. de vscap. l. 5. D. h. l. l. D. de manum.* Sed cum extremi anni sint duæ horæ: Prima incipiens & postrema, qua annus definit. Cur non ita annum computamus ab hora incipiente, ad alteram horam finientem, vt totum illud

spatium, quod sic interiectum, sit annus? Huic dubitationi occurritur, in *d. l. anniculus non statim, de verb. sign.* Quia inquit ciuilitur annum non ad momenta temporum, sed ad dies annueramus. Ciuilitur, id est, more loquendi inter Romanos ciues recepto.

Idque ex consuetudine loquendi intelligitur, hoc modo. Nam interrogati quot partibus annus constet, non dicimus illum constare tot horis, sed inuitate dicimus eum constare 365. diebus *dict. leg. anniculus non statim*. Vnde apparet anni statui duo extrema, diem primū, a quo annus currere incipit, & postremū diem, in quem annus definit. Proinde, qui ad eum diem peruenit annum compleuit, quia attingit extremum anni. Hæc sententia nunquam mutatur nisi ex verbis legis liquido appareat annum sic accipiendum esse, vt quis non compleuerit tantum, sed sit egressus, quod quibusdam edictis & legibus accidit. Vt si quis roget, an illi loci superiori definitioni contrarii sint? respondendum sit non esse, quia verba legis aperte dubitationem sustulerunt. Præterea si roget, quamobrem illæ leges & edicta sic interpretemur, vt oporteat aliquem egressum esse annum? non respondebimus id fieri fauore & odio, cum Accursio, sed ideo quia faciendum hoc esse verba legis docent.

Hoc autem accidit in edicto de minoribus: Prætor pollicetur in integrū restituens, si quid gestū erit cum minori quam 25. annos nato. Minorē sic interpretatur Vlpianus, si hora qua natus est, peruenierit ad eandem horā 25. annū finientem, vt sic anni a momento natiuitatis, ad momentū finiens computentur, *l. 3. §. minorem, D. de min.* Nō sit hoc fauore ætatis, vt Accursius putat: Nam si prætor polliceretur se restitutum, q̄ cum minore 25. annis gestū esset, non restitueretur, si gestū esset vltimo die 25. anni, quia non est minor 25. annis, qui eos annos cōpleuit. Cōpleuit autē qui vltimū diem attingit, vt diserte scriptum est ab eodem Vlp. *l. 1. D. de manum*. Sed prætor in edicto de minorib. ita locutus est. Quod gestū erit cum minore 25. annis, & addidit nato, quo verbo significatur momentum nascendi. Et ideo minor est natus, quia minor est ea hora, qua natus est. Vnde liquido apparet, prætorem illic retulisse cogitationē, non ad dies annorum, sed ad momentum nascendi.

Idem accidit in vacatione munerū, quæ tribuitur 75. annos natis, quā non vitur nisi is, qui egressus est 75. annum, *l. 3. D. de iur. immunit.* Et hoc rursum non vilo fauore Reipub. sed quia lex ita scripta est, vt tribuatur vacatio maioribus 75. annis, vt expressum est *dict. leg. 3.* Non est autem maior, nisi qui excessit. Itaque etiam iis ipsis locis confirmatur, nisi lex aut scriptum euidenter hoc exigit: vt annus excedatur, semper completum annum haberi debere, cum vltimum eius anni diem ingressi sumus. Neq; aduersatur huic sententiæ, quod dicitur de temporalibus actionibus, *l. in omnibus 6. D. de actio. & obligat.* Illic ita traditur: In omnibus temporalibus actionibus, nisi totus postremus completur, non finit obligationem. Temporales actiones, sunt actiones psonales, quippe quæ inter certum tempus constitutæ sunt legibus. Quædam intra sex menses, vt rerum; quædam intra annum, vt prætorix pœnales, *l. in honorariis, D. de oblig. & act.* Quædam intra biennium, vt de dolo, *l. vlt. supra, de dolo*. Quædam intra quadriennium, vt restitutiones in integrum, *leg. vlt. de tempor. in integ. restit.* Ceteræ etiam si antea perpetuæ fuerint, tamen placuit eas

cuit eas non ultra triginta annos competere, atq; ita competere intra 30. annos tantum *l. sicut, de præscrip. 30. vel 40. annor.*

Si quæ actio intra annū competit, exempli gratia, creditor si ultimo eius anni die agat, quavis diei parte recte agit, secundum supra dictam regulam, quia postremus dies nondum finitus est, eoque nondum finita obligatio: similiter & si qua intra 30. annos competit, creditor ultimo die anni 30. agendo, recte agit, ex eadem regula. Hinc colligi videtur non videri annum postremum, vel 30. compleri, nisi totus postremus dies cōpletus sit: sed nihil tale colligitur ex ea regula. Nam diligenter observandum est, actiones temporales in personam non dari, donec annus vnus cōpletus sit, aut donec 30. anni cōpleri sint; alioqui postremo die anni veniente, cōpletur annus, & ita finiretur actio, sed dantur intra 30. annos, & dantur etiam ultimo anni eius die. Et si enim is complevit annum, qui attingit ultimum diem, tamen quantum in eo die est, est etiam intra annum, quia is dies est pars eius anni. Ut igitur idcirco qui a cæceribus peruenit ad metam, & intra metam consistit, is perfecit curriculum, & nihilominus in eodem circo est, quia meta circi pars est: Sic qui a primo die anni peruenit ad diem anni ultimum, is confecit annum, & nihilominus intra annum manet, quia is dies anni quoque pars est, *dict. l. in omnibus, l. in usucapionibus. D. de usucap.*

Sed non est huius loci, ut hanc quæstionem attingamus. Ex iis licet iam intelligere utrumque nos recte constituisse de anno 14. quo quis testari potest, scilicet & hunc compleri debere, & completum recte definiri, cuius ultimum diem quis ingressus sit, nec alterutri parti aduersari quicquam eorum, quæ supra dixi.

Ad L. 5. Eunuchis.

Imp. Constantinus A. ad Rufinum præfectum prætorio.

Eunuchis liceat facere testamentum, componere postremas exemplo omnium voluntates, conscribere codicillos salua testamentorum obseruancia. Datum V. Kalen. Mart. Sirmii. Constantio. A. V. & Constante Cesar. Coss. 339.

S V M M A R I V M.

i Eunuchi an possint testari.

Eunuchi sunt castrati, *tot. tit. de Eunuch. supr.* iis licet testamentum facere, *hic*; quia castratione non defunt esse cives Romani, ut prius erant, præditi facultate testandi necessaria. Nec propter viciū videntur esse intestabiles, nihil enim hi deliquerunt, qui inuiti castrati sunt. Hæc autem omnia in quo sunt, is ius testandi habet, ut initio dictum.

Ad L. 6. Si quis Imperatorem.

Imper. Constantinus A. ad Volusium præfectum urbi.

Si quis imperatorem forte heredem instituerit: habeat mutandi iudicii facultatem & quemcunque voluerit secundum leges in testamento suo heredem scribendi. Datum XII. Kalen. Mart. Mediolani, Arbustione & Lolliano Coss. 355.

S V M M A R I V M.

i Imperator institutus heres testamento priuati, iure communi priuatorum utitur.

Imperator † testamento priuati institutus heres, iure communi priuatorum utitur, etsi enim princeps legibus solutus dicitur, legibus tamen viuic, *l. 3. infr. prox. tit.* Hinc hæc nata sunt. I. Si imperator heres institutus sit, nihilominus testator mutandi iudicium facultatem habere potest igitur repudiato priore testamento aliud facere, quo instituat alios, imperatore excluso, ut scriptum est *in l. si quis.* Nam testator alio herede priuato instituto hoc iure uteretur *§. 1. Instit. quib. mod. test. infrim.* Præterea si Imperator sit testamenti priuati heres cum aliis eo datis institutus, ius commune sequitur in partibus hereditatis, ut scilicet si ex certa parte institutus est, hæc solam habeat, etiam si sit minima; si omnes instituti sunt sine partibus, Imperator æquam partem cum ceteris obtinebit. Idem iuris foret aliis heredibus pluribus institutis, *l. quoties §. 9. heredes, D. de hered. Instit.* Hinc apparet hæc rescripta ad tit. hunc nihil pertinere.

Ad L. 8. Hac consultissima.

Imperator Iustinus A. Demostheni præfecto prætorio.

Hac consultissima lege sancimus, ut carentes oculis, seu morbo vitioque, seu ita nati per nuncupatione sua condant moderamina voluntatis: scilicet presentibus septem testibus, quos alius quoque testamentis interesse iuris est; tabulario etiam: ut cunctis ibidem collectis, primum ad se conuocatos omnes; ut sine scriptis testentur, edoceant, &c.

S V M M A R I V M.

i Cæcus quibus modis testamentum faciat, & in eius testamenti factione singularia quadam.

Quæ in testamento cæci cum ceterorum testamentis communia sint, cognoscuntur oportune suo loco, ut ad *leg. hac consultiss. tit. proxim.* Solum in hac constitutione obseruanda sunt ea, quæ singulariter constituta sunt in cæci testamento. Hæc autem fere sunt quatuor. Nam primum licet aliis voluntatem scripto clausam complecti, & ita testamentum facere, *leg. hac consultiss. in princ. tit. l. prox.* Cæcus † hic iubetur voluntatem omnem suam nuncupare coram testibus vocatis ad eam rem. Secundum singulare est, quod ceteri per nuncupationem testamentum faciunt, non habent necesse voluntatem suam scripto comprehendere, *dict. leg. hac consultiss. §. per nuncupationem.* A cæco utrumque exigitur, & ut nuncupet palam coram testibus, & præterea sit tabellarius, qui eam excipiat sub obrentu (melius sub obtutu) testamenti, excipiat ea scriptura, cui deinde omnes testes & tabellarius subscribat, eamque obsignet, ut sit in testamentis scriptis. Quod si cæcus prius voluntatem suam scribendam curauit, necesse est, ut tabellarius coram testibus eam scripturam palam legat, & lecta, cæcus testetur hæc suam voluntatem esse, cui deinde subscribetur atque obsignabitur, ita ut supra dictum.

Tertium est, quod in ceterorum testamentis requiruntur tantum septem testes, hic præterea octauus requiritur, qui testamentum scribat, aut antea scriptum recitet, ut dictum.

Quartum singulare est, quod hunc octauum placeat esse tabellarium publicum, si in illis locis tabellarii sit copia, si non sit, alius octauus.

Ad L. 9. Furiosum.

Imper. Iustinianus Augustus Iuliano præfeto prætorio.

Furiosum in suis induciis ultimum condere elogium posse, licet ab antiquis dubitabatur, tamen & retro principibus & nobis placuit. Nunc autem hoc decidendum est, quod simili modo antiquos animos monit, si cæpto testamento furor eum inuasit, &c.

S V M M A R I A.

- 1 Testamentum furiosi per interualla an valeat.
- 2 Testamentum vno contextu fieri debet.

Furiosus si per id tempus, quo furor remissus est, testamentum facere cæpit & perfecit, testamentum valet. Si cæpit nec perfecit, furore suo correptus, nihil actum est, etiam si postea remisso furore id, quod cæpit, perficiat. Quoniam testamentum vno contextu actionis fieri debet, l. heredes palam, §. ultim. D. eod.

Ad L. 10. Discretis.

Imp. Iustinianus Augustus A. Iohanni PP.

Discretis surdo & muto, quia non semper huiusmodi vitia sibi concurrunt: Sancimus, si quis utroque morbo simul laboret, id est, ut neque audire, neque loqui possit, & hoc ex ipsa natura habeat, &c.

S V M M A R I V M.

- 1 Surdus & mutus quando testamentum facere possint.

Qui mutus & surdus simul, si quidem natura, testamentum facere non potest: si morbo, potest, si modo ante literas didicit, & testetur scripto. Qui autem tantum mutus est, aut surdus tantum, huic nihil impedimento est, quo minus iure testetur eo modo, quo per rerum naturam voluntatem suam declarare potest aut scripto aut lingua.

Ad L. Ultim.

Imp. Iustinianus Augustus A. Iohanni præfeto prætorio.

Omnes omnino, quibus quasi castrensi peculia habere ex legibus concessum est, habeant licentiam in ea tantummodo ultimas voluntates condere secundum nostræ constitutionis tenorem, quæ talibus testamentis de inofficiosi querela immunitatem præstint. Datum III. Nonas Decemb. Constantinopoli, post consulatum Lampadii & Orestis VV. CC. 531.

Dixi ad l. 3. in fin. supr.

AD TITVLVM XXIII. COD.

De testamentis, & quemadmodum testamentaria ordinantur.

S V M M A R I A.

- 1 Testamenti etymologia vulgaris reprehenditur, & vera inquiritur.
- 2 Testamenti definitio: & definitionis vberior explicatio.
- 4 Sententia quid.
- 5 Codicilli & testamentum quid differant, & num. seqq.
- 6 Instum quot modis dicatur quid.
- 7 Testamentum quando effectum suum nanciscatur.

8 Error quorundam interpretum in leg. qui duos ff. de manum. test.

9 Testamenti factio sit ne iuris gentium & civilis.

Testamentum Iustinianus ab eo describit, quia sit testatio mentis. *Instit. de test. ord. in prin.* Recte Iustinianus. Cõstat enim testamentum dictum esse a testando. Reuera autem non potest esse testatio nisi mentis. Reprehenditur tamen hæc etymologia a Valla lib. 6. *Eleg. cap. 31.* Quod in testamento nihil sit mentum, nisi productio vocabuli, nec magis in compositione huius verbi, insit mens, quam in illis similibus, in quibus est eadem analogia, tegumentum, ornamentum, additamentum, &c. in quibus omnibus mentem non inesse constat. Et recte reprehenderetur Iustinianus, si diceret testamentum verbum compositum esse ex testatione & mente. Itaque recte notatus est Seruius Sulpitius ab A. Gellio, lib. 6. c. 12. qui ex his duobus verbis compositum esse dicebat. Nunc autem Iustinianus hoc non dicit, sed tantum dicit testamētum appellatum esse a testatione, addit mentis, non quod mens in verbo esset, seu in compositione verbi, sed quod est in re, quoniam ut iam dixi: Si est testatio, non potest esse testatio nisi mentis, ut mentem intelligi oporteret, etiam si non exprimeretur. Adiecit igitur ut magis ostenderet, qualis esset hæc testatio.

Sed cum infinitæ testationes mentis sint, cur proprie ea testatio mentis, quæ est de eo, quod post mortem fieri volumus, dicitur testamentum? Respond. Hoc verbum testamenti & supremæ voluntatis factum esse propter testationis excellentiã, quia & hæc testatio suprema esset, & multã præter ceteras testationes exigeret ad testandam supremã voluntatem. Sic & monumentum, cum a monendo dictum sit, proprie tamen vsurpatur de sepulcris, l. monument. D. de reliq. & sumt. fun. Sed hæc etymologia ostendit, cur ita dictum sit testamentum, non autem quid sit. Multas enim testationes esse possunt, quæ non sunt testamentaria. Videndum est ergo aliunde, quid sit.

Definitio traditur in l. 1. de test. & qui test. fac. poss. Est autem hæc: Testamentum est nostræ voluntatis iusta sententia, de eo quod quis post mortem suam fieri velit. Dicitur sententia. Est autem sententia, quod quis re cognita & deliberata iudicio statuit, unde sententia iudicium. Hoc verbum optime testamento tribuitur: nullum enim est testamentum sine iudicio. Vnde supremæ voluntates proprio nomine suprema iudicia appellantur, l. 4. sup. tit. præced. l. vel negare, D. quemadmodum test. aper. l. 1. §. de sacros. eccles. Id eo spectat, ut intelligamus nullum testamentum esse posse, quorum de re certum iudicium non est, §. præterea. *Instit. quib. mod. non est per fac. test. l. qui testamento, D. h. de test. qui test. fac. possunt.*

Adiicitur voluntatis nostræ, otiose ut videtur, quia non sit sententia, nisi in qua voluntas sit, nec sit voluntas, nisi de eo quod sentimus. Vnde videntur sæpe hæc vsurpari pro eodem in testamentis, iudicium & voluntas suprema, l. captatorias, D. de hered. instit. d. l. 1. sup. de sacrosanct. eccles. Sed hic nihil otiosum: Nam sententia duplex est, quædam solius iudicii nostri, quædam voluntatis nostræ. Iudicii nostri sententia est, cum dicimus quid existimemus fieri debere, nec longius progredimur, ut etiam iubeamus aut fieri velimus. Hæc sententia testamentum non est. Ut puta: Testator testamento ita scripsit: *Munis cept recte faciet, si in eo loco ades publicas adificauerit.*

Hic

Hic nihil debetur municipibus ex eo testamento, quia sit hæc tantum sententia iudicii testatoris, non non autem voluntatis testatoris.

Sententia voluntatis nostræ est, cum dicimus quid fieri velimus, vt *Lucius Titius heres esto: Stychnus seruus meus liber esto: Fundum Tusulanum Stycho do lego: Heres meus Titio 100. dato.* Hæc solæ sententiæ voluntatis nostræ testamenta sunt, non aliæ, in quibus testator iudicium suum tantum exponit, nihil autem fieri iubet aut vult. Idque ita demonstratur. Nam testamentariæ voluntates solæ ratæ sunt, quæ lege confirmantur, *l. lege obuenire 13. de verborum signific.* Solum autem illæ confirmantur, quibus quis legasset suæ rei, *l. verbis legis, de verborum signific.* legasset pro legaui: antiquo verbo, id est, reliquerit legis modo, siue imperatiue, vt ostenderet se fieri velle, auctore Vlpiano, *in frag. institut. tit. de legat. in prin.* Nullæ igitur voluntates testamentariæ aliæ confirmantur, quam quibus testator voluit. Hinc intelligimus testamentum duabus iis rebus constare debere, sententia nimirum seu iudicio, & præterea voluntate.

Sed multis in rebus sententia voluntatis nostræ esse potest, in quibus non est testamentum, additur igitur *Iusta*, quod differentiæ causâ additum est, vt separarentur codicilli a testamentis. Nam ꝑ codicilli sunt voluntatis nostræ sententia, & de eo quidem, quod post mortem fieri volumus; attamen testamentum non sunt, *l. si idem codicilli, infr. de codicill.* Quia igitur nota id intelligimus? Hac nota, quia iusta sententia non sunt, vt iustam nunc intelligimus: Testamentum autem est sententia voluntatis nostræ, de eo quod post mortem nostram fieri volumus, & hoc amplius iusta. At vero codicilli, an non suo genere iusti sunt? nam non minus iure valent, quam testamentum, *tit. de codicill. Instit. in princip. l. ultim. in fin. infr. de codicill.* Respondeo: Non ideo iusti sunt codicilli, vt iustam sententiam hic intelligere debemus.

6 Iustum ꝑ dicitur maxime tribus modis. Primo, Iustum est, quod ex lege est, vt iusta actio, quæ lege datur *tit. de except. in prin. in Instit.* Iusta hereditas, quæ defertur lege, *leg. tertia, §. primo, D. pro socio.* Secundo, Iustum etiam est vritate in actionibus hominum, quod sit secundum leges & præscriptum earum, vt iustæ nuptiæ, *Instit. de nupt. in princip.* quo sensu dicta est iusta vxor, quæ ducta est solemniter & iusto ritu; iniusta, quæ eo modo ducta non est, *leg. si vxor, D. ad leg. Iuliam, de adult.* Tertio, Dicitur etiam iustum quod plenum est & perfectum, vt iusta ætas, iusta magnitudo, *leg. cum filiofamilias. §. ultim. de legat. 3.* Significatio ex priore ducta per translationem: ea enim in suo genere perfecta sunt, quæ constant iis rebus omnibus, quas lex earum rerum desiderat.

Quid ex iis conueniat huic loco videndum est. Nam in ambiguo sermone non omnia dicimus, quæ verbo significantur, *leg. in ambiguo, D. de rebus dub.* Sed id solum, quod volumus, & velle quisque scriptor intelligitur, id quod rei & instituto conuenit, id est, quod vitio caret, *leg. in ambigua, D. de legibus.* Ergo hic iustam sententiam non intelligimus, quæ ex lege est, testamentum enim proficiscitur a testatore, non a lege. Non intelligimus etiam sententiam plenam, quia fieri potest, vt codicilli sint de rebus omnibus, de quibus testari volumus, quia nihil am-

plius velimus, quam quod iis cautum sit: fieri etiam potest, vt in codicillis caueamus de rebus nostris omnibus, puta heredem instituendo, & tamen non erit iusta sententia, nec valebit, quia est contra leges, quæ vetant codicillis heredem institui, *§. penult. Instit. de codicill.* Restat igitur, vt iustam interpretemur hic dici vritate eam, quæ est secundum præcepta, & præscriptum legum, quæ sunt de supremis voluntatibus.

Hæc præcepta inter cetera duo desiderantur in testamento, quibus maxime distinguitur a codicillis. I. Desiderantur solemnia iuris, sine quibus iniustum testamentum est, *l. 1. ff. de iniust. rupt.* At codicilli nullam sollemnitem ordinationis desiderant, *§. ult. Instit. de codicill.* Præterea in his, quæ cauentur testamento a testatore, primum exigitur, vt testator heredem instituat. Heredis institutio caput est & fundamentum, *§. ante heredis, Instit. de legat.* ideo sine institutione heredis testamentum non valet *l. ult. D. de iur. codic. l. 3. vers. Calpurnius, D. de iis, quæ in test. cont. §. in primis, Instit. de fideicom. her.* At codicilli, vt iam dixi, non admittunt heredis institutionem. Hoc sensu non tantum distinguitur testamentum a codicillis, sed etiam id statuitur quod maxime est proprium testamenti, scilicet heredis institutio. Quamobrem hac definitione non adiciemus cum Accursio, cum heredis institutione: Nam qui iustam sententiam dixit, is heredis institutionem satis quoque dixit.

Sed adhuc manet prior obiectio, dixerit aliquis: *Nam & codicilli secundum præcepta legum sunt.* Iam respondi non fieri, quod ex supra dictis apparet. At iusti sunt, qui a iure admittuntur, vt est *in prin. de codicill. in Instit.* Respondeo, aliud est iure codicillos admitti, aliud est iustos esse secundum præcepta iuris. Reuera secundum ius non sunt, si quis ius civile spectat, quod est de supremis voluntatibus, sed nihilominus pro iustis habentur vtilitatis causâ, vt dicitur *in dict. tit. de codicill.* Et ob hanc causam pro iustis admittuntur.

Sed nondum satis, vt efficiatur id quod sit proprium testamenti. Nam iusta sententia voluntatis nostræ multis aliis rebus conuenit quam testamento; conuenit donationibus inter viuos propter nuptias, & omnibus omnino contractibus, quæ tamen omnia omnino non sunt testamenta, neque pars testamenti *l. hæc verba contraxerunt, D. de verb. signifi.* Ob hanc causam additum est in definitione quod sequitur, de eo quod post mortem suam fieri velit, quibus verbis distinguuntur superiora a testamentis. Nam donationes sunt voluntatis nostræ sententia, de eo quod nobis viuētibus fieri volumus. Similiter & donationes causâ mortis. Nam in hoc genere præsens præfenti dat, *leg. inter. D. de donatio. caus. mort.* Eodem modo & contractus maxima ex parte. Sed hic occurritur, quasi iis verbis multi contractus etiam contineantur, qui tamen non sunt testamenta. Nam recte stipulor aliquid mihi dari post mortem meam, recte tu promittis dari post mortem tuam, vtroque enim stipulatio valet, & actio ab heredibus & contra heredes incipit, *§. post mortem Instit. de iur. stip. l. vn. supr. vt act. de hered. & contr. hered. incip.* Et tamen in iis stipulationibus est voluntatis nostræ iusta sententia de eo, quod post mortem fieri volumus, quare videbitur hæc definitio iis conuenire.

Sed non ita est. Non enim dixit Modestinus: *Testamentum esse iustam sententiam de eo quod post mortem*

nostram fieri volumus, sed de eo, quod quis post mortem suam fieri velit. Quis *ἐπιταφικός*, ut sit, quis nostrum, & solus fieri velit, quo verbo satis testamentum a superioribus stipulationibus separatur. Nam superiores stipulationes habent sententiam voluntatis nostræ, sed de eo, quod duo pluresve post mortem suam fieri volunt, quia nullus est contractus sine conventionione, *leg. prima, §. primo, D. de pact.* Conventio autem omnis est duorum pluriumve consensus, *d. l. i.* At testamentum est voluntatis nostræ sententia, de eo quod unus tantum nostrum post mortem suam fieri velit. Et ideo cum recte potuisset Modestinus dicere: *Sententia voluntatis nostra de eo quod post mortem nostram fieri volumus*, ut in eodem numero plurali perseveraret, magno ingenio a plurali ad singularem transit, ut id significaret quod diximus. Atque utrumque recte sit salva proprietate sermonis. Nihil enim interest utrum dicam, *de eo quod singuli volumus*, an vero, *de eo, quod quisque nostrum velit*.

Exiis autem verbis postremis colligimus, etiam si testamentum a vivente fit, & ab initio recte ordinatur, non tamen prius confirmari, quam testator mortuus sit. Vnde dicitur *†* testamentum tempore mortis testatoris effectum habere, *l. si alienum, §. 1. D. de hered. instit. §. in extraneis, de hered. qual. & diff.* Ex quo est illud Apostoli, cap. 9. ad Hebr. *ut testamentum valeat, necesse est intervenire mortem testatoris*. Iis consequens, quicquid testator dat legat testamenti suo, eo vivo deberi non posse. Et ideo errant, qui contra interpretantur *legem qui duos, D. de manum. test.*

8 Testator duobus heredibus institutis iussit Stichum servum suum liberum esse post mortem unius certi ex heredibus. Is heres mortuus est vivo adhuc testatore, & ita conditio libertatis exstitit, illic ita scriptum est: Sabinus ait, liberum futurum. Hoc quidem sic accipiendum liberum futurum statim, & vivo testatore, favore libertatis. Non recte. Nam ut dixi, non est testamentum, nisi de eo, quod quis post mortem suam fieri velit, & quod dicitur, simpliciter liberum futurum, sic accipiendum est iuxta tempore & cum conditio testamenti exstiterit. In omni autem testamento hæc tacita conditio inest, *Si testator mortuus erit*.

Iisdem verbis consequens est, quæ a defuncto capitur hereditas, eam tunc capi, cum defunctus dominus esse desit. Vnde quaeritur, an *†* testamenti factio, seu relinquere aliquid licere post mortem nostram, sine iurisdictione, an iuris civilis? Neque inutiliter id quaeritur propter deportatos, quibus tribuuntur ea, quæ sunt iuris gentium, non etiam ea, quæ sunt iuris civilis, *l. sunt quidam, D. de poen.* Et prima ratione occurrit, cur non videatur testamenti factio esse iuris gentium, sed tantum auctoritatem & confirmationem habere a iure civili. Primum ut dixi, testator post mortem suam dominus esse definit, non enim potest esse eius, qui omnino dominus non est. Porro secundum regulam iurisdictionis & naturæ, nemo plus iuris in alium transferre potest, quam ipse habet *l. nemo plus, D. de reg. iur. l. traditio, D. de acqui. rer. dom.* Nec ad rem pertinet quod testator moriens adhuc dominus est rerum suarum, nam confert alienationem in id tempus cum mortuus erit. Nihil autem interest utrum quid non fiat, idoneo tempore. an vero conferatur in tempus non idoneum, *leg. 4. supra, de donat. ant. nupt.* Deinde hereditas mortuo testatore nondum adita nullius est in bonis, *leg. 1. D. de rer. di-*

vis. Secundum autem regulam iurisdictionis, quod antea nullius est, occupanti concedi debet, *l. 3. D. de acqui. rer. dom.* Hinc factum videri potest, ut testamentaria hereditates confirmarentur lege, *d. l. lege obvenire, de verb. sign.*

Sed exempla omnium gentium & populorum, apud quos testamenta recepta sunt, a principio rationem naturalem habere probant. Et verò hæc certa est ratio naturæ, qua supremæ voluntates nitantur, quod nihil tam naturale sit quam voluntatem domini rem suam transferentis in alium, eam habere, *§. per traditionem, Instit. de rer. div. vis.* Et si in ceteris voluntatibus inter vivos hoc recipitur, multo magis supremæ voluntati tribui debuit, postquam aliud velle non possumus, ut bene scriptum, *in l. 1. supr. de sacrosanct. eccles.* Ad hæc testator moriens adhuc dominus est. Recte igitur eo tempore habendi potestatem in alium transfert. Non obstat quod dicitur: neminem plus iuris in alium transferre posse, &c. Non enim potest tradendo. At testator de suis rebus testamento cauens, eas non tradit heredi, sed relinquit: recte relinquit, qui eo tempore dominus fuit, nec hoc relictum confertur in tempus idoneum.

Quod autem dicitur, quod antea nullius est, occupanti concedi, de iis rebus dicitur, quæ plane nullius sunt, id est quæ nec re ipsa sunt cuiusquam, nec destinatione alterius, quales sunt fera, bestia, volucres, pisces, & omnia, quæ coelo, terra mari capiuntur, *l. 1. 2. & 3. de acqui. rer. dom.* In hoc autem numero non est hereditas. Hæc dicitur esse nullius in bonis, quia in præsentia re & commodo nullius adhuc in bonis est, sed destinatione est heredum. Destinata est enim aut heredibus scriptis a defuncto, qui destinandi ius habuit, aut heredibus legitimis a lege, quæ non minus rerum nostrarum domina est, ut declinant definitiones legis *in l. 2. D. de legib.* Et quod dicitur testamentarias hereditates lege confirmari, potius argumentum debet esse, ius transferendæ hereditatis alius iuris esse quam civilis. Nam quæ nascuntur ex iure civili, dicuntur iure civili introduci. *Lex hoc iure, D. de iust. & iur.* Quæ autem confirmantur, ea etiam necesse est prius fuisse. Sic etiam iuris gentium conventiones iuregentium obligationem pariunt, *d. l. ex hoc iure.* Et tamen nihilominus eadem ex iure civili confirmantur, unde etiam civiles & legitimæ dicuntur, *§. 1. Instit. de oblig. §. sed ista, Instit. de act.* Quare potestas de rebus suis post mortem statuendi maxime iurisdictionis est, eoque & ad deportatos etiam pertinet.

Plane in hac facultate testandi sunt quædam ex iure civili nata, ut sunt testes septem, subscriptiones testamenti & signa, sine quibus etiam placuit heredum institui non posse in testamento scripto. Quæ res facit, ut nec deportati heredem instituere non possint, ut nec testamentum facere possunt. Sed si pater deportatus testamentum faciet inter liberos, aut si codicillis fideicommissum relinquit, utraque voluntas admitenda est, nam imperfectum testamentum admissum est inter liberos, *l. hac consultiss. §. ex imperfecto infr. h. codicilli nullam ordinationis solemnitatem desiderant. §. ult. Instit. de codicill.*

Hac definitione exposita, ut intelligatur & quis sit usus eius definitionis & quid deinde agatur hoc titulo toto, meminisse oportet eius quod dictum initio tituli superioris. Id autem est: Testamento ut hereditatem nobis acquiri, si prius testamento delata sit

lata sit, ita deferri, si & testamentum erit & id iure valebit. An sit testamentum, ex definitione intelligi potest, huc superior definitio referri debet, an valeat ex tribus rebus spectandum est: persona testantis, testandi modo, & iis, quæ testamento continentur. De personis superiori titulo dictum, sequens locus est huius tituli proprius, quomodo testamenta ordinantur. De hoc modo testamentorum ordinandorum comprehensum est diligenter in l. hac consulti sumus. in fr. hoc tit. vbi dicitur.

Ad L. i. Testes serui.

Imp. Hadrianus A. Catonio Verò.

Testes serui an liberi fuerint, non in hac causa tractari oportet: cum eo tempore, quo testamentum signabatur, omnium consensu liberorum loco habui sint, nec quisquam eis usque adhuc status controuersiam mouerit. Si ne die & consue.

S V M M A R I A.

- 1 *Seruus quando in testamento testis esse possit.*
- 2 *Cur, si seruus pro libero habeatur, non tamen sit, testis esse possit in testamento: alias non.*

1 **S**ERVVS † testamento testis adhiberi non potest, l. qui testam. §. seruus ff. h. §. testes. Instit. h. Sed hoc ita, si const. r. seruum fuisse tempore testamenti. Quod si tunc pro libero omnium consensu habitus est, constitutum est, eum tam recte adhiberi, quam si liber fuisset, §. sed cum aliquis. in Instit. h. Hinc est, quod hoc rescripto dicitur, in hac causa quarendum non esse, vtrum testes liberi sint an serui. Sensus est: In hac causa, id est, cum quæritur in conditione testis, an recte adhibitus sit nec ne, non est quarendum, vtrum liber sit an seruus, quoniam siue liber sit, siue seruus, adhiberi potest, si modo omnium consensu pro libero habeatur. Et ideo hoc quarendum est, an talis habeatur, nec ne?

2 Quæsitum est, † quamobrem hoc ita sit constitutum de seruo, cum aliorum consensus eum liberum non faciat. Primum est, quia nolunt liberum esse: qui errant. Error enim non habet consensum, l. si per errorem. ff. de iurisdic. l. 2. de indic. Deinde, quin et si liberum esse vellent, tamen liberum facere non possunt, quia domini non fuerunt. Vulgo redditur hæc ratio huius iuris, quia error communis ius faciat, sumta ex l. 3. ff. de suppell. leg. Sed nihil ad hunc locum pertinet. Nam error communis populi ius facit, cum vniversus populus vult, in quo errat. Et præterea cum admonitus populus id veller & posset statuere, in quo errat, vt cum populus creât prætorem seruum, quem liberum putabat, in exemplo, l. Borbon. ff. de off. prætor. Item cum populus habeat in numero suppellectilis vasa argentea & aurea, quod est exemplum d. l. 3. de suppell. leg. Nihil horum est, cum seruus testis adhibitus omnium aliorum testium consensu habetur liber: non enim habetur ideo liber ab vniverso populo. Et præterea si hi, qui putant eum liberum admoniti essent seruum esse, non ideo propter testamentum alterius liberum eum esse vellent, nec si vellent possent facere liberum. Non ergo ceterorum consensus hoc ius facit. Idque ex eo apparet, quod hoc ius introductum est constitutionibus Imperatorum, vt constat ex d. §. sed cum aliquis. Instit. h.

Sed quæ est huius iuris constituti ratio? Est in promptu, ne videlicet iusta ignorantia testatori noce-

at, cui in aliis causis omnibus & subuenire solet, ac proinde multo magis subueniendum fuit in testamento. Huc pertinet lex de atate. §. ex causa. ff. de interrogat. l. 3. in pr. ff. de Senatusconsult. Maced. §. recte. Instit. mandat. Sed frustra dixerit aliquis, seruum testamento inutiliter adhiberi, quoniam si de testamento ambigitur, hic seruus pro testamento testimonium dicere non potest, si probetur nunc seruus esse: serui enim in iudicio testimonii dictionem non habent, l. quoniam. sup. de testib. Respondeo: Si de testimonio huius serui quæritur, nihil prodest eum testimonio adhibuitum fuisse: si quæritur de testamento, vtiliter est adhibitus, & nihilominus testamentum valet, si tempore testamenti pro libero omnium consensu sit habitus. Et ideo, si heredes legitimi oppugnantes testamentum, in quo seruus hic testis adhibitus fuit, dicant, nullum testamentum factum esse, a defuncto, aut hunc seruum testem omnino adhibuitum non fuisse, & id probandum sit testibus, sine dubio ad eam rem probandam, non dicitur testimonium hic seruus, & perinde erit in hoc testimonio, quasi adhibitus non fuisset.

Sed si iidem heredes legitimi fateantur hunc seruum fuisse adhibuitum, sed dicant eum non potuisse adhiberi, quia seruus esset, hic testamentum citra controuersiam valebit. Non obstat, quod seruus testimonium dicere non potest. Nam hæc quæstio, an testamentum hoc casu valeat, non deciditur serui aut cuiusque alterius testimonio, sed deciditur iure certo, quo constitutum est; nihil nocere, talem testem testamento adhiberi, atque de eo solo in hoc rescripto quæritur. Tantum abest itaque vt cum ita rescriptum interpretamur diuinemus, vt id dicamus, quod est solum huius rescripti proprium. Quærebatur enim, an testis, de quo agebatur, liber esset, an seruus. Apparet ex eo, quod Adrianus respondit, id quarendum non esse, non respondet, nisi de quo quærebatur.

Ad L. ii. Publicati semel.

Imp. Alexander A. Expedito.

Publicati semel testamenti fides, quamuis ipsa materia, in qua primum a testatore scriptum relictum fuit, casu qui probatur, intercedit: nihilominus valet. PP. Kalen. Ianuar. Fusco II & Dextro Coss. 226.

S V M M A R I A.

- 1 *Publicare testamentum quid: est idem insinuare.*
- 2 *Insinuatio apud quem fiat.*
- 3 *Idoneus insinuationis index quis.*
- 4 *Publicationis testamenti forma.*
- 5 *Acta que dicantur.*
- 6 *Insinuare actis quid.*
- 7 *Acta cur dicantur publica monumenta.*
- 8 *Testamentum publicatum quod dicatur.*
- 9 *Describi testamentum & in acta referri quid necessesse sit.*
- 10 *Testamentum publicatum an fidem faciat.*

PUBLICARE † testamentum, est insinuare actis. Nam publicare & insinuare pro eodem vsurpantur. l. in hoc. infr. de donat. Et quod illic dicitur absolute insinuare, id dicitur insinuare actis in l. in donationibus eod. tit. de donat. Id † autem fit apud idoneum magistratum aut iudicem. Idoneus fuit † Romæ temporibus posteriorum Imperatorum, magister census, apud quem res insinuabantur, l. testamento. l. consulta. infr. h. l. in hac, & l. secundum. infr. de donatio.

Si nulli erunt certi magistratus huic muneri propofiti in aliqua regione, fufficiet quilibet iudex etiam delegatus, vt significatur in *l. omnium. infr. h. & bene expreffum est in c. ult. extra de fid. instrum.*

4 Publicatur ꝑ autem testamentum hac forma: Magistratus, cui testamentum publicandum oblatum est ab heredibus scriptis, quia testamentum legere debet, ante omnia curandum est testamentum vt aperiat, si ante clausum fuit. Aperietur autem ea forma, quæ præscribitur in *l. 4. ff. quemadm. test. aper. & l. 2. infr. quemadm. test. aper.* Deinde apertum testamentum legetur publice, & priuatim cognoscet ipse, an integrum sit, an nulla sui parte vitiatum, vt fideliter sic describatur, *d. c. ult. extra de fid. instrum.* Si integrum esse cognouit, iubebit describi per officium, seu officiales seu actuarios suos. Quod cum factum erit, tum erit explicatum testamentum publicum, id est, tale, quod sit actis insinuatum. Nam ꝑ acta per excellentiam nominis dicuntur scripturæ, quæ apud iudicem publice actæ sunt, & dicitur res his actis insinuari, cum accipitur & comprehenditur res his scripturis, quæ acta appellantur, vt nihil aliud sit insinuare ꝑ actis, quam referre in acta, vt veteres locuti sunt.

7 Hæc ꝑ acta sunt publica monumenta, *l. in donationib. infr. de donat.* quo fit, vt quæ in acta hæc relata sunt publica esse incipiant. Dicuntur autem publica dictabus de causis. Primo, quia per magistratum confecta sunt. Deinde, quia fidem habent auctoritatemque publicam, in eamque rem & publice asseruntur, vt inde fidem rei gestæ petere liceat, cum libet & opus est.

Obferuandum est autem, cum publicatum est ita testamentum, vt supra diximus, incipiunt testamenti duæ tabulæ, seu duæ scripturæ esse. Vna vetus, eius materiæ, in qua primum testamentum a testatore scriptum est. Altera noua, quæ eius testamenti exemplum continet, quam actis insinuatam & publicatam diximus. Prior materia priuata manet, & prius explicatum & descriptum in actis est id, quod hoc loco appellatur ꝑ testamentum publicatum. Dicitur testamentum, quia continet sententiam voluntatis defuncti, quæ priori materia scripta est. Hæc autem sententia est testamentum defuncti, non autem materia, in qua sententia hæc scripta est. Quod ita esse ex hoc rescripto liquido apparet. Nam aperte hic distinguitur publicatum testamentum a materia, in qua testamentum prius scriptum fuit. Oportet igitur testamentum id publicatum diuersum esse: non potest diuersum esse, nisi sit a priore descriptum. Sed quid ꝑ necesse est ita testamentum describi, cum prius testamentum ad fidem sufficiat? Respondet: Eo fit, quia plura exemplaria testamenti exstare vtile est, vt si vnum pereat, liceat ex alio fidem sumere, quod superest, *l. ult. sup. h. l. vnum. ff. h.*

Hoc intellecto, de fide testamenti huius publicati quæsitum est hoc loco. Primum, ꝑ an fidem faciat. Deinde, quantum faciat, & quando. Quod dubitatur an fidem faciat, dubitatio ex eo est, quod constitutum est, cum ex aliis instrumento authentico descriptum est explicatum, non ex explicato agi debere, sed ex authentico. Et videtur fidem explicato haberi non oportere, *l. 2. ff. de fid. instrum. Auth. si quis in aliquo. sup. de edend.* Et placuit hoc testamentum publicatum fidem facere, & recte. Nam quod supra diximus de explicato, de explicato priuato dictum est.

Alia causa est explicati publicati vt h. Nam instrumentum publicatum fidem publicam habet, *d. l. in donato.* Sed adiicitur hoc rescripto ita demum hoc explicatum, quamuis publicatum fidem facere, si prior materia testamenti, quæ intercidit, interciderit casu qui probetur.

Ex quo hæc colligimus, etiam testamentum explicatum quamuis publicatum, ad fidem testamenti non sufficere, si adhuc exstet prior materia testamenti, sed hanc quoque consulendam esse, iuxta *d. Auth. Si quis in aliquo.* Nam si non creditur explicato publicato, vbi prior materia perit, nisi necessitas suadeat, multo minus ei credetur, si materia prior adhuc exstet, quam liceat adhuc consulere. Deinde colligimus, si prior materia testamenti intercidit dolo heredum scriptorum, quia illam consulto ruperint, aut aliquid aliud in eo statuerint, iis testamenti publicati fidem nihil prodesse, quia rescriptum exigat, vt testamentum casu intercidat. Postremo ex iisdem verbis intelligimus, quamuis casu interciderit exemplum publicatum, tamen non esse satis id dici ab heredibus scriptis, sed etiam id probari debere. Proinde eo non probato, exemplum publicatum illis non prodesse. Et recte ab illis exigitur hæc probatio: nam ipsi sunt, qui casum allegant, & debent allegare ex hoc rescripto. Regula autem iuris est, incumbere probationem ei, qui dicit, *l. 2. ff. de probat.*

Sed iis conditionibus opponitur *d. l. in hac. & d. l. de donat. infr. de donat.* Quibus in locis de donationibus insinuat, & de actis & monumentis publicis dicitur, hæc habere inconcussam fidem, ita vt nec aliarum probationes, aut vlla adminicula desiderentur, secundum quæ dicitur dici debuisset, exemplum testamenti publicatum, quod actis insinuatum est, omnimodo fidem facere debere, siue prior materia testamenti exstet, siue non, quia actorum fides aliunde non dependeat. Respondeo: Quæ de fide actorum superioribus in locis dicta sunt, ea de Authenticis & principalibus scriptis dicta sunt, nempe de iis, in quæ primum referuntur donationes factæ, non eodem iure haberi exempla quantumuis publicata, in quam rem hic locus sufficiat. Differentiæ ratio est, quia omnia exempla genere ipso suspecta sunt, quia facile est in describendo errare, vnde hoc genus totum appellatur calumniosa scriptura in *d. l. 2. ff. de probat.* Proinde non temere exemplo credendum est, priuato quidem nunquam, publico autem ita demum, si quæ necessitas vrgeat, quia fides sumi aliunde non potest, consulendum est enim necessitati, *arg. in l. 2. §. secundo. ff. si quis cautionib.* sed ita demum succurri debet, nisi si quis eam necessitatem sibi imposuerit, *l. si fideiussor. §. si necessaria. ff. qui satis dare cog. d. l. 2. §. pen. & id. ff. si quis caut.* Et hoc est quod hic exigitur, vt prior materia testamenti interciderit casu, non heredum facto.

Ad L. 3. Ex imperfecto.

Imp. Alexander A. Antigono.

Ex imperfecto testamento nec Imperatorem hereditatem vindicare posse, sape constitutum est. Licet enim lex imperii solemnibus iuris Imperatorem soluerit: nihil tamen tam proprium imperii est, quam legibus viuere. PP. 11. Kal. Ian. Lupo & Maximo Coss. 233.

SUMMARI A.

1 Imperfectum & perfectum testamentum: quando sit.

² Imperfectum testamentum non valet, etiam si Princeps heres institutus sit.

³ Princeps, an quod in imperfecto testamento ipsi relictum est, capere possit.

¹ PERFICITUR testamentum solemnibus iuris adhibitis, de quibus in l. hac consultissima. infir. & præterea herede instituto, item adiectis iis, quæ in ordinatione testamenti desiderantur. Si quid horum deest, imperfectum est testamentum. Si ad vim testamenti superiora omnia requiruntur, consequens est, imperfectum testamentum esse nullius momenti, quod scriptum est §. pen. quib. mod. test. Docemur hoc loco id adeo verum esse, ut quamvis imperfecto testamento Princeps heres institutus sit, tamen nihilo magis testamentum valeat. Idem in §. ult. Inst. quib. mod. test. infirm. & Lex imperfecto. ff. de legat. 1. Et t ceteris quidem personis, quibus in eo testamento quid relictum est, testamentum non valere constat. Sed num Princeps ipse hereditatem, aut si quid aliud ei relictum est, ex testamento capere non poterit? Et iisdem locis cautum est, nec Principem ex eo testamento capere posse, ne contra leges faciat.

Sed pro Principe hoc dicitur: Principem solum esse legibus, quod lege Regia, quæ de imperio eius lata est, effectum est, de qua in l. 1. ff. de constit. pr. & §. sed & quod princip. Inst. de iur. nat. Respondent boni Principes, hoc ius sibi placere, ne quid ex imperfecto testamento capiant, non quod pro sua potestate capere non possint, si ea uti velint, sed quia soluti legibus, nihilominus legibus vivere volunt, & submittere legibus principatum, d. §. ult. quib. mod. test. infir. l. digna vox. sup. de legib. Dixerit aliquis, quod de assentatoribus Principum nimis, quam sæpe audiri solet, Principem facere infra dignitatem & magistratus imperium, si non faciat quæ libet, cum hoc eius imperio tributum sit, ut sit solutus legibus ceterorum. Hic egregie responderunt boni Principes, quod in hoc rescripto legimus, tantum abesse, ut dum Principes se subiiciunt legibus, aliquid imminuant de maiestate imperii & sua, ut nihil sit tam proprium imperii, quam legibus vivere. Et recte. Nam proprium imperii est Rempub. & imperium ornare moribus, bonorum morum pars magna est, obtemperare bonis legibus. Proprium imperii est eas res constituere maxime, quibus imperium consistit: stat autem omne imperium bonis legibus, hæc stabiliuntur a Principe, non verbis, & eius iussu, sed maxime exemplo: dum enim iis paret, probat eas iustas & veras esse, & exemplo suo adfert subditis iis parendi non tam necessitatem, quam voluntatem. Amplius etiam dicitur, maius imperio esse legibus submittere principatum, d. l. digna vox. sup. de legib. Recte hoc quoque. Nam imperii proprium est hoc quoque, imperare aliis: quia autem legibus paret recte viuendo, is imperat etiam sibi, quo imperio nullum est maius.

Ad L. 4. Si in nomine.

Imp. Gordianus A. Ruffino.

Si in nomine vel prænominem, seu cognominem, seu agnominem testator errauerit, nec tamen, de quo senserit, incertum sit: error huiusmodi nihil officit veritati. PP. 12. Kal. Ianuar. Gordiano A. & Anulo Coss. 240.

S V M M A R I V M.

¹ Error seu ommissio nominis in demonstranda persona legatarii & heredis an noceat.

SIVE testator heredem instituit, siue alicui quid legat, personam heredis & legatarii demonstrare oportet, l. quoties. §. si quis nomen. ff. de hered. instit. l. Paulus. ff. de reb. dub. Et ad personas demonstrandas, nomina, pronomina, agnomina, cognomina inuenta sunt, sed tamen aliis rebus demonstrari possunt. Proinde si aliis demonstrantur, satis est, d. l. quoties. §. si nomen. §. si quid in nomine. in fin. Inst. de legat. Hinc fit, ut si persona sine nomine demonstrata sit, nominis ommissio nihil noceat. Quin & illud consequens est, ut si falsum nomen adiectum sit, errante testatore, in nomine, nihilominus & institutio & legatum valeat, quia perinde hoc est, quasi nomen omnino non sit adiectum. Et hoc dummodo certum sit, de quo testator senserit, & certum sit testatoris demonstratione. Nam ut cetera omittantur, saltem verbis testatoris personam demonstrare oportet aliquo signo indubitabili, d. §. si quis nomen. Id ita fiet, si instituat hoc modo: Cornelius sororis mee filius heres esto. Si soror vnum tantum filium habeat, apparet quem testator designarit, proinde heres erit, etiam si nomen Sempronius, non Cornelius fuerit. Idem dicendum, si testator tantum Cornelium dixerit, cum eum prius ita consueuisset appellare.

Ad L. 5. Neque professio.

Imp. Valerian. & Gallien. AA. Lucullo.

Neque professio, neque adseueratio nuncupantium filios, qui non sunt, veritati praiudicat: & quæ ut filii testamento relinquuntur, iuxta ea, quæ a Principibus statuta sunt, non debent. certi iuris est. Accep. 6. Non. Iul. Valer. & Gallie. AA. III. & II. Coss. 256.

S V M M A R I A.

- ¹ Testatoris falsum dicentis affirmatio aut negatio, veritati nihil mutat.
- ² Idem in professione falsa.
- ³ Profiteri liberos sibi natos quid.
- ⁴ Relictum ut filio, qui filius non est, an debeat.

QVONIAM de auctoritate supremæ voluntatis ita cautum est legibus, ut quod testator legauerit seu statuerit, de re sua, id tanquam ius ratum sit, l. testandi. infra h. l. verbis leg. ff. de verb. sig. §. disponat. Nouel. de nupt. Hinc commode quaeritur in vniuersum de vi & potestate sententiæ omnis testatoris, quod declaratur exemplis in hoc rescripto & seq. Est autem hæc summa: Si quid testator statuit, ut fieret in futurum, si quid voluit id ratum est. Id quod declaratur superioribus locis. At si quid de re tantum affirmavit, ut ostenderet sententiam suam, non voluntatem, id pro non scripto est, iuxta definitionem testamenti supra dictam. Nam si verum est, quod testator dixit, valet quidem, sed quia ita est reuera, non quia testator dixit, ut si filium suum dixerit filium, erit quidem filius, sed quia natura talis est, futurus talis, etiam si testator nihil dixisset. Quod si testator falsum dixerit, eius affirmatio aut negatio veritati nihil mutat, neque ab eo, quod natura est, receditur.

Vtriusque rei exempla habent hæc rescripta duo. Affirmationis exemplum hic est: Testator legauit L. Titio filio suo, non ideo erit filius, quia testator affirmavit, nisi reuera sit filius. Sed an testator non potuit voluntate sua filium efficere? Respondeo: De eo primum nihil cauit: deinde etsi voluisset

filium facere, non potuisset: ita necesse est inutilem esse affirmationem testatoris falsam. Nam filii aut iustis nuptiis sunt natura, aut adoptione iure civili; nulla asseueratione nullo modo, *l. 1. ff. de adopt. l. non exemplis, & l. non nudis. sup. de probat.* Negationis falsae exemplum in rescripto sequenti est: Testator scripsit se viuum nihil donasse, placet, si quid vere donauerit, negationem testatoris veritati non nocere. Sed an eo dicto non videtur testator donationem reuocasse? Quæstio superuacua est in donatione inter viuos, quia etiam si testator hoc animo esset, ut vellet donationem reuocare, non posset tamen semel perfectam, *l. cum ancillam. de condict. ob causam datorum. & rot. tit. de reuoc. donat.*

In donatione autem causa mortis utilis est quæstio. Nam quod testator donauit viuis causa mortis, id quandoque ex sententia reuocari potest, *Instit. in pr. de donat.* Solum hoc querendum erit, an voluerit reuocare, & recte vulgo probatum est, superioribus verbis videri reuocatum donationem, cuius sententia hoc argumentum est, quia hæc oratio testatoris; *Profitetur me nulli quicquam donasse*, ambigua est, sic enim accipi potest, quasi facto nihil donauerit, aut quasi nihil donauerit effectu, quia donationem valere nolit: prius si accipimus, inutilis scriptura est, quia falsa est; posterius si accipimus, valet, quia testator facit reuocando, ut donatio nulla sit. Proinde hoc posterius accipimus, ut scriptura videatur aliquid egisse, iuxta *l. si quando. ff. de leg. 1.*

Quod de affirmatione testantis hic dicitur, idem dicitur de professione falsa: professio hic intelligitur professio parentum de origine & ætate liberorum, quod genus professionis vltatum erat Romanis, ex constitutione M. Antonini, de qua Iul. Capitol. in eius vita ita scribit: *Hunc primum liberales causas munuisse, ita ut inheret unumquemque, ciuem apud præfectum araris liberos sibi natos profiteri, eandemque per pronuncias publicanum tabularum usum instituisse. apud quos de originibus idem fieret, quod Roma apud præfectos ararii, ut si quando de statu quæstio est. probationes inde ederentur, quis a quo editus esset.* Profiteri etiam liberos sibi natos, est nuntiare & testari liberos sibi natos, & nomen edere, ut profiteri merces apud publicanos, est edere speciem & numerum mercium, pro quibus vectigal pendere debet, *l. interdum. in pr. & §. quoties. ff. de publico.* Hæc professio parentum, de his quos liberos suos dicebant, in re dubia fidem faciebat pro libetis & contra liberos, sed veritati non præiudicabat, si quis probaret falsam probationem fuisse, quod hic dicitur, & *l. etiam. & l. Imper. ff. de probat.*

Hinc adiicitur, si quid relictum sit ut filio, qui filius non sit, huic nec legatum aut hereditatem relictam videri in *l. quoties. in pr. ff. de her. instit.* Recte dictum est, si quid relictum sit ut filio: intelligitur enim testator aliquid reliquisse ut filio, cum reliquit ei, non solum quem filium nominauit, sed etiam quem putabat filium esse, errore ductus ut hanc causam habuerit legandi, quod filium putarit. Quod si testator non ignorauit eum, cui legabat, filium suum non esse, cum pro filio eum deligeret, filium nominat, nihilominus legatum debetur, ne nomen honoris & amicitiae legatario noceat, quod potius prodesset ad legatum debuit, *l. nemo. §. vlt. ff. de her. instit.*

Ad l. 6. Verba.

Imp. Dioclet. & Maxim. AA. Terentia.

Verba testamenti, quibus mater vestra decedenti nihil

se cuiquam donasse significauit: si res se aliter habeat, fidem veri non perstringunt. PP. 3. Non. Nouemb. Diocletiano A. & Aristobolo Coss. 285.

Exposui l. superiore.

Ad l. 7. Errore.

Imp. Dioclet. & Maxim. AA. Rufina.

Errore scribentis testamentum, iuris solemnitas mutari nequaquam potest, quando minus scriptum, plus nuncupatum videtur, & ideo recte testamento condito, quanquam desit, heres esto: consequens est, existente herede legata seu fideicommissa iuxta voluntatem testatoris oportere dari. PP. 17. Kal. Febr. ipsis AA. IV. & III. Coss. 290.

S V M M A R I A.

1 *Heres quibus verbis vltate instituitur.*

2 *Orationi testatoris si quid desit, an nihilominus institutio valeat.*

TESTAMENTO heredem institui oportet, alio qui nullum testamentum, *l. vlt. ff. de iur. codicil. l. 3. versi. Calpurnius. ff. de his que in test. del. Instituitur autem heres et illis verbis vltate, l. Tuius heres esto, aut aliis eandem significationem habentibus, l. quoniam. infr. h. l. 1. ff. de her. instit.* Si quid huic orationi desit, an institutio et valeat quæsitum est? Et si testator voluntatem suam nuncupet sine scripto, plenis verbis heredem nuncupare debet, ut intelligant testes quem heredem esse velit, *l. heredes palam. ff. eod.* Quod si testamentum scribat, placet etiam si quid superiori orationi desit, dummodo persona heredis notata sit, nihilominus institutionem valere, & ideo si testator dixit, *Lucius esto*, intelligitur heres, nec adiecerit *esto*; idem intelligemus, *l. 1. §. si ex fundo. ff. de her. instit.* Longius itum est: nam si testator tantum scripserit *Lucius*, nec adiecerit *heres esto*, tamen creditur testator hoc sensisse, & institutio valet, *d. l. 1. §. si ex fundo*: id quod hoc rescripto confirmatur.

Obiiciebatur huic sententia, quod heredem institui oportet, id autem non fieri illa oratione, *Lucius heres esto*. Respondent veteres & in *d. l. 1. & hic*, etiam videri hanc orationem nuncupationem esse; id est, lingua expressam, sed postea non plene scriptam esse, & ideo institutionem recipi, quasi minus scriptum sit, plus nuncupatum. Rursus obiicitur exemplum nuncupantis heredis, quem palam & plene nuncupare oportet. Huic obiectioni tacite occurrit in hoc rescripto, cum dicitur, solemnitatem iuris non debere mutari errore scribentis, hoc enim perinde est, quasi diceretur, testatorem etiam in testamento scripto videri plenis verbis heredem instituisse. Sed quod postea plene scriptum non reperitur, magis contingere errore scribentis, quam testatoris voluntate, siue alius scripserit testamentum, siue testator ipse, cum festinando non est mirum aliquid committi potuisse.

Sed cum huic verbo *Lucius* alia verba adici possint ut perficiatur æque oratio, cur potius hæc verba intelligimus, *heres esto*, quam alia; possunt enim salua ratione sermonis recte intelligi, *Lucius liber esto, Lucius fundum Cornel. capito*. Respondeo. Hæc ideo non accipimus, quia nihil horum conuenit ad vim testamenti, sed sola heredis institutio. Deinde si aliud relictum intelligimus, semper incerta voluntas testatoris esset, quid relictum voluerit. Præterea solemne est in testamentis heredem instituere iis verbis, *Lucius heres*

heres esto. Ob hanc causam id sumimus, quod testamento consuetudine loquendi scribendique conuenit, *argum. in l. si seruus plur. §. ult. ff. de leg. 1.*

Ad L. 8. Casus maioris. Et seq. L. 9.

Impm. Dioclet. & Maxim. AA. Marcellino.

Casus maioris ac noui contingentis ratione, aduersus vimorem contagionis, quae testes deterret, licet aliquid de iure laxatum est: non tamen prorsus reliqua testamentorum solemnitas perempta est. Testes enim huiusmodi morbo oppressos eo tempore iungi atque sociari remissum est: non etiam conueniendi numeri eorum observatio sublata est. Dat. 6. Kal. Iul. ipsi IV. & III. AA. Coss. 290.

Impm. Dioclet. & Maxim. AA. Patroclia.

Si non speciali privilegio patris tua iuris observatio relaxata est, & testes non in conspectu testatoris testimoniorum officio functi sunt: nullo iure testamentum valet. PP. 10. Kal. Iul. ipsi IV. & III. AA. Coss. 290.

S V M M A R I A.

- 1 Denumero testium in testamento requisito.
- 2 Praesentia testium in testamento an remittatur interdum.

AD testamentum septem testes adhiberi oportet, de quo dicitur in *l. hac consult. inf.* Hic numerus 1 nullo testium casu aut morbo remittitur, quia inuentus est ad testamentum muniendum aduersus falsitatem, *l. ult. vers. cum enim. inf. de fideicom.* His testibus praesentibus testator voluntatem suam testari debet, nec hac quidem praesentia vlllo casu remittitur *l. seq.* Hoc amplius, omnes simul testes praesentes 2 esse oportet. Haec vero necessitas remittitur hoc casu, si vnus ex testibus cognita testatione testantis, testamento subscripserit, & id obsignauerit, deinde opprefferit eum aliquis morbus, cuius contagionem reliqui testes metuant: nam hic concessum est, eum testem, qui in morbum incidit, submouere, vt reliquis solis praesentibus reliqua testatio peragatur, vt *hac in l. casus. in fin.*

Ad L. 10. Si testamentum.

Impm. Dioclet. & Maxim. AA. & CC.
Menophelimo.

Si testamentum iure factum sit, & heres sit capax: auctoritate rescripti nostri rescindi non oportet. Dat. 15. Kal. Aug. AA. Coss.

S V M M A R I V M.

- 1 Testamentum iure perfectum rescindi non potest rescripto Principis.

TESTAMENTUM testatore iure perfectum rescripto Principis rescindi non oportet. Hoc non tantum dictum est rebus integris, sed etiam rescripto aduersus testamentum impetrato, id est, rebus integris, si quis testamentum rescindi postulet, rescriptum ei derogatur, quia id postulare contra ius non debuerit, *l. 5. de precib. Imper. offer.* Sed etsi quis obrepperit Principi, & huiusmodi rescriptum impetrauit, placet hoc rescriptum a iudicibus non admitti, *l. pen. eod. tit. supr. de precib. Imper. off.*

Ad L. 11. Non idcirco.

Impm. Dioclet. & Maxim. AA. & CC. Zenoni.

Non idcirco minus iure factum testamentum suas obtrinet vires, quod post mortem testatoris subtractum probatur. S. Dat. Prid. Idib. Nouemb. AA. Coss.

S V M M A R I V M.

- 1 Testamentum furto sublatum an fiat vitiosum & vires suas perdat.

RES furto sublata non ideo vitiosa sunt, aut naturam priorem mutant, cadunt quidem in vitium furti, id est, furtiuae esse incipiunt, §. *furtina. Instit. de usufructu.* Sed nihilominus res ipsae integritate manent, vt prius fuerant, tantumque eo furtum pertinet, vt illae usufructui non possint, d. §. *furtina.* Et si ceterae res furto vitiosae fierent, tamen non posset vitari testamentum, quod surreptum esset: nam materia, in qua testamentum scriptum est, quaeque surripitur, non est testamentum: sed sententia testatoris, quae in ea materia scripta est, haec testamentum est: haec autem non surripitur. Proinde non potest dici hanc esse dubitationis causam, quod testamentum furto factum sit vitiosum, vt quaeratur an propter furtum tabularum testamentum infirmetur. Haec igitur potius dubitationis causa est, quod testamento surrepto videatur aliquid accidere contra voluntatem testatoris: is enim testamentum claudendo, & sibi asseruando, vult id secretum esse, vt solet esse mens testatorum, *l. hac consult. inf.* vnde & secretum alienae voluntatis appellatur, *l. captatorias. ff. de her. instituit.* Cum testamentum surripitur, euenit contra eius voluntatem, vt tunc fere retegatur, vt verisimile sit, testatorem eas tabulas ex illo valere nolle.

Rescriptum est, non ideo minus testamentum valere duabus de causis. Primum, quia testator mortuus non potuit testamentum reuocare propter furtum quod secutum est: mortui enim nulla voluntas est, *l. 4. ff. locat.* Deinde, etsi viuo ei surreptum esset, & ob eam causam testamentum surreptum valere nolle, tamen nihil ageret ea sola voluntate, quoniam testamentum semel iure perfectum non rumpitur nisi alio testamento postea iure facto, *l. 1. & 2. ff. de iust. rupt.* Qua ratione admonemur, quotiescunque quaeritur, an testamentum ab initio iure factum ob aliquem casum interuenientem infirmetur, in quibus furtum testamenti non esse constat, de iis causis agitur in *tit. instit. quib. mod. test. infir.* & comprehensae sunt in *d. l. 1. ff. de iust. rupt.*

Ad L. 12. Si vnus.

Impm. Dioclet. & Maxim. AA. & CC.
Matronae.

Si vnus de septem testibus defuerit, vel coram testatore omnes eodem loco testes suo vel alieno annulo non signauerint: iure deficit testamentum. De his autem quae interlecta sunt supra scripta dicis: non ad iuris solemnitatem, sed ad fidei pertinent questionem: vt appareat, utrum testatoris voluntate emendationem meruerint, vel ab altero inconsulte delata sint, an ab aliquo falso hac fuerint commissae. S. Dat. Prid. Non. Iul. Philippop. AA. Coss.

S V M M A R I A.

- 1 Sententia huius legis.
- 2 Vno teste in testamento deficiente, corrumpit testamentum.
- 3 Testamentum an vitietur propter deleta in testamento.
- 4 Deletum a testatore inconsulte, sine exceptione non valet, siue legi, siue non possit.
- 5 Deletum a testatore inconsulte, si legi potest, valet quandoque deleuerit: & quid si inconsulto deletum legi non possit.
- 6 Legis huius genuina & emendata lectio, dilucidiorque explicatio.
- 7.8 Supra scribere & Super scribere quid, & quid differant.

SENTENTIA † est, non solum si omnia solemnia defunt in testamento, testamentum non valere, sed etiam si quid ex his vel minimum desit, vt † vnus testis, aut vnus testis subscriptio vel obsignatio, quæ referri debet, *l. si non speciale. § l. casus. sup. h.* Inde quæ situm † de iis, quæ in testamento deleta sunt, an propter hæc testamentum vitietur: Et placet nihilominus cetera testamenti valere: hac ratione, quia quæ in testamento delentur, non pertinent ad iuris solemnitatem, id est, vtrum nulla sit litura in testamento, an vero sit aliqua, non est ex solemnibus testamenti, vt consequens sit, propter aliqua delera, non idcirco cetera vitari, quasi aliquid ex solemnibus desit. Sed hæc pertinent ad facti quæstionem, id est, inducunt quæstionem, quid hic factum sit, & queratur, vt appareat quis deleuerit, & quomodo deleuerit, & vt in rescripto scriptum est, vt appareat vtrum consulto a testatore emendata sint an vero ab illo inconsulto deleta, an vero etiam ab alio falso hæc commissa sint.

Ideo autem rescriptum ait, de eo querendum esse, quia quid ex iis fiat iure, multum interest. De iis autem hæc iuris summa est: Refert vtrum quid a testatore deletum sit, an ab alio. Si testator † deleuerit, siquidem consulto deletum, sine exceptione non valet, siue legi possit, siue non possit. *l. i. in pr. ff. de iis quæ in test. del.* Solum hoc interest, vtrum consulto deletum sit, ante consummationem testamenti, an post consummationem. Quod ante consummationem deletum, ipso iure non valet, quasi ab initio non scriptum, *d. l. i. inuncto §. i. in fin. §. sed consulto.* Post consummationem autem consulto deletum ipso iure valet, sed petentes remouentur exceptione, *d. l. i. §. sed consulto.* Differentiæ ratio est, quia quod ante consummationem scriptum, pro non scripto est, cum testamentum tunc non valuerit. Quod autem post consummationem scriptum habetur, aliquando valet, vt si adhuc manet, non videatur ipso iure infirmatum esse; sed quia deficit voluntas testatoris, locus erit exceptioni doli mali, si legatarii contra voluntatem legatum petant.

Quod si † testator, inconsulto deleuit, & legi potest, valet quancumque deleuerit. *l. i. in pr. §. d. §. sed inconsulto.* Si inconsulto deletum legi non potest, siquidem deletum est ante consummationem testamenti, non debetur, *d. l. i. §. i. vers. sed si legi.* Si post consummationem, omnimodo debetur, si aliter probari potest, quod relictum est, *d. l. i. §. sed si consulto.* Differentiæ ratio est, quam supra attigi, quia quod ante consummationem legi non potest, pro non scripto est, *d. l. 2. de iis, quæ in test. del.* Quæ post consummationem delentur, ea aliquando vtiliter scripta, ac proinde casus ea non mutabit, vbi non desinit voluntas testatoris. Hæc dicta sunt de iis, quæ delentur a testatore. Alia causa est eorum, quæ delentur ab alio. Nam siue consulto, siue inconsulto quid deletum sit ab alio, pro non deletum est, ne sit in potestate alterius mutare testatoris voluntatem, & nocere vel heredibus vel legatariis: hoc significatur in *d. l. i. in pr.* iis verbis: *Id vero quod non iussu, &c.* Quod tamen hæcenus verum est, dum sciamus si quid deletum est, vt ab alio legi non possit, & deletum sit, ante consummationem testamenti, id non magis valere, quam si deletum sit a testatore, quod colligitur ex *d. l. i. §. i. vers. sed si legi.* Idque ob hanc causam, quam supra dixi, quia pro non scripto habetur, quod ante

consummationem legi non potest. Locus † autem hic valde corruptus est, & verba interpretatione indigent. Aiunt Imperatores; *Deus autem, quæ interleta vel conscripta sunt, &c.* Phrasis latinis vitata pro eo quod est: *Quod ad ea attinet, quæ interleta sunt.* Legendum est autem non *superscripta*, sed *superscripta*, agitur enim de iis, quæ in testamento delentur, expunguntur aut cancellantur. *Suprascribere* † autem non est delere, sed idem id scribere supra, vt bis legi possit. At † *Superscribere* est aliis superinductis literis priores obliterare, quo modo maxime literæ delentur. Aiunt Imperatores: *Sed ad fidei pertinet quæstionem, &c.* Nulla est in proposito fidei quæstio: nam in iis, quæ deleta sunt, quæstio est, a quo deleta sint, & quomodo, id est, vtrum a testatore, an ab alio, & vtrum consulto an inconsulto, vt postea sequitur. Hæc vero quæstio est de facto, non de fide & probatione facti.

Apparet igitur legendum esse: *Sed ad facti pertinet quæstionem.* Hic enim queritur, quid factum sit, a quo, quomodo. Quod verbum prioribus conuenientissime subiicitur: prius enim dixerant Imperatores, deleta non pertinere ad iuris solemnitatem. Iuris quæstioni optime opponitur facti quæstio, *l. mora. ff. de iur.* Est autem hic sensus: *Ea, quæ deleta sunt, ante non deleta, non pertinent ad iuris solemnitatem, & ideo si quid deletum sit, ceteris partibus testamenti nihil nocet, sed inducunt facti quæstionem, vt queratur, & querendo appareat, a quo & quomodo deleta sint, vt sequitur.*

Aiunt Imperatores: *Emendationem meruerint, vel ab altero inconsulto deleta sint, &c.* perspicuum est, legendum esse, non *altero*, sed *ab alio*, intelligit *testatorem*. Nam in persona testatoris delentis recte distinguitur, vtrum ipse deleuerit, emendandi causa, id est, consulto, an vero ab alio inconsulto factum sit. At in altero, quam in testatore, hæc distinctio locum non habet. Siue enim consulto quid deletum sit ab altero siue inconsulto, semper valet quod deletum est, si legi potest. Et ideo est hic loci sensus: *Querendum esse, vt appareat, vtrum quæ scripta sunt, consulto deleta sint voluntate testatoris, vel alio inconsulto deleta: An vero hæc eadem ab alio commissa sint falso, id est, vel consulto vel inconsulto, vtrumvis enim fecerit alius, si non iussu domini fecit, falso fecit.*

Ad L. 13. Testandi.

Imp. Dioclet. & Maxim. AA. & CC.

Euryphidæ.

Testandi causa de pecunia sua legibus certis facultas est permessa, non autem iurisdictionis mutare formam, vel iuri publico derogare cuiquam permittimus est.

S V M M A R I A.

- 1 Testari an liceat cuique suo arbitratu, sprete forma testamentorum iure publico constituta. Negatur & rationibus fulcitur. *ibid.*
- 2 De iure publico & privato.

QVÆSITVM † est, an liceat unicuique suo arbitratu testari, contra ea forma testamentorum ordinandorum, quæ iure publico constituta est, præferri si testator testatus sit, velle suam voluntatem ita ratam esse, cuiusmodi voluntatis explicatio refertur in *l. pen. §. ult. ff. de leg. 2.* Mouet dubitationem, quod libera testandi facultas permittitur iure publico omnibus. Et quidem iis verbis vt ratum sit, vti quisque rei suæ legarit, *l. verb. leg. de verb. sig. l. i. sup. de sacro-*

facrosanct. Eccles. §. disponat. Nouel. de nupt. Hoc loco declaratur nulli ita licere testari, posita ea ratione, ex qua id facile colligitur. Est autem ratio hæc & collectio, quia testandi facultas permissa quidem est iure publico & libera, sed certis legibus, id est, certis conditionibus, & certa forma præscripta, quam seruamus in testando: iuris autem formam mutare, vel iuri publico derogare nulli permissum est. Ex quo id facile colligitur, de quo quæsitum erat, nempe in proposito, id est, in facultate testandi, non licere formam superscriptam mutare.

Ex quo apparet, hoc rescripto contineri argumentationem, cuius exprimitur propositio & assumptio. Conclusio prætermittitur, continens responsum ad quæstionem propositam, sed ideo omittitur, quia ex iis, quæ antecedunt, facile intelligitur. Argumentatio est huiusmodi: *Iurisdictionis mutare formam, & iuri publico derogare, nulli permissum est. Facultas autem testandi permissa est certis legibus, id est, certa forma, quam seruare oportet, idque iure publico. Proinde eam formam mutare, atque eo modo iuri publico derogare non licet. Quid ergo si contra factum erit? Respondeo: Pœna hæc est iis omnibus, quæ contra legem fiunt, constituta, ut quod factum est, pro infecto sit, l. non dubium, sup. de legib.*

Partes huius argumentationis expendendæ sunt; Propositio est, non licere mutare iurisdictionis formam. Iurisdictionis forma, est forma testandi iure constituta, forma, id est, modus. Appellatur forma iurisdictionis, quia secundum formam iure constitutam, ius dici a magistratibus & iudicibus oportet: hi enim secundum leges & constitutiones iudicare debent, *Inst. de off. iud. in pr.* Itaque forma iuris & forma iurisdictionis eadem sunt, sed quod forma primum constituitur iure, deinde constituta seruantur in iure dicendo, ius formam hanc efficit, constituendo hanc formam, hæc ita constituta efficit necessitatem iurisdictionis. Hanc formam mutare non licet, quia iuri publico derogaretur: iuri autem publico derogare non licet, ut sequitur: Sententia est iuris certi, multis locis repetita, *l. quod bonis. ff. ad l. Falcid. l. ita. §. Iulianus. ff. de administr. tut. l. ius publ. ff. de pact. l. si iudex. ff. de minor.* Collecta sententia est ex eo, quod placet leges seruandas esse, eamque esse auctoritatem legum in rebus omnibus, *l. 3. l. leges sacratis. sup. de legib.* Si leges seruandæ sunt, contra leges fieri non oportet, repugnant enim seruare legem & contra legem facere.

² Sed tunc hic fit mentio publici, cum testandi facultas, de qua quæritur, sit iuris priuati. Nam ius priuatum definitur, quod ad utilitatem singulorum pertinet, *l. 1. §. huius. ff. de instit. & iur.* Ius autem testandi pertinet ad singulos testatores, est enim de pecunia cuiusque priuata, ut hoc rescripto declaratur, & verbis legis duodecim tabul. in *l. verbis leg. de verborum signific.*

Respondeo: Ius, quod ad utilitatem singulorum pertinet, recte idem ius dicitur & priuatum & publicum diuersis rationibus. Priuatum dicitur, si res spectamus, de quibus constitutum est. Est enim de rebus priuatis singulorum. Hoc sensu de testamentis ordinandis est ius priuati. Sed idem ius dicitur publicum, cum personas spectamus, ad quas pertinet. Est enim ius commune omnium ciuium Romanorum, unde publicum dicitur, quia sit totius populi ius, sed non vniuersi quidem, sed singulorum ex populo, ita

ius publicum dicitur, ut sit ius commune. Hoc modo ius publicum passim a nostris usurpatur & bonis auctoribus, ut *l. 2. ne uxor pro marito. l. i. ff. si aduersus fidei. l. amicissimus. in fin. ff. de excusat. tut. l. i. vers. secundo cap. l. quod bonis. §. i. ff. ad leg. Falcid.* Quo sensu illud dictum est in Phormione, *An ne id quidem adipiscor, quod ius publicum est*, ubi Phormio intelligebat ius de sua pecunia constitutum, sed ita constitutum, ut esset omnium ciuium commune. Hoc sensu dicimus iuri publico derogare non licere, quia nullis licet legibus derogare, siue ad statum Reipubl. pertineant, siue ad utilitatem singulorum, ut declaratur in *d. l. quod bonis. §. i. ff. ad leg. Falcid.*

Derogare iuri publico est contra ius publicum siue legem facere: contra legem autem facere, est facere quod lex vetat, *l. 3. ff. de legib.* ut accidit in forma testamentis constituta. Sic enim hæc præscribitur legibus, ut iubeatur adhiberi, qui adhiberi iubet, omitti vetat. Proinde omittendo contra legem facimus & iuri derogamus. Hæc definitio diligenter obseruanda est, ut intelligamus, non omnia, quæ permittuntur legibus, in necessitate iuris posita esse. Est enim certi iuris regula: Licere vnicuique his, quæ pro se introducta sunt, renuntiare, *l. pen. sup. de pact. l. si iudex. ff. de minor.* Cur ergo id fit in vna specie potius, quam in ceteris? quia dum iis renuntiamus, iuri non derogamus: in iis enim deferendis lex nihil iubet. Quod ut intelligatur, sciendum est, quædam simpliciter permitti & concedi legibus, ut sunt actiones, quæ dantur legibus de rebus nostris priuatis, ut sunt exceptiones, quæ dantur reis ad defensionem: quædam fieri iubentur lege. Cum aliquid permittitur simpliciter & conceditur, licet id non accipere, licet & reuocare, quia qui concedit, accipere non iubet. Et ideo cum iis renuntiamus, nihil fit contra legem, quia nihil fit secus, quam lex iubet. At ubi lex iubet aut vetat, illic necessitas imponitur parendi, & si quid contra fit, tunc recte dicitur derogari legi. Assumptio hæc est: *Facultas testandi permissa est ceteris legibus.* Sic hæc verba accipimus, ut intelligamus, permissa esse certis conditionibus & iure publico. Nihil fit contra significationem verborum, quinimo leges vtrique id significant. Sententia quoque ipsa per se verissima est, facultatem testandi permissam esse variis legibus, ut *l. 12. tabul. d. l. verbis leg. de verbis significat. & l. Falcid. l. 1. & 2. cap. leg. 1. ff. ad leg. Falcid. & constitutione Iustiniani d. Nouel. de nupt. §. disponat.* Sed interpretatio huic loco non conuenit: nam illa verba, quæ sunt extrema in rescripto, *iuris formam mutare non licere*, declarant in testandi facultate intellectam esse prius formam aliquam, de qua mutanda agatur, & de qua mutata iuri publico derogetur. Proinde glossa optime hæc verba accipit, sic, ut intelligatur facultas testandi permissa esse certis legibus, id est, certis obseruationibus, vel melius, certis conditionibus & certa forma præscripta. Nam lex inter cetera conditionem significat: datum ea lege, id est, ea conditione: lex donationi adiecta est, id est, conditio donationi adiecta est, ut passim hæc significatio legentibus occurrit, & declaratur in *l. ent. ge. & l. doctum. & iuncta l. si repetendi. supr. de condit. ob causam dator.*

Et res ita habet. Certa forma testamēti ordinandi præstituta est iure publico, de qua in *l. hac consult. §. inf. Instit. de testam. ordin. & tit. de exhered. liber.* Non obstant hæc leges, quas supra enumerauimus, quibus

libera potestas testandi, vnicuique permittitur. Sic enim libera est, vt tamen in quibuldam rebus coangustata sit aliis legibus, vt nominatim dicitur in d. l. *verbis leg. ff. de verb. sig.* His positis efficitur sua sponte conclusio, id est, id quod responderi hoc rescripto dicimus, nempe formam superscriptam in testando mutari non licere, ne iuri publico derogetur.

Sed tamen huic parti quædam opponuntur. Nam testamentum est de re priuata & familiari, vnicuique licere pacisci, & sua voluntate licere in eo deteriore suam conditionem facere, proinde & in testamentis ordinandis licere ei formæ renuntiare, l. *inrisgent. §. si paciscor, l. pactum. ff. de pact.* Respondeo: Quod dicitur, licere de re priuata pacisci & cauere vt lubet, sic intelligendum est, si nihil obstat quam res priuata, de qua agitur. Ceterum si lex aut boni mores vetent, pacisci non licet, quamuis res sit priuata. Exemplum habemus in Senatusconsulto Velleiano, quo cautum est, ne mulieres pro aliis intercedant, l. l. *ff. ad Senatusconsult. Velleian.*

Deinde & hoc obstat, quod facultas testandi & omnis forma testamenti ordinandi, introducitur pro testatoribus, ne videlicet aliquid falsi aduersus eorum voluntatem admittatur. l. *ultim. errore. infr. de fide. com.* Sic autem ius est, vt supra dixi: Licere vnicuique iuri pro se introducto renuntiare. Respondeo: Verum est, hanc formam testatorum causâ maxime introductam esse, sed non solum testatorum, verum vtilitatis publicæ gratia, vt falsis occurratur, cuius rei indicium erit in omnibus rebus, quoties ita lex aliquid permittat, vt tamen in eo aliquid fieri aut omitti iubeat. Quod enim lex iubet, auctoritati suæ reseruat, eoque priuati arbitrio non permittit.

Ad L. 14. Non codicillum.

Imp. Dioclet. & Maxim. AA. & CC.
Achilleo.

Non codicillum, sed testamentum aniam vestram facere voluisse, institutio & exheredatio facta probant euidenter. Subscr. Idib. Decemb. CC. Cos.

S V M M A R I V M.

1 *Defunctum testamentum facere voluisse vnde intelligamus.*

Q V I testamentum facere voluit, neque illud perfecit, intestatus decedit, & ita decedit, vt quæ scriptura tanquam testamentum non valet, codicillos non faciat, quamuis alioqui per se vt codicilli valerint, nisi habet a testatore, vt saltem valeret iure codicillorum. Hæc in l. *ult. §. illud. infr. de codicill. l. coheredi. §. cum filia, illic alioquin. supr. de pupill. & vulgar. substit.* Quo fit, vt nihil ex ea scriptura debeatur ex iis, quæ inde relicta sunt, l. l. *ff. de iur. codicill.* Hinc t̄ quæstio huius loci: Vnde intelligamus, defunctum testamentum facere voluisse? Et siquidem defunctus nominatim scripsit suum hoc testamentum esse, res expedita est: Sin de eo nihil dixit, res deciditur hic: Videri eum testamentum facere voluisse, qui in ea scriptura heredem instituit aut exheredauit, nempe coniectura voluntatis certa ducta ex eo, quod proprium est solius testamenti. Nam hereditas neque dari neque adimi codicillis potest, eoque neque quisquam exheredari iis potest, §. *ultim. Instit. de cod. ill.*

Ad L. 15. Quoniam.

Imp. Constantinus A. ad populum.

Quoniam indignum est, ob inanem observationem irrisitas perire tabulas & iudicia mortuorum: placuit ademptis his, quorum imaginarius usus est, institutioni heredis verborum non esse necessariam obseruantiam, vt utrum imperatius & directis verbis fiat aut inflexis. Nec enim interest, si dicatur: Heredem facio vel instituo, vel volo, vel mando, vel cupio, vel esto, vel erit. Sed quibuslibet confecta sententiis, vel in quolibet loquendi genere formata institutio valeat, si modo per eam liquebit voluntatis intentio. Nec necessaria sunt momenta verborum, quæ forte seminecis & balbutiens lingua profudit. Et in positis ergo iudiciis ordinandis amota erit solemnium verborum necessitas: vt qui facultates proprias cupiunt ordinare, in quacunque instrumenti materia conscribere, & quibuscunque verbis uti, liberam habeant facultatem. S. Dat. Kal. Febr. Serdica, Constantio A. II. & Constante A. CC. Coss. 339.

S V M M A R I A.

- 1 *Summa huius constitutionis.*
- 2 *Quacunque in materia scribitur, testamentum ratum est.*
- 3 *Solemnia verba institutionis heredis, cur dicantur imperatua & directâ, & quæ sint, & cur ciuilia.*
- 4 *Fideicommissi verba dicuntur precaria, & sunt obliqua.*
- 5 *Veteres cur putarint verba directâ ex iure ciuili esse, cetera precaria non esse.*
- 6 *Legare quid.*
- 7 *Verbis non inhaerendum sed menti & voluntati contrahentium.*

S V M M A constitutionis expressa est in extremis verbis. Est t̄ autem hæc, in qua materia testamentum scribatur, nihil refert, sed nec quibus verbis heres instituatur, dum modo constet, quem testator sibi heredem esse voluerit. Hæc ideo constituta. Veteres initio tabulis scripserunt, vnde etsi res mutata est postea, tamen vetus nomen tabularum mansit, quo etiam iuris auctores passim vtuntur, dum tabulas testamenti nominant. Sed iam olim obtinuit inuentis aliis materiis idoneis ad scribendum, vt t̄ quacunque materia scriberetur testamentum ratum esset, l. l. *in pr. ff. de bon. poss.* Id ius hic confirmatur. Quod ad heredis institutionem attinet, ante hæc tempora t̄ solemnibus verbis heredem institui oportebat. Erant a. hæc: *L. Tu mihi heres esto*, vt colligitur ex l. l. *ff. de hered. instit.* Et Vlpianus docet in tit. *de hered. instit. in frag.*

Hæc verba dicuntur hoc loco imperatua & directâ. Cur imperatua, notum est. Dicuntur directâ, quia iis verbis efficitur, vt hereditas perueniat directe seu rectâ ad heredem institutum, vt intelligimus ex §. *ult. Inst. de sing. reb. per fideicom. relit.* Eadem dicta sunt ciuilia, l. *verbis legis. ff. de vulg. subst.* Ideo, quia sola hæc in hereditate danda iure ciuili agnoscebantur, quæ omnia dicta sunt, vt distinguerentur hæc verba a fideicommissariis, id est, iis, quibus vel hereditas vel res aliqua singularis per fideicommissum relinquitur. Hæc non imperant, sed petunt & rogant, vt quis fideicommissum restituat, vt sunt verba fideicommissi, §. *ult. Inst. de sin. reb. per fid. relit.* Vnde fideicommissi verba t̄ dicuntur precaria, qua ratione directâ institutio opponitur precariæ in l. *quarebatur. versic. quinimo. ff. de milit. test.*

Hæc eadē nō sunt directâ, sed obliqua, & vt hic appellan-

pellantur inflexa, quia fideicommissum non recta capitur a testatore, sed interposita persona eius, qui rogatur, ut fideicommissum restituat, ut de hereditate fideicommissaria declaratur in §. in puris. *Inst. de fideicom. her.* De singulis autem rebus declaratur in titulo, de singul. reb. per fideicom. rel. Hæc vere inflexa & obliqua via est, per quam id quidem agitur, ut res ad fideicommissarium perueniat, sed non recta a testatore, verum adhibito eo, a quo res accipitur. Eadem verba non sunt ciuilia siue iuris ciuilis, & ob hanc causam initio fideicommissa nullam vim habuerunt, etiam si postea translata sint in necessitatem, tit. de fideicom. her. in pr.

Cur t̄ autem veteres putarunt verba directa & imperatiua ex iure ciuili esse, cetera vero precaria non esse, sumtum est ex verbis legis 12. tabul. his: Vti quisque legasset suæ rei, &c. l. verbus legis. de verb. sign. Legare auctore t̄ Vlpiano in frag. de legatis. est relinquere legis modo, id est, imperatiue. Sed recte Imperatores posteriores iudicauerunt ineptum t̄ esse verbis inhærere, cum sententia testatoris constat, & ideo fere in omnibus speciebus negotiorum solemnitatem verborum repudiarunt, satis habentibus, si quibuscunque verbis constet, quid scriptor, quid testator, quid contrahentes scripserint, ut in heredis institutione hic constitutum est, de legatis in l. legatis. infr. de contrah. stip. De actionibus instituendis & earum formulis in l. 1. 2. 5. de formul. & imp. act. sublat.

Ad L. 16. Non dubium.

Imppp. Gratianus. Valent. & Theodos. AA.

Eutropio.

Non dubium nec incertum est, sicut Imperatoribus, ita qualibet dignitate, vel potestate decoratis viris, tam hereditatem, quam legatum seu fideicommissum relinqui posse. i. Illud etiam adiciendum est, qui ex testamento vel ab intestato heres exstiterit: eius voluntas defuncti circa legata seu fideicommissa, seu libertates legibus non sit submixta: tamen si sua sponte agnouerit, implendi eam necessitatem habeat. S. Dat. Kal. Iul. Thessalonica, Gratiano V. & Theodosio AA. Coss. 380.

S V M M A R I A.

- 1 Princeps & magistratus an possit capere ex testamento alterius, & an etiam possit legare.
- 2 Princeps an sit ciuis Romanus.
- 3 Legata & fideicommissa inutiliter relicta an & quando debeantur.
- 4 Heres si ex pluribus legatis quadam soluerit, an etiam ad reliqua præstanda obligetur.

DVæ sunt hic sententiæ. Prior est. Principi & cuius magistratui hereditatem & legatum testamento recte relinqui. Quæritur est, t̄ quæ fuerit causa, cur de hac re dubitaretur, cum omnibus liceat ex testamento capere, nisi nominatim prohibeatur: ineptum sit autem de Principe aut magistratu dubitare, qui plus iuris habent, quam aut rusticus aut mercator, qui possunt ex testamento capere, quod nullum dubitatum legimus, & sine probabili dubitatione inepta & consultatio & responsio est, l. Domitius. ff. h. Non est autem probabile, quod Accursius ceteris consentientibus scribit, hanc dubitandi causam esse, quia non videatur esse sani hominis relinquere ditioribus, & præsertim Principibus, si in iis, quæ relinquuntur, haberetur honos iis, quibus relinquitur, nihil magis conuenit, quam relinquere Prin-

cipi, id est, ei honorem habere, non ad eum augendum, qui nimio plus habet, sed ad summissi obsequii & beneuolentis animi significationem.

Præterea scimus etiam constitutum esse de Principibus, licere iis nimirum testamentum facere, l. cum heredes. in fin. §. t. r. prox. cui in constitutione superiori ratio dubitandi conuenire non potest. Illic enim non relinquitur Principi, sed Princeps dat, nempe diues pauperioribus. Mihi videtur dubitatio nata ex l. Falcidia, & similibus legibus. Nam l. 1. & 2. cap. eius legis cauetur de eis qui legare testamento possunt, & quibus possint, iis verbis: ut ciuis Romanus ciui Romano legare possit. quibus verbis ceteri excluduntur. Non videtur t̄ autem Princeps esse in numero ciuium, 2 quia ciues subditi sunt: Princeps autem imperium habet in subditos & vniuersum populum, l. 1. ff. de const. princip. Qua ratione fit, ut non tantum dubitetur, an Princeps possit capere ex alterius testamento, sed etiam an possit legare testamento?

Huic dubitationi occurritur his constitutionibus, quibus cauetur, & Principem posse relinquere & capere ex testamento. Et recte duabus de causis, quia & Princeps ciuis est, quia eorum omnium, qui sunt in orbe Romano, & aliquo imperio, vnum est corpus, cuius membra sunt subditi: caput vero Princeps: neq; eo minus caput ex corpore est, quia caput præest ceteris membris. Deinde, etsi Princeps ciuis non esset, tamen ex superioribus legibus admitti eum oporteret. Nam si ius legandi & capiendi ex alieno testamento datur inferioribus, multo magis ex sententia legis Principi & magistratibus ideum est tribuendum, quibus plus iuris tributum esse constat.

Posterior sententia est hæc: Legata t̄ & fideicommissa inutiliter relicta, puta imperfecto testamento aut imperfectis codicillis iure ipso non debentur, ut constat ex imperfecto testamento nihil debeti, ut constat ex l. 3. §. pen. & ult. *Inst. quib. mod. test. am. infr.* Placet tamen si heredes vel scripti vel legitimi agnouerunt voluntatem defuncti, legata deberi, & ideo si ultro soluant, non repetent, l. 2. §. de fideicom. Si non soluerunt, nihilominus necesse præstare habebunt, id quod hic cautum est. Agnoscete voluntatem intelligitur heres, aut præstando legatum, aut promittendo. Præstando si legatum menstruum est, aut annuum, & id tribus annis saltem præstitit. Nam ex eo tempore non tantum manere debent, quæ iam soluta sunt, sed etiam obligatur heres ad futurum temporis præstationem, ut est constitutum in l. 1. §. de fideicom. Promittendo obligatur heres, si stipulanti legatario aut fideicommissario promittat, se soluturum, l. si veritas. §. de fideicom. l. ult. §. ad l. Falcid. ubi constitutio scripta est de eo, qui cautionem legati non debiti emisit, cautio stipulatio est, l. sancimus. §. communia. de legat.

Hæc res dubitationem non habet, quia constat vnumquemque ex stipulatione obligari, §. de constit. *Inst. de act.* At si quid heres tantum pacto promisit præstaturum se sine stipulatione, ex d. l. si veritas. & d. l. ult. ad leg. Falcid. Colligitur heredem non obligari, quia illoc stipulationem exigunt, quod & verum est. Nam ex pacto actio non nascitur iure ciuili, l. iuris gent. §. sed cum nulla. §. quoniam. ff. de pact. l. legem. sup. de pact. Plane si heres aliquando pactus est, se præstaturum, iterum idem paciscatur, obligabitur. Nam iure prætorio obligatur quisque de constituta pecunia, si constituat se soluturum quod prius debebatur, et-

iam natura, d. §. de constituta. Inst. de act. d. l. i. §. pen. Et ult. ff. de constitut. pecu. heres autem qui iterum idem promittit pacto constituere intelligitur, quod prius promiserat, & constituit, quod ex natura debebat. Nam priore pacto solum natura obligabitur, l. in his. §. Imper. ff. de solut. arg. in l. i. in pr. ff. de pact. Quod si heres absentibus legatariis dixerit, se agnoscere voluntatem defuncti, ea res legatario non proderit: nam qui ex pacto non obligatur, multo minus sine pacto obligabitur. Superior agnitio autem & pollicitatio pactum esse non potest, cum pactum sit duorum pluriumve in idem consensus, l. i. ff. de pact. l. 3. ff. de pollicitation.

4 Quid si heres et ex pluribus legatis quædam soluerit, an etiam ad reliqua præstanda obligatur? Negat Accursius recte ex l. ult. supr. ne uxor pro marito. Nihil enim prohibet heredem in vnum beneficium conferre, ut in ceteros nolit: liberum cuique autem esse debet, quomodo & erga quos libertatem exerceat, l. 1. §. 2. ff. de precar. Hoc tamen locum non habet ex constitutione Iustiniani in iis legatis, quæ relicta sunt supra dodrantem hereditatis, & minuuntur per legem Falcidiam. Placuit enim Iustiniano, si heres vel vnum legatum integrum præstiterit, sibi necessitatem afferre & cetera solide præstandi, Auth. sed cum testator. j. ad l. Falcid. Sed hoc singulari iure constituitur, ut voluntas testatoris conservaretur in eo legato, quod alioquin iure valer, quod ad cetera legata iure inutilia transferri non debet.

Ad L. 17. Testamentum.

Imp. Arcadius & Honor. AA. Eternali proconsuli Asiae.

Testamentum non ideo infirmari debet, quod diversis hoc deficiens nominibus appellavit, cum superflua non noceant. Namque necessaria prætermissa immutat contractus, & testatoris officium voluntati, non abundans cautela. Datum 12. Kal. April. Arcadio IV. & Honorio III. AA. Coss. 396.

S Y M M A R I A.

- 1 Superflua & superuacua neque testamento neq; ulli negotio nocent.
- 2 Verba superflua quæ sint.
- 3 Res iure inutilis quæ sint, & an actum totum vitient.

TESTAMENTUM si quid deest, ex iis quæ testamento desiderantur, nullius momenti testamentum est, l. si unus. supr. quia testamentum imperfectum est, non est autem testamentum, quod non est perfectum, unde dicimus imperfectum quoque testamentum non valere. At si testamento rite perfecto aliquid adicitur, quod ad testamentum & voluntatem supremam defuncti nihil pertinet, etsi in verbis omne superfluum vitiosum est, tamen in sententia nihil mutatur, & nihilominus testamentum valet. Re enim perfecta, quicquid adicitur pro superuacuo est. Superuacua et neque testamento neque ullo negotio nocent, quia perinde sunt ac si adiecta non essent, l. quæ extrinsecus. de verb. oblig. Unde dicitur: Non solent quæ abundant vitare scripturam, l. non solent. de reg. iur. Quod in specie testamenti hic confirmatur, in contractibus autem confirmatur in d. l. quæ extrinsecus.

2 Obseruandum est autem, loqui nos de verbis superfluis & abundantibus, non autem de rebus inutilibus iure. Verba et superflua sunt, quæ ad sententiam

nihil pertinent, siue quæ de sententia priorē nihil mutant, ut si testator initio testamenti scribat, suum hoc testamentum esse, quod sequitur, esse suum supremum eulogium, esse suam supremam voluntatem, quod exemplum est, de quo rescripto Imperatores consulti erant; quæcunque eiusmodi verba sunt, ea nunquam nocent iis, quæ vere & serio scripta sunt. At res et iure inutilis sunt, quæ adiectæ sententiam mutant, sed iure verantur abiici, ut proinde adiectio inutilis sit. Hæc possunt esse huiusmodi, ut si adiciatur, non tamen ipsæ inutiliter adiciantur, sed reliquum etiam totum actum vitient, ut si conditio aut dies adiciatur emancipationi, aut similibus actibus legitimis, l. altus. de reg. iur. Ut si in fideiussore constituendo promittantur decem, aut Stychus nomine eius debitoris qui decem tantum debuit. Nam adiectio Stychi totam facit inutilem fideiussoriam obligationem, l. grege. §. si quis Stychum. ff. de fideiuss. Sed hæc nihil aduerlantur huic loco. Nam ut dies & conditio & Stychus ad sententiam eorum, quæ geruntur, pertinent. Est enim longe alia causa & sententia eius, qui decem tantum debet, alia eius, qui decem aut Stychum. Proinde non sunt hæc superflua ad sententiam, quare ad hunc locum non pertinent.

Ad L. 18. Testamenta.

Imp. Arcadius & Honor. AA. Africano præfecto urbi.

Testamenta omnia, ceteraque quæ apud officium censuale publicari solent, in eodem loco referuntur, nec usquam permittatur fieri ulla translatio. Mos namque retinendus est fidelissima veritatis: quem si quis in hac urbe voluerit mutare, irritam mortuorum videri faciet voluntatem. Dat. 12. Kal. Octob. Constantinop. Casario & Attico Coss. 397.

S Y M M A R I U M.

- 1 Testamentum publicandum, apud quem referari debeat.

QUOD si vtilitas esset testamentum publicari apud idoneos magistratus, intellectum est ex l. 2. supr. Ob hanc causam et si quis testamentum publicari velit, cauetur hoc loco ut referetur, id est, aperiatur apud magistratum census, si modo publicetur in urbe Constantinopoli, neque publicatio alio, id est, ad alios magistratus transferatur. Hinc esse sententiam huius constitutionis liquet ex l. hac consultis. j. h. ubi statim in principio proponitur hæc sententia, & deinceps pluribus verbis confirmatur, & nominatim adicitur ex constitutione duorum Principum, quæ hic refertur. Itaque non est hæc constitutio de eo, ut testamenta publicata referantur apud magistratum census, sed ut publicanda referantur, quo etiam modo legendum est, ut & alii recte monuerunt, præsertim cum verbum, referaretur, existeret in eadem constit. C. Theod.

Ad L. 19. Omnium.

Imp. Honorius & Theodosius AA. Ioanni PP.

Omnium testamentorum solemnitatem superare videtur, quod insertum mera fide precibus inter tot nobiles probatasque personas etiam conscientiam Principis tenet. Sicut ergo securus erit, qui actis cuiuscunque iudicis, aut municipum, aut auribus privatorum, mentis sua postremum publicavit iudicium: ita nec de eius vniquam successione tractabitur, qui nobis medis, & toto iure (quod in nostris est scriptis constitutum) teste succedit. Nec sane illud heredibus nocere permittimus, si re-

si rescripta nostra nihil de eadem voluntate responderint, voluntates etenim hominum audire volumus, non inbere: ne post sententiam nostram inhibita videatur commutationis arbitrium: cum hoc ipsum, quod per supplicationem nostris auribus intimatur, ita demum firmum sit, si ultimum comprobetur, nec contra iudicium suum defunctus postea venisse detegatur, &c.

S V M M A R I A.

- 1 Duae rationes recte ordinandi testamenti nouae & singulares.
- 2 Preces hic quid.
Testamentum precibus Principi insertum cur valeat, & unde habeat fidem & auctoritatem.
- 3 Scrinia sua quid vocent Principes.
- 4 Proximi sacrorum scriniorum qui.
- 5 Scriniorum diuersae species.
- 6 Princeps an omnia habeat in scrinio pectoris.
- 7 Testamentum precibus insertum eandem habere vim ac cetera priuata, non maiorem, nec minorem.
- 8 Testamentum quomodo actis iudicis cuiusue ab initio, non factum, sed ordinandum, insinuetur.
- 9 Testamenti actis cuiusuis iudicis insinuati fides publica est.

Si quis vitare velit eam diligentiam, quae in testamenti priuatis desideratur ex iure communi in l. hac consulti. infr. duae tamen hic rationes recte ordinandi testamenti constituuntur nouae & singulares. Vna est in precibus Imperatori offerendis: altera in testamento actis publicis cuiusuis iudicis insinuando. Prior hoc continet, vt testator testamentum suum precibus inferat, quod sit mera fide, id est, certa & indubitata probatione, deinde eas preces offerat Principi: hac oblatione sola consequetur, vt testamentum ratum sit, & ita ratum, vt omnium testamentorum sollemnitate superet. Preces tamen sunt libelli supplices, qui offeruntur Principi de hoc testamento recipiendo & cognoscendo. Vnde quae in principio dicuntur hic preces, postea appellantur supplicatio in vers. voluntates etenim. hic vsus verbi declaratur tit. de precib. Imper. offer. sup. l. precib. sup. de impub. & alior.

Auctoritas & fides huic testamento conciliatur ex his rebus. Intelligendum est autem, preces Principi oblatas solere postea legi in consistorio Principis: deinde has referri in scrinia Principis, quibus ea acta continentur. Sic fit, vt haec preces habeant testem & conscium Principem, cuius testimonium omnium testimoniis est maius. Deinde habet testes omnes nob. les & probatas personas, quae sunt in consistorio Principis quod dicitur pr. hoc loco declaratur. Postremo testificantur iis precibus scrinia istius Principis. Hoc colligitur ex verbis: Non tractabitur de successione eius, qui nobis mediis, id est, interuenientibus, & toto iure, (quod in scriniis nostris est constitutum) iuste succedit.

- 3 Scrinia tamen sua Principes vocant, quae in vsu iuris dicuntur scrinia Principis & scrinia sacra, quibus qui praefecti sunt, dicuntur proximi tamen sacrorum scriniorum, tit. de prox. sac. scrin. inf. lib. 11.
- 5 Haec scrinia tamen sunt arcae seu capsulae, in quibus acta Principum recondebantur, siue ad administrationem Reipublicae pertinerent, siue ad iurisdictionem. Ex quibus quaedam dicebantur scrinia memoriae, quaedam epistolarum, quaedam libellorum, id est, libellorum supplicum, quos hic preces dicimus, vt indicatur in l. 5. & 6. de prox. sacror. scrin. In iis continebatur totum ius Principis, quia epistolae continebant constitutiones generales ad prouincias. Libelli

supplices habebant adiuncta rescripta & responsa Principum, de specie libello comprehensa, quae omnia erant partes constitutionum, vt declarat Theophil. in §. sed & quod Principi. Instit. de iur. nat. & gent.

Ex quo intelligitur, puerilem esse errorem eorum interpretum, qui ex iis verbis collegerunt tritum illud, non minus falsum, quam alienum ab hoc loco. Principem tamen habere omnia iura in scrinio pectoris, quasi scrinia hic significant recessus mentis Principis, aut quasi ius, quod isti esse volunt in pectore Principis. testificetur aliquid, ac non testimonium omne sit in lingua aut scripto Principis.

Haec tenus Imperatores volunt eiusmodi testamentum precibus insertum iure optimo valere. Adiciunt quatenus valeat in vers. nec sane. vsq. ad fin. Est autem haec summa: Huius testamenti eandem vim esse, quae etiam cuiuslibet testamenti priuati sollemniter facti, sed eandem, non maiorem. Eandem tamen esse, iis rebus demonstratur. Primum, quemadmodum cetera testamenta priuata non desiderant alienam auctoritatem & approbationem, l. illa instit. ff. de her. instit. Sic nec testamentum precibus insertum desiderat approbationem Principis, quamuis illi sit oblatum. Nam & sine vilo eius responso testamentum valebit, vers. nec sane. h. l. Deinde, vt testamenta priuata rite facta, iure ciuili valent confirmata, leg. 12. tab. l. obuenire. de verb. sig. Vnde ex quouis testamento hereditas sola aditione acquiri potest. Ita & ex testamento precibus inserto, heres sola aditione hereditatis hereditatem acquireret, nec erit necessaria agnatio bonorum possessoris, vers. nec quid sane. h.

Rursus huius testamenti vim non minorem esse, quam ceterorum priuatorum, declaratur in hac constitutione his verbis. Primum, vt priuata testamenta rite facta ita valent, vt tamen testator mutare ea possit alio facto rite, l. 1. & 2. ff. de iniust. rupt. §. 1. Instit. quib. mod. test. infirm. Sic etiam testamentum precibus insertum licebit testatori quocumque vollet mutare alio testamento item recte facto, nec obstabit auctoritas Principis, d. vers. nec sane. h. Deinde, vt cetera testamenta sollemniter facta haec tenus valent, si non cetera refragentur, puta si hoc accedit, vt testator testandi ius habuerit, vt non sint praeteriti liberi, qui in potestate testatoris fuerunt. Sic & testamentum precibus insertum ita deferet hereditatem heredi testamento scripto, si cetera quoque concurrant, sine quibus testamentum valere non potest, ex quibus si quid deerit, non magis testamentum valebit, quam cetera priuata. Hoc additum est in extremo huius constitutionis, ex quo colligimus, si eiusmodi testamento precibus inserto posthumus testator praeteritus fuerit, deinde natus viuo testatore, eodem etiam viuo decesserit, ex hoc testamento hereditatem iure ciuili adire non posse, l. posthumus. ff. de iniust. rupt. Sed nec posse ex hac constitutione propter extrema haec verba: Si heredi alia nocere non possunt. Ex quo reliquum est, vt huic heredi solum relinquatur remedium bonorum possessionis ex iure praetorio, secundum tabulas testamenti ex d. l. posthumus. Nec obstat ea pars constitutionis huius, vbi cauetur, non esse necesse heredi cognoscere bon. posse. hoc n. postea extremis illis verbis colligitur: nisi heredi alia non nocent.

Alter ratio testamenti ordinandi rite tamen hic constituitur, vt testamentum actis iudicis cuiusuis insinuetur, quod constituitur in pr. legis, in iis verbis: Sicut ergo seruus erit. Id autem ita transigitur, qui testamentum

tum hoc modo facere volet, adibit quemvis iudicem sedentem ibi apud acta, nuncupabit voluntatem suam supremam, id est, dicet, quos sibi heredes velit esse, & quæ quibus legari velit. petetque ut hæc voluntas in acta publica referatur, & ut hic loquimur, ut actis insinuetur. Acta hæc fidem publicam habent, non tantum priuatam, s. in l. testamenta. prox. Cautum est ut testamenta aperiantur apud magistratum census tantum in vrbe Constantinopoli, quia de testamento iam facto illic agitur, quod postea heredes velint aperiri & publicari apud iudices. Hic autem agitur de testamento faciendo ab initio, & ideo nihil contrarii constituitur, cum hic permittitur testamentum fieri & publicari apud quemvis iudicem, ut recte Bart. animaduertit. Est autem, cœperam dicere, huius testamenti actis insinuari fides publica, ut pro-

2) latis actis statim ꝑ probetur testamentum, nullis aliis testibus adhibitis, qui necessarii non sunt, ubi publica monumenta sufficiunt, ut scribitur in l. in donat. j. de donat. Quod si de actis cuiusvis iudicis recte dicitur, eoque & de testamento actis insinuato: multo magis probandum est, eius testamenti quod insertum est precibus Principi oblatis fidem publicam & auctoritatem esse, sine vllis aliis testibus, tantummodo ut fides ex scriniis libellorum Principis petatur: nam acta Principis omnibus aliis potiora sunt actibus.

Sed videtur ob stare extrema huius l. verba, quib. ita scribitur: *Nec institutus heres pertimescat, cū oblatas preces secundum voluntatē defuncti idoneis testibus posuit approbare.* Ex his verbis vulgo colligunt ad fidem huius testamenti colligendam saltem heredem institutum probare debere preces esse oblatis Principi, idque probari posse saltem duobus testibus, quia numerus hic expressus non est, iuxta l. ubi numerus test. ff. de testib. Sed hunc locum ita interpretari non licet. Est enim hæc probatio heredi omnino inutilis, si non progredimur longius: non enim sufficit aliquas preces esse oblatis Principi, nisi etiam dicatur testamentum illis precibus inferrum esse, quo testamento hic heres institutus sit, qui se heredem dicit, ut cautum est in pr. b. At tale testamentum esse aliquod, non probatur duobus testibus. Et sane periculose id constituitur: nam facile subornabuntur duo testes, qui dicant, se interfuisse cum defuncto offerret preces Principi, & se legisse testamentum precibus comprehensum. Deinde redditas esse preces defuncto, ut fici si testes refutari non possint. Ergo idonei testes hic intelligendi sunt illi, qui commemorantur in pr. b. l. & in illis verbis, *qui nobis mediis.* Et præterea omnes consistoriales. Postremo ipsa scrinia Principis, in quæ hæc preces libelli supplicis relatæ sint. Neque ideo necesse erit, cum de fide huius testamenti agitur, citari Principem, aut ceteros consistoriales, quia satis erit, recurrere ad scrinia libellorum Principis, in quibus reconditæ fuerint hæc preces testamentum defuncti continentes, quemadmodum fieret testamento cuiuslibet actis insinuato. Et hoc est, quod Imperatores dicunt, necesse non esse, ut heres his precibus institutus pertimescat, cum habeat probationem tam idoneorum testium, eamque tam facilem atque expeditam.

Ad L. 20. Nolumus.

Imperatorum Honorii & Theodosii edictum ad populum vrbis Constantinopolitanæ & omnes prouinciales.

Nolumus conuelli deficientium scriptas iure ac sole-

mniter voluntates, dum quoddam morientis supremum & non scriptum processisse confirmatur arbitrium, tanquam patrimonium suum ad nos deficiens maluerit pertinere. Omnibus enim priuatis & militantibus interdiximus, ne huiusmodi perhibeant testimonia: & falsi criminis reos teneri precipimus, si cum scripta iure. &c.

S V M M A R I V M.

1. Principes testamento non scripto institui heredes non possunt, scripto possunt.

Q V O D constitutum in l. non dubium. 3. Principem heredem institui posse, ꝑ & quousvis homines potentes, non minus quam priuatum quemlibet; id temperatur hac constitutione singulari iure, ut Principes & potentes homines recte instituuntur, si instituuntur testamento scripto. Si dicuntur autem instituti esse testamento non scripto, cauetur hac constitutione, ne id testamentum vlllo modo admittatur, neue vlli testes pro eo testimonium dicant, pœna falsi indicta, si qui testes testimonium dicant. Idque ita vult esse constitutio, ut eiusmodi testamentum neque noceat heredibus scriptis alio testamento, de quo cauetur in pr. neque noceat etiã heredib. legitimis, q̄ cauetur in versu extremo. h. l. Hanc constitutionem Accursius & Bartolus ita acceperunt, si testamentum non scriptum nō esset solenne, quia si solenne esset, absurdum putarunt dici, eo testamento Principem institui non posse, & contra l. non dub. 3. Quæ sententia aliis omnibus displicuit, & merito: nam in hac constitutione nihil distinguitur, sed simpliciter improbatu testamentum non scriptum, in quo Princeps non scriptus sit. Proinde nec distingui oportet, arg. l. item veniunt. l. item aiunt. vers. a quo. ff. de her. per. l. de pretio. ff. de publiciana. Deinde stulte cauere hac constitutione de testamento non scripto, si intelligeremus nō solenne, quia nec scriptum testamentum valet, si sit imperfectum, quamuis Princeps in eo scriptus sit. Recte igitur dicimus, constitutionem hanc repudiare omne non scriptum testamentum, in quo dicatur Princeps heres nuncupatus esse. Non obstat, quod scriptum est in l. non dub. 3. Nam hac lege excipitur testamentum non scriptum, in quo heres nuncupetur, & in toto iure generi derogatur per speciem, l. in toto. de reg. iur. Excipiendi causa & ratio hæc fuit, si eiusmodi testamenta admitti cœperint. Nam in gratiam Principis & potentium hominum facile reperientur, qui mentiantur se audiuisse cum defuncto diceret se velle Principem sibi heredem esse.

Ad L. 21. Hac consultissima.

Imp. Theod. & Valent. AA. Florentino. PP.

Hac consultissima lege sancimus licere per scripturam conscientibus testamentum, si nullum scire volunt ea, quæ in eo scripta sunt, consignatam vel ligatam, vel tantum clausam, inuolutamque proferre scripturam vel ipsius testatoris, vel cuiuslibet alterius manu conscriptam, eamque rogatis testibus septem numero, ciuib. Romanis, pueribus, omnibus simul offerre signandam & subscribendam: dum tamen testibus presentibus testator suum esse testamentum dixerit, quod offertur, eique ipse coram testibus sua manu in reliqua parte testamenti subscripserit: quo facto, & testibus vno eodēq. die ac tēpore subscribentib. & consignantib. testamentū valere: nec ideo infirmari, q̄ testes nesciant quæ in eo scripta sunt testamento. Quod si literas testator ignoret, vel subscribere nequeat: octauo subscripore pro eo adhibito, eadē seruari decernimus. In omnib. a. testamētis, quæ presentib. vel absentib. testibus dictantur, super-

Superfluum est uno eodemque tempore exigere testatorem & testes adhibere, & dictare suum arbitrium, & finire testamentum. sed scilicet alio tempore dictatum scriptum proferatur testamentum: sufficit uno tempore eodemque die, nullo actu extraneo interueniente, testes omnes, videlicet simul nec diuersis temporibus subscribere signareque testamentum. Finem autem testamenti subscriptiones & signaculati testium esse decernimus. Non subscriptum autem a testibus ac non signatum testamentum pro infecto haberi conuenit.

S V M M A R I A.

- 1 *Forma & ratio testamenti rite faciendi duplex.*
- 2 *Publicum testamentum quod.*
- 3 *Prinatum quod.*
- 4 *Publicum quot modis fiat.*
- 5 *Prinatum quod & quot.*
- 6 *Prinatum testamenti rite faciendi forma item duplex: aut enim sit scripto, aut nuncupatione.*
- 7 *In testamento scripto que sint obseruanda.*
- 8 *Testes in testamento adhibendi sunt rogandi: & an etiam non rogati fidem faciant.*
- 9 *Rogati qui intelligantur.*
- 10 *Numerus testium in testamento adhibendorum.*
- 11 *Testes quales adhiberi oporteat, & qui prohibeantur, qui non.*
- 12 *Filiusfam. an sit idoneus testis in testamento patris.*
- 13 *Heres an possit esse testis in testamento legatarii.*
- 14 *Conditio testium hic requisita quo tempore sit spectanda.*
- 15 *In testatione & declaratione voluntatis testatoris qua exigantur.*
- 16 *In subscriptione & consignatione testamenti qua exigantur.*
- 17 *Solemnia testamenti an uno contextu sint peragenda, & quando remittantur in contigione.*
- 18 *Actus extraneus an & quando vniat testamentum.*
- 19 *Solemnia testamenti qua sint, & quare sic dicantur.*

Preſcribitur hac l. diligenter forma priuati testamenti faciendi. Sed priuati dixi. Ceterum in vniuersum si rationem testamenti rite faciendi tenere volumus, ea duplex est. Licet enim iure testamentum ita facere, vt aut publicum sit, aut priuatum. Publicum cum dicimus, in cuius fides est publica sine vllis testibus, vt monumenta publica dicuntur, l. in donat. infr. de donat. Priuatum cuius in fides posita est in priuatis testibus. Publicum in fit duobus modis, aut testamento precibus inferro, & precibus principi oblati: aut testamento actis cuiusvis iudicis insinuat: de quibus speciebus comprehensum est, l. omnium, supr. h. vbi dictum. Priuatum in est testamentum, quod nihil istorum habet, sed fit testibus priuatis adhibitis. Id genus testamenti eam obseruationem desiderat, quae hac constitutione praescripta est.

Ea obseruatio in duplex est, vti ratio declarandae voluntatis supremae duplex. Permissum est enim iure, voluntatem declarare aut scripto aliquo, aut per nuncupationem sine vlla scriptura, §. vlt. Inst. de testam. ord. Aliud testamentum scriptum desiderat: aliud id quod fit per nuncupationem, quae genera ordine persequitur hac constitutio. De scripto agitur in princ. de eo, quod fit per nuncupationem, agitur in §. per nuncupa. His adiicitur hac sententia, si quid eorum desit, quae hac constitutione comprehensa sunt, imperfectum testamentum esse, cuius testamenti, quae sit vis, declaratur in §. ex imperfecto, & §. si quis autem. Haec summa est huius constitutionis.

Quae in testamento scripto obseruanda sunt, vt facilius intelligatur, eius obseruationis partes notanda sunt, & expendenda. Sunt autem tres summae partes huius obseruationis, & tres quasi quidam actus. Prima pars posita est in testibus necessariis adhibendis: altera in voluntate coram his declaranda: tertia, in testium subscriptione & obſignatione, quae ita adhiberi oportet, vt & testatio testatoris, & subscriptio testium, & obſignatio fieri debeat vno contextu actionis. Prima in pars, vt dictum est, est in testibus necessariis adhibendis. In ea i. exigitur, vt rogentur testes, quos ad testamentum testes esse volumus, vt expresse est in hac constitutione in pr. Quod ideo hoc requiritur, quia alioqui etiam non rogati testes recte fidem faciunt l. ad fidem. D. de testib. Rogati in intelliguntur etiam, qui primo ad alium actum rogati: deinde cum in eodem loco manerent admoniti sunt, se iterum ad testamentum adhiberi, l. here. §. in test. D. qui test. fac. poss. Testes necessarios adhiberi oportet. Necessarii intelliguntur & numero & conditione. Numero septem esse debent, vt expressum est hac constit. in pr. & §. sed cum paulatim, Inst. eo. Qui in numerus ideo exigitur a veteribus, vt occurreretur periculo falli, quod praecipue imminere solet in testamento alienis commingedis, vt testis est Iustinus in l. vlt. §. cum enim. j. de fideicom. De conditione testium comprehensum est hac l. iis verbis, vt ciues Romanos puberes esse oportet, vt si verba hac sequimur, consequens sit eum, qui adhibuerit ciues Romanos puberes, recte testari, quod secus esse constat ex §. testes, Inst. eo. de test. ord. Quare hic locus paulo pluribus indiget, vt sciamus in quales testes adhiberi oporteat. De eo igitur sic statuendum est, omnes idoneos esse testes, qui esse non prohibentur, l. i. §. i. D. de testib.

Prohibentur alii natura, alii lege. Natura, qui etiam si velint, tamen testimonium praebere non possunt. I. ius generis sunt, qui aut non intelligunt quod agitur, vel morbo animi, vel aetate impediri, quo in numero sunt furiosi, mente captus, prodigus, impubes, aut qui ea quae geruntur sensu percipere non possunt, non videre, vt caeci, non audire vt surdi: aut qui ea quae perceperunt eloqui non possunt, vt muti, de quibus comprehensum est in §. testes, Inst. eo. Omissus est illic caecus, sed hic satis excluditur, eo quod exigitur a testibus, vt subscribant, in qua subscriptione continetur, quis & cuius testamentum subscripserit, vt suo loco dicitur, quae caecus praestare non potest. De impubere & furioso est & in l. qui testa. in pr. & §. nec furiosus quidem. D. qui test. fac.

Eorum qui prohibentur lege testes esse, quidam prohibentur in totum ipsa conditione personae; quidam in quibusdam tantum testamentis, idque ob priuatas causas in id testamentum incidentes. Remouentur in totum, partim qui ciues Romani non sunt, partim etiam qui sunt. Omnes qui ciues Romani non sunt, testes esse non possunt, neque in testamentis, neque in aliis rebus, quia iuris ciuiliis communionem non habent. Eorum duo sunt genera, vnum seruorum, alterum deportatorum. Serui ciues Romani non sunt, quia omnes ciues Romani liberi sunt, §. vlt. in fin. Inst. de libert. Ob hanc causam seruus remouetur, ne sit in testamento testis, d. §. testes, Inst. h. l. qui testamento, §. seruus, D. h. Quod tamen ita temperatum est constitutionibus, nisi seruus eo tempore quo testamentum fit, omnium consensu habeatur liber, §. cum aliquis, Inst. h. l. i. §. h. De deportatis nihil aperte cautum legimus, sed

fatis remouentur verbis huius constitutionis, cum iubentur testes esse ciues Romani. Nam deportati ex numero ciuium Romanorum exterminantur deportatione, §. cum autem, *Instit. quib. mod. ius pat. pot. §. minor, Instit. de cap. demin. l. 2. D. de poen.*

Sed & inter ciues Romanos quidam in totum prohibentur testes ad testamentum adhiberi. Eorum tres sunt ordines: Primus ordo est fœminarum: mulier ad testamentum adhiberi prohibetur, ceteris in rebus omnibus testis esse potest, *dict. l. qui testa. §. mulier. D. h. d. §. testes, Instit. h.* Quod apparet proprio iure constitutum esse in testamentis, ad eam cautionem, quam aduersus periculum falsi exigi supra dictum. II. Ordo est eorum, qui iudicio publico damnati sunt, & testes iudicio esse prohibentur, *d. l. qui testamen. §. cum qui lege, D. h. vbi in Pandectis Florentinis, ita legitur: Eum qui lege repetundarum damnatus est ad testamentum adhiberi posse.* Existimo legendum esse omnium consensu, *Non.* Quia ratio illic subiecta non potest conuenire, nisi orationi negatiue. Et præterea hunc adhiberi non posse, diserte scriptum est, *in l. repetundarum, D. de testib.* Tertius ordo est eorum, qui iubentur lege esse intestabiles, de quibus cautum est *in Instit. d. §. testes, h.* In hoc numero est is, qui ob crimen famulosum damnatus est, *l. is cui lege, §. vlt. D. qui test. fac. l. ob crimen, D. de test.* In eodem numero refertur a Theophilo is, qui cum ad testamentum adhibitus esset testis, postea signa sua recognoscere vellet, *d. §. testes, Instit. h.* Sed hoc an ita sit, fides penes auctorem erit. Nam de eo in libris nostris nihil scriptum legimus.

Sunt etiam, ut dixi, qui conditione personæ alioqui idonei testes in quibusdam testamentis ob priuatas causas remouentur. Priuatæ hæ causæ, duæ sunt: Primum potestas inter testatorem & testem constituta, deinde etiam negotium testamenti, quod inter testatorem & testem geritur. Propter potestatem non est idoneus testis † in testamento patris, filiusfamilias, §. in testibus, *Instit. hic. l. qui testamento, in pr. D. h.* Quod si filius sit emancipatus, placet hunc recte testem adhiberi, ut colligitur liquido ex *d. l. qui testamento, D. h.* Non obstat, quod dicitur *in l. testibus, D. de testib.* Testem idoneum non esse filium patri, aut patrem filio: Nam cum filius adhibetur testis in testamento patris, reuera non est testis patri, sed heredi & iis, qui ex testamento aliquid capiunt, ad quos commodum testamenti proprie pertinet. Sed nec e conuerso ob eam causam, si filiusfamilias miles post inmissionem testamentum facit, de peculio castrænsi & quasi castrænsi, ut facere potest intra annum, ei testamento pater adhiberi potest, *dict. §. in testibus. Instit. h.*

Quod si ante missionem filius testatur, impune adhibetur testis pater, ob priuilegium militum. Idque est quod significatur *in d. l. qui testam. §. per contrarium, D. h.* Cur ergo prohibetur hoc testimonium? Ratio hæc redditur ex §. in testibus, quia reprobatur in hac re domesticum testimonium. Domesticum hic accipere non debemus domesticum testimonium, quia constat patrem filio domesticum non esse, de cuius testimonio illic agitur. Sed domesticum testimonium illic dicitur testimonium eorum, qui sunt ex eadem domo, id est, familia, quorum vnus est in alterius potestate. Quod testimonium ideo prohibitum est, non quia habet aliquam suspicionem, alioqui etiam emancipati filii testimonium prohiberetur, sed quia

pater & filius, qui in eius potestate est, eadem perina esse intelliguntur *l. in fin. de impub. & alius substit.* Oporteret autem alium esse testatorem, alium testem.

Negotium quod inter testatorem & testem geritur non omne remouet testem a testimonio, sed negotium testamenti quod inter eos geritur. Id autem geri intelligitur inter testatorem & heredem, quia heres hereditatem accipit, & per hanc succedit in locum & ius omne defuncti. Non autem geritur inter testatorem & legatarios, qui iuris successores non sunt. Ob hanc causam prohibetur heres † testis esse, *13 in testamento legatarii non item, §. sed neque heres, & §. legatariis Instit. h.* Et quoniam prohibetur heres testis esse, ideo prohibentur omnes, qui sunt in eius potestate, *d. §. sed neque.* Quoniam qui in potestate alterius est, eadem persona esse existimatur, *d. l. vlt. in fin. de impub.*

Sed quomodo legatarii admittuntur ad testimonium in testamento, cum regula iuris sit: Nullum idoneum testem esse in re sua, *l. nullus, D. de test.* Respond. Primum legatarii res non agitur principaliter in testamento, sed heredis tantum, & si heres hereditatem non adierit, ex testamento nihil debetur, *leam quam infr. de fideicom.* Id autem spectare solemus, quod fit principaliter, non autem quod per consequentiam, *l. i. D. de auct. tut.* Deinde cum septem testes adhibentur in testamento, facile numerus testium ab omni suspitione vindicat testimonium legatarii, accedentibus præsertim reliquis obseruationibus.

Atque hæc † conditio est testium, de qua hoc notandum est: Cum de ea quæreretur, hanc spectandam esse, quo tempore fit testamentum, *l. ad test. §. conditionem, D. qui test. fac. poss.* Proinde si quis eo tempore non est idoneus testis, nihil proderit testamento, si postea idoneus esse cœperit. Et contra, si eo tempore fuit idoneus, puta sanæ mentis & liber, conditionem eius postea mutatam esse, testamento nihil nocet, *d. l. ad testium.* Sed hoc loco existit dubitatio. Nam cum tam multi prohibentur testes esse, quemadmodum multos prohiberi diximus ex §. testes, & §. §. 99. *in Instit. h.* necesse est videri eam omnem enumerationem contrariam esse huic legi, in qua iidem testes non remouentur. Nā ex hac lege satis est testamentum factum esse septem testibus adhibitis præsentibus ciuibus Romanis puberibus, quod negatur *in dd. §. cum alii tam multi testes esse prohibeantur, qui verbis huius legis non remouentur.* Cum enim dicimus, aliquos testes prohiberi a testimonio, hoc dicimus, si adhibiti sint, testamentum non valere, dicendum est, nisi iidem quoque testes remouentur hac lege, superiora huic legi esse contraria. Sed qui aliis locis testes remouentur nominatim, hi prohibentur hac lege tacite & per interpretationem, quæ ex his non difficile colligitur.

Nam hi, quos natura testes esse non posse dictum, satis remouentur iis verbis legis quib. iubetur, ut testator testetur testibus septem præsentibus: nam nemo eorum qui non percipiunt quod geritur, satis recte præsens dici potest, *l. coram, & l. apud vlt. D. de verb. signi.* Qui ciues Romani non sunt, aperte excluduntur iis verbis quibus exiguntur ciues Romani. Iisdem verbis excluditur & mulier. Nam ciues Romani appellantur hic masculino genere, idque *ἐμπατριῶς*, ut non contineantur fœminæ. Qui autem prohibentur aliis legibus testimonium dicere, ii excluduntur verbo testium,

bo testium, quos hæc lex vult adhiberi. Ad extremum filius qui in potestate est testatoris, itemque heres in testamento scriptus, satis excluduntur verbis huius legis, quibus lex iubet testatorem testari septem testibus præsentibus. His enim verbis vult alium esse testatorem, alium testem. Proinde in numero testium verat testatorem esse, quo constituto excluditur filius familias testatoris. Nam hic personam testatoris habet, vt sup. dictum. Excluditur etiam heres, quia hic quodammodo testator est. Negotium enim testamenti non tantum ab testatore est, sed etiam ab herede tanquam altero testatore. Sic fit vt nihil ex aliis locis contrariū sit in hac parte huic constitutioni, & simul appareat, hanc constitutionē dilucide & breuiter scriptam esse, quæ maxima legislatoris laus est.

Testibus necessariis adhibitis, secunda pars eorum, quæ obseruari debent in testamento faciendo, est in testatione & declaratione voluntatis testatoris. In hac testatione ¶ non exigitur, vt testator coram testibus dicat quæ fieri vult, post mortem suam, puta vt heredē palam nominet, & ea quæ præstari vult. Nihil horum testes scire necesse est, sed voluntate prius scripto comprehensa, satis est testatorem eam scripturam proferre etiam clausam & inuolutam, deq; ea testificabitur *h. l. in pr. & vers. quo factō*. In hac scriptura, quoniam ab aliquo scriptam esse oportet, vt aliquando notandum est, nihil interesse a quo scripta sit, vtrum a testatore, vel ab alio quouis etiam seruo, *h. l. in pr. & l. seruus, D. h.* Iustinianus noua postea constitutione exegerat, vt saltem nomen heredis scriberetur a testatore, aut ita nuncuparetur palam, vt scriberetur a testibus *l. in huius, infr. h.* Sed postea & hoc Nouella constitutione repudiavit, & ad ius hoc antiquū rediit, *Auth. sed non obseruato, j. h.* Ne hoc quidem interest, quando materia scripta sit a testatore, vtrum inspicientibus testib. an multo ante tempore, puta 10. annis, cum non sit necesse testes scire, quæ in testamento contineantur *h. leg. vers. in omnibus*.

Hanc scripturam tenens testator, aut alioqui demonstrans, dicet præsentibus testibus hoc suum testamentum esse quod offertur, & simul fidei causa ei testes subscribant si nouerint literas, si non nouerint adhibeatur octauus testis qui subscribat, *h. l. in pr. primi respons. & vers. quod si literas*. Subscriptio continebit, cuius sit testimonium, *arg. in l. pen. D. qui test. fac. pos.* Sed necessitatem huius subscriptionis remisit Iustinianus hac conditione, si testator manu totum testamentum scripserit, & subscripserit, sua manu scriptum esse, *l. cum antiquitas, §. vlt. infr. h.* Hoc ita gesto peret testator a testibus, vt ipsi testimonium præbere velint, id est, vt loquitur h. constitutio, scripturam illis offeret signandam & subscribendam, *h. in pr.*

Hoc loco monendi sumus, etsi exigitur, vt fiat hæc testatio testibus præsentibus, non tamen exigi a testibus, vt sermonem testatoris in eo intelligant, & latino homine testamentum faciente, si Græcus testis adhibitus sit qui latine nesciat, nihilominus testatio peragetur, dummodo testis sensu percipiat, cui rei sit adhibitus, *l. qui testamēto, §. vlt. D. h.* Sed qui potest sensu percipere quid agatur, qui sermonē testatoris non intelligit? Res facile percipiet hoc modo, si admonitus initio se adhiberi ad testamentum, postea videat testatorem tabulas tenentem, iis subscribentē, deinde offerentem septem personis præsentibus, easque subscribentes & subsignantes, quæ omnia sunt propria testamenti. Sed huic occurritur *ex l. heredis, §. in*

testamentis, D. h. vbi definitur ita, rogatos videri testes ad testamentū, si certiores se ad testamentū adhibitos. Non possunt huius rei certiores fieri, nisi qui moniti intelligant quid dicatur. Porro omnes testes in testamento rogare oportet. Respondeo: Nō sunt hæc contraria. Fatendum est eos rogandos esse initio, & eo sermone, vt intelligant se ad testamentum adhiberi. Sed cum hoc factū erit, & testimonii præbendi causa conuenerint, dicimus non esse necesse testationem testatoris ab illis intelligi, ex verbis scilicet testatoris, sed sufficere, si sensu percipiant quid agatur, eo modo, quo dixi.

Restat tertia pars posita in testimonio testium. Ea hæc continet, vt testes oblatam scripturam a testatore vt rogati sunt, ita subscribāt & cōsignent, *h. l. vers. quo factō. & vers. in omnib. circ. fin.* Subscriptio ¶ hoc 10 continet, vt proprio chirographo, id est, propria scriptura annotet, quis huius testamentum obsignauit, *l. pen. D. h.* Subsignare autem debent annulo, qui habet characterem, & breuiter annulo signatorio, placetque Romanis testes alia materia, alia re signare non potuisse, quamuis aliis rebus homines signare possint & soleant, non minus commode hoc *in l. ad testium, §. pen. D. h. qui test. fac. poss.* Sed dummodo testamentum obsignetur, quid ad rem materia pertinet qua testamentum signetur? Respondeo: Nihil in hac re secuti sunt veteres, nisi quod Romani annulis ad signandum vt solebant, in eo morem vstratum seruari volunt, propterea, quod in rebus nouis instituendis semper aliqua inest falsi suspicio, in vstratis nulla. Falsi autem suspicionem penitus a testamento abesse voluerunt.

Quo annulo signent testes testamentum, nihil refert, etiam alieno, atq; adeo testatoris annulo signare possunt, *§. possunt. Instit. cod. l. ad testium, §. si ab aliquo, D. h.* Neque in hac re metuendum est, ne quid falsi admittatur propter confusionem signorū, cum possit fieri, vt vnus possit imprimere 7. signa. Nam subscriptio singulorum testium adiecta, singulorum signa distinguit, & discernit. Vt enim, vt dictum, singuli subscribunt cuius testamentum signarint, & singulorum subscriptio singulis signis subiicitur, vt declaratur *dict. l. pen. D. h.* sic hæc duo coniunctim exiguntur subscriptio & obsignatio testium, vt si vnus subscripserit, perinde habeatur, quasi testis adhibitus non esset, id est, sit testamentum pro infecto, *h. l. vers. in omnibus, illic non subscriptum autem, l. ad testium, §. si quis ex testibus, D. h.*

Adeo autem signa testium, ad vim testamenti sunt necessaria, vt quamuis hæc ab initio recte posita sint, si tamen postea turbata sint a testatore, testamentum pro infecto habeatur, quasi nec ab initio signatum, *l. ad testium, §. si signa, D. h.* Dicuntur autem signa tunc turbata, cum aut cōuelluntur, aut deleatur character, aut denique aliquo modo efficitur, vt dignosci non possit. Vtrum autem aliquid non sit, aut non appareat, nihil interest. Multo igitur magis & tunc rescinditur testamentum, cum testator resignauerit. Est enim resignare testamentum signis amotis aperire vt recognoscas, *l. si testament. D. h.* Placet tamen hoc casu, vt ibidem scriptum, cum testamentum semel signatum iterū obsignetur, ab iisdem testibus, sine vlla subscriptione testamentum valebit.

At enim prius & subscriptionē & obsignationem requirebamus. Respond. Satis videntur subscribere testes, cū priores subscriptiones recognoscūt & pro-

bant exemplo militis. Nam si testamentum ante militiam factum, miles factus probet, tunc testamentum fecisse iure militari intelligitur, cum probarit, *l. Titius, in fin. D. de milit. testam.*

Sed in iis etiam hæc cautio est, ut & contestatio testatoris, de qua in secunda parte comprehensum est, & hæ subscriptiones & oblationes testium, de quibus modo dictum, hæc, inquam, omnia fiant simul eodemque tempore, ut est *in vers. in omnibus, cir. fin.* Simul hæc peragenda sunt, id est, omnib. testibus presentibus. His autem verbis hoc continetur, quod est *in l. qui testam. §. ult. D. h.* Nempe omnes testes durare debere, donec suprema contestatio peragatur. Hic exceptum est, nisi casus aliquis, & contagio testem occuparit, propter quam fiat, ne ceteri testes eius contagione infici velint. Hoc casu coniunctio testium remissa est, ut licet is, qui in eum morbum incidit, subducatur, vel ceteri secedant, nihilominus tamen testamentum recte peragatur.

Et hæc est sententia *l. casus sup. h.* Quo loco notandum est, propter hunc casum contagionis solum remitti coniunctionem testium, ne sit necesse omnes simul eodem loco manere. Cetera autem solemnia non remitti, ut illic scriptum est. Vnde intelligimus testem, qui ita in morbum incidit, non prius subduci posse, quam cōtestationem testatoris audierit, & ea audita testamentum oblationis & subscripserit.

Præterea *superiora* peragi debent eodem tempore. Id autem est, quod dicitur *in l. heredes, §. ultim. D. h.* Solemnia peragi debere vno cōtextu actus, siue actionis. Atque illic definitur, rem geri vno contextu, cum nullus extraneus actus intermiscetur, & adiicitur, extraneum cum videri, qui ad testamentum non pertinet, etiam si sit breuissimus. Ad testamentum pertinere actus extraneus intelligitur, qui ad declarandam aut confirmandam voluntatem spectat, ut si memisse causam querantur a testatore codicilli, in quibus scriptum sit, de quo se admoneri velit, aut si desit atramentum aut calami ad scribendum, vel signa, aut cera ad oblationem, & hæc per aliquod intervallum requirantur & parentur, qui eiusmodi actus est, is non extraneus intelligitur. Et quamvis brevis sit, placebat veteribus hunc interrompere testamentum, quamvis quæ decrant postea secuta essent adhibitis iisdem testibus subscribentibus & oblationibus.

18 Sed hoc posterius temperatum est ꝑ constitutione Iustiniani *in l. antiquitas, infr. h.* qua cauet, ne extraneus actus noceret testamento, si duo cōcurrant. I. Si necessitas valetudinis aut naturæ cum actum expresserit. II. Si sit is actus, quem constat natura brevis esse, veluti si cibis necessarius, aut potio & medicamentum præbeatur aegroti, aut si venter exoneretur, & quæ sunt similia. Quod si testator in morbum aliquem incidit, qui actionem interromperet, placuit testamentum pro infecto esse, etiam si testator vna cum iisdem testibus ad reliqua testamenti peragenda redierit. Nec intererit, quantus morbus, longus, an brevis: nam etiam si brevis fuerit, tamen eum talem futurum naturæ non constabat. His ita peractis, finis est & consummatio testamenti, ut *h. l.* scriptum est, *vers. in omnibus, illic, si rem autem.*

Atque hæc omnis observatio est vstrata & solemnitas, vnde & quæ in hac observatione continentur, dicuntur vstrato verbo, Solemnia ꝑ testamenti, quasi
19 solita fieri & observari iure communi & publico, leg.

qui testam. §. Seruus, §. ult. D. h. l. i. D. de iust. rupt. Sed hæc necessitate exigente quibusdā in testamentis aucta sunt, in quibusdā relaxata. Aucta sunt hæc in testamento cæci, *l. hac consulti §. sup. prox. tit.* ubi exigitur præter scripturam testamenti, ut cæcus palam nuncupet voluntatē suam coram testibus: præter septem testes, exigitur octauus, qui dictante cæco excipiat testamentum, & iis quidem ex testibus nō quiuis, sed tabellarius, si sit in iis locis eius copia.

Eadem relaxata sunt tribus in generib. testamentorum. I. In testamento rusticorum: deinde in testamento parentum, quod fit inter liberos: tum in testamento posteriore, in quo quidem heredes, qui priori testamento scripti erant, & ab intestato succedere poterant, heredes instituti sunt. De testamento rusticorum constitutum est *in l. ult. infr. h.* Qua constitutione in summa remisit Iustinianus numerum testium rusticis & subscriptiones; sed utrumque certa cōditione. Numerum, ut quinque; saltem testes adhibeantur, si plures in eo loco, in quo testamentum fit, facile reperiri nō possint. Subscriptiones: si testes literarum periti, eo loco non reperiantur, hoc accedere voluit, ut iis casib. duobus, rusticus palam enunciaret voluntatem suam coram testibus. De testamento parentum inter liberos sequitur *in hac l. ex §. ex imperfecto*, ubi testamenti genus exponitur. De posteriore testamento comprehensum est *in d. l. §. si quis autem*. Quartum genus adicere possumus, quo relinquatur aliquid ad pias causas, genus simile illi, quo pater testatur inter liberos.

Ad §. Ex imperfecto.

Ex imperfecto autem testamento voluntatem tenere defuncti, nisi inter solos liberos a parentibus virisque sexus habeatur, non volumus. Si vero in huiusmodi voluntate liberis alia sit extranea mixta persona: certum est eam voluntatem defuncti quantum ad illam duntaxat permixtam personam pro nullo haberi, sed liberis accrescere.

SUMMARIA.

- 1 Imperfectum testamentum nullius esse momenti: nisi quod parentes inter liberos fecerunt: & quomodo quibusque testibus parentis esse testamentum probetur.
- 2 Imperfectum testamentum duplex.
- 3 Testamentum imperfectum parentum an valere debeat inter liberos.
- 4 Et qui vel hoc parentum comprehendantur.
- 5 Pater non potest testamento imperfecto liberis tutorem dare.

Hic statuitur ea sententia, quæ supra multis modis confirmata est: Imperfectum testamentum, id est, ꝑ cui aliquid ex solemnibus superiorib. deest, nullius momenti esse. Huc pertinet *l. 3. l. si l. testandi, sup.* Excipitur hic testamentum imperfectum, quod parentes inter liberos fecerunt, id valere placet. Sed inter liberos dixi, in quo querendum est, quale testamentum hic valeat, quorum, inter quos & quatenus valeat. Placet valere imperfectum testamentum. Id hoc loco imperfectum dici constat ex præcedentibus; in quo solemnia iuris defuerunt. Proinde siue subscriptiones, siue sublationes desint testium, siue iustus numerus, siue hæc omnia simul, nihilominus tamen testamentum valere. Quod sic accipiendum est, dummodo prius constet testamentum

mentum parentis esse, quod ita constabit, si probe-
tur legitimis probationibus, ut de militis testamento
respondum est. *l. Lucius, D. de milit. test.* Idque ex re-
gula iuris certi, qua efficitur vnumquemque; quod di-
cit, probare debere, actore autem non probante reum
absolui, *leg. 2. D. de probat. leg. qui accusare, supr. de*
edend.

Legitimæ probationes in hac re sunt instrumen-
ta & testes, *l. in exercendis, §. de fid. instrum.* Ergo sola
scriptura parentis de diuisione bonorum inter libe-
ros sufficit, si modo constet esse scriptum patris, &
præterea voluisse patrem in ea voluntate decedere,
de quibus si erit controuersia, testibus rem probare
oportet, qui fidem facient etiam sine vlla scriptura. Si
quæritur quot testibus ad eam rem sit opus, utemur
in eo regula iuris: Vbi numerus testium non adii-
tur, duos sufficere, *l. ubi numerus, D. de testibus.* Inter
hos etiam mulier recte admittitur. Nam quod dici-
tur mulierem ad testamentum adhiberi testem non
posse, *l. qui testamento, §. mulier, D. h. de iis testamen-*
tis dicitur, quæ ex solemnibus iuris peragenda sunt.
Nam inter solemnia testamenti numerandum est, quod
mulier a testamento remouetur, *§. testes iusto, §. sed*
cum paulatim, Inst. h. In testamento autem imperfe-
cto de quo hic, solemnia iuris non spectantur, & ex-
tra solemnia recte adhibetur testis mulier, in nego-
tiis omnibus, *d. l. qui testamento, §. mulier.*

Sed an omne imperfectum testamentum valebit
ex hac constitutione? Nam imperfectum est duplex
est, quoddam imperfectum est a solemnibus, in quo
solemnia testamentorum defuerunt, de quo hic præ-
cipue: Quoddam imperfectum est a voluntate, cum
testator voluntatem quam instituerat testari non per-
fecit, ut cum is volebat tres heredes instituere, qui-
busdam institutis obmutuit, *l. si is qui testamentum, D. h.*
Hoc posterius genus constat itidem, ut prius iure com-
muni valere, *d. l. si is qui testamen. D. h.* Hoc est quæri-
mus, an si sit testamentum patris, valere debeat inter
liberos? Nam hæc constitutio generale scriptum est
de omni testamento imperfecto. Distinguemus: Nam
si heredes a testatore omitti extranei fuerint, nihilo-
minus testamentum valebit inter liberos institutos.
Quoniam etsi extranei isti scripti essent, tamen pro
non scriptis haberentur ex hoc §. Proinde non expe-
ctabimus ut instituantur, non enim nocet factum non
esse, quod si factum esset, nihil proderet, *l. si quis ita*
scripserit, D. de hered. instit. Quod si parens ex liberis
quos instituere volebat, quoddam omisit voce inter-
clusa, testamentum re inter eos quidem qui instituti
sunt valebit, sed non in solidum, idcirco quia parens
noluit; non enim voluit institutos solos esse heredes,
quod tamen futurum erit si testamentum valere di-
xerimus.

Non aduersatur hæc constitutio. Obseruandum
est enim non dici imperfectum testamentum valere
inter liberos, sed diu ex imperfecto testamento vale-
re voluntatē. Quo verbo efficitur, si quid parens vo-
luit, id seruandum esse propter voluntatē. Sed quod-
cumque testamentum parentum imperfectum erit, id
valebit cum ea exceptione, quæ traditur in *Auth. quod*
sine, §. Testamentum imperfectum valet, sed paren-
tum dixi. Valet autem parentum omnium: Proinde
non tantum patris, sed etiam matris & omnium ascen-
dentium patrum et verbo qui continentur, *l. 4. §. seq.*
D. de in ius voc. l. necessitates, §. parentes, D. de grad. affin.
Ergo & qui in potestate parentis non sunt liberis re-

cte imperfecto testamento hic relinquitur, nam con-
stat matres liberos in potestate non habere, *§. femi-*
na, Inst. de adopt. Ergo & naturales & vulgo quæsitos
mater recte instituit testamento imperfecto, nam &
mulier parens est, & hi in numero liberorum, *d. l. 4.*
in fin. §. l. seq. de in ius voc. §. nonisime, Inst. de senatus-
consult. Orfit.

Hoc testamētum valet, sed inter liberos dixi: His
verbis duo excludunt. Primo tutores, hoc testamēto
dati; iure publico pater recte testamento tutorē dat
liberis, quos in potestate habet, *l. 1. D. de testat. tut. leg.*
verbis legis, de verb. sig. Sed et imperfecto testamento
frustra dederit, *l. qui a patre, D. de confir. tut. l. impube-*
res, D. de admin. st. tut. Hoc ius cum ante hanc consti-
tutionem valuerat, non modo non mutatur hæc consti-
tutione, sed statuitur maxime. Nam hac consti-
tutione non admittitur voluntas patris, nisi inter libe-
ros. Tutoris autem datio, non constituitur inter li-
beros solum, sed inter liberos & tutorem. Excludun-
tur præterea hi, quibus aliquid imperfecto testamen-
to relictum est, quod hic expressum est. Nihil aduer-
sus hanc partē facit *l. peto, §. mater, D. de legat. 2.* Nam
illic mater quidem testamento liberos heredes in-
stituit, extraneo fideicommissum relinquit, & fidei-
commissum valet, sed ideo quia testamentum matris
perfectum erat. Nec obstat quod illic dicitur tutor
inutiliter datus esse, qui eo testamento a matre datus
esset, non enim ideo tutoris datio illi inutilis est, quia
testamentum imperfectum esset matris, sed quia
mater liberis quos in potestate non habet tutores te-
stamento dare non potest, *l. 1. D. de confir. tut.* Sed ta-
men & hæc pars excipienda est, cum exceptione, quæ
traditur in *Auth. seq. quod sint.* Ad extremum imper-
fectum testamentum inter liberos eam habet vim, ut
alio testamento confirmari non possit, nisi ea inter-
uenerint, de quibus cauetur in *Auth. hoc inter, infr.*

Ad Auth. Quod sine.

Quod sine subscriptione ita procedit, si parens literas e-
doctus, manu propria, non signis, sed literarum consequen-
tia declarat & tempus, & liberorum nomina, item & vn-
ciarum numerum, seu signa rerum specialium: In quo &
aliis legari, & fideicommissi, & libertas relinqui potest.

S V M M A R I A.

- 1 Constitutio huius legis, an ut generaliter scripta, gene-
raliter accipi debeat, ut non aliter ratum sit testa-
mentum imperfectum inter liberos, quā si, de qui-
bus hic cautum, ea obseruauit.
- 2 Testamento parentis inter liberos imperfecto scripto
an tutoris datio valeat exemplo legatorum.

V T superioris constitutionis de imperfecto testa-
mento duæ sunt partes, ita totidem sunt in hac
constitutione noua exceptiones, singulæ ad singulas
partes superiores pertinentes. Priore parte hoc ca-
uebatur, testamentum imperfectum sine exceptione
valere inter liberos. Id Iustinianus ita temperat, nisi
testator voluntatē scripto declarat. Nā in testamen-
to scripto Iustinianus hæc exigit quatuor, sine quibus
testamentum non valebit. Primū vult exprimi tem-
pus, quo testamētum scriptum est. Deinde vult expri-
mi vncias & res quas velit inter liberos distributas.
Tertio hæc exprimat plenius literis non vacuis. Postre-
mo ipsum testatorem hæc omnia manu sua scribere
vult, sed nullā conditionē adiicit, si parens velit testa-
mentum scribere, sed generaliter cauet, ut hæc faciat.

Eodemque modo constitutio concepta est in *Novell. de test. imperf. §. 1.* unde hoc fragmentum scriptum est.

Hinc merito dubitatum est, *†* an ut constitutio generaliter scripta, ita generaliter accipi debeat, ut non aliter ratum sit testamentum imperfectum inter liberos, quam si ea observavit, de quibus hic cautum est, siue testamentum scripto complecti velit, siue nuncupare. Nō temere est, quod quidam verba existimant ita generaliter in constitutione esse accipienda, quādoquidem ita scripta est. Sed probo sententiam communem eorum, qui putant constitutionem hanc Iustiniani solum accipiendam esse de his parentibus, qui scripto testari velint inter liberos, ut ab iis videlicet in eo scripto hæc necessitas exigatur, de qua h. Quod facile colligitur ex præfatione, qua usus est Iustiniani. in *d. Novell. de test. imperf.* Nam illic diserte proficitur se in veteribus legibus, quæ sunt de imperfecto testamento parentis, qualis est *l. ult. sup. fam. ercif.* quam præcipue notat, se inquam in illo reprehendere, quod scripturas quasvis admiserit, etiam in quibus voluntas testatoris manifesta non esset.

Eam igitur incertitudinem Iustinianus improbat, ac proinde ad eam incertitudinem solum, suam constitutionem retulit, *arg. l. Titius, §. 1. D. de verb. oblig.* Proinde extra hanc incertitudinem valere voluit Iustinianus quicquid prioribus legibus constitutum est. Necessè est enim manere, quod mutatum non est, *l. præcipimus, in fi. infr. de appell.* Solum autem in scriptura hæc incertitudo meruēda est, ubi res notis scribi possunt verba truncata esse, res partim ab testatore scripta, partim ab alio. Ea autem incertitudo in testamento nuncupatio non potest, ubi nullæ sunt notæ, sed voluntas lingua testatoris nuncupatur, non duo loquuntur, sed vnus testator, non dimidiata verba sunt, sed plena voluntas pronuntiatur, Quare in ea voluntate nihil mutavit.

Alterā parte superioris constitutionis cauetur, si quid relinquatur extraneis personis, id non deberi, sed liberis accrescere. Hoc quoque ita temperavit Iustinianus, nisi legata, aut fidei commissa, aut libertates relictæ essent testamento ita scripto, ut supra comprehensum est. Hinc quæri potest, an *†* testamento ita scripto etiam tutoris datio valeat exemplo legatorum? Quod existimari potest, nā ut legata relinquere possunt testamento, sic & tutor a patre dari, *l. verb. s. legis, de verb. sig.* Dicendū est hæc pariter recte relinquere perfectō testamento, sed inter se non recte comparari, quoniam in legatis beneficium confertur in legatarium, in tutelæ datione oneratur tutor, beneficium auxilio & interpretatione iuvandum est, onus non item, *l. cum quidam, D. de lib. & posth.* Deinde omnib. legibus alterius conditionem meliorem facere possumus, deteriorem nō possumus, *l. soluendo, D. de negot. gest.* Proinde quod hic de legatis cautum est, ad tutelæ dationem transferri non debet.

Ad Auth. Hoc inter.

Hoc inter liberos testamentū ita infirmatur, si parens septem testibus adhibitis declaret se nolle tale testamentum valere, & aliam disponat voluntatem vel in testamento perfecto, vel in non scripta perfecta voluntate.

S V M M A R I V M.

- 1 Testamentum inter liberos quo pacto infirmetur & rumpatur.

Testamentum inter liberos factum *†* alio testamento ab eodem parente facto, ita rumpitur, si duo concurrant, nempe si posterius perfectum erit, deinde testatus sit parens, se a priore testamento recedere velle, prius commune est cum omnibus testamentis postea factis, posterius est hic singulare. Nam iure publico posteriore testamento recte facto prius tollitur, etiam si de priore mutando nihil adiectum sit in posteriore, *§. alio enim, Instit. quib. mod. test. infirm. l. 1. 2. D. iniust. rupt.* Hæc de Imperfecto testamento parentis inter liberos facto, dicta sunt. Idem vna & eadem humanitatis regula admissum est, quæ ad pias causas relicta sunt, de quo cautum est in *cap. communiones, & in c. relatum, extr. de testam.*

Ad §. Per nuncupationem.

Per nuncupationem quoque hoc est: sine scriptura, testamentum non alias valere sancimus, quam si septem testes (ut supra dictum est) simul vno eodemque tempore collecti, testatoris voluntatem, ut testamentum sine scriptura facientis, audierint.

S V M M A R I A.

- 1 Testamenti nuncupationis ordinandi forma.
 - 2 Testamentum nuncupatum in quibus conveniat cum testamento scripto, & in quibus ab eo differat.
 - 3 Nuncupatio qua continere debeat.
 - 4 Nuncupare quid.
 - 5 Palam quid significet hic & alias.
 - 6 Testes in testamento nuncupatio an sermonem testatoris necessario intelligere oporteat.
 - 7 Testes quare in testamento nuncupatio adhibeantur.
 - 8 Testamenti nuncupationis fides an corrumpat quibusdam testibus defunctis.
 - 9 Nuncupatorium testamentum an conficere liceat aut probare per notarium, adhibitis duobus aut tribus testibus.
 - 10 Instrumenta notariorum acta publica non sunt, & cur publica dicantur.
- Acta & instrumenta quid differant.*

Per nuncupationem etiam sine scriptura testamentum recte fit, ut initio etiam proposuimus. Est autem *†* hæc forma hac in re constituta, ut testator septem testibus adhibitis, talibus, quales supra descripsimus, coram iis voluntatem suam nūcupet palam, ut exaudiri possit, idque eodem tempore & eodē contextu actionis, de quo hic comprehensum est, & *§. ult. Inst. eo.* In quo observandum est quædā hic esse utriusque generi testamentorum communia, quædam discrepare. Communia sunt, ut testator testetur coram iis eodem tempore, eodemque contextu, *ut h.* Quid autem hæc valeant supra satis exposuimus. Discrepat *†* autem nuncupatum testamentum a scripto duabus rebus, scriptura & nuncupatione. Scriptura, quia nuncupatum testamentum scripturam nō desiderat, ut iisdem locis supra dictum. Præterea si cæcus testamentum faciat, *ut in h. l. consulti, prox. tit.* Nuncupatione, quia cum testamentum scribitur, nō necesse habet testator, voluntatem suam proferre coram testibus, ut sup. cautum est in *pr. h. constit.* At cum sine scripto testamentum fit, testator id omne, quod fieri vult post mortem suam, coram testibus nuncupare debet, *d. §. ult. Instit. h.*

Nuncupatio *†* hæc habere debet, ut testator quod fieri vult nuncupet palam, & ita ut exaudiri queat a testibus, *l. heredes palam, D. qui test. fac. pos.* Nuncupare est

re ¶ est lingua pronūtiare, vt indicat *l. si is qui testam.*
D. h. vbi heredes nuncupare, & heredes pronūtiare pro
 eodem vsurpantur, declarat etiam lex 12. tabularum,
 quam refert Cicero *lib. 3. offic.* quæ iubebat a vendi-
 toribus ea præstari, quæ lingua essent nūcupata, id q̃
 ædiles in edictum suum transferentes, postea ita ex-
 presserunt, vt iuberēt præstari, quæ dicta promissave
 essent, *l. i. D. de adl. edict.* Palam ¶ duo significat. Pri-
 mo idem valet quod publice, vt cū dicimus aliquem
 palam quæstum fecisse aut facere, *l. palam, D. de ritu
 vupt.* vt cum dicimus aliquid palam proscribendum
 esse, in *l. sed si pupillus, §. proscribere, D. de institor.* Se-
 cundo valet etiam idem, quod aperte & clare, vt ex-
 audiri possit ab iis, qui adstāt, significatione ex prio-
 re ducta, cum illa fiant maxime aperta, quæ fiunt pub-
 lifice, ex quo illa sunt in edicto ædil. *Venditores qui vi-
 ti morbiue fecerint palam, & recte pronūtiando,* id est,
 clare, vt intelligantur, recte, id est, sine dolo malo.

Prior significatio huic loco non conuenit, agitur
 enim de testamento, quod fit intra priuatos parietes
 coram priuatis testibus, quibus satis est testamentum
 publicum fieri, vt loquitur *l. omnium, sup. h.* Bene igitur
 Vlp. in *d. l. heredes palam,* hic palam ait nō signica-
 re propatulo. Restat igitur vt hoc exigi intelligamus,
 vt testamento voluntatem nuncupet clare & aperte.
 Exigitur vt id, quod nuncupat, exaudiat a testibus,
 vt *h. & in d. l. heredes palam.* Quo verbo id exigi intel-
 ligitur, vt etiam testes ¶ sermonem testatoris intelli-
 gant. Frustra enim exauditio est, si auditum nō intel-
 ligas. Et si quid nō intelligitur fieri aliquibus præsen-
 tibus, quod nō fit iis intelligentibus, *l. coram, de verb. sig.*
 multo minus aliquibus præsentibus & audientibus
 fieri intelligitur, si illis intelligentibus non fit.

Postremo videndū est, quamobrem ¶ testamento
 nuncupatio adhibeātur testes. Adhibentur vt post-
 ea testimonium dicāt, quid audiuerint, quidve testa-
 tor dixerit, hoc nisi prius intellexerunt, de eo testifi-
 cari non possunt. Cur ergo hic laboramus? Quia in *l.
 qui testam. §. vlt. D. h.* est scriptum: *In testibus non exi-
 gere nos intelligentiam sermonis testatoris, si aliter intelli-
 gant se ad testamentum esse adhibitos.* Sed illud est de te-
 stibus, qui ad testamentum scriptū adhibentur. Lon-
 ge alia causa est nuncupatiui. Nam in scripto volun-
 tas vel nutus defuncti, non dependet ex testimonio
 testium, sed ex scriptura testamenti, qua continetur
 & declarat eius voluntas, solum exigitur, vt ea scri-
 ptura confirmetur & voluntatis postea facit fidem.
 Confirmatur autem obsignatione & subscriptione
 testium, nō autem sermonis peritia, cum non sit ne-
 cesse testes ea scire, quæ sint in testamento scripta. At
 nuncupatiuum, quoniam scripturam non habet, ne-
 cesse est probare testibus, qui dicant quid testator se
 fieri velle dixerit.

Sed si fides ¶ nuncupatiui testamenti posita est in
 testimonio testium, quid fiet, si quidam ex testibus
 postea decesserit, aut aliqui serui facti sint, aut etiam
 furere cœperint, vt iam non possint testes esse? Resp.
 Testamentum vim suam habebit, non quia ius defi-
 ciat, sed quia deficiat probatio. Valuit enim & valet,
 sed non probatum, iuxta *leg. duo sunt, D. de testam. tut.*
 Hinc apparet periculose nos hoc modo testari vt so-
 lum coram testibus voluntatē nuncupemus, vt con-
 feruetur memoria & fides testamenti.

Inde quæsitum est: Liceretne ¶ nuncupatiuum con-
 ficere aut probare per notarium, adhibitis duobus
 aut tribus testibus? Resp. Si de iure quæritur, non li-

cet, & aperte repudiatur hæc testandi forma in *leg. o-
 mnium, sup. h.* vbi triplex tantum forma testandi re-
 cipitur, si testamentū insertum sit precibus principi
 oblati, aut actis iudicis insinuatū, aut publicatum
 coram 7. testibus. Testamentum confectum per no-
 tariū non est in hoc numero: Nam neq; hic iudex est,
 neq; acta apud eum conficiūtur, multumq; ad fidem
 istarum rerū interest inter acta publica & instrumen-
 ta notariorum. Acta sunt publica monumenta, quæ
 testes nullos desiderant, *leg. in donat. j. de donat.* In-
 strumenta ¶ notariorum non sunt acta publica. Ar-
 gumento est certissimo, quod hæc nō valent, nisi ad-
 hibitis aliis testib. *Novell. de instrum. cautela, §. sed & si
 instrumenta.* Instrumenta notariorum quidē dicuntur
 publica, & publice confici, sed hoc sensu, quia a per-
 sona, cuius munus est publicum, fiunt. Non autē ideo;
 quia fidem & auctoritatē publicam habent, alioqui
 non desiderarent alios testes, *d. l. in donationib.* Nihil
 ad confirmationem contrariæ sententiæ facit, *d. l. de
 dona. D. de don. aut l. vlt. §. arbit. tut.* Nam in *l. de don.*
 agitur de actis publicis, in *l. vlt.* agitur de inuentario
 rerum pupillorum, quod & ipsi conficitur per ma-
 gistratum. Iam dixi multum interesse inter instru-
 menta notarii & acta publica. Si consuetudine cui-
 usq; loci aliud receptū est, hic herendū non est, quia
 consuetudo seruādā sit. *l. de quib. D. de legib.* Quid autē
 ubiq; obseruetur, vnaquæq; regio nos docebit.

Ad §. Si quis autem.

Si quis autem testamento iure perfecto, postea ad aliud
 venerit testamentum, non alias quod ante factum est, in-
 firmari decernimus, quam si id quod secundo facere testa-
 tor instituit, iure fuerit consummatum. Nisi forte in prio-
 re testamento scriptis his qui ab intestato ad testatoris he-
 reditatem vel successione venire non poterant, in secunda
 voluntate testator eos scribere instituit, qui ab intestato
 ad eius hereditatem vocantur. eo n. casu licet imperfecta
 videatur scriptura posterior, infirmato priore testamento,
 secundam eius voluntatem non quasi testamentum sed
 quasi voluntatem ultimam intestati valere sancimus: In
 qua voluntate quinque testium iuratorum depositiones
 sufficiunt: quo non facto valebit primum testamentum, li-
 cet in eo scripti videantur extranei.

S Y M M A R I A.

- 1 Perfecti testamenti vis qua sit.
- 2 Perfectum testamentum quando & quibus modis
rescindatur.
- 3 Testamento alio facto cur nō prius potius valeat quam
posterior: & si testator de priore mutando nihil di-
xit, cur non vtrumque valeat.
- 4 Et quid si posteriori nominatim cauerit, vt prius te-
stamentum etiam valeret.
- 5 Testamentum prius quod iure valuit, vtrum postero-
re testamento imperfecto rumpatur.

Expositis duobus generibus testamentorum, quæ
 iure communi recte perficiuntur, commodissi-
 me subiicitur hoc loco vis perfecti testamēti & item
 imperfecti, cum de mutandā voluntate prioris testa-
 menti agitur. Perfecti vis hæc est, ¶ vt reuocari non
 possit, ne alio quidem testamento, nisi iure perfecto.
 Adicitur exceptio vna, in qua etiam imperfecto te-
 stamento prius quamuis perfectum tollitur. Sed vna
 dixi, vt videantur omnia imperfecta testamenta re-
 moueri, in quo etiā statuitur tacite vis huius imper-
 fecti testamenti, quod huc pertinet vt prius rescin-
 datur. Sed hæc omnia multas cautiones habent, neq;

sunt perpetua. Proinde ut de hac mutatione tota liquet, & hic locus simul plane intelligatur, de hac re fac habendum est.

2. Testamentum † semel perfectum nō ideo rescinditur, quia testator id se valere nolle dixerit, usque adeo ut quamvis coeperit aliud testamentum facere, si tamen non perfecit, nihilominus priores tabulae valeant, ut & heredum institutiones ratae sint, & legata inde debeantur, §. *ex eo solo*, *Inst. quib. mod. test. infirm.* Huius iuris una exceptio est constituta, in *l. sancimus*, *J. b.* Nisi decemum totum post confectionem testamenti effluerit, quod testamentum testator dixit, se valere nolle. Sane si testator non solum dixit se prius testamentum valere nolle, sed etiam adiecit elogium, quia heres eo scriptus esset testamento, placuit eo probato hereditatem heredi auferri tanquam indigno, & fisco adiudicari, *l. hereditas*, *J. de iis quib. ut indig.*

Sed argumentum est, potius prius testamentum valere, non enim auferitur hereditas heredi scripto, nisi prius eo testamento heres scriptus esset. Non obstat huic sententiae, quod dicitur, ambulatoriam esse voluntatem testatoris, usque ad extremum spiritum, *l.*

4. *D. de adim. leg.* Ambulatoriam enim esse & mutari posse non negamus, sed volumus id legitime fieri, non sit autem nuda voluntate, cum de testamento imperfecto hic agitur. Quod si ad voluntatem etiam factum eius aliquod contrarium accesserit, hic prius testamentum rescindi potest. Id autem contingit dupliciter, partim mutatis prioribus tabulis, quas rescindi volumus, partim iis integris manentibus mutatione tabularum testamenti, si testator consulto eas mutabit, testamentum rescinditur. Id autem accidit iis modis, si tabulae rescindantur, *l. pen. J. b. l. qua liberis*, §. *ult. de bon. poss. secundum tab. l. 1. §. sed si consulto*, in *fin. D. de his que in test. del. l. ult. D. de lib. & posth.* Idem iuris est, si signa amoveantur aut turbentur, *d. l. ult. infr. l. ad testium*, §. *si signa*, *D. b.* Idem est, si tabulae deleantur, aut cancellentur, *l. 1. §. si heres. D. si tab. test. nul. exstab.* Hae eo receptae sunt, quia testamentum constat materia, scriptura & signis testium, ut consequens sit iis remotis, quibus testamentum stabat, testamentum rescindi, nempe modis contrariis, iuxta regulam, *l. nihil tam nat. D. de reg. iur.* Integris tabulis nihilominus testamentum rumpitur, si aliud testamentum factum erit, & iure perfectum, *ut h. & §. 1. quibus modis test. infirm. l. 1. & 2. D. de iniust. rupt.*

3. Sed cur alio testamento † facto, ex duobus non potius prius valet? Respondeo, semper ex duabus voluntatibus de eadem re concurrentibus, nouissima servatur, quia sola placuit, valetque haec regula & in testamentis & in conventionibus, *l. 12. §. ult. D. de legat. 1. l. quod traditum*, *D. de cond. & demonstr. l. pacta nouissima* *supr. de pact.* Sed si testator de priore testamento mutando nihil dixit, cur non utrumque valet? Neque tamen quicquam prohibet, quo minus ex ea voluntate utrumque possit valere. Respondeo primum hoc ipso, quod nouum testamentum instituit, existimatur priore recedere, nam nisi id improbarer, in eo maneret. Deinde alio testamento facto declarat se in priore aliquid desiderare, eoque perfectum non esse, nullum autem testamentum valet, quod ex voluntate testatoris non perficitur, *l. si quis qui testam. D. eo.*
4. Sed † quid si testator posteriori testamento nominatim cauerit, ut prius testamentum etiam valeret? Respondeo: Haec voluntas seruabitur, & prius testamentum valebit, non tanquam ex priore testamen-

to, quod ruptum est, nam plus valere non potest, sed tanquam testamentum posteriore scripta essent, quae priore sunt comprehensa, *argum. l. asse toto, D. de hered. instit.* Sed ut dictum & superioribus locis expressum est, placet, prius testamentum alio testamento rumpi, si posterius iure perfectum sit, perficitur iure id, ex quo heres existere potuit, *l. 1. D. iniust. rupt.* Id quam vim habeat declaratur dilucide in §. 1. *Instit. quibus mod. test. infirm.* Ergo imperfecto testamento posteriore prius, quod iure factum sit, non rumpitur.

Huius iuris una exceptio est, hoc loco tradita: Est autem huiusmodi, si posteriore testamento ii heredes instituti sunt, qui & sine testamento vocabantur ad legitimam hereditatem defuncti. De hac exceptione prius videamus, deinde cognitari, an haec sola sit exceptio in hac re. Ad primum cum idem ius obtinuerit olim longe ante tempora huius constitutionis, ut constat ex *leg. 2. de iniust. rupt.* hic statim occurritur, quid opus fuerit hac constitutione Imperatoris? Respondeo: Attendenti apparent duo hic noua constituta esse ab Imperatore, aut certe ita esse comprehensa, ut aliis locis deessent. Nam ut huiusmodi testamento imperfecto, in quo legitimi heredes instituti sunt, prius testamentum rumpitur, constitutio haec duo nominatim exigit: Primum, ut priore testamento rite facto, alii heredes instituti sint, qui ab intestato succedere non poterant. Ex quo colligimus, si iidem heredes & priore etiam testamento fuerint instituti, posteriore imperfecto prius non rescindi, sed prius integrum manere, quod utile est scire non propter heredes, qui ex utroque testamento pariter vocantur, sed propter legata & fideicommissa, quae etiam iure debeantur, quae alioqui non deberentur, si prius testamentum ruptum esset.

Alterum exigit constitutio, ut posterius testamentum saltem habeat quinque testes, in ea voluntate iuramentorum depositiones, in quibus verbis consequens seu effectus positus est, ut ex eo antecedens & causa intelligeretur. Est enim hic sensus: *In hac voluntate adhiberi debere quinque testes, a quibus deinde nascuntur depositiones de ea voluntate, ut apud iudicem de testamento interrogati testimonium dicant, & dicant iurati.* In quo hic nihil singulare constituitur, sed eo dicitur, quia nulli testes ad testimonium audiuntur in iudicio, nisi iurati, *l. iuris iurandi, supr. de testib.* Vis autem huius imperfecti testamenti obseruanda est. Placet enim sic valere, sed ut supremam & intestati voluntatem. Quibus verbis significatur hoc testamentum valere adhuc, ut prius rescindatur, ceterum ipsum per se non valere. Ex quo intelligimus, si quid eo testamento sit relictum, non deberi, *leg. ex imperfecto* *sup. h. §. ult. Instit. quib. mod. test. infirm.*

Obseruandum est autem, hoc vnum tantum genus testamenti imperfecti posterioris excipi, quo prius testamentum infirmetur. Quod cum sit, existimari potest, vnum hoc tantum genus excipiendum esse, aut si alia excipiuntur, non recte hic vnum tantum excipitur. Respondeo, ut est propositio huius constitutionis: Vnum hoc genus tantum testamenti posterioris recte excipitur. Nam hic agitur de duobus testamentis, quorum prius iure communi perfectum sit, posterius ita imperfectum, ut iure communi non valeat. Haec duo cum concurrunt nonnunquam posteriori imperfecto testamento prius rumpitur, nisi vno hoc casu, cum posteriore testamento heredes legitimi scripti sunt. Et bene hic vno tantum casu hac constitutione comprehensum

prehensus est. Sed fieri potest, ut prius testamentum iure militari factum non iure communi. De hoc testamento sic cauendum est: *Quocunque modo testator aliud testamentum facere postea coeperit, si non perfecit, prius rescindi, etiam si posterius nullo modo valeat.*

Exempli gratia, miles in militia iure militari testamentum fecit, is militia missus est. Prius testamentum quod fecit etiam iure militari valet intra annum tantum, §. *sed haecenus, Instit. de testamen. milit.* Hoc dicimus: hunc militem intra eum annum quocunque modo aliud testamentum facere, prius quod iure militari valebat rescissum esse, l. *eius*, §. 1. *D. de milit. testam.* Atqui prius testamentum non minus valebat, quam si iure communi factum esset, leg. 1. *D. de testam. milit.* Vt igitur id rescinditur alio testamento, quod non valet potius, quam si iure communi factum esset: Respondeo testamentum iure militari factum etsi valet, tamen nihilominus imperfectum est. Ideo enim iure singulari confirmari oportuit, quia imperfectum erat. Imperfectum facilius tollitur iuxta reg. iur. *Nihil tam naturale, &c. & l. fere, D. de regul. iur.*

Sed haec ad omnia testamenta priora, quae imperfecta sunt & nihilominus valent, non pertinent. Nam & testamentum parentis inter liberos factum imperfectum esse potest, neque id rescinditur testamento imperfecto, *Auth. hoc inter. supr.* Quod si prius testamentum iure communi perfectum erit, & posterius imperfectum, iure valebit, non minus prius testamentum rumpetur per posterius, quam si posterius iure communi perfectum esset, ut puta si posterius iure militari factum erit, prius rescindetur. Neque distinguemus, utrum prius iure militari factum esset, an iure communi, quia ut dixi posterius non minus valet, quam si iure communi factum esset, l. 2. *D. de inst. rupt. dict. l. eius qui, in fin. D. de milit. testam.*

Ex his si quaeritur in vniuersum, utrum prius testamentum quod iure valuit, posteriore testamento imperfecto rumpatur, distinguemus. Primum videbimus prius testamentum utrum iure militari factum sit, an iure communi. Si militari: quacunque voluntate contraria, quocunque testamento imperfecto, prius rescindetur, quia & prius imperfectum erat. Sin prius iure communi valebit, & hoc rumpetur posteriore imperfecto, si aliquo iure valuit etiam si militari, quo exemplo multo magis idem admitteremus, si posterius factum sit inter liberos. Quod si & prius iure communi valebit, & posterius imperfectum ipsum per se non valebit, prius nonnunquam rescindetur, nisi hi heredes instituti erunt, de quibus hic constitutum est.

Nihil aduersus hanc distinctionem & sententiam totam faciunt loci citati ab Accursio, tanquam in quibus dicatur, etiam aliis casibus posteriore imperfecto testamento prius rumpi. Leges haec sunt, *lex cum quidam D. de iis quib. ut indign. l. pen. §. ult. D. de condit. inst. l. Clodius, de acquir. hered.* Nam in l. *cum quidam*, tantum abest, ut posterius testamentum imperfectum rumpat prius in specie illius loci, ut ne sic quidem rumpat quamuis iure perfectum fuit posterius. Quoniam priore testamento, heredes incapaces instituti erant, a quibus hereditas tanquam indignis auferitur, quae non auferretur, nisi prius heredes essent ex eo testamento, de qua specie commodius dicitur *infr. ad l. 1. de hered. instit.* In l. *ult. D. de constit. instit.* aperte dicitur, codicillis seu imperfecto testamento, conditionem institutioni adiacere non posse, id est, institutione prio-

re testamento pure factam alio testamento mutari non posse, in quo idem heres institutus sit sub conditione. In quo hoc statuitur, posteriore imperfecto prius non mutari, id quod nunc dicimus.

Vritur autem Modestinus in ea re hoc argumentum: Nam cum posteriore testamento testator adiecit conditionem, vult in defectum conditionis hereditatem adimi heredi prius scripto. At *codicillis hereditas neque dari, neque adimi potest* inquit. Vnde conclusio facile ipso tacente intelligitur. Ergo ea conditio posteriori testamento frustra adiecitur. Neque mutatur prius testamentum, in l. *Clodius, D. de acquir. hered.* Prius testamentum rite factum posteriore testamento imperfecto non tollitur, id quod euidenter apparet ex eo, quod ibi quaeritur, an heres priore testamento institutus, ideo non possit ex eo testamento heres esse, quia videatur ex eo testamento hereditatem repudiasse; si prius testamentum ruptum esset, hereditas ad scriptum non pertineret, siue repudiasset, siue adire vellet. Quare illis locis superior sententia confirmatur.

Ad vers. ult. Illud etiam.

Illud etiam huic legi propeximis inferendum, ut etiam grace omnibus liceat testari. Dat. 7d. Sept. Theodosio XVII. & Festo Coss. 439.

S V M M A R I A.

- 1 *Testari liceat quacunque lingua, quibuscunque verbis: modo intelligatur voluntas testantis.*
- 2 *Notis scripta tabula non valent.*

IN scriptura aut pronuntiatione supremae voluntatis solum hoc spectatur, ut intelligatur, quod dixit scripsitve testatur, *argumen. leg. 2. D. de his qua pro non script. habentur.* Proinde et quibus verbis testator utatur, aut qua lingua, dummodo eius voluntas intelligatur, nihil interest. De verbis cautum est in l. 2. *supr.* de lingua hic cauetur. Notis et scriptae tabulae non valent, l. *si cum patrono, §. ult. D. de bon. poss.* Quod superioribus non aduersatur, quoniam notae non intelliguntur, non enim nota apud omnes idem valent, nullam denique significationem certam habent, natura sua, sed tantum valent, quantum scriptor illis tribuit, neque omnes iisdem notis eandem vim tribuunt.

Ad L. 22. Dictantibus.

Imper. Zeno A. Sebastiano praefecto praetorio.

Dictantibus testamenta, vel aliam quamlibet ultimam voluntatem, legatum vel fideicommissum, vel quocunque aliud, quolibet legitimo titulo testatorem posse relinquere, minime dubitandum est. Testibus etiam ad efficiendam voluntatem, adhibitis pro suo libito, quod voluerit testator relinquere non prohibetur. *Datum Calend. Maii; Constantinopol. Basilio iuniore; V. C. Coss. 480.*

S V M M A R I A.

- 1 *Dictanti testamentum an recte ex eo testamento legatum detur.*
- 2 *Per dictantes quid hic intelligatur.*
- 3 *Is dicat qui per alium dicat.*
- 4 *An testibus ad testamentum adhibitis legari possit. Res propria qua dicatur.*

DICTANTIBUS et testamentum, recte eo testamento legatum datur. Dubitatio ex eo nata, quod scri-

bentis testamentum inutiliter relinquitur. Si quid enim ei relinquitur, ipsum oportet sibi legatū adscribere, cum ipse totum testamentum scribat. Nemo autem per leges sibi quid testamento adscribere potest, non abest enim ea re a suspitione falsi, *leg. 2. infr. qui sibi adscrib. in testam.* Hinc non immerito dubitatum est, an non idem probandum sit in eo, qui testamentum dicit? Placuit non idem esse, quia non si aliquis dicit legatum aliquod, continuo ex ea dictatione id scribit, nisi volente testatore.

Sed quomodo dictanti legari potest, cum testator ipse sit, qui dicit testamentum? Respondeo:
 2 Dictantes † hic intelligere debemus Notarios & quosvis formularios, id est, peritos formularum, quibus testamenta recte concipi solent, adhibitos a testatore ea gratia, ut testamentum recte dicitur, approbante tamen & consentiente testatore. Neque
 3 eo minus testator dictare intelligitur. Is enim † dicit, qui per alium dicit, *leg. secunda, Digest. quae vi aut clam. leg. tertia, §. gessisse, Dig. de administrat. tutor.*

4 Potest † & testibus ad testamentum adhibitis legari, ut idem & esse possint testes & legatarii in testamento, §. *legatarius, Institut. eodem, leg. in testamen. in prin. D. hic.* Diximus in *leg. proxima* aduersari *leg. nullus. D. de testibus, leg. omnes, infra, de testibus.* vbi traditur: *Neminem idoneum testem esse in re propria*, quae verba dubium non est ad legatarios pertinere. Nam
 5 rem † propriam dicimus cuius commodum vel incommodum ad eum suo nomine pertinet, *leg. prima. §. in proprium, D. quando appelland. sit.* Constat autem siue testamentum valeat, siue non, eius rei commodum aut incommodum ad legatarium pertinere. Commode dicimus ex hac regula excipi legatarios, ut singuli pro testamento recte testimonium dicant, quamuis postea legatum percepturi. Idcirco, quia eorum testimonium satis vindicetur ab omni suspitione falsi, ab aliis sex testibus, qui in eo testamento praeterea adhibentur praeter solemnitates, quae ad vitandam omnem falsi suspitionem adhibentur.

Ad L. 23. Consultat.

Imper. Iustin. A. Archelao praefecto praetorio.

Consultat dualia, quibus considerate prospectum est, ne voluntates ultima deficientium in hac regia urbe confecta apud alium aperiri possint quam apud Sc.

Explicatur hic pluribus, quod paucis comprehensum est in l. testamenta, supr. vbi dictum.

Ad L. 24. Ambiguitates.

Imper. Iustinianus A. Mennae praefecto praetorio.

Ambiguitates, quae vel imperitia vel desidia testamenta conscribentium oriuntur, refecandas esse censemus. & siue institutio heredum post legatorum donationes scripta sit, vel alia praetermissa sit observatio, non ex mente testatoris, sed vitio tabellionis, vel alterius qui testamentum scribit: nulli licentiam concedimus per eam occasionem testatoris voluntate subvertere, vel minuire. Dat. kal. Ianuar. D. N. Iustiniano. A. P. P. II Coß. §. 28.

S V M M A R I A.

1 Ambiguitates quid vocet Iurisconsultus.

2 Vitium scripturae testamento non nocet, dummodo sententia testatoris intelligatur.

3 Vitium testamentorum duplex.

4 Heredis institutio dicitur caput & fundamentum testamenti, & cur.

5 Ordo rerum in testamento scribendarum inuersus an vitiet testamentum.

Substitutio pupillaris non ex euentu tantum successionis spectatur, sed ex praesente forma qua conficitur a testatore, ibid.

6 Omissio verborum necessariorum in testamento an voluntati testatoris noceat.

7 Observationes ad testamentum iure constitutum omitti non possunt, neque in totum, neque ex minima parte, quin testamentum pro imperfecto sit.

8 Omissio verborum aliquot consulto a testatore, non errore omissa, an vitiet testamentum.

9 Testator si consulto inuerterit ordinem institutionis & legatorum, an nihilominus scriptura valeat.

Hic iubet Iustinianus tolli ambiguitates, quae ex vitio scripturae oriuntur. Ambiguitates † vocat non incertitudines, quae ex verbis ambiguis nascuntur, de quibus in constitutionibus non agit, sed more suo intelligit hoc verbo dubitationes veterum, siue alterius iuris, quae ex scriptura nascuntur, ut intelligi potest ex *leg. ambiguitatem, de vssu uet.* Et certe cōuersio ordinis scripturae, de qua postea agit, nullam ambiguitatem habet: Hanc tamen controuersiam subiicit illis ambiguitatibus, quas proposuerat. Summa autem sententiae est: *Vitium † scripturae testamento non nocere, dummodo sententia testatoris intelligatur.*

Vitium † duplex est, aut enim est in ordine scribendi eas res, quae testamento relinquuntur, aut in verborum ad sententiam necessariorum omissione. Ordo naturae in iis, quae testamento relinquuntur, postulat, ut initium fiat ab heredis institutione. Nam ab ea legata & cetera in testamento pendent, ac sine ea nihil in testamento scriptura valet, *leg. 1. in fin. D. de vulg. leg. ultim. D. de iur. codicill.* Vnde & heredis institutio † dicitur caput & fundamentum testamenti, §. *an heredis, Institut. de legat.* Caput quia regit cetera, quae sunt in testamento fundamentum, quia in hac tanquam in fundamento cetera consistunt.

Et hoc secuti veteres non putabant aliter testamentum scribi posse, quam si primo loco instituere heres. Id Iustinianus † mutat hac constitutione, quod pluribus verbis explicat in §. 1. ante heredes. Et recte. Neque hic quicquam fit aduersus id, quod de heredis institutione dictum. Quocunque enim loco testamenti scriptus erit heres, ordine intellectus, primo loco institutus intelligetur. Dum autem intelligatur, quid sit in re, scripturam magnopere attendere non oportet, *leg. quidam, D. de pecul. leg.* Vna tamen in specie controuersia scripturae nocet, cum scilicet pater filio impuberi exheredato, prius heredem instituat, deinde secundo loco instituat heredem sibi, & ita prius facit testamentum filio, deinde sibi, *leg. secunda, §. prius. D. de vulg.* Sed hoc in hac specie receptum est, quia substitutio pupillaris, non ex euentu tantum successionis spectatur, sed ex praesente forma, qua conficitur a testatore. Hac forma exigit, ut pater prius sibi testamentum faciat, quoniam substitutio pupillaris sequela est paterni testamenti, ut est in d. §. prius. At cum heres instituitur, & legata relinquuntur testamento, in iis spectamus tantum ordinem, qui futurus est mortuo testatore.

Successio.

Successionis ordo facit, ut prius heredem esse oporteat, quam quicquam ex eo testamento debeat.

6 Omisso t quoque verborum necessarium voluntati non nocet, veluti si testator pro iis plenius, *Lucius Titius mihi heres esto*, scripserit truncatis verbis, *Lucius esto*, vel *Lucius heres*, vel simpliciter *Lucius*. Quod exemplum est, *l. errore*, ubi dictum. Hoc intelligit Iustinianus, cum vetat omnem observationem prætermittam voluntatē minuere, si ex vitio scribentis nascatur: si simpliciter locutus esset de omni observatione prætermittam, esset sententia falsissima.

7 Nam t observationes ad testamentum iure constitutæ, omitti non possunt, neque in totum, neque ex minima parte, quin testamētum pro imperfecto sit, *l. si unus, l. testandi, l. hac consultißima, s. x. in fin. Et s. ex imperfecto supr.* Sed cum addidit, *Si ex vitio scribentis, &c.* voluit hac adiectione declarare, se intelligere omissionem, quæ sit in scriptura, id est, in verbis scripturæ.

8 Quid t si testator consulto, non errore verba omiserit? Respondeo: Nunquam existimandus est aliter omisisse, quam errore. Propterea quod, si voluerit L. Titium heredem esse, necesse est intelligi hæc verba: *L. Titius heres esto*, idque ex testatoris voluntate. Proinde, si omisa sunt, non ex voluntate, sed aut errore aut negligentia eius factum esse putandum est. Quid t si testator consulto conuertit ordinem institutionis & legatorum, idne constare potest? Respondeo, non minus scriptura valebit, *d. s. heredes*, nec repugnat constitutio, quoniam hæc adiectio non ex mente testatoris refertur ad observationem prætermittam, de qua prius erat sermo, non ad conuersionem scripturæ, de qua prius dictum.

Ad L. 25. Præposteri.

Imper. Iustinianus A. Mennæ præfecto prætorio.

Præposteri reprehensionem, quam Nonella constitutio diui Leonis in dotibus instrumentis sustulisse noscitur, in aliis quoque omnibus tam contractibus quam testamentis tollimus: ut tali exceptione cessante, & stipulatio, & alii contractus, & testatoris voluntas indubitate valeant: exactione videlicet post conditionem vel diem competentem. S. Datum VII. Id. Decemb. Dn. Iustiniano A. PP. II. Coss. § 28.

S Y M M A R I A.

- 1 Stipulatio præpostere concepta qua sit.
- 2 Qualis sit in dote, & quis in dote eam prius admiserit, & quis in omnibus aliis rebus.
- 3 Hanc stipulationem non fuisse admittendam.

Stipulationem præpostere conceptam veteres in totum repudiabant. Est autem præpostere concepta, t cum stipulamur aliquid sub conditione, aut in diem, & nihilominus stipulamur idem hodie nobis dari. Hoc modo: *Si navis venerit ex Asia hodie 10. dare spondes, &c.* Stipulatio hæc in *s. si quis, Inst. de inut. stip.* dicitur præpostera stipulatio, quia naturæ ordinem præcedit datio, sequitur euentus conditionis, cum secundum ordinem naturæ necessario prius oporteat consistere conditionem, deinde donationem sequi, cum ante euentum conditionis nihil debeat, *l. cedere diem, de verb. oblig. s. sub conditione, Inst. de verb. oblig.*

Primus Leo Imperator hanc stipulationem admisit in dotibus, ut est in dict. *s. si quis*. Est autem t in

dote huiusmodi: *Si mihi nupseris, aut si Titia mihi nupserit, hodie 10. dotis nomine dare spondeo*. Iustinianus auctoritatem Leonis secutus in vniuersum admisit huiusmodi stipulationes, non tantum in dotibus, sed in aliis rebus omnibus. Eodemque exemplo admisit & legata eodem modo concepta, veluti: *Si navis ex Asia venerit, heres meus esto*, ex die adita hereditatis ante duos tresue annos, postquæ adita hereditas est, nihilominus legatum valet. Id effectum est hac constitutione Iustiniani, cuius summa refertur, in *d. s. si quis, Inst. de inut. stip.*

Sed videtur t neque Leo, neque Iustinianus huiusmodi stipulationes & legata admittere debuisse, aut etiam potuisse, hoc argumento: Impossibilium nulla est obligatio, *l. imposib. D. de reg. iur. l. si stipuler, de verb. sign.* Præpostera autem obligatio impossibilis est. Itemq; & legatum præposterrum. Nulla igitur huius stipulationis aut legati obligatio esse potest, etiam per rerum naturam. Stipulationem hanc esse impossibilem, ita constabit. Nam cum aliquid promittitur sub conditione, ea est vis conditionis, ut eius euentus expectari debeat, ut nec quicquam ante peti possit, nec quicquæ deinde, *d. l. cedere, de verb. sign.* Cum autem adicitur ut hodie detur, id agitur, ut detur eo die, qui multo ante præterit, eo die per rerum naturam amplius dari non potest, quoniam præteritus reuocari non potest, impossibilis eius diei præstatio, ac proinde nulla stipulatio.

Respondeo, pro eo tempore, quod conditionis euentus antecessit, verum est, per rerum naturam impossibilem præstationem esse. Proinde, & pro eo tempore nullam obligationem esse verum est, sed postquam conditio existit, iam pecunia pro eo tempore præstari potest. Proinde pro eo tempore contraria causa valebit. Et in summa, quatenus præpostera præstatio est, reiicitur, quatenus recta est & secundum naturam, eatenus admittitur stipulatio. Sed hic occurrit: Nam pro eo quidem tempore, quod conditionis euentum sequitur, videtur stipulatio valere posse: nihil enim in stipulatione valet, nisi q stipulatione comprehendimus, deniq; nisi in id quod consensus est, *l. 1. s. i. l. quicquid, D. de verb. oblig.* At in hac stipulatione conuenit tantum nominatim, ut hodie daretur, non conuenit ut daretur, postquam navis ex Asia venerit. Sed nec pro eo tempore recte valebit, ut sic recte dici possit, hanc stipulationem pro præcedenti tempore non valere, quia ius & natura refragatur. Rursus pro insequenti tempore non valet, quia deficit consensus, arg. *l. si conuenero, sup. de iurisd. l. multum, in fi. supr. si quis alteri vel sibi.*

Respondeo: Verbis quidem non conuenit in hac stipulatione, ut daretur, postquam conditio existit, sed vi verborum & sententia contrahentiū maxime conuenit. Nam qui stipulatur hodie sibi dari, non stipulatur hodie tantum per exclusionem reliqui temporis, sed stipulatur hodie sibi dari & omnibus dieb. insequentibus, & in infinitum, donec quod deberetur solum fuerit, alioqui obligatio semel contracta non esset perpetua, nunc autem est perpetua, *l. obligatio-nium fere, vers. placet, D. de oblig. Et ad.* Secundum hoc recte dicitur pro eo tempore, quod euentum conditionis antecedit nullam esse stipulationem, quia sit impossibilis præstatio, ubi id tempus præterierit. At pro eo tempore, quod sequitur stipulationem valere, quia exinde & res præstari possit, & ea sit sententia stipulationis, ut præstetur.

Veteres qui hanc stipulationem repudiârunt in totum, verba secuti sunt. Leo & Iustinianus sententiam contrahentiû. Ex qua sententia stipulatio post conditionem & diem recte valebit, & ideo obseruabimus solum admissam esse stipulationem & legatum pro eo tempore, quod conditionem & diem sequitur, vt est hic in exemplo. Exiis apparet nihil huic constitutioni obstare, quod dicitur in glossa: Non licere quicquam præpostere facere, seu contra naturæ ordinem aut ius constitutum. Quod & verissimum est. *l. vt debitum sup. de hered. act. l. prolata, infr. de sententiis. & inter l. l. infr. de execut. rei iud.* Sed tantû abest, vt hic contra quicquam dicatur, vt maxime id ipsum in hac specie confirmetur, postquam stipulatio præpostera quatenus est, non valet, quatenus recta est & naturalis dicitur, eatenus valet.

Ad L. 26. In testamentis.

Imp. Iustin. A. Mennæ præfecto prætorio.

In testamentis sine scriptis faciendis omnem formalem obseruationem penitus amputamus: vt postquam septem testes conuenerint, satis sit voluntatem testatoris vel testatricis simul omnibus manifestam significantis ad quos substantiam suam peruenire velit, &c.

S V M M A R I V M.

1. Testibus rogatis non necesse est adiici a testatore, eos adhibitos ad testamentum scripto aut sine scripto faciendum.

IN testamētis testes rogatos esse oportet, id est, admoneri se adhibitos esse ad testamentum, *leg. heredes, §. in testam. D. h.* Hac constitutio declaratur cum id factum erit, non esse necesse adiici a testatore eos adhibitos ad testamentum scripto aut sine scripto faciendum, & merito, quia ex eo quod scriptura profertur a testatore, aut non profertur, facile quid hic geratur, a testibus intelligi potest.

Ad L. 27. Sancimus.

Imp. Iustin. A. Iuliano præfecto prætorio.

Sancimus, si quis legitimo modo condidit testamentum, & post eius confectionem decennium preslaxerit: Siquidem nulla inuolutio, vel contraria voluntas testatoris apparuerit, &c.

S V M M A R I V M.

1. Decennium ad voluntatem testatoris accedens, qua dixit se nolle testamentum valere, a quo die numerandum sit.

TESTATOR testamento facto, si dixerit, se id testamentum valere nolle, & ad eam voluntatem hoc accesserit, vt præteriente decennio viuo testatore testamentum rescindatur, ceterum neq; lapsus decennii sine contraria voluntate, neque contraria voluntas sine decennii lapsu testamentum infirmat: Hic quæsitum est, ex quo tempore hoc decennium numerandum sit, an ex quo testamentum factum est, an ex quo contraria voluntas secuta est? Nam Iustinianus nihil de eo expressit, *in vers. sin autem testator.*

Respondeo: Recte receptum est, vulgo hoc decennium sic accipi debere, si præterit post testamenti confectionem, vt coniectura voluntatis sumatur ex iis, quæ in constitutione præcesserunt. Nam quoties aliquod verbum vel in lege, vel in testamento ambigue vel obscure scriptum est, si de eo alia parte testamenti, aut lege apertum, ex eo, quod aperte scriptum

est, obscurum interpretatur, quasi scriptor de eodem senserit, *l. si seruis plurimum, §. ult. D. de legat. 1. l. heredes, §. 1. in fin. D. h. l. qui filiabus, in pr. de leg. 1.* In hac constitutione initio decennium nominatum est, quod elapsum sit post confectionem testamenti. Hanc significationem decennii post Iustinianus non mutauit: Proinde & hoc casu locum habebit decisio superior.

Ad L. 28. Cum antiquitas.

Imper. Iustinianus A. Iuliano præfecto prætorio.

Cum antiquitas testamēta fieri voluerit nullo actu interueniente, & huiusmodi verborum compositio non rite interpretata pene in perniciem & testantiū & testamentorum processerit: Sancimus in tempore, quo testamētum cōditur vel codicillus nascitur, vt vltima quadam dispositio, &c.

S V M M A R I V M.

1. Brevis summa huius legis.

HÆC constitutio, cum antiquitas, continet duas exceptiones eius iuris, quod de scripto testamento comprehensum est in *l. hac consultissima, supr.* Prior exceptio pertinet ad eam partem iuris, qua cauetur solemnia peragi debere vno contextu actionis, nullo alieno actu interueniente. Posterior exceptio, quæ est in *§. cum autem*, refertur ad eam partem iuris, qua exigitur, vt testator subscribat testamento sua manu, coram testibus, si imperitus est scribendi, octauum testem adhibeat, qui subscribat, excipitur, nisi testator testamentum sua manu scripserit, de quibus exceptionibus dictum est supra.

Ad L. 29. Iubemus, cum Auth. seq.

Imper. Iustinianus A. Ioanni præfecto prætorio.

Iubemus omnino testatorem si vires habeat ad scribendum, nomen heredis vel heredum in sua subscriptione, vel in quacunque parte testamenti ponere, vt sit manifestum secundum illius voluntatem, hereditatem esse transmissam, &c.

Auth. ex Nouell. 119. cap. 9.

Et non obseruato eo, subuenitur testamentis, siue per se, siue per alium quis inscribat nomen heredis.

S V M M A R I V M.

1. Legis huius cum leg. hac consultissima supra, antinomia & conciliatio.

HÆC quoque constitutio exceptionem habet eius iuris, quo cautum in *l. hac consultissima, supr.* nihil referre, cuius manu testamentum scriptum sit, testatorisne an alterius. Hic Iustinianus iubet nomina heredum, aut scribi a testatore, aut ab eo palam nuncupari. Sed & hoc ius mutatum est, in *Auth. seq.* & reditum ad ius antiquum, vt dictum ad *l. hac consultissima*. Sed in hac constitutione *§. quod si non fuerit*, animaduersionem desiderat. Videtur enim hic locus Antinomiam habere huiusmodi. Si testamentum scriptum sit alterius manu, & in eo quinque heredes exempli causa scripti, Iustinianus vult nihilominus hos heredes ab ipso testatore scribi aut nuncupari. In hac *§.* subiicit, si testator ex iis quinque heredibus, tres solum scripserit, reliquos duos omiserit, aut si tres nuncuparit, reliquos duos non nuncuparit, eos, qui nuncupati non sunt, heredes non futuros, sed eos solum, qui scripti aut nuncupati sunt. Interim vult eos, qui scripti aut nuncupati sunt, heredes esse.

Videri

Videri autem potuerunt ne hi quidem heredes esse potuisse, idque efficitur *l. qui testamentum. ff. eod.* ubi si testator ex dictis quinque testibus, quos instituerat heredes instituere, tres nuncupavit, deinde obmutuerit, placet testamentum nullius esse momenti quasi imperfectum, eoq; nec eos heredes futuros, qui aperte nuncupati sunt. *Resp. in l. si quis testamentum.* testator voluit eos heredes instituere, quos non nuncupavit, ideo enim non nuncupavit, quia non potuit, puta voce morbo interclusa, ut nominatim scribitur in extremo eius responsi. In hac autem constitutione agitur de eo testatore, qui eos heredes, quos non nuncupavit, noluit heredes instituere, idq; eo colligitur, quod eos potuit heredes nuncupare si vellet, quoniam satis temporis habuit ad eos nuncupandos: non nuncupavit cum posset, noluit igitur. Satis autem ei temporis fuisse ad eos nuncupandos ex eo intelligimus, quia post testatoris nuncupationem subsequuta sunt subscriptiones & obsignationes testium, proinde hæc species voluntatem distinguit testatoris.

Ad L. penult. Nostram.

Imp. Iustinianus A. Iohanni præfecto prætorio.

Nostram provisionem, maxime circa ultima elogia defunctorum, nunc etiam extendi properamus. Unde cum inuenerimus quasdam controuersias veteribus iuris interpretatoribus ortas propter testamentum, &c.

DE hac l. dictum est ad l. hac consultissima. §. si quis autem. sup.

Ad L. ultimam. Et ab.

Imp. Iustinian. A. Iohanni præfecto prætorio.

Et ab antiquis legibus, & a diuersis retro principibus semper rusticitati consilium est, & in multis legum subtilitatibus stricta observatio eis remissa rerum inuenimus documentis, &c.

S Y M M A R I V M.

1 De testamentis rusticorum.

2 N^o testamentis rusticorum remittitur necessitas solemnium, ad formam hic constitutam, de quo dictum ad l. hac consultiss. ante initium. §. ex imperfecto.

A D. TITVLVM XXIV. COD.
De heredibus instituendis, & quæ personæ heredes institui non possint.

S Y M M A R I A.

1 Testamentum ut ab initio iustum quibus in rebus positum sit.

2 Heredis institutio quam necessaria sit in testamento.

3 A parentibus liberos habentibus & testamentum conficiantibus qua exigantur, ut testamentum valeat.

4 Testamentum quibus modis infirmetur, rumpatur & irritum fiat.

5 Hereditas quomodo nobis ex testamento deferatur.

6 Heredis institutio quibus ex causis sit necessaria ad acquisitionem hereditatis.

7 Heres quando quis institutus esse intelligatur.

8 Instituire heredem quid.

9 Heres quibus verbis sit instituendus.

DI X I M V S initiorum. qui test. fac. poss. sup. ita hereditatem deferri testamento, si etiam iustum sit. Ut

autem [†] ab initio iustum sit, tribus in rebus positum esse. In persona testantis, ut sit qui testamentum facere potuerit: in solemnibus testamentorum: tum in iis, quæ testamento continentur. De personis dictum est *tit. qui test. fac. poss.* De solemnibus dictum est *trinh. prox.* Restant ea, quæ continentur testamento, in quo genere sunt heredum institutiones, legata, fideicommissa, libertates & tutorum dationes, *l. verbis legis. de verb. sig.* Sed ex iis cetera testamento caueri possunt. Vnum ad vim testamenti necesse est, ut testator sibi heredem instituat vel vnum vel plures, cetera sunt libera testatori.

Sine heredis [†] autem institutione nihil in testamento valet, *l. 3. vers. Calpurnius. ff. de iis quæ in test. del. l. 1. in fi. ff. de vulgar. l. ult. de iur. codicill. §. in primis. Inst. de legat.* Cetera, ut dictum, libera. Et ideo qui neque legare vult quicquam, neque de ceteris rebus cauere, sed tantum heredem instituere, cum Vlpianus ait tribus verbis testamentum conficere posse, ut dicat; Lucius heres esto, *l. 1. §. qui neque. ff. eod.* & hæc lex generalis omnibus testatoribus posita est. Vna est specialis [†] in parentibus, ut qui liberos habent, non quousvis alios instituant, ut testamentum valeat, sed ut instituant liberos suos omnes. Quod si eos indignos successione sua putant, duo ab illis exiguntur ad vim testamenti. I. Ut liberos nominatim iustis de causis exheredent, & quidem iustis causis exheredationi adscriptis, *tit. de exher. lib. l. inter cetera, de liber. & posthum. Authent. non licet. infr. de liber. præter.* Deinde hoc quoque exigitur, quod est omnium testatorum commune, ut sibi alios heredes instituant, cum dixerimus, sine heredis institutione testamentum non valere. Hæc cum obseruata erunt & in persona testatoris & in solemnibus, & in heredum institutionibus & exheredationibus, quæ diximus, habebimus id testamentum quod ab initio iustum est.

Sed ad vim testamenti non est satis ab initio iure factum esse testamentum, nisi etiam iustum perseueret. Multis autem modis accidit, ut quæ ab initio iure valuerunt, postea infirmetur. Quare si tenere volumus, quodnam sit testamentum ex omni parte iustum, etiam hoc loco quæstio introducenda est, quibus modis testamentum infirmetur, ut iis modis notatis statuamus id testamentum iustum esse, de quo quæritur, quod & recte factum est in ff. Illos enim titulos duos, *qui testam. fac. poss. item de lib. & posthum.*, sequitur tertius hanc postremam quæstionem continens *de iniusto, rupto, irrito testamento.*

Est autem [†] hæc summa iuris de eo. Testamenta ab initio rite facta postea aut rumpuntur aut irrita fiunt. Rumpuntur vel agnatione sui heredis, aut quasi agnatione, vel alio testamento postea rite facti. Agnoscitur testatori suus heres, cum post testamentum suum heres, testatori nascitur, vel eo viuo vel mortuo. De hac agnatione est in §. *posthumi. de agnat. liber. toto titul. infr. de posthumis.* Quasi agnasci dicitur heres, cum vel testator adoptat sibi liberos, quos in potestate incipiat habere, de qua specie est in princip. titul. *quibus modis testam. infir.* Aut cum nepotes cum tempore testamenti nati erant, mortuis parentibus suis in eorum locum succedunt, & iura suorum heredum nanciscuntur. De hac specie est in §. *posthumorum. Inst. de exher. lib. & l. posthumorum. ff. de iniusto rupto.* Posteriore testamento

quomodo rumpatur prius, dictum *ad l. hac consultissima. §. si quis autem. §. prox. tit.*

Irritum fit testamentum duobus modis. I. Testatore capite minuto, id est, vel libertate amissa, vel ciuitate, vel tunc, cum arrigatione aut adoptione in aliam familiam transit, *§. alio. Instit. quib. mod. test. infirm.* Sed hoc ita, si testator capite minutus eodem statu decesserit. Nam si ad pristinum statum redierit, recenti eius voluntate testamentum conualecet, vt secundum id detur bonorum possessio, *§. non tantum. Instit. quib. mod. test. infirm.* Fit quoque irritum testamentum non adita hereditate, ex eo: nam hereditate non adita res eo redit, quasi ab initio testator heredem non haberet. Est autem heredis institutio fundamentum testamenti. Hoc modo irritum fieri testamentum traditur *in l. i. ff. de in iust. rupt.*

Distinguitur tamen alibi irritum testamentum ab eo testamento, ex quo hereditas adita non est, nempe *sub tit. de hered. que ab intestat. in pr.* Sed hoc docendi causa fit, vt res plures nominibus suis distinctæ magis intelligantur. Ceterum re vera irritum id testamentum est, quod exitum non habet, indicatur hoc *in d. §. alio. quib. mod. test.* Licebit etiam modos infirmandi testamenti ita diuidere fortasse commodius, certe plenius, vt statuamus testamentum infirmari partim volente testatore, partim inuito. Voluntate sola nonnunquam testamentum infirmatur, sed cum ad voluntatem accesserit aliquid, nimirum vt aut mutentur tabulæ testamenti, aut tabulis integris manentibus aliud testamentum fiat, de quibus generibus dictum *ad l. hac consult. §. tit. prox. §. si quis autem.* Inuito, tribus modis: Agnatione heredis sui seu quasi, capitis diminutione testatoris, & hereditate ex eo testamento non adita, de quibus ante dictum. Cum testamento ab initio rite facto nihil istorum postea inciderit, quibus testamenta infirmantur, iam certo statuere poterimus, id testamentum, de quo agitur, iustum esse, de quo huc vsque quaesiuimus.

Hoc constituto longius progrediendum in quaestione acquirendæ hereditatis. Nam vt nobis hereditas acquiratur ex testamento, hoc non est satis, iustum esse testamentum, ex quo iudicemus hereditatem, sed oportet etiam ex testamento eo nobis hereditatem deferri. Sic autem † nobis defertur, si eo testamento heredes instituti simus. Ex † quo apparet heredis institutionem, seu omnem de heredibus instituendis quaestionem duabus de causis necessariam esse, ad acquisitionem hereditatis. Primo propter testamentum vt valeat, nam supra dictum sine heredis institutione testamentum non valere, propter quam causam, etsi sola esset, aptissime hic titulus subiicitur superioribus, vt in eo constituatur vis testamenti. Sed & necessaria est hæc quaestio propter nos, qui hereditatem ex testamento vindicare volumus, posteaquam nihil ad rem pertinet testamentum iustum esse, nisi & eo heredes instituti simus. Hinc introducitur quaestio de heredibus instituendis.

Vt ergo hoc modo nobis defertur hereditas, duabus rebus continetur, si heredes instituti simus, & ita vt consistat iure institutio. Nihil enim interest, vt trum aliquid non fiat, an non recte fiat, *l. quodvis d. ff. qui satis d. cog.* Institutus aliquis intelligitur † heres, cum testator id fecit, quod verbum significat, & id quoque voluit. Instituire † autem heredem est statuere & designare sibi successorem, id est, scripto &

verbis declarare, quem tibi mortuo successorem esse velis in omne ius tuum, nam hereditas hanc successionem vniuersi iuris significat, *l. nihil aliud. de verb. sig. l. hereditas. de reg. iur.* Proinde heres intelligitur vniuersi iuris successor, *§. legatariis. de testam. ordin. l. quadam. §. i. ff. de edendo.*

Quibus autem † verbis id testator declaret, nihil † refert, *l. quoniam. sup. tit. prox.* Solemnia verba antiquitus hæc erant: Lucius Titius heres esto, *l. i. §. neque. ff. de hered. instit.* Siue autem scribatur heres, siue nuncupetur sine scripto, institutum intelligimus, *d. l. i. §. neque. ff. de hered. instit.* Non est tamen satis hoc verbis exprimi, nisi etiam concurrat voluntas testatoris, quod interdum non fit, & ob hanc causam nulla est institutio. Exempla sunt *in l. 3. 4. §. etiam. infr. h.* Si consistit heredis institutio, si & is instituitur heres, qui institui potest, rite instituitur, vt vis institutionis consistat in his tribus: In persona heredis, conditione, & in instituendi modo. Hinc duæ quaestiones vim institutionis explicantes. I. Qui heredes institui possint vel non, de qua est hoc titulo præcipue, vt in scripto declarat. II. Quomodo heredes institui possint, ad quam proximi duo referuntur. Qui heredes institui possint, ostenditur *in l. i. h.* pertinet huc *l. collegium. l. extraneum. infr.*

Ad L. i. Qui deportantur.

Imp. Titus Ælius Anton. A. Anthestiano.

Qui deportantur, si heredes scribantur, tanquam peregrini, capere non possunt, sed hereditas in ea causa est, in qua esset si scripti non fuissent. Sine die & consule.

S V M M A R I A.

- 1 Summa huius legis.
- 2 Peregrini heredes institui non possunt.
- 3 Peregrini in usu iuris qui dicantur, & quid peregrinitas.
- 4 Soli cives Romani heredes institui possunt: quia cum iis solis testamenti factio est.
- 5 Cives Romani qui sint, & qui non.
- 6 Seruus an heres institui possit.
- 7 Hostis noster inutiliter heres instituitur: similiter & is, qui ad eum defecit.
- 8 Hostes & hostium numero qui sint.
- 9 Serui pœna olim qui, & an heredes institui potuerint.
- 10 Deportati qui sint, & qui eorum numero habeantur, & an heredes institui possint.
- 11 Relegati qui.
- 12 Hæretici qui sint, qui eorum numero habeantur, & quod heredes institui nequeant.
- 13 Deportatis heredibus institutis, cum ex hereditate nihil capiant, ad quem ea hereditas pertineat adfiscum ne, an ad heredes legitimos redeat.
- 14 An omnes, qui sunt cives Romani, heredes institui possint.

TRIA † hic statuuntur. I. Peregrinos heredes institui non posse: cum enim dicitur, deportatos non posse institui tanquam peregrinos, id est, vt qui peregrini sint, prius præsupponitur, peregrinos institui non posse, alioqui male colligeretur de deportatis. II. Statuitur, deportatos peregrinos esse, & ob hanc causam institui non posse. III. Continet effectum vtriusque definitionis superioris, nempe vt siue deportati, siue qui alii peregrini heredes instituantur, hereditatem capere non possint, sed pro non scriptis habeantur. Quæ tria sigillatim excutienda sunt.

2 Dicimus † peregrinos heredes institui non posse.
 3 Peregrini in usu iuris † dicuntur, qui ciues Romani non sunt, & peregrinitas status eorum, qui ciues Romani non sunt, l. 6. §. *solemus ff. h. l. sed si hoc. §. sed si per poenam ff. de in ius voc.* Vnde intelligimus superioribus verbis hoc statui, eos qui ciues Romani non sunt, heredes institui non posse. De quo iure, ut facilius & plenius possit statui, ad intelligentiam aliorum etiam locorum, ad eandem quaestionem pertinentium, sic habendum est, eos solos heredes institui posse, cum quibus testamenti factio est, l. si aliorum. §. 1. l. non minus. ff. h. Cum solis autem ciuibus Romanis testamenti factio est. Soli igitur † ciues Romani heredes institui, & ex nostro testamento capere possunt.
 4 Cum solis ciuibus Romanis testamenti factionem esse intelligimus ex primo & secundo capite legis Falcidia, quae exstat in l. 1. ff. ad leg. Falcid. Quibus cautum est, solis Romanis ciuibus testamento legari posse. Intelligimus autem ex §. legari. Instit. de legat. solis iis relinqui posse, cum quibus testamenti factio est. Ex quo efficitur, cum solis ciuibus Romanis testamenti factionem esse.
 5 Querendum est igitur, qui sint † ciues Romani, & qui non sint, ut utraque definitio intelligatur. Dictum superiori titulo, ciues Romanos esse, qui liberi sunt & in orbe Romano: nulli ciues Romani nisi liberi, §. ult. in fin. Instit. de libertin. Nec satis est liberos esse, nisi sint in orbe Romano, l. in orbe Rom. ff. de stat. hom. Quod si ita est, duo sunt genera eorum, qui ciues Romani non sunt, serui, & qui non sunt in orbe Romano, proinde totidem genera eorum, qui ex ciuium Romanorum testamento capere non possunt, ut nec heredes institui. Quod † ad seruos attinet, videri potest in his, quod sit falsa definitio. Constat enim etiam seruos a nobis institui posse, & nostros & aliorum ciuium, & item eos, qui ab hostibus capti sunt, l. non minus. l. illa seq. §. ult. ff. eod. Sed nihil fit aduersus definitionem supra positam: nunquam enim seruus heres institui potest, nisi cum in horum persona ciuis Romanus institui intelligitur, cum seruum nostrum heredem instituere non possimus, nisi cum libertate, & ideo non nisi tunc, cum liber erit, & ciuis Romanus factus est, tit. eod. in pr.
 6 Alienum seruum etiam sine libertate recte instituimus, §. alienus. Instit. eod. sed hoc ideo, quia sub persona serui dominus serui, idemque ciuis Romanus institui intelligitur, quoniam hereditas illi acquiritur, & ex eius tantum persona cum seruo testamenti factio est, ut diserte scribitur in d. l. non minus. ff. h. Qui autem ex ciuibus nostris ab hostibus capti sunt, ideo recte instituuntur, quia si redierunt, postliminii ius habent, quo efficitur, ut perinde habeatur, quasi nunquam capti essent, & proinde quasi ciues Romani mansissent, d. l. illa. §. ult. ff. eod. §. si ab hostib. Instit. quib. mod. ius. Quod si in persona serui neque ius postliminii est, neque alius dominus ciuis intelligitur, omnino seruus heres institui non potest. Et breuiter, seruus ut seruus institui non potest. Exemplo sunt serui poenae, aut qui in metallum damnati sunt, his institutis, placet nullam esse institutionem, quia nullos dominos habent, ex quorum persona consistat institutio, l. 3. ff. de his qua pro non scriptis habentur.

In orbe Romano sunt duo genera hominum. Primum hi qui imperio Romano subiecti non sunt, in
 7 quo genere sunt hostes. Ideo † citra controuersiam

hostes inutiliter instituuntur. Vnde qui ab hostibus nostris capti sunt, si a nobis instituti, ibi decedant, nulla institutio est, quia hostibus hereditas acquiri non potuit, ut intelligitur ex d. l. illa. ff. eod. Hostes qui sint, † definitur in l. hostes. de verb. sig. §. l. hostes. ff. de capitiis. Hostium numero sunt, qui ad hostes defece-
 runt, item qui cum arma ferrent aduersus patriam, tanquam hostes a senatu iudicati sunt. Horum utriusque ciuitatem amittunt, ac proinde omnia, quae sunt ciuium Romanorum, qua ratione etiam capite minui dicuntur, l. amissione. §. 1. de cap. dimittunt. Alterum genus est eorum, qui Imperio Romano subiecti sunt, nec sunt in numero hostium, sed ex numero ciuium Romanorum exempti sunt damnatione. Horum tria sunt genera, serui poenae, deportati, haeretici, hi de quibus constitutionibus Imperatorum cautum est.

Serui † poenae erant olim, qui damnabantur in metallum, aut ad bestias, ut iis subicerentur, aut ad ferrum, hoc est, ad gladium, ut cum alio decertarent gladio spectaculi publice praebendi causa, quae olim spectacula Romae erant, l. eius. §. ult. ff. de testam. §. qui test. fac. pos. §. poena seruus. Instit. quibus modis ius patriae potest solui. Hi ciues Romani esse desinebant, quoniam non tantum ciuitatem amittebant, sed etiam libertatem: efficiebantur enim serui poenae, §. maxim. Instit. de capite dimittunt. Ob hanc causam institui heredes non poterant, nec quicquam ex testamento ciuium Romanorum capere poterant, l. sunt quidam. ff. de penis. l. 3. de iis qua pro non scriptis habentur. Hodie constitutione Iustiniani nemo damnatione fit seruus, §. quod autem prius. §. §. sequent. Nouell. de nupt. Sed nihilominus libertate iis relicta, alterum ex iure antiquo manet, ut ii ciuitatem amittant; qua una de causa ex testamento ciuium Romanorum capere non possunt, ex definitione proposita.

Deportati sunt, † quos praeses pronuntiavit in insulam deportandos, si modo & Princeps sententiam praedis confirmauit, & assignauit insulam, l. 6. §. eius qui. ff. de iust. rupt. l. 1. §. deportatos. ff. de legat. 3. Non omnes, qui iubentur excedere ex finibus alicuius regni aut regionis, deportatorum numero sunt. Nam & relegati in insulam, eiiciebantur finibus, qui tamen & ciuitatem & libertatem retinebant, §. cum autem. versio. relegari. Instit. quibus modis ius patriae potest solui. Igitur deportatos a relegatis distinguebant verba sententiae praedis, ut deportati intelligerentur, in quibus eiiciendis praeses deportandi verbo usus esset: relegati, in quibus relegandi: deportati, deportatione ciuitatem amittunt, eoque modo caput eximitur ex ciuitate, cuius & persona eximitur ex ciuitate, d. §. cum autem. Instit. quibus modis patriae potestas soluitur. l. 2. ff. de public. indic. §. l. 2. §. 1. ff. de penis. Ob hanc causam deportati heredes institui non possunt, ut hic cautum est. Sic enim intelligimus eos ad definitionem superiorem peregrinorum pertinere.

Hodie moribus † nostris & fere omnium Christianorum, cum nullae insulae sint, in quas damnati deportari solent, intelligere debemus omnes, qui iubentur exulare, id est, quibus interdicuntur finibus alicuius regni vel regionis, solum in numero relegatorum esse, non deportatorum, & iura ciuitatis prioris, & libertatem retinere, ut & testameta facere possint de iis, quae habent, & ex testamento ciuium eorum veterum

quidvis capere, nisi nominatim sententia præsidis ius ciuitatis illis ademptum sit, & sententia comprobata sit a Principe, *arg. d. l. 1. §. deportatos. ff. de legat. 3. d. l. 3. §. eius qui. ff. de iust. rupt.*

- 12 Hæreticos ¶ etiam intelligimus eximi ex numero ciuium Romanorum, ex eo, quod constitutiones iubent nihil ex legibus eis, commune esse cum ceteris, *l. Manichæos. sup. de heretic.* Nam ciues iuris ciuilibus communionem habent. Hæreticos dicimus eos, de quibus nominatim comprehensum est, *l. Manichæos. §. l. Ariani. sup. de heret.* Hac de causa vetantur etiam ex testamento alieno quicquam capere iisdem constitutionibus. Hæreticorum numero habentur Apostata, quia a fide Catholica defecerunt ad hostes fidei, de quibus cautum est, *l. 1. §. l. 3. sup. de Apostat.* Hæc de primo capite peregrinorum dicta sunt. Secundum caput pertinebat ad deportatos, & de iis satis dictum supra.

Tertium caput diligenter expendendum est. Cum ergo hic dicitur, peregrinos & nominatim deportatos heredes institutos capere nihil posse, sed pro non scriptis haberi, id hanc significationem habet: his heredibus ¶ institutis cum hereditatem non capiant, hereditatem ad heredes legitimos redire, aut si qui alii heredes instituti sunt, his portionem incapacium heredum adcrefcere, breuiter autem hereditatem ad fiscum non pertinere, quia id iuris est, quasi si heredes instituti non essent. Quam sententiam, quia nonnulli loci dubiam faciunt, conduceret nos in ea sententia confirmare, probatur autem iis argumentis tribus: Primum, si deportati nullo modo instituti essent, nec alii heredes scripti, hereditas rediret ad heredes legitimos, nec prius pertineret ad fiscum, quam constaret bona esse vacantia, id est, defunctum nullum habere heredem, *l. 1. in pr. §. qui semel. ff. de success. edict.* Ergo etsi deportati instituti fuerint, nihilominus hereditas in eadem causa erit, ex hoc loco, quia perinde habetur quasi scripti non essent.

Deinde, deportatis heredibus institutis non potest hereditas ad fiscum pertinere, ni hereditas auferatur heredibus scriptis tanquam indignis, ut sic illis ablatam fiscus vindicaret, *l. cum quidam. §. tot. tit. ff. de iis qui. ut indig.* Non potest autem hereditas deportatis auferri, nisi prius eam ceperunt, quod & verbum satis probat, & declaratur *ex l. ex facto. §. ult. ff. de vulgar.* Deportati autem instituti capere non possunt, ut hic expressum est, proinde nec eis hereditas auferri potest, ideoque ablata vindicatur fisco. Postremo hæc sententia certis locis & discretis statuitur, ea quæ pro non scriptis habentur, ad fiscum non pertinere, *l. 3. ff. de iis qui. ut indig. l. vn. §. 1. infr. de codicill.* Hæc autem discrete scriptum est, deportatos heredes institutos pro non scriptis esse: Ex quo efficitur, eam hereditatem non pertinere ad fiscum.

Sed dubitationem adferunt hi duo loci. Primum *l. cum quidam. ff. de iis qui. ut indig. ans.* Nam illic ita scriptum est: Cum quidam scripsisset heredes, quos instituere non poterat, tanquam indignis hereditatem auferri pridem placuit. Respondeo: Diligenter hæc verba expendenda sunt, heredes quos testator instituere non poterat. Quibus verbis significantur hi heredes, qui alioqui sua conditione institui possunt, sed non possunt institui a testatore propter delictum aliquod, quod cum sit, si nihilominus instituuntur, valebit quidem institutio, sed hereditas tanquam indignis heredibus auferitur & vindicatur fi-

fco. Huiusmodi est heres mulier, quam testator prius adulterio cognouerat, si illa instituatur heres, & e conuerso si illa instituat heredem eum, a quo cognita erat, *l. Claudius. §. l. mulierem. ff. eod. de iis qui. ut indig.* Nos hoc loco de iis heredibus agimus, qui in totum heredes institui non possunt, quos cum dicamus pro non scriptis esse, consequens est si instituantur, institutionem de priore iure hereditatis nihil mutare.

Alter locus est *l. si deportati. ff. de leg. 3.* ubi scriptum est, si deportati seruo fideicommissum relictum sit, id ad fiscum pertinere. Si quis dicat aliud esse, si quid relinquatur deportati seruo, aliud si ipso deportato, de quo hic agitur, in promptu responsio est, nam quorum seruis relinqui potest, iis etiam relinqui ipsis potest, non est enim testamenti factio cum seruis, nisi ex persona dominorum, cum quibus etiam testamenti factio est, *l. non minus. ff. eod.* Quare si concedimus, deportati seruo fideicommissum recte relinqui, ut relictum ad fiscum pertineat, necessario concedendum est, etiam deportato recte relinqui, ut relictum ad fiscum eodem modo pertineat. Quod & verum est, sed non aduersatur huic loco: distat enim multum, utrum deportato fideicommissum relinquatur, an heres instituatur deportatus. Fideicommissum deportato relinqui potest, heres institui non potest. Differentia ratio lumitur ex ea definitione deportati bonorum, quæ traditur in *l. sunt quidam. ff. de penis.* Illic scriptum est, deportatos & omnes tales, non habere ea quæ sunt iuris ciuilibus, sed habere quæ sunt iuris gentium. Secundum hanc sententiam deportati heredes institui non possunt, quia non est institutio nisi testamentis, nec testamentum, nisi ordinatum ex iuris ciuilibus solemnibus, *§. sed cum paulatim. Inst. de testam. ordin.* Huius iuris communionem non habent deportati, utpote, qui ciues Romani non sunt ut dictum. Contraria de causa fideicommissum deportatis recte relinquatur, quia fideicommissum naturaliter ex sola voluntate testatoris valet, *l. pen. ff. de leg. 1. l. cum proponebatur. ff. de leg. 2.* Nec solemnia iuris desiderantur in fideicommissis, quod declaratur hoc argumentis. Nam codicillis recte relinquatur: codicilli autem solemnia iuris non desiderant, *§. ult. Inst. de codicill.*

Sed huic rationi & distinctioni aduersantur verba, *d. l. deportati ff. de leg. 3.* Nam si verum est, quod dicimus fideicommissum recte relinqui, quia deportatus possit habere ea, quæ sunt iuris gentium, consequens erit fideicommissum pertinere ad deportatum, non ad fiscum. Nunc autem in *d. l.* scriptum est, fideicommissum ad fiscum pertinere. Respondeo: Fideicommissum deportato acquiri verum est, *iuxta d. l. sunt quidam.* Nec eo minus verum est, idem ad fiscum pertinere. Pertinet enim ad fiscum, sed suo tempore, sed quod quid sit intelligimus *ex l. 2. infr. de bon. proscript.* ubi significatur, deportatum ea, quæ post deportationem acquirit, sibi habere, sed ea, quæ prius habuit, etiam fisco publicari, ut sic effectu omnia deportati bona publicentur, & ea quæ ante deportationem habuit, & ea quæ postea, sed alia prius, alia posterius.

Cum autem hic dicimus, peregrinos ¶ & qui ci- 14
ues Romani non sunt, heredes institui non posse, quia non sit cum iis testamenti factio, ex eo per contrarium admonemur cum ciuibus Romanis testamenti factionem esse, eosque ex testamento ciuium Romanorum

Romanorum capere posse, quod & verum esse declaratur *cap. 1. & 2. legis Falcid. l. 1. ad l. Falcid.* Id adeo verum est, ut quamvis sint aliqui ciues Romani, qui testamenti factionem non habeant, nihilominus sit cum illis testamenti factio, ut alterius testamento heredes institui & capere possint, ut mutus, surdus, prodigus, impubes, furiosus, *l. filiusfam. ff. de testam. & qui test. fac. post.* Sed tamen hoc non est perpetuum. Etiam si enim omnes ciues Romani conditione sua heredes institui possunt, tamen quidam sunt, qui non possunt a quouis institui, neque quouis modo: quidam sunt qui solidum capere non possunt: quidam qui in totum possunt institui, sed non ita, quin iis institutis hereditas auferatur ut indignis, & fisco vindicetur. Quidam sunt, ut dixi, qui a quouis institui non possunt. In hoc genere sunt hi, qui nati sunt ex incesto coitu. Nam hi a quibusvis extraneis heredes institui possunt a ciuib. Romanis, a parentibus non possunt, neque quicquam ex testamento eorum capere, *§. ult. Novel. quib. mod. nat. eff.* Sunt etiam qui institui possunt, sed non eodem modo quo sunt instituti. In hoc numero est Imperator & Princeps, quem constat simpliciter heredem institui posse, *l. non dub. sup. tit. prox.* Sed placuit eum non posse institui litis causa, *§. ult. Instit. quib. mod. test. infirm.* Ratio redditur in *l. pen. ff. b.* Quidam etiam capere solidum non possunt. Huius generis multos olim fuisse constat, & huius iuris varias causas, de quo iure exstat in fragmentis *Ulpiani de solid. incapac.* Sed totum illud ius exsolutum, mansit tantum pars in filiis naturalibus, de quibus cautum eadem *Novel. Instit. quib. mod. nat. eff. in §. discretis.* ad hanc summam, ut si testator legitimos liberos habeat, filii eius naturales ex vna tantum vncia ab eo institui possint, si non habet liberos legitimos sed parentes, tunc filii naturales ex besse, id est, octo vnciis, heredes institui possunt, reliquis vnciis destinatis parentibus pro legitima ratione. Quod si testator neque liberos legitimos, neque parentes habeat, placent filios naturales solidum capere posse, ex testamento patris.

Sunt etiam, ut dixi, qui a quouis recte instituuntur, sed inutiliter, quia fisco hereditatem vindicet, id accidit, cum aliquis mulierem adulterio cognovit. Nam siue ipse eam mulierem postea heredem instituat, siue ab ea ipse instituatur, consistit quidem institutio, ut hereditas non veniat ad legitimos defuncti, sed ea institutio ut indigno auferatur, *l. Claudius. & l. mulierem. ff. de iis qua ut indig. aufer.* Quemadmodum autem ciues Romani heredes institui possunt, sic possunt eorum serui ex persona eorum, *ad l. non minus. ff. d. tit.* Sed & hoc non est perpetuum: nam primum seruis adulterio cum domina maculatus, non potest institui ab ea, quæ eius criminis postulata est, propterea quod vetatur ab ea manumitti. Non potest autem proprii serui institutio procedere, sine libertate, *§. est autem. Instit. de hered. instit.* Præterea lege *Ælia Sentia* cautum est, nec eos qui soluendo non sunt, seruos suos testamento posse manumittere, præter unum, quem heredem instituere possunt, ita ut ei liber fiat, & heres solus ac necessarius, ut est in *Instit. quib. causis manum. non licet.*

Ad L. 11. Pater tuus.

Imp. Antoninus A. Cælitio.

Pater tuus si ex residua parte heres institutus est, quam aliter heres scriptus capere non poterat, isque ad nullam partem hereditatis per conditionem suam admitti potuit:

ex asse heres existit. Nam residui commemoratio, etiam totum admittit. PP. 15. Kalend. Iulii, Roma. Duobus & Aspris. Coß. 213.

S V M M A R I A.

1 Residuum quid significet.

2 Heres quoties quis instituitur ex parte residua, si nulla pars residua est, omnino non est heres.

Testator primum & secundum heredes instituit, iis verbis: *Primus ex ea parte, quam per leges capere potest, heres esto. Ex residua secundus heres esto.* Mortuo testatore compertum est, primum nihil capere posse. Quæsitum est, utrum secundus admittatur, & ex qua parte, propterea quod institutus non ex toto, sed ex residua, deinde quod nihil videtur residuum? Rescriptum est, eum ex asse heredem futurum, etiam si verbo sit institutus ex parte. Nec obstare significationem residui, quod verbum videri potest esse partis nomen, quia residui commemoratio totum continet. Sed huic sententiæ duo obstant, primum significatio verbi. Nam si residuum significat partem sine dubio, non totum. Residuum enim dicitur, cum duæ sunt partes aut plures alicuius totius, & quibusdam prius remotis restat aliquid, quod nondum attactum est, id enim quod restat solum dicitur residuum. Respondeo: ita est, residuum partem significat verbi significatione. In specie autem proposita ex voluntate testatoris, significat totum, eaque significatio ex præcedentibus liquido intelligitur. Cum enim testator dixerit: *Ex residua parte secundus heres esto*, subaudiendum est ex residua parte, quam non poterat capere. Ita sententiæ testatoris secundus institutus est ex eo, quod primus capere non poterat. Primus autem capere nihil potuit. Proinde voluntate testatoris ex eo toto, quod primus capere non poterat, secundus heres institutus est. Itaque hæc verba: *Residui commemoratio totum continet, &c.* sic accipienda sunt. In hac specie totum continet, ubi voluntas testatoris manifesta est. Rursus eadem significatio verbi alio modo efferri potest: secundum non modo non admitti ex asse, sed ne in partem quidem. Nam in proposito nihil est residuum. Quoties autem aliquis heres si instituitur ex residua parte, si nulla pars residua est, omnino non est heres, *l. item quod Sabin. §. sed si ex asse. ff. b.* Ex quo efficitur in proposito secundum nulla etiam parte heredem fore. Nihil autem hic residuum esse apparet ex eo, quod nulla pars ante detracta est, quam primus possit capere. Vbi autem prius nihil detrahitur aut ponitur, nihil dici potest residuum esse, id enim residuum est, quod restat. Respondeo: Reuera hic nihil residuum est, quod primus capere non possit, cum nihil sit, quod capere non potuerit. Sed cogitatione testatoris hic duas habet partes, quo primus vnam capiat, alteram non capiat. Testator ad hanc cogitationem orationem suam accommodat, secundum quam appellat residuum id totum, quod primus heres capere non poterat, & ex eo toto secundum substituit. Cum de voluntate testatoris constat, subtilitatem verborum spectare non debemus, *l. ex Paulo 2. §. rerum. ff. b.* Huc pertinet *l. non aliter. de leg. 3.* Huic autem quæstioni huius loci locus esse potest, si proponas patrem naturalem instituisse filium suum ex ea parte, qua capere poterat, deinde mortuo patre compertum sit, hunc filium natum esse ex incesto coitu: sic enim fit, ut in totum capere nihil possit ex testamento patris naturalis, secundum ea, quæ dixi *supr. ad l. 1.*

Ad L. 3. Cum proponas.

Imp. Alexand. A. Vitali militi.

Cum proponas Alexandrum equitem testamento primo loco Iulianum ut libertum suum heredem instituisse, eique substituisse his verbis: Quod si ex aliqua causa primus heres hereditatem meam adire noluerit, vel non potuerit: tunc in locum eius secundum heredem substituo Vitalem: Post mortem autem testatoris Iulianum servum communem fuisse defuncti militis & Zoili fratris eius apparuerit, an tu ex substitutione admittaris, voluntatis est questio. Nam si credens eum proprium & suum libertum heredem instituit, nec per eum ad alium quenquam hereditatem pertinere voluit: existit conditio substitutionis: tibi que hereditas delata est. Quod si verba substitutionis subscripta ad ius retulit, ut si nec per semetipsum alium fecisset heredem (potuit enim quamvis iubente domino, nolle adire) ita demum substitutus vocaretur: si tamen paruerit domino, & adierit: substitutioni locus non est. P. P. 6. Kalend. Maii, Maximo II. & Aliano Coss. 224.

S Y M M A R I A.

- 1 Testatore servum heredem instituyente, & nisi heres esset, ei aliquem substituente, si servus postea iussu domini hereditatem adeat, an eo ipso substitutus excludatur: an vero ambo pro parte admittantur. nu. 2. & in quam nu. 3.
- 4 L. si paterfamilias genuina & emendata lectio contra Cuiacium.
- 5 Affines qui sint.
- 6 Demonstratio falsa heredi non nocet.

CUM testator servum heredem instituit, & nisi heres esset, ei aliquem substituatur, servo iussu domini hereditatem adeunte, quaesitum est, an substitutus excludatur, quasi deficiente substitutionis conditione. Controuersia hinc nascitur, quia alio videntur trahere verba substitutionis, alio sententia testatoris. Nam verbi significatione servus hereditatem adeundo, non fit heres, quoniam domino hereditatem acquirit, ut nec videatur hereditas apud eum momento substituisse, l. placet. ff. de acquir. her. Rursus voluntas testatoris est, servo herede instituto, ut is sibi hereditatem acquirere possit vel domino, alioqui frustra institueretur heres. In hac controuersia ex sententia & errore testatoris, itemque ex eius obscura & certa voluntate, varie constitutum est a veteribus, ut declaratur §. ult. Instit. de vulgar. l. si paterfamilias. l. seq. ff. h. & h. l. 3. qui omnes loci ad eandem quaestionem pertinent, nec vnus sine alio recte intelligi potest.

Est autem de hac re hac iuris veterum distinctio. Refert utrum testator, qui servum heredem instituit, etiam sciat servum esse, an vero liberum putet, & ita ei alium substituatur. Si scit servum esse, servo hereditatem adeunte substitutus excluditur, quia testator voluit servum, quem instituebat, hereditatem domino acquirere, aut sub conditione acquirere sibi. Nam aliter hic servus heres fieri non poterit. Id autem intelligitur testator voluisse, quod iure fieri potuit, ut declaratur in d. d. ult. in fin. Inst. de vulg. Quod si testator servum, quem instituebat, liberum putavit, nec quicquam amplius significavit de sua voluntate, quatenus veller eum servum heredem esse; placuit, quamvis is servus iussu domini hereditatem adierit, tamen hereditatem admitti, non quidem in totum,

sed admitti in partem, vna cum domino servi instituti, ut sic ambo in partem hereditatis admittantur, §. ult. in pr. l. & hoc ff. hic.

Hoc a veteribus prima ratione absurdum constitutum videtur. Nam cum servus hereditatem adierit, ut & superiore casu: Cur non & ibidem & hic substitutus excluditur? Hoc Iulianus expedit in l. si paterfamilias. ff. h. & totidem verbis in d. §. ult. de vulgar. explicatur. Est autem haec ratio, quia & secundum verba substitutionis & secundum voluntatem testatoris servus quamvis hereditate adita heres non est, & proinde existit conditio substitutionis, eoq; & substituto locus factus est. Quod ad proprietatem verborum attinet, iam dictum, servum hereditatem adeundo, proprie heredem non esse, sed dominum cui hereditas acquiritur, d. l. placet. de acquir. hered. Quod attinet ad voluntatem testatoris, perspicuum est, cum testator eum instituerit quem liberum putabat, testatorem hoc animo esse, ut ipse sibi hereditatem acquirat, vel ut ex libero servus factus, eam acquirat alii, quoniam id futurum erat, si servus heres institutus liber fuisset, qualem testator esse putavit. Et ideo etiam subiicit: Quod si heres non erit, Tuius heres esto. In verbis, heres non erit, cogitatione sua hoc dixisse intelligitur: Si neque ipse sibi hereditatem adquisierit, neque in mutata conditione alium heredem fecerit, ut in proposito nihil eorum factum est, cum servus hereditatem adiret iussu domini primum quia sibi non adquisiuit hereditatem cum servus esset, deinde quia mutata conditione non quaesivit alii, cum neque mutaverit ipse conditionem, & etsi mutasset, hereditatem adquisiuisset sibi & non alii. Ex quo intelligimus secundum conditionem substitutionis eum heredem factum non esse, & ita existente conditione substitutionis substituto locum esse.

Sed ex hac re incidimus in maiorem difficultatem. Nam si conditio substitutionis existit, substitutus admitti debet in totum, non in partem servo & domino eius exclusis. Respondeo: Hoc recte dicetur, si constaret plane quid in hac conditione substitutionis testator sensisset: nunc autem quid senserit incertum est & nihilominus pro domino servi instituti faciunt & verba institutionis & voluntas testatoris. Nam servus heres institutus postquam iussu domini adiit hereditatem, non est quidem heres iure, at est heres voluntate testatoris, neque id sine manifesto effectu. Nam si servus interim liber fiat, sibi hereditatem soli acquirere: si servus maneat, tamen hereditatem non adibit, nisi velit, eoque nec domino acquireret, nisi velit, ut dicitur in d. l. 3. in fin. Neque cogitatio seu error testatoris refragatur: nam si testator voluit eum servum, quem liberum putabat, mutata postea conditione novum dominum heredem facere, consentaneum est, ut si servus adhuc servus sit, voluerit testator, ut praesentem dominum faceret heredem, cum novum dominum testator nosse non posset, praesentem autem antehac nosse potuerit.

In hac ergo incertitudine voluntatis testatoris, visum est neque substitutum excludendum in totum, neque rursus in totum admittendum, sed mediam sententiam sequendam esse, ut ambo ad hereditatem admittantur pro parte, ut alias mediam sententiam veteres sequi placet in ambiguis rebus, in quibus rationes contrariae rem in contrarias sententias distrahunt. Exempla sunt in l. antiqua. circa fin. ff. si pars hered. pet. §. cum ex aliena. Instit. de ver. diuis. §. ult. Inst.

2 *Inst. quib. ex caus. man. non licet.* Sed videri potuit in hac incertitudine voluntatis testatoris, neuter esse heres, neq; institutus neq; substitutus, vt fit, cum ex duobus Titius, Titius tutor datus est, & nō intelligitur de vtro testator dixerit: placet enim neutrum tutorem fore, *l. duo sunt. ff. de test. tut.* Respond. Dissimilia hæc sunt: nam cum testator Titium tutorem dat, vnum tutorem dat, non duos, & fieri potest, vt si vnum tutorem dedimus ex duobus, eum eligamus, de quo testator non sensit, & ob id neuter erit, ne cōtra eius voluntatem faciamus. At in proposito testator aperte duos heredes instituit, seruum, quem primo loco instituit, & substitutū, quem secundo loco. Prōinde vtrumq; excludi, est contra voluntatē testatoris.

Restat ergo, vt cum de parte ignoremus, vtrumq; in partem admittamus. Quæritur est in † quam partem? Resp. Cum voluntas testatoris & pro domino instituti & pro substituto pariter faciat, consequens est, vt pari causa, parem quoq; portionem esse vtriusque partis oporteat. Admittentur ergo ex æqualibus portionibus. Id intelligitur ex *d. l. & hoc tit.* vbi simpliciter dicitur, in hac specie hereditatem diuidi inter dominum serui & substitutum. Qui hereditatem diuidit, neq; partes adiicit, æquas partes dicere intelligitur ex *d. §. ult. Inst. de vulg.* vbi simpliciter scriptum est, in hac specie medium substitutum in partem admitti. Qui partem nominat, neq; adiicit, quōtam intelligat, dimidiā intelligere dicitur, *l. nominationem. §. portiones. de verb. sig.*

Sed huic partitioni aduerfatur *l. si paterfam. in fin. ff. h. vbi ita scriptum est*, in hoc casu duos semisses fieri, ex quibus vnus diuidatur inter dominum serui & substitutum. Resp. Hoc in *d. l. si paterfam.* scriptum esse in dissimili specie. Nam cum dicimus, hereditatem ex æquis partibus diuidi inter dominum serui & substitutum, id tum dicimus, cum vnus est institutus seruus, & vnus qui seruo sit substitutus. Imperator autem in *d. l. si paterfam.* ait de ea specie, cum duo sunt heredes instituti, primo loco Titius, quem paterfamilias ingenium putabat, qui tamen seruus erat, & Sempronius, qui vere erat liber, ex quibus Sempronius coheres substitutus est Titio, si ille heres non esset. In hoc casu recte dicitur primum duos semisses fieri. Sic enim fieri necesse est ex institutione, cum duo sunt heredes instituti sine partibus, vnde æquales partes factæ intelliguntur, *d. l. §. heredes. Inst. h. tit.* Hæ partes duæ sunt semisses duo, ex quibus vnum accipit Sempronius ex institutione, de altero semisse ambigitur propter Sempronii substitutum in eum semissem. Et Iulianus ait, hunc semissem diuidi oportere inter dominum serui & Sempronium substitutum: Merito, quia in hunc tantum semissem fuerat substitutus. Quemadmodum igitur cum ex tota hereditate, seruus heres institutus est, substitutus vna cum domino instituti ad diuisionem totius hereditatis vocatur: Ita necesse est, cum seruus ex semisse tantum institutus est, eum solum semissem inter dominum serui & substitutum diuidi.

Sed sententia huic refragantur verba legis. Nam in principio *d. l. si paterfam.* tantum proponitur seruus heres institutus, deinde Sempronius ei substitutus. Resp. Alciatus lib. 1. disput. cap. 2. testatur in huius loci interpretatione, se legisse in veteri Codice hæc verba in pr. *d. l. si paterfam.* Et Sempronium coheredem ei substituerit. Sempronii coheredē qui dicit, satis significat eum prius heredē institutū fuisse, & Titio seruo

coheredem datum. Sed siue Alciatus ita legat, siue non: non dubium est, quin ita legi oporteat, cui lectioni mire respondent illa verba responsi: *Igitur in hoc casu.* Quibus verbis significatur, Iulianum non putare idem iuris esse in omnibus casibus, in quibus testator seruum quasi liberum putat institui, sed in hoc casu, vt intelligamus in eo proprium aliquid propositum esse, diuersum a ceteris, nempe hoc modo, quod duo coheredes instituti sunt.

Vt autem intelligamus, solum Titium institutum esse, vt vulgo veteres interpretes putant, & nihilominus hanc fieri diuisionem, vt vnus tantum semis diuidatur inter istos, nulla ratio patitur. Primo repugnat superioribus locis, de quibus dictum §. *ultim. de vulg. ar. & l. & hac. h.* Deinde de altero semisse, de quo tamen præcipue dici oportebat ad diuisionem hereditatis. Præterea vtri ex his, de quibus quæritur, hunc semissem attribuemus, absurdissime faciemus. Cum enim ad eos eadem quasi voluntas defuncti pariter pertineat, dispariter hereditatem partiemur.

Sunt † qui in *d. l. si paterfam.* ita legendum putent: Igitur in hoc casu semisses fient, ita vt as diuidatur ex æquis portionibus, & quæ sequuntur. Qui cum refelluntur auctoritate publicæ & receptæ scripturæ, aiunt Iulianum ita scripsisse, Tribonianum imperitum iuris pro *as* reposuisse alter *semis*, quasi *a*, esset esset alter, & litera *S*, semis valeret. Sed hæc temeritas mutandæ receptæ lectionis valde vitanda est, atque etiam explodenda, vbi mutatio nullo teste, nullo auctore probatur. Quanquam in proposito hæc mutatio euidentissime refellitur. Nam quod dicunt, Tribonianum non intellexisse verbum *As* in responso Iuliani, conuincuntur ex *l. seq. & hoc.* Nam is Tribonianus collegit legem *Et hoc*, quemadmodum collegit legem *Si paterfam.* Et in *l. & hoc.* nominatim posuit, hereditatem inter dominum serui & substitutum diuidendam, hereditatem & assem, vt non sit dubium, quin idem facturū fuisset in Iuliani responso, si Iulianus scripsisset assem, non alterum semissem. Deinde dum verba responsi Iuliani emendare volunt, apertissime eius orationem deprauant. Nam quod dixit duos semisses fieri, in hoc casu tantum addere debuit inter dominum serui & substitutum, non autem adiicere illa verba, ita vt as diuidatur ex æquis partibus. Nam duos semisses fieri inter aliquos, & hereditatem diuidi inter aliquos ex æquo, sunt orationes quidem plane pugnantes.

Hæc sententia declaratur hoc exemplo huius re-scripti: Testator Semproniam Cassiani vxorem heredem instituit, his verbis: *Sempronia Cassiani affinis heres esto.* Constat vxorem affinem non esse. Nam affines † definiuntur vxoris & viri cognati, *l. non facile. §. affines. ff. de grad. affin.* Ex qua definitione intelligimus virum & vxorem esse affinitatis causam: affinitatem autem viri & vxoris, seu nuptiarum effectum. Certum est autem diuersa esse natura causam & effectum. Non est igitur, vt dictum, Sempronia Cassiani affinis, cum sit Cassiani vxor. An igitur heres non erit, cum huius institutionis verba ei non conueniant, & placet nihilominus heredem esse, quia verbo Sempronia satis demonstrata est. Quod adicitur affinis, demonstratio est noua, quamuis falsa sit. Falsa demonstratio † heredi non nocet, satis est vt dixi ad *l. 6.*

4. *supr.* si quauis demonstratione de heredis persona constet, *l. §. §. si quis nomen. & §. heres. ff. eod.*

Ad L.6. Si compensandi.

Impp. Philipp. A. & Philippus C. Antonio.

Si compensandi debiti gratia vxor maritum fecit heredem: desiderio tuo prater portionem hereditatis debitum quoque restitui postulantis, non tantum iuris seueritas, verum etiam defunctæ voluntas refragatur. PP. 12. Kal. Martii. Prasente & Albino Coss. 247.

S Y M M A R I A.

- 1 *Casus legis proponitur.*
- 2 *Maritus ab vxore testamento heres cum alio institutus hac lege, vt debitum sibi ab vxore cum hereditate penset, an dimidiam debiti partem ab coherede petere possit.*
- 1 **V**XOR † marito debuit 100. ea testamento instituit duos heredes ex æquis partibus, Sempronium & maritum suum, sed maritum hac lege, vt debitum cum hereditate pensaret. Si de debito non petendo nihil cauisset vxor, ius ita futurum erat, vt maritus pro dimidia parte heres existens, dimidiam partem debiti amitteret obligatione pro ea parte confusa, reliqua autem pars salua maneret, quam proinde posset maritus petere a coherede, l. vt debitum. l. si aduicta. infr. de hered. l. licet. infr. ad leg. Falc.
- 2 Secundum † hoc ius maritus in proposito instituit petere 50. aurea coherede Sempronio, id est, dimidiam partem debiti. Quæritur an possit? Rescriptum est non posse, quia voluntas testatoris impedit. Idem caveri posse a testatore cautum est in l. si vxor. j. de bonis anth. ind. possid. Et merito, quia hæc scriptura pro liberatione coheredi legata accipienda est, huic autem liberationem legari posse, & quod idem est, heredem creditorem damnari posse, ne a debitorum petat, inter omnes conuenit, l. 2. l. non solum autem. §. i. ff. de liber. leg.

Adiicitur hoc rescripto & hæc ratio, quod legis seueritas id exigat, quod referri debet ad l. Papiam, qua cautum erat, ne coniuges inter se ex testamento capere possint amplius quam decimam, præterquam certis casibus, de quibus in fragm. V. piam sub tit. Decimis. & tit. seq. & tit. de solidi caparitate. Sed & hæc lex postea sublata est, & iussum vt coniuges non minus inuicem capere possint ex suis testamentis, quam quiuus alii ciues Romani, l. ult. j. de inf. pæn. cælibat. Postquam constitutionem rescriptum hoc sola voluntate testatoris defenditur, nisi sententiam legis interpretari velimus ius, quo obligatio tollitur per confusionem, quod tamen minus proprie dici potest. Nam confusio æquitatem habet, non seueritatē.

Ad L.7. Nec apud.

Impp. Dioclet. & Maxim. AA. Zinoni.

Nec apud peregrinos fratrem sibi quisquam per adoptionem facere poterat. Cum igitur, quod patrem tuum voluisse facere dicis, irritum sit: portionem hereditatis, quam is, aduersus quem supplicas, velut adoptatus frater heres institutus tenet: restitui tibi præses provincia cura habebit. PP. 3. Non. Decemb. Diocletiano II. & Aristobulo Coss. 285.

S Y M M A R I A.

- 1 *Adoptatus ab aliquo in fratrem, & postea ab eodem, adoptionem valere ratio, tanquam frater heres cum alio institutus, an pro herede habendus sit.*
- 2 *Nemo alium sibi in fratrem adoptare potest.*
- 3 *Adoptio quid.*
- 4 *Obiectio refellitur.*

Quidam apud peregrinos vel hostes, vel eos qui ciues Romani non erant, sibi aliquem adoptauerat in fratrem, & dum putat adoptionem valere, hunc semper pro fratre habuit. Idem postea testamento heredem instituit filium suum, & vna cum filio hunc, quem pro fratre habuit, & instituit tanquam fratrem, nimirum sub appellatione fratris. Cum fieret ei † controuersia quasi heres non esset; de eo ita hoc constitutum est, tum defuncti fratrem eum non fuisse, proinde tanquam fratrem institutum heredem non futurum, quæ sententia conuenit cum l. 4. §. & l. neq. §. prox. tit. Adiicitur eam portionem filio defuncti addici debere, quod firiure accrescendi, l. qui ex duob. §. ult. ff. de acquir. hered.

Adiicitur præterea ratio, cur hic non fuerit frater, quia nemo † alium sibi adoptare potest in fratrem, idque nec apud peregrinos. Quod dicitur neminem in fratrem adoptari posse, sumitur ex definitione & natura adoptionis. Nam adoptio † est modus ciuilis, quo nobis quodammodo generamus liberos, l. 1. ff. de adopt. Non gignimus autem nobis fratrem sed liberos. Sed † ob stare videtur, quod defunctus fratrem istum sibi adoptasset non apud ciues Romanos, sed apud peregrinos, apud quos facile obtinebat vt adoptione frater fieri posset, Respondent Imperatores, nihil profuturum defuncto aut adoptato, quoniam vbicumque frater adoptatus sit, semper ius ciuile Romanorum eam adoptionem repudiat: nunc autem hereditas, de qua hic, percipitur secundum ius ciuile Roman. & non secundum ius peregrinorum.

Ad L.8. Collegium.

Impp. Dioclet. & Maxim. AA. Hadriano.

Collegium, si nullo speciali privilegio subnixum sit, hereditatem capere non posse, dubium non est. PP. 10. Kal. Jun. ipis IV. & III. AA. Coss. 290.

S Y M M A R I A.

- 1 *Collegia an hereditatem capere possint? distinguendo affirmatur.*
- 2 *Collegia illicita collegia non sunt.*
- 3 *Collegia licita quæ.*

Vetus dubitatio fuit, an capita † certa ciuium Rom. institui possunt, vt collegia, & dum obtinuit, non posse, vt dicemus ad l. hereditatis. infr. tandem receptum est, & hæc institui posse omnia, vt ciuitatem, l. hereditat. j. l. si quis heres. §. viti. de legat. 1. vt collegia, de quibus hic dicitur & merito: nam si ciues Romani singuli recte instituuntur, nihil causæ est, cur non corpora certa ciuium Romanorum recte instituuntur, cum sub illis capitibus intelligantur instituti ciues Romani. Sed cum de collegiis dicimus, hæc ex testamento capere posse, licita collegia intelligimus, vt hic declaratur. Nam illicita non † sunt collegia, vt generaliter pro non factis dicimus esse, quod contra legem fit, l. non dub. sup. de legib. Licita collegia † sunt non ea, quæ ciues sibi priuatim sua voluntate constituunt, sed quæ permisso vel constituuntur vel confirmantur, l. 1. ff. quod cuiusque vniuersi nomine, quod & hic significatur.

Ad L.9. Extraneum.

Impp. Dioclet. & Maxim. AA. & CC. Iulæ.

Extraneum etiam cum quis moreretur, heredem scribi sibi placuit. PP. 16. Kalend. Nouembr. Sirmii. AA. Coss.

S V M M A R I A.

- 1 Duplex huius loci lectio, & utraque probata.
- 2 Hac institutio, Titius heres esto cum Sempronius morietur, valet.
- 3 Valet & hac institutio, Titius cum morietur heres esto.
- 4 Adiectio hac in persona heredis institui, cum morietur, superuacua & pro non adiecta est.
- 5 Inter institutiones has, Cum heres morietur, & Cum alius morietur, quid intersit.

Hic locus legitur dupliciter, vel ut extraneus institui possit, cum quis alius moritur; vel ut extraneus institui possit, cum ipse moritur. Quo posteriori modo Accursus legisse ex glossa eius apparet. Utraque lectio probata est, & sententiam veram & certi iuris continet. Habet tamen utraq; institutio nonnihil dubitationis, quæ remouenda est. Dicimus hanc institutionem valere, Titius heres esto cum Sempronius morietur. Hoc amplius dicimus ita valere, ut Titius heres institutus non ante hereditatem possit adire quam Sempronius mortuus fuerit, quoniam institutus sit sub conditione, quam conditionem expectare oportet, idque de ea ipsa specie conditionis diserte scriptum est in *l. heres meus, §. ult. ff. de condit. & demonstrat.*

Sed opponitur *l. hereditas, ff. eod. vbi* scribitur, hereditatem ex die dari non posse. Quidam respondent, non posse quidem ex die dari, ut dies expectetur, sed diem reiiciendam esse, ut in ea *d. l. hereditas*, scriptum est, ideoque in proposita institutione idem faciendum esse, sed male, non enim intellexerunt his verbis, Cum Titius morietur, contineri diem incertum, ac proinde conditionem. Nam dies incertus conditionem facit, *l. dies de condit. & demonstr.* Denique inter omnes veteres constitit, nihil interesse, utrum dicam; cum Sempronius morietur, an si moriatur cum venerit, an vero si venerit, *l. si Titio, ff. quand. dies leg. ced. l. quodcumq; §. non solum de verb. sig.* Vnde & hanc conditionem expectandam esse scribitur in *d. l. heres meus*. Non obstat, quod dicitur conditionem, quæ certo existura est, non facere conditionem, *l. si pupillus, §. qui sub condit. ff. de nouat.* Hoc enim vere dicitur in stipulationibus, quoniam conditionis euentus etiam ad heredes stipulatoris deferretur, §. ex conditione. *Inst. de verb. oblig.* At in heredis institutione nisi viuo herede existat conditio, frustra eo mortuo existet, quoniam mortuus amplius hereditatem adire non potest: hereditas autem non adita ad heredes non transfertur, *l. vn. §. in nouissim. j. de caduc. toll.*

Sed nec minus valet illa institutio, Titius cum morietur heres esto. Quidam tamen hanc institutionem inutilem putant, quia heres institutus hereditatem adire non potest, cum moritur. Hi decepti sunt ideo, quia putauerunt heredem institutum non posse hereditatem adire, nisi cum moritur, & in summa, diem mortis esse expectandum, quod non ita est. Nam hæc adiectio in persona heredis institui, cum morietur, superuacua est, quod sic liquido potest intelligi. Cum hæc scriptura, cum heres morietur, conditionem habet & diem cum morietur, *l. si Titio, ff. quando dies leg. ced.* quod attinet ad conditionem hæc pro non adiecta est. Denique non est hæc institutio conditionalis: nam quoties conditionem cernimus viuo herede aut legatario non existuram, qualis hæc est, toties pro conditione non habetur, *l. heres neg. in pr. ff. de cond. & dem.* Superest dies; At hic etiam frustra

institutioni adiecit, & hæc adiectio perinde habet, quasi pura esset institutio, *d. l. hereditas, ff. h.* Quibus efficitur, cum heres ita institutus est, cum ipse morietur, institutionem pro pura haberi, & ob id valere, quia quandocumq; velit heres possit adire hereditatem, cuius institutio differtur conditione, neque ius perditur mora. Referunt huc eodem exemplo de relicta libertate & relicto usufructu. Nam si Stychus iussus sit testamento liber esse cum moreretur, placet inutiliter relinqui libertatem, *l. libertas, ff. de manum. test.* non alia ratione, quam quod hic dies mortis Stychi expectandus est secundum adiectionem testatoris, quo die expectato nulla libertas esse potest; cum moriatur. Similiter si Titio usufructus relictus sit, placet inutiliter relinqui, quia dies mortis eius expectandus sit, quo expectato, nullus usus fructus est, utpote, qui incipiat eo tempore quo a persona recedit, *l. Titio, ff. de usufr.*

Sed male hæc comparantur cum heredis institutione. Ideo enim in legatis diem mortui legatarii expectamus, cum in eius mortem legatum datum est, quia cum libertas & quiduis aliud ex die & sub conditione relinqui possit, *l. i. ff. de cond. & demonstr.* Heres autem contra ex die heres institui non potest, *d. l. hereditas, ff. h. & §. heres, Inst. h.* Summa hæc est: Heres quamuis recte instituatur, & cum morietur ipse, & cum alius morietur, tamen inter utrumque hoc interest, quod cum heres institutus est, cum ipse morietur, pura institutio est, & volens hereditatem recte adibit, ob eam causam, quam supra dixi. Cum autem institutus est, cum alter morietur, conditionalis institutio est, quoniam non est certum illum alterum moriturum viuo instituto. Proinde expectanda conditio est, & si ea pendente heres institutus decesserit, nihil ad heredes suos transmittit.

Ad L. 10. Neque.

Imp. Dioclet. & Maxim. AA. & CC. A. sclepiadae.

Neque per se heredes institutos, quibus hoc concessum non est, neque per seruos proprios hereditatem posse querere, iuris dictat ratio. S. i. 6. Kal. Sept. Sirmii, Cas. Coss.

S V M M A R I A.

- 1 Qui per se hereditatem acquirere non potest, nec per seruum suum potest.
- 2 Qui ipsi heredes institui non possunt, eorum nec serui institui possunt.

Qui per se hereditatem acquirere non potest, nec per seruum suum potest. Deportati, exempli gratia, institui non possunt, nec instituti capere hereditatem, *l. i. §. h.* Si eorum serui instituti sunt, nihil magis per seruos capient, ut hic est constitutum, & recte. Plus est enim acquirere per alios, quam per semetipsum, & cum alicui non conceditur quod minus est, per seipsum scilicet acquirere, non debet concedi quod maius est, acquirere scilicet per alios. Hinc regula nata: Quod quis per se non possit, per alium non posse. *c. quod alicui. extr. de reg. iur.* Huic loco opponitur *l. cum autem, §. ult. ff. de adilit. edict.* Deportatus cum seruus ex donationis aut emtionis causa acquisiisset, eum vendidit, & pretium consecutus est, quod & rite facere potuit, cum & donatio & emtio sit de iure gentium, *l. iuris gent. ff. de pact.* Hic seruus venditus cum apud emtorem esset, heres institutus est, & iussu emtoris eiusdemque noui domini hereditatem adiit, quæ & emtori quæ sita est, §. item vobis. *Inst. per quas person.* Postea cum seruus

morbosum aut vitiosum esse appareat, idcirco emtor eum ex edicto adilitio redhiberi vult venditori, vt in integrum restituatur emtio, quod ex d. lege licet, vbi scriptum est: Emtorem non alia conditione eum seruum redhibere posse deportato, quam si vna cum seruo hereditatem per seruum quæsitam restituat, tamen si deportatus ex sua persona capere non potuerit. Ex quo responso colligi videtur, eum deportatum, quem constat ex testamento alieno hereditatem alienam capere non potuisse, tamen in proposito, aut per seruum suum, aut emtorem capere: vtrum autem dicamus, ad iuris rationem nihil refert.

Sed dicendum est, nihil tale ex eo loco colligi, & in summa nihil hic quæri deportato, quod per se quærere non potuerit. Nam ipse hereditatem per seruum non capit ex testamento: hæc enim prius emtori quæsitæ est. Rursus hereditatem non acquirit per emtorem: hæc enim semel emtori quæsitæ, desinit esse hereditas, & cœpit proprium esse emtoris. Non prohibetur deportatus ab emtore requirere res eius priuatas: hic autem eo modo acquirit, cum acquirit ex causa redhibitionis. Nam redhibitio est ex natura & iure actionis, ex emto, l. ex emto. §. 3. de act. emt. Plus dicimus hoc loco: Qui ¶ ipsi heredes institui non possunt, eorum nec serui institui possunt. l. non minus. ff. eod. Quod tamen sic interpretandum est: Quod si deportati serui heredes instituti, frustra sint instituti, vt deportatis acquirant, si serui postea manumissi, fiat ad hereditatem admittendi, l. si seruus eius. de acquir. hered.

Non obstat quod in heredibus instituendis spectatur tempus quo instituuntur, vt sit cum eis testamenti factio, l. si alienum. §. 1. ff. eod. §. in extraneis. Inst. de hered. qual. & differ. Hoc enim ita est, nisi is qui capere non potest, instituat in id tempus, cum capere potuit, l. in tempus. ff. eod. Id autem tempore testatoris intelligitur, cum seruus heredem instituit: hic enim intelligitur instituere, vt vel domino suo acquirat, vel si alienatus erit nouo domino, vel inanimissus, sibi acquiri possit, Inst. de hered. instit. & §. alienus. l. si paterfam. ff. eod.

Ad L. 11. Extraneum.

Imp. Theod. & Valent. AA. Hierio PP.

Extraneum etiam penitus ignotum heredem quis instituere potest. Dat. 11. Kal. Mart. Constantin. Felice & Tandro Coss. 428.

S V M M A R I A.

- 1 Extraneus ignotus an heres institui possit?
- 2 Quod dicitur, iudicium testatoris in testamento certum esse debere, quo modo intelligatur.

Dubitatum est, ¶ an quis extraneum sibi ignotum possit instituere, propterea quod constituit inter omnes auctores iuris, iudicium testatoris in testamento certum esse oportere, & eum qui certam legem testamento dicere non possit, testamentum facere non posse, l. si in testamento. ff. de testam. & qui testam. arg. in l. illa b. Non videtur autem testatoris iudicium certum esse posse de homine, quem penitus non nouit. Sed nihilominus placuit etiam maxime ignotum institui posse. vt hic & in §. ult. Inst. eod. Nec ad ¶ rem pertinet, quod iudicium testatoris debet esse certum. Hoc enim iudicium requiritur in rebus eius & in persona eius, vt sciret se testamentum facere posse, & sciat se iure posse & habere vnde testetur, vt

declaratur exemplo d. l. si in testam. Certum quoque iudicium esse debet testatoris in eo, vt sciat nomen eius quem instituerit, ne erret in persona. Cetera quia ad voluntatem supremam testatoris nihil pertinent, quales sunt mores heredis instituti, conditio & familia eius, testatorem ignorare concessum est. Denique dum persona heredis instituti constet, ex ea demonstratione, quæ certa sit, ad institutionem heredis satis est, d. l. quoties. §. heres. ff. eod. Nihil huc pertinet, quod dicitur in l. 1. peregrinos institui non posse. Alius enim est extraneus ignotus, alius peregrinus ille, qui nulla nos necessitudine attingit; hic etiam maxime ignotus institui potest, dum ciuis Romanus sit, ille ciuis Romanus non est, vnde non potest institui, etiam si nobis notissimus sit, vt dictum ad l. 1.

Ad L. 12. Hereditatis.

Imp. Leo A. Erythrio PP.

Hereditatis vel legati, seu fideicommissi, aut donationis titulis domus, aut annonæ ciuiles, aut qualibet adificia, vel mancipia, ad ius inchoyæ vrbis, vel alterius cuiuslibet ciuitatis peruenire possunt. D. 5. Kal. Mart. Martiano & Zenone Coss. 469.

S V M M A R I A.

- 1 Ciuitates & municipia olim heredes institui non poterant, nec usdem legari.
- 2 Ratio huius constitutionis.
- 3 Contrarium hic constituitur.

Constat ¶ olim existimatum esse, ciuitates & municipia non posse heredes institui, perinde vt neque legari. Id scriptum in fragm. Vlpian. tit. qui fac. her. poss. Sed huius iuris certum est argumentum in l. omnibus. ff. ad Trebell. vbi scriptum est, Senatusconsulto effectum esse, vt municipibus fideicommissa hereditas possit restitui. Ex quo intelligimus, ante id Senatusconsultum nullam fuisse necessitatem restituendi, quia videlicet municipium capere non posset. Ratio ¶ hæc videtur, quia incertis personis tum non 2 poterat legari, §. incertis. Inst. de legat. quo ex genere putabantur esse ciuitates & municipia, quia ciuitates nihil sunt, sed ex ciuibus singulis æstimantur, ciues autem incerti. Eodem accedebat, quod non videbatur, singulos ciues adire posse, vt cernerent hereditatem.

Sed tandem ¶ obtinuit, ciuitates & municipia in 3 stitui posse, & quiduis ex alieno testamento capere, quod & ante hanc constitutionem inductum videri potest, vt colligitur ex l. 6. §. si fisco. ff. ad Trebell. Vtunque est, id diferte hac constitutione cauetur, nec mouebimur, quod incerta persona ex testamento heres institui, & capere non possit: nam singula capita ciuitatis certa sunt. Vt ipsa autem ciuitas instituitur, non singuli ciues, etsi quis putaret singulos ciues institui, tamen non minus hi certi sunt, vnde ciuitates nominantur, cum nominatur aliquid quod certo loco nominetur, id vt & locus ipse certum est, l. palam. de legat. 1. l. ait. ff. de re ind. Adde quæ dixi ad l. collegium.

Ad L. penult. Quoties.

Imp. Iustinianus A. Mennæ præfecto prætorio.

Quoties certi quidem ex certa re scripti sunt heredes, vel certis rebus pro sua institutione contenti esse iussi sunt, quos legatariorū loco haberi certum est: Alii vero ex certa parte, vel sine parte, qui pro veterū legū tenore ad certam vnciarum institutionem referuntur: eos tantūmodo omnibus hereditariis actionibus uti vel conueniri decernimus, qui ex cer-

ex certa parte vel sine parte scripti fuerint, nec aliquam diminutionem earundem actionum occasione heredum ex certa re scriptorum fieri. Dat. 8. Id. April. Constanti-
nop. Decio V. C. Coss. 529.

S V M M A R I A.

- 1 Ex re certa heres quis institui non potest.
- 2 Si quis ita sit institutus, an institutio valeat.
- 3 Quoties aliquid sit partim legitime, partim non, id quod licite sit, valet, nec per partem inutilem vitatur.
- 4 Quoties fieri aliquid volumus, etiam ea velle intelligimus, quæ necessario antecedunt, & sine quibus ad id, quod volumus, perueniri non potest.
- 5 Duobus heredibus ex rebus certis institutis quid in-
ris sit.
- 6 Vno ex re certa, alio vel aliis non ex re certa institu-
tis, quid iuris sit.
- 7 Ex re certa institutus, utrum legatarii an heredis lo-
cum habere dicatur, quid intersit.
- 8 Heres ex re certa institutus, reliquis heredibus vel he-
reditatem non aduentibus, vel deficientibus, quid
consequatur, & num. 9.

QUÆRITVR an quis institui possit ex re certa, veluti ex fundo Tusculano? Et certum est non posse, ut quidem efficiatur heres ex ea re certa. Nam heres est iuris vniuersi successor, non vnius rei; l. 9. §. heredes. ff. h. §. legatariis. Inst. de testam. ordin. l. hereditas. ff. de re indicat. l. nihil al. ad. de verb. sig. Vnde et rursus quaesitum est, an si quis ita sit institutus heres, institutio valeat? Et placuit valere, ut vel institutus legatum solum haberet, vel ut in totum heres esset: ut constat ex hoc loco, l. 1. §. si ex fundo. l. si alterius. cum l. seq. ff. eod. Sed qui ita institutus est ex re certa, placet alias eum heredem esse in totum, alias legatarii locum habere. Pro herede habetur, si solus ex ea re certa institutus est, d. l. 1. §. si ex fundo. Sed hic primum repugnat ratio iuris: nam dicitur neminem ex re certa heredem esse posse. Respondeo: Cum dicimus, institutum hoc casu heredem futurum etiam in vniuersum heredem fieri: non enim ex fundo dixi, ut sit heres, vel quasi sine mentione fundi simpliciter institutus esset, ut ibidem scriptum est.

Sed rursus hic repugnat scriptura testamenti. Nam testator institutum non simpliciter heredem voluit, sed ex re certa. Respondeo: Is qui heres institutus est esset si posset, nunc quia non potest, idcirco quod non legitime adiicitur, pro non adiecto habetur ut sic institutus fiat heres detracta mentione fundi, idque congruit cum ea definitione: Quoties et aliquid sit, sed partim legitime partim non, id quod licite sit, valere, neque vitari per alteram partem inutilem placuit, l. 1. §. antep. ff. de verb. oblig. Quod contingit in hac institutione: nam testator vult primum Sempronium sibi esse heredem, hoc vtiliter facit, & ideo heres erit. Vult præterea heredem esse ex certa parte, hoc vero inutiliter adiicitur, proinde pro non adiecto habetur. Qua ratione receptum est, etsi quis heres institutus sit ex die, is institutus intelligatur detracta mentione diei, l. hereditas. ff. eod.

Sed rursus eadem utilitas testatoris restringi videtur, quo minus is qui institutus sit in totum heres. Nam cum testator eum instituit ex re certa, amplius eum habere nihil voluit, ac proinde ex voluntate testatoris heres non erit. Respondeo: Imo hoc ipso, quod testator voluerit heredem institutum rem certam habere, etiam illum heredem esse voluit, quia

eam rem ex testamento habere non potest, nisi adi-
tur hereditas ex testamento, l. nunquam. j. de fideicom. Non poterit ex eo hereditas adiri, nisi is qui institu-
tus est, sit heres. Proinde testator eum quoque here-
dem esse voluit. Quoties et enim fieri aliquid volu-
mus, etiam ea velle intelligimus, quæ necessario an-
tecedunt, & sine quibus ad id quod volumus perue-
niri non potest, l. illud. in fin. de acquir. her. l. 1. §. i. ff. si v-
sus fr. per. l. 2. ff. de cond.

Idem iuris est, si duo sint heredes ex rebus certis
institutis. Nam & hic, cum non possint eas res conse-
qui ex voluntate testatoris, nisi & ipsi heredes sint, sit
ut ex eadem voluntate heredes sint, & quoniam non
possunt heredes esse, nisi detracta singularum rerum
mentionem, sit ut non pro modo rerum legatarum
sint heredes, sed ex æquis partibus, l. si alterius. §. l. seq.
ff. eod. Solum res ex quibus instituti sunt percipiunt
prælegati iure in diuisione hereditatis, de quo multis
verbis differitur in l. ex facto proponatur. ff. eod. Quod
si et vnus institutus sit ex re certa, alius autem aut alii
institutis non ex re certa, hic locum habet hæc consti-
tutio, qua cauetur eum, qui ex re certa institutus est,
legatarii loco, non heredis esse: eum autem eosque,
qui non ex re certa instituti sunt, solos heredes esse,
solos exercere actiones hereditarias, solos a credito-
ribus hereditariis conueniri, & solos in summam he-
reditatis oneribus teneri. Differentiam non facit so-
la voluntas testatoris: nam quoties testator instituit
aliquem ex re certa, toties vult eum rem solum ha-
bere, si habere eam potest sine hereditate. Quod si
eam habere non potest nisi sit heres prius, vult quo-
que heredem prius esse. At prioribus duobus casu-
bus quos commemorauimus, institutus ex re certa,
eam rem habere non potest, nisi prius sit heres, ut ei-
us aditione testamentum confirmetur, & proinde
seruaretur voluntas testatoris; quo fit, ut etiam sit he-
res. In hoc autem postremo, de quo agitur hac con-
stitutione, euenit, ut heres ex re certa institutus, eam
rem solam habere possit, etiam si non sit heres, quia
alii sunt heredes instituti: nam ex re certa, quia veri
heredes existere possunt, & quorum aditione testa-
mentum confirmetur, ut sit ex eo testamento res cer-
ta, quæ huic ex re certa instituto præstari possit. Ergo
ut dicimus hic qui exemplo proposito ex re certa in-
stitutus est, legatarii tantum loco habetur.

Quid et interest utrum legatarii locum eum habe-
re dicamus, non heredis? Hoc interest, quia legatari-
us nihil consequi potest præter rem legatam, heres
autem in vniuersum ius defuncti succedit, l. heres in
omne. de acquir. her. Præterea legatarius sine onere le-
gatum habet, id est non tenetur creditoribus heredi-
tariis, soli heredes rei alienæ obnoxii sunt, l. ult. §. de
her. act. l. si hereditas. ff. mandat. Ceteri autem heredes
institutis soli heredes sunt, & in solidum tenentur si-
ue instituti sint sine parte, siue ex certis tantum ratifi-
que, ut hic adiicitur. Sine parte hoc modo: Primus ex
fundo Tusculano, heres esto. Secundus & tertius he-
redes sunt. Dicimus hoc casu secundum & tertium
solos obligari iure alieno, quod dubitationem non
habet, quia heredes sine partibus instituti, in totum
institutis intelliguntur, l. quoties 9. §. heredes. ff. h.

Ex certis vnciis institutis sit hoc modo: Primus ex
fundo Tusculano heres esto, secundus & tertius
vnciis heredes sunt. Dicimus hic secundum & ter-
tium in solidum heredes esse, & teneri creditoribus
hereditariis. Hoc vero videbatur absurdum, teneri

videlicet istos in duabus vnciis, in quas diuiditur hereditas, cum verbis testatoris solum instituti sint ex 4. vnciis. Huius ergo dubitationis remouendæ causa in hac adicitur constitutione, reliquos heredes, quamuis ex certis vnciis instituti sint, nihilominus tamen heredes in solidum futuros, & onera hereditaria admissuros. Non obstat, quod sunt tantum ex 4. vnciis instituti: nam quoties testator certas tantum vncias nominat, in his totam hereditatem ponere intelligitur, *l. interdum. §. i. ff. eod. §. hereditas. Instit. eod.*

Sed hæc omnia ita se habent, si in hac specie hi, qui sine re certa instituti sunt, aut omnes, aut quidam ex iis hereditatem adierunt, vt sic testamenta confirmantur, & legatum præstari possit ei, quem legatarius esse volumus. Sed quid si nemo ex heredibus institutis hereditatem adeat? Prima ratione videri potest ei, qui ex re certa institutus est, nihil deberi; non eam rem certam, quia ea legata est, quo nomine dicitur legatarius is, qui institutus est: hereditate autem ex testamento non adita, nullum legatum deberi potest, *d. l. eam quam. infr. de fideicom.* Rursum nec deficientium heredum portiones huic ex parte instituta possunt accrescere, quoniam ipse non est heres, sed legatarius: portiones autem deficientes solum ei accrescunt, qui & ipse sit heres, & prius portionem hereditatis adierit, *l. qui ex plurib. §. ult. ff. de atquir. her. l. i. §. ult. §. l. ff. de bon. poss. l. si ex pluribus. de suis & legit. hered.*

Sed dicemus, si eum, qui ex parte institutus est, aliis heredibus institutis deficientibus solum heredem esse, quasi institutus esset detracta rei certæ mentione. Nam hoc ius futurum erat, si solus heres institutus esset ex re certa, *l. i. §. si ex fundo. de her. instit.* In specie autem proposita, cum hi, qui instituti heredes erant sine re certa, hereditatem non adeunt, solus reperitur institutus esse is, qui ex certa re institutus est. Proinde eodem modo solus heres erit, non quasi iure accrescendi aliorum portiones obtinuerit, sed quasi ab initio solus heres institutus esset, vt dictum. Non obstat, quod in hac constitutione dicatur legatarii loco esse, qui in specie proposita ex re certa institutus est. Hoc enim totum sic accipiendum est, si alii non ex re certa instituti heredes sint, quod fit, illis hereditatem adeuntibus. Idque satis ostenditur ex eo, quod iubentur actionibus hereditariis vri & teneri. Idem declarat verbum legatarii: nam is qui ex re certa institutus est, non potest esse legatarius, nisi legatum consequatur: non potest autem consequi, si ex testamento alii hereditatem non adierint.

Huic distinctioni, quæ hic tradita est, male vulgo putant aduersari *Auth. nonissime. sup. de inoff. testam.* In quo agitur de filio, qui trientem habere debet, vel institutionis, vel quouis titulo, ex quo intelligimus, eam legem ad speciem huius constitutionis nihil pertinere omnino. Nam hic aut filius instituitur non ex re certa, aut illic res certa relinquitur, sed non instituitur heres: nobis autem hic sermo est, de eo qui coniunctim instituitur heres, & vitiose instituitur nempe ex re certa.

Ad L. ultimam. Cum in.

Imp. Iustinianus A. Ioanni præfecto prætorio.

Cum in libris Ulpiani, quos ad Masurinum Sabinum scripsit, talis species relata sit, hanc aperius expedire nobis visum est. Quidam testamentum faciens ita instituit, Sempronius Plocii heres esto. Veteres quidem existi-

mabant, errorem nominis esse, & sic institutionem valere, quasi testator Plocium nominaretur, & Sempronium sibi scripsisset heredem, &c.

S Y M M A R I A.

- 1 *Institutio hac, Sempronius Plocii heres esto, quo accipienda modo, & an valeat vel minus.*
- 2 *Iustiniani super controuersia huius institutionis decisio. & nu. 4.*
- 3 *Heres heredis heres quoque est testatoris.*
- 5 *Ius certum circa interpretationem voluntatis testatoris obseruandum.*
- 6 *Error nominis in institutione non nocet.*

Testator ita heredem instituit: *Sempronius Plocii heres esto*, siquidem testator Plocius vocetur, expedita interpretatio est huius institutionis. Sic n. est, accipienda, quasi testator instituerit sibi, vt de se subtertia persona sit locutus. Sin testator Plocius non vocetur, quaesitum est an valeat institutio? Non valere statim dixeris, quia testator sibi heredem non instituit: instituit Plocio, sed non potuit, quia incerta est voluntas testatoris, si quis legauerit rei suæ non alienæ, *l. verbis leg. de verb. sig. l. testandi. §. prox. tit.* Rursum institutionem valere dixeris, vt valeat detracta Plocii mentione, quemadmodum fieri dicimus in iis speciebus institutionum, de quibus *ad l. pen. sup. dictum est. l. i. §. si ex fundo. ff. h.* Quod posterius veteres quidam secuti sunt, quasi non videretur testator satis nominis sui meminisse.

Iustinianus ita hanc controuersiam decidens ita constituit: Institutionem hanc duobus casibus recipi posse: Vnus est si testator alicui nomine Plocio heres prius exstiterit. Sic enim accipietur institutio, quasi testator iusserit Sempronium sibi heredem esse, ac per se Plocio. Quæ interpretatio ita recte defenditur: cum enim testator iubet Sempronium heredem esse Plocio, intelligitur velle ea omnia, sine quibus Plocio heres esse non potest, *arg. in l. illud. de acq. her. l. 2. ff. de iurisdict.* Non potest autem Sempronius Plocio heres esse, nisi prius testatori heres exstiterit, cui si exstiterit heres, idem quoque Plocii heres erit. Proinde ex voluntate testatoris Sempronius testatori heres erit, ac per Sempronium heres erit Plocio. Idque consentaneum est regulæ iuris: Heredem heredis, heredem quoque esse testatoris, quæ regula hic refertur, estque sententia iuris certi, *ex l. 3. de per. her. l. interdum. de appell. l. sciendum est heredem. de verb. sig.* Secundum quam regulam dicemus, in proposito Sempronium cum heres factus erit defuncti, de cuius testamento nunc agitur, heredem quoque futurum testatoris Plocii, cui defunctus hic heres exstiterat, & merito, nam in proprio defuncti reperiuntur omnes hereditates eorum, quibus prius heres factus erat. Altero casu defenditur hæc institutio, si testator aliquem Plocium sibi heredem instituit, deinde ita scripsit: *Sempronius Plocii heres esto.* Hic enim sic accipitur hæc institutio, vt Sempronius testatori sit heres, si Plocius heres institutus, heres non erit. Sed videtur hæc interpretatio verbis institutionis plane repugnare, ac propterea admitti non debere. Nam verba institutionis exigunt, vt Sempronius fiat heres Plocio, secundum sententiam autem Iustiniani sic heres testatori non Plocio. Nam ex substitutione vulgari, qualem hic interpretatur Iustinianus, testatori succeditur, non heredi instituto, *Instit. de pupill. substit. diserte dicitur in prim.* Respondeo: Fatendum est,

est Sempronium in proposito secundum verba institutionis, admitti non posse ad hereditatem testatoris, sed secundum sententiam testatoris admittitur, & institutio valet. Nam his verbis, Sempronius Plocii heres esto, intelligitur testator prius Plocium heredem instituisse, deinde Sempronium ei substituisse, in pupillarem casum, siue in secundum casum, si Plocius heres erit; & intra aliquot annos postea decesserit. Quod ita interpretamur, quia qui in hunc casum primo heredi substituitur, fit heredi instituto heres, non testatori, *dict. leg. de pupill. substit. in princ.*

Est et autem ius certum circa interpretationem voluntatis testatoris, quoties testator primo instituto aliquem substituit in secundum casum, si primus heres erit, videri etiam eundem substituisse in primum casum, vulgare, si primus heres non erit, *l. tam hoc inter, D. de vulg. sub.* Ex hac vulgari substitutione tacita hæc institutio defenditur.

Quod si testator neque existerit heres alicui Plocio, neque Plocium aliquem heredem instituerit, placet institutionem inutilem esse. Hic occurritur.

At error et nominis non nocet: quid igitur prohibet, quo minus hic errante testatore intelligatur semper heres institutus esse? De nomine est in *l. 3. §. 1. D. de legat. 1.*

Respondeo: Non dicimus institutionem ideo hic non valere, quasi testator in nomine proprio errauerit, & hic error noceat: tantum enim abest, ut hæc reiiciatur institutio propter errorem nominis, ut nominatim Iustinianus dicat, ideo non improbari, quia testator in nomine errauit. Non vero verisimile esse quenquam in nomine suo errare. Sed hæc ratio est, quam initio ostendit, quia potuerit testator sibi heredem instituere, sed noluit.

At quomodo cum quis ex re certa instituitur, institutio valet rei certæ detracta mentione? Item cum quis institutus est ex die, institutio recipitur, detracto eo die, *l. hereditas, D. eod.* Respondeo: Quia in superioribus causis testator voluerit eum, quem instituit, aliquo modo heredem esse, ut aliquo modo capere non possit etiam heres, nisi inutilibus detractis. Ea igitur secundum voluntatem testatoris detrahuntur, ut sit heres quem instituerit. In proposito autem apparet testatorem non instituisse Sempronium sibi, sed Plocio, non detraheretur igitur, quod testator adiectum voluit, ne fiat illi heres is, quem sibi heredem esse noluit.

AD TITULUM XXV. COD. De Institutionibus, & substitutionibus, & restitutionibus sub conditione factis.

SUMMARIA.

- 1 Continuatio huius tituli cum superiore.
- 2 De institutione quæ fit sub conditione tria quaruntur.
- 3 I. An omnes sub quavis conditione institui possint.
- 4 Condicio quæ aperte verbis in alienam transfertur voluntatem inutilem reddit institutionem; secus, si tacite id fiat.
- 5 Institutio captatoria institutionem vitiat & tollit.
- 6 II. An condicio sit expectanda.
- 7 Impossibilis condicio in testamento pro non adiecta habetur.
- 8 III. An si condicio expectanda est, ita expectanda sit, ut nisi impleatur, nulla sit institutio, nullum legatum.

Dictum est et prox. tit. ut institutio valeat duabus in rebus positum esse, in persona heredis, ut sit qui institui possit, & in instituendi modo, ut rite facta sit institutio. De persona heredis illic dictum est. Instituendi modus hic enarratur. De eo autem in summa hoc est satis. Heredem pure institui posse citra controuersiam: ex die aut ad diem non posse: sub conditione autem itidem posse, *§. heredem, Instit. de hered. instit. l. hereditas. D. h.* Hinc et de institutione quæ fit sub conditione tria quaruntur. I. An omnis sub quavis conditione institui possit? II. Si quis sub conditione recte instituitur, ut institutio valeat, an omnis conditio, id est, eius euentio, sit expectanda? III. Si expectanda est, an conditione non impleta inutilis sit institutio?

Quod quaritur et an omnes sub quavis conditione institui possint, de eo sic habendum est, regulariter posse: sed hic & quasdam personas excipi, & in omnium heredum persona quasdam conditiones. In personis excipiuntur filii, qui sunt in potestate testatoris, quos placuit non posse heredes institui, nisi sub ea conditione, quæ sit in eorum potestate, *l. 4. b. vbi* dicitur. In omnium autem persona heredum, excipiuntur duæ conditiones, quibus adiectis inutilis est institutio. I. Illa conditio, quæ aperte verbis in alienam voluntatem transfertur, ut puta hæc inutilis est institutio, Titius heres esto, si Mercurius voluerit, vbi voluntas Mercurii aperte exprimitur. Diuersum est, si conditio conferatur in voluntatem Mercurii, sed tacite, utpote hæc institutio valet, Titius heres esto si Mercurius Capitolium ascenderit, tametsi sit in potestate Mercurii Capitolium ascendere aut non. Hæc in *l. illa, D. de her. instit. l. si quis Sempr. eod. l. nunquam, D. de cond. & dem.* ad quam distinctionem pertinet regula iuris, cuius est hic sensus. Si quid lex adici verat, id ita nocet, si expressum sit: quod si expressum non sit, non nocet etiam si intelligatur. Huius generis est hæc voluntas extranei, quam lex in conditione institutionis huius adici verat. Alterum et genus est conditionis, quæ captatoria est, & captatoriam facit scriptura, veluti Titius heres esto si me heredem instituerit. Huius generis institutiones, & legata nullius sunt momenti, *l. captatoria, D. de testam. milit.* vbi de hoc genere dicitur.

Si iuste & recte institutio sub conditione facta est, sequens est et quæstio, an conditio sit expectanda? Et hic hoc conuenit inter institutionem, quæ fit ex die, & eam quæ fit sub conditione, quod utraque pariter valeat, ut heres admittatur. Hæc differentia est, quod diei adiectio inutilis est, *d. l. hereditatem, D. de hered. instit.* Condizione autem adiecta & institutio vtiliter fit, & conditio vtiliter adicitur, id est, quod querimus, conditio est expectanda, *l. vñ. §. sententia, j. de cond. toll.* Differentiæ ratio nata est ex regula iuris, quæ efficitur. Neminem in paganis pro parte testatum, & pro parte intestatum decedere posse, *l. ius nostrum, de reg. iur.* Aduersus hanc regulam peccatur, si dies vtiliter adicitur, & ob hanc causam pro non adiecta habetur. Non item peccatur, si conditio admitteretur: Nam cum testator heredem instituerit, post duos annos, quæ moriatur, ante eos duos annos heredem esse non vult, ac proinde intestatus pro eo tempore decedit, sic fit, ut velit interim hereditatem ad legitimos heredes pertinere: argumento est quod ita res transigeretur, si heres ex die a milite institutus esset, *leg. miles ita, de milit. testamen.* Hoc autem ut

dixi regula iuris non patitur in paganico testamento, ut testator pro parte temporis testatus, & pro reliqua intestatus decedat, ubi testator heredem instituerit sub conditione, quemadmodum conditione deficiente non vult institutum in totum heredem esse. Sic conditione contra existente vult in totum esse heredem, non tantum pro eo tempore quod sequitur euentum conditionis, sed etiam pro tempore antecedente, ut appareat conditionem non temporari adici, id est, adici eo, ut intelligatur an testator voluerit institutum heredem esse, non autem ex quo tempore voluerit. Ita rursus fit, ut ex conditione aut in totum testatus decedat, aut in totum intestatus, siue conditio defecerit, siue exstiterit.

Sed hæc de conditionibus possibilibus dicta sunt.

- 7 Impossibilis \dagger conditio in testamento pro non adiecta habetur, l. 3. D. de cond. & demonstr. l. 1. de condit. insti. §. turpis her. insti. aliter atque in contractibus, §. si impossib. de inutil. stip. l. non solum, de verb. oblig. Proinde impossibili conditione institutioni adiecta is qui institutus est, erit heres omni modo, si velit, ut is qui pure institutus erit. Impossibiles conditiones quædam sunt natura, quædam iure: natura, veluti, si digito cælum attigerit. Postrema questio, \dagger si conditio expectanda est, an ita expectanda est, ut nisi impleta sit, nulla sit institutio, nullum legatum, cui conditio erat adiecta? Responsio cõsequens est superioribus, postquam conditio vtiliter adicitur, nisi ea impleta sit, nullam institutionem esse, nihil denique deberi, l. cedere, de verb. sign. quod tamen nõ est perpetuum, nam interdum quæ reuera non est impleta conditio, pro impleta habetur, de quo est in l. 1. b.

Ad L. 1. Cum auum.

Impp. Seuerus & Antoninus AA. Alexandro.

Cum auum maternum ea conditione filiam tuam heredem instituisse proponas, si Anthylli filio nupisset: non prius eam heredem existere, quam conditionis paruerit, aut Anthylli filio recusante, matrimonium impeditum fuerit, manifestum est, PP. Calend. Octob. Annulino & Frontone Coss. 200.

S V M M A R I A.

- 1 Conditionum distinctio, in questione, an conditio pro impleta habeatur, adueriendæ.
- 2 Casualis conditio quocunque modo defecerit, institutio nulla est, legatum nullum.
- 3 In conditione potestativa, si per eum in cuius persona implenda est, stat, quo minus impleatur, pro impleta habetur.
- 4 Item si conditio hoc casu non impleatur, cum per rerum naturam impleri non possit, conditio deficit & nulla est institutio, nullum legatum.
- 5 Is cuius interest conditionem impleri, intelligitur in cuius persona conditio est implenda.
- 6 De eo, in cuius persona conditio est implenda, casu mortuo, auctorum iuris dubitatio & triplex præsertim varietas aduertenda est, §. nu. 7. 8. & 9.
- 10 Prædictorum conciliatio.
- 11 In conditionibus ceteris, quæ in alterius persona impleri debent, quid obtineat.
- 12 Conditio possibilis non impleta, sine exceptione defecisse intelligitur.
- 13 Conditio impossibilis pro impleta habetur.

Cum quaeritur \dagger an conditio pro impleta habeatur, videndum est, cuiusmodi sit: Nam quædam conditiones conferuntur in euentum, quædam in potestatem heredis, aut legatarii. Priores dicuntur a Iustiniano casuales, posteriores potestativæ, l. vn. §. sui aut. infr. de cad. toll. Casualis \dagger conditio, quocunque modo defecerit, institutio nulla est, legatum nullum. Non enim hic spectamus quid voluerit hic qui instituitur, cum voluntate testatoris non sit conditio in voluntatem eius aut potestatem collata, sed in casum, ex quo testator legatum seu institutionem valere voluit. Quod si conditio in potestatem heredis collata sit, ita ut impleri debeat in persona alterius, in hoc genere hæc distinctio est. Nam \dagger si per eum in cuius persona conditio implenda est, stat, quominus impleatur conditio, pro impleta habetur. Hoc autem \dagger casu si conditio ea non impleatur, cum per rerum naturam impleri non possit, placet conditionem deficere, & nullam esse institutionem, nullum legatum, quantumvis per heredem aut legatarium non steterit, quo minus conditio impleteretur. Vtriusque partis distinctiones suppeditat l. 1. Cuius distinctionis pars prior expressa est in leg. 5. vers. sed si. Dig. quando dies leg. ced. & statuitur discrete in exemplo h. l. si Seia Titio nupserit.

Eadem regula est expressa a Veteribus his verbis: Quoties per eum, cuius interest conditionem impleri, stat, quo minus impleatur, toties pro impleta habetur. Item l. L. iur. civil. de reg. iur. Is cuius \dagger interest conditionem impleri, intelligitur in cuius persona conditio implenda est, utpote ad quem ex ea re aliquid peruentum est: Ut in hac conditione, si heres Stychem manumiserit, Styche est is, in cuius persona conditio implenda est, & ita cuius interest impleri, nam ex eo consequitur libertatem. Ita in hac conditione, si Titio decem dederit, Titius est is, in cuius persona conditio implenda est. Iam cuius interest conditionem impleri, ut decem consequatur, talis est Titius in hac conditione, si Seia Titio nupserit: Nam & Titius impleta conditione accipiet uxorem. Ergo eius interest. Quæ conditio eleganter negative expressa est, & recte iis verbis: Quoties per eum, cuius interest conditionem nõ impleri, stat, quo minus impleatur, toties pro impleta habetur, l. iur. civil. de cond. & demonstr. Is cuius interest conditionem non impleri, est is qui conditione impleta debitorus est utpote heres, l. Iulius, §. ultim. de cond. & demonstr. Veluti si quid legatum sit Titio, si heredito. daret, hic vere dixeris interesse heredis conditionem impleri ut decem accipiat, & rursus interesse non impleri, ne impleta conditione legatum debeat. Generaliter autem si stet per heredem seu per eum, qui impleta conditione debitorus est, quo minus conditio impleatur, toties pro impleta habetur dict. l. 5. vers. sed si ea, D. quando dies leg. d. l. Iulius, de condit. & demonstr. Hæc pars nullam dubitationem habet.

Altera pars distinctionis supra scriptæ, de eo in cuius persona conditio implenda est casu mortuo, magnas dubitationes habet. Varia enim & in speciem pugnantia tradita sunt de hoc genere a veteribus. In eo \dagger autem varietatem triplicem animaduertere possumus. Nam \dagger cum is in cuius persona conditio implenda est, mortuus est priusquam recusaret admittere conditionem; quædam sunt definitiones in quibus responderetur defecisse citra distinctionem. Qualis est hæc conditio, si Seia Titio nupserit, vbi

Vbi Titio mortuo priusquam matrimonium recusa-
ret, placet Seiam conditione desertam videri, siue
Titius decesserit viuo testatore, siue mortuo. Quæ
sententia nō obscure colligitur ex hoc rescripto, sed
diserte expressa est in *l. legatum, D. de cond. inst. l. 3. de
cond. & demonstr.*

Quædam sunt definitiones, in quibus contra
conditio pro impleta habetur, qualis est hæc condi-
tio, si alimenta libertis legata sint, si cum matre aut
liberis testatoris morarentur, nam quo minus cum
matre aut liberis morati sunt, placet alimenta nihi-
lominus deberi, si per libertos nō steterit quo minus
morarentur, *l. 1. de leg. l. ann. m. de an. leg. l. Caio. §. 1.
de alim. & cib. leg.* Est tertium genus conditionum,
in quo ipso veteres videntur contraria scripsisse. Tal-
is est hæc conditio, si heres Stychem manumiserit.
Nam mortuo Stycho quibusdā in locis scriptum est
conditionem pro impleta haberi, vt in *l. qua sub cond.
§. quoties, de cond. inst. & laurpia, §. 1. de leg. 1.* Aliis in
locis contra scriptum est, conditionem defecisse vi-
deri, siue mortuo testatore Stychnus decesserit, siue
viuo, *l. inde Nerat. §. idem Iulianus, D. ad l. Aquil.* Quæ
vt dixi non de re contraria videri possunt. Nec enim
audiendi sunt interpretes, qui ista genera conantur
distinguere. Aiunt hanc conditionem si heres Sty-
chum manumiserit, esse in potestate solius heredis.
Iam autem conditionem, si Seia Titio nupserit, esse
in potestate partim Seia partim Titii. Nam utroque
mortuo, perspicuum est neutrum fuisse in potestate
heredis, utpote quæ casus mortis pariter impeditur.
Deinde, quemadmodum in potestate est Titii matri-
monium, ita in potestate est Titii efficere, ne manumit-
tat, vel fugiendo, vel sibi manus inferendo. Idē quoq;
in manu Dei positum est, si illi mortē attulerit. Neq;
enim illud verum est, quod dicunt in hac cōditione,
si liberti cum matre morabūtur, mortua matre, con-
ditionem pro impleta esse fauore alimentorū. Nam
in *l. illis, de cond. & demonstr.* dicitur, hanc cōditionem
superiore casu non pro impleta esse, sed defecisse.

Hæc sunt vt conciliari possint, statuendum est ita. Pri-
mum animaduertendum est in hac conditione, si li-
berti cum matre non morabantur, propriū quod-
dam esse diuersum a ceteris huius generis conditio-
nibus, vt scilicet mortua matre & generaliter condi-
tione quoquo modo impedito, conditionē pro im-
pleta videri, dum modo nō stet per libertos, quo mi-
nus morantur. Id autē intelligitur ex fine huius condi-
tionis. Nam cum testator libertos morari iussit cum
matre, voluit vt non modo obsequiū præstent matri
& iis cum quibus morari debent, id notatur in *d. l. il-
lis, D. de cond. & demonstr.* Porro quod hic exigitur obse-
quium ab libertis, non est positum in facto morandi,
sed in propensione voluntatis. Is enim obsequio sa-
tisfacere intelligitur, qui paratus est obsequi, modo
liceat, quemadmodum hi serui dicuntur seruasse, qui
cupientes seruire non potuerunt, quia agrotierant,
l. 4. §. Stychnus, de stat. liber.

Ceteræ omnes conditiones quæ in alterius perso-
na impleri debent, sunt dissimiles. In his autem cum
quæritur, an mortuo eo, in cuius persona cōditio im-
plenda erat, conditio pro impleta habeatur? distin-
guendum est. Interest enim vtrum mortuus sit tunc,
cum conditio potuit impleri, an vero tunc cum non
potest. Nam priore casu conditio sine exceptione
defecisse intelligitur, quia fuit possibilis, cōditio, au-
tem implenda est, si potest *l. qua sub cond. §. quoties, in*

fi. de cond. inst. id est, si potest impleri iure & natura.
Vnde intelligimus, si tum non est impleta, defecisse
videri. Posteriore autem casu conditio pro impleta
habetur, quoniam quæ conditio impleri non potest,
est impossibilis. Impossibiles autem cōditiones non
nocent, non tam quod habeantur pro impletis, quæ
impleri nō potuerāt, quam quod habeantur pro non
adimplendis, *l. 3. de cond. & demonstr.*

Ex hac distinctione natum est, quod distinguatur
conditiones a veterib; si Seia Titio nupserit: & si he-
res Stychnum manumiserit. Scire enim oportet hanc
conditionē, si Seia Titio nupserit, quandocunq; im-
pleri posse, nō solum mortuo testatore, sed etiam te-
statore adhuc viuo, *l. hac cōditio 10. l. cond. 9. de cond. &
demonstr.* Contra autē hæc conditio, si heres Stychnum ma-
numiserit mortuo testatore impleri potest, viuo non
potest, *l. 2. de cond. & demonstr.* Ob hanc causam placuit in
hac conditione, si Seia Titio nupserit, Titio quando-
cunq; mortuo conditionē defecisse, & Seiam here-
dem Titii futuram, scilicet, quia quandocunq; Ti-
tius decessit, tunc decedere intelligetur, cum Seia illi
nubendo conditionē implere potest. At in hac con-
ditione, si Seia Stychnū manumiserit, resaliter se ha-
bet. Nā si Stychnus decessit, adhuc viuo testatore, pla-
cet Seiam heredem conditione defecita non esse, sed
conditionem pro impleta videri.

Hæc est species *l. qua sub cond. §. quoties, de cond. inst.*
vbi proponitur Stychnus mortuus, sed nominatim ad-
iicitur viuo testatore. Igitur hoc casu cōditio defecis-
se nō videtur, quia tunc cōditio fuit impossibilis he-
redi, sub hac conditione instituto. Non enim potuit
eam iure implere. At si idē Stychnus moriat mortuo
testatore, conditionē placet defecisse videri, & eum
qui sub cōditione institutus est, heredem non futu-
rum. Hæc enim species est *l. inde §. idem Iulianus, D.
ad leg. Aquil.*

Sed vtraque species huius distinctionis, suas obie-
ctiones habet. Nam 1. quod dicitur, si Stychnus viuo
testatore, decesserit conditionē pro impleta haberi,
id negari videtur in *d. l. inde Nerat. §. idem Iul. ad l. A-
quil.* Non enim tātum illic dicitur, si Stychnus occisus
sit mortuo testatore defecisse cōditionem, sed etiam
adiicitur: si viuo testatore occisus sit, æstimationem
heredis cessare. Quibus verbis significatur, etiā hoc
casu amissam esse hereditatē domino, qui conditio-
ne defectus sit, sed tantū hoc casu hereditatē nō esse
æstimandam in actione *l. Aquilæ de seruo occiso.*
Hoc loco adducti interpretes, generaliter statuerūt,
quocunq; tempore occisus sit Stychnus, conditionem
superiorem defecisse videri, diuersum esse si Stychnus
nō sit occisus, sed naturaliter mortuus sit, quo rursus
casu statuunt, semper conditionē haberi pro imple-
ta, quocunq; tempore mortuus sit, & ita interpre-
tantur *d. l. qua sub cond. §. quoties, de cond. inst.*

Et nos hanc distinctionem sequeremur libenter,
vt non improbabilem plane, nisi & verba Vlpiani &
vera ratio huic definitioni refrageretur. Nam Vlpia-
nus in *d. l. qua sub cond. §. quoties inst. §. 1. de Stycho*
mortuo nihil distinguit quando mortuus sit, tam
enim moritur qui occiditur, quam qui naturaliter
moritur. Deinde vera ratio facit, vt in quibus causis
eadē ratio est, in iis idē ius statui debeat, *l. illud, D.
ad l. Aquil.* Nihil autē interest ad casum nature, an Sty-
chnus naturaliter moriatur, an occidatur ab alio, tam
n. casu moritur, qui moritur natura, quā qui ab alio
occidit. Ac pinde in vtraq; morte ad conditionē vel

implendam vel deficientiā nihil interest. Nam quod illi hanc rationem differentiæ reddere conatur, plane ridiculū est. Volunt, cum Stychnus ab alio occisus est, ideo conditionem defecisse, quia dominus sub ea conditione institutus, hereditatem persequi possit ab eo qui occidit. Quod preposterum & absurde dicitur. Non enim ideo conditio deficit, quia dominus hereditatem amissam persequi potest, sed ideo, persequi potest, quia prius conditio defecit. Oportet igitur prius demonstrari conditionem defecisse, deinde tractari de hereditate persequenda. Isti autem contra naturam faciūt priorem persecutionem domini, quam defectum conditionis.

Deinde si hanc rationem sequimur, cōditio hæc, si heres Stychnum manumiserit, pro implenda habebitur, si viuo testatore occisus sit. Nam hoc casu dominus hereditatem ab extraneo cōsequi non potest, ut dicitur nominatim, *in d. l. inde Nerat. §. idem Iul.* Et tamen illic sequitur conditionē videri defecisse hoc casu. Tenebimus igitur: Vbi viuo testatore Stychnus decessit siue, naturaliter siue, occisus sit, cōditionem non videri defecisse ob eam rationem, quam supra dixi, quia tum conditio sit impossibilis probatu, *in d. l. qua sub condit. §. quoties, de condit. & demonstr.* Ad obiectionem autem, *l. inde Neratius. §. idem Iul.* sic respondemus: Illic non dici, si Stychnus viuo testatore occisus sit, conditionem defecisse, ut in priore casu, sed dici hoc casu hereditatis æstimationem cessare, etsi conditio defecerit, quod ideo dicitur ab Ulpiano, quia etiam si viuo testatore Stychnus occidatur, interdum tamen potest deficere conditio, ut puta si testator fecerit potestatem Titii manumittendi, etiam se viuo. Item ita instituendo, Titius mihi heres esto, si Stychnū manumiserit, vel me viuo, vel me mortuo. Ceterum si testator simpliciter ita scripserit: Si Stychnum manumiserit, cōstanter tenendum est, eam conditionem viuo testatore impleri non posse, *d. l. 2. D. de condit. & dem.* Quod si impleri non potest, ne deficiente quidem potest, quæ est impossibilis.

Rursus quod dicitur: si Stychnus mortuo testatore decesserit, conditionem defecisse, siue naturaliter mortuus sit, siue occisus sit ab alio: Hæc quoque pars incurrit in alios locos speciē contrarios, in quibus generaliter tradi videtur: mortuo Stycho superiorē conditionem haberi pro implenda, quādoque mortuus sit, hac ratione, quia per heredem aut legatarium non stat, quo minus Stychnus manumittatur qui mortuus est. Hoc scribi videtur primo *in d. l. qua sub condit. §. quoties.* Nam in extremo illa verba sunt: Nam mortuo Stycho nemo diceret heredem submouendum, implenda est enim conditio si potest Respondeo hæc verba postrema, ad priora referenda sunt: Nam Ulpianus eo loci persequitur vnum eundemque sermonem. Initio autē proposuerat de Stycho, qui mortuus est viuo testatore, quæ igitur sequuntur, cum eadē adiectione intelligenda sunt, ut sit sensus: Nam mortuo Stycho, viuo adhuc testatore, ut proposuimus, nemo dicit heredem submouendum, implenda est enim conditio si potest natura impleri, quod non sit, vbi Stychnus viuo testatore moritur.

Rursus hic obstat *l. turpia, §. i. D. de leg. 1.* vbi ita scriptum est generaliter, sed etsi mors Stychi peremerit manumissionem, cum legatum esset, si legatarius Stychnum manumississet, legatū debebitur: quia per legatarium non stat, quo minus cōditio implea-

tur. Responso est in his verbis, si mors Stychi impedierit manumissionē: Et illa verba intelligenda sunt viuo testatore, nam prius scriptum erat, si Scia legatum relictum esset sub conditione, si Titii arbitratu nupisset, & Titius viuo testatore mortuus esset, legatum deberetur. Cōtinenter subiicitur, sed etsi mors Stychi impedierit manumissionem, ex quo apparet hæc verba ad priora referri, ut sic idem casus intelligatur ut prius.

Postremo obstat, *l. si fundum per fideius. §. de legat. 1.* vbi proponitur fundus legatus esse Titio, & Titius rogatus Stychnum seruum alienum manumittere, videtur Stycho mortuo Titium legatum consecuturum, vbi non dubium est, quin intelligi debeat, Titium consecuturum esse legatum, etiam si Stychnus mortuo testatore decesserit. Sed nihil aduersatur, ut & vulgo bene acceperunt. Nos enim agimus de eo, qui heres institutus est, aut cui legatum sit sub conditione, si Stychnum manumiserit, *in d. l. si fundum, per fid. §. 1.* Apparet ex his quæ diximus, legatū relictum fuisse pure, sed legatarium rogatum esse, ut Stychnum manumitteret. Certi iuris est legatum pure relictum statim deberi, nec adimi legatario, nisi aliqua culpa sit legatarii, propter quam adimatur, quæ culpa nulla est in eo, qui manumittere seruum alienū & mortuum non potuit. Cōditionis diuersa est causa, nam hac adiecta nisi ea prius exstiterit nihil debetur, *l. legata sub conditione, D. de condit. & demonstr. l. cedere, de verb. sign.*

Ad L. 2. Conditioni.

Imperator Antoninus A. Cassiæ.

Conditioni sub qua testamento matris tue heres institutus es, si non paruisti: locū habet substitutio. Nec enim videri potest sub specie turpium nuptiarum viduitatem tibi indixisse, cum te filio sororis sue consobрино tuo probabili consilio matrimonio iungere voluerit. Nec extraordinario auxilio indiges: cum ex his precibus, quas libello complexa es, declaretur, non per eum stetit, quo minus suprema voluntati matris tue testatrix satisficeret. PP. 8 Id. Mart. Roma, Antonino A. IIII. & Balbino Cos. 274.

S Y M M A R I A.

- 1 Filia sub conditione, si consobрино nuberet, instituta, an si conditioni non paruerit, nihilominus tanquam reiecta conditione, hereditatem habere possit?
- 2 Conditio non reicitur, nisi aut contra bonos mores, aut contra leges sit.
- 3 Filia, qua conditioni non paruit, an in integrum restitui possit, ut hereditatem consequatur & seqq.

Si filia instituta est sub conditione, si consobрино nuberet, quod si non nuberet Titius substitutus sit, filia conditioni parere non vult, & nihilominus tanquam reiecta conditione vult hereditatem habere, an possit queritur? Respondeo: Nisi conditioni paruerit eam non futuram heredem, & recte. Nam non ¶ reicitur conditio, nisi aut contra bonos mores, aut leges sit. Contra bonos mores, ut si viduitatem iniungat, *l. cum ita legatur, de cond. & demonstr.* Contra leges, ut si matrimonium inter consobrinos consistere non possit, quorum neutrum in proposito accidit. Nam conditio inuitat ad matrimonium. Huius generis conditiones omnes receptæ sunt, si modo honeste nubere liceat ei, in cuius persona conditio implenda est, *l. Titius 100. §. 3. de condit. & demonstr.* Sed & iure matrimonium inter consobrinos recte contrahitur,

Contrahitur, ut hic scriptum est, & in §. duorum, Instit. de nupt. l. in copulandis, C. de nupt. Cum igitur nihil obstat conditioni, res pertinet ad regulam iuris communis. Nisi conditio prius existeret, institutioni locum non futurum. Proinde in proposito substitutioni locus erit.

Hoc metuens filia cum iam recusasset consobri-
no suo nubere, amplius quaesitum, si an possit in in-
tegrum restitui, ut hereditatem consequatur. Filiam
finge fuisse minorem 25. annis, cui etiam restitutio tri-
bui solet, ad hoc, ut repudiata vel semel omissam he-
reditatem iterum adire sibi liceat, l. si ut omissa heredi-
tate, infr. Respondet Alexander, eam auxilio extraor-
dinario non indigere, cum per eam factum sit quo-
minus matrimonium consequeretur, non autem per
consobrinum, ubi auxilium extraordinarium vocat
restitutionem in integrum, ut in l. i. in pr. de min. Hac
sententia si certa est, si adhuc filia conditioni parere
possit. Potest autem parere quam diu vivit, & consob-
rinus aliam uxorem non habet. Nam extraneus &
maxime filius vel filia heredes instituti ea conditione
parere possunt, cum per naturam licet aut per ius, l.
4. sepr. de hered. inst. l. ult. de cond. insti.

Quod si consobrinus aliam uxorem duxerit, desi-
nit conditio impleri posse. Nam ei nubere non po-
test, qui aliam habet uxorem §. affinitat. Instit. de nupt.
Hic igitur dicimus quamdiu consobrinus aliam u-
xorem non habet, tamdiu filia minor ad consequen-
dam hereditatem restitutione in integrum non in-
diget, nam si vult consobri- no nubere consequitur
hereditatem iure comuni, dum scilicet conditioni
paret. Porro qui iure comuni munitus est, is extraor-
dinario non indiget, l. in causa, de minor. Quod si non
vult filia nubere consobri- no, etiam hoc casu restitu-
tione in integrum non indiget, quia dum conditioni
non paret, etiam hereditatem habere non vult, quo-
niam hac conditione deferebatur, si conditioni pa-
reret. Non indiget autem in integrum restitutione,
ut aliquid obtineat, qui id obtinere non vult, proin-
de cessabit utroque casu restitutio.

Sed si quid si consobrinus uxorem duxerit, & filia
dum vult ei nubere, non potest, quia sic impeditur, an
non saltem hoc casu recte postulabit in integrum re-
stitui adversus substitutionem? Dixerit aliquis recte po-
stulare. Nam cum prius conditioni parere voluerit,
eodem facto hereditatem amisit, ac proinde recte ad-
versus infirmitatem aetatis restitui petere videtur, d. l.
si ut amissam hered. l. ait prator, §. hoc iure, & §. resti-
tutus, l. non omnia, de min. Sed generaliter hic scriptum
est filiam, per quam sterit, quo minus conditioni su-
periori pareret, non indigere restitutioni: ergo resti-
tui non debere. Ex quo intelligimus etiam hoc casu
illam ab hoc beneficio excludi: & verum est. Tam diu
enim minor heres instituta in integrum restitui po-
test, ut consequatur hereditatem quam amisit, quam-
diu nihil petet contra voluntatem testatoris. Nam
in testamento totum voluntas testatoris facit, l. ex fa-
cto §. ita, D. de her. insti. Proinde nec minor, nec quis-
quam alius contra voluntatem testatoris heres fieri
potest, ut puta institutus minor, si navis ex Asia ve-
nerit, naue capta heres non erit, quia testator id no-
luit. Eodem modo si minor institutus fuerit sub con-
ditione, quae in eius potestate erat, & conditio vitio
eius defecerit, nec hoc quidem casu heres erit, quia
heres fieret contra voluntatem testatoris, quae fuit,
ut conditioni pareret.

Non obstant superiores loci de in integrum resti-
tutione, minoribus ad adeundam hereditatem con-
cessa. Nam in omni testamento haec conditio inest, si
minor laesus aut circumscriptus erit, non est autem lae-
sus, qui iure communi utitur, ut est l. ult. sepr. de rest. in
integr. l. inter, §. pen. de fideius. Cuius sensus est, non vi-
deri laesum minorem qui aliquid facit, & iure com-
muni & publico facere cogitur. Omnes autem qui he-
redes testamento instituti sunt, voluntati testatoris
parere necesse habent. Sed cur hoc casu non dixit Im-
perator: Auxilium extraordinarium non habebis, po-
tius quam, auxilio extraordinario non indiges, cum
manifestum sit, filiam hoc casu hereditate exclusam,
indigere restitutione si habere velit hereditatem, ut-
pote quae alio modo ad hereditatem peruenire non
possit. Resp. Auxilium hic via persequendi debemus
accipere, ut sit sensus, extraordinaria via non indiges
& persecutione, quam ex rescripto meo prosequor,
nam haec tibi apud iudicem esset inutilis, quoniam
hoc casu restitui non potes.

Ad L. 3. Si mater.

Imper. Antoninus A. Maxentio & aliis.

Si mater vos sub conditione emancipationis heredes in-
stituit, & prius quam voluntati defuncta pareretur, sen-
tentiam deportationis pater meruit, vel aliter defunctus
est: morte eius vel alio modo patria potestate liberati, ius
adeunda hereditatis cum sua causa quaesitis. S. Prid. Cat.
Mau, Sabino & Anulino, Coss. 217.

S V M M A R I A.

1. Condicio quando videatur impleta.
2. In conditionibus maxime voluntas testatoris spectan-
da est.
3. Testatrix in unum casum liberationis a potestate pa-
tria liberos heredes instituens, in omnes alios casus,
quib. liberi sui iuris efficiuntur, instituisse videtur.
4. In his quae pendunt ex auctoritate legis, voluntas legis
spectanda est.
5. In his, quae ex voluntate testatoris pendunt, solius te-
statoris voluntas sequenda.

Cum constat conditionem utiliter adiectam esse,
ita ut iure impleri debeat, aut eo deduci, ut pro
impleta habeatur, ad quam partem pertinet illa con-
stitutio, quam initio hoc tituli proposuimus, conse-
quens est, ut quaeratur an conditio impleta sit? De eo
sub extremum huius loci utilis praecipio traditur.
Eam si tunc impletam videri, non solum cum id fa-
ctum est quod verbis comprehensum est in condi-
tione, sed etiam quod testator voluit, si id ex verbis
conditionis apparet. Id declaratur exemplo huius
loci. Mater liberos heredes instituit, si emancipati
essent a patre. Non sunt emancipati, sed pater aut mor-
tuis, aut deportatus est in insulam, liberis non eman-
cipatis. Nihilominus placet hoc loco liberos heredes
futuros & habituros hereditatem cum sua causa, id est,
cum ea conditione, in qua est hereditas, ut scilicet vel
fisco restitui debeat, vel non, & denique ut quatenus
debeat ex conditione deportationis restituatur.

Hic statim occurrit, conditionem impletam non ef-
se, ac proinde liberos heredes esse non posse. Na con-
ditio emancipationem exigebat, quam non secutam esse
fatemur. Dicendum vero secundum verba conditionem
non esse impletam, secundum voluntatem impletam,
quod satis est, ut conditio impleta intelligatur. Nam
in si conditionibus maxime voluntas testatoris spe-
ctanda est l. in conditionibus, l. pr. de cond. & demonst.

Porro cum mater hanc conditionem adiecit, verbo emancipationis, etiam de ceteris casibus sensisse intelligitur, quibus liberi efficiuntur sui iuris, quæ voluntas ex fine & consilio testatrix manifesta est. Nam emancipatio hoc spectabat, ut liberi sui iuris efficerentur. Est enim hæc vis emancipationis, §. *præterea, Insti. quib. mod. ius pat.* Voluit autem mater liberos fieri sui iuris, ideo, ut sibi hereditatem acquirerent, qui alias patriacquisituri essent saltem usufructum §. 1. *Insti. per quas pers.* At hoc quod testatrix voluit, efficitur etiam hoc modo, si pater mortuus sit, efficitur & deportatione patris, l. 1. *quib. mod. ius pat. pot. §. cū omnib.* Proinde ex eius voluntate conditio impleta est.

Non obstat quod dicitur in l. *qui heredi, in pr. D. de cond. & dem.* non videri conditionem impletam, nisi ad præscriptum verborum & formam impleta sit. Hoc enim semper ita accipiendum est, nisi manifestum sit, aliud sensisse testatorem, quam id, quod verba in specie præscribunt. Secus vero ut dixi in conditionibus voluntatis testatoris spectandum est, idque etiam satis intelligitur ex exemplo d. l. *qui heredi, &c.* Nam legata eius qui Stycho 10. dare iussus est, domino Stychi dando, non implet conditionem, quia non id apparet sensisse testatorem, ut domino recte daretur. Quin imò, verisimile est, aliud testatorem sensisse, quoniam est aliquid in eo, ut prius Stycho detur, deinde per Stychem ad domum nunc perveniat. Hæc enim datio facit aliquid ad conciliandum Stycho dominum, vel propter meritum, vel propter fidem in pretio accepto quaesitam.

Quod de emancipationis casu diximus, idem de quovis alio casu liberationis a patria potestate intelligendum est. Vt puta: Mater instituit liberos, cum patre morietur cuius in potestate erant. Condicio implebitur etiam viuo patre, si liberi emancipati erunt, aut deportatus pater, l. *mulier, ad Treb. l. si ita esset, D. quando dies leg. ced.* Vnde generaliter definiendum est, cum testatrix in unum casum liberationis a potestate liberos heredes instituit, etiam in omnes alios casus, quibus liberi sui iuris efficiuntur, instituisse videri.

Huic parti aduersari videtur l. *commodissime, de liber. & posth.* ubi si quis posthumum instituat in unum casum natiuitatis, in alterum præterisse videtur, etiam si casu expresso id egit, ut qui nasceretur heres esset. Et proinde uterque casus eos effectus habebit. Vt puta instituit testator eum qui se viuo postea nascetur, si is qui in utero est, nascetur eo mortuo, institutus non videtur, idemque placet et conuerso. Resp. Dissimilitudo rerum obseruanda est, alia causa est earum rerum quæ ex auctoritate leg. pendunt, alia earum quæ ex auctoritate legis. Nam in his quæ pendunt ex auctoritate legis, huius ipsius legis voluntatem spectabimus, ut si sit quod liber, ratum id sit, si non sit pro infecto habeatur, quia legi patitum non fuit, etiam si testator hoc animo fuerit, ut idem factum veller. Huius generis est institutio post mortem, non enim testator posthumos pro arbitrio instituit, sed lex iubet institui, §. *posthumi, Insti. de exher. liber. l. posthumus, de iniur. rupt.* Et iubet institui in omne tempus. Proinde si is institutus non est, quia nascetur viuo patre, pro instituto non erit, etiam si testator de eo senserit, quia non fecit quod lex iubeat, & res in voluntate testatoris posita non est, sed in legis auctoritate.

At in his quæ ex voluntate testatoris pendunt, huius solius voluntatem sequi dicemus, idque fit non modo non refragante lege, sed etiam lege voluntatem

testatoris confirmante, uti quisque legasset, &c. l. *verbis legis, de verb. sign.* Huius generis conditiones in testamento sunt, quas adiaci institutioni aut legato neque leges iubent, neque vetant. Proinde conditiones in unum casum adiectæ, si testator de aliis partibus senserit, hanc sententiam sequemur. Hic etiam occurrit nobis: Nam in his quæ pendunt ex auctoritate priuatorum, cum quis sibi in unum casum cauit, in alterum non cauisse videtur, etiam si eundem effectum habeat, ut probatur exemplo l. *si cum darem, sol. matr.* Vbi si extraneus in dote pro muliere danda paciscatur, aut stipuletur in unum casum vel diuortii vel mortis alterius ex coniugibus dote sibi reddi, placet eum actionem non habere in eum casum qui omissus est, etiam si constet iure civili pariter matrimonium solui diuortio & morte.

Respondeo in his, quæ ex unius voluntate pendunt, ut sunt res testamenti, quæ pendunt ex unius testatoris voluntate, cuius solius voluntatem spectamus, ut sic vno casu expresso, ceteri quoque contineri intelligantur, de quibus senserit. At stipulatio & pactio ex consensu duorum constat, stipulantis & promittentes, ideoque utriusque consensum & placitum spectare oportet, & vno dissentiente nihil agitur. l. *inter stipulanti, §. 1. de verb. obl.* Hinc fit, ut cum stipulator sibi in unum casum cauit, in alterum actionem non habeat, quia etiam si ipse sensit de alio, tamen promissor non consensit de eo, cuius hic animus est, ut quam minimum debeat, certe ut nihil debeat, nisi quod verbis comprehensum est, usque adeo ut orationem ambiguum aduersus stipulantem semper interpretemur, nisi quid actum sit constet, l. *stipulatio ista, §. in stipulatione, l. quicquid, de verb. oblig. l. semper, de reg. iur.*

Ad L. 4. Si pater.

Imperator Alexander. A. Emiliano.

Si pater filium, quem in potestate habebat, sub conditione qua in ipsius potestate non erat, heredem scripsit, nec in defectum eius exheredauit: iure testatus non videtur. Cum autem trans mare & longe te agentem sub hac conditione heredem scriptum esse dicas, si in patriam, qua in provincia Mauritania erat, regressus fuisses, nec exheredatum te alleges, si in eum locum non redisses: manifestum est multis casibus non voluntariis, sed fortuitis euenire potuisse, ut eam implere non posses: & ideo adire hereditatem non prohiberis PP. VI. Calend. Apr. Jul. II. & Crisp. Coss. 225.

S V M M A R I A.

- 1 *Filius, qui est in potestate, an sub conditione institui possit? Distinguendo respondetur sub nu. 2. & 3.*
- 4 *Filio, qui in potestate est, sub ea conditione instituto, qua in potestate eius non est, pater intestatus decedit.*
- 5 *Questio, an ab hac lege sit discessum constitutionibus Iustiniani, late discutitur & negativa defenditur.*
- 6 *Conditionum, qua in potestate filii non sunt, tria genera.*
- 7 *Filio sub impossibili conditione instituto, & institutio & testamentum nullius est momenti.*
- 8 *Filio sub conditione possibili, qua tota in casum confertur, instituto, inutilis est institutio.*
- 9 *Conditio collata in potestatem filii, non videtur omni ex parte in eius esse potestate, nisi statim possit incipere eam implere, quando velit.*
- 10 *Conditio in potestate filii posita, qua sit.*

- 11 Quod dicitur, filium non posse institui sub ea conditione, quæ in eius potestate non est, an sit perpetuum.
 12 Nepotes & ceteri liberi an sub conditione institui possint.

Filius qui in patris potestate est, iubetur heres institui, aut nominatim exheredari, idque in omne tempus; quod si neque institutus, neque exheredatus est, etiam si id dici possit factum esse in aliquam partem, placet testamentum nullum esse, *J. de exher. lib. Inst.* Hinc quaesitum est: An filius qui in potestate est, possit institui sub conditione: Nam fieri potest ut conditio deficiat, hac deficiente filius reperitur non institutus esse, sed nec exheredatus est, nam de eo loquimur qui non omnino sit exheredatus. Proinde in id tempus eundemque casum præteritus videtur. De hac re placuit hæc distinctio veteribus, ut intersit, quænam sit conditio sub qua est institutus. Sub ea conditione quæ in eius potestate est recte instituitur, ut siue pareat conditioni sit heres ex testamento, siue non pareat omnino non sit heres, neque ex testamento, neque ab intestato. *L. 4. liam dubitatur, D. de her. instur.*

Sed hoc ius emendatum videtur constitutione Iustiniani, cui placuit intra legitimam filio herede instituto reici de institutione omnem conditionem, quæ ius filii immineat, quæque hereditatem aut onus inducat, *l. quoniam in prioribus, supr. de inoff. testam.* Quare conditio noua constitutione Iustiniani postea confirmatur una ex 30. decisionibus. *l. scimus, §. cum vero, supr. de inoff. test.* Et hoc ut dixi usque ad legitimam. Quod si ultra legitimam filius institutus erit sub ea conditione, quæ in eius potestate est, nihil mutat Iustiniani constitutio. Proinde exigemus a filio ut conditioni pareat. Sub ea vero conditione quæ in eius potestate non est, filius institui non potest, ob causam quam initio reddidimus, quod deficere conditio non potest, ita ut nihil imputetur filio, cur impleta non sit. Hac deficiente reperitur esse præteritus, quo fit ut eo tantquam præterito res pertineat ad definitionem initio positam. Et ideo cum dicimus filium sub eiusmodi conditione institui non posse, hoc dicimus, si erit institutus, non inutilem esse conditionem, ut hac reiecta institutio valeat, sed inutile esse institutionem, & tantquam eo præterito testamentum non valere, id quod cauetur hic. Idem significatur in *l. ult. de cond. inst.*

Ergo filio qui in potestate est, sub ea conditione instituto quæ in eius potestate non est, intestatus pater decedit. Est enim is intestatus non tantum qui testamentum non facit, sed etiam qui iure non facit. Proinde filius heres erit patri, ut in hoc rescripto dicitur in filio, sed non ex testamento, ut quidam putauerunt, quoniam testamentum nullum est, sed ab intestato, quoniam ut dixi intestatus pater decedit. Illic opponitur *l. 2. §. si sub cond. D. de poss. secundum tab.* Nam si filius sit sub quavis conditione institutus, illic scriptum est, eum statim petere posse bonorum possessionem secundum tabulas, eamque possessionem necessariam esse emancipato. Resp. Recte sentiunt hi, qui eum locum etiam si indefinite scriptum, accipiunt de filio emancipato, in cuius personam cadit, ut possit institui sub quavis conditione, ad filium familias non pertinet. Nam qui sub conditione inutiliter instituitur, ut est filius qui in potestate est, si bonorum possessionem secundum tab. petere non possunt, ut diserte traditum est in *l. si deum, de bon. poss. secundum tab.* non tantum efficeretur testamentum iure civili valere. Nam prætor dat bonorum possessionem secundum tabulas, si 7. testium signis signatae sint, & sit aliquis

testamento institutus, etiam si mero iure testamentum non valeat, *§. non tantum, Inst. quib. mod. test. infirmantur.* Itaque hæc sententia prior manet de filiofam. instituto sub ea conditione, quæ in eius potestate est.

Quaeritur est an ab hac lege discessum sit constitutionibus Iustiniani? Bartolus, quem alii certatim sequuntur postea, putauit ei iuri derogari, *leg. quemadmodum in prioribus, supr. de inoff. testam.* ubi diserte Iustinianus usque ad legitimam filii remouet conditionem institutioni filii adscriptam, neque distinguit de filio aut conditione ut videtur. Sed verba constitutionis aperte refragantur, ex quibus apparebit eos omnes, qui in hac sententia sunt, valde esse hallucinatos. Nam primum constitutio nominatim loquitur de his filiis qui ex iure veteri querelam inofficiosi mouere poterunt. Hæc verba aperte non pertinent ad filium, qui est in potestate, qui idem institutus est sub ea conditione, quæ in eius potestate non est, nam hic iure civili ab intestato heres fuit patri, ac proinde querelam mouere non potuit. Nam quoties quis alio iure ad hereditatem peruenire potest, locus non est querelæ inofficiosi testamenti, *§. tam autem, Inst. de inoff. testam.*

Deinde in ea constitutione Iustinianus reiecit, non omnes conditiones, sed eas quibus minuitur filii iura. Item eas, quibus dilatio aut onus inducitur. In hoc numero non est conditio, quæ in potestate filii non est, si sub ea conditione a patre non sit institutus. Hæc enim non imminuit filii ius, quia perinde est, quasi scripta non esset, & quia filius pro parte hæreditaria, quam alioqui habere potuisset ex testamento, non totam hereditatem obtinet ab intestato, tamen inducit etiam dilationem ac onus, postquam hæc contenta statim viderit. Proinde dubitari non potest, quin ea constitutione nihil in iure veteri superiore innouetur, cum filius familias institutus est a patre sub ea conditione, quæ in eius est potestate. Sed mouentur Bartolus & alii *l. scimus, §. cum autem, supr. eod. de inoff. test.* ubi proponitur extraneus aliquis heres institutus, & rogatus, cum morietur restituere hereditatem filio testatoris. Hic hereditatem reliquit filio sub conditione, nihil enim interest utrum dicat testator, cum morietur heres, an si morietur, *l. si Titio, D. quando dies leg. ced. l. centesimus, §. pen. de verb. obl.* Eandem etiam conditionem manifestum est non esse in potestate filii, & tamen Iustinus eo loco interpretatur legem suam priorem, quomodo in prioribus constitutionibus, ut ea conditio non expectetur usque ad legitimam filii, sed statim legitima portio representetur. In reliqua autem parte hereditatis expectetur mors heredis. Existimauit igitur Bart. quod illic dicitur de fideicommissaria hereditate, filio restituenda, id etiam probandum esse in institutione, in quo ab illo vehementer erratum est. Nam filius sub ea conditione, quæ in eius potestate non est, institui nequit quia lex vetat ita institui, vetat enim præteriri, & ideo si sit institutus institutio non valebit, quia contra legem facta est. At fideicommissum filio relinqui potest quouis modo, id est, & pure & sub conditione qualibet, quia lex non iubet fideicommissum relinqui filio, sed hoc relinquit in potestate testatoris, & ideo quocumque modo testator fideicommissum reliquerit, iure valebit, quia nihil hic contra legem sit, siue hoc modo, siue illo relinquatur. Male igitur quod de fideicommissum illic dicitur, transferatur ad institutionem. Hoc amplius, ut in *l. ligamus eam legem nullo modo obstat, nec ad hanc questionem pertinere, diligenter animaduertunt*

est, illic aut agi de filio emancipato, aut de filiofam. exheredato. Nā proponitur solus extraneus esse institutus, quod ex eo intelligitur, quia rogatur nō partem hereditatis, sed totā hereditatem restituere, q̄ fieri nō potuit, nisi esset ex asse institutus. Necesse est igitur si testamentū valere volumus, in quo filius institutus non est, aut eum emancipatū esse, aut filiumfamilias exheredatum, nam emancipatos non est necesse heredes instituere aut exheredare §. *emancipatos, Instit. de exher. liber.* Filiifamilias recte exheredantur. Quod si neq; exheredantur, neq; instituuntur, testamentum nullum est, ac proinde nihil illic valet fideicommissum, *tit. de exher. lib. in pr. l. eam quam, infr. de fideicom.* Hoc si ita est, nihil constitutio ad hanc quæstionem pertinet, nam non agimus de filiis emancipatis, non agimus etiam de filiisfam. qui sunt exheredati, sed qui sub conditione instituti sunt, quæ in eorum potestate est. Quare manebit rata sententia, hæc etiam post constitutiones illas Iustiniani, si filiusfam. institutus sit sub conditione, quæ non est in potestate eius, nullum esse testamentum, proinde filium ab intestato patri statim heredem futurum.

Videndum nunc est quæ sit conditio in potestate filii, quæ non sit. Et earum † conditionum, quæ in filii potestate non sunt, sub quib. instituto filio testamentum nullum est, tria sunt genera. Aut enim cōditio est impossibilis, aut possibilis, sed in euentū tota collata, aut ita collata in futurū & potestatem filii, ut tamē nō possit statim incipere eam implere, aut non possit eā implere sine longinquo itinere, aut summo periculo. Filio † sub impossibili cōditione instituto, singulare ius est, quod non reicitur conditio, ut sic institutio propterea valeat, sed & institutio & testamentum nullius momenti est, siue conditio impossibilis sit natura, siue iure. Veluti, filius meus heres esto, si cælum digito attigerit, vel si ex hoc loco cras Lugdunū peruenierit, si ab vxore diuerterit, aut si liberos nō aluerit, & hoc diserte scriptū est *in l. ult. D. de cond. inst.* Hic opponitur reg. iur. qua efficitur in testamentis impossibiles conditiones vel institutioni vel legatis adscriptas, pro non adiectis haberi, & nihilominus legatū valere, *l. 3. de cond. & dem. §. imposs. b. de her. insti. l. 1. l. conditiones, de cond. inst.* Intelligendum est, hoc dictum esse de ceterorū omnium institutionib. & legatis, in institutionib. filiisfam. locum nō habere, differentiarum rationem esse hanc, quia in ceteris liberum est, his aliquid relinquere vel non, liberum etiam conditionem impossibilem adijcere, ac proinde de ea adiecta nihil nocere, quia in ea adijcienda nihil fit contra legem. At filiorum præteritio non est libera, sed videtur pater instituere, nisi velit exheredare. Proinde veratur instituere sub conditione, quæ in filii potestate nō sit, ideoq; quamcunq; conditionem adiecerit, eiusmodi institutio non valebit, quia contra legem facta est, & generaliter constitutum est de his, quæ contra leges fiunt, *l. non dubium, C. de legib.*

8. Sub secundo † genere conditionis, quæ tota in casum cōfertur, nulla dubitatio est, quin instituto filiofam. inutilis sit institutio, ac propterea testamentum. Veluti, Filius heres esto, si naus ex Asia venerit. Nam semper constitit hanc conditionē reijci ex testamēto. Sed etiam si † conditio collata erit in potestatem filii, tamen non videbitur omni ex parte in eius potestate esse, nam quædam potestatem incipere eam implere quando velit, & ideo † institutus sub conditione, si in Alexandriam venerit, nullum erit testamētum, si hyems

ei obster, quo minus possit nauigare, tamen si præterita hyeme peruenire in Alexandriam possit, *l. 4. §. præter. D. de her. inst.* Idem dicendum est, si statim possit incipere conditionem implere, sed res longum iter desideret, & impleri non possit sine periculo. Veluti, si sit institutus filius sub hac conditione, si in patriam Mauritaniam rediret, cū longe abesset, quod est exemplū, *b. l. 4.* vel si Titio 10. dederit, cum Titius peregre profectus esset, quod est exemplum *in l. 4. §. præto, de her. insti.* Ex his intelligi potest † conditionem in potestate filii eam esse, quam filius nō aliquo tempore implere potest, sed quā statim incipere implere potest, nulla causā eum impediēte, quō minus possit, & quam eandem sine molestia longinqui itineris & sine metu periculi implere potest, *l. 4. §. præto, de her. insti.*

Quod dicitur † filium non posse institui sub ea conditione, quæ in eius potestate non est, nō est perpetuum, sed hanc exceptionem habet, nisi sub contraria conditione, seu in defectum cōditionis sit exheredatus, ut hoc rescripto cautū est, & *l. iam qui dubitare, de her. insti.* Quod ideo recipitur, quia cessat hic periculum præteritionis, propter quod superior institutio reiciebatur, ut puta filius institutus est, si naus ex Asia venerit, quod si naus nō venerit, exheres esse iussus est. In hac specie si cōditio exsistit, institutus est, si deficit exheredatus est, & ita neutro tēpore præteritus est, quia utroq; aut institutus, aut exheredatus est. Nō obstat q̄ dicitur filium pure exheredatum esse, *l. 3. §. pure, de lib. & posth.* Hoc enim semper cum hac exceptione accipiendū est, nisi sub cōtraria conditione sit institutus, ut hoc loco & similib. caueatur. Nō obstat etiam q̄ dicitur, filios certo iudicio ab herede remoueri debere, *l. sed sub cond. D. de bon. poss. contr. tabul.* Nihil enim verat, quo minus pater iustas causas exheredationis habeat, propter quas certo iudicio exheredet filium, & tamen placeat patri filium sub conditione exheredare, in qua conditione etiam certum patris iudiciū intelligitur, cum filium heredem sub contraria conditione instituit, tunc enim filium ab hereditate non remouet.

Expendenda aut sunt verba definitionis hoc loco posite, quam supra exposuimus. Verba enim concepta sunt de filio, qui est in potestate patris. Vtrumq; recte & consulto. De filio definitio cōcepta est, quia alia † causa est nepotum & deinceps ceterorū liberorum, de iis scriptum est *in l. 6 §. 1. D. de her. inst.* hos institui posse sub quauis conditione aliter atq; filii, qui sunt in potestate. Et animaduertendū diligenter, illic agi de nepotibus, qui sunt in potestate aui, sic enim verba sunt: Nepotes autem & deinceps ceteri, qui instituti non rumpunt testamentum. Quæ verba notant eos nepotes, qui ita demum non rumpunt, si sint instituti, id est, qui institui debeant aut exheredari, alias rumpunt. Hi autem soli id faciunt, qui in potestate sunt aui, & qui filiis sublatis in patrum suorum locum successerunt quasi agnascendo, ut res explicatur *in §. posthumorum, Instit. de exhered. lib. e. §. l. 6. §. sin autem, de inst. rupt.* Tantum abest autem ut repugnent illa verba, quæ sequuntur *in d. l. 6. §. 1. de her. insti.* licet redigantur nepotes ad filii cōditionem, ut maxime hæc ipsa verba superiorem sententiam confirmet. Nam sic nepotes rediguntur ad filiifamilias conditionem, ut sicut filius ita & ipsi institui aut exheredari debeant.

Quid sibi igitur vult, quod Vlpianus ait, licet nepotes

res redigantur ad filii conditionem, si nepotes aliter institui possunt quam filii? Respondeo: Ex verbis præcedentibus apparet, Vlpianum hoc sentire licet ceteris in rebus quæ in conditione redigantur nepotes ad filii conditionem, id ut dixi ex præcedentibus liquet, quia prius Vlpianus conditionem excepit. Sed hic rursus occurritur: Nam si nepotes sub conditione instituuntur, deficiente conditione instituti non sunt. Nos autem illis non institutis, aut non exheredatis, dicimus æquè nullius esse testamenti momenti, ac si filius esset præteritus, *d. l. de exher. lib. Instit.* Respondeo & hoc verissimum est, si certum esse cõpẽrit conditionem sub qua nepotes instituti sunt, defecisse, sed priusquam defecerit expectandũ est vtrum existat an deficiat cõditio. Nam fieri potest, vt consistat, qua existente nepotes recte instituti reperiuntur. Et in hac re consistit discrimen inter nepotes & filium qui sunt in potestate, quamvis omnes sub eadem conditione casuali instituti sint.

Nam in nepotibus expectamus euentum rei, in filiis non spectamus euentum, sed quod euenire potest. Potest autẽ accidere natura, vt conditio casualis deficiat: ob hanc causam ex eo quod euenire potest, placet filium in omnem euentũ institutum non videri, ac proinde præteritum. Sed cur non idem dicimus in nepotibus? Resp. quia plus in hac tributum est filiis quam nepotibus, vt olim ius fuisse certum est, *ex d. l. de exher. lib. in pr.* in illis verbis, sed non ita: Quod ius in conditione mutatum non est. Præterea definitio huius loci concepta est de filio, qui est in potestate. Recte hoc quoque, quia emancipatos iure ciuili heredes instituere aut exheredare necesse non est, *§. emancipatos, Insti. de exher. lib.*

Ad L. 5. Reprehendenda.

Imp. Valerian. & Galien. Maximio.

Reprehendenda tu magis es quam mater tua, illa enim si heredem te sibi esse vellet: id quod est inutile, matrimonium te dirimere cum viro non iuberet. Tu porro voluntatem eius diuortio comprobasti. Oportuerat autem, etsi conditio huiusmodi admitteretur, præferre lucro concordiam maritalem: Enimvero cum boni mores hac obseruari vetent: sine ullo damno coniunctionem retinere potuisti. Redigitur ad maritum, sciens hereditatem matris, etiam si redieris, retenturam: quippe quam retineres, licet prorsus ab ea non recessisses. P. P. 12. Kal. Decem. Valeriano III. & Gallieno III. A. A. Cos. 258.

S V M M A R I A.

1. Conditiones turpes, & quæ contra bonos mores, item contra leges sunt, in testamento adiecta, pro non scriptis habentur, & cur.
2. Exemplo hoc declaratur.
3. Verba hæc, non iuberet, quomodo intelligenda.

Conditiones turpes, & quæ contra bonos mores sunt, item contra leges si in testamento adiciantur institutioni aut legato, pro non scriptis habentur, *l. conditiones 3. D. de cond. inst.* Hoc ideo quia sunt impossibiles, quæ enim facto lædunt pietatem, estimationem, verecundiam nostram, ea nec facere nos nec posse credendum est. ratio & sententia Papiniani est in *l. si filius, D. de cond. inst.* Huius generis conditio est, si uxor a marito diuerterit. Nam si secundum naturam est matrimonium seu viri & mulieris coniunctio indiuiduam vitæ consuetudinem retinens. *§. nuptia, Inst. de pat. pot.* est contra ius naturæ, ac proinde contra bonos mores a marito sine causa diuertere,

re, eaque lex naturæ valuit inter nationes semper. In populo autem Dei scimus hoc Dei præceptum esse, ne id fiat. Proinde si mulier a matre sub hac conditione instituta erit, nihilominus filia heres futura est, siue omnino non diuerterit a marito, siue aliquando diuerterit, & deinde ad maritum redierit, ut hic cautum est.

Quid si diuertendo conditioni paruierit? Resp. Erit etiã hoc casu heres, sed ita ut sic magis reprehendenda sit, quam si conditioni non paruisset. Itaque cum filia in specie diuortio facto, cõsuleret Imperatores, an rediens ad maritum, posset obtinere hereditatem, increpatur ab Imperatoribus quod conditioni paruisset. Illa excusabat quod diceret matrem fuisse in culpa, quæ talem conditionem induxisset, ex qua omne responsum huius rescripti sumtum est. Mater reprehendenda est, quod non debuit se sub conditione turpi & inciuili instituere, sed tamẽ magis es reprehendenda. Quid quod mater verbis tantum iussit, tu tuo facto comprobasti, diuertisti enim a marito, in quo duplex tuum peccatum est? Nã etiam si cõditio superior admitteretur iure, id est, etiam si heres matri esse non potuisses, nisi conditioni paruisses; tamẽ oportebat te lucro præferre concordiam maritalem, id est hereditatem repudiare potius, quam hanc turpitudinem in te admittere, ut a marito diuerteras. Sed crescit in eo peccatum, quod nulla necessitas fuit parendi conditioni. Nam hæc conditio est contra bonos mores, qua neglecta, etiam hereditatem potuisses obtinere. Redigitur, inquiunt, ad maritum, sciens fore, ut nihilominus hereditatem matris obtineas.

In hoc rescripto verba, quæ sunt in præliminariis, tendenda sunt. Autem imperatores: Si mater te heredem sibi esse vellet, non te a marito diuertere iuberet. Quæritur, quomodo id dicant imperatores, cum appareat contra, matrem voluisse filiam sibi heredem esse, & præterea iussisse ut a marito diuerteret. Respondeo, hæc verba, *Non iuberet*, potenciali modo dicta sunt, pro non deberet iubere, siue non debuisset, ut sit sensus: Si mater te sibi heredem esse vellet, ut voluit, non debebat iubere ut a marito diuerteres, non enim debuit tibi hanc turpitudinem iniungere, & rationem reddunt imperatores, quia hoc inutile est, sic enim vulgaris est lectio & in omnibus libris recepta. Sed sententia loci necessario flagitat, ut legamus inciuile hac ratione, quia non est peccatum a matre, ideo quia iussit, quod est iure impossibile, id est, quod turpe est & contra bonos mores, ut inciuile usurpatur plerumque apud iuris auctores, *l. si medicus, D. de extraord. cognit. l. ubi, §. pen. & ult. D. quod met. caus.*

Ad L. 6. Generaliter.

Imp. Valer. & Galien. A. ad Senatũ.

Generaliter sancimus, si quis iura verba sua composuerit, ut edicat, si filius vel filia intestatus vel intestata, vel sine liberis aut sine testamento vel sine nuptiis decesserit: & ipse vel ipsa liberos sustulerit, siue nuptias contraxerit, siue testamentum fecerit firmiter res possideri, & non esse locum substitutioni eorum, vel restitutioni &c.

S V M M A R I A.

1. Conditionibus pluribus institutioni aut legato adiectis, an omnes impleri possint.
2. Species huius legis, & Justiniani in ea constitutio.
3. Ratio huius constitutionis.
4. Duo huius loci consuetudines.

Conditionem possibilem implendam esse diximus initio huius tit. & confirmatur in *l. i. 2. 5.* Et hoc

expeditum est, si vna conditio institutioni aut legato adiecta est. Quid si plures sint adscriptæ, an omnes impleri oportet? De eo hæc est distinctio, si coniunctiue adscriptæ sint, omnes existere oportet, si distinctiue, sufficit vnam aliquam existisse, *l. 5. de cond. insti. l. pen. de her. insti. l. 1. ita 129. de verb. obl.* Hoc ius in pluribus conditionib. cōiunctim adscriptis perpetuum est: In pluribus autem conditionibus distinctiue adscriptis, non item, *l. nam hic interdum, D. de here. Insti.* In quo genere est exceptio huius loci, vbi instituens sub cōditione, *si sine liberis decesserit*, & præterea alias conditiones fideicommissio adiecit. Nam etiam si adiecerit has omnes cōditiones distinctim, Iustinianus constituit non esse locū institutioni nisi omnes conditiones existerint. Et Iustinianus hanc speciem proponit: *Filius meus heres esto: Si intestatus decesserit, cum decesserit sine liberis, vel sine nuptiis, hereditatē restituat L. Titio.* Secundū verba locus esse debebat fideicommissio, etiam si solum filius intestatus decessisset, quamuis suscepisset liberos, aut nuptias cōtraxisset: itemq; de quavis alia conditione, quæ ex infra scriptis existisset, dicendum etiam erat. Nunc autem Iustinianus constituit non aliter fideicommissum deberi, quam si coniunctim hæc omnia concurrant, vt filius & sine testamento, & sine nuptiis, & sine liberis decedat: ita vt si eorū aliquid ex his desit, non sit locus fideicommissi restitutioni, & hæc est summa cōstitutionis Iustiniani. De hac parte autem Iustin. hanc habuit actionem, q; etiam si ceteræ omnes cōditiones adscriptæ existissent, tamē pater semper voluit, hanc conditionē coniungi, *si sine liberis decesserit*. Nam si filius liberos suscepit, volūtas patris est, vt hereditas potius ad eius liberos pertineat, de quo dicitur in §. seq. Quod si testator in hac conditione, *si filius sine liberis decesserit*, voluit persistendū, aut p. coniunctione eam accipi, non potest existimari aliter eam particulā accepisse in aliis conditionib. Ex quo colligimus duo, si testator filium negauerit post mortem suam, hereditatem restituere plurib. conditionibus disiunctim adscriptis, inter quas non esset illa cōditio, *si sine liberis decessisset*, semper secundum regul. iur. omnes iuris conditiones pro disiunctis accipiendas esse, vt quæcūq; ex his existerit, sit locus restitutioni. Alterum colligimus, si testator extraneū instituerit heredem, & rogauit eū hereditatem alii restituere, sub iisdem conditionibus, si heres intestatus decesserit, vel sine liberis aut nuptiis decesserit: has quoq; conditiones pro distinctis habendas esse, quia cessat coniectura potestatis in extraneo, propter quam coniunctio conditionum admittitur.

Ad §. Vltim.

Cam autē inuenimus excessi ingenii Papinianum in huiusmodi casu, in quo pater filius suis substituit, nulla liberorum ex his procreandorū actione habita, optimo intellectu disposuisse euanesce substitutionem, si is, qui substitutione pręgrauatus est, pater efficiatur, & liberos susceperit, intelligentem non esse verisimile patrem, si de nepotibus cogitauerit, talem fecisse substitutionem, &c.

S V M M A R I A.

- 1 Pater filio heredi instituto substituens, aut simpliciter iubens hereditatē post mortē restituere, semper intelligitur id sub hac fecisse conditione: Si filius sine liberis decesserit, ac proinde liberis susceptis, nec substitutioni, nec restitutioni locus est.
- 2 Duplex Iustiniani constitutio circa hanc materiam.

Cum pater filio heredi instituto substituit aliquem, si heres filius non erit, aut filiū iubet hereditatē post mortē restituere, etsi verbis nullā conditionem adiecit, tamen intelligitur hæc conditio, *si filius sine liberis decesserit*. Proinde liberis ab eo susceptis nunquam restitutioni neq; substitutioni locus erit. Hoc verum est respōsum Papin. quod exstat in *l. cum auus, de cond. & dem.* Confirmatur a Iustinia. in *l. cum acutissimi, de fideicom.* Hoc idem trespōsum confirmans Iustinianus hoc loco duo circa id cōstituit: Primo id produci ad filium naturalem. Constat filiū naturalem a patre institui heredē posse ex his partibus, de quib. cautū est in *l. hereditatis, & Auth. licet, seq. j. de nat. lib.* Hoc modo institutus filius naturalis si rogetur hereditatem simpliciter restituere, tamen liberis susceptis non erit fideicommissio locus, non magis quam si filius legitimus fuisset, qui rogatus est.

Alterum Iustinianus constituit hic, liberis a filio susceptis excludi substitutum, aut fideicommissarium si liberi legitimi sint, id est, iustis nuptiis procreati, quib. verbis filii naturales excluduntur. Cui parti significatio verborum repugnare videtur, nā & multi loci sunt quib. declaratur nominatim in hac cōditione, si heres aut legatarius sine liberis decesserit, omnes liberorū appellatione cōtineri. Proinde etiam naturalib. susceptis, deficere fideicommissum, *l. Lucius §. tamen. l. cum pater, §. volo, de leg. 2. l. heredis, §. ult. ad Treb.* Dicendū est aliā esse interpretationē huius conditionis, *si heres sine liberis decesserit*, cum conditio a testatore adiecta est; aliā in specie proposita. Nam cū agitur de conditione a testatore adscripta, & queritur quid in ea sumserit testator, sequimur verbi significationem, nisi manifestum sit testatorem aliud sentisse, *l. non aliter, in pr. de leg. 3.* Liberorū aut appellatione significantur non tantum legitimi, sed etiam naturales, *d. l. pen. de leg. 2.* Proinde & naturales quoq; ex volūrate testatoris hic intelligimus, vt cōsequens sit his susceptis fidei iussione defecisse, & hoc ita, nisi ex dignitate & consuetudine testatoris appareat testatorem auersatum esse omnes inhonestas consuetudines, & eos solos pro liberis habuisse, qui iusti essent, quo referri oportet sententiam Vlpiani, in *l. ex pacto, §. si quis rogatus, D. ad Treb.*

At in specie proposita, cū filius simpliciter rogatus restituere hereditatem, vbi hæc conditio, *si sine liberis decesserit*, intelligitur ex mente legis & eorum, qui hanc conditionem intelligi voluerunt, non possumus intelligere filios naturales, quia in his ratio intelligendæ eius conditionis deficit. Nam cur hæc conditio intelligatur hæc ratio fuit, quia non est verisimile testatorem voluisse alienas successiones propriis antepone, quæ ratio expressa est in *d. l. cum acutissimi, infr. de fideicom.* Hæc autem ratio ad legitimos tantum filios pertinet, ad naturales nō pertinet, quia soli legitimi filii perueniunt ad successionem patris & auī, naturales nullo modo perueniūt ab intestato, *d. Auth. licet, supr. de nat. lib.* Dantur quidem naturalibus liberis duæ vnciæ patre intestato mortuo, sed non velut heredibus, verum vt inde alantur, vt ibidem scriptum est.

Ad L. 7. Si quis hered.

Impp. Valer. & Galien. Ioanni præfecto pratorio,

Si quis heredem scripserit sub tali conditione, si illo consul factus fuerit, vel prætor: vel ita filiam suam instituerit heredem, si nupta fuerit: vino autem testatore vel ille

vel ille consul processerit, vel prætor fuerit factus, vel filia eius nupta fuerit, vel adhuc viuo testatore consula: n̄ quidem vel præturam ille deposuerit, filia autem eius a marito diuerit: omni veteri dubitatione expulsa sancimus, quodcumque impleta fuerit conditio, sine viuo eo, sine mortis tempore, siue post mortem, conditionem videri esse completam, &c.

S V M M A R I A.

- 1 Conditiones in euentum collatæ, quodcumque exstiterint, pro impletis habentur.
- 2 In conditionibus in potestatem heredis collatis, quid aduertendum.
- 3 Conditiones potestatiuæ, quæ promiscue seu quouis tempore impleri possunt, non nisi post mortem testatoris recte impleri possunt.
- 4 Conditio, quæ quouis tempore natura impleri non potest, eiusmodi est, vt recte & viuo testatore impleatur.
- 5 Ratio cur conditionum genera hic distinguantur.
- 6 Particula distinctiua, vel, in hac constitutione pro coniunctiua accipienda est.

HOC loco attingitur, quod dictum ad leg. 2. *supr.* Et si in exemplis conditionum, quæ hic proponuntur, dicitur, eas & viuo testatore impleri posse & mortuo, non tamen sic accipiendum est, quasi ad omnes conditiones pertineat. Nam quædam non nisi post mortem testatoris impleri possunt, l. 2. *de cond. & demonstr.* Vt igitur de re liqueat, quando conditiones impleri possint, videndum est, vtrum conditio in euentum collata sit, an in potestatem heredis vel legatarii. Quæ t̄ in euentum collatæ sunt, quodcumque exstiterint, pro impletis habentur, vt nihil inter sit testatorem viuum an mortuum esse, leg. 2. *in prin. de condit. & demonstrat.* quod confirmatur & hac constitutione.

Non exigimus in his, vt sciat heres eas conditiones certe esse adscriptas, aut vt velit eas impletas esse, quoniam nihil in his in voluntatem heredis collatum, sed totum pendet ex euentu, proinde & solum euentum hic spectare debemus. Quod si t̄ conditio in potestatem heredis collata sit, veluti si 10. *dederit, vel si in Capitolium ascenderit. si Seia Titio nupserit*: refert vtrum conditio per rerum naturam promiscue, id est, indifferenter quouis tempore impleri possit, an vero non. Quouis tēpore promiscue impleri possunt naturaliter hæc, si 10. *dederit, si Capitolium ascenderit.* Nam qui viuo testatore dedit & ascendit, idem si viuus & valet potest dare & ascendere mortuo testatore. Huius t̄ generis conditiones placet non nisi post mortem testatoris impleri posse, & ideo non videri impleuisse eum, qui viuo testatore dedit, aut ascendit, l. 2. *infr. de cond. & demonstr. l. si iam facta* 11. §. *ult. D. eod.* Quod præter significationem verborum receptum est a veteribus, ex sententia testatoris, idq; colligitur hac ratione. Nam cum testator contulit conditionem in potestatem heredis, simul contulit in eius voluntatem vt veller conditioni parere. Non obtemperat autem conditioni, qui casu & fato facit, quod erat in conditione, sed is solum qui iudicio facit, & eo animo, vt conditioni pareat, *dist. l. 2.* Non potest autē iudicio obtemperare conditioni, nisi qui scit conditionem esse testamento insertam, & insertam certo & vtiliter. In totum enim quæ animi destinatione agenda sunt, non nisi vera & certa scientia perfici possunt, l. *in totum, de reg. iur.*

Et hætenus progreditur ratio d. l. 2. *in fi. de cond. & dem.* Adiciendum autem est non intelligi hereditatem siue cōditionem certo insertam viuo adhuc testatore, quantumuis interfuerit cum testator nuncuparet testamentum, aut cum testamentum scriptum curaret recitandum, nam testator voluntatem mutare potest, vt ambulatoria est suprema voluntas, vsque ad vltimum vitæ spiritum, l. 4. *de adim. leg.* Quo fit vt tum solum intelligatur testamentum esse, & in testamento aliquid certo scriptum, cum testator decessit. Ex quibus efficitur quod est propositum, conditiones propositas in quibus implendis destinationem exigimus, non nisi post mortem testatoris impleri posse. Quod si t̄ conditio quouis tēpore natura impleri nō potest eiusmodi est, vt recte & testatore viuo impleatur, qualis est hæc conditio: *Titia si Sempronio nupserit*, hæc quamuis nubat viuo testatore, tamen conditio pro impleta habetur, l. *hæc conditio* 10. l. 11. §. *ult. l. conditionum* 19. *de condit. & demonstr.* Id quod hac constitutione idem confirmatur.

Sed cum t̄ hæc conditio conferatur in potestatem Seig, non minus quam illa si 10. *dederit*, cur hæc genera distinguimus? Respondeo, quia si conditio commode quouis tempore impleri potest secundum naturam, hæc voluntas est testatoris, vt impleat post mortem tantum eius, quia hæc voluntas eius esse intelligitur, vt heres ei conditioni omnino obtemperet, quod fieri non potest, nisi post mortem testatoris, vt dictum. At cum conditio nō potest semper impleri, sed vt plurimum semel tantum, hic rursus animus testatoris esse intelligitur, vt impleatur conditio cum potest, quoniam vult eam impleri, non potest autē impleri nisi per opportunitatē & occasionem naturæ. Talis est conditio hæc, si *Seia nupserit*. Nam si expectamus mortē testatoris vt nubat Seia, fieri potest vt non nubat, vel quia Sempronius decessat, vel quia interim ducat aliam.

Atqui hæc eadē in veteri iure fuerunt, vnde queri potest, quid opus fuerit hac constitutione? Animaduertendum est non tantū hanc cōstitutionem pertinere ad confirmationem superioris iuris, sed præcipue ad hoc, vt hæc particula adiciatur iuri veteri, nempe in his conditionibus quæ viuo testatore impleri possunt, probandum esse ita eas conditiones tunc impletas vere pro impletis haberi, vt nihil referat vtrum implementum non perseueret. Proinde ex his conditionibus, si *Titius consul factus fuerit: si factus fuerit prætor: si Titio Seia nupserit*: intelligitur exstitisse cōditiones, cū ille cōsul factus fuerit aut prætor viuo testatore, aut Seia viuo testatore nupserit, & adhuc testatore viuo vel ille cōsulatū aut præturam deposuerit, aut hæc impleta esse desierit. Et ideo t̄ in illis verbis quæ leguntur in hac constitutione: *Vel adhuc viuo testatore*, distinctiua particula, vel, pro coniunctiua accipienda est, vt alias sæpe in vsu iuris, l. *supr. de verb. sign.*

Ad L. penult. Si testam.

Impp. Valer. & Galien. A. Ioanni præfecto prætorio.

Si testamentum ita scriptum inueniatur: Ille heres esto secundum conditiones infra scriptas: Siquidem nihil est adiectum, neque aliqua conditio in testamento posita est, superuacuum esse conditionum pollicitationem sancimus, & testamentum puram habere institutionem. Et argumento utimur, quod Papinianus respondit: viuos

Reipublica relicto qui proprios fines habebant, non ideo ex fideicommissis minus debere, quod testator fines eorum & certaminis formam, quod celebrari singulis annis voluit, &c.

S V M M A R I A

1 *Institutio hac, Titius heres esto secundum conditiones infra scriptas, conditionibus nullis adscriptis, valet & pura est: conditioe postea adiecta, conditionalis habetur, § nu. 3.*

2 *Obiectiones quae contra adferri poterat, refelluntur.*

1 **H**Æ institutio, † *Titius heres esto, secundum conditiones infra scriptas*, etiā nullis conditionibus adscriptis valet, & qui institutus est heres, erit quasi pure institutus. In † hanc tamē sententiam hæc dicuntur. Primum non valet institutio, eoq; nec testamentum, ubi institutio imperfecta est, id est, ubi institutioni testator aliquid adicere voluit, nec adiecit, l. si is qui testam. D. qui testam. fac. pos. In institutione autē hac proposita, testator conditionem adicere voluit, nec adiecit, proinde imperfecta institutio, eoque testamentum Resp. Falsum est testatorem in hac institutione voluisse conditionem adicere, imo quia non adiecit, ideo certe colligitur, eum adicere noluisse. Noluit igitur. cur ergo conditionum facit mentionem in institutione? Respōdeo, quia constituerat deliberare, an postea conditionem adiceret nec ne, cum non adiecerit, apparet propositū prius omisisse.

Deinde obiicitur, l. quoties § tantum. D. de hered. instit. ubi ita scribitur, si testator conditionem adicere destinans, non adiecerit, heredem pro non instituto haberi, quæ sententia Marcelli est, quam nominatim postea probat Ulpianus. Respondeo: Nihil est verius hac sententia; si modo testator conditionem adicere destinavit, ut illic scriptū est. sed prius constare oportet, illum hoc voluisse, ut diserte scribitur in d. l. si is qui test. D. qui testam. fac. pos. Nos autē hic dicimus ex his verbis secundum conditiones supra scriptas, non colligi testatorem omnimodo conditionem adicere, quam non adiecit, voluisse. Postremo dici potest institutionem propositam ideo nullius esse momenti, quia sit sub conditione, quæ conditio defecerit. Nam hæc verba, *secundum conditiones infra scriptas* hoc significant, secundum conditiones, quas infra scribam. Hæc autem oratio, *quas infra scribam*, conditionem habet, leg. 6. de leg. 1. Respondeo: non ideo recte colligitur hanc institutionem conditionalem esse. Nam hæc conditio, si conditiones infra scribam, non adiecitur institutioni, sed conditioni adiecitur. Hoc dicere intelligitur testator: Titius heres mihi esto, sub conditione, sed hac lege, si conditionem infra scribā: unde colligitur si conditionem infra non scribam, heres esto sine conditione. Nam quoties aliquid fieri iubetur sub conditione, sub contraria conditione non iuberi intelligitur, l. quib. diebus, §. quidam Titio, de condit. & demonstr. Quæ ratio evidenter sufficiebat, ut probaretur nullis conditionibus infra adscriptis institutionem propositā puram esse non conditionalem.

Maluit tamen Trebonianus ad hanc institutionem confirmandam uti responso argumento Papiniani, quod subiicit, quod totidem verbis exstat in leg. cum pater, §. ult. de leg. 2. cum testator vicos legavit, & adiecit, si fines vicorum postea monstraturum, nam etiam his finibus non demonstratis, placet vicos debere. Sed verendum est, ne non hæc constitutio posita, cum

legato illo recte comparetur. Nam hæc oratio, *quas fines postea demonstrabo*, nullam habet conditionem, sed tantum demonstrationem. Hæc autem verba, *Secundum conditiones infra scriptas*, conditionē, quam dixi, continent. Itaq; tutius erit hanc institutionem superiori ratione defendere.

Ut autem † in hac institutione, si conditio nulla infra scripta est, valet institutio, & pura est: Ita quacunque parte testamenti postea conditio adscripta est, institutio habetur conditionalis non secus, quam si in ipsa institutione conditio expressa & adiecta esset. Ut puta testator in principio testamenti sic scribit, *Titius mihi heres esto, secundum conditiones infra scriptas*. Deinde in extremo dixit, *Conditione de qua initio dixi hanc esse volo, si navis ex Asia, &c.* Dicimus institutionem Titii perinde accipiendam, quasi testator initio dixisset ita coniunctim: *Titius heres esto, si navis ex Asia venerit*. Ad q̄ constitueudum visum est opus fuisse hac constitutione, quia dici potest: Institutionem hoc modo scriptam puram esse, non conditionalem, ut dixi. Nam in principio institutio conditionem non habuit, in extremo conditio adiecta est, sed nulla institutio, quo fit, ut neutra parte videatur conditionalis esse institutio.

Sed hæc recte dicuntur, cum institutio & conditio separantur, cum autem coniunguntur, necesse est institutionem conditionalem videri. Constituit autem Iustinianus hæc coniungi oportere, quasi eodem loco scripta essent, quod non constituit ea ratione, quæ redditur ab Accursio, quia quæ in continenti sunt, ea inesse intelliguntur. Nam si testator ita scripsisset: *Titius heres esto secundum conditiones quas codicillis adscribam*. Deinde multo post tempore conditionem adscribat, videbitur a principio fuisse conditionalis institutio testamento adscripta, l. asse. de hered. instit. Sed hæc ratio est, quod in qua parte aliquid demonstratur, ex eo quod postea eveniturū est, quancumq; evenerit, iam in principio expressum fuisse, in ea parte videri. Puta testator, in testamento scripsit: *Is mihi heres esto, quem codicillis scribam*. His verbis statim Titius heres institutus & demonstratus intelligitur, quancumque etiam in codicillis postea scribat. d. l. asse. de hered. instit.

Ad L. Ultimam.

Impp. Valer. & Galien. A. Ioanni PP.

Cum quidam pregnantem habens coniugem scripsit heredem ipsam quidem suam uxorem ex parte, ventrem vero ex alia parte, & adiecit, si non posthumus natus fuerit, alium sibi heredem esse, posthumus autem natus impubes decessit: dubitabatur, quid iuris sit, tam Ulpiano quam Papiniano viris disertissimis voluntatis esse questionem scribentibus, cum opinabatur Papinianus eundem testatorem voluisse posthumo nato, & impubere defuncto matrem magis ad eius venire successionem, quam substitutum, &c.

S V M M A R I A.

- 1 *Quoties pater filio impuberi in alterum casum substituit simul in virumque substituisse videtur.*
- 2 *Species huius legis plenius declaratur, & quid iuris in ea sit deciditur.*

CUm pater filio impuberi substituit Titium in hunc casum, si filius posthumus natus non erit, id est, si filius heres non erit, quamvis filius nascatur & heres existat patri: Si deinde intra pubertatem decedat,

cedat, pure & vulgariter institutus nihilominus admitteretur ex constitutione D. Marcelli. Qua efficitur: Quoties ꝑ pater filio impuberi in alterum casum substituit, simul in vtrumq; casum substituisse videtur, siue filius heres fuerit, siue non, & intra pubertatem decesserit, *l. iam hoc iure 4. de vulg. & pupil. de qua constitutione dicitur suo loco tit. sequenti.* Hinc dubitatio orta veteribus in specie proposita: Testator qui vxorem pregnantem habebat, vxorem heredem instituit ex parte, ventrem, id est, qui in vtero est filium, instituit in reliqua parte. Huic filio Titium in hunc casum substituit, id est, in hanc conditionem, *Si post hunc natus non esset*, id est, heres omnino non esset, nam non potest heres esse, qui omnino non est in rerum natura. Deinde posthumus natus est, & iure ipso patri heres exstitit, ac deinde intra pubertatem decessit. De eius hereditate quaeritur inter matrem & substitutum, substituto ex substitutione hereditatem sibi vendicante: matre autem sibi vendicante legitimam filii, ex Senatusconsulto Trebelliano.

Quaestio in eo est, vtrum substitutus in hunc casum substitutus sit, si impubes heres erit, & intra pubertatis tempus decesserit. Nam si est substitutus, iure admittetur, quoniam pater filio in hunc casum potest substituere; sic mater excluderetur: nam quoad ex testamento hereditas adiri potest, tamdiu ab intestato legitimis non defertur, *l. quamdiu de acquir. hered.* Rursum si Titius in hunc casum alterum substitutus non est, impubes decessit intestatus: Intestatorum liberorum hereditas ad matrem pertinet, vbi neque est pater neque descendens, *Instit. de Senatusconsulto Orphil.* Hic si superiorem regulam constitutionis sequimur, Titius in vnum casum substitutus, etiam in vtrumque casum substitutus intelligitur, eoque admitteretur exclusa matre.

Sed haec sententia non placuit: visum est Papiniano & Vlpiano, matrem potius in proposito admitti debere, si modo heres esset instituta cum filio: sed haec dubitanter dicebant. Iustinianus haec duo effecit, eorum dubitationem sustulit, & sententiam certam effecit. Alterum, admisit matrem excludere substitutum aduersus tacitam pupillarem, siue heres instituta esset, siue non. Vt vero obstet constitutio superior, & quamobrem placuerit hunc casum excipi, dicitur suo loco *ad l. precibus. j. seq. tit.*

AD TITVLVM XXVI. COD.

De impuberum & aliis substitutionibus.

S V M M A R I A.

- 1 Ratio ordinis & tractandi modus.
- 2 Substituere quid proprie significet, & quomodo hoc loco accipiat. n. 3.
- 4 Fideicommissarius heres proprie substitutus non est. & num. 29.
- 5 Substitutio secundi heredis institutio dicitur.
- 6 Institui & substitui qui dicantur, & quomodo in vsu iuris distinguantur.
- 7 Vocabulum, Institutionis, & generale & speciale est.
- 8 Gradus vocabulum quid iuris auctoribus significet, & cur hic vsurpetur. & nu. 10.
- 9 Primus & secundus locus heredum quomodo accipiat, & quis sit primus, quis secundus heres. & n. 11.
- 12 Heres primus quot modis dicatur deficere.
- 13 Substitutionum genera quot. & nu. 30.
- 14 Conditiones substitutionum in vsu iuris casus appellantur, & cur: & hinc quidam in primu casum, quidam

- in secundum dicuntur substitui. & num. 15. 16. 17.
- 18 Casus in substitutionibus duo tantum sunt.
- 19 Quis dicatur primus, quis secundus casus.
- 20 An ut natura, sic etiam iure in vtrumque casum substituere liceat, ut valeat substitutio. & nu. 22.
- 21 Vulgaris substitutio unde dicatur.
- 22 Substitutio impuberum vel pupillaris unde dicta, & quae in eadem requirantur?
- 23 Substitutio pupillaris quomodo a vulgari differat.
- 24 Tertium substitutionis genus, quae vulgo exemplaris, a Duareno quasi pupillaris, & hic substitutio mente capti vocatur.
- 25 In pluribus personis heredem in secundum casum substituere, iure directo non licet.
- 26 Directe substitui quis dicatur.
- 27 Oblique substituere quid sit.
- 28 Directa substitutio quae, & quomodo simplex.
- 29 Vulgaris substitutio quae.
- 30 Non vulgaris quae, & quomodo simplex.
- 31 Fideicommissaria substitutio quibus permissa sit.
- 32 Cetera substitutionum genera ab interpretibus addita, ut sunt substitutio compendiosa & breuiloqua, improbantur.

VT licet heredes instituere testamento, ita his & substituere, non tantum secundo gradu, sed tertio, quarto, quinto & in infinitum, *l. 36. potest. de vulg. & pupil. substit. tit. de vulg. Instit. in pr. l. verbis legis 120. de verb. sig.* Ex quo post ꝑ institutiones heredum, recte agitur de substitutionibus heredum, in quo explicando prius de verbo dicemus, deinde de iure, quod sic constituitur.

Substituere ꝑ Latinis est in locum aliarum rerum deficientium vel inutilium, alios submittere & subrogare, ut cum dicimus fructuarium in locum demortuorum capitum alia substituere debere, & ita gregem supplere, *l. verus 68. in fin. & l. seq. de usufruct.* Valet haec ipsa significatio cum heredes substitui posse dicimus. Est enim ꝑ substituere in locum primi deficientis vel heredis vel exheredati alium heredem instituere. Recte instituere: nam & substitutio institutio est heredis, ut vbiq; heres non instituitur, ibi intelligendum sit nec substitutionem esse. Quam ob ꝑ causam fideicommissarius heres proprie non est substitutus: nam proprie non est heres is, cui restituitur ex fideicommissio hereditas, *§. restituta. Inst. de fid. her.* Hinc substitutio ꝑ dicitur a iuris auctoribus secundi heredis institutio, *l. ex facto 43. §. Lucius. de vulg. & pupil.* Et cum quis heres institutus esset sub conditione, si testatorem instituisset, placuit videri heredem conditioni paruisse, si testatorem in quouis gradu instituisset, id est, etiam si substituisset vel secundo vel tertio gradu. Et ꝑ tamen in vsu iuris distinguuntur instituta substitutis, non ut genus a specie, sed ut species contrariae.

Nam instituti dicuntur, qui instituti sunt primo gradu: substituti autem secundo gradu instituti sunt, *l. 1. de vulg. & pupil.* Et passim hic vsus loquendi occurret in argumento heredum institutorum & substitutorum. Sed haec contraria non sunt. Nam ꝑ institutio dicitur & generaliter & specialiter. Generaliter instituere est heredem scribere aut nuncupare, quocunque gradu id facias, id est, etiam si substituas quarto vel quinto loco. Vt enim in subscriptione inest simplex verbum scriptio, sic in substitutione inest semper institutio. Sed cum haec coniunguntur instituti & substituti, tunc institutos proprie intelligimus eos,

qui primo gradu instituti sunt. Sic vsus est adoptio-
nis in l. 2. §. 1. ff. de adopt. sic cognationis, sic agnatio-
nis in l. non facile. §. cognationis. l. iureconsult. §. 1. de grad.
§. affin. sic actionis in l. pecunia 17. §. actionis. ff. de verb.
signific.

Sed vt substituere est alium heredem instituere,
sic non omnis institutio, substitutio est, sed tunc de-
mum cum quis instituitur in locum alterius defici-
entis, qui vel sit a testatore prius institutus, vel exhe-
redatus. Quod de exheredato dixi, ideo dixi, quod
pater filio impuberi, quem in potestate habet, substi-
tuere potest heredem, non tantum instituto, sed et-
iam exheredato, de quo postea. Id autem an ita sit,
quoniam aperte certis locis expressum non est, dan-
da est opera, vt ex iis, quæ a veteribus hac de re scripta
sunt, confirmetur. Exstat autem in d. l. 1. de vulg. hæc
definitio institutorum & substitutorum, vt instituti
sint primo gradu, substituti autem, qui secundo vel

tertio, vel deinceps instituti sunt. Gradum ¶ vocant
iuris auctores, locum, quo heres institutus est, vt eo
loco succedat. Is primo gradu institutus est, qui pri-
mo loco: Is secundo gradu, qui institutus est secun-
do loco, & sic deinceps, vt hoc verbum explicat Vl-
pianus l. 2. §. deferitur. ff. de bon. poss. secundum tab.
Sed primum ¶ & secundum locum heredum ac-
cipere debemus non ex ordine scripturæ, sed ex or-
dine successionis, vt intelligatur esse institutus se-
cundo loco is, non qui secundo loco scriptus est, sed
qui ita institutus est nominatim, vt secundo loco suc-
cedat post heredem primo scriptum. Nam fieri po-
test, vt quisquam secundo loco scribatur, qui tamen
institutus erit, vt in hoc exemplo: Primus ex semisse
heres esto, secundus ex quadrante heres esto, tertius ex
quadrante heres esto. Hic secundus & tertius quam-
uis ordine scripturæ secundo & tertio loco scripti
sunt, tamen pariter cum primo heredes instituti in-
telliguntur, l. si quis heredes 14. cum l. seq. de hered. instir.
scilicet quia non sunt ita instituti, vt succedant post
primum, sed simpliciter instituti. E conuerso potest
quis primo loco scriptus esse heres, qui tamen sub-
stitutus erit non institutus, vt in hoc exemplo: Titius
heres esto, si secundus heres non erit. Hic secundus
quamuis postea scriptus, tamen institutus est: Titius
quamuis scriptus primo loco, tamen est substitutus,
l. si quis ita 28. de her. instir. nempe ob id, quia Titius
nominatim ita institutus est, vt heres esset post se-
cundum.

Ad id ¶ significandum appositisime iuris aucto-
res vsi sunt verbo gradus, vt dicerent institutum esse,
qui primo gradu institutus esset, substitutum qui ef-
fet institutus secundo gradu. Vt autem in gradibus
primus quisque gradus nobis occurrat, nec ad secun-
dum peruenitur nisi post primum, nec ad tertium
nisi post primum & secundum, sic institutus & sub-
stitutus. Hic est ordo progressionis, vt primo defera-
tur hereditas institutis, deinde iis deficientibus defe-
ratur substituto, nec vnquam locus sit substituto, nisi
instituto excluso, l. quamdiu institutus 69. de acquir.
her. Ex hoc ordine successionis institutorum & sub-
stitutorum heredum hæ appellationes veteribus na-
tæ sunt. Nam ¶ heres institutus dicitur primus heres:
substitutus autem dicitur secundus heres, vt intelli-
gatur is, qui ita institutus est, vt secundo loco suc-
cedat.

Occurrunt hæ voces in l. precibus. inf. h. l. si posthu-
mus. vers. nam & cum. ff. de liber. & posth. sicque primi

& secundi heredis nomen vsurpatur a Cicerone,
cum alibi tum præcipue in Topicis. Inde substitutio
dicta secundi heredis institutio, vt supra dixi, l. ex fa-
cto. §. Lucius. ff. de vulgar. Pro iis Caius in fragmentis
institutionum lib. 2. de substitut. substitutionem vo-
cat secundi heredis appellationem. Quæ si recte di-
cta sunt a veteribus, non errauit Accursius in pr. tit. de
vulg. cum substitutionem dixit secundam institutio-
nem. Nam secundi heredis institutio & secunda in-
stitutio coniugata sunt. Substitutus autem est secun-
dus heres, proinde huius heredis institutio est secun-
da institutio: neque eo moueri debemus, quod dici-
tur heredem substitui posse non tantum secundo lo-
co, sed etiam tertio, quarto, quinto, in infinitum, l.
1. §. l. potest. de vulgar. Nam qui quinto loco substitu-
tus est, si conferatur cum primo ex ordine scripturæ,
recte dicitur quinto loco institutus, non autem se-
cundo: sed si conferatur cum proximo herede, id est,
quarto vel alio, cui defertur hereditas, ceteris here-
dibus prioribus deficientibus, non potest dici nisi se-
cundo loco institutus & secundus heres, quia prior
heres, cui soli defertur hereditas, incipit solus esse
heres institutus, vt pote ceteris omnibus exclusis.
Quam rationem si cūti veteres, non aliter substitu-
tum omnes appellauerunt quam secundum he-
redem.

Hic autem intelligitur heres institui, ita vt securi-
do loco succedat post primum, cum nominatim in-
stituitur in primi deficientis locum, id est, cum insti-
tuitur sub conditione, si primus defecerit, si pri-
mus remotus erit. Proinde, vt propositum est, vere
definiuimus initio substituere heredem, esse in pri-
mi heredis deficientis locum alium heredem, vt he-
redem instituere. Deficit ¶ autem primus heres du-
pliciter, vel quod heres non existit, vel quod heres
sit, sed postea moritur, atque ita heres natura esse de-
finir. Vnde intelligimus, ¶ substitutionum totidem
esse genera, vt vel substituatur quis sub conditione, si
primus heres institutus heres non erit: vel vt substi-
tuatur sub altera sequenti conditione, si primus he-
res institutus heres erit, & deinde decesserit. Quæ
conditiones notantur & comprehenduntur in sub-
stitutione impuberum, l. i. de pupil. substit. in pr.

Hæ duæ ¶ conditiones substitutionum in vsu iu-
ris appellantur casus, in quos quis heres substituitur.
Vt is qui substituitur, si primus heres non erit, dicatur
in primum casum ¶ substitutus, vt sit sensus in pri-
mum casum substitutionum, id est, in primam con-
ditionem, sub qua heredes substituuntur. Is autem,
qui ¶ substituitur sub hac conditione, si primus he-
res erit, & postea decesserit, dicatur substitui in alter-
um casum, in quem heredes substitui solent. Sic vo-
cantur passim hæ conditiones præcipue in l. precib. §.
h. & in l. 4. ff. de vulg. & pupill. Et ¶ recte hæ conditio-
nes vocantur casus: nam conditio nihil aliud est nisi
euentus & casus, in quem aliquid differtur, vt defini-
tur in §. sub conditione in Instit. de verb. oblig. Sunt ¶ au-
tem hi casus in substitutionibus tantum duo, vt con-
sequens sit, substitutionum non plura esse genera
summa.

Id docet primum natura: nam si substituere est
surrogare in locum deficientis heredis, consequens
est non plures esse posse conditiones substitutionis,
quam superscriptas duas, quoniam non deficit heres
institutus, nisi vel quia heres non est, vel quia cum
heres esse cœperit, postea definit. Id etiam manifesti
loci

loci iuris confirmant. Nam in *l. precibus*, nominantur tantum substitutionis duo casus, primus & secundus. Sed evidentius id declaratur in *d. l. 4. de vul. vbi casus substitutionum nominantur vnus & alter*, quod verbum posterius non vsurpatur nisi de duobus. Quemadmodum autem de numero horum casuum hoc tenendum est, duos tantum esse: sic & illud obseruandum de ordine horum casuum: In vsu iuris priorem illum (Si primus heres non erit) dici primum casum substitutionum; illum autem alterum (Si primus heres erit & postea decesserit) dici secundum casum siue sequentem. *d. l. precibus. inf. l. Lucius. de vulg.* idque duabus de causis. Vel quia ille casus, Si primus heres non erit, primo receptus est iure, alter autem longe post cepit recipi, non iure scripto, sed moribus, *l. 2. de vulg.* Vel quod est verius, quia cum hi duo casus coniunguntur in substitutione impuberum, id est, cum quis substituitur impuberi; si impubes heres non erit, siue heres erit, & intra pubertatem decesserit: Ordo id exigit, vt prius quæretur, an sit heres nec ne, quoniam si heres non erit, inepte quæritur, an postea de sinat. Quod si heres erit, tunc quærendum est, an postea decedat, atque ita heres esse destinat. Ex quibus, vt dixi, apparet, & quid sit substituire heredes, & quibus conditionibus substituantur, & ex iisdem conditionibus quæ sint genera substitutionum natura. Hæc de nomine substitutionis dicta sunt, deque re huic verbo subiecta. Nunc de iure substitutionis videndum est.

20 Est autem & de iure substitutionum hæc quæstio, an quemadmodum natura licet substituire in vtrumque superiorem casum, ita etiam liceat iure, vt substitutio valeat? Et placuit non licere, de quo ita ius est. In priorem casum, Si primus heres non erit, licet prioribus institutis, alios quos velint, & quot velint, heredes instituere, *l. potest. ff. de vulg. & pupill. §. de vulg. in pr. Inst. h.* Hic casus a iuris auctoribus vulgaris dicitur, & qui substituitur in hunc casum, dicitur substitui vulgari nomine, *l. 4. §. 1. ff. de vulg.* Vnde & substitutio ipsa vulgaris dicitur, *§. si autem. Instit. de pupill. & tot. tit. in ff.* Appellatio hinc nata, non quod vulgaris substitutio sit directa, vt quidam hoc loco imperitissime scripserunt, nam & pupillaris directa est, *l. post aditam. inf. h.* vbi dicitur, quæ tamen nihil minus est, quam vulgaris, sed nata est ex eo, quod substitutio in hunc casum, Si primus heres non erit, omnibus iure permittitur, vt sit in vsu omniū vulgarium; quomodo vulgares actiones, & vulgaria actionum nomina dicuntur vsitata, *l. 1. & 2. de præscript. verbis.* Quo nomine ita appellatur hoc genus substitutionis, vt distinguatur a pupillari & similibus, quæ fiunt in secundum, quæ non omnibus permittæ sunt, sed

22 paucis & certis personis, vt postea patebit. Ergo & in secundum casum, Si primus heres erit, & postea decesserit, iure ciuili, id est, leg. 12. tabularum, nulli licet heredem substituire, ac ne patri quidem vt filio impuberi alium heredem substituat in secundum casum, Si impubes heres erit, & intra pubertatem decesserit. Quod ex eo intelligimus, quod de hoc genere substitutionis postea introductum est moribus, *l. 2. ff. de vulg. & pupill. Instit. in pr. h.*

Hoc ius sumtum est ex lege 12. tabularum, quæ ita facit potestatem heredis instituendi & substituendi, si quis instituat suis bonis, non alienis, his verbis: Vti quisque rei suæ legasset, & c. *l. verbis leg. de verb. sig. l. testandi. sup. de testam.* Hinc sic recte collectum est a ve-

teribus. Licet heredem substituire suis bonis, alienis non licet. At cum quis substituitur a testatore in hunc casum, Si primus heres institutus non erit substitutus instituitur in bonis testatoris: cum autem substituitur in hunc casum, Si heres institutus, heres existerit, ac postea decesserit, substituitur bonis heredis non testatoris, *tit. de pupill. in pr. vers. quo casu.* Proinde in priorem casum substituire licet, in alterum sequentem iure non licet. Sed hoc ius postea in quibusdam personis remissum est.

Ac primum moribus populi Romani obtinuit, id est, vsu & consuetudine, vt parentes filiis suis impuberibus, quos in potestate habent, substituire heredem possint, in hunc casum, Si impubes heres erit, & intra pubertatem decesserit, *d. l. 2. in pr. ff. de vulg. & Instit. h. in pr.* Hæc & substitutio ex re dicta est substitutio impuberis, quia esset impuberum propria, vt quibus satis posset parens in secundum hunc casum substituire, *§. si autem. in fin. Instit. de pupill. subst. l. sed si plures. §. ad substit. ff. de vulg.* Vnde inscriptio huius tituli, de impuberum & aliis substitutionibus, vt sic de pupillari substitutione & aliis generibus substitutionum admoneremur. Hæc eadem magis proprio vocabulo appellatur substitutio pupillaris, *d. l. de vulg. & pupill. l. 2. & l. seq. de pupill. instit.* Ita dicta, quia pupillus est is impubes, qui sui iuris esse cepit, vel morte patris, vel emancipatione, *l. pupillus. de verbor. sig.* In hoc autem solum tempus confertur substitutio pupillaris, cum impubes sui iuris erit post mortem patris. Substituitur enim in hunc casum, Si heres erit. Non potest heres patri esse nisi defuncto: ac proinde nisi tunc, cum sui iuris erit factus, morte patris.

24 Obseruandum est & autem, cum in hac substitutione tria hæc exiguntur, vt sit parens, qui substituit, vt sit impubes is cui substituitur, & præterea, vt sit in potestate patris, satis confirmari his quæ supra diximus, hanc substitutionem non esse vulgarem, vtpote quæ extraneo nulli permittatur, & quæ parenti ne quidem permittatur vt substituat liberis emancipatis, aut substituat post pubertatem. Quæ omnia contra cum permittantur in substitutione, quæ sit in priorem casum non existentium heredum, apparet merito vulgarem substitutionem eam dici, quæ ita in vulgus & in omnes passim recepta sit. Hæc substitutio pupillaris, de qua dicimus, primo sola recepta est, vnde non plura genera substitutionum apud veteres fuerunt cognita, quam hæc duo vulgaris & pupillaris substitutio. Vnde titulus de vulgari & pupillari, & duo illi separati in Instit. vnus de vulgari, alter de pupillari substitutione. Confirmatur id in fragmentis *Caii lib. 2. Instit. tit. de substitut.*

Postea & autem constitutione receptum est, vt liceret parenti, etiam post pubertatem in secundum superiorem casum heredem substituire, filio furioso seu mente capto, si in ea alienatione mentis decessisset, de quo exstat Iustiniani constitutio in *l. hereditatis. j.* Cuius summa exponitur in *§. quæ ratione. Instit. de pup. subst.* Hanc vulgo exemplarem vocant, quia in *d. §. quæ ratione*, Iustinianus scribit, hanc se introduxisse ad exemplum pupillaris substitutionis.

Sed hoc verbū nobis repudiandū est. Primo quia est contra consuetudinē iuris auctoriū, ac nō tantum barbarū: deinde quaecumque hoc verbum sit, etiam si Latinum esset, tamen est ad id de quo quæritur explicandum inutile. Cum enim exemplarem substitutionem dico, dubium relinquo, & cui substitutio

fiat, & a quo & in quem casum, ut nihil hic plus explicem, quam si nihil dixerō. Verba autem rebus consequentia esse oportet, ut bene monet Iustinianus in §. est & aliud. Instit. de donat. Duatenus quasi pupillarem vocat lib. 2. disput. cap. 2. Sed ne hoc quidem satis rem explicat. Commode igitur substitutionem, quæ fit impuberi, eiusque propria est, appellamus substitutionem impuberis. Sic eam, quæ fit mēte capto & furioso, dicimus eadem ratione substitutionem mente capti vel furiosi, id quæ ad rem quam volumus intelligendam accommodatissimum.

- 26 In pluribus personis † substituere heredem in secundum casum nulli licet, si de iure directo & communi queritur, de quo nunc agitur, cum tractatur de heredum institutionibus & substitutionibus. Dixi iure directo, quia oblique & per fideicommissum etiam in hunc secundum casum quibuslibet heredibus a nobis institutis licet alios substituere. Directe dicitur † heres substitui, cum testator substituit his verbis aut aliis idem significantibus: *Si primus heres non erit, secundus heres esto*. Quibus verbis heredem substitutum, heredem esse interest, ita ut hereditatem a testatore recte capiat, §. in primis. Instit. de fid. her.
- 28 Obl. que † autem idem facit testator, cum heredem a se institutum rogat, ut hereditatem secundo restituat, vel viuis, vel post mortem suam. Hoc genus fideicommissariæ restitutionis iure communi receptum est, de quo in Instit. de fideicom. her. & l. ad Senatusconsulti. Treb. ff. & C. Hæc restitutio, ut apparet, fit in secundum casum: iubetur enim heres restituere, non nisi prius eam habuerit, unde etiam inuitus eam adire cogitur, §. sed quia heredem. Instit. de fid. her. Is autem
- 29 tem, † cui restituitur hereditas, proprie non est substitutus, quia non est heres lege civili, §. restituta. Instit. de fid. her. Et ideo cum proprie institutionem & substitutionem heredum nominamus, inter substitutiones non numeratur fideicommissaria substitutio. Unde factum est, ut in hoc argumento institutionum & substitutionum non agatur de Senatusconsulto Trebelliano, sed omnibus partibus exponantur ea, quæ pertinent ad directas heredum institutiones & legata testamento relicta.

Sed, etsi is, cui restituitur hereditas ex fideicommissaria hereditate, non est heres, tamen heredis loco habetur ex Senatusconsulto Trebell. quia effectus actiones hereditariæ omnes ei dantur, & aduersus eum transeunt, non secus, quam si vere heres esset testatori, §. sed quia stipulationes. Instit. de fideicom. hered. l. in pr. ff. ad Senatusconsulti. Trebell. Hac ratione fit, ut non male is, cui restituitur ita hereditas, dicatur substitutus heres, & id fideicommissum testatoris recte dicatur substitutio, quomodo Papin. vocat in l. 41. coheredi. §. cum filia. de vulgari & pupillari. his verbis: Nec aliud seruandum est, cum substitutionis conditio pupillarem ætatem verbis precariis egreditur. Verba precaria cum nominat, declarat se intelligere hereditatem fideicommissariam, quam tamen substitutionem vocat.

Dixi non licere in hunc casum secundum aliis substituere, quam superscriptis personis iure directo & communi, quia aliud militibus licet ex privilegio militum, l. precibus. infr. h. Nunc autem de iure communi instituendorum & substituendorum heredum agimus. Ex his nullo negotio intelligi potest, quæ genera sint receptarum iure substitutionum, de quorum tam multæ sunt interpretum dissensiones. Igitur

substitutionem † si proprie intelligimus institutionem secundi heredis, qui vere heres sit, solæ substitutiones sunt, quæ sunt directæ, quæ in significatione de substitutionibus agitur h. l. & tit. de vulgari & pupillari. infr. in Instit. Sin autem substitutionem dicamus generaliter, ut contineatur ea non tantum substitutioni veri heredis, sed etiam eius, qui heredis loco habetur, substitutionum duo sunt genera summa; aut enim directa est, aut obliqua, quæ eadem est, quæ fideicommissaria.

Directa nominatur in l. post aditam. infr. hoc tit. Fideicommissaria eodem verbo satis significatur, nominatur autem a Papin. sæpius, ut in l. 41. coheredi. §. cum filia. de vulg. l. heredes masc. §. 1. & §. ult. ff. ad Trebell. Directa † substitutio est, cum quis ita substituit heredem, ut iubeat heredem esse, vel ita ut velit eum recte hereditatem ex testamento suo capere non ab alio herede prius instituto. Fideicommissaria quæ sit, supra diximus. Directa substitutio duplex est, vulgaris & non vulgaris. Vulgaris † est, quæ quis substituitur in priorem casum; Si primus heres institutus, heres non erit. Dicta quod vulgo permixta sit, eo quæ in usu etiam vulgari. Non vulgaris † est, quæ persona substituitur in sequentem casum; Si primus heres erit ac postea decesserit, in quem casum quia non omnibus conceditur alios heredes substituere, ideo non vulgaris dicta est. Ut sunt hæc personæ, quibus in hunc casum substitui potest, ita huius substitutionis genera distinguuntur. Quia igitur solis parentibus concessum est in hunc casum substituere duobus generibus liberorum, nempe impuberibus & mente captis, hinc totidem species huius substitutionis siue superioris casus existerunt.

Sunt igitur duæ substitutiones huius generis. Una impuberis, quæ & pupillaris dicitur: altera furiosi, siue mente capti. De vulgari dicitur in l. post aditam. infr. h. De pupillari, in l. si testam. eod. De furioso, in l. hereditates. eod. Et hæc genera sunt solum cognita iure communi. In militibus licet in eundem secundum casum quibuslibet heredibus institutis, alios substituere, l. precibus. infr. h. Sed hoc ex privilegio militum, de quo nunc non agimus. Fideicommissaria † substitutio omnibus testatoribus & quibuslibet heredibus institutis, iure communi permixta est, ut scilicet qui heres institutus est rogetur hereditatem alii restituere vel viuis, vel post mortem suam, prout testatori visum erit, ut supra dixi. Cum neque in plures casus substituere liceat, quam in superiores, quos initio posuimus, & in sequentem secundum casum non admittatur substitutio in pluribus personis, quam quas supra comprehendimus, & ea forma de qua supra; conuincitur non plura genera esse substitutionum, quam supra posuimus, quæ quidem agnoscantur iure.

Imperite autem † fecerunt interpretes, quod alia quædam addiderunt, ex quibus potuit intelligi, quid hic quæreretur, ab illis perceptum non fuisse, multo minus quid ius constitueret. Faciunt illi quandam substitutionem, quam vocant compendiosam, ex l. precibus. infr. h. tit. cum scilicet miles filio impuberi heredi instituto alium substituit, in hunc casum; Si filius intra vigesimum annum decesserit: comprehendens compendio orationis duo tempora, pupillaris ætatis, & ætatis puberis. Sed hæc non sunt vlla noua genera substitutionis: nam si filius impubes decessit, non continentur hac substitutione aliæ, quæ illæ, de qui-

quibus diximus, vulgaris & pupillaris, post pubertatem autem continetur substitutio noua in secundum casum, etiam si filius heres existerit. Sed hoc ex privilegio militum est, non ex iure communi, in quo merum nouum substitutionis genus non efficitur. Forma conceptionis, qua usus est miles & qua paucis verbis hæc genera substitutionum complectitur, diuersa est a formulis singularum substitutionum, sed hæc diuersitas in verbis & non in rebus est: nam species substitutionis semper eadem sunt.

Faciunt præterea & illi quandam substitutionem, quam appellant breuiloquam, quam possumus reciprocam appellare, cum videlicet testator vel pluribus filiis impuberibus institutis breui sermone eos inuicem substituit. Hoc, inquam, genus substitutionis diuersum a ceteris faciunt, quia in l. 4. §. 1. de vulg. & pupill. Modestinus hoc genus substitutionis tertium posuit, in quo ab illis etiam in iure manifesto valde erratur. Nam in ea ipsa constitutione, quam citant, nominatim dicitur, in huiusmodi substitutione reciproca nihil amplius contineri, quam substitutionem in vtrumque casum, id est, in vulgarem & pupillarem, vt sit sensus, his verbis contineri non nouas species substitutionis, sed illas duas priores, de quibus Modestinus dixerat, interdum vnam duntaxat, interdum duas. Fefellit eos, quod Modestinus appellat hanc substitutionem tertium genus, dum non intelligunt tertium genus illud dici, non ex re & specie substitutionis, sed ex conceptione & formula substitutionis. Nam vulgaris substitutio sic exprimitur: Filius meus impubes heres esto, si heres non erit, secundus filius heres esto. Pupillaris autem sic exprimitur: Si filius meus primus impubes heres erit, & intra pubertatem decesserit, secundus heres esto. Ab iis differens conceptio & formula substitutionis hæc est, cum vtroque filio herede instituto, testator ita breuiter dicit: *Eosque inuicem substituo*. Sed conceptio ita fieri debet, vt tamen substituendi verbo perinde sit quasi testator expressisset vtrumque casum substitutionis vulgaris & pupillaris. Non sunt igitur, vt dixi, genera plura substitutionis cognita, quam quæ supra posuimus, quæ dum nobis occurrent, nos admonebunt non in alios casus, non aliis personis heredem substitui posse, quam iis, de quibus initio dixi.

Ad L. 1. Cum heredes.

Imp. M. Aelius Antoninus A. Secundo.

Cum heredes ex disparibus partibus instituti, & inuicem substituti sunt, nec in substitutione facta est vllarum partium mentio: verum non est non alias partes testatorem substitutioni tacite inieciisse, quam quæ manifeste in institutione expressæ sunt. Datum Claro II. & Seneca Coss. 171.

S V M M A R I A.

- 1 Plures heredes instituti nullis partibus adscriptis, ex æquis partibus instituti intelliguntur: itemque in substitutis locum habet.
- 2 Instituti ex partibus æqualibus & postea substituti nulla partium mentione facta, in eas partes, quæ in institutione expressæ sunt, instituti intelliguntur. & num. seq.

¶ Cum plures heredes + instituuntur nullis partibus adscriptis, intelliguntur ex æquis partibus instituti esse, l. 9. §. 3. de hered. inst. §. si plures. Inst. eod. Consentaneum videri poterit, vt si plures heredes in locum deficientis prioris substituti sint sine partibus, videantur similiter æqualiter esse substituti, quod &

verum est, si hi substituti sint, qui prius instituti non fuerunt: nam substitutio nihil aliud est nisi institutio secundorum heredum. Sed si iidem prius instituti sint, qui & postea inuicem sunt substituti, hoc ius placuit, vt si instituti + sint ex inæqualibus partibus, deinde substituti nulla mentione partium facta, tunc quæ partes in institutione expressæ sunt eadem & in substitutione repetitæ intelligantur, quod hic constitutum est, §. 1. Inst. de vulg. l. si in testamento. de vulg. Exemplum constitutionis in l. si plures. ff. eod. exstat.

Coniectura voluntatis ducta est ex iis, quæ præceperunt in institutione, ex quibus etiam amor testatoris in heredes colligitur: nam quibus maiorem honorem habuit in institutione, eos etiam magis dilexit, vt apparet, quos autem plures fecit in institutione, verisimile est eosdem plus dilexisse in substitutione, neque subito amorem istum mutasse. Sed hoc ius tunc + locum habet, cum duo concurrunt in substitutione, videlicet cum & heredes sub nominibus appellatiui substituti sunt, vt sit his verbis: *Eosque heredes inuicem substituo*, & præterea eos, qui substituantur, non onerant testator, vt quid præstarent ei heredi qui deficit, aut heredibus eius. Quod si testator inter heredes ex inæqualibus partibus institutos, vni alterum substituat, vel substituat omnes inuicem, sed nominibus singulorum propriis appellatis, placuit videri ex æquis partibus substitutos, l. nonnunquam. ff. ad Trebell. Hoc nominum propriorum appellatio efficit, vt personæ exæquentur, quoniam in his in capitales diuisa, argum. l. si heres. 124. de legat. 1. Sed etiam si testator sub nominibus appellatiuis heredum eos substituerit, ceterum iusserit singulis tantundem dare, quantum cui substituti sunt: Placuit hoc quoque casu ex onere substitutis adscripto etiam quantitatem eiusmodi confici debere, vt qui in onere pares sunt, in commodo hereditatis percipiendo pares fiant, l. quoties. ad Trebell.

Ad L. 2. Hereditatem quidem.

Imp. Seuerus & Antoninus AA. Frontinæ.

Hereditatem quidem defuncti intestati filii delatam tibi dari non oportet. Substitutio enim testamento patris facta, ad pubertatis tempore porrigi non potest: Quia ipso & aliis non eiusdem conditionis heredibus institutis, & inuicem substitutis, propter eorum personam, quibus in vnum casum duntaxat substitui potest, etiam in filio idem debere seruari, & ratio suadet, & diuus Marcus pater constituit. PP. 6. Kal. Aug. Chitone & Libone Coss. 205.

S V M M A R I A.

- 1 Substitutus an quis sit in vulgarem aut in pupillarem.
- 2 Substitutio, quæ verbis expressa non est, quando admittatur.
- 3 Vulgari substitutione expressa, an continetur pupillaris, & vice versa.
- 4 Lectio huius legis emendata.

¶ Endet hic locus, quemadmodum & l. 4. inf. h. ex eo iure, quod refertur in l. 4. ff. eod. de quo hic dicendum est, non tantum vt exceptio horum locorum intelligatur, quæ alioqui intelligi non potest, sed etiam, quia his exceptionibus ius superiorum in contrariis causis euidenter confirmetur. Ius autem refertur ad hanc questionem, vt queratur, quæ sit vis & effectus vulg. & pupillaris substitutionis: Prius querendum est, an + quis sit testamento in vulgarem casum substitutus, aut in pupillarem, de quo frustra quæretur, si vtrique substitutio existimaretur tantum verbis

testatoris; nunc autem placet eas etiam sine verbis intelligi ex sententia testatoris, de quo ita est constitutum, cum pater filio impuberi substituit, ut alterum in eum casum verbis expressum, & in alterum non expressum substitutus intelligitur, *l. iam hoc iure. de vulg.* Idque ita est, siue pater substituerit tantum in vulgarem casum, siue in pupillarem tantum. Itaque tertiae hae debent esse ratae priori de vulgari substit. si pater filio impuberi substituerit in hunc casum, *Si filius impubes heres non erit*, vi ipsa etiam in hunc casum substituisse, *Si heres erit, & intra pubertatem decesserit*.

Sententia in specie confirmatur in *l. 2. §. ult. vers. sed et si ita scripserit. ff. de vulg. item l. ult. infr. de instit. & substit.* ubi posthumus substitutus quis est in hunc casum, *Si posthumus natus non esset*, id est, si heres non esset, & tamen placet si posthumus natus erit & heres fiet, sed intra pubertatem decesserit, substitutum admitti, si viuo impubere adhuc mater decessit. Altera sententia de pupillis est haec: Si pater filio impuberi substituerit in hunc casum, *Si filius heres erit, & intra pubertatem decesserit*, qui casus secundus dicitur & pupillaris, etiam in vulgarem casum substituisse intelligitur, si impubes heres non erit, ut sic in utrumque euentum substitutus admittatur ex substitutione. Hec sententia diserte expressa est in *d. l. 4. §. 1.* in illis verbis: *Cum autem impubes.*

2 Hinc ergo fit, ut queramus, † quando admittatur ea substitutio, quae verbis expressa non est? Respondeo: Ex voluntatis coniectura admitti sine verbis. Nam cum voluntas testatoris intelligitur, haec etiam si verbis expressa non sit, seruanda est. Tota enim testatoris voluntas fieri debet, *l. ex pacto. §. verum de hered. l. 12. in fin. de leg. 1.* Voluntas autem haec testatoris facile inde colligitur, si filio impuberi substituat in vulgarem casum, *Si filius heres non erit*. Nam ex hac substitutione pater vult substitutum sibi heredem esse, *ut. de pupil. sub. Instit.* Hoc casu consentaneum est, eum testatorem, qui voluit substitutum sibi heredem esse, tum cum filius heres non esset; etiam voluisse eundem heredem esse sibi, cum filius heres exstiteret & intra pubertatem decessisset. Id autem tunc contingit, cum pater eundem substituit filio impuberi in hunc casum, *Si filius heres erit, & intra pubertatem decesserit*. Nam ex hoc casu, si substitutus admittitur ad successionem impuberis, vna opera, & fit heres impuberi primo & principaliter, deinde vulgariter & pupillariter, *vers. hoc casu*, & sic etiam patritestanti, ut diserte scriptum est in *l. pr. in fin. ff. de vulg.* Idque ex regula iuris; heres heredis impuberis, heres quoque est testatoris, cui impubes heres exstiterit, *l. ult. infr. de her. instit. l. 7. si quis filius suus §. ult. de acquir. her.*

Haec coniectura voluntatis confirmatur etiam hac ratione, quia verisimile est, testatorem voluisse etiam in secundum casum consulere filio impuberi, ut ei heredem daret, & consentaneum est, quem pater heredem sibi esse voluit, eundem non indignum iudicasse, quem heredem impuberis faceret. Quae coniectura si admittitur in vulgari substitutione expressa, multo magis in pupillari substitutione expressa admittenda est, ut propter eam etiam vulgaris intelligatur. Nam ex pupillari substitutione, ut dixi, substitutus fit heres & impuberi & patri. Si pater voluit ex ea substitutione substitutum utrique heredem esse, multo magis voluit heredem sibi soli esse, quod euenit in hunc casum, *Si impubes heres non erit*, qui est

casus vulgaris substitutionis. Quo † magis reprehendendi videntur quidam, qui in re aperta litem mouent, & cum admiserunt vulgari substitutione expressa contineri etiam pupillarem, negant tamen idem ius esse vice versa, ut pupillari expressa continetur vulgaris, quod contra omnino dici oportebat, ut ratio euidens ostendit, praesertim cum in *princip. d. l. 4. §. 1. vers. cum autem*, tam aperte refellantur.

Huic constitutioni quaedam obstant, quae discutienda sunt. Ac primum dici potest, nihil in testamento valere, quod scriptum non sit, ac proinde frustra intelligi substitutionem, quae non sit expressa, *l. quoniam g. de her. instit.* Respondeo: Non est necesse, quiduis nominatim in testamento scribi, ut ex testamento valeat, satis est si aut scribatur, aut scribatur aliud, ex quo id quod volumus confici potest, *l. heredes. §. 1. in fin. qui test. fac. pos. l. si seruus plurimum. §. ult. de leg. 1.* Secundo loco dici potest, si testator in vnum casum substituit, ideo in alterum casum substitutionem factam accipi non debere, quod non solum scriptum desit, sed etiam voluntas testatoris. Iam cui quid sub conditione datur, sub contraria conditione vel adini vel non dari intelligitur, *l. aliquando. l. quib. de reb. §. 2. de condit. & de monstr.* Proinde qui substitutus est sub conditione, si filius heres non erit, dicendum est potius eum sub contraria conditione substitutum non esse, si filius heres erit & impubes decesserit. Respondeo: Haec in re dubia vere dicuntur, sed ubi intelligimus, testatorem etiam sub contraria conditione idem sensisse, voluntas eius seruanda est. Id autem contingit, cum testator in vnum casum filio impuberi heredem substituit, sic enim substituit, ut velit eum sibi heredem esse. Volet autem heredem sibi esse non tantum, si filius heres non erit, sed etiam multo magis, si filius heres erit, ut sic pater, & simul sibi heredem faciat & prospiciat etiam filio.

Postremo siue testator de casu non expresso sensit, siue non sensit, tamen obstant hi loci, in quibus declaratur, cum testator sibi in vnum casum cauit, alterum casum omissum videri, *l. 10. commodissime. de liber. & postb.* ubi si testator instituerit heredem eum, qui se mortuo nasceretur, traditur, si quis eo viuo nasceretur, eum institutum non videri, tametsi causae dici nihil potest, cur testator filium utroque tempore sibi natum non pariter velit heredem esse. In eandem sententiam scriptum est in *l. 22. si cum dotem. in pr. de solat. matrim.* si quis in dote danda stipulatus sit sibi dotem reddi matrimonio morte soluto, eum actionem non habiturum, si matrimonium solutum sit diuortio. Respondeo: Multum interest, utrum id, de quo sensit testator, pendeat ex eius voluntate, an vero positum sit in iuris voluntate, ut scribat aut exprimat testamento. Si res in eius voluntate posita est, sufficit testatorem de ea sensisse, si modo ex alio scripto id colligatur, cuius generis est substitutio, quae fit impuberi. Pater enim impuberi substituere potest, si vult, si non vult non habet necesse.

At cum exigitur a testatore, ut quid scribat aut caueat testamento, id nisi scripserit non valebit, quantumvis de eo senserit, quoniam legi non satisfecit. Quicquid autem contra legem fit, pro infecto est, *l. non dubium. C. de legib.* cuiusmodi est institutio liberorum posthumorum. Non enim liberum est patri liberos instituere, si instituere iubetur aut exheredare, *l. inter. de lib. & postb. ut. de exhered. lib. in pr.* cui consequens est, ut qui posthumus in vnum tempus insti-

tutus nominatim non est, is pro instituto haberi non debeat, quoad id tempus attinet. Exemplum legis *Si cum dotem*, huc non pertinet. Nam stipulatio & pactio est quidem posita in voluntate contrahentium non vlla iuris necessitate, *l. sicut. infr. de oblig. & act.* sed pendet ex duorum consensu, non autem solius stipulatoris seu creditoris. Proinde non est mirum, si is qui in vnum casum sibi aut nominatim in alterum casum actionem non habeat, quia et si ipse de altero fortasse idem sensit, non tamen idem sensit promissor & debitor, cuius hæc mens est, ne plus debeat, quam aperte cautum est, voluntas testatoris ex vno testamento pender.

Hæc constitutio superior hanc exceptionem habet, nisi voluntas refragetur, *l. 4. in fin. ff. h.* Nam cum superior constitutio sumta sit ex coniectura voluntatis, ea aduersus voluntatem testatoris seruari non debet. Interdum autem aperte voluntas refragatur, quo minus, qui in vnum casum substitutus est, in alterum casum intelligatur substitutus. Id contingit, cum testator in singulos casus separatim singulos dat substitutos, hoc modo: Si filius heres non erit, primus heres esto: Si heres erit, & impubes decesserit, secundus heres esto, *l. cum ex filio. §. 1. ff. eod.* Vbi autem nihil a testatore aperte in vtramque partem expressum est, perpetua est hæc sententia: Quoties pater filio impuberi substituit in secundum casum, id est, si filius heres erit, & impubes decesserit, toties etiam in vulgarem casum heredem substitutum videri. At non idem perpetuum est, ut cum quis in vulgarem casum substitutus est, etiam intelligatur substitutus in secundum casum, si filius impubes decesserit, cum heres exstiterit. Refragatur enim interdum voluntas, quæ colligitur nonnunquam ex verbis testatoris, interdum ex persona heredum legitimatur impuberis. Intelligitur contraria voluntas ex verbis testatoris, quoties testator, cum persona impuberis alios vel puberes vel extraneos coniungit, & iis communiter substituit, vna oratione & conditione, si hi heredes non erunt. Exemplum est *l. 15. §. h.* Est autem huiusmodi: *Filius meus Firmianus & vxor mea heredes sunt, si filius & vxor mea heredes mihi non erunt, Firmianus in totum mihi heres esto.* Placet hoc casu, si filius heres exstiterit patri, Firmianum ex substitutione pupillari heredem non futurum, quantumvis filius impubes decesserit. Hæc ratio redditur, quia conditio communiter relata est ad filium & vxorem, ut proinde in vtriusque persona idem exprimere debeat. At in persona vxoris exprimere non potest secundum casum, quia extraneæ personæ in secundum casum substituere non possumus, proinde nec in persona filii hic casus intelligitur, sed is solum, in quem vtrique personæ testator substituere potuit, id est, vulgaris. Idem probandum est, si testator cum impubere alios heredes coniunxit & communi verbo seu communi oratione eos inuicem substituit, quæ species est huius *l. 2.* Vt puta, testator ita scripsit: *Filius meus impubes ex semisse mihi heres esto, primus, secundus, tertius, &c. ex altero semisse heredes sunt, quos omnes inuicem substituo.* Placet si filius impubes patri heres non erit, reliquos coheredes ex substitutione heredum futurorum tanquam substitutos in vulgarem casum, quemadmodum & pupillus iis coheredibus in secundum casum substitutus est. Ceterum si filius heres exstiterit patri, deinde impubes decesserit, substitutionem nullam esse, ex qua coheredes in hunc ca-

sum admittantur, in quam sententiam est *l. in testamento. §. de testam. milit. l. 4. §. 1. ff. eod. de vulg.* Ratio hic addita est, videlicet constitutum hoc ideo esse, quod coheredum persona, quibus in vnum casum tantum substitui potuit, nempe in vulgarem, quasi incongruum sit, ut iis heredibus inuicem substitutis, in quorum persona duplex substitutio locum habet, id est, duæ substitutiones, vulgaris & pupillaris: in duorum autem persona locum habet sola vulgaris, ut scriptum est *in d. l. 4. §. 1. ff. h.* Sed cur hoc ita videtur absurdum, cum verbum *substituto* vtramque speciem substitutionis admittat? Ratio rationis reddi hæc videtur *in d. l. 4. §. 1.* Quod hi verbo communi substituti sunt, *Eosq. inuicem substituo*: Hic enim verbum commune significat, non quod commune est vtrique substitutioni, vulgari & pupillari, alioqui hac ratione efficeretur potius vtramque substitutionem hoc casu contineri: Sed dicitur commune, quod communiter ad omnes heredes institutos & pariter refertur, idque semel & sæpius. Quod argumentum est, testatorem semel hoc verbo prolato rem vnam in omnium heredum persona significasse, non pluram.

Est autem in verbis huius legis secundæ & lectio & rationes obseruanda. Species hæc fuit, quam supra dixi, sed hoc accesserat, quod filius heres exstiterat patri, ac deinde pubes factus decesserat. Eius mortui hereditatem sibi vindicabant coheredes ex substitutione superscripta. Mater impuberis dicebat & contendebat filium intestatum decessisse, eoque hereditatem filii ad se pertinere ex Senatusconsulto Tertull. *Instit. de Senatusconsulto Tertull.* Consultus a matre Alexander respondit, dubitari non de re in proposito, quia nulla sit substitutio, atque ita hereditas intestati filii ad matrem pertineat, idque duabus rationibus, quæ subiiciuntur. Prior est, quod substitutio testamento patris facta ad tempora pubertatis porrigi non potest, id est, post 14. annum fieri non potest, *l. 7. verbis. l. 15. centurio. ff. de vulg.* Hic autem proponitur filius pubes decessisse, Altera ratio est, quia etiam si filius impubes decessisset, tamen cum filio & aliis heredibus diuersa conditione substitutis, hi omnes inuicem substituuntur. Verbo *substitutionis* non intelligitur nisi substitutio vulgaris, ob eam causam, quam supra dixi. Ex quo intelligimus, lectionem huius loci mendosam esse, & pro quia, legendum, *quin*, hoc modo: *Substitutio enim testamento patris facta, ad tempora pubertatis porrigi non potest, quin & ipsi & alii, & quæ sequuntur.* Nam non ideo substitutio ad pubertatem porrigi non potest, quia heredes inuicem substituti sunt, ideo vero non potest, quod in secundum casum tantum moribus recepta est substitutio pupillaris, singulari ratione, quæ in puberibus locum non habet. Ex persona autem heredum legitimorum intelligitur testator vulgari casu expresso non substituisse in secundum casum, quoties mater impuberis est superstes, de qua exceptione dicitur *ad l. precib. infr.*

Ad L. 3. Heres instituta.

Imp. Alexander A. Achilla.

Heres instituta matris testamento, si successionem ex testamento omisit, & ab intestato bonorum possessionis ius habere voluit: substitutio locum quin feceris, in dubium non venit, &c.

Vide ad l. post adiutam.

Ad L. 4. Quamvis placuerit.

Imp. Alexander A. Firmiano.

Quamvis placuerit substitutionem impuberi, qui in potestate testatoris fuerit, a parente factam ita, Si heres non erit, porrigi ad eum casum, quo posteaquam heres exstiterit, impubes decessit, si modo non contrariam defuncti voluntatem exstitisse probetur, &c.

Dixi ad l. 2. sup.

Ad L. 5. Post aditam.

Imp. Dioclet. & Max. AA. Hadrianæ.

Post aditam hereditatem, directæ substitutiones non impuberibus filiis factæ, expirare solent. PP. 10. Kal. Inn. ipis IV. § III. Coss. 293.

S Y M M A R I A.

- 1 *Legis huius summa.*
- 2 *Substitutiones non impuberibus filiis factæ quæ sint.*
- 3 *Vulgares substitutiones post aditam hereditatem expirant, & an etiam ante.*
- 4 *An idem verum sit in hereditate adita a seruo herede instituto, qui iussu domini adit hereditatem.*
- 5 *Quid iuris in filiofamilias olim, & hodie.*
- 6 *Substitutio quo pacto finiatur: & an perpetuum sit, ut conditione substitutionis euanescat.*
- 7 *Quid si heres institutus hereditatem adierit, aut suus heres exstiterit patri, ac deinde hereditas ei a fisco auferatur tanquam indigno.*
- 8 *Institutus quamdiu admitti potest, tamdiu substituto locus non sit.*
- 9 *Hereditas quibus modis amittatur.* (sit.)
- 10 *Quid in seruo herede instituto, cui substitutus datus*
- 11 *Quid in filiofam. herede instituto, cui substitutus datus sit.*
- 12 *Filiusfam. utrum repudiante patre admittatur, an vero locus fiat substituto ex voluntate patris.*
- 13 *Voluntas testatoris si est manifesta, seruanda est.*
- 14 *Heres institutus si repudiat hereditatem ex testamento, sufficit ut sit substituto locus.*
- 15 *Ex testamento quamdiu heres aliquis esse potest, tamdiu hereditas legitimis non deferitur.*
- 16 *Heres an aliquis possit esse desinere iure, & quot modis contingat.*
- 17 *Institutus si quis sit, qui decedens hereditatem transmittat ad suos heredes ex superscriptis locis, si is substitutum habeat, utrum eo mortuo non adita hereditate, hereditas pertineat ad eius heredes secundum ius scriptum, an vero ex iudicio testatoris substituto locus fiat.*
- 18 *Ex substitutione vulgari ad cuius hereditatem quis admittatur.*

Sententia testis post aditam ab herede instituto hereditatem, vulgaris substitutio expirat, atque hoc modo substitutus excluditur. Ait rescriptum, *directæ substitutiones*. Directæ, additum est propter substitutionem fideicommissariam, qua adita ab herede instituto, hereditates non modo non expirant, sed maxime confirmantur. Nam institutus heres rogatus hereditatem alteri restituere, non potest restituere, nisi prius hereditatem habeat quæ restituatur, neque habere potest nisi hereditatem adeundo, usque adeo, ut si volens adire nolit, cogi possit ex Senatusconsulto, *l. nam quod. § ad Trebell. § sed qui. Inst. de fid. her.* Directæ institutiones & fideicommissariæ quæ sint, initio huius tituli dictum. Notandum est autem, ex his verbis confirmari, restitutionem fideicommissariam etiam substitutione dici. Nam illud *directæ*, differentiae causa additum est, ut intelligamus quædam esse substituti-

ones non directas, alioquin sufficiebat ita dicere, *Substitutiones non impuberibus filiis factæ, euanescent.*

Ait: *Non impuberibus filiis factæ*, id est, non pupillares, quoniam pupillaris substitutio, itidem ut fideicommissaria, tunc solum locum habet, cum pupillus heres patri exstiterit. Hæc enim conceptio est substitutionis, Si filius impubes heres erit, & intra pubertatem decesserit, *tit. Inst. de pupill. substit.* Non tamen impuberibus filiis factas sic accipere debemus, quæ non sunt factæ impuberibus ut impuberibus: nam & filio impuberi pater in vulgarem casum substituere potest, quæ substitutio non minus euanescit impubere filio herede existente. Sed eiusmodi substitutio vulgaris fit impuberi non ut impuberi, sed ut cuius extraneo, illa solum fit impuberibus ut impuberibus,

quæ fit insecundum, Si impubes heres erit, & intra pubertatem decesserit, hæc demum non exstat impubere herede existente. Hic rursus notandum est, substitutionem pupillarem siue impuberibus factam, directam dici, alioqui stulte ex numero directarum exciperetur, & directam esse, plus quam manifestum est ex non dubiis locis, ut *l. centurio. l. verbis leg. de vulg. & pup. substitut.*

In summa autem tota hac descriptione nihil aliud exprimitur, nisi tamen vulgares substitutiones post aditam hereditatem expirare. Nam quo tempore hoc rescriptum relatum est, duo tantum genera fuerunt substitutionum directarum, ut initio h. tit. dictum, vulgaris & pupillaris. Nam furiosi substitutio nondum recepta erat, proinde qui ex directis substitutionibus pupillarem excipit, is vulgarem solam relinquere intelligitur, de qua dicat. At post aditam hereditatem hoc sic accipiendum est, non prius ante aditam a substituto herede, quo tempore maxime confirmatur substitutio, sed post aditam ab instituto herede hereditatem, quod ius ex conditione & forma substitutionis facile intelligitur. Nam vulgaris substitutionis conditio hæc est, *Si primus heres institutus, heres non erit*, hac conditione deficiente, necesse est expirare substitutionem: quod conditione deficiente nihil debetur, neque ex institutionibus, neque ex legato, neque ex contractibus, *l. cedere diem. de verb. sig.* At heres institutus fit heres hereditatem adeundo, §. ult. *Inst. de hered. qual.* Ita hoc modo deficit conditio substitutionis, qua deficiente, nulla substitutio. Hac ratione intellecta dicemus vulgarem substitutionem expirare, non tantum adita hereditate ab herede instituto, sed generaliter quocunque modo heres institutus, heres exstiterit, puta si erit iuris heres, & ipso iure exstiterit heres patri. Et ideo si pater filium impuberem heredem instituerit, eique substituerit Titium, Si filius heres non esset, mortuo patre filius impubes heres exstiterit patri ipso iure, id est, sine ulla aditione, §. sui. *Inst. de hered. que ab. l. in suis. ff. de suis & legitim. l. quidam. de verb. oblig.* Et simul dicemus statim euanescere substitutionem pupillarem. Ac proinde, quauis impubes filius postea decedat, intra pubertatem tamen substituto ex substitutione vulgari locum non futurum. Sed quia pupillus heres exstiterit, atque ita defecerit conditio substitutionis, poterit quidem substitutus admitti ex tacita pupillari, *l. iam hoc iure. ff. eod. secundum ea quæ dixi ad l. 2. sup.* Ceterum ex vulgari substitutione non admittetur.

Dicet

Dicet quis, quid refert, ex quo casu aut qua substitutione admittatur substitutus, dummodo admittatur? Respondeo: Multum interest. Nam in vulgari expressa non semper pupillaris intelligitur, vt declaratur exemplis, l. 4. §. l. 2. hic. Id autem cum fit, in totum substitutus excludetur: non enim admittetur ex substitutione pupillari, quod nulla est, neq; ex vulgari, quæ euauit conditione substitutionis deficiente. Neque vero probandum videtur, quod Bartolus scribit ad l. 1. ff. eod. differens de substitutione vulgari, nempe cum pater filio, quem in potestate habet, substituerit in vulgarem casum, *Si heres non erit*, filium ex hac conditione necessitate vltima heredem fieri. Nam hæc verba. *Si filius meus heres non erit*, non significant, si heres esse nolit, quoniam fieri potest, vt velit esse heres, & tamen non possit; vt puta, si patre viuo moriatur, aut si posthumus institutus non nascatur. Idque etiam probatur verbis l. Iulianus. ff. de acquir. her. vbi proponitur pater impuberi filio, quem in potestate habebat, substituisse heredem, & tamen dicitur pupillus in ea specie se abstinuisse, quod verbum cadit tantum in eos, qui heredes sui extiterunt, l. nunquam. de acquir. her.

Ait rescriptum generaliter, post aditam hereditatem, quo loco quaesitum est, an idem accipiendum sit etiam si de hereditate adita a seruo herede instituto, qui iussu domini adierit hereditatem. Hic, inquam, quaeritur, an si huic seruo substitutus aliquis sit heres, hereditate ab eo adita iussu domini substitutio euanescat? Dubitatio nascitur ex contrariis in speciem locis: Nam verum est, ab hoc seruo hereditatem aditam esse ac proinde secundum verba huius rescripti euauit substitutio. Rursum seruo ita hereditatem adunte, non existimatur defecisse conditio substitutionis, sed potius existitisse. Ac proinde locus esse debuit substituto. Nam conditio hæc erat, *Si seruus heres non esset*, seruus autem in proposito heres non sit, sed dominus, cui statim hereditas acquiritur per seruum, l. placet. de acq. her. §. item vobis. Inst. per quas pers. Ergo placuit etiam hoc casu substitutionem expirare, vnde definitio veterum in substitutione vulgari, his verbis, *Si primus heres non erit*, hoc significat, si hereditatem alii non adquisierit, aut mutata conditione sibi, vel contra, si sibi hereditatem non adquisierit, vel mutata conditione alii, l. si pater ff. de her. inst. §. ult. Inst. de vulg. Sed placet hoc in persona serui ita accipiendum esse, si testator non ignorabat eum, quem instituebat, seruum esse. Quod si ignorauit, placuit hoc casu hereditatem diuidi inter dominum & serui instituti & substitutum seruo, propter incertitudinem voluntatis testatoris, qui locus a nobis tractatus est ad l. cum proponas. §. de her. inst. Hoc idem olim si in filiofamil. seruabatur, si is heres institutus esset ab extraneo, eiq; substitutus datus, ac deinde filius iussu patris hereditatem adiisset: nam & hic itidem vt seruus hereditatem statim acquirebat patri, §. 1. Inst. per quas pers. d. l. placet. de acq. her. Hodie & constitutio hæc in filiofam. sublata est, quoniam filiusfam. heres institutus consensu patris adiens hereditatem, non minus acquirit sibi hereditatem, quod ad proprietatem atinet, quam quibus paterfam. l. ult. §. i. j. de bon. qua lib. Proinde in huius persona dubitandum non est, quin hereditate ab eo adita non minus euanescat substitutio vulgari, quam si substitutus cuius alteri substitutus esset, & hereditas ab intestato adita esset.

Ait rescriptum: *Exspirare solent*, quibus verbis hic

exprimitur vulgaris si substitutionis adita hereditate finis, vtpote conditione substitutionis euanescente, ita vt substitutus excludatur substitutione. Quod tamen non est perpetuum. Nam si institutus, hereditate adita, defectu ætatis, quia minor, est restitutus in integrum, vt sibi hereditatem repudiare liceat, retro versus substituto locus erit, l. 7. ant. prator. §. 7. sed quod Pap. de minor. Neq; refragantur huius rescripti verba, quod enim dicitur, *substitutionem expirare post aditam hereditatem*, hanc sententiam habet, quoad adita erit hereditas, seu quoad adita habebitur. Incipit autem pro non adita haberi, cum minor restituitur. Idem dicendum est, si filius suus heres se abstineat hereditate patris. Idem n. consequitur abstinentia, qd ceteri minores restituti in integrum, nempe vt heredes non sint, l. vnum. de acq. her.

Hic quaesitum est, si an idem probandum sit, si heres institutus hereditatem adierit, aut suus heres exstiterit heres patri, ac deinde hereditas a fisco ei auferatur tanquam indigno, puta quod non vindicauerit mortem testatoris occisi. Et placet hic non idem probandum esse, sed statim excludi admissio fisco, l. si se quis. de Senatusconsulto Syllan. Et merito. Nam is, cui auferitur hereditas tanquam indigno, etiam hereditate ablata nihilominus heres est. Ideo enim ei auferitur, quia prius heres exstiterat, & qui semel heres exstiterit, propterea heres esse non definit, l. 4. 3. ex facto. §. ult. ff. de vulg. l. 7. §. 7. in fin. de minor. Vt substitutus in vulgarem casum, si primus heres non erit, excluditur conditione substitutionis, si primus heres exstiterat; sic admittitur ex substitutione, si primus heres non erit, vt puta conditione substitutionis existente. Sed hæc conditio sic accipienda est, non si primo quoque tempore heres non erit, sed si certum erit, eum heredem esse non posse. Nam quamdiu si institutus admitti potest, tamdiu substituto locus non sit, l. quamdiu. Inst. de acquir. her. Amittitur autem si hereditas, & certum est, aliquem heredem amplius fieri non posse, duobus modis, vel quod noluit esse heres, vel quod iure non potest, l. cum proponas. §. de her. inst. Non vult esse heres extraneus, qui repudiat, suus qui hereditate se abstinere, atq; vtroque modo amittit hereditatem, l. 2. §. l. 4. j. de repud. hered. Ac proinde substituto locus sit, d. l. cum proponas. de hered. inst.

Hic quaesitum est, si an idem probandum sit in seruo herede instituto, cui substitutus datus sit, si forte seruus iussu domini hereditatem non adierit? Mouet dubitationem, quod videtur satis esse, si dominus heres esse velit, cum ipso seruo hereditatem adunte, heres fiat, non autem seruus, vt supr. dictum. Et placuit hoc quoque casu substituto locum fieri, quod verum seruo repudiante, quod facere potest etiam inuito domino, neque enim heredem existitisse, quod noluit, neque dominum heredem fecisse, quod non potuit hereditatem alii acquirere, quam ipse non habuit & nunquam adquisiuit, quod comprehensum est d. l. cum proponas. de hered. inst. Hinc si oritur questio de filiofamilias herede instituto, cui substitutus datus sit, vtrum idem dicendum sit, si ipse quamuis iubente patre hereditatem repudiauisset? Mouet quaestionem l. ult. §. 1. inst. de bon. qua lib. vbi Iustinianus constituit, filiofamilias herede instituto ab extraneo, si is hereditatem repudiet, patrem hereditatem adire posse, non aliter quam si ipse heres esset institutus. Quaeritur igitur, si vtrum filiusfamilias repudiante patre admittatur ex hac constitutione, an vero locus fiat substituto ex voluntate testatoris? Quod

verum sit, filiumfamilias repudiantem heredem factum non esse, atque ita existisse conditionem substitutionis, quod mihi verius videtur.

Non debemus moueri obscura testatoris locum habet, id est, tunc, cum filiofam. nullus substitutus datus est. Nam ei substituto dato, manifestum est testatorem velle substituto locum esse, cum filius heres non
 13 extiterit. Est autem certum, cum \dagger voluntas testatoris manifesta est, hanc seruandam esse, idq; vt fiat publice expedire, *l. i. sup. de sac. Ecclesiis. l. vel negare. ff. quemad. test. aper. l. verbis leg. de verb. signif. §. disputatum. Nouell. de nupt.* Nihil ad rem pertinet, quod Iustinianus indistincte locutus est: nam hæc sententia tenenda est; Quoties testator aperte in aliquem casum prouidit, heredem nimirum in eum casum instituendo, toties cessare contrariam prouisionem legis, *l. cum ex filio. §. filio. l. ex facto. de vulg.* Multo minus mouere nos oportet argumentum Bartoli, quo ille
 vtitur *ad l. i. ff. eod.* cum ait: Ideo in proposito patrem admitti, quod iis verbis, *Si institutus heres non erit*, significetur etiam is, qui alium heredem fecerit. Hoc enim verum est. Sed in proposito filiusfamilias repudiando hereditatem patrem heredem facere non potest, etiam si concederemus patrem hereditatem adire posse. Multum autem interest, vtrum dicatur, filiumfamilias occasionem dedisse acquirendæ hereditatis, an vero causam acquirendi præstitisse. Is qui rem amittit, facit vt alius eam rem possit recipere, sed ei tradere dici non potest, quia prius non habuerit, non magis quam heredes instituti repudiando dici possunt proximos cognatos facere heredes ab intestato. Item non magis quam is, qui rem pro derelicto habet, dici potest eum dominum rei fecisse, qui postea rem occupauit. Postremo non magis, quam
 Liuius Salinator dici potest tradidisse Tarentum Q. Fab. Max. quod Salinator Tarentum amiserat, quod postea Fabius recepit, de quo apud Ciceron. *in Cation. Maior.*

Quod si ita est in filiofamilias repudiante, recte generaliter definimus: *Quoties heres institutus, cui substitutus datus erat, repudiavit hereditatem, toties substituto locum esse. siue sit sui iuris heres qui institutus est, siue alieno iuri subiectus, & siue seruus erit, siue fil. i. fam.*

Hoc loco notandum est, sufficere \dagger heredem institutum repudiare hereditatem ex testamento, vt sit substituto locus. Itaq; si is heres institutus sit, qui etiam testatori ab intestato succedere poterat, si ei substitutus datus sit in hunc casum, *Si heres non esset*, & repudiauert hereditatem ex testamento eo animo, vt ab intestato hereditatem possideret, nihilominus in totum excludetur, & substituto locus erit, vt cautum est *in l. 3. §. Obstat. l. nec is 17. §. 1. de acq. her.* vbi dicitur, si is institutus sit heres, qui ab intestato heres esse poterat, eum hereditatem repudiando ex testamento, non ideo tamen legitimam hereditatem amittere. Sed hoc *ex d. l. 3. §.* sic accipiendum est, si is solus sit institutus, aliter si ei substitutus datus sit. Sed
 14 rursus refragari videntur verba conditionis, *Si institutus heres non erit*. Nam hæc verba generalia non sunt, & hoc continent, *Si heres non erit*, quouis modo, vel ex testamento vel ab intestato. Nam totidem modis heredes esse alicui possumus. Verbo autem generali omnes species contineri intelligendum est, *l. si seruus. de seru. vrb. prad.* Respondeo: Secundum verba hoc recte dicitur, id enim verba significant, sed re-

fragatur voluntas testatoris, cuius coniectura ex prioribus verbis ducitur iuxta regulam traditam *in l. si seruus plurium. §. ult. de leg. 1.* Nam cum testator heredem instituit his verbis; *Lucius Titius mihi heres esto*, manifeste hoc dicere intelligitur, *heres esto ex hoc meo testamento*, non autem ab intestato, alioqui testator secum pugnaret, qui testatus decedere voluit, non intestatus. Cum ergo eadem verba repetit, & ita scribit; *Si is mihi heres non erit*, plane eadem significatione repetere intelligitur & hoc dicere, *Si heres non erit*, vt supra voluit, id est, ex testamento, secundum quam sententiam repudiata ex testamento hereditate substituto locus sit. Et hæc coniectura voluntatis adiunatur regula iuris, qua efficitur, quamdiu \dagger ex
 15 testamento heres aliquis esse potest, tamdiu hereditatem legitimis non deferri, *l. in plurium 70. de acqu. hered.*

Hæc de repudiatione & voluntate heredis in hereditate admittenda; sed aliquis \dagger etiam heres esse
 16 posse definit iure, quod contingit & herede viuo & mortuo. Viuo contingit, cum heres institutus est sub conditione, & conditio deficit, quo casu certum est & iure & voluntate testatoris locum fieri substituto, *l. 2. sup. de instit. & substit.* Mortuo herede hoc idem certum esse incipere, cum mortuus est non adita hereditate. Nam neque minus heres effectus est, cum hereditatem non adierit, neque mortuus adire potest, vt heres fiat. Sed nec in persona heredum suorum heres effici potest, prohibente regula iuris, quæ efficit hereditatem non aditam, ad heredem non transmitti, *l. vn. §. in nouissim. infr. de cad. toll.* exceptis quibusdam personis & causis, in quibus etiam hereditas non adita transmittitur. Personarum huiusmodi sunt duo genera. Primum est liberorum, qui a parentibus instituti etiam ignorantes, hereditatem ad suos heredes transmittunt, *l. vnic. de iis quæ ant. ap. tab. infr.* Alterum est omnium heredum, etiam extraneorum, qui intra annum a morte testatoris decedunt, dum de hereditate deliberant, *l. cum antiquiorib. infr. de iur. deliber.* Causæ, in quibus idem accidit, sunt hæc, qualis describitur *in l. 84. de acquir. hered.* de quibus alio loco dicetur commodius.

Hæc personæ & causæ quæstionem hic introduxerunt, si forte is \dagger sit institutus, qui decedens hereditatem transmittat ad suos heredes ex superscriptis locis, & is substitutum habeat, vtrum eo mortuo non adita hereditate, hereditas pertineat ad eius heredes secundum ius scriptum, an vero ex iudicio testatoris substituto locus fiat? Mouet dubitationem, quod hic, qui ita deceffit, omnino heres non est, neque esse potest, si persona eius tantum spectetur, secundum ea, quæ modo dixi, atque ita conditio substitutionis existit, vt proinde substitutioni locus fiat. Sed verius est, quæ & sententia vulgo recepta est, iis casibus hereditatem secundum ius commune ad heredes transmitti excluso substituto, idque efficitur non tantum iure, sed certo iudicio testatoris, quia conditio substitutionis hoc casu defecerit. Nam his verbis: *Si institutus heres non erit*, iure putatur heres ad excludendum substitutum, si vel ipse heres erit, vel alium heredem fecerit, *l. 40. ff. de her. instit.* Qui autem ius adeundi, quod habet, transmittit ad heredes suos legitimos, is legitimos suos in eo heredes facere intelligitur. Nam is hereditatem intelligitur transmississe, qui transmittit ius adeundæ hereditatis: nam ex hoc iure hereditatis acquisitio nascitur. Præterea

terea secundum verba conditio substitutionis defecit, cum heredes heredis instituti iure hereditario heredes existerunt: iis enim heredibus factis etiam is, qui decessit, in persona eorum quodammodo heres factus intelligitur, quoniam eadem persona esse intelligitur heredis & defuncti.

Secundo iudicium defuncti in hanc sententiam concurrat: nam cum aliquem heredem instituit, qui aperte hoc animo est, ut quādiu velit hereditatem habere aut a se non repudiet, tamdiu eam habeat, & sibi & suis heredibus. Hæc autem voluntas est in herede instituto, per quem non stat, quo minus hereditatem adeat, nisi aut ignorantia, aut iuris aliqua necessitate impediatur, ut initio diximus. Quod dicitur, *post aditam hereditatem substitutiones vulgares expirare*, sic accipiendum est, quādiu hereditas pro adita erit. diuersum est, si heres, qui hereditatem adiit, aliquo beneficio consecutus sit, ut hereditatem repudiaret, vel sese abstinere. Sic ex contrario in hac posteriore parte ita statuendum est; quod dicitur substituto locum fieri, si institutus hereditatem repudiaret, aut aliter hereditatem amiserit, tamdiu verum esse, quādiu iure aliquo hereditatem postea consecutus non sit, ut hereditatem adiret quam repudiavit, aut se abstinent, deinde restituatur, ut sibi adire liceret, substitutus excludetur, cui prius repudiatione locus esse coeperat, *l. 7. de minoribus*. Idem dicendum, si heres institutus aut substitutus datus erit, rogatus vero idem hereditatem restituere Titio. Nam si primo hereditatem repudiet, iure hereditas defertur substituto, sed si postea cogente fideicommissario hereditatem adierit, ut cogi potest, *l. 4. ad Trebell.* ius commutatur, & deficiente substitutionis conditione admittitur fideicommissarius excluso substituto, de qua specie diserte scriptum est in *l. non instam. infr. ad Trebell. & l. 63. facta. §. Iulianus. ff. eod.*

Ex his intelligimus ex substitutione vulgari, quis & quando ad hereditatem admittatur, & quando non admittatur. Quæritur, ¹⁷ ad cuius hereditatem admittatur? Et certum est ex hac substitutione succedi defuncto, *Inst. de pupill. in pr. vers. quo casu*. Idque ex eo perspicuum est, quod omnis heres institutus primo loco instituitur testatori heres, porro substitutus in prioris heredis locum substituitur. Huc accedit, quod necesse est, substitutum ex hac substitutione, aut hereditatem heredis prioris obtinere, aut testatoris; hereditatem heredis obtinere non potest, cum is heres heredem defuncti non habeat, utpote repudiatione, aut lege exclusus. Restat igitur, ut hereditatem testatoris habeat, tanquam testatoris hereditatem non heredis: nam in bona, quæ olim heredis instituti fuerant, nemo heres instituitur, neque potest, prohibente lege duodecim tabularum, *l. verbis legis. de verb. sig.*

Ad L. 6. Testamento.

Imp. Dioclet. & Max. AA. & CC. Quintiano.

Testamento iure facto, multis institutis heredibus, & inuicem substitutis: aduentibus suam portionem etiam inuitis coheredum repudiantium accrescit portio. Sine die & consule.

S V M M A R I A.

1. Portiones deficientium cur non acquirantur legitimis heredibus, sed coheredibus.
2. Heredes, qui suas portiones agnouerunt, cur non possint eas repudiare, ut sic in totum ex hereditate ni-

hil habeant, sed solida hereditas referatur ad heredes legitimos ab intestato.

3. Quid iuris in substitutis coheredibus, an & iis inuicem deficientium portiones accrescant.

Cum ex pluribus heredibus institutis, aut etiam legitimis, quidam portiones suas agnouerunt, quidam defecerunt, vel quod amiserint hereditatem, vel quod morte aut conditione impediti sint, quo minus heredes fierent, deficientium portiones reliquis coheredibus, qui suam portionem agnouerunt, acquiruntur, non tantum volentibus, sed etiam inuitis, ut hic *§. l. qui ex duobus. §. ult. de acquir. her. l. ff. ex. de suis & legitimis. l. his ita. j. de cad. toll. l. 3. §. ult. & seqq. de bon. poss. l. 1. §. quando non perent. part.* Sed cur deficientium portiones non acquiruntur legitimis heredibus, tanquam testamento hæcenus destituto? Respondeo: Quia hoc modo eueniret, ut testator in iis heredibus, qui portiones suas agnouerunt, testatus decederet, in deficientibus autem portionibus intestatus, quod ius non patitur, *l. ius nostrum. de reg. iur.* Vnde placuit, neminem eiusdem hereditatis partem habere posse, & partem repudiare: sed aut totam habere debet, aut nihil *l. 1. 3. de acquir. her.*

Sed secundum hoc, cur non licet iis heredibus, qui suas portiones agnouerunt, eas suas repudiare, ut sic in totum ex hereditate nihil habeant, sed solida hereditas referatur ad heredes legitimos ab intestato? Respondeo: Ideo fit, quia qui suas portiones acquisuerunt, eas postea repudiare non possunt, quoniam non possunt efficere, ut qui existerunt semel heredes, iidem heredes esse desinant, *§. extraneis. Inst. de hered. qual. & differ. l. 4. infr. de repud. her. l. aut prator. §. sed quod Papin. de minorib.* Hoc tamen sic accipiendum est, si coheredes deficientes extranei fuerunt: nam necessario herede, puta filio defuncti, qui in potestate morientis fuit, si postea abstineat, eius portio deficiens non continuo accrescit coheredibus reliquis, quamuis portiones suas iam ante adierint, sed fit ut si suas partes repudiare velint, liceat & deficientem necessariis, heredis portionem repudiare, *l. cum heredem. de acquir. hered.* Hoc ideo quia iam ante portio deficiens quæ sita erat necessario heredi, utpote qui patri heres existisset ipso iure, *§. sui. Inst. de hered. qual. & differ. §. sui. de hered. quæ ab intestato.* Sic fit, ut cum postea se abstineat, magis eius portio deferri intelligatur coheredibus, quam bona testatoris. Non est autem æquum, coheredem cogit inuium alia bona admittere, quam testatoris, tamen ne hoc casu testator pro parte testatus decedat, & pro parte intestatus, hæc necessitas imponitur coheredibus, ut si deficientem portionem admittere nolit, etiam suam cedere debeat, ut sic in totum defunctus fiat intestatus.

Hoc iure ³ constituto quæsitum est, an idem admittere debeamus, si coheredes, qui portiones suas agnouerant, nominatim substituti sint a testatore coheredibus deficientibus, siue quod sibi soli substituti sint, siue quod omnes heredes sint inuicem substituti, de quo præcipue hic? Et placuit eodem modo deficientium portiones substitutis coheredibus etiam inuitis accrescere, idem traditur in *l. 25. si quis heres institutus, de acquir. hered.* Mouet dubitationem, quod eadem conditio debere esse videtur substitutionis, quæ est institutionis, quia substitutio institutio est, *l. ex facto. §. Lucius. de vulgar. & pupillar.* Cui autem ex testamento defertur hereditas, huic potestas est vel

adeundi, vel repudiandi, §. *ult. Instit. de hered. qual. & differ.* Vnde colligitur, idem quoque ius esse ex substitutione debere. Deinde si substitutis coheredibus etiam portiones deficientes, quamvis inuitis accrescant, substitutio nullum effectum habebit: nam & sine substitutione idem iuris futurum erat.

Porro sic verba testatoris recipienda sunt, ut aliquid egisse intelligantur, *l. si quando. de leg. i.* Sed nihilominus etiam hoc ius in substitutis coheredibus recte placuit, & vero necesse fuit admitti, quia alioqui hic eadem incommoda metuemus quæ prius. Eueniet enim, ut testator pro parte testatus decedat, pro parte intestatus, item ut coheredes, qui portiones agnouerunt, partem eiusdem hereditatis haberet, partim repudiarent. Nihil ad rem pertinet, quod isto modo substitutio testatoris nullum effectum habeat. Hoc enim non est absurdum, quoties contra leges aliquid cauetur a testatore, quinimo ita ius est, ut priuati testatoris cautione legibus derogari non possit, *l. quod bonis. §. i. ff. ad leg. Falcid.*

Ad L. 7. Si testamento.

Imp. Dioclet. & Max. AA. & CC.
Feliciano.

Si testamento iure factio intra pupillarem ætatem & in sua potestate constituta filia, si intra pubertatem decesserit, directis verbis pater substituit: heredem te factum ex testamento post euentum conditionis, intestati successionem exclusisse constat. S. K. Ia. Sirmii, AA. Coss. 293.

S Y M M A R I A.

- 1 Substitutio pupillaris qua sit.
- 2 Quibus rebus fiat ut valeat ad fin. usque.
- 3 Puberibus liberis cur non liceat pupillariter substituere, cum & illi liberi sint.
- 4 Parens cur non possit impuberi emancipato substituere.
- 5 Substitutio pupillaris ut fiat, quo tempore impubes in potestate parentis esse debeat.
- 6 Particula quoque aliud tempus quam mortis includit.
- 7 Error quorundam interpretum notatur.
- 8 In omni institutione duo tempora sunt spectanda, ut iis valeat testamentum.
- 9 Impubes cui pater substituit pupillariter, cur talis esse debeat, ut morte patris sui iuris fieri possit.
- 10 Parens si pupillariter substituat, & pupillarem ætatem excipiat, an substitutio post pupillarem ætatem valeat.
- 11 Liberatorum nomine an in pupillari substitutione femina quoque contineantur. An item posthumi. An item nepotes, & abnepotes. An etiam instituti & exheredati.
- 12 Substitutio pupillaris ut valeat, tria in testamento paterno requiruntur.
- 13 I. Ut pater sibi testamentum faciat.
- 14 Substitutio pupillaris utrum conuerso ordine scriptura valeat.
- 14 II. Ut prius heredem sibi scribat, deinde substituat filio.
- 16 III. Ut testamentum patris valeat.
- 17 Substitutio pupillaris quibus casibus valeat, etiam rescisso patris testamento.
- 18 Substitutio cur ita dicatur.
- 19 Substitutus quis dicatur.
- 20 Substitutionis variae appellationes synonymicae.

Hoc rescripto valde commode comprehensa sunt breuiter ea, quæ in substitutione pupillari cognoscenda sunt, sed obscurius quia breuius, ideo ut plane intelligatur, paulo explicatius tradenda sunt. Quæ hic cognoscenda sunt, tria sunt numero. I. Quid sit substitutio hæc. II. Quibus rebus fiat, ut valeat. III. Cum valebit, quis sit eius effectus.

Substitutio pupillaris, ut initio huius tituli dictum est, qua pater filio impuberi instituto substituit heredem, in hunc casum, *Si impubes heres erit, & intra pubertatem decesserit, aut impuberi instituto ita substituit, si impubes decesserit*, ut declaratur *Instit. de pupil. in prin. & §. non solum*. In qua substitutione, quia heres instituitur pupillo non patri, ideo substitutio dicitur *testamentum pupillare*, de quo paulo post plura.

Ut pupillaris substitutio, positum est in quibusdam obseruationibus, quarum aliæ spectantur in ipsa substitutione, aliæ spectantur intrinsecus, nempe in testamento patris in substitutione ipsa. Ius hoc solum concedit, ut parentes hoc modo substituant seu testamentum faciant, primo liberis, secundo impuberibus, tertio quos in potestate habent, quarto qui quidem morte patris sui iuris sunt, tum substituant cum hac conditione, *Si intra pubertatem decesserint*, quæ summa colligitur *ex l. 2. in pr. ff. h. & i. dem hoc rescripto comprehensum est*. Exigitur ut substituant parentes liberis impuberibus. Sunt autem impuberes masculi usque ad annum decimumquartum, feminae usque ad duodecimum, intra quod tempus potestas huius substitutionis consistit, §. *pen. Instit. de pupil.* Igitur puberibus liberis hoc modo heredem substituere non licet.

Sed cur non licet, cum & hi liberi sint? Quia si sunt sui iuris ipsi sibi testamentum facere possunt, quæ libertas homini sanæ mentis adimi non debet, *l. 43. ex facto. ff. eod.* Si sunt filii familias, & si bona castrensia & quasi habeant, etiam de iis ipsi sibi testamentum facere possunt, quæ libertas itidem illis relinquenda est. Si hæc bona non habeant, ne in iis quidem heredem habere possunt, non ex testamento, quia de iis testari non possunt, *l. penult. & ultim. qui testamentum facere possunt. Instit. quibus non est permissum testamentum fac.* non ab intestato, quia peculium filii familias intestati, etiam militis, occupat pater, iure peculii, non ut hereditatem, *l. porro ff. de castrens. pecul.* Non sunt in eadem causa impuberes, quibus pater hoc modo substituit: nam ii, quia morte patris sui iuris futuri sunt, ideo bona habere possunt, proinde etiam heredem. Sed quoniam propter ætatem ipsi sibi testamentum facere non possunt, §. *præterea. Instit. quibus non est permissum*. Ideo æquum visum est, ut parentes eis facerent, *Instit. de pupil. in fin.* Ideo enim æquum, quia vtile est pupillis heredem habere non eum, quem fors dederit, qui potest esse idoneus, sed quem dederit iudicium & electio patris, qui de hac re propter affectionem suam erga filium recte existimabit.

Exigitur præterea, ut impuberes, quibus pater hoc modo substituit, sint in patris potestate, ut patet ex hoc rescripto, & *d. l. 2. in pr.* Ex quo colligitur, neque matrem filio impuberi, neque patrem filio emancipato impuberi hoc modo testamentum facere posse, §. *ultim. Instit. de pupil.* Sed cur non potest impuberi emancipato parens substituere, cum & hic non magis, quam is qui in potestate est, testamentum sibi facere possit, & videatur, in quibus eadem

eadem ratio sit, idem ius statui debuisse? Respondeo: Quia nulli debet licere, ne parenti quidem, alienis bonis heredem instituere, nisi in quæ quis bona ius habet, verante lege duodecim tabularum & naturæ æquitate.

At pater in filii emancipati bona iuris nihil habet, in filiis familias autem bona ius habet, propter potestatem patriam, quæ olim tribuebat parenti etiam ius vitæ & necis. *l. ult. de patr. potest.* Qui autem devota statuere potuerat, multo magis potuit de bonis. Vnde & illud receptum fuit, ut quamvis filius familias vivo etiam patre existimeretur dominus esse bonorum, tamen liceat parenti eum exheredare, id est, bonis iis suis excludere, quod argumentum etiam est Pauli in *l. in suis, in fin. D. de lib. & posthum.*

Notandum est autem hoc loco duobus temporibus impuberem in potestate parentis esse debere, ut substitutio pupillaris valeat, nimirum & eo tempore, quo pater ei substituit, & eo tempore, quo pater moritur, quod utrumque tempus notandum est, *l. 41. coheredi, §. cum filio. D. eod.* his verbis: Cum filio aut nepoti pater substituit, nisi mortis quoque tempore sit in potestate patris, substitutio sit irrita. Hæc autem particula, quoque, aliud tempus, quam mortis includit, hoc aliud tempus intelligere non possumus, quam id, quo parens substituit. Nam ex eo maxime tempore spectatur institutio, ut consistat, deinde & tempus mortis, ut exitum habeat, media tempora non nocent, *l. si alienum, §. 1. de hered. instit. §. in extraneis, de her. qual. & differ.*

Id eo diligentius notandum est, quod inolevit error vulgaris interpretum, admittentium mortis patris tempore debere impuberem esse in potestate patris, quo tempore sit substitutio, dummodo postea veniat in potestatem patris substituentis, idque propter verba *l. 2. in prin. vers. sed extraneum.* Qui error valde notandus est. Refellitur autem sententia non tantum dict. leg. cum heredi, §. cum filiis, sed manifestis verbis huius leg. si testamento, *l. 2. D. de pupill. in prin.* Nam in hac lege dicitur, patrem ita recte filiam substituere in secundum casum, non si filia constitueretur postea in potestate patris, sed si iam antea constituta erit in potestate patris. Et in *tor. tit. de pupill.* dicitur, permitti parentibus testamentum facere liberis impuberibus, non quos in potestate habebunt, sed quos habeant, & in *d. l. 2.* permitti parentibus facere testamentum liberis impuberibus, non si liberi erunt postea in potestate, sed si sint in potestate, quæ omnia ad præsens tempus substitutionem referunt, non ad futurum. Huc accedit, quod antea dixi, in omni institutione duo tempora spectanda esse, ut iis valeat testamentum, tempus quo testamentum fit, & tempus quo testator moritur, dict. *l. si alienum, §. d. §. in extraneis.*

Non recte in contrarium moventur verbis dict. leg. 2. vers. sed si extraneum, *D. eodem.* Sic enim verba sunt: Sed si extraneum quis impuberem heredem instituerit, potest substituere, si modo eum adoptarit, vel arrogaverit filio precedente. Hæc verba, potest ei substituere si, acceperunt, ei nempe extraneo, non recte. Nam adiacere debuerunt conditionem, quæ sequitur, ut possit testamentum ei substituere pupillariter, si modo eum prius adoptaverit vel arrogaverit. Et quamvis Ulpianus adiecit, id prius vel postea, tamen cum alterutrum verbum supplendum sit, oportet ex iure sumere utrum intelligamus. Ius autem præcepit, ut

cum oratio ambigua sit, eam sententiam accipiamus, quæ vitio caret. Hæc autem vitio caret, si intelligimus testatorem ei impuberi extraneo substituere posse, qui ante extraneus fuit, sed quem antequam substitueret, arrogavit aut subiecit potestati suæ.

Exigitur præterea, ut impubes cui pater pupillariter substituit, morte parentis sui iuris fieri possit, ut colligitur ex *d. l. 2. in pr. D. eod.* Quod exigitur propter duas causas: Primo propter eos, qui vivo patre sui iuris fiunt, quo casu dixi substitutionem fieri irritam, ex *l. coheredi, §. cum filia. D. eod.* Deinde & maxime propter eos nepotes impuberes, quibus avus pupillariter substituit, qui iidem mansuri sunt in potestate patris mortuo avo, tit. quib. mod. in prin. *Testat.* Iis avus frustra pupillariter substituit, *d. l. 2. in pr.* Et eadem ratio est, quam supra diximus, quia cum sint in potestate patris hi impuberes mortuo avo, ut bona, sic heredem habere non possunt, frustra autem iis testamentum fit, quibus heres esse non potest, cum sine heredis institutione nullum sit testamentum, *l. 1. in pr. D. eod.*

Exigitur ad extremum, ut parens, qui pupillariter impuberibus liberis substituit, substituat hac conditione, si intra pubertatem decesserint. ut hic & tit. de pupill. in pr. Quid ergo si pater hanc ætatem exceperit? Resp. Placet substitutionem quidem valere intra pubertatem, sed si filius hanc ætatem exceperit, substitutionem finiri, *l. verbis legis, in pr. l. verbis 7. in prin. de pupill.* Quod ita intelligendum est, si pater filio directis verbis substituat, post pupillarem ætatem, ut in hac lege expressum est. Diversum est, si post eam ætatē roget filium, ut hereditatē suam alii restituat, quod omnibus etiam extraneis testatoribus facere concessum est, *§. ult. Test. de pupill.* Notandum est autem eademmodum si liberi sunt impuberes, quibus parens substituit, ita nihil amplius exigi, quàm ut liberi sint. Quod dictum est sine distinctione sexus, ut intelligeremus, ut pater substituere potest masculis, sic posse & feminis impuberibus. *§. pen. Inst. de pupill.* Vnde & hoc rescripto proponitur pater substituisse filie impuberi. Itæ sine distinctione natiuitatis, ut intelligeremus substituere licere, non tantum iam natis, sed etiā posthumis, *d. l. 2. in pr.* Itæ sine distinctione gradus, ut sciremus licere substituere non tantum filiis, sed etiam nepotibus, & liberis inferioribus in infinitum, qui mortuo testatore mansuri non erunt in alterius potestate, *l. 2. in pr.*

Postremo & liberis dictum est, neque distinguitur, si sine institutione exheredati, ut hoc quoque intelligeremus, non tantum parentem liberis institutis testamentum facere posse, sed etiam exheredatis, *l. 1. §. 1. D. eo.* Nec obstat quod in exheredato filio, cui pater testamentum facit, aperte de alienis bonis statuit, nullo autem modo de iuis, *l. 12. l. verbis legis, de verb. sign.* Nam hoc singulari iure receptum est moribus in persona patris, & cur receptum sit supra diximus. Nec illud obstat, quod dicitur, cui testamento nihil relictum est, ab eo nec legatum, nec fideicommissum relinquere posse, *l. 6. D. de legat. 3. leg. ab eo, infr. de fideicommiss.* Nam hoc ad legata & fideicommissa pertinet, non ad institutionem heredis, quem interim substituere pater filio potest nempe impuberi, & intra pubertatem, si eum parens in potestate habet. Neque hæc inter se contraria sunt. Nam cum aliquid ab aliquo relinquitur, is oneratur legatū, & fideicommissi præstatione, item ei detrahuntur aliquid de bonis, quorum neutrum sit in pupillari

substitutione. Nam in hac pater heredem filio impuberi dando, hunc non onerat, sed honorat, ei non detrahit, sed adiciit heredem nō sine impuberis utilitate, cuius interest idoneū heredem habere, ut supra dictum. Vnde qui oppugnat substitutionem pupillarem, is dicitur oppugnare utilitatem pupilli, in l. *Julianus, de acquir. hered.*

Atque hæc in substitutione ipsa pupillari spectantur ut valeat. Extrinsecus autem ad vim huius substitutionis etiam quædam in testamento patris, exigimus, quæ ex hoc principio ducuntur, quod substitutio pupillaris, & quod idem est, testamentum pupillare, pars est & scilicet quæla paterni, §. *liberis, Instit. de pupill. l. qui substitutiones liber. §. ult. in fin. D. eod.* Cui sententia consequens est, nisi sit paternū testamentum, quod speciale est, non posse locum esse accessioni, id est, testamento pupillari. Propterea ¶ ut substitutio pupillaris valeat hæc tria de testamento paterno exigimus. I. Ut parens, qui filio impuberi testamentum facit, ipse sibi testamentum faciat. Secundo, ut prius heredem sibi scribat, deinde substituat filio. Tertio, ut idem testamentum valeat, id est, exitum habeat.

13 Primum ¶ exigitur, ut pater sibi testamentum faciat, l. 2. §. *quisquis, D. eod.* Ac proinde hoc exigitur, ut pater sibi heredem instituat, siue instituat ipsum filium impuberem, siue alium quemvis extraneum, quoniam sine heredis institutione testamentū non valet, l. 1. in fin. D. eod. Atqui cum hoc exigimus, simul hoc intelligimus, ut testamētum iure factum sit, puta ne liberi præteriti sint, nam iniustum testamētum nullius momenti est, id est, ne testamentum quidem est, l. 1. de inoff. testam. Hoc est, quod in hac legē scribitur in pr. si testamento iure facto pater substituit, non est satis patrem sibi testamētum facere. Hoc amplius exigitur, ut prius sibi heredem scribat, deinde substituat filio, & non conuertat ordinem scripturæ. Hoc ita diserte & multis verbis scribit Vlpianus in d. l. 2. §. *prim.* Et ut intelligere liceat hanc sententiā ei probari, eam & ratione & auctoritatibus pluribus scilicet Iul. & aliorum Imperatorum confirmat.

14 Sed ¶ difficultatem facit hoc loco, quod in eodem §. *vers. sed si quis*, hanc sententiā videtur mutare, scribit enim substitui filio impuberi recte hoc modo, *Si filius meus impubes intra pubertatem decesserit, Titius heres esto*, deinde, *Sempronius filius meus heres esto*, ubi Titius substitutus primo loco scribitur, Sempronius filius institutus secundo, in substitutione recte fit, & addit ut videtur sententiam superiori contrariam, ut non ordo scripturæ, inquit, sed ordo successionis spectetur. Sed principium cum fine ita cōciliandum est: Obseruandum est in extremis verbis, quæ supra retulimus, Vlpianum exemplum proponere de impubere filio instituto, cui pater substituit, sed de instituto tantum, non de exheredato. Ex quo intelligere debemus, illum hūc casum de priori sententia generali excipere, ut sit toti⁹ eius §. *prim.* hæc distinctio, cum pater prius substituit filio, deinde sibi heredem scribit, & queritur, utrum ¶ conuerso ordine scripturæ substitutio pupillaris valeat nec ne? Interest utrum pariter substituat filio impuberi exheredato an instituto, ut si substituit exheredato substitutio nullius momenti sit, sin autē substituit instituto, valeat, idque optima ratione quia cum pater filio impuberi prius substituit, deinde eundem filiū instituit, secundum manifestam verborum sententiā ita heredem filium instituit, ut velit eū primo loco succedere, sub-

stitutū aut impuberi datū, velit secūdo loco & postea, ut merito hic ordinem successionis & sententiā testatoris, non verba scripturæ spectare debeamus. Nam cū pater hic substituit filio impuberi, substituit nominatim sub conditione, *si filius intra pubertatem decesserit*. Cum autē eundem instituit paulo post, instituit simpliciter & pure, ac proinde filio mortuo statim illum heredem esse, & iure ipso statim heres erit, quia est suus heres, sic fit ut secundum necessitatem naturæ & iuris non possit fieri, quin sit prius heres, quam moriatur, eoque non sit prius heres, quam substitutus ex substitutione vocetur, quod contra fit in impubere exheredato. Propone enim hoc modo testatorem scripsisse: *Filius meus impubes exheres esto, si intra pubertatē decesserit, Titius heres esto, Sempronius heres esto*. Hic prius exheredato impuberi substitutus datus est Titius, deinde Sempronius testatoris heres ex testamento. Sed Titius impuberi heres ex substitutione non erit, quamvis intra pubertatem decesserit, quia substitutio non valet, & ideo non valet, quia vere dicitur in hoc exemplo & secundum verba, & secundum sententiam, patrem prius substituisse filio, deinde sibi heredem scripsisse, quoniam substitutio est sub conditione, *si filius impubes decesserit*, & institutio heredis item sub conditione tacita, *Si Sempronius heres institutus hereditatem adierit*, quia nisi adeat, heres non fit: At per rerum naturam non potest adiri, quamdiu impubes filius viuit, ut tunc adeat, cum impubes erit mortuus, quo fit, ut in hac specie, siue scripturæ ordo spectetur, siue ordo successionis, videatur pater prius substituisse filio, posterius sibi heredem instituisse. Hæc est autem conuersio scripturæ, quæ improbatur in principio eius §.

Ne hæc quidem satis sunt in testamento patris, tertium ¶ etiam hoc exigitur ut testamentum patris iure factum & scriptum, rite etiam valeat, id est, exitum habeat l. 2. §. *quisquis, D. eod.* §. *liberos, Instit. de pupill.* Huic rei hæc sunt consequentia. Primo, ut ne rumpatur testamentum patris, itaque rupto testamento, testamentum pupillare euanesceat, dicitur l. 2. §. *quisquis*. Item & illud consequens, si testamentum querela inofficiosa perlata, rescissum sit, simul & tabulas pupillares euanescere; l. *Papin. 8. §. sed nec impub. §. ult. de inoff. testamen.* Consequens & illud, hereditatem ex testamento patris adiri oportere, hac non adita euanesceat substitutionem pupillarem, quamvis testamentum patris ita iure factum sit, ut ex testamento eo adiri possit hereditas, d. l. 2. §. *quisquis, l. sed si plures, §. si ex assē, D. eod. de vulg. & pupill.* Hoc ideo consequens, quia non adita ex testamento patris hereditate testamentum eius fit irritum, leg. 1. *D. de inoff. rupt.*

Sed hoc quod de adeunda patris hereditate dicitur, in extraneis heredibus locum habet, qui non aliter sunt heredes, quam si hereditatē adierint. Ceterum ad heredes suos testamento patris institutos, non pertinet. Itaque si proponas patrem filium impuberem, quem in potestate habet, heredem instituisse, eiq; substituisse si impubes decessisset, si mortuo patre pupillus per tutores abstineat hereditate patris, deinde impubes decedat, nihilominus substitutus ex substitutione admittetur, quia substitutio valuerit, l. *filius qui se, l. Julianus, seq. de acquir. hered.* Nec ad rem pertinet, quod filius impubes hereditatem patris non adierit, nam sine aditione ipso iure existit

existit patri heres, *l. in suis, de suis & leg. hered.* Quod aut exigitur in extraneo, ut hereditas ab eo adita sit, ideo exigit, ut heres existat. Proinde si quis heres erit eiusmodi, qui sine aditione heres iure non existerit, idem probandum est, nempe confirmatum esse patris testamentum; ut sic confirmetur quoque tabula pupillares. Et ideo vere dictum est a Bart. *in d. l. filius qui se* existentia sui heredis confirmari tabulas pupillares.

Interdum tamen, etsi hereditas ex testamento patris adita non sit, aut rescissum etiam sit patris testamentum, nihilominus substitutio pupillaris valet. Ac primum quibus casibus sit potestas heredi repudiata hereditate iterum eam adire, si adierit, confirmantur tabulae pupillares. Id autem contingit duobus modis. I. Si heres minor 25. annis hereditatem repudiaverit, nam huic potestas est impetrata restitutione in integrum rursus hereditatem adire, quod si fecerit, ut ei dantur utiles actiones ex edicto praetoris, ita confirmantur tabulae pupillares, & pupillo quamquam decedente, decernuntur etiam utiles actiones eius substituto, *l. 2. §. interdum, D. eod.* Secundo modo idem accidit si heres testamento patris rogatus sit hereditatem alteri restituere, nam quamvis initio hereditatem repudiaverit, tamen cogi potest a fideicommissario, ut hereditatem adeat & restituat, *l. 4. ad Treb.* Quod si euenerit ut adeat, eadem opera confirmantur tabulae pupillares, ut ex iis quandoque substitutus admittatur *l. nam quod, §. i. ad Trebellia.* Idem probandum est, si substitutus pupillo heres, rogatus sit hereditatem restituere alteri. Nam hoc casu quamvis heres institutus testamento patris, hereditatem patris repudiaverit: Et quamvis filius impubes eo testamento fuerit exheredatus: Tamen postulante fideicommissario, cogi potest substitutus impuberis hereditatem adire ex substitutione pupillari.

Quod si quis dicat substitutionem pupillarem valere non posse, quia testamentum patris non valeat, ex quo hereditas adita non est, huic non incommodum ita occurritur. Nam ut substitutus impuberis, ex substitutione adire possit, fideicommissario postulante, cogetur heres patris, hereditatem eius adire, ut sic confirmetur paternum testamentum prius, deinde eo confirmato tabulae pupillares confirmantur, quae species est *d. l. 2. §. interdum, in prin. de vulg.* Praeterea etsi ex testamento patris non aditur omnino hereditas, tamen quibus casibus ex eiusmodi testamento legata iure praetorio conseruantur, iisdem casibus etiam ex testamento valent tabulae pupillares. Id rursus accidit duobus casibus: Vnus est si legitimus defuncti heres sit testamento institutus, deinde mortuo testatore omissa causa testamenti ab intestato possideat hereditatem, placet hoc casu confirmari tabulas pupillares, *d. l. 2. §. quisquis, in princ. D. eod.* Hoc ideo, quia etsi repudiata ex testamento hereditate, testamentum iure civili non valet, tamen ex edicto praetoris, si quis omissa causa, & cetera perinde id habetur, quasi ex testamento esset adita hereditas, quoniam sic ex testamento & legata & cetera res praestantur, ac si ex eo adita hereditas esset *leg. i. D. si quis om. caus. test.* At si legata a praetore conseruantur, multo magis substitutio pupillaris propter utilitatem pupillorum.

Altero modo hoc idem fit, cum testamentum patris rescissum est, bonorum possessione contra tab. petita, nam & hoc casu etsi non valet testamentum, non eo minus tamen substitutio pupillaris valet, *l. ex duob. §.*

ult. l. seq. D. eo. Hoc ideo, quia singulari quodam iure praetor rescisso per bonorum possessionem contra tabulas testamento, nihilominus legata seruatur quibusdam personis, nempe parentibus & liberis, *l. i. de leg. praest.* Si legata, multo magis seruatur hereditatem liberis puberibus ex substitutione pupillari.

Hac summa est earum observationum, quas in substitutione pupillari tenere oportet, ut valeat substitutio. Ex his autem varia nomina substitutionis nata sunt, quae ideo nobis sunt obseruanda, ut cum occurrent, statim ex iis res, quae demonstrantur, intelligantur, & simul explicetur eorum verborum appellatio. Primum igitur dicitur substitutio, *tit. de pup. in pr. §. §. 18 non solum*, quoniam in hac substitutione instituitur heres secundo loco & gradu. Prius enim pater sibi heredem facere debet, deinde filio, & ita debet, ut prius heredem oporteat existere patri, quam substitutio pupillaris valeat. Is autem dicitur substitutus, qui secundo loco institutus est heres, ita ut non nisi secundo loco succedat, ut initio dixi *h. r. l. i.* Et notandum est substitutum impuberis, seu hanc substitutionem non dici substitutionem habita ratione impuberis, nam substitutus impuberis est impuberi prius heres, & solus, non secundus. Sed nec ita dicitur habita ratione patris substituentis. Nam substitutus impuberi, non est omnino patri heres, nedum primo aut secundo, sed est solus impuberis heres. Verum ita substitutio & substitutus hic dicitur, ex comparatione heredis paterni, nam prius heredem a patre institui oportet, ut dixi, deinde secundo loco filio impuberi, & non conuertere ordinem scripturae, quae ab Vlp. significatur *in l. 2. in fi. D. eod.* Dicitur substitutio pupillaris, *§. igitur, Inst. de pup. l. in pupil. l. ex duob. §. ult. de vulg. & pup.* Quia etsi non potest substitui pupillo, nisi tunc cum est in potestate patris, tamen substitutionis euentus confertur in id tempus, cum impubes morte patris, sui iuris erit factus, quo tempore dicitur pupillus, *l. pupil. de verb. sig.* Eadem dicitur testamentum pupillare, *tit. de pup. in pr.* Eodem sensu dicuntur tabulae pupillares, hoc ideo, quia ex hac substitutione heres instituitur impuberi, non patri, *l. i. de pup. vers. hoc casu.* Id autem cuiusque dicitur testamentum, in quo heres cuique instituitur, quoniam ex heredum institutione testamentum pendet, *l. i. §. qui neq. de her. inst. §. cum heredem. Inst. de leg.* Idem testamentum ex ordine institutionis, dicitur secundae tabulae, ut eadem sunt tabulae pupillares, & secundae tabulae, *d. §. interdum, in pr. d. l. qui plures, §. ult. D. h.* Ex quo intelligimus in institutione pupillari, substitutione facta in testamento patris, duo testamenta esse, vnum patris, ex quo heres ei instituitur, alterum filii, ex quo instituitur pupillo heres ex substitutione pupillari, *l. patris & filii, D. h. §. igitur, de pupil.* Et tamen quia tabulae pupillares, seu substitutio pupillaris per se non valet, sed pars & sequela est paterni testamenti, *§. sibi ipsi, Inst. de pupill.* rursus hac ratione fit, ut substitutione pupillari facta, nihilominus vnum dicatur testamentum esse patris, cuius pars sit & accessio, substitutio pupillaris: Ideoque dicitur hoc sensu vnum esse testamentum duorum casuum, id est, hereditatum, *dict. §. igitur.* Ex hac ratione, cum pater substituit filio impuberi in secundum casum, dicitur patris esse testamentum duplex, & in quibus testamentis eadem fiunt, ea dicuntur duplicia testamenta in usu iuris, *l. in duplicib. D. ad l. falcid.* Hac substitutio autem hic in testamento patris, non minus ex sententia intelligitur, quam ex verbis, de quo *ad leg. 2. supr.* ubi constabat pupillae

substitutionem testamento patris ordinatam esse, & ita ordinatam secundum ea, quæ dixi.

Restat, ut de effectu eius quærat, id est, substitutus pupillo heres quando & cui, seu ad cuius hereditatem ex ea substitutione admittatur, id quod paucis verbis notatum est in extremo hæc lege. Ergo ex ea substitutione admittitur substitutus, post euentum conditionis, ut sunt verba rescripti, id est, si pupillus intra pubertatem decesserit. Nam hæc huius substitutionis conditio est. Admittetur autem ita, ut excludat intestati successionem, ut sunt verba rescripti, quibus verbis significatur, quod aliis locis explicatius traditum est, substitutum impuberis, succedere pupillo, & in omnia bona eius, ac proinde in hereditatem patris, si prius impubes patri heres exstitit, d. tit. de pupil. vers. quo casu, l. sed si plures, §. substitutos, l. pater familias, de vulg. & pupill. Hoc idem verbis huius rescripti significari dicimus, quia si tota hereditas impuberis, non pertineret ad substitutionem impuberis, ex testamento seu substitutione pupillari, impubes succederet. At perinde casu alio proximo ex intestato ei succederet. Nunc autem secundum verba testamenti hæc intestati successio ex substitutione a substituto excluditur. Ex quo colligitur illum in totum succedere in substitutione, exclusis legitimis pupilli heredibus,

Ad L. 8. Precibus.

Imp. Dioclet. & Maximian. AA. & CC.
Patronæ.

Precibus tuis manifestius exprimere debueras, maritus quondam tuus miles defunctus, quem testamento facto heredem communem filium vestrum instituisse proponis, & secundum heredem scripsisse, utrumne in primum casum, an in secundum filio suo, quem habuit in potestate mortis tempore, si intra decimum quartum sue ætatis annum aut postea decesserit, substituerit. Nam non est incerti iuris, quod si quidem in patris militis positus potestate, primo tantum casu habuit substitutum, & patri heres exstitit: eo defuncto ad te omnimodo eius pertineat successio. Si vero substitutio in secundum casum, vel expressa, vel compendio, non usque ad certam ætatem facta reperitur: si quidem intra pubertatem decesserit, eos habeat heredes, quos pater ei constituit, & adierint hereditatem. Si vero post pubertatem: tunc eius te successionem obtinente, veluti ex causa fideicommissi bona, quæ, cum moreretur, patris eius fuerint, a te peti possunt. S. V. Id. Aprilis AA. Coss. 293.

S V M M A R I A

- 1 Species facti, questio, & responsi summa.
- 2 Primus & secundus casus in substitutione, quis.
- 3 In proposito cur nulla substitutio matri obstat quominus intestati filii hereditatem obtineant.
- 4 Vulgari substitutione expressa contineri pupillarem, nisi voluntas testatoris refragetur.
- 5 Vulgari substitutione a pagano facta non admitti pupillarem tacitam aduersus matrem, sed hanc filio impubere herede mortuo admitti ad hereditatem intestati excludi substituto: si modo mater una cum filio instituta sit: alioquin in pagano patre contra.
- 6 Vulgari substitutione expressa nec tunc contineri pupillarem tacitam aduersus matrem, cum substitutio a patre militis facta est: & cur diuersum in patre pagano.

7 Compendiosam substitutionem utrumque casum continere etiam aduersus matrem impuberis, quisquis pater substituerit, siue miles, siue paganus. Compendiosa substitutio, quæ ibid.

8 Militem cuius heredi a se instituto etiam post pubertatem in secundum casum directo recte substituere, ut bona militis sola ad substitutum pertineant: heredis propria bona ad eius heredes siue testamentarios, siue legitimos redeant.

9 Ex substitutione militis in secundum casum post pubertatem, aut extraneo heredi facta, non solum pertinere ad substitutum bona propria militis; sed & fructus eorum bonorum inuentos in hereditate, cum heres, cui substituitur, moritur: & qui fructus his verbis intelligantur.

L. Centurio. D. de vulg. explicatur: ibidem, & numer. 8.

10 Ex substitutione militis in secundum casum post pubertatem facta filio, pertinere ad substitutum bona militis iure directo, non fideicommissi, quauis mater sit superstes.

11 Hæc verba, velut ex causa fideicommissi, addita, ut significetur restitutionem hereditatis ex substitutione militari in secundum casum facta, similem esse restitutioni hereditatis fideicommissaria: & cur, ac qua in res sit similis.

12 Obtineri filii hereditas a matre, quo sensu hic dicitur.

Miles pater filium impuberem, quem in potestate habebat, heredem instituit, eique substitutum dedit. filius mortuo patri exstitit heres, deinde decessit viua matre. hæc filii hereditatem ut intestato mortui occupat, eamque pro sua obtinet ex senatusconsulto Tertylliano. substitutus contra hereditatem filii ex substitutione sibi vindicat. quæritur, ad utrum hereditas pertineat? De hac re consuluit mater Imperatores, & in facti narratione rem nude ita exposuit, ut supra dixi, nempe substitutum filio datum, neque expressit in quem casum, utrum in primum, an in secundum. Respondent Imperatores, ut mater certum & absolutum responsum acciperet, debuisset eam manifestius exprimere, in quem casum substitutus datus sit: quia multum referat ad id, de quo quæritur, in utrum casum substitutus quis sit. Proinde cum id mater non expresse, respondent non absolute, sed sub distinctione, in qua versatur hoc rescriptum. Est autem hæc distinctio. Interest, utrum miles filio impuberi, quem in potestate habebat, & habuit tempore mortis, substituerit in primum tantum casum, an vero in secundum.

Primum & casum vocant vltimo iuris auctoribus loquendi more vulgarem, huiusmodi, si filius heres non erit. Secundum non vulgarem, qui priorem sequitur, siue heres erit filius, & postea decesserit, l. 4. D. de vulg. & pup. subst. de quo alias.

Si in primum tantum casum substitutus datus sit, & filius heres exstiterit, aiunt Imperatores non esse incerti iuris hereditatem filii hoc casu ad matrem omnimodo pertinere non autem ad substitutum. Id autem sic colligitur. Nam si nullus est filio substitutus datus, & is testamentum non fecit, intestatus decessit. Intestati autem filii, qui nec patrem habuit, nec filios, hereditas certo iure ad matrem pertinet ex senatusconsulto Tertylliano. Instit. de sen. Tertyll. Iam vero hic substitutio nulla fuit, ubi proponitur substitutus in primum tantum casum datus esse, & filius exstitisse

existisse heres. Nam si qua hic substitutio est, necesse est aut vulgare esse, si filius heres non erit, aut non vulgarem, si heres erit, & postea decesserit. Hic vulgaris non est, quippe quæ filio herede existente inspirauerit, quod & ipsum certi iuris est. *l. post aditam, supr. hoc tit.* Non est, non vulgaris substitutio: quoniam cum proponatur in primū tantum casum substitutus datus, hæc particula, *tantum*, satis significat secundum casum a testatore cōprehensum non fuisse. Ita fit, quod dixi, ut intestatus filius decesserit, eoq; & ad matrem pertineat intestati hereditas.

4 Et ꝑ hæc recte dicerentur ac citra controuersiam, si vulgari substitutione expressa, ut hic factum proponimus, non contineretur pupillaris. Nunc autem certi iuris est, eam contineri, *l. 4. D. de vulg. & pup. subst.* Secundum quam sententiam dici debuit filio impubere mortuo, quamuis prius patri heres existisset, eius hereditatem ad substitutum pertinere ex substitutione pupillari, consequens esse hereditatem nullo modo pertinere ad matrem: quoniam substitutio pupillaris est testamentum impuberis, *quādiu autem potest ex testamento impuberis adiri hereditas, tamdiu ab intestato non defertur neque matri, neque ceteris heredibus legitimis, l. quādiu potest, D. de acq. hered.* Sed quod dicitur vulgari substitutione expressa contineri tacite pupillarem, non est perpetuum. Id hætenus verum est, nisi voluntas testatoris refragetur, quod in specie proposita factum esse intelligendum est. Queritur igitur in proposito, quare substitutus in vulgarem casum datus a patre, qui filium in potestate habuit, nō videatur etiam in secundum casum datus, ut sic admittatur in vtrumque casum exclusa matre ab intestato, & cur non videatur pater de secundo casu cogitasse. Et vulgo obtinuit hæc sententia, ideo in proposito id fieri, quia filius decesserit vna matre: matri non nocere substitutionem pupillarem tacitam: quasi coniectura sit testatorem voluisse, si filius heres existeret, deinde intra pubertatem decederet, lactuosam hereditatem filii ad matrem pertinere potius, quā ad substitutes, de quib. in secundum casum nihil aperte cauit.

5 Sed vereor, ꝑne hæc sententia defendi non possit. Nam si ob hanc causam propter matrem excluditur substitutus in secundum casum in substitutione vulgari a milite facta: etiam in pagano testatore idem probandum erit, qui filio impuberi substitutum dederit in vulgarem tantū casum: quia hic eadem mater est, quæ de hereditate filii litigat, idem humanitatis sensus in pagano patre, ut proinde in eadem ratione idem ius statui debeat, *l. illud, D. ad leg. Aquil.* Et hoc etiam vulgo admittunt. Sed refellitur hæc sententia non obscure, *l. ubi s. prox. tit. de instum. & subst.* Nam illic proponitur testator, qui miles nou est vxorem pregnantem heredem instituisse, & vna cum vxore ventrem, id est, pupillā, qui in ventre est, pupillo substituisse hoc modo, Si filius natus non esset, id est, si heres non existisset, ac propterea substituisse ei in vulgarem tantum casum. deinde proponitur postumus natus esse & heres existisse patri, ac deinde impubes decessisse. Quæsitum est de eius hereditate, utrum ex substitutione pupillari tacita pertinere debeat ad substitutum, an vero ad matrem reiecta pupillari substitutione? Et illic refertur sententia Papiniani & Vlpiani, probantium quidem matrē ad successionem intestati filii admitti excluso substituto, ut sic vulgari substitutione, quæ expressa erat, non in-

telligatur contineri pupillaris aduersus matrem. Sed hæc sententia a Papiniano & Vlpiano defenditur hac solum ratione, quia mater iridem ut filius, instituta erat a testatore. Proinde si instituta non erit, non admittetur, sed substitutus. Vis huius argumenti indicatur in *l. 1. §. huius rei. D. de off. eius cui mand. est iurisd.* Defenditur præterea eadem sententia ab illis auctoribus hac ratione, quod si testator voluit hereditatem suam, quæ vxori non debetur, ad vxorē pertinere, multo magis voluit ad eam pertinere hereditatem filii impuberis, utpote quæ naturaliter matri debetur. Hæc ratio cessat in ea matre, quæ a testatore instituta non est. Quare in ea hoc quoque ius cessabit. *l. quod dictum, D. de pact. l. in omnibus causis id observatur. D. de reg. iur.* Nec obstat Iustiniani constitutio, qua prior sententia remota omni dubitatione confirmatur. Confirmatur enim nominatim a Iustiniano in hac specie, & in hoc casu: Nam bis hæc verba repetit ea constitutio: proinde in aliis casibus ius vetus manere oportet. *l. precipimus, in fin. infr. de appell.* Apparet autem ex superiore dubitatione Papiniani & Vlpiani, in ea matre quæ instituta non esset, dubium nō fuisse, quin filio impuberi heres non esset ab intestato; si pater impuberi substitutum dedisset, quamuis in primū tantum casum. Neq; aduersatur hic locus, ubi simpliciter dicitur hereditatem impuberis ad matrem pertinere. Nam adicitur, in hoc casu id non esse incerti iuris. Ex quibus verbis liquet Imperatores non loqui de pagano testatore, qui filio impuberi in primū casum substitutum dederit non instituta matre, aut etiam instituta. Nam vtrum hoc casu admitteretur mater, impubere mortuo res dubii iuris fuit, nō certi. Ad eiusdem rei confirmationem adicere oportet. *l. quāuis, supr. b. tit.* ubi vxore testatoris & filio impubere heredibus institutis, pater ambobus substituit hoc modo, si vxor & filius heredes non erunt; & responderetur quidem, si filius impubes heres existat, deinde intra pubertatem decedat, substitutum ex substitutione pupillari non admitti, sed matrem ab intestato. Verum ratio obseruanda est, quamobrem id placeat. Non enim dicitur ideo mater admitti, quia substituto in primū tantum casum dato, mater excludat tacitam pupillarem: sed quia testator his verbis, si heredes non erunt, substituendo, intelligitur tantum remisse de eo casu, qui in vtriusque persona locum habere potuit: potuit autem solus casus vulgaris in vtriusque persona intelligi. Quo non obscure significatur, si vni tantum filio impuberi pater substituisse in primū tantum casum, cum in eius persona locum habere potuerit etiam secundus casus, matri locum non futurum, sed substituto, quantumvis mater vna cum filio instituta fuerit. Neq; hæc sententia, qua est. Nam cum pater filio impuberi substituit aliquem in primū casum, vult substitutum sibi heredem esse. Qui autem semel eum sibi heredem esse vult, is vult eum etiam perpetuo sibi esse heredem, siue filius heres non sit, siue sit heres. Quapropter etiam filio herede existente, & intra pubertatem mortuo, substitutus testatori heres erit ex eius voluntate. Et quoniam nō potest testatori heres esse, nisi etiam sit heres pupillo, quia iunctæ hereditates esse cœperunt patris & impuberis, *l. sed si plures §. filio, D. de vulg. & pup. subst.* ideo substitutus etiam ad hereditatem impuberis vocari intelligitur, ubi alia voluntas manifestior non refragatur.

6 Sed obiicitur † hic locus, in quo cōtra placet matrem admitti. Probandum est locum scriptum esse de testatore milite. Sic enim diserte verba sunt: quod si filius in patris militis positus potestate. ex quibus intelligimus aliud iuris esse in milite, aliud in pagano. Merito. est enim in utroque alia atque alia coniectura voluntatis. Nam in milite hoc probatur, ut tantum sensisse & voluisse intelligatur, quantum dixerit, non amplius; scilicet ut quemadmodum servatur per omnia id quod voluit; ita etiam prater voluntatem non servetur, quod non aperte voluit. *arg. in leg. Diuus. & l. Lucius. D. de test. mil.* Idque recte placuit, et propter imperitiam militum, de qua scriptum est in *l. 3. sup. de test. mil.* tum propter occupationes expeditionum, in quibus iure militari testantur. §. 1. *Instit. de test. mil.* Imperitia facit, ut de iure non intelligatur cogitasse miles, si nō expresserit, *leg. ult. in prin. infr. de iure deib.* Occupatio autem militiae & expeditionis omnem aliam cogitationem adimit: ut non temere putandus sit cogitasse, quod nominatum non dixerit. Quod cum ita sit, si miles filio impuberi substituit in hunc casum, si heres non esset, non videbitur substituisse in hunc casum, si heres erit, & deinde decesserit. Ex quo efficitur, si heres existat, certi iuris esse expirasse substitutionem, ac proinde matri locum futurum, non substituto. Cui consequens est, si impubes hoc casu heres existat, & intra pubertatem decedat, etiam alium quemlibet legitimum heredem impuberis heredem futurum ab intestato, excluso substituto. Alia coniectura est voluntatis in iis testatoribus, qui milites non sunt. Nam si ius non ignorant, secundum regulas eius iuris testari intelliguntur: si imperiti sunt, tamen de hoc ipso iure videntur sensisse, quia se iure communi testari intelligunt: ut velint etiam ea omnia admitti, quae sunt ex iuris communis sententia, nisi aperte eorum voluntas refrageretur. Ex his colligimus, quoties testator in unum casum, puta vulgarem, substituit aliquem filio impuberi, simul etiam in secundum casum substituisse videri: nisi conditio heredis legitimi, qui ad hereditatem impuberis vocatur, aliam admittat coniecturam, id autem contingere, quoties filius impubes decedit viua matre: si modo & ea testamento instituta ab eodem testatore una cum filio impubere ex *l. ult. sup. prox. tit.* aut ea non instituta proponatur substitutio facta esse a testatore milite.

7 Atque haec ita sunt, si pater miles filio impuberi substituit in primum tantum casum. diuersum est, si substitutio a patre etiam in secundum casum expressa, vel compendiosa facta fuerit. sic enim verba sunt huius *l. in vers. sed si.* In secundum casum fit hoc modo: si filius meus heres erit, & deinde decesserit, Titius heres esto Explicatur hoc modo: si intra pubertatem, aut postea decesserit, quae formula initio huius rescripti expressa est. Dicitur autem hoc casu expressa, quia tempus utrumque verbis specialiter exprimitur, & quod pubertatem praecedit, & quod sequitur. Compendiosa seu compendio fieri dicitur hoc modo: quandocumque filius meus decesserit, vel, si decesserit, vel, cum decesserit, quia hic compendio sermonis utrumque tempus superius comprehenditur, non exprimitur: ut alibi appellatione hominis dicuntur compendio sermonis omnes homines contineri, *l. Marius. §. duorum. D. de leg. 2.* Ergo si substitutio in hunc casum facta sit, quandocumque filius heres factus decesserit, nunquam hereditas filii tota ad ma-

trem pertinebit, sed aut tota ad substitutum, aut saltem pro parte. Vtrum autem tota, an pro parte pertineat, ex hac distinctione statuendum est. Aut enim filius decedit intra pubertatem, aut post pubertatem. Si intra pubertatem, eos heredes habebit, quos pater ei substituit, si & hereditas adierint, ut sunt verba rescripti. Ex quibus intelligimus, hoc casu totam hereditatem filii impuberis ad substitutum pertinere. Itaque in hac hereditate & bona patris ad substitutum pertinebunt, & item bona propria filii impuberis, undecumque illa obuenerint. Nam cum is patri heres exstiterit, iuncta hereditas cepit esse patris & filii. *l. sed si plures §. filio. D. de vulg. & pupill. subst.* Hoc autem fieret iure communi, etsi paganus testator filio impuberi substituisset aliquem in secundum casum. *Inst. de pup. subst. vers. quo ca. u. §. d. l. sed si plures. §. ad substitutos. de vulg. & pup. subst.* Bene igitur Papinianus in *l. centurio, D. eod.* dixit, hoc casu substitutos iure communi etiam propria bona filii impuberis capturos. Si bona impuberis ex substitutione ad substitutum hoc casu pertinent, sequitur nihil ex his ad matrem redire. Nam ut superius dixi, haec substitutio testamentum est pupilli, quod pater ei fecit, *l. 1. D. de vulg. & pup. subst.* Quamdiu autem potest ex testamento impuberis adiri hereditas, tamdiu ab intestato non defertur neque matri, neque aliis legitimis heredibus, *l. quamdiu potest. D. de acq. hered.*

Si vero † filius decessit post pubertatem, rescripti § verba ita sunt: matre eius (filii) hereditatem obtinente, bona quae patris, cum moreretur, fuerint, veluti ex causa fideicommissi a matre peti posse. Quae verba quia obscuriora sunt, & magnas difficultates pepererunt interpretibus, nobis excutienda sunt. Et in his duo expendenda potissimum: quae hoc casu bona ad substitutum pertineant: tum quo iure. Igitur cum filius, cui in secundum casum substitutus datus est a patre milite, post pubertatem decedit, non omnia eius bona ad substitutum pertinent; sed bona dumtaxat patris, id est quae fuerunt patris, cum is moreretur. Idem in *l. centurio, in fin. D. de vulg. subst.* Hic occurritur ex iure communi. Nam verbis civilibus, id est, directis, post decimum-quartum annum frustra substitutio fit: & si facta erit, tamen pubertate finitur, *leg. verbis civilibus, & l. in pupillari. D. de vulg. subst.* Sed hoc in paganis ius est. in militis substitutione, de qua hic agitur, locum non habet. Potest miles ex privilegio militum heredes ab se institutis etiam in hunc casum, cum heredes exstiterint, substituere, non tantum liberis, sed etiam extraneis: nec tantum impuberibus, sed etiam puberibus, *leg. milites, sup. de test. mil. l. miles ut a heredem, D. eod.* Pertinent igitur bona patris militis ad substitutum non iure communi, sed ex privilegio militum, ut dicitur in *d. l. centurio*. Quid? bona propria filii ad quem pertinebunt? nempe ad ad heredes legitimos: & ideo in specie, quae nunc proponitur, ad matrem; quae temporibus huius rescripti inter legitimos heredes primum locum tenuit ex senatusconsulto. Sed cur ex eodem privilegio militis haec bona non pertinent ad substitutum, cum miles substituerit heredem filio, non sibi? Quia suis bonis miles quamvis substitutionem facere potest; alienis non potest, ne ius alienum imminuat, *d. l. milites, sup. & l. cum filius familias. D. de test. mil.* Futurum est autem, ut minuat ius alienum filii, si heredem ei dando auferat ei libertatem testamenti faciendi.

ciendi, *l. ex facto. r. resp. D. de vulg. subst.* Adicitur tamen in rescripto, ad substitutum bona patris pertinere, quæ patris, cum moreretur, fuerunt. Imo etiam ea, dicet aliquis, quæ eius non fuerunt, cum moreretur. Nam hæc bona ad substitutum pertinent cum fructibus inuentis in hereditate patris, ut scriptum est in dict. *l. centurio, in fi.* Quibus verbis intelligere debemus fructus inuentos in hereditate patris, & inuentos, quo tempore filius moritur. Neque enim de fructibus inuentis in hereditate patris, quo tempore pater moritur, sentire potest Papinianus, qui prius dixerat bona patris pertinere ad substitutum. Bonorum appellatione etiam fructus tempore mortis patris inuenti satis continentur, siue pendentes sint, siue iam ante a patre percepti. Nam pendentes pars sunt fundi, *l. fructus pendentes, D. de rei vind.* Percepti autem sunt eius, qui fundi dominus fuit, *l. qui scit. §. 1. D. de usur.* Quapropter cum Papinianus a bonis, de quibus locutus erat, separet & distinguat fructus in his inuentos; perspicuum est eum intelligere fructus in illis bonis inuentos, quo tempore filius moritur. Et verum est, hos fructus etiam ad substitutum filii pertinere: dummodo fructus in hereditate patris eo tempore inuentos, intelligamus eos dici, qui in hereditate eo tempore pendentes, non autem qui ante a filio percepti sunt. Ut corpora quæ patris fuerunt hereditaria sunt, ita & fructus eorum corporum pendentes. Proinde ut hereditas patris ad substitutum pertinet, sic & fructus eius hereditatis pendentes. Qui autem fructus viuo filio percepti sunt, hi non pertinebunt ad substitutos, duabus de causis. Primum, quia amplius non reperiuntur in hereditate patris, utpote ab ea separati. Deinde, quia percepti a filio, qui dominus erat bonorum paternorum, ei quoque eadem opera acquisiti sunt, ut sint pars hereditatis eius, non paternæ, *d. l. qui scit, §. 1. ff. de usur.* Non obstat hæc lex, quæ de bonis tantum loquitur, quæ patris fuerunt, cum moreretur. Loquitur enim solum de corporibus, non de fructuum præstatione. Corpora ipsa hereditaria si spectamus, ea solum ad substitutum pertinent, quæ fuerunt patris, quo tempore is moritur.

10 Videamus, tamen quo iure hæc bona ad substitutum pertineant. Ait enim rescriptum, *velut ex causa fideicommissi peti posse.* Quæ verba errori communi aniam præbuerunt, fecerunt enim, ut existimarent vulgo interpretes bona hæc in substitutione proposita ad substitutos pertinere non iure directo, sed iure fideicommissi. Et cum illis obicitur privilegium militis, quo privilegio miles etiam heredibus a se instituentis & existentibus substituere alium potest: respondent hic substitutionem directo factam redigi ad causam fideicommissi propter matrem filii intermediam. Quæ sententia explodenda est. Aduersatur enim cum manifestæ rationi, tum manifestis locis iuris, & maxime etiam huic loco. Ius certum est, militem heredito posse in secundum casum, *d. l. milites. & l. miles in heredem, D. de test. milit.* Porro in specie hic propostita, ut narratur factum in principio rescripti, miles filio suo secundum heredem scripserat, id est, directo substituerat heredem, his verbis, *si filius meus decesserit intra pubertatem, aut postea, Titius heres esto.* Ut igitur miles substituit directo, ita & directo substitutio valebit. Declaratur vero id evidentissime in dict. *l. centurio, D. de vulg. subst.* ubi scribitur in eadem hypothefi bona patris ad substitutum pertinere ex pri-

uilegio militum. Si ex privilegio, certe non fideicommissi iure. Nam ubi fideicommissum relictum est, fideicommissum iure communi valet etiam post pubertatem, non autem ex privilegio. *§. ult. Inst. de sing. reb. per fideicom. relict. §. ult. Inst. de pup. subst.* Et ridiculum est, quod vulgo dicunt, propter matrem filii superstitem directam substitutionem a milite factam obliquari. Hoc enim perspicue dicitur aduersus notum privilegium militare. Sed & hinc magis falsum esse intelligemus. Nam si substituitur o & institutio directa militis valet iure directo etiam aduersus filios militis, ut valet: *l. sicut. & l. seq. si pr. de test. milit.* multo magis valebit aduersus uxorem militis, ad quam nullo iure hereditas militis pertinet. Hæc eadem sententia aperte verbis huius rescripti confirmatur. Nam hæc verba, velut ex causa fideicommissi, verba sunt similitudinis. Nullum autem simile est idem. Quare si bona patris in proposito petuntur, veluti ex fideicommissi causa, non dubium argumentum id est, hic fideicommissum non esse, alioqui dicendum fuit bona hæc peti ex causa fideicommissi, non velut ex causa fideicommissi. Quod si hic fideicommissum non est, necesse est directam substitutionem relinqui, quæ hic statuatur, nihil est enim medium. *d. §. ultim. Inst. de sing. reb. per fideicom. rel.* Et hinc est, quod Imperatores dicunt, hæc bona a matre peti posse. Petendi verbo proprie actio in rem significatur. *l. actio in personam, D. de obl. & act. l. pecunia. §. actionis. D. de verb. sign.* Si actio in rem substituto datur ad hæc bona patris petenda, indicio est etiam nondum restitutis illis bonis substitutum eorum dominum esse; quoniam in rem actio nisi domino non competit. *l. in rem, D. de rei vind.* Non potuit autem substitutus recta a testatore dominus fieri, nisi voluntate in eum collata directo, *§. ult. Inst. de sing. reb. per fideicom. relict.*

Quid est ergo, tamen quod dicunt Imperatores, bona hæc peti posse velut ex causa fideicommissi? Additum hoc est convenientissime, ut intelligeremus, non omnia bona filii pertinere ad matrem, sed ea tantum, quæ propria essent filii: bona autem patris sola in restitutionem venire. Quippe idem fieret, si pater miles filium heredem instituisset, & eum rogasset hereditatem suam restituere Lucio Titio post mortem suam. Ex hoc, inquam, fideicommissio bona tantum patris restituenda essent: propriæ autem facultates filii fideicommissio non continerentur, ut est in *l. coheredi, §. cum filia, D. de vulg. & pup. subst.* Sed & illud huic restitutioni cum restitutione fideicommissi convenit, quod si fideicommissum relictum esset a filio testamento patris militis, omnia bona patris restitui deberent ex fideicommissio non imminuta ex lege Falcidia, seu senatusconsulto Trebelliano; quia in testamento militis cessat lex Falcidia, *l. in testamento, supr. de test. mil.* Sic & hoc loco ex substitutione directa militis, quæ post pubertatem facta est, omnia bona patris ad substitutos pertinent. Ex quo apparet, non alium sensum esse horum verborum, velut ex causa fideicommissi, quam hunc: nimirum in proposito bona patris a matre peti posse & restitui debere similiter, uti peti possent, & restituerentur, si pater filio heredem instituto, eum rogasset, cum moreretur, hereditatem suam restituere Lucio Titio: id est, in summa, restitutionem hanc similem esse restitutioni fideicommissi. Vnum dissimile est in fructibus. Nam ex substitutione directa militis de qua nunc agitur, ut bona ipsa patris ad substitutos pertinent, ita & fru-

ctus inuenti in hereditate patris; quo tempore filius moritur. In restitutione autem fideicommissi fructus non veniunt, nisi ex quo tempore mora facta est, *l. in fideicommissariam, D. ad Trebell.* Sed id non aduersatur huic loco. Nam, ut dixi, loquuntur Imperatores de restitutione bonorum, non etiam de restitutione fructuum. Verum est autem in restitutione bonorum priuatorum, id est corporum ipsorum, omnia esse directæ substitutioni, quæ post pubertatem facta est, similia cum fideicommissio. Nihil igitur hæc verba, velut ex causa fideicommissi, obstant, quominus in proposito intelligamus bona patris ad substitutum pertinere iure directo, non fideicommissi, ex priuilegio militum.

12. Magis ob stare videri possunt illa verba, *te eius hereditatem obtinente*, quibus significatur matrem obtinere hereditatem filii. Obtinere autem est iure obtinere: & hereditas filii non tantum propria bona filii continet, sed etiam hereditatem patris; quæ postquam filius heres existit, cœpit esse in patrimonio filii, cœpitque ex vtraque vna hereditas fieri, *d. l. sed si plures, §. filio, D. de vulg. & pup. subst.* Et concedendum est hoc ita esse, si in his verbis obtinendi verbo intelligeremus iure hereditatem obtineri a matre, & præterea hereditatis verbo totam hereditatem filii acciperemus. Sed neutrum necesse est sic accipi, cum possit alius esse sensus idoneus. Et vero potest hic esse sensus horum verborum duplex, & is quidem ad verba & questionem propositam quam accommodatissimus. Vnus, ut sic interpretemur, *Te eius*, id est, eius solius filii hereditatem propriam obtinente, sitque hæc sententia: *hereditas propria filii ad te pertinet in proposito, o mater; reliqua autem bona quæ fuerunt patris, a te peti possunt, ut sic nihil amplius ad te pertineat, quam propria bona filii tui, ut appellantur hæc bona, in d. l. centurio. d. de vulg. & pup. subst.* Quæ sententia ut verbis conuenit, ita per se verissima est, ac proinde accipienda, quia vitio caret, *l. in ambigua, D. de leg.* Esse etiam potest horum verborum alter hic sensus, non minus vitio carens quam prior, ut intelligamus hic conditionem esse, *si hereditatem filii obtines, o mater.* Est enim hic ablatiuus absolutus, *te obtinente.* Dici autem vulgo solet, & verum est, ablatiuos absolutos resoluere in conditionem. ut, *restituas hereditatem fundo retento, vel pecunia accepta*, id est, cum fundum retinueris, vel pecuniam acceperis; seu si retinueris, si acceperis. *l. a testatore. D. de cond. & demonstr.* Quo modo interpretantibus erit hæc sententia, *si hereditatem totam filii, o mater, obtines*, id est, tenes, possides; *bona patris quæ in ea hereditate sunt a te peti possunt.* Recte vero, & necessario ad hanc petitionem dandam superior conditio adiecta est. Nam ut quis vel res singulas, vel hereditatem possit vindicare, non est satis eum qui vindicat, dominum esse vel rerum singularum, vel hereditatis, sed opus est, ut is a quo hereditatem petit, possideat pro herede, vel pro possessore, *l. regulariter, & seq. D. de hered. pet.*

Ad L. 9. Humanitatis.

Imper. Iustinian. A. Mennæ PP.

Humanitas: is intuitu parentibus indulgemus, ut si filium, nepotem vel pronepotem cuiuscunque sexus habeant, nec alia proles descendantium eis sit, iste tamen filius vel filia, nepos vel neptis, pronepos vel proneptis mente captus vel mente capta perpetuo sit, vel si duo vel plures isti fuerint, nullus vero eorum sapiat: liceat hisdem paren-

tibus legitima portione ei vel eis relicta, quos voluerint his substituere: ut occasione huiusmodi substitutionis ad exemplum, &c.

S V M M A R I A.

- 1 Summa huius constitutionis.
- 2 Parentes, quibus modis quæque ratione liberis mente captis substituantur.
- 3 An omnes parentes illo modo substituere possint. An & mater & avus. Et quid si plures sint parentes liberorum mente captorum: quorum ex iis testamentum valeat.
- 4 Beneficium huius legis, an ad furiosos quoque pertineat.
- 5 An quoque ad prodigos, surdos & mutos.
- 6 Liberi mente capti, quibus pater in secundum casum substituit, ut valeat substitutio, oportet ut mortuo testatore non sint in potestate alterius parentis cuiusquam.
- 7 Mente capti liberis quibus conditionibus substituere liceat.
- 8 Mente capti si ex minori parte, quam legitima instituti sint, an nihilominus substitutio valeat.
- 9 Mente capti si respiciant post substitutionem, deinde recidant sicut atque decedant, utrum substitutio evanescat, maneatue. (pupillari.)
- 10 Substitutio mente captorum quid distet a substitutione

Summa igitur constitutionis hæc est: permittitur hæc lege parentibus liberis suis mente captis, quamvis publicis heredibus prius non minus quam ex portione legitima institutis, substituere in secundum casum, si heredes erunt, & in eadem valetudine decesserint. Et substituere his quemlibet, præterquam si liberi mente capti filios habeant, aut fratres ex eodem parente testatore natos. Nā si filios habent, hi substituendi sunt: si non, substituendi sunt fratres, dum tamē intelligamus sufficere vnum aliquem ex his substituere, neque necesse esse substituere omnes. Et hoc permissum ad exemplum pupillaris substitutionis, eadem ratione. In his multa quæruntur ad explicationem constitutionis, quæ ut recte & ordine explicari possint, partes huius iuris nobis distincte excutiendæ sunt. Sunt autem hæc de quibus quæritur. I. quod genus substitutionis hic permittatur parentibus, & qua ratione. II. Qui possint hoc modo substituere. III. Quibus possint. IV. Qua lege & quibus conditionibus. V. Quos possint substituere. VI. Huius substitutionis recte constitutæ quis sit effectus.

Primo loco genus substitutionis observandum est. Permittitur igitur parentibus, liberis mente captis substituere, non in hunc casum, *si heredes non erunt*, quod superuacuum fuerit, cum hoc modo quis substituere possit, quibusvis heredibus a se institutis: sed in hunc casum, *si liberi heredes erunt*, & postea antequam respuerint, siue mentis compotes facti sint, decesserint, quod contra rationem iuris constitutum est, ut in initio huius tituli dictum. Recte autem id permissum est hac constitutione quod prius non licebat. nam hæc substituendi facultas prius impetrari solebat a principe, *lex facta, D. de vulg.* Introducendæ autem huius constitutionis æquitas hæc fuit, quod liberi mente capti, etiam si ætate puberes sint, tamen non magis testamentum facere possunt quam impuberes: proinde æquum hic quoque fuit, ut parentes ipsis facerent, §. *quaratione, Instit. de pupill. subst.* Et hac ratione dicitur hæc substitutio introducta esse ad exemplum pupillaris substitutionis, nam alioqui in multis vel in singulis fere partibus distat hoc genus substitutionis a pupillari.

Viden-

3 Videndum est † qui possint hoc modo substitue-
re liberis. Et generaliter hoc permillum est parentib.
omnibus, sine distinctione sexus aut gradus. Nam &
matri eadem substitutio permittitur, & auo, & aliis
parentibus in infinitum, de quibus expressum est in
pr. const. De sexu intellige *ex vers. pen. & ult.* ubi nomi-
natim, qui vel qua testator & testatrix dicitur, qui hoc
modo substituerit. Vnde & intelligimus parētes hoc
modo substituere posse liberis, etiam si liberos in po-
testate non habeant, nam fœminas constat liberos in
potestate non habere, §. *fœmina, de adopt.* In quo pri-
mum discrimen obseruandū est inter hanc substitu-
tionem & pupillare. Nam parētes liberis substituere
possunt in secundū casum, sed iis solum, quos in po-
testate habent, l. 2. *de vulg.* Quod si plures sint paren-
tes liberorum mente captorum, an omnes possunt
hoc modo substituere mente capto? nam constitutio
parentibus in vniuersum permittit. Resp. Non posse,
quoniā hęc substitutio est testamentū filii mente ca-
pti, vt appellatur in hac cōstitutione, quia si liceret om-
nibus parentib. hoc modo substituere liberis, libe-
ri decederent, plurib. testamētis relictis, quod ius ci-
uile in paganis nō patitur, l. *quarebatur, D. de test. mil.*

Quid ergo, si nihilominus plures parētes eiusdem
filii mente capti hoc modo substituerēt, puta pater,
mater, auus, auia? Resp. Tunc dicendum, plus vno te-
stamento ex his valere non posse. Cuius ergo testa-
mentum valebit? Resp. Si is substituit, quē mente ca-
ptum in potestate habet, huius substitutio valebit,
quoniam in eandem personam & naturalia & ciuilia
iura concurrant. Sin omnes parentes iure potestatis
pares sint, admitteretur soli patris substitutio, si is sub-
stituerit, secundo loco matris, deinde ceterorum pa-
rentum, vt quisq; gradu propior erit, argum. in l. 2. §.
obicitur, D. de senatusconsult. Treb. & l. ult. in pr. sup. de
cur. fur. Quid si mater, quæ sola substituerit, filio mē-
te capto, iterum nupserit, & induxerit vitricum filio
mente capto? Resp. verba constitutionis etiam hanc
substitutionem admittunt. Et hęc mater parens est.
Sed probo iuxta communem existimationem, huius
matris substitutionem recipi non debere, quoniam
cui nō permittitur bonorum administratio filii, dum
filius viuit, huius permittenda non est morte filii. Huc
pertinet l. 9. *tutores, §. pen. sup. de administ. tut. l. vn. sup.*
vbi pupill. ob delict.

4 Tercium caput est quib. parentes substituere pos-
sunt? Et placet liberis puberib. mente captis. Mente
capti qui sint notum est. Sed quoniam constitutio de
mente captis solum loquitur, & multi sunt puberes
liberi, qui quamuis mente capti non sint, tamen sibi
testamentum facere nō possunt: Ideo de iis si quæsi-
tum est, an ad eos quoq; porrigi possit beneficiū hui-
us legis, vt pote in quibus eadem ratio sit: Et certi iu-
ris sit, in quibus causis eadem ratio est, idem ius ad-
mittendum esse, l. *illud ad l. Aquil.* Ac † primo quæ-
situm est, quid si liberi sint furiosi, nam furiosi distin-
guuntur a mente captis in l. *furiosi, sup. de nupt.* Resp.
iis multo magis substitui posse ex hac constitutione,
verbis substitutionem admittentibus, nō solum sen-
tentia. Nam furiosi sunt mente capti. distāt quidem
mēte capti a furiosis, sed vt distāt genus a specie. Nam
mente capti genus est, furiosi species, nam nō omnes
mente capti furiosi sunt, sed omnes furiosi sunt mē-
te capti. Nam in his est ab alienatio mentis, cōmunis
omnium mente capacium, sed ad hanc amplius acce-
dit furor. ita plus est furiosum esse, quam mente ca-

ptum. Vnde factum est, vt quod olim de furiosis con-
stitutū erat, dubitaretur, an pertineret ad omnes mē-
te captos, quæ dubitatio est d. l. *si furiosi, sup. de nupt.*

Quid si liberi erunt prodigi, † quib. bonis interdi-
ctum sit, nam & ii testamentum facere non possunt,
§. *item prodigus, Institut. quibus non est permillum.* &
tamen non videntur esse mente capti? Resp. Et in his
hanc substitutionem admittendam esse, quoniam &
hi in bonorū administratione furiosorum loco ha-
bentur, l. *his qui, §. ult. D. de tut. & cura. dat.* vt si sub-
stitutio admittitur in furiosis, ex verbis huius legis,
admittenda sit etiam in prodigo. Quid si liberi erunt
furdi & muti, cum & ipsi testamentū facere non pos-
sint, l. *discretis, sup. qui testam. fac. possunt.* Et vulgo ad-
missum est, parētem hoc modo substituere posse eo
quo hic constitutum est, quia & in his eadem ratio
sit, quæ in superiori. Non recte. nam hi sunt sanæ
mentis, constitutio autem de mente captis loquitur.
Nihil ad rem pertinet, quod & hi testamentum fa-
cere non possunt: Nam animaduertendū erat, quod
hic permittitur in filiis mente captis, singulare ius
esse, contra rationem iuris communis introductum.
Certi autem iuris est, quod contra rationem iuris
constitutum est, non esse producendum ad conse-
quentias, id est, non esse transferendū ad casus, quan-
tumuis similes, l. *quod contra, de reg. iur. l. quod contra,*
& 2. ll. seqq. D. de legib.

Non est † satis liberos, quibus pater substituit in
secundum casum, esse mente captos, sed oportet et-
iam esse huiusmodi, vt mortuo testatore non sint in
potestate alterius parentis cuiusquam. Finge hac ra-
tione: Mente captus patrem & matrem habet, estq;
in potestate patris. sola mater eo filio herede institu-
to, ei substituit, si heres erit, & in eadem valetudine
non decesserit: dicemus substitutionem non valere.
Idemque dicendum est, si auus filium heredem, &
ex eo nepotem habeat mente captum, vtrumque in
potestate, & nepoti substituit in supra scriptū casum,
nam mortuo auo nepos recidit in potestatem patris,
in *pr. tit. quib. mod. ius. &c.* Quamobrē substitutionem
euanescere dicimus. Nihil quidem de hac re cōpre-
hensum est hac cōstitutione, sed ex verbis & senten-
tia satis colligitur. Nam constitutio permittit paren-
tibus liberis mente captis testamentū facere & sub-
stituere heredem, non permittitur hoc, nisi in iis li-
beris, qui decedentes heredem habere possunt, quo-
niam habent bona, filii autē similem heredem habere
non possunt, vt dixi ad l. *si testamēto, s. h. t.* Proinde hac
parte idē probandū est in hac quæstione, q; in pupil-
lari, quo genere substitutionis dixi, non posse paren-
tē substituere liberis impuberib. qui mortuo paren-
te mansuri sunt in potestate patris, l. 2. *in pr. de vulg.*

Quartum caput est, † quibus conditionibus hic
substituere mente captis liceat? Et licet omnino tri-
bus. Prima conditio est, si liberi non minore ex parte
quam legitima instituti sint. Verba enim cōstitutio-
nis hęc sunt, *legitima eis portione relicta*, quæ valent si
legitima eis portio relicta sit, in hanc enim conditio-
nem ablatius absolutus resoluitur. *leg. a testatore, de*
cond. & dem. Quo exigit primum constitutio, vt libe-
ri instituti sint, in quo rursus aliud discrimē notan-
dum est inter hanc substitutionem, & substitutionem
impuberum: Nam parens impuberibus liberis sub-
stituere etiam potest exheredatis, l. 3. §. 2. *D. h.* Cur
secus in mente captis constitutum sit, infra dicitur.
Exigitur amplius vt liberi instituti sint, nō minori ex

parte, quā legitima. Ea fuit olim quarta eius portionis quam quis habiturus esset ab intestato, *l. Papin. §. quoniam, D. de inoff.* Nunc triens aut semis, pro numero liberorum, *Novell. de triente & semisse.*

§ Quid autē si mente capti minori ex parte instituti sint, quam legitima? Resp. Consequens est constitutionem non valere, cum enim lex aliquid fieri iubet, id intermittere vetat, proinde si cōtra factum erit, non valet q̄ actum est, tanquam cōtra legem factum, *l. non dubium. §. de legib.* Nec alia ratione placuit prāteritis liberis, qui in potestate parentis sunt, testamentum nullius esse momenti. Cum enim lex liberos institui aut exheredari iubet, simul prāteriri vetat, vnde consequens est, contra legē eos prāteriri, eoq; testamentum factum non valere. Non obstat, q̄ cum filius minori ex parte quā legitima institutus est, placet institutionē valere, vt fili⁹ ad supplementū legitimæ agat. *l. omni modo, §. de inoff.* Nā hic de institutione filii non agitur, sed de substitutione quæ fit filio. Institutio ex minori parte facta valet, quia hanc rueretur lex *omni modo*: Substitutio huic institutioni subiecta non valet, quia hæc infirmatur lege. Nihil etiā ad rem pertinet, quod filius *ex d. l. omnimodo* quartam supplere potest aut trientem: Nam ex hac constitutione non est satis, si liberi mente capti legitimam portionem quouis modo habeant, sed exigitur, vt eis credita sit, id est, vt habeant eam, non iure, sed iudicio testatoris.

9 Secunda cōditio seu cautio exigit, vt liberis mente captis substituatur, sub conditione, si in eadem valitudine decesserint: Nam si resipuerint, constitutione expressum est, substitutionem cessare. Quid t̄ ergo si mente capti quib. substitutio facta erat resipuerint, deinde in eandem alienationem mentis inciderint, atq; ita decesserint, vtrum euauit substitutio, an vero manere intelligitur? Secundū verba constitutionis prima fronte dici potest substitutionem euauisse, quia verū est semel mēte captos resipuisse. Et quamuis postea in eandem mentis alienationem incidant, tamen dici potest, non ideo magis substitutionē confirmari, quia semel euauierit, & q̄ semel euauit, tractu temporis non conualescit, *arg. §. 1. de inutil. stip. l. inter §. factum, D. de verb. obl.* Sed melius est substitutionem hoc casu valere. Quemadmodum enim in substitutione pupillari oportet impuberem duobus temporibus esse in potestate patris, & quo tempore ei fit substitutio, & quo tempore is moritur: media autem tempora non nocent, *l. coheredi §. cum filio, D. de vulg. l. si alienum, de hered. insti.* Sic in hac substitutione mente captorum probandum est sufficere, si duobus temporibus mente sint capti, & quo tempore fit eis substitutio & quo decedunt. Ceterum media tempora ne noceant. Non obstant verba constitutionis, quibus dicitur *constitutionem cessare si liberi resipuerint*, nō quod cessare significet, cessare & tempus & ius suspendi, nam cessare dicitur, quod ipso iure & omnino locū non habet, vt cum dicitur in testamento militis cessare Falcidiam, *l. in testamento, sup. de testam. milit.* sed quia hæc verba, si resipuerint, sic interpretanda sunt, si omnino resipuerint, vt si in eandem alienationem mentis postea non recidant, nam qui recidunt, plane resipuisse dici non possunt.

Si tamen filius mente captus per id tempus, quo sanæ mentis fuit, testamentum fecerit, substitutio euanescit, quamuis postea in eundem morbum inciderit. Nam testamentum quod prius fecit nihilominus valet. Is autem plus vno relicto testamento, de-

cedere non potest, *l. querebatur, D. de test. milit. & si* queritur, vtrum potius valere debeat, certi iuris est, eius potius testamentum valere debere, ne heredi sanæ mentis auferatur testamenti factio, *l. ex facto, D. de vulg.*

Tertia cautio seu conditio exigit, vt pater prius sibi testamētum faciat, id est, sibi prius heredem instituat testamento, & ita instituat, vt testamentum valeat, & ex eo hereditas adeatur. Id quidem nō exprimitur hac constitutione, sed verbis significatur. Nam constitutio pmittit parentibus, substituere liberis. Non est substitutio, nisi sibi prius parens heredē instituat. Hinc intelligimus ipsum sibi prius heredē instituere debere, *l. 2. in fi. de vulg.* Et quoniam exigimus, vt heredem sibi testamēto instituat, simul exigimus, vt testamentum valeat & exitum habeat, nam pro nō facto est, q̄ iure non valet. Deniq; intestatus decedere dicitur, qui ita fecit testamentū, vt idem nō valeret, *7. n. f. de here. qua ab intest. in pr.* Proinde quæ de testamento patris dicta sunt, institutionē impuberis nimirum in eo præcedere & valere oportere, *l. si quero, §. h. huc* omnia recte transferentur.

Supra constitutū est, quod heredes possint parentes liberis mente captis substituere, item cōstitutione expressum est licere quoslibet substituere. In initio excipitur, nisi mente capti filios habeant, aut fratres ex eodem testatore parēte natos: Nam si liberos habent, ii iubentur institui, fratres item, vel vnus vel certi, vel omnes. Ex quibus verbis perspicuum est, si mente capto plures filii sint, non tamen necesse habere patrem omnes liberos eius mente capti substituere, sed sufficit instituere vel vnum ex illis. Sed hic occurritur ex iure communi, nam hæc substitutio est testamentum mēte capti patris, iam si liberi eius sint prāteriti, testamentū nullius est momenti, *tit. de exher. lib. Instit. l. inter. de lib. & post h.* Hæc obiectio mouit Accursiū & plerosq; alios, vt hoc loco interpretarentur nō omnes liberos mente capti necesse esse substituere, si modo hi ex iusta causa exheredentur.

Sed hæc sententia manifestis verbis huius constitutionis manifeste refellitur, nec tantum verbis, sed manifesta etiam sententia. Nam primo fit potestas vnum tantum instituendi vel certos. Quo significatur, esse in potestate testatoris nō omnes instituere, nec exigimus, vt qui non instituuntur, exheredentur: nam exigere vt exheredentur, nihil aliud est quā exigere vt instituantur. Ideo enim exigimus vt exheredentur liberi, quia volumus eos institui nisi exheredentur, *d. tit. de exhered. liber.* Propterea in hac constitutione verbis expressum est, ita licere parentib. substituere liberis mente captis, vt aduersus eorū testamentum querela inofficiosi testamenti non competat. Quæ verba ad alios referri non possunt, quam ad eos quib. alioqui aduersus testamentum sani hominis competeret inofficiosi testamenti querela. hæc tamen competit liberis merito exheredatis, & inde intelligi oportet etiam liberis mēte captis vel prāteritis, vel immerito exheredatis in substitutione mente capti facta, nihilominus substitutionem manere, nec rescindi eam querela inofficiosi testamenti.

Additur & hoc verissimū argumentū. Nam si dicimus licere aliquos liberos mēte capti nō substituere, si modo iusta ex causa exheredentur: licebit etiā dicere licere nullū instituere. Intelligemus enim hanc cōditionē, si modo omnes exheredentur, q̄ est aduersus manifestā sententiā huius loci. Verissimū igit est, verba

verba constitutionis remedium esse, ut quamvis mente capto patri plures sint filii, tamen possit pater mente capti unum tantum ex eis liberis substituere, ut nihilominus substitutio valeat, quamvis sine causa ceteris praeeritis. Non obstat, quod liberis testamento patris praeeritis testamentum nullius momenti est, nam haec substitutio quae fit mente capto, est testamentum eius qui substituit, nam is testamentum mente capto facere intelligitur, non mente captus sibi. Haec Papiniani ratio est ad defendendum testamentum impuberis aduersus querelam, quae aut matri aut fratri impuberis manere potest, in l. Papin. §. sed nec impub. D. de inofficio testam. Nec dubium quin hanc rationem senserit Iustinianus, cum dixerit aduersus testamentum huiusmodi mente capti, querelam non dari, ad exemplum pupillaris substitutionis.

10 Et hoc rursus notandum est, quod distare hac parte hanc substitutionem pupillari: Nam in substitutione pupillari, potest pater filiis impuberibus, quos in potestate habet, & suos heredes, & extraneos substituere prout velit, leg. si plures, §. quos, leg. nec singulis, de uig. substit. Non male igitur hoc loco quaeritur, cum haec substitutio mente captorum introducta sit ad exemplum substitutionis pupillaris, cur placeat tam multis in rebus, etiam extra personas esse dissimiles?

Respondeo: Cum haec substitutio contra rationem iuris communis introducatur, consultum fuit, quam minimum in ea iure communi recedere, etiam si aliud constitueretur in substitutione pupillari. Quod si in hac constitutione amplius in aliqua parte constituitur, non alia huius rei ratio est quaerenda, quam quod haec constitutio est beneficium principis. Licet autem unicuique modum beneficio suo statuere quem voluerit.

Substitutione mente captis rite facta secundum formam supra scriptam, restat postremum, ut de effectu videamus. Is est in eo, ut intelligatur quatenus substitutio valeat, & ad quae bona filii mente capti substitutus admittatur. Prius expressum est in hac substitutione, cum dicitur ita valere hanc substitutionem, ut ad exemplum pupillaris substitutionis, inofficiosi testamenti querela aduersus eam non competat. Posterius ex eo intelligitur, quod haec substitutio testamentum filii nominatur, sic testamentum filii est, si substitutus ei succedat. siue eius bonis, nam ut diximus ad l. si testamento, supra id demum cuiusque testamentum est, in quo heres ei instituitur. Quod si ex hac substitutione succeditur filio mente capto, apparet substitutum non capere tantum bona patris, aut eius parentis, qui substitutionem fecit, sed filii quoque, vnde cumque a patre quaesita, idque ad exemplum pupillaris substitutionis, de qua ad d. l. si testamento, dixi.

Ad L. Penultim.

Imper. Iustinian. A. Ioanni praefecto praetorio.

Cum quidam duobus impuberibus filiis suis heredibus institutus adiecit, si uterque impubes decesserit, illi sibi heredem esse: dubitabatur apud antiquos legum auctores, virumne tunc voluerit substitutum admitti, cum uterque filius eius in prima aetate decesserit: an alterutro decedente, illico substitutum in eius partem succedere. Et placuit Sabino, substitutionem tunc locum habere, cum uterque deces-

serit. cogitasse enim patrem primo filio decedente fratrem suum in eius portionem succedere, &c.

S V M M A R I A.

1 Substitutus hoc modo, si uterque institutorum decesserit intra pubertatem, Titius heres esto, an substitutus ex substitutione admittatur in partem.

Testator quod duobus filiis heredibus impuberibus instituit, ita his substituit, si uterque eorum decesserit intra pubertatem, Titius heres esto. Vnus decessit. Quaeritur, an substitutus in eius partem ex substitutione admittatur? Iustinianus Sabini sententiam secutus, constituit in hac specie non prius substituto locum esse, quam uterque impuberum decesserit, quod & ipsum scriptum est in l. qui duos, D. h. Id non tantum ratio personarum, sed etiam verba substitutionis exigunt, nam hic una substitutio est facta, sub conditionibus duabus sed coniunctim adscriptis, omnes impleri oportere, ut substitutioni locus sit, §. pen. Instit. de hered. instit. l. si heredi, de condit. & substit. Dubitatio nata videri potest, ex eo, quod scriptum est in l. falsa, in D. de cond. & demonstr. ubi traditur pluralem orationem resolui in plures singulariter, ut cum testator dicat: Stychem & Pamphilum do lego, si mei erunt cum moriar, tantum valet, ac si testator ita dixisset separatim, Stychem do lego, si meus erit cum moriar, & item Pamphilum si meus erit cum moriar.

Huius sententiae conueniens esse videri potest, ut hanc substitutionem, si uterque intra pubertatem decesserit, sic accipiamus, quasi dictum esset: Si impubes decesserit, Titius heres esto, rursus, si aliter posterior item impubes decesserit, idem Titius heres esto. Sed hoc tantum abest, ut colligatur ex superiori dicto, ut potius contrarium ex eo efficiatur. Nam cum testator ita dixit semel, Titius heres esto, haec singularis non pluralis oratio est. Proinde una substitutio, non plures. At cum dixit: Si uterque impuberum decesserit, fate-mur hanc orationem, quae collectiua est, pluralem orationem habere, quasi dictum esset, Si ambo impuberum decesserint. & hanc orationem resolui in has duas: si prior impubes decesserit, & si posterior item impubes decesserit. Sed utraque oratio nihil nisi duas condiciones efficit diuersas, easque coniunctim adscriptas, ut efficiatur una substitutio sub duabus conditionibus coniunctim adscriptis. Quod si verum est, constituitur magis sententia huius loci & ratio ea quam reddidimus.

Obiiciuntur huic sententiae tres potissimum loci. I. l. pen. D. de iniust. rupt. ubi duobus heredibus institutis substituti dati proponuntur, & vno herede deficiente responderetur substitutum in partem eius admitti. Sed locus ad rem nihil facit, nam proponitur pluribus heredibus institutis, substituti dati, vnde intelligimus, singulis heredibus, singulos substitutos datos, non sub hac conditione, si omnes heredes decesserint, sed si singuli. Obiicitur etiam l. Lucius, §. Cainum, ad Treb. ubi duo heredes instituti Seius & Titia, ita rogati sunt restituere hereditatem, Rogo vos Seii & Titia, post obitum vestrum hereditatem restituatis primo & secundo. Haec verba, post obitum vestrum, hoc exprimunt, cum obieritis. Haec autem oratio conditionem habet, si obieritis ambo, l. si Titio, D. quando dies leg. ced. Et tamen responderetur, ut fideicommissum debeat primo & secundo, non esse expectandum, dum Seius & Titia ambo decesserint, sed vno

demortuo, fideicommissi eius partem deberi. Hic locus nihil obstat. Hic enim sunt duo fideicommissa separatis conditionibus relicta: cum enim testator ita scribit: *Sei & Titius restitutus*: perinde est, quasi sigillatim dixisset: *Sei restitutus post obitum tuum, & tu uero Titius post obitum tuum*, ita ut sunt plura fideicommissa, ita plures conditiones distinctæ. Hic autem agimus, cum vna substitutio est, in qua substitutus vocatus est, si uterque heredum decessisset, id est, sub duabus conditionibus coniunctim adscriptis.

Maxime aduersari videtur *l. heredes mei, §. cū ita ad Treb.* ubi duo filii heredes instituti sunt a patre, & fideicommissum ab illis, relictum nepti, semel & vna oratione, sub conditione, si uterque filiorum sine liberis decesserit: Vnus decessit relicto filio, alter decessit sine liberis. Secundum verba & ita secundum sententiam huius legis dici debuit, nepti nihil deberi, quia uterque filiorum non decessit sine liberis, quod conditio fideicommissi & substitutionis exigebat. Nihilominus illic respondetur: Neptem in partem nouissimi filii sine liberis decederis admitti. Sed ne hic quidem locus obstat. Nam Papin. ibidem testatur, secundum verba conditionis, neptem admitti non debuisse, neque in totum, neque in partem, in quo aperte sententiam huius rescripti confirmat: sed putat neptem in partem admitti propter voluntatem testatoris, quem verisimile sit in specie superiori voluisse, ut neptis vel utroque, vel altero filio sine liberis mortuo admitteretur saltem in partem, & hanc voluntatem intelligi hic argumentis duobus. I. Quia duæ illis factæ sunt substitutiones: Vna qua frater superstes fratri substituitur, si prior frater sine liberis decederet. Altera substitutio, qua substituitur neptis, si uterque filiorum sine liberis decesserit. Prior substitutio defecit, quoniam frater priori loco decessit relicto liberis, ex quo consequitur, posteriori constitutioni ex substitutione aui locum esse debere. Deinde, si uterque fratrum sine liberis decessisset novissimum, hereditatem totam haberet neptis. Contentaneum igitur est, si novissime filius decesserit sine liberis, neptem saltem partem eius habere debere.

Ad *L. Plinianam.*

Imp. Iustin. A. Ioan. præfecto prætorio.

Si quis duobus heredibus institutis filio suo impuberi eas una cum alio tertio substituerit, & verba testamenti ita composuerit: quisquis mihi heres erit, & Titius filio meo heres esto: secundum quod apud Vipianum invenimus, mortuo impubere filio querebatur, quomodo ad substitutionem vocentur tres substituti: &c.

S V M M A R I U M.

1. *Pleribus heredibus institutis aut substitutis sine coniunctim sine disiunctim, qua partes inter eos faciende sint.*

Quoties plures heredes instituti aut substituti sunt, & quidam instituti coniunctim alii disiunctim, & queritur de partibus hereditatis, quæ inter eos faciendæ sint, ita veteres definiuerunt, coniunctos vnius personæ partem tantum ferre, id est, non plus accepturos, quàm si vna persona esset instituta, ut puta testator ita scripsit: *Et primus & secundus heredes sumo, Sempronius heres esto.* Hic tantum duo semisses fiet, ex quibus semper hic vnum solidum capiet, alterum primus & secundus, ut sic ambo non plus capiant, quàm si vnus esset institutus, quod sunt coniunctim scripti. Regula hæc in legatis traditur in *l. plane, in pr. de leg. 1.* Valet non minus in institutionibus heredum: Exemplum sunt in *leg. Atticus, l. interdum, in pr. §. vlt. de hered. instit.*

Ut autem plures heredes coniunguntur particula, & aut similibus coniunctionibus, ut in exemplo subiecto, ita coniunguntur nomine appellatio & collectiuo, vel plurali, plures eiusdem generis homines sub se continente, utpote testator plures heredes scripsit, & duos deinde ita substituit filio suo impuberi: *Heredes a me scripti & Sempronius filio heredes sumo.* Hic eodem partes fiet, quæ supra, nempe semisses, ex quibus vnum ferent heredes testatoris, alterum integrum Sempronius, *d. l. interdum, in pr. de hered. instit.* Hoc ideo, quia heredum nomen collectivum & idem coniunctivum est, quo scilicet plures colligantur in vnum corpus, & vna ratione idem confirmatur in *l. si quis, in pr. de usufructu accresc.* Hinc nata est dubitatio huius coniunctionis, an idem dicendum sit, si testator filio impuberi ita substituerit heredem: *Quisquis mihi heres erit, & Sempronius filio meo heredes sumo.* Non enim videtur referre, utrum testator dixerit, *omnes heredes mei*, an vero, *quisquis mihi heres erit.* Et Iustinianus constituit non idem esse, sed si duo heredes testatoris fuerint, & his adiectus Sempronius, pro numero personarum & capitum hereditatem impuberis dirigi. Itaque non duos semisses fieri, sed tres trientes, ex quibus singuli heredes vnum ferant.

Recte Iustinianus. Ratio enim differentie non est obscura, nam hæc oratio, *heredes mei*, collectiva est, & proinde coniunctiva: Verbum autem *quisquis*, distributivum est, ac proinde disiunctivum. Cum enim testator dicit: *Quisquis mihi heres erit*: perinde est quasi ita dixisset: *Sino hic mihi heres erit sine illa, sine omnino quos scripsi heredes, & Sempronius, heredes sumo*, quam orationem totam esse disiunctivam apparet. Ex eo quæsitum est de hac forma, si testator impuberi filio ita substituit, Titius & Sempronius cum heredibus meis, filio meo impuberi heredes sumo, an hic Sempronius & heredes sint coniuncti, in vnum corpus, ac proinde vnius personæ vice fungi debeant, ut sic hereditas diuidatur in duos semisses, ex quibus vnum capiat Titius, alterum Sempronius cum heredibus testatoris: Et placuit in hac oratione heredes, non magis coniungi cum Sempronio, ac cum Titio, sed perinde habendum, quasi testator ita dixisset: *Titius & Sempronius & heredes mei filii heredes sumo.* Proinde hereditatem filii in tres trientes diuidendam esse, ex quibus primum habeat Titius, alterum Sempronius, tertium heredes scripti. Quod districte scriptum est in *d. l. si quis aucto, in fin. de usufructu accresc.*

Hinc altera dubitatio huius constitutionis, an idem probandum in hac substitutione: *Filius cum filiis suis, ac Sempronius heredes sumo?* Et Iustinianus constituit hic duas tantum esse partes faciendas, ex quibus vna pars ad filium cum filiis eius, altera solida ad Sempronium referatur. Hic obiicitur *d. l. si quis aucto, de usufructu accresc.* Respondeo: Dissimiles esse species horum locorum. Nam hic filius nominatus est cum filiis suis, hic filii in vnam orationem & vnum corpus coniunctim intelliguntur, non propter conditionem orationis, sed propter conditionem personarum. Nam filii cum patre coniuncti sunt, filii autem & patris vna & eadem persona intelligitur, quæ ratio redditur in hac constitutione, qua satis admonemur non idem etiam dicendum fuisse, si alii extranei cum Titio coniuncti essent: veluti si ita dictum esset, *Sempronius & Titius cum heredibus meis heredes sumo.*

AD TITVLVM XXVII. COD.

De necessariis seruis heredibus instit.

SYMMARIA.

1. *Servus proprius institui potest testamento domini non aliter, quam cum libertate.*
2. *Dominus adulterii cum seruo commissi rea, eum heredem facere non potest.*
3. *Debitor, qui solvendo non est, heredem testamento servum instituere non potest.*
4. *Servus an sine libertate heres institui possit.*
5. *Liberti appellatio supponit manumissionem precedentem.*
6. *Libertus quis sit.*
7. *Dominus si aliquid legaverit seruo proprio, an legatum inutile sit, an vero valeat.*

Etiam servus proprius testamento domini heres institui potest, ut dictum ad tit. de hered. inst. tit. Instit. de hered. inst. Sed is non aliter, quam cum libertate, ut idem prius liber sit, deinde heres, quoniam non est testamenti factio nisi cum civibus Romanis, l. i. ad l. Falcid. Huius rei argumentum est, quod si servus a domino prius institutus sit, & libertas ei data sit sub conditione: institutio heredis differtur in id tempus, quo libertas data est, l. 3. §. i. de hered. inst. tit. Quod confirmatur in l. ult. hic. Quia ante eventum conditionis liber esse non potest, nec potest esse heres domino, nisi prius liber sit, id est, civis Romanus. Atque hinc etiam consequens erat, ut deficiente conditione libertatis, servus neque liber fieret, neque esset heres. Sed Iustinianus hanc distinctionem adhibuit in d. l. ult. §. i. ut siquidem servus liber esse iussus erit, sub ea conditione, quæ in potestate eius esset, neque ei parvisset, non sit liber, eoque ne heres. Sin libertas data sit, sub conditione aut casu alio, nihilominus deficiente conditione servus liber fiat, & heres, etiam si hereditas solvendo non sit. Interim hoc manet, non prius servum heredem futurum, quam si liber erit, eadem de causa, quos quis testamento non potest manumittere, eosdem nec heredes testamento potest instituere.

Hinc tria genera dominorum, qui servum proprium heredem instituere non possunt. Dominus adulterii cum seruo commissi rea, eum servum heredem facere non potest, quia & liberum facere prohibetur, §. i. est tamen casus. Instit. de hered. inst. Debitor qui solvendo non est, heredem testamento servum instituere non potest, quia nec potest manumittere in fraudem creditorum, verante l. Elia Sentia, nisi unum instituat, qui ei heres sit solus & necessarius, tit. quib. ex caus. man. in pr. tit. de hered. inst. in pr. Quod etiam confirmatur in l. i. qui. §. h. Et hic tamen additur exceptio, nisi is qui solus heres instituitur, sit aliis creditoribus pignori obligatus, d. l. i. qui solvendo. Et hoc tertium genus est eorum, qui servum manumittere non possunt, si qui servum pignori obligaverunt, neque debitor, neque pignus alienando, neque manumittendo, neque legando, neque quovis alio facto deteriorem conditionem creditoris sui facere potest, l. debitor. de pignor. Sed hoc ita, si modo servus obligatus sit specialiter: nam bonis generaliter tantum obligatis, licet domino etiam servum manumittere, ac pignori instituere, ut liber & heres fiat, l. ab eo. de serv. p. g. dat. manumiss. l. est differentia, quib. in causis pignori non contrah. Atque hæc omnia efficiuntur ex eo, quod nemo dominus servum proprium instituere potest, nisi cum libertate, & post constitutiones Iustiniani postremas.

Quid sibi vult igitur, quod Iustinianus in d. tit. de hered. inst. in pr. ait, *Ex sua constitutione servum heredem institui posse etiam sine libertate?* nimirum hoc sentit, posse institui sine libertate nominatim adscripta. Hoc enim est, quod constituit præter ius, quod prius obtinebat: nam ita prius iuris erat, ut servus proprius institui non posset, nisi aperte ei etiam testamento libertas data esset, & hoc secundum plurius sententias, ut ibidem dicitur: Ex quo nata est dubitatio & responsum l. cum serv. §. h. t. Testator servos suos ita heredes instituerat: *Stychus & Pamphilus liberti mei heredes sunt*, neque adiecit, *& liberi sunt*. Quæsitum est, an institutio valeat? Resp. summo iure non valere, sed benigna interpretatione eam scripturam sic accipiendam, quasi testator heredes & liberos esse iusserit, sed hac ratione, quia instituit sub appellatione libertorum. Nam liberti igitur appellatio supponit manumissionem precedentem. Est n. libertus is, qui ex iusta servitute manumissus est tit. de libert. Ex quo satis intelligitur, si sub hac appellatione heredes instituti non essent, heredes etiam futuros non fuisse, utpote inutili institutione constituta, cui libertas verbis adscripta non esset.

Sed Iustinianus constituit, ut et si servus sine libertate instituti sint, id est libertate nominatim non adscripta, tamen libertas tacite data intelligatur, ut instituti simul liberi fiant, & heredes, quemadmodum veteribus placuit, ut si servus proprius tutor datus esset, libertate non adscripta, nihilominus & liber & tutor esset. Hoc Iustinianus in l. quidam. in pr. §. i. quia prius non obtinebat, merito scripsit, §. idemque iuris. Instit. quib. ex causis manumitt. se hoc constituisse nova ratione. Recte nova, quæ prius non obtinebat: & tamen non minus vere idem scribit sub tit. de hered. inst. se hoc non induxisse ut novam sententiam, & nullis iuris auctoribus ante probatam. Nova igitur constitutio est, si ius spectes, non nova sententia, si eos spectemus, quibus antea placuit.

Hoc autem iure posito consequens est, quod scribitur in eadem l. quidam. §. sed cum ver. §. i. ut si testator servum testamento suo heredem instituerit, libertate non adscripta, deinde codicillis ei libertatem dederit, nihilominus is testamento & liber sit & heres. Ante constitutionem Iustiniani institutionem non valere, quia codicillis hereditas dari non potest, §. codicill. Inst. eod. eoque nec libertas ex qua hereditas consequitur: sed hoc post constitutionem Iustiniani non ometimus. Et si enim etiam nunc frustra hereditas & libertas, per quam hereditas sequitur, codicillis dari, tamen codicillis libertatem datam in specie proposita nihil nocere. Nam et si omnino libertas seruo data non esset, nihilominus institutio valet ex superiori constitutione, tanquam libertate tacite data. Multo igitur magis valebit libertate codicillis data, et si inutiliter data sit.

Per occasionem huius constitutionis quaesitum est, an si dominus aliquid legaverit seruo proprio, legatum inutile sit, quasi libertate non data, an vero legatum valeat, quasi per legatum libertas tacite data sit, ut in institutione servi supra fieri dictum. De hoc Iustinianus cavet, ne idem ius existeret in legato, quod in institutione, ut si seruo legatum datum sit non adscripta libertate, non ideo servus liber fiat, & tamen legatum ita valeat, ut præstetur seruo hereditatis ratione, hoc in dicta lege quidam. §. sed cum ver. versic. illo etiam obs. (Sed cur non idem constituitur in legato, quod seruo relictum est, quod instituit in servi institutione, cum non magis iure civili seruo heredi

legatum dari possit, quam seruus heres institui? Differentiæ ratio est, quia qui heredem instituit, sua causa instituit, proinde qui heredem esse vult, ea etiam velle intelligitur, sine quibus heres esse non potest. At qui legat seruo, serui causa legat, & ideo non continuo velle intelligitur, ut liber fiat, quoniam potest testamentum non valere, ut nihil inter sit testatoris. Huc accedit, quod seruus heres esse non potest, nisi sit liber: at ex constitutione Iustiniani, etiam seruo legatum præstari debet, quamuis liber non fiat. Proinde etiam post hanc constitutionem manebit id quod dicitur in *l. si serui. inf. b.* ut si seruo proprio aliquid legatum sit, libertate ei nominatum non adscripta, non eo magis fiat liber, quamuis legatum ei datum sit sub appellatione liberi, de quo dictum ad *lex his verbis. sup. de test. milit.*

Ex eadem constitutione de libertate tacita data sunt & alia consequentia, de quibus canet Iustinianus eadem *l. quidam*. In quibus est illud, ut si idem seruus heres institutus sit a domino libertate non adscripta, & idem legatus eodem testamento, is nihilominus liber sit & heres, & quoniam non simul potest esse liber & legatus, sit etiam ut inutile sit legatum, hoc in *pr. §. 1.* Non obstat, quod dicitur in testamentis manumissionem scriptam valere, *l. 12. §. ult. de leg. 1.* hoc enim in libertate locum non habet. Nam si alicui libertas data sit, & idem sit legatus, ea scriptura valet quæ tribuit libertatem, nisi manifeste appareat aliud iussisse testatorem, & hoc fauore libertatis, *l. si pœul. præleg. §. ult. de milit. testam.* Eodem pertinet *l. quod dicitur. cum seqq. de condit. & demonstr.* Sicut autem Iustinianus voluit seruum a domino institutum simul libertatem accepisse videri, proinde libertas legato præualebit, unde eueniet ut legato inutili instituto, seruus & liber fiat & heres domino suo.

Ex eadem ratione consequens est, ut si idem seruus pure legatus sit & institutus heres sub conditione, legatum statim non sit inutile, sed expectari debeat euentus conditionis, sub qua seruus heres institutus est. Id constituit Iustinianus in eadem *l. quidam. §. ult.* in hoc exemplo: Dominus seruum legauit Titio, eundem seruum secundis tabulis substituit filio suo impuberi heredem, si filius intra pubertatem decesserit. Veteres in hac specie idem statuebant, primum hunc seruum liberum non esse, quia non esset heres institutus adscripta libertate. Hinc consequens erat, ut legatum serui valeret. Quod ad substitutionem attinebat, quidam putabant, omnino hic non valere, quod substitutus esset seruus proprius testatoris, sine libertate. Alii putabant valere, quod cum seruus legatus esset, videretur substitutus esse seruus alienus. Ex quo consequens erat, ut legatarius idemque dominus huius serui legatarius efficeretur heres ex persona, posteaquam iussu legatarii hereditatem adisset. Iustinianus omnia contra, utpote superiori suæ constitutioni consequentia. Nam primum ex constitutione seruus heres institutus liber erit, hoc ipso, quod substitutus est libertate seruo data, consequens est, ut legatum serui sit inutile, si modo conditio libertatis exstiterit. Erat autem hæc conditio substitutionis & libertatis, si filius intra pubertatem decessisset. Proinde placet, expectari debere euentum huius conditionis, ut si quidem filius impubes decedat, seruus liber fiat & impuberi heres, legatario autem nihil deberetur. Si autem filius intra pubertatem non decessisset, tunc vtiliter legatus seruus intelliga-

tur, ut qui neque liber factus sit, neque heres ex domino testamento.

Seruus ita institutus a domino, ut dixi, ut sit liber, ita domino sit heres, sed necessarius, non voluntarius, id est, ita ut fiat heres, siue velit, siue nolit, *§. 1. Instit. de hered. qual. & differ.* Sed duo concurrere oportet, primo ut sit a domino institutus, deinde ut ex domino testamento utrumque consequatur & hereditatem & libertatem, *§. seruus autem. Instit. de her. instit.* Primo a domino institutum esse oportet. Hinc questio eiusmodi in *l. 3. b.* Tutor pupilli sui ancillam contubernio sibi iunxit, & moriturus eam liberam esse iussit testamento, & quidem instituit. Quæsitum est, an sit tutori heres necessaria & libera? Mouet dubitationem, quod tutor pro domino habetur, *l. tutor qui tutelam. de administr. tut.* Respondetur, ancillam non magis eo liberam futuram. Quod ad institutionem attinet, ipsa adire hereditatem potest, sed iussu pupilli sui domini, qui cum extraneus sit, voluntarius erit heres non necessarius. Non obstat, quod tutor dicitur loco domini esse. Hoc enim sic temperatur, dummodo tutelam administraret, non si pupillum spoliaret & priuet suis bonis, ut sit cum seruus impuberis manumittere vult, *l. qui fundum. §. si tutor. ff. pro cur.*

Etiā alterum illud exigitur, ut seruus quem necessarium heredem esse volumus, non tantum consequatur hereditatem testamento domini, sed etiam libertatem. Quare si libertatem aliunde consequitur, sit arbitrio tuo heres, *d. §. seruus autem. Instit. de hered. instit.* Hinc rursus nata dubitatio legis cum quidam *b.* in specie huiusmodi: Dominus seruum suum testamento suo liberum esse iussit, & in secundis tabulis eundem seruum filio suo impuberi substituit. Mortuo domino heredes testamento instituti heredes exstiterunt, & eodem tempore seruus liber factus est. Moritur deinde filius impubes, cui hic seruus substitutus erat. Seruus libertate quasi ex alio testamento accepta, quam ex testamento pupillari, non vult hereditatem adire. Quæritur an fiat heres impuberi necessarius, nec ne? Mouet dubitationem, quod ex eodem gradu, id est, eodem testamento pupillari seruus non consequitur libertatem & hereditatem. Iustinianus constituit, nihilominus seruum impuberi necessarium heredem futurum, & recte, & secundum regulam superscriptam traditam in *d. §. seruum*. Nam testamentum patris & filii, vnum testamentum est patris, *l. patris & filii. de vulg. & pupill.* Quod si verum est, consequens est hunc seruum, tametsi ex primo gradu libertatem consequitur, ex secundo autem hereditatem, nihilominus vere dici utrumque accipere ex eodem testamento domini.

Quod dicitur, seruum necessarium heredem domino fieri, hanc vim habet, ut seruus heres factus obligetur creditoribus hereditariis in solidum, siue sit hereditas soluendo, siue non sit, ut proinde si vendantur bona, dicantur bona serui venundari, non domini defuncti, *l. morte. de acquir. hered. §. ult. Instit. de her. qual.* Et ad hoc onus defugiendum nihil seruo prodest, si minor erit annis. Nam aduersus hanc necessitatem nulla est restitutio in integrum, *l. necessarius. in fin. de acquir. hered.* Et merito. Quia restitutio lapsis datur & aliquid gerentibus: non labitur autem vel decipitur is, qui iure communi utitur, id est, utitur necessitate iuris communis, *l. ult. sup. de in integr. rest. min.* Et hoc sine exceptione verum est, quatenus pa. iun-

patiuntur facultates patroni defuncti. Quod si seruus post mortem patroni aliquid adquisierit, placet id non attingi, si modo separationem bonorum seruus impetrauit, quam impetrare potest, *d. §. ult. de her. qual. & diff. l. i. §. ult. de separ. bon.* Verum hæc separatio sub conditione conceditur, si seruus eam tunc petat, cum bona patroni nondum attigit, nam si se iis immisceat, sera petitio est, *d. l. i. §. ult.* Sed hoc ita, nisi sit minor qui hereditatem patroni attigit. Nam hic in integrum restitui potest, ut est in *l. ait prator. §. non solum. de minor.* Quod sic accipiendum est, ut restitui possit, non ut non sit heres, quod nullo modo ei conceditur, *d. l. necessarius. in fin. de acquir. her.* sed ut possit impetrare separationem, quam rebus integris poterat, cum nondum facto suo hereditati se obligasset.

AD TITVLVM XXVIII. COD.

Deliberis præteritis vel exheredatis.

S V M M A R I A.

- 1 *Liberi omnes aut heredes instituendi aut exheredandi.*
- 2 *Particula Omnes quid in se contineat hic.*
- 3 *Liberi si non exheredantur, saltem ex aliqua parte instituendi sunt.*
- 4 *In forma exheredationis quæ sint obseruanda.*
- 5 *Liberi exheredandi sunt nominatim, & pure & simpliciter.*
- 6 *Distio Nominatim quid significet.*
- 7 *Filius simpliciter exheredatus utrum videatur ab omnibus gradibus exheredatus, an ab uno tantum, & si ab uno, a quo exheredatus intelligatur.*
- 8 *In causis exheredationis quæ requirantur.*
- 9 *Præteriti testamento quæ dicantur.*

In his, quæ testamento cauentur, quæ desiderantur ad vim testamenti, non tantum hoc est, ut quis heres instituatur testamento, sed præcipuum ius est in liberis exheredandis vel instituendis, *l. inter. de lib. & posth.* de quo agitur hoc tit. cuius est hæc summa: Liberos omnes, quos quidem nemo gradu præcedit, aut heredes instituendos aut exheredandos esse, neque institutos, neque exheredatos testamento, præteritos videri. Præteritionis hanc esse pœnam constitutam, ut testamentum vel a patre inutile sit, vel postulantibus iis, qui præteriti sunt, rescindatur. Hinc inscriptio de liberis præteritis, quia hic traditur, quæ sit pœna præteritionis: non dicitur de liberis institutis & exheredatis, sed utrumque eandem significationem habet. Nam qui dicit, præteritionis pœnam constitutam esse, hoc dicere intelligitur, liberos ad hanc pœnam euitandam instituendos, aut exheredandos esse. Adicitur de liberis exheredatis, quoniam præcipue hic traditur, quando liberi sint exheredandi, & quibus de causis. De institutis nihil adicitur, quia quomodo instituendi sint liberi, dictum est in *l. 4. §. de inst. & subst.* Hæc pluribus explicanda sunt, ut quæstio & partes huius tituli intelligantur.

Primum igitur de liberis ita statuendum est. Liberi & omnes, qui modo pari conditione sunt, aut heredes instituendi aut exheredandi sunt, *§. sed hoc idem. Instit. de exher. lib. l. maximum. infr. & Auth. non licet. infr. h.* Dixi omnes, quia placet hoc ius ad omnes liberos pertinere. Primo sine exceptione sexus, ut non minus filia instituenda sint aut exheredanda, quam filii. Item sine exceptione gradus, ut non minus insti-

tuendi aut exheredandi sint nepotes & deinceps reliqui liberi in infinitum. quam filii, *l. maximum. infr. h.* Postremo etiam sine exceptione potestatis: nam qui liberi in potestate sunt, instituendi sunt aut exheredandi iure communi, *tot. tit. de exhered. liber. in prin.* Emancipati vero præterea *§. emancipati. Instit. eod.* Reliqui qui nunquam in potestate parentis fuerunt, ut sunt filii matris aut auia, item nepotes auo materno, hi institui aut exheredari debent eo iure, quo constitutum est de querela inofficiosi testamenti, *§. ultim. Instit. eod.* Solum hoc exigitur, ut liberi sint primi gradus. Nam filio viuo non est, ut nepotes instituuntur aut exheredentur, de quo in *l. 2. infr.*

Non solum autem liberi institui aut exheredari debent, sed certo modo, & certis legibus institui aut exheredari iubentur. Si instituuntur pure, potest etiam substitutio sub conditione fieri, quæ sit in eorum potestate. sub alia conditione non potest, nisi sub contraria exheredentur, de quo in *l. 4. sup. de inst. & subst.* ubi dictum: His autem rebus obseruatis, nihil refert quota ex parte liberi heredes sint instituti. Qui ex vna vnciola hereditatis heres est institutus, recte institutus est ut testamentum valeat. Debet quidem filius legitimam partem habere, olim quartam, nunc trientem ac semissem pro numero liberorum, *l. Pap. §. quoniam. de inofficios. testament. Nouell. de trient. & semiss. §. 1.* Sed qui ex aliqua parte institutus est, hanc portionem legitimam supplebit ex his, quæ ei ex testamento relicta erunt: si nihil relictum erit amplius, aut relictum ad legitimam portionem non sufficiat, constitutum est a Iustiniano, ut, institutione firma manente, agat filius ad supplementum reliquæ legitimæ, *l. omnino. infra. de inofficios.*

Interim hoc & exigitur, ut liberi instituuntur saltem aliqua ex parte, nisi exheredentur, quod diserte cautum est *Nouell. 12. ut cum de appellat. §. aliud quoque. capit. nam.* Obstat nouella de triente & semisse, *§. 1.* ubi dicitur, ad trientem suppleri omnia relicta, siue sint relicta iure institutionis, siue iure fideicommissi, legati aut donationis causa. Nam iis verbis non cauetur de iis, quæ desiderantur ad vim institutionis, sed de iis, quæ in legitima portione imputentur. Fatemur omnia relicta imputari, sed dummodo supponatur prius testamentum valere. Cognitoimus autem ex alia eiusdem Iustiniani constitutione, non valere testamentum, nisi aliqua ex parte liberi instituti sint. Sunt igitur instituendi etiam, quamuis priori illa Nouella de triente nominatim scriptum esset, licere parenti totam legitimam partem implere filio legatis & fideicommissis; tamen cum Nouella *ut cum de app. cognosc.* posterior sit, priori derogat. Per posteriorem intelligimus, si quis liberos instituere non vult, potestas est exheredandi, quod quibus verbis recte fiat, dicitur *l. 3. infr.*

Sunt autem exheredandi certa ratione & modo, partim in forma exheredandi, partim in exheredationis causis. In & forma exheredationis hæc obseruanda sunt. Debet & liberi exheredari nominatim, quod & ius porrectum est constitutione Iustiniani & ad filios & ad nepotes, *l. maxim. h.* Nominatim & non significat, nomine filii appellato, sed filio aliquo signo aut aliqua demonstratione ita designato, ut intelligatur, de quo testator sentiat, quod declaratur in *l. 1. 2. & 3. in princ. ff. h. & in §. nominatim. Instit. de exhered.*

lib. Debent præterea exheredari pure, non sub conditione, quoniam certo iudicio exheredandi sunt, *l. 3. §. pure ff. eod.* Et hoc ideo, quia si sub conditione exheredati sint, contraria conditione instituuntur, *d. l. 4. sup. de inst. & subst.* Debent exheredari simpliciter hoc modo: *Filius meus exheres esto*: aut si quid adiicitur, debent exheredari ex hereditate, non autem ex re certa, utpote hæc exhereditatio inutilis est: *Titius meus ex rebus italicis exheres esto. l. cum quidam ff. eod.*

Obstabat huic sententiæ, quod receptum est, filios ex re certa, puta ex fundo recte institui. Quod ut institutio valeat perinde accipitur, quasi institutus esset detracta fundi mentione, *l. 1. §. si ex fundo de hered. instit.* Respondeo: sciendum in *d. l. cum quidam*, hanc institutionem recipi, non summo iure, sed quia benigne interpretamur institutionem quasi fundi mentio non esset adiecta. Hæc benignitas & hereditatis interpretatio non est admittenda in exheredatione: est enim exhereditatio res odiosa, quæ interpretatione adiuuanda non est.

Postremo debent liberi ab omnibus heredibus & ab omni gradu heredum exheredari, id est, tam ab institutis, quam a substitutis, si forte testator plures gradus heredum in testamento fecerit: si ab vno tantum ex heredibus institutis filius exheredatus sit, inutiliter exheredatur, *l. 3. §. filius ff. eod.* Si ab vno aliquo gradu exheredatur, is gradus valet solus, is non valet a quo est præteritus *l. 1. §. si posthumus §. quod enim vulgo ff. eod.* Hinc quaeritur, si cum filius simpliciter exheredatus est, utrum videatur ab omnibus gradibus exheredatus, an ab vno tantum, & si ab vno, a quo intelligatur exheredatus? Quaestio est *l. 1. infr. h. ubi explicabitur.*

8 In causis exheredationis hoc ius est, ut non nisi meritis de causis liberi exheredentur, quæ causæ, quot & quales sint, & quid in iis obseruandum videatur, dicitur *Auth. non licet infr. h.* Si autem omnino instituti liberi non sunt, aut non exheredati, aut sunt quidem vel instituti vel exheredati, sed non ut oportet, hi sunt qui quos præteritos testamento dicimus, *§. eadem. Instit. de hered. qua ab intestato.* Præteritioni pœna constituta est, sed varia, prout sunt liberi, de quo dicitur partim in *Auth. ex causa*, partim in *Auth. non licet infr. h.*

Ad L. 1. Cum post omnes.

Imp. Antoninus A. Fauiano.

Cum post omnes heredum gradus exhereditatio scribitur, si adiciat testator ab omnibus se gradibus exheredare: non dubitatur iuri satisfactum esse. Et ideo etiam si id non adiciatur, appareat tamen eum id eo consilio scripsisse, ut ab omnibus exheredaret: recte factum testamentum videtur. Proinde cum pater familias filiis institutis & inuicem substitutis, filium exheredauerit, intelligendus est exheredationem ab utroque gradu fecisse, &c.

S Y M M A R I A.

- 1 Filius exheredatus a patre, utrum ab omnibus heredum gradibus, an ab vno tantum intelligatur exheredatus.
- 2 Filius quando dicatur exheredari inter medias heredum institutiones.
- 3 Filio post omnes gradus exheredato, quid iuris sit.
- 4 Filius inter duos gradus exheredatus, ab utroque gradu intelligatur exheredatus.
- 5 Filius exheredatus inter medias heredum institutiones, a toto gradu exheredatus videtur.

A Quo gradu filius præteritus est, is gradus non valet. Regula est iuris, tradita in *l. si posthumus §. quod vulgo ff. eod.* Hinc quaestio, cum si filius exheredatus est a patre, utrum ab omnibus heredum gradibus institutorum & substitutorum intelligatur esse exheredatus, an ab vno tantum? Hæc quaestio deciditur partim hoc loco, partim *l. 3. §. filius vsque ad fin. ff. eod.* Ex quibus coniunctis locis hæc sententia efficitur de ea quaestione. Si testator expressit, a quibus gradibus, quibusve heredibus vellet filium exheredatum esse, voluntas seruanda est. Itaque si nominatim filium exheredauit ab omnibus gradibus, is ab omnibus exheredatus est, ut hic respondetur in *pr.* Qua ratione si dixit se ab vno gradu exheredare, ab eo solo gradu filius exheredatus est. Similiter & si dixit, se ab vno herede exheredare, ab eo solo exheredatus filius intelligitur, quo casu exhereditatio plane nullius est momenti, *d. l. 3. §. filius.* Quod si testator simpliciter filium exheredauit, hic sequimur quod verisimile est sensisse testatorem. Quid autem hic senserit, de eo varie statuitur pro loco quo exhereditatio est scripta. Est autem varietas hæc scripturæ in eo. Nam aut filius exheredatur ante heredis institutionem, aut post omnes gradus, aut inter duos gradus, aut in vno gradu inter medias heredum institutiones.

Quid sit ante heredis institutionem, quid sit post omnes gradus, quid sit inter duos gradus, notum est. Inter si medias autem heredum institutiones dicitur filius exheredari, cum pluribus heredibus institutis, inter eorum institutionem exhereditatio filii interii-citur hoc modo: *Primus & secundus heredes sunt. Filius meus exheres esto, tertius & quartus heredes sunt.* Igitur si filius ante heredis institutionem exheredatur, ab omnibus gradibus exheredatus intelligitur, *d. l. 3. §. ante hered.* Quia hoc consilio exhereditatio in capite testamenti posita est, ut ad totum testamentum pertineret posita est enim fundandi testamenti causa. Si si post omnes gradus filius exheredatus sit, casus est huius rescripti, de quo ita respondetur: Filium hoc casu ab omnibus gradibus, id est, tam a substitutis, quam institutis exheredatum videri, si iudem instituti sint, qui & substituti, quod contingit, cum testator quos heredes prius instituerat, eosdem postea inuicem substituit. Et merito hoc casu exhereditatio ad utrumque gradum pertinet. Nam constat eam pertinere etiam ad proximum gradum substitutorum. Non potest autem a substitutis filius exheredari in hac specie, quin ab institutis exheredetur, qui iudem erant instituti, qui & substituti sunt.

Ex hac conditione liquet, non idem probandum esse, si alii substituti sint, quam prius instituti erant, proinde filium extremo loco exheredatum, solum a substitutis exheredatum videri, non item ab institutis, argumento certissimo ducto per contrarium, *arg. l. 1. §. interrogatio huius, de offic. eius cui mand. est iur.* Idque etiam intelligitur ex ratione, quam tradidimus supra, quæ in institutis & inuicem substitutis locum solum habet. cessat autem in substitutis, qui non sunt instituti. Proinde etiam huic iuri locum non esse dicemus, argumento *l. quod dictum, de pact.* Si si inter duos gradus filius exheredatus est, ab utroque gradu exheredatus intelligitur, *d. l. 3. §. ante heredis.* Idque omnino consequens est superioribus. Nam secundum ea, quæ dixi, exhereditatio subiecta ad proximum præcedentem gradum, præposita ad omnes sequentes per-

tes pertinet. Idem placuit, si testator ita exheredarit filium inter duos gradus, ut gradus misceret, seu ut gradibus misceret exheredationem, quod ita fit, cum duobus heredibus instituitur & in unius locum substitutione facta filium exhereditat, deinde in alterius heredis locum alium substituit, hoc modo: *Primus & secundus heredes sunt, si primus heres non erit, tertius heres esto, filius exheres esto, si secundus heres non erit, quartus heres esto*, hoc in d.l. 3. §. in eo.

Quod si testator filium exheredarit inter medias heredum institutiones, placet filium a toto gradu exheredatum videri, id est, ab omnibus heredibus institutis, tam qui scripti sunt ante exheredationem, quam qui postea, d.l. 3. §. filius. Idque etiam plane his consequens, quæ dixi de exheredatione inter duos gradus interiecta, ut scilicet exhereditatio tam ad præcedentem, quam ad sequentem gradum pertineat. Quod de pluribus gradibus dicitur, id nunc dicimus in pluribus personis. Verba autem Vlpiani in hac re expendenda sunt. Non dicit hoc casu filium exheredatum ab omni gradu, ut intelligeremus non esse exheredatum a substitutis, sed ab institutis tantum, in quorum institutione inclusa est exhereditatio. Sed dixit a toto gradu, ut intelligeremus, non a proximis tantum heredibus institutis exheredatum esse, sed ab omnibus etiam remotis, qui eo gradu instituti sunt. Optima ratione, quia non potest exhereditatio casu hoc valere, nisi intelligatur ab omnibus heredibus institutis facta esse. Nam si fingamus, ab vno aliquo herede filium esse præteritum, totus is gradus non valet, d.l. 3. §. filius.

Ad L. 2. Si auus.

Imp. Alexand. A. Heraclidæ.

Si auus tuus, qui patrem tuum & non uerum a quis portionibus heredes instituit, cum te quoque haberet in potestate, testamento nominatim non exheredarit, mortuo patre tuo viuo auo, sine impedimento legis Velleiæ succedendo in patris tui locum, rupisti aui testamentum, & ad te hereditas eius tota pertinet. PP. 6. Id. Apr. Fusco II. & Dextro CC. 226.

S V M M A R I A.

- 1 Si quis filium habet & ex eo nepotem, aut generaliter liberos plurium & diuersorum graduum, an omnes instituere aut exheredare teneatur; an sufficiat, si eum, qui primo gradu est, instituat aut exheredet.
- 2 Verba huius legis, sine impedimento legis Velleiæ rupisti testamentum, examinantur.

Si quis si filium habet, & ex filio nepotem, utrumque in potestate, & generaliter si quis liberos diuersorum graduum habet, idque plurium, non necesse habet omnes heredes instituere aut exheredare, satis est filium, & eum qui primo est gradu heredem instituat, aut nominatim exheredet. Nepos præteritus non infirmat testamentum, quamdiu filius, qui præcedit, viuat, & ideo a principio statim testamentum valet, §. posthumorum. Inst. de exher. lib. Et si filius moriente auo viuet, nunquam postea nepos, quamuis præteritus scriptis obstat heredibus, siue filius existerit auo heres institutus, ut ex hoc rescripto colligitur, siue non existerit heres, utpote a patre exheredatus, l. si quis posthumos. §. si filium. ff. eod. l. 6. de iniust. rupto. Idque adeo verum est, ut quamuis filius exheredatus decesserit deliberantibus heredibus de adeunda hereditate, atque ita defierit filius obstat nepoti: tamen non eo magis nepos obstat heredibus, ut declaratur suprascriptis locis duobus.

Optima ratione, quia spectamus tempus mortis testatoris, ut testamentum exitum habeat, quo tempore non fuit necesse nepotem heredem institui aut exheredari, cum eum filius præcederet, l. si alienum. §. 1. de hered. instit. §. in extraneis. Inst. de hered. qual. & differ. Sed propter periculum rumpendi recte faciet auus, si filio instituto aut exheredato, nepotem quoque instituet aut exheredabit. Nam fieri potest, ut filius viuo auo moriatur: quod si contingat lege Velleiæ constitutum est, ut nepos in sui heredis deficientis locum suus heres succedat, & simul ut tanquam agnatione heredis rumpat testamentum, nisi sit institutus aut exheredatus, quod in proposita specie huius loci accidit, §. posthumorum. Inst. de exhered. liber. l. posthumorum. de iniust. rupto. Sed notandum est, quod in hac lege subiicitur: nepotem (præteritum videlicet) rumpere testamentum sine impedimento legis Velleiæ. Non potest dici rumpi testamentum sine impedimento legis Velleiæ, nisi lex Velleiæ aut impediat aut rumpat, aut impedire videatur. Atqui tantum abest, ut videatur impediri, ut eadem ipsa lege dicatur rumpi testamentum, si nepos, qui suus heres factus est, viuo auo non sit institutus aut exheredatus, d. §. posthumorum. Et intelligendum est, utrumque recte dici, legem Velleiæ velle, ut hic nepos præteritus rumpat testamentum, & rursus videri legem impedire ne rumpat. Nam ut colligere licet ex l. Gallus. §. ille casus. vers. idemque. ff. eod. posteriore parte legis Velleiæ cautum erat, ut si liberi qui gradu præcedunt, sui heredes esse defierint viuo auo, tunc nepos in suorum heredum deficientium locum suus heres succedat. Adiecit lex in eadem parte, ne ob eam successionem eo minus ratum sit testamentum, & hoc est, quod ait Scæuola in d. §. legem Velleiæ in hac posteriori parte vetare testamentum rumpi, propter successionem superiorum. Itaque hæc lex videtur impedire, ne nepos rumpat testamentum. Sed eadem parte legis Velleiæ hæc conditio adiicitur: Si modo nepos institutus aut exheredatus erit. Vnde intelligitur, si institutus aut exheredatus non erit, tunc sine impedimento huius partis nepotem rupturum testamentum aui, siue testamento hereditatem accipiendo, siue impediendo, quod lex impedire videbatur, ne rumpetur testamentum, re autem vera non impediēbat.

Ad L. 3. Si quis.

Imp. Iustinian. Ioanni PP.

Si quis filium proprium ita exheredauerit, Ille filius meus alienus meæ substantiæ fiat; talis filius ex huiusmodi verborum conceptione non præteritus, sed exheredatus intelligitur. Cum enim manifestissimus est sensus testatoris: verborum interpretatio nusquam tantum valeat, ut melior sensu existat. Dat. 10. Kal. Mart. Constantin. post consulatum Lampadii & Orestis VV. CC. 531.

S V M M A R I A.

- 1 Formula institutionis & exheredationis veteribus usitata.
- 2 An mutata formula exheredationis valeat exheredatio.

Quæ admodum si institutionis formula vetus hæc erat; Titius heres esto, tit. de vulg. Inst. h. sic exheredationis formula hæc erat; Filius exheres esto, §. nominatim. & §. sequent. Inst. de exheredat. liberor. l. 3. §. in eo. ff. de liber. & posthum. Formulam institutionis si quis aliis verbis conciperet, dummodo idem

sensus esset, recipiebatur institutio olim, citra controuersiam, ut si testator ita dixisset: Titius hereditatis meae dominus esto, *l. his verbis. in pr. de hered. instit.*

² Sed † non idem placebat de formula exheredationis, veluti si quis ita filium exheredasset: *Filius meus ab hereditate mea alienus fiat*, quae conceptio hoc loco proponitur. Verisimile est dubitasse veteres an exheredatio haec valeret? Neque ad rem pertinere exemplum institutionis, quoniam ut est in *l. cura quidam. de lib. & posth.* institutiones ut beneficia benigne accipiuntur, exheredationes ut odiosae non sunt adiutuandae interpretatione.

Hanc dubitationem sustulit Iustinianus hoc loco, & constituit, quibuscunque verbis filius remouetur ab hereditate patris scriptura testamenti, satisfactum esse iuri. Et generaliter definit, ubi sententia testatoris manifesta est, nunquam interpretationem verborum, id est, orationem, quae aliis verbis formulam visitatam interpretatur, nunquam inquam hanc orationem tantum valere posse, ut potior sit sententia testatoris, ubi verborum interpretatio significat verborum sensum, ut interpretatur Accursius. Alioqui hic esset sensus: Nunquam sensum verborum tantum posse, ut sit potior sensu: quod est ridiculum & absurdum.

Hoc loco non male opponitur *l. si alii. ff. de usufr. leg.* ubi si testator legauerit fundum Tusculanum viui, & usumfructum eius alii, placet utrumque in usumfructum concurrere, quia fundi appellatione & ususfructus & proprietates contineatur, secundum vim & significationem verbi. Idque ita esse placet, quamuis errore testator aliquid existimauerit, ut sic pluris scriptura valeat, quam id quod sensit testator. Bene respondetur vulgo, legem *si alii*, loqui de eo testatore, qui errat quidem, sed non constet an velit ita esse, ut existimat. Haec inquam recte. Nam si testator declarasset, se fundum legando, non amplius legare velle, quam fundi proprietatem, nemo dubitaret, quin eius voluntas seruanda esset. Nemo dicere intelligitur, quod non sentit, etiam si verbo exprimat, *l. 3. de reb. dub.* Huc pertinet generale illud; voluntatem in testamentis dominari, nec praeter voluntatem quicquam ratum esse, *l. 12. de leg. 1. l. ex pacto. §. rerum. de hered. instit.*

Ad L. 4. Maximum vitium.

Imp. Iustinian. A. Ioanni PP.

Maximum vitium antiqua subtilitatis presenti lege corrigimus, quae putauit alia esse iura obseruanda in successione parentum, si ex testamento veniant, in masculis, & alia in feminis, cum ab intestato simile ius utrique sexui seruauerint. Et aliis verbis exheredari filium debere sanxerunt, aliis filiam, &c.

S V M M A R I A.

¹ Differentia filiorum & filiarum, nepotum & filiorum, item posthumorum & iam natorum, in materia institutionis & exheredationis olim quae fuerit, & quae nunc sit, & nu. 2.

³ Effectus liberorum ad infirmenda testamenta quis & quomodo accipiendus.

¹ C V M † de liberis instituendis aut exheredandis agitur, alia erat conditio filiae, quam filiorum: nepotis quam filii, posthumum quam iam nati. Nam filias non erat necesse instituere aut exheredare ut filios. Illis praeteritis valebat testamentum, sed accrescebat

heredibus scriptis, fratribus quidem pro rata portione, extraneis autem scriptis heredibus pro semisse, quem semissem illis auferebant, *l. Theophilus. §. 1. de exhered. lib.* Quod si filiae exheredabantur, non erat necesse exheredari nominatim, ut filios, sed poterant inter ceteros exheredari, ut puta, *Primus & secundus heredes mihi sunt, ceteri exheredes sunt*. Hoc verbo ceterorum intelligebantur contineri filiae, si quas haberet testator, §. 1. *Instit. de exher. lib.* Eadem nepotum erat conditio quae filiarum, si modo nepotes viui essent, & nemo eos gradu praecederet, ut est in *eod. §. 1. de exhered. liber.* Posthumorum haec erat conditio, ut siue masculi essent siue foeminae, pariter institui aut exheredari deberent. Sed hoc intererat, in exheredatione, quod masculi nominatim exheredandi erant, foeminas licebat exheredare inter ceteros, dummodo eis aliquid relinqueretur testamento, ne praeteriti viderentur per obliuionem, §. *posthumi. Instit. de exher. liber.*

Iustinianus † hac constitutione superiore differentia sublata, exaequauit foeminas masculis, nepotes filiis, postumos iam natis. Et constituit ut pariter omnes institui debeant aut exheredari, & si exheredentur, ut exheredentur nominatim omnes; si aliter factum sit, cauet ut omnes liberi eundem effectum habeant ad testamenta parentum infirmenda, quem habent filii, tam sui, quam emancipati. Differentiae, quas dixi, exponuntur in *tit. de exhered. lib. §. 1. & seq.* Summa autem huius constitutionis comprehensa est in §. *sed hac quidem. eod. tit.* Notandum est, quod Iustinianus dicit de eo effectum, quem vult liberos habere ad infirmenda testamenta. Is † autem erat, ut si filii praeteriti in potestate essent, testamentum iam a principio nullius esset momenti: si liberi essent emancipati, ut testamentum iure valeret, sed rescinderetur bonorum possessio contra tabulas petita, §. *emancipari. Instit. de exhered. lib.* Iustinianus intelligit, praeteritis filiabus, praeteritis item nepotibus idem iuris futurum, ut si in potestate fuerint filia, vel nepotes, testamentum nullius sit momenti. Si autem emancipati erunt, habeant bonorum possessionem contra tabulas. Quod de liberis viuis accipiendum est: nam posthumis praeteritis, non infirmatur testamentum, nisi iis natis. Quod & in foeminis & nepotibus posthumis eodem modo obseruandum est.

Authent. Non licet.

Non licet parenti aliquem, ex liberis exheredare vel praeterire, nisi si probetur ingratum, & ingratitudinis causas nominatim inserat testamento. Causae vero ingratitudinis noua constitutione expressae sunt quatuordecim.

Authent. Ex causa.

Ex causa exheredationis vel praeteritionis irritum est testamentum, quantum ad institutiones. cetera namque firma permanent.

S V M M A R I A.

¹ Sententia harum authenticarum tribus capitibus comprehensa, & quibus.

² Liberos omnes instituendos aut exheredandos sine discrimine sexus, potestatis, & aetatis. His praeteritis non esse impune.

³ Liberos non solum rite, id est, nominatim, pure, & ab omni gradu exheredandos: sed hoc amplius ex constitutione Nonella ex iusta causa ea constitutione

tionem comprehensa, & ea adscripta testamento, & ab herede probata.

- 4 Præteritionis liberorum pœnam quadruplicem esse iure vetere pro qualitate & differentia liberorum constitutam: & quæ sit.
- 5 Præteritionis pœnam & nunc eandem esse, neque in eo ius vetus constitutione Nouella emendari: & quanti referat id nosse.
- 6 Exheredatis rite liberis solam fuisse olim propositam querelam inofficiosi testamenti: & nunc quoque esse post Nouellam Iustiniani, quamuis nulla causa exheredationis adscripta sit testamento, aut non iusta.
- 7 Recte hic dictum, non solum ex causa exheredationis, sed etiam præteritionis rescissa institutione cetera testamenti firma manere.
- 8 Hac constitutione sublata esse omnia iura vetera, quibus placebat institutione heredis sublata, nihil ex testamento deberi.
- 9 Præteritis liberis quos testator se habere ignorauit, non unum argumentum esse, quo disputari possit, una cum institutione heredis cetera testamenti euertere: sed verius esse etiam hoc casu institutione rescissa cetera eo testamento relicta valere.
- 10 Herede ex re certa instituto, si præteriti sint liberi, aut immerito exheredati, sic rescindi institutionem, ut res certa heredi relicta ei debeatur ex hac constitutione.
- 11 Ex causa præteritionis vel exheredationis legata ab herede instituto hodie valere: at non item, si qua relicta sunt a filio præterito vel exheredato.
- 12 Ex causa præteritionis vel exheredationis quamuis rescindatur institutio, tamen legata quæ hodie præstantur, ex testamento peri, & valere.

His præteritis duobus tria constituuntur. Primum, liberos omnes heredes esse instituendos, aut exheredandos. Alterum, si exheredentur, certis cautionibus exheredari debere, quæ hic comprehensæ sunt. Tertium, liberis præteritis, aut non ita exheredatis, uti supra comprehensum est, quæ sit præteritionis aut exheredationis pœna. Duo priora comprehensæ sunt in *auth. licet*. Tertium in *auth. ex causa*.
 2 Principio præteritum lex ait, non licere parentibus liberos præterire. Constituit eam sententiam, quam alibi explicatius positam legimus, liberos omnes instituendos esse, aut exheredandos: alioqui fore, ut testamentum non valeat. *l. antepenult. ff. eod. tit. l. instit. de exhib. lib. in prin.* Nam præterire, est neque heredes instituere neque exheredare, etiam si quid maxime liberis testamento legetur. *§. eadem. Instit. de hered. que ab instit. defer.* Ex quo intelligitur, quantumuis aliquid legetur liberis; tamen si instituti aut exheredati non sint, pœnam præteritionis fore eam, quæ hic constituta est, ut apertius intelligitur ex Nouell. *ut cum de appellat. cognosc. §. aliud quoque capitulum.* vnde *auth. non licet.* sumpta est. De omnibus liberis lex scripta est, siue sint in potestate, siue non sint; siue primi gradus, siue sequentium in infinitum; siue masculi, siue feminae, ut plenius comprehensum est in *d. §. aliud quoque capitulum*. Quo magis confirmatur *l. maximum. §. hoc tit.*

3 Alterum præteritum caput pertinet ad exheredationem liberorum, docetque, quid hic seruari oporteat. Diximus alibi, & ita habet, in exheredatione, ut valeat, duo spectari. Primum ut quis rite exheredetur; deinde

de ut iustis de causis. Rite, id est, ut nominatim, ut pure, ut ab omnibus gradibus, & tota hereditate exheredetur. de quibus alias. nihil enim nunc ista ad hunc locum. Ut autem iustis de causis liberi exheredentur, etiam ius antiquum est; neque aliter ab hereditate eos summouere licuit, *l. ult. ff. de bo. dam.* Nihil hic mutat Nouella constitutio, vnde sunt hæc fragmenta. Sed plus de his Iustinianus exegit, quam iure vetere cauebatur. in quo ius ab illo constitutum est nouum. Quæ amplius exigit, tria sunt. Tot enim erant, de quibus olim non erat necesse testatorem esse sollicitum, ut exheredatio consisteret. Primum non erat necesse filium exheredare ex aliqua causa, quæ nominatim legibus comprehensa esset; sed causas exheredationis erant in arbitrio & æstimatione iudicum, nec ullo certo iure continebantur. Vnde illa varietas iudiciorum de rescindendis testamentis, quam ostendit Valerius Maximus, *lib. 7. c. 8. de testamentis rescissis*. Præterea si qua eliet iusta causa exheredandi, satis erat hanc allegari postea ab herede scripto: non erat necesse adscribi nominatim a testatore. Vnde querela de inofficioso testamento, id est, de eo, quod filius nulla de causa merito esset exheredatus, non autem quod exheredatus esset causa non adscripta. Postremo causa exheredationis adscripta a parente, non erat necesse heredi hanc probare; sed iniungebatur liberis necessitas, ut se purgarent, & docerent se semper in officio & obsequio parenti debito mansisse. *l. liberi. §. de inoff. test.* De his, inquam, tribus ius nouum constituitur superiore lege. Primum non posse liberos exheredari nisi iustis de causis, & iis quæ nominatim ea lege comprehensæ sunt a Iustiniano. Hæ autem sunt quatuordecim, numero & ordine expositæ in *d. §. aliud quoque capitulum. & seq.* Exigit amplius lex ibidem, ut causa iusta nominatim adscribatur testamento, ut intelligamus, quamuis iusta causa exheredationis fuerit, & paratus sit heres hanc probare; tamen hanc non nocere, ubi testamento prætermissa est. Tertio loco exigit Iustinianus, ut causa quæcunque adscripta erit, probetur ab herede; non probata nihil noceat liberis, quantumuis de innocentia sua nihil docere velint. Duo hæc posteriora in ead. Nou. *§. sine igitur.*

Hoc iure de causis constituto; si aduersus ea factum erit, sequitur præteritionis & exheredationis pœna: de qua & ipsa aliquid noui iuris hic constitutum est. estque id tertium caput ex iis, quæ his fragmentis contineri proposuimus. Est autem hæc pœna, ut si liberi præteriti sint, aut non exheredati secundum formam præscriptam, testamentum sit irritum, quod ad institutiones attinet; cetera firma permaneant. sic verba sunt *auth. ex causa*, quæ deinceps expendemus. Apparet autem in his de iure constituto duas esse quæstiones. Vnam, quomodo testamentum hic irritum interpretetur. Alteram, quatenus. Et cum queritur, quomodo testamentum irritum sit, siue non valeat, hoc queritur, utrum ex causa præteritionis vel exheredationis, ubi forma præscripta seruata non est, testamentum a principio nullum sit; an vero valeat, sed postea rescindatur vel bonorum possessione contra tabulas petita, vel querela inofficiosi testamenti perlata. Hoc queritur maxime propter liberos, qui non sunt in potestate testatoris, & id ius quod ante hanc constitutionem Iustiniani de his personis in hoc genere obtinuit. Queritur enim, an id ius maneat etiam post hanc constitutionem, an

vero hac constitutione emendetur, vt in his quoque liberis ex superscriptis causis testamentum nullum sit. Et quoniam ius vetus manere putamus, de eo prius dicemus. ac primum, quod ius fuerit vetus liberis præteritis ad testamentum infirmandum: deinde, quod liberis exheredatis.

✱ Liberis † præteritis, præteritionis poena quadruplex iure constituta est pro qualitate & differentia liberorum. Si filii & reliqui liberi iam nati quos nemo gradu antecedit, qui iidem in potestate testatoris fuerunt, neque instituti sint neque exheredati, id est, vt nunc loquimur, sint præteriti; ipso iure testamentum nullius momenti est, *l. ante cetera. ff. de liber. & posthum.* Si posthumi præteriti sint, qui si nascerentur viuo patre, sui heredes essent futuri, id est, qui in potestate parentis essent, & primum locum inter liberos tenerent; hi, inquam, si præteriti sint; iure ciuili testamentum a principio valet; sed si postea nascantur, testamentum agnatione ipso iure rumpitur, & paterfamilias fit intestatus, *l. i. infr. tit. proxim. §. posthumi. Instit. eod.* Eadem causa est nepotum præteritorum, qui posthumorum loco habentur. *§. posthumorum. Instit. eod.* In his præteritis omnium interpretum consensu nihil mutat hæc constitutio. quin potius hoc ius aperte confirmat, cum lex ait, *non licere liberos præterire.* Hoc enim consequens est, his præteritis contra legem fieri, ac proinde testamentum pro infecto esse. *l. non dubium. §. de legi. nisi* quid lege exciperetur postea, quo declararetur nominatim placere, vt testamentum valeret ab initio, sed postea petentibus liberis rescinderetur. quod in his generibus liberorum factum non est. vnde multo magis in iure vetere manere oportet. *l. precipimus. in fin. C. de appellat.* Quod si liberi emancipati præteriti sint a patre, iure ciuili vetere testamentum valet: sed datur præteritis bonorum possessio contra tabulas; qua petita testamentum ita rescinditur, ac si a principio nullius momenti fuisset, quod ad institutiones heredum attingit. *l. non putauit. §. ult. ff. de bon. poss. con. tab. §. emancipatos. Instit. eod.* Quod si præteriti sint ii liberi, qui neque sunt in potestate parentis, neque esse potuerunt, eoque nunquam fuerunt in eius potestate, vt sunt filii matri, nepotes auiæ, vel auo materno; testamentum & iure ciuili vetere, & iure prætorio valet; sed datur præteritis querela inofficiosi testamenti, *§. vltim. Instit. eod.* In qua si filius obtinet, non minus & hic ipso iure testamentum rescinditur, *l. Papinianus. §. ult. ff. de inoff. test.*

✱ Queritur ergo, † an in his duobus & postremis generibus liberorum ius superius emendetur hac constitutione, vt scilicet non expectetur, dum emancipatis vel ceteris liberis præteritis postulantis testamentum rescindatur; sed statim a principio testamentum nullum sit? De quo non tam magnæ sunt dissensiones, quam magni errores, & non ferendi. Neque hæc quaestio de nihilo est, vtum potius statui oporteat. Etsi enim rescisso testamento aut per querelam, aut petita bonorum possessione contra tabulas, testamentum æque non valet, ac si ab initio nullum fuisset; tamen hoc ita est, si actum fuerit querela inofficiosi, aut si petita sit bonorum possessio contra tabulas. Multis autem modis accidere potest, ne agatur de inofficioso testamento, vel quia filius repudiet querelam, vel quia intra quinquennium huic actioni præstitum non egerit, vel quia prius quam ageret, decesserit, *l. qui repudians. l. Papinianus. §. ult.*

✱ *Et si autem. seq. l. quemadmodum. ff. de inoff. testam.* Idemque de bonorum possessione dicendum est: quam repudiare potest filius, & quæ non competit nisi intra annum, *l. i. §. quibus. §. largius. ff. de suc. ed. intra* quem fieri potest, vt eam non petierit. fieri etiam potest, vt priusquam peteret, decesserit: quibus omnibus modis accidit, vt testamentum sicut a principio valuit, sic nunc in totum confirmetur: vnde & admittantur scripti heredes exclusis legitimis: quæ contra euenire necesse est, si dixerimus testamentum ex causa præteritionis nullum esse. Nam testamento nullo constituto paterfamilias decedit intestatus, eoque hereditas ad legitimos heredes pertinet exclusis reliquis heredibus, *l. filio præterito. ff. de in. rup. l. i. §. tit. prox.* Cum igitur tanti referat, vtum dicamus, semper diu & multum quæsitum est, vtum videretur constitui hac lege Iustiniani. Et inualuit sententia veteris interpretum hanc constitutionem pessime intelligentium, ex causa præteritionis nullum esse testamentum, etiam si liberi emancipati præteriti sint, atque adeo si liberi præteriti sint, qui nunquam sui heredes esse potuerunt, id est, qui nunquam fuerunt in potestate morientis. Qua sententia deletur bonorum possessio contra tabulas, & quæ inde sequuntur. Deletur *§. emancipatos. Instit. eod.* item maxima ex parte titulus *de inoff. testam.* cum in Pandectis, tum in Codice, & in Institutionibus. Item *l. maximum vitium.* hic, vbi superiores rationes infirmandi testamenti leguntur. Statuunt autem hanc sententiam ex his verbis, quæ sunt in authent. *non licet.* & in Nouell. vnde hoc fragmentum sumitur, *in §. aliud quoque capitulum,* cum dicitur, *parentibus non licere liberos præterire.* Sicut enim colligunt, igitur lex vetat præterire. Ergo & si testamentum fiat his præteritis, apparet fieri contra legem. Quod si contra legem, etiam iure pro nullo esse fatendum est. *l. non dubium. supr. de legib.* Et habet argumentum maximam speciem veri. In quo & manendum esset, si ex aliis partibus constitutionis non intelligeretur, quæ sit sententia Iustiniani de hac re. Sed inciuile est, nisi tota lege perspecta iudicare, vel respondere. *l. inciuile. ff. de legib.* Porro ex iis quæ consequuntur in constitutione Nouel. liquido demonstrari potest, Iustinianum cum de ratione infirmandi testamenti ob præteritionem liberorum queritur, non tantum manere in vetere iure, sed etiam aperte id constituere. Primum igitur obseruandum est, constitutionem Iustiniani ius vetus emendare. Sicut est, quidquid lege posteriore corrigente specialiter expressum non est, id veterum constitutionum regulis relictum intelligi, *l. precipimus. in fin. §. de appell.* At Iustinianus de causis exheredationis tantum cauit, vt & iusta sit exheredationis causa, & testamento adscripta, & ab herede probata. si quid autem horum obseruatum non sit, de ratione infirmandi testamenti nihil exprimit in hanc sententiam, vt velit testamentum nullum esse. Quocirca id mutare intelligi non debet, sed veteris iuris regulis relinquere. Nec aliud seruandum in præteritione. Nam ad rationem infirmandi testamenti communi verbo *rescindendi* & iisdem rationibus Iustinianus vtitur tam ex causa præteritionis, quam exheredationis, *in §. sine igitur. & §. hac autem,* vt postea pluribus ostendemus, cum ventum erit ad alteram quaestionem supra nobis propositam. Et circa præteritionem quoque eo magis in iure vetere manere existimandus est. Quod si contra statu-

tuerimus, tam multa delenda sunt in iure Pandectarum & Codicis, quam multa delenda esse supra diximus effici ex contraria sententia. quod minime legislatori est propositum, cuius officium est potius bonas & veteres leges tueri, *l. si quando. in princ. supr. de inoffic. testam.* Sed multo magis hoc statuendum est, si constabit Iustinianum non constituere, ut si superiora seruata non sint, testamentum nullum sit, sed ut petentibus liberis rescindatur. Id autem luce clarius apparet Iustinianum facere, cum ex verbis constitutionis, tum ex iis rationibus, quibus in hac re vitur in *dict. Nouell. ut cum de appel. §. siue igitur*. Nam ita scribit, *Quod si hæc obseruata non sint, nolumus exheredatis liberis præiudicium fieri, & addit, sed quantum ad institutionem attinet, tñs διαθήκῃς ἀνεργεῖν*, quod significat, testamento irritum constituto. Nihil negotii erat totidem verbis dicere, *tñs διαθήκῃς μὴ δευῖας εἶναι*, id est, nullo testamento constituto. Nunc autem dicit diserte testamento irritum constituto. Potest quidem testamentum, quod nullum est, dici esse irritum; sed fieri aut constitui irritum non dicitur, nisi id, quod a principio valuit, ut diserte scriptum est in *§. alio. Instit. quibus modis testam. infirm.* Idem Iustinianus in *§. si autem hæc omnia. ead. const.* pro his verbis *tñs διαθήκῃς ἀνεργεῖν* vitur his verbis, *tñs διαθήκῃς ἀνεργεῖν*, quod valet, testamento euerso, vel ut vulgaris interpret reddidit, testamento rescisso. Absurdum est rescissum testamentum interpretari id, quod nullum est. Nam quod nullum est, rumpi aut rescindi non potest, ut diserte scriptum est in *l. §. ff. de in iust. rupt.* Et eadem verba usurpat idem Iustinianus in *d. §. siue igitur*. cum ita scribit, *μη ἀναπαύειν ἢ διαθήκῃς ἐνστάει*, de legatis eo testamento relictis, in quibus vult testamentum non rescissum suam vim tenere. Ratio autem, quæ annectitur a Iustiniano in *dicto §. siue igitur*. hæc est; ne liberi falsis accusationibus lædantur, aut aliquam circumscriptionem in testamentis parentum patiantur. quorum alterum ad exheredationem, alterum ad præteritionem pertinet. Ex hac ratione perspicuum est, dummodo præteritis liberis ita testamentum confirmetur, ut præteritio liberis nihil noceat, constitutioni Iustiniani, & voluntati eius satisfactum esse. At non magis nocetur filiis præteritis, si detur illis bonorum possessio contra tabulas, aut querela inofficiosi testamenti, ubi res exigit, quam si testamentum ipso iure nullum sit; quia vtraque via rescinditur testamentum non minus, quam si a principio nullum esset, ut supra ostendimus. Et petenti bonorum possessio statim datur, & in querela statim vincunt filii, ubi aut iusta causa non est, aut non est adscripta, aut non est ab herede probata. Nec ad rem pertinet, quod petere oportet bonorum possessionem, aut instituere querelam inofficiosi testamenti, cum testamento nullo constituto, nulla sit petitio, nullo iudicio opus. Nam & institutio aut petitio querelæ est in potestate filii, & si non petit bonorum possessionem, aut non instituit querelam, de se queri debet, quemadmodum queri deberet de se ipso, si institutus fuisset sub conditione, quæ in eius potestate esset, & ei conditioni non paruisset, *l. sius. ff. de hered. inst.* Proinde, ut dixi, dum liberis præteritis detur bonorum possessio contra tabulas, aut querela inofficiosi testamenti, constitutioni Iustiniani satisfactum est. Præterea ex eadem ratione apparet Iustinianum in hac constitutione, dum iubet præteritionem non nocere, voluisse

se consulere liberis. Ex quo intelligitur noluisse eum consulere extraneis heredibus, eoq; noluisse introducere vllam infirmationem testamenti, per quam extraneis heredibus consulitur, non autem liberis. Collectio est Vlpiani in *l. 3. §. sed utrum. ff. de min.* Prætor, inquit, hoc edicto succurrere voluit minoribus. non est igitur ei propositum consulere maioribus. At si dicimus præteritis liberis omnibus testamentum ipso iure nullum esse, non liberis tantum consulitur, sed etiam extraneis legitimis heredibus defuncti. Quid enim, si filius repudiet hereditatem? quid, si viuo patre decedat? quid, si decedat prius, quam hereditatem adeat? dicemus nihilominus patrem intestatum decessisse, eoq; hereditatem pertinere ad cognatos eius. Contra vero si liberis præteritis damus bonorum possessionem contra tabulas, aut querelam inofficiosi testamenti; filiis consulitur, & solis liberis; quia his bonorum possessionem non petentibus aut de inofficioso non querentibus, ratum est testamentum, & scripti heredes admittuntur, exclusis extraneis legitimis heredibus. Hanc igitur viam posteriorem voluit Iustinianus priorem repudiavit aperte, nisi quatenus iure civili vetere testamentum nullum esset. Ratio qua interpretes in contrariam sententiam ducti sunt, mouere nos non debet. Constitutio in *§. aliud quoque capitulum*. cauet, non licere parentibus liberis præterire. ex quo colligere eos dixi, si liberi præterereantur, testamentum contra legem factum videri, ac proinde infectum esse, *d. l. non dubium. §. de leg.* Hoc recte colligitur & statuitur, quoties lex simpliciter aliquid vetat fieri, nec vllam pœnam nominatim adiicit. hanc enim pœnam intelligimus, ut quod factum est, infectum sit. At cum lex aliquid fieri vetat, & si id factum sit, nominatim pœnam constituit, ut quod factum est, valeat aliquo modo, sed postea rescindatur; aduersus legis sententiam manifestam facere non debemus, sed ea erit pœna, quam lex voluit. Proinde quod factum est, valebit, ut lex vult: sed ita rescindetur, ut lex nominatim iubet. Id autem accidit in hac constitutione. Nam Iustinianus primo cauet non licere parentibus liberis præterire; sed hic non subsistit, verum postea, si hoc factum non sit, pœnam constituit in *§. siue igitur*. & nominatim hanc constituit, non ut præteritio aut exhereditatio testamentum nullum reddat; sed ut non noceat liberis: item ut valeat testamentum, sed postea rescindatur. ubique enim *rescindendi* verbo vitur; & præterea manifesta eius sententia est, nolle eum testamentum ipso iure esse nullum. Proinde aduersus verba & manifestam eius sententiam hanc pœnam constituere præteritionis, ut testamentum nullum sit, nec possumus, nec debemus.

Hæc de pœna præteritionis dicta sunt cum ex iure vetere, tum ex hac constitutione noua. Quod ad exheredationem attinet, iure vetere vna in omnibus liberis exheredatis pœna constituta est, ut queri possint de inofficioso testamento: dummodo sint rite exheredati, id est, nominatim, pure, & ex tota hereditate: neque interest, vtrum filii exheredati in potestate parentis fuerint, an vero non fuerint. Generale ius est, exheredatos liberos neq; iure civili, neque prætorio turbare testamenta parentum, vnamq; his superesse querelam inofficiosi testamenti, *l. non putauit. ff. de bon. poss. cont. tab.* Idq; ita erat siue causæ ingratitudinis adscriptæ essent, siue non essent: item siue constaret liberos ingratos fuisse, siue cõstaret ne ingratos quidem esse

potuisse. ideo etiam infante & posthumo exheredato testamentum valebat: quamvis daretur exheredato querela inofficiosi testamenti. §. *tam autem. Inst. de inoff. test.* Quod etiam Iustinianus confirmat in *l. si quis suo. §. ult. §. de inoff. test.* Quæritur, an hic quidquam immutavit Iustiniani constitutio? Et vulgo quoque hæc sententia recepta est, si aut exheredationis nulla iusta causa sit, ut in infante, aut iusta causa sit, sed non adscripta; testamentum ipso iure nullum esse, quicumque liberi exheredati sint. Ceterum iusta causa exheredationis constituta, & ea adscripta, valere testamentum, sed dari querelam exheredato; in qua vincet, si heres eam causam non probauerit. Nos vero hanc sententiam, itidem ut superiorem, constitutioni Iustiniani plane aduersari contendimus, & ita statuimus, dummodo liberi, quicumque erunt, rite sint exheredati secundum formam iuris veteris, quamvis nulla causa sit exheredationis, aut non sit adscripta; tamen ius antiquum manere, & solum querelam dari exheredato, etiam infanti, iisdem argumentis quibus supra vti sumus. Primum quia constitutio vult testamentum rescindi. Deinde, quia vult ita exheredati secundum formam illic præscriptam, ut si ea observata non sit, ea exhereditatio non inutilis sit, sed non noceat; item ut non noceat solis liberis, non autem ut per hoc hereditas perveniat ad alios extraneos. quod futurum est, si dixerimus testamentum nullius momenti esse, non autem rescindi. Opponitur huic sententiæ *l. non putavit. §. non quamvis. ff. de bon. poss. cont. tab.* ubi scriptum est exheredationem non rite factam exheredationem non videri. Ex hac sententia sic vulgo argumentantur. Præteritis liberis qui sunt in potestate, testamentum nullius momenti est, ut supra confirmavimus. Præteriti autem intelliguntur, qui rite exheredati non sunt, *d. §. non quævis.* Quare liberis ita exheredatis testamentum nullius est momenti. Hæc concedimus, sed nihil aduersus id, de quo quæritur. Prius enim efficiendum fuit liberos videri non rite exheredatos, qui exheredati sunt non iusta de causa aut causa non adscripta: quod negamus, & recte. Nam dum nominatim, & pure, & a tota hereditate exheredati sint, rite exheredati sunt ex iure vetere. Sunt etiam rite ex constitutione Iustiniani, quam tractamus: quoniam Iustinianus non iubet liberos exheredari iustis de causis, & eas adscribi, ut testamentum a principio constet, sed ut, si contra factum sit, exheredato non noceat, *d. §. siue igitur. Non. ut cum de appel. cog.* Vult igitur testamentum consistere, sed exheredatis id non nocere.

Ac de priore capite dictum est, quomodo ex causa præteritionis aut exheredationis testamentum irritum sit ex constitutione Iustiniani. Alterum quæritur, ex his causis quatenus testamentum irritum fiat? Et res ita definita est in authent. *ex causa.* ut ex causa præteritionis aut exheredationis testamentum irritum sit, quod ad institutiones heredum attinet; cetera autem in testamento relicta & constituta valeant. In quo posteriore ius singulare notandum est. Nam iure communi cum testamentum rescissum est, nihil in eo testamento scriptum valet, *l. cum mater. ff. de inofficioso testam.* de quo mox plura. Quam ob causam multa circa hoc caput quæsitæ sunt, cum de causis, propter quas testamentum infirmatur, tum de iis quæ testamento relicta sunt, quæ constitutio iubet valere.

7 Ac primum quod iubet valere cetera ex causa

exheredationis, id pro certo & perpetuo iure habendum est. Expressum est enim in Nou. vnde hæc authent. sumitur in *d. §. siue igitur.* his verbis; quod si hæc observata non sint, sancimus exheredatis liberis nullum præiudicium fieri, quod ad heredum institutiones attinet; cetera omnia alia testamento constituta suam vim obtinere, quasi non rescisso testamento. Quæsitum est, an idem probandum sit ex causa præteritionis, & an recte hoc verbum adiectum sit ab eo, qui confecit hoc fragmentum, cuius initium est, *Ex causa præteritionis?* Mouet dubitationem, quod Iustinianus in *d. §. siue igitur.* vnde est hoc fragmentum, de exheredatis tantum liberis loquitur, nihil nominatim adiicit de præteritis. Semper autem hæc regula interpretationis tenenda est, quod specialiter legibus posterioribus expressum non est, id veterum constitutionum regulis relinqui oportere, *l. præcipimus. j. de appell.* Quæ sententia apud plerisque obtinuit. Sed bene hic dictum est, cetera in testamento valere non tantum ex causa exheredationis, sed etiam ex causa præteritionis, idque recte sumtum ex constitutione Iustiniani. Nam primum in *d. §. siue igitur,* loquitur quidem initio de exheredatis liberis Iustinianus; sed sequitur postea, quod si in aliquibus talibus testamentis legata aut fideicommissa relicta sunt, hæc suam vim tenebunt. His verbis *si quæ sint talia testamenta,* aperte non intelligit ea, in quibus liberi tantum exheredati sunt. Nam hæc dici debuerunt eadem testamenta, ubi filii vel aperte, vel tacite remouentur a bonis paternis, aperte exheredatione, tacite præteritione. Deinde in eod. §. Iustinianus iubet testamentum irritum esse, si priora, de quibus locutus erat, observata non fuerint. Proposuerat autem initio non tantum de exheredatis liberis, sed etiam de præteritis in §. *aliud quoque capitulum.* Proinde hæc verba, *si hæc observata non sint,* ad utrumque caput referenda sunt. Id euidentius apparet ex ratione subiecta in dicto §. *siue igitur.* Ait enim Iustinianus id eo se iubere, ut testamentum irritum sit, ne filii falsis accusationibus lædantur, aut aliquam circumscriptionem in parentum testamentis patiantur. Accusatio falsa est in exheredatione, circumscriptio est in præteritione. utramque igitur causam Iustinianus intelligit, ut quamvis *exheredatorum* verbo usus sit; tamen intelligi debeat, verbo generali eum omnes liberos ab hereditate remotos comprehendisse. Præterea hoc constitutum esse debet, etiam si Iustinianus tantum iuberet legata ex testamento valere, ubi liberi immerito exheredati sunt; tamen vel hoc ipsum certum argumentum esse, legata æque valere debere liberis tantum præteritis. Nam ubi minor est iniuria testatoris, æquum est illius voluntati plus tribui, quam ubi maior est eius iniuria. Maior autem ea est, cum aperte falsis accusationibus liberos exheredat, quam ubi silentio præterit, ubi eos verbis non lædit. Quare si ex causa exheredationis hoc tribuitur patri, ut legata ab eo relicta valeant; multo magis hoc eitribuendum, ut valeant liberis tantum ab eo præteritis. Sed omnem dubitationem sustulit §. *hæc autem. in ead. Non. in fin.* ubi Iustinianus constitutionis summam complectens ita concludit, solum sibi propositum esse a parentibus & liberis præteritionis & exheredationis iniuriam arcere. Itæ, ex his constare ad utriusque partis utilitatem & cautionem, præsentem legem fuisse latam. Quæ apparet referri non tantum ad testamenta liberorum, de quibus præ-

proxime locutus erat, sed etiam ad testamenta parentum, de quibus egerat prius. Hoc idem & cordatioribus interpretibus placet.

8 Sed † siue ex causa exheredationis tantum placet cetera testamenti valere, siue etiam ex causa præteritionis; opponuntur huic sententia; innumeris locis, in quibus traditur, testamento nullo constituto aut rescisso, nihil in eo testamento relictum valere. Verum hanc dubitationem sustulit Iustiniani constitutio non tantum in dict. §. siue autem, sed multo magis in §. si autem hæc omnia, ubi diserte cauet, si in legatis & ceteris relictis, quæ iubet valere, aliud cautum sit veteribus legibus, nolle se eas leges valere. Et ideo sciamus hos locos omnes & sententias veteris iuris ad normam huius constitutionis emendari, hoc modo: Filio, qui in potestate est, præterito, placebat neque legata neque libertates deberi, *l. filio præterito. ff. de in iust. rupt.* hodie & legata & cetera debebuntur. Item posthumo præterito placebat eius agnatione rumpi testamentum ita, ut pater familias intestatus decederet, nec quidquam ex eo testamento deberetur, *l. i. infr. tit. l. proxim.* hodie legata & cetera præstabitur. Item filio emancipato præterito, bonorum possessione contra tabulas perita ita rescindebatur testamentum, ut ius rediret itidem ad causam intestati. *l. non putant. §. ultim. ff. de bonorum possession. contra tabul.* nisi quod legata præstabantur ex eo testamento certis personis, puta liberis & parentibus, *l. i. ff. de leg. præst.* hodie præstabitur omnibus, & omnia. Item rescisso ex causa querelæ inofficiosi testamenti, placebat neque legata neque libertates præstari, *l. Papi-nianus. §. ultim. l. cum mater. ff. de inofficios. testament.* hodie etiam ex hac causa legata valebunt, & cetera relictæ ex eo testamento. Postremo ita est ius vetus, ut ex quo testamento hereditas adita non est, ex eo nihil omnino debeatur, *l. si nemo i. ff. de test. tut. l. si nemo. ff. de regulis iur.* hodie hoc ita est, si ex aliis causis accidat, ne debeatur hereditas a scriptis heredibus. ceterum ex causa præteritionis vel exheredationis si adita non erit, ius novum hic est, ut cetera in eo testamento valeant præter institutionem.

9 Et † circa causam institutionis minime dubitatur legata tunc valere, cum testator sciuit se liberos habere, & consulto eos præterit. tunc enim apparet testatorem voluisse legata præstari omnia. Quæ sit ratio est, an idem probandum sit, si testator ideo liberos præterit, quia se habere ignorabat? Finge patrem falso rumore perlato de filii morte existimasse illum esse mortuum, & ob id alios instituisse heredes testamento, & eo testamento quædam legata reliquisse. Constat ex voluntate testatoris, heredes scriptos non futuros heredes, sed filium. De legatis quaeritur, an etiam hæc debeantur ex hac constitutione; an vero non debeantur, quia tunc relictæ sint, cum pater se filium habere non putaret? Bartolus non ineptis rationibus motus contendit, hoc casu nec institutionem, nec legata valere. Mouetur voluntate testatoris; quia non est verisimile, si pater putasset se filium habere, alios heredes eum institutum fuisse, aut legatis oneraturum filium. Vtitur autem ad eam rem tribus argumentis. Primum ductum est a militis præteritione. Nam si miles præteritis liberis omnibus heredes instituat, testamentum non valet: sed ita, nisi liberos se habere ignorauerit. hoc enim casu præteritio militis non nocet liberis, *l. si cum. seq. §. de test. milit.* proinde & in pagano idem dicendum est.

Nam & in paganorum testamentis legata contra voluntatem testatoris deberi non possunt; cum in testamento totum voluntas testatoris faciat, *l. quoties in pr. l. ex facto. §. rerum. ff. de her. inst. l. 12. in fin. ff. de leg. i.* Alterum argumentum est, quod non sit verisimile quemquam suis successoribus alienos præferre vel. quæ & coniectura voluntatis pro certa confirmatur in *l. cum avus. ff. de cond. & demonst. l. cum acutissimi. j. de fide.* Tertium argumentum ex *l. si unquam. j. de reuoc. donat.* ubi placet quæ quis donauit viuus, cum liberos non haberet, liberis postea susceptis reuocari, & redire in dominium donatoris. Si hoc placeat in donationibus puris & inter viuos factis; multo magis in legatis testamento relictis recipiendum est, quoniam donationes maiorem vim obtinent, quam legata. Donationes statim perficiuntur, nec reuocantur postea ex pœnitentia, *§. alia. test. de don.* legata perpetuo reuocari possunt, quamdiu testator viuit. *l. 4. ff. de alim. leg.* Et posset hæc sententia recipi, nisi differre contra scriptum esset duobus in locis, in *l. ult. ff. de her. inst.* & præcipue in *l. cum mater. ff. de inoff. test.* quo in loco posteriore proponitur mater falso rumore perlato quasi filium suum in prælio amisisset, dum putat se liberos non habere, instituisse extraneos heredes, & quædam legata, item libertates testamento reliquisse. Tamen in hac specie illic scribitur Diuum Hadrianum decreuisse hereditatem matris ad filium pertinere, ita ut legata & libertates præstarentur. Nec mutatur hæc sententia postremis verbis eius loci, sed magis confirmatur. Verba hæc sunt: Hic illud adnotatum est, quod de libertatibus & legatis adicitur. nam cum inofficiosum testamentum arguitur, nihil ex eo testamento valet. Adnotare non est reprehendere & corrigere; sed notare tanquam rem notatu dignam, & singularis iuris. & ratio singularis iuris subicitur; quia iure communi in omnibus testamentis, quæ rescinduntur, hoc seruatur, ut rescisso testamento nihil inde debeatur. quod cum contra hic decretum sit, merito decretum hoc adnotatum esse dicitur. His autem verbis, hic adnotatum est, non corrigi præcedentia ex eo plus quam euidenter liquet, quod adnotatio hæc est iuris interpretum; sententia autem quæ præcedit, est sententia Imperatoris. Ineptum est putare iuris interpretem, qui potestatem iuris condendi non habuit, mutasse aut emendasse constitutionem Imperatoris, quæ ius publicum facit. Huc accedit, quod illa sententia sine ulla correctione confirmatur in *d. l. ult. ff. de her. inst.* Et frustra tentat Bartolus hæc responsa eludere. Nam aut institutio scripti heredis in hac specie ideo non valet, quia filius præteritus est, aut quia mater voluit hoc casu filium remouere, & alios heredes qui scripti sunt, instituere. Si volumus institutionem non valere ex causa præteritionis, legata debebuntur ex hac constitutione. Si volumus institutionem non valere, quia scripti heredes deficiunt voluntate testatoris, etiam hoc casu legata debebuntur ex superscriptis legibus, & præsertim ex *l. ultim. ff. de her. inst.* ubi hoc significatur non obscure, ideo hereditatem ad filium pertinere, quia non videatur testator voluisse non instituere eum, quem se habere ignorabat. Non obstat exemplum militis. Nam cum miles præterit filium, quem ignorat se habere, in institutione heredis admittitur hæc distinctio, utrum sciat se habere filium, an ignoret, ut si ignoret, institutio non valeat. Non eadem distinctio adhibenda est in lega-

tis: Nam si miles ignorans se filium habere, alios heredes instituit, & quædam ab his legauit, nihilominus legata debebuntur. Hic enim placuit ea deberi ex testamento pagani, idque ex eius voluntate. *d. l. cum mater. §. d. l. ult. ff. de her. inst.* Multo ergo magis in eadem causa debebuntur ex testamento militis, ut voluntas militis conseruetur. Non obstat, quod dicitur neminem propriis successioneibus alienos præponere velle: nam & nos in hac specie idem admittimus. Cum enim testator præterit filium, quem ignorabat se habere, & alios heredes instituit, ex superiori ratione dicimus successionem ad filium pertinere, non ad heredes scriptos. sed quod de successione dicitur, ad legatum transferendum non est. Nihil enim prohibet testatorem filium suum heredem esse velle, & nihilominus ab eo quædam relinquere. Certe quotidie id vñ venire videmus, ut parentes liberis institutis, nihilominus quædam testamento legent, quæ ratione solum nititur, quod responsum est in *dict. l. cum mater. ff. de inoffic. testam.* & in *dict. l. ultim.* Non obstat *l. si unquam. inf. de reuoc. donat.* Nam illic reuocantur donationes liberis postea susceptis: sed ex donationes, quæ a patrono in liberos collatæ sunt: ceterorum donationes non reuocantur, tamen si vulgo contra receptum est. de quo scripsimus postea ad eam legem. Tum autem ut concedamus eam legem in omnium donationibus locum habere: tamen non recte transfertur ad legata. Nam in vna re donationes inter viuos maiorem vim habent, quam legata: nempe in eo, quod reuocari non possunt viuentem donatorem; legata possunt. Sed in eo plus est firmitatis in legatis, quod cum reuocata non sunt a testatore, præcipue placet ea conseruanda esse, quia testator aliud velle amplius non potest, *l. i. §. de sacros. eccles.* Vnde dictum publice expedire testantium voluntates exitum habere, *l. vel negare. ff. quem ad test. aper.* Sterigitur iam hæc sententia, non solum ex causa exheredationis, sed etiam præteritionis verissimum & perpetuum esse, quod in hac authent. *ex causa.* dicitur, ex his causis ita institutionem non valere, ut cetera firma permaneant: neque interesse, quare testator præterierit liberos; vtrum quia sciebat se habere, & volebat præterire, an vero quia se habere ignorabat.

Deinceps quæ infirmet, aut confirmet hæc constitutio, consideremus. Ait institutionem ex superscriptis causis non valere.

10 Hic quæsitum est de eo, qui institutus est ex fundo, aut alia re certa. In eo institutionem non valere constat. Sed an saltem ei fundus, aut alia res certa debetur tanquam legatum? Dici potest ei nihil deberi ex verbis huius constitutionis. Nam cum quis instituitur ex fundo heres, iubetur detrahi fundi mentio: quæ detracta fundus legatus dici non potest, *l. i. §. si ex fundo. ff. de her. inst.* Rursum ex hac constitutione institutio non valet. Sed si legatum valere potest ex testamento, placet illum tanquam legatarium eam rem certam, ex qua institutus est, iure legati habiturum, *l. quoties. §. de hered. inst.* Porro in hac specie legatum rei certæ ex testamento deberi potest ex hac constitutione. Quare & hic fundum, aut aliam rem certam, quæ appellata sit, deberi dicemus. Ait constitutio cetera firma permanere. Ceterorum verbo quæ intelligantur, expressum est in *d. Nou. ut cum de appell. cog. §. siue igitur.* & §. si autem. ubi nominatim hæc commemorantur, legata, fideicommissa, liber-

tates, tutelæ dationes: adde his substitutionem pupillarem: quam placet valere, quotiescunque ex testamento patris legata relicta præstantur, *l. 2. §. i. ff. de vulg. subst.* Sed quod dicitur de legatis, hæc ex superscriptis causis deberi; non de omnibus legatis accipiendum est, sed de iis tantum, quæ ab institutis relicta sunt. Si quid autem pater a præterito filio relinquit, neque iure vetere valuit legatum, *l. 2. ff. de leg. 2.* neque ex hac lege confirmatur; quia in *d. §. siue igitur*, diserte scribitur, *ex causa præteritionis vel exheredationis legata suam vim obtinere, tanquam si testamentum rescissum non esset.* Ex quibus verbis intelligimus, ea sola legata hic confirmari, quæ valerent, si heredes instituti hereditatem adiissent.

Sed unde, & quo iure legata petentur? vtrum ex testamento, an ab intestato? non videntur ex testamento peti posse, quia id nullum est sine heredis institutione, *l. ff. de vulg. & pup. subst. §. ante heredis. Inst. de leg.* Nulla autem institutio est, quæ est irrita. Rursum ab intestato non magis videntur posse peti; quia testamento relicta sunt, non ab intestato. nisi quis dicat peti posse conditione ex lege. Sed verum est ea ex testamento peti posse, & valere. Id enim diserte expressum est in *d. Nou. §. cum de appell. cog. §. siue igitur.* Hic opponitur regula iuris, quæ vetat in paganis testamentum pro parte valere, & pro parte non valere; seu quæ vetat aliquem pro parte testatum, pro parte intestatum decedere. *l. i. nostrum. ff. de reg. iur.* Sed hanc obiectionem hic metuere non debemus. Nam Iustiniano ita placuit, ut ex causa exheredationis vel præteritionis pro parte, id est, pro institutione, testamentum non valeat, pro his autem, quæ eo testamento relicta sunt, valeat, *d. §. siue igitur.* Huc accedit, quod in ead. *Nou. §. siue autem*, nominatim cauet, si quid sit huic parti in veteribus legibus contrarium, nolle se id valere.

AD TITVLVM XXIX. COD.

De posthumis heredibus instituendis
vel exhereda. vel præterit.

Ad L. 1. 2. §. 3.

Imp. Anton. A. Brutatio.

Si post testamentum factum, quo post humorum suorum nullam mentionem testator fecit, filium filiamve suscepit, intestato vita functus est: cum agnatione posthumæ vel posthumæ, cuius non meminit, testamentum ruptum sit. Ex rupto autem testamento nihil deberi, neque peti posse explorati iuris est. Dat. & PP. IV. Kal. Iul. Antonino A. IV. & Balbino Coss. 214.

Imp. Dioclet. & Maximian. AA. & CC. Soterico.

Vxoris abortu testamentum mariti non solui: posthumus vero præterito, quamuis natus ilico decesserit, non restitui ruptum, iuris euidentissimi est. S. XII. Kal. Mart. Sirmii. Caesarib. Coss.

Imp. Iustinianus A. Ioanni præfect. præ.

Quod certatum est apud veteres, nos decidimus. Cum igitur is, qui in ventre portabatur, præteritus fuerat, qui si ad lucem fuisset redactus, suus heres patri existeret, si non alius eum antecederet, & nascendo ruptum testamentum faceret: si posthumus in hunc quidem orbem deuolutus est, voce autem non emissa ab hac luce substractus est, dubitabatur si is posthumus ruptum facere testamentum posset: & veterum animi turbati sunt, quid de paterno elogio statuendum sit, &c.

- 1 *Summa huius tituli.*
- 2 *Posthumus quis, & quando præteritus intelligatur, & nu. 3.*
- 4 *Suus heres quis.*
- 5 *Posthumus præteritus rumpit testamentum, & quomodo.*
- 6 *Nasci quomodo intelligatur.*
- 7 *Si Posthumus natus illico decesserit, an nihilominus irritum sit testamentum, an vero ruptum restituatur.*
- 8 *Quid iuris sit, si posthumus natus non solū statim decesserit, sed etiā decesserit priusquam vocē ederet.*
- 9 *Quod iuris est de filio superstite præterito, idē in posthumo præterito seruandum est.*
- 10 *In iustum testamentum quot dicatur modis.*
- 11 *Posthumus natus magis infirmat testamentum, quam filius superstes præteritus, & nu. 12.*
- 13 *An, si posthumus mortuo testatore nascatur, & dein de illico decessat, testamentum restituatur.*

Summa ꝑ tituli hec est: Posthumus præteritus, qui natus suus heres futurus esset, si nascitur rumpit testamentum, eoq; modo fit, vt testamentū non valeat, videlicet, si a principio natus esset præteritus, l. si a pr. D. de lib. & post. l. 3. de iust. rupt. §. posthumi, Instit. de exher. lib. Singula huius definitionis explicāda. Posthumus ꝑ intelligitur, non tātum is, qui post mortem patris nascitur, qui proprie posthumus dicitur, sed etiam qui nascitur viuo patre post testamentū factum: Nam & hic præteritus rumpit testamentū lege Vel. leia. l. 3. in pr. de iust. rupt. Præteritus ꝑ aut posthumus, qui neq; institutus est, neq; exheredatus, §. eadem, Instit. de her. qua ab intest. Hoc eo pertinet, vt si neq; institutus sit posthumus, neq; exheredatus, quamuis ei aliquid legatum sit testamento, tamen natus rumpit testamentum, §. posthumi, Instit. de exher. lib. Si exheredatur, siue sit masculus, siue fœmina, hodie nominatim exheredatus est, alioqui intelligitur præteritus, l. maximum, supr. tit. prox. §. sed hæc quidem, Instit. de exher. liber. secundum quam sententiam accipi oportet, quod in l. 1. h. dicitur de posthumis, cuius pater nullam mentionem habuit.

Exigimus vt sit is posthumus, qui natus inter suos heredes futurus esset. Suus ꝑ heres est, qui ex liberis est, & in potestate morietis, & inter liberos primum gradum tenet, §. sui, Instit. de hered. qual. & differ. Exigimus igitur in posthumis, vt natus sit ex numero liberorum. Hoc eo spectat, vt si mulier aliquid ediderit, sed non posthumum, verum portetolum, id non rumpat testamentum, vt est in l. pen. in fi. h. scilicet quia non sunt liberi, id est filii, qui contra formam humani generis nascuntur, l. non sunt liberi, de stat. hom. Exigimus etiā ex hac definitione, vt posthumus si nascatur, sit in potestate patris, l. quod dicitur, D. de liber. & posthum. Nam emancipatos, & ex emancipatis cōceptos posthumos iure civili impune præterire licet, tantum præteritis datur bonorū possessio contra tab. §. emancipatos, Instit. de exher. lib. qua non petita, si decedant posthumi nati, non obstant scriptis heredib. Hoc ius etiam post constitutionem Nouellam Iustiniani mansisse & manere supra docuimus, ad Auth. non licet, cum seq. Ex eadem definitione exigimus, vt posthumus qui nascatur, primū gradum inter liberos teneat Nam si testator habeat filium, & ex eo nepotem, nihil necesse est nepotem instituire aut exheredare, l. si quis posthumus, D. de lib. & posth.

Posthumus præteritus, rumpit testamentum. Sed ꝑ hac conditione, si nascatur, d. §. posthumus, ex quo colligitur, quamdiu pendet an nascatur, testamentū valere. Item si posthumus non nascatur, siue quod mulier ventre vacuo fuit, quæ prægnans putabatur, siue quod abortiuum fecerit, nihil esse impedimēto, quominus heredes scripti adeant, l. 2. h. & d. §. posth. Nasci autē ꝑ intelligitur vbi animal natum est, non tantum vbi secundum consuetudinem naturæ partus editus sit, sed etiam cum exciso ventre extractus est, l. quod dicitur, de lib. & posth. Natus rumpit testamentum, id est, officit, vt non magis valeat testamentum, quam si ab initio natus esset præteritus. Hic quæsitū est: Quid si posthumus ꝑ nat⁹ illico decesserit, an nihilominus irritum erit testamentum, an etiam ruptum restituatur? Et placet rumpi testamentū, nec restitui ruptum. Rumpitur testamentum quia vere filius natus est, lex aut solam agnationē posthumi exigit, vt testamentum rumpatur. Quod non restituitur testamentū, eo fit, quia quod cœpit non valere, tractu temporis nō potest cōfirmari, siue ab initio nō constiterit, siue postea ruptum dissolutum sit, l. quod initio, de reg. iur. leg. si res, §. aream, de sol. l. inter, §. sacram, de verb. oblig.

Quid ꝑ si posthumus natus non solū statim decesserit, sed etiam decesserit priusquam vocem ederet? Iustin. constituit hic idem esse, l. pen. h. secutus Sabini orū sententiā optima ratione. q̄ non eo minus partus vitalis est, etiam si vocem non edat, argumēto est, quod nemo negat partum editū esse, si putus editus sit, quem tamen constat vocē emittere nō posse. His de causis fit illud quod supra dixi, vt posthumis nato ita rumpatur testamentum, ac si natus ab initio esset præteritus. Nam & in filio præterito hoc idē accidit, vt statim testamentum nullius sit momēti. Et quamuis viuo patre mortuus sit, non eo magis tamen conualefcit testamentum, l. si filius, de lib. & posth.

Sed huic sententiæ opponitur, l. posthumus, de iust. rupt. vbi superioribus casib. datur scripto heredi bonorum possessio secundum tabulas. Et ita quod testamentum iure civili ruptū esse dicimus nec villo modo restitui, iure prætorio confirmatur. Parum autem interest vtrum scripti heredes iure civili admittantur, an prætorio, dum modo admittantur. Et vt hic locus explicetur: quod ꝑ de filio superstite præterito iuris est, idem in posthumis præteritis seruandū est, l. 3. §. 1. de iust. rupt. De filio aut præterito, qui item viuo testatore decessit scriptum est in d. l. posth. vers. itemque, dari hoc casu bonorum posses. scripto heredi, sed hac conditione, si bonorum possessio detur ei, qui ab intestato quoq; succedere potuit. Id significat Vlp. cum ait: Idemque circa iniustum testamentum dicendum est, nam prius de posthumis dixerat, si is præteritus, nascatur viuo testatore, & eodē viuo decessat, posse scriptum heredem bonorum posses. secundum tabul. petere. Subiicit idē esse si filius superstes præteritis viuo testatore decessat: Idē, nempe vt tametsi subtilitate iuris testamentum nullius momenti sit; tamē ex æquo & bono heredi dari bonorū possessionē secundū tabul. Id iniusti verbo eo loco significat. Nā iniustum testamentū ꝑ duob. modis dicitur: Primo id, in quo solennia iuris deficiunt, l. 1. de iust. rupt. Altero, id in quo filius præteritus est, sic appellatur nominatim in l. 3. §. ex his apparet, de iust. rupt.

Prior significatio legi posthumis, non conuenit, nam secundum testamenti tabulas, quod sollemniter factum nō est, prætor nō dat bonorum possessio-

nem, §. non tamen, instit. quib. modis testam. infirm. Restat igitur altera significatio quā illic sequamur. Sed cum ibi dicitur filio præterito, si is viuo testatore decedat, dari bonorum possessionem secundum tabulas, adiicitur nominatim hæc conditio, si modo ei data sit, qui ab intestato quoque hereditatem auferre potuit. Ex quo intelligimus si scripti heredes extranei fuerunt, & alii heredes legitimi, præteritione filii ita nullum esse testamentum, quod ad institutionem attinet, ut neque iure civili valeat, neque iure prætorio, secundum quod non datur bonorum possessio scriptis heredibus extraneis, aduersus legitimos heredes. Similiter & si filius præteritus, mortuo patri superstes, abstineat se hereditate patris, placet scriptis heredibus bonorum possessionem dari, sed hac lege, si & ipsi legitimi heredes futuri erūt. Id significatur in l. filio præterito, de iniust. rupt. ubi filio vno præterito, cæteri eius fratres heredes instituti erant, placet si præteritus non auocet hereditatem, fratribus voluntatem ex æquo & bono tuendam esse. Quod sic intelligi debet, tuendam esse, non iure civili, quo iure testamentum nullius momenti sit, sed iure prætorio, data bonorum possessione secundum tabulas fratribus scriptis heredibus, iuxta d. l. posthumus eod.

Sed non adiicitur in lege, fratribus bonorum possessionem dari, si ab intestato quoque possint succedere, videlicet quia non fuit necesse hoc adicere, satis enim constat, hos patri intestato legitimos heredes esse. Quod de filio præterito deinde mortuo, aut abstinente se dixi, idem de posthumo præterito intelligendum est, ut si is viuo patre natus decedat, iure civili non restituatur omnimodo testamentum, sed tamen scriptis heredibus datur bonorum possessio secundum tabulas, verū hac eadem conditione qua supra, si detur iis heredibus, qui ab intestato quoque poterant succedere. Opponitur huic sententiæ initium d. l. posthumus, ubi hoc casu dicitur scripto heredi bonorum possessio dari sine vlla conditione. Respondeo, conditio quæ in ea lege adiecta est, in vers. idem circa, non solum ad proxime præcedentia referenda est, sed etiam ad superiora omnia, ut sit sensus, in supra scriptis omnibus casibus bonorum possessio secundum tabulas datur scripto heredi, sed in omnibus hac conditione, Si modo bonorum possessio detur ei, qui ab intestato quoque rem auferre poterat. Id ita interpretandum, his argumentis euidenter demonstratur. Nam quod in filio iuris est, idem in posthumo seruatur, nec ratio diuersitatis reddi potest, ut est in l. 3. §. 1. in fi. de iniust. rupt. l. si a primo, de lib. & posth.

Deinde quia posthumus natus magis infirmat testamentum quam filius superstes præteritus, ut declaratur in l. §. cir. fin. D. de iniust. rupt. Proinde filio præterito deinde mortuo, non datur scriptis heredibus possessio bonorum secundum tabulas, nisi legitimi quoque heredes essent, multo minus posthumus præteritus, si viuo testatore natus decedat, dabitur scriptis heredibus bonorum possessio, nisi & iidem legitimi heredes futuri erunt. Tertia ratio, cum iure civili testamentum non valet, idque sit iusta de causa, veluti ex causa præteritionis, etiam prætor debet iure civili in eo obsequi, nec dare bonorum possessionem secundum tabulas, l. Scio, de test. Adde hanc rationem, quod non potest hoc casu bonorum possessio dari extraneis heredibus, sine manifesta iniuria legitimorum heredum. nam ubi posthumus præteritus natus est, & iure civili rumpitur testamen-

tum, statim vocantur legitimi heredes qui ab intestato succedunt. Hoc ius illis a prætore adimi non debet, l. 2. de his qui sunt sui vel. l. ult. de pact.

Non audiendi sunt, qui vulgo hanc rationem diuersitatis reddunt inter filium præteritum & posthumum præteritum, quod dicunt, posthumus præterito saltem ab initio constituisse testamentum, facilius vero restitui quæ aliquando valuerunt. Nam hoc posterius falsum est. Quemadmodum vero quæ ab initio non valent, tractu temporis non confirmantur: sic quæ semel rescissa sunt, ex euentu non restituuntur. Inter §. facta, D. de ver. obl. l. si res §. area, D. de solut. Idque in posthumus verissimum est, qui natus magis infirmat testamentum, quam filius superstes præteritus, ut dictum, dict. l. §. de iniust. rupt. Quorsum hæc? Nempe ut intelligatur, cum in l. 2. §. 3. h. dicitur, si posthumus præteritus, viuo patre natus, eodem viuo decedat, rumpi testamentum, nec restitui: hoc verissime dici & esse perpetuum, scilicet ut non restituatur hoc casu testamentum, neque iure civili, neque prætorio iure. De iure prætorio intelligi potest ex his quæ supra dixi. nam hoc casu extraneis heredibus, qui ab intestato succedere non possunt, non datur bonorum possessio secundum tabulas, ut supra effectum est. His autem heredibus qui & legitimi futuri essent, datur quidem bonorum possessio secundum tabulas, d. l. posthumus de iniust. rupt. sed hæc possessio est inutilis scriptis, nam sine hac hereditate quoque ab intestato obtinerent.

Cur igitur in hac possessione bonorum danda dubitabant veteres? Propter legatarios & fideicommissarios. nam testamento confirmato, legata & fideicommissa debentur ex testamento, & hoc est quod dicitur in d. l. posthumus. Idcircoque legatarii & fideicommissarii legata & fideicommissa habebunt securi. Sed hodie hæc bonorum possessio, ut scriptis heredibus, qui ab intestato succedere possent, inutilis est, sic etiam inutilis est legatariis. Nā ex Auth. ex causa, sup. prox. ut. Etiam si ex causa præteritionis succedatur ab intestato, nihilominus legata & fideicommissa debentur. Atque hæc dicta sunt de posthumus præterito, qui natus viuo testatore decessit. Quod si mortuo testatore nascatur & deinde illico decedat, superuacuum est querere, an restituatur testamentum. nam hoc casu posthumus natus statim sibi locum facit, ut est in l. §. de iniust. rupt. Qui cum sit suus heres, statim heres existit patri ipso iure, & moriens hereditatem sibi iure quæ sitam transmittit ad quosuis heredes legitimos l. 3. prox. tit. Hæc si dicuntur in posthumus, qui natus statim decessit, sine dubio in eo qui natus viuit, ita rumpitur testamentum, ut non sit locus scriptis heredibus. Placebat olim etiam ex eo testamento nihil deberi l. 1. h. Sed hoc ius hodie in institutione locum habet: hæc vero infirmatur ut olim; cetera autem in eo testamento constituta firma manent, ex Auth. ex causa, §. tit. prox. Ex his satis exposita est l. 1. 2. 3. h.

Ad L. Vltimam

Imp. Iustinian. August. Iohanni præf. prætor.

Quidam cum testamentum faciebat, his verbis usus est: Si filius vel filia intra decem mensium spatium post mortem meam editi fuerint, heredes sunt. Vel ita dixit, filius vel filia qui intra decem menses proximos mortis meæ nascentur, heredes sunt. Iurgium antiqui interpretatoribus legum exortum est, an videantur non contineri testamento & hoc rumpit facere &c.

S V M M A R I A.

- 1 *Posthumus quomodo recte instituatur.*
- 2 *Si testator in institutione alterum tantum nascendi tempus expresserit, is qui altero tempore natus erit, præteritus videtur.*
- 3 *In hac institutione, si quis mihi post mortem meam intra 10. menses nascetur, heres esto, quid iuris sit?*
- 4 *Item quid in hac, si quis me mortuo nascetur, heres esto.*

1 **P**ostquā † posthumus heres instituendus est a patre non exheredatus, quæsitum est, quando cōmode instituatur: de quo scriptum est in *l. commodissime, de liber. & posthum.* ad hanc sententiā: Posthumū recte institui hoc modo: *Quisquis mihi postea natus erit, heres esto:* aut si testator adicere velit tempus nascendi, ita cōmode instituatur, *sive quis viuo, sive mortuo me nascetur heres esto.* utroq; scilicet tēpore nominatim expresso. Quod † si alterum tātum tempus testator expresserit, placet eum qui altero tēpore natus erit, præteritum videri, & ideo esse eam hanc pœnā præteritionis, de qua supra dixi. Ut puta testator ita scripsit: *Si quis mihi post mortem meam nascetur, heres esto,* aliquis viuo testatore natus est, habetur pro præterito, quia non est natus, ut testator scripsit.

Iustinianus hic hanc sententiam ex parte emendavit. Constituit enim, † ut si testator ita scripsit: *Si quis mihi post mortem meam intra 10. menses nascetur, heres esto.* Constituit, inquam, in hac cōstitutione Iustinianus, posthumum natum recte institutum videri, non tātum si mortuo testatore natus erit intra 10. menses morti proximos, sed etiā si viuo testatore natus erit. Si quis obiiciet huic loco, *legem cōmodissime.* recte respondemus, hanc esse vnam ex 50. decisionibus Iustiniani, qua veteri iuri derogavit, ut Iustinianus initio declaravit. Sed monendi sumus, hic emendari ius vetus in hac specie, vbi testator instituit, eum qui se mortuo nascetur his verbis adiectis, *intra 10. menses.* Quid ergo si testator simpliciter dixerit, *si quis me mortuo nascetur, heres esto.* an hoc quoque casu emendatur, *l. commodissime?* Quidam ita putant, quod probandum non est duabus de causis. I. Quia quicquid lege corrigente, specialiter expressum non est, id veteris iuris regulis reliquendum est, *l. præcipimus, in fin. infr. de appellat.* II. Quia inter has species & formas multum interest, ut proinde quæ ratione certa distinguuntur, etiam iure distingui debeant.

4 Diuersitas hæc est non obscura. Nam cum testator dicit, si quis me mortuo nascetur, apparet hæc verba, me mortuo, nō posse esse addita, nisi ad distinguendum, & excludendum eum, qui viuo testatore nascetur. Proinde viuo testatore natus & verbis & sententia verborum excluditur. Contra vero vbi testator ita dicit: Si quis me mortuo intra 10. menses nascetur: addit hæc verba, intra 10. menses, non ad distinguendum & excludendum, qui nascetur viuo testatore, sed ad excludendum, qui nascetur mortuo quidem testatore, sed non intra 10. menses. Voluit enim solum excludi eum, qui post mortem eius nascetur, ultra 10. menses, quoniam hunc pro legitimo filio habere noluerit. Quare cum hunc solum excludi voluerit per hæc verba, intra decem menses, ex eo intelligitur, ceteros omnes qui quodcumque nascuntur, se velle heredes esse, ac proinde constitutione hac Iustiniani hæc voluntas confirmatur.

A D T I T V L V M XXX. C O D.

De iure deliberandi, & de adeunda vel acquir. hereditate.

S V M M A R I A.

- 1 *Summa titulorum præcedentium, & ratio ac series sequentium breuiter ostenditur.*
- 2 *Hereditas quor. modis acquiratur.*
- 3 *Hereditum distinctio.*
- 4 *Necessarius heres quis, & cur ita dicatur.*
- 5 *Sui & necessarii heredes qui, & cur ita appellentur.*
- 6 *Voluntarii heredes qui.*
- 7 *Voluntariis heredibus quomodo acquiratur hereditas. & num. 9.*
- 8 *Hereditas quomodo acquiratur iis, qui sunt in aliena potestate.*
- 10 *Adita & quæsitæ hereditatis effectus.*
- 11 *Remedium duplex ad incommoda, ex hereditate adita emergentia, evitanda.*

VT series † & ratio sequentium titulorum facilius intelligatur, paucis colligenda est summa eorum quæ antecesserunt. Agitur hic de rebus per vniuersitatem acquirendis, quod fit inter cetera cum aliquid nobis hereditas quæsitæ est. Acquiratur hereditas cum delata est, iustis & constitutis ad eam rem modis, sed prius delatam esse oportet. Defertur autem testamento vel ab intestato patrefamilias mortuo. Vocantur aliqui lege ad hereditatem. Ex testamento ita defertur, si & testamentum sit, & sit iustum, & eo testamento heredes instituti simus. An fuerit testamentum, testamenti definitio declarabit. Iustum testamentum efficitur aliter in milite, aliter in pagano. In milite iustum testamentum est, quandoque miles fieri aliquid post mortem suam voluerit. In paganis ut testamentum iustum sit, tribus in rebus positū est, in persona testantis, in solemnibus testamentorum, & his quæ testamento cauentur. In persona testantis est, ut sit is, qui ius testandi habeat, nam non omnibus testamentum facere permittitur. Huc pertinet *titulus, qui testam. fac. possunt, supr. De solemnibus testamentorū*, quæ & qualia sint explicatur *sub tit. de testamentis.*

In his quæ testamento cauentur: Primum caput est, ut aliquis heres instituatur, ac sine heredis institutione nihil in testamento scriptum valet. Institutus heres intelligitur, non tantum qui scripto iustus est esse heres, aut verbis nuncupatus; sed is qui præterea recte institutus, quod sit, si & sit cum eo testamenti factio, ut heres institui possit, & instituat eo modo, quo oportet. Hic tit. consequentes, *de heredibus instituendis, & inst. tutione & substitutione*, quorum in priore ius explicatur de persona hereditum, in posteriore de instituendi modo. Et quoniam ad quæstionem de heredibus recte instituendis, pertinet, intelligi, an plures heredes instituere liceat, & quando ordine factum sit. Nam de hac quoque re ius subiicitur, ad hanc summam, licere non tantum plures heredes instituere, sed etiam plures hereditum gradus facere, ut alii instituti, alii substituti sint, vbi & de iure & effectu institutionum dictum est. Id agitur *in titulo, de impuber. & aliis substitutis.*

Alterū caput ad vim testamēti pertinet in his quæ cauentur testamēto, ut si testator liberos habet, hos heredes instituat, aut exheredet nominatim, siue hi

iam nati sint, siue post nascentur, hinc *tit. de liber. instit. vel exher. & de posthum. her. instit.* Cum hæc ita transacta sunt, intelligemus quando deferatur testamento hereditas. Sic enim incipiet deinceps deferri, si testator mortuus sit, & heres pure institutus, aut sub conditione quæ iam exstiterit. Hoc modo delata hereditate sequitur, ut quibus modis delata acquiratur, cognoscendum sit: id ergo optimo ordine agitur *hoc tit. & seq. per contrarium.*

2 Acquiritur \dagger hereditas dupliciter, prout est conditio & qualitas heredum, non tantum ex testamento, sed etiam ab intestato. Ob hæc \dagger causam hæc distinctio heredum traditur. Quidam sunt necessarii heredes, quidam voluntarii, id est, quidam quibus hereditas, iure acquiritur etiam nolentibus, quidam quibus non nisi volentibus. Necessariorum duo genera sunt, quidam qui necessarii tantum dicuntur, quidam sui & necessarii, ut est *in pr. tit. de hered. qual.* Necessarius \dagger heres est seruus a domino heres institutus cum libertate, ita ut ex testamento hereditatem simul & libertatem capiat. Necessarius ideo dicitur, quia heres est domini siue velit, siue nolit, ita ut nec edicto prætoris fiat ei potestas abstinendi, de quo genere dictum, *supr. de neces. her. & in d. §. 1. de her. qual. & differ.* Sui & necessarii \dagger sunt liberi, qui cum primo gradu essent, in potestate morientis fuerunt, ut ostenditur *in §. sui, d. tit.* Necessarii dicuntur, quia itidem ut serui a domino instituti sunt heredes seu nolint seu velint: proinde inuiti: quod si inuiti, multo magis sui iuris ignorantes ut sunt furiosi & infantes, §. *sui, de her. qual. ab intestat.* Quam ob causam etiam decedentes prius quam de iure suo cognoscerent, aut quicquid statuerent, transmittunt hereditatem ad quosvis heredes, *l. 3. infr. h. tit.* Sed iniuriosum videri potest liberos oneribus hereditariis inuitos implicari, præsertim cum extranei heredes non cogantur hereditatem adire, *l. nec temere, §. h. tit.* Pugnare etiam videtur cum regula quæ dicat, inuito beneficium non dari, *linuito, de reg. iur.* Hæc soluantur hac adiectione, qua dicuntur *sui.* Scire enim debemus suos heredes dictos esse, quod sint sui toti heredes siue sibiipsis heredes, quod ex ea re fit, quia sui heredes etiam viuo patre domini existimantur bonorum paternorum, *lin suis, de lib. & posthumis.*

Hoc declaratur nomine patrisfamilias & filii fam. quibus distinguuntur personæ patris & filii, sed in verbo *familias* coniunguntur, ut intelligatur familiam utriusque esse communem familiam, id est bona, quod est argumentum Pauli eo loci. Nec huic sententiæ obstare, ait Paulus, quod licet patribus suos filios exheredare, id est, remouere a bonis suis, nam non eo minus domini erant liberi eorum bonorum. Non igitur exheredare potest pater liberos, quia bona ad eos non pertinuerint, sed quia hoc ius patri pro potestate sua tributum sit, ut etiam bona quæ liberorum sunt possit adimere. Argumentum est, quod & pater potuit occidere, quod primum est argumentum superioris sententiæ. Nam nihil tam omnium hominum proprium esse solet quam vita a Deo tributa, quæ tamen pater iure potestatis potuit adimere; neque quisquam ex eo colliget, vitam non esse liberorum propriam: sic nec ex eo, quod pater potest ordinare bona liberis, colligere possumus bona non esse liberorum etiam viuo patre. Sunt ergo bona liberorum propria, etiam viuo patre, ut supra diximus. Hinc efficitur, ut mortuo patre liberi, qui sunt sui heredes, fiant quidam heredes patri, sed fiant etiam heredes sibiipsis, ut qui in

priore statu etiam bonorum domini fuerint.

Quorsum hoc ad necessitatem hereditatis acquirendæ? Respondeo: Id vero ad hanc rem optime pertinet, nam bona oblata nemo cogitur acquirere, incommoda oblata nemo cogitur suscipere, ut efficitur & regula iuris, de qua dixi, & exemplo extraneorum heredum. At bonis quæ sitis iam ante, etiam inuiti & ignorantes retinemus incommoda suscepta, multo magis ubi non consentiunt hi quibus obligati eramus: sic fit, ut verbo necessariorum, intelligamus suos heredes & iure fieri, & inuitos: ex verbo autem suorum, intelligamus ratione hic contineri, cur fiant inuiti, quod alioqui iniustum & iniuriosum videri poterat. Sed acerbum est non tribuere liberis in potestate paterna, quod tribuitur extraneis: etsi enim fictione iuris domini habiti sunt viuo patre, reuera tamen domini non fuerunt, sed nec cum creditoribus paternis quicquam contraxerunt. Idcirco prætores hanc acerbiter iuris civilis mitigarunt, & fecerunt potestatem liberis abstinendi se hereditate paterna, de quo *titul. seq.* sed hac lege, si se non immiscuerint hereditati paternæ, de quo *in l. si te bonis, infr. h.*

Voluntarii \dagger heredes sunt ceteri omnes, qui non sunt in numero necessariorum heredum. Atque hi omnes vno verbo extranei dicuntur, id est, qui nec in potestate morientis fuerunt, aut si fuerunt, non tenuerunt primum locum inter liberos, §. *ceteri, Instit. de her. qual. & diff.* His non acquiritur hereditas inuitis, sed tantum volentibus, *l. nec emere, infr. h. tit.* Unde voluntarii heredes a iuris auctoribus sunt appellati. Hinc fit ut liceat his hereditatem repudiare, de qua repudiatione agitur *tit. seq.* Fit etiam ut priusquam voluerint heredes esse, heredes non fiant, etiam si maxime his delata sit hereditas. Proinde si interim decedant hereditatem delatam non transmittunt ad heredes, *l. 3. in fin. infr. h. tit.* Sed \dagger cum his sola voluntate acquiratur hereditas, an amplius quid desideratur ad acquirendum? Et placet extraneis heredibus sola destinatione animi hereditatem acquiri, *l. si ania, infr. h. tit.* Nec interest, quomodo id clarius declaretur, verbis an re aliqua & facto; Verbis adeundo, re & facto gerendo se pro herede. Unde dicitur omnis, qui ad hereditatem vocatur, vel ex testamento, vel ab intestato.

Aut heres adeundo fit, aut pro herede se gerendo, §. *ult. Instit. de hered. qual. & diff.* Additionis verbum occurrit, *in l. nec emere hoc tit.* et amplius de eo dicitur *in l. scrupulosum seq. infr.* Pro herede se gerere quid sit, dicitur *ad l. 1. & 2.* Sed hoc modo acquiritur hereditas his heredibus qui sunt sui iuris. His autem qui \dagger sunt in aliena potestate ita destinatione animi volentibus hereditas acquiritur, si præcesserit eorum iussus in quorum sunt potestate, *l. si quis mihi, §. inf. sum, de acquir. hered.* de quo *in l. filiofam. infr. h.* Interim in omnibus heredibus ad acquirendam hereditatem, destinationem animi esse oportet, ex quo intelligitur, eos qui iudicio præditi non sunt, & quorum animi destinatio nulla potest esse, hos per se acquirere hereditatem non posse. Hinc quaesitum de pupillo cui delata est hereditas, de quo *in l. potuit, infr.* Hinc de infante, de quo *in l. si infanti, h.*

Sed \dagger hoc modo acquiritur hereditas extraneis heredibus, verum non statim, sed his tribus conditionibus. Prima est, de qua iam initio diximus, omnium heredum, tam necessariorum quam extraneorum communis, si his delata sit hereditas, *l. si quis extraneus.*

not. §. primo, de acquiren. hered. l. si curatoris, infr. hic.
 Quod quando contingat supra expositum est. Altera conditio est, si sciat heres extraneus sibi esse delatam, id est, ut aliis verbis expressum est, *Instit. de hered. qual. & differ. §. ultim.* si heres sciat defunctum testatum, aut intestatum decessisse, se que ei heredem esse, id est, aut se testamento institutum, aut sine testamento proximum se cognatum esse, qui lege aut edicto prætoris vocetur ad successionem. Et hoc proprium est solum extraneorum heredum. In suis heredibus & necessariis, scientia sui iuris non requiritur, utpote qui ignorantes, & inuiti fiunt heredes, *l. cum quidam, §. suum, de acquir. hered.* In extraneis hereditatib. contraria de causa requiritur, ut de iure suo certi sint, his enim destinatione animi acquiritur, ut dixi, hereditas. Placet autem quæ destinatione animi geruntur, non nisi vera & certa scientia peragi posse, *leg. in totum, de regul. iur.* Tertia conditio est in heredum persona, si, quo tempore hereditatem adierunt, aut pro herede se gerunt, sit cum illis testamenti factio, *§. in extraneis, Instit. eodem.* Quod non item in suis & necessariis exigitur, quia vnum & idem tempus est, cum heredes exultant, & tempus quo testator moritur, nam statim eo mortuo heredes fiunt, etiam ignorantes.

¹⁰ Aditæ ¶ & quasitæ hereditatis hic est effectus, ut heres siue suus, siue extraneus sit, in omne ius defuncti succedat, suscipiatque eius rei commodum & incommodum, *l. 1. 2. 3. in prin. de bon. possess.* Commodum in eo quod succedunt in dominium rerum omnium hereditariarum, itemque in actiones, quæ defuncto competierunt, *l. heres in omne, de acquir. hered.* Incommodum in eo, quod creditoribus hereditariis heredes incipit obligari, non secus quam defunctus, idque siue hereditas soluendo sit, siue non sit, *leg. ultim. infra de hered. actionibus, leg. morte, de acquiren. hered.* Hoc periculo proposito admonemur, ut delata hereditate reb. adhuc integris caueamus hoc incommodum. Ad id evitandum duo sunt remedia, vnum in deliberando, alterum in inventario rerum hereditariarum faciendo. Deliberatio hoc præstat, ut cognoscamus de facultatib. hereditatis, quibus cognitis si putemus expedire, hereditatem adibimus; sin minus, repudiabimus. Quod si etiam deliberatio hoc non præstitit, ut omne æs alienum cognosceremus, ut sæpe multa latent, aduersus omne periculum ratio inuenta est & constituta à Iustiniano, ut heres inventarium faciat rerum hereditariarum, secundum formam ab ipso præscriptam, tum sine periculo adeat, de quo *in l. ult. infr. h.*
 Ex his intelligitur quæ sit ratio huius inscriptionis, de iure deliberandi, & de adeunda vel acquirenda hereditate. De iure deliberandi, quoniam deliberatio ante aditam hereditatem necessaria est: de adeunda hereditate, quia adeundo extraneis acquiritur: acquirenda, quia non sola aditione acquiritur, sed etiam ipso iure, nempe necessariis heredibus.

Ad L. 1. & 2.

Imper. Antoninus A. Titia.

Si a patre emancipata, eo defuncto bonorum possessionem non agnovisti: frustra vereris ne hereditati paterna sis obligata, quod servum eius nullo iure manumisti, res quoque & mancipia quadam propter funeris impensas distraxisti, PP. Calend. Iulii. Messala & Sabino Coss. 215.

Imp. Alexan. A. Florentino militi.

Cum debitum paternum te exsoluisse alleges: pro portione hereditaria agnovisse te hereditatem defuncti non ambigitur. PP. VI. Id. Feb. Maxim. II. & Elia. Coss. 224.

S V M M A R I A.

- 1 Triarecen sentur facta, quibus heres pro herede se gerere intelligitur.
- 2 Conciliatio legum 1. 2. & 12. hic, cum §. ult. Instit. de hered. qualitat. & differ. & nu. 4.
- 3 Quis pro herede se gerendo, heres fiat.

D Vbitatio horum locorum hinc nascitur: ius certum est, eum qui ad hereditatem vocatur, vel ex testamento vel ab intestato heredem fieri, se pro herede gerendo, *§. ult. de hered. qual. & diff.* In his autem ¶ duobus rescriptis tria facta proponuntur, quibus heres pro herede se gerere intelligitur, qui ea facit, quæ suo nomine utiliter facere non potest citra ius & nomen hereditatis, id est, nisi sit iure & nomine heres, *l. pro her. in pr. de acq. here.* Huius generis facta hæc sunt, de quibus hic agitur, servum hereditarium manumittere, distrahere res hereditarias, exsoluere æs alienum hereditarium. Nam manumittere servum nemo potest nisi dominus, qui prius servum in manu & potestate habuit, cum manumissio sit missio e manu & potestate, *Instit. de libert. in pr.* Non potest autem servi hereditarii quisquæ dominus esse, nisi sit heres defuncti, si modo ei is servus legatus non sit.

Similiter nec quisquæ res hereditarias distrahendo in alium transferre potest, nisi qui earum sit dominus. Nemo enim plus iuris in alium transferre potest, quam ipse habuit, *l. nemo, de reg. iur. l. trad. de acquir. rer. dom.* nec dominus rerum hereditariarum esse potest, nisi qui heres est defuncti, si ei res legata non sint. Idem dicendum est de eo, qui exsoluit æs alienum, nam suo nomine exsolvere nemo potest nisi debitor, nec potest ex persona defuncti quisquæ debitor fieri nisi eius heres. Proinde qui hæc omnia facit, recte dicitur se pro herede gerere. Potest quidæ heres æs alienum solvere non suo nomine, sed defuncti vel hereditatis nomine. Quod si apparet eum hoc animo fecisse, pro herede se non gerit, sed in re dubia qui exsoluit, magis suo nomine solvere videtur, quàm alieno, *l. merito, D. pro soc.* Ob hæc causam de eo qui servum hereditarium manumisit, discrete responsum est, eum, qui id fecit, obligari oneribus hereditariis, quasi pro herede se gessisset, *l. Iul. §. pen. de acq. her.* Idem traditur de eo qui res alienas distraheret, *d. l. pro herede, cir. pr.* Etis qui æs alienum hereditarium persolvit, dicitur hoc facto iudicium defuncti agnovisse, *l. parentib. de inoff. testam.*

Hæc cum ita sint, consequens esse videbatur, ut in *l. 1. h.* responderetur filiam emancipatam, quæ patre defuncto, horum quid fecit, heredem fieri & obligari hereditariis oneribus, quia reuera pro herede se gesserit. Nunc autem contra respondetur in *l. 1. h.* Augetur difficultas ex *l. 2.* quia ex eiusmodi factis respondetur, heredem videri agnoscere hereditatē & pro herede se gerere. Queritur ¶ igitur quare recte hæc tam varie dicantur, & quomodo cum superiore definitione conveniant, eius qui pro herede se gerat? Et recte sane omnia dicuntur, & nihil aduersant superiori definitioni aut his locis, in quibus dicitur, his factis vnumquemque heredem pro herede se gerere videri. Animadvertendum est ¶ enim, non dicere nos omnem, qui pro herede se gerit, heredem fieri, & hereditatem acquirere, sed

eum solum, cui delata est hereditas, & ut est in d. s. ult. de hered. qual. & differentia, eum tantum, qui extraneus heres vocatur ad hereditatem, vel ex testamento, vel ab intestato. Proinde pro herede se gerendo is solum heres fit, & obligatur hereditariis oneribus qui vocatur ad successionem iure civili, non etiam qui vocatur ad successionem iure prætorio tantum. Nam prætor heredem non facit, sed tantum dat bonorum possessionem, §. quos autem. Inst. de bon. poss. His autem quibus bonorum possessio tantum datur, non acquiritur hereditas, cum pro herede gesserint, quia bonorum possessio tantum datur his, qui eam a magistratu petunt, ut olim erat necesse petere, aut apud magistratum agnoscere, quod ex constitutionibus nobis nunc facere satis est, l. ult. infr. qui admitt. ad bon. poss. Hoc cognito intelligi debet, emancipatam, de qua agitur in l. r. non fuisse patri heredem, seu eam quæ vocaretur iure civili ad hereditatem patris, sed eam, cui tantum daretur bonorum possessio in hereditate patris. Vnde intelligimus hoc quoque, non fuisse eam institutam testamento patris, nam ex testamento deferretur hereditas, l. r. 2. b. tit. l. lege obvenire, de verb. sign. sed aut testamento patris fuisse præteritam, quo casu ei tantum datur iure prætorio bonorum possessio contra tabulas, §. emancipatis, Inst. de exher. liber. aut eius patrem intestatum decessisse, quo casu emancipata iure civili non succedit, sed datur ei bonorum possessio vnde liberi, §. emancipati, Inst. de her. que ab intest.

Sed vnde colligimus talē filiam hic proponi, cum nihil exprimat de eo? Respondeo: Intelligitur ex duabus partibus rescripti: I. quod proponitur filiam vocari ad successionem ut emancipatam. Si instituta esset, non vocaretur ad hereditatem patris, ut emancipata, sed ut quivis extranei instituti heredes: sed filia emancipata vocatur, cum datur præterita bonorum possessio secundum tabulas, aut ab intestato datur ei bonorum possessio, vnde liberi. Colligitur præterea ex illis verbis, quod dicitur manumisisse servum nullo iure, distraxisse res hereditarias nullo iure, priusquam bonorum possessionem agnouisset. Nam si ad hereditatem vocaretur iure civili, hæc omnia suo iure posset facere, cum vellet sine vlla bonorum petitione, quia hereditas sola animi destinatione acquiritur, ut dictum, l. si area, b. Non obstant ergo ii loci, in quibus traditur, cum qui servum hereditarium manumisit, aut res hereditarias distraxit pro herede gerere videri, d. l. pro herede, l. in lege, §. pen. de acquir. hered. Nam & hic fatemur filiā emancipatam, quæ litē fecit, pro herede se gerere voluisse, sed negamus ideo heredem fieri; quia non erat vocata, sed tantum admissa ad bonorum possessionem iure prætorio. Hæc autem nullo extraiudiciali facto acquiritur, sed agnatione apud magistratum testata, d. l. ult. qui admitti ad bon. poss.

Quod si filia in proposito a patre heres instituta esset, quia iure civili ei hereditas deferretur, dicemus eam iis factis pro herede gerere, & oneribus hereditariis implicari. Idem hodie dicemus, si ab intestato patri succedat. Nam ex Novell. de hered. que ab intest. §. r. omnes liberi vocantur ad successionem patris, servato ordine gradus, sed sublata differentia patriæ potestatis & emancipationis. Solum huic rescripto locus erit hodie cum filia emancipata testamento patris præterita erit, quemadmodum hoc casu testamentum iure civili valere dixi, tantumque emanci-

pata relinqui bonorum possessionem contra tabulas, Auth. non licet, & seq. de lib. prater. Cur t ergo in l. 4 12. b. tit. dicitur simpliciter eū qui æs alienum exsoluit, id est, qui aliquo facto pro herede se gessit, statim videri hereditatem agnouisse? Respondeo: quia de eo agitur, qui iure civili sit heres, seu qui iure vocatur ad hereditatem. Id quidem non exprimitur aperte, sed non obscure intelligitur ex eo, quod dicitur exsolutione æris alieni agnouisse hereditariam portionem. Nam hoc verbo, hereditariam portionē, supponitur, eam portionem, de qua quæritur, fuisse hereditariam, id est, ad hūc iure hereditario pertinuisse: sed solum quærebatur, an heredes videretur hanc portionem agnouisse, dum æs alienum exsoluit. Ex his apparet infirmari quod dixi de ratione acquisitionis hereditatis in extraneis successioneibus, ut scilicet tunc illis acquiratur, cum animi destinatione iis deferatur iure civili hereditas; diuersum esse, cum iis deferretur iure prætorio bonorum possessio.

Ad L. 3. Si fratris.

Imp. Gordianus A. Florentino militi.

Si fratris tui filius mortis tempore in patris sui fuit potestate: sine ex a se heres institutus est, etiā clausis tabulis heres potuit existere: siue ex parte nihilominus statim suus ei heres existit: nec ea propter quod intra paucos dies mortis patris sui concessit in fatū, tu ad eiusdē fratris tui potes accedere successionem. Quod si cum iuris sui esset, ante aditam hereditatem decessit, tuque fratri tuo legitimus heres exististi: siue intra tempora edicto præfinita, bonorum possessionem agnovisti: quæ hereditarium facultatum sunt, vel quæ ab alio iniuria detinentur, prædis diligentia tibi restituentur. PP. XV. Kal. sep. Gordian. A. II. & Pompeiano. Coß. 242.

S U M M A R I A.

1. Pater relicto filio herede, relicto item fratre, decessit: filius ante aditam hereditatem moritur, institutis extraneis; quæritur, utrū successio ad extraneos, an vero ad patrui perveniat?
2. Hereditas non adita ad heredes eius, cui delata erat, non transmittitur.

Pater decessit relicto filio vel herede instituto, vel legitimo herede relicto, decessit idem & relicto fratre suo eodemq; filii patruo. Filius defuncto patre priusquā adiret hereditatē, aut bona hereditaria patri attingeret, statim decessit institutis forte extraneis heredib. Hic successionē defuncti fratris vindicat frater eius superstes, de quo dixi, aut vindicat res hereditarias singulas: contra heredes defuncti filii eā successionem ad se pertinere contendunt. Quæstio est t ad viros pertineat successio defuncti patris? Quæstio in eo, utrum patris hereditas, filio adhuc viventi quæsitā esset? Nam si quæsitā sit transmittitur ad heredes suos; sin minus, datur locus fratri defuncti legitimo heredi. Horum utrumque efficitur ex defuncti hereditate. nam hereditas huius filii, de quo quæritur, est successio in vniuersum ius, quod si filius moriens habuit, non in ius alienum, l. hereditas, de regul. iur. l. nihil aliud, de verborum sign. Inde controuersia fratri defuncti patris, consulit Imperatorem quid iuris?

Rescriptum est accommodatū ad eam dubitationem, de qua dixi, hac distinctione: Referre utrum filius de quo quæritur, fuerit in potestate morientis patris, an vero fuerit emancipatus, vel alio modo sui iuris

iuris factus viuo adhuc patre, Si in potestate patris, statim heres existit, id est, ipso iure sine alia additione aut immixtione, §. *sua, de hered. quæ ab intestat. leg. in suis. D. de suis & legitim. & clausis etiam tabulis testamenti. quod hic adiectum est; propter ius vetus, quo cautum erat, hereditatem non posse adiri ante apertas tabulas testamenti, l. iure, §. *novissim. infr. de cad. toll.* Sed hoc ius locum habebat in extraneis heredibus, quibus non potuit acquiri hereditas, nisi certis de iure suo. Nō videbantur enim iuris sui certi esse posse priusquam tabulæ aperirentur, ex quibus de iure suo cognoscerent. At in suis heredibus, quemadmodum destinatio animi, & certitudo iuris sui non desideratur, semper placet hoc ius ad suos heredes non pertinere. Et hoc est quod dicitur, aperturam testamenti ius sui heredis non mutare, id est, non impedire eos, quo minus iure heredes existant, siue apertæ sint tabulæ, siue non, leg. 2. §. *apertura, de hered. instit.**

Scriptum quidem est, leg. 5. §. *ultim. de iur. & fa. Elignor.* qui ex asse heres est, posse petere bonorum possessionem, etiam ante apertas tabulas. Sed aliud iuris est in hereditate adeunda. Hæc non poterat adiri olim nisi apertis tabulis. Sed hoc ius hodie sublatum est, & effectum, ut non tantum sui heredes clausis tabulis heredes existant, sed etiam ut clausis tabulis adiri possit hereditas ab extraneis heredibus, d. §. *in novissimo, de cad. toll.*

Hereditate hoc modo iure filio quæsitæ, consequens est, quod hic dicitur, fratrem superstitem ad fratris successionem accedere non posse. Nam si filius is, qui heres patri existit, alios heredes instituit, quam hunc fratrem, patrum suum, ad institutos pertinet & filii & fratris hereditas. Si filius intestatus decessit, pertinebit quidem hereditas, & successio ad hunc fratrem, ut legitimus heredem eius, sed non pertinebit ut successio fratris, sed ut successio filii, cui iam ante erat quæsitæ. Quod si filius hic sui iuris fuerit viuo patre, & non adita hereditate decesserit, non quæsiuit hereditatem, ut initio dixi. Proinde mansit semper hereditas, ex quo consequens est, eam pertinere ad omnes heredes patris defuncti legitimos: inter quos cum sit defuncti frater, consequens est, hereditatem ad eum pertinere, si adierit hereditatem aut quouis alio modo agnouerit. Quod si defuncti fratris hereditas ad eum pertinet, etiam in rerum singularium dominium succedit, siue alia rerum singularium apprehensione, leg. *cum heredes, de acquirend. hered.* Quod rursus si ita est, efficitur, quod extremo hoc loco dicitur, hunc fratrem defuncti fratris res hereditarias singulas iure vindicare posse, seu in rem actione petere & consequi, ut a quouis possessore sibi restituatur. Nam in rem actio competit ei, qui iure gentium aut civili acquisiuit dominium, l. *in rem, de rei vindic.* Obiter † hic illa sententia notanda est, hereditatem non aditam, ad heredes eius, cui delata erat non transmitti, de quo plura ad l. *quoniam, infr.*

Ad L. 4. Filiofam.

Imper. Decius A. Athenaidi.

Filiofamilias delata hereditate, si pater pro herede voluntate filii gessit, solemnitati iuris satisfactum videri, sapienter rescriptum est, PP. X. Kalend. Mart.

Decimo A. & Grato Coss.

251.

- 1 Hereditas seruo aut filiofamilias delata, domino vel patri non acquiritur, nisi volentibus & adire iubentibus.
- 2 Hereditas filio delata, an patri, si consentiente filio pro herede se gerat, acquiratur, & nu. 4.
- 3 Pro herede se gerere quis dicatur?
- 5 Post constitutionem Iustiniani, an ad hereditatem filio acquirendam, & patris iussus & filii consensus sit necessarius.

PER seruum & filiumfamilias, qui in potestate nostra sunt, ceteræ res acquiruntur etiam nobis inuitis. Hereditas † autem illis delata, non acquiritur, nisi volentibus nobis, atque ideo iubentibus, ut hereditatem adeant, l. *acquiruntur, l. etiam inuitis, de acquirend. rerum domin.* Quod hac ratione constituitur, quia ceteræ res singulæ acquiruntur sine onere & incommodo nostro, hereditas autem ære alieno nos obligat, l. *pure, de acquirend. hered. l. si hereditas. D. mandat. l. ultim. infr. de hered. actio.* Ratione civili & naturali permixtum est vnicuique alterius conditionem meliorem facere inuiti & ignorantis, deteriore autem facere non licet, l. *soluendo, de negot. gest.* Ob hanc causam ius ita constitutum est, ut siue seruo hereditas delata sit, siue filiofamilias, iussus patris & domini præcedere debeat, sequi aditio filiofamilias aut serui, leg. *qui mihi bona, §. iussu, de acquir. hered.*

Hinc † quæsitum est, an hereditas filiofamilias delata, acquiratur patri, si consentiente filio se pro herede gerat? Dubitationis causa manifesta est, ex eo quod supra dixi. Nam hic non mandat pater, ut filius hereditatem adeat, sed filius mandat patri, aut consentit, ut pro herede se gerat. Præterea filius hereditatem non adit, sed pater solus pro herede se gerit. Itaque utrumque contra supra scriptam sententiam fieri videtur, id eo quod nec videtur hereditas patri hoc modo acquiri posse. Hic rescriptum est, nihilominus hoc modo recte acquiri, quia solemnitati iuris satisfactum sit. Hoc vero dicitur: Satisfactum enim est in hac specie solemnitati iuris, si nō secundum verba, at secundum sententiam superioris iuris, si non recte, at certe persequentiam. Nam primo pater pro herede gerendo, declarat se velle hereditatem filii acquiri, ac nihil aliud egisset, si mandasset filio, ut ipse adiret. Nihil aliud enim hoc mandatum significaret, quam patrem velle sibi hereditatem acquiri, ut sic intelligatur hereditatem sibi non acquiri inuito, iuxta l. *qui in aliena, de acq. her.*

Sed hæc in proposita specie voluntas patris de acquirenda hereditate præcedit, quamdiu exigimus ut iussus præcedat. Prius est enim, ut pater velit, hereditatem acquiri, quam ut acquirenti filio consentiat. Ergo hic omnino mandato & iussu patris præcedente confirmatur sententia. Quod ad aditionem filii attinet, hoc pro certo haberi debet, hereditatem filio delatâ sine aditione filii, acquiri non posse. nam nec delata seruo acquireretur, nisi seruo adeunte, l. 3. *supr. de instit. & substit.* Et merito, quia soli filiofamilias hereditas defertur iudicio testatoris aut legis, l. *qui liberis, §. ultim. de vulg. & pup.* Sed intelligendum est, cum in proposito filius consentit, ut pater pro herede se gerat, hoc ipso quod consentit hereditatem adire videri. Nam hereditas patri acquiri non potest, nisi filio prius adeunte, ut dictum. Proinde

3 filius permittendo id quod est consequens, intelligitur simul velle id quod est antecedens, nempe hereditatem adiri, *argum. in l. illud, de acquirend. hered.* Quinimo filius permittendo patri pro herede se gerere, hoc ipso intelligitur & ipse se pro herede gerere. Nam † pro herede gerit, qui id facit: quod nisi heres facere non potest. At permittere patri, ut fiat heres nemo potest nisi filius, qui ipse heres est, quoniam nemo plus iuris in alium transferre potest, quam ipse habet, *l. nemo plus, de reg. iur.* Proinde filius hoc permittendo etiam pro herede se gerere intelligitur. Recte igitur dictum est in hoc rescripto: Cum pater voluntate filii pro herede se gerit, solemnitati iuris satisfactum esse, id est, perinde habendum esse quasi iubente patre filius hereditatem adiisset, aut pro herede se gessisset.

4 Interim hoc rescripto & definitione ea, quam supra posui, constituitur hoc, ubi † filiofamilias hereditas delata est, hanc patri non acquiri, nisi aut filius mandato patris aut pater voluntate filii hereditatem acquirat, & ita utriusque voluntatem in hac acquisitione concurrere debere. Videri potest huic sententiae aduersari, *l. qui in aliena, §. 1. de acquirend. hered.* ubi scriptum est: Filiofamilias delata hereditate, si pater diu possederit hereditatem videri ipsum & hereditatem admisisse. Item *l. si filiusfam. de pet. her.* ubi conuerso modo dicitur, si filiusfamil. delata hereditate filius hereditatem domini possederit, videri commodum hereditatis patri quaesiuisset. Sed hi loci non obstant, quoniam in his non agitur de acquirenda hereditate filiofamilias delata, sed de probatione acquisitionis. Si de acquisitione quaeritur, utriusque voluntas est necessaria & filii & patris, ut hic declaratur, neque refragatur id superioribus locis. Siue enim pater possideat hereditatem, exigimus ut filio consentiente id fiat: siue filius ipse possideat, exigimus, ut fiat voluntate patris, alioqui hereditas inuito non acquiritur. Sed si quaeratur an pater filio, aut filius patri consenserit: Illis locis ostenditur, id non solum testibus probari posse, sed etiam longa hereditatis possessione.

5 Quaeritur, † an hodie post constitutionem Iustiniani, iussus patris & consensus necessarius sit ad hereditatem acquirendam, quae filiofamilias delata sit? Nam constituit Iustinianus omnium aduenturorum proprietatem filiofamilias acquiri, & inter cetera etiam delatae hereditatis proprietatem, *l. cum oportet, l. ut infr. de bon. qua. lib. §. 1. Inst. per quas person.* Et puto hodie utriusque consensum non esse necessarium, si filius adire hereditatem voluerit, licebit ei hoc facere etiam ignorante patre, nam potest adire etiam pater inuito, *l. ultim. de bon. qua. lib.* multo igitur magis ignorante patre, *l. qui potest, de reg. iur.* Quod si filius hereditatem adire volet, sit potestas patri hereditatis adeundae, id quae sine voluntate filii, qui iam repudiari, *d. l. ult.* Quod si filius hereditatem patri acquirere volet, hic quidem voluntas patris necessaria erit, ne inuitus pater obligetur hereditati. Sed non est necesse etiam hoc casu utriusque consensum intervenire. Nam repudiante etiam filio, patri volenti hereditas acquireretur, ut dixi. Neque tamen sublatum est ius, quod hic traditur, & in *d. l. si quis mihi bona, §. iussu, de acq. her.* Nam si filiofamilias hereditas delata est contemplatione patris, haec videtur a patre potius profecta, & patri acquiratur per filium, *arg. in l. sed si plures, §. in arrogato, de vulg. l. profectitia, de iur. dot.* Por-

ro etiam constitutionibus Iustiniani bona profectitia ad patrem redeunt, eique acquiruntur pleno iure, *d. §. 1. per quas pers. nob.* Proinde & in hoc quoque genere hereditatis necessarius erit consensus & iussus patris ad acquirendam hereditatem.

Ad L. 5. Potuit.

Valerianus & Gallienus. AA.
Paulo.

Potuit pupillus pro herede, tutore auctore, gerendo consequi successionem, sed ipsius actus & voluntas fuit necessaria. Nam si quid nesciente eo tutor egit, illi hereditatem non potuit acquirere. PP. XVI. Cal. Ins. ipsi IIII. & III. AA. Coss. 258.

S Y M M A R I A.

- 1 Pupillus an acquirere possit.
- 2 An omnis pupillus possit acquirere.*
- 3 Pupillus quando acquirere possit.
- 4 Pro herede se gerere, item hereditatem adire quid sit.
- 5 Pupillus an solus, an vero non nisi alterius, & cuius auctoritate acquirere possit, & nu. 6.
- 7 Actus & voluntas pupilli ad hereditatem sibi per tutorem acquirendam necessario requiruntur.
- 8 Causae propter quas tutor pupillo inuito acquirere nequeat.
- 9 Tutor pupillo inuito possessionem bonorum acquirere non potest, & cur.

Pupillo, id est impuberi qui non sit sui iuris, *l. pupillus, de verborum significat.* delata est hereditas, siue quod heres institutus sit, siue quod tanquam proximus agnatus defuncti vocetur ad successionem. Circa hereditatem hanc acquirendam duae sunt summae quaestiones. Vna an ipse pupillus hereditatem possit accipere suo facto? Altera, an possit tutor ei acquirere eius nomine adeundo? In priore capite haec quaeruntur. Primo, an possit pupillus acquirere. Secundo, an omnis pupillus, etiam infans. Tertio, quando. Quarto, an solus, an vero non nisi alterius auctoritate. Quinto, cuius auctoritate. Primum, † an simpliciter pupillus hereditatem acquirere possit, ideo quaeritur, quia hereditas designatione animi acquiritur, *leg. si auita, sequent.* Nulla autem animi designatio esse videtur in ea aetate. Et placuit pupillum delatam sibi hereditatem, posse acquirere sibi, *ut hic, & leg. pupillus, de hered. acquirend.* Sed fauorabiliter, ut dicitur in dicta *leg. pupillus*, id est, non summo iure, sed benignitatis causa pro fauore pupilli, ut hereditas acquiratur. Nam reuera non est in his destinatio animi certa. Neque tamen cum dicimus eum posse hereditatem acquirere, sit contra praepcepta iuris, quae desiderant destinationem animi, quia quod iudicio pupilli deest, suppletur auctoritate tutoris, ut est in *leg. quamuis, §. ultima. de acquir. hered.*

Sed an † omnis pupillus hereditatem possit acquirere, quod propter infantem quaeritur, cuiusmodi aetas pupillorum nullum intellectum habet, nec multum a furioso differre putatur, *§. pupilli, Inst. de inutil. stip.* Et placet etiam infantem posse acquirere se pro herede gerendo, ut est diserte scriptum, in *l. seruo, §. si pupillo, D. ad Trebellian.* Vnde & sine exceptione iuris, recte hoc loco definitum est de omni pupillo.

Sed obstat *d. leg. pupillus, de acq. her.* ubi excipitur pupillus

pupillus qui fari non potest, cum dicitur, pupillum, qui fari potest hereditatem posse acquirere. Obstat etiam conditio ætatis, cum in infante nullus sit intellectus. Respondeo, observandum est *in d. l. pupillus*, generaliter definiri pupillum hereditatem acquirere posse, quo declaratur, posse eum acquirere quovis modo, & adeundo, & pro herede se gerendo. Cum ita definitur recte excipitur infans, quia infans non potest quovis modo hereditatem acquirere. In hac autem lege, non dicitur simpliciter pupillum successionem consequi posse, pro herede se gerendo, quorum utrumque recte dicitur, & inde est sequens quaestio, Quando \dagger pupillus vel infans, vel maior infante hereditatem possit acquirere? Et responderetur, quod maior infante hereditatem acquirere possit adeundo, multo magis pro herede se gerendo, *l. si infanti. §. ultim. h. ut.* Infans autem pro herede gerendo acquirere potest, ut hic generaliter definitum est, adeundo acquirere non potest, ut declaratur, *in d. l. seruo. §. si pupill. ad Trebell.*

4. Differentiæ ratio est, quia se \dagger pro herede gerere, est tanquam dominum res tractare hereditarias, vel ad heredem pertinentes: hoc etiam potest facere heres infans, cum ei tanquam domino res in manus traduntur. Adire vero est verbis declarare voluntatem de agnoscenda hereditate, ut suo dicitur loco. Hoc vero infans præstare non potest, quia loqui non potest. Sed \dagger an solus pupillus hoc modo, scilicet, pro herede se gerendo hereditatem acquirat, vetus fuit quaestio, propterea, quod cum de acquirendo agitur, non est pupillo necessaria tutoris auctoritas, *Instit. de auctor. tut.* Hic autem de acquirenda hereditate agitur, sed non solum de ea acquirenda agitur, verum etiam de pupillo obligando, quia hereditas nos æri alieno obligat, *leg. more, de acquirend. hered.* Et ideo iam olim receptum est, nec hereditatem acquiri, nec bonorum possessionem, nec fideicommissum hereditatis pupillo restitui posse, sine tutoris auctoritate, *§. neque, de auctor. tut.* Et hoc ita intelligendum est, nisi sit infans, *l. si infanti*, ut dicitur infra.

6. Desideratur \dagger autem hic nominatim auctoritas tutoris, quia curatoris auctoritas est ad acquirendam hereditatem inutilis pupillo, etiam si fingamus curatorem datum esse pupillo tutorem habenti, ut in aliquibus causis receptum est, *leg. cum in una. §. ultim. de appellatio.* Idque commune est, quia curator rebus datur, non personæ. Tutor autem personæ, non rebus, *§. secundo, Instit. de curat.* In hereditate autem acquirenda nova persona magis suscipitur quam novum dominium, & per consequentiam dominium rerum suscipitur, nam heres in personam & locum defuncti succedit, *leg. quadam. §. primo, de edendo.* Vnde dicitur heredis personam eandem esse cum defuncti. *Novell. de iure iur. ad a mor. prest. in medio.* Sciendum tamen est, si pupillo tutor non sit, posse pupillum adire magistratum, cuius decreto si hereditatem agnosceret pupillus, solemnitatibus iuris satisfactum est, & hereditas pupillo acquireretur, *leg. si infanti. §. ultim. infr. leg. bonorum. supr. qui admitt. ad bonor. possess.* Hæc de hereditate pupilli, per ipsum acquirenda.

Hic dixerit aliquis, cur laboremus, an hoc an illo modo, an huius an illius auctoritate hereditas acquiratur, cum sit compendiaria via ad acquirendum, si tutor qui iudicio valet, potest eius nomine adire

hereditatem, eique acquirere, Et ne frustra in superiori definitione laboraverimus, subiicitur hic quod ad posteriorem quaestionem pertinet, Nempe \dagger ipsius pupilli actum & voluntatem, ad acquirendam hereditatem necessarium esse. Tutorem autem ipso ignorante, ei acquirere hereditatem non posse. Quod ait rescriptum: Actum & voluntatem pupilli in acquirenda hereditate esse necessariam, videtur aduersari, *§. ultim. Instit. de hered. qual. & differ. & leg. si ania. seq. vbi* traditur, hereditatem sola animi destinatione, & sola voluntate acquiri.

Respondeo: Hæc non sunt contraria. Nam hereditas non acquiritur, nisi aut pro herede gerendo, aut adeundo, id est, verbis voluntatem suam testando de acquirenda hereditate, ut explicatur *in dict. §. ultim. de hered. qual. & differ.* Proinde si pupillus se pro herede gerit, hic manifeste utrumque requiritur, & actus gestionis, & voluntas, quatenus voluntatis pro suo capto capax est. Sed et si pupillus hereditatem adit, hic quoque utrumque requiritur & actus & voluntas. Voluntas, ut velit hereditatem agnoscere, deinde actus, ut hanc voluntatem testetur, ut est *in dicto §. ultim. de hered. qual. & differ.* Et quod dicitur sola animi destinatione hereditatem acquiri, id intelligendum est, ita sola destinatione, quæ tamen testata est *d. §. ult.*

Quod \dagger additur: Tutorem pupillo hereditatem acquirere non posse, duabus de causis recte constituitur. Primo, quia nemo hereditatem acquirere potest, nisi cui delata sit, *dict. leg. si quis extraneus. §. primo, de acquir. hered.* Defertur autem hereditas pupillo non tutori, deinde hereditas obligat nos æri alieno, ut supra dictum. Tutor autem inuitum pupillum hereditati obligare non potest, non magis quam filius patrem, aut servus dominum, *dict. leg. qui in aliena.* Quod \dagger de hereditate dicimus, idem etiam de bonorum possessione dicendum videtur, tutorem inuito pupillo, bonorum possessionem acquirere non posse, ob eam quam dixi causam. Non obstat *l. tutor. & l. si pupillo, de bonorum possessione, l. bonorum, infr. qui ad bonorum possess. adm.* vbi constanter traditur, tutorem pupillo bonorum possessionem petere posse. Aliud enim est bonorum possessionem petere pupillo, aliud possessionem ipsi acquirere. Prius recte fit, sed non acquiritur pupillo, nisi aut iam ante cõsenferit, aut petitionem postea ratam habuerit, *argumentum, in leg. tertia. §. acquirere, de bonorum possessione.* Hæc tamen temperata est *in leg. si infanti, infr.* in infante, de quo constituitur, ut tutor eius nomine hereditatem adire possit. Secundum quam exceptionem, & *l. potuit*, interpretanda est, iuxta regulam iuris, in toto iure generi per speciem derogatur, *l. in toto, de reg. iur.*

Ad L. 6. Si ania.

Imp. Diocletianus & Maximian. AA.
Philippæ.

Si ania tua patrem tuum ex duabus vnciis scripsit heredem, ex sola animi destinatione pater tuus heres fieri poterat. Igitur, si testamento suo easdem vncias ad te pertinere decrevit: apud rectorem prouincia duarum vnciarum ius persequi poteris, PP. XVI. Calend. August. Sirmii ipfis IIII. & III. A. Coss. 298.

S V M M A R I A.

Hereditatem aperte non agnoscens, si vel in testa-

mento vel alibi dixerit, se velle, ut hereditas ad heredes suos perveniat, hoc ipso heres fit, & hereditatem transmittit.

2. *Hereditas unde adita intelligatur.*

1. **Q**ui hereditatem sibi delatam aperte verbis non agnouit, ut diceret se velle heredem esse, neque quicquam hereditarium in ea hereditate attigit, si moriens in testamento aut alibi dixerit, se velle, ut ea hereditas ad heredes suos vel institutos, vel legitimos perveniat, hoc ipso heres fit, & hereditatem transmittit ad heredes. An quod hic de hereditate auia agit, quæ ex constitutione Theodosii filio delata transmittitur ad nepotes etiam non adita? *leg. vn. infr. de his qui ante aper. tabul. hered. transm.* Minime. nam nondum edita illa Theodosii fuit constitutio. Itaque non potuit hic dici hereditatem transmitti ad nepotem, nisi quia a patre erat adita. Sed unde aditam intelligimus, cum non acquiratur hereditas, nisi aliquo modo heres testatus sit voluntatem suam de hereditate acquirenda, §. *ultim. de here. qual. & differ.*

Respondeo, Qui dixit se velle, ut hereditas sibi delata ad suos heredes perveniat, satis declaravit, se velle eam hereditatem patris ad se pertinere, ideoque se heredem esse. nam nisi quaesita esset ei hereditas, non perveniret ad eius heredes, ut tempore huius rescritti ius fuit: qui voluit aliquid, id etiam voluisse intelligitur, quod necessario antecedit, *l. illud, de acquir. hered.* Proinde qui se velle dixit hanc hereditatem pervenire ad extraneos, eam ad eos transmittit.

Ad L. 7. Quadam.

Imp. Dioclet. & Maximian. AA. & CC.
Eufobino.

Quoniam sororem tuam prius sanctam esse proponis, quam agnosceret, an a fratre sibi aliquid hereditum fuisset relictum: manifestum atque evidens est, antequam pro herede gereret, vel bonorum possessionem admitteret, defuncti successionem eam non potuisse ad heredes suos transmittere. PP. Cal. Maii, Thiralli AA. Coss.

S V M M A R I A.

1. Hereditatem, quam quis sibi delatam ignorat, ad eundem vel pro herede gerendo acquirere nemo potest.
2. Hereditas non adita, quamvis sine vitio heredis adita non sit, ad heredes non transmittitur.
3. An ius adeundi ad heredes transmittatur.
4. Hereditas non adita certis in casibus ad heredes transmitti potest.
5. Causa, cur hereditas non adita transmitti possit, duplex assignatur.

1. **H**ic statuuntur duæ sententiæ, quas initio huius tituli attigi. Prior est: Neminem posse adeundo, aut pro herede gerendo hereditatem acquirere, quamvis sibi delatam, si ignoret eam hereditatem sibi delatam esse, quæ sententia expressa est in §. *ult. Instit. de hered. qual.*

2. Altera est sententia est, hereditatem non aditam, quamvis sine vitio heredis adita non sit, ad heredes eius non transmitti. regula iuris antiqui, quæ refertur & confirmatur *leg. ultim. infr. de cad. tollend.* Sed an heres ius adeundi saltem, quod habuit ad heredes suos transmittit? Et regulæ sententia hæc

fuit: Neque hereditatem, neque ius hereditatis adeunda transmitti. Quod optima ratione constitutum est. nam heres heredis, qui hereditatem non adiit, aut voluit eam hereditatem adire, ut hereditatem sui antecessoris, & id facere non potuit, quoniam illi quaesita non fuit: aut voluit adire, ut hereditatem eius, cuius iussu & a quo delata erat suo antecessori, & hoc multo minus facere potuit, quia illius non est heres. Cum igitur nullo iure possit hanc hereditatem acquirere bene statuitur hanc hereditatem ad eos non transmitti.

Hoc tamen ius non est perpetuum, sed quibusdam in casibus hereditas non adita ad heredes transmittitur, quod statuitur partim ex persona, partim ex causa. Ex personis tunc, cum agit de hereditate parentum in liberis transmittenda, de qua est constitutio Theodosii, *leg. unic. infr. de his, quæ ante aper. tabul. cuius mentio est in dict. §. novissimo, de condit. toll.*

Causa est cur placeat hereditatem non aditam transmitti, est duplex. Prima, si heres, cui ius deliberandi tribuitur constitutione, intra tempus ad deliberandum præstitutum decesserit, *leg. cum antiquioribus, infr. hic. cuius item mentio est in dict. §. novissimo.*

Altera causa est, si is qui legitimus heres esse poterat defuncto, institutus sit ab eo, testamento suo, in quo is, qui in utero erat, præteritus sit. Nam si hic dum pendet, an posthumus nascatur nec ne, decesserit, non adita hereditate, placet eius heredes petere posse bonorum possessionem ex æquo & bono, *leg. illud, §. ultim. l. sequen. de bonorum possessione contratabulas, leg. ventre, de acquirend. hered.* Has quoque exceptiones attigimus supra, *ad. d. l. emancipati, supr. qui ad bon. poss. admittantur.*

Ad L. 8. Licet.

Imp. Dioclet. & Maxim. AA. & CC.
Claudio.

Licet incontinenti sui heredes se paternis non immiscuerint bonis: tamen ignorantes delatam sibi esse hereditatem, longi temporis præscriptione, quo minus hanc recte vindicent, excludi non possunt. S. XVII. Calend. Ianua. Sirmii. AA. Coss.

S V M M A R I A.

1. An vindicanti hereditatem obstat longi temporis præscriptio.
2. Quid si possessor triginta annis possederit hereditatem?

Filius qui in potestate patris morientis fuit, patri defuncto existit ipso iure suus heres, etiam si ignoret patrem defunctum esse, *leg. 3. supr. hic.* Heres factus hereditatem sui iuris recte vindicat a quibusvis possessoribus, qui hereditatem pro herede, ut possessores possident, *l. licet regulariter, de acquirend. hered. l. hereditas, infr. de pet. hered.* Quaesitum est an vindicanti obstat longi temporis præscriptio, si is a quo hereditas vindicatur bona fide eam hereditatem longo tempore possederit, id est, 10. annos inter præsentis, 20. inter absentes, *l. ultim. infr. de long. temp. præscript. l. ultim. de usucap. transfer.* Mouent quaestiones constitutiones, quibus efficitur, his, qui rem aliquam bona fide & iusto titulo initio possident, competere præscriptionem longi temporis, *l. 2. & tot. tit. de præscr. long. temp.* Et placet hereditatem vindicanti

vindicanti non ob stare longi temporis præscriptio-
nem, quicunque heres sit, qui hereditatē vindicabit,
vt hic traditur. *§ leg. hereditatis, infr. de pet. hered. leg.
diutina, de præscript. long. tempor. l. hereditatem, infr. in
quibus causis long. temp. præscript. cess.*

Non obstat quod longi temporis præscriptio bo-
næ fidei possessori datur. Non enim solum hac con-
ditione datur, si quis bona fide possederit, sed hoc
amplius, si iusto titulo, *dict. leg. 2. § leg. penult. l. nul-
lo, de rei vindicat.* Is autem a quo hereditas petitur
nullo iure possidet, quæ ratio significatur in *dict. leg.
diutina, infr. de longi tempor. præscript. § dict. leg. here-
ditatem, infr. in quib. causis cess. long. temp. præscrip.* id-
que intelligitur ex definitione possessionis. Nam pe-
titio hereditatis competit aduersus eum, qui pro he-
rede, prout possessore possidet, *d. l. regulariter, de her.
pet.* Is autem possidere dicitur pro herede, qui putat
se heredem esse & non est. Pro possessore autem pos-
sidet prædo, id est, is qui non putat etiam se heredem
esse *l. pro herede, in pr. §. ult. cum l. seq. de pet. hered.* Neu-
ter igitur istorum titulo possidet, cum neuter sit he-
res, nec illi prodest, si putet se heredem esse non e-
nim ideo heres est, quia se esse putat. Denique error
tituli vscapionē non adfert, *l. Celsus, de vscap.* Quid
si prædictus hereditatis, 30. annis possederit here-
ditatem? Respondeo, Nocebit vindicanti heredi-
triginta annorum præscriptio, siue sit filius defun-
cti, siue extraneus, *leg. sicut, infr. de præscript. 30. vel 40.
annorum.*

Ad L. 10. Si te bonis.

Imp. Diocletia. & Maximin. AA. & CC.
Sabinæ.

Si te bonis maternis maior quinque & viginti annis
immiscuisti: neque inopia patris te excusat, neque vis fra-
tris portionem tuam vel testamentum eripientis arcere de
exactione creditorum, qui iure civili pro hereditaria por-
tione te conueniunt, potest. S. XVI. Kal. Jan. Sirmii, Ca-
saribus Cæs.

S V M M A R I A.

- 1 Heres bonis paternis sese immiscens, si hereditas eius
soluendo non fuerit, utrum creditoribus ita tenean-
tur, vt de suo soluere cogatur.
- 2 Quid si frater vel alius portionem eius hereditariam
occupauerit, vt iis satisfacere non possit.

Q uod in extraneis hereditatis aditio, aut pro he-
rede gestio, id valet in suis heredibus immixtio.
Heres extraneus hereditatē adeundo, aut pro herede
gerendo fit heres, ita vt iure civili postea repudiare
non possit *l. 4. §. prox. tit. Eodem modo & suus heres,
cum se bonis paternis immiscuit, ita efficitur iure ci-
uili suus heres, vt nec iure prætorio habeat abstinen-
di facultatem, l. necessariis, de acq. her.* In suis heredi-
bus immiscere se bonis idipsum est, quod in extra-
neis pro herede gerere, id est, ita se immiscet filius
bonis paternis, cum aliquid gerit tanquam heres pa-
tris, *l. eum bonis, de acq. her.* Sed extraneus dicitur adire
& pro herede, id est, tanquam heres gerere, quia
venit ad bonā nondum quæsitā, sed oblata tantum,
idque facit non quia iam fit heres; sed quasi heres.
Suus autē priusquam sese immisceat patri heres est,
& dominus rerum hereditariorum: ideo si eas res at-
tingit dicitur se suis bonis immiscere.

Et hæc de maiore 25. annis herede dicta sunt, vt
initio huius rescripti dictum est, quia minor siue he-

reditatem adierit, cū esset extraneus, siue suis se im-
miscuerit, ita fit iure communi heres, vt tamen pos-
sit impetrare in integrum restitutionem, vt sibi re-
pudiare, aut sese abstinere liceat bonis, *l. si vt minor se
abstineat hered. supr.* Heres ita factus, vt supra dictum
est, statim obligatur creditoribus hereditariis, de
quo effectu hic agitur, quæriturque primum, quid
si hereditas eius non fuerit soluendo?

Respondetur, eum nihilominus obligari heredi-
tariis creditoribus pro qua parte heres est, vt si non
soluendo sit, hereditas de suo dependere cogatur, *l.
more, de acquir. hered.* Rursum quid si huius here-
dis frater vel alius portionem eius hereditariam ei
occupauit, vt non habeat vt satisfacere possit credi-
toribus? Respondeo hoc ei nihil prodesse aduersus
creditores, optima ratione: Nam quod portio eius
hereditaria occupatur ab aliis, casus fortuitus est.
Porro neque incendium, neque quiniis alius casus for-
tuitus, ære alieno eximit creditorem, *leg. incendium,
supr. si cert. pet.* Præterea hæc ipsa occupatio iniuria
est, quæ fit heredi: iniuriam sibi factā heres ad alio-
rum iniuriam proferre non debet: seu iniuria vni fa-
cta, non debet nocere aliis, *l. si per imprudenciam, in
prin. de emct.*

Ad L. 11. Renitente.

Imp. Dioclet. & Maxim. AA. & CC.
Philumenæ.

Renitente te patertuus, in cuius fuisti potestate, neque
spem delata tibi legitime querenda successionis absumere,
neque hereditarios manumittendo seruos, his prestare li-
bertatem potuit. S. 6. Id. Feb. Sirmii, CC. Coss.

S V M M A R I A.

- 1 Delata filiofamilias hereditate pater non potest inui-
to filio repudiare hereditatem, vel eam acquirere,
vel res hereditarias alienare.

H ereditate filiofamilias delata, quamuis heredi-
tas adita acquiratur patri in totum, aut saltem
acquiratur eius fructus, tamen soli filio hereditas de-
fertur, ita vt nisi filio adeunte acquiri nō possit, quia
si recusabit hereditatem, cogi non potest. Hoc ius in
seruo herede instituto locum habet, multo magis in
filiofamilias, *l. 3. infr. de instit. § substit.* Huc facit *l.
qui liberis, §. ultim. de vulg. l. si post. de hered. instit.* Ex
hoc iure hæc sunt consequentia, quæ hoc rescripto
traduntur, scilicet delata filiofamilias hereditate,
patrem non posse inuito filio repudiare heredita-
tem, vel eam acquirere, vel res hereditarias alienare,
& in summa ius filii inuiti imminuere facto suo non
potest: non potest pater eam hereditatem repudia-
re sine filio, quia nec eo inuito acquirere potest, *l. is
qui heres, §. ultim. l. is potest, de acquir. hered.* Non po-
test pater eam hereditatem acquirere inuito filio,
quia solus acquirere potest, cui delata est, *l. si quis ex-
traneus, §. 1. de acquir. hered.* Filio autem delata est he-
reditas non patri. Quod si pater inuito filio acquire-
re non potest, palā est, eum seruos hereditarios ma-
numittere non posse, res hereditarias vendere, aut
de ceteris rebus statuere: hæc enim solus dominus
facere potest, iuxta regul. iuris, Nemo plus, &c. de
reg. iur. Iam autem effectum est primum dominum
non esse. Hinc intelligi potest licere filio hereditate
sibi delata procrastinare aditionem, & in id tempus
relicere, dum sui iuris efficiatur, vt sui iuris factus he-

reditatem adeundo sibi acquirat in totum, & quod ad proprietatem, & quod ad vsumfructum attinet, *l. non est dubium, infr. h.*

Ad L. 15. Non est dubium.

Imp. Constant. A. ad Leontium Comitem Orientis.

Non est dubium, si priusquam filius iussu patris adierit hereditatem, proprie potestatis effectus sit, arbitrio suo eundem hanc sibi potuisse querere. Dat. 17. kal. April. Limenio & Catulino Cos. 349.

S V M M A R I A.

1. Filiusfam. sui iuris factus an suo arbitrio hereditatem antea sibi delatam adire possit, & si potest, utrum sibi an patri acquirat.
2. Vnumquidque patri per filium duabus de causis acquiratur.

Filiosfamilias delata hereditate, si priusquam adieret sui iuris factus sit, puta a patre emancipatus, 1. quaritur † si postea hereditatem adire velit, utrum suo arbitrio possit, & si potest, utrum ei an patri acquiratur, eatenus quatenus acquisitum esset, si dum erat in potestate eam adieret? Et respondetur, eum non solum arbitrato suo adire posse, sed etiam si adieret, sibi hereditatem acquirere in solidum, nihil patri. Monebat in contrariam sententiam exemplum stipulationis & contractuum. Nam si filiusfamilias stipulatus sit sub conditione, si navis ex Asia venerit, quamvis emancipato eo conditio postea existit, tamen nihilominus obligationem & actionem acquiri patri non filio, ut spectetur id tempus, quod ante fuit, non id quo conditio existit. At hereditas cum defertur filiosfamilias, omnino sub conditione acquiratur, si eam adeat, proinde si pendente conditione hac, sui iuris fiat, & postea hereditatem adeat, eodem exemplo videtur dici debuisse hereditatem patri acquiri, non filio, ut spectetur id tempus, quo conditio existit. Ius de conditionali stipulatione supra dictum est in *leg. si filiusfamilias, de verborum obligatione.*

Respondeo: exemplum nos mouere non debet. Nam inter omnes iuris auctores constitit, differre in hac re stipulationes a testamentis, seu differre, utrum filiusfamilias stipuletur aliquid & hoc sub conditione: an vero filiosfamilias deferatur aliquid testamento. Sub conditione stipulatio fit, ut omnimodo acquiratur patri, quodcumque conditio extiterit. Quod autem testamento relictum est sub conditione, id non aliter acquiratur patri, quam si filio manente in potestate, conditio extiterit, *l. que legata, de regul. iuris, leg. si uxorem, infra, de condition. institut.* Idque significatur in d. *leg. si filiusfamilias, de verborum obligatione.* Differentiæ ratio multum quaesita est, in quo aliis aliud videtur. Hæc

ratio, quam dicam certa est. Vnumquidque † per suum patri acquiri potest duabus de causis; vel quia filiosfamilias iam quaesitum sit, vel quia in eo acquirendo filiosfamilias aliud fecerit. Nam quod filiosfamilias fecit, dixit, quod ad acquirendum pertineat, id fecisse & dixisse pater videtur voce filii, *l. si quis, de regul. iuris, Inst. de inutil. stipula. l. quod, de regul. iuris, oblig.*

† si actione sit, ut stipulatio conditionalis a filiosfamilias interposita, statim acquiratur patri, quia etsi pendente conditione nulla obligatio esse po-

test, quæ acquiratur vel patri vel filio, tamen filius stipulatus est, ut proinde habendum sit, quasi pater stipulatus esset. Quod si pater stipulatus esset, nemo negaret quodcumque conditione existente, obligationem acquiri patri. At in legatis & hereditatibus, quæ sub conditione deferuntur, vel expressa vel tacita, nulla ex his causis intercedit pendente conditione, propter quam causam hereditas, aut legatum patri acquiri possit. Nam pendente conditione legati aut hereditatis nulla res est, quæ acquiratur, etiam filio nedum patri, argumento *leg. cedere, de verborum significatione.* Sed nec in legato aut hereditate voluntas filiosfamilias interuenit, quæ legatum aut hereditas deferatur. Hæc enim deferuntur sola voluntate testatoris sine facto heredem aut legatarii. Manifesta igitur ratio est, cur neque legatum conditionale, neque hereditas patri acquiratur, si filio emancipato legati conditio existat.

Ad L. 16. Nec emere.

Imperatores Arcadius & Honorius AA. Annodio.

Nec emere nec donatū adsequi, nec damnosam quiscumque hereditatem adire compellitur. Datum V. I. Kal. Jan. Olibrio & Probino Cos. 395.

S V M M A R I A.

1. Nemo rebus adhuc integris emere aut vendere cogitur, secus si res non fuerint integra, & nu. 2.
3. Nec hereditatem inuitus quispiam adire compellitur.

Nemo † emere compellitur, aut vendere, *leg. inuitum, supr. de contrahend. emti.* quia emtio contractus est, & is qui solo consensu perficitur, *leg. prima, §. ultim. de contrahend. emt.* Et quamvis solo consensu non perficeretur, tamen consensu vacare non posset, si esset contractus. Nullus est contractus sine conventionione & consensu, *dict. leg. prima, §. 1. de pact.* Non consentit autem, qui cogitur, nihil enim tam contrarium est voluntati, quam vis, *l. nihil consensu, de reg. iur. l. prima, quod metus causa.* Sed hoc ita est, † si ab initio de re emenda agatur rebus adhuc integris. Nam si quis partem communis fundi emerit, & iudicio communi diuid. altera pars ad iudicata sit emtori, hæc quoque pars venditori inuito accedit *l. Julius, §. idem Celsus, de act. emti.* Quod idem fit, quia qui semel partem emit voluntate sua, ea voluisse intelligitur, quæ necessario accederent. Idemque in hereditate acquirenda receptum est. Nam ab initio nemo cogitur subire hereditatem, si tamen hereditatis partem adierit quis, deinceps reliquorum coheredum portiones deficientes inuitus accipiet, *l. qui adm. infr. hic.* Nemo donatum accipere cogitur, *leg. inuito, de reg. iur. leg. hoc iure, §. non potest, de donation. l. inuitus, §. ultim. de regul. iuris.* Idque eadem ratione, quia nemo emere cogitur, quia nemo rem accipit, nisi volens, nec transfertur dominium, nisi cum ex vtraque parte tradentis & accipientis concurrat affectus, *l. in omnibus, de obligat. & action.*

Non aduersatur huic sententiæ, quod dicitur per seruam etiam inuito domino acquiri, *l. seruus vetante, de verb. obligat. l. & inuitis, de acquir. rer. dom.* Item quod dicitur, vnumquemque pro debitore solvendo ignorantem & inuitum debitorem liberare, *Inst. quib.*

quib. mod. oblig. toll. in pr. l. soluendo, de neg. gest. l. solutio-
nem. de solut. Nam nec donatum seruo inuito acquiri
posset inuito, sed a seruo quæsitum acquireretur inuito
domino: verum in persona domini non est donatum
aut etiam simpliciter datum. Non enim ut datum do-
minus acquirit, sed ut rem, quæ a seruo nata est, tan-
quam fructum serui percipit per consequentiam rei
sue, quemadmodum & fructus ex sua re perciperet
& perceptos acquireret, *ipse non percepisset. l. qui scit.*
§. 1. de usur. Sed & illud, quod quis nomine debitoris
soluit, creditori nunquam inuito acquiritur. Nam
creditor nunquam accipiet nisi volens, cum autem ac-
cepit debitor inuitus liberatur, non quia illi quic-
quam detur inuito, sed quia inuito obligatio adimi-
tur, quod per rerum naturam facere licet. Eadem ra-
tione & ne hereditatem inuitus quisquam compell-
litur adire: acquiritur enim hereditas extraneis here-
dibus volentibus, *§. ult. Inst. de her. qual. & differ.* Ac-
quiritur quidem hereditas necessariis heredibus et-
iam inuitis, ut seruis & filiis, qui in potestate morien-
tis fuerunt, in quibus est superuacua d. l. in suis. de suis
& legit.

Ad L. 17. Cretionum.

Imp. Arcad. & Honor. & Theodos. AAA. An-
themio, præfecto prætorio.

Cretionum scrupulosam solemnitate hac lege peni-
tus amputari decernimus. Dat. 5. Kal. April. Constanti-
nop. Honorio 7. & Theod. AA. Coss. 407.

S V M M A R I A.

- 1 Hereditas heredibus extraneis quot acquiratur mo-
dis? §. num. 7.
- 2 Pro herede se gerere quid.
- 3 Adire hereditatem quid.
- 4 Adire hereditatem, & pro herede gerere quid differ-
rant.
- 5 Adire hereditatem unde dictum.
- 6 Aditio olim solemnium verborum formula fiebat, &
quæ illa.
- 7 Agnoscere hereditatem quid.

ET adeundi verbum, quod supra usurpatum est, &
Cretionis, quod hic commemoratur, nos admo-
net, ut quæramus, non solum quid his verbis signifi-
cetur, sed etiam quibus modis acquiratur hereditas
extraneis heredibus, quem locum initio huius tituli
obiter attigimus. Et acquiritur & extraneis hereditas
sola animi destinatione, l. si auia. sup. sed hic animus
declaratur aut adeundo, aut pro herede gerendo. Vn-
de totidem modis hereditas acquiri dicitur extrane-
is heredibus, tunc enim ponuntur in his locis, l. cum
antiquioribus. §. l. ac si quis. §. si quis de religio. l. quamdiu
institutus, de acquirenda hered. Que generata distin-
cta sunt, ut neque qui adit pro herede se gerere, ne-
que qui pro herede gerit, secundum significationem
verbi adire intelligatur: unde dubitatio in l. si quis mi-
hi bona §. sed quid si, de acquir. her. Pro herede & gere-
re, est facere aliquid, quod non possis facere vtiliter,
nisi sis heres, ut ad l. 1. & 2. dictum. Sic dictum, quasi
pro domino gerere, §. ult. Inst. de hered. qual. & differ.
Adire & autem hereditatem est aperte & recta profi-
teri, se velle heredem esse. quod fit verbis, ut est in d.
§. ult. vel nutu, cum quis interrogatur, an velit heres
esse, & annuit, l. seruo. §. si pupillo, ad Trebell. vel scripto,
dum se velle heredem esse scribit, argum. in l. pr. de ac-
quir. hered. Ex & quibus definitionibus intelligitur,

adire esse nudæ voluntatis, pro herede gerere esse fa-
cti & administrationis. Item adire habere apertam
professionem voluntatis de hereditate acquiren-
da: pro herede autem gerere nullam voluntatis pro-
fessionem habere, sed factum ipsum, ex quo dein-
de ratiocinando animus agnoscendæ hereditatis col-
ligitur.

Adire & hereditatem ita dictum est, quasi dicas ire
ad hereditatem, ut eam habeas. Vnde pro verbo ade-
undi veteres hac vñ sunt formula, ut diceretur: Eum he-
redem, qui vellet heres esse, accedere ad hereditatem
seu successionem, l. 3. sup. h. tit. l. ultim. de acquir. hered.
Aditio & olim fieri solebat solemnibus verbis, ut di-
dicimus ex fragmentis Vlpiani tit. de hered. instit. So-
lemnibus autem formula hæc erat: Cum me Lucius he-
redem institueris, eius hereditatem adeo cernoque. Ex
quo verbo postremo genus aditionis cretio appella-
tum est. Tunc autem necesse erat verbis his solemnibus
hereditatem cernere, cum testator heredem in-
stituerat cum cretione, ut testis est ibidem Vlpianus;
id est, cum ita eum heredem instituerat, ut simul iu-
beret eum cernere hereditatem suam, intra certos
dies, quos illi præstitebat, ut vellet eos dies viles es-
se, quibus sciret heres, possetque cernere: interdum
ita, ut vellet esse continuos. Hoc posterius dicebatur
cretio continua, quod exigeret dies continuos.

Prius cum faciebat, dicebatur cretio vulgaris;
quod & ego testatores in cretione iniungenda, dies
viles exigerent, quibus heres sciret, possetque here-
ditatem cernere, ad quod allusit Anton. l. 2. de orator.
cum ita loquitur: Et dicam quod scio poteroque, ut est
in cretione. Sic enim legendum esse post edita illa
fragmenta Vlpiani intelligimus, ut prius perperam
& nullo sensu lectum sit, ut est in conditionibus. Hæc
constitutione cretione solemnitas sublata est, post-
quam constitutione effectum est, ut ad acquirendam
hereditatem nihil interesset, utrum quis pro herede
gereret, an adiret, & in adeundo utrum solemnibus
verbis vteretur an non? Et hoc est quod in §. ult. Inst.
de her. qual. dicitur, Quibuscunque verbis declaraveris
quis voluntatem suam de acquirenda hereditate, heredi-
tatem acquiri. Neque eo minus tamen etiam nunc
recte dicitur adiri & cerni hereditas: utrumque enim
per translationem dicitur, & alterum sine altero in
acquirenda hereditate esse non potest. Nemo enim
adit hereditatem id est, accedit ad hereditatem ut ac-
quirat, nisi cernat animo, tanquam suam, nec cernit
quisquam, nisi qui prius ad eam accesserit, id est, vno
verbo, qui eam adierit.

Manent & igitur duæ illæ species distinctæ, acqui-
rendæ hereditatis, quas supra posuimus, aditio & p-
herede gestio, neque plures species leguntur, ut apparet
ex iis locis, quos de iis duabus speciebus supra retulimus.
Neque adeo plures esse possunt, si hereditas sola animi
destinatione acquiratur, ut acquiratur. Sunt tamē, qui
hac diuisione vñ sunt, ut dicerent hereditatem acquiri,
aditione, pro herede gestione, cretione, immixtione;
agnitione, quæ diuilio ex ignorantia verborum, &
manifesta imperitia iuris nata est. Nam primum cer-
ti iuris est, immixtione hereditatem acquiri non
posse nisi suis heredibus, in quibus solis locum ha-
bet immixtio, ut dictum ad l. si te. sup. Nam sui sunt
heredes, siue se immiscuerint siue non, ut dictum
supra ad leg. 3. Cum ipso iure illis hereditas quæ-
sita sit statim ab initio: eam nullo suo facto postea
amplius quærere possunt, §. sic itaque. Inst. de actor.

Iure quidem prætorio iis, qui se immiscuerint, denegatur abstinendi facultas, *l. necessarij. de acquir. her.* Sed non item immixtione acquiritur iure prætorio. Acquiratur ipso iure tam ex legibus, quam ex edicto prætoris, sed acquisita retinetur iure prætorio post immixtionem, quoniam si se immiscuerint, postea abstinere non possunt. Cretione autem acquirebatur olim hereditas, sed cretio nihil aliud erat nisi aditio solemnisi, ut testantur verba cretionum, *Eius hereditatem adeo cernoque.* Quæ verba coniunguntur, non quia diuersa hic res sunt adire & cernere, sed ut magis animus adeuntis intelligeretur.

Agnitionem autem distinguere ab aditione, & nouam speciem acquirendæ hereditatis facere, summæ est imperitiæ. Nam *† agnoscere hereditatem* nihil aliud est, quam testari se heredem esse velle, *l. i. cui. 3.* Hoc autem nihil aliud est, quam hereditatem adire. Quod si propter verbum *agnoscendi* noua species acquirendæ hereditatis statuenda est, debuit etiam dici hereditatem acquiri admissione, amplexatione, susceptione. Nam & heredes cum adeunt hereditatem, dicuntur hereditatem admittere, *l. 6. §. 1. de acquir. her. l. quidam. infr. h.* Dicuntur etiam amplecti hereditatem, *l. quæsitum. de acquir. her. l. si. l. bertipatrono. j. eod.* Dicuntur etiam suscipere hereditatem, *l. cum bonis. de acquir. her. §. ult. Inst. de hered. qual. & diff.* Sed hæc omnia plura verba sunt, sed vnam eandemque rem significantia, nempe aditionem, & testationem voluntatis de acquirenda hereditate. Nam hæc tria, *agnoscere, amplecti, admittere hereditatem*, dicta sunt per translationem, ducta ab iis, qui aliquos tanquam amicos suos agnoscunt, pro suis amplectuntur, & salutati ad se admittunt & suscipiunt, ut probent se illos vere pro suis agnoscere, quod in hereditate acquirenda facit is, qui vult heres esse. Eadem translatio est in verbo *adeundi*, quod in prioribus verbis hereditas sic accipitur, quasi esset res mobilis, quæ ad nos veniat. In *adeundi* autem verbo sic de hereditate agitur, quasi res sit immobilis, ad quam accedamus, & ad quam intromittamur. Qua ratione heres cum adit hereditatem, non tantum dicitur hereditatem admittere, sed etiam dicitur eodem sensu admitti ad hereditatem, *l. si seruus. de acquir. her. infr. qui admitti ad bon. poss. possint.*

Ad L. 18. Si infanti.

Impp. Theodos. & Valentin. A.A. ad Senatum.

Si infanti, id est, minori septem annis, in potestate patris vel aui vel proau constituto vel constituta, hereditas sit derelicta, vel ab intestato delata a matre, vel linea, ex qua mater descendit, vel aliis quibuscunque personis: licebit parentibus eius, sub quorum potestate est, adire eius nomine hereditatem, vel bonorum possessionem, petere. 1. §. Sed si hoc parens neglexerit & in memorata aetate infans decesserit: tunc parentem quidem superstitem omnia ex quacunque successione ad eundem infantem deuoluta, iure patrio quasi iam infanti quæsitæ capere. 2. §. Parente vero non subsistente, si quidem post eius obitum tutor infanti sit, vel datus fuerit: posse eum etiam adhuc infante pupillo constituto eius nomine adire hereditatem, siue viuo parente, siue post mortem eius ad eum deuolutam: vel bonorum possessionem, petere, & eo modo eadem infanti hereditatem querere, &c.

S Y M M A R I A.

1. Hereditatem infanti, qui parentem masculum habet,

delatam solus pater infantis nomine adire, eique acquirere potest.

2. Pater hereditatem infanti delatam adire negligens, eam, mortuo infante, iure patrio capere potest, ac si infanti fuisset quæsitæ.

3. Hereditas infanti delata, si defuncto parente in tutoris sit potestate, quomodo acquiratur & ad quos transmittatur? & num. 4.

5. Hereditas, tutore non aduente, ad quem post mortem infantis transmittatur.

6. Hereditas pupilli, qui maior est infante, quomodo & acquiratur & transmittatur.

HAc lege ius constituitur in primis animaduersione dignum de hereditate, quæ pupillo delata sit, tum acquirenda, tum non quæsitæ transmittenda. Sic quoque aliud ius lex constituit in infante, aliud in eo qui sit maior infante. In infante vtraque in parte, id est, tum in acquirenda, tum in transmittenda hereditate lex ius constituit singulare & nouum, a quo posterioribus constitutionibus recessum non est. In eo autem, qui maior est, ius antiquum obinet. Rursum in infante distinguitur is infans, qui patrem aut alium parentem masculum habet, ab infante, qui parentem mortuo est in potestate tutorum. De eo qui patrem habet ius est constitutum in *pr. & vers. 2.* Ac primum de hereditatis infanti acquirendæ ratione, ad hanc sententiam.

Quæcunque *†* hereditas delata erit infanti, qui parentem habet masculum, hanc pater solus infantis nomine adire potest eique acquirere. In quo si regulas iuris sequemur, multa sunt, quæ huic sententiæ aduersantur, sed, ut dixi, ius singulare est constitutum & nouum, ideo quæ contradicuntur nihil negotii est diluere. I. Opponitur *l. potuit sup. h. vbi* cauetur hereditate pupillo delata ipsius actum & voluntatem esse necessariam in hereditate accipienda. Respondeo: Hac lege infantem excipi, in quo propter utilitatem infantis ab eo iure consulto discessum sit, & merito. Nam infans neque hereditatem adire potest, ut illius dominus, neque pro herede villo modo gerere, si vere iudicare volumus. Nam pro herede gerere facti est, sed & nihilominus animi est, nec quicquam gerit, nisi qui animo agnoscit hereditatem, *l. pro herede 3. l. geri. de acquir. her.* Proinde priusquam hereditas infanti amittatur, recte constitutum est, ut ei acciperetur a patre, quamuis ipso ignorante nec consentiente, qui alioqui nullum intellectum habet, *§. pupillus. de iur. stip.*

Pugnat etiam hoc ius cum regula iuris de acquirenda hereditate. Nam quibus ex causis repudiari hereditas non potest, iisdem nec acquiri potest, *l. si quis extraneus. §. 1. de acquir. her.* Pater autem sine consensu infantis repudiare hereditatem non potest, *l. is qui heres. §. ult. de acquir. her.* Proinde nec secundum hanc regulam acquirere potest ignorante infante. Sed hic ius singulare est pro utilitate infantis constitutum, ut ei acquiratur hereditas. Postremum est commune ius, quo constitutum est, ne cui hereditas ignorantia acquiratur & inuitus obligetur ære alieno, *l. 6. in pr. de acquir. her.* quo placet pupillum, ne auctore quidem patre obligari posse, *l. vlt. §. pupill. de verb. oblig.* Sed & hic, ut dixi, ius singulare est, vbi non de obligando tantum infante agitur, sed hereditate ei acquirenda: neque iniquum est, infantem ignorantem, per consequentiam obligari. Nam si maiora sunt commoda hereditatis, quam incommoda, nul-

lum

lūm dānnum est infanti hereditatem acquisiuisse.

Quod si maiora erunt incommoda, quæ præter spem emerferunt, ut sit, ne hoc quidem ei damnosum est, quia licet ei cum adoleverit aut sui iuris factus fuerit, impetrare in integrum restitutionem, *l. ult. §. ubi autem. j. qua liberis.*

Ut autem singulare ius est in ratione hereditatis infanti accipiendæ, cum patrem habet, ita & singulare ius est in hereditate transmittenda. Nam hic in *versic. 2.* ita constituitur. Si pater hereditatem infanti delatam adire neglexerit, patrem eam hereditatem mortuo infante iure patrio capere posse, quasi infanti fuisset quæsitā. In quo primum singulare ius est, quod constituitur de hereditate transmittenda, quæ adita non fuerit, neque ab infante, neque a patre. Est enim contra regulam iuris, hereditas non adita non transmittitur, *§. in nouissim. infr. de cond. tollend.* Et ideo hic casus notandus est, & adiciendus his, in quibus regulæ iuris locum non habere dixi *ad leg. 1. supra.* Deinde & illud singulare, quod placet, hanc hereditatem non transmitti ad heredes quosvis infantis, sed ad parentem masculinum duntaxat. Ait enim constitutio, iure patrio: deinde in *§. si vero. eadem lege.* constituitur ita, si infans, qui non habet parentem, decedat hereditate non adita, ut hereditas non transmittatur ad eius heredes, sed redeat ad eos ad quos pertineret, si infanti non esset delata.

Hic quæsitum est, quo iure pater eam hereditatem capiat, & an capiat iure peculii: nam quotiescunque filius familias intestatus decedit, ut hic infans, qui fuit in potestate, decessit, toties pater bona filii occupat tanquam sua, peculii iure, etiam si essent bona castrensia, aut quasi. multo magis si erunt aduentitia? *l. 2. de pecul. cast.* Hoc autem ideo quæritur, quia si pater hanc hereditatem peculii iure occupat, eam capit ipso iure sine vlla additione, suo iure, eoque erit ea adita non erit, nihilominus eam transmittet ad quoscunque heredes. Et dicendum est eam hereditatem patrem peculii ratione & iure occupare non posse. Prius est enim, ut ea hereditas fuerit in peculio infantis, ut tanquam peculium infantis occupari possit. Nunc autem in peculio infantis esse non potuit, cum illi non fuerit quæsitā. Præterea hanc hereditatem peculii iure non capere patrem, argumentum certissimum est, quod placet in hac ipsa constitutione eam hereditatem etiam ad parentem pertinere, si infans sui iuris fuerit, non in potestate patris, *versic. ea vero.* Infantis vero & eius filii, qui in potestate patris non est, nullum peculium est, *l. ult. quando act. de pecul. l. ult. cir. fin. sup. de inoffic. test.*

Sed an pater hanc hereditatem capit tanquam heres? Respondeo: Nec id quidem, alioqui si tanquam heres caperet, etiam ea hereditas ad reliquos infantis heredes pertineret, ubi pater non esset, quod secus est, *§. si vero. infr.* Quo iure igitur capiet? Id expressum est in constitutione. Capiti iure patrio, id est, ut heres quidem, sed non solum ut heres, verum etiam ut pater, ac nisi pater esset, non caperet in quo singulare ius perspicitur patris causa maxime constitutum. Hoc loco quæsitum est, an recessum sit ab hoc iure ex *Novell. constit. Justin. de hered. ab intest. venientibus. §. 1.* Cuius summa comprehensa est in *Auth. defuncti. infr. ad Tertull.* Nam illic constitutum, si quis intestatus decesserit sine liberis, relicto patre & matre & fratribus, hereditatem inter ipsos

ex æquo diuidi, non solum ad patrem pertinere. Num ergo idem dicemus in hac hereditate infanti delata, quæ non adita ad patrem iubetur pertinere? Respondeo, speciem huius legis ad constitutionem Iustiniani non pertinere villo modo, & ideo manere huius legis constitutionem. Nam Iustiniani constitutio loquitur de hereditate defuncti, quam vult inter superscriptas personas ita diuidi, ut diximus. Nunc autem ea hereditas, de qua ibi agitur, infantis non fuit. Non obstant verba huius constitutionis, cum dicitur, patrem eam hereditatem capere quasi infanti esset quæsitā. Hæc enim verba sunt similitudinis, quæ non significant vere quæsitam esse, sed cum de transmittenda agitur, perinde habendam esse, quasi quæsitā esset, ut acquiratur patri, sic in *l. pretio. de impub. in fin.* dicitur hereditas restitui, verum ex causa fideicommissi, ubi tamen nullum fideicommissum est.

Hæc de infante, qui parentem habuit. Quod si si parente defuncto infans sit in potestate tutoris: hic singulare ius est in ratione acquirendæ hereditatis: in transmittenda autem hereditate ius antiquum est. Nam in *§. parente.* ita statuitur, etiam tutorem infantis nomine hereditatem adire posse, eique quærere, quod hic singulare est, constitutum contra *l. potuit. sup.* & contra eas rationes, quas illic reddidimus. Sed hoc, ut dixi, infantis causa est constitutum, cum per ipsum hereditas quæri non posset, ut qui nullum intellectum habeat.

Et si notandum tutore ita adeunte, sic acquiri infanti hereditatem, ut eo mortuo transmittatur ea hereditas ad quosvis eius heredes, tum enim solum non transmittitur, cum hereditas a tutore adita non est, ut est in *§. si vero.* ubi colligitur, differentia notanda inter infantem & furiosum. Nam si furioso hereditas delata sit, placet quidem hereditatem ei viuo tribui, ut administraretur per legitimum curatorem, tanquam furioso quæsitā. Ceterum si furiosus in eodem morbo decedat, non pertinet ad furiosum hereditas, sed ad eos, ad quos pertineret, si furioso non esset delata, *l. ult. §. pen. sup. de curat. furiosi.* Differentiæ ratio est in auctoritate tutorum & curatorum. Tutor hereditatem accipere & acquirere potest infanti, quia infantis quodāmodo loco est. Tutor enim personæ datur: curator non personæ, sed rebus, *l. in postulando. sup. de nupt.* Et ideo dicitur curatoris auctoritas inutilis esse pupillo ad acquirendam hereditatem, *l. cum in uno. §. ult. de appell.*

Quod si si tutor hereditatem non adierit, infans postea decedens hereditatem non transmittet ad heredes suos, sed redibit hereditas ad eos ad quos pertineret, si infanti delata non esset, ut est in *d. §. si vero.* Quod ita intelligendum est, nisi fuerit hereditas patris, cuius in potestate fuerit infans. Nam hæc infanti quæritur ipso iure, ut de suis heredibus dixi *ad leg. 3. §. sui. Instituit. de hered. que ab intestato.* Quæsitā infanti non potest quin ad eius heredes pertineat. de quo quia quidam dubitant propter verba huius loci, non abs re erit, hanc sententiam paucis confirmare. Statuitur autem certa auctoritate & manifesta ratione. Expressa est hæc sententia in *leg. 3. supr.* sed aperissime in *Lapud hostes. de suis & legitimis heredibus. l. qui duos. §. qui in bello. de rebus dubiis.* Ratio autem certa hæc est: Hereditas defuncti ad eius heredes legitimos citra controuersiam pertinet. At hereditas patris infanti delata est, si infans suus heres

existit. Probatum ex definitione hereditatis: nam hereditas cuiusque est successio in vniuersum ius, quod is moriens habuit. At infans, qui suus heres existit, hereditatem patris habuit, utpote iure ipso sibi quaesitam. Ergo hæc ad quosuis legitimos eius heredes pertinebit. Non debemus moueri in contrarium verbo huius §. *sin vero*. eo quod constitutio loquitur de qualibet hereditate infanti delata. Nam temperamentum adiicitur, ex quo intelligimus, de hereditate extraneo infanti delata agi. Agitur enim de hereditate, quæ a tutore adeunda sit, §. *præcedenti*, deinde de hereditate deuoluta; item de hereditate non adita. Hæc etiam verba suis heredibus non conueniunt, sed extraneis. Nam in suis heredibus aditio nulla est, *l. in suis. de suis & legit.* Præterea hereditas patris ad liberos suos heredes, non tam deuoluta dicitur, quam dominium continuari, ita ut videatur nulla successio fuisse, *l. in suis. de lib. & posthum.*

6. Hactenus de hereditate infanti delata. Quid si pupillus maior erit infante? De eo constituitur in §. *ult. hic.* & constituitur ita, ut ius antiquum seruetur, tum in ratione acquirendæ hereditatis, tum in hereditate non adita transmittenda. Est autem hæc summa: Huiusmodi pupillum sine facto & voluntate sua hereditatem querere non posse, *iuxta l. potuit. sup.* Sed ei auctoritate opus esse ad hereditatem acquirendam. Adhibebitur autem patris auctoritas, si est in eius potestate, *l. more. §. ult. de acquir. hered.* Si pupillus sui iuris est, adhibebitur auctoritas tutoris, aut nullo tutore constituto adhibebitur decretum iudicis. Hereditate enim ita non adita, placet secundum regulam iuris, ut aditam non transmitti.

Ad L. 19. Cum in antiquioribus.

Cum in antiquioribus legibus, & præcipue in questionibus Iulii Pauli inuenimus filios familias paternam hereditatem deliberantis posse & in suam posteritatem hanc transmittere: & alius etiam quibusdam adiectis, quæ in huiusmodi personis præcipua sunt: eam deliberationem & in omnes successores, siue cognatos, siue extraneos duximus esse protelandam. &c.

S V M M A R I A.

1. Summa huius legis.

2. Heres an post annum, quo hereditatem sibi delatam cognouit, hereditatem adire possit.

S V M M A. Hæc est: Heres hereditatem sibi delatam & non aditam, nec tamen repudiatam, decedens, & una ius adeundi transmittit ad quosuis heredes, dummodo sciens hereditatem sibi delatam, decedat, & decedat intra annum, ex quo sibi delatam cognorat: sic vero transmittit, ut quod ex eo anno reliquum est, tantum relinquat heredibus suis ad deliberandum, non amplius. Tribuitur hoc ius in hereditate delata. Nam non delata hereditate, heres neque hereditatem habet, neque ius eius acquirendæ. Qui nihil habet, nihil potest heredi suo tradere iuxta regulam iuris. *l. nemo plus, &c.* Tribuitur præterea in hereditate non adita, non quod hereditas non adita multo magis transmittatur, sed ut intelligamus, hic beneficium constitui a Iustiniano, contra regulam iuris, qua efficitur, hereditatem non aditam non transmitti. *l. vñ. §. in nouissimo. de cond. toll.* Tribuitur præterea in hereditate non repudiata: nam hereditas repudiando in totum amittitur, ut nec ipse heres, qui repudiavit, si viveret, possit eam adire, *l. 4. inf. tit. prox. l. is qui heres. de acquir. her.*

Hoc ius tribuitur duabus conditionibus. Vna, si heres cui delata est hereditas cognouit aliquo modo sibi delatam esse; proinde qui ignorauit delatam, nihil transmittit. In quo retinetur ius antiquum etiam in hac parte, quod traditur in *l. quoniam. sup. eod.* Et ratio est, quia est constitutio de iure deliberandi transmittendo. Non potest autem dici deliberare heres, si ignoret esse de quo deliberet. Altera conditio est, si decedat intra annum, ex quo sibi delatam hereditatem cognouit, quæ pars nullam aliam rationem habet, quam voluntatem legislatoris, cui visum est beneficium hoc suum intra hoc tempus concludere. Quid si annus is exceßerit, & heres adhuc uiuat, quaeritur, an possit postea hereditatem adire, propter verba huius constitutionis, cum scribit ita Iustinianus: Quod si is annus præterierit, heres cum sua successione ab huiusmodi beneficio excludatur. Sed in promptu responsio est, iis verbis non excludi ius adeundi, sed ius transmittendi arbitrii, seu transmittendæ deliberationis. Nam de hoc iure transmissio prius constitutum erat. Ius adeundi tributum lege heredibus perpetuum est, nisi a magistratu impetratum est tempus præstituendi ad deliberandum, ut ad *l. si curationis. sup. dictum.* At ius transmittendæ deliberationis non concluditur, & ideo verborum Iustiniani hic sensus est: Si heres post annum, quo sibi delatam hereditatem cognouit, decedat, neque ipse ius deliberationis ad suos transmittit heredes: neque heredes eius, si intra alterum annum, ex quo eam hereditatem olim fuisse delatam cognouerint, decedant, ius hoc transmittent, optima ratione, quia non acceperunt.

Ad L. 20. Quidam elogio.

Quidam elogio condito heredem scripsit in certas uncias, & post certa verba testamenti eundem in alias uncias, vel tantas, vel quantascunque & tertio vel in aliam partem hereditatis, vel in quendam unciarum modum: ille autem unam institutionem vel duas admittens, unam vel duas, vel quantascunque respuendas esse censuit: querebatur apud veteres, si hoc ei facere permittatur. &c.

S V M M A R I A.

1. Si quis delata hereditate dicat, se velle partem adire & partem repudiare, nihil agit.

2. Si quis hereditatis partem simpliciter adierit, reliquas partes quandoque sibi delatas inuitus admittere cogitur. & num. 3. 4. & seqq.

7. Heres pupillo exheredato substitutus, an post aditam paternam hereditatem, pupilli hereditatem repudiare possit.

8. Substitutus filio heredi ex parte instituto, si impubes hereditate patris sese abstinerit, an partem eam admittere cogatur.

9. Si coheres impuberi datus, eique substitutus mortuo pupillo velut hereditatem pupillarem amplecti & paternam omittit, an ei id permittatur?

10. Qui partem aliquam hereditatis simpliciter repudiavit, is ceteras quoque quamuis delatas habere nequit.

11. Omittit partem hereditatis & omittit aditionem partis quid differant.

Diximus initio, & significatur in *l. si ania. sup.* & *l. nec emere.* liberum esse extraneis heredibus, delatam hereditatem aut agnoscere aut repudiare, quoniam volentes non inuiti sunt heredes. Hoc loco admo-

admonemur recte dici, si de tota hereditate agnoscenda aut repudianda agitur, non idem ius esse de singulis partibus. Hic enim regula iuris veteris traditur, neminem eiusdem hereditatis sibi delatæ seu eius, quam acquirere potest, partem agnoscere posse, partem repudiare. Eadem ratio exstat in l. 2. de hered. acquir. l. vn. §. his ita. inf. de cad. toll. Ex hac ratione, veluti ex fonte, tria consequuntur, quæ totidem regulis iuris veteris comprehensa sunt, ex quibus vna hoc loco explicatur.

1. Illud efficitur, si quis † delata hereditate dicat, se velle partem adire, & partem repudiare, nihil agere eum, l. 1. de acquir. her. Quia qui ita adit & ita repudiat, contra ius adit & repudiat, vt quod pro imperfecto sit, quod ita agitur. l. non dubium. sup. de legib. 11. Ex eadem ratione efficitur, si † quis hereditatis partem simpliciter adierit, reliquas partes eius hereditatis quandoque sibi delatas, inuitus admittere cogitur, quod ita efficitur. Nam heres, qui ex aliqua parte heres existit, aditam portionem repudiare non potest, l. 4. infra. proxim. tit. Quod si eam retinere cogitur, hic locus sit regulæ, quam supra posuimus, eum qui vnam partem habet, reliquas habere debere. Idque ita est, quocumque modo reliquæ partes deferantur ei, qui aliquam partem agnouerit, id est, siue deferantur ei iure accrescendi, seu ex institutione, siue ex substitutione tum vulgari tum pupillari: iure accrescendi reliquæ partes deferuntur, hoc modo: cum is qui portionem aliquam adimit institutus cum aliis coheredibus, & hi portiones suas repudiauerint, aut non adita hereditate decesserint. Nam horum portiones iure accrescendi deferuntur ei, qui portionem suam ademit, ne idem defunctus pro parte testatus, &c. l. ius nostrum. de regulis iuris.

3. Sed an † volenti deferatur, an etiam inuito? Et placeat inuito. Hinc regula alia de iure accrescendi: Qui ex aliqua parte heres defuncto existit, eum deficientium partes etiam inuitum accipere, siue sint plures coheredes, ex testamento, siue ab intestato, l. qui ex duob. §. vltim. de acquir. hereditat. l. si ex pluribus. de suis & legitim. l. vn. §. his ita. de cad. toll. de quo dictum ad l. sup. quando non partes. Dixi & ad l. testamento. sup. de imp. Idem iuris est, si portiones reliquæ deferantur ex institutione ei, qui aliquam partem adimit, quod tunc contingit, cum quis solus heres institutus sit ex pluribus partibus disinctim, vt puta, Titius ex semelle heres cito: idem Titius ex triente, idem heres esto ex duabus vnciis. Hic dicimus, si Titius hereditatem adierit ex duabus vnciis, statim in totum heredem futurum, quæ species est huius legis in princ. Idque † adeo verum est, vt quamuis quis heres institutus sit ex vna parte pure, ex altera sub conditione, si naus ex Asia venerit, & adierit hereditatem ex pura institutione, statim in totum sit heres, etiam pro reliqua parte, non expectato euentu conditionis, quia etiam deficiente conditione nihilominus heres est, l. cum heres. §. vlt. l. qui ex duobus. de acquir. heredit.

5. Idem ius est, † & si reliquæ portiones deferantur ex substitutione, veluti duo sunt heredes instituti, primus & secundus; primus secundo heredi substitutus. Primus portionem suam adiit, secundus repudiavit, secundi portio deferatur primo ex substitutione vulgari. An volenti, an vero inuito? dicimus inuito accrescere, l. testamento. §. de impub. vbi dictum. Idem

probandum † est & si ei heredi, qui partem hereditatis adimit, reliquæ partes eiusdem hereditatis deferantur ex substitutione pupillari, quæ species est altera hoc rescripto decisa. Est autem hæc species facti. Testator filium impubem, quem habet in potestate, heredem instituit ex parte, & Titium extraneum ex altera parte, & huic filio substituit pupillariter, id est, sub hac conditione, si intra pubertatem filius decessit mortuo testatore. Impubes heres existit patri ipso iure vt suus: extraneus coheres portionem suam adiit, deinde filius impubes moritur, cum impuberis hereditas deferretur coheredi substituto, sed videtur ei damnosa, nolebat eam admittere, & contendebat, se non cogi eam habere, quoniam hæc alia esset hereditas quam patris. Placuit eum, qui paternæ hereditatis partem haberet, etiam impuberis hereditatem admittere cogendum, quod quibusdam ex veteribus primum visum est, vt Neratio, cuius hac de re sententia exstat in l. qui patri. de acquir. her.

Sed cum sententia haberet dubitationem, placuit Iustiniano eam hoc rescripto confirmari. Hæc igitur sententia hanc habet rationem, quia in hereditate impuberis est portio hereditatis paternæ, cuius qui partem habet, consequens est, vt reliquam eius hereditatis partem sibi ex substitutione pupillari delatam agnoscere cogatur, secundum regulam, quam initio posuimus, qua efficitur non licere ei eiusdem hereditatis partem habere & partem repudiare. Quod si coheres idemque pupillo substitutus cogitur admittere eam partem paternæ hereditatis, ex qua pupillus heres existit, & illud consequitur, vt totam hereditatem impuberis admittere cogatur, quoniam vna hereditas impuberis fuit, constans & rebus a patre acceptis, & rebus, quæ aliunde obigerunt. Porro eandem hereditatem delatam separare non licet, l. sed si plures. §. 1. de vulgar. & pupillar. Et hæc ratio est, quam obscurioribus verbis intelligit Neratius in d. l. qui patri. de acquir. her. Nam inquit: Pater pupillum impuberem inuitum obligat hereditati suæ. Facit enim eum necessarium heredem, quod si paternam hereditatem necessario habet pupillus, reliqua eius hereditas coniungitur paternæ: coniunctam substitutus totam habere debet, quia partem hereditatis paternæ accipere cogitur.

Sed hæc sententia videtur recipi non posse. Nam non potest coheres impuberis, qui partem hereditatis paternæ adiit cogi, admittere hereditatem impuberis, nisi in hereditate impuberis sit portio hereditatis paternæ. Nam duabus hereditatibus diuersis delatis, nemo prohibetur vnam adire & alteram repudiare, sed tantum prohibetur eiusdem hereditatis partem adire & partem repudiare, l. 2. de acquir. heredit. l. vn. §. his ita. §. de cad. toll. At duæ sunt hereditates in specie propositæ, quæ coheredi substituto deferuntur: Vna patris, ex qua heres existit: altera impuberis, quæ deferatur ex substitutione, quæ altera hereditas esse dicitur in §. agitur. Instit. de pupill. sub. st. Proinde hereditatem repudiare non prohibetur, licet paternam agnouerit. Respondeo: Hæc hereditas, quæ ex substitutione pupillari deferatur, est hereditas, sic tamen vt in ea pars reperiatur hereditatis paternæ, quam ideo necessario accrescere dicimus, & vna cum ea reliquas partes hereditatis pupillaris.

Sed rursus hic occurritur. Nam posteaquam pupillus patri heres existit, definit esse patris hereditas, & incipit esse patrimonium impuberis,

& hereditas, unde dicitur substitutio pupillaris fieri in bonis impuberis, non testatoris, *l. sed si plures. §. ad substitutos. de vulg.* Et ideo eadem quæ supra manet obiectio? Respondeo: Si portio paterna, ex qua impubes heres existit, sit impuberis, ut fiat quamdiu impuberis est. Ceterum ubi impubes moritur, retro recte intelligitur hereditas patris fuisse. Unde dicitur in substitutione pupillari, patrem substituere bonis suis, quatenus de bonis eius ad pupillum pervenit, *l. in ratione. §. quod vulgo. & §. seq.* ubi dicitur, patrem impuberi substituentem pupillariter, perinde habendum, quasi in bonis patris institutum sub conditione, si filius impubes decesserit, *l. in rationem. ad l. Falcid.* Rursum aliena ratione non videtur coheres idemque substitutus pupillo, cognita parte hereditatis paternæ, cogendus esse admittere pupillarem hereditatem. Nam ei, qui ex aliqua parte heres existit ita demum inuito accrescunt reliquæ portiones eiusdem hereditatis, si defecerint ceteri heredes, *d. l. qui ex duob. §. ult. de acquir. hered.* At in proposita specie impubes mortuo patre patri heres existit. Idque ita fingamus. Proinde portio illi quæ sita ad heredes eius legitimis pertinebit; non autem coheredibus accrescet, aut non inuito accrescet. Respondeo: In pupillari substitutione cum filius moritur impubes, dicitur deficere: deficit vero natura, cum mortuus hereditatem habere nequeat. In substitutione quidem vulgari heres, cum quis substitutus est, non dicitur deficere, cum hereditatem adierit, sed hoc fit propter voluntatem testatoris, qui ex hac substitutione non vult hereditatem ad substitutum pertinere, nisi hac conditione, si institutus heres non erit. Non autem eo minus heres secundum naturam deficere dicitur, cum moritur. At in substitutione pupillari substitutus ex iudicio testatoris vocatur, siue impubes heres non erit, siue heres erit & impubes decesserit.

Oppugnatur præterea hæc sententia hoc dilemmate. Aut enim portio hereditatis paternæ, ex qua pupillus heres existit, iuncta est reliquæ impuberis hereditati, aut iuncta non est. Si iuncta est, non est amplius hereditas patris, atque ita iuncta coheredi accrescere non potest. Si iuncta non est, ipsa quidem accrescet coheredi, sed non accrescet reliquæ hereditati impuberis, quia iuncta hereditas non est, sed sunt duæ hereditates. Respondeo: Dici potest portionem hereditatis paternæ, ex qua impubes heres existit, & impuberis esse, & patris, diversis rationibus. Impuberis ita, quia ei quæ sita est: patris ideo, quia permittitur patri de ea statueré, ut de suis bonis, ut dictum supr. *argum. in l. Papin. §. sed nec impuberis. de inoffic. testamento.* Non est quod responderi potest, tamen apparet rem scrupulo non caruisse. Quamobrem Iustinianus recte fecit, quod hac constitutione eam sententiam confirmavit, tametsi eadem *in d. l. qui patri. de acquir. hered.* existat. quod ideo monemus ne stulte videatur Iustinianus unam ex suis decisionibus in hac specie posuisse, cum tamen hic videatur, nihil novi iuris constituisse.

Observandum est autem, in hac specie dici eum heredem, qui paternam hereditatem adiit, cogi admittere pupillarem, si idem pupillo substitutus sit, sed dici hac conditione, *si pupillus quoque patri heres existit*, ut sic intelligatur eiusdem hereditatis paternæ pars esse. Quid igitur si heres, qui hereditatem paternam adiit, pupillo exheredato sit substitutus? Respondeo: Palam est, duas hic esse hereditates sepa-

ratas. Una patris, altera impuberis. Proinde qui unam admittit, alteram repudiare non prohibetur, *d. l. 2. de acquir. hered. & d. l. un. §. his itaq. infr. de cod. toll.* Quid si substitutus sit filio heredi ex parte instituto, sed impubes se abstinerit hereditate patris? Respondeo: Pars hereditatis paternæ, a qua sese abstinuit, inuito substituto accrescet, cum sit pars eiusdem hereditatis paternæ, sed reliqua hereditas impuberis non accedet, neque acquiratur inuito, quia separatae sunt hereditates patris & impuberis, propter impuberis abstentionem. Quid igitur e conuerso dicemus, si coheres impuberi datus eidemque substitutus mortuo pupillo velit hereditatem pupillarem amplecti, & paternam omittere, an ei permittitur? Resp. Hic eadem distinctio & responsio adhibenda est, quæ supra si pupillus patri heres existit, nec se abstinuit, substituti hereditas separari non potest, *l. sed si plures. §. & filio. de vulg.* Idemque efficitur ex hac constitutione in extremo. Quod si heres substitutus erit filio exheredato, non prohibetur pupilli hereditatem amplecti, omiſsa patris hereditate, dummodo ex testamento patris quis heres existerit, ut tabulæ pupilli confirmantur. Hæc species est *l. quæsitum. de acquir. hered.* Quod si heres a patre substitutus sit filio impuberi item heredi instituto, & si impubes abstinerit hereditate, placet omnino hoc casu substitutum, pupillarem hereditatem adire posse, repudiata patris successione, *l. filius qui se. l. Iulianus. de acquir. her.* Neque hoc casu exigimus, ut aliquis heres ex testamento patris hereditatem adeat, quo tabulæ pupillares confirmantur. Satis enim confirmatur testamentum patris hoc ipso, quod suus heres pupillus patri existit. Hæc omnia efficiuntur ex eo, quod secundum colligi dixi ex illa regula: Neminem eiusdem hereditatis partem habere posse & partem omittere.

III. Ex eadem regula efficietur, quod pertinet ad eum heredem, qui partem hereditatis repudiet. Quemadmodum igitur, qui partem hereditatis simpliciter adit, una additione ceteras delatas admittere cogitur. Ita igitur contra, qui partem aliquam hereditatis simpliciter repudiat, is ceteras quoque quamvis delatas, habere nequit. Hæc sententia vulgo non recipitur, propter errorem, qui nascitur ex *l. si tamen ex parte. §. ult. de acquir. her.* Sed ea sententia nihil verius. Primum diserte positum est *in l. sed si plures. §. filio. in fin. de vulg.* Præterea certissima ratione hæc sententia nititur: ut enim qui partem hereditatis adit, eam partem amittere non potest, ex quo consequitur, ut reliqua necessario postea accedat: sic certi iuris est, eum qui partem hereditatis repudiavit, amplius eam partem habere non posse, *l. 4. infr. prox. tit.* Ex quo consequens est, ut una ceteræ quoque partes amittantur, alioqui eueniet, ut heres eas habere possit, & non possit habere eam, quam iam repudiavit, quod est contra regulam superiorem, qua fit, neminem eiusdem hereditatis partem habere posse, partem non habere.

Mouentur in contrarium vulgo ex *d. l. si tamen ex parte. §. ult. de acquir. hered.* ubi dicitur, si quis ex parte heres institutus sit, & ex parte coheredi suo substitutus, deinde ex substitutione ea deferatur, esse in potestate heredis omittere additionem ex institutione, & postea ex substitutione adire, & e conuerso. Sed multum igitur interest inter omittere partem hereditatis, & omittere additionem patris. Is omittit partem hereditatis seu hereditatem, qui repudiat. Hoc qui facit

facit, reliquas partes habere non potest neque ex substitutione, neque ex institutione, d. l. sed si plures. §. filio. de vulg. Omittere autem aditionem hereditatis seu partis, est specialiter non adire, etiam si non repudies. Estque hic illius loci sensus: Cum eidem heredi pars hereditatis deferretur ex institutione, pars ex substitutione, vnius partis aditione totam hereditatem acquiri. Nec refert vtrum partem habeat ex institutione, altera parte non adita ex substitutione, an veto ex substitutione partem habeat, omissa aditione ex institutione.

Ad L. 21. Cum aliquis.

Imp. Iustinian. A. Ioanni PP.

Cum aliquis scripsit heredem eum, qui de sua conditione ei, qui dominium eius vindicabat, in iudicio aduersabatur, is autem, qui dominum se esse dicebat, adire eum heredem imperabat, ut acquisitio hereditatis per eum celebraretur, indignatus est quasi domino ei parere. &c.

S V M M A R I V M.

De statu suo litigans seruus, heres institutus ab extraneo, quando hereditatem adire cogendus sit, quando non?

IS qui ex possessione † hereditatis se liberum esse contendens de statu suo iudicio litigat, si institutus ab extraneo heres, iubeatur ab eo, qui se dominum dicit hereditatem adire, hic constituitur, interdum adire eum cogendum, interdum vero non cogendum. Si institutus est cum hoc elogio & demonstratione illa: Illius seruus mihi heres esto. placet cogendum esse adire, tanquam institutum contemplatione possessoris, qui pro domino habeatur. Sin simpliciter institutus sit, placet non esse cogendum, sed expectandum euentum iudicii liberalis. Quo casu autem dicitur cogendus esse hic, qui de statu suo litigat? adiicitur eum cogendum esse per iudicem. Merito. Quia ordinata liberali causa, seruus pro libero habetur, l. ordinata. de liber. causa. Et sic consequens sit, eum qui non putatur habere dominum, a iudice cogi posse. Cogendi autem ratio est in minis & verberibus, quæ in seruum hominem cadunt. Itaque cogetur a iudice, his rebus adhibitis, quibus a domino cogeretur, si dominum haberet.

Sed videtur hic seruus cogi non posse vllō casu hereditatem adire. Id enim in l. 3. in fin. scriptum est, sup. de inst. & sub. idque scriptum est de eo, quem constat seruum esse, diciturque eum non posse adire. (appareret ex glossa, difficultatem esse summam) Respondet: Necessitas est duplex: Vna absoluta & præcisa. Altera, quæ dicitur a Cicerone necessitas cum adiuncto, necessitas consequentiæ. Absolute & præcise seruus heres institutus cogi non potest, licet enim ei conterrito omnibus minis & verberibus obstinate hereditatem non adire: at cogi potest eaneccessitate quam consequentiæ dicimus. Adhiberi enim possunt minæ & verbera, quæ in se ille noluerit suscipere. Hoc autem posito consequitur necessitas adeundi. Nam nisi adeat ille, suscipere cogitur, quæ dixi. De priore genere loquitur l. 3. de inst. & sub. De posteriore autem hoc loco.

Ad L. ultimam. Scimus.

Imp. Iustinian. A. ad Senatum.

Scimus iam duas esse promulgatas a nostra clementia constitutiones: vnam quidem de his qui deliberandum pro hereditate sibi delata existimauerint: aliam autem de

improvisis debitis, & incerto exitu per diuersas species eis imposito. Sed & veterem constitutionem non ignoramus, quam diuus Gordianus ad Platonem scripsit, de militibus qui per ignorantiam hereditatem adierunt, &c.

S V M M A R I A.

- 1 Constitutionis huius duo capita.
- 2 Ius inuentarii conficiendi duas partes continet.
- 3 Inuentarium quid sit.
- 4 Vnde dictum inuentarium.
- 5 Ritus in inuentario conficiendo requisitus.
- 6 Intra quantum tempus inuentarium confici debeat.
- 7 Quæ circa hoc tempus heredi sint observanda.
- 8 Inuentarium quæ præter descriptionem rerum continere debeat.
- 9 Inuentarii rite confecti effectus.
- 10 Commoda hereditaria quæ sint.
- 11 Incommoda hereditaria tria.
- 12 Heres potest omnes impensas necessarias hereditatis causa factas retinere.
- 13 Impensa necessaria hic quæ sint.
- 14 Creditores quæ actione consistant aduersus legatarios, cum quibus nihil contraxerunt.
- 15 Tempus deliberandi adeunda hereditatis quorsum peti attineat.
- 16 Incommoda inuentarii.
- 17 Tempus deliberandi adeunda hereditatis a quo impetretur.
- 18 Tempus id quantum sit.
- 19 Tempus deliberandi non impune peti.
- 20 Heredi an liceat statim adire aut repudiare hereditatem spretis his duobus beneficiis inuentarii conficiendi & deliberationis.

Initio huius tituli dixi, hereditatem obligare nos iure alieno. Aduersus hoc incommodum remedium quaritur. Id autem remedium vnum veteribus ante tempora Iustiniani positum fuit in deliberando. Nam si quis res hereditarias diligenter agnouisset, poterat statuere, vtrum hereditas soluendo esset vel non, vt si putaret heres expedire, eam adiret, sin minus vt damnosam repudiaret. Sed experientia docuit, hanc etiam viam esse periculosam. Nam diu deliberabis, & mature tamen potest emergere res alienum, quod prius latebat. Fieri enim potest, vt quæ res putabantur hereditariæ, non sint. Ob hanc causam visum est Iustiniano, hic remedium inducere, quo adhibito secure heres hereditatem adire, sine vllâ deliberatione potest. Id autem est, si inuentarium conficiat secundum formam præscriptam, quod tamen remedium hic ita introduxit, vt nihilominus ius deliberandi relinqueret integrum heredibus, verum hac conditione, vt si deliberationem petierit heres, non impune id faciat, quæ huius constitutionis est sententia. Itaque eius constitutionis † duo sunt capita summa. I. De inuentario faciundo. II. De deliberando. De priore agitur in §. finali dubius. Et hoc quidem vsque ad finem legis.

Iuris † de inuentario hæc summa est: Si quis heres delata hereditate ex præscripto huius legis inuentarium confecerit rite, is statim ab initio secure hereditatem adit, & sine periculo. Hoc ius duas partes continet: vna est de ritu, qui hic sit observandus: altera quis sit effectus inuentarii recte confecti. Inuentarium † autem est descriptio rerum hereditariarum literis consignata, quod & Repertorium vocatur, l.

4 *tutor qui repertor. de administ. tutor.* Inde et dictum, quod sit scriptura eiusmodi, ubi res quas sita inueniri
 5 & reperiri possint. In et ritu a Iustiniano praescripto haec obseruanda sunt: intra quod tempus hoc confici debeat, per quas, quibus personis, & quid continere debeat, qui ritus comprehensus est in §. *sin autem dubius.* Tempus et huic rei praestitutum aliis sunt sex
 6 menses, aliis annus. His quidem qui degunt in iis locis, in quibus hereditas, aut maior pars hereditatis sita est, sex menses; his autem qui absunt, annus. Sed sex menses computandi ex eo solum tempore, ex quo delatam sibi hereditatem cognouit; annus autem ex die mortis testatoris. haec indicantur in §. *sin autem dubius. in prin. & vers. sin autem a locis, item in §.*
 7 *donec.* Circa et autem hoc tempus legitimum monendi sumus, ita hoc tempus praestitui, ut si intra hoc tempus heres inuentarium non patefecit, teneatur omnibus hereditariis creditoribus: *l. qui antea adiit. §. sin vero.* priusquam autem hoc tempus praeteriit, totum id spatium liberum esse heredi, quamuis adierit hereditatem sub beneficio inuentarii, ut vulgo loquimur, id est, adierit testatus se velle inuentarium conficere, & beneficio huius legis uti.
 • Sic autem liberum illi hoc spatium esse dicimus, ut inquietari non possit, nec a legatariis, nec creditoribus hereditariis, §. *donec.* Hoc tamen adiecto, ut si creditores interim praescriptiones temporis metuant, illis praescriptio non cedat, quoniam agere non possunt iuxta id quod vulgo traditur, ei qui agere non potest, non currit praescriptio, *l. i. §. i. infr. de annali except. per quas tabell. conficiuntur.* Quod ex iis verbis Iustiniani intelligitur, cum iubet inuentarium confici sententia tabelliariorum, *dict. §. sin autem dubius.* His autem verbis intelligitur non solum debere praesentes esse tabularios, sed ita praesentes esse, ut per eos conficiatur. nam alias infra superuacua requireretur subscriptio heredis: deinde non adhibentur tabularii, ut testamentum faciant, alioquin quibus populares sufficerent, sed adhibentur ut pro officio publico tabulas faciant, & notandum, tabularios exigi, non tabellarium, ut sciamus, si tabellarii adhibentur, plures adhibendos. Cum enim non subscribitur, duo sufficiunt, *l. ubi de testamentis.* Personae etiam aliae praesentes sint. Adiicitur enim *dict. §. sin autem dubius.* sub persona ceterorum, qui ad eam confectionem sunt necessarii. Quibus verbis verisimile est intellexisse Iustinianum vel alias personas, quae publico munere fungerentur, praeter tabularios, vel alios testes, si forte vnus tantum tabularius esset adhibitus. Hodie autem ex constitutione N. i. x. intelligimus adhiberi debere ad hanc confectionem, praeter tabularios, etiam legatarios & fideicommissarios, quibus itidem aliquid testamento relictum est, & si absunt, debere ad minimum adhiberi tres idoneos testes.

8 Continere et autem inuentarium debet praeter descriptionem rerum, quae a tabulario facta est, etiam subscriptionem heredis, qua profiteatur heres, se agnoscere quantitatem rerum ibi descriptarum, apud se res eas esse, praeterea nihil se adhuc in illis dolo fecisse, neque porro facturum. Quod si heres literas non nouerit, aut scribere non poterit, cauetur ut eius loco alius tabularius adhibeatur, qui eius nomine idem subscribat, adhibitis idoneis testibus, qui & heredem norint, & interfuerint, cum mandaret tabulario subscriptionem. *Haec in dict. §. sin autem*

dubius. Inuentario hoc modo rite confecto effectus hic et est, ut heres secure & sine periculo hereditatem adeat. Ista enim duo continet, ut quaecunque commoda sunt hereditaria, ea heres habeat: quaecunque autem sunt onera & incommoda, ea non noceant heredi. Commoda et hereditaria duo haec sunt: Primum ut heres succedat in ius & dominium omnium rerum hereditariarum, *l. heres in omne. de acquirend. heredit. l. cum heredes. de acquirend. possessio.* Hoc ius cum omnibus ceteris heredibus tribuatur, etiam qui non fecerint inuentarium, dubium non est, quin ad eum, qui inuentarium fecit, pertineat. Deinde hoc lege Falcidia tribuitur heredibus, ut si supra dodrantem hereditatis legata relicta sint, possit heres de singulis legatis quartam retinere, *l. i. ad leg. Falcid.* Et hoc beneficio utetur heres, qui inuentarium confecit, *Instit. h.*

Incommoda et autem hereditaria haec tria sunt. I. Quod hereditate adita obligatur heres atri alieno, *l. more. de acquirend. heredit.* II. Quod si heres hereditate adita, quid impendit, quamuis necessario in res hereditarias aut propter commodum hereditatis, nullam eo nomine actionem habeat. Non enim potuit sibi obligare hereditatem, cum eam iam haberet, & secum negotium ipse haberet non cum hereditate. Non poterit etiam obligare defunctum, quoniam cum illo nihil contraxit. III. Quod si heres aliquas actiones habuit aduersus defunctum, haec adita hereditate, confusione amittuntur, *l. si debitum. supr. de pact. l. si Strychum. §. adiuo. de substitutionibus.* Haec incommoda ex hac constitutione non metuit heres, qui rite fecit inuentarium. Primo enim non tenetur legatariis aut creditoribus hereditariis ultra vires hereditatis, *dict. §. et si praefatum.* Et hoc nullam dubitationem habet, si constet de viribus hereditatis.

Quod si de his controuersia inter heredem & creditores & legatarios erit, qui plus in hereditate fuisse dicant, quam in inuentario descriptum sit; placet in hac controuersia iure dubio stare inuentario, sic tamen ut postulantibus creditoribus & legatariis heres iurare debeat, nihil se amplius scire, quam illic contineatur. Quod si creditores vel legatarii docere parati sunt, plus esse in hereditate, audiendi sunt, & si probauerint, aliquid amplius esse, vel etiam heredem id amouisse, vel subtraxisse, vult Iustinianus non tantum id habendum in hereditate, quod reuera est hereditarium, verum etiam heredem in duplum, id est, in alterum praestandum, damnandum esse, ut vel praestet, vel in hereditatem computet. Haec summa est §. *licentia.*

Quod ad impensas et ab herede factas per causam hereditatis attinet, placet eum omnes necessarias eius generis impensas retinere posse, §. *in computatione.* ubi notandum est, inter necessarias impensas numerari impensas factas in funus, item in insinuationem testamenti, de quo sub titulo, *Quemadmodum testamentum aperiantur. infra.* & et in confectionem inuentarii factas, tamen si haec videri possint utiles esse magis, quam necessitate vlla factae, cum heres non cogatur inuentarium facere: illa citra controuersiam necessaria sunt, cum iumenta & pecora paut, familiam hereditariam aluit, item cum res hereditarias fulcit & restaurat, item cum ea, quae seruari non possunt, distrahit, & in ea distractione aliquid impendere coactus est.

Tertium incommodum confusionis remouetur iudem hereditate, d. §. in computatione. vt scilicet heres, qui aliquam actionem aduersus defunctum habuit, quamuis adierit hereditatem, tamen debitum possit retinere, non minus quam ceteri creditores extranei, cum quibus eodem iure vtetur, de quo mox dicemus.

Solum hoc onus iniungitur heredi, qui inuentarium rite facit, vt teneatur legatariis & creditoribus, quatenus facultates patrimonii ferant. in quo hoc tamen ei commodum praestatur, vt quibuscunque primo loco soluerit petentibus hoc, nihil ei noceat: & ideo si primo legatarii veniant, iis recte soluet legatum, quibus solutis, si nihil superest creditoribus hereditariis, nihilominus securus est heres. Item si inter creditores hereditarios hi primo loco veniant, qui iure temporis posteriores sunt, nihilominus his recte soluet heres, nec tenetur antiquioribus creditoribus, si prioribus dimissis nihil superest in hereditate. Sed hæc non nocent creditoribus, quæ summa est §. *et si prefata*. Nam si res ageretur inter legatarios & creditores, & hereditas omnibus soluendo non sit, semper præferentur creditores legatariis, qualescunque creditores sint, siue sint hypothecarii, siue chirographarii, id est, hi qui nullas hypothecas habentes constitutas chirographo nituntur vt crediti cautione. Idque æquissimum est, semper enim magis fauendum est repetitioni, quam aduentitio lucro, l. non dedit. de reg. iur. Constat autem creditores certare de repetitione & damno vitando, legatarios autem de lucro agere. Sed ita creditores præferuntur legatariis, vt si legatarii prius legata consecuti sint, & exhausta sit hereditas, creditores regressum habeant non aduersus heredem, qui legata soluit, & eo facto liberatus est; non etiam aduersus emtores hereditarium rerum, quas vendidit heres, & quarum pretium verit in præstationem legatorum, aut in dimittendis aliis creditoribus: sed aduersus ipsos legatarios, qui priore loco legata immerito sunt consecuti, cum creditores illis oporteret præferri.

14 Quæritur ¶ qua actione creditores consistant aduersus legatarios, cum quibus nihil contraxerunt? Et datur duplex actio hoc loco aduersus legatarios, aut hypothecaria, aut condictio ex lege. Hypothecaria tunc locum habet, cum res hereditaria aliqua præstita sunt legatariis, quibus erant legata, & si creditores agunt, quibus res hereditaria obligata erant pignori. Condictio autem ex lege tunc locum habet, cum creditores non persequantur hypothecas, sed tanquam debitum a legatariis petunt. Hanc actionem hic introduci oportuit, quia reuera legatarii cum creditoribus nihil gesserunt negotii, cum legatum acceperunt, & ideo condictio ex lege locutus est, ex definitione, quæ traditur in l. unica. de condictio. ex leg. Similiter si ex creditoribus hi occupant debitum, qui hypothecas posteriores tempore habent, aut qui nullas habent, ab iis debitum auocabunt hi creditores, qui hypothecas habent & eas antiquiores. Ex quo colligimus, si hi creditores, quibus adhuc solutum non est, nullas hypothecas habeant, non habere regressum aduersus eos creditores, qui suum iam consecuti sunt, quantumuis hi qui nunc agunt sint priuilegiarii, id est, hi quibus debetur ex ea causa, quæ inter creditores prærogatiuam habet, vbi bona a creditoribus possideri iussa sunt. Hæc, inquam, summa est totius §. *et si prefata*. Quod si heredi

debeatur aliquid a defuncto, heres in eadem causa erit cum reliquis creditoribus, vt dicitur in d. §. *et si prefata*. Sensus est: Potest heres debitum suum retinere, sed si qui creditores hypothecas tempore priores habebunt, hi heredi præferentur. Hæc disputatio huc redit, vt intelligamus ita heredem teneri legatariis & creditoribus hereditariis, intra modum facultatum hereditarium, vt tamen etiam in hac parte eius solutio qualis erit non noceat. In quibus omnibus spectantur commoda inuentarii recte confecti. Et hæc tenet de priore cap. huius legis.

Alterum caput est de deliberando, de quo agitur in §. *et hac quidem. usque ad fin.* in quo hæc summa constituitur. Tametsi superiori beneficio inuentarii constituti, non est necessaria deliberatio heredibus ad adeundam hereditatem, tamen liberum illis relinqui etiam ius deliberandi impetrare: & adiicitur, a quibus impetretur, quod tempus præstitatur ad deliberandum. Postremo non impune deliberationem peti, contempto superiori beneficio: & adiicitur, quæ in eo incommoda sint.

Peti ¶ igitur deliberandi tempus potest, sed quor- 15 sum peti attinet, aut potius quis post superius beneficium tam stultus erit, vt rem non necessariam cum incommodo postulet? Respondeo: Inuentarii confectio etiam sua incommoda habet, quæ plerique fugientes malunt ius deliberandi impetrare.

Inuentarii ¶ incommoda sunt. I. Quod non sine 16 magnis sumptibus fit inuentarium, in magnis præsertim hereditatibus, non etiam sine sumtu aluntur tabularii, personæ publicæ & testes qui adhibentur, nec statim res hereditariæ discutuntur, vt discussæ & cognitæ rectius inuentario describantur. Et tametsi in damnosa hereditate heres hos sumptus ante omnia deducit, §. in computatione. tamen si hereditas soluendo est, certum est hereditatem his sumptibus valde minui. Alterum incommodum, cur plerique inuentarium fugiunt, est, quod deteguntur facultates patrimonii, quas latere plerique volunt, vel propter inopiam latentem, vel inuidiam, quæ sequitur locupletes heredes. Ob hanc causam etiam nunc non est inutile ius deliberandi, ad adeundam hereditatem impetrare.

Hoc ¶ impetratur a iudicibus aut Principe, §. *et si 17 prefata*. Sed quid necesse postulare hoc ius a magistratu, cum heres apud se posset deliberare de hereditate? Nihil necesse est, si heres non vrgeatur a creditoribus hereditariis; sed illis suum persequentibus, alterum cogitur facere heres, aut his soluere, aut bonorum hereditarium distractionem pati, nisi magistratus auctoritas interueniat. Ob hanc causam ius deliberandi a magistratu petitur, vt intra hoc tempus non inquietetur a creditoribus heres, de quo dixi ad l. si curatores. sup.

Tempus ¶ ad deliberandum præstitutum sum- 18 mum est, vt a iudicibus non amplius dentur, quam nouem menses: a Principe annus duntaxat, ea lege, vt si amplius datum sit etiam a Principe, quasi non datum sit, neque verum tempus ad deliberandum liceat petere, eod. §. *et hac quidem*.

Sed videntur aduersari huic constitutioni quidam loci, l. 2. de iure deliberandi. vbi centum dies præstituntur cum minimum, deinde l. 1. eodem. dicitur, totum hoc tempus esse in arbitrio magistratus, vt pro rei qualitate id tempus statuatur. Sed inter hæc optime conuenit. Sunt enim inter hæc tempora quod ad

minimum, quod ad summum, quædam interiecta tempora. Si minimum tempus quaeritur quod dandum est, non minus quam centum dies dari oportet: si summum tempus quaeritur, non licet excedere novem menses iudices, Principis rescripto frustra exceditur annus. Sed non idcirco magistratus non potest aut amplius dare quam centum dies, aut minus præstituiere quam novem menses, sed id tempus statuet, quod satis sit ad deliberandum pro conditione hereditatis & distantiae locorum: atque ita moderatum tempus statuet, ut est in dicta leg. si curatores sup.

19 Sed non impune † petitur tempus ad deliberandum. Nam quædam incommoda denuntiantur his, qui contempto beneficio Iustiniani deliberandi ius petierint, & constituuntur hæc incommoda. I. Adeunt. II. Non adeunt. III. Repudiant. Et qui intra tempus ad deliberandum constitutum hereditatem adit, duo hæc incommoda denuntiantur. I. Quod omnibus creditoribus hereditariis in solidum obligetur, etiamsi inventarium rerum hereditariarum fecerit: deinde hoc incommodum, quod iubetur etiam post deliberationem impetratum inventarium facere, & nisi fecerit, hæc pœna est, quod non solum tenetur creditoribus in solidum, sed legatariis, quia legis Falcidiae beneficio carebit. Ea autem qui intra tempus constitutum adierit, tria hæc incommoda denuntiantur. Primo, quod etiamsi aperte non adierit, nihilominus perinde habetur, quasi adierit, eodemque modo obligatur creditoribus hereditariis in solidum, & non utetur beneficio l. Falcid. si inventarium non fecit. Ea autem qui intra tempus constitutum aperte repudiat, hoc iniungitur incommodum, ut nihilominus inventarium faciat, priusquam repudiet. Quod si non fecerit, hæc pœna statuitur, ut res omnes hereditarias restituat creditoribus, aut his, qui ad hereditatem vocantur, quantitatem rerum iureiurando eorum quibus restituuntur æstimandam, quæ summa est §. fin. autem. pen.

20 Quaeritur si quis † neutro ex his beneficiis uti velit, sed statim aut adire hereditatem, aut repudiare, an non heredi liceat? Et scriptum est in §. fin. legis huius. utrumque unicuique heredi licere, ut si adierit, statim subeat omnia onera hereditaria, una cum commodis hereditariis: sin repudiarit, nullo modo teneatur creditoribus, aut ullis oneribus hereditariis.

AD TITULUM XXXI. COD.

De repudianda vel abstinenda hereditate.

SUMMARIA.

- 1 Repudiare hereditatem, quid. & eius Synonyma. ibid.
- 2 Hereditas quomodo re & facto repudietur.
- 3 Eius est nolle, qui & velle potest.
Non quivis hereditatem repudiare potest.
- 4 Ut quis hereditatem acquirere possit qua requiratur.
- 5 Hereditas nisi delata nec adiri nec repudiari potest.
- 6 Delata hereditatis definitio.
- 7 Hereditatem ut quis possit consequi, quibus rebus efficiatur.
- 8 Viventis nulla est hereditas: itaque ea nec adiri nec repudiari potest.

9 Hereditas quot modis deferatur.

10 Testamento quomodo deferatur: quomodo item ab intestato. nu. 11.

12 Hereditas delata nisi ab scientia acquiri & repudiari non potest. Ratio ibid.

13 Hereditatem adire non potest, nisi, qui vult adire, possit obligare eum, qui acquirit. Idem in repudianda hereditate.

14 Pupillus & filius familias cur hereditatem adire non possint.

15 Repudiationis hereditatis effectus.

16 Abstinere hereditate quid.

17 Heres suus quando abstinere se intelligatur.

18 Ad impetrandam abstinenda hereditatis facultatem an pretor adendum sit.

19 Abstinenti facultas puberibus & impuberibus dissimili conditione data est. Rationes monstrantur ibid.

20 Immiscere se bonis quando suus heres dicatur.

21 Abstentionis hereditatis effectus.

22 Abstentionis potestas quando finiatur.

Exceptis servis necessariis heredibus, nemo omnium heredum inuitus hereditatem habere cogitur, sed a se remouent aliter extranei, aliter sui. Extranei repudiando: sui abstinendo. Hinc tit. de repud. & abstin. hered. ut sit de omittendo tam suis quam extraneis, quæ altera pars est tit. de acquir. hered. ff. De repudianda agitur in l. 4. & seq. De abstinenda reliquis legibus 1. 2. 3. & ult. De his igitur ordine dicemus.

Extranei heredes ut hereditatem adire, ita repudiare possunt. Repudiare est † nolle hereditatem ad se pertinere, l. filium. de acquir. her. ubi omittere hereditatem, & nolle ad se pertinere hereditatem, pro eodem usurpantur. Hoc idem iuris auctores dicunt recusare. l. recusare. de acquir. hered. Item omittere d. l. filium. eod. Item prætermittere, l. qui patri. eod. Ut hereditas animi destinatione acquiritur, sic contra destinatione repudiatur, §. ult. Instit. de her. qual. & diff. fer. Ad hanc destinationem animi, non est necesse, verbis id testari, sed re & facto, hereditas recte recusatur & quouis indicio voluntatis, d. l. recusare. eod. Quomodo repudietur verbis, notum.

Re autem & facto † repudiari hereditas intelligitur, quoties heres aliquid facit, quod vtiliter facere non potest, nisi vellet prius repudiatam hereditatem. Huius generis exempla sunt duo: Primum si is, qui legitimus heres esse poterat, sit idem a testatore institutus heres, & cum putet, se non institutum, hereditatem ab intestato repudiavit. Nam hic etsi prius aperte non repudiavit testamentariam, tamen facto suo repudiasse intelligitur, hoc ipso, quod repudiavit legitimam, quoniam nisi omissa aut repudiata hereditate testamentaria, non potest legitimam repudiare, l. nec is. §. ult. l. illud. de acquir. her. Secundum exemplum est, si proponas filium esse exheredatum, aut præteritum immerito, ita ut competat ei querela inofficiosi testamenti, & is ab herede scripto, vel hereditatem emat, vel conducatur res hereditarias, vel quod debet, defuncto soluat, l. si primas. §. 1. de inoffic. testam. Nam qui hæc fecit, hereditatem scriptam pro iusto herede agnouit, id est, pro vero domino, quod facere non potest, nisi ipse querelam repudiauerit. Quia vni duo in solidum heredes esse non possunt.

Videntur est quis hereditatem adire possit, & quando, tum

do, tum quis sit repudiationis effectus, qui duo loci attinguntur in l. 4. & seq. Non statim quivis heres hereditatem repudiare potest; ut possit repudiari hereditas, videndum est, an ne is, qui repudiat, possit acquirere si velit. In quo hæc regula traditur: Eius est nolle, qui & velle potest, l. eius. de reg. iur. Eius est velle hereditatem, qui & adire potest, proinde eius etiam est nolle adire, qui adire potest. Hinc regula ad hanc speciem translata, & ita definitur, is, qui potest repudiare, quod sit, qui etiam acquirere potest, l. is potest. l. 4. de acquir. her. Quare qui quando hereditas acquiri potest, nolit: idem eadem opera quando & a quo repudiari possit nolet, proinde utrumque iisdem præceptis continetur. Ut quis et hereditatem adire & acquirere possit tria summe necessaria considerantur. I. Ut ei delata sit hereditas. II. Ut sibi sciat delatam. III. Ut sit in ea causa, ut obligare possit eum, cui hereditatem acquireret, siue sibi, siue alii acquirat.

Ante omnia delatam esse oportet hereditatem. Nemo enim hereditatem adire potest, cui delata non est, proinde nemo repudiabit, cui non sit delata, l. si quis extraneus. §. 1. l. is qui potest. de acquir. hered. De delata et hereditas definitur, quam quis consequi possit adeundo, l. delata. de verb. sig. Ut et possit quis hereditatem consequi, tribus rebus efficitur: primo si testator mortuus est, de cuius hereditate agitur: deinde si hereditas delata sit iis modis quibus oportet: postremo si hereditas heredi nondum quaesita sit. Primo mortuum oportet esse eum, de cuius hereditate agitur, quia et viventis nulla hereditas est, l. 1. de hered. vel act. vendit. Non potest autem delata dici hereditas, ubi nulla est, hinc illa tradita sunt: neminem pro herede posse gerere viuo eo, de cuius hereditate agitur, l. nemo. de acquir. hered. Hinc consequens de repudiatione, neminem item viventis repudiare posse hereditatem, l. qui superstitis. eod. Utrumque, ut dixi, ex eo, quod viventis hereditas non deferretur. Non potest autem acquiri aut repudiari, quæ nondum est delata. Mortuo eo, de cuius bonis agitur, videndum est, an hereditas delata sit iis modis, quibus iure deferri potest & solet. Deferretur et autem duobus modis, ex testamento & ab intestato, §. ult. Inst. per quas pers. Testamentum et deferretur, non si testamentum solum valet, sed etiam si concurrat voluntas testatoris, quod ita fit, si heres pure sit institutus, aut institutus sub conditione, quæ iam exstiterit. Pendente autem conditione hereditas non deferretur. Proinde placuit pendente conditione hereditatem neminem adire posse, eoque nec repudiare, l. is qui heres. in pr. ff. h. Hac de causa placuit, quamdiu institutus admitti potest, tamdiu substitutum neque adire, neque repudiare posse, l. quamdiu. l. in plurimis. ff. eod. Quia substitutus omnis substituitur sub conditione, si institutus defecit. Ab intestato et deferretur hereditas, cum nullum testamentum est, aut si quidem est, non valet. Hinc rursus illa regula: Quamdiu ex testamento adiri hereditas potest, tamdiu ab intestato nec adiri nec repudiari posse, l. quamdiu. eod. Et si forte plures erunt heredum legitimi gradus, nunquam posteriores adeundo aut repudiando quicquam egerint, priusquam priores exclusi sint, quamvis posterioribus h. l. deferretur hereditas, d. l. ut plurim. ff. eod. Nihil prodest aliquando iis modis delatam fuisse hereditatem, si ea hereditas iam quaesita sit heredi; quaesita repudiari non potest, quoniam nec amplius acquiritur: nam

quod nostrum est, amplius nostrum fieri nequit, §. sic itaq. Inst. de act. Quæritur autem hereditas extraneis heredibus, si delatam adierint. Hinc est quod dicitur in l. 4. Neminem qui semel adierit hereditatem, aditam repudiare posse, quia nec acquirere amplius potest. Is autem repudiare potest, qui & acquirere, nec potest acquirere, ideo quia non est delata. Tunc enim intelligitur etiam delata hereditas, cum quis eam consequi potest: non autem consequi potest ut dixi eam, quæ iam acquisierit. Suis autem heredibus acquiritur statim hereditas ipso iure. Hinc rursus illud efficitur: Neminem suum heredem hereditatem adire posse, eoque nec repudiare potest, l. is qui putatur. ff. h.

Hoc primum et genus est, quod ad acquirendam vel repudiandam hereditatem necessarium esse dicimus. Alterum illud est, ut qui hereditatem adire velit, sciat sibi delatam esse hereditatem, §. ult. Inst. de hered. qual. & differ. Cuius rei hanc rationem reddidimus initio superioris tituli, quod hereditas animi destinatione aditur aut acquiritur. Nihil autem animi destinatione geri, nisi et scientia certa potest, l. in totum. de reg. iur. Proinde in repudiatione idem ius servabimus. Hinc regula de hac specie: In repudianda hereditate vel legato, certus esse debet de iure suo is, cui hereditas aut legatum deferretur, l. in repudianda. Quod rursus eadem ratione efficitur quæ superius. Nam et contraria animi destinatione repudiari, exemplo erunt hæc species, in quibus dixi hereditatem non deferri. Ut ergo si viventis hereditas non deferretur, ita si quis dubitet, an testator vivat nec ne, hereditatem eius nec adire nec repudiare potest, quantumvis reuera decesserit is, de cuius bonis agitur, l. is qui. eod. Similiter ut hereditas ex testamento, quod non valet, adiri non potest aut repudiari, itemque ut pendente conditione nec adiri nec repudiari potest: ita si testamentum valeat, & quis de viribus testamenti dubitet, item si conditio exstiterit, aut etiam si nulla conditio adiecta sit, si tamen de eo dubitet heres, hereditatem frustra adibit, frustra repudiabit, l. heres institutus. l. seq. ff. eod. Similiter si quis sit extraneus heres, cui vere sit delata hereditas, & nondum quaesita, si tamen se necessarium heredem putat, neque hereditatem adire, neque repudiare potest, ut si sit emancipatus, qui aliquo errore vel facti vel iuris non putet se emancipatum, aut qui putat se iure emancipatum, l. is qui putat. & l. seq. eod.

Tertium et genus necessarium esse dicimus ad acquirendam hereditatem, ut is qui hereditatem adire vult, possit obligare eum: cui acquirit. Hoc qui non potest, hereditatem adire non potest, quoniam hereditas obligat nos etiam alieno, l. more. ff. eod. Si acquirere non potest, nec repudiare potest. In hac autem causa sunt duo genera personarum: Pupillus, et cui delata est hereditas, & filiusfamilias. Pupillus sine auctoritate tutoris obligari non potest, & ob hanc causam nec delatam sibi hereditatem adire, §. neque. Inst. de auctor. tutor. Hinc fit ut nec repudiare possit sine tutorum auctoritate, l. pupillorum. h. Filiusfamilias non potest nisi consentiente & iubente patre acquirere hereditatem, ne inuitum patrem hereditate obliget, leg. 6. in princip. ff. h. Ideo nec repudiare potest sine consensu patris, l. is qui. §. ult. ff. h.

Sed in hoc genere notandum est, quod dissimile est a primo. Nam ita exigimus, ut hereditas delata sit ut heres habeat facultatem hereditatis adeundæ aut

repudiandæ, vt vellimus etiam heredem hoc certo scire. In hoc postremo genere aliter accipitur: satis est enim, si quis heres sui iuris & pubes sit, vt hereditatem adire possit, & repudiare, non est necesse, vt sciat hanc suam conditionem.

Itaque qui de ea conditione dubitat, nihilominus recte adiit & repudiavit, *l. sed et si. eod.* Similiter & pubes, si hereditatem adeat, quamuis se pupillum falso existimat, tamen is error non nocebit, *l. qui se pupill. ff. h.* Differentiæ ratio est, quia tamen si quis filius familiaris esset, aut impubes, nihilominus ei aequè hereditas delata esset. Cum dicimus hereditatem acquiri aut repudiari non posse, antequam heredi delata sit, & antequam delatam sciat, & antequam obligare possit eum qui acquirit, hoc dicimus, etiam si non adita aut repudiata sit, tamen non prohiberi heredem postea delata hereditate, eam repudiare, quam prius ignoret, & adire eam, quam prius repudiarat. Qui superstitis voluntatem agnouit, non prohibetur eo mortuo repudiare, quia aditio præmatura nihil egit: & contra si superstitis quis hereditatem repudiavit, non prohibetur eo mortuo adire hereditatem, aut pro herede gerere, quia repudiatio præcedens nihil egit, *l. qui superstitis. ff. eod.*

15 Repudiationis ¶ effectus est aditioni contrarius. Vnusquisque hereditatem adeundo sic acquirit, vt quæsitam postea repudiare non possit, duabus de causis. I. Quia iam delata esse desinit, postquam quæsitam est. II. Quia heres hereditate adita obligari cœpit creditoribus hereditariis. Nemo autem se facto suo liberat a creditoribus, nisi aut soluendo, aut satisfaciendo. Solutione eius quod debetur tollitur obligatio. Satisfactio autem pro solutione est, nec aliis modis facto debitoris obligatio tollitur, *l. si rem. §. o. minis. de pignoratit. action. l. si seruum. §. nunc videamus. de verborum obligation.* Contra repudiando vnusquisque hereditatem amittit, *l. is qui heres. ff. eod.* Quod eam vim habet, vt quamuis postea velit adire repudiatam, non possit, quoniam post eius delationem desinit esse delata. Nemo autem non delatum acquirit, quorum vtrumque traditur in *l. 4.* Sed posterius accipiendum est de his, qui repudiatam hereditatem nolentes adire constituunt, quod nullis licet. Ceterum interdum ii, qui repudiant, coguntur adire, quod receptum est in his heredibus institutis, qui iussi sunt hereditatem restituere. Nam quamuis semel repudiarunt, tamen Senatusconsulto coguntur adire postulante fideicommissario, *l. nam quod. §. 1. ad Treb.* Horum vtrumque ita est, si is qui adiit hereditatem aut repudiavit, sit maior vigintiquinque annis, vt adicitur in *d. l. 4. b.* Nam si minor hereditatem adiit aut repudiavit, beneficio ætatis restitui in integrum potest, vt sibi repudiare liceat, quam adiuit, & adire si repudiavit, *l. ait prætor. §. non solum. & §. restitutus. de min. tit. si minor her. se abst. sup. & tit. si ut amissa hered. seq.*

Sui quoque heredes hereditatem a se remouere possunt, itidem vt extranei, sed hoc consequuntur non repudiando sed abstinendo hereditate. Fit enim eis abstinendi potestas, edicto prætoris, *l. necessariis. eod.* Non possunt repudiare, quia repudiamus oblata, nondum quæsitam, *l. 1. §. decreta. de success. edict.* Suus autem iam statim heres existit, ex quo hereditas deferri cœpit, sed potest se bonis abstinere. Nam abstinemus rebus præsentibus & nostris. Hic videndum 16 est, quid sit ¶ abstinere, quando sui se abstineant, qui-

bus detur abstinendi facultas, & abstinio quid efficiat. Abstinere proprie est non attingere res hereditarias: sed intelligendum, abstentionem, de qua loquimur, non esse huius facti solius si quis non attingat, & ideo si quis suus heres est, priusquam attingeret res hereditarias quam decesserit, si nihil aliud de voluntate sua testatus est, nihilominus hereditatem ad suos heredes transmittet, *l. 3. sup. prox. tit.* Quia non attingendo non dicitur se ideo abstinuisse, sed abstinere animi est non solius facti. Itaque breuiter suus heres se abstinere dicitur hereditate, cum testatur se nolle hereditatem retinere: nam hoc verbum describitur in *l. seruum quis. §. prætor. ff. eod.*

Abstinere ¶ se intelligitur suus heres, cum hoc de 17 voluntate sua est testatus, non tantum si in iudicio & iure id faciat, sed etiam si extra iudicium quouis loco. Dubitari vero potuit, an ¶ cum edicto prætoris 18 abstinendi facultas concederetur, necesse sit in eo prætorem adire, qui hanc daret facultatem, vt hoc modo recte abstineretur hereditate. Et placuit in eo necesse non esse adire magistratum, *l. si qui 12. ff. eod.* Omnibus suis heredibus abstinendi facultas datur, non tantum impuberibus, sed puberibus etiam, dissimili tamen conditione. Nam impuberibus ¶ sine 19 conditione data est, siue se immiscuerint bonis, siue non, *l. impuberis. l. necessariis. in princ. eod.* Puberibus autem duabus his conditionibus, si se non immiscuerint, & si per eos factum non sit, quo quid de hereditate amoueretur.

Vnde intelligimus, ex puberibus duo genera esse eorum, quibus abstinendi facultas non est. Primum est eorum, qui se bonis immiscuerint, *d. l. necessariis. eod.* Immiscere ¶ se bonis dicitur suus heres, cum bona 20 hereditaria tractat vt heres, & vt breuiter dicam, qui remoto potestatis vinculo pro herede se gerit, *l. cum bonis. ff. h.* id est, qui id facit in hereditate patris, quod filius emancipatus faciendo diceretur pro herede gerere, eo quod dixi ad *l. si de bonis.* Quid sit pro herede gerere dixi ad *l. 2. eod. tit. sup.* Hæc igitur qui fecit in hereditate patris, hereditatem postea non potest reicere, quoniam nec hereditatem repudiare potest extraneus, qui adeundo eam quæsiuisset vel pro herede gerendo.

Hinc quæsitum *l. 3. huius tit.* pubes patri suus heres existit, & se immiscuerat bonis, cum esset præteritus testamento patris, & iniustum testamentum patris diceret: deinde controuersia orta inter eum & scriptum heredem transegit cum herede, & cavit, se nihil amplius de hereditate ea petiturum: deinde cœpit petere. Duo videbantur ei ob stare. I. Quod videretur superiore conuentione se abstinuisse hereditate, eamque respuisse, ac proinde repudiasse. II. Obstabat & transactio. Rescriptum est, conuentionem ei nihil ob stare, quo minus sit heres, quia hereditatem quæsitam non possit respuere, quæsitam sic accipit, se immiscendo. Deinde, non ob stare transactionem in specie proposita, quia facta esset transactio, nullo retento, nullo dato, nullo promisso, cuius generis transactiones non valent. Interim hæc sententia confirmatur, & in suis heredibus hoc ius valet, vt si se immiscendo quæsierunt hereditatem, postea contraria voluntate eam reicere non possint.

Alterum genus eorum est, qui quid amouerunt ex hereditate, sed etiam qui dederunt operam vt amoueretur, *l. si seruum. eod.* Vbi hic locus vsque ad finem *l.* dilucide explicatur.

Abstentionis effectus hic est, ut quamdiu suus heres in eadem abstentione manet, ea omnia consequatur, quæ tribuuntur extraneis heredibus, cum repudiauere *l. pro herede §. Papin. in fin. D. h.* Vnde suus heres abstentione duo consequitur. I. Ut non teneatur creditoribus hereditariis, non magis quam extraneus qui repudiauit *d. l. necessarius eod.* II. Si quas actiones aduersus patrem amisit, dum patri heres existit, illi restituuntur integræ actiones, postquam abstinuit hereditate, *d. l. eum demum §. ultim. D. eod.* Sed quemadmodum abstinenti non nocet aliquem heredem existisse, sic ei hereditas non prodest. Itaque hereditatem non habet, & si interim decedat, hereditatem ad suos heredes non transmittit, *l. filius, qui se, l. Iulianus, seq. D. h.*

Sed hi effectus sunt in persona sui heredis, quamdiu in eadem abstentione perseverat. Ceterum extra personam impuberis, & aliis in rebus diligenter tenendum est, suum heredem, postquam se abstinuit nihilominus iure ciuili heredem manere, qui semel existit, quoniam ut supra dixi, semel teneri cæpit creditoribus hereditariis, ab his nullo suo facto liberari potest. Et hæc definitio est iuris certi, eum qui semel existit heres, nunquam heredem esse postea desinere, *leg. ait prator, §. sed Papinianus, de minor. l. ei qui soluendo, 88. de hered. institut.* Neque vero sine effectu hoc statuitur, ut quis putet rem hanc esse positam in subtilitate iuris ciuilis, cum iure prætorio is, qui se abstinuit, pro herede non habeatur. Huius iuris effectus tres sunt. Primus, in confirmatione testamenti, ut si ad res aliquas confirmandas quæ testamento erant datæ, opus sit herede, ibi ad earum rerum confirmationem satis sit suum heredem existisse, quamuis se postea abstineat, quia & post abstentionem heres manet: vtpote libertates testamento datæ non debentur, ubi nemo heres existit, *leg. 9. de testamen. tut.* Et hæc valebunt, si semel heres aliquis suus existiterit, quauis postea se abstineat, *l. sciendum, de man. test. l. cum quer. §. sed & si quis, vers. sed & si suus, de fid. lib.* Idem & in secundis tabulis contingit. Secundæ tabulæ seu pupillares, id est, substitutio pupillaris non valet, ubi ex testamento patris nemo heres existit, *l. 1. §. 1. de vulg.* dicimus ut secundæ tabulæ valeant, satis esse, si quis suus heres patri existiterit, quamuis se postea abstineat, *l. Iulianus, l. filius qui se, de acquir. her.*

Secundus effectus est in rerum hereditariarum administratione quas suus heres ante abstentionem administravit. Nam quæcunque heres suus gessit in rebus hereditariis, omniarata sunt & manent, quamuis postea se abstinerit, dummodo bona fide, *l. quoties, de acquir. hered.* Vtpote, debitores hereditarii soluebant has res, quæ seruando seruari non possunt: heres easdem res distraxit, & pretium consecutus est, dicimus quamuis postea se abstineat, tamen & debitores recte liberatos esse: & emtores de rebus emtis inquietari non posse, quamuis pupillus omnia, quæ consecutus erat, amiserit, *dict. leg. quoties.* Bona autem fide in his rebus versatus intelligitur, cum eatenus liberauit debitores, quatenus ab his accepit, & cum res conseruari non poterant, vendidit, & tanti vendidit quanti valebant. Non bona fide autem res gesta est, si debitores ultro antequam soluerent, liberauerit vel paciscendo, vel acceptum his ferendo, aut si res multo minoris vendidit.

Tertius effectus est, & is præcipue animaduerten-

mus, qui cernitur in hereditatis acquisitione, longe dissimilis repudiationi. Nam cum quis voluntarius heres hereditatem repudiat, repudiatione hereditatem amittit, *l. si is, de acquir. hered.* id est, ut explicatur in *l. 4. h.* ita desinet heres esse, ut si velit hereditatem postea adire non possit. Abstentionis longe dissimilis effectus. Nam suus heres abstentione tamdiu heres esse desit iure prætorio, quamdiu in eadem voluntate manet, ceterum ex pecunia si volet esse heres fiet, quinimmo si immiscuerit se bonis paternis post abstentionem, nisi probet se alio animo fecisse quam ut heres esset, obligatur inuitus creditoribus hereditariis ut suus, *l. si quis suus, de iur. deliber.* Quæ sententia in *l. ult. infr.* confirmatur, sed id colligitur præcipue ex *l. 1. & 2.* Nam in *l. 1.* dicitur: Si suus heres postquam se abstinet, habitet in domo hereditaria, non posse eum a creditoribus conueniri, si habitauerit non ut heres, sed ut inquilinus & custos. Vnde contraria conditione recte & manifeste colligitur, si heres inhabitet teneri eum creditoribus hereditariis, ac proinde esse heredem, quia aliter creditoribus teneri non possit: In *l. 2.* dicitur: item, si suus heres postquam se abstinuit comparauerit res bona fide hereditarias a creditoribus, non teneri eum creditoribus posterioribus. Vnde rursum intelligitur teneri eum sub contraria conditione, si mala fide comparauerit. Hinc quæstio in his duabus legibus, utrum his factis, quæ hic proponuntur, dicendus sit suus heres se immiscuisse, an non? de quo paulo post in extremo dicitur.

Sed & hæc potestas abstentione iterum hereditatem acquirendi intra certas metas conclusa est, *l. ultim. infr. h.* Ad hanc sententiam finitur hæc potestas duobus modis. Primo, si res hereditariæ, seu bona omnia hereditaria distracta sint, quod ius etiam olim obtinebat, *dict. leg. si quis suus, de iur. deliber. l. quod si minor §. Scauola, de minor.* Confirmatur in prin. *leg. ultim.* Et adeo olim hereditatis rebus distractis non poterat suus heres post abstentionem redire ad eandem hereditatem, ut nec in integrum restitutio ea causa ulli concederetur, vel aduersus substitutum, qui vendidisset bona, vel aduersus legitimum heredem, qui post abstentionem hereditatem adiisset, ut traditur in *dicta lege, quod si minor.* Iustinianus autem in hac parte restitutionem dedit minoribus in hac *l. ultim. circa fin.* Vnde intelligimus hac Iustiniani lege derogatum esse, *dict. leg. quod si minor, §. Scauola.* Nam constitutio Iustiniani est una de 50. declarationibus eius.

Præterea finitur superior potestas tempore, quamuis rebus adhuc integris in hereditate manentibus, nempe finitur post triennium, quod cedit varie. Nam his qui in vigesimum nonum annum se abstinerent, hoc triennium cedit, tantum ex fine vigesimi noni anni. His autem qui post hanc ætatem se abstinuere, cedit statim post triennium, ex quo se abstinuere. Ex hac parte quæsitum est, quædo videatur heres, qui se abstinuit, ex quibus factis videatur abstinerere, quæ sunt quæstiones, *leg. prima, & secunda, hic.*

Ex his autem rescriptis hæc summa colligitur: Videri suum heredem immiscuisse bonis paternis, quoties aliquid de bonis paternis tractaret, vel inhabitando ardes, vel res hereditarias possidendo tenendone, nisi eluceat alio se animo tractasse, & alio iure quam hereditatis.

Exempla sunt hæc, si inhabitauerit in domo hereditaria videtur se immiscuisse, nisi ut inquilinus aut custos id fecit, quod exemplum l. 1. Quod si de eo ambigatur, an inhabitauerit ut inquilinus aut custos, vter probare debet, aduersariusne eum habitasse ut heredem, an vero hic qui inhabitauerit, se non pro herede, sed ut inquilinum habitasse? Et ex rescripto perspicuum est, suum heredem ad sui defensionem dicere debere, se inhabitasse ut inquilinum aut custodem, ex quo intelligitur id probare debere eum, quia est regula iuris: Eum probare qui dicit, non qui negat, l. 2. de probat. Itaque & in re dubia ut heres inhabitasse intelligitur.

Sed cur potius ut heres existimatur id fecisse, quam ut inquilinus, cum prouiores debeamus esse ad liberandum, quam ad obligandum, l. Arrianus, de obligat. & action. Respondeo, quia quotiescunque quis re aliqua suo iure uti potest, & in eadem re furtum facere, aut prædari, benignius & procluius creditur eum suo iure fecisse potius, quam aut furtum commisisse, aut prædatum esse, l. merito autem, pro socio. Similiter si filius iustus heres, res hereditarias teneat & possideat, videbitur, ut heres fecisse, nisi doceatur eum alio iure fecisse, quam hereditario. Id autem probatur, si res emit a creditoribus hereditariis, quod est exemplum l. 2. Nam qui emit non hereditario iure, sed emtoris possidet, id est, si filius suus heres bona fide res comparauit. Vnde intelligimus, si comparauerit mala fide pro eo haberi atque si se immiscuisset, l. si quis qui, de acquir. hered. Probatur autem fraus & mala fides alias recte & aperte, ut cum probatur de consilio fraudandi inter creditores & filium initio. Probatur item ex coniecturis, sunt autem hæc, si filius per suppositam personam emtoris emerit, & si apposuerit aliquem qui emerat a creditoribus, & ipse deinde ab eo emtore possidere reperiatur, quæ coniectura est in d. l. si is qui bonis, de acquir. hered. Potest hæc quoque coniectura fraudis esse, si creditores non iusto pretio res vendiderint. Item, si prius vendiderint quam bona possidere cœpissent.

Adiicitur in eadem l. 2. cum filius bona fide comparat a creditoribus res hereditarias, non posse eum conueniri a posterioribus creditoribus, quibus eadem res pignori erant obligatae, & recte, quia filius a prioribus emendo in eorum locum succedit, ita ut vltro actiones habeat ad persequendum pignus aduersus posteriores creditores. Multo igitur magis aduersus eos possidens retentionem habebit, l. 1. infra, si antiq. creditor. Quod si autem filius familias ab his emerit, primum heres erit, ut dixi, deinde recta a posterioribus creditoribus conuenietur, duabus de causis. I. Quia non emit, cum emit, si res illius sunt hereditario iure, rei autem nostræ non consistit emtio, quæ pars confirmatur in d. l. debita, de pign. actio. Deinde, quia in prioris creditoris locum succedere non potest, cui a defuncto deberi nihil potest. Non potest autem heredi quicquam deberi ex causa hereditaria, quoniam etsi ei deferretur, prius tamen aditione hereditatis obligatio tolleretur, l. confusione, l. debitori, supr. de pact.

AD TITVLVM XXXII. COD. Quemadmodum testamenta aperiantur.

SUMMARIA

1. Interest heredis ad adeundam hereditatem tabulas

apertas esse, ut de iure suo possit ex illis tabulis cognoscere.

2. Deinde interest heredis tabulas testamenti, non quoniam modo aperiri & inspicere, sed aperiri per magistratum.
3. Competens magistratus quis sit.
4. Per libellum quando adiri dicatur magistratus.
5. In aperiendis tabulis qui seruetur ordo.
6. Reipublica interest suprema iudicia hominum exitum habere.
7. Tabula testamenti quibus modis aperiri debeant.
8. Testamentum insinuari & publicari debet.
9. Insinuare testamentum est actus insinuare.
10. Referre in acta quid sit.
11. In re dubia a verborum significatione recedi non debet.
12. Improbum est, sollicitum esse de hereditate viuenti.

Interest heredis ad adeundam hereditatem aperiri tabulas testamenti, & eorum omnium interest, quibus quid eo testamento est relictum, ut si forte quid sub conditione relictum sit, conditioni pareant, si conditio iam extiterit, sciant relictum ad se pertinere. Interest amplius istorum omnium, non tantum aperiri testamentum, sed certo modo aperiri per magistratum, ut fides earum tabularum confirmetur. Interest præterea ad publicam & perpetuam fidem non tantum eas tabulas per magistratum aperiri & approbari, sed etiam insinuari. De his igitur tribus, agitur hoc titulo, & D. eod. Quæ cum pertineant ad hereditatem adeundam partim, partim ad eam ex testamento retinendam, recte & ordine hæc tractatio superiori adiicitur.

Principio interest heredis ad adeundam hereditatem tabulas apertas esse, ut de iure suo possit ex illis tabulis cognoscere, quod priusquam cognouit, hereditatem adire non potest, nec repudiare, §. vltim. de hered. qual. l. in repudianda, de acquir. hered. Nam quod dicitur in l. vnica, §. in nonis, mo, infr. de cad. toll. posse hodie heredem & apertis tabulis & clausis, hereditatem adire, de herede accipiendum est, qui alio modo sciat se heredem esse, quam apertis tabulis, cuiusmodi est is, qui interfuit, cum testator testamentum fecit, & palam suum testamentum recitandum curauit. Quod si heres non potuit cognoscere aliunde, an heres scriptus esset necne, opus est, ut ex tabulis testamenti id cognoscat, nec prius hereditatem poterit adire, quod significatur in l. vltim. §. 2. supr. de iur. delib. Ad hanc autem rem nihil interest quando tabulae testamenti aperiantur, neque quæ tabulae testamenti. Si tabulae testamenti sua natura sunt patefactæ, ut sæpe testatores eas non claudunt, sufficiet eas tabulas per se aperire & inspicere, ut heres de iure suo certus esse possit, neque necesse erit magistratum adire, quo iubente tabulae aperiantur & inspiciantur, l. si in duobus, §. 1. D. eod. Si testator duobus exemplatibus testamentum fecit, eadem solemnitate in vtraque adhibita, & alterum exemplum apertum est, sufficit ad adeundam hereditatem, neque necesse est alterum exemplar aperiri & cognosci: etiam si enim duo sunt exemplaria, vnum tamen est testamentum, d. l. si in duobus.

Quod si testator vnum testamentum fecerit, deinde ex eo exemplum descripserit sine solemnibus, tabulae testamenti apertæ intelliguntur. Aperto autem exemplo nihil est actum, neque ea res ad cognitionem iuris suo heredi proderit, l. vlt. D. eod. quia ita ius

ius est vt exempla fidem nō faciant, l. 2. de fide instru-
men. aub. si qui in aliq. sup. de edendo.

2 Interest ꝑ amplius heredis, tabulas testamēti non
quouis modo aperiri & inspici, sed aperiri per magi-
stratum, ita vt fides earum tabularum confirmetur,
si quādo opus erit aduersus legitimos heredes testa-
mento controuersiam facientes. Idemq; fieri & le-
gatariorum interest, & omnium quibus quid eo tes-
tamento relicū. Ob hanc causam in hac parte edi-
cti præscribitur certus modus, quo tabulæ testamen-
ti aperiuntur. In eo magistratus & iudex adeundus
est, quo iubente tabulæ testamenti aperiuntur. Iube-
tur autem adiri competēs iudex, vt est in l. 1. h. Com-
petens ꝑ est magistratus, qui iurisdictioni præest, pu-
ta olim Romæ prætor, in prouinciis præses, l. ab ini-
tio. eo. l. 2. in fi. h. In eo autem nō necesse est, adire ma-
gistratum sedentē pro tribunali, sed etiā adiri per
libellum potest, vt est in d. l. 1. in fi. Sensus est, posse
4 cum adiri de plano. Per libellum autem ꝑ dicitur a-
diri magistratus, quoties libello supplici ab eo po-
stulatur, quod eius auctoritate transigi debet, sine
causæ cognitione, l. nec quicquam, §. 1. de officio pro-
consul. Talis est hæc postulatio de aperiendis tabulis
testamenti.

5 In his autem ꝑ aperiendis hic seruatur ordo & ra-
tio earum confirmandarum. Magistratus iubet per
apparitores suos cogi adesse testes, eosdemq; signa-
tores testamenti, vt præsentēs sigilla sua recogno-
scant, vel sua esse negent, l. cum ab initio, & l. seq. D.
eod. Sed quare iubet hoc fieri? Vt recognitis sigillis,
declaret magistratus, cognita esse sigilla a testibus,
eoque testamentum esse legitimum, id quod postu-
latum est, & idem esse solemne.

Quod si testes & signatores negabunt, sua signa
esse, incipiunt suspectæ esse tabulæ, si vel vnus id fe-
cit, l. 1. in fin. eod. Notandum est autem hic duas ad-
res cogi testes & signatores. Primo, vt iussi conue-
niant apud prætorem, id est, iussi agnoscant sigil-
la sua, vel sua esse negent, dict. leg. ab initio. Conueni-
re & adesse iubentur, sed hi, qui præsentēs sunt in
his locis, vbi aperitur testamentum; si signatores
absunt, mittitur ad eos domum, non euocantur,
vt domi signa recognoscant, leg. sed si quis, D. eod. Co-
guntur autem omnes, siue præsentēs siue absentes,
ad quos domum mittitur, iussi signa sua cognosce-
re aut repudiare. Vbi quæritur, quare necesse sit, ad
eam rem cogi signatores, vbi forte controuersia
non sit de testamento, & nulla necessitas litis præ-
tionem ratio redditur in leg. vel negare, D. eodem,
6 quia reipublicæ ꝑ interest suprema hominum iu-
dicia exitum habere. Quid si iussi signatores adesse
aut recognoscere signa sua non pareant? Respon-
deo: Iam dixi a prætore eos cogendos. cogendi ra-
tio est, vt iis multam dicat, quam ab iis exigit, nisi
pareant. Est enim vnū ex remediis prætoris seu ma-
gistratus ad cogendos inobedientes ciues.

7 His rebus ꝑ peractis prætor iubebit testamen-
tum aperiri & recitari, sed ne quid falsi postea ad-
mittatur, aut ne quid suspectum fiat, aperiatur testi-
bus præsentibus, idque sit tribus modis. Primo, tes-
tibus iisdemque signatoribus testamento præsen-
tibus, si omnes adsint: deinde his non præsentibus,
si maior pars adsit, leg. si maior, D. eodem. Postremo,
si testes iisdemque signatores non adsint, & necessi-
tas aliqua urgeat, vt testamentum aperiatur & cog-

noscat, curet magistratus id aperiri interuenien-
tibus aliis honestis personis, quibus præsentibus a-
peritur & recitatur testamentum, & ab iisdem post-
ea testamentum descriptum obsignari, leg. sed si quis,
in fin. D. eod. leg. 2. h. tit. Sed in omnibus his hoc
cavetur, vt si testamentum apertum erit, priusquam
alii ex signatoribus præsentēs recognouerint sigilla
sua, ad eos postea mittatur, vt sigilla sua recognoscāt.
Hæc ideo desiderantur, vt intelligamus siue testes
mortui sint, qui sigilla sua non recognoscant, siue
præsentēs negent sigilla sua esse, siue his agnoscen-
tibus testamentum, non sit apertum iubente magi-
stratu, testamentum non facere fidem, vel negante
vno teste signum suum etiam tabulæ suspectæ sunt,
leg. prima, in fin. sup. His demortuis & non agno-
scentibus sigilla sua, significatur in leg. vel negare, D.
eodem. supremum iudicium defuncti exitum non
habet. Proinde recte initio diximus hoc modo at-
que ordine testamenta aperiri interesse & heredis
& omnium quibus quid relicū est, vt testamen-
ta imposterum fidem faciant. Cum autem res isto
ordine transacta erit, nihil imposterum deerit ad fi-
dem tabularum testamenti, vt probetur a testatore
scriptum id factum esse.

Sed tabulæ testamenti intercidere possunt, vel
casu amitti, vel incendio, vel alio casu, vel ita subtra-
hi, vt non existent. Proinde, ad certam & firmam fi-
dem testamenti, interest id tertium fieri, de quo ꝑ in. 8
itio proposuimus, nempe testamentum insinuari &
publicari, de qua specie agitur in l. 1. & 2. h. vt verba
publicandi & insinuandi testamenti declarant. In-
sinuare ꝑ testamentum, est insinuare actis, hæc enim
duo pro eodem accipiuntur, l. in hac, l. in donat. infr.
de donationibus. Id autem tum fit, cum testamentum
ita apertum est, vt supra dixi. Magistratus iubet a-
pud acta testamentum publice legi & recitari, dein-
de a scriba pro officio suo iubet testamentum descri-
bi & in acta iudicialia publica descriptum referri, seu
mandari actis publicis. Referre ꝑ in acta est, quod
recentiores imperatores dicunt insinuare actis, qua-
si dicat, efficere vt res actis accipiat, & illis comen-
detur.

Hoc cum ita factum est, exemplum testamenti,
quod in acta publica relatum est, deinceps sine vllis
testibus publicam fidem facere potest, leg. in donatio-
nibus, de donat. Sed hac lege, si priores tabulæ testa-
menti casu non interciderint, vt traditur in leg. 2. de
testamen. vbi plura dixi, & præterea ostendimus apud
quos iudices testamenta nostra insinuuntur, de quo
l. testam. & l. consulta, sup. de testamen. item ex dict.
leg. in hac, de donatio. Ex quibus locis intelligitur, quis
sit ille competens iudex, qui commemoratur in leg.
1. h. per quam publice testamentum recitari debet,
& publicari. Ex fide autem publica, quam exempla
in acta relata nanciscuntur, factum est, vt quod
instrumentum insinuatur actis, idem dicatur pu-
blicari.

Hæc omnia facile transiguntur cum testamen-
tum est penes eum, qui aut cognoscere vult, aut eo
modo aperiri & publicari, vt dixi. Nam si testamen-
tum sua sponte patefactum est, potest apud se in-
spicere; si est clausum, potest ad magistratum re-
ferre & petere, vt solemniter aperiatur. Sed quid
si testamentum sit penes alium, qui non patia-
tur testamentum, vel ab herede, vel legatario, vel
aliis desiderantibus inspicere & proferri? In hac re

altera parte edicti prætorii prospicitur desiderantibus, ut id consequi liceat. Est autem in hac parte hæc sententia edicti: Pollicetur prætor omnibus desiderantibus tabulas testamenti inspicere & describere, ad quos ea res pertinere dicetur, iurantibus non calumniæ causa se id petere, potestatem se facturum inspiciendi describendique quodcumque; ad causam testamenti pertinebit, præter pauca quædam, quæ eo edicto, vel sententia edicti excepta sunt, idque se constituturum aduersus eum, qui tabulas testamenti apud se esse non negabit: & si is potestatem facere nolit, adiicit prætor se compensaturum.

In hoc edicto, seu in hoc iure hæc capita spectanda sunt. I. Quibus personis id cõcedat prætor & qua conditione. II. Quid concedat, aduersus quos, quibus in rebus. III. Quando concedat & effectum det quod concedit. Principio prætor pollicetur hoc beneficium omnibus sine exceptione desiderantibus tabulas testamenti inspicere seu describere, *l. 1. D. eod.* Ergo omnibus siue eorum inter sit, siue non, & hoc ita est, si tamen hi, qui desiderant, dicant sua interesse, vel quia illis aliquid relictum sit, vel quia implicitam cum aliquo controuersiam habeant, de qua iudicari non possit, nisi cognitis testamenti verbis, ut colligitur ex ratione *d. l. 1. & 2. in prin.* Sed intelligendum est cum quis dicat eam rem ad se pertinere, non tamen id debere probare, neque plene, neque summam: sed tamen ut desideranti imponatur prius, ut iuret non calumniæ causa id se petere, id est, sua interesse ita ut dicit, quæ pars indicatur *in l. 3. in pr. b.* Ex qua conditione satis confirmatur id, quod in edicti sententia confirmamus, non cõcedi hoc beneficium nisi his, ad quos ea res pertinere docetur, cum id confirmare debeant iureiurando ita esse.

Pollicetur autem prætor se desiderantibus potestatem facturum inspiciendi & describendi, *d. l. 1. D. eod. & l. 3. b.* Cuius autem rei inspectionem & descriptionem concedit prætor? Eius quicquid ad causam testamenti pertinebit, ut intelligitur *ex d. l. 2. §. 1. D. eod.* & ideo *l. 3.* iisdem verbis utitur, ut intelligamus eam translationem esse ex edicto. His verbis continentur 1. tabulæ testamenti. Sed an cuiusvis testamenti? Quid enim si testamentum vel imperfectum vel iniustum sit, & denique si non valeat. Mouet questionem quod edictum testamenti verbo utitur. Non est autem proprie testamentum id, quod non valet. Porro ¶ in re dubia a significatione verborum recedi non oportet, *l. 1. §. in re, de exercit. act. l. non aliter, de leg. 1.* Et placuit edictum ad cuiusvis testamenti tabulas pertinere, siue iustum sit siue non iustum, siue perfectum, siue imperfectum, *d. l. 2. §. 1.* Id quod dictum est ex sententia edicti. Nam propositum est prætori in hac concessione inspiciendi describendique testamenti, ut cognosci possit, quid testamento scriptum sit, & qualis sit scriptura. Hoc enim non minus de iniusto & imperfecto testamento cognosci potest & debet, quam de iusto & perfecto. Cognita autem sententia scriptoris recedimus a significatione verborum propria & sententiam scrutamur, *d. l. non aliter, de leg. 1.* Sic tamen, quod vis testamenti contineatur verbis edicti, ut intelligatur testamentum mortui non viuentis. De viuentis testamentum nihil pollicetur prætor, & ideo si dicatur adhuc viuere testatorem, cognoscet prætor, an ita sit nec ne, & si liquebit eum viuere, nihil de testamento statuet, *l. 2. §. si dubitet, D. b.* Et merito, nam ¶ improbum est, sollicitum

esse de hereditate viuentis, *l. 3. §. interdum, de vulg.*

Iisdem verbis præter testamentum continentur codicilli ad testamentum pertinentes, id est, tabulæ secundæ seu pupillares, seu substitutio pupillaris. Nam & hæc pars est paterni testamenti, ideoque, ut & hæc inspiciantur describanturque, unusquisque desiderare potest ex hoc edicto, *l. pen. D. eod.* Sunt tamen hic quædam res, quæ excipiuntur. I. Excipit prætor diem & consulem testamento adscriptum. Virumque & describi & inspicere etiam prohibet, ne quid falli fiat, *l. 3. §. diem, D. eod. l. 3. b.* Consulem dicit, quia erat in more Romanorum, annos notare consulibus, nam singulis annis noui creabantur consules. Itaque hodie intelligimus his verbis excipi diem & annum, qui testamento sit adscriptus. His enim temporibus cognitis facile aliud testamentum fieri potest, quasi eodem die & tempore scriptum, ut idem cum vero testamento esse dicatur. Excipit præterea ius eam partem testamenti, quam testator noluit aperiri, *d. l. 3. b.* & recte, nam quæcumque hic cauta sunt, eo computata sunt, ut supremæ voluntates exitum habeant, *l. vel negare, D. b.* Proinde & in hac parte maxime voluntas testatoris est seruanda, ne quid aduersus voluntatem eius aperiatur, reticeatur, cognoscatur. Intelligitur autem testator id negare, non tantum aperte, sed etiam in tabulis pupillaribus, cum eas separatim scribit & claudit. Itaque ob hanc causam ita clausæ tabulæ pupillares non aperiuntur a magistratu, nisi causa cognita, *l. pupillares, eod.* Causa autem interdum exigit, ut etiam hæc aperiuntur, ut si mulier ventris nomine (ni substitutio facta est) in possessionem missa sit. Ideo enim tum necesse est aperire tabulas pupillares, ut sciatur quis, quomodo curator detur bonis, *leg. si mulier, D. eod.*

Tertio loco ius excipit eas partes testamenti, quæ ad ignominiam alicuius scriptæ intelliguntur, *d. l. 3. b.* Exempli gratia, si testator ita heredem instituat, *ille qui nuper in hac urbe sustibus casus est, heres esto.* Hanc partem non permittit prætor aperiri, & cognoscit prætor repugnantem ei, qui tabulas testamenti penes se habet: nam hæc pars ad ignominiam heredis est scripta. Et merito non permittit prætor hanc partem aperiri, quia desiderantis nihil interest. Quisquis vero ita scribitur, eius institutio nullius est momenti, idemque est, si quid sub eiusmodi signo alioque relinquatur, *l. quoties, §. si quis nomen, de hered. Insti.* In initio autem dixi, non fieri potestatem describendi testamenti, nisi his, qui sua interesse dicant. An autem pars aliqua, ad cuius ignominiam scripta sit ipse prætor cognoscet, & si ea lecta deprehenderit, talem esse, non permittet inspicere multoque minus describi.

Hanc petitionem inspiciendi & describendi testamenti non pollicetur prætor se facturum, aduersus omnem possessorē testamenti, sed aduersus eum tantum, qui tabulas testamenti apud se esse non negauit, *l. 2. §. vlt. D. b.* Quid ergo si quis dicatur tabulas testamenti apud se habere, & eo negante se habere actor dicat se esse paratum id probare, an non poterit consequi, ut sibi tabulas inspicere describereue liceat? Imo poterit, sed id consequitur non hoc edicto, sed ordinaria via, nempe actione in factum de tabulis exhibendis, ut adiicitur *in dict. l. 3. in fin. D. eod.* Multum autem interest vtra via quis experietur hoc edicto, an vero interdicto de tabulis exhibendis, si quis neget tabulas testamenti apud se esse, iudicium institui-

tur, in

tur, in quo de ea re cognoscitur, si iudicio probatum erit, tabulas apud eum esse, cum quo agitur, iubebitur arbitrio iudicis exhibere eas ac describendi & inspicendi potestatem facere. Quod si reus arbitrio iudicis non paruerit, sequitur condemnatio, quanti ea res erit, id est, quanti actoris intererit tabulas exhiberi. Hic ordo est arbitrii & condemnationis in omnibus actionibus in rem & ad exhibendū. Regula iuris generalis est, *l. qui restituere, de rei vindicat. l. 3. §. 2. de tabul. exhiben.* Quod si controuersia erit, quanti interfit actoris, non exigentur ab eo probationes, sed & iureiurando eius æstimabitur, ut fit in huiusmodi actionibus, quæ sunt in rem & ad exhibendum, *l. in actionibus, de in lit. iur. l. qui restituere, de rei vindicat.*

At ex hoc edicto cum aliquis non negarit tabulas testamenti apud se esse; si neget se exhibiturum actio aduersus eum non datur, sed officio magistratus compellitur exhibere tanquam iudicatus. Nam confessio in iure pro iudicato habetur, *leg. vnic. infra. de confess.* Hæc est illa compulsio, de qua in *dict. leg. penultim. D. hic.* Compellit autem magistratus remediis suis, id est, aut vi & manu, dum per apparatus auferet testamenti tabulas, si exstabant, ut fieri solet in his iudiciis, in quibus magistratus decretum suum exsequitur, *argumen. dict. leg. qui restituere, & leg. 3. ne quis eum, qui in poss. miss.* aut multam dicet recusanti possessori, & pignora capiet, ut his distractis multa exigatur. Et hæc remedia sunt prætorum, ut dictum *l. 1. §. ex hoc, de vent. inspic.*

Hæc omnia, quæ supra dixi, de aperiendis & recitandis tabulis aguntur in his locis, ubi testamenta scripta sunt, nisi testator testamentum iusserit alio transferre, veluti si exiturus Roma, testamento facto iubeat testamentum in patriam suam perferri. Nam ex voluntate testatoris recte in patriam perferretur, nec alibi cogetur quis aperire aut inspicendi potestatem facere, quo pertinet *lex 2. ubi adiicitur testamentum in his locis, in quæ testamentum testator perferri voluit, aperiiri secundum consuetudines more sue locorum.* quod de eo dictum est, ne quis putet apud magistratum census tantum aperiiri posse ex præscripto *leg. testamenta, l. consulta, de testament. supr.* sed ut sciamus apud quosuis iudices eorum locorum testamentum recte aperiiri iuxta formam, *leg. in his. supra, de testamen.* Hæc de testamentis aperiendis dicta sunt, sed quæ nihilominus etiam ad codicillos aperiendos pertinet, ut si clausi sint codicilli, & de his aperiendis agatur initio, ut fidem faciat, aperiantur secundum ordinem supra expositum, de quo cauetur in *l. ult. b.*

AD TITVLVM XXXIII. COD.

De edicto diui Hadriani tollendo, & quemadmodum script. &c.

S V M M A R I A.

- 1 Petitiõ hereditatis, interdictio quorundam bonorum & missio in possessionem an aduersus omnes competant.
- 2 Summa huius constitutionis & quibus hoc remedium comparatum sit.
- 3 Institutus heres quis dicatur.
- 4 An omnis scriptus heres in possessionem mittatur ex hac lege.
- 5 Substitutus si cum institutis eodem testamento se mitti postulent in possessionem an impetrare possint.

- 6 Fideicommissarius an huius constitutionis beneficio uti possit.
- 7 Scripti heredes ut in possessionem mittantur nullum in testamento vitium, & solemnibus iuris munus esse oportet.
- 8 Solemnia testamenti quæ sint.
- 9 Depositiõ testium quid.
- 10 An ob omne vitium testamentum inutile fiat.

Hereditate adita, de quo hucusque actum est, consequens est, ut ius hereditatem in rebus hereditariis tuatur. Etsi autem heres posteaquam heres factus est, statim sine aliqua apprehensione dominus fit omnium rerum hereditariarum, *l. cum hereditas, de acquir. poss.* tamē nihil prodest dominum esse, nisi heres rebus hereditariis utatur fruatur, quod facere non potest, nisi eas teneat possideat. Consequens est igitur, ut & hæc possessio ei iure tribuat. Ad hæc consequendam sunt hæc viæ tres iure constitutæ, aduersus eos qui hereditarias res tenent; petitiõ hereditatis, interdictio quorundam bonorum & missio in possessionem ex constit. de quo agitur hoc tit.

Petitiõ hereditatis maxime & pleno iure hanc possessionem consequitur, sed non aduersus omnes competit, & longa via est. Interdictum quorundam bonorum iudici breuius est, quoniam est possessio-num, sed & hoc nõ competit aduersus omnes rerum hereditariarum possessiones, neque omnibus hereditibus, & est etiam paulo longius ut extremo loco dicetur in istorum remediorum comparatione. Breuis & expedita ratio est possessionis nanciscendæ constituta in hac missione in possessionē de qua his constitutionibus agitur, sed ea est tantum constituta scriptis hereditibus. Summa huius iuris comprehensa est constit. Iustin. *l. ult. b. ad cuius interpretationem reliquæ duæ leges referri debent.*

Summa autem iuris est hæc: Scriptus heres si apud competentem iudicem proferat testamentum, in quo scriptus est, quod careat omni vitio, quod sub sensum cadat, mittitur in possessionem rerum hereditariarum, ommissa omni quæstione, an testamentum verum sit, an falsum, iure valeat, an non valeat, idque aduersus omnes rerum hereditariarum possesores, qui quouis titulo quamuis singulari dicant se eas res possidere, præterquam si aduersus eum agatur, qui itidem ad defensionem eiusdē iuris simili testamento, nec vitioso utatur, inter quos si inciderit controuersia, res cognoscetur, & is vincet in possessione, qui potiore iure niti videbitur. estq; hoc hic constitutum omnibus hereditibus, intra quodcumq; tempus desiderent, se in possessionē mitti, nisi præscriptio temporis submoueat, qua submeuerentur si hereditatem peterent.

Ut liquet de hoc iure, partes eius nobis considerandæ sunt. Cõtinetur autem hoc ius his locis, Quis ex dicta parte iuris, mittatur in possessionem rerum hereditariarum, & qua condicione, in qualium hereditum possessionē mittatur, aduersus quos mittatur, per quem iudicē, intra quod tempus & missionis huiusquis sit effectus. I. Hoc remedium comparatum est tantū scriptis hereditibus testamenti causa, ut magis beneficium testamento videatur tributū, in *l. 3. Iustin.* loquitur de instituto herede, siue sit ex asse heres institutus, siue ex parte. Institutus autem dicitur heres, non tantum qui scribitur testamento, sed etiam, qui sine scriptura nuncipatur, *l. 1. §. 1. de hered. instit.* Vnde quis existimet, hoc beneficium propositum

esse non tantum scriptis heredibus, sed etiam nuncupatis, sed verba quæ sequuntur in l. 3. restringunt id, quod prius generalius scriptum erat. Nam dicitur mitti in possessionem heres institutus hac conditione subiecta, si testamentum scriptum proferat, quæ conditio non potest, nisi ad scriptos heredes pertinere. Itaque sententia hæc rata erit, non esse propositum beneficium huius legis, nisi scripto heredi. Hinc versio huius legis, de scripto herede tantum concepta est. Hinc illa verba, l. 2. *heres scriptus in possessionem mitti solet*. Ex quo intelligitur legitimos heredes eodem modo non in possessionem rerum hereditariarum mitti. Merito: quia nullam eiusmodi probationem proferre potest in præsentia, qualem scriptus heres: probare quidem potest testatorem intestatum decessisse & se cognatum esse proximum defuncti & testibus & instrumentis, sed eorum rerum fides sub sensum non cadit, & statim non potest expediri. At testamentum quod sine ullo vitio profertur sub sensum cadit, & statim ostendit se, quale sit.

Idem dicemus de nuncupatis heredibus, qui se mitti postulant in possessionem rerum hereditariarum, hos nimirum ex hac parte iuris mittendos non esse, quoniam nullam talem probationem statim proferre possint, qualem hic exigimus. Non deest tamen his omnibus heredibus aliud remedium, quo possessionem nanciscantur, interdictum quorum bonorum, sed ita hac interdum vtuntur, si bonorum possessionem apud magistratum agnouerint. Sed an omnis scriptus & heres in possessionem mittitur ex parte hac? Verba legis generalia sunt, & ad omnem scriptum heredem pertinentia. Hinc dubitatio, l. 1. *supr. h. tit.* Si forte eodem testamento & quidam sint instituti heredes quidam substituti, & substituti postulent, se mitti in possessionem cum instituto, an impetrare debeant? Verba facere videntur, quod debeant. Rescriptum est in d. l. 1. Solos institutos in possessionem initi debere, idque efficitur & verbis & sententia. Nam substitutus est quidem institutus & heres, l. *mulier. §. ult. de condit. inst.* Sed substitutus instituitur sub conditione, si heres institutus heres non erit, l. 1. *de vulg.* Instituto hereditatem adeunte conditio substitutionis deficit. Proinde eo res deducitur ut substitutus nec substitutus videatur.

Idem de substituto dicemus, etsi is se mitti postulet in possessionem bonorum aduersus quosuis alios rerum hereditariarum possessores. Nam etsi nondum certum est institutum heredem adiisse, tamen quamdiu hereditas ab eo adiri potest, tamdiu substituto non defertur, l. *quamdiu, de acquir. hered.* Reuerais non est heres, cui hereditas non defertur.

Quid si & fideicommissarius beneficio huius constitutionis uti velit? Finge testamento aliquem institutum heredem rogatum esse, ut Lucio Titio restituat hereditatem, hereditatem heredem adiisse, & restituisse fideicommissario Titio, quod fit si vel aliquam rem hereditaria ei restituerit eo modo, ut tota hereditas restituta haberetur, l. *restituta, ad Trebell.* Queritur an de ceteris rebus hereditariis, quæ illi restituta non sunt, agere possit ex hac parte iuris, & desiderare, ut mittatur in rerum earum hereditarium possessionem? Mouet quaestio, quod fideicommissarius heres est. Dicendum est, & ad fideicommissarium hoc beneficium pertinet, nam heredis loco habetur restituta hereditate, cum in eum

transseut omnes actiones heredum & aduersus eum. l. 1. *D. ad Treb. §. sed quia Instit. de fidei. her.*

Hæc missio proposita est & scriptis heredibus, hac conditione si testamentum proferatur, quod in scriptura nullum vitium omnino ostendat, & quod solemnibus iuris omnino munitum sit, *ut est in pr. l. 3. vers. sancimus*. In scriptura exigitur, ut nihil sit cancellatum, id est, nihil deletum in scriptis, inductis litteris. Item, ut nihil sit abolitum, id est, vetustate ita deletum, ut legi non possit. Item, nulla formæ suæ parte vitiatum. Formam intelligimus id, sine quo testamentum iure ciuili non constituit. est enim forma, quæ facit ut res sit, l. *si is, qui 400. §. ult. D. ad l. falc.* Hæc autem res in scriptura testamenti sunt dies & annus, ut more vsuque Romanorum dies & consules, & quæ reliqua desiderantur in testamentis. Item, heredum institutiones & substitutiones, §. *aut heredis. Instit. de leg.* Ex quibus intelligimus, si aut totum testamentum abolitum non sit deletumue, aut non sit vitiatum in his, quæ formam & substantiam scripturæ ac testamenti continent, tamen si aliud quid deletum sit in aliis partibus, tamen id scripto heredi non nocere, quo minus in possessionem rerum hereditariarum mittatur.

Et hoc ita est, si nihil adiceretur amplius in constitutione Iustiniani. Sed adicitur id, quod omnem dubitationem eximit, cum in scriptura desideratur, ut testamentum prima facie sine ullo vitio appareat. Quibus verbis aperte remouetur heres a possessione, si vel minimum vitium in scriptura testamenti appareat. Quid ergo dicemus testamentum non valere, aut fidem non facere, si quid in eo deletum sit? Valet nihilominus testamentum, siue quid consulto deletum sit, siue non deletum sit consulto, *ut constat ex l. 1. de his que in test. delent. l. si neque, supr. de testam.* sed hoc tunc locum habet cum aduersus testamentum nihil obiicitur. Quod si quid obiicietur, id testamentum heredi non proderit ad impetrandam missionem in possessionem, priusquam de vitio aliquo testamenti cognitum sit, quasi coeperit esse suspectum ob id, quod in scriptura aliquid deletum aut corruptum est. Ceterum cum aduersus testamentum nihil aliud obiicitur, probandum est ea, quæ delentur aut inducuntur in partibus testamenti, quæ ad substantiam testamenti non pertinent, non eo minus scripturam fidem facere, quod confirmatur, in cap. *ex literis, extr. de fid. instrumen.* Hæc de scriptura testamenti.

In solemnibus præterea exigitur, ut suis solemnibus testamentum munitum sit, quod significatur illis verbis l. 3. & depositionibus testium legitimo modo vallatum sit. Solemnia & testamenti constant iis rebus, iusto numero testium, & eorundem subscriptione & obsignatione, §. *sed cum putat, Instit. de test. ord. l. hac consultissima, supr. de test.* Numerus testium hic expressus est. Depositionem aut testium, quæ hic appellata Iustiniano, recte intelligemus subscriptionem & signationem testium, quæ a testibus in testamento deponuntur, id est, in testamentum conferuntur. Deposito & testium ex vsu recentiorum imperatorum dicuntur testificationes, seu ea quæ testes testimonio dicunt l. *in exercend. supr. de fid. instrumen. l. si quis testibus, supr. de testam.* Sed difficile est, ut eam significationem hoc loco admittamus. Nam in testamentis conficiendis non munitur testamentum testimonio testium, sed testium præsentia, audientium

tium testamentum testatoris, & deinde subscriptione & subsignatione, *dict. leg. hac consulti. sup. de testamen.* Deinde si viginti annis aut amplius post conditum testamentum, illud ab herede scripto proferatur, difficile est, ut eo tempore omnes testes viuant, qui agnoscant suas subscriptiones, & sua sigilla. Proinde, quod loco cōueniat, melius est, si depositionem testium hic interpretemur, ut supra fecimus, nempe ea, quæ testes in testamenta conferunt: ea autem sunt subscriptio & obsignatio. Si quis tamen depositionem testium hic interpretetur testificationes testium, qui vocati sunt, ut agnoscerent sigilla sua, non errauerit. Nam etsi id *in leg. tertia, infra*, prætermittatur, tamen intelligendum est, ex his quæ sup. tit. docuimus, testamentum, ut fidem faciat non recte aperiri, nisi præsentibus testibus & signatoribus, sigilla sua agnoscentibus. Neque eo minus desideramus solemnia testium, ut scriptus heres secundum testamenti scripturam mittatur in possessionem. Nam solemnium exactio satis continetur illis verbis, *leg. 3.* cum desideratur, ut testamentum nulla formæ suæ parte sit vitiatum. Nam solemnia testamenti ad formam & substantiâ testamenti referenda sunt.

10 Ex his ¶ quæ de vitiis testamenti hic cauentur, apparet, testamentum inutile fieri nō ob vitium quoduis, sed tantum ob vitium, quod ex inspectione testamenti seipsum ostendat, quod vulgo dicunt vitium visibile. ex quo satis colligitur, si quod vitium obiciatur aduersus testamentum, quod ex inspectione testamenti non appareat, quaecunque id sit, heredi nō obstat, quo minus heres mittatur in possessionem rerum hereditariarum, si modo proferat testamentum tale, quale supra exegimus. Hæc pars etsi satis colligitur *ex dict. leg. 3. infra. b.* tamen aperte confirmatur *ex leg. 2. b.* Ideoque ad hanc partem ea l. referenda est. Vitium quod sub sensum non cadit in testamentis duplex est, aut enim testamentum falsum est, aut iure non valet: idque præter omissionem solemnium testamenti contingit, aut ex persona testantis, aut ex omissione eorum quæ in testamento iure caueri oportuit. Ex persona, si is testamentum fecerit, qui ius testandi non habet, veluti si seruus fuerit, si filius familias, si prodigus, si furiosus, *tit. 7. inf. quibus non est permiff. facere testament.* Ex omissione, eorum, qui in potestate sunt, præteritio, *l. inter, D. de liber. & posthum.* eorundemque exhereditatio contra officium parentis facta, & vno verbo exhereditatio inofficiosa *Authent. non licet, & Authen. ex causâ, supra, de liber. præter.* Hinc dicimus, si heres scriptus postulet se mitti in possessionem rerum hereditariarum aduersus filium defuncti, mittendum esse nihilominus in possessionem prolato integro testamento, quamuis filius aliquid eorum, quæ supra dixi, aduersus testamentum dicat, puta falsum esse, se præteritum esse testamentum inofficiosum, testatorem seruum fuisse, aut in aliqua conditione extitisse, propter quam testamentum facere non potuerit.

Atqui hæc certissima vitia sunt testamenti, non minus quam omisso solemnium, aut cancellatio, aut alicuius partis testamenti oblitteratio: cur igitur hæc eadem vitia heredem non submouent? Quoniam ex inspectione testamenti non apparent: neque ideo fit iniuria filio aut alii possessori. Nam is si esse vere heres testamēto irrito cōstituto, hereditatem petere potest ab herede scripto, & statim vincet, si quid

eorum, quæ supra obiciebatur probauerit. sed hæc non nisi directo iudicio, in quo plena sit cognitio, sequuntur, *l. 3. §. ibidem, D. ad exhib.* Quod tamen in *d. l. b.* dicitur de superscriptis vitiis, quæ ex inspectione testamenti statim non apparent, duas exceptiones habet. Prima est, quam omnes interpretes dict. loco vulgo recte agnoscunt, si is qui hæc vitia obicit aduersus testamentum, se paratum esse dicat eodem die vitium probare, id est, statim & sine dilatione. Nam hæc exceptio ab omnibus reis admittitur, etiam in causis maxime summariis & momentariis, *l. 3. in pr. D. ut in possess. bonorum.* Huiusmodi probatio semper adferri potest, si possessor dicat testatorem fuisse prodigum, & ad manum habeat acta magistratus, quibus ipsi bonis interdictum est.

Altera exceptio est in eo, quod dicitur de filio qui se testamento præteritum esse dicit. Quod enim cauetur *in dict. l. 2.* nihilominus heredem scriptum aduersus filium, qui se præteritum dicit mitti in possessionem, sic interpretandum est, si heres scriptus neget aduersarium esse filium defuncti. Nam hæc quaestio, an sit filius, altiore indagacionem desiderat, de qua ex inspectione testamenti constare nihil potest. Sed si heres scriptus fatebitur eum filium esse, puto heredem non esse admittendum, idque duabus de causis. I. Quia herede hoc confitente præteritio filii incipit esse vitium, quod ex inspectione testamenti statim appareat: nam lecto testamento statim apparere potest, filium neque heredem institutum esse, neque exheredatum: is autem præteritus intelligitur, qui neque institutus, neque exheredatus est, *Inst. de here. inst.* Proinde testamentum pertinere incipit ad constitutionem Iustiniani, ut dicatur testamentum non apparere prima facie sine vilo vitio. Idem dicendum est, si is quem constat esse filium defuncti dicat, testamentum esse inofficiosum, quoniam immerito sit exheredatus: nam constare potest ex verbis testamenti statim, cum sit exheredatus causâ non adscripta, & si adscripta est, cum sit vna ex quatuordecim, quæ commemorantur *in Auth. ex causâ, supra, de liber. præter.* Quod si causâ exheredationis adscripta erit & erit causâ legitima, hic locum habebit, quod dicitur *in l. 2. b.* non nocere heredi scripto, quominus mittatur in possessionem quamuis filius dicat testamentum esse inofficiosum. Altera ratio est cur, ubi constat eum qui se filium dicit esse filium, eundemque esse præteritum, aut nō iuste exheredatum, non debeat scriptus heres aduersus eum mitti in possessionem rerum, quoniam hoc modo heres dolo facit, petens eam possessionem, quam statim & certo restitutus est. Ac, pinde exceptione doli mali merito a filio submoueri potest, *l. dolo, D. de doli mali except.* Nec ad rem pertinet, quod hoc iudicium possessorium est & summarium, in quo hæc exceptio obicitur scripto heredi: nam generaliter tenendum est, etiam in iudiciis maxime summariis & præparatoriis, exceptiones omnes æstimari, & remouere agentem, si ita euidentes sunt, ut aperte agentem remoueant, *dict. leg. 5. §. ibidem, D. ad exhib.* Talis est autem hæc, cum dicitur, quod scriptus heres qui fateatur filium esse præteritum aut immerito exheredatum, petat se mitti in possessionem aduersus eum, quem constat iure certo testamento irrito constituto heredem esse, *Auth. ex causâ, supra, de liber. præter.*

Ad L. 3. Edicto.

Imperator Iustinian. A. Iuliano præfect.
prætorio.

Edicto dñi Hadriani quod sub occasione vicesima partis hereditatis introductum est, cum multis ambagibus, & difficultatibus, & indiscretis narrationibus penitus quiescente, quia & vicesima hereditatis ex nostrarecessit Republica: antiquatis nihilominus & aliis omnibus quæ circa repletionem vel interpretationem eiusdem edicti promulgata sunt: sancimus, ut si quis ex asse vel ex parte institutus, competenti iudici testamentum ostenderit non cancellatum, neque abolutum, neque ex quacunque sua forma parte vitiatum, sed quod in prima figura sine omni vituperatione appareat, & depositionibus testimonum legitimi numeri vallatum sit: &c.

S V M M A R I A.

- 1 Ob vitium testamenti quod ex inspectione eius apparet, heres a possessione submouetur.
- 2 In quarum rerum possessionem mittatur heres ex hac parte iuris.
- 3 Quid iuris, si res, de quibus agitur sint vere hereditariae, sed possessor tales esse neget.
- 4 An in possessionem omnium rerum hereditariarum mittatur heres non tantum si sunt res soli seu immobiles, sed etiam si sint mobiles.
- 5 Adversus quos missio in possessionem constituta sit.
- 6 Pro herede quis possidere discatur.
- 7 Pro possessore quis.
- 8 Adversus quas heres in rerum possessionem non mittatur.
- 9 Quoties ex duobus aliquid deferatur uni vel lege vel testamento, neque intelligitur utri deferatur, neuter admittitur.
- 10 intra quod tempus heres desiderare possit se mitti in possessionem rerum.
- 11 Per quem iudicē seu a quo heres consequi possit missionem in possessionem.
- 12 Heres quomodo mittendus sit in possessionem.
- 13 Missionis in possessionem rerum effectus.
- 14 Petitio hereditatis & missio in possessionem quid differant.
- 15 Missionis remediū quid differat ab interdicto quorum bonorum.

1 **S**umma hæc est: Ob vitium testamenti quod ex inspectione testamenti statim apparet, heredem a possessione submoueri, quod non apparet, non submoueri, nisi aduersarius offerat præsentem probationem. Secundo loco videndum est, in quarum rerum possessionem mittatur heres ex hac parte iuris. Et expressum est in dict. leg. 3. h. mitti eum in possessionem earum rerum, quæ testatoris tempore mortis fuerint, quibus verbis duo exiguntur. Primum, ut res testatoris fuerint. His verbis intelligimus non tantum eas, quæ dominio testatoris fuerint, sed etiam, quæ possessione eius fuerint, siue in bonis eius fuerint, siue periculum earum ad eum pertinuerit: ut puta, mittetur heres etiam in possessionem vectigalium prædiorum, ædium, quæ testatoris fuerant: item, in possessionem rerum ab eo bona fide possessorum: item rerum illi pignori obligatarum, & eo nomine possessorum. quoniam hæc omnes sunt in bonis, l. bonorum, de verborum significatione. Hoc amplius, etsi res testatori commodatæ aut apud eum depositæ fuerint, consequetur he-

res ex hac parte, ut mittatur in earum possessionem: nam & hæc ad periculum testatoris pertinuerunt.

Hæc ex eo dicimus: Primo, quod omnes hæc res ad ius & possessionem defuncti pertinuerunt. Est autem æquius eas res ad heredem defuncti pertinere, quam ad alios detentores, qui nihil iuris habeant. Deinde, quia constat supra scriptas res omnes venire in possessionem hereditatis, id est, hereditatem petenti has res omnes restitui debere, l. & non tantum, de petit. hered.

Porro facilius ex hac parte iuris consequi debet heres rerum hereditariarum possessionem, quam petitione hereditatis, quoniam hæc pars iuris, habet beneficium momentaneum, nempe possessionem & detentionem nudam, quæ possessio in iudicio directo non præiudicat. Postremo etsi præfracte retineremus verba Iustiniani, ut heres mitti deberet in possessionem rerum, quæ plane testatoris fuerint, tamen hoc consequeretur heres, si solum doceret eas res a testatore possessas fuisse. Nam aduersarius, qui diceret eum dominum fuisse, id probare deberet & maneret in suo loco possessor, l. 2. supr. de probat.

Alterum exigitur, ut res fuerint testatoris, tempore mortis eius. Quid ergo si mortuo testatore iacente adhuc hereditate res aliquæ quasitæ sint, puta per seruos hereditarios: item, alluione aliquid accreuerit, fundo hereditario, aut vsusfructus earum, qui alienus erat, finitus est, & ita cum proprietate coniunctus: item, si fructus rerum hereditariarum ab aliquo percepti & collecti sunt. namque hæc omnia acquiruntur hereditati, fiuntque hereditaria, leg. hereditas, in multis, de acquirend. rer. domin.

Responsio etiam his superioribus verbis continetur, mitteturque heres ex hac parte in earum rerum possessionem: hoc ipso videntur hæc res defuncti, quod sunt hæc hereditatis adhuc iacentis. Nam hereditas non adita defuncti personam sustinet, leg. hereditas, de acquirend. rerum domin. Ita in summa efficitur heredem ex hac parte mitti in possessionem rerum hereditariarum, seu defuncti vere fuerint cum viueret, seu postea hereditariæ esse cæperint. Quod si res neque defuncti fuerint, neque hereditati sint postea quasitæ, non mittetur heres in earum rerum possessionem: & merito, quia nihil ad ad heredem pertinere potest, nisi quod sit hereditatis: nihil autem hereditatis est, nisi quod defunctus habuit, & est definitio hereditatis, leg. hereditas, de regul. iur. l. nihil aliud, de verborum significatio. non habuit autem defunctus, nisi tunc habuit, cum defunctus est, idque apertius exprimitur in definitione bonorum possessionis, leg. 3. §. bonorum igitur, de bonorum possessio. Quid si res de quarum possessione agitur, sint vere hereditariæ, sed possessor hereditarias esse neget, & de eo sit controuersia? Respon. Heres debebit probare esse hereditarias, quoniam non ex hac parte aliter ad rerum possessionem admittitur, quam si res defuncti fuerint. Proinde ad fundandam petitionem hereditatis, necesse habet intendere res hereditarias esse, quæ a Lucio Titio possidentur, in quarum possessionem ob id se mitti postulat. Id cum intendat, probare debet, secundum regulam iuris, & eo non probante reus absol- uendus est, leg. secunda, D. de probatio, l. qui accusat, supr. de edendo.

4 Sed an † in possessionem omnium rerum hereditariarum mittetur heres, non tantum, si sunt res soli seu immobiles, sed etiam si sint mobiles? Mouet dubitationem quod proprie dicuntur illi mitti in possessionem, qui ire iubentur in possessionem, imus autem in res immobiles, quemadmodum & de his solis delictumur, res autem mobiles manu capimus. Sed vsus iuris hic est, vt in verbis legis, mittitur quis in possessionem, intelligatur mitti in possessionem rerum omnium, etiam incorporalium, vt declaratur, l. 2. §. qui in possess. & §. sequen. D. vt in possess. bonorum esse liceat.

5 Tertius locus est † aduersus quos sit hæc missio in possessionem constituta, & constituta est hæc missio, aduersus possessores rerum, vt significatur illis verbis, leg. 3. non autem legitimo modo ab alio detinentur. Quod si has res nemo possideat, an etiam ex hac parte postulari debet a competente iudice missio in possessionem? Et vulgo existimant peti posse & debere, hoc est ineptissimum. Nam non ob aliam causam iudex adeundus est, cuius auctoritate possessionem rei occupemus, quam ne vim faciamus, & vi facta possessionem rei amittamus, leg. exstat, D. quod metus causa, leg. si quis in tantum, D. unde vi.

At heres, qui res hereditarias a nullo possessas auctoritate sua occupat, iure occupat & nulli vim facit, nec ad superiores constitutiones pertinet, quæ vim facienti constituunt pœnam. Proinde in his rebus non est necesse adire magistratum, sed recte res a nullo possessas, vt suas & hereditarias occupabit sine vilo indice. Quinimmo huius rei causa adire iudicem & impetrare ab eo potestatem earum possidendarum inutile est & ridiculum, quia hæc res heredi non magis profunt, quam si a iudice impetrasset. Nam quisquis possessor earum rerum, aut qui se dominum dicit, eas res repetet ab eo herede, qui eas occupauit, non oberit repetenti vlla exceptio rei iudicatæ. Primo, quia res ante non est iudicata, cum nulla fuerit condemnatio aut absolutio, leg. prima, de re iudic. Secundo, quia non est iudicata aduersus eum, qui nunc agit. Et autem, aduersus quem res iudicata non est, res iudicata non nocet, l. sape, de re iudicata. Possideri igitur res hereditarias oportet, vt aduersus possessorem petat heres se mitti in possessionem earum rerum, si petitione & missione aliquid agere volumus.

Mittetur autem heres aduersus omnes possessores rerum, quæ defuncti fuerint tempore mortis eius, aut postea hereditariæ esse cœperint, quocunque tandem titulo eas res possideant. Id colligimus ex illis verbis, dict. leg. tertia, Non autem legitimo modo ab aliis detinentur, &c. Nam in illis verbis & præcedentibus, illas res, quæ fuerint testatoris tempore mortis, opponit his rebus, quæ ab alio detinentur legitimo modo, nempe per aduersariam, autem, ex quo colligitur eas res, quæ testatoris fuerint tempore mortis non legitimo modo detineri, a quocunque tandem detineantur, si modo constet defuncti fuisse, & post mortem eius detineri cœpisse, idque non immerito constituitur. Nam qui res, quæ defuncti fuerint tempore mortis eius, postea detinere cœpit, necesse est, aut eas res pro herede possideat, aut pro possessore, aut singulari aliquo titulo, veluti pro emtore, pro donato, pro

legato. Pro herede titulus non est constitutus, nam is † pro herede dicitur possidere, qui non est heres, sed se putat heredem, aut se dicit esse, leg. pro herede, D. de petitio. hered. Et titulum non esse discrete, scriptum est in leg. diutina, de prescriptione longi temporis. Pro possessore multo minus titulus est. Nam † pro possessore possidet prædo, id est, qui nullam aliam causam suæ possessionis reddit, quam quod possidet, dict. leg. pro herede, §. ultim. & §. seq. de petit. hered.

Singulares autem tituli, pro emtore, pro donato, &c. etsi sunt iusti, tamen si post mortem defuncti, nati sunt, incipiunt fieri iniusti. Nam is, qui rem se emisse dicit, pro se rem occupauit sine emtione, & mentitur. Quod si vero ab alio emit, tamen auctor eius eam sine vilo titulo occupauit, quoniam hereditariam & defuncti rem fuisse posuimus, quam nemo sua auctoritate possidere potest, nisi pro herede aut possessore, qui non sunt iusti tituli, vt dixi. Hac autem vitia etiam successor in hac possessionis missione nocebunt.

Solum igitur relinquitur possessori ad defensionem, vt dicat, se eas res, quas possidet, etiam viuo testatore possedisse & habuisse, neque esse hereditarias, quod cum sit, iam diximus, heredis esse probare eas hereditarias esse, quod non difficile probabit siue doceat, eas fuisse in possessione defuncti, cum moreretur, seu doceat eas a defuncto aliquando possessas fuisse. Nam possessione præcedente probata, ex eo existimatur in futurum quoque defunctus possedisse, nisi aduersarius probet, eum transulisse in alium possessorem, leg. si emancipati, supra, de probatio. Id autem si aduersarius probare paratus sit, quod dicat in se possessionem translatam esse ex iusta causa, audiendus est, & heredem submouebit ex iisdem verbis, dict. l. 3. Quia scilicet tunc legitimo modo detinet.

Ex possessoribus tamen, qui res, quæ defuncti fuerunt, detinent, duo genera hic excipiuntur, aduersus † quos heres non mittitur in possessionem rerum. Primum genus est eorum, qui post mortem defuncti rem ita possidere cœperunt, vt etiam possessione temporis prescriptionem sibi acquirerent, de quibus dicitur, in versic. penult. & ultim. dict. leg. 3. & nos paulo post dicemus plura suo ordine. Secundum genus est eorum possessorum, qui itidem a se proferunt testamentum non vitiatum, quo & ipsi scripti sint heredes. De hoc genere contradictorum agitur, in dict. leg. 3. in §. sui autem. Loquitur quidem constitutio generaliter de contradictore, nec exprimit, quem contradictorem intelligat, sed id ex sequentibus verbis intelligi potest, cum dicit: Inter heredem & hunc contradictorem, de quo loquitur, cum acquirere possessionem, qui potiora iura & legitimos modos ostendat. Legitimi modi acquirendæ vel retinendæ possessionis in hac parte, de qua nunc agitur, sunt testamentum proferre, & proferre nulla sui parte vitiatum. Deinde hæc verba pertinent ad duos, qui eadē iura ostendūt, in quibus tamen aliud sit alio potius. Quisquis contradictor ostendet aliud testamentum integrum, quo sit scriptus heres aduersarius, qui desiderat se mitti in bonorum possessionem, prolato alio testamento eiusdem generis, non mittetur in possessionem.

Quid ergo an in totum submouebitur? Mini-

me, sed adiecit Iustinianus in dict. leg. tertia, §. Sin autem. controuersia inter istos orta, examinari debere causas in possessionem missionis & conditionis. Causa cur quis in possessionem mitti debeat, ex hac parte est ea, quam iam diximus, si proferat testamentum & proferat non vitiatum. Eademque causa contradictionis est, ut quis possessionem rerum hereditariorum retineat. His causis cognitis, id est, cognitis testamentis iis, quæ ab utraque parte proferuntur, is possessionem acquireret, qui potiora iura ostenderet, ut sunt verba constitutionis. Sed quæro, cum ab utraque parte proferatur testamentum, nulla sui parte vitiatum, quomodo dici possit, vnum esse altero potius?

Respond. Id ita continget, si ea, quæ in vno scripta sunt, magis conueniant personis, locis, temporibus, & testes integrioribus & honestiores habet. Exempli causa, in vno testamento heres scriptus est, sed ignotus aut extraneus scriptus est, aut ea manu, quæ non satis agnoscitur, scriptum est testamentum, eo tempore, quo vehementer testator laborare dicebatur, adhibiti sunt testes, sed ignoti, aut non sunt exploratæ fidei. In altero autem heres institutus proponitur amicus vel cognatus defuncti, testes qui subscripserunt noti & integræ fidei. Hoc posterius testamentum vincet, argumento, leg. hoc cæmen, §. ultim.

Quid si in utroque testamento omnia paria conueniant? Respond. Neuter mittitur in possessionem, idque certissima ratione defenditur. Aut enim necesse est, utrumque mitti, aut alterum duntaxat, aut neutrum. Vterque mitti nequit natura possessionis repugnante, quoniam duo in solidum possidere non possunt, leg. 3. §. ex contrario, de acquiren. posses. Vnum tantum in possessionem mitti non decet, quoniam is non plus iuris habere proponitur, quam alter.

Restat igitur, ut neuter admitti debeat, & est generaliter probandum, quoties ex duobus aliquid deferatur vni vel lege, vel testamento, neque intelligitur vti deferatur, neuter admittitur. Ut puta, Titius testamento tutor datus est, duo sunt Titii, neque intelligitur de vtro senserit testator, placet neutrum tutorem fore, leg. secunda, D. de testamen. tut. Item, Titio quid legatum est, duo sunt Titii, neque intelligitur, de quo senserit testator. Item legauit testator ei, qui prior montem ascenderit, duo pariter ascenderunt, neutri debetur legatum, leg. si fuerit, de rebus dubiis.

Quarto loco videndum est, intra quod tempus desiderare possit heres se mitti in possessionem ex hac parte iuris. Iustinianus cauit in dicta leg. tertia, §. Sin autem, perpetuo id desiderari posse, non autem intra annum duntaxat. In qua parte edictum Diui Adriani, quod de hac parte erat constitutum, antequam Iustinianus.

Verisimile est enim eo edicto cautum fuisse, ne post annum admitteretur heres scriptus ad possessionem rerum hereditariarum, nisi vicesimam partem hereditatis fisco soluisset. Iustinianus & post annum hanc missionem desiderari posse constituit, & voluit ius vetus de vicesima hereditatis sublatum etiam in hac parte manere, unde inscriptio tituli de edicto Diui Adriani tollendo, & quæ sequuntur. Id colligi potest ex initio dicta leg. tertia,

hic. colligitur ex eo quod Iustinianus annuale tempus in versic. penultim. commemorat. Sed quando hoc edictum fuerit, ad rem nihil pertinet, satis est intelligi, quid de hoc tempore constituat Iustinianus. Sed hic est ea exceptio constituta, ut heres desiderare possit perpetuo, se mitti in possessionem bonorum, aduersus possessores, nisi tamen tempus præterierit, quo aut possessori res usucapta sit, aut sine dominio possit præscriptione temporis actorem submouere. Ergo si possessor post mortem defuncti cepit rem hereditariam possidere ex iusta causa & bona fide, rem mobilem usucepit triennio, immobilem decem annis inter præsentem, viginti annis inter absentes, leg. unica, in fin. de de usucap. transform. leg. ultim. infra, de præscript. longi temporis. Hoc tempus si præterit, & ita possessor tutus est, non mittetur heres in possessionem rerum ita usucaptarum. Quo casu dicitur ab utraque parte longinquitas temporis occurrere heredi, dicta lege tertia, in fin. occurrere, id est, submouere heredem. Nam a parte possessoris actor submouetur propter diligentem possessionem possessoris, cui lex fauet, dum vult dominia rerum incerto non esse, leg. prima, de usucap. A parte item actoris hæc usucapio eum submouebit, propter actoris negligentiam, qui rem negligendo videtur alienare voluisse, leg. alienationis, de verborum significatione.

Sine usucapione autem rei, præscriptio temporis intentionem heredis submouet, si possessor qualis qualis, rem de qua agitur triginta annis possederit, leg. sic, infr. de præscriptio. triginta vel quadraginta annorum. Quo casu in dicta leg. tertia, in fin. dicitur longinquitas temporis occurrere heredi ab vna parte, nempe a parte ipsius heredis, propter eius negligentiam tam diuturnam, non etiam a parte possessoris, qui hanc præscriptionem habet, etiam si fuerit malæ fidei possessor. Ideo autem submouetur heres a possessione, quia etiam his modis causa principalis sopitur, ut est in fin. leg. 3. vbi principalis causa intelligitur petitio heredis, in qua de iure hereditatis quæritur. Hæc submouetur usucaptis rebus hereditariis, quoniam petitio hereditatis non competit aduersus eos, qui iusto titulo singulari pendent, leg. hereditatis, in fin. supr. de petitio. hereditat. & præterea rebus non usucaptis submouebitur præscriptione triginta vel quadraginta annorum, ut diximus.

Quinto loco videndum est, per quem iudicem seu a quo heres consequi debeat missionem in possessionem. Et constitutio Iustiniani in dict. leg. 3. vers. sancimus. exigit iudicem competentem. Competens iudex in hac causa est, qui & pro potestate sua potest in possessionem mittere, & cuius territorio subiectæ sunt res, de quarum possessione agitur. Solus potest in possessionem mittere, qui non iurisdictionem tantum, sed imperium habet sine iurisdictione, hæc enim res dicitur esse magis imperii, quam iurisdictionis, l. iubere, de iurisdic. In hac autem causa est magistratus populi Romani, seu magistratus a principe constitutus, non autem municipalis, id est, magistratus a ciuitate constitutus. Proinde magistratus municipalis frustra aditur huius missionis impetrandæ causa, leg. ex qua, ad municipalem. Non est satis magistratum posse pro iurisdictione sua in pos-

in possessionem mittere, sed oportet etiam res, de quarum possessione agitur, esse in eius territorio, quoniam ibi quisque mittendus est in possessionem, ubi res sunt sitæ, & causæ missionis ibidem transigendæ, *l. i. sup. ubi de hered. agatur, l. cum unus, §. is. D. de reb. auct. ind. poss.*

12 Sexto loco docet constitutio, † quomodo heres mittendus sit in possessionem, & ait, id fieri sub testificatione publicarum personarum, *dict. leg. 3. versic. sancimus, in fin.* His verbis intelligitur, heredem iussum a iudice ire in possessionem, non occupatum suam auctoritate possessionem vi deiectis possessoribus, sed induci in possessionem per apparitores magistratus, aut eas personas, quæ sunt in officio magistratus, per quas magistratus suum exsequitur decretum, ut sunt iudices, qui dicuntur commissarii, ut sunt scribæ graphiarii, quorum opera utitur interdum magistratus, nam per istos magistratus sententiam exsequitur, *l. si pignora, de euct.*

13 Sequitur effectus huius † missionis. Est autem hic. Consequitur ex hac parte heres possessionem rerum hereditariarum. Diligenter hic videndum est, quid verbo hoc *hereditariarum*, contineatur. Et animadvertendum est, quod non continetur id solum, quod continetur cum ex aliis partibus iuris quis in possessionem rerum mittitur, ut cum mittitur legatarius in possessionem legatorum hereditarium seruandum causæ, cum mittitur creditor in possessionem debitoris rei seruandæ causæ, & cum missio sit ex similibus causis, *de quo comprehensum est, leg. prima, quib. ex causis, in possessionem eat.* Nam in his omnibus nihil amplius consequitur is, qui mittitur in possessionem, quam custodiam & obseruationem rerum, veteri domino nihilominus in possessione manente, *leg. cum legat. quibus ex causis, leg. is, ex quo, D. ut in poss. legat.*

At ex hac parte iuris consequitur heres plenam detentionem rerum, eo, qui prius possidebat, possessione cedente, ut solus detineat qui in possessionem missus est, id quod liquet *ex dict. leg. 3. §. si autem, ubi ex duobus litigatoribus, qui de possessione contendunt, ex hac parte iuris dicitur, in totum posse acquiri, nimirum ei qui potiora iura ostendit, interim nihil amplius consequitur heres, quam possessionem rerum. Non igitur dominium consequitur. Proinde veteri possessori nihil hic præiudicatur, quominus si se heredem esse putet hereditatem vindicet ab herede scripto, qui in possessionem missus est: aut si se putet dominum rerum, vindicet res singulas: ut fieret, si heredi res restitutæ essent ex interdicto quorum bonorum, ex quo itidem, ut ex hac parte nihil consequitur heres nisi possessionem rerum, id probatur *in leg. vitima, infra, quorum bonorum.**

14 Quid fuerit hoc remedio opus? Respondeo nihil opus esset, si nullas utilitates haberet, præter eas quæ superioribus actionibus continentur, sed suas proprias & singulas commoditates habet, quibus bene & utiliter a superioribus distinguitur, & propter quas tutius & commodius est ad hoc remedium confugere. Differt † a petitione hereditatis, quia & probatione facilius, & petitione plenius est. Faciliorem & expeditiorem probationem habet, quia in petitione hereditatis, non sufficit heredi, testamentum non vitiatum proferre, ut res ei eo iudicio restituatur, sed si quid contra testamentum dicitur,

exceptiones sunt admittendæ, & de his plene cognoscendum.

Veluti si possessor dicat, se esse filium præteritum aut exheredatum contra officium pietatis, de hoc cognoscendum erit, nec prius vindicet heres quam pronuntiatum fuerit, testamentum non esse inefficium, *leg. Papinian. §. si filius, D. de inoffic. testam. Et generaliter tenendum est in omnibus directis iudiciis, id est iis, in quibus de proprietate & pleno iure actoris agitur, iudices oportet rem plena inquisitione cognoscere, sic deinde causæ cognita statuere, leg. iudices, sup. de iudiciis.* At in hac missione in possessionem, quæ petitur ex hac parte iuris, sufficit testamentum non vitiatum proferre, neque ideo fit iniuria possessori, quia nihil ei auferitur nisi possessio momentanea, quam in causâ pari æquius est apud eum esse qui testamento mittitur.

Est & remedium huius partis plenius. Nam petitio hereditatis non competit, nisi aduersus hos qui pro herede, aut pro possessore possident, non datur aduersus eos, qui pro emptore, aut ex alia iusta causâ singulari possident, *l. hereditatis, supra, de petit. heredit.* At hoc remedium dixi competere aduersus omnes possessores earum rerum, quæ probantur testatoris fuisse, cum is moritur, nisi tamen tantum temporis intercesserit, ut possessori præscriptio acquireretur.

Differt etiam † hoc interdictum ab interdicto 15 quorum bonorum, quia plenius est. Nam inter scriptos heredes competit aduersus plures & pluribus competit: interdictum quorum bonorum non datur omnibus heredibus, seu scriptis seu legitimis, sed his tantum, quibus ex edicto prætoris bonorum possessio data est, id est, qui apud magistratum bonorum possessionem agnouerunt, *leg. prima, D. quorum bonorum*, usque adeo, ut iis qui bonorum possessionem non agnouerunt, ne vile quidem interdictum quorum bonorum competat, *ut aliis dictum, ad leg. primam, infr. quorum bonorum*, etsi verba eius legis vulgo refragari existimantur. At remedium ex hac parte iuris omnibus scriptis heredibus datur, seu possessionem apud magistratum petierint, seu non petierint, dummodo testamentum non vitiatum iudici ostendatur. Præterea interdictum quorum bonorum similiter ut petitio hereditatis datur aduersus eos tantum, qui pro herede aut possessore possident, *d. l. i. quorum bonorum*. Iam autem dixi hoc remedium constitutum esse aduersus omnes rerum hereditariarum possessores.

Donellius Auctor.

CONSULTO præterimus titulos duos, scilicet, 34. & 35. Prior enim saltem lectione diligenti indiget: alter circa aliquas difficultates versatur, quæ quia non raro accidunt, minus sunt difficiles.

AD TITVLVM. XXXVI. COD.
De codicillis.

S V M M A R I A.

- 1 Codicilli quid & unde dicantur & quomodo a testamentis differant. & nu. 2.
- 3 Codicillorum vis quæ.
- 4 Codicilli ut valeant, ex tribus rebus pendet.

- C**odicilli sunt scriptura, non in hoc instituta, ut testamentum esset, voluntatem minus solemnem continens, de eo quod quis post mortem suam fieri voluit. Scripturam esse constat, non enim aliter, quam scribi codicillos declaratur in *pr. l. 1. de codicill.* Declaratur etiam significatione verbi latinis nota. Nam ut codex non est, nisi scriptus, sic nec codicilli nisi scripti sunt, seu breues scripturae. Est enim verbum a superiore per diminutionem deriuatum, non quod nemo possit voluntatem suam testari sine scripto, immo potest, ut dicitur *ad leg. ultim. §. ultim. infra*, sed ea testatio codicilli non sunt. Scripturam esse volumus de eo, quod quis post mortem suam fieri velit, id quod etiam constat, *ex dict. leg. 1. de codicill. in prin.* Et haec tenus conuenit inter testamentum & codicillos. Sed hoc proprium est codicillorum, quod continent voluntatem minus solemnem, & ut dicitur *in dict. leg. de codicill. in fin.* nullam solemnitatem iuris desiderant, quod quomodo interpretandum sit, suo loco dicemus *ad l. ult. §. ult. b.* At testamentum est voluntatis nostrae iusta sententia, *leg. 1. D. qui testamentum fac. poss.* Iusta, id est, legitima, & secundum regulas iuris de testamentis & supremis voluntatibus constitutas. Ea autem res duabus rebus continetur: solemnibus quae extrinsecus adhibentur, & heredis institutione. Solemnia sunt in testibus, in numero testium, in eorum signis & subscriptionibus, *§. sed cum paulatim, Instit. de testam. ordin.* Heredis institutio ita testamentum facit, ut sit caput & fideicommissi & testamenti, *§. ante heredis, Instit. de legat. leg. 1. de vulg. leg. ultim. D. de iur. dot.* In quibus haec duo interueniunt, ea testatori sunt testamenta, si quid horum deest, non erit testamentum, sed erant codicilli, sed hoc ita nisi scriptura instituta sit in hoc, ut testamentum fieret. Nam si quis voluerit testamentum facere, etsi facere opinatus est, lege id testamentum non valebit. Nec faciet ea scriptura ut codicillus, quamuis iure codicilli valeat, nisi testator voluisset & nominatim hoc exprefferit, ut diceret, se velle eam scripturam pro codicillo valere, *l. 1. D. eodem tit. l. coheredi, §. cum filia, vers. sed ita, D. de vulg.* Et hoc est quod in definitione adiecimus, scripturam, non ad hoc institutam, ut esset testamentum.
- 3** Codicillorum sunt vis & ius hoc est: quicquid, codicillis relinquitur, id iure debetur, praeterquam si hereditas verbis directis relicta sit, *l. 2. infr. §. codicill. Institut. eodem.* Sed hoc ita, dummodo codicilli iure valeant. Id autem pendet, ex tribus rebus, ex conditione personae testantis, ex observationibus quibusdam, quae adhiberi debent, ex testamento, ad quod codicilli pertinent. Ex conditione personae, quia non omnes codicillos facere possunt, non magis, quam testamentum, ut furiosus, *leg. 4. b.* Ex observationibus, quia etsi codicilli solemnia testamenti non desiderant, tamen desiderant nonnullas observationes, de quibus *leg. ultim. certum est, §. ultim. infr.* Ex testamento, ad quod codicilli pertinent, quia enim codicilli pertinent ad testamentum, ideo ius & conditionem testamenti sequuntur, eoque infirmato & codicilli euanescent, *de quo in leg. 1. b.*

Ad L. 1. Rupto.

Imp. Alexander A. Mocimo & aliis.

Rupto quidem testamento posthumi agnatione, codi-

illos quoque ad testamentum pertinentes, non valere, in dubium non venit, sed cum post ruptum testamentum patrem pupillorum vestrorum literas emisisset proponatis, quibus praecedens iudicium confirmauit: Praetor nihil contra ius fecit, si nouissimam eius voluntatem secutus, relictum testamento reipublica fideicommissum, ut ex codicillis relictum, praestandum esse pronuntiauit. PP. 3. Calend. Iul. Maximo 3. §. Paterno Cos. 234.

S V M M A R I A.

- 1 Species & questio huius legis explicatur.
- 2 Codicilli ad testamentum pertinentes, testamenti conditionem sequuntur: ad id non pertinentes, per se ipsos consistunt, nec ex testamenti viribus pendunt, §. nu. 5. & 8.
- 3 Qui codicilli ad testamentum pertineant. Codicilli post testamentum facti, quamuis aperte non confirmari testamento, nihilominus valent, & ad testamentum pertinent: quod limitatur, ibidem.
- 4 Ad testamentum pertinere, quid sit.
- 6 Testamentum iure ruptum codicillis postea factis & recent: testatoris voluntate confirmari nequit.
- 7 An quod codicillis relictum non est, ex codicillis deberi possit. Item, an quod codicillis nominatim scriptum non est, codicillis relictum dicatur.
- 9 Codicilli iam facti, an agnatione posthumi rumpantur.

Testator testamentum iure fecit, sed testamentum factum, ei filius natus est, quem neque instituerat, neque exheredauerat, id est, suo verbo quidem praeterierat testamento, agnatione huius posthumi testamentum ruptum fuisse constat, *leg. 1. §. 3. D. de iniusto rupt.* Deinde literas emisit, id est, codicillos, quibus suum iudicium confirmauit, id est, declarauit se rata velle esse omnia, quae in priori testamento scripta erant, & ita decessit. Posthumus ab heredibus legitimis fideicommissum petit: hi erant pupilli, iidemque filii defuncti, qui in potestate tutorum erunt. Tutores negant fideicommissum deberi argumento hoc: Quod si debeatur, non possit deberi, nisi aut ex testamento, aut ex codicillis postea factis. Non potest deberi ex testamento, quia id ruptum est, neque sola voluntate conualescere potuit: Non potest deberi ex codicillis, quia ius est; rupto testamento, simul codicilli non valent. Re apud praetorem agitata, praetor pronuntiauit, fideicommissum deberi. A qua sententia appellatum est, ad praefectum pratorio aut principem. In hac appellatione consulitur Imperator: Num fideicommissum debeatur, & num recte praetor pronuntiarit? Et afferuntur hae rationes, quas diximus, cur non videatur deberi. Respondet imperator: Recte pronuntiasse praetorem deberi fideicommissum. Ad ea autem, quae contra dicebantur ita imperator occurrit: fatetur fideicommissum in proposito ex testamento rupto deberi non posse, quia nuda voluntate non potuerit confirmari, sed deberi aut ex codicillis non ob stare quod dicitur, testamento rupto codicillos etiam rumpi, a cuius obiectionis solutione statim orditur. Nam rupto testamento rumpuntur quidem codicilli, sed codicilli ad testamentum pertinentes. In proposito autem, quia codicilli rupto ante testamento facti sunt, non pertinent ad testamentum ruptum. Proinde ex his ut iure constitutis, fideicommissum recte deberi.

Hic multa notanda & expendenda sunt. I. Notandum est de iure codicillorum, codicillos ¶ ad testamentum pertinentes conditionem testamenti sequi, non pertinentes autem ad testamentum, per se ipsos consistere, neque ex viribus testamenti pendere. Videndum est, qui codicilli ad testamentum pertineant, qui non, & quid sit hoc, pertinere ad testamentum. Ita definiendum est: Quoties ¶ testator testamentum iure factum habet, si per id tempus, quo testamentum consistit, codicillos habeat, quocumque tempore codicilli facti sint, ad testamentum pertinent, *l. ab intestato. circa fin. ff. eo. utpote* codicilli, quos fecit primo, deinde testamentum iure fecit, ad testamentum pertinent, idque sequuntur, etsi testamento nominatim confirmati non sunt, *l. 3. §. ult. ff. eod.* Papin. adiciebat hanc conditionem, si modo aliquo indicio voluntatis eos testator confirmasset, *l. ante. ff. eod.* Sed Diui Severus & Antoninus codicillos valere voluerunt, etiam si nihil aperte his confirmandis testator ostendisset, dummodo contraria nulla testatoris ostenderetur, quæ sententia *§. 1. Instit. eod. probata* est. post quam sententiam receptam ita responsum Papin. *in d. l. ante. §. c.* interpretabimur, ut videatur testator codicillos confirmasse nouo testamento facto, hoc ipso quod non aperte repudiavit.

E conuerso si testator primo testamentum fecit, deinde codicillos, & hi quoque codicilli, quamuis aperte non confirmati testamento, nihilominus valent, & ad testamentum pertinent, *d. l. ab intestato. ff. eod.* Sed hoc posterius ita accipiendum est, dummodo codicilli posterius facti, tunc facti sint, cum testamentum adhuc iure consistat. Quod si tunc facti sint, cum iam testamentum ruptum aut irritum factum esset, codicilli ad testamentum non pertinebunt, eoque nec conditionem testamenti sequentur, quæ sententia hoc declaratur rescripto. Et merito hi codicilli ad testamentum prius ruptum non pertinent, quoniam ut dicantur codicilli ad testamentum pertinere, prius est, ut sit aliquod testamentum, ad quod pertineant, idque natura ipsa efficit. Nullum est autem testamentum quod ante ruptum fuit: intestatus enim definitur is, non tantum qui omnino testamentum non fecit, sed etiam, cuius testamentum quod prius fecerat, iure rescissum est, *Instit. de hered.*

¶ *quæ ab intest.* Pertinere ¶ ad testamentum est partem testamenti esse, *l. quidam. vers. nimirum. ff. eod.* Vnde codicilli dicuntur pars esse testamenti, *l. pen. ff. quem admodum testam. aper.* Quod ¶ dicuntur codicilli pars testamenti esse, hanc vim habet, ut intelligantur codicilli ad testamentum pertinentes legem & conditionem testamenti sequi, ut si testamentum valet, codicilli valeant, si testamentum non valet, nec codicilli valeant, *d. l. ab intestato. d. l. quidam. vers. nimirum. l. 3. §. ult. ff. eod.* Ex quo per contrarium intelligimus, si qui sunt codicilli ad testamentum non pertinentes, quales sunt hi, qui testamento iam ante rupto scripti sunt, hos per se valere, nec conditionem testamenti sequi, quod exemplo huius loci euidenter confirmatur.

II. Notandum ¶ est testamentum iure ruptum codicillis postea factis, & recenti voluntate defuncti non confirmari, quantumvis iusserit rata esse, quæ eo testamento scripta erant. Id aperte colligitur ex hoc rescripto: hic enim dicitur, testamento ita confirmato, ut supra dictum est, fideicommissum quidem deberi, sed non ex testamento. Et merito dicitur testa-

mentum non confirmari codicillis, aut alia voluntate. Nam testamentum agnatione posthumi ruptum efficitur iure, seu ius rumpi debet, pactis & voluntatibus priuatorum iuri publico derogari non potest, *l. 9. bonis. ad l. Falcid.* Proinde non potest quod ius ruptum esse iubet, priuata voluntate fieri ut valeat. Non obstat *l. qui ex liberis. §. ult. de bon. pos. sec. tab.* vbi dicitur: Si testamentum priori testamento facto ruptum sit, id conualescere, si testator posteriores tabulas ruperit, ut priores valerent. Item dicitur, testamentum capitis diminutione testatoris irritum factum, recenti voluntate testatoris confirmari, si is sui iuris factus testamentum valere voluerit. Hæc, ut dixi, non obstant. Dicta sunt enim de eo testamento non solum, quod testator valere voluit, sed etiam a quo impedimentum remotum erat, quod prius testamento obstabat. In hac autem lege agitur de testamento rupto agnatione posthumi, qui adhuc vivebat. Proinde hoc vitio testamenti manente iure publico priuata defuncti voluntate derogari non potest. Et merito. Hic respondeatur, fideicommissum ex testamento hoc non deberi. Non obstant verba rescripti huius, cum dicitur, testator literis supremam voluntatem confirmasse. Hæc enim verba ad factum testatoris, non ad ius referenda sunt: Testator supremam voluntatem suam codicillis confirmauit, id est, verbis, quia id ratum esse iussit, sed iure non confirmauit, quia non potuit. Hic autem de facto quærebat, quod præcesserat, secundum quod Imperator respondet.

III. Notandum ¶ est quod relictum testamento, ex testamento non valuit, id ex codicillis peti possit, quasi relictum codicillis. Et quomodo quæret aliquis, ex codicillis deberi potest, quod codicillis relictum non fuit? Quomodo autem dici potest codicillis relictum, quod codicillis nominatim scriptum non est? Respondeo: Nihil codicillis deberi potest, quod codicillis relictum non est: sed intelligi potest id codicillis relinqui, non tantum quod codicillis speciatim & nominatim relinquatur, sed quod verbis generalibus, eam speciem, de qua agitur, continentibus relinquatur, quod in ea specie accidit. Nam cum testator voluit in testamento ea valere, quæ scripta erant, voluit etiam ea præstari. Verbo testamenti omnia continentur, quæ sunt in testamento, perinde quasi specialiter expressa essent. Et generaliter definimus nihil interesse, utrum quid testamento aut codicillis aperte exprimat, ut videatur ibi relictum, an vero relinquatur per reiectionem ad eum locum, vbi id continetur. Exempla sunt in *l. asseroto. de hered. instit. §. in l. institutio. de cond. instit.*

Hæc quæstio hodie non est necessaria, quia ex constitutione Iustiniani, ex causa præteritionis, institutiones quidem irritæ sunt, sed cetera testamento relicta debentur, & quidem ex testamento rupto; *Authentic. ex causa supr. de liber. præteriti.* Quod si id sit testamento nullis codicillis confirmato, multo magis idem admittemus, si recenti iudicio testamentum ruptum confirmauit. Sed non ideo hoc rescriptum inutile est, quoniam potest prius testamentum rumpi ex alia causa, quam præteritionis. Denique hoc rescriptum locum habebit in hac specie: Testator testamentum

fecit, quo fideicommissum reliquit Reipub. deinde aliud testamentum fecit, quo nihil Reipub. relictum est: constat posteriori testamento prius ruptum esse. Deinde & post secundum testamentum filius testator natus est, qui secundo testamento prateritus erat, ita & secundum testamentum agnatione posthumi ruptum est. Ad extremum testator codicillos fecit, quibus prius testamentum confirmavit. Si quaeratur, vtrum fideicommissum Reipubl. debeat, quod priori testamento relictum erat? necessario ad hoc rescriptum confugiendum est, ut dicamus, fideicommissum ut codicillis relictum, & codicillis iure consistentibus ex codicillis deberi. Nam ex testamento quamvis confirmato deberi non potest, ex constitutione Iustiniani, quia id testamentum ruptum non est ex causa prateritionis. non ideo, quia confirmatum sit recenti voluntate defuncti, quia defunctus posteriores tabulas non incidit, ut priores valerent, quo casu priores confirmari possent, *l. qui ex liberis §. ult. de bon. poss. secund. tab.* Ita solus locus relinquitur codicillis, de quibus quaeretur an valeant? Respondebimus ex hoc rescripto, & hoc amplius fideicommissum ut iis relictum deberi. Interim tamen ius manet quod dictum, pertinens ad vim codicillorum, nempe si idem testamentum habeat iure factum, & praterea codicillos, ius codicillorum ex testamento pendere, & rupto testamento rumpi codicillos. At si quis aut nullum testamentum habeat, aut habeat non iure perfectum, codicillos postea factos per se ipsos consistere, neque ideo rumpi, quia testamentum prius ruptum fuerit agnatione. Sed hoc dictum cum filius agnatus est defuncto ante codicillos factos. Quid tamen si codicillis factis filius agnatus sit defuncto, an hoc casu agnatione posthumi codicilli rumpentur? Et placet ne hoc quidem modo codicillos rumpi, quamvis certum sit rumpi testamenta agnatione posthumi, de quo dicitur oportunius ad *l. 3. infra.*

Ad L. 2. Hereditatem.

Imp. Philippus A. & Philippus C. Asclepiodota.

Hereditatem quidem neque dari neque adimi codicillis posse, manifestum est. Verbis tamen precariis per huiusmodi etiam nouissimi iudicii ordinationem iura non faciunt irritas voluntates. Vnde inefficaciter te codicillis rogatum esse, ut quibusdam rebus contenta portionem quam testamento fueras consecuta, aliis restitueres, falso tibi persuasum est. PP. Idib. Octobr. Peregrino & Emiliano Coss. 245.

S Y M M A R I A.

- 1 Hereditas codicillis neque dari neque adimi potest. §. num. 2.
- 3 Codicillis conditio heredi instituto adici nequit.
- 4 Conditio institutioni adiecta codicillis detrahi non potest.
- 5 Regula, hereditatem codicillis dari non posse, quatenus valeat.
- 6 Hereditas quando directis, quando precariis verbis dari intelligatur.
- 7 Fideicommissum an recte codicillis ab intestato relinqui possit, ita ut ab herede legitimo praestetur.
- 8 Si hereditas directo codicillis relictas sit, an plane inutilis institutio.

Testator mulierem quandam testamento ex parte heredem instituit, & codicillis postea factis,

mulierem rogauit, ut quibusdam rebus contenta, portionem hereditatis restitueret Titio. Titius petit ab ea fideicommissum: mulier negat deberi, quali inutiliter codicillis relictum: & vitur hac ratione, quia hereditas codicillis dari non possit, quae regula est iuris. Ea consulit Imperatorem. Respondet, ordiens a dissolutione dubitationis: hereditas, ait, neque dari codicillis, neque adimi potest, sed ita si directo hereditas detur. Ceterum per codicillum fideicommissum relinqui potest, id cum in proposito factum sit, respondet errare mulierem, quae putabat, fideicommissum non deberi. Ius autem hac de re constitutum expendendum est.

Ergo regula iuris est, hereditatem tamen codicillis neque dari, neque adimi posse, ut *h. & in §. codicillis. Instit. h.* Obseruandum est autem, regulam natam esse a veteribus Iureconsultis, ut significat Papin. in *l. quod per manus. ff. eod.* Vnde merito dubitatum est, quam recte fuerit ab illis constituta. Nam prima facie videri potest iuri de codicillis constituto aduersari. Vt enim intelligimus ex *§. de codicillis. Instit. in pr.* codicillorum ius simpliciter admissum est, ut valerent, neque distinguitur, quid codicillis relinquantur. Cur igitur interpretes iuris hereditatem exceperunt? Et ut intelligeretur id recte factum esse, sedulo ratio reddita est, cur hereditas codicillis dari non possit, de qua ratione commodius dicitur in *l. si idem. infra.* Ut autem placuit hereditatem codicillis dari non posse, ita consequens fuit, placere tamen hereditatem codicillis adimi non posse, quia qui quibus institutis aut substitutis hereditatem adimit, is hereditatem vel sequentibus, vel institutis, vel legitimis dare intelligitur, quod prius prohibebatur. Est & hac ratio, cur hereditas codicillis adimi non possit, quia eius est nolle, qui potest & velle, *l. eius. de reg. iur.* Cui regulae conueniens est, ut qui non potest nolle in codicillis hereditatem dare, non possit etiam velle in iis dare. Eadem regula admissa consequens fuit, ut placeret codicillis tamen conditionem heredi instituto adici non posse, quod fieri non posse traditur in *d. §. codicillis. Instit. eod. l. d. ini. ff. eodem.* Ideo autem hoc consequens, quia qui conditionem institutioni adicit, is in defectum conditionis hereditatem adimere intelligitur.

Exempli gratia: Testator testamento heredem instituit Titium pure: deinde codicillis ita cauit: volo Titium ita mihi heredem esse, si naus ex Asia, &c. Dicimus conditionem inutiliter adiectam, & quamuis naus ex Asia non venerit, nihilominus Titium heredem futurum, quia qui instituit heredem Titium, si naus ex Asia, &c. intelligitur ei adimere hereditatem, si naus ex Asia non venerit. Porro codicillis hereditas adimi non potest. Hac ratio reddita est in hac specie, *l. pen. §. ult. ff. de condit. instit.* Qua ratione autem conditio institutioni in codicillis adici non potest, eadem ratione probandum est, nec tamen conditionem institutioni detrahi posse codicillis. Nam etsi de hac parte nihil nominatim scriptum est, tamen qui institutioni conditionem detrahit, is in defectu conditionis hereditatem dat, quod multo minus codicillis facere permixtum est. Vt puta, testator testamento Titium heredem instituit, si naus ex Asia venerit, deinde codicillis eum pure heredem esse iussit. Dicimus, si naus ex Asia non venerit, eum heredem non futurum, quia sub conditione sit institutus, nec ad rem pertinere, quod conditio codicillis detracta est, quoniam hereditas codicillis dari non potest.

Sed

5 Sed quod † dicitur hereditatem codicillis dari non posse, ita temperandum est, si directis verbis hereditas detur. Ceterum verbis precariis, seu per fideicommissum, vtiliter hereditas codicillis relinquitur, quod constituitur hoc rescripto, *§ in §. codicillis. Inst. eod.* Directis verbis † hereditas dari intelligitur, cum ita datur ut hereditas capiat recta ex testamento defuncti seu a defuncto, non autem interueniente persona heredis. Quod contra fit, ubi precariis verbis relinquitur hereditas, tum enim rogatur heres vel testamentarius vel legitimus, ut hereditatem restituat ei, cui defunctus restitutam vult, ut sic hereditas ab herede recta capiat, non a defuncto, cuius generis relictum dicitur fideicommissum, quia committitur fidei heredis, ut restituat. Dicitur relinqui verbis precariis, quia testator precatur & rogat heredem, ut restituat. Hæc indicantur in *§. pen. & ult. Inst. de sing. reb. per fideicom. relictis*. Et constat fideicommissum recte relinqui codicillis ab herede, quæ testator testamento scripsit. Quæ species fuit huius rescripti.

7 Dubitatum † etiam est, an relinqui possit fideicommissum ab intestato, ut sic fideicommissum præstaretur ab herede legitimo. Dubitatio nata est ex regula iuris, ex qua efficitur: Cui nihil datum est a defuncto, ab eo nihil relinqui posse, *l. ab eo. §. de fideicom. l. 6. in pr. de legat. 3.* Secundum quam regulam recte admittitur fideicommissum relinqui ab herede scripto, utpote cui testator prius hereditatem dederit. Sed eadem regula effici videtur, ne possit fideicommissum relinqui codicillis ab intestato, quoniam hoc præstari non potest, nisi ab herede legitimo. Iis autem testator non dat hereditatem, sed lex, ut dicitur, hereditatem intestati lege obuenire, quia lege sola obuenit, *l. lege obuenire. de verb. sig.* Vnde & heredes ab intestato succedentes dicuntur legitimi heredes. Et aduersus hanc dubitationem monemur alia regula, qua traditur, fideicommissum codicillis etiam ab intestato recte relinqui, *§. 1. Inst. eod. & quodcunque ab intestato relictum erit, id præstabitur ab omnibus legitimis heredibus, etsi post codicillos nati sint, l. 3. l. ab intestato. ff. eod.* Neque id aduersatur superiori regulæ, sed magis ea regula confirmatur. Nam & heredibus legitimis intelligitur testator hereditatem dare hoc ipso, quod hereditatem ad eos peruenire patitur, cum esset in eius potestate hereditatem his adimere alios heredes instituendo. Ratio reddita est in *l. 1. §. sciendum. de legat. 3.*

8 Quid † autem si hereditas directis verbis codicillis relicta sit? Puta aliquis codicillo heres instituitur sit aut substitutus, an plane inutilis erit institutio & substitutio? Placet inutilem esse institutionem & substitutionem, sed tamen hereditatem ex fideicommissum peti posse, *l. 2. §. ultim. ff. eod.* Et quid interest, dicat aliquis, utrum quis dicat directe relictum non valere, aut valere, si iure fideicommissi valet? Respondetur: Differentia exposita est in dicta leg. 2. in fin. Nam directa hereditas si relinquitur, & relictum valet, tota hereditas capitur ab herede: ubi autem relinquitur per fideicommissum, non capitur tota hereditas a fideicommissario, sed detrahatur prius quarta ex lege Falcidia seu Senatusconsulto Trebelliano. Estque hæc species *l. Scauola. ff. ad Trebell.* Quod tamen sic accipiendum est, si testator codicillos, quibus hereditas directo data est, voluit nominatim pro codicillis valere. Ceterum si testamentum facere instituit, & se facere opinatus est, fideicommissum non

debeatur, quocunque modo hereditas data sit, siue directo, siue per fideicommissum, quia neque ea scriptura, in qua hereditas data est, ut testamentum valet, quia iure perfecta non est, neque ut codicilli, quia testator codicillos facere noluit, *l. illud. §. 1. ff. eod. l. coheredi. §. cum filia. vers. que ita. de vulg. & pupill.*

Quod si hereditas directis verbis inutiliter codicillis data, tamen iure fideicommissi defenditur; multo magis iusto testamento directis verbis inutiliter data, eodem iure defendetur. Nam si conferantur inter se scripturæ, testamentum multo plenior est & solemnior scriptura quam codicilli. Si cõferatur inter se voluntas defuncti in eadem scriptura, eadem est voluntas defuncti volentis aliquid fieri post mortem suam, quamquam in testamentis hæc voluntas est plenior. Proinde si quis substituerit filio heredem post quatuordecim annos, & si substitutio tanquam substitutio valere non potest, *l. verbis. l. in pupillari. de vulg.* tunc recte existimatur vulgo heredem defuncti fideicommissum teneri substituto, ut teneretur, si codicillis substitutio facta esset, ut est in *l. Scauola. ad Trebell.* Non enim substitutio codicillis facta iure fideicommissi defenditur, quia codicillis facta, sed quia codicilli valuerunt. Ergo multo magis idem in testamento dicendum est, si testator voluit.

Ad L. 3. Cum proponatis.

Imp. Diocletianus & Maximianus AA. Hyacintho & aliis.

Cum proponatis pupillorum vestrorum, matrem diuersis temporibus ac dissonis voluntatibus duos codicillos ordinasse: in dubium non venit id, quod priori codicillo inscripserat, per eum in quem postea secreta voluntatis sue contulerat, si a prioris tenore discrepat, & contrariam voluntatem continet, renocatum esse. PP. 6. Idib. Septem. ipsi IV. & III. AA. Coss.

SUMMARIA.

- 1 Codicillis pluribus factis diuersam voluntatem continentibus vter valeat?
- 2 Codicilli, an iis modis, quibus testamenta, rumpantur.
- 3 Cur ut testamentum prius rumpitur posteriori, non item eodem modo rumpantur codicilli.
- 4 Codicillus cur non rumpatur agnatione posthumi.

SI quis plures † codicillos fecit, contrariam voluntatem continentes, non potest plus vna scriptura valere. Sed vtri codicilli valent? Hic scriptum est per posteriores prioribus derogatum esse, quo significatur solum posteriores valere, idque respondetur ex regula iuris certi, in legatis & fideicommissis nouissimam voluntatem spectari, *l. 12. §. ultim. de legat. 1. l. quod traditum. de condit. & demonstr.* Quid si diuersi tantum erunt, non contrarii? Colligitur ex hoc loco omnes valere, quod etiam verum est. Idque est, quod aliis locis traditur, posse vnumquemque plures codicillos facere, ut sit sensus posse vnumquemque plures facere vtiliter, ut omnes consistent, *§. ult. Inst. eod. l. diui. §. codicilli. ff. eod.* In quo singulare ius notandum est & proprium codicillorum. Nam in testamentis hoc ius est, ut si quis prius testamento facto, deinde aliud testamentum faciat, posteriori testamento prius rumpatur, *§. 1. quib. mod. testam. infirm.* Sed hic consistendum non est, sed generaliter ita definiendum, codicillos iure consistentes nunquam rumpi, villo modo ex iis quibus testamenta rumpantur, sed

sola aperta contraria voluntate, aut consequenti hoc modo: *Si conditio ad testamentum pertineat, & testamentum ruptum sit.*

2 Testamentum \dagger rumpitur duobus modis, posteriori testamento rite facto, & agnatione posthumi sui heredis, qui testamento præteritus erat, *in quibus modis test. infirm.* Codicilli priores, aliis codicillis postea factis non rumpuntur, omnes pariter valent, ut dictum. Sed et si codicillis factis suus heres agnascatur defuncto, cum nullam eius heredis mentionem fecerit in codicillis, codicilli non ideo evanescent, sed relictum debetur ab omnibus heredibus legitimis etiam ab ipso filio, qui postea natus est, si heres patri existat, *l. 3. ab intestato. ff. eod.* Hoc tamen ita, nisi testator codicillis specialiter vnum aliquem ex heredibus rogaverit, ut aliquid præstaret, quo casu is solus heres tenebitur fideicommissum, & tenebitur tantum pro parte, si id quod relictum est recipiat: si autem non recipiat, nullo modo tenebitur, *hoc in l. pen. ff. eod.* Solum, ut dixi, contraria voluntate testatoris codicilli tolluntur, quemadmodum & testatoris voluntate consistebant, ut hic cauetur. Et hoc principaliter, nam per consequentiam hoc evenit in codicillis, ut si codicilli ad testamentum pertinent, postea rupto testamento, etiam codicilli, qui pars erant testamenti, rumpantur, *de quo dictum est ad l. 1. sup.*

3 Sed cur \dagger quemadmodum posteriore testamento prius rumpitur, ita posterioribus codicillis non rumpuntur priores? Mouet quæstionem, quod par ratio in utroque videtur esse. Ut enim duorum testamentorum par vis est, sic duorum codicillorum vis eadem. In quibus autem eadem ratio est, in his idem ius statui debet, *l. illud. infr. ad leg. Aquil.* Proinde si posteriore testamento rumpitur prius, quod eandem vim habet, par est, & posterioribus codicillis priores rumpi, qui eandem vim habent. Respondeo: Si propter testamentum posterius rumperetur prius, esset eadem ratio in scriptura testamenti posterioris, & scriptura posteriorum codicillorum. Nunc autem posteriore testamento non rumpitur prius propter posterius testamentum, seu propter scripturam posterioris testamenti, sed quia posteriore testamento declaratur prius testamentum esse imperfectum: sic autem ius est, ut si quid testamento desit, ad heredum institutionem, de quibus testator cogitavit, testamentum sit imperfectum, & hoc ipso inutile, *l. si is, qui testam. qui testam. fac. pos.* Hæc ratio cessat in codicillis: nam posterioribus quidem codicillis declaratur aliquid deesse prioribus ad voluntatem defuncti, sed non ideo priores codicilli infirmantur. Nam codicilli natura sua sunt voluntas imperfecta, imo nunquam plenam voluntatem continent. Non est enim plena voluntas, nisi quis constituerit sibi heredem, id est, vniuersi iuris sui successorem. At codicillis id fieri non potest, *l. 2. sup.* Proinde non ideo priores codicilli infirmantur, et si sint imperfecti.

4 Rursum quæro, cur \dagger testamentum iure factum & solemniter, agnatione posthumi rumpitur: codicillus autem eadem agnatione non rumpitur? cum plus sit rumpere testamentum, utpote scripturam iustam & solemnem, quam rumpere codicillos, scripturam non plenam, & regula iuris facit, ut non debeat ei, cui quod plus est licet, quod minus est non licere, *l. non debet. de reg. iur.* Quare cui licet rumpere testamentum, licet etiam codicillos rumpere multo magis. Respondeo: Et hic diuersa ratio est testamen-

ti & codicillorum. Differentia autem hæc est: Agnatione posthumi præteriti rumpitur testamentum, non propter agnationem solam, sed quia herede alio instituto in testamento hereditas posthumus auferitur. Huic autem hereditas auferri non potest, nisi ex heredatione iuste facta, quoniam hereditas est viuo patre filii, *l. in suis. ff. de lib. & posthum.* At codicillis, qui agnationem posthumi antecedunt, non auferitur hereditas posthumus postea nato, sed magis ei confirmatur. Nam quæ relinquuntur codicillis, ea relinquuntur a legitimis heredibus, proinde testator simul vult legitimos suos heredes sibi heredes permanere. Quare cum codicillis hereditas non auferatur, cessat ratio, propter quam præteritione rumpi debeant. Hoc amplius cum testamento præteritur posthumus, qui postea nascitur, culpa testatoris est, qui potuit eum instituere. In codicillis si filius heres non instituitur, nulla culpa patris est, quia codicillis hereditas dari non potest, ut quasi hereditas confirmetur.

Ad L. 4. Non idcirco.

Impp. Dioclet. & Maxim. AA. & CC.

Stratonico.

Non idcirco minus, quod intestato te absente codicillos mater tua fecit: hi, quibus precariis verbis adscripta sunt, relictæ capiunt. Sine die & consule.

S Y M M A R I U M.

1 Voluntas sola testatoris testamentum facit.

SI quod quisque legauit de re, ita ius est, ut cautum est lege duodecim tabul. *l. verbis leg. de verbor. sign.* consequens est, ut quicquid erit testamento aut codicillis, aut omni scriptura de suprema voluntate cautum, id totum pendeat ex defuncti voluntate, non alterius cuiusquam siue heredis, siue legatarii. Vnde dictum est, voluntatem \dagger testatoris solam testamentum facere, *l. ex facto. §. rerum. ff. de hered. instit. l. 12. in fin. de leg. 1.* Sic fit ut quicquid relinquitur, id ab inuito relinqui possit, si modo is sit, cui testamento dederimus aliquid, *l. 1. §. sciendum. de leg. 3.* Si inuito eo legatum & fideicommissum recte relinquitur, multo magis relinquitur eo ignorante, quod hic cauetur.

Ad L. 5. Ne codicillos.

Impp. Dioclet. & Maxim. AA. & CC. Flauiae.

Ne codicillos quidem furem posse facere, certissimi iuris est. Singitur scriptura velut codicillorum patris sui fuit prolata, ut aliquid ex hac peti possit: adfenerationi tuae, mentis eum compotem fuisse, negantis, fidem adesse probari conuenit. Datum 6. Kalend. Decembr. Diocletii CC. Coss.

S Y M M A R I A.

1 Furiosus an possit codicillos facere: & qui non.

2 In dubio utrum defunctus fuerit sana mentis nec ne, cui incumbat onus probandi, petenti ne ex codicillis, an heredi.

QUOD placet furiosum \dagger codicillos facere non posse, mirum non est, nam furiosus nihil natura agere potest, in quo animi iudicio sit opus, *l. 2. §. pen. ff. h.* Sed hic consistendum non est, cum quæritur, qui codicillos facere non possint, verum generaliter definitur, neminem codicillos facere posse, qui testamenta facere non potest, *l. diui. §. pen. l. consuevitur. §. 1. ff. eod.* Si quis igitur ciuis Romanus non sit, puta sit pere-

peregrinus, deportatus; siue quis iudicio præditus non est, vt furiosus, prodigus, mente captus, pupillus; siue quis fari & scribere non possit, vt mutus & surdus; siue quis in bonis iure nihil habet, vt filiusfamilias & seruus; siue quis iussus est esse intestabilis, vt qui ob crimen famosum damnatus est, is codicillos facere non potest, quia nec potest testamentum facere. de quibus generibus dictum est suo loco, scilicet titulo, *qui testam. fac. poss.* Huc pertinet titulus Institutionum, *quib. non est permittum fac. testam.*

Hic notandum est, qui aliquid petit ex codicillis, cui obicitur, defunctum furiosum fuisse, si contendat fuisse defunctum sanæ mentis, tum id probare non debere, sed heredem, qui sanæ mentis fuisse negat. Hoc prima ratione videtur repugnare regulis iuris de probationibus, quarum prima est: Ei qui dicit incumbere probationem, non ei qui negat, *l. 2. de probation.* Altera certior, semper actorem in eo, quod intendit, probare debere, non reum qui negat, *l. verus est probat. l. actor. supr. de probation.* Atqui in specie proposita qui ex eo petit, actor est, heres vnde petit reus est. Sed nihil hic dicitur superiorib. regulis contrarium. Volumus enim etiam actorem probare debere defunctum fuisse compotem mentis, sed satis probat talem fuisse, hoc ipso, quod probat, aliquando eum fuisse mentis compotem: probat autem id natura ipsa, nam tunc saltem cum natus est non fuit furiosus, non insanus. Ex quo necessitate consequentiæ sequitur, semper illum talem fuisse deinceps, nisi ab alienata mente esse cœperit, aut cœperit furere. Hoc autem actor nunquam dicet, quia contra se diceret. Id igitur reus si dicit, probare debet iam secundum superiores regulas, primo, quia dicit; deinde, quia in eo exceptione vitur: semper reus in exceptione actor est, quia in exceptione dicit & affirmat, quod necesse sit ad defensionem suam, *l. in except. de probat.* Huc recte referetur *l. sine possidet, supr. de probat.*

Ad L. 6. Sine.

Imp. Dioclet. & Maxim. AA. & CC.
Demostheni.

Sine initio, quæ fuerat codicillis relicturus generaliter, siue nouissime relicta seruari mandauerit: confirmatione munitus, nullam instam gerere sollicitudinem potest. Dat. 3. Idus Decemb. Nicomedia CC. Coss.

S V M M A R I V M.

1. Codicilli quomodo testamento confirmantur in præteritum & in futurum.

QUOD codicillis testamento confirmatis relictum est, excepta hereditate, citra controuersiam debetur. Confirmantur tamen testamento codicilli, aut in futurum aut in præteritum. In futurum, cum quis testamento prius facto, mandat ea seruari, quæ postea codicillis relicturus est. In præteritum, cum prius facto testamento, postea testamentum facit, quo indicat ea, quæ nouissime reliquit, id est, nouissime scripta, siue postrema codicillorum verba, quæ verba sunt huius legis, congruit *l. conficiuntur. in pr. ff. b.* Quid si testamento codicilli nominatim confirmati non sint? Placet nihilominus valere, tanquam ad testamentum pertinentes, siue prius facti sint, siue posterius, *l. 3. §. ultim. l. ab intestato. ff. eodem.* Quid igitur hic opus fuit adiicere de codicillis testamento confirmatis? Respondeo: Apparet de codicillis testa-

mento confirmatis responsum esse hoc rescripto, quia de illis consulebatur. Respondetur autem per amplificationem ad hanc sententiam: Codicilli etiam nominatim in testamento non confirmati per se valent, proinde si testamento confirmati sint, siue causa dubitabis an illi valeant, & an illis relictum debeat.

Ad L. 7. penult. Si idem.

Imp. Constantinus A. ad Maximum PP.

Si idem codicilli, quod testamentum possent: cur diuersum his instrumentis vocabulum mandaretur, quæ vis ac potestas una sociasset? Igitur specialiter codicillis instituendi ac substituendi potestas iuris auctoritate data non est. Dat. 3. Iun. Pacatiano & Hilariano Coss. 332.

S V M M A R I V M.

1. Hereditatem codicillis dari non posse. Ratio ibid.

DIXI ad *l. 2. §.* hereditatem tamen codicillis dari non posse, id est, codicillis heredem neque institui neque substitui posse, vt hic apertius declaratur *in fin.* Quæsitum est, cur id veteres prudentes exceperint, cum ab inuentoribus codicillorum codices admissi sint indistincte & sine vlla exceptione: Huius rei duas rationes redditas legimus, quarum vna est hic, altera est *in l. quod per manus. ff. eod.* Prior hæc est, quia si codicillis licet heredem instituere, codicilli erunt testamentum, siue idem erunt codicilli & testamentum, idem vtriusque scripturæ ius: nam heredis institutio non tantum est caput & fundamentum testamenti, vt est *in §. ante heredis. de legat.* sed & totum testamentum continet atque constituit, *l. 1. §. qui neque. de hered. instit.* At semper obtinuit, codicillos non esse testamentum, & constat ita codicillos esse inuentos, vt tamen diuersi essent a testamento. Id probatur in hoc loco. Probatur autem ex eo, quod diuersa nomina vtrique rei & scripturæ sunt imposita. Ne quis hoc argumentum repudiet, optimum est in iis scriptoribus, qui prudenter & considerate loqui volunt, vt res quaslibet apte exprimant. Nam vt est bene scriptum *in §. est & alius. vers. sed pleniss. de donat.* nomina rebus imposita debent esse rebus conuenientia. id quod obseruatur cum ab omnibus sanis scriptoribus, tum præcipue ab auctoribus & constitutoribus iuris. Quibus positus consequens est, si codicillos volumus esse aliud quam testamentum, in codicillis hereditatem dari non posse.

Alter ratio est itidem ab absurdo. Nam cum quis testamentum fecit, & præterea codicillos, conuenit inter omnes, codicillos testamento confirmari, quoniam prima origo codicillorum confirmatorum nata est ex iis codicillis, qui testamento confirmati proponebantur, vt refertur *in Instit. in pr. eod. tit.* Quod si dixerimus codicillis heredem institui posse, eueniet contrario modo, non vt codicilli confirmantur testamento, sed vt testamentum confirmetur codicillis, quod est absurdum. Nam semper tenendum est heredis institutionem confirmare testamentum, quia testamentum ex ea vires capiat. Hæc sententia est Papin. *in d. l. quod per manus. ff. eod.*

Ad L. ult. Si quis agere.

Imp. Theodosius A. Asclepiodoto PP.

Si quis agere ex testamento quolibet modo siue scripto, siue sine scriptura confecto, de hereditate voluerit, ad fideicommissi persecutionem aspirare cupiens, minime permittatur: Tantum enim abest, vt aditum cuiquam

pro suo migrandi desiderio concedamus: ut etiam illud sanciamus, si testator faciens testamentum, in eodem pro codicillis etiam id valere complexus sit: qui hereditatem petat ab ipsis intentionis exordis, utrum velit eligendi habeat potestatem, sciens se unius electione alterius sibi ad idum praelusisse, &c.

S V M M A R I A.

- 1 Scriptura quando pro testamento valeat, & quando pro codicillis.
- 2 Heres scriptus quando ex scriptura hereditatem consequi possit.
- 3 Heres ex scriptura institutus an hereditatem ex ea petere possit tanquam ex codicillis. Et quid in fideicommissis.
- 4 Persecutionis fideicommissi omisso aduersus quem constituatur, & ob quod factum heredis.

Agitur hic de ea scriptura, quam defunctus pro testamento instituit, in qua scripsit heredem L. Titium, sed ea scriptura, quæ proponatur non valuisse tanquam testamentum, eiusmodi tamen, quam si defunctus valere vellet, pro codicillis, eatenus valere possit. Instituisse aliquem eam scripturam, de qua quæritur, ut testamentum fieret, aut ex verbis defuncti intelligitur, aut si verba nulla sunt, quibus id probetur, satis id arguitur ex eo, quod in ea scriptura heredem scripsit, *l. illud. §. i. ff. eod.* Hæc scriptura pro testamento non valet, si quid ex solemnibus testamenti desit, puta si desit vel unus testis, aut non omnes sint idonei testes, si desit alicuius subscriptio aut obligatio, *l. si unus. sup. de test.* Eadem scriptura pro codicillis valere potest, si proponas in ea testes adhibitos fuisse, iuxta ea, quæ scripta sunt in *h. l. in fin.* De hac scriptura ita ius est: Conuenit inter omnes, heredem scriptum, ex ea scriptura hereditatem petere non posse: non enim potest tanquam ex testamento, quoniam fingimus scripturam pro testamento non valere: non potest petere tanquam ex codicillis, etiam si quis concesserit, eam scripturam pro codicillis valere posse, quoniam certum est codicillis hereditatem dari non posse, *l. pen. §. l. 2. §. 3.* Sed quamuis heres scriptus hereditatem ex ea scriptura consequi non possit, ut quasi hereditas confirmetur, tamen ex fideicommissis peti potest, si quis eam scripturam pro codicillis haberi concesserit.

3 Hinc quæritur, an heres eiusmodi scriptura institutus hereditatem ex ea scriptura possit petere tanquam ex codicillis. Eadem quæstio est, si quis nuncupato testamento institutus sit heres, & testamentum perfectum non sit, an nihilominus pro codicillis valere potuerit, si testator vellet. In qua specie etiam idem ius constituitur *h. l.* quod constituitur de superiori, videlicet quod de vna specie dixi, id intelligendum sit & de altera. Sic ergo de priori quæstione constituitur hoc loco: Quoties ea scriptura, quæ pro testamento parabatur, iure non perficitur, ita ut pro testamento non valeat, institutus ea scriptura heres, nunquam ex ea hereditatem petere aut consequi ut hereditatem potest. Sed si scriptura pro codicillis valere potuit, si testator vellet, heres institutus fideicommissum potest petere a legitimis heredibus, *ut est in d. l. 2. §. ult. ff. eod.* Sed ita si duo concurrant, nimirum, si testator nominatim eauerit, se velle ut ea scriptura quouis iure valeret, vel quod idem est, ut ea scriptura etiam pro codicillis valeret, & præterea si

scriptus heres prius ex ea scriptura tanquam ex testamento hereditatem non petierit.

Ceterum duobus etiā temporibus fideicommissi persecutione ex ea scriptura heres non habebit. Nam alias ab initio fideicommissi persecutionem non habet, alias etiam si habuit, tamen postea facto suo amittit. Fideicommissi persecutionem ex ea scriptura ab initio non habet, nisi testator expresserit, ut ea scriptura etiam pro codicillis valeret. Nam si expresserit, pro codicillis valet, & tanquam ex codicillis iure factum fideicommissum peti potest. Quod si testator hoc non expressit scriptura, quæ pro testamento non valet, nec fideicommissum petet. Hæc sententia vetus est, multis locis in *ff.* expressa, *l. i. ff. eod. l. 3. heredi. §. cum filia. vers. cum ita. de vulgar.* & nominatim in *l. ex ea scriptura, qui test. fac. poss.* Eadem sententia confirmatur in *h. l. vers. illud.* Ied ita, ut in hac parte nihil noui iuris constituatur, sed tantum confirmetur. Quod si heres ab initio hoc modo persecutionem fideicommissi habuit, placebat olim eundem etiam petitionem retinere, quamuis hereditatem ex ea scriptura tanquam ex testamento petiisset. At hic nouum ius constituitur hac lege: placet enim eum, qui ex ea scriptura tanquam ex testamento hereditatem petiit, simul fideicommissi persecutionem amittere, ut quamuis fideicommissum petere vellet, postea ex codicillis non admittatur fideicommissi persecutio, quod initio huius *l.* constituitur usque ad *vers. illud.*

Hoc ne quis ita interpretetur, quasi heres, qui hereditatem petiit, non possit ex codicillis fideicommissum petere, si testator nihil nominatim, se velle ut scriptura pro codicillis valeret, adiecit; Theodosius se hoc ius etiam tunc constituere ait, cum testator nominatim complexus est, ut scriptura pro codicillis valeret, ut intelligamus hoc casu nihil prodesse heredi ad fideicommissi persecutionem, voluntatem expressam defuncti, non quod voluntas defuncti seruanda non sit, quæ præter ceteras omnes seruanda est: sed quia heres huic voluntati renuntiassè videtur, dum prius hereditatem tanquam ex testamento petiit. Hæc sententia est *vers. in iis. verb. tantum enim abest.* Quid si heres initio dum hereditatem petit, utramque persecutionem proponat, & dicat, se velle hereditatem petere ex testamento, si tanquam testamentum valeat, sin minus, velle se tanquam ex codicillis fideicommissum consequi; Theodosius adiecit, etiam in hac protestatione heredem non esse audiendum, sed deferri ei potestatem eligendi utrum petat, & hoc initio petitionis explanare debere, ita ut intelligatur vna via electa, alteram repudiasse. Hæc sententia est illorum verborum, *ita ut sine bonorum possessionem, & quæ sequuntur.*

4 Sed hic diligenter videndum est, aduersus quem constituatur hæc amissio persecutionis fideicommissi, & ob quod factum heredis: nam verba constitutionis in hac parte rem non satis explicant. Loquitur Theodosius initio de eo, qui velut ex testamento de hereditate agere voluit. Quid ergo an hoc ipso, quod heres ea scriptura institutus, voluit & constituit apud se de hereditate agere, tanquam ex testamento, an, inquam, ob id amittet fideicommissi persecutionem tanquam ex codicillis? Respondeo: Hoc non sic accipiendum est, sed verba sic interpretanda sunt, si quis agere voluerit, & reuera egerit, ac petierit hereditatem velut ex testamento, ut voluerit cum effectu, si-

Et, siue voluerit & voluntatem facta declarauerit. Id declaratur verbis seq. constit. liquido; quæ postea diriguntur ad eum tantum, qui hereditatem petit, seu de ea agit. Huc referenda sunt illa verba: Qui hereditatem petit in ipsis intentionis suæ exordiis. Item illa verba, quæ sunt in vers. *Si quis vero*; licebit ei, qui ex voluntate defuncti agens superatus fuerit. Item illa verba: Cum Theodosius vetat heredem postquam agere voluit tanquam ex testamento, verat migrare ad fideicommissi persecutionem. Quibus verbis videtur statim *in pr. & in vers. illud. in fin.* Non migrat autem petitione hereditatis ad persecutionem fideicommissi, nisi is, qui prius petitionem hereditatis instituit, ut sic dicatur ab una petitione ad alteram transire. Ex quibus omnibus locis iam intelligimus, non aliter heredem in specie proposita, neque ob aliud factum fideicommissi persecutionem amittere, quam si hereditatem tanquam ex testamento petierit. Et ideo quamuis prius hereditatem tanquam ex testamento adierit, quamuis etiam bonorum possessionem petierit secundum eas tabulas, atque adeo quamuis petierit, se mitti in bonorum possessionem, si nondum iudicio directo hereditatem petiit, seu quod idem est, nisi petitione hereditatis egerit, tanquam ex eo testamento heres nulla agnitione sua præcedente persecutionem fideicommissi amittit, quo minus cognito errore suo & iure scripturæ recte ex ea scriptura tanquam ex codicillis agat & fideicommissum petat.

Non obstant illa verba: *Ita ut siue bonorum possess. & quæ seq.* Nam in his verbis Theodosius non constituit ut heres, qui bonorum possessionem petit, aut qui se petit in bonorum possessionem mitti, declaret utrum velit, se admitti tanquam ex testamento, an tanquam ex codicillis. alioqui ita dicendum fuisset, si quis bonorum possessionem postulet, non autem postulauerit. Item, si quis se mitti in bonorum possessionem petat, non autem petierit. Sed hoc constituit, ut heres explanet & declaret propositum intentionis suæ, id est, utrum velit tanquam hereditatem petere, an tanquam fideicommissum, inter exordia huius iuris, nempe huius petitionis hereditatis, de qua institutus est sermo. Nam petitio & omnis actio ius est persequendi, *tit. de act. in pr.* Et hoc declarat heres & declarare potest, quamuis ante vel hereditatem adierit, vel bonorum possessionem petierit, vel petierit se mitti in possessionem, ita ut hæc omnia præcedentia non obstant heredi, postea petenti hereditatem, quo minus declarare possit, utra persecutione uti velit. Iterum hæc sententia manebit, eum heredem, qui ex proposita scriptura hereditatem petiit tanquam ex testamento, hac sola petitione fideicommissi persecutionem amittere, quam instituere postea velit ex eadem scriptura codicillorum.

Hoc loco excipiuntur *in hac eadem lege* parentes defuncti, usque ad quartum gradum, & cognati defuncti usque ad tertium gradum, qui si supra dicta scriptura heredes instituti sunt, & hereditatem ex ea tanquam ex iusto testamento petierint, possunt nihilominus postea migrare ad petitionem fideicommissi ex eadem scriptura, si pro codicillis valere potuit, & testator ut valeret expressit. Et hoc *in. §. si quis vero.* Sed videtur hæc constitutio non tantum esse contra manifestam regulam iuris, sed etiam pugnare aduersus manifestam æquitatem.

Nam primo constat, si quis rem aliquam petierit, non prohiberi alio iudicio aliam rem petere, etiam si priore iudicio victus sit, aduersus easdem personas, *l. cum quaritur. l. cum de eo. l. an eadem. ff. de except. rei iudic.* Et certe iniquissimum esset, quod in una re factum esset, in altera nocere, *l. si unus. §. facta. vers. ante omnia. de pact.* At in specie proposita duæ res videntur esse, de quibus diuersis iudiciis agatur; hereditas, quæ prius petita est, & fideicommissum, quod nunc, tanquam ex codicillis petitur, ut proinde non videatur quod de hereditate prius actum in fideicommissi persecutione nocere debere.

Præterea etiam si eadem res ab ipso petatur, tamen & illud certi iuris est, eum qui rem ex aliqua causa petit, quamuis eo iudicio victus sit, eandem rem ex alia causa petere, *l. an eadem. §. actiones. de except. rei iud.* At rursum in hac specie duæ causæ sunt, ex quibus hereditas petitur. Nam prius petitur tanquam ex testamento, deinde, tanquam ex codicillorum & fideicommissi iure. Nec obstat, quod hæ causæ contrariæ sunt, scilicet dicere, eandem scripturam testamentum esse, & esse codicillos. Nam etiam illud certo admissum, eum qui ex aliqua causa egerit de aliqua re, non prohiberi de eadem re agere ex alia causa, quantumvis priori contraria & repugnante, ut puta, petiit quis hereditatem tanquam heres ex testamento, & victus est, quoniam pronuntiatum est testamentum non iustum esse, non prohibetur tamen idem eandem hereditatem petere ab ipso possessore, ex causa intestati, *l. in plurium. l. illud. de acquir. hereditat.* Item, debitor creditori suo legauit decem, quæ ei mutuo dedit: in hac specie si pecunia ex mutuo debetur, nullum fideicommissum est, & vice versa si fideicommissum est, non est mutuum, quoniam quod vere debetur, inutiliter legatur creditori, *§. ex contrario. institut. de legat.* Ita fit, ut si creditor dicat sibi eam pecuniā ex mutuo deberi, & ex ea causa petat, simul vi ipsa dicat, sibi fideicommissum non deberi: & tamen placet, si in hac specie creditor decem ex causa mutui petierit, & pronuntiatum sit non deberi, quod possit idem eandem pecuniam petere ex causa fideicommissi, quamuis videatur prius de fideicommissio negasse, *l. Aurelius. §. vltim. de liber. legat.* Ergo in specie proposita consequens esse videtur, ut qui hereditatem petit tanquam ex testamento, si pronuntiatum sit, testamentum imperfectum esse, non prohibeatur hereditatem petere tanquam fideicommissi iure: æquissima ut videtur ratio; quoniam cum prius pronuntiatum esset, scripturam non esse testamentum, simul etiam effectum est, scripturam esse codicillos, quia alterutrum sit necesse est.

Respondéo: Nihil verius est & nihil æquius, quam horum utrumque. I. Eum qui rem aliquam petiit, & victus est, non prohiberi aliam rem petere. Deinde, eum etiam, qui rem aliquam ex aliqua causa petiit, & victus est, non prohiberi eandem rem ex alia causa petere, quamuis contraria, quoniam priore causa remota posterior constituitur, ut sit in rebus contrariis. Sed aduersus has regulas iuris & æquitatis nihil peccatur hac distinctione. Nam quod ad rem petitam attinet, una res petitur non duæ. Petitur enim utrobique & ex testamento & codicillis hereditas, & una eademque hereditas defuncti. Nec ad rem pertinet, quod priore iudicio dicitur peti hereditas, posteriori dicitur peti fideicommissum. Nam his verbis

nihil aliud significatur, quam priore iudicio, peti hereditatem directissime, tanquam hereditatem: posteriore autem eandem hereditatem peti iure fideicommissi, & peti non tanquam recta a testatore, sed tanquam ab heredibus restituendam. Interim vna eademque vtrobique est hereditas defuncti. Quod attinet ad causas agendi, etiam hic vna causa est, ex qua hereditas & fideicommissum petitur. Quod vero prius petitur hereditas tanquam ex testamento, deinde petitur fideicommissum tanquam ex codicillis, non sunt hic duæ causæ petendi, testamentum & codicilli, sed vna est vtrobique scriptura siue vna testatio defuncti, quæ modo ab herede dicitur testamentum, modo codicilli. Hoc qui dicit de vna scriptura, is de altera affirmare, de altera negare videtur, atque eo modo seipsum excludere, quoniam natura non potest eadem scriptura, & codicillus esse & testamentum, *l. pen. sup. h.*

Sed ex hac re incidit rursus constitutio in difficultatem. Nam si is qui scripturam testamentum esse dicit, intelligitur negare, eam scripturam esse codicillum, cur hac constitutione admittuntur parentes & cognati, ad fideicommissi persecutionem, si prius hereditatem tanquam ex testamento petierint, cum in quibus causis eadem ratio est, in iis idem ius statui debeat, *l. illud. ff. ad l. Aquil.*

Respondeo: Ratio differentiæ proposita est in §. *quis vero*. Ex qua colligitur hæc responsio ad obiectionem. Extranei heredes cum ex eadem scriptura petunt fideicommissum tanquam ex codicillis, non petunt, nisi iure huius scripturæ, a quo iure prius sua confessione & intentione exclusi sunt. At parentes & cognati cum ex eadem scriptura tanquam ex codicillis fideicommissum petunt, ii ex alia causa petere videntur, quam ex scriptura, quoniam petunt hereditatem tanquam ab intestato, etiam sine codicillis debitam. Supra autem dictum, non prohiberi quenquam ex duabus causis eandem rem petere. Non enim iniquum in hac constitutione, quod extraneus ab initio institutus petitionem cogitur eligere, vtrum tanquam hereditatem petat ex testamento, an tanquam fideicommissum ex codicillis. Toties enim plures actiones ab eodem actore aduersus eum admittuntur, sub disunctione, quoties facto rei accidit, ut incertus sit actor, qua actione experiri debeat, & tunc certum est illi vnam aliquam competere. Exemplum est in *l. i. §. quia autem. quor. leg.* At in proposito incertitudo actionis ex facto & culpa heredis nascitur. Est enim in eius potestate dispicere testamenti tabulas, & videre num testamentum perfectum sit, nec ne?

Quid ergo si testamentum proferatur, quod prima facie sine ullo vitio appareat, & in hoc errore heres hereditatem petierit, tanquam ex iusto testamento, deinde in iudicio emerferit aliquod vitium latens, ut quia probatum sit, testes non esse eius conditionis, cuius esse debeant, quæ tamen conditio ignorabatur ab herede, an hoc casu dicemus prohiberi heredem errore cognito ad fideicommissi persecutionem transire, tanquam ex codicillis. Respondeo: Puto hoc casu huic constitutioni locum non esse, & admittendum esse heredem ad fideicommissi persecutionem, quoniam iustus error facti excusatione dignus est, cum fallat factum etiam prudentissimos, *l. 2. de iuris & facti ignorantia*. Deinde quia quæ postea emergunt, auxilio indigent. Et probatur hæc sen-

tentia aperte in *l. de ceter. §. ex causa. de intent. in iud. fac.*

Non obstat, quod in hac constitutione generaliter & indistincte sine exceptione prohibetur heres petita hereditate migrare ad fideicommissi persecutionem. Nam sequentia verba ostendunt, de quo herede Imperator sentiat: datur enim sequentibus verbis heredi potestas eligendi vtrum velit. Et præterea dicitur heredem vnius iuris electione alterum repudiasse videri. Hæc tantum cadunt in eum heredem, qui scire potuit, scripturam non valere tanquam testamentum. Nam si omnia concurrebant, ut existimaretur testamentum iustum esse, non potuit heres eligere scripturam pro codicillis, ubi potestas eligendi codicillos ei non deferretur. Sed nec potest dici electo testamento repudiari ius codicillorum, ubi ius codicillorum sibi competere ignorauit. Quorum vtrumque probatur in *leg. mater. versicul. ceter. de inofficios. testament.* Vnde relinquitur, constitutionem hanc tantum ad istos heredes pertinere, qui potuerunt de scriptura cognoscere qualis esset, perfecta an imperfecta, ut in heredibus culpa hic puniatur, non iustus error.

Ad §. ultimum.

In omni autem ultima voluntate, excepto testamento, quinque testes vel rogati, vel qui fortuito venerint, in vno eodemque tempore debent adhiberi: siue in scriptis, siue sine scriptis voluntas conficiatur, testibus videlicet, quando in scriptis voluntas componitur, sub notationem suam accommodantibus. *Dat. 15. Cal. Mart. Constantinop. Victore. V. C. Coss. 424.*

SUMMARIA.

1. An extra testamentum plures sint species supremæ voluntatis: & earum nomen quod.
2. Codicillis nominatim testamento confirmatis, an in iis ea, quæ hic præcipiuntur, obseruanda sint: & quid si confirmati non sint. *ibid.*
3. Codicillis quæ sint cum testamento communia: & in quibus a testamento discrepent.

Sententia est non obscura, etiam extra testamentum omnem supremam voluntatem valere, dummodo adhibitis iis obseruationibus, quæ hic præscribuntur. At constitutio omnem voluntatem, quibus verbis significatur extra testamentum plures esse species supremæ voluntatis. Quæritur ergo quæ sint? Id declaratur in hoc loco, cum dicitur, *voluntatem valere supremam, siue scriptis, siue sine scriptis conficiatur*. Vnde rursus intelligitur non tantum in testamento nuncupato valere, *§. ult. Instit. de test. ordin. l. hac consultis. §. per nuncupat. 3. de testam.* Sed etiam extra testamentum, quicquid defunctus de sua voluntate testatus sit, etiam sine scripto, sed id ratum esse iis obseruatis, quæ hic traduntur. Quomodo igitur supremam voluntatem, quæ sine scripto conficitur extra testamentum, & quo nomine appellabimus? Initio huius tituli dictum, proprie codicillos dici non posse, sed tamen obtinuit vlt. posteriorum Imperatorum, ut & hæc voluntas codicillus diceretur, *l. ult. §. de bon. libert. l. generali. §. de sacros. eccles.*

Constituit Theodosius eiusmodi omnem scripturam valere, sed hac conditione si ea obseruata sint, quæ hic præscribuntur. Quid si codicilli sint nominatim testamento confirmati, an in his quoque quæ hic præcipiuntur adhiberi oportebit? Minime, quoniam quæ his

his codicillis relinquuntur, non tam codicillis relinquiuntur, quam testamento, *l. assessores. de hereditibus instit. l. institutio, de condit. instit.* Non obstat, quod hic in ultima voluntate exiguntur quinque testes, & quæ sequuntur. Nam adicitur *in omni voluntate, excepto testamento*. Iam autem dictum, codicillis testamento confirmatis relicta, videri relicta testamento, non codicillis. Et ideo ad horum relictorum vim solemnitas testamenti sufficiet etiam secundum hanc constitutionem.

Quid si testamento nominatim codicilli confirmati non sint, & tamen defunctus vna cum codicillis testamentum fecerit, vel ante vel post codicillos, an in his idem dicendum? Mouet dubitationem, quod huiusmodi omnes codicilli, etiam si testamento confirmati non sint, tamen dicuntur ad testamentum pertinere, & testamenti ius sequi, *l. 3. §. ult. l. ab intestato. de iure codicil.* Respondeo: In iis non idem iuris esse, quod in codicillis nominatim testamento confirmatis, sed ita hoc valere, si ea obseruata sint, de quibus hic. Mouet me *l. heredes. §. 1. ff. qui testam. facer. poss. vbi traditur: Si testamento facto testator aliquid mutauerit aut acquirere velit, omnia ex integro esse facienda*. Vnde intelligimus, quæcunque postea codicillis fient, etiam si dixerimus, illis codicillis mutari testamentum aut testamentum adiaci, tamen omnia ex integro facienda, vt ex testamento valeant. Superest igitur, vt si valere volumus tanquam ex codicillis, ea obseruari debeant, quæ hic præscribuntur. Non obstat, quod dicitur hos codicillos ad testamentum pertinere: nam vt ad testamentum pertineant, prius codicillos esse oportet. Non erunt autem codicilli nisi iure facti & ex præscriptione huius constitutionis.

In his quæ hic obseruari iubentur notandum est, quatuor esse, quæ sunt cum testamentis communia, tria esse, in quibus codicilli a testamentis discrepant, cum de solemnibus adhibendis agitur. I. igitur hic exiguntur testes, vt in testamento. II. loco desideratur, vt testes adhibeantur ad codicillos, quo verbo significatur non esse idoneos testes in codicillis, nisi qui admoniti prius fuerint, se ad codicillos adhiberi, *l. heredes. §. in testamentis, qui testament. facer. poss.* Vnde intelligimus etiam, hic quoque testes rogatos adhiberi debere, *vt declaratur in dicto §. in testamentis*. Non obstat, quod hic dicitur, testes recte adhiberi, siue rogati sint, siue fortuito aduenerint: nam non est necesse testes rogare vt veniant, etiam qui fortuito interuenerunt rogari possunt: sed interim cum interfuerint moneri debent se adhiberi ad codicillos, quod nihil aliud est, quam eos rogare, vt testimonium præbeant. Hoc igitur & cum testamentis commune est. III. desideratur, vt coram iis negotium conficiatur, vno eodemque tempore, id est, vno contextu actionis. Hoc quoque cum testamento est commune, *l. hac consultissima. supr. de testam. l. heredes. §. ultim. qui testamentum facere poss.* Postremo in codicillis scriptis iubentur adhiberi testimonii subnotationes. Subnotare est subscribere, *l. pen. ff. qui testam. fac. poss.* Et hoc quoque cum testamentis est commune.

Sed tria discrepant: numerus testimonii, & conditio, & signa. In testamentis numerus testimonii est septem, *§. sed cum paulatim. instit. de testam. ordin. d. l. hac consultissima*. Conditio testimonii in codicillis hæc est, vt quicumque non prohibentur in aliis causis dice-

re, hi nec prohibeantur in aliis causis testes esse, & prohibetur mulier in testamento esse testis, in codicillis non prohibetur, proinde recte testis adhibebitur ex d. reg. *l. 1. de testam.* Sed & hoc ipsum nominatim expressum est de muliere, *l. qui testamento. §. mulier. qui testament. facer. poss.* Postremo signa testimonii desiderantur in testamentis: at in codicillis non desiderantur.

AD TITVLVM XXXVII. COD.

De Legatis.

S V M M A R I A.

- 1 Legare vnde dictum & legare quid.
- 2 Legandi appellatio & generalis & specialis est.
- 3 Legare in genere quid sit.
- 4 Legare in specie quid.
- 5 Legatum est donatio testamento relicta.
- 6 Donare est aliquid in aliquem conferre gratis.
- 7 Legatum quid differat a contractibus, donationibus non gratuitis, hereditate, fideicommissio, libertate, tutela, relictis testamento, donationibus, &c.
- 8 Legatum an possit codicillis, vt testamento, relinqu.
- 9 Legati diuersæ definitiones, & earum examen & enodatio. & nu. 10.

Non solum hereditas seu vniuersitas & successio nobis acquiri potest testamento & codicillis, sed etiam acquiri possunt res singulæ, quæ testamento aut codicillis legantur aut fideicommittuntur, vnde ea dicuntur legata aut fideicommissa, de quibus deinceps agitur, vt sciamus quid sint, & quid in ipsis relinquere cuique defuncto liceat, & quatenus valeant seu quem effectum habeant. Ac prius de Legatis. Legare *† auctore Varron. lib. 4. de legib.* dictum est a legendo, seu a delectu, vt sit cum delectu amandare a nobis, quod apud alios vice nostra fungatur, idque vt vsus loquendi docet, & idem Varro testis est *lib. 5.* Refertur & ad personas & ad res. Nā & personæ dicuntur legari & res legari. Cum ad personas refertur, legare est dimittere a nobis pro imperio aliquem, qui apud alios vice nostra vtatur, vnde Legati dicti sunt. Cum ad res refertur, legare est aliquid testamento relinquere, quæ significatio non multum a priore distat, certe ambæ eadem ratione coniunguntur. Nam quicquid testator constituit de re sua, id sublato testatore eiusmodi est, vt defuncti vicem obtineat apud eum, apud quem constituitur.

Legandi *† appellatio* & generalis & specialis est. Generaliter *† legare* est aliquid testamento de re sua constituere & relinquere, quomodo accepta est *l. 12. tabul. in illis verbis, uti quisque legasset*, id est, vt de re sua constituerit pro imperio & iussu. Vnde verbis iis legis, quatuor hæc confirmari intellectum est: hereditum institutiones, legatorum & libertatum donationes, item tutorum constitutiones, *vt est in l. verbis legis. de verb. sig.*

Generalis autem hæc significatio verbi intellecta est ex adiuncto, nempe ex verbo *uti*, quod significat, quodcunque seu prout, vt sit sensus: *uti quisque legauerit*, id est, quodcunque erit aut quodcunque decreuerit de re sua, ita ius esto. Specialiter *† legare* est aliquid testamento donare, qua significatione semper Legati verbum vsurpatur, nisi ex adiuncto intelligitur sententia scribentis, quasi de omni alia re, de qua constituerit testator, loquatur & sentiat is, qui scribit. Hæc de verbo.

Res definitur multis locis. Definitio hæc traditur in *l. legatum 36. de legat. 2.* Legatum est donatio, testamento relicta. Est autem et donare aliquid in aliquem conferre gratis. Id ergo legatum est, uti nunc de legato loquimur. Hoc verbo et separantur a legato contractus: sunt enim contractus conuentiones, non donationes. Huc pertinet *l. verba contraxerunt, de verb. sig.* Distinguitur item donationes omnes non gratuitæ. Præterea eodem verbo separantur omnia alia, quæ testamento relinquuntur ordinanturque, ut hereditas, fideicommissum, libertas, tutorum datio. Nam hæc omnia testamento relinquuntur, & in his datur aliquid, sed non sunt donationes. Hereditas non est donatio: nam sæpe in hereditate nihil est præter æs alienum, & tamen non eo minus hereditas est, *l. hereditas, de heredit. pet. l. hereditatis, de verb. sign.* Et quamuis hereditate adita heres nanciscatur dominium rerum omnium hereditarium, *l. cum hereditas, de acquir. poss.* Tamen hoc fit per consequentiam successionis: nam principalis successio acquiritur heredi, successionem sequuntur commoda & incommoda, *l. 1. 2. § 3. de bon. poss.*

Eadem nota distinguuntur & fideicommissa a legatis, non tantum verbis: nam in fideicommissis testator nihil donat, ut initium fuit fideicommissorum. Est enim fideicommissum, cum quis fidei heredis aut alterius committit, ut aliquid det, præstet Lucio Titio. Quod cum fit, neque testator ipse quicquam confert, neque eum, quem rogat, obstringit, ut det, ut olim ius erat de fideicommissis: poterat enim is, qui rogatus erat dare, si vellet; si nollet, nulla erat necessitas præstandi, uti declaratur *Instit. de fideicom. hered.*

Libertas quoque hac nota distinguitur a legatis. Nam reuera libertas nulla res est, ut dici possit eam dari. Certe non est res, quæ æstimationem recipiat, *l. libertas de reg. iur.* Præterea in donatione nihil inuito acquiritur: at unusquisque seruorum inuitus libertatem accipit, *l. v. §. si vero quidam. infr. de test. manumiss.* Tutorum dationem, donationem non esse certum est, proinde hoc verbo intelligimus legata non esse.

Adiicitur, *testamento relicta.* Hæc verba adiiciuntur duarum rerum significandarum causa. Primo ut intelligatur, et ut olim ius fuit, legatum nisi testamento relinqui non posse, non vero posse codicillis, *§. præterea. Institut. de fideicommiss. heredit.* Quod tamen ius hodie sublatum est, de quo dicitur postea in comparatione legatorum & fideicommissorum *sub titul. de fideicommiss.* Deinde ut intelligatur ita legatum donationem esse, ut tamen is, qui donat, non velit donatum, nisi post mortem suam fieri velit, *l. 1. qui testament. facer. poss.* Hac nota discernitur legatum a ceteris donationibus non testamentariis, quales sunt donationes inter viuos & causa mortis. Nam in his omnibus præsens præsentiam nunc donat. De donationibus inter viuos nulla dubitatio est, *l. 1. de donation.* Sed & idem ius est in donationibus causa mortis, ut expressum est in *l. inter. de donation. causa mortis.* Idque satis demonstratur eo, quod dicuntur donationes causa mortis ex præsentia reuocari & condici: quæ donata sunt, non condicuntur, nisi iam ante tradita, *l. 1. l. senatus. §. donat. de mortis causa donation.* In legato nihil tale est, nihil defunctus præsens præsentiam legatario dat, sed post mortem dari vult.

Hæc definitio recta est et etsi non additur ab herede præstanda, ut fit in *§. legatum. Institut. de legat.* non quod legatum non sit donatio ab herede præstanda, ut mox dicetur, sed quia in definitione solum explicatur, quid sit legatum. Quomodo autem fiat, ut iure valeat, ad definitionem non pertinet necessario, sed in præceptis iuris, de relinquendo legato, postea traditur.

Alia definitio exstat in dicto *§. legatum. Institut. de legat.* aliis verbis concepta, sed idem exprimentibus: *Legatum, inquit Iustinianus, est donatio quadam a defuncto relicta, ab herede præstanda.* His verbis relicta a defuncto, declaratur illud, quod supra dixi, legatum ita donationem esse, ut tamen defunctus nolit quicquam donatum nisi post mortem suam. Id defuncti verbum significat, id significat etiam verbum *relinquendi*, quod solum ad ea pertinet, quæ post mortem nostram relinquimus, *l. 1. §. ultim. de tabul. exhib.* Non dicit, *testamento relicta*, quoniam, ut dixi, satis est definire, quid sit legatum, etiam si non adiiciatur, ubi legatum relinqui possit. Adiicitur ab herede præstanda. Quæ verba quidam ascititia putant, & non satis legato conuenire, argumento prioris definitionis moti, in quo hæc verba prætermittenda sunt: sed non recte iudicant, qui hæc verba repudianda existimant. Nam si repudiantur ut falsa, pessime repudiantur. Ut enim legatum olim non potuit relinqui nisi testamento, ita non potuit relinqui nisi ab herede a legatario legari non potuit, *Instit. de singul. reb. per fideicom. relit.*

Urgitur in priori definitione recte additur *testamento*, quia non potuit legatum relinqui, nisi testamento; ita in posteriore additur, ab herede præstanda, quoniam non potuit legatum relinqui nisi ab herede, & quoniam etiam simpliciter legatum relictum, ab herede præstandum fuit, ut perueniret ad legatarium. Nam certi iuris est, legatarios non posse legata sua auctoritate occupare, sed voluntate heredis debere præstari. Quod si sua auctoritate occupauerint, constitutum est heredi interdictum, de legatis ita occupatis, reuocandis, *l. 1. quod legat.* ut nihil sit verius, quam legatum ita relinqui debuisse, ut præstaretur ab herede, & relictum debere præstari ab herede.

Quod et si superiora verba repudiantur tanquam superuacanea, necesse est ut eadem ratione reiiciamus definitionem Florentini in *l. legatum. l. 16. de leg. 1.* Cuius definitio idem plane expressit quod Iustiniani continetur. Definitio hæc est: *Legatum est delibatio hereditatis, qua testator ex eo, quod vniuersum heredis foret, alicui quid collatum velit.* Significat donationem esse legatum, cum ait, *esse id quod testator collatum velit.* Significat a defuncto relictum esse, cum ait, *esse delibationem hereditatis*, id est, id quod delibatur, & deceditur ab hereditate. Nam hereditas viuentis non est, sed defuncti, *l. 1. de heredit. vel act. l. hereditas. de regulis iur. l. nihil aliud est. de verborum signific.* Significat ab herede esse præstandum, cum ait, *esse delibationem hereditatis ex eo quod vniuersum foret.* Non deceditur quicquam ab eo quod vniuersum heredis foret, nisi quod ab herede deceditur, & præstat. Ergo quod relinquitur a legatario vel fideicommissario, id non deceditur ab eo quod heredis foret, sed ab eo, quod foret legatarii aut fideicommissarii.

Non obstat, quod defunctus adhuc viuens legatum testamenti relictum præstare potest, *l. Lucius. de leg. 2.*

Nam

Nam in definitione Iustiniani non dicitur, legatum esse donationem, quæ præstabitur ab herede, sed esse donationem ita relictam, ut præstanda sit, quia ab initio hoc animo relictum sit, ut ab herede præstetur, quod multis tamen modis contingere potest, ut ne præstetur, vel quia testator legatum adimat, vel quia res legata perierit, vel quia decesserit legatarius viuo testatore, vel quia conditio defecerit, sub qua legatum erat: neque eo minus verum est, legatum ab initio fuisse & constituisse. Nam in initio legati animus spectamus relinquentis, non euentum legati. Non obstat etiam, quod legata testamento relictæ, statim fiant legatarii sine opera & traditione heredis, postquam testator mortuus est, *l. a Titio ff. de furt.* Nam etsi reuera dominium ad legatarium transit, nihilominus tamen res ab herede legatario præstanda est, alioqui reuocabitur legatum interdicto, quod bonor. ut supra dictum. Nihil igitur verius, quam legatum esse donationem a defuncto relictam, ab herede præstandam.

Sed cum definitio carere potuerit his verbis, an non hæc verba superuacanea addita videri possunt? Respondeo: Si necessitatem spectamus, non fuit necesse addere ad definitionem: nam & sine his intelligitur, quid sit legatum, etiam si non intelligitur, ubi aut a quo præstandum sit. Sed si spectemus commoditatem explicationis, commode hæc verba adiecta sunt, ut intelligeremus non posse relinquere legatum, nisi ab herede, ut olim ius fuit. Et præterea ut intelligeremus, in qua parte discernerentur legata a fideicommissis. Nam fideicommissa ab herede relinquere potuerunt, sed non fuit necesse, nam & possunt relinquere a legatario & fideicommissario. Quid legatum differat a fideicommissis infra dicetur, ubi de natura fideicommissorum tractabitur.

Ad L. i. Quamuis.

Imperator Antoninus Pius A. Libertis
Sextiliæ.

Quamuis verbis his, quoad cum Claudio Iusto morati essetis, alimenta vobis & vestiarius legatum sit: tamen hanc fuisse defuncti cogitationem interpreter, ut & post mortem Iusti Claudii eadem vobis præstari voluerit. Sine die & consule.

S V M M A R I A.

- 1 Species huius legis prima.
- 2 Conditio quibus casibus pro impleta habeatur.
- 3 Mortuo Iusto, cum quo legatarii morari debebant ex condicione, exstiterit ne conditio, aut an pro impleta habenda sit.
- 4 Strychus l. ber esse iustus, sub condicione si heredi anno uno seruerit, an si agrotus seruire nequirit, nihilominus liber futurus sit.
- 5 Seruire qui intelligantur.

Alimenta si liberis relictæ sunt hac condicione, si cum Iusto Claudio morati essent, non dubitatur, quin alimenta liberis præstanda sint, siue morati sint cum Iusto, siue per Iustum steterit, quo minus morarentur. Nam priore casu conditio impleta est: posteriore non est impleta, sed perinde habetur, quasi impleta esset, quoniam per eum stetit, quo minus impleretur, in cuius persona implenda fuit. Sed mortuo Iusto quæritur, an eadem alimenta liberis præstanda sint? Non abs re quæritur: nam secundum verba &

regulam iuris, de conditionibus, quæ pro impletis habentur, alimenta non debentur. Obseruandum est enim alimenta esse relictæ, sub condicione, & eam conditionem in proposito non videri exstiterit: non enim potuerunt liberi morari cum Iusto, ubi Iustus mortuus esset. Itaque hoc relinquere videtur, ut conditio non impleta tamen pro impleta habeatur, quod regulæ iuris non ferunt. Nam si conditio pro impleta habetur duobus tantum casibus. I Si stet per eum, cuius interest conditionem non impleri, id est, per heredem aut eum, qui legatum præstaturus est, *l. iure. de reg. iur.* Alter casus est si per eum stet, in cuius persona conditio impleri debuit, ut si legatum relictum sit Titio, si decem Sempronio daret, si Sempronius arrogaret, & Titius interpellatus recusabit accipere, aut se adrogandum dare, legatum debebitur, quasi impleta condicione. *l. 3. l. si quis testamento. de condit. instit. d. l. 5. quando dies leg. ced.*

At si per eum, in cuius persona conditio implenda est, non fiat, quo minus conditio impleatur, conditio deficit, nec legatum debebitur, veluti si is, in cuius persona conditio implenda fuit, ut in proposito Iustus, decesserat. Exempli causa: Legata sunt Titia decem, si Sempronio nupserit, aut instituta est heres eadem condicione: Sempronio mortuo, Titia condicione defuncta est, nec quicquam ei debetur, *l. cum ita datur, g. 4. de condit. & demon. l. legat. de condit. insert. l. 1. sup. de institut. & substitut.* & tamen in specie proposita, ubi alimenta legata sunt, hæc conditio, si legatarii morati sint cum Iusto (Claudio, filio, matre testatoris & similibus, placet quamuis mortuo Claudio, item filio & matre, nihilominus alimenta deberi, quamuis verum sit, legatarios cum mortuo morari non posse, ut sic videatur deberi legata quamuis deficiente condicione, *l. annua, de annuis legat. l. illis. de cond. & demonst.*

Vulgo existimant id fieri in hac specie singulari favore legatiorum & alimentorum. Non recte: nam siue alimenta, siue quid aliud relinquatur sub condicione, spectari non debet quid relinquatur, aut cui, sed an conditio exstiterit. Quod enim sub condicione relinquatur, non debetur, nisi aut conditio exstiterit, aut habeatur pro impleta. Ita in proposito hoc solum quærendum est, an si mortuo Iusto, cum quo legatarii morari debebant ex condicione, exstiterit nec ne conditio, aut an pro impleta habenda sit? Et frustra effectum est pro impleta haberi non debere. Dicendum est enim in omnibus iis conditionibus, quæ ex facto legatarii & alterius communiter pendent, mortuo eo, in cuius persona impleri debuit conditio, si per eum non steterit, quo minus impleretur, conditionem defecisse, nec legatum sub ea condicione relictum, deberi *d. l. 1. §. de inst. & substit. l. legatum. j. de condit. insert. l. in testamento 3. de condit. & demon.* Nec refert utrum res aliæ legatae sint, an alimenta, *l. Scio. ff. de an. leg.* sed propriâ & singularem rationem esse huius conditionis, si legatarii morati sint cum filio, matre, Iusto Claudio, ut mortuis iis, cum quibus legatarii morari debent, conditio exstiterit, dummodo per legatarios non steterit, quo minus cum viuis morarentur.

Ratio sequitur in *d. l. illis. de cond. & demonst.* quippe in hoc genere conditionum testator secundum verba exigit a legatariis, ut morentur cum iis aut illis; re autem vera & secundum sententiam exigit tantum a legatariis obsequium commemorandi. Vult

enim eos commorari cum Iulio Claudio & simili-
bus, ut illi obsequium & obsequantiam eo facto exhi-
beant. Obsequium autem non est in facto commo-
randi, sed in propensione voluntatis, id est, obsequi-
um ex hac conditione præstitit, qui cupiens morari,
aliquo casu impeditur, quo minus moretur, quod
rursus innuit Paulus in ratione data in d. l. illis. Qua
ratione efficit mortuo Iusto, aut iis, cum quibus libe-
ri morari debuerunt, conditionem non videri defe-
cisse. Id evidentius significat explicatio l. 4. §. Stychns
4 si hered. de statu liber. ubi Stychns † iubetur esse liber,
si heredi anno vno seruiert, & placet quamvis ægro-
tus per totum annum seruire non potuerit, nihilo-
minus liberum futurum hac conditione nominatim
adiecta, quia seruitium hic exigitur in seruo. Seruire
5 autem † etiam illi nobis intelliguntur, qui cupientes
seruire, per valetudinem impediuntur. Quo signifi-
catur seruitium & obsequium omne esse in eo, ut cu-
pian seruire & obsequi, etiam si casu impediuntur.
Quod & iuris est alimentis legatis sub hac conditio-
ne, si liberi cum Iusto Claudio, &c. morari sint. Sed idem
iuris esse placuit non aliter ita relictum quoad liberi
cum Iusto Claudio morari sint. Quod hic rescriptum
est & refertur planius rescriptum in l. Caro, §. 1. de ali-
men. & cib. leg.

Potuit tamen hoc in hac specie posteriore secus
videri, quasi hoc verbo, quoad, tempus præstitutum
sit, ad quod usque deberentur alimenta, ut conse-
quens sit, post id tempus non deberi. Sed hoc non est
ita: nam iis verbis, quoad liberi morari sint, significatur
tempus, non quoad usque morentur, sed per quod
morentur. Perinde est enim, quasi dictum esset, libe-
ris alimenta volo præstare, quamdiu, seu per omne id tem-
pus, cum morari fuerint cum Iusto Claudio, &c. Nihil
interest inter has conceptiones, cum morari fuerint,
& si morari fuerint. Priori conceptione exprimitur
tempus, sed per tempus incertum significatur con-
ditio. Non enim erit tempus, cum liberi morentur,
nisi si morentur. Posteriori conceptione exprimitur
conditio, sed per conditionem exprimitur tempus,
non enim exister, ut liberi morentur, nisi per ali-
quod tempus, quo morabuntur. Traditur hoc in l. si
Titia, ff. quando dies leg. ced. l. quodcumque. §. pen. de ver-
bor. oblig. Et hoc est, quod dicitur diem incertum in
testamenti conditionem facere. l. dies. ff. de condi. &
demonstr.

Ad L. 2. Quamuis.

Impp. Seuerus & Antoninus AA.
Sabiniano.

Quamuis heres institutus hereditatem vendiderit,
tamen legata & fideicommissa ab eo peti possunt: & quod
eo nomine datum fuerit, venditor ab emtore vel fideiussor-
ibus eius petere poterit. PP. X. Kal. Sept. Laterano &
Rufino Coss. 198.

S Y M M A R I V M.

1. Heres, an vendita hereditate nihilominus legatariis
teneatur.

Quæcumque legata testamento aut codicillis re-
linquuntur, etiam si non relinquuntur nomina-
tim ab herede vel scripto, vel legitimo, dummodo
non relinquuntur nominatim a legatario, aut fidei-
commisario, omnia ad onus hereditatis pertinent,
& ab eo præstanda sunt. quod declaratur hic, cum
dicitur, legatum esse ab herede præstandum, §. legat.

Instit. cod. Item esse delibationem hereditatis ex eo,
quod per vniuersum heredis foret, l. legat. de legat. 1.
Hanc obligationem suscipit in se heres, cum heredi-
tatem adit. Nam hoc facto intelligitur primo susci-
pere personam defuncti, deinde se obstringere in
hoc, ut pareat voluntati defuncti, unde hereditatem
adeundo dicitur contrahere cum legatariis & credi-
toribus hereditariis, §. heres quoque. de obligat. que ex
quasi contract. l. 3. in fin. quibus ex causis in possessione
eat. Hac obligatione suscepta non potest heres villo
suo facto se ea obligatione eximere, l. si seruum. §.
nunc videmus. de verborum obligation. Quippe dete-
riorem conditionem alterius facere non potest, re-
pugnante regula iuris & natura, l. soluendo. de negotiis
gestis.

Quod si ita est, consequens est, † quod hic dicitur
heredem, quamuis hereditatem vendiderit, nihilo-
minus adhuc legatariis teneri, neque enim potuit se
sua venditione ea obligatione, qua tenebatur, libe-
rare. Sanè omne lucrum & damnum hereditatis ad
emtorem respicere debet, ut est in l. 2. §. si cui. de he-
red. vel act. vend. Sed hoc ita est, ut debeat ad eum re-
spicere secundum conventionem: hætenus tamen
dum conuentio aliis non noceat. Ergo si heres ven-
didit hereditatem, conuenitur a legatariis, iis redde-
re cogitur & legata iis præstare, sed iis præstitis re-
gressum habet ex vendito, aduersus emtorem here-
ditatis, ut hic dicitur, & plenius explicatur in l. 2. supr.
de hered. vel act. vend.

Ad L. 3. Qui post.

Impp. Seuerus & Antoninus AA.
Victorino.

Qui post testamentum factum prædia, qua legauit, pi-
gnori vel hypotheca dedit, mutasse voluntatem circa lega-
tariorum personam non videtur. Et ideo etiam si in per-
sonam actio electa est: recte placuit ab herede prædia li-
berari. PP. 6. Kalend. Maii, Gentiano & Basso Con-
sulib. 212.

S Y M M A R I A.

1. Legatum relictum an a testatore reuocari possit.
2. Legatum quomodo reuocetur, an ut verbis, ita etiam
factis & re ipsa, & quomodo.
3. Res legata pignori data an nihilominus adhuc de-
beatur.
4. Heres si fiat ei controuersia hereditatis, an legatum
soluere cogatur.

Legatum † quamuis ab initio recte relictum ni-
hilominus a testatore reuocari potest, ut reuoca-
tum non magis debeatur, quam si omnino relictum
non esset. Ambulatoria est enim voluntas testa-
toris, usque ad vltimum vitæ spiritum, l. 4. ff. de
adim. legat. Nec tantum testamentis aut codicillis
rite confectis reuocari legatum potest, sed etiam
nuda voluntate, usque adeo ut si capitales inimi-
citæ interuenerint inter testatorem & legatarium,
hoc ipso legatum non debeatur, ut tacita volun-
tate reuocatum, l. 3. §. ultim. de adim. legat. Re-
uocatur † autem legatum non tantum verbis, &
aperta voluntate, sed etiam rebus ipsis & factis. Ver-
bis ut si testator nominatim adimat legatum, aut in al-
ium transferat: nam alii dando eandem rem, priori
eam adimere intelligitur, Instit. de adim. leg. Re & facto
intelligitur iis modis, si rem legatam sustulerit, veluti
si ædes a se legatas deiceret, l. si legatum. §. ult. de leg. 1.
Dein,

Deinde si rem legatam transtulerit in aliam speciem, quæ ad priorem materiam reuerti non possit, veluti, si legarit lanam certam, & ex ea postea vestem fecerit, *l. lana, de legat. 3.* Postremo, si rem legatam testamentamento alienauerit, *leg. si ex toto, 8. in prin. de legat. 1.* In qua specie tamen adicitur hæc conditio, si modo testator adimendi animo alienet, quæ conditio est in §. si rem, de legat. Hic autem animus declaratur hac distinctione, quæ ob id aliis locis exprimitur. Nam si testator rem alienauit sine necessitate rei familiaris, hoc ipso existimatur renuntiasse legatum, quasi adimere voluerit, & ideo, quia rem legatam postea alii donauerit, fecit, vt legatum amplius non debeatur, *leg. rem legatum, de adim. legat.*

Quod si propter necessitatē rei familiaris alienauerit, non creditur adimere voluisse, nisi aperte probetur, *dict. leg. rem legatum, leg. fideicommissa. 11. §. si rem, de leg. 3.* Hinc consequens est, quod hic traditur, si testator rem a se legatam postea pignori vel hypothecæ dederit, nihilominus adhuc legatum deberi, quod idem traditur, in *dict. §. si rem, instit. de legat.* Ratio ex superioribus distinctionibus: nam quis rem familiarem pignori obligat, vel ideo facit, vt pecuniam a creditore accipiat, qua indiget, vel vt cum prius pecuniam deberet, satisfaciatur creditori suo, pignus dando ne rerum suarum distractionem pateretur.

Desunt hic in Autographo Donelli tres pagina integra.

Legatum ab herede deberi diximus ad *leg. 2. supr.* Ita id debetur vt præstari debeat, quamuis heres controuersiam heredis metuat. Sed etsi controuersiam heredis iudicio pariat, nihilominus legata præstare debet, vt hic rescriptum est. Veluti, cum existit aliquis, qui testamentum accusaret tanquam falsum, quæ species est hoc loco proposita. Sane hoc casu cum iudicio agitur aduersus heredem, & fit ei hereditatis controuersia, non aliter cogitur soluere legata legatariis, quam si caueant se legata restitutos, si hereditas heredi euincatur, quod hic quoque adiectum est. Idque fieri aiunt Imperatores secundum Iurisdictionis formam, id est, secundum quod in similibus controuersis ius dici solet, vbi vel hereditas, vel legatum petitur ab eo herede, cui alio iudicio fit controuersia heredis, *leg. penult. de petit. hered. leg. is a quo, de rei vindic.* Sed non exigitur hæc cautio a legatariis aliter, quam si fiat controuersia hereditatis heredi.

Non obstat, quod interdum legatarii cauent heredi, se legata restitutos, quamuis nulla fiat controuersia heredi de hereditate, quod fit cum periculum est, ne sit locus leg. Falcidiæ, & legatarii plus capiant, quam per legem Falcidiam licet, *leg. prima, si amplius quam per legem falcidiam.* Nam hæc cautio in hoc casu solum recepta est. Idque est, quod Imperatores significant in extremis verbis huius rescripti.

Ad L. 10. Cum alienam.

Imperator Alexander A. Ingenux.

Cum alienam rem quis reliquerit, siquidem sciens: tam ex legato, quam ex fideicommissis ab eo, qui legatum seu fideicommissum meruit, peti potest, quod si suam esse putauit: non aliter valet relictum, nisi proxima persona,

vel uxori, vel alii tali personæ datum sit, cui legaturus esset, & si scisset rem alienam esse. P. P. V. Cal. Feb. Albinus & Maximus Cos. 218.

SVMMARIA

1. *Res aliena an legari possit.*

2. *Res aliena legata an semper debeatur sine testator alienam esse sciuerit sine non: & si debeatur quid petendum sit ex hac causa, nu. 3.*

DE re aliena legata tria quaruntur: An res aliena legari possit, an legata debeat, & si debeatur, quid petendum sit ex hac causa. De primo ius certum est. Non solum rem propriam testatoris, sed etiam alienam legari posse, §. non solum, de legat. Non obstat, quod l. 12. tabularum fecit tantum mentionem & potestatem legandi de suo leg. verbis legis, de verb. sign. l. testandi, 3. de testam. Nam & quilegat rem alienam de suo legare intelligitur. Onerat enim heredem, vt rem redimat, & redemptam præstet, sic enim fit, vt eam rem possit præstare. Ideo placet, re aliena legata, heredem hanc redimere, & ita præstare debere, d. §. non solum.

Quid si dominus eam rem nolit vendere heredi? Hic prima fronte videbitur liberari heres, nam eam rem debet, quæ est in eius potestate, neque esse potest inuito domino: impossibilem autem nulla est obligatio, *leg. impossibilem, de regul. iur.* Rursus non debet æstimationem, quia res, non æstimatio legata est. Sed placuit hoc casu, vbi dominus heredi rem non vendit, aut plus iusto vendit, heredem æstimationem auferre debere, *leg. non dubium, §. ultim. leg. qui quatuor, §. ultim. D. de legat. 3.* Vnde sumtum est, quod dicitur de eadem re, in §. non solum. Non obstat, quod æstimatio legata non est, nam res legata est quam idcirco heres præstare debet si non præstat nihil relinquitur, nisi vt pro re præstet æstimationem, vt accidit quotiescunque rem debitam debitor non præstat, *leg. in resursum, de condit. furti, in prin. §. 1.* Si quis dicat rem ipsam non deberi, quoniam impossibilem nulla obligatio.

Respondimus, non esse impossibilem re alienæ præstationem, quoniam etiam si dominus voluntate sua non vendit, natura tamen res vendi potest, vel ab eodem domino mutata voluntate, vel ab alio, ad quem ea res peruenit. Non est impossibile impedimentum, nisi quod natura impossibile est, & solum id impedimentum obstat obligationi, quod est naturale, *leg. continuus, §. illud, de verb. oblig.*

Quod secundum est, de eo constitutum hoc rescripto. Non semper rem alienam legatam deberi, sed in eo hanc distinctionem esse; interesse vtrum quis rem alienam legans sciuerit rem alienam esse, an vero suum esse putauerit. Si sciuit rem alienam, debetur ita vt supra dixi. Quod si res tota aliena legata debetur, multo magis, si in ea re legata pars solum erit aliena, ea pars debetur, si testator alienam sciuit. Obstat l. 5. §. ultim. de legat. 1. Vbi si testator fundum communem legauit, id est, ex parte suam, & ex parte alienum, placet solum ex hoc legato partem deberi, quæ fuit testatoris, partem alienam non deberi, quamuis testator alienam esse non ignorauerit. Respondeo, Ex verbis eius loci apparet, id ideo responderi, quia testator fundum legando nominatum adiecit, *meum*, vt dicebat, *fundum Tuscan-*

lanum meum do, lego. Ex hac adiectione manifestum est, testatorem nihil amplius voluisse legare, quam id quod suum erat. Idem responsum esse volumus, *ad d. l. si damus, §. ult. de leg. 1.* vbi fundus qui erat proprietate municipum, iure autem erat vectigalis fundus testatoris, id quid sit cognoscitur, *ex l. 1. §. 2. si ager, vectig.* Testator enim fundum legauit, & adiecit, *fundum illum meum vectigalem do, lego.* Quia adiecit *vectigalem*, placet nihil amplius deberi in eo fundo, quam ius vectigalis fundi: proprietatem autem de municipibus redimi non debere, ut ea præstetur legatario, quia scilicet hoc verbo, vectigalis fundus, declarauit testator, se nolle fundum legare, nisi quatenus esset vectigalis. Ceterum vbi simpliciter testator rem alienam legauit, quam sciat alienam esse, hæc legatario debetur ex hoc loco, non solum, si tota res aliena erit, sed multo magis, si aliena erit tantum pro parte.

Quod si testator putauit rem suam esse, quam pro sua possidebat bona fide, hæc non debetur, & si forte præstita, euicta erit a legatario, legatarius de euictione agere non poterit, quia nec a principio res debebatur, ut hic scriptum est, *§. in d. §. non solum.* Sed cur hoc loco res aliena legata non debetur, cum testator eam legare potuerit, & verbis legauerit? Respondeo: Ideo non debetur quia testator legare noluit. Ad supremam enim voluntatem non sufficit scriptum, nisi etiam accedat voluntas testatoris, *leg. quoties 9. de hered. instit.* Sed unde colligimus testatorem noluisse? Quod scriptum est *in §. non solum, vbi si, quod diximus.* ideo rem non deberi, quia fortasse si testator sciisset esse alienam, non legasset: hæc ratio non est satis sufficiens, sed indiget alia ratione: dici enim potest statim, fortasse etiam si sciisset testator esse alienam, legasset, nam etiam hoc contingere potest, & in obscura voluntate testatoris procliuiores esse debemus pro legato, & plenius voluntatem interpretari, *l. in testamentis, de reg. iur.* Dicendum igitur ideo testatorem videri legaturum non fuisse, si sciisset, quia errauit in dominio rei legata: non consentiunt autem qui errant, *l. si per errorem, D. de iurisdic. l. 2. in pr. de iudic.*

Huic parti opponitur *l. si domus, §. de euict. de leg. 1.* vbi his verbis definitum est: Quoties res legata sine iudicio præstita, euicta est, heres eam petere potest ex testamento. Dicitur, *quoties*, ex quo colligi videtur id dicendum esse, siue testator sciuerit rem alienam esse, siue ignorauerit, ac deinde quia aliena erat euicta est.

Respōd. id ex eo colligi nec debet nec potest. Nam non queritur eo loco, an res legata euicta præstanda sit, sed si res legata euicta præstanda est, quando præstanda sit, & quando heres ob euictionem teneatur. Et respondetur, si heres ob euictionem rei legatae tenetur, non alias tenetur, quam si eam rem præstiterit, sine iudicio, id est, extra iudicium, sententia iudicis non coactus. Quod si ea res iudicio perita sit, & heres sententia damnatus eam rem præstiterit, non tenetur ob euictionem, si forte res postea legatario euicta sit, nisi heres cauerit, se euictionem præstaturum: & ob hanc causam inquit Africanus eo loco: cautio euictionis hoc casu necessaria est legatario. Hinc apparet hoc omne dici sub conditione si res legata in ea causa fuerit, ut ea euicta heres teneatur, quod interdum contingit, puta si seruus exempli gratia generaliter legatus sit, non nominatim, *l. heres seruus, D. de euict. l. si a substituto, §. ult. de leg. 1.* Idem iuris est;

si res aliena certa legata sit, quam testator sciuerit alienam, heres autem ut eam præstaret redemit a possessore non domino, deinde a vero domino euicta est.

Rata igitur erit hæc sententia, cum quis legat rem alienam, quam suam putat, regulariter eam non deberi, quia deficit voluntas. Sed hoc sic accipiendum est, nisi verisimile sit, testatorem rem legaturum fuisse, etiam si alienam esse non ignorasset, quæ coniectura voluntatis in quibusdam causis admissa est, alias ex re quæ legatur, alias ex persona eius, cuius res est, alias ex persona legatarii. Ex re quæ legata est, cum libertas relinquitur seruo alieno, quæ testator suum putat. Nam si testator iubeat heredem, hunc seruum manumittere, tamen si videtur ignorans reliquisse libertatem alienam, id est, potestatem manumittendi, quæ aliena est, nihilominus placet heredem debere seruum redimere, & ita manumittere, idque favore libertatis, *l. Paulus respond. de fideic. libert.* Ex persona eius, cuius res est, cum res heredis legata est. Quamuis enim testator eam rem suam esse putauerit, nihilominus ab eo legata debetur, coniectura voluntatis ex persona ducta, quia heres eam rem præstare potest facile, quamuis non redimatur, *l. unum §. si rem, de leg. 1.* Ex persona legatarii, cum aut persona iuncta est sanguine aut matrimonio, ut vxor, aut amicitia, aut cum alicui aliquid legatur propter merita, ut præceptori, procuratori vel institutori. Quod tamen dicitur, legatum deberi, vbi res aliena proximæ personæ legata est, quam testator suam putauit, tunc locum non habet, cum res legata est ab ea persona, quæ eodem modo coniuncta sit defuncto. Exempli gratia: Pater filiis suis heredibus institutis, vni prædia quædam prælegauit, quæ sua esse existimauit; deinde euincuntur. Secundum exceptionem supra scriptam, & quæ hoc loco traditur, dici debuit, filium petere posse hæc prædia a fratribus coheredibus, proportionibus eorum hereditariis, quia etsi pater putauit sua esse, quæ erant aliena, tamen proximæ personæ legata sunt, & secundum eam exceptionem debentur, non secus quam si pater sciisset rem esse alienam. Et tamen placuit in hac specie filio euictis prædiis actionem non esse, *l. cum pater, §. euictis, de leg. 2.* Ratio responsi hæc est: Quia si hæc prædia peti possunt, necesse est ea peti a fratribus coheredibus, quæ sunt personæ defuncto eodem modo coniunctæ, ut is filius, cui prædia legata sunt, si testator filio legatario consultum voluit, ut liberarentur, vbi par omnium causa est, nam procliuiores debemus esse ad liberandum, *l. Adrianus, de oblig. & act. l. si inuocabiles, de reg. iur.* Et ideo dicemus idem, si filio herede instituto testator prædium alienum, quod suum putabat legauerit alicui cognato suo, vel intimo amico, nempe prædio euicto legatum non deberi, quia ut coniuncta persona est cui legatur, & coniuncta est a qua legatur. In pari autem causa potior debet esse causa debitoris, *l. si seruus, §. sequitur, de oblig. & act.*

Quod ad petitionem ꝑ attinet rei alienæ legatae, declaratur hoc rescripto: Quoties res aliena legata debetur, hanc ex testamento peti posse. Idem declaratur *in l. si domus, §. de euictione, de leg. 1.* Et merito hæc res petitur, quamuis non sit in potestate heredis, hæc enim sola debetur, non eius rei æstimatio: res enim, non æstimatio legata est. Actio autem est ius persequendi iudicio, quod nobis debetur, *§. i. instit. de act.*

act. l. nihil aliud, de oblig. & act. Itaque receptum est, quod vulgo placet, in hac specie petitionem ita concipi debere, ut legatarius rem petat sibi dari, aut rei aestimationem. Non enim potest peti, quod sibi non debetur: non debetur aestimatio quæ legata non est. Nec ad rem pertinet, quod heres aestimationem præstare potest & debet, si rem non redimat: nam aestimationem præstat officio iudicis, non ut debitum, nempe aestimationem pro re debita, ut expressum est in *l. qui quatuor 30. §. ult. de leg. 3.*

Ad L. 11. Filia.

Imp. Alexander A. Albiniano.

Filia legatorum non habet actionem, si ea, quæ ei in testamento reliquit viuis pater, postea in dotem dederit. PP. V. Non. Mart. Pompeiano & Peligno Coss. 232.

S V M M A R I A.

1 *Legatum an exstinguatur, si ea, quæ in testamento pater viuis reliquit, postea filia in dotem dederit.*

Si testator rem a se legatam viuis legatario dedit, legatum exstinguitur, veluti solutione, siue speciem ipsam præstiterit quæ legauit, siue dederit tantundem, cum pecuniâ legasset, aut dederit huius rei pretium. Hæc sententia & ad extraneos pertinet quibus quid legatum est, de quibus in *l. Lucius D. de leg. 1.* Sed etiâ † ad filiâ cui dos legata est, ut hic rescriptum est, tametsi & persona filiæ & legatum dotis singularem fauorem mereri videbatur. Ratio est, quia solutione eius quod debetur, tollitur omnis obligatio, *Inst. quib. mod. tol.* In hac autem specie etsi vera solutio non est, quoniam non est solutio nisi rei debita, non debetur legatum nisi mortuo testatore: tamen destinatione animi testatoris res ab eo legata, itidem ab eo quodam modo debetur, quia vult eam præstare & cum eam præstat, eo facit, ut ea velut obligatione liberetur.

Ad L. 12. Cum responso.

Imp. Gordianus A. Mutiano.

Cum responso viri prudentissimi Papiniani, quod precibus insertum est, præceptionis legatum, & omissa parte hereditatis vindicari posse declaratur. Intelligis desiderio tuo iuxta iuris formam esse consultum. Verba vero responsi hæc sunt: Filia mater prædium ita legauit: Præcipito, sumito extra partem hereditatis. cum hereditati matris filia renuntiasset: nihilominus eam recte legatum vindicare visum est. PP. Constitutio V. Idus Iul. Sabino II. & Venusto Coss. 241.

S V M M A R I A.

1 *Duobus heredibus institutis si uni aliquid ex his prælegatur, tota res prælegata ad legatarium pertinet, siue hereditatem adierit, siue omiserit.*

2 *Heres qui noluit adire, cur non videatur impugnare iudicium defuncti.*

3 *Heredi hereditatem omittenti an legatum debeatur.*

Quoties duobus heredibus institutis, vni † ex his aliquid prælegatur, placet totâ rem prælegatam ad legatarium pertinere, non tantum si hereditatem adierit, de quo nulla dubitatio est, sed etiam si hereditatē omiserit: quisquis is erit heres siue extraneus, siue filius, ut hic cautum est *l. qui filius 17. §. ult. l. filio 87. & seqq. de leg. 1.* Sed huic heredi hereditatē omittenti, quædam obstant. Ac primum videtur a toto legato remoueri debere, quia iudicium defuncti im-

pugnauit: qui iudicium defuncti impugnat, id est, qui contra facit, quam testator iussit, is legatum testamento relictum amittit, *leg. post legatum, in princ. & §. omittere, D. de his, quibus ut indign.* Heres autem iussus heres esse, iudicium defuncti impugnat, cum hereditatem omittit, quia facit contra quam testator iusserit. Proinde etiam legato, sibi relicto, carebit. Hanc objectionem sensit Papinianus & diluit in *d. l. filio, 87. de leg. 1.* Diluit autem hoc modo, quia non videatur impugnare iudicium defuncti, qui iustis rationibus noluit hereditariis oneribus implicari.

Sed amplius † quæro, cur qui hoc noluit, non videatur impugnare iudicium defuncti, cum siue iustis rationibus, siue nulla ratione hereditatem omittat, semper faciat contra, quam facere iussus est. Respondeo, non videri heredem hereditatem omittentem facere contra iudicium defuncti, si idcirco omittat, ne implicetur oneribus hereditariis, id quod Papinianus sensit. Non obstat, quod is iussus est heres esse. Nam iussus est pro commodo suo, si ei expediret, dummodo defuncto alius heres exstiteret, proinde nihil aduersus hoc iudicium facit, qui non putat sibi expedire adire hereditatem. Ita prior obiectio remota, quæ effici videbatur heredem in proposito omittentem hereditatem etiam relictum sibi legatum amittere. Sed superest altera. Nam si a toto legato non remouetur, at saltem videtur remoueri a parte, quæ ab ipso relicta erat. Nam legatum testamento simpliciter relictum debetur ab omnibus heredibus proportionibus hereditariis. Proinde cum in specie proposita proponantur duo heredes instituti, & vni prædium esset prælegatum, intelligitur hoc prædium partim a coherede relictum esse, partim ab eo ipso herede, cui prædium relictum est, ergo partem prædii a coherede recte capiet is qui hereditatem omittit. Sed alteram partem, quæ ab ipso relicta erat, non videtur posse capere: nam aut ei debebitur ea pars iure hereditario, aut debebitur iure legati. Iure hereditario ei deberi non potest, quia non est heres, omisit enim hereditatem. Rursum iure legati non videtur ei deberi posse, prohibente regula iuris, quæ efficitur heredi a seipso legari non posse, *l. legatum, 116. §. 1. de legat. 1.* Respondeo: In proposito non videtur hæc pars heredi omittenti hereditatem, legari ut heredi, quoniam heres non est, multoque minus legari ei a seipso, cum non sit heres, nec quisquam obligetur legatis, nisi heres.

Hic occurritur. Nam etsi nunc heres non sit cum hereditatem omittit, tamen ab initio cum ei legatum est, heres scriptus erat & ei ut heredi prædium legatum est, proinde ab initio non constitit ex parte eius legatum, quare etiam si postea heres non existat, tamen legatum pro ea parte non conualescit, ex regula iuris, quod ab initio non valet, tractu temporis nequit conualescere, *leg. prima, de regul. Caton. leg. quod ab initio, de regul. iuris.* Respondeo verum est, partem huius prædii legatam esse ab herede, & legatam ut heredi, sed sub conditione si heres existeret, quod si heres non esset, legatum est ei prædium ut L. Titio, & ideo ut L. Titio debebitur, quamuis non heredi. Non obstat regula Caton. quoniam hæc regula ad legata & institutiones conditionales non pertinet, ut dicitur in *leg. sequent.* Sed quod dicimus heredi hereditatem omittenti † legatum, eo testamento relictum nihilominus deberi, sic acci-

piendum est, nisi hac conditione legatum sit, si heres esset, aut nisi appareat ex testamento, testatorem voluisse, eum ita legatum consequi, si heres esset, *leg. sed non alias* 88. de leg. 1. Exemplum est in l. ult. §. ult. de dol. mal. except.

Obiter insignis locus notandus est, quo demonstratur iam olim etiam ante tempora Gordiani, hanc auctoritatem tributam esse responsis eorum, qui in numero Iureconsultorum publice haberentur, ut pro iure certo obtinerent. Id declaratur hoc rescripto cum Gord. responsum Papiniani sequitur pro iure explorato, idque facere dicit secundum iurisdictionis formam, *Id pertinet ad §. interpret. §. responsa, de iur. nat. gent. §. civil. vide C. Th. lib. 1. tit. 4. l. 1.*

Ad L. 13. Proprias.

Imp. Dioclet. & Maxim. AA. Seueræ.

Proprias tuas res legari vel fideicommitteri tibi non potuisse certum est. PP. XV. Cal. Maii. Maximo II. & Aquilino Cos. 286.

S Y M M A R I A.

- 1 Res propria an sibi relinqui possit.
- 2 Res propria qua.
- 3 Res, quæ initio legatarii erat, si postea ab alienata sit, an debeatur.

- 1 **R**es legatarii † propria inutiliter ei relinquitur, quoniam amplius res eius fieri non potest, quo fit, ut legatū legatario sit inutile & proinde nullum, *§. sed si rem legatarii. Instit. eo.* Rem † propriam sic accipere debemus, quæ omni ex parte propria est legatarii. Quod si in ea re cuius proprietas est legatarii, testator aliquod ius habeat, velut ius vestigialis prædii, velut superficiem in solo legatarii, aut vsum fructum in re legatarii, hanc rem vtiliter legabit testator, quoniam hætenus legatum vtile est, ut ei præstetur, quod fuit alienum. Exempla sunt in l. si domus. §. ult. l. si tibi, §. ult. de leg. 1. l. 3. §. ult. de leg. 3. Et hoc ius de re propria legatarii certum est, si legatæ rei proprietas adhuc erit legatarii. At † quid si res quæ initio legatarii erat, postea ab alienata sit, an non debeatur? Videtur deberi impedimento sublato, quod prius legato obstabat. Respondeo: Hic distinguitur: Distinctio exstat, in l. cetera, de leg. 1. nam si pure res legatarii ei legata est, nunquam debetur, etiam si postea eius esse desierit, quamvis viuo adhuc testatore.

Efficitur id regula Catoniana, quæ ita se habet: quod si testator statim decessisset, non valuit, id quandoque decesserit, non valebit, l. 1. de reg. Cat. quæ regula aliis verbis expressa est, cū ita definitur, quod ab initio non valuit, tractu temporis conualescere non potest, l. quod ab initio, de reg. iur. Posuimus autem rem propriam legatarii ab initio inutiliter ei legari, si testator statim decederet. Proinde quamvis mutata sit postea rei conditio, quandoque testator decesserit, legatū non valebit. Quod si res legatarii legata ei sit sub cōditione, & existēte conditione res eius esse desierit, legatū valebit, d. l. cetera, §. 1. Ratio differētiæ hæc est, quoniā, ut alia regula comprehensum est a veteribus, regula Catoniana ad legata conditionalia & conditionales institutiones non pertinet, l. pen. de reg. Caton. Exemplum exstat in d. l. cetera, §. 1. Cur autem ad conditionalia non pertineat hæc regula exponitur in l. 1. de reg. Caton. Cuius hæc sententia & ratio est, quod regula Catonia-

na recepta est de eo, quod non valet ab initio ad legatum conditionale, in quo res legatarii ei relinquitur, non tam ab initio non valet, seu vitiosum est, quam nullum est, quoniam quod sub conditione datur, pendente conditione non datur, l. cetera, de verb. sig. Quod si realia sub quavis conditione legata domino legatum debetur, si existente conditione res legatarii esse definat: multo magis debebitur, si res ei sua legata sit nominatim sub hac conditione, si viuus eam alienasset, quod est exemplum dist. leg. 1. in fin. de reg. Caton.

Ad L. 14. Monumenta.

Idem AA. Tatiano.

Monumenta quidem legari non posse manifestum est: ius autem mortuum inferendi legare nemo prohibetur. PP. 2. Calend. Septemb. Maximo II. & Aquilino Cos.

S Y M M A R I A.

- 1 Monumenta quæ hodie dicantur.
- 2 Monumenta cur non possint legari.
- 3 Ius mortuum inferendi in sepulcrum potest legari. (Quid hodie apud Christianos.)

Res quæ in heredum commerciis seu bonis non sunt, non possunt legari: contra res priuata omnes legari possunt tam propria quam aliena, l. cum seruus, §. ult. de leg. 1. Ad hanc definitionem referri debet species huius rescripti. Monumenta legari non possunt, ubi monumenta † specialiter dicuntur, non monumenta quæuis, sed monumenta, in quæ mortuus illatus est, id est, vno verbo sepulcra, ut in l. si sepulcrum, supr. de relig. Hæc ideo † legari non possunt, quia sunt religiosa, §. religiosum, de rer. diu. Res autem factæ religiosa, existimantur esse diuini iuris, ac proinde nullius in bonis, l. 1. de rer. diu. At contra ius † mortuum inferendi in sepulcrum legari potest, quoniam hoc ius priuatum est, unde & de eo priuata actiones competunt, l. 1. §. tot. tit. de mori. infer. Hoc autem dictum est ex more Romanorum, apud quos sepulcra erant priuata, & iure Romanorum vnusquisque locum religiosum facit mortuum inferendo in suum locum, d. §. religiosum. Apud Christianos sepulcra non sunt, nisi in cœmeteriis, quæ sunt publica. Proinde & ius mortui inferendi in cœmeterium, publicum est, quapropter nihil horum hodie legari potest.

Ad L. 15. Si vniuersa.

Idem AA. Terentio & aliis.

Si vniuersa facultates, quas pater vester reliquit, debito fiscali aut priuato assumantur, nihil ex his, quæ testamento eius adscripta sunt, valere potest. Quod si deducto debito in relictis bonis superfluum est, libertates impediri iuris ratio non permittit. Quinetiam legata, nec non fideicommissa salua lege falcidia præstanda sunt. PP. 3. Calend. Octob. ipfis IIII. & III. AA. Cos. 290.

S Y M M A R I A.

- 1 Heres quib. modis creditoribus hereditariis, & quibus legatariis ad legata præstanda obligetur.
- 2 Heres cur aliter legatariis, aliter creditoribus obligetur.

Heres obligatur † creditoribus hereditariis, l. ult. supr. de hered. act. Idem obligatur & legatariis ad legata præstanda, de quo l. 2. supr. Sed obligatur ex iis causis longe dissimiliter. Nam creditoribus hereditariis

Titius tenetur in solidum, etiam si hereditas soluendo non sit, *l. mori, de acquir. hered.* nisi inuentarium fecerit, secundum formam a Iustiniano constitutam, quo casu tenetur in solidum, quatenus facultates fuerunt, *l. ultim. §. et si prefatum, & §. sin vero postquam, infr. de iur. delib.* At si non tenetur heres legatariis, ut h. nam ultra vires proprii non debentur legata, ut h. in prin. & in l. 1. §. si is qui, ad Trebell. Et bona seu proprium cuiusque intelligitur deducto ære alieno, *l. subsign. §. bona, de verb. sign.* Proinde cum de legatis præstandis agetur, ante omnia deducendum est, quod creditoribus debetur: quo deducto si nihil superest, nihil legato aut fideicomisso debetur, ut idem apertius positum in prin. h. Id autem efficitur lege 12. tabularum, qua fit potestas cuique legandi, sed de re & bonis suis, *l. verbis legis, de verb. signific. l. testandi, supra, de testament.* Non legata autem de bonis suis, qui supra vires suorum bonorum legat, ac proinde inutiliter legat.

Quod si deducto ære alieno aliquid superest, tamen ex lege Falcidia, non licet legare, ultra dodrantem proprii, quod proprium lex vult æstimari, non tantum deducto ære alieno, sed etiam deductis pretiis seruorum testamento manumissorum, §. ult. Inst. ad legem Falcid. leg. prima, Dig. ad legem Falcidiam. Proinde si deducto ære alieno aliquid in bonis superest, videndum est, an aliqui serui sint testamento manumissi, hi ante omnia libertatem saluam consequuntur. Et rursum eorum pretia de eo, quod supererat deducuntur. His omnibus deductis, si quid adhuc superest, de eo legata præstabuntur, ad hunc modum, ut tres partes dentur legatariis; quarta apud heredem maneat. Hoc enim lex Falcidia exigit, & hoc modo fiet ut legata præstentur salua lege Falcidia, ut hic in extremo scriptum est. Sed cur si heres aliter obligatur creditoribus, aliter legatariis? Quia creditoribus solidum debetur ex l. Heres autem in ius omne defuncti succedit: At legata relicta non statim ipso iure valent, sed in modum lege constitutum. Hic modus lege Falcidia constitutus est.

Ad L. 16. Creditor.

Idem AA. & CC. Sylla.

Creditor si a debitore suo rem, quam pignoris nomine suscepit, legatam sibi contendit, etiam debito ab hereditate eius oblato, quo minus restituat, defendi potest. S. 18. Cal. Febr. Sirmii CC. Cos.

S V M M A R I A.

- 1 Nomen dicitur id, quod est in actione, seu id quodcunque debetur quavis actione.
- 2 Ex legato nominis 100. aureorum quid consequatur legatarius, & an possit eos a L. Titio petere conditione incerti, ut potuisset defunctus.
- 3 Mandare actionem quid.
- 4 Procurator quis.

Creditor, qui a debitore pignus accepit, eodem tempore & actionem aduersus debitorem habet, & ipse debitori actione tenetur. Actionem habet aduersus eum, de pecunia credita. Debitori tenetur actione pignoratitia de pignore restituendo, cum pecunia ei a debitore soluta erit, aut eo nomine ei satisfactum, §. ultim. Inst. quibus mod. re contrahitur obligat. l. si rem, §. omnis. D. de pignorat. act. Si debitor hoc pignus leget creditori suo, duo quæsitæ sunt de iis actionibus, quas supra dixi. Ac primo quæritur,

an si heredes defuncti debitoris, qui & ipsi in actione pignoratitia succedunt, possint oblata pecunia creditori, rem illi pignori obligatam repetere, quemadmodum ab initio defunctus potuisset? De hac quæstione hic rescriptum est: Pignus creditori legatum ab eo repeti non posse, quantumvis heredes defuncti pecuniam debitam ei offerant. Hic opponitur ius publicum de pignoratitia act. de quo supra dictum. Verum Imperatores significant, postquam pignus creditori legatum est, eadem opera & dominium rei legatæ in eum translatum esse, & pignoratitia actione de pignore esse liberatum.

Sed quomodo dici potest esse si liberatus pignoratitia actione, cum testator de ea liberatione nihil cauerit? Respondeo hæc liberatio necessaria consequentia efficitur: Nam regula iuris est: Pignus rei nostræ non consistere, id est, rem nostram nobis pignori esse non posse, leg. neque pignus, de reg. iur. Huic regulæ consequens est, si creditor rei pignori datæ, dominus esse cœperit, continuo pignus extingui, ac proinde eum pignoratitia actione de pignore liberari. Incipit autem esse dominus, cum pignus ei legatum est, nam rei legatæ dominium in legatarium transit, etiam ipso iure, l. legatum, de leg. 2. l. a Titio, de furt.

Secundo loco si quæsitum est, an quemadmodum ex hoc legato creditor liberatur actione pignoratitia, qua prius tenebatur; an item e conuerso liberetur debitor heresve eius actione in personam, qua creditor tenebatur, ut deinceps ambo inuicem liberi discedant & creditor & debitor? Et placuit solum creditorem pignorat. act. liberari. Debetur autem ei non minus pecunia de re, quam ante, leg. creditorem, de legat. 2. Differentiæ ratio est in promptu, quia legatum pignoris non potest consistere, cum statim pignus perimatur. At nihil prohibet quo minus in eiusdem creditoris persona concurrat, ut & dominus sit pignoris, & ei pecunia a veteri debitore debeatur, quoniam pecunia sine pignore deberi potest.

Ad L. 17. Datum.

Idem AA. & CC. Eutyriano.

Datum legatum aditam pure quam sub conditione, non liberius tantum, sed etiam ingenuis placuit. Dat. 3. Non. Martii CC. Cos.

Potestas adimendi legati hic constituitur, de qua parte dictum est ad l. 3. supr. Vtrum autem ademtum legatum non debeatur ipso iure, an vero per exceptionem, recte in glossa exponitur.

Ad L. 18. Ex legato.

Idem AA. & CC. Iustino.

Ex legato nominis, actionibus ab his, qui successerunt, non mandatis, directas quidem actiones legatarius habere non potest: Vtilibus autem suo nomine experietur. Dat. 6. Id. Dec. CC. Cos.

S V M M A R I A.

- 1 Donationes inter vivos in maritum collata morte uxoris confirmantur.
- 2 Vxor an marito legare possit.

Testator 100. aureos mutuo dederat L. Titio, qui proinde ei debentur, & peti possunt certi conditione in eam rem constituta, Inst. quib. mod. contra-

hatur oblig. in pr. Hoc nomen testamēto legauit. No-
 1 mē † dicitur id quod est in actione, seu id quodeun-
 que debetur, quauis actione, *l. qui chirographum, in
 fin. de leg. 3.* Itaque ex hoc legato solum actiones de-
 functi legatæ intelliguntur, *leg. si sic leg. §. fin. de leg. 1.*
 2 Quæsitum est, † ex hoc legato quid consequatur le-
 gatarius, & an possit 100. aureos a L. Titio petere,
 conditione certi, idem vt potuisset defunctus? Re-
 spondeo: Legatarium directas actiones habere non
 potuisse nisi ei mandatæ sint ab heredibus: ceterum
 vtilis eum habere suo nomine, quamuis nullis man-
 datis actionibus.

Directa actio cum vtili opponitur, dicitur actio,
 quæ ex verbis legis competit, non tamen ex senten-
 tia. Vtilis, quæ deficiētibz verbis legis, datur ex sen-
 tentia legis, propter vtilitatem, *§. vlt. Instit. de leg. A-
 quil.* vbi exemplis accommodatis hoc ius explica-
 tur. Directa sic dicta, quia verba legis de ea actione
 diriguntur ad eum, cui hæc actio cōpetit, & in quem
 competit. Vtilis autem dicitur vel ideo, quia etiam
 sine verbis, tamen vtilis est ad acquirendum, vt qui-
 busdam placet, vel quod verius est, quia cessantibus
 verbis legis tamen constituitur propter vtilitatem &
 æquitatem eandē, quod significatur, *in l. quis actio-
 nes, D. de præscr. verb.* vbi dicitur actionem in factum
 suppleri a prætore ex lege Aquilia, idque ideo quod
 vtilitas legis id exigit. Ab vtilitate, vtilē dici constat,
 & quæ illic dicuntur in factum, hæc ipsæ sunt, quæ di-
 cuntur vtilis, *dict. §. vltim. Instit. ad leg. Aquil.* vt in-
 telligitur *ex l. bonas, D. ad leg. Aquil.* vbi in exem-
 plo eius loci actio in factum datur, quæ in eodem ex-
 emplo dicitur vtilis *in d. §. vlt.*

In contractibus seu testamentis exemplum pro-
 positum est: Actio ex verbis iuris, id est, directa, com-
 petit ei, qui contraxit, aduersus eum, cum quo con-
 tractum est, id est, aduersus eum, qui ex cōtractu ob-
 ligatus est, *§. primo, Instit. de oblig. iuncto §. sed ista, eo-
 dem tit. l. actionum, de oblig. & actio.* Proinde in spe-
 cie proposita, vbi pecunia mutuo data est, directa
 actio competit, creditori, atqui si actio competit,
 competit eius pecuniæ repetendæ causa, eam v-
 tilem esse necesse est. Secundum hoc in proposito
 recte dicitur, cum testator nomen alicui legauit, le-
 gatarium directam actionem habere non posse, hæ
 enim creditoribus dantur: Legatarius creditor non
 est, nec legatum nominis potest efficere, vt videatur
 pecuniam credidisse is qui reuera non credidit. Id
 adeo verum est, vt quamuis heredes testatoris eius-
 demque creditores, actiones suas mandauerint lega-
 tario, tamen legatarius directam actionem habere
 non possit suo nomine: semper enim verum est, le-
 gatarium creditorem non esse, sed tamen vt hic dici-
 tur, si ei mandatæ sint, eas habere potest, nempe no-
 mine heredum non suo, & ex persona heredum non
 sua, quod intelligemus, si sciuerimus quid sit manda-
 re actiones.

3 Mandare actionem, † eodem modo dicitur quo
 mandare administrationē alicuius negotii. Vt igitur
 mandare administrationem est negotium alicui ge-
 rendum nostro nomine mandare, sic mandare actio-
 nem, est actionem nobis competentem, id est, dire-
 ctam committere alicui exercendam in iudicio no-
 stro nomine. Et quod apertius dictum est a veteribus
 aliis verbis, mandare actionem alicui, est eum pro-
 curatorem in rem suam facere ad petendum, quod
 nobis debetur, ex persona nostra & nostro nomine,

quod intelligitur *ex leg. ex nominis, supr. de hered. vel
 act. vend.* Vbi dicitur emtor actionis habere vtilem
 actionem, etiam si procurator factus non sit in rem
 suam: quibus verbis exprimitur hæc sententia, etiam
 si ei mandatæ non sint actiones: quibus verbis vtitur
l. emtor, eod. tit. Is cui mandantur directæ actiones, di-
 citur procurator duabus de causis. Primo quoniam
 mandato creditorum actionem exercet. Est † autem
 procurator is, qui mandato domini negotia admi-
 nistrat, *l. i. de procurat.* Deinde, quod exercet actio-
 nem nomine mandantis. Vnde procurator in rem
 suam numeratur inter eos, qui actionem sibi alieno
 nomine dari postulabunt, *l. seruus, §. vlt. de procurat.*
 Sed idem dicitur procurator in rem suam, quia hæ
 actiones ei mandantur, vt exerceantur ad vtilitatem
 & commodum eius, vt & cōmodum & incommo-
 dum iudicii ad eum pertineat, *l. qui stipendia, supr. de
 procur.* Vnde subtilitate iuris procurator est effectū
 & re ipsa dominus actionis, euentu scilicet inspecto.
 Quam ob causam is cui mandatæ sunt actiones, siue
 qui in rem suam procurator factus est, præfertur do-
 mino, id est, vero creditori in ea lite, nec ab eo man-
 datum reuocari potest, vt a ceteris procuratoribus,
l. procurat. in rem suam dato, de procurat. Hæc de dire-
 ctis actionibus.

Quod ad actiones vtilis attinet, expressum est hoc
 rescripto etiam, nullo modo mandatis actionibus
 directis, tamen legatariū habere actionem aduersus
 debitorem testatoris, non minus quam si ipse pecu-
 niam credidisset, sed habere non ex verbis legis, ve-
 rum ex mente & sententia legis propter vtilitatem
 & æquitatem rei. Æquitas hæc est: quia si alias res
 corporales testator legasset, statim dominium in le-
 gatarium transiret, *l. legatum, de legat. 2.* Par igitur &
 æquum est, idem de actionibus legatariis statui. Et si
 enim natura actio nihil est, non enim est res corpo-
 ralis, quæ subsistat, tamen iuris intellectu res est, &
 subsistit, numeraturque in bonis. Et generalitē iu-
 re communi receptum est, quotiescunq; verus cre-
 ditor voluit actionem suam in aliquem transferre,
 interposita ea causa, ex qua ceteræ res corporales
 transferri & acquiri solent, toties in eum, cui credi-
 tor actionem translata voluit, actio vtilis transit,
 sine alia cessione, & sine alio mandato, quam is suo
 nomine exerceat, veluti si creditor actionem suam
 vendat, si dedit creditori in solutum, si dedit in do-
 tem, si donet, si leget. Exempli gratia multas in locis,
*l. emtor, & l. ex nominis, supr. de hered. vel actio. vend. l.
 vlt. quando fiscus vel princeps. l. 2. supr. de oblig. & act.
 l. i. infr. de donat. & hac l. ex legato.*

Hinc oritur dubitatio, si ei cui nomen seu actio
 legata est, competat actio vtilis suo nomine, etiam
 nō mandatis directis actionibus, quid opus est quæ-
 rere de actionibus directis, & expectare donec illæ
 mandentur ab heredibus, cum traditum sit *in l. actio,
 antepen. D. de neg. gest.* directam & vtilem actionem
 esse eiusdem potestatis, & eundem effectum habe-
 re? Respondeo: Vtilis actio eundem effectum ha-
 bet, si actio sola spectatur: at si spectetur sola persona
 agentis inter directam & vtilem multum interest. Is
 cui actio legata aut vendita est, directam actionem
 sibi mandatam exercere potest, sed non exercet, nisi
 ex persona mandantis, *l. ex nominis, supr. de hered. vel
 act. vend. l. vlt. quando fiscus vel princeps.* At vtilē actio-
 nem exercet tantum suo nomine, non alieno, hinc
 fit, vt qui directam actionem exercet, quoniam ex-
 ercet

exercet ex persona creditorum, simul etiam creditorum iure in ea actione utatur, *l. emptor, de hered. vel act. vend.* Qui autem exercet utiles actiones, quoniam suo nomine agit, etiam suo iure uti tantum debet, vel potius iure communi actionis, nec ullo proprio privilegio creditoris utitur. In qua differentia magnum commodum versatur directarum actionum, si quis proponat creditorem esse privilegiatum, & actionem datam privilegiariam, puta, actionem tut. mandata esse ab eo, qui olim pupillus fuit, aduersus tutores suos.

Ad L. 19. Non tantum.

Iidem AA. Eutychiano.

Non tantum duorum mensum, sed & minoris temporis maritus uxoris testamento scriptus succedit, nec legata vel fideicommissa, seu donationes temporis huius angustia capi prohibet. Datum. V. Idus Decemb. Nicomedia. CC. Coss.

S V M M A R I A.

1. Donationes inter viuos in maritum collata morte uxoris confirmantur.

2. Vxor an marito legare possit.

Vxor marito inter viuos donare non potest: testamento donare, & eum heredem instituere potest: & generaliter quiduis donare potest post mortem suam, adeo ut donationes inter viuos, in maritum collatae moriente uxore confirmantur, si reuocatae non sint, *l. cum hic status, de don. inter vir. & vx.* Vxor marito legare potest, & ita legatum consistit, quamuis matrimonium cum marito vel vna die steterit, ut hic scriptum est. Et merito: nam etiam ignoto & extraneo cuius relinqui potest, *§. vlt. Instit. de hered. instit.* multo magis noto & coniuncto, ut maritus est: quamuis haec coniunctio non fuerat duratura.

Ad L. 20. Vxor.

Impp. Constantinus, Constantius & Constans, AAA. ad populum.

Vxor patrui tui, si testata decesserit, res tuas, tantum vsumfructum earum habens, legare non potuit. Dat. VIII. Cal. Ian. CC. Coss.

S V M M A R I A.

1. An quae vsumfructum habet rerum, eas legare possit Titio.

Et an legatum rei alienae valeat.

EA quae in quibusdam rebus vsumfructum tantum habebat, eas res legauit Titio. Hic scriptum est eam eas res legare non potuisse, quod manifeste falsum esse videtur. Nam certi iuris est: Vnumquemque non tantum res proprias legare posse, aut res heredis, sed etiam alienas, *l. cum seruus alias apud Iul. §. vlt. de leg. 1. l. cum alienam, infr. eod.* Ad solutionem huius obiectionis nihil pertinet, quod vulgo respondetur: Cum scilicet testatrix legauit eas res, in quibus tantum vsumfructum habebat, non videri proprias legasse, sed tantum vsumfructum, quia voluerit legare id solum, quod habebat. Primo, quia si quis rem alienam legauit, tota res debetur, etiam si testator in ea re aliquid sui habeat, nisi testator adiecerit meum, ut videlicet diceret, fundum meum Tusculanum do lego. Nam hac adiectione declarat, se nihil legare velle, quam quod suum est, *l. 5. §. vltim. de legat. 1.* Deinde etiam si re aliena legata non intelligatur testa-

tor amplius legare, quam id quod suum est, non tamen ideo efficitur eum legare non potuisse id, quod alienum est, potuit enim si voluisset & id aperte declarasset. Nunc autem in hoc rescripto dicitur testatricem non potuisse res alienas legare. Propositio concepta est de eo, quod testator potest. Interpretes respondent de voluntate testatoris, id est, de carbonaria interrogati, ad calcaria respondent.

Vera solutio haec est: Recte dicitur testatricem in proposito potuisse res alienas legare, & eandem non potuisse legare, diuersa significatione. Potest res alienas legare, ut legatum consistat. Id significatur, cum dicimus rem alienam legari non posse, *§. non solum, Instit. eod.* At testatrix res alienas non potest legare, ut eas pro suo iure in legatarium transferat, nam legare donare est: ea proprie dicimur donare, quae in alios transferimus, *l. 1. de donat.* Et haec quoque legari vis est, ut dominium rei legatae transferatur in legatarium, *l. legatum, de legat.* 2. Hoc sensu non potuit testatrix in specie proposita res alienas legare, ut earum dominium transferret. Dubitationis causa haec fuit, quod testatrix in his rebus vsumfructum habebat, unde videri poterat de iis rebus potuisse statuere pro suo iure. Respondent Imperatores, si legatarius id putet, eum errare, & addunt rationem, quia testatrix solum vsumfructum habuerit in iis rebus: qua ratione explicata, certum est res illas, non fuisse testatricis, nam vsumfructus est ius utendi fruendi rebus, sed alterius.

Ad L. 21. In legatis.

Impp. Constantinus, Constantius & Constans, AAA. ad populum.

In legatis vel fideicommissis necessaria non sit verborum observantia: ita ut nihil prorsus intersit, quis talem voluntatem verborum casus exceperit, aut quis loquendi usus effuderit. Datum. Calend. Februar. Constantio II. & Constante Coss. 339.

S V M M A R I A.

1. Quatuor genera legatorum olim quae.

2. Eorum effectus diuersi.

SCRIPTUM est in *§. 1. Instit. eod.* olim quatuor genera legatorum fuisse, per vindicationem, per sinendi modum, per praeceptionem, per denuntiationem: & singulis generibus propria verba attributa fuisse, quibus singula exprimerentur. Horum generum diuersos fuisse effectus, cum de actionibus quaereretur. Huiusmodi autem solemnitate verborum, postea constitutionibus Imperatorum sublatam esse. Accursius illic scribit, hanc constitutionem non exstare. Errat, constitutio significatur huius legis: Est enim constitutio trium Imperatorum, vna si omnes Imperatores coniungas, sin autem singulos Imperatores spectes, totidem sunt singulorum constitutiones. Diferte autem hic tollitur observantia verborum solemnium in legatis. Vitate haec observantia nihil aliud est nisi solemnitas verborum, hanc Iustinianus dicit sublatam esse a prioribus principibus. Manebat etiam adhuc differentia singulorum generum, haec deinde a Iustiniano sublata est, unde bene Iustinianus hanc emendationem sibi tribuit, ne forte quis hunc locum refragari existimet. Hoc in *l. 1. infr. communia, de legat. §. nostra, Instit. eodem.*

Ad L. 22. In annalibus.

Imper. Iustinianus A. Mennæ præfecto
prætorio.

In annalibus legatis vel fideicommissis, qua testator non solum certa persona, sed & eius heredibus præstari voluit, eorum exactionem omnibus heredibus, & eorum heredum heredibus seruari pro voluntate testatoris præcipimus. Datum. III. Id. Decemb. Constantinop. Dn. Iustin. A. PP. 2. Cos.

S V M M A R I A.

- 1 Si testator decem annua legens Titio, nihil exprimat de heredibus Titii, legatum est personale, nec morte legatarii finitur.
- 2 Testatore decem annua legente Titio, & heredibus eius, utrum mortuo Titio legatum ad primum heredem eius tantum, an vero ad omnes heredes, & heredum heredes pertineat, usque in infinitum.
- 3 Significatio heredis omnes heredes in infinitum continet.
- 4 Vusufructu Titio legato hereditate eius, usufructus ad heredem fructuarii transit, ad heredem tamen primum solum: mortuo illo finitur.
- 5 An idem sit in legatis annuis.

1 C Vm testator decem annua Titio legat, si de heredibus Titii nihil exprimit, placet legatum esse personale & morte legatarii finiri, similiter & usufructum l. 4. D. de annuis legat. Vbi & ratio huius iuris addita est. Idem in l. si Strychum 16. §. 1. de verborum obligat. Quod si testator decem annua leget Titio, & heredibus eius, quæ sit est, utrum mortuo Titio legatum ad primum heredem eius tantum pertineat, aut vero ad omnes heredes & heredum heredes, usque in infinitum? Controversia nascitur ex contrariis legibus. Nam significatio testatoris heredis omnes heredes in infinitum continet, & ita receptum 4 est, l. heredis appellat. de verb. sign. Rursum testator cum usufructu Titio legatus est hereditate eius, Iustinianus constituit usufructum quidem ad heredem fructuarii transire, sed solum ad heredem primum: mortuo autem heredem primo finiri, l. antiquitas, supr. de usufruct. Par esse videbatur, ut idem probaremus in legatis annuis, nam & hæc ut usufructus personalia sunt & morte legatarii extinguuntur.

Iustinianus in hac dubitatione hic constituit, cum decem annua legata sunt Titio hereditate eius, legatum esse perpetuum, & ad omnes heredum heredes successionem pertinere. Recte Iustinianus, nimirum ex verbi significatione a qua recedendum non est, nisi cum apparet aliud sensisse testatorem, l. non aliter, de legat. 3. Cur ergo aliud constituit idem Iustinianus in usufructu qui legatus est Titio hereditate eius? Ratio hæc est, quia in usufructu apparet non sensisse testatorem, ut usufructus ad omnes heredes & heredum successores in infinitum pertineret, quoniam cum usufructum legauit, apparet eum noluisse legare proprietatem. At si usufructus ad omnes heredes in infinitum pertineret, non esset usufructus sed proprietas, quoniam proprietas nulla esset, ut quæ proprietas esset inutilis. Hoc sensu Iustinianus in dist. l. antiquitas, dixit, se constituere in usufructu, ne proprietas inutilis esset semper abscedente usufructu.

Ad L. 23. Cum questio.

Idem A. Iuliano præfecto prætorio.

Cum questio talis de significatione verborum animo veterum mouit, si quis cuiusdam agrum Cornelianum putat, vel alium quempiam in solidum legauerit, deinde alii partem eius dimidiam, quantam portionem primus, quantam secundus legatarius consequitur: simili dubitatione & in hereditate & in fideicommissis habita: cumque computationes multe introducebantur, & multis ratiocinationibus digna: nos huiusmodi computationes quasi superfluas & contrarias voluntati testatoris, omnes esse sopiendas censuimus. Cum enim manifestum est eum, qui ab initio duodecim uncias rei cuiusdam reliquit, alii autem postea sex, recessisse quidem a priore voluntate, voluisse autem minui eam sex uncias, cum alii eas obtulit: & præsens casus exitum apertissimum inueniet. Si quis itaque vel agrum vel hereditatem reliquerit, primo quidem in totum, secundo autem in partem dimidiam: utrumque in sex uncias esse, vel dominum rei legata, vel heredem. Et si tota re primo relicta, tertiam partem secundo reliquerit, secundum prædictum modum octo quidam uncias, vel agri vel hereditatis apud primum remanere, tertiam autem partem vel quatuor uncias ad secundum migrare. Et sic in omnibus statuendum est, id est, in hereditatibus vel legatis, vel fideicommissis. Vestigia enim voluntatis testatoris non aliter nisi per huiusmodi viam estimanda sunt.

S V M M A R I V M.

- 1 Testatore legante alicui totum, & eiusdem rei partem dimidiam alii, quantum in hoc legato ad utrumque legatarium pertineat, & quomodo res legata inter primum & secundum diuidi debeat.

C Vm testator testatorem legat alicui totum, & eiusdem rei partem dimidiam alii, hoc modo: fundum Tusculanum primo fundum do lego, eiusdem Tusculani partem dimidiam secundo do lego. Quæsitum est quantum in hoc legato ad utrumque legatarium pertineret, & quomodo res legata inter primum & secundum diuidi deberet? Iustinianus initio constitutionis ostendit varias diuisiones hic a veteribus excogitatas esse. Possunt autem in hac specie tres diuisiones fingi, quarum vnaquæque sua ratione defenditur, unde ambigendi causa, quæ constitutioni Iustiniani materiam præbuit. Primo dici potest fundum, de quo queritur in tres partes diuidendum esse, ex quibus duas accipere debeat primus, vnam secundus. Optima ratione, quia cum totum primo legato est, deinde totius dimidium secundo, apparet duplo plus primo legatum esse quam secundo. Igitur in diuisione eadem proportio seruanda est, ut primo duplo plus tribuatur quam secundo ex voluntate testatoris, & ita ex prima & secunda uncias, primus octo uncias habebit, secundus quatuor, id est primus duplo plus quam secundus. Pro hac diuisione facit lex interdum, §. 1. vers. sed si exceperit. D. de hered. instit.

Secunda diuisio admitti debere videtur, ut fundus legatus diuidatur in duos semisses, ex quibus vnus integer sine controversia ad primum pertinebit, nam cui totus fundus legatus est, ei multo magis dimidium integrum legatum est. Alter semis diuidetur inter primum & secundum. Hæc diuisio differta priore, quia ex priore diuisione primus accipit tantum octo uncias ex duodecim, secundus quatuor. Ex secunda autem diuisione quam diximus, primus accipit nouem uncias ex duodecim, nempe semissem & præterea tres uncias, partem semissem reliquit: secundus autem accipit tantum quartam partem totius,

totius, id est, tres tantum vncias. Defenditur autem hæc diuisio hac ratione, quia dimidia pars fundi, quæ secundo legata est, eadem etiã legata est primo, cum enim primo legatur totus fundus, simul legantur ei duæ dimidiæ fundi, ex quibus totus fundus constat. Proinde in hanc dimidiam ambo concurrant, vt sit cum eadem res duobus legata est, §. *si co- deus, Instit. de leg.*

Sed iis diuisionibus duabus repudiatis Iustinianus hic constituit tertiam, vt fundus inter primum & secundum legatarios diuidatur ex æquis partibus & primus vnã dimidiam accipiat, secundus alteram dimidiam. Quæ sententia non tantum prima ratione noua videtur, sed etiã absurda. Nam aperte absurdum est, vt secundus cui dimidium tantum legatum est, tantundem accipiat, quantum primus cui duplo plus legatum est.

Respondeo: Effet omnino hoc absurdum, si totus fundus primo legatus esset, vt ab initio legatus videtur, sed cum testator legauit postea secundo eius fundi partem dimidiam, hanc ipsam dimidiam intelligitur ademisse primo, ac proinde nec ei legasse, ademta primo dimidia, sola altera dimidia relinquit, quæ ei tribuatur. Vnde intelligitur nihil amplius vtrique legatum, quam dimidiam. Primum omnibus interpretibus occurrit hic locus, qui ex diametro pugnare videatur *dict. leg. interdum, §. primo, ver- si. sed si excesserit, de hereditibus instit.* vbi testator vnum heredem instituit ex asse, id est, ex tota hereditate, deinde alterum instituit ex sex vnciis, id est, ex dimidia parte assis, & sic primo totam hereditatem dedit, secundo partem dimidiam: Placet non idcirco videri sex vncias ademtas priori heredi, vt sic prior heres habeat tantum sex vncias, & posterior sex. Sed placet priorem heredem integrum assem habiturum, posteriorem sex tantum vncias, vt diuidatur hereditas in tres partes, ex quibus prior heres bessim accipiat, id est, duas partes, nempe duodecim, posterior accipiat trientem, id est, tertiam partem, nempe sex ex octodecim vnciis.

Hic vulgo interpretes multa diuinando rem inuolunt potius, quam expediunt, neque animaduertunt manifestam esse vtriusque loci decisionem in specie, quæ vtrobique proponitur. Longe aliud est vni dare totum, & alteri eius rei prius datæ partem dimidiam, vt sit in specie huius constitutionis: aliud primo dare totum assem, deinde secundo sex vncias seu partem dimidiam assis, non addito, sex vncias eiusdem assis. Qui dimidiam dat secundo & nominatim adiecit dimidiam eius rei, quæ prius legata est, aperte priori legatario dimidiam partem detrahit, ac proinde in priore legato dimidium eiusdem debitor. At is qui secundo dat sex vncias simpliciter, seu dimidiam assis simpliciter, non intelligitur dare sex vncias eiusdem assis: assis quidem, sed noui assis non prioris, propterea, quod testator potest hereditatis suæ tot vncias facere, quot velit, idque est, quod differit Vlpianus in *d. l. interdum, §. 1.*

Secundum quam sententiam dicendum est, vbi testator heredem primum instituit ex asse, id est, duodecim vnciis, secundum autem heredem ex sex vnciis instituit, hereditas intelligatur diuisa in octodecim vncias, quæ in tres partes diuidantur, e quibus duas accipiet primus, secundus tertiam, pro ea portione ex qua prius instituti erant: aut si res reuocabitur ad vnum assem; id est, ad duodecim vncias, as ita

diuidetur vt primus habeat bessim, id est, octo vncias, secundus trientem, id est, quatuor vncias, vt loquitur ibi Vlpianus, id est, vt primus duplo plus accipiat quam secundus, nam in octo vnciis institutus est, vt hic in quatuor.

Et hic quidem locus solus occurrit interpretibus huic constitutioni contrarius, sed sunt adhuc aliæ obiectiones multo grauioribus, quæ nobis diluendæ sunt. Ac primum aduersus rationem huius constitutionis & sententiam totam vehementer pugnat ea ratio, quæ supra proxima secunda diuisione vti sumus. Est autem ratio huiusmodi: Quoties duobus eadem res legata est, testator posteriorem rem legando, non intelligitur eam priori adimere, sed ita legat, vt ambo legatarii in eandem rem concurrant, §. *si eadem, Instit. de leg.* At in specie proposita, dimidia quæ secundo legata est, prius legata fuit primo, nam cum primo totum legatum sit, non est dubium, quin ei singulæ dimidiæ totius legatæ sint. Proinde hæc dimidia, quæ secundo legata est, non intelligitur priori ademta, sed ambo primus & secundus in hanc dimidiam concurrerent, vt primus dimidiam integram suo iure habeat, & alterius dimidiæ secundo legatæ partem vna cum secundo accipiat, atque ita nouem vncias habeat ex duodecim vnciis, secundus tres duntaxat.

Respondeo, quod dicitur cum eadem res duobus legata est, posteriore legato non adimi legatum priori, sed ambos legatarios in rem legatam concurrere, sic accipiendum est, cum duobus res solida legata est, vt duobus idem fundus Tusculanus, vt exempla probant, in *dict. §. si eadem*, & declaratur, in *dicta leg. si pluribus, de legatis primo*. Diuersum est, cum vna res primo tota legata est, alteri eiusdem rei pars dimidia. Nam pars dimidia priori detracta intelligitur, vt declaratur hac constitutione, vt dici possit hanc constitutionem esse prioris illius iuris interpretationem. Sed huic solutioni occurritur hac ratione: Quæ de re tota dicuntur, eadem & de parte intelligenda sunt, *leg. quæ de tota, de rei vindic.* At cum primo tota res legata est, deinde eadem tota legata est secundo, non intelligitur posteriore legato res tota detracta esse primo. Ergo & cum secundo dimidia pars legata est, non intelligitur hæc dimidia priori ademta, vt eadem sit ratio partis, quæ totius.

Respondeo, Quod dicitur de parte, idem & de toto dici, sic accipiendum est, si in parte eadem sit ratio, quæ in toto, vt accidit in vindicatione partis, de qua agitur in *dict. leg. quæ de toto, de rei vindicatio*. Sed in proposito non eadem est ratio totius, si secundo totum legatum sit, & dimidii, si secundo pars dimidia tantum legata sit. Nam cum testator legat eandem rem totam secundo, tantum abest, vt hoc legato intelligatur voluisse totam adimere priori, vt potius singulis totam legando intelligatur eos in eadem re coniungere voluisse, quasi coniunctim & vno verbo singulis legatæ. At cum secundo legat partem dimidiam eiusdem rei, apparet eum voluisse partes separare, vt dimidia apud secundum esset, altera dimidia apud primum. Sic enim fit, vt in his partibus legatarios disiungat, non vero coniungat.

Sed & aduersus solutionem superiorem & totam sententiam huius constitutionis, opponitur *l. si alii, D. de usufruct. legato*. vbi vni totus fundus legatus est,

& alteri eiusdem fundi dimidia, & tamen placet ambos legatarios in hac dimidia concurrere. Species ita proponitur: Testator primo fundum Cornelianum legauit, deinde secundo eiusdem fundi Cornelianum usufructum. Obseruandum est in hac specie videri primo totum legatum esse, deinde secundo eiusdem totius partem. Nam cum primo legatur fundus Cornelianus, intelligitur ei & legari proprietates fundi, & usufructus, ita ut nisi vtrumque detur separatim, fundus ex testamento peti possit, *l. Manius, §. penult. D. de legat.* Cum autem usufructus legatur secundo, non intelligitur solum legari usufructus, qui primo legatus erat, sed etiam ei intelligitur pars fundi legata, qui usufructus rei vicem obtinet, *l. qui usufructum, D. de verborum oblig. dict. l. Manius, §. penult.* Et tamen placet, in *d. l. si alii, de usufruct. leg.* usufructum secundo legatum non adimprimi, sed vtrumque & primum & secundum in hanc fundi partem concurrere.

Respondeo: Species hac si recte expenditur, ad speciem huius constitutionis nihil pertinet. Nam reuera usufructus fundi pars non est, & ideo dicitur emolumentum pars esse, non fundi, *d. l. Manius, §. ult.* Ob eandem causam is, qui stipulatur usufructum, dicitur ei similis esse, qui partem stipulatur, in *dict. l. si usufruct. de verb. signific.* Nam certe simile non est idem, idque per se patet. Nam fundus est res corporalis, usufructus res incorporalis. Nemo autem dixerit rem incorporalem rei corporalis esse partem. Porro qui partem dimidiam non legauit secundo, non potest dici eam partem priori ademisisse, quam non legauit. Huc accedit, quod ita demum ex constitutione Iustiniani pars dimidia secundo legata intelligitur priori adempta, si testator nominatim verbo, partis eiusdem rei, usus sit in legando, quod testator non facit, qui fundum prius legat, deinde usufructum, quod constitutum est non tantum propter auctoritatem constituentis, sed etiam propter manifestam rationem & aequitatem sententiae Iustinianae in hac lege, qua posita ita statuimus, quoties duobus eadem res solida legata est, potius singuli in eandem rem concurrunt ex aequis virilibus portionibus, *§. si eadem. Instit. eod.* Idem ex hac constitutione probandum est, si duobus ita res legata sit, ut vni legatur solida, alteri eius rei pars sola dimidia. Neque hoc absurdum, quoniam pars dimidia secundo legata priori detracta intelligitur: ex quo euenit, ut dimidia solum priori relinquatur, unde & aequas partes vtriusque in diuisione fieri oportet.

Ad §. Vltimum.

Sed & aliam disceptationem iuris antiqui non absimilem constitutam decidere nobis humanum esse apparuit. Agitabatur enim si quis agrum Cornelianum, vel forte alium, vel quandam rem cuidam legauerit, & postea iterum vel sapius ei eandem rem per legatum vel fideicommissum dederit, post ista autem verba testamenti Sempronio eundem agrum vel aliam rem legauerit, ut sapius quidem fuisset Titii mentio, semel autem Sempronii, quid statuendum est? Et quid iuris sit, si coniunctim aut separatim eis relinquatur, siue in legato hoc consistat, siue in hereditate? Huiusmodi igitur decedentes antiquam controuersiam, sancimus, cuicumque sit hereditas vel ager in memoratis casibus, siue coniunctim, siue soli, siue sapius eidem relictus: aqua lance & hereditatem & agrum, &

aliam quamcunque rem diuidi, & ad dimidiam partem unumquemque vocari: nisi specialiter expresserit, & dixerit testator, tantas quidem partes velle unum, tantas autem alterum habere. In omnibus etenim testatoris voluntatem, qua legitima est, dominari censemus. Datum XV. Calend. Decemb. Lampadio & Oreste VV. Cos. 530.

S Y M M A R I A.

1. Testatore legante eandem rem vni, quamuis leget sapius, tamen ei semel tantum debetur.
2. Verba stipulationis sic accipiuntur, ut semper aliquid egisse intelligantur.
3. Quicquid verba significant, id pro stipulatione accipi debet.

Cum testator ꝑ eandem rem vni legat, quamuis ꝑ leget sapius, tamen semel ei tantum debetur, *l. plane vbi, §. i. de legat. i.* Et merito, quoniam vna res legata est, non plures, quamuis eadem sapius legata sit. Vna autem amplius quam semel praestari non potest. Itaque ingeminatio legati in eadem persona legatarii facta, legato nihil adiicit. Hinc consequens est, quod hic a Iustiniano constituitur, quoties eadem res duobus est solida legata, quamuis vni sapius legata sit, tamen non aliter inter legatarios res diuiditur ex aequis portionibus, quam si singulis semel tantum legata esset, quia quod sapius vni legatum est, ad legatum nihil adiicit: hoc enim iuris est, si vni soli legata esset.

Sed non caret res dubitatione, quam ob causam Iustiniani constitutione opus fuit. Nam aliud receptum est in stipulatione serui communis, *leg. quarta, de stipulatio. seruorum.* Stychnus duos dominos habens Titium & Mauium, hoc modo fundum stipulatus est, *Fundum Tusculanum Dominis meis, & Titio dare spondes?* Vel hoc modo, *Titio & Maui, & Titio dare spondes?* Propter ingeminationem Titii placuit in hac specie duplicem diuisionem fieri, primum diuidendum esse fundum in duos semisses, ex quibus vnus semis integer pertineat ad Titium, alter semis rursus diuidi debeat in duos quadrantes, ita ut Titius vnum quadrante, id est, tres uncias habeat, Mauius alterum quadrante, id est, reliquas tres uncias, ut in summa Titius dodrante habeat, id est, nouem uncias, Mauius quadrante, id est, solum tres uncias.

Sed aliud seruatur in contractibus, aliud in legatis & testamentis, quoniam aliud contrahentium, aliud testatoris voluntas exigit. In stipulationibus, quoniam qui stipulatur hoc animo est, ut sibi caueat & acquirat aliquid, placet ꝑ verba stipulationis sic accipi, ut semper aliquid egisse intelligantur, *l. quicquid, l. quoties in stipulat. de verb. oblig.* Et ꝑ quicquid ꝑ verba significarunt, placet id pro stipulatione accipi debere, quia non frustra sibi cauerit, *leg. quicquid, in fin. prim. versic. de verborum obligatione.* Proinde, quod seruus bis Titio domino stipulatus est, sic accipi debet ingeminatio, ut non frustra Titio bis stipulatus sit. Id autem ita fiet, si verbis ei stipulatus est, ut bis in eius vtilitatem fundus diuidatur. Alia mens est testatoris cum fundum duobus legat, quamuis bis vni leget. Non enim intelligitur propter ingeminationem legati, plus vni tribuere voluisse, propter alterum collegatarium, quem pariter dilexit. Id ex eo apparet, quod ei pariter fundum solidum le-

dum legauit. In testamentis autē non quid scriptum sit spectatur: sed quid testator voluerit, quia totū in his voluntas facit, *l. ex facto, §. rerum, D. de hered. Insti. l. 12. in fin. de leg. 1.*

Ad L. 24. Cum quidam.

Idem A. Ioanni præfecto prætorio.

Cum quidam suum filium familias impuberem exheredatum fecit, aliis heredibus scriptis, eadem autem pupillo alium substitutum reliquit, maximam scilicet, ostendens ad filium suum affectionem, cui nihil quidem emolumentum reliquit, sed post exheredationis iniuriam, etiam substitutionem ei addidit, & a substituto legatū reliquit: quærebatur, si huiusmodi legatū vel fideicommissum posset valere. Sed & si legatū eidem exheredato filio pater reliquerit, & substituerit ei exheredato facto aliquem extraneum: iterum certabatur, si saltem per eundem modum fideicommissum posset relinquere. Cum igitur antiquitas quidem hoc diuerse tractare maluerit, nobis autem huiusmodi iurgia supernacua esse videantur: sancimus, nullo legato, nullo fideicommissum huiusmodi substitutum, qui exheredato pupillo datus est, prægruari: nec si ipsam rem quam pupillo legauit, a substituto eius vel legare, vel fideicommittere voluit. Datum II. Calend. Maii, Constantinopol. post consulatum Lampadii & Orestis VV. CC.

S V M M A R I A.

1 Sententia huius legis.

2 An ab exheredato substituto legari aut fideicommitteri possit, & n. 3.

- 1 Sententia est, † Ab impuberis exheredati substituto legatum aut fideicommissum inutiliter relinquatur, quamuis pater filii exheredati leget, & id ipsum corpus leget a substituto. Hæc summa tres sententias continet, quarum vnaquæque suam dubitationem habet. Prima illa est: Ab † exheredati substituto legari aut fideicommitteri non posse. Regula vetus est, non hoc tantum loco constituta, *leg. antepenult. de legat. 1.* Hæc vt intelligatur sciendum est, patrem filio impuberi, quem in potestate habet, heredem substituere posse in hunc casum, si impubes intra pubertatem decesserit, neque id tantum filio impubere herede instituto, sed exheredato, vt dicat hoc modo: Filius meus impubes exheres esto, si intra pubertatem decesserit, Lucius Titius ei heres esto, *l. 1. §. 1. de vulg. insti. in prin. §. non solum.* Hunc 3 quæsitum est, † cum exheredato impuberi pater heredem substituit, an ab hoc substituto legatū aut fideicommissum relinquere possit?

Controuersia nascitur ex alia regula iuris, qua efficitur, quibuscumque aliquid datur testamento, ab his fideicommissum relinquere posse, *leg. 1. §. sciendum, de legat. 3.* Secundum quam regulam videbatur dici debere, etiā a substituto exheredati relinquere posse, quia pater qui relinquat, prius ei hereditatem filii impuberis dedit: sed placuit quod supra scripta regula comprehensum est, ab hoc substituto relinquere non posse. Idque hac ratione, quia pater a filio ipso exheredato legare, aut fideicommittere nō potuit. Nam cui testamento nihil dedimus, ab eo nihil relinquere potest, *leg. ab eo, infr. de fideicommiss. l. 6. §. ult. de legat. 3.* Porro qui non habuit ius legandi, ab eo exheredato, is plus iuris in personam heredis eius transferre non debet. Ratio est Iuliani in *leg. qui sum-*

dum, §. qui filios, in fin. ad leg. Falcid. Ratio sumpta est ex regula iuris nota, quod qui in ius & locum alterius succedit, eodem iure vti debeat, *l. qui in ius, D. de reg. iur.* Non obstat, quod dicitur, quibus testamento aliquid datum est ab his fideicommissum relinquere posse. Hoc enim sic intelligendum est, si is testator aliquid de suo dederit, vt intelligitur ex *l. quaratione, §. quod nullo, cir. fin. D. ad l. Falcid.* Sed & illud recte dici potest, cum pater filio impuberi exheredato heredem substituit, non videri patrem quicquam dare substituto, neque de suo, neque de alieno. Nam magis videtur impubes ipse dare, facto tamen & auctoritate patris: nam substitutio pupillaris est impuberis testamentum, tamen pater hoc ei testamentum fecit, vt dicitur in *dict. leg. Papinia, §. sed nec impuber. D. eodem.*

Quid si in superiori hypothesi retenta, pater filio impuberi exheredato fundum legarit, & tantum de leget ab exheredato substituto, videbatur hoc saltem calu a substituto legari aut fideicommitteri posse, commutata videlicet in contrarium ratione, propter quam dicebamus a substituto exheredati legari non posse. Hæc enim est ratio, quia ab exheredato ipso legari non poterat, at ratio cessat cum exheredato quid legatum est. Nam hoc casu ab exheredato tantum relinquere potest, *leg. coherede, §. 1. in fin. D. de vulg.* Vnde effici quis non immerito dixerit, vt etiam ab eius herede relinquere possit, quoniam cessante ratione iuris, etiam ius locum non habet, *leg. quod dictum, de pact.* Ad huius sententiæ confirmationem facit regula iuris, qua diserte id expressum est in *leg. 5. §. ultim. de legat. 3.* his verbis: Cum ab herede aut legatario relinquere potest, etiam ab heredis & legatarii herede fideicommissum relictum valere, benignum est. Sed tamen etiam hoc casu placuit ab exheredato substituto legatum aut fideicommissum relinquere nō posse, non tantum hac lege, sed etiam iure veteri. Exstat enim hæc sententia in *d. l. qui fundum, §. qui filio, vers. ne cui contrarium, ad l. Falcid.*

Non obstat, quod exheredato, cui legatum datum est, fideicommissum relinquere potest. Non enim si ab herede relinquere non potest, quod ab exheredato non potuit: idcirco recte colligitur, contra si quid exheredato legari potest, recte etiam legari posse ab eius herede substituto. Nam quod exheredato legatario fideicommissum relinquere potest, id beneficium personale est, nec personam exheredati egreditur, quoniam non est eadem ratio in herede filii, quæ in filio ipso. A filio exheredato, cui pater legatum dedit, fideicommissum relinquere potest, quia pater ei tantum dedit, aut amplius. Hæc ratio locum non habet in substituto filii, quia pater huic substituto nihil de suo dare intelligitur. Nec nos mouerit, quod dicitur a legatarii heredibus fideicommissum relinquere posse, *dicta leg. quinta, de legat. 3.* Nam aut simpliciter dicitur fideicommissum ab heredibus legatarii relinquere posse, aut relictum valere, sed valere benignum esse.

Ex his verbis intelligimus, hanc regulam locum habere, solum in aliis legatariis, non autem in legatario filio exheredato, hac ratione, quia quod benigne in aliis recipitur, id in exheredato recipiendum non est propter odium exheredationis paternæ. Exheredationes enim vt res odiosæ benignitate interpretationis adiuvandæ non sunt, *l. cum quidam, in fin. de lib. & posthum.*

Sed cum hæc sententia fuerit etiam veteris iuris, quid opus erat Iustiniani constitutione ad eam confirmandam? Respondeo: Quia tertiam dubitationem Iustinianus dirimit. Quærebatur enim amplius, si pater non potest aliud tantundem relinquere a substituto exheredati, an saltem non possit idem illud corpus relinquere, quod prius exheredato legatari? Et Iustinianus adiicit, ne hoc quidem patri concedendum esse, in odium exheredationis, ut ipse in principio huius constitutionis significat.

Ad L. penult.

Idem A. Ioanni præfecto prætorio.

Si legatarius vel fideicommissarius celauerit testamentum, & postea hoc in lucem emergerit, an posset legatum sibi relictum is, qui celauerit ex eo testamento vindicare, dubitabatur. Quod omnimodo inhibendum esse censuimus, ut non accipiat fructum sua calliditatis, qui voluit heredem hereditate sua defraudare: sed huiusmodi legatum illi quidem auferatur, maneat autem, quasi pro non scripto apud heredem, ut qui alii nocendum esse existimauit, ipse suam sentiat iacturam. quemadmodum si legatarius, cui propter tutelam gerendam aliquid relictum sit, non subierit tutelam, ei quidem legatum auferitur, pupillo autem assignatur, cui ille utilis esse noluit. Dat. Cal. Non. Constantinop. post consulat. Lampadii & Orestis VV. CC. 531.

S V M M A R I V M.

1 Legati actionem amittit is, qui tutor datus tutelam non subiit.

1 Sententiam huius legis complexi sumus ad leg. 5. sup. Notandum est quod hic dicitur eum t legati actionem amittere, qui tutor datus tutelam non subiit. Hoc enim generalius dictum est, sed ita accipi debet, si is qui tutor datus erat, cum posset, tutelam suscipere noluit, non etiam, si non potuit, leg. post legatum, §. amittere, de his qua ut indig. aufer. leg. qui tutelam, Dig. de testam. tut. Quod si quis ideo tutelam non subiit, quia non potuit, nihilominus ei legatum saluum est. Is non potuit tutelam subire, qui tutor iure dari non potuit, ut miles. Et ad hanc causam supra constitutum est, leg. ab administratione sup. h. si miles tutor datus, tutor non fiat, nihilominus eum legatum consequi. Is etiam tutor esse non potest, qui cum ex inquisitione magistratus dari deberet, & paratus esset tutelam suscipere, a prætoris non est admissus, ut non satis idoneus. Et ob hanc causam placuit eum, qui ita admissus non est, nihilominus legatum consequi, leg. cum filius, §. non iure, de legat. 2. Hæ superioris regulæ exceptiones non sunt, sed confirmationes potius. Confirmant enim eum solum, qui tutor datus tutelam non subiit, legatum amittere, quia noluit tutor esse, de quo solo regula concepta est.

Ad L. Plimam.

Idem Augustinus Ioanni præfecto prætorio.

Illud quod de legatis vel fideicommissis temporalibus, utpote irritis, a legi conditoribus definitum est, emendare propeximus, sancientes etiam talem legatorum vel fideicommissorum speciem valere & firmitatem habere. Cum enim iam constitutum sit fieri posse temporales donationes & contractus: consequens est etiam legata vel fideicom-

missa, quæ ad tempus relictæ sunt, ad eandem similitudinem confirmari: post completum videlicet tempus ad heredem iisdem legatis vel fideicommissis remeantibus, necessitatem habente legatario vel fideicommissario emptionem in personam heredis exponere, ut ei post transactum tempus res non culpa eius deterior facta restituatur. Dat. 15. Cal. Nouemb. Constantinop. post consulat. Lampadii & Orestis VV. CC. 531.

S V M M A R I A.

- 1 Legata temporalia, quamuis ad tempus data, nihilominus sunt perpetua.
- 2 Legatum temporale vtrum finiatur tempore præstituto præterito ipso iure an per exceptionem.

Cum decem annua Titio legata sunt, usque ad decem annos, aut cum fundus Titio legatus est usque ad decem annos, & si qua sunt legata Titio ad tempus usque certum relictæ, quæ in hac t lege temporalia vocantur, de iis ita ius olim fuit, ut quamuis ad tempus data sint, nihilominus essent perpetua, quia tempore finiri non possunt, secundum regulam iuris leg. nemo, de legat. primo. Regulæ iuris id exigunt, ut obligatio semel cœpta non finiatur, nisi & iure constitutis modis, titul. quibus modis toll. obligatio. Inter hos autem modos, non est solum factum, aut sola voluntas testatoris. Hæc ratio significatur in leg. obligationum fere. in princip. vers. placet. de obligationibus & actionibus. Iustinianus hac lege hoc ius mutauit, & eiusmodi legata omnia confirmauit, ut valerent non minus quam cetera.

Hic quæsitum est, vtrum t ex hac constitutione 2 legatum temporale finiatur tempore præstituto præterito ipso iure, an per exceptionem? Mouet quæstionem, quia etiam olim huiusmodi legata finiebantur ope exceptionis. Nam si legatarius legatum post decem annos annum peteret, ab herede quidem iure peteret, sed exceptione doli mali submouebatur, quia petebat contra conuentionem. Idque expressum est in dicta leg. obligationum fere, vers. faciet. Hinc quærimus, an idem etiam nunc post hanc constitutionem probandum sit: Quod vulgo probatur.

Sed perspicuum est Iustinianum hæc legata omnia constituere temporalia, ita tempore constituto finito ipso iure finiri. Id autem planum fit ex eo, quod dicit, se in eo vetus ius emendare. Nihil emendaret in iure veteri, si legatum tempore, iure non finiretur, sed tantum per exceptionem, nam & olim idem ius fuit. Deinde ita scribit, se constituere ut legata temporalia, quæ prius irrita erant, non valeant: prius erant irrita iure summo tantum, non iure prætorio. Hoc igitur constituit etiam ipso iure non valere nunc ea legata. Quod autem dicitur legata temporalia olim non valuisse, sic accipiendum est, ut non valuerint, quatenus temporalia erant: nam quatenus legata erant, debebantur & erant perpetua, sed quatenus iis tempus adiciebatur, ad quod usque legata valerent, hæc adiectio non valebat.

Iustinianus addit, se hoc constituere, quia & idem ante in donationibus receptum erat, & idem in contractibus. quod de donationibus tantum quibusdam, & quibusdam contractibus accipiendum est, alioqui sententia falsa. Nam cum alicui dono fundum ea lege, ut id faciat aut non faciat, causa non secuta non reuocatur dominium ipso iure, sed tan-

Sed tantum conditio ob cauſſam datur, *c. non ſecus*. *leg. 5. de condit. ob cauſſam*. Sed ſolum ipſo iure finitur dominium rei donatæ in ſpecie, cum donator dedit alicui, ut ab eo aleretur, & cauſſa ſecuta non eſt, *l. 1. j. de donat. qua ſub mod.* Idem in contractibus dicendum eſt: nam ſi tibi vendiderim fundum, & traderim ut tuus ſit, donec illud non faceres, cauſſa non ſecuta nihilominus fundus tuus manet, nec alia mihi actio tecum eſt, quam actio in perſonam, ex venditione, ut mihi rem reddas. Solum dominium translatum ipſo iure finitur, cum res vendita eſt & tradita lege commiſſoria, id eſt, ea lege, ut ſi intra certum tempus pretium ſolutum non eſſet, fundus inemptus eſſet; *tit. de lege commiſſoria*. Haſ igitur ſpecies in hac lege accipere debemus.

De his itaque cauſſis hæc conſtitutio accipienda eſt; quorum argumento Iuſtinianus dicit, ſe idem conſtituere in legatis omnibus temporalibus, ut poſt tempus conſtitutum, & decem annuꝝ deſinant ipſo iure deberi, & fundus legatus deſinat ipſo iure legatarii eſſe. Quamobrem cauſſam adiecit Iuſtinianus, non aliter huiusmodi legata præſtanda eſſe legatario, ubi aliquid illi daretur, quod poſtea reſtituendum eſſet, quam ſi caueret heredi, ſe id legatum poſt tempus conſtitutum reſtituturum ſaluum & integrum, quod ſine culpa ſua fieri poſſet, cuiusmodi cautio recepta eſt in re fructuaria, quæ fructuario fruenda datur, *l. 1. ff. v. ſiſi. quemadmodum caueat*.

Auctor Lectori.

Quoniam titulus ſequens tantum de verborum ſignificatione, non de iure eſt, omnia reſcripta eius talia ſunt ut legenti facilia ſint, itaque pergimus ad ſeq. tit.

AD TITVLVM XXXIX. COD.

Si omiſſa ſit cauſſa teſtamenti.

S V M M A R I A.

- 1 Actio legatorum ſeu fideicommiſſorum noua in quem datur.
- 2 Omittere hereditatem quis dicatur, quis item cauſſam teſtamenti.
- 3 Actio legatorum ſeu fideicommiſſorum quibus, quarum rerum gratia, & quatenus datur.

Heredem legatis teneri certum eſt, ſi hereditatem ex teſtamento adierit, de quo dictum *ad l. 2. de leg.* Placuit Imperatoribus etiam cum, qui ex teſtamento hereditatem omiſſiſſet, legatis obligari, ſi ab inteſtato poſſideret hereditatem, *l. ult. hic*. Quam ob cauſſam merito hic titulus ſuperioribus de legatis ſubiungitur, ut intelligeretur, quæ in totum obligatio eſſet heredis in præſtatione legatorum. De hac parte fuit edictum prætoris ad hanc ſententiam: *Si quis omiſſa cauſſa teſtamenti, ab inteſtato hereditatem, partemve eius poſſidebit, aut dolo malo fecerit, quo minus poſſideret, quo legatarii, ceterique, quibus ex iudicio deſuncti aliquid deberi potuit, ſi non ab inteſtato poſſiderentur hereditas, careant iis, quæ ſibi relictæ ſunt: in eum perinde quaſi ex teſtamento aduſſet, cognita cauſſa, actionem dabo*. Hæc propemodum verba edicti fuiſſe, arguunt ea fragmenta, quæ iuris auctores veteres interpretantur, *ſub eodem tit. ff.*

Sed ſingulæ partes facile notabuntur in explicatione edicti, & totius huius tituli, quam ſubiicio. Conſtituitur hoc edicto actio legatorum ſeu fidei-

commiſſorum noua, & quæ iure ciuili eſt incognita. Videndum eſt, in quem datur, quibus datur, quæ ſit actio, & quatenus datur.

Hæc ꝑ actio in eum datur, in quo quatuor concurrunt. I. Eum eſſe oportet, qui omiſſit cauſſam teſtamenti, *l. 1. in pr. ff. h. vnde titulus, Si quis omiſſa cauſſa, &c.* Omittere ꝑ hereditatem maxime iſ dicitur, qui cum poſſet ex teſtamento hereditatem obtinere, vel per ſe, quia inſtitutus erat, vel per alium, quia inſtitutus erat eius ſeruus aut filius, quem in poteſtate habebat, noluit hereditatem ex teſtamento habere: quod contingit in extraneis heredibus repudiando; in ſuis ſe abſtinendo hereditate, aut iubendo, ut iſ, per quem acquirere potuimus, repudiet, *l. 1. in pr. ver. & nihil reſert. l. 1. & l. prætermittere cauſſa. ff. eo*. Hic volumus non aliter videri omitti hereditatem, ꝑ ſi quis ideo non adeat quia noluit, cum poſſet. Ex quo intelligitur, ſi quis heres teſtamento inſtitutus ideo hereditatem non adiit, quia teſtamentum iure non valuit, non teneri legatariis, quamuis ab inteſtato deſuncti poſſideat hereditatem, quod ſcriptum eſt *in l. 2. h. ſcilicet quia qui iure non potuit eſſe heres, non poteſt dici ex ſuperiore definitione omiſſiſſe hereditatem*. Edictum autem ad eos ſolos pertinet, qui omiſerunt cauſſam teſtamenti. Præterea omittere cauſſam teſtamenti etiam dicitur, qui teſtamento præteritus bonorum poſſeſſionem contra tabulas aduerſus teſtamentum patris petere potuit. Et ideo placet ſi iſ amiſſa bonorum poſſeſſione, contra tabulas ab inteſtato petat bonorum poſſeſſionem, vnde liberi, eum in ſolidum legata præſtare debere, quæ certis tantum perſonis deberet, ſi petiſſet bonorum poſſeſſionem contra tabulas, *l. quia 6. §. pen. l. ſi filius. ff. eo*.

Sed quomodo dici poteſt teſtamenti cauſſam omittere, qui ex teſtamento nihil habuit, quantumuis non petat bonorum poſſeſſionem contra tabulas. Item quæro, etiam ſi bonorum poſſeſſionem contra tabulas peteret, quomodo dici poſſit cauſſam teſtamenti ſequi, qui teſtamento præteritus eſt? Reſp. Hoc ideo reſponſum eſt, quia exiſtimatum eſt non ſolum bonorum poſſeſſionem ſecundum tabulas eſſe ex teſtamento, ſed etiam bonorum poſſeſſionem contra tabulas, quia neutri locus eſſet niſi teſtamento rite facto. Sunt autem, qui bonorum poſſeſſionem petere poſſunt, non tantum heres teſtamento inſtitutus aut filius teſtamento præteritus, qui omittere poteſt cauſſam teſtamenti, & ab inteſtato poſſidere hereditatem, ſed etiam legatarius, cui teſtamento aliquid relictum eſt, ꝑ facit tunc, cum dolo malo facit, ut heres ſcriptus omittat hereditatem, & ſic non ex cauſſa teſtamenti legatum obtineat ab herede. Itaque placet hoc caſu, ſi iſ legatarius rogatus ſit teſtamento, legatum id reſtituere, fideicommiſſi nomine obligari, tanquam qui omiſſa cauſſa teſtamenti poſſideat hereditatem vel rem hereditariam, *l. 4. §. quanquam. ff. eod.*

Ex hac parte intelligimus, ſi quis non ſit teſtamento inſtitutus heres, & ab inteſtato poſſideat hereditatem, eum legatariis non teneri ex hoc edicto, quoniam non omiſſit cauſſam teſtamenti, qui ex teſtamenti cauſſa nihil habuit. Sed hoc ita eſt, niſi iſ qui ita poſſidet hereditatem ab inteſtato participato cum heredibus ſcriptis fraudis conſilio hereditatem poſſideat. Nam hunc placuit vtili actione teneri, *l. videtur. §. ult. ff. eod.* Et ideo ſi heres ſcriptus pecuniam accepit, ut omitteret hereditatem, vel gratis omiſerit hereditatem, hoc conſilio, ut hereditas ad ſubſtitutū aut legi-

ritum heredem perueniret, hoc casu vtili actione a legatariis & fideicommissariis conueniri potest. Vtili, id est, non ex verbis edicti, quoniam heres possidet hereditatem, sed non omiſſa cauſſa testamenti, verum ex sententia prætoris seu edicti, quia perinde est, quasi omiſſiſſet cauſſam testamenti, qui huius omiſſionis fructum percipit. De hoc scriptum est *l. 2. §. 4. ff. b. De substitutis est l. 1. b.*

Non ſufficit omiſſiſſe cauſſam testamenti, niſi quis poſſideat hereditatem vel partem eius, aut dolo malo fecerit, quo minus poſſideret. Horum igitur alterutrum concurrere oportet. De eo qui poſſidet est *in l. 1. statim in pr.* Nihil autem refert, vtrum quis poſſideat hereditatem, an partem, an vero etiam hereditatis rem hereditariam minimam, *l. ex h. cum 3. seqq. ff. b.* In eadem cauſſa cum poſſeſſore est is, qui dolo malo fecit, quo minus poſſideret, *de quo in l. 1. §. siue interveniente. §. seq. ff. b.* idque ex regula iuris perpetui conſtituitur, ſecundum quam par cauſſa est eius, qui poſſidet, & eius, qui dolo deſiit poſſidere, ſecundum quam eandem regulam ſemper qui dolo deſiit poſſidere, pro poſſeſſore habetur, *l. qui dolo. de reg. iur.* Duo dolo facere intelliguntur, quo minus hereditatem ab inteſtato poſſideant. Primo & quidem proprie hi, qui ab inteſtato poſſidere ceperant, deinde ad alium hereditatem quam poſſidebant tranſtulerunt volentes ſcientes, cum ab his hereditas non euinceretur, *l. 1. §. siue interveniente. verſ. dolo. ff. b.* Deinde hi, qui ab initio malitioſe fecerunt, ne hereditatem poſſiderent, quo ea vel ad ſubſtitutum vel ad heredem legitimum perueniret, *l. 1. §. pen. ff. b.* Et ideo ſiue heres ſcriptus pecunia accepta omiſit hereditatem, ſiue nulla pecunia accepta, ſed tantum gratia ſubſtituti aut legitimi heredis idē facit, vtroq; caſu actione tenebitur non vtili, ſed directa, quoniam dolo fecit, quo minus poſſideret. De eo qui pecunia accepta omiſit hereditatem eſt *in l. 2. ff. eod.* De eo qui omiſit gratia tantum eſt *in l. 4. ff. eod.* Sed ita vt ex ea lege non ſatis aperte colligatur, vtrum hoc caſu heres omitens hereditatem conueniri debeat, ſed ſatis intelligitur ex eo, quod dolo poſſidere deſiit, & hic generaliter dicitur ex edicto teneri, *d. l. 1. §. pen.* Secundum hæc euenit, vt cum heres inſtitutus dolo malo hereditatem omittit, quo ea perueniat ad ſubſtitutum, aut heredem legitimum, hoc caſu incipere duos teneri ex hoc edicto legatarii, heredem ſcriptum directā actione, quia omiſſa cauſſa testamenti perinde habetur quasi poſſideret, cum dolo deſierit poſſidere; & præterea ſubſtitutum & heredem legitimum vtili actione, vt in ſuperiori parte diximus & *l. 1. b.* comprehenſum eſt.

Vbi tamen monendi ſumus, hoc caſu prius conueniendum eſſe & excutiendum poſſeſſorem, deinde ſi ab hoc omnia obtineri non poſſunt, tum ſecundo loco perueniendum eſſe ad eum, qui dolo malo omiſit hereditatem. Quæ cautio diligenter notanda eſt *ex l. 2. ff. eod.* Ex hac parte primum colligimus, ſi quis omiſit cauſſam testamenti, neque hereditatem poſſidet, aut dolo malo poſſidere deſiit, hunc legatariis nullo modo teneri, quantumvis alii poſſideant hereditatem ab inteſtato. Liberum eſt enim cuius hereditatem non adire & implicari hereditariis oneribus, *l. si quis. ff. eod.* Alterum ex eadem colligimus parte, ſi heres inſtitutus omiſſa cauſſa testamenti non poſſideat hereditatem, neque dolo fecerit, quo ad alium pertineret, alius vero ab inteſtato poſſide-

at, euenire id, quod ſcribitur *l. 2. in fin. b.* nempe legatariis nullo modo præſtari debere: non enim tenetur heres inſtitutus, qui omiſit quidem cauſſam testamenti, ſed non poſſidet hereditatem: non etiam is, qui poſſidet hereditatem, quia neque cauſſam testamenti prius omiſit, cum inſtitutus non eſſet, neque fraudis conſilium percipere potuit, cum eo, qui dolo nihil fecit.

Ne hoc quidem ſatis eſt, omiſſa cauſſa testamenti poſſidere hereditatem partemve eius, ſed & terrium concurrere oportet, vt quis poſſideat hereditatem partemve eius ab inteſtato, vt omnia hic reſcripta declarant, & eſt *in l. 1. in pr. ff. eod.* Ab inteſtato poſſidere hereditatem intelligitur, qui poſſideat tanquam heres: nam iure inteſtati nō niſi heres poſſidet. Siue igitur quis iure legitimo heres erit, vt olim agnati, ſiue quis bonorum poſſeſſionem petierit, vt cognati, ſiue etiam quis hereditatem nullo iure poſſideat ab inteſtato; poſſideat tamen tanquam heres quod ſe heredem contendat, aut heredem eſſe velit, is eſt qui hac edicti parte teneretur, *l. 1. §. non querimus. ff. eod.* Quod ſi quis omiſſa cauſſa testamenti poſſidet rem aliquam hereditariam, ſed titulo ſingulari, velut pro dote, pro emto, pro donato, item quia legatorum ſeruandorum cauſſa, aut rei ſeruandæ cauſſa in poſſeſſionem rerum miſſus eſt, is non tenetur hoc edicto, quia non poſſidet inteſtati titulo, ſed alio iure, *l. ult. l. 1. §. non querimus. ff. eod.*

Hic excipitur ſubſtitutus, qui participato fraudis conſilio cum herede inſtituto hereditatem poſſidet, nam hunc diximus vtili actione teneri, *l. 1. 2. 3. ff. b.* Et tamen hic ab inteſtato non poſſidet hereditatem, verum ex testamento, nempe ex ſubſtitutione, ſed habitatione inſtitutionis, perinde habetur, quasi ab inteſtato ſuccederet & obtineret hereditatem, videtur enim magis ſuccedere in locum inſtituti. Excipiendus præterea eſt legatarius, de quo ſupra *ex l. 4. §. pen. ff. eod.* Nam hic tametſi omiſſa cauſſa testamenti obtinet legatum, tamen non obtinet tanquam heres, ſed titulo priuato. Ex hac diſtinctione nata eſt inſcriptio tituli in ff. *Si quis omiſſa cauſſa testamenti ab inteſtato vel alio iure poſſideat hereditatem.* Qui ab inteſtato poſſidet teneretur, qui alio iure, non teneretur.

Ad hæc omnia & quartum exigitur, vt quis ex hoc edicto legatis teneatur. Id autem eſt, vt qui omiſſa cauſſa testamenti ab inteſtato hereditatem poſſidet, id fecerit in fraudem legatariorum, & ceterorum, quibus quid testamento datum eſt, quo carerent hi quæ ſibi relicta ſunt, quæ pars indicatur *in l. 1. in prin.* ſed apertius *in §. siue interveniente. verſ. dolo. ff. eod.* Ex quo intellectum eſt, non teneri hoc edicto eum heredem ſcriptum, qui ſine fraude hereditatem omiſit, & ab inteſtato poſſidet, vt ſibi conſuleret, cuiuſmodi eſt patronus, ſi ſit a liberto inſtitutus ex legitima portione, ſed ea portio legatis ſit exhausta, *l. quia autem. §. si patronus. l. excusatus. ff. eod.* Simile exemplum eſt in filio inſtituto, quem pater nimium oneravit, *in l. quaſitum. ff. de acquir. hered.* Hæc cum in aliquem concurrent, tum is erit, in quem actio ex hoc edicto cōpetat.

Ceterum † quibus detur, quarum rerum gratia, 3 quæ actio, & quatenus detur, continetur in his verbis edicti: *Perinde ac ſi ex testamento hereditatem adiſſet.* Quæ verba in edicto expreſſa fuiſſe conſtat, *ex l. si duo. §. l. si dolo. ff. eod.* Ex his primum intelligitur hanc actionem permitti legatariis, & hiſ quibus testamentum quid

to quid datum est. Nam si teneatur heres, si ex testamento hereditatem adiisset. Ex iisdem verbis intelligimus, non tantum legata ex edicto peti posse, sed etiam saluas esse libertates testamento relictas tam directas, quam fideicommissarias, *l. antepen. §. 1. l. pen. l. de libertatibus. ff. eod.* Quod & expressum est in *l. 2. in pr. h.* Ex iisdem verbis intelligimus, quatenus legatorum siue fideicommissorum nomine actio detur in eum, qui omissa causa testamenti ab intestato conuenitur. Nec minus ex illis verbis intelligitur, quæ sit actio & qualis tum in legatis tum in hereditatibus. Sed intelligitur quatenus detur actio in eum, qui omissa causa testamenti ab intestato hereditatem possidet. Intelligimus autem ita dari, ut quemadmodum tenetur possessor legatariis, ita etiam eadem commoda consequatur, quæ habiturus esset, si ex testamento hereditatem adiisset.

Ea autem commoda tria sunt. Primum, quod ei, qui omissa causa testamenti ab intestato possidet hereditatem, commodum legis Falcidiae concedatur, ut quemadmodum legata ex hoc edicto præstari, sic ex hac parte edicti ea præstet, retenta quarta ex lege Falcidia, *l. si duo. §. ultim. l. cuius. ff. eod. l. ultim. h.* Id autem ex eo efficitur, quia si heres ex testamento hereditatem adiisset, beneficio legis Falcidiae citra controuersiam vteretur. Nam ea lex ad heredes scriptos pertinet. Secundum commodum est, quod si duo omissa causa testamenti ab intestato possidebunt hereditatem, singuli in solidum tenentur legatariis, sed pro ea tantum parte, quam possident, *l. si duo. l. si dolo. ff. eod.* Nam & idem efficeretur, si duo ex testamento hereditatem adiissent: tenentur enim heredes oneribus hereditariis, pro portione tantum hereditaria, *l. 2. in fr. de hered. action.* Tertium commodum est in libertatibus fideicommissariis, & siis, qui omissa causa testamenti ab intestato possidet hereditatem, seruis hereditatem præstiterit ex causa fideicommissi, hos sibi liberos habeat, *leg. penultim. ff. eodem.* Nam & idem iuris foret, si ex testamento hereditate adita manumississet, *§. ultim. de singul. hered. perdit.*

Sed datur hæc omnis actio non simpliciter, verum causa cognita, *ut est in l. quia autem. §. non simpliciter. ff. eod.* Quibus verbis significatur, prætorem ita actionem dare aduersus eum, qui omissa causa testamenti hereditatem ab intestato possidet, nisi aliqua æquitas suadeat, ne detur, & an sit aliqua æquitas prætorem cogniturum & æstimaturum. His autem verbis contineri intelligimus, neque hanc actionem dari semper in eum, qui omissa causa testamenti ab intestato hereditatem possidet, neque dari semper omnibus legatariis.

Ex his qui omissa causa testamenti ab intestato possident, non tenentur ex hoc edicto ii, qui facultatem omittendi ex testamento nominatim a testatore acceperunt, quoniam prætori in hoc edicto solum propositum fuit, ut voluntas testatoris seruaretur, *l. quia autem. §. plane. l. §. non simpliciter. ff. eodem.* Item qui cum hereditatem ab intestato cœpissent possidere, ab his postea hereditas euicta est, sine ulla aduersarii collusionem, *d. §. non simpliciter.*

Ex legatariis autem excipiuntur ii, qui & ipsi omissa causa testamenti ab intestato possident hereditatem, ut puta heredes instituti sunt Titius & Mævius. Mævio centum legata sunt, ambo omissa hereditate ex testamento ab intestato possident heredi-

tatem. In hac specie actio non erit Mævio aduersus coheredem, denique centum legata non debentur, *l. quidam. ff. eodem.* Idem est, si instituto legata sunt data substitutis & institutis, itemque substituti omissa causa testamenti ab intestato possideant hereditatem. Nam hic placet substituto legata sibi relictæ ab instituto non deberi, *l. si non dolus. §. 1. ff. eod.* Huius sententiæ æquitas manifesta est: nam indignus est auxilio edicti, qui ipse aduersus edictum committit, *l. auxilium. in fin. ff. de minorib.*

AD TITVLVM XL. COD. De indicta viduitat. & l. Iul. miscell. tol- lenda.

S V M M A R I A.

- 1 Non omnes conditiones pro scriptis habentur.
- 2 De legato indicta viduitatis.
- 3 Cautio Mutiana.
- 4 Conditio viduitatis an pro scripta habeatur.

Legatum sub conditione recte relinquitur, ut non aliter debeat, quam si conditio exstiterit, *l. i. de condit. & demonstr.* Quædam tamen conditiones excipiuntur, quæ adiectæ legato, pro non scriptis habentur, nimirum impossibiles conditiones, *l. obtrun- it. de condit. & demon.* In his quæ sunt contra leges numeratur hæc conditio, quæ viduitatem alicui iniungit, cum ita alicui legatur, *mulieri. si non nupsit: viro, si uxorem non duxerit.* Et ideo legatum sub hac conditione relictum, & nubenti mulieri & viro uxorem ducenti nihilominus debetur quasi conditione non adscripta. Idque lege Iulia Papia de maritandis virginibus effectum est, *ut liquet ex l. cum ita legatum. & l. hoc modo sequenti, & earum legum inscriptionibus. l. cum tale. §. si arbitratu. de condit. & demonstr.*

Hæc conditio tamen iniungitur viduitas proprie, cum hæc conditio refertur in personam ipsius legatarii, hoc modo, *Titio si non nupsit, vel, Titio si uxorem non duxerit heres meus centum dato.* Nam legatarius spe legati mouebitur, ne vel nubat vel uxorem ducat. Itaque constitit hoc legatum sprete conditione deberi, *dict. l. cum ita leg. & l. sequen.* Idem dicendum est, si conditio viduitatis collata sit in personam alterius, sed eius, qui sit in potestate legatarii, hoc modo: *Titio patri heres meus centum dato, si filia, quam is in potestate habet, non nupsit.* Nam hoc casu ut pater legatum consequatur, facile perficiet, ne filia nubat.

Idem iuris est, si conditio conferatur in personam alterius, sed ad quem legatum postea perueniturum est, hoc modo: *Filio illi, filium familias heres meus dato, si pater eius non duxerit uxorem,* hic propter spem legati iniungitur viduitas patri, qui ut legatum per filium consequatur, uxorem non ducet, quo filius prius ad legatum perueniat. Ideo placet in duabus his speciebus posterioribus, conditionem viduitatis, pro non scripta esse, & legatum statim capi posse, *l. heres meus. §. ultim. ff. de condit. & demonstr.* Quoties autem conditio conferatur in personam alterius, quam legatarii, & is in quem confertur plane extraneus est, placet legatum conditionale esse, veluti, *Titio heres meus dato, si Sempronia non nupsit,* placet in hac specie, & Sempronia nubente nihil deberi, & non nubente nihil deberi, priusquam constiterit illam amplius nubere non posse, puta quia mortua sit, *quod in l. i. b. scriptura*

est, hac ratione, quia huiusmodi conditione in personam alterius extranei collata nulli viduitas iniungitur, propter spem & commodum legati. Nam & Sempronia nihil vnquam ex legato consequitur, utpote, cui legatum non est, & ob hanc causam non potest dici propter commodum legati inductam viduitatem.

Hoc ius ex lege Papia ad omnes eiusmodi conditiones pertinuit, siue quibus prohiberentur primæ nuptiæ, siue secundæ, & ideo si maritus vxori suæ testamento aliquid legasset, si ea ad secundas nuptias non transiret, nihilominus ex lege Iulia vxor postea nubens legatum consequeretur, quoniam conditio viduitatem iniungeret. At eius generis conditiones omnes eo genere improbantur, d. l. cum ita legatum. de condit. & dem. l. mulieri & Titio, eod.

Sed in hac parte secundarum nuptiarum postea non nihil ius variavit l. Iul. miscellæ, qua qd caueretur, exposuit Iustinianus in Nouell. de nupt. §. qua vero. Erat autem legis hæc sententia: Si maritus sub conditione superiori aliquid vxori legauerit, vxorem nihilominus intra annum quo diceret se velle nubere, & legatum peteret, legatum esse consecuturam, etiam sprete condicione & interdictione mariti, si modo prius vxor iurauerit, se ad secundas nuptias transire liberorum procreandorum causa. Quod si prius annum legatum peteret, vxorem nubentem nihil consequi, si nondum nupsisset ita legatum consequi, si interponeret Mutianam cautionem, id est, si caueret heredi, se si non nupsisset, postea legatum cum fructibus esse restituendum. Hæc enim cautio est Mutiana, quæ ab omnibus legatariis exigitur, quæ exigitur sub conditione, si ipse aliquid fecisset, l. Mutiana. ff. de cond. & dem. Hanc legem postea sustulit Iustinianus l. 2. h. Qua lege veterem legem Iuliam Papiam in totum reuocauit. Constituit tamen, ut conditio viduitatis, & quæ prohiberet secundas nuptias, pro non scripta haberetur, non minus quam si prohiberet tantum primas, qua lege effectum est, ut vxor, cui ita legatum est, ut diximus, legatum capere possit, etiam si nubat, nec iuret, quo animo nubat. Proinde ab ea vxore non exigi cautionem ullam Mutianam de legato restituendo, si postea nupsisset. Et quod Iustinianus constituerat in legato vxori relicto si vxor ad secundas vota non transiret, idem postea alia constitutione constituit in legato, quod vxor marito dedisset, sub conditione hac, si maritus iterum vxorem duceret, quæ est l. ult. h.

Sed idem Iustinianus in Nouell. de nupt. §. qua vero. non modo reuocauit l. Iul. miscell. sed etiam in locum quod prius constituerat, circa eius legis emendationem mutauit & constituit, ut conditione adscripta, quæ viduitatem a secundis nuptiis iniungeret, legatum uti cetera legata valere, nec reiici conditionem, non solum si maritus leget vxori, si vxor ad secundas nuptias non transierit, aut contra vxor marito leget sub hac conditione, si maritus vxorem non duxerit, sed etiam si cuius extraneus sub ea conditione, quæ secundas nuptias prohibeat, leget vel mulieri vel viro. Et ideo si mulier iterum nubat, aut vir iterum vxorem ducat, placet legatum non deberi, cuius conditio defecerit. Quod si neque mulier nupsisset, neque vir iterum vxorem duxerit, placet petentibus legatum mittendum esse, sed interposita prius cautione Mutiana, quæ caueant legatarii, se legatum restituros si ad secundas nuptias transierint, voluitque Iustinianus ad cautionem etiam adici iurandum, aut hypothecam, aut fideiussores pro ea distinctione, quam ex verbis constitutionis licet cognoscere.

Huius constitutionis fragmentum & sententia relata est in Anth. cui relictum. h. qua derogatur & legi ambiguit. & l. ultima hic. Quapropter post hanc constitutionem Iustiniani noua hæc distinctio inducitur circa hanc conditionem, si vir non vxorem duxerit, si mulier non nupsisset, ut multum intersit, vtrum hæc conditio conferatur in personam eius, qui nunquam in matrimonio fuerit, ut sic conditio prohibeantur primæ nuptiæ, an vero conditio conferatur in personam eius, quæ aut est, aut fuit in matrimonio secundo, ut sic conditio secundæ prohibeantur nuptiæ. Posteriori casu conditio secunda adicitur, nec differt a ceteris conditionibus, quæ in non faciendo consistunt, ex Nouell. Iustiniani. Priore autem casu ius antiquum manet, de quo initio hic dictum. Illa pars l. ultima h. diligenter notanda est, qua docemur multum interesse inter has conditiones, si vidua erit, vel cum erit, vel quando erit, & lego Titiam, si non nupsisset. Nam priore conditione non iniungitur perpetua viduitas a secundis aut tertiis nuptiis, sed sufficit mulierem tunc esse viduam, cum dies legati cedit. Verum est enim, si vidua est, extitisse conditionem. Hac autem conditione: si non nupsisset, non exigitur solum, ut non nupsisset, tunc cum legatum petit, sed ne omnino nubat, quo fit ut illa postea nubente legatum reuocetur, si prius acceperit.

AD TITVLVM XLI. COD. De his quæ pœnæ nomine relicta, &c.

S V M M A R I A.

- 1 Legatum pœna an & quatenus valeat.
- 2 Pœna nomine quando aliquid relinqui intelligatur.
- 3 Quicquid sit inuitandi delicti causa, turpe est.
- 4 Legata turpia nullius sunt momenti.
- 5 Pœna subiecta præcepto impossibili cur non valeat.
- 6 Condicio impossibilis legato adiecta pro non scripta habetur.

Inter cetera legata, quæ vel propter conditionem rei legata, vel propter personas quæ legant, aut quibus a quibus legatur, vel propter obseruationem in legando, vel propter finem legati non valent, vnum genus fuit, cum scilicet pœnæ nomine aliquid relinquitur, de quo genere hic. Quod pœnæ causa legatione tamen vel adimitur vel transfertur, olim quidem ante hanc constitutionem in totum nullius momenti erat. Ex hac constitutione hætenus non valet, si testator iussit aliquid impossibile vel legibus interdictum, vel turpe, & n. si fieret, pœnam adiecit, dum vel aliquid legat ab eo, qui non fecit, vel quod ei legat, adimit, aut in alium transfert. Res explicatur pluribus in §. ult. de legat.

Pœnæ tamen nomine relinqui aliquid intelligitur, cum testator heredem legatariumve aliquid facere iubet vel non facere, & pœnam adiecit, si aduersus voluntatem suam fecerit, & hanc pœnam legat alii. Exempli causa: Heres meus Stychum seruum meum exportato, si non exportarit, Titio centum dato. Itæ heres fundum illum ne alienato, si alienarit, Titio decem dato. Pœnæ causa adimi intelligitur in iisdem exemplis, si dicit testator, Titio seruo fundum Tusculanum do, lego: Titius seruum Stychum exportato, si non, ei quod dedi non do, vel quod ei dedi Sempro-

pronio do lego, ubi priore casu legatū adimitur, posteriore transfertur, vtrumque pœnæ causa. Congruit Iustinianus in d. §. ultim. cum ait, pœnæ causa relinqui; cum relinquitur coercendi heredis vel legatarii causa, quo magis aliquid faciat, vel non. De hoc genere igitur hoc ius fuit, vt quamvis testator possibile aliquid iussisset, nec turpe nec illicitum: tamen quicquid pœnæ causa legasset, aut ademisset, aut transtulisset ob id, quod heres vel legatarius præcepto testatoris non paruisset, placebat nihilo magis legatum, aut ad emtionem aut ad translationem valere. Rationes non ineptas reddidit Theophilus in d. §. ult.

Iustinianus in hac specie contrarium hac lege statuit, & rationem habet, quia non minus in hac parte voluntas testatoris seruanda fuerit, quam in ceteris, ubi voluntas moribus simul & legibus naturæ aduersatur. Congruit hoc cum lege veteri, vti quisque legasset. l. verbus legis. de verborum signific. Itaque hoc ius in hac parte dubitationem habere non debet: sed illud in hac ipsa parte dubitationem habet, quod Iustinianus ait; Antea prioribus legibus pœnæ causa legatum in totum non valuisse. quod & ante scriptum in d. §. ultim. Instit. de legat. Hoc refelli videtur partim exemplis, præsertim duobus, partim certis locis, in contrariam partem scriptis. Nam primum inter veteres interpretes constitit hoc legatum valere: Heres meus filia pœnum dato, si pœnum non dederit Titio 100. dato. l. i. de pen. leg. l. i. §. cum ita, ad l. Fal. l. cum sine. l. si pœnum. ff. quando dies legat. ced. Et tamen ex definitione superiori, videntur hic 100. relicta esse pœnæ causa. Adiciuntur enim coercendi heredis causa, si pœnum non dederit. De hac quoque specie veteres non dubitarunt, quin multa vtiliter iniungerentur: Heres meus monumentum arbitrato L. Titii ædificato, vel ad illam formam ædificato, si non ædificauerit Sempronio 100. dato. l. multa 6. in pr. l. ante testamentum. de condit. & demonstr. Hanc multam adiaci fatemur, d. l. multa, de cond. & dem. Postremo in l. i. ff. de his quæ pœnæ nomine relinquuntur, definitio eadem traditur, quæ in hac constitutione Iustiniani, nempe, in pœnam relictum nullius esse momenti, si illicite aut probrose datum sit. Qua conditione declaratur, si quid illicite aut probrose non sit iussum, etiam tunc valuisse, cum eius legis auctor id scriberet.

Ad huius rei explicationem diligenter cauebimus, ne idem respondeamus quod Bartolus & alii interpretes, qui fingunt ab initio pœnæ causa legatum non valuisse, vt hic scriptum est: sed temporibus Iureconsultorum ante constitutionem hanc Iustiniani ius secundum inualuisse, quo placeret eiusmodi legatum valere. Refragatur huic constitutioni manifeste: nam secundum superiorem sententiam nihil emendaret Iustinianus in veteri iure, quod contra se facere initio profiteretur, & apertius in d. §. Instit. de legat. Nec vero est quod dubitemus ante tempora Iustiniani pœnæ causa legatum non valuisse. Primo id generaliter scriptum est in d. §. Instit. de legat. Conuenit autem inter eruditos eas institutiones magna ex parte sumtas esse ex Institutionibus Caii. Idem confirmatur fragmentis Vlpiani tit. de legat. Sed præcipue id demonstratur in l. si ita legatum 12. de condition. & demonstr. ubi in specie, quæ illic proponitur, respondetur, legatum valere, & additur hæc ratio, quia in legato causa addita est, non pœna. Hac ratione declaratur, si legatum pœnæ causa datum esset, futu-

rum fuisse, vt legatum non valeret. Non aduersantur huic sententiæ ea exempla, quæ retulimus. Quod vt intelligatur sciendum, cum dicimus pœnæ causa legari, quod coercendi heredis causa legatur. Quod probatur ex edicto de deposito. In eo proponitur actio inter cetera de iis, quæ tumultus siue incendii causa deposita sunt.

Hæc verba Vlpianus sic interpretatur, eum saltem videri incendii tumultus causa deposuisse, qui nullam aliam causam deponendi habuit, quam imminens ex his causis periculum, l. i. in pr. & §. cum tamen. de pos. Hinc consequens est, non videri legatum esse pœnæ nomine, si quidem testator iussit aut legatarii causa, aut sua ipsius causa. At legatarii causa totum hoc legatum comparatum est; Heres meus uxori pœnum dato, si non dederit 100. dato. Hoc autem comparatum est testatoris causa; Heres meus mihi monumentum ædificato, si non ædificet 100. dato. Quare secundum superiorem definitionem in vtraque hac specie non proprie pœna causa legatum videri debet, vt non sit mirum, si veteribus in vtraque specie multa recepta fuerit.

Quod attinet ad l. i. de his quæ pœn. nomin. non dubium est, quin locus interpolatus fuerit a Tubero. Nam verba, quæ sunt in hac constitutione eo translata sunt, & præterea non satis apte dicitur, cum quid probrose aut illicite iuberetur, & nisi fiat adicitur pœna. Non proprie dicitur, inquam, pœnam adiaci probrose aut illicite, sed vt locum tanquam ab Africano scriptum accipiamus, tamen non probat cetera legata pœnæ nomine relicta olim non valuisse. Fate-mur enim, quod illicite pœnæ nomine relictum est, non valuisse, vt illic scribitur: sed non ideo recte colligitur, valuisse cetera, quæ eodem modo relicta sunt. Argumento est quod etiam omnibus temporibus & nunc impossibilis præcepti pœna adiecta non valet, quam tamen nemo dixerit, illicite aut probrose adiaci. Verum est igitur, quod Iustinianus hac in l. profitetur, in totum pœnæ causa legatum datum olim non valuisse, id ius se hic primum emendasse, vt huius generis legata itidem valerent vt cetera.

Excepit Iustinianus, ea legata pœnæ nomine relicta tunc, cum prius testator iussisset aliquid vel impium, vel legibus interdictum vel probrosum. Impossibilis præcepti exemplum hoc est, heres meus Syichum (qui mortuus erat) intra triduum quam moriar in iudicio sistito, si non stiterit, Titio 100. dato. Homo mortuus sisti non potest, igitur hoc inutiliter præcipitur, quia impossibilibus pœna subiecta non debebitur. Hoc idem fieret in stipulatione, si quis stipulatus esset hominem mortuum sisti, & nisi sisteretur adiecisset pœnam, l. si homo. de verb. oblig. Præcepti legibus interdicti exemplum est: Heres meus sororem suam uxorem ducito, si non duxerit 100. dato. Probrosi & turpis præcepti hoc: Heres meus patrem suum domo eiecto, si non eiecerit Titio 100. dato. In his impune heres & sororem suam non ducet, & patrem domi retinebit. Cur autem illicito vel turpi præcepto pœna subiecta non debeat, ratio in promptu est, quoniam vt præceptum, sic & pœna illicita est & turpis, quoniam adiacitur inuitandi & promouendi delicti causa, quo magis heres velit ea peccare quæ testator iussit. Quicquid fit inuitandi delicti causa, turpe est l. s. de pact. 3. dot. Omnia fit legata turpia nullius sunt momenti, l. 4. turpia. de leg. 1. Similiter vt omnes turpes stipulationes, l. generaliter. cum l. seq. de verb. oblig.

5 Sed † cur impossibili præcepto pœna subiecta non valeat quæritur, ut in exemplo proposito, si heres hominem mortuum non stiterit 100. dato? Dubitationis causa est, quia hoc legatum neque impium, neque turpe est ut superiora, nam 100. natura dari possunt, & si dabuntur nullam ea res turpitudinem continet, neque futuram, neque præteritam, quia heres ad delinquendum non inuitabatur. Quod si ita est, idem videtur de eadem specie legati statui debuisse, quod de ceteris omnibus legatis puris. Dicendum est ideo, præcepto impossibili pœnam subiectam non deberi, quia & ipsa pœna est impossibilis. Possunt quidem 100. natura præstari, sed non possunt præstari ut pœna ex definitione pœnæ. Nam pœna est culpæ & delicti coercitio, ut ubi delictum non est, ibi nec pœna esse possit, *l. aliud est fraus. de verb. sig.* Porro nullum delictum est in eo, nulla culpa quin non fecit, quod per rerum naturam fieri non poterat. Proinde nec ibi pœna esse potest huius facti coercendi causa. Et hæc vera ratio est, cur pœna impossibili stipulationi subiecta, non magis valeat, quam impossibilis præcepti, *d. l. si homo. de verb. oblig.* Sed huic parti opponitur *l. impossibilis. §. 1. in illa seq. de verb. oblig.* ubi placet, hanc stipulationem valere & præsentem esse, si in cœlum non ascenderis, 100. debes. Et merito hæc stipulatio recepta est, quia nullam conditionem impossibilem habet, & si quam conditionem habet, ea iam statim existit. Certum est enim, promissorem ascendisse in cœlum, neque quamdiu in hoc corpore viuit ascensurum: illi autem stipulationi hæc stipulatio similis est, *si hominem mortuum non stiteris 100. debes.* Quod si hæ stipulationes valent, multo magis propter voluntatem supremam defuncti valebit hoc legatum, *si hominem mortuum non stiterit heres 100. dato.* Respondeo: Ideo hæc stipulatio valet, *si in cœlum non ascenderis, aut si hominem mortuum non stiteris 100. dabis.* Quia stipulatio incipit a conditione. Hæc autem conditio non est cōditio, aut si est, nihil impossibile continet. Proinde idem in legato dicemus legatum huiusmodi valere, *heres meus si in cœlum non ascenderit, vel si hominem mortuum non stiterit 100. dato,* ubi scilicet legatum incipit a conditione sola.

Sed longe diuersum est, ubi stipulatio superioris pœnæ incipit a stipulatione præcedente rem impossibilem continente, hoc modo, *hominem mortuum stites, si non stiteris 100. dabis.* Nam hoc casu neque prior stipulatio valet, quia est impossibilis, neque sequens stipulatio pœnæ, quia & ipsa pœna impossibilis est. Estque ea species *d. l. si homo. de verb. sig.* qua ratione & legatum pœnæ eiusmodi hac constitutione improbat. Differentiæ ratio non est obscura, quia cum a principio stipulatur 100 si in cœlum non ascenderis, non potest dici hæc stipulatio ullam pœnam continere, ubi prius iussus non es, aut non promissisti in cœlum ascendere. Est enim pœna, cum adicitur aliquid coercendi promissoris causa, si id non fecerit, quod prius iussus erat: ubi prius iussus est, & nisi fecerit quod iussus est, adicitur ut præstet aliquid, tunc demum quod adicitur pœnam esse dixeris. Ceterum ubi iussus nullus testatoris præcesserit, ut id quod in conditione erat fieret, non dubitamus quin legatum valeat. Iussus impossibilem præcedere debere, ut pœna subiecta non valeat, euidenter probatur verbis huius constitutionis, *illic, nisi disp. §. præterea in vers. extremo.*

Accursius eidem parti opponit *§. impossibilis. Inst. de hered. instit. l. obtinuit. de cond. & demonstr. ubi traditur, conditionem † impossibilem legato adiectam pro non scripta haberi, & nihilominus legatum valere, in quo explicando valde sudat, quo nihil est ineptius. Hæc enim conditio, si heres in cœlum non ascenderit, vel, si heres hominem mortuum non stiterit, non modo possibilis est, sed etiam necessaria natura. Non enim tantum fieri potest, ut quis in cœlum non ascendant, sed & necesse est ita euenire, quamdiu hic versamur in hoc corpore. Non est ergo mirum si hic conditio ut non impossibilis retinetur. Cur autem retenta legatum vitiet diximus.*

Idem opponit *l. 12. si mihi §. tibi. §. 1. de legat.* ubi si quid testator impossibile iubeat, impossibili detractio nihilominus legatum valere. In hoc exemplo testator moriens testamento Romæ facto iussit heredem suum biduo postquam moreretur seruos dare quos habeat; placet seruos deberi, etiam si intra eas angustias præstare id non possit. Respondeo: Idem & in hoc legato fit, de quo hic agimus: nam cum testator iubet impossibile quid fieri, pro non scripto est. Quod ad pœnam huic præcepto subiectam attinet, non aliam ob causam eam improbari dicimus, quam quod & ipsa est impossibilis, ut docuimus.

AD TITVLVM XLII. COD.

De Fideicommissis.

S V M M A R I A.

- 1 Fideicommissi definitio.
- 2 Fideicommissum unde dictum.
- 3 Fideicommittere quid.
- 4 Fideicommissum quid differat a legato.
- 5 Prætor fideicommissarius Roma quis.

Fideicommissum † est id, de quo post mortem nostra † iteram præstando quis rogatus est. Intelligitur definitio hæc ex *pr. tit. de fideicom. her. Instit.* Fideicommissum † dictum, quoniam committebatur fidei vel heredis, vel legatarii, ut præstet. Rogando id fit, quod indicant verba fideicommissi, quæ referuntur in *§. ult. Instit. de sing. reb. & c. l. 2. in fr. com. de leg.* Vnde precariis verbis aliquid relinquere, est fideicommittere seu † relinquere per fideicommissum, & fideicommissaria voluntas dicta est precaria voluntas, *l. coherede. §. cum filia. circa med. de vulg. l. 2. in fr. com. de legat. l. cum proponebatur. de legat. 2.*

Differt † fideicommissum a legato verbis, differebat olim & iure. Differt verbis, quoniam legatum legis modo relinquitur, ut est in fragmentis *Vlpian. tit. de leg.* Legis modo relinqui dicitur, quia vel testator ipse dat, & se dare dicit, vel iubet heredem dare, vel iubet legatarium capere, & sibi habere, ut declarant species legatorum relatæ in *§. 1. de legat.* Hæc autem tria sunt propria legis; habere, vetare, permittere, *l. legis virtus. de legib.* Fideicommissum autem precariis verbis relinquitur, & ut loquitur *Vlpianus in fragm. tit. de fideicom.* relinquitur precatiuo modo. Hinc iuris differentia a principio nata est: nam legatum valuit, quoniam lex 12. tabularum iubebat ratas esse supremas voluntates testantium de legatis conceptas, his verbis, uti quisque legassit, & c. *l. verbis legis. de verb. sig.* Fideicommissum autem a principio nullam necessitatem iuris habuit, sed ut secundum verba committebatur fidei heredis, ita ex fide sola heredum pendebat, ut declaratur *Institui. de fideicom. her.*

In pr. Sed tandem & fideicommissa obtinere coeperunt, ut ibidem scriptum est, id tamen ita factum est, ut de his esset persecutio solum extraordinaria, *l. perunia verbum. §. actionis. de verb. sig.* Extraordinaria hæc persecutio dicta est, quia comparata est præter morem & ordinem in ceteris actionibus usitata. Nam in ceteris actionibus exercendis ita mos erat iurisdictionis seu prætorum in iudicando, ut prætores, etsi poterant ipsi cognoscere & iudicare, tamen cognoscere non solerent, sed iudicium & iudices dare litigantibus, qui iudices ex formula prætoris de re cognoscerent & iudicarent. Indicant edicta prætorum, quibus prætores pollicerentur, se actiones duros. Probat ea sententia, quæ est in *l. 3. de iurisdic.* cum iudicis dandi licentia dicitur esse iurisdictionis, ut is qui iurisdictione præditus est, pro iurisdictione sua possit iudicem dare, atque hic ordo in iudiciis exercendis & iuridicando usitatus erat.

Quod si prætor cognoscere cogebatur, hæc cognitio, quia erat præter ordinem usitata, ex re ipsa dicta est extraordinaria cognitio. Huius generis fuit cognitio de fideicommissis: nam prætor ipse de fideicommissis cognoscebat, non iudicem dabat. Eius rei causa proprius prætor Romæ creatus est, qui fideicommissarius dicebatur *l. 2. §. capta. de reg. iur.* Hoc est, quod legimus in fragmentis Vlpiani *de fideic.* fideicommissum non peti per formulam, id est, actiones vulgares & usitatas, sed huius rei cognitionem esse Romæ quidem consulum & prætoris, qui fideicommissarius dicitur: in provinciis autem præsidum provinciarum. Interim hac persecutione constituta effectum est, ut vim fideicommissa haberent non minus quam legata. Ex quo effectum illa nata sunt, ut fideicommissa dicerentur esse vice legatorum, seu nomine legati contineri, *l. fideicommissa 85. de legat. 3.* Hinc & illa formula, qua Scævola legauerat aliquid per fideicommissum, *l. uxorem 34. §. legauerat de legat. 3.* Quod ita dictum esse apparet, quasi legare idem sit generaliter, quod relinquere, cuius relictum sunt duæ species: una cum per legatum relinquatur: altera cum per fideicommissum.

Et res ita habebat, fideicommissa effectum pro legatis erant, sed nihilominus etiam hac persecutione constituta differentia manserunt inter legata & fideicommissa apud veteres. Differrebant autem legata & fideicommissa, & in actionibus, & in viribus utriusque relictum. In actionibus plus tributum erat legatis quam fideicommissis. Nam legata olim in variis actionibus consequi licebat, *l. cum filius. §. variis. de legat. 2.* nempe actione in personam ex testamento, & actione in rem, ubi res testatoris fuisset, & actione hypothecaria, ubi legatarius missus esset in possessionem bonorum legatorum seruandorum causa, de quibus dicitur ad *l. 1. infr. communia de legat.* Fideicommissa autem, quia præstabantur tantum de manu heredis seu legatarii, unde relinquebantur, *§. pen. de singul. reb. per fideicom. relict.* ideo intelligimus recta dominium in fideicommissarium non transiisse, sed peti debuisse ab herede ut transiret. Proinde una tantum actione in personam fuisse, non etiam in rem.

In viribus autem utriusque relictum differentia hæc erat, quod fideicommissa, quia non nascebantur ex utilitate & subtilitate legis, ideo plerumque benignius accipiebantur quam legata, *§. sed non usque, de legat.* Ex hoc fonte quinque differentia nata erant. I. Quod

legatum testamento solum relinqui poterat, non etiam codicillis, nisi codicilli ad testamentum pertinerent: Fideicommissum relinqui poterat & testamentis & codicillis. *§. prætor. de fideicom. heredit.* Differentia ex hoc nata est, quoniam ut legata constituta sunt lege 12. tabularum, ut conuenire putabatur, ut in legatis eiusdem iurisdictionis seruarietur; solemnitates autem fuit testamentis, non codicillis. Fideicommissa cum ex iure non essent, subtilitas iuris civilis in his negligebatur. II. Differentia est, quod legata a solo herede relinqui poterunt, non etiam a legatario: fideicommissum autem & ab herede relinqui potuit, & a legatario, nec non fideicommissario, *§. instit. in pr. de sing. reb. per. §. c.* Differentia hæc ex verbis legis 12. tabularum nata est, quæ potestatem facit legandi de suo: is autem legare videtur de suo, qui ab herede legat, quia heres intelligitur eadem persona cum defuncto, *Novell. de iur. a mor. præst. in med.* Quod autem legatariis relinquatur, id alieno relinqui certum est. Sed hæc ratio contempta est in fideicommissis, quia etiam si fideicommissum de alieno relinquatur, tamen æquum est, quatenus quisque a nobis accepit, eatenus eum nobis obligari.

III. Differentia erat, quod post mortem heredis legari non poterat, fideicommissum relinqui poterat, *§. post mortem. de legat.* Differentia nata est ex regula iuris civilis, quæ efficiebatur, actiones ab heredibus & contra heredes incipere non posse, *ut. ut actio. nes ab hered. b. 3.* Hæc regula ut iuris veteris erat ita in legatis ex iure nascentibus seruabatur, non ita in fideicommissis. IV. Differentia erat, quod legari non poterat ante heredis institutionem, quasi quæ esset caput & fundamentum testamenti, *§. ante heredis. instit. de legat.* At fideicommissum poterat, *ut ex eodem §. colligitur*, quia de legato tantum illic nominatim scriptum est, sed expresse relictum est in fragmentis Vlpiani, *tit. de fideicom.* V. & postrema differentia erat in lingua, ut auctor est Vlpianus *eod. tit.* Nam legata tantum Latine relinqui poterant, fideicommissa & Latina & Græca lingua. Iustinianus has omnes differentias edita constitutione sustulit, non tantum in actionibus, sed etiam in viribus legati & fideicommissi, *l. 2. infr. communia de legat.* Ea constitutione quod legatorum proprium erat, fideicommissis tribuitur, & quod fideicommissorum erat transiit ad legata. Legatorum proprium erat, plures actiones, Iustinianus effecit, ut totidem actionibus fideicommissum peti posset, de quo plenius titulus *infr. communia de legat.* Proprium fideicommissorum erat, ut multis modis fideicommissa valerent, quibus non valerent legata. Iustinianus constituit, ut quibus modis fideicommissum utiliter relinquatur, iisdem modis legatum datum valeat. Ita effectum est, ut legari possit codicillis & a legatario, & post mortem heredis, & ante heredis institutionem, & quacunque lingua, quoniam & his modis fideicommissum datum valet.

Postquam constitutionem in summa fere definimus, legata esse per omnia ex æquata fideicommissis, & fideicommissa legatis, idque ex eo, quod totidem verbis legimus in *l. 1. de legat. 1.* cuius hæc inscriptio est Vlpian. &c. Vnde valde laboratum est omnibus temporibus, quomodo ille locus conciliaretur, cum innumeris locis Pandectarum, in quibus utriusque generis differentiam mansisse apparet, & præcipue quomodo conciliaretur cum Iustiniani con-

stitutione, *d. l. i. inf. com. de legat.* in qua ille proficitur, differentias legatorum & fideicommissorum, non solum fuisse temporibus Vlpiani, sed etiam ad sua tempora mansisse, utpote qui eas hac constitutione sustulit, quæ omnia falsa sunt, si verum est, Vlpiani temporibus per omnia exæquata fuisse legata fideicommissis. Sed ne laboremus, meminisse oportet eius, quod Iustinianus scribit *l. 2. §. tantum. sup. de vet. iur. enucleando*: se potestatem fecisse Pandectarum compositoribus emendandi & mutandi, si quid superuacaneum vel alienum a suo tempore vel minus idoneum in veterum scriptis inuenissent, & mutata atque emendata etiam sub inscriptionibus veterum iuris auctorum in Pand. redigendi fecisse potestatem. Ex quo genere esse dubitare non debemus *d. l. i. de leg. 1.*

Nam cum Vlpianus, ut verisimile est, ex usu & iure suorum temporum scripsisset, legata maxima ex parte exæquata esse fideicommissis, Tribonianus, ea potestate a Iustiniano sibi facta, pro illis verbis, maxima ex parte, vel similibus, reposuit per omnia, ut in eo seruaret constitutioni iam editæ, vel quæ mox promulganda esset. Monendi tamen sumus, hactenus differentias Iustinianum sustulisse inter legata & fideicommissa, quatenus ad voluntatem testatoris conservandam natura id fieri potuit: sed ubi id non potest fieri, intelligendum est, etiam veterem differentiam mansisse, quod accidit libertatibus. Nam si seruo libertas directe data sit, deinde ab eo, cui per fideicommissum iam relicta erat, ut prior fiat libertus testatoris, posterior heredis, *§. ult. de sing. reb. per fid.* per rerum naturam fieri nequit, ut idem sit libertus heredis & testatoris. Quapropter & veterem differentiam manere in his libertatibus necesse est.

Ad L. i. Si probaueris.

Imp. Antoninus A.

Si probaueris Demetrium petiisse de matre heredem, ut tibi alimenta mensura & vestiarium annuum præsaret, eamque secutum voluntatem filius sui per multum temporis, id est, non minus in tali causa triennio, ea præsstitisse: ut in futurum quoque ea præsstentur, & si qua in præteritum præsstita non sunt, ut exsoluantur, impetrabis. P. P. 17. Kal. Sept. Duobus & Aspris Coss. 213.

S V M M A R I A.

- 1 Fideicommissum an ex imperfecto testamento & iniustus codicillis relinqui possit utiliter.
- 2 Sententia huius & seq. legis.
- 3 Prima huius legis sententia.
- 4 Altera huius legis sententia.
- 5 Tertia huius legis sententia.

Coniungenda est cum hac lege *l. 2.* Vtræque enim ad eandem definitionem iuris pertinet. Ius ita est: Fideicommissum ¶ ita ut legatum non relinqui, nisi iusto testamento, aut iustis codicillis. Ex imperfecto autem testamento & iniustis codicillis fideicommissum inutiliter relinquitur, ac proinde inutiliter relicto non debetur, *l. in epistola. inf. eod.* Interdum tamen, quod ita inutiliter relicto est, voluntate heredis confirmatur, ut non minus valeat, quam si utiliter esset relicto. Id contingit cum heres, a quo fideicommissum relicto est, sciens a se relicto, sponte sua agnoscit voluntatem & iudicium defuncti. Quæ ¶ sententia est harum legum, qui voluntatem defuncti agnoscit in fideicommissis, quam-

uis inutiliter relicto, fideicommissum confirmat, ut siue præstiterit, repetere non possit, *l. 2. b.* siue nondum quicquam præstiterit, nihilominus ad præstandum obligetur, quæ sententia expressa est in *l. non dubium. inf. sup. de testam.* Eadem sententia est *l. i. b.*

Voluntatem defuncti intelligitur agnoscere heres, aut aperte, cum se eam agnoscere proficitur, & legatum præstare velle, in quo an sola voluntas sufficiat, an vero cautio seu stipulatio necessaria sit, oportunitus dicitur *ad l. si veritas. inf. b.* Aut agnoscit legatum re ipsa præstando, & quidem in eo, quod præstat heres sua sponte, ita voluntatem agnoscit, ut quod præstitit, repetere non possit, *l. 2. b.*

Sed an in futurum quoque obligetur, ut fideicommissum præstet, ex eadem causa queritur, quæ quomodo locum habent in fideicommissis annuis, cum decem annua puta relicta sunt Titio, vel alimentorum vel alterius rei causa? Et placet eum, qui ex causa huius fideicommissi aliquandiu fideicommissum præstitit, se actu, non tantum ut non iure possit repetere quæ soluit, sed etiam in futurum obligare, ut fideicommissum deinceps præstet, non secus quam si utiliter esset relicto, si modo præstiterit fideicommissum non minus quam triennio. Quæ sententia est *l. i. hic.* Quæ, ut recte explicetur, animaduertendum est, hoc rescripto exprimi sententias tres, quæ separatim sunt discutiendæ.

Prima ¶ sententia est, fideicommissis inutiliter relicto, puta, vel imperfecto testamento, vel imperfectis codicillis, si heres sponte sapius id præstiterit, ex iudicio defuncti, non ideo in posterum obligatur, ut præstet, si nolit, nisi fideicommissum diu antea præstiterit, id est, in hoc casu non minus triennio. Hic opponitur *l. non dubium. sup. de testam.* ubi simpliciter definitur heredem, qui iudicium defuncti agnouit, hoc ipso quod agnouit, in posterum fideicommissis obligari non tantum, si fideicommissum aliquoties præstiterit, sed si non præstiterit. Multo ergo magis si aliquoties præstiterit, *ut h. in l.* Nam heres fideicommissum aliquoties præstiterat, & adicitur id eum fecisse secutum voluntatem defuncti. Respond. Quia fideicommissum aliquandiu præstiterit, non agnoscit voluntatem defuncti in futurum, nihil enim verat, nisi ut heres velit præstare id, quod præstat per id tempus, quo præstat, nolit autem id amplius in posterum præstare, aut certe nolit in posterum obligari.

Hoc loco opponitur *l. 2. seq.* ubi una præstatione fideicommissi dicitur heres agnoscens defuncti voluntatem, ideo agnoscit in his, quæ præstat, in his autem quæ non præstitit, non aliter agnoscere intelligitur, quam si triennio fideicommissum præstitit, ideo lex prima est de fideicommissis præstitis, secunda de fideicommissis præstandis. Qua ratione responsum est argumento Accursii, ex enumeratione partium sumto, quod est glossa. Ille argumentatur hoc rescriptum non posse consistere. Nam si utiliter fideicommissum relicto fuerit, statim debetur, siue quid præstiterit, siue non. Si inutiliter relicto est, & heres ignorans inutiliter relicto præstitit, dum in facto errat, non obligatur fideicommissario, quamuis per decennium præstiterit, quia errantis nulla voluntas, *l. cum testamento. sup. de iur. & fact. ignor.* Hoc amplius etiam quod præstitit potest repetere ut indebitum per errorem facti solutum, *l. error. §. ad l. Falcid.* Quod si heres sciens inutiliter relicto

spont-

sponte soluit, secutus defuncti voluntatem, hoc ipso quod agnoscit voluntatem fideicommissum confirmat, *ut probatur l. 2. h.* Respondeo: Priora duo certissima sunt, tertium distinctione est explicandum. Nam cum heres sciens fideicommissum annuum esse inutiliter relictum, soluit, agnoscit voluntatem in eo quod soluit, & ideo non repetit, *d. l. 2. h.* In his autem pensionibus, quas nondum soluit, non continuo agnoscit voluntatem defuncti, sed ita si per triennium fideicommissum annuum præstiterit.

4 Altera sententia † hic statuitur, si fideicommissum annuum quamvis inutiliter relictum heres secutus voluntatem defuncti, triennio præstiterit, non solum quæ soluit non repetet, sed & ut quæ nondum præstiterit, in posterum præstet, obligatur. Cur potius hoc casu, quam tunc cum per triennium non præstiterit? Quia ubi per triennium præstiterit, constantia & perseverantia præstationis declaravit, animum heredis fuisse velle declarare, *l. quod calore. de reg. iur.* Constantia igitur præstationis declarat agnitionem voluntatis defuncti.

Huic sententiæ opponitur *l. si servis. de pact. & l. creditor. sup. de usur.* Quibus in locis hæc sententia exprimitur: *Si quis pensionem annuam, aut usuras annuas vel menstruas pactus, facto inutiliter promiserit, quamvis facti fidem secutus, pluribus annis eam pensionem aut eas usuras præstiterit, tamen non eo magis obligari in posterum ut præstet, si nolit. Et in summa multorum annorum præstationem in re aliqua indebita non inducere rei prius indebita obligationem.* Respondeo: Nihil verius dicitur in uniuersum, quam præstationem multorum annorum non inducere obligationem rei prius indebitæ, quoniam certis & constitutis modis obligationes nascuntur & finiuntur, *l. obligat. ferè. vers. placet. de oblig. & actionib.* Inter hos non numeratur præstatio alicuius rei, quamvis sæpius repetita. Proinde ex ea obligatio non nascetur, idque verissimum est, non tantum inter viuos in his rebus, quæ inutili pacto debentur, sed & in fideicommissis, neque tamen hi loci inter se pugnant.

Qui sit igitur, ut qui ex inutili pacto sæpius eandem pensionem promissam præstiterit, in posterum non obligetur inuitus, fideicommissum autem inutiliter relictum obligetur, si per triennium totum præstiterit? Respondeo: Differentiæ ratio est, quia cum ex pacto inutili sæpe aliquid præstatur, non nascitur noua aliqua actio, ex qua præstatio inducatur. Nam effectum est, solam præstationem non esse in hoc numero earum causarum. Præter autem eam præstationem nihil inducitur, nisi agnitio prioris pacti, quod promissor se agnoscere ostendit hoc ipso, quod ex pacto soluit. Sed hæc agnitio pacti non magis est causa iusta inducendæ obligationis, quam præstatio atque adeo ipsum pactum, si promissor iterum pacto idem constitueret, id quod sola natura debetur, *l. i. §. debitum. de pecunia constituta.* Nunc autem qui hodie aliquid præstat, non ideo id in futurum promittere intelligitur, ita præter quæstionem nulla hic noua causa est, ex qua promissor in posterum obligetur. Proinde in totum nulla, quia nec præstatio ipsa causam inducendæ obligationis continet, ut supra dixi. At in fideicommissum inutiliter relictum, cum heres id sponte triennio præstiterit, in futurum obligatur, non quia id præstiterit, sed quia præstando voluntatem defuncti agnouit. Hæc autem agnitio satis est ad eum obligandum ex manifesta ratione æquitatis. Nam

heres prius a defuncto accipit & lucrum & honorem. Equum est igitur, ut quatenus accepit, eatenus voluntati defuncti obligetur, maxime si sponte est eam voluntatem secutus. Non obstat huic parti *l. quod bonis. vers. non idcirco. ff. ad l. Falcid.* ubi testator legat fideicommissum annuum, sed quia supra dodrantem legarat, totum fideicommissum non debebatur. Poterat enim heres ex lege Falcidia retinere quartam, veruntamen voluntatem defuncti secutus primo & secundo anno solidum legatum præstiterat: illic respondetur non ideo in futurum obligari, ut solidum præstet. Id ipsum hoc loco confirmatur, non enim dicimus, heredem primo & secundo anno fideicommissum præstantem in futurum obligari, sed ita demum, si non minus, quam triennio præstiterit.

Sed videri potest etiam in hac sententia falsum esse, quod dicitur, fideicommissum deberi, si solum triennio præstitum sit. Videntur enim exigi non minus, quam decem anni, ut quis ob præstationem plurium annorum in futurum obligetur, *ex l. cum in re, §. de usur.* ubi filius familias pecuniam mutuam acceperat sub certis usuris, si ea pecunia in rem patris versa sit.

Constat patrem de in rem verso obligari, etiam si filius nihil in peculio habeat, *l. i. de in rem verso.* Cum de hoc non constaret, pater eius pecuniæ usuras per decem annos creditori filii soluit. Mortuo patre conueniuntur heredes a creditore filii tanquam de pecunia in rem patris versa: negant heredes patris, pecuniam in rem eius versam. Creditores quia agunt & dicunt esse versam, id probare debent *l. 2. de probat.* Dicunt creditores id satis probari ex eo, quod pater tamdiu eius pecuniæ usuras soluerit. Rescriptum est, heredes patris de in rem verso teneri, quasi pecunia in rem patris versa esset, idque probari ex eo, quod tamdiu pater usuras præstitisset. Verisimile est enim, eum præstiturum non fuisse, nisi sortem ipsam debuisset. Interim ut conueniri pater possit de in rem verso aut patris heredes, exigitur, ut usuræ sint præstitæ, non per triennium, sed non minus, quam per 10. annos.

Respondeo: Non constabat in hac lege, pecuniam in rem patris versam non esse, & ideo non constabat a patre non deberi: quod si constitisset, & id faterentur creditores, nunquam præstatione diuturna usurarum patrem aut eius heredes obligasset, non magis quam obligat debitores, *in l. si certis. supra. de pact. & l. creditor. sup. de usur.* ubi creditor, qui pecuniam annuam petebat, fatabatur initio fuisse indebitam, sed contendebat deberi coepisse ab eo, quod tamdiu soluisset, & ideo illic negatur, qui præstiterit, propter præstationem obligari. At in *l. cum de in rem verso*, creditores dicebant pecuniam in rem patris versam, & ita a patre debitam, & de eo erat controversia.

Dicitur autem probari, versum esse in rem patris ideo, quia pater eius pecuniæ usuras diu præstitisset: ex quo intelligimus, nunquam præstationem diuturnam inducere obligationem rei, quam constat indebitam fuisse: si de eo dubitatur, an debita fuerit, tunc præstationem plurium annorum continere pecuniæ debitæ probationem. Id ad speciem hæc pertinet, ubi constabat fideicommissum inutiliter relictum, & non quærebatur huius rei probatio, sed quærebatur an propter præstationem plurium annorum in futurum heres obligaretur ad hoc præstandum?

Ad hoc dicimus sufficere triennii præstationem. Ceterum si quæretur an hoc fideicommissum esset a defuncto relictum, & id præstitisset heres per aliquot annos: deinde negaret a se nullum fideicommissum relictum esse: diceremus ad hoc probandum non sufficere, quod per triennium præstitisset ex fideicommissi causa, sed exigendam diuturnam præstationem, id est, 10. annorum, *argumento l. cum de in rem verso. de usur.*

5 Tertia ¶ sententia huius legis pertinet ad petitionem fideicommissi & earum rerum, quæ in posterum peti possunt. Sicut autem rescripto expressum est: *Postquam heres fideicommissum inutiliter relictum triennio sponte præstitisset, fideicommissarium impetraturum, ut non tantum præterita annua vel menstrua exsoluantur, sed ut in futurum ea quoque præstentur.* Exempli causa: Heres hoc fideicommissum triennio præstitit, deinde duobus annis cessavit nihil petente fideicommissario; post eos duos annos agit & fideicommissum petit. Itaque non tantum pensiones duorum præteritorum annorum consequetur, quæ adhuc solutæ non sunt, sed etiam consequetur, ut in futurum quoque sequentium annorum pensiones præstentur. Huic parti oppono *l. non quemadmodum. de iudiciis.* ubi regula iuris certissimi traditur, iudicium non posse esse in pendente, id est, de his rebus, quæ nondum debentur, & postea futura sunt. Ex quo efficitur, in fideicommissio annuo de pensionibus annuis sequentium annorum agi non posse, quia hæc nondum debeantur. Omnes interpretes fatentur, locum esse contrarium, sed speciale in huius esse legis specie, ubi de pensione agitur, quæ iam debebatur, & propter præteritas agitur de futuris: atqui id fieri dicunt favore alimentorum. Sed hæc sententia dici non potest, utrum magis falsa sit an inepta. Nam cum annum aliquid legatur aut fideicommittitur, in hoc legato plura sunt legata: primum anni purum legatum, sequentium annorum conditionale. Inest enim hæc conditio, si legatarius aut fideicommissarius initio cuiusque anni viuat, *l. 4. de annuis legat. l. nec semel. quand. dies leg. ced.* Proinde ubi nondum sequentes anni venerunt, eorum annorum pensiones non debentur, & ut in *d. l. nec semel.* eorum legatorum dies non cessit: quod si non cessit, eorum annorum legata non peti possunt, *l. cedere diem. de verb. sign.* Secundum quam sententiam vere dicitur ex *l. non quemadmodum.* de sequentium annorum pensionibus iudicium esse non posse. Ineptum est autem, quod putant id esse huic legi contrarium, ubi nullo modo id legatur. Cum enim dicitur, fideicommissarium impetraturum, ut in futurum quoque legata præstentur, sic accipiendum est, ut impetret suo tempore, non præmature, id est, ut impetret, cum sequentium pensionum dies cesserit. Et merito: quia agnitio legati, quo heres legatum præstando voluntatem defuncti agnovit, non mutavit qualitatem fideicommissi: sed tantum fideicommissarium confirmavit, ut post triennii præstationem non minus obligetur heres quam si fideicommissum vtiliter esset relictum. At si vtiliter esset relictum, non possent peti sequentium annorum pensiones, priusquam dies venisset, *dict. l. nec semel. quando dies legat. ced.* Ergo nec tum peti poterunt, ubi heres fideicommissum tantum agnovit. Absurdum enim est plus tribui inutili fideicommissio, quam vtili; plus tribui voluntati heredis, quam vtili voluntati defuncti.

Ad L. 2. Euf.

Idem A. Eupatrio.

Est inutiliter fideicommissum relictum sit: tamen si heredes, comperta voluntate defuncti, prædita ex causa fideicommissi antea præstiterunt: frustra ab heredibus eius de ea re questio tibi movetur, cum non ex ea sola scriptura, sed ex consensu relictæ fideicommissi defuncti voluntati satisfactum esse videatur. PP. 6. Kal. Aug. Lato II. & Cereale Coss. 216.

Hæc lex exposta est ad *l. 1. §.*

Ad L. 3. Cum secundum.

Idem A. Rufino.

Cum secundum voluntatem defunctæ Chrysidem puellulam ab heredibus manumissam, eamque priusquam ei restitueretur hereditas intestato vita sancta proponas: ad manumissores eius successio pertinet. Quis si adierint eius hereditatem: confusis actionibus, fideicommissio sunt liberati. PP. 7. Idib. Decemb. Lato II. & Cereale Coss. 216.

S V M M A R I V M.

1. Summa huius rescripti.

T Estatrix ¶ duos heredes instituit, eosque rogavit, ut Chrysidem ancillam quæ forte heredum erat, manumitterent, manumissæ hereditatem restituerent. Testatrice mortua puellam heredes manumiserunt, sed nomina in fideicommissio fecerunt. Itaque priusquam ei restitueretur hereditas, puella decessit intestata, quia testamentum facere non potuit, & sine liberis quia puella erat: ita factum est, ut ei heredes sint ex lege duodecim tabularum, iidem illi heredes a quibus manumissa erat, ut defunctæ patroni, *§. sed nostra. versicul. sin autem. de successione. l. ber.* Cum heredes superscripti non tantum ex fideicommissio obligentur Chrysidi, sed etiam id restituere debeant Chrysidis heredibus: ipsi autem Chrysidis heredes sint: questum est de fideicommissi obligatione, & an adhuc ea obligatione teneantur? Rescriptum est, eos confusis actionibus liberatos esse fideicommissio.

Hoc videtur falsum esse: nam quoties debitor succedit creditori, ut hic debitores Chrysidis ex causa fideicommissi successerunt creditrici suæ, non confunditur obligatio, nisi pro ea parte, ex qua defuncto heredes successerunt, *l. penultim. supr. de hered. act. l. si uxor. infr. de bon. auctoris. iudic.* Proinde in proposito cum duo heredes ex æquis partibus Chrysidi successerunt, non confunditur actio fideicommissaria in singulis heredibus, nisi pro dimidia parte. & ita singuli portionis suæ dimidium debent, nisi aliquo casu pro ea dimidia portione fideicommissi liberantur. Ceterum alterum dimidium suæ portionis debent coheredi: hoc enim illi restituere debent: neque eatenus fideicommissio liberantur. Neque hoc dicimus sine manifesta utilitate, quæ in hac specie subiecta apparebit. Finge duos heredes esse institutos, primum & secundum: primum ex octo vnciis, secundum ex quatuor: eosdem existisse Chrysidi heredes ex æquis partibus, nepe ex semissibus. Fideicommissi divisione ita res transigetur, primum ex octo vnciis, quas est iussus restituere heredibus Chrysidis, retinebit quatuor tantum heres pro dimidia parte, alteras quatuor restituet secundo, secundus ex his quatuor, quas est iussus restituere, retinebit duas ut heres ex parte dimidia: reliquas duas restituet primo, & ita fiet ut pri-

primus, qui institutus erat ex octo vnciis, nihil habeat ex diuisione fideicommissi, nisi sex vncias: secundus autem habeat tantundem, qui institutus tandem erat ex quatuor. Huic rescripto hodie etiam locus erit, si heredes rogati erunt restituere hereditatem libero homini, puta cognato, ac deinde cognatus ante restitutionem fideicommissi decesserit, cui postea iidem heredes successerunt ab intestato. Nam hoc casu succedunt heredes ab intestato ex æquis partibus.

Quod si fingamus in specie proposita hic primum & secundum heredes institutos successisse Chrysidem ex inæqualibus partibus, diuisione fideicommissi inter eos ita fiet, ut si primus successisset pro dodrante, secundus pro quadrante, primus ex tribus partibus, in quas eius portio diuidetur, duas retinere debeat, & vnam restituere, secundus ex tribus partibus, in quas eius portio diuidetur, duas restituere debeat, vnam retinere. Sic autem eueniet in specie proposita, ut primus & secundus pro his partibus succedant Chrysidem libertæ suæ, si fingas Chrysidem fuisse ancillam testatoris, & primum institutum fuisse ex dodrante, secundum ex quadrante. Nam ex portionibus hereditariis intelliguntur manumissæ Chrysidem succedere, ut primus sit patronus pro dodrante, secundus pro quadrante, pro quo iure patronatus constituto consequens est, ut ab intestato Chrysidem succedat pro iisdem partibus, pro qua sententia facit §. si aliud. pro socio.

Ad L. 4. Voluntas.

Imp. Alexander A. Victorino.

Voluntas patris prohibentis liberos fundos extra familiam vendere, vel pignori dare, fratrem sorori donare prohibuisse non videtur. PP. 5. Kal. Iul. Maximo II. & Eliano Coss. 224.

S V M M A R I A.

1 Testatore simpliciter vetante, ne heres fundum alienet, præceptum nullius est momenti, & heres impune fundum alienat.

2 Prohibitus fundum vendere extra familiam, an videatur fecisse contra voluntatem defuncti, si sorori eum donauit?

Quid si alii donauit? quid si extraneo?

1 C Vm testator ꝑ̄ vetat, ne heres fundum alienet, si simpliciter veter, præceptum nullius momenti est, tanquam nudum, itaque impune heres fundum alienet, l. filiusfam. §. diui. de legat. 1. Tum præcipitur hoc vtiliter, vel cum testator vetat alienari, ut in familia maneat, aut vetat alienare extra familiam, & ob hoc hic proponitur testator prohibuisse fundum vendi extra familiam. Hoc adiecto, quæ sit alienationis pœna, si forte heres contra voluntatem defuncti fecerit, dicitur in l. quoties. Hinc quæsitum est, an ꝑ̄ qui prohibitus est fundum vendere extra familiam, videatur fecisse contra voluntatem defuncti, si sorori fundum donauit? Scriptum est hic non fecisse Quid si alii heres donauit quam sorori? Respond. Etiam alii donare potuit quam sorori, si modo ei donauit qui sit ex familia. Nam solum extra familiam prohibitus fuit alienare. Familiæ verbo in hoc genere legati quid contineatur, cautum est l. ult. de verb. signif.

Quid ergo si heres extra familiam vendere prohibitus, donet extraneo? Mouet dubitationem, quod vendere tantum prohibitus est: aliud autem est donare, aliud vendere, ut proinde non videatur prohibitus donare. Respondeo: Ex hoc loco satis colligi-

tur, si alii quam sorori aut ei qui sit æque in familia, ut soror, donarit, contra præceptum testatoris videri factum, alioqui frustra hic de sorore esset comprehensum, quod verum est. Nam qui prohibet quod minus est, multo magis id quod maius est prohibere intelligitur. Tolerabilius autem est vendere extra familiam, quam donare, quia qui vendit habet pretium, quod saltem in familia maneat, qui autem donat, & pretium & rem amittit, quia gratis donat. Proinde qui vendere prohibitus est extra familiam, ex sententia testatoris multo magis donare prohibitus intelligitur. Sed & voluntas huius testatoris manifesta est. Idcirco enim fundum vendi vetat extra familiam, ut fundus maneret in familia. At multo minus manet in familia donatus, quam venditus, ob eam causam quam supra dixi, quia fundo donato ne pretium quidem retinetur in familia. In summa qui vendere extra familiam prohibitus est, ex sententia testatoris quouis modo alienare prohibitus est extra familiam.

Ad L. 5. Si frater.

Idem A. Regina.

Si frater tuus postquam heres existit pubes iam factus, sine liberis decessit: ex pupillari substitutione tibi hereditas eius delata non est. Sed si verbis fideicommissi aliqua parte testamenti confirmata est: fideicommissum ab heredibus petere non prohiberis. PP. 15. Kal. Feb. Iuliano II. & Crispino Coss. 225.

S V M M A R I V M.

1 Primo & secundo heredibus institutis, defuncto secundo an eius hereditas ad primum pertineat ex substitutione.

P Ater duobus filiis, primo & secundo, heredibus institutis, secundo primum substituit quandoque moreretur. Secundus pubes factus sine liberis decessit. Quæritur, an ꝑ̄ eius hereditas ad primum pertineat ex substitutione? Respondeo: Distinguendum est: nam si primus secundo substitutus est directe, hereditas secundi ex substitutione primo non deferretur, ac nec potest. Exempli causa, pater ita substituit, si heres erit & quandoque decesserit, frater eius primus heres esto. Ex hac substitutione non potest secundi hereditas primo deferri. Non deferretur enim ex substitutione pupillari, quia secundus proponitur decessisse pubes. Substitutio autem pupillaris pubertate evanescit, l. in pupillari. ff. de vulg. Non deferretur ex substitutione, quæ post annum 14. facta sit, quoniam post eam ætatem substitutio directa frustra fit, l. verbi. l. in pupil. de vulg. Proinde recte respondetur, in totum ex substitutione directa, hereditatem secundi, primo deberi non posse. Quod tamen sic est interpretandum, ut non possit deferri tanquam ex substitutione. Ceterum ex causa fideicommissi ad eum pertinebit, tanquam tacito fideicommissio in hac substitutione comprehenso, arg. l. 2. §. 2. ff. de iur. codicil. de quo dixi ad l. 2. §. de codicil.

Quod si pater verbis precariis seu fideicommissariis petat a secundo, ut post mortem suam restituat portionem suam fratri suo; hoc casu substitutio fideicommissaria valebit, §. ult. de pupil. l. cohered. §. cum filia. de vulg. Cuius substitutionis effectus hic est, qui declaratur in hoc rescripto, ut hereditas secundi iure pertineat ad omnes alios heredes eius legitimos, sed ita, ut hi ex fideicommissio obligentur primo, ut hereditatem restituant; quod facient deducta quarta

ex Senatufconsulto, §. *sed quia hered. de fideicom.* Veruntamen ita fideicommissum debetur primo, si secundus pubes factus sine liberis decesserit: non si decesserit susceptis liberis & exstantibus, sed si succedunt excluso substituto, ex l. *cum acutissimi. infr. hoc tit.* Et hæc causa est, cur in principio huius rescripti proponatur frater secundus decessisse pubes & sine liberis. Nam alioqui quod ad directam substitutionem attinet, nihil refert, vtrum secundus frater sine liberis decesserit, an susceptis liberis, ad hoc vt primus frater eius ex substitutione pupillari non admittatur.

Ad L. 6. Prædia.

Idem A. Nilio.

Prædia obligata per legatum vel fideicommissum relicta, heres luere debet: maxime cum testator conditionem eorum non ignorauit. aut, si scisset, legaturus tibi aliud, quod non minus esset, fuisset. si vero a creditore distracta sunt: pretium heres exsoluere cogitur, nisi contraria defuncti voluntas ab herede ostendatur. PP. 16. Kal. Mart. Iuliano II. & Crispino Coss. 225.

S V M M A R I A.

- 1 Luere pignus quid.
- 2 Res aliena legata, si testator sciuit pignori obligatam, ab herede luenda est: & quando quibusue casibus. *ibid. & nu. 3.*

Cum testator legat rem, quæ pignori obligata est, non talis est præstanda, qualis est, sed interdum heredes pignus luere debent. Est tamen autem luere, pretium creditoribus exsoluere, & liberare nexu pignoris, *tit. de luit. pig. j.* Quod ita dictum est, quasi dicat pignori eluere & delere, vt amplius ea obligatio, & tanquam macula in re non maneat. In hac re autem est eadem distinctio quæ seruatur, cum res penitus aliena est legata. Si testator sciuit pignori obligatam, ab herede luenda est, l. *si ignorauit. §. sed et si rem, de legat. l. si es obligat. de legat. i.* sed ita denuo cum testator ignorauit rem pignori obligatam, res, a fideicommissario luenda est, nisi alteruter ex his duobus casibus contigerit. Vnus est expressus hoc rescripto, si testator rem alienam testatus fuerit, aut legaturus tantundem, si rem pignori obligatam esse sciuit. Quando autem existimetur testator id facturum fuisse, dictum, *ad l. cum alienam. §. de legat.* Alter casus est adiectus in d. l. *sed si res oblig. de leg. i.* Est autem hic, vt fideicommissarii rem pignori obligatam luere non debeant, si aliquid superfuturum est, excluso ære alieno, verbigratia: Fundus aliquis 200. legatus aut fideicommissus est. Is fundus pignori obligatus erat creditori, cui 300. debebam. Dicemus legatarium seu fideicommissarium, vsque ad 200. debere luere fundum, sed illa 200. non præstabit, verum heres, vt ita pignore liberato fideicommissarius fundum consequatur, & ita, vbi aliquid superfuturum est, quod debeat ur creditori, cum exsolutum erit æs alienum, tantum, quantum fundus valebat pro superflua quantitate fideicommissarius non luet, quia vltra quam fundus valet fideicommissarius præstare nihil cogitur, l. *contractib. ult. de legat. i.* Ceterum ad eam quantitatem, qua fundus æstimatur, præstare debet, l. *Titius. de leg. 2.* Ex his intelligi potest, cur hic scriptum sit, heredem luere debere pignus maxime in his casibus, qui hic expressi sunt. Hoc verbo maxime significatur, heredem & in aliis casibus luere debere.

Id verum esse ex his casibus, quos complexi sumus, intelligitur. Quibus tamen autem casibus luendi pignoris onus ad heredem pertineat, id vt faciat, heres confectur legatarius actione in personam ex testamento, non etiam actione in rem, *vt dictum l. 3. §. de legat.* Sed & illud intelligendum est, tunc solum heredem posse pignus luere, id est, pecunia soluta pignus recipere, cum pignus nondum a creditore legitime est distractum. Nam vbi distractum est, amplius possessio a possessore reuocari non potest, vt dominio pignoris in eum iure translato, l. *ult. si vend. pig. l. non est nouum. de acquir. rerum dom.* Proinde hoc casu id superest, quod dicitur in extremo huius rescripti, vt heres rem a creditore distractam aut redimat a creditore, aut si non redimat, æstimationem exsoluat, vt fit in rebus alienis legatis, §. *non solum. de legat.*

Ad L. 7. Voluntatis.

Idem A. Septimo.

Voluntatis defuncti questio in æstimatione iudicis est. PP. 15. Kal. Mart. Fusco II. & Dextro Coss. 226.

S V M M A R I A.

- 1 Voluntatis questionem quando sit locus.
- 2 Vbi nihil scriptum aut nuncupatum est, nihil debetur, etiam si de præstando testator senserit.
- 3 De voluntatis questione ex iuris ratione responderi nequit.

Voluntatis tamen quando est questio, qua queritur, quid testator voluerit, senserit, huic questionem non est locus, vbi testamento aut codicillis nihil scriptum a testatore, aut nuncupatum est. Nam tamen vbi nihil scriptum aut nuncupatum est, nihil debetur, etiam si de præstando testator senserit, vt proinde sit superuacua hoc casu voluntatis questio, l. *quoties 9. de heredib. instit.* Sed tunc ei locus est, cum testator aliquid scripsit aut dixit, sed verba obscura sunt aut ambigua, aut ea quibus aliquid desit, vt proinde ex hiis queratur, quid senserit testator, veluti si Menio 100. nummos legauerit & queratur, de quibus nummis senserit. Huiusmodi voluntatis questio est in cognitione & æstimatione iudicis, vt hic traditur, id est, questio iudici cognoscenda & iudicanda committitur, non autem Principi aut prudenti alicui. Cuius sententiæ hæc est ratio, quia voluntatis questio diiudicatur ex circumstantiis, quæ sunt in facto positæ. Nam vt maneamus in exemplo nummorum legatorum, cum 100. nummi Titio legati sunt, & queritur, quos nummos testator intellexerit, præcipitur id æstimandum esse ex consuetudine loquendi testatoris, aut ex more regionis, vbi res geritur, aut ex his, quæ in testamento antecedunt vel sequuntur, l. *si seruus plurimum. §. ult. de legat. l. l. nummis. de legat. 3.*

Hæc omnia, quomodo loqui sit solitus testator, quid frequenter in ea regione, quid in testamento ante vel post scriptum sit, hæc, inquam, omnia facti sunt, quæ nulla de finitione iuris, aut prudentia Iurifconsulti explicari possunt, sed cognoscuntur probationibus testium & instrumentorum. Causa autem omnis facti est in cognitione & æstimatione iudicis, id est, iudici examinanda & iudicanda committitur, *vt in l. mea. ff. de vstr. scriptum est*, vbi initio dicitur, an mora facta sit, iudicem examinare debere. Et ratio hic sufficit, quia hæc sit questio, & adicitur ideo nulla de finitione iuris, nulla prudentia Iuriconsulti vel Principis auctoritate decidi possunt. Idem de definitione

done, facti significatur a Scæuola, *l. si ita quis, §. Scia, in fin. de usur.* ubi ita scriptum est. Responderetur agi posse, si debitor non multo post obtulisset, & nihil actoris interesset, quod omne ad iudicis cognitionem remittendum est. Recte, quoniam an debitor obtulerit pecuniam, & an inter sit actoris nec ne, in facto, non in iure consistit, *l. quatenus, de reg. iur.*

Hoc est igitur, quod Imperator scripsit hoc loco, cum consuleretur de voluntatis testatoris † quæstione, rescripsit se de ea quæstione consuli non debuisse, quia nō possit de eo ex ratione iuris respondere. Rem enim facti esse: facti autem cognitionem iudicis esse, non Iureconsulti aut Principis. Idque est, quod dicitur in *l. cum, qui temere, §. ult. de iudic.* Iudicibus de iure consulentibus, præfides prouinciarum respondere solere, de facto autem consulentibus respondere non debere, quia res ex cognitione & religione iudicis pendeat.

Ad L. 8. Qui fideicommiss.

Idem Masculo.

Qui fideicommissariam libertatem meruit, legata seu fideicommissa a defuncto sibi data suo iure persequitur. PP. XV. Cal. Jun. Fusco II. & Dextro Coss. 226.

S Y M M A R I A.

1 Fideicommissum aut legatum, an relinqui possit ei seruo, qui eodem testamento manumissus est, per fideicommissum, seu quem heres est rogatus manumittere.

Regula iuris est, heredi a se ipso legari aut fideicommitti non posse, *l. legatum, §. 1. de leg. 1.* Item hæc regula nota est, seruo proprio, aut seruo heredis sine libertate legari non posse, *l. plane ubi, §. si coniunctim, l. si minor, de legat. 1.* Nempe quia hoc modo heredia se ipso relinqueretur. Nam ab ipso legatū præstandum esse certum est, sed & ei legatū per seruum acquiri constat. Quod si libertate seruo data, seruo aliquid relinquitur, siquidem ei pure libertas data est, & libertas & legatum valet, quia hoc modo non seruo legatur, sed liberto, *leg. quæsitum, §. 1. de legat. 1.* Sed si libertas ei datur sub conditione, quæ existere non potest, nisi per aditam hereditatem, frustra ei legatum aut fideicommissum relinquitur, *l. quæsitum.* Et ratio est ex eadem regula superiori, quia cum hic legatum seruo datum, primum sit, eius legari dies statim cedit a morte testatoris, *l. unica, §. in nominisim. infr. de cad. toll.* At libertas sub conditione data, non existit, nisi a dita hereditate ita sit, ut adita hereditate, reperiatur aliquod tempus intermediū, quo tempore hic seruus sit heredis seruus, ut sic verū sit, seruo heredis legatum datum esse, atque ita heredia se ipso legatum esse.

Hinc quæsitum est, † an fideicommissum aut legatum relinqui possit ei seruo, qui eodem testamento manumissus est per fideicommissum, seu quem heres est rogatus manumittere? Dubitationis causa hæc est, quia qui per fideicommissum manumittitur, videtur sub conditione manumitti, quæ non existit, nisi post aditam hereditatem, nam manumittitur si heres eum manumittat. Libertatē enim ab herede accipit, *§. ultim. Instu. de sing. reb. per fideicom.* Porro heres non potest manumittere, nisi adita hereditate si seruum testatoris fuisse proponat. Sed placuit eum, qui fideicommissam hereditatem pure accepisset, vtiliter legari & vtiliter fideicommitti, ut manumissori legati & fideicommissi conditio com-

petat, ut hic traditur & pluribus, in *l. si quis seruo, de legat. 2.* Non obstat, quod dicitur in fideicommissaria libertate conditionem inesse. Nam conditio iuris est, quæ sua sponte inest, non a testamento. Adicitur: Conditiones huiusmodi nō reddunt supremam voluntatem conditionalem, *l. conditionales, quæ extrinsecus, de cond. & demonstr.* Et ideo tamen nō competit iure libertas nisi ei, qui manumissus est ab herede, tamen fideicommissi dies statim cedit, non minus quam legati seruo relictī. Ita simpliciter verum est, eo tempore legatum & fideicommissum relinqui manumisso, non seruo, etiam si heres manumittat statim, tamen pro manumisso seruus habendus est, in quo manumittendo heres moram fecit. Hæc est sententia, *l. si quis seruum.*

Ad L. 9. Ab eo.

Imp. Gordianus A. Paulinæ.

Ab eo qui neque legatum, neque fideicommissum, neque hereditatem vel mortis causa donationem accepit, nihil per fideicommissum relinqui potest. PP. XVII. Cal. Octob. Pro & Pontiano Coss. 239.

S Y M M A R I A.

- 1 Duæ huius legis sententiæ.
- 2 A quibus fideicommissum aut legatum relinqui possit, a quibus non.
- 3 Descriptio huius rescripti multis modis falsa est.

Duæ sententiæ hic statuuntur verbis contrariæ, de his a quibus fideicommissum aut legatum relinqui possit aut non. Sunt † autem hæ: cui testator nihil morte dedit, ab eo nihil relinquere potest, cui autem dedit, ab omni eo vtiliter relinquit. Prior expressa est *leg. 1. §. ultim. de legat. 3.* Posterior hoc ex loco intelligitur. Sed datum hic plenius accipiendum est, non tantum quod testamentum pleno & aperto in aliquem contulit, sed & quod morte defuncti ad eum peruenit, dum ei a defuncto non admittitur, & ideo plenior descriptio huius rei est concipienda, ut concepta est *leg. 1. §. sciendum, de legat. 3.* Ab omnibus † fideicommissum relinqui potest, ad quos morte defuncti aliquid peruenit, dum vel ei datur, vel quod a defuncto accipi poterat non admittitur. Ergo sunt duo genera eorum, a quibus fideicommissum relinqui poterat. Primum eorum, quibus ita defunctus quid dedit, ut ad eos morte defuncti seu suprema voluntate defuncti perueniret. In hoc numero sunt heredes a defuncto instituti, vel substituti legatarii, fideicommissarii, debitor defuncti, a quo defunctus fideicommissum reliquit. Item hi qui legatorum vicem obtinent.

Ab heredibus institutis aut substitutis legari possibile est, ut quibus a testatore detur hereditas. At a legatario & fideicommissario fideicommissum quoque relinqui posse constat, *Instu. de sing. reb. per fideicom. in pr.* Idque ob eandem causam, quia his legatum aut fideicommissum datur, & a debitore defuncti fideicommissum relinqui potest, quatenus debet, *l. si pec. de legat. 1.* quoniam cum defunctus a debitore fideicommissum relinquit, prius ei liberationem legare intelligitur *dict. leg. si pec.* Legatorum loco sunt hi, quibus mortis causa donauit defunctus, his enim in donatione causa mortis, viuis viuenti donat, *l. inter. de donat. caus. mort.* Sed tamen ita donat, ut donatio non nisi morte confirmetur, non magis quam legatum, quia tamdiu donator donationem reuocare potest, *l. non videtur, l. donatus,*

§. donatio. de mortis causa donatio. Inde dictum, donationes mortis causa, legatis comparari, *l. illud, de mort. caus. donatio.* Ob hanc causam etiam ab eo, cui mortis causa donatum est, fideicommissum relinqui potest, ut a legatariis, *leg. cum pater, §. 1. de leg. 2.* In eodem numero sunt donationes inter virum & uxorem: nam hæc non reuocata morte donantis, confirmantur, ut donationes mortis causa, *l. cum hic status, de donat. causa mortis, l. ult. supr. eodem tit.* Ob id etiam placuit vnum ex coniugibus, qui alteri coniungi donauit, fideicommissum, ab eo, cui donauit relinqui posse, *l. in donationibus, infr. ad legem Falcidiam, dict. leg. cum hic status, §. 1. in fin. de donat. inter vir. & uxorem.*

Alterum genus eorum a quibus fideicommissum relinqui potest ex superiori definitione, est eorum, quibus testator reuera nihil dedit iudicio suo, sed solum videtur dedisse, quia non ademit, quod poterat adimere. In hoc numero sunt heredes legitimi defuncti: heredes legitimi impuberis, qui est indefuncti potestate. Item hi qui mortis causa capiunt ex testamento defuncti. Postremo hi, ad quos legata aut hereditatis aliis data emolumentum pertinet. Primo, ab omnibus, ad quos defuncti hereditas, aut bonorum possessio peruertitur est, fideicommissum relinqui potest, *l. 3. §. sciendum, de legat. 3. l. si fundum, §. ult. de leg. 1.* Et tamen defunctus hereditatem hic non dat, nam hereditas a lege datur, vnde & legitima hereditas appellatur, *l. lege obuenire, de verb. signific.* Sed testator his hereditatem adimere potuit, alios heredes instituendo. Proinde, si alios non instituit, hoc ipso videtur legitimis heredibus hereditatem dedisse, quia non ademit *dict. l. 3. §. sciendum, de legat. 3.* Eadem ratione pater impuberis quem in potestate habet, fideicommissum relinqui potest ab heredibus legitimis impuberis, quia fuit in potestate patris alios heredes filio substituendo, legitimis eius heredibus hereditatem adimere, *l. si fundum per fideicom. §. ult. de legat. 1.* Ab his etiam, qui mortis causa capiunt ex testamento, fideicommissum relinqui potest. Verbi gratia: Stychnus liber esse iussus est, si i. Titio daret. Hæc i. o. a Titio fideicommissi possunt, *l. quidam, de leg. 1.* Et tamen hæc i. o. non dantur Titio a defuncto, quoniam hæc i. o. Titius ex testamento petere non potest, *leg. si quis sub conditio. D. si quis manumiss. caus. testamen.* Sed tamen mortis defuncti causa capiuntur, ideo defunctus videtur quodammodo ea dedisse, quia conditionem detrahendo, aut manumissionem reuocando potuit perficere ne illa i. o. ad Titium peruenirent, vnde dicuntur mortis defuncti causa capi, quia capiuntur per accessionem mortis eius, *leg. mortis causa cap. de mortis causa donatio.*

Hi ad quos hereditatis aut legati aliis relictæ emolumentum pertinet, sunt legatarii, dominus aut pater, aut heres. Nam cum seruo legatum est per se ipsum domino acquiritur: cum legatum filiofamilias, per filium patri acquiritur, *§. 1. & 2. per quas personas, leg. placet, de acquir. hered.* Sed & quod legatario quaesitum est, id eo mortuo ad heredem eius pertinet. Proinde si quid seruo legatum sit, aut filiofamilias, placuit a domino & patre fideicommissum relinqui posse, *l. cum filius familias 11. de leg. 1.* Placuit item ab herede heredis aut legatarii non minus fideicommissum relinqui posse, *l. 5. §. ult. de leg. 3.* Atqui testator iudicio suo neque domino, neque patri, ne-

que heredi legatarii quicquam debet, *leg. qui liberis, §. ultim. de vulg.* Argumentatio est verissima, quia si filius aut seruus viuo testatore decedat, patri aut domino nihil debetur. Si legatarius decedat viuo testatore, legatum ad heredes legatarii non pertinet, sed adeo defunctus seruo aut filiofamilias legando videtur dedisse patri aut domino, hoc ipso, quod legatum seruo vel filiofamilias viuis non ademit: eademque heredis & legatarii ratio est.

His cognitis, multis modis definitio huius re scripti falsa esse videtur. Nam I. falsum esse dixeris in debitore defuncti, a quo defunctus fideicommissum relinquit, cum ei prius nihil aperte dederit. Sed supra responsum est. Nam hoc ipso, quod fideicommissum relictum dicitur, prius liberatio ei relinqui intelligitur. II. Videri potest esse falsa in donationibus inter virum & uxorem. Nam hæc hac definitione comprehensæ non sunt, & tamen qui donauit uxori, ab uxore fideicommissum relinqui potest. Sed & de hoc supra responsum est. Nam huiusmodi donationes species quædā sunt donationis causa mortis. III. Falsa esse videtur in heredibus legitimis, a quibus fideicommissum relinqui potest, & tamen defunctus his hereditatem non dat sed lex. Respondeo, & lex & defunctus. Lex recta vel proprie: defunctus hoc ipso, quia non adimit his hereditatem, quam adimere potuit. Sed præcipue & certe videtur falsa esse in his qui causa mortis capiunt, cuiusmodi sunt hi, quibus implendæ conditionis causa aliquid datum est, vel ab herede, vel legatario, vel manumisso. Nam ab his fideicommissum relinqui posse constat, & tamen neque hereditatem, neque legatum, neque fideicommissum, neque mortis causa donationem a defuncto accipiunt, ut expressum est in *l. mortis causa cap. de mortis caus. donat.*

Dicendum est eum, qui mortis causa quid accipit, proprie nihil eorum, quæ superscripta sunt, accepisse, secundum quam proprietatem verbi scriptum est in *dict. leg. mortis caus. cap.* Abusiue autem & improprie quod per mortui defuncti occasionem capitur dici potest a defuncto capi, quasi defunctus videatur dedisse, quod non ademit cum posset adimere. Postremo videri poterit etiam falsa definitio in patre, domino, & herede legatarii, utpote quibus nihil omnino defunctus dedit, neque viuis, neque moriens. Sed dicendum est defunctum nihil his dedisse recta, sed reuera dedisse per interpositam legatarii personam, quia per legatarium legatum ad istos peruenit, *arg. l. 1. in fi. & l. 2. de her. petit.*

Ad L. 10. Verbum Volo.

Idem A Firmo.

Verbum Volo, licet desit: tamen quia additum perfectum sensum facit, pro adiecto habendum est. III. Idem Decemb. Gordiano A. & Aniola. Cess. 40.

S Y M M A R I A.

1. Voluntas sine scripto, ut & scriptum sine voluntate, nihil proficit ad hereditatem, legatum aut fideicommissum relinquenda.

2. Testator an plena & perfecta oratione scribere vel nuncupare debeat.

Nihil ad rem pertinet defunctum aliquid alicui dare voluisse, ut legatum aut fideicommissum debeat, nisi hæc etiam voluntatem testamento vel codicillis scripserit aut nuncuparit, ut & neque voluntas sine

tas sine scripto, neque scriptum sine voluntate quicquam proficiat ad hereditatem, legatū aut fideicommissum relinquenda, *l. quoties, de hered. insti.* Quod tamen desideratur, ut testator voluntatem suam scribat vel nuncupet verbis, non sic accipendum est, ut debeat scribere vel nuncupare plena & perfecta oratione, sed si quid posuit, ex quo intelligi possit, quid voluerit, voluntas eius seruabitur, quasi minus scriptum fuerit, plus nuncupatū, *ut ibidem, in d. l. quoties adicitur.* Id quale sit explicatur *in d. l. in hered. insti. l. i. §. si ex fundo, de hered. insti.* Idem in fideicommissio quale sit, hic traditur Secundum hanc sententiam huiusmodi fideicommissum valet, *Titio fundum Tusculanum dari, etiam si non adiecit defunctus, volo, ut plena oratio fideicommissi efficeretur, tamen valebit.* Idem dicendum est, et si testator tantum ita dixerit: *Titio fundum Tusculanum, &c.* quia satis intelligitur hæc verba ex præcedentibus, *do lego, vel dari volo, &c.* Ad hanc sententiam pertinet *l. unum, supr. de testam. vbi dictum.*

Ad L. 11. Quoties ab.

Idem A. Papyriano.

Quotiens ab omnibus, quia alienatione facta ad fideicommissi petitionem aspirare possunt, venditio celebratur, aut quibusdam vendentibus alii consenserint: contra etus auctoritas conuelli nequaquam potest. PP. 2. Calend. Ianu. Gordiano A. II. & Pompeiano Cos. 242.

S V M M A R I A.

- 1 Prohibitio alienationis fundi, vel hereditatis, vel legati quando valeat.
- 2 Alienationis pena.
- 3 Alienatio & venditio rerū distrahi prohibitarū, quando & quibus casibus rata sit, nec reuocari possit, & num. 4.

1 Prohibitio alienationis fundi vel hereditatis, vel legati tunc valet, cum testator nominatim vetuit alienari certarum personarum causa, quibus consultum voluit, *l. filiusfam. §. diui, de leg. 1.* Id fit cum vetat alienari, & adiecit ut fundus ad certas personas perueniat, veluti, cum fundū vetat alienari, ut in familia maneat. Idem fit cum testator quibusdam personis permittit vendere, & extra has personas alienari vetat, veluti cum fundum libertis legat & vetat extra familiam libertorum alienari, aut cum tribus legat, *l. 2. §. & vetat, ne quis partem suam vendat, nisi collegatariis.* Exempla sunt *in l. unum, §. ult. l. cum pater, §. libertis, de leg. 2.* Alienatione ita prohibita, rem contra præceptum testatoris alienare non licet.

2 Alienationis pena hæc est, ut reuocetur alienatio ab his, quorum causa alienatio prohibita est. Perinde est enim quasi testator his personis fideicommissum dedisset, si res vetita alienari alienata esset, secus quam testator prohibuisset. Proinde realienata hæc omnes personæ ad fideicommissi persecutionem vocantur. Et si sint plures gradus earum personarum, hi vocati intelliguntur, qui sunt primi gradus, *d. l. unum, §. ult. de leg. 2.*

Sed cum hæc persecutio & reuocatio rei alienata constituta sit eorum tantum gratia, quibus testator consultum voluit, et evenit interdum, ut quamuis res alienari prohibita alienetur, tamen venditio & alienatio rata sit, nec possit reuocari, quod hoc rescripto declaratur. Id autem contingit duobus casibus hic comprehensis. Vnus est, si omnes qui fa-

cta alienatione vocabantur ad persecutionem fideicommissi rem vendiderunt, ut puta prohibitus est heres fundum alienare extra familiam, & alienauit, omnibus qui sunt ex familia fideicommissi persecutio competit. Dicimus, si hi omnes fundum vendiderint, venditionem reuocari non posse: cuius sententia ratio hæc est, quoniam si quis ex his venditoribus potest rem venditam reuocare fideicommissi iure, necesse est, ut aut partem a se venditam, aut partem ceterorum reuocare non possit quia vendidit. & si alius eam partem evicisset, is qui vendidit de evictione teneretur, *leg. ex emto, de actio. surt.* Ergo si ipse eam partem vindiceret, ut euincat, multo magis exceptione remouebitur, *l. vindican: em, de eviction.* Nam si emtori re evicta ultro actio datur aduersus venditorem, multo magis venditore rem euiciente, dabitur emtori aduersus evictionem exceptio. Cui enim damus actionem, ei multo magis exceptionem quis competere dixerit, *leg. inuitus, §. primo, de regulis iuris.* Partem ceterorum quibus fideicommissi persecutio competebat, reuocare non posse, tamen si partem ceterorum non vendidit. Nam in hoc genere fideicommissi, hi solum ad fideicommissi persecutionem inuitantur, qui iudicio defuncti paruerunt, id est, qui & ipsi partem suam non alienarunt. Indignus est enim iudicio defuncti, qui contra iudicium defuncti facit, *d. l. cum pater, §. libertis, de leg. 2.*

Alter casus est, si hi qui ad fideicommissi persecutionem inuitabantur, non vendiderunt quidem, sed venditori consentiunt, ut si heres prohibitus sit fundum alienare extra familiam, & ipse vendat familiam tota sentiente: aut si tribus legatus sit fundus, & singuli prohibiti vendere nisi collegatariis, vnus autem suam partem vendat ceteris contententibus, qui consenserunt fideicommissi persecutionem non habent, aut certe exceptione pacti ab emtore repelluntur.

Exceptio est sumta ex edicto prætoris de pactis, quo prætor pollicetur se pacta seruaturum. Vnde sumta sunt hæc regulæ: Licere vnicuique suo iuri renuntiare. Item, licere vnicuique futuri iuris persecutionem & præsentis deteriore pacto constitutere, *leg. pacti, Digest. de pact. leg. penult. supr. de pactis.* Item illud: Remittentibus actiones suas non dari regressum, *leg. quaritur, §. si venditor, Dig. de edil. edictio.* Hæc enim sunt consequentia, edicto seruari pacta.

Ad L. 12. Post mortem.

Impp. Philippus A. & Philippus C. Rufino.

Post mortem suam rogatam restituere hereditatem, defuncti iudicio, & antequam facti munus impleret, posse satisfacere, id est restituere hereditatem quarta parte vel retenta vel omnia, si voluerit, explorati iuris est. PP. Id. Octob. Peregrino & Aemiliano Cos. 245.

S V M M A R I A.

- 1 Mulier heres instituta, & post mortem suam hereditatem restituere Titio rogata, si viua, detracta quarta ex Senatusconsulto fideicommissum restituere vellet, an possit.
- 2 Verba, post mortem tuam, quid significant.
- 3 Natura non est solutio, nisi eius quod debetur.
- 4 Restitutio fideicommissi ante mortem heredis in quibus casibus aliis noceat.

Heres mulier instituta est, rogataque est restituere hereditatem post mortem suam Titio. Viua mulier † fideicommissum restituere vult, detracta quarta ex senatusconsulto, quæritur an possit? non quatenus de voluntate Titii, nam constat volenti restitui posse, sed quæritur an possit restitui inuito, quasi id sit ex voluntate & iudicio defuncti. Quid dubitationem faciat, mox dicemus. Hic respondetur, etiam ante mortem mulierem fideicommissum restituere posse, ex senatusconsulto, & quidem ita, vt iudicio defuncti satisfaciatur. Huic sententiæ videtur refragari certa ratio iuris ciuilis, & nominatim, & præterea, *l. sed & si alio 9. §. ult. l. sed et si ante seq. ad Treb.* Quæ ratio aduersatur huic sententiæ. Vt intelligatur, sciendum est, hoc fideicommissum, post mortem tuam restituas, esse conditionale. Nam † hæc verba, *post mortem tuam*, valent postquam mortua fueris. Hæc adiectio habet diem incertum. Dies incertus in testamentis conditionem facit. Itaque perinde hoc fideicommissum accipitur, quasi ita dictum esset: *Restituas si mortua fueris*, nempe per heredes tuos, *leg. dies, de condit. & demonstr.* Ideo dilerte scriptum est *in l. 4. quando dies leg. ced.* hoc genus fideicommissi esse conditionale, & si Titius fideicommissarius viuente herede decedat, neq; fideicommissario, neq; eius heredibus quicquam deberi. Hoc posito consequens est, hoc fideicommissum ante mortem heredis restitui nō posse hac ratione: Quod non debetur, solui non potest, quia † natura non est solutio, nisi eius quod debetur. *tit. quib. mod. toll. obl. in pr.* Quod autem sub conditione debetur, id pendente conditione non debetur. *l. cedere diem, de verb. sig.* Ergo pendente conditione solui non potest. Iam vero hoc fideicommissum, *post mortem tuam restituas*, habet conditionem *si morieris*. Ergo ante mortem restitui & solui non potest. *l. autem 9. l. seq. ad Trebell.* Dilerte scribitur, fideicommissū cōditionale pendente conditione resolui non posse, & si forte volente fideicommissario restitutum sit, actiones in fideicommissarium non transire, quia non sit restitutum, vt testator voluit.

Respondeo primo ad rationem, quam initio posuimus: fateamur q̄ sub conditione debetur, quemadmodum pendente conditione non debetur, ita nec pendente conditione solui posse. Idque non tantum in certis obligationibus admittimus ex superiore ratione, sed & in fideicommissis, *ex d. l. 9. §. ult. D. ad Trebell.* Sed hoc dicimus: Fideicommissum hoc, post mortem heres restituas, hactenus esse conditionale, quatenus heres viuus fideicommissum non restituit: quod si valet restituere, non est fideicommissum conditionale ex voluntate & iudicio defuncti, qui voluit licere heredi etiam ante mortem suam restituere. Id probatur liquido ex verbis huius rescripti, vbi dicitur, heres ante mortem fideicommissum restituere, satisfacere iudicio defuncti, id est voluntati, ergo testator volebat fideicommissum id etiam ante mortem restitui posse. Idem probatur apertius *ex l. partem, qua in fraudem credit.* Vbi in hac ipsa specie respondetur, heredem qui ante mortem suam fideicommissum restituit plenam fidem & debitam pietatem restitutionis sequi. Ergo fides heredis erat, vt si vellet ante mortem restituere: ergo ante mortem si restituit pie facit, satisfaciens voluntati defuncti. Sic fit vt dum heres ultro fideicommissum hoc restituere vult, intelligatur fideicommissum ex vo-

luntate defuncti purum esse, non conditionale. Idq; ex genere conditionis facile intelligitur. Nam cum testator voluit heredem nō restituere, nisi post mortem suam, apparet conditionē adiecissee heredis causa, vt viuus hereditate frueretur: sed hac conditione, vt non inuitus vellet: nam inuito beneficium nō datur, *l. inuito, de reg. iur.* Proinde, si voluit hereditatis commodo frui, testator hoc animo est, vt velit illi licere restituere hereditatem fideicommissario, cui post consultum volet.

Ex his responsum *ad leg. 9. §. ultim. & leg. seq. ad Trebellian.* Fateamur enim, vt supra dictum, fideicommissum sub conditione relictum, pendente conditione restitui non posse. Sed iam dixi, fideicommissum, de quo agitur, non esse conditionale, vbi heres ante mortem vult restituere fideicommissum. Hinc consequens est fideicommissis ante mortem heredis restituto, omnia locū habere, quæ haberent, si post mortem restitutum esset ex Senatusconsulto. Primum, cum ante mortem heres restituet fideicommissum, quartam detrahare poterit si volet, quod hic scriptum est, & tamen non potest, nisi ex Senatusconsulto detrahi, *§. sed quia hered. Instit. de fideicommiss.* Eadem ratione & restituta hereditate trāsibunt actiones in fideicommissarium, propter quod restituitur hereditas, vt testator voluit, quod quotiescunque fit transeunt actiones, *ex d. l. sed et si ante. ad Trebell.* Restitui autem fideicommissum ex voluntate testatoris, etiam ante mortem supra ostendimus. Et probat hoc rescriptum, *& d. l. partem, qua in fraud. cred.* Quod tamen dicitur in hac specie, fideicommissum ante mortem heredis restitui, sic accipiendum est, nisi restitutio noceat, aut fideicommissario, aut aliis, quibus testator eodem fideicommissis consultum voluit.

Fideicommissario nocet restitutio, si is ante mortem heredis sit in patris potestate. Nam si tunc fideicommissum restituitur, nō filio acquiritur restitutum, sed patri per filium. Proinde placet hoc casu expectandam esse mortem heredis, quia fieri possit, vt interim filius sui iuris efficiatur, atque legatum sibi acquirat, nō patri. Aut certe esse expectandum, donec filius liberetur patris potestate ante mortem heredis, *l. filiusfam. §. diui. 1. de leg. 1.* Restitutio fideicommissi † ante mortem heredis, nocet aliis in his 4 causis tribus, si heres rogatus sit fundum restituere pluribus, puta primo secundo & tertio, & viuus partem restituat primo, deinde primus viuus herede decedat. Nam hoc modo futurum est, vt restitutio huius partis noceat eius collegatariis, quia si fideicommissum restitueretur post mortem heredis, totus fundus prineret ad duos reliquos collegatarios, & pars deficientis illis accresceret. Proinde placet hoc casu idem iuris statuendum esse, nec liberari heredes heredis, nisi solidum fundum reliquis duobus collegatariis superstilibus restituant. Nocet præterea restitutio aliis in hac specie, cum heres rogatus est post mortem suam restituere fideicommissum ei ex filiis cui volet, & viuus vnum ex filiis eligat cui restituit. Nocet hæc restitutio aliis, quia si mors heredis expectaretur, aut illud tempus cum heres moreretur, fortasse vel heres vel heredes eius alium ex filiis eligerent. Proinde recte quoque hoc casu placuit electionem ante mortem non extinguere, *l. cum pater. §. hereditatem & a filio, de legat. 2.* Postremo restitutio aperte nocet aliis in hac specie, cum heres rogatus est fidei-

est, fideicommissum post mortem suam restituere primo, & si primus viuo herede decederet, rogatus est restituere idem Sempronio. Hic inquam aperte nocet restitutio Sempronio, si heres restituat fideicommissum ante mortem primo, & primus viuo decedat herede. Nam ex conditione substitutionis fideicommissum ad Sempronium pertinere, deinde post mortem heredis. Quapropter recte hic quoque est responsum, si heres restituat fideicommissum primo ante mortem, & primus decedat viuo herede, heredem fideicommissum non liberat, l. uxorem, §. Scium, de leg. 3.

Ad L. 13. Quoties.

Idem A. & C. Sempronio.

Quoties principali loco heres institutus testatori succedit: legata seu fideicommissa a substituto data posci iure non possunt. PP. 8. Calend. Martii Prasense & Albino Coss. 247.

S Y M M A R I A.

1. Legata a substituto relicta an debeantur.
2. Institutus, qui hereditatem defuncti totam obtinet, an legata ex iudicio defuncti prestare debeat.

Testator primum heredem instituit, & ab eo ita legauit, Peto a te primo, ut fundum Tusculanum Titio restituas. Primo secundum substituit, hoc modo: Si primus heres non erit, secundus esto, & a secundo ita legauit: Rogo te secunde ut 100. Sempronio des. Primus heres exiitit, quo factum est, ut excluderetur secundus, itemque substitutus, leg. post aditam, supr. de impuber. & alius substituit. Quæritur est, an legata a substituto relicta debeantur? Hic scriptum est non deberi, & constat non deberi a substituto, quem hereditate exclusum esse dicimus. Nam cui testamento nihil datum est, ab eo nihil relinqui posse constat, leg. ab eo; supr. h. Sed quæritur, an institutus qui hereditatem totam obtinet, hæc legata ex iudicio defuncti debeat prestare? Mouet dubitationem ius constitutum de substituto, Nam quoties edito testamento quidam sunt instituti, quidam substituti, placet deficientibus institutis legata ab his relicta, ab substituto præstanda esse, leg. licet, de legat. primo. Idem e conuerso dici debuisse videtur, ut legata a substituto relicta etiam ab instituto præstanda sint. Aduersus quam dubitationem hoc rescripto cauetur in totum, legata a substituto relicta non deberi, ut intelligamus neque a substituto deberi, qui nihil accepit, neque ab instituto, a quo relicta non sunt. Differentiæ ratio est, quia substitutus substituitur in locum primi heredis, quo fit, ut non solum in ius seu commodum, sed etiam in incommodum succedat. Institutus autem non substituitur in alterius locum, ut proinde ex persona alterius nihil præstari debeat.

Ad L. 14. Eam quam.

Interpretatio huius legis annexa est fini tituli. Cod. 43. h. lib. pag. 533.

Ad L. 15. Quamuis.

Idem A. Philocrati.

Quamuis simpliciter te ac fratrem tuum aliquis instituerit heredes, eiusque hereditatis commodum pater ex tua fratrisque persona proportionibus vestris potestatis ratione quesierit: tamen quia inferioribus verbis testamenti vos sui iuris facere testator curauit, intelligi

potest restituenda hereditatis commodum fideicommissum patrem obstrictum esse. PP. 6. Idus Octob. Roma Maximo II. & Glabrione Coss. 257.

S Y M M A R I A.

1. Species huius legis, & quid in ea iuris. §. nu. 2.
3. Quicquid in testamento lege pactone cauetur, vel adicitur, id semper ita accipiendum est, ne superuacuo, aut inutiliter cautum sit.
4. Pater rogatus emancipare liberos, an cogi possit, ut emancipet.

Testator ¶ duos filios Titii, in patria potestate constitutos heredes instituit, & rogauit Titium patrem ut filios emanciparet: de hereditate autem a Titio filiis restituenda nihil adiecit, & ita filios hos instituit simpliciter, ut in principio huius rescripti dicitur, id est, tantum instituit, non autem hoc amplius eos substituit patri per fideicommissum. Mortuo testatore filii iussu patris Titii hereditatem adierunt, ita hereditas iure patri quæsita est, olim quidem in totum, l. placet, de acquirend. hered. nunc autem ex constitutione Iustiniani ad usum fructum, dixi §. primo, per quas personas, leg. cum oportet, infr. de bon. que lib. Proinde pater voluntatem testatoris secutus ultro liberos emancipauit. Emancipati petunt a patre, ut sibi hereditatem restituat. Obstant liberis duo. Primo, quod hereditas est patris, nempe iure potestatis per filios illi quæsita. Deinde quia pater non est illis obligatus, nam non est rogatus quicquam a testatore liberis restituere.

Consulti ¶ Imperatores respondent, patrem filiis fideicommissum obstrictum esse commodum restituendæ hereditatis: comodo, id est, ad commodum hereditatis, more Latino, id est, in hoc ut restituatur hereditas patri quæsita. Non obstat quod hereditas patris est vel in solidum vel ad usum fructum usus: non enim liberi petunt eam tanquam suam, sed iure fideicommissi: fideicommissum autem relicta est liberis. Non obstat quod liberi sint simpliciter instituti, ut in principio dicitur, id est, ita instituti, ut nullum fideicommissum, nulla substitutio fideicommissaria adiecta sit. Nam etsi verbis aperte de fideicommissum, cautum & comprehensum non est, tamen satis comprehensum intelligitur hoc ipso, quod testator curauit liberos emancipari, id est, petiit a patre ut emanciparentur.

Sed vnde ex his verbis colligitur fideicommissum, cum nihil commune habeat emancipatio cum restitutione hereditatis: nihil enim prohibet, quo minus liberi sint emancipati, & tamē hereditatem non habeant? Sed responsio sumitur ex regula, quæ generaliter est tenenda: Quicquid ¶ in testamento lege pactone cauetur vel adicitur, id semper ita esse accipiendum, ne superuacuo & inutiliter sit cautum, argumento in leg. si quando, de legatis primo, leg. 1. ad Municipale, l. item, §. ultim. de seruit. rustic. præd. leg. 3. in fin. de pact. & similibus locis. At in specie proposita inutile est liberis cauere a testatore, ut emancipentura Titio patre, nisi in hoc emancipentur, ut sui iuris facti hereditatem sibi habere possint, ita ut non acquirant patri. Nam sine hac interdum eis emancipatio nocet. Proinde hanc objectionem sic accipiemus, quasi testator voluerit, filios emancipari, & emancipatos sibi obtinere hereditatem: quod quoniam facere non possint, nisi illis a patre hereditas restituatur, ideo necesse est patrem

fideicommissio oneratum fuisse. Valde congruit in hanc sententiam *l. item, de seruitut. rust. prad.* Constat autem etiam a patre, cui per filium est quaesita hereditas, legatum & fideicommissum relinqui posse, ut dictum ad *l. ab eo, supr.*

Sed hæc ita sunt, si pater ultro liberos emancipaverit, ut proposuimus: quod si non emancipet, frustra liberi aduersus eum agent, de eo quod patri semper acquireretur, *l. si nulla, de indic.* Ideo et queritur, an pater cogi possit emancipare, de quo dissentanea scripta videntur. Nam in *l. filius familias, §. ut quæ, de legat. 1.* nominatim est scriptum, patrem rogatum emancipare filios, non cogi ut emancipet, quia potestas patria inastimabilis res est. Contra in *l. si cui legatum, de cond. & demonstr. in pr. & extrem. legis,* scriptum est, patrem liberos emancipare debere. Idque in specie hac constitutum esse. Sic hi loci conciliandi sunt: Pater qui ex testamento aliquid consequitur & rogatur filios emancipare iure fideicommissi, non tenetur, ut filios emancipet, id quod scribitur in *dist. l. si cui legatum, in princ.* In hanc sententiam scriptus est *§. ut quis, l. filius fam. de leg. 1.* Illic autem queritur, an quod testator cauit in causis illis propositis, tanquam fideicommissum peti possit: sed quod a patre tanquam fideicommissum recta peti non potest, id obliqua via ab eo peti potest & obtineri.

Obrinebitur autem his rationibus: Nam si patri quid legatum aut fideicommissum est, non cogitur heres præstare fideicommissum, priusquam pater filios emancipauit, quasi relictum sit sub conditione, si filios emancipauerit. Sed etsi heres ultro fideicommissum præstitit, poterit a patre repetere, nisi ille filios emancipet tanquam relictum sub modo, ut emanciparet liberos: quo modo non secuto, id quod datum est non repetitur. Hæc Ulpianus significat in *dist. leg. si cui legatum, vers. arbitror autem.* Sed & liberi ipsi cum patre agere possunt, ut emancipentur, sed hac lege, si præter emancipationem pater rogatus sit, ut filiis quid restitueret. Nam propter hoc fideicommissum filiis relictum, quod vtiliter relictum est, sit per consequens, ut petere possint, ut emancipentur, quoniam sine emancipatione inutilis esset restitutio. Hæc autem erit condemnatio aduersus patrem, ut nisi emancipet liberos, & emancipatis restituat hereditatem, sciat se in posterum eius fideicommissi vfuras & fructus restitutum: ex qua sententia consequentur liberi, ut quandoque mortuo patre integrum fideicommissum consequantur. Id autem declaratur in *d. l. si cui legatum, in fin.*

Ad L. 16. Cum virum.

Carus, Carinus & Numeria, AAA.

Ifidora.

Cum virum prudentissimum Papinianum respondisse non ignoremus, etiam legata huiusmodi fideicommissio contineri, id est, ubi heres rogatus fuerit, quicquid ex hereditate ad eum peruenierit, post mortem restituere: animadvertimus etiam præceptionis compendium testatoris verbis comprehensum esse. sane quoniam in fideicommissis voluntas magis quam verba plerumque incuenda est: si quas pro rei veritate præterea probationes habes ad commendandam hanc patris voluntatem, quam suspensæ adferas, apud præsidem provincie experiri non veraris. PP. Pridis Idus Nouembr. Caro & Carino. AA. Coss. 283.

S Y M M A R I A

- 1 Heres, cui prælegatum aliquid fuerat, rogatur a testatore restituere quicquid ex hereditate ad ipsum peruenierit: queritur, an hereditatis verbo etiam prælegatum contineatur, & quatenus, nn. 3. & 4.
- 2 Item, an eodem verbo donationes mortis causæ factæ veniant.

Cum duo sunt heredes instituti, & vni ex hereditate aliquid prælegatum est, id est, vnus iussus est ea hereditate aliquid præcipere: si is rogetur a testatore, ut restituat alteri, quicquid ex hereditate ad ipsum peruenierit, constat his verbis contineri portionem hereditariam eius heredis, qui rogatus est restituere. Quaeritur est, an iisdem verbis etiam prælegata ei relictæ contineantur, ut omnia restituere debeat iste heres? Finge hoc modo: Primus & secundus heredes instituti sunt ex æquis partibus. Fundus Tusculanus qui testatoris erat, primo legatus est: Deinde is primus rogatus est, post mortem suam restituere secundo coheredi suo, quicquid ad ipsum ex hereditate peruenisset. Mortuo primo secundus fideicommissum petit ab heredibus primi: hi restituere portionem hereditatis, quæ iure hereditario ad primum peruenit, sed retinere volunt fundum Tusculanum illi prælegatum, quod non contineatur verbis fideicommissi. Mouet dubitationem, quia verbo hereditatis videntur ea tantum contineri, quæ ad primum iure hereditario perueniunt. Hic autem fundus ad eum peruenit iure legati.

Placuit Papiniano, superioribus verbis etiam prælegata contineri, cuius sententiæ hoc rescripto confirmant Imperatores, & secundum illam ius dici volunt, tanquam ea sententia pro iure certo obtineretur, ut etiam factum legimus in *l. cum responso, §. de legat.* Id autem recte statuitur: est enim ex significatione verborum, a qua non est recedendum nisi manifestum sit aliud testatorē sensisse, *l. non aliter, de leg. 3.* Nam fundus prælegatus, est etiam ex hereditate defuncti morientis. Nihil ad rem pertinet, quod iure hereditario non capitur: nam non sunt relictæ ea, quæ iure hereditario capiuntur, sed quæ ex hereditate perueniunt. Peruenit autem quicquam ex hereditate, quod est in hereditate quocumque, tadem titulo capiat. Quæ ratione et recte placuit superioribus verbis donatio-
 2 nes causæ mortis non contineri, veluti si proponas testatorē dum viueret quædā mortis causæ donasse, dicemus, si rogatus sit a testatore restituere post mortem suam, quod ad eum ex hereditate perueniret, non contineri fideicommissio ea, quæ mortis causæ illi donata erant, *l. sequens, de leg. 2.* Nempe ex eadem significatione verborum: Nam id ex hereditate est, quod est ex bonis, quæ quis moriens habuit, ut est definitio hereditatis in *l. nihil aliud, de verbor. signific. l. hereditas, de reg. iur.* Quod autem mortis causæ donatum est, proprie non est in bonis morientis. Nam iam testator viuus viuenti, præsens præsentem donauerat, *l. inter, de mort. caus. don.* Et hoc est, quod dicitur in *d. l. sequens*, ideo superioribus verbis, donationes mortis causæ non comprehendendi, quia non pertineant ad causam bonorum seu hereditatem morientis. Non obstat, quod dicitur, donationes causæ mortis per omnia legatis comparari, & quod in legatis iuris est, idem iuris esse in donationibus causæ mortis, *leg. illud, de mort. caus. donat.* Nam hæc idem verum est, nisi testator aliud senserit. Aliud autem sensisse cum appareret, cum usus est his verbis: Rogo te, ut restituas, quicquid

quicquid ex hereditate ad te peruenit: nam ut dixi, quod antea mortis causa donatum est, non est ex hereditate, voluit igitur testator his verbis id contineri quod ante donatum est. Quod si tamen dicitur hic his verbis, quicquid ex hereditate ad te peruenit, contineri etiam prælegata, adiicitur in extremo rescripti, ita accipiendum esse, nisi & hic testator aliud sentierit. Proinde si heredes primi, qui rogatus est, parati sint dicere, testatorem noluisse restituere prælegata, audiendi sunt. Sed tamen hoc testatorem sensisse probare debent. Finge testatorem, vel codicillis vel epistola, vel apud alios testes voluntatem suam declarasse.

Sed obstant huic sententiæ verborum Imperatorum verba fideicommissi, quia superioribus verbis prælegata manifeste continentur. Respondetur Imperatorum verbis quidem legata contineri, sed in fideicommissio magis voluit, quam verba seruanda esse. Optime, nam in testamentis totum voluntas testatoris facit, ut est in l. ex pacto. §. reum, de hered. inst. idque si in aliis partibus testamenti valet, præcipue obseruatur in fideicommissio. l. pen. de leg. 1. l. cum proponatur, de legat. 2. Idque ius perpetuum est, ubi constat voluntatem a verbis discrepare, sumtum est ex lege 1. 2. tabularum, uti quisque legassit. l. verbis legis, de verb. sig. Id si ita est, cur in hac sententia exprimenda, voluntas magis, quam verba seruanda sunt. Addiderunt Imperatores, plerumque. Respondeo, Recte id additum esse, quia interdum æque verba ut voluntas seruanda sunt, quod tum contingit, cum verba congruunt cum voluntate. At ubi discrepabunt, quod plerumque accidit, semper seruabimus definitionem huius rescripti.

Hactenus sententia huius rescripti, cui tamē, in eo quod de prælegatis dicitur hæc contineri superiori fideicommissio, contrarium videri potest, quod scribitur in l. in fideicom. §. ult. ad Trebel. ubi vnus ex heredibus, cui quædam prælegata erūt, rogatus est restituere portiones hereditatis suæ, & placet id quod legati iure a coherede accipitur in fideicommissi restitutionem non venire. Propter si eum locum monendi sumus, cum vnus ex heredibus, cui aliquid prælegatum est, rogatur restituere portionem suam, quam accepit, multum refert, quibus testator verbis in eo sit usus. Est enim in eo fere hæc varietas, interdum restituere iubetur heres, quicquid ad eum peruenit ex hereditate: interdum portionem suam, alias hereditatis portionem. His verbis, quod ad te peruenit ex hereditate, aperte continentur omnia, quæ sunt ex hereditate, quæ ad heredem peruenierunt, proinde & res ei prælegata, nam & hæc ex hereditate sunt. Eadem significatio est, & eius verborum, cum testator ita scribit: *portionem tuam restituias*, nam portio intelligitur non tantum hereditatis: sed etiam rerum legatarum l. 3. §. quidam ad Trebel. Longe alia significatio est horum verborum: *restituas portionem hereditatis*. Nam portio hereditatis non habetur ab herede, nisi hereditario iure: legata iure hereditario non capiuntur. Ita manifestum est verbis huius fideicommissi, legata & fideicommissa ei prælegata non contineri in restitutione, l. si Titius, de legat. 3.

Et si in specie proposita hic fundus primo heredi prælegatus sit, & iussus sit post mortem suam restituere portionem hereditatis, placet eius heredes retinere posse partem fundi, quam a coherede primus accepit iure legati, alteram autem partem fundi veniunt in restitutionem reliquæ hereditatis, quoniam

hæc pars capta est a primo non iure legati, sed iure proprio hereditatis, hoc in l. in fideicom. §. ult. ad Trebel. Interdum tamen in hoc genere fideicommissi, placet eam quidem partem prælegati fundi venire in restitutionem, quæ pars iure hereditario capitur, ut in specie l. Titia, ad l. Falcid. Quod tunc contingit, cum heres primo rogatur restituere portionem hereditatis, deinde fundus ei prælegatur. Nam hoc casu visum est testatorem fundum postea prælegatum ex restitutione fideicommissi exemisse.

Ad L. XVII. Si creditoris.

Imp. Dioclet & Maxim. AA. Fortunato.

Si creditoris iure subnixæ liberari te debito volentis doceri potest: etiam antequam solemniter tibi liberatio a successore præstetur, exceptionem tibi ex voluntate defuncti descendente competere, manifestum est. PP. 12. Kal. Maii, Maximo II. & Aquilino cos. 286.

S V M M A R I V M.

- 2 Res incorporales recte legantur.
- 2 Liberatione legata, quis sit huius legati effectus.
- 3 Debitor quam habeat exceptionem aduersus heredem liberare nolentem.

Res etiam incorporales recte legari constat, §. 1. tam autem, de legat. Hic placuit si testator idemque creditor debitori suo liberationem legeret, seu quod idem est, damnet heredem, ut liberet debitorē, utile legatum esse placuit tanquam re incorporali legata, nempe liberatione, §. si quis debitori, de leg. Liberatione est legata, de effectu legati quæsitum est, de quo hic comprehensum. Hoc si effectu duo continentur, 1. ut heres liberet debitorem eo modo, quo iure liberari potest sine solutione. Id autem fit per acceptilationem, §. item per acceptil. quib. mod. Id autem ut præstet heres consequitur debitor actione in personam ex testamento. II. Sed et si heres debitorem non liberarit, tamen hoc legato continetur, ne heres a debitore petat, in eamque rem est debitori aduersus heredem petentem exceptio. Sed sententia est comprehensa in d. §. si quis debitorem, & plenius exposita, l. nec de effectu, de lib. leg.

De priori effectu non dubitatur, nam aperte verbis legati continetur, de posteriore dubitatur, nam secundum verba, nihil amplius continetur legato, quam ut heres debitorem liberet ipso iure, secundum quod efficitur, ut priusquam liberatio sit secuta, nihil contineatur legato, ac proinde debitor, ut ante obligatus maneat. Respondeo ex sententia verborum intelligitur posterior hic effectus. Nam si debitorem ipso iure liberari voluit, etiam debitum ad eo peti noluit. Hæc exceptio est secundum voluntatem defuncti. Sed quæ hæc exceptio est, nā ex voluntate seu remissione creditoris solum legimus exceptionem dari pacti conuenti, sub tit. de excep. Inst. Voluntas autem suprema non est pactum conuentum, l. hæc verba, de verb. sig. Respondeo, Exceptio hæc est, exceptio voluntatis supremæ, & ad reliquas exceptiones in Inst. comprehensas adiungi debet. Nam ex pacto conueniente creditoris debitum remittentis, nascitur debiti exceptio, quæ dicitur pacti conuenti. Idque ob id, quia prætor pacta conuenta tueretur, Legitur, §. sed & nulla, §. an prætor, de pact. l. 5. sup. de pact. Ita verum est, ex voluntate testatoris remittentis debitum, nasci debitori exceptionem, quia lex 1. 2. tabularum, itidem supremam voluntatem tueretur, l. verbis legis, de verb. sig. Vigetur prior

dicitur pacti conuenti, quia ex pacto est. Sic superior recte dicitur supremæ voluntatis exceptio, quia ex hac voluntate nascitur.

Sed cur ante liberationem præstitam ab herede, non liberatur debitor etiam ipso iure. §. remission. testatoris. cum lex duodecim tabularum supremas voluntates omnino tales esse iubeat d. l. verbis legis. Respondeo, quia contra ius est id fieri: sic enim ius comparatum est, ut quibus modis quæque obligatio contracta est, iisdem modis dissoluatur in contrarium actis. l. nihil tam naturale. l. seq. de reg. iur. Porro debitor testatori obligatus est, aut consensu, aut stipulatione, aut re, aut maleficio, non autem suprema voluntate, proinde contrariis modis liberetur necesse est, siquidem iure liberatum volumus.

Sed aduersus hanc subtilitatem iuris, placuit debitorem defendi exceptione opposita, vel pacti vel supremæ voluntatis, vel generali, doli mali. Sed cum secundum regitur, nihil interfit, utrum quis ipso iure non debeat, an per exceptionem liberetur, l. nihil interest. de reg. iur. cur hic & similibus locis, dubitatur, utrum debitor, liberetur ipso iure an per exceptionem? Respondeo quia ad vim & effectum liberationis debitoris attinet, inter ista duo nihil interest, sed aliis in rebus differentia est, de quib. dictum ad d. l. §. s. de pact.

Ad L. XVIII. Cum necessitatem.

Idem AA. Apelausto.

Cum necessitatem reddendæ rationis defunctus remittendum ubi esse petierit: manifesti iuris est, voluntatem defuncti immutatam esse debere, PP. 7. d. b. Mart. ipss. III. & III. AA. cōf.

S V M M A R I V M.

- 1 Tutor, curator, negotiorum alienorum gestor, finita administratione, rationes administrationis reddere coguntur.
- 2 Remissa necessitate rationum reddendarum, rationes reddere non debent. Limitatur. num. 3.
- 4 Remittens in futurum administratori necessitatē reddendæ rationis, si et de dolo remittendo sentiat, nihil agit.

Tutor, & curator, negotiorum alienorum gestor, finita administratione rationes administrationis reddere debent, in quo eo nomine tenentur, si quid non ut oportet gesserint, aut aliquid ex his negotiis retinuerint. In omnib. ut præsent & doli suū & culpā, l. in pr. de tut. & rat. distrah. l. 2. de neg. gest. Vt ceteri creditores debitorib. suis debitū remittere possunt, ex quavis alia causa, de qua prox. rescripto est dictū, sic possunt necessitatē remittere rationū reddendarū his, qui negotia administrarunt, quo facto hi, quibus necessitas hæc est remissa, immutata voluntate & versa, rationes reddere non coguntur. In eamq; rem est constituta administratoribus aduersus eos, qui rationes exigunt, exceptio, de qua superiori rescripto dictum est. Hæc sententia non tantum pertinet ad præteritam administrationem, sed etiam ad futuram: ubi is, cuius tutela gesta erat, testamento facto venit a tutoribus rationem tutelæ præteritæ exigi, remissio citra controuersiam valet, quatenus tutor culpa quid peccauit. l. Aurelio. §. ult. de liber. leg. Idem est dicendum, & si pater testamento filiis tutorē dedit, & iussit aduocari esse, l. §. quidam, de admin. tut. Quod posterius exemplum ad futuram tutelam refertur.

- 3 Sed et monendi sumus in omni hac remissione rationum reddendarum, semper doli administratoris

exceptum videri, ut comprehensum est duobus locis proxime iam citatis, & certe si de præterita administratione agitur, & testator remittit generaliter necessitatem reddendi rationē, de dolo tutoris sensisse non videtur, arg. l. ires fratres, de pact. l. qui cum tutoribus, §. 1. 2. de transact. Qui et autem in futurum administratori remittit necessitatem reddendæ rationis, etiam si de dolo remittendo sentiret, tamē remissio nihil agit, quoniam eiusmodi remissio est turpis, quæ inuitat tutorem ad delinquendum. l. igitur. §. pacta. de pact. Præteritus dolus nominatim remitti potest, ut pactio sic testamento. l. igitur. §. si pater. de pact. l. in fin. sup. de transact.

Ad L. XIX. Clari.

Idem AA. Ampliato.

Clari & aperti iuris est, in fideicommissis posteriorē voluntates esse firmitiores. PP. 8. Id Septembr. ipss. AA. III. & III. cōf.

S V M M A R I V M.

- 1 Regula, Nouissimam scripturā valere, & in fideicommissis, & in legatis, & in omnib. relictis testamentis locum habet, exceptis libertatibus; & cur. nu. 2.
- 3 Limitatio huius regulae, & ratio limitationis.
- 4 In libertatibus si diuersæ sint scriptura, seruatur ea, quæ libertati commodior est.

Non et in fideicommissis tantum, de quibus h. sed et in legatis & omnibus relictis testamento, exceptis libertatibus hæc regula seruatur, nouissimā scripturam valere. Imo utraq; dixerit aliquis, & prior & nouissima. Nam si testator in prima parte testamenti Titio quid legauit, in postremo eidem vel alicui aliud quid legauit, constat hic testamento valere legata, idque lege 12. tabularum efficitur, Vt quisque legasset. l. verbis legis, de verb. sig. Respondeo hoc ita est, ubi res diuersæ legatæ sunt, & diuersæ voluntates non contrariæ. Regula autem superior in contrariis scripturis locum habet, sed ideo id expressum non est superiori regula, quia satis ex aliis verbis intelligitur. Regula enim per comparisonem concepta est, quæ comparatio solum pertinet ad res contrarias, quarum plus vna valere non potest. Et ideo per comparisonem queritur, utra potius, vel quæ potissimum ex pluribus valeat? Et respondetur nouissimā valere. Sed cur non æque prior scriptura valet, nam nouissima scriptura non alia ratione seruatur, quā quod testator voluit fieri, quod illic scriptum est, propter supra scriptam legem 12. tabularum. Ergo hac ipsa ratione priorē scripturam valere dixeris, quia in hac quoque scriptura voluit quid fieri testator. Respondeo, ideo et nouissima scriptura potius valet, quia hæc sola voluntas est testatoris. Prior autem scriptura voluntatem testatoris non continet. Nam testator priori contrariū scribendo a priori voluntate recessisse intelligitur, veluti si ita scripserit: Titio fundum Tusculanum do lego, deinde posteriore: quod Titio dedei, non do lego. Hic apparet posteriori scriptura a priori voluntate recessum esse. Idemque conuersa scriptura dicendum est. Sed et regula in dubia voluntate testatoris locum habet. Ceterum si testator aperte scripserit, quid de prima aut nouissima scriptura fieri vellet, id sequemur, propter voluntatem, quam solū l. tuetur. Et ideo si testator in priorē voluntate dixerit, se nolle valere, quod postea sciebat, prior voluntas valebit, non posterior. Veluti si ita scripserit, quod Titio infra legauero, neque do

neque lego, deinde, Titio fundum Tusculanum do lego, Dicimus legatum non valere, sed priorem scripturam feruari lege 1. 2. tabularum, l. si ita 14. de leg. 1. Hoc ideo quia testator expressit, quid de prima & nouissima scriptura sentiret, & primam solam valere voluit. Et ob hanc causam etiā dicimus, quamuis testator priore scriptura derogauit posteriori, tamen ex voluntate eius posteriorem scripturam valere, si videlicet posteriori scriptura declarauerit, se prioris penitusse. Veluti si ita scripserit: quod Titio infra do lego, id dari ei nolo, deinde, Titio fundum Tusculanum do lego, repudiata priori mea voluntate, qua dixi me illi dari nolle. l. si quis in pr. 2. de legat. 2. Quod rursum apparet responderi, propter manifestam voluntatem testatoris. In liberatibus obtrinit, vt si de libertate sint contraria scriptura, ea seruetur quæ libertati commodior est, seu prima, seu media, seu nouissima sit. l. quod traditum, & l. seq. de cond. & demonst. Fauor libertatis in causa est, quia aliud hic placuit, quam in ceteris scripturis testamenti.

Ad L. XX. Etiam.

Idem AA. Iuliano.

Etiam a pupillorum tutoribus, velut ab ipsis relictis fideicommissa debentur. PP. III. Non. Decemb. ipsis IV. & III. AA. coß.

S Y M M A R I V M.

1. Quicquid a tutoribus pupillorum legatur, aut fideicommittitur, ab ipsis pupillis legatum aut fideicommissum videtur, & cur.

2. Tria huius regula consequentia.

1. Regula iuris est, cum pupilli testamento heredes instituti sunt, & tutores pupillis dati, si quid a tutoribus legatur, aut fideicommittitur, ab ipsis pupillis legatum & fideicommissum videri. Regula hic est tradita, item in l. 5. sup. de reb. cred. l. peto. §. mater. de leg. 2. Regula hanc rationem habet, quia tutores pupillorum personam sustineant, vnde pro pupillis esse dicuntur, domini autem sunt pupilli l. tutor qui tutelam, de administrat. tut. Ex hac regula tria sunt consequentia, in quibus cernitur, vis & usus huius regulæ. I. est, quamuis tutoribus testamento nihil sit relictum, tamen legata aut fideicommissa ab his deberi, quod sine superiori regula non fieret. Nam cui testamento nihil datum est, ab eo nihil relinqui potest, vt alia regula iuris efficitur, l. Labeo. sup. Sed regula superior facit, vt hanc obiectionem metuere non debeamus. Nam a tutoribus relictis, videntur a pupillis esse relictis. Hi autem heredes sunt instituti, vt proinde ab his quoque legata, & fideicommissa potuerint relinqui. II. Consequens est, legata, a tutoribus relictis, vt valent, sic deberi non a tutoribus, sed a pupillis, a quibus ea relictis videri dicimus. Id expressum est hic. III. consequens est, si a tutoribus, quibus nihil datum est, testamento aliquid relictum sit pupillis, fideicommissum non valere, d. l. peto. §. mater. in fin. de leg. 2. Idque hac ratione, quia quod a tutoribus relictum est, a pupillis ipsis relictum videtur. Hi autem sunt heredes, porro heredi a seipso relinqui non potest l. legatum. §. primo, de leg. 1.

Ad L. XXI. Si in personam.

Idem AA. & CC. Tiberio.

Si in personam patris tui, cui te successisse proponis, fideicommissi dies vultu cessit: licet tempore quo fuerat datum, nec dum te natum fuisse probeatur: uxorem

patritui, quem contendis rogatum fuisse patri tuo, si sine liberis decesserit, ab auctore relicta restituere: si ei successerit, de fideicommissis conuenire debes. Nam si patritui etiam hereditas tibi quaesita est: non de fideicommissis querendum, sed hereditas ab ea vindicanda est. Dat. 6. Id. Feb. AA. coß.

S Y M M A R I V M.

1. Species huius legis.

2. Quorum legatorum vel fideicommissorum dies cessit, viuo fideicommissario, ea legata fideicommissarius ad quoscunque suos heredes transmittit.

3. Relictum, quod his relinquatur, qui in rerum natura non sunt, non valet.

4. Fideicommissi conditionalis dies quando cedat, eius demq. persecutio ad quos transmittatur, & quomodo extinguatur.

Pater & duos filios suos primum & secundum heredes instituit. A primo petiti, vt si sine liberis decesseret portionem hereditatis restitueret fratri suo superstiti: primus decessit sine liberis, vxore sua herede instituta, ita fideicommissi superioris exstitit conditio, ac proinde fideicommissi dies cessit. Nam legati & fideicommissi conditionalis dies cedit mortuo testatore, cum conditio exstitit. l. vn. §. sin autem, infr. de cad. toll. l. quinta, quando dies leg. cedit. Secundus frater priusquam fideicommissum peteret decessit, relicto filio, eodemque nepote aui testatoris. Cum vxor patris eius, nempe primi, hereditatem mariti sui possideret, nepos hic fideicommissum ab ea petit. Hic & sciendum est ita ius esse, vt quoniam legatorum vel fideicommissorum dies celsit, viuo fideicommissario, ea legata fideicommissarius transmittat, ad quoscunque suos heredes, dicta leg. 5. quando dies. Omnium autem legatorum, quæ puse aut in diem sunt relictis, dies statim cedit mortuo testatore: conditionalium autem legatorum dies cedit, postquam exstitit conditio, dict. leg. quinta. Secundum hæc constat, huic nepoti fideicommissum eius patri relictum, deberi, si patri heres exstitit, vt hic contigit. Proinde si vxor patris, a quo patruo fideicommissum relictum erat, heres marito suo exstiterit, constat etiam fideicommissum ab ea peti posse. Hoc iure fretus nepos fideicommissum ab ea petit.

Sed obiicitur nepoti, quod non fuerit natus, tunc, cum auus fideicommissum relinquebat, & ideo mulier contendebat non deberi ei fideicommissum. Hæc obiectio habet aliquem colorem probabilitatis. Nam certum & ius est, quod his relinquatur, qui in rerum natura non sunt, relictum non valere l. vn. §. in prin. infr. de cad. toll. Respondetur hoc rescripto, quamuis nepos tempore testamenti aui natus non sit, tamen eum fideicommissum patri eius relictum, cuius fideicommissi dies patre viuo cesserit, recte petere. Obiectio ad rem nihil pertinet: nam fideicommissum huic nepoti relictum non fuit, sed patri eius, qui tum vixit, cum relinquebatur fideicommissum. Sed ita nepos fideicommissum ab vxore patris petere potest, si illa marito heres exstitit. Quod si illa repudiante hereditate, hereditas ad nepotem pertinet iure agnationis, de fideicommissis aduersus eam agi non potest, id hereditas ab ea est vindicanda si possidet, vt in extremo hic.

Sed cur hoc casu de fideicommissis agi non potest? Respondeo, non quod fideicommissum patri relictum non transferatur ad heredes eius quosuis, sed quia nepos patruo succedendo, fideicommissi obligatio extinguatur,

Nam patruus debitor erat huius fideicommissi, nepos creditor, is cui debebatur fideicommissum ex persona patris. Quoties debitor creditori succedit, confusione extinguitur obligatio. *leg. debitori. sup. de pact.* Ita solum hoc relinquitur nepoti, ut si vxor defuncti patruus eius hereditatem mariti possidet, solum possit hereditatem ab ea vindicare, quod facere secundum reg. iuris potest: nam petitio hereditatis datur hereditibus aduersus eos qui hereditatem pro herede, prove possessore possident. *l. regulariter. de pat. her.* In summa quod ad fideicommissum pertinet, rescriptum huc

4 *redit: Fideicommissi* † conditionalis, siue sit singulare, siue vniuersale fideicommissum, die cedere cum conditio existit, & testator mortuus est. Si hic dies cessit viuo fideicommissario, fideicommissi persecutione ad oēs eius heredes transmitti, quamuis eo tempore nati non fuerint quo fideicommissum est relictum. Hanc persecutionem extinguere, si is cui fideicommissum debebatur successerit ei, qui debebat: quæ supra satis confirmata sunt certis locis.

Ad Leg. XXII. Et in epistola.

Iidem AA. & CC. Plautiano.

Et in epistola vel libello vel sine scriptura, immo etiam nutu fideicommissum relinqui posse adhibitis testibus, nulla dubitatio est. Dat. Ibid. April. Bizantii AA. cons.

SUMMARY.

- 1 *Fideicommissum etiam extra testamentum quauis scriptura, siue epistola, siue libello, recte relinquitur.*
- 2 *Epistola quid hic dicatur.*
- 3 *Libellus quomodo hic accipiat.*
- 4 *Fideicommissum etiam sine scriptura quouis modo recte relinquitur.*
- 5 *Voluntas fideicommittentis quomodo nutu significetur.*
- 6 *Heredes codicillis neque scribi, neque nuncupari, neque nutu institui possunt.*

1 **F**ideicommissum † etiam extra testamentum, quauis scriptura recte relinquitur, siue sit epistola, siue libellus, ut hic. Epistola † hic dicitur scriptura supremam voluntatem testatoris continens, cuius verba diriguntur ad eum, cui fideicommissum datur, quibus testator in morem epistolæ significat fideicommissario absenti, quid illi datum voluerit, hoc modo: Sempronii scito te mihi carum esse, propter merita tua, me tibi fundum Tusculanum dedisse, ut scires me ingrati non fuisse; cuiusmodi exemplum legitur in *l. miles. de legat.* 2. Libellus dicitur quis scriptura nudâ defuncti voluntatem continens, ut sit libellus idem, quod codicilli, quod intelligi potest ex *leg. 4. sup. de his quib. ut indig.* ubi pro his verbis, epistola vel libello, scriptum est, epistola vel codicillis. Et certe nos omnes scimus librum, & codicem, idem valere Latinis, ut consequens sit, idem valere codicillos & libellum, diminutive.

4 Sed † & sine scriptura fideicommissum quouis modo recte relinquitur. Sic autem aliquid sine scriptura significari potest, vel ut exprimatür lingua, vel ut nutu significetur. Placet autem fideicommissum non tantum lingua, sed etiam nutu relinqui posse. *l. nutu. de leg. 3.*

5 Sed † quomodo nutu voluntas fideicommissi significari potest, ubi defunctus nihil dicit? Respondeo id fieri hoc modo, cum alio loquente & interrogante, an testator velit L. Titio centum aureos dari, vel testator nutu declarat se velle. Nutus autem ad præce-

dentia verba interrogationis relatus certum fideicommissum, & certam voluntatem efficit. *leg. seruo. §. si pupillus. ad Trebellian.* Hæc olim in legatis vultu obseruabantur, unde hic de fideicommissis est concepta definitio: sed sublata differentia legatorum & fideicommissorum, idem ius & in legatis esse intelligemus, de quo initio hic dictum est. In heredum institutionibus contra obseruatur. Heredes † codicillis neque scribi neque nuncupari possunt. *§. penultim. de codicill.* Vbi autem testamento nuncupative heredes instituuntur, non possunt institui nutu, sed palam exprimi oportet a testatore: nam ita ius est, ut heredes aut scribantur, aut nuncupentur. *leg. 1. §. 1. de heredit. institutionibus.* Scribuntur iusto testamento. Nuncupare aut heredes est, palam nuncupare, ita ut omnes vocem nuncupantis testatoris exaudiant, *leg. palam. qui test. fac. poss.* Ita hæc definitione nutus eius in heredibus instituendis excluditur. Quod tamen hic dicitur superioribus modis omnibus fideicommissum relinqui posse, cum hac exceptione semper est intelligendum, dummodo testes & idonei & quantum satis interuenerunt, ut hic sequitur. De quo apertius est cautum in *leg. ultima. §. ultimo, infra. de cad. toll.*

Ad L. XXIII. Si veritas.

Iidem AA. & CC. Stratonico.

Si veritas vel solemnitas iuris deest, nec amplexus parentis voluntatem relicta dedisti, vel transactionis causa stipulantibus promissisti, negotiumque integrum est: ab solutionem urgere non potes. Datum 5. Cal. Februa. AA. Cons.

SUMMARY.

- 1 *Veritas & solemnitas testamento quando deesse dicatur.*
- 2 *Ex falso aut imperfecto testamento nihil debetur. Limitatur ibid.*
- 3 *Heres voluntatem testatoris quomodo agnoscere intelligatur.*
- 4 *Heres an solo pacto, quo se fideicommissum præstaturum pollicetur, fideicommissum agnoscere & pacto obligari videatur.*

Veritas † testamento deest, cum scriptura aliqua dicitur esse testamentum Lucii Titii defuncti, & hoc falsum est. Solemnitas testamento deest, cum aliquid ex his deest obseruationibus, quæ in testamentis faciendis desiderantur, quod testamentum vno verbo dicitur imperfectum. *leg. hac consulti. in. pr. §. ex imperfect. §. de testam.* Ex † falso testamento nihil deberi potest, quoniam ne testamentum quidem est, sed nec heres defuncti L. Titii ea quæ in testamento scripta sunt agnoscere obligatur, ut ea præstet: quoniam ut quis voluntatem defuncti dicatur agnoscere, prius est, ut sit voluntas defuncti. Iam autem dictum falsum testamentum esse: ex imperfecto autem testamento nihil deberi potest *l. 3. d. l. hac consulti. d. §.* Sed hoc ita est nisi heres voluntatem defuncti ea scriptura testatam agnouerit, agnoscendo obligatur ut præstet in posterum quod ea voluntate continetur, *l. in dubium. in fin. §. de testa.* de quo dictum ad *leg. 1. 2. §.* Agnoscere † aut voluntatem intelligitur heres, vltro fidem præstando *l. 2. §.* Agnoscere in futurum intelligitur, ut obligetur in legatis annuis, si legatum præstet, non minus quadriennio *l. sup.* In ceteris & generaliter in omnibus voluntatem agnoscere intelligitur promittendo se præstaturum quod reliquit testator, ut hic scriptum est. Sed

Sed adlicitur hoc loco de promissione, qua quis stipulanti fideiussori promittit. Vnde oportune quaeritur, si an solo pacto quo heres pollicetur se fideicommissum praestitutum, videatur fideicommissum agnoscere, & pacto obligetur? Mouent dubitatione contrarii loci. Nam hoc rescriptum videtur stipulationem exigere. Lex ult. inf. ad l. Falc. exigit cautionem, cautionis verbo significatur stipulatio. l. sancimus. de verb. sig. Item ex pacto nudo non nascitur actio. l. igitur. §. sed cum nulla. de pact. Rursum in d. leg. non dubium. sup. de testam. simpliciter scriptum est, si heres legatum aut fideicommissum agnouerit, necessitatem habere id in posterum praestandi. Intelligitur agnoscere voluntatem defuncti, quicquid testatur legatario, se secundum eam voluntatem legatum, aut fideicommissum praestare velle. Deinde in d. l. i. sup. placet, si quis fideicommissum annuum triennio praestiterit, eum obligari ad fideicommissum in posterum praestandum, non alia ratione, quam quod heres sapius id praestando, factum declarauit, se id fideicommissum praestare velle. Si tacita agnitio legati, quae ex facto colligitur, sine vlla stipulatione heredem in futurum obligauit, multo magis expressa eius agnitio sine vlla stipulatione eum obligabit.

Ad hoc rescriptum hoc modo responderi potest, quod stipulatio hic exigitur, ut fideicommissum in posterum debeat, ideo fieri, quia heres agnouit iudicium defuncti transactionis causa. Aliud probandum est in eo, qui ideo agnouit, quia sciebat non deberi, sed nihilominus soli voluntati defuncti satisfacere cupiebat. Ad l. quoque ult. inf. ad l. Falcid. dici potest, cautionem heredis exigi, sed cautionem illic significare Chirographum heredis, ut saepe cautionis verbo significatur l. emtor. §. ult. sup. de pact. Sed tutius est dici id, quod & scripsimus ad d. leg. non dubium. sup. heredem promittendo se praestitutum legatum aut fideicommissum, quod in utili testamento relictum erat, ita demum obligari in posterum, si stipulanti promittat, non autem pacto nudo. Primo propter verba huius rescripti rescripti, ubi stipulatio exigitur, & nominatim in eo, qui amplectitur voluntatem defuncti. Sed multo magis propter verba l. ult. ad l. Falcid. Huius legis Iustinianus auctor est, & proinde verba eius, ex illius sententia sunt accipienda. Ipsum autem cautionis verbum sic usurpat, ut velit stipulationem significare l. sancimus. sup. de verb. sig. Accedit ius certum, quo cautum est, ex pacto nudo actionem non nasci. Mouere nos non debet exemplum l. i. sup. b. Et si enim cum heres fideicommissum triennio praestat annuum, quod non debebatur, videtur tacito pacto testari, se velle in posterum id praestare, tamen non semel id facit, sed sapius, ut quodammodo quoties id facit, tot sint pacta quibus de voluntate sua pollicetur. Fatemur ubi idem debitor pluribus factis idem pollicetur, etsi priori non obligatur iure ciuili, tamen posteriori obligari, nempe de constit. pec. de qua obligatur quicquid constituit se soluturum, quod prius debebat, §. de constituta. Inst. de act. Qui autem constituit, quod prius pactus erat, is debitum constituere intelligitur: pacto enim promissum, natura debetur l. 7. §. i. de solut. Natura autem debitum sufficit, ut constitui possit. l. i. §. debitum, de constit. pec.

Ad L. XXIV. Instrumenta praeiorum.

Idem AA. & CC. Menostrato.

Instrumenta praeiorum per fideicommissum relictorum.

qua ad probationem originis eorum pertinent, heredes prestare necesse non habent, cautionem tamen prestare debent, quod si opus fuerit, legatario seu fideicommissario, ipsa si habeant, proferant. Dat. Kalen. Decemb. Sir-mii. AA. co. ss.

S Y M M A R I V M.

- 1 Prædiis legatis seu fideicommissis, utrum instrumenta acquisitionem eorum continentia, prestari debeant? Obiectiones diluuntur, & pro negatiua respondetur.
- 2 Proferendi verbo, quid hic significetur.
- 3 Heredem ad cautionem de instrumentis legatario exhibendis teneri, unde colligatur.

Prædiis legatis seu fideicommissis, quaesitum est, utrum instrumenta acquisitionem prædiorum continentia fideicommissario prestari debeant. Quaestio in eo est, an ea instrumenta sint legata, nam si legata non sunt, non debentur. Hic rescriptum est ea instrumenta ab herede prestari necesse non esse. Hic multa occurrunt, quæ contrariam sententiam suadeant, quæ ordine diluimus. i. Adibus legatis constat omnia deberi, quæ sunt tanquam pars ædium, seu quod propter ædes habetur l. Iulianus. §. ult. de act. emt. Hæc autem instrumenta propter ædes, & propter alia prædia habentur, proinde etiam legata intelliguntur, & tanquam legata prestari debent. Respondeo, negandum est eiusmodi instrumenta propter ædes aut prædia haberi: argumento est, quod sine his prædia recte habentur, & recte coluntur. Sed habentur hæc instrumenta propter possessores, ut qui emerunt, & ea prædia ex ea causa possident, tueantur possessionem his instrumentis. Propter personas igitur hæc instrumenta fiunt, ut illis caueatur, non propter prædia.

Sed & alia ratione efficitur hæc instrumenta fideicommissario prestari debere. Nam quoties quid ab alio petitur, quod petenti prodest, ei autem a quo petitur prestari nihil nocet, toties æquum est, id impetrari ab eo vnde petitur. l. 2. §. quæquam. de aq. plu. arc. Et merito id placuit, quoniam malitiis hominum non est indulgendum, ut recte scriptum est in l. in fundo. de rei vind. At hæc instrumenta fideicommissario prestari valde ei prodest ad tuendum dominium eorum prædiorum. Nam si defunctus eorum prædiorum dominus non fuit, non erit etiam fideicommissarius dominus, quia traditio defuncti nihil iuris amplius transferre potuit, quam fuit apud defunctum, l. traditio. de acquir. rer. dom. An autem defunctus dominus fuerit, hæc instrumenta probabunt, ex quibus intelligitur etiam fideicommissarium dominum factum esse. Ut autem hæc instrumenta prestantur ab herede, quid ei nocet: cum ipse amplius ea prædia non possideat, & multo minus sit eorum dominus. Vnde efficitur, hæc sola ratione heredem hæc instrumenta prestare fideicommissario debere.

Respondeo, ut cetera concedamus, tamen falsum est heredi nihil nocere hæc instrumenta restitui: imo ob id maxime heres hæc instrumenta retinere potest, quoniam maxime eius interest, ne ab illo recedat. Nam ut Bartolus recte scripsit ex sententia veterum, qui illi antecesserunt, aut prædia generaliter fideicommissa sunt, aut hæc, aut illa certa specialiter. Si generaliter legata sunt, quæcunque prædia heres postea præscribit, pro euicis tenentur l. si a substituto. in fin. de leg. 1. proinde hoc casu interest eius, instrumenta emtionum & acquisitionum apud se habere, ut possit remtueri, ne euincat. Quod si certa prædia a testatore re-

licita erunt, & deinde tanquam aliena euincantur, nō tenetur quidem heres præstare euicta, si testator sciuit an prædia aliena esse. Sed si de eo quærat an defunctus putauerit, sua esse nec ne, ipse se tuebitur instrumentis illis, quoniam ex iis apparebit, testatorem existimasse prædia ad se pertinere *ex l. cum alienam. §. de legat.*

Postremo huic parti obstat *l. sicut datam. inf. de liberali causa*, ubi si quis seruum manumiserit, & manumissionis instrumenta conscripserit, placet non tantum patronum nō posse reuocare libertatem, sed etiam manumissionis instrumentum seruo præstare debere. Respōdeo longe hæc in dissimili causa versantur. Nam seruo manumissionis instrumentum præstandum est, quia instrumentum est serui non patroni. Id enim instrumentū cuiusque est, cuius causa factum est. *l. pen. in pr. de acq. rer. dom.* Constat autem manumissionis instrumentum fieri serui manumissi causa. At instrumentum quod continet emtionem seu acquisitionem defuncti, non alius est, quam defuncti: non igitur est fideicommissarii. Proinde recte respondetur hic, prædiis legatis aut fideicommissi, instrumenta eorum prædiorum acquisitionem continentia fideicommissario præstari non debere. His de causis, quia non sunt legata, & heredis interest apud eum haberi, & quoniam non sunt fideicommissarii, sed heredis. Et ob has etiam recte placuit prædiis venditis non teneri venditorem, ut instrumenta eorum prædiorum acquisitionem continentia tradat emptori, sed tantum ut ea emptori exhibeat. *l. Titius heres. l. si creditor, de act. emi.*

Sed quamuis hæc instrumenta heres fideicommissario præstare necesse non habeat, tamen hic placet heredem fideicommissario cauere debere, se illa prolaturum fideicommissario cum opus erit, si & ea adhuc apud se habeat. Cauere, id est, stipulanti fideicommissario promittere, & ita se illi obligare. *l. sancimus. de verb. sig.* Proferendi tamen verbo non hic significatur tantum exhibitio instrumentorum, ut scilicet heres tantum instrumentorum cognoscendorum & describendorum potestatem faciat, sed hoc continetur, ut heres ipsa instrumenta authentica proferat, ubi opus erit, nam hac propositione tantum opus est fideicommissario, ut probetur his instrumentis hæc prædia fuisse defuncti, ac proinde a defuncto recte in fideicommissarium translata. Hoc autem nō probatur nisi authenticis, nam exempla fidem non faciunt *l. 2. de fid. instrum.*

Sed tamen unde intelligimus heredem ad hanc cautionem teneri, cum heres nihil præstare debeat, nisi legatū aut fideicommissum sit: hic autem de hac cautione nihil a testatore expressum est? Respondeo, hanc cautionem præstari debere, ex sententia defuncti colligitur. Sententia hæc & voluntas intelligitur ex eo, quod recte generaliter constituitur, quoties conceditur aliquid, ea omnia concessa videri, sine quibus id quod concessum est explicari & obtineri non pōt. *l. 2. de iur. dict. l. 1. §. 1. si usus fruct. pet.* At cum testator legat prædia, intelligitur prædiorum dominium legare, usque adeo, ut si qua pars dominio desit, adhuc integrum prædium peti possit. *l. Manius. §. pen. de leg. 2.* Porro dominium obtineri nō potest a fideicommissario, si de prædiis fiat cōtrouerſa, nisi probetur instrumentis. Instrumentis id probari nō pōt, nisi instrumentis placis: proinde hæc quoque sententia est testatoris, ut prædiis legatis hæc instrumenta præferantur fideicommissario.

Ad L. XXV.

Idem AA. & CC. Iulianæ.

Heredum etiam res proprias per fideicommissum relinquere non ambigitur. Dat. 2. Kalend. Mart. CC. coß.

S V M M A R I V M.

1. Res alienæ, item res heredis recte per fideicommissum relinquuntur.

Si res penitus alienæ legari possunt, multo magis pōt res heredis: de quo legato dixi ad *l. cum aliena, sup. de legat.* Sed hoc plus est in re heredis, quia res heredis legata, omnino debetur, siue testator sciuerit heredis esse, siue putauerit esse suam *l. unum. §. si rem, de leg. 2.* Ceteræ res alienæ legatæ ita debentur, si testator alienas esse non ignorauit. *d. l. cum alienam.*

Ad L. XXVI.

Idem AA. & CC. Fortunato.

Ex repudiatione fideicommissi, doli mali exceptio, iusta causa intercedente, tunc opponitur, quando ipse, cui fideicommissum relictum est, repudiatione usus fuerit. Unde cum hoc non te, sed patrem fecisse adseueres, qui tibi nocere non potuit: nihil tibi obesse potest. Dat. 2. Id. April. Sirmii. CC. coß.

S V M M A R I V M.

1. Filius fam. an fideicommissum recte possit repudiare.
2. Fideicommissum repudiatum an postea petere possit.
3. Patre fideicommissum repudiante, ea repudiatio filio non nocet.
4. Doli mali exceptio an fideicommissario repudiante recte opponatur.
5. Repudiatione legatum seu rei legatæ dominium amittitur.
6. Actionis in rem, & actionis in personam ex causa legati descendens differentia, & ratio diuersitatis. num. 7.

Fideicommissum datum est filiofam. id filius repudiavit. Quæsitū tamen est an recte repudiauero, & an sit amissum? Placet recte repudiatum, idque efficitur ex regula iuris, quæ dicit eum posse repudiare, qui & acquirere potest *l. is potest, de acquir. hered. l. eius est, de reg. iur.* Filius autem familias & legatum & fideicommissum sibi relictum, non tantum ignorante patre acquirere potest, sed etiam inuito, quia acquisitio legati, patri nihil nocet *l. acquiruntur, l. etiam inuitis de acquir. rer. dom.* Quare etiam inuito patre filius recte fideicommissum repudiabit.

Quid tamen si repudiatum postea petat, puta sui iuris factus? Hic rescriptum est, ex repudiatione doli mali exceptionem ei opponi non causa interueniente. Quæ verba posteriora non continent conditionem, per rationem, non enim doli exceptio opponitur repudiantibus sub conditione, si iusta causa repudiationis interuenierit. Nam quacumque de causa fideicommissum repudiatum sit, hoc ipso, quod repudiatum est, amittitur. *l. is qui heres, de acquir. her.* Sed exceptio opponitur repudiante, utpote iusta causa interueniente cur opponatur, cum scilicet is repudiatione usus sit cui fideicommissum relictum erat, ut sequitur in rescripto. Vnde subiicitur per contrarium, si pater tamen si deicommissum repudiauero, repudiationem filio nō nocere, nempe contraria de causa, quia hic iusta causa non interuenit, cur hoc casu opponatur filio agenti doli mali exceptio. Idque ex eadem regula superiori efficitur.

refficitur, quia is solus repudiare potest, qui & acquirere: pater autem fideicommissum filio relictum inuito filio acquirere non potest, sed solus filius, usque adeo, ut filius nulla vi cogi possit ad acquirendum, & eo repudiante nihil patri acquiratur. Nam id & in seruo herede instituto placuit leg. 3. §. de hered. inst. Proinde nec pater repudiare potest. *Huc pertinet. l. is qui heres. §. vltim. de acquiren. heredit.* Cetera hic expedita sunt.

4 Illud tñ expeditum est quod dicitur, fideicommissario repudianti, si postea fideicommissum petat, opponi doli mali exceptionem. Nō videtur defendi posse, in hac specie locū esse exceptiōi vel doli, vel vlli alii. Nam exceptio nunquam competit reo, nisi agenti iure ciuili competat actio iure constituta, ut probatur in singulis. §. sup. tit. de except. Vnde definitur exceptio actiōis exclusio l. 2. de except. ut consequens sit, nulla actiōe posita, nullam actiōis exclusionem, ac proinde nullam exceptionem esse posse. At in proposito vbi fideicommissum repudiavit, statim actiōe ipso iure amittit leg. *seruum filii. §. 1. leg. si tibi heres. §. cum seruus de leg. 1. leg. nam sunt. d. ad L. Aquilam. vbi expressum est.* Proinde dici potuit filium qui repudiavit, amplius petere fideicommissum non posse: illi autem agenti opponi exceptionem, dici non potest, cum ille actiōnem iure nullam habeat quæ exceptione excludatur.

Dicendum est, quod de repudiatione supra dixi, & quos locos in eam rem citauimus, omnia scripta esse de domino rei legatæ, item de actiōe in rem, quæ legatario ex dominio nascitur. Sic ius est, Repudiatione
5 t legatum, seu rei legatæ dominium ipso iure amitti. *l. seruum filii. §. 1. l. si tibi heres §. cum seruus, de legat. 1.* Ut dominium amittitur, ita consequens est in rem actiōnem nō cōpetere ipso iure repudianti, idque est quod dicitur in *d. l. nam sicut, ad l. Aquil.* Consequens esse dicimus quia aperte in rem actio iure ciuili non competit nisi domino. *l. in rem. de rei vind.* At in hac leg. de fideicommissario agitur, idque ex iure veteri, quō iure ex fideicommissio non transibat dominium rei fideicommissæ recta in fideicommissarium, ut fiebat in rebus legatis. *l. a Titio. de fur.* Sed fideicommissum obtineri debebat ab herede vel eo, a quo relictum erat. *Inst. h.* Nuda actio in personam tantum competebat fideicommissario, ad restitutionē fideicommissi, quæ extraordinaria persecutio dicebatur *l. pecunie. §. actiō. de verb. sign.* Differt tñ actio in personam a domino rei legatæ & actiōe in rem. Ex causa legati neque dominium neque actio in rem acquiritur legatario aut fideicommissario, nisi sub conditione, si non repudiauerit, & ideo eo repudiante, superiora perinde habentur, quasi ei nunquam quæsitæ essent. At in personam actio & legatario & fideicommissario statim queritur ipso iure, sine vlla conditione, ut ex hoc loco facile intelligitur. Quæsitæ semel actio, repudiatione fideicommissi amitti nō potest iure ciuili. Nā si actio in personam nō amittitur pacto, id est debitoris & creditoris cōsensu, multo minus nuda volūtate solius creditoris amittitur. §. *præterea. de exc.* Sed quāuis repudiatione nō amittatur iure actio, tamen quia iniquum est heredem hoc casu repudianti teneri, placet exceptionem doli mali illi ob stare, si contra remissiōnem suā fideicommissum petat, ut hic dicitur.

7 Sed cur tñ aliud statuimus in domino & in actiōib. in rem ex causa legati descendētib. aliud in actiōe in personam ex eadē causa descendente? Respondeo,

differentiæ ratio est, quia si dominium statim acquireretur legatariis, & immutabiliter, id nulla repudiatione amitti potest, neque iure neque per exceptionem. Non potest ipso iure, quia ut dominium & corpore & animo acquiritur non sola voluntate, sic sola voluntate amitti non potest leg. *si quis. §. differentia. de acquirend. possess.* Ut autem post repudiationem nihilominus maneret dominium rei penes fideicommissarium, ita si fideicommissarius rem fideicommissam peteret, exceptione doli mali, aut alia quauis remoueri non posset ab herede. Nam omnis exceptio iure eorum æstimanda est, qui ea vtuntur leg. *penultim. in fine. de bon. possess. secund. tabul.* At in proposito ex repudiatione fideicommissi nullum ius acquirit heres in dominio rei legatæ, si posuerimus fideicommissarium repudiantem nihilominus dominum manere. Proinde quæuis exceptio ab illo allata, illi prodesse non potest. Ob hanc causam cautum est, ut ne ante dominium certo acquireret, quam constitisset illum non repudiasse, ut sic repudiatione vere dominium amitteret. At hoc incommodum non metuitur in actiōe in personam, si illa statim fideicommissario aut legatario acquiratur, quamuis enim semel quæsitæ repudiatione non amittitur ipso iure, tamen excluditur per exceptionem, quæ acquiritur hereditate heredi utpote ei, qui dedit fideicommissum, Nihil autem interest effectū, vtrum quis actiōnem non habeat, an per exceptionem actio infirmetur. *l. nihil interest. de reg. iur.*

Ad L. XXVII.

Iidem A A. & C C. Olympiadi.

Fideicommissum eius, qui reliquerat, pœnitentia probata successores nunquam prestare compelluntur. Datum. V. Calend. Octobr. Viminacii. C C. Coss.

S V M M A R I V M.

- 1 *Fideicommissum pœnitentia relinquentis probata, neque ab heredibus, neque ab vllis aliis debetur. §. num. 3.*
- 2 *Pœnitentia hac quomodo probatur.*

Id recte relictum debetur, nisi eū qui reliquit pœniteat relict. Nā reuocari fideicommissum & legatū semper potest, ex pœnitentia leg. *datum. §. de legatis.* Pœnitentia tñ eius probata, fideicommissum neque ab heredibus neque ab aliis vllis, a quibus relictum, debetur. *ut hic.* Pœnitentia tñ probatur & ex voluntate defuncti, & ex re ipsa. Ex verbis, si aperte, ademit: ex re si inimicitie capitales inter defunctum & legatarium incidant, aut incidat aliqua indignitas fideicommissarii aduersus defunctum, vnde intelligi possit nolle defunctum in tam indignum quicquam conferre l. 3. §. *vltim. l. sequent. de adimend. leg.* Sic tñ ex pœnitentia legatum reuocatum non debetur, ut alias non debeat ipso iure, alias heres tutus sit exceptione. Ipso iure non debetur, si legitima voluntate ademptum est, puta testamento aut codicillis: alias exceptione tantum doli mali: quæ heredi competit. *dicta l. 3. §. vlt. de adimend. leg.*

Ad L. XXIX.

Iidem A A. & C C. Tiberio.

Ex fideicommisso sub conditione sine libertate seruis propriis inutiliter dato libertas peti non potest. &c.

De hac lege dixi ad leg. *seruus. 4. supra. de legat.*

Ad L. XXIX.

Idem A A. & C C. Achilleo.

Ex testamento quod iure non valet nec fideicommissum quidē, si non ab intestato quoque succedentes rogati probentur, peti potest. Dat. 8. Calen. Decemb. C C. Coss.

Definitio est generalis cuius exemplum expositū est in leg. eam, quam, sup. hic.

Ad L. XXX. Cum acutissimi.

Imperator Iustinianus A. Demostheni præfecto prætorio.

Cum acutissimi ingenii vir, & merito ante alios excellens Papinianus in suis statuerit responsis si quis filium suum heredem instituit, & restitutionis post mortem oneri subegit, non aliter hoc videre disposuisse, nisi cum filius eius sine sobole vitam suam reliquerit: nos huius sensum merito mirati, plenissimum ei donamus euentum. ut si quis hoc disposuerit, non tantum filium heredem instituens, sed etiam filiam, vel ab initio nepotem vel neptem, pronepotem vel proneptem, vel aliam deinceps posteritatem, & eam restitutionis post obitum gravamini subiugauerit: non aliter hoc sensisse videatur, nisi si qui restitutione onerati sunt: sine filiis vel filiabus, nepotibus vel neptibus, pronepotibus vel proneptibus fuerint defuncti, ne videatur testator alienas successiones propriis antepone. Reciata septimo in nono consistorio Palatii Iustiniani. Dat. 3 Cal. Nouemb. Decio V. C. Coss. 529.

S V M M A R I V M.

1 Heres, rogatus portionem hereditatis post mortem restituere fratri vel patrui, si susceptis liberis decedat, an fideicommissum debeat.

2 Tria in responso Papiniani notanda.

1 **S**i pater filium vel nepotem heredem instituit rogat, ut restituat portionem hereditatis cum morietur, vel post mortē suam, fratri vel patrui suo. Hic mortuo eo qui rogatus est, secundum verba, fideicommissum debetur, siue filius, aut nepos decesserit sine liberis, siue liberis susceptis. Nam mortuo eo conditio fideicommissi exstitit: conditio inpleta fideicommissum debetur etiam si liberos suscepit, quoniam fideicommissum nō fuit relictū sub hac condicione si sine liberis decederet. Et hæc ita sunt si verba sequimur: sed in hac specie Papinianus olim respondit: Si filius aut nepos liberis susceptis decesserit, fideicommissarium coniectura voluntatis defecisse videri, quamquam fideicommissio inesset hæc conditio ex voluntate defuncti, si nepos decesserit, idque sine liberis. Exstat eius responsum in leg. cum auus. de condit. & demonstr. Cuius voluntatis coniecturam & rationem explicat Iustinianus in hac. l. cum ait, in fin. non esse verisimile quinquam alienas successiones propriis antepone. Hoc responsum, cum esset plenum æquitatis & certam rationem haberet, Iustinianus duabus constitutionibus confirmavit, & ita explicauit, ut ad alios multos usus produceret. Constitutiones eius sunt hæc. l. cum acutissimi, & l. generaliter. §. ult. §. de inst. & substit. quarum sententia hæc est.

2 In responso Papiniani tria notanda sunt. 1. de persona rogati. 2. de liberis ab eo susceptis, 3. de fideicommissis. Hæc capita Iustinianus ita tractauit: Papinianus de nepotibus loquitur in d. leg. cum auus. Iustinianus produxit hoc responsum ad pronepotē & omnē alium posterum. Hic Papinianus de nepotē loquitur in sexu masculino: Iustinianus in hoc rescripto producit ad filias neptes, proneptes & alias in infinitū. Papinianus de nepote loquitur, legitimoque filio pa-

tris: Iustinianus in d. l. generaliter. §. ult. produxit ad liberos institutos, etiam si naturales tantum sint. In liberis susceptis Papinianus de liberis generaliter & indistincte loquitur: Iustinianus hoc reuocauit ad liberos tantum legitime susceptos, & cauit, ut si filius rogatus post mortem suam hereditatem restituere, decedat liberis non ex iusto matrimonio susceptis, fideicommissum æque debeat, ac si sine liberis decessisset. Hoc in dict. l. generaliter. cir. fin. significatur quoque illis verbis, sine iusta prole, ut ibi locum exposuimus. Postremo, Papinianus de fideicommissio hereditatis loquitur: Iustinianus hoc produxit etiam ad fideicommissa singula & legata, d. l. generaliter, in fine.

Ad L. penult.

Idem A. Ioanni præfecto prætorio.

Quidā filium suū a sacris paternis remisit, & postea testamento condito eū prateriit, nullo ei penitus relicto, aliis heredibus derelictis. Ipsum autem, quem neque heredem neque exheredatum fecit, fideicommissio pragrauauit, quarebatur si utile esset huiusmodi fideicommissum. Tota igitur antiqua dubietate super hoc explosa, nobis in hoc casu placuit, ut emancipatus (vtpote iniuria a patre adfectus) non compellatur fideicommissum a sua persona relictum præstare. Quod etiam in aliis personis quas exheredari necesse est, locum habere censemus. Dat. prid. Calen. Mart. Constantin. post consulatum Lampadii. & Orestis. VV. C. C. 531.

S V M M A R I V M.

1 Fideicommissum an a filio emancipato & postea exheredato relinqui possit.

Ab exheredato substituto legari nihil potest, multo minus ab exheredato l. cum quidam. §. de leg. vbi hic locus apertius constitutus est a Iustiniano. Quæsitum est, si pater filium emancipauerit, an possit eo exheredato nihilominus ab eo fideicommissum relinqui? De hac specie dubitatum fuit, propterea quod pater emancipatione libertatem in filium contulerit: hæc res inæstimabilis est. Regula autem iuris facit, ut cui aliquid dedimus, etiam ab eo relinqui possimus leg. ab eo. §. h. Iustinianus eam dubitationem omnē remouens hic constituit, ab exheredato filio, quamuis antea emancipato, relinqui nihil posse. Non obstat quod dicitur ab eo, cui dedimus, etiā relinqui posse. Hoc enim ita dictum est, si modo ei aliquid dedimus quod ad eū pertinet voluntate nostra leg. i. §. sciendum. de leg. 3. Libertas autem, quæ emancipatione confertur, confertur inter viuos, nec suprema voluntate reuocari potest, unde intelligitur eam libertatem morte nostra ad aliū nō peruenire. Hoc amplius, libertas hæc, quæ ex emancipatione ea nascitur, nullam æstimationem habet, ut sciri possit, quid pro ea relinqui possit. l. si filius fam. de leg. i.

Ad L. Ultimam.

Idem A. Iohanni præfecto prætorio.

Questionem ex facto emergentem rescantes & voluntari mortuorum prospicientes sancimus, si sine scriptura & presentia testium fideicommissio derelicta fideicommissarius elegerit: heredis iuramentum, vel forsitan legatarii vel fideicommissarii, quotiens ab eo relictum est fideicommissum, siue vniuersitatis, siue speciale: necesse habere heredem vel legatarium seu fideicommissarium, prius iureiurando de calumnia præstito vel sacramentum subire, & omni inquietudine sese relaxare: vel si recusandum existimauerit sacramentum, aut certam partem vel quantitatem manifestare fideicommissario derelictā noluerit, si forsitan maiorem fideicommissarius expectat:

expetat: omnimodo exactionis fideicommissi subiacere & eum ad satisfactionem compelli: cum ipse sibi index, & testis inueniatur, cuius religio & fides a fideicommissario electa est, nullis testibus, nullisque aliis aduentibus probationibus requisitis, &c.

S V M M A R I V M.

- 1 Fideicommissum non solemniter relictum an ab herede præstandum sit.
- 2 Heres, nihil a se relictum, iurare recusans: fideicommissum soluere cogitur: & cur?
- 3 Ratio huius constitutionis.

Si aliquot locis constitutum est, ex imperfecto testamento, item ex imperfectis codicillis, & generaliter ex omni suprema voluntate, nisi quinque cum minimum testes adhibiti sint, deberi nihil, & nihil peri posse. *l. si veritas. sup. h. l. vlt. §. vltim. sup. de codicil.* Iustinianus ex his responsis excepit, de quo hic cautum est. Est autem constitutionis hæc sententia. Si defunctus sine scriptura, cum herede præsentem egerit eiusque fideicommissario, ut aliquid ei præstaret, quâvis nulli omnino adhibiti sint testes, tamen placet fideicommissum ab herede præstandum duobus casibus. Vno qui solis verbis huius constitutionis expressus est, si videlicet heres neget, quicquam a se relictum esse, & actus ad iusiurandum a fideicommissore, iurare nolit. Alter casus ex superiori colligitur, si videlicet heres ultro confiteatur fideicommissum a se relictum esse, sed dicat, se non teneri, quia solemniter relictum non sit. Hic casus ex priori colligitur, intellecta ratione huius constitutionis.

Cur, n. t. heres iurare recusans, fideicommissum soluere cogitur? Non alia ratio est, quod recusatio iusiurandi, tacita confessio habet, ideo, n. n. vult iurare, quæ peierare non vult, sic a se relictum esse, *l. manifesta, de iur. iuran.* Si recte colligitur, propter quod vnum quodque tale est, illud magis tale esse, existimandum est, quod probatur vulgo *ex auth. multo. sup. de epis. & clericis.* Proinde si recusatio iusiurandi heredem obligat propter confessionem, quæ in hac recusatone inesse intelligitur, multo magis aperta eius confessio eum obligabit. Itaque quod scriptum est *in §. vlt. in fin. Instit.* heredem in hac specie contententem obligari, si confiteatur postquam negauerit, non sic accipiendum est, quod confitens de fideicommissio, non alia conditione obligetur, quam si prius legauerit: sed simpliciter, quisquis confitebitur, obligabitur. Intelligendum est enim, quod hic constitutum est in hac obligatione, fideicommissum non esse constitutum pœnæ causâ, ut coerceatur inficiatio heredis, sed voluntatis testatoris tantum seruandæ causâ, ut diserte scriptum est in hac constitutione *in extremis verbis.*

Prior casus ex iis duobus, cum nihil iniquum & nouum habere videretur, ideo Iustinianus hanc constitutionem aduersus objectionem tacitam muniuit, & præterea addidit rationem cur hoc ius constituerit. Primo diceret aliquis non recte exigi fideicommissum ab herede sine probatione, ubi heres negaret se scire quicquam relictum esse. Respondet Iustinianus in hac re iniquum non esse, ubi heres iureiurando sibi delato, in sua causâ constituitur testis & index, ut sit in eius potestate non teneri, iurando se nescire quicquam relictum esse. Præterea obiiceret etiam aliquis, videri hoc ius nouum, & contra oēs regulas iuris, secundum quas sollemnis numerus exigitur, & in testamentis, & in codicillis. Atque adeo in omni voluntate, ut

initio hic diximus. Respondet Iustinianus, requiri hunc numerum solemnem & iustum, cum res per testes probanda est. Ideo enim hic numerus exigitur, ne quod falsitatis admittatur, quod facile factum fuit, nisi hic numerus adhiberetur. Sed in hac specie nihil falsitatis metuipotest, etiam si nulli adhibiti sint testes, quia testimonium ab ipso herede, eodemque debitore exigitur: qui si iurauerit fideicommissum a se relictum non esse, liberatus discedit. Sin autem confiteatur, aut iurare nolit, ea recusatio confessionem tacitam habet. Hæc confessio omni suspitione falsitatis caret, cum ipse de se confiteatur.

Ad extremum autem ut dixi rationem reddit, quæ motus ius superioris constituerit. Ait igitur, se motum primo legibus veteribus, quæ iubent, ratas esse supremas voluntates. Intelligit autem legem 12. tabularum, de qua, *l. verbis leg. de verb. sig. item leg. 1. sup. de SS. eccl. & similes.* Deinde motus est idem & iis legibus, quæ exigunt, ita ut impleatur voluntas suprema, ut velint etiam eum, qui hereditatis lucrum accepit, id amittere, nisi testatoribus suis paruerit. Quas leges hic intelligat, quæ situm est: Intelligere dicimus eas leges quibus legatum adimitur tutori, qui se a tutela excusauit. *l. post legatum. §. amittere, de his quæ ut indig. l. qui tutel. sup. de test. tutel.* Nec obstat, quod Iustiniani constitutio de lucro hereditatis amittendo loquitur: his enim verbis non hereditas accipienda est, sed legatum aut fideicommissum. Nam legatum omne aut fideicommissum est lucrum delibatum ex hereditate, ut declaratur definitione legati, *l. legatum, de leg. 1.* Huic constitutioni opponitur *l. si veritas. §. vbi scriptum est,* ex imperfecta scriptura nihil deberi, nisi quod ultro agnouerit voluntatem defuncti. Respondeo, & hoc verissimum est, neque contrarium huic constitutioni. Proinde etiam post hanc constitutionem, id ius manere intelligitur. Quoties testator scriptura aliquid reliquit, fidem scripturæ seruari voluit, proinde si si des scripturæ non constabit ex iusto numero testium, ius antiquum erit. Iustiniani hæc constitutio loquitur, de eo, quod sine scriptura relictum est, vbi scilicet testator contemta omni alia probatione, vel scripturæ, vel testium, rem fidei solius heredis commisit, ut in præ hoc expressum est.

Rursum opponitur *l. vlt. §. vltim. sup. de codicil.* vbi cautum est, nisi quinque testibus adhibitis, nihil ex vlla suprema voluntate deberi. Respondeo, & hæc constitutio hodie manebit, si defunctus absente herede aliquid reliquerit. Nam in absente hæc constitutio locum non habet, quoniam heres, qui ignorauit quid testator dixerit, facile & liquido iurabit, se nescire quid ille dixerit, quo iuramento præstito liberatur hac constitutione. Solum ergo relinquatur locus huic constitutioni, cum defunctus sine alia scriptura, & aliis probationibus, rem quam præstari voluit, fidei heredis præsentis commisit.

Ad Auth. Hoc amplius.

Hoc amplius qui defuncti iudicium lege non representari monitus a iudice, intra annum non implet, excluditur eo, quod præter debitum naturale perceperit ex eo. dem iudicio: hoc autem cum onere suo, danda super hoc cautione, deferatur primo substitutis, mox ordine seruato coheredibus aduentibus, vel generali fideicommissario, vel legatario soli, vel ex pluribus in parte potioris, vel specialis fideicommissario, vel legatario maioris emolu-

menti, vel omnibus vel volentibus, vel libertate in testamento donatis, prout quisque eorum prior nominatus est: exhereditatis ne hic quidem respectus: postremo deferitur extraneo vel fisco.

S V M M A R I V M.

1 Occasio huius fragmenti subiiciendi unde nata.

2 Verba huius constitutionis explicantur.

1 **O**ccasio † huius fragmenti subiiciendi nata est ex postremis verbis superioris legis, quibus Iustinianus scripserat, adeo supremam voluntatem ex legibus seruandam esse, ut placeat eos amittere lucrū hereditatis, qui testatoribus suis non paruerint: ubi lucrum hereditatis dixi accipiendum legatum aut fideicommissum alicui relictum, in hoc, ut aliquid ex iussu testatoris faceret. Adicitur igitur apte hæc Authentica, in qua superior sententia amplificatur, ut hoc amplius, quam scilicet in legatis & fideicommissis relictis, etiam hereditas in tantum amittatur ab eo herede, qui non præstet id, quod testator fieri iusserit. Id autem accidit ex constitutione Iustiniani. *Novell. 1. §. si quis autem non implens*, in hac specie: Si heres aliquid facere aut præstare iussus, & idem a iudice admonitus intra annum voluntati defuncti parere neglexerit. Si † erit admonitus, ait constitutio: quibus verbis plures admonitiones non exiguntur. Proinde una admonitio iudicis sufficit, quoniam singulari ratione hæc oratio contenta est, *argum. in l. ubi de testam.* Ait constitutio *intra annum*. Quæstio unde annus numerandus sit. Apparet numerandū esse ex admonitione iudicis. Ait constitutio, *si præstare neglexerit*: quibus verbis significatur, qui alloqui de fideicommissis confitens, tamen negligentia fideicommissum non soluit. Quod si heres fideicommissum negabit, & de eo usque ad sententiam litigauerit, eritque fideicommissum ad pias causas relictum, dupli pœna aduersus heredem constituta est, *§. ex maleficiis. vers. item mixta. de act. §. ult. de obligat. qua ex quasi contractu &c.* Ait constitutio, *Si fideicommissum representatum non solvatur*. His verbis significatur fideicommissum, quod lex repræsentare iubet, id est, quod iure valet. Pœna autem heredi iniuncta quæ sit, expressum est sequentibus verbis Auth. Sed multo explicatius dicitur in ipsa constitutione Nouella.

AD TITVLVM XLIII COD.

Communia de Legatis & fideicommissis.

Cum intellectum erit, an legatum & fideicommissum relictū valeat, de quo superioribus titulis de legatis & fideicommissis tractatum est; superest ut legatum & fideicommissum præstetur: ni præstetur, restat ut videatur, quæ sit eius obtinendi ratio: ea ratio posita est in actionibus, de quibus maxime hoc titulo agitur, præcipue autem lege 1.

Ad Leg. 1.

Cum hi, qui legatis vel fideicommissis honorati sunt, personalem actionem plerumque habere noscantur: quis vel vindicationis, vel sinendi modo, aliorumque generum legatorum subtilitatem prono animo admittat, quam posteritas optimis rationibus usa nec facile suscepit, nec inextricabiles circuitus laudauit? quis in rem missionis scrupulosi utatur ambagibus? Rectius igitur esse censuimus, in rem quidem missionem penitus aboleri: Omnibus vero tam legatariis quam fideicommissariis unam natu-

ram imponere: & non solum personalem actionem præstare, sed & in re: quatenus eis liceat easdem res sine per quodcunque genus legati, sine per fideicommissum fuerint derelicta, vindicare in rem actione instituenda: & insuper utilem Seruianam, id est, hypothecariam super his, quæ fuerint derelicta, in res mortui præstare. Cum enim iam hoc iure nostro increbuit, licere testatori hypothecam rerum suarum in testamento quibus voluerit dare, & iterum nouella constitutiones in multis casibus & tacitas hypothecas introduxerunt. Non ab re est etiam, nos in presenti casu hypothecariam donare actionem, quæ etiam, nullo verbo precedente possit ab ipsa lege induci. Si enim testator ideo legata vel fideicommissa reliquit, ut omnimodo persona ab eo honorata ea percipiant: apparet ex eius voluntate etiam præfatas actiones contra res testatoris esse instituendas, ut omnibus modis voluntati eius satisfiat: & præcipue cum talia sint legata vel fideicommissa, quæ piis actibus sunt deputata. Et hæc dispeusimus non tantum si ab herede fuerit legatum derelictum vel fideicommissum: Sed et si a legatario vel fideicommissario vel alia persona, quæ gravare fideicommissum possumus, fideicommissum cuidam relinquatur. Cum enim non aliter valeat, nisi aliquid lucri adferat ei, a quo derelictū est: nihil est graue, etiam aduersus eum, non tantum personalem sed etiam in rem & hypothecariam extendere actionem in rebus, quas a testatore consecutus est. In omnibus autem huiusmodi casibus in tantum & hypothecaria vnumquemque conueniri volumus, in quantum personalis actio aduersus eum competit: & hypothecam esse non ipsius heredis, vel alterius personæ, quæ gravata est fideicommissum rerum, sed tantummodo earum, quæ a testatore ad eum peruenerint. Data decimo quinto Calend. Octobris Chalcedone, Decio viro clarissimo consule. 519.

S V M M A R I V M.

1 Legis huius tria constituta.

2 Legatorum omnium an eadem vis & natura.

3 Fideicommissorum eadem vis & natura est.

Lex hac loquitur de fideicommissis particularibus.

4 Lex hac quid differat a sequenti.

5 Actiones legatorum & fideicommissorum tres personales, in rem, & hypothecaria.

6 Genera harum actionum quæ.

7 Actio legati & fideicommissi in personam quomodo aduersus heredem datur.

8 Actio legati & fideicommissi in personam quibus competat, & aduersus quos.

9 An etiam competat de legato & fideicommissis.

10 Actio legati & fideicommissi in rem cui, & de quibus rebus competat, & aduersus quem.

11 Actio Seruiana seu hypothecaria quæ sit.

12 Actio Seruiana de quibus rebus & aduersus quem competat.

13 Actiones legatorum & fideicommissorum competunt etiam aduersus legatarios & fideicommissarios, a quibus quid altere relictum est.

14 Fideicommissum relictum legatario an valeat, si legatario nihil lucri accedat.

Tria † hic constituuntur, ut breuiter comprehendere sum est in *vers. rectius. inf.* scilicet omnium † legatorum eandem vim & naturam esse, quod constitutum est a Iustiniano, propter veterum legatorum differentiam, quorum genera erant quatuor, & singulorum vis & natura distincta, ut indicatur *§. de lega.* quod plenius expositum est a Theod. *ibidem*, & apud Ulpianum de

de legat. Sed hic occurritur & negatur omnium legatorum eandem vim esse, exemplo eius, quod ad pias causas est relictum; Nam huius legati est hæc natura, ut si heres inficietur & perseveret in ea inficiatione, usque ad sententiam dupli condemnatur, quod non ita servatur in ceteris legatis. §. *ex maleficiis. vers. ut in ista, de actionibus. §. ultim. de oblig. que ex quasi contract.* Respondeo, nō id, quod Accursius & ceteri hoc loco, nempe genera legatorum esse exæquata, non autem singulas species generum, aio enim & singulas species esse exæquatas, hoc amplius singula individua legata. Neque tamen superius exemplū aduersatur. Quod enim dicitur, omnia legata esse exæquata, hanc significationem habet, ut sint exæquata quatenus legata sunt, non autem amplius. Exempli gratia. Nemo dubitat aliud legatum esse, cum homo legatur, & aliud cum legatur pecunia, item aliud legatum esse centum aureorum, aliud 10. Sed hæc ideo contingunt, nō quia legata sunt, sed quia sunt res diuersæ: ceterum quatenus legata sunt, eandem vim omnino obtinent. Idem accidit in legato ad pias causas, nam quatenus in eo legatum est, non differt a ceteris legatis. Quod autem heres inficiens mulctatur dupli, nō propter legatum, sed propter rem, seu personam cui legatur, contingit, cui hoc fauoris gratia tributum est.

Secundum t̄ hic statuitur, fideicommissa quoque esse exæquata legatis, & omnium eandem esse naturā, de quo initio tituli de fideicommissis dictum. Tantū hic notandum est, quod illic omisimus, sententiā hāc & constitutionem de exceptione fideicommissi & legati, accipiendam esse de fideicommissis singularibus seu particularibus, quemadmodum & legata intelliguntur legata singularium rerum, non vniuersi iuris. Nam quod ad vniuersa iura attinet, puta cū heres est rogatus legatum restituere, hic ius antiquum manet, quo iure ex hereditate nec quicquā trāsfertur in fideicommissarium, quam hereditas sit illi restituta, *l. facta in pr. ff. ad Treb.* Cum in legatis contra ita ius sit, ut rei legatæ dominium recta transferatur & transeat in heredem legatarium, quamuis re illi non tradita, dummodo legatum nō repudiavit, *l. seruum filii §. 1. l. i. tibi. §. cum seruum. de leg. 1. l. legatum. de leg. 2.*

Sed t̄ cum eadem sententia repetatur in *leg. 2. seq.* quid hæc lex differt a sequenti? Respond. plurimū et in parte. Nam de exæquatione legatorum & fideicommissorū hic obiter dicitur, & veluti per consequentiā earam actionum, de quibus hic præcipue agitur. Statuitur in *l. 2.* hæc sententia ex professo. Ita in *l. 3.* hic dicitur eandē esse naturam fideicommissi & legati. In *l. 2.* hoc amplius dicitur, quomodo & quando, & quibus in rebus eadē sit. Præterea in hac *l. 4.* dicitur, eandem naturā esse in rebus omnibus, idq; declaratur. Tertium caput & propriū huius loci est de actionibus legatorū & fideicommissorū nomine constitutis. Has t̄ actiones tres esse placet, personalem, in rem, & hypothecariam. In his actionibus cōstituendis primū illud occurrit, quod dubitatur, quod Iustinianus ait, se hoc primū constituere, ut hæc sint actiones, cū constet etiā iure veteri plures actiones de legatis competisse, *l. cū filius. §. variis. de legat. 2.* Respondeo iure veteri quoq; fuerunt plures actiones, sed de legatis: nā de fideicommissis vna fuit persecutio in personā extraordinaria, *leg. pecunia. §. actiones. de verbo. significatiōe.* Hoc primo Iustinianus hac cōstitutione immutauit, q̄ voluit, quæ actiones cōpetebant de legatis, easdē quoq; de fideicommissis cōpetere. Præterea & de legatis duæ tantum

fuerunt actiones, actio in personā & actio in rē. Hypothecariā aut eo nomine non fuisse, ex eo intelligitur, q̄ edicto prioris cauebatur, ut de legatis caueretur legatariis & fideicommissariis stipulatione, quod nisi caueretur, tum demum consequeretur legatarius & fideicommissarius, ut mitteretur in bonorum possessionem, & eadem promissione pignus prætorium nācisceretur, non ante *toto tit. ut legat. & fideicommissor. nomine caueat. & tit. seq. ut in poss. legat. lic. & c. d. l. non est mirum, de pignorat. actio.* Iustinianus primus statim ab initio legatariis & fideicommissariis hypothecam dedit, quod quoniam nouum cōstituēbat, idcirco conatus est hic eius constitutionis rationem reddere, in *§. 1. & seq. Genera t̄ harū actionum consideremus,* 6 quod ideo faciendum est, ne ex hac constitutione in errorem incidamus. Nā cōstitutio est ita scripta quasi videatur de iisdem rebus, aduersus easdem personas tres actiones hæc constituere, quod non est ita. Idque solum intelligitur cognita singularium actionum natura, quæ ob id nobis singillatim est cognoscenda. I. Legati t̄ & fideicommissi actionem in personam competere constat, non tantum hac lege, sed iā olim. Sed cum nulla sit actio in personam, nisi ex obligatione, nec vlla obligatio nisi aut ex contractu aut maleficio, quasi contractu aut quasi maleficio. §. *1. Institutio. de action.* Vnde potest hic actio esse aduersus heredem, a quo quid relictum est, cum is neque contraxerit, cum legatariis aut fideicommissariis, neque quicquam aduersus eos deliquerit, vel quasi? Respondeo a veteribus etiā actionem esse in personā ex quasi contractu, quasi heres contraxerit cum legatariis & fideicommissariis. §. *heres autem, de oblig. que ex quasi contractu.* Sed vnde hic quasi cōtractus intellectus est? Id explicatur *l. 3. §. ult. & l. seq. quib. ex caus. in poss. eatur,* hoc modo ut heres adeundo, vel p̄ heredem gerendo vi deat hoc ipso fuisse necessitate & soluendi legata & soluendi creditorib. legatariis, ut quoniā a defuncto hereditatē accipit, eodem facto declaret, se velle eius voluntati parere. Hinc illi obligatio, ex hac obligatione actio in personā eius. Hinc illi intelligimus, 8 quib. de reb. actio hæc in personā cōpetat, & aduersus quos. Oēs res, nō tantū, q̄ defuncti fuerunt, sed etiā alienæ, legatæ aut fideicommissæ peti possunt ab heredem, ut vel eas redimat, vel earū restitutionem prestat, §. *nō solū. de legat.* Proinde hæc actio de omnib. reb. obligationis competit. Sed & si quid heres facere iussus sit, peti ab eo potest, ut faciat, proinde & in factis hæc actio locum habet. Cum autem omnis actio in personam, sit aduersus eum, qui obligatus est, *l. actionum. de oblig. & act. d. §. 1. de act.* Solus autē heres, & is a quo fideicommissum est relictum, obligatur ex quasi contractu, cōsequens est igitur actionem hanc in personam t̄ de legato & fideicommissis nō cōpetere, nisi aduersus heredem ipsum, q̄ fideicommissis obligatus est, aut eo mortuo aduersus heredem eius, quia actio in personam etiā aduersus heredes competit, §. *1. de perpet. & temp. act.* Hæc actio veteribus dicta est actio ex testamento, ut ex his locis patet, *l. plane. 34. §. quod si rem emissem. leg. nā quocunque in principio. & §. 7. leg. etiam. de solution.* Quid ergo si fideicommissum sit codicillis relictum? Resp. Etiam de hoc fideicommissis actio olim in personam competebat, sed hæc dicebatur extraordinaria persecutio fideicommissi. Solum ex testamento actio de legatis competebat, ut quæ solum testamento collinqui possent, nā codicillis nō competebat, §. *prætor. ea. Inst. de fid.* Hodie post cōstitutionē hāc Iustiniani,

Et post. l. seq. omnium fideiussorum eadem natura sit, dicimus, si quid legatum aut fideicommissum sit codicillis, actionem in personam competere, non ex testamento, quia codicilli testamentum non sunt. *leg. si idem. supra. de codicillis.* sed ex suprema voluntate. Idque hac constitutione eam actionem inducente.

Secunda actio est legatorum & fideicommissorum nomine prodita, actio in rem. Ex quo primum intelligimus, quicquid legatum aut fideicommissum est alicui, eius rei dominium recta transire in legatarium & fideicommissarium, si modo rem non repudiaverit; Idque ius erat olim in legatis, ut paulo ante dixi ex suis locis. Nunc idem hic in fideicommissis intelligimus constitutum. Intelligitur autem hoc ipso, ut actio in rem & de fideicommissis constituitur. Nam actio in rem iure civili nulli competit, quam domino. *l. in rem, de rei vindic.* Hic consequens est, actionem in rem legatorum aut fideicommissorum nomine, non de iisdem rebus competere, de quibus in personam actio, quoniam non omnes res legatæ aut fideicommissæ sunt in ea causa, ut efficiatur legatarii aut fideicommissarii. Primum igitur, si quid fieri testator iussit, hic locum habere non potest in rem actio, cum factum non sit res, quæ domino subiciatur cuiusquam. Et ideo liberatione legata, id est, tunc cum iussus est heres debitorem liberare, non potest huius liberationis consequendæ causa alia actio institui, quā in personam ex testamento, ut & olim fiebat. *l. 3. §. nunc. de effect. l. un. l. 4. de lib. legat.* Sed et si res quæ subsistat, legata erit, tamen de alia legata actio in rem competere non potest. Idemque dicendum si pecunia aut res aliqua sit generaliter legata, nam hæc res ideo non sunt legatarii, quia non prius fuerunt testatoris. Nemo autem plus iuris in alium transferre potest, quam ipse habet. *l. nemo plus, de reg. iur.* Ut autem in rem actio competat legatario, prius est, ut legatarius sit eius rei dominus, ut supra dictum. Solum ergo in rem actio competere potest de rebus, quæ fuerunt testatoris, quorum ipse dominium transferre potuit. Idque adeo verum est, ut quamvis res heredis propria sit legata, tamen nihilominus transferatur eius rei dominium in legatarium, eoque nec in rem actio. Vnde placet heredem, priusquam rem suam legatam præstiterit, posse suo iure eam alienare, & quovis modo de ea statuere. *leg. si inquilinus. §. 1. de legat. 1.* Nec ad rem pertinet, quod ille locus de iure veteri scriptus est, nam etiam nunc idem ius manere oportet, si rei, quæ heredis erat dominium non transferretur in legatarium. Nunc autem non potest transferri inuito herede, quoniam, ut dixi, semper verum est, testatorem eius rei non fuisse dominum: neminem autem plus iuris in alium potuisse transferre, quam ipse habuit.

Sed obstant verba huius constitutionis, dicto. *vers. rectius.* Quibus diserte scribitur, actionem in rem, de iisdem rebus competere, de quibus & actio in personam. Respondeo, Hoc interpretes sic recte acceperunt, ut in rem actio de iisdem rebus competat, si modo rerum natura patiatur, vel ut competat de iisdem rebus, ubi per actionis naturam id fieri potest. Natura autem actionis in rem exigit, ut is qui in rem agit, seu vindicat, eius rei dominus sit, quam vindicat. In superiores autem res, quas dixi, non cadit, ut iis legatis dominium a testatore in legatarium transferatur. Quod si res, testatoris legata erit, hic demum concurreret de ea reactio in personam & actio in rem, sic tamē non ut legatarius utraq; actione possit experiri, sed possit alterutra, quam elegerit, ut est in d. *leg. cum filius.*

§. variis. de leg. 2. leg. huiusmodi. §. ultimo. de legat. 1.

Sed hoc loco opponitur regula iuris, qua efficitur, neminem rem suam, condicere posse, seu neminem posse de re sua agere actione in personam, ut intendat eam rem sibi dari oportere. *§. sic itaque. de actionibus. leg. ult. de usufr.* Id si verum est, consequens esse videtur, legatarium, qui rei legatæ factus est dominus, & ob id in rem actionem habet, non posse de ea re habere actionem in personam, etiam si hanc solam eligat. Respondeo, Nihil aduersatur superiori regula. Nemo enim condicere potest rem suam si condicit ut suam, vel nemo de re sua agere potest actione in personam, si ut dixi intendat eam rem sibi dari oportere: sed rem suam, quāvis condicere potest, dummodo condicat non ut suam, sed tanquam sibi debita, & de ea quivis agere potest actione in personam, dummodo ne petat, ut sibi res detur, quod fieri nequit, nam iam est illius facta; sed petit eam rem sibi dari vel restitui, seu quod idem est, eius rei possessionem tradi. Nam hæc omnia de re nostra licere, tradit exemplis: unusquisque enim potest rem suam stipulari sibi restitui, & erit ei ex stipulatu actio ut restituatur. *leg. nemo in rem suam. de verborum obligat.* Item constat, posse unumquemque rem suam commodare, & apud alium deponere, ita ut sit illi commodati & depositi actio ad rem suam repetendam, quæ omnes actiones sunt actiones in personam, & de re nostra competunt: sed ideo de re nostra competunt, quia his actionibus agimus de re nostra, non ut nostra, sed ut nobis debita ex stipulatu, commutato vel deposito, nec petimus ut ea nobis detur, sed restituatur. Nihil autem prohibet quo minus res nostra sit, & tamen possessio sit apud alium.

Hoc idem in re legata fieri intelligitur, si res testamenti legata fuerit: hæc efficitur legatarii, ex quo legatario actio statim in rem nascitur: sed nihilominus idem legatarius de ea re actione in personam experiri potest, si modo intendat eam rem sibi restitui debere. Nam si petit ut sibi detur, seipsum oppugnat, sic enim fateretur rem sibi legatam non esse: nam si ei legata esset, eius etiam facta esset, & si facta esset eius, inepte intenderet eius rei in se dominium transferri debere. Atqui de iisdem rebus legatis actio in rem non competit aduersus easdem personas. Idque natura actionis efficit: nam actio in personam, datur aduersus eum qui nobis est obligatus; actio in rem aduersus eum qui rem nostram possidet, aut dolo malo desinit possidere. *leg. actionem, de obligationibus & actionibus. leg. qui petitoris, in principio. de rei vindicat.* Proinde actio in personam de legato aut fideicommissis datur solum aduersus heredem, a quo legatum est, quoniam solus est obligatus aduersus ceteros, quamvis rei legatæ possessores, non datur. Actio in rem contra aduersus heredem non datur, si non possideat rem legatam, neque dolo possidere desinit. Et rursus quicumque aliquam rem meam possidebunt, aut cum possiderent dolo desierunt possidere, tenebuntur legatario & fideicommissario.

Tertia actio legatarii seu fideicommissarii, hic prodita est actio, quæ Seruiana seu hypothecaria dicitur *vers. c. Rectius.* Hæc actio est, quæ creditori de rebus illi pro debito pignori hypothecæ obligatis, est inquam in rem actio. *§. item Seruiana, de actionibus. l. pignus. infr. de pig.* Hæc rursus non competit de iisdem rebus, de quibus superiores neque aduersus easdem personas aduersus quas actio in personam. De quibus rebus competit, hæc constitutione expressum est. Competit autem

autem de rebus testatoris solum his, quas heres consecutus est, siue quæ ad heredem peruenerunt. Exstant hæc verba in §. *sed hæc*. Et rursum in §. *ultim. infr.* Ex his apparet hypothecariam actionem legatorum seu fideicommissorum nomine non competere de rebus alienis. Et recte: nam non potest res obligari, nisi quæ in bonis debitoris fuit, *leg. cum res, infr. si aliena res pignor. dat.* Sed nec competit de rebus heredis: nam hæc res neque sunt, neque fuerunt antea vnquam testatoris. Hæc autem constitutio solum testatoris res obligat. Sane si post sex menses petatur ab herede, vt satis det fideicommissi nomine, neque satisfat, constitutum est, vt fideicommissarius si postulet, mittatur in bonorum possessionem etiam heredis, postquam missionem, vt supra dictum, incipiant res heredis pignori esse. Estque id genus pignorum prætorium, *l. certa, infr. vt in possess. legat.* Sed hoc nihil huic constitutioni aduersatur, vbi de de pign. & hypoth. agitur, quæ statim constituitur legati & fideicommissi nomine, & constituitur sine vlla missione in possessionem.

Sed nec de rebus testatoris omnibus actio hypothecaria legatario aut fideicommissario competit. Nam de rebus ipsis legatis nullo modo datur, propterea, quod vt supra est effectum, hæc res sunt legatarii & fideicommissarii: nulli autem res sua pignori esse potest, *leg. neque pignus, de regul. iur.* Neque hoc aduersatur definitioni huius constitutionis. Et potius maxime hanc definitionem confirmat: nam res testatoris legatæ nõ perueniunt ad heredem, seu heres eas non consequitur, sunt enim legatarii & fideicommissarii, non heredis. Ex iisdem verbis definitionis superioris efficitur, quod Iustinianus hac *l. §. ultim.* constituit, nempe si plures erunt heredes testatoris & a quibusdam relictum sit in portionem singulorum, solum teneri hypothecaria eas res, quæ sunt singulorum, non autem res coheredis, quoniam coheredis ad alterum coheredem non perueniunt.

Nunc autem Iustinianus vult solum eas res tenere, quæ ad heredem peruenerunt. Sic hoc exemplum: Duo sunt heredes instituti, ab his 100. legata sunt. Mortuo testatore singuli debent 50. Sic enim diuiduntur inter heredes ea, quæ sunt in nominibus, *l. ea quæ, supr. famil. erciscund.* Dicimus si vnus ex his portionem non soluat, posse res has testatoris, quæ ad eum peruenerunt, conueniri hypothecaria actione. Res autem quæ ad alterum peruenerunt heredem, conueniri eo nomine non possunt, neque earum rerum possessores.

Huic loco opponitur, *lex secunda, infr. si vnus ex pluribus hered.* vbi pro eo, quod vnus ex heredibus debet, etiam res alterius coheredis pignoris nomine conueniri possunt. Sed locus is nihil ad rem pertinet. Nam illic agitur de ea specie, cum obligatio & pignus a defuncto inceperint, cum defunctus debere cœpit pecuniam, & in eam pecuniam res eius sunt obligatæ. Quemadmodum pro etiam minima parte debiti res omnes defuncti erant obligatæ, *leg. si rem, §. omnis, de pignor. actio.* Sic debita mortuo, pro quacunque parte huius debiti, omnes res eius tenebuntur. Itaque pro debito vnus heredis, etiam res alterius coheredis conuenientur, si testatoris fuerunt, nam prius erant obligatæ. Ex personis autem heredum non immutatur conditio obligationis, *leg. secunda, §. ex his, de verborum obligation.*

Et in pignore ex persona possessorum non immutatur conditio pignoris, *dict. leg. secunda, infr. si vnus ex pluribus hered.* At hic agitur de legato & fideicommissio, huius obligatio ab heredibus incipit, & propterea ab his quoque incipit pignus & hypotheca, cuius consequens est, non noua aut singulari ratione iuris, sed communi, vt in id, quod singuli heredes debent, non possint obligati esse, nisi res quæ sunt singulorum, quia pignus oportet esse cum constituitur in bonis debitoris, *leg. cum res, infr. si aliena res pignor. dat.*

Sed nec semper in omnibus legatis & fideicommissis hypothecaria actio locum habet, etiam aduersus res, quæ testatoris fuerunt, & ad heredem peruenerunt, quoniam interdum non est necessaria. Id contingit liberatione rei legatæ, cuius consequendæ nomine nihil amplius habet debitor, quam exceptionem, si conueniatur, aut actionem in personam ex testamento, vt liberetur per acceptilationem. In rem agere non potest, quia liberatio non est rei, quæ sit in dominio nostro: hypothecaria etiam non potest agere, quia pignus tantum huc spectat, vt agenti cautum sit.

Liberatione autem legata satis debitori est consultum, quia propter exceptionem liberationem iam consecutus intelligitur. Id traditur in *leg. prima, §. si debitori, de vi in possess. legat.* Hypothecaria, vt dixi, in rem actio est, vnde intelligitur, hanc non competere, nisi aduersus eos, qui res testatoris, quæ ad heredem peruenerunt possident, aut dolo malo desierint possidere. Ceterum si possident, aut dolo desierint possidere, omnes tenebuntur, & maxime extranei, a quibus nihil est relictum, *leg. si fundus, §. in vindicatione, de pignor. dict. leg. 2. infra. si vnus ex pluribus.*

Notandum est, non tantum has actiones tres legatorum aut fideicommissorum nomine proditas esse, aduersus heredem, a quo quid relictum est: sed etiam proditas esse aduersus legatarios & fideicommissarios singulares, a quibus rursus alteri quid legatum aut fideicommissum est, quod nominatim cauetur in hac *leg. §. sed hoc deposuimus.* Exempli gratia, Testator ita scripsit: *Fundum Tusculanum primo do lego, ab eo peto, vt ades illas det secundo.* Dicimus secundo aduersus legatarium primum, item de eo, quod a primo est relictum heredibus, has actiones tres competere, in personam, in rem, & hypothecariam. Sed vnde in personam actio aduersus legatarium? Respondet ex eo, quod legatum fundi agnoscendo, intelligitur tacite etiam se voluntati defuncti subiecisse, & ita quasi contraxisse cum fideicommissario secundo, vt supra, de hered. ad. d. etum. Vnde autem actio in rem huic fideicommissario secundo? Respond. Ex eo, quod vbi primus fundum legatum agnouit, statim ædes in fideicommissarium sunt translatae, si etiam testatoris fuerunt & primo legatario simul legatæ sunt, alioqui si ædes testatoris non fuissent, aut fuissent quidem, sed non primo essent legatæ, aut non potuissent a primo restitui, secundi fideicommissarii fieri non possent. Hypothecariam autem actionem fideicommissario secundo competere sic intelligendum est, si a primo legatario alia res sit relictæ, quam quæ primo legata erat, vt in specie proposita fundus primo legatus erat, ædes secundo: hoc casu dabitur secundo hypothecaria aduersus fundum primo legatū. Quod si propo-

neremus fundum primo legatum, & ab eo petitum esse, ut fundum huic secundo restitueret, non posset actio hypothecaria secundo hoc casu competere. Non enim potest competere de aliis rebus, quia hæc testatoris fuerunt. Rursum non potest competere de fundo legato, quia hic incipit transire a primo ad secundum ipso iure, *leg. neque pignus, de regu. iuris.*

14 Notandum ¶ præterea, quod in eodem §. *sed hæc, b.* dicitur, fideicommissario & legatario relictum non valere, nisi aliquid lucri legatario accesserit. Hoc falsum prima fronte videri potest. Nam certi iuris est, quantum cuique testamento datum est, tantum ab eo fideicommissi posse, *instit. de singul. rebus, & in princ. & §. primo.* Idque adeo verum est, ut si id, quod est legatum, in usus sit legatarius totum restituere, quartam ex lege Falcidia deducere non possit, quod tamen beneficium heredibus tribuitur, *l. lex Falcid. §. ult. ad legem Falcidiam.*

Ideo veteres quidam moti sunt hoc loco. Existimauerunt enim his verbis huius legis, emendari legem l. Falcid. §. *ultim.* & rem hanc deduci, ut nunc etiam ex legatis & fideicommissis Falcidia detrahi possit a legatario & fideicommissario, a quibus supra dōdratē legati aut fideicommissi est relictum. Sed hoc aut imperite fit, aut veteratorie. Nam cum constet, quid Iustinianus hoc loco senserit, aut imperitia est non intelligere, aut veteratorum contumacia sententia verba captare. Apparet vero, Iustinianum hic sentire, non valere fideicommissum relictum legatario, si legatario nihil lucri accedat, & cum ab illo fideicommissum relinquitur, est præstandum. Ceterum si eo tempore aliquid lucri ad eum pertinet, Iustinianus sensit tantundem ab eodem relinqui posse. Id enim postea apud Iustinianum sequitur. Itaque, si quid in prioribus verbis ambiguitas est, ex sequentibus interpretari debemus, ita manebit semper ius vetus, in legatariis & fideicommissariis legem Falcidiam locum non habere, id quod legis Falcidiæ verba diserte exprimunt.

Ad L. 2. Omne verbum.

Idem A. Iuliano præfecto prætorio.

Omne verbum significans testatoris legitimum sensum legare vel fideicommittere volentis, vtiæ atque validum est, siue directis verbis, quale est, iubeo, forte: siue precarius utatur testator, quale est, rogo, volo, mando, fideicommitto: siue iuramentum interposuerit: cum & hoc nobis audientibus ventilatum est, testatore quidem dicente verbum, partibus autem huiusmodi verbum huc atque illuc lacerantibus, &c.

S Y M M A R I U M.

1 Constitutionis huius capita duo.

Huius ¶ constitutionis duo sunt capita. Primum: Quibusquæ verbis testamento quid relictum sit, relictum valere, dummodo intelligatur, quid senserit testator. Secundum huiusmodi, eandem naturam esse legatorum & fideicommissorum. De priore capite etiam prioribus constitutionibus Imperatorum cautum erat, *leg. in legatis, de leg. at. leg. quoniam, supra, de testamentis,* quibus in locis diximus. Ex quo ratio fideicommissorum & legatorum, est Iustiniani propria, de quo attingimus supra l. l. Dixi autem plenius tit. *de fideicom.*

Ad L. 3. Si duobus.

Idem Augustinus Ioanni præfecto prætorio.

Si duobus vel tribus hominibus, vel pluribus forte datio servus vel alterius rei fuerit relictæ, vel si vni quidem legatario optio servus vel alterius rei relictæ est, ipse autem moriens plures sibi reliquerit heredes: dubitabatur inter veteres si inter legatarios, vel heredes legatarii fuerit certatum, & alter alterum servum, vel alteram rem eligere vellet, quid sit statuendum. Sancimus itaque in omnibus huiusmodi casibus rei indicem fortunam esse & sortem inter altercantes adhibendam, ut quem fors præulerit, is quidem habeat potestatem eligendi: ceteris autem estimationem præstet contingentium eius partium, id est, servis quidem & ancillis maioribus decem annis, si sine arte sint, viginti solidis aestimandis: minoribus vero decem annis, non amplius quam decem solidos computandis. Sin autem artifices sint, usque ad triginta solidos, estimatione eorum procedente, siue masculi, siue femina sint: exceptis notariis, & medicis virisque sexus: cum notarios quinquaginta solidis aestimari volumus, medicos autem & obsterices sexaginta. Eunuchis minoribus quidem decem annis, usque ad triginta solidos valentibus: maioribus vero usque ad quinquaginta, sin autem artifices sint, usque ad septuaginta.

S Y M M A R I A.

- 1 Vbi plures, quibus optio est relictæ, discordant in eligendo, forte dirimuntur.
- 2 Incertum ubi est, cui ex pluribus aliquid datur, nulli certo dare oportet.
- 3 Duobus cum res legata est, inter legatarios scindetur legatum.
- 4 Optione secuta, perinde est, quasi sine optione legatum esset.
- 5 Constitutioni huic quando locus sit.

T Estator ita scripsit: *Primo & Secundo, Stychi aut Pamphili optionem do.* Item, cum Titio Stychi aut Pamphili optio esset legata, Titius priusquam optaret, di. cessit, prioribus heredibus relictis, ut iam incipit optio Stychi aut Pamphili ad duos quoque pertinere. Si ambo legatarii in vnum aliquem ex his servis consentiant quem optent, is debetur, si alienus est siue testatoris, is legatariorum proprius esse incipit, *leg. apud, de optione legat.* Sin iam legatarii inter se dissentiant, atque ita se mutuo impediunt, quo minus hic vel ille servus eligatur, hic singulare & novum ius est constitutum. Huiusmodi ¶ nempe controuersiam tunc inter legatarios dirimendam esse sorte, ut cui obtigerit fors, is solus electionem habeat. Hoc amplius, cum quis optauerit, rem, quæ electa est, solius eius in dominio esse, qui optavit, hæc tamen lege, ut portionis alii collegatario debita aestimatio ei præstetur. Deinde addit, quanti servus sit aestimandus.

Novum autem non est & singulare, quod res in hac specie forti committitur. Nam per sortem vni datur optio, cum secundum regulam iuris, ubi ¶ incertum est, cui ex pluribus aliquid datur, nulli certo dare oportet, *l. si fuerit legatum, de rebus dub.* Sed hoc constitutum est a Iustiniano, ne voluntas defuncti intercideret, si dissentientibus legatariis nulla sit optio. Præterea & illud præcipue singulare est, quod

quod ei, cui fors obigit, Iustinianus totā rem optatam tribuit: nam duobus hac res legata est secundum regulam iuris, cum duobus † res legata est, inter legatarios scinditur legatum, *l. cui fundus, de condit. & demonstr.* Nec ad rem pertinet, quod in hac specie vni tribuitur optio: Nam optione † secuta, perinde habetur, quasi sine optione legatum esset, *l. apud, de opt. legat.* Sine optione autem res duobus legata ex æquo, ad vtrumque pertinebit, *ut dixi.* Sed tamen non est iniquum, quod hic Iustinianus constituit, propterea, quod in hac re æqualis est vtriusque legatarii conditio, nam fors a principio tam potuit vni, quam alteri contingere. Hac æqualitas facit, ut neuter in hac re iniuria afficiatur, *argumen. l. de fideicommissis, supr. de transactio.* Et si is qui non optat, putat sibi damnosum esse, quod partem rei non habeat, de se queri debet, quia per eum factum est, ut res ad sortem deduceretur, cum ipse non consentiret, qui servus optaretur.

Notandum est autem † huic constitutioni tunc demum esse locum, cum res vna, ex duabus pluribusue, legata est duob. aut pluribus, nempe ea, quæ optata erit. Diuersum est, si duobus res diuersæ sint legatæ, qui tamen mutuo dissensu se impediant, quod contingit in hac specie, cum duobus eiusdem fundi vñ usufructus legatus est alternis annis. In hac specie placet si legatarii concurrerent in eundem annum, eos se impedire, neque res sorte dirimitur, *leg. 2. §. ult. quibus modis usufruct. amittatur.* Hac ratio est, quia in hac specie vtrique legatario suus usufructus diuersorum annorum alternorum legatus est, non debet sorte hac controuersia dirimi, quia si fors vni dederit electionem primi anni, tamen alteri legatario suam electionem, & suum vñ usufructum adimere non debet. In specie autem huius loci, optio vni ex legatariis per sortem tributa, alteri legatario non adimit, ut mox dicemus.

Rursum animaduertendum est, tunc forti locum esse in hac specie, cum duob. optio legata est rerum legatarum. Diuersum est, si optio actionum tributa est lege pluribus legatariis. Exempli causa, is cui fundus erat legatus, priusquam constitueret de legato, decessit duobus heredibus relictis. Hi heredes duas actiones habet ad legatum persequendum, vindicationem & actionem ex testamento, sed sub electione ut eam ex his quam velint eligant, *l. cum filius, §. variis, de legat. 2.* Placet in hac specie, si hi heredes consentiant, qua actione agant, eos recte ea actione experiri, sin autem dissentiant & vnus velit rem vindicari, alter velit in personam agi aduersus heredem: placet eos se mutuo dissensu impedire, nec res sorte dirimitur, *l. huiusmodi, §. ultim. de legat. 1.* scilicet, quia alia causa est actionum plurium, pluribus tributarum, & alia rerum legatarum. Nam cum optio rerum legata est, & vni ex legatario optio ea tribuitur, nihil adimitur collegatario. Non optio, quia eam neuter prius habuit, quia ea ante optionem neutri debetur, & neutrius est, *dist. leg. opt. de opt. leg.* At plures actiones legati nomine competentes statim a principio loco heredum, etiam antequam eligant qua experiantur. Proinde vni electionem dabimus, ne ei electionem dando, alteri coheredi actionem ipsi qua sitam adimamus, quod est contra ius contraque æquum & bonum, *l. ultim. C. de pact. l. horreum, de exceptionibus, leg. secunda, de his qui sunt sui, &c.* Exemplum, *leg. sancimus, §. sin autem in huiusmodi, infra, de*

donat. ad hunc locum plane nihil pertinet, quia illic optio non duobus datur, sed vni.

Ad §. Sed etsi quis optionem.

Sed etsi quis optionem serui vel alterius rei reliquerit, non ipsi legatario, sed quem Titius sorte elegerit, Titius autem vel noluerit eligere, vel non potuerit, vel morte fuerit praeventus: & in hac specie dubitabatur apud veteres, quid statuendum sit: virumne legatum exspiret, an aliquod ei inducatur adiutorium, ut viri boni arbitratu procedat electio. Censemus itaque si intra annale tempus ille, qui eligere iussus est, hoc facere se persequerit, vel minime potuerit, vel quandocunque decesserit: ipsi legatario videri esse delatam electionem: statamen ut non optimum ex seruis vel aliis rebus quidquam elegat, sed media estimationis: ne, dum legatarium satis esse fouendum existimamus, heredis commoda defraudentur.

S V M M A R I A.

I Optio quando & quibus casibus ad legatarium transcat.

Optio Stychi aut Pamphili alicui legata sit, quando non legatarius, sed Titius extraneus optarit secundum verba legatarii, optio non est. Si Titius extraneus vel non possit, vel nolit optare, Iustinianus constituit, duobus hisce casibus † optionem ad legatarium transire: vno si mortuus erit Titius, quia iam certum sit, illum optare non posse: altero si viuus optare nolit aut non possit. & vnus annus praeterierit, ex quo optare debeat. Hic opponitur, *lex 1. de legat. 2.* vbi traditur, legatum in alterius extranei arbitrium collatum, videri in arbitrium boni viri collatum, ita ut nullam conditionem, nullamque moram recipiat, secundum quam sententiam in proposito dici debuit, ut videtur, Titio non arbitrante confestim optionem legatario dari debere, quia bonus vir ita arbitretur, & quia non deberet expectari longior mora.

Respond. Aliud est conferre in arbitrium extranei aliquid, aliud in optionem & electionem. Extranei arbitrium significat voluntatem cum iudicio & æquitate coniunctam, quod illis exprimitur verbis, si arbitratus fuerit, si existimauerit, si putauerit, si ei videbitur, *leg. 40. §. quanquam, de legatis tertio.* At electio & optio nudam & veram voluntatem eligentis continet, ut possit qui eligit eligere etiam deterius, prout ipsi libitum fuerit: cum in voluntatem interdum alterius aliquid confertur ab ea voluntate non receditur, *leg. si sit legatum, de legatis primo.* Proinde merito hic expectatur, donec Titius moriatur, aut intra annum non possit aut nolit optare.

Sed ex hac solutione incidemus in contrariam difficultatem. Nam si optio in voluntatem meram collata est, non modo aliquod tempus expectari debet dum optet, sed etiam illo non optante, optio erit nulla, nec ad alium recurret, *leg. olim. supra, de contrahend. emptio. leg. si quis arbitratu, de verborum obligatione.*

Respondeo, secundum verba ita etiam dici debuit in proposito, sed Iustinianus defuncti spectauit sententiam: nam optionem in personam Titii contulit, non Titii sed legatarii causa. Proinde æquum, hanc legationem ad legatarium suo tempore redire. Cur igitur non statim ad collegatarium transferatur, ut sic voluntas defuncti confirmetur? Respond.

Mediam viam est secutus Iustinianus in voluntate obscura, ut in rebus obscuris & perplexis fieri consuevit, §. penult. quibus ex caus. manum. l. ult. in fin. si pars hered. pet.

Ad §. Sed quia.

Sed quia nostra maiestas per multos casus legatariis, & fideicommissariis prospexit, actionesque tam personales, quam in rem & hypothecarias dedimus, & in rem missionis tenebrosissimus error abolitus est: & ad hanc legem peruenimus. Nemo itaque heres ea, quae per legatum vel pure vel sub certo die relicta sunt, vel quae restitui aliis disposita sunt, vel substitutioni supposita, secundum veterem dispositionem putet in posterum alienanda vel pignoris vel hypotheca titulo adsignanda, vel mancipia manumittenda: Sed sciat hoc quod alienum est non ei licere, utpote sui patrimonii existens, alieno iuri applicari: quia satis absurdum est, & irrationabile, rem quam in suis bonis pure non possidet, eam ad alios posse transferre, vel hypotheca pignorisve nomine obligare vel manumittere, & alienam rem decipere.

S V M M A R I A.

- 1 Actionis in rem de rebus legatis & fideicommissis constituta effectus.
- 2 Res pure aut in diem legata fideicommissum ab herede neque alienari neque pignori obligari, neque manumitti potest.

1 In his, quae sequuntur, constituitur effectus actionis in rem de rebus legatis & fideicommissis constitutae. Ergo si rei legatae aut fideicommissae dominium in legatarium aut fideicommissarium transit, ex leg. prima, supr. hic. Consequens est, quod hic dicitur, rem pure, aut in diem legatam fideicommissam, ab herede neque alienari, neque pignori obligari, neque manumitti posse. Consequens igitur, quia si legatarius & fideicommissarius domini sunt, heres non est dominus. Porro qui non est dominus, dominium transferre non potest, leg. traditis, de p. eto & acquirendo rerum dominio, qui res non habet, transferre non potest, l. & quae non dominum, §. 7. infr. de pignor. nec potest quis manumittere servum, qui servum in sua manu & potestate non habet.

Et haec ita dicit Iustinianus se constituere, quamvis secundum veterem dispositionem aliud obierit. Quod ideo dicit, quia fideicommissi dominium non transibat in fideicommissarium olim, sed tantum dabatur fideicommissatio in personam actio, ea semper actio sola in legatis locum habebat, quae relicta erant per donationem, Theophil. §. primo, de leg. 2. Nunc sublata & legatorum & fideicommissorum differentia, consequens fuit, ut de omnibus constitueret id, quod hic constituit. Iuris autem illius antiqui: quod dixi, licere etiam heredi res fideicommissas alienare, argumentum est certum, l. si heres, §. 7. ad Trebell.

Animaduertendum puto in fideicommissis hereditatis, si heres ignarus fideicommissam rem aliquam hereditariam bona fide vendiderit, dum putat expedire, & vendiderit ignoranti, hoc casu venditionem seruandam esse, ut & olim, §. ultim. leg. 2. de legat. 2. Neque obstat constitutio, quia cum fideicommissum hereditatis relinquitur, videntur singulae res relictae, aut pretium earum, & pretium tantum,

ubi heres, vendidit eas res bona fide, ignarus fideicommissas esse.

Ad §. Sin autem sub conditione.

Sin autem sub conditione vel sub incerta die fuerit relicta legatum vel fideicommissum universitatis, vel speciale, vel substitutione, vel restitutione: melius quidem faciet, si & in his casibus caueat ab omni venditione vel hypotheca, ne se grauioribus oneribus emptionis nomine supponat. Sin autem auaritia cupidine propter speciem conditionis minime implenda, ad venditionem vel hypothecam profuerit: sciat quod conditione impleta ab initio causa in irritum deuocetur, & sic intelligenda est: quasi nec scripta, nec penitus fuerit celebrata: ut nec usucapio, nec longi temporis praescriptio contra legatarium vel fideicommissarium procedat. Quod similiter obtinere censemus in huiusmodi legatis, siue pure, siue sub die certo, siue sub conditione, siue sub incerta die relicta sint. Sed in his omnibus casibus legatario quidem vel fideicommissario omnis licentia pateat rem vindicare, & sibi adsignare nullo obstaculo ei a derentatoribus opponendo.

S V M M A R I A.

- 1 Res sub conditione legata aut fideicommissa, pendente conditione ipso iure est heredis: proinde eam ipsi distrahere licet.
- 2 Secus, si conditio legati aut fideicommissi exstiterit.
- 3 In emptorem si dominium translatum sit, quomodo ab eo domino res auferri possit.

Consequens etiam superioribus id, quod hic cauetur, si res sub conditione legata aut fideicommissa sit, pendente conditione ipso iure est heredis, ac proinde interim omnia tribuuntur heredi, quae domino, leg. quae post. §. primo, Dig. famul. heredis. leg. prima §. Serui, ad Trebell.

Proinde heres pendente conditione rem legatam distrahent, & in emptorem transferet dominium, utpote in dominum, §. per traditionem, de rerum dimiss. Sed si conditio legati aut fideicommissi exstiterit, eveniet contra, ut legatarius aut fideicommissarius rem vindicare possint, quasi prius nulla venditio praecessisset, scilicet, quia conditione existente legatarius & fideicommissarius domini esse incipiunt rei legatae aut fideicommissae. Idemque in rebus legatis olim ius fuit, ne quis putet ius per omnia hic nouum constitui, l. seruo legato, §. primo, de legat. 1. Sed non omnium rerum legatarum aut fideicommissarum dominium, transibat in legatarium aut fideicommissarium, ut supra dixi: Et circa has res Iustinianus hic ius nouum constituit. Sed cum in emptorem dominium translatum sit, quomodo ab eo domino res auferri potest?

Respond. Solutio iure dantis, soluitur ius accipientis, leg. l. vel lig. de pignor. Heredis ius in re sub conditione legata, soluitur impleta conditione, proinde, necesse est eadem conditione solui ius emptoris.

Ad §. ultim. Emtor.

Emtor autem sciens rei grauiamen aduersus venditionem actionem habeat tantum ad restitutionem pretii, neque dupla stipulatione neque melioratione locum habente: cum

te, cum sufficiat ei saltem pro pretio, quod sciens dedit pro aliena re, sibi satisfieri. Creditori nihilominus pignoratitia contraria actione aduersus debitorem competente: ut ex omni parte omnique studio id, quod semper properamus, ad effectum perducatur, & ultima elogia defunctorum legitimum finem sortiantur, bona fidei proculdubio emtoribus integra iura, & nullo modo ex hac constitutione dominata, contra venditores habentibus. Datum Kalend. Septemb. Constant. post consulatum, Lampadii & Orestis VV. CC. 5; 1.

S V M M A R I A.

- 1 Relegata aut fideicommissa vendita, & emtori a legatario & fideicommissario euicta, quomodo consulatur emtori ob euictionem.

SI heres rem legatam aut fideicommissam venderit, ea res emtori a legatario & fideicommissario euinci potest, ut supra dixi. Re t̄ euicta quomodo consulatur emtori ob euictionem? Hic duo singulalia cōstituuntur. Primū, si emtor nominatim sibi cauerit de euictione, tunc hac poena aduersus eū constituitur, ne agere possit ex stipulatione & cautione. Rursum, quamuis nihil cauerit de euictione, tamen constituitur, ut habeat regressum aduersus heredem venditorem saltem, usque ad pretium quod dedit. Hoc quoque singulare & contrarius, quia ei qui sciens rem alienam emit, actio de euictione non datur, l. si fundum, infr. de euict. Sed Iustinianus prius constituit recte, coercendi emtoris causa. Posterius autem constituit per consequentiam prioris, quoniam qui in vna re oneratus est emtor, debuit alia parte subleuari, l. cum, qui, de iurciurand.

Ad Aulhen. Res qua.

Res quae subiacent restitutioni, prohibentur alienari quidem, vel obligari. Sed si liberis portio legitima non sufficit ad dotis sine donationis propter nuptias obligationem: permittitur res praedictas in eam causam alienare vel obligare pro modo honestati personarum congruo. Ea enim, quae communiter omnibus prosunt, his quae specialiter quibusdam vtilia sunt, preponimus.

S V M M A R I A.

- 1 Filii aut filiae heredes instituti, rogati hereditatem restituere, ante omnia legitimam portionem habere debent.

SI filii t̄ aut filiae heredes instituti, rogati sint hereditatem restituere, hi ante omnia legitimam portionem habere debent. Quod si aut dotem aut donationem propter nuptias dederit, prius ea soluere debent de legitima sua, si legitima non sufficit, possunt deducere de bonis paternis, aut aliter consequi id, quod ad donationem aut dotē praestandam sufficiat, usque adeo, ut in eam causam alienari possint & retineri res restitutioni subiectae, quae exceptio est superioris constitutionis. Hunc locum mihi videtur Accursius recte exposuisse in Nouell. de restitut. & ea quae ponit in Nouell. nempe, §. quam obrem, ad verba, si non suffecerit.

Ad L. 14. Eam quam.

Impp. Valerianus & Galienus AA.
Falconi.

Eam quam frater tuus instituerat, siue quesita, siue non quesita hereditate decesserit: cum tamen simpliciter antequam duodecimum aetatis annum impleuisset, verbis precariis testamento facto nonnullis ei veluerit substitu-

tos: nihil prohibet fideicommissum petere, vel ab ipsis heredibus, vel ab his qui bona intestati tenent. Tunc enim locum habet, quod regulariter traditur, ea quae in testamento relinquuntur, si ex testamento non adeatur hereditas, non valere: cum verbis relicta directis adiri potuit hereditas, non cum illa ipsa sic data est, ut esset ab intestato successoribus postulanda. Quod rescriptimus sequentes adfenerationem tuam quasi scripta heres non fuerit iure adoptata. Alioquin si in familia relicta heres facta decesserit: & consequenter ipsius heredes petitione fideicommissi respondere coguntur. PP. XIII. Cal. Decemb. Valeriano III. & Galieno II. Coß. 256.

S V M M A R I A.

- 1 Facti species ex verbis rescripti sigillatim demonstrata.
- 2 Dubitandi in proposito causa, & ex his quaestio.
- 3 Hereditate simpliciter in iussu restitui quibusdā, omnes heredes rogatos videri de ea restituenda; scriptos, si hereditatem adierint; & his non aduentibus heredes legitimos. & num. 8.
- 4 Generalem & indefinitam orationem de restituenda hereditate id efficere, & quo exemplo.
- 5 Directam substitutionem non adita hereditate euanescente, fideicommissariam manere, si testator hoc animo sit, ut hereditas suae restituatur a quibuslibet heredibus: differentie ratio exposita.
- 6 A legitimis heredibus qui quid praestari iubet testamento, satis declarat, se velle, ut ea scriptura in eum casum habeatur pro codicillis.
- 7 Adoptata puella si a patre instituta esset, futurum fuisse, ut vna omnimodo patri demortuo, heres existeret, quo casu fideicommissio obligari quam recte h. c. dicatur.
- 8 Summa rescripti.
- 6 Regula iuris, ea quae testamento relinquuntur, si ex eo non adeatur hereditas, non valere, quam rationem habeat.
- 10 Hactenus iure communi veram esse, nisi testator velit scripturam testamenti pro codicillis valere, aut quod idem est, velit id, quod testamento relinquebatur, etiam ab heredibus legitimis praestari.
- 11 Hinc exceptiones variae ex eodem fonte natae iure communi: & quae sint.
- 12 Eiusdem regulae & iure singulari quasdam exceptiones esse, tam quae in hoc numero habenda sint, aut non sint.
- 13 Lectio vulgaris vitiosa, Eam quam, & non aliter recte legi posse, quam Ea quam.

TESTATOR puellam adoptauerat, sed non iure, ut postea compertum est. sic enim Falco consultor assenerat, ut indicat extremum rescripti. Finge testatorem absentem arrogasse, vel testatorem gessisse tutelam puellae? quibus casibus arrogatio non valet. l. neque ei, neque absens. & l. seq. D. de adop. Is testator siue quod puellam haberet pro iusta filia, siue quod putaret filiam non esse, eam heredem testamento instituit, non ut filiam, id est, non ita, ut filiam nominaret; sed solum illam heredem instituit suo nomine, ut patet ex his verbis, quae sunt in principio, Ea quam frater tuus heredem instituerat. Quod dicimus, ut sciamus eam puellam potuisse hereditatem adire, si vellet: quae alioquin non potuisset, si ut filia fuisset instituta. l. s. supra de test. l. nec apud supr. de hered. inst. Hoc amplius testator voluit eodem testamento ei puellae quosdam esse substitutos, puta Primū & Secundum. Ei, subintellige mortuae, quod intelligitur ex his ver-

bis rescripti; peti fideicommissum potest vel ab eius puellæ heredibus. Non sunt heredes, nisi demortui. Item dicitur in extremo, si heres factus decesserit. Sed testator voluit ei substitutos quosdā verbis precariis, ut adicitur in rescripto, id est, verbis fideicommissi, quæ verba quæ sint, traditur in §. ult. *Inst. de sing. reb. per fidei. relict.* Itaque hic sensus est: testator voluit quibusdam hereditatem suam restituui. Adicitur in rescripto, testatorem voluisse quosdam esse puellæ substitutos, antequam intra duodecimum annū decesseret. Nam diximus hos esse substitutos non viuenti, sed mortuæ. Adicitur amplius, esse substitutos simpliciter. Quod habet hanc sententiam: testatorem ita voluisse hereditatem restituui, si puella intra duodecimum annum decessisset, ut cum id dixisset, nihil amplius adiceret, sed solum diceret se velle hereditatem illis & illis restituui. Ita in summa institutio & fideicommissum testamento relictum sunt eiusmodi: *Sempronia puella mihi heres esto: si Sempronia intra duodecimum aetatis annum decesserit, volo hereditatem meam restituui. Primo & Secundo*: ut intelligamus hic non fuisse substitutionem directam, sed fideicommissum, quod testator voluerit relinquere non ab hoc, vel illo herede, sed simpliciter restituui, quisquis heres eam hereditatem obtineret. Dicitur autem hoc fideicommissum substitutio, & fideicommissarii dicuntur hic substituti, quia etiam fideicommissum substitutionis nomine continetur, diciturque vltate substitutio fideicommissaria. *l. coheredi. §. cum filia. D. de vulg. subst.* Mortuo testatore, post etiam puella intra duodecimum annum decessit non adita hereditate, unde questio maxime huius loci, ut declarant ea verba rescripti: *Nam quod traditur.* Hinc enim euenit, ut cum puella non esset sua heres defuncti, ut pote non legitime adoptata, & extranea hereditatem non adierit: euenit, *inquam*, ut non quaesita hereditate decesserit: & simul ut testator decesserit intestatus, ut pote, testamento eius, nemine herede existente, irritum factum, ut est definitio intestati in *Inst. de hered. qua ab intest. def. in pr. l. i. in §. D. de iur. in testat.* Intestati hereditas post filio, & parentes ad proximos agnatos & cognatos pertinet. *Inst. de success. agnat.* in quo numero est defuncti testatoris frater Falco, qui eo nomine etiam in fratris intestati hereditatem adiit, & intestati iure eam hic obtinet. Fideicommissarii namque & Secundus petunt ab eo, ut sibi restituat hereditatem ex causa fideicommissi superioris, cuius conditio exstiterit.

² Falco tamen negat fideicommissum se debere, & ita se tueri. Faretur fideicommissum peti potuisse, si puella hereditate quaesita decessisset, siue quod exstisset ipso iure heres, siue quod extranea hereditatem adiunxisset. Nam hoc modo confirmatum esset testamentum, & per testamentum ea omnia, quæ testamento cautæ essent, sic deinde puella hereditatem quaesitam transmitteret ad heredes suos, *leg. i. sup. de iur. deliber.* Ab his fideicommissum recte peti potuit, quia videtur puella rogata esse, aut heredes eius. Nunc autem puella decessit non quaesita hereditate. Non enim exstistit ipso iure heres, quoniam non fuit alia defuncti, multoque minus in defuncti potestate, utpote quæ non fuerit iure adoptata, ut intelligitur ex definitione suorum in §. i. *Inst. de hered. qua ab intest.* & §. sui. *codem titul.* Sed nec extranea hereditatem adiit, de quo constabat. Hoc concessit, defendit se fideicommissum non teneri duabus ra-

tionibus. Vna est, quod etsi fideicommissum valeret, tamen relictum non est a legitimis heredibus, cui consequens est fideicommissum tantum deberi vel a puella, vel a puellæ heredibus. Ipse autem puellæ heres non est, sed defuncti fratris, qui intestatus decessit. Altera, quod etsi fideicommissum hoc nominatim relictum esset ab heredibus legitimis, tamē frustra relictum esset, quia non esset adita ex testamento hereditas. Efficiturque id regula iuris, qua traditur, ea quæ in testamento relicta sunt, non valere, si ex eo non adeatur hereditas. Quæ regula hanc rationem habet, quod nō potest ex testamento quidquam valere, nisi aut tanquā ex testamento, aut tanquā ex codicillis. Sunt enim hæ tantū duæ species supremarum voluntatum *l. fidei. l. ult. §. ult. iur. de cod.* Testamentum irritum factum, ut testamentum valere non potest. nec potest valere ut codicilli, cum testator nominatim non cauit, ut tanquam codicilli valeret, *l. coherede. §. cum filia. D. de vulg. subst. leg. prima. D. de iur. codicill.* Questio, an fideicommissum debeatur, & an a Falcone legitimo herede fratris peti possit?

Respondent tamen Imperatores, fideicommissum deberi, siue ea puella, quam testator instituit, decesserit qua sita hereditate, siue hereditate non quaesita: atque ita fideicommissum peti posse, vel ab eius puellæ heredibus, vel ab his, qui intestati hereditatem possident, qualis est Falco consultor: non tamen ut ab his, vel illis peti possit eodem tempore, sed diuersis, prout puella quaesita hereditate decesserit, aut non quaesita hereditate. Peti ab eius heredibus poterit, si ipsa heres exstiterit. sic enim hereditatem quaesitam transmittit ad heredes suos: quam deinde illi possunt restituere. Peti autem potest ab heredibus legitimis defuncti, cum puella non quaesita hereditate decesserit. sic enim sit testator intestatus, ut proinde eius hereditas ad legitimos eius heredes pertineat. Neque vero tenentur restitutione fideicommissi seu hereditatis, nisi heredes, qui hereditatem possident. Vtut autem ab his aut illis petitio futura est, illud manet, fideicommissum in proposito peti posse ab heredibus legitimis, si puella non quaesita hereditate decessit.

Ad primam defensionem Falconis respondetur in illis verbis: *cum tamen simpliciter.*

Est enim hic sensus: non obstat quod fideicommissum relictum non est ab heredibus legitimis. Sane enim expressum ab his relictum non est: sed generaliter satis relictum intelligitur. Nam testator simpliciter voluit, hereditatem suam restituui Primo & Secundo, simpliciter, id est, generaliter & indefinitum; sine expressione personæ, a qua hereditate restituui vellet. Generali oratione omnes heredes continentur, ad quos ea hereditas peruenire potest, *argumento in l. si seruus. D. de seru. urb. pred.* Proinde continentur heredes tam puellæ, quam heredes legitimi defuncti. Idque simpliciter respondetur in hac specie, ut veteres responderunt in edicto: *Quod meus causa Edictum ita scriptum est. Quod meus causa gestum erit, ratum non habeo. leg. prima. D. quod meus causa.* Non dixit prætor, quod gestum est ab hoc vel illo: non dixit ratum non habeo aduersus eum, qui vim fecit, sed simpliciter & generaliter, ratum non habeo. Inde veteres edictum sic acceperunt, quasi polliceretur prætor, se ratum non habiturum aduersus omnes, qui commodum ex vi sensissent, quia edictum

dictum non esset in personam, sed generaliter conceptum, & in rem, *leg. metum autem. §. ultim. ff. quod metus causa*. Sic in proposito, quia testator voluit simpliciter hereditatem suam restituere, nec adiecit ab hoc auxilio, intelligere debemus voluisse cum hereditatem suam restituere ab omnibus heredibus, ad quos ea hereditas pervenisset.

Secundam rationem & defensionem Falconis remouent Imperatores in illis verbis, *Tunc enim locum habet*. Est enim hæc sententia: quod diximus, etiam hoc fideicommissum peti posse ab heredibus, qui intestati bona possident; non est in eo metuendum, quod dicitur de viribus fideicommissi. Nam etiam tunc, cum puella non quaesita hereditate decessit, fideicommissum valet, quia testator ab intestato restituere voluit.

Non tamen obstat, quod regulariter traditur, ea quæ in testamento relinquuntur, si ex eo non adeatur hereditas, non valere. Nam id tunc locum habet, cum hereditas verbis directis relicta potuit adiri, supple ex substitutione: de quo genere hic agitur; id est, tunc locum habet cum substitutio fuit directa, hoc modo: si puella intra duodecimum annum decesserit, primus & secundus heredes sunt. Idque hanc rationem habet, quod testator ex hac substitutione vult hereditatem suam capi ex testamento; quoniam institutio omnis nisi ex testamento non valet. Quod si ex testamento; non vult hereditatem ab intestato capi. Pugnaret enim ex testamento, & ab intestato, & si vni causæ locus est, alteri locus esse non potest. *l. quamdiu potest. l. illud. ff. de acquirend. heredit. l. ius nostrum. de regulis iur.* Diuersum est, cum hereditas ex substitutione fideicommissaria ita data est, ut esset ab intestato a successoribus postulanda, aiunt Imperatores, id est, cum ita data est, ut præstari deberet ex voluntate defuncti etiam ab heredibus ab intestato succedentibus. quod hic factum est, ut supra demonstramus. Et habet hæc sententia hanc rationem, quod cum testator voluit hereditatem debere etiam ab intestato, hoc ipso probauit, se velle tunc eam præstari, cum testamentum non valeret. Nam si valeret, utique ab intestato hereditas non deferretur. *l. illud. ff. de acquirend. heredit.*

Sed hæret tamen adhuc hic scrupulus, quem Imperatores attingere non videntur, quod fideicommissum hoc non potest debere ab intestato, nisi ex codicillis. Sunt enim tantum hæc duæ species supremarum voluntatum, ut supra dixi. Iam vero non potest tanquam ex codicillis debere, ubi testator non expressit, ut tanquam codicilli valeret. *d. l. coheredi. c. cum sita. ff. de orig. iust.* Verum satis hoc significasse intelligitur testator, cum voluit hereditatem etiam ab intestato restituere: non enim potest restituere ab intestato, nisi ex codicillis. Proinde hoc prius voluisse intelligitur, ut ea scriptura testamenti pro codicillis valeret. Nam quoties aliquid volumus, ea etiam omnia velle intelligimur, sine quibus ad illud prius perveniri non potest. *l. 2. ff. de iur. iud. d. l. illud. ff. de acquirend. heredit.*

Sequitur in rescripto, *Quod rescriptum*. Hæc verba subiecta sunt vitandæ reprehensionis cavillæ, quæ ex proximo responso oriri poterat. Est enim hic sensus: quod proxime diximus, in eum casum, quo puella hereditate non quaesita decessit; ne videatur inepte dictum in puella, ut nunc proponitur, adoptata, quasi potius videatur dici debuisse, decessisse eam quaesita hereditate, quia si fuit iure adoptata, & man-

sit in potestate defuncti, etiam defuncto existerit sua heres, neque in eo desideret aditionem. *§. si. Inst. de her. que ab intestat. defer. l. in suis. ff. de suis & leg. her.* Hoc enim rescriptum, inquit, sequentes alleue- rationem tuam, qui propolui puellam non fuisse iure adoptatam. Quod si verum est, & non adita hereditate puella decessit, consequens est, eam non quaesita hereditate decessisse. Ad hanc consultationem tuam, rescriptum nostrum accommodauimus. Ceterum si puella fuit iure adoptata, & in familia defuncti relicta est; hæc defuncto patri adoptiuo heres existit, ac propterea quaesita hereditate decessit: quo casu multo magis valebit fideicommissum; sed quod ab heredibus puellæ peti debeat, non a te, qui eius puella heres non es.

Quod tamen dicunt Imperatores, puellam hanc heredem factam decessisse, si in familia relicta fuit, sic iure plenius colligitur, quod paulo ante obiter attigi. Si puella iure adoptata est a defuncto, fuit olim in defuncti potestate. Ut enim natura iusti liberi sunt nupti, sic iure civili adoptione: & utroque modo liberi subiciuntur patris potestati. *l. i. ff. de adoption. Inst. eod. in pr.* utque adoptiuus dicuntur esse in patris adoptiuus potestate: sic dicuntur esse in patris familia eodem sensu. Nam familia significat omnes personas, quæ sunt in alicuius potestate. *l. pronuntiatio. §. i. ff. de verborum signific. vnde dicuntur arrogati transire in ius & familiam patris arrogantis. l. penult. §. vltim. ff. de bon. poss. sec. tab.* Si puella semel potestati patris per adoptionem subiecta, in potestate & familia retenta est, apparet eam in potestate morientis patris fuisse. Renatur autem in familia, si aperte non emancipatur a patre vivo, & in civitate manente. *§. praterea. Inst. quibus modis ius patrie potestatis solui.* Qui liberi sunt in potestate morientis patris, hi sunt patris sui heredes, siue sint naturales, siue adoptiuus. *§. i. Inst. de her. que ab intestat.* Porro ius certum est, suos heredes statim heredes defuncto patri existere etiam inuitos, multo magis ignotantes, unde non solum impuberes, sed etiam furiosi statim sui heredes existunt. *§. sui. ff. de her. que ab intestat.* Recte igitur dicunt Imperatores, puellam hoc casu heredem factam decessisse, quæ ipso iure & statim heres facta est. Quod secundo loco significant, puella ita heredem facta fideicommissum debere, manifestam rationem habet. Nam cum suus heres existit, testamentum confirmatur, ut pote quod heredem habere cepit. *l. cum quasi. §. sed et si quis. ff. de fidei. iud.* Confirmato testamento nihil dubii est, quin omnia valeant, quæ testamento relicta sunt. Quod dicunt tertio loco, hoc casu fideicommissum respondere debere heredes puellæ, id est, fideicommissum obligari, non Falconem consultorem; hoc quoque certa ratione iuris defenditur. Non enim possunt teneri ad hereditatem restituendam, nisi qui iure hereditatem obtinent. Cum autem puella semel heres existit, hereditatem in sibi quaesitam ad heredes suos transmittit. *l. 3. §. de iur. delib.* Quapropter non alii heredes obligari possunt, ut eam hereditatem restituant, quàm heredes puellæ, ad quos hæc hereditas rediit.

His tamen cognitis statuatur iam rescripti summa, duabus his sententiis velut capitibus comprehensa. Vna est, cum testator post mortem heredis instituti vult hereditatem suam quibusdam restituere, & ita vult ut simpliciter dicat se velle eam restituere, id est, generaliter & indefinite, non expressa persona heredum, a quibus fideicommissum restituere vellet; his verbis

videri eum compendio sermonis rogasse omnes heredes, ad quos ea hereditas peruentura est; etiam si sint heredes legitimi. Altera est, quoties testator fideicommissum præstari voluit, etiam ab intestato ab heredibus legitimis, toties etiam non adita ex testamento hereditate fideicommissum deberi, neque huc pertinere regulam iuris qua traditur, ea quæ testamento relinquuntur, si ex eo non adeatur hereditas non valere. Quorum ratio est exposita.

Sed quoniam prius extra speciem huius loci statuitur superior regula, cuius velut quædam exceptio est, quod hic traditur; locus flagitat, ut in eam ipsam regulam hic inquiramus, videamusque, num extra hunc locum: sit perpetua si non est, quas habeat exceptiones, & quam cum definitione generali iuris consentientes. Idque eo visum est faciendum diligentius, quod si vera sunt ea, quæ excipiuntur ab Accursio, & si recte ad hanc regulam accommodantur, innumeris in causis hæc regula falsa est. Quod longe aliter se habet. quin ex illis exceptionibus quædam falsæ sunt, bona pars non modo a regula non recedit, sed etiam eam maxime confirmat. Sed & in illis, quæ veræ sunt, tradendis explicandisque, ne iuris ratio secum pugnare videatur, dexteritas quædam est: quæ bonis illis veteribus iniuria temporum sæpe defuit. hic maxime. Quare quæ ad rem pertineant, hic præcipue videndum puto.

9 Principio † regula hanc rationem habet, quam dixi. Si quid testamento relictum valet, necesse est aut testamento valere, aut codicillis. Non enim pluribus modis supremæ voluntates valent. *l. ult. §. ult. C. de cod.* Hereditate non adita, atque hoc modo testamento irritato facto, ea quæ testamento relicta sunt, certum est ex testamento, quod nullum esse cæpit, deberi non posse. Atqui nec possunt deberi ex codicillis; quia testator testamentum facere voluit, non codicillos. *l. i. ff. de iur. codicil. l. ex ea scriptura. in pr. ff. qui testament. facere poss.*

10 H. c. † tamen posterius ita, nisi testator eam scripturam, quam pro testamento instituebat, voluerit etiam pro codicillis valere, idque testamento declaraverit. Tam enim commutata ratione superiore, fit iure communi, ut quæ ea scriptura relicta sunt, valeant tanquam ex codicillis, voluntate testatoris id postulante. quæ iam proprie non exceptio est regulæ, sed interpretatio. Exceptio est, si ad verba referas: interpretatio, si ad sententiam, quoniam sententia regulæ ad hunc casum non pertinet. Traditur autem hæc sententia multis locis. *l. ult. §. i. §. de cod. d. l. ex ea scriptura. §. i. ff. qui test. fac. poss. l. coheredi. §. cum filia. ff. de vulg. subst.* Ergo idem iuris est, ubi testator voluit id, quod testamento relinquebatur, etiam ab intestato ab heredibus legitimis præstari: quoniam hoc idem valet, atque si de codicillis expressisset. Neque enim relicta deberi possunt ab intestato, nisi testamento irritato constituto, & id tanquam ex codicillis expressa est rursus hæc sententia in *l. ex testamento. j. hoc tit.* significatur in *d. l. ex ea scriptura. in si. item & in hac l. ea quam.*

11 Solum † hic videndum est, quando testator id, quod testamento reliquit, velit etiam ab intestato præstari. Nam quibus rebus id constabit, in his omnibus dicemus, id, quod relictum est, etiam non adita hereditate deberi; nempe ab intestato ex voluntate testatoris. Hæc autem voluntas testatoris intelligitur ex eo, si testator voluerit post mortem he-

redis instituti hereditatem restitui quibusdam, idque simpliciter dixerit se velle, nulla expressa persona heredum, a quibus restitui vellet. Nam his verbis indefinitis & generalibus intelligitur comprehendisse de omnibus heredibus, ad quos eius hereditas peruenisset. hæc est propria species huius rescripti. Idem de voluntate testatoris colligitur, cum testator testamento obnixè rogauit heredem suum, & per Deum, ut aliquid Titio præstaret. obnixæ voluntatis preces, inquit Papinianus, ad omnem successionis speciem porrectæ videntur. Ideo ex voluntate testatoris heres præstabit, non tantum si hereditatem adierit ex testamento, sed etiam si testamentum imperfectum sit, & adierit ab intestato. *l. cum pater. §. cum filius. ff. de leg. 2.* Eadem voluntas testatoris collecta est ex persona eius, cui testamento quid præstari voluit, si hæc duo concurrant; nempe si testator eam personam dilexerit vnice, & in legando eam dilectionem verbis significauerit. Quod placuit in persona eius testatoris, qui testamento alumnae suæ libertatem dedit, & præterea quædam præstari voluit. in qua specie scriptum est in *l. in testamento. ff. de fid. liber.* non solum alumnae libertatem constitutam esse, sed etiam ea, quæ testamento relicta sunt, præstanda esse: reddita hæc ratione, quia filius pius debuit patris voluntatem sequi in ea, quam pater vnice dilexit, & alumnam nominauit. Probat argumentum *l. Ansoninus. v. si. ff. de fid. liber.* ubi si testator paganus iusserit seruum suum testamento liberum esse, & ei voluerit aliquid amplius præstari, placet hereditate ex testamento non adita solam libertatem fauore libertatis ei seruari; fideicommissum autem ex testamento irritum non deberi. Cur hæc tam varie? quia testator neque hunc seruum dilexit, neque si dilexisset, de hac causa dilectionis quidquam significauit verbis, ut tunc fecit, cum aliquid puellæ legauit, & addidit alumnae meæ. In quibus omnibus causis apparet, non nouas exceptiones regulæ nasci; sed declarari tantum, quando testator videatur voluisse a se relicta etiam ab intestato præstari. Itaque summa huc redit; iure communi hereditate ex testamento non adita, nihil in eo testamento scriptum valere; nisi testator ut valeret, voluerit quod duobus casibus velle intelligitur. vno, si nominatim voluit scripturam testamenti quouis iure valere. altero, si voluit quod testamento relictum erat, etiam ab intestato præstari. quanquam vterque casus idem efficit. Nam qui vult scripturam etiam iure codicillorum valere, vult eam valere ab intestato; quia sublata causa testamenti sola causa intestati relinquitur: & vice versa, qui vult relictum ab intestato præstari, hoc ipso vult præstari ex codicillis; quia ex suprema voluntate nihil possit deberi, nisi aut testamento, aut codicillis, ut ante dixi.

Et † hæc iure communi ita sunt. ceterum singula 12 ri quodam & proprio iure receptum est, quibusdam in causis, ut hereditate non adita nihilominus valeant, quæ testamento relicta sunt, etiam præter voluntatem testatoris, qui non voluit aliud facere quàm testamentum. In quibus vere dixerimus consistere superioris regulæ exceptiones. Primum id receptum est in eo herede, qui testamento scriptus, ab intestato possidet hereditatem: si modo in fraudem ommissa causa testamenti possideat. quod edicto prætoris effectum est aduersus calliditatem heredum. *l. i. ff. si quis om. caus. test.* Deinde generaliter constitutionibus Iustiniani receptum id est, quoties certis ex causis re-

Rescinditur institutio, ut ea rescissa, hereditas ad alios quam heredes scriptos pertineat. Rescinditur institutio constitutionibus Iustiniani, præteritis aut immerito exheredatis liberis, vel parentibus. Rescissa institutione ex causa præteritionis vel exheredationis, nihilominus cetera testamento relicta firma manent. *auth. ex causa. s. de lib. prat. vel exb.* Hæc exceptio continet speciem. *l. cum mater. ff. de inoff. test. §. l. ult. ff. de her. inst.* vbi mater filiam præterit aliis heredibus institutis; sed ideo, quia falso rumore allato audierat filiam decessisse. Placuit Principibus illius temporis, filiam heredem esse ex tacita voluntate testatricis; sed nihilominus legata debituram hac ratione, quod si mater sciuisset filiam viuere, eam instituisset. Iustinianus autem multo plus complexus est constitutione sua. Voluit enim institutione ex causa præteritionis vel exheredationis rescissa omnino legata deberi, etiam si parens consulto filiam præterierit aut exheredauerit. Proinde hac constitutione multo magis superior species continebitur: ut valde ineptum sit propter eam speciem nouam exceptionem fingere. Eadem constitutione continentur legata, quæ petita bonorum possessione contra tabulas ex edicto præstanda sunt certis personis, nempe parentibus & liberis, de quo *in l. i. ff. de leg. prat.* Ea enim constitutione efficitur, ut petita bonorum possessione contra tabulas ex causa præteritionis legata præstentur omnibus, non tantum parentibus & liberis, sed etiam maxime extraneis. Quare ne in his quidem legatis, quæ ex edicto præstanda sunt parentibus & liberis, nouam exceptionem introducere oportuit. Rescinditur præterea institutio, si liberi vel cognati capitiuum testatorem non redemerint, aut redimendum curauerint, ita ut ex hac causa exheredari possint. Hoc amplius etsi sint heredes instituti, placet eos, qui in superscripta causa sint ad hereditatem non admitti: ut necesse sit hereditatem ab his adiri non posse. Et tamen hoc placuit cum hac exceptione, ut legata eo testamento relicta præstentur. *auth. si capitiui. s. de sacrosanct. eccles.* Rescinditur etiam institutio alia constitutione Iustiniani ex hac causa, si liberi parentem furiosum neglexerint, aut contra. Itaque quamuis ante furorē filius institutus esset a patre; tamen ob hanc causam heres non erit patri. Sed ita, ut placeat nihilominus cetera firma manere. *auth. liberi furiosi. s. de epis. aud.* quæ tria ad vnam illam exceptionem generalem pertinent, quam secundo loco posui, & iure singulari constituta esse apparet. Postremo singulari iure receptum est in libertate, quæ testamento perfecto relicta est, ut hæc debeatur, quamuis ex testamento adita non sit hereditas. *l. Antoninus. in si. ff. de fideicom. liber.* Quo exemplo recte defendetur etiam hereditate ex testamento non adita deberi ea, quæ ad pias causas relicta sunt, puta in pauperes, aut in institutionem inuentutis. Pietatis enim causa non minus favorabilis est, quam libertatis. Ad superiorem regulam non pertinent eæ causæ, ex quibus hereditas heredi tanquam indigno auferitur, & fisco vindicatur. Nam in his causis omnibus heres, quamuis indignus, nihilominus heres est, & hereditatem recte adit ex testamento, licet ei tanquam indigno postea auferatur hereditas. *l. ex facto. §. ult. ff. de vulg. subst.* Et quamuis heres scriptus non adierit, tamen fiscus in eius locum succedit, & tanquam si heres institutus esset, sic hereditatem potest adire, ut iure priuati heredis in eo utatur. *l. fiscus. ff. de iur. fsi.*

Ita etiam secundum superscriptam regulam, cum hereditas ab indigno fisco vindicata est, nihilominus legata debebuntur a fisco quia hereditas adita est. *l. 3. §. cum ex causa. ff. de iur. fsi.* Quocirca male ex superiore regula excipitur species. *l. 3. ff. de his que in test. del.* vbi si testator nomen heredis induxerit consulto, placet sic institutiones in eo herede non valere, ut nihilominus legata debeantur. Etenim in hac specie hereditas heredi, cuius nomen inductum est, tanquam indigno auferitur, & vindicatur fisco; nempe quia ex testamento prius adita est. *l. cum quidam. ff. de his que ut indign. aufer.* Nihil rectius excipitur species, *l. i. §. sed si legatum. ff. si quis aliquem test. prohib.* vbi placet si quis prohibuerit aliquem libere testari, & heres sit institutus, & ab eo relicta legata, hereditatem ei tanquam indigno auferri, & nihilominus legatum præstari debere. Eadem ratio est *l. cum fisco. ff. de sena. Syllan.* vbi ideo heredi hereditas tanquam indigno auferitur, & adicitur fisco, quia non est ultus mortem eius, cui successit. Regula superior concepta est de eo testamento, ex quo non est adita hereditas. In superscriptis autem causis hereditas aditur, vel ab herede scripto, vel a fisco: ut appareat, quod diximus, has causas ad regulam non pertinere. Neque vero nisi ineptissime a regula excipi potest, quod regula non continetur: ut, ridiculus sit omnino, si quis dicat se legare libros suos omnes exceptis lapidibus, qui sunt in cœnaculo.

Expendenda est lectio, quæ est in principio rescripti. Vulgaris lectio est, *Eam quam*. Alii legunt, *Ea quam*. Prior lectio defendi nullo modo potest neque recto ordine sermonis, neque figurato. Nam si recto sermone ita legimus: *Nihil prohibet eam fideicommissum petere, quam frater tuus instituerat heredem*; sententia aperte falsa est. Non enim ea puella fideicommissum petit, cui fideicommissum relictum non est, sed fideicommissarii ab ea petunt. Quod si legimus, *Nihil prohibet fideicommissum peti eam*, pro ab ea quam frater tuus heredem instituit: hic quoque sententia manifeste falsa est, & aliena. Nam proponitur in rescripto puella iam decessisse, a puella mortua fideicommissum peti non potest, etiam si proponeremus eam adhuc viuētem rogatam restituere hereditatem fideicommissariis. Deinde repugnat contextus & structura orationis, quo minus ita interpretemur. Sequitur enim continenter nihil prohibet fideicommissum peti vel a puellæ heredibus. Dicendum igitur prius fuisset, *nihil prohibet fideicommissum peti vel ab ea puella, vel ab eius heredibus*, ut sic oratio cohereret casibus. Sunt, qui lectionem defendant figura orationis Græca, ut sit, *eam quam*, pro, *quam eam*, ut in illo loco Virgilii:

Urbe quam statuo, vestra est.

quod defenditur conuersis verbis, ut sit, *quam urbem statuo, vestra est*. Sed in verbis huius rescripti nihil est simile. Recte enim & naturaliter dicimus *quam urbem*, vbi adiectiuum & substantiuum naturaliter coniunguntur. At *quam eam*, nullo sensu nulla ratione sermonis recte dicere possumus, vbi vtrumque est adiectiuum. Restat igitur, ut legamus, *ea quam frater tuus*. Estque hæc structura orationis: *Sine ea, quam frater tuus instituit, qua sita, siue non qua sita hereditate decessit; nihil prohibet fideicommissum petere substitutos vel ab eius puella heredibus, vel ab iis qui hanc intestati tenent; dum testator voluit ei quosdam substitutos, idque verbis precariis, & simpliciter.*

AD TITVLVM XLVIII. COD.

Ad Senatusconsultum Trebellian.

S V M M A R I A.

- 1 *Fideicommissa hereditas quid?*
- 2 *Ratio inscriptionis siue rubrica.*
- 3 *Ordinis & methodi ratio late explicatur.*
- 4 *Differentia duae inter fideicommissum hereditatis, & fideicommissum rerum singularium.*
- 5 *Summa huius loci quinque questionibus proposita.*
- 6 *Heres an fideicommissum restituere debeat.*
- 7 *Fideicommissum quando recte relictum dicatur.*
- 8 *Si heres institutus, rogatus restituere, hereditatem adire nolit, ut ita fideicommissum intercidat, quid constitutum sit.*
- 9 *Fideicommissum quando restituere debeat.*
- 10 *Quid & quantum veniat in restitutionem fideicommissi.*
- 11 *Fructus rerum hereditariarum an fideicommissario restituendi sint.*
- 12 *Heres quando moram in restitutione facere dicatur.*
- 13 *Hereditas quomodo restituatur.*
- 14 *Quis restitutionis effectus.*

Hoc titulo agitur de fideicommissis hereditatibus. Est \dagger autem fideicommissa hereditas, de qua restituenda aliquis rogatus est: nam fideicommittere ut restituat, & rogare ut restituat idem valent. Sunt enim omnia verb. fideicom. *Instit. de fideicom.* Quod autem \dagger inscribitur ad Senatusconsultum Trebell. eo fit, quia hoc Senatusconsulto de restitutione fideicommissi hereditatis cautum est. Inde inscriptio eiusdem tit. *Instit. de fideicommissis hered. & ad Senatusconsultum Trebell.* ubi & res, de qua agitur, & ius, quo de ea re cautum est, coniuncta sunt. Sed \dagger cum fideicom. hereditas sit species fideicommissi, cur de hac ipsa tractatum non est supra tit. *de fideicom. rerum singularium*? Resp. Quia fideicommissi heredit. propriam quoddam ius est, separatim a iure fideicommissi singularium rerum. Sunt \dagger enim duae hic differentiae: nam si cui singulae res aut legatae aut fideicommissae relictae sunt, is cogere non potest heredem, a quo relictae sunt, ut hereditatem adeat & legata praestet: at quisquis est, qui heres rogatus est restituere hereditatem universorum bonorum, is heredem cogere potest, ut hereditatem adeat & restituat, *l. nam quod. §. ult. & seq. ff. eod.* Altera est, quod omne legatum & fideicommissum singularium rerum ad legatarium pertinet sine ullo onere aris alieni. Contra is, cui hereditas ex fideicommissi restituitur, obligatur omnibus oneribus hereditariis ut heres, *l. ult. §. de hered. act. l. si hered. ff. de vend. l. i. ff. eod.* Sed cur non prius de fideicommissis hereditatibus actum est, quam de fideicommissis rerum singularium, cum in Institutionibus id sit factum. Prior enim est titulus de fideicom. hereditatibus, sequitur alter de singulis rebus per fideicommissum relictis. Et vere praestantior est hereditas, quam singulae res, ut videatur de hereditate restituenda prius agi debuisse? Respond. Si res relictas tantum inspiceremus, prius de hereditate fideicom. restituenda agi oportuit: res enim maior est & praestantior rebus singulis, universitas his rebus, quam universitate continentur. Sed sub hoc titulo non agitur tantum de fideicommissa hereditate restituenda, sed fideicommissi imminutione, quae constituta est Senatusconsulto Peg. *§. sed quia heres. Inst. de fideicom. hered.* Hanc imminutionem non spectamus; naturae ordo postulat, ut priori loco

de rebus testamento relictis agatur, quam de relictis minuendis. Qua ratione factum est, ut post tractationem hereditatum testamentariorum, item agnatarum & fideicommissarum, ad extremum sit subiecta tractatio ad l. Falcid. qua lege de minuendis legatis cauebatur. Sed cur ob hanc causam non praepositur titulus ad l. Falcid. ut in Instit. & ff. est factum? Respond. Uterque ordo, & qui hic servatur, & qui servatur illic, rectus est, & suam rationem habet, prout diuersas res spectamus. Lex Falcid. de legatis minuendis prius lata est, quam SC. Trebell. constitutum. Hoc amplius, quod SC. Peg. cautum est, ut heres rogatus hereditatem restituere, possit retinere quartam ad exemplum l. Falcid. cautum est d. §. sed quia. *Instit. b.* Proinde cum & tempus spectamus, quo haec l. constituta fuit, & similitudinem, quam legislatores hic secuti sunt, prius est, ut de l. Falcidia cognoscatur, quam de Senatusconsulto vel Treb. vel Peg. Prius enim est id, ex quo exemplum deducitur, quam exemplum quod inde ducitur.

Rursum quoniam sub hoc titulo ad Senatusconsultum Trebell. non tantum de imminutione fideicommissi, sed etiam hereditatis restitutione agitur, non male haec si habita rei, de qua agitur, ratione, prius de fideicommissi hereditate agitur, hac lege, quam de sing. legat. & fideicom. quae lege Falcidia minuitur. In summa \dagger de fideicommissis hereditatibus restituendis his locis breviter continetur. Nam cum constabit aliquem heredem rogatum esse a defuncto, ut hereditatem restituat, primo quaerendum est, an fideicommissum restituere debeat, secundo loco, si restituere debet, quando debeat, tertio, quid & quantum veniat in eam restitutionem: quarto, quomodo hereditas restituatur: postremo, restituta hereditate, quid inde apud heredem maneat, quid in fideicommissarium transferatur, & in summa restitutionis effectus quis sit.

Prima quaestio \dagger est, an fideicommissum heres restituere debeat? Dicimus fideicommissum omne, quatenus fideicommissum est, iure valere, sed non continuo fideicommissario hereditas restitui debet, sed his conditionibus, si & fideicommissum recte relictum est, & is qui rogatus est adierit, vel quo alio modo acqvisierit hereditatem. Recte \dagger fideicom. hereditatem relinquit, si rite relinquitur & ab his a quibus oportet, & quando oportet. Rite relinquitur citra controuersiam testamentis. *§. in primis. Inst. eod.* sed & rite relinquitur codicillis. Quod n. dicitur hereditatem codicillis dari non posse, tunc locum habet, cum hereditas directe datur, quod sit herede instituto aut substituto, non etiam cum hereditas relinquitur verbis precariis seu fideicommissariis, *l. 2. §. de codicillis.* Quisquis autem est, ad quem hereditas nostra peruentura est, recte rogatur, ut eam restituat, ut sunt primo scripta nobis. *d. §. in primis.* deinde etiam heredes legitimi, nam & ab intestato fideicommissum relinqui potest. Hoc amplius & hi omnes, quibus ex fideicommissi hereditas nostra restituta est, quoniam & hi heredum loco habentur, ut postea dicetur. *Hac in §. praeterea. versum autem. Inst. b.* Porro hic autem fideicommissa hereditas recte relinquitur, ut & pure & sub conditione, & in diem seu ex certo die recte relinquitur, *d. §. in primis. versum potest autem.* in quo proprium ius fideicommissarum hereditatum constituitur. Nam hereditas directe ex certo die & ad certum diem dari nequit: sed si dies adiectus fuerit vitio temporis sublato, pro pura habetur, *§. heres. de hered. inst.*

hereditas 34. ff. *cod.* Quod, ut dixi, in fideicommissa hereditate danda contra observatur, & merito: quia ubi quis heres directo ad diem institutus est, nemo ante diem est heres, qui soluat creditoribus hereditariis, quod contra fit, cum quis heres institutus rogatus est, post annum hereditatem restituere: nam interum heres institutus est heres, & idem qui creditoribus hereditariis respondeat. Non est satis fideicommissum recte relinqui, ut is, qui rogatus est, restituere debeat, nisi prius & ipse hereditatem adeundo acquisierit. Natura enim nemo restituere potest, quod non habet, nec unquam habuit: hereditas autem heredi non nisi adeundo aut per heredem gerendo acquiritur, §. *ult. de her. qual.* Quid igitur fiet si heres institutus rogatus restituere hereditatem, eam adire nolit, ut in fideicommissum interdicat? Aduersus hoc periculum prospectum est SCto Treb. & Peg. Nam quoniam ita iusserat, ut nemo iniure hereditatem adire cogeretur, quoniam aditio voluntate constaret, *l. nec emere. §. de iur. delib.* Ideo placuit initio heredes institutos & rogatos hereditatem restituere, adeoque ceteros heredes eodem modo inuitare ad hereditatem adeundam: primo, periculi aditionis metu amoto: secundo, premio & delectanti constituto. Metus omnium hereditariorum iustus est in herede, qui hereditatem adit: nam hereditas adire heredem obligat ad aditum, etiam si solvendo non sit, *l. mora de acq. her.* Nec ad rem, quod est heredi, si eam hereditatem postea restituat: nam qui semel heres existit, iure civilis heres esse non desinit, *l. ait prator. §. sed quid Pap. de minor. & l. qui, de heredi inst. §. restituenda hereditas* Itaque non dubium est, quin hoc metu territi heredes, qui rogati sunt hereditatem restituere, non facile adire hereditatem vellent. Proinde hoc metu primum liberati sunt SCto Treb. quo effectum est, ut quae adire non potuerunt civili heredi & in heredem competant. heres si & in eum datur, cum ex fideicommissum restituta est hereditas, *l. b.* Sed restabat adhuc hoc incommodum, quod obsidebat hereditatem, quo minus hereditatem adire, quam rogati erant restituere, quia nollent hereditatem adire sine viro aut pexiguo lucro. Quare & huic incommodo prospectum est SC. Peg. quo cautum est, ut hereditatem rogati hereditatem restituere, non minus quantum patere iure liceat, quam per l. Falcidiam de singulis legationibus conceditur, §. *sed quia hereditas* l. Perichas fiebat, ut inuitati heredes ad adeundam hereditatem facilius adire vellent hereditatem: sed nondum tamen his rebus perficiebatur, ut hereditatem adirent. Nam si fieri poterat, ut vel non necessario metu mouerentur, vel consulto hereditatem adire nollent, quo noverent fideicommissario, vel quo voluntas suprema intercederet. Idcirco visum est eodem SCto Peg. hereditatem adire recitantibus necessitatem imponere. Placuit igitur, ut desiderante fideicommissario, cui hereditas restituenda est, & postulante suo periculo hereditatem adire, cogatur heres per praetorem hereditatem adire & restituere, sine vlla exceptione, *l. 2. l. nam quod. §. ult. de codicill. §. sed si recusabit. b.* Idque utque adeo, ut quamvis heres ultro hereditatem repudiasset, nihilominus tamen desiderante fideicommissario adire cogeretur, *l. nam quod. §. ult. de codicill.*

Hereditatem hoc modo adita, cum & fideicommissum valeret, nihil aliud relinquitur heredi rogato, nisi ut hereditatem restituat. Sed quid quando restituere debet, statimne an postea? quod secundo quaerebatur. Res posita est in voluntate defuncti: si sub conditione fideicommissum relicta est, tunc debetur, cum conditio

existit; si pure, statim & presenti die debetur. Hac vis est & conditioni & aditioni adiecta, *l. 1. de cod. & de mon. §. omnis. de verb. oblig. l. cedere diem, de verb. sig.*

Tertium sequitur, ut videndum sit, cum hereditas restitui debeat, quid & quantum restituat? Et quid restituui debeat positi est in verbi significacione: hereditatem iustus est restituere, proinde id venit in restitutionem, quod hereditate continetur, id est, quod defuncti fuit cum moreretur, *l. in fideicom. §. quod. cod. l. hereditas. de reg. iur. l. nihil aliud. de verb. sig.* Hereditatis verbo eadem continentur, quae verbo bonorum, *l. 1. 2. 3. de bon. poss.* Bonorum a. appellati non tantum res corporales continentur, sed iura & actiones, quae defuncto competebant, *l. bonorum. de ver. sig.* Proinde quaecumque actiones defuncti fuerint, haec in fideicommissarium sunt transferendae, *l. posthumus. §. ult. ff. eo.* Quod tunc est de rerum hereditariorum fructibus, an & hi restituendi sint fideicommissario? Et placet, si hi post hereditatem aditam ab herede percepti sunt ante restitutionem hereditatis, eos duobus tantum casibus restituere debere. Vno, si restitutor voluerit restituere, *l. in fideicom. §. ult. ff. eo.* Altero, si mora facta ab herede percepti sint, *l. cod.* In quo tunc proprium legatorum & fideicommissorum notandum est. Nam in ceteris actionibus omnibus personarum, quibus non petimus quod antea nostrum fuit, si fructus etiam post mortem non possuntur, *l. videamus. §. actione. de usur.* praeterquam in bonae fidei iudiciis, *l. mora §. in bonae fidei. ff. cod.* Sed placuit in hanc rem legata & fideicommissa bonae fidei iudicio comparari, *l. 3. ff. cod.* Moram tamen facit heres in restitutione hereditatis, cum a fideicommissario interpellatus opportuno loco & tempore, non restituit, *l. mora de usur.* Quod si fructus ante moram ab herede percepti sunt, neque de his restituendis rogatus sit, hi in restitutionem non veniunt, *l. in fideicom. in pr. & §. quod. cod.* Quia, ut ibi scriptum est, si magis rebus accepto ferendi sunt. Sensus est, quia nihil ab herede restituendum debet, nisi quod est hereditarium, seu quod iure hereditario receptum est. Fructus enim ex rebus hereditariis non tantum iure hereditario seu ex hereditate percipiunt heredes intelliguntur, qui ex rebus ipsis, quae post aditam hereditatem desierunt esse hereditariae & ceperunt esse heredis, *l. heres in rem, de acq. heredi. cum heredis. de acq. poss.*

Secundum legem notandum est, hoc dici de fructibus ab herede perceptis proinde si viro & pensiones ex causa hereditaria debite non dunt ab herede exactae sunt non sunt heredis, sed actio ad eas petendas tota in fideicommissario transferretur, *l. postulate. §. ult. ff. b.* Hoc amplius exiguum, ut fructus percepti sint post aditam hereditatem, ut sic fiant heredis. Nam si ante hereditatem ante percepti erunt, hi in restitutionem non veniunt, cum aditum qui viro adhuc testatore sunt percepti, *l. nam amen. vers. in fin. ff. eo.* Et merito dicitur, si velus viro testatore percepti facti sunt testatoris, proinde in hereditate eius reperiuntur. Porro fructus mortuo testatore ante aditam hereditatem percepti a defuncto intelliguntur, quia hereditas iam adita defuncti fuit, nec personam, *l. hereditas de acq. rer. dom.* Haec sunt, quae in restitutionem hereditatis veniunt, sed ita veniunt, ut debeant restituere tota, nisi quando ex SC. quarrapars apud heredem manere debet. Interest igitur, utrum heres volens adire hereditatem an coactus. Si volens adire quantum retinere potest ex Senatusconsulto: Quod si coactus sit, totum restituere cogitur, quod restitutor rogatus est, inquit nullum commodum ex hereditate restituit, *l. 4. ff. cod.*

13 Quartum sequitur, quomodo hereditas restituatur. Restitutio hereditatis non continetur cassatione rerum, ut sit in rebus corporalibus, quæ non nisi traditione transferuntur, *l. vendend. §. de pact.* Sed sola voluntate hereditas restituitur, siue verbis hanc voluntatem declarat heres, siue re aliqua & facto. Verbis, ut si aperte dicat fideicommissario, se illi hereditatem restituere. Re & facto, si vel rem vnam minimam hereditariam restituat fideicommissario, ut velit hereditatem illi restitutam esse. *l. restituta. ff. eod.* Ita restitutio hereditatis, quemadmodum & aditio hereditatis, sola voluntate perficitur, dum tantum restituatur fideicommissario, qui restitutionem admittit, quod facere potest præsens vel absens per nuntium, *l. epistolam. d. l. restituta. ff. eod.*

14 Restituta est hereditas extremo loco de effectu restitutionis quaeritur. Hic comprehensus est SCto Treb. quo, ut supra dixi, effectum est, ut omnia commoda hereditaria, & item incommoda, in fideicommissarium transferantur, *d. l. restituta.* Quo SCto effectum est, ut si fideicommissarii, quibus hereditas restituta est, heredes loco adeant omnia, *l. postulante. §. ubi ff. eod.* Et hoc fit in totum, quoties tota hereditas fideicommissario restituta est. Quod si heres voluntate testatoris, aut beneficio SCi huius, quartam retinuerit & dodrantem fideicommissario restituerit, evenit, ut si dodrans inter eos actiones hereditarias, item commoda & incommoda, pro portionibus vnicuique competentibus, ita ut heres pro quarta parte teneatur creditoribus hereditariis ipso iure, item & legat. & fideicom. his rebus omnibus teneatur utili actione ex SCto sublato iure veterum, quo observabatur, ut fideicommissarius tantum teneretur stipulationibus interpositis inter eum & heredem, de quo videndum est, quid Iustinianus scribat *in d. §. restituta. §. quia hereditate. §. sed quia stip.* Vtriusque divisionis exempla & confirmatio petenda sunt *ex l. 12. b.* Altera verba inscriptionis huius tituli, de incertis personis, non sunt ferenda. Non enim agitur hic de incertis personis.

Ad L. 1. Si ex.

Impp. Senerus & Antoninus AA. Probo.

Sic Sempronius, consul, quartam partem hereditatis retinuit, & dodrantem fideicommissario restituit: quod creditoribus hereditariis pro novem uncis presteris, a fideicommissario petere potes. PP. 15. Kal. Apr. Laterano C. Rufino Cass. 195.

S Y M M A R I A.

- 1 Restituta hereditate fideicommissarius tenetur creditoribus hereditariis iisdem actionibus, quibus heres.
- 2 Heres si quartam parte retenta ex SC. dodrantem hereditatem restituit fideicommissario, & creditoribus hereditariis, quod debebatur, solvit, solum pro dodrante a fideicommissario repetere potest.
- 3 Quid si soluerit nondum restituta hereditate, nec retento eo quod solvit, restituit hereditatem, an solutus itidem pro dodrante repetere possit.
- 4 Qua actione id repetere possit.
- 5 Quando hoc queant.

Si actiones, quæ iure civili in heredem competunt, transeunt in fideicommissarium restituta hereditate, ut transeunt ex Senatusconsulto Trebelliano, *l. 1 ff. b. §. restituta. ff. eod.* consequens est, si restituta hereditate, fideicommissarium teneri creditoribus hereditariis, ut in totum, quibus heres teneretur: nam onus æris alieni heredi sit, *l. vlt. §. de hered. ac.*

Si fideicommissarius tenetur creditoribus hereditariis, consequens est, quod hic dicitur, si heres quartam parte retenta ex Senatusconsulto dodrantem hereditatis restituit fideicommissario, & is heres creditoribus hereditariis soluerit, quod debebatur, eum pro dodrante repetere posse a fideicommissario, quod solvit: consequens ideo, quia ea solutione fideicommissarium liberavit, quod facere potuit, etiam pro invito soluendo, *l. soluendo. de neg. gest.* eum liberando, negotium eius gessit: negotiorum alterius gestio, est negotiorum gestorum eius, qui gessit, aduersus eum, cuius negotium gestum est. *l. 1. §. 2. de negot. gest. l. 3. §. de neg. gest.* Et hoc expeditum est, ubi heres restituta hereditate iam solvit creditoribus: sic enim, ut dixi, soluendo, vere fideicommissarium liberavit, qui iam teneri cœperat.

At quid si heres nondum restituta hereditate soluerit creditoribus, deinde non retento eo, quod solvit, restituat hereditatem, an quod solvit poterit itidem repetere pro dodrante a fideicommissario? Mouet dubitationem, quod heres ante restitutam hereditatem soluendo, negotium suum gerit, non fideicommissarii, seu vere se liberat, non fideicommissarium. Nam fideicommissarius nondum restituta hereditate non obligatur actionibus hereditariis, quæ tunc solum transferuntur, cum restituta est hereditas, *d. l. 1. b.* Ita solus heres actionibus hereditariis tenebatur, & quia solus tenebatur, soluendo se solum liberat, eoque & solus negotium suum gerere videtur, atque ita efficitur, ut nullam negotiorum gestorum actionem habeat aduersus fideicommissarium. Hic rescriptum est, etiam hoc casu heredem, qui creditoribus solvit, repetere posse a fideicommissario, quamvis soluerit non restituta hereditate.

Sed qua actione? Ait Accursius, negotiorum gestorum, quod aliis displicet. Rectissime Accursius. Nam nisi sit actio negotiorum gestorum aduersus fideicommissarium, nulla esse poterit aduersus eum actio. Et vero negotium fideicommissarii hac solutione aperte gestum est. Non obstat, quod heres ante restitutionem hereditatis se liberat, non fideicommissarium. Subtilitate enim iuris & presente tempore respecto fideicommissarium non liberat: at effectum liberat: quia futurum erat, ut restituta hereditate fideicommissarius teneretur: quo minus autem tenetur, consequitur heredis solutione.

Præterea accipitur dici potest, heredem dum ante restituta hereditate solvit creditoribus, gerere negotium fideicommissarii, non quia eum liberat, sed quia soluendo locupletiorē faciat hereditatem, sublati nimirum oneribus hereditariis. Quapropter cum eandem hereditatem fideicommissario restituit locupletiorē, huius rei utilitas ad fideicommissarium pertinet, facere enim ad rem & utilitatem alterius, est negotium eius gerere, *l. 2. de neg. gest.* Notandum est etiam, quod hic dicitur, heredem qui solvit creditoribus hereditariis, non repetere a fideicommissario totum quod solvit, sed tantum pro dodrante, id est, novem uncias. Ex quo colligitur pro quarta parte, quæ heres retinuit, onus æris alieni ad heredem pertinere, unde rursus intelligitur, quod supra ad hunc titulum dictum, cum heres retenta quarta parte hereditatem restituit ex fideicommissio, sciendum inter heredem & fideicommissarium actiones hereditarias esse pro portionibus hereditariis competentibus, quod & scriptum est *in d. §. sui. §. vna. Inst. eod.* & apertius comprehensum *l. seq. b.*

Ad L. 2. ad eum.

Imp. Philippus A. & Philippus C.
Iuliano.

Ad eum, cui ex Trebelliano senatusconsulto pars hereditatis restituitur, successionis onera seu legatorum praestationem pro competenti portione spectare, indubitati iuris est. PP. 18. Cal. Nouemb. Peregrino & Emiliano Coss. 245.

S V M M A R I V M.

- 1 *Definitio seu summa legis.*
- 2 *Onus hereditarium quid, & quatenus in fideicommissarium transeat. num 3.*
- 4 *An quemadmodum fideicommissarius legata pro dodrante praestare debet, ita & heres pro quarta parte retenta eadem praestare teneatur.*
- 5 *Verbum partis quid significet.*
- 6 *Heres, quarta parte retenta, dodrantem solum restituens, pro quarta parte & nomine & re ipsa heres est.*
- 7 *Quoties iubetur heres restituere hereditatem non quarta parte, sed una summa, aut re aliqua singulari deducta, toties omnes actiones in fideicommissarium transeunt, & ea pars, qua apud heredem manet, sine ullo onere remanet.*

Definitio legis hæc est: Cum hereditas fideicommissario pro dodrante restituta est, quarta parte ab herede retenta, onus æris alieni, & item legata ad fideicommissarium spectare: sed dixi, pro competente portione, quæ illi restituta est. Onus ꝑ hereditarium est onus æris alieni, quod debetur creditoribus defuncti. Hoc onus, vt dictum est, onus heredis est, quia hic solus ex lege 12. tabularum creditoribus hereditariis tenetur, *leg. ult. s. de her. act.* Id ꝑ ex senatusconsulto Treb. transit in fideicommissarium, restituta hereditate. Sed transit quatenus ius & fructus hereditatis ad fideicommissarium transfertur, vt sunt verba senatusconsulti *d. l. i. D. hic.* Proinde pro hac solum parte onus hoc ad fideicommissarium pertinet, pro parte autem ab herede retenta heres tenetur creditoribus. *d. s. si quis vna. Inst. h.* Hoc ius in ære alieno nullâ dubitationem habet. Quæritur ꝑ de legatis, an quæadmodum fideicommissarius pro dodrante ea præstare debet, ita & heres pro quarta parte retenta ea præstare debeat? Non dubitaremus, nisi Accursius & alii hunc sententiæ statuerent, legata solū a fideicommissario deberi, ab herede autem, qui solam quartam hereditatis retinuerit, non deberi, quod statuerunt *in l. i. s. ult. ff. eod. & l. ultim. j. eod.* Qua sententia nihil magis falsum est, proinde aduersus eam confirmandi sumus.

Sic igitur statuamus, legata testamento relicta, aut codicillis, restituta hereditate scindi inter heredem & fideicommissarium, itidem vt onus æris alieni, vt ea ab utroque præstentur, pro portionibus hereditariis, quæ illic obtigerunt. De fideicommissario non dubitatur, de herede nō minus ius certum est. Id probatur verbis huius legis, vbi dicitur, legata ad fideicommissarium spectare solū pro cōpetente portione, ex quo intelligimus pro alia parte, quæ heredi cōpetit, id onus ad heredē spectare, quemadmodū & de actionibus idē fieret. Nec cauillari verba oportet, vt facit Accursius: nam in principio huius rescripti agitur de eo, cui pars hereditatis restituta est. Accursius ait, hoc intelligi debere, de eo fideicommissario, cui heres rogatus est restituere dimidiā tantū partē hereditatis, quo casu fatentur, legata diuidi inter heredem & fideicommissarium pro æquis partibus. *l. i. s. pen. D. eo.* Et mouetur

eo, quia ꝑ verbum *partis* dimidium significat, vt traditur diserte *in leg. nomen. s. i. de verb. signifi.* Sed additur ibidem *partis* nomen non semper significare dimidium, & generaliter non significare tunc, cū additum est aliquod verbum quod aliam partem quam dimidiam demonstrat, vt si quis dixerit, partem dimidiam, quartam, tertiam. Id hoc loco factum est: nā quæ initio huius legis dicitur pars, ea postea dicitur pars fideicommissario competens. Scimus autem partem fideicommissario competente esse dodrantem, non autem dimidiam. Omissis huius legis verbis ratione minime dubia efficitur heredem pro quarta parte hereditatis retenta teneri ad præstandum legata. Nam certi iuris est, onus legatorum esse onus heredis, non minus, quam onus æris alieni. Id probat definitio legati. Dicitur enim legatum donatio testamento relicta ab herede præstanda. *s. i. de leg. At cū ꝑ heres quarta parte retenta dodrantem solum restituit, pro quarta parte, & nomine & re ipsa heres est.* Nomine, quia heres semel factus, nunquam iure heres esse definit, quamuis hereditatem restituit, *s. restituta. Inst. h. leg. ait prætor. s. sed quod Papinian. de min.* Re quæ heres est, quoniam eatenus hereditatis partem & emolumentū retinet, proinde iure eatenus onus legatorum & æris alieni ad eum pertinere debet. Idem euidenter colligitur ex Scito: nā verbis senatusconsulti ante restitutam hereditatē, declaratur, oēs actiones in heredē cōpetere, quæ intelliguntur actiones æris alieni & legatorū, neq; hæ actiones ab eo discedūt, nisi in fideicommissariū transeant: at quoties restituitur hereditas pro dodrante, solum actiones pro ea parte in fideicommissarium transferuntur, vt intelligitur ex verbis eius senatusconsulti: nam eo cautum est, ideo transferri actiones in fideicommissarium, quia ius & fructus ad eū transeunt: ex qua ratione intelligimus, quatenus fructus hereditatis in fideicommissarium transeunt, eatenus actiones in eū trāsire, quatenus vero nō transeūt, eatenus nec transeire actiones, quæ ratione legis cessante, legi locus non est *leg. quod dicit. de pact.*

Eodem pertinet, quod generaliter definitur *in d. s. si quis vna. Inst. eodem.* quoties heres, retenta quarta parte hereditatis, dodrantem restituit, scinduntur inter heredem & fideicommissarium actiones, quibus heredes tenentur. Generaliter dictum est *actiones.* Hæ autem non sunt tantum æris alieni, sed & legatorum, quibus pariter heres tenetur. Nihil ad rem pertinet *l. j. s. ultimo, D. eodem.* Nam in exemplo eius loci heres quartam hereditatis non retinet, sed totam hereditatem restituit fideicommissario. Quo casu solus fideicommissarius tenetur, vt æri alieno sit obligatus, quod senatusconsulto efficitur. Id autem vt intelligatur ita esse, obseruandum est, in specie illius loci heredem institutum rogatum esse, restituere hereditatem, deductis centum. Scire autem oportet, quoties ꝑ iubetur heres hereditatem restituere non deducta quarta parte hereditatis, sed vna summa deducta, aut aliqua certa re singulari, toties omnes actiones in fideicommissarium transire, & eam partem, quæ apud heredem manet, sine ullo onere remanere, vt diserte *in d. s. si quis. Institutio. h. dictū est.* Et redditor alia ratio manifesta, quæ hoc casu iure singulari nō heredi, sed legatario locus est; certi aut iuris est, heredes omnibus legatariis nō premi. *l. ult. sup. de her. action. leg. si hereditati. D. mandati.* Idē responsum esse volum⁹ ad *l. ult. h.* Vbi fideicommissari⁹ solū legatū pōnit, sed ideo quæ pponit tota hereditas illi restituta esse.

Ad extremum sciendi legata inter heredem & fideicommissarium, diserte scriptum est *l. 1. §. pen. ff. eodem*. Id quidem scriptum est in ea specie, cum heres iussus est dimidiā tantū hereditatis restituere. Sed quemadmodum heres dimidiā hereditatis retinens, dimidium legatorum præstare debet: sic quartam retinens legata præstare debet pro portione.

Ad L. III. Si per.

Impp. Carus, Carin. & Numeria A A A.

Zotico & aliis.

Si per fideicommissum hereditas reipublica relicta est: ex Trebelliano senatusconsulto (quod ab intestato quoque locum habet) quarta partis & fructus eius vobis restitutio competit. Sine die & consule.

S Y M M A R I U M.

- 1 Fideicommissum hereditatis etiam ab intestato ab heredibus legitimis relinqui potest.
- 2 Cuicumque hereditas ex fideicommissio restituenda est, aduersus eum quarta ex senatusconsulto retineri potest.
- 3 Fideicommissarius, hereditate tota sibi restituta, heredi quartam, una cum fructibus restituere tenetur. *§. num. 6.*
- 4 Discrimen inter partem hereditatis, quam heres fideicommissario restituere debet, & eam quam fideicommissarius heredi restituit. *Eiusdem ratio, sub. num. 5.*

Hoc tria statuuntur, 1. Fideicommissum ꝑ hereditatis, etiam ab intestato ab heredibus legitimis relinqui ꝑ. *ff. §. præerea Instit. eod. leg. eam quam supra de fideicommissis*. 2. Cuicumque ꝑ hereditas ex fideicommissio restituenda est, non facere fideicommissarii vllam auctoritatem, prærogatiuam, aut fauorem, quominus aduersus eū quarta retineri possit ex senatusconsulto, quod eodem modo constituitur, quo e cōuerso placet, q̄ quis est heres, q̄ rogatus sit hereditatē restituere, nulla habita persona heredis, eum ex senatusconsulto teneri, vt hereditatem restituat, siue erit priuatus siue fiscus, siue respub. *leg. reccursari. §. si fiscus. D. eod.* Hoc ideo, quia senatusconsultum, quo de restitutione hereditatis, item quartæ retentione cautum est, de re scriptum est, non de personis, vt dicendum sit, in quibuscunque causis eadem res sit, id est restitutio hereditatis & quartæ retentio, in his idem ius statui debere ex senatusconsulto, neglecta personarum ratione, a quibus, aut quibus restituitur hereditas.

3. Hic ꝑ statuitur notandum præcipue, si hereditas restituta fideicommissario tota sit, eum heredi restituere oportere quartam hereditatis, vna cum quartæ fructibus, vt generaliter hoc statuendum sit, sic heredem quartam hereditatis habere debere, vt eā heres habeat cum fructibus. In qua ꝑ parte notandū est discrimen inter eam partem hereditatis, quam heres restituere fideicommissario debet, puta dodrantē hereditatis, & inter eam partē, quam fideicommissarius hereditatem possidens heredi restituere debet, nempe quartā partē hereditatis ex *Setō*. Nam heres sic dodrantē hereditatis ex senatusconsulto restituere debet fideicommissario, vt in hac restitutionē solæ res hereditarię veniāt, fructus nō veniāt, sed heredis fiant, cū ab illo ꝑcepti sint post aditā hereditatē, & ante restitutionē fideicommissi, nisi aut fecerit morā in restituenda hereditate, aut nominatim fructus restituere rogatus sit *l. in fideic. in pr. §. quoties. ad Treb.* Contravero si quo modo cōperit hereditatem totam possidere, quemadmodum ex senatusconsulto restituere debet he-

redi, sic debet & fructus eius quartæ, vt hic. Cur hæc tam varie? Differentiæ ꝑ ratio est, quia heres semel adita hereditate, statim efficitur dominus rerum hereditariarū *l. heres in omne. de acquir. her. l. cum heredes. in pr. de acquir. pos.* Proinde & quartę partis hereditatis dominus est, citra controuersiam, & quamuis hereditas peruenerit ad fideicommissarium, tamen heres semꝑ domin⁹ manet, vt fuerat. Certe aut iuris est fruct⁹ ex re nostra ꝑceptos, nostros esse, itaq; cū fideicommissari⁹ fruct⁹ hereditarios ꝑcipiat, quauis ex re cōmuni, in qua ipse dodrantē habet, heres quartam partem recipiat, tamen non pro maiore parte fructus suos facere potest, quam pro qua res ad eum pertinet, *leg. qui scit. leg. Herenn. de usuris*. At idem heres ante restitutam hereditatem non solum quartæ partis dominus est, sed etiam dodrantis, qui restitui debet, nec prius dominus esse desinit, quam transtulerit hereditatem in fideicommissariū, q̄ solū post restitutam hereditatem contingit ex senatusconsulto *l. 1. b.* Proinde quartæ fructus semꝑ sunt heredis, quia heres semꝑ eius dominus est, eadem ratione fructus dodrantis ante restitutam hereditatē ab herede ꝑcepti, fuerunt heredis, quia pro eo toto tempore heres dominus est totius hereditatis, dodrans quidem etiam ante fideicommissario debetur, sed fructus ex re debita ꝑcepti, non sunt eius, cui res debetur. Et hoc amplius, nec restitui debet, nisi ꝑcepti sint post litem contestatam in strictis iudiciis, aut post moram in bonę fidei iudiciis, item in legatis & fideicommissis *l. 3. in pr. l. videamus. §. si actionē. de usur. l. si rē. de ver. obl.*

Sed videri ꝑ potest falsum esse quod dicitur quartam partem heredi restituendam esse cum fructibus: nam hic ꝑponitur heres restituisse fideicommissario re ipsa. Quoties heres totam hereditatē restituit fideicommissario, quarta non retenta, nō modo fructuum repetitionem, sed etiam quartæ repetitionem amittit. Nā si sciens se rogatum esse restituere, & quartam retinere posse, nihilominus totam hereditatem restituit, quartam donat: sin in iure errans, putauit quartam se retinere non posse, iuris error ei non ꝑdest ad repetendam quartam quam soluit. *leg. error. proxim. titulo. ad leg. Falcidiam*. Dicendum est, hæc ita esse, si heres totam restituat hereditatem, sed fieri ꝑt, vt restituerit hereditatem ita, vt diceret fideicommissario, se restituere pro dodrante, qui illi competit, quartam autē ad se velle pertinere, post quam restitutionem factum sit, vt fideicommissarius nihilominus totam hereditatem occuparit, non dolo, aut præda, sed vt res communes facilius administraret, cum res adhuc essent diuisæ, et ipse pro maiore parte dominus esset rerum hereditariarū, quod cum sit, heredi quarta salua est, quam sua voluntate non remisit.

Ad L. IV. Non iustam.

Impp. Dioclet. & Maximian. A A. & CC.

Quintianæ.

Non iustam te gerere sollicitudinem per fideicommissum rel. et a portione hereditatis perspicimus, verentem ne fructum amittas rel. et fideicommissi, quoniam auct. testatoris ex parte heres scripta, & tibi rogata restituere, calliditate ac fraude repudiavit, vt ad alium nō potem, eundemq; coheredē deuoluatur portio, a quo tibi nominatim non fuerat fideicommissum rel. etum, & coacta suspectam hereditatem adire, priusquam pro herede gereret. rebus sit humanis exempta: cū dino Antonino parēti nostro deberi et a substitutis fideicommissum cōemplatione

indicii testatoris, quasi tacite ab his repetitum, iam dudum placuerit. Neque enim quarta retentionem, quam illa, quæ repudiavit, hereditatem adire coacta, ut suspectam retinere non potuit, timere debet. S. 6. Id. Iul. Philippop. A.A. Coss.

SUMMARIUM

- 1 Species huius legis.
- 2 Fideicommissaria, an, cum, quæ rogata erat restituere, decedat non adita hereditate, & vel heredem habeat neminem, vel non locupletem fideicommissum amittat.
- 3 Fideicommissaria si partem ab auiâ sibi fideicommissum relictam a nepote & coherede auiâ petere potest, an totam petere possit, coherede ultro eam restituere parato.
- 1 **A**uiâ cum essent duo nepotes, vnus ex his testamento facta, auiam & fratrem suum alterum auiâ nepotem instituit, & si non heres esset auiâ, fratrem suum ei substituit, præterea auiam rogauit, ut portionem hereditatis restitueret Quintianæ Felicitæ. Quintiana fideicommissum ab auiâ defuncti petit. Illa adire non vult, sed repudiat hereditatem. Id eo consilio faciebat auiâ, ut ea portio hereditatis ad nepotem eius, qui illi substitutus erat, ex substitutione perueniret fraudata fideicommissaria. Nam si hereditatem adiiisset auiâ, substitutio vulgaris euauisset, neque ea pars vnquam ad nepotem peruenire potuisset ex testamento. leg. post aditam. supra. de impub. substitutio. Cum auiâ perseverauit in ea remissione, vocata est in ius ad prætoris Quintiana fideicommissaria, ibi per prætoris coacta est hereditatem adire, ut verba sunt huius rescripti, quæ bene Accursius accepit, coactam esse verbis prætoris, ut adiret, id est, iussam esse adire: nam reuera non adiuit, ut postea in rescripto narratur. Ergo cum iussa esset adire, priusquam adiret, aut pro herede gereret, decessit: ita hereditas ex substitutione peruenit ad alterum coheredem nepotem eius, & quidem necessario, cum prius ex portione sua nepos heres existisset.
- 2 Hic duo quæ sita sunt. Primo quærit Quintiana quid se facere oporteat, & num fideicommissum amiserit, cum, quæ rogata erat restituere, decesserit non adita hereditate, & aut heredem habeat neminem, aut habeat heredem non locupletem. Hic respondent Imperatores, non debere Quintianam sollicitam esse de fideicommissum, quasi non possit ea adire, quæ defuncta sit: nam omnia auiâ & nepotibus eius, posse Quintianam ab altero nepote auiâ, eodemque coherede auiâ: posse, quia ita ius constitutum sit, ut legata & fideicommissa ab herede defuncti relictâ, etiam a substituto debeatur, quæ portio instituti ad substitutum cum suo onere pertinere debeat. l. licet. de leg. 1. Idem dicendum esset, etiam si nepos coheres auiâ substitutus non esset: nam portio auiâ deficientis, accresceret nepoti coheredi eius, qui suam partem adiiisset, & quidem inuito, l. testamenta. de impub. substit. l. qui ex duobus. §. ult. de acquir. her. Accresceret autem aut cum onere fideicommissi ex eadem constitutione, aut quia coheres coniunctus in deficiente portione coheredis, quodammodo substitutus est, & iam etiâ olim Iustinianus hoc probauit aduersus Iuliani sententiam, ut existat relatâ in l. Titium & Manium. §. 1. de leg. 2. Quæ sententia confirmata est lege Iustiniani, l. unica. §. his ita. j. de cad. toll. Cum Iuliano consensisse videtur Celsus: huius sententia refertur l. alias. l. Celsus de leg. 2. vbi hæc sunt verba, si vni ex heredibus nominatum fideicommissum sit,

videri potest fideicommissum non deberi, si is heres non existerit. Sed non idcirco hæc lex pugnat cum. d. l. Tit. & Man. §. 1. de leg. 2. Nā verum est, videri id posse, quod Celsus dicebat, sed subiiciendū est, quod Vlpianus in d. l. Tit. & Man. subiicit, nempe videri id posse: sed post decretum Imperatorum existimari debere, accrescentem portionem debere accrescere cum suo onere, quasi coheres, cui accrescit portio, sit substitutus. Et ita est, ut fideicommissum ab auiâ relictum peti possit ab herede & coherede eius, cui portio auiâ accreuit.

Quæritur cur in proposito, Quintiana fideicommissaria, adeo laborauerit, ut auiâ hereditatem adire cogeretur, cum ea repudiante nihilominus fideicommissaria saluum fideicommissum haberet? Respondeo: Non potest dici Quintianæ hic quicquam interesse, si nepos coheres portionem suam adierit. Nec simile est exemplum quod affertur ab Accursio ex leg. recusare. §. Titius. ff. eod. Nam ibi substitutus, in totum non erat institutus. Sed ut Quintiana ita laborarit, multæ sunt causæ. Primo ignorabat hoc ius, de quo hic rescribitur: nam si etiam mortua auiâ ignorauit, multo magis ignorabat, dum auiâ adhuc vivebat: vnde hæc sollicitudo ex ignorantia huius iuris est nata. Deinde etiam si Quintiana hoc ius tenuisset, tamen eius intererat auiâ cogi adire, quia non erat certa nepotem coheredem partem suam adiuturum. Postremo etsi is quoque suam partem adiret, tamen mittebat fideicommissariæ potius rem habere cum auiâ, quam cum nepote coherede, vel quod nepos litigiosus homo erat, vel quod nimium posset, vel quod inimicus esset.

Sequens quæstio est, si fideicommissaria partem ab auiâ sibi fideicommissum relictam potest petere a nepote & coherede auiâ, an possit totam petere, si nepos ultro paratus sit eam restituere? Mouet quæstionem Senatusconsultum, quo permixtum est heredi rogato restituere hereditatem, retinere quartam, si volens hereditatem adeat, ut initio huius tituli dictum est. Respondent Imperatores, Ne hac quidem in parte Quintianam sollicitam esse debere de fideicommissum, quia non solum fideicommissum petere possit a nepote, sed etiam totum possit petere, hac ratione, quia metui non debet, ne auiâ, quæ coacta est hereditatem adire, possit quartam retinere. leg. quarta. ff. eod. §. sed si recusabat. Institutio. eodem. Sed videtur hæc sententia falsa esse, & oratio minime coherens. Nam certi iuris est, heredem rogatum restituere hereditatem, si volens hereditatem adierit, quartam retinere posse, §. sed quia. Institutio. eodem. At nepos in proposito volens adierat hereditatem, ratio autem adiecta, est aliena. Nam de nepote quæritur, an fideicommissum totum restituere debeat? Imperatores rationem reddunt de auiâ, quæ ratio ad rem nihil pertinet. Nam auiâ coacta est, sed nepos non est coactus. Respondeo, nihil rectius dici potest, neque magis ex sententia Senatusconsulti, quam quod hic rescriptum est. Verum enim est, nepotem hic volentem adiiisse, sed fideicommissum ab eo non petitur ex persona eius, sed ex persona auiâ, & in eo restituendo ex persona auiâ iudicandum est: nam portio auiâ, deficiens, accreuit huic nepoti cum suo onere, ut supra dixi. leg. unica. §. hic ita. de cad. tollend. & leg. si Titius & Manium. §. primo. de legatis secundo. At onus auiâ fuit non solum, ut fideicommissum restitueret, sed etiam ut totum

quia coactus erat adire, proinde & hoc onus ad nepotē coheredē transit: unde intelligitur Impp. recte reddidisse rationem ex persona auiæ, cum ex eius persona de hoc fideicommissio iudicaretur.

Hic §. aduersari videtur *lex illa a qua. §. i. in fi. ff. eod.* ubi significatur, si rogatus heres restituere, decedat antequam coactus sit hereditatem adire, fideicommissum non deberi, & in eo fraudari fideicommissarium. Resp. Quod dicitur illic de herede coacto adire, intelligitur ex illius legis interpretatione de eo, qui iussus est a prætore adire, & ita verbis prætoris coactus. Estque hic sensus: Si heres rogatus hereditatem restituere, neque hereditatem adiisset, nec verbis iussus est a prætore hereditatem adire, & interim decessit, sine dubio fideicommissum non deberi. Sed si heres iussus sit a prætore hereditatem adire, statim heres fideicommissario obligatur, & fideicommissum peti poterit ab eo, ad quemcunque heredem peruenierit ex hac lege.

Ad L. V. Et sine.

Idem A A. & C C. Verissimo.

Et sine scriptura per fideicommissum hereditas recte relinquatur. Igitur si uxor tua te & primogenitum suum in discrimine mortis constituta designauit velle successione uobis obtinere usque ad dodrantem: eius uoluntatem ratam seruari conuenit: cum ab intestato ei succedentes, de resoluendo fideicommissio conuenit ultra quartam, ære alieno deducto quantum penes eos sententia senatusconsulti relinqui præcepit, tantum obtinere possit præstiterit. §. 5. Cal. Man. Seruii. Cas. cass.

SUMMARY.

- 1 Quatuor in hoc rescripto notanda. & numero. 2. 3. 4.
- 5 Interpunctio falsa huius loci emendatur.
- 6 Heredes legitimi rogati restituere hereditatem, etiam quartam retinere possunt, non ex verbis senatusconsulti sed ex sententia.
- 7 Legitimi heredes retinent quartam & restituunt dodrantem, ære alieno ultra quartam deducto. Declaratur num. 8.

IN hoc rescripto hæc notanda sunt, quæ totidem constituantur: Fideicommissum & sine scriptura relinqui potest. Hoc apertius in l. & in epistola. §. de fideicommissis.

Item fideicommissum non tantum testamento ab heredibus, sed etiā ab intestato ab heredibus quibuslibet relinqui potest, codicillis, vel scripto, vel sine scripto, testatur *lex 3. Codic. h. §. præterea. eodem.* Item fideicommissum ab intestato ab heredibus legitimis debeat, non est necesse heredes legitimos nominatione rogare, ut restituant, satis est si testator indefinite ita dicat, se velle hereditatem ad illos vel ad illas pertinere *leam quam. §. de fideic.* Postremo fideicommissum heredes legitimi rogati sunt hereditatem totam restituere, non minus & ipsi quam scripti heredes quartam retinere possunt, ex sententia senatusconsulti, ita ut reliquum dodrantem restituat deducto ære alieno, quod est ultra quartam. Hæc est sententia postremorum verborum.

Quo loco fideicommissum diligenter animaduertendum est, locum vulgo vitiose interpunctum esse, & ita, ut interpunctio falsas sententias efficiat, proinde interpunctum ita esse: post verbum, obtineri, debet interpungi comma; post verba, conuenit, esse debet virgula. Est autem hæc sententia huius loci: Proponitur uxor,

quæ voluit hereditatem obtinere a suo marito & primogenito. Respondent Impp. Et si heredes legitimi rogati sint hereditatem totam restituere, tamen voluntas eius seruari non debet, nisi ad dodrantem, & rationem reddunt, cur ultra seruari non debeat, quia iniquum, constituit heredes legitimos de fideicommissio restituendo conuenientes, tantum obtinere debere, quantum apud eos relinquit sententia senatusconsulti, precipue autem relinqui quartam, proinde quartam legitimi retinere possunt, idque per facile ære alieno ultra quartam deducto. Vulgaris interpunctio facit, ut proponatur, de factum voluisse hereditatem a fideicommissariis suis retineri usque ad dodrantem, quæ sententia euidenter falsa est. Nam hoc casu quarta non retineretur ex sententia senatusconsulti sed ex legibus. 12. tabularum, nempe a aperto iudicio testatoris. Deinde eadem interpunctio vulgaris facit, ut dicantur heredes legitimi conuenientes esse ultra quartam, quod & ipsum falsum est. Nam si dicuntur ultra quartam conueniri, quid conueniretur de quarta & amplius. Nunc autem Impp. volunt eos conueniri tantum posse usque ad dodrantem. Interim ex his verbis notanda sunt duo ex hac posteriore sententia. I. heredes fideicommissarios legitimos rogatos restituere hereditatem, etiam quartam retinere posse, non ex verbis senatusconsulti, sed ex sententia. Cur ex sententia dumtaxat? Quia senatusconsultum scriptum est de heredibus institutis, non est de legitimis: sed placuit propter eandem rationem etiam ius idem transferri ad legitimos. *l. recusare. §. i. D. eo.*

Alterum est, legitimos heredes retinere quartam & restituere dodrantem, ære alieno ultra quartam deducto. Hoc si ita accipimus, ut cum dicitur in lege Falcidia, exquiri quantitatem patrimonii deducto prius ære alieno, ut est in lege imponenda, infra proximum titulum §. ultimo. de leg. Falcidia, sententia aperte falsa est & minime recipienda. Nam cum dicimus in leg. Falcidia ponenda, ex quo legata præstantur ante deduci ære alienum, hoc significatur, heredem ante omnia deducere tantum, quantum sufficiet ad ære alienum creditoribus, & præterea id ita deducere, ut ipse retineat, quia heres solus est is, qui obligatur creditoribus. At cum de hereditate ex fideicommissio restituenda agitur, nihil tale facere heres potest, duabus de causis: nam heres qui legata præstat etiam legatis dissolutis, solus est heres, ut merito ære alienum suo iure deductum habeat, & præterea solus tenetur creditoribus hereditariis leg. ult. Codic. de hered. act. Ut sit æquissimum eum retinere de hereditate, unde soluat creditoribus, ne cogatur dependere de suo, atque ita fraudetur quarta parte hereditatis. At cum agitur de hereditate ex fideicommissio restituenda, ideo heres retinere ære alienum non potest, quia non est solus heres, sed fideicommissarius usque ad dodrantem heredis loco habetur leg. postulante. vers. Et quo damno. h. Deinde esset iniquissimum, herede rogatum restituere hereditatem, deducere & retinere totum ære alienum, cum ipse ære alieno non obligetur. Nam in fideicommissum actiones omnes transeunt ex senatusconsulto. leg. i. D. h. Denique ideo heres rogatus restituere hereditatem, ære alienum non deducit, quia scindi debet ære alienum inter heredem & fideicommissarium. Hoc non dici intelligimus, cum dicuntur inter eos scindi actiones. §. quod si quis unum. h. Quod fideicommissarius igitur hic dicitur, heredes legitimos conuenientes retinere quartam ære alieno ultra quartam deducto, sic intelligere debemus, cum

retinere

retinere quartam ære alieno deducto, id est non retento, sed deducto de quarta, quam retinet, quoniam hoc æs alienum quod ultra quartam est, transit in fideicommissarium, & æris alieni actiones.

Ad L. VI. Iubemus.

Imp. Zeno. A. Dioscorio præfecto prætorio.

Iubemus quotiens pater vel mater, filio seu filia, filiis vel filiabus, ex aequis vel inaequis partibus hereditibus institutis, inuicem seu simpliciter quosdam ex his aut quandam rogauerit, qui prior sine liberis decesserit, portionem hereditatis sua superstiti seu superstitibus restituere: ut omnibus modis retenta quarta pro auctoritate Trebelliani senatusconsulti, non per imputationem reddituum (licet hoc testator rogauerit vel iusserit) sed de ipsis rebus hereditariis dodrans restituatur. Idemque in retinenda legis Falcidie portionem obtinere iubemus, & si pater vel mater filio, seu filia institutis (sicut supra dictum est) heredibus rogauerit, eos easque nepotibus vel neptibus pronepotibus vel proneptibus suis, ac deinceps restituere hereditatem.

SUMMARY.

- 1 Species huius legis.
- 2 In quartam Falcidiam imputantur omnia, quae in re fideicommissario capiuntur.
- 3 Fructus pendente conditione fideicommissi percepti, item percepti ante diem fideicommissi cedentem iure fideicommissario percipiuntur.
- 4 Fructus hi an in Falcidiam imputentur.

Hic ius constituitur de certa specie heredum rogatorum, & fideicommissorum, & in hac specie singularia duo hic constituuntur circa fideicommissarias hereditates, ex quibus prius constituitur in pr. alterum in §. i. Ceterum ad pleniorē interpretationem iuris propositam, pertinet species, de qua hic ius constituitur, quæ hæc est: Cum ꝑ pater aut mater filium vel filiam heredem instituit, & rogat, ut si sine liberis decesserit filius, restituat hereditatem fratri suo superstiti, ac ut restituat filio suo, eidemque nepoti testatoris, & aliis deinceps liberis. Hæc species proponitur initio. In hac, ut dixi, duo singularia constituuntur, prius pertinet ad quartæ retentionem, deque eo ita constituitur in principio. filium rogatum eodem modo restituere hereditatem vel potius heredem filii mortui restituere hereditatem, ita ut quartam retinere possit: hoc commune cum ceteris heredibus rogatis hereditatem restituere: præterea fructus viuo filio apud heredem filii manere, nec venire in fideicommissi restitutionem. Hoc quoque ius cum ceteris commune, quoniam hi fructus qui pendente conditione fideicommissi, aut ante fideicommissi diem ab herede percipiuntur, iudicio testatoris percipiuntur, id est, ideo, quia testator voluit eos heredis esse, leg. mulier. §. si heres. D. h. Sed quod sequitur, singulare est & nouum: nam heres filii rogati, ita hos fructus a filio viuo perceptos retinet, ut etiam præcipuos sibi habeat, id est, in quartam non imputet, sed ex iis bonis, quæ fuerunt mortui testatoris, quartam amplius retinere non potest, id vero est, quod hic constituitur, ius, ut dixi, nouum & singulare.

- 2 Nam hoc ius commune est & exploratum, in ꝑ quartam Falcid. multoque magis in quartam hereditatis, quæ ex senatusconsulto retinetur, imputari omnia, quæ iure fideicommissario capiuntur, ita ut si ea tantum efficiant, quanta est quarta, quæ retineri debet, nihil amplius deducat l. in quartam ad l. Falcid. Fructus ꝑ enim pendente conditione fideicommissi percepti,

item percepti ante diem fideicommissi cedentem, iure fideicommissario percipiuntur d. l. mulier. §. si heres. Vnde generaliter traditur in l. Papin. §. unde si quis. de inoff. huiusmodi ꝑ fructus sine exceptione in Falcidiam imputari. Ob hanc causam huic loco opponitur. l. Papin. §. unde si quis. Nam non tantum in hoc loco superiori, definitio generaliter traditur, sed traditur in persona filiorum & heredum institutorum & rogatorum hereditatem post certum tempus restituere, quæ species est contra l. iubemus. Nam in d. §. unde si quis, agitur de his heredibus rogatis, qui de inofficio potuerunt queri, hi enim sunt liberi, quibus quarta non relinquitur testamento. Si hæc lex iubemus esset Iustiniani una ex 30. eius decisionibus, sine hesitatione diceremus, hac constitutione Iustiniani dict. leg. Papin. emendari. Nunc autem hæc lex Neronis, non Iustiniani est, & in his legibus quæ sunt in Digest. & Codic. cum Iustinianus verat quicquam sic accipi ut sit contrarium leg. 2. §. contrarium, Cod. de ver. iur. enucleand. hinc difficultas nata ab interpretibus.

Ad hanc questionem dissoluendam dicendum est, ius generale & commune esse, fructus pendente conditione perceptos ab herede rogato restituere hereditatem imputari in quartam, quam ex senatusconsulto retinere debet, sed ex hoc iure speciem hic propositam cum filius institutus est & rogatus restituere fratri vel liberis suis. Neque ideo est contraria l. Papin. §. unde si quis, de inoffic. testam. alioqui etiam contrarium dicere oporteret leg. in quartam infra. ad legem Falcidiam. d. l. mulier. §. si heres. D. eod. Non sunt vero hi loci contrarii, quia generaliter scripti sunt de his fructibus in quartam imputandis, sine exceptione heredis & fideicommissi, quibus hereditas restitui debet. Sicius est, priores leges ad posteriores trahi debere, leg. non est nouum. & leg. sequent. de legib. Sensus est, quod in prioribus legibus generaliter scriptum est, si quid in posterioribus excipitur in aliqua specie cuius generis sit, priores accipi debent quasi de ceteris tantum speciebus sentirent, non de ea specie, quæ postea est excepta, quasi posteriores sese ad priores retulissent, & hoc est, quod aliis verbis dicitur: In toto iure generi per speciem derogatur l. in toto. de reg. iur. Quod ait lex, si pater rogatus sit restituere hereditatem filio suo post mortem suam, ex leg. Falcidia videri possit contrarium l. cum filius fam. vers. denique de lega. 1. Vbi dicitur, pater si rogatus sit post mortem restituere hereditatem filio suo, hereditatem restituet totam, nec quartam ex leg. Falcidia retinebit. Sed dissimiles species utroque loco proponuntur: nam illic filius familias institutus erat heres, & quia per filium familias hereditas patri eius quærebatur iure veteri, ideo rogatus est pater eam hereditatem restituere filio, cum pater moreretur. In hac autem lege pater ipse heres institutus est, & rogatus restituere hereditatem filio.

Differentiæ ratio inter has species hæc est, quia cum pater ipse heres est institutus, quartam retinet ex persona sua, quod facere potest ex senatusconsulto. At in specie d. l. cum filius fam. vbi pater institutus non est, quartam retinet ex persona filii qui heres institutus erat: Non potest autem idem filius & hereditatem ex fideicommissio consequi, & quartam retinere, proinde nec pater aut partis heres, quia quarta ex persona filii retinetur.

Notandum est in pr. leg. portionem l. Falcidie quæ in extremo dicitur, eandem esse portionem, quæ prius

appellauerat quartam, quæ retinetur ex auctoritate Trebellian. ut intelligimus, cum heres rogatus est restituere hereditatem, quartam quæ ab eo ex hereditate fideicommissaria retinetur, dici retineri ex senatusconsulto, & nihilominus recte ex leg. Falcidia. Et ita est usus iuris auctorum, ut hanc ipsam quartam quæ vulgo Trebellian. vocatur, vocent quartam legis Falcidiae, siue quæ ex leg. Falcidia retinetur. Id liquet ex §. *ultim. huius leg.* idem tum ex aliis locis innumeris, tum ex his præcipue, *dicta leg. mulier. §. heres. leg. ita tamen. §. Trebell. ff. eodem. leg. Tuius. ad leg. Falcid. leg. coheredi. §. cum filia. ff. de vulgar.* Vriusque appellationis hæc ratio est. Dicitur hæc quarta retineri ex senatusconsulto, quia hæc senatusconsulto primum introducta est in hereditatibus fideicommissariis, & tamen nihilominus esse dicitur ex leg. Falcidia, quia hæc ex senatusconsulto ita introducta est, ut sit nominatim introducta ex sententia eius legis, ut est in §. *Quia heredes*

Ad §. In supradictis.

In supradictis autem casibus, fideicommissorum servandorum satisfactionem cessare iubemus, si non specialiter eandem satisfactionem testator exigi disposuerit, & cum pater vel mater secundis existimant nuptiis non abstinendum. In his enim duobus casibus, id est cum testator specialiter satisfacere voluerit, vel cum secundis se pater vel mater matrimonii iunxerit, necesse est, ut eadem satisfactio pro legum ordine præbeatur.

S V M M A R I U M.

- 1 Satisfacere quid.
- 2 Satisfactio an ab herede legatorum & fideicommissorum nomine exigatur.

Hic alterum singulare & novum constituitur in specie supra scripta, circa satisfactionem fideicommissi: nam in ea specie, quæ initio est posita, veritatur fideicommissarius, siue is sit frater filii restituti, siue sint liberi heredis instituti, exigere satisfactionem ab herede restituto & rogato instituere hereditatem. Singulare inquam hoc ius est: nam ius commune id est, ut heres legatorum & fideicommissorum nomine satisfacere legatariis & fideicommissariis postulantiibus satisfacere, id est, stipulantiibus legatariis & fideicommissariis promittere, se quibus diebus legata aut fideicommissa relicta sunt, in eisdem diebus legata & fideicommissa restitutura, & in hereditate tuenda a se dolum absuturum malum, cui cautioni etiam heres fideiussores adiungere debuit. Id enim satisfacere significat cauere stipulanti fideiussores, datis, *leg. i. qui satisfacere cog. De hac epim. satisfactio scriptum est leg. i. ff. vi leg.* Huic cautioni locus etiam fuit in fideicommissis hereditatibus, neque iis tantum, quæ pure essent relictae, sed iis etiam, quæ in diem aut sub conditione relictae essent, *l. hac stipulatio. ff. ut leg.*

- 2 Quomodo ergo id ius non potest huic legi videri contrarium, cum hic constituatur in specie proposita eiusmodi satisfactionem ab herede non exigere. Respondeo, quod supra dixi a principio, ideo ius commune huius partis contrarium non videri debere, quia generaliter scriptum est de satisfactione exigenda. Hoc enim loco species una ex genere excipitur, qua exceptione fit, ut quod in lege generaliter est scriptum, videatur cum hac ipsa exceptione esse scriptum, quia priores leges ad posteriores ita sunt trahendæ. Sed excipiuntur hoc loco duo casus, quibus fideicommissa-

rius, satisfactione ab herede filio instituto possit exigere in specie proposita: si videlicet testator nominatim iusserit, ut filius nominatus satisfacere: ite si filius rogatus secundas nuptias contraxerit: ergo his casibus & frater a fratre rogato, & liberi a patre instituto, satisfactione huius fideicommissi nomine exigere possunt: quæ sententia in totum videri falsa potest, hac ratione, quia nemo audiendus sit, qui sollicitus est de hereditate viventis, quod is facit qui de ea hereditate sibi cauere postulat, *leg. 2. §. interdum. de vulg.* Respondeo fideicommissarium cum de ea hereditate, quæ ei restitui debet ex fideicommissio, sibi postulat cauere, ab herede qui rogatus est restituere, non sollicitus est de hereditate viventis, sed de mortui testatoris hereditate agit, quam hereditatem heres rogatus est restituere.

Rursum si minus falsa hæc sententia est in aliis fideicommissariis, ac saltem falsa est in liberis filii heredis instituti, quibus filius rogatus est restituere hereditatem. Nam si hi liberi sunt in potestate patris rogati, frustra postulant a patre stipulationem, cum inter patrem & filium, qui in potestate est, obligatio nulla possit subsistere, *§. hi qui in parentum. Institutio. de obligationibus, qua ex delict.* Vnde in hac ipsa quaestione de satisfactione fideicommissaria exigenda, diserte scriptum, *leg. Imperator. ad Trebellianum.* huiusmodi constitutionem frustra postulat a patre, manente patria potestate. Facilis & expedita res esset, si hæc constitutio lata esset post constitutionem Iustiniani; nempe post *leg. cum oportet. & leg. ultimam. Cod. de bon. qualib.* quibus l. proprietates aduentitiorum bonorum filii familias attributa est, post quas constitutiones inter patrem & filium obligatio & actio consistere potest de proprietate aduentitiorum, quemadmodum olim poterat consistere de bonis castrensibus, *leg. his nulla. de indicis.* Sed ad eas constitutiones confugere non possumus, quia hæc constitutio Zenonis eo tempore est lata, quo etiam aduentitia patri in totum acquirebantur, præterquam & certis quibusdam casibus, & paucis, ut apparet ex legibus, quæ sunt usque ad *leg. cum oportet. infra. de bon. qualib.* Itaque obiectio adhuc manet. Respondeo, secundum constitutiones Iustiniani novas rem esse expeditam, ut filius a patre satisfactionem recte exigat de aduentitiis, cum ea filio acquirantur. Quod vero ad tempora Zenonis attinuit, dicendum est, hæc conditionem hic debuisse accipi, ut nepos a patre rogato satisfactionem possit exigere, quo casu sui iuris esset: nam si esset in eius potestate, iure communi uti debuit ex *d. l. Impm. ad Trebell.*

Ad §. Sin autem.

Sin autem is, qui fideicommissaria restitutione gravatus est, uno filio superstitite, vel nepote ex filio seu filia nato vel pronepote vel posthumo relicto decesserit: non videtur existisse conditio: & ideo deficit fideicommissi petitio.

S V M M A R I U M.

- 1 Quis videatur liberis relictis decessisse secundum conditionem.
- 2 An videatur liberis relictis decessisse qui decessit non uno filio superstitite, sed nepote, qui natus sit ex filia.

Cum in proposita specie filius rogatus sit restituere hereditatem, si sine liberis decesserit, si sine liberis non decederet, deficere institutionem, proinde & fideicommissum intercideret, quod & eveniret etiam si

de liberis nihil dictum esset, sed simpliciter iussus esset restituere post mortem suam, quia placet semper eandem conditionem intelligi, si sine liberis decesserit, *l. cum apertis. sup. de fideicom. l. cum onus, de cond. & demonst.* Hinc queritur, † quis videatur liberis relictis decessisse secundum conditionem. Et primum an videatur decessisse liberis relictis, qui decessit vno filio relictis? Et placet videri hoc loco. Idque est quod dicitur in *l. non est sine liberis, de verb. sig.* non esse sine liberis, cui vnus filius aut vna filia est. Obicitur pluralis numerus, cum dicitur liberis, qui numerus cum minimum duos exigat. *l. vbi. de testib.* Respond. hoc ita est, nisi aliud vsus linguae obseruet. Nam vt linguae cuiusque est vsus, ita testator sensisse intelligitur, *l. si seruus. §. ult. de leg. 1.* Nunc autem Latini liberos plurali numero dicunt, non vt plures significarent, sed quia necesse habent plurali numero, vt cum singuli careant. Idem fieri videmus in his verbis, pugillares & codicilli, in quibus pugillares dicimus etiam si sit vnus libellus; codicillos, etiam si sit vnicum exemplum scripturae, idque est, quod significatur, in *d. l. non est, de verb. signif.*

Deinde quaesitum est, an videatur † decessisse liberis relictis, qui decessit non vno filio superstite, sed nepote, q natus sit ex filia? Cuius dubii causa est, quia qui ex filiabus nascuntur, non sunt in potestate auctorum, sed in alienam familiam transeunt. Et placet liberorum appellatione omnes contineri, qui descendant ex nobis, siue ex masculini sexus personis, seu ex foeminis, *l. liberorum. l. cognoscere. §. vltim. de verb. sig.* Hinc est, quod hic dicitur & aliis locis, non videri decessisse sine liberis, qui etiam nepotem, quamuis ex filia natum habeat. Idem in *l. 2. est const. Iust.*

Ad §. vltimum.

Illud etiam admonemus, ea, quae de Falcidia portio-
nem non per redditus, sed per ipsas res hereditarias retinen-
da & de satisfactione fideicommissorum (sicut supradic-
tum est) concedenda diximus, non ulterius, quam in
his personis & casibus, quorum superius mentio facta est,
oportere produci. PP. Kalend. Septemb. Constantinop.
Probrino & Eusebio cōs. 489.

S V M M A R I V M.

An a nepote satisfactio fideicommissi nomine exigi pos-
sit, & interim fructus ab eodem percepti in quar-
tam imputari debeant?

Q VOD de fructibus pendente conditione ab he-
rede perceptis in quartam non imputandis, itē
quod de satisfactione ab herede rogato non exigenda,
supra constitutum est, Zeno hoc loco nolle se locum
habere dicit in aliis personis heredum, aut fideicom-
missariorum, item in aliis casibus seu conditionibus
locum habere, quam in suprascriptis. Quod ideo cau-
et, ne quod de vna dicitur persona, aut in vno gene-
re conditionis, ad alias personas, aliasve condiciones
transferamus, in quibus eadem sit ratio, quod secun-
dum regulam iuris alioqui fieri oportebat, *l. non pos-
sunt. §. l. sequ. de legib. l. illud, ad l. Aquil.* Hinc colligi-
mus, si testator quamuis alium ex liberis herede n in-
stituat, quem filium, puta si auus nepotem instituat
heredem, quamuis roget nepotem, hereditatem fra-
tri suo restituere, aut alicui ex liberis suis, tamen †
& a nepote satisfactionem fideicommissi nomine
exigi posse, & interim fructus ab eodem perce-

ptos in quartam debere computari, vt ius fuit anti-
quum.

Huic loco de fructuum imputatione opponitur,
l. quod bonis. §. auus, ad l. Falcid. vbi nepos ab auo insti-
tutus & rogatus, post mortem suam restituere here-
ditatem, nō imputat in quartam fructus medio tem-
pore perceptos. Respond. id fit in ea specie, quia ne-
pos fructus illos imputabat in debitum, quod ei ab a-
uo debebatur, vt ibi nominatim scriptum est. Non
potest eosdem fructus in duas res diuersas simul im-
putare. Nā cum in vnam prius imputabit, deinde ha-
betur, quasi fructus non percepisset. Idem dicemus, si
filius heres institutus rogatus sit, si sine liberis deces-
serit, restituere hereditatem aliis quam liberis, aut
fratribus suis. Quin imo et si filius heres institutus ro-
gatus sit restituere hereditatem fratri suo, vel liberis
suis, sub alia quauis conditione, quam si sine liberis
decederet, dicemus ex hoc loco, & satisfactionem ab
eo exigi posse, & fructus ab eo perceptos in quartam
imputatum non iri. Quo loco opponetur nobis su-
perior regula, de qua dixi, nempe in quibus causis ea-
dem est ratio, ibidem idem ius statui debere. Respon-
sio facilis est, hoc enim ita intelligendum est, nisi le-
gislatori aliud placuisse nominatim constet: nam in
voluntate certa non est opus coniecturis. Et quamuis
nihil hic nominatim a Zenone cautū est, nec ius ab
eo constitutum ad alias causas, aut condiciones trans-
feratur, tamen intelligere debemus, id non transferri
debere, quamuis eadem sit ratio, quia quod supra cō-
stitutum est, ius est singulare, & contra regulam iuris:
quod ius eiusmodi est, ad consequentias deduci non
debet. *l. quod vero, §. l. seq. de legib.*

Ad Auth. Nisi rogati.

Nisi rogati restituere datum dotis causa, vel propter
nuptias donationis, vel relictum sub conditione nuptia-
rum vel liberorum, monasterium vel alium locum ve-
nerabilem ingrediatur: siue restitutio, aut substitutio fiat
sub praedictis conditionibus, siue in redemptionem captiuo-
rum, seu in egentium alimenta.

M M A R I V M.

Quidam rogatus quis est restituere hoc condi-
tione, non inceptum, non con-
tenta, vel ad contenta, non ad
nuptias, & aliam sine rebus, sed
quantum. Conditiones in testamentis, quae contra bonos mo-
res sunt, pro non adiectis habentur.

Supra constitutum est, in iure de inhumis, si
quis rogatus sit hereditatem restituere, si sine li-
beris decederet, existente conditione, si sine li-
beris decederet, sic tamen, vt quarta retineri pos-
sit: hic in hoc fragmento adiicitur exceptio, ni-
si is, qui sub ea conditione restituere rogatus est,
monasterium, aut cōnobiū ingrediatur, & ibi co-
libem vitam agat, & † generaliter eo astituitur quic-
quid rogatus, aut iussus est quis restituere sub con-
ditione supple, non suscepturum, vel sub conditione,
rursus supple, non contracturum, toties licere ro-
gato, contenta conditione monasterium ingredi,
idque si fecerit, posse datum & relictum, sine frau-
de legum, retinere. Intelligitur enim quis rogatus

esse sub hac conditione, alias aperte, alias tacite, quomodo aperte verbum est: id enim continet in specie, de qua quæritur in *l. iubemus supra*. Tacite enim id agi intelligitur, cum quid datur dotis causa. Nam hæc ² † datio conditionem habet si nuptiæ sequantur, *l. plerunque. §. si. ante. l. stipulat. ff. de iur. dot.* Idque ideo, quia dos sua natura sine matrimonio esse non potest. *l. 1. 2. 3. de iur. dot.* Proinde cum eiusmodi datum detur ob causam, ut nuptiæ sequantur, consequens est, causa non secuta, conditionem non competere ob causam dati, *l. cum non secuta*. Eiusdem generis est, quod donatur propter nuptias: nam & hoc eandem conditionem habet, si nuptiæ sequantur, *§. est & aliud, de donat.* Idcirco & id ob causam datum intelligitur, quia non secuta eadem conditio est, ut datum restituatur, si videlicet nuptiæ non sequantur.

Sed huic constitutioni opponitur voluntas testatoris: nam ex verbis manifestum est, testatorem voluisse restitui hereditatem, si heres rogatus sine liberis decesserit. Hac conditione existente, omnia iura clamant voluntatem testatoris esse seruandam. Sic in *l. 12. tabul. l. verbis legis, de verb. sig. confirmatur nominatim ab eodem Iustiniano, in nouel. de nupt. §. disponat*, ubi his verbis utitur; *statuat testator & erit lex*. Huius enim iuris ratio & æquitas ostenditur supra in *l. 1. de sacrosanct. eccles.* Ad hoc diluendum Accursius & plerique alii hac vti sunt exceptione, quod dicerent, heredem rogatum, qui monasterium ingressus est, videri filium genuisse, nempe monasterium, ut sic iure dici possit conditionem fideicommissi defecisse, quod bene a Bartol. notatum est, & est absurdum. Nemo enim dicitur gignere eum locum in quo est, & in quo alitur, sed potius ab eo gigni, quomodo patriam nostram, parentem omnium nostrum dicimus. Ratio huius conditionis ea est, quam Iustin. in Nouel. vnde hoc fragmentum sumtum est, reddidit. Voluit enim fideicommissum restitui non debere, quasi irrita conditione facta, ut intelligamus hoc casu reici conditionem si sine liberis decesserit.

Sed tamen amplius quærimus hic, cur hanc conditionem reiecit contra voluntatem testatoris. Hic enim eadem dubitatio relinquitur.

~~Quod si quis rogatus fuerit, ut sine liberis decesseret, quod tunc ex hereditate superest, restituat, vel aliis huiusmodi fideicommissi verbis grauatus: quartam institutionis fideicommissario restituere cogitur. Super hoc igitur & cautionem, nisi a defuncto remissa sit, exponet. Quod si contingat eam deminui: aut ex ipsius substantia suppletur, aut ea deficiente, in rem actione & hypothecaria fideicommissario uti permittitur aduersus rerum acceptores. Ex causa tamen dotis, seu propter nuptias donationis seu captiuorum redemptionis, vel si non habeat, unde faciat expensas, huius quarta permittitur deminutio.~~

Ceterum hac opinione posita quæ supra dixi, consequens fuit, ut reiceretur hæc conditio, si heres sine liberis, aut nuptiis decesserit, tanquam quæ esset contra bonos mores, quatenus præmio hereditatis proposito inuitabatur heres ad repudiandum propositum tam sanctum vitæ monasticæ suscipiendum. Perinde est igitur, quasi ita diceretur a Iustiniano, quod iubetur restitui sub conditione, si is qui accepit sine liberis aut nuptiis decessit, sub contraria conditione ei datum intelligitur, si nuptias contraxerit, si liberos susceperit, *l. aliquando, de cond. & demon.* Hæc enim conditio dati, si quis nuptias contraxerit, aut si

liberos susceperit, est contra bonos mores in eo, qui vitam monasticam elegerit, ob eam, quam supra dixi, causam.

Placet igitur eam hoc casu reici debere. Certe iuris est enim † conditiones in testamentis, quæ contra bonos mores sunt, pro non adiectis haberi, *l. conditiones contra, de cond. inst.* In contractibus autem eodem numero habentur causæ impossibiles, propter quas aliquid datum est, veluti si pecunia sit data, ut nuptiæ sequantur. Si quid donatum sit propter nuptias *l. dicta C. de condit. ob ca. dat.* Causa enim quæ contra bonos mores est, impossibilis est. *l. filius, de cond. inst.* Sed hic Iustinianus adiecit exceptionem. Quod enim dicitur, quod quis rogatus esset restituere hereditatem, si sine liberis decesserit, aut sine nuptiis, fideicommissum non deberi, si is, qui rogatus est, monasterium ingrediatur: hoc ita esse placet, nisi rogatus sit sub ea conditione restituere, in redemptionem captiuorum, aut in alimēta pauperum. Nam hæc causa, quæ pietatis causam habet, coniuncta cum voluntate defuncti, preualet. Hæc exceptio est in nouel. de sanctis. epis. §. sed & hoc præsentem in fin. Vnde monendi sumus, in hac Authentica nisi, vitiose legi hæc verba extrema, *sive in redemptione captiuorum*, nam pro sine, legendum est nisi. Hic enim non continetur definitio prælens, sed eius definitionis exceptio subiicitur, nempe ea quam modo diximus.

Ad Authen. Contra.

Contra cum rogatus fuerit quis, ut sine liberis decessens, quod tunc ex hereditate superest, restituat, vel aliis huiusmodi fideicommissi verbis grauatus: quartam institutionis fideicommissario restituere cogitur. Super hoc igitur & cautionem, nisi a defuncto remissa sit, exponet. Quod si contingat eam deminui: aut ex ipsius substantia suppletur, aut ea deficiente, in rem actione & hypothecaria fideicommissario uti permittitur aduersus rerum acceptores. Ex causa tamen dotis, seu propter nuptias donationis seu captiuorum redemptionis, vel si non habeat, unde faciat expensas, huius quarta permittitur deminutio.

SUMMARY.

1. Heres an possit ex iudicio defuncti alienare, & consumere quodlibet ex hereditate.
2. Quid iuris, si heres non tantum dodrantem, sed etiam quartam consumat.
3. Quid si nihil alienauerit, nihilque consumserit ex hereditate, utrum eo mortuo heres eius dodrantem retinere, & suo arbitrio consumere possit, ut tantum quartam consumere cogatur.

HAuthentica nihil plane corrigitur in *l. iubemus*, cui hæc authentica subiecta est, sed declarat quid interfit utrum heres institutus rogetur simpliciter hereditatem restituere, an vero rogetur restituere, quod ex hereditate supererit, cum deceder. Et hoc est quod significatur hoc verbo, *contra*, quod sic accipiendum est, quasi diceretur, cum heres rogatus est restituere hereditatem, si sine liberis decesserit, de hereditate suo arbitrio nihil imminuere potest, sed restituens cogitur dodrantem restituere, quartam retinere potest. Contra diuersum erit, cum rogatus sit restituere decedens id quod ex hereditate supererit. De quo quid hic constituatur, ut possit intelligi, sciendum est, fuisse veterem quæstionem in hoc genere fideicommissi, an heres † his verbis rogatus possit ex iudicio defuncti, alienare & consumere quodlibet ex hereditate, ut si quid ex ea supererit, id restituat, si nihil

nihil debeatur, id quod verbis fideicommissi videtur effici, cum ita dicitur: restituat quod ex hereditate supererit. Hæc verba, si quid supererit, conditionem habent. l. 5. de leg. 1. Hæc autem conditio, si quid supererit, restituat, contrariam conditionem tacitam habet, si nihil supererit, nequaquam restituat. l. si quis. §. 2. de cond. & dem. l. 1. §. huius quæst. de offic. eius, cui mand. est iurisdict. Et hoc non aliter esse a fideicom. & M. Ant. & Papin. visum est, in hac fideicommissi specie bonâ fidē heredis contineri, & ita constituerēt heredi licere hereditatem imminuere prout liberet, nisi intervertendi fideicommissi causâ id probaretur factum. l. Titius. D. eod. Sed hoc ius incertius visum est Iustiniano contra id ipsum, de quo querebatur, & ideo visum est illi cōsultum esse, hæc de re, id est, de potestate imminuendi res hereditarias certi aliquid constituere, quod fecit Nouell. de restit. cuius summa descripta est in Auth. contra.

Sic vero de eo constituit. Qui rogatus est constituere decedens, quod ex hereditate supererit, iure suo de dodrante hereditatis statuere pro arbitrio potest, ut vel alienet, vel consumat, prout volēt, ut omnibus iustis dominis in re sua agere licet: quartam reliquam attingere non potest, sed integram fideicommissario seruare cogitur, quamobrem etiā huius quartæ nomine satisfactio ab here de viuo exigī potest, nisi testator vetuerit nominationem exigī. Quid si filius heres nominatim a patre institutus rogatus sit restituere, si siue liberis decedat, i. si quid ex hereditate supererit, sed restituat fratri, aut liberis suis, an etiam hoc casu, huius quartæ nomine satisfactio debeat? Verba constitutionis generalia sunt, nullas enim personas hereditatem excepit, ut videri possit in specie hac corrigere. l. iubemus. §. r. sep. hic. vbi satisfactio a filio herede instituto & rogato restituere hereditatem fratri, per liberos exigī prohibetur. Sed dicendum est hanc Authenticam, & const. Iustinianā ad eam speciem l. iubemus non pertinere. Quamuis enim hæc constitutio Iustinianæ generalis sit l. iubemus, tamē semp hanc regulam tenere oportet, posteriores leges ad priores trahi, nisi nominatim sint contrariæ. l. sed & posteriores, de leg. 1. Senius est: posteriores leges, nisi nominatim prioribus derogent, non videri prioribus derogari, sed cum exceptione priorum intelligendas esse, de qua rescripta ad l. iubemus dictum.

Quid si heres in specie proposita non tantū dodrantem, sed etiam quartam consumat? Placet eū de suis bonis satisfacere debere, si habet: si non habet, datur fideicommissario, ad huius quartæ persecutionē, & rei vindicatio, & hypothecaria actio, quas actiones diuersis de rebus dari intelligendum est. Datur vindicatio de rebus hereditariis, quia conditione fideicommissi existente, & restituta hereditate fideicommissarius rerum hereditariarū dominus est effectus. At hypothecaria iisdē de rebus non competit: nam hypothecaria pignora persequitur. §. item summa, Inst. de act. Nulli autem res sua pignori teneri potest. l. neque pignora, de reg. iur. Sed datur hæc actio de rebus hereditariis, quæ sunt alienæ, de quo diximus sup. ad l. 1. 2. com. de legat. Sic tamen prohibetur hic quarta ab herede imminui, ut quatuor in causis etiam eius imminutio concedatur. Nam primum, si heres dotem filia constituere velit, & nihil habeat in bonis, unde dotē hanc constituere, aut restituere possit, licet quarta etiā reliqua hereditatis in hac constitutione & restitutione dotis uti. Idem ei licet facere, si donationem propter

nuptias causâ mortis velit constituere filia nomine, aut cū mulier esset rogata, ut soluto eo matrimonio donationē propter nuptias restituere debeat, & non habeat, unde hæc præstet. Sed horū utrumq; conceditur sub conditione, si heres non habeat in suis facultatib. v. de dotē hanc, aut donationē propter nuptias præstet: q. si habebit, de suo præstabit, non de quarta, ut nominatim in his duob. casib. cautū est Nouell. Iustin. Pōt & hanc quartā consumere in redemptionē captiuorum, q. illi facere conceditur, sine vlla exceptione, siue habeat quid in bonis, siue non habeat, ut apparet legenti nouell. Iust. Si nihil horū est, etiam permittitur heredi quartam consumere, si nihil habeat aliud unde viuat. Ceterum his causis exceptis non permittitur ei quartam hereditatis attingere, dodrantem autem pro arbitrio consumere conceditur.

Quod si heres bonâ fidē secutus, nihil alienauerit, nihil consumserit ex hereditate, utrum eo mortuo heres eius, dodrantem retinere pōt, & suo arbitrio consumere, ut tantū quartam consumere cogatur? Nos ita tenebimus, vbi de hereditate nihil est imminutū, heredē heredis rogati nihil amplius ex hereditate retinere posse præter quartā, dodrantē autē restituere cogendū esse. Idem; Si manifestum sit, utitur, §. sed quia, Inst. eod. l. iubemus. §. h. Hoc amplius ita statuimus, si heres rogatus dū viueret tantū ex fractib. hereditariis percepit, quantum ad quartā hereditatis sufficeret, eos fractus in quartā imputari, & ita totā hereditatē restitui debere, quarta exclusa, ut ius antiquū fuit. l. Papinian. §. unde si quis ff. h. l. mulier. l. r. §. si heres ff. eod. l. iniquam causam. ff. ad l. Falcid. Hæc ita sunt ex voluntate defuncti, qui hereditatē restitui vult, ut mutari non possit, nisi aduersus voluntatem testatoris aperte faciemus. Nō verb. fideicommissi sunt manifesti, iubet testator heredem suū restituere, quod ex hereditate supererit: omnia supersunt ex hereditate, quia nihil cōsumtum est, ut fingimus, necesse est igitur secundum voluntatē hanc omnia restituī. Et quoniam Senatusconsultū potestatis facit quartā retinendā, ideo heres rogatus, aut, eo mortuo, heres eius quartā retinere ex Senatusconsulto poterit, sed nihil amplius. Hæc ex iure veteris lata, necesse est igitur eadē nūc manere ē, nisi posteriorib. constitutionib. Iustinianī, vel aliorū imperatorū mutata sit, & aperte mutata. Tenenda n. semper est hæc regula: quicquid ex iure veteri correctū non est, id veteris iuris regulis esse relinquendū. l. præcip. in fin. inf. de appell. At superiori iuri posteriores nullæ leges aduersantur. In primis non obstat Iustin. nouell. de restit. unde hæc Authentica est desumpta, q. Iustinianus lata ea nouella, permittit heredi, qui ita, ut supra scriptum est, rogatus est restituere, consumere ex hereditate quantum velit, dū modo quartā non attingat, & in ea potestatem ei facit dodrantis restituendi, sed ita si dodrantem consumserit. Nihil autē addidit, quod retinere heres deberet aut posset, vbi nihil consumsit. Proinde vbi nihil consumtum est, ius erit antiquum iuxta regulam supra scriptam.

Non obstat hæc authentica, vbi dicitur: eū heredē de quo agatur, vel successorē cogi restituere quartam. Hoc enim non ita dicitur, quasi solam quartam restituere semper debeat, sed quia interdum non cogitur amplius restituere, videlicet si cetera hereditatis consumserit: quod auctor huius authenticæ aliter sensit, quia ex nouell. Iustinianī nota colligitur ita:

præterquam vero, quod ex verbis Iustiniani id non colligitur, etiam minime colligitur omnium ex sententia Iustiniani. Nam multis locis Iustinianus est testatus in supremis testamentum voluntatibus, sibi hoc vnum curæ esse, ut seruentur supremæ voluntates. *l. 1. in fin. sup. com. de leg. & aliis locis innumeris.* Idem ipse in specie proposita in *dist. nov. de restit. §. penult. in fin. §.* testatur, se id agere, ut in hac quoque specie voluntas testatoris seruetur. Ait enim si testator vetuit satisfactionem quartæ exigere, se non pati ut ea exigatur: quin si exigatur, non sit eius, qui conservat voluntatē testatoris: quasi hoc absurdum putet non conservare. Atqui iam dixi & manifestum est, cum nihil ex hereditate consumtum est, voluntatem testatoris esse, ut quicquid ex hereditate supererit restituatur. Ergo & secundum sententiam Iustiniani restitui debet, quo defuncti voluntas conservetur. Nō obstat *l. quāquam. J. ad leg. Falcid.* ubi scribitur, quemadmodum heres, a quo legata supra dodrantē relicta sunt, retinere quartam potest ex *l. Falcid.* Ita et si decesserit, heres eius, quamvis legitimus, eodem beneficio uti posse, ex quo Accursius perversè colligit, sententiam hanc generalem: quod heredi rogato aliquid præstare conceditur in eo, quod rogatus est, id etiā successoris eius concedi. Quæ definitio, neque ex eo loco colligitur, & per se aperte est falsa, ita ut nihil magis.

Nā ne longius abeamus, id liquet ex exēplo proposito. Heres institutus rogatus est, si sine liberis decesserit, restituere hereditatem Titio. Certum est heredem dum vivit, retinere posse hereditatem. At eo mortuo heres eius statim restituere iubetur, *l. iubemus. sup. h.* Similiter in proposito est dicendum; heres restituere rogatus est, quicquid eo mortuo ex hereditate supererit: poterit is heres dodrantem restituere, si volet, ex constituitur. Iustin. Sed si non consumserit heres eius, restituere cogetur, quia ex hereditate defuncti id superest. Quid igitur ad speciem *l. quāquam*, dicimus? Respondeo, res expedita est: quicquid heredi rogato conceditur, id & successoris eius concedendū est, nisi voluntas testatoris refragetur, & eiusmodi sit voluntas, quam leges tueantur, ut dixi in persona eius heredis, qui moriens est rogatus. Nam vivus retinere potest, secundum voluntatem defuncti: ipso mortuo heres eius non potest, quia testatoris voluntas refragatur iubentis, tunc restitui hereditatem. Idē fit cum heres rogatur restituere, quod ex hereditate supererit. Nam voluntas defuncti viventi potestatem facit consumendi pro arbitrio usque ad dodrantem, ut Iustin. voluntatem est interpretatus: at heres eius non potest idem facere, quia voluntas testatoris iubet eum heredem restituere, quod ex hereditate supererit.

Ad L. sancimus. penult.

Imp. Iustinianus A. Iuliano præfecto prætorio.

Sancimus, licentiam esse etiam soli tutori recte fieri fideicommissum nomine universitatis restitutionē, quod pupillo relictum est, & sine onere fideiussionis: ubi tamen pupillus dari non possit, vel abesse noscitur: ne dum nimia subtilitate vivitur circa res pupillarē, ipsa subtilitas ad perniciem eorum reuertatur. Idemque iuris esse oportet, & si pro solo fideicommissoria debeat hereditas: ut restituitur ei tutori etiam soli nomine scilicet furiosi celebratur. Quis enim passus, quæ vox certa furioso esse intelligitur, cum in utroque casu restituentes plenissimam conse-

quantur ex nostra lege securitatem: hoc eodem observando, & si ipsi pupilli, vel furiosi restitutione gravati sunt.

S Y M M A R I U M.

1. Pupillo & furioso quomodo recte restituatur hereditas, ut in eos actiones transferantur ex Senatusconsulto.
2. An soli tutori hereditas possit restitui, ut in casibus pupillo acquiratur, & an in pupillum actiones transeant.
3. Heres cum restituit hereditatem tutori, an ea restitutione liberetur, an vero caueri ei debeat cum fideiussoribus datis a tutore, hereditatem indemne esse futuram.
4. Pupillus heres institutus, & restituere hereditatem rogatus, quis & quomodo restituat.

Rogatus est heres restituere hereditatem pupillo, rogatus est & restituere furioso, in his personis quaeritur, quomodo hic recte restituatur hereditas, ut in eos actiones transferantur ex Senatusconsulto? Moverit quaestionem personarum conditio, quia non restituitur hereditas, nisi consensu fideicommissarii. *l. restituta D. cod.* Et præterea valde iniquum est, quoniam inuitum aut ignorantem restituere obligari. *l. qui in aliena, in pr. de acquir. hered.* Potest infans pupillus, consentire non potest: furiosus nullo modo: per tutores autem & curatores solos obligari hos, nihil continetur hic. Hinc quaeritur, quid in his personis sit factum opus ad restitutionem hereditatis, & translationem actionis? De pupillo primum dicemus. Ipsi pupillo si maior est 7. annis, recte hereditas restituitur, nam ea ætate sentire aliquid & velle existimatur, sed tutoris oportet accedat auctoritas, *l. restituit. §. 1. D. h.* Ratio huius rei redditur in *Institutionib. de auctor. tutor.* Sed fieri potest, ut pupillus sit infans, cuius nulla voluntas: fieri potest, ut pupillus maior infante adsit. Hic duo quaerita sunt, de quibus ius novum constituitur hic. Quaeritur, an soli tutori hereditas possit restitui, ut in his casibus pupillo acquiratur, & an in pupillum actiones transeant? Et placet soli tutori his casibus recte restitui, in quo intelligimus recedi a iure veteri, quo etiam continetur factum infantis, *l. serui, §. si pupillo, D. h.* Hoc ideo constitutum est, quia necessitas & utilitas pupillorum, hoc exigit: nam reuera infans consentire non potest, ut valde ineptum sit, ei tanquam consentienti adhiberi tutoris auctoritatem. Huc regula pertinet, etsi nihil facile ex solemnibus est mutandum, id est, ex solemnī communi usitato iure; tamen ubi evidens ratio postulat, subueniendū est, *l. pen. ff. de in integ. rest. l. et si, de regu. iur.* Deinde quaeritur, quid pertineat ad liberationem heredis, restituentis fideicommissum, an & is, cum restituerit hereditatem tutori, ea restitutione plene liberetur? an vero, quia non plene liberatur, debeat ei caueri cum fideiussoribus datis a tutore hereditatem indemne esse futuram? Et constituitur hoc loco restitutionem hanc sine ullo damno & periculo heredis processuram, & ob id nullam satisfactionem eo nomine a tutore exigere posse, in quo rursum ius novum a Iustiniano est constitutum. Recedit enim ab eo iure, quod prius ipse constituit *l. sancimus. C. de restit. & l. constitutionem, sup. de administr. tutor.* Quibus constitutionibus cautum est, quod pupillo datur, id neque tutori, neque pupillo tutore auctore recte solui, ut debitor plene, & sine ullo metu liberetur, nisi auctoritate iudicis id debitor fecerit, qui passus sit se in ius vocari, & vocatur in ius iudicis solius.

solus vel tutoris, vel pupilli. Iustinianus quosdam excepit casus, quibus adicere debemus casum loci huius, nempe cum de restituenda pupillo fideicommissaria hereditate agitur. Eadem dicenda sunt, inquit Iustinianus, in curatore furiosi. Hoc sic est intelligendum, ut sint eadem, quod attinet ad facultatem restituendæ hereditatis curatoris, & ad liberationem heredis restituentis. Ceterum multum interest ad vim acquisitionis hereditatis. Nam cum tutori pupilli restituta est hereditas, sic hereditas acquiritur pupillo, ut etiam eo mortuo intra pubertatem transferatur hereditas ad heredes eius. *l. si infante. sup. de iur. delib.* At cum hereditas restituitur curatori furiosi, quamdiu furiosus vivit, retineri potest hereditas, sed si is in eodem furere decesserit, perinde erit, quasi hereditas non esset quaesita. *l. ult. §. tale est, de cur. furios.*

Hæc dicta sunt de pupillo & furioso, quibus heres rogatus est restituere hereditatem. Quid e converso, si pupillus heres institutus sit, & rogatus hereditatem restituere, quis & quomodo restitueret? Hic rescriptum est, & hic eadem esse dicenda. Id habet hanc sententiam: si pupillus & fari potest, & præsens est, ipse restituet hereditatem, sed tutore auctore *l. restituta. §. primo, D. h.* quod si autem infans erit & aberit, tutor solus recte restituet, idemque in curatore furiosi dicendum est, ut curator solus recte restituat. Sed hoc ita est, nisi pupillus rogatus sit hereditatem restituere ipsi tutori. Nam hoc casu ipsi sibi tutor restituere non potest, quia non habet, quod restituat, ut iura & actiones transeat. Nam hæ actiones sunt penes pupillum heredem, non tutorem. Pupillus igitur eas restituat non tutor. Rursus pupillus restituere tutori non potest: non enim potest quicquam a se dimittere & alienare, sine tutoris auctoritate, *Instit. de auctor. tut. l. obligamur. de auctor. tut.* Porro tutor in rem suam actor fieri non potest. *l. i. de auctor. tut. sic fit, ut eius voluntate, & auctoritate restitui ei hereditas non possit dict. leg. restituta. §. primo.* Et ideo aut alius tutor quaerendus est, qui pupillo auctor sit, aut iudex adeundus est, cuius auctoritate restituat pupillus hereditatem, *argumento. l. si infanti. sup. de iur. delib.*

Sed hic occurritur. Nam constat tutorem solum, si quid ei pupillus debeat, posse sibi solvere. *l. quoties. §. §. si quid, de administrat. tut.* cur ergo & non potest fideicommissarius sibi a pupillo debitum solvere restituendo? Quia solutio, de qua dicitur in *d. l. quoties. §. si quid*, intelligitur naturalis solutio pecuniæ, ut solutionis verbum significat *l. solutam, de solut.* perspicuum est autem multum interesse inter corpora pecuniæ, & actiones incorporales. Corpora pecuniæ a tutore corpore sumi possunt, eaque in rem suam potest tutor convertere natura. At actiones naturales sunt tantum in pupillo herede, quas secundum naturam tangere, & tractare tutor nequit: solum ex animo consistunt, sic animo & voluntate transferuntur, voluntate inquam eius in quo subsistunt actiones.

Ad §. i.

Cum autem aliquis hereditatem restituere iussus est, & dolo malo, vel post litem contestatam, vel antea sese contumaciter celaverit: vel si suppositus fideicommissaria restitutioni, antequam restitueret hereditatem, ab hac luce substractus est, nullo herede vel successore ei existente: vel fideicommissarius cui restituta est ex Trebelliano Senatusconsulto hereditas, alii per fideicommissum

restituere iussus fuerit res hereditarias: quemadmodum actionum translatio celebratur in tribus istis casibus, apud veteres dubitabatur. Et Domitius Ulpianus constituendum esse super his putavit. Sancimus itaque, ut siue per contumaciam absuerit is cui restitutio imposita est, siue morte præventus nullo relicto successore fuerit, siue a primo fideicommissario in secundum translatio celebrari iussa est: ipso iure utiles actiones transferantur. *Dat. 10. Kalend. Novemb. Constantin. Lampadio & Oreste VV. CC. coss. §. 30.*

S V M M A R I V M.

1 Hereditas fideicommissaria, quando & quomodo adquiratur fideicommissario.

Hic locus ostendit in uniuersum, quando & quomodo hereditas fideicommissaria adquiratur fideicommissario. De eo ita statutum est: tunc demum hereditatem acquiri fideicommissario, cum ab herede rogato restituta est. Proinde acquiri restitutione, non aliter. Id ex hoc loco intelligitur hoc modo. Nam cum hic dicitur in casibus tantum certis hereditatem fideicommissario acquiri ipso iure, hoc ipso confirmatur, non acquiri extra hos casus, non acquiri nisi tunc cum ab herede est restituta. Hæc autem sententia satis intellecta est ex Senatusconsulto *l. i. D. h.* Nam eo Senatusconsulto tantum est, ei & in eum dari actiones, cui fideicommissum restitutum erit, siue ut est in *§. restituta Instit. eodem.* cui ex fideicommissum restituta erit hereditas, his verbis: *cui hereditas restituta est.* Condicio hæc confirmatur, si ei fideicommissum aut hereditas sit restituta. *l. Stychum. 6. de leg. i.* Inde dictum est, si heres priusquam adiret & restitueret hereditatem, decesserit, intercidere fideicommissum, *l. ille a quo. sup. Dig. eodem.* Nam herede mortuo neque ipse, qui non est, eam restituit, neque heres eius hereditatem eadem adire potest, quia hereditas non adita non transmittitur ad successores heredis *l. vna. §. in nouissimo, de cad. toll.* Sed ramen iustus de causis interdum placet hereditatem fideicommissario etiam ipso iure acquiri, & ipso iure transire in eum actiones: quo verbo hæc constitutio videtur, in fine. *ipso iure valet*, iuris potestate sine villo facto, aut opera fideicommissarii, id est, sine vlla restitutione, & susceptione hereditatis: quomodo hoc verbum usurpatur, cum dicimus suis heredibus hereditatem ipso iure acquiri. Hoc enim significatur, suis heredibus etiam ignorantibus & inuitis acquiri, sine vlla additione hereditatis, aut pro herede gestione. *§. fin. de heredit. qua ab intestato.* Ut autem ita transferatur hereditas & actiones, tribus in casibus receptum est, de quibus hic est constitutum.

I. Casus: si heres conuentus iudicio, ut hereditatem restitueret dolo malo se celauerit, ut post litem contestatam vel ante. Exigit, constitutio ut se celauerit contumaciter. Id ita fieri intelligitur, non si semel conuentus non venerit in ius, sed si tribus denuntiationibus euocatus, aut vna, quam prætor etiam dixerat pro omnibus, præsentiam sui facere contemnit, sic enim definitur contumacia in *l. contumacia, de re iudicat.* Exigit constitutio, ut se dolo malo celarit, ex quo intelligimus, aut ipsi heredi coram esse denuntiandum, aut probandum, significatum illi fuisse a domesticis, apud quos vocatio in ius facta est. Notandum est autem non exigi, ut heres pronuntiatus sit a magistratu se celasse, sed solum

se ut celauerit, ex quo colligitur, nulla sententia iudicis hac in re opus esse, ad declarandam contumaciam heredis vocari, sed satis esse probari, eum rite vocatum contempsisse. Sed quomodo id probabitur? Respondeo, ex actis iudicis sui tribunalis, nam in his perferibitur petitio fideicommissarii, iussus magistratus, iubentis heredem vocari & adesse, vocatio apparitoris, & contemptus heredis, qui declaratur ad conditum diem non venisse.

II. Casus, si heres rogatus ante restitutam hereditatem decesserit, sine vlla hereditate, quod sic intelligitur: si decesserit prius adita hereditate, ita ut de ea solum restituenda ageretur. Nam alioqui, qui non adita hereditate decesserit, facit ut interdicat fideicommissum, ut initio dixi *ex l. ille a quo. §. 1. in fin. eodem.* Sed quomodo probabitur heres decessisse sine herede, cum possent esse innumerabiles heredes, qui lateant? Respondeo, hoc ipso probatur, quod nulli heredes extiter, & ideo si fideicommissarius mortuo herede rogato putet, heredem sine herede decessisse, potest tuto conuenire hereditarios debitores, quod dicat actiones hereditarias in se ipso iure transisse, quia heres sine herede decesserit: nam si debitores dicent ei esse aliquem heredem, qui dicunt probare debent, *l. 2. de probat. si non probant, nulla probatio a fideicommissario est exigenda.* Quia hæc oratio: heredem decessisse, sine vlio herede relicto, negatio est facti. Factum autem negantis per rerum naturam nulla est probatio, ut est in *Lactor. sup. de probat.*

III. Casus, si heres rogatus sit restituere hereditatem primo, & is primus rogatus sit restituere eandem hereditatem secundo. Placet hoc casu, si primo restituta sit hereditas, statim sine vlla alia restitutione actiones transire in fideicommissarium secundum, si ei pure restituitur hereditas: aut si restitui debeat sub conditione, tunc transire, cum conditio extiterit. Huius casui similis est, ac prope idem, qui refertur in *l. 1. §. sed & quoties D. eod.* cum videlicet heres rogatus est restituere hereditatem duobus, vni partem pure, alteri partem sub conditione, & postulante eo, cui pure relicta erat, heres hereditatem adiit, & totam ei restituit. Placet enim conditione alterius partis postea existente, statim postea actiones transire in eum fideicommissarium, cui sub conditione pars relicta erat. Sed cur id receptum est potius in persona fideicommissarii, quam in persona heredis instituti, id est, cur potius ab herede exigimus, ut hereditatem restituat, quam exigimus a fideicommissario primo, ut eam secundo fideicommissario restituat? Respondeo, vbi heres non restituit, nemo est, qui restituat, & vbi semel fideicommissario primo restituit, videtur sub persona eius, & primo & secundo restituisse, quasi primus & sua, & fideicommissarii gratia accepit.

Hic opponitur, *l. 3. §. de illo D. eodem.* vbi in eadem specie dicitur primus fideicommissarius restituendo transferre actiones in secundum. Respondeo, restituendo transfert, si vult: si non vult, nihilominus ipso iure transeunt actiones in fideicommissarium. Quod si Ulpianus aliud sensit, in *§. de illo*, sciendum, eum locum huius constitutionis emendari, quæ est ex 30. decisionib. Iustiniani. Ut sunt tres hi casus hoc loco constituti, in quibus sine vlla restitutione hereditatis transeunt in fideicommissarium, ita non plures casus occurrunt, quibus actiones transeunt. Postremo obstat *l. ultima. §. in autem. sup. commun. de leg.* Vbi,

si heres sub conditione rogatus hereditatem restituere, pendente conditione abalienarit res hereditarias, placet conditione existente dominium rerum hereditarium ad ipsum fideicommissarium ipso iure pertinere. Hoc ita intelligendum est, si prius restituta erit fideicommissario hereditas: restituitur autem hereditas, ut dixi in initio huius tit. non si singulæ res hereditariæ restituantur, sed si dicat heres se restituere hereditatem, etiam si nulla restituat corpora, *l. restituta D. eod.* Regulariter igitur oportet hereditatem, de qua nunc agitur, restituere, non est necesse restituere singulas, ut illie scriptum est.

Non obstat *l. ita tamen. §. si pater D. h.* vbi filio suo herede instituto, & rogato restituere hereditatem, dicitur, actiones transire in fideicommissarium, quauis filius se non immiscuerit hereditati. Adicit eo loco, quod ad responsionem pertinet. Sic enim dicuntur actiones transire, si filius hereditatem restituat, restituendo igitur hereditatem, actiones transfert. Sed non est necesse, ut se immisceat hereditati ad hoc, ut restituere possit. Optima ratio, quia vti heredes ipso iure heredes sunt, sine vlla additione & immixtione, *§. sui. Instit. de hered. qua ab intestat.* Hoc loco non importune quaritur, quando de duobus fideicommissariis agitur, quorum prior secundo rogatur restituere hereditatem, an prior fideicommissarius itidem retinere quartam possit ex Senatusconsulto, ut potuit heres prius rogatus. Dixerit aliquis eum statim posse ex sententia Senatusconsulti: nam constat ex Senatusconsulto heredem omnem rogatum hereditatem restituere, posse quartam retinere, ut ex singulis per *l. Falcidiam* conceditur, *§. sed quia heres, inst. eod.* Diximus autem fideicommissarios quibus hereditas restituitur, heredis loco esse, *l. postulante. §. vlti. ff. eod.* Proinde quod iuris est in heredibus, idem & in fideicommissariis statuendum, ut & sic restituta hereditate tota possint quartam retinere. Sed hoc non est ita, alioqui duæ quartæ aliquando aufereretur postremo legatario, quod est contra sententiam Senatusconsulti, quod vnam quartam retineri voluit. Proinde de ea re sic est statuendum.

Cum heres institutus rogatus est restituere hereditatem primo, & restituit, primus autem item rogatus est restituere hereditatem secundo, & quaritur, an primus fideicommissarius quartam possit retinere? Dicendum est, si heres institutus prius quartam retinuit, nunquam fideicommissarium primum quartam retinere posse, sed quod accepit totum restituere cogendum. Quia ab herede retentum est, quemadmodum Senatusconsultum voluit, eum vna quarta vti. Quod si heres rogatus restituere primo fideicommissario, totam hereditatem restituit nulla quarta retenta, interest, utrum ideo non tenuerit quartam, quia coactus hereditatem adiit, & restituit: an vero, quia volens quartam non retinuit. Si coactus hereditatem adiit, & ideo nihil retinuit, primus fideicommissarius suo iure quartam retinebit, *l. Marcellus. l. facta. §. si cū suspectum. D. eod.* Sin autem heres volens non retinuit quartam, proinde non habebit quasi retinuisset, & eam remisisset secundo fideicommissario. Proinde fideicommissarius primus eam non habebit, præterquam si heres primus fideicommissarii gratia non rediit, ut scilicet liberalitatem in eum exerceret, quia vellet eum quartam retinere, *l.*

prima. §. inde Neratius. D. eodem.

Ad L. ultimam. Quidam.

Idem A. Ioanni praefecto praetorio.

Quidam testamento condito iussit heredem omnem hereditatem, quam ei dereliquit, alii restituere: speciale etiam fideicommissum alteri adscripsit, & querebatur, specialis fideicommissarius, id quod ei derelictum est, a quo consequi debeat: utrumne ab herede, ut post restitutionem eius alias res universitatis fideicommissarius accipiat: an una cum aliis rebus oporteat & hoc generali fideicommissario aggregari, ut ipse speciali fideicommissario hoc tradat, sine in rebus, sine in pecuniis fideicommissum relictum sit. Sancimus itaque, totam quidem substantiam secundum Senatusconsulti Trebelliani auctoritatem restitui generali fideicommissario, illum autem speciale fideicommissario, id quod ei derelictum est, dependere. Dat. 15. Kal. Novemb. Constantinop. post consulatum Lampad. & Orestis, VV. CC. anno secundo 532.

S V M M A R I A.

- 1 Heres rogatus restituere hereditatem, si totam vult, non tenetur legatariis aut fideicommissariis, quibus quid simpliciter legatum vel fideicommissum est.
- 2 An idem tribuendum sit heredi, nondum restituta ab eo hereditate.

Heres † rogatus hereditatem restituere, si totam restituere vult, non tenetur legatariis aut fideicommissariis, quibus quid simpliciter legatum aut fideicommissum est. Hoc ius constat ex Senatusconsulto, si iam restituta hereditate legatarii aut fideicommissarii cum herede agant. Nam ex Senatusconsulto transiunt actiones in fideicommissarium. Sed questio est; An idem tribuendum sit † heredi, nondum restituta ab eo hereditate, de qua re ius constituitur. Idem nimirum tribuendum esse heredi, etiam antequam hereditatem restituat, si paratus sit totam restituere, in quo ius aliquod novum constitutum videtur. Nam ex Senatusconsulto nō transiunt actiones in fideicommissarium, actiones dico aris alieni & legatorum in restituta hereditate. Ante restitutam autem hereditatem actiones pones heredes manent, ut his actionibus heredes teneantur. Sed Iustinianus hoc loco voluit, perinde esse ac si heres restituisset hereditatem, quam restituere paratus est: proinde fideicommissarii legatarium convenient non heredem.

Adiicitur *h. l.* fideicommissarium a legatariis solum conveniri, & heredem totam hereditatem restituere, cui sententia Senatusconsulti adversatur. Nam quamvis heres nominatim sit rogatus hereditatem totam restituere, tamen quartam ex Senatusconsulto retinere semper potest, *d. §. sed quia heredes*. Et quamvis testator vetuerit quartam retinere, nihil agit, quoniam conventionibus privatorum iuri publico non potest derogari. *l. quod bonis. §. 1. ad l. Falcid.* Dicendum est, si heres in specie proposita velit quartam retinere, id ei facere licere: sed intelligendum est de eo herede agi, qui sua sponte voluntatem defuncti secutus, totam hereditatem restituit: in quo dubitari poterat, an possit a se reicere onera hereditaria pro ea parte, quam remittit. Et hoc loco cauetur posse, quod & Senatusconsulto Trebell. efficiebatur, sed moveri potuit dubitatio Senatusconsulto Pegas. quod quartam retineri noluit.

* *

AD TITVLVM XLIX. COD.
Ad L. Falcidiam.

S V M M A R I A.

- 1 Brevis superiorum titulorum anacephaloasis, & tripartita huius legis propositio. & num. 2.
- 3 Primum legis caput liberam legandi potestatem usque ad dodrantem concedit.
- 4 Secundum cauet, ne ultra dodrantem legare liceat.
- 5 Tertium cauet, ut legata, quatenus dodrantem excedunt, eatenus ipso iure imminuantur. Eiusdem exceptio num. 6.
- 7 Dodrans patrimonii quomodo & ex quo tempore aestimandus sit.

Superioribus † titulis de legat. & fideicom. Item commun. de leg. & aliis aliquot locis coniunctis, ius constitutum est: Quaecumque legata aut fideicommissa sint, valere, dum eo modo quo oportet, & quibus oportet, & quas res oportet, legatum sit. Hoc totum cum hac exceptione intelligendum est, dummodo non legetur ultra dodrantem patrimonii: nam ultra legare non licet, & quod ultra est, pro legato non habetur. De qua re hic agitur. Id autem l. Falcidia effectum est. Lex Falcidia, plebiscitum est: lata est enim a C. Falcidio, Tribuno plebis, Augusti temporibus, *Dion. in Aug. Euseb. in Chron.* Refertur ex Isidoro in canone quaedam distinctio: Eius legis complures clausulae referuntur in *l. 1. ff. eod.* quae totidem capita legis faciunt, si verba spectemus. Quod si rem & sententiam † l. spectabimus, summa eius legis tribus capitibus continebitur.

Primum † caput l. liberam legandi potestatem, dat, vique ad dodrantem, abrogatis contrariis legibus, *l. 1. ff. eod.* Statim occurrit nobis questio, quid opus fuerit hac parte l. cum de ea potestate etiam abunde cautum esset leg. 12. tabularum, his verbis: *Uti quisque legasset, &c. l. verbis leg. de verb. sig.* Respondeo: Nihil hac lege Falcidia opus fuisse, si aliquid tabularum in hac re cessum non esset. Sed facilius leg. nō, ea lege constituta, imminuta erat l. Furia & l. Vaconia, quae leges commemorantur in *prin. tit. de leg. Encl. in l. de quibus est apud Theophilum.* De leg. Furia est in *si agnatis Vlpiani. Inst.* Ergo aduersus has leges haec lex Falcidia veterem facultatem legandi restituit. Et quoniam huic parti aduersari poterant praecedentes leges, adiectum est in hac parte, quod ad eas leges abrogandas pertineret. Nam cum l. Furia caneretur, ne liceret cuiquam donare aut legare causa mortis supra mille asses, ut Vlpianus refert: & praeterea si quis amplius cepisset, eius quod amplius cepisset quadrupli poenam constitueret: cautum est lege Falcidia, ut quanta pecunia cuiquam legare erit, eam pecuniam sine fraude tunc capere liceat. In his verbis: *Eis quibus quid in datum, &c. sine fraude sua, &c. sine ullo delicto*: & per consequens sine ullo damno poenae sua omni, quae prioribus legibus constituta esset. Rursum cum lege Vaconia caneretur, ne legatarius plus haberet, quam heres, atque ita fieret, ut si cui legatum esset amplius, quam heres haberet, id quod amplius, heres praestare non cogercetur. Huic quoque parti alia clausula legis Falcidia occursum est, ad eandem potestatem legandi pertinente, qua clausula est iussus, ut heres, qui dare iussus damnatusve est, id quod dare condemnatur, ipse habeat. Quas clausulas apparet ad abrogan-

das II. priores pertinere. Ita ad hanc facultatem legandi, pertinent 3. clausulæ l. F. nepe 1. 3. 4. Secundum
4 caput † legis cauet, ne ultra dodrantem legare liceat, sed hæcenus, vt non minus quam quartam partem hereditatis ex testamento heredes capiant. Id effectum est secunda clausula eius legis. Et hic modus est, qui dicitur in lege Falcidia legatis esse impositus, *Inst. tit. cod. tit. in princ.* Modus, id est, moderatio, ad quam vsque legare liceret.

5 Tertium caput † totum prætermisum est, l. i. ff. h. Hoc autem capite si supra dodrantem patrimonii quid legatum erit, lex cauet, quid velit fieri de legatis. Cauet autem, vt quatenus legata dodrantem excedunt, eatenus de singulis proportionibus detrahatur, & ipso iure imminuantur, vt declaratur in l. in

6 quantitate 73. §. vltim. ff. eodem. Addita est † exceptio eodem capite. Nam lege Falcidia non minuuntur hæc; Dos vxori legata: Item res vxoris causa emta, parata, quæ ei legata sunt, l. sed vsus fruct. ff. cod. Præ-

7 terea † eodem capite cautum est, huius patrimonii dodrantem lege hæc vere accipi, quo modo aestimari. Nam res docet, aliam quantitatem esse solere patrimonii, cum testator moritur, aliam cum heres adit, aliam cum legata præstantur. Nam res, quæ defuncti fuerunt, possunt interire vel incendiis vel bello, vel aliis casibus, contra quoque augeri multis partibus possunt, vt per magni referat, ex quo tempore aestimemus patrimonium. Ob hanc causam cautum est, vt in inquirenda quantitate patrimonii, ad hoc vt sciatur, an supra dodrantem eius patrimonii legatum sit, mortis testatoris tempus spectetur, d. l. in quantitate. in pr. ff. cod. Præterea vt aestimetur patrimonium deducto ære alieno, funeris impensa, & pretiis seruorum manumissorum, de quo dicitur in l. in quantitate. j. Sic ergo dicendum est; Vsque ad patrimonii dodrantem legare licet, supra dodrantem non licet ex l. Falcidia. Si supra dodrantem legatum erit, quatenus legata dodrantem excedunt, eatenus legata ipso iure per legem minuuntur. Vtrum supra dodrantem legatum sit nec ne, ita constabit, si contributis in vnum legatis, & his, quæ præterea haberi debent: deinde ex altera parte aestimato pretio harum rerum, summas inter se conferemus, vt videamus an legatorum summa dodrantem patrimonii excedat. In aestimando patrimonio obseruandum est, non ex quouis tempore aestimari, puta aditæ hereditatis, aut eo tempore, quo legata præstantur, sed tempore mortis testatoris. Et hanc computationem patrimonii fieri, deducto prius ære alieno defuncti, funeris impensa, & pretiis seruorum testamento manumissorum.

Ad L. i. Scire debes.

Impp. Senerus & Antoninus AA. Prisco.

Scire debes, omisso Falcidia, quo pleniorē fidem restituende portionis exhiberes, non videri plus debito solutum esse. PP. 3. j. d. Mali, Lacerano & Resino Coss. 198.

S V M M A R I A.

- 1 Si heres sciens supra dodrantem legatum esse, contemto l. Falcidie beneficio, integra legata præstet, an, quod ex eadem l. debeatur, repetere possit.
- 2 An quod ultra dodrantem solutum est, tanquam debitum, an vero tanquam indebitum datum sit.
- 3 Questionis huius ratio.

SI supra dodrantem legatum sit, quatenus legatum dodrantem excedit, tantum heres de legato reti-

nere potest. Quid † si heres sciens supra dodrantem legatum esse, omittet Falcidiam consulto, id est, contemto iure, quod habet ex lege Falcidia, integra legata præstet, voluntatem defuncti bona fide secutus, an poterit, quod ex lege Falcidia debebatur, repetere? Et certum est, eum repetere non posse, siue id, quod dodrantem excedebat, debitum fuerit ab herede, seu indebitum. Nam debitum solum citra controuersiam repeti non potest. Indebitum autem ab eo, qui sciebat se non debere, datum, non intelligitur solum, sed donatum. Donati nulla repetitio est, l. i. de condict. indebit. l. cuius per errorem, de reg. iur. Et si hoc ita est, tamen hic amplius queritur, an † id, quod ultra dodrantem solutum est, tanquam debitum solum, an vero tanquam indebitum datum sit? Et respondetur hoc loco, quod amplius quam per l. Falcid. retinere licebat, datum est, id indebitum solum non videri, proinde repeti non posse, quia debitum solum videatur. Hic obiciuntur illi loci, in quibus diserte traditum est, cum legata dodrantem excedunt, quatenus excedunt ipso iure minui per l. Falcid. vt perinde habeantur, quasi nec legata sint, l. in quantitate. §. vlt. ff. cod. l. i. §. si quis ex mortis. ff. quod legat. Hic non possumus vt distinctione vulgari, vt dicamus id, quod dodrantem excedit, naturaliter deberi, propter defuncti voluntatem, qui legauit. Iure ciuili autem non deberi, propter l. Falcid. quæ ultra dodrantem legare vetat. Nam hoc legatum totum naturaliter debetur, & quod dodrantem excedit, si soluat ab herede, nunquam repeti poterit, tamen si heres per errorem facti soluerit, quoniam etiam, quæ naturaliter debentur, soluta repeti non possunt. At quod ultra dodrantem per errorem solutum est, repeti potest, l. error. j. h. Proinde nec naturaliter id debebatur. Dicendum est igitur id quod res est, cum supra dodrantem legatum est, id quod dodrantem excedit, alias in totum debetur, alias in totum non debetur. In totum debetur ex l. Falcidia, si heres Falcidiae beneficio vt velit, in quam sententiam accipienda sunt superiores loci, de legatis imminuendis. Ac in totum debetur, si heres consulto legis Falcidiae beneficium omittat, vt hic proponitur. Tum enim legatum debetur totum naturaliter propter voluntatem defuncti. Idem & ciuilitur ex l. 12. tab. quæ iubet, vt quisque legat. §. c. Neque hoc casu l. 12. tabularum impeditur lex Falcid. quia legis Falcidiae mens est, vbi heres quartam retinere non vult, vt in totum voluntas defuncti conseruetur, quoniam l. Falcidia testatoris causa lata est, *Inst. tit. cod. in pr.*

Sed cur frustra † querimus, vtrum id, quod dodrantem excedit, sit debitum, an indebitum, vbi id vltro ab herede præstetur, cum etiam si indebitum fuerit, tamen repeti non possit, quia (vt dictum) videatur donatum? Resp. Effectus hic est, quod si debitum solum est, nunquam repeti potest: si indebitum fuit, interdum reuocari potest, quia non omnes donationes inter omnes valent, qualis est donatio inter virum & vxorem. Finge hoc modo: Maritus a testatore heres institutus est, ab eo supra dodrantem patrimonii legata relicta sunt, & inter cetera legatum est ab eo relictu vxori eius. Heres sciens ultra dodrantem esse legatum, vltro solidum legatum vxori suæ restituit. Queritur, an quod in hoc legato dodrantem excedit, maritus repetere possit? Questio in eo est, an debitum an vero indebitum soluerit: si debitum soluit, repetere non potest: si indebitum, donauit, & ideo repetere potest,

pōtēst, quia solutio inter maritum & uxorem interdicta non est, donatio interdicta est, l. 1. 2. 3. de donat. inter virum & uxorem. Respondetur ex hoc loco, id, quod dodrantem excedit, repeti non posse, quia donatum non fit, sed debitum solutum. Idque ex hac ratione etiam a veteribus responsum est, l. 5. §. si quis rogatus, de donat. inter vir. & uxor. Ideoque ex veterum Iureconsultorum sententiis hoc rescriptum translaticium est.

Ad L. 2. Falcidia rationem.

Idem A. Sactiano.

Falcidia rationem aduersus omnes pro modo legatorum & fideicommissorum locum habere, certi & explorati iuris est. PP. Kalen. Inl. Laterano & Rufino Coss. 198.

S V M M A R I A.

- 1 An si legata dodrantem excedunt, heres id quod amplius est, aduersus vnum legatarium, an aduersus omnes retinere debeat?
- 2 Legata dodrantem excedentia interdum non minuantur, sed pro parte, quæ deduci debebat, æstimatio aliunde præstatur.
- 3 Si res legata diuisionem accipit, in ipsa re deductio fit, non in alia, & fit quatenus legatum dodrantem excedit.

Cum legata dodrantem excedunt, id retinere heres potest, quod amplius est. Quæritur tamen utrum aduersus vnum legatarium retinere id totum possit, an aduersus omnes id retinere debeat? Hic scriptum est, retinere debere non aduersus vnum, sed aduersus omnes quibus quid testamento relictum est. Sed cur id potius aduersus omnes est retinendum, quam aduersus vnum, cum l. Falcid. id solum caueatur, ut heres quartam partem hereditatis habeat: unde autem habeat, l. Falcidia non exprimitur? Respondeo: L. Falcidia non de quarta tantum hereditatis heredi relinquenda cauet, sed etiam maxime de legatis præstandis intra dodrantem, quæ in parte l. Falcid. legatariis ex æquo consultum voluit. Proinde vsq; ad dodrantem singulis legatariis legata præstabuntur. Quod dodrantem excedit, non poterit ab vno deduci, quia isto modo huic vni detraheretur, ut augerentur ceterorum legata, quod est contra sententiam legis. Ut aduersus omnes legatarios detrahitur id quod dodrantem excedit: ita consequens est, id, quod heres habere debet ultra quartam, non posse eum deducere in vna aliqua re legata, quæ efficiat vniuersam eam summam, quæ heredi debetur supra dodrantem: sed singulorum legata per Falcidiam minui, ut quod in singulis supra dodrantem patrimonii legatum, id de singulis pro portione detrahat, & quidem ipso iure. *lin. quantitate. §. vlt. ff. eod. l. 1. §. si quis ex mortis ff. quod legat.* Id hanc vim habet, ut si proponas, patrimonium legatis exhaustum esse, & fundum Tusculanum legatum esse Titio, dicendum sit, in hoc fundo partes tres esse Titii legatarii, quartam partem esse ipso iure hereditatis, quasi nec legata, ut intelligamus ex hoc ipso prædio quartam deduci, & deduci ipso iure, quasi semper apud heredem mansisset. Hinc fit, ut heres natura quartam, quæ dodrantem excedit, iure vindicare possit, in eo fundo, & a legatario, & a quouis possessore, ut scriptum est *l. lineam. ff. eo.* Quod non fieret, nisi dominium iure mansisset heredis, quia non alii competit in rem actio, quam domino. l.

in rem. de rei vind. Interdum tamen t ipsa legata non minuantur, tamen si supra dodrantem legatum sit, sed pro ea parte, quæ deduci ex l. debebat, præstatur aliunde ab herede æstimatio. Id autem contingit, ubi res legata natura diuisionem non recipit. Huius generis seruitus est. Si defunctus legauerit Titio itus eundi, agendi per fundum hereditarium, iter solidum præstabitur legatario, etiam si l. Falcid. locus sit, quoniam pro parte iter præstari non potest, sed cum pars itineris præstari non possit, pro ea parte præstabitur æstimatio, ut legi Falcidiæ satisfiat, l. 7. ff. eod. Idem accidit in libertate seruo testatoris relicta, si eidem seruo aliquid legatum sit. Nam si legata omnia contributa dodrantem excedant, nihilominus libertas in solidum præstabitur, quia pro parte non potest, sed æstimabitur seruus, cuius æstimationis pars heredi relinquitur, quatenus legatum dodrantem excedit, idque sumetur ex eo legato, quod manumisso datum est. *l. plane. l. seq. ff. eod.*

Ceterum si res legata diuisionem recipiat, in ea ipsa re deductio fit, non in alia, & fit, quatenus legatum dodrantem excedit. Est autem ita, ut in eo legato deductio fiat pro ceteris legatis. Opponitur *l. plium quem. sup. fam. erciscund.* ubi heres rogatus restituere hereditatem, quartam retinet in vno certo fundo. Respondeo: Id ideo fit, quia is fundus legatus erat, & heres ex aliis rebus quartam deducere non poterat. Nam illic heres rogatus erat restituere hereditatem habens fundum, id est, restituere ea lege, ut sibi fundum præciperet, & sibi haberet. Eum igitur fundum heres iure prælegati habuit, & ut habet, ita in quartam imputat. *lin. quant. n. ff. ad legem Falcidiam.* Cum autem fundus sufficeret ad quartam, vna cum ceteris rebus, quæ heredi relictae, aut ab eo deductæ, eo fiebat, ut de ceteris rebus Falcidiam detrahere non posset. Nos autem hic dicimus, cum de ceteris rebus Falcidia detrahi potest, nunquam heres eam portionem Falcidiam in alia re deducere potest.

Opponitur *l. non amplius. §. 1. de leg. 1.* ubi pars bonorum legata est, placet heredem pro rebus hereditariis æstimationem præstare posse. Respondeo: Hic locus nihil ad rem pertinet: nam illic apparet, non quando quid heres retinere possit, sed quid præstari debeat legatario. Et placet eum debere præstare aut res aut æstimationem, ut illi commodum visum fuerit. Et quamuis diceremus, heredem posse ex ea æstimatione, quam præstat, deducere Falcidiam portionem, tamen non deducere ex alia re, quam quæ legata est: nam legata parte bonorum æstimatio legata intelligitur, prout heredi visum fuerit, ut dixi.

Opponitur *l. lineam. ff. eod.* ubi rem, ex qua heres quartam Falcidiæ detrahere poterat, cum ea esset apud legatarium, non pro parte tantum repeti, sed repeti totam proponitur.

Respondeo: Cum rei legatum apud legatarium reperitur sine voluntate heredis, eam heres repetere potest interdicto, quod legatorum, &c. *l. 1. ff. quod legatorum, &c.* Sed hæc repetitio non eo pertinet, ut totam rem legatam heres habeat, sed ut possit iudicio communi diuidendo, aut priuato consensu portionem, quæ ex l. Falcidia debetur, retinere. Postremo opponitur *l. si ex pluribus. ff. eod.* ubi pluribus rebus vni legatis, cum locus L. Falcidiæ esset, & heres quasdam ex his rebus in solidum legatario præstitisset, potest reliquas in solidum retinere, nisi por-

tio Falcid. in reliquis iam solutis debita præstetur. Respondeo: Nunquam portio Falcidiæ, quæ ex certis rebus debetur, aut maior peti retineri potest, quam debetur, aut in aliis rebus retineri, quam in quibus debetur: sed eius portionis consequendæ non vna ratio est. Nam interdum recta deducitur interdum obliqua via, dum aut res legata, quæ est apud legatarium, repetitur interdicto quod legatorum, aut aliæ res legata nondum præstitæ, per exceptionem doli mali retinentur, nisi legatarius, quod in ceteris rebus iam ei solutis, dodrantem excedit, paratus sit restituere. Quæ sunt rationes expositæ in d. l. lincam. § d. l. si ex pluribus. eod.

Ad L. 3. Etiam si.

Imp. Alexander August. Hermagoræ.

Etiam si tacitum fideicommissum heredem administrasse apparuerit: legata tamen seu fideicommissa, quæ testamento relicta sunt, præstanda esse, ambigi non oportet: ad eum videlicet modum, quem lex Falcidia patitur: cum quartam, quæ auferitur heredi, qui contra legem fidem suam obtulit, legatarius proficere non placuit. PP. Id. Octobr. Alexandro A. Cos. 223.

S V M M A R I A.

- 1 Hereditas, quæ ut indigno auferitur, ad fiscum cum suis oneribus & commodis pertinet, idemque in ea vice heredis scripti fungitur, legata præstando & Falcidiam detrahendo.
- 2 Quæstio huius legis.

1 **Q**uoties † hereditas heredi scripto tanquam indigno auferitur, & fisco vindicatur, toties hereditas ad fiscum cum suis oneribus & commodis pertinet, omninoque fisco in ea hereditate vice heredis scripti fungitur, & ideo si quæ legata testamento relicta sunt, ea fisco præstat. Similiter si heres Falcid. detrahare potuit, quia dodrantem legata excedunt, etiam fisco detrahare poterit, l. 3. §. ult. ff. ad Trebell. leg. cum fisco. ff. de Syll. Senatusconsulto. Idem confirmatur in hoc rescripto, in persona eius heredis, qui tacite fidem suam accommodauit testatori, ut hereditatem restitueret ei, qui capere non poterat, quia fides hic accommodatur in fraudem legis. Placuit fraudem ita vindicare, ut hereditas tanquam indigno auferatur & vindicetur fisco, l. in fraudem. l. heres, ac his quibus ut indig. l. 3. l. cum tacitum, de iure fisci. Hoc autem cum sit, etiam fisco in legatis eodem illo iure vitur, quod supra diximus: nam & legata præstat, & præstat intra modum legis Falcidiæ, id est, ut quartam partem hereditatis integram retineat, ut hic. Et hoc ius tunc certum est, cum heres, qui tacite fidem suam accommodauit, fideicommissario restituit quarta retenta, l. cum tacitum, de iure fisci. Nam tunc iure heredis fisco vitur, ut videlicet quemadmodum heres quartam retinuit, sic possit & fisco retinere.

2 Quæsitum est, † an idem dicendum sit, si heres in proposito solidum fideicommissum administravit, uti rogatus erat, ita totum restituens, quæ propria huius rescripti quæstio est. Dubitationis causa hæc est, quia toto fideicommissio restituto hereditas auferitur fideicommissario non heredi. Vnde consequens est, fisco iure fideicommissarii uti debere, non heredis. Porro certi iuris est, nunquam legatarium aut fideicommissarium, etiam cui iure ex fideicommissio restituta est hereditas, l. Falcid. beneficio

uti posse in legatis, l. lex Falcid. §. ult. ff. eod. Proinde in proposito nec fisco, qui iure fideicommissarii vitur, poterit legis beneficio uti, & quartam hereditatis retinere. Rescriptum est, nihilominus etiam hoc casu heredem quartam hereditatis retinere posse, hac ratione, quia heres, qui tacite fidem suam in fraudem legis accommodauit, etsi quartam retinere non potest, tamen perinde habetur ac si retinuisset, & quarta ad fiscum pertinet, l. benefic. in fin. ff. eod. d. l. cum tacitum, de iure fisci. Et quarta sic ad fiscum pertinet ex constitutionibus, ut fisco profit, non ut profit legatarius, quæ ratio significatur in extremo h.

Ad L. 4. Et in legatis.

Idem A. Philetiano.

Et in legatis Principi datis legem Falcidiam locum habere merito diuo Hadriano placuit. PP. j. Ka. Ian. Alexandro A. Cos. 223.

S V M M A R I A.

- 1 Cum supra dodrantem hereditatis legatum est, nullius legatarii persona, vel fauor, vel amplitudo, vel necessitas facit, quo minus Falcidia detrahi possit.
- 2 Falcidia an etiam contra Principem retineri possit.

Cum supra dodrantem † hereditatis legatum est, nullius legatarii persona vel fauor, vel amplitudo, vel necessitas etiam facit, quo minus de legato ei relicto portio Falcidiæ detrahi possit, quoniam lex Falcidia non legatariorum causa constituta est, sed testatorum, Instit. eod. tit. in princ. Idque est, quod dicitur, legem Falcidiam & ad legata municipium, & legata Deo relicta pertinere, l. 1. §. ad eos. versicul. ad municipium. ff. eod. Eodem pertinet, quod de legato Principi relicto hic canetur. Sed † in Principis persona hæc dubitatio erat, cur non videretur aduersus eam Falcidia retineri posse, quia Falcidia lex est in numero legum & constitutionum. Princeps vero legibus solutus est. Sed aduersus hanc obiectionem etiam hæc responsio est in legibus, & si Princeps legibus solutus est, tamen Principem sua voluntate legibus viuere, ita ut in omnibus negotiis similibus Princeps priuatorum iure vitur, l. 3. sup. de testamentis. l. digna vox. de legib. §. ult. Instit. quibus modis testamenta infirmantur.

Ad L. 5. Si mortis.

Idem A. Damasatæ.

Si mortis causa immodicas donationes in sororem tuam matrem contulisse probare potes: legis Falcidia ratione secundum constitutionem diui Seueri aui mei uti merito potes. PP. 15. Kal. Nov. Maximo II. & Aliano (oss. 224.

S V M M A R I A.

- 1 Circa legis Falcidiæ rationem qua consideranda, & quibus de causis.
- 2 Quæ res in numero legatorum haberi debeant.

Circa † rationem legis Falcidiæ ponendam, semper quærendum est, quid & quantum in numero legatorum haberi debeat, duabus de causis. I. Est, ut sciri possit ex legatorum contributione, an legata patrimonii dodrantem excedant. Altera, ut cum constabit, quæ legata sint, possit de singulis detrahi, quod dodrantem excedit, ut initio diximus. Hæc quæstio hoc rescripto ex parte attingitur. Declaratur enim, quid in numero legatorum haberi debeat, in quo

quo lex Falcidia locum habeat. De eo ita statuendum
 2 est. Cum † queritur, an supra dodrantem legatum
 sit, in quaestione legatorum non solum computari
 debent, quæ vere dicuntur legata, tamen si l. Falcid. de
 legatis tantum nominatim scripta sit, sed etiam ex
 sententia legis, ea omnia, quæcunque vicem legato-
 rum obtinent, cuiusmodi est donatio causa mortis,
 de qua hic. Vicem autem legatorum hæc obtinent.
 Primum, iam olim fideicommissa, l. 1. de leg. 1. proxi-
 me donationes causa mortis, l. illud. de mortis causa
 donation. Hæc autem causa est, quia ut legata non ni-
 si morte testatoris confirmantur, sic nec donationes
 causa mortis, cum possint hæ donationes ex pœni-
 tentia reuocari a donatore, usque ad ultimum vitæ
 spiritum. l. secutus. §. donationes. de mortis causa dona-
 tionibus.

Hinc placet, hoc loco eiusmodi donationes in
 contributione legatorum venire, & simul ex iis pos-
 se deduci, quod dodrantem excedit. In eodem nu-
 mero habentur donationes inter virum & uxorem,
 ob eandem causam, l. in donationibus. infr. hoc titul.
 post. Etiam quæ donata non sunt, nec testamento, nec
 a viuentis testatore relicta, sed quæ solum mortis
 causa capiuntur, si in fraudem legis a testatore im-
 positæ, accepta sunt, de quo genere dicitur ad l. pen-
 ult. infr.

Ad L. 6. In imponenda.

Idem A. Secundinæ.

In imponenda ratione legis Falcidiæ omne æs alienum
 deducitur, etiam quod ipsi heredi mortis tempore debi-
 tum fuerit, quamvis adiunctione hereditatis confusa sint ac-
 tiones. 1. §. Omnia autem legata, quamvis in operibus
 publicis faciendis statuique ponendis data sint, ad con-
 tributionem dodrantis pro rata sue cuiusque quantitatis
 reuocantur. 2. §. Nec si quid ultra solidum heres præstite-
 rit aut perfecerit, legitima computationi præiudicatur. S.
 5. Kalend. Januar. Maximo II. §. Aliano Coss. 224.

S V M M A R I A.

- 1 Tria huius legis capita.
- 2 Computatio patrimonii qualis esse debeat.
- 3 AEs alienum defuncti quid.
- 4 Funeris impensa quid.
- 5 Pretia seruorum manumissorum quare deducantur,
 & quomodo.
- 6 Pretia seruorum, de quibus supplicium sumtum est,
 an deducantur, & ad quod deductionis genus refe-
 renda sint.
- 7 Heres an in detractioe æris alieni etiam possit dedu-
 cere id, quod sibi a defuncto debetur.
- 8 Quæ legati in contributionem legis Falcidiæ veni-
 unt.
- 9 Jus Falcidiæ deducende quale sit.

Hic tria † capita sunt. I. De computatione patri-
 monii, qualis esse debeat in ratione legis Falcid-
 iæ ineunda, id est, cum queritur, an supra dodran-
 tem patrimonii legatum sit. II. De legatis, quæ in
 contributione legis Falcidiæ veniant. III. De iure
 2 Falcidiæ deducendæ. Computatio † patrimonii hæc
 est: Computatur patrimonium, quod fuit tempore
 mortis testatoris deducto ære alieno, funeris impen-
 sa & pretiis seruorum manumissorum. l. in quantita-
 tem patrimonii. in pr. ff. eod. Id ita fieri debere intelle-
 ctum est ex l. Falcidia, quia lex exigit, ut heres legatis
 solutis non minus, quam quartam partem heredita-

tis habeat. Non videtur heres quartam habere, si
 quartam præstare postea cogitur, aut eo amplius,
 non est nostrum quod mansurum non est, l. aliud est
 capere. de verb. sig. Nec videtur ea res penes nos esse,
 cuius pretium abest. l. Labeo & Sabin. de verb. sig. At
 id futurum est, si heres legata præstat superscriptis
 rebus prius non detractis: nam ipse æs alienum solu-
 nere debet, & impensas funeri facere, & præterea
 ferui manumissi illi obfuturi sunt, quarum rerum æ-
 stimatio interdum quadruplo maior erit quarta.
 Proinde ut quartam habeat ex sententia legis, &
 quartam cum effectu, oportuit res superscriptas an-
 tea de patrimonio deduci, ut reliqui patrimonii
 quartam heres habeat sine villo damno intactam.

Æs † alienum defuncti est id, quod defunctus de-
 buit, l. cedere. §. æs alienum. de verb. sig. Et generaliter id
 omne, quod defunctus præstare necesse habuit. l. pa-
 ter filium. in fin. ff. eod. Funeris † impensa est, quæ sit
 4 funeris causa. Funeris causa intelligitur fieri, quæ
 sit deducendi funeris & sepeliendi mortui causa, si-
 ne qua neque duci neque sepeliri honeste potuisset.
 l. & si quis. §. funeris causa. l. funeris. de religiof. Ita fu-
 neris impensa est, quæ ad necessitatem funeris facta
 est: non est autem necesse ad mortuum sepeliendum
 monumentum illi ædificare, præsertim si sit sumptuo-
 sius. Proinde si quam impensam monumenti extru-
 endi causa heres fecit, præterquam quod necesse sit,
 quamvis iussus sit a testatore extruere, tamen hanc
 impensam non deducit, quia non est facta funeris
 causa, ut definiuimus. Hinc est l. 1. §. ult. & l. seq. ff. eod.
 Pretia † seruorum manumissorum ideo deducun-
 tur, quia serui tempore mortis testatoris, cum non
 5 dum liberi essent, in pretio defuncti computabantur,
 postea adita hereditate aut etiam non adita manu-
 missi in patrimonio defuncti esse desinunt, ut sic in
 patrimonio defuncti solum eorum pretia compu-
 tentur, & pretia deducantur. Id hoc fit modo, ut serui
 manumissi perinde habeantur quasi in pretio defun-
 cti non fuerint tempore mortis eius. Notandum est
 autem generaliter esse dictum, deduci pretia seruo-
 rum manumissorum, non autem testamento aut ali-
 ter manumissorum. Vnde intelligimus, omnium
 manumissorum pretia deduci, non tantum si testa-
 mento liberi esse iussi sint a testatore, sed etiam pro
 pretio libertatem a testatore acceperint. l. heres. ff. eod.
 Etiam † pretia seruorum deducuntur, de quibus ser-
 uis sumtum est supplicium. d. l. æs. in pr. Vnde queri-
 6 tur, ad quod genus istarum deductionum hic referri
 debeant, cum neque sint manumissi, neque in funeris
 sint impensa, neque videantur etiam esse in eo, quod
 debuit defunctus? Et placuit, eorum pretia deduci,
 tanquam æs alienum, ut ibidem est scriptum. Recte.
 Nam serui qui delinquant, cum Rep. contrahere vi-
 dentur pœna vel vindicta, quam luendo solunt, l. 1.
 ff. de legib. Circa † æris alieni deductionem queritur,
 7 an heres in æris alieni deductione possit etiam de-
 trahere, quæ ei a defuncto debetur? Merito hoc questum
 est. Nam subtilitas rationis facere videbatur, ne pos-
 sit detrahere: id enim debitum deduci potest, si est æ-
 liquid debitum. At hereditate ab herede adita, fit, ut
 quod prius ei debebatur, desinat deberi, quoniam
 aditione actiones confunduntur, confusione tollun-
 tur, l. debitori. supr. de pact. l. Stichum. §. a Titio. de solut.
 Sic fit, ut quod debitum esse desit, tanquam debi-
 tum deduci non possit. Et placuit nihilominus here-
 dem deducere posse, quod sibi debebatur, de quo

nominatim hic. Non obstat, quod confusione actiones sunt sublatae, quoniam in ratione l. Falcidia, cum de aestimatione patrimonii agitur, spectatur quemadmodum patrimonium fuerit tempore mortis defuncti, ut dictum. Eo autem tempore nondum actiones confusa erant, proinde ex eo tempore as alienum, quod heredi debebatur, deducitur. Hanc objectionem hodie non debemus metuere in eo herede, qui inuentarium facit. Nam hoc beneficium ei tribuitur, ut nec adita ab eo hereditate actiones eius confundantur, l. ult. §. in computatione. §. de iur. deliber.

8 De legatis, quae in contributionem legis Falcidia veniunt, ita est scriptum, ut veniant omnia, quaecunque testamento sunt relicta, siue in dando, siue faciendo, id est, ut non tantum asimentur ea, quibus testator iussit dare heredem, sed etiam ea, quibus eum iussit aliquid facere, veluti opus exstruere, statum alicui ponere, quod non sit suis sumptibus. Hoc amplius, additur etiam, facta in contributionem legatorum venire, quamuis heres iussus sit facere, aut operibus publicis exstruendis, aut in statua publice ponenda. Quibus verbis id, quod dixi ad l. §. in principio. §. traditur in l. i. §. ad eas. vers. ad municipium. ff. eod. continetur: nempe L. Falcid. ad omnia legata etiam ciuitati & Reipublicae relicta pertinere. Forma autem loquendi, quae est in vers. 1. de horum legatorum contributione, notanda est. Dicuntur enim omnia legata ad contributionem dodrantis reuocari. Non videntur legata esse in dodrante patrimonii, & reuera non sunt. Aliud est enim patrimonium, aliud legata, quae ex patrimonio debentur. Est igitur hic sensus: Legata omnia reuocari eo, ut contribuatur usque ad dodrantem seu usque ad dodrantis patrimonii quantitatem: quod amplius est, catenus minuuntur, pro modo & quantitate cuiusque legati. Hoc autem quomodo intelligendum sit, declaratur dilucide exemplo §. ult. in fin. ff. eod. §. in l. in quantitatis patrimonii. in fin. ff. eod. Ius quoque Falcidia portionis detrahendae, de quo in extremo cauetur, tale est, ut heres hanc possit deducere, nec legitime ea computatione quicquam detrahatur, quamuis quaedam legata solida praestiterit: quod sic est interpretandum, si quidem ignorans L. Falcid. locum esse, solida quaedam praestiterit. Nam non tantum de his, quae nondum praestitit, deducit, quod dodrantem excedit, sed etiam ea, quae soluit iam, amplius repetit, l. error. j. h. Quod si heres sciens quaedam soluit in solidum, sensus huius loci est, eam solutionem heredi in reliquis legatis non nocere, quoniam in illis Falcidiam detrahat. Nam id quod sponte amplius soluit, & ob id donare voluit, non repetit, d. l. error. Sed hic locus emendatur in Auth. sed cura testator. j.

Ad L. 7. in testamento.
Idem August. Primo & P. Pomponio.

In testamento quidem militis ius legis Falcidia cessat, sed sic qua ad vos pertinent, defunctus tenuit, bonorum eius videri minime possunt: ideo recte rationem eorum, ut aris alieni, haberi desiderabitis. PP. Kal. Maiis, Alexandro II. & Marcello Coss. 227.

SUMMARIA.

- 1 Heres testamento militis institutus l. Falcidia beneficio non vititur. Limitatur num. 3.
- 2 Miles hic quis accipitur.
- 4 Lex Falcidia quibus ex causis cesset, & locum non habeat.

Heres testamento militis institutus, a quo supra dodrantem legata relicta sunt, legis Falcidia beneficio non vititur, ut quartam detrahat, sed solida legata praestare cogitur, id est, quod hic dicitur, in testamento militis Falcidiam locum non habere. Id sumtum est ex constitutionibus, quibus de testamento militis cauetur, ut quicquid statuerit miles, de bonis, id ratum sit, l. i. de testam. milit. l. i. 2. §. eod. Sed militem accipere debemus, qui testamentum fecit in expeditione: nam si alibi facit testamentum miles, is quidem recte testatur, etiam si sit filius familias, qui de peculio castrensi testatur aut quasi castrensi: sed iure communi testari debet, §. i. Insti. de testam. milit. Proinde & in hoc testamento lex Falcidia ex iure communi locum habebit. Hoc est, quod alibi traditur, ad veterani militis testamentum l. Falcid. pertinere, l. ad veterani. ff. eod. Sed quomodo heres ex testamento militis solida legata praestet, & haecenus l. Falcid. beneficio non vitatur, tamen priusquam legata praestet, as alienum, & quidem quod sibi milite debebatur, ante omnia potest deducere, ut hic est scriptum. Et generaliter ita placet, etiam ex militis testamento heredem legata praestare non cogi, ultra facultates patrimonii defuncti, quod patrimonium aestimatur deducto aere alieno. l. sub signatum. §. bona. de verb. sig. Idque ita definitum est in l. i. §. denique. ff. ad Trebell. Sed constitutiones superiores obstant, latae de testamento militis, quibus sine exceptione cauetur, ut quod testator statuit, quodque voluit, id tanquam ius seruetur. Responsio additur illis constitutionibus, quod voluit rebus suis, l. i. de testam. milit. Proinde de alieno si quid miles statuerit, ratum non erit, l. cum filius fam. ff. eod. Testabitur autem de alieno, si heres ultra quantitatem patrimonii militis legata praestare cogetur.

Huius rescripto opponitur l. i. §. hoc Senatusconsultum, ad Trebell. ubi scribitur: Hoc Senatusconsultum etiam in militis testamento locum habet. Constat autem Senatusconsulto Pegas. cuius auctoritas postea Trebell. est tributa, quartam ex fideicommisso hereditatis detrahi posse, §. sed quia heredes. & §. sed quia stipulationes, de sed. hereditatib. Ita superscriptis verbis haec sententia exprimitur, etiam in militis testamento quartam ex Senatusconsulto retineri posse, si heres rogatus sit hereditatem restituere supra dodrantem. Nec ad rem pertinet, quod illic agitur de quarta Trebell. quae ex hereditate deducitur, non de singulis legatis. Nam Trebell. nihil est aliud nisi Falcid. quarta, introducta ad exemplum eius quartae, quae de singulis legatis detrahitur per legem Falcid. d. §. sed quia heredes. de fideicom. her. Respondeo: Si L. i. accipitur ex sententia scriptoris ut accipi debet, nihil hisce aduersatur. Nam Ulpianus cum dicit, hoc Senatusconsultum, intelligit SC. Trebell. quod illic interpretatur. Eo Senatusconsulto non cauebatur de quarta detrahenda, sed actionibus hereditariis, & oneribus in fideicommissarium transferendis, ut SC. refertur in praeius legis. Verum est hoc SC. in omnium testamentis locum habere, quoniam ex omnium testamentis hereditate restituta nihil apud heredem remanet. Postea quarta iussa est detrahi SC. Peg. de quo illic Ulpianus non tractabat, sed tamen postea Peg. auctoritatem tribuit Trebell. quasi ex Trebell. etiam iussa sit detrahi, d. §. sed quia stipulationes, de fideicom. hered. secundum quam posteriorem legem sic placet accipi d. l. i. §. hoc ff. ad SC. Trebellian. Sed

tamen

tamen ne sic quidem locus aduersabitur, sed ita interpretandus erit: Hoc Senatusconsultum locum habet in militis testamento, quia locum habet in maxima parte, non in omnibus. Habet autem locum in his capitibus, ut heres cogatur hereditatem adire, aditam restituere, & ut restituta hereditate transeat actiones in fideicommissarium, sed non etiam ut quarta detrahatur. L. Falcid. de omni quarta detrahenda, in militis testamento locum non habet. Interim apparet ex hoc loco interdum l. Falcid. cessare, nec quartam ex legatis deduci. Id cum non in hac una specie receptum sit, sed etiam in multis aliis, de quarum aliquibus est cautum in *authent. tribus sequentibus*. non male est factum, ut auctores hoc modo subiicerentur, utroque autem loco admoneremur, ut breuiter proponamus, in quibus causis locum non habeat Falcidia, id est, in quibus legata non minuantur l. Falcidia, sed solida praestentur.

Lex Falcidia cessat partim ex privilegio, partim iure communi. Ex privilegio in testamentis militum, qui in expeditione sunt testati. Cessat etiam iure communi in testamentis paganorum. Cessat autem aut ex iudicio testatoris, aut ex facto heredis, aut ex conditione rei legatae, aut ex conditione eius cui relinquitur. Ex iudicio testatoris, si testator non ignarus, qui sit modus patrimonii sui, nominatim verat falcidiam detrahi. *Authen. sed cum testator, in princ.*

Ex facto heredis dupliciter, alias propter delictum eius, alias propter solutionem & tacitam quandam repudiationem Falcidia. Propter delictum, quoties necessarium non fecit, aut non fecit eo modo, qui praescribitur, de quo cautum est *authent. si testator. vers. penult. & ultim.* Propter tacitam repudiationem, quoties ex pluribus legatis, in quibus l. Falcidia locus erat, quaedam solida praestitit, non ignarus locum legi Falcid. esse. Nam hoc casu, non modo non potest repetere quae soluit, sed etiam reliquis se in solidum astringere intelligitur, *Authen. sed cum testator. vers. 2.* Ex conditione rei legatae multis in rebus legatis cessat Falcidia. Haec autem res numero fere sunt sex: Dos a marito uxori praelegata. Item res uxoris causa emtae paratae, quae ei legatae sunt. l. *sed usufr. ff. ad leg. Falcid.* Ratio adiecta est, quia haec potius videantur uxoris antea fuisse, quam ei denuo legatae. Item, libertates testamento datae, l. *si uniuersa, supra. de legat. leg. Papinia. §. 4. de inoffic.* Item quicquid filio & similibus personis datur, legatur, ut in quartam iure naturae debitam habeant. Nam haec quarta ius est sine ullo onere, & vili deductione tribui his quibus debetur. *leg. quoniam, l. scimus, de inoffic. testa.* Item, quaecunque res sint eiusmodi, in quibus quarta deductio heredi sit inutilis: huiusmodi sunt instrumenta praediorum, a testatore legata domino praediorum, de quo in l. *praediorum, infra.* Postremo res omnes hac lege legatae, ne extra familiam legatarii alienentur, *authent. sed in re, infra.* Huius partis ratio deducitur ex priori Iustiniani constitutione, qua est cautum, licere testatori Falcidiam prohibere: qui rei legatae alienationem vetat, quartae deductionem vetare intelligitur: nam haec deductio alienatio est.

Ex conditione eius, cui quid relinquitur, cessat Falcidia in his, quae ad pias causas sunt relictae, *authent. similiter, infra.* Pietas est erga Deum, ergo omnino causa est pia, quoties his datur legatum, quos Deus

suo loco habere voluit. Christus autem denuntiat, quicquid pauperibus & egentibus datum, id pro sibi dato habiturum. Proinde recte dicemus, legatum esse ad pias causas, quicquid ministris ecclesiae, quicquid in alimoniam & sustentationem pauperum, quicquid in redemptionem captiuorum, & similes causas legatur. Proinde nec de his Falcidiam detrahi posse.

Ad auth. Sed cum testator.

Sed cum testator hoc expressim vetuit, non ignarus quis modus sit sui patrimonii, cessat Falcidia: Et si heres in hoc defuncto non pareat, desertur hereditas personis enumeratis sub titulo delegatis & fideicommissis. Item si heres quadam legata, substantia sua mensuram subtiliter agnosceat, praestat in solidum: neque ex his repetitio, nec ex aliis permittitur retentio: nisi inopinatum quid emerget. His cessantibus locus est Falcidia, si fiat inuentarium secundum modum temporis, statutum in additione: Ilac quoque adhibita observatione, ut in praesentia omnium ipsius civitatis, in qua fiat, legatariorum, aut pro eis agentium, si persona ratio sit habenda, persiciatur: vel si quis ab sit ex ipsis, aut interesse noluerit, succedat praesentio trium testium videlicet ipsius civitatis locupletum & bonae opinionis, absque praedicio tamen veritatis inquirenda per seniorum questionem & heredis testimonium infirmandum, quo non observato, solida legata praestet, etsi fines hereditarios excedant. Nulla autem questionum talium vel litium excedat annum. Anno enim culpa heredis transacto cadet a relictis.

SUMMARIA.

- 1 Testator an prohibere possit, ne heres Falcidiam detrahat.
- 2 Unde probetur testatorem patrimonii sui quantitatem ignorasse vel non? & num. 3.
- 4 Quod de quarta per legem Falcidiam ex legatis accרבenda hic constituitur, an transferri possit ad quartam, quae deducitur ex Senatusconsulto Trebelliano.
- 5 Inuentarium quibusdam legatariis praesentibus, quibusdam absentibus, nullisque in eorum locum adhibitis testibus confectum, an quo ad praesentes sit nullum, & an iis etiam solida legata praestanda sint.

Alicere testatori prohibere, ne heres Falcidiam detrahat. Opponitur lex quod bonis, §. primo, lex si debitor, D. eodem, ubi nominatim cauetur, testatorem non posse inhibere deductionem leg. Falcidia. Respondeo: Palam est Iustinianum, veterem legem corrigere. Sed obstat ratio legis, leg. quod bonis, §. primo. Ratio est haec, Quoniam legibus priuatorum pactis non est derogandum, quam rationem Iustinianus mutare nec voluit, nec potuit, *argum. l. non dubium, supra. de legib.*

Respond. Cum Iustiniani institutione liceat deductionem quartae prohibere, qui hanc prohibet, non derogat legibus, sed secundum leges facit. Sed eodem modo testator ex hac l. potest prohibere, ne heres, rogatus restituere hereditatem, retineat quartam ex Senatusconsulto, de eo dicitur l. si ut allegat, infra. Illud constat quartam iure naturae debitam a testatore prohiberi non posse, l. quoniam, & l. scimus, §. de inoff. Et merito. Haec enim diuersae res sunt: nam l. Falcidia iure civili debetur quarta, quae filiis & similibus personis debetur, etiam natura debetur,

l. ult. de bon. damnatorum. Ciuilia iura ciuilibus mutari possunt, naturalia non possunt, *§. pen. de iur. nat. gent. & ciuil.* sed adderit conditio, vt ita testator possit vtiliter Falcidiam deductionē prohibere, si non ignarus quantitaris patrimonii sui, id faciat. Quæritur, 2 quomodo ¶ id constabit? Respond. Hoc ipso præsumitur testator non ignorasse modum patrimonii sui, quod contra non probatur, neque hic petenda probatio *l. quisquis, supr. de rescind. vendit.* Ex quo loco dubia & infirma probatio est: sed ratio in promptu est: nam cum testator vetuerit Falcidiam detrahi, intelligebatur Falcidiæ locum esse, alioqui frustra vetuisset. Non potuit autem intelligere, se supra dodrantem patrimonii legasse, contra *l. Falcid. nisi prius sciuerit & quantum legaret, & quantum in patrimonio haberet.* Si auctoritas quæritur, hæc sententia euidenter probatur *Nonell. 1. §. hoc vobis. vers. hac autem.* vnde hoc fragmentum sumtum est. Nam Iustinianus illic eum testatorem, qui Falcidiæ deductionem non prohibet, distinguit ab eo, qui nominatim prohibet, & distinguit ab eo, qui prior videtur ignorasse quantitatem patrimonii sui. Ex quo colligitur, posteriorem a Iustiniano in eo numero haberi, quasi qui quantitatem patrimonii sui non ignoraret, eo-que non ignoraret, se supra dodrantem patrimonii 3 suilegare. Sed quomodo ¶ contra probabitur, testatorem ignorasse modum patrimonii sui? Id ita fiet, si testator quasdam res pro suis habeat, quæ deinde sunt euictæ. Hic euictus declarat illum plus putasse esse patrimonii quam vere esset.

Deinde ait: Si ex pluribus legatis, heres quædam solida præstiterit, eum nec de reliquis falcidiam detrahere posse, quasi vnum præstando heres agnouerit voluntatem defuncti, non in eo tantum, sed in cereris omnibus legatis. Itaque corrigitur hac parte ius vetus, *l. quod bonis, §. non idcirco, l. si ex pluribus, D. eod. l. in imponenda, in fin. supr. h.* Et diligenter notandum est ius hic singulare esse, quod non est producendum ad consequentias, *l. quod vero, D. de legib.* Ius hoc constitutum est in legatis, quæ variant, & in portione legitima, quæ ex leg. Falcid. potest detrahi. Proinde in hac solum causa hoc ius obseruabitur. Ceterum generaliter ita definiemus. Quoties plures sunt res indebitæ, si quis vnā ex his soluat, non ideo sibi in ceteris nocet, *l. ult. supr. ne ux. pro mar. l. 1. 2. supr. de fideicom.*

Ait in extremo versu: si quis inuentarium non fecerit, aut non fecerit ad eum modum, qui hic præscribitur, heredem primum Falcidiæ non vtrum, quod & ante constitutum erat *in leg. ultim. §. si autem, supr. de iur. deliber.* Hoc amplius etiam solida legata præstaturum ultra facultates patrimonii, in quo ius singulare & nouum constituitur. Nam ita ius fuit, & est in reliquis causis omnibus: Legata supra facultates patrimonii, a nullo præstari, *leg. prima, §. denique, ad Trebellian. l. si vniuers. supr. de leg. successor, infr. h.* quod ius sumtum est ex *l. duodecim tabularum*, quia *l. de facultate legandi* cautum est, ita vt vnusquisque legare possit vt velit, dummodo leget & teneatur de re sua, *l. testant. supra, de testamentis, l. verb. leg. de verb. sign.*

Vnde intelligimus, inuentario ab herede confecto in hac specie superiore, omnia iura & locos corrigi. Neque hoc iniquum est: Constituitur enim coercendi heredis causa, qui non videri potest inuentarii confectiōem omisisse, nisi fraudandorum lega-

tiorum aut fideicommissorum causa, quo facilius possit res hereditarias interuerrere.

Hic ¶ quæsitum est, an, quod de quarta, quæ ex legatis 4 detrahitur per legem Falcidiam hic constitutum est, transferri debeat ad quartam, quæ deducitur ex Senatusconsulto Trebellian. Id est, an si heres institutus rogatus sit hereditatem restituere alii, & is inuentarium non faciat, aut non eo modo faciat, vt hic perscriptum est, an solidum fideicommissum restituere debeat, nec possit quartam ex Senatusconsulto retinere? Dixeris idem hic statuendum esse, quod quarta, quæ ex Senatusconsulto detrahitur, Falcidia est, aut certe ad exemplum Falcidiæ introducta. *Instir. de fideicom.* Deinde quia in vtraque quarta non deducenda eadem ratio est, quod scilicet heres inuentarium non facit. In quibus autem causis eadem est ratio, idem ius statuendum est, *l. aliud, ad l. Aquil.* Sed verius est, quod de Falcidia in singulis legatis hic constituitur, ad quartam Trebellian. transferri non debere, quia etsi in utraque quarta, & in facto heredis, par ratio esse videtur, tamen quod hic de quarta legatorum constituitur, aperte ius singulare est, constitutum contra rationem iuris communis. Ius singulare non est producendum ad consequentias, *l. quod vero, l. ius sing. de legibus.* Adde quod pœna est, quæ hic constituitur aduersus heredem, in interpretatione autem legum pœnæ molliendæ sunt potius, quam exactæ perandæ, *l. pen. de pœn.*

Ait in vers. pen. nullum esse inuentarium, nisi confectum sit, aut præsentibus legatariis, aut in locum absentium adhibitis tribus testibus idoneis. Eleganter hic quæritur. Quid ¶ si inuentarium quibuscumque legatariis præsentibus confectum sit, quibusdam absentibus, & nullis testibus in eorum locum adhibitis, an etiam quod ad præsentibus legatarios attinet, inuentarium nullum erit, & an iis etiam solida legata præstanda sunt? Et hac constitutione efficitur, solida præstanda esse absentibus, secundum verba constitutionis, nisi totum inuentarium nullum est: nam verba de toto inuentario scripta sunt, non de parte inuentarii. Sed humanior est sententia Bartoli, in persona præsentium legatorum consistere inuentarium, ita vt iis solida legata præstari non debeant, sed solum absentibus, in quorum persona inuentarium non consistit. Ille pro hac sententia recte vtitur probatione horum locorum, *l. de vnoquoque, in fin. de re iudic. & l. Fulcianus, §. sed is qui, vers. quid si aduersus, D. quibus ex causis in possess. eatur.* Sed iis etiam locis deficientibus, tamen ratio iuris suadet, eam sententiam recipiendam esse. Nam quotiescunque lex ob certam causam lata est, cessante causa, cessat & lex, *l. quod de, D. de pact.* Coercendi autem heredis in hac constitutione causa est, quia legatarios non adhibuit, aut eorum loco testes idoneos. Proinde si adhibuit & quatenus adhibuit, legi locus non est.

Ad Authen. Similiter, ex Nonell. 119.

cap. 11.

Similiter Falcidia cessat in his, quæ ad pias causas relicta sunt.

S Y M M A R I A.

1 An quod in legato ad pias causas supra dodrantem est heres de suo præstare debeat, an vero de bonis detrachere possit?

A It, quod ad pias causas relictum est, solidum dari, nec minui. Falcid. Quæritur, ¶ id quod supra do-

pra dodrantem est, utrum heres de suo praestabit, an vero onerabit legatarios, id est, an de bonis detrahi debet. Idem querere oportet in omnibus iis rebus legatis, in quibus supra diximus cessare Falcidiam. Et generaliter definiendum est: Quaecunque testamento relicta solida praestantur nec minuuntur l. Falcid. ea heres aëris alieni loco ante omnia deducere potest, ut sic non cogatur ea de suo praestare heres, sed totum patrimonium minuatur: proinde etiam dodrantem, qui legatariis praestari debet, & quartam, quam heres ex reliquis legatis retinere dicitur ex leg. Falcidia. Id primum declaratur exemplo libertatum, quæ testamento relictae sunt. Hæ non minuuntur l. Falcid. l. si uniuerse, supra, de leg. l. Pa. nian. §. quarto, de inoffic. testamenti. Et ob hanc causam ante omnia earum aestimatio deducitur, §. ultim. Instituit. eodem. Præterea, si de aliquibus seruis supplicium sumtum est, si aliqui sint a prætore manumissi, quia in solidum eorum pretia de hereditate subducuntur: ideo etiam placet hæc pretia aëris alieni loco deduci, leg. aëris, D. eodem. Proinde non tantum de legato ad pias causas relicto idem dicemus, sed etiam de iis, quæ in legitimam naturæ iure debitam legata sunt. Item de rebus legatis, quæ vetitæ sunt alienari, & generaliter de iis omnibus, quas solidas praestandas esse diximus, ad leg. in testamento, supr.

Ad L. 8. Irritum.

Imper. Alexander A. Aurelio.

Irritum quidem propterea testamentum fratris tui esse non potest, quod ex causa fideicommissi obligatus fuit, ut, si sine liberis prior decederet, paternam tibi hereditatem redderet. Sed licet te heredem scripserit: in imponenda tamen legatorum ratione, quibus te oneratum esse suggeris, fideicommissum debitum aëris alieni loco deduci oportet: in superque in residuo legis Falcidia beneficium vindicabis. PP. Idus Septemb. Maximo II. & Paterno Cons. 234.

S V M M A R I A.

- 1 Testamentum eius, qui fratri fideicommissum debet, an iure valeat.
- 2 Legata ex proposito testamento, an solida praestanda sint, non deducto fideicommissio: aut si id detrahi possit, utrum debeat in quartam compensari. §. num. 3.
- 4 Ex dicto fideicommissio, quantum fratri debeatur.

PATER duobus filiis, quos habebat, heredibus institutis, primo & Aurelio, a primo petiit, ut, si sine liberis decederet, portionem suam hereditatis fratri Aurelio restitueret. Is primus, sine liberis decedens fratrem Aurelium sibi heredem instituit, & cum ei integrum fideicommissum hereditatis praestare deberet, multis legatis eum oneravit. Eo mortuo Aurelius fratris hereditatem adiit, legatarii ab eo legata petunt, & petunt sine deductione fideicommissi, quod Aurelio debebatur a fratre defuncto. Aurelius indignatus, se oneratum esse legatis ab eo, a quo integrum fideicommissum accipere debebat, primum negat legata deberi hac ratione, quia testamentum fratris sui irritum, seu nullius momenti sit. Hoc si verum est, recte colligitur, ex eo legata non deberi. Nam ex eo testamento quod iure non valet, quocunque tandem modo fiat, ut non valeat, nihil

deberi potest, leg. 3. supr. de testam. §. ult. quibus mod. test. infirm.

At quomodo dicitur hoc testamentum irritum esse? Et potuit pro hac sententia hæc ratio afferri, quæ ratio fecit dubitationi causam: Quia constat ex l. duodecim tabularum, neminem posse testari, nisi de suis bonis, l. testandi, supr. de testam. In proposito autem dicitur primus testatus de portione hereditatis paternæ restituenda. Hæc non fuit primi, sed Aurelii, cui restitui debuit. Proinde hæc testamento non valet. Proinde etiam ius totum non valet.

Hic primo respondetur, non ideo irritum fratris primi testamentum esse, quia is fideicommissum Aurelio debuerit. Non obstat, quod testator non possit testari de bonis alienis. Nam hic subtili iure portio hereditatis, de qua restituenda rogatus est, eius fuit, alioqui eam restituere non potuisset. Deinde etsi ea portio non fuit defuncti, attamen quarta eius portionis fuit defuncti: nam hanc ex Senatusconsulto deducere potuit. Postremo ut heres liber & sui iuris testamentum facere possit, non exigitur, ut aliquid in bonis habeat, sed hoc solum, an habere possit: nam quamvis duplo plus debeat quam habeat, tamen eo mortuo hereditas eius subesse intelligitur, de qua heredem instituere potuit & voluit. Nam heredis verbum etiam damnosam hereditatem continet, & ut alibi scribitur in eandem sententiam, hereditas etiam sine villo corpore iuris intellectum hunc habet, id est, iure subesse intelligitur, l. hereditatis appellatio, de ver. sig. l. hereditas, de hered. pet. Proinde recte responsum est, testamentum quod proponitur non ideo esse irritum, quia testator fideicommissum debuerat.

Restat ergo, ut legata praestentur ab Aurelio. Sed legatarii petunt, ut hæc praestentur non deducto fideicommissio, quod Aurelio debebatur, & vtuntur hac ratione: Fideicommissum tuum non est, quoniam non est tibi restitutum, non potest etiam tuum fieri restitutione, quoniam tu fideicommissario successisti, ipse tibi fideicommissum restituere non potest, sed confusione obligatio fideicommissi sublata est, l. debitori, supr. de pact. Respondent Imp. Sic Aurelium legata praestare debere, ut in patrimonio aestimando, ante omnia deducere possit fideicommissum sibi debitum. Nec obstat, quod fideicommissum eius non est, nec eius fieri potest restitutione, quoniam fideicommissum deducet, non ut suum, sed ut sibi debitum loco aëris alieni, quod per l. Falcid. conceditur quotiescunque l. Falcid. ratio ponitur, id est, cum queritur, an legata dodrantem patrimonii excedant, & id patrimonium quantum sit. Si igitur fideicommissum deduci potest, saltem hoc postulant legatarii, ut de reliquo patrimonio Aurelius quartam non detrahat, sed fideicommissum, quod deduxit, compenset in quartam. Respondent Imperatores, id repugnare l. Falcidia, secundum quam in patrimonio aestimando antea deducitur aësalienum. In eo autem quod reliquum est ita ratio subducitur, ut eius reliqui quarta apud heredem manere debeat, dodrans praestari legatariis. Proinde idem & in proposito fiet, §. ult. Instit. eod.

Sed queritur quantum in fideicommissio debeatur Aurelio, ut ipse id detrahare possit aëris alieni loco? Respond. Ius certum est, tantum ei deberi dodrantem eius portionis, quam frater rogatus est ei restituere, Quarta ipso iure ei non debetur, sed minuitur per leg. Falcid. ac proinde Senatusconsultum

quod ad exemplum leg. Falcid. introductū est, *leg. in quantitate, §. ultim. D. eodem.* Ex his apparet, Aurelium in hac deductione simul habiturū & fideicommissum quod ei relictum est, & præterea reliqui patrimonii quartam, neque fideicommiss. in quartam Falcidiam imputari. Quod tamen sic accipiendum est, nisi frater idemque fideicommissarius debitor iussisset, ut frater Aurelius fideicommissum cum quarta compensaret, quo casu ab initio æstimabitur patrimonium deducto fideicommissio, & totius patrimonii quartam retinebit Aurelius. Hanc quartam compensabit Aurelius cum summa fideicommissi, si quid in fideicommissio amplius est, id de reliquo dodrante detrahet. Hæc sententia Papin. est in *l. quod bonis, §. quod fideicom. D. eod.* Eodem pertinet *l. si debitor, D. eod.*

Ad L. 9. Error.

Imper. Gordianus A. Mestriano.

Error facti quarta ex causa fideicommissi non retinetur repetitionem non impedit. Is autem, qui sciens se posse retinere, uniuersum restituit, conditionem non habet: quin etiam si ius ignorauerit, cessat repetitio. PP. 15. Cal. Nouemb. Pio & Pontiano. Coss. 239.

S V M M A R I A.

- 1 Si heres, quod ultra dodrantem legatum est, soluerit ut debitum, an id repetere possit. Distinguendo respondetur, & nu. 4.
- 2 Per errorem facti soluere quis dicatur.
- 3 Heres quibus ex causis ignoret, supra dodrantem esse legatum.
- 5 Heres sciens legata dodrantem patrimonii excedere, si in iure errat, & legata solida præstet, an per errorem solum repetere possit.

QUOD supra dodrantem legatum, id ex l. Falcidia indebitum est, & citra controuersiam retineri ab herede potest, & si id non habet, potest ab eo vindicari. Quod si heres id soluerit tamquam debitum, quaesitum est, an possit repetere. Hic utilis distinctio traditur, non ad hanc speciem tantum pertiniens, sed omnem indebiti soluti repetitionem. Est autem hæc: Si heres per errorem facti soluit, semper repetit, idem in *l. fideic. l. si per ignor. supr. de condict. indeb.* Sin aliter soluit, nunquam repetet, quamuis soluerit indebitum. Per errorem facti soluere intelligitur, qui putat supra dodrantem non legatum esse, id est, qui putat non esse factum id, propter quod legatum erat indebitum. Nam cum supra dodrantem legatum esse eo sit, ut quod supra dodrantem legatum est, sit indebitum. Id autem ignorat heres factum esse, duabus de causis, vel quod legata tantum apparent testamento relicto, quæ vere dodrantem non excedebant: erant autem alia multa relicta codicillis, codicilli autem latebant, qui postea emerferant. Idem etiam contingit hoc modo, si heres nouerit quantum legatum sit, sed multo amplius patrimonium esse putet, atque est, id est, quia ignorat æs alienum, quod postea multo plus emerfit. Si in hac ignoratio- ne vel legatorum vel patrimonii heres legata soluit, quod patrimonii dodrans, ad ea soluenda satis esse putaretur, errore facti soluit, ideo repetet, quoniam cum tanquam debitum soluerit, sub contraria conditione non soluisse intelligitur, arg. *l. quibus diebus, §. 2. de condict. & demor. ff.* Vnde condictio, actio in personam, §. 1. *Instit. quib. modis. re cont.*

Quod si heres sciuit supra dodrantem patrimonii vere legatum esse, & sciuit l. Falcidia uti posse, ac nihilominus solida legata soluit, non repetet, quia qui sciens se non debere, soluit, donat, *l. cuius per errorem, de regul. iuris.* Donati nulla repetitio est, *l. si repetendi, supr. de condict. ob causam, leg. 2. & tot. tit. de renoc. donat. infr.* Quod si idem heres sciuit legata dodrantem patrimonii excedere, sed in iure errauit, id est, homo imperitus iuris, & nesciens, an vlla sit lex Falcidia, aut quid contineat, putauerit se secundum voluntatem defuncti solida legata præstare debere, quaeritur qui in hoc errore soluerit, an possit repetere? Mouet quod non magis hic eo animo est, ut soluat, quam is qui in facto errat, ut si erranti in facto conditio competat ex tacita conuentione. Consequens esse videatur, etiam in iure erranti dandam esse. Sed placuit erranti in iure repetitionem non dari, ut hic & *l. cum qui, supr. de iur. & fac. ignor.* Ratio hæc est, quia absurdum putauerunt iuris auctores, meliori conditione esse stultos, quam peritos, & stultos vocant eos, non qui ius ignorant, sed cum ignorent, peritos non consulunt, *l. 4. l. regula, cir. fin. de iur. & fact. ignor.*

Ad L. 10. Quaquam.

Imper. Gordianus A. Diogenio.

Quaquam pater tuus fratrem tuum rogauerit, ut si sine liberis diem suum fingeretur, portionem hereditatis tibi restitueret: tamen intestato eo diem suum functo, id quod beneficio legis Falcidia habere potuit, ad iuccefforem intestati pertinere: ideoque non immerito sororem tuam, qua simul tecum ab intestato ei successit, emolumentum, quod retinere potuit, portionem sibi vindicare, manifestum est PP. 5. Idus Nouemb. Gordiano A. 11. & Pompeiano Coss. 242.

S V M M A R I A.

- 1 Species huius legis.
- 2 Soror an totam portionem paternam restituere fratri debeat, an non possit eius portionis, qua ad eam peruenit, quartam retinere.
- 3 Frater defuncti quantum de portione hereditatis paternæ, quam restituere rogatus est, suo iure detrachere possit, & nu. 4.

EX duobus filiis a patre heredibus institutis, vnus rogatus est, ut si sine liberis decederet, portionem hereditatis paternæ fratri suo coheredi restitueret. Is qui rogatus erat decessit sine liberis, & ita factus est locus fideicommissi. Sed decessit intestatus: intestato duo heredes exstiterunt, frater alter, quem coheredem esse dixi & soror demortui, quam & ipse habebat. Certe iuris est, in successione ab intestato hereditatem intestati diuidi ex æquo inter duos istos heredes legitimos, & in ea hereditate etiam continetur portio hereditatis paternæ, quam alteri fratri restituere debebat. Nam priusquam restituta sit, manet in bonis eius, qui restituere debuit, & quia manet, consequens est, ad heredes eius pertinere. Huius igitur portionis pars ad sororem iure pertinet. Sed quoniam heredes in æs alienum defuncti succedunt pro portionibus hereditatis, *leg. 2. l. ut debitum. supra. de hereditariis actionibus.* eo sit, ut soror in proposito portionem eius portionis hereditatis paternæ, quæ ad eam peruenit, restituere debeat fratri suo, tanquam debitum a defuncto.

In hac

In hac restitutione queritur an soror totam eam portionem paternam restituere fratri debeat, an non possit eius portionis, quæ ad eam peruenit quartam retinere? Frater petebat totam eam hereditatis paternam partem, & negabat sororem posse inde quartam deducere. Et videtur ei ratio non deesse, quia quarta ex Senatusconsulto tribuitur heredi instituto, qui restituere rogatus est, §. *sed quia, Institut. de fideicommissis*. Hæc autem soror nec est ea, quæ rogata est, sed frater eius defunctus. Porro is dum vixit quartam non retinuit, proinde non soror retinere debet. In hac questione hic respondetur, quemadmodum frater defunctus quartam retinere poterat, sic & eius heredes legitimos de fideicommissis eo similiter quartam retinere posse. Proinde & hanc sororem pro sua portione posse quartam retinere. Hoc respondetur ex conditione & iure hereditatis. Nam heres eiusdem iuris est, cuius & defunctus: heres in omne ius defuncti succedit, *leg. hereditatem, de regul. iuris. l. heres in omne, de acquirend. heredit.* Hinc introducitur hoc loco questio, quantum frater defuncti de portione hereditatis paternæ, quam restituere rogatus est, possit suo iure detrahere? Et hic Accursius scripsit: Quoties filius heres a patre institutus, rogatus est portionem hereditatis alii restituere, posse filium, itemque heredes eius deducere duas portiones. I. Portionem legitimam, quæ filio in bonis paternis debetur, quæ olim erat quarta, nunc ex constitutione Nouell. triens aut semis pro numero liberorum, §. *primo, Authent. de triente & semisse*. Deinde hac portione detracta, quæ ab initio detracta intelligitur, dum filius adhuc viveret, in reliquo patrimonio ita fideicommissa aut legata inde præstare, vt eius reliqui quartam habere debeat filius aut heres eius. Quod reliquum est dodrantis restitui debeat, vel legatariis vel fideicommissariis, de qua sententia paucis nobis cognoscendum est.

Si de iure civili queritur, dubitari non debet, si filius rogatus restituere hereditatis paternæ portionem, debeat esse contentus portione legitima, quæ debetur filiis, quæ olim fuit quarta, *leg. Papinian. §. quarta, Dig. de inoffic. nunc triens, ex Nouell. Institut. de triente & semisse, §. primo*. & hac deducta, quin non possit amplius habere ex Senatusconsulto quartam Trebellian. Hæc sententia multis argumentis confirmari solet, sed magna ex parte infirmis. Hæc quæ sub iocis certa sunt, & esse debent ex omnibus. Primum, expressum est in *leg. iubemus, supra, ad Trebellian.* ubi filius rogatus est restituere portionem hereditatis paternæ fratribus suis, & nominatim constituitur, cum retenta quarta ex Senatusconsulti auctoritate, dodrantem illius portionis paternæ restituere cogendum. Non restitueret dodrantem, si amplius aliam quartam retineret. Sed certius est expressa eadem sententia in *Nouell. 39. de restitut. & ea quæ parit in 11. mens. §. quam ob rem*. Vbi cauetur diserte, si pater velit a filio hereditatem suam restitui, filium imprimis habere debere trientem hereditatis paternæ, ex qua filius est institutus, reliquum totum restituere debere, nec posse quicquam filium ex eo retinere, si triens quem habet sufficiat ad dotem aut donationem propter nuptias, de eo quod restat detrahi posse. Ex quo perspicuum est, si filius, aut nullam dotem aut donationem propter nuptias habeat, aut debeat quidem, sed

portio legitima ad eas res præstandas sufficiat, nihil filium præter trientem retinere posse. Et in summa, si quid filius præter trientem retinere potest, id non est quarta ex Senatusconsulto, sed dos diti, aut donatio propter nuptias, ad quas præstandas triens non sufficiat.

Sed vt hæ auctoritates certorum locorum nos deficient, hæc sententia diserte probatur, ratione sumpta ex leg. Falcid. & Senatusconsulto Trebellian. Certum est, heredem, qui quartam hereditatis habet, vel iure hereditario vel iudicio testatoris, quartam ex Senatusconsulto retinere non posse, quia habet *l. i. vers. secundo cap. leg. qua causa, ad legem Falcidiam*. At filius a patre heres institutus, qui trientem iure naturæ debitum retinet, is non solum quartam habet, sed amplius etiam vnam vnciam, proinde quartam ex Senatusconsulto amplius retinere non potest: Filium autem heredem institutum certum est eum trientem, quem retinet, habere, & iudicio defuncti, & iure hereditario. Nam non solum illi hereditas iudicio defuncti delata est, sed etiam ita delata est, vt esset heres, & cum trientem retinet, non retinet nisi iure hereditatis, quia Senatusconsultum facit, vt non videatur filius de eo triente restituendo rogatus esse, aut saltim de quarta restituenda, quoniam legatum & fideicommissum per legem Falcidiam ipso iure minuitur, vsque ad quadrantem hereditatis, *l. in quantitate patrimonii, §. vltim, D. ad legem Falcidiam*. Veruntamen contraria sententia suos defensores & assertores habet. Non dubium est, quin confirmata sit iure Pontificio, quæ sententia exstat Innocentii in *cap. Raynuitius, c. 11. de testamentis*. Non desunt tamen, qui eam sententiam iure civili probari putent, in quibus est Accursius *ad legem hanc*. Qui duobus vtitur argumentis, sed friuolis.

Accursius sic argumentatur. Triens natura debitus filio, non potest fideicommissis onerari, quia de legitima omne ius & grauamen subducitur, *l. quoniam in prioribus, leg. scimus, de inoffic. testam.* Cum ergo filius heres institutus, rogatus est hereditatem paternam restituere, perinde est, quasi de triente natura debito restituendo rogatus non esset. Ex quo colligit de reliquo patrimonio restituendo filium rogatum videri, proinde & eius patrimonii reliqui quartam retinere non posse.

Respondeo, Viuissimum colligit: Nam & cum heres extraneus oneratus est legatis supra dodrantem. Item, cum rogatus est hereditatem restituere, videtur de quarta parte hereditatis, nihil a testatore constitutum: nam hæc quarta retinetur ipso iure, quasi nec legata aut fideicommissa esset, *dist. leg. in quantitate, §. vltim, D. eodem*. Et tamen cum heres hæc quartam habet, de reliquo dodrante deduci nihil potest. Præterea hoc argumentum aduersus auctores facit, sic enim colligi debet: Cui filius rogatus est portionem hereditatis restituere, non videtur rogatus de triente restituendo. Ergo eum trientem filius solum habet: si habet, consequens est eum amplius quartam hereditatis consequi non posse, qui quartam habet & amplius. Deinde Accursius argumentum ducit ex *l. quoties, D. eod.* Vbi si quid legatum sit ei, qui capere non poterat, & contributis omnibus legatis reperitur supra dodrantem legatum esse, placet in hoc legato, quod non capienti relinquitur sic poni rationem l. Falcid. vt primo

heres portionem Falcidia ex hoc legato detrahat, deinde ex reliquo dodrante eius legati detrahat eam portionem, quam legatarius capere non potest. Respondeo: Exemplum ad rem plane nihil pertinet. Nam hoc exemplo heres non retinet, nisi vnā quartam, quæ ex leg. Falcidia ei debetur. Quod amplius retinet ex dodrante, non sibi sed fisco retinet. Deinde non retinet, tanquam sibi debitum, sed tanquam eilegatum.

Multæ præterea rationes ab aliis in hanc sententiam colliguntur. Sed omnes eiusmodi, quæ nullo negotio refelli possunt. Vna est tamen ratio pro ea sententia, quæ magnam speciem veri, & æquitatis habet. Eanobis erit vna pro omnibus. Est autem hæc: cum heres rogatus est restituere hereditatem, sic ratio l. Falcidia ponitur certo & explorato iure, vt heres rogatus ante deducat, quod sibi a defuncto debebatur, quod reliquum est patrimonii, id solum patrimonium defuncti esse existimatur. In eoque id observatur, vt heres eius reliquam partem habere debeat, reliquum dodrantis præstare legatariis aut fideicommissariis, *leg. irritum, supr. h. §. ultim. post. ad leg. Falcid.* At triens & tota ea portio legitima, quam filius, vt filius habere debet, est debitum filii, quod a patre filio debetur, & quidem iure naturali, vt probatur in *leg. ultim. de bon. damnat. in Nouell. 1. de hered. & Falcid. §. patrimonium itaque.*

Proinde, cum filius institutus rogatus erit restituere paternam hereditatem, secundum regulam supra scriptam, ante omnia deducere debet trientem sibi natura debitum, deinde in reliquo ita ponitur l. Falcidia, vt ex eo reliquo quartam retineat, & quod reliquum est dodrantis, fideicommissario restituat. Hæc ratio infirmari non potest, si statuiamus trientem legitimum, qui filio debetur, esse ex numero reliquorum debitorum hereditariorum. Sed hic respondebitur recte ex iure ciuili, quod dicitur in ratione leg. Falcidia ineunda ante deduci res alienum, quod heredi debetur, id intelligendum est, si quod sit debitum, vt a defuncto aut herede debeat. At si est aliquid quod tribuatur iure heredi, non a persona defuncti aut hereditatis, id ante omnia non deducitur, aut si deducitur, ex reliquo patrimonio nihil deducitur amplius. Argumento est certissimo quarta, quæ ex l. Falcidia debetur: item quæ ex Senatusconsulto debetur. Nam hæc. quoque & Senatusconsulto debetur, iudem vt portio legitima debetur lege naturæ liberis & tamen cum heres hanc quartam semel deducit, quæ ex legibus & Senatusconsultis debetur, in reliquo dodrante nihil amplius deducere potest.

Veruntamen ad hanc responsionem hoc referri potest, diuersam esse causam quartæ, quæ ex l. Falcidia retinetur, & portionis legitimæ, quæ filio debetur. Nam quarta Falcidiæ tantum iure ciuili debetur: portio debita liberis naturali ratione debetur, & legibus naturæ, vt consequens sit, plus in ea debitum esse, quam ceteris, *dist. leg. ult. de bon. damnat.* Et verisimile est hac ratione motum Innoc. superioris sententiam comprobasse in *d. c. Raynuitius*. Et certe si hoc conceditur, portionem legitimam, quæ debetur liberis vere debitum esse patrimonium, nihil causæ dici potest, quin prius huc trientem filius retineat, tanquam res alienum. In reliquo autem patrimonio recte retineat ex *d. l. irritum, supr.*

Sed & eadem principio posito argumenta, quæ in priorem sententiam afferebantur, facile diluuntur. Non obstat, quod dicitur, filium rogatum restituere portionem hereditatis paternæ, restituere debere dodrantem eius hereditatis, deducta solum quarta, *l. iubemus, supr. ad Trebell. & similibus locis.* Fatebimur enim hoc ita esse, sed respondemus, portionem hereditatis paternæ æstimandam esse deducto prius ære alieno, quod filio debetur. In eo autem esse trientem filio natura debitum in successione patris. Hoc triente deducto æris alieni loco, quod supererit, erit hereditas paterna, cuius detracta quarta dodrantem restituere cogetur.

Non obstat etiam, quod dicitur, heredem, qui quartam hereditatis habet, non posse quartam ex Senatusconsulto, aut l. Falc. retinere, quia habet quod petit. Hoc enim ita est, si heres quartam habeat iure hereditario, aut iudicio defuncti, *dist. l. in quartam, D. eodem.* At portio hereditatis debita, id est, triens ille, de quo loquimur, non accipitur a filio iure hereditario aut iudicio defuncti, sed tanquam debitum. Idcirco in eadem causâ haberi debet cum reliquis, quæ filio debentur, vt scilicet in æstimando patrimonio defuncti patris hoc debitum ante omnia deducatur. Deinde quod superest existimetur esse hereditas patris. Non accipi autem hunc trientem iure fideicommissario aut iudicio defuncti, sed tanquam debitum, argumento est, quod filius idem etiam haberet ab intestato, & multo plus. Non obstat etiam, quod quidam obiciunt: Natura absurdum esse, vt duæ quartæ dicantur ex eadem hereditate detrahi posse, & nihilominus his detractis, dicatur dodrans restitui.

Facilis enim hic responsio est, admissa ea ratione, quam supra posuimus. Nam triens natura filio debitus, non vt quarta hereditatis deducitur, sed vt res alienum, ita vt filius deducendo trientem æris alieni loco, & ex reliqua substantia detrahendo quartam, intelligatur vnâ tantum quartam habere hereditatis paternæ, sed quæ æstimata sit prius deducto ære alieno.

Quid igitur in hac varietate iuris nobis sequendum est? Respondeo, Melius est, eam sententiam sequi, quæ confirmata est in *cap. Raynuitius, extra, de testamentis.* Idque his de causis. Primo, quia præterquam quod confirmata est, eius capit. auctoritate, etiam in vsu & foro ita obtinuit, vt fere vbique seruetur. Quæ ex re sit, vt sit multo tutius, non se vexare inanibus sumptibus aduersus eam sententiam. Deinde, quia etsi hæc sententia non esset ex iure ciuili, tamen non eo minus æqua & benigna est, & benignior quam prior. Nam ea demum sententia benignissima & æquissima putanda est, quæ naturæ rationem & legem sequitur, *leg. penult. Dig. de instit. & iur.*

At ratio naturalis tanquam naturæ lex tacita successione parentum liberis tanquam debitam tribuit, vt est in *l. ultim. de bon. damnat.* Proinde ea sententia æquissima iudicanda est, quæ parentum hereditatem quâ maxime & prolixissime liberis retinet, qualis est sententia superior de triente non debito prius deducendo, deinde de quarta reliquæ sententia detrahenda. Postremo etiam ex ratione ciuili ea sententia admittenda est. Etsi enim non est explorati iuris ciuilis ea sententia, sed multa contra ex iure ciuili dici possunt, Tamen superior ratio, quam

pro ea sententia adduximus, hoc saltem facit, ut res in dubitationem, & ambiguitatem reuocetur. In omnibus autem etiam iure civili placet benigniorem sententiam preferendam esse, *l. si fuerit legatum, in fin. de reb. dub. l. semper in dub. is. de reg. iur.* Ea autem sententia humanior & benignior est, quæ pro liberis facit.

Hac f. sententia admissa propter eam rationem, quæ supra adduximus, dicendum est, non tantum filium, qui rogatus est restituere portionem hereditatis paternæ, posse ita deducere trientem, ut supra dixi, deinde reliquæ substantiæ quartam, tunc cum rogatus est hereditatem restituere, sub conditione, si sine liberis decesserit, ut Accursius existimauit, hoc loco: sed etiam filio rogato idem tribuendum esse, etsi rogatus sit pare portionem hereditatis paternæ restituere, contra distinctionem Accursii hoc loco. Nam semper verum erit filium rogatum posse deducere trientem, ut sibi natura debitum, quo deducto consequens erit reliquum patrimonium ita posse restitui, ut inde filius possit deducere quartam ex Senatusconsulto. *l. irritum sup.*

Hæc sententia quæsitum est, quantum in duabus illis deductionibus, quas filio tribuimus, filius deducere debeat, & de triente conuenit inter omnes, tunc ex tota hereditate detrahi. de quarta quæ amplius ex SC. deduci debet, quæstio est; quidam putant præter quatuor vncias hereditatis, quas filius iam retinuit, habere eum debere eiusdem hereditatis vncias tres, ut sic totius hereditatis, ex qua institutus est habeat 7. vncias, quinque tantum restituat. Sed hæc sententia merito displicuit, quia triens, qui primus deducitur, non ut quarta deducitur, sed ut æ alienum & debitum filii, secundum quam sententiam huius deductionis ratio ita ineunda est, ex sententia *l. irritum sup.* Filius ante quatuor vncias hereditatis deducit: id quod reliquum est, diuidetur in duodecim vncias, ex quibus filius tres accipit, reliquum dodrantem restituit. Aut quod idem est, deductis quatuor vnciis, ex tota hereditate, relinquitur bes hereditatis, id est, 8. vnciæ, ex quibus filius quartam partem tantum habebit, id est duas, ut sic ex tota hereditate auferat 6. vncias tantum, non septem. Neque nos mouere debet ratio eorum, qui 7. vncias filio tribuunt. Dicunt enim, filio tribuendam esse quartam totius portionis paternæ. Portio autem quarta totius hereditatis paternæ, non sunt duæ vnciæ, sed triens. Respondemus enim verum esse, filio tribuendam esse quartam totius portionis paternæ. Sed iam diximus, hanc portionem paternæ, non æstimari computata adhuc triente, qui natura filio debetur, sed computari eo triente ante deducto, ut ære alieno, quod reliquum est, id totam portionem paternam æstimari debere.

Ad L. II. Si ut allegas.

Imp. Gordianus A. Maximæ.

Si (ut allegas) pater tuus eam portionem, ex qua testator heredes fratribus tuis restituere iussit, certis que speciebus pro Falcidia præcepit esse contentam: auxilium legis Falcidiæ, quod imploras, apud suum iudicem non prohiberis flagitare. PP. 7. Kalen. Nouemb. Arriano & Pappo cons. 244.

S V M M A R I V M.

1. Filia heres instituta & rogata restituere portionem paternam fratribus, quartam ita retinet, ut testator prohibere non possit, quo minus retineat.

2. An idem post contrariam Iustiniani constitutionem locum habeat.

Filia f. a patre instituta, & rogata restituere portionem paternam fratribus, quartam ita retinere potest, ut testator prohibere non possit, quo minus eam retineat, siue in totum prohibeat, siue pro ea quarta aliquid filiæ attribuerit, ut hic. Non quod non debeat in quartam imputari id, quod a defuncto tribuitur, *l. in quartam ff. cod.* sed quod si id ad quartam non sufficit, possit filia, quod amplius est ex Senatusconsulto deducere vel petere, quod Senatusconsultum hic appellatur Falcidia, quia Senatusconsulto permissum est, ut quarta ex fideicommissa hereditate ita deducatur, ut per l. Falcidiæ de legatis deducere concessum est, ut docuimus ad l. in heredes. sup. ad Trebell. Hæc sententia ex iure veteri certa est, quo iure testator contra l. Falcidiam non potuit cauere, ne quarta portio hereditatis apud heredem maneret, *l. quod bonis, §. 1. l. si debitor. D. cod.* Quid f. dicemus hodie, post constitutionem Iustiniani, qua cautum est, licere testatori prohibere, ne portio ex l. Falcidia deducatur. *Amb. sed c. testator. sup. cod.* Respondeo, si hanc quartam intelligimus eam portionem, quæ filiæ natura debetur ex successione patris, hanc testator prohibere non potest. *l. quoniam in prioribus l. Scimus. sup. de inoffi.* Nec constitutio noua Iustiniani ad eam portionem pertinet. Hæc enim portio, ut naturæ iure debita deducitur, non ex l. Falcidia. Deinde eadem Nouella, de hered. & Falcid. §. pen. declaratur, libertum non posse testamentum suo prohibere, quominus patronus quartam sibi debitam habeat. Plus autem iuris est filiis in ea portione, quæ illis in successione patris natura debetur. Quod si præter hanc portionem filia etiam deducere volet de reliquo patrimonio quartam, ex Senatusconsulto, ut facere posse eam diximus, ex c. Raynautius. ext. de test. puto patri licere ex Nouel. constitutione hanc quoque quartam partem prohibere.

Non obstat, quod Nouella constitutio scripta est de Falcidia prohibenda, hic autem agitur de quarta Trebellianæ, nempe quæ ex fideicommissa hereditate deducitur. Etsi enim verum est, quod in prioribus legibus nominatim correctum non est, id posteriorum legum regalis permittendum esse. *l. præcipimus, in fin. inf. de appellationibus.* tamen verbo Falcidiæ, quo Nouella utitur satis continetur quinta, quæ retinetur ex Senatusconsulto. Nā & hæc Falcidia appellatur nominatim in hac l. item in *l. in heredes. sup. ad Trebellian. de* quo illic plura. Deinde ratio Iustiniani in Nouel. constitutio cur velit, posse prohiberi deductionem Falcidiæ, est hæc, ut voluntas defuncti conseruetur, *d. Nouel. §. hinc nobis.* Hæc ratio pariter in quarta Trebellianæ locum habet. Postremo maior causa est, cur testator possit deducere quartam Trebellianæ, quam quartam Falcidiæ, quæ deducitur ex singulis legatis. Nam Falcidiæ quarta prohibita, licet heredi hereditatem non adire, Trebellianæ etiam prohibita, non licet heredi hereditatem non adire. Quisquis enim heres rogatur restituere hereditatem, is etiam adire cogitur & restituere, ut supra. ita dixi. Multo igitur facilius, & huius deductio prohiberi potest a testatore.

Ad L. 12.

Imp. Diocletianus & Maximianus •

AA. Iustino.

In donationibus inter virum & uxorem factis legem Falcidiam habere locum, quando fideicommissi partibus

funguntur nonnullis; iuris placitis comprehensum est.
PP. 16. Kal. Jul. ip[s]is AA. IIII. & III. Co[s]s. 190.

S V M M A R I V M.

1. *Donationes quae inter praesentes factae morte solum testatoris confirmantur, vicem legatorum obtinent, & in iis Falcidia locum habet.*

Quaeunque ¶ donationes inter praesentes factae, morte solum donatoris confirmantur, hae vicem legatorum obtinent; quae & ipsa solum morte confirmantur. Eadem ratione fit, ut in iis donationibus itidem ut in legatis, Falcidia locum habeat, id est, haec donationes in numero legatorum computentur, cum quaeritur quantum legatum sit, & an legatum sit supra dodrantem. Itē ut ex iis, tanquam ex legatis deduci possit, quod dodrantem patrimonii excedit, ex l. Falcid. Exemplo est donatio causa mortis, de qua in l. si mortis. infr. item donatio inter virum & uxorem de qua h. Huiusmodi donationes ipso iure non valent: l. 1. 2. 3. de donat. inter vir. & ux. Sed tamen nisi a donatore relictae sint, morte eius confirmantur, l. cum hic status. §. 1. de donat. inter vir. & ux. Vnde & l. Falcid. locus, ut ibidem scriptum est.

Ad L. 13. Si ea.

Iidem AA. & CC. Zetho.

Si ea, cuius filium tuum servum significas, ex indicio defuncti, quem dicitis fideicommissariam libertatem ei reliquisse, aliquid consecuta est: ad restituendam fideicommissariam libertatem non immerito obnoxia constituta debet v[er]geri. Nam fideicommissum ei relictum, usque ad eum modum potest petere, quem deducto pretio servorum, quos fuerat rogata manumittere, relictorum substantia patitur. S. J. Kalen. Maii, Heraclia, AA. Co[s]s.

S V M M A R I V M.

1. *Titia rogata, ut servos per fideicommissum sibi relictos, & amplius servum quendam proprium manumittat, an fideicommissio agnito cogenda sit manumittere.*

2. *Quatenus servos sibi legatos petere possit.*

3. *Error interpretum huius loci notatur.*

Testator servos quosdam suos per fideicommissum legavit Titiae & rogavit eam, ut servos manumitteret, hoc amplius, ut manumitteret servum quendam suum proprium, qui erat filius naturalis Seii, cuius ad consultationem hoc rescriptum relatum. Titia fideicommissum servorum agnovit, neque postea servum suum proprium manumittit, uti rogata erat manumittere: vrgit pater naturalis Seius, ut manumittat. **Q**uæritur ¶ est an debeat manumittere? Nam videbatur cogenda esse manumittere. Non qui ex testamento defuncti nihil accipit, ab eo nihil relinqui potest, §. 1. de sing. reb. per fideicommiss. rel. l. ab eo. sup. de fideicom. Haec autem mulier ex testamento capere nihil videtur. Proinde rogari non potest, ut quicquam praestet. Non videri autem eam quicquam capere, probatur ex definitione capiendi. Nam capere non est manu capere tantum, sed cum effectu, id est, capere, ut maneat. Capere enim, quod restituere opus habet, non est capere, l. aliud est capere, de verb. sig. In proposito autem mulier servos per fideicommissum relictos ita capit, ut debeat manumittere, proinde capere non videtur. Quare nec propter id fideicommissum, quicquam ab ea relinqui potest, ultra servos legatos. Hic respondetur eam manumittere cogendam servum

suum, quae servos per fideicommissum relictos agnovit, etiam si eos manumittere sit rogata. Et recte respondetur, & secundum regulam eam, quae ob stare videbatur. Nam etiam si servos relictos manumittere debet, tamen non eo minus in his aliquid capere intelligitur. Nam manumissos habitura est libertos, & ita consecutura in his ius patronatus: Quod ius haec commoda secum affert, obsequium a libertis debitum, operas item officiales, & praeterea ius succedendi liberti ad eum modum, qui constitutus est legibus. De obsequio est *sub tit. de obseq. a libert.* De operis, est *sub titulo de operis liber.* De successione libertorum est, *sub tit. Instit. success. liberi.*

Hinc colligimus: quicquid est quod ad aliquem pervenit testamento, id eiusmodi esse, ut qui in eo voluntatem defuncti agnovit, cogendus sit, servum, atque adeo servos suos manumittere, quemcunque ab eo testatore manumittere est rogatus, etiam si servi manumittendi multo sint plures, quam id, quod accipitur, quoniam legatarius voluntatem defuncti agnovit etiam in minimo relicto, non videtur servos suos pluris manumississe, l. sed si non servus. D. eod. l. generaliter, §. si quis alienum, l. si debitor, de fideicommiss. libert.

Quæritur ¶ est amplius, quatenus Titia legataria possit petere servos sibi legatos, quos manumittere rogata est? Respondetur, eam petere posse ad eum modum, quem relictorum substantia patitur, id est, potest petere fideicommissum horum servorum in solidum. Et hoc est, quod dicitur, l. Falcidiam non minuire libertates. l. si uniuersa. sup. de fideicommiss. l. Papin. §. 4. D. de inoffic. Servi autem in proposito per fideicommissum relictos, sunt relictos manumissionis causa, proinde in solidum praestantur, l. in testatoris 3. 4. & l. sequ. D. eod. Sed additur in hoc rescripto ita praestare solidum hoc fideicommissum, ut ante deducantur pretia horum servorum, quos Titia manumittere rogata est, quod fit ex verbis l. Falcid. ex qua patrimonium aestimatur, deductis prius pretiis servorum manumissorum, §. vlti. Instit. h. Vulgo ¶ graueretur erratur in interpretatione huius loci, quod fideicommissum hoc, cuius hic fit mentio, interpretarentur fideicommissum pecuniarium, seu pecuniam relictam Titiae eo modo, ut servum suum manumitteret, & praeterea ex eo pretio alios servos redimeret, quos rogata est manumittere. Primo de servis alienis redimendis nullum hic, verbum est, deinde pecuniam, esse relictam in hoc, ut legatarius alios manumittat, Falcidia non patitur, id est, non praestatur ad eum modum, quem bonorum substantia patitur, sed quem dodrantis substantia patitur. d. l. in testatoris, & l. sequ. D. eod. Quod est conveniens verbis huius rescripti.

Ad L. 14.

Iidem AA. & CC. Faustina.

Licet adieris patris hereditatem, & confusione pro parte, qua eidem successeris, exstinguatur actio, quam tibi ad servos competere, eo quod ex administratione tutela multa eum debuisse contendis: pro residuis tamen partibus, coheredes convenire non prohiberis: & fundum a te relictum, eatenus quo ad deducta quarta residui substantia patitur, praestare necesse habes. Dat. 6. Kalend. Octob. Viminacii. AA. Co[s]s.

S V M M A R I V M.

1. *Creditor testatoris a testatore pro parte heres instituto, iussu praedium suum restituere Titio, sine extraneo, siue coheredi, quantum coheres de debito huius creditoris consequi possit.*

Creditor

Creditor testatoris institutus est a testatore heres pro parte. Idem iussus est, prædium suum restituere Titio, siue is extraneus est siue coheres. Queritur, si de debito huius creditoris, quantum de eo cōsequi possit? Respondetur primo, posse eum citra omnem cōtrouersiam partem hereditariam a coherede petere, quia pro ea parte actio vetus confusa non sit, reliquā autem partem, pro qua ipse heres testatoris existit, eū petere a coherede nullo modo posse. Quod duab. de causis recte respondetur. I. quia hæc portio iam amplius non debetur, vt cōsequens sit, eam neq; ab herede, neq; ab vlllo alio peti posse. Nam pro ea parte obligatio non tollitur confusione, quoniam nemo idem creditor & debitor esse potest. *l. pen. de hered. act. l. uxor. inf. de bon. aut. ind. poss.* Sed quam partem hic heres a coherede accipit, eam retinere potest aduersus legatarium, & hoc modo saluā habere, idque est, quod significatur extremis huius, rescripti, verbis. per aduersarium. Nam in extremis dicitur, *debere eū præstare legatum a se relictum scilicet, quoad deducta quarta, quantitas patrimonii patitur.* Quibus verbis duo significatur. I. hunc heredem, a quo supra dodrantem portionis eius legatum est, deducere posse quartā suæ portionis, idq; est, quod dicitur, in singulis rationibus rationem Falcid. ponendam esse, §. i. h. Alterum iisdē verbis significatur, ita quartam hanc ex l. Falcidia deduci, vt heres prius deducat æs alienum, nisi quod ei a defuncto debeat. *l. in imponenda. sup.* Quo fit, vt hic heres portionem debiti, quā a coherede exigere nō poterat, tamen in ratione Falcidiæ ponenda, ponat, & deducat aduersus legatarios, deinde reliquū ita partiatur, vt retineat quartam, dodrantem restituat.

Ad L. 15. Si prædiorum dotis.

Idem AA. & CC. Pomponio.

Si prædiorum dotis apud te iure remanentis instrumenta verbis precariis, vel testamento, vel codicillis uxori tibi dari mandauit, eius iudicium successores implere compellentur: cum instrumentis prædiorum domino relictis, Falcidia nulla possit interuenire questio. Supposita 16. Kal. Febr. Sirmii CC. co. s.

SUMMARY.

- 1 Dos quando soluto matrimonio mulieri, aut hereditibus restituenda sit.
- 2 An ex legato instrumentorum falcidia quoque detrahi possit.

Soluto matrimonio dos mulieri aut hereditibus restituenda est, *l. 2. D. solut. matrim.* Sed hoc fit ita, nisi in dote danda conuenerit, vt vel susceptis liberis, vel mortua in matrimonio vxore, dos maneat penes maritum, *l. 2. & l. si pater. de pactis dotalib.* Cum forte eiusmodi pactio inter maritum & vxorem interuenisset, ex qua prædia dotalia apud maritū manere deberēt, vxor decedens legauit marito suo instrumenta eorū prædiorum, id est, tabulas & literas, quibus origo emtionis & acquisitionis eorum prædiorum continebatur. Hoc ideo recte fit ab vxore: quia nisi hæc instrumenta marito legentur, non sunt mariti, tametsi maritus prædiorum sit dominus, *l. instrument. sup. de fideicommissis.* Quæsitū est, cum tantum legatum esset ab vxore, vt locus esset l. Falcidiæ, an fit ex hoc quoque legato instrumentorum, Falcidia detrahi possit secundum verba *l. potest*, nam legata sunt, & l. Falcidia omnia legata minuuntur, si dodrantem exce-

dant, vt supra diximus. Hic respondetur, quod horum instrumentorum nulla sit æstimatio, & proinde non sint in computationem legatorum æstimanda. Nam pretia rerum cum aliis in causis, tum præcipue circa l. Falcidiam, non ex affectu cuiusquam æstimantur, veluti si dicat heres, *se nolle istiusmodi instrumentis carere pro 10. aureis. h.* Sed æstimantur reuera communi hominum æstimatione. *l. quia. Digest. eodem.* At pretia instrumentorum, si quis aliis velit vendere, nullo pretio æstimantur, quia aliis omnibus sunt inutilia: proinde nullo modo æstimanda. Recte quoque hæc rationem Accursius reddit, cur non debeat ex his instrumentis quarta detrahi, quia ea quarta heredi sit inutilis, legatario profit, vt consequens sit heredem non posse eam quartam retinere, nisi vt officiat legatario. Præclare autem scriptum est a Celso, malitiis non esse indulgendum, *leg. in fundo, de rei vindicat.*

Ad L. 16. Successores.

Idem AA. & CC. Diomedi.

Successores legata vel fideicommissa, si æs alienum hereditarium defuncti substantia sine occupauerit, legis Falcidia iussio peti, item Trebelliani Senatusconsulti præceptum exigere non concedit. S. 16. Kalend. Febr. Sirmii AA. co. s.

SUMMARY.

- 1 Heres aditā hereditate adit omnia onera hereditaria, vna cum commodis.
- 2 Onerum hereditarium duo genera.
- 3 Quomodo æri alieno & legatis heres obstringatur.
- 4 Æs alienum si sit tantum, vt hoc dissolutio in patrimonio nihil superfit, legatorum nomine nihil debetur.

Heres fit hereditate suscepta, suscipit omnia onera hereditaria, vna cum commodis *l. 1. 2. sup. de bon. poss.* Onerū fit hereditarium duo sunt genera, æs alienum defuncti & legata. His oneribus obstringitur heres, sed dissimiliter iure veteri. Nam fit æri alieno obligatur in solidum: legata autem non præstantur ultra v. res cuiusque patrimonii, vt hic est scriptum, & *l. 7. §. denique ad Trebell. ell. l. prima. §. in quibusdam. Digest. si cui plus quam per l. Falcid. fit legat. Id efficitur & l. Falcid. & Senatusconsulto Trebel.* Proinde neque ab herede legata supra vires patrimonii exigi possunt, neq; possunt a fideicommissario, cui restituta est hereditas. Efficitur hoc l. Falcidia, quia l. Falcidia non patitur legata præstari ultra dodrantem hereditatis, multo igitur minus patitur ea præstari, ultra vires eius patrimonii. Idem efficitur Senatusconsulto. Quod si de Peg. veteri intelligimus quarta ex eo Senatusconsulto deducitur, vt deducitur, ex l. Falc. §. *sed quia hereditas. Instit. de fideicom.* Sin intelligimus de Senatusconsulto Trebel. veteri, hoc SC. non transferuntur actiones in fideicommissarium, nisi quæ & quatenus in heredē competeabant. Legatorum autē petitio ultra dodrantem non competit.

Hinc fit cōsequens est, quod in princ. hic dicitur, si tantum sit æs alienum defuncti, vt hoc dissolutio nihil in patrimonio superfit, legatorum nomine nihil debetur. *idem in l. si vniuersis. sup. de fideicom.* Scilicet quia in legatis præstandis ex l. Falcid. patrimonium æstimatur, deducto prius ære alieno, vt si quid superfit, eius quartam heres habeat, si nihil superfit, nihil præstare

debeat, *ad §. ult. Inst.* Sed hæc iure veteri ita sunt: constitutionib. autem Iust. niani, quæ scriptæ sunt de inuentario ab heredibus faciendo, in totum a iure hoc recessum est. Nam si heres inuentarium facit, non tenetur creditoribus ultra vires patrimonii. Si non facit, aut non ita facit, ut ex illis constitutionibus oportet, non solum æri alieno in solidum obligatur, ut ante, sed etiam legatis ultra vires patrimonii, *Authent. sed cum testator. in fin. supra eod. l. ultim. supra. de iure delib.*

Ad L. 17. A coheredibus.

Idem AA. & CC. Caio.

A coheredibus relicta legata, quatenus modus legis Falcidia præstitutus patitur, posse peti, certissimi iuris est. Suppos. §. Kal. Nouemb. Anchiast. CC. cos.

SUMMARIA.

- 1 Relictum heredi a coherede quatenus debeat.
- 2 An in singulis heredibus ratio legis Falcidia ponenda sit.

Heredi a seipso legari non potest, quia non est, qui ei legatum præstet. Heredi a coherede recte relinquitur legatum, quia est qui illi legatum dare possit. *l. legatum. §. 1. de legat. 1.* Posterior pars huius definitionis hic constituitur, & hic quaeritur, quod si a coherede, heredi relictum est, quatenus debeat, exempli gratia, qui 400. habeat in bonis, duos instituit heredes primum & secundum, ex æquis partibus, primum iussit secundo 200. dare. Hic duo quaerimus. I. An primus hæc 200. præstare debeat, si nulla esset l. Falcidia. mouet quaestionem, quia onera hereditaria diuiduntur inter heredes proportionibus hereditariis. *l. 2. §. de hered. act.* Huiusmodi onus videtur esse legatum a primo relictum, ut proinde videatur primus ex 200. ab eo relictis 100. debere duntaxat, ut portionem legati, ubi pro portione heres est. Hic respondetur 200. deberi, ut legata sunt a primo: nihil ad rem pertinet, quod dicitur onera hereditaria diuidi inter heredes, pro portione hereditaria. Hoc enim de ære alieno defuncti intelligendum est, ex quo prius tenebatur, *l. ea, quæ sup. l. debitorum. de pact.* diuersa causa est legati. Nam quantum cuique relictum est testamento, tantum ab eo relinqui potest, *§. 1. de sing. reb. l. 4. §. 6. de legat. 3.* & hæc ita sunt, si l. Falcidia non interueniat, id est, si supra dodrantem portionis hereditariæ legata relicta non sint. Quid ergo, si supra dodrantem eius portionis relicta sint, ut in specie proposita contigit? Et placet heredem leg. Falcidia bono sine vsurum pro portione sua. Hæc est illa vetus quaestio, tan in singulis heredibus ratio l. Falcidiæ ponenda sit, quod prima ratione non videtur, ut in exemplo a nobis proposito. Nam a secundo herede nulla legata relicta sunt, ita sit ut amplius, quam quarta hereditatis apud unum heredem maneat, manet enim semis integer apud secundum. Videtur autem l. Falcidiæ satisfactum, si testator quartam hereditatis integram reliquit, vel apud unum ex heredibus, vel apud omnes. Quod si recipitur, consequens erit, primum heredem in specie proposita detrahare de legatis a se relictis nihil posse, quamuis ea eius portionem exhauriant. Sed placuit, ut dixi in singulis heredibus rationem l. Falcidiæ ponendam esse, id est, si tantum a singulis legatum sit, ut dodrans portionis hereditariæ excedatur, quantum ultra dodrantem erit tantum de legatis singulorum decedet, *l. in singulis. Digest. eodem §. primo, de l. Falcid.*

Quæ sententia efficitur verbis l. Falcidiæ. Nam in secundo capite non dicitur, tum ita deducitur legatis, ne minus quam quartam hereditatis partem unus heres habeat, sed ne minus, quam quartam partem hereditatis heredes capiant. Quibus verbis exigitur, ut quarta apud vniuersos heredes maneat: proinde ut maneat apud singulas portiones.

Ad L. 18. Si quis penult.

Imp. Iustinianus A Ioanni Præfecto prætorio.

Si quis quadringentorum forte solidorum habens substantiam, insserit, heredem non aliter adire hereditatem, nisi prius trecentos octoginta solidos cuidam persoluat, vel aliam quantitatem, qua de minuire Falcidia rationem potest: sancimus heredem, si adierit, legis Falcidiæ beneficio sustentatum, replere quidem, quod ad Falcidiam deest: & prius eo dato vel retento, siue una datio est, quæ celebrari disposita fuerit, siue in multa diuiditur personis præfata legis immutatum habere beneficium, si enim cum mortis causa donatio procedat, & hac modo legis Falcidia excedat, heres post aditionem repetit eam pecuniam, quæ ultra modum legis Falcidiæ corporaliter quidem data est, lege autem in patrimonio testatoris permansit: quare non in presenti casu & viuientibus, & morientibus prouidemus, & eorum ultima elogia seruantes, & commodum hereditariū non minuentes: Dat. Kal. Nouemb. Constantin. post consulatum Lampadii & Orestis VV. CC. 531.

SUMMARIA.

- 1 Condicio quæ sit conditionis implende causa, an lege Falcidia minuat, ut legatum.
- 2 Heres institutus sub conditione, si 300. dederit, an cogatur ab initio totam eam summam præstare, ut fiat heres, postea detractus Falcidiam, an vero ab initio possit detrahare 80. & 300. præstando fiat heres.
- 3 Conditionis implende, causa quæ capiuntur an imputentur in quartam.

Cum quaeritur an supra dodrantem legatum sit, ut l. Falcidiæ locus sit, placet in his, quæ relinquuntur, computanda esse, non totum legatum, sed ea etiam, quæ legatorum vicem obtinent, quæ omnia in numero & computatione legatorum traduntur: & si omnia hereditatis dodrantem excedunt, singula per l. Falcidiam minuantur, quatenus dodrantem excedunt. In his habentur donationes causa mortis, *l. si mortis, l. in donationibus. §. b.* Quæsitum est hoc loco, an in eadem causa haberi debeant ea, quæ conditionis causa implendæ ab herede præstantur, exemplum est tale. Qui 400. habebat in bonis, non potest amplius legare, quam 300. proinde si legauit, 400. de legatis 80. decedent, ut 100. apud heredem maneat. Quid si testator ita scripserit, *Lucius Titius mihi heres esto, si 400. Titio dederit.* Quæro an huius conditionis implendæ causa necesse habeat heres 400. præstare, ut fiat heres, an vero non habeat necesse præstare, nisi 200. propter l. Falcidiam, ut nihilominus recte fiat heres 300. præstitis. Quæstio est in eo, an hæc conditio, quæ sit conditionis implendæ causa leg. Falcid. minuat, ut legatum, secundum verba leg. Falcid. Hæc præstatio non potest minui, quoniam leg. Falcidia solum legata minuantur, quæ legatorum vim habent, ut verba legis declarant, leg. prima. D. eodem, & dicitur apertius in l. in quantitate

intate patrum. §. ultim. D. eod. Quod autem præstatum ab herede conditionis implendæ causâ, id neque legatum est, neque legatû vim habet, quod dilucide testatur *l. si quis omiſſa cauſſa teſtamenti.* Nam edicto, *ſi quis omiſſa cauſſa teſtamenti,* cautum eſt, ſi quis omiſſa cauſſa teſtamenti ab inteſtato poſſideat hereditatem, vt ne minus legata, & quæ legatorû vicem obtinent præſtet, quam ſi ex teſtamento hereditatē ad iſſet, & tamen ſi heres fuerit inſtitutus ſub conditione, *ſi 10. Titio dederit,* & ab inteſtato poſſideat hereditatem, placet eum 10. non debere. *d. l. ſi quis ſub condit.* Non ſunt igitur ea 10. legata, nec legatû vim habent, alioqui ex edicto præſtanda eſſent. Conſtituit hoc loco Iuſtinianus nihilominus de præſtatione, quæ fiat ab herede conditionis implendæ cauſſa, quartam nō minus detrâhi poſſe, quam ex legatis & donationibus cauſſa mortis poteſt. Non obſtat, quod hæc præſtatio non eſt in numero legatorum, aut eorum quæ vim legatû habent. Non enim ideo de hæc præſtatione Falcidia præſtat, ſed quia eſt inſtituta in legatorum. Quando lege quid prohibetur, non tantum prohiberi intelligitur, quod eſt contra verba legis, ſed etiam quod eſt contra mentem & ſententiam legis, id eſt, contra id quod veruit lex, etſi verbis non prohibuit. *l. non dubium. ſup. de legib.* Huiusmodi eſt hæc præſtatio de qua quaeritur. Nam *l. Falcidia* veruit vltima dodrantem legatû, ne alioqui heredes nullo lucro prouocatio mitterent hereditatem, & ita deſtitueretur iudicium defuncti, *ut eſt Inſtitut. eodem.* At hæc præſtatione heredi iniuncta, eodem res recidit, vt ſi heres cogatur totam eam pecuniam præſtare, quam iuſſus eſt, futurum ſit vt hereditatem omittat, ergo hæc quoque præſtatio eſt contra id, quod lex voluit, proinde irrita eſt, atque ſic hæc præſtatio eſſet in numero legatorum. Hinc colligimus, non ſolum donationes cauſſa mortis *l. Falcidia* minui, vt legata, ſed etiam omnes præſtationes, quæ ſine donatione mortis cauſſa capiuntur, quale eſt, quod ab herede præſtandum eſt conditionis implendæ cauſſa, vt declaratur *l. mortis cauſſa capitur. in princip. §. ſi ſine donat. de mort. cauſſ. donat.*

Huic ſententiæ contraria videtur *l. 1. §. item, ſi ita. ff. eod.* Proponitur exemplum eiufmodi: teſtator ita ſcripſit: *Heres meus Titio penum dato, ſi non dederit 10. ei dato.* Hæc in caſu placet, ſi heres in præſtanda penum moram fecerit, ſtatim 10. deberi, & ſola deberi: amplius autem non deberi penum, nec legatum eſſe, ſed tamen heredem, vt liberetur poſſe penum præſtare, ſi præſtiterit in Falcidiam non imputari, id eſt, non cōputabit in numeratione legatorû, nec de penu quicquam detrâhi poſſe ex *l. Falcidia*, & tamen penus in hac ſpecie mortis cauſſa capitur: nam huius capiendi occaſio obuenerit per mortem teſtatoris, quæ definitio eſt mortis cauſſa capionis *in d. l. mortis cauſſa capitur.* Reſpondeo non ſunt contrariæ horum locorum ſpecies, quæ ſunt diſſimiles. In hac *l.* agitur de eo, quod heres ex conditione præſtare debet, quo non præſtito non eſt heres factus. Itaque id præſtare cogitur, ſi vult heres eſſe, vt merito hæc præſtatio legatis comparatur. At in exemplo legis, quod ſupra retulimus, heres non habet neceſſe, penum præſtare ſi non vult. Nam quamuis non præſtiterit nihilominus heres erit, poteſt enim præſtare 10. quæ ſola legata intelliguntur. Hinc hæc diſtinctio tenenda eſt, quod heres præſtare cogitur, ſi vult heres eſſe, de eo Falcidiam de-

trahet, vt de legato, vt in hac lege. Quod autem præſtare neceſſe non habet, de eo non detrâhit Falcidia, etiam ſi id mortis cauſſa capiatur, quia ſi id præſtat, ſibi imputare debet, qui id præſtare neceſſe nō habuerit. Quaſitū eſt circa exemplum huius legis, an t̄ heres inſtitutus ſub conditione, ſi 380. dederit, cogatur ab initio totam eam ſummam præſtare, vt fiat heres, poſtea detracturus Falcidiam? An vero iam a principio poſſit detrâhere 80. & 300. præſtando fiat heres? Quidam putant heredem debere 380. præſtare ſolida, vt conditionem impleat, & conditione impleta fiat heres. Mouet eos, quia conditio omnis implenda eſt, vt vulgo loquuntur in forma ſpecifica, id eſt, ſecundum præſcriptum verborum conditionis, vt nihil in illis omittatur, *l. qui heredi. in prin. de cond. & demonſt.* Sed huic ſententiæ aduerſantur huius legis verba, *quia fiat poteſtas heredi, retinenda Falcidia,* illis verbis: *dato vel retento.* Deinde quia in extremo dicitur, hæc præſtatio ipſo iure minuit, quemadmodū donatio cauſſa mortis. Non obſtat quod dicitur conditiones implendas eſſe ex omni parte. Hoc enim dicitur de conditionibus vtilibus, non vero, *de conditionibus,* quæ pro non ſcriptis habentur, qualis eſt hæc conditio, quatenus præſtatio dodrantem hereditatis excedit, placet enim eatenus ipſo iure minui præſtationem. Hic introducit hæc quaſtitio: An t̄ ea, quæ conditionis implendæ cauſſa capiuntur, imputentur in quartam ratione ſumta ex ſpecie huius loci? Sed hæc quaſtitio hoc loco inepta eſt, & ſolida. Nam hic agitur de eo, quod heres præſtare debet, & de quo cupit Falcidiam retinere. Quaſtitio aut̄ ſuperior ponitur de his, quæ heredi præſtantur cōditionis implendæ cauſſa, veluti ſi fundus legatus ſit, ſub conditione, ſi 10. heredi daret, vbi quaeritur an hæc 10. data heredi imputetur in quartam? Certi autem iuris eſt hæc non imputari, *l. id autem quod l. in quartam. ff. eod.*

Ad L. 19. Cum certum.

Idem A. Ioanni Præfecto prætorio.

Cum certum ſit, heredem, qui plenam fidem teſtatori exhibet, in ſolidum legata dependentem non poſſe poſtea rationem legis Falcidia prætendentem, repetitione vti, quia videtur voluntatem teſtatoris ſequi: Inbemus hoc ſimili modo firmum haberi, & ſi cautionem ſuper integra legatorum ſolutione fecerit: quod veterib. legibus in ambiguitatem deductum eſt. In viroque etenim caſu, id eſt, ſiue ſoluerit ſiue ſuper hac cautionem ſi cerit, æquitalis ratio ſimilia ſuadere videtur. Dat. 15. Kalend. Nouemb. Conſtantinop. poſt conſulatum Lampadii & Oreſtis VV. CC. anno ſecundo 532.

S V M M A R I V M.

1. Quartam Falcidiam, qui retinere poteſt, an, ſi vltro ſtipulanti promittit, idem ſolida legata debeat, nec retinere quartam poſſit.
2. Dubitandi rationes adductæ.

Q Vi quartam ex *l. Falcidia* retinere poteſt, ſi vltro ſoluit, non repetit, *l. error. ſup. eodem.* Si vltro t̄ ſtipulanti promittit, quaſtitum eſt, an idem ſolida legata debeat, nec retinere quartam poſſit? Conſtituitur hoc loco eum, qui ſolida legata promiſit, quartam retinere non poſſe contra ſtipulantem. Inutilis conſtitutio eſt, niſi hac de re ſit aliqua dubitatio. Et veteres de eo dubitarunt, vt hic teſtatur Iuſtinianus. Dubitatio exſtat *in leg. ſi patronus, §. ſecundo, de*

donat. Qæro ¶ cur hic dubitatur circa l. Falcidiam de stipulatione, cum certi iuris sit, ex stipulatione, omni iure ciuili obligationem nasci, §. de constituta, de act-on-b. Respondeo, dubitatio nata est ex exemplo patroni: nam si patronus institutus sit a liberto, & ex debita portione; & rogatus sit quid præstare, si id stipulanti promittat, stipulatio non valet, d. l. si patronus, in princ. de donat. Quo exemplo videtur idem dicendum in e. herede, qui promisit se legata præstaturum ultra portionem legis Falcidiæ debitam. Respondeo d. similia hæc sunt: nam portio debita patrono in bonis liberti, debetur ob reuerentiā patrono debitam.

Hæc reuerentia videtur violari, cū patrono hæc portio non seruatur: sic fit vt stipulatio contracta, videatur esse contra bonos mores. At heredi extraneo testator non debet reuerentiam: ob hanc causam si heres promittit, se solidum legatum præstaturum, nihil hic fit contra bonos mores, ac proinde stipulatio valet. An idem hic efficiat simplex pollicitatio, qua heres promittit se solidum soluturum, quod efficit promissio stipulanti facta. Vide quæ diximus

ad l. primam & secundam. §. de fideicommissis.

HUGONIS DONELLI, IV- RISCONSULTI NORICI QVONDAM PROFESSORIS,

Commentarii,

A D L I B. VIII. C. DE INTERDICTIS. T I T. I.

S Y M M A R I A.

- 1 Series tractatus de interdictis.
- 2 Interdictum quid. & num. 4. §.
- 3 Interdictum unde appellatum.
- 4 Interdictum formula distare ab actione: re nihil aliud esse quam actionem, & num. 7.
- 5 Actiones olim proprie ita dictas, de ceteris rebus esse: interdictam omnemque ex causa interdictorum actionem esse de possessione, & quasi possessione: & quæ sint interdicta ex utroque genere.
- 6 Interdicta omnia esse de possessione & quasi possessione sola, etsi dicuntur quedam proprietatis causam continere.
- 7 Cur placuerit olim de possessione agi interdictis, non actionibus, cum non minus & ageretur de possessione.
- 8 Interdictum ab edicto quid differat.
- 9 Interdicta omnia etsi in rem concepta, personalia esse, quid sit.

Iuris ¶ nostri persequendi causa prodita sunt partim actiones, partim interdicta. Actionum quædam in rem sunt, quædam in personam. In rem, de rebus nostris, aut ad ius nostrum pertinentibus, quas petimus ab eo, qui possidet. In personam, de eo, quod nobis debetur. l. actionum. D. de obl. & act. §. 1. Inst. de act. Interdicta de possessione rei cuiusque asserenda, vt mox dicetur. De his ita ius compositum est, vt prius compositores de actionibus & iuris iuribus, quæ ad actiones pertinent, dicerent: quod hucusque fecerunt. Sic deinde ordine de interdictis; quod fit hoc loco. Hunc ordinem secutum esse Iustinianum in In-

stitutionib. constat ex principio tituli de interdictis. Contentaneum est compositores iuris hunc eundem ordinem, & in Pandectis & in Codice secutos esse.

Interdictum ¶ si formulam veterem spectes, vnde interdicta sunt appellata, sic recte definitur: formula & conceptio verborum, qua prætor inter eos, qui de possessione, aut quasi possessione contendebant, iubebat eum, cū quo agebatur, aliquid facere, aut facere vetabat, prout ad id possessionem asserendam, de qua agebatur, conuenire videbatur. Nam alias petitur, vt possessio restituatur, aut vt res exhibeatur: hic prætor restitui, aut exhiberi iubebat. Alias qui rem tenet, aut ea fruitur, petit, ne sibi tenenti, aut perenti vis fiat: hanc prætor fieri vetabat. Colligi potest hæc definitio ex initio tit. Institut. de interd. de qua & mox plura dicentur.

Ex ¶ ea intelligere possumus interdictum dictum esse, quasi inter, aut interim edictum; & interdicere, quasi inter & interim edicere. Non dico inter duos dictum, vt est apud Iustinianum in §. 1. in fi. Inst. eo. parum apte: quoniam & sententia, & arbitrium, & interlocutio inter duos dicitur: quorum tamen nihil a veteribus dicitur interdictum. Non dico interim dictum. nā & multa interim dici & tractari solent, donec ad ius nostrum perueniamus; quæ tamen nihil minus sunt, quā interdicta. cuiusmodi iunt, quæ dicuntur a priuatis litigatoribus: in magistratu autem & iudicibus interlocutiones. Ne illud quidem placet, interdicti appellationem, quæ prius ad probatoria interdicta pertinet (nā interdicere proprie vetare est) ad cetera quoque per abusionem esse translatā, vt quosdam putasse refert Iustinianus in d. §. 1. Inst. de interd. Nam vt hoc in verbo interdicti fieri possit; certe

in verbo *intercedendi*, unde est interdictum, defendi non potest. Nemo enim unquam de exhibitoriis aut restitutoriis interdictis loquens dixit in his interdicere, p iubere, & decernere, ne abusus quidem: cum tamen in his & prætor & actor etiam proprie interdicere dicantur. Hoc dico igitur interdictum dictum quasi *inter & interim edictum*, & interdicere quasi *inter & interim edicere*. Quod omni interdicto plane convenit. Est enim edicere iubere aliquid. Id vero in omni interdicto prætor faciebat. Edicebat enim, & iubebat quid fieri, aut non fieri. Illud cum faciebat, dicebatur absolute iubere: proinde & hic maxime proprie edicere. Hoc posterius cum faciebat, dicebatur speciali verbo *prohibere, & vetare*. sic tamen, ut iuberet nihilominus, ne fieret: proinde & hic quoque ediceret. ut pfecto nihil aliud sit interdictum, quam inter priuatos & interim interpositum prætoris edictum. Et tamen quia non simpliciter dictum est, dicitur interim edictum. Et recte edicebat enim hic prætor interim: id est vel obiter, ut omnis causa possessionis est memoranda, *l. unica. §. si de mo. poss. ff. ap. l. momentaria. j. unde vi. vel interea, dñ de alia re principali contenditur; puta de iure & proprietate rei. per quod tempus decidi solet possessionis atque usus controuersia. l. ordinarii. §. de rei vind. l. 3. j. hoc tit.* eaque decisio olim transigebatur interdictis,

4 Ex t eadem definitione intelligimus interdictum, ut fuit vetus formula, actionem non esse. Nam actio est priuati litigatoris petitio & persecutio, qua intendit sibi aliquid ab aduersario dari aut fieri oportere. §. 1. *Inst. de act.* Interdictum litigatoris petitionem & intentionem non habet, sed iussus est, & imperium prætoris aduersus eum, cum quo agitur, propositum. sed hæc ita sunt, si, ut dixi, formulam tantum in interdicto spectemus. Quod si spectabimus vim & potestatem interdicti, id est, id quod in interdicto agimus, & consequenter volumus; sine dubio interdictum actio est, sicq; rectissime definitur: ut sit actio, qua de possessione asserenda, vel quasi possessione agitur, siue eam nunc primum adipisci, siue adepti retinere, siue adempta & amissam recuperare velim. Dixi interdictum actionem esse. recte: inde. n. dicitur actionis verbo contineri. *l. actionis. ff. de obi. & act.* Hinc etiam quæcunq; de actionibus dicuntur eadem dicuntur & de interdictis. Itaq; & interdicto agere dicitur: & dicitur interdictum a quibus & in aliquos competere; dicitur & condemnatio eius iudicii esse. *l. 3. §. 1. §. condemnatio. §. ult. ff. de tabul. exhib.* Quæ omnia actionum propria sunt, ideo, ut dixi, tributa interdicto, quia et si interdictum vetere formula petitionem litigatoris non continebat, sed iussus & imperium prætoris; ut tamen ipsa nihil aliud erat, nisi petitio & persecutio priuata litigatoris. Non enim ita iubebat prætor in interdicto, aut quid vetabat, ut sententiam ferret: alioqui sententia esset siue causæ cognitione; quod ius non recipit, *l. ex stipulatione. §. de sent. & interd. l. 1. §. de execut. rei iud.* sed prætor una cum interdicto iudicem dabat, qui cognosceret, an vere intenderet petitor causam esse, cur res sibi restitueretur, exhiberetur, possessio retineretur, atque ita causa cognita reum condemnaret. Ita interdictum nihil aliud erat, nisi persecutio possessionis in iudicio; quæ actionis definitio est. *Inst. de act. in pr.* Nunc formulis veteribus interdictorum sublati, constat nihil amplius de interdictis restare, quam actionem ex causa interdictorum. §. ult. *Inst. de interd. leg. ult. j. hoc tit.* ut iam inter actiones, quæ sunt ex causa interdictorum, & ceteras non formula intersit, sed res tantum, de quibus agitur.

Nam t ceteræ actiones sunt de rebus aliis quibuslibet. Interdictum, siue actio ex causa interdicti est de possessione, vel quasi possessione obtinenda. *Inst. de interd. in pr.* De possessione in rebus priuatis & corporalibus, quæ solæ possunt possideri. *l. 3. in pr. l. qui vniuersas. §. 1. ff. de acq. poss.* Si tamen & de harum vera possessione agatur, vel adipiscenda, vel retinenda, vel recuperanda, quo pertinet omnis de possessione controuersia: unde & interdictorum diuisio. *l. 1. §. est igitur ff. uti poss. §. sequens. Inst. de interd.* Quod ideo adiecitimus, quia & de his rebus interdum agitur interdicto, ut exhibeantur: ut fit in interdicto de tabulis exhibendis. quo tamen genere interdictorum non petitur possessio, sed videndi tantum & cognoscendi copia. De quasi possessione dictum, propter res sacras, religiosas, publicas, liberum hominem: quæ res cum non sint in hominum commerciis, ne possideri quidem possunt. *d. l. qui vniuersas. §. 1. D. de acq. poss.* Verumtamen de earum visu interdicta sunt prodita. *tit. ne quid in loc. sac. tit. ne quid in loc. pub. tit. de lib. hom. exb. ducend.* Hic usus quasi possessio nominatur. de quo sic agi reperiemus, ut vel nobis, vel his ipsis rebus suam quodammodo asseramus possessionem, eamque ab aliorum iniusto facto velut vindicemus. Dictum est etiam propter res priuatas, sed incorporeales. Nam hæc possideri non possunt. *l. seruus. §. incorporales. D. de acq. rer. domin.* De earum tamen usu interdicta sunt: ut de itinere actuque priuato, de riuis, de cloacis, & similibus. *tit. De rei act. prin. & sequentibus aliquot. D.* Hic quæque usus quasi possessio est, atque ita nominatur in *l. si quis diurno. D. si ser. vind.* Unde & interdicta huius generis veluti possessoria nominata, in *l. ultim. ff. de ser.* Dictum etiam propter res priuatas, easque corporales, quas nobis exhiberi petimus ex interdicto. Hic enim, ut paulo ante dixi, tantum copiam rei videndæ & cognoscendæ petimus, quæ copia reuera rei possessio non est; usum tamen rei continet, ut sit hic usus quædam quasi possessio.

Atque ut t sunt interdicta, & quæ eorum nomine competunt actiones, omnia de possessione, aut quasi possessione: ita de possessione, & quasi possessione sola, ut diuisiones interdictorum propositæ in *l. 1. & l. 2. D. eod.* facile declarabunt. Quod enim dicuntur quædam proprietatis causam continere, *l. 2. §. quædā. D. de interd.* non eo dicuntur, quod non sint de possessione & usu rei tuendo; sed cum sint his de rebus principaliter, per consequentiam adiunctam habent proprietatis causam; dum placet eum vincere in hoc usu, qui ius de cuius usu agitur, ad se pertinere ostenderit. q receptum est in interdicto de itinere actuque priuato; resciedo, ut declaratur in *l. 3. §. ait, §. hoc aut. D. de rei act. prin.*

Atque t hinc coniecturam licet facere, quid causæ fuerit olim prætoribus in iure dicundo ita rem instituendi, ut cum de possessione non minus ageretur iudicio, quam de ceteris rebus; tamen formulis istis interdictorum placeret illis transigi causam possessionis, potius quam actionibus, id est, quam sollemniter obseruato in actionibus & iuris nostri persecutionibus. Animaduertebant scilicet in controuersiis istis de possessione & usu rerum non tam de iure nostro agi, quàm de aduersarii facto, qui impediret, quominus eam possessionem atq; usum obtinerent illi, quibus ea asserta esse volumus. Itaq; & hic id agi, non tam ut aduersarius quid nobis restitueret, præstaret, quam ut cepto desisteret, a re discederet, nos nostra possessione frui, aut rem in sua velut possessione esse pateretur. Quam ad

rem obtinendam omnino interdictū vtile esse visum est: dum scilicet prætor donec de iure rei plenius constitutum sit, edicit, ut aduersarius faciat quid, aut nō faciat, quod sit ad possessionem illam nostram interim obtinendam accommodatum. Sed quoniam hoc edictū primū ex iuris nostri perfectione prætori nascitur, & porro ad id ius obtinendum refertur, de quo & iudicio agitur: perspicuum est & origine & sine inspecto nihil hic versari re ipsa nisi actionem: atque adeo interdictū etiā olim re actionē fuisse: si quid differret ab ea, quæ proprie dicitur actio, formulam tantum & genus agendi interfuisse.

§ Quid igitur interdictum differat ab edicto absolute ita dicto, non est obscurum. De quo nihil monerem, nisi scire veteres interpretes ignoratione partim verborū, partim veteris historię tradidisse ad l. i. ff. de op. no. nūt. interdictum speciem esse edicti, ut recte interdictū dicatur edictum. In quo pueriliter ab illis erratum est. Edictum lex est prætoris, atque ita ius publicum. §. prætorum. Institutio. de iur. nat. gent. & civil. Interdictum, ut actio, est id, quod edicto proponitur. Edictum, quia ius est, etiā ius generale est ad omnes pertinens. *laura. D. de legi.* Interdictum priuatum est, & personale, pertinens dumtaxat ad eas personas, inter quas interdicto agitur.

Idque test. quod dicitur in l. i. §. ult. ff. de interd. interdicta omnia licet in rem videantur concepta, vi tamē ipsa personalia esse. Non enim significatur his verbis, interdicta esse actiones in personam, etsi ita concepta sint, quasi sint actiones in rem; sed interdicta etsi in rem, id est, generaliter & sine designatione alicuius personæ ad quam dirigantur, scripta sint, vi tamen ipsa personata esse, id est, ad certam priuatam personā referri. Et ita est: iure ad eum litigatorem pertinent, qui interdicto experitur: conceptione verborum ad eum diriguntur, cum quo ex interdicto agitur, quem prætor aut iubet aliquid restituere, aut vim facere vetat. quod his exemplis planum fiet. Interdictum de loco sacro ita scriptum est: *In loco sacro facere, in eo eum immittere quid veto. leg. i. Digestis. ne quid in loc. sacro.* Hæc verba in rem & generaliter scripta sunt, quasi lex esset. non enim dicitur *te aut illum veto.* sed nihilominus perinde accipienda sunt, quasi ita scriptum esset, *te cum quo agitur, veto;* ut vi ipsa ad personam rei hæc verba referantur. Idem licet obseruare in interdicto, ne quid in flumine publico. *leg. i. D. ne quid in flum. pub.* Insicite autem veteres illi moti sunt l. prætor. in pr. §. §. i. ff. de op. no. nūt. l. i. ff. de tab. ex h. l. i. ff. uti possid. & quibusdam similibus locis, ut existimarent interdictum esse edictum, quia his locis partim interdictum misceretur cum edicto, partim interdicto proposito postea nominaretur edictum a iureconsultis. Hoc enim ideo factum est, non quod essent hæc eadem; sed quod prætor in albo eodem in loco & proponeret edictum, quo pollicebatur se interdictum de re quaque daturum, & deinde subiceret interdicti verba, quod in eā rem redditurus esset; ut interdicta in albo preponi solita intelligimus ex leg. i. infra. hoc tit. Quæ omnia ex tractatu de interdictis in Pandectis facile legenti patebunt. Genera interdictorum, eorumque species si quis desiderabit, ex diuisiones ostendent, quæ de his sunt traditæ in l. i. & l. 2. D. eo. tit. & Inst. eo.

Ad L. Cum proponas. I.

Imp. Alexand. A. Euocato.

Cum proponas radicibus arborum in vicina Agashā.

geli area positis crescentibus fundamentis domus tue periculum adferri præses ad exemplum interdictorum, quæ in albo posita habet prætor, si arbor in alienas ædes impendebit: Item, si in alienum agrū impendebit: quibus ostenditur, nec per arboris quidem occasionem vicino nocere oportere: rem ad suam æquitatem rediget. PP. 6. Cal. Apr. Jul. II. & Crisp. Coll. 2. 25.

S V M M A R I V M.

- 1 De arbore aliena, quæ vicino noceat, quæ interdicta, quibus, & quarum rerum gratia.
- 2 Ex lege aut edicto esse, etiam quod est ex sententia; & quid sententia legis.
- 3 In paribus causis ius idem statuendum.
- 4 Directum, & vtile interdictum quid.
- 5 Finium regundorum actionem esse de arbore in alieno insita non relicto legitimo spatio.

De arbore, quæ in alieno agro nata est, duo sunt posita interdicta vicino. Vnū de arbore, quæ impendit in alienas ædes, in hoc comparatum, ut aut dominus arborem excidat, aut patiatur vicinū excidere, & ligna tollere. Alterum de arbore, quæ in alienum agrum impendit, huius rei gratia comparatum, ut arborem dominus coerceat, id est, ram os cædat usque ad altitudinem quindecim pedum, ne arbor umbra sua vicino agro noceat. *leg. i. D. de arbor. cad.* Neque plura sunt interdicta de arbore aliena, quæ vicino noceat. Hinc quaesitum est, si aliena arbor in vicini edes aut parietem non impendat: sed ita radices eius excreuerint, ut excurrant sub parietem vicini, & intumescentes periculum ruinae parieti adferant: an cum vicino agi possit, ut aut arborem extirpet, aut patiatur vicinam extirpare. & ligna tollere, uti de arbore, quæ impendit, iuris esse diximus. Hic placet agi posse ita, ut præses ad exemplum superiorum interdictorum rem ad æquitatem suam red gar. Æquitas siue equum est, quod natura ius est. l. penult. ff. de iust. & iur. Natura aut ius est, quod est positum in illis principiis naturæ, ius suum cuique tribuere, alterum non ledere; quæ sunt præcepta iuris. *l. iustitia. §. ult. D. de iust. & iur.* Ergo his verbis intelligimus, cum domino arboris sic agi posse, vel ut arborem totam stirpitus euellat, vel radices excrecentes cædat. Denique id faciat, quo res eo deducatur, ne radices arboris vicino noceant, aut patiatur vicinū id facere, & ligna tollere. Hæc enim æquitas est, quæ hic appellatur, constituta ad exemplum interdictorum, quæ supra scripta sunt, ut ibidem adicitur, quod huc spectat. Obstat. n. huic sententiæ, quod verbis superiorum interdictorum nihil huiusmodi cautū est. Huic dubitationi superioribus verbis occurratur, hoc modo. Non est hoc ius ex verbis superiorum interdictorum; sed non minus ex illis interdictis ius est.

Ex lege enim esse intelligendum est, non solum quod ex verbis legis, sed etiam quod ex sententia. *l. nominis. §. i. ff. de verb. sig.* Sententiā legis appellamus propositum legis, seu finem legislatori propositum, siue rationem propter quam ius constitutū est. At in superioribus interdictis hæc ratio fuit eorum proponendorum, ne per occasionem arboris vicino noceretur. Hæc ratio siue sententiā interdictorum, & edicti prætoris multo magis locum habet in arbore aliena, non solum qui damni vicino occasionē præbet, ut accidit, cum in vicinū locum tantum impendit; sed etiam quæ suo corpore nocet vicino; quod fit, cū radices arboris parieti vicini periculum creant. Quare multo magis in hac specie ius idem statuendum est.

Itaque

Itaq; ꝑ hac ratione, atq; hoc exemplo statuitur hac definitio iuris certi; quoties lex de certis tantum rebus scripta est, si legis sententia & ratio manifesta est, nihilominus idē ius ad ceteras res omnes, quæ in lege appellatæ non sunt, transferendum esse, si in his aut par, aut maior ratio est, exstat in *l. non possumus. §. leg. seq. ff. de leg.* Ex quo & verissime hoc vulgo dicitur, ubi eadē ratio est, ibi idē ius esse statuendum. sumtum ex *l. illud. Dig. ad leg. Aquil.* Non absimile exemplum est illi, quo vitur Cicero in Topicis ad confirmationem huius ipsius sententiæ, in argumento ex comparatione parium.

4 Ergo ꝑ in specie hoc loco proposita interdicto de arboribus cædendis agetur; non directo, quia verba deficient; sed vtili ex interdicti sententia. Sic. n. viles actiones appellamus, quæ deficientibus verbis legis ex sententia competunt. *§. ult. Inst. ad leg. Aquil. l. pen. ff. si quadrup. pauper. fec. dic.*

5 Hæc ꝑ quæ diximus ita sunt, si arbor, cuius radices nocent, insita sit a domino relicto legitimo spatio, q. relinqui iubetur. *l. ult. ff. fin. reg.* Nam si hoc spatium relictum non est, agi cum domino arboris potest finium regundorum, vt siue arbor noceat, siue non noceat, tamen arborem tollat. *d. l. ult. fin. reg.* Quod si hoc spatium legitimum relictum erit, & nihilominus arbor ita nocebit, vt supra dictum est, hæ erunt actiones & interdicta, de quibus diximus.

L. Præses Prouincia. II.

Imp. Valerian. & Galienus. A. A. Messia.

Præses prouincia in eum, qui eiusdem prouincia non est, nec ex interdicto potest cognoscere. PP. 7. Cal. Maii. Seculare & Donato. coff. 261.

S V M M A R I V M.

- 1 Extra territorium neminem iudicem cognoscere posse, ne ex interdicto quidem.
- 2 Cur dubitetur, & nihilominus contra statuatur in interdicto.
- 3 Iudicem omnem in eum, qui eiusdem prouincia non est, cognoscere posse quatuor in causis & quibus.
- 4 Id huic loco non aduersari, & cur.

Præses prouinciæ, eoq; multo magis inferior iudex, aduersus eum, qui eiusdem prouinciæ & territorii non est, cognoscere non potest. quod sic interpretandum est. Non potest iute, siue vtiliter: quia quodcumque aduersus eū ius dixerit, pro nō dicto est. licet. n. ei non parere, idque impune, quia supra iurisdictionem suam ius dixit. *l. ultim. ff. de iurisdict. tot. tit. §. si non a comp. iud.* Hoc ius pro explorato habetur tam in actionibus in rem quam in actionibus in personam de aliis rebus, quam de possessione competentibus.

Quæsitum ꝑ est, an idem seruandū esset, si apud præsidem prouinciæ ageretur interdicto: veluti, si aduersus ciuem alterius territorii ageretur de possessione fundi ibi constituti vel interdicto retinendæ possessionis *Uti possideris*, vel interdicto recuperandæ *Unde vi*, Placet hoc loco idem iuris esse, etsi ex interdicto agatur, vt intelligamus generaliter ita definiri: neq; præsidem neq; vllū iudicem vllō in iudicio cognoscere aduersus eum posse, qui eiusdem territorii non sit.

2 Sed ꝑ cur potius dubitatur de interdicto, quam de ceteris actionibus? Quia ex interdicto de possessione agitur. Causa autem possessionis siue victoria de possessione non magnum præiudicium adferre videtur: quia sit possessio, quæ inde obtinetur, momentaria. de quo dicetur ad *l. momentaria. inf. unde vi*. Sed nihil

hoc ad re pertinet. Nam dum a præside ius dicatur, nihil refert, quantum ea sententiæ noceat, & quamdiu ius certū esse debet, neminem supra iurisdictionem suam ius dicere posse. *d. leg. ult. de iurisdict.* Et merito, qui enim supra iurisdictionem suam ius dicit, tanquam priuatus dicit; vt proinde non magis necesse sit ei parere, quam alii cuius priuato.

Sed ꝑ diligenter cauendū est, ne quod hic dicitur, simpliciter & absolute dictum accipiamus. alioq; multis modis falsum erit. Et certe ius ita habet, vt, nō dico præses, sed quiuis iudex in eum, qui eiusdem prouinciæ non est, possit iure cognoscere, & quidem pro iurisdictione sua, quatuor de causis, quæ ex argumento de iurisdictione, & foro competenti sumuntur melius. nunc pro loco, quod necesse sit, tantum leuiter perstringam. Primum, his, cum quo agitur, in iudicē consenserit. *l. 1. §. 2. in pr. D. de iud.* Tum si idem in eadem prouincia contraxerit, quo nomine nunc ibi conuenitur. *l. heres absens. §. ult. §. l. seq. ff. de iud.* Et ideo si in hoc agro tibi dederim rem aliquam precario, recte aduersus te quamuis exterum in hac prouincia tecū agam interdicto de precario. Præterea si quis hic agat, & vice mutua ab aduersario conueniatur. *l. qui non cogitur. ff. de iud. l. cum Papin. §. auih. seq. §. de sent. & interloc.* Postremo si in hoc territorio fundus situs sit, cuius controuersiam patior ab homine extero, aut cuius de possessione ab illo sum deiectus; licet mihi aduersus illum hoc loco experiri de fundi possessione tam ex interdicto *Uti possideris*, quam ex interdicto *Unde vi*. Plus dico: etiam hoc loco causa possessionis agenda est. *l. unica. §. ubi de possessione agi oportet.*

Quid ꝑ est igitur, quod hac lege dicitur, præsidē in eum, qui alterius prouinciæ est, cognoscere ex interdicto non posse? Id ex quæstione proposita interpretandum est. Agebatur ex interdicto apud præsidē prouinciæ, & actor contendebat, quia interdicto ageretur, posse in hoc territorio et agi aduersus exteri. Hic respondetur, si ob hanc tantum causam præses aduersus exteri cognoscere vult, quia causa possessionis agitur ex interdicto, nullā hanc causam esse, cur possit id facere. Itaque hæc solum causa cognoscendi hoc loco remouetur. Ceterum ob alias causas, si velit iudex cognoscere, potest: non dico ex interdicto, sed & ex ceteris quibusuis actionibus, dummodo vna aliqua ex illis quatuor causis afferatur, quas supra dixi.

L. Incerti. III.

Imp. Dioclet. & Maxim. AA. & CC. Pompeiano præfecto prætorio.

Incerti iuris non est, orta proprietatis & possessionis litæ prius possessionis decidi: oportere quæstionē competentibus actionibus, vt ex hoc ordine facta, de domini disceptatione probationes ab eo, qui de possessione victus est, exigantur. Interdicta autem licet in extraordinariis iudiciis proprie locum non habent, tamen ad exemplum eorum res agitur. Subscr. Cal. Ian. S. i. p. s. AA. Coff.

S V M M A R I V M.

- 1 Proprietatis & possessionis controuersia, quæ, & quando incidat.
- 2 Commodum possessoris, & petitoris onus, controuersia de possessione causam præbere, & quod sit hoc commodum, atque onus.
- 3 Possessionis litem prius quam proprietatis decidi oportere, idque civilem & naturalem rationem efficere: & quare.

4 Possessorio & petitorio iudicio simul agi nunquam posse, quocumque interdicto agatur, etiam recuperanda, aut adipiscenda possessionis.

5 Ius refragari.

L. 1. C. de appel. explicatur ibid.

6 Petitorio & possessorio simul agi posse, absurdum.

7 Petitorii & possessorii naturam non admittere horum iudiciorum concursum.

8 De c. Pastoralis. & c. cum dilectus. extra de caus. pos. & prop. quid sentiendum.

9 L. cum fundum. §. vlt. D. unde vi explicatur.

10 Qui cepit rem vindicare, si postea de possessione experiaur (quod facere non prohibetur) non ideo repudiari petitorium iudicium, sed pendere, donec de possessione iudicetur. & num. 12. 13.

11 L. naturaliter. §. nihil commune. D. de ac. pos. sententia, ubi & vulgaris error refellitur.

12 Auth. qui semel. C. quo. & quan. iud. quam sententiam habeat.

13 De possessione qua actiones.

14 Interdictis hodie cessantibus eorum loco actionem esse utilem, cur dicatur utilis.

15 Interdicta hodie cur locum non habeant.

Extraordinaria iudicia omnia nunc esse, & fuisse etiam temporibus Iurisconsultorum, cum olim essent ordinaria: cur dicta olim ordinaria, nunc extraordinaria. ibid.

Tunc inter aliquos controuersia est possessionis & proprietatis, cum ambo se eiusdem fundi, aut cuiusvis alterius rei possessores esse volunt, & ambo se dominos esse dicunt. Oriri solet hæc controuersia, cum is, qui se dominum fundi dicit, fundum qui ab alio detinetur, a possessore vindicat, illum suum esse & sibi restitui debere intendens: sed idem & de possessione adiciit petens, ut nihilominus in ea lite possessoris comodo fruatur, aduersarius petitoris partes sustineat. Quod his de causis potest petere; vel qd dicat se eum fundum iam nunc possidere, qua in re & interdicto uti possideris agat: vel quod intendat sibi possessionem ab aduersario restitui debere. Quod & ipsum duplici nomine peti potest; vel quia deiectus sit de possessione ab aduersario, ubi & interdicto unde vi experiaur; vel quia dicat, se possessionem nunc primum adipisci posse, & ad eam rem utatur iis interdictis, quæ sunt adipiscendæ possessionis; ut, *Quorum bonorum*, *Quod legatorum*. Aduersarius contra primum se dominum esse dicit: deinde, quod ad possessionem attinet, etiam se possidere contendit, & ita possidere, ut possessionem aduersario restituere non debeat. Et quod actor qui se dominum dicit, rei vindicatione agit, ut possessionem fundi sui recuperet; recte & consulto facit. Nam hoc iudicio possessionem rerum nostrarum recuperamus ab iniustis possessoribus; & quidem ita efficaciter, ut postea illi de possessione controuersiam mouere non possint, obstante rei iudicata exceptione. *leg. officium. Digest. de rei vindicat.* Sed dum hoc consequatur, nihil est, quod querat amplius. Quid igitur necesse fuit, dixerit aliquis, eum qui hoc iudicio agit, etiam interdicto aliquo aut actione de possessione controuersiam mouere?

Id eo fit, & recte, quia certum est comodum possessoris, certum onus petitoris. Petitoris onus in eo est, quod is probare debet rem suam esse, quam suam esse intendit, ac nisi faciat, reus absoluitur. *l. qui accusare. §. de edendo. l. inter. ff. de iud.* commodum possessoris in eo, quod si petitor nihil probet, reus absoluitur, quamvis ipse nihil protulerit; ita

in suo loco manet possessio. *d. l. qui accusare. §. retinenda. vers. commodum. Inst. de interd.* Hoc commodum sibi habere vult actor possessionem sibi asserendo, & simul petitoris partes in aduersarium transferre. Recusat is, cum quo agitur. Hinc controuersia de possessione in causa proprietatis.

In hac controuersia possessionis & proprietatis, questio est, utrum iudex possit prius de proprietate cognoscere, & sententiam ferre; an simul de utroque; an vero prius possessionis lite decidere. Placet possessionis lite prius decidi oportere: quod hic scriptum est, & in *l. ordinarii. §. de rei vin.* Ex quo colligimus, nisi prius iudex de possessione iudicauerit, iure ab eius sententia appellari posse, quod & ipsum est in *l. 1. §. de appel.* Cur placeat causam possessionis prius decidi oportere, hic ratio reddita est, ad hanc sententiam, ut scilicet finita possessionis controuersia, & hoc constituto, uter sit possessor, tunc recto ordine, ad petitoriam actionem procedatur: in qua qui possessor pronuntiatus est, fruatur commodo possessoris: contra qui de possessione victus est, petitor factus partes & onus petitoris sustineat: quæ duo sunt in eo, ut probationes ab eo exigantur. Et vero id ita fieri necesse est. causa. n. possessionis ante non decisa, petitoria actio, id est, lis de proprietate, neque potest institui, neque iure ordinari, neque in eo iudex idoneam sententiam ferre. Non potest actio institui petitori; quia ut hoc explicatur in *§. retinenda. Inst. eod. tit.* in petitoria actione oportet unum petitorem esse, & alterum possessorē, a quo petatur, idque & civilis & naturalis ratio facit. Civilis, quia ius civile actionē in rem proponit tantum aduersus possidentē. *l. actionū. ff. de obl. & act.* Naturalis, quia natura non potest fieri, quin in petitione sit vnus qui petat, & alter, a quo petatur. is autem est, qui pro possessore habetur. Nam cum ab eo petatur, ut rem restituat, non potest fieri, quin rem habeat apud se, aut teneat. Quod enim non possidet, restituere non potest. Sed & is qui petit, non potest possessor esse: quoniam frustra peteret, quod habet. Ergo, ut dixi, non potest petitoria actio, siue rei vindicatio, siue, quod idem est, lis de proprietate aliter institui, quam si constet, uter possessor sit, uter petitor. Hoc autem constitui non potest, nisi decisa possessionis lite, ex qua intelligetur, uter sit possessor. Prius igitur eam litem decidi oportet, ut petitoria actio instituatur. Eadem actio sine superiore decisione ordinari non potest: non enim potest intelligi, quis comodo possessoris, quis onere petitoris fungatur. Postremo iudex, quam hic sententiam ferat, non habet. Etenim si in petitoria actione petitor non probat, aut pares sunt utrinque probationes, iubetur iudex de dominio secundum possessorē iudicare aduersus petitorē. *d. l. qui accusare. de eden. l. in pari. ff. de regul. iur.* Hoc vero præstari ab eo non potest, qui uter possessor, uter petitor sit, ignoret.

Si de possessione prius iudicari oportet, perspicuum est simul possessorio & petitorio iudicio agi non posse, & quod idem est, falsum esse, quod vulgo dicitur possessorium & petitorium iudicium posse concurrere. Idque ita est, siue iubeatur iudex iudicare de alterutro, ubi prius de eo probatum erit, siue iubeatur de utroque, id est, & de possessione & de proprietate eodem tempore sententiam ferre. Hoc idem & vulgo recipiunt, cum de possessione agitur interdicto retinenda possessionis: ubi sane absurdum est, eum, qui se possessorē dicit ex interdicto, petitorio agere, quo modo agendo aduersarium facit possessorē. Non idem probant si de possessione agatur interdicto recuperandæ & adipiscendæ possessionis, ut

si quis deiectus de fundi possessione experietur interdicto unde vi, & idem se fundi dominum dicat; aut heres interdicto quorum bonorum de adipiscenda rerum hereditariarum possessione, quarum & idem se dominum esse dicat. Hic statuunt utrumque iudicium posse concurrere, ut quis agat & de possessione, quam sibi restitui postulet, & simul de proprietate, de qua iudicio petitorio experietur; ratione, ut videtur, non improbabili, quia qui possessionem sibi restitui petit, is se non possidere confitetur, sed aduersarium: cui intentioni nihil facit repugnans, cum & ab eo petit rem iudicio petitorio. Sed hanc sententiam falsam esse omnibus modis convincitur, siue quaeratur de iure, quod de hac re constitutum habemus; siue quaeratur huius iuris ratio; siue natura ipsa spectetur, quae ut est conditio horum iudiciorum, istam sententiam ut absurdam & impossibilem repudiat.

Si igitur ius quaerimus, haec generalis sententia tradita est in hac lege, item in *ordinariis de re. vin. possessionis* quaestio nem prius decidi oportere, ubi observandum est dici, decidi oportere, non quia de retinenda possessione agatur, sed tantum ideo, quia de possessione sit controversia. At possessionis controversia est, etiam cum interdictis recuperandae, & adipiscendae possessionis agitur, ut declarat diuisio interdictorum. in *sequens. Inst. eo. tit.* Prius igitur & haec controversia ex his interdictis nata decidenda est. Quod si de specie ipsius interdicti *Unde vi*, quod est recuperandae possessionis, quaeritur; res decisa est in *l. i. C. de appel.* Illic enim scriptum est, prius de possessione iudicari oportere, & de ea possessione, in qua crimen violentiae exercitur, quod non fit, nisi ubi interdicto *Unde vi* agitur ab eo, qui vi de possessione deiectus erat. Non additur, prius iudicandum esse, quam de proprietate agatur, sed hoc necessario intelligendum est. Non enim potest dici, prius iudicari de possessione ex interdicto, nisi hoc prius ad alias res relatum sic intelligamus, ut iudicetur de possessione prius, quam agatur aut de vi criminali iudicio, aut de proprietate, aut de utroque. Cum autem nihil adiciatur, utrumque; intelligere debemus; nempe prius de possessione iudicandum esse, quam & de proprietate & de vi, de qua iudicio criminali agatur. *l. si quis, ad leg. Jul. de vi publi.*

Si igitur ratio huius iuris quaeritur, sententia istorum absurda est. Nam cum agitur interdicto recuperandae aut adipiscendae possessionis, non constat, uter ex litigatoribus sit possessor, aut certe uter pro possessore haberi, & commodum possessionis frui debeat, priusquam de possessione ex interdicto iudicatum sit. Ergo & prius de eo iudicari oportet; quoniam hoc non constituto, petitoria actio institui non potest. Et quidem hac ratione fatentur omnes in interdicto retinendae possessionis, prius de possessione iudicari oportere, ut sic ad petitorium iudicium perveniat. Et si negent, diserte scriptum est in *d. s. retinenda. Inst. eo.* Ergo & in interdictis recuperandae & adipiscendae possessionis eadem ista ratione fateamur, necesse est, prius ex his interdictis de possessione iudicari oportere. Nec ad rem pertinet, quod quis petit, possessionem sibi restitui, vel de qua deiectus est, vel quam nunc primum adipisci vult, is se possessorem non esse confitetur, & aduersarium possidere agnoscit; qui alioquin male ab eo peteret, ut possessionem restitueret. Hoc. n. ita est, si spectetur id, quod videtur esse. Diversum est, si spectetur res & effectus iuris. Reuera & iure is, qui deiecit, non videtur possidere, neque omnis, qui possessionem retinere non potest. *l. non videtur. ff. de acq. pos.* Contra, qui de-

iectus est, & omnis omnino, qui ad recuperandam possessionem actionem habet, pinde habetur, quasi possideret. *l. si quis vi. ff. de acq. pos. l. qui actionem. ff. de reg. iur.* Itaque siue is reuera possidet, bene est, siue non possidet, tamen possessio & una possessionis commodum ei tribuendum est sententia iudicis. Quod si iudex ante omnia non facit, iure ab eo provocatur. *d. l. i. s. de appel.*

Postremo igitur ut de hac re nihil iure proditum esset, ut huius iuris rationem nullam teneremus; tamen ea est conditio istorum iudiciorum, possessorii dico & petitorii, ut natura non patiatur, ut quisquam his iudiciis simul expleatur. Primum iudicia inter se sunt pugnentia, & eiusmodi, ut quod actor uno consequitur, id altero repudiet. Nam possessionis controversiae finis & exitus hic est, ut qui possessorio agit, possessor iudicatus commodum possessionis fruatur. *l. exitus. ff. de acq. pos. l. inter. ff. de iud.* At petitorii iudicii haec conditio est, ut qui eo experietur, petitoris onus in se suscipiat, simul possessionis commodum repudiet. *d. leg. inter. de iud. d. s. retinenda. Inst. de interd.* Nemo autem sanus ita simul agat, ut tam aperte seipsum excludat. denique pugnantia ut natura, sic iure non admittuntur. *leg. ubi pugnantia. Digest. de reg. iur.* Verum fingamus haec admittia iudice. attamen res apud iudicem exitum habere non potest, ubi de possessione prius iudicatum non erit. Nam si actor in iudicio petitorio non probet se dominum esse, aut probet quidem, sed pares sint ab utraque parte probationes; iubetur, ut ante dixi, iudex reum eundemque possessorem absolvere, aduersarium damnare. *d. l. qui accusare. s. de ed. l. ult. s. de rei vind. l. in pari. ff. de reg. iur.* Hoc vero quomodo aut iure aut natura iudex praestare potest, qui nesciat, uter ex litigatoribus sit possessor, uter petitor? Quid amplius volumus? ut maxime haec duo iudicia recipiantur; tamen natura vincit petitori alterutrum inutile futurum. Siue enim is possessorio vincit, siue vincitur, semper ei possessorium inutile est. Nam etsi eo vincit, tamen ipse sibi id inutile reddit; cum nihilominus petitorio experietur, ubi possessoris commodum repudiens, petitoris partes sustinet. Sin autem vincit prius petitorio, ei multo magis possessorium est superuacuum. Petitorio namque consequitur possessionem fundi efficacius, quam possessorio; quia priore iudicio vincenti possessio amplius auocari non potest. *l. officium. ff. de rei vind.* Quod si eodem tempore & de possessione iudicabitur & de proprietate, ita ut is qui agit, possessor pronuntietur, aduersarius pronuntietur esse dominus; eveniet mirifica illa sententia, de qua est in *c. pastoralis. s. in c. cum dilectus. ex. de caus. prop. s. possess.* nimirum ut iudex iubeat reum possessionem restituere actori, qui possessor est; & simul eodem momento, eademque sententia iubeat eum ipsum actorem restituere possessionem reo, qui dominus est, & superior in iure proprietatis. Quae sententia non tam est iniqua & absurda, quam ridicula & derisoria. Est enim festinus iudex, qui dicit, se actori possessionem tribuere, quam non tribuit. Non enim videtur pervenire, quod mansurum non est; & praesertim, si statim id aufertur, quod datum erat. *l. aliud est capere. D. de verb. sig.* Itaque hic ridetur magis actor, quam ei quidquam tribuitur. Quamquam haec sententia est absurda, cum eundem reum possessionem retinere vetat, & tamen habere iubet. Est etiam contra ius; quoniam actor dolo facit, qui petit possessionem, quam statim & momento restitutus est. *l. dolo. de dol. mal. excepti.* Iniquam igitur statuit iudex, qui hunc dolum sententia sua tueretur. Et tamen

verbis tantum tenetur, effectu autem ridet. Summa sic hæc; cum ex interdicto recuperandæ & adipiscendæ possessionis actor possessionem, & simul possessionis commodum consequi debeat, hoc illi ante omnia sententia iudicis tribuendum esse, lite possessionis prius decisa. Id nisi fiat, fore ab eo appellari posse.

Cum sit hæc sententia adeo certa, & ut videtur, explorata, operæ pretiū est cognoscere, quid fuerit Martino, & reliquis hunc secutis causis, ut eā repudiant.

9 Mouit t̄ eos præcipue *l. cum fundum. §. ult. D. unde vi*. Illic scriptū est, eum, qui fundum vindicauit, pendente adhuc iudicio vindicationis, quod petitorium iudicium, & de proprietate appellamus, hoc, inquam, iudicio pendente posse interdicto unde vi experiri, nempe de possessione eius fundi, de qua actor deictus erat. Ex quo colligunt, simul eundem utroque iudicio experiri posse, & possessorio & petitorio. Gravis sane obiectio, & digna in primis, cura iure tam manifeste, quam supra dictū est, discederent. Atqui perspicuum est, nihil hic plane contrariū dicti superiori sententia. Non enim dicitur eum, qui interdicto experitur, sic experiri, ut simul & interdicto, & rei vindicatione agatur. Sed nec ex eo, quod dicitur interdicto agi posse pendente vindicatione, ideo colligitur et, una & rei vindicatione agi eodē tēpore; cum possit actor interdicto experiri omnia vindicatione, quā instituerat. Et vero ita fieri debere intelligendum est. Nam cum dicitur, pendente vindicatione interdicto agi posse, et dicitur agi de possessione. Quod si agitur de possessione, res certi iuris est, possessionis controversiā prius decidi debere, nō nouo aliquo & nouo constituto iure, sed iure ordinario, ut est in *l. ordinariis. §. de rei vind.* id est, iure solemnī vetere, & iam olim constituto, atque usurpato. At dicitur, illic non dicitur, pendente iudicio rei vindicationis, & omisso, siue intermisso. In promptu responsio est: non dicitur, fateor; sed etiam non negatur. Præterea non sic dicitur, interim agi posse interdicto, ut simul rei vindicatione agatur; & de ea cognoscatur. Itaque hoc, an ita interdicto agi possit, ut cōiunctim & de possessione ex interdicto, & de proprietate iudicio possessorio agi possit, an vero de possessione separatim tantū: hoc, inquam, eo loco nō attingitur, sed in medio relinquitur. Proinde relictū ex regulis iuris certi, quæ alibi traduntur, dilucidandū est. Sunt autem hæc, quas dixi, prius decidi oportere possessionis causam.

10 Quod t̄ si verum est, consequens est, si prius de proprietate actum esset, petitorium iudicium interim pendere & cessare debere, donec de possessione iudicatum fuerit. Quapropter si quis in *l. cum fundum. §. ultim.* illa verba, pendente iudicio, interpretetur, suspensio iudicio rei vindicationis, & ad aliquod tempus omisso, fortasse non errauerit, quod tamen ut verba illa nō significet, nihil fortius ex alio locis intelligi oportet.

11 Ex t̄ quo etiam intelligi pot, quid respondeamus ad id, quod vulgo querunt ad *l. naturaliter. §. nihil commune. D. de acq. poss.* quod tam multis paginis Bartolus, & ceteri omnes expedire adhuc non potuerunt. Nam cum illic diceretur, eum, qui coepit rem vindicare, posse nihilominus interdicto uti possidetis de possessione experiri, idque ita omnes acciperent, ut fatere, iur. simul cū eo possessorio non posse agi petitorio, siue rei vindicatione prius instituta: ideo querunt, quid igitur interim petitorio fiat, cum illa concurrere in hac causa nō possint. Et respondent eū, qui interim interdicto uti possidetis experitur, petitorio re-

nuntiare aut aperte aut tacite; aut etiā intelligendū finitū prius esse petitorium, quā possessorio ageretur. Vtrūque falsissimū. Qui interdicto uti possidetis experitur, non magis petitorio renuntiat, quam is, qui petitorio prius egerat, siue rem vindicare coeperat, intelligitur renuntiare possessioni. Nihil enim commune habet proprietas cum possessione, ut illic dicitur. quo significat Ulpianus, cum harū rerū iudicia diuersa sint, si quis experitur, non ideo eum alteri renuntiare. Multo minus intelligendum est in specie illius loci, finitum fuisse petitorium, vel rei vindicationē. Nam ita verba sunt, non denegari ei interdictum uti possidetis, qui coepit rem vindicare. Qui coepit, non finit. Coeptum igitur iudicium, non finitum est. Quid ergo, inquam, petitorio iudicio fiet, cum non possit cū possessorio concurrere? Respondebimus, quod supra nempe interim omittetur rei vindicatio, donec de possessione iudicetur. Neque probatio huius rei longe petenda est. subministratur enim aperte ex hac *l. incerti. & similibus*, cum dicitur, *possessionis controversiam prius decidi oportere*. Non potest decidi prius, nisi interim iudicium petitorium conticeat, ad quod non nisi constituta possessione perueniri non potest.

Hoc t̄ loco obicitur auth. *q. semel. §. quom. & quam. 12. ind.* Illic scribitur, *eū qui semel actionē instituit, de vera usq. ad finem litem exercere*. Quo cuiuslibet putant, vindicationem institutam omitti non posse. Sed hoc iure offendi non debemus. Qui interdicto de possessione experitur pendente rei vindicatione, & interim persecutionem petitorii omittit, is non recusat litem exercere de proprietate; sed recusat in ea lite partes petitoris sustinere, ac se commodō possessoris frui vult, id quod iure postulat, cum sit possessor, nec possessioni renuntiauerit vindicando. Licet etiam hoc modo respondere. quod dicitur in auth. *qui semel*, eum, qui actionem instituit, actionem ad extremum exercere debere: sic accipiendum est, *nisi sit iusta causa, cur actionem coeptam omittat*. Quæ interpretatio probatur ex sequentibus verbis illius authenticæ. Subicitur enim postea, *si is, qui actionem instituerat, litem non exercet, rem iudicandam esse presente aduersario, auditis eius allegationibus & cognita veritate*, id est, ita iudicari debere secundum præsentem, si iure id fieri oporteat, & agenti nullum ius sit. At tunc secundum præsentem aduersarium iudicari non oportet, ubi non constat eum possessorem esse. Non constat aut, ubi is, qui rem vindicare coeperat, interdicto de possessione experitur. Nihil igitur prohibet neque ex veteri neque ex nouo iure, quominus is, qui rem vindicare coeperat, pendente iudicio de possessione, aliquo interdicto experiat, & interim suspendatur rei vindicatio. Neque ideo actor in expensas litis cōdemnandus est, qui rei vindicationem institutam omittit. Is enim in expensas litis condemnandus est, qui temere litigauit. *l. eū quē temere. ff. de iud.* Nihil aut temere facit actor, qui cum illi & petitorio & possessorio coepit, his diuersis temporibus utitur, cum vult. Huc pertinet regula iuris, nullum videri dolo facere, qui suo iure utitur. *l. nullus. ff. de reg. iur.*

Hoc iure constituto possessionis litem prius decidi oportere, questū est, quomodo decideretur. Atque Imperatores decidi oportere competentibus actionibus. Sensus est: ita decidi oportere, ut sunt interdicta, siue actiones, quibus de possessione nobis asserenda agitur, siue quæ de ea re nobis coepit. Quod propterea dicitur, quia nō vniū genus est possessionis, quā na-

bis afferimus. Est enim possessio, quam penes nos esse dicimus, quam nobis volumus retineri. Est possessio, quæ nobis abest, sed quam vel adipisci vel recuperare amissam volumus, *l. 1. §. 1. & 2. vbi poss.*

- 13 De ¶ vnoquoque genere, siue iurisdictiones, siue interdicta, quæ non eandem petendi causam habent. Hocigitur sentiunt Imperatores, item possessionis decidi oportere, vti erunt interdicta siue actiones, quibus aut retinendæ possessionis causa agitur, aut adipiscendæ, aut recuperandæ, *§. sequens. Inst. eod.* Etiam actiones ordinariæ interdum de possessione competunt ex quibudam causis; vt condictio indebiti de possessione indebita a iurisdictione, vt condictio furti de re furtiua; vt condictio sine causa, & triticaria de possessione fundi, de quo deiectionum sumus, *l. indebiti. §. 1. de cond. indebiti. l. in fin. cum l. §. sequens. D. de cond. trit.* Itaq; his etiam cum agitur, ex earum natura æstimandum erit, quomodo his possessionis decidatur.

Hocposito, occurrebat hoc loco hæc dubitatio. At isto modo non poterit his possessionis expediri, quia nullæ sunt competentes actiones de eare, aut certe per paucas. Nam de possessione interdicta competunt. Porro interdicta in extraordinariis iudiciis locum non habent. Huic dubitationi occurrunt Imperatores; in extremo, & rem expediunt hoc modo.

- 14 Interdicta, si id est, formulæ, quibus olim concipiebantur interdicta, sane hodie locum non habent, sed res interdictorum mansit. Nam res agitur actionibus exemplo interdictorum, id est, actione petet vnusquisque, vt sibi possessio defendatur, vt sibi possessio, quam non habet, restitatur ex iis causis, ex quibus interdicta iisdem de rebus competere. Et tantum consequitur actor, quantum consequereur, si interdictis retinendæ, adipiscendæ, aut recuperandæ possessionis expertus esset. Vnde actio quæ de possessione nunc competit, vtilis dicitur, *§. vlt. Inst. eo.* quoniam omnis interdictorum verbis sententiæ interdicti, id est, rem & effectum retinet.

- 15 Sed ¶ cur interdicta hodie locum non habent? Quia iudicia hodie sunt extraordinaria, vt significat Imperatores his verbis; interdicta autem licet in extraordinariis iudiciis proprie locum non habent, quæ nisi explicentur, locus commode intelligi non potest. Primum hoc statuendum est, hodie iudicia esse extraordinaria, & quidem iis temporibus, quibus vixerunt Iurisconsulti, ac non tantum Imperatores Diocletianus & Maximinianus auctores huius rescripti. Extraordinaria fuerunt, non vnus aliquod, sed omnia, *§. vlt. Inst. eo.* Extraordinaria dicta, cum olim essent ordinaria, vt est in tit. *Inst. de success. subl. in pr.* Ordinaria iudicia olim dicta sunt ex eo, quod certo tatum anni tempore, & constituto, idq; certo ordine & forma exercerentur: quod tempus dicebatur conuentus, vt Theophilus ducet ad eum titulum *Inst. de success. subl. §. ad §. eadem. Inst. quib. ex cau. manu. nō lic.* Recte hoc modo iudicia ordinaria. Nam in vfu veterum ordo dicitur forma & ratio, siue mos rei gerendæ certus & solemnus, id est, iam olim constitutus: quod quæ certa sunt & constituta, ea certo ordine constant & administrantur. Hac sententia dicitur ordo iudiciorum publicorum exercendorum exoleuisse, *l.ordo. ff. de pub. iud.* Hoc sensu ius ordinariæ, id est, certum & vfitatum, *l. ordinariis. §. de rei vind.* Hinc ferriæ extraordinariæ solemnibus oppositæ, *l. sed et si. §. si ferriæ. ff. ex quib. cau. mai.* Hac ratione dicta executio ordinariæ, cum iudicio de iure nostro agitur. Contra cum prætor vi & manu decre-

tum suum exsequitur, dicitur extra ordinem exsequi, *l. 3. ff. ne vis si. ei, qui in poss. miss. est.* Nempe quia ratio vfitata & solemnus iuris nostri persequendi hæc est, vt iudicio experiamur, *l. 1. §. de ex se. rei vind.* Recte ergo iudicia ordinaria appellata, quæ certo & tatum tempore atq; ordine exercentur. A quo ordine cum discessum est, quod tunc factum est, cum coeperunt quouis tempore iudicia exerceri: recte dicta sunt exerceri extra ordinem, quia præter morem veterem & vfitatum. Vt autem in tempore a veteri ordine discessum est: sic discessum est ab ordine iudiciorum exercendorum, vt ambages verborum & circuitus non necessarij in iudiciis exercendis omitterentur, *tit. de success. subl. §.* Hinc conceptio formularum in iudiciis obseruari desinit: quod & Pauli temporibus valuit, *l. antepen. ff. de neg. gest.* Ius deinde reuocatum, & constitutum apertius lege Constantini, *l. 1. §. de for. & imp. act. subl.* In hoc genere erant interdicta, quæ constabant formulis & conceptionib. verborum, *Inst. de interd. in pr.* Ex his iam intelligimus, cur dicantur hoc loco interdicta in iudiciis, quæ nunc extraordinaria sunt, proprie locum non habere. Proprie adiectum est, quia interdictorum conceptiones locum non habent, vis ipsa, & effectus interd. & ius manet.

L. vlt.

Imp. Arcad. & Honorius AA. Emiliano præfecto prætorio.

Si quis quodlibet interdictum efflagitet ruptis veteribus ambagibus, inter ipsa cognitionum auspicia, actionem exprimere ac suas allegationes inbeatu proponere. Dat. 13. Cal. Aug. Constantinop. Arcadio A. VI. & Probo Coss. 406.

SUMMARIA.

- 1 Ambages interdictorum hæc formulæ verborum, deductiones in rem præsentem, impetratio actionis ex causa interdicti.
- 2 Ambages interdictorum hac lege ita sublata, vt interdictum ne postulare quidem hodie liceat.

AMBAGES interdictorum hic nominantur, non solum quod interdicta formulis verborum non necessariis constarent; sed etiam quod impetrato & reddito interdicto deductiones quædam in rem præsentem more fieri solent, vbi possessio restitueretur, aut declararet reus se vi abstinere, vim possideri non facere; vt colligere licet ex oratione Cic pro Cacin. Hic si interdicto prætoris paritum non esset, tunc deniq; impetrabatur actio aduersus eum, qui non paruisset, quæ ex causa interdicti reddebatur, vt significatur in *§. vlt. Inst. de interd. quæ bene & erudite annotata sunt a Barone ad tit. de interd. in pr.* Hos circuitus & has ambages inuiles esse perspicuum est. Itaq; his sublati statim iubetur actor actionem suam de possessione proponere. Sed cum hæc ambages iam ante obseruari defuissent, vt declaratur lege præcedente, quid opus fuit hac constitutione?

Hoc ¶ videtur hæc constitutio adieciisse. nam ante interdicta non obseruabantur, id est, non necesse erat obseruari, si quis tamen interdicto experiri vellet, non prohibebatur: vt res hæc videretur relinqui libera, vtrum quis interdictum postularet, an non postularet. Hac constitutione res in necessitatem iuris translata est, vt si quis interdictum postulet, non audiat.

AD TITVLVM II. QVORVM bonorum.

SUMMARIA.

- 1 Pand. Florentinarum lectio in interdicto Quorum bonorum emendata. & num. 13.

- 2 *Quorum bonorum interdictum propositum ei cui ex edicto pratoris bonorum possessio data est: & hoc totum quid sit, quidque hodie contineat.*
- 3 *Non omnibus heredibus quorum bonorum interdictum competere, sed solis qui apud magistratum bonorum possessionem agnouerunt.*
L. 1. C. hoc tit. exponitur, ibidem. & num. 6.
- 4 *Quorum bonorum interdictum ideo necessarium ad rerum singularum possessionem adipiscendam, quia hanc bonorum possessio data non tribuit.*
- 5 *Non sufficere ad hoc interdictum bonorum possessionem datam, sed probare oportere ex iusta & vera causa datam.*
- 6 *Hoc interdictum competere de rebus hereditariis non solum quae nunc tales sunt, sed etiam quae a possessore usucaptae sunt. ubi explicatur illa verba interdicti, possidere scilicet, si nihil usucaptum esset.*
- 7 *Pro herede possidentem non aliter usucapere posse res hereditarias, quam si iustam causam habeat existimandi se heredem esse.*
- 8 *Hoc interdictum cur de re hereditaria a possessore usucapta, aduersus dominum, & eum qui actionem & exceptionem de re habeat.*
- 9 *Hoc interdictum solum aduersus corporum hereditarium possessores, non etiam aduersus debitores hereditarios, aliter atque petitio hereditatis. & differentia ratio.*
- 10 *Hoc interdictum cum persequatur res singulas, quid sit, quod dicitur in l. 1. D. hoc tit. referri id ad universitatem bonorum, non ad res singulas.*
- 11 *Interdictum dari aduersus eum solum qui pro herede, prout possessore, non etiam in isto titulo possideat; & cur.*
- 12 *Hoc interdictum competere etiam aduersus eum, qui dolo desit possidere.*
Tenor interdicti quid sit in l. 2. C. hoc tit. ibid.
- 13 *Hoc interdictum ad hoc competere, ut quod de hereditate possidetur, restituatur, id est, praestetur actori.*
- 14 *Petitio hereditatis, & hoc interdictum competere de iisdem rebus, iisdem personis, & aduersus easdem personas: sed interdictum ad possessionem adipiscendam una in re commodius. unde & comparatum.*

OMISSIS iis interdictis, quae sunt de rebus sacris, religiosis, publicis, quae proponuntur in Pandectis, solum hic traduntur interdicta de rebus priuatis, eaque sequuntur deinceps, initio facto ab iis, quae sunt restitutoria, & adipiscendae possessionis, ut fert ordo diuisionum interdictorum, quae traduntur in §. 1. & §. seq. *Inst. de interd.*

- 1 *Interdictum quorum bonorum, quod hic primum proponitur, exstat in l. 1. ff. eo. In quo cetera recte scripta sunt in Pandectis Florentinis, illud non recte: quod quidem dolo malo fecisti. legendum est enim, ut in aliis exemplaribus: quodque dolo malo fecisti, vel, quodque item dolo malo fecisti, ut in partibus huius interdicti explicandis suo loco pluribus ostendemus. Complectitur id interdictum quatuor, quae ad naturam eius pertinent; quibus expostis, simul & natura & vis interdicti, & rescripta huius tituli, quae easdem partes confirmant, intelligentur. Sunt igitur in hoc interdicto haec quatuor; Cui deitur; Quibus de rebus; Aduersus quos; Cuius rei gratia, siue, quid in condemnationem huius interdicti veniat.*

- 2 *Primum proponitur interdictum ei, cui ex edicto*

pratoris bonorum possessio data est. Bonorum possessionem cum dicimus, bonorum verbo hereditatem & patrimonium defuncti intelligimus. Possessionis verbo ius eius patrimonii retinendi, persequendi; *l. 3. in pr. ff. de bon. poss.* Bonorum possessionem olim dabat prator, cum ei, cui ex edicto pratoris delata erat bonorum possessio, petenti & agnoscenti prator dicebat se bonorum possessionem dare. Hodie ut quisque apud magistratum testatus est se hereditatem alicuius ex aliqua causa amplecti & agnoscere, bonorum possessio ei data intelligitur. Annuunt enim magistratus; annuendo intelligitur admittere petentem; admittendo possessionem dare, ut est constitutum *l. ult. §. qui adm. ad bon. poss. pos.* Dare possessionem bonorum ex edicto, est dare possessionem bonorum secundum edictum pratoris, id est, ex ea causa, ex qua prator edictis suis pollicetur se bonorum possessionem daturum, cuiusmodi causa sunt, ex testamento quidem, secundum tabulas, & contra tabulas testamenti; ab intestato autem, unde liberi, unde cognati, unde vir & vxor, §. *sunt autem. Inst. de bon. poss.*

Cum hoc interdictum proponitur ei, cui bonorum possessio ita data est, ex eo intelligimus competere quidem hoc interdictum heredibus, aut iis, qui vice heredum sunt, non tamen omnibus, sed iis duntaxat, qui apud magistratum bonorum possessionem agnouerunt, ut intelligatur prator possessionem singularum rerum ei soli promittere, cui prius ex edicto hereditatis siue bonorum possessionem dedisset. Est quidem in *l. 1. hoc tit.* hoc interdictum dari ei, qui probauerit se aut ad hereditatem, aut ad bonorum possessionem admissum esse; quae verba vulgo sic acceperunt, ut hoc interdictum non minus detur heredibus, hoc ipso quod heredes extiterunt, quam bonorum possessoribus agnita apud magistratum bonorum possessione: quamuis concedant heredibus solum competere vile. Sed non recte his verbis aduersus superiorem sententiam mouentur. Nam & is bonorum possessionem agnoscere intelligitur, qui dicitur ad hereditatem admitti. Is enim admittitur ad hereditatem, qui admittitur a magistratu, apud quem quis testatur se hereditatem amplecti. Hoc autem testari apud magistratum annuente magistratu est possessionem bonorum agnoscere & accipere, *l. ult. §. qui ad bon. poss. admitt. pos.* Tantum hoc interest inter eum, qui ad hereditatem admittitur, & qui admittitur solum ad bonorum possessionem, quod heres verus sic admittitur ad bonorum possessionem, ut etiam admittatur ad hereditatem, qui reuera heres erat. Is autem, qui iure ciuili heres non est, admittitur duntaxat ad bonorum possessionem. Sic fit in summa, ut non alii detur hoc interdictum, quam ei, qui apud magistratum bonorum possessionem agnouerit.

Sed si bonorum possessio alicui data est, quid opus est hoc interdicto ad nouam possessionem adipiscendam? Eo opus est, quod bonorum possessio iuris, id est, hereditatis tantum possessionem tribuit, corporum possessionem & detentionem non tribuit, *l. 3. ff. de bon. poss.* Haec igitur adhuc restat. Ea est, quae hoc interdicto petitur, *l. ult. hoc tit.*

Haecenus verba interdicti solum hoc exigere videntur, ut data bonorum possessio sit ei, qui hoc interdicto experiri volet. sed adiicitur in *l. hic.* quod sit ad interdictum interpretationis vice; ita demum scilicet hoc interdictum competere ei, cui bonorum possessio data est, si etiam cum effectu sit data: id est, si ea

si ea causa, ex qua bonorum possessio data est, vera sit, ut intelligamus eum, qui hoc interdicto experiri velit, duas res suscipere & probare debere: primum se ad bonorum possessionem admissum; deinde admissum ex ea causa, quæ ut iusta, ita sit etiam vera. Id in d. l. i. declaratur hoc exemplo. Filius testamento patris præteritus est. is bonorum possessionem contra tabulas agnouit, ut ius est, §. *sunt autem. Inst. de bon. poss.* Non poterit hoc interdicto uti, nisi se & bonorum possessionem accepisse, & filium defuncti esse probauerit; ex qua causa videlicet bonorum possessionem agnouerat. Quo exemplo idem de aliis causis ceterarum bonorum possessionum dicendum est. ut puta, qui bonorum possessionem agnouit secundum tabulas testamenti, probare debet testamentum esse, & id iustum: qui agnouit bonorum possessionem, unde agnati, probare debet se proximum agnatum esse. Idemque de similibus iudicandum est. Is probat se filium esse, qui probat se ex vxore defuncti natum, l. *filium. ff. de his qui sunt sui vel al. iur.* Quod si quis vulgo talis habeatur, is necessitate probationis liberatur, quasi qui sit in eius iuris possessione, argum. l. *non nudis. s. de prob. l. quidam. ff. de prob.*

6 Cui ¶ detur hoc interdictum, dictum est. Sequitur, quibus de rebus competat. Id expressum est illis verbis interdicti, *quod de his bonis pro herede, aut pro possessore possides possideresue, si nihil usucaptum esset, quodque dolo malo fecisti, uti desineres possidere, id, illi restituas.* Quorum verborum hic est sensus: *restituas quod de his bonis possides pro herede aut pro possessore.* Item, §. *quod pro herede proue possessore non possides; possideres tamen pro herede proue possessore, si a te usucaptum non esset.* Quibus in summa declaratur hoc interdictum competere de iis quidem bonis, quorum possessio data est, id est, quæ fuerunt hereditaria, cum defunctus mortuus est; sed id dupliciter. Non enim tantum competere de his rebus, quæ hereditariæ fuerunt, & etiam nunc in eadem causa manent (hæ sunt, quæ possidentur a te pro herede proue possessore) sed etiam de iis, quæ prius quidem fuerunt hereditariæ, nunc autem a te usucaptæ sunt. quæ iam a te non possidentur pro herede proue possessore; cum priuato titulo, id est, pro suo possideantur, l. *hereditatem. s. in quib. cau. cess. long. temp. pras.* sed tamen sunt eiusmodi, quæ pro herede proue possessore a te possiderentur, si a te usucaptæ non essent.

7 At ¶ enim quomodo quid ex his rebus a te usucapi potest, quod ante impletam usucapionem isto titulo possidebas? Etenim qui pro herede possidet, is vero titulo non possidet. Is namque dicitur pro herede possidere in hoc interdicto, qui reuera heres non est; sed putat se esse, ut postea dicemus. Ita hic titulus, ut dixi, verus non est. Nihil porro usucapi potest, nisi quod vero titulo possidetur. quam ob causam etiam receptum est, eum qui pro herede hoc modo possidet, usucapere non posse, l. *ult. supra pro hered.* Sed hoc sic acceptum est, nisi is, qui pro herede possidet, iustam causam habeat existimandi se heredem esse, ut & in ceteris titulis non veris receptum est, l. *non solum. s. i. versic. hoc amplius. ff. de usucap. l. quod vulgo. ff. pro empt. l. ult. ff. pro suo.* Finge igitur hoc modo: cum pater filium peregre profectum haberet, certis nuntiis allatum est, illum esse mortuum. Ita cum se putaret filium non habere, extraneum heredem instituit. Is heres eodem errore se vere heredem putans bona hereditaria possedit. Si iusto tempore possederit, usucapiet.

Hic nos dicimus, quamuis heres in hoc errore res hereditarias viuceperit, tamen filium reuersum, si bonorum possessionem agnouerit contra tabulas patris, etiam de his usucaptis reb. hoc interdicto experiri posse. Sed obstant huic sententiæ duo.

Illud ¶ primum, quod petitio hereditatis non datur aduersus eum, qui iusto titulo & priuato possidet, l. *hereditatem. s. in quib. caus. cess. long. temp. pras.* Atqui qui usucepit, iure dominus rei effectus est. Quam ob causam maxime iusto & priuato titulo possidet, l. *Insti. de usuc.* Ex quo effici videtur, neque hoc interdictum aduersus eum dari debere. Alterum est, quod nulli res sua auferri debet, l. *id quod nostrum. ff. de reg. iur.* ne ei quidem qui usuceperit. Nam etsi is rem viucaptam non possideret; tamen ad eam persequendam actionem haberet, l. *in rem. ff. de rei vind.* Quare si rem a se usucaptam possidebit, multo magis exceptionem habebit ad eam retinendam, l. *inuitus. s. i. ff. de reg. iur.* denique hæc ipsa definitio est eius rei, quæ est in bonis nostris, ut sit ea, quam possidentes exceptionem, aut amittentes ad recuperandam eam actionem habemus, l. *rem in bonis. ff. de acq. rer. dom.* Et ut vera sunt, ita admittenda essent hæc omnia, si in hoc interdicto constaret eum, cum quo agitur, rem hereditariam aliquam usucepisse. Sed neque hoc constat, neque adeo in hoc interdicto constare potest: nam si possessor hac exceptione utatur, rem quam tibi restitui vis, usucepi: possedi enim pro herede; sed probabilis error meus fuit, cur putarem me heredem; hac, inquam, exceptione si utatur, exceptio obsecutior est, & quæ alticrem questionem habeat. Huius generis exceptiones in præparatoriis iudiciis non admittuntur, sed differuntur in iudicium directum proprietatis, l. *3. s. ibi idem. ff. ad exhib.* Multo minus recipienda sunt in iudicio, quod est de momentaria possessione. Sic enim vocant interdicta, l. *momentaria. j. unde vi.* Neque hoc modo fit iniuria actori: cui de possessione victo nihilominus causa proprietatis integra relinquitur, l. *unica. s. si de momen. poss. iur. appell. l. ult. in fin. hoc tit.*

Tertium sequitur, aduersus quos detur hoc interdictum. Datur autem aduersus duo hæc genera possessorum, primum aduersus eum, qui pro herede, proue possessore possidet aliquid de iis bonis, de quibus agitur, ut interdicto expressum est his verbis, quod de his bonis possides. Possidendi ¶ verbum si ad hereditatem aut bona referretur, iuris possessionem intelligeremus, ut sit, cum nominatur bonorum possessio, l. *3. in pr. ff. de bon. poss.* Nunc cum referatur ad res singulas, quæ de his bonis possidentur, seruata hic est propria possidendi significatio, qua res solum corporales continentur, l. *seruus. s. incorporales. ff. de acq. rer. do.* Vnde placuit solum corporum restitutionem in hoc interdictum venire; non etiam competere interdictum aduersus hereditarios debitores, tamen si hi quasi iuris possessores habeantur, l. *ult. j. l. 2. ff. eod.* Atqui petitio hereditatis aduersus debitores hereditarios datur, l. *regulariter. l. nec ullam. s. ult. l. quod si in diem. s. Iulianus. ff. de pet. her.* Cur igitur non datur & hoc interdictum, cum interdicto de re non usque adeo magni momenti agatur? Differentiæ ratio est, quod in petitione hereditatis constat eum, qui agit, heredem esse: neque enim aliter vincit, quam si se talem esse probauerit. Equum vero est, heredi soluere debitores hereditarios. At in interdicto quorum bonorum is qui agit, non plene probat se heredem, aut bonorum possessorem esse, ut mox dicetur. Proinde ne illud quidem æquum in hac incer-

titudine ei solui, qui heres non sit; quia soluendo non possessio tantum pecuniæ in eum transfertur, sed etiam dominium.

10 Datur ꝑ interdictum aduersus eum, qui possidet quid de his bonis. Ergo non tantum aduersus eum, qui res omnes hereditarias possidet, sed etiam, qui vnā aliquam etiam minimam, vt de petitione hereditatis placet, *l. regulariter. §. l. licet. ff. de pet. her.* Non est contrarium, quod scribitur in *l. 1. ff. eod.* hoc interdictum referri ad vniuersitatem bonorum, non ad res singulas. Hoc enim sic accipiendum est, si persona agentis spectetur. diuersum, si spectetur is, cum quo agitur. At enim nihil distinguitur, dicit aliquis. Sed ex ratione iuris necessario id intelligendum est. Nam cum de conditione actionis agitur, eam metiri oportet ex iure eius, qui agit, non eius, cum quo agitur, vt de hoc ipso genere actionis nominatim traditum est in *l. 1. §. 1. D. si pars her. pet.*

11 Datur ꝑ interdictum non aduersus quemlibet possessorē, sed aduersus eum, qui pro herede aut pro possessore possidet, id est, qui nullo titulo possidet. Nā is dicitur hoc loco pro herede possidere, qui se dicit heredem, cum non sit, siue sciat se heredem non esse, siue se esse putet. Pro possessore autē, qui nullam causam possidendi habet aliam, quam quod possidet, vt de nomen natum hæc in *l. pro herede. §. l. seq. ff. de pet. her. §. sequens. Inst. de interd.* Aduersus eum autem, qui iusto aliquo titulo possidet, hoc interdictum non datur, nō magis, quam hereditatis petitio, *l. hereditatem. §. in quib. caus. cess. long. temp. pras.* Merito: non enim si quis heres est, & res, de qua agitur, hereditaria, continuo heres est dominus. Nam & res pignori data defuncto, & bona fide ab herede possessæ hereditariæ sunt, *litem veniunt. ff. de pet. her.* neque ideo heres earum dominus est. Iniquum est autem eum, qui dominus non sit, aut certe quē dominum esse non constat, rem domino auferre, aut ei qui pro domino rem bona fide & iusto titulo possideat, *l. ult. ff. de publ.* Addita est exceptio in interdicto, præterquam si quis vincerit, quod prius pro herede possidebat: cuius exceptionis rationem supra reddidimus.

12 Est ꝑ alterum genus eorum, aduersus quos hoc interdictum datur. est autem eorum, qui dolo fecerunt, quominus pro herede proue possessore possiderent. Quod illis verbis comprehensum est, *quodq; siem dolo malo fecisti, uti desineres possidere*, quæ verba in interdicto ita restitui debere initio monuimus, quod nō obscure declaratur in *l. 2. hoc tit.* vbi scriptum est, hoc interdictum propositum esse aduersus eos, qui pro herede, proue possessore possident, doloue malo fecerint, quo magis desinerent possidere. Et nominatim adiiicitur, hunc esse tenorē interdicti, id est, hæc interdicto teneri seu contineri. Et vero consentaneum est omnibus regulis iuris; quibus efficitur, vt quæcunq; actiones, quæcunq; interdicta aduersus eum dantur, qui possidet, dentur etiam aduersus eum, qui dolo desinit possidere, vt sit par vtriusque causa, *l. qui petitorio. ff. de rei vind. l. parem. l. qui dolo. ff. de regul. iur.* Illa autem verba, quæ sunt in Pandectis Florentinis; *quod quidem dolo malo fecisti*, penitus delenda sunt ex libris nostris. Habent enim aperte non tantum sententiam falsam, sed etiam absurdam. Hoc enim expriment, siquidem dolo fecisti, vt desineres possidere, vt sit in illis verbis conditio. At hoc certo statui debet, quisquis rem hereditariam pro herede, proue possessore possidet, eum teneri hoc interdicto sine vlla con-

ditione. Tum autem conditio est stulta & absurda, quia naturæ aduerfatur. Perinde enim valet, quasi diceretur: restituas quod possides, si modo desisti possidere.

Quod reliquum est, datur hoc interdictum huius rei gratia, vt quod de bonis hereditariis possidetur, vt supra dictum est, id restituatur petitori, id est, in petitorē transferatur, vt est in *l. ult. hic.* Restituendi verbum proprie refertur ad ea, quæ a nobis prius profecta nobis restituantur. Sed interdum & de iis accipitur, quæ nunc primum nobis præstantur, *l. verbū reddendi. ff. de verb. sig.* quod fit in hoc interdicto. Non enim petit heres eas res, quas aliquando possedit, sed quas nunquā. Vnde interdictum est, vt restitutorium, sic adipiscendæ possessionis, *l. 1. in fin. ff. eo.*

His ꝑ de interdicti atque huius tituli sententia cognitis, non abs re quæritur, quid opus fuerit hoc interdicto; cum videatur ad possessionem rerum hereditariarum adipiscendam sufficere petitio hereditatis, iudicium & plenius & efficacius, quam hoc interdictū. Nam petitio hereditatis datur aduersus omnes, qui pro herede, proue possessore possident; neq; tantum corporum possessores, sed etiam debitorē hereditarios, *l. regulariter. l. nec vllam. de pet. hered.* Sed & possessio, quam eo iudicio obtinemus, a nobis auocari non potest ei, quem vicimus. Nec maiora onera esse videntur in petitione hereditatis, quam in hoc interdicto. nam in petitione hereditatis qui agit, probare debet se esse heredem. At idē probare debet, qui hoc interdicto experitur, *l. 1. hoc tit.* Quare non abs re videri possit hoc interdictū inutile esse & otiosum. Dicendum est cetera in petitione hereditatis esse pleniora & commodiora. Vnum in hoc interdicto esse commodius; rationem probandi. Nam in petitione hereditatis, si quis se filium defuncti esse contendat, exempli gratia, eoq; heredem patris, non tantum probare debet se esse filiū defuncti, sed etiam si ex aduerso dicatur eum ex illo non esse natū, puta aut eam ex qua natus est, vxorē defuncti non fuisse, aut si vxor fuit, a defuncto concipi nō potuisse: exceptiones sunt, de quibus in eo iudicio quæri oportet. Est enim petitio hereditatis directum iudicium. quo in genere plena inquisitio requiritur, *l. iudices. §. de iud.* In interdicto autem satis est, si quis se primo filium esse ostenderit in speciem, cui si contra obiciuntur exceptiones superiores, hæc in hoc iudicio non admittuntur, sed differuntur in directum iudicium petitionis hereditatis, vt supra docuimus. Quare hoc interdictum ad possessionem adipiscendam commodius, quia in eo breuior & expeditior via ad possessionem adipiscendam.

AD TITVLVM III. QVOD

LEGATORVM.

SVMARIA.

- 1 Interdicti. Quod legatorum summa, nominis ratio, & verba restituta, ac sig. llatim confirmata.
- 2 Hoc interdictum esse inutile heredi, nisi aut neget rem legatam esse, aut dicat supra dodrantem esse legatum. §. num. 3.
- 3 L. unica C. hoc tit. sententia.
- 4 Hoc interdicto sic res legatas legatorum nomine occupatas recipi, vt heres sola quarta retenta, cogatur reliquum legatario restituere: dissimiliter, si legatarius legatum subtrahat. quo casu totum amittit: & differentia ratio.

§ Legatarium rem legatam sua auctoritate, non vi occupantem non teneri iis constitutionibus, qua damno rei afficiunt eos, qui res inuasunt.

ET si legatarius rei legatæ dominus est, & ita dominus, ut ad eam rem non indigeat heredis traditione, sed dominium rei legatæ a testatore ad legatarium recta via transeat, l. legatum ita ff. de leg. 2. l. a Titio ff. de fur. placuit tamen eum hæcenus dominum esse, ut non eo minus iubeatur legatum ab herede petere, non sua auctoritate occupare. Si contra facit, iubetur rem legatam heredi restituere; in quam rem hoc interdictum comparatum est, quod appellatur *Quod legatorum*, ex initio videlicet interdicti, ut & superius interdictum Quorum bonorum, l. i. ff. eo. Interdicti verba hæc fuerunt: *Quod legatorum nomine non ex voluntate eius ad quem eas res pertinet, occupatum possides, aut dolo desisti possidere, si de eo tibi ab illo satisfactum est, aut per eum non stat, quominus satisfaciatur, id illi restituas.* Illa verba, quod legatorum nomine possides occupatum, indicantur in l. i. in prin. & versic. redigit ff. eo. Illa autem, aut dolo desisti possidere, indicantur in d. l. i. §. quod ait prator, aut dolo. Nam quod illic ita verba sunt, aut dolo desisti possidere, in tertia persona scilicet; intelligendum est edicti verba referri, quo prator pollicetur hoc interdictum generaliter aduersus eum, qui dolo desisti possidere. Sed vel hinc maxime idem interdicto cauere intelligimus: mutata tamē persona, ut interdictis mos est, quo interdictum dirigatur ad eum, cum quo ex interdicto agitur. Sic ex edicto interdicti verba intelligimus, & vice versa. Illa verba, non ex voluntate eius, expressa sunt in d. l. i. §. quod ait prator, non ex voluntate. His autem verbis, *eius ad quem eas res pertinet*, significantur heredes & bonorum possessores, & generaliter, qui in ius vniuersum defuncto succedunt, l. sciendum. §. ult. ff. de verb. sign. Vnde intellectum est, hoc interdictum & heredi & bonorum possessori competere. Adde & heredes heredis, l. i. §. i. ff. eod. quod & in l. unica. hic. confirmatur. Illa, si de eo tibi satisfactum est, indicantur in d. l. i. §. pen. vbi prout nisi satisfactum est, legendum est, si satisfactum est, ut apparet ex interpretatione Vlpiani, quæ sequitur, qui illa sic interpretatur, si satisfactum perseveret. Quod si legeremus, nisi satisfactum sit; sic interpretari debuit, nisi satisfactum perseveret. Et sane hoc interdictum competit heredi non hac conditione, si non satisfactum sit, sed si satisfactum sit. Illa autem, aut per eum non stat, exstant in l. ult. ff. eo. Id illi restituas, indicantur in d. l. i. in prin. & fere tota l. i. §. 2.

2 Sed et aduersus hoc interdictum initio hoc occurrit, non videri dari debuisse heredi. Meminisse enim debemus eius, quod ante dixi, legatarium rei legatæ a se occupatæ dominum esse. Vnde etiam ita propositum est interdictum, ut placeat heredem cum hoc interdicto nactus fuerit possessionem rerum occupatarum, tamen postea nihilominus eas restituere debere legatariis, l. i. §. i. ff. eo. & mox pluribus ostendemus. Hoc posito, videtur hoc interdictum aut iniquum esse, aut inutile: certe pugnare cum regulis manifesti iuris, his de causis. Primum legatarius ad legatum petendum actionem habet, utpote dominus, leg. in rem. ff. de rei vindic. Igitur multo magis possidens ad legatum retinendum actionem habebit, ex regula iuris, l. inuitus. §. i. ff. de regul. iur. Deinde nulla est actio, nisi ei, cuius interest, præsertim in hoc interdicto, quod tantum ei datur, ad quem res legata pertinet. Nec in eo alia condemnatio est, nisi in id, quod heredis interest, l. ult. §.

ex hoc. ff. eod. At heredis nihil interest, rem legatam recipere, si res tota legatarii est, & eam acceptam heres cogitur legatariis restituere. Postremo hoc ipso, quod rem receptam legatariis restituere cogitur, dolo facit, si eam petit. Proinde & petens doli exceptione remoueri potest, ut sunt regulæ iuris, l. dolo. ff. de dol. mal. exc. Et hæc ita se habere fatendum est, si heres & rem legatam esse agnoscat, & idem fateatur nihil supra dodrantem legatum esse. Nam in hanc rem cadunt ea, quæ supra obiecimus. Sed si quid horum deest, æquissimum est, heredi interdictum ad res legatas occupatas restituendas dari: neque superiora aduersantur. Primum tum huic dari æquum est, cum negat res occupatas legatas esse. Sic enim fit, ut petat res non alienas, sed suas: quæ ipsi reddi ob eam causam eius interest. Et quamuis fieri possit, ut res vere legatæ sint; tamen in hac incertitudine æquum est, legatarium rem ab herede petere, non ipsum sibi ius dicere: quod iura auersantur, l. exstat. ff. quod met. caus. Et hanc rationem huius interdicti proponendi posuit Vlpianus in l. i. in prin. ff. eod. Sed et si heres fateatur, rem legatam esse, de qua hoc interdicto agitur; si tamen dicat supra dodrantem hereditatis legatum esse, æquissimum est, hoc interdictum dari ad rem restituendam, ac ne hic quidem superiora obstant, quæ obiecimus. Nam quatenus supra dodrantem legatum est, eatenus res legata ad heredem pertinet ex lege Falcidia, l. i. l. lineam. ad leg. Falcid. Sic fit, ut heres rem legatam repetendo, eam repetat, quæ ipsius sit ex parte, & quam ipsi reddi hac ipsa de causa eius intersit. Et quamuis pars tantum eius sit; tamen eius interest rem totam legatam recipere, ut & ea recepta suo iure quartam retineat, quam ex lege Falcidia habere & retinere debet. Et ob hanc quartæ retentionem maxime comparatum esse hoc interdictum demonstratur l. unica. hoc int. cuius est hæc sententia: *Herede instituto testator totā hereditatē legatis erogauerat.* Ita fiebat ex lege Falcidia, ut in singulis reb⁹ legatis quarta portio ad heredem pertineret, d. l. i. & l. lineam. ff. ad leg. Falc. Et quoniam ad heredem pertinebat, eueniebat hoc quoque, ut pertineret ad heredem heredis; quoniam heres in ius defuncti succedit, l. heres. ff. de acquir. here. Itaque si res iure & ordine gereretur, ita geri oportuit, ut res legatæ permitterentur heredi; ex quibus ille quartam partem ex lege Falcidia retineret, reliquum dodrantem legatariis restitueret. Sed legatarii sua auctoritate legata occupant, quo fiebat, ut heres quartam retinere non posset ex iis rebus, quas non possidebat. Consultit heres, non an quartam de singulis rebus legatis petere possit, & cōsequi, de quo ius certum erat; sed quomodo eam quartam consequatur. fortasse enim rem vindicare volebat. Respondent Imperatores, heredi, cum supra dodrantem legatū est, satis prospectum esse lege Falcidia per quartæ retentionem. Quibus verbis significant, non esse necesse heredi ad quartam cōsequendam vindicationem instituere aduersus legatarios, & ita iudicii & probationis molestiam suscipere, cum ei per retentionem quartæ satis consultum sit. Non indiget actione, qui retentionem habet. Quod si obiciatur, heredem in proposito retentione uti non posse, cum res legatas non possideat: in promptu remedium est. Est enim paratum heredi interdictum *Quod legatorum*, quo consequatur legatariis, ut sibi res occupatæ restituantur: quibus restitutis, sic deinde competente ratione utetur. Hæc, inquam, rescripti sententia est: qua declaratur, hoc in-

terdictum comparatum esse, ut heres ex hoc interdicto possessione recuperata rerum legatarum, quartam ex lege Falcidia retineat. Ex quo duo colligimus notatu digna. Primum, si rem legatam esse constet, quam legatarius occupavit, & sciretur heres supra dodrantem hereditatis legata relicta non esse, non esse huic interdicto locum, quia appareat nihil esse, quod heres restitutis rebus possit retinere. Et certe perspicuum est hoc casu illi ob stare ea, quæ supra diximus: & quod eius nihil interest, & quod dolo facit, qui petat id, quod constat illum statim restituere debere.

4 Alterum, si legi Falcidiae locus sit, tamen sic heredem recipere legatas res ex hoc interdicto, ut solum quartam possit retinere. Quo efficitur, eum reliquum legati legatariis debere restituere. Alioquin hic diceretur, eum totius rei legatæ retentione uti, non autem competentis partis siue quartæ. Nō aduersantur huic sententiæ ii loci, quibus scriptum est, legatarium siue fideicommissarium, si rem sibi legatam subtraxerit, legati petitionem amittere, *l. non est dubium. supra de legat. l. Paulus respondit. ff. ad sen. Trebel.* Multum enim interest, utrum legatarius rem legatam occupet legatorum nomine, de quo genere hic agitur, & aduersus quod hoc interdictum propositum est, *l. in prin. ff. eo. an vero legatarius rem legatam subtrahat.* Is rem occupat legatorum nomine, qui agnoscit rem sibi legatam, & pro tali tanquam suam occupat. Is ideo legati petitionem non amittit: quia ita occupando legatum agnoscit; agnoscendo, & legatum & rei legatæ petitionem acquirit. Contrariis rem legatam subtrahit, qui furatur. hoc enim subtrahere significat, *§. interdum etiam. §. seq. Inst. de obl. qua ex del. nasc.* ac præcipue in hac specie rei legatæ subtrahit, subtrahendi verbum id significat, ut declaratur in *d. l. Paulus respondit. ff. ad Trebell.* Porro is rem legatam furatur, siue subtrahit, qui tanquam alienam occupat, non suam; quoniam nemo rei suæ furtum facit, *l. merito. ff. pro soc.* Id si ita est, non est mirum, si is qui rem sibi legatam subtrahit, eius rei petitionem amittere dicatur. Nam qui ita subtrahit legatum, repudiat, repudiando, una & legatum & legati petitionem amittit. Quod ita facile probabitur. Nam uti est hereditas, sic legatum. Hereditas adeundo siue agnoscendo nuda voluntate acquiritur; repudiando amittitur, *l. licet. §. de repud. her.* Sic & legatum, *l. servum filii. 44. §. 1. l. si tibi homo. 86. §. cum servus. ff. de legat. 1.* Hereditas repudiatur, siue recusatur non tantum verbis, sed re & facto quovis voluntatem repudiantis significante, *l. recusari. ff. de acquir. heres.* In quo genere facti est, si heres extraneus rem aliquam hereditariam surripit, ut significatur in *l. si quis extaneus. in princip. ff. de acquir. heres. ubi traditur, heredem, qui ita rem subtrahit, non videri pro herede gerere; quia admissum eius contrariam voluntatem declararet. Contraria adeundi voluntati est voluntas repudiandi. Hec voluntas superiore admissio declarari recte dicitur. Nam qui rem surripit, hoc facto declarat, se velle rem alienam esse, & pro tali se eam habere. Non potest id velle heres, nisi hereditatem repudiet. Idem igitur & in legatario rem legatariam surripiente probandum est. Ex quo intelligimus, quod dicitur in hac specie legatarium rei legatæ petitionem amittere, non esse ius ob id constitutum, ut furtum pœna afficiatur; sed esse ius rationatione prudentum effectum; hinc natum, quod qui rem ita surripisset, idem simul legatum repudiasset. Constare autem hoc ius responsis & auctoritate prudentum, declaratur in *dist. l. Paulus ro-**

pondit. ff. ad Trebellian. illis verbis, *iure respondetur.*

Multo minus superiori sententiæ aduersantur illæ constitutiones, quæ damno rei occupatæ afficiunt eos, qui res inuaserunt, ut *l. ult. l. si quis in tantam. j. unde vi. l. exstat. ff. quod met. caus.* Nam *l. ult.* constituta est aduersus eos, qui res alienas possessoribus vacuas inuaserunt. Hic legatarius rem suam occupat, non alienam. Lex *si quis in tantam* pertinet ad eos, qui possessionem apud alios constitutam vi inuadunt. Hic legatarius rem occupat, non quidem consentiente herede; sed tamen non vi, non denique ita, ut illi extorqueat; propterea quod hic agitur de rebus occupatis, quæ prius ab herede non possidebantur. argumentum est, quod hoc interdictum quod legatorum proponitur heredi adipiscendæ possessionis causa, *l. in prin. ff. eo. id est, eius acquirendæ, quam prius non habuit, §. sequens. Inst. de interd. l. exstat. ff. quod met. caus.* pertinet ad eos, qui rem sibi debitam a debitore possessam inuito debitore occupant. Hic legatarius & rem occupat ab alio non possessam, ut iam dixi; & occupat suam, non sibi debitam. Ex his apparet, si forte heres iam ante rerum hereditariarum nactus esset possessionem, quam illæ a legatariis occuparentur, hoc interdictum heredi non competere ad recuperandam possessionem. Sed & illud apparet dicere nos, legatarios si inuito herede res occupasset, res legatas eo facto amissile; quia vi possideant. Unde res incidat in pœnam, *l. si quis in tantam. j. unde vi. §. l. exstat. ff. quod met. caus.*

AD TIT. IV. VNDE VI.

SUMMARIA.

- 1 Unde vi interdictum hic intelligi, & unde appellatio. Unde vi interdictum vsitate dici: legi tamen & interdictum De vi pro eodem. *ibidem.*
- 2 Collocationis huius tituli ratio reddita.
- 3 Inuasum species, quæ quibus constitutionibus hoc titulo vindicentur.

His verbis unde vi, significatur interdictum, quod unde vi appellatur in *l. 1. §. ex interdicto, l. neque. l. cum fundum. §. ult. ff. eodem. §. recuperanda. Inst. de interd. l. 4. j. hoc tit.* ut sit titulus, quasi ita dictum esset, de interdicto unde vi, quomodo & superiores inscriptiones accipi debent, & inferiores. Nomina ex initio interdictorum nata, ut supra dixi. Nam initium huius interdicti ita fuit, unde tu illum vi deiecasti, *l. 1. in prin. ff. eo.* Itaque rectius fortassis ad eundem modum legatur titulus eiusdem argumenti in Pandectis, restituaturque ita, Unde vi, & de vi armata. ut sit sensus, de interdicto unde vi, id est, vi priuata; & de interdicto de vi armata, quæ & publica dicitur, §. recuperanda. *Inst. de interd.* Et sane interdictum unde vi sub eo titulo passim appellatur. Legimus tamen & interdictum de vi pro eodem in *l. si quis vi ff. de acq. poss.*

Est hoc interdictum recuperandæ possessionis, *d. 2. §. recuperanda.* Ideo superioribus, quæ sunt adipiscendæ possessionis, subiicitur propter coniunctionem possessionis, quæ utroque genere interdictorum petitur. Petitur enim ea possessio, quam non habemus; petiturque eo, ut quod non possidemus, nobis restituatur. sic fit, ut vitumque genus & restitutorium sit, & quodammodo eandem petitionem habeat. Hoc eo monemus, quia alius ordo seruatur in *Inst. sub tit. de interd.* Nam interdicta adipiscendæ possessionis sequuntur interdicta possessionis retinendæ. Extremo loco

loco proponitur id, quod est recuperandæ possessionis. Habet id quidem & suam defensionem. hoc enim ordine sequimur progressum naturalem possessionis: quippe natura prius est, ut possessionem acquiramus: proximum, ut quæsitam teneamus: tertium, ut cum ceperimus tenere, si amittamus, sic deinde de recuperanda cogitur. Sed, ut dixi, coniunctio & similitudo possessionum & interdictorum hic spectata est: *uti & in Pandectis*. Est ergo hic titulus præcipue de interdicto unde vi, ut inscriptio indicat. Sed et monendum sumus titulum seu tractationem subiectam plus cōplecti. Et in summa hoc titulo prohibetur omnis iniusta alienarum possessionum detentio, siue quis vi possessionem occupet, siue clam inuadat, siue precario acceptam, aut ex locatione rem inuito domino retineat. Itaque totidem sunt genera constitutionum, quæ ad vnum quodque horum generum referuntur. Ad tertium genus iniustæ detentionis pertinet *l. pen*. Ad secundum duæ, *l. meminerint*. & *l. ult.* Ad primum, reliquæ constitutiones; in quo genere de his agitur, qui vim intulerunt ad occupandas alienas possessiones. de quo dicere incipiemus ex *l. i.*

L. I.

Imp. Dioclet. & Maximian. AA. & CC. Theodoro.

Recte possidenti, ad defendendam possessionem quam sine vitio tenebat, inculcata tutela moderatione illa vim propulsare licet PP. 15. Kal. Decemb. ip[s]is IV. & III. AA. Coss.

S V M M A R I A.

- 1 *Aduersus vim remedia duo constituta.*
Vim vi propulsare licere. ibidem.
- 2 *Vim concessam quæ propulset, quæ adhibeatur tuendi sui causa, non etiam vlsciscendi.*
- 3 *Propulsationis non est expectare, dum quis pulsetur, sed ne pulsetur. prohibere.*
- 4 *Tuendi sui causa quid quid fiat, quia iure sit, impunitum esse.*
- 5 *Vitiose, id est, vi, aut clam, aut precario possidenti nō licere se aduersus vim aduersarii defendere: quia non licet impune: & quomodo id accidat.*
- 6 *Tutela inculcata moderamen requiri, & id quodnam sit.*
- 7 *Armis licere se defendere etiam aduersus inermem, si inuadentem nos aliter prohibere non possumus, ne ad nos perueniat.*
- 8 *Non esse contra moderamen inculcata tutela, si quis se defendat aduersus inuadentem, etsi aliqui potuit fugiendo sibi consulere.*

SI quis alicuius rei possessionē obtinere vult, is iubetur iudicio de ea re agere; vim ad rem occupandam facere prohibetur. *l. ex stat. ff. quod met. cau.* Ideo etiam aduersus vim legibus prospectum est, ne frustra vis prohibeatur.

- 1 *Aduersus vim duo sunt remedia iure constituta.*
Vnum aduersus vim, quæ infertur. Alterum aduersus vim, quæ illata est. Aduersus vim quæ infertur, hoc remedium est cautum hac lege, ut liceat vim vi defendere, propulsare nostra auctoritate. quod ius aliis multis locis prodicunt. *ut l. ut vim. ff. de inst. & iur. l. scientiam. §. qui cum aliter. ff. ad leg. Aquil. l. i. §. vim vi. ff. eo. l. i. §. quan. lio. vnic. si. in. se vind. vbi & ratio huius iuris reddita est.* Sed nusquam hoc ius melius constitutum, quam hac lege, vbi non tantum permittitur vim vi propulsare, quod fit superioribus locis: sed adicitur, cui liceat, & præterea ad quem modum, quæ singula nobis expendenda sunt.

Primum id quod permittitur. Aiant et Imperatores; *vim vi propulsare licere*. Propulsare est arcere a nobis, & prohibere, ne vis & iniuria ad nos perueniat. Quo verbo admonemur, si quis rebus integris, cum vis infertur, neque dum illata est, hanc prohibet, hunc iure facere videri. Si quis autem vi illata & iniuria iam accepta, cum nouam iniuriam non meruat, vim inferat aduersario, veluti si fugientem persequatur, & ei noceat; hunc ad hanc definitionem non pertinere; quia non propulsandæ iniuriæ causa faciat, quæ iam accepta est, sed vlsciscendæ. Tutio & propulsatio permissa est; prohibitum, quicquid fit vlsciscendi causa. *d. leg. scientiam. §. qui cum aliter. ff. ad leg. Aquil.*

Eodē verbo admonemur, fallum esse, quod quidam censuerunt, quorum sententia in glossa refertur, eum qui se recte tueatur vi, expectare debere, ut prius pulsetur ab aduersario, argumento sumto ex *l. si ex plagis. §. i. ff. ad leg. Aquil.* Qui expectat, ut pulsetur, is iniuriam & vim admittit, non propulsat. Nunc autem propulsare illi permittitur. Ergo & illud non admittere, ut pulsetur. Iam & in hac promissione expendendum est, quid valeat, quod dicitur licere propulsare. nepe ut liceat iure, & omni iure, ut dicitur in *d. l. vim. ff. de inst. & iur. in d. l. scientiam. §. qui cum aliter.*

Ergo etiam hoc dicitur, quicquid fit propulsandi causa, impunitum esse. Quod fit iure permittente, penam non meretur, ut est in *l. Gracchus. j. ad leg. j. de adult.* Hinc intelligimus, si quis, cum inuaderetur eius possessio, vim vi repulerit, neque eum vi possidere videri, neque eo nomine aduersario teneri villo interdicto. Præterea si quid damni eo facto aduersario deriderit, atque adeo si eum occiderit, impune esse, ut neque teneatur lege Aquilia de damno dato, neque lege Cornelia de sicariis. *l. itaq. & l. seq. & d. l. scientiam. §. qui cum aliter. ff. ad leg. Aquil.*

Sed permittitur hoc duabus conditionibus, quæ hic expresse sunt. Primum et permittitur ad defendendam possessionem vim vi propulsare: sed recte possidenti, & ut adicitur, ei, qui sine vitio possidet. Is recte possidet, qui nec vi, nec clam, nec precario ab aduersario possidet. Contra non recte, sed vitiose is, qui ab aduersario possidet aut vi, aut clam, aut precario. *l. i. in fin. & l. seq. ff. uti possid. est, qui aut aduersarium vi expulit, aut illo ignorante possessionem recuperauit, aut qui precario, id est precibus, ab illo impetrauit, ut sibi possidere liceret, & domino reposcenti rem non reddidit, ut hæc verba interpretatur Iustinianus in §. sed interdicto. j. ff. de interd.* Ergo hoc dicitur, eum recte vim vi propulsare, qui aut omnino nec vi, nec clam, nec precario possidet, aut ita possidet, ut saltem non possideat ab aduersario. Quod autem dicimus ei, qui ita possidet, licere vim aduersarii propulsare; eo spectat, ut intelligatur, si fecerit iure eum fecisse & impune. Proinde & eo nomine aduersario nulla actione teneri. Contra vero si quis secus possideat ab aduersario, ei non licere aduersarii vim propulsare. exemplo interdicti uti possidetis. in quo, cum prætor polliceatur se eum tuturum in possessione, qui nec vi, nec clam, nec precario ab aduersario possidet, ex eo omnes iuris auctores collegerunt, eum non defendi a prætore, qui non recte ab aduersario possideat, id est, possideat aut vi, aut clam, aut precario ab aduersario. *dict. leg. i. §. vltim. ff. uti poss.* Quod & nobis in hac constitutione intelligendum est. Ideo autem dicitur ei, qui vi, aut clam, aut precario ab aduersario possidet, non licere se aduersus vim aduersarii defendere.

dere, quia impune non licet. Nam si prius aduersariū vi deiecerat, non efficit sua defensione posteriore, quo minus illi interdicto vnde vi teneatur, vt prius. Si aduersario ignorante possessionem occupauerat, deinde venientem vi repellat, aut certe non admittat; iam incipit vi possidere, non clam, *l. clam possidere. in fin. Dig. de acquir. poss.* Quo fit, vt iam incipiat aduersario teneri interdicto vnde vi, tanquam illo deiecto, hoc ipso, quod admissus nō sit in suam possessionem. *leg. cum fundum ff. vnde vi.* Item probandum est in eo, qui cum fundum precario acceperat ab aduersario, reposcenti nō reddit, seu venientem in possessionem non admittit. Sic enim eum quoque deicere intelligitur, incipitque similiter ei interdicto vnde vi teneri. *d. l. cum fundum ff. eo.*

6 Altera cautio est, hoc rescripto expressa, vt vis propulsetur ad moderamen inculpatæ tutelæ, id est ita, vt quidquid tuendi nostri causa factum est, & v. s. illatæ propulsandæ, in eo tutela sit inculcata. Inculpatam intelligimus eandem, quæ innoxia dicitur *in dict. l. scientiam. §. qui cum aliter. D. ad leg. Aquil.* Cum autem innoxia definitur eo loco, cum aliter tueri nos nō potuimus, aduersus vim aut iniuriam, quæ inferebatur, quam id faciendo, quod fecimus, intelligere debemus eandem quoque definitionem esse eius tutelæ, quam hic inculpatam appellamus. Vtrum quis aliter se tueri non potuerit, quam id faciendo, quod fecit, partim ex personis, partim ex loco æstimandum est. Ex personis hoc modo: nam si is puer est, aut imbecillis, qui vim infert, is autem cui infertur, vir & robustus, hic neque gladium stringere debuit, neque vllis armis inuadentem petere, cum licuerit negligere præsentem. Ex locis ita, si quis cum pro foribus suis staret, potuerit aduersarium minitantem & ad se pergentem arce-
re occluso ostio ædium suarum; maluerit autem aduersario suo coram resistere. Eodem modo cum ex ædibus videret aduersarium sibi minitantem, aut se prouocantem ad certamen; non seruauit moderamen inculpatæ tutelæ, si quid in illum misit, aut si in animum induxit descendere, & cum aduersario digladiari. nam utroque modo satis septis ædium suarum defendebatur, vt si quid præterea fecerit, intelligatur nō tuendi sui causa fecisse, quod necesse non erat; sed vlciscendi. Quod si cum domi esset, aduersarii irruptionem in ædes faciebant, aut scalis ad motis murum peruadere conabantur; iure facit, si ad aduersarios deturbandos & propellendos omnibus armis utitur, quibus deturbari cominus, & propelli possunt. Similiter si quis nudus in agro aduersarium aut parem viribus aut superiorem vidit ad se venientem cum minis, primum se verbis tueri debet, denuntiatis aduersario, ne accedat, se non passurum, vt accedat. Si his verbis nihil proficit, licet aduersarium submouere omnib. missilibus, quibus homines a nobis arceri possunt. Id lapide fieri posse indicatur *in d. l. scientiam. §. qui cum aliter. D. ad leg. Aquil.* Quare & aliis telis potest; potest & ense, non vt illum imperat, sed vt entem venienti opponat.

7 Vnde & intelligimus, id quoque falsum esse, quod in glossa positum est, ad moderationem inculpatæ tutelæ non posse nos armis uti, nisi armis imperamur. Si sine armis aduersarium inuadentem prohibere nō possumus, ne ad nos perueniat, recte armis utimur, cum aliter nos tueri non possumus. Non obstat, quod dicitur, arma armis defendere licere. *l. i. §. vim vi. l. 3. §. eum igitur. D. eo.* Non enim hoc ita dicitur, quia

aduersus inermem non liceat omnino nos armis defendere, si quid ad tutelam necesse sit; sed quia non semper licet. Non enim semper est necesse, ceterum aduersus arma semper armis uti licet.

Ex his quæsitum est, si quis aduersus vim, quæ infertur, fuga sibi consulere potuit, & nihilominus resistit, an videatur moderationem inculpatæ tutelæ excessisse. Mouet, quod aliter sibi cōsulere potuit, quam resistendo, vt sic non videatur ad superiorem de finitionem pertinere, Sed non dubiū est ex hac lege, quin iure faciat, qui non fugit. Perspicuum est enim hic p-mitti propulsare vim ad defendendam possessionem. Non defendit autem possessionem, qui deserta possessione fugit. Permittitur igitur in possessione & loco suo consistere, & ibi vim propulsare. Nihil ad rem pertinet, quod potuit aduersus vim se tueri aliter, quā resistendo, nempe fugiendo. Hoc enim vere dicitur, si de persona tantum tuenda agatur, cui fuga consulere possumus. Sed si de loco etiā tuendo agitur, hunc tueri nisi in eo consistendo non possumus. Nunc autem hac lege potestas fit & personæ nostræ, & loci quem iure obtinemus, tuendi.

L. II. & tres sequentes.

Idem AA. & CC. Alexandro.

Vi pulsos restituendos esse interdicti exemplo, si nec tū utilis annus excessit, certissimi iuris est: & heredes teneri in tantum, quantum ad eos peruenit S. AA. Coss.

S V M M A R I A.

- 1 Aduersus vim illatam quæ remedia iure prodita.
- 2 Interdictum vnde vi competere solum vi deiecto, & deici solum, qui ante vere possederit.
- 3 Interdictum vnde vi solum intra annum utilem, nō continuum, quis annus utilis, quis continuus.
- 4 Interdictum vnde vi aduersus quos.
- 5 Cuius rei gratia.
- 6 Prædonem rebus peremptis nō secus atq; exstantibus interdicto vnde vi teneri.
- 7 Dubitatum, an idem sit, si res intra tempora iudicati perierint: & idem esse.
- 8 Condemnatum qui ante sententiam morā fecit, etiā intra tempora iudicati moram facere perseverare.
- 9 Quod dicitur, nullam ibi morā fieri, ubi propter exceptionem pati non potest, ad exceptionem dilatoriam iudicati non pertinere.
- 10 Condemnatus in quadruplum, triplum, aut duplum singulare ius esse, vt re principali intra tempus iudicati perempta, eius rei nomine liberentur.
- 11 Quid, si res eodem modo apud actorem peritura fuerit?
- 12 Interdictum vnde vi pænale esse, eoq; nec ultra annū, neq; in heredes dari.
- 13 Quomodo probari possint res; quæ ibi fuerunt, vnde quis deiectus est.
- 14 Fructus in hoc interdictum venire; & qui.
- 15 Eum qui deiectus est, ex interdicto sine vlla exceptione restituendum.

ADVERSUS vim, quæ nobis facta est, qua de possessione deiecti sumus, non vi agitur, vt supra, ad recuperandam possessionem, quam amisimus; sed idoneis iudiciis ad eam rem vindicandam constitutis. quod genus remedii alterum est, quod aduersus vim propositum esse supra ad leg. i. diximus. Estque id remedium ordinarii iuris, quo de rebus ad nos pertinentib. licet tantum iudicio experiri. *l. negantes. §. de obl. & act.*

act. l. i. §. de exsec. rei indic. De vi agitur & criminaliter, & ciuilitur. Criminaliter accusatione, & pœna constituta lege Iulia tam de vi publica, id est, armata, quam de vi priuata, id est, ea quæ sit sine armis, *ut indicatur in l. 4. hic.* de quibus legibus est cautum in §. *item lex Iulia, de vi publica. Inst. de pub. ind. item D. & C. ad leg. Jul. de vi publ. & prima.* Ciuilitur, cum de re pecuniaria agitur, iudiciis in eam rem constitutis, partim ex edicto prætoris, partim ex constitutionibus. Ex edicto prætoris est interdictum vnde vi, de quo est inscriptio huius tituli. Interdictum proponitur *l. i. in pr. ff. eo.* Nunc loco interdicti agitur actionibus ciuilibus, *ut declaratur in l. 2. & d. l. 4. hic quæ de re diximus ad l. pen. & vit. sup. de interd.* Ex constitutionibus actio est conditio ex lege, *ex l. si quis in tantam. §. hoc tit.* Natura interdicti vnde vi, siue eius actionis, qua loco interdicti vtuntur, declaratur maxime his quatuor rescriptis seqq. quæ ob eam causam coniungi oportet. Huius interdicti natura quatuor his in locis spectatur, qui nobis in his rescriptis obseruandi sunt: *Cui datur; intra quod tempus; Aduersus quos; Tum cuius rei gratia.*

2 Datur ꝑ ei, qui vi deiectus est, *l. i. §. i. ff. eo. l. 2. in prin. l. 4. in pr. hic.* Hoc verbo, *deiectus*, tacite continetur, nõ ad alium pertinere hoc interdictum, quam qui ex eo loco pulsus est, quem prius possidebat vel naturaliter, id est, tanquam prædo; vel ciuilitur, id est, iuste. Horum enim vterque tenet rem animo dominantis. Is autem deiici intelligitur, qui ita possidet, *l. i. §. deiecitur. §. interd. etiam autem. ff. eod.* Proinde cum colonus aut inquilinus non possideat, si vel ille de agro, vel hic deiiciatur de ædibus, hoc interdicto nõ vtetur, non quod impunitum sit, si isti deiiciantur, sed quia ex hac deiectione interdictum ipsis dominis competit, non colono aut inquilino, *d. l. i. §. deiecitur. & l. vit. ff. eo.* Quippe domini per colonum aut inquilinum possident, §. *possidere. Inst. de interd.* Ita fit, vt istis deiectis in ipsorum persona videantur domini deiici. Hoc eodem ex verbo intelligimus non competere hoc interdictum, nisi ei, qui de rebus soli deiectus est: rebus aut mobilibus ereptis, huic interdicto locum non esse, *l. i. §. 2. & seq. ff. eod.* Non enim deiicitur de loco, nisi qui in loco consistit. Non consistimus autem, nisi in re, quæ non mouetur.

Non est satis, quem deiectum esse, vt sit interdicto locus: vi deiectum esse oportet. Sic enim verba sunt interdicti, vnde vi tu illum deiecisti *l. i. in pr. & §. 2. ff. eo.* Idem expresse in *l. 2. & §. 4. in prin. hic.* Huc referri debet *Linnafor. §. hoc tit.* vbi cauetur, ne inuasor aliter teneatur pœna legitima, quam si vi inuasorit, quia scilicet olim non aduersus alios pœna legitima fuit constituta, siue intelligatur vindicta criminis, siue pœna priuata, quam persequamur interdicto vnde vi. Hodie secus est in specie *l. vit. §. hoc tit.* Sed id ius postea secutum est, quo & *Linnafor.* & priora iura immutantur, vt illic dicemus.

3 Datur ꝑ hoc interdictum intra annum, & eum vtilem, *l. i. in pr. & §. annus. ff. eo. l. 2. hic.* Annus utilis opponitur continuo, *l. vit. §. de dol.* Vterque annus dicitur, quia constat trecentis sexaginta quinque diebus, vt est anni dimensio, *l. anniculus non statim. D. de verb. sign.* Hoc interest, quod continuus superioribus diebus constat continuis; utilis constat solum vtilibus, intellige ad agendum, id est iis, quibus actor experiundi cum aduersario potestatem habet, quod explicatur in *l. i. ff. de diner. tem. pres.* Vnde in edictis prætores huc annum ita circumlocutione efferre solebāt: intra an-

num, quo primum experiundi potestas erit, vt patet ex his locis, *l. i. in §. ff. ex quib. caus. mai. sunt. l. vit. §. de temp. in integ. rest. & l. 4. ff. vi bon. rap. l. i. ff. de incen. ruin. nauis.* Sed intra annum tantum datur hoc interdictum de iis rebus, quæ ad inuasorem non perueniunt. de iis quæ perueniunt actio perpetua, *l. i. in pr. ff. eo.* Hæc de actionibus prætoris definitio tradita in *l. in honorariis. D. de obl. & act.*

Datur ꝑ interdictum aduersus eum, qui ipse, aut cuius familia deiecit, vt est interdicto expressum, & declaratur in *l. i. §. ait prætor. D. eo.* Quis deiecitisse intelligatur, explicatur in *d. l. i. §. ait prætor. D. eo.* Datur præterea & aduersus heredes eius, qui vi deiecit; sed quatenus ad eos peruenit, *ut traditur in l. i. §. vit. & l. 2. ibi dem.* Vnde intelligimus, si quid ad heredes non peruenit, eos hoc interdicto non teneri. scilicet quia hoc interdictum pœnale est, vt ex restitutione interdicti intelligitur. Ita pertinet ad eam regulam iuris, qua efficitur, ex maleficiis pœnales actiones in heredes non dari, §. *1. Inst. de per. & tem. act.* Sed si quid ad eos peruenit ex maleficio, tenentur. Placuit enim semper iniusta lucra heredibus extorqueri, *l. i. §. vit. l. 2. & 3. in princ. D. eo. l. in heredem. D. de calum.*

Datur ꝑ interdictum huius rei gratia, vt si quid amissum est, deiecto restituatur, *l. i. §. non solum. D. eod.* Quod his verbis expressum est in *l. 4. hoc tit.* vt dicitur ei, qui deiectus est, causam omnem præstari oportere. id enim verbo causæ significatur, vt declaratur, *d. §. non solum.* Hac restitutione tria continentur. Primum res ipsa, a qua deiecti sumus, vt restituatur, §. *recuperanda. Inst. de interd.* Secundo loco omnia, quæ ibi fuerunt, cum deiciebamur. Ibi, id est, in toto eo fundo, & totis ædibus, vnde deiecti sumus, *l. i. in princ. & §. ibi. D. eod.* Quid ꝑ ergo, si ista, quæ ibi fuerunt, postea perierint? Placet eum qui deiecit, teneri nihominus earum rerum nomine, *l. i. §. rectissime. D. eod.* hac ratione, quod vt fur, sic prædo ex ipso tempore delicti moram facere, atque adeo plusquam frustrator debitor esse intelligitur, *l. penult. D. eod. l. in re. §. i. l. vit. D. de confur.* Est autem certi iuris constitutio, moram perpetuare obligationem, & quod idem est, si res debita post moram perierit, debitoris detrimentum esse, vt non aliter teneatur perpetuo, quam si res extaret, *l. si seruum. 91. §. sequitur. l. si ex legati. 2. §. i. l. nemo. 82. §. i. D. de verbor. obl. l. quod te. D. si cert. petat.* Quid, ꝑ si, postquam is, qui deiecit, condemnatus est, res perierit intra tempora iudicati actionis, an ne sic quidem reus liberabitur? Nascitur hinc dubitatio. Quia enim perpetuo moram facit inuasor, ideo coniequens est superioribus eum perpetuo teneri: idque ita scriptum in dict. *l. vit. ff. vnde vi.* Rursum videtur tradi in *l. si cum exceptione. §. quid si homo. & §. seq. D. quod met. caus.* reum in hac specie liberari. Quem tractatum, quia ad moræ periculum pertinet, licebit iis, quæ de mora alibi scripsimus, adicere. Sunt qui putent, re intra tempora iudicati perempta, quod sine dolo malo & culpa debitoris factum sit, debitorem liberari, etiam si hoc interdicto teneatur. Nam si hoc de eo dictum est, qui actione quod metus causa tenebatur, in dict. *l. item si cum. §. quid si homo. quod met. caus.* par est idem & in hoc interdicto admitti, cum vtrumque iudicium ex vi & maleficio nascatur. Sed quid hic argumentis est opus, cum ibidem in extremo ista iudicia in hac specie comparentur? Nec caret hæc sententia defensione. Constat enim, si res perierit, cum debitor in mora non esset, eum liberari, *l. si ex legati. D. de verbor. obl. l.*

quod te. ff. si cer. pet. Nunc autem tempore iudicatis ad soluendum constituto, intra id tempus debitor moram facere non videtur. Nam sic est alia regula iuris, non videri in mora esse eum, a quo propter exceptionem peti non potest. *l. lecta. ver. p. ff. si cer. pet. l. nulla. ff. de regul. iur.* Ego autem puto verissime dici, eum qui ante rem iudicatam teneretur re peremta, multo magis condemnatum teneri oportere, quamuis res intra tempora iudicati perierit. Non enim vitque qui ante sententiam tenebatur, liberatur condemnatione, sed magis teneri incipit: siquidem pro vna actione duæ fiunt. Nam & vetus manet & noua nascitur iudicati. Denique iuxta regulam iuris, non solet deterior fieri conditio eorum, qui litem contestati sunt, quam si non esset, sed melior. *l. non solet. leg. nemo enim seq. ff. de regul. iur.* Nec ad rem pertinet, quod iudicato tempus legitimum ad soluendum datum est. Nā hæc intercapedo debitori dilationem dare, non etiam lucrum adferre debet, ut est sententia Papiniani in *l. 3. i. res. ff. de usur.* Afferret autem lucrum, si eum, qui prius tenebatur, liberaret re peremta. Neq; moveri debemus, quod re ante morā peremta, debitor liberetur. Nam & hoc in hac specie admittendum est. Sed intelligendum est eum, qui ante rem iudicatam moram faciebat, condemnatum multo magis facere, quamuis intra tempora iudicati. Quisquis enim moram facere cœpit, is facere nō desinit nisi purgata mora. Nō purgat autem, nisi qui rem debitam offert. *l. si seruum §. sequitur. l. interdictum. §. ult. ff. de verb. obl. neque offert, qui ideo dilacione vitur, ne offerat.* Quare condemnatus morā facere, ut prius, nō desinit. Sic fit, ut iuxta eandem regulam, re peremta nihilominus teneatur.

Nam quod dicitur eum moram non facere, a quo propter exceptionem peti nō potest, ad ceteras omnes exceptiones pertinet; ad exceptionem iudicati dilationis non pertinet. non enim hæc ideo reo datur, quod in præsentia non debeat; sed quod cum debeat statim, tamen hoc spatium humanitatis causa illi indulgetur, ut est in *l. si cum militi. §. ult. ff. de comp. beneficii humanitatis causa in alterius iniuriam concedi non solent. l. nec auus. j. de eman. lib.* Ex quo est illud superius Papiniani, legitimum iudicati faciendi tempus reo dilationem dare, non lucrum adferre consueisse. Multo minus aduersatur huic sententiæ exemplum actionis *Quod metus causa*, in qua diximus condemnatum re intra tempora iudicati perēta ab eius præstatione relaxari. *d. l. ut si cum. §. quid si homo. g. me. cau.*

Nam id singulari ratione in eo iudicio receptum est, ut Vlpianus diserte illic ostendit. Id enim fieri nominatim ait, non quod res perierit intra tempora iudicati; sed quod propter facinus debitor tripli pœna satisfacere cogatur; qua pœna creditori abunde satisfactum est. Loquitur enim Vlpianus de eo, qui rem metu extortam restituere iussus, cum arbitrio non pareat, in quadruplum condemnatus est, ut est vis & potestas illius iudicii. Qua ex ratione perspicuum est recte colligi, quibus in iudiciis præter rem, quæ actori abest, non condemnatur reus in triplum aut duplum, eum re debita peremta non liberari, ne res sua creditori pereat, cui aliunde non satisficit.

Quæritur amplius hoc loco. quid enim si res, quæ perit, eodē modo apud actorem peritura fuerit; an nihilominus reus inuasor eo nomine tenebitur? Quæstio ex eo, quod duobus locis scriptum est, cum apud actorem eodem modo res peritura esset, debitorem liberari, si sine dolo & culpa eius perierit. *l. item si cū.*

§. quid si homo. in ff. quod met. cau. l. si plures. §. ult. ff. de positi. Contra aliis locis, & si res natura petierit, veluti morte, quæ vitari non potuit, nihilominus debitorem teneri, si res post mortem perierit. *leg. item si verberatum. §. ult. ff. de rei vind. l. cū. res. §. ult. ff. de leg. 1.* De quo cum scripserim iam olim in commentario de mora, & pluribus ad *l. si ex legati ff. de verb. obl. ne actum agam, inde peti iubebo.*

Illuc redeo, eum qui vi aliū de fundo, aut alio loco deiecit, teneri earum omnium rerum nomine, quæ ibi fuerunt, tam quæ ad eum non peruenerunt, quam quæ peruenerunt, & non exstant. Inde apparet, hoc quoque interdictum pœnam continere. *arg. in l. 1. §. si plures. ff. de eo per quem fac. erit.* Quam ob causam hoc interdictum neque perpetuo, neque in heredes dari supra suis locis diximus.

Sed cum dicamus omnia restituenda esse, quæ ibi fuerunt, vnde quis deiectus est, existit hoc loco illa difficultas, quomodo probari possit, quæ res ibi fuerint. Nō enim videtur facile posse: vbi quis scilicet repente deiectus est, neque ad cognitionem earum rerum testes adhiberi potuerunt; ut res videatur propemodum eo redire, quasi reus de iis reb. nec teneatur. Sed aduersus hanc difficultatem remedium comparatum est, de quo in *l. si quando j. hoc tit.*

Tertium continetur superiore restitutione, positum in iis rebus, quæ non fuerunt tunc, cum quis deiectus est. hi sunt fructus; de quibus in *l. 4. hic.* Percepti primum, etiam si inhoneste percepti sint. *l. ancillarum in fin. ff. de pet. her.* Deinde & qui percipi potuerunt, dummodo honeste. *l. fructus. ff. de rei vind. l. generaliter. ff. de usur.* In quo si quæritur, utrum spectari oporteat, a quo fructus percipi potuit, eumne, qui deiecit, an eum, qui deiectus est; certa regula vitur spectari debere actorem; seu eum fructum, qui percipi ab actore poterit, ut est in *leg. 4. hic. l. si nautis. §. ultim. ff. de rei vindicatio.*

Atque hæc vis & potestas est interdicti vnde vi. Sed an, qui hoc interdictum tenetur, nulla exceptione defensionis se potest. quo minus restituat, quæ supra diximus? Et placet nulla vi posse. *§. recuperanda. l. est. de interd.* Id esse interpretor, quod dicitur in *l. momentaria. j. hoc tit.* interdictum vnde vi maxaudiri debere, ut illic pluribus exponemus. Quod si verum est, apparet eum, qui vi alium de possessione deiecit, sibi possessorum iure defendere non posse; cum sit aduersus eum interdictum, quo rem sine exceptione retinere cogatur. Quod est equissimum, tum ut vis prohibeatur, tum ut is, qui malo more deiectus, primo quoque tempore in integrum restituatur. *l. 1. §. 1. ff. eo. hinc pendet. l. 3. hoc loco.*

L. Meminerint. VI.

Imppp. Grat. Valentinia. & Theod. AAA.
Potito P.V.

Meminerint cuncti sue vulgato rescripto mansuetudinis nostre sue sententia cuiuslibet iudicis videntur in causis conueniendos dominos locorum esse: aut si forte defuerint, eorum actiones ad insinuandas sententias, procuratoresque esse querendos, ne inde iniuriarum nascatur occasio, vnde iura nascuntur. Quod si præcepta nostra implere neglexerint omni negotio, de quo iurgare cœperant, priuabuntur.

§. Sin autem habito plerūq; colludio, curatores vel tutores minorum his rem debitam ea occasione peruadant, ut pueris vel adultis iurgandi copia & fructus adimantur.

tur: his eatenus subuenimus, ut eosdem non atterat damno culpa temeritatis aliena: Sed illico quidem possessio ei, a quo est ablata, reddatur: Curatores autem vel tutores aeterna deportatione punitos, bonorum quoque publicatio persequatur. Dat. 9. Aprilis, Antonino & Syagrio Coss. 38 2.

S V M M A R I A.

- 1 Sententia huius legis.
- 2 Hæc lex quid adiciat decreto D. Marci, quod exstat in l. exstat. D. quod met. cau.
- Vulgato rescripto Principis, & sententia iudicis uti, quid sit in principio huius legis: & quid vulgatum rescriptum. ibidem.
- 3 Inde iniuriarum occasionem nasci non debere, unde iura nascuntur, quam sententiam habeat, & quid in hac lege ad rem pertineat hæc ratio.
- 4 Colludium, collusio quid, & quæ in tutoribus ac curatoribus de rebus ad minores pertinentibus coercenda.

Quia rem alienam sine vi, sua auctoritate tamen inuaserunt, aduersus eos duæ sunt hoc titulo constitutiones. Vna aduersus eos, qui rem alienam non sibi debitam, possessoribus vacuam, occuparunt: ea est l. ult. j.

- 1 Altera t aduersus eos, qui rem alienam sibi debitam & a dominis possessam ignorantibus dominis occupant: ea est hoc loco, cuius hæc est sententia. Qui rem sibi debitam sine vi, sua tamen auctoritate non conuenientis & consentientibus iis, ad quos ea res pertinet, occupauit, is ius crediti amittit, etiam si in ea causa aut rescripto principis utatur, aut alicuius iudicis sententia. Si tutores aut curatores minorum, rem minoribus debitam eodem modo occuparint, collusione cum aduersariis interposita, ut eo facto minores iure suo exciderent; id factum minoribus non nocebit, tantumque hi hæc tenebuntur, ut quod inde ad eos peruenerit, restituant. Tutores autem & curatores ita coercentur, non ut ius crediti amittant, quod nullum habuerunt; sed ut propter improbam collusionem in necem minorum instructam deportentur, & simul eorum bona publicentur. Agi hac constitutione de re, quam quis sibi debitam occupauit, intelligimus ex posteriore parte constitutionis, ubi poena constituitur aduersus tutores & curatores, qui rem minoribus debitam inuaserunt. Nam initium ab extremo non distinguitur rebus occupatis, sed personis occupantiis. Initio enim agitur de iis, qui sibi occupant. In extremo de iis, qui occupant nomine minorum. Pertinet constitutionem ad eos, qui rem occupant sine vi, non conuenientis iis ad quos ea res pertinet, illa verba declarant, conueniendos dom. nos locorum esse, & quæ sequuntur. Hanc autem poenam constitui, ut qui ita rem occupauit, ius crediti amittat, illa verba, satis aperte significant, quibus cauetur, ut qui præceptum huius legis impleri neglexerint, omni negotio, de quo iurgare coeperant, priuentur. hæc enim verba plane idem expriment.

- 2 Ergo t initio huius constitutionis confirmatur verus illud decretum D. Marci, quo ius supra a nobis comprehensum constitutum est, exstatq; in l. exstat. ff. quod met. cau. Neque ideo hæc constitutio otiosa est. Nam duo eadem hac constitutione adiciuntur: vnum confirmandi illius decreti causa, alterum augendi. Primum hoc adicitur, cum qui, uti supra scriptum est, rem sibi debitam occupauerit, ius crediti amittere, etiam si in ea causa ad repetitionem & persecutionem rei sue utatur vulgato rescripto principis, atq; adeo alicuius

iudicis sententia. Sensus est, nihil prodesse ei, si principem de iure suo consuluerit, & rescriptum retulerit, quo princeps respondebat, cum rem sibi debitam receperit. Quod rescriptum hic vulgatum appellatur, quia vulgatum & vfitatum erat litigatoribus principem de iure suo consulere: ac consulentibus reddebantur huiusmodi rescripta: qualia sunt ea, quibus hic totus Codex est re-fertus. Adde nihil ei prodesse, si cum aduersario egerit & aduersarius sit condemnatus de re debita præstanda, restituendaue. Quorum tamen vtrumque contra exultimari poterat. Nā is certo iure vi videtur, qui auctoritate principis utitur, cum principis sit ius constituere. l. i. ff. de const. princ. Ei autem, qui iam aduersarium suum condemnauit, nihil videtur deesse ad iuris sui certitudinem, atque adeo persecutionem. Vtrumque hac constitutione remouetur, & merito: quia princeps rescripto suo de iure respondet, relinquitur facti quæstio: cuius disceptatio & executio per iudicem transigitur. Et cum Princeps rescribit, rem tibi debitam recipies, hoc sic accipitur, recipies eo modo, quo oportet, siue consueto iure recipies. Est autem vfitata ratio iuris nostri tenendi, ut iudicio agatur, vis absit, d. l. exstat. ff. quod met. cau. l. negantes. §. de obl. & act. Et quod ad sententiam attinet, etiam post sententiam deest executio rei iudicatæ, quæ non priuatis, sed iudici permittitur; ad quam obtinendam nihil amplius tribuitur litigatori, qui sententiam obtinuit, quam actio iudicati. l. miles in fin. ff. de re iud. Hæc est illa actio, per quam in hac constitutione iubentur conueniri domini rerum, aut dominorum actores procuratoresque. Ceterum qui litigator contemta iudicati actione sua actoritate aut rem, de qua agitur, occupat, aut pignora capit, aut capta distrahit, is perinde tenetur, quasi nullam sententiam obtinuisset. d. l. miles. §. qui iudicati. ff. de re iud.

Cuius t ratio hæc reddita est hac constitutione, quod non debeat iniuriarum occasio inde nasci, unde iura nascuntur. Porro ex responsione principis, omnique sententia iudicis iura nascuntur. Sunt enim ista comparata, ut ius quod est de re quaque, declaratur, & constituatur, ut secundum ea ius nostrum nobis obtinere liceat. Non debet igitur ex his nasci iniuria. Est autem genus iniuriæ, id est, eius quod contra ius fiat, vim adhibere, & sibi in sua re ius dicere, d. l. exstat. ff. quod met. cau. Proinde hoc genus vis & iniuriæ ex superioribus rebus nasci non debet. Hoc igitur primum est, quod hac constitutione adiectum est ad confirmationem eius decreti, de quo supra diximus.

Et a alterum adiectum est, quod est in poena aduersus tutores & curatores constituta, qui rem minoribus debitam collatio habito, ut lex loquitur, occuparunt.

Colludium t collusio est. Colludere is dicitur, qui simulat se aduersarium aliquo facto suo oppugnare, ut sibi vel aliis consulat; reuera autem consilio inito cum aduersariis id agit, ut eos oppugnet, quibus consulere velle videbatur, aduersariis autem maxime consulat. l. si per lusorio. ff. de appel. l. si suspecta. in pr. ff. de inof. test. Ut in hoc facto tutorum accidit, qui res minoribus debitas inuadentes simulant se aliquid aduersariis vel le eripere, quod ad minores transferant; reuera autem id agunt, ut hoc delicto minores rebus suis cadant, & sic ad veteres possessores transferantur, iisque confirmantur. Hoc genus est delicti, quod hac constitutione coercetur. Est enim in eo singulare improbitatis genus. Primum quod tutores vel curatores minores fidei & tutelæ suæ commissos nefarie produnt. Deinde ad id factum adhibent collusionem cum aduersariis;

scilicet cum maxime fraudant, id agentes, ut boni viri videantur. Quo genere iniustitiae nullam esse detestabiliorem præclare a Cicerone scriptum est *lib. i. Offic.* Ex quo intelligere licet, tutores aut curatores si in re minorum inuadenda nullam talem collusionem adhibuerunt, poena huius constitutionis non tenentur. Et recte: neque enim sola occupatio rei debita, ut minoribus cõsulatur facta, deportatione & publicatione bonorum digna est. Argumentum est, quod ceteri, qui rem sibi debitam occupant, ista poena non tenentur. multo minus igitur tenebuntur tutores, qui officio aliquatenus functi sunt, dum volunt minores consulere. In hac tamen specie puto eos litem suam facere, & quo modo tenerentur minores, si ipsi occupassent, eodem modo tutores & curatores quasi sibi occupassent, teneri debere, *l. non est ignotum ff. de adm. tut.*

L. si quis in tantam. VII.

Imppp. Valentin. Theod. & Arcad. AAA. ad Messianum Com. rer. in priuatarum.

Si quis in tantam furoris peruenit audaciam, ut possessionem rerum apud fisco, vel apud homines quoslibet constitutarum ante aduentum iudicialis arbitrii violenter inuasit: dominus quidem constitutus possessionem, quam ab initio, restituit possessori & dominium eiusdem rei amittit. Si vero alienarum rerum possessionem inuasit: non solum eam possidentibus reidat, verum etiam estimatione earundem rerum restituere compellatur. Dat. 17. Kal. Jun. Treueri Timasio & Promote Coss. 589.

S Y M M A R I A.

- 1 Eum qui violenter inuadit possessionem rerum apud alios constitutarum ante aduentum iudicialis arbitrii, hac lege coerceri: *Inuadere quid.*
- 2 Violenter quid.
- 3 Possessores qui.
- 4 Res omnes corporales hac lege contineri, etiam mobiles, incorporales non item.
- 5 Arbitrium iudiciale hic accipiendum, in sum iudicis, quo sit potestas obliuisci rem manu militari occupatam.
- 6 Qui rem suam vi inuasit, eam ex hac lege dominum non amittere ipso iure sed solum sententia iudicis, a quo id peti oporteat, ut inbeat in actorem transferri.
- 7 Dominum rei occupatam hac lege amissum adui non fisco, sed priuato cui res accepta est, aut qui vi deiectus est.
- 8 Si poenas omnes pecuniarias, quae nominatim lege non applicantur fisco, ibidem.
- 9 Qui rem alienam vi inuasit, præter damnum actionis etiam eam estimationem subire non possessionis ablata, sed ipsius corporis rei.
- 10 Ad dominum aut estimationem rei petendam, itemque ad possessionem ablata recuperandam esse ex hac constitutione conditionem ex lege, neque vnius petitione alteram consumi.
- 11 Hac lege non teneri qui dolo curant: patrem filio patronum liberto: magistratum iure officii rem occupantem priuatum, qui furem fugientem persecutus eire suam aufert.
- 12 Etiam foeminas teneri hac lege.
- 13 Juris errore aduersus hanc legem nullis prodesse.
- 14 Teneri hac lege etiam eos, quibus rerum suarum alienatio interdicta est.
- 15 Exceptos filios familias, qui de bonis suis aduentitiis quem deiecerint.

ADVERSUS vim, quæ illata est, præter interdictum *Vnde vi*, etiam priuatam actionem esse di-

ximus ex hac constitutione. In qua expendendum est, quid coerceatur, & quæ sit delicti, de quo agitur, poena.

Delictum ¶ eiusmodi est, Coercetur, qui inuasit. Inuadere est rem ab alio non traditam auctoritate sua occupare. Itaque hoc verbo reuocantur ii, qui possessionis controuerfiam tantum nobis faciunt, dum nos re nostra vi libere non sinunt. nihil enim isti occupant. Aduersus hos est interdictum *vi possidetis*, aut verbi, *§. retinenda. Inst. de interd.* Remouetur & illi, qui vim adhibuerunt, sed vim, non quæ ipsi rem occupant, sed qua dominum aut possessorem cogent, ut sibi res tradatur. Tenentur hi ad actionem quod in iure causæ, *l. i. & toto tit. quod met. caus.* Vulgo appellatur priorem vim turbatiua; ; posteriorem compulsiua.

Addit constitutio, *qui inuasit violenter*, ¶ Is violententer, seu vi inuadit, qui vetere possessore deiecit rem occupat. *l. i. §. vi possidere D. unde vi.* Itaque qui ignorante domino aut possessore rem occupauit; hac constitutione non tenetur, sed pertinet aut ad *l. meminerint. §. aut ad l. vi. j. hoc tit.* Quod sic accipiendum est, nisi is, qui ab initio clam occupauit, reuertente domino aut veterem possessorem rem non admittat. Nam hoc facto clam possidere desinit, & incipit vi possidere. *l. clam. in fi. & l. seq. ff. de acq. poss.* quod ad hanc constitutionem pertinet.

Aut, *Qui inuasit possessionem.* ¶ Is possessionem inuadit, qui ipse non possidens rem, quæ ab alio possidetur, occupat. Qui autem possidet, & rem, quæ corpore ab alio detinetur, occupat, is detentionem inuadere dici potest; possessionem non potest; sed magis possessionem, quæ apud se fuit, retinere. Hinc iudicari potest de eo, qui rem a se depositam aut commodatam de locatore, qui aut inquilinum eiecit ex edibus, aut colunum ex fundo; nempe hos omnes hac constitutione non teneri. Nam neque depositarius neque commodatarius, neque colonus, aut inquilinus possident; sed dominus per eos *§. possidere. Inst. de interd.* Hinc quoque intelligi potest, quid iudicandum sit de proprietario, qui fructuarium expulit ex fundo fructuario, & eum frui non patitur. Apparet hunc quoque proprietarium hac constitutione non teneri. Nam fructuarius non possidet, non magis quam superflua res. Proprietarius est, qui possidet, *§. idem placet. Inst. per quas pers. no. acquir. l. sciendum. §. eum vero. D. qui satisd. cog.* Non obstat, quod fructuario interdictum *unde vi* cõpetit, si proprietarius eum frui non patitur, *l. 3. §. unde vi. D. eod.* Hoc enim non ideo fit, quia fructuarius deiectus sit de possessione, quam prius habuerit: sed quia aduersarius non patitur eum vi frui. Et ideo in *d. §. unde vi* dicitur interdictum *unde vi* necessarium fuisse fructuario, id est, necesse fuisse ei speciatim proponere hoc interdictum, quod non fuit necesse, si fructuarius possideret, & dici posset de se non deiectus, quia verbi interdicti satis deiecto conuulit. Nihil etiam ad rem pertinet, quod fructuarius dicitur naturaliter possidere, *l. naturaliter ff. de acq. poss.* Nam hic naturaliter valet et temporaliter: quod significat eum proprie non possidere, sed tenere tantum. In re autem dubia verbi legis recedi non oportet, *l. i. §. licet. vers. in reg. iur. ff. de exher. act.* & præsertim cum de poena agitur. Nam poenæ legum interpretatione molliendæ potius sunt, quam exasperandæ, *l. interpretatio ff. de pen.* Hac pertinet, quod dicitur, odia non esse interpretatione adiuvanda, *l. cum*

Item quidam, D. de lib. & post. vnde regula iuris Pontificii, in c. odia. extr. de reg. iur.

Ait constitutio rerum apud alios constitutarum. Rerum ꝑ dicit generaliter, non distinguens, mobiles essent, an immobiles. Ex quo intellectum est, hac constitutione teneri omnes, qui rem quamlibet inuaserunt etiam mobilem. quod positum est in §. pen. Inst. de vi bon. rap. Hinc quaesitum est, an hac constitutione teneatur, qui possessionem iuris alieni occupauit, puta seruitutis. Vt si dominus qui iter debet per fundum suum, prohibeat vi aduersarium eo itinere vti: aut si propriarius, qui vsum fructum debet, fructuarium e fundo eliciat, eumque vti frui prohibeat. Et perspicuum est hunc non teneri non quod non teneretur, si istarum rerum possessionem inuadere posset: sed quod earum rerum nulla est possessio, quam inuadat. De vsum fructuario iam supra dixi. De eo, qui prohibetur itinere sibi constituto vti, palam est huius iuris possessionem non inuadi, quia res incorporales non possidentur, nisi abusu, *l. seruus, §. incorporales, D. de acq. rer. do.* Deinde dominus, qui vsum huius iuris prohibet, nihil possidere intelligitur, eoq; nullius rei possessionem sibi inuadere. Is enim inuadit possessionem, qui occupatam sibi tenet. Postremo etsi inuaderet possessionem itineris, non tamen inuadit possessionem rei apud alium constitutæ. Qui enim iter per fundum debet, is nihilominus fundum apud se constitutum habet.

Addit constitutio: ante aduentum iudicialis arbitrii.

Hic arbitrium iudicis accipere debemus, non quamuis sententiam iudicis de re controuersa, non quemuis eius iussu; sed arbitrium & iussu de re, de qua in hac constitutione agitur, id est arbitrium, quo iudex pro potestate iudicis potestatem facit rei, de qua controuersia est, vi occupandæ. Pro potestate autem iudicis facere intelligitur, cum in rei vindicatione possessor rem restituere iussus iudici non parer. Nam si reus rem possideat, licet iudici manu militari transferre, *l. qui restitueret, D. de rei vind.* Hinc colligimus, si quis ante arbitrium & sententiam iudicis de re controuersa restituenda, rem sua auctoritate occupet, citra controuersiam hac constitutione teneri. Idem esse probandum est, etsi iam quis obtinuerit sententiam & arbitrium iudicis, quo aduersarius iubetur rem restituere. Nam hac sententia actorem non excusat, si sua auctoritate rem, de qua agitur, occupat, *ut dixi, ad l. meminerint, supr.* Sed etsi magistratus iusserit rem alienam occupari, si id fecit caussa non cogita, denique non pro officio & iure magistratus: hæc sententia & arbitrium neque magistratui patrocinator, neque inuadenti, qui iniusto arbitrio utitur, *arg. l. 3. D. quod met. caus. l. nec magistratibus, D. de iniur.* Idque consentaneum est verbis huius constitutionis, quæ arbitrium exigit: sed iudiciale, id est, conueniens iudici. Summa est hæc: qui rem, quæ ab alio possidetur, vel incipit mobilem, vel immobilem occupat vetere possessore deiecto, si id auctoritate legitima magistratus non fecit, hac constitutione tenetur.

Habemus delictum, quod coercetur & eum, qui coercetur. Pæna constitutionis hæc est. Primum qui rem inuasit, sine exceptione rem restituere cogitur: quod est cum interdicto vnde vi comm. ne. Deinde, quod est proprium huius constitutionis, si dominus fuit, iubetur dominium amittere. Quo loco duo quaesita sunt.

Primum, ꝑ an qui inuasit, dominium iure ipso amit-

tat, an per iudicem dumtaxat, iudice de eo sententiam ferente. Verius est, idque vulgo placet, solum per iudicem, non ea ratione, quæ illis redditur: quia constitutio ita scripta sit, vt dicat, amittat in futurum: non autem amittit, aut amisit (quod certe eius sententiæ non idoneum argumentum est: cum ideo constitutioni necesse fuerit vt verbo futuri temporis, quia constitutio in admissum futurum cōcipiebatur, vt de eo etiam necesse fuerit pœnam futuram constituere) sed potius hoc argumento, quod constitutio eodem loco iubet eum qui rem inuasit, simul & rem restituere & dominium rei amittere. Hæc enim cum vna oratione in vnâ personam coniuncta sint: quod in altero membro intelligitur, necesse est etiam in altero intelligi. *arg. in l. 4. §. 1. D. de vulg. & pup. subst.* At cum iubemur rem restituere, intelligimus per iudicem vis namque prohibetur. *l. exstat, D. quod met. caus.* Ergo & cum eodem cōtextu iubemur dominium amittere, hic quoque per iudicem intelligere debemus. Quo admissio, consequens est, nisi a iudice petitum sit, vt qui rem inuasit, dominium transferat, iudicem de eo statuere nihil posse. *l. ult. supr. de fidei. lib.* proinde etiam dominium apud inuasorem manere.

Illud notandum, inuasorem dominium sic amittere, si dominium ad eum, cui res ablata est, transire possit. Quod si Iudæo mancipium Christianum ereptum sit, ideo qui inuasit, dominium non amittet Christiani mancipii, quia ad Iudæum transferri non potest. *l. 1. supr. ne Iud. Christ. mancip.* Sed pro domino reus, qui eripuit mancipium, æstimationem præstabit ex constitutione, quæ alterutrum præstare iubet.

Quod tamen apparet ita recte dici, siquidem dominum ad eum redire debet, cui res erepta est. Hinc quaesitum ꝑ secundo loco, id dominum cui adduci debet, *utrum fisco, an priuato, cui ereptares est, aut qui deiectus est?* Dicendum est priuato, ad quod confirmandum recte adhibetur *l. ult. D. de litig. l. pen. supr. de legi.* Et generaliter definiemus, cum aduersus delictum pœna pecuniaria infligitur, neq; nominatim applicatur fisco, toties pœnam priuato tribui in solatium iniuriæ & damni, quod passus est, *d. l. ult. D. de litig.* Quod satis probatur argumento earum pœnarum, quæ constituuntur aduersus raptos, fures, & qui vim intulerunt. quæ omnes certo iure iis, qui vim & furtum passi sunt, præstantur.

Quod si is, ꝑ qui rem inuasit, dominus non sit, iubetur æstimationem ipsius rei possessori præstare, vel vt sunt verba constitutionis, æstimationem ipsarum rerum. Quæ verba diligenter expendenda sunt, vt intelligamus non hic præstari æstimationem possessionis, quæ possessori ablata est, vt scilicet æstimationem ipsius corporis, etiam si is, a quo res occupata est, nullo modo dominus fuerit, sed prædo. Hoc contra fit in interdicto vt possidetis aduersus eum, qui alienam possessionem turbauit, *l. pen. in fin. D. vt poss.* item in actione quod metus caussa aduersus eum, qui vim fecit, vt sibi possessio fundi traderetur, *l. si mulier. §. qui possessionem. D. quod met. caus.* Sed hoc ius nouum est, quod vt in maiore delicto pœnam grauiorem constituit. Pœnam supra scriptam actione consequimur.

Et ꝑ cum hic noua obligatio constituatur, neque cautum sit, qua actione experiamur, constat ex lege agendum, seu in eam rem conductionem esse ex lege, *l. unica, de condict. ex leg.* Hæc possessori, cui pos-

sessio ablata est, datur his verbis, *restituatur possessori*. Datur & recuperandæ possessionis nomine, & pœnæ, quam diximus, persequendæ: proinde duarum rerum diuersarum causa. Ex quo intelligitur, vnius rei conditione alterius conditionem non consumi, *l. si pro fure, §. 1. D. de cond. fur.* Itaque qui prius de possessione egit solam, non prohibetur postea petere, vt dominium in se transferatur, aut sibi æstimatione rei præstetur. Quinetiam si is, cui possessio ablata est, ultro possessionem receperit sine iudice, nō prohibebitur tamen pœnam postea persequi, quia qui delicto suo in pœnam postea incidit, is vt pœnitentia sua non mutat delictum, sic nec teneri desinit, *l. qui ea mente. D. de fur.*

Etsi autem constitutio hæc generaliter scripta est aduersus omnem, qui vi possessionem inuasit: sunt tamen quatuor ordines eorum, quos putamus hac lege non teneri.

10 Primum ¶ non tenentur omnes, qui intellectu & dolo carent, quo in numero sunt furiosus, *l. Diuus. D. de off. præf.* item infans, & qui infantie proximus est, *§. in summa. Inst. de obl. quæ ex del. nasc.* Secundo loco non tenentur parens filio, patronus liberto. Nam hi certo iure non tenentur liberis aut libertis vlla actione, quæ iniuriæ, aut doli, aut vis habeat mentionem, propter honorem natura his debitum, *l. parens. §. 2. seqq. D. de obseq. par. & pat. præf.* Nec ad rem pertinet, quod hæc constitutio neminem excipit. hæc enim regula nobis tenenda est in omni interpretatione legum, quoties vna aliqua lex de toto genere in vniuersum scripta est & alia lege species aliqua ex eo genere excipitur, semper generi per speciem derogari. *l. in toto iure, D. de reg. iur.* id est, speciem generali constitutione non contineri. Hæc constitutio est de omnib. inuadentibus: species inuasorum sunt, pater, patronus. Proinde si quid de his proprii iuris constitutum est, ad generalem constitutionem non pertinet. Ne illud quidem ad rem pertinet, quod hæc constitutio generalis posterior est illo iure de parentibus & patronis constituto. Nam & hoc in iure est, posteriores leges ad priores referri, si contrariæ nō sint, *l. sed & posteriores. D. de legi.* Proinde priores sic accipi debere, quasi posteriores de prioribus cogitassent, easque confirmassent, aut quasi priores postea essent secutæ. Tertio loco ad hanc constitutionem non pertinent magistratus, qui iure officii, quo funguntur, possessionem a reo occupant, & in actorem transferunt. Hoc enim iure fit, & quod sit iure, pœnam non meretur, *leg. 3. D. quod mer. caus. l. nec magistratibus. D. de iur. l. Gracchus. infr. ad leg. Jul. de adult.* Eadem in causa priuatos haberi oportet, qui auctoritate iudicis possessionem occupant: quod ipsum verbis huius constitutionis effici videtur. Postremo recte vulgo putant, non teneri pœna huius legis eum, qui furem fugientem persecutus ci rem suam abstulit, *argum. l. ait prator. §. si debitorem. D. quæ in fraud. cred.* Quod & ipsum ex sententia huius legis satis colligitur, cum aduentum arbitrii iudicis expectari iubet. Hinc enim intelligitur constitutionem ad eas causas non pertinere, in quibus permittitur sine iudice se defendere. Licet autem toties, quoties post vulnus acceptum non licet remedium adhibere, *l. 1. supr. quan. lic. si iud. se def.*

His exceptis, sic statuimus de omnibus, de quib. hoc loco quaeritur: quicumque rem vi inuasit, quæ ab alio possideretur: omnes in hanc constitutionem

incidere sine exceptione sexus, ætatis, conditionis, beneficii a lege tributi. De quibusdā tamen dubitatum est. Primum ¶ de fœmina; quoniā constitutio ita scripta est *si quis, nō si qua*. Sed res hæc decisa est iure certo in *l. hoc verbum si quis. 1. l. pronuntiatio. in pr. D. de verb. sign.* nempe in omnibus legibus hoc verbum, *si quis*, tam fœminas, quam masculos cōtinere. quod vel maxime admittendum est in hac lege ex legis sententia. Nam hic non est constitutio in odium sexus virilis; sed ad delictum coercendum lata. Hoc delictum maius in fœmina inuadente, quam in masculo; quia illa inuadens. præterquā quod delinquit, quod sit illi cum aliis inuasoribus commune, etiam facit contra modestiam & pudicitiam sexui congruentem. Magis igitur ex sententia legislatoris delictum in ea coercendum.

Deinde dubitatum est ¶ de iis personis, quibus per-¹¹mittitur in iure errare, in quo genere sunt minores, fœminæ, milites, item rustici. *l. regula. D. de iur. & fac. ignor. l. 2. D. si quis in ius voc. non ier.* Nam hoc iure posito licere supra scriptis personis hoc ius & cetera ignorare, effici videtur, eas si quid aduersus hanc constitutionem commiserint, non teneri. Sed sciendum est, nullorum delictis iuris errorem patrocinari, si quid in faciendis deliquerint, non negligendo, quod indicatur in *d. l. regula. in pr. de iur. & fac. ignor.*

Postremo ¶ dubitatum est de iis, quibus prohibi-¹³tum est, res suas alienare, quo in numero sunt minores 25. annis, *l. 1. D. de reb. eor. l. lex quæ. supr. de adm. tut.* item prodigus, cui bonis interdictum est, *l. 1. D. decur. fur. l. is cui bonis. D. de verb. ob.* item filiusfamilias in bonis aduentitiis *l. ult. §. filius. supr. de bon. quæ lib.* Ac de his dubitandi causa ex eo, quod hac constitutione, qui rem inuasit, dominium suæ rei amittit, & alienat, aut etiam æstimationem rei de suo præstat, quod isti superioribus legibus facere prohibentur. Sed recte sentiunt, qui existimant istos omnes hac constitutione teneri, si rem inuasent. Neq; impedimur iis legibus, quæ istis personis alienationem rerum interdicunt. Interdicitur enim alienatio voluntaria, non etiā necessaria. *l. 1. D. de fun. dot. l. alienationes. D. famil. erc.* Ea aut de qua hic agitur necessaria est. Primo enim liberum fuit non inuadere. Postquam inuasit, hæc necessitas lege imponitur, vt alienes. sed & illud iure imponitur, vt delictum coerceatur. Non incommode etiam in istis personis respondeatur hoc modo: plane superioribus legibus prohiberi istas personas, ne alienent. Nunc aut ex hac constitutione eas non alienare, sed legē pro qua sententia facit, quod dicitur in *l. 1. D. de auct. tut. in iis, quæ fiūt, spectari debere, quod principaliter fit, non quod per consequentiā. Principaliter hic delinquitur: per consequentiā fit, vt res alienetur. Itaque & de prodigo hoc ius probandum est, qui minoribus curatorem habentibus comparatur. *l. si curatorē, supr. de in integ. rest. min.* Obiciet tamen fortasse aliquis, quod est de prodigo in *l. is qui. §. 1. D. de iur. & cur. dat.* prodigum furioso comparari in bonorum alienatione. Sed hoc dictum est de prodigo, cum volens alienat, non cum inuitus facit. Et sane in proposito, cum prodigus rem inuadit, non hoc animo est, vt rem alienet, sed vt sibi acquirat.*

Recte ¶ tamen indicare mihi videtur Bartolus,¹⁴ qui putat, ad hanc regulam non pertinere filiosfamilias, qui possessorum de bonis suis aduentitiis deiecerunt, aut rem alicui eripuerunt: deniq; eos bonorum suorum aduentitiorum dominium non ideo amittere, hac ra-

hac ratione: quia quod interdictum illis, ne alienent aduentitia, non magis ipsorum causa constituitur, quam parentum, ad quos filiis mortuis peculium aduentitium pleno iure redit. Neque vero delictum filii ipsis nocere, & rem eis in aliquem casum destinata illis auferre debet, in quam sententiam ille recte uti videtur arg. l. sed si alia. D. de bon. dam. l. Statius. §. ult. D. de iur. fisc.

Ad L. 8. Momentaria.

Imp. Arcad. & Honor. AA. Pasiphilo.

Momentaria possessionis interdictum, quod non semper ad vim publicam pertinet, vel priuatam, mox audiri interdum etiam sine inscriptione, meretur, Da. 6. Id. In. Mediolani, Olybrio & Probino Cos. 395.

S Y M M A R I A.

- 1 *Momentariam possessionem recte dici omnem, qua obtinetur ex quouis interdicto: & cur ita dicta.*
- 2 *Momentaria possessionis interdictum in hac lege non aliud dici, quam interdictum vnde vi.*
- 3 *Interdictum vnde vi cur per excellentiam dictum interdictum momentaria possessionis.*
- 4 *Mox restituendum, qui deiectus est, id est statim, & sine exceptione.*
- 5 *Aliud interdictum fuisse olim de vi publica, qua sit hominibus coactis & armatis: aliud de vi priuata & quotidiana, qua sit sine armis, differentiam hac lege maxime sublatam.*
- 6 *Interdictum vnde vi non semper ad vim publicam pertinere, vel priuatam, quam hic significationem habeat.*
- 7 *In interdicto vnde vi vim obicientem, in crimen se inscribere ad poenam talionis non cogi.*
- 8 *Deiecto interdictum esse etiam ei, qui prius aduersarium deiecit, neque hic locum habere, quod dicitur paria delicta mutua compensatione tolli.*

Momentaria possessionis interdictum, quod hic appellatur, sunt qui interpretetur omne interdictum: non tantum recuperanda possessionis, *Vnde vi*, sed etiam adipiscenda & retinenda, ut sit sententia: *Omne interdictum, sine sit adipiscenda, siue recuperanda, siue retinenda possessionis, mox transigi debere.*

- 1 Et certe † in omnibus interdictis de possessione momentaria agi videtur, quia omni interdicto ea possessio obtinetur, quae apud victorem momento manet: nempe eo usque donec iudicio petitorio de proprietate agatur, quo uti non prohibetur is, qui de possessione victus est, l. vn. §. si de mom. poss. fuer. appell.
- 2 Sed † multa sunt, quae hanc interpretationem repudiant. Primum rescripti verba. Dicitur enim hic *interdictum*, non *interdicta*, ut species vna certa notetur. Additur momentariae possessionis: quo significatur, esse quaedam interdicta non momentariae possessionis, ut si quis diceret, *interdictum recuperanda possessionis, aut actionem rei persequenda causa*: intelligeremus ideo dici, quia esset aliquod interdictum non recuperanda possessionis, actio aliqua non rei persequenda causa. Denique si hic omnia interdicta intelligebantur, ita scribi oportuit: *Interdictum omne, quod non semper ad vim pertinet, mox audiri meretur.* Iam vero in ea constitutione, vnde hoc fragmentum sumtum est, quae extat in Codice Theodosiano, lib. 2. tit. 1. l. 8. interdictum momentariae possessionis intelligitur tantum interdictum *Vnde vi*. Consulebantur enim Imperatores a Pasiphilo, cuius erat iurisdictionis de causis criminalibus, an de causis priuatis & pecuniariis cognoscere interpellatus posset &

deberet, si in his aliqua species criminis versaretur, & ob id quaerebatur an momentariae etiam possessionis interdictum proponi apud eum posset, ita ut mox audiri mereretur. Quae quaestio interdictis adipiscenda & retinenda possessionis conuenire non potest, in quibus crimen non versatur. Postremo huius ipsius loci sententia repugnat, quo minus de interdictis adipiscenda & retinenda possessionis interpretemur. Nam quod dicitur, interdictum momentariae possessionis mereri audiri, interdum etiam sine inscriptione, nullo modo potest his interdictis conuenire, in quibus nullum crimen est. Proinde nulla accusatio: ob eamdemque causam nulla inscriptio in crimen. Stulte enim constitueretur id, de quo dubitari non potest, l. Domitius, D. qui test. fac. poss. Absurde etiam constitueretur interdum ista audiri debere sine inscriptione, quasi aliquando cum inscriptione audiri deberet: quod falsum est. Vbi enim nulla accusatio est, illic inscriptionem locum habere non posse constat. l. ult. infr. de accus.

Ex his apparet momentariae possessionis interdictum hic intelligendum esse interdictum *Vnde vi*, in quo crimen vis versatur.

Sed † cur hoc praecipue dictum momentariae possessionis, cum & ex ceteris quaecunque possessio est, ea sit momentaria, ut qua constituta, nihilominus integra proprietatis causa seruetur, *vi est in l. unica. §. si de mom. poss. fue. app.* Eo fit, quia in ceteris interdictis solum tunc proprie possessio est momentaria, cum ex his iam obtinetur: quae autem adhuc in petitione est & persecutione interdicti, non item. In interdicto autem *Vnde vi*, utroque tempore recte dicitur momentaria, & quo iam recepta est, quod est cum ceteris interdictis comune, & quo de ea adhuc controuersia est ex interdicto: quia momento & summam res transigitur. Nam in ceteris interdictis reo competunt suae exceptiones aduersus interdictum, ut, in interdicto *Vti possidetis*, haec exceptio est aduersus eum, qui agit: Nisi ille a reo vi, clam, aut precario possideat, l. 1. §. ult. D. vii. poss. In interdicto, Quod legatorum est haec exceptio, Nisi legatarius satisdederit, l. 1. §. pen. D. quod leg. Idemque in aliis interdictis similibus licet obseruare. In interdicto autem *Vnde vi*, qui deiectus est, sine exceptione restitui debet. Hinc vere & praecipue interdictum momentariae possessionis.

De hoc interdicto duo hic constituuntur. Primum 4 hoc interdictum † audiri mox debere. Mox valet confessum & sine mora Id sic interpretamur, *sine ulla exceptione*, ut scilicet qui deiecit, statim restituere debeat eum, qui deiectus est in eum locum, vnde deiecit: quamuis hic prius illum vi deiecisset, aut clam ab illo, vel precario possideret. Haec sententia iuris posita est in §. recuperanda, Inst. de interd. Conuenit etiam verbis huius loci. Proinde quin huic loco recte a nobis aptetur, dubitari non potest. Sed hic quaerit aliquis, si interdictum *Vnde vi*, iam olim fuit momentariae possessionis & id ita interpretamur, fuisse eius possessionis, de qua statim & sine exceptione cognoscere potuerit, quid opus fuerit hac constitutione. Et ex iure antiquo id facile intelligi poterit.

Sciendum † est olim aliam fuisse causam, si quis alium deiecit vi publica, id est, hominibus coactis & armatis: alia si vi priuata, id est, sine armis, quae etiam vis quotidiana dicebatur, quia & inferret a priuatis, & moribus inferri solet, teste Cicerone in orat. pro Cacin. Si quis vim publicam fecisset, huic nulla erat

exceptio aduersus interdictum, quin eum, quem deiecerat, eo vnde deiecerat, restitueret sine vlla exceptione. Ei autem, qui vim priuatam & sine armis fecisset, competeat hæc exceptio, nisi is qui deiectus est, a reo vi aut clam, aut precario possideret, *vt Cicero in eadem oratione docet*: quod & ab aliis eruditis viris annotatum est, *vt Duareno lib. 1. Diss. c. 20. Eguin. Barone ad inuicem huius tit. D.* Hoc ius ita valuit temporibus Ciceronis, vt perueniret etiam ad tempora Vlpiani & Pauli quod hæc fragmenta probant, de vi publica, *l. sed si vi armata. D. de vi. §. vi ar.* de vi priuata & sine armis, *l. 1. §. qui a me, & l. cum fundum, illic, non enim ab ipso. D. eo.* Postea hoc ius immutatum est, & obtinuit, vt etiam qui sine armis alium deiecerat, eum qui deiectus est, sine exceptione restitueret, quamuis ab aduersario prius deiectus esset, aut aduersarius prius clam ab ipso, aut precario possideret. Hoc ius primum constitutum videtur a Constantino in *l. si quis, infr. ad l. Iul. de vi. publ.* vbi hæc verba sunt: *si quis vim possidenti intulerit, vt ei, quem constiterit expulsum, amissa possessionis iurare parentur, eademque prout restituta de crimine queratur.* Sed tamen restabat adhuc hæc dubitatio, an ea constitutio generaliter scripta ad vim priuatam pertineret. Hæc dubitatio hac constitutione sublata est. qua cauetur interdictum *Vnde vi* mox audiri debere, non tantum, si ad vim publicam pertineat, sed etiam si ad priuatam.

6 Id enim ¶ significant illa verba: *interdictum quod non semper ad vim publicam pertinet, vel priuatam.* Est enim hic sensus: interdictum quod non semper ad vim armatam pertinet, aut semper ad priuatam, sed interdum ad publicam, interdum ad priuatam, mox audiri meretur: vt scilicet sine vlla exceptione ad utramque vim pertineat, siue de hac, siue de illa agatur. Ex quo iam dubitari non oportet, quin quod in *§. recuperanda, Inst. de interd.* generaliter secundum verba scriptum est, eum qui deiectus est, sine exceptione restitui debere eo, vnde deiectus est: id etiam re & sententia generaliter accipi debeat ex hoc loco de vi utraque. Alterum ¶ adiecit hac constitutione: hoc idem interdictum etiam sine inscriptione interdum audiri debere. Interdum dicunt Imperatores, quia si is, qui interdicto agit de re pecuniaria & sua, idem criminaliter agit de vi: eum ex forma vsitata iuris se in crimen inscribere oportet, de quo iure est in *l. ult. j. de accus. l. libellum, l. si cui crimen. D. de accus.* Quod si qui interdicto experitur, idem criminaliter non agat de vi: quantumvis interdicto vim obiciat aduersario, tamen se in id crimen inscribere ad poenam talionis subeundam non cogitur: quoniam civiliter agitur, non criminaliter, *vt patet ex superscriptis locis.*

8 Illud monendi sumus, ¶ quod supra dictum est, *si a te sim deiectus, deinde ego te deiciam ex intervallo, me tibi teneri interdicto Vnde vi* sine vlla exceptione, quamvis a me vi possideas: id non eo pertinere, vt tui mihi vim impune feceris. Nam & mihi interdictum *Vnde vi* aduersus te competit, quo possessionem mihi restituere cogaris. Vnde quaesitum est, videaturne id contrarium ei sententiae iuris, qua placet paria delicta mutua compensatione tolli: vt qui illa inuicem admiserunt, neuter aduersus alterum eo nomine actionem habeat. *l. si duo, D. de dol. l. viro. D. sol. mat.* Respondeo, nihil hanc sententiam aduersari, nec ad hoc interdictum, de quo agimus, pertinere. Tunc enim verum est paria delicta mutua compensatione tolli, cum licet vtrique ea delicta obicere, vt sic in iudi-

cio audiantur. At in interdicto *Vnde vi*, tantum quaeritur de vi eius, qui deiecit, non autem de vi eius qui deiectus est: quoniam illi vim obicere ad defensionem non licet: quo fit, vt mutua vis accusatio in hoc iudicium incidere non possit.

Ad L. 9. Si quando.

Imp. Zeno A. Sebastiano praefecto praetorio.

Si quando vis in iudicio fuerit patefacta, deinde super rebus abreptis, vel inuasis, vel damno dato tempore impetrata questio proponatur: si non poterit, qui vim sustinuit, quae perdidit, singula comprobare: taxatione a iudice facta pro personarum, atque negotii qualitate, sacramento aestimationem rerum, quas perdidit, manifestet: nec liceat ei ultra taxationem a iudice factam iurare: & quod huiusmodi iureiurando dato fuerit declaratum iudicem condemnare oportet. Dat. 7. idib. Decemb. Constantinop. post consular. Basil. II. & Armatii V. C. 476.

S Y M M A R I A.

- 1 Deiecto iuranti, quas res & cuius aestimationis habuerit in eo loco, vnde deiectus est, fidem hac lege haberi, & huius iuris aequitas.
- 2 Taxare iurifurandi quantitatem iudici licere, idque faciendum pro personarum & negotii qualitate & horum utrumque quid sit.

¶ Vi dicit sibi res in eo loco fuisse, vnde deiectus est, & sibi eas periisse, secundum regulas iuris probare debet, ac nisi probat, reus absolendus est. *leg. 2. D. de prob. l. qui accusare. supr. de eden.* Porro idonea & legitima probatio ad id docendum est in testibus. non est idonea, si is qui dicit, iuret ita esse aduersario non deferente. *l. 3. in pr. D. de iureiur.* Veruntamen hoc genus probationis necessitas duab. in causis admittitur. Vna est, cum actor probauit rem sibi debitam fuisse, eaque culpa debitoris periit. Nam tunc rei eius aestimatio, quae auctore iam facile probari non potest, eius iureiurando committitur, ne debitoris mora & culpa ei fraudi sit. *l. in action. §. plane, D. de in lit. iur.*

Altera causa est, ¶ cum quis vim fecit in aedes aut fundum alienum, & dicuntur in eo loco res mobiles fuisse, quae perierint, de quibus is, qui deiectus est, dicat se probare non posse, quae & cuius aestimationis fuerint. De hac specie est hæc constitutio: qua cauetur, vt actori de quantitate & aestimatione earum rerum iuranti fides habeatur. Quod æquissime constitutum est. Quod enim generaliter traditur, neminem in sua causa iudicem aut testem fieri debere idque iniquum esse, *l. vn. §. ne quis in sua cau. ind. l. Iul. ait. D. de iud. l. nullus. D. de test.* ita verum est, nisi culpa & vitio aduersarii necesse sit rem actoris iureiurando committi. Quod in hac specie accidit. necesse est enim id ita fieri, si volumus actorem ius suum consequi quod aduersus vim quouis modo constitui æquissimum est. Primum, quia ipsa per se maleficia impunita esse non debent, *l. ita vulneratus, D. ad l. Aquil.* Deinde, quia ita statui tunc fit æquius, cum periculum est, ne quis impune vim aut damnum patiat, *l. si longius. §. 1. D. de iud.* Ego, vt supra proposui, in his causis hoc iuramentum ad probationem necessitas induxit, sine qua iniquissimum est cuiquam in re sua quamuis iurato fidem haberi. Adiecit hac lege, quod actor de aestimatione earum rerum iurauerit, id iudicem sequi oportere.

Sed quoniam ¶ fieri potest, vt in immensum iuret, adiecit eadem legem recte facturum iudicem, si cum audierit, quid actor dicat de illis reb. quas sibi periisse dicit.

se dicit, priusquam iusiurandum illi deferat, taxet iusiurandi quantitatem, seu modum statuatur, quem iureiurando non liceat excedere, ne in infinitum iuretur, quod iudici sequi postea necesse esset. Hæc eadem de necessitate sequendi iusiurandi, & de taxatione initio adhibenda, ex iure vetere sunt, tradunturque explicati in *l. videamus. §. iurare, & §. seq. D. de in lit. iur.* quorum de utroque ad eum locum scripsimus. Adicitur his, *iudicem estimationem taxaturum pro personarum & negotii qualitate.* Quod sic interpretandum est, ut si pauper sit, & dicat sibi suppellectilem auream & pretiosam ibi fuisse: vel si locus angustus sit, & dicat, plura ibi fuisse, quam locus videbatur posse capere, non audiatur.

Ad L. 10. Non absre.

Imper. Zeno A Sebastiano præfecto prætorio.

Non absre est, quemadmodum possessionis aliena inuafores, tam vetus quam præsens sacra constitutio censi esse puniendos: ita nec conductoribus, & possessionis aliena detentoribus impune procedere, si locatoribus forte vel possessionem rerum suarum, quam apud alios precario modo esse concesserant, recuperare secundum leges volentibus, cum nulla sibi met cognita legibus allegatio competere, duxerint resistendum: & non protinus, id est, non expectato iudiciorum ordine, alienam possessionem recte eam recuperantibus cedere patiantur. Eos namque iubemus pro tanta scæ iniquitatis impudentia, si cognitionis iudiciaria euentu fuerint cõdemnati: rei cuius possessionem sponte restituere usque ad definitiuam sententiam minime passi sunt, estimationem victricis parti una cum ipsa præbere compelli. Datum V. Cal. April. Constant. Theodorico & Venantio Coss. 484.

S V M M A R I A.

- 1 Sententia huius legis.
- 2 Generalem hanc constitutionem esse pertinẽtem non ad conductores tantum, & precario possidentes, sed ad depositarios, commodatarios, & omnes aliena possessionis detentores.
- 3 Constitutio hæc solum utilis in rebus soli.
- 4 Rei acceptæ recusandæ interdum iustas causas esse, ex his recusantem reddere pœna huius legis nõ teneri. *L. si quis conductionis. C. de loc. & con. exposita. ibid.*
- 5 Qui rem indicatõ denegatam ante sententiam restituit, ad hanc legem non pertinere.
- 6 Qui res suas repetunt ab iniustis detentoribus, recte petere una cum re etiam rei estimationem, & iudicem ita condemnare reum posse & debere, etsi estimatio debeat sub conditione si reus rem ante sententiam non restituerit.

¶ Qui rem ab alio acceptam eius nomine possident, quales sunt conductores, & qui rem precario acceperunt, hi quamuis reposcenti rem non reddant, ac propterea inuito eo, a quo acceperunt, detineant, non tamen dici possunt re inuasisse, quam ab initio volente domino acceperunt, & quem postea aditu ædium aut fundi locati non prohibuerunt, eo etiam in pœnam, *l. si quis in tantam*, non incidunt. Placuit tamen hac constitutione eos eadem pœna afficiendos esse, si modo hæc concurrant: ut & sine iusta causa recusent rem restituere iis, a quibus acceperunt, & præterea iudicio conuenti in ea recusatõ perseverent usque ad sententiam definitiuam, id est, eo usque, donec sententia iudicis de restituenda condemnentur. Hanc autem improbæ recusatio-

nis pœnam ferunt, ut una cum re etiam æstimatorem rei reddere compellantur. Quæ plane pœna est aduersus inuafores rei alienæ constituta in *dict. leg. si quis in tantam*. Vnde facile intelligitur, veterem constitutionem, quæ in principio huius legis nominatur & confirmatur, esse illam ipsam *leg. si quis in tantam*.

Observandum est, hanc pœnam constitui nominatim aduersus conductores, & eos, qui precario acceperunt, ut & in *l. conductores, §. de loc. & cond.* Quid si erit is, qui rem commodatam aut depositam acceperit, quæ eadem improbitate recuset reddere? Dicemus & hunc hac constitutione teneri, & omnes omnino, qui sunt in possessione alienæ rei, quæ a possessore acceperint. Etsi enim conductores & qui precario acceperunt, specialiter nominantur, tamen exempli causa id fit. Nã alioqui generalis constitutio est in illis verbis, quæ sunt in principio, *ita nec conductoribus, & possessionis aliena detentoribus*. Sed ideo & de depositario & de commodatario nihil his constitutionibus exprimitur: quia si quis rem mobilem sibi commodatam, aut apud se depositam reposcenti etiam extra iudicium non reddit, eius rei furtum facit, *l. si sacculum. D. deposit. l. 3. sup. de pos. §. placuit. Inst. de obl. quæ ex del.* Et ita statim in duplicem pœnam incidit, ut merito neque litis contestatio, neque alia sententia sit expectanda ad hanc pœnam persequendam, neque minor pœna desideranda, ubi maior suppetit.

Quamobrem hæc constitutio solum utilis est in rebus soli: quarum contrectatione furtum nõ committitur *§. quod autem, Instit. de vsuc.* Idcirco præcipue de conductoribus rerum soli & de iis, qui precario eas detinent, hic exempla posita sunt.

Pœna cõstitutionis habet duas has condiciones. Una est, si quis reposcenti reddere re recuset sine iusta causa. Quod eo additum est, quia iustæ & probabiles causas esse possunt recusandi, *l. colonos, in fi. D. eo. l. si quis rem, in fi. D. de acq. poss.* Cuius generis est, si is qui conduxit aut precario accepit, dicat se eius rei dominum esse. Nam neque precarium, neque conductionis rei nostræ consistit, ut proinde qui dominus est, neque precario, neque ex locato teneatur, *leg. neque pignus. D. de reg. iur. l. qui rem, D. dep. l. qui rem, sup. de loc. & cond.* Non obstat, quod in *l. si quis conductionis, sup. de loc. & cond.* dicitur, si quis conductionis titulo rem acceperit, eum prius debere possessionem restituere, & tunc de proprietate litigare. Hoc enim ita interpretandum est, si de possessione agatur, quod fit ex interdicto, aut actione ex causa interdicti, *§. retinenda §. possidere. Inst. de interd.* Tunc enim prius de possessione lis dicenda est, deinde querendum de proprietate. Diuersum est, si ex locato agatur ad rem conductam recipiendam. Nam hac actione dominus non tenetur certo iure, *d. l. qui rem, D. dep.* Tales sunt causæ conductoribus, si nondum finito tempore conductionis res repetatur, dum illi mercedem soluerint, *l. 3. sup. de loc. & cond.* Item, si quas illi impensas utiles in rem conductam fecerint, quo nomine non tantum retentione uti possunt, sed & ultro actionem ex conducto habent, *l. dominus, §. i. l. penul. in prin. D. loc.* Altera conditio adiicitur, si supra scriptæ personæ in ea recusatõ usque ad sententiam perseverauerint. Vnde intelligimus, si pœnitentia acta rem ante sententiam restituerint, eos pœna huius legis non teneri. Itaque hic pœnam non

inficiationi & cōrredationi alienæ constitutam esse, sed improbæ & contumaci recusationi.

Quod de pœna scriptū est in fine legis, conductores scilicet suprascriptos vna cum re etiā rei æstimationem præstare compelli, puro hanc sententiā habere ex perpetuo iudiciorum more, vt compelli debeant sententia iudicis, qui & ad rei æstimationem, & ad rei restitutionem condemnabit.

6 Quo loco quaesitum est, *utrum eodem iudicio & eadem sententia iudicis id fieri possit, an vero condemnato conductore ad rei restitutionem, nouo iudicio & noua petitione sit opus ad rei æstimationem consequendam?* Quin nouo iudicio æstimatio peti possit, si forte priore iudicio reus in rem cōdemnatus non sit, dubitare non debemus. Nam cum sit hac constitutione noua obligatio de æstimatione cōstitutā, intelligimus etiam petitionem, nempe conditionem ex lege, de ea esse constitutam, *l. vna. D. de cond. ex leg.* Quocirca & ea separatim vbi possumus cumque sint duarum rerum petitiones, vna rei altera æstimationis, nunquam vna alteram consumit, *l. si pro fure. §. 1. de cond. fur.* Sed hoc dubitatur, quod dixi, apud quem de rei restitutione agitur, possitne is eadem sententia reum & de restituenda re condemnare, & præterea in eius rei æstimationem. Verba huius constitutionis significant, iudicem eadem sententia id facere posse. Non enim potest conductor compelli rei æstimationem præstare vna cum re, nisi eodem tempore atque eadem sententia, eodemque iudicio id fiat. Sed rursum ius videtur id vetare, non enim potest iudex conductorem condemnare in rei æstimationem, nisi id petiit sit. *l. ut fundus. D. de cond. d. l. vlt. sup. de fidei. l. bert.* Iam vero hæc æstimatio ab initio in iudiciū deduci nō potest. Verat enim ius id peti, quod sub conditione debeat, ne iudiciū sit in pendenti, *l. non quadam. D. de iud.* At æstimatio rei, de qua hic agitur, debetur a conductore sub conditione, si is patiat, se de re restituenda condemnari. Quo effici videtur, eam æstimationem pendente hac conditione peti non posse. Quod si verum est, nec de ea æstimatione iudex sententiam ferri potest, quapropter & ad eam petendam nouo iudicio erit opus. Nos de recepta sententia dicemus iudicem, qui de re restituenda cognoscit eadem sententia conductorem, & ad eam rem restituendam, & ad rei æstimationem condemnaturum, si actor ab initio id petierit. Quo minus autem id recte petat, eum iure non prohiberi. Nam quod dicitur, nihil peti posse pendente cōditione, ad eam conditionem, de qua hic agitur, non pertinet. Sciendum est enim, eas conditiones pro conditionibus non esse habendas quæ ex iure tacite insunt, etiam si non exprimantur, *l. muto. §. 1. D. de iur. l. heredis. l. cum sine. §. 1. D. quan. di. l. g. ced.* Multo minus etiam pro conditionibus habentur, quas certum est esse exstaturas, *l. si pupillus. §. qui sub conditione. D. de nouat.* Talis autem ea conditio est, sub qua rei æstimatio a conductore hic debetur, si de re restituenda condemnatus erit. Hæc enim conditio inest iure, etiam si non exprimitur, & præterea talis est, vt iudice sententiam ferente de re restituenda omnino existat.

Ad L. Vltim.

Imp. Iustinianus A Ioanni præfecto prætorio.

Cum querebatur inter Illyricianam aduocatiam, quid fieri oporteret propter eos, qui vacuum possessionem

absentium sine iudiciali sententia detinuerūt, quia veteres leges nec Vnde vi, interdictionum, nec quod vi aut clā, vel aliam quamdam actionem ad recipiendam talem possessionem definiebant, violentia in ablatam possessionem minime præcedente, nisi domino tantummodo in rem actionem exercere permittentibus: nos non concedentes ab quem alienas res vel possessiones per suam auctoritatem usurpare, sancimus talem possessorem, vt prædonem intelligi, & generali iurisdictione eateneri, quæ pro restituenda possessione contra huiusmodi personas veteribus declarata sunt legibus. Reducit enim est dicere vel audire, quod per ignorantiam aliam rem aliquis quasi propriam occupauerit. Omnes autem scire debent, quod suum non est, hoc ad alios modis omnibus pertinere: cum talis depositio in furti actione iam dudum veteribus legibus definita est, dicentibus, si quis alienam rem aduersus domini voluntatem attigerit, furti actione teneatur: his videlicet, quæ super recipiendam possessionem a nobis disposita sunt, locum habentibus, si non ex d. e. ex quo possessio detenta est, 30. ann. excesserint curricula. Datum 13. Calen. Non. Constantin. post consul. Lampadii & Orestis VV. CC. anno secundum, 532.

S Y M M A R I A.

- 1 Sententia legis sigillatim verbis legis confirmata.
- 2 Vacua possessio occupata qua h. c. intelligatur.
- 3 Rem suam, quæ a nullo tenebatur, qui sine vi occupauit, eum nullo iure teneri.
- 4 Idem esse, si quis bona fide putet suam.
- 5 Teneri in furti actione declarata legibus, pro teneri eo iure, quod ex legibus dici solet.
- 6 Aduersus eum, qui rei alienæ vacuum possessionem sciens occupauit, pœnam hic statui eamque, quæ vetus fuit ex interdictione vnde vi aduersus prædones.
- 7 Possessori veteri ex hac lege actionem esse, non domino, nisi & is possedit.
- 8 Pœnam aduersus eum qui sine vi rem alienam immobilem occupasset, nullam fuisse veteribus legibus, ideo hanc lege fuisse necessariam, quæ pœna induceretur.

Sententia est: qui possessionem quamvis vacuum rei alienæ occupauit, quam intelligat ad se nō pertinere, is tanquam prædo tenetur eo iure quod veteribus legibus constitutum est de restituenda possessione aduersus prædones, qui re vi inuaserunt. Dixi, qui vacuum possessionem, verba sunt in principio constitutionis.

Vacua possessio proprie ea dicitur, quæ omnibus aliis iustis possessoribus & detentoribus vacua est, *l. 2. §. vlt. D. de act. emt.* sed nihilominus recte dicemus, hac lege teneri eum, qui rem ab iis vacuum, qui corpore rem teneret, sine vi occupauit; tamen si a domino absente possessio eius rei animo retineretur, quod fit, cum quis exempli gratia ad nundinas profectus est ne vine domi relicto, *l. clam. §. qui ad nundinas D. de acq. poss.* Nam si quis pœna & nomine prædonis dignus est, qui rem, quæ a nullo neque teneretur, neque possideretur, occupauit, multo magis eodem iure teneri debet, qui rem occupauit, quæ ab absente possidebatur, quamvis eam nemo corpore teneret.

Dixi & possessionem rei alienæ: quam lex initio vocat possessionem absentium. Hanc se intelligere indicat postea in illis verbis: nos non concedentes aliquam alienas res, vel possessiones. Item illis, *reducit enim est dicere vel audire*, quod per ignorantiam alienam eum aliquis quasi propriam occupauerit. Quare si quis rei possessionem sine vi occupauit, cum res a nullo possideretur,

aderetur, is nullo iure teneretur. Merito: nulli enim quidquam detrahit, neque rem, neque possessionem.

Dixi, † quam intelligat ad se non pertinere. Verba sunt ex verfic. *omnes autem*. Sane enim, qui iustam causam habet, cur putet rem suam esse, is bona fide possidet, eoque poena dignus non est. Poena, quam dixi, expressa est in constitutione his verbis: *Sancimus talem possessorem, ut praedonem intelligi, & generali ea iurisdictione teneri, quae pro restituenda possessione contra huiusmodi personas veteribus declarata sit legibus.*

5 Teneri † ea iurisdictione dixit, pro teneri eo iure, quod constitutum veteribus legibus, ex his ipsis legibus dici solet. Queritur, quodnam sit id ius, quod veteribus legibus sit constitutum aduersus praedones & inuasores pro restituenda possessione. Palam est, non intelligi *l. si quis in tantam. §. cod.* cuius poena non est pro restituenda possessione, sed de dominio amittendo aut rei aestimatione praestanda.

6 Restat † igitur, ut interdictum *unde vi* intelligatur, quo is, qui deiecto vetere possessore vacuum possessionem occupauit, tenetur; utque haec sententia, eum, de quo agitur, teneri ex hac lege eodem modo, quo praedo, si cum eo ex interdicto *unde vi* ageretur; ut scilicet non solum rem restituat, quam inuasit, sed etiam omnia, quae ibi fuerunt, cum occuparet, quamuis ad eum non peruenerint. Et praeterea ut de iis, quae non peruenerunt, teneatur intra annum dumtaxat, non etiam perpetuo, ut est ius de eo interdicto constitutum. *l. i. in pr. §. rectissime. & seq. ff. eo. l. 2. §. cod.* Non obest, quod scribitur in extremo huius legis, ea, quae de recipienda possessione hic constituta sunt a Iustiniano, locum habere intra triginta annos. Apparet enim hoc scriptum esse de possessione, quae peruenit ad eum, qui rem alienam occupauit: quia non recipitur, nisi quae peruenit. De eo actio est perpetua etiam ex iure vetere. *l. i. in pr. ff. unde vi* Sed hoc ita interpretatur Iustinianus ex posterioribus constitutionibus, dum actio non excedat triginta annos, ex *l. homines. l. si cent. §. de praes. 30. vel 40. an.* Quod ad eas res non pertinet, quae ad eum, qui non occupauit, non peruenerunt. Erit ergo de his ius vetus, ut is, de quo agitur, de istis rebus intra annum dumtaxat teneatur. Nam qui vere praedo est, qui quae vi rem inuasit, de his rebus, quae ad eum non peruenerunt, non nisi intra annum tenetur. *l. 2. §. hoc iur.* Multo minus, qui vi non deiecit, sed tantum clam occupauit, tamen pro praedone habeatur: de quo haec lex lata est.

7 Erit † autem de his rebus actio, non domino, sed veteri possessori, quoniam veteribus legibus possessores restituuntur. *l. i. ff. eo.* Itaque si vetus possessor dominus fuit, bene est: si non fuit, satis est, si pro domino rem tenuit: quod est possessoris. Denique cum is, qui rem inuasit, pro praedone habeatur, sequitur, ut eo iure, quod est de praedonibus, condempnetur. Quo iure sit, ut res veteri possessori sine alia exceptione restituatur.

8 Quaesitum † est, quid opus fuerit hac constitutione, cum tam multae leges fuerint veteres aduersus eos, qui res alienas inuasunt. Iustinianus initio constitutionis hoc diluit, dum si in hac specie poenam constitutam volumus, negat rem ad veteres leges pertinere. Et recte: nam qui rem sine vi occupauit, certum est eum neque interdicto *unde vi* teneri, neque *l. si quis in tantam. §. h. t.* Sed etsi clam occupauit, non teneretur tamen interdicto *quod vi aut clam*. Propositum est enim id interdictum, non aduersus eos, qui res alienas occupant; sed qui in rebus alienis aliquid

vi aut clam fecerunt. *l. i. ff. quod vi aut clam*. Proinde ad poenam in hac specie constituendam noua constitutione fuit opus. Hic occurritur. At saltem iure vetere in hoc genere fuit rei vindicatio aduersus omnem, qui quoquomodo rem alienam quamlibet occupasset. Cui bono igitur noua actio constituta? Hoc rursus diluit Iustinianus in extrema parte huius constitutionis, indicans ideo poenam a se constitutam, quia vindicatio non sufficeret ad delictum coercendum. Delictum autem hic versari hoc ipso, quod quis rem alienam sciens inuito domino, quamuis ignorante, contrectaret, prope non minus, quam si sciente eo aut vi contrectaret, argumento esse res mobiles, quibus inuito domino contrectatis, non minus furtum facere intelligitur is, qui clam domino rem contrectat, quam qui inuito domino rem eripuit. Idem igitur & in reb. immobilibus fuisse statuendum. Non potuit autem in his esse furti poena: quoniam in res soli furtum non cadit. *§. quod autem. Inst. de vsu.* Ex quo vult intelligi hac constitutione opus fuisse.

Ex his apparet vere scriptum esse in *l. inuasor. §. de re, quam quis sine vi occupasset*, poenam nullam esse. Hoc enim verum fuit, cum lex illa scribebatur. Hic poena constituta est, sed hoc secutum postea ad veteris illius iuris emendationem, ut hic liquet. Itaque quin sit lex contraria, dubitari non debet, ut appareat stulte facere eos, qui in his conciliandis laborant, quae Iustinianus voluit esse contraria hac lege, ut priora emendarentur. Neque offendemur dicto Iustiniani, qui in hoc Codice ut & in Digestis negat vllum contrarium esse, si quis rem subtiliter attendat. *l. i. §. i. l. 2. §. contrarium. sup. de vet. iur. enucl.* Hoc enim ab eo dictum est de iis constitutionibus, quae nondum in Codice extabant, non de quinquaginta eius decisionibus, quae postea emendato Codici sunt insertae, quas ad veteris iuris emendationem consulto compositas esse constat. *l. unica. sup. de emend. Cod. Iustinia.* Est autem haec constitutio vna ex illis decisionibus, ut ex praefatione apparet: item ex subscriptione illa *Post consulatum Lampadii & Orestis.*

AD TITVLVM V. COD. SI
per vim vel alio modo absentis perturbata sit possessio.

S V M M A R I V M.

1 Argumentum & sententia tituli.

Occupata aliena possessione, † consulitur superiore titulo maxime praesentibus: hoc titulo absentibus, quorum possessio occupata sit, siue per vim, siue alio modo turbetur. Per vim turbatur absentis possessio tunc maxime, cum delicitur: ad hanc speciem pertinet *l. i.* Turbatur & tunc, cum possidenti vis fit, quo minus illi re sua libere uti liceat: quae species ad hunc titulum non pertinet, sed ad interdictum *vi possideris*, quo de ea re agitur. *l. 3. §. hoc interdictum. ff. vi poss.* Alio modo, quam per vim possessio turbatur, cum clam absentis sine vi res occupantur, quod fieri prohibetur in *l. ult. hic*, ut appareat eam constitutionem ad hanc partem referri.

L. i. Indices.

Imp. Constantinus A. Seuiro.

Indices absentium, qui cuiuslibet rei possessione perturbati sunt, suscipiant in iure personas, & auctoritatis
Ddd 4

sua formidabile ministerium obiciant: atque ita tueantur absentes, ut id solum diligenter inquirent, an eius, qui quolibet modo peregrinatur, possessio ablata sit, quam propinquus, vel parens, vel proximus, vel amicus, vel colonus, vel libertus seu servus quolibet titulo retinebat: nec eos, qui deiectioni sunt, absentium nomine possidentes, quia minime ipsis deciso causa mandata sit, ab experiunda re secludant; nec si servi sint, eorum reiiciant in iure personas, quia huiusmodi conditionis hominibus causas perorare fas non sit. Sed post elapsa quoque spatia recuperanda possessionis legibus praestituta, litigium eis inferentibus largiri convenit: ut eos momentaria perinde possessioni sine ulla cunctatione restituant, ac si aduersus dominos litigasset. Cui tamen domino quolibet tempore reuerso, actionem possessionis recuperanda indulgemus: quia fieri potest, ut restitutio propter seruos inideles, vel negligentes propinquos, vel parentes, vel proximos, vel amicos, vel colonos, vel libertos interea differatur. Absentibus enim officere non debet tempus emensum, quod recuperanda possessioni legibus praestitutum est: sed reformato statu, qui per iniuriam sublati est, omnia quae supererunt ad disceptationem litigii, immutata permaneant: iudicio seruato iustis legitimisque absentibus personis: cum valde sufficiat possessionem tenentibus absentium nomine contra praesentium violentiam subueniri. Datum 10. Kal. Novemb. Constantin. Constantio VIII. A. & Constante Cesare III. Coss. 324.

S Y M M A R I A.

- 1 Absentem deiici deiectionis iis, qui ipsius nomine erant in possessione.
- 2 Hos, qui absentis nomine tenuerunt, deiectionis actionem absentis nomine dari hac constitutione, non aliis.
- 3 Prioribus absentis nomine actionem dari omnimodo, nulla habita ratione mandati, satisfactionisve, status personae, aut temporis, intra quod agitur.
- 4 Et dominis reuersis quandoque actionem dari.
- 5 Restituta absentis ex hac lege possessione, nihilominus victo se peresse proprietatis quaestionem.
- 6 Deiectionis absentis nomine actionem dari: sed de possessione, non de rei proprietate.

Hac lege consultitur absentibus, qui sua possessione priuati sunt, id est, qui deiectioni sunt.

- 1 Hic statim subibit quaerere, quomodo absens possessione sua priuari possit: neque enim potest, nisi deiiciatur. *l. naturaliter ff. de usurp. & usu.* Quomodo autem absens deiici potest, qui in eo loco non est, unde eum deiectionem dicimus? Et id fit hoc modo, si quis domi aut in fundo reliquerit eos, qui absentis nomine rem tenerent, vt amicos, propinquos, seruum, colonum, inquilinum, & similes, & hi deiiciantur. Nam vt dominus per istos possidet. *l. vlt. §. de acq. poss. §. possidere. Inst. de interd. sic his deiectionis, non ipsi, sed dominus per eos deiici intelligitur. l. vlt. ff. unde vi.* Ad hos absentes haec constitutio pertinet, vt declarant illa verba: *Possessio ablata sit, quam propinquus vel parens, & quae sequuntur.* Sunt autem huius constitutionis quatuor capita.
- 2 Primo capite absentis deiectioni, vt supra diximus, consultitur: vt non tantum ei reuerso detur actio recuperandae possessionis causa; sed etiam eo absente, & ignorante detur iis, qui eius nomine tenentes deiectioni sunt, illis verbis, quae sunt ver. 2. *Nec eos, qui deiectioni sunt, absentium nomine possidentes.* Quo loco quaesitum est: An alius, qui absentis nomine rem non tenebant, agere liceat absentis nomine ad recuperandam pos-

sessionem. Et non puto aliis dari, quam qui absentis nomine tenuerunt. Primum illa verba, *nec eos, qui deiectioni sunt*, ad hos tantum pertinent: quae ideo ad alias personas porrigi non debent. Est enim hic ius singulare constitutum contra rationem iuris. Proinde eiusmodi, quod ad consequentiam produci non debeat. *l. quod vero. & l. seq. ff. de legi.* Deinde si aliis actionem dabimus, fiet contra sententiam huius constitutionis, quae absentibus consultum voluit, vt apparet ex illis verbis, quae sunt in principio, *atque ita tueantur absentes.* Pessime autem abienti consultitur, si possessio eius alii permittitur, quam ei, cui dominus eius curam absens demandauit. Non obstat, quod in principio constitutionis iubentur iudices abientium, qui cuiuslibet rei possessione priuati sunt, suscipere in iure personas indefinitae. Nam quas personas intelligat constitutio, postea declarat.

Vt autem intelligeremus ius nouum hic constitutum, & antea inusitatum; sic iis, qui absentis nomine possidentes deiectioni sunt, datur actio recuperandae detentionis causa, vt detur sine vlla exceptione, ommissa quaestione, an illis mandatum sit a domino, necne: an legitimam personam standi in iudicio habeant, an non habeant; & an intra tempora interdicti unde vi constituta, agant, an secus. Primum non nocet eis, si forte a domino mandatum non habeatur. Hoc singulare, & praeter rationem iuris communis. Nemo enim alieno nomine sine mandato domini agere potest: exceptis quibusdam personis, de quibus in edicto de procuratoribus comprehensum est. *l. si pupilli. §. vlt. l. si autem in pr. ff. de neg. gesti. l. sed & ha. ff. de procur.* Quo loco quaesitum est, an ii, qui sine mandato domini absentis agunt, saltem satisfacere debeant, dominum, cum redierit, rem ratam habiturum. Vulgo placet satisfacere debere: quia quae personae ex edicto sine mandato experiri possunt, ab his saltem hoc exigitur, vt caueant dominum rem ratam habiturum. *l. Pomponius in fi. ff. de procur.* Ego puto satisfacere non debere, idque satis effici his verbis constitutionis: Iudices ita tueantur absentes, vt id solum inquirent, an possessio absentis ablata sit. Si solum hoc inquirendum est; vt non exigitur mandatum, sic nec satisfactio. Est etiam huius rei hoc argumentum, quod si satisfactionem exigemus, faciemus manifeste contra voluntatem constitutionis, cui propositum fuit, vt statim possessio in suum statum restitueretur, & vt esset, qui absentis nomine id posset omnimodo consequi. At si ab agentibus satisfactionem exigimus, aut nolent iudicium suscipere, quia se alieno nomine obligare nolent; aut non poterunt agere, quia non facile fideiussorem reperire poterunt, qui idem spondeat, quod ipsi. Sed & omnes ad hanc actionem admittuntur, puta etiam serui. Hoc quoque singulare. Nam iure communi serui in iudicio consistere non possunt. *l. seruus. §. de iud.* Postremo quamuis qui absentis nomine possidentes deiectioni sunt, intra annum non egerint ad possessionem recuperandam, & eas res, quae ibi fuerunt, cum deiiciebantur, nihilominus iubentur admitti. Hoc quoque singulare, & praeter naturam interdicti unde vi. *l. 2. §. tit. pro.* Sed cur istis post annum agentibus negligentia sua non nocet, cum omnibus iuris error noceat, & multo magis contemptus. *l. regula. & toto tit. ff. de in. & fac. ig.* Hoc eo fit, quod de re deiectionum non agitur, sed de re absentium, quibus alienam negligentiam fraudi esse non oportet. Sed huic parti obicitur *l. vlt.*

S V M M A R I A.

- 1 Nullius non conuicti & damnati possessionem occupare licere prætextu cuiusvis rescripti, aut sententia iudicis: & hoc quid sit.
- 2 Negotiorum merita partium ad assertionem pandi, quam sententiam habeat.
- 3 Rescriptum aut sententia iudicis, cur nihil prosit ad possessionem absentis occupandam.

V Et hoc rescriptum absentis non conuicti & damnati possessionem occupare prætextu cuiusvis rescripti, aut cuiusvis interlocutionis iudicis, quibus quis ad occupandam possessionem utatur. Finge hoc modo: aliquem consuluisse Principem; petere, ut in possessionem restitueretur: Imperatorem rescriptis, cum consultor deiectus sit, eum possessionem fundi recepturum, vel, cum quis idem exposuisset iudici, & petiisset, ut restitueretur, iudicem pronuntiasse, & quod hic dicitur, interlocutum esse, ut petitor rediret in possessionem fundi sui, ut est species in l. iudex. sup. comm. episto. Dicemus neutrum ex his prodesse debere ad inuadendam & turbandam absentis possessionem.

Ratio redditur in hoc rescripto, quia negotiorum merita partium assertionem panduntur. Cuius hic est sensus: ideo superiora nihil prodesse aduersus absentem, quoniam illa ipsa hanc vim non habeant, ut aduersus absentem sine iudicio indicta causa quidquam noui statuatur, quod ius fieri vetat. l. negantes. sup. de obl. & act. Ita semper causæ cognitione opus esse, ut cognoscatur meritum negotii, id est, an is, qui petit, mereatur obtinere id, quod petit, & quia iustum sit, & quia verum. Vtrum autem iusta causa sit, & meritum id obtinendi, partium, id est, litigatorum assertionem & disceptationem intelligitur. Presentem igitur oportet esse eum, aduersus quem quid statuere volumus.

Ideo etiam placet, rescriptum Principis nihil prodesse ad occupandam possessionem absentis indicta causa, quia quidquid Princeps rescribit fieri debere, id ita rescribit, si verum sit, quod exponitur, quæ de causa & iudici adhuc cognoscendum relinquitur. Et quamuis Princeps sine causæ cognitione aliquem absentem condemnaret: tamen rescripto dari non deberet, quia est contra ius. l. pen. sup. de prec. Imp. off. l. ult. & prope toto tit. sup. si con. ius vel util. publ. Et quoad interlocutionem iudicis attinet, certi iuris est, nullam interlocutionem iudicis causam non cognita interpositam rei iudicatæ vim habere. l. ex stipulatione. sup. de sent. & interl. d. l. iudex. sup. comminat. epistol. Sententia non est absimilis ei, quam exsoluimus in l. meminerint. sup. hoc tit.

AD TITULUM VI. COD. VTI POSSIDETIS.

S V M M A R I V M.

- 1 Interdicta retinenda possessionis duo, Vti possidetis de rebus solis, Vt ubi de rebus mobilibus. Appellatio unde, Vim utriusque olim diuersam, nunc eandem: ut ex priore utrumque intelligatur.

V T sunt interdicta ad possessionem obtinendam, quam non habemus, siue eam nunc primò adipisci volumus, siue recuperare, quæ amissimus quæ hætenus proposita sunt: ita sunt interdicta ad retinendam, quam habemus, ex quibus ordine id subiicitur,

tem l. i. §. deieci. ff. unde vi. quibus in locis declaratur, cum hi, qui alieno nomine rem tenent, ut coloni, deiciuntur, ipsos deici non videri, sed dominos; ac proinde dominis solis interdictum competere. Cur igitur hac constitutione his actio recuperandæ possessionis causa datur, cum ipsi deieci non sint? Nempe quia non suo nomine agunt, sed absentium, qui vere sunt deieci. Vnde in constitutione iubentur iudices tueri absentes. Et de iis, qui deieci sunt, sic loquitur constitutio: Nec eos, qui deieci sunt, absentium nomine possidentes: ut intelligamus, hic absentium causam agi, non eorum, qui deieci sunt corpore.

4 Secundum etiam caput huius constitutionis est in verbis. Cui tamen domino. Hoc capite etiam domino reuerso actio datur, quamuis post tempus interdicti constitutum redierit, quod & in iure vetere fuit. Nam annus, intra quem hoc interdictum competit, utilis est. l. i. §. annus. ff. unde vi. Est autem utilis, in quo non computentur ii dies, quibus absens agere non potuit. Sed ideo de eo in hac parte cautum est, ne putaremus eorum, qui possidentes deieci sunt, negligentiam dominis absentibus nocere, si forte ipsi de recuperanda possessione agere cœpissent, & destitissent.

5 Tertium etiam caput est in illis verbis, sed reformatio statu huc pertinet, ut siue dominus reuersus, siue ii, qui absentis nomine possidebant, in possessionem restituti sint, omnia immutata maneant, quæ supersunt ad litigii disceptationem. Quibus verbis significatur, sic superiores personas recuperare possessionem, ut tamen causa proprietatis integra maneat aduersario: quæ sententia expressa est in l. unica. §. si de mom. poss. su. app. Appellat Constantinus id, quod superest ad disceptationem litis, causam proprietatis: idcirco, quia causa possessionis & proprietatis una lis est, nempe sola proprietatis lis, cuius appendix & accessio tantum est causa possessionis. Non enim agitur de possessione, nisi propter proprietatis controuersiam, ut sciatur in causa proprietatis, uter sit petitor, uter possessor. Lexius. ff. de acq. poss. §. retinenda. Inst. de interd. Vnde utriusque causæ dicitur esse una contentio in l. nulli. §. de iud. Et iubetur utriusque causæ vnus iudex esse, quasi vnus litis iudex ibidem.

Postremum caput est in his verbis: Iudicio seruato iustis legitimisque absentibus personis.

6 Quod etiam ipsum habet temperamentum superioris sententiæ initio positæ, quo cauet Constantinus, sic se iis, qui absentium nomine possidentes deieci sunt, permittere actionem, ut tamen tantum agere possint de possessione, quam tenebant: iudicium autem ipsum seruetur iustis & legitimis personis. Iudicium appellat nat. ego dixi, iudicium proprietatis: quia hoc iudicium præcipuum & principale iudicium est, ut nominatur in d. l. nulli. sup. de iud. Legitimas personas vocat eas, ad quas ea res iure & legibus pertinet, de qua reagitur.

L. ult. Nec imperiale.

Imp. Arcad. & Honor. AA. Petronio Vicario Hispaniarum.

Nec imperiale responsum, quod supplicatio litigatoris obtinuit, nec interlocutio cognitoris ex quacunque parte in nouare possessionis statum, eo, qui rem tenet absente permittit, quia negotiorum merita, partium ad assertionem panduntur. Dat. 15. Kal. Ianua. Mediolani, Casario & At-
tico Cess. 97.

quod appellatur Vti possidetis. l. 1. §. est igitur. ff. cod. Fuerunt autem retinendæ possessionis interdicta duo: Vti possidetis, & Vtrubi, prius de rebus soli: posterius de rebus mobilibus. §. retinenda. Inst. de interdict. Nomina ex initiis interdictorum nata similiter, vt & in superioribus interdictis fieri diximus, quod ex interdictis patebit, quæ exstant in l. 1. ff. uti poss. & l. unica. ff. vtrubi. Ratio ista interdicta distinguendi hæc fuit. Alia enim conditione proponebatur interdictum uti possidetis ei, qui rem soli possideret; alia interdictum vtrubi ei, qui possideret res mobiles. Postea obtinuit, vt eadem vis esset vtriusque interdicti, atque ita in vtrasque res tam mobiles quam immobiles vnum interdictum sufficeret, vt declaratur in §. sed interdicto. Inst. de interd. Hinc factum est, vt hoc loco vnum tantum proponatur, Vti possidetis: scilicet quia quod de hoc dixerimus, idem etiam de interdicto rerum mobilium iuris esse, intelligere debeamus.

L. Vti possidetis.

Imp. Dioclet. & Maxim. AA. & CC. Cyrillo.

Vti possidetis fundum, de quo agitur, cum ab altero nec vi, nec clam, nec precario possidetis, rector provincie vim fieri prohibebit: ac satisfactionis vel transferenda possessionis edicti perpetui forma seruata, de proprietate cognoscat. Subscripta 3. Id. Octob. Nicomedia. CC. Coss.

S Y M M A R I A.

- 1 Interdicti uti possidetis vis & sententia. eadem & huius l. 1.
- 2 Hoc interdictum possessori dari; & qui possessores habendi.
- 3 Etiam inter fructuarios, itemque inter fructuarium & eum qui sibi usum defendit; hoc interdictum locum habere, quamuis possessores non sint; & cur.
- 4 Competere hoc interdictum etiam ei, qui vi, aut clam, aut precario possidet, dum non ab aduersario: & hoc quid sit.
- 5 Interdictum uti possidetis duplex esse, quia in eo uterque actor sit & reus: & cur ita uterque.
- 6 Inter duos tantum detentores eiusdem fundi nunquam huius interdicti locum esse posse ita, vt ambo tanquam eius fundi possessores haberi & defendi possint.
- 7 Tribus solum detentoribus eiusdem fundi propositis reperiri posse duos, quorum ambo pro possessoribus habeantur ex hoc interdicto, & quomodo id contingat.
- 8 Duos in solidum reuera possidere non posse: non repugnare interdictum uti possidetis, quo non duo possessores sunt, sed in re incerta pro talibus defenduntur.
- 9 Competere hoc interdictum ei, qui possidet tempore litis contestata.
- 10 Interdictum aduersus eum, qui vim facit possidenti, id est, qui facit possessionis controuersiam: & quibus rebus possessionis controuersia fieri intelligatur.
- 11 Teneri hoc interdicto, qui possessionis controuersiam facit, etiam si non dicat contra se possidere.
- 12 Eum qui deiectus est, eo qui deiecit, in hoc interdicto superiorem esse, quid sit in l. 3. in pr. ff. uti poss.
- 13 Interdictum uti possidetis cur conceptum de adibus in l. 1. ff. eo. de fundo in l. 1. C. eo. cum competat de omnibus rebus soli.
- 14 Neque de rebus mobilibus, neque de seruitutibus ru-

sticis, aut urbanis interdictum uti possidetis etiam utile competere.

- 15 De iurisdictionis, deque iuris vectigal aut alios reditus percipiendis quasi possessione non competere interdictum uti possidetis, quamuis utile, sed agi ad exemplum interdicti de itinere actuque priuato.
- 16 Quorum rerum gratia detur hoc interdictum.
- 17 Interdictum uti possidetis de eo quanti ea res est, intra annum, eoque & penale: & cur.
- 18 Valde errare illos, qui putant illa verba, Vti possidetis, ita possideatis, esse debere sententiam iudicis in interdicto Vti possidetis.
- 19 Qualem sententiam iudicis esse oporteat in hoc interdicto ad possessionem vni possessori tuendam.
- 20 Possessori aduersarium cauere non debere se cum in posterum impediturum non esse, quo minus possideat.
- 21 In præteritum ob vim possessori factam condemnationem iudicis esse debere, quanti interest actoris vim ei factam non esse: & quid ea re contineatur.
- 22 Duobus possidentibus non aliam iudicis sententiam esse debere in controuersia possessionis, quam vt ambo in possessione tueatur, id est, declarat vtrumque possidere, deinde iubeat vtrumque possidere altero consentiente: inuito altero vetet.
- 23 Refutata, qua hic a Bartolo proponuntur in hanc sententiam, quasi inter duos qui possident: tamen vnus possessor fieri debeat sententia iudicis.
- 24 Incommoda diluuntur, qua nasci videntur ex ea sententia, qua ambo litigatores iubentur ita possidere, vti possident.
- 25 Remedium hac lege vnica proditum, quo inter duos possessores consequi possit iudex, vt vnus pro possessore habeatur, quo perueniatur ad petitoriam actionem, & id quale: & de sententia illorum verborum: Ac satisfactionis, vel transferendæ possessionis, &c.
- 26 Satisfactionem indicatum solui recte non exigi ab eo possessore, quem solum talem esse constat: vbi autem duo pro possessoribus habentur, recte exigi, si vnus postulet ab aduersario, aut ipse offerat, vt in interdicto Vti possidetis.
- 27 Vno ex litigatoribus satisdante, & possessore constituto, non ideo adimi alteri commodum possessionis.
- 28 Solum satisfactionem indicatum solui hic intelligendam, qua ab eo exigitur, quem ex duobus possessoribus solum pro possessore haberi volumus, & in eam rem argumenta.

V Erba initio obseruanda, † quæ ita explicanda sunt: Rector provincie vobis de possessione retinenda contendentibus vim fieri prohibebit (supple, quo minus ita possideatis) uti possidetis eum fundum, de quo agitur, cum alter ab altero nec vi, nec clam, nec precario possidetis. Idem & in interdicto aliis verbis expressum est. l. 1. ff. cod. Summa ea, quam posuit Vlpianus in dict. l. 1. §. est igitur, hoc interdicto nimirum prætorem possidenti vetare vim fieri, quo minus possideat, vti possidet. Quæ verba eo spectant, vt prætor vetet vim fieri non vni tantum ex litigatoribus, aut ambobus simul; sed modo vni, modo ambobus, prout scilicet hi possidebunt; vni quidem, si solus possidebit: ambobus autem, si ambo possidebunt, vt sit sententia: vnum defendi, si possideat: defendi ambos, si itidem ambo possideant. Ex quo intelligimus, his hoc modo suam posses-

possessionem defendi, ac retineri. Id autem ita fieri, prohibente iudice, ne possidenti vis fiat ab altero. Vnde merito hoc interdictum dicitur prohibitorium, & ad retinendam possessionem, seu retinendæ possessionis, *l. 1. in pr. §. est igitur ff. eo.* Id quomodo obtineamus ex hoc interdicto, ita facile assequemur, si dixerimus distincte, Quibus hoc interdictum competat; *Aduersus quos: Quibus de rebus: Cuius rei gratia:* tum quod sit in hoc interdicto officium iudicis de hac petitione. Quæ edicto breuiter comprehensa sunt illa quidem, vt & hoc loco: sed breuius, & obscurius, quam vt inde facile intelligi possint, nisi explicentur: pleraque etiam in his obscura & difficilia explicatu: de quibus ideo sigillatim & attentius considerandum est.

- 2 Datur † hoc interdictum ei, qui possidet, his verbis: *Vti possidetis*, quo minus ita possideatis, vim fieri veto. Possidere est animo seu affectu domini tenere, vt Theophilus bene definiuit in *§. idem placet. Inst. per quas pers. no. acq.* quod & exemplis eius loci liquido declaratur. Tenere rem hoc modo intelligitur, qui possessionem rei semel ingressus hoc animo, vt possideret, vel corpore est adhuc in possessione, vel egressus reliquit domi aut in fundo eos, per quos possideret, puta colonum, aut inquilinum. *§. possidere. Inst. de interd.* vel etiam qui peregre profectus est nemine domi relicto: hoc animo tamen, vt retineret possessionem. Nam etiam animo solo possessio retinetur. *d. §. possidere. l. 3. §. saluus ff. de acq. pos.* Animo domini is tenet, qui se pro domino esse vult, & pro domino se gerit. Soli autem possident, qui hoc animo rem tenent: quia iam dominum agnoscunt, & tanquam ab eo rem habent, vt sunt coloni, amici, serui, qui nomine domini sunt in possessione; hi tenent dumtaxat, non possident. *d. §. possidere. l. 1. c. 1. §. is qui rogauit. ff. de prec.* Ex quo intelligitur, si colonus aut inquilinus controuersiam possessionis patiatur, eum hoc interdicto experiri non posse ad retinendam possessionem: idemque de similibus dicendum est. *l. 3. §. creditores. ff. uti poss.*

- 3 Quibus † consequens erat, vt nec fructuario vim patienti hoc interdictum competere. Non enim magis possidet fructuarius, quam superiores. *d. §. idem placet. Inst. per quas pers. nob. acq. d. l. c. 1. §. is qui rogauit. ff. de prec.* Placuit tamen & inter fructuarios hoc interdictum reddendum: itemque inter fructuarium, & eum qui sibi vsum defendat. *l. ult. ff. eo.* Excepti hi videlicet ex superioribus: ideo vt videtur, quod si inter se committantur, ambo pro dominis & possessoribus se gerant, idque pari iure: vt dum vni defenderetur possessio fundi aut adium, nulla fiat iniuria aduersario, qui eandem possessionem, & ex eadem causa sibi defendebat. Aliter, atque si his sit cum iis qui se vere possidere contendunt. Neque nouum est in hoc interdicto plus tribui fructuario, aut vsuario; quam aliis, qui possesores non sunt, et si rem similiter tenent. Nam & fructuario vi deiecto propositum est interdictum Vnde vi. *l. 3. §. vnde vi. ff. vnde vi.* quod argumentum est, eum pro possessore haberi, quamdiu perseverat vsusfructus: quoniam nec interdictum Vnde vi datur, nisi deiecto: nec putatur delicti, nisi qui possidet. *l. 1. §. accipitur. ff. vnde vi.* Quod etiam argumento dici potest vsufructuario adhuc tenenti hoc interdictum dari ad possessionem retinendam. Et vero id ratione collectum esse a veteribus, non autem ideo esse constitutum, quia fructu-

rius vere possideret, indicio erit, quod Paulus in *d. l. ult. ff. uti poss.* non dicit pro explorato hoc interdictum fructuario reddendum; quod tamen dicendum esset, si vere fructuarius possideret: sed dicit se putare dicendum, quasi in re controuersa, certe non explorata.

Ergo possidenti † solum hoc interdictum datur, in quo nihil interest, vtrum quis iuste possideat, an iniuste. De eo qui iuste possideat, id est, bona fide, dum possessionem nanciscitur ab eo, quem dominum putat, nulla dubitatio est. *l. 3. in pr. ff. eo.* Sed hoc amplius dicimus, quod edicto expressum est, etiam ei hoc interdictum competere, qui vi, aut clam, aut precario possidet, id est, ei qui iniuste possidet: dummodo ab aduersario non ita possideat: quod si possidebit, contra esse. *l. 1. in pr. §. vti. ff. eo.* Vi ab aliquo possidet, qui eum vi deiecit, & ita possessionem tenet. *l. 1. §. vi possidere. ff. vnde vi.* Clam possidet, qui possessionem furtiue ingressus est ignorante possessore, cuius controuersiam metuit. *l. clam. ff. de acq. poss.* Possidet precario is, qui ab alio precibus impetrauit, vt sibi rem eius possidere liceret. *l. 1. ff. de prec.* quæ singula indicantur obiter in *§. sed interdicto. Inst. de interd.* Hoc igitur dicimus, si quis patiatur controuersiam possessionis ab eo, a quo possessionem habet aut vi, aut clam, aut precario, vt supra eum impune vim pati, quia sit ei hoc interdictum inutile. Quod si ab alio, quamuis ita possidebit, eum recte hoc interdicto vturum. *d. l. 1. §. vti. §. l. 2. ff. eo.*

Quemadmodum † autem vni, qui possidet, hoc interdictum datur: ita si ambo litigatores possidebunt, ambobus dabitur. Et quoniam fere semper ambo se possidere dicunt, vt declaratur in *§. retinenda. Inst. de interd.* eo fit, vt interdictum ita sit conceptum, vt ad ambos litigatores referatur, his verbis: *Vti possidetis, quo minus ita possideatis, vim fieri veto.* Inductum hoc interdictum duplex est, quia vterque & actor sit, & reus in hoc interdicto. *l. 3. §. hoc interdictum. ff. eo. d. §. pen. Inst. de interd.* Vterque actor, quia vterque possessorem se esse intendit. Vterque reus, quia cum se possessorem dicit, simul aduersarium negat possessorem, quod reorum proprium est. Et vt de vno possessore diximus, hoc interdictum ei competere. siue iuste, siue iniuste possidebit: ita in duobus possessoribus receptum est, vt inter eos hoc interdictum reddatur tuendæ illorum possessionis causâ, siue ambo iuste possidebunt, siue vnus iuste, alter iniuste, id est, vi aut clam, aut precario, dummodo nec vi, nec clam, nec precario ab aduersario possideat, vt verba edicti dilucide significant: sed apertius declaratur in *l. 3. in pr. ff. eo.*

Quo † loco existit interpretibus magna & vetus dubitatio. Quæritur enim, quomodo fieri possit, vt duo in solidum ita possideant, vt pratori necesse fuerit ita dicere: *Vti possidetis, ita possideatis.* Mouet dubitationem, quod non videtur fieri posse, si vnus nunc possidet, & alter postea cæpit rem possidere, vt ambo possideant. Nam si is, qui postea possessionem nactus est, eam nactus est iuste & bona fide, non potuit nancisci, nisi a priore possessore ei rem tradente, quo casu prior possessor citra controuersiam possidere desit. *l. 1. §. si vir. l. quod meo. §. si furioso. ff. de acquirend. poss. §. on.* Si posterior iniuste cæpit possidere, non alia de causa id fit, quam quia aut priorem possessorum vi deiecit: quod cum fit, etiam tum prior possessor amittit possessionem. *Inst. de acq. ff. de acquirend. poss. §. on.* aut quia clam eo ingressus est

possessionem, ac tum solus prior possidet. *l. clam possidere. §. ult. ff. de acq. poss.* aut quia precario accepit a priore possessore, quo casu interdictum de precario redditur, non interdictum *uti possidetis*. Quid verbis opus est: loci in medio sunt, quibus diserte traditur, duos in solidum eandem rem possidere non posse, & in summa possessionis nihil interesse, iuste quis, an iniuste possideat. *l. 3. §. ex contrario. ff. de acq. poss. l. si ut certo. §. ult. ff. com.* Hæc illa est difficultas, quæ hanc partem interdicti dubiam reddidit, quæque in interpretatione *l. 3.* quæ est de hac parte. *ff. eod.* peperit apud Accursium tot sententias. Nam dum hanc difficultatem expedire conantur, alii interdictum de vno possessore interpretati sunt, quem verbo plurali prætor alloqueretur; contra significationem verborum, & usum latine loquentium. Alii duos possessores sunt interpretati, quorum singuli pro parte possiderent, contra *l. 3. in pr. ff. eod.* vbi Vlpianus duos proponit in solidum possidere. Alii duos quærentes, qui in solidum possideant, exemplum attulerunt eius controuersie, quæ esset inter proprietarium & fructuarium, quorum vnus ciuilitèr possidet, proprietarius; alter naturaliter, fructuarius: ambos autem prætor in sua possessione tuetur. Hoc rursum contra *dict. l. 3. in princ. ff. eod.* vbi Vlpianus proponit duos, quorum vnus iuste, alter iniuste possidet. Constat autem fructuarium non possidere, *ut supra ostendimus*; aut si possidet, iuste possidet, utpote ex iusta causa, non iniuste. Sed laborandum non est. Fefellit eos, quod exemplum duorum in solidum possidentium, & ad hoc interdictum pertinentium quæsiuerunt in duobus detentoribus. At in his fieri non potest, ut, si posterior sine iuste siue iniuste possideat, duo possideant simul: vnus ex his tantum possidebit, ut ante ostendi.

7 Sed si res procedet hoc modo, si proponamus nobis tres detentores, Primum, Secundum, Tertium: & Tertium possidere a Secundo vel bona fide, vel vi, aut clam, aut precario, hoc modo: Primus, qui iuste possidebat, peregre profectus est, nemine domi relicto. Eo absente Secundus clam occupauit possessionem. Existit deinde Tertius, qui a Secundo, quem dominum putabat, possessionem acciperet bona fide: aut qui Secundum vi deiceret: aut qui eius controuersiam motuens, possessionem eo ignorante occuparet, aut qui precibus ab eo possessionem impetraret. In hac specie si proponas, Primum redire, & controuersiam facere Tertio, aut a Tertio controuersiam pati, ambo interdicto *Uti possidetis* recte agent, & ambos prætor tuebitur tanquam possessores. Primum, quia animo retinuit possessionem, quam ipse possideat non amisit. Tertium vero, quia & is animo dominantis tenet. Nec ad rem pertinet, quod possidet iniuste, nempe vi, aut clam, aut precario. Nam ab aduersario Primo ita non possidet.

8 Sed obicitur hic superior illa sententia certi iuris, duos in solidum possidere non posse. *l. 3. §. ex contrario. ff. de acq. poss.* Nos de ea hoc recte respondebimus, reuera & ad effectum iuris, duos in solidum possidere non posse. Exempli causa in specie proposta, quia Primus possidet, idcirco nec Secundus, nec Tertius reuera possident; quia vacuum possessionem non tenent. Et ideo quantumvis Tertius possederit decem, aut viginti annos, idque bona fide, tamen non succipiet: quia sine possessione viucapio non contingit. *l. sine. ff. de viucap. §. vlt.* Nunc autem hic non

possidet, tantum ideo, quia Primus possidet, & duo in solidum possidere non possunt. At in interdicto *uti possidetis* veram possessionem non quarimus, quæ talis sit natura, aut iure: sed quæ pro tali habeatur, dum quis se vere possidere contendit, nec quidquam in præsentia proponitur, cur non ita esse conuincatur. Intelligitur hoc satis ex eo, quod interdictum hoc solum vult spectari, an vnus ab altero nec vi, nec clam, nec precario possideat. Et ideo in *l. 2. ff. eo.* cum dixisset Paulus, iusta an iniusta sit possessio aduersus alios, nihil referre; adiecit in hoc interdicto. Hoc idem Eguinario Baroni visum est ad *l. 3. ff. eo.*

Est autem hic animaduertendum, quod dicimus, hoc interdictum competere ei, qui possidet. Id enim valet, competere ei, qui possidet, cum hoc interdicto agitur. Et hoc est, quod scriptum est in *§. sed interdicto. Instit. de interdict.* hoc interdicto eum vincere, qui possidet tempore litis contestatæ, quod ex verbis interdicti sumtum est. Nam prætor in interdicto reddendo non dicit, *uti posseditis*, vel *uti possidebitis*, ita possideatis; sed *uti possidetis*: nempe nunc, cum interdictum redditur inter vos litigatores. Cum autem redderetur interdictum aut actio a prætore, tum apud eum lis contestabatur. Vnde in usu iuris hæc duo idem significant: tempus iudicii accepti, & tempus litis contestatæ. *l. illud. ff. de her. pet. l. cum fundus. ff. si cert. pet.*

Datur hic hoc interdictum aduersus eum, qui possessionis facit controuersiam. *l. 3. §. hoc interdictum. §. seq. ff. eod.* quod & ipsum sumtum est ex interdicto. Nam cum prætor vetat vim fieri, nimirum vetat fieri ab eo litigatore, cum quo agitur. Agitur igitur aduersus eum, qui vim facit, ut desinat vim facere. Porro vim facere possidenti, nihil aliud est, quam controuersiam possessionis facere: quod posterius tanquam planius iuris auctores retinuerunt. Vis possidenti fit dupliciter: aut verbis, aut re. Verbis, cum in controuersia proprietatis aliquis se possessorem dicit, & ita non patitur aduersarium frui commodum possessionis in ea causa, propter quam controuersiam proprie interdictum est comparatum. Huc enim spectat interdictum *uti possidetis*, ut prius constituitur, vter nostrum sit possessor, sic deinde peritoria actio instituitur, ut declaratur in *§. retinenda. Instit. de interdict.* *§. l. 1. §. 1. ff. eod.* Re fit controuersia possessionis, cum quis nos possessione uti prohibet, quomodo uti velimus: vel impediendo, ne quid in nostro faciamus: puta, ædificemus, agrum colamus, & quæ sunt generis eiusdem: vel in nostro aliquid faciendo, veluti, per fundum nostrum eundo, vel aquam ducendo, vel in nostrum aquam immittendo. *l. sent. §. Aristot. l. sic, sed §. interdictum. ff. si ser. vind. l. vim facit. ff. unde vi.* Huius definitionis exempla sunt, quæ proponuntur in *l. 3. §. 1. §. seq. ff. eo.*

Quo loco notandum est, competere hoc interdictum aduersus eum, qui re controuersiam possessionis facit, quamuis se contra possidere non dicat: argumento est, quod aduersus eum, qui iure seruitutis sibi aliquid sumat in nostro, hoc interdictum competit. *l. 3. §. si vicinus ff. eo. d. l. sent. §. Aristot.* Certum est autem, eum qui sibi seruitutem a nobis debet dicat, hoc fateri se rem nostram non possidere.

Non tamen aduersus omnem, qui possessionis controuersiam facit, hoc interdictum competit. Non datur aduersus eum, a quo actor vi, aut clam, aut precario possidet, idque verba ipsa interdicti effici-

unt. Itaque si is, qui alium vi deiecit, patiatur contro-
uersiam possessionis ab eo, quem deiecit: ipse qui-
dem possidet, & aduersus alios hoc interdicto expe-
riri potest, sed aduersus eum, quem deiecit, a quo vi
72 possidet, interdictum hoc illi inutile est. Et hoc est,
quod dicitur in l. 3. ff. eo. eum qui deiectus est, eo qui
deiecit, hoc interdicto superiorem esse. Hoc enim
sic interpretandum est, ideo esse superiorem, quia
absoluitur, si cum eo agatur hoc interdicto. Non e-
nim prohibebitur hoc interdicto vim facere, & ita
absoluetur. Ceterum non ita superior est interdicto,
vt pronuntietur possidere, atque ita possessio ab ad-
uersario ei restituatur. Nam hic qui deiectus est, non
possidet, quia possessionem amisit. l. naturaliter. ff. de
usurp. & usuc. Porro hoc interdictum possessorem
tantum tuetur. l. 1. §. pen. ff. eo. Sic fit, cum vnus alter-
um deiecit, vt vtrique agenti aduersus alterum hoc
interdictum sit inutile. Deiectori quidem, quia is vi
ab aduersario possidet. Deiecto autem, quia omnino
non possidet. Neque obstat, quod in l. 3. dicitur sim-
pliciter, deiectum hoc interdicto superiorem esse. Hoc e-
nim dicitur, cum is, qui deiecit, agit hoc interdicto:
non autem cum agit hoc interdicto is, qui deiectus
est. Nam isto agente nullum interdictum Vti posside-
tis esse potest, quia non possidet.

Datur hoc interdictum de possessione rerum soli,
id est de fundo & ædibus. l. 1. §. 1. & §. pen. ff. eo. §. sed in-
terdicto. Inst. de interd. Vnde intelligimus, prætorem
in edicto pollicitum esse generaliter, se hoc interdi-
ctum daturum, si de possessione rerum soli contro-
uersia esset. Cur tamen igitur in interdicto appellantur æ-
des tantum in l. 1. ff. eo. alias tantum fundus, vt in hac
73 lege? Quia in interdicto concipiendo hoc necesse fu-
it facere prætori. Interdictum enim omne ad præ-
sentem controuersiam refertur. Controuersia autem
præsens omnis in rebus soli aut est tantum de
ædibus, aut tantum de fundo.

14 Quæsum est, tamen hoc interdictum saltem utile
competat de rebus mobilibus, aut incorporalibus?
Dicendum est, nullo modo competere, ne vile qui-
dem. De rusticis seruitutibus sunt interdicta nomi-
natim constituta, de itinere actuque priuato, de a-
quæductu, de fonte, de riuis, de cloacis. tit. de itinere
actuque priuato. & seqq. Eaque interdicta proposita
sunt non possidenti, vt hoc interdictum, sed ei, qui
hoc anno vltus est, vel superiore ætate, & si quæ sunt
similia. De seruitutibus urbanis nulla sunt interdicta
nominatim proposita, sed non ideo de earum posses-
sione hoc interdicto vtitur, quia est superius cum,
quod ita facile probabitur. Nam interdictum Vti
possidetis ideo comparatum est, quia in rebus soli
controuersia de possessione moratur petitoriam ac-
tionem, neque potest ea controuersia dirimi, nisi
iudicio. Dirimitur autem hoc interdicto. Cessat v-
trumque in controuersia de seruitute. Nam etiam si
non constet, vtrum is, qui sibi seruitutem deberi di-
cit, sit in seruitutis possessione, necne: tamen nulla
assertur petitioni seruitutis mora, quoniam seruitu-
tem petere potest. Nam qui possidet, quam qui non
possidet. l. 1. §. si forte. §. ff. si ser. vind. Deinde si quæra-
tur, vter sit possessor, nihil iudicio opus est ad hanc
questionem dirimendam, quia natura ostendit, vter
sit possessor seruitutis urbanæ. Exempli gratia: Si quis
dicat sibi deberi seruitutem tigni immittendi, is pos-
sessor seruitutis habetur, si tignum sit immissum. I-
demque de ceteris dicendum est, si quis factum id

habeat, quod proprium est seruitutis. l. 1. et si forte. §. 1.
l. si ser. §. sed si quaritur. ff. si ser. vind. Hoc autem an ti-
gnum immissum sit, testibus non probatur, sed oculis
modo in rem præsentem veniatur. Nihil ad rem
facit in contrariam sententiam, quod scriptum est in
l. quoties. §. vlt. ff. de seruit. possessoria interdicta esse
constituta de via, & alio iure fundi. Hoc enim dictum
est de interdictis, quæ a prætore constituta sunt no-
minatim de seruitutibus rusticis, de quibus supra di-
ximus, in quo genere non est interdictum Vti posside-
tis, quod constat de rebus soli esse propositum, id est,
de fundo & ædibus. Multo minus ad rem pertinet,
quod in l. si ser. §. 1. Aristo ff. si ser. vind. dicitur, si quis in
alieno faciat aliquid iure seruitutis, competere do-
mino in eam rem interdictum Vti possidetis. Nam hic
interdictum non datur pro seruitute, sed contra ser-
uitutem ad retinendam in fundi nostri aut ædium pos-
sessionem aduersus eum, qui facto suo eius possessio-
nis nobis faciat controuersiam.

De tamen iurisdictionis possessione, item de posses- 15
sione iuris vectigal, vel alios redditus percipiendi quæ-
situm est? Sed ne de his quidem hoc interdictum
quamuis utile dabitur. Porro de istarum rerum quasi
possessione agatur ad exemplum interdicti de itinere
actuque priuato, vt is scilicet in huius iuris posses-
sione vincat, qui eo iure hoc anno vsus erit nec vi,
nec clam, nec precario ab aduersario. Et certe de iti-
nere actuque priuato hoc ius constitutum esse Vlpia-
nus scribit, quia plerumque itineribus vel via non
semper vtitur. l. 1. §. 1. ff. de itin. act. pri. Sit ergo idem ius
in iurisdictione, quia & ipsa perpetuo vti non possumus.

Competit tamen hoc interdictum duarum rerum gra- 16
tia. Vna & præcipua hæc est, vt qui possidet ita possi-
deat vt sunt interdicti verba. Id est in summa, datur
interdictum ad retinendam possessionem. Vnde di-
ctum retinendæ possessionis. l. 1. §. 1. & §. est iur. ff.
eod. §. retinenda. Inst. de interd. Altera res est in præte-
ritum tempus, vt is, qui vim facit, quo minus posside-
amus, damnetur in id, quod nostra interest, nobis
vim factam non esse. l. 1. in interdicto his verbis, neque
piuris ff. eo.

In quo illud animaduersione dignum est, quod 17
de hac parte intentionis constituta est actio a præto-
re dumtaxat intra annum vtilem, ex quo vis fieri pos-
sidenti cæpit. Vnde intelligimus, hæctenus pœnale
interdictum esse alioqui perpetuum esset, non intra
annum. l. in honorariis. ff. de obl. & act. Pœnam autem
hæc pars eo videtur continere, quod datur eius quod
interest nomine de eo, quod ad aduersarium non
peruenit: & præterea datur ei etiam, qui iniustus in-
terdum possessor est, nempe qui vi, aut clam, aut pre-
cario possidet non ab aduersario: vt sic actor perse-
quatur id, quod sibi ex patrimonio non abest: in quo
pœnæ persecutionem ponimus. d. l. in honorariis.

Deinceps videamus, quam sententiam iudicis de
his rebus esse oporteat. In quo prius de verbis sen- 18
tentia monendi sumus, iudicem non debere ita sen-
tentiam ferre, vt verba interdicti concepta sunt, pu-
ta Vti possidetis vos iugatores, ita possideatis aduersus id
vini fieri vero. Nam valde errat, si quis illis verbis sen-
tentiam prætoris de possessionis controuersia conti-
neri existimat. Illis verbis exprimitur interdictum
prætoris. id est formula iudicii de possessione, quam
solebant prætores olim reddere litigatoribus, quo
tempore formulæ iudiciorum in vsu erant, quæ po-
stea sunt sublata. tit. de formul. & imper. act. sub. 3. His

formulis prætores de iure pronuntiabant sub conditione facti, *Si hic aut ille possideret: Si Lucius Titius munus dedit: Si Lucius Titius furtum fecisset: & remittebatur res ad iudicem, qui de re & facto cognosceret, deinde de iure secundum formulam pronuntiaret.* Longe alia ratio sententiæ iudicis, hæc certa esse debet. *§. curare. Inst. de act.* Incerta nullius momenti est. *ut. de sent. quæ sine cer. quan. §.* Denique sententia ea est demum, quæ controuersiam dirimit, nec aliter iudex iudicare debet. *l. i. ff. de re iud.* Iam vero in hoc iudicio controuersia est, vter ex litigatoribus possideat, aut an ambo possideant. Ita hanc controuersiam a iudice dirimi oportet, & certo pronuntiari aut ambos possidere, aut vnum, aut neutrum, & si quis possidet, dici, quis possideat.

19 Hæc tamen de verbis sententiæ dicta sunt. In iure autem qualem sententiam dicat, cum quæritur de hoc interdicto, etiam atque etiam considerandum est. Et multum interest, virum vnus tantum ex litigatoribus possessor sit, an ambo possesores. Si vnus tantum possessor est, officium iudicis est, vt eum possidere pronuntiet. Non enim possessionem ei dat iudex, sed eam, quæ est, declarat, vt de dominio & seruitute dicitur *in l. §. ex diuerso. §. i. ff. de rei vind. l. i. scilicet. §. sed si quaritur. ff. si ser. vind.* Deinde hanc possessionem ita confirmabit, vt condemnet aduersarium in futurum, ne vim faciat possidenti, quo minus ita possideat, vt verba interdicti indicant.

20 Sed tamen aduersarius cauere debet possessori, se eum in posterum impediturum non esse? Et hoc plerisque placet, vt Bartolo hic, & Duareno *lib. i. dispu. cap. 21.* argumento seruitutum via, itineris, aqueductus: in quibus si dominus fundi de earum possessione victus sit, iubetur aduersario cauere se non impediturum euntem, agentem, aquamve ducentem. *l. pen. ff. de aq. quot. & est.* Aliis non probatur: quorum sententia, vt mihi videtur, vera est. Nam quod hæc cautio in seruitutibus nominatim exigitur a victo, vel hoc ipsum argumentum est, in controuersis rerum corporalium a victo eam exigendam non esse. Nam & cum quis in confessoria actione de seruitute indicatus est seruitutem debere, cautio superior ab illo exigitur. *l. agi. l. harum. ff. si ser. vind.* Et tamen inter omnes conuenit, in controuersis de proprietate rerum corporalium nullam talem cautionem a possessore exigi. Non recte igitur, quod de genere seruitutum dicitur in hac specie, ad res corporales transfertur. Et certe differentiæ ratio est in promptu, quam bene reddidit Baro *ad l. i. in pr. hic.* nempe hæc, quod nihil sit in seruitute, quod dominus, qui de seruitute victus est, restituat corpore: seruitutis namque nulla est possessio. *l. quoties. ult. ff. de ser.* Et ob eam causam subsidio exigitur cautio a victo, quæ sit pro seruitutis restitutione. Nihil tale in rerum corporalium possessione: quandoquidem possessio rei corporalis restitui potest, qua restituta, inepte quærimus aliud, quod restitutionis vice fungatur.

21 Hæc tamen ergo de possessione & eius tuitione iudicis sententia erit. In præteritum vero, prout petatum erat, ita aduersarium condemnabit in id, quanti interest victoris sibi vim factam non esse. Vbi non corpus ipsum rei restituatur, id est, quanti res ipsa est, de cuius possessione agitur: sed possessio ipsa, siue quanti interest possessori possidisse sine interpellatione. In quo continentur fructus, & mercedes, quibus actor idcirco caruit, quia vis ei facta est, quo minus re libe-

re vteretur: quæ sententia est *l. 3. §. ultim. ff. eodem.*

Hæc tamen de vno possessore. Longe alia causa est, si ambo pronuntientur possidere. Nam hic neque vnus alteri condemnabitur in id, quod alterius interest, neque prohibebitur vnus vim facere alteri, quo minus possideat libere. Quod vt intelligatur, sic habendum est: naturam non pati, vt duo libere in solidum possideant. Nam libere possidere est, re vti quomodo velis, vt significatur *in l. scilicet. §. Aristo. vers. sed & interdictum. ff. si ser. vind.* Vti autem quomodo velis, est vti solum, si velis, & ab vsu rei prohibere ceteros, vt indicatur *in eo. §. Aristo.* Ita fit, vt vno vtente, alter vti non possit. Quocirca duorum possessorum in solidum hæc est conditio iure, vt vterque re possessa vti possit altero consentiente, cum scilicet diuidant vsum aut temporibus, aut regionibus, id est, ita, vt aut alternis vtantur, aut diuidant regiones, quas singulis attribuant. Ceterum inuito altero neuter vti potest: & si vnus vtetur, alter prohibendi ius habet. Nam si in re communi, quæ a duobus pro indiuiso possidetur, neuter altero inuito in ea re quidquam facere potest, sed alter prohibendi ius habet, *l. Sabinius. ff. com. diuid.* multo magis id tum dicendum est, cum duo non pro parte licet indiuisa, sed singuli in solidum possident. Hoc constituto, duo sunt consequentia, vt dixi. Primum illud, si quis alterum impedierit, quo minus libere possideret, tamen eum in id, quod aduersarii interest, condemnari non debere. Iure enim impediuit, qui prohibendi ius habuit. Quod autem iure fit, pœnam non meretur. *l. Gracchus. infra. de adulter.* Alterum, non debere iudicem in futurum prohibere, ne alter alteri vim faciat, quo minus possideat, quoniam singuli ita possidere non possunt sine vi, quin alter simul possidere prohibeatur, vt supra ostendi. Nunc autem ambo iubendi sunt ita possidere, vt possident. Restat igitur, vt in duobus possessoribus talis esse debeat sententia iudicis, vt primum declaret ambos possidere: indicat Vlpianus *in l. 3. in princ. ff. eod.* cum ita scribit in hac specie: *nam & tu possides, & ego.* Deinde iubeat iudex vtrumque possidere altero consentiente, altero inuito veteri. Quo modo intelligetur iudex secundum verba interdicti iubere, vt litigatores ita possideant, vt possident. Sic enim in solidum possident, vt dixi, vt singulis sit ius prohibendi, ne se inuito alter possideat. Neque vero aliam sententiam iudex ferre potest, vbi ambo possident.

Scio tamen multa scripta esse a Bartolo, quibus efficere conatur, vt vnus tantum possessor fiat sententia iudicis, aut vt duobus possessoribus constitutis, inter eos sententia iudicis res componatur: sed in his nihil idonei attulit. Non enim probandum est, quod dicit, eum solum a iudice pro possessore habendum esse, qui antiquiorem possessionem habet, quasi posterior possessor clam possideat. Nam scimus in hoc interdicto non quæri, quamdiu quis, aut quam pridem possederit, sed an possideat tempore litis contestatæ: & eum qui eo tempore possideat, vincere hoc interdicto. *§. sed interdicto. Inst. de interd.* Sed nec ad rem pertinet, si posterior clam possideat, dummodo non possideat ab aduersario, vt interdicti verba ostendunt. *l. i. §. ult. ff. eod.* Multo minus probandum est, quod dicit eum potius esse debere, qui probabitur cum titulo possidere: cum appareat ex interdicto prætorem eum tueri, etiam qui vi, aut clam, aut precario possidet, dummodo ab aduersario ita non possideat.

deat Ne illud quidem verum est, quod dicit spectandum esse, ab utroque sunt plures testes, & magis idonei, ut a quo sunt, is vincat, *argumento l. ob carmen. §. vlt. ff. de test.* Hoc enim tunc recipiendum est, ubi ex testibus vni affirmant, quod alii negant, ut incertum sit, quibus fides habenda sit. Tum enim necesse est, rem numero aut auctoritate ponderari. At cum testes partium de rebus diuersis testimonium dicunt, etiam duo fidem facient pro eo, a quo producantur, nisi refellantur. *l. vbi. ff. de testib.* Quod in hac controuersia possessionis accidit, ubi singuli probando se possidere, id est, rem affectu domini tenere, non ideo etiam negant aduersarium ita tenere, unde & ambos tueretur prætor. Quod autem ille scribit, cum in pari causa duo possesores esse pronuntiantur, iudicem pronuntiare debere eos esse possesores pro parte indiuisa, ut concursu partes faciant: tale est, ut non minus, quam superiora interdicto refellatur. Nam si in solidum possident, ut in primis possident, necesse est ex interdicto iuberi eos ita possidere, ut possident, id est, in solidum, quia in solidum possident. Neque vero recte usus est in hac re exemplo plurium, quos prætor mittit in possessionem damni infecti nomine, qui dicuntur concursu partes facere. *l. si finita. §. cum autem. ff. de dam. infect.* Nam hoc recte facit prætor in iis, quos ipse possesores facit, quales sunt, quos ipse mittit in possessionem. At cum duo ante possident, & inter eos incidit controuersia de possessione, sic ad prætorem & iudicem veniant, ut possessionem suam retineant hoc interdicto: neque aliud officium iudicis est, aut prætoris, quam ut ita iubeat eos possidere. Effectum est igitur, talem sententiam iudicis esse debere, qualem dixi.

24 Sed et video, quæ contra dici possint, ne huiusmodi sententia recipiatur. Nam ex ea hæc sunt incommoda duo. Primum, quod si litigatores de possidendo non consenserint, & ita non possidebunt, necesse erit rem negligi, atque ita fructus & rem ipsam utriusque perire. Alterum, quod si vnus altero inuito possidere volet, eueniet, ut ab aduersario prohibeatur, quamobrem & veniet res ad rixam & arma: quæ prohibere officium est boni prætoris & iudicis, ut declaratur in *l. si cuius 13. §. sed si inter duos. ff. de usufr.* Verum aduersus ista incommoda hoc remedium est, ut vnus satisfat eo modo, quo paulo post dicemus: si neuter satisfecit, hoc relinquitur, ut inter se de possessione consentiant. Si non consentiant, ipsi se concursu impediunt: ut de duobus fructuariis responsum est, quibus vnus fructus legatus est alternis annis, & ambo primo anno frui volunt, de quo scriptum est in *l. quoties. ff. de usufr.* In quo si quid incommodi est, de se queri debent, non de iudice, qui id pronuntiauit, quod natura iudicii ab illo exigebat. Nam quod dicitur prætorem non debere pati, ut litigatores ad rixas & arma procedant, tunc locum habet, cum prætor potest litigatores iurisdictione sua componere, ut adiectum est in *dicta l. si cuius. §. sed si inter.* Nuncautem in hoc iudicio res aliter componi non potest, quam ut qui in solidum possident, ita iubeantur possidere. Sed rursum ex hac re incidimus in id postremum incommodum, quod vitari non potest, si pronuntietur ambo possidere. Nam hoc interdictum comparatum est, ut pronuntietur vnus possesore esse, ut scilicet eo inuento possit petitoria actio institui: in qua vnus possessor esse debet, alter non possessor, sed petitor. *§. retinenda. in Institut. de inter-*

dict. Atqui duobus possessoribus in solidum constitutis aperte facimus contra hunc finem, neque ad petitoriam actionem siue ad causam proprietatis peruenire possumus. Et hoc verum esse fateor, idemque & in hac re accidere intellexerunt veteres, quam etiam ob causam & huic incommodo remedium quaesitum est, de quo mox dicam. Quod sane non alio spectat, quam, ut quamuis reuera ambo litigatores possideant sententia iudicis, tamen vnus possessor constituitur, ut sic iudex deinceps possit de proprietate cognoscere. Est autem id remedium, quod subiicitur in hac *l. unica, illis verbis:*

Ac si satisfationis vel transferenda possessionis edicti 25
perpetui forma seruata de proprietate cognoscet. His verbis, inquam, traditur remedium id, quod iam dixi. Remedium tale est: Vnus ex litigatoribus offeret alteri satisfationem iudicatum solui, qua continetur, ut caueat se rem controuersam curaturum, & si aduersarius de proprietate vincet, se ei & rem & fructus & omnem causam restitutum: quoniam scilicet ita iudicabitur, id est, condemnabitur. Si recipitur hæc satisfatio ab eo cui offertur, qui ita satisfabit, solus possidebit. Si non satisfabit, transferetur ab eo possessio in aduersarium eadem conditione, si & ipse vice mutua satisfabit: quo casu & ipse solus possessor habebitur. Ita plane intelligitur, vter sit possessor, vter petitor. Atque id ita fieri debere docet forma huius satisfationis edicto perpetuo constituta. Hanc sententiam esse huius loci interpretor: quam conuenientem esse huic loco, intelligi potest ex iis, quæ de satisfationibus huius generis referuntur *titul. Instit. de satisfat. in princ.* Illic traditur, a possessore, qui rei vindicatione conuenitur, olim exigi solitam satisfationem iudicatum solui. Exigi autem solitam hanc edicto perpetuo, licet existimare ex eo, quod & ceteræ satisfationes, de quibus illic agitur, edicto perpetuo iniungebantur: argumentum sunt satisfationes, quæ a procuratoribus & defensoribus illic exiguntur: de quibus edicto de procuratoribus comprehensum esse constat. Quo minus autem dubitemus, eam satisfationem hoc loco accipere, Asconius faciet, qui testatur eam ipsam usurpari solitam in lite vindiciarum, id est, in lite, quæ est de possessione, de qua ipsa nunc agitur. Sic enim ille scribit in *3. actione in Verrem.* Vindicarum lis est, cum litigatur de ea re apud prætorem, cuius incertum est, quis debeat esse possessor. Et ideo qui eam tenet, satisfat pro præde vindiciarum aduersario suo, quo illi satisfaciat nihil se deterius in possessione facturum, de qua iurgium est. His verbis non aliam plane satisfationem significat, quam illam ipsam iudicatum solui, quæ olim exigebatur a possessore. In quo ius illud verus superius, quod exstare dixi in Institutionibus, aperte confirmat. Potest tamen videri Asconius loqui de alio genere satisfationis: propterea quod satisfatio iudicatum solui præcipue concepta est de re restituenda & iudicato faciendo. Asconius autem meminit eius satisfationis, qua possessor hoc solum cauet, nihil se in re possesse deterius facturum. Sed nihilominus his verbis idem illud prius sensit: certe sentire debuit. Quo enim de re recte tuenda cauere aduersario, si hæc illi restitui aliquando non debet? Quod si ei vincenti restitui debet, omnino & de re restituenda, ac iudicato faciendo ei cauendum fuit. Ita fit, ut de ea ipsa satisfatione Asconius sentiat, quæ dicitur in usu iuris *iudicatum solui*: ea ipsa, de qua

apud Iustinianum scriptum esse ante dixi, & de qua in controuersia possessionis hoc loco Imperatores senserunt. Quid, si ambo litigatores uolent satisfacere, ut sic possessionem apud se retineant? Dicendum est eum in satisfaciendo præferri, cui satisfactio oblata est ab aduersario, ut fit, cum ad tutelam gerendam vnus ex pluribus tutoribus satisfactionem offert aliis contutoribus suis. Nam is præferitur in satisfaciendo, cui satisfactio oblata est, ut is solus tutelam administret, ut declaratur in §. 1. *Inst. de satisfact. tut.* Quid, si is, cui satisfactio oblata est, non satisfacet? dicemus ab eo possessionem transferri in eum, qui obtulit. Docet id forma in omnibus edictis satisfactionem alicuius rei causa exigentibus seruata: qua placet non satisfactantis poenam hanc esse, ut denegetur ei id, propter quod satisfactio exigebatur. *l. mutus. §. poena. ff. de proc.* Indicat & forma seruata in iis causis, in quibus a possessore exigitur satisfactio. Ut, eum heredem, a quo res fideicommissæ petebantur, cum appellasset, constitutum est cauere debere, ut ante sententiam: si non caueat, placet ad aduersarium possessionem transferri debere. *l. 5. §. 1. ff. ut leg. sen. fidei. no. cau.* *Paulus lib. 1. sentent. tit. de fidei. in pr.* Sed adiciemus hac lege transferri possessionem in aduersarium, si & ipse satisfacet ei, a quo possessio transfertur. Quod quidem hic prætermissum est: sed satis intelligitur illis uerbis, quibus iubetur forma edicti perpetui seruati. Intelligimus enim edicti hanc formam fuisse, ut is quoque uice mutua satisfaceret, in quem possessio transfertur, quia edictum sic tuebatur possessorem, si satisfaceret iudicatum solui. Sed dubitatio sublata est *d. l. 5. §. 1. ut leg. no. ca.* ubi nominatim ita transfertur in aduersarium possessio, si ipse satisfacet. Vter autem satisfacit, hic solus pro possessore habebitur. Ita fiet, ut iam possit præles de proprietate cognoscere, ut hic dicitur, non ante: quoniam hoc non constituto uter possessor sit, petitoria actio de proprietate, ut ante diximus, institui non potest. Ex quibus intelligitur, interpretationem superiorem & uerbis conuenientem esse, & formæ ueteris edicti consentientem, utilem, & ad perplexitatem, quæ hic incidit, remouendam, quam maxime accommodatam: proinde si nihil aliud euident contra proponatur, quam maxime retinendam.

Sed animaduerto ei duo obiici posse: de quibus sigillatim respondebo. Primum illud ipsum ius, quod de hac satisfactione ducimus ex *tit. Inst. de satisfact.* Esto enim, fuerit ius illud uetus, quod dixi, ut a possessore exigeretur satisfactio *iudicatum solui*. At hoc ibidem sublatum est in §. *sed hodie*. Illic enim nunc eam non exigere scriptum est, cum quis actione in rem conuenitur.

26 Sed sciamus, si nihil his uerbis de iure superiore in hac specie, de qua agimus, immutari. Scriptum enim id est in ea specie, cum vnus tantum ex litigatoribus possessor est, & de eo constat. Hic enim demum est, qui in rem actione conuenitur. §. *retinenda. Instit. de interd.* Ab eo uero possessore recte hodie receptum est, satisfactionem istam *iudicatum solui* non exigere. Fit enim illi iniuria, si dum non satisfacet, possessio illi aufertur, quæ ipsius erat: & præsertim si non possit satisfacere. Sed etsi possit & nolit, tamen iniuriosum est satisfactionem ab illo exigere. Nemo enim aliena petitione & alieno facto onerari debet. *l. in causæ. in fin. princip. ff. de procur.* Est etiam contra hoc interdictum, quod tuetur possessorem. *l. 1. §. penultim. ff. eod.* Nam si possessio ei aufertur, possessorem non tue-

mur: si satisfacet, & ita apud eum manet possessio, nec sic quidem eum tuemur: hoc enim est non possidentem tueri, sed satisfactantem. Bene igitur, ut dixi, ab eo, quem solum possessorem esse constat, satisfactionem *iudicatum solui* non exigimus, de quo in *dicto §. sed hodie* scriptum est. Sed alia causa est, cum duo sunt possesores. Hic vno satisfactionem offerente, ab altero satisfactionem exigimus, aut ab eo possessionem transferimus, quia hic necessaria est ista satisfactio, ut constitutur vnus, qui solus pro possessore habeatur: quo non constituto, ut ante dixi, petitoria actio institui non potest. Neque fit alteri non satisfacti iniuria: quoniam si is de proprietate uicerit, satis ei & de re & de fructibus atque omni causa cautum est per satisfactionem. Porro in hac lege agi de his, qui ambo possident, primum declarant illa uerba, *cum ab altero nec ui, nec clam, nec precario possideris*. deinde, quod satisfactio ea de causa hic exigere uideatur, ut sic præles de proprietate possit cognoscere. At hoc tunc solum facere necesse est, cum ambo possident, ut sic per satisfactionem vnus possessor constitutur, non est tunc necesse, cum constat vnum tantum esse possessorem, quoniam & sine satisfactione vlla aduersus eum potest rei vindicatio institui.

Alterum etiam incommodum obstat superiori 27 sententiæ. Nam si eum, qui satisfacet, possessorem constituiamus, adimimus alteri commodum possessionis, cum iubemus eum petitoris partes sustinere: quod commodum illi adimi non debuit, cum possessor fuerit. Sed facile vitatur hoc incommodum, si quis ex litigatoribus antiquiorem possessionem habeat cum titulo, quamuis nec satisfactionem offerat. Nam hic semper potior erit in causa proprietatis, siue ipse satisfacit, siue aduersario satisfactante petitoris partibus fungetur. Cum enim duo rem aliquam a duobus non dominis acceperunt, is potior est, qui solus possidet. Si ambo tenent, is tuendus est, qui primum cepit possidere. *l. si eares. §. ult. ff. de act. em.*

Cum hæc interpretatio conuenientissima est 28 huic loco, tum uero ut solam huic loco conuenire putem, hac collectione sum confirmatus. Nam si ex duobus litigatoribus vnum volumus esse possessorem, alterum reum, eumque uinci de possessione, & hic locum esse putamus illi satisfactioni, de qua hic agitur, necesse est eam aut a victo exigamus, aut a victore eodemque possessore. A victo nulla est, quæ exigatur, nisi hæc, ut satisfacet, se possessorem eundemque victorem non impediturum, quo minus possideat. At hæc cautio in seruitutibus tantum exigatur, quod exemplum ad res corporales transferendum non est, ut supra docuimus. Sed & in seruitutibus cautio tantum exigatur in hac specie, non satisfactio, ut patebit ex iis locis, quos de hac re citauimus: nunc autem de satisfactione hic quaeritur. Sed nec a reo victo exigatur translatio possessionis, quamuis iniuste possideat. Etsi enim is possideat uia ab actore, quo nomine & ab eo victus est: tamen possessio in actorem non transferetur ex hoc interdicto: quoniam non est interdictum recuperandæ possessionis. *l. 1. §. est igitur. ff. eod.* Itaque cum hanc sententiam posuisset Franciscus Duarenus *lib. 1. Disputat. capit. 21*, merito uidetur notatus a Barone hoc titulo: item a Cuiacio *lib. 1. recept. sentent. Pauli tit. 1. de satisfactioe*. Quanquam in posteriore reprehensio ferenda non uidetur, quod cum hanc sententiam etiam cum conuictio auctoris inspecta esset, tamen postea

eam ipsam sententiam non tantum consignauit literis, sed etiam a seipso dissidens pluribus verbis confirmare conatus est, lib. 1. *Observat. cap. 22.* sed frustra. Nam semper hoc tenebimus, hoc interdicto amissam possessionem non recuperari, eoque ab eo, qui vi possidet, possessionem hoc interdicto non transferri. Quod si a victore, eodemque possessore, qui solus possessor declaratur, satisfactionem hanc exigamus: aut erit satisfactio *iudicatum solui*, quam Accursius intellexit, aut satisfactio *de re conseruanda*, qualis a possessore hereditatis exigitur. *l. 5. ff. de pet. her.* vt sunt interpretati Baro & Cuiacius superioribus locis. At satisfactio *iudicatum solui* intelligere non possumus: hæc enim in hac specie hodie non exigitur. *d. §. sed hodie. Inst. de satisd.* Illam alteram multo minus. Primum quia quibuscunque in locis satisfactio illa a possessore exigitur, ex ipsa lectione constabit exigeam a possessore hereditatis, vt *d. l. 5. de pet. her. l. bonis. §. vlt. ff. de Carb. edic. l. ex libero. §. vlt. ff. de quest.* Cur a possessore hereditatis tam constanter, nisi vt intelligeremus a possessore rerum singularum in iudicio de proprietate eam non exigi? arg. in *l. ex eo. ff. de test.* Tum autem cur a possessore hereditatis hæc satisfactio exigatur, certa ratio est. Sunt enim in hereditate res multæ, quas vendi oporteat multis de causis: in quibus distrahendis deminui hereditatem iniquum est sine satisfactio, qua petitori caueatur: vt declaratur pluribus in *d. l. 5. ff. de pet. her.* Cessat hæc ratio, cum res vindicatur: neque enim ea alienatur, neque alienari potest in fraudem eius actoris, qui se dominum contendit, vt proinde aduersus id periculum, quod nullum est, superuacua sit satisfactio. Quæ si ita sunt, conficitur, quantum vnus ex litigatoribus possessor est, & id constat, ei satisfactio, de qua hic agitur, locum esse non posse. Arque hoc rursus fit ita est, relinquatur ei tunc solum locum esse, cum ambo litigatores possident, eamque in hac perplexitate instituendæ petitionis explicanda satisfactio *iudicatum solui*, quæ ab alterutro exigitur, vt constituitur scilicet vter sit possessor, atque hoc ita constituto, sic deinde de proprietate agatur, de qua agi, nisi aduersus possessorem non potest.

AD TITVLVM VII. COD.

De Tabulis exhibendis.

L. unica.

Imp. Valer. & Gallien. AA. Germano.

Si in potestate patris fuerint impuberes filii, & vos eis estis substituti, atque nunc ad vos intra pubertatem illis descenditibus cepti hereditas pertinere: de exhibendis testamenti tabulis interdicto uti potestis. PP. 7. Kal. Maii, Seneculari & Donato Coss. 261.

S V M M A R I A.

- 1 De tabulis ad causam testamenti pertinentibus propositum interdictum de tabulis exhibendis. Tabularum verbum.
- 2 Ad causam testamenti pertinere quid.
- 3 De imperfecto testamento an competat hoc interdictum, & l. 1. §. siue autem. item l. 2. §. 1. ff. de tab. exh. conciliata cum Africano in l. si quis legatum ff. ad l. Cor. de fa.
- 4 Relicta tabule quæ.
- 5 Interdictum aduersus eum, pene quem sunt tabule, aut qui dolo fecit, quo minus essent: & hi qui.

- 6 Hastenus tamen aduersus istos, si negent penes se esse aut fuisse, aut negent aduersariis quidquam interesse.
- 7 Ei competere hoc interdictum, qui tabulis, de quibus agitur, quid adscriptum habet: & qui in hac causa.
- 8 L. unica. C. hoc tit. sententia.
- 9 Heredes & legatarios de tabulis exhibendis agentes probare posse se tales esse, etiam non inspectis verbis testamenti: quia hic non sit controuersia ex testamento, sed de testamento.
- 10 Tabulas exhiberi ex hoc interdicto huc spectare, vt testes signa sua recognoscant, atque his recognitis tabularum fides confirmetur.
- 11 Hoc interdictum arbitrium esse: hinc precedere iussum iudicis de tabulis exhibendis; cui si non pareatur, sequi condemnationem in id, quanti actoris interest, alias vere, alias iureiurando in litem aestimatum.
- 12 Hoc interdictum ideo necessarium fuisse, quia in eam speciem, de qua hoc interdictum agitur, nulla alia actio fuerit, & quid distet ab actione ad exhibendum, & ea parte edicti, quemadmodum testamentum aperiantur.

Sive huius rescripti, quod hic ponitur, rationem quarimus, siue illud, quomodo interdictum de tabulis exhibendis recte utamur, quod inscriptio pollicetur: vtraque de causa faciendum est, vt huius interdicti sententiam cognoscere debeamus. Eam igitur paucis exponam. Exstat interdictum in l. 1. in pr. ff. eo. In quo hæc obseruanda sunt: Quibus de rebus detur: Aduersus quem: Cui: Cuius rei gratia: Quæ hic condemnatio & officium iudicis.

Datur de tabulis, quas quis ad causam testamenti sui pertinentes reliquit. Tabularum verbo omnis materia intelligitur, in qua quid scriptum est, quod pluribus verbis explicatur in l. 1. de bon. pos. sec. tab. Veteres primum tabulis vsi sunt ad scribendum. Hinc nomen natum. Res mutata est postea, nomen mansit. Inde illa: Bonorum possessio contra tabulas, & secundum tabulas. §. 1. Inst. de bon. pos. Et primæ & secundæ tabulæ, de patris & filii testamento. l. 2. §. interdictum. l. patris. & passim ff. de vulg. & pupill. sub st.

Ad causam testamenti pertinere dicitur, quid. 2. quid ab aliquo ita scriptum est, vt pro testamento esset, aut ad testamentum pertineret, vt codicilli, & quæcunque sunt scripturæ, quibus aut adiecit testator testamento, aut obscurius scriptum interpretatur. Ergo de his omnibus hoc interdictum est. l. 1. §. hoc interdictum. ff. eo. Non distinguitur in interdicto, vtrum iustæ sint, an iniustæ tabulæ: plures, an vnæ: primæ, an postremæ. Ex quo intellectum est, ad istas omnes hoc interdictum pertinere, vt pluribus verbis explicat Vlpianus in l. 1. §. siue autem. & in fi. & l. 2. & 3. in pr. ff. eo. Idem traditur in l. 2. ff. quem test. aper.

Illud tamen visum est hoc loco pluribus explicare, 3. quod de imperfecto testamento, quod signatum non est, queritur, an & de eo hoc interdictum locum habeat. Negat enim Africanus in l. si quis legatum. ff. ad leg. Cor. de fa. Vlpianus autem contra in l. 1. §. siue autem. ff. hoc tit. ita scribit: Itaque dicendum est ad omne omnino scripturam testamenti, siue perfectam, siue imperfectam hoc interdictum pertinere. Vera est Africani sententia, quoniam quod testamentum non est signatum, non tam inutile est testamentum, quam nullum. Interdictum autem tabulas testamenti exigit. Non aduersantur supra scripta verba Vlpiani. Imper-

fecta enim scriptura verbo apud illum intelligere debemus id testamentum, quod signatum est, sed alias iure non valet. Et si enim dicit, interdictum pertinere ad omnem omnino etiam imperfectam scripturam, quibus verbis omne testamentum imperfectum comprehenditur: tamen non simpliciter dicit *ad omnem scripturam*, sed addit *testamentum*. Hoc verbo satis testamenti non signati tabulas excludit: iam enim dixi aperte non esse testamentum, quod signatum non fuit. Vnde nec ex eiusmodi testamento dat prætor bonorum possessionem secundum tabulas: quam tamen ex omni testamento rite signato, quamvis alioqui iure civili non consistat, pollicetur. §. *non tamen. Inst. quib. mo. test. infir. l. 1. §. pe. §. ult. ff. de bo. poss. sec. tab.* Videndum tamen, ne idem Vlpianus in l. 2. §. 1. ff. *quem. test. ap.* etiam imperfecta testamenta, quæ signa testamenti non habent, dicat abusive testamenta dici, & ad causam testamenti videri pertinere, quibus verbis hoc interdictum conceptum est: sic enim scribit: *sed abusive testamenta ea quoque appellamus, quæ falsa sunt, vel iniusta, vel irrita, vel rupta: itemque imperfecta solemus testamenta dicere.* Hic imperfecta distinguit a prioribus: quæ si distinguimus, non possunt imperfecta alia intelligi, quam quæ signata non sunt. Priora enim vitia sunt aut ex persona testantis, aut ex præteritione liberorum, aut ex his, quibus prætestamentum infirmantur. Quibus exceptis, solum id vitium relinquitur, quod est ex solemnibus testamenti omissis. Nec propter hoc, quod legitur in Pand. Flo. recte legatur, itaque, ut in hac collectione seu illatione intellegamus eadem testamenta, de quibus prius locutus erat: quoniam ineptissima esset hæc collectio & nugatoria, ea quæ iure non valent, appellamus testamenta: ea ergo ipsa solemus testamenta appellare. Sed hæc sententia est Vlpiani, ut addat aliquid prioribus, & dicat non solum priora testamenta, quæ vitio aliquo interiori laborant, abusive testamenta dici, & edicto illo contineri, sed etiam illa, quæ sunt imperfecta id est, non signata, & manifestis solemnibus destituuntur. Num ergo in his edictum illud locum habet? Habet auctore Vlpiano, sed non ideo de his interdictum *de tabulis exhibendis* competit. Nam edictum pertinet ad eum, qui fateatur tabulas esse apud se. l. 2. §. *ult. ff. quem. test. ap.* Non est iniquum, eum, qui id fateatur, compelli eas exhibere, quod sine iudicio & nullo negotio potest facere. Interdictum aduersus eum datur, qui negat penes se esse tabulas. d. l. 2. §. *ult.* Non debet facile iudicium institui, & molestia iudicii neganti intentari in iis tabulis, quas aperte non esse tabulas testamenti constat: quod si vbi non esse signatas inter litigatores conveniet. Nisi quis malit, de imperfecto testamento etiam quod signatum non sit, competere non solum remedium superioris edicti, sed etiam interdictum *de tabulis exhibendis* propter generalitatem utriusque loci, de imperfecta scriptura testamenti definientis hanc quoque testamentum dici: Africanum autem sic conciliemus, ut idem affirmet. Quod quidem efficere possumus non emendatione aut restitutione vlla verborum, sed ordine duorum verborum conuerso, ita commode, ut eadem verba retineantur, & optime constet verborum contextus, eiusque sententia. *Ceterum*, inquit, *si signatum testamentum non fuerit, magis est, ut senatusconsulto locus non sit, sicuti nec interdictum de tabulis testamenti exhibendis locum habet.* Sic est lectio vulgaris. Hæc verba, *sicuti nec*, conuertamus, ut

fit, *nec sic* ut, ut conuertatur ordo, & tria verba distincte efficiantur, consentientem sententiam habebimus, salva recti sermonis ratione. Erit enim hæc lectio, atque hic sensus: *magis est ut senatusconsulto locus non sit, nec sit sic, ut interdictum de tabulis exhibendis de huiusmodi testamento locum habet*: quasi diceret, hic senatusconsulto locum non esse. Et hoc videretur melius & verius. Nam si dicamus, de imperfecto, id est, non signato testamento non competere interdictum, quia id non sit testamentum, dicendum erit nec competere id de falso; quoniam quod testamentum falsum esse constet, id multo minus testamentum est, cum testationem defuncti omnium minime habeat: & tamen de falso testamento etiam quod tale esse constiterit, interdictum competit.

Relicta tabula dicuntur, quæ post testatorem, id est, mortuo testatore relinquuntur, & exstant. Ideo ergo hoc additum est, ut intelligeremus, hoc interdictum ad viui tabulas non pertinere. l. 1. §. *pen. ff. eod.* Viuus de tabulis exhibendis agit actione ad exhibendum. l. 3. §. *si ipse ff. eo.*

Datur & hoc interdictum aduersus eum, penes quem sunt tabulæ, aut qui dolo fecit, quo minus penes se essent. Penes eum esse intelliguntur, qui aut corpore suo eas tenet, & habet exhibendi facultatem, aut ita apud alium posuit, ut alieno corpore possideret, veluti si tabulas apud alium deposuit. Nam per depositarium, commodatarium, & similes personas possidemus. §. *possidere. Inst. de iur. d.* Inde recte dictum est ab Vlpiano in l. 3. §. *si tabulæ ff. eo.* si quis tabulas apud aliquem deposuerit, utrumque hoc interdicto teneri, & eum apud quem sunt depositæ, quia tenet: & eum qui deposuit, quamvis sine dolo desierit tenere corpore suo. Ideo autem hic tenetur, quia tenet nihilominus per eum, apud quem deposuit, ut supra dixi. Dolo desit tenere, qui aut suppressendi animo fecit, quo minus tabulas apud se haberet, aut cum sciret legatum vel hereditatem peti, ideo tabulas alii tradidit, ne ipse conveniretur. l. 3. §. *si quis dolo ff. eod.* Et si & autem nihil amplius additum est in hoc interdicto, quam eum teneri, penes quem tabulæ sunt: tamen sciendum est, non simpliciter eum teneri, sed hac conditione dumtaxat, si aut neget penes se esse tabulas, quæ penes eum esse dicuntur, aut neget se exhibere oportere, quia forte aduersarii nihil interfit, hoc Vlpianus in l. 1. §. 1. ff. *eo.* Sed cum in interdicto non sit, unde hoc est ab illo sumtum? Ex natura iudicii, quo agitur. Interdictum proponitur: proinde actio, & actio qua iudicio agitur, ut est definitio actionis, *Inst. de act. in pr.* Nulla est autem hæc actio: proinde nullum interdictum aduersus eum, qui constiterit, nec vlla defensione aut exceptione vitur. Hoc enim est, quod dicitur, in consentientes nullas esse partes iudicandi. l. *proinde. in fin. ff. ad l. Aquil.* Quid igitur, si quis fateatur, penes se esse tabulas; an non exhibere cogetur? Imo multo magis, sed id alia parte edicti efficitur, non hoc interdicto, de quo in extremo dicemus. Datur & hoc interdictum, illi: sic enim verba sunt interdicti: *Illi exhibeas. Illi, sic accipe petenti, & interdicto hoc agenti.* Quid ergo, an omni petenti hoc interdictum competit? Et placet non competere, sed ei tantum, qui testamento, siue his tabulis, de quibus agitur, quid adscriptum habet. l. 3. §. *solent. ff. eo.* Rursum hic quæro; cum hæc verba interdicti ad omnem petentem referantur, cur de eo, quem supra dixi, interdictum tantum interpreteremur præter vim & significationem

rationem verborū. Summū hoc est ex vi & potestate huius interdicti, ac proinde ex sententia. Intelligendum est enim condemnationem ex hoc interdicto esse in id quod actoris interest. *l. 3. §. condemnatio. D. eo.* Quod si ita est, inutile est hoc interdictum ei, cuius nihil interest. Porro tabulas exhiberi, eius tantum interest, qui quid testamento adscriptū habet. Quare huic solum interdictum vtiliter competit. Qui testamento aliquid adscriptum habent, duo sunt: heres, & is cui quid legatum aut fideicommissum est. Sic fit, ut solis legatariis & heredibus hoc interdictum competat. Vtrique competere certum est, *ex d. §. condemnatio.* Veruntamen de heredibus non nihil dubitari potest, propterea quod *in l. 3. §. si ipse, D. eo.* scriptum est, omnes qui corpora tabularum sua esse dicunt, ad actionem ad exhibendum remittēdos esse, neque hoc interdictum habere. Atqui corpus testamenti est heredis, de quo sic habendum est. Non semper corpus testamenti est heredis. fieri enim potest, ut heres nondum hereditatem adierit. Fieri potest, ut adierit, sed solus non sit heres, ut proinde nec testamentum sit eius solius. Quibus casibus nemo dubitabit, quin illi interdictum *de tabulis exhibendis* competat, nec quidquā obstat superior locus. Quod si solus erit heres & hereditatem adierit; ut corpus testamenti eius est: ita sine dubio ad exhibendum agere potest *de tabulis exhibendis*, ut diserte scriptum est *in l. 3. D. quem test. ap.* Sed nihilominus & de tabulis exhibendis interdicto potest experiri, ut constat *ex dict. leg. 3. §. condemnatio.* Neque obstat, quod supra dixi *ex dict. §. si ipse.* eos, qui corpora tabularum sua esse dicunt, hoc interdictum non habere. Nam cum heres hoc interdicto agit, nō agit de testamento tanquam suo, seu eo quod suum esse contendit, sed tanquam de eo, in quo aliquid adscriptum habet, quæ huius interdicti intentio est.

8 Vt cumque est, semper hoc manet, nisi quis legatarius sit, aut heres, ei hoc interdictum nō dari. Hinc pendet ꝑ rescriptū huius tituli, cuius hæc est sententia: eos, qui se pupillis a patre substitutos esse dicunt, de tabulis, quibus substituti sunt, exhibendis posse hoc interdicto experiri aduersus omnes, penes quos sunt illæ tabulæ, si modo hæc quatuor concurrant: si ii, quib. actores substituti sunt, fuerint filii testatoris, a quo substituti sunt; si impuberes; si in potestate patris fuerint; postremo si decesserint. Quæ ideo exiguntur, quia ex substitutione pupillari, qualis hic obtinebatur, substituti non sunt heredes, seu quod idem est, substitutio nullius momenti est, nisi superiora illa quatuor cōcurrant, ut describitur hæc substitutio *Inst. de sub. pupill. in pr.* Proinde cum substituti hæc quatuor dicere debeant, ut qui aliter non sint heredes defunctorum pupillorum ex substitutione: dubitari nō debet, quod ab interpretibus quaritur, quin eadem quatuor debeant probare, si ab aduersario negentur. iuxta regulas iuris, quib. efficitur, & dicenti incumbere probationem: & actore non probante reum absolui. *l. 2. D. de prob. l. qui accusare sup. de eden.* His aut probatis, nō agent tantum substituti de tabulis pupillarib. exhibendis, id est de ea parte testamenti, in qua substituti sunt filiis impuberib. sed agēt de toto testamēto patris: ꝑpterea qꝫ nō exhibētur tabulæ pupillares, nisi totū testamentū patris exhibeat, cū sint pars & sequela testamenti paterni, ac sine eo nullæ sint. *§. igitur. §. liberis. Inst. de pupil. subst.*

9 Sed ꝑ hoc admissio, hoc interdictum nō nisi here-

dis aut legatariis competere, & iis, qui se tales esse probent: incidit hoc interdictum in eam difficultatem, ut iam plane videatur esse inutile. Nam qui se heredem dicit institutum, aut sibi legatum relictum esse, is aut tabulas testamenti habet, aut non habet. Si habet, hoc interdictum illi non datur, cum tabulæ sint penes eum, non penes aduersarium. Si non habet, non potest probare, sibi quid testamento esse relictum: sine quo hoc interdicto non vincit. Ideo autem non videtur probare posse, quia traditum est de iis controuersis, quæ ex testamento nascuntur, inquiri veritatem non posse, nisi inspectis & cognitis verbis testamenti, *l. 1. D. quem test. ap.* Sed hic non heribimus. Nam & sine testamento, quod penes se actor nō habet, probare potest de iis, quæ testamento scripta sunt; puta, si qui forte testes testamentum prius legerint, aut si apud eos testatore iubente testamentum sit recitatum, quibus testibus actor utetur. Nec obstat, quod dicitur, *nō inspectis verbis testamenti, non posse inquiri veritatem de iis controuersis, quæ nascuntur ex testamento.* Nam quæstio huius interdicti, non ex testamento est, ubi nihil ex testamento petitur, sed de testamento, id est, corpore testamenti.

Datur ꝑ hoc interdictum huius rei gratia, ut tabulæ exhibeantur, seu ut fiat videndarū tabularum copia, *l. 3. §. hoc interdictum, D. eod.* Exhibitio tabularum huc spectat, ut confirmetur recognitis signis testium. Vnde hanc exhibitionem non apud iudicem huius interdicti, si forte is iudex erit priuatus, sed apud prætorem fieri oportet; ut scilicet eius auctoritate conuocentur testes testamentarii recognoscendorū signorum suorum causa; qui si vocati nō adsint, coercerentur. Hæc *in d. l. 3. §. hoc interdictum. D. eo.* Coercentur autem testes aut pignoribus captis, aut multa indicta, quæ sunt magistratuum remedia ad cogendos eos, qui sponte non parent, ut indicatur *in l. 1. §. ex hoc rescripto. D. de inspic. vent.* Ad hunc locum pertinet *l. 4. §. segg. D. quem test. ap.*

Hæc ꝑ petitione constituta, ut tabulæ exhibeantur, hoc vnum officium iudicis esse videri poterit in hoc interdicto, ut condemnet aduersarium, ut tabulas exhibeat, quo facto iudex esse desinat; propterea quod sententiam petitioni conuenientem esse oportet, *l. 2. C. de fidei. liber.* Sed he hic erremus, monendi sumus, ex hoc interdicto aduersus eum, qui non exhibeat, condemnationē esse in id, quod actoris interest, *l. 3. §. condemnatio. D. eo.* Neque hæc inter se contraria sunt. Nam in hoc interdicto vtrumque facit iudex. Primum iubet reum tabulas exhibere, ut interdicti verba declarant, illi exhibeas: & ad exhibitionem dat tempus pro distantia locorum. *arg. l. 2. §. pen. D. quem test. aper.* Hæc sententia non est, sed iussus iudicis tacum, quod arbitrium a nostris auctoribus appellatur. Nam si sententia esset, statim post hanc sententiam iudex esse desineret, qui iussit exhibere, *l. iudex posteaquā, D. de re iud.* Si reus intra tempus præstitutū non exhibet, hic sequitur illa condemnatio, quam supra dixi. Hoc si interdicto olim expressum fuit, bene est. Si non fuit, tamen hoc a vereribus recte dictum est ex certa natura & potestate huius iudicii. Sciendum est enim, omnia iudicia ad exhibendū aut restituendū cōparata esse arbitraria, ut indicatur *in §. præterea quasdam. Inst. de arb. Arbitraria sunt, qui ex arbitrio iudicis pendet, ut ibidem traditur, id est, in quibus prius arbitrat, id est, iubet iudex restitui aut exhiberi id, de quo quaritur,*

quod si arbitrio non pareatur, tunc sequitur, quæ hinc pender, condemnatio iudicii propria. Condemnatio autem in id, quod actoris interest, quod aduersus eum, qui dolo non restituit, æstimatur, quanti in litem ab actore iuratum est: aduersus eum autem qui non restituit culpa, quanti vere res est. Hæc regula posita est in *l. qui restituere, D. de rei vind.* de vindicatione quidem potissimū, de qua illic agitur: sed tamen ita, vt definitur in extremo, hanc sententiam ad omnes actiones & omnia interdicta pertinere, quibus arbitrio iudicis quid restituitur. Si in restitutorii iudiciis hoc ius est, quia iudicis arbitrio non paretur: hoc idē & in exhibitoriis seruari oportet: quoniam ambo pariter sunt arbitraria, id est, ex arbitrio iudicis pendentia pariter. *d. §. præterea, de act.* Vnde & in actionibus ad exhibendum similiter in litem iuratur aduersus eum, qui iussus non exhibet, *l. in actionibus, D. de in lit. iur.* Hinc intelligi poterit, quomodo interpretandum sit, quod de condemnatione huius iudicii scribitur in *d. l. 3. §. condemnatio.* Cetera huc pertinentia ex eo §. recte petentur.

- 12 His † expositis de vi & natura huius interdicti, quæ situm est, quid opus fuerit hoc interdicto, cū videatur aliis actionibus & aliis partibus iuris in hanc exhibitionem satis consultum fuisse. Nam primum actio ad exhibendum generalis est de omnibus rebus proposita, quas exhiberi volumus, & omnibus proposita quæcumque inter se exhiberi, *l. 3. §. sciendum, D. de act. exhib.* Deinde in specialis actio desideratur de tabulis testamenti exhibendis, de ea cautū est ea patre edicti, quæ edicit prætor, quemadmodū testamentaria aperiantur: ubi pollicetur omnibus desiderantibus, se iussurū, vt his tabule exhibeantur, *l. 1. D. quem. test. ap.* Sed neutra harum actionum ad eam speciem, de qua hoc interdicto agitur, pertinet. Idcirco de ea specie aut nullam actionem esse oportuit, aut confitui nouam in hoc interdicto. Nam primum actio ad exhibendum solis his datur, qui corpora sua esse dicunt, aut ad ius suum pertinentia: puta bona fide a se possessa, sibi pignori obligata, se in his vsum fructum habere, aut saltem sibi ipem esse ea aliquando sua fieri posse, vt patet ex *l. 3. §. si ipse, D. hoc tit. item ex l. 3. §. est autem, §. interdum, D. ad exhib.* Porro qui ex hoc interdicto desiderat tabulas exhiberi, neque tabularum dominus est, neque dicit tabulas ad ius suum pertinere, vt exhibitas vindicet. Datur enim interdictum legatariis: datur heredibus nondum adita hereditate; datur heredibus ex parte institutis. Quare in hanc causam actio ad exhibendum esse non potuit. Quod autem attinet ad eam partem, qua cauet prætor, quemadmodum testamentaria aperiantur: sane illic edicit se exhibitionem tabularum concessurum: sed longe alia conditione, & aduersus alios, & longe dissimili effectu, quam in hoc interdicto. Nam illa parte cogit exhibere eum, qui non negat apud se esse tabulas. Ipse cogit tanquā magistratus, non tanquā iudex. Ideo & cogit longe aliter, quam iudex ex hoc interdicto. Nam eum, qui non negat tabulas apud se esse, omnimodo compellit exhibere, vt scribitur in *l. 2. §. ult. D. quem. test. ap.* Omnimodo sic interpretandum est, vt eum, qui non exhibet, non condemnet in id, quod actoris interest, quoniam hic iudicis officio non fungitur: sed vt vi extorqueat ab inuito exhibitionem, vel tabulas illi auferendo, si habet præ manibus, vel multa indicta, quæ sunt remedia magistratus, *l. 1. §. 1. D. de insp. ven.*

Ex hoc autem interdicto tantum agitur aduersus inficiantem, aut eum qui dicit se exhibere non oportere. Iudex cogit tanquā iudex, non tanquā magistratus. Cogendi ratio est in condemnatione, ex quo discriminē vtriusque remedii manifestum est. Sed cur prætor non eodem modo se gerit aduersus inficiantem? quia aduersus inficiantem iudicio opus est, vt conuincatur. *l. negantes, supra, de obl. & actio.* Iudicio autem & iudice cōstituto, nihil relinquitur, nisi sententia iudicis, quæ aut in absoluendo est, aut in condemnando, *l. 1. ff. de re iud.* Aduersus contentē nullo iudicio est opus. Idem tantum a magistratu vt magistratu, non vt iudice cogitur, *l. si debitori, D. de iud.*

AD TIT. VIII. COD. DE LIBERIS exhibendis, seu deducendis, & de libero homine exhibendo.

S V M M A R I A.

- 1 De liberis hominibus quæ interdicta. *§. nu. 5.*
- 2 Interdictum de libero homine exhibendo, aduersus quem, & quibus.
- 3 Si quis hoc interdicto iussus non exhibet, condemnationem esse, quanti actor iurauerit sua interesse vel ex affectu.
- 4 De liberis exhibendis interdictum cui, & aduersus quem datur, & quid differt ab interdicto de libero homine exhibendo. Exhibere hominem aut liberos esse extra secretū habere. *ibidem.*
- 5 De uxore exhibenda interdictum peculiare proditum marito: & id quale. *L. ult. C. hoc tit. explicatur. ibid.*
- 6 De liberis hominibus ducendis interdicta proposita duo: patri de filio, quem in potestate habet: marito de uxore: aduersus quem, & quid sit ducere.
- 7 Aduersus filium negantem se esse in potestate non competere hoc interdictum, si de potestate solum sit controversia: sed solum notionem prætoris: & cur utrumque.
- 8 Notio prætoris, quid.
- 9 *L. 1. §. 1. D. de rei vind. explicatur.*

DE liberis hominibus † duo sunt genera interdictorum. Vnum, vt liberi homines exhibeantur, qui detinentur ab aliis. Alterum, vt eos ducere, seu abducere liceat; qui ad ius nostrum siue potestatem pertinent, vt domi nostræ haberi possint. Prioris generis duo sunt interdicta. Vnum de libero quouis homine exhibendo. Alterum de liberis, id est, de filiis nostris exhibendis. Prius † interdictum competit aduersus eum, qui liberum hominem retinet, sed hac conditione, si retineat dolo malo, vt sunt verba interdicti in *leg. 1. D. de liber. exhiben.* Is dolo malo retinere intelligitur, qui sciens liberum hominem esse, quem retinet, inuitum retinet, & sine causā, siue inuitum seruum putet, siue retineat volentem, siue inuitum quidem, sed iustam causam habeat retinendi, hoc interdicto non tenetur. Hæc definitio est, quæ multis verbis explicatur ab Vlpiano in *leg. 3. §. hac verba, & deinceps usque ad §. ait prætor. D. de liber. homin. exhib.* Datur autem omnibus liberum hominem exhiberi desiderantibus, humanitatis & libertatis alienæ tuendæ causā; nisi suspecta persona sit, quæ desiderat. Hoc idem quale sit, pluribus explicatur in *dist. leg. 3. §. hoc autem interdictum, de liber. homin. exh.* Sed † non immerito hic quæretur, si

tur, si homo liber non exhibeatur iussu iudicis, quæ hic possit esse cõdemnatio, cū non sit condemnatio, nisi in id, q̃ actoris interest. quid aut̃ actoris interesse potest, si extraneis personis hoc interdictū datur? Et erit cõdemnatio in id, q̃ actoris interest, non q̃ ex veritate æstimator, sed iureiurando actoris, vt iuret, quanti sua interesse putet etiā ex affectu, aut quanti iniuriā illam æstimet quasi ad se pertinentē. Sic enim lis æstimator in actionib. *ad exhibendū*, aduersus eum, qui exhibere iussus, dolo aut contumacia non exhibet, *l. 2. §. 1. l. in actionib. D. de in lit. tur.*

4 De liberis ¶ exhibendis interdictum, eodē pertinet, quo superius, nempe vt liberi nostri nobis exhibeantur. quo verbo in utroq; interdicto significatur, vt extra secretū habeantur, *l. 3. §. ait prator. D. eo. de lib. hom. exhib.* Sed præterquā q̃ de liberis nostris, qui in potestate nostra sunt, hoc interdicto agitur, distat etiam hoc interdictū a superiore duab. hiscē in rebus. Primum non cuius desideranti datur vt superius, sed patri dūtaxat, qui filiū in potestate habet. *d. l. 1. D. de lib. exhib.* Idq. ob hanc causam, q̃ interdictū hoc datur patri, vt filium exhibitū ducere liceat, *l. 3. §. 1. D. de lib. exhib.* Nulli autē ducendi ius est, nisi patri, qui filium habet in potestate. Deinde datur hoc interdictū, non vt superius, aduersus eum, qui dolo malo filiū retinet, & nullam retinendi causam habet, sed aduersus omnē, qui filium apud se habet, siue causam retinendi habeat, siue nullā. Hoc potestati patris tribuitur, *l. 1. §. in hoc interdicto. D. de lib. exhib.* Sūt tamen, qui hoc interdicto non tenentur, vt mater interdum, *l. 3. §. pe. D. de lib. exhib.* vt maritus cõuentus de vxore sua exhibenda. *l. 1. §. ult. l. 2. D. eo.* Interdum etiā obstat patri rei iudicatæ exceptio, si iudicatum sit, filium nō esse in eius potestate, *dict. l. 1. §. pen.* De hoc interdicto accipienda est *l. 2. h. t.* Licet ¶ in hoc genere adiciere tertium interdictū, de vxore exhibēda, q̃ marito datur aduersus omnē, qui vxorē eius retinet, etiā aduersus patrem vxoris, de quo *in l. 2. D. de lib. exhib.* Ac de hoc interdicto accipiēda est *l. ult. h. t.* in qua scriptū est, si de exhibēda filia Philippi patris agatur, etiam cum ipsū conueniri possit. Nō adicitur a quo, aut quo interdicto. Sed ex iis, quæ supra dixi, facile est intellectū. Nam cum ipse pater conueniatur, perspicuum est hic non agi interdicto de liberis exhibendis, quo pater agit, non autem conuenitur. Sed nec quemlibet actori intelligemus, qui de hac filia exhibēda experietur interdicto de libero homine exhibendo. Nam hoc edictum aduersus patrem nō competit. *l. 3. §. si tamen. D. de lib. hom. exhib.* Restat igitur, vt soli marito hic interdictū detur, quo desideret vxorē suam a facero sibi exhiberi, *iuxta d. l. 2. ff. de lib. exhib.*

6 De liberis ¶ hominibus ducendis duo interdicta sunt, quorum vnum propositū est patri de filio ducendo, quem in potestate habet, *l. 3. in pr. D. de lib. exhib.* alterū marito de vxore ducenda, vt constat ex *d. l. 2.* de quo eadem dicēda sunt mutatis personis, quæ de interdicto de liberis ducendis dicimus. Datur aut̃ interdictum de liberis ducendis, vt filiū ducere liceat, id est, secum domū abducere, vt ibi habeat, aut vbi velit, & eamādāta, quæ velit, exigat pro imperio & potestate patris. Datur aduersus eum, qui filium retinet quouis modo, vt illud de liberis exhibendis, sed ita, si inuitum apud se habeat. Nam si volentem, magis filius apud se esse intelligitur, quā apud eum cum quo agitur. *l. ult. D. eo.* Aduersus aut̃ filium ipsū, qui negat se esse in potestate patris, interdum hoc interdictum datur: sed hac conditione solum, si is quasi sui iuris esset, hereditatē adierit, aut quid aliud acquisierit, quod pater rāquam a filio familias quælitum suum esse dicat, filius aut̃ neget se esse in potestate patris, *l. pen. D. de lib. exhib.* Ad quam speciem referri debet, *l. 1. h. t.*

7 Ceterum ¶ si solum de potestate erit controuersia inter patrem & filium ipsū hoc interdicto aduersus filiū non agitur, sed succedit notio prætoris, vt est in *l. 3. §. hoc aut̃ interdictū. D. de lib. exhib.* Sed cur aduersus filium ipsū hoc interdictum non datur, cum is non minus suæ potestatis controuersiam faciat, quam extraneus quouis? Quia in omni actione, quæ de re alia agit, oportet rem distinctam esse ab eo, aduersus quem agit. Est enim omnis actio de re aliqua aduersus aliquē, *§. 1. Inst. de act. l. actionum. D. de obl. & act.* At si aduersus filium, qui controuersiam suæ potestatis faciat, agit, idē erit & is, cum quo agit, & res, de qua agit, agit, idē erit & is, cum quo agit. Quapropter in hanc speciem actio non cadit.

8 Et tamen ¶ quia filius impune controuersiam suæ potestatis facere non debet, in hac re imploratur officiū prætoris seu magistratus, qui ipse hac de re cognoscet & iudicabit. Hæc est illa, quæ hic notio prætoris appellatur. Sed cur hic magis notio prætoris dicitur, quam in interdicto aut in actione a-

lia? Non quod prætor in aliis actionibus cognoscere non potuerit, aut iudicare: nam qui ipse aliam iudicem dare potest, & ipse iudicandi ius habet, de qua re alias. Sed quia ita cognoscere potuit prætor in ceteris actionibus, vt tamen non haberet necesse, sed iudicem dare posset. Et vero ita in more positum erat Romanis, vt prætor iudicem dare soleret, & iudicium. At hic, vbi notio prætoris appellatur, sic ipse cognoscere potuit, vt etiam debuerit, nec potuerit alium huius rei iudicem dare. Vnde notio prætoris per excellentiam dicta, vt sit prætoris solius, non alterius cuiusquam, quem prætor iudicē dederit.

Ex his iam intelligitur, de iis liberis seu filiis, qui in potestate patris non sunt, aut filii eius negantur, neque interdicta esse, neque cognitionem prætoriam, sed de his, si quid ab his, tanquam filiis exigamus, præiudicium redditur. Ex ¶ quo rursum intelligi potest, quæ sit sententia Vlpiani in *leg. prima, §. 1. D. de rei vind.* vbi ita scribit: *Liberi nostri per hanc actionem non petuntur, sed petuntur aut præiudiciis, aut interdictis, aut cognitione prætoris.* Præiudiciis petuntur, qui se filios nostros negat. Hoc enim cum sit, redditur aduersus eos præiudicium, id est, præiudicialis actio, similis illi, quæ dicitur de partu agnoscendo in *§. præiudiciales, Inst. de act.* Est enim actio, quæ id agit, vt filius noster esse agnoscat, siue actio, in qua queritur, an quis filius noster esse sit, necne. Quæ ideo præiudicium vocatur, quia cū quis filius noster esse iudicatus est, hoc iudicium vna eademque opera de aliis omnibus controuersis, quæ ex hac causa pendunt, iudicium factum iam ante videtur. Hæc autem inde pendunt, vt filius noster nobis honorem exhibeat, obsequium præster, nullam actionem, quæ turpitudinis significationem habet, aduersus nos instituat, nos egentes alat, *l. 2. l. licet. & seqq. D. de obseq. paren. & pat. præf. leg. si quis a liberis. §. si vel parent. D. de agnos. lib.* Petuntur libeti interdictis, qui sunt in potestate nostra, si ab alio retineantur. Interdictis dicimus, quia sunt plura. Vnum de liberis exhibendis: alterum de liberis ducendis, re inter se, vt apparet, maxime distincta. Quod si filius se ipse in potestate nostra esse negabit, neq; ab alio detinebitur, hic notio prætoris locū habet, quam in superiore loco Vlpianus cognitionem prætoriam appellat.

AD TIT. IX. DE PREC. ET SAL. INT.

Ad L. Primam.

Imper. Gordianus Aristonī.

Si te nō remittēse pignus, debitor tuus ea, quæ tibi obnoxia sunt, vnuendedit, integrum tibi ius est persequi, non interdicto Saluiano, si enim tantummodo aduersus conductorem debitoremue competit, sed Seruiana actione, vel qua ad exemplum eius instituitur, vtilis aduersus emtorem exercenda est, *P. R. Idus Septem. Pio & Pontiano Coss. 239.*

SVM MARIA.

- 1 Saluiani interdicti summa.
- 2 De rebus coloni competere interdictum Saluianum: si adbus coloni sunt, directum: si alienata sunt, vtile. (pertinere.)
- 3 Saluianū ad res obligatas alterius debitoris quam coloni non competit.
- 4 Saluianum competere non de omnibus rebus obligatis coloni, sed de inuectis & illatis in fundum.
- 5 L. 1. D. de Sal. interdict. exposita.
- 6 Saluianum domino competere aduersus quemuis possessorem de rebus coloni inuectis.
- 7 Lection. l. 1. C. de Sal. int. emendata.
- 7 Quorsum interdictum Saluianum, cum de iisdem rebus competit actio Seruiana in rem.

Hoc rescriptum de Saluiano interdicto est, cuius interdicti hæc est summa. Propositū fuit Saluianum interdictū de reb. coloni in fundū conductū inuectis & illatis, quas coloni in fundū conductū infuturas pepigit, ppositum de his reb. domino fundi aduersus quemuis earū rerum possessore. Hæc partim posita sunt in *§. interdictū quog. Inst. de interd.* partim a Theophilo ibidē & suis locis alibi confirmatur, vt indicabimus. Est ¶ hoc interdictum de rebus coloni. Proinde si ex inuectis & illatis rebus quid vendiderit & alienarit colonus, de eo hoc interdictum non competit secundum verba, quia res coloni esse desierint. Hinc dubitatio huius leg. prima. Et conuenienter iis, quæ diximus, responderetur, de rebus ita alienatis hoc interdictum nō competere. Sed de directo hoc dictum interpretandum est, ceterum vtile dabitur *leg. prima, in prin. D. eod.* Neque enim

colonus pignus alienando potuit conditionem creditoris facere deteriore, *l. debitorum, infr. de pig.* Coloni dicimus, ut intelligatur de rebus alterius debitoris, quam coloni, & conductoris hoc interdictum nō dari, quantumvis creditori pignori obligatae sint. Quapropter quod in hac *l. 1. scriptum est, hoc interdictum aduersus conductorem debitoremue competere*, oratio disiunctiua est, quae pro coniuncta accipi debet, ut sit sensus: aduersus conductorem, qui & idem debitor sit: quoniam si debitor esse desisset, pignus solutum esset. Id autem facimus ex usu iuris recepto, ubi sententia ita exigente modo coniuncta pro disiunctis, modo disiuncta pro coniunctis accipimus, *4 l. saepe. D. de verb. sig.* Est et de inuectis & illatis. Quod praetermissum apud Iulianum recte positum est a Theophilo: & satis colligitur ex *l. 1. in pr. D. eo.* Ait enim Iulianus, si ancilla a colono inducta sit in fundum conductum, deinde praegnans vendita apud emptorem pepererit, de hoc partu interdictum utile competere, significans non competere directum. Quod non alia ratione dici potuit, quam quod hoc interdictum sit de illatis & inuectis in fundum: hic autem partus reuera non fuerit in fundum inuectus, aut illatus. Cur ergo utile etiam de hoc partu datur? Quia si ancilla praegnans inducta fuit, quodammodo per eam etiam inductum videri potest, quod vtero eius contineretur. Et ideo bene monent, qui de hoc partu interdictum dant, si ancilla saltem apud colonum conceperit, ex *l. si conuerit, §. si fundus, D. de pig. act.*

Hoc et interdictum domino fundi datur, cui scilicet res pignori obligatae sunt. Datur autem non aduersus conductorem tantum, sed aduersus quemvis possessorem, quod positum a Theophilo aperte probatur in *l. 1. §. 1. D. eo.* ubi Iulianus nominatim dat hoc interdictum aduersus extraneos, neque addit *interdictum utile.* Vnde intelligimus & illum directum dare. Nam si utile intelligeret in hac specie, adiecisset, quemadmodum prius fecerat in ea specie, de qua proxime responderat. Tum autem, si hoc interdictum aduersus conductorem tantum daretur, esset plane inutile, cum aduersus conductorem abunde sufficiat pignoratitia actio contraria de quavis re pignori data, quantumvis aliena, *l. 1. in fi. l. si rem, in pr. D. de pig. act.* Et tamen in hac *l. 1. scriptum est, hoc interdictum tantummodo aduersus conductorem debitoremue competere.* Ego et puto recte dici posse locum esse corruptum, & ita legendum esse, *aduersus conductorem debitoremue competit.* Nam si aduersus conductorem tantum competeret, non debuit hoc responderi de re coloni vendita, sed de re quavis coloni, quae etiam nunc coloni esset, quae ab extraneo possideretur. Nunc autem in hoc rescripto quaestio mouebatur de re a colono alienata. Et quod dicitur, Saluanum interdictum aduersus rem conductoris dari, non debet inusitatum videri. Nam in actionibus in rem dicuntur res conueniri, non personae, *l. imperatores. D. de public.* Si quis lectionem vulgarem retinere vult, licebit de sententia recepta ita dicere, ut fateamur ex hoc loco interdictum Saluanum aduersus conductorem tantum dari, nempe directum: aduersus ceteros dari etiam illud quidem, ut est in *l. 1. D. eo.* sed utile, tamen si nihil illic adicitur. Sed hoc, ut dixi, nimis durum est, ut sunt ea, quae supra probaui.

Quaestum est et quid de superscriptis rebus opus fuerit introducere hoc interdictum, cum sit in promptu actio Seruiana in rem, idque sine ulla dubitatione,

§. item Seruiana. Inst. de act. §. hac l. 1. in fi. Recte hoc expediunt vulgo hoc modo. Constat in hypothecaria actione de pignore creditorem probare debere rem quam persequitur, fuisse in bonis debitoris, cum pignori obligabatur, *l. §. quae nondum, §. quod dicitur, D. de pign.* Ex quo conicere possumus, in hoc interdicto, in quo de possessione tantum momentaria agitur, non necesse esse creditori idem probare, sed hoc solum res in fundum inuectas & illatas tanquam coloni essent.

Ad L. Vltimam.

Imp. Diocletian. & Maximian. AA. & CC.

Fabricio.

Habitantis precario heredes ad restituendum habitaculum teneri, contra eos interdicto proposito, manifeste declaratur. S. K. Decemb. Sirmii. AA. Coss.

S V M M A R I A.

- 1 *Precarium quid, & quid distet a commodato.*
- 2 *Interdictum cur necessarium visum de precario.*
- 3 *Interdicto de precario solum teneri, qui acceptum habet, aut desit dolo malo habere, in eo culpam non praestari.*
- 4 *Etiā de precario esse actionem praescriptis verbis, ex contractu. Vnde contractus intelligatur, & cur cum hac esset, comparatum sit interdictum.*

Hoc rescriptum est de precario. Precarium et est, quod precibus roganti vtendum datum est, nullo certo vtendi constituto, neque fine neque modo. Prius positum est in *l. 1. D. eod.* Posterius additum est propter commodatum. Nam & commodatum est, quod vtendum datum est roganti, idque precarium cum commodato commune habet, *d. l. 1. in fi.* Sed hoc distat alterum ab altero, quod commodatum tunc est, cum quid vtendum datur certo vtendi fine aut modo praestituto. Exempli gratia: dedi tibi equum meum ad certum usque locum: dedi bouem, ut ruri opus tibi faceret in duos dies: dedi tignum vtendum ad fulciendam insulam. In his omnibus commodatum est *l. in commodato, §. sicut. D. com.* Hac omnia, si dedi tibi roganti vtenda simpliciter, precarium est. Hac de causa commodatum, quamvis beneficii sit, tamen intempestive repetere non licet *d. l. in commodato, §. sicut.* Contra precarium licet repetere, quandoque libet: quia scilicet nulla lex vsui dicta est, *l. 1. D. eod.*

Hinc et necessaria visa noua actio de precario, quam ad rem propositum est hoc interdictum. Propositum autem ei, qui precarium dedit aduersus eum, qui accepit, ut restituatur. Exstat in *l. 2. in pr. D. eo. ut.* Sed obseruandum et est hoc ita dari aduersus eum, qui accipit, si is precarium habet apud se, aut dolo fecerit, quominus haberet, quod interdicto expressum est. Ex quo intelligimus, eum qui precarium accepit, si precarium amiserit, non teneri, siue casu amiserit, siue culpa sua, *l. quaesitum, §. enim quoque, D. eod.* Quod eo magis notandum est, quia videtur contra regulas contractuum esse constitutum, quibus efficitur, ut cum accipientis tantum utilitas versatur, ut in commodato, qui accipit, non tantum dolum, sed etiam omnem culpam suam praestet, *l. si ut certo, §. nunc videndum, D. com.* Sed ut aliter receptum sit in precario, ratio exposita est in *d. l. quaesitum, §. enim.* Non tantum autem hoc interdictum datur aduersus eum, qui precario accepit, sed etiam aduersus heredes eius, ut declaratur in *d. l. quaesitum, §. ult.* Id vero est, quod hoc rescripto continetur, De

tur. De precario comodati actio non datur, quia iam ostendimus precarium commodatum non esse. Sed et nihilominus & de precario actio praescriptis verbis datur, l. 2. §. 1. *D. eod.* nempe ex contractu & conventionione. Nam praescriptis verbis actionem ex contractibus iis esse constat, quorum appellationes nullae proditae sunt iure civili, l. 3. *D. de praes. ver.* Talis autem conventio & contractus in precario dādo inest. Nam qui dat utendum, ita dat, ut declaret se dominum non transferre. Itaque hac lege dat, ut cum is, qui accipit, usus erit, reddat, usus autem finis sit, cum danti videbitur, quia & dominus manet, & aequum est vnumquemque tamdiu liberalitate nostra uti, quamdiu velimus. quae ratio redditur & in l. & in l. 2. *D. eo.* Cur igitur hoc interdictum datum est cum illa actio sufficeret? Quia haec conventio in hoc contractu non exprimitur: ut dubitari potuerit, num inesset, ac propterea num praescriptis verbis actio dari deberet. Ideo in hac incertitudine interdictum initio propositum est. postea convenit actionem praescriptis verbis esse, quasi eodem modo negotium geratur, ut in composito, nempe hoc, do tibi utendum, ut reddas.

AD TITVLVM XIV. COD. DE pignoribus & hypothecis.

S Y M M A R I A.

- 1 Collocatio huius tractatus.
- 2 Pignus & hypotheca quid, & unde haec dicta.
- 3 Pignus quomodo constituitur.
- 4 Pignoris constituti vis in cautione: cautio quibus in rebus consistat.

QUOD de pignoribus & hypothecis hoc loco tractatum est, factum ratione non caret. Apparet enim ex sequentibus titulis in hoc libro tractatum esse de iis in vniuersum, quae ad obligationes omnes pertinent. Nam & de stipulatione ex professo hic actum est, & sub hac specie de obligationibus omnibus, quae solent in stipulationem deduci: & iam praeterea de omnium obligationum solutionibus & liberationibus. Consentaneum erat, ut & eodem libro de iis ageretur, quae ad confirmandam quamque obligationem pertinerent, id est, de obligationum accessionibus: quod & factum est. Nam cum obligationum omnium firmandarum causa duae accessiones essent, fideiussores, & pignora: vtriusque generis tractatio in hunc librum esse collata. agitur enim & postea de fideiussores. Sed prius hoc loco, & quidem ab initio de pignoribus: quoniam in his plus est cautionis. Subiiciunt enim pignora rem creditori. Plus autem cautionis in rem, quam in personam, l. *plus cautionis, D. de reg. iur.* Idcirco & de his recte actum priore loco, ut de accessione firmiore. Alia in parte in Pandectis hoc argumentum collocatum est, nempe post tractationem de contractibus in parte 4. Digestorum. Sed nihil refert, utrum post contractus & alias obligationes de pignoribus agatur, an ante, an in medio, dum hoc intelligatur, pignus omne obligationis praecedentis causa dari, ut eo nomine creditori cautum sit. §. *ult. Instit. quibus mod. re cont. obi.* Quid sit pignus, & hypotheca. quid verbo, quid re in usu iuris alterum ab altero differat, scripsimus olim in methodo huius argumenti. Nunc ne quid desideretur, summam paucis complectar.

Et pignus & hypotheca, cum verbi significationem ex proprietate quaerimus, quae est ex ea nota-

tione, vide & nomina ducta sunt: aliter, cum in his vim & effectum iuris spectamus, qui his verbis significatur. Proprietas & notatio verborum haec est. Pignus dictum est a pugno, ut hoc verbo significetur res quidem pro debito obligata, sed ita, si tradatur creditori, & praesertim si sit mobilis. Nam haec potissimum pugno capitur. hoc in l. *plebs. §. pignus. D. de ver. sign. l. si rem. §. proprie. D. de pign. act. l. item Seruiana, in fin. Instit. de act.* Hypotheca autem verbum Graecum est, quod Latini retinuerunt, dictum ὑποθήκη, id est, subiacere, & supponere, ut hoc verbo significetur res pignori supposita. unde rem suppositam pignori pro obligata legimus in l. *creditor. supr. de pign. act. & alibi innumeris locis.* Obligatur autem res pignori nuda conventionione etiam citra traditionem, l. 4. *D. eod.* Proinde hoc nomine etiam ea res significatur, quae sine traditione pignori obligatur. Sed cum ea quae traditur pignori, multo etiam magis accedente traditione obligetur, & subiiciatur obligationi, dubium non est, quin hypothecae verbo res omnis significetur pro debito obligata, siue tradita sit creditori, siue non sit: ut appareat pignus ab hypotheca hoc differre, quod differt species a genere. Hypotheca genus est, rem omnem obligatam continens, siue quae tradita est, siue quae non est tradita. Pignus speciei nomen ad eam rem pertinens, quae creditori pro debito opponitur, & traditur. Sed quod in aliis verbis generalibus accedit, idem accedit in verbo hypothecae. Ut enim adoptionis verbum quamvis generale, tamen docendi causa usurpatur pro ea specie adoptionis, quae fit per magistratum, leg. 1. *D. de adoptione. idemque fit in verbo cognationis. l. Iurisconsultus. §. 1. D. de grad. & affin. in verbo actionis, l. pronuntiatione. §. ult. D. de verb. signific. sic fit in verbo hypothecae, ut cum pignori opponitur, intelligatur species altera pignori contraria, id est, res obligata, cuius possessio tradita non est creditori. Idque est, quod de proprietate horum verborum in hanc sententiam dicitur in d. *l. si rem. §. proprie. D. de pign. act. & in d. *l. item Seruiana, in fin.* Sed haec, inquam, ita sunt, cum significationem verborum & notationem spectamus. Aliud dicemus, cum spectamus rem ipsam, id est, vim & effectum pignoris. Vis & effectus pignoris seu hypothecae hic est, ut res quae pignori opponitur, sit pignori obligata. Porro in iure, ut res pignori obligetur, nihil interest, utrum tradatur, an non tradatur, dummodo conuenierit, ut sit pro debito obligata, d. *l. item Seruiana.* Ita huius potestatis & effectus habita ratione inter pignus & hypothecam nihil interest. Nam si res tradita est, & proprie pignus est, & proprie hypotheca, quia semper genus dicitur de sua specie. Sin res tradita non est, hypotheca proprie dicitur, & effectus etiam dicitur pignus, quia iuris potestate pro tradita habetur, tamen obligata est, quae si maxime esset tradita. Huc refertur debet, quod de contrahendo pignore dicitur in l. *id. pr. D. de pign. actio.* pignus contrahi non solum traditione, sed etiam nuda conventionione, etsi non traditum est. De hac vi & effectus pignoris differbat Marcellianus in l. 5. §. *pe. D. eo.* Est enim locus ad formulam hypothecariam, id est, ad actionem hypothecariam. Idcirco recte scripsit in eo tractatu inter pignus & hypothecam nihil nisi nominis sonum differre. Ut sit sententia, si qua differentia est, eam esse in verbis, & verborum significatione: in re, siue in effectus rei non esse, quia ad rem obligandam, pro debito**

nihil interfit, utrū res tradatur, an non tradatur. Hoc constituto, quoniam de re quærimus, non de verbis, pignus seu hypothecā ita recte definiemus, vt sit res omnis pro debito obligata. quod colligitur ex l. 4. § l. 5. D. eo. Non dixi rem esse, de qua conuenit, vt esset pro debito obligata; quod factum est in §. item *Seruiana. Inst. de act.* Nam Iustinianus de specie pignoris id dixit, nempe de pignore cōventionali, quia ad demonstrandum quod volebat, id sufficiebat. ceterum non sola conuentione pignus constituitur.

Cum effectum sit pignus rem esse pro debito obligatam, hoc quærendum est, quomodo obligetur, vt sic intelligamus vere pignus esse, quod tanquam pignus persequi volumus.

3 Pignus † omne aut iure ipso cōstituitur, aut alieno facto. Iure, cum in bonis debitoris lex creditori pignus tribuit. quod quibus in causis fiat, dicitur *seq. ut.* Alieno facto pignus constituitur, si is constituit, qui ius constituendi habet, & constituit, vt oportet. Constituendi ius habent duo: ex iis, qui rei domini non sunt, solus magistratus: ex dominis hi omnes, quibus rerum suarum alienatio non est interdicta. A magistratu constituitur id, quod prætorium appellamus. Quod quibus in causis magistratus cōstituere possit, & quomodo constituatur, dicitur ad tit. *de prat. pig. & tit. seq. j.* De hoc autem est in l. non est mirum. D. de pig. act. A domino pignus constituitur nuda voluntate, vt quisq; voluerit rem suam pignori esse creditori siue suo, siue alieno. Constituitur autem ista voluntate partim testamento, partim conuentione. Testamento recte constitui pignus discimus ex d. l. non est mirum. D. de pig. act. Conuentione autem præcipue constituitur. In qua hoc notandum est, nuda conuentione pignus contrahi citra traditionem, l. 4. D. eo. l. i. in pr. D. de pig. act. Rursum conuentione contrahitur dupliciter, partim conuentione tacita, partim expressa. Tacita, vt in inuectis & illatis in prædium vrbani conductum. de qua specie cognosceamus proximo titulo. Expressa conuentione quæ sit, notum est.

4 Pignoris † cōstituti hæc vis est, vt pignore pro debito cautum sit creditori, vt initio diximus. Hæc cautio tribus in rebus consistit. Primum vt rem penes se habere liceat creditori, & pignori incubere. Quam ad rem obtinendam illi proposita est de pignore in rem actio aduersus omnem pignoris possessorem, l. pignoris. j. h. t. Proximū est, vt dum rem penes se habebit, ea utatur fruatur, vt bono patrifamilias conuenit. Quod non tantum pro iure suo facere potest, sed etiam facere iubetur ex fide bona, vt & res colatur & fructus percepti exonerent debitum, atque ita vtrique caueatur, & debitori, & creditori, l. 2. § l. i. 3. de pig. act. quamquā hoc magis in obligatione personali quæ inter debitorem & creditorem intercedit, quam in iure pignoris numerādum rst. Tertium est, vt si creditori videatur non esse expectandum diutius, sed suum consequi velit, liceat ei primo quoque tempore pignus distrahere, ex cuius pretio illi satisfiat. de quo sub tit. *de distr. pig. infr.*

Ad L. Primam.

Imp. Severus & Anton. AA. Timotheo.

Debitor, qui pignoribus proficitur se creditoribus credere, nihil magis liberabitur. PP. V. Cal. Mart. Senecro. A. II. § Albino Cass. 195.

Debitor cessione pignoris inuito creditore libe-

rari non potest. Ductum ex regulis iuris, quæ sunt de solutione & liberatione debitorum. Vnusquisq; inuito creditore ita liberatur, si soluat, quod debetur, quo pertinet illud, solutione eius quod debetur tolli omnem obligationem. *Inst. quib. mo. tol. obi. in pr.* Ceterum neque minus, quam debetur, neque aliud pro alio inuito creditore solui potest, l. 2. § l. 1. D. si cert. pet. Porro certū est, cum pignus pro debito ceditur, vel minus solui, si pignus non tanti valeat, quantum debitum est, vel si tanti valet, aut pluris, tamē aliud solui, quam debetur. Ex quo efficitur, ea cessione debitorem liberari non posse. Hoc cum in ceteris rebus, quæ soluuntur, recte dicatur, tum vero in pignore quod ceditur, præcipue locum habet. Pignus enim cum sine & natura pignoris, vt debitor ea cessione liberetur in necem creditoris. Iam enim dixi pignus dari, vt creditori magis caueatur, cui aduersatur, vt creditori noceat.

Ad L. 2. Quamuis.

Idem AA. Lucio.

Quamuis constet specialiter quadam & vniuersa bona generaliter aduersarium inum pignori accepisse, & æquale ius in omnib. habere: iurisdictio tamen temperanda est. Ideoque si certum est, posse eum ex his, quæ nominatim pignori obligata sunt, vniuersum redigere debitor: ea quæ postea ex iisdem bonis pignori accepisti, interim tibi non auferri præf. prouincia inbebit. PP. 2. Calen. Jul. Chitone & Libone Cass. 205.

S V M M A R I A.

- 1 Bonis generaliter pignori obligatis quæ vis hypotheca ad prærogatiuam pignoris.
- 2 Specialiter quibusdam rebus pignori obligatis, deinde generaliter omnibus bonis, non perueniri ad alia bona aduersus posteriores creditores, quamdiu specialis hypotheca sufficit: & cur. & nu. 4.
- 3 Species & sententia huius rescripti.
- 4 Iurisditionem temperandam hic quid sit.

Q Vi generaliter bona debitoris pignori accepit, potior est eo, cui ex his bonis specialiter postea pignori data sunt, quamuis ex ceteris pecuniam sibi debitam redigere possit: sententia est Papin. in l. 2. D. q. pot. in pig. hab. Propone hoc modo: primo creditori bona debitoris generaliter obligata sunt. Secundo obligatus est fundus Tusculan⁹ specialiter. q. fundus erat ex bonis debitoris. Dicimus ius esse primo creditori hunc ipsum fundū persequi aduersus secundum creditore, nec illi quidquam obstare, si in reliquis bonis, quæ secundo non sunt obligata, satis sit, vnde primo satisfiat. Sententia vera, & regulis iuris conueniens. Nam quoties duob. eadem res pignori obligata est diuersis temporib. qui tēpore prior est, potior est iure in pignore persequendo, l. 2. § l. 3. j. qui pot. in pig. hab. Porro in proposito fundus Tusculanus secundo obligatus, iā ante primo obligatus fuit, cū generaliter omnia bona debitoris illi pignori data sunt. Nam generali oratione cōpendio sermonis omnes species tam continentur, quam si specialiter expressæ essent, l. si seruitus. D. de ser. vrb. præd. l. Menius. §. duorū. D. de leg. 2. l. semper generalib. D. de reg. iur. Sic fit regulæ superiori conuenienter, vt primus creditor in hoc fundo Tusculano potior sit secundo creditore. Sed & d. l. 2. & hoc rescripto docemur, eā sententiā sic accipiendā esse, si omnia bona debitoris generaliter obligata sint primo creditori sine exceptione & enumeratione cuiusquā rei, q. sit ex illis bonis.

Placet

2 Placet \dagger diuersum esse, si primo creditori quædam specialiter obligata sint, deinde generaliter omnia bona debitoris. Nam primū si generaliter omnia reliqua bona obligata sint, sub hac cōditione, si pecunia ex reb. specialiter obligatis seruari nō possit; res dubitationē non habet, quin ex verbis ipsis conventionis primus creditor prius persequi & excutere debeat res sibi specialiter obligatas: quoniā reliqua bona nō sunt illi obligata, si ex reb. specialiter obligatis suū cōsequi possit. Quo fit, vt si possit consequi, posterior creditor in aliis reb. sibi specialiter obligatis non tā sit potior contra regulam iuris, quam solus creditor; cum priori eadem obligata non sint. Hæc est illa species, de qua Papinianus in istam sententiam respōdet in ead. l. 2. *D. qui pot. in pig. ha.* Sed etsi prius creditori quædam res specialiter pignori obligatæ sint, deinde generaliter reliqua omnia bona, quamuis sine vlla conditione; tamen idem placet, quod supra, primum creditorem prius persequi & excutere debere res sibi specialiter obligatas, quam perueniat ad ea, quæ ex reliquis bonis secundo creditori obligata sunt.

3 Quæ \dagger species est, & exceptio huius rescripti. Finge hoc modo: primo sic pignus datū est; & des ille meæ, & generaliter omnia mea bona tibi sunt obligata pignori: secundo creditori postea fundus Tusculanus, qui ex iis bonis reliquus erat, obligatus est. Placet primum creditorem non posse fundum Tusculanū persequi a secundo creditore, nisi prius constiterit eum ex ædibus sibi specialiter obligatis pecuniam sibi debitā redigere non posse. Obstabat huic sententiæ regula superior, quæ efficit, vt in fundo duobus obligato potior sit iure, qui tempore prior est. Nam hic quidē fundus primo creditori prius est obligatus. sunt enim illi omnia bona debitoris obligata, & ita in omnibus æquale ius habet, vt rescriptū loquitur. Respondent Imperatores hoc ita esse, vbi generaliter omnia bona debitoris creditori primo obligata sunt. Sed \dagger in hac specie iurisdictionem esse temperandam, id est, ius illud quod supra posuimus de generali obligatione, esse temperandum, & secundum hoc temperamentum præsidem ius dicere debere. Sed cur in hac specie temperandum ius est? quod rescriptum nō exprimit. Nempe quia secundum verba primo creditori omnia bona debitoris obligata sunt, & ideo fundus Tusculanus, de quo quæritur: sed secundum sententiā contrahentium non sunt: quæ sententia hinc colligitur. Non enim frustra primo creditori specialiter obligata sunt ædes, cum satis generali hypotheca continerentur. Et satis declaratur in l. 4. *D. de usur.* cum verba plura de eadem re geminantur, sic geminari videri, vt geminatio aliquam vim habeat. Quod & hic fieri existimandum est. Nunc autē hypothecæ specialiter expressæ alius vsus esse non potest, nisi vt creditor prius eam persequatur, & si sufficit, sit contentus, si non sufficit, tum ad reliqua bona perueniat.

L. Creditores. III.

Idem AA. Maximo.

Creditores, qui non reddita sibi pecunia, conventionis legem ingressi possessionem exercent, vim quidem facere non videntur, attamen auctoritate prædis possessionem adipisci debent. PP. Cal. Maii Antonino A. II. & Geta I. I. Cos. 206.

S V M M A R I A.

1 Creditorem pignoris possessionem adipisci solū debere auctoritate magistratus competentibus actionibus.

2 Pignoris possessionem qui ingreditur sua auctoritate, eum ius crediti amittere.

3 Legem conventionis exercere quid.

4 Eum qui quamuis ex conventionem possessionem pignoris sua auctoritate & vi ingreditur, teneri legibus Iulius de vi.

5 Debere verbum quam per se atque hoc loco significationem habeat.

6 Creditorem pignoris possessionem non aliter ingredi debere, quam auctoritate magistratus, etsi convenit, vt possit sua auctoritate ingredi: & aduersus eum qui contra faciat, quæ sit pena.

7 Pactionem vt creditori liceat sua auctoritate pignoris possessionem ingredi, creditori re alienata aduersus extraneum possessorem nihil prodesse.

Pignore constituto, creditori ius est pignus tenere, eique incumbere. l. cum creditor, s. s. *D. de fur.* Hoc si consequitur creditor volente debitore, res caret dubitatione. Si \dagger recusat debitor tradere, placet hoc loco creditorem sua auctoritate possessionem adipisci non debere, sed tantū auctoritate magistratus. Merito. nam nec mulier ipsa, quæ rem suam doti dedit, facultatē habet soluto matrimonio ingrediendi possessionem rei dotalis, id est suæ, sine auctoritate magistratus. l. dotis. sup. sol. mat. Plus autem iuris habet dominus in re sua, quam creditor in pignore. Magistratus auctoritate possessionem adipiscitur creditor, actionibus suis experiundo, vt fieri iubetur in l. ex stat. *D. quod met. caus.* Est autem creditori ad pignus persequendum hypothecaria actio. Hac igitur aduersus debitorem, qui pignus non tradat, experietur.

Si \dagger contra creditor auctoritate sua possessionem ingreditur, pœna hæc est, vt vim facere existimetur, & simul crediti ius amittat ex decreto D. Marci. d. l. ex stat. *D. quod met. caus.* Non aduersatur huic sententiæ. quod in d. l. cum creditor. *D. de fur.* dicitur, si creditor rem sibi pignoratam auferat eum contrectare, id est, furtum facere, non videri. Sane enim furtum non facit, quia dolo malo non contrectat rem ad ius suum pertinentem; sed nihilominus vim facit. Itaque hac pœna tenetur, vt crediti ius amittat: nō tenetur pœna furti, vt duplum præstet, aut quadruplum. Hæc minorem dubitationem habent, si in pignore dando non cōuenit, vt creditori sua auctoritate liceret possessionem ingredi. ius diferte eaurū in l. pen. 3. de pig. act. vbi ita scriptum est, creditorem extra conventionem, aut prædis iussione suo arbitrio pignus auferre nō posse. At illud iure dubitari potuit, quæ huius loci questio propria est, num idem dicendum sit, si conuenit, vt creditori liceret possessionem ingredi sua auctoritate, & is conventionis legem exerceat; sic enim rescriptum loquitur. Dicitur \dagger autem creditor possessionem ingressus legem conventionis exercere, vbi conuenit, vt illi liceret possessionem ingredi, & ea lege seu conventionem vitur, vel potestatem ea conventionem sibi tributā exercet, vt licet intelligere ex his locis. l. si priusquam. j. de distr. pig. l. 3. l. 4. §. eleganter. l. 6. in fin. *D. de leg. commis.* Et de ea re ita huius rescripti sententia est, eos creditores qui ex conventionem possessionem pignoris ingrediantur, hoc diferte ab iis, qui sine conventionem idē faciūt, quod priores quidem nō videantur vim facere, vt posteriores faciunt, quod eo pertinet, vt intelligatur eos nō incidere in decretum D. Marci, & ius crediti non amittere: sed omnes in hoc conuenire, quod etiam priores conventionem superiore non adiuvantur, quominus prædis aucto-

ritate possessionem adipisci debeant. In quo continetur tres sententiae, quarum unaquaeque cum sua dubitationem habeat, ideo & separatim nobis expendenda est. Prima est, creditores qui ex conventionione possessionem pignoris ingrediantur sua auctoritate, vim facere non videri. Hoc tunc liquido dicitur, cum creditores volentibus debitoribus possessionem occupant sine alia vi. At quid, si repugnante debitore idem faciant, ut scilicet debitorem expellant, eoque vi expulso pignus possideant? Puto recte videri Azoni, recte Bartolo, eos creditores qui id faciant, aperte vim facere, & teneri legibus Iulis de vi aut publica, aut privata, prout vis armata, aut sine armis facta erit. Quod mihi plane probari videtur in *l. possessionem, inf. ad leg. Iul. de vi*, ubi ita scriptum est: *si creditor possessionem fundi per vim ingreditur, eum legis Iulia de vi privata reum fieri posse*. Nihil in lege distinguitur. Ex quo colligi potest nihil referre, utrum creditor rem sibi non obligatam occupet, an sibi obligatam; & utrum ex conventionione possessionem ingreditur, an sine conventionione. Et vero creditori nihil praestesse istam conventionem ad defensionem vis illatae, hoc argumento certissimo efficitur. Nam etsi nominatim convenisset, ut creditori liceret pignus vi occupare, conventio non esset servanda. Est enim vis omnis in privatis contra bonos mores. *l. 3. D. quod met. cau. l. nihil consensu. D. de regul. iur.* Ut mihi aliud, certe vim facere delictum est, & quidem inter alia maxime animadvertendum. altoqui legibus publicarum iudiciorum non coerceretur. Nulla propterea pactio valet, quae sit contra bonos mores; nulla, quae ad amovendum quid, aut aliter delinquendum inuitat. *l. 5. D. de pac. dot. l. pacta, qua contra, §. de pac.* Non aduersatur hoc rescriptum, nam haecenus dicuntur creditores hoc rescripto vim non facere, si dumtaxat sua auctoritate possessionem ingrediantur, cum id a debitore nominatim non impetrassent, non etiam si vim corpori debitoris intulerint. Non me mouent rationes Ioannis, quibus ille apud Accursium in contrariam sententiam vertitur. puta, quod ab initio cum debitore placuit, id & inuito eo fieri posse. *§. 1. Instit. quib. al. lic. vel non. l. de accessionib. in fin. D. de diuer. tem. p. a. Item*, dominum pati iniuriam non videri, qui semel voluit. *l. in diem. D. de aqu. & aq. plu. arc.* Nam prius recte dicitur de eo, quod iure placuit. Sane vero quod ita placuit, postea reuocari non potest. At in conventionibus iniustis hoc euenit, ut non mutatione voluntatis debitorum rescindantur, sed sua sponte ab initio nullius sint momenti. Quod autem dicitur inuitum iniuriam non pati, qui semel voluit, haecenus verum est, si proponatur res tantum gesta esse inuito eo qui voluit, ut sit in dict. leg. in diem. Non idem dicendum est, si vis ei inferatur, quam bonae leges omnes, & bonis moribus, & publicae utilitati inimicam auersantur. *l. nihil consensu. D. de regulis iur. l. ex stat. D. quod met. cau. l. si quis in tantam. l. penult. & ult. sup. unde vi.* Inducant & leges Iuliae de vi publica, & privata.

Secunda sententia est, quae hoc rescripto non exprimitur quidem, sed per contrarium satis significatur; creditores qui sine conventionione possessionem pignoris sua auctoritate ingrediuntur, vim facere videri. De hac sententia satis initio supra dictum est.

Tertia sententia est praecipue animaduertenda; eos creditores qui ingrediuntur possessionem sua auctoritate, quauis ex conventionione id faciant, tamen id solum praesidis auctoritate facere debere. Quae sententia in-

cidit in difficultate ex principio rescripti, ubi cautum est creditores ex conventionione possessionem ingressos vim facere non videri. sequitur. n. videri eos impune id facere. Quod si verum est, non debent, ut rescriptum loquitur, id est, non necesse habent, possessionem ex magistratus auctoritate ingredi. Quod ut dissoluerent interpretes nostri, varia commenti sunt. Alii sic interpretantur, *debent*, id est possunt. Non. n. habent necesse. Quod perinde est, ac si diceretur: *debent, si volunt*, id est, non debent. Et inepti sunt, qui nobis persuadere conantur, *debet*, interdum idem significare, quod *potest*. Nam verbum *debet* naturalem intellectum habet etiam idioris notum, ut is debere dicatur, qui inuitus debet, quique inuitus facere cogitur, quod debet, ut liquet ex *l. 1. in pr. de eden. l. 1. in ead. D. quod quis iur. in al. stat. l. debitor. D. de ver. sig.* Nec quidquam pro istis ad rem facit. *l. observare. §. ultim. D. de offic. procon. Ait Vlpianus, proconsul ingressus provinciam, iurisdictionem suam mandare debet.* Scimus esse in potestate proconsulis, utrum iurisdictionem suam mandet, an non mandet. *l. solent. §. sicut. D. illo riu.* Ex quo effici putant in superiore sententia Vlpiani, verbum *debet* necessario pro *potest* accipiendum esse. Sed fallit eos, quod non animaduertunt Vlpianum in superiore loco non pronuntiare de iurisdictione mandanda simpliciter, sed de tempore mandandae iurisdictionis. Sine dubio proconsul non debet, id est, non necesse habet, iurisdictionem suam mandare; sed si vult mandare, debet tantum mandare ingressus provinciam; ante vero mandare non potest. Quod sentire Vlpianum in eo loco euidenter ratio ab illo subiecta declarat. Ait enim absurdum esse, ut proconsul mandet iurisdictionem, priusquam ipse iurisdictionem nactus sit. Non nanciscitur autem prius, quam sit ingressus provinciam. Praeterea illud quod scribitur in *d. l. solent. §. sicut*, proconsulem non debere adimere iurisdictionem legato suo inconsulto principe, etiam necessitatem habet eam quam diximus; ut scilicet si proconsul aliter iurisdictionem adimat, non videatur adempta. Nec obstat, quod prius illic dicitur liberum esse proconsuli adimere iurisdictionem suam legato. Nam hoc continenter temperatur hac conditione, dummodo consulto principe id fiat. Alii interpretantur hoc modum; creditores debent, nepe ex urbanitate. Quod perinde est, ac si diceretur, *debent, si urbani esse volunt*. Id autem significat, non debent. Nam pro non dicto est, quod quis facere, nisi velit, non cogitur. *l. sub hac. D. de obl. & act.* Alii, ut Bartolus, rem sic explicant, si conuenerit, ut creditori possessionem sua auctoritate ingredi liceret, sane illi ingredi licebit; sed possessionem ei adipisci non licebit, quasi aliud sit ingredi possessionem, aliud adipisci. Quod aperte refellitur *l. 3. in princip. ff. de acq. poss.* ubi traditur unumquemque possessionem adipisci ingrediendo fundum hac mente, ut teneat. Sed nihil his defensionibus est opus. Tenebimus quod nullum creditorem sua auctoritate, siue sine auctoritate praesidis, adipisci posse pignoris possessionem, siue conuenerit, ut ei facere liceret, siue non conuenerit. Neque initium huius rescripti repugnabit. Nam qui negat creditorem sua auctoritate ingressum possessionem vna poena teneri, is non negat eum in aliam poenam incidere. Creditores sua auctoritate possessionem ingredientibus ex conventionione vim non faciunt. Et ideo haec poena non tenetur, quasi vim fecissent. Sed nihilominus praesidis auctoritate possessionem adipisci debet: ut si contra faciat, iniuste faciat, nec sit impune, ut accidit in iis omnibus, quae contra

contra legem fuit. *l. i. D. de legib.* Quæremus igitur iā, quæ sit poena aduersus eos creditores. Et quod traditū est de emtore, & similibus, qui a domino possessionē accipere debent, & nihilominus eam sua auctoritate adipiscuntur, id recte transferetur ad creditores, qui sua auctoritate possessionē nanciscuntur. Emtor sua auctoritate sine voluntate domini possessionē adeptus, iniuste & mala fide possidet. *l. si ex stipulatione. l. fundi. D. de acq. poss.* Idē igitur & de creditorib. in simili causa dicendum est. Hinc consequens est, si creditor sua auctoritate pignoris possessionē ingressus erit, posse debitore pignoris possessionem auferre interdicto *Vi possidetis*. In quo vincetur creditor, qui aut vi, aut clam possidet. Consequens & illud, creditorem fructus rei pignorate suos non facere, non magis quam faciunt ceteri malæ fidei possessores. *§. si quis a non domino. Inst. de rer. diui.* Consequens præterea, creditorem pignus alienantem dominiū nō transferre, quia iniusta possessio apud eū fuerit, quæ pro possessione non habetur. Postremo & illud consequens erit, si creditor pignus vendat, & debitor denunciet emtori, ne emat, emtorem mala fide possidere. *arg. in l. si fundum. §. de rei vind.* Et in summa recte ita dicemus: vbi conuenit, vt creditori pignoris possessionem sua auctoritate ingredi liceret, hæc conuentio id præstat creditori possessionē sua auctoritate adipiscenti, vt ipse nihil amittat, non enim ius crediti amittit, quasi vim fecerit, sed non ei hoc præstat, vt quidquam adquirat sine præiudicio auct. ritate. Non enim acquireret possessionem, nisi iniustam. Iniusta possessio pro possessione non est. *l. si quis vi. in pr. D. de acq. poss.* Sed video aduersus hanc sententiam hoc dici posse; satis videri creditore adipisci possessionem ex voluntate debitoris, postquam debitor id ab initio voluit. Quod si ex voluntate eius, etiam iuste. *d. l. si ex stipulatione. de acq. poss.* Sed vt voluntatē debitoris videatur quæ sit possessio, non est satis, voluisse eum initio, nisi in ea voluntate perseueret. Nam in re tradenda, & possessione iuste acquirēda non præteritam voluntatem domini quærimus, sed præsentem. *l. fundi. D. de acq. poss.* At etiam hic nobis occurreret. nam cum debitor quid ex conuentione voluit, placet eum non posse eam voluntatem reuocare. *l. v. 1. 2. l. antepen. D. de solut.* Sed hoc in iis locū habet, quæ iusta conuentione placuerunt, quæq; id eo inde iure quæ sita sunt creditori. Sanē enim recte illi semel quæ sita debitor inuito auferre non potest. *l. ult. ff. de pac. d. l. v. 1. 2. de solut.* Ad iniustas autē conuentiones, & ad ea, quæ creditori quæ sita nō sunt, nō pertinet. Nam & iniusta conuentio pro non interposita est. *l. non dubium. sup. de legi.* & quod alicui quæ sitū non est, id illi adimi dici non potest. Iam cum conuenit, vt creditori sua auctoritate possessionem ingredi liceret, hæc tamen iusta est conuentio, quatenus id agitur, vt ille sua auctoritate ingrediatur sine vi possessionem. Quare & hæc tamen ius ingrediendi illi quæritur: quod semel quæ situm, nulla voluntatis debitoris mutatio illi adimet. Vt autem prohibēte debitore ingrediatur, id est, debitore prius vi deiecto, hæc tamen conuentio contra ius est, & bonos mores: ex qua propterea nulla eiusmodi potestas creditori quæri potuit, nec potest videri illi adimi, quæ quæ sita non fuit.

7 Quæ situm tamen est, si superscripta conuentione interposita debitor pignus alienarit, an possit creditor eius pignoris possessionem sua auctoritate ingredi, vt vim facere non videatur, perinde ac si nunc quoque pignus a debitore possideret. Respōdeo nō posse; nec

illum adiuuari superiore conuentione, quia pacta inter alios facta aliis nō nocent. *l. si vnus. §. ante omnia. D. de pac.* Nec offendemur eo, quod manus iniectioe pacto recepta in mancipium venditum, placet hanc seruari suis conditionib. aduersus quoscumq; possessores, etiā cum quibus venditor nihil contraxit. *l. pen. D. de ser. expor. l. si quis sub hoc pacto. D. de cont. emt. & vend.* Nam potestas iniiciendæ manus in rem aliquā a solo domino retinetur, & retinetur in seruos, quos ipse tradit certa conditione, vt si ea conditio non seruatur, sibi liceat in seruum manum iniicere. Et conuentio ideo recepta est, vt dominis in seruos sua auctoritas constaret, quæ neque in creditorem, neque in res pignori obligatas cadunt.

L. Cum te. IIII.

Idem AA. Bellio.

Cum te pecuniam accepisse, & agros tuos obligasse fatearis: non habes rationem, quod queris vi te coactum pignori dare. Si igitur recipere vis rem tuam, solue creditori tuo pecuniam debitam. *Dat. 3. Kal. Ian. Antonino A. III. & Geia III. Cos. 209.*

S V M M A R I V M.

1 Non dici vi coactum pignori dare, qui necessitate rei familiaris coactus est pecuniam accipere, & pro ea pignus dare.

Q Væritur hoc loco, cur debitor qui dicit se pecuniam accepisse, & pignus dedisse, non iuste queratur se vi coactum pignori dare. An quod debitor impune vi cogi potest, vi det pignus? Minime vero. qualiscunque enim & cuiuscunque rei traditio aut obligatio vi extorta, rata non habetur. *l. metum. §. idem. §. sed quod. Dig. quod met. cau. Quid, quod ne solutionem quidem rei ante debitæ vi extorquere concessum est? l. sed & par. §. vlt. D. quod met. cau.* Sed intelligendum est, proponi hoc loco eum debitorem, qui non simpliciter diceret se vi coactum esse, sed ideo, quia necesse habuerit dare, si vellet accipere pecuniam, quam creditor alia conditione non daret. Et tamen respondetur nullum illi in eo necessitatis argumentum esse, cum ipse profiteatur se pecuniam accepisse, quam non accipere ei integrum fuit, ac propterea etiam pignus non dare. Quod si pecuniam accipere voluit, debuit vt lege creditoris, cum liceat vnicuique in traditione rei suæ quamvis legem dicere. *l. in traditionib. D. de pact.* Nec multum creditori proderit, si dicat se necessitate rei familiaris coactum, vt pecuniam mutuam acciperet. Nam hæc necessitas a nemine mortalium ei inferitur; sed aut proficiscitur a culpa eius, aut diuinā voluntate: quam ipse æquo animo ferre debet, nō ad alienam iniuriam transferre.

L. Prasfes. V.

Imp. Antoninus A. Domitio.

Prasfes provincia, vir clarissimus, ius pignoris tui exsequenter te audiet, nec tibi oberit sententia aduersus debitorem tuum dicta, si eum colluisse cum aduersario tuo, aut (vt dicis) non causā cognita, sed præscriptione superatum esse constiterit. *PP. Idib. Maii. Roma, Duobus & Asperis Coss. 213.*

S V M M A R I V M.

- 1 Sententia aduersus debitorem lata de pignore, quibus casibus creditor in eo pignore noceat.
- 2 Collusio quid, & quibus rebus arguatur.
- 3 Quæ præscriptio ex persona debitoris noceat creditori in pignore.

VNa res creditorem pignus persequentem sine controuersia summouet, si non probet rem, quā persequitur, in bonis debitoris fuisse, cum ille pignus dabit. *l. 3. quæ nondum. §. quod dicitur. Digest. eodem tit.* Multo ergo magis, si possessor ultro probet rem in bonis debitoris non fuisse. Hinc quæstio, *quid si contra debitorem indicatum sit, quasi res in bonis eius non esset?* Finge debitorem rem quam pignori obligauit, aliquando petiisse a possessore, & in eo iudicio cum non probaret rem esse in bonis suis, superatum esse. Quæritur, an quemadmodum ea sententia debitori eandem rem postea, ab eodem possessore persequentem noceret, sic & creditori nocere debeat: ut quemadmodum exceptio auctori nocet, sic noceat & successori. quod & faciendum esse traditur *in l. 4. §. si quis autem in fin. Dig. de dol. mal. & met. except.* Hoc t̄ rescripto traditur, duobus casibus eam sententiam creditori non nocere. Quod ita accipi potest, quasi in omnibus aliis casibus noceat. Quod cum aliter se habeat; ne isto modo accipiat, tum ut quod hic locus dat, intelligatur; recte fiet, si quibus in causis hæc sententia creditori in vniuersum noceat, aut non noceat, breuiter dicamus. Et in eo hæc distinctio tenenda est. Interest, vtrum debitor de re victus sit, priusquam pignus daret, an vero tunc, cum iam rem pignori dedisset. Si ante; sententia aduersus debitorem dicta creditori obicit: quia non potuit debitor plus iuris transferre in creditorem, quam habuit. *leg. si superatus. §. ultimo, Digestis, eodem leg. si mater. §. ultimo, Digestis, de excus. rei iudica.* Si pignore iam constituto; refert, vtrum ignorante creditore debitor de re pignori obligata egerit, an vero sciente. Si ignorante, sententia aduersus debitorem dicta ignorantis creditori non nocebit. *dict. leg. si superatus, in pr. dict. leg. si mater in fin.* Si autem debitor egit sciente creditore; sententia ut debitori, sic & creditori nocebit. *l. 1. ap. §. scientibus. Digest. de re iud.* Hoc postremum quomodo accipiendum sit, docemur hoc rescripto. Placet ergo accipiendum esse hoc modo, si debitor sciente creditore agens ideo victus sit, quia malam causam haberet. Si victus sit alia de causa, ne hic quidem sententiam creditori obesse. Id autem contingere duobus modis, qui hoc rescripto comprehensi sunt.

² Vnus t̄ est, si debitor per collusionem victus sit, id est, si ex compacto passus sit se vinci. Quod ita fieri probatur, si sciens sua iura, & ea quæ ab aduersario dicebantur, falsa esse non ignorans, tamen dissimulauerit, indicat *l. si prolusorio. ff. de appel.* Quæ exceptio manifestam rationem habet: declarat enim aperte hæc collusio rem in bonis debitoris fuisse. alioquin collusio non esset. Alter t̄ modus est, si debitor ideo victus sit, quia sit summotus præscriptione, id est, exceptione aliqua extrinsecus. Nam præscriptio exceptionem significat. *l. super. sup. de long. temp. pras. l. creditor. D. diuer. temp. pras.* Præscriptionem autem hic accipere debemus exceptionem ex facto debitoris nascentem non ex iure rei: puta rei iudicatæ, aut longi temporis; aut pacti conuenti. Rei iudicatæ hoc modo. Debitor rem suam persecutus ignorante creditore victus est: deinde iterum eandem rem petit sciente creditore, & summotus est exceptione rei ante iudicatæ. Neutra sententia creditori nocebit: non prior; quia ignorante creditore lata est, non posterior; quia etsi creditore sciente res acta est, tamen debitor ob factum suum summotus est præscriptione. Temporis exceptione

calpa sua vincitur debitor hoc modo, si passus sit rem quam pignori obligauerat, vsucapla possessore: deinde cum eā rem a possessore vindicaret, summotus est præscriptione temporis. Ne hæc quidē sententia nocebit creditori, ubi negligentia ipsa debitoris, & vsucapio ius pignoris non sustulit. *l. vsucapio. inf. eod.* Idem dicendum est, si debitor ideo summotus sit, quia pactus erat cum possessore se ab eo non petiturum. Hæc omnia ideo creditori non nocent, quia hæc omnes exceptiones possessori natæ sunt, non ex eo, quod debitor dominus non esset, cum pignus dabit, sed ex debitoris facto, quod postea secutum est. non debet autem factum cuiusquam alteri nocere. *l. de pupillo. §. si plerum. ff. de ope. nou. nunt. l. soluendo. Dig. de neg. gest.* Hi casus etsi tantum duo hic proponuntur; tamen in his consistere non debemus, sed generaliter definire, si quam aliam ob causam debitor victus sit, quam q̄ malam causam haberet, eam sententiam creditori nocere non debere; puta, si debitor ideo victus sit, quia absens erat. argumentum *in l. si prolusorio. §. ult. ff. de appel. & l. si ideo. ff. de enct.*

L. In summa. VI.

Idem A. Quisto.

In summa debiti computabitur etiam id, quod propter possessiones pignori datas ad collationem viarum mendiandarum, vel quodlibet aliud necessarium obsequium præstitisse creditorem constiterit. PP. 3. Cal. Aug. Antonino A. IIII. & Balbino Cos. 214.

S Y M M A R I A.

¹ Impensas necessarias in rem pignori obligatam factas a creditore ei deberi, & ab eo ultro peti posse. in eas & pignoris retentionem esse, quamuis sorte soluta; at non pignoris persecutionem.

Cum ait rescriptum, in summa debiti computari impensas necessarias: cauendum, ne hic summam debiti principalis, in quam pignus obligatum est, intelligamus. Alioqui dicendum esset, etiam pro his impensis pignus esse obligatum: ut non tantum earum impensarum nomine esset pignoris retentio creditori, sed etiam ultro eius pignoris persecutio. Quod secus est. eo enim nomine retentionem pignoris creditori dari legimus, actionē autē non aliā, quā in personam, nempe pignoratitiā contrariā. *l. si necessarias. ff. de pign. act.* Et certe pignus tantum ab initio in eam summam datum est, quæ tum cū dabatur, debita fuit. Hæc autem impensæ postea debent cœperunt: ut profecto illius debiti pars esse non possiat. Constat autē nisi in quam rem pignus conuentione obligatum est, in eam rem pignus non teneri. *l. si non inducta. infra. in quib. cas. pig. tac. cont. l. 1. Aristo. ff. eo.* Quapropter superioribus verbis nihil aliud dici intelligendum est, quam impensas necessarias a creditore factas ob pignoris causam, esse partem summæ eius, quæ creditori debeatur: id est, & has quoque non minus, quam principalem sortem esse debitas. Quod & verum est; cum etiam ultro pignoratitiā contrariā peti possint. hæc tamen, ut meminerimus quod ante dixi, in eas pignoris retentionem esse posse: persecutionem autem pignoris non esse, ubi de his pignus contractum non sit.

L. Vsucapio. VII.

Imp. Gordianus A. Martiano.

Usucapio pignoris conuentionem non exstinguit. PP. Non. Septemb. Pio & Pontiano Cos. 239.

S Y M -

S V M M A R I A.

- 1 *Pignus vsucapione non extingui quid sit. & num. 5.*
- 2 *Cur non extinguatur.*
- 3 *Recte constituta & perfecta durare, et si redierint in eum casum, unde incipere non poterant: & in hoc numero esse pignus.*
- 4 *Usucapionem rerum etiam immobilium & fuisse olim, & nunc esse.*
- 5 *Usucapione nulla nec mobilium, nec immobilium rerum pignus extingui, eiusque rei argumenta. & num. 6.*
- 6 *L. i. l. 2. C. si aduer. cred. explicate.*
- 7 *Re vsucapta pignus manens quo iure habeatur a creditore.*

Res pignori obligata venit in possessionem extranei ex iusta aliqua causa, a quo bona fide & per legitimum tempus possessa, tandem vsucapta est: mobilis triennio, immobilis decem annis inter praesentes, viginti inter absentes, ut est ius de vsucapione constitutum, *Inst. de vsuc. in pri.* Vsucapione possessor dominus factus est, eademque opera debitor dominus esse desit. Quaesitum est de pignore, an ea vsucapione amissum esset. Mouet dubitationem, quod plus est in dominio, quam in pignore. Quod si vsucapione dominum amissam est, consentaneum videtur multo magis pignus extingui debuisse. Placuit pignus non amitti. Et si res ita definita est in vniuersum: vsucapio pignoris conventionem non extinguit: quae huius loci definitio est. Recte conventionem: non enim fieri potest, cum se vel conuenierit, ut res pignori esset, quia semper verum sit, ita conuenisse. Hoc enim ita conuenire facti est. Facta nulla iuris constitutione infecta fieri possunt, *l. in bello. §. facti. D. de capt.* Atque hinc satis intelligitur de pignore. Non enim potest esse conventio, ut sit res pignori, quin pignus continuo sequatur: qui est effectus huius conventionis. *l. in prin. D. de pig. act. §. item Seruiana. Instit. de actio.* Quare si vsucapione non extinguitur conventio pignoris, necesse est & post vsucapionem pignus manere, quod ex conventionem nascitur. Quod si vsucapione non extinguitur pignus, consequens est etiam re pignorata ab extraneo vsucapta, nihilominus pignoris persecutionem creditori saluam manere aduersus rei possessorem, eundemque dominum. Et hoc est, quod Papinianus aliis verbis, eadem sententia definit in *l. insto. §. non mutat. D. de vsurp. & vsuc.* non mutat vsucapio superueniens, quominus pignoris persecutio salua sit.

Obiectioni tamen superiori occurrit eodem in loco Papinianus hac ratione: quia, inquit, pignoris persecutio nulla societate dominio coniungitur. Quod perinde valet, quasi diceret; si pignus dominii pars esset, huc ita cum dominio coniungeretur, ut qui dominus esset rei, idem transferret in se ius pignoris; recte diceretur eum, qui rem vsucepit, & ita dominum acquisiuit, per consequentiam dominii etiam ius pignoris in se transfalisse. Nunc autem pignus dominio nulla societate coniungitur, id est, non sic coniungitur cum dominio, ut qui dominus est, eum necesse sit ius pignoris habere. Imo contra hanc natura est istarum rerum, ut qui dominus est, is ius pignoris in eadem re habere non possit, cum pignus rei nostrae non consistat. *l. neg. pignus. D. de regul. iuris.* Quare possessor qui vsucepit, quamuis dominum acquisierit, non ideo tamen nascitur ius pignoris. proinde nec sibi non quaesitum alteri adiicit. Denique quia ratione fit, ut per vsucapionem rei debitor eius rei dominum amittat, eadem ra-

tione in contrarium efficitur, ne creditor pignus amittat in eare constitutum. Nam debitor ideo amittit eius rei dominum, quia possessor qui vsucepit, dominum acquisiuit: duo autem eiusdem rei domini in solidum esse non possunt. *l. §. §. ult. D. com.* Hac ratio cessat in pignore. Nam possessor qui rem vsucepit, ea vsucapione pignus non acquirit, ac nec potest, cum sit dominus. Quo fit, ut pignus alteri non adimat.

Sed omisso exemplo dominii, quod vsucapione amittitur, sunt praeterea, quae huic sententiae aduersari videantur. Primum dicat aliquis, quod ab initio pignus non consistit, si pignus non sit in bonis debitoris, *l. 3. §. ult. l. & quae nondum. §. quod dicitur. D. eodem titul.* satis hoc argumenti esse, si res postea in bonis debitoris esse desierit, pignus extingui. Hoc enim consequens esse ei sententiae, quae multis locis tradita est, quod ab initio valuit, nihilominus extingui, cum in eum casum recidit, a quo incipere non poterat, ut *l. pro parte. ff. de seruit. l. existimo. ff. de verb. oblig. §. 1. Inst. de iur. stip.* Sed nullum hoc argumentum est. Nam si quod dicitur ea extingui, quae in eum casum redeunt, a quo incipere non poterant, de rebus promissis, & necdum impletis dicitur, seu de incoatis & nondum perfectis, ut probant exempla superiorum locorum, quos modo indicaui. In rebus iam constitutis & perfectis verum non est, indicant exempla *l. patre. ff. de his qui sunt sui vel al. iur. §. praeterea. Instit. qui non est per. fac. test.* Sed & hoc in *d. et. §. praeterea.* generaliter definitur. Hinc est, quod dicitur in *l. in ambiguis. §. primo. ff. de reg. iur.* non esse nouum, ut quae semel utiliter constituta iunt, durent, licet ille casus extiterit, a quo initium capere non potuerunt. Inde & illud *l. penultim. §. vltim. ff. de verb. obligat.* etsi placeat extingui obligationem, si in eum casum inciderit, a quo incipere non poterat, non tamen hoc in omnibus verum esse, de quo illic scripsimus. Atqui ad hanc partem posteriorem haec species, de qua agimus, pertinet. Nam cum conuenit ab initio, ut res pignori esset, non tamen ea conventionem pignus promittitur, sed statim re ipsa constituitur, nec res aliam traditionem aut praestationem, ut in rebus promissis, desiderat. *l. 1. ff. de pig. act. §. item Seruiana. Instit. de act.* Vnde & statim tanquam re confecta nascitur in rem actio. *§. item Seruiana.* Quapropter non est, quod dubitemus ita statuere, pignus quidem ab initio constitui non posse ab eo, cuius in bonis res non sit: at ab initio recte constitutum, nihilominus perferre, quamuis qui constituerat, dominus rei esse desierit.

Videntur praeterea contrariae esse definitioni superiori *l. 1. & l. 2. §. si aduer. cred. praesep.* quibus in locis cautum est, diuturnum silentium, item praescriptionem longi temporis decem vel viginti annorum obstat creditori pignus suum persequeri. Quod negari videtur, cum in rebus immobilibus dicimus vsucapionem earum rerum creditori non nocere. Nam ea vsucapio non perficitur, nisi decem aut viginti annorum possessione. *d. tit. de vsuc. in pri. l. unica. sup. de v. suc. transf.* Scio ad haec concilianda vulgo dici, definitionem huius loci scriptam esse de vsucapione rerum mobilium, quia putetur vsucapionis verbo hanc per usum acquisitionem significari. Ideo nihil dici contrarium, cum dicitur creditori praescriptio longi temporis obesse, quia haec praescriptio sit ex possessione decem vel viginti annorum. Sed iam prope conuenit inter eruditos oēs puerilem errorem esse veterum interpretum eo-

rum, qui existimant vsucapionem dici in rebus mobilibus, prescriptionem longi temporis in immobilibus. Quasi tamen non constet de vsucapione ita scriptum esse in prin. tit. *Iust. de vsucap.* ut Iustinianus testis sit etiam hanc veteres utrique generi rerum tribuisse, & imple eam quam transformavit, non utrique etiam nunc pariter tribuat. Aut quasi vsucapionis definitio, quæ exstat in l. 3. *D. de vsurp.* & *vsuc.* non ad utrumque genus ex æquo pertineat. Quinimo rerum soli, ut fan- di, & ædium maxime vsucapio est: ut de quibus liceat observare fere semper exempla proponi sub titulis de vsucapionibus, cum de vsucapione agitur. de quo alius locus est dicendi. De quo autem nunc agitur, in eo res sic habet. Siue tamen res mobilis triennio, siue immobilis decem aut viginti annis possessa vsu acquisita sit possessori, & vno verbo vsucapta; vsucapio ad definitionem huius loci pertinet, & vere in ea causa est, ut ea nunquam exstinguat pignus, nunquam iure obstat creditori pignus persequenti. Argumento hæc sunt. Primum hoc loco generalis definitio est de vsucapione, ut & in l. iusto. §. non mutat. *D. eo.* Vsucapio autem non tantum rerum mobilium est, sed etiam immobilium. Deinde ratio, qua Papinianus in dict. §. non mutat. defendit vsucapionem superuenientem non exstinguere pignus, non minus ad res immobiles pertinet, quam ad mobiles. Nam pignus rerum immobilium non magis dominio coniungitur, quam pignus rerum mobilium. Quo fit, ut definitione huius loci in vsucapione rerum mobilium admissa, quam omnes concedunt, eandem etiam in vsucapione, siue malimus, in acquisitione rerum immobilium admitti oporteat. *l. illud. D. ad leg. Aquil.* Postremo si debitor rem pignori obligatam alienat, est æquissimum debitoris factum & alienationem creditori non nocere: quaecumque sit pignus, siue mobile, siue soli. *l. debitorum. inf. hoc tituli.* Alienationis genus est vsucapio, cum debitor negligentia sua patitur rem vsucapi. *l. alienationis. D. de ver. sig.* Quare non magis ea alienatio creditori nocere debet, si immobilis res erit, quam si erit mobilis.

Neque tamen vero huic sententiæ non bene convenit cum d. l. 1. & l. 2. §. si aduer. cred. Nam cum dicimus vsucapionem pignus non exstinguere, hoc dicimus, silentium debitoris, quo passus est rem suam vsucapi, creditori non nocere ad pignus illius exstinguendum. Vsucapio enim est illa acquisitio, qua dominium acquiritur a lueris debitorum propter illius silentium. Cui non ad hæc, quod dicitur in d. l. 1. & 2. diuturnum silentium & prescriptionem longi temporis creditori pignus persequenti obesse. Nam hic diuturnum silentium, & diuturnum tempus interpretari debemus, non id, quo debitor siluit, sed id quo siluit creditor: denique silentium non debitoris, sed creditoris. Quippe de creditore illic agitur: & præterea esset iniquissimum factum debitoris creditori nocere. Hoc ita est: si nihil proponitur aliud, quam silentium debitoris, quo factum est, ut res vsucaperetur, creditor autem non intercessit, per idem longum tempus, sine dubio neque vsucapio illi pignus exstinguet, & ipsi pignus persequenti nihil obstat, non diuturnum silentium ipsius; quia id nunc nullum est, non vsucapio, qua res debitori ablata est, quia in hac silentium & factum debitoris versatur: in totum autem definiendum est factum debitoris creditori non nocere. *l. debitorum. j. eod.* Quod si & debitor per decem aut viginti annos siluit, & creditor idem fecit in pignore persequendo, ut sic silentium diuturnum creditoris cum silentio diuturno

no debitoris concurrat, utrique prescriptio longi temporis obstat, & debitori dominium vindicanti, & creditori persequenti pignus, ut superioribus locis cautum est. Neque ideo aduersari putandum est, quod dicitur vsucapione pignus non exstingui. Cum enim creditor ita summouebitur, nihilominus vere dicitur non exstingui illi pignus vsucapione, quippe quæ si sola esset, ei non noceret: sed exstingui illi suo facto & silentio, quod silentium neque vsucapio est, neque possessori parit vsucapionem. Eiusque rei certissimum argumentum est, quod potest silentium diuturnum creditoris interuenire, ut tamen nulla sit vsucapio. Quid enim si creditor diu siluisset, dominus autem, idemque debitor per tempus constitutum interpellasset possessorem? Quid, si silente creditore res tamen vsucapi iure non posset? Finge rem pupilli pignori obligatam, quam constat vsucapi non posse. *l. bona in prin. Digest. de acq. rer. dom.* Diceremus in his omnibus summoueri creditorem ob diuturnum silentium suum: ubi tamen apparet non posse dici vsucapionem illi obstat, quia hic nulla est. Ad hæc si vsucapione & diuturno silentio creditoris concurreribus dici posset amissi pignoris causam esse in vsucapione, non in solo silentio creditoris: dicendum esset, quoties res esset vsucapta, summoueri pignus, etiam si creditor in pignore persequendo diu non siluisset. Causa enim posita pignoris amittendi, vsucapione, necesse esset etiam ubique sequi eius effectum, amissionem pignoris. Quod secus esse non alii loci magis præbant, quam superiores duo, quibus placet nihil aliud in prescriptione temporis nocere creditori pignus persequenti, quam diuturnum silentium. Propone ergo rem decem aut viginti annos possessam vsucaptam esse: sed pignori obligatam fuisse paulo ante perfectam vsucapionem, puta tribus aut quatuor annis, per quos creditor pignus non est perfectus. Omnes concedunt ex superscriptis etiam locis id silentium, quod non est diuturnum, creditori pignus persequenti non nocere. Non ergo etsi concurreret silentium creditoris cum rei vsucapione, ideo diceremus vsucapione exstingui pignus: cum per se sola vsucapio semper una & eadē sit; quæ tamen pignus non exstinguit.

Maneat tamen igitur, re pignori obligata a possessore vsucapta, dum ne silentium ipsum creditoris eum remoueat, nihilominus pignus manere. Cuius effectus hic erit, ut eodem iure sit res apud eum, qui vsucepit, quo iure futura erat, si eiusdem debitoris mansisset. Ergo creditori pignus persequenti aut pecunia solui debet, aut pignus restitui. *l. si fundus. §. in vindicatione. Digest. eod. tit.* Possessor dominus si hac actione conveniatur, potest ut ceteri possessores extranei persequutionem impedire debitum offerendo, quo facto possessionem rei sibi constituet. *l. si dominium. inf. hoc tit.* Ceterum nisi ipse pecuniam, quæ debetur, soluat, rem creditori restituere cogitur. Si res apud creditorem erit, potest debitor etiam nunc a creditore repetere pignoratitia actione, dum pecuniam soluat. *arg. l. rescriptum. §. i. illic, & cum per iniuriam. Dig. de dist. a. pig.* Quod si apud debitorem res erit, & qui vsucepit, rem petere instituat, poterit quidē ab eo vindicare; sed hac lege, ut existime, si paratus sit solvere debitorem, quod ille creditori prius præstitit pignoris luendi causa. Etsi enim debitor cum creditori siluit, ea solutione liberatus est; tamen eadem solutione factum est, ut res vsucapta nouo domino pignoris nexu liberaretur. Ceterum negotiorum gestorū actione idē petere

an nouo domino nō pōt. Sic. n. definiendū est, quoties eadē res ad duorū utilitatē p̄tinet &que principaliter, eius soli negotiū gestū videri, cui cōtēplatione negotium gestum est. *leg. si pupilli. §. sed si ego. ff. de neg. gest.* Nunc autem quod debitor creditori p̄stitit, fecit, vt & se liberaret, & pignus lueret: quod emolumentum ad nouum dominum &que pertinet. Quia ratione dicemus e conuerso, si nouus dominus cū ab initio cōueniretur a creditore, pecuniam illi soluerit pignoris sui luendi causa, ne ipsum quidem eam pecuniam a debitore negotiorum gestorū actione repetere posse, quamuis illum ea solutione liberauerit.

L. Quamuis. VIII.

Idem A. Festo.

Quamuis personali actione expertus aduersus reum, vel fideiussores seu mandatores eius feceris cōdemnationem: pignoris tamen adhuc habes persecutionem. P. P. Id. Mart. Gordiano. A. & Aniola. Coss. 240.

S V M M A R I A.

- 1 Personalis actione electa, atque adeo debitore tā condemnato, non eo magis tolli persecutionem pignoris.
- 2 Iudicii accepti nouatio qua.

Pignore creditori constituto duæ sunt creditoria actiones. Vna de eo quod debetur: altera de pignore. prior in personam est, siue, vt hic nominatur, personalis, aduersus eos qui sunt obligati creditori. *leg. actionum, de oblig. & action.* Quo in numero sunt reus principalis, & fideiussores, id est, qui idem spōdet creditori stipulanti. *l. blanditus. j. de fideiuss.* item mandatores, qui rebus ad huc integris veniunt ad creditorem, & mandant ei, id est petunt ab eo, vt velit pecuniam credere debitori futuro. Actio de pignore in rem est: non aduersus certam personam, sed aduersus quoscumque pignoris possessores. de qua in *l. pignoris. inf.* His t̄ duabus actionibus constitutis queritur, si creditor vna agere cōperit, an electione altera tollatur, & maxime si actione in personā egerit. Placet non tolli. non enim p̄tione, sed solutione debitores liberantur. *leg. i. §. si apud duos. D. de pos.* Quod p̄cipue locum habet, cum a tera actio, qua creditor non egit, est hypothecaria. nam hæc actio tam diu est, quam diu pignus manet. Non soluitur autem pignus, nisi aut creditori solutum sit, aut satisfactum. Porro nō si lis a creditore contestata est, idcirco illi aut solui, aut satisfieri intelligitur. Imo vero ideo agit, quia illi nō satisfiit. Significatur hæc ratio in *leg. grege. §. etiam. ff. eo. ut.* Quæsitū est amplius, qd si creditor nō egerit tantū actione in personam sed etiā cōsecutus sit, vt reus sententia iudicis condemnaretur: quæ huius loci quæstio est. Et placet ne sic quidem pignoris persecutionem amitti creditori. eadem ratione, qua supra, quia quamuis debitor condemnatus sit, non ideo tamen solutum est, aut satisfactum creditori. Quod & ipsum diserte posuit in *dicta l. grege. §. etiam.* Huc accedit, quod si debitor ante rem iudicatam tenetur, & pignus constituit creditori, multo magis vtrumque dici debet, cum erit debitor condemnatus; quia tunc illum certius debere constituit, & tum illius maior contumacia est. cur ergo magis dubitatum est de eo debitore, qui iam condemnatus esset?

- 2 Videtur t̄ hæc fuisse dubitandi causa, quod nouatio pignus perimit, vt est in *l. solutum. in pr. ff. de pig. act.* Re autem iudicata prior obligatio nouatur, vt scriptum est in *l. 3. §. & ideo. §. de usur. rei ind.* Ex quo effici videt

& re indicata, vt nouatione pignus perimi. Et res ita habet. Nouatio pignus perimit, sed ita, si sit voluntaria, id est, si fiat partium consensu extra iudicium. Alia causa est nouationis necessariæ, siue iudicii accepti. hæc non modo actoris conditionem deteriore non facit, sed etiam facit meliorem. *leg. etiam. D. de nouat. l. non solet. ff. de reg. iuris. de quo dicitur infra suo loco ad tit. de nouationibus.*

L. Si dominium. IX.

Idem A. Attico.

Si dominium eius possessionis, qua pignori data esset a debitrice domina, ad te translatus est, eamque postea creditor, vel eius heredes de iure cōperunt: vindica eam, rem præside provincie curante. vt fructuum de iudica ratione, residuoque a te oblato si fuerit satisfactum, ea possessio tibi reddatur. P. P. 3. Calend. Octobr. Gordiano. A. & Aniola Coss. 240.

S V M M A R I A.

- 1 Debitorem pignoris dominum manere. hoc iure rem traditam in quemuis transferre posse.
- 2 Pignoratitiam actionem pignore alienato nunquam nouo domino competere ad pignus repetendum.
- 3 Pignore alienato a debitore competere nouo domino vindicationem aduersus creditorem; sed iisdem conditionibus quibus debitori pignoratitia, si pecunia soluta sit, aut eo nomine satisfactum.

Debitor t̄ pignus dando manēte proprietate eius, i solam possessionem transfert ad creditorem, vt est in *leg. cum & sortis. §. vltim. Digestis. de pig. act.* Dominus igitur est, qui prius fuerat. quam ob causam & rē pignori obligatā vendere potest, vt prius, nec minus ex quavis causa traditam iure in accipientem transferet. *§. per traditionem. in Institutio. de rer. diuis.* Quod si verum est, sequitur, vt & nouus possessor in quem dominium a debitore translatus est, eam rem vindicare possit, non tantum a quouis alio possessore, sed etiam a creditore ipso, cui res pignori obligata erat, si forte res obligata in eius possessionem peruenerit. *leg. in rem. leg. officium. D. de rei vind.* Cum sint hæc quæ diximus, iuris explorati, nō immerito queri pōt, cur sit in hac re dubitatum, vt aditi Imperatorē oporteret. Et videri potest hæc causa fuisse dubitationis, quod debitor, qui pignus alienauit, si non alienasset, & pignus recuperare vellet, vteretur in eam rem pignoratit actione. *§. vltimo. Institution. quibus modis. re cont. obligatio.* Hæc t̄ autem actio ei, ad quem res translata est, competere non potest. nam is neque debitor est, neque debitori successit. Sed nō si nouo domino pignoratitia actio non est ad pignus recuperandū, eo minus id recuperare potest alia actione, si quā forte eo nomine comparatam habeat. Habet autem ad eam persecutionem vindicationem, vt dominus. id de quo Gordianus responderet.

Sed t̄ additur, eum pignus recuperaturum eadem lege, qua debitor reciperet, nempe si debitum si luat, vel offerat creditori. & recte. Nam alienatio debitoris deteriore creditoris conditionem facere non potuit. *l. debitorum. j. eo. l. si debitor. j. de dist. pign.* Certe aut iuris est, sic debitore pignus persequi a creditore posse, si pecuniā soluat, aut eo nomine satisfaciatur creditori. *leg. si rem. §. omnis. Digestis. de pig. act.* Sed in debito soluendo imputabuntur fructus ex re obligata a creditore percepti, vt hic cauetur. hi in vniuersum

debitum extenuant. l. 1. l. 2. §. de pig. act. l. 1. j. de distrac. pignor.

L. Debitores X.

Impm. Dioclet. & Maximi. AA. & CC.

Alexandro.

Debitores praesentes prius denuntiationibus consensendi sunt. Igitur si conuenti debito satis non fecerint, persequenti tibi pignora seu hypothecas, quas instrumento specialiter comprehensas esse dicis, competentib. actionibus rector provincia auctoritatis suae auxilium impartiri non dubitabit. Dat. 14. Calend. Febr. ipfis IIII & III AA. Coss. 290.

S V M M A R I V M.

1 *Ad pignorum possessores perueniri etiam olim non potuiss. nisi prius conuentis debitoribus: quam hoc humanum: & quid hic addiderit Nouella Iustini.*

2 *Debitores prius denuntiationibus conueniendos, quam verum sit, refutatis locis in speciem repugnantibus.*

1 *S* Creditores ꝑ ab extraneis possessorib. pignora persequi velint potius, quam debitorem conuenire, id illis olim facere licuisse multis rescriptis declaratur. l. distractis. l. persecutione. infra. eo. l. ult. §. de oblig. & act. Id ius temperatur hoc rescripto. Hæc enim lex & conditio ponitur creditoribus, vt si debitores praesentes sint, prius eos conueniant denuntiationibus, id est prius interpellent eos, vt soluant; sic deinde illis non soluentibus pignora iure persequantur. Summo quidem iure licet creditoribus pignora persequi sine vlla debitoris interpellatione. Pignoris namque conuentio neque diem neque conditionem habet; vt proinde sic pura sit & praesens pignoris obligatio. Sed humanitatis ratio aliud ius postulat. ex quo est ista denuntiationis, quam hic exigi videmus. Humanitas & æquitas in eo est, quod praesentes debitores sine incōmodo creditoris interpellari possunt; interpellati fortasse soluent: si soluerint, eadem opera & consulitur creditoribus suum consequentibus, & possessores pignorum nō inquietantur. Quod factū postulanti ꝑdest, cōcedenti nō nocet, æquū est id cōcedi cuius quamuis extraneo & ignoto. l. 2. §. quamquam. ff. de aq. & aq. plu. arc. act. Iustinianus No. 4. de fideiuss. §. sed neque alias. §. enimvero. plus exegit a creditoribus. Constituit enim, vt si debitores praesentes sunt, non tantū prius denuntiationibus conueniatur, sed cum illis iudicio agatur, nec prius perueniatur ad pignorum possessores, quā excussis debitoris & omnium accessioꝝ facultatibus. 2 *Sed ꝑ quod hoc rescripto dicitur debitores praesentes prius denuntiationibus conueniendos, multis diferte scriptis locis contrariis refelli videtur. Ac primum constat, quod pure debetur, statim peti posse. §. omnis. Inst. de verbor. obl. Si statim, non pendet ex vlla denuntiatione praecedenti. Quod & verissimum est, ac perpetuum: sed tunc locum habet, cum agitur cum ipso debitore. Iudicio cum omnibus agi potest, qui nobis obligati sunt, quāuis prius eos nō interpellauerimus, vt soluerent. Hic autem obseruandum est, agi de eo creditore, qui pignora persequi velit ab alio possessore, quam debitore, vt sequentia iudicant. quod quam æquitatem habeat, supra ostendimus. Imo, dixerit aliquis, etsi creditor ius pignoris exsequatur; tamen hoc iure non habet necesse prius debitore conuenire. Nam in l. distractis. l. persecutione. j. hoc tit. l. ult. supra. de obl. & act. traditū est, creditorem posse statim*

possessores pignorum conuenire, neque necesse habere personali actione prius cōuenire debitores. Sed nihil aduersus hunc locum. Non enim dicimus debitores prius conueniendos esse actione & iudicio; sed conueniendos denuntiationibus. Rursum hic occurrit. Nā si pignus creditor distrahat, cōstitutū est id eū iure facere, etiam si prius debitori non denuntiauerit, l. 4. ff. de pig. act. l. si cessante. j. de distr. pign. Sed alia causa est, cū creditor pignꝝ distrahit, alia cū pignus ab extraneo possessore persequitur. Nam pignoris distractio nocet debitori, qui oppignorauit: persecutio pignoris extraneis possessoribus. Porro cum de debitore agitur, nullum ordinem actionis seruamus, sed tantum aduersus extraneos possessores, cum quibus creditor nihil contraxit. *auth. hoc si debitor. j. hoc tit.* Ex his apparet, proprie & significanter hoc loco dictum esse, cum creditor pignora persequitur aduersus alios, prius debitores conueniendos esse denuntiationibus; vt intelligamus necessitatem iuris his verbis contineri, non autem conueniendos esse de vrbānitate, vt vulgo interpretantur. Et fortasse hoc ius est de conueniendis prius debitoribus, cuius mentionem facit Iustinianus initio. No. 4. de fideiuss.

L. Nominatori. XI.

Idem AA. & CC. Euphrosyno.

Nominatori pignori capere sine praesidis auctoritate res nominati non licet S. 3. Id Mart. AA. & Coss.

S V M M A R I V M.

- 1 *Nominatores in honoribus & muneribus publicis, q.*
- 2 *Nominator quibus, ad quid, & quo ordine teneatur.*
- 3 *Nominatori aduersus nominatum quando, quæ, & quæ de re actio.*

S Vb persona nominatoris & nominati statuitur hic sententia quæ generalis est ad omnes creditores ꝑtinens; neminem res debitoris sui capere posse pignori sine magistratus auctoritate. quæ sententia expressa est in l. 3. sup. vbi diximus. Quod ꝑ ad exemplum huius loci attinet, nominatores dicuntur in honoribus & muneribus publicis deferendis. Nam quis aut magistratū municipale, aut decurionē, aut curatorem Reipublicæ offert, & tanquam idoneum ad eā re nominat, ex re nominator appellatur, vt intelligere licet ex toto titulo, de peric. nom. j. lib. 11. Eodē modo & si quis apud magistratum tutorem, aliquem nominet. l. aduersus. §. de mag. conuen.

Qui ꝑ ita nominator existit, in re quidem publica Reipublicæ obligatur, in administratione autem minorum obligatur minoribus, vt si is qui nominatus est, in ea administratione quam suscepit, aliquid contraxerit, & non sit soluendo, id dependat aut Reipublicæ, aut minoribus eo ordine, qui praescriptus est in l. Imperator. ff. ad municip. l. 2. & ult. j. quo quis ord. con. lib. 11. & d. l. aduersus. §. de mag. conuen. Postquā nominator nominati causa quid soluit, tum incipit nominatus nominatori suo teneri vel mandati, si mandato suo nominatus est, vel negotiorum gestorum, si mandatum non intercessit. In hac obligatione quaeritur, an nominator nominati res pignori capere possit. De quo id statuitur, quod supra definiuimus.

L. Si vxor. XII.

Idem AA. & CC. Eusebio.

Si vxor tua pro pecunia, quam accepit mutuo res proprias obligauit pignori, eique tu successisti: licet instrumento eius facti testimonium collatum non sit: soluto tamen debito creditorem de his tibi reddendis solemniter conuenies. S. j. Cal. April. AA. Coss.

S V M M A R I V M.

Pignoratitia actio qua de re, cui, aduersus quem, qua conditione.

Creditor ꝑ pignus accipiendū a debitore debitori obligatur, vt pignore soluto id ei restituar. §. *ult. Inst. quib. mo. re. cont. obl.* In eamque rem constituta est debitori pignoratitia actio hac conditione, si pecunia soluta erit, aut creditori satisfactum. *l. si rem. §. omnis. ff. de pig. act. l. pen. §. eo.* Hæc actio citra controuersiam & heredibus debitoris datur, & in heredes creditoris. §. *l. de perp. & temp. act.* Hæc ita sunt, quamuis de pignore dato nullum instrumentū interpositū sit, vt hic respondetur. In quo statuitur generalis sententia de vlt. instrumentorum, quæ expressa est in *l. 4. ff. cod. l. 4. ff. de fid. instr. & similibus locis.*

L. Cum dominam. XIII.

Idem AA. & CC. Matronæ.

Cum dominam non minorem 25. annis ea, quæ obligauerat tibi, iure domini possidere permisisse, & in solutum dedisse, precibus significes; domina contractus & voluntas ad firmitatem tibi sufficiet. S. 4. Cal. Maii. Heraclia. AA. Coss.

S V M M A R I A.

Permissum debitoris, vt creditor pignus in solutum sibi habeat, ad dominium transferendum etiam secundum formam communem iuris abunde valere: & cur.

Cum ꝑ debitor permittit creditori suo, vt pignora quæ prius acceperat, in solutum sibi habeat, quæritur, an dominiū pignoriū ea conuentione in creditorem transferatur: Tria videntur impedire. Primum quod nulla hic traditio rerum est; dominium autem nisi traditione non transfertur. *leg. traditionibus supra. de pactis.* Deinde quod nulla hic causa videtur intervenire noua ad dominium transferendum; at nisi iusta aliqua causa præcedente dominium non transfertur. *leg. nunquam. Dig. de acquir. rer. do.* Postremo de iure domini impetrando in pignore certa forma præscripta est constitutionibus, quæ ad eam impetrationem perueniatur. *l. 1. & toto tit. j. de iur. dom. imp.* Ea forma in hac specie nulla est. Sed nihil hæc obstat dominio transferendo. Nam quod ad traditionem attinet, hæc tunc necessaria est, cum res quam translata volumus, non est apud eum, ad quem volumus transferre. Quod si prius apud eum sit, vel quod commodauimus, vel quod apud eum deposuimus, vel quod pignori dedimus; hic nuda voluntas sufficit ad domini translationem. *leg. qua ratione. §. interdum. D. g. de acquir. rer. dom.* Et recte, satis enim prius res tradita erat, vt iam non sit noua traditio opus. Si causa hic quæritur ad dominium transferendum, est idonea; nempe pro soluto, *leg. quarta, Digestis. de Publ.* Quod autem de iure domini impetrando constitutum est in pignoribus, id aduersus debitores inuitos aut ignorantes constitutum est. Ceterum si debitor, idemque dominus velit rem suam in creditorem transferre, nihil tam naturale est, quam voluntatem eius in hac re ratam haberi, vt est in §. *per traditionem, Institutio. de rerum diuision.* Proinde in proposito dominium voluntate debitoris in creditorem recte transfertur. Sed cum hac exceptione, quæ hic adiecta est, dum debitor non sit minor viginti quinque annis. Nam ita ius est, neque prædia minorum, neque res mobiles quæ seruando seruati possunt, sine decreto magistratus alienari posse. *leg. 1. &*

tot. tit. Digestis. de rebus. eorum. qui sub tuto. vel cur. sunt. & tit. de pred. minor. supra. l. lex qua. sup. de administrat. tutor.

L. Distractis XIV. & auth. hoc ita. seg. l. debitor. rem. XV. auth. hoc si debitor. & l. persecutio. XXIII.

Idem AA. & CC. Appiano: Basilidæ: Marco.

L. 14. Distractis a debitore pignoribus, creditores potestatem habere, utrumne personali obligatos sibi, an pignora possidentes in rem actione conuenire velint, non est incerti iuris. S. Cal. Maii. Heraclia AA. Coss.

Auth. Hoc ita, si debitor ei non satisfaciat, ex pretio rei vendite: quod vt fiat permittitur ei vendere.

L. 15. Debitorem ne que vendentem neque donantem, neque legantem vel fideicommissum relinquentem posse deteriorem facere creditoris conditionem certissimum est. Vnde si tibi obligatam rem probare posse confidis, pignora persequi debes. S. 5. Non. Maii. Heraclia. AA. Coss.

Auth. Hoc si debitor possideat, alio vero possidente inhibetur hypothecaria, donec personaliter actum sit cū reo & intercessore. Et si nec ex hypothecis debitoris satisfiat, tunc demum intercessoris hypotheca, si qua sunt petantur: quod ius & in heredibus locum habet.

L. 24. Persecutione pignoris omissa debitores actione personali conuenire, creditor videri non potest. S. 15. Cal. Jan. Nicomed. CC. Coss.

S V M M A R I A.

1. Pignore distracto a debitore, nihilominus ius pignoris creditori integrum manere.

2. Quo ordine perueniatur ad pignorum possessores, olim & nunc.

3. Auth. hoc ita. C. de pig. de quib. hypothecis interpretanda. Nouella de iurgiosis, in §. ab hoc sententia. ibidem.

Debitor pignus alienando, vt rei dominus erat, ita dominium ad accipientem transfert. *l. si dominiū. supra. hoc titulo.* sed hac alienatione creditori non nocet. Manet enim saluum ius pignoris, quod ab initio recte constitutum est. *l. si debitor. j. de distr. pig. l. distractis. l. debitor. hic.* Adicitur ratio. in *l. debitor. non* enim potest debitor creditoris conditionem deteriorem facere. *l. soluendo. D. de negotiis gestis.* Sumtum ex præceptis iuris, quibus præcipitur alterum nō ledere, iū cuiq; tribuere. *l. instituta. ff. de inst. & iur.* Itaque pignore alienato creditor pignora a possessoribus persequi potest. Est enim persecutio pignoris in rem. *d. l. debitor. in fi. & l. pignoris. j.*

Inde ꝑ quæsitum de ordine conueniendorum possessorum, vtum creditor debitores prius conuenire debeat, sic deinde iis non soluētibus peruenire ad pignorum possessores, an vero sit in arbitrio creditoris, aduersus vtros experiatur? Et ius vetus fuit ita, vt huius rei electio esset creditoris. *leg. distractis. l. persecutio. hic. l. vlt. §. de obl. & act. præterquam in fisco pignus tacitum vindicante.* de quo humanitatis causa iā olim idem placuerat, quod postea generaliter admissum est in omnibus creditoribus, & omnibus hypothecis, etiam de quibus nominatim conuenit. *l. Moschis. D. de iur. fisci.* Ius ergo, vt dixi, in totum mutatum Iustiniani constitutione *Nov. 4. de fideius. §. sed neq. vnde fragmētum in Auth. hoc si debitor. hic.* & exemplum fisci superius admissum ad hanc sententiam, vt non aliter ad pignora non possessorum perueniri possit, si quidem alii pignus possidebant, quam debitore prius conuenito,

& excussis eius facultatibus repertum sit eum non esse soluendo.

² Sed hoc ius postea temperatum est ab eodem Iustitiano in *Non. de litigios. §. ab hoc*. Unde fragmentum in *Auth. hoc ita*. ad hanc sententiam, ut si creditor aduersus debitorem pignus adhuc possidentem de hypotheca agere coeperit, & controuersia mora debitor pignus alienet, in hac specie liceat creditori statim pignoris autorem eundemque possessorem conuenire, & pignus persequi, si ei de pretio eius alienationis satisfactum non sit. Hoc ita interpretandum esse in constitutione Iustitiani recte visum est Ioanni veteri interpreti; cuius & sententia omnium consensu recepta est. Et si enim Iustitianus in ea constitutione de litigiosis, qua parte agit de hypothecis alienatis, nihil exprimit, quo tempore alienatae fiat, vtrum controuersia de his aduersus debitorem mota, an vero non mota; tamen de his agi, quae mora aduersus debitorem controuersia postea alienatae sunt, cum ex instituto Iustitiani satis intelligitur, tum ex exceptione, quam prioris disputationi Iustitianus subiecit. Institutum eius est tota ea constitutione agere, de rebus litigiosis. Quamobrem de hypothecis agens etiam de his agere intelligendus est, quatenus litigiosae videri possunt. Prius autem definierat litigiosum, de quo lis possessori mota erat. Deinde post excipit ab ea definitione hypothecas. Non potest exceptio existimari, nisi quae verbis & finibus definitionis continetur. ut si quis e des leget, stulte excipiat libros, quia etiam sine hac exceptione libri appellacione adium non contineretur. Quare quod generaliter in *authen. hoc ita*. scriptum est, id ad speciem hypothecae litigiosae, de qua dixi referri debet.

L. Et si frater. XVI.

Idem AA. & CC. Heroidi.

Et si frater tuus non suam, sed ad te pertinentem pecuniam mutuam suo nomine dedit, ac pignus accepit: tamen tibi pignoris obligationem querere non potuit. subscripta. 3. Id Maii. Hadrianopoli. AA. Coss.

SUMMARIVM.

- ¹ Qui pecuniam mutuam dedit suo nomine, quamvis alienam, pignoris obligationem domino pecunia querere non posse; & cur.
- ² Qui pecuniam alienam mutuam dat nomine domini, cum domino acquirere & conditionem pecuniae, & pignoris eo nomine accepti obligationem.

Cum quis pecuniam alienam mutuam dat suo nomine, ei cuius pecunia est, conditionem non acquirit, quia non vult; sibi acquirit, si nummi ab accipiente consumti erunt. *l. nam & si far. ff. si cer. pet.* In ea obligatione si pignus accepit, pignus illi obligatum est; ei, cuius pecunia erat, pignus non est constitutum, ut hic traditur: his de causis. Nam si ex eo mutuo nulla obligatio nata est, ut sit nummis adhuc exstantibus; non potest vllum pignus esse neque ei, cuius pecunia est, neque adeo ei, qui pecunia suo nomine dedit, non est enim pignus, nisi pro debito, & obligatione praecedente. *l. res hypotheca. ff. eo. §. item Seruiana. Inst. de act.* Quod si ex ea numeratione conditio mutuantis nata erit, quod sit nummis consumtis; tamen ei cuius pecunia est, ideo pignus acquiri non potest, quia ei nihil debetur, cui principalis obligatio non est quaesita. neque vero alii res pignori obligari potest, quam creditor; quoniam pignus accessio est principalis obli-

gationis. *dist. leg. res hypotheca. Digest. eod. l. 4. §. si ex conventionione. Dig. de re iud.* Quin etiam et si quis pecuniam alienam mutuam det domini nomine, & pignus illius nomine accipiat: acquiritur quidem domino conditio. *l. certi. §. si nummos. ff. si cer. pet.* quasi ipse pecuniam dedisset per alium. At pignoris obligatio illi olim non acquireretur, quam placet per liberam personam dari non posse. *l. solutum. §. per liberam. Dig. de pig. act.* Hodie ex constitutione Iustitiani quamvis suam quis pecuniam dederit alieno nomine, is ut conditionem acquirit extraneo, & acquirebat olim, sic & acquirit pignoris obligationem. *leg. 2. §. per quas pers.* Postquam constitutionem non erit inutile, quod adli-citur hoc loco de eo, qui pecuniam alienam suo nomine dedit, ac pignus accepit. Intelligemus enim hodie ideo recte adici, quia ad eum non pertineat, qui pecuniam ad se pertinentem dedit alieno nomine, & pignus accepit.

L. Quamvis. XVII.

Idem AA. & CC. Pontia.

Quamvis ea pecunia, quam a te mutuo frater tuus accepit, comparauerit pradium: tamen nisi specialiter vel generaliter hoc tibi obligauerit, tua pecunia numeratio in causam pignoris non deduxit. Sane personali actione debitum apud praesidem petere non prohiberis. S. 12. Cal. Iun. AA. Coss.

SUMMARIVM.

- ¹ Rem aliena pecunia emtam non esse pignori obligatam, cuius pecunia emta est: excepto pupillo, cuius pecunia res emta sit; & cur.

Quod dicitur pignus contrahi conventionione, idque debitoris interposita cum creditore. *l. 1. in pr. D. de pig. act. l. 4. Digestis. de pig. §. item Seruiana. Institutio. de act. declarat*, nullius debitoris rem creditori, obligari inter viros, nisi specialiter, aut generaliter conuenierit, ut esset obligata, ut hic dicitur *idem. in l. Aristo. D. quae res pig. obl. non pos.* Porro res emta eius est, qui eam emit suo nomine, & cui suo nomine tradita est, quamvis eam emerit, aliena pecunia. *l. multum. l. qui aliena. §. si quis al. vel sib.* Quo fit, ut quae res hic emtoris est, non sit pignori obligata ei, cuius pecunia emta est, quia de pignore nihil conuenierit. quae sententia est huius loci. In hac re pupillum excipimus, cuius ex pecunia si quid emitur, id ei pignoris iure tenetur. *l. pen. §. de ser. pig. dat. man.*

L. Pignoris. XVIII.

Idem AA. & CC. Eudodio.

Pignoris vel hypotheca persecutio in rem est. S. Kalen. Decemb. Sirmii. AA. Coss.

SUMMARIVM.

- ¹ Pignoris persecutio qua actio, cui detur, aduersus quem, cuius rei gratia.
- ² Pignoris persecutio cur dicta Seruiana, quasi Seruiana, hypothecaria, & interdum pignoratitia.

De pignore iure pretorio nascitur actio *l. tibi. §. de pignore. ff. de pac.* Haec actio non in personam est, sed in rem, ut hoc loco admonemur, & *l. pignoris ff. eo. item. §. Seruiana. Instit. de act.* Hinc intelligimus & cui detur haec actio, & in quem, & cuius rei gratia, seu quod sit huius actionis exitus. Quod persecutio pignoris est, ex eo intelligimus eam creditori dari. Non enim persequitur pignus, nisi qui pignus habet. Non est autem pignus constitutum, nisi

nisi creditori. *l. et si frater. §.* Quod in re esse dicitur, eo declaratur actionem esse non aduersus debitorem, aut debitoris heredes; sed aduersus omnem, qui pignus possidet, teneat; quæ omnium actionum in rem conditio est. *l. si fundus. §. in vindicatione. ff. cod. l. actionum. ff. de obl. et act.* Quod si aduersus possessorem est, contentaneum est aduersus eos etiam dari, qui non possident quidem, sed pro possessoribus habentur. Hi sunt, qui dolo desierunt possidere. *l. qui dolo. l. parem. ff. de reg. iur. l. qui petitorio. in prin. D. de rei vin.* Eadem readmonemur huius iudicii exitum esse, ut possessor rem creditori restituat, nisi malit creditori soluere, quod debetur. Nam ea solutione pignus liberatur. quo liberato, nulla relinquitur creditori pignoris persecutio. Quod si neque soluit possessor, neque pignus restituit, tunc lis aduersus eum aestimatur, quanti ea res est, pro ea distinctione, quæ est in *d. l. si fundus. §. in vindicatione. et l. si inter. §. i. ff. eo.* Huc facit. *l. qui restituere. in fi. D. de rei vind.*

Hæc actio ne nos fallat, cum in iure nominatur, nomen tenendum est. Sciendum est igitur, eam a prætoribus, a quo primum comparata est, *Seruianam* & quasi *Seruianam* dici: a re ipsa dici *hypothecariam*, non pignoratitiam: *§. item Seruiana. Inst. de ac. ppter ea* quod non persequitur creditor pignus, nisi id quod ab alio possidetur. Id autem pignus proprie hypotheca dicitur, non proprie pignus. *l. si rem. §. proprie. ff. de pig. act.* Pignoratitia actio & in personam est, & debitori competit aduersus creditorem aut creditoris heredes, ut pignus pecunia soluta ei reddatur. *§. ult. Inst. quib. mo. re cont. obl.* Recte pignoratitia, quæ debitori datur de eo pignore, quod ipse creditori tradidit, quod, ut iam dixi, proprie pignus dicitur. Interdum tamen confunduntur ista, & actio hypothecaria dicitur pignoratitia, ut *l. rem alienam. ff. de pig. act. l. duob. D. de excep. rei ind. leg. 3. §. est autem. Digest. ad exhib. leg. commun. §. si inter. Digest. com. diuid.* Vide plura in methodo huius argumenti.

L. Sicut. XIX.

Idem AA & CC. Maximo.

Sicut vim maiorem pignorum creditor prestare non habet necesse: ita dolum & culpam, sed & custodiam exhibere cogitur. Dat. 17. Calendar. Januarii. AA. Coss.

S V M M A R I A.

Culpam etiam & custodiam creditorem prestare debere in pignore; & custodie verbo quid contineatur.

Pignoratitia actione tenetur debitori creditor, ut debito soluto pignus debitori integrum reddat, & tale, quale accepit. *§. ultim. in Inst. quib. mo. re con. obl.* Et sine dubio ita tenetur, si rem talem habet apud se, qualem accepit, Quid si autem non habet, aut deterior facta est? Distinguitur, ut si quidem casu fortuito seu vi maiore res absit, aut deterior facta sit; non teneatur creditor. Casus fortuiti nullo iudicio præstantur ab eo, qui rem præstare debuit. *l. que fortuitis. §. de pig. act. l. contractus. in fi. D. de reg. iur.* Sin aliter ista contingunt, placet omnimodo creditorem teneri, siue dolo eius factum sit, siue culpa, nec solum ea culpa, quæ in faciendo sit, sed etiam quæ in negligendo, quæ posterior custodiæ exhibendæ verbo hic significatur: dum scilicet ipse rem corrumpi aut amitti patitur eam custodiam & diligentiam non adhibendo, quæ a diligente patrefamilias adhiberi potest: ut & in *l. si cum ven-*

deret. §. ultim. et leg. seq. Digest. de pigno. act. Hæc ideo, quia in contractu pignoris utriusque utilitas versatur, & debitoris & creditoris, ut declaratur in *d. §. ultim. quib. mo. re cont. obl.* Id autem est ex ea distinctione, quæ pluribus explicatur in *leg. §. §. nunc videndum. Digest. comm.*

L. Creditor. XX.

Idem AA & CC. Alexandro.

Creditor ad petitionem debiti urgeri iure minime potest. Quapropter eo, quod vos heredibus Enodiani debere confiditis, oblato, et, si non velint accipere, consignato atque deposito: de reddendo pignore hos præsidiali notione convenire. PP. 17. Calend. Februar. AA. Coss.

S V M M A R I A.

- 1 Obligatione sola pecunia pignus liberari, & quali.
- 2 Oblationem solam pecunia in iudicio factam, et si pignus non liberat, prodesse tamen debitori ad pignus & retinendum & repetendum.

Iure constituto pignus ita liberatur, si pecunia creditori soluta erit, aut eo nomine creditori satisfactam. *leg. si rem. §. omnis. Dig. de pig. act. leg. item. §. 1. Dig. quibus modis pign. vel hypothe. sol.* Hoc ius si ad verum exigimus, periculo se constituitur aduersus debitorem. Nam non soluitur pecunia creditori, nisi ille oblato accipit. At fieri potest, ut non accipiat, quamvis iniuria. Fieri etiam potest, ut paratus sit accipere; sed dicat sibi plus deberi, quam offertur: & ideo priusquam quidquam accipiat, postulet de ea re iudicio constitui. Quod si sit, res eodem redit. Non enim potest iudicio constitui de eo, nisi ipse agat. porro nemo cogitur inuitus agere. *tit. ut nemo inuit. ag. vel accus. cog. supra.* Ita fit, ut nunquam inuito creditore pignus liberetur, si præfacte solutionem exigimus. Id ergo ne fieret, remedium inuentum est, quod pro iusta solutione cederet, ut sic & fideiussores, & pignora ipso iure liberarentur quamvis inuito creditore. Id tamen remedium est non oblatio pecuniæ sola, sed oblatio cum oblatione pecuniæ & depositione coniuncta, id est, ut recusante creditore debitor coram testibus numeratam pecuniam sacculo includat, sacculum clausum obsignet, obsignatum deponat in eum locum, de quo iudex idoneus constituerit. Hæc indicantur plenius in *leg. acceptam. §. de usur.* Idem hoc loco dicitur brevius. Similes loci notantur ab Accursio. Hæc autem liberatio pignoris ex eo est, quod hæc obsignatio & depositio solutionis vim habet. *l. obsignatione. §. de sol.* Ergo tamen sola oblatio neque principalem obligationem tollit, neque pignus liberat. Interdum tamen prodest debitori: si si puta pignus possideat, & pecuniam creditori offerat in iudicio. Sic enim consequitur, ne cogatur pignus reddere: non quia pignus liberatum sit, sed quia obstat creditori agenti doli exceptio. *l. potior. §. ult. ff. qui pot. in pig.* Prodest etiam debitori ultro pignoratitia actione agenti, qui item pecuniam in iudicio creditori offerat. Prodest autem eo, ut recte agat, & creditor damnari debeat. *l. si rem. §. ult. D. de pig. act.* Quippe pignoratitia actio has condiciones habet, si pecunia soluta sit creditori, aut ei satisfactam. Quæ conditio ex regula iuris toties pro impleta habenda est, quoties per creditorem, cuius interest eam conditionem non impleri, fiat, quo minus impleretur, *l. in iure. Dig. de regul. iur.*

L. Res obligatas XXI.

Idem AA. & CC. Vieto.

Res obligatas exterius debito soluto liberando datum petere, non earum dominium adipisci potest. Datum. 2. Cal. Nouemb. Retiaria. CC. consf.

S V M M A R I A.

- 1 Soluendo pro debitore extraneus quisvis ut debitorem etiam inuitum, ita & pignus liberat.
- 2 Soluentem pro debitore & pignus liberantem non ideo quidquam iuris in rem liberatam consequi.
- 3 De pecunia alterius nomine soluta esse aduersus eum actionem mandati, aut sine mandato negotiorum gestorum actionem.
- 4 Soluenti pro debitore & pignus liberanti dominium aut pignus acquiri ex consensione si aut ei res vendita, aut pignus in eum translatum sit: sine consensione etiam pignoris retentionem.

Quius pro debitore soluendo creditori, debitorem & ignorantem, & inuitum liberat. *l. soluen- do. ff. de neg. gest. l. solvere. l. solutione. Dig. de solut. Vnde euenit, ut eadē opera & accessiones liberentur, id est, fideiussores & pignora. leg. in omnibus speciebus. Dig. de solution. atque hęc in deb. tore vis est huius solutionis.* Nam † quod ad extraneum attinet, qui soluit, non propterea in rem, quā nexu pignoris liberauit, quidquam iuris nanciscitur. Non dominium, de quo hic scriptum est: non pignus, de quo scriptum est *in l. 1. in prin. Digest. quib. mod. pig. vel hyp. sol.* Vtrumque ideo, quia ad dominium acquirendum, & pignus constituendum pariter domini voluntate & consensione est opus. *l. in omnib. reb. D. de obl. & act. l. quamuis. §. hoc rit.* Tantum † is qui soluit, hac solutione id assequitur, vt quod soluit, possit repetere a debitore, quem liberauit: non tamen quia liberatio est, sed quia negotiū vtiliter ab eo gestum. Vt autem repetat, consequitur aut mandati actione, si mandato debitoris soluit; aut sine mandato actione negotiorum gestorum; quia vtiliter in rem eius impendit, dum eum liberat. *l. 2. D. de neg. gest. l. 3. & leg. filius. §. eo. tit. de neg. gest.* Sed † hęc ita accipienda sunt, si extraneus ita solum soluit, vt debitorem liberaret; quod verba ipsa rescripti satis significant, quæ ad solutionem & liberationem debiti solum conferuntur. Quod si ita pecuniam creditori dedit, vt pignus emeret; dominium in eum transfertur non minus, quam si a domino emisset. *leg. non est nouum. Dig. de acq. rer. do.* Sed et si citra emtionem ita pecuniam soluerit creditori, vt idem pignus sibi obligaretur, rata erit conuentio, & in ius creditoris succedet. *leg. 1. j. de his qui in prio. cred. loc. succ.* Neque vero aliter vllum ius domini, aut pignoris in re liberata sibi exterius acquirit. Sane & sine emtione, itemq; superiore conuentione de pignore constituendo extraneus, qui debitoris nomine soluit, & pignus luit, cōsequitur eiusdem rei retentionem in eam summam, quam soluit. *d. l. 1. in pr. quib. mo. pig. vel hyp. sol.* non tamen pignoris iure; sed per exceptionem doli mali; quæ iis omnibus possessoribus rei alienæ conceditur, qui in eam rem sumtus fecerunt, dum ab his res repetitur non solutis sumtibus. *l. sumtus. l. in fund. ff. de rei vind. l. plane. D. de petit. her.*

L. Secundus. XXII.

Idem AA. & CC. Antiochiano.

Secundus creditor offerendo priori debitum, confirmat sibi pignus, & a debitore sortem, eiusque tantum vsuras, quæ fuissent prestande, non etiam vsurarum v-

suras accipere potest. PP. 3. Id. Decēb. Nicomed. CC. Cosf.

S V M M A R I A.

- 1 Posteriorē creditore priori pecunia soluendo pignus sibi confirmare non tantum in sortem sibi debitam, sed & in eam summam, quam soluit; item & in vsuras quæ priori soluende essent: non etiam in vsuras vsurarum ab ipso solutarum.

Cum duobus creditoribus diuersis tēporibus eadem res obligatæ sunt, sic prior creditor in pignore potior est, vt secundus aduersus priorem nihil iuris habeat. Sed si posterior priori creditori soluat, vel offerat, quod ei debetur, illo remoto posterior in pignore aut solus, aut certe primus esse incipit, atque ita sibi pignus cōfirmat. Sed quod præcipue animaduertendū est, confirmat sibi pignus nō tantū in debitum suum; sed etiam in omnem causam, qua debitorem a priore creditore liberauit, vt est *in l. in bello. §. si pignori. ff. de cap.* Et in summa in locum prioris creditoris succedit, vt traditur *in leg. 5. in prin. ff. de distr. pig.* Proinde confirmat sibi pignus non tantum in sortem, quam priori creditori soluit; sed etiam in eius sortis vsuras, quæ præstandæ fuissent, vt hic scriptū est. Quibus verbis intelligo posteriorem sibi confirmare pignus non tantum in eas vsuras, quas priori soluit, de quib. ex locis a me supra indicatis non dubitatur; sed etiam in eas vsuras, quas nō soluit, sed quæ creditori priori soluendæ essent, si eius obligatio non esset sublata. Vt quæ admodum illi præstandæ essent, sic & posteriori creditori præstandæ fiat ex mora; quoniam is, vt diximus, in locum prioris succedit. *dist. leg. 5. de distr. pig.* Hinc quæsitum, an posterior creditor, quemadmodum sortis prioris soluta vsuras consequi potest, ita etiam possit exigere vsuras earum vsurarum, quas priori soluit. Finge posteriorem creditorem priori soluisse sortem mille aureorum, & eius sortis vsuratum nomine centum, quæ illi creditori deberi cōperant. Quæro, an quemadmodum sortis mille aureorum vsuras exigere potest posterior creditor; ita possit etiam exigere vsuras eorum centum, quæ nomine vsurarum priori soluerat. Quod quidem prima ratione quis dixerit. Nam in actione negotiorum gestorum id totum fors est, quod quis alieno nomine impendit. *l. 2. Digestis de neg. gest.* Quod si vsuræ supra solutæ in ea actione pars sunt sortis, cōsequens est etiam eius partis vsuras ex mora accedere. Nam actio negotiorum gestorum bonæ fidei est. §. actiones autem. *in Institut. de act.* In bonæ fidei autem iudiciis vsuræ ex mora veniunt. *leg. mora. §. in bonæ fidei. ff. de vsur.* Et hoc loco respondetur, posteriorem creditorem vsuras tantum sortis a se solutæ vna cum sorte consequi posse; vsuras autem vsurarum a se solutarum consequi non posse. Superiori autē obiectio ni occurrit *in l. creditor. §. sciendum. ff. qui pot. in pig. hab.* Ad hunc modum. Recte enim diceretur vsuras priori creditori solutas pro sorte habendas esse, si negotiorum gestorum actione pererentur. Nunc autē de his negotiorum gestorum actio locum non habet. Nam posterior creditor dum priori soluit & sortem & vsuras illi debitas, negotium debitoris non gerit, sed suum. Non enim soluit debitoris liberandi causa; sed pignoris, & iuris sui confirmandi gratia. Ita relinquatur, quod solutum est, id partim sortē esse, partim sortis vsuras. Certe autem iuris est vsuras vsurarum exigere non posse. *l. placuit. D. de vsur. l. ut nullo. §. de vsuris.*

L. Maior. XXIII.

Idem AA. & CC. Macedoniano.

Maior annis 25 pignoris conuentionem remissam,

cum hoc solum pactum, vel iurisdictio secundum ipsius voluntatem tueatur, persequi non potest. S. 18. Kal. Ian. Nicomedia, CC. Coss.

S V M M A R I A

- 1 Remissione & conuentione sola pignus solui.
- 2 Iurisdictio quid.
- 3 Remissione directa pignoris maxime pignus solui ipso iure.
- 4 Etiam tunc, cum res tradita est creditori.
- 5 Obliqua quoque remissione, id est, pacto interposito de pecunia non petenda, etsi sortis liberatio contingit tantum per exceptionem, pignus tamen ipso iure tolli.
- 6 §. de pignore. l. si tibi. D. de pact. explicatus.
- 7 L. 2. C. de remis. pig. explicata.

Remitit pignoris conuentionem creditor, qui paciscitur, ut a pignoris conuentione, id est, a pignore discedatur, nec res amplius sit pignori. Hoc pactus est, pignus amplius persequi non potest, ut hic traditur. Et hoc est, pignus conuentione & remissione creditoris soluitur. l. 2. j. de remis. pig. Id eo fieri dicitur hoc rescripto, quia pactum, quod inest in hac remissione, tamen si solum sit, & ut iuris auctores alibi loquuntur, nudum: tamen eiusmodi est, quod iurisdictio tueatur secundum voluntatem creditoris. Iurisdictio, id est, prator, & quibus magistratus ex edicto pratoris de pactis. l. iuris gentium. §. an prator. D. de pact. Iurisdictio est magistratum auctoritas, & potestas in iure dicundo. l. non possunt. §. l. seq. D. de leg. Queritur, an remissione creditoris pactum tollatur ipso iure, an per exceptionem tantum? Quorum alterum ex verbis huius rescripti certo colligi non potest. Nam is dicitur, non posse rem persequi, non tantum qui ipso iure non potest, sed etiam qui per exceptionem remouetur. l. nihil interest. D. de reg. iur. Et tamen res digna est cognitu propter locos de hac questione in speciem dissentientes. Nos statuemus, ut consensu creditoris pignus contrahitur, ita contrario consensu ipso iure & remitti & dissolui. Remissio & conuentione creditoris duplex est; directa, & obliqua. Directa, qua aperte & recta paciscitur, ut ab hypotheca discedatur, siue ne de hypotheca amplius agat. Hac conuentione citra controuersiam dicitur pignus soluere, in l. soluitur. D. quib. mo. pig. vel hyp. sol. Solui dicitur, quod omnino soluitur, id est, ipso iure. §. item per acceptilationem. Inst. quib. mo. tol. obl. Et vero id consentaneum est regulæ iuris, quæ dicitur, quibus quidque modis contractum aut constitutum est, iisdem modis in contrarium actis dissolui. l. nihil tam naturale. l. fere. D. de reg. iur. Constat autem pignus sola conuentione contrahi, siue creditori tradatur, siue non tradatur. l. 1. in prin. D. de pig. act. l. 4. D. de pign. Proinde & contraria conuentione tollitur, quæ definitio expressa est in d. l. 2. j. de remis. pig.

Nec multum ad rem faciet, si pignus præter conuentionem traditum sit creditori. Nam hæc traditio non facit, ut magis pignus contrahatur, quam ante traditionem. Denique pignus quamuis traditum, sola tamen conuentione constitutum est, non etiam traditione, proinde & sola conuentione, quamuis traditum, tollitur. Nec obstat, quod in l. ab emptione. D. de pact. dicitur ab emptione, & ceteris contractibus, qui consensu perficiuntur, contrario consensu dissolui posse rebus adhuc integris, id est, nulla re ab vno alteri data, aut tradita. Nam ex eodem loco discimus, a superioribus contractibus etiam rebus non integris di-

scedi posse, dummodo non paciscamur, ut nobis quid præstetur ab aduersario, & noua obligatio aduersus eum non constituitur. quod postremis eius legis verbis demonstratur. At in pignore, quamuis id traditum sit creditori, si paciscatur creditor, ut a pignore discedatur, non id agitur, ut ipse quidquam præstet, sed tantum ne pignus petat. Quamobrem etiam tunc sine exceptione ea conuentio valebit. Obliqua tamen pignoris remissio est, cum creditor non de pignore paciscitur aperte, sed de debito non petendo. Nam qui ita de debito paciscitur principaliter, etiam per consequentiam de pignore non petendo pacisci intelligitur. l. soluitur. §. si paciscatur. D. quib. mod. pig. vel hyp. sol. propterea quod pignus accessio est principalis debiti, ac principali causa sublata, accessioni locus esse non potest. l. cum principalis. D. de reg. iur. l. in omnibus speciebus. D. de solut. In hac specie quia principalis obligatio non tollitur, nisi per exceptionem pacti conuentioni, §. D. de pact. §. præterea. Inst. de excep. idcirco dubitari potest, an pignus quoque non nisi per exceptionem remittatur. Dicemus etiam in hac specie pignus ipso iure tolli. Nam aperte dicitur hoc modo solui in d. l. soluitur, quo verbo diximus iuris solutionem & liberationem intelligi. Eiusque rei argumenta hæc sunt. Nam & aliis modis cum debitor de debito liberatus est solum per exceptionem, tamen pignus liberari dicitur. Ut, si deferente aduersario iureiurauerit se non debere, aut si absolutus sit sententia iudicis. l. si deferente. D. quib. mo. pig. vel hyp. sol. Ex quibus tamen causis tantum debitor per exceptionem liberatur, non ipso iure. §. aque, §. seq. Inst. de excep. Proinde idem dicendum est, & si debitor pacto tantum conuentione de debito sit liberatus. Præterea si debitor remiserit principalem obligationem debitori, pignus ipso iure liberatum est, etsi remissio iure effectum non habuerit, l. §. 1. D. quib. mod. pig. vel hyp. sol. Multo ergo magis, si remissio valuerit taliter per exceptionem. Postremo cum creditor paciscitur, ne debitum petat, etiam de hypotheca non petenda paciscitur, ut supra dixi. Quamobrem & hoc consensu hypotheca ipso iure tollitur, quoniam iam effectum est, ut consensu pignus contrahitur, ita etiam consensu dissolui. Scio prima fronte non improbabiler dici, si obligatio principalis pacto per exceptionem tantum tollitur, par esse, ut etiam pignoris obligatio non nisi per exceptionem eodem pacto tollatur: quoniam pignus est accessio principalis obligationis. Sed dissimilia hæc sunt. Nam pactum ut ad constituendam principalem obligationem, & obligationem pignoris diuersam vim habet, sic & diuersam habet ad utramque obligationem dissoluendam. Principalis obligatio pacto conuentione ipso iure non tollitur, quia pacto conuentione ab initio non contrahitur. At pignus contrahitur pacto, eo fit, ut & contrario pacto dissoluatur. Neque nos mouere debet, quod vulgo hic obiicitur, accessorium sequi naturam principalis causæ, cui accedit, argumento l. eos. §. de vsu. Hoc enim recte dicitur negatiue. Nam si principalis obligatio non consistit, non consistet etiam pignoris aut vsurarum accessio. Sed non idem valet affirmatiue. Non enim si principalis obligatio ipso iure consistit post pactum conuentum interpositum de non petendo, idcirco dixeris ipso iure consistere pignus: quoniam, ut dixi, ad tollendam principalem obligationem & obligationem pignoris pactum conuentum diuersam vim habet. Verum tamen op-

vbi scriptum est, actionem de pignore tolli per exceptionem, si paciscar, ne petam. Hic nobis duplex responsio est. Nam primū duplex illic potest exceptio intelligi: aut ea quæ opponatur pignoris persecutioni: aut ea quæ opponatur principali actioni, de qua non persequenda pactum factum est. Secundum hoc recte dicitur tolli quidem actionem de pignore per exceptionem, cum creditor pactus est, ne debitum peteret, sed per exceptionem non eam, quæ pignoris persecutioni opponatur: nam hæc persecutio ipso iure pacto sublata est: verum per exceptionem, quæ ex pacto nata est aduersus principalem obligationem. Hac enim actione quāvis per exceptionem remota pignus etiam ipso iure tollitur. Et hoc est, quod Marcianus significat in *l. soluitur in si. i. resp. quib. mod. pig. vel hyp. sol.* cum ait, si creditor pactus sit, ne pecuniam petat, recessum esse ab hypotheca, cum pactum exceptionem perpetuam pariat. Exceptionem perpetuā sine dubio intelligit, quæ nata est de pecunia non petenda, cum de hoc pacto ageretur, iuxta §. *præterea. Inst. de excep.* Licet & hoc modo respondere. Cum creditor paciscitur, ne debitum petat, actio de debito tollitur per exceptionem. Esto: sed nihilominus tollitur & ipso iure. Neque hæc contraria sent ipso Paulo auctore, cuius est illa *l. si tibi*. Nam multorum sententia est in hac specie, cum principalis obligatio per exceptionem sublata est, pignus iure ipso liberari. *d. l. soluitur. §. l. si deferente. D. quib. mo. pig. vel hyp. sol.* Sed tamē etiam de eo dubitari potest, ut innuere videtur disputatio Marciani in *d. l. soluitur*. Et ideo tutius est exceptionem initio opponere aduersus creditorem pignus contra pactum persequentem. Ergo tollitur pignus per exceptionem, quia opponere exceptionem est tutius; tamen si exceptione non opposita recte defendi possit nullam fuisse ipso iure hypothecariam actionem. Nec ab similibus Pauli sententia, & ratio est in *l. qui seruū. §. i. ff. de obl. & act.* Rursum opponitur *l. 2. j. de remf. pig.* Debitor sciente & consentiente creditore pignus vendidit. Si creditor pignus postea ab emtore vindicet, illic scriptum est, eum exceptione remoueri. Sed hoc sic interpretandum est: exceptione eum remoueri, si emtor idemque possessor exceptionem opponat. Quod si non opponat, non est necessaria. Nam & sine exceptione ipso iure tutus est. Idque demonstratur euidenter sequenti ratione, quæ illic subicitur. Nam, inquit, rescriptum, ut consensu contrahitur pignus, sic consensu dissoluitur. Dissolui dicuntur ea, quæ omnino tolluntur, non autem iure ipso manent, ut supra dixi. Hæc a me eo disputata sunt fusius, ut in re accipiti, licet exigua, retineretur constantia & veritas regularum iuris de rebus eodem modo dissoluendis, quo colligatae sunt.

L. Persecutione. XXIV. Et auth. seq.

Vide *l. distractis. supra.*

L. Seruo. XXV.

Idem AA. & CC. Dracontio.

Seruo, qui fuerat pignori obligatus, defuncto, debiti permanet integra petitio. Dat. 6. Kal. Iannarii. Nicomedia, CC. Conf.

S Y M M A R I A.

1 Pignore casu amisso nihilominus manere creditori integram debiti actionem, & cur.

SI pignore casu amisso tollitur actio creditoris de pecunia debita, necesse est eo fieri, vel quia pig-

nus detur solutionis causa, ut sic ea satisfactione debitor liberetur: vel quia damnum amissæ rei creditor præstare debeat, ut sic debitor liberetur ea compensatione. At neutrum istorum est. Nam pignus datur, ut creditori pro debito cautum sit. §. *ult. Inst. quibus mod. re con. oblig.* Item pignus accedit principali obligationi, non eam perimit, *l. 4. §. si ex conventionē. D. de re iudic.* Unde apparet, non dari solutionis aut satisfactionis causa. Alioquin ipsum debitum statim tolleretur solutione. Sed nec casus fortuitos creditor præstat in pignore. *leg. qua fortuitis. §. leg. pignus. suora de pigno. act.* Ex quibus efficitur, pignore casu amisso nihilominus creditori saluam esse principalem actionem de pecunia credita, ut hic traditur, & *d. l. qua fortuitis. d. l. pignus. supr. de pig. act.*

L. Si tibi. XXVI. Pen.

Idem AA. & CC. Mauricio.

Si tibi notarium pignoris titulo debitor tuus obligauit eum, a quo mancipium abreptum proponis, apud rectorem provincie conveni. S. 4. Kalend. Iannuar. Sirmii, CC. Conf.

S Y M M A R I A.

1 Pignore surrepto, eum persequendi causa creditori duas esse actiones, hypothecariam, & furti.

Pignore surrepto creditor furem convenire potest. Quibus actionibus? Nempe aut hypothecaria actione de pignore, aut actione furti. Actione hypothecaria tenetur fur citra controuersiam, si pignus possidet. *l. pignoris. supra hoc tit.* Sed & si non possidet, tenetur non eo minus. dolo enim desit possidere. Et de hac actione melius est hunc locum intelligi, ut titulo & argumento conveniat. Sed & creditor aduersus furem furti actionem habet. Quo iure, & quo effectu, cognoscendum est ex suis locis. *l. creditoris. le. creditoris de D. furt. §. furt. Inst. de obl. qua ex delict.*

L. Vlt. Super.

Imp. Iustinian. A. Menna præfecto prætorio.

Super hypothecâ, quas argenti distractores vel metaxarii vel alii quarumcunque specierum negotiatores pecunias sibi credentibus dare solent, hoc specialiter super amputanda omni machinatione sancimus, ut si post huiusmodi contractum liberis suis, vel alio modo cognatis, quacumque militiam idem negotiatores acquisierint (eam tamen, quæ vendi vel ad heredes sub certa designatione transmitti potest) liceat, creditoribus eorum etiâ non probantibus ex pecuniis eorundem negotiatorum liberos eorum vel cognatos militasse. (dum tamen contrarium non probetur alios ex suo patrimonio dedisse pecunias) creditum ab his, qui militarint, exigere, vel tantum eos efflagitare quanti vendi eadem militiam possit. Quod ita obtinere sancimus, & si extraneis quibusdam idem negotiatores de suis pecuniis huiusmodi militiam acquisisse probentur: ut quod generaliter in ipsis debitoribus militantibus talem militiam, quæ vendi vel ad heredes transmitti potest, permissum est, ut liceat creditoribus & adhuc viventium debitorum iure hypotheca vindicare militias, nisi sibi satisfiat, & post mortem eorum exigere quod pro his de militiis pro tenore communis militarium placiti, vel diuina sanctionis tale præstantis beneficium, dari solet: hoc in negotiatorum personis, licet ipsi militantes minime debito obnoxii sint, integrum creditoribus eorum seruetur. Quod scilicet in futuris militis, non etiam in his, quos liberi vel cognati eorundem negotiatorum vel extranei

pecuniis eorum mernerunt, tenere sancimus. Dat. Kal. Iunii. DN. Iustiano A. PP. II. Coss. § 28.

S Y M M A R I A.

- 1 Militia in functionibus publicis, quid, & cur ita dicta.
- 2 Militiarum quasdam vendi & ad heredem transire posse, quasdam non posse.
- Obligatione generali bonorum, contineri militiam etiam postea quasitam, qua quidem vendi possit.
- 4 Quisquis sit debitor.
- 5 Cur hic dubitatum de militiis.
- 6 Militiam contineri, etiam quam debitor pecunia sua acquisierit alii, non tantum sibi; & quomodo acquirere possit alii secundum regulas iuris.
- 7 Militiam alii quasitam a debitore oportere quasitam esse ex pecunia debitoris, ut contineatur obligatione generali pignoris, & quare.
- 8 Militia a debitore postea alteri quasita quomodo possit deduci in obligationem pignoris a debitore constitutam, cum militia non sit aut fuerit in bonis debitoris.
- 9 De militia hoc loco dictum, etiam ad res omnes alias a debitore ex pecunia eius alteri quasitas pertinere, ut bonis a debitore obligatis etiam heres ea obligatione contineatur.
- 10 Militia a debitore alteri quasita, quibus conditionibus conventionione debitoris obligetur pignori.
- 11 Militia pecunia debitoris emta quando presumatur, & quando a creditore probari debeat, & distinctionis ratio.
- 12 Militiam pignori obligatam sic vinente eo cui acquisita est, a creditore vindicari posse hypothecaria, ut possessor quamvis debitum non soluat; prestando militie estimationem liberetur, alterutrum nisi sit, militiam iure pignoris distrahi posse.
- 13 Mortuo eo cui militia pignori obligata acquisita est, nec estimationem deberi creditori, & quid illi pro ea prestari debeat a successoribus, & qui successores.
- 14 Forma communis militiarum placiti, quid in hac lege. Militantes, & statuti, qui. *ibidem.*
- 15 Mortuo militante cur pro militia ante pignori obligata nec debeat creditori prestari estimatio, & tamen debeat prestari certa summa.
- 16 Commoda ex casu, seu simpliciter. Ex casu qua dicantur Iustiano.
- 17 Militiam ex casu nullam esse.
- 18 De comodo militie vacantis aduersus quos sit creditori actio hypothecaria.

1 **C**onstitutio hanc est de militia hypotheca. Militia in usu iuris dicitur functio omnis ordinaria, qua quis operam suam nauat vel Principi, vel Reipublicæ, vel magistratibus in rebus ad publicam administrationem pertinentibus obeūdis. qualis est, exempli gratia, Notariorum, Secretariorum, Apparitorum, eorum qui sunt a memoria, a libellis, & quales indicantur in l. 11. §. de prox. sac. scrip. lib. 12. Ac pro ea præstatur salaria ex publico, aut annonis publicis: ut sic militia non sit ea commoda, quæ percipiuntur ex publico; sed ipsa functio, propter quam illa commoda capiuntur, ut patet ex l. Lucius. D. de leg. 2. l. creditor. §. inter. D. de act. empt. item l. omnimodo §. ult. §. de inoff. test. Sic dicta militia, quod qui Reipublicæ operam nauant, hi Reipublicæ militare dicuntur. l. aduocati. §. de aduoc. diuer. ind.

2 Ex militia quasdam sunt, quæ vendi possunt, vel

etiam ad heredes transire; quædam, quæ non possunt, sed ita personæ coherent, ut eam egredi non possint. Quod & hæc constitutio indicat, §. l. 3. §. si quis minori. D. de minor. Quæ vendi non possunt, hæc sine dubio pignori obligari non possunt, cum ita iuris regula sit, eas res pignorationem recipere, quæ & venditionem recipiunt. l. 9. in fin. D. eo. Quod & hic satis significatur. De earum hypotheca, quæ vendi possunt, hæc constitutio est.

Constitutionis tria sunt capita. Primum caput est de hypotheca militiæ constituenda. Secundum de necessitate probationis, cui hæc incumbat, si forte controuersia erit, utrum militia emta sit ex pecunia debitoris, an non. Tertium de effectu huius militiæ. Primo capite de hypotheca militiæ statuitur ad hanc sententiam. Obligatione generali pignoris qua debitor omnia sua bona obligauit creditori, contineri etiam militiam, quæ quidem vendi possit, quam debitor postea acquisiuit; non tantum si acquisierit sibi, sed etiam si acquisierit alii: dummodo si alii acquisiuit, eam acquisierit ex pecunia sua. Hæc pars ut certius cognoscatur, in ea hæc expendenda sunt. Primum de quibus debitoribus agat constitutio, deinde de quibus rebus. Tertio loco quid de earum hypotheca constituat. Postremo quibus conditionibus.

Quod ad debitores attinet, loquitur constitutio in principio de negotiatoribus. Vnde videri potest ad negotiatores tantum pertinere, qui militiam postea acquisierint. Sed constitutio generaliter ad omnes debitores pertinet, siue negotiatores sint, siue non sint, ut declaratur illis verbis constitutionis, quæ subiiciuntur, ut quod generaliter in ipsis debitoribus militantibus, &c. Itaque quod de negotiatoribus initio dicitur, vel exempli causa dictum est, vel ut remoueretur dubitatio, quæ maior erat in negotiatoribus, quasi his pro conditione vitæ liceat impune pecuniam acceptam in quos velint usus impendere, & de ea negotiari: intelligaturque si hi non possunt pecunia accepta militiam acquirere, quin ea in obligationem generalem pignoris veniat, multo magis idem de aliis debitoribus probandum esse. Inter negotiatores specialiter Iustinianus nominat argenti distractores, & metaxarios. Argenti distractores nominat non hic tantum, sed & in l. 2. in fi. §. de con. pec. Illic autem argenti distractores interpretari videtur Theophilus argentarios in §. in personam. Inst. de act. Et sunt hi Iustiano argentarii. Metaxarii sunt negotiatores metaxæ, id est filii aut panni serici. Hæc recte ut cetera, & pluribus Brissonius in Lexico.

Cauit autem constitutio de militia, quod secundo loco cognoscendum fuit. Cur de militia potius dicit, hanc pignori obligari, quam res ceteras a debitore acquisitas, cum constet obligatione generali bonorum omnes res debitoris magis contineri. l. ult. §. qui pot. in pig. quia vetus fuit dubitatio de militiis, an hæc quoque pignori subiici possint, ut res ceteræ, ut idem Iustinianus docet in §. optimum. Non de exhib. reis Id hac lege decisum est.

Cauit etiam constitutio de militia, quam debitor alii acquisierit. Quid, si acquisierit sibi? multo magis hæc pignori erit, cum citra controuersiam sit in bonis debitoris. Idque significat satis aperte Iustinianus hac constitutione illic, ut quod generaliter in ipsis, &c. Sed hoc tanquam exploratum prætermisit. De eo cauit, quod dubitatione habere videbatur, nempe de militia, quam debitor alii acquisiuit, non sibi, ut sic non vi-

deatur in bonis eius fuisse. At quomodo potest debitor militiam alii acquirere, cum per liberam personam alii nihil acquiri possit? *l. 1. sup. per quas pers. nob. acq.* Id fit hoc modo, si debitor qui bona sua obligauit, militiam emat sibi; deinde iubeat venditorem militiam cedere ei, cui acquisita vult, *inxt. l. 1. §. si iusserim. D. de acq. poss. l. 3. in fin. §. l. seq. D. de don. int. vir. §. vx.* Id etiam fit hoc modo, si debitor militiam emat sibi, deinde eam accipiat nomine extranei, cui acquisitam vult. Nam possessionem alterius nomine acceptam illi acquirit, & per possessionem dominium. *l. si procurator rem. l. traditio. in fi. D. de acq. rer. do. §. d. l. 1. sup. per quas pers.* Hæc eo dicimus, quia si debitor militiam sibi emit, & ei suo nomine traditur, ipse sibi acquirit, non debitor illi, quantumvis ipse eam emat ex pecunia debitoris. Quod enim mihi emo, & mihi meo nomine traditur, meum fit, etiam si emam ex pecunia aliena. *l. 1. §. l. pen. sup. si quis alt. vel sibi.* Restat igitur, ut dicamus debitorem militiam alii acquirere iis modis, quos indicauimus.

Sed 7 exigitur constitutione, ut debitor acquisierit militiam ex pecunia sua. Hoc eo fit, quia si ex pecunia alterius militiam emta est, & extraneo tradita, reuera militiam non potest dici debitoris esse, eoq; nec in obligationem pignoris deduci a debitore potest. At si emta est ex pecunia debitoris, quamuis tradita sit eius voluntate extraneo, tamen etiam hoc casu non male dicatur in bonis debitoris fuisse. Id enim recte definitur nostrum, cuius commodum aut incommodum ad nos pertinet. *l. 1. §. in propria. D. quan. app. fit.* Cum autem debitor militiam emit pecunia sua, etsi militiam alii traditur, tamen incommodum debitoris est ob pecuniam ab eo impensam. Est etiam eius commodum in eo, quod ea prestatione obligat sibi extraneum, aut beneficii debitorem acquirit. Quorum nihil dici potest, ubi debitor emit militiam alii ex pecunia aliena.

De 8 hac militiam sic constituitur, hanc quoque obligationem generali, quæ a debitore contracta sit in obligationem pignoris deduci. Hoc vero inique vel potius absurde constitui videtur. Nam hæc militiam, de qua loquimur, non est debitoris, cum proponamus eam non debitori quæsitam, sed alii. Quod si ita est, secundum regulas iuris non potest hoc genus militiæ a debitore obligari, neque generaliter, neque specialiter. Non generaliter, quia generali obligatione pignoris debitor obligat bona sua. Hæc autem militiam non est in bonis debitoris. Sed nec si debitor nominatim & specialiter obliget pignori eam militiam, quæ postea alii acquirat, quicquam proficiet; quia ut pignus contrahatur, oportet rem tunc, cum conueniebatur, fuisse in bonis debitoris. *l. 1. §. quæ nondum. §. quod dicitur. D. de sol. res. §. si alie. res. pig. dat. fit.* Hac obiectio-
ne moti pleriq; omnes interpretes existimant hic singulare ius constitui de militiam: ut scilicet quemadmodum res emta ex pecunia pupilli, pupillo obligatur, sic & militiam emta ex pecunia creditoris, creditori obligetur. Quæ sententia nullo modo recipienda est. Primum, quia in hac constitutione non agitur de militiam emta ex pecunia creditoris, sed emta ex pecunia debitoris, vnde cumq; illa pecunia peruenerit ad debitorem. Deinde res ex pecunia creditoris emta, ita demum creditori obligari potest pignori, si prius sit in bonis debitoris. Nunc autem de militiam agitur, quæ non est in eius bonis, si vera sunt ea, quæ diximus. Dicendum est nihil hic non recte constitui, aut præter regulam ceterarum rerum debitoris, quas pignori ob-

ligari placet, secundum quas nihil obligatur creditori, nisi quod est in bonis debitoris. Nam & hoc ipsum in hac re accidit. Militiam quam debitor alii acquisiuit, subtilitate iuris non est, nec fuit vnquam in bonis debitoris, utpote alii quæsitam non debitori, ut hic proponitur; sed naturali ratione prius illi quæri videtur, cum iubet venditorem suum extraneo militiam tradere; deinde videtur ita per eum extraneo acquiri, ut res explicatur ab Vlpiano *in d. l. 3. §. vlt. iuncta l. seq. D. de don. int. vir. §. vx.* Et hoc est, quam obrem exigat hæc constitutio, ut militiam emta sit ex pecunia debitoris. Sic enim fit, ut commodi & incommodi habita ratione vere res debitoris fuisse intelligatur, uti iam exposuimus. Hæc 9 sententia cum in ceteris rebus omnibus corporalibus locum habeat, quas is, qui eas emit, aut cui alia ex causa debentur, iubet debitorem suum alii tradere, ut licet intelligere *ex d. l. 3. in fi. de don. int. vir. §. vx.* neq; mirum, neq; nouum videri debet, si idem probetur in reb. incorporalibus omnibus, quas debitor alii acquisierit, dum pecunia sua, ut iam non dubitemus non de militiam solum, sed de omnibus rebus alii emtis generaliter definire; cum debitor bona sua generaliter obligauit, in eam obligationem venire res omnes, quas postea acquisiuit, non tantum sibi, sed etiam alii; dummodo alii acquisierit pecunia sua. Cur ergo tantum cauit Iustinianus de militiam, si ius ad res omnes æque pertinet? Non ut in his quidquid singularis iuris constitueret præter res ceteras, sed ut dubitationem tolleretur, de qua supra dixi.

Caut autem constitutio, ut militiam postea a debitor 10 acquisierit pignori sint his conditionibus. Primum si vendi possint, de quo initio dixi. Deinde si debitor eas acquirat. Præterea si militiam a debitore quæsitam sint ex pecunia eius: nihil ut intersit, utrum emta sit ex pecunia, quæ a creditore ad debitorem profecta sit, an ab alio. Postremo, si debitor pecuniam accipiendo obligauerit omnia bona sua. Id quod intelligimus ex eo, quod Iustinianus initio dicit se hoc constituere super hypothecis, quas negotiatores creditoribus suis dederint. Hypothecas dicit, non hypothecam, ut intelligamus generaliter hypothecas constitutas esse: deinde sine constitutione hypothecæ ne militiam quidam a debitore quæsitam pignori obligari.

Secundum caput huius constitutionis ex prioribus ita nascitur. Constituerat Iustinianus militiam, quæ a debitore quæsitam est alii, ita demum pignori subijci, si debitor eam quæsierit pecunia sua. Vnde intelligitur creditorem non posse eam vindicare, quin intendat eam emtam ex pecunia debitoris. Quid ergo, si possessor id neget, an creditor probare debeat secundum 11 regulas iuris. *l. 2. D. de prob.* Et de eo singulare quiddam constituitur hoc capite: nimirum alias id præsumi, alias creditorem probare debere. Si quidem debitor militiam emit filiis aut cognatis, præsumitur militiam pecunia eius emta, nisi contra probetur. Sin emit aliis nempe extraneis, creditor probare debet pecunia debitoris emta. Huius distinctionis ratio hæc est, quod ex coniunctione sanguinis colligitur affectus debitoris, ex affectu beneficium. *arg. l. quod in uxorem. §. l. si paterno. sup. de neg. gest.* quod non item in extraneis dici potest.

Tertio capite de effectu superioris hypothecæ ita cauetur: aliud esse, quod consequatur creditor viuente adhuc eo, cui militiam acquisita est, aliud quod consequatur eo mortuo.

Viuente 12 eo cui militiam acquisita est, creditor iure hypo-

hypothecæ ab eo militiam vindicare potest; sed hac lege, ut placeat eum hac actione non consequi, quod in ceteris rebus corporalibus, ut res pignori obligata ei restituatur; sed consequi militiæ æstimationem, id est, ut hæc constitutio loquitur, quanti militia vendi potest. Hoc ideo, quod militia personæ quodammodo coheret; unde & militia legata militiæ æstimatione deberi dicitur. *l. Lucius. D. de leg. 2.* Consequitur autem creditor, quanti militia vendi potest, nisi is cum quo agitur, malit debitum soluere. Ceterum alterutrum facere cogitur ex hac constitutione. Quid, si neutrum facit? longius quidem non progreditur constitutio: sed dicemus creditorem iure hypothecæ vsurum, id est, curaturum, ut militia distrahatur, quod iusest creditoris in omni pignore. *l. quamdiu. l. si cessante. j. de dist. pig.* Mortuo autem, eo cui militia quæsitæ erat, non potest exigere creditor, quanti militia vendi potest; sed id solū, quod pro militia defuncti dari solet, vel ex tenore, id est, forma, communis militantiū placiti, vel ex forma constitutionum. Sic enim verba sunt huius constitutionis in §. i. Quæ ut intelligantur, sciendum est, mortuo, eo qui militiam obtinebat, militiam vacare, nisi ex iis sit, quæ ad heredes transeant. Vacantem certis & statutis personis deferri, quæ in decedentium locum succedant. Ab iis personis, quæ succedunt in militiam, hoc exigi, ut pretiū quidem militiæ nō præstent, sed præstet aliquā summā vel heredib. defuncti vel filiis, vel uxori, vel creditoribus, quæ summa cedat pro solatio militiæ amissæ. Et hæc summa in militiis sacrorum scriiniorū definita est ad ducentos, & viginti aut quinquaginta aureos. Quæ omnia declarantur. *l. 7. §. l. ii. j. de prox. sac. scriin. lib. 12.* Hæc est igitur illa summa, quæ defuncto militate pro militiis dari solet

ab iis, qui vacantem militiam nunc obtinent. † Solec autem dari secundum formam cōmunis militantiū placiti, ubi commune placitum vocat Iustinianus cōmunem conuentionem. Militantes autem vocat ordinem eorum, qui eius generis militiam exercent. ut sunt, exempli gratia, qui sunt ab epistolis, qui sunt a memoria, qui sunt a secretis: qui omnes vno verbo appellantur statuti, quia eorū numerus certus status erat in vnoquoque genere militiæ, ut patet ex d. l. 7. §. l. i. de prox. sac. scriin. Ergo si quam summam isti militantes communi consensu constituissent, quam successor militiæ dare deberet defuncti heredibus, hæc est illa summa, quam Iustinianus hic dicit creditores exigere posse. Remoto autem placito militantium, ea summa præstanda erit, quæ definita est in hac re legibus; ut in d. l. 7. §. l. ii.

Cur ergo creditori non licet exigere æstimationē totam militiæ, & militiam a successore persequi? Quia verus militia quæ ante obligata erat, iā nulla est; morte enim militantis esse desit, & ut dicitur in d. l. i. vacare cœpit, utpote personæ defuncti coherens. Quapropter militia successoris noua est; quæ ideo nec iure pignoris potest a creditore vindicari. At quod pro militia vacante præstari debet, id quoddammodo prioris militiæ pars & commodum est, proinde etiam ad veterem hypothecam pertinere intelligitur.

Hæc † vero summa atque hoc commodum, quod pro militia vacante præstari debet, est id quod Iustinianus appellat res siue commoda ex casu; vel ea quæ simpliciter appellantur ex casu in Nou. de exhib. reis. §. optimum. vers. propterea. Et recte ex casu. Sunt enim ista commoda & præstationes ex casu militiæ, id est, ex eo, quod militantis morte militia caduca facta est,

seu, ut loquitur *l. ii. de prox. sac. scriin.* ex eo, quod militia vacauit militantis morte: qui casus recte dicitur; quemadmodum deficiente herede aut legatario hereditates & legata caduca appellamus. De his autem commodis loqui Iustinianum superiori constitutione ex eo manifestum est, quod de mortuo militante loquitur, & cauet, quomodo, & quibus tribuenda sint ea, quæ pro militia defuncti præstantur ab heredibus vel aliis. Mortuo autem militante militia heredibus eius non tribuitur, sed aliquid pro solatio militiæ caducæ, ut supra ostendi. † Ex quo apparet errare eos, qui ex ea constitutione colligunt esse aliquas militias, quæ dicantur ex casu: verumque est, quod Cuiacius scripsit ad eam Nouellam, nullam esse militiam ex casu. Et certe si ex eo loco id tantum probari volunt, res est expedita. Non enim de militia illic agitur, sed de iis quæ dantur ex casu, siue propter casum militiæ: quasi dicas propter cadentem, aut caducam factam militiam, id est, amissam, & morte vacantem. Res etiam ipsa loquitur, non possideri militiam ex casu, nisi ideo, quia militia casu obtineatur, nempe vel morte alterius, vel emtione. Quo sensu omnes militiæ ex casu dici possunt. Immo vero omnes acquisitiones, & omnia iura rerum nostrarum: quia nulla sint, quæ non vel morte, vel emtione, vel alio simili casu nobis obtingāt. † Sed quæritur circa hunc locum, aduersus quos agat creditor, ut hæc commoda, quæ pro militia defuncti dari solent, consequatur. Aget aduersus successores qui militiam obtinent; eritque in eam rem hypothecaria actio, qua teneatur adhuc militia, solum ut id commodum quod successor debuit, pro militia præstet creditori. Quid, si successor iam id commodum soluit defuncti heredibus, aut similib. personis? nihilominus adhuc tenebitur creditori; quia quod aliis soluit, indebitum soluit, cum id præstare deberet creditori. Proinde hæc saltem tenebitur, ut cōditionem indebiti, quam habet, creditori cedat: sed nō longius. Quisquis enim ideo tenetur, quia actionem habet, eā actionem cedendo liberatur. *l. quod debetur. D. de pecu.*

Auth. Quod obtinet.

Quod obtinet, si ad hoc mutauerit pecuniam, ut militia emeretur, alioquin filii aut uxor defuncti omnibus præponentur. Sed & si nullus prædictorum fuerit, tunc alius creditoribus hoc damus.

S V M M A R I A.

1 Ad militiam viuentis hominis hanc auth. non pertinet: sed tantum ad commoda, quæ mortuo militante pro militia vacante præstari solent, & quæ hic Iustiniani constitutio.

Qua parte ad superiorem constitutionem pertineat hoc fragmentum, sic intelligitur. Superiore constitutione duo constituuntur, quæ quidem ad sententiam huius fragmenti referri possint. Prius est, militiam quæ pignori obligata est, iure creditori teneri, quamdiu militans viuic. Alterum mortuo militante creditorem id persequi posse, quod pro militia solatii loco præstari debet. Prius de hypotheca militiæ viuentis hominis nō mutatur villo modo Nouellis constitutionibus Iustiniani. Siue enim debitor generaliter res suas obligauit, siue specialiter militiam, semper militia ab eo quæsitæ obligata erit. Tantum in eo hoc effecit Iustinianus, ut mulier in ea hypotheca præferatur creditori, nisi creditor nominatim pe-

cuniam suam crediderit in hoc, ut ea militia emeretur; effectum hoc est *Non. de equal. dot. §. quia vero & huiusmodi.* In quo superiorem constitutionem magis confirmat de hypotheca militiæ. Neque aduersatur *Non. de exhib. reis in §. optimum.* Non enim illic loquitur Iustinianus de militia viuentis, sed defuncti. Alterum, quod pertinet ad ea commoda, quæ pro militia defuncti dari debent, mutatum est a Iustiniano in *d. Non. de exhib. reis. §. optimum.* Nam cum ex superiore constitutione creditor possit ista exigere, ubi illi obligata sunt bona debitoris; constitutum est postea a Iustiniano, non aliter hæc commoda ab vno aliquo creditore exigi posse præter ceteros, nisi nominatim pecuniam crediderit in hoc, ut ea militia defuncto emeretur. Quod si creditor nõ fecit, contempta priore hypotheca voluit Iustinianus hæc commoda dari primum filiis defuncti, si qui sint; deinde vxori; idque ex beneficio principis, non iure hereditatis. Quod si neque filii sint defuncti, neque vxor, voluit hæc commoda non ad vnum aliquem creditorem pertinere, sed tribui omnibus creditoribus defuncti. Ex quo apparet Iustinianum, vacante militia facta indicasse militiæ euauisse, proinde & hypothecam: commoda autem, quæ pro ea militia præstari solent, magis principis existimari debere, quam priuari. Ideo causam fuisse, cum isto ordine attribueret supralicriptis personis. Ad hæc vero sententiam exprimendam recte accommodabitur hoc fragmentum *auth. quid obtinet.* Ceterum ad priorem illam partem hypothecæ viuentis non pertinet.

AD TIT. XV. IN QVIBVS CAVSSIS pignus vel hypotheca tacite contrahitur.

Vide, quæ scripti sub hoc titulo in Methodo huius argumenti.

AD TIT. XVI. SI ALIENA RES PIGNORI DATA SIT.

Huius tituli explicationem require ex Methodo, partim sub titulo. *Qui rem pignori dare possint:* partim titulo sequenti, *Quæ res pignori obligari possint.* vbi de iure rei alienæ pignori datæ disserui.

AD TIT. XVII. QVÆ RES PIGNORI obligari possint, vel non: & qualiter pignus contrahatur.

Ad priorem partem huius tituli, de rebus, quæ pignori obligari possint, vel non, pertinent ordine *l. 3. & quinque sequentes:* ad alteram, quæ est de conventionione pignoris, pertinent tres reliquæ, id est, *l. 1. l. 2. l. ult.* Priorem partem, & in hac superiora rescripta sex exposui in Methodo, partim sub eodem titulo, partim titulo, *An in omnibus rebus, quæ sunt in bonis, consistat pignoris obligatio,* nonnulla hic attingā. Alteram partem require ex *l. ult. hic.*

L. Cum constet. I. I.

Idem AA. Rogato.

Cum constet, pignus consensu contrahi: non dubitamus, eum, qui emiones agrorum suorum pignori posuit, de ipsis agris obligandis cogitasse. PP. §. Kal. Jul. Apro & Maximo Coss. 108.

S V M M A R I A.

1 *Instrumentis pignori datis res contentas pignori datæ videri, & unde hæc sententia colligatur.*

Emtionibus prædiorum (id est, emtionum prædiorum instrumentis, ut in *l. 1. §. de don.*) pignori datis, voluit Imperatores ipsa prædia obligata videri. At enim constat, cum quid specialiter pignori datur, non aliud quidquam pignori esse, quam de quo nominatim conuenit, *leg. 1. §. 1. D. de pig. l. 3. D. quæ res pig. ob. pos.* Et hoc fatentur Imperatores. Sed eum, qui emtiones seu instrumenta emtionum prædiorum pignori dedit, respondent de ipsis agris obligandis cogitasse: proinde & consensisse: constare autem pignus consensu contrahi. At verba refragatur, dicit aliquis, nominatim enim emtiones pignori datæ sunt, non prædia. Et hoc rescripto monemur, non verba spectanda esse, sed sententiam. Sententia partim ex consuetudine sermonis, partim ex proposito contrahentium intelligitur. Constat vsu loquendi, continens pro contento poni solere; emtiones prædiorum pro prædiis, quæ emtione continentur. Vnde illa: *chirographis venditis aut legatis, non tabulas chirographorum venditas aut legatas esse; sed nomen, quod chirographo continetur. l. qui chirographum. D. de l. 3. l. si feruum filii. §. eum qui de leg. 1.* Item emtionum prædiorum instrumentis donatis, ipsa prædia videri donata. *l. 1. §. de don.* Consuetudo potro loquendi, cum de mente loquentis queritur, imprimis spectanda est. *l. si feruum. §. o. §. ult. D. de leg. 1.* Sed & propositum eorum, qui quid cæuent, hoc esse intelligitur, ne frustra caueant. *l. si quando. D. de leg. 1.* Et quæ potest utilitas instrumentorum traditorum esse, si in his sola ipsorum, ac nõ eorum, quæ his cauta sunt, traditio intelligitur.

L. Nomen. IIII.

Imp. Alexander A. Euocato.

Nomen quoque debitoris pignori & generaliter & specialiter posse, iam pridem placuit. Quare si debitor is satis non fecerit, cui tu credidisti: ille, cuius nomen tibi pignori datum est, nisi ei, cui debuit, soluit, nondum tertiorate de obligatione in ea factus utilibus actionibus satis tibi facere vsq; ad id, quod tibi deberi a creditore eius probaueris, compellitur: quatenus tamen ipse debet. PP. pridie Kal. Martii, Fusco II. & Dextro Coss. 226.

S V M M A R I A.

- 1 *Nomine pignori dato actiones datas videri, quæ danti competere eusq; transferri in creditorem, sed utiles, easdemq; in personam, non hypothecariam.*
- 2 *Qui nomen pignori dedit, si concurrat aduersus debitorem cum eo, cui nomen pignori datum est, accipientem danti præferendum.*
- 3 *Debitorem cuius nomen pignori datum est, creditori suo soluentem nihilominus ei, cui nomen datum est, teneri tribus casibus, & quibus: extra hos soluentem liberari, quamuis non ignoret nomen suum pignori datum.*
- 4 *Pignore pignori dato si ei cui datum est, solutum sit quod debebatur, quando & quatenus liberetur primus creditor, qui pignori dedit.*

Nomē pignori dari potest, ut hic traditur, & leg. 1. postquam, supra de heredi. vel act. vend. Nomen est id, quod nobis debetur, siue id quod est in actionibus. *l. qui chirographum. D. de leg. 3.* Vis huius pignoris est hæc, ut quemadmodum creditor, qui nomen pignori dedit, pecuniam a debitore suo exigere

potuisset, si vellet, si possit & is creditor, cui nomen pignori datum est, et si dominus non sit illi obligatus. *l. si conuenerit. D. de pig. act.* Quibus ergo actionibus id consequetur creditor, cui nomen pignori datum est? Vtilibus, ut hic scriptum est, & significatur in *d. l. postquam. §. de her. vel act. vend.* Quas vero utiles hic intelligimus, utrum hypothecariam actionem, quæ de pignore constituta est iure civili, an vero actionem in personam aduersus debitorem, cuius nomen pignori datum est? Et hypothecariam intelligere non possumus. Hæc enim possessionem pignoris auocat. *l. si conuenditor. 2. resp. D. de emet. l. si fundus. §. in vindicatione. D. de pig.* Nomen autem ius est, cuius nulla est possessio: & si esset, ea esset penes creditorem, non penes debitorem. Restat igitur, ut utilem actionem hic interpretemur actionem in personam, qualem creditor debitoris aduersus debitorem suum haberet. Exempli gratia, si quis mutuum dederit, conditionem certi habere ex causa mutui. Hæc vero creditori creditoris summo iure competere non potest aduersus eum debitorem, cum quo creditor secundus nihil contraxit, cum omnis actio in personam sit aduersus eum, qui nobis obligatus est. *l. actionum. D. de ob. & act.* Et ideo creditori, cui nomen pignori datum est, directæ non datur. Sed dabitur utilis, quasi creditor debitoris actionem, quam aduersus eum habet, in creditorem suum transtulisset. Ergo creditor, cui nomen pignori datum est, recte pecuniam exigit a debitore, cuius nomen pignori datum est. † Quid, si debitoris creditor concurrat, & velit prius sibi solui? Dicemus creditorem, cui nomen pignori datum est, vero creditori præferendum, posteaquam utiles actiones habere eum effectum est. *l. pro. uratore in rem suam dato. D. de procur. †* Quid, si debitor cuius nomen pignori datum est, creditori suo soluerit? Nihilominus tenebitur ei creditor, cui nomen pignori datum fuit, si ab eo certior factus de pignore sibi dato, nihilominus creditori suo soluerit, ut hic significatur. Ex quo intelligimus multo magis eum debitorem teneri creditori creditoris sui, si secundus iste creditor cum debitore litem sit contestatus, aut etiam iam partem debiti ab eo acceperit, ut declaratur in *l. 3. j. de nouat.* Quod si debitor a creditore creditoris sui non admonitus creditori suo soluerit, impune soluerit, quia iusta ignorantia ei nocere non debet. *§. recte. Inst. de mand.* Quid, si is debitor sciuerit nomen suum pignori datum esse, neque ei quidquam denuntiatur sit ab eo creditore, cui nomen pignori datum est, an impune creditori suo soluerit? Impune, quia & hoc rescriptum, *§. l. 3. j. de nouat.* denuntiationem exigunt eius, cui nomen pignori datum est. Nec obstat, quod in *l. 1. in fi. D. de act. emt.* dicitur, eum certiorandum non esse, qui non ignorauit. Nam hoc tunc locum habet, cum denuntiatione & certioratio alicuius ideo solum exigitur, ut is cui denuntiatur, sciat rem gestam esse. Sic enim eum, qui aliter nouit rem gestam esse, superfluum sit amplius de eare admoneri. Nunc autem in proposito denuntiatione creditoris exigitur, non ut debitor sciat nomen suum pignori datum esse; sed ut sciat creditorem, cui nomen pignori datum est, sibi solui velle, quod iuste ignorat debitor, priusquam illi a creditore secundo sit denuntiatur. Neque vero debitori vitio verti debet, si creditorem secundum non adiit, & rogauit, num sibi solui vellet, non enim debuit debitor in re aliena esse curiosus, ut bene præcipitur in *l. doli. in fin. D. de nouat.* Quid, si debitor soluit creditori, cui no-

me pignori datum erat? Solutionis hæc vis est, ut debitor liberetur, non tantum a creditore, cui nomen pignori datum est, sed etiam a creditore suo, cui pecuniam non numerauit. Solutione namque eius quod debetur, tollitur omnis obligatio. *Inst. quib. mo. sol. obl. in prin.* Soluta autem pecunia intelligitur, siue debitor soluerit creditori suo, siue alii voluntate creditoris. quod hic factum est. *l. solutam. D. de solut.* Et hoc est, quod dicitur in *l. si conuenerit. D. de pig. act.* cum debitor, cuius nomen pignori datum est, soluit ei creditori, cui datum est, prætorem eum tueri debere aduersus creditorem suum.

Quod satis et ad creditorem primum, qui nomen pignori dedit, interdum is ea solutione liberatur, interdum non liberatur. Liberatur, si pecunia debebatur, quæ soluta est. Sic enim fit, ut creditor secundus eam pecuniam secum pensare debeat. Vnde & is creditor qui nomen pignori dederat, compensatione liberabitur. Idem debitor non liberatur, si species & corpus certum debebatur, quod solutum est. nam hac præstatione non soluitur creditori, cui nomen pignori datum erat: propterea quod aliud pro alio inuito creditore solui non potest. *l. 2. §. 1. D. si cer. per.* Sed ea res erit creditori pignoris loco. hæc est sententia *l. si conuenerit. D. de pig. act. l. grege. §. 1. in fin. D. de pig.*

L. Spem. V.

Idem A. Septimio.

Spem eorum præmiorum, quæ pro coronis athleticis pensanda sunt, priuata pactione pignori minime admittendum est, & ideo nec si generale pactum de omnibus bonis pignori obligandis interuenerit tenet. P. P. Kal. Maii. Maximo II. & Paterno Coss. 234.

S V M M A R I V M.

1. Sacra certamina, Athletæ, Athleticarum præmia, & præmiorum causæ.
2. Horum præmiorum spem pignori non potuisse, & cur spem dictum sit, non ipsa præmia.
3. L. commodis. D. de re iud. exposita.

Fuisse apud veteres Græcos certamina quædam sacra constat, in quibus certabant, qui ab illis dicebantur athletæ. De quibus videre est apud Budæum in annotationibus ad Pandectas. Existimabant illi ad Rempublicam & cultum Deorum suorum pertinere, si haberent egregios athletas, qui in honorē Deorum fortiter certarent. Et quo magis id facerent, victoribus propositæ erant coronæ, quæ dicuntur sacre in *l. commodis. D. de re iud.* pro coronis præmia & commoda, quæ publice deinde his pensabatur, quæ significantur in hac *l. §. & in d. l. commodis.* † Spes eorum præmiorum hic prohibetur pignori. Prohibendi ratio fuit, quia præmia publice constituta erant, ut excitaretur athletarū virtus. Hanc necesse erat debilitari, si pignus istorū commodorum admitteretur. Nam hoc recepto non erant laboraturi, ut vincerent, cum scirent etiam post victoriam se præmiis victoriæ non fruituros: utpote quæ redirent ad creditores iure pignoris, non ad ipsos. Et notandum est, prohiberi obligari spem præmiorū, non ipsa præmia, ut intelligamus futura præmia & nondum quæ sita ante victoriā pignori non posse; præsentia & iam quæ sita posse; quia in his, quæ iam quæ sita sunt, cesset superior ratio. † Et hoc est, quod dicitur in *d. l. commodis. D. de re iud.* ea commoda pignori capi posse, quæ athleticis

præstantur pro coronis sacris. Recte *quæ præstantur*; ut intelligamus id dici de quæsitis, quæ sola iam nunc præstari possunt, non de spe præmiorum futurorum. Quæ de his præmiis athletarum dicuntur hic, recte transferentur ad ea stipendia, quæ publice constituta sunt vel militibus, vel magistratibus, vel professoribus liberalium artium: si modo ea constituta sint non ordinique & personæ tantum, sed iis qui recte suo munere fungentur, ut certantibus. scilicet proposita sint præmia.

L. Qui Filios. V l.

Imp. Diocletia, & Maximin. Augusti &
C. C. Rufo.

Qui filios vestros vel liberos homines pro pecunia, quã vobis credebat, pignoris titulo accepit, dissimulatione se iuris circumuenit; cum sit manifestum, obligationem pignoris non consistere nisi in his, quæ quis de bonis suis facit obnoxia. S. Kalend. Maiis, Heraclia, A. A. Coss.

SUMMARI A

1 Liberum hominem pignori dare non posse. Si datus sit, quæ accipientis pœna.

2 Liberi hominis pignus duabus in causis receptum, & quibus.

Si solæ res pignori obligari possunt, quæ sunt in bonis, ut solæ possant. *l. quæ pradium. §. prox. tit.* recte colligitur hoc rescripto in libero homine pignoris obligationem consistere non posse, ne si pater quidem filium pignori dederit. Constat enim liberum hominem in bonis & commercio non esse. *leg. 6. in pr. D. de cont. emi.* Sed et si frustra detur liber homo pignori: tamen iure ita prohibetur accipi, ut si acceptus sit quamvis inutiliter, non sit impune. Nam qui vel filium familias a parente pignori acceperit, in eum pœna iam olim constituta est, ut relegatur. *leg. ult. D. hoc tit.* Addidit postea ad hanc pœnam Iustinianus, ut hoc casu etiam creditor & debito cadat, & alterum tantum libero homini qui pignoratus est, aut parenti eius inferre cogatur. *Novel. ut nul. ind. §. quia vero & huiusmodi.*

2 Sciendum est tamen singulari iure in liberis hominibus duabus in causis pignus receptum esse. Primum, cum pater filium aut filiam ob extremam famem pignori obligavit. Nam in hac specie permissum est patri filium etiam vendere. hoc in *l. ult. supr. de patrib. qui fil. distrax.* Quod si pater in hac specie filium vendere potest, multo magis poterit pignori obligare. Plus enim est vendere, id est, quodammodo totum in alium transferre, quam pignori solum obligare. Non debet autem cui quod plus est, licet, quod minus est, non licere. *l. non debet cui. D. de reg. iur.* Id quoque efficitur ea regula, quæ traditur, quæ emitionem & venditionem recipiunt, ea & pignorationem posse recipere. *l. 9. D. de pig.* Præterea in quovis libero homine, qui redemptus sit ab hostibus, pignus tacitum redemptori datum est in eum, qui redemptus est, donec pretium redemptionis redemptori solvatur, aut donec per quinquennium redemptus redemptori operas præstiterit. De hoc genere pignoris est in *l. 2. & in l. ult. §. de postlim. reuer.* Esse autem hoc pignus in liberum hominem ex eo intelligimus, quod redemptus statim sit liber, ut superscriptis locis declaratur. Et certe ideo redimitur ab hostibus, ut ne sit amplius servus. Sed quoniam iniquum erat redemptori pretium redemptionis non præstari, & præterea etiam periculose constituebatur aduersus omnes captiuos, si quis non moueretur ad eos redimendos: ob eam causam consultum est ita redemptori, ut

redemptus donec pecuniam soluisset, maneret in potestate redemptoris: sic enim hæc potestas appellatur in *l. qui testamento. §. 1. D. qui testam. fac. poss.* Sed hæc tamen non esset in dominio redemptoris. denique non esset redemptoris servus: hoc vero ius non aliter appellari potuit, quam ius pignoris.

L. Exsecutores. 7. L. Pignorum. 8. Auth. Agricultores seq.

Imp. Constantinus A. ad vniuersos prouinciales.

Exsecutores a quocunque indice dati ad exigenda debita ea, quæ civiliter possuntur, seruos, aratores, aut bonos aratorios, aut instrumentum aratorium pignoris causa de possessionibus non abstrahant, ex quo tributorum illatio retardatur. Si quis igitur intercessor aut creditor, vel præfectus pagi, vel vici, vel decurio in hac resuerit de testus: æstimando a indice supplicio subiugetur. Dat. 3. Non. Ian. Sirmii, Constantino A. & Licinio Coss. 312.

SUMMARI A

1 Res ad culturam agrorum necessaria, quæ.

2 Eas ab agricolis pignori sponte traditas iure teneri.

3 Conuentione obligatas ita teneri, ut vendi possint; sed tantum ita, qui in eadem possessione ad agros colendos utantur.

4 Villico eiectio, aut possessione eius vendita, obligatas eius res omnibus vendi posse.

5 Et tunc pignoris iure vendi posse omnibus res culturae necessarias, cum agricola nullas alias in bonis habebit.

6 Casus quatuor summam, quibus res agricole ad culturam necessariae utiliter pignori dari possint.

His constitutionibus tribus ob eandem utilitatem publicam constitutum est, ne res ad culturam agrorum necessariae, quæ indicantur in *l. exsecutores*, pignori capiantur. In quibus constitutionibus diligenter obseruandum est, istarum rerum non præcise vetari pignus; sed prohiberi, ne ipsæ res abstrahantur de possessionibus, ex quo tributorum pœnitatio retardetur: Sic enim verba sunt. *l. exsecutores.* Verant igitur constitutiones eas res pignoris iure auferri. Vnde et intelligimus, si agricola eas res sponte sua pignori dederint, pignus consistere. Non enim auferretur, quod quis volens tradit. Id confirmatur in *Novel. nullum credentem agricolam, circa medium.* Deinde de verant constitutiones auferri istas res de possessionibus. Ex quo rursus colligimus, et si istæ res pignori tantum obligatæ sint creditori, neque traditæ; tamē pignus non inutiliter constitui. Nam a creditore vendi possunt; dummodo iis vendantur qui in eadem villa, in eadem possessione istis rebus ad agros colendos utentur. Sic enim fiet, ne res istæ auferantur de veteri possessione quod ad sententiam legis satis est. Sed et si villicus eiectus sit a domino ex possessione, aut villici possessio vendita, ut iam agrum colere non possit, constitutiones hæc non sunt impedimento, quo minus res ad culturam agri necessariae illi auferantur. Nam de possessione non auferretur, quod in possessione non fuit: Neque isto facto impeditur cultura agri, cum et si agricolæ hæc res non auferrentur, tamen agrum non coleret, ex quo expulsus est. Quid, si agricola in veteri possessione manebit, ne res ad culturam agri necessariae ibi vendi possint; verum tamē agricola nullas alias res in bonis habeat: an ne sic quæ hæc res pignoris iure a creditore capi poterunt? Et verba quidē harum constitutionum scripta sunt simpliciter, ne hæc res pignoris iure auferri possint:

possint: ut videantur etiam hoc casu auferri non posse. Sed æquius est dici, hoc casu eas pignori capi posse, & distrahi, ut creditori satisfiat, ut de stipendiis significatur in l. stipendia, sup. de exsec. rei ind. Huius rei argumentum hoc erit. Nam & ipse agricola qui soluendo non est, capi potest, & in carcerem detruhi; neque aliter carcerem euitat, quam si bonis cesserit. leg. 1. §. qui bon. ced. poss. Multo igitur magis res eius qualibet pignori capi poterunt, etiam si soluendo non esset. Probabiliter hoc dicitur, etiam si harum constitutionum verba generalia sunt: sed verba æquitate, & aliis locis similibus temperanda sunt. arg. in l. non sine illic, quamuis ergo, sup. de bon. qua. lib. Ex his colligimus in summa, res agricolæ ad culturam agri necessarias, quatuor casibus utiliter pignori dari. Primum, si a volente agricola tradantur creditori. Deinde si a creditore vendantur ita, ut in eadem possessione maneant ad opus ruri faciendum. Præterea si agricola agrum colere defuerit vetere possessione eiectus. Postremo, si nullas alias res habeat, ex quibus creditor ad ius suum peruenire possit.

L. Si Quis. Vlt.

Imp. Iustinianus August. Mennæ præfecto prætorio.

Si quis in cuiuscunque contractus instrumento ea verba posuerit, Fide & periculo rerum ad me pertinentium, vel, per earum exactionem satisfieri tibi promitto: sufficere ea verba ad rerum tam earum, quas in presenti debitor habet, quam futurarum hypothecam sancimus: nec ex prioribus sanctionibus minus habere specialis hypotheca memoriam videri: cum sit iustum voluntates contrahentium magis quam verborum conceptione inspicere. Super qua generali hypotheca illud quoque ad conservandam contrahentium voluntatem sancimus, ut si res suas supponere debitor dixerit, non adiecto, Tam præsentibus quam futuris: ius tamen generalis hypothecæ etiam ad futuras res producat. Dat. 3. Id. Decembr. Constantinop. DN. Iustiniano. A. PP. II. Coss.

S V M M A R I A.

- 1 Obligatione bonorum seu rerum suarum generali contineri præsentia bona, & futura: & hoc quam recte.
- 2 L. si ita. D. de aur. & arg. lega. exposita.
Res suas si quis legat, aut donat, nihil amplius legatum, aut donatum videri, quam res præsentibus, si pignori obligat, contineri etiam futuras, & differentia ratio. ibidem.
- 3 Obligatione generali pignoris non contineri, quæ sunt in usu quotidianæ, & res ad affectionem pertinentes: & quam habent.
- 4 Hoc, nisi debitor alias res nullas habuit in bonis.
- 5 Obligatione generali contineri etiam eam pecuniam mutuam, in quam debitor bona sua pignori obligavit.
- 6 Obligatione generali servos contineri, si manumittantur postea, non contineri, & cur.
- 7 Obligatione generali eximi res consensu creditoris semel alienatas, quamvis iterum ad debitorem redeant.

¶ Vi pignori obligavit res suas vel bona sua, vno verbo intelligitur in obligationem deduxisse res suas omnes, non tantum quas habet in præsentia, sed etiam quas postea in bonis habiturus est. Cautum hoc loco: & recte. Hæc enim vis est generalis verbi, ut quoniam in genere species omnes continentur, ideo verbo generali res omnes eo verbo comprehensæ tam contingantur, quam si specialiter expressæ

essent. l. semper generalibus. D. de reg. iur. l. si servitus. D. de ser. urb. præd.

Sed hoc, nisi quid sententia loquentis refragetur. Quo pertinet responsum Pauli in l. si ita. 7. D. de aur. & arg. leg. ubi ille de futuris rebus videtur dissentire. Ait enim in hoc legato, vestem meam, argentum meum heredes dato, hac demonstratione Meum præsens, non futurum ostendi. Sed hoc ille responderet in eo genere legati, non vtiq; ex significatione orationis, sed ex legantis sententia. Significatio si spectatur, Mei appellatio non minus futuris rebus, quam præsentibus convenit. Nam vlt. loquendi ex quo recte dicimus, servum qui meus est, & servum qui meus erit. Sed in hoc legato, Vestem meam, argentum meum lego, non videtur testator de futura veste, de futuro argenteo sensisse. Ideo neque hæc ex mente testatoris in hoc legato ostenduntur. Et generaliter definiemus, quoties quis legat, donatue res suas, nihil amplius legatum aut donatum videri, quam res præsentibus. Quod si sententia loquentis non repugnabit, hoc tenebimus, eum qui res suas nominet, eo verbo omnes res suas complecti tam præsentibus, quam futuris. Quod in eo accedit, qui res suas dat pignori. Quæ distinctio ab omnibus recepta est. Differentiæ ratio hæc est, quod cum quis res suas pignori dat, eadem causa est, cur res futuras obligatas velit, propter quam obligantur præsentibus. Nam præsentibus obligat pignori, ut creditori cautum sit. At cautionis æquitas, quæ exigit, ut ei creditori omnimodo cautum sit, hoc postulat, ut ei cautum sit omnibus rebus debitoris, tam futuris, quam præsentibus. In rebus autem donandis & alienandis longe diuersa causa est, cur quis præsentibus datas velit, quæ cur velit futuras, & nondum quæ sitas. Qui legat præsentibus, & eas quas novit, ideo legat, quia indicat legatarium habere de se meritum esse. Hac enim de causa quid legatur. l. nec adiecit. D. pro soc. Hoc vero de futuris statuere testator non potest. Nam quid genus est centum aureis, non continuo dignus est mille. At fieri potest, ut mille aut bis mille testator postea acquirat. Quod autem, aut quantum acquiratur sit, ignorat: Sententia igitur, ut dixi, & voluntas domini facit, ne verbo Meum res futurae contineantur, non autem verbi significatio. Secundum hanc vero etiam futurae continentur a qua nunquam recedendum est, nisi ubi manifestum est aliud sensisse contrahentes. l. non aliter. D. de leg. 3. quod non fit in pignore.

Sed et si generalis obligationis hæc vis est, quam diximus, tamē quædam excipiuntur. Ac primum generali obligatione placet non contineri ea omnia, quæ verisimile est debitorem specialiter pignori daturum non fuisse. l. obligatione. D. de pig. Huius generis duæ species habentur. Quædā sunt res, quæ sunt debitori in usu quotidiano, & necessariae, hæc non contingantur; quales sunt, vestis, suppellex, artificii instrumenta artis, militaria arma, studioso libri, agricolæ boves, iumenta, & instrumenta aratoria. d. l. obligatione. in fi. & l. seq. Aliæ sunt res, quæ ad affectionem debitoris pertinent. neq; hæc contingantur. In quo genere numerantur servi, filii naturales, concubinae, alumni, & similes personæ. l. deniq; D. de pig. l. 1. sup. b. tit. Quæ situm est, an hæc obligatione pignoris non contingantur, etiam si debitor alia bona non habeat? Et si debitor cum res suas obligavit, alias res in bonis habuit præter superiores, hæc non contingantur. Nam hæc a principio obligata non sunt, ut docuimus. Quare nec ex eventu obligabuntur, quamvis debitor alias res habere

desierit. Hic enim ab initio obligatio certam legem & conditionem accepit. Hæc ex euentu non mutabitur inuito debitore. *l. vero 12. §. 1. D. de sol. Quod* si debitor ab initio nullas alias res habuit, puto superiores istas obligatione generali contineri: alioqui obligatio esset inutilis. Quoties autem id metuimus, semper id agendum est, ut videatur obligatio aliquid egerisse. *l. quoties in stipulationibus. D. de ver. obl. l. quoties. D. de reb. dub.*

Etiam hoc loco quaesitum est, an obligatione generali pignoris contineatur etiam pecunia, quam debitor mutuam accepit, & propter quam res suas obligauit. Plerique putant non contineri. Et mouentur argumento. *l. pen. §. ult. D. de pig. vbi scriptum est*, obligatione generali contineri eam pecuniam, quam debitor postea ab alio mutuam acceperit. Quasi non sit obligata ea, quam acceperat ab eodem creditore. Ego autem existimo etiam hanc pecuniam pignori esse eiusdem illius loci argumento. Nam Paulus loquitur quidem illic de pecunia, quam debitor ab alio mutuam accepit: sed cur hæc pecunia obligatione generali contineatur, hanc rationem reddit, quia in bonis debitoris facta sit. Ergo hac ipsa ratione & illa pecunia pignori obligabitur, quam a suo creditore accepit. Nam & hæc in bonis debitoris cepit esse: siquidem rei mutue dominium in accipientem transfertur. *Inst. quib. mo. re cont. obl. in pr.* Pro qua sententia facit *l. idemq. in fin. D. qui pot. in pign. hab. vbi scriptum est* indefinite nummos debitoris, qui generaliter bona sua obligauit, pignori esse obligatos. Neque quidquam illic distinguitur, unde nummi profecti sunt. Secundo pro loco obligatione generali non continentur serui debitoris, si ab eo manumissi sint. *l. 3. sup. de ser. pig. da. man. arg. l. est differentia. D. in quib. cau. pig. vel hyp. tac. cont.* Hic occurreret aliquis. Nā quomodo hi generali obligatione non contineantur? Non manumissos obligatione contineri constat. Quidni ergo contineantur & manumissi? Certi enim iuris est, debitorem in pignore non posse facere vlla alienatione sua creditoris conditionem deteriorem. *l. debitorem. §. l. distractis. §. de pi.* Id sit hoc modo. Nā qui manumissus nō est, ideo obligatione contineri intelligitur, quia interpretamur hæc speciem genere contineri. Manumissus nō cōtinetur, quia interpretari incipimus eū nunquā antea obligatū pignori fuisse favore libertatis. *l. libertas omnib. D. de reg. iur.* Secundū hanc interpretationem non videtur debitor conditionem creditoris deteriorem facere, si eum manumisit, qui obligatus non habebatur. Postremo hoc obligatione generali pignoris non continentur eæ res debitoris, quæ postea voluntate & consensu creditoris alienatae sunt. Non dico, si in eodem statu semper maneant. Nā hoc modo alia ratione hæc res non continerentur obligatione generali: propterea quod non sunt ex bonis debitoris. Sed hoc amplius dicimus, etiam si eadem illæ res postea iterum debitori quaesitae sint ex iusta causa, tamen in obligationem pignoris non redire; quasi pignus ab initio remissum sit, non tantum in præsens tempus, sed etiam in futurum. Effectum hoc est constitutione Iustiniani. *l. ult. §. de remiss. pig.*

AD TIT. XVIII. QUI POTIORES in pignore habeantur.

Qui ex creditoribus in pignore potiores sint, comprehensum est regula iuris, quæ traditur in *l. 2.*

§. hoc tit. In cuius regulæ explicatione totius fere huius tituli sententia continetur. De ea illic dicemus.

L. Qui pignus. I.

Imp. Seuerus & Antoninus A. A.

Secundo.

Qui pignus secundo loco accepit, ita ius suum confirmare potest, si priori creditori debitam pecuniam soluerit, aut cum obtulisset, isq. accipere nolisset, eam obsignauit, & deposuit, nec in usus suos conuertit. PP. Kalend. Febr. Laterano & Rusino Coss. 198.

SUMMARIA

1. Creditorem posteriorem posse sibi confirmare pignus aduersus priorem, & confirmandi ratio.

Pendet hic locus ex eo iure, quod de prærogatiua creditorum in pignore constitutum est in *l. seq. & similibus*. Nam cum dicitur, ex creditoribus eum in pignore potiores esse, qui prior est tempore; hoc dicitur, quamdiu prior creditor, cui res pignori obligata est, rem pignoris iure retinere volet, tamdiu posteriori creditori in eo pignore locum non esse. Ita fieri, ut tamdiu pignus illi sit inutile.

Hinc hoc quaesitum, possitne aliquo modo secundus creditor sibi confirmare pignus aduersus priorem. Et hic admonemur, posse. Confirmandi autem pignoris hanc esse rationem, si ipse priori creditori pecuniam soluat, aut illo non accipiente pecuniā obliget, & legitime deponat, neque deinceps ea utatur. Idem traditur in *l. prior. §. in l. secundum. sup. de pig.* Hæc forma confirmandi pignoris hanc rationem habet. Nam priore creditore remoto, necesse est eum qui posterior erat, nō tam fieri priorem, quam solum iam esse. Remouetur autem prior creditor solutione, quoniam solutione eius quod debetur, tollitur omnis obligatio. *Inst. quib. mod. toll. obl. in pr.* Et obligatione principali sublata etiam liberantur accessiones, ut pignora. *l. in omnibus speciebus. D. de solut.* Quid consequatur posterior creditor superiori confirmatione, id est, in quod debitum sibi pignus confirmet, comprehensum est in *l. secundum. §. de pig. vbi diximus*. Quid valeat obsignatio pecuniæ, diximus ad *l. creditor. sup. de pig.*

L. Si Decreto. I. I.

Imp. Antoninus A. Chresto & aliis.

Si decreto pratoris, qui de fideicommissis dixit, in possessionem fundi hereditarii fideicommissi conditionalis seruandi gratia prius inducti estis quam aduersarius vester in causam indicati eiusdem fundi pignus occupauerit, iussu eius qui iure sententiam exsequebatur, tempore potiores estis. Nam cum de pignore viraq. pars contendit, praeualeat iure qui praeuenit tempore. PP. 5. Idus Maii. Duobus & Aspris Coss. 213.

SUMMARIA.

1. Qui prior est tempore in pignore, potiores esse iure, quid sit.
2. Quibus pignus datum non est, in his nunquam vnum altero tempore esse potiores.
Inter chirographarios creditores nullam esse prærogatiuam temporis. ibidem.
3. Creditoribus in possessionem missis rei seruanda causa, nullum alio esse tempore potiores in pratorio pignore, nisi priuilegium habeat.
4. Priuilegia non ex tempore estimari, sed ex causa, quid sit.
5. Qui hypothecam habet, omnibus præferri tum chirographariis, tum priuilegiariis creditoribus.

Inter

- 6 Inter eos quibus eadem res eodem tempore pignori data est, si simpliciter, pignus diuidi concurrit, si pro parte, diuidi pro portione debiti cuiusq.
- 7 Secundum creditorem soli primo cedere in pignore, aduersus omnes alios integrum ius pignoris obtinere.
- 8 Tempore priorem iure potiorum esse, quid sit.
- 9 Cur potior, qui prius pignus accepit, non item extra pignus, qui prius contraxit.
- 10 Potiorum esse in pignore qui prius accepit sine discrimine prioris aut posterioris pignoris, item fauoris causa vel persona.
- 11 Legatarios etiam pendente conditione legati preferri in pignore pratorio omnibus creditoribus, qui postea pignus quamuis presentis debiti causa acceperunt.
- 12 Pendente conditione dici posse deberi, & nihil deberi diuersis rationibus.
- 13 Creditores, si bonis omnibus soluendo non sint, semper legatarius preferri, quamuis pignus nullum habeant.

In hoc rescripto præcipue notanda est regula iuris, quæ traditur de prærogatiua creditorum in pignore. Nam hæc, ut dixi initio, totam fere sententiã huius tituli continet. † Regula est huiusmodi: Cum de pignore duo creditores inter se contendunt, qui tempore prior est, is potior est iure. Eadem regula expressa in l. si fundum seq. Hæc definitio pluribus verbis sic explicatur in l. l. cet. & l. diuersis. j. Quoties duobus pluribusue eadẽ res diuersis temporibus pignori data est, si hi de pignore inter se contendunt, is iure potior erit, qui prius hypothecam accepit. In hac definitione nihil otiosum est. Itaque singula diligenter sunt expendenda. Ergo his definitionibus statuitur prærogatiua temporis inter creditores: sed his conditionibus. Primum, si duobus eadem res pignori data erit. Recte; nam inter eos creditores, qui hypothecam eadem non habent, nunquam quicquam tempore altero potior est. Inter chirographarios creditores, id est, eos, quibus nihil debetur, nisi ex chirographo, qui neque hypothecam neque privilegium habent, nullius temporis ordo seruatur. Is in suo obtinendo potior est, cui debitor soluit, aut qui prius damnato debitore ex causa iudicati pignus accepit. Idque nondum bonis debitoris a creditoribus possessis.

- 3 Bonis † autem debitoris possessis, quod sit, cum creditores mittuntur in possessionem bonorum absentis, aut se non defendentis rei seruandæ causa, omnium creditorum cõditio par esse incipit. l. qui autem. §. sciendum. l. papilius. D. quæ in frau. cred. alie. sunt. Sed & cum vnus ex creditoribus postulat in bona debitoris se mitti, & prætor permittit, omnibus creditoribus, & in rem permissum videtur. l. cum vnus. D. de reb. aut. iud. poss. Et hoc ita, nisi aliquis sit ex creditoribus, qui privilegium habeat. Qui privilegium habeat, & quibus ex causis, discet ex l. quæsitum. §. ult. & l. seqq. D. de reb. aut. iud. poss. Hoc cum sit, is præferatur chirographariis creditoribus, qui privilegium habet. Sed non quia tempore prior sit, sed quia privilegium habeat, etiam in extremis crediderit.

- 4 Hoc enim est, quod dicitur privilegia non ex tempore æstimari sed ex causa. l. privilegia D. de reb. aut. iud. poss. Ex causa sic interpretandum est, ex ratione propter quam privilegium tribuitur. Nam nõ omnia privilegia rei tribuuntur, sed pleraq; personæ: quale

est privilegium fisci. Quod † si quis ex creditoribus hypothecam habebit, is præfertur non tantum chirographariis creditoribus, sed etiam iis qui privilegium habent. l. eos. j. hoc tit. vbi ratio adiuncta est. Sed præfertur ideo, non quia tempore prior sit, sed quia hypothecã habeat solus, quamuis crediderit postremus. Ergo tunc solum prærogatiua temporis locus est inter creditores, cum his eadẽ res pignori data est.

Non est satis, volumus eandem rem pignori datam esse diuersis temporibus. Quod & satis significatur, cum in priori regula prior & posterior creditor nominatur. Non enim prior est, nisi cui priore tempore hypotheca data est. Hoc † eo exignus, quia si duobus eadem res simul, & eodem tempore pignori data erit, si quidem simpliciter, singulis in solidum data esse intelligitur, sic ut concurrant partes faciant, nisi forte vnus possidebit pignus. Nam in pari causa potior est iuxta regulã iuris. l. in pari. D. de reg. iur. Hæc ad hanc sententiam differit Vlpianus. in l. si debitor. D. de pig. Quod si pignus datũ erit pro parte, singuli creditores in pignore partem habebunt pro portione debiti. l. si fundum. §. si duo. D. de pig. Sic fit, ut si prærogatiua temporis quærimus, oporteat pignus diuersis temporibus datum esse.

† Sed ne sic quidem prior creditor solus pignus obtinebit, ut nihil relinquatur posteriori creditori, sed tunc solum, cum ambo, quibus pignus datum est, de pignore inter se contendunt. Nam si secundus creditor aduersus extraneũ de pignore agat: siue pignus retinere vult, dabitur ei exceptio ad retinendum; siue pignus persequetur, hypothecatiã habet iure pignoris, qua pignus a quouis possessore extraneo auferat. l. creditor. in pr. D. eo. tit. Merito, quia et si secundo loco pignus accepit, accepit tamẽ, ut nisi quis iure pignoris illi obstat, necesse sit, eum omnibus superiorem esse in pignore. At si ambo creditores inter se contendunt, tum erit ei prærogatiua locus, quæ hic statuitur, ut qui tempore prior est, is potior sit iure.

Tempore † priorem hic accipimus, qui prior est tempore non credendi, sed hypothecæ accipiendæ, & ut explicatur in d. l. diuersis, qui prius hypothecam accepit. Potiorem iure intelligimus, potiorem iure pignoris: scilicet ut quemadmodum pignus vindicare posset a quouis possessore, idemq; aduersus quemuis retinere, si solus esset; ita & possit suo iure aduersus secundum creditorem. d. l. creditor. D. eo. Hoc amplius, & si pignus distraxerit prior creditor, dominũ in accipientem iure transulerit, ut isto modo nullum plane pignus super sit secundo creditori. l. j. D. de dist. pig. Sed † cur extra hypothecã prior creditor potior nõ est, in hypothecais potior est, qui prius hypothecã accepit? Quia extra hypothecam creditor personã tantum debitoris sibi obligatam habet, in bonis eius nihil iuris. Vnde creditor actio, quæ dicitur in personam. l. actio. D. de obl. & act. Ita fit, ut in bonis debitoris nõ excludat posteriorem creditorem prior, cũ prior in ea bona nihilo plus iuris habuerit. At pignus ius in re est: quo iure licet creditori & pignus retinere, quod & possidet, & vindicare quod amissit, aut nõdum cœpit tenere. Hoc ius creditori semel quæsitum debitor illi nulla alienatione adimere potest. l. debitor. rem. l. distractis. supr. de pig. proinde nec vlla noua oppigneratione.

† Hoc ius de prærogatiua hypothecæ perpetuum est. In quo tamẽ de his dubitatum est. Primum nihilne referat, quo modo prior creditor pignus habeat

constitutum, ut posteriori præferatur, qui habet alio modo constitutum pignus, de quo hic significatur. Deinde an nihil interfit in pignore conuentionali, utrum priori creditori specialiter eadem res obligata sit, quæ posteriori, an vero generaliter sint obligata omnia bona. de quo in *l. si generaliter. j.* Postremo an nihil fauor causæ aut personæ secundo creditori proficit, ut priori in hypotheca præferatur, de quo significatur in *l. si fundum j.* Et in summa in his omnib. hæc sententia generalis retinetur, eum in pignore potior rem esse, qui prius accepit. Et merito, ob eam causam quam paulo ante reddidimus de iure pignoris, quod creditori quæsitum pignore, deinceps ei auferri non potest.

De primo autem hæc species est hoc loco proposita. Testator legauit quibusdam fundum sub conditione, si naus ex Asia veniret. Mortuo testatore legatarii petunt ab herede, ut sibi satis det legati conditionalis nomine ex edicto, *toto tit. ut leg. seu fide. nom. cau.* Cum non satisfaceret heres, ex eodem edicto impetrarunt legatarii a magistratu, ut mitteretur in possessionem bonorum defuncti. Missi in possessionem venerunt. Hoc modo pignus consecuti sunt, quod prætorium appellatur. *l. 3. §. l. §. ut in poss. leg. esse lic. l. nō est mirum. D. de pig. act.* Exstitit deinde alius creditor vel heredis vel defuncti, qui aduersus heredem iudicio egit, & vicit, & ad executionem sententiæ impetrauit a magistratu, cuius ea de re iurisdictio erat, ut sibi res debitoris pignori capere liceret, quas postea distraheret, ut est forma iuris. Cepit, & ita pignus quoque illi ex causa iudicati constitutum est. *l. 1. j. si in cau. iud.* Quæsitum est inter istos, qui ex diuersa causa pignus habent, qui quibus præferantur. † Respondetur ex regula superiore, legatarios esse potiores, qui in possessionem missi sunt. At hic fuit hæc dubitatio, cur non viderentur præferri debere. Primum, quod legatarii de lucro certant, creditor de. Deinde quod legatarii certant de legato conditionali, ut verba ostendunt, id est, de eo legato, quod nondum debetur. *l. cedere diem. D. de verb. sig.* Creditor vero ex causa iudicati præsens debitum petit. Nam de alio iudiciū esse non potuit. *l. non quemadmodum. D. de iud.* Sed hæc nihil obstant, quominus præferatur, qui pignus accepit. Recte enim dicuntur in personalibus actionibus, in hypotheca locum non habent. Semper enim hoc tenendum est, quisquis prius pignus sibi comparauit ei inuito pignus adimi non posse. Quod fieret, si secundus creditor pignus postea nactus priori præferretur. Sed hic occurritur. Nō enim potest legatarius prius pignus habere, quam illi aliquid debeat. *l. res hypotheca. D. de pig.* Nunc autem legatariis in proposito legatū debetur sub conditione, ac pendente conditione nihil debetur. *d. l. cedere. de ver. sig.* Proinde nec pendente conditione illis pignus iure constitui potest. † Respondeo: quod dicitur pendente conditione nihil deberi, hanc significationem habet, nihil deberi certo, id est, quod cautum est, non ita deberi, ut certo affirmari possit esse; quod debeat. Est enim incertum: quia pender ex eo, an conditio existat: potest autem non existere. Sed non ideo absolute verū est per id tempus nihil deberi. Si quidem defecerit conditio postea recte dixeris etiam in præteritum nihil unquam fuisse debitum: Quod si conditio existerit, ex euentu intelligimus retro versus iam a principio quod legatum, promissum, cautumue erat, debitum fuisse. *l. necessario. ver. idem Pomponius. D. de per.*

§ com. rei vend. Quo fit, ut ad id quoque tempus relicta hypotheca exinde contracta intelligatur. *l. potior. D. hoc titu.* Sed quamuis legatariis legatum sit pure, quamuis & hi prius hypothecam acceperint, ut hodie ex constitutione Iustiniani his tacita hypotheca data est: videtur tamen aduersari. *l. vlt. §. etsi præfatam. §. de iur. del. vbi cautum est, creditores quoslibet legatariis esse potiores: vsque adeo, ut ea ipsa, quæ iā legatariis data erant, his auferant, ut suum consequantur. † Sed id tunc constituitur, cum bona omnibus soluendo non sunt. Quod cum accidit, prius creditoribus soluendum est, etiam si hi nullam hypothecā habeant. *l. successores. §. ad leg. fal.* Neque id huic loco contrarium est, legatarios enim præferri intelligimus, qui vere legatarii sint, ut & iure res pro legato obligata habeant, non debentur autem legata nisi de eo, quod ære alieno deducto superest. *d. l. successores.**

Idem A. Varo.

L. Si Fundum. III.

Si fundum pignori accepisti, antequam reipublice obligaretur. Sicut prior est tempore, ita prior est iure. P. P. S. Id. Octob. Antonino A IIII. §. Balbino Coss. 214.

S V M M A R I A.

I. Favorem persone nihil prodesse secundo creditori, ut priori in pignore præferatur.

EX duobus creditoribus, quibus eadem res pignori obligata est, quamuis priuato vno, & altera reipublica, etiam priuatus, si prius pignus acceperit, reipublicæ præferretur ex regula iuris. Atqui fauor reipublicæ aliud exigere videbatur. Nam in aliis causis reipublicæ & ciuitatis præcipuam causam esse indicant. *l. ciuitatibus. D. de usur. l. reipubli. sup. quib. ex caus. maio.* Sed hæc in hypotheca locum non habent, ut superiore rescripto diximus. Hæc enim semel quæ sita creditori adimi non potest neque a reipublica, neque ab alio quouis. Ideo placuit priuatū etiam fisco præferri, cuius tamen præcipuum fauorem esse constat ex tit. *supr. de priuile. fis. huc pertinet l. si pignus. D. eod.* † Hoc exemplo docemur, fauorē personæ nihil prodesse secundo creditori, ut ei qui prius pignus accepit, præferatur.

L. Cum rempublicam. III.

Idem A. Syluano.

Cum rempublicam Heliopolitanorū, propter emolumentum sententia in rerum tam heredis quam hereditarium possessionē missam esse proponas, intelligis, quāuis pater tuus cum Sosiano contraxerit, tamen si personali actione eum habuit obligatum, præponi rempublicam iure pignoris in his, quæ ex auctoritate eius, qui iubere potuit seruandi iudicati causa occupauit. P. P. 2. Id. Decem. Lato II. §. Cereale Coss. 216.

Species hæc est. Sosianus quidam debitor fuit, ut rescriptum ostendit. Huius Sosiani duo creditores, reipublica Heliopolitanorum, & pater Syluani eius, quem hoc rescriptū alloquitur: & is pater prior creditor. Mortuo Sosiano debitore reipublica cum herede egit, & herede victo ex causa iudicati reipublica in possessionem rerum omnium hereditariarū missa est, & pignus ita accepit, ut superiore rescripto diximus. Postulat Syluanus heres alterius creditoris, ut reipublicæ præferatur, quoniam prius crediderit Sosiano. Rescriptum est, rempublicam potior rem esse. Merito, quia etiam si pater Syluani pignus accepisset postea

postea, tamen res publica ei praeferretur, ut quae in pignore prior esset. Multo igitur magis praeferretur, ubi sola pignus, constitutum habet. Huc pertinet l. eos in fra eodem.

L. Prior quidem. V.

Imp. Alexander A. Septimio.

Prior quidem creditor compelli non potest tibi, qui posteriore loco pignus accepisti debitum offerre. Sed si tu illi id omne, quod debetur, solueris: pignoris tui causa firmabitur. PP. 3. Kalend. Maii. Maximo II. & Paterno Cess. 234.

Prior creditor si cum posteriore agat, hypothecam iure suo auferet, etiam si ei debitum non offerat. Pertinet hoc ad regulam iuris de prerogativa in pignore, de qua diximus ad l. 2. Posterior contra ex eadem regula, si cum priore agat, hypothecam auferre non potest: sed nec aduersus eum hypothecam retinere, nisi pecuniam debitam primum offerat. Sic enim pignus suum confirmat, de qua confirmatione diximus 5. ad l. 1. hoc tit. Idem traditur in l. diuersis in fin. & l. cum tibi in prin. sup. eodem.

L. Si generaliter. VI.

Imp. Valerian. & Galien. AA.
Philoxeno.

Si generaliter bona sint obligata, & postea res alii specialiter pignori dentur: quoniam ex generali obligatione potior habetur creditor, qui antea contraxit: si ab illo priore tempore tu comparasti: non oportet te ab eo, qui postea credidit, inquietari. PP. 2. Id. Maii. Seculare II. & Donato Coss. 261.

S V M M A R I V M.

i Cui generaliter bona omnia prius obligata sunt, quando praeferatur secundo, cui ex his bonis quaedam specialiter sunt obligata.

Primo creditori debitor generaliter omnia sua bona pignori obligauit, in quibus fuit fundus Tusculanus: deinde hunc ipsum fundum secundo creditori obligauit specialiter. Placet in hoc fundo potior esse primum creditorem; quia idem fundus etiam ei pignori prius obligatus est. Continebatur enim generali obligatione pignoris non minus, quam si specialiter designatus esset, de quo diximus ad l. ult. sup. prox. tit. Hinc consequens est, quod hic traditur, primum creditorem suo iure hunc fundum & persequi & distrahere posse non minus, quam si in eo pignore solus esset. Haec eadem in l. 2. D. qui pot. in pign. hab. l. qui prior. Digest. eodem titu. Quae sic accipienda sunt, si primo creditori simpliciter bona omnia debitoris pignori obligata sint, ut hic factum significatur. Diuersum est, si primo creditori res quaedam specialiter pignori obligetur, deinde generaliter omnia bona debitoris, in quibus sit is fundus, qui secundo creditori postea obligatus est. Nam his verbis obligationis generalis nihil obligari intelligitur, priusquam constituitur res specialiter primo creditori obligatas in debitum eius non sufficere. Hoc in l. 2. sup. de pign. ubi hac de te diximus.

L. Licet. VII.

Imp. Dioclet. & Maxim. AA. & CC.
Iuliano.

Licet iisdem pignoribus multis creditoribus diuersis temporibus datis priores habeantur potiores: tamen eum,

cuius pecunia pradium comparatum probatur, quod ei pignori esse specialiter obligatum statim conuenit, omnibus anteferri iuris auctoritate declaratur. Subscripta 16. Kalend. Feb. AA. Coss.

S V M M A R I V M.

- 1 Posteriores praeferruntur in pignore, qui ad rem rescindendam, conseruandam, emendamue pecuniam crediderunt; quibus conditionibus, & quam recte.
- 2 Mulierem quamuis posteriorem praeferruntur anterioribus creditoribus in dotis repetitione.
- 3 Posteriorem qui publico instrumento pignus accepit, praeferruntur priori, qui ex chirographo tantum accepit.
- 4 Funeris impensam posteriorem esse creditoribus hypothecam habentibus: praeterquam in tacita hypotheca inuektorum ab inquilino, & legatorum: & cur in his sit potior.

Quod diximus ad leg. 2. sup. perpetuum esse, ut qui in pignore tempore prior est, sit potior iure, sic accipiendum est; nisi magna & iusta causa suadeat ab eo iure discedi, quod interdum accidit. Ergo posterior interdum praefertur priori, vel propter causam de qua agitur, vel propter causam & personam posterioris creditoris, vel propter cautionem instrumenti in hypotheca danda adhibitam.

Propter causam posterior potior est is, qui pecuniam ita credidit, ut eius pecunia efficeret, ut vel res salua esset, vel esset in bonis debitoris. Quo in numero sunt, qui ad rem rescindendam, aut conseruandam, aut emendam, pecuniam mutuam dederunt, si modo & res rescinda, aut emta erit ex ea pecunia, & his ea res pignori obligata sit. l. interdum. & l. seqq. ff. eod. & h. l. Adieci, dummodo posterioribus ea res, quae rescinda aut emta est ex eorum pecunia, sit etiam illis pignori obligata. Nam non continuo si ex pecunia alicuius res rescinda, aut emta est, ideo illi tacite est pignori obligata; sed solum si pecuniam credidit ad rescindendum aedificiorum. Non idem iuris est, si pecunia credita sit ad ceterarum rerum rescindendum, ut colligitur ex l. 1. Digest. in quibus cau. pign. vel hyp. tac. cont. Sed et si res emta sit ex alicuius pecunia; constat non aliter eam rem obligatam esse, quam si conuenerit, ut pignori esset obligata, ut hoc rescripto declaratur, & l. quamuis. 7. sup. de pign. nisi emta sit ex pecunia pupilli, ut illic diximus. Nec obstat, quod in l. idemque. Digest. eodem tit. generaliter dicitur, eos omnes esse potiores, qui ad rem aliquam rescindendam pecuniam crediderunt. Hoc enim sic accipiendum est; potiores esse, sed in pignore, id est, potiores hac conditione, si modo & illis ea res pignori obligata sit: quoniam de duobus creditoribus agitur, quibus eadem res pignori obligata est; unde prior hac quaestio introducitur, an, & quomodo res emta, aut rescinda ex alicuius pecunia ei obligata sit pignori. Sed nonne iniquum est etiam in his causis posteriorem creditorem priori praeferruntur, cum isto modo videatur fieri, ut prioribus suum pignus auferatur? Non est iniquum: imo vero nihil aequius, quam eum ex aliqua re fructum percipere, cuius beneficio factum est, ut ea res fructum ferret, dummodo id fiat sine aliorum iniuria. Nunc autem in hac specie, dum posterior praefertur, nihil priori adimittitur, sed in eum confertur potius. Nam et si debito posterioribus creditoribus soluto nihil relinquatur in pignore; tamen id non tam posteriores creditores auferent, quam ca-

fus abstulit. Etenim idem futurum erat, si nemo ad rem rescindendam pecuniam credidisset. Quod si debito posterioribus soluto aliquid superest, id vero beneficio posteriorum in priores confertur, qui salutem fecerunt pignoris causam. Beneficio igitur afficiuntur priores, non iniuria, si posterioribus prerogativa servatur in hac causa.

2 Propter rem & personam potior est mulier quam posterior, in repetitione dotis, ex *l. assiduis. j.* Tribuitur hoc privilegium partim rei, quia mulier non in omni causa praefertur anterioribus creditoribus, sed solum in dotis repetitione: partim personae, quia non quisquis dotem repetit, hoc privilegio utitur, sed mulier dumtaxat, ut facilius possit nubere. *argum. l. i. ff. sol. matrim.*

3 Propter cautionem hypothecae praefertur posterior creditor, qui publico instrumento utitur aduersus priorem creditorem, qui ex chirographo tantum, vel instrumento priuato hypothecam accepit. *l. scripturas. inf.* Neque plures sunt, ut mihi videtur, qui cum posteriores sint, prioribus praeferrantur. Accursius tamen ad *l. diuersis. inf.* numerat in hoc genere fidei agentem ex causa primipilari, quem vult etiam mulieri in dote praeferrere. Mihi secus videtur. sed de eo dicemus ad *l. assiduis. inf.*

4 *assiduis. inf.* Numerat etiam eum, qui credidit ad funus ex *l. pen. ff. de rel. & sum. fun.* Sed male eo loco utitur ad hoc confirmandum. Nam illic scriptum est, impenfam funeris praecedere omne creditum. Atqui hic sensus est, eum is qui in funus impendit, creditum repetit, id est, personali actione agit aduersus creditores ceteros, qui item creditum suum petunt, id est, personali actione petunt, eum his omnibus praeferrere nempe ex privilegio, quod funerariae actioni tributum est. Sed male ex eo colligitur eum praeferrere iis, qui hypothecam habent. Nam contra hi qui hypothecam habent, siue prius eam acceperint, siue posterius, quoniam habent actionem in rem, praeferruntur omnibus privilegariis creditoribus personali tantum actione utentibus. *ut est in l. 4. §. l. eos. inf. eo.* Plane funeris impenfa duarum causarum tacitas hypothecas praecedit: inuektorum & illatorum ab inquilino: item legatorum; sed ideo quia in his cum ad funus ventum est, nec hypotheca subesse intelligitur. Nam si inquilinus sit is, qui mortuus est, nec sit unde funeretur, placet ex inuectis & illatis eum funerandum, & si quid superfluum remanserit, hoc pro debita pensione teneri. *l. & si quis. 14. §. i. ff. de rel. & sum. fun.* Atqui haec sunt tacite obligata locatori. *l. 2. l. 3. ff. in quib. cau. pig. tac. cont.* Sed hactenus haec sunt pignori, dum id pignus non officiat rebus fauore dignis. Unde placet eiusmodi pignus non officere libertati. *l. licet. D. in quib. cau. pig. vel hyp. tac. cont.* Non mirum, si in eadem causa habetur funeris causa. Similiter si res legata sit a testatore, de cuius funere agitur, nec sit, unde funeretur, ad eas quoque res manum mitti oportere placuit. *d. l. & si quis. §. 1. de rel.* Et tamen legatariis res omnes defuncti obligatae sunt pignori. *l. i. sup. com. de leg.* Sed satis est, ait Ulpianus, de suo testatorem funerari, quam aliquos legata consequi. *d. l. & si quis. §. 1.* Aut si certius aliquid hic responderi placet, nulla est hic hypotheca, cum de funere agitur. Non est enim hypotheca legatorum nomine, nisi prius legata posueris. Atqui cum defunctus soluendo non est omnibus, tum creditoribus tum legatariis, non debentur legata, nisi deducto omni aere alieno aliquid superfit, quod legatis supersit. Et in summa creditores praeferruntur legatariis. *l. successores. sup.*

ad *leg. Falc. l. ult. §. et si praefatam. C. de iur. del.* Porro fueris impenfa aere alienum patrimonii defuncti existimatur. *l. impenfa enim. 18. D. de rel.* Interdum tamen posterior creditor etiam ex alia causa praefertur priori creditori in hypotheca. Sed hoc non perpetuo, sed ad tempus dumtaxat. quod contingit in specie, de qua constitutum est in Auth. seq.

Auth. item possessor.

Item possessor pignoris negans rem eius, cuius actor eam esse adseuerat: si probata ea intentione nitatur rem retinere, dicens ex hypotheca, vel alia causa in eandem personam delata, se propinquiorem esse, quam qui mouet causam: prius transferat possessionem, quam ius suum proponat.

SUMMARIA.

1. Casus, ubi posterior creditor potior sit priore in pignore ad tempus.

Species facti haec est. Posterior creditor hypothecam vindicauerat a priore creditore. Prior ut agentem remoueret, hac defensione usus erat, ut diceret rem, de qua agitur, in bonis debitoris non fuisse, eoque nec potuisse posteriori creditori obligari, ex *l. & quoniam non. §. quod dicitur. D. de pig.* Posterior creditor probauerat rem in bonis debitoris fuisse. Ita prior creditor victus, iussus est hypothecam restituere. Prior exclusus superiore defensione nunc ad hanc cofugit, ut dicat, eam quoque rem sibi a debitore prius obligatam esse, ideo & se posteriore creditore esse potiorrem. In hac controuersia constitutum est a Iustiniano id, quod hoc fragmento traditur, nihilominus possessionem pignoris a priore in posteriorem creditorem transferendam esse, donec prior de iure suo probauerit, ut intelligamus hanc esse mendacii poenam: quae admodum & in rei vindicatione possessio a possessore transfertur in actorem, cum possessor prius negauit se possidere, & conuictus possidere coepit dicere, rem esse suam, non actoris. *l. ultim. D. de rei vind.* Ex hac constitutione apparet, si prior creditor victus probauerit postea, eam rem sibi prius pignori esse obligatam, ut dicebat, eum ius suum obtinere aduersus posteriorem creditorem, & ita verum esse, quod supra dixi in extremo ad *l. licet.* in hac specie posteriorem creditorem praeferrere priori in possessione pignoris, sed ad tempus dumtaxat, donec scilicet prior de iure suo probauerit. ceterum ubi de iure prioris constabit, semper eum posteriore esse potiorrem.

L. Diuersis. VIII.

Prior pars continet eam definitionem, quae exposita est ad *l. 2. sup.* Posterior est de iure secundi creditoris in confirmando pignore, de quo diximus ad *leg. 1. sup.*

L. Eos. IX.

Hic locus satis expositus est partim ad *l. 2. sup. eod.* ubi cur qui pignora acceperunt, praeferrantur privilegiis omnibus, rationem explicatius reddidi: partim ad proximam *l. licet.* ubi de obiectionibus quibusdam natis ex *l. pen. & leg. & si quis. 14. ff. de relig.* respondimus in extremo.

L. Cum tibi. X.

Idem AA. & CC. Polipeuca.

Cum tibi pro dote, quam acceperat maritus, res obligauit: eo mortuo, hi, quibus eadem pignori dederat, non offerentes debitum, nulla possunt persequi ratione. Nam chre-

chirographarios creditores nec in rem nec in personam eos, qui debitori non probantur successisse, vlla ratione conuenire posse, manifestum est. PP. Non. Decemb. CC. Cæß.

S V M M A R I V M.

1 Chirographarios creditores frustra agere de pignore sibi restituendo aduersus creditores hypothecarios, quantumvis pecuniam debitam his offerant.

Maritus dote accepta mulieri quasdam res suas in eam causam pignori obligauit, & tradidit; deinde cum marito alii creditores contraxerunt. Mortuo marito cum mulier ea bona pignori sibi obligata possideret, creditores posteriores aduersus mulierem agere cœperunt, vt vel sibi satisfaceret, vel restitueret bona defuncti, quæ possideret. Rescripti distinctio est in hac sententiam: si quidem ii agant, quibus eadem pignora data sint, eos frustra agere, quia sunt scilicet tempore posteriores. sic tamen frustra, nisi offerant debitum. intellige vti oportet, id est, aut soluant, aut priore creditore non accipiente pecuniâ obsequenti: quo modo vti oportet ad liberationem, pignus sibi confirmant, vt est in l. 1. sup. eod. Sin tñ tantum sint, qui chirographarii appellantur, id est, ii quibus cautum nō est, nisi chirographo; plane eos frustra agere, quantumvis pecuniam offerant: quia nullam aduersus mulierem actionem habent, neque in rem, neq; in personam. Non in rem; quia res illis pignori obligata nō fuit, vt quis dicat eos actionem hypothecariā habere. Non in personam; quia actio in personam solū aduersus debitorem competit, aut heredem eius. Mulier autem in proposito nec debitor fuit, nec mariti debitoris heres.

L. Scripturas. XI.

Imp. Leo A. Erythrio, Præfæcto prætorio.

Scripturas quæ sæpe assolent a quibusdam secrete fieri, interuenientib. amicis nec ne, transigendi vel paciscendi, seu foenerandi, vel societatis coeunda gratia, seu de aliis quibuscunque causis vel contractibus, conficiuntur, quæ idōxæia. Grace appellantur, sine tota serie earum manu contrahentium, vel notarii, vel alterius cuiuslibet scripta fuerit, ipsorum tamen habeant subscriptiones, &c.

S V M M A R I A.

- 1 Instrumenti priuati quod constet a debitore scriptū, non minorem vim esse creditori ad suum personali actione obtinendum, quam publici.*
- 2 Instrumentum priuatum vim suā obtinere, & simpliciter vim obtinere, longe diuersa esse: prius verum, & quid sit: posterius falsum.*
- 3 Instrumento priuato etiam de cuius fide constet præferri publicum ad hypothecam priore loco obtinendam: & quam recte constitutum.*

Si duo sint creditores eiusdem debitoris, quorum vni cautum sit a debitore priuato chirographo vel alio priuato instrumento, alteri cautum instrumento publice confecto, id est, confecto ab iis, qui in conficiendis instrumentis publico munere funguntur: & hi contendant inter se, vter altero potior sit, quia forte bona debitoris omnib. non sufficiant: queritur, an sit quidquam in instrumento publico, cur is, qui eo vititur, præferri debeat ei, qui vititur instrumento tantum priuato. De hac re ita ius constitutum

est hoc loco, interesse, vtrum hi creditores personalibus actionibus agant eodem tempore aduersus debitorem, an vero agant hypothecaria de ea re, quam suis quisque instrumentis pignori accepit a debitore. Si tñ personalibus actionibus agant; dummodo de fide priuati instrumenti probetur, nempe id a debitore scriptum esse, non minus id prodesse creditori suo, quam si publice conscriptum esset. Nam hæc vis est priuati instrumenti, vt cum constet a debitore scriptū esse, id aduersus debitorem fidem faciat. de quo, vti & de eo, quomodo id probetur, dicemus aptius in *Auth. seq.* Hinc intelligimus in hac specie alterum ex creditoribus propositis alteri non præferri. Obseruandū tñ est autem constitutionem non dicere; instrumentum priuatum in hac causā vim habere aduersus debitorem; sed vim suam obtinere. inter quæ multum interest. Nam qui dicit instrumentum priuatum quouis modo vim habere aduersus debitore, is dicit priuatum instrumentum fidem facere, etiam si de eius fide non constet: quod est absurdum dictū. Quid enim, si instrumentum priuatum causam adiectam nō habeat? Quid, si debitor neget a se scriptum esse? Quibus casibus iure instrumentum fidem non facit, vt dicemus ad *Auth. seq.* Qui autem dicit instrumentum priuatum obtinere vim suam in ea specie, de qua queritur, is hoc dicit, quæ alias vis est priuati instrumenti aduersus debitorem tñ, cum creditor, qui eo vititur, est solus: eandem vim & in hac causā futuram esse, etiam si alii creditores concurrant, qui vtantur instrumentis publicis. Hoc vero est æquissimum. Quod cū non intelligatur, aut non animaduertatur vulgo ab interpretibus, non est mirum, si colluctentur in huius loci interpretatione, neque adhuc rem expedire potuerint. Atque hæc, inquam, ita sunt, si creditores isti personalibus actionib. experiantur. Quod tñ si agent hypothecaria actione vindicantes eam rem, quæ ambobus pignori data est, partim priuato instrumento, partim publice placet in hac causā priuatum instrumentum vim illam suam non obtinere. sed quamuis constet id scriptum esse a debitore; tamen eū qui publice instrumento nititur de hypotheca, præferri ei, qui eandem hypothecam accepit priuato instrumento, nisi priuatum id instrumentum habeat trium idoneorum testium subscriptiones. Queritur ratio constitutionis. Cur n. placeat magis priore casu priuatum instrumentum vim suam obtinere, quam posteriore? Nam si vtroque eadem est fides & probatio instrumenti priuati, cur non in pari causā ius idem statuitur? iuxta l. illud. D. ad leg. Aquil. Mihi hæc differentie ratio videtur non improbabilis; quod cum creditores isti duo agunt personalibus actionibus, singuli de suo debito, id est, de rebus diuersis agunt, quæ ita sunt singulorum, vt quod est vnius, ad alterum non pertineat. Quam ob rem singuli in suo debito sunt soli: vt proinde aliis in eo debito non concurrentibus, non sit querendū, qui quibus sint potiores, sed vnusquisque separatim in suo debito ius suū obtinere debeat: *argumentum in l. 2. ff. eo. tit.* At cum ambo de hypotheca eadem agunt, hic de eadem re agunt; & ob id merito queritur, vter altero in ea re debeat esse potior. Et non inique constituitur, in ea contentione maiorem vim habere publicum instrumentum: itaque id priuato præferri.

Auth. si quis vult caute.

Si quis vult caute deponere, non soli credat accipientis scriptura, sed aduocet etiam testes idoneos & fide dignos nō

pauciores tribus. Sed & si quis aut mutui instrumentum, aut alterius cuiuspiam contractus fecerit, & noluerit hoc specialiter in publico confiteri: non ex ipso videatur credibile, quod scribatur super mutuo documentum, nisi etiam trium testium adhibeatur presentia fide dignorum, ut sine veniant, & subscriptionibus propriis attestentur, sine aliis quidem testificentur, quia eis presentibus confectum est documentum: fidem eandem ex utraque causa percipiat. Si tamen quisquam aut deponens, aut mutuans, aut alias contrahens, contentus sit sola scriptura eius, cum quo contrahit: sciat scripturam non sufficere ad probationem.

S V M M A R I A.

- 1 Instrumenti privati ad fidem vis, quæ.
- 2 Comparatio literarum ad probandam manum scripturæ quatenus admissa.

A Præfissime hæc Auth. superiori constitutioni subiecta est. In ea constitutione scriptum erat, cum duo creditores personalibus actionibus agunt eodē tempore, instrumentum vnius priuatum nihilominus robur suum obtinere. Hinc ꝑ quæstio introducitur ad explicationem eius constitutionis necessaria, quænam sit vis instrumenti privati. Et iure vetere hæc vis fuit, si debitor fatebatur a se vel suo mandato scriptū, & causa debiti adiecta erat, cogeatur debitor confessioni suæ stare, quantumvis diceret se instrumentū scripsisse vel loco, vel errore. *l. cum de indebito. §. ult. ff. de prob.* Quod ꝑ si debitor negaret a se scriptū esse, vel mandato suo, conuinci poterat id scripsisse, in eam quem recipiebantur & testes, & comparatio literarum; dummodo hæc literæ, ex quibus comparatio literarum petebatur, ab eodem debitore publice scriptæ essent, aut trium testium subscriptiones haberent. *leg. comparationes. supra. de fid. instrum.* Hanc vim intelligebat superior constitutio. Ne quis in eo iure erraret, commonefacit nos hæc authentica, quid de eo constitutum sit a Iustiniano. Eius constitutionis hæc est summa, si debitor fateatur chirographum a se scriptū, nihil immutauit Iustinianus. Si neget scriptum a se, & testes non minus quam tres producantur, qui interfuerint, cum debitor id instrumentum scriberet, ne hic quidem quidquam immutauit Iustinianus. Sed si tres testes adhiberi non sunt, ille in totum cōparationes literarum repudiavit tanquā suspectas, nisi instrumento priuato conficiendo tres testes interfuerint. Quo casu comparationem literarum admittit, si esset necessaria: nempe si testes illi, quorum mentio fit in chirographo, mortui essent, aut alioqui non exstarent. Postquam constitutionem eo res redit, ut quoniam semper periculum est, ne debitores negent chirographum a se esse scriptum, dare operam creditor debeat, si cauere vult contrahere, ut adhibeantur tres testes.

L. Assiduus. ult. §. II. Authent. seqq.

Imp. Iustinianus A. Ioanni præfecto pratorio.

Assiduus additionibus mulierum inquietati sumus, per quas suas dotes deperditas esse lugebant, & ab eo anterioribus creditoribus substantias maritorum detentas. Nos itaque ad antiquas leges respeximus, in personalibus actionibus rei uxoris actioni (quam in presenti sustulimus) magnam prerogatiuam præstantes, ut contra omnes pene personales actiones habeant privilegia, & creditores alios antecendant, licet fuerint anteriores. Et hoc cum

in personalibus statuerant actionibus, si hypothecam respiciebant, illico iustitia vigorem relaxabant: & senioribus hypothecis nouas mulierum hypothecas, si habebant actiones, expellebant: nec ad fragilitatem mulierum respicientes, nec quod & corpore & substantia & omni vita sua maritus fungitur: cum pene mulieribus tota substantia in dote constituta est &c.

S V M M A R I A.

- 1 Mulierem præferri omnibus creditoribus quamuis anteriorem hypothecam habentibus, dum tacitam & ex privilegio.
- 2 Mulierem præferri etiam fisco quamuis tempore prioris, & quidem ex omnibus causis.
- 3 Mulierem postponi liberis prioris matrimonii, aduersus quos nouerca de dote agit, item creditoribus quamuis tempore posterioribus, qui marito pecuniam crediderunt ad militiam emendam ea lege, ut militia esset pignori.
- 4 Mulierem anterioribus creditoribus hypothecam conuentione sua partem habentibus non præferri.
- 5 Priores creditores in hypotheca conuentionali præferri posterioribus iure communi, non ex privilegio.
- 6 Mulierem hypothecis conuentionalibus prioribus non esse potiorē, demonstratur rationibus Iustiniani.
- 7 Aequitate rei.
- 8 A persona constituentis principis.
- 9 Obiecta diluuntur.

Singulare hic beneficium tribuitur in repetitione dotis duobus; mulieri; itē mulieris liberis. de muliere prope tota constitutione cauetur. de liberis in vers. *exceptis videlicet*. Beneficium ꝑ quod mulieri tribuitur, hæc est, ut mulier siue agat personali actione de dote aduersus alios creditores privilegiarios, siue agat hypothecaria actione, quæ illi lege concessa est. *l. unica. §. & ut plenius sup. de rei ux. act.* ea præferatur omnibus creditoribus anterioribus, licet prioris temporis privilegio sint vallati. sic. n. verba sunt huius constitutionis in §. *ad hac. & vers. seq.* Quibus verbis efficitur, mulierem præferri omnibus creditoribus quamuis hypothecariis & anterioribus; si tamen hypothecam ex privilegio habeant, id est, tacitam beneficium legis. Igitur si proponas maritum administrasse tutelā pupillorū, antequā vxorē duceret, item pecuniam accepisse ad insulam extruendam aut reficiendam: quibus in causis & res mariti sunt tacite pignori obligatæ pupillo, & ædes obligatæ ei, qui ad refectio-nem credidit; *l. pro offic. ff. de adm. tut. l. i. ff. in quib. cau. pign. vel hypoib. tacit. cont.* si is deinde vxorem duxerit, & dotem acceperit, dicimus soluto matrimonio, si mulier & superiores creditores mariti concurrant, mulierem in hypotheca his omnibus quamuis anterioribus præferri; quia etsi prius hypothecā accepit, tamen habent ex beneficio legis tacite, non autem ex conuentione. Huius generis creditoribus hypothecariis mulier præfertur omnibus, ut sunt verba constitutionis. Ergo ꝑ & mulier præferretur fisco, quāuis maritus eius ante eum fisco contraxerit. Nam quod scrip-tum est in leg. 2. §. *de priuileg. fisci*, fisco, qui prius contraxerit cum marito, mulieri præferri, est quidē huic cō-stitutioni cōtrariū; sed sciamꝑ hæc cōstitutione abrogatū esse. Tamen si enim Iustinianꝑ in l. 2. §. *cōtrariū. cō. de vet. iur. enu.* negat in libris iuris a se cōpositi vllū cōtra-

rium esse; tamen hoc in Codice ad veterem Codicē pertinet, non ad eas constitutiones, quæ non Codici sunt insertæ. Hæ autem sunt quinquaginta decisiones Iustiniani, quas constat nouo Codici insertas ad veteris iuris emendationem. *titul. de nouo Codic. cōfir.* Ex his cōstitutionib. est hæc vna, quæ hic proponitur. Ergo & mulier præferetur fisco, quamuis maritus eius ex causa primipilari conueniatur, abrogato eo iure, quod est in *leg. 4. supra. in quib. caus. pig. vel hyp.* Præferetur ergo & ei, qui pecuniam ad funus crediderit. Idque eo magis, quod hic nihil amplius habet, quā priuilegium: hypothecam non habet. Nec impedimur eo, quod legitur in *l. penul. D. de relig. & sum. fun. impenfam funeris omne creditum præcedere*. Scimus enim & hoc similiter abrogatum esse hac cōstitutione; non solum quia diserte Iustinianus constituit, vt mulier in actione personali præferatur omnibus priuilegiariis creditoribus; sed etiam quia mulier hypothecam habet; quam, vt dixi, nō habet is, qui in funus impendit. Constat autē oēs hypothecarios creditores, cum in rem actionem habeant, omnib. priuilegiariis, qui personalem tantum actionem habent, præferri. *l. eos. §. hoc tit.*

Ex omnibus creditoribus, qui beneficio legis prærogatiuam temporis habent, excipiuntur duo, quibus placet mulierē non præferri. Primum filii prioris matrimonii, aduersus quos nouerca de dote agit. *§. exceptis. hac leg.* quod apertius confirmatur in *auth. ult. hic.* Deinde hi creditores, qui pecuniam marito crediderunt ad militiam emendam ea lege, vt militia eis esset pignori obligata. In hac militia marito emta potiores sunt, qui crediderunt. *auth. quo iure. inf.* Idque etiam si posteriores sint. Cuius iuris duplex ratio reddi potest. Primum, quod in hac militia pecunia creditoris saluā fecit totius pignoris causam. *arg. in l. interdum. & seq. ff. eo.* Deinde quia hæc militia marito emta non tantū ad vtilitatem mariti pertinet, sed etiam ad vtilitatem & honestamentum mulieris. Nam eiusmodi militiis maritos cohonestari cōstat. Maritorum honos & decus etiam ad vxores pertinet. *l. foemina. ff. de senat. Nouel. de consul. §. hac itaque.*

Sed hæc omnia dicta sunt de iis creditoribus, qui priuilegio, id est, beneficio legis hypothecam habent, aut certe in hypotheca habenti iuris prærogatiuam. Quod si qui creditores prius hypothecā acceperint cōuentione, & vigilantia sua partam, nos de cōmuni sententia interpretum putamus mulierem ex hac cōstitutione iis nullo modo præferri; atque adeo nullo iure præferri aut posse, aut debere. Id defenditur & verbis huius cōstitutionis, & in primis sententia. Verba cōstitutionis ad eos creditores anteriores pertinet, qui sunt muniti temporis priuilegio. His verbis propriè non continetur is, qui sibi de hypotheca cauerit. Hic enim hypothecam habent non priuilegio, sed cōmuni iure: quo iure constat pignus cōuentione contrahi. *l. 4. ff. de pig. l. si tibi. eo. §. de pignore. ff. de pact. l. i. in pr. ff. de pig. act.* Nec t̄ verò audiendi sunt, qui cōuentione de pignore interposita fatentur pignus ex priuilegio non esse; sed vt creditor prior secundo præferatur, id ex priuilegio esse dicunt, non ex cōuentione. quod aperte falsum est. Nam prior creditor in pignore ideo præferitur posteriori, quia habet actionē in rem aduersus omnes possessores, non tantum extraneos, sed etiam posteriores creditores. Eam quidem actionem habet etiam aduersus debitorem ipsum, qui pignus obligauit. Ergo multo magis aduersus eos cre-

ditores, qui causam habent a debitore. At creditor hæc actionem habet iure pignoris. Quare prærogatiua in hac actione ex iure pignoris nascitur, ac p̄inde ex cōuentione, nō itē ex priuilegio. Atq; in hac prærogatiua priuilegiū nō esse certo argumēto est, q̄ dicuntur priuilegia nō ex tēpore æstimari, sed ex causa. *l. priuilegia. ff. de reb. aut. ind. pos.* Nā prærogatiua quæ in pignore est, solū ex tēpore æstimatur. Nō nego prærogatiuā hæc ab Vlpiano priuilegiū appellari. *in l. si & in re. ff. qui pot. in pig. hab.* Sed si ea prærogatiua ex iure & ratione cōmuni est, negari nō pōt, qn̄ abusiue priuilegiū appelletur. Quis est. n., qui nesciat priuilegium ius esse in gratiam certæ causæ, aut personæ præter rationem iuris cōmuni constitutum? Tunc demum prærogatiua temporis verè priuilegium est, cum creditores, qui nullam hypothecam habent, aliis nō habentib. præferuntur; in quo et in vsu iuris solū hoc verbum propriè vsurpatur. *d. l. priuilegia. ff. de bo. aut. ind. pos. & hac. l. in vers. cum enim in personalibus.*

Sententia Iustiniani spectatur ex iis rationibus, quibus vitur, ex æquitate causæ, tum ex persona scriptoris. Ratio Iustiniani, qua in hac cōstitutione vitur, euidenter sententiam eius ostendit, & superiorem sententiam confirmat. Ait enim, mulierē ideo in hypotheca præferendam esse anteriorib. creditoribus, quia in personali actione tali priuilegio vitur. Hoc Iustiniani argumentum est in hac *l. in vers. cum enim in personalibus*. At in personali actione constat mulierem non præferri creditoribus anterioribus nisi priuilegiariis, id est, iis qui beneficio legis prærogatiuam habent, vt ceteris creditoribus præferantur. Ergo nec in hypotheca præferetur aliis creditoribus, quam qui eodem beneficio hypothecam habent. Nam quoties lex aliqua ob certam causam & rationem lata est, cōuenit cessante ratione legis, illic legi locum non esse. *l. quod dictum. D. de pact.* Idem licet intelligere de sententia Iustiniani ex ea ratione, quā reddit in *§. & ideo*. scribit enim se in hoc priuilegio mulieri tribuēdo hoc secutū esse, vt consummaret, quod veteres cōeperant, neque perfecerant. Ex quo intelligitur non aliud cōsummasse Iustinianum, quā quod veteres cōeperant, nouum autem negotium eum non instituisse. Iam verò veteres cōeperant tantum mulierem præferre aliis priuilegiariis creditoribus, neque id perfecerant. non enim præferbant omnibus; neque præferbant in hypotheca, vt constat ex initio huius cōstitutionis. Iustinianus hoc ius imperfectū consummauit. nā mulierem prætulit creditoribus priuilegiariis, iisque omnibus; puta etiam ei qui in funus credidit; & prætulit non solum in actione personali, sed etiam in hypotheca. Ita ius cōceptum a veteribus consummauit; sed ita, vt non egrediatur id, quod veteres cōeperant. Cōeperant autem præferre mulierem priuilegiariis. Quare & priuilegiariis præfert Iustinianus, non aliis.

Quod si de sententia Iustiniani & verbis oīū significatione ambigeretur; tamen in diuersis & ancipitib. interpretum sententiis ea regula vti debemus, quæ præscribitur in *l. non sine. §. de bon. qua lib.* nempe vt ambiguum causam & variis legum interpretationibus titubantem iuris naturalis, id est, æquitatis, moderamine tēperemus. Vnde in legibus quoties verba ambigua sunt, ea sententia accipitur, quæ æquior & benignior est; non alia de causa, quam quod menti auctoris est contententior. *l. in omnibus quidem. l. semper in dubiis. D. de reg. iur.* At æquiratis rationem si audimus, non solum æquum est, mulierem ei creditori nō præ-

ferri, qui ex conuentione prius hypothecā habet; sed etiam si contrarium hic constitutum esset, officiū esset boni principis eam constitutionem abrogare. Pro certo. n. hoc statui debet, quod est in principiis iuris, ius suum cuiq; tribuendum esse, nulli mortalium ius suum detrahendum. *l. iustitia. ff. de iust. & iur. l. 2. ff. de his qui sunt sui vel al. iur.* Id quod si recte constituitur in aliis causis; tum vero rectissime in pignore conuentionali, quod quis cautione sua & vigilantia sibi parauit. Hoc, inquam, nulli creditori adimendum est. Nā, ut est egregia sententia Scæuolæ, ius vigilantibus scriptum est, id est, iis qui in negotiis gerendis aduersus futura pericula sibi vigilant, & cauerunt. *l. pupillus. in fin. ff. qua in fraud. cred.* Ius scriptum vigilantibus, id est, quia fauet vigilantibus, & cauet, ne damno afficiatur, neue quid his auferatur in eo, in quo sibi vigilauerint, sibi que tempestiue prospexerint. *l. 3. i. res. ff. de sep. ar. l. quod autem. §. sciendum. ff. qua in fraud. cred.* Et certe nihil potest cogitari iniquius, quam si, cum creditores contraxerint cum aliquo debitore, qui nondum uxorem duxerat, qui iidem diligenter sibi cauerint, ut eius bona sibi essent obligata, sit in potestate debitoris eos, cum velit, fraudare, uxorem postea ducendo, & dotem accipiendo. sic enim miseri creditores frustra sibi cauerint, neque erit vigilantia locus. In hac tanta iniquitate non est credendum. Iustinianum sententiam tam iniquam constituere voluisse, nisi euidentissimis verbis probari possit, id illum sensisse.

8 Atque t̄ huic etiam reitertio loco argumentū præbet persona eius. nam is legum conditor est. Legum conditores æquitatis fautores esse oportet, ut bene scriptum est in *l. hac lege. §. de pact. conu. tam sup. dote.*

9 Ad t̄ obiecta, quibus vtuntur contrariæ sententiæ defensores, breuiter respōdebo. Illi vrgent verba. Ait Iustinianus, *mulierem habere potiora iura aduersus oēs creditores.* Hic quidem nihil excipit, sed addit, licet sint anterioris temporis priuilegio vallati. Quæ verba nō pertinent ad eos, qui hypothecam vigilantia sua sibi acquisuerūt, ut supra docuimus. Ait item Iustinianus, se pleno iuris articulo in hoc priuilegio mulieris consummasse, quod veteres cœperant. Non consummatuit, inquit, nisi mulierem omnibus creditoribus anterioribus prætulit sine exceptione. Recte diceret, si Iustinianus simpliciter scripsisset se consummasse pleno iure prærogatiuam temporis in muliere. Nunc autem dicit se consummasse, quod veteres cœperant. At veteres non cœperant mulierem præponere hypothecariis creditoribus, sed iis qui prærogatiuam temporis ex priuilegio legis habent. Hoc igitur posterius ille consummauit, non item prius alterum, quod veteres non cœperant, ut supra quoq; docuimus. Vrgent & illi rationem huius constitutionis, quæ sparsa est varie in hac lege, puta in *verf. & hoc cum in person. libus.* item in *verf. quis enim*, hanc illi rationem dicūt, non minus efficere, ut mulier præferri debeat anterioribus creditoribus expressam hypothecam habentibus, quam qui hypothecam beneficio legis habent. Hoc vero illis concedi non oportet. Nā rationes sunt introductæ & sumtæ ex fragilitate mulieris; ex obsequiis quæ marito præstat; ex periculo partus; ex procreatione liberorum; ex inopia mulieris, quæ in bonis nihil solet habere præter dotem; ex officio mariti, quo ille cogitur dotem omnimodo restituere vxori. Hæ oēs in summa nihil aliud efficiunt, nisi mulierem dignā esse priuilegio, quod Iustinianus hic constituit. Nos fateamur non tantum eo priuilegio dignam esse,

sed etiam dignissimā. Adiciamus amplius, dotis causam semper & ubiq; præcipuam esse debere. *l. 1. ff. sol. mat.* Sed hæc omnia accipiēda sunt cum hac exceptione, dum alteri iniuria non fiat. Nam hoc vtraq; manu retinendum est in omnib. beneficiis & priuilegiis, in iniuriam alterius beneficia alteri concedi nō solere, neq; debere. *l. nec auus. §. de emanc. lib. 2. §. si quis a principe. ff. ne quid in loc. pub.* Addunt his argumenta duo. prius tale est. Mulierem constat hac constitutione præferri anteriorib. creditoribus, saltē qui pignus lege constitutum habent. Ergo & iis præferri debet, qui pignus cōuentione aut vigilantia sua sibi acquisuerūt. Apparet ex superiorib. male ista comparari. Nā legitimū pignus contraria lege adimi pōt sine iniuria; quoniā eius est beneficium adimere; cuius est dare; quod & in priuatorum beneficiis receptum est. *l. 2. ff. de prec.* At pignus vigilantia creditoris partū, ipsi creditori sine summa iniuria adimi non pōt, ut supra probatum est. Alterum argumentū habet firmitatem illorum sententiæ. est autē tale. Mulier præfertur ei creditori, qui pecuniā credidit ad rem emendā ea lege, ut illi ea res pignoris obligata esset. *§. his consequens. Nouel. de aqual. dot.* At qui pecuniā credidit ad rem emendam, præfertur anteriori creditori, & cui ea res pacto pignori obligata est. *l. interdum. & seq. ff. eo.* Ergo huic ipsi quoq; creditori expressam hypothecā habenti multo magis mulier præferetur. Sed & hoc male colligitur; quoniam non est eadē causa in duobus illis creditoribus, propter quam mulier postulat se his præferri. Imo vero quā ob causam mulier præfertur ei, qui pecuniā credidit ad rem emendam, hanc ipsam ob causam alii creditori priori præferri nō debet. Nam ei qui pecuniā credidit ad rem emendam præfertur, si ipsa tempore prior sit, is autem qui credidit, posterior, ut est expressum in *d. §. his consequens.* Ergo hac ipsa ratione alii creditori non præferetur, si mulier erit posterior; quoniam ea causa cessat, propter quam alteri præferrebatur. Hic occurritur hac ratione, si vinco vincentem te, multo magis te vincere debeo. *l. de accessionibus. in fin. i. res. ff. de diuers. temp. præscript.* Sed hoc dictum tunc locum habet, cum in extraneo & in te eadem causa est, cur vīs vincere debeam. Quod si causa vincendi in vna alia est, & alia in altero, non si alium vinco; qui te vincit, ideo te vincere debeo. Sumta est hæc regula ex comparatione maiorum. cui argumento locus non est in disparibus causis. Res per se paulo obscurior exemplo plana fiet. Propone hoc modo. Tres sunt creditores, quibus eadem res obligata est diuersis temporibus, primus, secundus & tertius. Ego primus si vinco secundum, vti vinco, multo magis vincere debeo tertium, qui vincitur a secundo; scilicet quia qua ratione vinco secundum, eadem ratione & maiore vinco tertium. Vinco enim secundum, quia sum prior tempore. Ego multo magis vincam tertium, quia si secundo prior sum, multo magis prior sum tertio. At e conuerso argumentum non valebit hoc modo. Ego primus egi aduersus tertium, qui hypothecam possidebat, & ab eo victus sum, quia me remouit exceptione pacti cōuenienti, vel iurisiurandi. Quamuis is tertius me primū vicerit, & ego primus vincam secundum; tamē si tertius cum secundo agat, secundum nō vincet; quia videlicet vincendi secundi dissimilis causa est. Nam tertius me vicit, non quia me prior esset tempore, sed quia actum erat inter nos, ne hypothecā ab eo peterē. Hæc ratio aduersus secundum cessat, & si tertius secū-

dum volat vincere, non poterit alia ratione, quam si sit prior. Atqui secundus prior est. Ergo & in hac specie secundus vincet tertium, quamvis tertius primum vicerit, & primus potior sit secundo. nempe ideo, ut iam dixi, quia vincendi secundi dispar causa est, non autem illa, ob quam primum vicit. Confirmatur hac sententia in hoc ipso exemplo in l. Claudius. ff. eo tit. Quare cum nihil relinquatur ad defensionem contrarie sententiae, & ea sententia quam statuimus, aperte defendatur & verbis huius legis, & sententia, & manifesta equitate, & praeterea communi sententia recepta sit, non est, quod dubitemus eam retinere, quantumvis quibusdam in praefecturis quamvis summis aliter iudicetur. Meminisse enim debebimus legibus iudicandum esse, non exemplis aut praedictis. leg. nemo. §. de sent. & interloc. om. iud.

AD TIT. XIX. DE HIS, QUI IN priorum creditorum locum succedunt.

S Y M M A R I A

Eum qui primo creditori soluit, succedere in pignus duobus casibus.

EX his quae de iure primi & secundi creditoris in hypotheca proxime diximus, duae dubitationes natae sunt, quae explicantur his duobus titulis, qui sequuntur. Primum dictum est, secundum creditorem nihil habere iuris in pignore aduersus primum, nisi primo pecuniam offerat. quod si rite offerat, tunc secundum creditorem sibi confirmare pignus. l. i. §. prox. tit. hoc amplius & in ius primi creditoris succedere. l. secundus. §. de pig. quod & confirmatur in l. ult. hic. Hinc quaesitum, si alius, qui hypothecam non habet, aut habet, sed posterior secundo, pecuniam soluat primo creditori, ut is dimittatur, an & hic qui soluit, succedat in locum primi creditoris. de quo hoc titulo constituitur. Placet tamen eum qui primo creditori soluit, quantumvis primum nihil iuris habuerit in pignore, tamen succedere in pignus & locum primi creditoris duobus casibus. Vnus est, si creditori ipsi soluerit eo pacto, ut in eius locum succederet. l. i. hic. Alter est, si pignus emerita debitorum ea lege, ut pretium ad creditorem perueniret, & peruenit. l. pen. hic. Perinde est enim, quasi qui pecuniam dedit, ipsi creditori numerasset. Cum his modis succedat in locum primi creditoris ille, cuius pecunia primus dimissus est; consequens est, quod exprimitur in l. 3. hoc tit. eum, qui in pignus successit, creditoribus omnibus aliis in eo pignore esse potiores, quemadmodum primus creditor esset potior, si pignus retinisset. Quod si is, cuius pecunia creditor primus dimissus est, de pignore seu de successione eius pignoris nihil conuenit, placet eum in ius pignoris non succedere. l. i. hic. l. Aristo. ff. quae res pig. obl. poss. Sumtum ex eo, quod de contrahendo pignore superioribus titulis posuimus, ut in l. quamvis. 17. §. de pig. & l. licet. §. prox. tit. nempe pignus inter viuos nisi conuentione non constitui, ubi pignus a magistratu non detur.

AD TIT. XX. SI ANTIQVIOR creditor pignus vendiderit.

S Y M M A R I A

Primus creditor si pignus vendit, sic transfert, ut emtori auocari non possit. Idem si emat a debitore dominium non ita acquirit, quin possit ei auocari a secundo creditore, cui res obligata erat, si is pecuniam offerat, & cur.

Quod traditur in l. 2. sup. qui pot. in pig. hab. primum creditorem qui prius hypothecam accepit, secundo esse potiores; diximus eum effectum habere, ut primus iure suo hypothecam distrahat, quantumvis obnuntiante secundo creditore. Id ipsum confirmatur in l. ult. hic.

Inde tamen quoque consequens esse diximus, ut si primus hypothecam distraherit, eam ab emtore auocare non possit neque secundus creditor, neque debitor, quantumvis pretium emtori offerant. l. 2. ff. qui pot. in pig. Et hoc idem apertius confirmatur in l. 2. hic. Verumque ideo, quia ea vis esset venditi pignoris, si primus creditor in pignore solus esset, & id distraxisset. l. non est nouum. D. de acq. rer. do. §. ast. quib. alie. lic. vel non in principio. Ex hoc posteriore nata est hac dubitatio, an idem dicendum sit, si primus creditor pignus non vendiderit alii, sed ipse sibi a debitore emerit, aut in solutum acceperit. De quo constituitur in leg. 1. hic. ad hanc sententiam, ut in proposito salua sit actio hypothecaria secundo creditori, qua pignus auocare possit a primo, dummodo illi debitum offerat. Id prima fronte videri potest inique constitutum. Nam si primus creditor dominium pignoris in alium transferre potuit, cur sibi acquirere non potuit? Et in promptu ratio est, cur non possit. Ipse dum vendit, ideo transfert, quia ius transferendi habuit. d. l. non est nouum ff. de acq. rer. do. Idem emendo, acquirere, rem accipit a debitore, qui rei alienandae ius non habuit, nisi haec tenus, ut alienaret rem cum sua causa. l. traditio. ff. de acq. rer. do. leg. alienatio. Digestis. de cont. emt. Porro debitor eam rem secundo creditori obligauerat. Eo fit, ut re ab eo alienata, etiam hac causa pignoris secundi maneat. Quod si manet, iure secundus creditor primo pecuniam offert pignoris sui confirmandi gratia. leg. 1. §. qui pot. in pig. l. ultim. §. prox. tit. Sed nonne iniquum est, plus iuris in hac re tribui secundo creditori, quam primo, qui sibi cauit pignus in solutum accipiendo? Esset iniurissimum, si modo plus iuris secundo tribueretur. Nunc autem ita dicimus, secundum creditorem posse pignus auocare a primo, si pecuniam illi offerat. In quo semper praedit causa primi creditoris. Nam & pignore primi creditoris manente, tamen secundus creditor illi pecuniam offerendo pignus sibi confirmaret, ut supra diximus. Sed rursus alia parte hic occurritur. Quidnam enim dicamus secundum creditorem rem a primo auocare posse, quamvis illi pecuniam non offerat? Non enim debet ei offerre, quod ei iam non debetur. Atqui nihil ei debetur, si ei solutum sit. Solutum est autem, cum aliud pro alio illi solutum est volenti. l. si quis aliam. Dig. de solut. Sed pro soluto non habetur, quod solutum potest euinci. d. l. leg. si quis aliam. Apparet autem in proposito, pignus primo creditori venditum, ei euinci posse a secundo creditore. Nihil igitur in toto hoc iure l. 1. non recte constitutum.

AD TIT. XXI. SI COMMVNIS res pignori data sit.

S Y M M A R I A

Et si cum rem communem totam alienare, & pignori obligare posse.

Hi locus appendix est eius definitionis, qua constituitur, neminem rem alienam pignori obligare posse. l. cum res. l. quae pradium. §. si alie. res. pignor. dat. sit. Quod de re tota dicitur, id & ad partem rei pertinet. leg. quae de tota. D. de rei vind. Proinde in re communi

vnus ex dominis partem socii pignori obligare non potest, suam potest, *ut hic traditur.*

Recte t Accursius excipit fiscum, cuius inter cetera hoc ius est, ut cuius rei partem is alienare potest iure suo, idem eam rem totam alienare possit, quo facilius res emtorem inueniat pro utilitate publica. l. 2. §. de comm. rei alien.

AD TIT. XXII. DE PRÆTORIO pignore, & ut in actionibus etiam debitorum missio prætorii pignoris procedat.

- 1 Prætorium pignus quid.
- 2 Prætorium pignus sine controuersia ex iis causis, ex quibus quis in possessionem missus est.
- 3 Prætorium item pignus ex causa iudicati, cum iussu magistratus ex ea causa pignora capta sunt: eiusque rei argumenta.
- 4 In pignore ex causa iudicati quam ex re sit prætorii appellationem retineri.
- 5 Refutatur argumenta, quibus quidam probare conantur pignus ex causâ iudicati captum non esse prætorium.
- 6 Pignora in causa iudicati a magistratu capi ordine & iure communi: distrahi per apparitores extra ordinem: & hoc quid sit.
- 7 Prætorii pignoris appellatione contineri id quoque, quod a magistratu municipali captum sit in causa iudicati.
- 8 Prætorium pignus non prius constitui iubente magistratu rem capi, quam & creditor ceperit.
- 9 Prætorium pignus ex causa missionis, & iudicati constitui posse etiam in mobilibus rebus, itemque in incorporalibus: & que in his dubitationis causa.
- 10 Pignoris prætorii possessione amissa, nihilominus pignus durare, & vindicationem pignoris creditori: & qua hic dubitatio.

Diximus initio pignus, quod hominum opera constituitur, partim a domino constitui, partim a prætore seu magistratu. De priore genere hucusque. De altero hic agitur, & titulo sequenti. Hoc enim est, quod prætorium hic appellatur. Prætorium t pignus sic definitur in leg. 2. hoc tituli, quod a iudicibus datur. Recte, dum a iudicibus intelligamus, a magistratibus. Nam temporibus Iustiniani, & multo ante obtinuerat, ut magistratus appellaretur iudices. tit. de iurisdict. omn. iudic. sup. tit. de rebus auct. iud. poss. Digest. Et certe sic res habet, ut prætorium omne pignus constitutur iussu & auctoritate magistratus. l. 3. §. 1. D. de reb. eor. qui sub tituli. vel cur. sunt. Prætorii pignoris duæ sunt species. Vna est ex causa missionis in possessionem; altera ex causa iudicati.

- 2 Prior t species ex hac causa nascitur. Sunt. n. quædam causæ, ex quibus creditores a magistratu impetrant, ut mittantur in possessionem bonorum, vel rei alicuius debitoris: de quibus in l. 1. D. quib. ex caus. in poss. eat. Hoc impetrato si creditor possessionem rerum occupat, pignus illi hoc modo constituitur, quod prætorium sine controuersia appellatur. l. qui legati. §. ut in poss. leg. l. missio. Dig. pro emt. Altera species pignoris nascitur ex hac causa. Cum quis condemnatus est, neque pecuniam soluit, impetrat creditor a magistratu, qui iudicauit, aut iudicem dedit, ut res debitoris pignori capiantur, & distrahantur, unde iudi-

catis satisfiat. leg. a Diuo. §. in venditione. Digest. de re iud. l. 1. sup. de ex rei iud. Hic pignus constitui non dubitatur. l. 1. & toto tit. inf. si in cau. iud. Sed t an sit, & dici debeat prætorium, quæritur. Nos prætorium pignus esse dicimus, neque id dubiis argumentis sumtis cum ex definitione prætorii pignoris, itemque diuisione pignorum, quæ exstat in l. 1. hoc tit. tum ex verbi prætorii significatione, & notatione nota. In l. 2. definitur pignus prætorium, quod a iudicibus, id est, magistratibus datur. Id quod capitur ex causa iudicati, constituitur a magistratibus. l. 1. inf. si in cau. iud. la Diuo. in princ. Dig. de re iud. Est igitur prætorium. Nec ad rem pertinet, si quis dicat Iustinianum hac definitione uti de eo tantum pignore, quod est ex causa missionis in possessionem. Nam præterquam quod id verbis repugnat, etiam licet hoc modo argumentari. Cui conuenit definitio, ei conuenit & definitum. At pignori quod ex causa iudicati capitur, eadem definitio conuenit. Conuenit igitur & definitum. Diuisio pignoris in eadem l. 2. est hæc, ut dicantur duo esse genera pignorum, conuentionale, & prætorium. Licet igitur colligere hoc modo. Si quod capitur ex causa iudicati pignus est, aut erit conuentionale, aut prætorium. Non enim plura genera hæc numerantur. Non est conuentionale, ut constat. Restat ergo, ut sit prætorium. Dixerit aliquis, tria esse genera pignorum distincta, conuentionale, prætorium, & iudiciale, id scilicet, quod in causam iudicati capitur: verum visum esse Iustiniano in d. l. 2. agere tantum de duobus, non autem de eo, quod capitur in causam iudicati. Sed sententia Iustiniani, & conditio rerum refragatur. Nam pignus ex causa iudicati non minus occupari & possideri debet: quam id quod ex causa missionis constituitur: ut proinde non minus, quam de aliis etiâ de eo quærendum fuerit, an amissa eius possessione actio hypothecaria de eo danda sit creditori. Et de eo Iustinianus constituit. Significatio autem & origo verbi intelligitur ex definitione prætorie stipulationis, Ea definitur esse, quæ ex mero prætoris officio pficiscitur. l. §. D. de verb. obl. Prætoris, id est, magistratus, officio, id est, iussu & auctoritate. Si ea stipulatio, quæ iussu magistratus interponitur, recte prætorie appellatur, & ex usu veterum: consentaneum est, & id pignus, quod iussu magistratus constituitur, recte prætorium appellari. ut scilicet, quibus eandem definitionem nominis tribuimus, iisdem & idem definitum nomen tribuatur. Non t laboraremus de verbo, si de verbo tantum esset quæstio. Nam dum res intelligeretur, facile pateremur vnumquemque suis verbis uti. Nunc autem ut pignus ex causa iudicati captum prætorium appelletur, agitur in eo & de sententia legum, & de re ipsa. Quam ob causam hoc verbum urgemus. Retinenda est autem hæc appellatio quatuor de causis. Primum ut retineamus definitionem Iustiniani, quæ est in d. l. 2. inf. consentientem cum usu & consuetudine loquendi veterum. Quam definitionem euerti necesse est, si aliquid pignus a iudicibus datur, & tamen non est prætorium. Deinde ut retineatur etiâ eiusdē loci diuisio in pignoribus constitutis. quam & ipsam vitiosam esse oportet, si erit aliquid pignus, quod neque conuentionale sit, neque prætorium. Tum vero, ut verbo prætorii pignoris admoniti intelligamus in re esse, quod verbum significat: nepe pignus ex causa iudicati capi non cuiusvis iudicis auctoritate; sed solum iussu prætoris, id est, magistratus, cuius sit de ea re, de qua iudicium factum est, iurisdicatio. l. 1. §. si in cau. iud.

Postremo

Postremo vrintelligamus, quæ sub hoc titulo constituta sunt de pratorio pignore, item alibi, pertinere etiam ad id pignus, quod ex causa iudicati captū sit.

Nonnulli tamen aliter docent: negantq; pignus, quod in causam iudicati capitur, dici pratorium, atque ita disputant. Aiunt pignus pratorium esse, quod ex causa missionis constituitur, & probant ex l. *missio. D. pro emt. l. qui legati. §. ubi in possess. legat.* quib. in locis dicitur pignus ex causa missionis constitutum pratorium esse. Si hoc intelligunt, pignus, quod constituitur ex causa missionis, esse pratorium, non negamus, neque de eo controuersia est. Sed si hoc dicunt esse solum pratorium pignus, id male ex superscriptis locis colligunt. Non enim si hoc pignus est pratoriū, idcirco solum pratorium est. Nam & homo animal est: neque ideo recte colligitur, eum solū esse animal: cum & brutum quoque sit animal. Deinde sic argumentantur. Pignus pratorium dicitur ex eo, quod iure pratorio siue edicto constituitur. Pignus autē, quod in causa iudicati capitur, non constituitur, neq; permittitur edicto, sed constituitur extra ordinē, vt probant ex l. *si pignora. D. de cuius.* Ergo hoc pignus non est pratorium. In hac argumentatione nescio quid potissimum improbem, vtrumque propositionem, an assumptionem, an magis assumptionis probationem. Primum nullo modo concedendum est, pignus pratorium dici ex eo, quod iure pratorio conceditur. Idque euidenter probatur exemplo conuentionalis pignoris. Nam alioqui ista ratione dicere liceret conuentionale pignus esse pratorium. Constituitur enim iure pratorio: certe de eo solum iure pratorio constituitur actio. l. *si tibi decem. §. de pignor. D. de pact.* Atqui id pignus omniū confessione non est pratoriū. Non ergo profecto pratorium pignus dicitur ex eo, quia constituitur solum iure pratorio. Dicent pignus conuentionale edicto pratoris constitui, sed non nisi conuentione debitoris precedente: ex qua conuentione tanquam proxima causa pignus conuentionale appelletur. Accipio solutionem, & acceptam illis repono. Similiter enim & pignus pratorium, quod constituitur edicto, non constituitur, nisi iussu magistratus precedente, eaq; causa est proxima huius pignoris, quam deinde edictum confirmat. Ergo vt ex conuentione dicitur pignus conuentionale, quamuis edicto constituitur; sic ex iussu magistratus & pratoris dicitur pratorium pignus, quamuis constituitur edicto. Quod si concederemus pignus pratorium ex eo dictum esse, quod iure pratorio & edicto constitueretur: tamen hac ipsa ratione efficeretur etiam pignus ex causa iudicati captum pratorium dici oportere. Nam & hoc non minus permittitur edicto, quam illud, quod constituitur ex causa missionis in possessionem: quod isti negant in assumptione.

Constat tamen enim de actione iudicati propositum fuisse edictum pratoris, vt condemnatus pecuniam soluere cogeretur, vt indicant fragmenta eius edicti, quæ exstant in l. 4. §. *ait prator. Et l. §. D. de re iud.* Actio autem iudicati proponitur a pratore rei iudicatæ exsequenda causa, id est, vt pignora in eam causam capere liceat, & distrahere, vt colligitur ex d. l. 4. §. *si ex conuentione. D. de re iud. l. 1. inf. si in cau. iud. l. 1. sep. de ex se. rei iud.* Quare & hoc pignus ex edicto capitur, non minus quam superius. Neque contrarium probant ex l. *si pignora. Digest. de cuius.* vbi scriptum est, pignora extra ordinem distrahi per apparitores. Si extra ordinem, inquit, non ex edicto. Sed obseruare debue-

runt, illic agi de pignoribus distrahendis, non de pignoribus ex causa iudicati capiendis & constituendis. Distrahuntur pignora extra ordinem; quia quod sit iudicio & actione proposita, id ordine, id est, vtitate fieri dicitur. Quod autem magistratus sine iudicio exsequitur vi & manu tanquam dominus, id extra ordinem exsequi dicitur, id est, extra cōsuetum magistratus morem, vt colligitur ex l. 3. *D. ne vis fiat ei.* At pignora distrahuntur per apparitores vi & manu. Eo extra ordinem distrahi dicuntur. Ceterum ab initio capiuntur actione iudicati instituta, qua consequitur creditor, vt nisi condemnatus pecuniam soluat, sibi liceat res eius pignori capere. Hoc vero fit ordine, non extra ordinem. Postremo sic argumentantur. Pignus ex causa missionis constitutum est pratoriū. Differt autē multis modis ab eo pignore, quod in causa iudicati capitur. Ergo hoc posterius non est pratorium. Accipe argumentū isti similiturum. *Homo est animal, differt autem homo multis modis a bruto, atque adeo toto genere contrarius est.* Ergo brutum est non animal. Quod si diceremus, omnes nos irriderent vt Dialectici, ne imbutos quidem. Species eidem generi subiectæ non tantum inter se differunt, sed etiam si veræ sunt, sunt contrariæ: vt in specie recte dicatur, vnam non esse id, quod est altera. Sed quod ad summā generis attinet, vtrique est idem. homo animal est: & item brutum animal est. Sic pignus ex causa missionis non est id, quod capitur ex causa iudicati: sed nihilominus vtrumque pratorium est, quia pratoris iussu constituitur.

Summa huc redit, vt intelligamus etiam iussu magistratus pignus constitui, non tantum debitoris voluntate. Hoc pignus constitui ex duobus generibus causarum: altero, cum quis a magistratu mittitur in possessionem ex iis causis; ex quib. mitti solet in possessionem: altero ex causa iudicati. Quod vtrumque quoniam a magistratu solo constituitur, qui per syndochen prator appellatur in vsu iuris; ideo pratorium appellamus.

Quid tamen ergo, si a magistratu municipali pignus captum sit in causa iudicati? an hoc quoq; pratorium recte dixeris: puto recte dici posse, vt intelligatur id, quale a pratore in simili re capi solet. Nam & alii magistratus, quā prator mittunt in possessionem bonorum, vt præfides, proconsules, legati proconsulum & nihilominus pignus hic constitutum dicitur pratorium. Constituitur enim pro eo officio, quod esset pratoris in vrbe.

Sed tamen non est satis iussisse magistratum ex his causis res debitoris capi, nisi et creditor eas res iussu pratoris occuparit. idq; vtriusque generis cōe est. l. *non est mirū. ff. de pign. act. l. 3. §. i. ff. de reb. eor. l. 2. l. cum rem. publ. §. qui pot. in pig. hab.* Vnde intelligimus pratoriū pignus a cōuentionali distare duab. rebus: constitutis persona, & constituendi modo. Constituentis persona; quia cōuentionale constituitur ab eo tantum, cuius in bonis res est. l. *que prædium. §. si alie. res.* Pratoriū constituitur iussu magistratus, qui dominus non est. Constituendi modo; quia conuentionale sola cōuentione constituitur, quāuis res tradita non sit creditori. l. 1. in pr. ff. de pig. act. pratoriū non aliter, vt dixi, q̄ si creditor possessionē rerū occuparit. Ex quo sunt illæ dubitationes, q̄ hoc titulo decidūt. Vna tamen hæc, an indices possint pignus pratoriū ex supra scriptis causis constituere non tantū in reb. immobilibus, sed et in reb. mobilib; nec tm̄ in corporalib; sed et in actio-

nibus. Dubitatio nascitur ex verbis eorum edictorū, quibus pollicentur prætores se supra scripta pignora constituturos. Nam ex priore specie pollicentur se in possessionem missuros siue se in possessionem ire iussuros. *l. 1. §. l. 2. D. quib. ex caus. in poss. eat.* Quæ verba cum significant motū ad locum, aperte ad res soli pertinent, nō ad res mobiles. Ex posteriore specie fit potestas rerum pignori capiendarum. *l. 1. §. si in cau. iud.* Capiuntur autem res, quæ tangi possunt, id est, corporales. Incorporales vt non tanguntur, sic nec capi possunt. Hinc, vt dixi, dubitatio, an istarum quoq; rerū possessio & pignus possit tribui iussu magistratus. Iustinianus constituit posse in *l. 1. hic.* Verba quidem desunt: sed & in rebus mobilibus, & in actionibus eadem ratio est, quæ in corporalibus & immobilibus. proinde recte ius idem constituit. *arg. in l. ult. supra. de const. pec.* Altera ¶ questio est, an amissa possessio, e
 10 prætore pignoris, danda sit creditori pignoris persecutio. Nascitur dubitatio ex eo, quod hoc genus pignoris ita constitui diximus, si occupetur a creditore. *leg. non est mirum. Digestis. de pign. act. l. 2. supra. qui pot. in pign.* Ex quo sic recte colligi videbatur. Ex his generibus primum tribuitur possessio, deinde per possessionem pignus. Igitur possessione vt re principali amissa, non est pignoris accessioni locus. *l. 2. D. de pecul. leg. l. cū principalis. D. de reg. iur.* Item quib. quidque modis contrahitur, iisdem in contrarium actis dissoluitur. *l. fere. D. de reg. iur.* Prætorium pignus possessione constituitur, vt diximus. Quare & amissa possessione idem dissoluitur. *l. fere. D. de reg. iur.* Aduersus has dubitationes constituitur in *l. ult. hic.* prætorio pignore semel constituto eandem vindicationem creditori tribui, quæ tribuitur iis, qui pignus ex conventionione habet. & recte. Non enim obstat, quod diximus in hoc genere pignorum, pignus ex possessione nasci. Nascitur ex possessione; sed nō sola. Constituitur etenim & animo creditoris, qui possessionem occupando eo animo est, vt & pignori rem habeat. Proinde pignus hoc modo constitutum non amitteretur amissa possessione, nisi & animus descendendi a pignore accesserit. Nec verum est pignus in his causis constitui per consequentiam ex possessione. Duo enim principaliter ex hoc genere constituuntur, possessio, & pignus. Eo fit, vt vno amissioni nihilominus alterum retineatur, iuxta *l. si mihi eodem. D. de ser. rust. prad.*

AD TIT. XXIII. SI IN CAUSA iudicati pignus captum sit.

SUMMARIA.

- 1 Pignus in causa iudicati captum cum sit prætorium, cur distinguatur a superiore titulo, qui est de prætorio pignore.
- 2 Pignus in causa iudicati captum quid differat ab altero prætorio, item a conuentionali in iure vendendi pignoris.
- 3 Pignora ex causa iudicati cum capta distrahantur per apparitores, cur magistratus dicatur rem exsequi extra ordinem.
- 4 Si pignus ex causa iudicati captum non reperiat, emtorem.

¶ Quod ¶ distinguitur hic titulus de pignore in causa iudicati capto a titulo superiore de prætorio pignore, non est argumētum prius illud non esse prætorium. Sic enim distinguitur, vt species a genere. Superiore titulo generaliter de omni prætorio pignore actum est. proinde & de pignore ex causa iudicati

capto: ad quod potissimū dubitationes & decisiones superioris tituli pertinent. Hoc titulo agitur de specie eius pignoris, cum pignus ex causa iudicati capitur: ideo separatim, vt exponatur ius, quod est in ea specie singulare, & eius proprium. Neque nonum est propositis generalibus titulis, subiici titulos de specie, aut contra, vt quid sit proprium in ea specie, cognoscatur. Titulo de pactis subiicitur titulus de transactionibus. Titulo de verborum obligationibus subiicitur titulus de stipulatione seruorum, & de duobus reis. Et ne longius abierimus, titulus, *Si aliena res pignori data sit*, distinguitur a generali subiecto; *Quæ res pign. obligari possint.* Et huic generali subiicitur titulus, *Si pignus pignori datum sit*; q sequitur. Itē titulo. *De pignorib.* subiiciuntur isti *de prætorio pignore*; & *Si in causa iudicati.* Quid autem contineatur in hac specie pignoris, sic optime intelligitur, si cognouerimus, quid habeat hæc species cum priore specie commune; tum quid proprium distinctum a superiore specie itemq; a pignore conuentionali. Huius speciei & superioris communia hæc sunt. In vtraque constituitur pignus iussu magistratus. In vtraque ita constituitur, si creditor pignus occuparit, vt superiore titulo ostendimus. Sed & ex priore specie creditor ipse pignus occupat. occupat item & ipse ex hac posteriore, vt aperte scriptū est in *l. 2. §. l. cum rem publ. §. qui pot. in pig. hab.* At ¶ speciei posterioris, de qua hic agitur, hoc est proprium. Nam pignus occupatum ex iis causis, ex quibus in possessionem mitti solet, non statim distrahi potest, neque semper, vt declarabunt singulæ causæ, ex quibus fit missio in possessionē, quæ suis titulis declaratur. Notantur tituli in glossa *l. 1. D. quib. ex caus. in poss. eat.* Pignus vero ex causa iudicati sic capitur, vt etiam distrahi possit, vt & possunt pignora conuentione constituta. *l. 1. hic.* Sed tamen & hæc ipsa distractio differt a iure distrahendi pignoris conuentionalis. Pignus conuentionale vnusquisque creditor sua auctoritate recte vendit. *l. si cessante. inf. de distr. pign.* Non item pignus ex causa iudicati captū. Id enim distrahi debet a magistratu per apparitores, vt cautum est in *l. 2. hic.* Præterea quia creditor pignus conuentionale vendit, necesse est alium emtorem esse, quam ipsum creditorem. Neque enim idem creditor venditor esse potest & emtor. At quia pignus ex causa iudicati captum, a magistratu distrahitur per apparitores, eo fit, vt creditor etiam ad licitationem & emtionem eius pignoris admittatur, & rem auferat ex auctione, si vel nullus alius emtor existat, vel existat, sed creditor pluris licitetur. Hæc in ead. *l. 2. hic.* Atque ¶ hinc obiter notandum est, quod dicitur magistratus in hac distractione sententiam suam exsequi extra ordinem, vt in *l. si pignora. Digest. de enict.* quam recte id dicatur non vna de causis. Scripsi superiore titulo eo recte dici, quia magistratus rem capiens & distrahens per apparitores sententiā isto modo exsequatur manu & vi. Quod & verū est. Sed adde ex hoc loco hanc quoque causam alteram, quod in reliquis pignoribus ordinario & consueto iure tribuitur creditoribus ius pignoris distrahendi, a quo more & ordine cū discedatur in hac specie pignoris, quod a magistratu distrahitur per apparitores, merito distrahi dicitur extra ordinem. Sed ¶ ex causa iudicati pignus distrahitur, si reperiat aliquis emtor. Quid igitur, si fraude debitoris nullus emtor reperiat? Creditor ius domini impetrabit a principe, vt est in *l. ult. hic.* de quo dicitur proprio titulo. *inf. de iur. dom. imp.*

AD TIT. XXIII. SI PIGNVS PIGNORI datum fit.

S V M M A R I A.

1. Pignus pignori datum quid iuris in secundum creditorem transferat.

Creditor rem sibi pignori obligatam alii creditore suo recte pignori obligat, & quod hic dicitur, pignus pignori dari potest. *l. 1. hic l. grege. §. 1. D. de pig.* Huius posterioris pignoris quæ vis sit, hoc titulo explicatur. Vis ea est, ut quantum primus creditor iuris habuit in pignore, tantum iuris in secundum transferatur, nihil amplius. Primus creditor hypothecariam actionem habuit ad rem vindicandam. *l. pignoris. §. de pig.* Habebit igitur & secundus. *l. 1. in pr. hic.* Primus creditor iure suo potuit, rem distrahere, ac re distracta emptio retractari non posset neque a debitore, neque ab ullo alio creditore. *l. pen. & l. ult. §. si antiq. cred.* Idem iuris erit, & si secundus vendiderit, quamvis debitor cum eo nihil contraxerit. *l. 1. in fi. hic.* Sed tantum vindicare potest, & distrahere secundus creditor, quantum primus potuit; nihil amplius, ut declaratur exemplo in *l. 1. hic.* Nam si primo creditori possessio pignori data sit, id est, fundus, & is eam pignori dederit; recte eam distrahit creditor. Sin vsusfructus tantum primo creditori pignori datus sit, & is integram possessionem secundo creditori pignori dederit, frustra secundus creditor possessionem alienabit, quia nec posset alienare primus creditor. Plus autem iuris ille transferre non potuit, quam habuit. Tam diu quoque pignus secundi creditoris manet, quam diu & manet primi creditoris. Ea res facit, ut si debitor pecuniam primo creditori soluerit, eadē opera & pignus a primo; quia illi solutum est, & liberetur a secundo. *A. l. ult. ff. quib. mod. pig. vel hyp. sol.* A secundo; quia ille nihil amplius iuris habuit, quam quantum fuit penes primum creditorem. Hæc sententia est *l. ult. hoc tit.*

AD TIT. XXV. DE PARTV PIGNORIS & omni causa.

S V M M A R I A.

1. Re aliqua pignori obligata, etiam fructus, & quæcunque inde edita sunt, pignori esse: & cur.

Recerta & qualibet quavis specialiter pignori data, etiam quæ ex ea re nascuntur, pignori esse intelliguntur, quavis de his nihil nominatim convenierit, veluti ancillæ partus. *l. 1. hic l. Paulus. §. 1. l. fideiussor. §. ult. ff. de pig.* In eadem causa sunt fructus fundi, pecorum fetus *l. si convenierit. §. si fundus. ff. de pig. act. leg. grege. in pr. D. de pig.* Non obstat, quod dicitur, nullam rem pignori esse, nisi quæ generaliter aut specialiter pignori obligata sit. *l. quamvis. 17. §. de pig.* Nam & re aliqua principali obligata intelliguntur vna obligata singulæ eius partes. Fructus autem omnes, & quæcunque ex re postea nata sunt, aliquando rei pignoratæ partes fuerunt: nempe tunc, cum rei, unde nata sunt, cohærebant. *l. fructus. D. de rei vind.* Lex vltima hoc titulo explicanda est *ex l. 1. & l. 2. §. de pig. act. & l. creditor. §. de pig.*

AD TIT. XXVI. DE REMISSIONE pignoris.

S V M M A R I A.

1. Remissione pignus tolli, & remittere quid.

2. Quocunque modo declaratur consensus de remittendo pignore, ad liberandum pignus nihil referre: & quibus modis declaratur.
3. L. debitum. C. de rem. pig. exposita.
4. Consentientem alienationi pignoris pignus remississe videri, cur, & quid hic consensus desideret.
5. Consensum in alienationem apertum requiri.
6. Causa tres, in quibus hypotheca sciente creditore alienata pignus remissum videtur.
7. Rem pignori obligatam, remisso semel eius rei pignore, non recidere in obligationem pignoris, quamvis rursum acquisita sit debitori, & eius bona omnia ante remissionem fuerint pignori obligata. *L. ult. C. de rem. pig. explicata.*

Pignus citra consensum & remissionem creditoris non tollitur, quantumvis debitor rem obligatam alienarit, aut postea cum alio quovis creditore contraxerit. *l. pen. & l. 3. hoc tit.* Creditore tamen pignus remittente, statim eius consensu pignus soluitur. *l. 3. & l. 4. hoc tit.* Remittere pignus est voluntate sua a pignore discedere, seu consentire, ne res amplius pignori hypothecæ sit, ut significatur in *dist. l. 4.* Vtrum hoc consensu ac remissione pignus tollatur ipso iure, an p exceptionem diximus *ad l. maior. §. de pig.* Quocunque modo hic consensus declaratur, pignus liberatur. Semper enim idem consensus est. Declaratur hic consensus ac remissio tribus modis. Primum aperta conventionione de remittendo pignore; cum scilicet paciscitur creditor, ne res pignori sit, ne de pignore amplius agat. *l. soluitur. in pr. l. scit. §. 1. ff. quib. mod. pig. vel hypo. sol.* quæ pars dubitationem non habet. Secundo modo declaratur hic consensus conventionione de principali debito interposita, seu principalis debiti remissione: cum creditor aut paciscitur, ne pecuniam petat, aut alio modo declarat voluntatem suam de debito remittendo, quocunque modo id faciat, *d. l. soluitur. in pr.* Hac pertinet *l. creditricem. hoc tit.* in qua pro certo ponitur creditorem videri ius pignoris remississe, si cautionem debiti debitori reddiderit. Hoc ideo, quia creditor cautionem reddendo debitori suo, convenire intelligitur, ne ab eo petat. *l. 3. D. de pact.* Adeo autem verum est, remissione debiti principalis per consequentiam a pignore discedi, ut quamvis debitum inutiliter remittatur, tamen pignus tollatur ea remissione: si modo is qui debitum remittebat, pignus quoque remittere potuit, & voluit. Ut, si proponas vxorem debuisse marito suo decem, & marito quoddam suas res pignori dedisse; si maritus hoc debitum vxori remittat, inutiliter remittit, quia ius prohibet donationem inter virum & vxorem. Sed nihilominus pignus liberatum erit, quoniam in pignore nulla donatio est. hoc Papinianus in hac specie in *leg. 1. §. 1. Digest. quib. mod. pig. vel hyp. sol.* Videtur tamen ob stare huic sententiæ *l. debitum. §. hoc tit.* ubi debito per pacti conventionem inutiliter factam remisso, placet non tantum principalem obligationem manere, sed etiam pignora. Disendum est, conventionem inutiliter factam in eo rescripto accipi debere, quæ vere & in totum inutiliter facta sit, tam de principali debito, quam de pignoribus. Quod tunc accidit, cum is creditor debitum remisit, qui nec debitum remittere potuit, nec pignus, aut neutrum voluit. Non potest remittere pupillos, minor viginti quinque annis, furiosus, prodigus. Nō vult autem remittere vtrumque, qui paciscitur aut deceptus dolo, aut coactus metu. Et ideo bene Accursius

id rescriptum ad has species retulit, non repugnantibus, sed maxime consentientibus verbis. Non est in hac causa maritus, qui ut remittere uxori debitum voluit, & per debitum pignus; ita & potuit remittere, si non debitum, ac certe pignus.

- 4 Tercio modo declaratur consensus creditoris de pignore remittendo, si venditioni, alienationi, oppignorationi hypothecae consentiat. *l. 2. hic. l. si consensit. l. sicut. § si voluntate. Digestis. quib. mod. pig. vel hyp.* Hæc conuentio & remissio etiam in hac specie & in superiore proxima colligitur non ex verbis, sed ex consequentia præcedentis consensus necessaria. Non enim potest debitum remitti, quin tollatur accessio pignoris. *leg. in omnibus speciebus. Digestis, de solution.* Non potest etiam creditor vtiliter consentire alienationi pignoris, nisi pignus remittatur. Nam manente eadē causa pignoris licuit creditori etiam inuito debitore rem alienare. *l. debitorem. §. de pign.* Hinc ita voluntas colligitur. Voluit creditor, quod antecedit; voluit igitur, & quod necessario cōsequitur. Illud in hac specie tenendum est, venditionem & alienationem eam nos hic accipere debere, nō de qua solum consenserit creditor, ut sequeretur; sed quæ etiam re vera secuta sit, & cum effectu ita, ut nec solueretur: & præterea secuta eo modo, in quem creditor consensit. Nam alioqui aut non est alienatio, quam hic quærimus, aut non interuenit creditoris cōsensu. Quibus rebus pariter efficitur, ne videatur creditor pignus consensu remississe. *leg. sicut. §. supernacuum. leg. 4. leg. voluntate. Digestis. quib. mod. pig. vel hyp. sol.* quem locum pluribus exposui in methodo huius argumenti sub tit. *quib. mo. pig. vel hyp. sol.* Ex hoc postremo modo remittendi pignoris quæstio nata est, si debitor pignus alienet sciēte creditore, neque aperte consentiente alienationi, neque rursum aperte dissentiente, an videatur silentio suo alienationi consensisse, atque ita pignus remissum esse. Et placuit non videri, sed ut pignus remitteretur, oportere creditorem aperte consensisse alienationi. *l. sicut §. non videtur. Digestis. quibus modis pign. vel hyp. soluit.* Et ita quod in *leg. 2. hic.* dicitur, pignus remoueri, si sciēte & consentiente creditore pignus alienatū sit, hoc verbum consentiente per emphasin dictū accipere debemus, ut sit aperte & nominatim cōsentiente; quandoquidem scientia creditoris sola nō sufficit.
- 6 Sed hoc loco tres species rerum excipiuntur, in quibus realienata sciēte creditore silentium creditoris solum pro consensu habetur, & pignus remittitur. Primum serui sciēte creditore manumissi: de quo scriptum est in *l. 1. hic.* Hoc propter fauorē libertatis. Deinde res omnes venditæ sciēte creditore, de quibus creditor publico programme admonitus est eas vendi, neque ius suum exsecutus est: de quo in *l. si eo tempore. j. hoc tit.* Publicum programme sunt litere publicæ & palam proscriptæ & propositæ, quibus continetur res illius debitoris vendi, & admonentur creditores, ut si qui putent eas res sibi obligatas esse, adsint, quod intelligitur ex *l. sed si pupillus. §. 1. Dig. de inst. act.* In hac specie placet creditores præsentis programme admonitos videri pignori renuntiasse, ne eorum fraudulenta dissimulatio emtoribus noceat; qui si sciuisent rem aliis pignori obligatam esse, non emissent. Postremo excipiuntur res, quæ a fisco venditæ sunt sub hasta scientibus creditoribus, ut est in *leg. si hypothecas. hoc tit.* Quibus verbis intelliguntur creditores, qui sciuerunt res a fisco vendi. Et hoc propter fauorem fisci, ut eadem lege declaratur.

Remissionis pignoris hæc vis est, ut pignore semel remisso voluntate creditoris, eadem res non recidat postea in pignoris obligationē sine noua pignoris cōuentione; quamuis creditor eius rei dominium denuo postea acquisierit, & quamuis res suas omnes obligauerit creditori, & quas habet, & quas postea acquisiturus est. Quod postremum effectum est constitutione Iustiniani in *l. ult. hic.* Sed videtur prima fronte inique constitutum. Nā quæ res verbis generalis obligationis continentur, eadem etiam obligatione pignoris continentur. Atqui hic res postea a debitore quæsitæ verbis obligationis generalis continentur. est enim ex his rebus, quas debitor postea habuit. Ergo & ea continetur obligatione generali pignoris. Sed verum nō est, quidquid verbis obligationis generalis cōtinetur, id etiam obligatione pignoris contineri, nisi contineatur sententia quoque contrahentium. Vnde dicimus obligatione generali pignoris non cōtineri eas res, quas verisimile est aliquem specialiter obligaturū non fuisse. *l. obligatione. D. de pign.* Iam vero in proposito ita est res, de qua quæritur, quæ denuo acquisita est debitori, ut verbis quidem generalis obligationis contineatur; sed non contineatur ex sententia contrahentium. Est enim excepta postea remissione creditoris, dū is cōsensit, ut liceret debitori eā alienare. Sed & hic rursum nobis occurreret. Hæc res defuit obligata esse, quia alienata est. Quare si redierit postea in bona debitoris, restaurabitur etiam pignus, quia causa cessante cessare debet effectus. *l. q. dist. ff. de pac.* Sed nec hoc verum est, hic pignus ideo extinctū esse, quia res alienata sit. Imo ideo extinctum est, quia creditor rem pignoris obligatione eximi voluit. Proinde nec rediit in eam obligationē sine contraria debitoris & creditoris voluntate. Bene igitur superius illud a Iustiniano constitutum est. Sed animaduertendum est, hoc dictum esse a Iustiniano de eare a debitore consensu creditoris alienata, quæ ad debitorem postea reuersa est legitimo modo. Vbi legitimo modo reuersam intelligere debemus, quæ rediit ad debitorem sine vlla fraudis suspitione. Id enim referri debet ad id, quod placuit, ubi debitor rem recipit non sine suspitione fraudis, non videri pignus remissum, quasi nec vere alienatum fuerit. atque id tunc euenire, cum debitor rem alicui vendidit, & eandem postea ab eo recipit. Sic autem rem carere suspitione, ut res recepta nō redeat in obligationem pignoris, si proponas debitorem successisse ei, cui prius rem vendiderat, aut eam rem ex necessaria alienatione ab eo accepisse, aut eam rem debitori legatam esse. quæ sententia est *l. sicut. §. supernacuum ff. quib. mo. pig. vel hyp. sol.*

AD TIT. XXVII. ETIAM OB Chirographariam pecuniam pignus teneri posse.

L. Unica.

Imp. Gordianus A. Festo.

Pignus interdidit si nouatione facta, in alium ius obligationis transulisti nec ut ea res pignoris nomine teneretur, tibi cautū est. Quod si pactū inter te eūque qui postea dominus fundi constitutus nouam obligationem suscepit, interceperit, ut idē fundus tibi pignoris nomine teneretur, quāuis personali actione expertus feceris cōdemnationē pignoris tamē habes psecutionē. At si in possessione fueris constitutus: nisi ea quoque pecunia tibi a debitore reddatur vel offeratur, quæ sine pignore debetur, eā restituere propter

propter exceptionem doli mali non cogaris. Iure enim con-
tendis debitores eam solam pecuniam, cuius nomine ea pi-
gnora obligauerunt, afferentes, audiri non oportere, nisi pro
illa etiam satisfecerint, quam mutuum simpliciter accepe-
runt, quod in secundo creditore locum non habet, nec e-
nim necessitas ei imponitur chirographarium etiam, de-
bitum priori creditori offerre. P. P. Idib. Martii Gordia-
no A. & Aniola Conf. 240.

S V M M A R I A.

- 1 Chirographaria pecunia, qua.
- 2 Nouatione voluntaria pignus tolli: si tamen interpo-
sita sit hac lege, ut eadem res sint pignori, pignus cum
eadem prerogativa temporis renouatum videri.
- 3 Nouatione necessaria, seu litis contestatione pignus
non solui.
- 4 Etiam ob chirographariam pecuniam, qua peti pos-
sit, retineri posse a creditore id pignus, quod ei in al-
iam causam obligatum erat: & quo iure.
- 5 L. solutum §. si sortem ff. de pig. act. explicatur.

HVIUS rescripti duæ sunt summæ quæstiones, de
quibus consultus fuisse videtur Gordianus Impe-
rator. Prior est, an nouatione qualibet pignus solvatur.
Alteræ, an pignore manente possit id pignus retineri a cre-
ditore, non tantum in eam summam, in quam nominatim
obligatum est a debitore, sed etiam in chirographariam pec-
uniam ab eodem debitore eidem creditori debitam. Chi-
rographariam pecuniam titulus vocat, quæ in rescrip-
to dicitur accepta esse sine pignore, item accepta
simpliciter: in illis verbis, At si in possessione, ut intel-
ligamus chirographariam dici, quæ chirographo tan-
tum cauta est, non etiam pignore. De nouatione sic
constituitur hac loco, interesse, utrum voluntaria sit
nouatio, an necessaria. Nouatione voluntaria pignus
intercederet: sed ita, si in nouatione faciendâ non con-
uenerit: ut eadem res pignori esset creditori in nou-
am obligationem diuersum esse, si id conuenerit. De
nouatione idem traditur in leg. solutum. in pr. ff. de pig.
act. Et habet hanc rationem, quia nouatione princi-
palis obligatio tollitur §. præterea. Inst. quib. mod. tol.
obl. Dissoluta autem obligatione principali etiam li-
berantur accessiones, ut pignora. l. in omnibus specie-
bus ff. de solut. l. item ff. quib. mod. pign. vel hyp. sol. Quod
de conuentione superiore diximus, idem traditur in
d. l. solutum. ff. de pig. act. Et adeo verum est ea conuen-
tione renouata eandem rem pignori teneri creditori,
ut etiam ceteris creditoribus in eam re præferatur, uti
ex prior obligatione præferretur: quia ex hac con-
uentione creditor in locum suum succedit, l. creditor.
§. Papinianus. D. qui pot. in pig. hab. huc pertinet l. i. §. si
antiqu. cred. Declaratur hoc ius in hoc rescripto exem-
plo facti huiusmodi. Primus debitor centum a credi-
tore accepit, & ei fundum Tusculanum pignori obli-
gauit. Cum debitor hunc fundum vendere vellet alii,
placuit, ut qui ematurus erat, ita emeret, si obligationem
venditoris, eiusdemque primi debitoris in se suscep-
eret, & ita eum liberaret, quod & factum est. Itaque cre-
ditor eam pecuniam, quæ a primo debebatur, sibi da-
ri ab emtore stipulatus est nouandi animo: sed hac le-
ge, ut idem fundus etiam nunc sibi in eam obligatio-
nem pignori esset. Dicimus, quamuis sine ista con-
uentione extinctam esset ius pignoris, tamen ea ad-
iecta in nouatione facienda manere pignoris obliga-
tionem, & eandem prerogatiuam in pignore, quæ fu-
erat. Hæc tamen dicta sunt de nouatione voluntaria. At

necessaria nouatione interueniente non minus pignus
perseuerat, quam antea. Necessaria nouatio fit, cum
creditor personali actione experitur iudicio aduersus
debitorem suum de ea pecunia, in quam pignus obli-
gatum erat, & debitor condemnatus est: ubi scilicet
prior obligatio, qua tenebatur, transfunditur in nou-
am obligationem & actionem iudicati, l. aliam. D. de
nouat. de qua dicitur postea suo loco. Hac condemna-
tione, & ut diximus, nouatione non tollitur pignus,
l. solutum. in princ. D. de pig. act. quoniam litis conte-
statio meliorem creditoris conditionem facere solet,
non deteriore, dicitur l. aliam. de nouat. l. non solet. l. ne-
mo enim. D. de regul. iur. Hoc est, quod illis verbis re-
scripti significatur; quamuis personali actione exper-
tus feceris condemnationem; pignoris tamen ha-
bes persecutionem. Quibus similia verba iam supra
legimus, & interpretati sumus, in l. quamuis. §. de pign.
Atque hæc de nouatione, de qua est prior pars huius
rescripti.

Quod ad posteriorem quæstionem attinet, ita de-
finitur hoc rescripto; pignore manente, creditorem
persecutionem pignoris habere duntaxat in eam sum-
mam, in quam nominatim id pignus obligatum est,
retentionem autem pignoris non tantum in supra scrip-
tam summam, sed etiam in omnem aliam, quæ ab
eodem debitore eidem creditori sine pignore debeat-
ur. Hic quæritur, quo iure creditor rem debitoris reti-
nere possit sibi non obligatam? Et additum est in rescrip-
to, creditorem id consequi exceptione doli mali debito-
ri opposita. Quæretur, in quo sit iste dolus debitoris, ex
quo nascatur hæc exceptio. Respondeo, in eo, quod
debitor a creditore sibi restitui rem pignori obliga-
tam postulat, & ita sibi a creditore solui, cum ipse non sit
creditori soluere, quod ei debet. Ita enim postulat in
creditorum ius statui, quo ipse uti non vult, contra æ-
quitatem naturalem, & illam partem edicti, Quod quis-
que iuris in alium statuerit, ut ipse eodem iure utatur,
in, quod quis iur. ff. Sed debitam chirographariam pec-
uniam hic accipere debemus, quæ vere debita sit, ut
& peti possit, qualis est mutua. talis enim exigitur illis
verbis; nisi pro illa etiam satisfecerint, quam mutuam
simpliciter acceperunt. Alioquin contra erit. & ideo si
debitor, qui in sortem & vfuras minores suæ duntaxat obli-
gauerat, postea minores vfuras pactus tantum pro-
miserit sine pignore; placuit in maiores istas pignus
retineri non posse, l. per retentionem. §. de vfur.

Utunque tamen ea pecunia chirographaria debi-
ta fuerit, obstat huic constitutioni, l. solutum. §. si in sor-
tem. D. de pig. act. ubi traditur, si debitor sortem & vfur-
as debeat, & in vnam summam ex iis pignus duntaxat
obligatum sit, ea summa soluta pignus in alteram
summam non teneri, sed statim competere debitori
pignoratitiam actionem. Respondebimus duobus
nos posse, ut pignus obligatum sit in alteram summam
duntaxat; nempe hoc expresso, ut in eam summam
duntaxat obligetur. Præterea & hoc modo, ut quod
dicitur in hoc rescripto pignus in vnam summam obli-
gatum in alteram summam retineri posse, sic acci-
piendum sit, si altera summa postea credita sit sine pi-
gnore. Quod si cum pignus in vnam summam daba-
tur, utraque summa iam debebatur, ut accidit, cum &
fors & vfuræ debentur: dicendum est, quod scribitur
in d. §. si in sortem. nimirum pignus in vnam summam obli-
gatum in alteram teneri non posse. prima ratione,
quod qui in vnam dedit, is alteram excepisse intelli-

gitur, arg. in l. si cum dotem. in princip. ff. solut. mat. l. maritus. supr. de prec. Sed hæc retentio pignoris creditori comparata est duntaxat aduersus debitorem rem suam repertentem; non item aduersus creditores, quibus postea eadē res obligata sit, vt dicitur in extremo huius rescripti. Quo exemplo recte placet in glossa vltima, idem de omnibus extraneis possessoribus dicendum esse, ad quos ea res peruenerit. Et merito, nulla enim talis doli exceptio illis obici potest, qualem debitori obici posse diximus.

AD TIT. XXVIII. DE DISTRACTIONE PIGNORUM.

Quæstionem huius tituli propriam cognosce ex l. 4. & seqq.

L. Fundum. I.

Imp. Alexander A. Pacatæ.

Fundum pignori obligatum si creditor ex fructibus debitum consecutus est, cum ipso iure pignus ab obligatione liberatum sit, distrahere minime potest. PP. Idib. Ianuar. Maximo 11. & Aliano Conf. 224.

QUOD creditor ex fructibus rei pignoratæ percipit, id in sortem imputatur, & eatenus debitum exonerat, & simul compensatione eatenus liberat debitorem, l. 1. & l. 2. §. de pig. act. l. vlt. §. de par. pig. Proinde si tantum ex fructibus creditor consecutus est, quantum illi debebatur, obligatio soluta est, & ea solutione simul pignus liberatum, l. item. ff. quib. mod. pign. vel hyp. sol. l. in omnibus speciebus. ff. de solut. Pignus hoc modo liberato efficitur id, quod inde colligitur hoc rescripto, pignus id a creditore postea frustra distrahi non enim distrahi pignus potest, quod pignus esse desit.

L. Creditor. II.

Idem A. Maximæ.

Creditor, qui hypotheca seu pignori rem sibi nexā vendidit, litigiosam rem non videtur vendere: quia precario debitor possidet. PP. 12. Kal. Octob. Maximo 2. & Aliano Conf. 224.

SUMMARIA.

1 Litigiosæ res, non de qua controuersia est inter aliquos, sed de qua lis est iudicio mota.

IVs est, rem litigiosam vendi non posse, l. 1. & tot. tit. §. de litig. Hinc quæsitum, si forte creditor fundum sibi pignori obligatum precario possidendum reddiderit debitori, deinde debitore non reddente, aut etiam de pignore controuersiam faciente creditor eum fundum vendat, an recte vendat iure pignoris; an vero non recte, quasi videatur rem litigiosam vendere. Rescriptum est non videri hic rem litigiosam, tametsi debitor eam rem precario possideat. Adde amplius non videri litigiosam etsi debitor neget rem pignori esse, aut interdicat creditori, ne vendat, vel emptori, ne emat, l. 1. infra de litig. & recte. Non tenim est res litigiosa, nisi ea de qua lis mota est iudicio, dist. l. 2. & antio. seq. §. de litig. quod in proposito non accidit.

L. Hypothecis. III.

Idem A. Luciano.

Hypothecæ a pignoribus a creditoribus uenundatis, in id, quod deest, aduersus reum vel fideiussorem eius actio competit. PP. 3. Non. Nouemb. Maximo 2. & Aliano Conf. 224.

IN l. creditor qui nō. ff. si cert. pet. ita definitur, creditor, qui non idoneum pignus accepit, non amittit exactorem eius debite quantitatē, in quam pignus non sufficit. Adde ex hoc rescripto, non amittere eum hanc exactorem, etsi pignora distraxerit, ex quorum pretio debitum consecutus non sit. Recte. nam si pignoribus non distractis hanc exactorem habuit: necesse est, habeat & pignoribus distractis, quam ea distractione non amisit. Non debet autem videri ista distractione quidquam amisisse: cum pignorum distractio pro creditore sit, non contra creditorem: absurdum sit autem, quod in hoc comparatum sit, vt alicui profuit, id illi nocere. Sed hæc erat causa dubitationis, quasi creditor pignorum persecutionem & distractionem eligendo videretur alii iuri suo renuntiasse. Quod non ita est. nullam enim in hoc facto renuntiationis creditoris argumentum est. De qua re vide plura ad l. quamuis. 8. §. de pign.

L. Creditor. IV. Et quinque seqq.

Idem A. Crescenti.

Creditor hypothecæ sine pignus cum prescribit, notum debitori facere, & sibi bona fide rem gerere, & quando licet, testato dicere debet. Si quid itaque per fraudem in pignore villa vendita commissum probare potes: vt inferatur actio, qua eo nomine competis: adi eum; cuius de ea re notio est. PP. Calend. Jun. Fusco & Dextro Conf. 226.

SUMMARIA.

- 1 Pignus distrahere licere inuito debitore, & citra conuentionem.
- 2 Licere distrahere, etsi conuenerit, ne distrahere liceret; quando & quatenus: & cur nihil hic obstat conuentio.
- 3 Pignus statim vendi posse cessante debitore.
- 4 Oblationem pecunie solam non impedire distractionem pignoris in pecuniis priuatis: in vectigalibus contra.
- 5 L. vlt. C. de iur. do. imp. non impedire, quominus pecunia non soluta pignus statim distrahatur.
- 6 Nec parte debiti soluta ideo impediri totius pignoris distractionem.
- 7 Bona fide & solemniter pignus vendi debere, & hoc quid sit.
- 8 Pignus a creditore nec bona fide nec solemniter distracto venditionem nihilominus valere, dum emptor fraudis particeps non sit: sed actionem esse aduersus creditorem, in id, quod debitoris interest.
- 9 Vendito pignore dominium in emptorem transferri, & quo iure.
- 10 Vendito pignore venditionem reuocari non posse: extra quam si venditum sit a creditore, vt debitori oblato pretio recipere liceret rem suam: & qua hinc debitori actiones ad rem recuperandam.

HORVM sex rescriptorum summa ad vnam sententiam refertur. Explicant enim, quodnam sit ius creditoris in pignore distrahendo. Itaque de his quantum huic loco conueniat, coniunctim dicemus. De iure creditoris in distrahendo pignore quatuor hæc querenda sunt. Primum an possit creditor suo iure pignus distrahere etiam inuito debitore. Secundo loco, si potest, quando possit, vtrum statim, & cum videtur, an illi aliquod tempus expectandum sit. Tertio, quid in pignore distrahendo obseruare debeat. Postremo qua sit vis huius venditionis.

1 De primo sic statuemus, creditori pignus distrahere licere. *l. si cessante hic.* Et quod licere inuito debitore; quæ sententia est tituli proxime sequentis. Plus dicimus, si forte eiusdem debiti nomine plures res creditori pignori obligatæ sint, esse in arbitrio creditoris ex iis rebus, quibus velit distractis ad ius suum peruenire. *l. creditoris. D. co. tit.* vna hac specie excepta, si cui vniuersa bona pignori obligata sint, & quædam ex his specialiter, vbi placet temperari ita iurisdictionem, vt de iis quæ specialiter obligata sunt prius agi debeat, quam ad reliqua veniatur, de quo cautum est in *l. 2. §. de pig.* vbi diximus. Et hoc ius distrahendi pignoris in re certo obligata dubitationem non habet, si ab initio cõuenerit, vt creditori distrahere liceret. Sed quid, si nihil de eo conuenerit? placet eum distrahere posse, siue id conuenerit, siue non conuenerit; dummodo non conuenerit, ne distrahere liceret, *vt est in l. 4. D. de pig. act.* Et hoc est, quod dicitur in *d. l. si cessante. hic.* pignus recte vendi, dummodo venditum sit non reluctante lege contractus. Lex enim hic conuentionem significat in traditione aut alienatione rei nostræ interpositam. *l. legem. §. de pact. l. ea lege. §. de cond. ob cau. dat. §. tot. tit. §. si mancip. ita sue. alien.*

2 Plus completitur Vlpianus in *d. l. 4. D. de pig. act.* nempe quamuis conuenerit ab initio, ne distrahere pignus liceret; tamen creditorem pignus distrahere posse, si ter denuntiauerit debitori vt solueret, neque soluerit. Ter denuntiare quomodo accipiendum sit, quæsitum est. Nos ex tribus edictis, quæ proponuntur aduersus debitores absentes ad contumaciam coercendam, *l. contumacia. D. de re iud.* quid hic statuerendum sit, intelligimus. Non dubium est enim, quin in proposito tres denuntiationes ab Vlpiano exigantur, vt intelligatur debitor post eas extrema frustratione vti. Ita finis & causa vtroque par & edictorum illorum & denuntiationum, de quibus Vlpianus agit. At inter vnum quodque edictum ex illis tribus exigitur, vt non minus interuallum intercedat, quam decem dierum *l. ad peremptorium. §. l. seqq. D. de iud.* Quæ obrem & in his tribus de quibus agit, recte idem interuallum exigemus: vt sic ad extremam frustrationem debitoris conficiatur mensis vnus, priusquam creditor pignus contra superiorem conuentionem possit vendere. Sed hic occurreret Vlpiano. Nam ius inbet pacta seruari *l. iuris gentium. §. cum ait. D. de pact.* Quomodo igitur licet pignus vendere contra conuentionem? Respondeo, non vendi hic pignus contra conuentionem. Nam cum ab initio conuenit, vt res pignori esset, vi ipsa conuenisse intelligitur, vt distrahere liceret. Ius enim distrahendi pignoris est ita pignoris proprium, vt ab eo non possit separari, adeo, vt cū conuenit, vt rem aliquam liceret distrahere, etiam si non nominatim conuenerit, vt ea res pignori esset, tamen pignus constitutum intelligatur. *l. 3. §. vlt. D. qui pot. in pig. hab.* nempe vt ex eo, quod proprium est solius pignoris in re aliena, ipsum quoque pignus colligatur. Ergo cum ita conuenit a principio, vt rem distrahere liceret, non debemus neque possumus posteriorem conuentionem sic interpretari, quasi omnino pignus distrahere non liceat, alioquin id ageretur, vt pignus non esset pignus. quod est absurdum. Quare posteriorem conuentionem commode sic interpretamur, vt ne liceat pignus distrahere, antequam constet extremam frustrationem debitoris præcedere.

3 Postquam tamen creditor pignus distrahere potest, videamus, quando possit: quod secundo loco quaere-

batur. Et expressum est in *l. si cessante. hic.* pignus recte vendi, si cessante solutione venditum sit. Ex quo intelligimus pignus statim vendi a creditore posse, simulatque pecunia deberi cõperit, neque soluetur. Idque adeo verum esse declaratur aliis rescriptis, vt quamuis creditor non interpellato debitore vt solueret, pignus distraxerit; tamen placeat ratam esse venditionem, si distraxerit, priusquam debitor pecuniam offerret. *l. si prius hic.* Plus dicimus, etsi debitor pecuniam obtulerit, quam creditor recuset accipere: tamen nihilominus pignus recte vendi, nisi debitor ea adiecerit, quæ solutionis vim habent; puta, nisi pecuniam obfigearit, & obfignatam testato deposuerit, *vt declaratur in d. l. si prius. §. l. 2. §. prox. tit. debito. vñd. pig. impe. non posse.* De qua obfignatione diximus *ad l. creditor. §. de pign.* Sed huic iuri locus est in pecuniis & quibuscumque præstationibus priuatis. In publicis pæstationibus, vt vectigalibus & tributis, quorum nomine prædia obligata sunt, locum non habet. In quibus hoc seruatur humanitatis causso, ne liceat ob vectigal non solum pignus vendere, nisi debitore vectigal non offerente, & iussu prædis, tum iusto pretio solemniter res distrahatur. *l. 2. §. si prop. pub. penf.* Vnde non mirum, si in hoc genere legimus venditionem fandi ob vectigal reip. venditi rescissam, quia dominus professus esset paratum se soluere, & fundus minoris venisset, quam debita summa esset. hoc. *in l. pen. D. de resc. vend.* Quod cum in publicis pensitationibus responsum sit, in quibus singulari iure id obseruatur, satis intelligitur superiori iuri de priuatis pecuniis & hypothecis constituto non esse contrarium, nec debere ad eas hypothecas & pecunias transferri. Sane si creditore priuato accipere pecuniam recusante, aut recusante dicere, quantum debeat, debitor aduersus eum iudicio pignoratitio agere cõperit, inhibebitur pignoris distraçtio, *vt est in l. si residuū. hic.* Hoc ideo, quia pignoratitia actio nascitur debitori, cum hæc conditio extiterit, vt pecuniam solueret. *l. si rem. §. omnis. D. de pig. act.* Videtur autem impleta esse conditio, cum per creditorem stat, quominus impleatur *l. in iure. D. de reg. iur. l. iure. D. de cond. §. demon.* Et ideo placet sola oblatione pecuniæ in iudicio facta, pignoratitiam actionem nasci, & procedere debitori. *d. l. si rem. §. vlt. D. de pig. act.* Quæ omnia, vt dixi, euidenter probant creditori statim pignus vendere licere.

Sed tamen huic sententiæ opponitur *l. vlt. §. 1. j. de iur. dom. imp.* vbi scriptum est creditorem pignus suo iure distrahere posse, si ab eius interpellatione aut iudicis sententia biennium intercesserit. Et vulgo existimatum est eam legem veteri iuri derogare. quod non probo. Etsi enim illic generaliter de omni creditore scribitur; tamen responsum ex præfatione & proposito Iustiani interpretandum est. At Iustinianus initio constitutionis præfatur se agere de eo creditore, qui ius domini impetrare velit. Huc recte accommodabitur, quod dicitur in *§. præterea. Inst. de iur. stip.* responsum quamuis simplicem & generalem, tamē ad interrogatum referri debere, vt non amplius quisquam respondisse intelligatur, quam de quo interrogatus est. vtpote stipulatus sum decem si naus ex Asia venerit, promissor respondit, dabo, sine vlla conditione. nihilominus eadem conditione respondisse intelligitur, vt semper responsum temperetur interrogatione. Huc etiam pertinet, quod dicitur, ea quæ in præfationibus comprehensa sunt, in subiectis stipu-

lationibus intelligi debere. *l. Titia. §. 1. ff. de verb. obl.* Eodem recte accommodabitur & illud, quod in leg. si seruus plurium. *§. ult. ff. de leg. 1.* scribitur de interpretatione voluntatis testatoris, nempe hanc, si cetera obscura sunt, recte colligi ex præcedentibus & sequentibus. At in constitutione Iustiniani legenti apparet & prima & postrema esse de iure dominii impetrandi. Quamobrem longius constitutionem porrigere non debemus: præsertim cum pertineat ad ius vetus & illud æquissimum corrigendum. quod nunquam creditur Imperator facere voluisse, nisi nominatim expresse. *l. si quando. §. de inoff. test.* Et certe manifestum est, pignus constitui inutile creditori, si tam diu expectare cogitur, ut ad suum perueniat. Tenebimus igitur, quemadmodum creditori ius est pignus distrahere, si ius esse distrahere, quodcumque pecunia soluta non erit. Sed hoc exigitur, ut pecunia soluta non sit. Quod si soluta erit, aut tantum consecutus erit creditor de fructibus pignoris, quantum illi debetur; pignus distrahi non potest; ut pote liberatum obligatione pignoris, ut scribitur in *l. 1. §. 3.* Hinc et quæ sit de parte soluta. Quid ergo, si debitor partem debiti soluerit, partem non soluerit; an quemadmodum saltem pro parte obligationis principalis liberatio nata est, sic pro parte pignus liberabitur, & retardabitur ius pignoris distrahendi? Hic placuit, omnem pecuniam solutam esse oportere, ut inhibeatur pignoris distractio. Quod si factum non erit, quantumcumque deerit vel de sorte, vel de vfuis, nihilominus totum pignus vendi posse, ut ante poterat. *l. quamdiu. hic l. ult. §. prox. tit.* At enim, dicet aliquis, quæ de tota re constituta sunt, eadem valent etiam de parte. *l. quæ de tota. ff. de rei vind.* Iam tota pecunia soluta totius pignoris liberatio nascitur. Quare & parte pecuniæ soluta pro parte pignoris nascetur liberatio, inhibebiturque eius distractio. Et recte hæc dicatur in iis, in quibus totum est, & pars. Quod in pignore locum non habet. Pignus enim non recipit partis liberationem. non natura sua: nam quæ res pignori dantur, diuidi possunt: sed lege conuentionis. Datur enim pignus, ut liberetur sub conditione, si pecunia soluta erit. non intelligitur pecunia soluta esse, nisi quæ tota soluta est. *l. heredes. §. idem iuris. ff. fam. erc.* Proinde nisi tota pecunia soluta, nihil de pignore liberatur. Et hoc est, quod dicitur, omnem pecuniam solui debere, ut nascatur pignoratitia actio. *l. si rem. §. omnis. ff. de pign. act.* Sed hic rursus occurritur. nam principali obligatione sublata non potest pignus manere, cum sit principalis obligationis accessio. *l. in omnibus speciebus. ff. de sol.* At parte debiti soluta, nascitur pro ea parte principalis obligationis liberatio. *leg. 9. §. ultimo. ff. de solut.* Ergo & pro ea parte pignus, id est, accessionem liberari necesse est. Et totum hoc verum est, dummodo intelligatur pignus in proposito non simpliciter dici liberari, sed cum adiuncto: liberari videlicet pro ea parte, quæ soluta est: intelligaturque ita pro ea parte pignus liberari, ut iam pro ea parte pignus nec peti possit, nec distrahi. Sed hoc ad rem non pertinet. Non enim querimus de ea parte debiti, quæ soluta est; sed de ea quæ soluta non est. Pro ea vero parte nos dicimus pignus teneri, & in solidum teneri, quantum ab initio datum est: quia non patitur lex pignoris, ut pignus solutione partis debiti liberetur, ut supra docuimus. Ergo, ut dixi, creditor pignus suo iure distrahere potest, & cum vult, potest, si cessarit vel minimæ partis debiti solutio.

Sed et in ea venditione creditori quædam obseruari da sunt, de quo tertio loco querebamus. Hæc autem sunt, ut bona fide vendat, & solemniter, ut est comprehensum in *l. quæ specialiter. hic.* Bona fide vendere, est ita vendere, ut bonus paterfamilias faceret in re sua, id est, omnia obseruare, propter quæ res facile emptorem reperire possit, & quam optime vendi. *argumen. l. enigitur. ff. de pign. act.* vel, quod idem est, bona fide vendere, est vendere obseruatis iis, quæ in distrahendis pignoribus obseruari solent. Quod colligitur ex *leg. penult. §. si vend. pign. ag.* ubi scriptum est, pignore vendito his non obseruatis, videri pignus contra bonam fidem distractum. Solemniter vendere idem prope valet. Solemne enim appellamus vfusatum & consuetum, seu quod in re quaque obseruari solet, ut indicat illa regula iuris: Et si ex solemnibus nihil facile immutandum est: tamen ubi euidentis æquitas poscit, subueniendum est. *l. et si ff. de reg. iur. l. pen. ff. de in integ. restitui.* Vnde & solemnes feriæ opponuntur extraordinariis, id est, non certis, non vfusatis, sed pro tempore constitutis. *l. sed et si per prætorem. §. si feriæ. ff. quib. ex caus. maior.* Est igitur solemniter vendere id ipsum, quod dicitur in *d. l. pen. §. si vend. pign. ag.* vendere obseruatis iis, quæ in pignoribus vendendis celebrari solent. Quanam hæc sint, comprehensum est in *leg. 4. hic.* Sunt autem hæc. Primum ut si res immobilis est, puta ædes, aut fundus, venditor rem proscribat. Proscribere est literis publicis ante ædes aut eam locum, quo venditur, propositis significare rem venalem esse. *l. sed & pupillus. §. proscribere. ff. de instit. act.* Prescriptio hæc eo pertinet, ut excitentur lectores ad emendum, atque ita res emptores reperiat. Deinde exigitur, ut creditor dum proscribit, notum id debitori faciat. Hoc ideo ex bona fide, quia admonitus debitor poterit querere, & reperire facilius emptorem, aut etiam soluendo creditori eum omni molestia distractionis liberare. Tertium exigitur, ut quoties licet in re distrahenda testato notum debitori faciat. testato, id est, testibus adhibitis. hoc ideo, ut scire possit debitor, quanti res vendatur, & ne queratur, si creditor non percipiat tantum, quantum ipsi debetur. & sic constare possit creditori, non posse ex eo pretio satisfieri, ut significatur in *d. l. quæ specialiter.* Quod si res mobilis erit, quæ a creditore distrahetur, ea proscribi non potest, sed erit ex fide bona, & ex vfus, si ea vendatur sub auctione publica, si forte ea loca erunt, ubi auctiones publicæ vulgo frequententur.

Quid, et si his non obseruatis creditor pignus distraxerit, an nullius momenti erit venditio? Immo nihilominus valebit, dummodo is qui emit, non sit particeps fraudis. Huius rei certissimum argumentum habemus in *l. si cessante. in fin. hic.* ubi scriptum est, etsi fraudulenter res vendita sit a creditore, id est, aduersus ea quæ supra diximus, ut indicat *l. 4. §. 1.* tamen non emptor de ea re conueniri posse; sed solum creditorem. Si emptio rata non esset, etiam emptor posset conueniri a debitore. Iure enim debitor rem suam vindicaret. Nunc autem conuenire emptorem non potest. Non sane alia de causa, quam quod dominus rei venditæ esse desit, atque ideo desit, quia valuit emptio. Hic aliquis dicet: stulte igitur superiora illa videntur obseruari: si creditor his contemptis potest impune pignus distrahere. Non ita est. Et si his contemptis valet emptio, non ideo impune feret creditor, qui illa contemserit: ut non otiose superiora ab illo exigantur. Hæc est pœna, ut debitori sit aduersus eum actio, quæ

quæ eo nomine competit. sic enim verba sunt *l. 4. in fin. hic*. Quam ergo actionem hic intelligimus, & cuius rei nomine? Nam illic nihil adicitur amplius, ut nec in *l. pen. j. si vend. pig. ag. q.* ubi iubetur simpliciter debitor in hac causa experiri competenti actione. Et pignoratitiam directam hic accipere debemus, quæ debitori aduersus creditorem datur de pignore restituendo, siue id creditor habet, siue culpa sua habere desit. Hæc enim est actio, quæ de pignore tradito inter creditorem & debitorem nascitur. *§. ult. Inst. quib. mo. re. con. obl.* Quid hac actione petet debitor? Aget in id, quod sua interest pignus non ita distractum fuisse, ut creditor distraxit, ut est in *l. i. j. si vend. pig. agat.* Quatenus interesse putamus debitoris pignus non ita distractum fuisse? Quanto videlicet pluris valet, quam venditum est: ut quoniam venditum non est, quanti erat, tantum præstetur, quanto minoris venditum fuit, quam valet. *argument. in leg. 3. j. si vend. pign. ag.* Ex quo colligimus, si supra scriptis rebus non obseruatis creditor rem tanti vendiderit, quanti valet, tunc debitorem nullo modo teneri. Sed tenebitur, isto modo, si non bona fide distraxit. Quid, si bona fide? hic vero nullo modo tenebitur, quamuis minimo res distracta sit: quia nihil sit hoc casu, quod ei possit imputari. Sane si fraudulenter creditor pignus minoris distraxit, & emtor fraudis particeps fuit, nulla erit venditio: certe non imped. et, quo minus & emtor de ea re conueniri possit de quo dicitur ad *l. i. infra. si vend. pign. ag.*

9 Reliquum est, quod quarto loco proposuimus, ut videamus, cum pignus recte distractum erit, quæ sit vis, & quis effectus venditionis. Et scriptum est in *l. si cessante. §. l. si prius. in si hic.* venditionem iure subsistere; venditionem quæ subsistit, reuocari non posse. Quibus verbis intelligere debemus non tantum contractum venditionis valere, ut nascatur ex eo actio emtori aduersus creditorem; sed ita valere, ut pignore ex ea causa tradito emtori dominium ad emtoris transferatur. *l. non est nouum. D. de acq. re. do.* Sed quomodo dominium transferre potest creditor, qui dominus non fuit; cum regulæ iuris non patiantur plus iuris quemquam in alium transferre, quam ipse habet? *l. nemo plus iuris. D. de reg. iur. l. traditio. D. de acq. rer. do.* Nihil hic fit aduersus regulas iuris. nam cum creditor pignus distrahit, & alienat, ipse debitor alienare videtur, qui dominus fuit. alienatur enim eius voluntate, qui ab initio ita dedit, ut creditori distrahere liceret. *§. i. Inst. quib. al. lic. vel non.* Nec ad rem pertinet, si nominatim non conuenit, ut creditori liceret distrahere. satis enim hoc conuenisse intelligitur, cum conuenit, ut res pignori esset: quoniam pignoris proprium est vendere licere, ut supra docuimus. & hoc pertinet. *l. 4. D. de pig. act.* Sed adieciimus dominium pignoris in emtorem transferri, si pignus ei traditum erit a creditore. Quod si ei traditum non est, is dominus pignoris effici non potest, ut est in *l. qui pradium j.* propterea quod ita ius est de transferendis dominis, ut dominium ex consensu non transferatur, nisi traditione. *l. traditionibus. §. de pact. §. per traditionem. Inst. de rer. diuis.* Ceterum pignore tradito sic dominium transferatur, ut emtori postea auocari non possit; ne a debitore quidem, quamuis illi pretium offerat. *l. pen. j. si anti. cred.* Et hoc est, quod in *d. l. si cessante hic.* dicitur venditionem reuocari non posse. Idque consequens est regulæ iuris, quæ efficitur, id quod nostrum est sine facto nostro a nobis recedere, & ad alium transire non

posse. *l. id quod nostrum. D. de reg. iur.* † Hoc ita, nisi cum venderet creditor pignus, conuenerit inter ipsum & emtorem, ut si solueret debitor pecuniam pretii emtori, liceret ei recipere rem suam. facit hæc conuentio, non solum ut mandata a creditore actione ex vendito agere possit debitor aduersus emtorem, & rem repetere oblato pretio, sed etiam possit rem suam vindicare, aut in factum, id est, utili actione suo nomine aduersus emtorem agere. *l. si cum venderet. D. de pig. act.* Cuius iuris rationem exposui in methodo sub hoc ipso titulo. Vnde & hoc, & alia pleraque ad distractionem pignorum pertinentia tractata copiosius petere licebit. Tantum hic attingere vilius est ex eo genere, quantum proprie ad huius tituli Codicis explicationem & nonnullorum locorum huius partis certior interpretationem facere videbatur.

L. Et qui sub imagine. X.

Iidem AA & CC Rufino.

Et qui sub imagine alterius persone, quam supposuerat ingruer tenet: cum sibi negotium gerat, alienasse non videtur. Iure enim pignoris obligatum pradium, neque si per subiectam personam creditor comparauerit, neque si sibi addixerit, debitori affert praeiudicium: sed in eadem causa permanet, in qua fuit ante huiusmodi collusionem. Sane si debitore distrahente comparauerit, consensu emtionem perfectam (si neque dolus aduersarii, neque metus causa gesta agatur) reuocari, exemplo graue est. Si igitur poteris eundem probacionibus monstrare creditorem per suppositam imaginari emtoris personam semper possessionem tenuisse, nec vendita bona fide pradia postea sinceruer comparasse: potes oblata pecunia cum usuris, ad restitutionem creditorem compellere. PP. 3. Non. Octob. ipis IIII & III. AA. Coss. 290.

S V M M A R I A.

- 1 Creditorem pignus emere non posse aut a se sibi addicendo, aut per suppositam personam. C. cur. C. num. 2.
- 2 Per suppositam personam emere quis intelligatur.
- 3 A debitore ipso creditorem recte pignus emere.
- 4 Debitoris esse probare emtorem pignoris esse imaginarium, & quomodo id probetur.

EFFECTVM est supra creditorem pignus vendere posse: si vendiderit, emtorem reuocare non posse. Id sic accipiendum esse docemur hoc rescripto, si modo vere vendiderit; id est, vendiderit alii non autem sibi. Ipse pignus a se emere non potest. † Et siue pignus sibi ipse addicat eo pretio, quo quicuis alius emturus esset, siue emat per suppositam personam extranei emtoris, vtroque perinde res habebitur, quasi rem non vendidisset. Merito. non est enim emtio, nisi ubi alius est emtor, alius venditor. *l. i. D. de rer. permut.* quod non fit, ubi idem creditor, & emtoris & venditoris vice fungitur.

Per † suppositam personam emere intelligitur, cum rogat aliquem, ut pignus emat non suo nomine; sed nomine creditoris, & cum pignus acceperit, id creditori reddat, atque hic euentus sequitur. Ideo autem in hac specie extraneus, qui pignus emit, non dicitur emere; quia is demum emere & capere intelligitur, qui id capit, quod est apud eum permanens. *l. aliud est capere. D. de ver. sig.* Quod autem quis ita capit, ut restituat alteri, is nec capere videtur. *l. cum ei. 42. D. de leg. 2.* Eo fit, ut hic emtor magis imaginem &

speciem emtoris habere intelligatur, ut hic dicitur, quam emtor esse. Ita restat, ut creditor emisse potius intelligatur, quod cum facere non possit, quia a semetipso emit; efficitur utroque modo nullam esse venditionem pignoris, siue ipse addicat sibi, siue per suppositam personam emat. Unde etiam necesse est, pignus in sua causa manere.

3. Inde quæsitum est, an propterea creditor omnino pignus emere non possit. Respondent Imperatores posse eum emere a debitore, non a se. Recte, nam a se ideo non potest, quia non est alius, qui vendat; a debitore autem recte emit, quia est qui vendat debitor, idemque rei domini: qui proinde ius transferendi habet. Quid sane non facit, ut videatur creditor a se emere; quod eum facere posse recte in uniuersum negauimus. Relinquitur igitur, quod est in extremo rescripti, ut si creditor per suppositam personam illius emtoris, de quo diximus, pignus adhuc possidere reperitur, possit debitor de suo pignore pignoratitia actione experiri. Hoc enim consequens erat citra controuersiam, si creditor nunquam pignus distraxisset.

4. Interim necesse habet debitor in hoc iudicio intendere personam illius emtoris, de quo diximus, per quem creditor pignus recepit, esse a creditore suppositam. Quid, an hoc debitor probare debet, an vero etiam citra aliam probationem debitori fides habebitur? Et hic expressum est, debitorem euidentibus probationibus id monstrare debere. Quod responderetur conuenienter regulis iuris his: Ei qui dicit incumbere probationem: l. 2. ff. de prob. item, Actore non probante reum obtinere, quamuis nihil ipse præstiterit, l. qui accusare. in fin. §. de eden. Sed de hac probatione laboratur propter leg. sicut §. superuacuum. ff. quib. mod. pig. vel hyp. sol. ubi in specie pari non videtur exigi probatio ab actore. Et probandum est, debitorem, ut & hic dicitur, semper probare debere, quod intendit. id enim exigunt regulæ superiores iuris. Sed id probabit dupliciter. alias ex iis sermonibus, quibus res gesta est inter creditorem & illum emtorem imaginarium; alias coniecturis ex iis, quæ postea secuta sunt, sumis. Ex sermonibus; si probatur testibus, creditorem illi emtori mandasse, ut sibi rem emeret. In coniecturis ea erit, de qua agitur in d. l. sicut. §. superuacuum, nimirum si res apud creditorem reperiatur, neque unquam pecunia pretii ab illo soluta sit illi emtori imaginario. In hoc genere coniecturarum quæsitum est, an satis sit argumenti emtorem imaginarium fuisse, si probetur pignus venditum nunquam fuisse illi emtori traditum, sed semper apud creditorem mansisse. Plerique putant hanc probationem esse satis idoneam, ut saltem onus probationis transferatur in creditorem. Sed refragantur verba huius rescripti, in quo proponitur creditor fugiter rem possedisse, & in principio, & in extremo: & tamen in ea specie exigitur ut debitor nihilominus probeat personam emtoris suppositiciam fuisse.

L. Mulier. XI.

Idem AA. & CC. Rufina.

Mulier licet specialiter res pignori dederit pro alio, creditor eas distrahendi non habet facultatem nisi dissimulatione marito obligante velut proprias, creditoris ignorantiam circumscripserit. PP. §. Cal. Maii, Heraclia, AA. Coss.

S V M M A R I A.

1. Mulieris res pignori pro alio a muliere ipsa obligari

non posse: ab alio posse, qui tanquam suas sciente & dissimulante muliere obliget: & cur utrumque.

SI mulier rem suam pro marito aut alio quouis debitor pignori obligauit creditori, hic traditur creditorem pignus distrahere non posse. An quod est aliqua causa, in qua creditorius distrahendi pignoris sui non habeat? Minime: sed quia in proposito pignus nullum fuit. Prohibet enim Senatusconsult. Velleianum, quo vetantur mulieres pro aliis intercedere. l. 1. l. 2. ff. ad Vell. Intercedit autem mulier, non solum quæ se pro aliis obligat vel mandando, vel constituendo, vel fideiubendo, sed etiam quæ res suas obligat pro aliis. eo fit, ut pignus non consistat. l. quamuis. ff. ad Vell. l. si sine §. ad Velleian. Interdum tamen possunt res mulieris pro alio obligari, quod tunc fit, cum debitor res mulieris tanquam suas pignori dat creditori, mulier autem præsens dissimulauit eas suas esse, id est, silet, neque refragatur: quæ species hic ponitur in extremo. idem scriptum est in d. l. si sine. Et hæc ratio est, non quod mulier in hac specie non intercedat, ut in superiore, cum aperte rem suam pignori obligat, sed quia hac dissimulatione creditorem decipit, qui rem debitoris esse credidit, non mulieris: cuius si rem esse sciuisset, pecuniam non credidisset. In hac causa ideo mulieri non succurritur, quia senatusconsulto decepti tantum succurritur, non decipientibus. l. 2. §. pen. ff. ad Vell.

L. si debitor. XII.

Idem AA. & CC. Zoticus.

Si debitor rem tibi iure pignoris obligatam, te non consentiente distraxit: dominium cum sua causa transiit ad emtorem. S. Pridie Cal. Maii, Heraclia, AA. Coss.

NON solus creditor pignoris distrahendi ius habet; sed debitor. & ita habet, ut si rem pignori obligatam ex ea causa tradiderit, dominium in emtorem transferat, ut qui dominus fuerit. §. per traditionem. Inst. de rer. diuis. Sed hac alienatione creditori non nocebit. l. distractus. l. debitorem. §. de pig. ubi diximus. Et hoc est, quod hic dicitur, dominium transferri cum sua causa, quod significat rem transferri cum sua conditione, id est, ea conditione, quæ futura esset, si res alienata non esset. leg. traditio. ff. de acquir. rer. do. l. alienatio. ff. de cont. emt. l. via. §. si fundus. ff. de ser. rust. præ. Si debitor contentiente creditore alienauit, sine vetere causa dominium in emtorem transiit; quoniam pignus consensu creditoris remissum est. l. 2. §. de remis. pig.

L. Qui pradium. XIII.

Idem AA. & CC. Theodotus.

Qui pradium obligatum a creditore comparauit, si in vacuum possessionem inductus non est, nullam in rem actionem habet.

S V M M A R I A.

1. Creditorem pignus distrahere dominium transferre: sed ita, si vacuum possessionem tradat emtori, vacua, quæ.

CREDITOR rem pignori obligatam distrahendo eius dominium transfert ad emtorem. l. non est nouum. D. de acq. rer. do. Hoc sic accipiendum est, si ea interuenerint, quibus dominium iure transferri solet; inter cetera si res tradita erit emtori, nam sine traditione dominium non transfertur. leg. in adiutoribus.

nibus. s. de pact. Eo fit, ut re emtori non tradita, is quoque actionem in rem nullam habeat: quippe quæ soli domino competat, l. in rem. ff. de rei vind. Exigitur autem hic, ut inducatur emtor in vacuum possessionem, ut in l. cum res. s. de prob. Vacuum possessionem hic accipere debemus, quam emtor ingreditur creditore tradente, nemine emtorem prohibente. Contra ea non est vacua, quam emtor sic ingreditur, ut alii eam rem possidenti vim faciat, & eo detecto rem occupet. Quod eo pertinet, ut intelligamus, si emtor ita possessionem occupavit, non iure eum occupasse videri, neque dominum fieri, ut diximus ad l. 3. sup. de pig.

L. si in hoc. XIV.

Idem AA. & CC. Modesto.

Si in hoc, quod iure tibi debetur, satisfactum non fuerit, debitoribus res obligatas tenentibus: aditus praeses provinciae, tibi distrahendi facultatem iubebit fieri. PP. 16. Kal. Decemb. Sirmii AA. Coss.

DIXIMVS creditorem sic pignoris venditi dominum trāsferre, si etiam rem tradat emtori. Quid fiet, si debitor pignus possideat, quod ob eam causam creditor tradere non possit? Rescripti huius sententia est, creditorem ius habendi pignoris consecuturum; sed ratione obtinendi esse per praesidem. Quod eo dicitur, ut intelligatur creditorem sua auctoritate possessionem pignoris occupare non posse, de quo in l. 3. supra de pign. ubi diximus. Sed verba rescripti expendenda sunt. Ait praesidem iussurum fieri creditori facultatem distrahendi. Non recte hoc responsum, dixerit aliquis, atque adeo hæc facultas creditori fieri non potest. Oportet enim id ei tribui sententia praesidis, quod ipse prius non habuit, quod actor habet, id sententia iudicis nulli tribuitur, l. sicut. §. sed si queritur. ff. si ser. vind. l. unica. §. de thes. lib. 10. At constat creditorem facultatem distrahendi pignoris iure publico habere, l. si cessante. supra eodem. Et hæc omnia vera sunt, si facultatem distrahendi pignoris hoc loco intelligimus nudam & simplicem facultatem. Sed facultatem distrahendi hic intelligere debemus facultatem cum effectu, ut sit sensus; praesidem iussurum rem, quæ a debitore detinetur, restitui creditori, ut cum ille acceperit, tum deinde possit vendere, & ex venditionis causa tradere, ut sic venditio ad effectum perducatur.

L. obligatis. XV.

Idem AA. & CC. Aulianæ.

Obligatis pignori mancipiis a creditore distractis ac traditis: si post debitor quondam hac sollicitaverit, non venditori, sed emtori contra possidentem in rem competit actio. Dat. Cal. Mart. Sirmii. CC. Coss.

SI vendito pignore & tradito emtor dominus efficitur, ut efficit supra diximus: fit eodem tempore, ut & creditor actionem hypothecariam, quæ prius habuit, amittat, quia pignus solutione debiti liberatum est, & simul emtor actionem in rem nasciscatur, quæ domino competit, l. in rem. D. de rei vind. Id si ita est, apparet verum esse, quod hic traditur, si emtor eius rei a creditore emtæ possessione exciderit, non creditor actionem in rem competere eius rei persequendæ causa, quippe quam habere desierit; sed emtori, qui priore traditione dominus sit effectus. quod fit in specie proposita, cum creditor servos sibi pignori obligatos vendidit, & emtori tradidit, & hi post-

ea a debitore sollicitati ad eum redierunt, vel ad alium, vel iam de iis revocandis agatur.

L. unus ex multis. XVI.

Vide l. i. §. de luitione pign. & l. i. §. si unus ex plur. her. credito.

L. rei creditor. XVII.

Idem AA. & CC. Agapæ.

Rei creditor obligata generali siue speciali conventione, per creditorem alium, cui non fuerat nexa, vanum data, non amittit persecutionem. Dat. prid. Non. April. CC. Coss.

SI debitor, idemque dominus rei pignoratæ alienando pignus, eo facto creditori non nocet, quominus pignoris persecutione saluam habeat, ut prius: multo minus nocebit eius venditio aut alienatio, qui nec dominus fuit, nec rem pignori habuit. Vide l. debitorem. s. de pig.

L. qui a creditore. XVIII.

Idem AA. & CC. Caiano.

Qui a creditore pignori obligatum predium iure emit, de proprietate vinci non potest. S. 6. Kal. Maii, CC. Coss.

SI emtor pignore a creditore tradito eius rei dominus est, ut sæpe iam diximus: efficitur eum de proprietate eius rei a nullo vinci posse, siue agat, siue de ea re conveniatur. Si agat, quia ut dominus habet actionem in rem ad eam persequendam; cuius exitus hic est, ut res actori restituatur, l. officium. ff. de rei vind. Quod si conveniatur, multo magis exceptionem habebit ad rem retinendam, qui ad eam persequendam actionem habuit, iuxta regulam iuris, l. inuitus. §. i. D. de verb. sign.

L. si maritus. XIX.

Idem AA. & CC. Libiæ.

Si maritus tuus mutuam (licet tuam) de dit pecuniæ eorum, qua pignoris titulo accepit, si ei non successisti, distrahendi nomine tuo nullam habes facultatem. S. 6. Id. Non. Heraclia, AA. Coss.

QUI pecuniam alienam mutuo dat suo nomine, & pignus in eam causam accipit, is pignus domino pecuniæ non acquirit; sed aut sibi, aut nulli, de quo diximus ad l. etsi frater. ubi eadem sententia est, sup. de pig. Id si ita est, apparet dominum eius pecuniæ pignus in eam causam constitutum vendere non posse; quia is pignus non habuit, nisi creditori successerit.

L. ult.

Idem AA. & CC. Sabino.

Secundum placiti fidem, si nihil convenit specialiter, pignoribus a creditore maiore, quam ei debebatur, pretio distractis, licet ex eo fundus coparatus sit, non super hoc in rem, sed in personam, id est, pignoratitia de superfluo competit actio. S. 6. Id. Nouemb Byzantii CC. Coss.

S V M M A R I A.

Pignore pluris vendito quam debetur, rem ex pecunia superflua a creditore emtam esse creditoris, nec debitori restitui debere.

CREDITOR si pluris vendat pignus, quam ei debetur, debitor ad concurrentem vique quantitatem debiti liberatur, l. rescriptum. §. i. D. eod. de residuo

potest aduersus creditorem experiri, *ut hic dicitur. idem in l. ult. §. si vend. pig. agat.* Quid, si ex ea pecunia superflua creditor rem aliquam emit? vtrum de ea restituenda debitor agere potest, vti posset de ea pecunia agere, ex qua ea res emta est? Et significatur hoc rescripto non posse, quod & recte constituitur. Nam aut erit debitori de ea re emta in rem actio, aut in personam. In rem esse non potest; quoniam debitori ea res quaesita non est, sed creditori, in quem dominus rem translata voluit, *§. per traditionem. Inst. de rer. diuis.* In personam, id est, pignoratitia non erit, quia hec de superfluo, non de re inde emta competit. Imo contra obliet aliquis. traditur enim *in l. rescriptum. §. 1. ff. eodem.* quidquid ex occasione pignoris ad creditorem peruenit, id debitoris vtilitati & commodo cedere debere. Dicendum est in proposito, solam pecuniam, quae ex venditione pignoris a creditore percepta est, ex occasione pignoris ad creditorem peruenisse. Res ex ea pecunia emta non percipitur ex occasione pignoris, sed ex creditoris negotiatione, *arg. in l. venditor ex hereditate. in illis verbis. pretium enim. ff. de hered. vel act. vend.* Obliet etiam, quod traditur *in l. quamuis. §. ult. ff. de pign. act.* si creditor pignus pluri vendiderit, quam debetur, debitorem non solum agere posse de superflua pecunia, sed etiam de vsuris, quas ex vsu eius pecuniae creditor perceperit. Quo exemplo videtur idem quoque de ceteris rebus statuendum, quae ex ea pecunia paratae sunt. Sed dissimilis istarum rerum causa est, vsuras dico pecuniae, & res ex ea pecunia emtas. Vsura ideo cum ea pecunia restituenda sunt debitori, quia vsurae sunt fructus pecuniae, *l. usura vicem. ff. de usur.* Constat autem fructus ex re pignolata perceptos aut debitum extenuare, aut vna cum re esse restituendos, *l. 1. l. 2. §. de pig. act.* At res ex ea pecunia emtae, non sunt eius pecuniae fructus; sed pretium industriae & negotiationis creditoris.

AD TIT. XXIX. DEBITOREM venditionem pignoris impedire non posse.

EFFECTVM est supra creditorem iure suo pignus distrahere posse, *l. si cessante. §. prox. titul.* Hoc si ita est, sequitur, quod hic dicitur, debitorem nulla obumbratione sua, aut prohibitione impedire posse, quo minus creditor recte vendat, & qui emit, emat bona fide. alioqui liceret debitori conditionem creditoris sui facere dererorem: quod nulli conceditur, *l. soluendo. ff. de neg. gest. l. non debet alteri. ff. de reg. iur.*

AD TIT. XXX. SI VENDITO pignore agatur.

S V M M A R I A.

- 1 Pignore iure vendito, nullam esse eius emtionis reuocationem.
- 2 Pignore contra conuentionem vendito, ius suum debitori integrum manere in re sua, & actionem in personam esse aduersus creditorem.
- 3 Pignore vendito non bona fide, quamuis ab eo creditore qui ius vendendi habuit, ipsum creditorem teneri semper in id quod debitoris interest: emtorem ad rem restituendam certis conditionibus: & quibus.
- 4 Mala fides emtoris in pignore emendo quid, & quomodo probetur.
Per gratiam pignus vendere, quid. ibidem.

5 Aduersus emtorem qui mala fide emit pignus, non esse vindicationem pignoris, nisi excussus prius creditor repertus sit non soluendo.

6 Sed nec hunc emtorem teneri aliter vindicatione, quam si offeratur ei pretium, quanti pignus emit, cum vsuris: & cur.

7 Aduersus emtorem pignoris qui mala fide emit, actionem esse suis conditionibus, non pignoratitiam, non ex edicto de rebus in fraudem alienatis, sed in rem beneficio restitutionis in integrum, & ex qua causa.

QVAESTIO est, si creditor pignus vendiderit, vtrum debitor possit agere aduersus creditorem de pretio pignoris, an aduersus emtorem rei recuperanda causa. De quo ita statuendum est ex sententia eorum, quae diximus *ad l. 4. §. seq. §. de distr. pig.* Si creditor ius distrahendi habuit, & bona fide distraxit, id est, obseruatis iis, quae in pignoribus distrahendis obseruari solent; ita rata est venditio, ut debitor neque aduersus creditorem agere possit de pretio, quamuis rem non iusto pretio vendiderit; neque agere aduersus emtorem, ut rem ab eo auocet. Sed non semper creditor, cui pignus datum est, ius vendendi habet. quod tunc accidit, cum conuenit, ut creditori distrahere non liceret, *l. 4. ff. de pig. act.* Fieri etiam potest, ut qui iure suo distraxit, mala fide & fraudulententer distraxerit. In quibus causis vendito pignore debitor experiri potest. quae summa est huius tituli. In quo de his rebus ita statuitur. Interest plurimum, vtrum creditor qui pignus vendit, ius vendendi non habeat, an cum habet, mala fide vendat.

Si ius vendendi non habet, id est, si refragante conuentione vendidit, nulla est venditio. Quo fit, ut debitor non tantum aduersus emtorem, sed etiam aduersus quemuis possessorem actionem in rem habeat, quae omnibus dominis competit, *l. in rem. ff. de rei vind.* Nam haec superiore venditione non est extincta. Et hoc, quamdiu res a possessore vsucapta non erit. Aduersus creditorem autem semper actionem habet de pretio rei venditae. Ea est autem actio pignoratitia in hoc, ut vel res pignori data restituatur, vel saltem aestimatio. haec sententia *l. 2. hoc tit.* Quod si creditor ius vendendi pignoris habuit, sed vendidit dolo malo: hic semper vendito pignore aduersus creditorem agi poterit, *l. 1. hic.* Diximus autem *ad l. 4. §. seqq. sup. de distr. pig.* in hanc rem competere debitori pignoratitiam actionem, idque in id quod sua interest. Hactenus autem interesse, si res minoris vendita sit, quae valet. haec ex *l. 1. in pr. & l. 3. hic.* Aduersus emtorem etiam hoc casu debitor agere potest: sed interdum, non semper. Non potest autem agere, nisi praeter dolum creditoris haec tria concurrant. Primum exigitur, ut & emtor ipse mala fide emerit, *l. 1. in fin. hic.*

Mala fide, id est, quod dicitur *in l. ult. per collusionem.* Vtrumque autem valet id, quod dicitur *in l. pen.* si emtor fraudis particeps fuerit. Duobus autem modis probabitur emtorem fraudis participem fuisse. Vno, si per gratiam creditor vendiderit, *ut est in l. 3. hic.* Per gratiam vendidisse intelligitur, qui aperte dixit rem pluri esse, quam venditur, sed se non pluri vendere, quam vendit, ut emtori gratificetur. petit autem, ut hanc gratiam ab emtore ineat. Emtor contra sic accipit, & pollicetur se gratum fore. Altero modo id probatur, si emtor praemio creditorem corruperit, *l. qui fundum. §. procurator. ff. pro emto.* Extra has species existimatur emtor bona fide emere, quantumvis rem minoris

minoris emat, quam valet: non est enim contra bonam fidem, rem quam minimo emere, dummodo sine fraude fiat, ut satis colligitur ex *d. l. qui fundus. §. procurator.*

5 Secundum quod accedere oportet, ut creditor qui pignus vendidit, soluendo non sit, idque videlicet ita probetur, *l. i. in fin. l. 3. hoc tit.* Id autem sic constabit, si debitor prius cum creditore egerit, & creditor erit condemnatus: deinde in executione sententiae excussis facultatibus creditoris reperiatur non habere, unde iudicatis satisfiat. Hinc est, quod de condemnato prius creditore dicitur, *in d. l. i. vers. quod si hic.* Non obstat huic sententiae *l. pen. §. in qua scriptum est*, cum creditor pignus contra bonam fidem vendidit, emtore fraudem participante, posse debitorem competenti actione experiri vel aduersus creditorem, vel aduersus emtorem, neque exigitur circa emtorem, ut prius constet creditorem soluendo non esse. Non exigitur hoc quidem, sed tamen & intervenire debere non negatur. Proinde in dubio relictum ex aliis locis interpretandum est. Hae autem conditio exprimitur *in l. i. §. l. 3. hic.* Dicemus etiam commodissime hoc modo: conditionem hanc, ut creditor soluendo non sit, satis exprimitur *in l. pen. hic.* cum dicitur, aduersus emtorem agi posse competenti actione. Non est actio aduersus emtorem competens, nisi prius constiterit creditorem soluendo non esse, *d. l. i. §. l. 2.*

7 Tertium quod etiam & postremum exigitur, cum debitor vendito pignore aduersus emtorem agit, ut emtori pretium cum usuris offerat, quanti scilicet pignus venditum est, *d. l. i. in fin. §. l. 3. hic.* Quod merito exigitur a debitore quamvis domino. verum est enim hoc pretium in utilitatem eius, utpote solum creditori: quo accepto, debitor eodem tempore liberatur. compensatur enim hoc pretium cum debito, *l. ult. §. titul. prox.* Iniquum est, debitorem ea emtione liberari, & nihilominus non oblato pretio rem suam repetere: ubi scilicet contra bonam fidem bis idem exigit: quod vetat regula iuris, *l. bona fides. ff. de reg. iur.* Inde placuit in proposito debitori ab emtore rem suam repetenti oblati exceptionem doli mali, nisi pretium quo liberatus est, emtori offerat, *l. emtor. ff. de rei vind.* Quod si proponeremus ex ea venditione, qua res aliena vendita est, pretium in utilitatem domini conuersum non esse, certi iuris est, dominum a quouis possessore, etiam bonae fidei, rem suam repetere posse, quamvis non oblato pretio, quanti possessor emit; ne alienum factum domino noceat, *l. 3. §. de rei vind. l. 2. §. de fur. l. i. supra de prescrip. 30. an.*

8 Sed quod his omnibus resecrptis, quibus vendito pignore debitori actio aduersus emtorem datur supra scriptis conditionibus, non exprimitur, quae debitori in eam rem actio competat, cum tamen permagni referat id nosse. De eo sic habendum est. Non potest in eam rem debitori esse actio pignoratitia. haec enim inter debitorem & creditorem solum nascitur ex contractu & negotio gesto, §. *ult. Inst. quib. mod. re cont. obl.* Debitor cum emtore pignoris nihil contraxit, ubi debitor pignus non vendidit. Vulgo putant esse actionem vtilem ex edicto fraudatorio, id est, ex edicto, quod est de iis rebus, quae in fraudem creditoris alienatae sunt. sed id non probant. Quinimo verba eius edicti aperte refragantur; sed & ratio edicti. Edictum illud est de iis rebus, quas debitor ipse alienant. hic agimus de iis, quas creditores alienant in fraudem debitorum. Rebus a debitore alienatis, necesse fore actionem creditori proponere ad eas res reuocandas;

quoniam debitor dominus fuit; unde & iure suo alienauit. Creditores domini non sunt, ut possint actione in rem de illis rebus experiri. At cum creditor dolo malo pignus vendit, & emtor item emit dolo malo, non fuit necesse nouam actionem debitori proponere; cum venditio iure non valuerit omni ex parte, eoque & debitor dominus manserit, ut prius. Superest igitur, ut debitori aduersus emtorem ex hac causa sit actio in rem, ea, quae dominis competit rem suam a possessore vindicantibus. Sed etiam atque etiam notandum est, hanc actionem vtilem esse, & quae in integrum restitutione impetrata restituatur debitori. quod probatur *l. 2. supra de prad. min.* Nam etiam tunc, cum res minoris viginti quinque annis a creditore vendita est dolo malo emtore fraudem participante: illic scriptum est, non aliter consuli minori aduersus emtorem, quam beneficio restitutionis in integrum secundum edicti formam. ubi edictum intelligitur de minoribus. Si minoribus in hanc causam non aliud remedium competit, quam in integrum restitutio, multo minus aliud competet maioribus. Restituentur igitur in hac causa debitoribus, qui maiores sunt. Restituentur autem ex edicto, quod est de iis causis, ex quibus maiores in integrum restituantur, ex illa clausula edicti, *si res si qua alia mihi iusta causa videbitur, in integrum restituam. l. i. in fin. l. sed et si §. ult. ff. ex quib. cau. ma.* Ex eo intelligimus, debitorem vendito pignore, a creditore, qui ius vendendi habuit, debere aduersus emtorem petere in integrum restitutionem intra quatuor annos. his exactis, amplius aduersus emtorem, quamvis sit mala fidei, agere non posse. Est enim hoc tempus integrum restitutioni praestitutum, *l. ult. §. de temp. in integ. rest.* Haec omnia ita sunt, si creditor in pignore vendendo, nihil conuenit de re vendita restituenda. Quod si conuenierit, ut vel sibi res restitueretur oblato pretio, vel restitueretur debitori; in utroque conuentio seruanda est, ut creditori quidem vel actio ex vendito competat, vel actio praescriptis verbis. debitori autem competat rei vindicatio, ut veteri domino; aut certe actio in factum, id est, actio in rem utilis, quae magis superiori conuentione confirmetur, quam summo iure ex dominio eius nascatur. Haec sententia est *l. si cum venderet. ff. de pig. act.* Cuius rationem si quis requirit, quando sententia a regulis iuris, quae sunt de iis, qui paciscuntur aliis, & de dominis transferendis, videri potest alienior, licebit sumere ex methodo de pignoribus, *tit. quibus modis pig. vel hyp. soluitur*, ubi hunc locum diligentius sum exsecutus.

AD TIT. XXXI. DE LVITIO- ne pignoris.

L. ult.

Impp. Dioclet. & Maximian. AA. & CC.
Flor.

Si reddita debita quantitate, vel rebus in solutum datis sine distractis, & compensato pretio satis ei, contra quod supplicas factum esse, adito praeside provinciae probaueris: vel si quod residuum debetur, obtuleris, ac si non acceperit, deponeris consignatum, restitui tibi res pacto pignoris obligatas providebit: cum etiam edicto perpetuo actione proposita pecunia soluta creditori, vel si per eum factum, quominus solueretur: ad reddenda ea, quae pignori acceperat iure eum satis euidenter, urgeri manifestum. S. 6. Id. Octob. AA. Coss.

S V M M A R I A.

- 1 Luere pignus, liberare, & unde ita dictum.
- 2 Lui pignus solutione, & si qua solutionis vicē habent.
- 3 Lui satisfactione: quid sit satisfacere, & quid inter solutionem & satisfactionem intersit ad liberationem pignoris.
- 4 Pignoratitiam actionem nasci pignore liberato, non aliter, nisi pecunia offeratur in iudicio.
- 5 Parte debiti soluta nulla ex parte pignus liberari neque debitori, neque debitoris heredibus qui non soluerunt: & huius partis dubitatio, tum ratio.

- L** VITIO pignoris pars est eius solutionis, qua pignus liberatur. Luere ꝑ pignus est pignus solutione vel satisfactione liberare: quasi dicas abstergere & delere pignus, seu nexum & obligationem pignoris, metaphora ducta a *lotione*, qua maculae, quae alicui rei inhaerent, abluuntur & absterguntur. Est enim luere lauare verbum a Graecis ductum. Illis enim *lao* est lauo: ac luere idem esse Latinis quod lauare, composita declarant, abluo, eluo, diluo, & similia. Quomodo luatur pignus comprehensum est in *l. ult. hoc tit.*
- 2 Est autem haec sententia. Luitur ꝑ pignus seu liberatur a debitore, si omnis pecunia quae debetur, soluta erit, aut eo nomine satisfactum creditori, *l. si rem. §. omnis. ff. de pign. act. l. item. ff. quib. mod. pign. vel hyp. sol.* Soluitur pecunia quae numeratur & representatur creditori, *l. solutam. ff. de solut.* Solutionis vim habet compensatio, id est, cum creditor aliquid vicissim debet debitori, & debitor id vult apud creditorem esse pro solutione, *l. 4. §. de compen.* In hoc numero est pretium quod creditor ex distractione pignoris consecutus est; de quo in *d. l. ult. hic.* Est & pecuniae obsignatio & depositio, de qua ibidem adiicitur. Nam pecuniam solum offerre creditori sine obsignatione & depositione, ad solutionem debiti & liberationem debitoris omnino nihil prodest, ut iam saepe a nobis dictum est, traditur in *l. ult. §. deb. vend. pign. imp. nō poss. l. si prius. §. de distr. pign. l. obsignatione. §. de solut. l. acceptam. sup. de usur.* Satisfacere ꝑ est, creditore pro eo quod ei debetur, contentum reddere, *l. i. ff. qui sati. d. cog.* Id fit, cum creditor debitorem pro eo quod debetur, aliud soluentem vel praestantem, se ea re pro debito contentum esse ostendit. huc pertinet *dist. l. si rem. §. omnis. D. de pigno. act. dist. l. item. D. quib. mod. pign. vel hyp. sol.* Solutio debitorem etiam invito creditore liberat. Satisfactio non nisi volente creditore, cum scilicet ille satisfactionem admittit, *d. l. item.* Nec obstat, quod dicitur satisfactionem pro solutione esse, *l. satisfactio. ff. de solut.* Sic enim pro solutione est, si modo prius sit satisfactio. Non est autem satisfactio, nisi quae a volente creditore admissa est; cum de finiamus satisfacere esse creditorem contentum reddere. non enim contentus redditur quisquam iniustus, sed volens.
- 4 Pignore ita liberato, tum deinde ex edicto nascitur debitori pignoratitia actio ad pignus repetendum, ut adiectum est in *d. l. ult. hic. idem in d. l. si rem. §. omnis. ff. de pign. act.* Sed hic notandum est, quod dicitur obligatione sola pecuniae pignus non liberari, eoque nec competere pignoratitiam actionem, sic esse accipiendum, nisi in iudicio pecunia offeratur. sic enim pecunia oblata pignoratitia actio tenebit creditorem, quasi conditione impleta, sub qua actio proposita est. de quo diximus ad *l. si residuum. §. de distr. pign.*
- 5 Illud ꝑ manebit, quaecunque hic solutio, aut obligatio ad liberationem pignoris satis futura sit, semper

oportere totam pecuniam offerri quae debetur, vel totius eius pecuniae nomine satisfieri. Quod si parte debiti soluta adhuc aliquid ex debito superest; in id quod reliquum est, quamvis minimum, totum pignus obligatum manet, ut prius: ea lege, ut creditor nō tantum possit totum pignus a possessore persequi, sed etiam totum pignus vendere. pertinetque haec sententia non tantum ad debitorem, de quo comprehensum est in *l. quamvis. §. de distr. pign.* sed etiam ad debitoris heredes, de quibus hic scriptum est in *l. i. idem in l. i. §. de distr. pign.* Sed est in persona heredum dubitatio maior. Nam cum debitor partem soluit, & adhuc aliquid reliquum est, non est mirum, si pro ea parte dicimus nihilominus totum pignus obligatum manere. sibi enim imputare debet, qui totum non soluit, cum totum deberet. & praeterea cum totum pignus pro minima summa obligatum tenetur, nulli alii fit iniuria; quoniam res tota est debitoris. At horum utrumque cessat in persona heredum. Nam si proponas debitorem centum debuisse, & obligasse in eam summam fundum Tusculanum, deinde decessisse duobus heredibus relictis pro aequis portionibus; diuiditur obligatio inter heredes pro portionibus hereditariis ita, ut singuli quinquaginta solum debeant, quibus solutis pro ea parte in totum liberantur. *l. ea qua. §. fam. er. c. i. l. pacto successorum. sup. de pact. l. 2. sup. de act. hered.* Quod cum ita sit, iniquum videtur exigere ab vno, ut solidum soluat, quo eius pars in pignore liberetur; cum ipse partē solum non solidum debuerit. Iniquum praeterea totum fundum adhuc teneri in eam partem coheredis, quae soluta non est; quia non possitis fundus in eam partem teneri, quin pars aliena pignori obligetur, id est, pars quae est eius coheredis, qui iam soluit. constat autem res hereditarias inter heredes diuidi, & solidas ab vno ex heredibus pignori obligari non posse, *l. unica. §. si com. res pign. dat. sit.* Hinc dubitandi causa in heredibus. valde enim consentaneum videtur, ut iis rationibus cessantibus, quae sunt in debitore, non idem ius in heredibus eius statuamus, quod in debitore, *argum. in l. quod dictum. ff. de pact.* Sed nihil hic proponitur, cur non idem ius in heredibus retinendum sit in proposito, quod in debitore fuit, cum & in his eadem causa & ratio sit totius pignoris retinendi pro ea parte, quae soluta non est. Nam cum debitor adhuc partem ex sorte debet, nō ideo totum pignus obligatum manet, quia debitor prius totum debuerit, aut quia res pignori obligata in solidum sit debitoris: sed quia ab initio in solidam summam, quae debeatur, pignus obligauit ea lege, ut non liberaretur, nisi pecunia soluta esset. Haec conditio pignoris etiam manet in heredibus, quamdiu non omnes solidum, quod debetur, si luerint. Quare & in his ius idem retinendum est. non enim ex persona heredum immutatur conditio obligationis. *leg. 2. §. ex his. D. de verbor. oblig. l. 2. D. de prat. stip. l. cum fundus. D. de cond. & demon.* Nihil ad rem pertinet, si quis dicat fieri non posse, quin personali obligatione summo in persona vnus heredis qui partem suam soluit, iniquum sit, & contra naturam, ut res pro ea parte amplius pignori obligetur, *l. in omnibus speciebus. ff. de solut.* nam & hic idem respondemus, quod in *l. quamvis. supra de distr. pign.* Fatebimur nimis hoc ita esse: sed nihilominus verum est adhuc totum pignus obligatum manere. est enim obligatum pro ea parte, quae soluta non est, non pro ea, quae soluta est. Sed illuc redeo, quod initio posuimus: si tota pecunia soluta erit, aut eo nomine

mine satisfactum creditori, & generaliter si quo modo actio principalis summtota est, pignus in totum extinguui. Cui sententia cum videatur ex diametro aduersari. *lex 2. hic.* in eam pluribus inquirendum videtur.

L. intelligere debes. II.

Imp. Gordianus A. Domino.

Intelligere debes vincula pignoris durare personali actione submota. PP. 12. Cal. Jun. Sabino, & Vennusto Coss. 241.

SUMMARI A.

1. *Falsum*, Personali actione summtota vincula pignoris durare, *ut est lectio vulgata: sed legendum*, non durare, multis argumentis euidenter demonstratur.
2. *Hac verba, intelligere debes, perspicis, intelligis, & similia usurpari solita de iis rebus, de quibus non debuit dubitari.*
3. *Personali actione seu ipso iure, seu per exceptionem perpetuam quamlibet sublata pignus extinguui, sine exceptione verum esse.*
4. *Etiā per prescriptionem triginta annorum actione personali summtota, pignus solui.*
5. *Vno ex heredibus debitoris soluente, eatenus tolli personalem actionem; sed & pignus. & nihilominus verum esse in totum pignus manere, quia manet pro ea parte, quae soluta non est.*

VERBA sunt hæc; *intelligere debes vincula pignoris durare, personali actione submota.* Non tibi dubito, quin hic locus corruptus sit, & contra ita legendum: *vincula pignoris non durare personali actione submota.* Moueor his rebus. Primum sententia affirmatiue hoc loco scripta aperte falsa est, siue in vniuersum actione personali submota pignus extinguatur, siue extinguatur ut plurimum, interdum autem duret. Nam ad refellendam generalem aliquam orationem, satis est ostendere, eam in vna aliqua parte falsam esse, ut falsa in totum probetur. quod a Dialecticis sumtum Iulianus usurpauit in *leg. si is qui. §. utrum. illic*, quia cum significatio. ff. de reb. dub. Multo magis, si fere in omnibus partibus falsa sit, in vna autem aliqua vera. qualem esse hanc sententiam necesse est omnium interpretum confessione, etiam si concesserimus interdum pignus durare personali actione submota. Nam hoc conuenit inter omnes, si actio personalis ipso iure submota sit, pignus non durare, ut mox dicemus pluribus. Sed etsi submota sit per exceptionem, certum est regulariter pignus extinguui. Quod si hoc casu dureret pignus, concedunt tamen id fieri, vbi actio personalis submouetur prescriptione triginta annorum, aut cum vnus ex pluribus heredibus partem suam soluit. Qui sunt duo casus ex innumerabilibus, in quibus solis omnium confessione personali actione sublata pignus non extinguuitur. Ex quo intelligimus aperte falsam futuram hanc sententiam, si generaliter & sine exceptione definiemus, personali actione sublata pignus durare. Cum sententia per se talis est, id est falsa, si affirmatiue legitur: tum vero neque hoc sensisse Gordianum Imperatorem neque affirmatiue scripsisse facile probari potest, & ex verbis huius loci, & ex consuetudine respondendi Imperatorum, ac iura constituentium.

Ex verbis sic colligitur. nam tibi hæc verba, *intelligere debes*, quibus Imperatores in rescriptis uti consueuerunt, adhiberi solent ad eas res, quæ sunt iuris certi & manifesti, quæque sine exceptione recte in vniuersum definiuntur. Sunt enim verba increpantium, quasi dicerent; non debuisti me hac de re consulere, cum intelligere debueris ius ita se habere; veluti cum ita respondent, intelligere debes ex pacto actionem non nasci. *l. cum proponas. 2. §. de pact.* item, intelligere debes donationem a marito tuo factam contraria eius voluntate reuocari. *l. si maritus. §. de don. int. vir. & vx.* Simile est, cum respondent, perspicis, intelligis ius ita esse, *l. si actionem. §. de pact. l. cum proponas. 17. §. de trans. l. c. dorem. §. de iur. dor.* At personali actione summtota si debitor consulit, utrum pignus extinctum sit, an duret, & putet non extinctum debuit increpari, neque debuit ei dici, intelligere debes pignus durare; cum regula iuris communis sit in contrariam sententiam.

Præterea usus respondendi Imperatorum lectione affirmatiuam repudiat. nam iura non constituuntur ex iis, quæ forte vno aliquo casu accidunt. *l. 4. & seq. ff. de legi.* At secundum sententiam eorum, qui putant adhuc pignus durare, vno aliquo casu accidit, ut pignus dureret personali actione submota.

Non debemus igitur existimare ius hoc generaliter de eo casu esse constitutum. Huc accedit, quod cum aliquid simpliciter verum non est, sed tantum sub conditione, si illud aut illud factum sit, nunquam Imperatores respondere generaliter solent, sed sub conditione quam præmittunt, ut patet ex *l. ut responsum. §. de trans. l. precibus. §. de impub. & aliis subst.*

Quare & in hac constitutione, cum omnium consensu non sit verum, actione personali submota pignus durare nisi sub distinctione, intelligi debet de eo Imperatorem non sensisse, qui sine distinctione respondit. Quapropter cum neque hæc sententia affirmatiua vera sit, quocumque modo eam cum aliis interpretabimur, neque verbis Imperatoris conueniat, neque sit ex consuetudine loquendi Imperatorum; dubitare non debemus, quin ita Gordianus non scripserit; sed scripserit hoc modo, *Intelligere debes vincula pignoris non durare personali actione submota.* Et recte. nam hoc ita generaliter rectissime definitur sententio: ut merito de eo dubitanti dici debuerit, intelligere debuisti id, quod est manifesti iuris, actione personali submota pignus non durare.

Sed tunc quis scrupulus nobis restet, doceo sine exceptione verum esse personali actione submota pignus semper extingui, neque durare. Quod si verum est, de sententia quam posuimus, dubitari nullo modo potest. Id autem primum hoc argumentum recte colligitur.

Personalis actio submouetur aut iure ipso, aut per exceptionem. *l. §. supra de pact.*

Iure ipso, iis modis quibus obligatio iure tollitur, de quibus modis agitur tit. *instit. quibus mod. toll. obligat.*

Per exceptionem, cum id factum interuenit, quo iure ciuili non tollitur obligatio, sed tamen eo interueniente non est æquum debitorem teneri. veluti, si creditor pactus sit; ne ab eo petat; si debitor sententia iudicis absolutus sit, cum pecunia ab eo peteretur; si deferente creditore iurauerit se non debere: ex quibus factis nascuntur debitori aduersus creditorem exceptiones pacti conuenti, rei

iudicata, iurifurandi. de quibus & similibus agitur tit. *Inst. de excep.* At quocumq; modo ex his actio personalis submota sit, pignus tollitur. Si submota sit ipso iure, omnes cōcedunt pignus exstingui, *Litem. ff. quib. mo pig. vel hyp. sol. l. in omnibus speciebus. ff. de solut.* Sed et si submoueatūr per exceptionem pacti, iurifurandi, rei iudicata, etiam pignus exstingui constat, *l. soluitur. in prin. & fin. l. antepen. ff. quib. mod. pig. vel hyp. sol.* Quinimo si actione personali ipso iure submota pignus perimitur, recte colligitur hoc ipso etiam perimi, et si actio personalis per exceptionem submota erit: quoniam nihil interest, utrum quis actionem ipso iure non habeat, an eam habeat, quæ per exceptionem infirmet, *l. nihil interest. ff. de reg. iur.* Neq; plures sunt modi, quibus actio personalis submoueat. Quare quocumque modo ea submota erit, pignus non durabit. Et vero nec potest, id quod ratiū, ex natura pignoris certo efficitur. Nam pignus est res pro debito obligata. *Item Seruiana. Inst. de act. l. res hypotheca. ff. de pig.* Proinde ubi nullum debitum est, ibi nec pignus potest intelligi. Iam vero nullum debitum est ne tunc quidem, cum actio personalis per exceptionem perpetuam remouetur. Ergo ne tunc quidem pignus cōsistat. Nullum debitum esse, ubi actio personalis per exceptionem perpetuam submouetur, hæc liquido probant. Debitoris intelligitur, a quo inuito pecunia exigi potest *l. debitor. ff. de verb. sign.* Non potest autem ab inuito exigi, cum exceptione perpetua tutus est. Quapropter hac exceptione tutus nihil debere intelligitur. Idem declarat definitio creditoris in *l. creditor. ff. de verb. sign.* In quibus non alius dicitur esse creditor, id est, is cui aliquid debetur, quā qui exceptionem perpetuam non meruit. Item qui exceptionem perpetuam habet, si per errorem soluit, repetit. *l. qui exceptionem. ff. de cond. indeb.* Item qui exceptionem perpetuam habet, si id constituit, de quo exceptionem habet, non tenetur ex constituto. nempe quia non debitum constituit, *l. 3. §. 1. ff. de const. pec.* Relinquitur igitur illud, ut actione personali submota, quamuis per exceptionem pignus durare non possit; quia non possit dici res esse pro debito obligata, ubi nullum debitum esse constituit. Hinc dictum est, pignus esse accessionem principalis obligationis, *l. in omnibus. ff. de solut.* Porro certi iuris est, cum principalis causa non consistit, nec accessionib. locum esse, *l. cum principalis. ff. de reg. iur.* quam definitionem etiam ad pignus pertinere scimus ex *d. l. in omnibus.* Non infirmant hanc sententiam ea, quæ ab interpretibus adferri solent, ut prebeat, in his saltem actione personali submota pignus durare. Vulgo receptum est id accidere, cum actio personalis submota est præscriptione triginta annorum. Nam in hac specie constitutum est, nihilominus hypothecariam actionem durare post triginta annos usque ad annos quadraginta, si cum debitore aut heredibus eius agitur. Non potest autem post triginta annos agi hypothecaria de pignore, nisi post triginta annos pignus duret. Durat igitur & post triginta annos pignus. proinde & post exceptionem debitori quæritur. Sed exemplum ad rem nihil pertinet. Intelligere enim debemus post triginta annos sic durare hypothecariam & pignus, ut simul etiā duret actio personalis: quod sit, ubi prius ea actum est, aut interposita, saltem per exsecutorem conventio, aut debitor secunda cautione debitum agnouit: quibus modis interruptitur præscriptio temporis, & sit actio personalis exinde perpetua ad annos usque qua-

draginta, *l. sicut. illic, nec sufficiat, l. cum notissimi. §. sed etsi quis. l. ult. §. de pras. 30. vel 40. ann.* Idque ex eo intelligimus, quod quoties aliquid concedi non potest, nisi prius aliud concedatur, posteriore concessio etiā prius constitui & concedi placet, *l. 2. ff. de iurisdict.* Non potest autem hypothecaria actio durare post triginta annos, nisi etiā actio personalis post illud tempus maneat, ut sit videlicet debitum, pro quo de pignore agitur. Quare etiam hoc casu ut hypothecaria agi possit, hoc constitui intelligendum est, ut ne personalis actio submota sit, sed ante facta sit perpetua. Alii t̄ malunt hanc sententiam aptari ad duos heredes debitoris, qui sub pignore debuit. Nam si vnus ex his heredib. partem soluerit, in totum pro ea parte submouetur actio personalis. Atqui nihilominus pignus durat, *l. 1. §. hoc tit.* Sed hoc exemplum multo minus conuenit. Nam pro parte quidem eius, qui non soluit, pignus manet: sed pro ea etiam parte actio submota non est. Pro ea autem parte quæ soluta est, verum est, actionem personalem submotam esse. Sed nihilominus & hoc verum est, pignus pro ea parte exstinctum esse, ut supra docuimus. Ex quo apparet, in hoc exemplo quatenus actio personalis submota est; eatenus etiam pignus nō teneri. quatenus autem pignus durat, eatenus durare, quatenus pars soluta non est. Quo exemplo magis sententia a nobis posita confirmatur.

AD TIT. XXXII. SI VNVS EX pluribus heredibus creditoris vel debitori partem suam debiti soluerit, vel acceperit.

SUMMARIA.

1. Singulis heredibus creditoris partem solum deberi: pignus autem pro ea parte in solidum teneri, & vendi posse.
2. Singulos heredes debitoris partem debere: hypothecaria autem non teneri, si non possideant: si possideant, teneri in solidum.

QVOD dictum est in *l. 1. superiore titulo*, utrum ex pluribus heredibus debitoris pro parte hereditaria solvendo nulla ex parte liberare pignus, questionem attulit, quæ hoc titulo explicatur; Quatenus in vniuersum heredes tum creditoris tū debitoris in pignus succedant, seu quatenus singuli agant aut cōueniātur. Exemplū personalis actionis facere videbatur, ut hypothecaria actio inter plures heredes scindatur per portionibus hereditariis. Nā hoc modo inter plures heredes diuiditur actio personalis de eo quod debetur, idque tam inter heredes creditoris, de quibus ius statuitur in *l. 1. hic. & l. heredes. §. an ea. ff. fam. ercisc.* quam inter plures heredes debitoris, de quibus in *l. ult. hic. l. pacto successorum, §. de pact. l. 2. §. de hered. act. l. 1. §. de excep.* Sed placuit aliam conditionem esse hypothecariæ actionis, de qua his rescriptis duobus statuitur. Ac t̄ de heredibus creditoris hæc sententia est *l. 1. personalem actionem inter heredes creditoris diuidi pro portionibus hereditariis, ut & singulis pars tantum hereditaria debeatur, & singuli pro ea tantum parte agant.* At pignus singulis in solidum teneri pro ea parte, quæ singulis debetur: ut intelligamus & singulos actione hypothecaria in solidum agere posse, & singulos distrabendi pignoris ius habere. Cur hæc tam dissimiliter, cum coī stet quæcunque res hereditariæ sunt a defuncto relictæ, non vltia heredes in eas succedere, quam quatenus heredes sunt? Id conditio earum

rum obligationum facit, ex quibus nascuntur hæ actiones. Quod enim dicitur actionem inter heredes diuidi pro portionibus hereditariis ex lege duodecim tabularum, sic accipiendum est, si & possit diuidi. Quod si non potest, ut creditori, sic & singulis heredibus creditoris solida petitio est, *dict. leg. heredes, §. an ea, fa. etc.* Quapropter inter eos personalis actio diuiditur, quia ea actio est de pecunia debita, de fundo, & similibus rebus, quæ natura sua partis præstationem recipiunt, *l. 2. §. 1. l. stipulationes non diuiduntur. ver. Celsus. D. de verb. oblig.* Hypothecaria actio inter heredes non diuiditur: quia non potest, obstante non natura rei pignoratæ, quæ non minus diuidi potest: sed lege & conditione obligationis. nam pignus sic obligatur, ut tamdiu teneatur, donec omnis pecunia soluta erit, *l. si rem. §. omnis. D. de pign. actio.* Unde etsi debitor maximam debiti partem soluerit, tamen in id, quod adhuc residuum est solidum pignus tenetur creditori, *leg. quamdiu, supr. de distr. pign.* Proinde & singulis heredibus solidum tenebitur, quantumcunque id erit, quod ex obligatione principali his debetur. Non enim ex persona heredum immutatur conditio obligationis, *l. 2. §. ex his, D. de verb. oblig.*

2 De heredibus ꝑ debitoris hæc sententia est, *l. ult. hic.* diuidi inter eos personalem obligationem, ut singuli actione personali hereditaria pro portionibus hereditariis tantum teneantur: sic tamen, ut semper teneantur. Diuersam esse causam hypothecariæ actionis. hac actione neque eos semper teneri, neque in solidum, sed quatenus possideant res pignori obligatas. nam & defunctus cui successerunt, illo modo teneretur. Hanc dissimilitudinem iuris facit natura & conditio actionis hypothecariæ. Hæc in rem est, *l. pignoris. supr. de pign. & ut explicatur, in l. ult. rem pignoratam sequitur, & propter rem eius rei possessio.* id est, aduersus eos solum, competit, qui possident, aut dolo malo desierunt possidere, *l. si fundus, §. in vindicatione. D. de pign.* quæ conditio est omnium actionum in rem *l. actionum, D. de obl. & act.* Hinc fit, ut si heres debitoris nullam rem pignori obligatam possidet, neque dolo malo desit possidere, nullo modo teneatur hac actione: Contra autem, si quid possidebit, eatenus in solidum teneatur, non pro parte hereditaria: quia solidum pignus possidet, non partem. Quid ergo si vnus ex heredibus, qui pignus totum possidet, offerat partem hereditariam eius quod debet? Nullo modo pignus liberat *l. 1. supra tit. prox. l. vnus. supr. de distr. pign.* Quo fit ut solidum pignus restituere debeat, nisi solidum quod debetur, paratus sit soluere, *ut in l. ult. dicitur.* Neq; quisquam dicat iniquum esse cogi vnum ex heredibus solidum soluere, cum partem tantum debuerit. Non cogitur id facere, si velit, est enim in eius potestate pignus restituere. sed si pignus retinere vult, alterum facere cogitur, *dict. l. si fundus, §. in vindicatione. D. de pign.* Quid, si heres velit creditori tantum soluere. quanti pignus valet? traditur *in dict. l. ult.* ne sic quidem audiendum eum esse. hoc enim est, quod dicitur teneri eum non pro modo singularum rerum substantiæ: quo significatur non teneri, quanti singula res substantia sua valent. Exempli gratia, centum debentur creditori. fundus in eam summam obligatus est. Defuncto debitore, vnus ex heredibus possidet eum fundum, qui valet tantum sexaginta. dicimus nihil agere heredem, si ad retinendum hunc fundum illa

sexaginta offerat. Nempe huc res redit, aut solidum quod debetur, soluere debet, aut fundo cedere, *leg. si inter, §. ult. D. de pign.*

AD TITVLVM XXXIII. COD.

Si pignoris conuentionem numeratio pecuniæ secuta non sit.

S V M M A R I A.

- 1 Occasio tituli, & sententia.
- 2 Cautio chirographum, cur.
- 3 Debitori eademque domino ad repetitionem pignoris duplicem actionem esse, in rem, & pignoratitiam, neque priore posteriorem impediri.
- 4 Condicere rem suam neminem posse præterquam a fure, quomodo accipiendum.
- 5 In actione in rem quarum rerum intentio & probatio ab actore exigatur, & quomodo probantur debitori pignus a se datum repetenti hac actione.
- 6 Intentio dati pignoris & pecunia non reddita non aliter tenet, quam si de fide debui constiterit: quid sit in l. 1.

Non ꝑ male subiicitur hic titulus proximis superioribus. Diximus sub titulo de luitione pignoris, pignus liberari, si debitor id luat: nempe id quod debitum est soluendo. Huius tituli hæc sententia est, non esse tunc necesse pecuniam soluere & pignus luere, cum reus pecuniam non accepit: ideo si spe futuræ numerationis debitor cautionem emisit, qua fateatur sibi decem mutua numerata esse, & pignus in eam summam dederit, si postea pecuniam non accepit, non impediri eum mendaci scriptura, quominus rem a se pignori datam sine alia solutione pecunia repetat. Cautio ꝑ hic appellatur chirographum, ut alibi sæpe, quia chirographo aduersus periculum inopia probationis creditori cauetur, *l. qui tabulas. D. de fur. l. emptor. §. ult. D. de pact. leg. 3. l. aduersus. & pene tuto tit. supr. de non. num. pec.* Significatur hæc sententia in l. ult. hic. Qua posita, hæc quaesita sunt. Primum qua actione possit debitor pignus a se datum repetere.

Hic ꝑ scriptum est in l. 1. posse cum in rem experi, id est, aut rem iure ciuili vindicare tanquam suam, aut vindicare prætorio iure Publiciana actione tanquam rem a se bona fide possessam, *l. in rem. D. de rei vind. §. namque. Inst. de act.* Non est cōtrarium, quod legimus in *leg. solutum §. 1. D. de pign. act.* in hanc rem comp. rete debitori pignoratitiam actionem. Nam vitæque actio debitori in eam rem competit, licetque ei vtra velit, experiiri. neque impeditur regula iuris, ꝑ qua traditur neminem condicere rem suam posse, præterquam a fure, id est, neminem de re sua in personam agere posse præterquam cum fure, *§. sic itaque, Inst. de act.* Hoc enim sic accipiendum est, si quis rem suam tanquam suam condicat: alioqui tanquam a se pignoratam, tanquam depositam, tanquam commodatam nemo prohibetur cōdicere: quia qui huiusmodi condicit, non condicit tanquam suam, condiceret enim eo modo, etsi res aliena ab eo pignoratata commodata, deposita esset. Deinde quaesitum est, quid debitor in rem agendo intendere, & probare debeat. Hic in l. 1. duo exiguntur dumtaxat: ut debitor dicat sibi pecuniam numeratam non esse, quam sibi numeratam scripsit, & prætere a se pignus dedisse, sed de hoc posteriore solum probatio exigitur, & recte. Prius ideo non probat, quia negat, & factum ne-

gantis per rerum naturam nulla probatio est, *l. asseratio. supr. de non numer. pecun. l. actor. supr. de proba.* Posterius probat, quia dicit & intendit, & quod quisque dicit, probare debet, *l. 2. l. in exceptionibus. D. de probat.*

Sed videamus, ¶ ne huic responso aduersetur natura actionis in rem. Nam hæc actio hic non competit, nisi domino, aut bonæ fidei possessori. quo fit, ut qui hac actione agit, alterutrum intendere debeat, aut se dominum esse, aut se bona fide emisit, vel ex alia iusta causa accepisse. Eadem actio non datur, nisi aduersus eum qui possidet, aut dolo desit possidere, ut hoc quoque non tantum intendere oporteat, sed etiam probare, ut is cum quo agitur, hac actione teneatur, *l. qui petitorio. D. de rei vind.* Quæ si ita sunt, verum non videtur, nihil amplius exigendum a debitore, qui de pignore in rem agit, quam ut probeat pignus a se datum. quod tamen hoc rescripto significatur. Sed & priora vera, & verum nihilominus hoc etiam posterius. Debet in proposito intendere debitor superiora omnia, quæ natura vindicationis exigunt: nempe & rem esse in bonis suis, & eum cum quo agit, possidere, aut dolo malo possidere desuisse, & quia intendit, etiam probare illum oportet. Sed ad ea probanda hoc vnum sufficit, si probeat pignus a se datum: ut merito vnius huius rei exigatur hoc rescripto probatio, quæ superiora omnia continet. Nam quod attinet ad ius petitoris, quo rem suam, aut in bonis suis esse dicit, satis probatur aduersarii confessione, qui rem sibi pignoris titulo defendit. Qui enim pignus sibi datum intendit, ut ipsa hoc dicit, rem fuisse in bonis debitoris: quia alioqui pignus non esset, *l. qui prædium. supr. de alien. res. l. & quonondum. §. quod dicitur. D. de pign.* Quod attinet ad possessionem, hæc satis probatur hoc ipso, quod probatur pignus sine causa illi datum esse. Nam si adhuc possidet, expeditum est: si non possidet, desit possidere dolo. Cum enim sciret rem sine causa a se teneri, statim restituere debuit. quod si non fecit, dolo fecit. Alterum autem satis est, ut quis rei vindicatione teneatur, si vel possidet, vel dolo desit possidere. dolo pro possessore est, *l. parem. l. qui dolo. D. de regul. iur.* Recte igitur statuunt Imperatores in proposito sic debitorem actione in rem experiri posse, ut nihil amplius probare debeat, quam pignus a se datum, ubi intendat pecuniam sibi numeratam non esse. Sed queritur, an non agenti obstat exceptio & defensio creditoris, qua sibi pignus datum esse intendit, & pecuniam quæ ipsi in chirographam deducta est, sibi redditam non esse. Videtur vero iusta hæc esse defensio ad remouendum petitem. Nam si creditor pignus non possideret, vltro haberet actionem ad id persequendum, *l. pignoris. supr. de pig. litem Seruiana. Insti. de act.* Ergo si possidebit pignus, multo magis exceptionem habebit ad id retinendum, iuxta regulam iuris, *l. inuitus. §. 1. D. de reg. iur.* Hic ¶ occupant Imperatores in *d. l. 1.* & addunt ad depulsionem huius obiectionis, *hanc intentionem dati pignoris & pecunia non reddita non tenere, nisi prius de fide debiti constiterit.* Intentionem vocant ut recte Accursius interpretatur, exceptionem, qua creditor utitur ad pignus retinendum. Nam ut reus in exceptione actor est, sic eius exceptio intentio est, *l. in exceptionibus. D. de prob.* Dicunt intentionem non tenere: ut sit sententia, non tenere debitorem agentem. Dicitur autem actio & intentio tenere aduersarium, quæ aduersarium con-

stringit, & cogit ei intentioni stare, *l. quæsitum; in pr. D. de pecul.* Quod dicunt, hanc intentionem non tenere, nisi prius de fide debiti constiterit, occupatio est illa, quam dixi, quæ hanc sententiam habet, quasi ita scriptum esset: Potest quidem creditor illa intentione seu defensione uti, quam diximus, quæ hanc significationem habet: qui pignus vindicare potuit, multo magis potest possessum retinere. Sed hoc ita est, si vere sit pignus. Nunc autem in proposito pignus non constitit. nam sine principali obligatione pignus nullum esse potest, *l. res hypotheca. D. de pign.* Hic autem nulla est obligatio principalis, ubi pecunia, quam debitor scripsit numeratam esse, non est numerata. Certe non constat numeratam, nisi prius de fide numerationis constiterit probatione creditoris. Quare priusquam ille hoc probauerit, exceptio pignoris agenti non obstat, ubi pignus nullum est. hoc loco occurritur Imperatoribus. Esto enim, probatio debiti exigatur a creditore. at hoc modo res illi expedita est, nam debitum satis probat chirographo debitoris, quo is profitetur sibi decem mutua esse numerata. Ita enim ius est, ut qui quid scripsit, confessioni suæ stare debeat. *l. cum de indebito. in fin. D. de prob. l. generaliter. supr. de non num. pec.* Sed hoc ius in pecunia mutua locum non habet: in qua confessio pecuniæ numeratæ fidem non facit, ut proinde cogatur creditor hoc amplius probare, pecuniam a se numeratam, *leg. 3. supr. de non num. pec.* quam ad rem prodita est reo in hac specie exceptio non numeratæ pecuniæ, *l. aduersus. supr. de non num. pec.* Hæc vero est illa probatio debiti, quæ hoc loco a creditore exigitur. Si tunc, cum creditor pignus possidet, quod a debitore repetitur, agenti debitori cautio eius seu chirographum mendax non nocet, sed nihilominus creditor pecuniam a se numeratam probare debet, multo magis id probare debebit si pignus a debitore possessum vindicabit. Est enim maius onus petitoris, quam rei, *l. fauorabiliores. D. de regul. iur.* Ita si creditori reo hoc onus imponitur: multo magis imponetur pignus persequenti. quæ sententia est *l. vltim. hic.*

AD TITVLVM XXXIII. COD.

De iure domini impetrando.

S Y M M A R I A.

1. Ius creditoris in pignore, ut aut distrahat, aut nemine ad emtionem accedente ius domini a principe impetret.
2. Impetrationem domini qua præcedere debeant.
3. Forma in dominio impetrandi obseruanda.
4. Impetrati domini effectus.
5. *L. vlt. C. de iur. do. imp. ius vetus distrahendi pignoris non mutari.*

Pertinet hic titulus ad ius creditoris in pignore. ¶ Id ius summum esse diximus, ut distrahere liceret, *leg. si cessante. supr. de distr. pignor.* Neque vero quidquam amplius creditori conceditur in dominio pignoris. Itaque pignus sibi frustra addicit: frustra per interpositam personam emit, *l. & quæ sub. supr. de distr. p. gn.* Si tamen pignus expositum emtorem non reperiatur, consultum est creditori, ut rem domini iure ei possidere liceat. Id ius impetratur a principe ad eum modum, qui hic præscriptus est in lege vltim. hoc titul. Quam ita commodissime intelligemus, si in hac impetratione hæc ordine spe-

1 *Impetentur*: primum ea, quæ hanc impetrationem præcedunt, deinde ipsa impetratio: postremo, quæ hanc sequitur. Quæ præcedere debent, hæc sunt. Primum, ut creditor denuntiet debitori, ut soluat, alioqui fore, ut ius pignoris exsequatur. Et hoc, si debitor non negabit se debere. quod si negabit, creditor iudicio aduersus eum experiri debet, & efficere, ut condemnetur. Secundum est, ut post hanc denuntiationem aut sententiam acceptam totum biennium cesset debitor. Tertium, ut biennio exacto creditor pignus vñum exponat. Quartum, ut exposito pignore emtorem non reperiat. cum qua parte congruit *l. debitor, D. ad Treb.* Quintum, ut ad extremum creditor iterum præfenti debitori denuntiet, ut soluat. sin aberit, curet, ut magistratui adeat, qui absenti per apparitorem tempus præstituatur, intra quod adsit, & pecuniam offerat.

3 *His præactis reb. recte perueniet creditor ad domini impetrationem.* In quo impetrando hæc forma obseruatur, ut creditor precibus principi oblati perat sibi pignus domini iure possidere licere. quo facto, rescripto principis id impetrat. Quod de precibus hic dicitur, monendi sumus hæc esse, quæ his precibus creditor completi debeat: nempe & nomina debitorum, & declarare se solemnia peregisse, de quibus diximus. sumtum ex *l. i. h. t.* Ex eadem lege intelligimus creditorem non debere generaliter petere, ut sibi vniuersa bona debitoris addicantur, sed nominatim res certæ, ut de his venum expositis constare possit, deque earum æstimatione, ne plus consequatur creditor, quam ei debetur.

4 *Impetrationem sequitur huius effectus.* est autem hic in §. sin autem tempore, ut post impetrationem debitori nihilominus aliquid iuris relinquatur in eam rem. Ac primum intra biennium ex quo ius domini impetratum est, sit potestas debitori rei suæ recuperandæ, si modo debitum offerat cum vsuris, & omni damno, quod ex eius frustratione creditor passus est. Hoc ius singulare esse notandum est. nam postquam creditor dominus esse cœpit, postulabat ius domini, ut res ei inuito auocari non posset, quantumlibet ei debitum offerretur, *l. non est. supr. de resc. vend. l. id quod nostrum. D. de reg. iur. l. penult. supr. si anti. cred.* Et ideo bene hic dictum est, hoc ius humanitatis causa debitori tributum. Vsuræ de quibus hic dicitur, hæc erunt, quæ frequentantur in regione, ubi res agitur: dummodo non excedat modum constitutum, *l. i. D. de vsur. l. eos. §. i. §. de vsur.* De damno quod diximus, si erit controuersia, de eo iuranti creditori fides habebitur, *d. §. sin autem tempore. in fin.* Biennio post impetrationem domini peracto ius domini creditori omni ex parte confirmatur. Sed tamen etiã tunc hoc relinquatur, de quo & agit ipse, & item debitor, ut siue ex ea re creditor minus consecutus sit, quam ei debetur, siue plus, id quo minus consecutus est, repetere possit veteri actione a debitoribus, *§. sed si quidem.* quod est amplius, id cogatur debitori reddere, *§. sin autem minus.* At qua actione? Nam debitor dominus rei esse desiit, & Iustinianus hoc catu omnia debitori iura integra hac ipsa lege seruari ibidē iubet: ut intelligere quis possit hoc casu etiam in rem actionē debitori competere, ut prius. Sed idem Iustinianus ibidem etiam post hanc quaestionem emergentem vocat creditorem dominum. Melius est igitur, ne hic pugnantia inducantur, sic locum accipere, ut omnia iura debitori integra seruen-

tur, non in rem, cuius dominium iam confirmatum est creditori. sed ad hoc, ut quod amplius in pignore est, quam debuit, id a creditore consequatur: verum tamen propriis actionibus. Qua actione igitur? non rei vindicatione, quæ ei non competit, qui dominus esse desiit, sed condictione ex lege, quæ hac lege noua constituta in eam rem intelligitur, *l. i. D. de condict. ex lege.* Cauet tamen Iustinianus, ut in eam summam quæ excedit debitum, res, cuius dominium impetratum est, pignori sit vel ipsi debitori, vel eius creditoribus, quibus ipse prius eam rem obligauerat. Quod si sit controuersia, quanti valeat pignus ultra quam creditori debetur, ut hoc ab eo reddatur, de eo sic constituit, ut intersit, utrum eam rem apud se retineat creditor, an vendat. Si sibi retinet, tanti res æstimatur, quanti re vera est. Quod si de eo dubitetur, iudicis erit cognitio & æstimatio. *ver ult.* Sin creditor eam rem vendat, non plus consequi intelligitur, quam quanti vendit. & si forte minoris vendiderit, quam quanti valet, non erit ei fraudi: dummodo iuret nihil dolo malo a se factum esse, ut minoris iusto venderetur, *§. sin autem dubitatio.* Hactenus constitutio. Sed tamen meminerimus huic locum esse, cum domini ius impetrare vult creditor in pignore. ad ius autem distrahendi pignoris non pertinet. de quo dixi *ad l. 4. §. seqq. supr. de distr. pig.*

AD TIT. XXXV. COD. DE pactis pignorum, & de lege commissoria in pignoribus rescindenda.

Ad L. Primam.

Imper. Alexand. A. Victorino.

Qui pactus est, nisi intra certum tempus pecuniam quam mutuam accepit, solueret, cessurum se creditoribus, hypothecæ venditionem non contraxit: sed id comprehendit, quod iure suo creditor in adipiscendo pignore habiturus erat. Communi itaque iure creditor hypothecam vendere debet. PP. Id. Octob. Alexandro A. Cos. 2 23.

Creditor pactus est, si intra certum tempus pecuniam non solueret, se creditoribus cessurum hypothecæ venditionem. Quæsitum est, an pecunia sua die non soluta intelligatur pignus creditori venditum esse ex supra scripta conuentione. Respondet Alexander non eam vim esse superioris conuentionis. Pactus est enim debitor se cessurum hypothecæ venditionem, id est, potestatem & ius hypothecam vendendi. Proinde nihil amplius ex conuentione habiturum creditorem, quam ut iure communi hypothecam vendat. Potest & rescriptum sic accipi, quasi quaesitum sit, an etsi tantum potestas tribuatur creditori ex superiore conuentione hypothecam vendendi, tamen conuētio seruari debeat. Mouet, quod lex commissoria in pignoribus repudiata est. Videri autem potest hæc conuētio legi commissoriæ similis. Etenim lex commissoria in pignoribus est, ut res sit vendita creditori pœnæ causa, si sua die pecunia soluta non erit. Hac vero conuētionē efficitur, ut res vendatur, si minus creditor, at certe alii. Respondet Alexander, conuentionem hanc valere. neque enim esse legi commissoriæ similem: quoniam ex lege commissoria venditio contrahatur cum creditore pro ea pecunia quæ debetur. hac autem conuentione debitor venditionem non contrahit, neque cum creditore, neque cum illo alio: sed tantum id tribuit creditori,

ditori, quod ipse etiam sine conuentione esset habiturus, nempe vendendi potestatem. Ex quo recte colligit, eum iure cōmuni recte pignus vendere posse. Potest etiam locus sic accipi verbis nō repugnantibus, quasi dicat Imperator, conuentionem hanc qua debitor paciscitur, se pecunia non soluta cessurum hypothecę vendēdę potestatem, esse inutilem, quia sit superuacua. nam etiam sine conuentione ius idem creditor esset habiturus. Quod verum esse docuimus ad leg. 4. *§. seqq. supr. de distr. pign.* Hac postrema sententia exprimitur illud, quod indicatur in *l. Cornelius. D. de here. inst.* adiectionem omnem superuacuam esse eius rei, quę et si adiecta non esset, intelligeretur tamen.

Ad L. 2. Si fundi nomine.

Imp. Dioclet. & Maximian. AA. & CC.
Dionysio.

Si fundi nomine quem vendideras, emtori ab alio mota proprietatis questione, alterum fundum pro eius euictione pignoris hypothecę titulo emtionis instrumentis ea lege dedisti, ut quem secundo tradideras, si is, quem vendideras, euictus non fuerit, obtineas: de hoc contra eum qui mouerat questionem lata sententia: emtori parata securitate circa eum quem obligaueras restituendum: conuentionis fidem impleri (si negotium integrum est) præses iubebit. S. Calend. Decembr. Sirmii, AA. Coss.

Sententia hæc est, cum pignus sub conditione datum est, deficiente conditione pignus nec datum videri, eoque & de pignore competere pignoratitiam actionem, quod penę totidem verbis comprehensum est in *l. solutum. §. 1. D. de pign. actio.* Rescriptum id hoc loco ex facto in hac specie, cum fundus creditori obligatus esset hac conditione, si alius fundus venditus euictus esset, & constitit eum fundum euictum non esse. Ergo, quod quæsitum est hoc loco, erit in hanc rem de pignore recipiendo pignoratitia actio. Quę actio, quia cēta est & vulgaris, ideo præscriptis verbis actioni in proposito locus non est, si ius vetus sequamur. *l. 1. 2. §. 3. de præf. verb.*

Ad L. Vltimam.

Imperat. Constantinus A. ad populum.

Quoniam inter alias captiones præcipue commissoria pignorum legis crescit asperitas, placet infirmari eam, & in posterum omnem eius memoriam aboleri. Si quis igitur tali contractu laborat, hac sanctione respiret, quę cum præteritis præsentia quoque repellit, & futura prohibet. Creditores enim re amissa iubemus recuperare quod dediderunt. Data. 2. Cal. Febr. Serdica, Constant. A. VII. & Constantio Cesare Coss. 354.

SUMMARIA.

- 1 Lex in conuentionibus, quid
- 2 Commissoria, quid.
- 3 Lex commissoria in emtione, quid.
- 4 Lex commissoria in pignoribus, quid: & cur improbat.
- 5 Legem commissoriam in emtione ne nunc quidem improbari, aut improbatam antea: & cur aliter in pignoribus.
- 6 Legem commissoriam in pignore nusquam alibi admissam proponi, & de locis in speciem contrariis respondere.

Cetera pacta in pignore dando recipiuntur. Improbatur id solum, quod hic dicitur lex commissoria in pignore; de qua dicemus hoc ordine: Quid sit lex commissoria, & vnde dicatur: Quid sit causa, cur lex commissoria in pignore improbetur, non in emtione: Quibus conditionibus improbetur, & qui loci in iure hanc legem admittere videantur. Lex in conuentionibus ꝑ dicitur conuentio non quauis, sed conuentio traditioni rei nostrę adiecta, aut conuentio, quę in re nostra tradenda conuenit, ut qui accepit, aliquid faceret, aut non faceret, quasi dicas, traditionis rei nostrę temperamentum quoddam, *l. legem supr. de pact. l. ea lege. supr. de condict. ob cau. dat. l. 1. l. 3. l. seruus ea lege. D. de ser. expor.* quam vim huic verbo subesse, & vnde sit ducta, ostendit ad *l. legem, supr. de pact.*

Commissoria ꝑ dicitur a committendo. Dicitur autem res quęque committi alicui, cum domino rei suę dominio excidente dominium alteri acquiritur, ut sic res dicatur alteri commissā, quasi dicās ita ei traditam, ut incipiat in eius iure & potestate esse, denique sic commissam alteri, ut si pro suo arbitratu de ea re possit statuere. Id intelligere possumus in iis mercibus, quę ob delictum fraudatari vestigialis dicuntur in commissum cadere, id est, in pœnā commissi. *l. interdum. D. de publ.* Nam hic in commissum merces cadere dicuntur, quę committuntur fisco, & dicuntur fisco committi, quę veteribus dominis ademptę fisco vindicantur, quasi dicas, fisco traduntur, ut sint iam in eius potestate. *l. commissā, D. de Publicia.* quam verbi significationem & originem confirmaui pluribus, ad *l. 4. §. Cato. D. de verb. obl.*

Hinc ꝑ dicta est lex commissoria in emtione. Est enim hæc lex, cum in conuentione ita conuenit, ut pretium certa die solueretur, & nisi solutū esset, res esset inempta, id est, emtor dominio eius rei excideret, res ad venditorem veterē dominum reuertetur, *l. 2. D. de leg. com.* Qua conuentione apparet, rem emtori ademptam venditori committi, id est, quasi tradi & addici, ut is de ea pro suo iure statuatur. Hec exemplo ꝑ dicta est hoc loco lex commissoria in pignore, cum creditor pecuniā credit ea lege, id est, eo pacto & conditione, ut pecuniā certa die sibi reddatur, si ea die soluta non erit, ut pignus, quod eo nomine obligatum est, suū fiat pro pecunia credita, & q̄ iam sæpe diximus, ei committatur pignus pœnæ causā ob id, quia pecunia sua die soluta non sit. Hæc est lex, seu conuentio traditioni pecunię & pignoris adiecta, quę hac lege improbat. Non recte improbat, dixerit aliquis: quoniam si non læditur hac conuentione debitor, nulla causā est eius improbandę. Sed et si læditur, tamen ideo conuentio seruanda est, quia licet vnicuique de re sua pacisci: licet etiam vnicuique paciscendo deteriore conditionem suam facere. *l. iuriscientum. §. si pacisc. ar. leg. pactum. D. de pact. l. pen. supr. de pact.* Et improbandi ratio est, quod non omnia pacta de re priuata valent, sed ea, quę neque dolo malo facta sint, neque contra bonos mores, cetera contra, *leg. iuriscientum, §. ait, D. de pact. l. pacta, quę contra, supr. de pact.* Hæc aut lex, de qua agitur, ex hoc genere est, est enim contra bonos mores. Et probabile est, non hac constitutione Constantini primum hanc legem improbatam esse, sed etiam displicuisse veterib. tantū pœna aucta est, & ius apertius constitutum hac constitutione, cum aut veteres in eo variarent sententiis, aut ab his ita conuentio accipe-

acciperetur, ut reciperetur per conuenientiam. Est autem contra bonos mores, quia inuitat creditorem ad delinquendum & fraudandum eos, qui non consentiunt, quod genus totum improbari constat. *l. 5. D. de pact. dot.* Inuitamentum ad fraudandum huiusmodi est. nam si impune licebit creditori hoc pacisci, semper hanc legem in pecunia credenda adicient creditores, & res ad se quam minimo transferet. debitorum autem necessitate pecuniæ accipiendæ contracti & hanc legem & aliam quamuis facile suscipient, ut sibi pecunia potiri liceat. Hæc lex nominatim improbat in pignore. Vnde intelligimus legem commissoriam in emtione etiam nunc manere. Id enim manere necesse est, quod sublatum non probatur, *l. præcipimus, in fi. supr. de appell.* Et merito lex commissoria in emtione non item improbat, ut in pignore. Altera enim iniusta est, altera iusta. Lex commissoria in pignore dominium veteri domino auferit. Lex commissoria in emtione dominium veteri domino conseruat, nempe venditori. Lex commissoria in pignore pignus addicit creditori pro minima pecunia interdum, quæ credita est. Lex commissoria in emtione rem venditori suo addicit iusto pretio, certe eo, quod ab emptore prius profectum erat, de quo ille queri non debet. Postremo lex commissoria in pignore adicitur non consentiente debitore, qui necesse habet propter inopiam pecuniam accipere. Lex autem commissoria in emtione nulla necessitate adicitur: quia nemo cogitur emere. Non est igitur mirandum, si in emtione recepta, in pignore improbetur. Neque vero credibile est vnquam constitutione Constantini in emtione legem commissoriam repudiatam fuisse. Et si enim hæc constitutio in Codice Theodosi indefinite legitur scripta de lege commissoria: tamen ex adiunctis constitutionis apparet Constantinum sentisse de lege commissoria in pignoribus. Primum quia nominata acerbitate in huius legis commissoriæ, quæ acerbitas huius legis nulla est in emtione. Deinde iubet creditores accipere, quod dederunt; quæ verba ad venditorem non pertinent, sed ad eum, qui mutuam pecuniam credidit. Vtrumque est, semper illud constat legem superiorem improbari saltem in pignore hac constitutione.

6 Sed videndum est, si ne qui loci huic constitutioni aduersentur. Ex quo genere plerique esse videri possunt. Primum recipitur hæc venditio, si debitor pecunia accepta, & dato pignore, simpliciter postea pignus det creditori in solutum. *l. cum dominam, §. de pign. l. Titius, D. de pign. act.* Quidni igitur & ab initio in pignore dando pignoris quoque venditio recte contrahatur sub conditione, si pecunia soluta non erit? Sed longe dissimilia hæc sunt. Nam hac venditione ab initio interposita fraudatur debitor, qui necesse habuit eam interponere, cum creditor alia lege pecuniam non daret. Postea autem si debitor rem vendit pro pecunia vendita, volens rem vendit, non coactus, *l. nec emere, §. de iur. delib.* Nemo autem videtur fraudare eos, qui sciunt & consentiunt, *l. nemo videtur, D. de reg. iur.* Immo, dicit aliquis, etsi venditio pignoris contracta erit ab initio sub hac conditione, si pecunia soluta non erit, venditio recte contrahetur. Sic enim recte contrahi placet, ut pecunia sua die non soluta, res creditori emta sit iusto pretio tunc estimanda. *l. si fundus, §. ult. D. de pign.* Sed multum interest, vtrum conuenierit, ut res creditori emta esset pro pecunia credita, an vero emta esset iusto pretio. Nam

hoc casu posteriore nulla iniuria fit debitori, si iustum pretium accipit. Postremo obiicitur *l. ult. D. de con. emt.* vbi ipsissima lex commissoria, de qua diximus, admitti videtur. Recipitur enim hæc conuentio, fideiussor qui creditori debitoris datus est, habeat pignus creditori datum sibi emptum, si pecuniam nomine debitoris creditori soluerit, & habeat tantum pro pecunia creditori soluta, id est, debitori credita. Respondeo: Lex commissoria in pignoribus improbat, quæ rem addicit ipsi creditori, non etiam quæ re addicit vel fideiussori, vel alii, qui pecuniam non credidit. Differentiæ ratio est, quod creditori adicere hæc legem cogitur debitor, qui aliter pecuniam non acciperet a creditore: alii adicere non cogitur, quoniam ab eo pecuniam non accipit. Iam autem dixi neminem fraudari, qui sciat & consentiat non coactus.

AD TIT. XXXVI. COD. DE exceptionibus, seu præscriptionibus.

S Y M M A R I A.

- 1 Liberationum summa diuisio. Ipso iure liberari, quid, & quid per exceptionem, ibid.
- 2 Exceptionem ad liberationem initio opponi debere; & illud Pauli quid sit, in stipulationibus ius, in pactis factum versari. *l. si vnus, §. pactum, D. de pact. §. num. 10.*
- 3 Exceptio quid.
- 4 Exceptionis vis ad liberandum, & huius vis ratio. §. num. 6.
- 5 Nullam esse exceptionem, nisi quæ actioni prius iure summo constituta opponatur.
- 6 Iusta petitio, & iniqua apud Iustinianum quid distet.
- 7 Exceptiones facti, quæ vulgo dicuntur, exceptiones non esse.
- 8 Intendere, intentio, quid, & unde translata appellatio.
- 9 In condemnationem quid deducere, quid sit in leg. 2. *D. de excep.* Eximere condemnationem, minuire condemnationem, de quibus exceptionibus dictum, ibid.
- 10 Exceptionis usus, ut in lite contestanda opponatur actori: hinc illa verba opponere, obicere exceptionem, exceptionem actori occurrere.
- 11 Exceptio unde sic dicta, & cur dicta conditio.
- 12 Exceptiones temporales, aut perpetuas esse, & quid horum vtrumque.
- 13 Temporalium exceptionum genera, & causa.
- 14 Perpetuarum exceptionum species & causa.
- 15 Præscriptionem nihil aliud esse, quam exceptionem, & unde huius appellatio. *on. is or go.*
- 16 Præscribere aliquid esse, quod præscriptione seu exceptione uti aduersus aliquem: & errare eos, qui præscribere putant idem esse, quod tempore acquirere, præscriptionem longi temporis esse acquisitionem, quæ longo tempore contingat.

Cum propositum sit deinceps de liberationum generibus agere, & de stipulatione, sine qua non sit recte nouatio & acceptilatio: non inepte factum videtur, ut coniungeretur hic tractatus de exceptionibus. Est enim exceptio species liberationis. Et quoniam minus hoc modo debitorum liberantur, quam cum liberantur ipso iure, inde etiam factum videri potest, ut hic tractatus præmitteretur iis causis, quibus ipso iure obligatio tollitur. Id quale sit, intelligetur ex diuisione liberationis.

1 Ergo † liberatur debitor iure omnium obligationum cōmuni partim ipso iure, partim per exceptionem. *l. qui seruū. §. 1. D. de obl. & act. l. cum quis. 38. §. 1. l. qui decem. 72. D. de sol.* Ipso iure, cum ipso solum iure, puta verbis ipsis legis sine alio suo facto quis liberatur. quod quib. modis fiat, dicitur oportunius. infra ad tit. *de iur. iur.* Per exceptionē, cum subtilitate iuris, id est, verbis ipsis manente obligatione, reus acquitate aliqua defensionis se tuetur. quæ defensio actioni opposita dicitur exceptio. *Inst. de excep. in pr. & deinceps. i. si quis cum 36. de verb. obl.* Valet interdū ipso iure idem, quod iure ciuili, nō prætorio. de qua significatione horum verborū in vsu iuris scripti plurib. ad §. *actiones aut.* *Inst. de act.* Hic ipsum ius exceptioni oppositū idem valet, quod ius solum. Estq; omnino superioris distinctionis hæc sentētia. Tollitur obligatio & actio ipso iure, id est, solo ita, vt ad omnem defensionem in lite contestanda sufficiat reo negare se debere. Perimitur per exceptionem, cum necesse est, vt fateatur se adhuc iure ciuili debere, sed aduersus intentionem iure ciuili comparatam opponere debet defensionem, qua actionem excludat: quæ, vt dixi, defensio exceptio appellatur *Inst. de excep. in pr. & deinceps.* Ita fit, vt defensio exceptionis sit in facto rei posita ad eius liberationem. Hoc est, † quod Paulus scribit in *l. si vnus. §. pactus. D. pact.* in stipulationibus ad liberandum reum ius, in pactis autem factum versari. Non significat, vt vulgo ea sentētia accipitur, pacta iure non valere ad liberationem, sed tantum factum nudū habere. Nam reuera pactum prodest ad liberationem nō minus, quam stipulatio Aquiliana. *l. §. 3. de pact.* Sed inter vtrumq; hoc interesse significat Paulus, quod stipulationes & liberationes iuris ciuilis ius continent, id est, iure ipso debitorem liberant & actionem perimunt, pacta autem factum debitoris continent ad liberationem, id est, ita debitorem liberant, si ipse in iudicio exceptionē opponat, & eo facto se tueatur aduersus intentionem, de quo scripsi plura ad *d. l. §. super. de pact.*

Hac definitione constituta, res eo redit, vt si nouerimus, quid sit exceptio, & quib. excaussis exceptiones de re quaque nascantur, siue quot genera sint exceptionum, eadem opera quibus modis quisq; per exceptionem liberetur, intelligamus. quæ nunc breuiter subiicia. r. Exceptio ¶ sic definitur ab Vlp. *in l. 2. de excep.* quasi quædam exclusio, quæ actioni cuiusq; rei opponi solet ad excludend. iud. q. in intentionem condemnationis. uel deductum est. Aliis uerbis, sed prope eadem sententia sic definitur a Paulo *in l. except. 22. D. cod. ut sit conditio, quæ modo eximit reum damnatione, modo minuit damnationē.* Definitiones sunt illæ ab effectu exceptionis, & utendi, modo, hinc etiam a conceptione.

4 Hinc intelligitur, tamen si debitor, qui exceptionem habet iure cōparatā, actione vetere iure ciuili tene- tur, tamen opposita exceptione id eum consequi, vt non magis teneatur, quam si aduersus eum nulla es- set actio, ad quod demonstrandū pertinent exempla tit. *Inst. de excep.* Atq; hinc nata regula iuris, nihil in- teresse, vtrum quis actionē non habeat, an ea per ex- ceptionem infirmetur, *In nihil interest. D. de reg. iur.* Ex eadem vi nata verba rei conuenientia repellū, remo- ueri, submoueri, excludi, infirmari actionem exce- ptione seu ope exceptionis, quæ legēti passim in hoc argumento occurrent. Nō est ꝑ exceptio quauis ex-

Atque ꝑ hic effectus est exceptionis. Sed quomo-
do exceptione utitur reus ad defensionem? Id indi-
catur verbis illis definitionis, quæ cuiusq; rei actioni
opponi solet, quibus significatur ita exceptione ex-
cludi actionem, si exceptio actioni opponatur. Hinc
illa rursus nata ex re, obicere, opponere exceptio-
nem, petenti actori exceptione occurrere, quod po-
tissimum est *in l. 4. d. de servit.* Opponitur aut in lite
contestanda. *l. si quidem. l. prescriptionem. j. b. tit.* Atq;
hæc oppositio ita exceptionis propria, yt si sit præ-
termissa, nihil profit postea reo exceptio ad libera-
tionē. Vnde merito diximus defensionem omnem
exceptionis in facto rei esse positam. Sic ergo exce-
ptione utimur ad excludendam actionem.

Est ꝑ præterea & exceptionis sua conceptio & formula verborum, a quo exceptio conditio appellatur
in d. l.

in d. l. exceptio. ff. de excep. Si cognouerimus, quamobrem defensio ad excludendam actionem comparata dicatur exceptio, simul quamobrem dicatur conditio intelligemus. Nonnulli putant exceptionem dictam esse, quia exceptione sic excipitur actio intentata a debitore, ut pila in nos emissa a nobis excipitur, quam in alium retorquemus. Non male fortasse, si vis verborum spectetur. Sed verendum est, ne non satis sit ex usu auctorum. Nam exceptione dicitur actio repelli. Contraria sunt emissum accipere & repellere. Res sic habet. Defensio omnis actioni opposita ad eam excludendam eodem modo dicitur exceptio, quo usitate exceptiones dicuntur orationes, quibus aliquid de regula excipimus. Id enim facit omnis defensio, si cum intentione aduersarii confertur. Nam intentio actoris generalis est, qua exempli gratia, decem mutua petens id agit, ut reus in ea decem condemnatur, quia intendat omnem, qui mutuum accepit, mutuum reddere debere. Exceptio a reo opponitur, qua excipit pactum, iusiurandum, rem iudicatam, & similes causas, ex quibus exceptiones nascuntur: ut dicat videlicet, quod intendis, actor, generaliter omnem, qui mutuum accepit, mutuum reddere debere, sic accipiendum est, nisi pactum inter nos interuenerit, ne a me peteres, nisi ego iurauerim te deferente me reddere debere, & si quæ sunt similes causæ, quæ totidem sunt superioris definitionis exceptiones. Iam vero omnis exceptio; qua quid excipitur de regula, conditio est, certe concipitur sub conditione. Sic enim subiicitur: hoc ita est, si non, nisi illud aut illud factum erit, & si quæ particulæ eandem vim habent. Hinc factum, ut exceptio conditio appelletur. Quam ob causam animaduertere possimus fere omnem exceptionem concipi sub conditione. Ex innumeris locis liceat duos citare. l. 2. l. si ate. ff. de excep. rei iud. de quo more iudiciorum veterum si quis plura desideret: reperiet diligenter expositum a Duareno, ad *Licet ingenuum* §. 1. ff. de pact. in illis verbis, actionem a patre dandam.

12 Nunc ¶ quæ sint exceptiones, seu qui modi, quibus per exceptionem in re quaque quis liberetur, videamus. Exceptionum duo sunt genera. Quædam sunt temporales & dilatoriae, quædam perpetuæ & peremptoriæ. Temporales & dilatoriae sunt, quæ ad tempus nocent, & in id tempus actionem differunt. Aliter temporales præscriptiones seu exceptiones dicuntur sub tit. de diuers. tempor. præscript. Ilic enim exceptiones temporales dicuntur, etiam quæ sunt perpetuæ: sed temporales ideo, quia ex usu longi temporis nascuntur. Perpetuæ & peremptoriæ sunt, quæ perpetuo agenti obstant, eoque modo rem, id est, causam, de qua agitur, perimunt: hæc in l. 3. ff.

13 de excep. & §. appellantur. *Instit. eod.* Dilatorium ¶ & temporalium exceptionum tria genera sunt. Quædam sunt iudicii recusandi & transferendi causa, nata ex eo, quod quis non recte iudicium ordinat, puta quia is agit, cui actio non competit, aut eo loco agitur, vel apud eum magistratum, ubi & apud quem conueniri quis non potest: quo in genere est exceptio, quæ dicitur procuratoria, & eæ quæ dicuntur usitate fori præscriptiones. §. penultim. *Instit. eod. l. ult. hoc tit.* Quædam sunt de re ipsa, quæ ex pacto nascuntur, cum ita conuenit, ne intra certum tempus ageretur. §. appellantur. *Instit. eo.* Quædam minuenda condemnationis gratia, quæ non tam ex re, quam ex conditione personæ debitoris nascuntur, eique huma-

nitatis causa tribuuntur. Huius generis est exceptio omnis, quæ datur debitori in id, quod facere potest. Quæ quibus personis, & quibus ex causis tribuantur, exponitur in §. pen. *Instit. de act. l. sunt qui. & seqq. ff. de rei iud.* Huius generis exceptiones recte dilatorias & temporales esse dicimus: nam tamdiu nocent creditori, quamdiu debitor facere non potest: quod si debitor facultatibus auctus sit, & facere posse incipiat, iam amplius non utitur hac exceptione. l. unica. §. cum autem. §. de rei vx. act.

Perpetuæ ¶ & peremptoriæ exceptiones causis i- 14
tidem distinguuntur: quæ sunt variæ. Licet autem hanc generum distinctionem in his obseruare. Igitur quædam iam a principio in re contrahenda statim nascuntur, quædam existunt postea. Nascuntur ab initio exceptiones perpetuæ partim ex re, & eo quod factum est: partim ex persona aut rei, aut debitoris. Ex re nascuntur, si quis quid metu promiserit: si promiserit inductus dolo, si promiserit errore lapsus, dum putat se debere quod non debet: si cauerit pecuniam tanquam acceptam, quæ ei numerata non sit. Hinc illæ exceptiones: *Quod metus causa*, de qua in *Instit. eod. in princ.* Exceptio doli specialis, de qua in *Instit. ibidem. & tit. ff. de doli mali & metus except.* nam & generalis doli exceptio est, quæ ex omnibus aliis exceptionibus oritur: quoniam dolo facit, quicunque id, quod quaque exceptione elidi potest, petit. l. 2. §. & generaliter. ff. de doli mali & metus exceptio. Exceptio in factum erranti, de qua eodem loco *Instit. & l. si quis cum aliter. ff. de ver. obl.* Item exceptio non numeratæ pecuniæ, de qua in §. 2. *Instit. eod. l. aduersus. & tot. tit. §. de non num. pec.* Has exceptiones iam ab initio nasci apparet: quia iam ab initio causas, ex quibus nascantur, constitutas habent. Ex persona nascuntur ab initio duæ, exceptio SC. Macedoniani, & exceptio SC. Velleiani. Prior filijs familias comparata est de pecunia ipsis credita: comparata non ipsorum fauore, sed odio fornicatorum. Posterior tributa mulieribus, quæ pro aliis intercesserunt, ipsarum scilicet gratia, dum earum infirmitati consultur. de his est in l. 7. §. 1. ff. eod. l. qui exceptionem. ff. de cond. ind. Adde titulos, qui sunt de his causis D. & C. de senatus consulto. Macedonian. & ad senatus consultum. Velleianum. Existunt post rem contractam exceptiones ex his pene causis. Primum ex voluntate actoris, si voluit debitorem, aut eum, cum quo agitur, non teneri. Tum ex iureiurando debitoris, si iurauerit debitor actore deferente se non debere. Præterea si debitor iudicio absolutus erit. Postremo ex tempore. Voluntas actoris debitorem exceptione liberat, quocunque modo nuda voluntate constituerit, ne debitor teneretur. Iam exceptio pacti conuenti, si conuenit inter debitorem & creditorem, ne creditor periret: de qua in §. præterea. *Instit. eo.* hæc edicto de pactis comparata est. *Licet ingenuum* §. sed cum nulla. & §. ait. ff. de pact. l. in bona fide. §. de pact. Hinc & exceptio in factum vel doli mali aduersus heredes, si testator voluit debitorem aliquo modo liberari: de qua specie est in l. 1. hoc tit. Ex eodem fonte est exceptio rei venditæ & traditæ, proposita ei cui res vendita tradita est ex voluntate venditoris, aut eius, qui postea venditori heres existerit. l. 1. & tot. tit. ff. de excep. rei vend. Ex iureiurando est exceptio iurisiurandi, de qua in §. eque. *Instit. eo.* hæc proposita est edicto de iureiurando: de qua in l. ait. & l. nam posteaquam ff. de iureiur. Ex iurisdictione, qua absolutus est debitor est exceptio rei iudi-

cata: de qua in §. item si. Inst. eod. §. tot. tit. ff. de except. rei iud. §. l. 2. hoc tit. Ex tempore nascitur exceptio ex constitutionibus, cum intra tempora constitutionibus constituta creditor non egit. l. si cur. §. pene tot. tit. §. de pres. trig. vel quad. anno. & si qui sunt similes loci, quibus ad agendum certa tempora præstituta sunt. Hæc fere exceptiones, & exceptionum causæ sunt: quod si quæ aliæ reperientur, sunt eiusmodi, ut ad has nullo negotio referri possint. Vide tit. Dig. quarum rerum actio non datur.

15 Quæ de exceptionibus diximus, eadem dicta intelligenda sunt de præscriptionibus, quæ pars est altera huius inscriptionis. Nam præscriptio nihil aliud est omnino, quam exceptio. Vnde inscriptio huius tituli non sic concipitur, de exceptionibus & præscriptionibus, quasi de rebus diuersis, sed de exceptionibus, seu præscriptionibus, particula, seu, interpolita, quæ eandem res proponi declarat: ut in illis inscriptionibus liquet, *Lelius*, seu de amicitia: *Cato maior*, seu de senectute. Præscriptionem autem idem declarare quod exceptio, hinc facile intelligitur, quod quæ exceptiones vltate dicuntur, eadem dicuntur præscriptiones: & contra quæ vltate dicuntur præscriptiones, hæc dicuntur etiam exceptiones. Vt puta, defensio quæ nascitur debitori ex re iudicata, vltate appellatur exceptio rei iudicatæ. tot. tit. de excep. rei iud. At hæc dicitur præscriptio rei iudicatæ in l. iudicata. ff. de exception. rei iudicat. Sic & doli exceptio vltate exceptio dicitur: in qua verba est titulus de hac specie ff. de doli mali & metus exception. sed & hæc dicitur doli præscriptio in l. si debitor 91. ff. de sol. E conuerso defensio, quæ nascitur debitori ex eo, quod quis in suo foro non conuenitur, aut non conuenitur ab eo, qui sit procurator, dicitur frequentius præscriptio fori, & procuratoria. l. penult. §. ultim. hoc tit. Ad hæc eadem dicitur exceptio procuratoria in §. penult. Instit. eod. Item defensiones, quæ nascuntur ex possessione longa, vltate dicuntur præscriptiones longi temporis. tot. tit. de præscript. long. tempor. §. Atqui hæc præscriptio nihil aliud est, quam exceptio temporis, idque ita interpretantur l. creditor. ff. de diuers. tempor. præscript. l. super. §. de præscript. long. tempor. Significatio inde ducta est: nam inter cetera præscribere est dictare, & ostendere alicui, quo modo se gerat, & quid facto sit opus. Id autem facere intelligitur omnis reus, qui exceptione vitur. Nam creditor, cum exempli gratia contra pactum de pecunia non petenda, pecuniam a se creditam petit, & intendit reum ex causa mutui dare oportere, generaliter intentionem concipit: reus exceptione pacti vtendo hoc dicit, illum male generaliter agere, & debuisse addere hanc exceptionem, nisi pactum interuenerit, ne peteret. Hoc autem dicere, & docere actorem, nihil aliud est, quam ei præscribere, quomodo intentionem suam concipiat, & postulare, ut ad eam normam in iudicio exceptio pacti adiiciatur. Inde factum est, ut hæc exclusio, & quasi præformatio eius, quod actor in concipienda intentione facere debeat, præscriptio rei dicatur.

16 Id autem esse præscribere declaratur in l. Titia. §. Caius. ff. de leg. 2. vbi dicitur heres præscribere coheredibus suis, pro eo quod est, contra heredes suos exceptione vti. Ex quibus apparet, quid iudicandum sit de iis, qui vulgo putant, præscribere esse longa possessione acquirere, & eam acquisitionem ita distinguunt, ut res quidem mobiles dicant vltari, res au-

tem immobiles præscribi, quod longe secus est. Nam qui acquirit, acquirit sibi, non aduersario: at qui præscribit, is aduersario præscribit, non sibi. d. l. Titia. §. Caius. Non est idem igitur præscribere & acquirere. Denique apparet ex iis, quæ posuimus, præscriptionem in vltu iuris nihil aliud esse, quam exceptionem: & præscriptionem temporis seu longæ possessionis nihil aliud esse, quam exceptionem longæ possessionis, de quo plura alias.

L. i. Debitores.

Imp. Antoninus Augustinus Claudio.

Debitores quidem hereditarii unicuique heredum pro portione hereditaria, antiqua lege obligati sunt. Sed si eis heredibus omnem pecuniam exsoluisti, quibus nomen patris tui testator in diuisione adscripserat, doli mali exceptione aduersus alios agentes tueri te potes. PP. Kal. Aug. Duobus & Aspris Coss. 213.

S Y M M A R I V M.

1 Testatorem creditorem vni ex heredibus suis inuentum totum solui, non ideo facere, quo minus & ceteris summo iure pars hereditaria debeatur. Hinc debitorem legatario soluentem non liberari summo iure: at liberari per exceptionem.

E I cui centum a Titio debebantur, plures heredes exsisterunt. Lege duodecim tabularum actio huius summæ nomine inter heredes diuisa est pro portionibus hereditariis, ut hic traditur in pr. l. i. §. si vnus ex plur. l. l. vlt. §. fam. ercisc. Ita fit, ut singulis heredibus non tota centum debeantur, sed portio hereditaria. Quod si verum est, non potest debitor consequi summo iure, ut liberetur a singulis aliter, quam si singulis soluerit portionem hereditariam, quæ eis debetur, aut soluerit alii voluntate singulorum. Ita ius est, ut quoniam nemo alterius inuiti aut ignorantis conditionem deteriore facere potest, l. soluendo. ff. de neg. gest. ideo nec quisquam inuito aut ignorante creditore alii soluendo liberetur, vbi scilicet hoc facto creditori actionem suam adimat. l. inuito. §. de solui. Quapropter hoc constabit, si debitor vni heredum totum soluerit ceteris non consentientibus, soluentem ea solutione ab aliis non liberari. Quid tamen, si testator quibusdam ex heredibus nomen hoc totum Titii adscripserit, ut hic factum proponitur, id est, legauerit: de quo genere est in l. ex legato. §. de leg. debitor autem cognita testatoris voluntate hoc totum soluerit, quibus nomen adscriptum est? Respondetur hoc loco, si a ceteris conueniatur, posse eum se tueri doli exceptione. Quo maxime confirmatur id ipsum, quod dixi, debitorem a ceteris quibus non soluit, summo iure non esse liberatum, sed his superesse adhuc veterem actionem, aduersus quam hæc sit exceptio, quandoquidem non potest, exceptio esse, nisi aduersus actionem iure ipso constitutam, ut docuimus supra in definitione exceptionis. Et recte hic quoque hoc idem constituitur, & conuenienter superioribus regulis iuris. Nam etsi testator voluit hoc debitum vni ex heredibus solui: tamen non eo minus ipsi testatori debetur totum, ut prius. Quod si debetur, ius facit, ut eo mortuo id pertineat ad singulos heredes pro portionibus hereditariis, quia heres succedit in omne ius defuncti. l. heres in omne. ff. de acq. her. Nec quisquam putet, cum debitor voluntate testatoris vni ex heredibus totum soluit, ideo eum liberari, quia voluntate creditoris soluat:

soluat: nam testator defunctus creditor esse desiit, & ceperunt creditores esse heredes, qui ei successerunt. Ita sit, ut quia debitor vni totum soluerit, non ex voluntate aliorum coheredum, qui etiam creditores sunt, ipse ea solutione aduersus ceteros ipso iure non liberetur. Sed quia est in potestate creditoris vetare, ne quidam ex heredibus id debitum petant, hac voluntate defenditur debitor, si petant ii, quos testator vetuit petere. Intelligendum est autem, cum testator voluit vni ex heredibus totum debitum attribui, eadem opera voluisse, ne ceteri a debitore peterent. Dixerit aliquis, eum, cui nomen legatum est, actiones utiles habere, atque ita creditorem esse. *d. l. ex legato. supr. de leg. proinde & ei recte solui. Quod & verum est: neque de eo nunc quaeritur, an recte ei solvatur inuitis ceteris: sed pecunia ei soluta quomodo debitor liberetur. Liberari eum faemur: sed negamus id fieri ipso iure. Merito: nam & is, cui nomen legatum est, summo iure non est creditor. Obseruandum est enim eum actiones tantum utiles habere. *d. l. ex legato. §. de leg. quo declaratur, eum non habere verbis legis, id est, summo iure: proinde nec solum creditorem esse, sed & ceteros quoque coheredes. Quae res facit, ut si debitor his quoque non soluat, eodem isto summo iure non liberetur.**

L. Pro portione. 2.

Cognosce sententiam huius loci *ex l. 2. §. quibus res ind. non noc. l. saepe. ff. de re ind. tot. tit. §. res inter alios ind. l. 1. §. l. 3. ff. de except. rei ind.*

L. Aduersus. 3.

Idem A. Vitali.

Aduersus fratrem tuum quondam tutorem legitimum tutela iudicio si experius non es, proposita actione consiste, nec timueris exceptionem pacti, si in ea fraudem dolumque admissum probare poteris: nam replicatio doli opposita, bona fidei iudicium facit, & commentum fraudis repellit.

S Y M M A R I A.

1. Replicationis exemplum, & quid sit replicatio.
2. Lectio corrupta emendatur.
Replicatio bona fidei iudicium non facit. ibidem.
3. Replicatio fraudis commentum repellit, quid sit.

Si paciscatur creditor, ne a debitore suo petat, habet debitor exceptionem pacti, qua creditorem petentem summo iureat. *§. praeterea. Inst. eo. tit.* Sed hoc ita est, nisi pactum dolo malo debitoris factum sit: nam quae pacta dolo malo facta sunt, ea edicto praetoris non seruantur. *l. iuris gentium. §. praetor ait. ff. de pact.*

Vt tamen hoc pactum seu eius pacti exceptio creditori non noceat, consequitur id doli mali replicatione opposita, qua pacti exceptio eliditur, vti hic declaratur. Non enim pactum ipso iure tollitur. *l. si vnus. §. pactus. ff. de pact.* In proposito autem sic euenerit, ut pactum dolo malo debitori factum sit, si proponas eum, qui olim tutor fuisset, affirmasse ei, cui tutelae nomine obligatus erat, multo minus esse in bonis, quam erat: de reliquo, se tantum in id impendisse, quantum ex reliquatione debere potuit. Itaque facile impetrasse, ut pupillus creditor pacisceretur, ne amplius tutelae nomine cum eo ageret. Sententia notanda est de replicatione. Quemadmodum si actio iniqua est, defenditur reus aduersus actionem

exceptione vel pacti, vel alia qualibet: ita si iniqua est exceptio, ut interdum accidit, veluti in specie hoc loco proposita, creditor aduersus exceptionem alia exceptione contraria defendetur, quae exceptio in persona creditoris dicitur replicatio. De quo genere est sub tit. *Inst. de replicat.* Est tamen lectio postremorum verborum in hoc rescripto animaduertenda. Recepta ab omnibus lectio haec est: nam replicatio doli opposita bonae fidei iudicium facit, & commentum fraudis repellit. Haec scriptura defendi non potest. Non enim villo modo recipiendum est, ut dicatur replicatio doli opposita facere iudicium bonae fidei. Si replicatio opponitur a creditore, qui ex stipulatu agit, id est, iudicio stricto, replicatio non facit, ut iudicium, quod sua natura strictum est, efficiatur bonae fidei. Quod si opponitur replicatio in iudicio bonae fidei, ut in iudicio tutelae, de quo hoc loco agitur, est quidem iudicium tutelae bonae fidei. *§. actiones autem. Inst. de act.* sed ideo bonae fidei est, quia est de tutela, non autem quia replicatio in id iudicium deducitur. Nam & sine replicatione aut exceptione vlla bonae fidei iudicium esset. Et in summa, quia bonae fidei iudicium est, idcirco dolus eo iudicio excluditur: non autem quia dolus in eo excluditur, ideo est bonae fidei iudicium excluderetur enim dolus replicatione & in strictis iudiciis. Si quis in re nota exemplum desideret, habet in *l. tres fratres. ff. de pact.* ubi in actione furti aut conditione furtiua exceptio pacti, quae actioni opponebatur, replicatione doli eliditur. Locus igitur aperte corruptus est, sic autem emendandus, ut pro, *& repellit*, legamus, *ut repellat*, hoc modo: *nam replicatio doli opposita, bona fidei iudicium facit, ut commentum fraudis repellat.* Ut tamen sententia: Bonae fidei iudicium nempe tutelae, de quo hic agitur, facit, ut replicatio doli, quae ab actore, qui tutelae agit, opposita est, commentum fraudis, quae fraus in pacto fuit, repellat, id est, in hoc iudicio maxime exceptio pacti replicatione doli infirmabitur. Sed cur dicit Imperator id effici iudicio bonae fidei, cum replicatio doli in iudicio stricto opposita idem efficeret? Nempe hoc sentit, praecipue & maxime bonae fidei iudicium id facere. Nam iudicium bonae fidei ubique bonam fidem exigit: nihil autem tam bonae fidei contrarium est, quam dolus. *l. 3. in si ff. pro soc. proinde in hoc iudicio bona fides iudicii propria praecipue excludit fraudis commentum, id est, machinationem doli in pacto exprimendo adhibitam.*

L. Cum nondum. 4.

Imp. Alexander A. Iuliano, & aliis.

Cum nondum finitam sententia causam, sed dilatam allegetis: non est dubium omnes integras defensiones vobis esse. P. P. Non. Octob. Maximo II. & Aliano Coss. 224.

Si reus causam agere diu distulerit, & defensiones suas probare, existimari potest, ob eam dilationem iuri suo diffidere, eoque defensionibus suis renuntiare: ut postea si velit, eas exsequi non possit. Hic monemur non ita esse. Defensiones re iudicata excluduntur: ceterum re nondum iudicata reus quouis tempore his uti potest. *l. praescriptionem. §. hoc tit. idque quantumvis causae actionem distulerit, quae pars hic traditur.* Defensiones sunt exceptiones, quae reis competunt: quoniam omnis exceptio defendendorum reorum causa comparata est. *l. defensiones. l. si quidem. §. hic. Inst. eo. in pr.*

Imp. Dioclet. & Maximianus AA. &
CC. Basilio.

Licet vnde vi interdictum intra annum locum habeat, tamen exceptione perpetua succurri ei, qui per vim expulsus post retinuit possessionem, auctoritate iuris manifestatur. S. Kal. Maiis, Trallis AA. Coss.

S V M M A R I V M.

- 1 *Exceptionem omnem peremptoriam esse perpetuam, etiamsi competat ex ea causa, ex qua actio sit annalis: & quare.*

Basilius quidam possessorem de fundo deiecerat, & eum fundum per vim occupatum possidebat. Aduersus eam vim habuit vetus possessor interdictum Vnde vi ad recuperandam possessionem, si eo uti vellet: sed habuit intra annum dumtaxat. *l. 1. in pr. ff. vnde vi. l. 2. sup. vnde vi.* Intra quem cum forte interdicto usus non esset, nempe eo interdicto exciderat. Sed idem postea Basilio peregre profecto possessionem eius fundi clam Basilio occupauit. Reuerso Basilio controuersiam ei possessionis facit: sic tamen, ut eum inquietet, non ut etiam deiciat. Basilius aduersus veterem possessorem experitur interdicto Vti possideris retinenda possessionis causa: & recte: quamuis enim is vi possideat: vere tamen possidet: quia ad summam possessionis nihil interest, vtrum iuste quis, an iniuste possideat. *l. 3. §. ex contrario. ff. de acq. poss.* Sed vetus possessor hac exceptione vitur: non licet tibi hoc interdicto mecum experiri, neque debes in possessione me vincere, quia possides quidem, sed vi a me. Hac exceptione actor in interdicto Vti possideris remouetur. *l. 1. §. ult. ff. uti poss. l. unica. §. uti poss. vbi exposuimus.* Si vetus possessor hac exceptione vteretur intra annum, ex quo deiectus fuit, nulla esset dubitatio, sed Basilius cepit experiri interdicto Vti possideris forte post duos tresve annos, aut amplius: vnde & vetus possessor exceptione de vi diu post annum vitur. Hic ergo quaeritur, si an hæc exceptio etiam post annum ei competat. Mouet, quod ei post annum interdictum aduersus vim non competit: ut dici possit par esse nec competere exceptionem. Hic rescriptum est, diuersam esse interdicti Vnde vi, & exceptionis Vnde vi causam. Interdictum non competere nisi intra annum, exceptionem de vi esse perpetuam. Differentiæ ratio a Paulo exposita in *l. pure. §. ultim. ff. de doli mali exception.* ad hanc sententiam: merito interdictum Vnde vi anno finiri, quia nisi actor intra annum eo sit usus, ipsius culpa sit, cui non est succurrendum: potuit enim intra annum experiri, & noluit. At exceptionem de vi perpetuam esse oportere, quia hac uti non potest reus, nisi actor voluerit, id est, egerit, ut actio exceptione excluderetur: non est autem in potestate rei, quando actor experiat: proinde nec in eius potestate, quando vitur ea exceptione: ut si ea usus non est, nihil sit, quod debeat ei imputari. Nihil est enim, ut idem alibi scribit, quod possit imputari ei, qui quid facere etiam si vellet, non potuit. *l. cum quidam. §. si pupillo. ff. de usur.*

L. Si pactum. 6.

Iidem AA. & CC. Helenæ.

Si pactum intercessit, in exceptione sine temporis præfinitione de dolo replicare potes. S. Kal. Septembr. Viminacii. AA. Coss.

- 1 *Replicationem omnem ut exceptionem perpetuam esse, quamuis ex ea causa, ex qua actio nata esset temporalis: & cur: quod & exemplo declaratur.*

Sententia est: Si pactum creditoris intercessit, quod ille pactus est, ne a debitore peteret, & is aduersus eius pacti exceptionem replicationem doli habuit, ea replicatione uti poterit sine præfinitione temporis, id est, perpetuo, idque in exceptione, id est, in quaestione de potestate exceptionis, seu in quaestione, in qua quaeritur, an exceptio pacti illi nocere debeat, an non.

Quod si hanc significationem habet in summa, ut quemadmodum exceptio perpetua est, quamuis actio ex eadem causa nata tempore finiatur, quod superiore rescripto traditur, vbi & rationem reddidimus: ita & aduersus exceptionem replicatio sit perpetua, quamuis sit replicatio doli, cuius nomine actio prodita non nisi intra annum utilem, ut olim: ut hodie, intra biennium continuum competit. *l. ultim. sup. de dol.* Quod & ipsum eandem rationem habet. Ut enim non est in potestate rei, quando cum eo agatur, & actioni exceptionem opponat: sic non est in potestate creditoris, quando reus exceptione vitur, ut aduersus eam creditor se defendat replicatione. Finge hoc modo: Creditori debentur centum mutua, aut ex stipulatu. Cum is heres esset, & ignoraret, quantum reuera deberetur, debitor persuasit ei tantum quinquaginta se debere: quibus solutis impetravit a creditore eodemque herede veri creditoris, ut pacisceretur, se nihil amplius a debitore petiturum. Dicemus, si creditor errore suo comperto reliqua quinquaginta petat, quamuis post decem aut viginti annos id faciat, nihilominus recte petiturum: & si summoueat pacti superioris exceptione, eum opposita doli replicatione exceptionem infirmaturum: nec illi obfuturum, quod post tam multos annos replicatione vitur: quia et si actio de dolo temporalis est, tamen exceptio doli sit perpetua. Quod si exceptio, etiam replicatio, quia replicationes nihil aliud sunt, quam exceptiones. *l. 2. ff. eo.*

L. Si maiore. 7.

Creditor deceptus, aut errore suo inductus si paciscatur se a debitore suo nihil petiturum, quasi iam ab eo nihil deberetur, cum deberet: non prohibetur vetere actione experiri, quæ pacto non est remissa. Cui si obiicietur pacti exceptio, replicatione doli recte se tuebitur, & exceptionem elidet. *Inst. de repl.* Quam ad rem licet uti ea specie, quam in superiore rescripto modo retulimus.

L. Præscriptionem. 8. & L. Si quidem. 9.

Iidem AA. & CC. Aurelio.

Præscriptionem peremptoriam, quam ante contestari sufficit, omissam, priusquam sententia feratur, obicere quandoque licet. S. 15. Kal. Nouemb. CC. Coss.

Iidem AA. & CC. Mutiano.

Si quidem intentionem actoris probatione deficere confidis, nulla tibi defensio necessaria est. Si vero de hac confitendo, exceptione te munitum asseueras, de hac tantum agi conuenit. Nam si etiam de intentione dubitas: habita exceptionis contestatione, tunc demum, cum intentionem suam

nam secundum assensionem suam petitor probauerit, huic esse locum monstrari conuenit. S. 3. Non. Non. Bur- tadi. CC. Coss.

S V M M A R I A.

- 1 Exceptionem non esse necessariam, ubi licet tutio intentionem actoris negare.
- 2 Exceptionem initio contestandam.
- 3 Licere reo & intentionem negare, & simul opponere exceptionem si de intentione dubitet.
- 4 Exceptionem tunc solum probandam, cum actor intentionem suam probauerit, si quidem & eam negauerat reus.
- 5 Auth. at qui semel. ad exceptionem in iudicium deductam non pertinere.
- 6 Exceptionem sic contestandam initio, ut non contestatam non liceat reo postea opponere.
- 7 L. peremptorias. C. sent. resc. non pos. explicatur.
- 8 Dilatorias exceptiones ante litem contestatam opponi & decidi debere: & ad l. pen. & ult. hoc tit.
- 9 L. exceptionem. C. de prob. sua integritati restituta, & explicata.
- 10 Exceptiones initio contestandas, dictum de strictis iudiciis: ad bona fidei iudicia non pertinere: & hoc, quid sit.

DE exceptione constituimus initio, eam esse defensionem, quæ actioni opponi debeat. l. 2. ff. de excep. In ea hæc sunt partes rei, qui exceptione utitur, ut exceptionem velut intentionem probet. l. in exceptionibus. ff. de prob. Circa hanc oppositionem & probationem quatuor quæ sita sunt, quæ his duobus rescriptis deciduntur. Primum quæritur, an semper consultum sit reo exceptione uti, seu exceptionem opponere.

1 Monemur tamen hic in l. si quidem. in pr. non semper esse consultum: non enim necesse esse tunc, cum falsa est intentio actoris, & scit reus eam ab actore probari non posse: quo casu sufficit reo ad omnem defensionem negare, ut, si actor dicat, se decem mutua dedisse, quod probare non possit, sufficit reo negare se accepisse, idque, ut dixi ad omnem defensionem rei est satis. Nam actore non probante reus absoluitur, etsi nihil ipse præstiterit, id est, etsi neque exceptionem allegarit, neque allegatum probauerit. l. qui accusare. s. de eden. Quod si actor aut intentionem probare potest, aut dubitat reus, an possit, hic demum consultum est exceptione se tueri.

2 Secundo loco quæritur, tamen si exceptio opponenda est ad defensionem rei, quando opponi debeat. Et placet his rescriptis, initio esse opponendam, denique exceptionem contestandam esse, ut si initio exceptionis contestatio habita non sit, sed reus tantum negauerit se debere, non possit postea eandem exceptionem in iudicio opponere: quod quam verum sit, quia paulo obscurius est, & quibus in iudiciis valeat, amplius postea seorsim dicemus.

3 Tercio tamen loco quæritur, quomodo exceptio opponenda sit: an ita, ut reus de intentione aduersarii confessus exceptione utatur: an ut simul & negare possit intentionem aduersarii, & exceptionem opponere. Et placet, eum alterutrum facere posse, prout sibi expedire existimabit. Id autem sic expediet, ut si sciet veram esse intentionem aduersarii, ultro de ea confiteatur, & recta exceptione utatur: sin ignorabit, aut de eo ambiget, tum & neget intentionem, & ne forte vera postea probetur, exceptionem opponat, ut puta, si ei decem mutua data sint, de quibus actor probare possit, &

ea ab eo petantur, recte ita dicit, fateor me decem mutua a te accepisse, sed postea ita inter nos transactum est, ne amplius ea peteres. Quod si de intentione actoris dubitabit, hic recte faciet, si primo neget, pecuniam mutuo datam esse: deinde exceptionem subiiciat, ut dicat hoc modo, & si decem mutuo dederis, tamen de ea re inter nos postea transactum est.

Postremo quæritur, tamen si exceptionem oppositam quando reus probare debeat: an statim ab initio, quemadmodum ab initio exceptio opponenda est, an autem postea. De hac re distinguitur in l. si quidem, ut si reus de intentione actoris confessus exceptionem pacti opposuit, de exceptione statim quæri, & probari oporteat. Non enim debet reus probationem intentionis exigere, de qua ultro confitetur. Confessi in iure, in eo quod confitentur, pro iudicatis habentur. l. unica. s. de confes. Quod si reus negauerit primo intentionem, & præterea exceptionem obiecerit, hic probationis ordo est, ut actor prius intentionem suam probare debeat, nec ante reus debeat probare exceptionem, quam actor de intentione probarit: quo fit, ut interim exceptio opposita mitti possit, id est, differri: quæ interim ab initio ommissa postea opponi ad disceptationem possit quandoque ante sententiam. Hoc in extremo l. si quidem. & ea pars est potissimum, quæ est expressa in l. prescriptionem. hic. Huic tamen parti opponitur auth. at qui semel. s. de prob. ubi cautum est, si reus cognouerit intentionem, & in intentione probationem aduersarii, eum amplius testes producere non posse, ne postea aliquid falsi in iudicio moliat. Cui constitutioni consequens est, ut cognitis & publicatis testimoniis aduersarii, non possit reus exceptione uti: quia exceptio sit ei inutilis, nisi in eam testes producat: quod illum facere constitutio prohibet. Sed animaduertendum est hæc in illa auth. recte dici de ea exceptione, quæ in iudicium deducta non sit. Quod si quæ exceptio in iudicium deducta sit litis contestatione, hæc ad constitutionem Iustiniani non pertinet: non enim metumimus in ea periculum subornationis, cum iam ab initio iudicii reus testatus sit se hac exceptione uti velle.

Illud tamen in his præcipua animaduersione indiget, quod supra posui, exceptionem initio in lite contestanda opponendam esse, & ut his rescriptis dicitur, exceptionis contestationem esse habendam. Hoc enim eam vim habet, ut si exceptio contestata non sit a reo, qui prius inficiatus sit se debere, is eam postea in eo iudicio opponere non possit. Atqui ea sententia vulgo veterum interpretum non agnoscitur. Quare ne de ea dubitetur, recte fecerimus, si eam paucis adstruamus. Probatur vero non obscure tribus his rescriptis quæ subiicio. Primum l. si quidem. hic. ubi dicitur, habita exceptionis contestatione, deinde suo tempore monstrandum huic exceptioni locum esse. Hæc verba habita exceptionis contestatione, hoc expriment, si exceptionis contestatio habita sit. Verum est enim, quod vulgo dicitur, ablatiuos absolutos in conditionem resolui. Ut, heres acceptis centum nummi, hereditatem Titio restituas, perinde valet, ac si dictum esset, restituas, si centum nummos acceperis. l. a testatore. ff. de cond. & dem. Probatur præterea l. prescriptionem. hic. & l. emtor 9. s. de prescript. long. temp. quorum locorum in utroque scriptum est, exceptionem peremptoriarum contestationem haberi sufficere. Hæc verba, contestationem exceptionis haberi

sufficit, duo continent. Primum exceptionis contestationem saltem haberi oportere: alterum, si exceptio contestata sit, nihil amplius requiri, id est, non requiri statim exceptionis probationem: nam hæc, ut declaratur in *bacl. prescriptionem. § l. si quidem.* contestata omitti potest, donec actor probauerit. Esse autem istam significationem superiorum verborum, argumento hæc sunt. In *l. i. §. ultim. ff. de pec. const. ita scriptum est: debitum autem ad constituendam obligationem vel natura sufficit.* His verbis hoc declaratur, si quid debeatur etiam natura, id recte constitui: sed tamen saltem natura debitum esse oportere. Item in *l. nam sufficit. ff. de dolo.* cum dicitur, *nam sufficit periurii poena:* hoc dici intelligunt omnes, poenam quidem periurii suam esse aduersus eum, qui periurio suo aduersarium decipit: sed cum hæc poena præstita erit, nihil amplius statui debere aduersus eum, qui peierauit. Præter hæc confirmatur hæc sententia euidenter ratione iuris & veteris & noui. Ius vetus ita est, ut extra id, quod in iudicium deductum est, excedere potestas iudicis non possit. *l. ut fundus. ff. commun. ad iudicium.* Nihil autem deducitur in iudicium, nisi quod litis contestatione deducitur. *l. unica. supr. de litis contestatione.* Quare de nulla exceptione iudex cognoscere potest, nisi quæ litis contestatione in iudicium deducta fuerit. Vnde & quædam iudicia stricta sunt appellata. *§. actionum autem. Inst. de act.* Ideo enim stricta, quia iudex adstrictus sit formulæ iudicii, id est, iis rebus, de quibus lis contestata est, & quæ per eam contestationem iudicio sunt subiectæ, ut viri eruditi omnes consentiunt: quod primus diligenter & eruditè disseruit Franciscus Duarenus in commentario *de in litem iurando.* Sed & ius nouum ex Nouell. Iustiniani idem efficere videtur, nempe *authent. at qui semel. supr. de prob.* ubi, ut *supra* dixi, Iustinianus vetat cognitis testimoniis actoris, ne reus testes producat in eam causam, ne scilicet aliquid falsi molitur. Perspicuum est huic suspicioni animam tantum esse eum, qui cum ab initio negasset se debere, & postea conuictus esset probatione actoris, tandem confugit ad falsam exceptionem, ad quam probandam facile testes subornare potuit: hanc autem suspicionem non cadere in eum, qui iam ab initio exceptionem non opposita, ea se vti velle ostenderit. Sed & huic sententiae opponitur *lex peremptoria. supr. sentent. rescind. non poss.* ubi diserte scriptum est, exceptiones peremptorias ab initio omittas postea quandoque ante sententiam opponi posse. Respondeo: Initio omittas exceptiones illic accipiendas esse, non quæ initio prætermittæ sunt, id est, quarum nulla mentio facta sit a reo: sed quæ contestata postea omittæ, id est, dilatae sunt ad probationem & disceptationem. De quo ne dubitemus, id ita interpretantur, & *l. prescriptionem. § l. si quidem.* in quibus nunc versamur: præcipue *l. prescriptionem.* in qua cum dicitur *exceptionem peremptoriam contestari debere, & nihilominus initio omitti posse:* plusquam manifestum est omitti eam dici, cuius probatio & disceptatio omittitur, id est, differtur. Differtur autem in id tempus, donec actor intentionem suam probauerit: quod posterius rursum diserte comprehensum est in *l. ge si quidem.* In locis autem ambiguis & obscuris interpretandis hæc lex nobis posita esse debet, ut vnus locus per tres, obscuri per dilucide scriptos interpretationem accipere debeant: quod præposere sit ab interpretibus, qui tres illos locos, & illas rationes, quas adduxi, euerte-

re conantur vno loco, & eo ambigue scripto. Postremo eidem sententiæ opponitur exemplum dilatoriarum exceptionum.

Nam & hæc nominatim iubentur opponi initio, ac prætermittæ negantur postea opponi posse in *l. pen. l. ultim. hic.* Cur hoc de dilatoriis dicitur, si non est earum proprium? An non inepte, si quæ ad omnes etiam peremptorias pertinet? Sane vero proprie de exceptionibus dilatoriis dictum esse concedo, quod vtraque illa lege dicitur. Sed non eo minus verum est exceptiones peremptorias initio esse contestandas. Obseruandum est enim in superioribus legibus non dici exceptiones dilatorias initio in lite contestanda esse opponendas, sed inter exordia, item initio litis: quod sic intelligendum est, cum lis esse cœpit in iudicio de re aliqua: veruntamen ante litem contestatam. Sic enim omnium exceptionum huius generis conditio est, ut ante litem contestatam opponi & decidi debeant, ut declaratur exemplis in his locis, *l. ita. supr. de procur. l. Pomponius. §. ultim. ff. de procur. l. sed ex. si suscepit. in princ. ff. de iud.* Vnde & dilatoriæ dictæ, quod iudicium differant. *§. appellantur. Inst. eod.* Nihil horum nunc dicimus in exceptionibus peremptoriis. Hæc initio opponendæ sunt, sed in lite contestanda, ac per litis contestationem in iudicium deducendæ. Sed & deductæ, non statim decidendæ sunt, sed omitti possunt, neque necesse est probare ante, quam actor intentionem suam probauerit. *l. si quidem. hic.* Sed nihil agitur, dicat aliquis, his definitionibus. His & enim omnibus obicitur *lex exceptio. 9. nem. supr. de probat.* ubi diserte de exceptione non quauis, sed nominatim dilatoria hoc exigitur, ut opponatur quidem ab initio: probari autem postquam actor probauerit, quod adfenerat, oporteat. Vult ergo lex eam opponi in lite contestanda, & litis contestatione in iudicium deduci: cum eius probationem in iudicium ipsum, quo reus de intentione sua probauerit, differat. Id quod si huius exceptionis proprium est, fatendum est, diuersum ius esse in exceptione peremptoria: & in eo diuersum, ut possit quidem hæc exceptio initio in lite contestanda opponi, ut postea probetur, sed non sit necesse. Quod sane ita se habet, si recte legitur is locus de exceptione dilatoria. Mihi autem certum est eum locum corruptum esse, & pro exceptionem dilatoriam, legendum, exceptionem peremptoriam, ut sit eadem sententia, quæ *l. prescriptionem. hic.* Non posse autem superiorem definitionem de exceptione dilatoria constare, sic euidenter potest demonstrari. Primum omnium interpretum consensu exceptiones omnes dilatoriæ, quæ sunt aut ex persona actoris, aut ex persona iudicis, aut de iurisdictione & foro competenti, hæc, inquam, omnes nemine refragante ante litis contestationem proponi & probari debent. *dict. l. Pomponius. §. ult. ff. de proc. l. sed ex. si suscepit. in princ. ff. de iud.* Solum agnoscunt omnes definitioni *l. exceptio. nem.* locum esse in exceptione dilatoria solutionis, cum creditor pactus est se in quinquennium non petiturum. Sed frustra: nam hæc quoque initio opponenda & decidenda est. Dicitur enim iudicium differre in *§. appellantur. Inst. eod.* Quod si differt, non potest in eo iudicio probari tunc, cum actor intentionem suam probauerit: non enim differtur iudicium, quod susceptum & constitutum est. Præterea si in stipulatione ab initio dies adiectus sit, ut si promissus sit fundus post tres annos, si quidem creditor fundum

fundum ante petat, debitor dicat diem stipulationi adiectum esse, actor autem probet non esse adiectum prolato instrumento stipulationis: apparet eodem tempore hanc exceptionem opponi, & de ea disceptari. Quod si ab initio quid pure promissum sit, deinde creditor pactus, ne ante diem certum peteret, si hanc exceptionem opponit reus confessus ante de intentione actoris, constat eum statim exceptionem probare debere. *l. siquidem*. Quamobrem cum nulla sit exceptio dilatoria, quæ probari debeat tunc, cum actor intentionem suam probauerit: omni modo falsum est, exceptionem dilatoriam istam sententiam admittere. Postremo repugnat aperte definitio exceptionis dilatoriae. Dilatoria dicitur, quæ iudicium differt. *d. §. appellantur. Inst. eo*. Non differtur autem iudicium, si lis cum actore contestatur, & post eam contestationem actor intentionem suam probare cogitur. Non est ergo dilatoria exceptio, qua opposita actor intentionem suam isto modo ante probare cogitur. Quod si verum est, non dubitabimus affirmare, quod supra dixi, *l. exceptionem. §. de prob. de exceptione peremptoria scriptam esse*: de ea illic eandem sententiam comprehensam, quæ in *l. prescriptionem. hic*, sed definitione aliis verbis paulo dilucidius explicante id, quod erat obscurius in *l. prescriptionem*. Hoc tamen iure constituto de peremptoriis exceptionibus initio opponendis & contestandis: reliquum est, moneamus, quibus in iudiciis id locum habeat. Et si igitur hæc rescripta duo, & similia superiora generaliter scripta sunt, & exceptionum peremptoriarum contestationem sine ullo discrimine iudiciorum exigunt: sciendum tamen pro natura iudiciorum id ita accipi debere, nisi si pro natura iudicii non sit necesse exceptionem initio contestari, quia alioqui ex ipsis verbis iudicii satis intelligatur eam iudicii constitutioni inesse: ut accidit in iudiciis bonæ fidei. Et hoc est in summa: quod superioribus rescriptis exceptionis contestatio exigitur, in strictis iudiciis tantum valet: in quibus potestas iudicis constitutioni iudicii, id est, litis contestationi, adstricta est. Ad bonæ fidei iudicia non pertinet: de quibus ita a veteribus traditum est, exceptiones bonæ fidei iudiciis inesse, bonæ fidei iudiciis contineri. *l. 3. ff. de rescin. ven. l. huiusmodi. §. qui seruum. ff. de leg. 1. l. sed ex si. ff. sol. mat. dum hoc intelligi volunt, quamuis initio litis contestatione aperte in iudicium deductæ non sint, non eo minus tacite iudicio contineri, ut conuicto postea reo liceat ei quandoque eas in iudicio opponere: idque ex iudiciorum natura, quæ cum in bonam fidem concepta sint, his ipsis verbis admittunt omnem defensionem, propter quam non sit æquum reum condemnari. Quod totum ius quale esset, exposui copiosius, ut in loco ad §. actiones autem. num. 27. & 32. Inst. de act. Inde peti velim, si quis hic amplius desiderabit.*

L. Non exceptionibus. 10.

Quid sit, quod hic traditur, reis exceptionem, actoribus replicationem tribui, qua illi defensionem, hi intentionem suam muniant, docemur *Inst. tit. de replic. l. 2. ff. de exc.*

L. Defensiones. 11.

Hunc locum interpretatur *l. exceptiones 7. ff. eo.*

L. pen. & ult.

Vide, quæ diximus ad *l. prescriptionem. & l. siquidem. seq. inf. §.*

AD TITVLVM XXXVIII. COD.

De contrahenda & committenda stipulatione.

Locus de contrahenda stipulatione est is, in quo quæritur, quomodo contrahatur, seu quibus rebus constet, & perficiatur stipulatio. Locus de committenda stipulatione est is, in quo quæritur de vi & effectu stipulationis contractæ. Dicitur enim stipulatio tunc committi, cum in ea causa esse incipit, ut ex ea agi possit. *§. sub conditione. Inst. de ver. obl.* cuius verbi vim exposui ad *l. 4. §. Cato. ff. de ver. obl.* Effectus autem stipulationis positus est in obligatione verborum, quæ inde nascitur, & in actione eius obligationis propria. In quo hæc insunt, *quid hinc peti possit, quantum, quando, & ubi: quæ inde actio, cui hæc detur, & aduersus quos, tum quatenus*. De quibus omnibus scripsi accurate, ut quisque locus se dedit, in commentariis ad titulum *de ver. obl. ff.* Inde sumere licebit, quæ ad vtriusque partis, & huius tituli explicationem pertinent.

AD TITVLVM XXXIX. COD.

De inutilibus stipulationibus.

Quinoritur, quas res desideret, ut perficiatur stipulatio, idem eadem opera quæ sint vtilis, quæque inutilis stipulationes, nouerit. Ea enim est utilis, quæ iure perfecta est, concurrentibus videlicet iis rebus, quæ ad vim stipulationis ius desiderat. In qua autem aliquid earum rerum deest, ea est inutilis. Et hunc locum totum simul & in eo omnium rescriptorum huius tituli argumentum & sententiam tractaui diligenter suis quæque locis ad titulum *de verborum obligat. ff.*

AD TITVLVM XL. COD.

De duobus reis stipulandi, & promittendi.

Cur inuenti duo rei stipulandi, & promittendi. Reus quis. Cap. I.

S V M M A R I A.

1. *Duos reos tam stipulandi quam promittendi ad cautionem creditorum esse inuentos: & in quo sit hæc cautio.*

2. *Plures eiusdem rei stipulatores cum rei dicti: & quid hoc verbo contineatur.*

Questionem de duobus reis stipulandi & promittendi cum argumento communi de stipulatione, ac verborum obligationibus coniunctam, omissam tamen a me in Pandectis, visum est hoc loco ubi se occasio dat, exsequi: sed plenius propter utilitatem & difficultatem: ut sit tractatio, quæ totam huius questionis, itemque vtriusque tituli de duobus reis, tam qui in Pandectis est, quam qui hoc loco, explicationem complectatur. Quam ad rem cum methodo esset opus, tantum adhibui, quantum huic cognitioni conuenire videbatur. Duos tamen reos stipulandi & promittendi peperit creditorum utilitas, id agentium, ut in eo quod debetur, tutius sibi cautum sit. Est enim in his constituendis ea cautio sita, quam dicimus. Ea autem cautio est huiusmodi. Etenim siue stipulator, idemque verus creditor alium adhibet, qui idem stipuletur, hic ita fiunt eiusdem rei duo creditores, ut his constitutis multo facilius verus creditor ad suum perueniat: quia siue vnus ex stipulatori-

bus absit, vel ei non liceat rem persequi, est alter, qui persequatur: siue vnus est creditor tantum, & is vno promissore non contentus alium adiungendum curat, qui principaliter idem promittat: hoc modo id consequitur, vt pro vno habeat duos debitores, quorum ab vno si quid facile consequi non possit vel propter eius inopiam, vel propter potentiam, vel propter ingenium contentionum amans, id ab altero possit obtinere. Qui plures eandem rem stipulantur, stipulandi rei: qui plures eandem rem principaliter promittunt, rei promittendi appellantur. *l. i. ff. hoc tit.* Nam † quod reos vsitato more loquendi intelligimus tantum eos, qui debent, & cum quibus iudicio agitur, vt cum dicimus, fauorabiliores esse reos quam actores. *l. fauorabiliores. ff. de reg. iur.* item, & quum esse eum, qui acturus est, edere actionem, vt proinde sciat reus, vtrum cedere, an contendere debeat. *l. i. ff. de eden. vsu* obtinuit propter excellentiam: quia qui in crimen, aut aliud quoduis iudicium vocantur, eorum res precipue in iudicio agitur: vt quibus solis immineat periculum condemnationis. Sed tamen & is, qui agit, non minus recte dicatur reus, si verbi originem & proprietatem spectemus. Dictus est enim reus a re, vt sit is, cuius de re agitur: sicque reos veteribus dictos omnes, quorum de re disceptatur, auctor est Cicero *lib. 2. de Orat.* Ex adiuncto discernitur significatio: vt cum dicimus reum stipulandi, aut promittendi. Neque enim aut illic promissorem, aut hic stipulatorem intelligere possumus.

Cur de duobus reis stipulandi & promittendi agatur seorsim a reliquis stipulatoribus & promissoribus. Cap. II.

S V M M A R I V M.

1 Partitio huius tractatus, & summa.

IN his reis si sequeremur regulam iuris de iis, qui stipulati sunt aut promiserunt, non erat, cur ageretur de his separatim. Nunc autem est in his aliquid proprium, quod a iure reliquorum stipulatorum & promissorum longe dissidet. Eo quidnam id sit, separatim exquiritur. Et quidem secundum communis regulas iuris hoc ius in hac specie futurum erat, vt cum duo stipulati essent, vterque etiam exigendi ius haberet, nec quod vni solum esset, id noceret alteri, cum vtrique deberetur. Vice versa, & si quid duo promississent, ita vterque liberareretur, si vterque promissum exsolueret: quia non aliter liberatur quisque, quam si debita pecunia soluta sit, aut eo nomine satisfactum. *l. si rem. §. omnis. ff. de pig. act.* Nunc autem vna hic obligatio est, vna res quæ debeat. Ex † quo quid consequatur, videndum est. Primum igitur, qui sint duo rei tum stipulandi, tum promittendi, dicatur. Deinde quomodo constituantur. Tum quid illud, quod horum proprium dicimus. Postremo an vt rei duo pluresve stipulandi aut promittendi fieri possint: ita possintne & ex aliis causis plures constitui rei credendi, debendive.

Duo rei stipulandi qui, & quomodo constituantur. Cap. III.

S V M M A R I A.

- 1 Duo rei stipulandi, qui.
- 2 Duorum reorum stipulandi esse, vt rem eandem stipulentur, non diuersas.
- 3 *l. si id quod. ff. de duob. reis, explicatur.*

4 *Ut stipulentur rem vnam ab vno promissore, non a diuersis.*

5 *Ut stipulentur singuli rem in solidum, non eiusdem rei partes.*

6 *Ut stipulentur singuli solidum ita, vt tamen res vna tantum in obligatione versetur, & unde id actum intelligatur.*

ET duo rei stipulandi † recte definiantur hoc modo, qui eandem rem ab eodem in solidum stipulati sunt ea mente, vt quamuis solida singulis, vna tamen omnibus debeat. Ita extra stipulationem, quæ omnium stipulantium communis est, quatuor sunt, quæ proprie duos reos stipulandi constituunt: si eandem rem stipulentur omnes, si ab eodem, si solidam singuli, si ita solidam, vt tamen vna res versetur in vtriusque obligatione. Hoc † ergo primum in obligatione duorum reorum stipulandi, vt ambo rem eandem stipulati sint, quo scilicet debeat singulis vna & eadem. *§. pen. Inst. eo.* & vt loquitur Papinianus, vt ab vtroque par eiusdem rei, non impar rerum diuersarum suscepta sit obligatio. *l. eandem. §. penult. ff. eod.* Quocumque ergo modo res diuersæ a duobus in stipulationem deductæ erunt, siue verbis aperte, siue tacite & vi ipsa, etiam si maxime conuenierit, vt duo rei essent, tamen duo rei non erunt, quos conuenit duos eiusdem rei reos intelligi. Et de eo quidem nemo dubitat, quin duo rei stipulandi non sint, si vnus stipulatus sit a Seio Stychum, alter ab eodem Seio Stychi æstimationem, quamuis placuerit inter contrahentes, vt duo rei essent. Ipsa enim conceptio stipulationis diuersas res in obligationem deductas satis ostendit. Sed plus dicimus, etsi proponas duos verbis stipulationis eandem rem stipulatos: si tamen quod stipulati sunt, re ipsa in singulis personis proprium intelligitur, vt loquitur Caius, id est, tale erit, vt in singulis aliud atque aliud intelligatur, duo rei non erunt. Hoc † Caius in *l. si id quod. ff. eod.* Quod in his exemplis accidere docet, si stipulati sint duo ab eodem fundi Tusculani vsufructum, stipulati eandem conceptione decem dotis nomine. Negat cum Iuliano in his duos reos stipulandi constitui posse, etsi verbis eiusdem rei vsufructus, & eadem summa continetur. Merito. Verbis enim hæc eadem sunt: re autem ipsa pro persona cuiusque reorum distinguuntur: vt in singulis alius atque alius vsufructus, alia atque alia dos efficiatur. Vsusfructus enim in vtriusque persona constituetur, personæ illius proprius futurus est, vt nec ad alium possit transire, quin alius esse incipiat. Indicium est, quod cum vita eius durat, & morte eius aut alienatione extinguitur. *§. finitur. Inst. de vsufr.* Quod si voluntate domini ad alium transferas, iam hic alius erit vsusfructus, qui rursum cum persona eius aut duret, aut extinguitur. Et quis nescit non eandem personam esse vtriusque, sed alium alio citius mori posse, aut diutius viuere? Eadem ratio dotis: quæ cum constituitur pro matrimonio cuiusque, vtpote quæ sine matrimonio nec dos sit, *l. 3. ff. de iur. dot.* non potest, quin vt in vtriusque stipulantis persona aliud atque aliud matrimonium est, alius atque alius maritus: ita etiam alia atque alia dos in singulorum persona intelligatur. Sic & cum Titius & Seius decem aut Stychum qui Titii sit, stipulati sunt, negant iidem videri eos duos reos stipulandi: hac ratione, quod Titio decem tantum, Seio Stychus aut decem debeantur, id est, aliud, *dict. l. si id. ff. hoc tit.* Ex quibus hoc eueniet, vt cum

cum promissor in prima specie vni ex stipulatoribus vsum fructum dederit: in secunda autem vni dederit decem dotis nomine, nihilominus alteri dare debeat, nec quod contigerit in vnius persona, id alteri profit, aut noceat. Quod ad tertiam speciem attinet, de ea ita scribit Caius *in d. l. si id.* vt fateatur Titium & Seium in Stycho, qui Titii sit, reos stipulandi non esse, vt si is solvatur Seio, nihilominus Titio decem debeantur: sed putet reos esse in decem, idque eo pertinere, vt si promissor alterutri decem soluerit, ab altero liberetur.

4 Volumus t̄ præterea, vt duo rei stipulandi fiant, ita duos stipulari eandem rem, vt stipulentur ab eodem. *Inst. eo. in pr.* Si stipulentur a diuersis, puta Primus a Seio Stycho, Secundus eundem Stycho, sed a Sempronio, duo rei stipulandi intelligi non possunt: siue quod singuli velint in solidum & coniunctim eandem rem sibi dari: in quo continentur res duæ, Stycho, & eius Stychi æstimatio: siue quod et si actum sit, vt alterutro promissorum stipulatori suo solvente, alter quoque a suo liberetur: tamen personæ stipulatorum & promissorum diuersæ diuersas quoque & proprias obligationes inter stipulatores & promissores efficiunt. Nunc autem in duobus reis stipulandi vnā obligationem esse oportet. *S. pen. Inst. eo.*

5 Sed & duo t̄ rei stipulandi eandem rem a promissore ita stipulari debent, vt stipulentur singuli solidum, non eius rei partes, quo & singulis solidum debeatur: quod est proprium duorum reorum. *S. pen. Inst. eo. l. 2. ff. eo.* Quia ratione placet, si duo coniunctim eandem rem, aut eandem summam stipulentur, duos reos stipulandi non esse: quia diuisa pro numero personarum stipulatione videantur singuli partem virilem esse stipulati: nisi adiectum sit, vt duo rei stipulandi essent, vt hoc modo velint videri singuli solidum stipulati esse. *l. reos. §. i. ff. eo.*

6 Postremo, t̄ ita volumus singulos stipulari ab eodem rem vnā, & in solidum, vt tamen debeatur vna omnibus, quæ sola versetur in vtriusque obligatione. *d. §. pen. Inst. eo.* De quo si aperte conuenit, quæstio sublata est. Ita enim fient duo rei stipulandi, vt nihil queramus, vtrum stipulantibus duobus eandem rem promissor simul ab obus responderit, vt proponitur exemplum *Inst. eo. in princ.* an vero singulis separatim interrogantibus separatim & ipse responderit. In re enim certa ineptum est voluntatis & facti coniecturas querere. *l. conuenit. §. cum ita. in fin. ff. de verborum obligat.* Quod si de eo nihil dictum sit, intelligemus id tum agi videri: proinde & hac parte duos reos stipulandi fieri ita, vt describitur *Inst. eo. tit. in princ.* cum post omnium interrogationem promissor non separatim, sed semel stipulantibus respondet hoc modo, vtrique vestrum dare spondeo. Nam si, inquit Iustinianus, prius Titio sponderit, deinde alii interroganti spondeat, alia atque alia erit obligatio, nempe vt in diuersis & distinctis stipulationibus.

Duo rei promittendi qui, & quomodo fiant. Cap. I V.

S V M M A R I A.

- 1 Duos rei promittendi, qui.
- 2 Duos reos promittendi non esse, siue vnus aliam rem promittat, siue promittat eandem, sed aliquid in re aut minus aut amplius.
- 3 Diuersitatem obligationis quæ in re promissa non sit,

duorum reorum promittendi constitutioni non ob stare.

- 4 Duorum reorum promittendi esse, vt vni stipulanti idem promittant, non singuli singulis.
- 5 Vt promittant singuli solidum, & quando id fecisse intelligantur. *S. num. 6.*
- 6 Vt promittant ita, vt vna res in obligatione versetur, & quando id agi videatur.
- 7 Duos si separatim respondentes alias ita duos reos fieri, statim respondeant, interdum eisi ex intervallo, & quando horum vtrumque, & quamobrem.
- 8 *L. 3. in pr. ff. de duobus reis exposita.*
- 9 Duos reos promittendi non aliter fieri, quam si ambo idem & in solidum promittentes, etiam promittant principaliter.

Duo rei promittendi sunt, t̄ quorum singuli eandem rem eidem stipulanti, in solidum & principaliter promiserunt eadem mente, quæ superiores, vt quamuis solidum singuli, vnum tamen omnes debeant. *d. l. 2. l. 3. §. vlt. ff. eo. §. pen. Inst. eo.* Itaque cetera in re promissa cum duobus reis stipulandi communia, vt eandem rem omnes vni promittant, vt solidam, vt eadem mente, quo vna res tantum versetur in vtriusque obligatione. Illud amplius hic exigimus, vt qui ita promittunt, promittant principaliter. Primum t̄ a singulis rem per omnia eandem promitti oportet, vt neque aliam vnus promittat, neque ita eandem, vt promittat amplius. Quocumque modo impar in re obligatio a duobus suscepta erit, placet duos reos non esse, veluti, si duo Stycho promittant, sed nominatim caueatur ab vno, vt negligentiam quoque in ea re, aut casum præstet: quæ duo ab altero promissore iure non præstantur. *l. si seruam. in pr. ff. de ver. obl.* Hoc Papinianus in deposito ita confirmat *in l. eandem. §. i. ff. eo.* Si quis, inquit, in deponendo penes duos paciscatur, vt ab altero quoque culpa præstetur (quæ alioqui in deposito non præstatur sine conuentione. *l. i. §. si conuenit. §. sape. ff. de depo.*) verius est, non esse duos reos, a quibus impar suscepta est obligatio. Sed hoc ita, si in id ita conuenit, vnde subiicit: *Non idcirco probandum est, cum duo quoque culpam promississent, si alteri postea pæcio culpa remissa sit: quia postea in conuentione, quæ in alterius persona inuicessit, statim & naturam obligationis, quæ a reos initio reos fecit, mutare non potest.* Hæc ille, vno exemplo in aliis contractibus omnibus idem confirmans. Ex hac re est, quod si duo fabri eandem insulam fieri promittant, placet non aliter duos reos promittendi fieri, quam si fabri eiusdem peritiæ fuerint. *l. §. ff. eo.* Tum enim scilicet easdem operas promittere intelligantur: alioqui diuersas, cum inter artifices longa sit differentia. *l. inter. ff. de solut.* Sed in re, inquam, promissa parem duorum reorum promittendi obligationem esse volumus. Quæ si erit, t̄ aliis in rebus diuersitas obligationis duorum reorum constitutioni non obstat: puta in vi obligationis, item quæ in circumstantiis dandi, et id eo quamuis a Titio & a pupillo sine tutoris auctoritate stipulatus fuero eandem decem, vel a Titio & a seruo, vbi neque pupillus neque seruus obligantur, nisi naturaliter: placet tamen quasi duos reos constitui. *l. si ex duobus. §. vltim. ff. eo.* Similiter & ex duobus reis promittendi alium in diem, vel sub conditione, alium pure recte accipi placuit. *l. ex duobus 7. ff. eo. §. vltim. Inst. eo.* Quæpe cum die, venerit, eadem per omnia obligatio futura est. Quo recepto etiam illud Papiniani consequens fuit, vt si cum duos reos

promittendi, ex diuersis locis Capuæ pecuniam dari stipulatus sim, & duo rei sint, & ex persona cuiusque ratio proprii temporis habeatur: hoc ille in *l. eandem. §. ult. ff. eo.* Quod hanc significationem habet, vt non ante vterque Capuæ conueniri possit, aut arbitraria actione alibi, quam tantum temporis præterierit, intra quod ex eo loco, ex quo vterque se daturum promissit, Capuam peruenire possit. Id, vt dixi, superiori consequens est, quia loca temporis dilationem adferunt intra quod eo possit perueniri; vt ex remotioribus locis longiore die, ex minus remotis citiorem deberi intelligatur. *l. interdum. ff. de verborum obligat. §. loca. Inst. eod.* Non idem probaremus, si duo non ex diuersis locis, sed diuersis locis se daturus promississent, puta vnus Capuæ, alter Ephesi. Nam cum in vtriusque obligationem veniat utilitas loci, *l. 2. ff. de eo quod cer. loc.* eaque ipsa non sit eadem. *l. 3. ff. eo.* perspicuum est, diuersis locis in vtriusque, persona ad dandum constitutis parem ab vtroque non suscipi obligationem.

4 Vni stipulanti duos promittere debere, vt duo rei promittendi fiant, iam effectum est, cum si ex duobus promissoris singuli singulis stipulantibus promittant, pro numero stipulantium & promittentium, aliæ atque aliæ stipulationes & obligationes fiant. In duobus autem reis promittendi versatur vna tantum obligatio. *l. 3. §. ult. ff. eo.*

5 Sed si & singuli promittendi rei ita eandem rem promittere debent vt promittant singuli in solidum. *l. 2. §. 3. ult. ff. eo.* Vnde etsi duo de decem interrogati eandem respondeant, placet ideo duos reos non esse, quia pro numero personarum diuisa obligatione videantur singuli non decem tota, sed partes viriles spondisse. *l. 1. ff. eo. l. vni fundus. ff. de cond. Et dem. l. 1. §. si pl. vni sent. su. cond.*

6 Est etiam similiter vbi in duobus reis stipulandi, hoc proprium duorum reorum promittendi, vt dum eandem rem in solidum singuli promittunt, id agatur, vt nihilominus rem vnam omnes debeant, quo hac quoque parte dici possit in vtriusque obligatione rem vnam versari. *§. penult. Inst. eod.* Quod & ipsum agi vnde intelligatur, cognoscendum est. Quod apud Iustinianum sub eodem titulo explicatur, cum ex forma conceptionis verborum docet, quomodo duo rei promittendi fiant, vt & in duobus reis stipulandi prius fecerat. Indicat igitur, duos reos promittendi fieri hoc modo, cum separatim interrogati de eadem re tota danda, respondent singuli separatim, *spondeo.* Et quidem separatim interrogari oportet ob eam causam, quam supra reddidimus. Quod si stipulator coniunctim ita roget, centum dare respondetis? partes viriles a singulis stipulatus videtur, *l. 1. reos. §. 1. ff. eo.* Plane si aperte hoc agatur, vt sint duo rei promittendi, nihil nocebit & coniunctim interrogatos esse: cum, vt dixi, semper etiam in stipulationibus si quid obscuri est, id sequamur, quod actum est. *l. semper in stipulationibus. ff. de regl. iur.* In quam sententiam accipi debet, quod dicitur in *l. 4. ff. eo.* duos reos promittendi recte obligari, non tantum si separatim interrogati, *spondes?* respondissent, *spondemus,* sed etiam si ita interrogati, *spondetis?* respondeant singuli, *spondeo.* Recte, inquam, cum duos reos promittendi fieri volumus, & hoc quaeritur, an duos reos facere volentibus nihil noceat forma interrogandi superior. Ceterum simul interrogati, si nihil aliud proponitur de sententia contrahentium, de

partibus singuli interrogati videntur: & interrogatum simpliciter respondent, in eandem sententiam respondisse existimantur. *§. præterea. Inst. de inutili stipulat.* Sed vtrum separatim interrogati, spondeant & ipsi separatim, vt dicant singuli, *spondeo,* vt proponitur exemplum *Inst. eod. tit. §. 1. an vero coniunctim,* vt dicant, *spondemus,* nihil interest. *l. 3. ff. eo.* Merito; nam cum vni stipulanti duo spondent, quocunque modo id faciant, semper videntur in eandem conceptionem respondisse. *d. Et. §. præterea.* Solidum autem a singulis stipulator stipulatus est. Quare simpliciter respondentes etiam singuli in solidum respondisse videntur. Non idem fit, cum duobus reis stipulandi separatim interrogantibus promissor separatim singulis responderet: vbi ante negauimus, duos reos stipulandi constitui. Hoc ideo, quod responsum simplex ex interrogantis persona estimatur: quæ res facit, vt cum duobus separatim stipulantibus promissor separatim responderet, pro singulorum stipulantium persona alia atque alia stipulatio intelligatur.

Quamquam etiam illud præcipue constat, duos reos promittendi ita fieri, si separatim interrogati, respondeant etiam singuli separatim, *spondeo:* tamen adiciendum est, hoc ita esse, dum respondeant ambo non ex intervallo, sed statim ita, vt inter vtriusque responsum neque vnus dies intercedat, neque in eodem die is actus, qui sit obligationi contrarius, vt præcipitur in *l. duos §. 6. ult. ff. eo. l. si ex duobus §. 12. in princ. ff. eo.* Non sane, quia intervallo hoc quidquam ad reos ipsos inter se iungendos pertineat, sed quia cum vno statim respondente alter postero die, aut contrarij actu interueniente responderet, intercedit hoc ipsum intervallo inter interrogationem stipulantis & istius promittentis responsionem: quod cum sit, stipulatio non valet, eoque nec posterior iste obligatur. *l. 1. si ex duobus.*

Plane et sic ex intervallo duo rei accipi possunt, si ambobus primo interrogatis vnus statim responderet, posterior autem ex intervallo acciperetur, atque hoc ipsum agatur, vt posteriore accepto duo rei fiant: quæ verba sunt *l. 3. in princ. ff. eo.* At quomodo, quaeret aliquis, posterior ex intervallo respondens reus fieri potest, cum si inter interrogationem stipulantis & responsionem promittentis vnus dies intercedat, non consistat stipulatio? *l. 1. §. 1. l. continuus. in princ. ff. de verborum oblig.* Et fatendum est eum, qui ex intervallo respondeat, non obligari, eoque nec reum promittendi fieri posse, quantumvis conuenit initio, aut postea, vt reus fieret: hæc enim conuentio ius mutare non potest, atque hoc efficere, vt vbi iure stipulatio nulla est, ibi aliqua verborum obligatio intelligatur fuisse. Sed neque hoc negatur superioribus verbis. Non enim dicitur, posteriore reo post priorem respondente duos reos ex conuentione fieri posse, si posterior ex intervallo respondeat, sed si posterior ex intervallo acciperetur. Sic posterior ex intervallo accipitur, si iure & cum effectu accipitur. Accipitur autem isto modo, si ex intervallo post priorem reum respondens iterum interrogetur a stipulatore, an eandem rem det, de qua prius interrogatus erat, & statim interroganti respondeat. Sic n. intervallo istud inter vtriusque rei responsionem intercedet, non inter interrogationem stipulantis & promittentis responsionem. Inter quæ multum interest. Nam posterius inutile stipulationem facit: nec

nec potest quisquam vnus esse ex reis, qui ex stipulatione ne reus quidem est. Prius duorum reorum constitutionem non impedit: vbi constet vtrumque recte eandem rem promississe, & stipulatione esse obligatum, atque id actum, vt quamuis diuersis temporibus accepti sint, tamen duo rei essent. Nisi quis ex iure vetere hic nouationem metueret, vbi posterior id promittit, quod prior debebat, quasi noua persona interueniens nouationem faceret. Sed non debet ibi timeri nouatio, inquit Vlpianus *in d. l. 3. eo. vbi id agitur*, vt posterior non pro nouatore, sed pro altero promittendi reo accipiat: in quo aperte id agi intelligitur, ne vlla nouatio fiat.

¶ Vt tunc concurrant superiora omnia, id est, vt duo vni stipulanti promittant, & eandem rem, & in solidum, & vnam: nondum tamen satis ad duorum reorum promittendi constitutionem. Addendum est, si modo & hanc ipsam eandem rem promittant principaliter, vt fiant principales debendi rei. Nam & reus principalis & fideiusor, duo sunt, qui eandem obligationem & eiusdem rei, idque in solidum in se suscipiunt. Suscipiunt in commune & duo fideiussores. §. si plures. *Instit. de fid.* Neque tamen aut illi, aut hi sunt duo promittendi rei, cum fideiussores a reis promittendi, & appellationibus & iure multum distent, vt postea dicetur pluribus, cum quaeremus, an duo rei vice mutua pro fideiussoribus habendi sint. Id autem & verbo ipso, & natura huius obligationis satis admonemur. Nam reus in promissoribus dicitur is, qui principaliter quid promittit. *l. mora 83. ff. de verborum obligat. l. hi qui 34. l. cum is qui 36. Et passim. ff. de fid.* Vnde intelligi debet & duos reos esse, qui principaliter simul quid promittunt. Sed & duorum reorum promittendi sic constitutio est, vt tanquam in principali duorum debitorum obligatione, ita de eorum obligatione iudicetur. §. penult. *Instit. eodem titul.* fideiusor autem omnis accessio est principalis obligationis, eamque sequitur. §. si fideiussores. *Instit. de fid.*

Duorum reorum stipulandi ius quale, & quibus in rebus positum sit. Cap. V.

S V M M A R I A.

- 1 Reis stipulandi singulis solidi petitionem esse.
- 2 Reis stipulandi singulis ius esse debitorem liberandi, vt debitor ab vno liberatus vel ipso iure vel per exceptionem quamlibet, simul ab altero quoque liberetur.
- 3 Vnum ex duobus reis stipulandi in obligatione communi posse alterius correi conditionem facere deteriorem, debitorem liberando: neg. id pugnare cum equitate naturali, qua alteri detrahi vetat.
- 4 Vno ex duobus reis promittendi exceptione liberato, non item liberari alterum, & differentie ratio.
- 5 Vnius ex stipulandi reis petitione, id est, litis contestatione totam tolli obligationem, & hoc quam sententiam & rationem habeat.
- 6 Vnum ex duobus reis stipulandi sociis solutum recte accipere ad debitoris plenam liberationem: aliter autem debitorem liberando alteri socio non nocere: cur, & quam aliis locis conuenienter.

DVobis reis stipulandi promittendive constitutis, deinceps quid sit horum proprium, propter quod nunc de his separatim agitur, cognoscamus. Et duorum reorum stipulandi meminimus summum hoc ius esse, quod comprehensum est in §. pen. *Instit. eo.*

vt solidum debeat singulis, sic tamen, vt in vtraque obligatione res vna versetur. Id singulis duas res tribuit, exigendi solidi potestatem, & promissorem in solidum liberandi. Primum tunc ex hac causa singulis solidi petitionem esse constat. *l. 2. ff. eo. l. si rem. §. 1. ff. de nouat.* Nam cui quid debetur, ei etiam eo nomine actio est, id est, ius id quod debetur, iudicio persequendi. *Instit. de act. in pr.* Singulis autem solidum deberi possumus. Sed tunc nec minus ex eadem causa singulis promissorem liberandi ius est, quibuscunque modis creditor, cui aliquid debetur, debitorem suum liberare potest. Nam & hic singuli creditores sunt, & singulis solidum debetur. Ergo vni recte soluetur, vt promissor ab altero quoque liberetur ea obligatione. §. pen. *Instit. eo.* Sed & extra solutionem quicunque modi sunt, quibus actio iure tolli, aut per exceptionem remitti potest, si quo ex his vnus promissorem liberauerit, non a se tantum liberabit: sed a ceteris quoque omnibus etiam inuitis, & totam tollet obligationem: puta, si accepto ferat promissori, quod debetur: si nouandi animo alium reum ab eo accipiat. *l. 2. ff. eo. l. si rem. §. 1. ff. de nouat.* atque adeo si paciscatur tantum, ne a promissore petat. *l. si vnus. in princ. ff. de pact.* Qua ratione & ab vno ex duobus reis stipulandi delatum insurandum etiam alteri nocere placet. *l. in duobus. in princ. ff. de iur.* In quibus si exceptio pacti & iurisurandi aduersus vnum ex reis stipulandi promissori quæ sita eum aduersus alterum quoque stipulandi reum liberat, dum ei eadem nocet exceptio: dubitandum non est, quin & rei indicata exceptio promissori aduersus vnum ex reis stipulandi quæ sita, dum vnus agens iudicio victus est, etiam promissori aduersus alterum reum prosit, eumque similiter liberet. Quare & vno pecuniam offerente si stipulator accipere sine iusta causa recusat, eaque postea perierit, vt offerenti competit de li mali exceptio, *l. qui decem. ff. de solut.* sic & alteri reo eadem exceptio dabitur. Quippe hæc omnia ita fierent, si vnus esset tantum creditor, & vna obligatio. *Instit. quibus modis tollat. obligat. in princ. l. pactum. ff. de pact.* Nunc autem in duobus reis stipulandi sic obligatio accipitur, quasi in singulis obligatio esset vna, cum in vtriusque obligatione vna res versetur. Idque est, quod Venuleius definit in dicta *l. si rem. §. 1. ff. de nouat.* vnumquemque ex reis stipulandi perinde sibi adquisisse, ac si solus stipulatus esset, excepto eo, quod etiam facto eius, cum quo commune stipulandi ius est, amittere debitorem potest. Ex quo tunc apparet, vnumquemque reorum stipulandi promissorem liberando posse alterius rei conditionem deteriorem facere & ignorantis & inuiti. Neque tamen hoc pugnat cum regula iuris, quæ vetat alterius conditionem facere deteriorem, *l. soluendo. ff. de neg. gest.* Hæc enim ad eos pertinet, qui de alieno statuendo recta id faciunt, quod aliis noceat, quod non licet. Hic de eo agitur, qui promissorem liberando de suo statuit: quod cuique facere concessum est. Nocet deinde id aliis correis: sed per consequentiam: quod ideo hic non spectamus, ne per consequentiam & appendicem impediatur id, quod principaliter iure fieri potuit. arg. in *l. 1. ff. de act. int.*

Non tunc idem seruatur e conuerso, vt ex duobus reis vni exceptio quæ sita etiam prosit alteri promittendi reo, eumque liberet, vt postea dicetur. Hoc id eo, quod vnus promissor sibi soli exceptionem recte acquirere potest: qua quæ sita aduersus omnes eius-

dem pecuniæ stipulandi reos recte ut sua utitur. At non item qui sibi exceptionem querere potuit, etiam potuit alteri quamvis eiusdem pecuniæ reo: quia ius verat quidquam querere alteri.

His consequens est, † quod traditur in l. 2. ff. eo. etiam unus ex reis stipulandi petitione totam tolli obligationem, id est, tunc, cum unus iudicio egerit cum promissore, & litem cum eo fuerit contestatus: quomodo petitionis verbum accipitur. *l. amplius. ff. rem rat. hab.* quod aliis verbis sic explicatur in l. si rem. §. 1. ff. de novat. vnum iudicio petentem totam rem in litem deducere: sed apertius in l. fideicommissa. §. plerumque. ff. de leg. 3. cum dicitur, *unum ex pluribus reis stipulandi agendo occupare, & totum consequi.* Qui ergo hoc superioribus consequens: non quod reus stipulandi iudicio agendo promissorem statim liberet in totum, priusquam pecuniam acceperit: sed quod pro commodo suo liberet eum a priorie obligatione. Iudicio enim cum promissore contrahit. *l. 3. §. idem scribit. ff. de pecul.* In quo & novatio quædam fit, ubi vetus actio transfertur tota in actionem iudicati, quatenus petitori commodum est. *l. aliam. ff. de novat.* de quo postea ad titulum de novat. Eademque opera tollitur ceteris vetus actio ex stipulatu: iudicati autem obligatio sic petitoris propria efficitur, ut promissor postea condemnatus hanc mutare non queat, si velit, nisi petitori soluendo. Hinc illud dictum est, ex duobus reis stipulandi si semel unus egerit, alteri promissorem postea offerendo pecuniam, nihil agere. *l. ex duobus. ff. eod.* Quippe offert ei, cui post illam iudicii accepti novationem debere desit inuito petitori. Et hæc quidem sine exceptione ita tradita sunt in dicta lege 2. ff. eod. & dicta lege si rem. §. 1. ff. de novat. Et sane prioribus illis positus sunt con-
6 quentia. Paulus † tamen in l. si unus. in pr. ff. de pact. hæc ita vera esse scribit, si rei stipulandi socii non sint: quod si sint socii, vni quidem solui posse: vnum autem aut novando, aut paciscendo alteri nocere non posse. Vere Paulus, & superioribus admodum convenienter. Quod enim diximus unius rei stipulandi acceptilationem & factum alteri nocere ad liberationem, de his dictum est, quorum utræque in solidum obligationis ius sibi quaesivit, & quorum utriusque solidum debeatur, ut declaratur utroque illo loco superiore, id est, *l. 2. ff. eod. & l. si rem. §. 1. de novatio.* Hoc vero ita fit, si rei stipulandi socii non sint: qui si ex ea causa stipulentur aut promittant, in qua socii sunt, scriptum est in l. in lege. 62. ff. ad leg. Falc. perinde inter eos diuidi debere obligationem, atque si singuli partem pecuniæ stipulati essent, vel promississent. In his igitur omnibus hoc ipsum temperamentum tenendum est.

Duorum reorum promittendi obligatio qualis, & quid contineat, & de solidi exactione, qua singuli in solidum tenentur.

Cap. VI.

SUMMARIA.

- 1 Ab uno ex duobus reis promittendi solidum petiposse, et si reus sumtus sit, qui fideiussor esse poterat, & debuerat.
- 2 Idem, et si sint rei promittendi socii.
- 3 Idem, et si pecunia credita ad unum pervenerit.

DVorum reorum promittendi hæc item summa obligatio est, quæ iisdem illis locis describitur, id est, *l. 2. ff. eo. & §. pen. Inst. eo.* ut singuli solidum debe-

ant, non latius tamen, quam ut ab his res una debeatur. Cuius iuris vis hæc est. Quod singuli solidum debent, facit, ut possit peti ab alterutro solidum, sic tamen, ut non sit ea res impedimento, quo minus partes a singulis peti possint: hoc enim totum pro commo-
modo stipulatoris accipiendum est. *l. 3. §. 1. l. reos. in pr. ff. eo.* Quod autem ita in solidum obligati sunt singuli, ut una res tantum in obligatione versetur, id eam vim habet, ut uno ex reis promittendi liberato, una quoque ceteri, etiam cum quibus nihil actum est, liberentur. *l. 3. in fin. ff. eod. dist. 3. pen. Inst. eod.* non etiam ut unius factum alteri noceat, eique novam obligationem inducat, quam non confiter inter eos intervenire. Ita fit, ut duorum reorum obligatio duas hæce res contineat in summa: in excipienda actione onus solidæ exactionis, quod singulis imponitur: in soluenda autem obligatione communis liberationis beneficium, quod singulorum liberationi tribuitur. Quodvis autem factum unius ad aliam obligationem alteri inducendum horum obligationis conditio non admittit, de quibus capitibus tribus dicam ordine. Iam † primum duo rei promittendi ita solidum debent, ut possit vel ab uno eorum solidum peti, idque eorum proprium est, nisi malit creditor actionem inter eos diuidere. *d. l. 3. §. ult. l. reos. in pr. ff. eo. d. §. pen. Inst. eo.* Nihil hic excipiunt veteres. Neque vera sunt ea, quæ de obligatione inter reos quandoque diuidenda scribit Bartolus in *auth. hoc ita. hic. nu. 68.* & deinceps. Ait diuidi actionem inter duos reos, si cum acciperentur pro aliena obligatione, color sit quaesitus, & tanquam rei principales accepti sint. *arg. l. item si. §. 1. ff. de Mac.* Sed ne colorem esse dixerimus, cum creditor vult sibi ita cauere, ut qui accipiuntur, rei principales promittendi fiant. Tunc color est, cum ius verat fideiussorem accipi, ut teneatur, & ne videatur fideiussor, tanquam reus principalis accipitur, ut est species *d. l. item si. §. 1. de Mac.* Vbi autem non prohibetur quis reum accipere, quem fideiussorem accipere poterat, si ut reum acceperit, conditio duorum reorum ex conventionione seruanda est. Quid, † si duo rei sint socii? Idem ait & pro parte eos 2 conveniri debere, quia dicitur in lege Falcidia inter eos diuidi obligatio. *In lege. 62. ff. ad leg. Falcid.* Sed & hoc conditioni duorum reorum & conventionioni aduersatur. Ideo enim duo rei accepti sunt, ut stipulanti solidum deberent, tamque conditionem accepit stipulatio. Hanc inuito eo rei mutare non possunt. *l. vero. ff. de sol. l. Herennius. ff. de euct.* Non obstat, quod dicitur in d. l. 62. ad leg. Fal. inter duos reos socios circa legem Falcidiam perinde diuidi obligationem, quasi singuli partem pecuniæ stipulati essent, vel promississent. Hoc enim recte dicitur circa legem Falcidiam, cum quaeritur, quantum singuli in bonis habeant, ut fit in quantitate patrimonii inquirenda ex lege Falcidia. Sed hoc creditori nocere non debet, nec debitorum pactio creditoris ius mutat. *l. debitorum. §. de pact. l. 3. in pr. ff. de transf.*

Quid † plura? Adeo verum est, singulos posse in 3 solidum conveniri, ut quamvis pecunia credita ad vnum ex reis pervenerit, tamen nihilominus alter recte in solidum conveniatur: quia hæc in duobus reis accipiendis obligationis lex & conventio est. *l. propter. hoc titulum. l. si non. supr. sic etum petatur.* Sed hic obiicitur exemplum duorum fideiussorum, inter quos diuidi obligationem constat. Ne quis autem exemplum repudiet, duo rei dicuntur vice mutua pro

fide-

fideiusforibus accipi. l. reos, in pr. D. eod. Sed cum hæc obiectio ad alias quoque partes huius obligationis pertineat, de ea dicam in commune ad extremum. Illud in hac parte monendi sumus, quæ de solidi exactione aduersus singulos ex duob. reis promittendi dicta sunt, ex iure vetere dicta esse. Ius immutatum constitutione Nouell. Iustiniani. de quo dicam ad auth. *hoc ita, infr.*

Quibus modis vno ex reis promittendi liberato liberetur alter. Cap. VII.

S V M M A R I A.

- 1 Vno ex reis promittendi liberato, quocumque modo accadat, ne in eius persona iusta & perfecta sit rei liberatio, nec alterum liberari: & quibus modis id accadat.
- 2 Vno ex reis promittendi nõ ipso iure, sed per exceptionem liberato, non ideo alterum liberari: & cur.
- 3 Exceptæ tres causæ, & quæ.
- 4 Vni ex reis promittendi exceptione pacti parta, alterum non liberari: exceptione iurifurandi vni quaesita, contra esse: differentia ratio.
- 5 Vnius ex reis promittendi moram alteri non nocere, id est, non efficere quominus re postea perempta & teneatur, qui moram fecit, & liberetur, qui non fecit, proinde nec huius liberatione liberari cum, qui moram fecit.

DE liberatione vnus, quid ceteris adferat, videamus. Quod pluribus verbis indiget. Non enim vsquequaq; verum est, vno ex reis liberato alterum quoq; liberari. Habet id has cautiones. Nam & ad veram ac iustam liberationem tantum pertinet, & in vera etiam liberatione interdum locum non habet. Sunt etiam quedam causæ, de quibus dubites, an pro iusta liberatione habendæ sint. de quibus ordine dicendum est.

1 Principio ¶ igitur non quæuis liberatio vnus rei promittendi alterum quoque liberat, sed rätum vera & iusta liberatio. Ea est autem, qua tollitur ipsa obligatio, & tollitur ipso iure, non per exceptionem, nisi ex causâ. Ante omnia obligationem iure solui, seu reum obligatione sublata liberari volumus, l. 2. l. 3. in fin. D. hoc tit. Ita quocumque modo fiet, ne sit iusta liberatio, & solutio obligationis, quodcumque id factum erit, nunquam id alteri reo proderit ad liberationem. Tribus autem modis accedit, ne sit vera liberatio. Vno, si liberatio ipsa, puta acceptilatio, iure non constitit in persona eius, quem creditor acceptilatione liberare voluit. finge maritum cum duos reos haberet Titium & mulierem, mulieri accepto tulisse donationis causâ. Ipsam quidæ mulierem non esse liberatam cõstat, quia donatio & quidquid sit donationis causâ, inter virum & uxorem inhibetur. Quid Titius, in cuius persona cõsistere donatio potuit, an non liberabitur? Placet neutrum liberari: quia acceptilatio in persona mulieris non valuit, est aut absurdū eam, quæ in huius persona non valuit, ab ea ad alium trāsire, l. 5. §. 1. D. de don. int. vir. & vxor. Altero modo fit, ne sit vera liberatio, q̄ profit alteri reo, si iure quidem ipso ab initio constitit, sed postea rescissa est, & restituta actio creditori. Quod accedit, cum mulier pro vno reo ita intercessit, vt eum nonatione liberaret. Nam Senatusconsulto Velleiano ita iuuatur mulier exceptione, vt simul restituatur actio creditori aduersus eundem reum, atq; hoc modo euentu desinat esse liberatio, quæ esse vide-

batur. Quamobrem tanquam in ea liberatione, quæ vere non est, placet nec liberari alterum reum, sed aduersus vtrumque pariter restitui actionem, l. si pro vno. D. ad Velleian. Tertio modo idem fit, cum vnus ex reis definit quidem vere teneri, sed ita, vt persona solum obligatione eximatur, manente nihilominus obligatione. quod cum sit, sola persona eximetur: obligatio quæ manet, alterum reum tenebit, l. ultim. D. eod. Sic autem rem siue obligationem solui intel- ligimus, si manente persona, quæ possit debere, desinat reus quouis modo iure teneri. Personam autem eximi manente obligatione, cum reus ideo debere definit, quia iam nõ sit, qui debeat. Quod contingit duobus modis. Vno, cum bona reo damnatione, puta deportatione, adimuntur, d. l. ult. d. eod. Altero, cum stipulator vni ex duobus reis stipulâdi heres exstitit, l. Granius, 71. D. de fid.

Non est satis, ¶ aliquem vere esse liberatum. Etiam 2 obligationem in vnus persona ipso iure tolli volumus, quo liberetur alter, non autem solum per exceptionem. Ex hoc iure placet, si creditor cum vno ex reis promittendi, qui socii non sint, pactus sit, ne petatur, pactum quod pacifcenti prodest ad totius rei exceptionem, quamuis in rem conceptum sit, tamen alteri reo non prodesse. Hoc ideo, quia alteri exceptionem dari nihil interest eius, qui pactus est, l. & heredi. §. ultim. l. fideiusforis. §. primo, leg. idem, D. de pact. Sic autem regula iuris est, per liberam personam, quæ iuri nostro subiecta non sit, excepta possessione nobis nihil acquiri posse, leg. prima, sup. per quas person. nob. acquir. §. ex his. Instit. eod. In eadem causâ est rei iudicatæ exceptio. Finge ex pluribus eiusdem pecuniæ promittendi reis vnum iudicio electum. Diserte scriptum est in l. amissi. §. ult. D. de fid. absolutione quoque huius secuta, eoque & quaesita ei exceptione rei iudicatæ, ceteros nõ liberari, quod tamen negat Bartolus ad auth. hoc ita. num. 43. hic. & probat scilicet ex dict. leg. amissi. §. ultim. quo loco maxime refellitur. Sed tamen ¶ & hæc ita sunt, nisi 3 iusta causâ sit, quæ suadeat etiã alteri reo exceptionem dari. Iustæ causæ tres. Vna, si promittendi sint socii. In his pactum cum vno factum placet alteri proficere, leg. eandem, §. penult. D. hoc tit. l. sed si. 24. & l. idem. seq. D. de pact. nempe commutata superiore ratione: quia scilicet tum pacifcentis interest ab altero non peti propter societatem, qua sit, vt dum a socio meo petitur, ego inquietor, vt est in l. 3. §. nunc de effect. D. de lib. leg. Ita fit etiam hoc modo, vt qui verbis pactus est alteri, re ipsa videatur eodem modo pactus sibi. quod per regulam iuris facere concessum est. Altera causâ est in iis, qui socii non sunt, si vnus pactus sit nominatim, ne a se neue ab altero reo petatur. Tum enim placet hoc pactum hæcenus alteri prodesse, vt si ei pacti exceptio non datur, quod regula iuris prohibet, saltem profit ei doli exceptio. d. l. idem. in fin. iuncta l. videlicet. seq. de pact. Tertia est in his etiam ipsis reis non sociis, si causâ ex qua exceptio nascitur, eiusmodi sit, quæ habeatur pro solutione. Hoc, inquam, cum sit vno ex reis promittendi per exceptionem tantum liberato, eadem exceptio alteri dabitur.

Talis ¶ causâ est iurifurandum, quo reus iurauit se 4 non debere. Id inter alios effectus etiã hunc habet, vt pro solutione cedat l. iurifurandum etiam 27. D. de iur. Qua ratione etiam placuit, quamuis a fideiusso- re exactum iurifurandum proficere etiam reo: mul-

toque magis ex duobus reis promittendi, si alter iuravit, alteri quoque prodesse debere, *l. in duobus. §. 1. & §. ex duobus. D. de iur.* Eamque rationem non dubium est a veteribus redditam esse, ut intelligeretur, cur non idem placeat in pacto cum vno ex reis interposito. Non enim ut iusiurandum, ita & pactum solutionis loco est. Quippe in pacto nihil præstat creditori debitor, sed ab eo accipit. In iureiurando autem ut creditor paciscitur, ne post iusiurandum petat, ita & pro eo debitor præstat iusiurandum, atque ea præstatione tanquam aliud po alio soluendo satisfacit creditori. Satisfactio pro solutione est, *leg. satisfactio, D. de solut.* Comparatur quidem pactum solutioni in *l. si unus, §. si cum decem, ver. sed si stipulatus, D. de pact.* Sed tunc, cum vnus est promissor: quod recte fit. Nam de exceptione soli ei acquirenda agitur. Porro soli ei iure acquiri posse constat. Cui autem semel exceptio competit, huic non magis nocet actio, quam si sublata esset ipso iure, *l. nihil interest. D. de reg. iur.* Non idem dici potest, cum duo sunt promittendi rei, quorum vnus paciscitur, ne petatur. Hic enim laboratur de exceptione alteri acquirenda. Hanc autem illi per alterum, cuius nihil interest, acquiri ius non concedit.

Interdum et si vera sit & iusta liberatio, qua liberetur debitor etiam ipso iure: tamen eiusmodi est, qua vno reo promittendi liberato nihilominus alter teneatur. Id in vna hac specie receptum est, cum species debita, puta Stychnus promissus neutro ex reis causam interitus præbente post vnus tantum moram perierit. Nam qui moram non fecit, hunc ius certum liberat, quo efficitur, debitorem re debita perempta, quod quidem sine eius culpa factum sit, liberari, *l. si ex legat. ff. de verb. obl.* Moratorem autem alia constitutio in obligatione retinet, qua placet culpam perpetuare ei obligationem, *l. si servum §. sequitur, eod. tit.* Et hoc est, quod dicitur, si duo rei promittendi sint, alterius moram alteri non nocere. *l. mora, §. vlt. D. de usur.* Ideo enim non nocet, quia qui moram fecit, tenetur: neque tamen tenetur alter, si extra culpam est, sed iure ipso liberatur. Ex quo rursus vice versa intelligitur huius liberatione illum alterum non liberari. Sed hoc propria ratione efficitur. Nam qui liberatur in hac specie, ideo id consequitur, quia vere res perierit, nec villa causa est, cur aduersus eum res adhuc exstare existimetur. Contraria de causa necesse est, non liberari alterum: quia etsi vere res perierit, tamen culpa eius, quæ impunita esse non debet, facit, ut videatur res adhuc exstare, *l. nemo, §. 2. §. 1. l. si servum. §. sequitur. D. de verb. obl.* Et est æquissimum, ne aut illius factum alteri noceat, aut cuiquam proficiat frustratio sua: utrumque aduersus certas regulas iuris, & naturæ æquitatem, *l. factum cuique, l. in condemnatione, §. penultim. D. de regul. iur. l. hominem. D. mand.* Et tamen ne hoc quidem ius in quavis culpa vnus ex reis promittendi receptum est, sed tantum in mora. Vno, inquam, moram faciente, huius mora non facit, quominus iuxta regulam communem iuris, quæ est de interitu rei debitæ, liberetur alter: neque etiam huius liberatio alterum qui deliquit, liberat. At de facto vnus contraria definitio est in *leg. penult. D. eodem*, in hæc verba: *ex duobus reis eiusdem Sychn. promittendi factis, alterius factum alteri quoque nocet.* Sed de eo mox plura, cum dicam in commune, ubi vnus factum nocere possit, aut non nocere.

Nec compensationem ab vno ex reis promittendi ex alterius persona opponi posse, nec lite cum vno contestata, ea petitione alterum liberari. Cap. VIII.

S V M M A R I A.

- 1 Vnum ex promittendi reis compensationem eius quod alteri reo debetur, obicere non posse, & cur.
- 2 Si cum vno ex duobus reis iudicio actum sit, ea petitione alterum non liberari nec nouo nec vetere iure.
- 3 Vno ex reis stipulandi agente, cur ea petitio pro nouatione cedat, ut debitor ab altero liberaretur: vno autem ex duobus reis promittendi conuento, non fiat ea petitione nouatio, qua alter liberetur.

Atque ut in his liberationibus locum non habet beneficium liberationis, quod ab vno ex reis promittendi ad alterum transferri volumus: ita, ut proposui, dubitatur de quibusdam causis, an in vnus persona pro liberatione haberi debeant, ut sic proficiat alteri ad liberationem. Ambigitur autem de duabus: de facultate obiciendæ compensationis ex alterius persona, & de petitione solidi, qua vnus ex reis conuentus fuit.

De iure et obiciendæ compensationis hæc dubitatio fuit, an si stipulator vni ex reis promittendi pecuniam debeat, quo nomine is reus compensatione aduersus stipulatorem uti potuit, possitne etiam alter conuentus ex illius persona compensationem obicere, atque hoc modo contendere se liberatum. Mouet, quod compensatio pro solutione habetur, & quidem ipso iure, *l. 4. sup. de comp.* Quod si vnus ex reis liberatus esset solutione, nemo dubitaret, quin tota soluta esset obligatio. *§. pen. Inst. h. tit. l. 2. D. eo.* Et de eo ita scriptum est in *l. si duo, 10. D. eo.* si duo rei promittendi socii non sint, ei cui nihil debetur, non prodesse, quod stipulator alteri reo pecuniam debeat. quod nihil aliud est, quam eum cui nihil debetur, compensationem ex persona alterius cui debetur, obicere non posse, quamuis ille conuentus obicere potuisset. Ita etiam hoc dicitur ius obiciendæ compensationis, quod vnus ex reis ex persona sua habuit, si cum eo non agatur, pro solutione & liberatione habendum non esse. Et recte, non enim ius compensandi pro solutione est, sed ipsa compensatio, ut est in *d. l. 4. sup. de comp.* Tunc autem compensatio est, cum is debitor, cui vicissim pecunia debetur, conuentus compensationem obicit, seu declarat se paratum compensare, aut cum possit compensatio ab eo conuento obici, per errorem est omissa, *l. 2. l. siambo. §. 1. D. de comp. l. vlt. C. eo.* Faciamus ergo cum eo, cui pecunia debetur, nondum actum esse, ut nec compensationem uti posset, si vellet. Consequens erit nullam esse compensationem. Non potest autem compensatio alteri prodesse, quæ in eius persona vnde incipere debuit, nulla est. Sed meminerimus de duobus reis qui socii non sint, hoc dictum esse *d. l. si duo 10. D. eo.* Quod si socii erunt, quæ pecunia vni debetur, perinde est, quasi deberetur alteri, cum quo iure societatis communicari debet. quo fit, ut & alter conueniatur, eadem compensationem pro eo quod ipsi debetur, uti possit.

De et petitione, qua conuentus est iudicio vnus ex reis promittendi a stipulatore, vetus dubitatio est, an ea petitione liberetur alter ex reis, ita ne cum eo amplius agi possit. Et fuisse quorundam veterem sententiam, quasi inter duos reos promittendi esset hoc genus liberationis, significatur non obscure in *leg. de*

tem 116. illic, non enim sunt duo rei. D. de verb. obl. Indicar & constitutio Iustiniani. l. vltim. infr. de fid. quia in duobus reis promittendi nominatim cauere, ne vno ex reis conuento, & lite cum eo contestata, ea re noceatur creditori, quominus aduersus ceteros actiones integræ sint. Quæ constitutio fuit superuacua, nisi aut antea obtineret, aut certe ius esset controuersum. Etsi autem ea constitutione quæstio sublata est, tamen quia quædam etiam nunc obici possunt, operæpretium est, eandem sententiâ hoc loco certius confirmare. Hæc autem fere sunt, quæ solent obici. Nam si vnus ex duobus reis stipulandi cum promissore egerit, dixim⁹ ea petitione nouationem fieri, qua actio transferatur in actorem solum, promissor autē ab altero reo stipulandi liberetur. Quidni ergo in duobus reis promittendi idem probemus, ut si stipulator cum vno egerit, eadem petitione fiat nouatio, quā interueniente etiam alter ex reis liberetur? Existat præterea definitio de duobus reis tum stipulandi, tum promittendi concepta in *l. 2. D. eod. tit.* quia ita definitur, ipso iure & singulis solidum deberi, & singulos debere. ideoque petitione acceptilationeque vnus totam solui obligationem. Sed de hac re etiam ex vetere iure sic habendum est, si forte hoc iure quibusdā visum est, vno ex reis promittendi conuento, alterum ea electione liberari: tamen contrarium obtinuisse plurimum sententiis. Testata est enim hæc sententia pluribus responsis diserte scriptis, aduersus vnumquemque ex duobus reis debendi agi posse, nec liberari alterum, si cum altero agatur. *l. 1. §. si apud. D. dep. l. si ut certo. §. vlt. D. eod. §. 1. D. de leg. 1. l. creditor. 60. D. mand.* Et cur ea petitione liberetur alter, cum ne ipse quidem, cum quo actum est hac ipsa petitione liberetur? Non enim, aiunt veteres, petitione, sed solutione & perceptione debitor liberatur. *d. l. 1. §. si apud. de po. l. 4. D. de his, qui dei. uel offi.* Nisi quis dicat, quod creditor vnum elegerit, qui cum iudicio ageret, hoc factum illi nocere debere. quod longe secus est. Nemo enim agendo & litem contestando deteriorē conditionem suam facit, sed meliorem. *l. non solet. l. vltimo enim. D. de regul. iur.* Et certe esset absurdum, diligentiam suam cuiquam fraudi esse: præsertim cum ius vigilantibus scriptum sit, ut Scauola scripsit, *l. penult. in fin. D. quam fraud. cred.* Quamobrem & hæc sententia merito Iustiniani constitutione consummata est. *dist. l. vlt. infr. de fid.* Neque t̄ vero mouere nos debet, quod vno ex reis stipulandi agente, hanc petitionem pro nouatione cedere placeat, ut nouata prior actione & translata in nouam indicati, promissor ab altero ex reis stipulandi liberetur. Hactenus enim hæc petitio pro nouatione est, quatenus hanc fieri petitori expedit, alioqui contra. *l. aliam. D. de nouat.* de quo plura infra ad tit. de nouat. At tunc expedit hæc fieri, cum ex pluribus reis stipulandi vnus agit cum promissore. Sic enim fit, ut reo aduersus alterum ex stipulandi reis nouatione liberato, solida actio efficiatur propria eius, qui egit, ut iam neque alteri solui possit, neque alter exigere, ut promissor liberetur, quæ plane mens est & consilium eius, qui primus agit. unde nouatio. Contraria plane utilitas & mens actoris contrariam sententiam inducit, cum vnus est stipulator, duo rei promittendi, & aduersus vnum agitur. Faciamus enim cum vno agendo alterum liberari. Manifestum statuimus incommodum actoris, qui cum prius duos haberet eiusdem rei debito-

res in solidum, agendo incipit vnum tantum habere. Et vero agendo hæc mens eius nequaquam fuit, ut vel eum cum quo agit, vel alium quempiam eo facto liberaret. Nam qui sibi consilium voluit ea petitione, obesse certe sibi eam petitionem noluit. Neque porro secus quā agenti expedit, & ab illo actum est, litis contestatio vnquam prioris obligationis nouationem aut liberationem induxit. Nam nec extra iudicium nouatio vnquam admissa est, nisi cum probaretur id actum esse, ut noua obligatione induta, prioris nouatio fieret, *leg. 4. §. si ex conventiones. D. de re iud.*

De t̄ definitione *l. 2. D. hoc tit.* post constitutionem Iustiniani laborare admodum non oportet. Et si enim in illa oratione: *petitione acceptilationeque vnus tota soluitur obligatio*, concederemus hæc verba, *petitione vnus*, etiam referri ad petitionem, qua vnus ex reis promittendi conuenitur: tamen sic acceptus locus nihil oberit superiori sententiæ, quia in promptu erit dicere Iustiniani constitutione emendari, *d. l. vlt. infr. de si.* Sed ne necesse sit, ad hanc responsionem confugere, recte defendemus petitionis verbum in ea definitione actiue tantum accipi posse, non passiue, ut intelligamus scilicet totā solui obligationem vnus petitione, non qua cum vno ex pluribus agatur, sed qua agit vnus ex pluribus. Id quidem proprietas sermonis solum admittit. Petitio enim eius solius esse intelligitur, qui petit. Quod si quis est, cū quo agitur, non eius, sed ab eo petitionem esse dicere solemus. *l. via. D. de seru.* Cum autem ad significationem verbi etiam auctoritas & certitudo sententiæ, quæ inde efficitur, accedat, nō est, quod eam sententiā in illis verbis accipere dubitemus: quæ etiam in ambigua voce legis, cum vitio careat, vitio esset ampiccenda. *l. in ambigua. D. de legi.*

Nec moram, nec factum vnus ex promittendi reis alteri nocere: sed nec interdum prodesset. Cap. IX.

SUMMARIA.

- 1 Vnus ex reis promittendi factum, quo se obstringit, alteri reo non nocere.
- 2 Vnius rei factum alteri quoque reo nocere, quomodo interpretandum, in *l. pen. D. de duobus reis.*
- 3 Vno ex reis promittendi moram faciente si res intereat, nihilominus liberari alterum: at si vnus aut mal promissum occiderit, non item, & quæ differentia ratio.

Liberationem habemus vnus rei promittendi, quæ & ipsa liberatur alter. proinde factum vnus in obligatione communi, quod factum proficit alteri. An etiam vnus rei factum nocere possit alteri, siq; id proprium huius obligationis, tertium fuit a me propositum, quod in conditione illius obligationis quæreremus. Et quatuor fere facta sunt cuiusque rei obediendi, quæ illi noceant ad eum obstringendum, vbi alioquin non teneretur, datus ab eo iurandum, quo aduersarius iurauit sibi deberi eius confessio, qua fateretur se debere: damnum rei debita ab eo datum: moram ab eo solutioni facta. An ergo hæc item alteri reo noceant, & an his vti possit creditor ad alterū his nominib; conueniendū, queritur. Et t̄ si quid factum vnus rei promittendi eiusmodi est, ut se eo obstringat, si prius non teneretur: generaliter probandum est, id factum alteri correo non nocere, tantumquo

abesse, ut id nocere alteri sit proprium obligationis duorum reorum, ut nihil sit magis contrarium. Rei enim sunt vnus eiusdemque obligationis, l. 3. §. ult. D. hoc tit. §. pen. Inst. eo. Proinde extra eam obligationem non sunt rei, nec quidquam inter se habent commune. Quae res facit, ut hic ad communem iuris constitutionem pertineant, qua placet res inter alios actas aliis non nocere. *roto tit. sup. res inter al. act.* Hac de causa delatum ab vno iurandum placet aduersus alterum stipulatori nihil prodesse, l. nam postea, in fin. §. liquia. seq. D. de iur. nempe ideo, quod alter ex causa eius iurificandi conuentus si neget se debere, negat se ut reum teneri ea obligatione, quae iureiurando inducta est. Idem ergo dicemus, et si vnus ex reis, quamuis in iure, confessus fuerit se debere, eadem de causa. Quod si factum vnus rei tale erit, quo non inducatur noua obligatio, sed perpetuetur vetus, quam constat duorum reorum quodammodo fuisse, hic interesse dicemus, morae vnus rei id acciderit, an facto: id est, culpae quae in non faciendo sit, an ea quae sit in faciendo, veluti, cum reus animal promissum occidit. De mora exstat definitio in l. mora. §. ult. D. de usur. in haec verba: Si duo rei promittendi sint, alterius moram alteri non nocere. Qua significatur, si post vnus rei promittendi moram res permissa perierit, perpetuari aduersus eum obligationem: sed eam rem alteri qui moram non fecit, non nocere, quominus in eo utatur suo proprio iure, & eo interitu liberetur, atque ita simul vtrumque accidere, ut neque illius mora alteri noceat ad eum in obligatione retinendum, neque huius liberatio moratori proli ad eum liberandum, de quo iure dixi paulo ante.

2 De facto tamen autem vnus rei promittendi exstat contraria Pomponii definitio in l. pen. D. hoc tit. his verbis: ex duobus reis eiusdem Stichi promittendi factis, alterius factum alteri quoque nocet. Factum vocat Pomponius, quod proprie ita dicitur, id est, id admissum, quod vere in faciendo est, quale est, cum vnus reus animal promissum occidit: non autem id admissum, quod est in cessando aut negligendo, quo in genere est mora, cessatio nempe posita in non soluendo: sicque mora a facto distinguitur in l. si seruus. §. sequitur. D. de verb. obli. Id eo pertinet, ut cum dicitur alibi moram vnus rei alteri non nocere, sciamus non esse contrarium, cum dicitur factum vnus alteri nocere, quoniam mora non est factum, quod quidem proprie ita vocetur, ut dixi. Sed & cum dicitur factum vnus alteri quoque nocere, aperte de eo facto dicitur, quod ipsi facienti nocet vel ad inducendum aduersus eum obligatione, de qua prius dubitari posset, vel ad eam quae certo constituta erat, perpetuandam. Sed cum adicitur, factum vnus ex duobus reis promittendi, satis declaratur agi de his, qui vere rei sunt. Proinde & id factum notari, non quo inducatur obligatio, sed quo ea, quae duorum reorum erat, perpetuetur, cum absque eo facto foret, esset interitura. Id autem factum est, ut dixi, cum vnus reus promittendi aliquid fecit, quo res promissa vel exstare, vel integra esse desineret, puta, cum animal promissum occidit, aut debilitat. Ita sit, ut sit hac sententia definitionis, si quod tale factum vnus ex reis promittendi acciderit, id factum primum ei nocere, ne eo interitu iuxta regulam communem iuris liberetur: quod certi iuris est, l. si ex legati, l. si seruus, in princ. §. sequitur, D. de verb. obli. Sed hoc amplius & contra non nocere, ne & ipse liberetur, quamuis ille nihil in eo neque dolo, neque

culpa, aut per dissimulationem fecerit: de quo dubitari merito poterat. Est enim contra regulam iuris, quae eum debitorem, sine cuius culpa res perit, liberat. d. l. si ex legati. Quod cum ita sit, & praeterea in mora diuersum obseruari dixerimus, haud abs re erit videre, cur id in hac specie tam varie constituitur. Et recte generaliter definiemus, iniquum esse vnus ex reis factum alteri reo nocere: ne incipiat dici licere cuiquam alterius conditionem deteriore facere, contra regulam naturae, l. soluendo, D. de nego. gest. Sed & illud etiam esse aequissimum, vnus factum non prodesse vel ipsi, vel alteri ad eum liberandum in necem creditoris. Nam a quo iusta solutio, aut satisfactio proficisci debuit, valde iniquum est, atque adeo absurdum ab eo nasci iniuriam liberationis inuito creditore. Sequitur igitur, ut re post moram vnus ex reis peremta, quamuis qui moram fecit, teneatur adhuc, tamen liberetur alter, qui moram non fecit: quia si etiam ob id factum alter teneatur, aperte mora prioris illi alteri noceat, cum sine cuiusquam mora futurum esset, ut rei interitu liberaretur. Negamus autem vllum factum aut culpam cuiusquam debere alteri nocere. Contraria de causa dicendum est, cum vnus ex reis animal promissum occidit, aut aliter fecit, quominus res promissa exstaret, sicut teneatur qui occidit, ita alterum debere reum teneri debere: quia si eo interitu liberatur alter, perspicuum est occidentis factum illi prodesse ad liberationem, cum sine eo vterque adhuc teneretur, ut prius. Iam vero & hoc factum alteri prodesse debere negauimus. At enim factum vnus ex reis promittendi dicitur nocere alteri, in dict. leg. penult. D. eod. & nocere ibidem admittitur. Sed idem factum in hac re dicitur modo simpliciter non prodesse, modo etiam aperte nocere diuersis rationibus. Si liberationem tantum spectamus, ut certe de hac sola nunc quarimus, occidentis factum alteri non prodest: quia eo facto alter non liberatur. Si spectamus regulam iuris, quae ex interitu rei debitae liberationem reo tribuit, dicitur factum alteri qui non occidit, nocere: quia factum id quodammodo obstat, ne alter reus ea regula utatur. Sed tamen semper ratendum est, hoc posterius abusive dici, non proprie. Reuera enim non factum occidentis obstat, quominus alter liberetur, cum potius factum spectet ad alterum re peremta liberandum, sed in causa est ius, quod non patitur in interitu rei fraudem vnus ex reis alteri prodesse. Interpretationem praescriptionis temporis ab vno ex reis adhibitam alteri nec & prodesse, & nocere, & ad l. vltim. hic

Cap. X.

SUMMARIA.

1. L. ult. C. de duobus reis explicatur.
2. Facta cetera vnus ex reis alteri nec nocere, nec prodesse: interruptionem autem praescriptionis ab vno ex reis promittendi, aut aduersus vnum ex reis stipulandi adhibitam alteri reo & prodesse & nocere: & huius rei aequitas.

In his tamen factis vnus ex reis promittendi, quae facta ad perpetuandam obligationem valent, qualis est eius mora, & rei debitae interdictio, exceptis Iustinianus interruptionem praescriptionis, quam in vnus persona admissam voluit etiam alteri reo & prodesse, & nocere. Quod dico, huiusmodi est. Diximus, si quod factum sit, quo vnus ex reis promittendi perpetu-

perpetuauit aduersus se obligationem, id factum neque alteri reo nocere ad eum in obligatione retinendum, ubi ex sua persona liberari per se potuit, qualis est vnus ex reis promittendi mora: neque prodesse ad eum liberandum, quamuis alioqui, si esset solus, potuisset alieno eodem facto liberari: quale est, si res ab vno sit perempta. Hic, ¶ inquam, excepit Iustinianus interruptionem præscriptionis, exstatque de ea re eius constitutio, *in l. ult. infr. hoc tit.* Constituit enim, quæ eius legis sententia est, quocumque facto in vnus ex reis persona interrupta sit præscriptio temporis, quæ aduersus actionem currebat, siue hæc interruptionem passus sit vnus ex reis promittendi, siue vnus ex reis stipulandi intulit, eam & alteri reo promittendi nocere, & alteri reo stipulandi prodesse. Nocere, vt aduersus alterum quoque reum præscriptio sit interrupta, quo aduersus eum etiam finito tempore præstituto vtiliter agi possit. Prodesse, vt alter quoque reus stipulandi videatur interrupuisse, quo & ipse perpetuo possit agere. Interrumpitur autem præscriptio, si reus aut debitum agnoscat apud creditorem, aut a creditore iudicio pulsetur. Siue ergo vnus ex reis promittendi debitum agnouit, vel iudicio conuentus est, perpetuatam eo facto aduersus eum actionem placet, etiam aduersus alterum reum perpetuatam videri, quasi & ipse agnouisset idem, aut iudicio conuentus esset. Siue apud vnum ex duobus reis stipulandi agnuitur est debitum, aut ab vno promissor iudicio conuentus: perpetuatam huic actionem placet etiam alteri reo quasi communi quodam facto effici perpetuam. Ergo ¶ vnus ex reis interpellati partim mora, partim agnitio alteri quoque reo nocet ad interrupendam præscriptionem: quod supra de mora & facto generaliter negabamus: & vnus ex reis stipulandi interpellatio alteri quoque prodest ad eandem interruptionem, quamuis ipse ad eam rem nihil contulerit: quod & ipsum in pacto vnus rei stipulandi, itemque in re cum vno ex his iudicata, & similibus factis ante negauimus. Sed meminimus constituta hæc præter ceteras causas in interruptione præscriptionis temporis, vtrumque non sine certa ratione. Odiosa enim res est præscriptio temporis, vtpote constituta etiam ei, quem constare possit prius debuisse, & constituta ob id solum, quod debitor per tempus constitutum cessauerit. Favorabilis igitur, & digna quouis auxilio eius præscriptionis interruptio, idque eo magis, quod quandocumque & quocumque ex facto concessa fuerit, semper interruptio sine debitoris, cum quo nihil actum est, damno continget, cum, vt dixi, & ipse prius debuerit, nec moleste ferre debeat, se probabili quauis ratione a præscriptione temporis excludi, quem potius conueniebat ex cessatione sua lucrum non sentire. Vnde & Iustinianus *in dist. l. ult. in pr. hic*, testatur se eos modos interruptionis, quos ab aliis positos inuenerat, etiā ampliasse. nempe quia bene regula iuris Pontificii comprehensum est, odia restringi, fauores ampliari conuenire. c. odia. de reg. iur. in 6. sumtum ex *l. cum quidam, in fin. D. de lib. & posth.* Cur autem hæc interruptio in persona vnus ex reis stipulandi vel promittendi vndecumque semel admissa etiam ad alios reos omnes pertineat, hæc non improbabilis ratio est, quod sit interruptio de tota obligatione. Iam vero hæc obligatio in omnium reorum non diuersa, sed vna & eadem est. Et hanc Iustinianus securus est, vt declarat ipse *in d. l. ult.*

in extremo. Ratio infirma per se, sed accedente illa ratione atque æquitate præscriptionis impediendæ, quam supra dixi, vtraque eam interpretatione abunde in hac specie suadet. Nec aliorum factorum exempla aduersantur. Poterat quidem eadem ratione defendi vno ex reis re post eius moram perempta obligato, eam obligationem etiam in altero reo retineri. Sed ideo non placuit, quia æquitas prohibet rem, quæ non est in rerum natura, aut in hominum commerciis, deberi ab eo, qui ipse nec re sustulerit, nec in ea soluenda moram fecerit. Eadem quoque ratione poterat defendi, exceptionem ab vno ex reis pacto, vel re iudicata quæsita ad alterum quoque reum pertinere, quia liberationem ab obligatione contineret, hæc autem obligatio etiam alterius rei est. Sed verat regula iuris per liberam personam alii vel actionem vel exceptionem acquiri, *l. i. supr. per quas pers.* Cum autem actione ab vno ex reis stipulandi interrupta placet interruptionem alteri quoque reo ad perpetuandam obligationem prodesse, nulla hic actio aut exceptio acquiritur, sed ea obligatio, quæ eius erat, retinetur. Acquirere alii non licet: retinere, quod eius sit, etiam in aliis causis denegatum non est. *l. si quis solutioni. §. ult. D. de vsur. l. si cum venderet. in pr. D. de pig. act. l. 3. in pr. D. quod vi aut clam.*

Duos reos promittendi vice mutua nec fideiussores esse omnino, nec pro fideiussoribus haberi inuito stipulatore.

Cap. XI.

S Y M M A R I A.

1. Inter reos promittendi, & plures fideiussores differentia.
2. Reos promittendi vice mutua fideiussores non inuito accipi, quid sit *in l. reos. D. de duo. reis.*
3. Reos promittendi quando habendi pro fideiussoribus.

Sunt ergo hæc duorum reorum promittendi propria, siue de diuidenda inter eos actione, siue de eorum liberatione, siue de facto quod his noceat, agatur. Sed quoniam in his quæ diximus, necesse est pleraque immutari, si duo rei promittendi vice mutua fideiussores sunt, & tamen tales accipi conuenire scriptum est a Papiniano *in l. reos. in pr. D. hoc tit.* superest, videamus hoc etiam, quam vere id dicatur, vel potius quomodo accipiendum sit, vt conueniat cum superioribus. Et non dubium est, quin duo rei promittendi fideiussores non sint. Duo enim rei promittendi sunt, qui principaliter idem promittunt, non etiam ita, vt vnus prius principaliter ipse possit, ei postea alter accedat, vt dicat nominatim se promittere, & ab illo aut illo debet: quod est proprium accessionis. Idque ex constitutione duorum reorum supra intellectum est. Nullus autem fideiussor principaliter & per se quid promittit, sed omnis fideiussor principalis alicuius obligationis accessio est, §. fideiussores, *Inst. de fid.* Non ergo duo rei promittendi inuicem sunt fideiussores. Hinc duo rei promittendi ubique a fideiussoribus distincti, *l. sed si. 24. iuncta l. idem. seq. D. de pact. l. ult. §. de fid.* Hinc & tituli distincti, *De duobus reis, & De fideiussoribus.* Nec vero parum interest id ita recte statui, alioqui, vt dixi, pleraque falsa erunt ex iis, quæ supra potuimus. Est autem ¶ inter reos debendi, & fideiussores harum rerum differentia. Inter fideiussores, qui soluendo sint, diuiditur actio etiā iure veteri. singuli rei solidum debent, & a singulis solidum peti potest, *leg. 2. l. 3. §. vlt. D. eo.* Fideiussor, quod reo debeatur, compensare potest, si conueniatur, *leg. 5. D. de compens. reus*

promittendi quod alteri reo debetur, non potest, *l. si duo. 10. D. hoc titul.* Item fideiussori exceptio pacti competit, quæ competeret reo, etiam si pactum in personam rei dumtaxat collatum sit, *leg. & heredi. §. ult. l. quod dictum, D. de pact.* Vnius autem ex reis promittendi conuentio quamuis in rem collata alteri reo, qui socius non sit, non proficit. *d. l. & heredi. §. ult. l. sed si. 24. l. idem. seq. D. de pact.* Quid t̄ ergo est, quod ita scribitur in *d. l. reos. D. eod.* reos promittendi vice mutua fideiussores non inutiliter accipi conuenit? Vel hoc ipsum maxime significat reos promittendi fideiussores non esse. Hæc enim oratio, *reos promittendi fideiussores recte accipi*, nihil aliud significat, quam reos pro fideiussoribus recte accipi, seu esse loco fideiussorum. quo maxime significatur eos non esse fideiussores. Id ex simili hac oratione licet intelligere, cum dicimus creditores accipiendos esse omnes, quibus ex quacumq; causa debetur, etiam ex quasi contractu aut maleficio. traditum in *l. creditores accipiendos. D. de verb. sign.* ubi sane constat hoc dici nō omnes istos creditores esse, non sunt enim: cum credere sit ex contractu alterius fidem sequi: *l. 1. D. si cert. pet.* sed esse loco creditorum, seu pro creditoribus haberi. idque ita explicatur in ead. *leg. creditores.* cum ita subicitur paulo post: *Quod si natura debeat, non sunt loco creditorum.* Non ergo rei promittendi sunt vice mutua fideiussores, et si quis concedat pro fideiussoribus habendos. Sed quid refert, dicet aliquis, si fatemur effectū pro fideiussoribus esse habendos? Sane nihil referret, si Papinianus generaliter definiret reos promittendi ita esse habendos. Nunc autem hæc sententia est Papiniani: conuenire inter omnes, seu ut alibi loquitur, vulgo receptum esse, reos promittendi pro fideiussoribus accipi non inutiliter. Non tamen semper, sed vice mutua, id est, cum ita accipiuntur ambo, ut simul habeantur pro fideiussoribus vice mutua, non etiam ita, ut vnus eodē tempore fungatur persona rei principalis, alter habeatur pro huius fideiussore: quo illius iure, puta cōpensatione eadem, aut eadem exceptione utatur. Quinetiam t̄ hoc ipsum, quod dicit Papinianus reos promittendi non inutiliter simul pro fideiussoribus vice mutua accipi: non generaliter definit, sed ita, ut intelligat id aliquando fieri utiliter, at non semper. Declarat enim paulo post id fieri tantum tunc, cum reus stipulandi pro talibus eos haberi volet, non etiam ita, ut eos pro talibus admittere cogatur. Et ideo, inquit, ut reus stipulandi inter fideiussores diuidere posset actionem: sic inter reos, tanquam vice mutua fideiussores sint pro arbitrio eius, diuidere poterit, non secus ac si duos promittendi reos diuisis actionibus conueniret. Sed hoc, inquam, si velit: ceterū, inquit ille, diuidere cogendus non est.

Non tantum duos reos stipulandi & promittendi fieri posse, sed & plures. nec tantum verbis stipulationis, sed & ex ceteris contractibus, itemque testamento fieri posse duos reos debendi, credendive. Cap. XII.

S Y M M A R I A.

1. Ex contractibus aliis, quam stipulatione duos reos debendi fieri posse, & quomodo fiant.
2. Etiam ex mutuo duos reos debendi eiusdem pecunie credite fieri posse, & quomodo, ac quam recte hic fieri dicantur.

3. Et testamento duos reos debendi fieri posse, & quomodo fiant.
4. Ex aliis causis obligationis, quam contractibus aut testamento duos reos debendi non constitui.
5. Etiam duos reos credendi ex aliis contractibus fieri posse, & quomodo fiant.
6. Ex mutuo quomodo duo rei credendi.
7. Ex testamento quoque duos credendi reos posse fieri, & quomodo fiant.

Q Væ de duobus reis stipulandi & promittendi hætenus dicta sunt, exempli causa dicta sunt, quia & ita reos fieri vtitur est, & hic titulus de his conceptus est cum hoc loco, tum in Pandectis. Ceterum & in pluribus reis, quam duobus idem iuris est. *Instit. eod. tit.* & ad alios quoque reos credendi, debendive ius pertinet, si tamen ex aliis quoque causis, quam ex stipulatione duo pluresue rei credendi & debendi constitui possunt. De quo sequitur ordine, ut breuiter cognoscamus. Et constat t̄ ex aliis quoque causis duos debendi reos voluntate fieri posse, partim ex contractu, partim ex testamento. De quo ita scriptum est ex Papiniano in *l. eandem, in princ. D. eodsm.* Eandem rem apud duos pariter deposui, utriusque fidem in solidum secutus: vel eandem rem duobus similiter commodari, sunt duo rei promittendi, quia non tantum verbis stipulationis, sed & ceteris contractibus sunt, veluti emtione, venditione, locatione, conductione, deposito, commodato, testamento. Hæc Papinianus. Quomodo ergo fiunt ex his causis duo debendi rei? Indicat superiore definitione Papinianus in contractibus, cum ait in eo, quod apud duos deposui, duos reos fieri, cum utriusque eorum fidem in solidum sum secutus. Significat ergo ex contractu duos reos debendi constitui, cum in eandem obligationem sic duo consenserunt, ut vellent ei, cum quo contrahitur, in eam causam in solidum obligari. quod fit aperto consensu, puta, si in emtione duo constituent se eiusdem rei emtores. in venditione duo se eiusdem rei venditores, velintque utrique, illi venditori, hi emtori in solidum obligari. Quod quidem in his contractibus & similibus recte fit etiam sine stipulatione, quia in his obligatio contrahitur solo consensu. Sed non minus & in iis, qui re fiunt, ut deposito, & commodato, duos reos debendi recte constitui supra diximus. fitque eadem illa conuentione, cum re apud duos deposita nominatim id agitur, ut vterque eo nomine in solidum obligetur. quam & fidem utriusque is qui deposuit, sequitur, ut est in *d. l. eandem, D. eo.* Quod si apud duos res deposita sit simpliciter, aut duob. simpliciter commodata, duo quidē quodammodo rei habebuntur, quia ut in re indiuisa dolum, & culpā, & diligentiam, & custodiā in totū præstare debent: re vera duo rei non erunt, quod eo pertinet, ut in eo duorum beneficio per omnia non utantur, sed solum vnus solutio liberet alterum, indicatur hoc in *l. si §. ult. in fi. D. com.* Quod t̄ in his receptum est, receptum est & in mutuo, ut eiusdem pecunie mutuo data plures rei fieri possint, quamuis vni tantum pecunia numerata sit, & quidē ita, ut rei fieri possint non tantum si propter pecuniam mutuum vni datam omnes rei promittendi fiant, quod quia stipulatione fit, iure optimo fieri posse constat, eaque species est *l. propter, infr. h. tit.* sed etiam si pecunia vni numerata, constituat se omnes eius pecunie debitores, velintque singuli in solidum quasi pecunia in solidum a se accepta obligari. quod & sine stipulatione fieri

fieri posse declaratur in leg. si non singuli. §. si cert. pet. De quo tamen non parua dubitatio est. Nam quomodo ex mutui causa rei fiant, qui mutuam pecuniam non acceperunt: cum mutuum non contrahatur consensu, sed re, dum & pecunia proficitur in accipientem? l. 2. §. creditum. ff. si cert. pet. Inst. qui. mo. re cont. ob. in pr. Dicendum est, cum vni pecunia traditur aliorum voluntate, satis omnibus traditam videri. illi quidem per se, cui vere traditur: ceteris autem per huius personam: quoniam nihil interest, utrum alicui tradatur, quid, an alii voluntate eius. l. restituta. ff. ad Treb. Sed nondum ad mutui causam satis, his omnibus pecuniam traditam videri. Etiam omnium pecuniam fieri oportet, si hos ex mutui causa reos fieri, id est obligari volumus. Sic enim mutuum est, si ita dentur nummi, ut fiant accipientis. Inst. quib. mod. re cont. obl. At quomodo eadem pecunia fieri istorum omnium potest, tanquam mutua, cum plures eiusdem rei in solidum domini esse non possint? l. 5. ult. ff. com. Dicemus plures istos eodem tempore dominos eiusdem pecunie fieri non posse: diuersis temporibus posse. Quod in hac constitutione plurium reorum fiet hoc modo. Nam iis quibus pecunia naturaliter numerata non est, videtur numerata, ut dixi, per interpositam personam eius, cui numerata est. Sic deinde ab his velut accepta, videtur ab his ipsis ad eum profecta, cui numerata est: ut sic ad singulos pecunia perueniat diuersis temporibus tanquam breui manu, occultatis non necessariis traditionibus; ut in causis similibus factum accipiendum esse docemur in l. 3. §. ult. ff. de don. inter vir. & vxor. l. singularia. ff. si cert. pet. Testamento sic fieri duos reos docet Papinianus in d. eadem. ff. eo. si pluribus, inquit, heredibus institutis testator dixit, Titius & Maenius Sempromio decem danto. Quod ex initio eius loci sic intelligendum est; si modo id senserit testator, ut singuli isti appellati heredes solida decem deberet, & ut loquitur Papinianus, si, ut in deposito, sic in legato testator ita a duobus heredibus legauerit, ut vellet legatarium utriusque fidem & personam in solidum sequi, quomodo Accursius locum bene accepit. Sic autem videbitur testator id sensisse, si expresserit. Alioqui eadem summa pluribus coniunctim adscripta, si nihil aliud actum probetur, pro numero personarum diuisa intelligitur, ut singuli partem dumtaxat debeant. in quam sententiam omnes veteres consentiunt. l. reos in pr. l. sine. ff. eo. l. cum qui. §. 6. in pr. ff. de verb. obl. l. cui fundus. ff. de cond. & dem. Diuersum est, si testator disiunctim eandem summam leget a duobus hoc modo: Lucius Titius heres meus, aut Maenius heres meus decem Seio dato. Apparet enim hic solida decem legata esse a singulis; sic tamen, ut velit testator vna decem in obligatione versari, ut ab utro fuerit solutum, alter liberetur. Ideo & hic placet ita duos reos esse, quasi essent duo rei promittendi. ut est in l. si ex toto. §. 1. ff. de leg. 1.

Ex ceteris causis obligationis duo rei debendi non constituuntur, etsi maxime proponas duos pluresque eandem rem debere. Aut enim ex eadem causa non debent, aut non id agitur inter eos & creditorem, ut vna sit omnium obligatio, & res vna in obligatione versetur. ut puta, plures tutores obligantur ex tutelae causa in solidum, sed singuli ex suo facto, & sua culpa. in quo res sunt diuersae. Ideo non sunt plures rei debendi, neque per omnia eodem iure vtuntur, etsi ut in obligatione communi pleraque habent similia, ut declaratur in leg. 1. §. nunc tractemus. ff. de tut. & rat.

dist. l. si pupillus. ff. de adm. tut. Plures ex eodem delicto, quod in commune admissum est, tenentur in solidum, sed aperte non sunt duo rei; quia diuersa sunt facta, & delicta singulorum, & vnusquisque proprii delicti poenam patitur, quae ideo in diuersis delictis non potest esse vna. leg. si quis. §. vltim. & leg. sequen. ff. de inrisdict. l. 1. §. de cond. fur. Cumque in quasi maleficio plurium similiter suum cuiusque peccatum sit, quod poena coercetur, non dubium, quin & hic plures quauis eius admissi nomine teneantur in solidum, tamen duo rei debendi non sint: etsi hoc simile habent, quod vno soluente, quod auctori debetur, alter liberatur. l. 1. §. ult. & l. seq. ff. de his qui deiec. vel effud.

Ut autem ex contractibus aliis, quam stipulatione duo rei debendi fieri possunt: ita & duo rei credendi etiam in iis, qui re conficiuntur; puta deposito, commodato, mutuo. fientque hoc modo, si nominatim hoc agatur, ut tanquam duo deposuissent, aut commodassent eandem rem, vel eadem decem mutua dedissent singuli in solidum, ita horum singulis, qui accepit, in solidum obligetur. Quod in deposito indicat Vlpianus in l. 1. §. sed si duo. ff. depo. his verbis: Si duo deposuerunt, & ambo agant, siquidem sic deposuerunt, ut vel vnus tollat totum, poterit in solidum agere. Vult ergo singulis solidum depositum deberi, singulos eo nomine recte agere in solidum, eandem rem in obligatione versari, id autem conuentione effici. Atqui haec plane duorum reorum stipulandi descriptio est in l. 2. l. 3. §. 1. ff. eo. §. pen. Inst. eo. Quidni vero ita duo quoque credendi rei in deposito recte constituentur, cum fateamur duos debendi reos ex eadem causa fieri posse? facilius enim duobus acquiratur eiusdem rei nomine actio, quam duo eiusdem rei nomine obligentur: cum acquisitio faciat conditionem acquirentis meliorem, quod licet obligatio aut faciat obligati conditionem deteriore: quod non perinde concessum est, l. soluendo. ff. de neg. gest. Sed duo deponere & commodare eandem rem possunt: ut nihil prohibeat ex his contractibus duos reos credendi ita fieri, tanquam quorum singuli vere rem totam deposuissent, aut totam commodassent. At quomodo possunt duo eandem rem mutuo dare, ut quasi solidum dedissent, ita fiant duo eiusdem pecuniae credendi rei? Possunt videri dedisse eadem illa fictione, quae in pecunia credita admissa est; ut scilicet vnus dando suo nomine, velit quoque datam nomine alterius, ac debitor sic accipiat. Sic enim fiet, ut pinde habeatur, quasi debitor pecuniam acceptam illi alteri dedisset, sic deinde ab eo ad eundem debitorem redisset. Quae brevis manus traditio in mutuo constituendo praecipue admissa est. l. singularia. l. certi. l. pen. ff. si cert. pet. Ex testamento sic duo rei credendi in re legata fieri possunt, si testator duobus leget eandem rem, eandem summam disiunctim, hoc modo: heres meus Titio vel Maenio decem dato. Nam si cum haec a duobus isto modo legata sunt, sunt duo rei debendi, quia a singulis solida decem, vna tamen summa legata sunt; leg. 8. §. 1. ff. de leg. 1. fient & tunc duo rei credendi, cum haec summa eodem modo legata erit duobus; quia legata sit solida singulis, sic tamen, ut vna summa in obligatione versetur. Quod si coniunctim eadem summa legata erit duobus, puta Titio & Maenio decem; ita his decem communiter legata sunt, ut singulis intelligantur solum quinque data, nisi aliud testator aperte cauerit. leg. cum qui ita. §. 6. in pr. Dig. de verb. obl.

Quid ex iure vetere de duobus reis constitutio Nouella Iustiniani de duobus reis immutavit. Et ad auth. hoc ita. Cap. XIII.

S V M M A R I A.

- 1 In duobus reis stipulandi, credendive nihil Nouella Iustiniani de iure vetere immutari: in duobus reis promittendi vix pauca etiam omnium consensu & qua.
- 2 Nouellam Iustiniani, qua inscribitur de duob. reis, perperam acceptam vulgo de duobus reis simpliciter acceptis, eoque nihil eam de vetere iure duorum reorum immutare.
- 3 Nouella de duobus reis inscriptionem esse de duobus reis qui vice mutua accepi sunt, ut Haloander recte est interpretatus: & quomodo plures tales constituantur, quidque a duobus reis differant.
- 4 Nouella de duobus reis sententiam ad fideiussores vice mutua acceptos solum, non ad duos reos promittendi pertinere: & quid ea lege constituatur.
- 5 Duos reos vice mutua fideiussores acceptos, si nihil aliud aperte conuenit, singulos pro parte teneri, non in solidum: & hoc quam recte constitutum.
- 6 Duos reos vice mutua fideiussores acceptos, quamuis conuenierit, ut tenerentur in solidum, non tamen conueniri posse nisi pro parte, si ambo praesentes sint, & sint soluendo. & hoc quam recte.
- 7 Ex duobus reis vice mutua fideiussoribus acceptis praesentem conuentum in solidum, petere posse spatium, intra quod absentem creditori exhibeat.
- 8 Non soluendo, quis, & a quo, & quomodo id probetur, si de eo sit controuersia.
- 9 Non praesens, seu absens in proposito quis: & a quo in re dubia, ac qualis sit eius rei probatio.
- 10 Pro absente habendum etiam praesentem, quisquis praesens conueniri non potest, & quibus de causis accidat, ne possit quis conueniri.
- 11 Qui facto creditoris conueniri non potest, pro praesente & idoneo semper habendum, quo alter pro parte solum conueniatur.
- 12 Duos reos promittendi etiam qui vice mutua fideiussores accepti sunt, singulos in solidum etiam non iure conueniri posse quatuor casibus, & quibus.

HACTENUS ius vetus de duobus pluribusue reis non solum stipulandi, & promittendi, sed & in vniuersum credendi, debendive. Quoniam ei iuri derogasse putatur constitutio Nouella Iustiniani 99. quae vulgo, *De duobus reis promittendi*, inscribitur: superest, ut numquidnam illa hic immutavit, & quidnam id sit, breuiter cognoscamus. Atque hic maxime cognoscendi locus est, ubi proponitur fragmentum tanquam ex illa constitutione expressum, quo ab eo iure, quod est in lege praecedente de duobus reis promittendi, aperte disceditur. Et ne quis nos in his quae de duobus reis ante ex iure vetere differuimus, nihil aut parum egisse existimet, quasi superior constitutio aliter nobis duos reos informet, quam supra admisimus, aut de his aliud ius nobis praescribat: sciamus aut nihil esse, aut certe esse perexiguum, quod de iure superiore ea constitutio immutavit: ut necesse sit cetera, quae constitutio non attigit, omnia integra manere. *l. precipimus in fin. de app.* Quorum maxima pars est etiam ex omnium aliorum consensu. Nam cum omnis tractatio de duobus reis sit aut de eorum constitutione, aut de iure quod in his constitutis seruatur: pri-

um animaduertendum est, Iustinianum constitutione sua nihil de duorum reorum tum credendi tum debendi constitutione attigisse. Quod ad ius constitutae obligationis attinet; ne hic quidem quidquam de eo iure in persona duorum reorum stipulandi, credendive omnino immutauit. Vt enim plurimum ei constitutioni tribuamus, certe verba ostendunt constitutione caueri tantum de duobus reis promittendi. Quid, in his ipsis promittendi reis ius innouauit per omnia? Ne id quidem. Nam Iustiniani constitutio de solidi exactione aduersus singulos reos promittendi olim constituta tantum cauens, haud dubie partem illam, quae est de potestate totius obligationis tollendae, singulis tributa, item & illam, quae est de facto vnius quod alteri noceat, vtramque, inquam, hanc partem vt intactam, ita saluam & integram reliquit. Restat sola exactio, quam ius vetus, vt dixi, solidam aduersus singulos reos promittendi statuit, & de qua cauet superior constitutio. Atqui illa ne hac quidem detraxit creditori per omnia: sed quod ex verbis apparet, duobus casibus etiam nunc reliquit. Vno, si vnus reus non sit soluendo, altero, si absit. Vt iam si quid est quod constitutio immutavit, redigatur in admodum angustum hunc locum, cum ambo rei promittendi & soluendo sunt, & sunt praesentes: De quibus & ipsis, vt video, inter omnes, certe inter saniores, conuenit. Quid ergo hoc casu fieri? Et manifestum est; quid constitutio in his, de quibus cauet, velit fieri. Iubet enim singulos pro parte agnoscere onus, & pro ea parte conueniri: in solidum vetat, vt si de duobus reis id constitutum est, haec saltem recessum sit ab eo iure, quod supra exposuimus, recteque auth. hoc ita. subiecta sit praecedenti legi ad temperamentum & exceptionem, cum ea lege creditori solidi exactio aduersus vtrum ex eis vellet, tribueretur.

Sed ¶ videndum hic etiam atque etiam puto, an id 2 cautum sit de duobus reis promittendi, id est, iis qui simpliciter & principaliter eandem rem solidam promiserunt. Vulgo pro certo habent, quod & apparet sensisse auctorem huius fragmenti, qui id ita concepit, vt in eo negaret, quod in lege praecedente de duobus reis ex iure vetere scriptum erat. A quibus valde dissentio, omninoque ita constitutionem Iustiniani esse puto, vt non sit de duobus reis simpliciter acceptis, quales supra descripsimus. proinde ne quidquam de vetere iure duorum reorum promittendi ne in exactione quidem immutari. Id quidem & verbis ipsis constitutionis, & sententia non vno modo perspicue efficitur. Primum ¶ ita conceptus est titulus constitutionis: περὶ ἀλληλεγγύων, quod si ad verbum exprimas, valet, de mutuis fideiussoribus. Id autem est, de duobus pluribusue, qui vice mutua inter se fideiussores accepti sunt. Quod Haloander recte intelligens vertit, non simpliciter de duobus reis, vt vulgaris interpres non bonus: sed periphrasi exprimere volens, quod erat in verbo, *De duobus reis promittendi*, qui vice mutua accepti sunt. Neque hoc Haloander tantum, sed & vetus ille interpres in constitutione ipsa vertenda agnouit. Illa enim verba quae sunt, *in §. i. in prin. ei γὰρ πρὸς ἀλληλεγγύας ὑπευθύνους λάβοι πινάς*, vertit, *si quis alterna fideiussione obligatus sumat aliquos*. Tamen si idem paulo post illa, ἀλληλεγγύας δυνείδεν, vertit, *quod sub alterna promissione creditum est*; cum vertere deberet, quod sub alterna aut mutua fideiussione. Loquitur ergo constitutio non de duobus reis, sed de duobus pluribusue fideiussoribus mutuo inter se acceptis;

acceptis: aut si reos appellare libet, de reis quidē; sed qui aperte ita accepti sint, ut vice mutua alii aliorum essent fideiussores. Quod ita fit in duobus, cum vnus primo & principaliter promittens aperte fideiussorē dat. sed & fideiussor rursus sic accipitur, ut reus qui prius promiserat, pro eo fideiubeat. Atqui non sunt in hac causa duo rei promittendi simpliciter accepti. H. ut supra ostēdi, nec fideiussores sunt omnino, nec pro fideiussoribus habendi longius, quam stipulator haberi velit. Et quæso, cum singuli in solidum idem promittant, & fideiussionis mutue in ea obligatione suscipienda nullam mentionem faciant, quomodo ius stipulatori quæsitum aduersus singulos inuito adimatur, contra omnem iuris, & æquitatis rationem? l. 2. ff. de his qui sunt sui vel al. iur. l. vlt. ff. de pact. l. habere ff. de emt. Quid enim ad rem pertinet, quid inter se egerint, dū cauent, ut vnus sit reus principalis, alter pro eo fideiubeat, qui pactione sua creditoris sui ius mutare non potuerunt? l. debitorum. s. de pact. Atq; hæc de verbis constitutionis. Quid sententia? Etiam apertin: arguit sentire Iustinianum de duobus fideiussoribus mutuo acceptis; de fideiussoribus, inquam, talibus, quales proprie nominantur, & quales nominauerat in constitutione sua de fideiussoribus. Et enim initio constitutionis præfatur se prius tulisse legem illam utilem de fideiussoribus conueniendis; sed cui paret aliquam explicationem & appendicē non ignobilem deesse. eam autem in præsentia se adiciere hac constitutione. Ex quo apparet & hanc constitutionem esse de iisdem fideiussoribus, de quibus illic cauerat. Agit ergo & hic de iis, qui vere fideiussores sunt: minime autem de duobus reis principalibus, de quibus in priore constitutione non egerat. Sed & id, quod nunc constituit, quale sit, spectemus. Tum facile intelligemus totam constitutionem ad veros fideiussores pertinere, & ad temperandam, explicandamq; priorem illam de fideiussoribus omnino referri. Prius constituerat, si ex iis qui idem debent vnus sit reus debendi, alter fideiussor a reo datus, prius conueniendum esse reum principale, quam perueniatur ad fideiussorem, etsi hoc iure vetere cōtra erat. Iustinianus pōsteriore hac constitutione, de qua loquimur, id ita accipi vult, si aperte vnus sit reus debendi tantū, alter tantum fideiussor. Quod siambo vice mutua fideiussores accepti sint, ut pro fideiussore, qui aperte talis iureuenerat, etiam inuicem fideiubeat, qui prius promissit: erit quidem vterq; debendi reus, utpote pro quo alter fideiussit: ut secundum constitutionem illam priorem videatur vterque a stipulatore, quem is vult, in solidum conueniri posse, quia vterque est reus. Sed quia rursus idem quoque est fideiussor, sit eadem illa constitutione, ut iam neuter possit prior in solidum conueniri. Hinc illa difficultas in specie duorum reorum, qui inuicem fideiussores accepti sunt, nata ex constitutione superiore. Ea vero difficultas explicatur hac posteriore constitutione: eaque omnino explanatio est & appendix illius prioris constitutionis, quam Iustinianus initio huius posterioris pollicetur. Cauet igitur vtrumq; in proposita specie eodem tempore conueniri posse; quia vterque reus est debēdi. Sed rursus quia est fideiussor, vult vtrumque ex parte sui beneficio fideiussorum priori constitutioni ne tributo, ne conueniatur saltem in solidum. Restat igitur, ut conueniantur pro parte, ut fieret inter plures fideiussores. Quod & Iustinianus constituit in §. 1. & quidē sine exceptione, si non conuenierit, ut quisq;

eorum in solidum teneretur. Quod si conuenierit, tamen vult hic quoq; singulos teneri pro parte: sed hac conditione, dum hoc cōingat sine dan. no creditoris. Quod ita fiet, si conueniatur vterque pro parte, cum vterque & idoneus, & præsens est. Quod si alter soluendo nō erit, aut aberit; æquum est creditorem non periclitari. quod & ille constituit. Ideo iubet præsentem qui soluendo est, ut vere debendi reum periculum lubire, & satisfacere creditori. Hinc facile agnoscimus explicationem difficultatis eius, quam dixi, natam ex superiore constitutione, tantum ideo, quod in duob. reis, qui vice mutua fideiussores accepti sunt, proponitur ea species, in qua quidem vnus sit reus, & alter fideiussor; sed tamen ita, ut vterque vice mutua sit talis: ut non sit causa, cur vnum potius velis pro ore loco conueniri debere, quam alterum; neque vnum in solidum potius, quam alterum. Cui sane difficultati locus non est in duobus reis promittendi simpliciter & in solidum acceptis sine vlla mutue fideiussionis cōmemoratione. vbi vterque ita reus est principalis, ut neuter alterius sit fideiussor. certe neuter p alterius fideiussore accipiat. Quam ob causam nec iure placet pro fideiussoribus vice mutua accipiēdos, nisi creditore volente inter eos actionem suam diuidere. d. l. reos. in pr. ff. eo. Hæc est, opinor, germana sententia constitutionis Iustiniani, de duobus reis promittendi, ut vulgo inscribitur. In qua non solum interpretatio verbis, & consilio constitutionis congruit; sed & sententia ipsa certa ratione iuris & æquitatis defenditur. Cur enim in vetere iure non maneat, quod poster. oribus legibus specialiter mutatum non docetur? d. l. præcipimus. in fin. s. de app. & præsertim si iure vetere de re alicui quæsitā & non detrahenda agatur, quam quidem non tam æquum est nulli detrahi, quam cuiquam detrahi summe iniquum. l. 2. ff. de his qui sunt sui vel al. iur. Quod si ita est, non recte vulgo interpretes constitutionem Iustiniani acceptum de duobus reis promittendi simpliciter acceptis, quales nunc quærimus. Non recte ne auctor quidem huius fragmenti eam de iisdem interpretatus est, & ad exceptionem emendationemque iuris veteris de duobus reis retulit.

Sane in duobus reis promittendi constitutioni Iustiniani locum esse admittimus: sed dum hoc adiciatur, si modo ii sint rei, qui idem & fideiussores vice mutua accepti sint, ut constitutio loquitur. Quæ specie proposita, quid hic de duob. istis siue reis, siue fideiussoribus Iustinianus constituat, diligenter videndum est. Pleraq; enim hic singularia, & quorum ratio merito requiratur, ab eo constituta esse reperiemus. Illud t̄ primum, quod si non conuenit nominatim, ut duo isti rei vice mutua fideiussores accepti singuli in solidum teneantur, vult singulos solum teneri pro parte, quasi diuisa inter eos in partes ab initio obligatione. idque sine exceptione: ut proinde nihil referat, vtrum vterque soluendo, & præsens sit, an non: sed quamuis vnus soluendo non sit, aut non sit præsens, tamen alter non teneatur, nisi pro parte. hoc in Nouell. de duob. reis. §. 1. in pr. & hac auth. hoc ita. ver. s. in autem. Hoc vero statim a principio merito est animaduertendum. Nam cum hic duo rei accepti sint, quorum vterque pro altero fideiussit: nihil aliud proponi videbatur, quam ut isti aut tanquam reiambo, aut ambo tanquam fideiussores, aut certe vnus tanquam reus, alter ut fideiussor acciperetur. Permit quidem Iustinianus pro potestate iuris constituēdi, quæ præditus erat,

dubitationis tollendę causa vnum ex his eligere, atq; id lege sancire. At illud certe secundum naturam & ordinem rei gestę fieri posse non videbatur, quin vnum saltem sequeretur. Nunc autem diuisione ista obligationis, quam posuimus, inter istos constituta, nihil istorum sequitur. Non habet istos pro duobus reis, qui vult eos teneri tantum pro parte. Nihil enim æque pugnat cum obligatione duorum reorum promittendi, quam diuidi ab initio inter aliquos pro parte obligationem. *l. reos. §. 1. ff. eo.* Non habet etiam pro duobus fideiussoribus, qui vult eos omnimodo teneri pro parte, etiam si vnus soluendo non sit: cum non aliter diuidatur actio inter plures fideiussores, quam si tempore litis contestatę omnes sint soluendo. *§. plures. Inst. de fid. l. inter eos. §. 1. in. pr. ff. de fid.* Multo minus habet vnum pro reo, & alterum pro fideiussore in ista diuisione; cum semper reus principalis omni iure in solidum teneatur: idque tanto magis, quod fideiussorem dedit, idque accessit ad confirmationem obligationi. *l. 4. §. si ex conventionē. ff. de re ind.* Sed & fideiussor quoque tenetur in solidum, saltem tunc etiam ex Nouella Iustiniani, de fideiussoribus, cum reus principalis abest, aut non est soluendo. *Nouel. 4. de fid. §. 1.* Quid ergo est; Dicendum est non putasse Iustinianum duos reos promittendi esse, seu solidum videri promississe, qui quamuis verbis promiserint, tamen sic accepti sunt, vt vice mutua vnus, p altero fideiuberet. Hec enim mutua fideiussio declarat, rem pro qua isti se obligant, in commune ad vtrumque pertinuisse, eosque se in ea vt in re cōmuni obligasse; proinde & pro parte. Vbi autem pro eadem re aut summa duo in commune accipiuntur, diuiditur in viiles partes inter eos obligatio, eoque nec duo rei fiunt. *d. l. reos. in fi. ff. eo.*

6 Quod si conuenierit, vt ex duobus istis vice mutua acceptis fideiussoribus singuli in solidum tenerentur; non minus & hic nouum & singulare ius agnoscas. Nam si ambo præsentes sint & idonei, etiam in superiore conuentione non vult Iustinianus eos ultra teneri, quam pro parte. *Nouel. de duo. reis. §. 1. & hac auth. in fi.* Quod si vnus soluendo non sit, aut non sit præsens, ius quidem mutat: sed ita, vt cum vnus non est soluendo, non iubeat alterum continuo in solidum conueniri, sed solum quanto minus prior facere potest; cum autem vnus præsens non est, tunc demum velit alterum in solidum teneri. Et hæc, inquam, non minus animaduertenda. Nam cum duo isti eandem rem promiserint, idque ipsum nominatim actum sit, vt solidum singuli deberent; nemo dubitat, quin sint duo rei promittendi, ex definitione, *l. eandem. l. reos. in fi. ff. eo.* Cur non igitur non dico vt duo rei, sed vt qui apud eum solidum promiserunt, etiam in solidum tenentur, etiam si omnes & præsentes sint, & sint soluendo; Sed iam dixi, ita duos reos esse, vt simul sint vice mutua fideiussores, vt hac parte non male putauerit Iustinianus æquum esse, eos frui beneficio constitutionis suę, qua ante cauerat de fideiussoribus post reum principalem ordine conueniendis. Quod sine dubio securus est, cum vno ex his reis absente, aut non idoneo constituto vult alterum in solidum conueniri. Nam & hoc idem constituit aduersus fideiussores, cum reus principalis abest, aut non est soluendo, *Nouel. 4. de fid.* Sed esto, hac parte congruat illa constitutio. At certe, ea parte videtur eadem illa refragari, quod illic reum principalem cum præsens est, & idoneus, iubet Iustinianus prius in solidum conueniri: &

quidem ita, vt simul veter tantisper conueniri fideiussorē vel in totum, vel pro parte. Hic aut contra vult vtrumque istum reum simul conueniri, & neutrum in solidum, sed vtrumque pro parte. Si sunt duo rei, cur non conueniuntur iure in solidum? si vnus reus, & alter fideiussor, cur non superiore constitutione hic vtimur, vt vterque tanquam reus principalis pro arbitrio creditoris prius in solidum conueniatur, omisso altero, qui habeatur pro fideiussore? Et recte hoc quereretur, sit aut duo rei tantum essent, aut vnus certus tantum reus, alter tantum fideiussor. Nunc autem sic vnus reus est, vt sit etiam alter: & sic vnus fideiussor, vt sit & alter eodem tempore fideiussor. Hæc conditio personarum eo rem deducit, vt neque singuli tanquam rei principales in solidum cōueniri possint, quia sunt & fideiussores, si modo his fideiussorum beneficium tribuere volumus: neque vnus tanquam reus prius, quam alter quasi fideiussor, quia & alter reus est. Cui consequens est, vt si vnus vt reus potest conueniri, possit conueniri, & alter, qui etiam reus est. Et quoniam non possunt conueniri ita, vt singuli solidum præstent, cum res vna in obligatione versetur, restat, vt conueniantur pro parte, quoad eius fieri sine incommodo creditoris potest. quod tunc accidit, cum ambo & soluendo sunt, vt possint partem, quam debent, præstare, & sunt præsentes, vt possint præstare in præsentia. Illud iniquum esse fortasse quis dixerit, cum conueniunt, vt singuli in solidum tenerentur, hanc pactionem creditori non seruari. Occurrit obiectioni Iustinianus in *d. Nouel. de duob. reis. illic, sic enim illis.* & innuit, ideo non esse iniquum, quia fideiussoribus istis consulatur hac diuisione, & nullo damno ex ea re creditor afficiatur. Hoc sentit; quod alii profit, tibi non noceat, humanum esse, id cuique concedi, etiam si summo iure in ea re deficiamus. sententia Pauli in *l. 2. §. quanquam. ff. de aq. plu. arc.* Ita in summa duo isti rei, idemq; vice mutua accepti fideiussores, a duobus, quorum vnus sit reus, alter fideiussor, vna hac re differunt, quod dum ambo soluendo sunt, & præsentes, conueniuntur ambo, & conueniuntur singuli pro parte; quia necessitas cogit ita eos conueniri, quod tecus sit in reo & fideiussore. At si vnus ex duobus istis reis, de quibus agimus, pro parte soluendo non sit, aut non sit præsens; hic plane sequimur constitutionem Iustiniani de fideiussoribus, vt tanquam si ille in parte quam debet, esset principalis; sic possit alter tanquam huius fideiussor pro ea quoque parte conueniri, quod illius constitutionis ius est, cum de fideiussore conueniendo agitur.

Quid tamen, si dum vnus ex istis reis abest, præsens conuentus spatium petat, intra quod absentem euocet, & creditori exhibeat? an impetrare debebit? Nam hoc impetrat fideiussor, cū pro absente reo cōuenitur. *Nouel. de fid. §. 1.* Et putem in proposito hunc quoq; reum absentis nomine in solidum conuentum idem impetrare debere; quia & hic fideiussor est, & cum absens partem debuerit, apparet præsentem eius partis nemine conuentum tanquam fideiussorē conueniri. Et cur ad præsentem reum venit iisdem conditionibus, quibus ex priore constitutione Iustiniani de fideiussoribus venit ad fideiussorem, nisi quia & hic reus habetur in hac re pro fideiussore, vt & vere fideiussor vice mutua acceptus est? Quod si & hoc tribuitur fideiussori, quia non magnum damnum est in mora modici temporis, *l. si debitori. ff. de ind. cur non* tribuamus & huic reo, cui Iustinianus in diuisione

ne tamdiu consultum esse vult, dum nullam damnum patiatur actor? *d. Nouel. de duob. reis. ver. sic enim & illis.* Neque vero refragatur constitutio, quasi quæ præcise velit, si vnus absit, alterum conueniri. Non enim simpliciter dicitur superiore conditione alterum conueniri: sed teneri in id, quod creditor ab alio accipere non potuit. At non prius certum est, eum non potuisse id ab alio consequi, quam constituit absentem euocatum esse, neque venisse.

Hoc iure posito vnumquemque, ex duobus istis reis conueniri posse in solidum, si alter solvendo non est, aut non est præsens; quærendum fuit de his conditionibus. quâdo videatur extitisse, vt sit solidi exactioni locus.

8 Et si soluendo non esse, seu non esse idoneum intelligimus eum, a quo creditor suum consequi non potest, idque constitutio significat. *Nouel. de duob. reis. ver. si vero minus.* Quid ergo, si de eo interactorem, & eum qui in solidum conuenitur, sit controuersia, quia conuentus dicat alterum esse soluendo, actor negat? Et Iustinianus huius rei probationem vult esse actoris; cuius facultatem commodam illi suggerit, & sine vilo ipsius incommodo. Vult enim ambos reos simul de vniuersa summa conueniri, cum degunt in eodem territorio, rem communiter disceptari, vtrumque in commune condemnari. Sic deinde in executione sententiæ discuti singulorum facultates pro ea parte, in quam vult eos teneri. *d. Nouel. de duob. reis. ver. Si autem iisdem. & hac Authen. hoc ita.* Hæc vero discussio declarabit, quid quisque habeat in bonis, & an hæc ad cuiusque partem dissoluendam sufficiant. Si sufficient; habemus eos, qui sunt soluendo, nec iam amplius creditor quam partem ex singulorum bonis capiet. Si vnus non sufficient; quantum deerit ad præstationem partis, tanto minus erit soluendo, & eatenus alterum onerabit: quod & actione iudicati actor ab altero consequetur.

9 Eum qui præsens non est, seu absentem varie in vsu iuris dici constat. quos modos collegit Accursius in *Nouel. de fid. §. i. ad verbum, presentes.* Nec difficilis est animaduersio, proposita vnaquaque lege, in qua absens nominatur. Vt enim est locus, de quo in lege agitur, ita necesse est absentem varie accipi eum, qui ab eo loco abest; cum præsentia & absentia personæ ad eum locum referatur. Qua ex regula, si quaeratur, quem hic præsentem aut abentem intelligere debeamus, recte dicemus cum Accursio in eo loco, quem supra indicauimus, præsentem in illa constitutione de fideiussoribus (quod & in simili re ac iure ad hanc constitutionem pertinet) accipiendum eum, qui est in territorio, in quo cum altero præsentem agitur: etiam si forte non sit in iure, aut in ipsa vrbe, atque adeo in locis continentibus. Absentem contra eum, qui non sit in eo territorio, etiam si sit forte in eadem prouincia. Hoc ideo, quia in vtraque constitutione notatur is locus in quo cum vno præsentem in solidum agitur: placetque, si vterque sit in eo loco, diuidi debere actionem: si vnus absit, alterum cum quo agitur, in solidum teneri. Id non obscure declarat Iustinianus in *d. Nouel. de fid. §. i. ver. si vero intercessor.* cum absurdum esse dicit creditorem alio mittere, quam vbi cum fideiussore agit, & potest ab eo pecuniam exigere. Is porro fideiussor est is, cum quo agitur in solidum omisso reo principali, qui dicebatur abesse. Nec alia est huius constitutionis hypothesis aut ratio in præsentem reo conueniendo, cum alter abesse dicitur. Quid, si & hic de eo qui abest, sit controuersia: dum scilicet creditor tan-

quam vnus absit, agit cum altero præsentem in solidum, qui autem conuenitur, dicit alterum præsentem esse, aut se nescire, an absit, & prius id explorari, & absentem esse sibi probari postulat? Vtri probationem imponimus: actorine, vt probet eum, de quo contenditur, non esse in eo territorio, in quo cum præsentem agitur, nec ante procedat eius intentio: an vero reo conuenito, vt probet alterum esse præsentem, ne secum agatur, atque hoc non probato actionem creditoris omnino excipere debeat? Et cum non detur hæc constitutio actionis aduersus vnum in solidum, nisi hac conditione, si alter præsens non sit: est hic quoque actoris ante omnia docere illum alterum abesse, atque hoc modo extitisse actionis conditionem. Nisi enim conditio extiterit, nulla esse potest actio. *l. cedere. D. de verb. sign.* Nec satis est dicere extitisse, nisi probes. *l. 2. ff. de prob.* Neque hoc probare difficile est creditori. Id consequetur hoc modo, si domum eius mittat apparitorem, per quem in ius vocetur, & neque ibi reperiatur, neque quisquam existat eius nomine defensor, iuxta formam præscriptam in *l. 4. §. prator. ff. de dam. infect.*

Sed si cum hic duæ tantum sint conditiones ad alterum in solidum conueniendum, si alter soluendo non sit, aut si absit: quid fiet, si vnus & idoneus, & præsens erit, sed præsens conueniri non possit? quod multis de causis accidit. Quid enim, si ex duobus reis, qui vice mutua fideiussores accepti sunt, vnus sit pupillus, aut seruus, qui obligetur tantum naturaliter? vt in specie *l. si ex duobus. §. i. ff. de fid.* Quid si sit, qui obligetur ciuilitur, sed restitutus sit in integrum beneficio ætatis? vt in specie *leg. si Titius. D. g. de fid.* Quid, si vnus acceptus in diem, aut sub conditione, & ante quam dies venerit, cum altero in solidum agatur? vt in specie *leg. si plures. ff. de fid.* Finge etiam pupillum præsentem die recte obligatum tutore auctore sine spe in integram restitutionis, sed abesse tutorem, sine cuius auctoritate pupillus conueniri non potest. *l. i. §. i. ff. de adm. tut.* Quid, inquam, fiet in his omnibus causis? An qui conueniri non potest, habebitur pro absente, vt sic ex conditione legis alter possit in solidum conueniri: an vero quia idem & soluendo est, & præsens est, alter conuenietur tantum pro parte, quia conditio legis quæ actionem tribuit in solidum, deficit? Dicemus satis haberi pro absente in proposito, qui iure conueniri non potest, aut non potest in præsentia: eoque quamuis idem soluendo sit, & præsens corpore, tamen tanquam absente eo nihilominus alterum in solidum conueniri posse. Idque mens & sententia legis exigit. Cur enim vno absente placet Iustiniano alterum in solidum teneri? Explicat Iustinianus in *Nouel. de duob. reis, versicul. si vero minus.* & quamuis non exprimeret, tamen est in promptu: quia videlicet absens conueniri non potuit in eodem territorio, nec potuit ibi creditor ab eo partem, quæ debetur, accipere. Atqui multo minus conueniri ibi potuit, qui omnino iure non potuit, neque illic neque alibi: multo minus potuit creditor ab eo suum consequi. Quare & multo magis hoc casu aduersus alterum in solidum actionem dari voluit, atque hoc modo creditori consuli, omninoque itatus est, quibus in causis ratio legis versatur, in his idem æstimari debere, quia ea sit sententia & voluntas legis. *l. illud. ff. ad leg. Aquil. l. non possunt. leg. nam vt. ff. de legi.* Neque hic distinguemus, vtrum creditor ignorarit vnum ex reis in ea causa esse, vt posset non conueniri, an vero sciuerit, quasi si

sciuerit, ei nocere debeat. Hec enim distinctio in duobus reis recipienda non est, de quibus nominatim conuenerit, ut singuli in solidum tenerentur: ac de his nunc agimus: cum ideo creditor sibi cauere ab altero solidum, quia sciebat se ab altero inuito partem non posse consequi. Plane si proponas per creditorem factum esse, ne vnus teneretur, non nocebit ea res alteri, quominus & is pro parte temper reueatur. Verant regule iuris, quæ dictant, Neminem alterius conditionem facere posse deteriore: item, Alteri per alterum iniquam conditionem inferri non posse: item, Factum cuique suum, non aduersario nocere debere, *l. soluendo. D. de neg. gest. l. non debet alteri l. factum cuique. D. de reg. iur.* Finge vnum pacto creditoris liberatum; aut creditorem vel non petendo intra tempora constituta, vel male agendo ab vno cecidisse; aut vnum dolo malo inductum, ut promitteret, quibus in causis factum creditoris alteri confideiussori, aut contutori ad eum in solidum obligandum non nocere responsum est, *l. si pupillus. D. de adm. tut. l. si Titius. in fi. D. de fid. congruit l. Strychum. §. pen. D. de solu.*

12 Sunt igitur hæcenus constitutæ conditiones hætres, quarum vnaquaque existente placeat quemque ex duobus reis, etiam qui vice mutua fideiussores accepti sunt, in solidum teneri: si alter scilicet non sit soluendo; si præsens non sit; si præsens conueniri non possit, idque factum aut culpa creditoris non acciderit postea. Addeamus ex iure communis quartam conditionem, quæ & vulgo recte recepta est, si ita conuenierit de singulis in solidum conueniendis, ut beneficio diuisionis hac constitutione sibi tributo renuntarent. Sic enim ius perpetuum est, licere unicuique iuri pro se introducto renuntiare. *l. pen. §. de pact. l. pactum. D. eo. l. si index. D. de min.*

AD TIT. XLI. DE FIDEIVSSORIBUS, & MANDATORIBUS.

S V M M A R I A.

- 1 Cautionum genera duo, & qua.
- 2 De fideiussoribus cur hoc loco, non coniunctim cum pignoribus.
- 3 Interuenientium pro aliis species.
- 4 Fideiussores, qui.
- 5 Expromissor quis, & quid a fideiussore differat.
- 6 Fideiussorum obligatio.
- 7 Fideiussores unde dicti.
- 8 Mandatores qui, & qua eorum obligatio.
- 9 Constituta pecunia rei, qui, & quid intersit inter horum & fideiussorum obligationem.

FIDEIVSSORIBVS tunc locus est, cum id agitur, ut creditori magis cautum sit. *Inst. eo. tit. in prin.* Cautionum igitur duo genera. Nam aut pignoribus cauetur, aut reis, id est, iis qui pro alio rei fiant. *l. 1. §. iubet. D. de collat. bon. l. 4. §. addici. D. de fid. liber.* De pignoribus supra diximus. His adiungitur alterum cautionis genus, quod est positum in personis pro aliis interuenientium. De quo tamen genere potius hoc loco separatim traditum est, quia fideiussores, qui sunt ex horum reorum numero, verbis constituuntur: ut proinde placuerit tractationem de verborum obligationibus præmitti. Reorum, qui pro alio qui idem principaliter debitor sit, interueniunt, tres sunt species: fideiussores, mandatores, & qui pecuniam constituent. *Novel. 4. de fideiuss. §. pen.*

4 Fideiussores sunt, qui pro alio obligato vna idem

promittunt verbis. *l. 5. §. satis acceptio. D. de verb. obl.* Itaque desiderat fideiussio res duas ad obligationem: in forma contrahendi, verba seu stipulationem; in causa, alienæ obligationis susceptionem. Sine stipulatione non constituunt fideiussores. *l. blanditus. §. hic. d. l. 5. §. satis acceptio. de var. obl.* Nisi autem fideiussor alienam obligationem in se non dico transfert, sed suscipit, ut distinguuntur ista in *l. 1. supra ad Vellei.* ut sic ad alienam obligationem fideiussor accedat, non obligatur, ac ne fideiussor quidem est. *§. fideiussores. Inst. eo.* Inde fideiussores ad promissores dicti; quia scilicet ad id, quod alius debuit, accedentes idem promittunt. *d. l. 5. §. satis acceptio.* Inde etiam ceteri accessiones principalis obligationis, sine quibus non consistunt. *d. §. fideiussores. Inst. eo.* Ex quo illa: nisi quid debeatur, & principalis obligatio aliqua præcedat, fideiussores obligari non posse. *l. is cui b. mis. D. de ver. obl.* Item, fideiussorem in maiorem quantitatem, aut deteriore causam obligari non posse, *d. §. fideiussores ita.* Postremo, principali reo liberato & fideiussores liberati; quoniam principali causa non subsistente, non possit esse accessioni locus. *l. in omnibus speciebus. D. de solu. l. cum principalis. D. de reg. iur.* Sed ut obligationem præcedentem requiramus, cui fideiussor accedat, quo is obligetur: ita qualiscumque obligatio præcedat, nihil interest utrum ciuile, an naturalis; & ciuile utrum verbis contracta, an re, an literis, an consensu solo. *§. 1. Inst. eo.*

Sane fieri potest, ut quis obligationem alienam in se suscipiat liberato priore reo, aut eo nomine non obligato, cum tamen obligari deberet: qui in vñ iuris dicitur expromissor. *l. §. eleganter. §. seruus pactio. nis. D. de dolo. l. qui libertinus. in fi. D. de oper. lib.* Sed hic fideiussor non est, neque ad promissor; quia non idem cum alio promittit. unde & a fideiussore vbique distinguitur. *l. ut res. D. de cont. em. §. vendita. Inst. de rer. diuis.* Quamobrem & ad huc tractatum nihil pertinet. Cum igitur autem dicamus fideiussores verbis constitui, ex eo apparet, quam teneatur, & quo iure. Quisquis stipulanti quid promittit, iure ciuili obligatur. *§. de constituta. Inst. de act. Inst. de verb. obl. in prin.* Proinde hæc ipsa fideiussorum obligatio est. Dicantur igitur fideiussores ex formula vetere in fideiussoribus constituendis recepta. Interrogabantur enim ad promissores futuri, an id quod ab alio debetur, fide sua esse iuberent, id est, vellent id constitutum esse fide sua, & an in eam rem fidem suam obstringerent, respondebant illi se iubere esse fide sua, ut indicatur in *§. penult. Inst. eo.* Alioqui omnes debitores etiam principales fidem suam obstringunt. *l. 1. ff. si cert. pet.*

Mandatores igitur in iis, quæ pro aliis intercedunt, dicuntur, qui ad creditorem futurum veniunt, & eum rogant, ut pecuniam credat debitori futuro. Nam cum his creditor ita pecuniam credit, duo ex ea causa obligantur. primum is, cui ea pecunia credita est, qui obligatur ex causa mutui, qui idem reus est principalis, ut cuius causa mutuum comparatum sit. Alter is, qui mandauit, qui ex mandati causa tenetur creditori contrario iudicio mandati, ut illi præstet, quod is rogatus credit. Nascitur hæc obligatio ex consensu, ut & obligatio mandati omnis. *Inst. de obl. ex conf.* Sed nihilo minus eadem vis est obligationis huius, quæ & stipulationis, qua fideiussores constituuntur. Quid dissent mandatores a fideiussoribus, ex his definitionibus manifestum est.

Qui igitur pecuniam ab aliquo debitam vel pro se vel

pro aliis constituunt se soluturos, hi non minus, quam superiores ex constituto obligantur: quamvis neque verbis, & stipulatione fidem tuam adstringant, neque quidquam mandent creditori, sed potius his mandetur, ut constituent, §. de constituta. Inst. de act. l. 1. Et toto tit. ff. de const. pec. Roger igitur aliquis, cum omnis, qui pecuniam constituit, nudo pacto pro aliis obligetur, quid adeo opus sit stipulatione ad fideiussores constituendos. Nempe ideo opus est, quia utrum fideiussores verbis constituentur, an quis pecuniam solo pacto constituat, multum interest. Fideiussores statim, & sine vlla conditione teneantur, siquidem pure accepti sint. Qui autem pecuniam constituit, non tenetur nisi certis conditionibus edito prætoris de hac causa comprehensis. Nam si peractorem itererit, quo minus fieret, quod constitutum est, qui constituit, non tenetur, l. si dno. 16. §. 1. ff. de const. pec. sed nec tenetur ante, quam dies saltem decem præterierint, leg. promissor Sychi. ff. de const. pec.

L. I.

Imp. Severus & Antoninus AA. Lyſiæ.

Si Lyſias adempta parte bonorum exſuare iuſſus eſt: non niſi pro parte, quam retinuit, creditoribus obligatus eſt. Verum qui pro eo fidem ſuam adſtrinxerunt, iure priſtino conueniri poſſunt. PP. 7. d. b. Octobr. Seneca A. III. & Victorino Cuff. 201.

S Y M M A R I A.

- 1 Publicatis extranei debitoris bonis aut parte bonorum, ita damnatum liberari, ut fiſcus eatenus damnato ſuccedat cum ſuo onere.
- 2 Publicatis bonis fideiuffores) damnati quamvis liberati nihilominus teneri: & quam recte.
- 3 Extraquam ſi damnatus ex alia cauſa liberatus ſit, quam damnatione, & l. 4. in princ. ff. ſi quis cauſ. ſententia.
- 4 Damnato debitori ſuo ſi fiſcus ſuccedat, & penitus tolli obligationem, & liberari fideiuffores. L. in fraudem. §. ſi principalis. ff. de iur. fiſc. explicatur. ibidem.

QUOTIES quis ita damnatur, ut ex damnatione eius bona publicentur ſive vniuersalia, ſive pro parte (quod poſterior in quibuſdam iudiciis accidit, ut lege Iulia de vi priuata, §. item lege Iulia de vi. Inſt. de pub. ind.) toties damnatus, ſi quid prius debuit, pro ea parte liberatur, pro qua bona publicata ſunt. Neque ideo conſtitutum eſt, ut damnatio prodeſſet debitori, quod eſſet iniquiſſimum; ſed quia bonis publicatis ſic tanquam mortuus fiſcus eatenus damnato ſuccedit, & ſuccedit cum ſuo onere: ut iam pro damnato fiſcus tanquam ſucceſſor incipiat teneri, l. 2. j. ad leg. Inl. de vi. l. cum tabulis. in fin. ff. de his qua ut indig. auſ. l. fiſcus. in princ. ff. de iur. fiſc.

2 Ea tres facit, quod hic traditur, ut ſi damnatus fideiuffores dederit, nihilominus publicatis bonis fideiuffores in ſolidum, ut prius teneantur. Eſt enim principalis reus liberatus videtur; tamẽ eius perſona ſublata ſupererit fiſcus, qui in eam obligationem ſuccedit, & ita ſuccedit, ut nihilominus eadem perſona cum defuncto eſſe videatur. hæc enim conditio eſt perſonæ hereditum, Nouel. de iur. iur. a morien. præſ. leg. quædam. §. 1. ff. de eden. Quapropter nihil hanc ſententiam offendit regula iuris, qua efficitur, liberato reo etiam liberari fideiuffores, leg. in omnibus ſpeciebus. ff. de ſoluit.

Hic enim effectum eſt non liberari principalem reum, qui ſucceſſorem habet; ut qui in perſona heredis debere adhuc intelligatur.

Sane ſi damnatus reus ita liberetur ex aliqua cauſa, ut nec heredes eius ex eadem cauſa teneantur; probandum eſt principali cauſa ita ſublata, etiam fideiufforem liberari. Id accidit in ea cauſa, cum is qui promiſerat ſe iudicio ſtiturum certa die, & in eam rem fideiufforem dederat, ideo non ſtetit, quia iudicio capitali damnatus erat vel morte vel exilio. In qua ſpecie ſcriptum eſt in l. 4. in princ. ff. ſi quis cauſ. promiſſorem quidem ex ea ſtipulatione certo non teneri, quia exceptionẽ habet, ſed adiicitur, nec teneri fideiuffores. Atqui in ea ſpecie bona dampnari publicata ſunt, & in eius locum fiſcus ſucceſſit, ut eſt in ſpecie huius loci. Ita eſt: ſed longe diſſimilis eſt liberationis cauſa utroque in loco. Nam cum quis ideo non venit in iudiciũ, quia damnatus eſt, nempe ideo non venit, quia non poteſt venire ſententia prohibitus. quod cum accidit, toties aduerſus actionem ex ea ſtipulatione comparatam datur promiſſori exceptio, l. 2. ff. ſi quis cauſ. Vnde rurſum euenit, ut non magis teneantur promiſſoris heredes, quam ipſe promiſſor; quoniam imp. ſibi ſibi nulla obligatio eſt. l. impoſſibile. ff. de regul. iur. proinde nec fiſcus poſt damnationem teneatur. Quod ſi ita eſt, conſequens eſt regula iuris nec fideiufforem ex ea cauſa teneri, d. l. in omnibus ſpeciebus. ff. de ſoluit. l. cum principalis. ff. de regul. iur. Verum t huic reſcripto atque iſti damnationi opponitur generalis definitio l. in fraudem. §. ſi principalis. ff. de iur. fiſc. ubi hæc Pauli verba ſunt: ſi principalis rei bona ad fiſcum deuoluta ſint, fideiuffores liberantur. Sed de alio atque alio debitorẽ hæc dicta ſunt. Agitur hoc reſcripto de debitorẽ extraneo, cui cum fiſcus ſuccedit, non ideo ſucceſſione obligatio tollitur, ſed confirmatur. hæc enante etiam fideiuffores obligatos teneri necesse eſt. Pauli autem definitio ſuperior de principali reo, qui fiſco debuerit, intelligenda eſt: quæ poſtea bona ad fiſcum creditorem deuoluta ſint, id eſt, cui fiſcus ſucceſſerit. Nihil certius, quam in vniuerſum hæc caſu fideiuffores liberari. Hic enim creditor debitorẽ ſuccedit, quæ cū ſit, obligatio confuſione tollitur, l. Sychem. §. aditio. D. de ſoluit. l. debitori. ſupra de pact. Obligatione principali hæc modo ſublata fieri non poteſt, quin & fideiuffores liberentur, d. l. in omnibus ſpeciebus. l. 4. hic. Et ut ſequentia verba definitionis illius Pauli obiter explicemus, ſubicit Paulus, ut eſt lectio Pandectarum Florentinarum; niſi forte minus idonei ſint, & in reliquum non ex ſoluta quantitatis acceſſerint. Quorum verborum hæc eſt ſententia. Fideiuffores ſuperiore confuſione liberantur; niſi ſint fideiuffores rei principalis minus idonei, id eſt, rei, qui non ſit ſolvendo: ut fideiuffores in eam quantitatem, in quam reus principalis ſolvendo non fuit, ſeſe obligauerint, ut in ſpecie l. decem. D. de verbor. oblig. Itaque hæc exceptio hoc declarat, etiam tunc, cum fiſcus debitori ſuo ſuccedit, nihilominus fideiuffores debitoris teneri, ſi principalis debitor partem ſoluere non potuit, & nominatim fideiuffores in eam partem interuenerint. Alia lectio fuit tempore Accuſii, quam ille commemorat ad eum locum, in hæc verba; eſi minus idonei ſint, & in reliquum non ex ſoluta quantitatis acceſſerint. eſi, pro niſi. Lectio ſuperiori contraria. Nam prior illa de definitione propoſita excipit eos fideiuffores, qui pro reo minus idoneo interuenerint. Poſterior etiam in hoc caſu retinet definitionem, ad hanc

sententiam; ut cum ad fiscum bona rei principalis peruenierint, fideiussores omnino liberentur; nec ad rem pertineat, an reus principalis soluendo fuerit, & fideiussores in eam quantitatem, quæ exsoluta non est, interuenerint. Nam ne in eam quidem quantitatem fideiussores amplius teneantur. Hæc lectio & sententia nobis retinenda est priorē repudiata. Est enim iuris certi, cum fiscus debitori suo succedit, obligationem rei tolli confusione, etiam si reus principalis soluendo non fuerit. Nam si obligatio rei principalis tunc tollitur, & fisco amittitur, cum reus soluendo fuit, multo magis tollitur tunc, cum reus soluendo non fuit, denique siue reus soluendo est, siue non est, semper debitor pariter obligatur. Atqui hæc obligatio omnis confusione tollitur, quoties creditor succedit debitori, d. l. debitori. §. de pact. l. Strychum. §. aditio. de solut. Obligatione principali sublata, necesse est etiam fideiussores liberari sine exceptione; quia ut iam aliquoties diximus, fieri non possit, ut sublata causa principali accessioni sit locus. d. l. in omnibus speciebus. §. §. fideiussores. Inst. de fid.

L. Creditori. II.

Idem AA. Plorio.

Creditori, qui pro eodem debito & pignora & fideiussorem accepit, licet, si malit, fideiussorem conuenire in eā pecuniam in qua se obligauerit. quod cum facit, debet in pignorum in eum transferre. Sed cum in alia quoque causa eadem pignora vel hypotheccas habet obligatas, non prius compellendus est transferre pignora, quam omne debitum exsoluatur. Dat. 5. Calen. Febr. Apro. 11. & Maximo Coss. 208.

S Y M M A R I A.

- 1 Fideiussorem non prius conueniri posse, quam aut abesse probetur reus, aut non esse soluendo.
- 2 Fideiussorem quamuis recte conuentum, non prius cogi soluere, quam cessio sibi a creditore in debitorem actionibus, & pignoribus. & quo iure, quamque recte id tributum fideiussori.
- 3 Pignora in aliam quoque summam obligata, quam in quam fideiussor tenebatur, fideiussori cedi necesse non esse.

Hic locus est de vi & effectu obligationis fideiussoriz. Cum fideiussor stipulatione obligetur; si hic stipulationis & obligationis eius, quæ inde nascitur, regulas sequeremur, consentaneum erat, ut fideiussores a creditore, eodemque stipulatore statim conueniri possent, & ita conueniri, ut fideiussores conuenienti necesse haberent soluere, etiam si creditor vicissim eis nihil præstaret. Sic enim ius est de stipulatione, omnique obligatione pura, ut quod pure promissum est, id statim a promissore peti possit, §. omnis. Inst. de verb. oblig. Et si creditor vicissim nihil promissit, nihil habet debitor, quod iure suo possit ab eo exigere. Conditionem enim stipulationis ab initio constitutam mutare non potest neque creditor, neque debitor, l. vero. ff. de solut. l. habere. ff. de iur. i. Sed de his ius singulare constitutum est in persona fideiussoriam. Ac primum ita quidem ex suprascripta regula ius vetus erat, ut liberum esset creditori statim fideiussorem conuenire omisso principali reo, quod ius traditur in princ. huius l. 2. item in l. 3. & l. 5. eo. tit. Hodie contra ex constitutione Iustiniani, qua id ius mutatum est. Non. 4. de fideiuss. cuius summa expressa est in auth. præsentē, 2. hoc tit. de qua ibi dicitur. Præterea hoc proprium

fideiussoriz obligationis, ut non prius fideiussores cogantur creditorē soluere, quam ille actiones suas aduersus reum & pignora ab eo accepta, cesserit, ut declaratur hac l. 2. item l. cum is. 3. ff. eo. Sed unde hoc ius petitur, cum repugnet naturæ obligationis? Non sane ex communi iure, & potestate obligationis; sed ex æquo & bono. In eamque rem datur fideiussori doli mali exceptio, qua excludatur creditor, qui non oblata actione & pignoribus ius suum persequatur. Exceptionis ratio & æquitas hæc est, Scimus exceptionem doli mali competere aduersus eum, qui subtilitate iuris fretus aliquid contra naturalem æquitatem petit, l. 1. ff. de doli ma. & met. exc. At æquum est, creditorem cum illi pecunia soluitur a fideiussore, actiones suas fideiussori cedere. Id enim fideiussori prodest, & cedenti nihil nocet; & præterea etiam in eam rem creditor pecuniam accipit. Quod præstitum accipienti prodest, nobis nihil nocet, id secundum naturæ æquitatem est cuius præstari etiam ignoto, l. 2. §. quāquam. ff. de aq. & aq. plu. Ita haec concessio fideiussori denegare hoc prætextu, quia de eo nihil conuenit, est contra naturæ æquitatem facere per subtilitatem & occasionē iuris summi. Quare & aduersus eam denegationem doli exceptioni locus est. Quod tamen dictum est, creditorem pignora a debitore accepta fideiussori cedere debere; recte monemur hoc rescripto sic temperandum esse, si pignora tantum in eam summam, quæ a fideiussore soluitur, obligata sint quo casu cessio creditori nihil nocitura est. Diuersum esse, si ea pignora præterea a debitore in aliam summam sint obligata. Nam tunc creditor pignora fideiussori cedere non potest, quin in illam summam amittat pignorum persecutionem. Sic cessio a creditore exigenda est, ne illi noceat. Quapropter recte placet non aliter impetrare debere fideiussorem, ut sibi cedantur pignora, quam si paratus sit omnem pecuniam, quæ debetur, exsoluere.

L. Non recte. III.

Idem A. Maximo.

Non recte procuratores nostri, si allegationi tua fides adesset, audiri te noluerunt ex bonis fideiussoris, qua ad fiscum peruenierunt, pecuniam repetentem, sed reum principalem conuenire iusserunt, cum electionis potestas permittatur creditori. Sed cum duos fideiussores accepisse te proponas: si alter idoneus est, intelligis te diuisa quantitate partem competentem a Procuratore nostro petere debere, & aduersus alium fideiussorem eius experiri. Nam licet significes adiectum esse in obligatione, ut singuli in solidum tenerentur: tamen nihil hac res mutat conditionem iuris & constitutionem. Nam & cum hoc non adiciatur, singuli tamen in solidum tenentur: sed ubi sunt omnes idonei, in portionem obligatio diuiditur. P. P. 17. Cal. Septembr. Antonino A. III. & Geta III. Coss. 209.

S Y M M A R I A.

- 1 Fideiussores plures singulos iure non tantum vetere, sed & nouo in solidum teneri, quatenus ceteri soluendo non sint.
- 2 Inter plures fideiussores si omnes soluendo sint, diuidi obligationem ex epistola D. Hadriani, sed per exceptionem duntaxat, non ipso iure; & quis effectus.
- 3 Beneficium tributum solum pluribus fideiussoribus unius debitoris, non plurium debitorum, etsi unius summe fideiussores sint.

- 4 Beneficium denegatum pluribus fideiussoribus tutorum: & cur.
- 5 Fideiussores plures an omnes soluendo sint ad beneficium diuisionis, spectandum tempore litis contestata: & hoc quam vim habeat.
- 6 Beneficium diuisionis inter fideiussores inficiantibus denegatum.
- 7 In pluribus fideiussoribus accipiendis si conuenerit, ut singuli in solidum teneantur, nihilominus eos beneficio diuisionis uti posse; & cur non repugnet conuentio.
- 8 Beneficio diuisionis non usum fideiussorem si solidum soluerit, nullam eo nomine aduersus confideiussores actionem habere.

DVÆ sunt partes huius rescripti. Priore id ius traditur, de quo supra in l. 2. diximus, licere creditori omisso reo principali fideiussorem conuenire. idem in l. 5. hic. Hoc ius immutatur auth. præsentis, quæ sequitur, & ad huius iuris exceptionem id fragmentum pertinet. Altera pars est, qua de obligatione plurium fideiussorum comprehenditur, in qua quæritur, quatenus fideiussores teneantur. de quo ita statuendum est.

Plures † fideiussores eiusdem rei seu pecuniæ quæ deberur, singuli in solidum tenentur, siue id nominatim conuenerit, siue non conuenerit: & siue omnes soluendo sint, siue non sint, ut in extremo huius rescripti declaratur. Neque hoc ius mutatum esse putandum est constitutione Nouella Iustiniani de duobus reis, vade auth. hoc ita. §. de duobus reis. Ea quidem constitutione effectum est, duos reos promittendi non teneri in solidum, sed pro parte, etiamsi singuli soluendo non sint; nisi nominatim conuenerit, ut in solidum obligarentur. Et potest existimari ea constitutio ad fideiussores transferri debere, ut nec fideiussores plures tantum rei eiusdem summæ teneantur in solidum, nisi nominatim conuenerit. Sed recte recepta est vulgo hæc sententia, eam constitutionem, quæ de duobus reis est ad fideiussores non pertinere. Differentiæ ratio non est obscura. Nam plures rei promittendi eodem tempore eiusdem pecuniæ nomine accipiuntur. Unde existimari potest pro numero personarum diuidi obligatio inter eos, ut illis respondeantibus de ceterum, intelligantur singuli promississe quinquaginta, l. reor. ff. de duobus reis. l. cui fundus. ff. de cond. & demon. Potest quidē accipi & illud coniectura voluntatis, quasi singuli ut verbis solidum responderunt, ita & re videantur solidum promississe. Sed cum id incertū esset, voluit Iustinianus non aliter id accipi, quam si nominatim conuenerit, ut singuli vel in solidum tenerentur. In quo sustulit dubitationis causam, quemadmodum prius fecerat in nouatione, l. ultim. j. de nouat. At plurium fideiussorum obligatio dubitationem non habet, quin ex eorum promissione singuli in solidum obligentur. Nam singuli promittunt id quod reus debet, & quantum debet: debet autem solidum. Quamobrem & singuli fideiussores promittunt solidum, ut ad eam rem explicatione alia apertiore non sit opus. Tenentur ergo plures fideiussores in solidum, idque sine controuersia, si ceteri idonei non sunt. Quod † si omnes sint soluendo, hic beneficium fideiussoribus tributum est epistola quadam Hadriani Imperatoris, ut obligatio inter fideiussores diuidatur, §. si plures. Inst. eod. l. si plures. ff. eod. & hac l. in fin. In qua diuisione hoc primum notandum est, diuidi obligationem in-

ter plures fideiussores per exceptionem duntaxat, non ipso iure. Huius differentiæ quis sit effectus, sumendum ex l. inter. 26. ff. eo.

Sed † non tribuitur hoc beneficium omnibus, nec sine exceptione. Non omnibus fideiussoribus hoc beneficium datum; sed iis, qui non solum eiusdem summæ, sed etiam eiusdem debitoris fideiussores sunt. Ceterum inter plures diuersorum debitorum fideiussores actio non diuiditur. Ut puta, stipulatus sum decem ab aliquo, & fideiussorem ab eo accepi. Eadem decem ab alio sum stipulatus, & ab eo quæque accepi fideiussorem: ut appareat duos eiusdem summæ fideiussores esse. Nihilominus singuli in solidum conueniuntur. non enim sunt vnus debitoris fideiussores, sed plurium debitorum, & in negotio debitoris principalis sunt singuli, non plures, l. si Titio. ff. eo. Similiter si a debitore fideiussorem accepi, & a fideiussore alium fideiussorem eius nomine; duo quidem sunt hic fideiussores eiusdem summæ, sed non ideo inter eos actio diuiditur, l. si plures. §. ult. ff. eod. quoniam scilicet sunt plurium debitorum fideiussores; prior debitoris, posterior fideiussor fideiussoris. Sed † & in persona plurium fideiussorum vnus debitoris, placuit hoc beneficium fideiussoribus tutorum non dari; sed fideiussoribus tantum eorum creditorum, qui ipsi fideiussores sua conuentione accepissent. hoc in l. ut. D. rem pup. sal. fore. ubi & differentiæ ratio a Papiniano explicatur ad hæc sententiam. nam qui cum fideiussoribus contrahunt, possunt ab initio conuenire, ut singuli fideiussores in solidum conueniantur. Quod si non fecerunt, de se queri debent. Papillo nihil tale imputari potest in fideiussoribus tutorum: quoniam ipse cum tutore non contrahit, eoque nec cum eius fideiussoribus, sed in eos incidit.

Datur † autem hoc beneficium duabus conditionibus. Vna est, si omnes fideiussores idonei sint, ut hic dicitur, id est, si sint soluendo omnes, idque spectatur tempore litis contestatæ, §. si plures. Inst. eo. l. inter. 51. §. 1. ff. eod. Quod dicimus, tempus litis contestatæ in hac re spectari, id eam vim habet, ut nihil prodest fideiussoribus qui soluendo sunt, si ceteri fideiussores aliquando soluendo fuerint autem litem contestatam, & ante soluendo esse deserint; sed qui eo tempore soluendo non est, hoc ceteros onerat, d. §. si plures. Inst. eo. Et conuerso si omnes proponantur tempore litis contestatæ soluendo fuisse, & postea aliqui minus idonei esse ceperint etiam ante sententiam, ea res ad onus eius, qui soluendo est, non pertinet. Addit Papinianus, nec auxilio defendi ætatis actorem. non enim deceptum videri, qui iure communi sit usus, hoc in l. inter eos. §. pen. ff. eod. Et generaliter quoties constituitur, ut inter aliquos diuidatur actio, si certo tempore idonei sint, toties soluendo esse desisse aliis non nocet, si post tempus id contigit, l. 1. §. de diuid. tut.

Alter † conditio est, si fideiussores non negent se fideiussores esse. Inficiantibus auxilium diuisionis non tribuitur, l. si dubitet. §. 1. ff. eod.

Quid, † si in fideiussoribus accipiendis conuenerit inter creditorem & fideiussores, ut fideiussores singuli in solidum teneantur, an ex hac conuentione singuli in solidum conueniri possunt? Hic rescriptum est, non eo minus fideiussores beneficio iuris uti posse, ut non nisi pro parte conueniantur. additur ratio, quia iure hoc fit, ut inter fideiussores diuidatur actio: hæc autem conuentio, quæ proponitur, iuris conditionem & constitutionem non mutat. Sed huic rationi vniuersi

iuris de pactis ratio atque æquitas reclamare videtur. etsi enim hic beneficium diuisionis tribuitur fideiussoribus iure: tamen beneficium est de re priuata & familiari, idemque pro fideiussoribus constitutum. Atqui ius certum est licere cuius pacisci, & paciscendo deteriore conditionem suam facere, *l. iuris gentium. §. si paciscatur. l. pactum. D. de pact. & in vniuersum licere iuri pro se introducto renuntiare sine exceptione, l. pen. §. de pact.* Proinde etiam ex hoc iure hæc conuentio seruanda est, ac seruata plusquam manifestum est mutare superioris iuris conditionem. De quo ita recte constituetur, negari non posse, nec debere, quin hic quoque vt in ceteris causis inter priuatos conuentio sit seruanda: sed non ideo ita esse seruandam, vt singuli fideiussores conueniri possint in solidum contra ius superioris rationem, nõ quia ius superius impediatur, sed quia non id agatur conuentione, vt id ius mutetur. Sic enim fuit conuentio, vt singuli fideiussores in solidum tenerentur. at hoc ipsum & iure constitutum est, vt in solidum teneantur. Hactenus ergo conuentio iuris constitutionem non mutat, sed confirmat. At enim ius constitutum est, vt fideiussores pro parte tantum conueniri possint, si omnes sint idonei. Ne hoc quidē mutat superior conuentio. Non enim conuenit, vt fideiussores in solidum conueniantur, sed vt teneantur. tenentur autem in solidum semper eundem, cum conueniantur pro parte. Humanitas enim causa ita conueniuntur, vt conuentio sit ipsi quam minimum damna; non autem ideo, quia non teneantur. Arguendo est, quod si non omnes soluendo fiat, hi qui soluendo sunt, tenentur, & conueniuntur in solidum. Hoc loco varie nobis occurritur. Nam primum hoc ipso, quod conuenit, vt in solidum teneantur fideiussores, conuenisse intelligitur, vt in solidum conuenirentur, etiam si omnes essent idonei; quoniam verba cum effectu accipienda sunt, *l. pen. §. docere. D. ne quis eum qui in ius voc. est.* Effectu autem non intelligitur teneri, qui remoueri nõ potest: quoniam dicimus creditores non esse eos, qui exceptione perpetua conueniri possunt, *l. creditores. ff. de verb. sign.* Respondeo, etiam si interpretemur fideiussores in solidum teneri, qui conueniri tantum possint pro parte; nihilominus tamen verbum tenendi cum effectu a nobis accipi. Nam is qui soluendo est, si ceteri non sunt soluendo, vt in solidum tenetur, ita & conuenitur in solidum, si omnes soluendo sunt, etiam effectu creditor consequitur suum a ceteris, a quibus autem consequatur, nihil eius interest, dummodo consequatur. Rursus nulla ratione effici dixeris, superior conuentionem de singulis fideiussoribus in solidum conueniendis accipi debere. Etenim si ita interpretamur, vt fideiussores singuli in solidum non possint conueniri, etiam tunc cum omnes idonei sunt, conuentio est inutilis. Nam & sine conuentione idem iure efficiebatur, vt hoc rescripto traditur. At in interpretatione orationis omnis hæc regula præscribitur, orationem sic accipi debere, vt omnino aliquid egisse videatur, *l. si quando in princ. D. de leg. 1. l. 1. in fin. D. ad munic.* Quare hanc quoque conuentionem sic interpretari debebimus, vt fideiussores idonei singuli in solidum conueniri possint, ne sit conuentio inutilis. Huc facit, quoties in stipulationibus, *D. de ver. obl. l. ubi. l. quoties in actionibus. D. de reb. dub.* Sed quod dicitur, conuentionem sic interpretandam esse, ne sit inutilis, sic intelligendum est, si modo etiam ea sententia, quam accipi volumus, verbis contineatur. Nunc

autem cum conuenit, vt omnes fideiussores teneantur in solidum, his verbis non continetur, vt omnes in solidum conueniantur, cum possint teneri in solidum iure, vt certe tenentur, & tamen humanitatis causa non conueniantur in solidum, nisi quatenus necesse sit, id est, quatenus non sunt soluendo. Bene igitur & prudenter responsum est, superiore conuentione non adimi beneficium diuisionis fideiussoribus. Sed ¶ quodcumque hic beneficium est diuisionis, sciamus id tribui fideiussoribus pro parte se conueniri desiderantibus. Quo neglecto si solidum soluerint, sciant eo nomine actionem se tantum habere aduersus debitorem, non etiam aduersus ceteros fideiussores, *l. cum alter. j. hoc tit. §. si plures. Inst. eo.*

Authent. presente.

Presente tamen utroque non permittitur intercessorem conueniri, priusquam reus inuenitus est minus idoneus, siue in totum, siue in partem. Absente autem reo, presens intercessor iure quidem conuenitur: ipso tamen deservente iudex definit tempus, intra quod deducat reum primo conueniendum, ipso in subsidium referuando. Nam transacto tempore compellitur intercessor satisfacere, cessis sibi a creditore actionibus, absque distinctione contractus siue intercessionis.

S Y M M A R I A.

Ad fideiussorem non prius perueniri posse, quam reus principalis aut absit, aut non sit soluendo: & quam recto id præter conditionem obligationis constituitur.

O LIMBERUM fuit creditori omisso principali reo fideiussorem conuenire: quod ius positum est, in *l. 2. l. 3. §. l. §. j. eo.* Id nitebatur optima ratione, si quis sequeretur conditionem obligationis. Nam fideiussores se obligarunt, non sub conditione si reus principalis prius conueniretur, non in diem, cum aliquod spatium interuenisset, intra quod reus principalis posset euocari. Pure igitur; quo in genere regula iuris efficiunt, vt qui eo modo se obligauit, statim possit conueniri sine exceptione, *§. omnis, Instit. de ver. obl. l. eum qui calendis. §. 1. ff. de ver. obl.* Iustinianus ¶ hoc mutat *Non. 4. de fideiuss. in pr.* vnde hoc fragmentum, vetuitq; ne ad fideiussores perueniretur, nisi aut reus principalis absens esset, vt non esset eius conueniendi copia, aut ita iudex esset, vt constaret eum excusis eius facultatibus non esse soluendo. Hoc etiam addidit, vt quamuis reus abesset, fideiussori desideranti spatium a magistratu daretur, intra quod posset reum euocare, & dare creditori conueniendum. Sed quo iure, quaque ratione æquitatis potuit Iustinianus actionem creditori semel quesitam ei auferre: cum sit certi iuris, & conuenientissimum rationi naturali, nulli ius suum detrahi, nulli actionem quesitam auferri inuito? *l. 2. ff. de his qui sunt sui vel alie. iur. l. habere. ff. de e. iur. l. item* cum constet conditionem, quam stipulatio ab initio accepit, non posse mutari inuito aut creditore aut debitore? *l. vero. §. 1. ff. de sol.* Nempe summi iurii ratio id postulabat, ne fieret: sed constitui humanum visum est, & conueniens æquitati nature. Ratio humanitatis & æquitalis hæc est, quod fideiussores ad fideiubendum ex liberalitate & beneficio accedunt. Est æquissimum nulli officium suum damnosum esse, quod eius sine iniuria creditoris consequi liceat, *leg. si seruus. §. quod vero. in fin. ff. de furt. l. sed si quis. ff. quem test. aper.* At sit sine iniuria creditoris, si prius cogitur debitorem conuenire. Nam si ab eo consequitur, quod vult, malitiose amplius requirit. Si non consequitur,

quitur, habet fideiussorem, ad quem regrediatur. In eo etsi nonnullum interuallum est temporis, tamen non est magnum damnum in mora modici temporis, ut scriptum est in *l. si debitori. ff. de indic.* In his si quaeritur, quem reum absentem accipere debeamus, quomodo abesse doceatur; quis sit non soluendo, & quomodo de eo recte constare possit: tum num quid sit hic dissimile a duobus reis, & quid sit: petendum ex iis, quæ ut in simili argumento scripsimus supra cap. 13. seu ad anth. hoc ita. de duob. reis.

L. Nouatione. IV.

Imp. Antoninus A. Rufæ.

Nouatione legitime perfecta debiri in alium translati, prioris contractus fideiussores vel mandatores liberatos esse non ambigitur: si modo in sequenti se non obligauerunt. PP. 15. Calen. Octob. Antonino A. IV. & Balbino Coss. 214.

QUOCVNQVE modo principalis obligatio tollitur, liberantur & accessiones: ut fideiussores, & mandatores, ut initio huius tituli diximus, *l. in omnibus. ff. de sol.* Liberationis autem species est nouatio. *§. præterea. Inst. quib. mo. tol. obl.* Proinde & nouatione fideiussores liberari necesse est. Vide *l. 1. §. etiam ob chiro. pec. pig. ten. pos.*

L. Jure. V.

Hic locus expositus est ad auth. præfente. §.

L. Si pater. VI.

Idem A. Pollæ.

Si pater tuus pro Cornelio, cum pecuniam mutuam acciperet, se non obligauit: frustra ex eo, quod tabulas obligationis ut testis signauit, conueniris. PP. II. Calen. Jul. Messala & Sabino Coss. 215.

S V M M A R I V M.

1. Subscribendo testamento neminem ideo videri in eandem causam se obligasse: & cur.

NEMO in instrumento de alieno negotio confecto subscribens, ideo a creditore consequi potest debitoris nomine; quoniam creditori non ideo se obligat, idque sic recte colligitur. Si is, qui ita subscripsit, obligatur, necesse est aut tanquam fideiussor obligetur, aut tanquam mandator, aut tanquam qui pecuniam constituit, quod intelligitur ex ea partitione quam ab initio posuimus. exstat in *l. ult. §. de const. pec.* Nihil fideiuber, qui nihil est stipulatur, *l. blanditus. j.* Non mandator, qui creditor non rogauit, ut pecuniam crederet. Non constituit, nisi qui pacto & consensu constituit se pecuniam debitam soluturum. Ex subscriptione porro hic consensus non arguitur. Nihil enim prohibet, quo minus quis videat, quid geratur, & rebus gestis subscribat, & tamen non prober, quæ geruntur aut quo minus prober quidem, sed tamen fidem suam nomine alieno non interponat. Ita cum subscriptio sine consensu esse possit, ex subscriptione, ut dixi, non recte consensus colligitur. quod & scriptum est in *l. neque natales. §. de prob.* Sed pater est, qui subscripsit obligationi cum filio contractæ. Nihil hoc facit ad obligandum patrem: quandoquidem ut filius pro patre conueniri non potest, sic nec pater pro filio emancipato *l. 1. l. 2. §. ne filius pro patre.*

L. Si creditor. VII.

Idem A. Eroti.

Si creditor conditioni mandato adscripta, cum pecuniam mutuam daret in accipiendis hypothecis non pa-

ruit: frustrare iudicio mandati conuenit, quando non aliter te obligasse intelligaris, quam si pignori bus contraheretur obligatio. PP. Calen. Jul. Lato. II. & Cereale. Coss. 216.

S V M M A R I V M.

1. Pecunia non per omnia ita credita, ut mandatum est, mandatorem creditori non teneri.

MANDATORES non minus quam fideiussores diximus initio huius tituli a creditore conueniri posse, idque iudicio mandati. Hoc ita est, nisi is qui mandauit pecuniam credi, certa lege & conditione mandauerit, & ei legi creditor non paruerit. Diligenter enim fines mandati custodiendi sunt: atque his non seruatis non intelligitur quisquam implese mandatum, *l. diligenter. ff. mand.* Hinc est, quod hic dicitur, cum quis mandauit creditori futuro, ut pecuniam Titio crederet pignori bus ab illo acceptis, si rogatus credidit, neque pignora accepit, actionem eum mandati aduersus mandatorem non habere: scilicet quia, ut dixi, mandatum non impleuit. Dices, non debere nocere creditori, quod pignora a debitoribus non accepit: quoniam pignora illius causa accipiuntur; licuit autem ei quod pro se est, contemnere, *l. si index. ff. de min.* Sed non eius tantum causa pignora accipiuntur, verum & mandatoris. Interest enim mandatoris, cum pecuniam soluit creditori, cedi sibi actiones & pignora, quæ creditor habuit, ac n. si his cessis non cogitur soluere, *l. 2. §.* Quare cum creditor in proposito non habeat pignora, quæ mandatori cedat, recte mandator actionem aduersus se recusabit; præsertim cum creditoris culpa factum sit, quo minus pignora illi cederet.

L. Filius familias. VIII.

Imp. Alexander A. Longo.

Filius familias, qui pro patre, quamuis in venditione fundi, fideiussit, tenetur. PP. 2. Jul. Octobris, Maximo II. & Aliano Coss. 224.

S V M M A R I V M.

1. Filium familias quamuis pro patre vendente fideiubentem obligari, & quæ in eo dubitandi causa.

FILIUSFAMILIAS ex omnibus causis obligatur non secus, ac quiuis pater familias, *l. tam ex contrahibus. ff. de indic. l. filius familias. ff. de obl. & act.* Ergo & si fideiusserit, obligabitur, id quod constat, si pro quouis extraneo fideiusserit, *l. 3. §. si filius familias. §. sed si filius. ff. de pecul.*

Quid, si fideiusserit pro patre? placet eum nihilo minus teneri, ut hic scriptum est, in quam sententiam & loci complures notantur ab Accursio. Sed cur in patre dubitamus potius? quæ vetus est circa fideiussores dubitatio, an iis fideiussoribus succurrédum sit aduersus creditorem, qui cum soluerint, actionem nullam habeant aduersus eos, pro quibus fideiusserunt. quod indicat *l. Marcellus. ff. eo.* Ex hoc autem numero est filius familias, qui pro patre fideiuber; quoniam inter patrem & filium, qui in eius potestate est, nulla nascitur actio, *§. hi qui. Inst. de obl. que ex del. nasc.* Sed non placuit hanc idoneam esse causam, cur fideiussoribus succurratur. quæ sententia est dict. *l. Marcellus. ff. eod.* Eadem sententia & ad filiumfam. pertinebit pro patre fideiubentem. Et merito ob hanc causam fideiussori subueniri non potest. Nam si fideiussor saluum habere non potest, quod soluit creditori, ipsius damnum est. Non debet damnum suum ad alterius iniuriam

referre, & creditorem decipere, *arg. in l. 3. in prin. ff. de transact.* Sed cur additum est in hoc rescripto, quamvis in venditione fundi filius fideiussit? Videri potest additum huius dubitationis remouendæ causa. Nam filius viuo patre quodammodo existimatur dominus bonorum patris, *l. in suis ff. de lib. & posth.* Quæ res facit, ut in venditione patris ipse filius quodammodo venditor esse intelligatur, eoque & debitor. Non potest autem idem & debitor esse principalis, & fideiussor. Quid ergo est? Negabimus scilicet filium dominum esse bonorum paternorum, quod & verum est, unde & dicitur existimari dominus, non esse, *d. l. in suis.* Existimatur autem quodammodo dominus propter spem futuræ successionis, quæ ita addicitur liberis, ut nec iudicio parentis sine meritis causis ab ea summoueri possint, *l. ult. in pr. ff. de bon. dam.*

L. Etiam. IX.

Idem A. Aristocrati.

Etiam si de iure obligationis pignorum actum fuerit, fideiussoribus liberatio non contingit. PP. Kal. Decemb. Maximo II. & Eliano Coss. 224.

S V M M A R I A.

- 1 Vna persecutione iuris sui electa non ideo alteram repudiata videri.
- 2 Ex pluribus actionibus diuersarum rerum una remissa, hoc ipso alteram manere.

CREDITOR cui fideiuss. res datæ erant & pignora eiusdem obligationis nomine, si omisiss fideiussoribus egerit cum possessoribus pignorum, non ideo fideiuss. res liberantur. Hoc t̄ ideo rescriptum hoc loco, quod potuerit in proposito dabitari, an creditor una via ad iuris sui persecutionem electa, videatur aliam repudiasse. Nam & alias accidit, ut una actione electa creditor ad aliam, quæ eiusdem rei nomine competat, redire non possit; ut in actione de peculio, & tributaria, *l. quod in heredem. §. eligere. ff. de tribu.* Sed hoc in his actionibus ideo receptum est, non solum quia sunt eiusdem rei nomine; sed etiam quia hac conditione propositæ sunt edicto a prætoribus, ut una duntaxat experiri liceat. Ceterum ubi id nominatim constitutum non est, nunquam una actione electa, non dico remissa, ab altera recessum intelligitur. Solutione enim debitor, non electione actionis liberatur, *l. 1. §. si duo. ff. de poss.* huc pertinet *l. qui seruum. §. i. ff. de obl. & act.* Atque hæc dicta sunt de pluribus actionibus eiusdem rei nomine competentibus.

- 2 Quod t̄ si plura iura erunt, pluresue actiones diuersarum rerum, citra exceptionem illud tenendum est, nunquam vno iure remisso, alterum repudiatum videri, quanto minus vno electo ad iuris nostri persecutionem? *l. si domus. ff. de ser. urb. præd. l. si mihi. ff. de ser. rust. præd.* Quinimo cum ex duobus vnum remittitur, hoc ipso, quod remittitur vnum tantum, certum argumentum est, alterum non remitti, alioqui licebat vtrumque remittere.

L. Fideiussor. X.

Idem A. Vitali.

Fideiussor seu mandator si in usuras quoque obligatus est, iustam causam recusandi eas soluere non habet. §. Vt autem is, qui cum altero fideiussit, non solus conueniatur, sed diuidatur actio inter eos, qui soluendo sunt: ante condemnationem ex ordine postulari solet. PP.

S V M M A R I A.

- 1 Fideiussorem in sortem acceptum, in usuras sortis quamvis ex mora rei accedentes non teneri.
- 2 Diuidenda actionis beneficium tribui fideiussori ex ordine postulanti: & hoc ex ordine, quid sit.
- 3 Diuisionem actionis a fideiussoribus quandoque recte postulari ante condemnationem, quamvis non contestata huius rei exceptione.
- 4 Diuisionem actionis inter fideiussores frustra obici post condemnationem ab eo, qui in solidum sit condemnatus.

CONTINET hoc rescriptum duo capita. Vnum est de usuris sortis a fideiussore præstandis, alterum pertinet ad diuisionem actionis inter fideiussores. De usuris hæc sententia est: *fideiussorem usuras sortis recusare non posse, si in eas sit obligatus.* Qua conditione admonemur, nisi sit fideiussor in eas obligatus, iuste illum eas recusaturum, quantumuis reus principalis debuerit. Quorum vtrumque certi iuris est. Nam si actio in personam semper aduersus eum est, qui nobis obligatus est, *l. actionum. ff. de obl. & act.* fit, ut qui est obligatus, teneatur ea actione; & qui obligatus non est, eatenus non teneatur. Illud modo quaeritur, quomodo & quādo fideiussor in usuras a reo sorti debitas obligetur. Dicendum t̄ est, sic eum obligari, si nominatim in eas fidem suam obstrinxerit; non aliter: quantumuis ea sit obligatio principalis, in qua ex mora rei usuræ officio iudicis accedunt; ut sit in bonæ fidei iudiciis, puta in conductione, *l. quæro. in prin. ff. loc.* qua in specie placet, fideiussorem conductionis, qui se in sortem tantum ex ea causa debitam obligauit, in usuras a reo contractas non teneri, *l. fideiussores magistratuum. 68. §. i. ff. de fideiuss.* nec quia usuræ debeantur ex mora rei, eo magis in eas fideiussorem teneri debere: quia & illud placeat mora rei non augeri obligationem fideiussoris, *l. centum. ff. de eo quod cer. loc.* Non obstat, quod scriptum est in dict. *l. quæro. ff. locat.* fideiussorem locationis nomine acceptum, in usuras etiam pensionum tardius illatarum teneri hoc ipso, quod in omnem causam locationis se obligauit. Nam is se obligare in omnem causam locationis intelligitur, qui p̄mittit, & fide sua esse iubet, quidquid conductorem in causa locationis ex bona fide dare facere oportebit, ut ibidem explicatur. His autem verbis continentur usuræ pensionum, quia locatio bonæ fidei iudicium est: quo in genere iudiciorum usuræ ex mora debentur officio iudicis, *d. l. quæro. loc. l. mora. §. i. ff. de usur.* De quo disserui fusius ad *l. centum. ff. de eo quod cer. loc.*

De diuisione actionis inter fideiussores hoc loco appendix est, pertinet ad ea, quæ diximus de hac specie in *l. 3. §.* Diximus inter alia, si omnes fideiussores idonei sunt tempore litis contestatæ, diuidi actionem debere inter fideiussores, etsi iure civili singuli in solidum tenentur. Hic t̄ comprehensum est, cui fideiussori hoc beneficium tribuatur, & quādo id desiderare liceat. Verbis igitur huius rescripti tribuitur postulanti fideiussori. Quæritur, quando postulari possit. Additum est, id ante condemnationem ex ordine postulari solere. Ex ordine fieri & postulari quid dicitur, cum plura sunt, quæ fieri debent, aut possunt iure, sed ita, ut quædam priora sint, quædam posteriora. Nam cum prioribus transactis venit ad posteriora, tum posteriora ex ordine fieri, & postulari dicuntur. Id ita accidit in fideiussionibus, cum de hoc beneficio diuisionis

diuisionis agitur. Nam fideiussori in solidum conuen-
to plures defensiones esse possunt. Prima illa, vt di-
cat se non teneri. idq; varie accidit; vel quia reus prin-
cipalis liberatus sit aut ipso iure aut per exceptionem;
qua exceptio fideiussoribus vti licet. *leg. 7. Digestis.
de exceptio.* vel quia ipse fideiussor etiam vtratur ex sua
persona exceptione vel pacti, vel iurifurandi, vel rei
iudicata. Quod si his defensionibus fideiussor exclu-
sum se sentiat; siue quod re vera nullæ sint; siue quod
eas probare non possit, vtiam non possit effugere, qn
teneatur: tamen extremū illi subsidium relinquatur
desiderandi, vt saltem pro parte cōueniantur; pro reli-
quis partibus cōueniantur reliqui fideiussores. Ad q
si peruenierit, recte dicatur id ex ordine postulare: vt
sit, ex ordine, seu seruato ordine earum defensionum,
quæ fideiussoribus competere solent. Itaq; ex ordine
hic valet idem, quod dicitur seruato ordine in *l. 1. §. de
exce. rei iud.* Hoc autem fideiussor postulare potest an-
te cōdemnationem. His verbis duo continetur: quæ
qualia sint, vidēamus. Primum † hoc declarat; quan-
documque ante condemnationem id postulare lice-
re, etiam si in initio litis huius beneficii exceptionem
fideiussor non sit contestatus. Atqui scriptum est in *l.
siquidem, §. l. prescriptionem. §. de exc.* exceptiones cō-
testari initio oportere. Sed sciamus hoc dictum esse
de exceptionibus facti, quibus aliquid factum esse in-
tendimus, & ob id probare debemus, vt intelligitur
ex *leg. in exceptionibus. Digest. de probat.* Et merito hæ
contestandæ sunt. Nam cum quæstionē habeant fa-
cti, non intelligantur in iudicium deduci, nisi facti
contestatiōne. Diuersa causa est exceptionum iuris,
seu earum, quæ cuiquam conditione ipsa personæ iu-
re ipso tribuuntur. qualis est ea defensio, de qua nunc
agitur; qua scilicet fideiussor hoc ipso, quod fideiussor
est, iure postulat, vt actio inter fideiussores diuidatur.
Hoc genus contestari necesse non est; ante condem-
nationem, quandoque allegari sufficit, his de causis.
Primum quia dum creditor cum fideiussore tanquā
cum fideiussore agit, satis auxilium diuisionis sub ap-
pellatione & persona fideiussoris in iudicium deduci
intelligitur: cum id fideiussori iure tribuitur, hoc
ipso quod fideiussor est. Deinde quia quæ sunt iuris, ea
ad iudicium & cognitionem iudicis pertinent, & qui-
dem etiam si non sint a partibus nominatim petita. *leg.
unica. §. vt qua. def. aduo. par. iud. sup.* Multo igitur ma-
gis si petita erunt, vt hoc beneficium postulari debere
dicimus. Alterum † ex contrario iisdem verbis efficitur,
si fideiussor in solidum conuentus, antequam cō-
demnaretur, non postulauerit, vt actio inter se & re-
liquos fideiussores diuideretur, & ita in solidum pas-
sus sit se condemnari; frustra eum postea, vt actio di-
uidatur, postulaturum. Et recte. nam qui in solidum
condemnatus, cœpit iudicati actione in solidum te-
neri, hanc actionem semel creditori quæ sitam, inui-
to postea adimere non potest, partem dumtaxat of-
ferendo. *arg. in leg. ultim. Digest. de pact. l. habere. in fin.
D. de eni. §.* Nec metuemus, ne hic nobis aduersentur
ea, quæ Accursius in superiore sententia hæsitare co-
eegerunt. Nam primum nihil aduersus eam sententiā
in *l. fideiussores. §. ult. D. eo.* illic scribitur mandatorum
in solidum condemnatum, recte postulare a credi-
tore, vt sibi pro parte cedantur actiones aduersus
ceteros mandatores. Ac constat, quod de manda-
tore dicitur, ad fideiussores pertinere. Sunt enim oēs
illi principalis obligatiōnis intercessores. *l. ult. §. pr. de
const. pec.* Sed multum interest, vtrum fideiussor con-

demnatus postulet adhuc actionem diuidi cum reli-
quis fideiussoribus, an postulet actionē aduersus eos
sibi cedi. Immo vero hæc sunt contraria. Nam qui di-
uisionem postulat, is postulat, ne solidum soluat. qui
cessionem desiderat, is declarat se paratum esse solidū
soluere, dum sibi aduersus cōfideiussores consulatur.
Nihil etiam contrarium habet illud Papiniani ex *leg.
inter eos. §. ultim. D. eo.* bonis damnati fideiussoris fisco
vindictis, inter fideiussores postea actio si diuidi cœ-
perit, vt heredis, ita & fisci rationem haberi oportere.
Apparet enim in hac definitiōne damnatum fideiuf-
sorem intelligendum esse, non eum qui damnatus est
fideiussionis nomine; sed qui damnatus sit capitis ita,
vt propter eam damnationem bona eius fisco vindic-
arentur. Nam de bonis fisco vindictis perspicue de-
finitio scripta est. Est autem hic sensus; si vnus ex qua-
tuor fideiussoribus capitali supplicio damnatus sit, &
ob eam damnationem bona eius publicata, & vindi-
cata fisco; potest postea creditor aduersus fideiussor-
es ius suum exsequi, qui recte postulabunt, vt inter
omnes, qui soluendo sunt, actio diuidatur: in quo nu-
mero etiam fisco, qui damnato succedit, habebitur.
Vt scilicet si sint tres fideiussores priuati, & fisco, qui
damnato successit, non tres tantum partes fiant in hac
diuisione actionis; sed fiant partes quatuor, ex quib⁹
fiscus quartam agnoscere cogatur. Nam si vnus ex his
fideiussoribus decessisset, eius heres in quartam partē
vocaretur. Preinde & fisco vocabitur. nam & fisco
heredis loco est in iis bonis, quæ ex damnatione ad eū
peruenerunt, vt diximus ad *l. 1. §. hoc tit.* Hoc vero quā
nihil hoc loco aduersetur, perspicuum est.

L. Cum alter. Xl.

Idem A. Salustio.

Cum alter ex fideiussoribus in solidum debito satisfac-
ciat, actio ei aduersus eum, qui vna fideiussit, non compe-
tit. potuisti sane, cum fisco soluere, desiderare, vt ius pri-
uatis, quod fisco habuit, in te transferretur. Et si hoc ita
factum est, cessis actionibus vti poteris. Quod & in priua-
tis debitis obseruandum est. PP. 7. Cal. Nouemb. Alexan-
dro A. III. & Dione. Coss. 230.

S V M M A R I A.

1. Vnum ex fideiussoribus solidū sua sponte soluentem
non cessis sibi a creditore aduersus confideiussores
eo nomine actionibus actionem non habere nec mā-
dati, nec negotiorum gestorū, eoque nullam ha-
bere. & num. 3. in fi.
2. Negotiorum gestorū actionem non competere ad-
uersus eos, ad quos negotii utilitas per consequen-
tiam tantum pertinet.
3. Vnum ex pluribus tutoribus solidum soluentem ad-
uersus reliquos tutores pro ipsorum parte utilem
actionem habere: & cur hoc diuersum in fideiussor-
ibus.
4. Fideiussori solidum soluenti nullam ideo actionem
esse aduersus pignorum creditori obligatorum pos-
sessores.
5. Fideiussorem consequi posse a creditore, vt sibi cedan-
tur actiones aduersus debitorem, confideiussores, &
pignorum possessores: sed cum soluit, non ante aut
postea, nisi ea lege soluerit, vt sibi cederentur actio-
nes.
6. Mandatorem etiam pecunia soluta sine alia con-
uentione agere posse aduersus creditorem, vt

sibi cedat actiones aduersus reum principalem, & alios eius obligationis reos.

- 7 Soluta a fideiussore pecunia superesse nihilominus actionem creditori, quam is possit soluente aduersus debitorem aut confideiussore cedere: non item si pecunia ab uno ex tutoribus soluta sit. ubi l. cum is qui. 36. D. de fid. l. Modestinus. Dig. de sol. explicantur.

- 8 Nullam pecunia soluta conditionem esse aduersus creditorem, qui pecunia simpliciter soluta a fideiussore non cedat ei actiones aduersus reum, aut confideiussore.

V Nas ex pluribus fideiussoribus omisso beneficio diuisionis, quod fideiussoribus tribuitur ex epistola D. Hadriani, solidū soluit creditori. Quæritur ad cautionem fideiussoris, cum quibus agere possit eo nomine, & pecuniam quam soluit, repetere? Et posse eum a debitore repetere constat, de quo dicitur in l. mandati. in princip. infr. An possit etiam experiri aduersus confideiussore suos, præterea an possit pigora persequi, quæ creditori eiusdem obligationis nomine obligata erant, quæsum est. De utroque hoc rescripto respondetur. Ac t̄ primum quod ad confideiussore attinet, hoc statuitur, Vñ ex fideiussoribus solidum sua sponte soluente, aduersus reliquos confideiussore suos eo nomine non habere. Recte nam si quam aduersus eos habeat, necesse est aut mandati esse, aut negotiorum gestorū actionē. Mandati non habet, cui confideiussore nihil mandarunt, ut fideiuberet. Negotiorum gestorū actionem habere videri potest, quod ea solutione fideiussor debitorem suum liberauit saltem per exceptionē. l. Papinianus. D. mand. ac proinde etiam per consequentiam debitoris fideiussore. l. in omnibus speciebus. Dig. de sol. l. 7. D. de except. Liberando negotium confideiussorū vtiliter gessisse intelligitur. Ex qua causa est negotiorum gestorū actio. l. 2. Dig. de neg. gest. Sed t̄ ita ius habet, ut quoties negotium seu utilitas alicuius negotii ad duos pertinet, ad vnum principaliter, ad alterum per consequentiam; si negotiū gestum sit contemplatione eius, ad quem principaliter pertinebat, huius solius negotium videatur gestum. proinde aduersus hunc solum sit actio; aduersus eum, ad quem per consequentiam res pertinet, nulla. l. si pupillis. §. 1. D. de neg. gest. Id autem accidit, cum vnus ex fideiussoribus solidum soluit. Sane enim is duo genera personarum liberat, debitorem, & eius fideiussore. Infit qui. mod. toll. oblig. in princip. sed debitorem principaliter, si eius nomine soluit; fideiussore tantum per consequentiam, de quibus non laborat, dummodo debitor, & ipse cum debitore sit liberatus. aut si soluit suo nomine, se ipsum liberauit principaliter; per consequentiam debitorem, ac per debitorem fideiussore. Proinde semper hic aut debitoris, aut soluentis solum negotium gestum est, non cōfideiussorū. Nec ad rem pertinet, quod utilitas eius liberationis etiam redit ad fideiussore. Hoc enim per consequentiam contingit. Nunc autem id spectamus, quod sit principaliter, non quod per consequentiam. l. 1. Dig. de auct. tut. Verum t̄ hic obicitur exemplum tutorum: ex quibus si vnus soluerit, nihilominus aduersus contutores vtilem actionem pro eorum parte habet, ut est in l. 1. §. nunc tractemus. D. gest. de tut. & rat. dist. Sed apparet ex eo loco, constitutum hoc ius esse proprie & singulariter in tutoribus. Ideo non est producendū ad consequentiā. l. quod vero. l. in his.

ff. de legi. Nec obicura ratio est, cur soluente tutori vtilis actio detur aduersus contutores potius, quā fideiussori aduersus confideiussore. Datur vtilis actio tutori aduersus contutorem pupilli causa. Sic. n. citius tutor soluet solidum pupillo, cum sciet fore, ut hoc quod soluit, a contutorib. repetere possit. Sed & postquam soluit, minus molestus erit pupillo, si malit aduersus tutores experiri. Fautor igitur pupilli hanc actionem vtilem introduxit. Nullus eiusmodi fauor est in creditorib. aliis. Proinde non mirum, si idem non tribuitur eorum fideiussoribus. Sane fideiussor qui solidum soluit, si a creditore cessæ sint ei actiones aduersus confideiussore, nulla dubitatio est, quin aduersus eos experiri possit cessis actionibus. l. cum is. 36. ff. cod. Sed hoc nihil huic loco aduersatur. Quod. n. hic dicitur, fideiussori aduersus confideiussore nullā actionē competere, ita dictū est, ut intelligeremus, nullam esse ex eo tantum, quod fideiussor solidū soluit, siue nullā esse ex fideiussoris persona & facto. quod & verū est.

Hoc t̄ de aliis fideiussoribus, aduersus quos desideret experiri fideiussor is, qui solidum soluit. Sed an non saltem is actionem habeat aduersus possessores pignorum, qua creditori obligata erant? Multo minus, nisi ei actio hypothecaria a creditore cessæ sit, ut hic significatur, & traditur diserte in l. mandati. §. hoc tit. Merito. nā reliqui confideiussore saltem eodem nomine obligati erant; qui tamen non tenentur ei fideiussori, qui soluit. Pignorum autem possessores non fuerunt obligati.

Sed t̄ cessis actionibus a creditore poterit fideiussor pignorum possessores conuenire. Quid si creditor non cedat actiones iure fideiussor ab eo desiderabit, ut cedat. l. 2. supra. Quando id desiderare potest? Hic scriptum est, desiderare eum posse, cum soluit. Consulto additum, quia fideiussor desiderare id non potest ab inuito, priusquam soluit. sed nec postea, nisi in soluendo conuenerit nominatim, ut cederentur actiones. Nam fideiussor aduersus creditorem neque mandati actionem habet, utpote cui non mandauerit, ut pecuniam crederet; neque negotiorū gestorū, quia ei soluendo negotium suū gerit, dum se liberat; non creditoris, qui suum recipit. Quomodo igitur fideiussor hanc cessionem consequitur, dum soluit? nō agendo, sed, ut dixi ad l. 2. §. opposita agenti creditori exceptione doli mali. Plane si fideiussor soluit ea lege, ut sibi cederentur a creditore actiones, & post pecuniam solutam recte ager, ut sibi cedantur. Nā fideiussor ita soluendo fecit, ut vicissim creditor faceret. Ex quo genere conventionum constat nasci ciuilem actionem præscriptis verbis. l. iurā gentium. in pr. ff. de pact. l. legem. sup. cod. Ceterum nullo eiusmodi pacto interposito, frustra fideiussor pecunia soluta desiderabit a creditore, ut sibi cedantur actiones ab eo, quem ad eā rem nulla ex causa obligatum habuit. Quod de pignore & hypothecaria actione cedenda dicimus, idē & de actione personali aduersus debitorem aut confideiussore cedenda dictum intelligendū est. de quo in d. l. 2. §. Summa igitur est, desiderare posse fideiussorem, qui solidum soluit, ut sibi actiones cedantur aduersus debitorem aut confideiussore, & pignorū possessores: sed tunc cum soluit. Semel autem pecunia soluta, si in soluendo de cedendis actionibus nihil conuenerit, agere eum non posse. Sed t̄ sciamus hoc in fideiussore recte dici. Alia causa est mandatoris, quem & dum soluit, & posteaquā soluit, placet agere posse aduersus creditorem, ut sibi cedat actiones aduersus

aduersus principalem reum, & ceteros eiusdem obligationis reos. *l. Papinianus. D. mand.* Recte: quia mandator mandati actionem habet aduersus creditorem, fideiussor non habet, vt qui creditori non mandauerit, vt pecuniam crederet.

Atque hanc de eo fideiussore dicta sunt, qui desiderat actionem sibi cedi ab inuito creditore. Quod si de volente creditore quaeritur, sententia Pauli est *in l. cum is. §. 6. D. eo.* etiam pecunia creditori ab vno ex fideiussoribus soluta, posse eum, si velit, desideranti fideiussori actiones suas cedere. Sed eiusmodi sententia, quae hanc dubitationem animaduertendam habuerit. Nam pecunia creditoria fideiussore soluta, ea solutione debitor liberari videtur. Debitore autem liberato, consequens est, etiam tolli actionem aduersus omnes accessiones. *in omnibus. Dig. de sol.* Quasi sublata est, quomodo eam cedere creditor potuit, quam non habet? Sed & haec obiectio illic diluitur ad hanc sententiam. Si pecunia a fideiussore daretur creditori, vt solueretur & tolleretur obligatio, recte diceremus nullam actionem ei superesse. Nunc autem magis fideiussor pecuniam dare intelligitur emendi nominis, & creditor pecuniam accipere eius vendendi causa. Et certe verum est, quod Papinianus scribit *in d. l. Papinianus. D. mand.* non debere existimari debitorem liberatum esse solutione mandatoris, cum mandator ob suam obligationem soluat, & soluat suo nomine, non debitoris. Ac fideiussoris eadem causa est, traditurque idem *in l. si filius familias. D. de in rem verso.* Hoc loco obiicitur *l. Modestinus. Digest. de solut.* vbi de vno ex pluribus tutoribus soluente Modestini responsum est, si is nullo pacto interposito de cedendis sibi actionibus pecuniam soluerit pupillo ex administratione tutelae debitam, actiones ei postea a pupillo cedi non posse, nominatim addita hac ratione, cum nulla actio superauerit. Sed hoc in vno ex pluribus tutoribus soluente recte placuit: in fideiussoribus locum non habet. Nam, vt recte Bartolus animaduertit ad *dict. l. Modestinus.* in tutoribus etsi plures debitores sunt, vna tamen obligatio est omnium. debent enim idem, & ex eadem causa, id est, ex administratione. Itaque vnus soluendo solidum, ceteros liberat. non quia non soluat suo nomine tantum, sed quia pro se soluendo totam soluat obligationem. quippe quae in omni persona vna sit, vt accidit in pluribus reis promittendi. *Instit. de duo. reis stip.* At cum plures fideiussores dati sunt, etiam si quis concedat omnium fideiussorum vniam obligationem esse, tamen nihilominus in hac causa duae sunt obligationes longe distinctae: vna debitoris, quae est principalis; altera fideiussorum, quae est accessoria. Hic vnus ex fideiussoribus solidum soluendo, dum soluit suo nomine, debitorem ipso iure non liberat, siue, quod idem est, principalem obligationem non tollit. Dicitur quidem simpliciter debitorem liberare acceptilatione, *in l. §. per. 1. §. si fideiussori. D. de accept.* quod multo magis de solutione eius dixeris. Sed liberat tantum per exceptionem, non ipso iure, vt declaratur *in d. l. Papinianus. D. mand.* Quae res facit, vt reliqui co-fideiussores etiam adhuc teneantur: vt qui nisi liberato debitore principali non liberentur. Atque hinc etiam fit, vt creditor, quamuis pecunia ab vno ex fideiussoribus accepta, saluas habeat veteres actiones cum aduersus debitorem, tum aduersus reliquos fideiussores, qui nihil soluerunt. Et quia habet, etiam potest cedere ei fideiussori, qui soluit. Sed potest, vt dixi, cedere, si velit. si nolit, nulla est actio si-

deiussori ad eum cogendum, vbi fideiussor non soluerit hac lege, vt sibi crederentur actiones.

Sed et isto, nulla sit actio, quae ea cessio petatur. Quid, pecunia a fideiussore soluta, an non recte creditori codici potest, nisi actiones cesserit? Et hoc quidam putant. Sed nulla hic conditio esse potest fideiussori ad eam rem. Non enim potest condicere pecuniam tanquam indebitam, cum vt debitam soluerit, & ea solutione sit liberatus. *l. si non sortem. §. si decem. Digest. de cond. indeb.* Non tanquam ob causam datam re non secuta. Nam cum simpliciter pecuniam soluit suo nomine, soluit ob hanc causam, vt liberaretur. Atqui haec causa secuta est, quod cum sit, non potest locus esse conditioni ob causam dati causa non secuta. *l. r. ff. de cond. cau. da.* Neque verum est, quod isti volunt, cum fideiussor soluit, videri soluere ideo, vt sibi cedatur actiones. Nam primum verba soluentis id non significant. Deinde multis locis diserte scriptum est, eum qui soluit creditori, non succedere in pignora prioris creditoris, nisi nominatim soluerit ea lege, vt in pignora succederet, siue vt in se actiones hypothecariae transferrentur. *l. soluitur. §. si conuenerit. Digest. quib. mod. pig. vel hypoth. sol. l. i. supra. de his qui in prior. cred. loc. succed.* Et ideo quod scriptum est *in l. cum is qui, in fin. D. eod.* cum vnus ex fideiussoribus solidum soluit, ideo creditorem habere actiones, quia tenetur, vt eas praestet: sic accipiendum videtur ex praecedentibus, vt eas habeat, cum aperte nomen vendidit fideiussori, neque pecuniam ab eo in solutum accepit. Nam si accepit in solutum, fideiussor sibi omnem actionem praedit.

L. Blanditus. XII.

Idem A. Theodoro.

Blanditus tibi est, qui non teneri te persuasit, quod cum pro alio interuenires, οτινυ θέλεις, ποιήσω, dixisti: cum & his verbis obligationem verborum posse contrahi pridem receptum est. PP. 6. Kalend. Septem. Agricola & Clemente Cons. 231.

S V M M A R I V M.

- 1 Fideiussorem nisi stipulatione non obligari.
- 2 Lectio recta huius loci.

Fideiussor interrogatus, an fide sua esse iuberet, siue graece, siue latine, responderat, οτινυ, αἰο, vel potius τι μὴ, quid ni? Is persuasus erat his verbis se non teneri hac ratione, quia non obligaretur fideiussor nisi stipulatione: hic autem non videatur stipulatio esse contracta, in qua his verbis, quid ni, ad interrogatum conuenienter non esset responsum, id est, non iisdem verbis, quibus interrogatus erat, vt diceret, fideiussor. Rescriptum est hoc loco, errare fideiussorem. Nam stipulationem his verbis vtiliter contractam, idque pridem receptum esse. Ergo et hoc dicit Antoninus, fideiussore ideo obligari in proposito, quia stipulatio vtiliter sit interposita. Ex quo recte colligitur vulgo, fideiussorem nisi stipulatione non obligari, quod confirmatur *in l. §. si satis acceptio. Dig. de verb. oblig.* De et lectione huius loci monendi breuiter sumus, vulgarem lectionem esse hanc in verbis graecis οτινυ θέλεις ποιήσω, quodcunque vis faciam. Haec lectio recte notata est ab Alciato *lib. r. Parerg. cap. 3.* Nam reuera in his non fuit id, quod ab Imperatore scriptum est. Proponuntur enim verba, ex quibus haesitatur, an stipulatio recte sit contracta, vt ex responso apparet. Nemo autem vnquam dubitauit, quin recte respon-

deret & conuenienter, qui spondit id, quod stipulator vult. Ille igitur pro his verbis reposuit *αὐτῷ*, aut *quid* ex sententia *l. grace. in pr. ff. eo. & §. pen. Inst. eod.* Sed multi testes sunt se in veteribus exemplaribus legisse hoc loco *ῥῆν*; quid nō quod si verum est, nihil est hac lectione melius, neq; huic loco cōuenientius. Scimus enim ex *l. i. §. si quis ita. ff. de verb. obl.* veterem fuisse dubitationem, an his verbis recte contraheretur obligatio, cum quis interrogatus, *dabis?* respondit, *quidni?* & placuit vtilem videri. Id autē est, quod verbis huius rescripti significatur, cum dicitur, his verbis obligationem verborum contrahi, pridem receptum esse.

L. Si Barsatoram. XIII.

Pars ex epistola Gordiani A. ad Auxium.

Si Barsatoram latronem Lysanias decurio inuenturum se spondisset: aut exhibere compellendus est, aut transmittendus ad praefectum praetorio, vel ad praesidem Prouinciae.

S V M M A R I A.

1. Inuenturum se latronem qui alicui promissit, videri de prehensio exhibendo promississe.

2. Latronem non inuenisse, non exhibuisse aut indicasse inuentum, extra crimen, & impunitum esse.

Decurio alicuius vrbis, cum latronem prehendere posset, missum fecit. Cum forte is, qui spoliatus erat, expostularet cum eo ob dimissum latronē, decurio, vt se liberaret omni crimine, spondit stipulanti spoliato, se illum latronem inuenturum. Quaesitum est, quid his verbis cōtineatur, vt sciamus, quid decurionem prestare oporteat, vt nisi praestiterit, possit ex stipulatu conueniri in id, quod spoliati eiusdemque stipulatoris interest. Hic duo respondetur prius, de quo rescriptū clare scriptum est: posterius, de quo dubitari potest propter incertitudinem scripturae.

1. Prius est, ꝛ decurionem compellendum esse exhibere hunc latronem: vt sit sensus, non esse satis, si reperiat, vbi sit ille latro, & eum locum indicet; sed hoc amplius, decurionem debere latronem prehendere, prehensum exhibere spoliato, vt sit eius conueniēdi copia. Sed videndū, ne hoc non recte exigatur a decurione. Constat, n. non debere eum vltra praestare, quā promissit. *l. quidquid. D. de verb. obl.* Nō promissit autē se latronem prehensurum, sed inuenturum. multoq; minus promissit etiam se prehensum exhibiturum. Imo promissit hęc omnia, quae & partim verbis, partim sententia contrahentium continentur. Verbis, quia inuenire aliquid aut aliquem, non est reperire locū, vbi sit: sed est rem animaduersioni prehendere, & occupare. Quod enim dicitur in *§. item lapilli. Inst. de rer. diuis.* lapillos & gemmas in littore inuentas fieri inuentoris; hanc sententiam habet, fieri eius qui animaduersionas occupat, siue earum apprehenderit possessionem. nam aliter nō fieri nostras, scriptum est in *l. i. in prin. ff. de acq. poss.* Atque vt verbis non promississet decurio se prehensum latronem exhibiturum; tamen id satis intelligitur ex eo, quod actum est, quā est sententia contrahentium. Nam stipulator id agebat, vt sibi caueret, & acquireret; quod sua interest. Denique id agebat, vt latronis conueniēdi esset potestas: quod declarant & ea, quae praecesserunt stipulationem, & finis omnis stipulationis: qui est, vt quisq; acquirat, quod sua interest. *l. stipulatio ista. §. alteri. D. de verb. obl.* Quia actum est, etiam pro cauto habendum; eoq; etiam ex stipulatione praestandum est. *l. 3. ff. si cert. pet. l. semper in. ff. de reg. iur.*

Posterius adiectum est hoc rescripto; aut decurionem compellendū esse exhibere, aut transmittendū esse ad praefectū praetorio, vel ad praesidē prouinciae. Hae verba si naturalē & rectā structurā orationis sequimur, sic interpretanda sunt: decurionē debere latronem prehensum exhibere; nisi exhibeat, transmittendum esse (intellige decurionem, de quo instituta est oratio) ad praefectum praetorio; vt puniatur videlicet ob latronem non inuentum, non exhibitū. Sed haec ꝛ sententia defendi non potest. Nā decurio, qui latronem non inuenit, nihil deliquit: eoq; nec ad praefidem transmitti debet, vt puniatur. Etenim si quaesitum a se diligenter reperire non potuit, nulla est eius culpa, si non reperit. Nulla autem poena esse debet, vbi nullum delictum est. *l. aliud est fraus. Dig. de ver. sig.* Quod si inuenire potuit, & neglexit: tamē ne hic quidem delictum vllum contrahitur, quod coerceri oporteat. Fecit enim decurio iure permittente: cū ita ius sit, vt nemo inuitus agere vel accusare cogatur. *tit. s. vt nemo. inst. ag. vel ac. cog.* Quod si accusare nemo cogitur; multo minus cogitur nocentem quærere, & inuentum prehendere. Restat ergo, vt verba rescripti sic interpretemur; aut exhibere compellendus est decurio, de quo institutus est sermo, aut transmittendus, nempe latro. vt sit haec sententia; decurionem alterutrū praestare debere ex supra scripta stipulatione, aut vt inuentum latronem exhibeat stipulatori, vt ille aduersus latronem de iure suo statuatur, vti existimauerit; aut si decurio exhibere nō lit, saltem latronē transmittat ad magistratum, qui in illum inquirat; quo facto etiam obligationi satisfaciatur. Erit enim stipulatori apud magistratum inueniendi, & conueniendi latronis copia. Fatendum quidem est hoc sensu perturbatio, quā plerumque etiam doctissimi excidit. Similem animaduerrere licet in *d. l. i. §. si quis ita. D. de de ver. obl.* si modo illic vera est Pan. Florent. lectio.

L. Mandati. XIII.

Idem A. Salino.

Mandati actio personalis est, quae si nomine fideiussoris, vel aduersus debitore, seu heredes eius competit: praesens Prouincia, qua debere compererit, reddi iubebit. Pignora etenim, quae eo stipulandi nexa fuerunt, ita demum ad vos transeunt, si facta nominis redemptione, solutio celebrata est, vobisque mandata sunt actiones. Quod si factum est: ea quaeque vobis persequentibus, aduersus pignorum possessores, extraordinariam iurisdictionem idē vir clarissimus impertietur. PP. 3. Nonas Iulii, Gordiano, A. & Ausola C. 232.

S V M M A R I U M.

1. Iurisditio extraordinaria impertienda, pro actione extraordinaria, id est, utili, danda: & cur.

2. Fideiussori, qui pro debitore intercessit & soluit, quando & quae actio competat.

Fideiussor qui debitum soluit, & non accepit a creditore aduersus debitore actiones, non eo minus recuperandi eius causa ex sua persona agere aduersus debitorem potest, eiusque heredes, idque mandati actione: si modo haec illi competit, vt hic initio traditur. de qua actione, & an vlla fideiussari competat, dicam paulo post. Nunc hoc ante statuatur, quod est proprium huius rescripti, non cessis fideiussori a creditore actionibus, sic illum habere ex sua psona mandati actionē, aut simile, vt sit haec actio

actio aduersus debitorem tatum, eiusque heredes. Ceterum res debitoris creditori pignori obligatas hac actione persequi aduersus pignorum possessores non potest: propterea quod mandati actio cum sit ex contractu, est in personam. ideo aduersus eum tantum, qui est eo nomine obligatus, non aduersus res obligati, aut earum rerum possessores. *l. actionum. D. de oblig. & act. §. i. Inst. de act.* Si igitur fideiussor hanc pignora persequi vult, nihil aliud ei relinquitur, quam quod hic comprehensum est, ut consequatur a creditore, ut sibi recte cedantur pignora eorumque actiones. quod quando recte desideretur, ut cogatur creditor facere, traditur in *l. cum alter. sup. hoc tit.* Cessis actionibus, tum est ius persequendi aduersus pignorum possessores. *dict. leg. cum alter.* Sed addicitur in hoc rescripto, cessis pignoribus posse fideiussorem sic agere aduersus pignorum possessores, ut praeses extraordinariam iurisdictionem ei prebeat. His verbis ea sententia continetur, quae de nomine aut pignore tradito multis locis expressa est: Quoties nomen aut venditum, aut in solum traditum est, aut legatum, toties eum in quem nomen translatum est, posse aut ex persona cedentis uti directis actionibus, aut ex persona sua experiri utilibus. *l. postquam. sup. de her. vel act. vend. l. ex legato. sup. de legat.* Id significat iurisdictione extraordinaria hoc loco. Dicitur enim iurisdictione extraordinaria per uerbum eadem figura, qua pallidam mortem vocamus, quae pallidos facit, rem tristem, quae nos tristes reddit, ut sit ea iurisdictione, quae dat actionem extraordinariam ad pignora persequenda. Est autem extraordinaria actio, quae est utilis. quod ex coniunctione duorum locorum intelligitur. *l. si longius. §. ut. ff. de iud. & l. cum filius. D. si cert. pet.* Illud expendendum, quod de actione personali mandati initio rescripti dicitur, dari hanc quidem fideiussori aduersus debitorem & eius heredes, sed hac conditione, si modo haec actio illi competat. Quid ergo, hanc actionem ille non semper habet? quid si non semper, quando igitur? Et reuera non semper habet. Quando tamen autem & hanc habeat eo nomine, aut aliam, aut nullam, de eo ita ius est. Si fideiussor aut repugnante debitore fideiussit, aut donandi animo, nullam omnino actionem habet. *l. si remunerandi. §. si passus. l. si pro te. Dig. mand.* Priore quidem casu, quia debitor inuitus obligari non potuit: posteriore autem, quia fideiussor debitorem sibi obligare noluit. Quod si pro non repugnante quis fideiussit, neque id actum est, ut donaret: habet ille quidem actionem in personam; sed alias mandati, alias negotiorum gestorum. Si pro absente fideiussit, non potest esse mandati actio, quae non nascitur nisi ex contractu, proinde & consensu. *Inst. de oblig. & consensu.* Nullus est autem consensus absentium & ignorantium. Itaque hic negotiorum gestorum actio est, non mandati. *l. ex mandato. §. ultim. Digest. mand.* Quod si pro praesente quis fideiussit, nec repugnante debitore, nec donandi animo; hic demum mandati actio est, non negotiorum gestorum. Nec interest, utrum praesens nominatim maderet suo nomine fideiuberi, an raceat. Illic quidem mandati actionem esse constat, quia aperte praecessit mandatum. *l. ex mandato. §. i. l. si praecedente. ff. mand.* Sed nihilominus & hic eadem actio est; quia qui patitur pro se fideiuberi, aut mandari ab alio ut sibi credatur, maderet intelligitur. *l. qui patitur. ff. mand.*

L. Si indebitam. XV.

Idem A. Claudiano:

Si indebitam pecuniam quasi ex causa fideiussionis

obstrictus in cautionem per errorem deduxisti, tam doli mali exceptione uti, quam condicere ut obligatio tibi accepto feratur, potes. Non est autem dubium, fideiussorem rei promittendi, bonis ad fiscum deuolutis, si idem fiscus ob debitum restituendum fuerit conuentus, & soluerit, liberari. PP. 5. Kal. Dec. Gordiano Aug. & Aniola. Cos. 240.

Proponitur hoc loco quis pro debitore se obligasse creditori per errorem, dum falso putat fideiussionis alienae nomine se obstrictum esse. Finge heredem esse defuncti eius; qui dicebatur pro debitore fideiussisse: ac verbis creditoris persuasum, iterum ex persona sua se obligasse nomine eiusdem debitoris, ut euitaret creditoris persecutionem, & rerum suarum distractionem. Hoc amplius proponitur, debitorem pro quo ita fideiussisset, damnatum fuisse, & bona eius vindicata fisco. hac de causa fiscum tanquam successorem conuentum esse, & soluisse. Cum reb. ita gestis hic fideiussor conueniretur a creditore, cui se obligauerat, negabat se teneri ex sua fideiussione. an teneatur, quaesitum est. Rescriptum est, eum duplici de causa securum esse. Primum, quod promiserit indebitum per errorem. Deinde quod debitor principalis pecuniam soluerit. Si quis promittit indebitum per errorem, is ultro agere potest conditione indebiti, ut hic dicitur; & multo magis, ut cautio exposita, seu chirographum suum sibi reddatur. Proinde etsi ex ea promissione conueniri coeperit, multo magis aduersus petitionem habebit exceptionem doli mali. Cuius nam. damus actionem, ei multo magis exceptionem competere dicendum est. Hoc ita explicatur in hac ipsa specie in *l. 3. §. de cond. ind. ex regula iuris. l. inuitus. §. i. ff. de reg. iur.* Sed etsi fideiussor per errorem non promississet, tamen ubi debitor principalis soluit, & solutione eo modo liberatus est, extra omnem controuersiam est una & fideiussores liberari. *l. in omnib. speciebus. ff. de sol.* Id autem contingit, cum fiscus publicatis debitoris bonis ipse soluit creditori: sic. n. fiscus successisse donato cum suo onere intelligitur, ut diximus *ad l. 1. §. L. Liberum. XVI.*

Si huius legis sententia coniuncta est cum *l. reos. j.* ut nisi illa exposita, huius sententia intelligi facile non possit. Itaque de utriusque sententia eo loco dicitur.

L. Omissis. XVII.

Idem A. Brasidae.

Omissis quoque pignori. fideiussorem a creditoribus utiliter conueniri: nisi in id tantum, quod ex his resciri non poterit, acceptus sit: explorati iuris est. PP. 6. Idus Mart. Attico & Praxeas. Cos. 243.

SUMMARY.

1. Fideiussor acceptus in id quod ex pignori. resciri non poterit, non nisi post pignorum possessores et iure conueniri posse.
Vbi creditor debitor pignora dedit, & fideiussorem, non tamen omissis pignorum possessoribus. fideiussor conueniri potest, ut hic dicitur; sed et hodie ex constitutione Iustiniani prius conueniri debet. *Nov. 4. de fideiuss.* sed neque ad res. Sed tamen hoc ita, nisi fideiussor acceptus sit in id, quod ex pignori. resciri non poterit, ut hic scriptum est. quae conuentio et nunc post superiorem constitutionem Iustiniani seruanda est. Non obstat, quod ea constitutione sine exceptione cauetur, ut prius conueniantur fideiussores, quam pignorum possessores. Nam fideiussor ea conuentione acceptus, quam diximus, fideiussor non est ante, quam pignora distracta sint. ut dicendum sit, si pignora prius conueniantur, non conueniri ante fideiussorem, qui nullus est. Nam ex supra scripta conuentione fideiussor promittit sub conditione, si pignora distracta sint, & distracta non sufficiant ad debitam quantitatem. Quare priusquam id factum sit, non

promittit, eoque & fideiussor non est. Qui debet sub conditione, antequam conditio extiterit, nihil debet. *l. cedere. D. de ver. sig.*

L. Si ut proponis. XV III.

Imperator Philippus Augustus Smyrnæ.

Si (ut proponis) fundum ob debitum obligatum non in isto pretio vendidisti: residuam quantitatem, quam ex pretio eiusdem seruare potuisses, refundi tibi a fideiussore non iure poscis. PP. 5. Kalend. Augusti, Peregrino & E. miliano Cos. 245.

Creditor pignus sibi datum, quod valebat centum, vendidit tantum octoginta, cum posset centum vendere. Viginti quæ superant, a fideiussore petit. Negat Imperator eum recte petere. Hoc ideo, quia ea viginti, nec debitor principalis debuit. Nam & debitor de illis viginti vltro actionem habuit aduersus creditorem. *l. 1. in pr. 3. si vend. pig. ag.* Idque ex lege & obligatione pignoris. Nam creditor in pignore omnem diligentiam, & fidem præstare debet, & ea omnia facere, quæ in re sua faceret bonus paterfamilias, *l. si cum venderet. §. vlt. §. l. seq. D. de pig. act.* Quod cum in hac venditione contra fecerit creditor, ad summam eorum viginti, de quibus agitur, necesse est eum eo nomine debitori teneri. Quod si teneretur & eadem summa adhuc deberetur, iure fit compensatio vtriusq; debiti, & crediti, quo modo debitor ipso iure liberatur. *l. 4. sup. de compens.* Liberato reo, recte dicitur fideiussorem eatenus non teneri. *d. l. in omnibus speciebus. Digest. de solut.*

L. Si alienam. XIX.

Eadem sententia est, quæ traditur in *l. 3. in prin. §. l. 5. 3. hoc tit.* de potestate nimirum prius fideiussoris & omnis intercessoris, quam rei principalis cõueniendi. Ius immutatum in anth. presente. *sup. hoc tit.*

L. Sententia. XX.

Eadem sententia, quæ *l. 1. 3. nisi* quod de parte bonorum adempta illis species proponitur, hic de omnibus ademptis bonis. Sed vtriusque ius idem proportionem *l. quæ de tota. D. de rei vind.*

L. Sicut eligendi. XXI.

Prior pars rescripti de potestate prius conueniendi fideiussores exposita est ad *l. 3. 3. Altera* de necessitate cedendorum pignorum, quæ imponitur creditori, cum pecuniam petit a fideiussore, eadem est, quæ est exposita ad *l. 2. §. ad l. cum alter. §. ad l. mandati. 3. hoc tit.*

L. Si ultra. XXII.

Idem Augusti & Cæsares Hermiano.

Si ultra hoc, quod accepit ea, pro qua te mandatario nomine intercessisse commemoras, daturum te scripsisti: Pras præfata ex hoc, quod ultra mandatum tuum numeratum est, te nihil exigi patietur. S. 12. Kalend. Maii. CC. Cos.

SUMMARY.

1. Lectio emendata.
2. Ultra quam datum est, nihil deberi posse, quamuis promissum pacto, neque a debitore ipso, & multo minus a mandatore, aut fideiussore, & quare.

Proponuntur hic tres persone, mandator, creditor, & debitor, quæ a creditore alterius mandato pecuniâ creditâ accepit. Res ita gesta est. Mandator mandat creditori futuro, ut decem mutuo det debitori cuiusdam futura, & in instrumento, quod de eo mandato in-

tercessit, mandator promissit, si creditor ea decem mutuo dedisset debitori, se duodecim creditori daturum. Creditor decem debitori dedit: duodecim a mandatore ex pacto petit. Queritur, an a mandatore duodecim debeantur? Rescriptum est, ab illo nihil deberi præter decem, quæ debitori ex mandato eius numerata sunt, idque hac ratione maxime, quod ultra mandatû mandatoris debitori numeratû non est. Vulgo in omnibus exemplaribus legitur, quod ultra mandatû tuum numeratû est. Sed refragantur verba rescripti, quæ sunt in principio, quibus proponitur debitor non accepisse ultra mandatum mandatoris, id est, ultra decem. Ex quo vel cæco apparet, ultra mandatum mandatoris illi numeratum nihil esse. Nam ipsam accipere aliquid, & ei aliquid numerari, idem valent. Accipit enim, quod sibi numeratur; & numeratur ei, quod ipsa accipit. Nô debemus igitur dubitare, quin ita legi debeat; *vel ex hoc, quod ultra mandatum tuum numeratum non est, nihil a te præfata provincia exigi patietur.* Inest autem in his verbis ratio huiusmodi. Si creditor in proposito ultra mandatum tuum numerasset, tamen ultra mandatum tuum exigere nihil posset. *l. diligenter Digestis mand.* Nunc autem ultra mandatum tuum numeratum non est debitori. Quare vel hac ratione maxime nihil a te potest amplius exigi, quod debitori datum est.

Quæ ratio sic recte defenditur. Aut n. creditor superfluum petit mandati actione, aut agat ex pacto. Mandati agere non potest; quia mandator neque mandauit creditori, ut præter decem aliquid crederet; neque si mandasset, tamen ultra decem quidquam numeratum est. Non potest agere ex pacto: etsi enim ex pacto agi potest, ubi non est nuda conuentio, ut non est nuda hæc, quæ proponitur, cum creditor decem mutua dedit debitori, ut duodecim a mandatore acciperet, *l. legē. sup. de pact. l. solent. ff. de ver. obl.* tamen sic ex omni pacto agi potest, nisi sit pactum contra leges, aut bonos mores. *l. iuris gentium. §. ait. ff. de pact. l. pacta qua contra. sup. de pact.* At tale est hoc pactum, quo id agitur, ut mandator amplius præstet creditori, quam creditor numerauerit. Nam aut creditor id superfluum esse vult tanquam sortem, aut tanquam vsuras pecuniæ creditæ. Si tanquam sortem; ideo iniustum pactum, quia est contra legem & rationem naturæ, ut sit quidquam in sorte, quod numeratum non est. Et hoc est, quod dicitur in *l. si tibi decem. ff. de pact. vlt. quam datum est, obligatione re contrahi non posse.* Si tanquam vsuras; primum recte negabitur hic vllum pactum esse, ut id superfluum pro vsuris cederet. Deinde ut id conuenerit; tamen etiam hoc pactum iure inutile est: quoniam vsuræ stipulatione tantum, nô etiam pacto deberi possunt. *l. 3. sup. de usur.* Postremo etsi vsuræ pacto a reo principali deberi possent; tamen a mandatore in proposito deberi non possunt; ubi constat debitor principalem eas non debere. Nam neque fideiussor, neque mandator, neque eorum quisquam, qui alieno nomine intercedunt, in duriorē causam obligari possunt. *l. græce. §. illud. ff. eo.* Bene igitur rescriptum hanc rationem reddidit, cum ultra id, quod numeratum est, nihil a mandatore exigi possit; quia quod ultra petitur, numeratum non est, idque secundum mandatum mandatoris, qui decem tantum mandauit credi.

L. Reos. XXIII.

Idem AA. & CC. Antipatro.

Reos principales, vel mandatores simpliciter acceptos eligere, vel pro parte conuenire, vel satis non faciente, contra quem egeras primo, post illum ad alium reuerti (cum nullus

Nullus de his electione liberetur licet. S. Non. Decemb. Nicomedia. CC. Cos.

SYMMARIA.

1. Uno ex pluribus reis debendi, aut fideiussoribus conuento, nihil magis liberari ceteros, quin ut ante conueniri possint. & cur.
2. L. 2. D. de duob. reis exposita.
3. Sententiam Labonis relatiā in leg. si per imprudētiā. §. ult. D. de euict. non probari.
4. Unum ex pluribus fideiussoribus aut pluribus debendi reis pro parte conuentum non ideo in reliquam partem liberari: ac ne tunc quidem cum partem, pro qua conuentus erat, soluit.
5. Unum ex duobus reis debendi parte simpliciter soluta, nihilominus in reliquam partem statim conueniri posse, et si ceteri soluendo sint: in fideiussoribus contra.
6. Unum ex pluribus reis debendi partem pro sua persona, vel suo nomine soluētem in reliquam partem liberari: fideiussorem contra: & differentia ratio.
7. Inter plures fideiussores diuisa per litis contestationem actione, non posse deinceps pro uno etiam qui soluendo non sit, ceteros conueniri: & diuisa actio inter eos quando intelligatur. L. liberam. C. de fid. explicatur. ibidem.
8. Diuisa actione inter fideiussores, non iam amplius teneri singulos, quam pro parte, etiam si qui fideiussores tempore ipso litis contestata soluendo non fuerint.
9. Id effici non creditoris conuentione, sed sententia epistola D. Hadriani.

Cum plures fideiussores dati sunt, constat ita in solidum iure teneri oēs, ut & singuli in solidū conueniri possint a creditore, si ceteri minus sint idonei. l. 3. in fi. l. liberum. in pr. §. hoc tit. Sed & pro parte vnūque que conueniri posse multo minus dubitatur. Vtraque res dubitationes has peperit. Quid, si creditor vnum ex pluribus conuenierit in solidū, dū ceteros nō putat idoneos? an ea res nocet creditori aduersus ceteros: id est, an ceteri ea cōuentione liberantur; an vero eo, qui conuentus est, nō satisfaciēte, et ceteri in solidū conueniri possunt? Quid itē, si creditor pro parte cū vno egerit? an etiam hęc conuentio proderit conuento, ut in reliquam partem non possit amplius conueniri, si forte alter ex fideiussoribus soluendo non sit? De his ius constitutum est partim hac lege, & l. ult. §. partim leg. liberum. supra, hoc titulo. De singulis dicam ordine.

Sit t̄ igitur prima hęc quæstio, vno ex pluribus fideiussoribus aut etiam debendi reis conuento an ceteri liberentur. Dicemus non liberari, nec prohiberi creditorem, si is cum quo primo egerat, non satisfaciāt, quo minus possit cum ceteris in solidum agere, si sunt plures debendi rei, aut si sunt plures fideiussores, & is qui primo conuentus est, non sit soluendo. Sed et si soluendo erit, ne sic quidem prohiberi creditorem, quominus conueniat pro parte nondum soluta ceteros, ut ius ei facere concedit. §. si plures. Instituit eodem. Hęc sententia est huius l. reos. & l. ult. hoc tit. Habet aut hanc rationem iuris certi, quod cum semel deberi quid coeperit, solutione quisque eius rei, non conuentione, aut litis contestatione liberatur. l. 4. Digestis, de his qui deie. vel effu. leg. 1. §. si apud duos. Digest. de leg. semper. §. si in sepulcro. in fi. Digest. quod vi aut clam. Ratio

autem sumpta est ex constitutione notissima iuris. Nam quamdiu res debita eodem statu manet, & manent personæ debitoris & creditoris, nunquam debitor liberatur nisi aut soluendo, aut creditori satisfaciendo. l. si rem. §. omnis. ff. de pig. act. l. item. ff. quib. mo. pig. ve. hyp. sol. At cū vn̄ ex plurib. fideiussorib. aut reis conuentur, nō ideo soluit ceteri, aut satisfaciunt creditori. Proinde hac cōuentione non magis liberatur, quā si creditor cū vno nō egisset. Huic parti duo loci opponuntur. Primū t̄ l. 2. ff. de duob. reis. vbi definitio- ne de duobus reis promittendi & stipulandi simul cōcepta, ut diceretur, ipso iure & singulis in solidū deberi, & singulos debere. subiicitur, quod videatur necesse esse in cōe ad vtrosq; reos, de quibus propositū erat, pertinere: ideoq; petitiōne, acceptilationeque vnus tota soluitur obligatio. Quæ verba si, ut dixi, ad vtrosq; pertinent, nempe illa, petitiōne vnus, sic erūt accipiēda, ut sit sanus, sine vnus ex reis stipulandi petat, sine ab vno ex reis promittendi petatur. Hoc aut posterius cōtrariū huic loco. Sed sciāmus petitiōne vnus, quæ in superiore definitione nominatur, nō posse referri nisi ad petitiōne vnus ex reis stipulandi. Petitiō creditoris est, nullo modo debitoris. Eius. n. petitiō esse dicitur, q̄ petit, atq; is est creditor. A quo aut petitur, q̄ idē debitor est, nō dicitur eius petitiō esse, sed ab eo esse petitiō, quia scilicet alius ab eo petit. l. vie. ff. de serui. Sic ergo dicitur vnus ex duobus reis petitiōne totā solui obligatiōne, ut intelligatur, vno ex duobus reis stipulandi petere debitorē huic vni incipere debere, simul ab altero liberari, quod & verum est. l. ex duobus. 16. ff. de duob. reis. quā si scilicet vnus agendo atq; ita iudicio contrahendo, nouā in se obligatiōne transfulerit iudicati. l. 3. §. idem scribit. ff. de pro. Quod certe nō contra idem valet, cum ab vno ex duobus reis promittēdi petitur. Neque enim litis contestatio deteriorem agētis conditionem facit, sed meliorem. l. non solet. l. nemo enim. ff. de reg. iur. Faceret autem hic deteriorem, si vno cōuento desideret alter teneri actori, cui prius tenebatur. Et vero vno ex duobus reis debendi conuento alterū non liberari, diserte scriptū est in d. l. 1. §. si apud ff. dep. Sed de hac re scriptū plura supra tit. de duob. reis stip. & prom. c. viii. Obstat p̄terea huic parti. l. si per imprudētiā. §. ult. ff. de euict. vbi hæc verba sunt: Si plures mihi in solidū pro emptione teneantur (qui plures sunt ex hac causā debēdi rei) deinde post emptionē cū vno fuero exp̄ptus, si agā cū ceteris, conceptione me esse repel. endū. L. ab eo sit. Dicendū t̄ est referri illuc Labonis sententiā, sed non probari, idque intelligi ex l. 3. & l. seq. ff. de his qui deie. vel effu. Nam cū in l. 3. ex Vlpiano scriptū esset, vnū ex duobus reis debēdi cōueniri in solidū posse, & eo cōuento ceteros liberari; subiecta est correctio ex Paulo his verbis, perceptione, nō litis contestatione. Idem ergo & sententiæ Labonis superiori subiiciendū est. Idque eo magis facere debemus, quod Iustinianus noua constitutione hoc temperamentum confirmauit in l. ult. §. hoc tit.

Alterā t̄ quæstio est, si creditor cū vno ex fideiussoribus, aut pluribus debendi reis pro parte tantum egerit, an ea res pro se conuento, ut in reliquam partem liberetur; an etiam pro reliqua parte conueniri possit, ut ante petitiōnem. Et generaliter probandum est, quænam modum vno conuento ea conuentio non prodest ceteris ad liberationem: sic nec prodesse ipsi conuento, ut in eam partem, quæ ab eo petita non est, liberetur. idque efficitur eadem illa ratione, qua supra vti sumus. Nam si qui conuenitur pro parte, solidum de-

buit. l. 3. §. hoc. tit. Non potuit igitur liberari ea obligatione, nisi aut creditori soluendo, aut satisfaciendo. Qui pro parte tantum conventus est, is non ideo reliquam partem soluit, aut eo nomine satisfecit creditori. Non est igitur in ea parte liberatus, non magis quam ante. Hanc sententia de vno ex duobus reis pro parte convento posita est in l. si ex toto. §. 1. ff. de leg. 1. De vno autem ex pluribus fideiussoribus, convento colligitur ex l. inter eos. §. 1. ff. eo. Id adeo verum est, ut quavis creditor ab vno parte petierit, & partem et sit consecutus, nihilominus ab eodem possit reliquam petere eadem conditione, ut ante potuit, ut superioribus duobus locis diserte comprehensum est. Sed in hac parte aliquid inter plures debendi reos, & plures fideiussores interest. Nam cum vnus ex pluribus reis partem soluit, interdum grauius tenetur, quam vnus ex fideiussoribus, qui itidem partem soluit; interdum tenetur leuius.

5 Grauius tamen in eo, quod cum is partem creditori simpliciter soluit, nihilominus creditor alteram partem ab eo statim potest petere, neque distinguitur, utrum alter ex correis soluendo sit, an non sit, quoniam singuli in solidum tenentur, neque diuiditur actio inter eos, nisi si id actum est. d. l. si ex toto. §. 1. ff. de leg. 1. At fideiussor, qui partem soluit simpliciter, ita demum in reliquam partem conveniri potest, si ceteri fideiussores soluendo non sint. Nam cum alter soluendo est, diuiditur actio inter eos, qui soluendo sunt ex epistola D. Hadriani. hoc in d. l. inter eos. §. 1. ff. eo. Et conuerso est, ubi vnus ex pluribus debendi reis teneatur leuius. Nam si partem creditori soluit non simpliciter, sed nominatim pro sua persona vel suo nomine, & creditor ita solutionem admittit, deinceps ex alterius rei persona in reliquam partem conveniri non potest. Idque est, quod comprehensum est in l. si creditores. §. de pact. Fideiussor contra quantumvis suo nomine se dicat partem soluere, & creditor ita accipiat, nihilominus in reliquam partem conveniri potest, si alter ex fideiussoribus soluendo non sit, ut est in d. l. inter eos. §. 1. ff. eo. De duobus autem reis debendi, non de duobus fideiussoribus agi in l. si creditores. §. de pact. intelligitur ex verbo admisisse, quo rescriptum vitur. Proponuntur creditores admisisse vnum pro sua persona solventem. Non additur vnum ex reis, aut fideiussoribus, sed nihilominus reos intelligimus, non fideiussores; quia eum solum soluente admittere dicimus, quem volentes admittimus, & a quo partem oblatam, si vellemus, accipere non cogebamur. quod tunc solum fit, cum sunt plures debendi rei. Nam ab vno ex fideiussoribus partem accipere creditor cogitur, si omnes sint soluendo. §. si plures. Inst. eo. Quæritur differentiarum ratio. Est in primis. nam cum vnus ex pluribus debendi reis dicit se pro sua persona soluere, hoc dicit, se nolle amplius personam suam teneri soluta parte. Quæ ita soluente cum creditor admittit, nempe consentit, ut is amplius non teneatur. Hic consensus pactum habet de reliqua parte non petenda. Hoc pacto debitor, qui partem soluit, liberatur. Cum autem fideiussor partem soluit pro sua persona, tametsi idem dicere intelligitur, quod supra, nimirum velle se suam personam obligatione eximi; tamen creditor ut eam partem tantum ab eo accipiat, non consentit: quippe quam ideo accipit, quia accipere cogebatur, non quia vellet quidquam remissum. Nam quis facere necesse habet, non intelligitur in eo voluisse esse liberalis. l. re legatæ. ff. de ad. leg. In qua sententia tota differunt pluribus ut in loco ad d. l. si creditores.

Interim hoc hæcenus reorum & fideiussorum plurium manet commune, ut si creditor ab vno parte petierit tantum, non profit ea res convento, quo minus idem ipse in reliquam partem conveniri possit, ut ante petitionem partis poterat. Verum tamen hoc sic accipiendum erit, si creditor cum vno tantum ex

fideiussoribus egerit pro parte. Diversum est, si cum omnibus fideiussoribus simul egerit, cum singulis autem pro parte, atque ita inter fideiussores actionem suam diuiserit. Hoc enim cum fecit, amplius post litis contestationem vnum ultra partem, quam ab eo semel petiit, convenire non potest, etiam si reliqui soluendo non sint. hæc sententia est l. liberum. §. hoc tit. Illic enim ita scriptum est, post litis contestationem diuisam actionem instaurari iuris ratio non patitur. Diuiditur actio creditoris, cum aduersus omnes fideiussores pro parte agitur, & ita actio tota in iudicium deducitur diuisim, ut colligere licet ex l. inter eos. §. 1. Et §. pen. l. amissi. §. 1. D. eo. Et l. fideiussor. §. Instaurari actio dicitur, cum ab eo, qui pro parte conventus erat, solidum petitur ex persona eorum, qui soluendo non sunt. Hoc fieri ius vetat, ut est in dict. leg. liberum. Proinde hoc vetare intelligitur, ne quisquam eorum, qui pro parte initio conventi sunt, ultra eam partem postea conveniantur. Hanc sententia dubitationem non habet, cum omnes fideiussores inter quos actio diuisa est, tempore litis contestata fuerunt soluendo. Nam ex epistola D. Hadriani inter eos, qui tempore litis contestata soluendo sunt, actio & obligatio diuiditur. l. 3. in fi. §. hoc tit. dicto. §. si plures. Inst. ut eodem. Beneficium iuris hoc modo fideiussoribus singulis questum nullo euentu his auferri potest. Idcirco si inter fideiussores, qui soluendo erant, diuisa actione quidam postea soluendo esse desinant, ea res ad onus eorum, qui soluendo sunt, non pertinet, ut est Papiniani responsum in dict. leg. inter eos. §. pen. D. eo. Sed res non caret dubitatione iusta, si creditor diuiserit actionem inter eos fideiussores, qui tempore litis contestata soluendo non fuerunt. Nam inter eos ex epistola D. Hadriani actio non diuiditur, ut videtur: cum iubeatur inter eos tantum diuidi, qui soluendo sunt. Rursum creditor partem petendo a singulis, non ideo pacisci intelligitur, ne a singulis reliquam partem petat. quo fit, ut non videatur prohiberi partem reliquam a singulis petere, etiam post litem cum singulis pro parte contestatam.

Sed nihilominus & hoc verum est, diuisa inter fideiussores actione, id est, omnibus conventis, & singulis pro parte, sic inter eos actionem diuidi, ut non magis ab vno reliqua pars peti possit, quam peti posset, si omnes soluendo fuissent tempore litis contestata. Id non obscure colligitur ex l. amissi. §. 1. D. eod. Illic ita Papiniani responsum est; si ex persona pupilli tutoribus auctoribus cum pluribus fideiussoribus, qui pupillo obligati erant, actum sit iudicis, & diuisa inter eos actio, cum quidam ex illis soluendo non essent tempore litis contestata: posse minorem in integrum restitui aduersus eum, qui soluendo erit, ut in eam partem conveniatur, in quam reliqui soluendo non sunt. Cum Papinianus dicit pupillum in integrum restitui posse, satis significat eum iure communi aduersus eum, qui soluendo est, agere non potuisse. Quoties enim minor iure communi, & auxilio ordinario munitus est, cessat in integrum restitutio, l. in causa. 2. ff. de minor. Ergo maior creditor si idem fecisset, nullum remedium iure haberet aduersus eum, qui esset soluendo. Id etiam satis aperte colligitur dict. leg. liberum. Nam questio illic initio posita est de pluribus fideiussoribus, quorum quidam minus idonei fuerunt tempore litis contestata, & ante. Et rescriptum est vnum ex his conveniri posse in solidum ab initio: sed semel actione inter eos diuisa, non licere post litis contestationem actionem instaurare. Refertur hoc igitur ad eos, de quibus questio

questio posita erat, id est, ad eos qui tempore litis contestatae soluendo non fuerunt, quibus dicimus superioris diuisionem prodesse.

Sed aduersus hanc sententiam multa disputari possunt, quae breuiter diluamus. Ac primum in eam rem hoc argumentum est. Si vnus ex pluribus fideiussoribus pro parte conuentus in reliqua parte liberatur, ut deinceps de ea conueniri non possit, necesse est aut iure liberetur, aut creditoris conuentione. Neutrum esse reperitur. Non liberatur iure ciuili, nam singuli hoc iure solidum debent. *leg. 3. §. eo.* Non ex epistola D. Hadriani, nam ex hac epistola diuiditur actio, tantum inter eos, qui soluendo sunt. *d. l. 3. §. si plures. Inst. cod.* Nos autem agimus de his, quorum quidam soluendo non fuerunt tempore litis contestatae. Rursum non liberatur fideiussor pro parte tantum conuentus creditoris conuentione. Non enim si creditor partem petit a singulis, ideo cum singulis pacisci intelligitur, ne reliqua petat, ut iam dixi, argumēto est, quod si creditor ab vno solo petierit partem, non ideo is in reliqua parte liberatus intelligitur, ut supra docuimus. Quapropter ne tunc quidem liberabitur; cum creditor non cum vno tantum egit, sed egit pro parte cum omnibus.

Respondet; et cum creditor partem petit eodem tempore a singulis fideiussoribus, fateor, singulos consensu creditoris in alteras partes non liberari; certe de eo consensu nihil probare. Sed liberantur ex epistola D. Hadriani, quoniam creditor inter fideiussores diuisit actionem: non quidem verbis epistolae, sed sententia. Nam epistolae verba cogunt solum diuidi actionem, cum fideiussores soluendo sunt, non autem cum soluendo non sunt. Sed si nihilominus creditor sua sponte actionem inter eos diuisit, sententia epistolae est, ut omnes pro parte tantum deinceps teneantur, quauis ab initio non omnes soluendo fuerint; quia creditor actionem inter fideiussores diuidendo solidi petitioni renantiarit. Colligitur haec sententia hoc argumēto. Nam si creditor coactus diuiserit actionem inter eos, qui soluendo erant, non potest postea ex epistola vnum ex his in solidum conuenire, quamuis alter designat esse soluendo. Ergo multo minus poterit vnus conuenire in solidum, ubi sua sponte non coactus diuisit actionem inter eos, qui iam tum soluendo non erant. Nec in eo fit creditori iniuria, atque adeo nullum damnum eius esse videtur, si sua culpa damnum sentit, ut est regula iuris. *l. quod quis ex culpa. D. de regulis iuris.* Naac autem certa culpa eius id accidit. Nam si sciebat aliquos soluendo non esse, cur non conuenit in solidum eum, qui soluendo erat? si ignorabat aliquos soluendo non esse; tamen fuit in potestate eius vnum quemlibet in solidum conuenire. nec cogitur ceteros conuenire pro parte, nisi is fideiussor, qui in solidum conuenitur, id postulet, ut fiat periculo suo. *l. si dubitet. i. c. in pr. D. eo.* Id si non fecit creditor, de se queri debet. Confirmatur haec sententia verbis *leg. liberum. supra.* Nam cum illic diceretur diuisam actionem instaurari non posse, ratio haec addita est, non quia creditor consenserit, sed quia iuris ratio id non patitur.

Secundum argumentum aduersus superiorē sententiam hoc est. Cum sunt duo fideiussores, puta, Primus & secundus, ac secundus soluendo non est, si creditor eum vtroque pro parte agat, & volumus Primum non posse conueniri ex persona Secundi, qui soluendo non est: necesse est Primum pro ea parte liberari aut ex persona sua, quia ipse pro parte conuentus sit: aut ex persona Secundi, quia Secundus pro parte

fuerit conuentus. Atqui non liberatur Primus, quia sit tantum conuentus pro parte. Nam si solus conuentus esset pro parte, non ideo in reliquam partem liberaretur, ut supra docuimus ex *l. inter eos. §. i. D. eo.* Non debet etiam liberari pro altera parte, quia Secundus pro ea parte conuentus sit. Quippe electione Secundi Primus non liberatur, & generaliter vnus electione non liberantur ceteri, si is qui electus est, non satisfaciatur, ut in hac *l. reos.* discrete constitutum est. Quare primus in proposito nullo modo pro reliqua parte Secundi liberatur. Respondet, sic res habet: neque Primus ideo liberatur, quia cum ipso pro parte actum sit, neque ideo, quia Secundus in reliquam partem sit electus. denique neque consensu creditoris liberatur, neque Secundi fideiussoris electione. Sed liberatur propter diuisam a creditore actionem, quia hanc diuisionē ius ratam habet, quasi actione diuisa solidi petitionem ille remiserit, ut dixi.

Tertium & postremum in eandem sententiam argumentum hoc est, creditor antequam litem cum omnibus fideiussoribus contestaretur pro parte, potuit vnumquemlibet ex his in solidum conuenire, si ceteri idonei non essent. *l. liberum. in pr. §.* Ergo & post litem contestatam poterit, quamuis inter eos diuiserit actionem litem contestando: quoniam nemo litem contestando deteriorem suam conditionem facit, sed meliorem. *l. non solet. l. nemo enim. ff. de regul. iuris.* Respondet: quod creditor post diuisam inter fideiussores actionem non potest amplius vnum in solidum conuenire, non sit propter litis contestationem; quae reuera nunquam nocere solet. sed sit, ut iam dixi, propter diuisionem actionis; quae tamen diuidi non potest, nisi litem cum singulis creditoribus pro parte contestando. Ita rata erit haec sententia, diuisa inter plures fideiussores actione, id est, omnibus pro parte virili conuentis, non posse deinceps vnus ex fideiussoribus in solidum conueniri ex persona eorum, qui soluendo non sunt, siue tempore litis contestatae omnes soluendo fuerint, siue iam tum quidam ex his soluendo non fuerint.

L. Fideiussoris. XXVIII.

Iidem AA. & CC. Pergamio.

Fideiussoris quidem heres exemplo rei principalis tenetur. Sed si idem vtrisque succedat, intercessionis obligatione finita, velut principalis tantum debitoris heres conueniri potest. S. i. i. Kal. Ian. CC. Coss.

S V M M A R I V M.

Cum fideiussor debitori, aut debitor fideiussori, aut vnus & idem vtrique succedit, toties vnā tolli obligationem, & eam fideiussoriam, non principalem, & cur ita vtrumque.

Fideiussore mortuo etiam heres ex causa fideiussionis obligatur. *§. fideiussor non tantum. Inst. eodem.* Hoc ita est, nisi hic heres sit heres debitoris eius, qui fideiussori suo prius successerat. Nam & hic heres ut debitori, ita per interpositam personam debitoris fideiussori quoque heres est. *leg. 2. l. 3. Digest. de her. pet. l. ult. §. de her. inst.* Nunc tamen quaeritur aut fideiussor debitori principali, aut debitor fideiussori, aut quod idem valet, vnus idemque fideiussor & debitori succedit, toties altera obligatio tollitur, quoniam necesse est natura diuersos esse, eumque fideiuber, paliquis, & eum pro quo fidelubetur. *l. heres. §. seruo. Digest. hoc. tit.* Vtrum igitur obligatio tollitur, fideiussoria, an principalis? Placet

fideiussoriam obligationem perimi, principalem manere. d. l. heres. §. seruo. l. stygium. §. quod vulgo. D. de sol. & hoc loco. Et recte. nam si principalem perimi vellemus, eadem opera accideret, ut tolleretur & accessoria. l. in omnibus speciebus. Dig. de solut. Itaque utraque perimeretur cum summa iniuria creditoris. Nos autem vnam saltem manere volumus.

L. Pignoriibus. XXV.

Idem AA. & CC. Philippo.

Pignoriibus datis a reo principali distractis, nec post longi temporis intervallum residuum a fideiussore creditor petere prohibetur. S. 6. Cal. Ian. CC. Coss.

Creditor parte debiti soluta, res quas pignori obligauerat, vendidit, non consentiente debitore. Deinde res ab emptoribus possessæ longo tempore aduersus creditorem vfucaptae sunt, iuxta. l. 1. & leg. 2. supra. si aduer. cred. praes. oppo. Pignore liberato quaeritur, an liberentur quoque fideiussores pro eo quod reliquum debetur. Rescriptum est, vno genere cautionis soluto, non ideo fideiussores liberari. de qua re diximus ad l. etiam si. §. hoc tit.

L. Sancimus. XXVI.

Imp. Iustinianus A. Iuliano praefecto praetorio.

Sancimus, si quis pro alio sponderit, quatenus cum intra certum tempus tradat, vel certam quantitatem pecuniarum pro eo inferat, & tempore statuto iam effluente non poterit eum representare, non statim pecunias pro eo stipulatas inferre, sed competere quidem post temporis lapsum omnimodo. poenalem actionem: non autem statim summam, pro qua fideiussor admissus est, prestigare. Sed si quidem usque ad sex mensium spatium tempus statutum sit, aliud tantum ei indulgeri sancimus, intra quod si possit personam exhibere, & eam tradere, poena sit libera. tus. & c.

SV. MARIA.

1. Summa constitutionis.

2. Singularia constituta hac lege, & constituendi ratio.

Promisit aliquis se alium iudicio stitutum intra certum tempus; & nisi stitisset, promisit poenam, ut est species leg. quoties quis. 81. Digestis. de ver. obl. Intra tempus stipulatione constitutum poenam peti non posse semper constituit, siue is, de quo agitur sisti adhuc possit, siue non possit, & quidem culpa promissoris. leg. si eum. §. 1. Digestis. si quis caut. Tempore constituto transacto, an poena statim peti possit, quaesitum est. Olim potuit, nisi quod liberari potuit promissor, si post tres pluresve dies sisteret iudicio eum, quem oportebat, & non fecisset actoris ius deterius. Let si post tres. ff. si quis caut. Hic constitutum est, non statim poenam peti posse. Estque totius constitutionis haec definitio. Nam si is, de quo sistendo agitur, viuit, Iustinianus post tempus conventionis comprehensum etiam aliud adiecit legitimum, intra quod adhuc promissori hominem sistere & exhibere liceret. Id tempus est sex mensium, si stipulatione sex item menses dati erant, aut longius tempus quam sex mensium. Quod si infra sex menses tempus conventionis constitutum sit, Iustinianus nihil expressit, quod tempus hic insuper veller adici. Sed bene Accursius colligit ex sententia legis tempus duplicari. Praeterea intra hoc legitimum tempus, quod a Iustiniano adici diximus, non solum is permittit promissori ad liberationem hominem sistere, seu exhibere, sed

etiam fecit ei potestatem eius nomine defensionem suscipiendi; ut siue eum exhiberet, siue eum defenderet, poenam non deberet: dummodo non conuenisset nominatim ab initio, ne eum, de quo agitur, defendere liceret. In hac defensione hoc adiecit, ut si promissor absentis defensionem suscipit, sciat sibi postea liberum non esse eum hominem exhibere, sed debere ipsum in ea defensione ad extremum perseverare. Haec, ut dixi, si is qui sisti debuit, adhuc viuit. Quod si mortuus est; si quidem intra tempus stipulatione constitutum, promissor liberatur. sin post id tempus, statim poena committitur, & statim a promissore exigi potest. Haec et summa constitutionis. in qua duo singularia notanda sunt. Primum illud, quod Iustinianus nouum spatium promissori dedit ad hominem exhibendum, & poenam euitandam. Nam ante ubicunque intra certum tempus quid fieri promittitur, & nisi factum sit, promittitur poena, sic ius fuit perpetuum, ut si factum non esset, quod debuit, ita poena committeretur, ut eam postea purgare non liceret ad poenam euitandam. leg. traiecitna. Digestis. de obligat. & act. leg. magnam. sup. de cont. stip. contra quam Iustinianus in hac specie constituit. Constitutionis ratio & aequitas haec videri potest, quod difficile sit homines sistere, & multae causae incidant, propter quas sisti non possint, etiam cum maxime promissor voluerit, & dederit operam, ut sisteret. Itaque hanc difficultatem leniit Iustinianus longiore tempore ad exhibendum constituto. Alterum illud singulare, quod intra tempus legitimum a se constitutum fecit potestatem promissori suscipiendae defensionis absentis. Nam alioqui ita ius est, ut qui promittit se aliquem stitutum, eum sistendo, id est, faciendo, quod promittit, liberetur: aliud autem faciendo, & generaliter aliud pro alio soluendo promissori inuito creditore liberari non possit. leg. 2. §. 1. Digestis. si cer. pet. Cur ergo Iustinianus hic contra constituit aduersus creditorem? quia hoc constituto, non ideo videtur creditori fieri iniuria; sed potius id praestari, quod promissum est, si spectamus id quod actum fuit, id est, mentem, & propositum contrahentium. Nam ideo promittitur quis sisti, ut sit creditori eius conueniendi, & cum eo iudicio agendi copia. satis autem conueniri videtur, qui aut per se defenditur, aut per alium, qui condemnatus iudicatum faciet. leg. 2. ff. qui. b. ex caus. in poss. ear. Quod Iustinianus constituit, ut hominem, de quo agitur, intra tempus conventionale defur & liberetur promissor; & hoc item ius vetus est. l. si decesserit. ff. qui satis. cog. cuius ratio redditur in l. si homo. ff. de ver. obl. Quod constituit, ut hominem post id tempus defuncto statim poena peti possit, habere potest dubitationem ex praecedentibus partibus huius constitutionis. Quaeritur enim, quare & in hac causa Iustinianus non con duplicauerit tempus, ut fecit, cum is homo de quo agitur, adhuc viuit. Sed ratio non est obscura. Quippe nequidquam in hac specie tempus nouum daretur. Nam prius dabatur tempus nouum eius hominis exhibendi, aut defendendi gratia. Inepte detur hoc tempus eo homine iam mortuo: cum mortuus neque exhiberi, neque defendi possit.

L. Si fideiussor. pen.

Idem August. Iohanni praefecto praetorio.

Si fideiussor nullam quidem cautionem faciat, ostendens se fideiussorem existisse, praesentibus autem tabulariis hoc confessus est, quod in fide sua, eum suscepit. Dubitabatur a Palatina

lastina aduocatione, utrumne post duos menses liberetur, quasi sine scriptis fideiussione facta, secundum generalia edicta sublimissima pratoriana sedis: an, utpote scriptura interueniente, teneatur. Et diuisio alia introducebatur, si idem iuris esse debeat tam in publicis causis, quam in priuatis &c.

In præfectura Ioannis præfecti prætorio hæc lex seruabatur, ut si fideiussor promississet aliquem iudicio fisci, si quidem & scriptis interuenientibus, perpetuo teneatur; sine scripto autem liberaretur post duos menses. Hoc iure posito, ex facto quaesitum est. Fideiussor promissit alium iudicio fisci sine scriptis. Postea apud tabellarium confessus est se id promississe, & eius confessionis instrumentum factum est. Quaestio, an hic videatur in scriptis promississe, an sine scriptis? ut sic intelligamus, an is ad legem superscriptam pertineat, an non pertineat. De ea re hic iura constitutum est; siquidem de causa ciuili agatur, videri fideiussorem sine scripto factam, ut scilicet initium spectemus. Ideo fideiussorem secundum legem superscriptam post duos menses non teneri. Sin in causa criminali idem factum sit, videri contra fideiussorem in scriptis factam, ut sic fideiussor perpetuo teneatur: quia res pendendi debeat ex contestatione sequente, non ex eo quod ab initio factum sit. Cur hæc tam varie, cum utrobique factum sit idem? Alit Iustinianus, id se propter utilitatem publicam in causa criminali constituere. Quænam ergo ista est necessitas, & utilitas publica, quam intelligit? Ea est, quam dicimus in persecutione delictorum versari. Reipublicæ enim interest delicta non manere impunita. Pertinet id ad vigorem disciplinæ publicæ, propter quam utilitatem multa iure ciuili contra regulas communes iuris recepta esse constat. Ita vulneratus, vers. quod si quis, ff. ad leg. Aquil. l. locatio, §. quod illicitè, ff. de publico.

L. Generaliter, ult.

Hæc lex exposita est ad l. reos, §. hoc tit.

LIBERATIONVM DIVISIO, HARUM, Genera, & sequentium duorum titulorum argumentum, ac sedem in hoc genere indicans.

S Y M M A R I V M.

- 1 Ipso iure tolli obligationem quid.
- 2 Liberationum quæ ipso iure contingunt, genera.
- 3 Solutio.
- 4 Compensatio.
- 5 Obsignatio.
- 6 Nudo consensu quæ tollantur obligationes.
- 7 Nouatio.
- 8 Acceptilatio.
- 9 Mutatione prioris status obligationis quibus modis tollatur obligatio.
- 10 Confusio.
- 11 Interitus rei debite.
- 12 Duarum causarum lucratiuarum concursus.
- 13 Tempore quæ, & quomodo finiantur, obligationes.
- 14 Pacto obligationem ad tempus constitui non posse ipso iure.

Diximus ad titulum de exceptionibus, supra, liberationum genera summa esse duo: aut enim ipso iure liberari debitores, aut per exceptionem. Quibus modis liberetur quis per exceptionem, illic indicauimus. Sequuntur liberationes earum, quæ ipso iure

contingunt. quæ ex genere sunt hæc, de quibus proximis tribus titulis agitur. sed pauca ex innumeris. Plures Iustinianus in Institut. tit. quib. mo. tol. obl. hoc argumentum ex professo tractans complexus est. Non plures tamen, quam quæ ex voluntate reorum contingunt: ac ne eas quidem omnes. Quas ut esset complexus; non tamen haberemus omnes species huius generis. sunt enim non pauca, quæ & sine voluntate reorum eueniunt. Quare cum de liberationibus sint hi tituli, qui sequuntur; ne quis iam ab initio eo numero deceptus in his generibus versari emnes liberationes existimet; simul ut monitus longe plura genera esse, hæc ipsa quæ sunt, iam ante animo prospicere possit, & videre, istæ quæ sequuntur, ad quod ex his genus referri debeant; recte fecerimus, si initio liberationum omnium istarum, quæ iure ipso obligationem tollunt, genera eorumque generum species breuiter complectamur. Id ita commodissime consequi posse videtur.

Ipso iure liberatio est, cum qua obligatione prius tenebatur debitor, ea ita tollitur verbis ipsius legis, ut nulla amplius supersit. Tollitur i hoc modo iure cõ omnis obligatio dupliciter. Aut enim soluitur eorum facto, ad quos ea res pertinet: aut his etiam inuitis sua sponte extinguitur. Prioris generis sunt earum liberationes, quæ sequentibus titulis exponuntur. Posterius genus, ut dixi, totum & hoc loco, & in Institutionibus in hoc argumento prætermisum est. Facto reorum obligatio partim solutione tollitur, partim dissoluitur consensu. Solutio i est præstatio rei debite. l. solut. am. D. de solut. Hac præstatione maxime naturaliter tollitur omnis obligatio. Institut. quib. mo. tol. obl. in principio. Nam obligatio omnis huc spectat, ut aliquid præstetur, ut declarat obligationis definitio. Institutio. de obl. in princip. Ita hoc præstito obligationi satisfactum est. Solutionem cum dicimus, etiam eas species volumus intelligi, quæ solutionis vicem habent. Hæc duæ sunt: Compensatio, & Obsignatio pecuniæ debite. Compensatio i est crediti & debiti iuicem contributio. l. 4. ff. de compens. Hæc ita fit, cum ex duobus, quorum vterque & debitor est & creditor, vnus debitum cum credito contribuit. Hoc modo iure ipso tollitur obligatio: non alia de causa, quam quod compensatio pro soluto habetur, ut est in leg. 4. sup. de compensatio. Et recte habetur. sic enim debitor compensare intelligitur, cum quod a creditore suo sibi debitum exigere poterat, id apud eum esse vult pro soluto. quod perinde est, ac si id a creditore exegisset, & acceptum illi soluisset. Hic ordo naturalis futurus erat: sed celeritate actionum coniungendarum hic circuitus vitatur, iuxta l. 3. §. ult. ff. de don. int. vir. & vx.

De i obsignatione est in l. obsignat. j. de sol. vbi dicitur. Sine solutione consensu dissoluitur obligatio, cum id agitur, ut ab obligatione discedatur: siue ut qui tenebatur, amplius non teneatur. Id contingit alias nudo consensu; alias cum legitimus aliquis actus ad consensum accesserit. Nudo i seu solo consensu obligationes dissoluantur, quæ consensu contractæ erant, cum id agitur rebus adhuc integris, ut ab obligatione recedatur. Huiusmodi contractus sunt, emptio venditio, locatio, conductio, societas, mandatam. De hoc genere est in §. ult. Institut. quib. mo. tol. obl. l. ab emptione. D. de pact. Hoc modo ceteræ obligationes non tolluntur. Verat regula iuris, quæ dicitur, secundum naturam esse vnum quodque dissolui eo modo quo colligatum est. l. nihil tam naturale. l. fere. quibuscumque. Dig. de regul. iur.

Sed tolluntur tamen & ceteræ obligationes consensu, cum ad consensum idoneum aliquid, quod valeat ad liberationem, accesserit. Quam ad rem recepta sunt genera duæ, Novatio & Acceptilatio. In quibus præter consensum licet obseruare hæc, quæ confirmant liberationem; partim obligationem nouam, partim verba, partim litis contestationem, de quibus postea suis locis. Novatio ¶ est prioris obligationis in
7 aliam transfusio. *l. i. De nouat.* Vel hinc intelligitur sic nouatione nasci nouam obligationem, vt simul tollatur prior translata in posteriorem. *d. l. i. l. 2. Digest. de noua.* De hoc genere est in §. præterea. *Inst. quib. mod. tol. obl.* De eo dicemus amplius ad titulum proximū. *De nouat.* Acceptilatio ¶ est verborū conceptio, quib.
8 creditor a debitore interrogatus, an quod sibi debetur, acceptum habeat, acceptum ferat, respondet se acceptum habere, acceptum ferre. Hoc modo non omnes obligationes tolluntur, sed quæ verbis, id est, stipulatione contractæ erant. Idque efficit eadem illa regula iuris, quam ante dixi. *d. l. nihil tam naturale. D. de reg. iur.* De hoc genere est in §. item per acceptilationem. *Inst. quib. mod. tol. obl.* Et de eo non nihil amplius attingemus ad tit. *De accept. inf.*

Non solum a consensu tollitur obligatio; quod fit superioribus modis: sed etiam inuitis & ignorantibus, ad quos ea res pertinet: quod erat alterum genus iustæ liberationis. Hoc modo extinguitur obligatio dupliciter. Nam aut mutatione prioris status intercidit, aut finitur tēpore. Liceat. n. nobis hoc loco breuitatis causa amissionem rei, quæ saluo corpore contingit, ad mutationem prioris status referre, vt interitū rei contineatur: etsi in iure quoque harum rerum non nihil interest. Neq; enim nunc omnia genera liberationum exacte persequimur: sed tantum genera summa leuiter indicamus, plenius alias de his & subtilius suo loco per opportunitatē dicturi. Mutatione
9 ¶ prioris status intercidit, quoties res redit in eum casum, a quo incipere nō potest. quæ perpetua iuris definitio est in obligatione ex contractu. *l. pro parte. D. de seruit. l. ex primo. D. de verb. obl.* Nulla ab initio contrahi obligatio aut consistere potest sine personis debitoris & creditoris, inter quas contrahatur: nulla sine re, quæ deducatur in obligationem: nulla sine eo, vt quid inde creditori acquitatur. Proinde sine personæ istæ postea esse definant; siue definat esse res, quæ possit deberi; siue iam inde creditori nihil acquiri possit obligatio sua sponte ex euentu intercidit, rediēs in eum casum, a quo incipere nō poterat. Hinc hæc generalis liberationum nata, vt extinguatur obligatio; a personis, confusione; a rebus, interitū rei debitoris; a potestate acquirendi, dominio rei debitoris creditore quæsito.

10 Confusio ¶ est, cum creditor debitori, aut debitor creditori suo succedit. *l. debitori. sup. de pact. l. Sisyphus. §. aditio. Dig. de solut.* Hic confundi obligatio dicitur, quia cōcurrunt in vnam personam obligatio & actio, in qua persona & hæc confunduntur, cum scilicet idem creditor esse incipit, & simul debitor. quod natura nō patitur. Ex quo euenit, vt obligatio hoc modo extingatur.

11 Interitū ¶ rei debitoris, qui sine culpa & mora debitoris contigerit, omnis debitor liberatur. *l. si ex legati. D. de verb. obl. l. quod te. D. si cert. pet.* Hoc ex eo, quod sine re ab initio consistere non potuit obligatio. quo fit, vt ea re sublata res redeat in eum casum a quo incipere non poterat, ac proinde tollatur. §. item con-

tra. *Inst. de inutil. stipulat.* Si culpa debitoris res pereat, vel quia rem debitā occidit, vel quia mora ab eo facta est, quominus eam recte daret: perinde tenetur, quasi res exstaret. *d. l. si ex legati. §. l. seq. l. nemo. §. i. ff. de ver. obl.* Interitum rei cum dico, non tantum intelligo naturalem interitum; sed & civilem, cum res debita ex hominum commerciis eximitur. *d. §. item contra. Inst. de inutil. stip. l. inter. §. sacram. ff. de verb. oblig.*

12 Dominio ¶ rei debitoris creditore quæsito eadem de causa obligatio existit guitur; quia ab initio res nostra nobis deberi nō potest. *Inst. de inutil. stip. in pr.* Sed hoc ita temperatum est a veteribus, vt ita demū dominio rei debitoris creditore quæsito, debitor liberetur, si res debeat ex lucratiua causa, eademq; ad eum peruenerit ex alia causa lucratiua. Vt, si res aliena ei legata sit testamento alicuius, deinde sit donata a domino: heres is, a quo legata erat, ipso iure liberatur. *l. omnes debitores. ff. de obl. & act. §. si res aliena. Inst. de leg.* Quod si res ex causa lucratiua debita, peruenerit ad creditorem ex alia causa onerosa; puta quia prius legatā, aut donationis causa promissam ab eo, qui dominus nō erat, postea vel emit, vel ex permutationis causa, aut in dotem a domino accepit; debitor prior non liberatur. *l. ex promissione. ff. de obl. & act.* Idemq; e conuerso dicendum est, si res creditore empta sit, deinde ad eū peruenerit ex causa lucratiua. Verum hic occurritur veteribus. nam quocunque modo res debita facta sit creditoris, semper verum est, rem illi amplius dari nō posse, atque ita rem rediēs in eum casum, a quo incipere non poterat. Cui consequens erat, etiā hoc modo tolli obligationem, secundum constitutionem illam iuris supra a nobis positam, & ab his ipsis veteribus receptam, quod illi in hoc temperamento mutant. Imo illi hic omnia secum admodum consentienter. Cum enim res ex causa onerosa peruenerit ad creditorem, perinde habetur, quasi nō peruenerit: propterea quod creditore pro ea re aut pretium abest, aut alia res pro pretio. Sic autem definiunt iidem illi veteres, & recte, ei rem abesse videri, cui pro re tantum dē abest. *l. Labeo. §. Sabinus. D. de verb. sig.*

Tempore ¶ finitur obligatio ipso iure, cū lege obligatio & actio ad certum tempus constituta est. exemplo est redhibitoria, & actio quanto minoris res valuit, quam empta est; quarum illa intra sex menses: hæc intra annum datur edicto ædilium. *l. sciendum. §. ult. D. de ad. ed.* nempe prior post sex menses nulla erit, posterior post annum. Idem accidit in omnibus honorariis actionibus ex maleficio, quæ intra annū constitutæ, anno finiuntur. *l. in honorariis. ff. de obl. & act.* Si ab initio simpliciter actio constituitur lege, deinde ab aliis legibus caueatur, vt actio duret tantum ad triginta, aut quadraginta annos: sic hæc derogatio accepta est, vt posteriore lege non tollatur obligatio ipso iure post triginta aut quadraginta annos, sed & tantum per exceptionem, quæ dicitur præscriptio temporis. *l. omnes. l. sent. supra. de presc. trig. vel quad. ann.* Scilicet quia ab initio sine præfinitione temporis obligatio constituta erat, quæ cum sit vna ex legibus prioribus, non recte videntur leges priores in ea obligatione parte tēporis iuberi manere, & pro parte abrogari. Ita manent in omne tempus ipso iure, sed post tempus posterioribus legibus constitutum exceptione opposita oblique abrogantur. Illud ¶ monēdi sumus, solū hoc lege effici posse, vt constituitur obligatio ad tēpus ita, vt transacto eo tempore finiatur. Ceterum pacta ad tempus obligatio constitui non potest, quin post
tempus

tempus iure ciuili obligatio maneat. Sed post tempus petenti obstat pacti, seu doli exceptio. *l. obligatio. num fere. ff. de obl. & act.*

AD TIT. XLII. DE NOUATIONIBUS & DECLARATIONIBUS.

S Y M M A R I V M.

- 1 *Nouatio quid.*
- 2 *Nouatio solum per stipulationem, & litis contestationem, non nudo consensu.*
- 3 *Naturalem pupilli obligationem posteriorem verbis inductam ad nouationem sufficere: serui non item: & cur.*
- 4 *Nouationem nullam sine animo nouandi, & eo verbis nuncupato.*
- 5 *Nouatio voluntaria & necessaria.*
- 6 *Voluntaria, quæ; & quomodo fiat tum cum debitore, tum cum extraneo.*
- 7 *Delegatio, quid.*
- 8 *Voluntaria nouationis effectus.*
- 9 *Necessariam nouationem fieri litæ cum vero debitore contestata.*
- 10 *Litis contestationem nouationem habere, & hoc quā verum sit, & quatenus.*
- 11 *Nouatio necessaria per litis contestationem quib. in rebus spectetur pro commodo creditoris.*

Nouatio, ut supra attigimus, est prioris debiti in alium obligationem, vel ciuilem vel naturalem transfusio, atque translatio. sic Vlpianus in *l. 1. ff. eod.* Fit hæc translatio duab. his rebus interuenientibus: noua eiudem debiti obligatione contracta; & interposita nouandi voluntas. *d. l. 1. ff. eo. & l. 3. in fin. j. hic.* Noua t obligatio ad eam rem utilis contrahitur aut stipulatione, aut iudicio de eadē re suscepto, seu per litis contestationem. Vnde & totidem modis dicitur fieri delegatio species nouationis in *l. de legato D. eod.* Quippe ex stipulatione nascitur actio de iure ciuili. *g. de constituta. Instit. de actio.* Iudicio autem recepto contrahitur sicut stipulatione. *l. 3. §. idem scribit. D. de pecu.* Solus consensus seu nudum pactum ad nouationem nihil prodest, quamuis animus nouandi accesserit; nō ram ideo, quod ex pacto non nascitur actio (quid enim, si quis hinc naturalem nasci obiciat, quæ ad nouationem sufficit?) quam quod pacto nō tollitur obligatio ciuilis nudo consensu non contracta: *l. si vnus. §. pactus. ff. de pact.* Nouatione autem priorem obligationē tolli volumus. At potest obligatio prior tolli verbis, id est, stipulatione; quia in stipulationibus ius versatur, ut est in *d. l. si vnus. §. pactus.* Potest & iudicio propter rerum iudicarum auctoritatem: quam seruari publice interesse putatur. *l. seruo. §. cum prator. D. ad Treb.* Vnde hæc inter se comparantur in *d. l. 3. §. idem scribit. de pec.* Hinc extra iudicium vbique ad nouationem verba & verborum obligationem exigi, ac per hæc nouationem fieri dici videmus, ut *l. 1. l. 2. D. eo. l. 3. in fin. inf. eo.*

Sed t notandum, dum superiorum alterutrum interuenierit, stipulationem dico, aut iudicium; nihil referre ad nouationem, quæ obligatio noua inde contracta sit; ciuilis, an naturalis. Etiā naturalis ad eā rem sufficit, ut, si pupillus sine tutoris auctoritate nouandi animo promiserit, fiet nouatio. *l. 1. Dig. eod.* atque hoc modo res amitteretur videlicet: ubi & liberabitur prior debitor nouatione, & posterior obligatio, quæ tantum est naturalis, nulla futura est, ut hoc explicatur

in *§. præterea. Instit. quibus mod. toll. obl.* Additur tamen ibidem non idem iuris esse, si a seruo quis fuerit stipulatus nouandi causa. nam tunc priorem perinde obligatum manere, ac si postea nullus stipulatus fuisset. Et tamen obligantur serui naturaliter. *l. serui. Dig. de obl. & act.* Sed hoc ita est in ceteris causis. Exceptæ sunt ceteræ, quarum adeo seruus capax nō est, ut in his nihil putetur agere, eoque nec ex his obliget dominū etiam de peculio. Hæc causæ sunt, iudicium, compromissum, iusiurandum, intercessio. *l. 3. §. si filiusfamilias. §. si seruus. Digest. de pec.* Est autem species intercessionis pro alio obligationem in se suscipere nouandi animo. *l. 2. §. ult. D. ad Vell. l. 1. C. eo.*

Nihil t agit ad nouationem noua obligatio de eadem re suscepta ne ciuilis quidem, nisi animus nouandi accesserit. Sine hoc nulla fit nouatio; sed posteriore obligatione secuta pro vna duæ constituuntur obligationes, vetus, & noua. *l. 3. in fin. j. hoc tit. l. 2. Dig. eo.* Hunc animum magna ex parte placebat veterib. iuris probari coniectura voluntatis, si in posteriore stipulatione, aut noua persona intercederet, aut aliquid rei nouæ: puta si dies aut conditio obligationi adiceretur. Denique hunc animum coniecturis inquirebant, ex quo magnæ controuersiæ nascebantur. Quæ res præbuit occasionem constitutioni Iustiniani, quæ est *l. ultim. inf. hic.* quæ omnem ansam superioribus controuersis præcidiens canit, ne aliter posteriore obligatione interposita nouatio fieri intelligeretur, quā si nominatim dictum esset ideo adhiberi, ut nouatio fieret, qui locus explicatur pluribus in *§. præterea. Instit. quibus mod. toll. obl.*

Sed neque hæc iustius animi probatio ad omnē nouationem pertinet, neque omnis nouatio ad tollendam obligationem eandē vim habet. Genera hinc nobis distinguenda sunt: ex quib. quid sit proprium singulorum intelligetur. Nouatio t omnis aut voluntaria est, aut necessaria. Voluntariam quædam esse, & hanc potissimum dici nouationem inter omnes conuenit, an vlla sit necessaria, ambigitur. Ego esse puto, & indicari genus vtrumq; in *l. aliam. ff. eo.* de quo dicam amplius suo ordine. Voluntaria t est, quæ fit libera voluntate & consensu eorum, inter quos res agitur, non vlla iudicii necessitate. Hæc aut cum debitore ipso vetere interponitur, aut cum alio debitoris obligationem in se suscipiente. Cum debitore ita, ut creditor a debitore suo idem, quod prius debuit, aut aliud pro eo stipuletur nouandi animo. Iudicio cum eo suscepto nulla fit eiusmodi nouatio: quoniā debitor a creditore suo conuentus necesse habet iudiciū suscipere, utpote illi iure obligatus, & propter obligationē obstrictus actione. idq; est, quod dicitur iudiciū reddi in inuitum. *l. inter. §. 1. ff. de verb. obl.* Cū alio interponitur nouatio, cū debitoris obligationē extraneus in se suscipit nouationis causa. Id vero facere quis extraneus pōt superiorib. illis duobus modis, quibus nouationem fieri posse dixi; stipulatione, & iudicio, seu litis contestatione. Stipulatione, cum stipulanti creditori promittit nouandi animo idem, quod reus debuit, aut aliud pro eo, *d. §. præterea. Instit. quibus mod. toll. obl.* Iudicio, seu per litis contestationem, cum pro debitore se offert litis, & pro eo iudicium suscipit eodem animo nouandi. Hoc modo eū obligari, qui iudicium suscipit, iam dixi: cum iudicio contrahatur. *d. l. 3. §. idem scribit. Dig. de pecul.* Sed & debitorem eo factū etiam inuitum & ignorantem liberari certi iuris est. *l. solutio. 23. Digest. de sol.* Quo iure? Non du-

bium, quin nouatione, cum ex præcedente causa ita constituatur noua obligatio, ut prior perimatur: quod est nouationis. *l. 1. ff. eod.* Et si quidem hic extraneus non mandante debitore vitro obligationem ita in se suscipit, nihil amplius in eo existere dicitur, quam nouatio. Quod si iubente, & hunc reum creditori dante debitore is suscipit debitoris obligationem, sit ea species nouationis, quæ proprie dicitur delegatio. Est enim delegare vice sua alium reum dare creditori. *l. delegare. Dig. eo. dare, inquam,* cum effectu, ut & qui datur, volens reus fiat, & creditor volens volentem admittat. Nam neque delegatur quisquam inuitus, nec nisi consentiente, & stipulanti promittente, aut agenti respondente debitore, de quo dicitur *ad l. 1. j.*

8 Nouationis si huius voluntariæ vis prope iam intellecta est. Nempe obligationem nouam constituit, & tollit priorem. *l. 1. ff. eod.* Noua, si civilis est, vis ea, quæ esset sine nouatione, ut sit nimirum actio noua creditori aduersus eum, qui nouauit, siue is debitor est, siue extraneus. si naturalis, totum amittitur creditori. Vetus autem & prior actio ita tollitur, ut nulla supersit aduersus veterem debitorem. qui ita liberatur, ut si forte delegatio facta sit, nec soluendo sit debitor delegatus, nihilominus liberetur debitor, qui delegauit, ut hic quoque pereat res creditori. bonum enim nomen fecit creditor, qui admisit debitorem delegatum. hoc in *Linser. §. abesse. D. mand.*

9 Necessaria si nouatio est, quæ fit per litis contestationem tunc, cum iudicio agitur cum ipso debitore. Nouationem hic fieri dicimus ex definitione: si quidem hic omnia congruunt, quæ conueniunt nouationi. In nouatione nouam obligationem quarimus, in qua deducatur prior. Et hæc noua iudicio contrahitur de ea ipsa re, quæ prius debebatur, & quæ ipsa deducitur in iudiciū. *l. 3. §. idem scribit. ff. de pecul.* Nouatione sic noua constituitur obligatio, ut prior perimatur. Hoc & in litis contestatione cum debitore interposita accidit. Fit autem & hoc a creditore animo nouandi, ut paulo post vtrūque ostendamus. Nihil igitur hic deest ad nouationem. Quod si hic nouatio est, non potest, quæ sit necessaria: quoniam, ut ante dixi, iudiciū cum vero debitore institutum tale est, quod reddatur in inuitum: proinde tale, quod debitor inuitus suscipere necesse habeat. *l. inter. §. 1. ff. de verb. oblig.* Recte igitur necessaria nouatio dicta, quæ ex ea necessitate iudicii suscipiendi nascitur. Sed & voluntariæ quæ recte opponatur, nulla est, nisi necessaria. *l. alienationes. ff. fam. ere.* Sed si prius est, ut constet ista litis contestatione, seu iudicio accepto fieri nouationem: de quo inter omnes non conuenit. Et vero magna causa est, cur hic negetur vlla inesse. quod & probat Accursius *ad l. vlt. in prin. §. de vsu rei iud.* Nam in *l. aliam. Dig. eodem,* unde hæc diuisio potissimum sumitur, de necessaria ista nouatione nihil exprimitur. Sic enim tantum verba sunt, aliam causam esse nouationis voluntariæ, aliam iudicii accepti multa exempla ostendunt: nec deinceps iudicium acceptum, seu litis contestatio dicitur esse, aut nominatur nouatio. Quod si de re quaritur, deque veterum hac de re responsis, omnia videntur hic nouationem repudiare. Agitur hic de litis contestatione cum debitore interposita. Constat neminem ita iudicio agere cum debitore, ut quidquam amittat, sed ut ius suum retineat potius, & si fieri potest, augeat. Absurdum igitur dici litis contestatione priorem obligationem tolli creditori, quod tamen futurum est, si hic vllam nouationem intelligimus: cum nulla sit nouatio, nisi noua obliga-

tionem contracta simul etiam prior tollatur. Idque ipsum regulæ iuris aperte confirmant, quibus declaratur neminem persequendo, & litem contestando deteriorem conditionem suam facere, sed plerumque meliorem. *l. non solet. l. nemo enim. Dig. de reg. iur. dist. leg. aliam. Digest. de nouat.* Congruunt responsa veterum, qui cum faterentur nouatione pignus tolli, iidem tamen iisdem in locis scribunt lite cum debitore de debito contestata non item hac contestatione pignus tolli, sed nihilominus, ut prius obligatum manere, ut *l. solutum. in princ. ff. de pig. act. l. grege. §. etiam. Dig. de pig.* Sed verius est inesse quoque & in litis contestatione suam nouationem, eamque necessariam: non sane semper, sed quibus in rebus commodum actoris id exigere videbitur. Primum ex verbis *l. aliam.* satis hæc nouatio colligitur. Nominatur enim nouatio quædam voluntaria. Ex quo intelligitur aliquam esse non voluntariam. Nam si nulla est nisi voluntaria, sufficiebat ita dicere, aliam esse causam nouationis, aliam iudicii accepti. Deinde iudicium acceptum opponitur nouationi voluntariæ: quorsum, nisi ut intelligamus in iudicio inesse nouationem necessariam, cui soli voluntaria recte opponitur? Sed & ibidem aliqua in re tantum distinguitur nouatio voluntaria a iudicio accepto. Ex quo rursus colligitur istas res aliqua in re esse similes: in eo autem similes, quod vtraque nouationem habet, de qua illic differit Paulus; verum effectu dissimil; quem effectu eo loco idem Paulus ostendit. Sed & sublata est dubitatio ex *l. vltim. §. Et ideo sup. de vsu rei iud.* ubi Iustiniani sententia est in hæc verba, actione iudicati priorem contractum nouari. Actione iudicati ille dixit, non litis contestatione; quia etsi dicimus per litis contestationem, seu iudicio accepto nouationem fieri; sic tamen intelligimus, ut fiat sub conditione, si secundum actorem iudicatum erit. & ideo effectu non fit nouatio, nisi post rem iudicatam. Ne illa nos hic impediunt, quæ supra obieciamus. Non enim dicimus litis contestatione passim fieri nouationem, dum ita inducitur noua obligatio, ut tollatur prior: sed tantum pro commodo creditoris, & ut eius persecutio id exigere videbitur. Itaque quod dicitur litis contestatione non fieri deteriorem conditionem actoris, admittimus. neque volumus hic nouationem inesse, nisi quæ prodest. Quæ ratione, & illud concedimus, lite contestata de forte nihilominus pignus manere: quia isto modo noceret nouatio actori, non proderet, quod non recipimus. Sed est, cum expediat actori sic induci iudicio accepto nouam obligationem, ut prior in hanc transferatur. Quatenus id fit, sciamus & hætenus nouationem fieri pro commodo creditoris. Quam & ipsam veteres hic receperunt. Nam de animo nouandi cur tum dubitetur in actore, nihil est: qui agendo nihil aliud spectat, quam ut sibi quam optime consulat. In eo autem consensum exigere eius, cum quo agitur, absurdum sit: cum aduersus eum inuitum iudicium reddatur. Licet si autem hanc nouationem pro commodo creditoris in his tribus agnoscere; in petitione vnus ex reis creditur, in vsu rei iudicatæ, in pœnalibus actionibus iudicio inclusis. Vnus ex reis stipulandi, si cum promissore agat, traditur in *l. 2. Dig. de duobus reis.* eadem petitione totam solui obligationem. An iudicati? sed hæc potius petitione & litis contestatione constituitur. *d. l. 3. §. idem scribit. D. de pec.* Tollitur ergo prior. Quo iure non potest aliud hic intelligi, quam nouationis: dum ita constituitur noua iudicati obligatio, ut in hac deducatur prior.

prior, deducta perimatur. Atque hinc nouatio, quod vnus ex reis stipulandi agendo hoc animo est, vt totam actionem propriam suam efficiat. quod non aliter fit, quam si alteri stipulandi reo actio adimatur. Et vero ei adimitur. Vnde placet amplius ei promissorem solvere non posse. *l. si ex duobus. 16. ff. de duobus reis.* In quo licet manifestius hanc nouationem animaduertere: quia quia agenti expedit, ideo pro commodo eius estimatur. Eandem istam nouationem in domino & procuratore litis tanquam duobus eiusdem pecuniae creditae reis euidenter agnoscas. Nam cum dominus procuratorem ad agendum dedit, incipiunt duo eiusdem rei nomine directam actionem habere: dominus propriam, procurator mandatam. Quod si procurator iudicio agere coeperit, ipse agendo sic prior actionem transfert in actionem iudicari, vt hanc sibi acquirere simul & veterem perimat, atque hoc modo auferat priori domino: vt in vno ex duobus reis stipulandi agente fieri modo diximus. Vnde procurator post litem a te contestatam dominus litis fieri dicitur: prior autem qui dominus fuerat, dominus esse definire ita, vt nec suo nomine litē possit persequi. *l. procuratoribus. C. de procur.* Quod certe non alia de causa fit, quā quod lite a procuratore contestata priori domino actio sublata est translata in procuratorem. neque est sublata, nisi ista, quam dicimus, litis contestationis nouatione. In vltimis rei iudicatē eandem nouationem prioris actionis necessariam esse creditori visum est, quo eas centesimas consequatur, vt explicatur in *d. l. ult. in pr. sup. de usur. rei iud.* In pœnalibus actionibus aduersus heredes transmittendis, hanc ipsam nouationē agnoscas. Lite contestata pœnæ persecutio transit aduersus heredes. *l. constitutionibus. l. sciendum. ff. de obl. & act.* A iura, vt vetus actio transferatur, an noua tantum iudicari, quæ litis contestatione contracta est? Noua omnino, non vetus, quæ morte delinquentis extincta est. Ius certū est heredes pœnā non teneri, heredes in pœnā non succedere. *l. pen. ff. de op. no. nant. d. l. constitutionibus. de obl. & act.* Quod si ita est, nouationem prioris factam oportuit litis contestatione, dum priore sublata constituitur noua, quæ in heredes transferatur. Et tamen quia prior deducta est in posteriorem; quasi adhuc insit in posteriore, ideo dicitur: prior per litis contestationem transmitti, & eadem perpetuari. *l. omnes. D. de obl. & act. l. ultima. in fin. D. de fid. iur.* Ex quibus iam intelligi potest, quid differant hæ nouationes inter se, voluntaria & necessaria: siue causas & rationem vtriusque; inducendæ spem, siue vim & potestatem. Sed Iustiniani constitutio, quæ est de nouatione *l. ultim. in hoc tit.* exigit ad nouationem, vt nominatim dictum sit, secundam obligationem interponi nouationis causa. An ergo & post eam constitutionem etiam isti nouationi necessaria locus erit: vt scilicet sola litis contestatione superiora commoda actori tribuantur? Et cum sint illa commoda, atque illa nouatio ex iure vetere certo, etiam nunc manere oportet, si non sint sublata. Neque vero abrogantur Iustiniani constitutione: quæ de voluntaria nouatione scripta, sine dubio ad necessariam non pertinet. Exigit enim constitutio, vt contrahentes de animo nouandi exprimant; loquitur præterea de iis, quæ in secunda obligatione adiciuntur ex consensu, quod apertius declaratur in §. præterea. *Inst. quibus mod. tol. obl.* omnia eorum tantum propria, qui ex consensu ad secundam obligationem veniunt. Nihil ad iudicium, quod redditur in inuitum debitorem, &

nullam petitionē admittit, nisi eius quod ante debebatur, & vti debebatur. Et certe in qua nouatione non exigimus consensum a reo, multo minus, vt aperte consentiat, ab eo exigere debemus.

L. I. & L. Si declaratio. III.

Imp. Alexand. A. Timotheo.

Delegatio debiti, nisi consentiente & stipulante promittente debitore, iure perfici non potest. Nominis autē venditio & ignorante, vel inuito eo aduersus quem actiones mandantur, contrahi solet. PP. 5. Id. Februa. Max. II. & Aliano Cof. 224.

Idem A. Mutiano.

Si delegatio non est interposita debitoris tui, ac propterea actiones apud te remanserunt: quāvis creditori tuo aduersus eum solutionis causa mandaueris actiones, tamen antequam hic contestetur, vel aliquid ex debito accipiat, vel debitori tuo denuntiauerit, exigere a debitore tuo debitam quantitatem non poteris, & eo modo tui creditoris exactionem contra eum inhibere. Quod si delegatione facta, iure nouationis tu liberatus es, frustra vereris ne eo, quod quasi a cliente suo non faciat exactionem, ad te periculum redundet, cum per verborum obligationem voluntate nouationis interposita, a debito liberatus sis. PP. 5. Id. Iun. Gordiano A. & Aniola Cof. 240.

S V M M A R I V M.

1. Neminem posse quemquam inuitum delegare creditori suo, ne debitorem quidem suum.
2. Neminem posse debitorem debitoris sui conuenire personali actione, non prius translatis actionibus, & cur.
3. Creditorem actiones suas aduersus debitorem etiam inuitum utiliter in alium transferre posse, & quibus modis transferantur.
4. Mandatis translatisque actionibus semper directas retineri ab eo, qui mandauit, cur.
5. Mandare actiones, quid.
6. Mandatis cessisue actionibus semper utiles actiones suo nomine habere eum, cui cessæ sunt.
7. Mandatas directas actiones exerceri ex personā mandantis: utiles ex persona eius, cui cessæ sunt: & quid inter sit, utrum fiat.
8. Cessæ actionis effectus.
9. Cōcurrente eo qui cessit actiones, & eo cui cessæ sunt, hunc præferri.
10. Mandatum actionum reuocari non posse, & quare.
11. Denuntiatione eius cui cessæ sunt actiones, inhiberi debitorem, quominus creditori qui cessit, possit soluere: & qualem hic denuntiationem esse oporteat.
12. Debitorem scientem mandatas esse aduersus se actiones sine alia denuntiatione creditori mandantis soluendo non liberari.
13. Mandatis actionibus, quando directas utiliter exercere possit, qui mandauit.
14. Lite ab eo, qui actiones mandarat contestata, debitorem nouationis quodam iure liberari utilibus actionibus, quas habuit is, cui mandata erant.

Circa † delegationē, de qua supra diximus, incidit ex re ipsa quæstio huiusmodi. Diximus neminem posse alium vicē suā reum dare inuitum; & quod idem est, neminem posse inuitum quemquam delegare, quod & traditur in leg. prim. hic. Inde hæc quæstio fit. Quid si creditor creditori suo delegat debitorem

sum; an non hunc saltem potest inuitum delegare. Et placet ne hoc quidem eum posse. *l. nec creditoris. inf. eodem.* Recte; non est enim delegatio, nisi delegato promittente: nemo autem promittit per stipulationem inuitus.

2 Sed et an non etiam sine vlla delegatione, & aliena opera potest creditor debitoris sui debitorem conuenire? Hoc vero multo minus potest. *l. penult. hic.* Et generaliter ita ius constitutum est, neminem creditore posse actione personali debitorem debitoris sui conuenire non translatis prius actionibus a debitore in creditorem. *l. ult. §. tot. tit. §. si fiscus, vel prin.* Hoc efficiunt regulæ iuris: non enim est actio in personam, nisi aduersus eum, qui nobis obligatus est. *l. actionem. D. de obl. & act.* Debitores autem debitoris mei non sunt mihi obligati; quoniam nihil mecum gesserunt eorum, ex quibus obligatio nascitur.

3 Quid et ergo, an nullo modo sine delegatione creditor aduersus debitorem debitoris sui inuitum experiri potest? Imo potest, si ex iusta causa debitor in creditorem actiones transferat: quod facere potest etiam inuito debitore suo. Et hæc est sententia. *l. hic.* Quomodo autem debitor actiones, quas habet aduersus debitorem, in creditorem suum transferre potest? His modis omnibus, quibus ceteræ res transferri solent: per vendendum actiones, de quo modo in hac. *l. postquam. l. emtor. sup. de hered. vel act. vend. item legat. l. ex legato. §. de leg. item in solutum dando, & similibus. l. ult. §. si fiscus vel prin.*

Hæc pro quaestione deinde est, quis sit huius venditionis, & translationis effectus: de quo est in *l. 3. hoc tit.* Quæcûq; vti commodè explicetur, sciendum est hic duo quæri. Primum, an debitor venditis creditoris suo actionibus aut ex alia causa translatis, desinat veteres actiones habere, quas exercere possit. Alterum, quid ex ea translatione actionis in creditorem transferatur.

4 De quibus sic breuiter habendum est. Qui et actionem vendidit, legauit, aut in solutum dedit, etiam si creditori suo mandet actiones suas, nihilominus iure omnes veteres actiones retinet; quia eas non transfert, neque eas omnes patitur transferri, ut traditur in *l. 3. hic. l. 3. in prin. ff. pro soc.* Sed contra actio non potest transferri, cum producit res manens: et ideo? Id natura actionis facit. Sic enim lege omnis actio in personam constituta est, ut non sit nisi aduersus eum, cum quo contraximus, aut quasi contraximus, aut qui nobis nocuit. *l. actionum. Digest. de oblig. & act. §. 1. Instit. de act.* Nemo autem actiones suas nobis cedendo efficere potest, ut cum eius debitore contraxerimus, aut ab eo nobis nocitum sit, ubi reuera neque contraximus, neque ab eo nocitum est. Necessè est igitur, ut apud veterem creditorem actio maneat, quæ non est translata. Nihilne igitur venditis, aut ex alia causa datis actionibus, in emtorem, & eum cui dantur, transfertur? Imo transfertur. Nam si qui actiones vendidit, ceditur emtori in quem actiones translatae voluit actiones suas mandare: quo verbo vitur *l. 3.* & est in hac re vitatum. Est et autem mandare alicui actiones, committere ei actiones suas exercendas: quod fit eum procuratorem in rem suam faciendo, ut hoc verbum explicatur in *l. ex nominis. supra. de her. vel act. vend.* Quid si creditor, qui actiones vendidit, aut ex alia causa datas voluit, actiones suas non mandet emtori? Nihilominus et emtor, & quisquis est, cui actiones ex alia causa datæ sunt, viles actiones habet suo nomine. *l. postquam. supra. de her. vel act. vend. l. ex legato. sup. de leg. l. ult. sup. si fiscus, vel*

prinat. Si hoc ita est, quid opus est creditori, cui actiones ceduntur, expectare, ut sibi mandentur actiones a venditore actionum; cum ipse vtilibus actionibus experiundo, quas habet, non minus idem consecutus sit, quam directis? nam vtramque actionem eiusdem potestatis esse, eundemque habere effectum, scriptum est in *l. actio. antep. ff. de neg. gest.* Et sane si vtraque id petat, eandem viam habet ad id obtinendum. Sed non semper vtraque idem persequitur. Idque et ex ea recalcidit, quod emtor mandatas actiones exercet ex persona creditoris mandantis, dum procuratorio nomine experitur, viles autem vti suo nomine habet, ita & exercet suo nomine, ut est in *d. l. ult. §. si fiscus, vel prinat.* Vtrum autem fiat, multum refert. Nam qui mandatis actionibus experitur, quia experitur ex persona mandantis, etiam eius vice vti potest, & debet. *l. emtor. sup. de her. vel act. vend.* Et ideo priuilegio etiam ex persona mandantis vti potest, ut, si singas pupillum debitorem meum mandasse mihi creditori suo actiones aduersus debitorem suum; in his actionibus exercendis vtar priuilegio pupilli, quo in bonis eius debitoris ego præferar omnibus aliis creditoribus chirographariis: scilicet quia ex persona eius experior tanquam eius procurator. Diuersum est, si non mandatis ab illo actionibus tantum experiar vtilibus aduersus eius debitorem. Hoc tamen ita, si cessio sit voluntaria. In necessaria cessioe nihil amplius transferri placet, quàm quod fuit proprium actionis, etiam si quis ipsis directis mandatis actionibus experiat: qualis cessio est pupilli vni ex tutoribus mandantis actiones suas aduersus alios contutores. In qua specie responsum est illud, quod modo dixi, tutorem in his actionibus aduersus contutores priuilegio pupilli non vsum. *l. ex plurib. ff. de adm. tut.* & hæc optima ratio, quia nemo in necessitatibus liberalis esse solet. *l. re legat. ff. de ad. leg.*

Hæc et actiones in emtorem, eundemque creditorem creditoris translatae id efficiunt, ut is qui mandatas, aut viles actiones habet, possit & ab inuito exigere, quod is debet, aduersus quem actiones cessæ sunt, *d. l. ult. sup. si fiscus, vel prinat. l. 3. §. de her. vel act. vend.* & volens volentem a veteri creditore quouis modo liberare: puta solutum a debitore accipiendo, de quo in hac *l. 3.* aut cum eo transigendo, paciscendoue, ne ab eo petatur. *l. si cum emtore. ff. de pact.* At et quid, si creditor, qui actionem mandauit, aut aliter cessit, inhibeat petitionem? Puta, si is eodem tempore petat a debitore suo, & simul is cui mandatae sunt actiones, atque ita ambo concurrant? vter alteri præferetur? nam ambo actionem aduersus debitorem habere diximus. Placet eum veteri creditori præferri, qui suo nomine actiones habet. *l. procuratore in rem suam dato. Digest. de procurat.* Atqui constat mandatum reuocari posse, quandocumque mandator velit. *§. recte. Instit. mand.*

Sed et mandatū rei nostræ reuocare possumus, cum liber: rei alienæ non possumus. Actiones autem mandatae subtilitate iuris sunt adhuc mandantis: reuera sunt mandatarii, id est eius, cui mandatae sunt. Is. n. factus est quidē procurator, sed in rem suā, ut supra diximus. Tū autem viles actiones in eum translatae sunt: quæ id eo vere illius sunt, quasque exercet suo nomine. Ad eo et aut verū est eū, cui mandatae sunt actiones, aut et actionibus venditis viles habet, veteri creditori præferri, ut si tū denuntiauerit ei debitori, aduersus quem cessæ sunt actiones, ut sibi solueret, postea debitor soli ei tenetur, & si creditori suo soluat, frustra soluat, id quod hac

1. *in pr. cōprehensum est. Illic. n. traditur, veterē credi-*
ditorem posse actionem inhibere, quam mandauit,
si experietur aduersus debitorem suum, priusquam is
cul actiones mandatae sunt, denuntiauerit debitori,
ut sibi solueret. Postquam ergo denuntiatum ei erit,
si veteri creditori soluat, non inhibentur cessae actio-
nes. Denuntiatum tamen accipere debemus, cum ef-
fectu: ut scilicet ita denuntietur debitori, ne veteri
creditori soluat, ut certior fiat denuntianti manda-
tas esse actiones, & hanc illi causam esse ad inhiben-
dam solutionem. l. nomen. sup. quae res pig. obl. Fiet autē
certior exhibitio instrumento cessionis, aut vltro cō-
fidente creditore, qui mandauit. Idque ita bene accep-
pit Bartolus ad l. 1. in prin. num. 20. D. de op. no. num. Ego
 12 *† puto et si ei denuntiatum nō sit ab eo, cui cessae sunt*
actiones, sed aliter sciuerit actiones ei esse mandatas,
non magis eum veteri creditori soluendo liberari.
denique ut liberetur ei soluendo postea, solum igno-
rantia defendi, ut indicatur in l. ult. ff. de transact. Nam
quemodo actione vtili qua teneri cōcepit, facto suo li-
beretur? l. si seruum. §. nunc videamus. D. de verb. oblig.
 13 *Ergo † dixerit aliquis, directae actiones, quae apud ve-*
terem creditorem manserunt, et sunt illi inutiles, & ita
frustra apud eum mansisse dixerimus. Et declaratur in
ead. l. 3. non esse inutiles; sed tamen tūc solum viles
fore, cum vetus creditor aduersus debitorem suum
cessionis ignatum iudicio expertus, nec vlla excepti-
one a debitore summotus litem cum eo contestatus
fuerit; quod eum pro veteris actionis iure facere pos-
se constat. certe si veteres actiones apud eum manse-
 14 *runt, recte eas exercet. Quid † tamen, si lite a veterē*
creditore contestata existat is, cui mandatae sunt acti-
ones, & suo nomine aduersus eundem debitorem ex-
petiri velit vel mandatis actionibus, vel vtilibus? Hic
latis significatur eum audiendum nō esse; cum ita di-
catur creditorem veterem aduersus debitorem agē-
do inhibere actionem mandata. At hoc quam recte,
cum dixerimus eum cui mandatae sunt actiones, ha-
bere actiones viles suo nomine, & earum actionum
eam vim esse, ut in illis debeat veteri creditori pra-
ferri? Efficitur id nouae obligationis iure, non veteris.
Nam vetus creditor iudicio agendo cū debitore suo
nouam obligationem contraxit iudicati. l. 3. §. idem.
scribit. D. de pec. hanc nemo alius illi inuito pōt adi-
mere. l. ult. Dig. de pact. Itaque eadem hic nouatio a-
nimaduerti potest prioris obligationis, quā in duob.
reis stipulandi fieri initio diximus, cum vnus iudicio
agendo cum promissore, consequitur tanquam vete-
re actione sublata, ne possit iam solui alteri, neue is
possit amplius petere. l. ex duobus. i. 6. D. de duo. reis. Et
certe mandatis actionibus incipiunt fieri duo rei cre-
dendi eiusdem pecuniae: qui mandauit, dum is dire-
ctas actiones adhuc retinet: & cui mandatae sunt acti-
ones, qui viles habet suo nomine.

AD TIT. XLIII. DE SOLVTIO-

nibus & liberationibus.

S Y M M A R I V M.

- 1 Soluere, quid.
- 2 Solutionis verbum omnem liberationem continere, quo sensu dictum.
- 3 Satisfactio quid, & quid distet a solutione.
- 4 Creditores cur dicantur accipi, quibus etiam sine consensu quid debetur.
- 5 Solutionis verbo contineri solum pecuniam numeratam.

- tionem, non ceteras liberationes, ubi solutionis & satisfactionis verba coniunguntur, ut in edicto de pignoratitia actione: & quare, & num. 6. in fin.
- 6 Sententia l. solutam. Digest. de solut. ubi & satisfactio, pro satisfactionis legendum esse probatur.
- 7 Inscriptio de solutionibus & liberationibus sententia.
- 8 Solutio quid, & cur dicta naturalis praestatio.
- 9 Etiam facti praestationem solutionem esse.
- 10 De solutionibus duas esse quaestiones. in singulis quaestanda. tituli argumentum & summa.

Soluere † aliquid cū dicimus, proprie intelligimus id praestare, quod solui dicimus. Et si apertius dicendum est, soluta res seu pecunia ex significatione verbi non alia intelligitur, nisi quae naturaliter soluta est, id est, numerata reuera & praestita creditori: ut etiam ex significatione verbi id rectissime dictum sit a Marciano in l. solutam. Digest. de sol. Id declarat regula iuris, Solutione eius, quod debetur, tollitur omnis obligatio. ubi solutionis verbum non potest accipi, nisi pro pecuniae praestatione. Nam acceptilatione, nouatione, contratio consensu, quibus modis etiam tolluntur obligationes, non omnis obligatio tollitur, sed certae dumtaxat. Id etiam declaratur edicto de pignoratitia actione, in quo haec verba sunt: *Si pecunia soluta erit, vel eo nomine satisfactum*; quibus verbis aperte satisfactio, id est, omnis alius modus debitoris liberandi ex voluntate & consensu creditoris, distinguitur a pecuniae solutione, id est, praestatione. l. si rem. §. omnis. Digest. de pig. act. Et † tamen definitur in l. solutionis. Digest. hoc tit. solutionis verbum omnem liberationem continere, magisque ad substantiam obligationis referri, quam ad pecuniae praestationem. Sensus est, magis solutionis verbo contineri eos modos, quibus substantia obligationis, id est, obligatio ipsa tollitur, quam pecuniae naturalem numerationem, vel cuiuscunque alterius rei praestationem. Recte h. c. quoque scriptum est; verū non ex significatione verbi, de qua supra diximus, sed ex legis sententia, ubi lex pecuniae solutionem exigit, neque quidquam addit amplius. Ut, exempli gratia, edicto de re iudicata, ita exigebat praetor, ut condemnatus pecuniam soluat. l. 4. §. ait praetor, sup. de re iud. His verbis si proprietatem verbi sequimur, nihil aliud exigitur omnino, nisi ut debitor pecuniam numeret, in quam condemnatus est. Sed ex edicti sententia contineri intelligemus omnem liberationem; id est, intelligemus debitorem huic edicto satisfecisse; nō tantum, si ipse pecuniam numerauerit, sed etiam si acceptilatione liberatus erit, aut nouatione, aut alio quo modo, quo obligatio tollitur. non ex significatione verbi, inquam; sed ex sententia edicti, quia ceterae liberationes eadem vim habeant, quam solutio pecuniae. Effectus igitur hic spectatur, non verbi proprietates; ut solutionis verbo contineri intelligantur, non tantum, quae vere solutiones sunt, sed etiam quae solutionis vim habent. Et hoc est, quod alia regula dicitur, satisfactionem pro solutione esse. l. satisfactio. D. de solut. Satisfacere † est creditorem pro eo, quod ei debetur, cōtentū reddere, ut sic ille discedat ab obligatione, vel acceptum ferendo, vel nouando, vel paciscendo, ne petat. l. 1. Digest. qui satis. cog. d. leg. si rem. §. omnes. Dig. de pig. act. Vtrum creditori pecunia numerata sit, ut sic reuera ei satisfaceret, an veto

voluntate eius discessum sit ab omni obligatione, dum ei quoniam alio modo satisfiat, ad voluntatem eius, & debitoris liberationem nihil interest. Ita recte dicitur, hanc satisfactionem pro solutione esse. Hoc autem pro solutione esse, valet effectum satisfactionem solutionem esse, & quod supra diximus, omnem hanc liberationem aliam solutionis verbo contineri. Quod si in solutionis verbo cōsimiliter dictum est, ut in verbo creditorum, cum dicimus creditores accipiendos esse omnes, quibus ex quacumque causa debetur; id est, quibus non tantum ex contractu debetur, sed etiam ex quasi contractu, aut ex maleficio. *l. creditorum. ff. de ver. sig.* Atqui scimus creditores dictos esse a credendo: tunc autem solum dici unumquemque credere, cum contrahit cum alio: quoniam tunc fide ab illo accepit, & eam fidem sequitur: ut solum proprie creditores sint, quibus ex contractu debetur. *l. i. ff. si cer. pet.* Sed & hoc ita est, cum verbi significationem spectamus. Ex sententia autem legis etiam creditores dicuntur, quibus debetur ex alia causa; quoniam & hi omnes creditorum loco habentur. Unde alibi dicuntur non creditores esse, sed creditorum loco haberi. *l. creditorum. ff. de ver. sig.* Hoc autem ideo ex legis sententia ita dicitur, quia in quibus eadem ratio est, in his idem ius statui oportet. *l. illud. D. ad leg. Aquil.* Porro tam iis debetur, quibus ex maleficio debetur aut ex aliis causis, quam quibus debetur ex contractu. Hoc ipsum ergo fieri dicimus in verbo solutionis.

Sed si videtur Marcianus *l. solutam. ff. de solut.* non tantum dicere solutam pecuniam intelligi, quæ numerata est; sed etiam negare, si debitor sit alio modo liberatus, pecuniam solutam videri, aut eam liberationem solutionis verbo contineri. Illic enim scriptum est in extremo his verbis: *Si debitori accepto latum sit, solutionis quidem verbum non proficiet; sed satisfactionis sufficit.* Dicendum est recte id dici a Marciano: sed in eo loco, quem interpretabatur. Observandum est enim Marcianum scripsisse ad formulam, id est actionem, hypothecariam, ut inscriptio capitis indicat. Illic interpretabatur eam partem edicti, qua cautum est, ut pignus vel hypotheca solvatur, seu quod idem est, ut pigneratitia agi possit, pecuniam solutam esse debere, vel eo nomine satisfactum, ut constat hæc verba edicti fuisse ex *l. si rem. §. omnis. ff. de pig. act. l. item. Dig. quib. mo. pig. vel hyp. sol.* His verbis, quibus distinguitur nominatim satisfactio a solutione, non est obscurum solutionis verbo ceteras omnes liberationes non contineri, sed solum pecuniæ naturalem numerationem; propterea quod ceteræ liberationes a prætoris comprehensione sunt verbo proprio satisfactionis. Hoc si est igitur, quod Marcianus dicit: si debitori accepto latum sit, non liberatur in hypotheca ex edicto, quasi soluit; quoniam tenera ex verbis & sententia edicti non soluit; sed liberatur ex eodem edicto verbo satisfactionis, quia is satisfecit, cui accepto latum est. Illud animadvertendum est, corrupte legi in Pandectis Florentinis. *in d. leg. solutam. in extremo, sed satisfactionis sufficit.* satisfactionis legendum, ut & alias suo tempore legi Accursius monet. Nam verbum satisfactionis non fuit in edicto de pignoribus, aut de pigneratitia actione, sed verbum satisfaciendi. *d. l. si rem. §. omnis. Dig. de pig. act. dista. leg. item. Dig. quib. mo. pig. vel hyp. sol.* Deinde aperte falsum est acceptilationem contineri verbo satisfactionis. Acceptilatio est liberatio. Satisfactio est obligatio, quæ quod præmittit fideiussoribus. *d. l. i. ff. qui satisf. cog.* Ut ad rem redeam, cum coniunguntur ista

in lege aliqua, aut edicto, solutio & satisfactio, recte dicitur solutionis verbo non contineri eas liberationes, quæ satisfactionem habent, ubi apparet tam aperte satisfactionem a solutione separari. Quod si verbum soluendi solum in lege positum erit, tenendum est, quod supra diximus, ex sententia legis solutionis verbo omnem liberationem contineri; id est, quocumque modo præter naturalem numerationem liberatus erit debitor, legi satisfactum esse.

Illud semper tenendum erit, ex sententia legis hoc dici. ceterum proprie solutionis verbo significari tantum naturalem præstationem. Ex quo sensu regula illa concepta est, ut dixi, solutione tollitur omnis obligatio. Sic si hoc titulo verbum solutionis accipiendum est. Liqueat enim ex proximis titulis solutionem hic positam esse pro specie liberationis, quæ sit distincta a novationibus, & acceptilationibus. Ita inscriptionis erit hæc sententia: *De solutionibus*, id est, de rei debitorum præstationibus, & liberationibus, quæ inde nascuntur; ut solutio sit causa, liberatio effectus solutionis, ut patet ex tot. tit. *Inst. quib. mo. tol. obl.*

Ex si hoc sensu sic solutio definitur, ut sit naturalis rei debitorum præstatio. Naturalis dicitur *in l. solutam. D. eo.* id est vera, positum, ut distinguatur solutio ab acceptilatione; quæ & ipsa solutio dicitur, sed imaginaria, ubi quis dicit se accepisse, quod non accepit. *§. item. per acceptilationem. Inst. quib. mo. tol. obl.* Præstationem dixi, non numerationem, etsi numeratio nominatur *in d. l. solutam. ff. eo.* ut complecterer omnes species rerum debitum. Nam in obligatione aut res sunt, aut facta, ut est *in §. ult. Inst. de obl.* id est, omnis obligatio aut in eo est, ut quid detur, aut in eo, ut quid fiat. *l. 2. in pr. ff. de ver. obl.*

Sine si fiat, quod fieri debet, siue detur, quod dari oportuit; quia præstat id quod debetur, soluitur. Nam & qui facit, quod promissit, soluit. *l. qui res. §. 8. §. mihi. in ff. de sol.* certe ea præstatione liberatur. *l. inter. D. eod.* proinde solutione, si non aliter quam solutione inuito creditore tollitur omnis obligatio. Qui autem rem quam dare debuit, præstat, idem soluit, si præstat, ut debetur, id est, si dat; quod valer, si dominium transfert. *§. scitatur. Inst. de act.* Unde toties legimus non liberari debitorem, qui ita rem præstat, ut non faciat omnimodo accipientis, quia nec soluat. *l. cum quis. §. 1. §. §. qui hominem. ff. eo.*

De si solutionibus duæ sunt quæstiones, quibus hic titulus continetur. Prior est, quæ sit iusta solutio, qua obligatio aliqua tollatur, cum dicimus solutionem omnem obligationem tolli. Altera, cum iustam solutionem esse constabit, quæ obligatio ea solutione tollatur. Huic quæstioni tunc locus est, cum quis ex pluribus causis diuersas summas debet, & unum debitum soluit ita, ut dubium relinquatur, in quantam causam solutum esse debeat. An sit iusta solutio, spectatur ex his rebus; ex personis soluentis, & accipientis; ex re quæ soluitur; ex soluendi modo; ex soluendi finis. In personis quæritur, ut is soluat, qui potest: de quo dicitur *in leg. §. j.* & ut ei solvatur, cui solui potest; de quo *in l. 3. §. 4. l. inuito. j.* In re est, ut solvatur ea, quæ oportuit: de quo *in l. manifesti. j.* In soluendi modo, ut opportuno loco, & tempore solvatur: de quo *in l. ob signatione.* Finis soluendi est, quæ definitione supra complexi sumus; ut creditor consequatur præstationem, quæ debetur, id est, ut si quid fieri promissum est, fiat; si quid dari debet, detur, id est, eius rei dominium perfecte transferatur. Posterior quæstio explicatur *in l. 1.*

L. In potestate I.

Imp. Antoninus A. Aristeneto.

In potestate eius est, qui ex plurib. contractib. pecuniā debet, tempore solutionis exprimere, in quā causam reddat. Quod si debitor id non fecit, conuertitur electio ad eum, qui accepit. Si neuter voluntatem suam expressit: prius in usuras id, quod soluitur: deinde in sortem accepto feretur. P. P. 2. Non. Nouemb. Duobus & Aspris Coss. 213.

SYMMARIUM.

- 1 Debitore in soluendo constituto, in quam causam solutum velit, in eam causam, quod soluitur, solutum haberi. & hoc quam conueniat cum l. 2. Dig. de sol.
- 2 Liberum creditori in eam causam non accipere, quomodo intelligendum in l. 2. D. de sol. & quatenus verum sit.
- 3 Debitore in certam causam nominatim non solente, posse creditorem constituere in re presenti, in quam causam acceptum ferat, etiam leniorem. & hoc rursus, quam conueniat cum leg. 2. D. gest. de sol.
- 4 Electio l. i. D. de sol. emendata.
- 5 Creditore constituto in quam causam solutum accipiat, posse debitorem in re gerenda obistere, ne in eam causam habeatur; id eum consequi non dando.
- 6 Quod ex pluribus causis principalibus debitum simpliciter solutum est, non posse id postea creditorem constituere solutum, nisi in duriorem & grauiorem debitori causam.
- 7 Causa debitori grauior, quae, & quo progressu deprehendatur.
- 8 Causam non grauem debitori esse, ex qua debitum exigi non potest, aut nondum in hanc solutum non imputari: & quae sint huius generis.
- 9 In illis verbis l. i. D. de sol. aut illud in quod, aut pro non accipiendum.
- 10 In quibus causis dilatio periculum, aut molestiam allatura est, causam famosam esse grauiissimam; proximam penalem; tertio ordine eam, quae sub pigore contracta est; quarto eam, ex qua quid debetur satisfaro.
- 11 Extra periculum dilationis grauiorem esse causam propriam, quam fideiussoriam: & cur.
- 12 Si superiora desint, grauiorem esse causam, quae est antiquior; & cur.
- 13 L. in liberto. 77 ff. de sol. exposita.
- 14 Ampliore summa soluta, quam quae in unam causam grauiorem debeat, superfluum reliquis causis suo cuique ordine tribuendum.
- 15 In pari dierum & contractuum causa, ex omnibus causis pro portione solutum videri.
- 16 Cum ex pluribus causis principalibus debetur, cur simpliciter solutum imputetur in causam debitori onerosiorem: cum autem debentur fors & usura, solutum imputetur prius in usuras, id est, in causam debitori leniorem.
- 17 Creditorem quamuis cauentem se quod soluitur, accipere in sortem & usuras, non tamen cogi solutum acceptum ferre, nisi prius in usuras, deinde si quid superest, in sortem: & cur hoc praeter ordinem verborum.
- 18 Solutum an possit prius imputari in usuras pacto tantum debitas, quando, & quatenus.

Cum debitor ex pluribus causis debet diuersas summas, & vnum debitum soluit, definit Antoninus esse in potestate debitoris tempore solutionis exprimere, in quam causam soluat; vt intelligamus in eam causam solutum futurum, quam dixit. idem in l. i. in prin. D. eodem. Cui contraria videri potest l. 2. Digest. eod. vbi scriptum est liberum esse creditori, pecuniam quae ita soluitur, non accipere, si alio nomine solutum velit. Recte, vt videtur, haec contraria dixeris, cum si liceat creditori repudiare hanc solutionem, non sit in potestate debitoris ita soluere. Et essent contraria omnino, si quod dicitur, id quod solutum est, in eam causam solutum videri, quam initio debitor dixit, simpliciter diceretur. Sed ita intelligendum est, si creditor accipiat. tantum enim illi tribuitur hoc, vt possit non accipere in dict. leg. 2. Ex quo intelligitur, si acceperit, in eam tantum causam solutum haberi debere, quam debitor expressit. Quid, si creditor pecuniam accipiat, & protestetur se in aliam causam accipere, quam in quam debitor soluit? nihil agit, si pecuniam retinet. Nam in d. l. 2. non tribuitur ei, vt possit protestari in aliam causam, sed vt possit non accipere in eam causam, in quam soluitur. Rursum hic dicit aliquis, isto modo falsum videri, quod dicitur in d. l. 2. liberum esse creditori pecuniam, quae in certam causam a debitore soluitur, non accipere. Nam vt intelligatur non esse creditori liberum hoc facere, potest debitor pecuniam obsignare, & ea obsignatione liberabitur. l. obsignatione. inf. Praeterea cum creditor sine iusta causa recusat accipere, mora facit, & si ea pecunia postea pereat debitori sine culpa eius, detrimentum erit creditoris. l. qui decem. in prin. ff. eod. Sed quod dicitur in d. l. 2. liberum esse creditori pecuniam non accipere, si alio nomine exsolutum velit, ex quaestione proposita intelligendum est: nepe haec tenus, vt ea pecunia intelligatur non esse soluta, quam creditor non accepit. Et reuera soluta non est. Sed hoc non facit, quin creditor non iure ea pecuniam recuset. Quamobrem & pecunia illi obsignari potest; & quamuis non sit obsignata, tamen moram facit, & periculo eius pecuniae alligatur. Interim si neque ea pecunia perierit, neque obsignata erit, semper verum est, eam non esse solutam, quam ipse non accepit. Et semper hoc modo in eius potestate est non accipere.

Subiicit Antoninus: Quod si debitor id non fecit, conuertitur electio ad eum, qui accepit. Id est, si debitor initio non dixerit, in quam causam solutum vellet, conuertitur electio ad creditorem qui accepit, vt sit in eius potestate, tum cum pecunia soluitur, constituere, in quam causam acceptam ferat, & in eam causam pro soluta habeatur.

Et diligenter verba huius loci expendenda sunt: dicitur enim electio hoc casu esse creditoris. quo verbo aperte significatur licere creditori constituere pro suo arbitratu, in quam causam pecuniam acceptam velit, etiam leniorem, ac non tantum grauiorem, id est, etiam in eam causam, quae sit illi commodior, etsi lenior sit debitori. Nam si cogeretur constituere tantum in grauiorem causam, nulla hic eius electio esset. Nihil enim tam pugnat cum electione, quam necessitas allicius causae suscipiendae. Sed hic contrarium scriptum videtur in d. l. i. vers. quoties. Digest. eod. Verba haec sunt: quoties vero non dicimus, id quod solutum sit, in arbitrio est accipientis, cui potius debito acceptum feratur: dummodo in id constituat solutum, in quod ipse si deberet, esset soluturus. Quae verba significant, dummodo

do constituat in grauiorem & duriores causam, vt & explicatur in l. 3. Dig. eo. Male vero vulgo hæc Vlpiani verba accepta sunt de eo creditore, qui in re præsentis id est tempore solutionis diceret, in quam causam acceptum ferret, quod soluitur. Loquitur Vlpianus de eo, qui post perfectam solutionem id constituit. Quod colligitur aperte & ex verbis superioribus, & ex verbis postremis eius leg. prima. Sed omnium euidentissime ex leg. tertia, quæ est eiusdem auctoris Vlpiani. eodem titulo. de solutio. Ex verbis superioribus indeo, quod Vlpianus non dicit, quoties vero debitor non dicit, sed, quoties vero non dicimus. quod valet, quoties ambo, id est, debitor & ego creditor, non dicimus. Sed & in extremis verbis dicta leg. 1. Vlpianus nominatim & distincte de eo creditore loquitur, qui in re præsentis constituit, quæ velit. Ex quo intelligitur Vlpianum de eo prius locutum non esse. Alioquin stulta & inepta esset inculcatio; præsertim eius rei, quæ prius diligenter exposuisset. Sed omnem dubitationem tollit d. l. 3. ff. eo. Ibi. n. subiicit Vlpianus, post perfectam solutionem non permitti creditori constituere, in quam causam acceptum ferat, nisi in grauiorem, & duriores. Quo aperte declaratur ante ei licere, in quam velit causam, etiam leuiorem constituere, dum in re præsentis id faciat. Et obiter hoc loco animaduertenda est lex d. l. 1. in fi. quæ manifeste vitiosa est. In Pand. Florentinis, & fere in omnibus aliis exemplaribus ita legitur: *permittitur ergo creditori constituere, in quod velit solutum; dummodo sic constituat, ut in re sua constitueret.* hæc tamen recte. illud vitiose, quod sequitur. subiicitur enim continenter: *sed constituere in re præsentis, hoc est, statim atque solutum est.* neque quidquam additur præterea. Sed verbum deesse perspicuum est. Itaque veteres quidam addiderunt debet; non recte. Nam creditor constituere potest, in quam causam acceptum ferat; sed potest, si velit: non cogitur. Non est difficile intelligere, per illis verbis, hoc est, legendum esse, potest, aspiratione in p mutata, & c. in t. quatuor literarum tantam affinitatem esse constare, vt sæpius quam frequenter alia in alias mutentur. Verbo autem, potest, restituto optime constat sententia. Summa hæc erit: *ubi debitor in re præsentis non dixit, in quam causam solueret, est in arbitrio creditoris in re præsentis constituere, in quam causam acceptum ferat, etiam leuiorem.* Quod tamen rursum sic accipiendum est ex leg. 2. Digestis. eodem. si debitor aut non contradicat, aut contradicens pecuniam apud creditorem manere patiat. Si alio nomine pecuniam ei solutam velit, est ei potestate id consequi; sed pecuniam non dantur non præstando. At deinde Antoninus: *Si neuter voluntatem suam expressit, prius in vsuras id quod soluitur: deinde in sortem accepto feretur.* His verbis multa desunt ad quaestionem propositam. Quid enim, si de pluribus diuersis contractibus agatur? denique si de pluribus summis principalibus, de quibus propositio huius rescripti concepta est? Deinde etiam hæc sententia de vsuris fortissimis locis de hac imputatione scriptis aduersari videtur. Nam in l. 3. §. 1. D. eo. constanter definitur, creditorem post perfectam solutionem non posse id quod soluitur acceptum ferre, nisi in grauiorem causam. quod contra fit, si pecuniam solutam acceptam ferat prius in vsuras, deinde in sortem. Nam aperte grauius est debitori debitum sortis, quam vsurarium. de quo postea. Quare vt hic locus pateat, de re tota semel dicendum videtur: quæ ita partes inter se co-

iunctas habet, vt vna sine altera intelligi non possit. Ergo cum neuter ex reis voluntatem expressit (intelligit tempore solutionis, quæ verba initio posita, ad reliquas partes distinctionis propositæ referenda sunt) cum ergo neuter ex reis voluntatem expressit tempore solutionis, & quaeritur, in quam causam id quod ex multis debitis solutum est, acceptum ferre possit creditor; multum refert, vtrum de pluribus summis principalibus agatur, an vero de sorte & vsuris. Si tamen de pluribus summis principalibus, siue de pluribus sortibus; hæc definitio certi iuris tenenda est, non posse creditorem postea constituere, in quam summam acceptum ferat, quod solutum est, nisi in duriores & grauiorem. d. l. 3. §. 1. ff. eo. Grauiorem intelligere debemus, quæ debitori grauior est, id est, quæ magis eum onerat, ac proinde qua verisimile est eum ante omnia se exoneraturum fuisse, vt aperte colligitur ex l. 1. illis. quoque debito. ff. eo.

Hinc tamen quaeritur, *quanam esset causa debitori grauior.* In quo hic rectus est & naturalis progressus, vt ante omnia constituamus causam aliquam, quæ sit grauis, sic deinde graui inuenta quaeramus, inter plures graues quæ sit grauior, & vt quæque erit grauior, ita primo loco amoueatur debitori. quæ & progressum reperietur veteres reipsa seruasse magis, quam verbis expressisse. Illud ergo primum in hac re, vt constituamus in his causis pluribus, quanam sit grauis causa, quæ non grauis. Et tamen recte definimus eam debitori causam & obligationem grauem esse, ex qua agi potest ad soluendum, quod debetur illi autem non grauem, ex qua quod debetur, exigi non potest. Prope modum enim pro non debito est, quod dare nisi velis, cogi non possis. leg. sub hac. Digestis. de obl. §. act. Hinc nata illa definitio Iuliani, quæ ex hoc progressu primum locum obtinet; cum ex pluribus causis debitor pecuniam soluit, ex ea causa eum soluisse videri debere, ex qua tunc cum soluebat, compelli poterat ad soluendum. l. cum ex pluribus. 103. ff. eo. nempe quia hæc sola grauis debitori, quam nunc quaerimus; ceteræ autem non graues. Causæ ex quibus debitor cogi ad soluendum non potest, sunt tres: obligatio naturalis, obligatio ciuilis, sed in diem aut sub conditione; obligatio ciuilis pura, sed quæ sit in controuersia. Ex obligatione naturali in totum nulla petitio est, eoque nulla necessitas præstandi. leg. naturales. Dig. de obl. §. act. Quod in diem aut sub conditione debetur, interim peti non potest. l. cedere. Digestis. de verb. sig. Sed & quod controuersum est, non prius constat ex ea petitionem esse, quam reus ea nomine iudicio victus & condemnatus fuerit. Hinc totidem causæ superiore definitione exclusæ, ne in has solutum acceptum feratur. quod & de singulis alibi nominatim traditum legimus a veteribus. Et si quid naturaliter debetur vt vsuræ pacto, exstat etiam de his constitutio Antonini, ne quod solutum est, in eam causam acceptum feratur: vt quamuis vsuræ ex pacti conventionione nominatim solutæ retineri a creditore possint, tamen proprio titulo non numeratæ pro solutis ex arbitrio percipientis non habentur: id est, quod simpliciter solutum est, non possit retineri a creditore in eas vsuras, tanquam in eas pro æstimatione percipientis solutum esset. exstat in l. 5. §. 7. mod. perator. in fi. ff. eo. Similiter & si quid in diem aut sub conditione debetur, dilerte scribit Vlpianus in leg. 3. eo. id videri solutum, cuius dies venit. At enim ex eodem Vlpiano prius scriptum legimus in leg. 1. D. eo. in hæc verba: *creditorum in id constituere posse solutum, in quod ipse si deberet,*

deberet, esset soluturus; id est, in id debitum quod non est in controuersia, aut in illud, in quod pro alio quis fideiussit, aut cuius dies nondum venerat. quod sane aperte contrarium est, si prius illud, aut, pro vel accipimus. Erit enim hæc sententia; creditorem id quod soluitur, constituere posse solutum in id debitum, quod non est in controuersia, vel in illud in quod pro alio fideiussit, vel in id cuius dies nondum venerat. quorum posterius Vlpianus idem diserte negat in d. l. 3. prius autem diserte Pomponius in l. 4. eo. Et t̄ vero ex ea definitione quam supra posuimus, prior illa sententia aperte falsa est: ut dubitandum non sit, quin aut superior locus leg. i. mendosus sit, & pro priore particula, aut, legendum sit *haud*, quod valet non; aut eadē particula retēta interpretandū aut p̄ non. Prius alicubi se legisse significat Accursius in glossa ad eam particulam, cum in extremo ita scribit: *vel sic haud pro non*. Idem & se legisse in vno vetere exemplari testatur Ruffardus. Sed & posteriore & vulgari scriptura retenta; tamen nihil prohibet, quominus hoc idem, aut, pro *haud*, id est non, positum accipiamus. Non enim nouum est in Pandectis Florentinis omitti aspirationem, ubi ex vsu communi addi solet. ut in *Lillud. circa finem. Digest. de per. & cum rei ven.* legitur *occasu*, pro *hæc casu*; & in l. 5. §. vlt. *D. de res. vend.* legitur *omo percat*, pro *homo pereat*; item in leg. 4. in si. princip. *Digestis. de in diem. add. anc. speciem*, pro *hanc speciem*. Et quod ad litteram, t̄, postremam attinet, ne ea nos moeretur. nam plerique non infimæ notæ Grammatici auctores sunt *haud* pro non scribendum per̄, non per d, ut sit *hant*, non *haud*. Quod cum ita sit, postquam accedit certi iuris ratio ex aliis locis cognita, quæ sententiam negatiuam exigit, non hærebimus in hac re, quin alterutro modo ex his locum aut emendemus, aut interpretemur. In eadem causa cum superioribus est ea, quæ est in controuersia, vt ante ostendi. In quam idcirco ex superiore interpretatione l. i. placet creditorem solutum acceptum ferre non posse.

Hoc intellecto, q̄ sit gravis debitori causa, in quā primo loco solutum constitui oporteat: proximum est, vt si quæ plures huius generis occurrent, ex quibus debitor diuersas summas debeat, queratur, quæ sit ex duabus grauior, ex multis quæ grauissima, quo hæc pro commodo creditoris primo loco subducatur. In quo adinaduerto tres a veteribus obseruatos esse summos & principales gradus, & in his seruātū hunc ordinem, vt a grauissimis causis progressus fieret ad minus graues. Primus t̄ ergo grad⁹ est in eo, si qua sit causa eiusmodi, in qua dilatio damnum aliquod aut periculum adferat vel famæ, vel pecuniæ, vel molestiæ a pluribus creditoribus subeundæ. Periculum famæ versatur in iis actionibus, ex quibus damnatus ex edicto fit infamis: vt furti, vi bonorum raptorum, iniuriarum, pro socio, tutelæ, mandati, depositi. l. i. *D. de his qui not. inf.* Periculum pecuniæ est in iis, quæ si quid non præstetur, aut pœnam vel pecuniæ vsuram continent, aut inficiatione crescunt, aut hypothecā adiūctā habēt: vbi scilicet pecunia nō soluta debitor pignoris distractionē patitur, in qua sæpe magnū debitoris damnum est. Acque hoc ex genere maxime est actio iudicati; ex qua bona debitoris capiuntur pignori, & distrahuntur vnde iudicatis satisfiat. Accedunt et̄ vsuræ centesimæ, quibus ex causa iudicati subicitur condemnatus Iustiniani constitutione. l. vlt. *Cod. de vsur. rei iud.* Periculū molestiæ a pluribus creditoribus imminet, cū debitor aliqd̄ debet satisfato, id est, fideius-

soribus datis. l. i. *D. qui sat. cog.* Hic enim habet duorū generum creditores; creditorem principalem, & fideiussorē, qui non desinent debitori molesti esse, donec soluat. Placet igitur, vt quæque harum causarum primo occurrerit, ita in eam causam accepto ferendum, quod solutum est. Et quoniam in his periculis alia aliis sunt grauiora, ideo etiam in hoc genere hic ordo seruatus est a veterib., vt primo loco potior habeatur ea causa, quæ famosa est, vt in qua de estimatio ne agatur, re omniam grauissima. l. cū ex pluribus. 97. l. si quid. 7. ff. eo. Secundo loco ea, quæ pœnam cōtinet: qualis est, quæ habet stipulationem pœnæ, aut vsurarum adiūctam; qualis, quæ crescit per inficiationem; qualis obligatio & actio iudicati. d. l. cum ex pluribus. 97. l. 4. l. 7. ff. cod. Tertio ea causa, quæ sub hypotheca vel pignore contracta est, propter periculum distractionis pignorum. d. l. cum ex pluribus. 97. Postremo ea, ex qua quid debetur satisfato. d. l. 4. eo.

Si t̄ in causis, ex quibus debitor ad soluendum cōpelli potest, nullum tale periculum metuitur ex dilutione, quale ante diximus; proximus grauitatis gradus est in eo, si qua sit causa propria debitoris, non aliena: seu si quid is suo, non pro alio fideiussorio nomine debeat. Ideo & post superiorem ordinem placet potiorē haberi causam propriam, quam fideiussoriam. d. leg. cum ex pluribus. 97. l. 4. eo. Quæ sententia apud veteres iustam dubitationem habere potuit: cum iure vetere tam teneretur quilibet ex causa fideiussoria, quam ex sua. nam eo iure potestas fuit creditori relicto reo eligendi fideiussorē. l. 5. §. de fid. Vnde & Papinianus in d. l. cum ex pluribus. 97. huius sententiæ rationem reddere studuit præter ceteras; & ait id veteres ideo definiisse, quod verisimile videretur, diligenter debitorem admonitum ita negotium suum gesturū fuisse. Ratio summa ex more & ingenio hominum; qui quia se sibi proximos ducunt, ideo non tantum ad utilitatem, sed etiam ad officium suum pertinere putant, sua potius curare, quam aliena. ex quo & illud tritum sermone prouerbiū apud Terentium in Andria, *Proximus sum egomet mihi*. Sed hodie res expedita est, neque omnino superiore ratione indiget. Nam hodie beneficio Iustiniani fideiussor propemodum in diem debet, vel potius sub conditione, si debitor principalis absit, aut præsens non sit soluendo. *auth. presente. §. de fid.*

Si t̄ nihil eorum interueniet, sed omnia nomina erunt & in commodo, & proprietate similia: etiam hic tertius grauitatis gradus admissus est a veteribus, vt ex omnibus habeatur causa grauior, quæ est antiquior. Ideo placet, cū cetera cōcurrent, quod indistincte soluitur, in antiquiorē & vetustiorē causam solutum videri. d. l. cum ex pluribus. 97. l. 5. in pr. l. vbi. 2. 4. l. creditor. 102. §. Valerius ff. eo. Quod tamen prima fronte videtur a veteribus contra statui debuisse. Nam quod quæ causa receatior est, eo est & debitori grauior: vt quæ longius distans a præscriptione lōgi tēporis tollatur difficilior, eoque & magis debitorem oneret. Illa contra leuior debitori, quæ est antiquior, propter hanc ipsam præscriptionē tēporis. a qua quo minus distat obligatio, eo pprior est liberationi, eoq; & minus debitore onerat. Et ita res habet. si utilitatem spectamus debitoris, leuior illi causa est, quæ est antiquior: in qua nō soluendo citius perueniat ad lōgi tēporis præscriptionē. Sed hāc expectare, atq; ideo nō soluere nō est honestū. Turpe est diu debere aliquid, & in eo frustratorē videri. Turpius exceptionē tēporis q̄rere, vt creditore fraudes. Inde q̄ situm inter dū, quis sit antiquior

13 contractus. Vt ¶ in liberto de contractu operarū dubitatum indicat definitio ad id explicandum comparata in *l. in liberto. 77. ff. eo.* Finge libertum debere patrono operas. eundem post manumissionem pleraque contraxisse cum patrono, aut ex aliis causis ei debere cōpisse ita, vt extra causam tēporis nulla ex his causis alia esset grauior. deinde summam aliquam patrono soluere sine designatione eius summæ, in quam solum vellet. Quia hoc casu dicimus id, quod soluitur, in antiquiorem causam cedere, quæsitum est, an operarum contractus ceteris esset antiquior, an ceteri hoc contractu. Quid enim, si proponas libertum ante ceteros cōtractus nihil operarum nomine debuisse patrono, sed tantum postea debere cōpisse, quia cū postea operæ indicatæ essent, eas non præstidisset? Et res definita est in *dict. leg. in liberto eo.* his verbis; *in liberto antiquior contractus operarum esse non potest, sine quo libertas ei data non esset.* Si hæc ratio addita non esset, intelligeremus ex verbis prius hoc dici, in liberto contractum operarum non posse esse antiquiorem ceteris, quos libertus cum patrono constitutos habet; & ideo ceteros esse antiquiores. Nunc hæc ratio ostendit contrariam sententiam accipi debere: esse autem hanc; contractum vllum antiquiorem esse non posse operarum contractu, vt hic verbum *contractu* repetamus ex proximo, significeturque, cum nullus alius contractus liberti possit esse antiquior, restare, vt sit antiquior ceteris contractus operarum. Id autem dici sic ratio subiecta efficit, quod cum dicitur, sine contractu operarum futurum fuisse, vt nec libertas data esset; significatur hunc contractum iam a principio libertatis datæ cum patrono esse interpositum. quod & verum est. non enim debentur operæ patrono, nisi tempore manumissionis impositæ. *l. 1. §. de oper. lib. l. ult. ff. de statul.* Quod si ita est, perspicuum est hoc colligi, quicumque contractus post hanc manumissionem secuti sunt, esse postea oēs operarum contractu. eoque & hanc contractum ceteris esse antiquiorem. Hoc & Accursius recte intelligens eodem modo locum accepit. nisi quod ante verbum *operarum* putat subaudiendum, *quam*, quasi ita scriptum esset; *in liberto antiquior contractus quam operarum esse non potest.* Hoc quidem ad contextum orationis parum tolerabile, cum nusquam prius sit hoc, *quam*, vnde in reliqua oratione id repetatur, sed tamē ad sententiam idem efficit.

14 Sunt ¶ ergo hæc causæ ordine, in quas quod solutū est, ante alias acceptum ferri debeat. Quod tunc nullam dubitationem habet, cum nihil amplius solutum est, quam quod in vnam aliquam queat imputari. Quid fiet, si maior pecunia numerata sit, quam ratio singulorum exposcit? quod amplius est, reliquis causis suo cuique ordine tribuetur. quod his verbis expressit Papinianus in *d. l. cum ex plurib. 97. eo.* nihilominus primo contractu, inquit, soluto, qui potior erit, superfluum ordini secundo vel in totum, vel pro parte minuendo videbitur datum.

15 Quod ¶ si par dierū, & contractū causa sit; dierū, vt nulla causa alia aliis sit antiquior: contractū, vt alii aliis non sint debitori onerosiores: hic Pomponii recepta definitio est, ex omnibus summis pro portione videri solutum. *l. illud. 8. ff. eod.* Recte ex omnibus, non ex vna aliqua præter ceteras; cum omnes causæ pares sint. Recte pro portione, non æqualiter; vt in paribus causis tantum vni tribuatur, quantum alii proportionem, quod proportio arithmetica exigit.

Hæc ¶ dicta sunt de pluribus summis principalibus, ex quibus itidem diuersæ summæ debentur. In quibus de solutione vnus summæ hoc placere in summa animaduertimus; quod sine demonstratione debitoris creditorisue initio solutum est, in grauiorem debitori causam solutum videri, proinde in eam, quam tolli debitori expediat. Diuersa causa est, vt proposui, cum agitur de sorte & vsuris; ex quibus sortis obligatio principalis est, vsurarum accessoria. Hic si quid solutū sit, quod ad vtramque causam non sufficiat, neutro voluntatem suam exprimente seruatur id, quod scriptum est in hac *l. 1.* vt prius in vsuras id quod soluitur, deinde in sortem accepto feratur. Ergo in eā causam, in quam accepto ferri creditori expedit, non debitori. Est enim, vt initio dixi, creditori vtilius ante acceptum ferri in vsuras, quam in sortem: contra debitori prius acceptum ferri in sortem, quam in vsuras. Nam sublata obligatione vsurarum præteritarum, nihilominus manet sortis obligatio integra creditori, & simul obligatio futurarum vsurarum. cum si sors prius solvatur, vna cum sorte etiam tollatur obligatio vsurarum accessoria. *l. eos. in prin. §. de vsur.* quod creditori incommodum est; vtile debitori. Cur ergo non hic quoque sequimur id, quod debitori vtilius cōmodiusque est, vti & in pluribus causis principalibus? Quia in principalibus id fieri licet sine creditoris dāno & iniuria: in sorte & vsuris non licet. Nā cū in principalibus causis quod soluitur, acceptū fertur in causā debitori grauiorem pro commodo eius; quamcunque eam causam esse placet, semper ea vna obligatio creditori tollitur, ceteræ vt æque principales integræ ei manent. Est æquissimum, quod debitori prodest, & creditori non nocet, id debitori tribui, quod nec extraneo cuius in rebus aliis denegaretur. *leg. 2. §. quamquam. Digestis. de aq. plu. ar.* Et hæcenus verum est, quod Vlpianus in hac specie in *leg. 1. Digest. eodem.* æquissimum visum esse creditorem ita rem agere debitoris, vt suam ageret. nempe in his causis principalibus, in quibus id constituit solutum, quod debitori expedit: quia nihil propterea ei in ceteris causis decedit. Id contra fit in sorte & vsuris, si creditor solutum cogatur prius acceptum ferre in sortem. Sic enim eveniet, quod iam dixi, vt vna cum sorte soluta tollatur etiam obligatio vsurarum, quæ tanquam accessoria sequitur obligationem principalem sortis. Hec vero non sine dāno & iniuria creditoris. Ideo recte placuit non esse admittendum.

Quod dicitur, in proposito id quod soluitur, prius in vsuras accepto ferri; sic accipietur dum est, si creditor ita constituat. Potest enim in vsuras acceptum ferre, si velit: potest & si velit, in sortem. Sed hoc posterius facere non cegitur. Totum enim hoc pro commodo eius constitutum est. Quid ¶ tamen, si creditor dum pecuniam accipit, ita cauerit debitori, vt diceret se in sortem & vsuras accipere? An prius in sortem acceptum ferre debet; deinde quod superest in vsuras, vt est ordo verborum superioris cautionis; an quia coniunctim dictum est, in sortem & vsuras, debet quod solutum est, simul sorti & vsuris decedere pro rata? Nam superior ratio vtramque interpretationem recipit. Et placuit neutrum admittendum, sed ius superius in hac quoque cautione seruandum, vt solutum prius acceptum feratur in vsuras; tum deinde si quid superfuerit, in sortem cedat. hoc in *l. §. ult. D. eo.* Atenim in re dubia a verbis cautionis discedendū non est. *l. non aliter. Digestis. de leg. 3. l. 1. §. licet. ver. in re igitur*

istur dabit. Digest. de exero. Quid autem aliud significatur superioribus verbis, quam alterutrum eorum, quæ dixi? Immo illis verbis intelligi potest & istud tertium, ut quod solutum est, imputetur prius in vsuras, tum si quid superest, in sortem. Nam & cum summa accipitur isto ordine, semper verum est accipi in sortem & vsuras, etsi verborum ordine ista conuertuntur. Esto, contineatur superioribus verbis & hoc tertium. At certe semper constabit contineri etiam superiora. Cur ergo hoc tertium potius sumitur? Et huius obiectio- nis occupandæ causa ratio redditur in leg. 6. seq. Dig. eod. nec enim, inquit Paulus, ordo scripturæ spectatur; sed potius ex iure sumitur id, quod agi videtur. Recte Paulus, significat enim, ut sunt superiores sententiæ, quas cautio proposita recipit, cautionem esse ambiguum. In ambigua oratione ex perpetuis præceptis iuris sequendum esse id, quod actum est. l. ubi. ff. de reb. dub. l. semper in stipulationibus. D. de reg. iur. Id quod si in hac cautione queritur, recte id sumi ex constituto iure. Verisimile est enim contrahentes id quod agunt, attemperare velle ad id, quod in more est, & iure publico, & id sequi, nisi quid appareat aliter eos sibi canisse.

18 Vsuras ¶ hic quas accipere debeamus, videndum est. Nam quædam per stipulationem ciuilitur deberi possunt: quædam pacto tantum naturaliter. De iis quæ debentur ciuilitur, quas easdē debitor cogitur exsoluere, nulla dubitatio, quin aut ad nullas, aut ad eas superior constitutio maxime pertineat. Sed an pertineat etiam ad indebitas, quæ pacto naturaliter tantum debentur, ut possit creditor quod solutum est, etiam in eas solutum pro arbitrio constituere; id vero est, quod in hac parte dubitationem recipit. Nam & hæ vsuræ sunt, eademque creditori debentur. Rursum iure ciuili ita indebitur, ut ab inuito exigi non possint. Et, quæ alia constitutione effectum est, placuit ad eas vsuras constitutionem superiorem non pertinere, nec licere creditori in eas quidquam retinere, quod non aperte in eas datum solutumue sit. d. l. s. §. pen. illic, quod generaliter, eo. Plane si in eas quoque pignus datum erit, quæ admodum per retentionem pignoris vsuræ seruari possunt: l. per retentionem. l. pignoris. §. de vsur. ita pignore distracto multo magis licere debet creditori pretiū acceptū referre in eandē quantitatem, etsi natura tantum debeatur. l. Paulus. §. ff. eo. Nam quod manentibus adhuc pignoribus tribuitur creditori ad pecuniam debitam seruandam, multo magis pignoribus pro comodo eius distractis illi tribui debet in ea pecunia, quæ inde redacta est. Quod tamē sic seruari placuit, si vsuræ debeatur solū naturaliter, ut pacto. Quod si quædam earum ex stipulatione, quædam ex pacto naturaliter debeantur; constitutum hic est, cum creditor pignore distracto pecuniam redigit, non posse eum quod soluitur in vsuras, id est, quod sic accipit, ut imputet in vsuras, non posse, inquam, eum id retinere pro arbitrio in eas vsuras, quæ naturaliter debeantur, sed ad vtramque causam vsurarum, tam debitarum, quam indebitarum pertinere; & quidē æqualiter, etsi summa vtrarumque non sit eadem, d. l. s. §. penultim. Digest. eodem. ut, si proponas vsuras ciuilitur debitas esse ad quinquaginta, natura tantum debitas esse ad viginti, & viginti a debitore soluta, detrahentur de singulis vsuris decem ex æquo, non autem pro rata cuiusque vsuræ portione, dicta. leg. quinta. §. penultim.

L. Liberari. II.

Imp. Alexander. A. Bassæ.

Liberari fideiussores, quoties fiscus tam debitori quam creditori (licet diuersis stationibus) succedit, ius certum est. Quod & in vna persona procuratores mei custodient. PP. Cal. Inl. Lupo & Maximo Coss. 233.

S V M M A R I A.

- 1 Confusione fideiussores liberari, etiam cum fiscus debitori simul & creditori succedit, licet non vna, sed diuersis rationibus.
- 2 Vna ratione, aut diuersis fiscum succedere debitori & creditori quid sit.
- 3 Vro modo ex his fiscus succedat, fideiussores liberari: & cur.
- 4 Diuersis rationibus hic legendum, ut vulgo, non diuersis stationibus: & cur hoc posterius conuenire non possit.
- 5 De confusione cur sub titulo de solutionibus.

Q Voties ¶ creditor debitori suo succedit, vel contra, toties confusione tollitur obligatio. l. debitori. sup. de pact. Obligatione sublata hoc euenit, ut & fideiussores liberentur. leg. in omnibus speciebus. Dig. eodem. Hoc ius in priuatis certum est. Idem in persona fisci, qui debitori simul & creditori successerit, seruandum esse hoc rescripto declaratur. Sed additur, quod non nullam difficultatem habet, nempe euenire hic quoque, ut fisci fideiussores liberentur, licet debitori & creditori successerit fiscus, non vna ratione, sed diuersis. His verbis quid significetur, ambigitur. Et ¶ dicitur fiscus succedere ambobus vna ratione, cum succedit ex vna causa ambobus. Diuersis autē rationibus tunc, cum ambobus succedit ex diuersis causis, ut hic ratio significet causam. Vtrumque autem contingit hoc modo. Fiscus ambobus succedit vna ratione, cum creditor priuatus prius heres institutus a debitore suo ei heres existit, vel tanquam proximus agnatus intestato successit, ac deinde creditore damnato ex publico crimine, bona eius ea damnatione ad fiscum peruenerunt. Hoc modo primum fiscus creditori damnato succedere intelligitur. His. n. fiscus successor est, quorum ille bona occupat. leg. cum tabulis. in fin. Dig. de his que vt ind. l. 2. infra. ad leg. Inl. de vi. Post deinde idem fiscus per hunc creditorem heres fit etiam debitori, cui creditor prius heres exstiterat. l. 3. Digest. de pet. her. l. ult. §. de her. inst. Sic autem dicitur fiscus succedere vtrique vna tantum ratione, quia succedit ex vna tantum causa, nempe ex vno delicto creditoris. Contra fiscus vtrique succedit diuersis rationibus, cum primum damnato debitore fiscus eius bona ex ea damnatione occupat, deinde etiam damnatur creditor ex alio crimine. sic enim fit, ut ambobus succedat separatim, & ex diuersis causis, id est, diuersis criminibus, & diuersis damnationibus.

Ergo ¶ cum fiscus priore modo succedit vtrique & creditori & debitori ex solius creditoris damnatione, pro confesso hic sumitur fideiussores liberatos fisco non teneri. Et recte. nam viuo adhuc creditore suo liberati erant, cum is debitori successisset. Semel liberati non reuocantur amplius in obligationem, in perpetuum enim extincta obligatio non resuscitatur. leg. qui res. §. arcam. Digest. eodem. Huc accedit, quod fiscus creditoris successor est. Quoties autē fiscus priuato succedit, toties iure priuati vititur pro anterioribus suis suc-

cessionis debitis & creditis. *l. fisco. 6. ff. de iur. fisci.* At cum fiscus succedit vtrique diuersis rationibus, puta debitori damnato primum, post deinde & creditori ex alio crimine; iusta dubitatio est, num fideiussores liberentur. Et vero non liberari quis dixerit. Cū enim primum fiscus succedit debitori, manet adhuc obligatio principalis, qua tenetur fiscus creditori, cui ob id & fideiussores adhuc obligantur. *leg. 1. supra. de fidei.* Ita cum postea idem fiscus creditori huic succedit, nepe ei succedit, cui fideiussores adhuc tenebantur: vt consentaneum videri possit, fiscum qui in eius locum succedit, eodem iure vti posse aduersus fideiussores. Huc accedit privilegium, & fauor fisci, de quo *tot. tit. supra. de privileg. fisci. & dist. leg. 6. Digestis. de iur. fisci.* Et ad mouendam hanc dubitationem hoc rescriptū relatum est; quo declaratur etiam hoc casu, cum fiscus succedit creditori, cui fideiussores tenebantur, nihilominus fideiussores liberari, si prius idem fiscus debitori successisset, quamuis separatim & diuersa ratione. Hoc ideo, quia hic quoque confunditur obligatio non minus, quam priore casu. Nihil ad rem pertinet privilegium, & fauor fisci. Vtrumque enim in fisco seruat, quoad potest. Nunc autem natura non patitur, vt idem creditor sit & debitor. Eademque natura efficit, vt principali obligatione sublata, non sit accessio in bus locus. *l. cum principalis. D. de regul. iuris. l. in omnibus speciebus. D. de sol. Fideiussores pariter accessio sunt principalis obligationis. §. fideiussores. Inst. de fideius.*

4 Accursius † legit *diuersis stationibus*. quam lectionem etiam quidam retinendam putant, interpretanturque *stationes*, officinas seu tabernas & mētas varias fisci, vt sit sensus, aliquem accepisse pecuniam ex vna taberna a fisco, eundem in alia taberna pecuniā fisco credidisse, & ita eundem esse debitorem & creditorem fisci ex diuersis stationibus, id est, officinis & tabernis. Quod nullo modo huic loco cōuenire potest. Primū sententiæ orationis aduersatur. Hæc enim oratio, *licet diuersis siue stationibus, siue rationibus*, quocumque modo ex his legamus, aduersatiua est, posita augendæ dubitationis causâ; quam tamen remouet. At si legimus *diuersis stationibus*, vt efficiatur ea sententia, quā dixi, nullam habet ea oratio probabilem causam dubitationis, cur fideiussores tunc non liberentur, cum fiscus idem creditori & debitori suo succedit, sitque idem debitor & creditor. Immo vero tantum abest, vt faciat ad augendam dubitationem, vt magis dubitationem tollat. Nam hoc modo bis confunditur obligatio in persona fisci. Tum autem verbis conuenire non potest vllō modo. Ex hac enim interpretatione fingitur fiscus esse debitor primus, & creditor. Nunc autem hic agitur de fisco, qui tã debitori quã creditori successit. Deinde ex hac interpretatione verba hæc, *licet diuersis stationibus*, necesse erit referri ad verba *debitoris & creditoris*, vt intelligamus eum, qui sit debitor & creditor ex diuersis stationibus. quod contextus non patitur: in quo illa adiectio non potest referri, nisi ad verbum *succedit*, quod solum est in vniuersa facti propositione. Est enim adiectio motum, eiusque pgressum a causis obligationis indicans. Motus autem tantum cadit in verbum: non cadit in nomen, quod neque actionem, neque passionem significat. Vnde necesse erit hunc sensum esse, vt dicatur fiscus succedere debitori, & creditori ex diuersis officinis, quod apparet non tantum falso, sed etiam ineptissime dici. Vt enim debitor ex vna officina debere

cœperit, creditor ex alia officina crediderit fisco: non pōt tamen fiscus his succedēs dici succedere ex his officinis. succedit enim ex crimine & damnatione, non ex loco, aut causis contractuum præcedentium. Nōt omnino autem abs re est, quod hic locus de confusione in hunc titulum relatus est. Nam confusio interdū pro solutione est. *l. Strychum. §. additio. ff. eo.*

L. Si cum. III. L. Nihil. IIII.

L. Cum Maritum. XI. L. Inuito. XII.

Imp. Gordianus A. Apollonio.

Si cum seruus liberam peculii administrationem haberet, mutua ab eo accepisti pecuniā, eiusq. ante ademptum peculium, vel priusquam ademptum cognosceres eam exsoluisti: ea solutione liberatus es. PP. S. Cal. Octob. Pio & Pontiano. Coss. 239.

SUMMARIA.

- 1 Creditori maiori & sanæ mentis recte solui.
- 2 Alii quam creditori recte solui voluntate creditoris.
- 3 Voluntate creditoris solui, siue mandat, siue ratum habeat.
- 4 Procuratori recte solui.
- 5 Seruo qui peculium habet, recte solui, quando.
- 6 Mandato reuocato non recte solui procuratori: & peculio adempto non recte solui seruo, si debitor hac facta sciat: diuersum si ignoret.
- 7 Minoribus quomodo recte soluat.

His rescriptis quatuor exponitur ille locus, cui recte soluitur ad liberationem debitoris. De eo ita statuendum. Alia in eo causâ est creditoris minoris, & eius qui auxilio tutoris aut curatoris regitur; alia maioris viginti quinque annis, qui curatorem non habet. Creditori † ipsi, dum maiori & sanæ mentis, citra controuersiam recte soluitur. *l. 4. in pr. leg. inuito. in fi. hic.* Est enim is, cui debetur, id est, is, cui ex obligatione præstandum est: vt dum ei soluitur, plane eo modo satisfiat obligationi. Vnde & liberationem existere necesse est.

Contraria † de causâ alii frustra soluitur inuito aut ignorante creditore. *d. l. inuito. in pr.* Quippe hoc modo nō fit, quod debuit ex obligatione. Sed hoc, in quâ, ita, si inuito aut ignorante creditore soluitur. Voluntate eius qui alii soluit, non minus liberatur, quam si ipsi creditori soluisset. *dist. leg. inuito. dist. l. 4. hic.* Voluntate † creditoris alii solui intelligitur, siue mandat creditor debitori, vt alii soluat; siue cum ignorante eo solum esset, postea ratum habeat. *dicta. leg. inuito.* Idem est, etsi debitori creditor nihil mandauit; sed mandauit alii, vt pecuniam a debitore acciperet. *leg. 3. hic.* De mandante creditore nulla dubitatio est. De eo qui ratâ habet, desit dubitari, postquā obtinuit rationem mandato comparari. *l. vero. in fi. Digestis. eodem.* Quod autem diximus idem esse, etsi creditor non debitori, sed alii mandauit, vt pecuniam vel exigeret, vel oblatâ acciperet; declaratur ea re maxime, quod etsi tacitum mandatum creditoris interuenierit de pecunia exigenda, recipiendâ, tamen ei cui ita mandatum sit, placet recte solui. Argumento sunt procurator vniuersorum bonorum, & seruus cui dominus liberam peculii administrationem dedit. Vero † procuratori recte solui placet, non tantum si ei mandatum est specialiter, vt pecuniā exigeret, vel acciperet oblatam: sed etiam si ei omnium negotiorum administratio mandata sit. *l. vero. in pr. ff. eo.* Nempe quæ administrationis verbo tacite etiam exactio huius pecuniæ

pecuniæ concessa est. † Hac de causa & ei seruo recte soluitur, qui liberam peculii administrationem habet, si ei solvatur, priusquam debitor ademptum ei peculium cognosceret, *ut est in l. 3. hic.* Imo adeo & si seruo dominus peculium habere permisit, hoc ipso & eum peculiares nummos recte mutuo dare, & cum dederit, recte ei solui placuit. *l. 2. §. ult. D. si cer. pet. l. si seruus. l. quod seruus. D. eo.* Non alia de causa, quam quod peculium est, quod seruus habet permisso domini separatim a rationibus dominicis, *l. quam Tiberonis. D. de pecul.* Hoc autem permittere, est permittere, ut id omne seruus habeat tanquam proprium patrimonium: sic enim peculium definitur, quasi pusillum patrimonium seruorum filiorumque familias. *§. actiones autem, Inst. de act.* Hactenus ergo seruo saltem hoc concessum, ut peculium tanquam patrimonium suum exercere, si non per omnia ut dominus, at saltem ut tanquam bonus paterfamilias possit peculiares nummos recte collocare, & cum deberi coeperit, recte accipere, ne nummi apud eum vacent, *ut scripsi ad l. 2. §. ult. si cer. per.* Quid est igitur, quod hic *in l. 3.* adicitur, liberari debitorem, si pecuniam mutuam a seruo, qui liberam peculii administrationem habet, acceperit, eique ante ademptum peculium, vel priusquam ademptum cognosceret, eam exsoluerit? Non sane, quia pecunia a seruo qui peculium habet, mutuo dari non possit, aut ab eo data non possit ei solui, nisi liberam peculii administrationem habeat; sed ut significetur, quamuis libera ista administratio ei concessa sit, tamen sic quidem ei recte solui, si solvatur post ademptum peculium, quod debitor ademptum non ignoraret, atque hoc modo declaratur, quod seruo recte solvitur, totum id neque ex peculii iure, neque ex libera administrationis concessione, sed ex voluntate domini eiusdemque creditoris pendere.

6 Mandante † & volente creditore pecunia alicui solui intelligitur, si mandatum & voluntas perseveret. Ceterum mandatum reuocatum, mandatum esse definit. Quo fit, ut reuocato mandato si debitor quamuis illi ipsi, cui prius mandatum erat, soluat, non liberetur. si tamen sciat reuocatum mandatum. Si ignoret, utilitatis causa receptum est, ut nihilominus liberetur. *l. vero. D. eo §. recte. Inst. de mand.* Inde & peculio finito, & libera peculii administratione reuocata, potestatem seruo soluendi finiri placet *d. l. 3. hic.* Sed hic monendi sumus tunc solum creditorem posse voluntatem suam de pecunia alii soluenda reuocare, cum potestas alii soluendi ex stipulatione aut conventionne debitori tributa non est. Diuersum est, si debitor ab initio in re contrahenda hanc potestatem acceperit voluntate creditoris, ut puta, promisit quis ceterum tibi, aut Titio. Huic Titio recte soluet, quandocumque volet, etiam inuito & prohibente creditore; quia stipulatio ab initio certam conditionem accepit, quam debitori inuito creditor auferre non potest. *d. l. vero. D. eodem.*

7 Hæc de maioribus creditoribus dicta sunt. In minoribus autem contra euenit, ut his solui non possit sine tutorum aut curatorum auctoritate. *l. cum maritum. hic. §. at ex contrario. Inst. quib. al. lic. vel nō, l. pusillo. D. eod.* Ex horum autem auctoritate minoribus recte solvitur. *d. §. at ex contrario.* Quomodo & tutoribus & curatoribus dominorum loco sunt, cum tutelam administrant. *l. tutor qui tutelam. D. de admn. tut.* Sed quam non sit tuta hæc liberatio in omnibus

causis, & quid ad plenam cautionem debitoris in ea solutione requiratur, alibi admonemur, petendum ex constitutione Iustiniani, quæ de hac re scripta est, *l. sancimus. C. de admn. tut. & refertur in d. §. at ex contrario.*

L. Nulla. V.

Idem A Celso.

Nulla tibi aduersus creditorem alienum actio superest, eo quod ei debuiam quantitatem offerens, ius obligationis in te transferri desideras; cum ab eo te nomen comparasse non suggeras: licet solutione ab alio facta nomine debitoris, euanescere soleat obligatio. PP. 15. Cal. Non. Pio & Pontiano Coss. 239.

S Y M M A R I A.

- 1 Extraneum solutionem offerentem frustra petere ab inuito creditore, ut sibi cedat actiones aduersus debitorem, & hoc quam recte.
- 2 Soluendo quemque pro debitore cum inuito & ignorantem liberare: & quam recte hic liberatio inuito acquiratur.
- 3 Soluere quemque posse non solum pro debitore inuito, sed etiam inuito creditori; ut nisi pecuniam accipiat, liceat oblatam resignare, & ea obsignatione debitorem liberare.

Q Via ita ius erat, ut liceret unicuique pro debitore soluere, de quo paulo post: quærebatur, an extraneus, qui pro debitore soluere paratus esset, posset etiam iure petere a creditore, ut sibi cederet aduersus debitorem actiones suas; quasi hoc priori illi iuri consequens foret. Mouet exemplum fideiussoris; qui cum pro debitore soluit, potest desiderare a debitore, ut sibi cedat actiones aduersus debitorem, itemque actiones hypothecarias. *l. 2. l. cum aliter. l. mandati. 3. de fideius. l. Modestinus. D. eo.* Huc accedit, quod ea res soluenti prodest, creditori nihil nocet, ut videatur non iniquum id a creditore petere. *argum. in l. 2. §. quamquam. D. de ag. & ag. plu. arc. † Rescriptum est hoc loco, frustra extraneum id ab inuito creditore petere, quamuis solutionem pro debitore offerat: hac ratione, quod nulla ei ad eam rem superest actio. Cōpositum pro simplici positum. Nulla superest actio, pro nulla est actio. Nam nec ante vlla tibi soluturo competeat. Nihil ad rem pertinet exemplum fideiussoris. Nam hic soluit creditori suo, non alieno, & de alieno hic agitur. Mandator, itemque fideiussor aduersus creditorem actionem habere possunt. *d. leg. Modestinus.* Atque ut nullam actionem haberent: tamen exceptionem habent, qua se aduersus creditorem tueantur, nisi paratus sit actiones cedere, ut docuimus *ad l. 2. §. de fidei.* Nihil horum est in solutore extraneo, qui creditori alieno soluit. Nā nulla potest exceptio ei esse aduersus creditorem, qui nihil petit. *tot. tit. de excep.* Nullam ei actionem esse constat: quia cum alieno creditore non contraxit. Et quod dicitur hanc cessionem non nocere creditori, vere dicitur. Sed & illud verum est, eam solutori nihil prodesse, quia is soluere non cogitur, & melius est, eum ab initio non soluere, quam pecunia soluta ad eam repetendam remedium quaerere.*

Quod † reliquum est, statuitur hoc loco ad extremum generalis sententia illa, unde superior quaestio nascebatur, solutione ab alio facta nomine debitoris, euanescere obligationem. Quod sic interpretandum est, ut liceat cuius extraneo pro debitore soluere nō

solum ita, vt ea solutione debitorem volentem liberet, sed etiam vt liberet ignorantem & inuitum. *l. solutione. l. si pro me. l. soluere. D. eo. Inst. quib. mo. tol. ob. in prin.* Ne quem moueat ea, quæ contra disperi solent. Pro inuito creditore pecuniam alii exigere non licet, vt debitor eo facto liberetur. *l. inuito. §. Cur igitur magis pro inuito debitore liceat soluere?* In promptu ratio est, quæ compluribus locis est tradita. Pro creditore quis exigens creditori nocet, si debitorem liberat. At pro inuito si soluit, debitori prodest simul & creditori. Est autem secundum naturæ & omnis iuris regulam, licere vnicuique alterius conditionem meliorem facere, non licere autem facere deteriorem. hoc in *l. soluendo D. de neg. gest. §. l. soluere. D. eo.* Est præterea regula iuris, Inuito beneficium non dari, seu non acquiri. *l. inuito. D. de reg. iur. l. hoc iure. §. non potest. D. de don.* An non igitur eadem opera negatur inuito acquiri liberationem, in qua est beneficium? Non negatur. Illud enim, inuito beneficium non acquiri, sic accipiendum est, vt inuito principaliter & recta nunquam adquiratur. per consequentiam autem quominus possit acquiri, nihil prohibet, si prius acquisitio in re aliqua aut in aliqua persona constituit, ex qua re aut persona necessario beneficium ad nos deriuetur, vt in specie propoſita accidit. Nam cū extraneus soluit creditori, quod debetur, facit, vt non sit res amplius, quæ debeat. Re debita sublata, consistit in ea re obligationis solutio. Nam sine re, quæ debetur, nulla obligatio esse potest. Vnde etiam debitores omnes interitu rei debitæ liberantur. *leg. si ex legati. D. de verb. oblig.* Porro obligatione rei quouis modo sublata, necessaria consequentia efficitur, vt debitor qui prius fuerat, liberetur, qui sine obligatione teneri non potuit. Idem dicendum est de personis aliis, in quibus prius acquisitio constituit, a quibus deinde ad nos necessaria consequentia iuris ea acquisitio transfertur, vt, cum ii, qui sunt in potestate nostra, aut aliquid acquirunt, aut in re aliqua liberantur. Quia enim acquisitio primum in eorum persona constituit, & iuris ratio facit, vt quidquid per eos acquiritur, statim nobis acquiratur. *l. placet. D. de acq. her. §. item vobis. Inst. per quas pers. nob. acq.* fit hic quoque per consequentiam, vt beneficium ad nos transeat, quod prius in aliis constituit, quam in nobis. Huc pertinet *lex seruus vetante. D. de ver. obl.*

Non tantum autem cuius extraneo licet soluere pro inuito debitore, sed etiā licet soluere inuito creditori, tametsi hoc loco nihil aliud dicatur, quam solutione facta, id est, a creditore admissa, debitorem liberari, vt scilicet quemadmodum debitor ipse, si pecuniam offerat creditori, & illo recusante pecuniam obſignatam solemniter deponat, se omni obligatione liberat. *l. obſignatione. §. ita & quiuis, qui creditori nihil debeat, eadē obſignatione debitori idem præſtet. l. Paulus. §. i. D. quib. mo. pig. vel hy. sol. l. i. §. qui pot. in pig. hab.* Merito. nihil enim interest ad liberationē debitoris, vtrum ipse soluat, an vero alius pro eo. *Inst. quib. mod. tol. obl. in prin.*

L. Si inter. V I.

Idem A. Alexandro.

Si inter patrem tuum, eosque quos debitores esse dicebas non de dubia lite transactio facta est, sed parte tantummodo recuperata, vniuersum se recepisse cauit, nec de superfluo eos, quos verbis obligauit, per acceptilationem liberavit, nec donationis causa id factum est, exsuperan-

tis debiti integra ei repetitio competit. P. P. Id. Feb. Gordiano, A. & Aniola Coss. 246.

S V M M A R I V M.

1 Falsa confessio debiti accepti quatenus non noceat creditori.

FAlsa confessio & professio omnis, vt substantiam rei non mutat, ita veritati nō nocet. *l. Imperatores. D. de prob. l. non nudis. supr. de prob. l. 2. supr. de non num. pec.* Proinde si quis in instrumento confessus sit, se pecuniam a debitore accepisse, quam non accepit, non nocebit confessio creditori, quo minus illi integra maneat actio: nisi de eo quod non accepit, debitore liberarit, aut per acceptilationē, aut pacto transactionis, donationisue causa interposito, vt hic traditur, & *l. interest. l. si literarum. §. eo.* Sed diligenter animaduertendum est, his rescriptis hoc solum constanter dici, post hanc confessionem integram actionem manere. Non dicitur simpliciter, hanc confessionem non nocere creditori, & recte. Reuera enim nocet in re dubia, in qua oportet vnūquemque confessioni suæ stare, quamdiu nihil contra probetur. *leg. generaliter. supr. de non num. pec. l. cum de indebito. in fin. D. de prob.* Sed si creditor, qui confessus est, paratus sit probare, se confessum esse accepisse, quod non accepisset, veritati, vt dixi, locus supererit, & recte debitum repetit, vt hic dicitur. Id autem ita probare potest confessus, si doceat, se confessum esse deceptum errore falsæ causæ præteritæ, aut futuræ, quæ secuta nō est. Præteritæ, vt si sibi persuaserit eam pecuniam, de qua cōfitebatur, recte solutam esse, cum debitor diceret, se eam soluisse eius institori, aut procuratori, aut filio peregre agenti. Errore falsæ causæ futuræ, si quis spe futuræ numerationis confessus sit in præsentia se accepisse. *d. l. interest. §. l. si literarum. §. eo.*

L. Eius. VII.

Imp. Philippus A. & Philippus C. Antiocho.

Eius quantitatē, cuius petitionem ratio compensationis excludit, usuras non posse repositi manifestum est. P. P. V. Cal. Aug. Peregrino & Aemiliano Coss. 245.

S V M M A R I A.

1 Compensationem pro solutione esse, eandemque vim habere.

CCompensatio pro solutione est. *l. si constat. supr. de comp.* Proinde & eodē habet effectus: inter quos est liberatio usurarum. Vt pecunia soluta, aut creditore non accipiente obſignata & deposita, debitor periculo omni usurarum & aliarum rerum liberatur. *l. acceptam. supr. de usur. ita admissa compensatione, cuius ratio ipso iure habetur, nō ex eo tempore, quo debitor iudicio conueniri cœpit, & exceptione compensationis usus est, liberatur, sed ex quo a debitore & creditore eadem summa vtrique deberi cœpit. quod eleganter comprehensum est in d. l. si constat. §. l. seq. supr. de compens. idem hoc loco.*

L. Usuras. VIII.

Idem A. & C. Rufino.

Usuras, quæ quotannis in vrbe numerandæ sunt, promittere alio loco depēdi, nisi ex iusta causa, exempli ratio minime finit. P. P. V. Idus Maii. Philippo A. & Titiano Coss. 246.

S V M M A R I A.

1 Permittere, & depēdi, hic legendum, & loci sententiam eandem esse, quæ expressa est in *l. pen. D. de eo quod cer. lo.*

Exempli

2 Exempli rationem non sinere hoc loco, quid sit.

3 Certo loco promissum alio loco etiam invito creditore solui posse ex causa: & quæ hic causa.

Lectio huius loci variat, a qua quoniam pēdet sententia huius rescripti, ideo initio nobis animaduertēda est. In quibusdam exemplaribus legitur, *promittere alio loco*. in aliis, *permittere, alio loco*, quæ varietatem Accursius agnouit, & cum eo vulgo interpretes utramq; lectionem retinent, parum intelligentes. ¹† Aperte enim legendum est, *permittere*, non *promittere*. Nam quod certo loco dari promissum est, licet debitori alio quouis loco promittere: quoniam non promittit nisi volenti, non enim perficitur stipulatio, nisi ex duorum consensu. *Inter. §. i. l. continuus. §. i. D. de verb. obl.* Licet autem cuius citra controuersiam volenti alio loco promittere, quemadmodum & volenti soluere licet. *arg. l. pen. D. de eo, quod cer. loc.* Permittere autem alio loco solui, quam quo loco ex stipulatione dari debuit, hoc est, quod iuris ratio non finit; idem, quod hoc rescripto permitti prohibetur. Itaque rescripti ea sententia est, quæ expressa est in *l. pen. D. de eo quod cer. loc.* id quod quis certo loco promissit, alio loco invito creditore solui non posse. Quo eodem ex loco intelligimus, in hoc rescripto non deferri legendum esse, sed dependi, vt est in veteribus exemplaribus. Dependere præstare est, & soluere. *l. 3. §. i. D. de usur.* Adicitur hoc loco causa, cur id non permittatur.

² Ratio exempli, aiunt Imperatores, id non finit, id est, quia id, nempe permittere alio loco solui pecuniam, si non per se iniquum est, at iniquum est propter exemplum, & vt alibi dicitur, exemplo perniciosum est. *l. exemplo. §. de prob.* Id hanc sententiam haberi fieri potest, vt in ea causa, quæ nunc proponitur, debitor sic alio loco pecuniam offerat creditori suo, vt reuera nullum sit incommodum creditori eo loco accipere, eoque in ea causa non sit iniquum per se eum cogere. Sed si in hac causa admiserimus, in omnibus aliis causis & debitoribus admittendum erit propter exemplum; iura enim non in singulas personas, sed generaliter constituuntur. *l. iura. D. de legib.* Hoc autē exemplum admittere iniuriosum, & vt supra diximus perniciosum, id est, tale, quod aliis in re pari perniciē publice adferat: multis enim modis accidere potest, vt non expediat creditori pecuniā accipere. ³† Adicitur hoc rescripto exceptio, nisi ex causa iusta, quam exceptionem intelligimus adiciendam esse. *d. l. pen. D. de eo quod cer. loc.* Duplex autem iusta causa est, cur alio loco pecunia offerri possit: vel quod solui pecunia constituto loco non possit, puta sublato loco chasinate, aut occupato a mari, vt ab hostibus, aut ininebris vi externa interclusis. Vel quod alio loco soluere euidenter expediat & creditori & debitori. Veluti, si creditor eo loco pecuniam debeat alii, quam & necesse habeat soluere, debitor autem eam pecuniam offerat pro creditore, vbi is aliam non habeat. Hic manifestum est, si creditor hanc solutionem recuset, non ob aliam causam recusare, quam vt molestiam exhibeat debitori suo nullum aliud commodum inde laturus. malitiis non est indulgendum. *l. in fundo. D. de rei vind. l. si cui simpliciter. D. de seruit. de quo plura scripsi ad d. l. pen. D. de eo quod cer. loco.*

L. Obligatione. IX.

Imp. Dioclet. & Max. AA. Cassio.

Obligatione totius debite pecunia solemniter facta, liberationem contingere manifestum est. Sed uia demum

oblatio debiti liberationem parit, si eo loco, quo debetur, solutio fuerit celebrata. PP. V. Id. Maii, Maximo 2. & Aquilino Coss. 286.

SUMMARIA

- 1 Obligatione pecunia debitorem liberari: & quali.
- 2 Obligatio solemnis, qua.
- 3 Oblatio pecunia ad obligationem solemnem, qualis esse debeat.
- 4 Testatio in oblatione quid, & cur adhibenda.
- 5 Obligare quid.
- 6 Obligationis finis.
- 7 Deposito pecunia ad solemnem obligationem qualis, & cur requiratur.
- 8 Totam pecuniam offerri debere: partem oblatam iuste creditorem recusare, siue debitor totum se debere fateatur, siue partem tantum.
- 9 Opportunus locus dandi & offerendi quis.
- 10 Opportunum soluendi & offerendi tempus.
- 11 Obligationis effectus ad liberationem.
- 12 Debitorem si pecuniam obligatam ad se receperit, incipere vtili actione ex veteri causa teneri.
- 13 L. debitor. D. de usuris. explicatur.
- 14 Oblatione sola neminem a principio liberari vel per exceptionem, nisi ex causa publicarum pensationum.
- 15 Oblationis effectus quatuor.
- 16 Oblata pecunia amissa sine culpa debitoris liberari debitorum, in strictis iudiciis per exceptionem, in bona fidei ipso iure, cur, & quid inter sit.
- 17 Pecunia ad solutionem destinata amissa non liberari debitorem, nisi prius pecunia oblata sit: specie debita amissa sine culpa debitoris continuo nasci liberationem, & differentie ratio.

Obligatio pecunia debitor liberatur; sed iis conditionibus, quæ hoc rescripto præstituantur, si solenniter obligatio fiat; & si iusta sit oblatio. Solemnis obligatio est, in qua hæc tria ordine cōcurrunt, oblatio pecuniæ debita, obligatio oblata, & oblata in locum publicum depositio, quæ comprehensa sunt maxime in *l. acceptam. supr. de usur.* sed & aliis locis similibus prope innumeris, vt *l. si creditrici. eo. tit. l. creditor. supr. de pig. l. ult. supr. deb. vend. pig. imp. non pos. l. ult. supr. de luit. pig. l. tutor pro pupillo. in fi. D. de adm. tut.* Oblatio id continet, vt pecunia offeratur creditori. Hac oblatione non præcedente nihil prodest debitori ad solutionem, pecuniam obligatam apud se habere. *l. 2. supr. de usur.* In obligatione pecuniæ ius exigit testationem siue contestationem. *d. l. acceptam. supr. de usur.* Id significat, pecuniam offerri debere testibus presentibus, vt explicatur in *l. si creditrici. supr. de usur.* Vtus testationis hic est, vt si neget creditor pecuniam totam sibi offerri, aut neget esse probam, debitor utrumq; possit ostendere testibus presentibus. Item si creditor recuset omnem numerationem, testari possunt testes, pecuniam illi recte oblatam, ipsum autem recusasse accipere. Oblationē sequi debet obligatio. Hoc autem continet, vt creditore oblatam pecuniam recusante debitor obliget. *d. l. si creditrici. & l. acceptam.* Obluisse non est satis, nisi obligetur. *l. tutor pro pupillo. in fi. D. de adm. tut.* Obligare pecuniam est in sacculum aut aliam materiam immixtam includere, & sacculo ita sigillum imponere, vt nisi amoto sigillo sacculus aperiri non possit. *l. i. §. si pecunia. D. de pos.* Obligationis finis hic est, partim vt debitoris existimationi consulatur, partim vt creditoris utilitati. Nam si pecunia a credi-

tore recipietur manente sigillo, intelligitur ex eo, debitorem rem ab initio bona fide gessisse, dum apparebit, congruere summam, quam ille dixit, cū postea in sacculum nihil adiectum sit, vt integrum sigillum declarat. Quod si sacculus resignatus erit, quod ex signo amoto facile apparebit, causa, erit creditori, cur aduersus depositarium agat, & quo probet, sacculum dolo resignatum esse. Neq; hoc quidem satis, pecuniā obfignasse, nisi debitor obfignatam deponat in tuto loco, vt est in *d. l. tutor pro pupillo. in fin. D. de adm. tut.* Tutus autem locus is habetur, qui est publicus, vt hoc explicatur in *d. l. acceptam. supr. de usur.* Sed ne quemuis publicum hic tutum & idoneum putemus, adiicitur ibidē, in hoc casu publicum intelligi oportere vel ædem sacram, vt olim, cum pecuniæ apud ædituos deponerentur, vel vt nunc & olim, eum locū, vbi competens iudex super ea re aditus deponi constituerit. Hanc depositionem perspicuum est, creditoris causa exigi, ne pecunia in medio relicta ab obuiis quibuscque auferatur. Sed & debitoris: vt scilicet cum superiora tria præcesserint, si pecunia postea pereat, habeat creditor, quod de se solum queratur, non de debitore. Sciendum est tria ista exigi, cum creditor præsens est, cui pecunia offerri possit. Quod si creditor aberit, magistratus interpellandus est. *l. si creditur. ci. supr. de usur.* Nempe vt eo præsentē pecunia offeratur. deinde obfignata eius auctoritate deponatur. tum id pro iusta oblatione ceder.

Non est satis obfignationem solemniter fieri, oblationem præterea iustam esse oportet, vt nulla sit creditori recusandi causa. Vt oblatio iusta sit, in eo tres sunt conditiones, quas sigillatim exsequar. Prima est, vt tota pecunia debita offeratur, vt hic constitutum est, & *d. l. acceptam. §. de usur.* vbi hoc amplius additur, pecuniam cum vsuris offerendam esse. Idem in *l. ult. §. deb. vend. pig. imp.* Hinc intelligimus esse verissimum, quod communi sententia interpretum constituitur, solutionem partium iuste creditorem recusare. Et hic locus diligenter in eam sententiam notandus est aduersus cauillationes Alciati, qui in omnibus locis, in quibus legitur, particulatim pecuniam creditori offerri non licere, ait ideo fieri, quia in illis de conditione implenda agitur: conditio autē pro parte impleri non potest. *l. cui fundus. D. de cond. & dem.* Et si hoc nonnullam probabilitatis speciem habet in aliis locis, tamen cauillatio hoc vno loco aperte retunditur, vbi de pecunia principali debita agitur, & nihilominus exigitur, vt obfignetur tota. Adeoque verum est, non cogi creditorem per partes accipere, vt purem, ne tunc quidem cogendum esse partem accipere, cum debitor partem tantum fateretur, & partem negat. Nam si creditori ab initio ius constitutum est, partem oblatam recusandi, hoc ius vlla confessione aut negatione debitoris illi extorqueri non potest. *arg. in l. ult. D. de pact. l. habere. in fin. D. de eni. nec ad rē pertinet l. quidā. D. si cer. pet.* cuius argumentum vulgo in contrariam sententiā vtuntur. Nā quod illic dicitur, cum debitor fateretur, partem se debere, creditorem cogendum esse partem accipere, non absolute dicitur, sed cum conditione, si creditor, id quod petit, velit consequi. Prius enim responsum erat, creditorem eam partem, quam debitor fateretur, iudicio consequi non posse. Vnde subiici intelligendum est, si quidem eam consequi velit, cogi eum accipere extra iudicium. Sed hac conditione, inquam, si velit partem oblatam cōsequi. Quod si eam oblatam

accipere neque in iudicio neq; extra iudicium volet, is accipere utiq; non cogitur. Optima ratio, quæ & vulgo redditur, quia non est cogendus creditor eam solutionem accipere, ex qua aliquod damnū metuat. *l. debitorem. 99. D. eo.* Partium autem solutio non minima incommoda habet. *l. 3. D. fam. hercis.* Sed de hac quæstione scripsi pluribus & ex professo ad *d. l. quidā.*

Alterat conditio est, vt pecunia idoneo loco offeratur; quæ hic traditur & *l. qui Roma. in prin. D. de ver. obl.* Proinde quod nō offertur opportuno loco, iuste a creditore recusatur. Quod sine loci adiectione dari promissum est, si quidem species certa, ibi recte offertur, vbi est: nisi inde vbi erat tempore contractæ obligationis, alio translata sit a debitore dolo malo. Si genus, puta decem, ibi dari debet, vbi & recte petitur. Exstat hæc distinctio in *l. quod legatur. D. de ind. de re legata* quidem, quæ vt debita petitur: sed quæ ob eā causam ad res alias debitas transferenda est. Duobus autem locis pecunia debita peti potest; vel vbi reus domicilium habet, vel vbi obligatio contracta est. Quare & totidem locis agenti actori dari debet; totidem & recte offertur: alibi oblatam recte creditor recusabit. Sane in pecunia mutuo data, quoniam id agitur, vt reddatur sine incommodo creditoris, *l. 3. D. si cer. pet. l. creditorem. 99. D. de sol.* id quoq; agi videtur, vt reddatur ibi, vbi accepta est, quia sine incommodo creditoris aliter non fit. Ideo placuit desiderare creditore etiam ibi pecuniā reddi debere, quamuis alibi de pecunia actum sit, & reus ibi condemnatus. *l. argensarium. §. 1. D. de indic.* Vnde intelligimus nec inuito creditore eam pecuniam alibi solui, aut recte offerri posse. Quod si quid aperte certo loco dari promissum est, id demum certo constat alio loco dari aut offerri non posse, vt pote aperte non opportuno. *l. usuras. supr. eo. l. pen. D. de eo quod cer. loc.*

Tertia conditio est superiori proxima, vt offeratur pecunia opportuno tempore. *l. si soluturus. D. eo.* Opportunum soluendi tempus debitori regulariter est omne tempus, si quid pure, aut in diem debeat. Nam & quod in diem debetur, ante diem recte solui potest. *l. quod certa. D. eo. l. cum qui Calendis. §. ult. D. de verb. obl.* Sed hoc regulariter, inquam, vt proposui. non enim est perpetuum. Tunc ante diem pecunia inuito offerri non potest, cū apparet diem creditoris causa adiectum esse. *l. 3. §. pen. D. de usur.* Sed & in iis, quæ præfenti die debentur, dici potest non esse idoneum soluendi tempus, si quis offerat ei, qui uxorem ducit, eiuque quæ nubit, aut ei qui funus familiare ducit, quoniam in his occupationes sunt iustissimæ, & ad officium cuiusque propemodum necessarium pertinentes. *arg. in l. 2. in fin. & l. 3. D. de in ius voc.* Hæc strictim, ac velut obiter de hac parte. quā ideo non persequor hoc loco pluribus, quia a me copiose tractata est alibi ad *l. cum qui Calendis. §. ult. de ver. obl.* vnde licet petere certiorē eius cum cognitionem, tum confirmationem.

His in oblatione & obfignatione pecuniæ constitutis, vis hæc est obfignationis, vt debitor liberetur, vt hic scriptum est. Hoc modo debitorem liberari cum dicimus, intelligimus id, quod verbum significat liberari ipso iure, ac non per exceptionem tantum. Id autem magis intelligitur ex eo, quod dicitur debitor post obfignationem solemnem omni actione etiam utili liberari. *l. acceptam. in fin. supr. de usur. l. 1. §. si pecunia. in fi. D. de pos.* Hinc huius obfignationis eadem effecta, quæ & ceterarum liberationum. In quibus hæc

sunt: periculi omnis amotio, interpellatio usurarum, & accessionum liberatio, comprehensa & ipsa simul omnia in d. l. acceptam. *supr. de usur.* Et hoc est, ob signata & deposita rite pecunia, debitor omni periculo amissa postea pecuniæ deinceps liberatur, ut est in d. l. acceptam. Idem ex eo tempore præstare viuras nõ debet. l. si creditrici. *supra de usur. l. tutor. §. 1. D. de usur. l. tutor pro pupillo. §. ult. D. de adm. tut.* Exinde & liberantur pignora, quæ sola oblatione non liberantur. l. creditor. *supra de pig. l. ult. supra deb. vend. pig. imp. non pos. l. ult. supr. de luit. pig.* Nam quod dicitur in l. u. e. §. 1. D. quib. mod. pig. vel hyp. sol. eum pignus liberare, qui soluere paratus est: sic accipiendum est, qui soluere paratus est cum effectu, id est ita soluere, ut creditor accipiat, aut creditore recusante pecuniam ob signet, & deponat. Sic enim ob signatio pro solutione erit, non oblatio sola. Quod de pignoribus dicitur, idem intelligendum est de fideiussoribus, ut & hi post ob signationem pecuniæ liberentur. l. in omnibus speciebus. D. eo.

Sed quod dicimus ob signatione pecuniæ debitorum ad istum modum ipso iure liberari, hic duo loci aduersari videntur. Primum eadem ipsa l. acceptam. in fin. *supra de usur.* ubi traditur post ob signationem pecuniæ, si debitor pecuniam ad se receperit, eum vtili actione creditori teneri. Quo effici videtur, eum prius liberatum non fuisse. qui si esset liberatus, nunquam posset teneri postea. semel enim extincta actio, postea reuocari non potest. *leg. Manius. §. duorum. D. de leg. 2. l. qui res. §. aream. D. de solut.* Dicendum ¶ est debitorem, qui pecuniam ob signauit, statim ipso iure omni actione veteri esse liberatum & directa & vtili. idque ius perpetuum esse, quamdiu pecuniam ad se non recipit. Quod si ob signatam ad se recipere coeperit, ne sic quidem restituatur vetus actio, quæ semel extincta suscitari non potest. Sed hoc de directa quæ prius fuit, accipiendum est. ceterum restituatur vtilis ex ea causa ipsa, ex qua prius reus tenebatur. Hæc enim liberationis superioris causa fuit, quod reus pecuniam recte ob signatam a se remouisset: quæ causa facto eius sublata, ratio non patitur, vel locus sit liberationi. *arg. in l. in omnibus causis id. D. de reg. iur.* At pecunia a debitore recepta, eo res redit, ut nec videatur ob signata, atque hoc modo deficiat causa liberationis. Aequum igitur debitorem tum eadem actione qua prius, teneri. Non potest teneri directa, quia ius superius prohibet. Restat, ut teneatur vtili: quæ tamen priorem illam ob signationis liberationem non tollit, quam dicimus.

13 Obstat ¶ præterea l. debitor. D. de usur. ubi scriptum est, si post ob signationem rite factam debitor conuētus moram faciat, nummos ex eo tempore steriles non futuros, id est, debitorem ex eo viuras debiturū. Non potuit debitor moram facere, nisi pecuniā ob signatam debuit. Nulla est enim mora aduersus eum, a quo peti non potest. l. nulla D. de reg. iur. Sed nec viuræ deberi possunt, nisi eius sortis, quam quis debeat. l. eius *supra hoc tit.* Quæ omnia aperte euincunt etiam post ob signationem pecuniæ, debitorem pecuniam ob signatam debere posse. Quod & ipsum verum est, & fatemur. Sed quæritur, quādo, qua ex causa, quæve actione debere possit. Et cum de eo cōprehensum sit in d. l. acceptam. *supra de usur.* inde sumendum est, quod hic sequamur. Qui ergo debitam a se pecuniam ob signauit, eandem & post ob signationem debere potest: sed tum, cum reperitur eam ad se rece-

piſſe, atq; hoc modo pro obſignata & depoſita habere deſuiſſe. Non quidē vt teneatur veterē actionē directā: ſed vt teneatur tamen, nempe vtili. Poſt quod tempus vt eandem pecuniā cepit debere, qui prius debebat, ita & moram eum facere poſſe verum eſt & faciet tum, cum exinde interpellatus non ſoluerit.

Hæc ¶ de obſignatione dicta ſunt, quæ cum non 14 fruſtra exigatur ad liberationem debitoris, ex eo intelligimus id, quod de oblatione ſola, quæſitum eſt, nunquam oblationem rei debitor debitorum libera re vel ipſo iure, vel per exceptionem: præterquam in vna ſpecie, de qua poſtea. De quo ne dubitetur, argu menta hæc ſunt. Primum, quod creditor poſt obla tionem rei debitor potest adhuc eandem rem ſuo iure a debitore petere, & quidem ita, vt ſi debitor non præſter, moram faciat: quæ illi nocet nõ aliter, quam ſi prius rem nunquam obtuliſſet. l. illud. D. de per. & com. rei vend. leg. ſed ſi poſtea. 2. 4. D. de rec. arb. Deinde quod poſt eandem oblationem placet non eo minus viuras deberi. d. l. acceptam. *supr. de usur. l. tutor pro pupillo. §. ult. D. de administ. tut.* Hoc amplius nec pignora liberari ſola oblatione. l. ult. *supr. deb. vend. pig. imp. non poſſe. l. creditor. supr. de pig.* Et quod dicitur in l. u. e. §. 1. D. quib. mod. pig. vel hyp. sol. eum pignus videri liberaſſe, qui paratus eſt ſoluere: quomodo accipiendum ſit, paulo ante oſtendi. Nec dubium eſt, quin idē probandum ſit in fideiuſſoribus: qui & ipſi acceſſio ſunt principalis obligationis, uti & pignora. l. in omnibus ſpeciebus. D. eo. Vna tamen in ſpecie conſtitutum eſt, vt ſola oblatio pecuniæ pro ſolutione cedat, cum ſcilicet pecunia tributorum & publicarum penſitationum nomine debita ſuſceptoribus oblata eſt, quam illi accipere reſuſant. l. 1. j. de ſuſcep. lib. 10.

Sed quamuis ſola oblatio pecuniæ debitores non 15 liberet, non tamen per omnia debitori eſt inutilis. Habet autem hæc fere commoda quatuor. Oblatio cuſtodix periculo liberat debitorem, cum prius ex poteſtate obligationis cuſtodiam rei præſtare deberet. l. illud. D. de peric. & com. rei vend. Oblatio facit, ne aduerſus debitorem viuræ, aut pœnæ ſtipulatio committatur, cum vtrumque deberetur ea cōditione, ſi pecunia ſoluta non eſſet, & ea pecunia non ſoluta quidem, ſed tamen a debitore creditori oblata eſt. l. ſi pro te *supr. de usur. l. Celsus. §. 1. D. de recep.* Ita oblatio debitorem quidem obligatione contracta non libera, at ne in obligationem incidat, facit. Differentiæ ratio eſt, quod obligationes contractæ certis tantum modis ſoluuntur, inter quos non eſt oblatio ſola. ſub conditione verò contractæ non prius vere contrahuntur, quam conditio impleta ſit. Talis eſt autem omnis viurarum aut pœnæ promiſſio: quorum vtrumque promittitur ſub conditione, ſi ſors ſoluta non ſit. Vnde hoc quoque ſub contraria conditione dici intelligitur, ne quid horum debeat, ſi ſors ſoluta erit. l. quibus. §. 2. D. de cond. & dem. Hæc autem conditio exiſtere intelligitur, pecunia oblata. Et ſi enim oblata non ideo ſoluta eſt: tamen quia per creditorem ſtat, quò minus ſoluatur, atque ita quominus impleatur conditio, iure pecunia pro ſoluta, & conditio pro impleta habetur. l. iure. D. de cond. & dem. Demus hanc conditionem, ſi pecunia ſoluta ſit, exiſtiſſe. conſe quens eſt contrariam defeciſſe, ſi pecunia ſoluta non ſit. Quæ conditione nõ impleta, apparet pœnæ & viurarum ſtipulationem nõ poſſe committi. Eadem oblatio facit, vt ſi creditor poſtea fruſtus percipiat ex rebus ſibi pignori obligatis, eos fruſtus non poſſit im-

putare in usuras, quæ ipsi debentur, sed cogatur imputare in sortem: quæ sententia est *l. ex pradiis. supr. de usur.* Quæ res ut earum debitorem a sorte, sic a præstatione usurarum futurarum in posterum liberat. Sed si quæ usuræ antea debebantur, non desinent deberi, & præterea ea summa sortis, in quam fructus non sufficiunt, ita debebitur, ut simul eiusdem summa usuræ currant. Ita non minus verum erit, quod supra diximus, nunquam contracta & manente sortis obligatione oblationem solam liberare debitorem a præstatione usurarum vel præteritarum vel futurarum.

¹⁶ Ultimo præ oblatio debitorem non liberat, quamdiu summa oblata salva est. At ea amissa, si sine culpa debitoris amissa sit, debitor liberatur, ne frustratio creditoris debitori noceat. hoc in *l. qui decem. in prin. D. de solut.* Videtur tamen is locus contraria de hac specie constituere. Nam initio responsi dicitur debitor in hac specie liberari per exceptionem, in extremo liberari ipso iure. Sed nihil hic contrarium. Observandum est enim in fine eius responsi agi de marito, qui pecuniam ex causa dotis deberet, quam uxori aut heredibus obtulit. Hoc iudicium bonæ fidei est. §. actiones autem. *Inst. de act.* Unde sub hac specie generaliter hoc dici intelligitur, eum, qui ex iudicio bonæ fidei pecuniam debet, si obtulit eam creditori, ea deinde amissa ipso iure liberari. Quod ergo dicitur in principio debitorem pecunia oblata ac postea amissa liberari per exceptionem, de eo debitore dictum intelligendum est, qui ex alio genere actionum, id est, stricti iuris, pecuniam debeat, veluti ex stipulatu, aut ex testamento. *l. alius D. de in lit. iur.* Ex his causis, inquam, si debitor pecuniam debitam obtulerit creditori, quæ deinde illo recusante sine culpa debitoris perierit, recte dicitur debitor liberari, sed per exceptionem. Hoc ideo dissimiliter in his iudiciis, quod cum ex oblatione pecuniæ quæ postea amissa est, nascatur pariter in omnibus iudiciis exceptio debitori: tamen inter ista iudicia in exceptione usurpanda hoc interest, ut pluribus supra suis locis ostendimus, & maxime ad §. actionum. *Inst. de act.* quod in strictis iudiciis exceptio initio contestanda, atque ita in iudicium deducenda est. *l. prescriptionem l. si quidem. supr. de excep. bonæ fidei* autem iudiciis exceptiones quavis non contestatæ ipso iure inveniunt, ut possint sine ulla contestatione quandoque ante sententiam allegari. *l. 3. D. de resc. vend. l. huiusmodi. §. qui servum. D. de leg. 1.* Illud præmonendi sumus, quod de debitore post oblationem per exceptionem aut ipso iure liberando dictum est, consulto dictum esse de eo, qui pecuniam debuit, & obtulit. Nam si species debeatur, & ea sine culpa debitoris perierit, debitor statim & sine ulla eius speciei oblatione liberatur. *l. si ex legati. D. de verb. oblig.* Vtrumque recte, & ei regula, quæ est de interitu rei debita, convenienter. Placer enim si prius quam per debitorem factum sit, quominus daret, perierit quod debebatur, eo interitu debitorem liberari. *l. si ex legati. de verb. oblig. l. quod de. D. si cer. per.* Iam vero speciei certa in obligationem deducta, si ea perierit, verum est periisse, quod debebatur, itaque & hic interitus ad regulam pertinet. Non idem dici potest, si quis pecuniam debuit in genere, deinde certat offerat. Vt enim maxime hæc oblata postea pereat: tamen semper constabit non periisse eam, quæ debebatur, quoniam debitor neque illam quam obtulit, neque ullam aliam certam debuit. *l. in ratione. §. incerta. D. ad leg. Fal.* Ita fit eadem ista constitutione iuris, ut

summo iure debitor liberari non possit, cum semper pecunia maneat in rerum natura, quam is possit præstare. Sed nihilominus eum liberari æquum est. Non enim æquum est teneri eum pecunia oblata amissa, qui non teneretur, si creditor accipere voluisset. ratio Marcelli, atque hinc doli exceptio in *d. l. qui decem D. eo.* quæ exceptio est, qua in proposito debitorem liberari supra diximus.

L. Successores. X.

Idem AA. & CC. Ambrosio.

Successores eius, qui maior viginti quinque annis in solutum pro debito iure mancipia dedit, hæc revocare non posse constat. S. V. Id. April. B. 2. antii, AA. Cass.

S U M M A R I A.

- 1 Aliud volenti solum parere liberationem, nec posse revocari ab eo, qui solvit, si maior est, aut ab eius heredibus.
- 2 Minoribus aliud pro alio solventibus, quamvis tutorum curatorumve auctoritate, aut decreto magistratus, paratam esse in integrum restitutionem ad repetendum solum, si lesi sint, inde & eius heredibus.

PRO præ pecunia quæ debetur, volenti creditori recte aliud solvitur, ut fundus, mancipia, & res ceteræ. *l. manifesti. infra.* Semel recte solum debitor revocare non potest. Quippe datum est creditori ob causam, ut debitor liberaretur. Hæc causa post solutionem secuta est, quo fit, ut cesset repetitio. *l. 1. D. de con. ead. dat. cau. no. se.* Quod debitor ipse revocare non potest, si viveret, multo minus revocare poterunt eius heredes, de quo hoc rescripto cautum est. Hi enim succedunt in ius defuncti, & per omnia eodem iure tenentur. *l. qui in ius. D. de reg. iur. §. ult. Inst. de locat.* Adeoque id verum est, ut quamvis debitor solvisset re heredis sui; tamen heres factum decessoris sui infirmare non posset. *l. si a matre. supr. de rei vind. l. venditrici. supr. de reb. al. non al.* Sed hæc ad eos pertinent, qui sunt maiores viginti quinque annis, & ad eorum successores, quod est temperamentum huius rescripti. Quod si debitor minor aliud pro debito solverit, aut hypothecavit, si res immobilis soluta est: *l. 1. D. de reb. eor. qui sub tut. vel cur. sunt.* aut si quid ex decreto magistratus, vel auctoritate tutorum curatorumve solvit: nihilominus si laesus est, potest consequi in integrum restitutionem beneficio atriis. *l. non omnia D. de min. & quæ restitutio ipsi debitori vivo competet, eadem competit eius heredibus. l. non solum. D. de in int. rest. l. minor autem. 18. §. ult. D. de minor.*

L. Cum Marium. XI.

Exemplum hic est legis sequentis.

L. Inuito. XII.

Exposui hunc locum ad l. 3. & l. 4. supr.

L. Si Obligatum. XIII.

SPECIES prope eadem, certe eadem plane sententia, quæ *l. si inter. supr. hoc tit.* In verbis mendose legitur, post acceptilationem liberaisti. legendum, post acceptilationem liberaasti. Agitur enim hic de eo, qui falso scripsit se accepisse, quod non accepit, neque debitorem novatione interposita, neque post novationem interposita acceptilationem liberauit.

L. Pecunia. XIV.

L. Quod debitori. XV.

Idem AA. & CC. Cohortæ.

Pecunia soluta professu collata instrumento, maiorem

rem rei gesta probationem continet, quam si chirographū accepta pecunia mutua fuisset redditum. S. V. Id. Iul. A. A. Coss.

Idem AA. & CC. Quartino.

Quod debitori tuo chirographum redditum contra voluntatem tuam adseueras, nihil de iure tuo diminutum est. Quibuscumque itaque argumentis iure proditis hac obligationem tibi probanti, eum pro huiusmodi facto liberationem minime consecutum, index ad solutionem debiti iure compellet. S. V. Cal. Sept. A. A. Coss.

S Y M M A R I A.

- 1 Chirographum quamvis debitori non redditum fieri soluta pecunia inane, ut iam nec creditori prodest, nec debitori noceat.
- 2 Chirographum quamvis inane soluta pecunia recipere cur vile, & qua in eam rem actio.
- 3 Quae solutionis probationes. Apocha quid.
- 4 Confessum creditorem sibi pecuniam esse solutam, quamvis sine scripto, confessioni suae stare debere.
- 5 Sed post triginta dies ex constitutione Iustiniani.
- 6 Chirographum debitori redditum liberationis fidem facit, si modo redditum sit a creditore, non aliter: debitoris in eo esse probationem.

HAEC regula certi iuris initio huius tituli posita est, solutione eius quod debetur, tolli obligationem. *Inst. quib. mod. tol. obl. in prin.* Et si quidem de solutione constat, tollitur controuersia. Adeoque si verum est debitorem liberari, ut liberetur, etiam si chirographum suum a creditore non receperit, planeque id chirographū sit inane, ut amplius nec creditori prodest, nec debitori noceat. *l. 4. supra hoc tit. l. si actore. infra eo. l. qui tabulas. D. de fur.* Recte inane: quandoquidem chirographum nihil amplius continet, quam obligationem debitoris. Hanc autem constat sublatam esse solutione. Quo fit, ut obligatione sublata, nihil relinquatur in chirographo propriū chirographi. Quod si chirographum, quamvis apud creditorem integrum manens, debitori qui soluit, nihil nocet, multo minus nocebit, si erit inductum. Vnde recte dicitur in *leg. in ductum. j. eo. debitoribus* solutionem probantibus nihil eorum interesse, vtrum chirographum inductum fuerit, an non fuerit. Quia si tamen utile est chirographum a debitore recipi, ne postea aut ipse, aut heredes eius ignari ex eo chirographo conueniri possint, consultum est, ut debitor chirographum repetat, in quam rem est condictio sine causa. *l. 2. supra de cond. ex lege. l. vltim. infra eo.* Hæc, ut dixi, si constet de solutione. Quod si de eo ipso erit controuersia, an debitor soluerit, quia debitor dicat se soluisse, creditor neget, hic de probatione quaeritur. Ac primum vtri incumbat probatio, debitorine, ut probet se soluisse, an creditori, ut probet sibi solutum non esse. Et placet debitorem, qui se soluisse dicit, solutionem probare debere. *l. vlt. hic, leg. supra de probat.* Quod regulis iuris de onere probandi conuenit, quibus efficitur & ei qui dicit, incumbere probationem, non ei qui negat. *leg. 2. D. de probat.* & factum negantis per rerum naturam nullam esse probationem. *leg. actor. supra de prob.* Hoc posito quaeritur, quomodo recte & facile debitor solutionem probet, de quo sunt hæc rescripta duo. Et extra testes, quibus maxime res probari solent,

leg. vltim. supra. de probat. duo pecuniæ solutæ probationem continent, professio acceptæ pecuniæ instrumento collata, quæ vno verbo a nostris actoribus dicitur apocha, *leg. qui tabulas. §. vltim. supra de fur.* & præterea chirographum a creditore debitori redditum. Professio creditoris aduersus ipsum probationem habet; quia æquissimum putatur vnumquemque confessioni suae stare, & quod idem est, si dem vnicuique aduersus se haberi debere. *leg. generaliter. supra de non num. pec. leg. de etate. §. 1. D. de in iur. fa.*

Sed si cur additur hoc loco collata instrumento? Non sane quia creditor sine scripto extra iudicium proficenti sibi pecuniam solutam esse, ea confessio aduersus eum fidem non faciat. Nam si debitor extra iudicium se debere verbis professus, confessioni suae stare cogitur. *leg. generaliter. in fin. supra de non num. pec. auctor. rogati. supra de testi.* vbi tamen confessio spectat ad eum obligandum: quanto magis creditor extra iudicium sibi solutum esse verbis professus, confessioni suae stare cogendus est, vbi professio conferatur ad reū liberandum? Scimus enim prouiores nos esse debere ad liberandum, quam ad obligandum. *l. Arrianus. D. de oblig. & act. l. fauorabiliores. D. de reg. iur.* Cur additur igitur de instrumento? Non ad excludendam professionem verbis tantum testatam; sed ad discrimen indicandum, quod esset inter apocham creditoris debitori datam, & chirographum ipsius debitoris illi redditum: de quo discrimine debitor laborabat. Constabat debitorem liberari tacto pacto, si creditor ei chirographum suum reddidisset. *l. 2. D. de pact.* Forte id non fecerat creditor, sed instrumento liberationis, id est apocha, professus erat sibi pecuniam esse solutam. Huic instrumento non satis fidens debitor laborabat, ut etiam chirographum suum sibi redderetur, quærebaturque, num satis superiore instrumento esset sibi cautum ad liberationem. Et rescriptum est non modo id eandem probationem habere, atque chirographum redditum, sed etiam maiorem, ut hoc instrumento accepto de probatione liberationis suæ laborare non debeat. Hactenus tamen professio pecuniæ solutæ quamvis instrumento testata fidem facit ex constitutione Iustiniani, dum triginta dies excesserint. Alioquin intra eos dies datur creditori exceptio non numeratæ pecuniæ. *l. in contractibus. §. super. supra de non num. pec.* Quod si attinet ad chirographum a debitore receptum, id eandem fidem liberationis facit: sed hac conditione, si a creditore sit redditum. *d. leg. 2. D. de pact.* Quod si ab alio redditum erit, aut aliter receptum, quam voluntate creditoris, nihil possessio chirographi prodest debitori ad liberationem, aut soluti probationem, ut significatur in *l. quod debitori. sequen.* Sed vter probare debet? Intelligimus ex eodem rescripto debitorem probare debere chirographum sibi a creditore redditum. Alioqui satis esse creditori ad vincendum, si dicat sua voluntate redditum non esse; quoniam illic scribitur creditorem vincere debere, si obligationem probauerit: & præterea debitorem pro huiusmodi facto (intellige redditu chirographi) liberationem minime consecutum.

L. Enna Quo. XVI. Amb.
Hoc nisi, &c.

L. Manifesti. XVII.

Idem AA. & CC. Charidemo.

Eum, a quo mutuum sumxisti pecuniam, in solutum nolentem suscipere nomen debitoris tui cōpelli iuris ratio non permittit.

Auth. Hoc nisi.

Hoc, nisi debitor in pecunia vel aliare mobili solvere nequeat. tunc enim res immobilis, quam debitor habet meliorem, solui potest facta per indicem subtili eius causa estimatione: ut rem predictam & debitori solvere, & creditori liceat petere, præstanda creditori cautela de eversione qua debitori possibilis sit. quod est in omni actione. At si creditor paratus sit emtor em rei præstare, oportet debitorum cautela iudicis arbitrio creditori præbita, rem tunc destrahere, ut satisfiat creditori.

Idem AA. & CC. Cassio.

Manifesti iuris est, tam alio pro debitore solvente, quam rebus pro numerata pecunia consentiente creditore datis, tolli paratam obligationem, S. Calend. Dec. Sirmii AA. Coss.

S Y M M A R I A

- 1 Aliud volenti solutum ita debitorum liberare, ut creditor nec quod accepit possit reddere, nec si plus debeatur, quod amplius est, possit petere.
- 2 Aliud pro alio semel solutum, amplius reuocari non posse.
- 3 Lucrum ex eare factum multo minus creditori auocari.
- 4 Aliud pro alio inuito creditore solui posse, si quod debetur solui a debitorum non potest; & quibus in causis non posse existimetur.
- 5 Aliud pro alio solui posse, si debitor huius rei potestatem unde oportet, acceperit, & unde hac potestas.
- 6 A lege hac potestas, quando.
- 7 A testatore, quando.
- 8 A conventionione, quando.

His locis explicatur locus ille, quid soluendo debitor liberetur. Statuuntur autem hic sententiæ duæ. † Vna est, aliud pro alio volente creditore recte solui. *l. manifesti.* Cui hæc sunt cōsequentiæ. Primum illud, liberari debitorem non secus, quam si id quod debetur, solutum esset. *l. si quis aliam. D. eo.* Quæ res facit, ut quamuis, postea creditorem pœniteat, quamuis res pereat; aut exstet quidem, sed minoris sit quam debeatur: ramen nec creditor id quod accepit, reddere possit, nec si quid amplius est, a debitorum possit petere. Id enim fieret, si debitor nihil debuisset, cœpit autem nihil debere, posteaquam liberatus est.

2 Deinde † & hoc consequens in creditore, sic ea solutione dominium rei solutæ in eum transferri, ut nunquam possit debitor postea ex pœnitentia eam rem auocare. *l. successores. supra hoc tit.* scilicet quia quod nostrum esse cœpit, id nobis inuitis ad alium transferri non potest. *l. id quod nostrum. D. de reg. iur.* Efficitur † & illud, si creditor re multo meliorem fecerit, siue etiam vendiderit multo pluris, quam illi debebatur, hanc industriam atq; hunc euentum ipsi prodesse debere, nō debitori. *l. pen. hic.* Optima ratio: quia si res soluta periret, creditori eidemque domino suo periret. *l. pignus. supra de pig. act.* Hoc autem secundū naturam est, commoda cuiusq; rei eum sequi, quem sequuntur incommoda. *l. secundum D. de reg. iur.*

Altera sententia est superiori contraria, aliud pro alio inuito creditore solui non posse, *l. eum a quo. hic.*

Sententia diserte expressa in *l. 2. §. 1. D. si cert. pet.* Sed hæc duas has exceptiones habet summas, vnam, nisi id quod debetur, in ea causa sit, ut a debitorum præstari non possit. alteram, nisi debitor potestatem aliud soluendi aliunde acceperit, de quibus videamus. Si † quod debetur, solui non potest, necessitas eo rem deducit, ut aliud solui debeat, si creditori satisfactū volumus. Sed an non possit debitor præstare, varie æstimatur. variæ enim causæ sunt, cur præstare nō possit, ex quibus omnibus placet eum audiendum esse, si aliud offerat. Interdum res debita periit. Hic nulla dubitatio est, quin aut nihila debitorum præstari debeat, aut si quid debet, debeat æstimationem. Id vero ita fieri traditur in *leg. in re furtiva D. de cond. fur. & l. qui restituere. D. de rei vind.* Interdum res debita per rerū naturam præstari potest; sed non potest debitor præstare propter inopiam, quia soluendo nō est. Hic permissum est inopi debitori speciem vnam aliquam ex rebus suis creditori pro debito offerre, dummodo offerat optimam. hoc in auth. *hoc nisi.* quæ sequitur. Interdum res a debitorum præstari potest, quoniam & exstat, & est in potestate debitoris, sed eam debitor honeste præstare non potest, ut accidit, si ab herede legatus sit eius pater, aut mater, aut filii naturales. Hos heres si in potestate habet, potius pro officio manumittere debeat. si non manumittat, aut etiam si det in alterius potestatem, non tam inhumane, quam contra officium pietatis faciat. proinde nec facere id posse existimandus est. *l. si filius. D. de cond. inst.* Merito igitur placuit in hac specie audiendum esse heredem debitorem, si pro his æstimationem legatario offerat. *l. si domus. §. qui constituitur. D. de leg. 1.* Interdū etiam honeste res a debitorum potest præstari; sed non sine magno eius incommodo, veluti si res aliena debeatur, quam dominus aut non vendat, aut magno vendat. Hic quoque visum est iustam esse causam, cur audiat debitor æstimationem offerendo: quasi nec possit præstare, quod sine magno incommodo & iniuria sua non potest, ubi ex eare nihil commodi ad creditorem redeat. Et hoc quoque scriptum est in *d. l. si domus. §. qui constituitur.* Quod si res erit in potestate debitoris, quam & ipse præstare possit non in honeste, nunquam audiendus est, si aliud pro alio, quod debet, offerat. Sed † & hic altera exceptio est, nisi huius rei potestatem inde accipiat, unde ei potestas hæc tribui potest. Tribuitur autem potestas aliud soluendi interdum lege, interdum a testatore in re legata, nonnunquam etiam contrahentium conventionione. A lege † hæc potestas tribuitur in noxali actione, quæ aduersus dominos competit ex maleficio seruorum. Nam ex hac causa nihil amplius a dominis debetur, quam damni & maleficii æstimatio. & tamē dominus seruū noxæ dedendo, si velit, liberatur. *l. si seruus. 7. D. de nox. act. Inst. eo. tit.* Sed ideo, quia hæc potestas a lege accipitur, ut scriptum est in *l. miles. §. 1. D. de re iud.* Quod eo pertinet, ut intelligatur definitionem superiorem iuris nihil obesse, cum dicimus aliud pro alio solui nō posse inuito creditore. A † testatore hæc eadē potestas accipitur in huiusmodi legatis. Heres meus penū dato; si penum non dederit, decē dato. Placet in hac specie, simul atq; heres penum dare potuit, neq; dedit, sola decē incipere debere, non penum; & tamen in eadem specie placet, quamuis heres penum non debeat, penum in solutione esse, id est heredem si penū offerat, liberari. *l. 1. D. de penu. leg. lib. 1. §. item si ita. D. ad leg. Falcid. leg. cum sine. Dig. quand. ai. legat. ced.*

Ex quo apparet hic pro eo, quod debetur, recte aliud solui, quod non debebatur, idque etiam inuito creditori. Sed hoc eo fit, quia hanc potestatem heres a testatore accepit. Cum enim penus ab initio legata est, simul potestas data est heredi penum dandi: hæc potestas semel data heredi ante litem contestatam non adimitur, quamvis penum debere desinat. Idem et existimandum est fieri contrahentium conventionem, cum similiter penus promissa est, & nisi promissor penum daret, promissit decem ita, ut hæc sola deberentur. *l. ita stipulatus, in fin. D. de ver. obligat.* Idem etiam probandum est in faciendi obligationibus: veluti, si quis promiserit se insulam ædificaturum, ubi receptum est, posteaquam transierit tempus, intra quod insula ædificari potuit, non iam factum deberi, sed pecuniam, id est, quanti stipulatoris interest insulam suo tempore ædificatam esse. *l. stipulationes non diuiduntur, ver. Celsus. D. de verbor. obligat.* Et tamen in hoc genere placet promissorem ante litem contestatam insulam ædificantem liberari. *l. si insulam D. de verbor. obligat.* Ergo liberari placet præstantem aliud, quam debebat, pecuniam enim debere coeperat. Quomodo igitur, quæret aliquis, liberari aliud pro alio inuito creditori solvens, contra aut certe præter superiorem regulam iuris? Intelligemus hanc esse causam, quod promissor insulam ædificandæ potestatem ab initio ex conditione stipulationis accepit, licuit enim ei ab initio insulam ædificare. Hanc potestatem nulla cessatione suamittit. Simile est, quod dicitur, alii quam creditori inuito creditore solui non posse. *leg. inuito, supra.* Nam & hoc nihilominus sic accipimus, nisi debitor potestatem alii soluendi ex conditione stipulationis ab initio accepit: ut sit, cum promissit se stipulator, aut Titio daturum. Nam Titio reuera nihil debetur, & tamen Titio inuito stipulatore recte soluit, nimirum ex conditione stipulationis. *leg. vero. D. hoc titulus.*

L. Inquisitio. XLVIII.

Iidem AA. & CC. Domitio.

Inquisitio veritatis tolli non potuit, quod chirographa, qua fecerat procurator tuus, recepta, tibi, restituta ab ipso herede proponas cum subscriptione procuratoris significante, quod nihil creditoribus debeatur: cum nihil prohibeat, & creditoribus satisfactum esse, & non vestra pecunie, sed ipsius, cui negotium gerendum mandaueras, processisse solutionem. *S. Id. Feb. CC. Coss.*

S V M M A R I A.

1. *Chirographum a creditore redditum procuratori, & rursum a procuratore debitori, nihil aliud arguere, quam liberatum debitorem a creditore, non a procuratore.*
2. *Subscriptum a procuratore chirographo reddito, creditoribus nihil deberi, ad procuratorem ipsum non pertinere, si soluerit de suo, & ita creditor debitoris, pro quo soluit, esse coeperit, & cur.*
3. *Falsum esse vulgare illud, oratione generali instrumenti non contineri eum qui scribit.*

Hoc dicitur, cum procurator debitoris soluit creditoribus, & ab his chirographa recepit, receptis subscriptis creditoribus nihil deberi; deinde aut ipse aut heres eius ea debitori restituit, non idcirco hæc argumentum sunt, satisfactum esse creditori de pecunia procuratoris. Quia propter si heres procuratoris pecuniam a de-

bitore repetet tanquam a procuratore eodemque decessore suo solutam, non ideo tollitur veritatis inquisitio, ut hic scriptum est. Quæ verba hanc significationem habent, in re dubia non statim fides habebitur heredi procuratoris dicenti procuratorem de sua pecunia soluisse creditori. Sed tamen si paratus sit id probare, audiendus est, & veritati locus supererit. Duo hic faciabant, cur videretur a debitore hæc pecunia reperti non posse, unde controuersia. Primum quod illi chirographa reddita essent, chirographum autem a creditore redditum debitori probationem continet debitoris liberati. *leg. pecunia, supra leg. 2. D. de pact.* deinde quod procurator ipse de liberato debitore ultro professus esset. Quibus moueri non oportet. Chirographum et debitori redditum debitorem liberatum arguere verum est; sed liberatum a creditore, cui pecuniam chirographo comprehensam debuit, non item a procuratore, qui chirographum reddidit. Videndum est enim, quæ mente isti chirographum reddant: quorum propositum liberationem distinguit. Creditor reddit, ut declaret debitorem a se liberatum, alioqui inutiliter redditurus. Procurator a creditore acceptum reddit debitori hac ipsa de causa, ut declaret a creditore liberatum, non etiam a se; cum eo chirographo nihil tanquam procuratori debitum caueretur, quod chirographi redditione remitti ab illo oporteret. Quare nihil inde pro procuratore colligi potest, quasi eo facto debitorem a se vlla ex causa priuata liberat: cum nihil prohibeat eum reddere hoc chirographum, ut debitori consultum sit aduersus creditorem, & nihilominus suas actiones proprias manere velle. *leg. neque, supra de probat.* Neque vero factum cuiusquam, præterquam quod ei propositum fuit, debet alio produci, & ut vulgo dicitur, actus agentium non debent ultra eorum intentionem operari. *leg. non omnis. D. si cert. pet.* Quod et autem procurator chirographo subscripsit nihil creditoribus deberi; probabilis dici potest, hanc subscriptionem procuratori nocere debere. Nam aut inter creditores debitoris hic procurator erat, aut non erat. Si non erat, nihil est, quod a debitore repetat. Si erat, verba confessionis eius eam excludunt. Professus est enim creditoribus nihil deberi, & ipse creditor est: ac ius facit, ut quisque confessioni stare debeat. *leg. generaliter, supra de non num. pec.* Sed negandum est his verbis, creditoribus nihil deberi, contineri procuratorem. Esto enim, generalis sit hæc oratio, creditoribus nihil deberi: nunquam tamen generalis oratio intelligitur ad alia pertinere, quam ad ea, de quibus prius specialiter actum est. *leg. si de certa, supra de transact.* In chirographis autem, in quibus erat hæc subscriptio, non agebatur de procuratore, sed de iis creditoribus, ad quos chirographa pertinebant. Proinde & cum creditores illic nominantur, eius loci creditores intelligendi sunt. Est et autem ineptum, quod ad explicandam huius loci difficultatem vulgo hic affectur, in quam sententiam etiam vulgo hic locus allegari solet, nempe oratione generali non contineri eam, qui scribit. Cur quæso, si verbis orationis scriptor continetur, & nihil aliunde adfertur de scribentis sententia? Et certe contra probatur in *l. fideiussores. §. 1. D. de pig.*

L. Si Actore. XIX.

Eadem sententia, quæ l. 4. supra.

L. Si Operas. XX.

Idem AA. & CC. Eucrati.

Si operas certi serui pro pecunia sumpta sibi in debitum compensare placuit creditori; his secundum conuentio- nis fide præstis de mancipio restituendo pacti tenor seruari debet. S. V. Cal. Non. Hadrianop. CC. Coss.

Debitor pro eo quod debebat, creditori seruum dedit, ut eius operis vteretur, quoad tatum percepisset operarum, quantum sufficeret ad id efficiendum, quod debebatur: conuenitque, ut eo percepto seruus restitueretur. Placet, ubi tantum percepit creditor, quantum debebatur, primum liberatum esse debitorem, *iuxta l. manifesti, sup. deinde seruum ex pacto repeti posse.* Nam id pactum esse seruandum. *l. legem, sup. de pact.* Est autem in eam rem actio in factum, seu præscriptis verbis; quoniam pactio nuda non est, sed debitor fecit, ut creditor faceret; dedit seruum fruendum, ut cum creditor fructum percepisset certi temporis, seruum redderet. *d. l. legem. l. solent. D. de præf. ver.*

L. Interest. XXI.

Vide, quæ diximus ad *l. si inter. 6. sup.*

L. Inductum. XXII.

Vide *l. pecunia. 14. supra.*

L. Si Literarum. XXIII.

Et hic locus expositus est ad *l. si inter. 6. sup.*

L. Penult. & Vlt.

Hi loci expositi sunt ad *l. eum. 16. sup.*AD TIT. XLIV. C. DE ACCEPTI-
lationibus.

S U M M A R I A.

- 1 *Acceptilatio quid.*
- 2 *Acceptilatione tolli obligationes ipso iure, sed solum verbis contractas.*
- 3 *Aquiliana stipulatio quid, & eius usus ad acceptilationem.*
- 4 *Acceptilationem inutilem pactum habere, nisi aliud actum probetur.*

Acceptilatio est verborum conceptio, quibus creditor a debitore interrogatus, an quod promissum est, acceptum habeat, acceptum ferat: responder, se habere acceptum, acceptum ferre, hæc illa sunt solemnia verba, quæ nominantur in *leg. 1. hic.* Definitio declaratur in *§. item per acceptilationem.* *Inst. quib. mo. tol. obligat.* Acceptilatione liberatur debitor, & quidem ipso iure, ita ut nulla amplius agendi via supersit creditori, ut declaratur *l. pen. & vlt. hic.* Sed hoc modo tolluntur dumtaxat obligationes verbis contractæ: ceteræ nullo modo. *d. §. item. vers. quod genus.* Quod conueniens est regulæ iuris, qua efficitur, quibus quidque modis contractum est, iisdem in contrarium actis dissolui. *l. nihil tam. & l. fere. D. de reg. iur.* Enimvero quod recta non possumus in ceteris obligationibus, id obliqua via consequimur. Nā inuenta est stipulatio, in quā deducantur veteres obligationes & actiones ceteræ, tam in rem, quā in personam: quæ stipulatio dicitur ab auctore Aquiliana. Existat formula in *d. §. item.* Hæc autem stipulatio interponitur nouandi animo: ut scilicet nouatione priores obligationes tollantur, & sola maneat noua obligatio stipulatione Aquiliana contracta, quæ deinde acceptilatione secuta perimatur. Hinc est, quod nouationis sit mentio in hac stipulatione interponenda in *l. 2. hic.* Hinc etiam, quod cum de acceptilatione a-

gitur, tam multis locis coniunguntur hæc, Aquiliana stipulatio, & acceptilatio secuta. *l. vlt. hic. l. ut responsum. l. vbi. §. de transact. l. 2. l. cū Aquiliana. D. de transact.*

Ex his apparet duas res acceptilationi obstare, si desint; solemnitate verborum, & obligatione præcedentē, si ea aliter cōtracta sit, quam verbis ad quam dissoluendam subiecta sit acceptilatio. Sed quæcūq; acceptilatio ex his causis iure summo est inutilis, eam hæcenus vtilem esse placet, ut debitor pacto liberetur, quia inutilis stipulatio pactum habeat. *l. si vnus. §. vlt. D. de pact. l. an inutilis. D. hoc tit.* Sed & hoc ita, nisi aperte constet non fuisse creditorem hoc animo, ut pacisceretur, ut est in *d. l. an inutilis.* Vtrum debitor acceptilatione liberetur, an pacto, hoc interest, quod acceptilatione vetus obligatio & actio penitus tollitur: pacto non tollitur, sed infirmatur per acceptilationem. *§. præterea. Inst. de excep.* Quem id effectum habeat, & quam conueniat ista distingui, refragante, ut videtur, regula iuris, *l. nihil interest. D. de reg. iur. require ex l. creditori. §. sup. de pact.* ubi pluribus quale hoc ius esset, exposui.

L. 1.

Imp. Antoninus A. Apronio.

Iam tibi scripsi, posse apud iudicem queri, an solemnibus verbis tutoris auctoritate interueniente, soror tua acceptilatione debitorem suum liberauit, quare si in repetenda pecunia quam exsoluit, diuersa pars perseuerauerit, vteris defensionibus competentibus. PP. 3. Id. Feb. Duobus & Apris Coss. 213.

Pvilla a debitore suo pecuniam accepit ea lege, ut debitorem per acceptilationem liberaret: quæ deinde liberauit auctoritate tutoris interposita. Ea decessit fratre herede relicto, qui nunc consulit Imperatorem. Ab eo fratre debitor pecuniam a se solutam repetebat tanquam ob causam datam causa nō secuta, quod diceret se dedisse, ut liberaretur per acceptilationem: se autem liberatum nō esse, cum minor possit in integrum restitui: nemo autem videatur vetere actione exclusus, quem prætor in integrum restitutum se pollicetur. *l. nemo. D. de integ. restitu.* Consultus Antoninus rescripsit, debitorem pecuniam repetere non posse, si modo sit liberatus solemnibus verbis, & accesserit auctoritas tutoris. Et recte. hæc n. sufficiunt ad debitorem liberandū. Nec debet in proposito metuere debitor restitutionem; quia, ut minor aut heres eius restituatur, non est satis minorem esse, sed etiam læsum esse oportet. Hic autem minor læsa non est, quæ pecuniam debitā accepit. Atq; hæc sunt defensiones competentes, quæ hic commemorantur, & quibus dicitur fratre pupillæ heredē vsurū esse.

L. 2. L. Vlt.

Exposui initio huius tituli.

AD TIT. XLV. DE EVICTIONIBVS.

S U M M A R I A.

- 1 *Venditorem ob emiſſionem rei vendita teneri iudicio emti.*
- 2 *Euincere quid.*
Non euincere rem, quæ emtori non auferitur, quamuis constet alienam aut pignori obligatam. ibidem
- 3 *Non euinci rem, nisi quæ auferitur iudicio.*
- 4 *Non euinci rem, quæ auferitur iudicio emtoris culpa, aut iniuria iudicis.*
- 5 *Euictio in summa quibus rebus contineatur. (tia.)*
- 6 *Euictionis nomine quæ actio, cui, in quæ, cuius rei gra-*
Quæ-

Quæstio de euictionibus hinc nascitur. † Sic ius est de obligatione venditoris, venditorem rem venditam tradere debere, & insuper euictionis nomine obligari, id est, si res vendita euicta erit, teneri eum emptori, ut euictionem, id est, euictionis periculum & damnum præstet. Hoc ius traditur in *lex emto. in prin. D. de act. emt. item in l. 6. §. hic. Ut vel hinc liquido appareat hanc obligationem partem esse obligationis emti & venditi, & ad eam partem iuris debere referri. Hoc iure posito quæritur de euictione, ac primum quando res euicta intelligatur. Quæstio in eo est, quid sit euincere, & quibus rebus euictio contingatur.*

- 2 Euincere † est rem iure iudicioq; possessoria auferre. Est auferre, ut intelligamus, quantumvis res vendita aliena sit, aut pignori obligata, idque constet: tamen emptorem aduersus venditorem regressum non habere rei venditæ nomine, quamdiu res illi ablata non erit, seu quamdiu illi rem venditam habere licebit sine cuiusquam interpellatione, scilicet quia non est euicta, quæ ablata non est. *l. habere. D. eo. leg. 3. hic.* Hoc autem indicat particula & in verbo *euincere*. Hæc enim particula motum significat, ut sit euincere ita vincere, ut ea victoria aliquid a victo in aduersarium transferatur. † Est auferre iudicio, ut intelligamus, si quo modo res perierit emptori, aut etiam ablata sit aliter quam iudicio, euictam non videri: ac proinde eius rei periculum a venditore non præstari. *l. si seruus. 21. in princ. allic quamuis. D. eo. l. atqui. §. omne. D. de neg. gest.* Hæc quoque sententia verbo vincendi efficitur. Nā victoria certamen præcedens significat. Duplex autem certatio est inter aliquos, una, quæ fit vi, altera quæ iudicio. Prior omni iure prohibita: posterior iusta & legitima. *l. ex stat. D. quod met. caus.* Iure autem vincere cum dicimus, verbo iuris legitimam certationem & legitimam victoriam intelligimus. † Est auferre iudicio & iure: quod & ipsum vincendi verbum significat. Is enim vincit, qui ratione vincit. Hoc eo pertinet, ut intelligatur rem vendita iudicio euicta, sic euictione præstari a venditore; si ob id res euicta sit, quia esset actoris, aut esset ei pignori obligata: ceterum si res aut culpa emptoris euicta sit, aut euicta iniuria iudicis, his rebus effici, ut venditor euictionis nomine non teneatur. De culpa emptoris est in *l. emtor. j. de iniuria iudicis est in l. si non iniuria. j. §. d. l. emtor. in si. eo.*
- 3 † Quæ si ita sunt, apparet euictionem tribus his rebus contineri. Primum ut res vendita emptori ablata sit. Tum ut iudicio ablata, & controuersia mota: Postremo ut ablata neque culpa emptoris, neque iudicis iniuria, sed tantum ob id, quod res esset peritoris, aut illi pignori obligata. Quorum aliquid si deest, emptor aduersus venditorem de euictione regressum non habet.
- 6 omnibus his concurrentibus habet. † Quo constituto, quæritur deinceps, quæ in eā rem sit emptori actio, cui detur, in quem, & cuius rei gratia, de quo multis rescriptis hoc titulo agitur: sed summa indicatur in *l. si tibi. 26. j.*

L. 1.

Impp. Seuerus & Antoninus, AA. Munio.

Emtor hereditatis rem a possessoribus sumtu ac periculo suo persequi debet. Euictio quoque non præstatur in singulis rebus, cum hereditatem iure venisse constet, nisi aliud nominatum inter contrahentes conuenit. PP. 6. Cal.

Martin. Seuerus A. 3. & Victorino Coss. 201.

S V M M A R I A.

- 1 Venditorem hereditatis res hereditarias, quæ ab aliis possidentur, nec persequi debere, & multo minus suo sumtu: & cur.
- 2 Solum in hoc teneri, ut cedat actiones suas periculo emptoris.
- 3 Rebus hereditariis singulis euictis venditorem ob euictionem non teneri, & cur.
- 4 Probandum idem, etsi res omnes hereditariae sint euictæ.
- 5 Vniuersitate qualibet vendita, ut grege, armento, peculio, idem ius esse rebus singulis ex ea vniuersitate euictis.
- 6 Qui affirmavit res aliquas esse hereditarias, eum de euictione earum rerum teneri, quasi ita conuenisset.

Venditor hereditatis res hereditarias, quæ ab aliis possessoribus tenentur, suo sumtu persequi non debet, siue eas nōdū tradiderit, siue tradiderit, & exciderit emptor earum possessione, & quidem siue culpa sua. Quod hic satis aperte significatur initio, dum statuitur, emptorem hereditatis id ipsum sumtu & periculo suo facere debere. Hic statim occurritur ex eo iure, quod de rebus venditis constitutum est, quo efficitur venditorem rem venditam tradere debere, ac nisi tradat, in id quod interest emptoris teneri. *l. 1. in pr. lex emto. in prin. D. de act. emt.* Dicendum est, vendita hereditate id ius ad res hereditarias non pertinere. Nam res hereditariæ non sunt hereditas. *Inst. de reb. corp. & incorp.* idq; est, quod pro ratione subiicitur in rescripto, cum hereditatem iure venisse constet. Hereditatem dictum, ut ex conditione rei incorporalis intelligeremus, hereditatem venditam esse, non res singulas, ut dixi. proinde & hereditatem præstari necesse esse, non etiam oportere res singulas. Imo & res singulas hereditarias tradere venditorem debere diserte scriptum est in *l. qui filius natus. D. de her. vel act. ven.* Quod si debet, etiam debet persequi suo sumtu. Nam nisi prius eas consecutus erit, tradere emptori nō potest. Sed quod illic dicitur, sic interpretandum est, si modo venditor res hereditarias habeat in sua potestate, aut dolo fecerit, quominus haberet. Nam is locus, & similes referri debent ad eam definitionem, quæ est in *l. 2. §. non tantum. D. de her. vel act. vend.* ex qua etiam pendet huius rescripti ratio, nempe venditor hereditatis emptori præstare debere id, quod ad ipsum peruenit ex hereditate, aut dolo fecit, quo minus perueniret. Cui congruit, ut si ipse habeat res hereditarias, eas & tradere debeat.

Sin † neq; habeat, neq; habere potuerit, nihil amplius debeat præstare emptori, quam actiones suas, ut significatur in *d. l. qui filius familias. in pr. de her. vel act. vend.* Quod si verū est, venditor actionibus suis emptori cessis liberatur. sic enim præstat, quod debuit. *l. 51 D. de pec.* Et quia liberatur, idcirco res amplius persequi non debet. quod si non debet simpliciter persequi, multo minus debet suo sumtu. Ita fit, quod hic dicitur initio, ut emptor hereditatis res singulas a possessoribus sumtu suo persequi debeat, si quidem velit eas habere. Additur eum persequi debere, & periculo suo. Quod hanc significationem habet, quamuis eas res non cōsequatur a possessoribus; tamen eo nomine aduersus venditorem hereditatis actione non habeat, neq; de pretio earum rerum, neq; de sumtibus in litem factis.

Ut autem venditor hereditatis res singulas here- 3

ditarias emtori tradere non debet : ita non dissimili ratione efficitur, quod subiicitur, ut euictio quoque non præstetur ab eo in rebus singulis, id est, ut rebus emtori traditis, quæ erant aut putabatur hereditariæ, si hæ emtori euincantur, venditor euictionis periculum nõ præstet. Sic enim ius esse diximus de euictione, ut venditor teneatur ob euictionem; sed his conditionibus, si euicta sit res vendita, & euicta non iniuria iudicis. Atque res singulæ hereditariæ non sunt venditæ, sed hereditas, quæ ratio hoc quoque loco in hanc partem redditur : cum constet, ait rescriptum, hereditatem iure venisse. Sed finge venisse res singulas. Tamen illud constabit non venisse nisi hereditarias. Atque hac ratione nunquam præstabit venditor euictionem rei euictæ. Vis enim non esse hereditariam non debetur eius euictio, quia non est vendita. Vis hereditariam esse tamẽ ideo non debetur, quia necesse est hoc modo euicta esse iniuria iudicis, quo casu negamus euictionem præstari. Hic autem emtorem iniuriam a iudice passum esse sic facile intelligitur. Nam si hereditaria fuit, heres eius rei dominus factus est. *l. cum heredes. D. de acq. poss. Si dominus, re emtori tradita simul in eum dominium transtulit. §. per traditionem. Instit. de rer. diuis.* Emtori domino res sine iniuria auocari non potest. *leg. id quod nostrum.*

4 *D. de reg. iur. §. Adeoque verum est, euictionem rerum singularum a venditore hereditatis non præstari, ut probandum sit, quod Ioannes vetus interpretes putauit, ne sic quidem ab eo præstari debere, quauis res omnes hereditariæ, aut quæ hereditariæ putabatur, sint euictæ. Nam & singulis rebus hereditariis omnibus euictis, nihilominus manet hereditas, quæ & vendita est, & præstatur: hereditas enim sine vilo corpore iuris intellectum habet. leg. hereditas. D. de petit. her. id est, intelligitur ius esse etiam sine vilo corpore.* Porro hereditas solum vendita est, non res singulæ.

5 Hæc ¶ sententia generalis est, pertinens ad omnes vniuersitates venditas. Veluti, si peculium venditum sit, si grex, si armentum, & quid ex rebus singulis, quæ eius vniuersitatis esse putabantur, euicti fuerit, quod declaratur exemplo peculii in *l. §. D. eo. tit.*

In his semper conuentio excipienda est, ut hic fit. Si conuenit, ut venditor rerum singularum euictionem præstaret, conuentio præstanda est, idque vel maxime ex iudicii emti & venditi natura, quod cum sit bonæ fidei, maxime conuentorum veritatem desiderat. *Lex emtio. D. de act. emti. ¶ Conuentionis species est, si venditor de substantia hereditatis affirmavit. l. nisi D. heredit. vel act. vendit. id est, si venditor dixit nominatim has & illas res esse hereditarias. Quare si postea hæ res euincantur, euictionem præstabit; quia ita affirmavit, ut præstaret, quippe propter eam affirmationem pluri vendidit. leg. sciendum §. 1. D. de adilit. ed. l. ea quæ in prim. D. de cont. emtio. & vendit.*

L. Quoniam. II.

Idem AA. Quartæ.

Quoniam auus tuus, cum prædia tibi donaret, de euictione eorũ cauuit, potes aduersus coheredes tuos ex causa stipulationis consistere ob euictionem prædiorum, proportionem sc. hereditaria. Nudo autẽ pacto interueniente, minime donatorem hac actione teneri certum est. PP. 2. Calend. Mart. Antonino A. 2. & Geta. l. l. Coss. 206.

S Y M M A R I A

1 Donatæ re euicta donatorem euictionis nomine non te-

neri & generaliter, quæ de præstationibus emti & venditi constituta sunt, ad res donatas non pertinere, & hoc quam recte.

2 Donatorem qui sciens rem alienam donauit, re euicta teneri de dolo, sed solum de sumptibus, quos donatarius in eam rem fecerit.

3 Actio de dolo quæ aduersus donatorem fraudulentum competit, quantum distet ab actione, quæ competit ob eius rei euictionem.

4 Donatorem euictionem rei donatæ præstare, si stipulatione cauerit, se præstaturum, non si nudo pacto tantum conuenierit.

5 Cum sine stipulatione paciscitur donator, se euictionem præstaturum, quamuis in donando id fecerit, nihilominus nudum pactum esse, quo non tenetur.

6 Non mutari hanc sententiam in *l. si quis argentum §. penult. Cod. de donat. quia nec simile pactum sit de re pacto donata tradenda, nec si simile esset, lex ius vetus emendans producenda sit ad consequentias.*

Constitutio iuris certi est diserite confirmata hoc loco: re donata donatario euicta, quod aliena donata esset, donatorem ei extra conuentionem euictionis nomine non teneri. Ex quo intelligimus, quod de euictione præstanda constitutum est in venditione, id ad res donatas non pertinere, vti placet nec cetera, quæ a venditore exiguntur. *l. ad res donatas. D. de ad. ed. Ius æquissime constitutum.* Nam aut donatarius rei euictæ pretium repetere vult a donatore, aut sumtus a se in eam rem factos, quos facturus non esset, si sciens rem esse alienam. Pretium repetere non potest: quandoquidem hoc ei non abest, qui propter rem nihil in donatorem contulit, quod secus est in emtore, qui pro re vendita dedit pretium. Sumtus a se factos iustius videbatur repetere posse; quia alia causa est damni, alia aduentitii lucri. *l. non debet actori. §. 1. D. de reg. iur.* Sed & hos a donatore, qui nihil dolo fecit, repeti iniquum est. Neque enim donator liberalitatis suæ poenam pati debet, ut est in *l. ad res donatas* ductum ex hac æquitate naturæ, quæ placet nulli officium suum debere esse damnosum. *l. sed si quis. D. iustam. quem. ap. l. si seruus. §. quod vero. in fin. D. de fur.* Nihil tale dici potest de venditore, qui in re vendita præstanda non confert beneficium in emtorem; sed id præstat, quod iure obligationis præstare necesse habuit.

Sane ¶ si quis sciens, rem alienam esse ignoranti 2 donauerit, & sic res euincatur, habet deceptus de dolo actionem aduersus donatorem, si quos sumtus in in eam rem fecerit. *l. Aristo. §. ultim. D. de donat.* Sed ne sic quidẽ efficitur, ut vel hoc casu donatario præstetur euictio. Quia enim de dolo actio est, non potest ei competere, nisi quatenus deceptus est a donatore. At non est deceptus in pretio & æstimatione rei donatæ. Non enim propter dolum æstimationem rei amisit; sed ideo, quia res aliena erat, idem passurus, etsi donator ignorans rem alienam donasset. Quare ne hoc quidem casu re euicta donatarius de æstimatione rei recte agat, cui in eam rem ne actio quidem de dolo competit. In eo fraudatur donatarius, si quos sumtus fecit in rem donatam, quos si rem alienam esse scisset, non esset facturus. Et hætenus erit ei de dolo actio, ut hos sumtus, & quidquid eo nomine illi abest, a donatore recuperet. *dict. leg. Aristo. §. ult. D. de*

3 *D. de don.* Sed † & hic vide, quantum distet hæc actio ad sumtus recipiendos ab ea actione, quæ ob euictionem competit in id, quod actoris interest. Quia hic de dolo actio est, hinc intelligimus, si donatari⁹ dum res ab eo vindicatur, eos sumtus a petitore retinere potuit doli mali exceptione opposita, de his postea aduersus donatorem agere non posse. Potest autem eos sumtus, si utiles fuerint, & si rem possidebat, seruare a petitore, *l. sumtus, D. de rei vind.* Id si non fecit, doli actionem aduersus donatorem non habebit. Quisquis enim rem saluâ habere potest vilo alio remedio, quam actione de dolo, placet eum actionem de dolo non habere, quamuis ad rem seruandam exceptionem tantum habuerit, *l. 1. §. ait prator. D. de dol.* Næc interest, utrum donatarius exceptionem adhuc habeat ad sumtus seruandos, quos fecit, an vero eam amiserit sua culpa, vt hic contigit, *dict. leg. 1. §. pen. D. de dol.*

4 Vna est ergo † conuentio, quæ donatario re donata euicta actionem ob euictionem possit præstare. Sed hoc præstat non omnis. qua in re est distinctio huius rescripti, vt si quidæ donator de euictione cauit donatario, teneatur eo nomine. Si tatum conuenit, vt præstaret, idque nudo pacto, non teneatur. Si cauit, sic interpretandum est ex significatione verbi vsitata, si per stipulationem cauit, siue si stipulanti promisit se euictionem præstaturû. *l. sancimus, supr. de verb. sign.* Distinctio ex iure certo sumta. Nam ex stipulatione iure ciuili actio nascitur, *§. de constituta, Inst. de act.* Ex pacto autem nudo non nascitur, *leg. in rescriptum, §. sed cum nulla, §. quinimo, l. diuisionis, D. de pact. l. legem, supr. de pact.* Tale est autem pactum, cum citra stipulationem donatarius pactus est sibi a donatore euictionem præstari. Id enim pactum non nudum dicitur, cum quis dedit, aut fecit quid ea lege & pacto interposito, vt vicissim sibi quid daretur, aut fieret. Contra vbi pactus est sibi quid dari aut fieri, neque prius quidquam dedit, aut fecit ea lege, vt illud, de quo pactus est, sibi præstaretur, id pactum nudum dicitur, *d. l. legem, supr. de pact.* nudum id est, solum, quod nihil habet ad obligationem cõtrahendam præter conuentionem. Huiusmodi, † inquam, pactum est, cû donatarius paciscitur sibi euictionem præstari, quamuis id paciscatur tunc, cum res ei donatur. Nam is nihil prius donauit aut fecit donatori ea lege, vt sibi ea euictio præstaretur, sed contra a donatore accepit. Pactum igitur nudum est ex superiore definitione: ex quo genere iure ciuili non nascitur actio. Hoc loco † quæsitum est, num hoc ius mutatum sit constitutione Iustiniani, *l. si quis argentum, §. pen. j. de don.* quoniam illic constitutum est noue a Iustiniano, vt ex solo pacto de donâdo obligetur donator in hoc, vt rem tradat, quam se donare dixit, idque ad exemplum venditionis. Vulgo placet ea constitutione ab hoc rescripto recessum esse, & ex pacto solo vel de donâdo, vel de euictione rei donatæ præstanda donatorem æque teneri, atque si stipulatione cauisset. Mihi falsum videtur. Et constat huius sententiæ ratio. Necessè est enim, quod hic cõstitutum est, ex iure publico manere, nisi aperte & specialiter sublatum sit. *l. precipimus in fi. supr. de appel.* Non mutatur autem hoc ius superiore cõstitutione Iustiniani. Nam sic ille vult ex pacto de donâdo obligari donatorem, vt vbiq; nominatim adiciat se velle ad hoc, vt donator rem tradat, quemadmodum in venditione venditorem tradere oporteret. Ex quo colligitur,

si donator rem de qua donanda pactus est, tradiderit donatario, legi Iustiniani satisfactum esse, eoque & donatorẽ liberari. Cui rursus consequens est, si postea res tradita euincatur, euictionem a donatore non debere præstari, quia nihil de eo cautum sit lege Iustiniani, & quia prius donator liberatus sit tradendo, vt diximus. Sed & hoc euidenter efficitur ex sententia eius constitutionis. Apparet enim Iustinianũ voluisse, eum qui pactus est de donando, ex hoc pacto teneri, vt ita rem tradat, vt traderet, si vltro donasset. Denique non vult ex hoc pacto donatorem amplius teneri, quam vt faciat, quod faceret, si sua sponte rem tradidisset. At omnib. interpretibus consentientib. si donator vltro sine pacto re donauerit, & tradiderit, ea euicta non tenetur. Quare nec tunc tenebitur, cum ex pacto tradiderit. Nihil ad rem pertinet, quod Iustinianus voluit hoc pactum actionem parere, atque hoc modo pactum stipulationi cõparari. Sane enim hic comparat: sed videndum est, quatenus, ne vltra quam voluit, eius cõstitutionem producamus ad ius vetus emendandum. Dedit ex hoc pacto actionem tantum, vt res traderetur, non etiã vt ea re euicta præstaretur euictio. Quapropter & intra hos fines cõsistere debemus: nec de re euicta ex pacto actionẽ dābimus, de quo ille nihil cauit. At enim vtrumque pactum alteri simile est, est enim vtrumque de re donata: prius de tradenda; posterius de retinenda, & perpetuo habenda. Proinde & in hoc posteriore, dicit aliquis, ius idem statuendum, *l. illud, D. ad leg. Aquil.* Sed non est in vtroque par ratio eius tuendi. Vt rem tradat donator ex pacto, nulla eius iniuria est, certe nulla pœna, siue res eius est, siue est aliena, cum tradere possit, quam apud se habet. At re aliena forte donata si euicta sit, id agi pacto, vt id periculum donator præstet: hic vero eius damnum & pœna versatur. & iniquum est eo casu quemquam liberalitatis suæ pœnam pati. hoc ita Modestinus de huiusmodi præstatione scribit in *dict. leg. ad res donatas, D. de ad. ed.* Sed demus & pacti de re donata tradenda, & pacti de eius euictione præstanda eandem rationem & æquitatem esse. Non tamen istis concedendum est, quod de priore constitutum est, vt valeat, idem quoque admittendum in posteriore. Prius enim admissum est a Iustiniano contra iuris communis de pactis rationem. Proinde certo iure vtimus, vt non sit producendum ad consequentias, etiam in quibus videatur eadem ratio, *l. quod vero, D. de leg.* Postremo illud tenendum est, quod supra dixi, cum quid immutatur ex priore iure, si quid specialiter immutatum non sit, id veterum legum & constitutionum regulis relinqui oportere, vt diserte cautum est in *d. l. precipimus in fin. supr. de app.*

Ad L. 3. Quirem.

Idem AA. Aureliano.

Quirem emit, & post possidet: quamdiu euicta non est, autorem suum propterea, quod aliena vel obligata res dicatur, conuenire non potest. PP. 8. Cal. Aug. Faustino & Rufino. Coss. 211.

S V M M A R I A.

1 *Quamdiu res vendita tradita emptori euicta non est, tamdiu cum venditore nullam actionẽ esse, quamuis consuet rem alienam aut pignore obligatam esse, idque esse perpetuum.*

2 *Quam varie consistere possit actor aduersus vendi-*

tozem etiam re nondum euicta: sed quam hoc nihil superiori sententia, qua huius loci est, aduersetur.

- 3 Venditorem rem venditam tradendo quamuis alienam liberari: ceteros debitores, qui rem debuerunt, nullo modo, & differentia ratio.

I Certi iuris est, re vendita emtori euicta emtorem aduersus venditorem euictionis nomine actionem habere, l. 6. *infr.* Quid, si res nondum euicta sit, conset tamen aut alienam esse, aut pignori obligatam, aut hominem qui venditus est, liberum esse, & in libertatem proclamare posse? denique rem venditam in ea causa esse, ut emtori auocari possit? An emtor venditorem suum possit eo nomine conuenire vel in id quod sua interest rem perfecte suam factam esse, vel ut sibi pretium restituatur, queritur. Constituitur hoc loco, non posse, idque est quod in *lex emto, in prin. D. de actio. emt.* traditur, venditorem rem solu tradere debere. si tradiderit quamuis alienam, ita liberari, ut tantum euictionis nomine obligetur. Nihil est hac sententia verius, neque rotundius. Multa colligit Accursius in glossa, quae ipse pro contrariis citat. ad quae explicanda hac ratione utitur, ut dicat ea certam rationem diuersitatis habere. Non recte, non quod emtor aduersus venditorem suum non possit multis de causis consistere etiam re nondum euicta, sed quod nihil ea causae aduersetur huic loco, utpote quae omnes verbis huius rescripti satis remoueantur. Nam in eo nihil otiose scriptum est. Id ut intelligatur, sic habendum est.

2 Emtor t venditorem suum etiam re nondum euicta conuenire potest, sed ob alias causas, quam quod res aliena, aut pignori obligata sit. Rursum ob hanc ipsam causam, quod res aliena est, aut pignori obligata, potest emtor consistere aduersus venditorem suum: sed non ut petat sibi ab illo aliquid dari, vel restitui, sed ne ipse cogatur postea quid dare ei, aut ab eo accipere: quod excipiendo consequitur, non conueniendo. Conuenire debitorem suum potest, sed re non tradita, ut sibi tradatur, l. 1. *in pr. D. de act. emt.* Quod si venditor alienam offerat, aut pignore obligatam, est in potestate, emtoris non accipere; quod fit recusando, non venditor conueniendo. l. 5. l. si post perfectam. *infra eo.* Nuncautem hoc rescriptum vetat, ne emtor conueniat venditorem. Item re tradita potest emtor petere a venditore, ut repromittat sibi rem habere licere. l. ex emto *in pr. & §. venditorem etiam. D. de act. emt.* Hoc amplius potest petere, ut venditor eo nomine dupla aut simpla repromittat pro ea distinctione, quae legitur in *lex emtori. D. de euict.* Sed nihil hac ad hunc locum. Non enim petitur hac repromissio, quod res aliena sit, sed quod sine his non videatur tradita. Nam etsi res esset venditoris, tamen promittere cogeretur. Praeterea si venditor sciens rem alienam ignoranti emtori vendidit, & tradidit, placet statim emtorem agere posse aduersus venditorem in id, quod sua interest. l. 4. *in pr. l. seruus quem §. ult. D. de act. emt.* Sed hoc non eo fit tantum, quia res aliena vendita est; sed quia emtor deceptus est: non acturus alioquin si deceptus non esset, quantumuis res aliena esset vendita. Nihil est igitur verius, quam quod hic dicitur, re vendita tradita emtorem non posse agere aduersus venditorem suum, non simpliciter, sed ob eam causam, quod res aliena est, aut pignori obligata. In quo cum lex inhibeat tantum actionem aduersus

venditorem, & eam ex superiore causa, apparet, si emtori licet consistere aduersus venditorem alio modo, quam agendo, & ob aliam causam, quam supra scriptam, nihil his contrarium dici in hoc rescripto. Sane si conuenierit inter emtorem & venditorem, & simulatque controuersia mota erit de re vendita, liceat emtori aduersus venditorem eo nomine agere, conuentio seruanda est, l. siue in libertate 12. hic Sed ne hoc quidem huic loco aduersatur, in quo respondetur de iis, quae secundum naturam emti & venditi praestanda sunt, aut non sunt. Ea autem natura conuentione mutari potest. nam contractus ex conuentione legem accipiunt, l. 1. §. si conuenit, *D. de po. l. contractus. D. de reg. iur.*

Illud t animaduertendum est, quod placet, re quamuis aliena, aut pignori obligata tradita, non eo magis venditorem ab emtore conueniri posse, in venditore recte dici, ad ceteros debitores, qui rem aliquam praestare debeant, non pertinere. Liberatorem venditor, quamuis rem alienam dando, propterea quod in hoc solum obligatur emtori, ut ei rem tradat, & ei habere licere praestet. quod fieri intelligitur, quamdiu res vere emtori euicta non sit. *dict. leg. ex emto. in prin. & l. seruus quem. 30. §. ultim. D. de actio. emt.* Ceteri debitores, qui rem aliquam debuerunt, id est, qui debuerunt dare creditori suo vel ex stipulatu, vel ex legati causa, vel dotis, & similibus, in ea causa sunt, ut si rem alienam aut pignori obligatam creditori suo soluerint, denique eam quae perfecte non fiat accipientis, placeat nullo modo eos liberari, sed creditori pristinam actionem manere, qua statim agere possit, ut sibi ea res quae debebatur, praestetur, l. cum quis. §. qui hominem. *D. de solut.* nimirum quia & hoc conditio obligationis facit. Nam dare est dominium transferre. §. si itaque. *Instit. de act.* Unde qui promisit se fundum daturum, dicitur in id obligari, ut omnimodo rem faciat accipientis, l. ubi autem, §. ult. *D. de verb. oblig.* Non dat autem rem, aut dominium eius transfert, qui eam rem dat, quae iure potest creditori auocari. Proinde debitor ita dādo non praestat, quod debuit. ex quo etiam efficitur, ut non liberetur: quoniam tollitur quidem solutione obligatio, sed solutione eius quod debetur. *Instit. quibus mod. tol. obl. in prin.*

Ad L. 4. Si pradium.

Imper. Antoninus A. Georgio.

Si pradium tibi pro soluto datum est, quod aliis creditoribus fuerat obligatum: causa pignoris mutata non est. Igitur si hoc iure fuerit euictum, utilis tibi actio contra debitorem competit. Nam huiusmodi contractus vicem venditionis obtinet. PP. 11. Cal. August. Duobus & Aspris Coss. 213.

S V M M A R I A.

- 1 Extra emtionem, aut si qui sunt contractus emtioni similes, actionem ob euictionem non esse.
- 2 Pignore in solutum dato cur non videatur contrahi emtio.
- 3 Re in solutum data emtionem contrahi videri, & unde hinc ea re euicta creditori esse actionem utilem ex emto ob euictionem.
- 4 Emtor ab eo, qui in solutum accepit, cur distinguatur.
- 5 Re in solutum data euicta veterem actionem creditori manere: sed nihilominus ei actionem utilem ex emto competere: & quid intersit, hac an illa creditor experiat.

Quicquid debebat, prædium volenti creditori in solutum dedit. Id prædium cum aliis creditoribus obligatum esset, ab iis postea ei creditori, cui datum erat, iudicio euictum est. Quæsitum est, *an is creditor prædio euicto actionem habeat aduersus debitorem ob euictionem in id quod sua interest?* Sed hæc quæstionem præcedit illa necessario, *an cum debitor prædium creditori in solutum dedit, sublatum sit eo prædio pignus aliorum creditorum, an vero manserit?* Nam si mansit, iure ab illis euinci potest, & ita locus fieri actioni ob euictionem. Quod si sublatum est pignus ea alienatione, non potuerunt creditores, quibus obligatum erat, id prædium iure euincere. Quo fiet, ut si euincant, id contingat iniuria iudicis, non actorum iure. Iniuria autem iudicis actor non præstat ei, cui rem tradidit, etiam si tradiderit ex causa emtionis. *l. si per imprudentiam. D. eod. l. emtor. infr. hic.* Quamobrem & de eo respondetur hic primo loco, ut sic deinde recto ordine perueniatur ad quæstionem de euictione. Placet ergo prædio in solutum dato, nihilominus causam pignoris aliis creditoribus constituti integram manere, quod rescriptum est ex iure certo, quod est in *l. debitorē, l. distractis. supr. de pig. l. si debitor. supr. de distract. pign.* Ex quo intelligitur, si creditores postea prædium euincant, iure ab illis euictum videri, ac proinde nihil esse in alienatione debitoris, quod impediat actionem de euictione. Hoc posito, tamen adhuc dubitabitur, *an creditor, cui prædium euictum est, possit agere ob eam euictionem aduersus debitorem: nec abs re dubitatur.* Nam si in proposito emtio contracta non est, creditor nullam actionem habet euictionis nomine. Primum, quia de eo nihil conuenit inter debitorem & creditorem, cum prædium in solutum daretur. Deinde, quia etsi conuenisset, tamen creditor ex ea conuentione actionem non haberet. Est enim pactum nudum: quia nihil dedit, aut fecit creditor ea lege, ut si bi id prædium præstaretur, aut eius prædii euictio, ex pacto autem nudo actio non nascitur. *l. legem supr. de pact.* Nihil eum dedisse debitori certum est. Nam debitor rem quam debebat, prius ut suam habuit, neque aliam a creditore accepit, aut si accepit, accepit sine ullo pacto & conditione. Quibus tamen de causis generaliter probatum est, extra emtionem, & si qui sunt contractus emtioni similes, actionem ob euictionem non esse, ut hoc rescripto satis declaratur, & *l. iuncta, l. 2. supr. de rer. per.* quibus in locis de re in solutum data, aut permutata datur ob euictionem actio, solum hac ratione, quod hic negotia gerantur, quæ vicem emtionis obtinent. Atqui tamen pignore in solutum dato creditori, de qua specie nunc agitur, non videtur dici posse emtionem esse contractam. Non modo enim nihil dictum est de emtione, sed etiam aperte prædium in solutum datum est. Sed etsi rem & mentem contrahentium spectemus, idem dicemus. Nam qui dat in solutum creditori suo, id agit, ut negotium & obligationem præcedentem distrahat. Contraria sunt autem velle negotium distrahere, & velle contrahere. Quare qui in solutum dedit, non intelligitur contrahere voluisse, ac proinde non contrahit: collectio est *§. is quoque in fin. Instit. quibus mod. re con. obl.* Hæc dubitatio est, quæ mouit quæstionem huius loci.

3 Et responderetur, tamen nihilominus creditori vtilem actionem aduersus debitorem competere. Sed non adicitur, quæ actio, neque ad quid competat. Et a-

tionem vtilem intelligere debemus ex emto, quæ in hoc genere solet competere, cum res in solutum data euicta est, ut diserte traditur in *l. eleganter, in pr. D. de pign. act.* Sed & hoc ex ratione huius rescripti satis colligitur, quæ ad aliam sententiam confirmandam referri non potest. Est enim hæc: nam huiusmodi contractus vicem venditionis obtinet. Primum Alexander contractum nominat, deinde ait, *eum vicem venditionis obtinere*, ut hic quasi venditionem contractam intelligamus, unde fit illa actio utilis, quæ nominat. Sed quomodo hic potest esse emtio, ubi & verba repugnant, & finis soluentis, ut diximus? Emtio esse intelligitur ex iis rebus, quæ interueniunt. Nam quoties pecunia pro re datur, toties emtio contrahi intelligitur, *l. naturalis, in prin. illic. Et si quidam, D. de pres. verb.* Id autem fit in proposito. Non obstat, quod aperte pretium hic non dicitur: de quo tamen in emtione contrahenda conuenire oportet. *§. pretium. Instit. de contr. emt.* Satis enim pretium dicitur rei solutæ, cum ea datur pro pecunia, quæ debetur. Apparet namque rem tanti aestimari, quanta est summa, quæ debetur. Sed tamē quia verbis aperte non contrahitur emtio, eo fit, ut non proprie emtio esse existimetur. Unde non datur directa actio ex emto, sed tantum utilis, quia scilicet contrahatur quasi emtio, siue, ut loquitur rescriptum, quia contrahatur id negotium, quod obtinet vicem emtionis: ut pote omnia habens, quæ sunt emtionis propria. Nam quod supra diximus, *debitorem prædium in solutum dando non id agere, ut contrahat, sed ut distrahat potius*: utrumque verum est, debitorem prædium hoc in solutum dare & contrahendam emtionis causam, & nihilominus præcedentis obligationis dissoluendam. Præcipuus quidē eius finis est, ut liberetur obligatione, nam nisi solutum voluisset, non vendidisset prædium. Sed ut ad hunc finem perueniat, prius hoc ei propositum est, ut vendat, cum enim pecuniam non haberet, unde solueret, idcirco vendidit prædium creditori, ut pretium inde debitum cederet in eam pecuniam, quam debet, atque ita compensatione liberaretur. Recte ergo dicimus euicto eo prædio emti actionem vtilem creditori competere ob eam euictionem. Quid tamen estigitur, quod in *l. libera in fin. supr. de sent. Et inter. aperte* distinguitur emtor ab eo, qui in solutum accepit? Nempe hoc significat, hunc posteriorem non esse emtorem, ut est is qui aperte emit. Quod & nos fatemur. Ideo enim non emtorem, sed quasi emtorem esse dicimus. Et tamen quod illic dicitur, *cum ancilla in solutum data est, posse ea euicta debitum repeti*, sane hoc significat, & verum est, euicta re in solutum data, veterem actionem de debito manere. Sed ea res non facit, quo minus etiam creditori competat utilis emti actio, ut est in *d. l. eleganter, D. de pign. act.* Vtramque hanc creditori competere non est otiosum. Re euicta, expedit ei emti actionem potius habere. Est enim hæc multo quam illa plenior: quippe quæ datur in id quod creditoris interest, prædium euictum non fuisse, *l. si tibi, infr. hic.* Quod sæpe pretium excedit, ut est in *l. i. in pr. D. de act. emt.* In eo enim continetur, & quanto pluris res valuit, & præterea, quæ in rem emtam, ut melior fieret, erogata sunt, *l. si controuersia, 9. l. cum successores, 23. infr. eod.* Rursum re nondum euicta, vtile est actionem de eo quod debebatur, adhuc saluam habere. Nam tum actio ex emto creditori nulla est, quæ tunc solum competit, cum

ra 88. D. de verb. oblig. Hoc autem denuntiare venditori, ut ad agendum causam emtori adsit, hoc loco dicitur auctorem laudare. quod quia ad questionem sequentis rescripti pertinet, ibi dicitur.

Ad L. 8. Emtor.

Idem A. Clementino.

Emtor fundi, nisi auctori aut heredi eius denuntiaverit, euiclo pradio, neque ex stipulatu, neque ex dupla, neque ex emto actionem contra venditorē, vel fideiussorem eius habet. Sed & si iudicio emtor non adfuit, aut praesens per iniuriam iudicis victus est absente auctore, vel fideiussore: regressum aduersus eum non habet. PP. 8. Id. Decem. Alex. A. Cos. 223.

S V M M A R I A.

- 1 Iurere euinci oportere? & hoc quid sit.
- 2 Euictare vel culpa emtoris, vel iniuria iudicis, venditorem ob euictionem non teneri.

*Liatura duo et postea in
in quo libet ex glo. hec posui*

Culpa emtoris euicta rem intelligi his modis.

- 3 Si de possessore petitor factus ob id victus est.
- 4 Si cum posset faciliore iudicio rem persequi, maluit difficiliore experiri, exempla.
- 5 Si emtor aliqua exceptione ex persona sua remotus est.
- 6 Si causam non defendit, ut debuit, dum aut non adfuit causa agenda, aut exceptiones aliquas praetermisit.
- 7 Si venditori non denuntiavit in tempore liti sibi moueri: & cur.
- 8 Denuntiandum venditori, heredi eius, non necesse esse denuntiare fideiussori.
- 9 Denuntiationem omissam emtori non nocere, siue venditor absit: siue fecerit, ne sibi denuntiaretur: siue iuste ignoret emtor, ubi sit.
- 10 Denuntiandum etiam pupillo venditoris heredi, quamvis ei, or absit.
- 11 Denuntiandum venditori, quamvis litem moueri emtori non ignoret.
- 12 Quo tempore denuntiandum sit, ut ad agendam causam adsit: quo tempore heredi sibi aliena soluta moueatur de care controuersia legatario.
- 13 Auctor propriis venditor ab augendo: & cur.
- 14 Auctor per metaphoram omnis qui alicuius rei habenda alteri causam prebet: unde translatus.
- 15 Laudare auctorem quid.
- 16 Venditore causam negligente emtorem nihilominus causam agere debere. hac deserta si vincitur, actionem de euictione non habere.
- 17 Iniuria iudicis victo emtori euictionem non praestari.
- 18 Fideiussorem iniuria iudicis victum nihilominus actionem habere aduersus reum pro quo soluit: & cur dissimiliter in emtore iniuria iudicis victo, cum agitur aduersus venditorem.
- 19 Emtorem a venditore de proprietate rei victum, licet culpa emtoris est, qui agentem exceptione non remouit, aut iniuria iudicis, nihilominus actionem habere ob euictionem: & cur.

tur venditor, quam si condemnatus sit, cum mala causam haberet, puta, quia res in ea causa esset, ut iure ei euinci posset, vel tanquam aliena, vel tanquam pignori obligata. Quapropter & duabus de causis efficitur, ut quamuis res euincatur iudicio: tamen venditor ob eam euictionem non teneatur. Vna causa est, si res euicta sit culpa emtoris: altera, si euicta sit iniuria iudicis. Prior causa hic vno & altero exemplo declaratur: posterior etiam expressa est, utraque differte comprehensa in l. 1. sup. de rer. perm. de utraque cognoscendum est.

Culpa emtoris est, cum ea praetermisit, quae ad retentionem aut defensionem rei pertinebant, & ob id victus est. Id autem quinque modis accidit. Primus est, cum emtor sua culpa possessionem rei venditae amisit, quae ex re de possessore petitor factus victus est: non quia possessor probaret se dominum esse, sed quia emtor se dominum esse probare non potuit, unde & possessor absolutus est, iuxta l. qui accusa. sup. de eden. Species posita in l. si rem, §. 1. D. eo. Hoc factum negari non potest, quin emtor victus sit sua culpa: cum si possessionem retinuisset, aduersarius eius rem non euicisset. Etenim si egisset aduersus emtorem, neque de iure suo probare potuisset, ut nunc probare non potuit, emtor idemque possessor esset absolutus, & in suo loco mansisset possessio, d. l. qui accusare. §. retinenda. vers. commodum. Inst. de inter d. Secundus & modus est, cum emtor quamvis casu & sine culpa possessione amissa, cum faciliore iudicio & expeditiore rem persequi posset, maluit difficiliore experiri. Veluti, si cum posset Publiciana agere, aut actione, quae competit de agro vectigali, rei vindicatione uti maluerit, cum esset a venditore admonitus, l. si cum venditor, D. eod. Publiciana actione is vincit, qui probat solum se ex iusta causa ab aliquo accepisse: quod facile probatu est. Actione de agro vectigali is vincit, qui actorem suum non dominum, sed vectigalis praedii possessorem solum fuisse probat. At in rei vindicatione non est satis probare se rem ex iusta causa accepisse, sed probandum est etiam, eum a quo acceperis, dominum fuisse: quod est probatu difficilimum. Intelliguntur haec ex §. namque. Inst. de act. l. in rem. D. de res vind. & l. 1. D. si ager vectig. vel omph. pet. Tertius modus est, cum idoneo & expedito iudicio vltus emtor aliqua exceptione remotus est, quae ei obiecta sit a possessore ex persona eius, l. hoc iure, & sequ. D. eod. Veluti, si cum excidisset emtor possessione rei, & mota controuersia inter eum & possessorem pactus esset, se fundum illum amplius non petiturum, aut iurandum possessori detulisset, & ille iurasset suum fundum esse: post deinde ipse iudicio de ea re instituto summotus sit a possessore exceptione pacti superioris, aut exceptione iuris iurandi, quatuor utraque ex persona & facto emtoris aduersus illum nata est. Quartus & modus est, cum emtor possessionem rei ad huc retinet: sed dum res ab eo vindicatur, causam non defendit, uti oportet, & debuit, quod dupliciter contingit. Vno modo, si non adfuit, quae causa hoc rescripto addita est in illis verbis, sed & si iudicio, & clarius posita est in leg. si deo, in princ. D. eod. Altero modo, si emtor cum exceptiones aliquas haberet, eas praetermisit exemplo fideiussoris, qui idem fecit, de quo in leg. idemque, §. generaliter, Dig. mandat. Postremo & hoc in praecipua culpa emtoris numeratur, cur vincatur, si venditori suo non denuntiet litem sibi moueri de

De verbis iuris ad hanc denuntiationem signifi-
candam vſitatis monendi ſumus totum hoc, denun-
tiare venditori, vt ad agendum adſit, veteres vno ver-
bo dixiſſe laudare auctorem ſuum, *vt in l. auctore. §. l.*
Herennius. §. 1. ff. eo. Quorum verborum hæc ſignifi-
catio & ratio eſt. Auctor † venditorem proprie ſig-
nificat, quod cum ex innumeris aliis locis intelli-
gitur, tum maxime ex hoc ſcripto, & *l. ſi controuerſia.*
ſeq. Ita dictus venditor ab augendo. An quod, vt qui-
dam volunt, venditor augeat emtorem re vendita?
Non ſatis conuenienter rei hoc dicatur. Iſta enim
ratione etiam emtor, & iſ quidem maxime dici de-
buit auctor, quia præcipue iſ augeat venditorem præ-
rio, cuius dominium in venditorem transferre de-
bet, cum venditor nihil amplius debeat, quam rem
tradere. *l. ex emto. in pr. ff. de act. em.* Nunc autem ſci-
mus nunquam emtorem auctorem dici, ſed ſemper
auctorem ab emtore diſtingui. *l. hoc iure. §. 1. ſeq. ff. eo.*
& hac l. emtor. & l. ſeq. Sed dicitur auctor ab augendo
prærio: quia venditor iſ demum eſt, qui cum eſſe et
emtore prærium augeat, vt puta, emtor offert viginti
vnditor dicit, non eſſe ſatis, & poſtulat aliquid ad-
di. Emtor addit quinque: venditor negat adhuc eſſe
ſatis. Emtor addit alia quinque, vt ſint triginta. Et hoc
vnditori placet. Hic perſpicuum eſt, hæc omnia

II esse supra diximus. Quæsum est hoc loco, si an ven-
ditori præsentī denuntiandum sit, si is litem emtori
suo moueri non ignoret. Mouet dubitationem,
quod dicitur non esse certiorandos eos, qui non ig-
norant. *l. in si. ff. de act. emt.* Et recte placuit nihilomi-
nus venditori denuntiandum, vt ad agendam caus-
sam adsit. Nam ea rescripta, quæ de hac denuntiatio-
ne circūimus, putā hoc, *Et si seq. si parentes. l. cum suc-
cessores. j.* denuntiationem præcise exigunt. Vbi au-
tem lex denuntiationem exigit, hanc semper inter-
uenire oportet, etiam si is cui denuntiandum ex lege
est, non ignorauerit id, de quo agitur. *l. denuntia. ff. de
pr. ff. ad leg. Jul. de adult.* At enim recte dicitur non es-
se certiorandos eos, qui non ignorant. Rectissime,
dum de eo agatur, quod non ignorant. Sed id huc
non pertinet. Etenim lite emtori mota de duabus
rebus agitur, quarum vnā scit venditor, alterā ig-
norat. Is emtori mouetur: hoc scit venditor, de ea
re moneri non debuit. Sed agitur præterea de vólun-
tate emtoris, quæriturque, vtrum sibi velit adesse
venditorem, an vero causam periculo suo agere.
Hanc voluntatem cognoscere venditor non potest,
nisi emtor ei denuntiet, quid fieri velit. Recte igitur

[illegible]

- aucta esse emtori a venditore: unde merito auctor
 14 dictus, quoniam auget. Idem t̄ venditor dominus est
 rei, certe rei habendæ & possidendæ ius habet: quod
 & ius in emtorem transfert venditionis iure. Inde fa-
 ctum, vt omnes qui alicuius rei habendæ & obtinen-
 dæ initium ac causam alii præstarent, hi dicerentur
 auctores ei rei. *l. 4. §. auctoris. ff. de dol. & met. excep.*
 15 Laudare t̄ autem veteribus est nominare, & ap-
 pellare, vt *Agellius docet libr. 2. cap. 6. Macrobi. libr.*
6. cap. 7.
 16 Ex t̄ his apparet, si controuersia mora de proprie-
 tate rei venditæ emtor sibi consultum velit, recte e-
 um facturum, si statim id denuntiet auctori suo. Si is
 causæ defensionem suscipit, liberatur emtor omni
 molestia iudicii, & nihilominus re euicta actionem
 habebit de euictione. Quod si venditor defensio-
 nem negliget, sciat emtor non ideo se liberari, sed vt
 in causa sua agere debere, & causam defendere, qui-
 buscunque modis potest. Quod nisi faciat, quia sua
 culpa vincitur, euictio ei non præstatur, vt hic tradi-
 tum est.
 17 Sed t̄ etsi omnia faciat emtor, quæ ad defensio-
 nem rei pertinent: tamen etiam altera causa est, quæ
 inhibeat actionem ob euictionem, si iniuria iudicis
 res euicta sit, vt hoc rescripto item comprehensum
 est. Neque hic quidquam interest, vtrum emtor sor-
 dibus iudicis & corruptione victus sit, an imperitia,
 vt est in *l. si per imprudentiam. ff. eo. Quod ideo dictum*
est, quia si iudex pecunia corruptus sententiam ad-
uersus emtorem tulerit, sententia nullius momenti
est. l. venales. §. quan. prouoc. non est nec. vt hoc casu
cum emtori sententia nihil noceat, frustra ei detur ac-
tio aduersus venditorem euictionis nomine. Sed
non idem iuris est, si iudex per imperitiam iudicauit:
valet enim sententia nihilominus, nisi prouocatum
sit. l. cum prolatis. ff. de re iud. Vnde dubitatio, quæ exi-
mitur in d. l. si per imprudentiam, cum adicitur, etsi
per imprudentiam iudicauit iudex: tamen emtorem
aduersus venditorem regressum non habere, addita
hac ratione, quia iniuria emtori facta venditori no-
 18 cere non debeat. Sed opponitur t̄ exemplum fide-
 iussoris. Nam quemadmodum emtor si conueniatur
 de proprietate rei, causam recte tueri debet, vt acti-
 onem ob euictionem habeat: ita & fideiussor con-
 uentus si aliquas exceptiones habeat ex persona rei
 principalis, iudicio contendere, & his exceptionibus
 vti debet, vt mandati actionem aduersus reum nan-
 ciscatur, si postea victus soluerit. *l. idemque. §. generali-*
ter. ff. mand. Et tamen si fideiussor nulla sua culpa, sed
iniuria iudicis victus sit, nihilominus mandati actio-
nem habet. l. exceptione 67. ff. de fideiuss. Cur non igitur
& in emtore iniuria iudicis victo idem dixerimus?
 Sed in promptu est differentia ratio. Nam emtione
 contracta omne periculum rei ad emtorem perti-
 net. *l. necessario. ff. de per. & com. rei vend. §. cum autem.*
Inst. de emt. & vend. In periculo autem & casu fortui-
to est omnis iniuria ab alio illata: quia nulla diligen-
tia iniuriam alienam vitare possumus. l. ad eos. ff. com.
l. sed de damno. ff. loc. Quare & hoc periculum iniuria
ad emtorem pertinebit. Diuersa causa est fideiussor-
 is: huius negotium in fideiussione non geritur, sed
 rei principalis: quam ob causam & ipse, & quisquis
 negotium alienum gerendum suscepit vel ex man-
 dato, vel sine mandato, culpam tantum & diligentiam
 vt in re aliena, non etiam casum fortuitum præ-
 stare debet. *l. contractus. ff. de reg. iur.*

Atque t̄ hæ causæ sunt duæ in summa, propter 19
 quas emtor re euicta actionem ob euictionem ad-
 uersus venditorem non habet, emtoris culpa, & ini-
 iuria iudicis. Sed ex hoc iure excipiuntur emtores
 victi ab iis, qui euictionem præstare debebant, puta
 victi aut a venditore, aut ab heredibus eius, aut a fi-
 deiussore euictionis. Propone hoc modo: venditor
 fundum alienum vendidit, & tradidit emtori. Idem
 domino fundi exstitit postea heres, atque dominus
 fundi successionem factus est. Quo iure vsus cepit e-
 um fundum tanquam suum ab emtore vindicare.
 Hic duo sunt emtori remedia aduersus venditorem.
 Nam primum, si videtur, potest vindicantem excep-
 tione doli summouere. *l. vindicantem. ff. eo. l. excepti-*
one. §. eo. Quod si hoc non placet, liberum est ei pari
venditorem agere, & se vinci: ea lege, vt si eo iudicio
res illi a venditore euicta sit, nihilominus actionem
habeat aduersus venditorem ob euictionem. d. l.
vindicantem. & seq. ff. eo. Atqui si ius superius sequi-
mur, emtor in hac causa actionem ob euictionem
 habere non potest. Nam exceptionem doli mali,
 qua submouere emtorem poterat, si non opposuit,
 culpa eius est. Si opposuit, & tamen victus est, iniuria
 illi manifesta facta est a iudice. Ita alterutra de causa
 necesse est, eum actionem non habere, si in iure su-
 periore consistimus. Sed hoc in hac causa non pla-
 cuit, vt dixi, cum aut venditor euincit, aut ceteri qui
 euictionis nomine obligantur. Merito. Esto enim,
 obici hic possit aliqua culpa emtori. At hæc maiore
 venditoris culpa, atque adeo manifesto dolo in ea
 causa vincitur. Quæcunque enim hic condemnatio
 fuit, huic causam dedit improbitas venditoris, qui
 hoc iudicium mouit, & quem in ea venditione tueri
 debuerat, eum iudicio isto oppugnauit. Quare si a-
 gentem de euictione emtorem summouebit excep-
 tione, quasi culpa sua victum, merito replicatione
 doli mali exceptio elidetur: eritque in eam rem actio
 ex stipulatu intellige simpli, vel ex dupla, id est, ex sti-
 pulatione duplæ, vel ex emto, vt hoc rescripto ex-
 pressum est: quæ verba quid valeant, exponetur com-
 modius ad *l. si tibi. §. i. l. unde car. §. l. si reum*

L. Si controuersia. 9. l. exceptione 11

Qvod de denuntiatione hic dicitur, pertinet ad
 rescriptum superius, vbi dixi. Quod reliquum
 est, re euicta hic datur actio emtori aduersus vendi-
 torem successoremve eius in id, quod emtoris inter-
 est, qui locus recte reicietur ad *l. si tibi. §. i.*

L. Si fines. 10.

Idem A. Largo.

Si fines agri venditor demonstrauit, & legem dixit,
intra eos neminem ingressurum: si quid inde euincatur,
periculo sit auctoris. Quod si finibus suis, quos demonstra-
uit, agrum vendidit: tunc finalis ad venditorem non perti-
net. PP. 7. Calend. Decembr. Maximo II. & Eliano
Coff. 224.

S Y M M A R I V M.

i. Finibus fundi certis demonstratis, si quid ex his euin-
catur, an, & quando præstanda sit euictio.

Venditor fundum Tusculanum, t̄ qui constabat
 centum iugeribus emtori vendidit, & in finibus
 demonstrandis dixit, fundum continere centum quin-
 quaginta iugera. Ex hoc numero quinquaginta euicta
 sunt, vt reuera aliena erant, non fundi Tusculani.

Quæsitum est, an venditor ob euictionem eorum inge-
rum teneatur. Distinguitur. Si venditor fines demon-
strauit, & legem dixit, id est, demonstrauit nomina-
tim adiecta hac lege & conuentione, ne quis in eos
ingrederetur, euictionem præstabit, quod hic scri-
ptum est in principio. Plus dicimus, etsi venditor tan-
tum fines demonstrauit, neque quidquam adiecit no-
minatim de his finibus præstandis, nihilominus ta-
men eorum euictionem eum præstare debere: hoc
in l. qui fundum. ff. eo. Et recte: nam quæcunque dicun-
tur ita, ut præstentur emtori, præstanda sunt. l. scien-
dum. §. 1. ff. de adul. ed. Sunt autem in hac causa, quæ-
cunque ita dicuntur, ut propter hæc res pluris ven-
datur. l. ea qua. ff. de cont. emt. Nemo porro dubitat,
quin quo ampliores fines fundi erunt, eo pluris fun-
dus sit, atque ideo pluris veneat. Quod si venditor fi-
nes quidem demonstrauit, sed ita, ut nihilominus di-
ceret se fundum vendere suis finibus, quidquid ultra
veros fines eius fundi euictum erit, venditor non
præstabit: quæ altera pars est distinctionis tradita
hoc rescripto. Hoc ideo, quia idipsum actum est.
Nam qui vendit fundum suis finibus, siue intra suos
fines, aperte hoc dicere intelligitur, se fundum ven-
dere tantum, quantus est, non ultra. Nemo autem
venditor rei a se non venditæ euictionem præstat, ut
diximus. l. 1. §. 1. Et quod demonstratio ampliorum
finium vel præcessit, vel secuta est hanc conuentionem,
ideo factum est, ut admoneretur sui iuris em-
tor, non autem ut venditor ultra veros fines quid-
quam præstaret, ut conuentio declarauit. Quod ta-
men de eo venditore accipiendum est, qui putauit e-
os fundi fines esse, quos demonstrauit. Nam si sciuit
minores fines esse, & ampliores dixit, præstabit, nec
defendetur conuentione, quæ dolo malo facta est.
Hoc enim ipso decepti emtorem, quod cum sciret
minores fines esse, non solum celauit emtorem, sed
etiam mentitus est esse ampliores. l. 1. §. 1. ff. de act. em.
Remoto dolo si quis fundum vendiderit suis fini-
bus, quoscunque prius dixerit sibi videri, verum est,
quod hic scribitur, litem finalem ad eum non perti-
nere. Ideo autem non pertinet, non quia fines isti e-
uincantur finium regundorum iudicio, ut perperam
in glossa scriptum est, cum nihil intersit, quo iudicio
res vendita emtori euincatur. l. si mancipium. §. 1. ff. eo.
sed quia qui postea euincantur fines, hi fines fundi
non fuerunt. Nunc autem proponitur venditor fun-
dum vendidisse finibus suis, quæ adiectio conuentionem
habet apertam, alios fines, quam qui veri fines
sunt, præstari non debere.

L. Exceptione. 11.

Idem A. Clementi.

Exceptione doli recte eum submouebis, quem ab au-
ctore tuo fideiussorem accepisti, si eius nomine controuer-
siam refert, quasi per uxorem suam, antequam in emeris,
comparauerit: qui venditioni adeo consensum dedit, ut se
etiam pro euictione obligauerit. PP. Non. Feb. Pompeia-
no & Peligno Coss. 232.

S V M M A R I A.

1. Qui re euicta tenetur ob euictionem, eum de re ven-
dita controuerksam emtori mouere non posse: agen-
tem exceptione doli mali summoueri, quisquis est,
siue venditor, heresue eius, siue fideiussor, heresue
eius.
2. De herede fideiussoris vindicante: ubi & l. ult. hoc tit.
explicatur.
3. Supra scripti iuris ratio.

Hic illa definitio in vniuersum statuenda est, quæ
declaratur cum hoc rescripto, cum apertius l. si ob
causam. & l. siue possessio. seq. §. eo. tit. † quisquis re euic-
ta ab alio, ob euictionem obligatur emtori eum de
re vendita controuerksam mouere non posse: quod
istorum obligatorum genera declarabunt. Euictio-
nis nomine obligantur hi quatuor: venditor, item-
que venditoris heres, l. si controuerfia. §. fideiussor. qui
idem secundus auctor, id est, venditor appellatur. l. 4.
ff. eo. & item heres fideiussoris, l. ult. §. hic. Hos omnes
dicimus, si rem vindicent ab emtore, etiam si ex noua
caussa, quæ euictionem secuta sit, tamen frustra con-
trouerksam mouere, quia exceptione doli mali ab
emtore summoueri possint. De venditore vindican-
te traditur in l. vindicantem. ff. eo. & in l. si ob causam. §. j.
De herede venditoris in l. siue possessio. infr. De fideiuf-
sore hic scriptum est. De herede † fideiussoris dubi-
tari potest propter l. ultim. infr. hic. ubi scriptum est,
heredem fideiussoris posse rem suam ab emtore vin-
dicare, si non iure hereditario, sed ex persona sua do-
minium vindicet, id est, si non ideo rem vindicet,
quia res fuerit fideiussoris, eiusdemque decessoris e-
ius, in cuius dominium postea heres successit, sed id-
eo, quia res eius fuerit propria, perueneritque ad e-
um ex alia causa, quam hereditaria. Sed hoc priorem
sententiam non mutat. Ita enim verum est, heredem
fideiussoris, qui rem ex persona sua ita vindicat, iure
vindicare, uti certe verum est, l. in rem ff. de rei vindi-
cation. ut nihilominus vindicans exceptione doli ma-
li possit summoueri. Nam & de herede venditoris i-
dem scriptum est in l. Seia. ff. eod. quod de herede fi-
deiussoris in dicta lege ultim. infr. Et tamen nihilomi-
nus adicitur in dicta lege Seia. heredem iure alioqui
vindicantem exceptione summoueri posse. Idque
etiam satis defenditur eadem l. ult. §. j. Nam illic etsi
tribuitur heredi fideiussoris, ut iure rem vindicare
possit: tamen hoc additur, eum re euicta ob euictio-
nem teneri: certo argumento, si rebus integris con-
trouerksam faciat emtori, posse eum exceptione
summoueri. Hoc ex priore colligitur & in l. si ob causam
& in l. siue possessio. §. j. hoc tit. Et † recte hoc ita con-
stituitur, ut quisquis ob euictionem rei obligatur, is
de ea re controuerksam mouere non possit, duabus
de causis. Primum, quia quod de euictione obliga-
tur, indicio est eum emtorem in re vendita defende-
re debere. Qui defendere emtorem debet, perspi-
cuum est ei emtorem oppugnare non licere: sunt e-
nim hæc contraria. Deinde pro certo definitur, om-
nem dolo facere, qui petit id, quod restitutus
est: ex quo etiam aduersus eum, qui ita petit, compa-
rata est doli mali exceptio. l. dolo. ff. de doli mali & me-
tus exception. At qui tenetur ob euictionem rei ven-
ditæ, is de ea re restituenda tenetur, aut quod tantun-
dem valet, tenetur in id, quod emtoris interest, eam
rem præstari. Quare si eam rem petat, ad superiorem
definitionem pertinet.

L. Siue. 12.

Imperator Gordianus Augustus
Philippo.

Siue in libertatem euictus est seruus, quem mercatus
es, siue cum comparares, conuenit, ut si qua questio nomi-
ne eius relata esset, & si nec dum euictus esset, in pretium
recuperares: præses provincia, quod tibi præstandum a-
nimaduertens, restituere iubebit. PP. 7. Id. Mart. Gordi-
ano A. & An. Iola Coss. 240.

S V M M A R I V M.

i. *Euictio quibus ex causis prestanda.*

Euictione rei venditæ iure secuta constat venditorem ob euictionem teneri. l. 6. §. In eo nihil interest, qua de causa iure res euincatur, & auferatur emptori, vtrum ideo, quia aliena aut pignori obligata erat, l. 3. §. an vero quia tanquam seruus aut ancilla vendita, qui venditi liberi erant, & in libertatem euicti sunt, de quo hoc loco. Nondum re euicta venditorem emptori non teneri scriptum est in d. l. 3. §. Hæc exceptio est, extra quam si contra conuenerit, quæ conuentio dicitur hoc loco seruanda esse.

L. Si ob causam. 13.

Idem A. Zoilo.

Si ob causam indicati pignora capta sunt ex eius auctoritate, cui precipiendi ius fuit, eaque de quibus completis, tu mercatus es: frustra ab ea, quæ condemnata est, vel qua in eius locum successit, eorum refertur questio: quandoquidem & si euictio eorum ab alio subsequuta fuisset, aduersus eos debuisset dari actionem, a quibus pretii solutio proficit, rectissime responsum est. P. P. 16. Cal. Jun. Gordiano A. & Aniola Coss. 240.

S V M M A R I A.

1. Pignoribus ex causa indicati distractis euictis, debitorem tanquam venditorem de euictione teneri, non magistratum, non apparitores, non creditorem.
2. Actionem ex hac causa esse non in id, quod emptoris interest, sed dumtaxat de pretio.

Pignoribus debitoris in causam indicati captis, & auctoritate magistratus, cui de ea causa iurisdictionis fuit, per apparitores distractis, tam res in emptorem transferuntur, quam si a debitore ipso eodemque possessore venditæ essent. l. 1. §. si in cau. ind. pig. cap. sit. Hic quæritur ad cautionem emptorum aduersus futuros casus euictionis, quis in hac venditione venditor haberi debeat, ut cum eo agi possit de euictione, vtrum magistratus qui iussit vendi, an apparitores qui vendiderunt, an creditor cuius opera factum est, ut pignora venderentur, an debitor cuius res fuerunt. Et placuit in hac specie, eum vere venditorem videri, proinde & aduersus eum dari debere actionem re euicta, cui pretii solutio proficit, seu qui pretio liberatus est, ut hic traditur in fi. §. l. si plus. antep. in pr. ff. eo. Is autem est debitor, cuius pignora capta distracta sunt. Superiores, ut magistratus, apparitores, item creditor, videri possunt in hac specie vendidisse: quia de re & pretio conuenerunt cum emptoribus: apparitores aperte, magistratus & creditor, quia res vendi mandarunt. Vendit autem, quisquis per alium vendit. Sed reuera nemo horum venditor est. Quid enim hi agunt, non suo nomine agunt, sed debitoris, cuius res est, neque id agitur, ut pretium ad eos redeat. Solus est debitor, ad quem emolumentum huius venditionis pertinet: quam ob causam & merito existimetur vendidisse. Hinc scilicet illa consequentia, de quibus hoc rescripto comprehensum est, ut & is re euicta teneatur euictionis nomine, idque actione ex empto, ut est in dict. l. antep. nult. ff. eod. & præterea debitor, qui ob euictionem ita obligatur, controuersiam de re vendita emptori mouere non possit, qui præcipuus scopus est huius rescripti, de quo in l. exceptione. s.

2. Hactenus tamen debitorem euictionis huius nomine teneri placet, ut sit actio aduersus eum, non

quanti interest emptorum, sed de pretio dumtaxat, & iusque vsuris, habita ratione fructuum, ut est in d. l. antep. ff. eo. Nec abs re: quod enim illo inuito & ab alio gestum est, non proprie ab illo venditum dixeris: ut ultra, quam ad eum peruenit, non sit ex bona fide eum teneri.

L. Sine possessio. 14.

Idem A. Secundino.

Sine possessio venditoris fuit filius eiusdemque patris heres frustra questionem mouet: sine non patris, sed filii eius possessio fuit, de qua iure hereditario auctor laudari potest: controuersiam mouere non potest. P. P. 14. Cal. August. Gordiano A. & Aniola Coss. 240.

S V M M A R I V M.

1. Heredem venditoris de re a defuncto vendita quamuis sua controuersiam auctori mouere non possit: & cur.

Heres venditoris tamen si rem venditam vindicet ab emptore, negat hoc rescriptum id eum iure facere posse, quocunque iure & cuiuscunque ex persona id faciat, quod diuisione ostendit. Aut enim heres vindicabit ut hereditariam, quæ olim defuncti fuerit, aut ut suam & proprio iure. Si ut hereditariam, id est, ob id, quod venditoris fuerit, & ipso venditori successerit, frustra vindicat: sic enim vindicat alienam. Nam si venditor dominus fuit, rem tradendo dominium transtulit ad emptorem, eoque & dominus esse desiit, §. per traditionem. ff. de rer. di. Quæ defuncti non fuit, ea nec successione fiet heredis, cum hereditas non sit nisi successio in id, quod fuit defuncti. l. hereditas. ff. de reg. iur. Sic fit, ut heres rem a defuncto venditam nullo iure vindicet ut hereditariam: cum in rem actio soli domino competat. l. in rem. ff. de res. vind. Quod si res fuit heredis, quam olim defunctus vendidit ignorante herede, quam ideo & ut suam & ex persona sua vindicet, plus ea res habeat dubitationis, numnam hanc saltem possit vindicare: ac videatur etiam non prohiberi id facere, neque ex persona defuncti, neque ex sua. Non ex persona defuncti, quia is rem alienam tradendo eius dominium transferre non potuit. l. traditio. ff. de acq. rer. do. l. nemo plus iuris. ff. de reg. iur. Non ex persona sua, quia heres neque rem vendidit, neque venditioni consensit, quæ in quo domino sunt, ei venditio aliena non nocet. l. quidam. ff. eo. Et omnino ita res habet, ut si ius summum spectemus, is heres iure eam rem ab emptore vindicet. l. Scia. ff. eo. Sed nihilominus exceptione summoueri potest, ut ita effectum frustra vindicet. d. l. Scia. in fi. Ad quem effectum referri debet, quod absolute dicitur hoc rescripto, heredem de re sua a defuncto vendita emptori controuersiam mouere non posse. Non potest propter exceptionem: cum nihil intersit, vtrum quis actionem non habeat, an ea per exceptionem infirmetur. l. nihil interest. ff. de regulis iuris. Exceptio aduersus heredem ex eo, quod et si venditor non transtulit dominium rei venditæ, qui dominus non fuit: tamen vendendo euictionis nomine se obligauit. l. ex empto. ff. de act. empt. In hac obligationem heres succedit. l. qui in ius. ff. de regulis iuris. §. ultim. Instit. de loc. Quare si vindicet heres, patietur & ipse eandem exceptionem, pertinetque omnino ad eam definitionem iuris, quæ & hic comprehensa est, & in lege si ob causam. supra. de qua diximus ad leg. exceptione.

L. Si

L. Sinon iniuria. 15.

Imp. Philippus A. & Philippus Cæs.
Menandro.*Si non iniuria indicantis, sed iuris ratione superatus es, pignus ob euictionem acceptum solemniter persequi potes. PP. Cal. August.*

Superato iuris ratione emtore, ut hic scriptum est, id est, euictione secuta neque culpa emtoris, neque iniuria iudicis (nam horum utrumque nisi interueniat, non videtur emtor superatus, quia ius eum deficeret, de quibus diximus ad l. emtor. supr.) quemadmodum de euictione actio est aduersus venditorem heredemve eius. d. l. emtor. & l. seq. ita & incipiunt teneri ex ea causa venditionis accessiones, id est, fideiussores, & pignora: de fideiussoribus est in l. si statim. j. eo. de pignoribus hoc rescripto traditur.

L. Super. 16.

Imp. Dioclet. & Maxim. AA. Alexandro
& Diogeni.*Super emti agri quaestione disceptabit praeses provinciae: & si portionem diuersae partis esse cognouerit, impensas, quas ad meliorandam rem vos erogasse constiterit, habita fructuum ratione restituui vobis iubebit. Nam super pretio euictae portionis non eum, qui dominium euecit, sed auctricem conueniri consequens est. PP. 10. Cal. Iul. ipsi 4. & 3. AA. Coss. 290.*

S V M M A R I A.

- 1 *Bona fidei emtorem sumtus utiles in rem possessam factos a domino rem vindicante consequi posse non actione, sed per retentionem rei opposita doli mali exceptione.*
- 2 *Dominum rem suam recte vindicare, & auferre etiam non oblato pretio.*
- 3 *Euictare emtori actionem esse ob euictionem de pretio, non de sumtibus ab eo in eam rem factis, si rem possidens his non receptis rem restituit.*
- 4 *Uxorem militis rem suam per absentiam mariti & suam usucaptam recipere posse, sed non nisi oblato pretio: & cur.*

Emtor ꝑ rem alienam emit, in eaque excolenda & meliore reddenda sumtus fecit. Si existat dominus, qui rem suam vindicet ab emtore, & emtor a domino seruare velit ea, quæ eius rei nomine sibi absunt, ut sumtus in eam rem factos, & præterea rei pretium: constituitur hoc loco, quid de his consequi ab illo possit. Et de sumtibus scriptum hic est, iudicem, qui de proprietate cognoscit, iussurum hos emtori restituui, quos quidem ad meliorandam rem erogatos esse constiterit. Nempe ideo, quia eos consequi emtor a domino rem suam vindicante debet. At quo iure, cum ei hi sumtus non debeantur? nihil enim cum domino contraxit, neque in his sumtibus faciendis negotium domini gessit. l. si in area. ff. de cond. ind. Et certum est, hos non deberi ne emtori quidem bonæ fidei: quamobrem & re restituta nulla illi de his competit actio. Sed rem adhuc possidens eos seruat per retentionem rei opposita doli mali exceptione. l. sumtus. ff. de rei vind. l. si quis sciens. supr. de rei vind. Doli exceptio ex eo est, quod dominus, qui petit sibi rem restituui non refusis sumtibus, quibus rem suam meliorem consecutus est, petit, ut locupletior fiat cum iactura emtoris. Hoc autem natura iniquum. l. nam hoc natura. ff. de cond. ind. Iam vero fa-

cit dolo, eoque & exceptione doli mali remouetur, quiquis subtilitate iuris nixus contra æquitatem naturalem aliquid petit. l. i. ff. de dol. mal. & met. exc.

Quod ad ꝑ pretium rei emtæ attinet, non tantum 2 de eo conueniri non potest actione is, qui rem euecit, quod hic scriptum est: sed nec aduersus eum id seruari vlla exceptione. Nam sumatum, de quibus dixi, utilitas ad dominum redit: pretium autem ad eum non peruenit: ut sit iniquum dominum id dependere, quod non accepit, & cuius nomine multo minus se obligauit. Ideo recte generaliter definitum est, vnumquemque dominum rem suam recte vindicare etiam a bonæ fidei possessore, quamuis non oblato ei pretio. l. mater. in princ. l. si mancipium. supr. de rei vindicat. l. 2. supr. de fur. Neque hoc aliter fit inquam, quamdiu is, qui iure dominus est, rem suam vindicat ab eo, a quo pretium non accepit. Sane si pretium in rem domini versum sit, hic eadem exceptio domino obstat rem suam non oblato pretio vindicanti, ut fit, cum emtor emit a non domino, sed pretium solum est creditoribus iis, quibus id prædium a domino obligatum erat. l. emtor. ff. de rei vind. aut cum emtor emit a vero domino, qui alienandæ rei potestatem non habuit, puta prædium a minore, & pretium in rem minoris versum est, ac deinde minor rem suam vindicat. l. utere. sup. de præd. min.

Sed ꝑ quod pretium rei euictæ emtor a domino 3 seruare non potest, id consequi potest a venditore ita, ut de eo etiam vltro actionem habeat, qua ille recte conueniatur, quod hic positum est in extremo. De pretio rei euictæ hoc tantum dictum est hoc loco, posse scilicet auctorem de eo conueniri. Consulto: de pretio enim rei euictæ conueniri potest: non etiam de sumtibus ab emtore in eam rem factis. l. idque. §. 1. ff. de act. em. Idque efficitur ex iis principiis, quæ posuimus in l. emtor. supr. hoc tit. Nam si emtor non consequitur sumtus a se factos opposita doli mali exceptione, necesse est aut culpa eius euenire, aut iniuria iudicis: culpa, si exceptionem doli non opposuit: iniuria iudicis, si opposuit, & iudex non habuit eius exceptionis rationem, quod eum facere oportebat. d. l. sumtus. ff. de rei vind. Vtrum autem horum acciderit, venditor emtori non tenetur. l. emtor. supr. Sed recte monemur in d. l. idque. §. 1. hoc tantum pertinere ad eum emtorem, qui possidebat, eoque per retentionem rei opposita exceptione sumtus seruare a domino poterat: non pertinere ad eum, qui non possidebat: puta ad eum, qui cum non possideret, rem vindicauit, & eo iudicio victus est. Quippe hoc casu nihil est, quod imputetur emtori, si sumtus in rem venditam factos consequi a possessore non potuit. Ut enim supra diximus, nullam habuit actionem emtor de his sumtibus: retentionem vero multo minus, ut qui rem non teneret. Secundum quam sententiam recte vulgo accipitur l. controuersia. sup. eo.

Quod ꝑ supra dixi, quemuis dominum rem suam 4 recte vindicare etiam non oblato pretio, dummodo vere dominus sit, ideo adiectum est, quia in vxoribus militum, quæ diu abfuerunt cum maritis, dum militia operam dant, ius constitutum est, ut si per eam absentiam vxores militum aliquid de rebus suis amiserint, dum res vsucapiuntur, non minus restituantur in integrum ad res vsucaptas vindicandas, quam restituerentur ipsi milites, si quid per eandem absentiam de rebus suis amissent. l. i. supr. de vxor. mil. Sed hac lege, dum pretiū refundant. l. vlt. C.

de vxor. mil. Non mirum: quoniam & hic ius singulare tributum est ei, quæ vere domina non fuit iure, aduersus eum qui dominus esse cœperat per vlcapiōnem: quam ob causam visum est & beneficium ita temperari, vt sine damno possessoris eiusdemq; noui domini contingeret.

L. Si cum questio 17.

Iidem AA. Mutiano.

Si cum questio tibi super eo, quem comparaueras, moueretur, auctorem tuum certum fecisti, nec citra iudicis disceptationem eum, quem emerat, tradidisti: præses provincie in damnis, quæ te tolerasse meministi, medelam iuris adhibebit. PP. V. 7d. Nouembr. iplis 4. & 3. AA. Coss. 290.

S V M M A R I V M.

1 Euictio quibus conditionibus præstetur emtori.

RE ¶ vendita emtori ablata venditor eo nomine illi tenetur his conditionibus: si controuersia mota emtor venditori denuntiauerit, vt ad agendam causam adisset, si videtur, & præterea si non sponte rem restituerit petenti, sed iudicio & sententia iudicis victus; vt sit ea, quæ dicitur euictio. de quibus rebus diximus initio huius tituli, & summa ad istam sententiam hic comprehensa est.

L. Si statutus 18.

Iidem AA. & CC. Eutychio.

Si status tibi super homine venundato mota questio est: solemnibus, quæ iuris admittit ratio, interpositis: si secundum libertatem fuerit lata sententia, poteris de euictione eius, quem comparaueras, si nesciens eius conditionem comparasti, sine aliqua dubitatione auctorem, vel eius fideiussores, heredesve eorum conuenire. Quod si fuisse seruum sententia declarauerit, intelligis ad venditorem te reuerti non posse.

S V M M A R I A.

1 In lite euictionis re secundum emtorem iudicata, ac proinde re non euicta, nullam actionem esse emtori aduersus venditorem ne de sumtibus quidem in ea lite factis.

2 Bartolus in eo reprehensus.

HOC rescriptum quatuor continet. Primum, homine vendito in libertatem euicto non minus teneri venditorem emtori ob euictionem, quam si euictus esset ob id, quod alienus esset, aut pignori obligatus: idem scriptum est in *l. siue in l. libertatem. §.* Secundum, ita demum emtorem actionem ob euictionem habere, si nesciens qualis res esset, comparauerit. Scienti euictio non præstatur. *l. si fundum. j. de quo ad l. 6. §. eod.* Tertium, ob euictionem obligari quatuor, venditorem, venditoris heredes, fideiussorem, item & heredes fideiussoris, de quibus diximus *ad l. exceptione. §.* Quartum ¶ singulare est, & præcipue notandum, quod est in extremis verbis rescripti, si in controuersia, quæ de re vendita mota est, secundum emtorem iudicatum sit, vel dum dominus pronuntiatur, vel dum absoluitur ideo, quod petitor de suo iure probare non potuit, toties emtorem aduersus venditorem reuerti non posse: non dico ob euictionem, quod stultissimum esset hic monere, cum certum sit hoc casu rem non euinci, sed ob omne aliquid damnum, quod emtor propter litem motam passus est. vt puta, non potest de sumtibus in ea lite factis venditor conueniri: quod recte Accursius ex his ver-

bis censuit. Sed eius sententia reprehenditur a Bartolo in *l. i. §.* cuius reprehensionis ille quasdam rationes adfert, de quibus postea. Nos autem statuamus nihil esse verius, quam re emtori non euicta emtorem nullam aduersus venditorem actionem habere, ne de sumtibus quidem litis, quod euidetibus locis & certissimis rationibus confirmatur. Loci in hanc sententiam hi sunt. Primum hic, vbi apparet non de actione ob euictionem responsum esse, siquidem constabat nullam esse euictionem: sed de actione aliorum damnorum nomine, quæ emtori ob litem motam contigissent. Præterea *l. ex emto. in pr. & l. seruus quem. §. ult. ff. de act. em.* quibus in locis clare scriptum est, venditorem emtori re vendita tradita non teneri, nisi ob euictionem dumtaxat: vel, quod idem est, non teneri, si emtori habere liceat. Licet autem emtori habere, quamdiu res non est euicta. *l. habere. ff. de euict.* Rationes autem in hanc sententiam multo certiores sunt hæ. Primum iniuria emtori facta venditorem contingere non debet. *l. si per imprudentiam. in pr. ff. eo.* Quod autem controuersia facta est ab eo, contra quem sententia lata est, aperte in eo facta est iniuria emtori, vt sententia declarauit. Proinde hæc iniuria venditorem non attingit, id est, si quod ex ea iniuria emtori damnum est, id venditor præstare non debet. Deinde emtione contracta certum ius est, omne periculum in re vendita ad emtorem pertinere. *l. necessario. ff. de per. & com. rei ven. §. cum autem. Inst. de emt. & vend.* In hoc autem periculo & incommodo rei, siue in casibus fortuitis, quæ circa rem contingunt, est vis aut iniuria, quæ emtori ab aliis inferitur. *l. ad eos. ff. comm.* Quare & huius iniuriæ periculum atque incommodum ad emtorem pertinere debet. Postremo casus futuros post emtorem contingentes certum est ad venditorem non pertinere. *l. Lucius. ff. eo.* Iam vero hæc controuersia, quæ incidit aduersus emtorem post emtione contractam, non incidit ex causa præcedente, quam constituit petitionem nullam habuisse. Non igitur hunc casum, & si quid ex eo damni est, præstat venditor. Non me mouent, quæ contra afferuntur.

Bartolus ¶ ita argumentatur: venditor præstare debet emtori, vt rem venditam illi habere liceat: quod & verum est. *l. ex emto. §. venditorem. ff. de act. em.* At, inquit, qui promisit emtori habere licere, is tenetur emtori ob sumtus in litem factos, si controuersia emtori mota fuerit. Hoc vero negamus: & aperte falsum est, vt quæ ante disseruimus, conuincunt. Nā indignum est relatu, quod ille adfert ad probationem: dum id scriptum esse ait in *l. stipulatio ista. in pr. in glos. magna. de verb. obl.* Nos æque Accursium in eo falsum esse dicimus, vt & Bartolum hoc loco. Plus probabilis habet altera ratio, qua ille vititur. Ait, controuersia emtori mota venditorem debere emtorem defendere. Admittimus ex *l. si plus. antep. §. mora. ff. eo.* de quo constat ex his, quæ diximus *ad l. emtor. §.* At qui defendere debet, nisi defendat, tenetur in id, quod emtoris interest. Et hoc verum est. Ergo, inquit, venditor ob sumtus in litem ab emtore factos tenetur. Non recte colligit. Venditor enim defendere quidem debet: sed non suis sumtibus, verum emtoris, nec difficile est intelligere ex eo, quod constat, re vendita omne commodum & incommodum rei ad emtorem transire. Retinebimus igitur definitionem huius loci, quæ dilucide non de euictione, sed de sumtibus in litem factis scripta est.

L. Si

L. Si obligata. XIX.

Iidem AA. & CC. Theodoro.

Si obligata pradia venundedisti, & longi temporis prescriptione solita emtores se tueri possunt: euictionis periculum timere non potes. S. 2. Cal. Maii, AA. Cosb.

S Y M M A R I V M.

Emtori exceptione temporis postea quasita venditorum omni periculo euictionis deinceps liberari.

Pradia, quæ pignori obligata erant, vendita sunt. Ea emtor possedit decē annos inter præsentes, aut viginti inter absentes sine vlla interpellatione eorum creditorum, quibus erant prædia obligata. Ea possessione emtor sibi præscriptionem longi temporis parauit, qua tutus remouere possit creditores postea pignus persequentes. l. 1. l. 2. §. si aduer. cred. præscrip. opp. Ita factum est, vt emtori qui hac exceptione defenditur, iure rem habere liceat, eoque nec possit res ei iure euinci. Hoc posito quæsitū est, si nihilominus post longū tempus creditores aduersus emtorē hypothecaria actione agant, & emtor denuntiet venditori, vt ad agendam causam adsit, vtrum venditor defendere debeat emtorem, & nisi defendat, vtrum re a creditoribus euicta teneatur ei ob euictionem. Hic ꝑ rescriptum est superiore præscriptione emtori semel quæsita venditorē periculum euictionis timere non posse. Quo significatur neque venditorem cogi adesse ad defendendum emtorem, neque eum re euicta emtori teneri. Hoc consequens est iis, quæ de causis euictionis non præstandæ diximus ad l. emtor. §. hostit. Nam si emtor præscriptionem longi temporis creditoribus opposuit, & iudex habita ratione præscriptionis emtorem absoluit, palam est eum ob euictionem actionem habere non posse, cum res non sit euicta. l. fistanus. sup. Quod si emtor præscriptione longi temporis vsus non est, aut cum vsus esset, nihilominus iudex præscriptionis rationem non habuit, eumq; condemnauit: idcirco necesse est eum actionem ob euictionem non habere, quia culpa eius est, si præscriptionem non opposuit: iniuria iudicis, si is præscriptionis oppositæ rationem non habuit. Vtrumvis autem factum sit, venditor emtori non tenetur.

L. Si parentes. XX.

Iidem August. & CC. Solidio & aliis.

Si parentes vestri mancipia venundederunt, & quæstio dominii mota est: emtorib. adesse: ac defendere causam non prohibemini. Quod si eis hac etiam euicta sunt, instauratio litis ex persona vestra, si appellationem non interposuistis, contra ius desideratur. Emti sane iudicio pro euictione si conueniri cœperitis, nec vobis negotium, vt defendatis, denuntiatum probetur: intelligitis quatenus vosmetipsos tueri debeatis. S. 6. Calendar. Iuli. AA. Cosb.

S Y M M A R I A.

1. Venditorem non appellatum ab emtore, vt ad agendam causam adsit, non cogi adesse: sed nihilominus poss. adesse ac defendere vel inuito emtore.
2. Defendente venditorē si res euicta sit, emtorem de eadem re agere nō posse, nec ex persona venditoris, nisi ab eo appellatio sit interposita.
3. Venditorem cui denuntiatum non est, vt ad agendam causam adsit, quamuis defensionem ultro susceperit, re postea euicta non eo magis ob euictionem teneri.

EX l. emtor. & similibus locis superioribus intelligimus, si venditori denuntiatum non sit, vt emtori ad agendam causam adsit, venditorem non cogi emtorem defendere, neq; re euicta ob euictionem teneri. Hinc tria quæsita sunt, de quibus ius constituitur ordine hoc rescripto. Primum, ꝑ an quamuis non cogatur venditor adesse, & causam defendere: tamen possit, si velit, ultro id facere. Et placet eum nō prohiberi. Quod sic accipiendum est, vt possit venditor causam defendere & absente emtore sine mandato, & præsente eo quamuis inuito. Absente emtore potest: quoniam omnibus licet iure publico absentem, si e villo mandaro defendere. l. seruum. §. publice. D. de procur. Etiam præsente & inuito potest duobus de causis. Primum quia licet cuius alterius cōditionem etiam inuiti meliorem facere. l. soluendo. Digestis. de negot. gest. Deinde quia causa de proprietate rei venditæ quodammodo ad venditorē pertinet: vt videatur interesse eius, eam causam instruere & defendere. Pertinet enim ad eius existimationem intelligi ab omnibus ipsum in ea venditione bona fide versatū esse. Ea res facit, vt quamuis emtor nolit admitti defensionem venditoris, tamen iudicis officium sit eam admittere, & nisi admiserit, iusta sit causa ab eo prouocandi, quia reiecerit in causa, quod ex iure recte in causa fieri potuit. Sequens ꝑ quæstio est, si defendente ultro venditore nihilominus res euicta sit, vtrum emtor possit iterum de eadem re agere ex persona venditoris. Mouet dubitationē, quod sententia aduersus emtorem lata est: res autē inter alios acta, aut iudicata aliis non nocet, puta venditori, eiusue heredibus. l. sape. ff. de re iud. res inter alios actas. §. Et placet, si venditor appellarit, adhuc agi posse ex appellatione. Potest autē appellare venditor, siue in causa adfuerit, vt defenderet, siue non adfuerit: quoniam eius interest. l. ab exsecutore. §. 1. D. de appel. Ceterum non interposita appellatione, ex persona venditoris eadem lis instaurari non potest, vt hic cautum est. non quod emtori noceat sententia aduersus venditorē dicta, sed q; venditor nihil iuris in re habeat, vt proinde ex persona & iure eius agi non possit. Nam si antē venditionem nihil habuit iuris in re vendita, nē nunc quidem habeat ex antecedente causa. Quod si habuit, id rem emtori tradendo in emtorem transtulit; transferendo amisit. §. per traditionem. Inst. de rer. di. Tertium ꝑ quæritur, si emtor eandem litem instaurare non potest, possitne saltem agere ob euictionem aduersus venditorem, qui in lite defensionem suscepit: quasi videatur eo facto etiam euictionis periculum suscepisse. Et significatur in extremo venditorem propter defensionem ultro susceptam non teneri ob euictionem, si ei ab emtore denuntiatum non sit, vt adesset. adeo verum est, quod dicitur in l. emtor. & l. seq. sup. venditorem cui denuntiātū nō est, vt ad agendam causam adsit, ob euictionem non teneri. Et recte. non enim debet ei nocere, quod ultro accessit ad defensionem causæ quamuis non interpellatus. nam in eo officium præstitit emtori vtile, sibi minime necessarium, posteaquam illi denuntiātū non erat. Nulli porro debet officium suum esse damnosum. l. si seruus. §. quod vero. ff. de fur.

L. Emi. XXI.

Iidem AA. & CC. Heliodoro.

Emi actio longi temporis prescriptione non submouetur, licet post multa spatia rem euictam emtori fuerit cōprobatum. Si itaque is, quem te cōparasse commemoras,

R r r

nunc in libertatem proclamat: interpellare venditorem, siue successorem eius debes, ut tibi assistant, causamque instruant. Quem si liberum esse, vel seruum non esse. fuerit pronuntiatum: nec te conuentione remisisse periculum euictionis fuerit comprobatum: praeses provinciae, si res integra est, quanti tua interest, restitui tibi prouidebit. S. 11. Cal. Aug. Serdica. A.A. Coss.

S V M M A R I A.

1. Actionem ob euictionem non ante cedere, quam res euicta sit, ideo nulla praescriptione praecedentis temporis, quamuis longissimi, excludi.
2. Emptorem non diu possidendo rem emptam, sed possessione praescriptionem acquirendo actionem de euictione amittere.

Homo liber pro seruo venditus est, & triginta annos possessus ab emptore, tandem cum de suo statu cognouisset, proclamauit in libertatem, & iudicio liber pronuntiatum est. Emptor seruo euicto cum omnia fecisset in lite, quae emptores facere conuenit, & euictionis periculum non remisisset, agit aduersus venditorem ob euictionem actione ex empto, quae in hac rem competit. *l. si tibi. inf.* Venditor se tuetur praescriptione longi temporis triginta annorum, quod dicat post triginta annos, quae venditio perfecta est, secum agi non posse. Defendi videtur in hac re iis constitutionibus, quibus cautum est, ne actiones in personam excedat triginta annos. *l. si. i. de praes. trig. vel quad. an. l. 1. §. ad hoc. §. de ann. excep.* Est autem empti actio in personam. Quaestio, an empti actio ob euictionem ad superiores constitutiones pertineat, ac propterea summo neatur praescriptione longissimi temporis. Rescriptum est hoc loco non summo ueri. Et recte, namque superiores constitutiones locum habent in iis actionibus, quae semel uatae sunt, ut scilicet ex quo tempore competere coeperunt, exinde etiam cedere incipiat praescriptio. Sic enim verba sunt, *dict. leg. 1. §. ad hoc. supra. de ann. excep.* At non est in hoc numero actio ex empto ob euictionem. Cum .n. non competat nisi sub conditione, si res euicta sit: *leg. 1. leg. euicta. Dig. eodem.* priusquam haec conditio existerit, neque venit, neque cessit huius actionis dies: denique nulla fuit actio. *leg. cedere. ff. de uerb. significat.* Ex quo intelligitur hanc actionem ante euictionem superioribus constitutionibus non contineri. Quapropter recte respondetur in proposita specie, quamuis post triginta aut quadraginta annos seruus in libertatem euincatur; tamen cum actio de ea euictione nunc primum nasci coeperit, emptor praescriptione temporis non impediri, quo minus ob euictionem ex empto recte agat. Sed videtur obstare huic sententiae *l. si obligata. §. ubi emptor cum propeneretur praedium pignori obligatum diu possedisse, idem eodem tempore dicitur amittere actionem euictionis nomine.* Sed non si in ea specie post longam possessionem emptor actionem ob euictionem amittit, ideo id contingit propter longam possessionem. Contingit ideo, quia emptor diu possidendo praescriptionem acquisiuit aduersus creditores, qua praescriptione tutus consequitur id, quod habere debet, nempe ut sibi habere re liceat. At hic ubi proponimus hominem liberum venditum esse, et si is homo diu possessus est ab emptore, tamen ideo emptor ullam praescriptionem acquisiuit aduersus eum, ut eius libertatem usufructu periret: quoniam aduersus libertatem nulla praescriptio quamuis longissima temporis valet. *leg. vitim. supra. de long. temp. praes. quae pro liber.* In summa emptor ob solam longam pos-

sessionem rei emptae actionem ob euictionem non amittit, ut hic declaratur. quod secus fit acquisita emptori praescriptione ad tuendam rei traditae possessionem, ut in specie *leg. si obligata. supra.* Quod in hoc rescripto adiicitur de denuntiatione, id ipsum est, de quo dictum est *ad leg. emptor. §. l. si controuersia. §.* Quod dicitur de remissione periculi euictionis, a nobis expositum est *ad l. 6. §.* Quod dicitur euictionis nomine actionem esse in id quod interest, exponetur *ad l. si tibi. §.*

L. Cum tibi. XXII.

Idem A.A. & C.C. Iulio.

Cum tibi liberum venundatum fundum ab auctore proponas: si ex antecedente obligatione, quod debebatur, in re soluis: stipulationem quam subiectam emtioni de indemnitate proponis, ipsius conceptio commissam manifeste declarat. S. 7. Cal. Sept. Viminacii. A.A. Coss.

Fundus venditus est liber ab omni nexu pignoris. Siue aperte dictum est, siue de eo nihil dictum est, semper hac lege fundus vendi intelligitur, ut declarat *lex his praediis. §.* Emptor casus fortuitos metuens stipulatus est a venditore, si appareret pastea rem alienam aut pignori obligatam esse, & aliquid ob eam rem amississet, se indemnem praestari; venditor si pulant promissit. Tandem exstiterunt creditores venditoris, quibus fundus pignori obligatus erat, qui fundum ab emptore eodemque possessore peterent actione hypothecaria. Emptor iudicii euentum metuens illis soluit, quod debebatur, ut sic fundum retineret. Eam summam nunc a venditore repetit. Quaeritur, an venditor eo nomine possit conueniri. M uet quaestione, quod emptor non expectata sententia iudicis ultro soluit creditoribus. Supra autem effectum est, emptorem ob euictionem atque adeo villo modo actionem ex empto aduersus venditorem non habere, si rem non expectata iudicis sententia restituerit, *l. si cum quaestio sup. l. utique. D. de rei vind.* de quo etiam initio tituli diximus. Et placet hoc loco emptorem de ea summa a se soluta cum venditore agere posse: non ex empto, neque superiora nobis obiciat; sed ex stipulatione, qua supra interposita proposuimus. Haec enim, inquit Imperatores, commissum est, id est, eius conditio exstitit ita, ut iam ex ea agi possit. *§. sub conditione. Inst. de verb. obl.* Id declarat huius stipulationis conceptio; qua venditor promissit se emptorem indemnem praestitutum, si quid emptor amississet propterea, quod res pignori obligata esset. Haec autem pecunia, quae soluta est ob eam causam, illi amissa est ob id, quod fundus fuit creditoribus obligatus. Nam creditores hypothecaria agentes alterutrum a possessore consequi debent, aut quod sibi debetur, aut ut pignus restitatur. *l. si fundus. §. in vindicatione. ff. de pig.* Recte igitur ex hac stipulatione etiam ante euictionem agitur.

L. Cum successores. XXIII.

Idem A.A. & C.C. Eustochiae.

Cum successores etiam venditoris pro euictione teneri possint: si velut obligata sibi res publica Thessalonicensium pignoris instituat iure persequi, quae comparasti: auctoris heredibus quocunque gradu constitutis adstipulare negotio denuncia. Quod suo praesentibus his fundus equum emisti, fuerit euictus, siue absentibus postea, quanti tua interest rem euictam non esse, teneri, non quantum pretii nomine dedisti, si aliud non placuit, publice notum est. S. 2. Cal. Ian. Sirmii. A.A. Coss.

S V M M A R I V M.

Euictare venditorem ob euictionem teneri, quamuis in re defendenda omnia fecerit, quæ ad iustam defensionem pertinebant.

Cum res emptori iure euicta est, & venditori recte deauntiatum, vt ad agendam causam adesset, venditorem ob euictionem teneri constat. traditum in l. 6. sup. Hic adicitur, quod notandum est, venditorē hoc casu teneri, siue ipso absente res euicta sit, siue præsente. Si eo absente res euincatur, nulla dubitatio, quin teneri debeat: quia manifesta eius culpa est, quod re non defendit. At t̄ cū ipse causā agendæ adfuit, & omnia fecit, quæ ad defensionem pertinebant, vbi apparet eum extra omnem culpam esse: merito dubitari pōt, num hic etiā de euictione teneri debeat, cum nihil debeat iure præstare præter culpam. l. 3. l. si vendita, D. de per. & com. rei vend. Et placuit nihilominus eum teneri. optimā ratione; quia præter diligentiam quæ in re seruanda ab eo exigitur, etiam rem ipsam debet. Quæ res facit, vt cum hic omnia adhibuerit, quæ illum a culpa vindicent: tamen necesse sit ideo eum in proposito teneri, quia id non præstet, q̄ debuit. Nam debuit rem idonee tradere, & præstare emptori re habere licere. l. ex empto. D. de act. empt. Non est autem tradita, quæ non perseverat tradita esse; nec licet habere eam, quæ euincitur.

L. Si post perfectam. XXIII.

Idem AA. & CC. Eutychio.

Si post perfectam venditionem ante pretium numeratū rei venundata mota fuerit questio, vel mancipia vendita proclamant in libertatem: cum in ipso limine contractus imminet euictio: emptorem, si satis ei non offeratur, ad totius vel residui pretii solutionem non compelli, iuris auctoritate monstratur. Vnde cum parte pretii numerata, domus quam emisti, tibi velut pignoris iure obligata, ne ad emtionē accederes, denuntiatur ab aliquo propeas: index tibi, quæ ex emtione veniunt, præstari prouidebit. S. 6. Cal. Feb. Sirmii, CC. Coß.

S V M M A R I A.

- 1 Ante pretium solutum mota proprietatis questione, non cogi emptorem pretium soluere, nisi ei satis offeratur a venditore.
- 2 In limine contractus imminere euictionem, quid sit.
- 3 Euictione imminente nondum ullam actionem esse emptori aduersus venditorem non fraudulentiū: sed emptorem tamen exceptione doli tutum esse, ne quid etiam venditori præstet.
- 4 Satis offerre quid sit.
- 5 Venditorem de euictione non cogi satisfacere, verum & perpetuum, etsi interdum non cogitur pretium soluere sine hac satisfactione.

Traditur in l. Iulianus. §. ex vendito. Dig. de act. empt. ex vendito aduersus emptorem agi posse, vt pretium soluat, idque eum post rem traditam præstare debere. Id cum ea exceptione accipiendum est, quæ hoc loco traditur, nisi ante pretium solutum lis mota sit de proprietate emptori, aut nisi sit saltem ei controuersia facta. Nam alterutrum satis est, vt constat ex principio huius scripti, & sine. Ante t̄ pretium solutum si controuersia emptori de re vendita fiat, nō cogitur pretium soluere, nisi ei a venditore satis offeratur euictionis nomine, vt hic cautum est, & l. pen. §. i. D. de per. & com. rei vend. Sed hoc, inquam, si ante pre-

tium solutum domini questio mota sit, vt est in d. leg. pen. vel, t̄ vt hoc loco, si modo in limine contractus imminet euictio, id est, periculum euictionis. Limē contractus accipere debemus, ingressum contractus. Ingressum autem totum illud tempus, quo nondum emptio ex vtraque parte impleta est, id est, nondū res a venditore tradita, & pretium ab emptore numeratū. Proinde etsi post quinque pluresue annos ante pretium solutū lis moueatur emptori de re vendita, non cogetur venditori pretiū soluere: quasi & hæc euictio imminet in ipso limine, id est, eo tempore, quo nondum omni ex parte venditio perfecta est, atq; ita, quo cœpit tantum. Hoc autem, ne emptor pretium soluat hoc casu, consequitur exceptio doli mali opposita. d. l. §. hoc tit. l. pater. §. ex quadrante. Digest. de dol. mal. & met. exc. Dolus venditoris in eo est, quod petat ab emptore pretium, cum ipse quod debuit, recte non præstet: quæ postulatio est contra æquitatem naturæ; qua sit, vt quod quisque in alterius persona æquum statuit, ipse in sua quoque persona valere patiatur. l. i. ff. quod quis iur.

Cum t̄ dicimus emptorem hoc consequi exceptione, qua venditorem petentem summouet; apparet nihil nos contrarium dicere l. 3. sup. hoc tit. vbi placet, quamuis res vendita aliena sit, aut pignori obligata, non ideo tamē eum qui emit conuenire posse auctorem suum, quamdiu res non sit euicta. Sane. n. emptor venditorem conuenire non potest eo nomine. Sed si quid a se petatur, nō cogitur præstare, vt hic constituitur.

Sed addita est exceptio hoc loco, nisi emptori satis a venditore offeratur. Quod si sit, emptor pretium soluere cogitur. Satis t̄ offerre est, offerre satisfactionem. Satisfacere est emptori promittere, quod eius interest, si res euincatur, & eo amplius eo nomine fideiussores dare. Et in summa satisfacere est cauere de re aliqua fideiussoribus datis. l. i. D. qui satisfd. cog. Itaq; in hac re promissione venditoris fideiussores exiguntur supra scriptis verbis, vt apertius res definitur in d. l. pen. §. i. de per. & com. rei vend. Quod dicitur, venditorem nō consequi pretium, nisi satisfdet euictionis nomine, nō est contrarium ei, quod traditur in l. emptori. D. eo. venditorem ita duplam repromittere debere euictionis nomine, vt satisfacere non cogatur. Verissimum t̄ hoc, & perpetuum, venditorem, a quo cautio de euictione postulat, non cogi satisfacere, quantumuis cogatur repromittere: neque id negamus hoc loco. Nam emptor a quo pretium petitur, non petit a venditore, vt satisfdet: sed petit, ne ille pretium petat. Et vero si satisfactionem postulet emptor euictionis nomine, est in venditoris potestate non præstare, pretium non petendo. Petitione enim pretii remota, non est locus exceptioni, qua petitionem istam in hac causa summoueri dicimus. Porro emptor solam hic exceptionē habet ad eam satisfactionem obtinendam, si venditor pergat pretium petere: actionem ad eam rem nullā. Quæ si ita sunt, apparet quamuis imminente periculo euictionis, non posse tamen emptorem aliud a venditore consequi, quam vt ne pretium soluere cogatur. Proinde si venditor pretium ab emptore non petat, non posse emptorem consequi a venditore, quod sua interest, id quod ex emtione præstari solet. l. i. in princ. ff. de act. empt. Viderit tamen hoc negari in extremo huius scripti, vbi ita verba sunt: Si ab aliquo denuntiatur sit emptori, ne ad emtione accederet, iudicem prouisorum ei præstari, quæ ex emtione veniunt. Sed hæc adiectio, quæ ex emtione veniunt, rem expedit:

Non enim venit præstatio eius, quod emtoris interest re nondum euieta. l. 3. §. 3. eod. sed nec satisfactio euietionis nomine, nisi imminente periculo euietionis venditor pretium petat, ut hic cautum est, §. d. leg. pen. §. 1. de per. & com. rei vend.

L. Si tibi. XXV.

Idem AA. & CC. Saturninæ.

Si tibi liberā Saturninus conditionem eius ignorans distinxit, ac nunc eam defendit in libertatem: hac liberā pronuntiata, venditorem vel ex stipulatione dupla, quantum in hanc deductum est, vel emti actione, quanti tua interest, convenire potes, S. Id. b. Febr. AA. Coss.

S Y M M A R I A.

1. Venditori liberum hominem, a se venditum in libertatem asserere licere, siue ignorans vendiderit, siue sciens, hoc favore libertatis.
2. Euietionis nomine duas esse actiones, ex emto; & ex stipulatione dupla.
3. Ex emto actio ob euietionem cui, aduersus quem, quam ad rem.
4. Id quod interest in actione ex emto quid contineat.
5. Summus in rem emtam factus emtorem a venditore ita consequi posse, si a domino eos servare non poterit, & rem meliorem fecerit.
6. Quanti emtoris intersit rem non euietam, spectandum eo tempore, quo res euincitur, non quo vendita est: & quid referat illud potius, quam hoc spectari.
7. Dupla stipulatio, quæ sit, & quid dupla.
8. Ex stipulatione dupla quid dupletur: tum quando dupletur pretium quanti res vendita est, quando æstimatio pro bonitate rei, quæ euieta est.
9. Bonitas partis euietæ cum æstimatur, eam bonitatem spectandam, quæ fuit cum res vendita est, aut cum aliquid accessit fundo.
10. Simpla quoque stipulationem esse, ut dupla: quæ sit, & quibus in rebus venditis locum habeat.
11. Dupla & simpla stipulationis quis usus, cum competit actio ex emto in id, quod emtoris interest, quod interdum multo plus continet.
12. Duplam emtori a venditore promitti debere; in eam rem esse emtori actionem ex emto: & quo exitu.
13. Duplam promitti debere in rebus preciosioribus: & quæ sint huius generis.
14. Duplam non exigi in illis locis, in quibus moris non est eam exigi.
15. Dupla & simpla nudam repromissionem esse, non satisfactionem.
16. Dupla aut simpla stipulatione interposita, licere emtori re euieta ultra velit actione experiri, ex stipulatu, aut ex emto, prout sibi commodum esse statuet.
17. Ex stipulatione dupla aut simpla, quæ actio, cui, aduersus quem, & ad quid.

Hoc rescriptum tria complectitur. Primum huiusmodi: Euietionis nomine venditorem teneri, siue sciens rem alienam aut pignori obligatam, aut liberam vendiderit, siue ignorans. l. ex emto. l. servus quem. §. ult. ff. de act. emt.

Alterum est; † Libero homine vendito licere venditori aduersus emtorem eum hominem a se venditum in libertatem defendere. Singulare ius propter libertatem: cum alioqui placeat venditorem vindicantem eam rem, quam vendidit, exceptione doli mali sum-

moueri posse, l. vindicantem. ff. eod. tit. Hic significatur venditorem id facere posse; si ignorans mulierem liberam vendidit. Dicemus idem eum facere posse, et si sciens vendiderit. Nam qui ignorans vendidit, non minus dolo facit vindicando rem, quam vendidit, quæ si sciens vendidisset. Vnde semper exceptione doli summouetur. d. l. vindicantem. Sed hoc in libero tantum homine vendito receptum est: primum favore libertatis, quæ omnibus rebus favorabilior esse dicitur in l. libertas omnibus. Dig. de regul. iur. deinde quia cum libera defenditur in libertate, magis ipsa agere videtur quæ venditor, qui tantum defensoris officio fungitur, non vindicantis. vindicat enim non sibi, sed liberæ.

Tertium pertinet ad eas actiones, quæ euietionis nomine competunt. de quibus breviter dicemus. Quando re euieta actio sit emtori aduersus venditorem, initio huius tituli diximus. Hoc † constituto actionem emtori eo nomine esse, quæritur, quæ sit actio. Hæc duæ sunt rescripto hoc comprehensæ: actio ex emto, & actio ex stipulatu de dupla, siue ex stipulatione dupla. adde etiam ex stipulatione simpla. Actio † ex emto re euieta semper competit ob euietionem. l. 6. sup. hic. l. ex emto. D. de act. em. Hæc actio emtori datur, ut hic significatur. d. l. ex emto. D. de act. em. Datur aduersus venditorem maxime: sed & aduersus omnes, quæ euietionis nomine obligantur, in quo numero sunt fideiussores, & heredes tum venditoris, tum fideiussoris. l. emtor. l. si controuersia. l. si status. sup. eod. Vnde circa venditorem illa quaestio, pignori bus auctoritate magistratus ex causa iudicati distractis quis sit venditor, utris rebus euietis ob euietionem conueniri possit, de qua ad l. si ob causam. sup. Competit hæc actio in id, quod emtoris interest, ut hic expressum est. Addere oportet, in id quod emtoris interest rem euietam non esse, ut est in l. cum successores. sup. item in l. euieta. 70 ff. eo. Id † quod interest ita definitur Paulo, quod nobis abest, quodque lucrari potuimus. l. si commissa. ff. rem. rat. hab. Vnde intelligimus venditorem emtori tenetur ob euietionem actione ex emto in id, quod abest emtori ob eam causam, quod res euieta est, & quod lucrari potuisset, si res euieta ei non esset. His verbis hæc continentur: non pretium rei duntaxat, ut est in d. l. cum successores. sup. & d. l. euieta. ff. eo. sed æstimatio rei venditæ, quæ interdum longe pretium excedit. l. 1. in princ. ff. de act. emt. accessiones rei, & quæcunque per occasionem rei venditæ obtingere potuerunt, quibus ideo caret emtor, quia rem habere ei non licet: cuiusmodi sunt fructus agrorum, animalium foetus, ancillarum partus: quæ alluione fluminis accesserunt, ususfructus, qui ad proprietarium emtorem rediit; ite si qua hereditas per seruum venditum obtingere potuit, qui heres erat institutus. l. venditor. ff. eo. Adde damna impensarum, quas fecit ipse de suo in rem ematam, ut melior fieret. quæ ideo illi perierunt, quia res euieta est: de quibus in l. si cum quaestio. l. si controuersia. sup. eodem.

Sed † in his sumtibus duo præcipienda sunt: primum non aliter eos consequi emtorē, quā si a dño qui rem euiet, eos servare non potuerit, ut diximus ad l. super. hoc tit. Hoc amplius non aliter eum consequi, quam si non dico fecerit eo consilio, ut res esset melior; sed re ipsa rem meliorem fecerit. Meminisse enim semper oportebit, nihil amplius consequi posse emtorē, quā quod sua interest rem euietā non esse: proinde nihil nisi quod ei abest ob id, quod res sit euieta. Id vero si sumtibus ab emtore factis res melior facta non est, non ab

sunt

sunt ei hi sumtus propter euictionem: cum & sine euictione iam ei periissent.

Vt autem actio ex emto cōpetit in id quod emtoris interest; ita semper hoc addendum est, competere in id quod eius interest rem euictam non esse. *d. leg. cum successores. supra.* Quod t̄ hanc sententiam habet, vt in æstimandis damnis emtoris, & æstimando eo quod ei abest, denique in æstimacione rei emtæ facienda tempus spectandum sit non illud, quo res vendita est, vt æstimemus, quantum res fuit; sed illud, quo res euicta est, vt tantum præstetur, quantum fuit. Ex quo duo sunt consequentia. Primum, vt si post venditionem perfectam valde creuit rei venditæ æstimatio, vel quia exculra est a venditore, vel quia accessionibus naturalibus aucta est, vel quia aliquid accreuit per alluionem, & ea fuerunt tunc, cum res euicta est; sciamus horum omnium æstimacionem emtori præstare debere; quia est id, quod habere possit, quod nunc ideo non habet, quod res euicta est. *dicta. leg. euicta. 70. ff. eod.* Alterum, vt si res post venditionem non culpa venditoris multis partibus imminuta est, debilitata, fracta, rupta, vt multo pluris fuerit cum vendita est, quam nunc est, cum euincitur; nihil amplius præstare debeat veditor emtori, quā quod nunc est. *d. l. euicta. 70.* Et hoc postremū ideo, quia quæ ita perierunt casu perierunt. casus fortuiti periculum emtione contracta ad emtorem, non ad venditorem pertinet. §. cum autem. *Instit. de emtion. & vendition.* Deinde perierunt ista, sed euicta non sunt: venditor tantum ob euictionem tenetur. Hæc de actione ex emto.

Est præterea, vt diximus, euictionis nomine actio ex stipulatione duplæ aduersus venditorem. Sed prior actio semper competit: actio ex stipulatu tunc solum, cum stipulatio interposita est. Videndum, quid sit stipulatio duplæ: tum quæ sit necessitas huius stipulationis interponendæ, ne frustra de ea hoc loco agatur. 7 Stipulatio t̄ duplæ in emtione est, qua venditor emtori stipulanti p̄mittit rē emtori habere licere, & nisi habere liceat, duplam. *leg. habere. leg. euicta. 16. §. 1. Dig. eodem.* Dupla hic idem valet, quod duplum. Duplæ stipulatio est dupli stipulatio. indicat *l. penul. infra.* vbi emtor dicitur duplum stipulari pro duplam. item *l. vindicantem. Dig. eo.* vbi dicitur emtor ex stipulatione duplæ duplum consequi. Non consequitur autem, nisi quod in stipulationem deductum est. Erat igitur duplum deductum in stipulationem. Idem significatur, cum dicitur, nisi venditor duplam promittat emtori, condemnari eum dupli. *in leg. 2. Dig. eod.* Non condemnatur, nisi eius rei nomine, quā præstare debuit. *leg. ult. supra. de fid. lib.* Itaque apparet duplam a veteribus ita dictam esse, vt intelligeretur verbum quantitas, siue æstimatio eius rei, quæ vendita est. Duplum nulum est natura, nisi ad rationem simpli: & quantum simplum est, tantum duplum esse oportet pro portione.

8 Quæritur t̄ igitur, quid hic dupletur, vt intelligamus, quantam duplam esse hic velimus. Et interdum duplatur pretium rei, quanto res distracta est, interdum æstimatio pro bonitate eius rei, quæ est euicta. Pretiū duplatur, quoties aut res tota euicta est, aut pars quidem, sed in quam certum pretium dictum est. *l. si fundo. Dig. eod.* Idem est, & si pars pro indiuiso euicta sit. *leg. 1. leg. ex mille. Dig. eo.* Ex bonitate autem rei euictæ simplum æstimandum est, cum de dupla quæritur, quoties pars certa euincitur, de cuius bonitate constare potest, & in eam partem pretium separatim non

est constitutum. *d. l. 1. ff. eo.* Differentiæ ratio est, quæ cum pretiū certū constitutum est in rē euictam, tum promittitur dupla æstimacionis eius, quæ constituta est rei venditæ. ea autem est pretium. *l. si profundo. D. eod.* Sed et si constare non possit, utrū pars quæ euicta est, pretiosior sit ceteris, quæ euictæ non sunt; ibi quoniā de bonitate partis euictæ quæri non potest, res eo deducitur. vt necesse sit aut nihil, aut tantum pretium ab initio constitutum spectari pro portione. quod contingit tūc, cum pars pro indiuiso euicta est. Nam pars pro indiuiso non apparet, intelligitur tantū; quippe quæ per totum fundum fusa est. At cum pars certa euincitur, in quam nullum pretium separatim constitutum est, non possumus in ea æstimanda id pretium sequi, quod dictum non est. Ita relinquitur, vt æstimetur pars ex sua bonitate.

Bonitatem t̄ autem hic partis euictæ longe ex alio tempore æstimamus; quam cum æstimatur bonitas actione ex emto, cum agitur ob euictionem in id quod interest. Nam id quod interest rem euictam non esse, æstimatur ex eo tempore, quo res euincitur: ideo & illius temporis bonitas & æstimatio spectatur. quæ si nulla noua esse cœpit post contractam emtione, aut si magna ex parte imminuta est, eatenus non æstimatur. *l. euicta. 70. ff. eodem.* At in stipulatione duplæ cum de bonitate partis euictæ æstimanda agitur, eam bonitatem spectamus, quæ fuit cum res vendita est, aut cum aliquid accessit fundo vendito; non autem quæ est eo tēpore, quo res euincitur. *l. bonitatis. & l. 2. seqq. Digestis. eodem.* Differentiæ ratio ex iis rebus, de quibus hæc actiones constitutæ sunt, non difficile intelligitur. Actio ex emto ob euictionem competit de eo quod euictum est; nec aliud persequitur, quā id quod interest rem non euinci: vt necesse sit in eo id tempus ipsum intelligi, quo res euicta est. At actio ex stipulatione duplæ id petit, quod in stipulationem deductum est, vt in hac *l. si tibi.* dicitur. Deducta est autem dupla eius temporis, id est, eius quo stipulatio interponebatur. Proinde in ea æstimanda id tempus spectandum est.

Sciendum t̄ est autem, non tantum ob euictionem id duplam promitti, sed etiam simplā, vt fit in rebus venditis nō pretiosis. *l. emtori. 37. §. 1. D. eod.* Hinc duplæ & simplæ stipulatio interdum legitur, & hinc illa verba *leg. emtor. supra. hoc titul.* neque ex stipulatu, neque ex dupla, neque ex emto actionem contra venditorem habet. Quid est illic actio ex stipulatu? aut cur tres actiones illic numerantur, cum in hac *leg. si tibi.* numeranda est actio ex stipulatu illic in actio ex stipulatu simpli, quæ collata cum actione ex stipulatu de dupla, nihil aliud est simpliciter, quam actio ex stipulatu. Iam autem dixi interdum interponi duplæ stipulationem, interdum simplæ tantum. Simplum intelligimus simplam quantitatem seu æstimacionem, quemadmodum & cum duplam nominamus. Hoc t̄ loco existit quæstio; cum emtori re euicta constet semper actionem esse ex emto aduersus venditorem in id quod sua interest, quod interdum non simplam tantum, sed etiam duplam longe excedat, cui bono duplam aut etiam simplam dumtaxat a venditore stipulari, vbi emtori liceat actione ex emto multo plus & facilius consequi. Et duas ad res conducit, vel potius necessaria est non dico duplæ stipulatio, sed etiam stipulatio solius simplæ. Primum hoc efficit, vt liceat emtori re euicta consequi æstimacionem, quæ fuit cum res vendita

est, aut certe pretium illius temporis, ut supra diximus ex l. bonitatis. §. seqq. D. eo. Quod interdum emptori utile est, quid enim, si post venditionem res multis partibus sit immixta? actione ex emptio estimationem præteriti temporis consequi non potest, ut ante dixi. Valet ad hoc præterea simplæ aut duplæ stipulatio, ut re etiam ab extraneis euieta, tamen venditor teneatur ex stipulatione rem emptori habere licere. Sciendum est enim, quemadmodum venditor præstare debet emptori, ut ei rem habere liceat: ita teneri eum ex emptio, ut id emptori promittat. *Lex emptio in prin. §. venditorem. Digestis. de act. empt.* In hac stipulatione si venditor nihil amplius promittat, quam emptori rem habere licere, non tenetur venditor, nisi re ab ipso aut hereditibus eius euieta. extranei si euincant, non tenetur, quia aut factum extraneorum non promittit, aut si quid, promittit inutiliter. *leg. stipulatio ista. in pr. §. 1. Digest. de verbor. oblig. l. ex emptio. §. qui autem. Digestis. de act. empt.* Sed hæc ita sunt, nisi pænæ stipulatio subiecta sit. Hæc ubi promissa est, re a quouis euieta, utiliter pænâ petitur. *dicta leg. stipulatio ista. §. 1. de verborum obligatio.* Et pænâ est, simplæ & duplæ stipulatio. Nam hæc stipulationes nihil aliud continent, quam certam quantitatem, alias simplam, alias duplam, quam promittit venditor emptori, si rem emptori habere non licebit, id est, si ei euincatur.

Ergo, ut cepti dicere, re euieta non tantum est emptori actio ex emptio, sed etiam actio ex duplæ aut simplæ stipulatione ob euictionem. sed ex stipulatione ita, si stipulatio sit interposita. Hinc de necessitate huius stipulationis interponendæ quærendum est. Frustra enim de ea agitur, nisi necesse habet venditor hanc interponere: cum pro non dicto sit, quod ipse præstare, nisi velit, non cogatur. *leg. sub hac. Dig. de obl. §. act.*

12 Ne igitur putemus frustra susceptam disputationem de hoc genere stipulationis, hæc constituendum est, venditorem emptori obligari, ut duplam promittat; saltem ut promittat semper simplam. *dicta leg. emptori. 37. in principio. §. §. 1. D. eodem.* Videndum, quæ actione id consequatur; tum an semper dupla promitti debeat: postremo quomodo debeat. Et quod ad actionem atinet, cõpetit actori in eâ rem ex emptio actio. *leg. quod si nolit. §. quia assidua. Dig. de ad. ed. leg. ex emptio. §. venditorem. Digestis. de act. empt.* Huius iudicii exitus hic est, ut si conuentus venditor duplam non re-promittat, dupli condemnatur: nempe tanti, quantum petebatur. *leg. 2. ff. eodem.* Duplam promitti oportet: verum neque in rebus omnibus, neque omnibus locis.

13 In illis tantum rebus moris fuit Romanis duplam exigere, quæ pretiosiores sunt. *dicta leg. emptori. 37. §. 1. Digestis. eod.* In hoc genere rerum habentur, primum contra controuersiam res omnes soli: proximo loco mancipia. *d. l. quod si nolit. §. quia assidua. de ad. ed.* Ex ceteris rebus non male videtur definiri posse, res esse pretiosiores, quæ duos aureos excedunt, argumento uti licet. *leg. si quis. ff. manut. in si. iuncta. l. seq. Digest. de dol. ubi et similia.* Non esse non modica, quæ excedit duos aureos. Porro non male dici posse videtur, eam rem pretiosiorē rem habendam esse, cuius non modica æstimatio est.

14 Sed nec in illis locis, dupla exigi potest, ubi moris est, quod non promittit, sed simplam dumtaxat. Hic enim in rebus & consuetudinem regionis sequimur. *l. 6. ff. eodem.* Et certe duplæ stipulatio ideo tantum exigi dicitur, quia moris & consuetudinis est eâ præstari,

dict. l. quod si nolit. §. quia assidua. Promittitur tamen dupla aut simpla, nuda repromissione tantum, non satisfactio, id est, venditor duplam aut simplam stipulanti emptori promittere cogitur; sed fideiussores in eam re dare non cogitur. *l. 4. in pr. d. l. emptori. in princip. Digest. eodem.*

Hæc igitur stipulatione interposita siue duplæ, siue simplæ, euenit, quod in hac lege scriptum est, ut emptori re euieta duæ sint ob euictionem actiones emptori aduersus venditorem, ex emptio, & ex stipulatione vel duplæ vel simplæ. quarum alterutra emptor uti poterit, prout sibi expedire existimabit. *l. sed §. si. 18. §. l. seq. ff. eod.* Actione ex emptio tunc, cum res plurimi erit, cum euincitur. actione ex stipulatione, cum res pluris fuit, cum distraeta est, quam nunc cum euincitur, secundum supra traditam a nobis distinctionem.

Stipulatione igitur constituta, quæritur de actione, quæ ex ea stipulatione nascitur. Hæc vero est cõdictio certi ad pænâ certam in stipulatum deductam. *Instit. de ver. obl. in pr.* Hæc ut ex reliquis stipulationibus stipulanti competit aduersus promissorem, & competit in id, quantum in stipulatum deductum est, ut scriptum est in hac lege.

L. Si quis tibi. XXVI.

Idem A A. & C C. Neonl.

Si quis tibi seruum vendidit, postquam is rebus humanis exemptus est, cum euictionis periculum finitum sit, a te conueniri non potest. S. 2. Cal. April. Sirmsi. C. C. Coss.

S Y M M A R I A.

- 1 Re vendita casu extincta venditorem emptori non teneri, quamuis constiterit postea rem alienam, aut pignori obligatam fuisse.
- 2 Hoc casu emptore in rem amittere, & nihilominus venditorem pretium lucrari aliter, atque si res euictione amissa esset.
- 3 Re vendita post litem cum emptore contestatam extincta, sententiam ferri de proprietate rei, quasi res exstaret. hinc emptori regressum esse aduersus venditorem tanquam re euicta.

Si igitur venditor re vendita tradita, solus ob euictionem tenetur emptori, ut solum obligatur. *leg. ex emptio. in princip. Dig. de act. empt.* si non tenetur, quamdiu res euicta non est, ut non teneri scriptum est in l. 3. §. cõsequens est, quod hoc loco constituitur, re vendita casu extincta venditorem eo nomine emptori non teneri, quantumuis rem quæ extincta est, alienam fuisse, aut pignori obligatam postea constiterit. Quippe res casu amissa euicta non est. Nam euincere est rem iudicio auferre. *l. non tamen. l. habere. ff. eo.* Non auferitur autem iudicio, quæ amittitur casu. Et hæc est ratio, qua Vlpianus in hac specie vitur in *leg. si seruus. Dig. eod.* ideo hoc casu venditorem emptori non teneri, quia neimorem euicerit, sed fatum humanæ sortis. Atque tamen etiam euenit, ut hoc casu emptor rem amittat, & nihilominus venditor pretium lucretur. Quod prima facie iniquum videri potest, præsertim cum scriptum sit in *leg. ex emptio. §. qui autem. Digestis. de act. empt.* bonæ fidei iudicium non pati hanc conventionem, ut emptor rem amittat, & venditor habeat pretium. Sed nihil est æquius. Nam emtione contracta, pro emptore hoc constitutum est, ut commoda omnia rei venditæ ad eum pertineant. Cui consequens fuit, ut & incommoda eum sequi oporteret. *§. cum autem. Institutio. de empt. §. vend. leg. necessario. D. de peric. & com. rei vend.*

Consequens

Consequens dixi, quia ut est secundum naturam, comoda cuiusque rei eum sequi, quem sequuntur incommoda, *l. secundum. Digest. de regul. iur.* ita contra, quem comoda cuiusque rei sequuntur, eum quoque sequi incommoda, *l. unica. §. pro secundo. in fi. C. de cad. toll.* Est autem in incommodis rei venditæ casus omnis fortuitus, vel potius casus omnis, qui sine culpa & facto venditoris contingit. Et quod dicitur in *lex emto. §. qui autem. de act. emt.* bonæ fidei iudicium non pati hanc conventionem, ut emtor rem amittat, & venditor pretium lucretur; nominatim dictum est de eo emtore, qui rem amittit propter euictionem. Est vero iniquum propter euictionem pretium ei perire, quamuis conuenerit, ne ob euictionem ageret. Nam euictio ex facto venditoris nata est, qui rem alienam vendidit, & ita euictioni causam dedit.

Hæc et simpliciter ita dicuntur in hoc rescripto, item in dict. *leg. si seruus. Digest. de euict.* tamen bene monet Accursius sic accipiendum esse, si res vendita interierit ante litem cum emtore contestatam. Nam si postea perierit, postulante emtore sententia feretur de proprietate rei: & si res aliena pronuntiata sit, is aduersus venditorem regressum habebit non tantum actione ex emto in id, quod sua interest rem alienam non fuisse; sed etiam actione ex stipulatione duplæ aut simplæ in id, quantum in stipulatione deductum est, quasi re emtori vere euicta. *l. utique. Dig. de rei vind. l. ultim. sup. de assert. toll. l. cum seruus. Digest. ind. sol.* Sed huic parti videntur refragari ea principia, quæ posuimus de euictione in principio huius tituli, & ad *l. 3. & l. 6. supra.* Sunt autem hæc, venditorem, quamdiu res euicta non sit, non teneri. *l. 3. sup.* item, venditorem non teneri, nisi quis rem euincat, vel nisi res amissa sit ob euictionem. Iam vero licet res vendita post litem cum emtore contestatam perierit, non tamen res euincitur, atque adeo, nec euinci potest. Nam, ut supra dixi, euincere est rem auferre. Non potest autem sententia iudicis auferri ea res, quæ non est. Et hæc omnia vera sunt, si fateamur rem, quæ post litem contestatam interiit, non exstare. quod fecus est. Non exstat illa quidem natura; sed iure exstare fingitur: ut sententia de proprietate eius rei lata perinde habeatur, quasi ea exstaret, & esset ablata. Nam si emtorem moram fecisse proponas iudicium accipiendo, mora perpetuam fecit actionem, id est, fecit, ut perpetuo teneatur, quasi res exstaret, *l. item si verberatum. in fin. Dig. de rei vind. l. nemo. §. primo. Dig. de verb. oblig.* Quod si emtor moram non fecit, is quidem non tenetur ob rem petitam, neque in æstimatione eius rei; sed nihilominus aduersus venditorem res adhuc exstare intelligitur, ut emtori a venditore eam consequi liceat. *dict. leg. utique. de rei vind.* Ita & hæc pars quoque posterior recte constituitur, neque priori aduersatur.

L. Si fundum. XXVII.

Iidem AA. & CC. Theophilo.

Si fundum sciens alienum vel obligatum comparauit Athenocles, neque quicquid de euictione conuenit: quod eo nomine dedit, contra iuris poscit rationem. Nam si ignorans: desiderio tuo iuris forma negantis hoc reddere fragatur. S. 15. Cal. Oct. CC. Cos.

S Y M M A R I A.

1. Ei qui sciens rem alienam emit, euictionem non prestari: nisi si quis de euictione nominatim sibi cauierit.

2. Casus, ubi & scienti praestetur euictio, & paciscenti nihil amplius, quam rei pretium.

L. ult. §. pen. §. ult. C. com. de leg. sententia & ratio exposita. ibidem.

Qui rem emit conditionis rei non ignarus, talem videtur emisisse, qualis est. Proinde re ob eam conditionem euicta venditor non tenetur. extra quam si conuenerit, ut ei euictio praestaretur. Semper enim hoc tenendum est ex generali edicto de pactis, omnem pactiōem seruandam esse, quæ non sit de lo malo interposita, si modo & de re priuata est. *l. iuris gentium. §. ait. §. si paciscar. Digest. de pact.* Et maxime si est contractus bonæ fidei, in quo interposita est conventio. qualis est emtio & venditio, de qua hic agitur. *lex emto. Digestis. de act. emt.* De hoc iure diximus ad *leg. 6. supra.*

Utraque et tamen in parte superioris iuris sua quædam exceptio est in ea specie, de qua constitutum est a Iustiniano in *l. ult. §. pen. & ultim. sup. com. de leg.* Species ea est, cum rem hereditariam sub conditione legatam heres pendente conditione vendit ei emtori, qui ita legatam non ignorat: deinde impleta conditione rei legatæ legatarius, qui ex euentu conditionis dominus esse cepit rei legatæ, eam rem ab emtore eodemque possessore vindicat, & iure suo euincit. In hac specie duo illic singularia constituta sunt de euictione rei. Primum, ut emtor quamuis non ignorauerit conditionem rei emtæ, tamen pretium ab herede eodemque auctore suo possit repetere, contra quam hic constitutum est. Alterum, ut nihil possit amplius repetere, quam pretium etiam si emtor nominatim sibi duplam cauierit, id est, conuenerit, ut re euicta sibi dupla praestaretur. Vtriusque huius partis ratio fuit Iustiniano id ipsum, quod prius ibidem constituit, ut existente conditione rei legatæ venditio quæ præcesserat, perinde irrita fiat, ac si nulla interuenisset. Hoc iure posito, reliqua duo sunt consequentia, quæ supra diximus. Nam si emtio pro nulla habetur, causa quæ prius fuerat, finita est, nempe emtio. Ita incipit pretium, quod datum est, repeti posse conditione sine causa. *l. i. in fin. Dig. de cond. sine caus.* Deinde si venditio nulla est, consequens est nihil ex iis peti posse, quæ per causam emtionis promittuntur. Proinde nec dupla ex conventionem præstabitur emtori: quoniam dupla ex causa emtionis & rei venditæ euictæ promittitur. Quod autem Iustinianus in supra scripta specie constituit, ut existente conditione legati emtio habeatur pro nulla: id fecit, ut coerceret auaritiam heredis, qui tam turpiter contra voluntatem defuncti rem vendidit restitutioni obnoxiam, ut ibidem ipse idem significat. Sane emtor, qui sciuit rem alienam, aut pignori obligatam a se emi, interdum pretium a se numeratum seruare potest: sed hoc solum a domino, qui rem ab eo vindicat, & tunc cum pretium in rem domini versum est. *l. 1. sup. si vend. pig. ag. l. emtor. Dig. de rei vind. de quo diximus ad l. super. sup. hoc tit.* Nec posse eum hoc pretium consequi a venditore propter euictionem hoc loco negamus.

L. Emtori. XXVIII.

Iidem AA. & CC. Maximiano & aliis.

Emtori etiam venditoris iura prodesse non ambigitur. Si igitur vobis propter rei proprietatem mora fuerit quaestio: tam propriis, quam venditoris defensionibus uti poteritis. S. 3. Non. Oct. Scappis, CC. Cos.

S V M M A R I A.

- 1 *Emtorem in lite proprietatis sibi mota & suis propriis & venditoris defensionib. uti posse: & ha qua sint.*
- 2 *Pacti cum venditore interpositi, item rei cum venditore iudicata exceptio, quo iure ad emtorem transferatur.*

Ite de proprietate rei venditæ emtori mota, is venditore causam non suscipiente necesse habet ex fide bona causam agere, & tueri lis omnibus defensionibus utendo, quæ ad rem pertinent, & quibus potest, de quo diximus ad *l. emtor. sup.* Quæritur, quæ defensiones emtori in ea causa competant. Hic t̄ constituitur emtorem in ea re non tantum propriis, sed etiam venditoris defensionibus, & iure uti posse. Defensiones vocamus exceptiones. *l. 1. defensiones. sup. de exc.* quoniam exceptiones defendendorum reorum causa comparatæ sunt. *Inst. de excep. in princip.* Propriæ exceptiones emtoris sunt, exceptio pacti cū ipso emtore interpositi, rei cum emptore iudicatæ, iurisiurandi emtori delati. His omnibus emtorem uti posse constat. Hic adicimus etiam si venditor ipse pactus sit, aut iudicio absolutus, aut deferente aduersario iurauerit rem suam esse, posse emtorem uti iisdē exceptionibus. Propone hoc modo: emtor fundi cōtrouersiam de proprietate passus est a Lucio Titio, deinde inter eos composita, & Titius pactus, ne fundum ab emtore amplius peteret: hinc pacti exceptio emtori quæsit, quæ emtoris propria est. *§. præterea. Inst. de excep.* Vel iudicium inter istos processit, & tandem emtor absolutus est. hinc propria exceptio nata emtori, exceptio rei iudicatæ. *§. item si. Inst. de excep.* Idem de exceptione iurisiurandi dicendum est. *§. aque. Inst. de exc.* His exceptionibus ita emtori quæsit, dicimus, si Titius eundem fundum ab eodem emtore, aut eius heredibus postea petat, summoueri eum posse, illic quidem exceptione pacti, hic autem exceptione rei iudicatæ, aut iurisiurandi: quæ sunt propriæ emtoris exceptiones. Dicimus idem iuris esse, si eadem Titio cum venditore intercesserint, hoc modo: venditor fundi priusquam fundum venderet, ab eodem Lucio Titio cōtrouersiam passus est, & tandem Titius pactus est se a venditore non amplius petiturum eum fundum, aut venditor eo iudicio absolutus est, aut deferente Titio iurauit fundum suū esse: unde illi eadem exceptiones comparatæ sunt, quæ supra. Deinde fundum vendidit, & Titius idem hunc fundum ab emtore vindicat. Dicimus, inquam, in hac cōtrouersia emtorem posse eum summouere exceptione pacti cum venditore interpositi, exceptione rei cum venditore iudicatæ, exceptione iurisiurandi a venditore præstiti. Nam hæc sunt defensiones venditoris, de quibus hic dicitur. Et de exceptione pacti cōueni hoc ius traditum est diserte in *l. si tibi. §. pactum. Dig. de pact.* Sed t̄ quomodo pactum cum venditore interpositum, in alia persona, puta emtoris, potest nocere Titio: cum sit certi iuris regula, pacta de vna re, aut cum vna persona facta, non posse in alia re, aut in alia persona nocere? *l. si vnus. §. pacta. in fin. D. gest. de pact.* Dicendum est, cum emtor exceptione pacti, cum venditore facti utitur, pactum non tam prodesse emtori, quam venditori ipsi, qui pactus est: & quod idem est, pactum nō tam nocere in persona emtoris, quam in persona venditoris. Interest enim venditoris emtorem eo pacto uti: propterea quod nisi utatur emtor ea exceptione, habiturus sit regressum aduer-

sus venditorem ob euictionem. Et hoc est, quod alia regula iuris traditur, pacta cum aliis personis facta omnibus prodesse, quos non teneri paciscentis inter est. *l. & heredi. §. vlt. l. fideiussores. §. vlt. ff. de pact.* Adde, quod venditor rem vendendo & tradendo emtori, omnes actiones suas ad emtorem transferre intelligitur. *l. postquam. l. ex nominis. sup. de hered. vel act. vend.* Multo igitur magis existimandus est transferre exceptiones, quibus ad emtorem defendendum opus est. *l. inuitus. §. 1. ff. de reg. iur.* Eadem dicere licet de exceptione rei cum venditore iudicatæ. Constitutum est res inter alios iudicatas, quemadmodum alii non nocent, ita prodesse non posse. *l. 2. sup. quib. res iud. non noc.* Quo effici videbatur rem iudicatam inter Titium & venditorem fundi non debere emtori prodesse, tanquam alii persone. Sed dicemus idem, quod supra, cum emtor hac exceptione utitur ex persona venditoris, rem iudicatam non tam ipsi prodesse, quā venditori, cum quo res iudicata est. Idem de ceteris exceptionibus licet intelligere.

L. Si permutationis. XXXIX.

Idem AA. CC. Rhelo.

Si permutationis gratia prædia curatoribus quondam fratris tui mater tua dedit: his, quæ in eorum vicem accepit, posteaquam ad defensionem fuerit denuntiatur, vel cum eorum non haberet facultatem, euictis quanti interest, eos conueniri posse, rationis est. S. Idib. Decemb. Nicomedia. CC. Cos.

S V M M A R I V M.

- 1 *Ex permutationis quoque causa actionem esse ob euictionem ei, cui res euicta est: dum omnia fecerit in lite proprietatis, quibus factis emtori eadem actio competit.*
- 2 *Re aliena in permutationem deducta, ei qui accepit, etiam nondum re euicta conditionem esse ob causam dati causa non secuta: aliter in emtione.*

Quod de euictione constitutum est, re videlicet alicui tradita euicta ei actionem aduersus eum esse, qui tradidit, ob euictionem: de emtione solum constitutum est, ut videre est in *l. ex emto. in princ. ff. de act. emt.* Sed hoc sic acceptum est ex sententia eius iuris, ut placeret ius pertinere ad omnes contractus, qui emtionis & venditionis vicem obtinent. Cuius generis est, si quid in solutum datum sit; de qua specie dictum est in *l. 4. sup.* Eiusdem t̄ generis est permutatio, de qua hic agitur. Hæc quoque dicitur vicem emtionis obtinere in *l. 2. supra. de rer. perm.* Vnde in permutatione vterque ex contrahentibus dicitur emtoris & venditoris loco esse. *l. sciendum. §. penult. Dig. de ad. ed. venditoris*, quia mercem datam emtoris, quia pro merce aliud accipit. Hinc est, quod hic constituitur, si res ex causa permutationis vel ex permutantibus euicta sit, eum ob euictionem actionem aduersus alterum habere in id, quod sua interest, uti fieret, si res ei esset vendita: proinde & eadem lege, qua ob euictionem rei venditæ actio competit, id est, si is cui res permuatata euicta est, in cōtrouersia euictionis omnia fecerit, quæ emtorem facere oportet, ut actionem ob euictionem habeat; puta denuntiari alteri reo, & præterea causam defendere, ut potest. De denuntiatione hic tantum dicitur: sed ita, ut hic alterum quoque; sicut in emtione ad cuius legem reuocatur permutatio, intelligi oporteat, quoties ob euictionem agitur. Sed t̄ quoniam de euictione tantum hic dicitur, traditurque eum, qui ex causa permutationis rem accepit; a-

pit, actionem habere in id quod sua interest, si ea res euiſta ſit: quæremus, an priuſquam res euiſta ſit, nullam actionem habeat aduerſus eum qui dedit, quamuis conſtet rem eſſe alienā. Nā ſi res illi vendita eſſet, quantumuis eſſet aliena aut pignori obligata; tamen nullam actionem haberet aduerſus venditorem, priuſquam res eſſet euiſta. *l. 3. ſupra.* Num ergo in permuta- tione, quam emtioni ſimilem eſſe volumus, idem probandum eſt? Reſpondeo, non idem. Illud emtio- ni per omnia ſimile, quod iſ, cui ex cauſſa permutatio- nis res aliena data eſt, non poteſt agere in id quod ſua interest, priuſquam res euiſcatur, vt conditio hoc re- ſcripto addita ſatis indicat. Hoc interest, quod qui re alienam accepit, poteſt id quod dedit alteri, repetere tanquam ob cauſſam datum, cauſſa non ſecuta. *leg. na- turalis. §. 1. ff. de præſer. ver.* Quod non licet facere in em- tione & venditione. In qua, quamuis conſtet rem ven- ditam eſſe alienam, tamen emtor pretium a ſe nume- ratum cōdicere non pōt. *arg. in l. ſi non donationis. §. de cont. emt.* Hoc ideo, quod in contractibus, qui ſuū no- men habent, ſic obligatio contrahitur inter contra- hentes, vt ex pœnitentia mutare factum non liceat. *l. ab emtione. Dig. de pac.* quod contra facere licet in contractibus innominatis. *l. §. Dig. de cond. cau. dat. cau. non ſec.*

L. Non ex eo. pen.

Idem AA. & CC. Haſtio.

Non ex eo, quod duplum iſ, qui a matre tua mancipiū comparauit, euiſtionis nomine ſtipulatus eſt, aliena rei ſcientia conuincitur: nec opinio eius ex hoc leditur, vt male fidei emtor exiſtimetur. Aliis itaque hoc iudiciis, ſi vis, probare debes. S. Id. Decemb. AA. Cōſſ.

SUMMARY.

- 1 Venditorem emtori obſcientem rei aliena venditæ ſcientiam, hanc probare debere: & cur.
- 2 Non ideo emtorem probari ſciuiſſe rem alienam ven- di, quia de euiſtione ſibi cauſi.

Quæſtio huius loci naſcitur ex eo, quod traditum eſt in *leg. ſi fundum. ſup.* eum emtorem, qui ſciens rem alienam emit, re euiſta iure ob euiſtionem age- re non poſſe. ſinge enim eum emtorem agere ob eui- ſtionem nihilominus, & venditorem vti hac defen- ſione, vt dicat, emtorem ſciuiſſe rem alienam vendi, & talem qualis euiſta eſt, ac de eo eſſe controuerſiam an emtor ſciuerit, necne. In hac controuerſia intro- ducitur quæſtio de probatione, de qua hoc reſcripto. In eo duo quærantur.

- 1 Primum ꝑ utri incumbat probatio, emtorine, vt pro- bet ſe ignorare rem fuiſſe alienam; an vero venditori, vt probet emtorem ſciuiſſe. Et de eo ſignificatur hoc re- ſcripto in extremo, venditoris probationem eſſe. Quod recte ita conſtituitur. nam cum venditor dicit emtorem ſciuiſſe, in eo exceptione doli mali vtitur, quæ emtorem ſummouet. *l. apud. §. item Labeo. Dig. de dol. mal. §. met. exc.* In omni autem exceptione reus actor eſt, & exceptionem tanquam intentionem pro- bare debet. *l. in exceptionibus. D. de prob.* Hoc ꝑ poſito, alterum quæritur, an venditor idonee hoc probet, ſi dicat, emtorem duplam a venditore ſtipulatum eſſe, de quo hic præcipue quærebatur. Et reſcriptum eſt, non ideo argui emtorem ſciuiſſe rem eſſe alienam, quia ſibi duplam cauit. Recte: hoc enim facere ſolent boni emtores, non tantum qui ſciunt rem alienam eſ- ſe, ſed et qui ignorant, nā etſi ignorant reuera, tamen

ſciunt fieri poſſe, vt aliena ſit, & poſtea euiſcatur, quæ propter & aduerſus futuros caſus ſibi proſpiciunt, ne cum illi inciderint, tum cogantur oratione ſtultorum vti, vt dicant, *non putaram.* Fieri poteſt, vt quis duplam ſtipuletur ideo, quia ſcit re alienā ſibi vendi. Sed hoc non ſemper accidit. ideo ex ſtipulatione duplæ non recte colligitur, iuxta vulgare dictum, *Non probat hoc eſſe, quod ab hoc contingit, vt abſi. l. neque natales. ſup. de prob.* Sed videri poteſt hæc quæſtio eſſe ſuperuacua in ſpecie propoſita. Proponitur enim emtor ſibi nomi- natim duplā ſtipulatus eſſe euiſtionis nomine. Quod qui fecit, iſ actionem ob euiſtionem habet, ſiue ſciue- rit rem alienam eſſe, ſiue ignorauerit. *l. ſi fundum. §. eo.* vt proinde etiam de ſcientia emtoris probare æque venditori ſit inutile. Et fatendum eſt, in actione ex ſti- pulatione duplæ quæſtionem venditori eſſe inutilem. Sed qui duplam ſtipulatus eſt, poteſt idem re euiſta & ex emto agere. *l. ſi tibi. §. eod.* verum hac conditione, ſi non ſciens alienam rem vel obligatam emerit. *d. leg. ſi fundum. §. eo.* Atque hic demum ſuperiori quæſtioni locus eſt, vbi & ſuperior probatio venditoris admit- titur.

L. Vltim.

Vide l. exceptiones. §. hoc tit.

AD TIT. XLVI. CREDITOREM euiſtionem non debere.

SUMMARY.

- 1 Creditorem re euiſta, quam iure creditoris, ſeu iure pignoris vendiderat, ſi vt aliena euiſta ſit, emtori eo nomine non teneri, neque in id quod interest, neque ad pretium reſtituendum.
- 2 Extraquam, ſi quid contra conuenerit, aut creditor ſciuerit eſſe alienam, emtor ignorarit.
- 3 Creditorem pignore, quod vendidit, euiſto, haſti- nus teneri emtori, vt cedat ei actiones ſuas.
- 4 Pignore vendito euiſto, & ſine ceſſione utilem eſſe a- ctionem pignoratitiam emtori aduerſus debitorem, quatenus debitor locupletior factus eſt.
- 5 Creditorem re, quam iure pignoris vendidit, euiſta, ſi in bonis debitoris fuit, omnimodo ob euiſtionem teneri: & cur.
- 6 Creditorem in vendito pignore præſtare debere em- tori, rem ſibi obligatam eſſe, ſe in pignore omnibus aliis potiorum eſſe, & ſe ius vendendi habere.
- 7 Creditorem nulla ex cauſſa quamuis domini poſtea ſibi quæſiti de pignore a ſe diſtracto emtori contrö- uerſiam mouere poſſe.

Conſtanter traditum eſt, ſi creditor iure credito- ris, vel quod idem eſt, iure pignoris rem ſibi obligatam vendat, eum re euiſta ob eam euiſtionem emtori non teneri: ne ad pretium quidem reſtituen- dum. Traditur hoc in *leg. ex emto. §. ſententiam. Dig. de act. em. leg. etſi. Dig. de diſt. pig.* Traditur hoc idem in his duobus reſcriptis, quæ ſequuntur. Sed habet hæc ſentētia multas cautiones. multis enim modis ac- cidit, vt creditor teneatur ob euiſtionem. Quare vt id quale ſit, plane intelligatur, de re tota ſic habendum eſt. Cum quæritur, an creditor, qui iure creditoris pi- gnus vendidit, ob euiſtionem pignoris teneatur; multum interest, quam ob cauſſam res euiſta ſit em- tori: vtrum ob id, quod res aliena eſſet, non debitoris; an vero ob id, quod nō eſſet creditori obligata, ſiue ꝑ creditor in ea re ius creditoris, ſeu ius pignoris con-

stitutum non haberet. Si t̄ ob id euincitur, quia in bonis debitoris non fuit, hæc demum euictio est, quam non præstat creditor. adeoque hanc non præstat, vt nec pretium ex hac causa restituere debeat. Id intelligitur ex supra scriptis quatuor locis, in quibus indistincte scriptum est, creditorem nō teneri. Nusquam autem alibi hic casus exceptus est, cum res in bonis debitoris non fuit. Non aduersatur huic sententiæ, quod generaliter traditur in l. 6. supra eodem. et si specialiter venditor euictionem non promiserit, re euicta ex emto competere actionem. Hoc enim cum hac exceptione semper accipiendum est, nisi aperte aliud actum sit, vt ibi docuimus. Nunc autem cum creditor vendit rem iure creditoris, hoc agi intelligitur, vt præstet venditori creditoris ius: extra hoc ius ne teneatur. Quid est enim iure creditoris, nisi pro eo iure, quod creditor in pignore constitutum habet? Iure pignoris idem valet, vt indicatur in extremo leg. 1. hic. Idem valet lege pignoris vendere. *l. et si u. D. de distr. pig.* Hoc enim significatur vendere hoc pacto & conuentione interposita, vt dicatur creditor rem tanquam pignus vendere.

2 Sed t̄ hic duæ res exceptæ sunt; conuentio creditoris, & dolus. Primum vt maxime creditor iure creditoris rem vendat; tamen euictionem præstabit, si hanc emtori repromiserit, vt est in l. 2. hic. Cū omnis pactio non fraudulenta in bonæ fidei contractu interposita seruanda est, & actionem parit, *l. ex emto. in princip. D. de act. em. l. in bona. s. de pact.* tum maxime eius rei interposita stipulatio, quæ etiam per se valet iure ciuili. *s. de constituta. Institutio. de action.* Sed & extra conuentionem si creditor sciuit rem alienam esse, non debitoris, æque tenebitur ob euictionem rei: quoniam decepit emtorem. Sine exceptione definendum est, semper emtorẽ venditori, & venditorẽ emtori dolum suum præstare debere, estque hæc exceptio in leg. ultima. in fine. hic. eadem, in dicta leg. ex emto. *s. sententiam ff. de act. em.* His remotis recte dixerimus, creditorem ob euictionem venditi pignoris, & quidem vere ei datum sit, non teneri. dum tamen hoc ita temperetur, vt proposulimus, vt ne scilicet teneatur aut in id quod interest emtoris, aut ad pretium restituendum. *dicta leg. ex emto. s. sententiam.*

3 Ceterum t̄ placet eum re euicta saltem ad hoc teneri ex emto, vt quam habet actionem aduersus debitorem suum, qui rem alienam pignori dedit, eam præstet: id est, contrariam pignoratitiam actionem. æquissimum enim videri id saltem consequi emtorem, quod sine dispendio creditoris futurum est. Hoc in leg. creditore. *Dig. de euiction.* Ita qui rem aduersus creditorem seruare non potest, potest hac actione cessā seruare aduersus debitorem. Quia in

4 t̄ & nulla cessā actione placet emtori vltro vtilem actionem dandam ex emto aduersus debitorem ipsum, quatenus pretio illius rei locupletior factus est. *l. rescriptum. s. 1. Digest. de distr. pig.* Atque hæc ita sunt si res euicta sit ob id, quod non esset in bonis debitoris.

5 Quod t̄ si res in bonis debitoris fuit, & nihilominus iure euicta est, generaliter probandum est, omnem eam euictionem sine exceptione creditorem præstaturum: quoniam ideo euinci rem necesse est, quia defuit ei ius creditoris, siue ius pignoris, quo tamen iure rem vendidit. semper autem in venditione id præstare venditor debet, quod dixit, vbi propter id rem pluris vendidit. *l. ea, qua. Digest. de cont. emt.*

& vend. Idque aperte declaratur exemplo hereditatis venditæ: quam cum heres vendit iure heredis, semper hoc præstare debet, se heredem esse, & eam hereditatem, quam vendit esse eam, ex qua heres exstiterit. *leg. quod si nulla. ff. de her. vel act. vend.* Vt aut̄ certius statuamus id ita esse in pignore vendito, facient ea quæ plura in hac venditione a creditore exigi legimus, quæ ex illo principio ducta, id verissimum esse confirmant.

Hinc t̄ ergo est, quod placuit, cum creditor iure creditoris pignus vendit, ante omnia illum præstare debere emtori, rem sibi obligatam esse pignori. Id declaratur in principio. *l. 1. & l. 2. hoc tit.* Quod enim dicitur vtroque in loco, creditorem euictionem non debere adiecta hac conditione, si vendidit fundum obligatum: satis significat, si creditori res pignori obligata non sit, eum ob euictionem teneri. Cur ergo teneatur hoc nomine, nisi quia dixit se creditorem esse, & pignus se vendere, quod dictum in omni venditione præstandum est? Placet præterea creditorem emtori in hac venditione præstare debere non tantum sibi rem pignori obligatam esse; sed etiam se in eo pignore omnibus aliis creditoribus esse potiorum. *leg. 1. in fine hic.* Quod quidem non alia de causa exigitur, quam quod qui posterior creditor est ex pluribus, is ius vendendi pignoris non habet; atque ita simpliciter ius plenum pignoris non habet, vt priori creditori noceat. *leg. creditor. 12. ff. qui pot. in pign. hab. leg. 2. vltima. sup. & si antiq. creditor.* Porro creditor qui se dicit vendere iure creditoris, hoc dicit se ius pignoris habere; proinde & ius habere vendendi pignoris. Nam proprium ius pignoris est vendere licere. *l. si cessante. s. de distr. pig. l. 4. D. de pig. act.* Cui consequens esse recte quis dixerit, si creditor fuit quidem primus, atque adeo solus; si tamen propter conuentionem nominatim interpositam cum debitore non habuit ius vendendi pignoris, atque ideo venditum ab illo pignus euictum est: euictionis nomine hic quoque eum teneri, quippe multo minus hoc casu ius habuit vendendi pignoris quam posterior creditor.

Ad t̄ extremum notandum est, vbi cumque euictionem creditori in pignore non nocere placet, ibi euictionem alienam intelligi debere. Vt autem euincat ipse; quod vendidit, eiusque rei ex alia causa quauis postea sibi nata quæstionem moueat, neque ius, neque æquitatem pari. *l. et si. Digest. de distr. pig. l. 1. illic. si tamen hoc tit.*

AD LEG. SI VNQUAM TIT. LVI. lib. VIII. C.

Idem AA. ad Orphitum Præfectum Prætorio.

Si vnquam libertis patronus filios non habens bona omnia vel partem aliquam facultatum fuerit donatione largitus, & postea susceperit liberos: totum quicquid largitus fuerat, reuertatur in eiusdem donatoris arbitrio ac ditione manserunt Dat. s. Cal. Apr. Arbitrione & Lolliano Coss. 355.

SUMMARIA.

1. Reuocanda donationis causa.
2. In beneficio l. si vnquam, quæ spectanda.
3. Patrono soli beneficium hic tributum, non aliis donatoribus.
4. Qui liberos habet, cum donat, ad eum non pertinere beneficium huius legis: & cur.

- 5 Ne sic quidem: quamuis idem alios liberos postea suscepit: & quare.
- 6 Inofficiose donationis reuocationem esse dissimilem, & cur.
- 7 Donanti tribui beneficium huius legis, non autem aliter contrahenti: differentia ratio.
- 8 Ad quas cumque res donatas etiam singulas reuocationem huius donationis pertinere.
- 9 Liberis postea susceptis reuocationi donationis ex hac lege locum esse; nec conualescere donationem, quamuis si liberi postea decesserint viuo donatore, & eo, qui viuis non repetierat donata.
- 10 Testamentum agnatis postea liberis ruptum conualescere, si liberi viuo adhuc testatore decedant: aliter atque in donatione infirmata ex hac causa: & differentia ratio.
- 11 Liberis post donationem susceptis quamuis decedant, postea viuo donatore, non ideo tamen cessare causam reuocata prius donationis.
- 12 Liberis postea susceptis, donatori ipsi tribui reuocationem donationis, non liberis: ut neque liberorum consensus ad eam rem sit necessarius, nec liberorum factum patri noceat.
- 13 Totam donationem reuocari ex beneficio huius legis.
- 14 Ipso iure donationem reuocari ex causa huius legis. & num. seq.
- 15 Reuertendi verbo quid significetur.
- 16 Reuocanda donationis causa ex beneficio huius legis donatori competere, & actionem in rem, & conditionem.
- 17 Conditionem in proposito esse tanquam ob causam dari causa non secuta, aut finita. eandem ex obligatione: obligationem ex contractu.
- 18 Beneficium reuocanda donationis ex hac lege ad alios donatores, quam ad patronum non pertinere, & quæ in eam rem argumenta.
- 19 Demonstratur liquido ex verbis ipsius l. si unquam.
- 20 Demonstratur ex aliis partibus iuris.
- 21 Demonstratur ex sententia Augustini translata in ius Pontificium.
- 22 Demonstratur ex sententia & ratione l. si unquam. & quam distent reliqui donatores a patrono in beneficio eius legis.
- 23 Singulare hic beneficium tributum patrono: ut quamuis in aliis donatoribus eadem ratio esset, tamen non debeat beneficium ad eos produci.
- 24 Inofficiose donationis propter liberos reuocationem multum distare a reuocatione huius legis. distare in causa reuocationis.
- 25 Distare genere ipso reuocationis; quippe cum illa, & aliis detur, & alio tempore, & de alia quantitate, & non ipso iure.
- 26 Inter reuocationem inofficiosa donationis, & eam quæ ex hac lege est, differentia ratio: cum videatur utraque concedi propter liberos.
- 27 Natis post testamentum liberis non ideo legata prius data reuocari. multo minus donationem inter viuos ab extraneo donatore ante perfectam.
- 28 Legatum ita datum filio, ut id restituat post mortem suam Titio, liberis ab eorelictis reuocatum intelligi.
- 29 Idem probandum in donatione inter viuos, si pater

filio emancipato quid donauerit ea lege, ut id post mortem suam restitueret Titio.

- 30 Iure polse restitui debere donata, quid sit Augustino.
- 31 Natis donatori post donationem liberis, non cogi ne iure quidem diuino donatarium, ut donata reddat; excepta ecclesia Augustino: & cur. putemus hanc in hac re excipi debere.

Reuocanda & simplicis donationis causæ summæ dux sunt: ingratitudo donatarii, & liberi a donatore postea suscepti. De priore genere, id est, causis ingratitudinis, propter quas donationem reuocare liceat, comprehensum est maxime in l. vltim. hoc tit. De genere posteriore ius totum positum est in l. si unquam. C. de reuoc. don. qua de hac reuocatione & causa cautum est, nec vquam alibi in iure ciuili nostro. Itaque eius legis explicatio, quale sit hoc genus reuocationis, ostendet. Verba legis hæc sunt: Si unquam libertis patronus filios non habens bona omnia, vel partem aliquam facultatum fuerit donatione largitus, & postea susceperit liberos: totum quidquid largitus fuerat, reuertatur in eiusdem donatoris arbitrio ac ditione mansurum. Tribuit ergo hæc constitutio, ut apparet, beneficium nouum donatori ad reuocandam donationem iure ante perfectam.

In eo duo spectanda, quibus & beneficium hoc continetur: primum causa beneficii; tum beneficium ipsum illius causæ effectus. In causa beneficii est illa omnis conditio, qua hoc beneficium tribuitur lege superiore. Beneficium est ipsa illa reuocatio donationis, in qua videndum est, qualem eam esse velimus ex verbis legis, eamne, quæ iure ipso donationem infirmet, & res donatas ad donatorem statim transferat, an vero quæ nihil amplius tribuat, quam rerum donatarum conditionem. Causa & conditio beneficii initio legis comprehensa, si obseruamus, quinque contineri: personam certam donatoris, ad quam beneficium refertur; tempus donandi, seu statum donatoris, quod ille donat; causam dari; res datas; & agnationem liberorum. Quæ singula quid valeant, quia non perinde omnibus liquet, diligenter consideremus: ne aut minus faciamus beneficium, quam est, aut producamus longius, quam quo ex lege pertinet.

Primum & constitutio personam certam donatoris exprimit, cui reuocationem tribuit, nimirum patroni. Sic enim scribit, si libertis patronus donauerit. Proinde si quis non patronus donauerit extraneo, ad beneficium legis non pertinet: ut quamuis liberos non habens donauerit, ac postea suscipiat liberos, nihilo magis infirmetur donatio ex hac lege. Hæc enim conditio est, si patronus libertis donauerit. Ceteri iuris est, hanc vim esse conditionis omnis, ut quod sub conditione cessante adimi intelligatur, & contra l. quib. §. 2. l. aliquando. ff. de cond. & dem. valetque hæc sententia & interpretatio non tantum in contractibus, & supremis voluntatibus, sed etiam in legibus. sub conditione coceptis; & quidem in his maxime. exépla in l. 1. ver. huius rei. ff. de off. eius, cui man. est iur. l. si procuratore §. si ignorantes. in fi. cum §. seq. ff. mand. Sed diffentiant prope omnes ad vnum interpretes; exceptis admodum paucis, ut ex veteribus Azoné, ex doctis viris nostræ ætatis Connano. vicitque hæc opinio, ut existiment, ac velut pro explorato statuunt, quicquid liberos non habens cuiusque donauerit, liberis postea ei susceptis, donata ad eum redire. Itaque maiore disceptione

res desiderat. quam idcirco in extremum reiecit, ut separatim discutiatur. Nunc tantum sumemus id, quod dant verba constitutionis, eoque & orationem ad patronum conferemus.

Tribuitur igitur beneficium huius legis patrono donatori primum. sed neque id simpliciter. Secundum ⁴ *†* exigitur in conditione huius legis, ut donet filios non habens. Ex quo intelligitur, si patronus ipse liberos habens, donet libertis, donationem non infirmari propter liberos. Efficiturque verbis eadem ratione, qua supra. Hæc enim oratio, *filios non habens*, resoluitur in hanc, *cum filios non haberet*. Hæc autem, *cum filios non haberet*, conditionem habet, si filios non habeat, *l. si Titio. D. quan. di. leg. ce. l. quodcumque. §. pen. D. de ver. obl.* Quo fit, ut liberos habenti si donet, tanquam cessante conditione legis, cesset etiam donationis reuocatio. Quod tamen videri possit constitui absurdum, contraque regulas iuris & naturæ. Et si enim postumis, & qui postea nascetur, idem tribuitur, quod liberis iam natis: nunquam tamen tantum, ut sint meliore conditione quam iam nati. Quinimmo id in beneficio iuris ponitur, quod qui in utero sunt, habentur pro iam natis, cum de commodis eorum agitur. *l. qui in utero. leg. pen. ff. de sta. ho.* Quapropter videbatur convenire, quod propter liberos postea natos tribuitur donatori, idem illi tribui propter liberos iam natos, quos habuit, cum donauit. quod contra statuatur, absurde constitui, ut hoc loco. Et esset ita, si beneficium reuocationis in hac lege tribueretur patrono propter liberos postea susceptos. Nunc autem tribuitur ei propter voluntatem & tacitam conventionem eius, qua id egit, ut donatio propter liberos ad se rediret. Hæc voluntas existimatur esse in eo, qui liberos non habens donauit, non item in eo, qui habuit, cum donaret, atque hinc differentia ratio. Nam qui liberos non habet, si donat, videtur idcirco donare, quia liberos non habet, non donaturus utique, ut credibile est, si haberet. Nemo enim in re dubia creditur alienas successiones propriis, extraneos suis liberis velle antepone. *l. cum accut. §. si. de fid.* Hæc autem cogitatio facit, ut qui hoc statu donat, intelligatur donare hac lege, ut donatio maneat, si liberi postea ei non nascantur. ex contrario autem, ut si nascantur, redeat. In eo qui liberos habens donat, apparet nullam eiusmodi mentem & cogitationem esse de reuocanda donatione propter liberos eos, quos iam habet. Qui enim liberos se habere sciens donat, hoc ipso aperte declarat, se non prohiberi liberis, quominus donet, nec velle propter eos reuocare donationem, quam illis iam natis maxime confirmat.

Et hæc de iam natis ante donationem liberis facilius quis admisit, quia lex nominatim exigit, ut donator liberos postea suscipiat. Quid ergo, si patronus liberos quidem habens donet, sed postea susceperit alios liberos? An non saltem propter eos qui postea nati sunt, reuocationem donatori dabimus? Verba ostendunt nihilomagus hoc casu reuocationi locum esse. lex enim reuocationem tribuit liberis quidem postea susceptis, sed hac conditione, si patronus donauerit, cum filios non haberet. Quare si tunc habuit, manifestum est legi locum non esse, ut de vi conditionis ante diximus. Dixerit aliquis, verba legis etiam hoc casu reuocationem donationis admittere. Sic enim dat reuocationem patrono, si donauerit filios non habens, deinde postea susceperit liberos. Quod quidem in proposito videtur contigisse; donauit enim patronus, cum hos liberos non haberet, ac deinde eos postea suscepit. Sed con-

ditio legis non est hæc, si patronus non habens liberos hos aut illos, aut qui postea suscepti erunt, donauerit; sed simpliciter, si liberos non habens donauerit: ut dicendum sit, si quos tum habuit, non esse reuocationem ex conditione huius legis. Id facit eadem illa ratio, qua ante videri sumus. Nam qui liberos habens donat, aperte ostendit se non esse hac mente, ut propter liberos velit donationem infirmari; quam, ut dixi, non impediunt libris nihilominus constanter confirmat. Quod si hac mente est aduersus liberos iam natos, ut nolit propter eos reuocari donationem; par est existimari, illum eadem mente esse erga eos, qui postea nascuntur. Repugnat enim caritas, & sensus communis naturæ, quominus existimetur pater velle plus tribui liberis futuris, quos non nouit, quam iam natis & presentibus, nec male meritis, quos nouit. Itaque si quis in hac specie illud obiciat, in quibus tum causis tunc personis eadem ratio est, in his idem ius statui debere. *leg. illud. D. ad l. Aquil.* liberos autem postea natos semper in eadem causa esse, siue pater, cum donauit, liberos alios habuerit, siue non habuerit. Proinde utroque casu donationem pariter reuocari, quamuis pater alios liberos habens donauerit. hoc modo, *inquam*, si quis argumentetur, in promptu est responsio ex iis, quæ modo posuimus; recte scilicet ita colligi, siquidem reuocatio huius legis tantum propter liberos postea susceptos tribueretur. Sic enim cum in omnibus liberis postea natis eadem causa esset, nec mutaretur propter eos, qui ante nati essent; recte diceretur etiam in omnibus idem ius esse oportere. Iam autem diximus, idque ex hac conditione, filios non habens, satis apparet, reuocationis eius, quæ hic tribuitur, causam nasci ex tacita voluntate donantis id agentis, ut propter liberos donatio reuocetur. cuius voluntatis coniectura non cadit in eum, qui liberos habere se scinit, & donauit tamen.

Sed utrique huic parti de liberis iam natis, & de iis qui post illos postea nati sunt, opponitur totus titulus *de inoff. don. §.* Omnia enim rescripta eius tituli consentiunt in hanc sententiam; si parens omnia bona sua donauerit, ut sic immoderata & inofficiosa sit donatio, placere reuocari donationem usque ad debitum bonorum subsidium, id est, usque ad legitimam portionem iure naturæ liberis debitam, olim quartam eius portionis, quæ futura esset ab intestato succedentibus: *leg. Papinianus. §. quoniam. D. de inoff. test.* hodie trientem, aut semissem pro numero liberorum. *auib. nonissima. §. de inoff. test.* idque indistincte propter liberos quoslibet non tantum post donationem, sed etiam iam ante natos. Et omnino ita ius est de inofficiosa donatione: sed adiici debuit, tribui istam reuocationem inofficiose donationis non parenti, sed liberis fraudatis donatione, proposita his inofficiosa donationis querela, idque mortuo parente ad exemplum querelæ inofficiosi testamenti. *l. 2. l. pen. l. ult. sup. de inoff. don.* Et quod dicitur in *l. si totas. sup. eo.* donationem inofficiosa, quatenus inofficiosa est, ad patrimonium patris donantis reuerti; sic intelligendum est, ut redeat mortuo tantum patre, & ita, si liberi id postulent. adiicitur enim ibidem. *reueri donatum ad patrimonium patris. sed hactenus, ut liberi debitum bonorum subsidium consequantur.* cui subsidio locus non est viuo patre, ut nec querelæ inofficiosi testamenti, cui per omnia similis est inofficiosa donationis querela. *d. l. ult. sup. de inoff. don.* Nihil hoc ius huic constitutioni aduersatur; qua tribuitur reuocatio donationis propter liberos non liberis, sed donatori ipsi viuo, & statim. Hæc vero reuocatio

reuocatio; siue omnium bonorum donatio fuit, siue partis tantum: nulli tribuitur, nisi ei qui donauit liberos nō habēs. ei qui tunc habuit, nunquā, neq; ppter liberos iam natos, neque propter postea susceptos.

7 Tertium † exigit conditio huius legis, vt patronus donauerit, id est, vt dandi causa sit donatio. Quod eo pertinet, vt si quid vendiderit patronus libertō, si quid cum eo permutarit, si quid denique negotii cum illo extra causam donationis gesserit liberos non habens, sciamus hic nihilomāgis infirmari quod gestum est, quamuis patronus postea liberos suscepit. Atq; donatio in libertū collata nō magis cōfirmatur ab initio voluntate patroni, quam venditio, permutatio, aut negotium quoduis aliud cū libertō interpositū. Cur igitur minus reuocentur cetera negotia, si inter sit patroni, quam donatio; si proponatur patronus ea fecisse, quā facturū non esset, si liberos haberet? veluti si latifundia quādam paterna vendiderit, quā si liberos haberet, his seruasset, vt dignitati & nomini familiæ conueniebat. Differentiæ ratio est, quod in ceteris negotiis, ex quibus quid libertō abest, reuocari gestum non potest sine damno liberti, cui aut non reddetur, quantū abest, aut si reddetur, cogetur recipere, quod iam ei non expedit. At donatio sine damno donatarii reuocatur. hac enim reuocata dici quidē pōt donatarius lucrum non facere, seu lucrum quod prius ex donatione fecerat, non retinere. damnum autem facere dici non potest, quia hic nihil ei abest de suo. est autē damnum patrimonii nostri deminutio. *leg. 3. Digestis. de dam. infect.* Porro vt in re, sic & iure multum interest, amittat quis debita aut sua, an lucra non capiat, vt est in *l. ult. vers. pen. s. de codic.*

8 Quartū † est in hac conditione, vt patronus donet omnia bona, vel partem aliquam facultatum. quod ad res vniuersim donatas ptinet. Quid ergo, si donet res aliquas singulas, vt neque donet omnia sua, neque dicat se donare partem certam bonorum, puta dimidiā, tertiam, quartam? Nihilominus idem iuris erit, vt susceptis videlicet postea liberis res donatæ reuocentur; quia & hæ superioribus verbis continentur. Sunt enim & ipsæ pars bonorum, vt pote & ipsæ ex bonis, & ex quibus bona constant. *l. si quis cum totum. in pr. §. ult. ff. de exc. rei iud.* Vnde & illud responsum est, inter legatum partis bonorum, & legatum rerum singularum nihil interesse, nisi quod in legato partis bonorum electio datur heredi, vtrum det res singulas, an rerum æstimationem. Sed vtrumuis fecerit, semper verum est res singulas, vt bonorum partes, legato contineri. *l. non amplius. §. ult. ff. de leg. 1.* Loquitur quidem hæ constitutio de parte non bonorum, sed facultatū. Sed facultates cuiusque, & bona idem valent. *l. nam quod. §. ultimo. iuncta. leg. cogi. in principio. Digestis. ad Trebel.*

9 Quintū † & postremū exigit conditio huius legis, idque vel præcipue, vt patronus qui donauit liberos non habens, postea liberos suscepit. Ita liberis postea susceptis, si cetera concurrant, donationis reuocatio est ex hac lege. Quid ergo, si qui nati erant, iidem deinde viuo donatore decesserint, & eo quidem donatore, qui donatione aperte non reuocata obierit: an nihilominus manebit reuocatio; an vero donatio quæ agnatione liberorum infirmata erat, sublati postea liberis conualescet? Plerique putant conualescere, cū ob alias causas, cū ob hanc maxime, q̄ causa huius reuocationis cessare videtur sublati postea liberis: sic autē ius est, vt cessante causa beneficii, cesset

& beneficium. Sed verius est, q̄ & Bartolus recte sentit aduersus illos differens in *l. Titia. §. Imperator. D. de leg. 2.* liberis semel post donationē susceptis ab eo donatore, qui liberos non habens donauit, ita donatas res redire ad donatorem ex beneficio huius legis, vt quamuis postea liberi vel statim decesserint, nihilomāgis conualescat donatio, restituaturue in pristinam causam, sed donatum maneat perpetuo penes donatorem. Si verba legis spectamus, propemodum id exprimitur. Volūt enim donatū ita redire, vt in dominio donatoris deinceps maneat. Vetant ergo id vllio casu auferri. Ablatū. n. quouis casu, nō maneret. Si rationes iuris quærimus, hæ sunt cōplures, quæ rē minime dubiam efficiunt. Primū inest in beneficio huius legis, vt dominiū rerū donatarū statim ad donatōrē redeat susceptis liberis, vt postea dicitur. Certe iuris est, q̄ cuiusq; factū est, id ab inuito domino ad aliū non transire. *leg. id quod. Digest. de reg. iur. leg. si procurator meus. Digest. de acq. rer. do.* Tum autem vt nihil aliud ex hac lege acquireretur donatori, quam conditio rei donatæ, atque ita post susceptos liberos res maneret donatarii, vt ante: tamen vel hæ ipsa causa satis est, ne cōfirmetur donatio quouis casu inuito donatore. Nā & hoc iuris certi est, actionem alicui semel quæsitam inuito eo resolui, eique auferri non posse. *l. habere. in fi. D. de emi. c.* Postremo eodem beneficio legis efficitur, vt quemadmodum res redit ad donatōrē, sic prius a donatario recedat, vnaque & actio omnis quæ illi eo nomine competierat, extinguitur. Non minus autē & hæc iuris certi sententia est, actionem semel extinguitam euentu non reuocari. *l. Manius. §. duorum. Digest. de leg. 2. leg. qui res. §. aream. Digestis. de sol.* Disputari tamen contra solet, in eoque tria afferuntur, quæ opponuntur superiori sententiæ, de quibus breuiter respondendo.

10 Primum † opponitur exemplum testamenti rupti, vnde hæc ratio ducitur. Paria sunt, vt videtur p omnia testamentum agnatione liberorum ruptum, & donatio agnatione liberorū irrita facta. Vtrobique enim ponuntur res similiter irritæ factæ, & ambæ irritæ ex eadē causa, puta ob liberos postea natos, illie testatori, hic donatori. At testamento natis postea liberis rupto, si iidem liberi viuo testatore deinde decesserint, quod prius subtilitate iuris nullum erat, iure prætorio tanquam sub lato impedimento quod prius obstabat, conualescit. *l. postumus. ff. de ini. rup.* Par est igitur, vt donatio, quæ ex hac lege irrita facta erat ob natos postea liberos, iisdem postea viuo donatore decedentibus conualescat. Sed et si hæc prima fronte similia videntur, multa tamen in his sunt longe dissimilia; quæ & ius istarum rerum in eo de quo quæritur, merito distinguunt. Testamentū in quo postumus præteritus est, agnatione postumū rumpitur iure ciuili. Et hoc iure quamuis mortuo postea postumo testamentū nō restituitur: quia eo iure nullum est. quod & ipsum in donatione agnatione liberorū reuocata seruari dicimus. Sed confirmatur testamentum iure prætorio, si mortuus erit deinde, qui natus erat. Merito: quia & pōt, & æquū est confirmari iis de causis, quarū nulla cernitur in donatione semel reuocata. Testamentum nato postumo, qui præteritus erat, rumpitur; sed subtilitate iuris ciuilis. ceterum re ipsa & natura nihilominus manet. Superest enim semp scriptura eadem testamenti, eadē subscriptiones, atq; eadē signa testiu: sed & voluntas testatoris. Quare si moriente deinde statim eodem postumo cōfirmetur a p̄ore testamentū,

mirum videri non debet, est enim, quod confirmetur, quod agnatione postumi tolli non poterat. Atq; hinc prætoris confirmatio, vt declaratur in §. non tamen. Inst. quib. mod. test. infir. At donatio semel irrita facta ob liberos postea susceptos, in totū ita tollitur ex hac lege, vt nihil inde superfit. In totum enim recedit dominiū a donatario, & eadē opera ad donatorem redit. Quo fit, vt mortuis postea iisdem liberis, non confirmetur donatio, quia nec potest, quæ nulla est. Præter rem quæ subest in testamento, est etiā magna causa, cur sublato deinde postumo ipsum confirmetur. Manet enim eadem voluntas testatoris, quæ prius fuerat, & hanc etiā publice interest exitū habere. l. vel negare. ff. quæ. testa. ap. In donatione quæ irrita facta est, omnia contra. Sic enim res ad donatorem redeunt, vt non modo dici non possit publice interesse, voluntatē donatoris de confirmanda eadem donatione ratam haberi; quod certe dici non potest, etiam si hæc vlla voluntas esset; sed ne hic quidem quidquam proponatur de eius voluntate, cur velit eas res iterum a se discedere, & donationem reuocari. Inuito autem eo donatio confirmari non potest. Nulli. n. debet ius suum auferri. l. 2. ff. de his qui sunt sui vel al. iur. Huc accedit, quod cum testamentū sublato postumo confirmatur, vii sit hoc testatoris voluntate, ita fit & sine cuiusquam iniuria. Cum enim viuo testatore nascitur postumus, simul & moritur, si scriptis testamento heredibus tribuitur hereditas, ea prius nullis adimitur, ne postumo quidem aut eius heredibus; quia prius nulli quæ sita erat. v. uentis enim nulla est hereditas. l. 1. D. de her. vel act. vend. At donationem semel reuocatam ob liberos postea natos, iisdem statim mortuis confirmare sine manifesta iniuria donatoris nō possumus. Huic enim per infirmationem donationis res quæ sita erant, aut conditio, quas res illi adimimus, si donationem confirmamus. Hoc vero neq; ius, neque æquitas patitur. Nihil igitur simile in testamento rupto postea conualescente, cur huius exemplo similiter & donatio in proposito cōualescere debeat mortuis iis liberis, quorū agnatione interciderat. Obicitur etiam exemplū leg. fœminæ, in si. C. de sec. nupt. Vbi fœminæ liberos haberi, si transferit ad secundas nuptias adimitur potestas omnis alienandi res a marito priore profectas. At iisdem liberi si decesserint, redit alienandi potestas. Dicamus igitur, inquit, hoc idē in donatione, vt si auferatur propter liberos, iisdem postea de medio sublatis restituatur. At quā nihil est in hoc exemplo simile? Non enim fœminæ superiori adimitur illarum rerum alienatio sub conditione, si liberos habere ceperit, aut si liberos quandoq; habuerit; sed ad tempus, quādiu habebit liberos. Proinde iisdē verbis legis illi cōceditur, si liberos habere desierit. Nō sic reuocatur in proposito donatio, sed hac conditione, si liberos postea susceperit. Quæ cōditio impletæ sine vlla præfinitione tēporis & in perpetuū reuocat donationē. Sed præcipue mouetur qdā illa ratione, quā supra attigimus, causa beneficii cessante, cessare & beneficiū, sicuti & natura in omnib. reb. accidit, vt sine causa nō sit effectus. l. in omnib. causis id obseruatur. ff. de reg. iur. Hoc. n. posito ita assumunt; at donatio in proposito reuocatur propter liberos postea susceptos, atq; his postea mortuis cessat causa reuocationis. Quo efficitur & his mortuis deficere beneficiū legis, eoq; & cōualescere donationem, quæ prius agnatione liberorū irrita facta erat. Et puto nil verius dici in vniuersum, quam causa cessante cessare effectum.

Sed falsum est in proposito causā beneficii huius legis cessare, si liberi q postea suscepti erāt, decedant deinde viuo donatore. Causa enim reuocationis hæc est inter cetera, qdā liberi postea suscepti sunt. Hæc causa semel impleta cessare aut deficere nō potest. Quantumvis enim vel millies, si fieri posset, liberi postea decesserint; tamen semper verum erit liberos a donatore fuisse susceptos. Nec quominus ita suscepti sint, vllō euentu potest fieri. facta. n. infecta fieri nō possunt. l. in bello. §. facti. Digestis. de capt. Desinere quidem possunt esse liberi. at susceptos eos esse, quæ huius reuocationis causa est, nunquam verum esse desinet. Sicut igitur hæc sententia, si patronus liberos non habens aliquid de bonis suis liberto donauerit, & is postea susceperit liberos, sic donationem infirmari, & donata ad donatorem redire, vt cum redierint, perpetuo maneant, quisquis erit liberorum euentus.

Causam beneficii huius legis habemus. beneficiū quale sit, videamus. Id continetur his verbis: totum quidquid largitus fuerat, reuertatur in eiusdem donatoris arbitrio ac ditione mansurum. Quo indicantur hæc tria: cui tribuatur hæc reuocatio; quantum reuocetur; & quo iure, quoue effectū.

Tribuitur t ergo reuocatio donatori, ad quem donata redeunt, non item liberis postea susceptis. vt intelligamus etsi liberi postea suscepti huic reuocationi causam præbent; nihil tamen illorum causa constituit: certe nihil his tribui, sed tantū patri donatori, qui hac lege donauit, vt datū redderetur, si liberos postea susceperet. quæ cōditio existit liberis susceptis, de quo mox plura. Sequitur igitur, vt siue liberi ratam habeant donationem, siue nō habeant; & siue viuant, siue moriantur, nihilominus donatori reuocatio statim competat, & semper. quorum vtrumque diuersum est in reuocatione inefficiosa donationis: quippe quæ liberorum causa constituta est, non donatoris.

Eademque t ista de causa ex beneficio huius legis ob susceptos postea liberos, totum reuocatur, quod donatum est, non vt in inefficiosa donatione, tantum vsque ad debitum liberis bonorum subsidium. Sed de hac dissimilitudine dicā paulo post plenius, vbi locus incidet istas species distinguendi, ne ius de vna constitutum videatur alterius iuri aduersari. Nunc tantum indicare satis est, ne frustra videamur monere donatoris hic consuli, & simul eodem beneficio totum reuocari.

Reuocatur t autem hic donatio ipso iure, id est, ita vt sine facto donatarii, itemque donatoris dominiū a donatario recedat, & ad donatorem legis huius beneficio transeat. Id enim dicimus existere ipso iure, quod existit iure solo sine opera cuiusquam. §. sui. Inst. de hered. que ab int. def. Duo priora verbis huius legis expressa sunt, vt non egeant probatione. Tertium non est expressum, sed tantum significatur illis verbis; donatum reuertatur in donatoris arbitrio ac ditione mansurum.

At t dubitari potest de verbo reuertendi. nam que a donatario redduntur donatori, nō male, opinor, dicuntur reuerti; vt & quæ traduntur alia domino, dicuntur transire. l. id quod nostrum. ff. de reg. iur. Cur ergo ex his verbis dicamus donata redire ad donatorem statim & ipso iure, ex eorum verborum significatione amplius cognoscendum est. Et vero reuerti proprie id significat. Vt enim ire dicitur proprie, qui per se it: qui autem alieno facto, magis dicitur aut agi, aut duci, aut ferri, vel portari; leg. 1. D. de ser. rust. præ. leg. ferri. Dig. de verb.

de verb. sig. ita redire & reuerti dicuntur, quæ per se redeunt; quæ autem aliena traditione, magis transferri, aut restitui, reddiue. §. per traditionem. *Inst. de rer. diui.* Atque hic fere huius verbi vsus est in iure: vt cum dicimus bona a patre in filium familias profecta ad patrem reuerti; vbi significatur, hæc bona ita reuerti ad patrem, vt etiam maneant in dominio eius ipso iure. §. 1. *Inst. per quas pers. nob. acq.* item cum dicimus, ædificio sublato, quod in littore positum erat, locum in pristinam causam reuerti. *l. in cautum in pr. Digestis. de ver. diui.* vt intelligamus locum fieri publicum, vt ante, sua sponte sine cuiusquam facto. Quare ex hac significatione & hoc cauere in hac lege intelligendum est, vt totum quod donatum est, donatarii esse desinens statim ad donatorem transeat iure ipso sine vlla donatarii restitutione, aut donatoris possessione. Didicimus enim a proprietate verborum recedendum non esse, nisi manifestum sit aliud sensisse scriptorem. *l. non aliter. in pr. D. de leg. 3.* Id amplius verba sequentia confirmant in *l. si unquam.* addit enim lex, reuertatur in arbitrio donatoris ac ditione mansurum. Ea dicuntur esse arbitrii & ditionis nostræ, quorum arbitri & moderatores sumus. eæ autem sunt res nostræ, seu quæ sunt domini nostri. *leg. in re mandata. s. de mand.* Vult ergo lex sic donata ad donatorem reuerti, vt sint in dominio viuentis, & maneant. neque enim manere possunt, nisi quæ prius peruenerint. Vult igitur statim redire, nec donatarii factum aut restitutionem desiderari. Nā si hanc expectamus, sæpe eueniet, ne res donatæ post susceptos a donatore liberos, subiiciantur dominio donatoris, nedum in eius dominio maneant. Multis enim modis accidere potest, ne ei viuo restituatur, vel quod ante mortuus sit, quata repeteret, vel quod ante mortuus, quæ repeteri redderentur. Et ita reuertendi verbum, & beneficium huius legis vulgo recte acceperunt. In quo ius singulare reuocationis notandum est. Nam quæ ita donantur inter viros, vt sint accipientis, si reuocata donatione restitui debent, ita reuocatur donatio, vt non aliter rursus fiant donatoris, quam si ei reddita sint, & tradita a donatario: iuxta regulas iuris, quæ ad transferendum dominium ad eum qui dominus non erat, & voluntatem prioris domini exigunt, & traditione, qua & res in possessione noui domini veniat. *l. id quod nostrum. ff. de reg. iur. l. traditi. onibus. C. de pact.* Beneficium est igitur, & quidem singulare, contra rationem iuris communis donatori in hac specie tributum. Cui locum fecit persona donatoris. Obseruandū est enim id tribui patrono aduersus libertum. quod non item tribueretur in simili reuocatione aliis donatoribus.

16 Hoc tamen interposito, consequens est id, quod Accursius sine probatione quidem, vere tamen scripsit ad hanc legem in si. donatori patrono post liberos susceptos & actionem in rem competere, & conditione: illā, qua vindicet res donatas a possessoribus; hæc, qua condicat rerum donatarum possessionem a donatario, eiusque heredibus. Vindicationem esse certum est. hæc enim omnibus dominis cōpetit. *l. in rem. D. de rei vin.* Posuimus autem donatæ rem iam inde a liberis susceptis retro dominū factum esse ipso iure. De cōditione potest dubitari; propterea quod ita traditur, neminem rem suam condicere præterquam a fure. *l. v. ff. v. sus. quem. cau. §. sic itaq. Inst. de act.* Et sane res ipsas donator idemque dominus condicere non potest, vt fiant eius, quæ iam satis eius sunt. Sed potest condicere rerum possessionem, quæ eius non est; quippe quæ

ad eum nisi naturali apprehensione peruenire non potuit. *l. 1. l. 3. in pr. l. cum heredes. in pr. ff. de acq. pos.* Deque eare ita ius est: quoties dedi tibi, quod necesse habeas iure mihi reddere, si dominium in te translatum non est, puta quia rem alienam dedi; aut translatum quidē dominium, sed quod apud te esse desit, vt in proposito; toties mihi cōdictio competit, saltem vt possessio reddatur: vt de re indebita soluta quæ aliena erat, responsum est in *l. indebiti. §. 1. ff. de cond. ind.*

Est tamen & hic illa dubitatio. Est enim cōdictio actio in personam. *l. actionum. ff. de obl. & act. §. sic itaq. Inst. de act.* Quod si in personam, etiam ex obligatione: cum non sit in personam actio, nisi aduersus eum, qui nobis obligatus est. *dicta. leg. actionum. §. 1. Inst. de act.* Quod si qua hic donatarii obligatio est ad possessionem rerum reddendam, necesse est ex vna aliqua earum causarum nasci, quas ius agnoscit, contractu, quasi contractu, maleficio, aut quasi maleficio. Ex qua igitur volumus? Constat hic nullum esse maleficio, aut quasi maleficiū donatarii. Ne quasi cōtractus quidem intelli gi potest in ea re, quæ cōi cōsensu gesta est inter aliquos, vnde & obligatio oritur: qualis est donatio, quæ proponitur. Relinquebatur igitur ad cōditionem in proposito cōtractus. At nullus cōtractus sine cōsensu de ea re, de qua agitur. *l. 1. §. 1. D. de pact.* vbi autem iste cōsensus de re susceptis postea liberis restituenda, vbi res simpliciter & sine vlla cōditione restituēdi data est? Sed ne dubitemus obligationem hic esse ex contractu & negotio gesto: idque ideo, quia ex cōuentione & cōsensu. Est enim hic cōuentio inter donantē patronū, & libertū accipientem interposita: tacita illa quidem, attamen cōuentio, quā hæc lex admisit. Id ita esse sic intelligere possumus. Aut enim obligatio ad reddendam possessionem constituta est hac lege propter liberos ipsos, aut si quid est causæ extra liberos, necesse est causam esse in voluntate donatoris, qui hac mente & lege dedit, vt si liberos postea susceperet, sibi donata restituerentur. Propter liberos solos non esse cōstitutā hanc reuocationem non difficile est intelligi ex constitutione: alioqui enim aut tribueretur reuocatio l. beris, non donatori; aut si donatori propter liberos, tribueretur non tantum propter liberos post donationem natos, sed etiam propter eos qui tempore donationis nati essent: quorum virumque lex non vult. Restat igitur, vt intelligamus causam reuocationis esse in tacita mente & cogitatione patroni ideo donantis, quia liberos non haberet, ac si haberet vel tum, vel postea, donatū nolleret velut ob causam, si liberos non susceperet. quod si susceperet postea, velut causa non secuta vellet donatum ad se reuerti. Estque hæc cōiectura voluntatis maxime probabilis, eademque recepta iure in persona patris, vt existimetur in liberali erogatione bonorum suorum nolle extraneos liberos suis antepone. *l. cum acutissimi. in fi. s. de fid.* Notandum satis ad cōuentionem, donatorem hac mente fuisse, vt sibi donatum reddi vellet, nisi & donatarius eadem lege acciperet. Est enim cōuentio non vnius voluntas, sed duorum pluriumue consensus. *l. 1. Digest. de pactis.* Sed etsi cōuenisset tantum, vt res redderentur; non tamen efficeret hæc cōuentio, vt causa non secuta dominium ipso iure rediret ad donatorem, sed vt obligaretur tantum donatarius ad reddendum. Hic ergo constitit beneficium huius legis: duo patrono donatori tribuendi; primū, vt eius mēs & volūtas de infirmāda donatione

si suscepit liberos, rata sit, perinde quasi eam legem dixerit donationi, libertus autem eadem lege acceperit. nam hoc nisi sit, nulla est donatoris reuocatio *leg. si repetendi. C. de cond. ob. caus.* Alterum, ut videatur patronus ita legem dixisse, ut susceptis postea liberis non redderetur donatū, sed pro nō donato haberetur, atque hoc modo ad donatorem rediret libertus aut in hanc ipsam legē cōsensisse. Vtrumq; recte p̄sumit ex conditione personæ eius qui accepit, liberti. Est enim, cur existimeretur libertus p̄ officio idē sensisse, & cōcessisse patrono, propter honorē & affectum, quē debet cum patrono, tum liberis eius. Tacita igitur hic conuentio inter dantem & accipientem lege confirmata. Vnde & obligatio huius generis ex contractu, quia ex consensu. Non enim quia conuentio tacita est, eo minus valet, quam expressa. *l. 4. D. de pact.* Et quoniā donatarius obligatur hic ad reddendum; apparet eum re obligari, qui ideo obligatur, quia prius rē acceperat. §. 1. *Instit. quib. mo. re cont. obl.* Ex quo conditio donati, quam hic querimus, tanquam dati ob causam causā non secuta.

Cognita sententiā legis de beneficio reuocationis, quod hic propter liberos postea susceptos tribuitur donatori patrono; superest, discutiamus diligentius, vtrum ex hac lege, aut vllō alio iure idem tribuatur, aut tribuendum putemus donatori extraneo. Vulgo, ut dixi, inualuit hæc sententiā vetus, legem hanc ad oēs donatores etiam extraneos pertinere: ut quisq; liberos non habet, si donet, & postea suscepit liberos, eodem iure donata ad eum reuertantur. Et quidē ita accepta est hæc sententiā iam olim etiam a Bartolo, ut ne in eam quidem ille inquirendam putauerit; ubiq; videlicet eam pro explorata sumens, & ad eā reliquas quæstiones & responsiones suas accomodās, maxime ad *l. Titia. §. Imperator. ff. de leg. 2.* De qua prius quā dico, paucis p̄fabor; si alicubi trās lata sit hæc opinio in mores aut legem scriptam, non esse ius iniquum, & ut reliqua iura seruandum esse. *leg. 2. l. de quibus. ff. de legi.* Sed etsi sint aliquæ præfecturæ, aut aliqui magistratus, qui contrariam sententiā omnino non audat; suadendum est, non esse temere suscipiendam defensionem eius rei, quæ obtineri non potest; præsertim ubi amissa causā sequatur periculum famæ cum damno litis coniunctum.

18 Sed si nobis res sit apud eos magistratus, qui pariuntur se regi iure communi, & vincrationibus, & q̄ritur, quid hæc statuendum sit ex iure ciuili, & Pontificio, sine hæsitacione contendo nihil minus verum esse, quā donationē perfectā ab eo, qui liberos nō habuit, reuocari liberis ab eo postea susceptis; excepto solo patrono donatore, de quo ius singulare hic constitutum est. Id ut certius liqueat, paulo pluribus demonstrabo, omnia, in quibus sit aliqua auctoritas iuris, reclamare. Primum ipsam hanc *l. si vnquam*, maxime tātū abest, ut ex ea potuerit aut debuerit colligi ista sententiā. Secundo loco ius commune in vniuersum, eiusque regulas. Tercio optimam sententiā Augustini de hac specie diserte contra scriptam, quæ & ipsa p̄ iure accepta translata sit in ius Canonicum, & quod nam in eo fuerit etiam ius ciuile, dilucide ostendit. Omnia tamē hac lege, ut si forte apud aliquos hanc sententiā non obtinebimus, non ideo his superuacua sint ea, quæ supra de reliqua sententiā legis disseruimus; sed pariter eos adiungunt; ut quæ ad omnem donatorem, cui ex hac lege reuocandæ donationis potestas est, ex æquo pertineant. Volūt autē isti ad oēs do-

natores sententiā huius legis potrigi: quod nunc negamus. Iā ergo ad id refellendum, ut institui, quia minore cum damno id futurum est, libentius accedo.

In primis, ut proposui, refragantur manifeste verba & ratio huius legis, quominus existimeretur hoc beneficium pertinere ad donatores extraneos. Primum, ut nihil sit aliud, lex de patrono donatore, & liberto donatario tantū loquitur. Non enim ita scripta est, si quis cui donauerit, sed nominatim si patronus libertis donauerit. Hęc interpretatio in huiusmodi legibus apud omnes iuris auctores p̄ certa recepta est, quoties lex de certis personis tātū loquitur, quibus aliquid beneficii tributum voluit, legem ad alias personas nō pertinere. *l. si vero. §. pen. D. sol. mat. quem. dos. pet. l. quod constitutum. D. de test. mil.* Quare quod patrono tantum nominatim hic tribuitur, non potest ex hac sententiā non videri denegatum ceteris donatoribus. Quæ ut interpretatio a nullis veterum constituta esset; tamen manifesta ratio suadet legem ita accipi oportere. Est enim hæc in primis præceptis legum omnium, semper legem ita accipiendam, ne sit superuacua, aut inepta. *leg. §. in fi. D. de capti.* quia scilicet aliter prudentiæ legis latorum non conuenit. At si *l. si vnquam*, sic accipimus, ut pertineat beneficium legis ad omnes donatores, nō tantum superuacua; sed etiam inepte refertur constitutio ad certam personam patroni. Cur. n. nominatim de patrono tantum dicitur, quod æque ad omnes pertinet? præsertim cum ut verius, sic & facilius dici potuerit hoc modo, si quis cui donauerit, quā si patronus libertis donauerit. Sed quo magis ex his verbis id dicamus, hoc accedit, q̄ lex de patrono tātū non simpliciter loquitur, ei superius beneficiū tribuens; sed ita, ut tribuat ei beneficium nominatim sub conditione, si vnquā patronus libertis donauerit. Nihil est certius, quam quod supra posui, in omnibus legibus, in omnibus scriptis, atque conuentionibus, quod sub conditione datur, sub contraria conditione adimi, & contra quod adimitur sub conditione, sub contraria conditione dari. *leg. quibus. §. 2. D. g. de cond. & dem. leg. 1. ver. huius. D. de off. eius. leg. si procuratorem. §. §. ignorantes. in fine. iuncto. §. sequenti. Dig. mandati. l. pecuniam. ff. si cer. per.* Quare hac cōditione tributa reuocatio, si patrenus donauerit, nō potest ex his verbis, quin sub contraria conditione denegari intelligatur, si patronus liberto non donauerit. Idq; etiam ab istis qui dissentiunt, admitti necesse est vel ipsis auctoribus, si modo sibi consent. Cur enim vulgo volunt non infirmari donationem, si donator liberos habens donauerit? nempe quia hac lege infirmatur sub conditione. *si liberos non habens donauerit.* Ex quo intelligitur sub contraria conditione donationem statui. Itē cur volūt donationē, permutationē a patrono initam cū libertis nō reuocari ob liberos postea susceptos? quareuocatio huius legis est sub conditione, si patronus donauerit. Vnde intelligitur sub contraria conditione cetera excludi. Postremo cur volūt liberis ante donationem natis, aut liberis postea nō susceptis donationem reuocari, cū potius conuenire videretur, ut q̄ tribuitur natis postea liberis, idem tribuatur citius iā natis & superstitibus? non ob aliam causā, quam q̄ conditio hæc erat, si patronus postea suscepit liberos; qua conditione deficiente necesse est reuocationem denegari. quod nihil aliud est, quā denegari sub contraria cōditione. Concedant igitur oportet ex eadem hac sententiā sua, beneficiū huius legis nō tribui extraneis donatoribus, quæ hæc quoq; cōditionis legis

pars sit, si donauerit patronus libertis, ipsi autē in reliquis partibus conditionis consentiunt, quod sub cōditione constitutum est, sub cōtraria denegari. Si ratio legis quæritur, non minus & hæc aduersatur sententiæ superiori. neque enim eadem est cōditio extranei donatoris & donatarii, quæ patroni donatoris & liberti. Sed de hac ratione dicitur opportunius infra in iis, quæ pro ista sententia afferri solent.

20 Venio ad alias partes iuris, de quibus pariter constabit, non minus eas in vniuersum eidem sententiæ refragari: in quibus hæc sunt. Quæ ab initio recte gestæ perfectæque sunt, euentu non infirmantur, quamuis in eū casum inciderint, a quo incipere nō poterāt: multoq; minus, si inciderint in eū, a quo poterant incipere. *l. in ambiguis. §. i. ff. de reg. iur. §. furiosi. Inst. quib. non est per. fac. test.* Donatio quæ proponitur, iure perfecta est, nulla nominatim conditione addita repetendi. Quocirca nullo euentu liberorum postea susceptorum infirmari potest. præferri cum liberis susceptis exstiterit ille casus, a quo donatio incipere ita poterat, ut non metueret donatarius reuocationem. Nam si donator liberos habens donasset, effectum est donationē reuocari nō posse. Item, quæ cōsensu duorum pluriumue geruntur, ad ea gerenda, liberum est cuique accedere, aut non accedere. Re autem consensu semel contracta & perfecta, nulli contrahentium licet ab ea recedere inuito aduersario. *leg. sicut. §. de obl. & act.* Merito: est enim regula naturæ, quæ dicat, nulli ius suum detrahendum. *l. 2. Digestis. de his qui sunt sui, vel alien. iur.* qua eadem efficitur, actionem alicui semel quæsitam ad res acceptas persequendas, aut exceptionem quæsitam ad res retinendas nulli auferri posse. *l. habere in fi. D. de eiusd. l. ult. D. de pac.* Proinde nec poterit auferri donatori in proposito, postquam res donatæ simpliciter in eū translatae sunt. Hinc superior regula cum in aliis negotiis omnibus, tum maxime in donationibus obtinet: de qua hæc nota est, & crebro usurpata iuris certi sententia, semel perfectam donationem, cui lex ab initio dicta, non sit, reuocari non posse. *l. cum ancillam. l. si repetendi. Cod. de cond. ob. caus. l. §. 1. 6. §. de reuoc. don.* Vna exceptio est in donatione, nisi sit iusta aliqua causa donationis reuocandæ. Hanc. n. ob ingratitudinem donatarii reuocari posse constat. *l. ult. §. tota tit. hic.* non alia ex re, quā quod hæc reuocationis iusta causa habita est, ingratitudo donatarii. Sed tamen reuocandi iustā causam semper subesse oportet. At ubi extraneus donator liberos suscepit postea, nulla hic causa est ad donationem reuocandam. Erit enim hæc causa aut in donatario, aut in donatore, aut in liberis post susceptis. Nihil horum est. Nō est villa omnino in donatario, quæ nihil admisit, quā obre donatū amitteret, ut sit, cū donatarius se ingratus præbuit. Non est in donatore, qui simpliciter donans nihil ostēdit, cui vellet aliquo casu donata ad se reuertri. *l. i. ff. de don.* Et ut forte apud se fuisset hoc animo, ut vellet aliquid sequi, quo non secuto nollet donatum manere; tamen nihil hoc ei prodest ad reuocationem, nisi nominatim eam causam & conditionem adiecerit donationi: placetque non propterea donationem reuocari posse, ut diserte traditum est in *d. l. si repetendi. §. de cond. ob. caus.* Non est etiam causa ad reuocandam in liberis postea susceptis. Nam si nati sunt facto donatoris, utpote ab eo procreati, nemo facto suo actionem exceptionemue alteri quæsitā pōt ei auferre, aut mutare. *l. debitorem. §. de pig. & genetaliter nemo alterius conditionē pōt deteriore facere. l. soluendo. ff.*

deneg. gest. leg. non debet alteri. Dig. de regulis iuris. Sed & propter liberos solum non reuocari donationem ex hac lege, hinc facile intelligi potest, quod lex reuocationem solum dat ob liberos postea susceptos, & ei qui tunc cum donabat, liberos non habuit. Quod sane futurum non erat, si lex in eo habuisset rationem liberorum. Nam alioqui idem tribuisset & natis iam ante, quibus ut filiis non minus consuli oportuit. Fortasse etiam magis propter prerogatiuā nascendi. Adde his ex iure communi exemplum legatorum, quod superiorem sententiam perspicue refutat. Constat facilius reuocari legatum voluntate testatoris, quam donationem voluntate donatoris. Nam legata pendent ex vnius testatoris voluntate, eaque ambulatoria usque ad vltimum vitæ spiritum. quamobrem & sola voluntate testatoris etiam tacita reuocantur. *l. 3. in fi. l. 4. ff. de ad. leg.* Donatio quoniam duorum consensu constat, non potest donatoris voluntate reuocari inuito donatario. *d. l. sicut. §. de obl. & act.* Atqui legatum ipsum propter liberos postea a testatore susceptos non reuocatur. finge aliquid relictum codicillis ab eo, qui liberos non habebat, deinde postumum natum. placet nihilominus legata deberi ab intestato. *l. ab intestato. D. de cod.* finge testamentum factum præterito postumo, aut liberis iā natis, quos putabat pater mortuos. Placet ad eos liberos, qui postea exsistent, sic hereditatē pertinere infirmato testamento; ut nihilominus legata eo testamento relictā debeantur. *ant. ex causa. §. de lib. prat. vel. exh. l. ult. ff. de her. inst.* quo fit, ut nihil eorū propter susceptos postea liberos reuocetur. Multo ergo minus liberis post donationem donatori natis, propter eos reuocabitur donatio. Siue enim quæritur facultas reuocandi in eo, qui legauit donauitue; hæc plena est & libera est in testatore legante. siue reuocandi voluntas; multo plus tribuitur supremæ voluntati, quam viuientium. *leg. prima. supra. de sac. ecc. l. vel negare. ff. quem. test. ap.* Quare si is qui cum vult legatum reuocare, potest, non intelligitur tamen reuocare, si ei postea liberi nati sint, qui & sint heredes: multo minus existimandus est reuocare donationem ob liberos postea susceptos, qui etiam si velit, id facere solus non potest.

Tertio loco exstat de hac ipsa specie, quam tractamus, sententia Augustini. quā si audimus, omnis quæstio tollitur: Exstat autem in *c. ult. 17. q. 4.* Ibi inter alia hæc verba sunt: *Quam laudabile factum sancti Aurelii Carthaginensis episcopi. Quidam enim cum filios non haberet, nec speraret, res suas omnes retento sibi usufructu donauit ecclesie. nati sunt ei filii nec opinanti. Agnoscimus per omnia ipsissimam speciem, de qua nunc queritur. De iure ita subiicit: reddidit episcopus ea, quæ ille donauerat. In potestate habebat episcopus non reddere, sed iure fori, non iure poli.* Hactenus ille, quod ad hunc locum pertineat. At igitur in specie proposita susceptis postea a donatore liberis, non eo magis donatarium cogi donatā reddere, eoquē nec ad donatorem reuertri, id quod volumus. At quo iure? iure fori, inquit, id est, eo iure, quo in foro vtuntur, id est, iure publico, legibus, constitutionibus, moribus. hæc enim sunt iura, quæ iubetur quicuius iudex in foro obseruare. *Instit. de off. iud. in principio.* Si quæritur, an hæc sententia pro iure habenda sit, nō potest dubium esse apud eos, qui iuri pontificio iuris publici auctoritatem tribuunt, quod faciunt ii fere, qui sententiam illā vulgarē defendunt. Nā sententia Augustini superior in ius canonicum relata est. Sed tamē dicet aliter iure

ciuili cautum, nec posse in hac re ius Pontificiū iuri ciuili derogare: ideo de iure ciuili hic quærendum esse. Agnosco vere dici, ac volo etiam sententiam Augustini in hac re sic accipi, vt sit tantum priuati hominis sententia, quæ ipsa per se pro iure non valeat. At certe illud tenebimus, saltem haberi eam debere pro idoneo & vero testimonio, quo ille testatur iure ciuili, & publico non reuocari donationem donatori extraneo ob liberos ab eo postea susceptos, quāuis tunc cum donabat, nullos habuerit, nec sperarit. Nam Augustinus etiam iuris doctrina eruditus fuit, vt multa eius scripta indicāt. Sed eo non moueor. Esto, nō fuerit ille iuriconsultus, at quod inter oēs doctos & pios conuenit, vir fuit præter eximiam doctrinam, summa tum pietate, tum prudentia præditus. fecit pieras, vt noller mentiri: prudentia, vt noller temere affirmare, quod nesciret; quod est summæ stultitiæ. Hinc intelligi volumus, Augustinū, cum superius illud scripsit, aut ipsum per se cognouisse, ita ius esse, aut si ius non didicerat, iuriconsultos sui tēporis eruditos consuluisse, a quib. intelligeret, quid de ea re in foro seruaretur, atq; id ius pro certo accepisse. Quæ res declarat fuisse hanc illius temporis iuriconsultorū receptā sententiam. Ex qua ē intelligimus statuisse eos donationem propter liberos postea susceptos non tantum non reuocari iure alio quouis cōi; sed nec *l. si vnquam*. de qua præcipue quæritur; si quidem ea iam multo antè edita tum in vñ erat. Est enim lex Cōstantii. Augustinus aut vixit temporib. Theodosii prioris & posterioris, qui longo post tempore fecuti sunt Constantiū. Quæ cum ita sint, res mihi dubitationem habere non videtur, quin in donatore extraneo, qui liberos nō habēs donauit, nō reuocetur donatio propter liberos postea susceptos: præterquam si sit inofficiosa donatio, de qua postea non nihil dicemus.

Reliquum est, vt quæ contra afferantur ad defensionē vulgaris illius sententiæ, cognoscamus, de quib. iam dicam, & sigillatim respondebo. Et primum ac præcipuum firmamentum eius sententiæ illis positū est in hac *l. si vnquam*. quæ & id ipsum statui volunt. At qui iam ante satis ostendimus non modo id ex verbis non colligi, sed etiam verba aperte reclamare. Et t de verbis, non negant id verbis non exprimi, quod & ipsum negari nō pōt. Est enim lex nominatim scripta de patrono donatore, & libertis donatariis. Sed dicūt effici legis sententia. Sententiam enim intelligi ex ratione legis, hanc autem eandem esse in extraneis donatoribus, & donatariis, quæ in patrono donatore, & donatariis libertis. Porro in quib. causis eadem ratio est, in his etiam ius idem statui debere, quia lex id senserit. *l. illud ff. ad leg. Aquil.* De hac vero ratione & collectione duo respondemus: primum verum non esse, eandem esse rationem legis in extraneis donatoribus & donatariis: quæ in patrono & libertis. deinde vt esset eadem; tamen valde errari, cum quod patrono singulari iure hic tribuitur, transfertur & producit ad alios casus, quamuis similes. Primum hoc fatemur communia hæc esse patrono cum extraneo donatore in specie proposita, quod tam extranei donatores, quā patronus donare possunt liberos non habentes, & postea suscipere liberos. Sed hoc dissimile est, quod in donatione patroni donator est patronus, donatarius libertus: in donatione extranei, vterque extraneus, & qui donat, & qui accipit. Non est vero eadem cōditio istarum personarum; ne ratio quidem in his eadē, sed longe diuersa: non dico aliis in rebus, sed in ea ipsa, de

qua agitur. Extraneus quidem donator liberos nō habens si donet, existimari pōt hoc animo esse, vt libris susceptis, si forte suscipiat, redeat donatum, nō minus quam patronus donator; quia ambo sunt patres; proinde paterno, id est, eodē affectu erga liberos. Sed inter donatarios hoc interest, quod libertus a patrono accipiens videtur eadem lege accipere, quā patronus pro affectu donare intelligebatur: nimirū vt natis postea patrono libris reddat donata. quod de extraneo donatario dici non potest, atq; hic, constitit differentie ratio manifesta. Vt libertus donatarius videatur eadem mente esse, quā patronus in donatis reddendis, facit cōditio personæ, duabus de causis. Primum libertus propter beneficiū manumissionis oēm honorē debet patrono. nec tantum patrono, sed & eius libris. *l. si quis a liberis. §. vtrum. ff. de agn. lib.* Huic honoris conuenit, vt patrono desideranti velit libertus præstare omnia, quæ pōt sine damno suo, alioqui ingratus futurus. *argu. in Lingratius. ff. de iur. pat.* At desiderante patrono donata ad se redire, potest libertus ea reddere sine damno suo, nihil. n. hic de patrimonio suo deminuit, qui accepta reddit. Tum aut præter honorem etiam bona ipsa sua propria debet libertus patrono, cū res exigit. Nā patronū egentem alere debet de suo. debet & liberos patroni egentis. *d. l. si quis a liberis. §. solent. Et §. vtrum. de ag. lib.* Item & moriens libertus bona sua relinquere debet patrono certis cōditionibus. Etiam intestati bona ad patronum, eiusq; liberos certis item conditionibus redeunt. *§. sed non. ffra. Instit. de suc. lib.* Qui sua propria patrono largiri debet, cum opus est, non mirum, si reddere debet ea, quæ sunt profecta a patrono, cum res postulat, & voluntas patroni, quod sit, cum patronus liberos nō habēs donauit, & postea liberos suscipit. Nihil simile in donatariis extraneis, qui neq; honorē donatori extraneo debent, qualē liberti patrono; & multo minus illi debent bona, quæ neq; egentē alere necesse habēt, neq; morientes heredem facere. Perspicuum est igitur non esse in his eandē rationem, quæ vt in libero suadeat eos donata reddere debere donatori extraneo, quamuis libris postea a donatore susceptis.

Sed t vt concedamus eādē rationem esse in omnibus, qui donant liberos nō habentes, & qui ab his accipiunt; tamē ratio iuris prohibet, quominus quod hic patrono tribuitur, transferatur ad alios, etiam in quib. par videri possit causa. Certe iuris regula est, q contra iuris rationem receptum est, non esse producendum ad consequētiās. *l. quod vero. ff. de leg. l. quod contra. ff. de regul. iur. c. quæ a iure. ext. de reg. iur.* Cuius hæc sententia est; quæ constituta a iure communi recedunt (sic enim explicatur in *d. c. quæ a iure.*) ea non sic esse producenda ad alios casus, vt dicamus, quia pponuntur ii casus, in quibus forte eadem ratio sit, id eo consequens esse, vt in his idem admittatur. At beneficium, quod hic tribuitur patrono, est huius generis, atque adeo bis singulare ius habet, constitutum aduersus manifestam rationē & formam iuris communis. Illud primū, quē d conceditur, reuocatio donationis saltem ob id, quod donator postea liberos susceperit. constitutum aduersus certas iuris sententias, quibus efficitur, quæ recte ab initio gesta sunt, & præsertim quæ duotum consensu constant, non infirmari vilo euentu inuito aduersario, quemcumq; in casum reciderint, vt s. ostendimus. Et maxime id receptum est in donatione, cum donationi nulla cōditio repetēdi adiecta est. *l. si repetendi. §. de cond. ob caus.* Præterea

reuea & illud fingulare in hoc beneficio, quod placet donatum redire ad donatorem ipso iure. quo continetur, vt & recedat dominium rerum donatarum ab inuito donatario sine facto eius, & transeat ad donatorem sine traditione. Vtrumq; aduersus regulas certi iuris. prius aduersus *l. id quod nostrum. ff. de reg. iur.* posterius aduersus *l. traditionibus. s. de pact.* Quæ cum ita se habeant cum in verbis, tum in ratione ac sententia *l. si unquam.* erepta est, ni fallor, omnibus facultas superiori sententiam ex ea lege defendendi.

Sequitur alterum argumentum eius sententia, sumtum ex *l. si totas. sup. de inoff. don.* ubi proponitur pater omnia bona sua contulisse in filios emancipatos, quos iam tum habebat. cumq; illi postea nati essent alii filii vel nepotes, placet donationem reuocari, vt qui postea nati sunt, debitum bonorum subsidium, id est legitimam, consequantur. Sed hoc dictum est de inofficiosa donatione: quod ad reuocationem. *l. si unquam.* nihil pertinet. Et ideo illic reuocatur donatio, quauis is qui donabat, liberos tum habuerit, & reuocatur vsq; ad legitimam dumtaxat. Quorum vtrumq; in beneficio *l. si unquam.* contra fit. nam & hic cessat reuocatio, si qs liberos habens donauit; & cum reuocationi locus est, reuocatur totum, quod donatum est, non pars tantum. Quod eo pertinet, vt si donatio erit inofficiosa, semper reuocetur ex ea causa ad legitimam liberorum. Est autem inofficiosa, quæ nec legitimam patrimonii relinquit liberis, quod fit, cum olim excedebat dodrantem debitæ ab intestato portionis, nunc bessellem, aut semissem pro numero liberorum. Huc modum, inquam, cum donatio excedit, quatenus excedit reuocari potest liberis; quicquid erit, qui accepit siue libertas, siue extraneus; nec intererit liberos habuerit donator, cum donabat, an non habuerit: ac ne illud quidem, qui nam sint liberi, an qui tempore donationis iam nati erant, an qui sunt nati postea. Quod si donatio consistet intra eum modum, eoque inofficiosa non erit, vt iam vna sit reuocandi causa in liberis, non reuocabitur ex *leg. si unquam.* ne propter liberos quidem postea susceptos, si donator erit extraneus, siue is iam ante habuerit liberos, siue tum non habens postea suscepit. Non sunt hæc contraria.

24 Nam ꝑ inter reuocationem ex hac lege, & reuocationem inofficiosa donationis multum interest in omnes partes, siue causa reuocationis spectatur, siue ipsius reuocationis ius & conditio. Causa reuocationis longe dissimilis, eaque dupliciter. Nam ex *leg. si unquam.* quamuis non sit inofficiosa donatio; reuocatur tamen ob liberos postea susceptos, dum is qui donauit, non habuerit liberos, cum donabat. nec refert, quantam partem bonorum suorum donauerit, magnamne, an minimam. Ex causa inofficiosa donationis reuocatio nulla est, vt apparet, nisi prius inofficiosam posueris. Item ex *l. si unquam.* ita est reuocatio donati ob liberos postea susceptos, si donator tum cum donabat, liberos non habuerit. quod si habuit, neq; propter iam natos reuocatur, neque propter eos qui postea nati sunt. Inofficiosa autem donatio patris vel liberis omnes offendit, eorumque causa constituta est, ita reuocatur propter omnes liberos, siue qui iam tum cum donabatur, nati erant, siue qui postea nati fuerint.

25 Reuocationes ꝑ autem ipsæ ex his causis, multo pluribus rebus inter se dissident. Ex *l. si unquam.* donator ipse reuocat donationem. Inofficiosam donationem patris soli liberi. Ex *l. si unquam.* si donator reuocat, nempe reuocatur donatio eo viuo. non enim reuocat

quisquā, nisi viuis. Inofficiosam donationem reuocant liberi mortuo tantum patre donatore ad exemplum querelæ inofficiosi testamenti, cui per omnia similis est querela inofficiosa donationis. *ult. s. de inoff. don.* Ex *leg. si unquam.* totum a fertur, quod donatum est. Inofficiosa donatio eatenus, quatenus inofficiosa donatio est. *l. si mater. in fi. s. de inoff. don.* Nec refert, in quæ donatio collata sit, filiumne donatoris, an extraneum. Nam nec aduersus extraneum reuocatur latius, sed in hac re liberi & extranei donatarii comparantur in *leg. i. supra. eod.* Postremo ex *leg. si unquam.* reuocatur donatio ipso iure, id est, ita, vt statim post liberos susceptos donata redeant ad donatorem. Inofficiosa donatio non item donata adiecit liberis; sed dumtaxat proposita querela ad exemplum querelæ inofficiosi. *l. 2. l. cum donationibus. l. pen. s. ult. s. eo.* Huic autem renuntiare possunt. possunt & decedere ante, quam querela moueant. quibus casibus non transmittitur querela ad heredes, eoque nec reuocatio donationis, de quibus dicendum est alias pluribus. Quæ cum tam multa tamque dissimilia insint in his reuocationibus, & quidem ex iure certo: si qui sunt, qui eas comparent, vt quod de vna dicitur, transferat ad alteram, hi comparant inter se res dissimilimas, & manifesti iuris imperitia labuntur.

Quæret ꝑ ergo aliquis, vnde sit dissimilitudo istarum rerum, quæ vnā causam communem habere videtur, nempe donatoris liberos. Differentia ratio hæc est, quod qui donat liberos non habens, hac mente est, vt sibi consulat, id est, vt sibi donatum reddatur, si postea liberos suscepit. Hanc cogitationem si lex confirmat, vt fit in patrono donatore, consulit lex donatori, non liberis; nisi quatenus per patrem donatorem etiam ad ipsos eadem res reditura sint. Ideo solū hic quod vtile sit, & conueniat donatoris voluntati considerandum fuit. Illud autem in primis exigendum, vt tunc donauerit, cum liberos non haberet: quo scilicet intelligatur, si haberet, daturus non fuisse, eoq; & his susceptis donatum nolle. Inofficiosa autem donatio quæ sciente patre fraudat liberos legitimam portionem, fit & manet etiam secundum voluntatem patris, ac soli liberi hic iniuria afficiuntur. Quocirca non fuit hic reuocatio donatori danda, qui sibi consultum noluit; sed fuit consulendum liberis fraudatis, & consulendum quatenus sunt fraudari, nec dissimiliter, quam si testamento illis quarta relicta non esset.

Tertium argumentum vulgaris sententia, & quo maxime ductus videtur Accursius ad *l. si unquam.* (nā hanc rationem solam reddit, vt eandem reuocationem tribueret extraneo donatori, quæ illic tribuitur patrono) est illa ratio, qua vsus est Iustinianus in testatore, in *l. cum acutissimi. in fi. s. de fideic.* non videri scilicet testatorem alienas successiones propriis ac reponere. Ex ea enim colligitur id, quod responsum est a Papiiano in *l. cum auus. ff. de cond. s. dem. & confirmatum ac productum longius in dict. l. cum acutissimi. si testator filio suo herede instituto, rogauerit eum, vt post mortem suam restitueret hereditatem extraneo: videri fideicommissum relictum sub conditione, si filius sine liberis decesserit, ac liberis postea natis de ficere fideicommissum. Hinc effici volunt, & si quis qd inter viuos donauerit extraneo, eadē ista ratione videri eū velle donatum manere hac conditione, si liberos non suscepit. proinde his natis postea donationem reuocari. Sed vitiose admodum id colligitur. Primum, quia superior ratio & sententia pertinet ad successionem*

& hereditatem defuncti; ad legata ab eo relicta reuocanda non pertinet. Tum autem, ut pertineret etiam ad legata, & supremas omnes voluntates; tamen ad donationes transferri non debet, nec potest. Ad successionem & hereditatem a defuncto ipso relictam fateor pertinere, sitque hoc modo. Nam si testator liberos non habens instituat extraneum heredem postumo præterito, deinde liberis postea natis decedat; testamento, quod ad successionem attinet, euanescente liberi sunt heredes scripto herede excluso. *auth. ex causa. supra. de lib. præ. vel ex h. Idemque est, si testator existimans filium mortuum, quem habebat, extraneum heredem instituerit, deinde existat filius, qui vindicet hereditatem. d. l. ult. ff. de her. inst.*

27 At hoc non item pertinet ad legata a testatore relicta. Nam si testator liberos non habens legata aut fideicommissa reliquerit vel testamento, vel codicillis, quamuis postea nati sint illi liberi, non eo tamen magis legata reuocantur, sed debentur ab heredibus legitimis, etiam rescisso propter liberos testamento. *d. auth. ex causa. d. l. ult. de her. inst. l. ab intestato. ff. de iur. cod.* Neque offenditur superiore illa sententia, non videri testatorem alienas successiones suis antepone-re. Non enim hic in successione defuncti anteponuntur extranei & alieni liberis, sed liberi omnibus; cum & hic defuncti patris sint successores exclusis scriptis iisque alienis heredibus. Quod si ob liberos a testatore susceptos non reuocatur legata ante ab eo relicta, nec quominus id dicamus, superiore ratione impedimur: multo minus ob eandem istam rationem reuocabitur donatio liberis a donatore postea susceptis; cum, ut ante dixi, legata sola voluntate testatoris consent, donatio duorum consensu, & ut non nisi horum consensu perfici potest; sic nec nisi utriusque consensu res solui. *l. sicut. sup. de obl. & act.* Sed amplius dicimus, etsi maxime ex superiore ratione & hereditates & legata a testatore relicta reuocarentur liberis postea natis testator: tamen non recte transfertur hoc ius ad donationes inter vivos factas. Quamquam enim qui donat inter vivos, eodem animo est, quo testator, ut scilicet velit, si sibi nascantur liberi postea, donatum ad se redire; non est hoc tamen satis ad reuocationem. exigitur amplius & in testatore, & in donatore, ut quod voluit, etiam potuerit iure, id est, ut in eo quod voluit, rata sit iure eius voluntas. At qui hoc testatori concessum est: donatori nequaquam. Vt quisque legasset rei suæ, ita ius esse iubetur legibus. *l. verbis. D. de ver. sign.* unde ut legata valent sola voluntate testatoris, ita & sola eius voluntate licet tacita reuocantur. *l. 3. §. ultim. l. 4. ff. de adi. leg.* Non eadem potestas est donatoris in reuocandis donationibus. Non perficitur quidem donatio ab initio nisi voluntate eius. At semel perfecta non potest ab eo ex penitentia reuocari; ut ante ostendimus. *l. cum ancillam. l. si repetendi. sup. de cond. ob caus. l. 3. l. 6. sup. de reuoc. don.* quippe quæ, ut modo dixi, perfecta sit duorum consensu. quo fit, ut non possit, nisi utriusque consensu ab ea recedi. *d. l. sicut. sup. de obl. & act. l. ab emptione. ff. de pact.* Vna exceptio communis hæc est, nisi quis donauerit ob causam, & causa secuta non sit. Sed hanc nominatim adici oportet. quam si quis apud se cogitat, & sequi vult, neque aperte in donando adiciit, placet nihil ei prodesse. & quauis nihil eius modi secutum fuerit, quale sperabat, nihilominus manere integram donationem, ut iam diximus diserte scriptum esse in *l. si repetendi. §. de cond. ob caus.* Nihil igitur superior illa ratio *l. cum acutissimi.* ad rem perti-

net, si de legatis a testatore relictis propter liberos postea ei natos reuocandis agitur, multoque minus, si agitur de donationibus propter liberos a testatore susceptos reuocandis. Et vero nec de institutione ipsa testatoris, qua heredem sibi instituat, quæque reuocetur liberis postea illi natis, species illic proponitur: ut nihil relinquatur ex eo loco, quod pertineat ad donationem ab eo, qui donauit, reuocandam propter liberos ab ipso postea susceptos.

Plane sic potest reuocationi & legatorum & donationis locus esse, si in his ea concurrant, de quibus in fideicommissis restituenda hereditatis comprehensum est in *dict. leg. cum acutissimi. de fid. & l. cum auus. ff. de cond. & dem.*

In hoc legatis quidem hoc modo, si proponas testatorem quid legasse filio, & rogasse eum, ut post mortem id restitueret Titio. Tum enim recte dixerimus in fideicommissis, quod hic datur Titio, inesse conditionem tacitam, si filius qui rogatus est restituere, decesserit sine liberis. Itaque nullis liberis relictis deberi fideicommissum. his relictis fideicommissum, nec datum videri, sed transire ad filii liberos. Coniectura voluntatis non obscura ex eo, quod filium rogando, ut tantum post mortem suam legatum restituat, perspicuum sit voluisse eum legatum non aliter a filio recedere, & transire ad extraneum, quam si filius esse desuisset. At qui in filiis perpetuo vivere intelligitur, & certum est eos filios, qui testatori sunt nepotes, non minus, imo magis auctores dilectos & caros fuisse. *l. liberorum. D. de ver. sig.* Quare qui voluit legatum perpetuo apud filium manere, is utique voluit manere & apud filios eius suos nepotes. ut sic videatur semper mansisse apud filium in eius liberis; & maxime, si res in contentione veniat cum extraneo, ut querendum sit, qui in legato aui præferendi sint, nepotesne defuncti, an extraneus. In qua contentione semper vincet ratio, non videri aui alienos successores suis liberis prætulisse, iuxta rationem *d. l. cum acutissimi.* Extraneo si leget testator, & roget eum post mortem suam restituere Titio, nihil causæ dici potest, cur post mortem legatarii fideicommissum non debeatur, etiam si ille decesserit relictis liberis; quia non minus hi liberi testatori extranei sunt, quam Titius: ut nihil sit in his, cur propter eos velit testator legatum ad eum Titio, & ad istos potius transire. Sed etsi filio suo legans pater, roget eum legatum restituere Titio statim, aut post certum tempus; quamuis liberos suscipiat postea, & habeat die fideicommissi cedente, Papiniani & Iustiniani sententia est, eum cogi omni modo restituere, qui de eo filio tantum loquuntur, qui iussus est post mortem suam restituere hereditatem. *d. l. cum auus. de cond. & dem. d. l. cum acutissimi. sup. de fid.* Idque ratione ipsa Iustiniani efficitur. non enim dicendus est pater in ea restitutione videri alienum suo successori anteposuisse, cum filium in eo sue legato, sue hereditate perpetuo successorem esse noluit, translata ad alium hereditate, aut legato per fideicommissum. Quod si illa concurrent, ut & filio legatum sit datum, & idem rogatus restituere post mortem suam; tum recte defendemus idem præbandum esse, quod ante diximus, id ipsum quod iuris esse dicitur in supra scriptis locis, cum filius heres institutus est, & rogatus post mortem suam restituere hereditatem.

Quo exemplo idem ius & in donatione inter vivos admittere possumus, ut si pater inter vivos filio emancipato quid donauerit ea lege, ut id post mortem suam

suam restitueret Titio; tum filio decedente sine liberis, sit Titio utilis actio ad petendum donatum, ut esse in hac specie placet in *l. quoties. sup. de don. qua. sub mo.* si decedat filius relictis liberis, nihil debeatur Titio; sed donatum apud liberos filii donatarii maneat. eadem illa ratione videlicet, ut qui filium suum id donatum perpetuo habere dum vixit, voluit, velit etiam eum habere in filiis suis, si quis post se relinquet, in quorum persona, & ipse viuere intelligitur. præsertim cum & hi filii sint donatori liberi: caritas autem aui in nepotes suadeat ita existimare, aui magis consultum voluisse nepotibus suis, quam extraneo. confirmaturque coniectura ex eo, quod prius eodem isto animo fuit in filium in hac ipsa donatione. neque vero plus dilexit filium, quam nepotes. Sed recte hæc dicuntur in donatione futura, & pendente, quæ filio mortuo donatum adimens collata est in extraneum, qualis est ea, quam modo proposuimus. Hæc quia nondum perfecta est, sed pendet donec filius viuat, voluntate donatoris impediri potest, ne impleatur, & ad hoc solius eius voluntas sufficit, neque consensum Titii exigimus. Quæ enim duorum consensu geruntur, non perficiuntur, nisi consensus utriusque concurrat. *l. in omnibus. Digest. de obl. & act.* At ubi donator ipse viuus donauit, & perfecit donationem, quæ species est, de qua agimus: sciamus nihil prodesse donatori cogitationem & voluntatem de reuocanda donatione, si liberos postea suscepit. Nisi hanc conditionem adiecerit, donatione perfecta est. perfecta non potest reuocari inuito aduersario. *d. l. si repetendi. sup. de cond. ob caus.*

30 Haecenus ergo constat nihil adferri ex iure ciuili, quo vulgaris superior sententia, vel tenuiter defendi possit. Sed & huius iuris defensione erepta, moueri possunt pie mentes saltem sententia illa superiore Augustini. de qua etiam quarto loco nonnihil diceadum est. Scribit ille, ut supra retulimus, liberis in specie proposita postea patris donatarium non cogi reddere donata iure fieri, id est, iure publico & legibus, at cogi reddere iure poli. Opinor, polum dicit id, quod scriptura sacra vocat regnum cælorum. quo verbo intelligitur nonnunquam aut ecclesia, in qua Deus regnat, aut doctrina cœlestis, per quam Deus regnat in ecclesia. sic accipitur aliquoties Matt. 13. Itaque hæc sententia erit Augustini, re donata ab eo, qui liberos non habebat, si is postea suscepit liberos, cogi donatarium iure diuino & mandato Dei parere debent. Et quod Augustinus dicit hæc in proposito non necesse esse reddi iure publico, recte dicit: idque inde nobis liquet, quia probatur manifestis sententiis iuris ciuilis, & imprimis. *l. si unquam.* quæ beneficium singulare patrono tribuens ceteros donatores excludit. Quod autem dicit iure diuino cogi donatarium reddere, recte fecisset, si addidisset probationem ex verbo Dei.

31 Sed & tamen defendi potest Augustinum etiam in hac re recte dicere; sed in persona ecclesiæ, de qua loquitur, ut constat ex toto illo *c. ultim. 17. quæst. 4.* ubi refertur illius sententia: & magis ex sermone 52. ad populum Hipponensem, unde illud fragmentum transsumtum est. Longe alia est persona ecclesiæ, quæ donatum accipit, alia priuatorum. Licet priuatis etiam ex verbo Dei sua tueri, & quod recte acceptum sit, ubi nulla sit conditio reddendi iure cognita, id retinere. Non idem licet ecclesiæ in rebus ab eo acceptis, qui liberos non habens donauit, ac postea liberos suscepit. Nam ecclesia est mater omnium nostrum; quæ

etiam de suo debet egentes alere, ut est officium parentum. Malto magis igitur si quid donatum acceperit ecclesia ab eo qui liberos non habebat, cui nati sunt postea liberi, id debet reddere, ut inde filii alantur. sed & eo magis, quod parentum bona quodammodo sunt filiorum. *l. ult. D. de bon. dam.* quibus proinde ea reddi æquum & honestum videtur. Loquitur igitur Augustinus de iure proprio ecclesiæ, quod ad priuatos donatores non pertinet. Idque cum ex aliis plerisque eius sententiis intelligi potest, quæ sunt in eo sermone, quem dixi; tum maxime ex his duabus. Primum si pater filio suo iustis de causis exheredato instituerit extraneum heredem, nemo, opinor, non fatebitur licere huic priuato etiam ex verbo Dei retinere eam hereditatem, quæ meritis de causis indigno filio ablata est. At si idem exheredato filio fecerit heredem ecclesiam, negat eo loco Augustinus ecclesiam suscipere debere hereditatem, ut & refertur in *dist. c. vlt. 17. q. 4.* Idem in eodem sermone scribit ad hanc sententiam; si qui compilant nauem, aut in causa fuerint, ut periret nauis, & naufragium faceret; eos magister nauis fluctibus eiectiones traderet magistratui, ut de submersione nauis quereretur, & torquerentur a iudice, qui essent de fluctibus liberati. Sed non eos daremus, inquit: nullo enim pacto hoc facere deceret ecclesiam. Apparet igitur loqui Augustinum de eo, quod decet, valetque ad bonam famam. decet tamen ecclesiam, non etiam conuenit personæ cuiusque priuati. Quibus ita constitutis tam quæ ad confirmationem veræ sententiæ valent, quam quæ pertinent ad confutationem contrariæ; non dubitabimus statuere in summa id, quod supra differuimus pluribus; nullo iure ciuili, aut Pontificio donationem inter viuos nulla addita causa donandi recte perfectam, reuocari ideo, quod donator, cum liberos non habens donasset, liberos postea suscepit: præterquam in patrono donatore, cuius hoc proprium beneficium est illis conditionibus, quas dixi, ex *l. si unquam. C. de reuoc. don.*

TITVLI DIGESTORVM, DE

PRÆSCRIPTIS VERBIS, ET IN

*factum actionibus, hic tractandi ratio, eiusque
argumentum & summa.*

C A P. I.

Magna ratio est, cur de præscriptis verbis & in factum actionibus scribam hoc tempore, atque hoc loco, sententiam maxime persecutus eius tituli, qui in Pandectis exstat hac ipsa inscriptione. Et si enim occasio illa, de qua superiore epistola sum præfatus, ad hanc curam satis videri potuit: tamen ut sunt ea, quæ mihi antecesserunt, ipsa res me, ut facerem, multo magis debuit inuitare. Scripsi anno superiore in titulos Codicis, de pactis, & de transactionibus, nec tam in illos titulos, quam disputatio illa huc spectauit, ut vis pactorum a nobis explicaretur. Porro sic quæstio de actione præscriptis verbis, sic totius illius tituli tractatio ad quæstionem de pactis pertinet, ut nequeat separari. non enim ita pertinet, quasi quæ genere distincta, tamen ad partem aliquam de pactis melius intelligendam conducatur: sed tanquam quæ sit ex media quæstione de pactis, atque adeo optimâ eius quæstionis partem contineat. In titulo de pactis, de vi pactorum quæritur. atqui vis pacti, quod quidam ad agendum prodest, posita est præne tota in ea actione, quæ præscriptis verbis nominatur. unde tot locis sub titulis, de pactis, & de transactionibus, eius actionis fit mentio. Sed quod præcipue animaduertendum est, titulus ipsæ de præscriptis verbis totus hanc summam habere reperietur, ut, cum præter conventionem quid datum a me, aut factum est, ut vicissim mihi dares, aut faceres; norimus, quæ hic conventiones, & quatenus valeant, quæque sit ex his actio, cum ad petendum, quod convenit, tum ad id, quod datum factumue est, reuocandum. in quo de vi pactorum agi perspicuum est. Neque vero alia quæstio est, quæ est exposita breuius ab Ulpiano in *l. iuris gentium §. 1. Dig. de pact.* Ita sit omnino, ut aut nusquam eius tituli tractatio locum habeat, aut ad quæstionem de pactis, cuius pars, vel appendix quædam est, debeat referri. Quamobrem cum, ut dixi, scripserim antea de pactis, in quo eius quæstionis explicationem susceperim: necesse est videri me aut institutæ disputationi non satisfacere, sed relinquere incoactam, aut huius quoque partis, quæ illius propria est, explicationem adiungere debuisse. Quod posterius cum fecerimus, omnes intelligere debebunt, sic nos præsentis temporis occasione ad hanc explicationem maturandam esse usos, ut tamen eam non magis occasio & casus mihi obieciisse, quam coniunctionis rerum necessitas post illam tractationem priorem à me expressisse videatur. Habet hic locus controuersias aliquot subdifficiles, & parum explicatas, dignas in quibus elaboretur. quod vel doctorum hominum de his accuratæ & discrepantes disputationes facile testari possunt. Res videbuntur fortasse ad motem veterum iudiciorum magis, quam ad usum horum temporum pertinentes. & ita sunt omnino, si per se spectabuntur: sed pertinent tamen ad eos locos, quibus res ad usum præsentem rerum utilium necessariè continentur: ac sine his loci illi, qui sunt innumeri, facile intelligi non possunt. De quibus quid nobis videatur, expolui diligentius, ut in re controuersa. in qua cum scirem fore, ut multis nova dicere videar, non satis fuit id ponere, quod sentiebam, nisi etiam, quomodo confirmetur, & ab

ab aliis, quæ dicuntur contra ab aliis, quomodo vindicetur, ostenderem.

Tituli de præscriptis verbis, & in factum actionibus, hæc fere summa est. Cum convenit, ut mihi des quid, aut facias, interdum sola est conventio, siue hæc nullo proprio nomine appelletur, siue in aliud nomen contractus transeat: interdum præter conventionem prius ipse dedi, aut feci quid ea lege, ut dares, aut faceres illud, de quo præstando convenit, ut sic dicatur causa subesse præter conventionem, ut loquitur Vlpianus in *l. iuris gentium, in prin. §. de pact.* causa nimirum, propter quam mihi dare aut facere debeas, id est, causa dandi aut faciendi præter conventionem dicit, quia conventio & ipsa una est ad dandum aut faciendum causa: ut sic ita duplex obligandi tui causa fieri intelligatur, & quod dedi aut feci, & quod te daturum facturumve pactus es. De priore genere nihil hic dicimus: ex quo aut plane nulla actio nascitur, aut si qua nascitur, id genus est earum conventionum, quæ vel in proprium nomen contractus transeunt, vel lege confirmantur: ex quibus certæ sunt & propriæ actiones, non præscriptis verbis. ita totum hoc genus a titulo, de præscriptis verbis, est remotum. Posterius est, de quo sub eo titulo agitur. Quid autem hic queratur, vide. Earum siue conventionum, siue negotiorum, siue contractuum, quibus causa faciendi subest præter conventionem, quatuor sunt genera. aut enim do, ut des: aut do, ut facias: aut facio, ut des: aut facio, ut facias. tot enim genera natura esse ostendit, neque plura eadem natura esse possunt: quæ Paulus posuit in *l. naturalis, in prin. cod. tit.* atque omnia uno generis nomine complexus est, ob rem datum appellans, quod ista lege datum, factumve est: nimirum dari nomine etiam factum intelligens. Quoties unum aliquod ex his incidit, si, posteaquam dedi, aut feci, ipse cessas dare aut facere, quatuor sunt in vnaquoque, de quibus queri solet. Nam cum interdum interfit mea non dedisse, quod dedi aut feci, interdum magis interfit id consequi, quod pactus es, utrumque habet dubitationem, & eam duplicem. primum si velim reuocare, quod datum aut factum est, an possim, & si possim, qua actione id consequar: deinde si putem magis esse id consequi, de quo convenit, an petere liceat: si licet, quæ sit in eam rem actio. His vero in rebus & Pauli disputatio in *d. l. naturalis*. & totius tituli tractatio continetur. De quibus quid iuris sit, videamus.

IN IIS CONTRACTIBVS, QVI IN proprium nomen transeunt, neque conditioni dati ex poenitentia locum esse, & certam in omnibus esse actionem, tum qua nota discernamus in omni conventionem, utrum res in proprium nomen contractus transeat, an non transeat. CAP. II.

S Y M M A R I V M.

- 1 In sequestrem actio depositi, & actio præscriptis verbis, sed quibus.
- 2 Præscriptis verbis actio, & actio ex vendito de eadem re in specie leg. 2. Cod. de pact. int. emi. & vend. com. & si convenit. Dig. de resc. vend. & cur.
- 3 *L. naturalis*. Digest. de præsc. ver. tractatio, & scopus.
- 4 Condictio dati ob causam causam non secuta, cur non sit in iis contractibus, qui transeunt in proprium nomen.

5 Condictio nem esse pecunia data ob causam mandati, ut servus emeretur & manumitteretur, quamvis nondum servus emtus sit, & cur.

ET de his ex genere contractus statuendum est. Interest enim plurimum, utrum contractus, de quo agitur, in proprium nomen contractus transeat, an non transeat. puta, siue emptio & venditio, quæ contrahitur, locatio & conductio, aut similes contractus: an vero nihil horum dicatur, nullaque alia hic contrahatur obligatio, quam ob rem dari non secuta, ut Celsus loquitur in *l. ultim. D. de cond. caus. dat. caus. non sec.* Cum contractus incidit, qui proprio nomine appelletur, veluti cum dedi pecuniam, ut fundum a te accipiam, ubi emptio contrahitur; aut dedi pecuniam, ut mihi tabulam pingas, ubi locatio est: in his & similibus res brevis, nec difficili definitione continetur, neque id, quod datum est, reuocari posse, ubi is, qui promissit, id quod dare debet, offerat, & id, de quo præstando convenit, ita peti posse, ut sit eo nomine certa actio ex contractu certo constituta; ut proinde alia, id est, aut præscriptis verbis, aut de dolo non requiratur. Imo vero ne locum quidem habet. nam actio quidem de dolo hac conditione proposita est: dicto, si alia actio nulla erit, *l. i. ff. de dolo, de actione autem præscriptis verbis ita traditur in l. 1. & l. 2. Dig. hoc tit.* tunc ad eam confugere nos, cum deficiunt prædicta iudicia, & vulgares actiones.

Nam quod de re apud sequestrem deposita & depositi actionem in sequestrem dari legimus, & item actionem præscriptis verbis, *l. ei apud. §. 1. D. de pos. l. si gratuitam. §. ultim. hoc tit.* nihil huic sententiæ adueriatur. datur enim depositi actio in sequestrem: sed ei, qui deposuit, de re ab ipso deposita. quæ ad rem præscriptis verbis actio non competit. Rursum datur præscriptis verbis: sed victori de re, quæ ab ipso deposita non est, sed ab aduersario, cum quo certabatur. quæ quidem ad rem certum est illi non magis depositi actionem competere posse, quam in superiore specie potest deponenti competere actio præscriptis verbis. Vnde ergo hæc actio victori aduersus sequestrem, cum apud sequestrem eam non deposuerit? ex eo videlicet, quod in rebus sponsonis causa deponendis ab initio convenit inter sequestre & eos, qui deponebant, ut, uter certantium vicisset, ei sequester res depositas traderet. postquam conventionem fecit victor, ut acciperet id, de quo conuenerat. decertavit enim, & vicit. Neque hoc aliter fieri reperiemus, quam ut ex contractu certo certa sit actio, & ita certa, ut non sit præscriptis verbis.

Quod tamen contra propria quadam ratione in vna causa receptum esse hoc loco monendi sumus, nimirum cum vendidi tibi fundum ea lege, ut mihi quandoque pretium offerenti eum reddas. in qua conventionem scriptum est in *l. 2. C. de pact. int. emi. & vend. com.* ut contractus fides seruetur, actione præscriptis verbis, vel ex vendito mihi dari. Sed quo in hac specie præscriptis verbis, cum sit certa actio: aut cur hic a regula iuris discidimus, quæ tunc solum concedit venire ad actionem præscriptis verbis, cum certum nomen actionis inuenire non possumus? *d. l. i. end.* Puto eo factum, quia in hac specie ab initio nihil amplius de sententia veterum admissum fuerit, quam actio præscriptis verbis, ut indicat *l. si vir. hoc tit.* post tandem certa actione recepta, aut constituta (quod factum esse veterum questione decisa scribit Vlpianus in *l. si fundus, in princ. D. de leg. com.*) sic illa admissa sit, ut prior, quæ fuerat, etiam

maneret. Nam illud quidē de superiore conuentione primo dubitatum videtur, an conuentio pars emtionis haberi deberet: nec abs re. neque enim prima ratione videtur ea conuentio ex emtione esse, quæ eo spectat, vt emtio rescindatur: vt necesse fuerit in hac dubitatione non ex vendito, sed aut nullam, aut præscriptis verbis actionem dare. Sed obtinuit tandem hanc conuentionem emtionis partem esse, & quodammodo pretii partem obtinere; quia sine ea emtio contracta non esset. cui sententiæ consequens fuit, vt de ea etiam actio ex vendito admitteretur. *arg. in l. sed Celsus. §. 1. D. de cont. emt. l. si sterilis. §. si tibi. Dig. de act. emt.* Cur ergo hæc iam sola non datur, sed utimur etiam actione præscriptis verbis? Nempe quia, quæ ex vetere dubitatione fuerat præscriptis verbis actio, ea semel inducta etiam nunc manserit. Eadem dicemus in specie *l. si conuenit. §. D. de res. ven.* in qua vt superiori simili, nempe ad rescindendam venditionem pertinente, easdem actiones dari legimus.

3 Ceterum † in omnib. aliis generibus contractuum, quos certos esse constat, sic datur certa actio, vt alia actio non queratur. Quæ causa fuit Paulo videlicet in *d. l. naturalis. §. 1. §. at cum do. & §. sed si facio.* cur, cum de superioribus differeret, ante omnia distinxerit. in illo quidem genere, cum do vt des, contraheretur emtio, an permutatio: in illo, cum do vt facias, vtum esset locatio, an non: in illo vero, cum facio vt facias, vtum contraheretur mandatum, an non, & simul quædo esset emtio, locatio, mādatur, ostenderit. Id eo fecit, inquā, quia in hoc genere diuersa omnia cum de repetitione, tum de promissi petitione ab illo altero, de quo dicemus postea, esse intellexit. At de eo nihil aperte pronuntiavit. Nimirum quia ex aduersatiua oratione, quam de altero genere subiiciebat, id satis intelligebatur, & ex genere ac natura eorum contractuum non poterat esse obscurum.

4 Nam † primum quod ad id, quod in his contractibus datum aut factum est, attinet, id repeti non posse inde intelligimus, non solum quia traditur ab his contractibus, nisi utroq; consentiente, discedi non posse, *lab. emtione. D. de pact. sed etiam quia contractus eiusmodi sunt, vt quamuis mihi ultro nihil dedisses, tamē solo consensu tibi obligarer, tuque promissum iure a me exigeres.* Perro cui actionem ad id petendum damus, multo magis eo dato ad id retinendum exceptionem esse oportet *l. inuitus. §. 1. D. de reg. iur.* iam vero in his contractibus si quid dederim iam, aut fecerim, vt dares aut faceres, peti posse id, de quo conuenit, vt dares faceres, plusquam certum est. Primum non est hic nuda conuentio, vt quis dicat ex pacto actionem nō nasci, sed rem dedi, vt dares aut faceres: ex quo genere ciuilis actio oritur, quāuis in alium contractum res non transeat, *l. iuris gentium. §. 1. D. de pact. l. solent. hoc tit.* Tum autem etiā nihil dedissem: tamen iam dixi ex eo genere contractuum, qui proprio nomine appellantur, et solo consensu obligationem iure gentium nasci. *d. l. iuris gentium.* Ex quo intelligi debet loqui nos de iis contractibus, qui rebus quamuis adhuc integris ab vno ex contrahentibus inuito altero reuocari non possunt. Quod si qui sint, qui possint reuocari, qualis est societas, cui renuntiari potest a quouis ex sociis, aut mandatum, quod reb. integris a mandante reuocari potest, hæc eorū conditio est, vt reuocatione vnus non tam desinant, quam videantur nulli fuisse.

5 Vnde † eueniet, vt pecunia, quæ hoc nomine data

erata mandante, vt quid emeretur, rebus adhuc integris reuocari possit, & possit conditione ob causam dati causa non secuta. Quod Ulpianus in hac specie respondit, cum dedi tibi pecuniam, vt seruum emereres, & manumitteres. ait enim ante quam emeris, competere mihi conditionem ad pecuniam, quam dedi, repetendam. *l. si pecuniam. §. si seruum. vers. item si quis. D. de cond. caus. dat. caus. non sec.* Atqui mandatum est, dixerit aliquis. Sed mandatum potest reuocari rebus integris, vt dixi: quo facto eo res deducitur, quasi nec fuerit. Dicit tamen potest, & fortasse verius, in hac specie nullam omnino ne ab initio quidē mādati obligationem existitisse: quia nihil interfit mandantis seruum extraneo emi, vt ab eo manumittatur, cum ex ea emtione aut manumissione nihil ad mandantem rediturum sit. Nulla est autem mandati obligatio seu actio, cum eius nihil interest, qui mandauit. *l. si procuratorem. §. mandata. D. mand.* Ita in his contractibus, qui proprio nomine appellantur, eo res redit, vt quamdiu ex his obligatio est, tamdiu ex iis non sit dati repetitio. Quamobrem, vt dixi, quod certum erat, quodque ex aduersatiua, quam subiiceret, intelligebatur, id Paulus prætermisit. solum hoc quæstionē habere potuit, cū dedi aut feci ea lege, vt quid dares aut faceres, existente is contractus, cuius sit proprium aliquod iure ciuili nomen, vt emtio & venditio, locatio, conductio, aut similes, an alius generis contractus. Id ergo Paulus docuit in tribus illis, cum do vt des, cum do vt facias, cum facio vt facias. Quam autem det in singulis huius rei explicandæ causa regulam, operæ pretium est cognoscere.

CUM DO, VT DES, QVOD CERTI contractus genus, & quando, ad L. naturalis. in pr. CAP. III.

SUMMARY.

i. *L. ult. D. de cond. caus. dat. exposita.*

ET in eo genere, cum do, vt des, tunc emtio est, inquit, cum pecuniam do, vt rem accipiam. quod hanc sententiam habet, cum do non rem quamlibet, sed pecuniam: neque pecuniam, vt pecuniam accipiam, sed vt rem aliam; hac lege interposita, inquā, vt rem accipiam, cum scilicet ita conuenit, vt aliam mihi traderes, aut nominatim vt aliam rem quampiam accipiam. Nam si rem do, vt aliam mihi des, permutatio est. *l. 1. Digest. de contra. emt. l. 1. D. de rer. perm.* si pecuniam, vt pecuniam mihi reddas, est mutuū, *Inst. quib. mod. re contra. obl. in prin.* Si † pecuniam pro re quidem, sed hac lege nominatim interposita, vt eam mihi des, est & hic permutatio contractus innominati genus, non emtio vlla ex parte, vt Celsus disputat in *l. ult. D. de cond. caus. dat. caus. non sec.* Est enim hic conuentio contraria emtioni: in qua nō id agitur, vt necesse habeat venditer rem dare, id est, dominium rei transferre, sed solum rem tradere, vt sic ob euictionem obligetur emptori. *l. ex emto. D. de cont. emt.* Itaque illud, vt rem accipiam, sic accipimus, si nominatim ita conuenierit, vt rem accipiam. nam id cū factum est, perinde valet, quasi dictum esset, vt rem vel datam vel traditam accipiam, & mihi euictionis nomine obligeris: non tantum quia verbum ad utrāque speciem rei traditæ referri potest: sed etiam quia pecuniam hinc interueniens, illinc res pro pecunia emtionem contrahi satis arguunt: cuius proprium est, vt ab vna parte pecunia sit, ab altera merx, quæ pecunia, id

pretio æstimetur. *l. i. D. de contra. emt. l. i. Digest. de rer. permitt.*

CVM DO, VT FACIAS, QVANDO
contrahatur locatio, aut non contrahatur, ad L. naturalis. §. i. CAP. IIII.

SVMARIA.

- 1 *Facta que locari possint, aut non possint.*
- 2 *Operam non omnem locari posse: & quarum operarum sit locatio.*
- 3 *Locare quid.*

IN eo autem genere, cum do vt facias, sic locationem & conductionem contrahi ait, si tibi pecuniā dem, vt facias, quod sit tale, vt factum soleat, & possit locari. Recte. nam si eo nomine quod facis, dem tibi non pecuniam, sed rem, locatio esse non potest: propterea quod nec sine mercede locatio est, nec consistit merces, nisi in pecunia numerata. *Institut. de loc. & conduc. in pr. & §. i.* Sed et si pecuniam dem, vt quid facias, non potest esse locatio, si id factum sit, quod locari non soleat.

1 **Q**uæ facta soleant locari, hoc exemplo demonstrat; veluti vt tabulam pingas, inquit. nempe meam. Nam si tibi pecuniam dem, vt tuam pingas, & pictam mihi des, emptio erit; non locatio. *l. Sabinus ff. de contra. emt. §. item queritur. Institutio. de loc. & conduct.* Quæ aut facta locari non possint, declarat hoc exēplo; puta vt seruū manumittas. Hæc ego exēpla in utrāque partē pro definitione accipio, vt scilicet, si quid tale sit, qd in re nostra exerceatur, collocetur, vt sic per rem nostram ad nos redeat, sit factum tale, quod locari possit: veluti vt me vehas, vt insulam in area mea ædifices, vt tabulam meam pingas, vt vestimenta mea polias, facias, vt ex auro meo mihi annulum conficias, & quæ sunt eiusdem generis. Contra vero si id quod sit, non fiat in re dantis, ac ne possit, sit factum eiusmodi, in quod locatio non cadat. Animaduerto enim non tantum placere tunc locationem non contrahi, cum pecuniam tibi do, vt Stychum manumittas: in qua specie dici potest, ideo manumissionem non esse factum, quod locari possit, quia momentarium sit, & nullum laborem, nullamque operam desideret: sed et tunc, cum do pecuniam, vt Romam eas. Cum enim *in leg. §. Dig. de cond. caus. dat.* dicitur in hac specie pecuniam reuocari posse rebus integris, si me pœniteat, satis declaratur locationem non esse contractam: alioquin ab ea inuito altero recedere non liceret. Atqui vt Romam eas, sine opera & labore tuo non perficitur. Cur igitur non est id factum, quod recipiat locationē? Non video, quæ hic alio ratio reddi possit, quā quod vt manumissio serui in re dantis nō exercetur, ac nec potest: sic nec profectio, quæ Romam suscipitur, aliā in re potest exerceri, quam in iis locis, per quæ commearur: quæ dantis non esse constat. Nam quod Bartolus *ad l. §. D. de cond. caus. dat.* tunc dicit locationē in hac specie posteriore non contrahi, cum is promittit se iturum Romam, qui non solebat locare operas suas: diuersum esse, si de cursori, qui soleat operas locare: facit cōtra Vlpiani manifestā sententiā, qui vt repetitionem det, non personæ accipientis, sed solius huius facti habet rationem.

2 **L**egimus tamen quidem locari posse operas, vt in *l. qui operas ff. locat.* sed hoc non significat, ubicumq; opera est, eam locari posse. Locare potest operas artifex, vt mihi domi pingat, vt ædificet, vt scribat: sed non erit locatio, si mihi operam præbeat, vt Romam eat, vt iam diximus. Accedit ad huius sententiæ confirmationē,

quod in *l. Sabinus ff. de contra. emt.* scriptum est, sic locationem videri, si areā dare, vt insulā ædificares: quoniam tunc a me substantia proficiatur. Ex quo colligitur, ubi substantia rei nō proficiatur ab eo, qui dat pecuniam, vt in ea labor locationis ponatur, locationem non contrahi.

A tamen quo locationis nomen abhorrere nō videtur. Sic enim dicitur locare a loco, vt nisi re accepta in qua quis tanquā cōstituto in loco operā suam locet & cōductori impendat, non sit locatio.

CVM FACIO, VT DES, QVOD CON-
tractus genus. CAP. V.

SVMARIA.

- 1 *Societatem contrahi, cum do tibi equum aut pecus pascendum, vt si post certos annos vanisset, pretium inter nos communicaretur.*

IN illa specie, cū facio vt des, nihil dicit Paulus, quādo locatio contrahi intelligatur: quia hoc ex superiore satis intelligitur. Nam si cum do decem, vt insulā mihi ædifices, a me conductio est: necesse est te, qui ædificas, vt tibi dem ea decem, locatorē videri, de quo paulo post plura.

Interdum tamen in hac specie societas contrahitur: vt si dem tibi pecus pascendum, aut equum nutriendum, vt si post certos annos vanisset, pretiū inter nos, communicaretur. hic trado rē vt pretiū partē mihi des. In eo placuit esse societatem. *l. si tibi rem. §. i. eo.* Nisi quis dicat videri me tibi dare pecus, aut equum, cum permitto tibi vendere. quod nō ita est. nominatim enim *in d. l. si tibi rem. §. i.* scriptum est, hic dominum manere, qui prius fuerat.

CVM FACIO, VT FACIAS, NVLLVM
hic certum genus contractus existere, ad L. naturalis. §. sed si facio. CAP. VI.

IN ea specie, cum facio vt facias, de qua in paragra. *sed si facio.* ostendit, si mutuum mandatum sit, non contrahi negotium, quod in proprium nomē contractus transeat. Nos generaliter definiemus, nunquam in hac specie id negotium contrahi, quod certo nomine appelletur. Aut enim mutuum mandatum est, vt si pacti simus, vt tu in meo, ego in tuo solo ædificem: quo exemplo Paulus vtitur *in d. §. sed. si facio.* aut mutuum commodatum, vt si placuerit inter nos, vt ego tibi meum bouem in denos dies, tu tuum mihi commodares: quæ species est *leg. si gratuitum. §. si cum vnum. eo.* Si mutuum mandatum est, neutri ubi est mandatum: quia non est gratuitū. *l. si tibi rem. §. i. eo.* si mutuum commodatum est, probandum est eadem ratione neutri ubi esse commodatum. *l. si gratuitum. §. si cum vnum. eo.* Neq; vero mutua facta in alias species cadere videntur.

QVOD OB CAUSSAM DATVM SIT,
caussa non secuta reuocari posse conditione: & hoc, quicumque casus accipienti obstiterit, quominus causa sequeretur. CAP. VII.

SVMARIA.

- 1 *L. naturalis in prinipio. illic. Sed si scyphos. explicatur.*

Atque hoc ius est de his quatuor generibus negotiorum, cum res in aliud nomen contractus transeat. Quod si negotium manebit in suo nomine, & nulla hicalia obligatio contrahetur, quā ob rem dati

re non secuta: ius in vtramque partem commutatur, siue de eo, quod datum, aut factum est, reuocando agatur: siue de eo consequendo, quod ex conuentione vice mutua dari, aut fieri debuit. Ac de eo, q̄ datū factumue est, reuocando prius dicemus. In quo genere alia dari, alia facti ratio est. Neque enim vt fundum, quem tibi dedi, vt mihi Styichum dares, repetere, natura possum, cum existeret: sic cum seruum manumisi, aut quid aliud feci, vt dares, faceres, ego, mutare factum possum, & efficere, vt res in suum locum restituatur, id est, factum infectum reddere. Proinde & hæc nobis oratione distinguenda sunt. Ergo si dedi tibi qd, vt aut vicissim dares, aut vicissim qd faceres, & de re quæ data est, quaeritur, certi iuris est, si hanc recipere velim, posse me datum repetere quasi ob rem datum re non secuta; constituta in eam rem propria conditione, nimirum ob causam dati causa non secuta. neque in eo refert, vtrum dederim, vt des, vt in permutatione: an dederim, vt facias. veluti vt Styichum manumittas. Hæc Paulus in dicta leg. naturalis. in princ. §. at cum do. & §. quod sitale. Qua in quaestione cum res ad conditionem ob causam dati pertineat, nempe eo reuocanda est, & ex eius præceptis & ratione explicanda.

Illud notandum est, sic causa non secuta esse dati conditionem, vt ad facultatē repetendi nihil intersit, vtrum ideo nō des id, quod te dare oportuit, quia nolis: an vero quia non possis: & quominus possis, vtrum casu, an culpa impedire. Vt puta, si tibi scyphos dedi vt mihi Styichum dares, etiam mortuo sine culpa tua Stycho, scyphos a te condicere potero auctore Cello in l. ult. supra. de cond. caus. dat. Et recte. dedi enim ob causam: quæ si secuta nō est, conditioni locus factus est: quia cōditio eius existit. & quamuis casus in re tua incidere, tamen si alterutri nocere debet, æquius est eum domino nocere, quam mihi. leg. pignus. Codic. de pig. act.

Non t̄ aduersatur huic sententiæ, quod Paulus scribit in hac specie Styichum, quem pactus es te daturum, periculo meo esse qui scyphos dedi. l. naturalis. in princ. sed si scyphos. Est enim periculo meo eo sensu, quod res debet dicuntur periculo esse creditoris. hoc autē periculo esse creditoris. hoc autē periculum creditoris in reb. debitis permittitur, vt debitor in his liberetur, nec illæ scilicet iam amplius ab eo peti possint. l. si ex legati causa. D. de verb. obl. quod te. Digestis. si cert. pet. Ceterum si qua alia petitio fuit creditori ea non tollitur. proinde non eo minus, quod dedi, condicere potero: vt pote ob causam datum, quæ causa secuta non fuerit. hæc enim alia obligatio & actio est, vt dixi. Nec quisquā mihi dicat hoc modo fieri, vt hic nihil mihi pereat, si quod dedi, recipiam. Satis enim perit, quod Styichi estimationem petere non possum, si is forte duplo plus fuerit, quam quod dedi, & tamē eo, quod dedi, iubeat esse contentus.

DE REVOCATIONE FACTI, CVM
facio, vt des, aut facio, vt facias, in iis contractibus qui in
aliud nomen non transeunt, ad L. naturalis
in extremo. CAP. VIII.

SUMMARIA.

- 1 Cum feci vt dares aut faceres, causa non secuta agi posse in id, quod nostra interest, id factum esse.
- 2 Facti reuocandi causa actionem esse de dolo: & qua conditione. & num. 3.

L. cum proponas. C. de dolo exposita. ibid.

- 3 Datum sit quid ob causam, an factum, quid intersit in iure, eius reuocandi, cum causa secuta non est.
- 4 Facti reuocandi causa actionem esse intra duos annos de dolo: post id tempus in factum. Decerni actionē de dolo quam recte dicatur. ibid.
- 5 Facti reuocandi causa esse conditionem ob causam, cum debitori meo acceptum tuli, vt quid daret aut faceret: & cur in hac specie.

Alia, vt dixi, facti conditio est. Nam aut in eo præter factum mihi nihil abest, vt cum pinxi tabulā, cum insulam edificauī, in tuo, cum seruum furem tibi indicaui: & hic nihil est, quod reuocetur. auolauit enim statim opera, & indicium, vt nihil iam maneat, quod possit vel reuocari, vel mutari: aut eo facto abest aliquid, vt cum Styichum manumisi, vt dares, cum Titium liberaui tuo nomine, vt me quoque liberares. & hic plerumque ea res abest, quæ iam plane esse desierit, nec possit reuocari: vt, seruo manumisso abest seruitus, quæ reuocari nullo modo potest. plerumque ita abest, vt ad eum, cum quo pacti sumus, non peruenit, vt ne sic quidem ab eo repeti possit, ad quem nō est profecta. Itaque sane de his conditio ob causam non competit.

Sed t̄ nihilo minus & de eo retractādo vi ipsa agi potest, si quid forte eo facto nobis aberit, quod plura sit, quam quod nobis vice mutua promissum est: non vt ipsum, quod non dedimus, condicatur: sed vt in id agamus, quod nostra interest id factum non esse, q̄ fecimus. vt, si manumisi Styichum, vt Pamphilū manumittas, prius quam manumiseris, possum tecum agere, quanti interest mea seruum habere, quem manumisi, vt Paulus scribit in d. l. naturalis. §. ult. Quod si id tum fieri potest, quum manumisi, vt alium manumittas: etiā tum eodē modo agere licebit, cum manumisi Styichum, vt mihi decem dares, id est, non solum cum feci, vt faceres, sed etiam cum feci, vt dares: quia vtroque idem factum est, & tu non dādo, aut faciēdo pariter fidem non præstas. Sed de actione Paulus nihil exprimit.

Verum t̄ erit in eam rem de dolo actio, vt declaratur in l. cum proponas. Cod. de dolo: Manumisi ancillam meā, q̄ apud te in contubernio erat, vt mihi Pamphilum dares: Pamphilum non das: quærebam de ancilla, an eam in seruitutem reuocare possem. Rescriptum est, reuocandæ libertatis potestatem me non habere, sed solū desiderare posse de dolo mihi decerni actionem, nempe ad reuocandā ancillam, vt Bartolus recte accepit, & nos postea pluribus ostendimus. Recte vero de dolo in hanc speciem, vbi videlicet nulla est alia iuris ciuilis actio. Deest enim conditio, quæ de iis, quæ data non sunt; ac præsertim quæ in commerciis esse desierunt, nulla est. Atque esse in hac specie de dolo actionem in id, quod mea interest, ancillam non manumissam, vbi libertas reuocari non potest, licet intelligere ex l. verum in princ. Dig. de minor. vbi & minori, qui deceptus ancillam manumisit, quia ancillam in seruitutem reuocare nō potest, ideo datur de dolo actio, & datur in id, quod eius interest ancillam non manumissam.

Sed t̄ cū hanc actionē in his dari dicimus, hoc ipsum primū nos admonet, eum, qui Pamphilū ex cōuentione non manumisit, sic teneri ea actione in id, quod mea interest ancillā a me nō manumissam; si p̄ eū stet, quominus

minus Pamphilum manumittat. ceterum si paratus sit eum manumittere, aut etiam Pamphilus sine dolo malo eius perierit, hac actione non tenebitur. Non enim dolo facit, qui paratus est viuum manumittere, aut eum qui non est, aut quem in potestate non habet, manumittere non potest. In quo quid datum a facto etiam in hac retractatione differat, potest animaduerti. Nam conditio ad datum repetendum datur, etiam si aduersarius dare aut facere paratus sit, quod promissit, tantum ut dantem poeniteat. *l. 5. D. de cond. caus. dat.* non item datur de dolo actio in id, quod facientis interest, si per aduersarium non stet, quominus quod conuenit, impleat.

4 Iam t quoniam de dolo actio hic datur, eosequens est intra constitutum tempus dari, ut est comprehensum *d. l. cum proponas. C. de dol.* Id tempus olim annus utilis fuit, nunc biennium continuu ex constitutione Constantini, *l. ult. C. de dol.* Recte vero eodem rescripto dicitur decerni hæc actio, quæ datur causa cognita. *l. 1. ff. de dol.* nam decernere dicitur magistratus, cum aliquid causa cognita tribuit. *l. 3. § si causa ff. de bon. poss.* Quid post biennium, nullane erit actio? Immo erit utilis, seu in factum in id ipsum, quod mea interest, ut scriptum est in *d. l. verum de minor.* Neque enim hic actio poenalis est, ut quis dicat eam post annum non competere: cõ detur de eo, & quod nobis abest, & quod in rem aduersarii versum videtur, cum ex voluntate eius factum sit, *argument. leg. 3. § nec non illud. Digestis. de in rem. vers.*

5 Sane t accidit interdum, ut quis quid prima ratione videatur fecisse, vi autẽ ipsa eo facto aliquid in aduersarium contulerit, itaque ei dederit, ut sit, cum creditor debitorem suum liberat acceptum ei ferẽdo eã legẽ, ut debitor vicissim quid det, aut faciat. sic enim creditor liberationem rem incorporalem confert in debitorem. Proinde mirum videri non debet, si eius liberationis nomine conditio datur. *l. 4. Dig. de cond. caus. dat.*

DE EO, QVOD CONVENIT, VT DARETUR, AUT FIERET, AN SIT, & quæ sit actio in quatuor generibus contractuum propositis, cum res in aliud nomen contractus non transit. ac primum de his tribus, cum do ut des; do ut facias; facio, ut facias. CAP. IX.

S V M M A R I A.

- 1 Furti actionem & conditionem furtiuam esse. non actionem præscriptis verbis, ut fiat quod conuenit, cum dedi tibi rem meam inspiciendam, explorandam, ut postea reposcenti reddas. *L. Si gratuitam. §. Papinianus. D. de præf. ver. explicatur. ibid.*
- 2 Præscriptis verbis actionem ex contractu incerto esse ut præstetur id, de quo conuenit, si maleficiu ab erit. atque hæc solam, excepto precario, cuius nomine & hæc actio est, & interdictum de precario.
- 3 Præscriptis verbis actio ubi erit, ibi actioni de dolo locum nunquam esse.
- 4 L. permisti. D. de præf. ver. exposita.

Hæc de eo, q datu aut factum est, reuocando dicta sunt. De eo, quod pacti sumus inter nos, ut dares aut faceres, si forte id petere malim, videamus. In quo natura prima est questio, an sit actio ex eo genere conventionum. Sed esse constat: de quo satis diximus, *ad l. legem. C. de pactis.* Hoc constituto secunda

questio introducitur, quanam hic actio competat, certane & vulgaris, an præscriptis verbis incerta, an de dolo. Et interdum certa dabitur. quod si sit, cessabit præscriptis verbis. Quid ergo, ex contractu incerto certa actio esse potest, dixerit aliquis? Minime: sed potest in eam rem, quæ ex conventionem præstari debet, maleficium incidere, quod de eadem re nobis certam actionem subministret. quæ cum exstiterit, ita dabitur, ut non sit alii actioni locus.

Maleficium t quod dico, non in quouis genere contractuum ex superioribus incidere potest: sed in eo solũ, cum facio ut facias: neque id in quouis specie eius generis, sed tunc solũ, cũ rem meã tibi trado, pura ut eandam, inspiciendam, explorandam, ut postea reposcenti reddas. Hic. n. euenit, ut si recte reposcenti nõ reddas, & res apud te sit, tu eius rei futura facias. quo fit, ut & tecum furti agere possim, & rem condicere a te, & de eã ad exhibendum agere: idque ita scriptum est in *l. si gratuitam. §. Papinianus. hoc. tit.* Sed ibidem additum est de Papiniani sententia, ita me in proposito superioribus actionibus experiri posse, si mihi liqueat rem esse apud te: non quod si ignorem: eo minus re ipsa furtum facias: sed quia frustra furti agam, si ignorem, utrũ res apud te sit, atque ita eam contrectes, ubi neque de contrectatione tua, id est, furto affirmare possim, neq; id probare. Interim hoc constat, cum liquebit rem apud te esse, hic mihi de re, quam ex conventionem reddere debeas, certã & vulgarẽ actionẽ esse propositã conditionẽ furtiuã, quæ in hanc speciem certo incidens etiam præscriptis verbis actionem excludet: ad quam solum tunc confugere possumus, cũ deficient vulgaria nomina & usitata actionũ. *l. 1. & l. 2. eod.* Id vero ipsum est, quod in *d. l. si gratuitam. §. Papinianus,* scribitur, ita demũ mihi præscriptis verbis actionem in proposito competere, si ignorem, ubi sit res, quam mihi nõ reddas. Iam enim effectum est hoc casu furti agi non posse. Sed hæc, inquam, certa actio ad petendũ id, quod ex conventionem præstari debuit, ex maleficio est, quod in rem, quæ restituendã erat, cadit.

Quod t si nullum maleficium in eam rem incidens nullam extrinsecus certam actionem dabit, hic certũ est, ex contractu incerto actionem certam & vulgarẽ esse non posse: cum vnaqueque ex ipso contractu nomen habeat. *l. 3. & l. 4. eod.* Quæ igitur hic erit actio? Et generaliter definitum est in *l. 2. & l. 3. eod.* esse præscriptis verbis. Sic. n. verba sunt: nã cũ deficient vulgaria atque usitata actionum nomina, præscriptis verbis agendum est: ad quam necesse est confugere, quoties contractus existunt, quorum appellationes nulla iure civili prodita sunt. Sed an ita est in his generibus contractuum actio præscriptis verbis, ut sit sola: an vero etiam hac admittã alii remedio locus esse potest? Et interdum de eadem re non actio, sed interdictum locum habet, quod tamen in vna specie precarii receptum video. de quo sic interdictum propositum est, ut possit etiam eo nomine agi præscriptis verbis. *leg. 2. §. 1. l. duo. §. ultimo. infra. de prec.* Ceterum neque alibi interdictum, neque in vllõ genere omnino alia actio cum actione præscriptis verbis concurrere potest. ita fit, ut hæc sic in his generibus competat, ut precario excepto sit sola.

Illud t quidem certe extra controuersiã esse debet, ubi actionẽ præscriptis verbis dari statuerimus: ibi actioni de dolo locũ esse non posse: ut q ex edicto nominatim tantũ detur hac conditione, si de his reb. alia actio

non erit. *l. 1. sup. de dolo.* Ac de tribus generibus minus dubitatur, cum do vt des, cum do vt facias, cum facio vt facias. nam in vnoquoque horum nominatim præscriptis verbis actionem dat Paulus in dicta lege naturalis. in princip. §. *at cum do.* §. *quod si tale.* & §. *sed si facio.* Quo admissio & si de actione de dolo nihil addicit: in illo edicto posito, quod dixi, sua sponte satis intelligitur hanc non competere. Quominus tamen de his ipsis tribus generibus dubiretur, aut etiam ne istorum desiderentur exempla, ipsa capita alia, quæ tam multa sub hoc titulo leguntur, exempla & fidem huius sententiæ subministrabunt, quæ nunc breuiter indicabo. Ergo primi generis exempla hæc sunt: Do seruuum æstimatum, vt mihi eum reddas, si de crimine, cuius eum iusculabas, non compereris. *l. si dominus.* 8. Venditum fundum tibi trado, vt si velim, eodem pretio mihi transcribas. *l. si vir.* 12. Do tibi rem vendendam æstimatam, vt rem aut pretium reddas. *l. si gratuitam.* 17. §. 1. Dedi tibi aream, vt in insula in eâ ædificata eius insulæ partem mihi redderes. Dedi puerum, vt eo vendito pretium inter nos communicetur. *l. si tibi rem.* 13. §. *Iulianus.* Ad secundum genus hæc pertinent: Do insulam, vt mihi aliam ædifices, seu trado insulam, vt tua sit, vt mihi aliam ædifices. *l. insulam.* 6. Do decem, vt Stichum manumittas. *l. si tibi decem.* 7. Accepto te liberaui, vt nomen Titii mihi delegares. *leg. ob eam causam.* 9. Terti generis hæc sunt exempla: Permissi tibi cretâ eximere, vt eum locum, vnde exemisisses, repleres. *l. permisisse.* 16. Cōcedo tibi inhabitare ædes meas, vt cum mihi visum erit, reddas. *l. si gratuitam.* 17. in pr. Do rem inspiciendam, vt reddas. *l. si gratuitam.* §. *Papinianus.* & §. *si cum mihi.* *l. duo.* 23. Commodō tibi bovem, vt mihi alternis tuum commodēs. *l. si gratuitam.* §. *si cum vno.* Certo cum aduersario, & vinco, vt mihi annulos ipsonis causa ab illo apud te depositos ex sponione mihi victori restituas. *dicta. leg. si gratuitam.* §. *ultim.* Prædium pro te obligauit, vt mihi fideiussorem præstares. *leg. rogasti.* 19. §. *ultim.* Reliqui argentum apud te, vt si duplicisisset, redderes. *l. apud.* 20. §. *ultim.* In quibus omnibus reperiemus præscriptis in locis præscriptis verbis, seu quod idem est, in factum actionem civilem dari. Sed num etiam de dolo dabitur? Et iam dixi prohibere edictum de dolo, quo ita comparata est de dolo actio, si de his rebus alia actio non erit. In quo tamen nos impediunt *lex. cum proponas.* *C. de dol.* & *l. permisisse.* §. *ult. hoc. tit.* nā in priorē responderetur eum, qui ancillam suam dedit, vt Pamphilum acciperet, nullam aliā actionem habere, quā de dolo. In posteriore proponitur aliquis permisisse mihi, vt sererem in fundo suo, & fructus tollerem: cū senissem; non pati me fructus tollere. responderetur in hanc rem nullam iuris civilis actionem esse: at esse de dolo. Sed in *l. cum proponas*, de reuocanda solū ancilla, quæ data erat, agitur. cuius rei nomine recte dicitur solam actionem de dolo competere: cum alia deficiat, vt paulo post, cū de quarto genere agemus, pluribus demonstrabimus.

4 In *l. permisisse.* nullum negotium civile gestum est inter nos, cum permisisse mihi, vt sererem in fundo tuo, & fructus tollerem. apparet enim hic nihil me fecisse, vt visum mihi dares quid, aut faceres: sed solum me senisse, vt mihi ipse consulerem. Quod si actio præscriptis verbis solum ex contractibus est; *l. 3. eo.* consequens est, eam ex hoc facto competere mihi aduersus te non posse. Restat igitur, vt sit de dolo, ne impune me deceperis.

CVM FACIO, VT DES, NEQVE LOCATIO CONTRAHITUR, VNAM HIC QUOQUE ESSE ACTIONEM PRÆSCRIPTIS VERBIS, VT & IN SUPRASCRIPTIS GENERIBUS: & QUIB. LOCIS IURIS ID CONFIRMETUR. AD §. QUOD SI FACIAM. *l. naturalis.* CAP. X.

ERGO VT DIXI DE TRIBUS ILLIS GENERIBUS MINOR EST DUBITATIO, CUM DO, VT DES: DO, VT FACIAS: FACIO, VT FACIAS. De quarto genere, cum facio, vt des, nihilo magis dubitarem, quam de superioribus, si non tantum quod superioribus locis generaliter definitur, spectaremus: sed etiam quid de hac specie nominatim ab aliis iuris auctoribus traditum sit, & quod ad rem maxime pertinet, quam sit eadem ratio in hac specie, quæ aut in superioribus generib. hanc actionem denegare, aut illa admissa in hoc quoque genere admittere debeat. Sed Paulus nobis dubitationem attulit: cuius in *l. naturalis.* §. *quod si faciam.* de eo ipso genere hæc verba sunt: *Quod si faciam, vt des, & postea quam feci, cessas dare, nulla erit civilis actio: & ideo de dolo dabitur.* Id quod si de eo dictum intelligimus, cum de re promissa agitur, vt omnes ante nos magno consensu facere animaduerto: incurrat ea sententia in eas difficultates, quas nulli adhuc iudicio meo expedire potuerunt. nec mirum: cum omnibus de hac re scriptis locis, & rationibus prope exploratis hæc sententia velut irrefragata teneatur. Ego autem, quod bona venia doctorum hominum, qui de hac re scripserunt, facere liceat, sic statuo, audentius fortassis, vere tamen, etiam in hoc genere, cum facio vt des, & posteaquam feci, cessas dare, siquidem de eo, quod dare debuisti, agatur, esse mihi aduersus te eo nomine præscriptis verbis actionem: idque non tantum si dolus tuus nullus arguatur, sed etiam si arguatur: addo sic esse in ea causa actionem præscriptis verbis, vt non sit de dolo. In quo quoniam obstant nobis Pauli verba, & me in his explicandis ab aliis omnibus etiā doctissimis interpretibus dissentire intelligo, putauit de eo mihi paulo pluribus & diligentius esse differendum. Ac primum illud doceamus, esse in hac specie aduersus eum, qui non det, actionem præscriptis verbis. Sunt vero in hac sententia tam multi, & hi diserte scripti loci, tam multæ, neque hæc dubiæ aut obscuræ rationes, vt his obiectis quid ceteris in hac quaestione accidat, nesciam: me quidem, cum illa expendi diligentius, pudeat, & valde quidem pudeat contra sentire. Et in locis huc pertinentibus non minimam vim habere debet illa definitio non infinite, sed vniuersali particula addita concepta, quæ legitur in *leg. 3. Digestis.* eodem. cum ita definitur, *ad præscriptis verbis actionem consurgere necesse esse. quoties contractus existunt, quorum appellationes nulla iure civili prodite sunt.* Dixit Iulianus, *quoties contractus existunt.* ergo & tunc, cum facio, vt des. nam & hic existit contractus: cuius iure civili nullum est proditum nomen. Sed quia nihil hic aperte & nominatim de eo, quod querimus dicitur, eam definitionem omittamus: eos locos, qui de specie ipsa scripti sunt, consideremus. Ac præcipui loci, quibus de hac specie superior sententia statuitur, vel potius pene diserte expressa est, sunt tres, *lex, iuris gentium.* §. *1. supra. de pact.* *lex solent.* *lex, si tibi polienda.* *hoc iuris gentium.* ex quibus quia duo priores, quamquam dilucide scripti vocantur a nonnullis in quaestionem, melius erit, ne qua dubitatio relinquatur, eorum sententiam paucis expendere.

IN SPECIE PROPOSITA IN L. IV.
*risingentium. in prin. illic, & puto. D. de pact. esse in nego-
 tium, cum facio ut des, non cum do ut
 facias. CAP. XI.*

S V M M A R I A.

1. Valde errare eos, qui in specie tractata in *l. iurisgen-
 tium. in prin. illic, & puto.* putant proponi negotium
*do ut facias: cum perspicue id sit, in quo facio ut des,
 cuius nomine ei qui fecit, datur præscriptis verbis
 actio.*
2. Contractus *Do ut facias, aut facio ut des, absurdum
 esse ita dici ex conventionione sola precedente dandi
 aut faciendi.*
3. Contractus *Do ut facias, facio ut des, ex imple-
 mento, id est, ex eo quod vere datur aut fit, non ex
 conventionione esse æstimandos.*

IN *leg. iurisgentium. in prin.* proponitur hæc species.
 Dedit tibi Strychum, ut Pamphilum manumitteres.
 manumisti. Strychus, quem tradideram, euictus est.
 unde appatur eum datū non fuisse. non enim datur,
 cuius dominium non transfertur. §. *sic itaque. Inst. de
 act.* nō fuisse autem translātum ex eo planum factum
 est, quod sit ab alio euictus, qui dominus esset. itaque
 petis, ut Strychum tibi dem, quem tibi ex conventu
 dare debui, ut Pamphilum manumitteres: & de actio-
 ne quæsitum est. Diserte illic scriptum est, esse tibi in
 hanc rem civilem actionem, & eam præscriptis ver-
 bis. Atqui nihil aliud hic reperietur, quam manu-
 misisse te Pamphilum, id est, fecisse ut Strychum da-
 rem.

Immo, ¶ inquit Accursius, hic est, do ut facias. sic
 enim appellat negotium illud, cum do, ut facias. In
 quo ego, ne quid dicam gravius, Accursii, & veterum
 illorum, quorum ille in hac re sententiam secutus est,
 sæpe iudicium requiro. Nam, ut verum quod est, di-
 cere liceat, quis non videt hæc verba, do ut facias,
 mihi in hac specie convenire non posse? quomodo
 enim ego dici possum dare, ut facias: cum constet me
 hic neque dare quidquam, neque dedisse? Ergo pro-
 fecto in hac re non recōdita aliqua ratione, sed sensu
 communi Accursius refellitur. Quid, si neuter no-
 strum dedit alteri? potestne alteruter ita dicere, ego
 dedi, ut facias? atqui neutrum dedisse perspicuum
 est. nam tu quidem manumisti Pamphilum, non
 dedisti quidquam: ego Strychum tibi tradidi: sed tra-
 didi dumtaxat, non dedi. non enim dominum trans-
 tuli, cum dederim alienum, & eum, qui postea sit eui-
 ctus. Absit igitur, ut hic quisquam dicat esse contra-
 ctum, ut ille loquitur, do ut facias, ubi neutri dātum
 quidquam proponatur. Sed quid verbis opus est? an
 non certum est te fecisse, id est, manumisisse? cur
 manumittebas? an non ut Pamphilum, qui tibi a
 me traditus est, haberes, id est, ut traderem cum
 re, id est, darem? Quisquamne igitur negare pos-
 sit fecisse te, ut darem? non me dedisse, ut tu fa-
 ceres?

Immo, ¶ inquit ille, est do ut facias (liceat enim
 mihi ita nunc cum illo loqui) quia convenit, ut prius
 darem, etsi tu faciendū anteveristi. hi autem contra-
 ctus ex eo, quod initio convenit, non ex eo, quod se-
 cutum est, sunt appellati, ut si convenierit, ut darem,
 tu faceres, sit id, quod appellat, do ut facias,
 quamvis tu prior feceris, ut hic: si contra convenie-
 rit, ut ego manumitterem, tu dares, sit id, quod vocat

facio ut des, etsi tu prior mihi dederis. Iam mallem
 prius illud sine ulla ratione pro sua auctoritate sibi
 credi. Accursius voluisset, quam ad id probandum
 tam absurda ratione vteretur. Quid enim, quæso, ab-
 surdus, quam dicere hoc negotium, do ut manu-
 mittas, ex eo, quod non est, esse appellatum? atqui
 hoc dicunt, qui ex conventionione de dādo hæc ne-
 gotia dicta esse volunt. Nam profecto cum pacifi-
 mur solum, ut dem tibi Strychum, ut Pamphilum ma-
 numittas, in hac conventionione non est id, quod dicitur,
 do, reuera enim nihil do, neque dedi, & quod præci-
 pue animaduertendum est, nec dare volo. alioqui nō
 nunc mecum ageretur, ut darem. Quomodo igitur
 ex conventionione dicatur hoc negotium, cum id, unde
 negotium dicitur, non sit in conventionione? Si conue-
 nisset, ut Strychum manumitterem, tu Pamphilum da-
 res, nemo ferret, si dicerem esse negotiū, do ut facias:
 aut si convenisset, ut ego facerem, ut tu faceres, nemo
 non rideret, si dicerem esse do ut des: scilicet quia nō
 esset in re, & conventionione, quod his verbis exprimo.
 Quis potius igitur me ferat, cum convenit, ut de po-
 stea, ut tu facias, ubi constat me plane nihil dare, si ego
 id factum dicam esse, do ut facias? Nisi forte quia cō-
 uentione id agitur, ideo ego dicendus sum dare. At hoc
 multo dictu est absurdus. quasi vero ideo dem, quia
 convenit, ut darem: aut quasi hæc eadē sint, dabo ut
 facias, & do ut facias. Atqui apparet quantumvis con-
 venerit, ut darem, me tamen non dedisse. neque nunc
 ob aliā causam mecum agitur, quam quia non dedi.
 sed cur laboramus? hoc ipso quod convenit, ut de, na-
 tura ipsa intelligitur me non dare. Sunt enim hæc
 duo, dabo & do, ita non diuersa tantum, sed etiā cō-
 traria, ut sint ex genere eorum, quæ aientia & negan-
 tia appellantur. Qui dat, iam nunc rem representat, &
 in posterum negat se daturum: quia iam impleuit, quod
 debuit. qui se dicit daturum, is dicit se nunc non dare,
 at postea daturum esse. hæc qui eadē esse putat,
 fateatur se hoc dicere aientia & negantia esse eadē-
 dem.

Ut ¶ paucis rem omnem definiam, hæc negotia, do
 ut des, do ut facias, & reliqua similia, dicta sunt ex eo,
 quod est, non ex eo, quod non est. cum autem conue-
 nit, ut dem Strychum, ut Pamphilum manumittas, in
 conventionione non do, ut manumittas: sed tunc solū, cū
 impleo re, quod verbis promisi. Non sunt igitur hæc
 verba conventionis, sed implementi: & quod id est,
 non sunt hæc verba, seu negotia ex conventionione, sed
 ex implemento æstimanda. Hoc neque verius quid-
 quam, neque certius. itaque sententia A. cursii omni-
 bus cordatis interpretibus merito semper displicuit:
 Bartolo in primis, qui ad hoc veterum commentum
 refellendum rationes (si quis forte plures desideret)
 non ineptas multas attulit. *ad l. naturalis. §. sed si facio.*
 ut profecto, qui hac etiā ætate eandē sententiā reno-
 uant, hi, ut dicam leuissime, magnam mihi existima-
 tionem suā iniuriā facere videantur. Est igitur, ut ad id,
 quod probare institui, redeam, in superiore specie id
 negotii genus, cum fecisti, ut darem, neque do. Iam vero
 in eo genere diserte scribit Vlpianus, esse præscriptis
 verbis actionē, neque id defunctorie, & velut obiter,
 sed ex professo, idque de veterum sententia, reprehē-
 so etiam nominatim in ea re Iuliano, qui diuersum
 sentiret. & ut intelligeremus in hoc exemplo consi-
 stendum nō esse, addita est præterea nominatim ratio;
 quæ ad omnes contractus, in quibus facio, ut des, vel
 id est, facis, ut de, sine ulla dubitatione pertineret. Quare

ex eo loco, quid illi in hac specie placeat tenendū esse de actione præscriptis verbis, dubitari non debet.

IN L. SOLENT. XV. D. DE PRÆSC.

verb. proponi id negotium, in quo facio ut des, & tamen si non des, dari mihi præscriptis verbis actionem, quamvis dolo facta, ne des.

CAPVT XII.

SUMMARIUM.

Nisi quis dicat, verba esse Latinis, ut plurimum non excipientis, sed repudiantis, quod subiicitur.

IN specie *l. solent.* hoc tit. nemo negat proponi id negotium, de quo quærimus, cum facio ut des. Indicaui enim tibi seruum tuum furē, ut mihi decem dares. & ne Accursius exemplum repudiet, quasi ab initio ita conuenerit, ut tu prius dares, ego indicarem, ut sic fiat illud, quod appellat ex conuentione, do ut facias: nominatim ita rem proponit Vlpianus, ut pactio intercesserit ob indicium, & hoc quid sit interpretatur. hoc est, inquit, ut si indicassem, apprehensusque esset fugitiuus, tum certum aliquid daretur: ut vel ipso iudice Accursio fatendum sit, siue ex conuentione, siue ex implemento res æstimeretur, esse id negotium, quod vocat, facio ut des. Quid autem Vlpianus in hac specie, quam dat actionem? & hic illius verba sunt, *habere hanc conuentionem in se negotium aliquod: ergo ciuilem oriri posse, id est, præscriptis verbis.* In quo plane dixit, quod quærimus, & ita dixit, ut adiuncta etiam ratione confirmaret, ne forte de eo dubitarem. Sed enim Vlpianus subiicit continenter hæc verba, *nisi quis & in hac specie de dolo actionem competere dicat, ubi dolus aliquis arguatur.* Quibus verbis existimet fortasse aliquis Vlpianum mutare, quod prius dixerat. Sed tantum abest, ut mutant hæc verba priorē sententiā, ut statuunt & confirmant potius.

Iam t̄ primum non sunt hæc verba, ne quis erret, excipientis, aut approbantis, quod ab aliis ita dici possit, ut subiicitur: sed repudiantis potius, seu indicantis neminem id esse dicturum: quia ineptum sit, & minime recipiendum, quasi dolo tuo remoto præscriptis verbis actio mihi aduersus te dari debeat: dolo autem tuo interueniente, ubi idem factum tuum sit, eadem actio dari non debeat. Scio hæc verba, nisi quis dicat, nisi si quis dubitet, interdum habere correctionem præcedentiam: sed hoc tunc fieri obseruabimus, cū is, qui scribit, & his verbis utitur, nominatim adscribit se hanc correctionem probare, ut fit in *l. si mihi pure. §. 9. D. de leg. 2.* At ubi nihil tale adscriptū est, animaduerti veteres his verbis uti solitos, cum sententiam alienam recitant, quam tamen vel improbant, vel etiā contemnendam putant: ad quam ideo non respōdeant pluribus, quia non existiment magna refutatione indigere. Notæ sunt illæ formulæ orationis Ciceroni familiares, nisi forte quis dicat, nisi vero quis putet: quibus nunquam fere ille utitur, nisi cum id quod subiicit, significare vult aut neminem esse dicturū, aut non esse tale, quod nos mouere debeat. Sed ne quis cauletur nos ista ad normam loquendi Ciceronis importune exigere, nostrorum testimonis, atq; adeo eiusdē auctoris Vlpiani, de cuius verbis nunc agitur, contentus ero. Isto vero sensu, quem dixi, his verbis duobus in locis ille ita vsus est, ut nemo lectis locis possit dubitare, *l. 2. §. tractari. illic, nisi forte quis putet. D. ad senat. Tert. l. & eleganter. §. seruus pactionis. illic, nisi forte q̄s.*

ff. de dol. Aliter nostri aliquādo, sed rarius, ut in *l. Luc. 21. in §. ff. de adm. tut. l. 2. §. si quid in loco. D. ne qd in loc. pub.* Quæ ut ita non esse quis concedat; tamen videt, quam nihil superiorum verborum vlla interpretatio nos de priore sententia Vlpiani dimouere debeat. In illis verbis postremis, nisi quis, & in hac specie, inest, inquis, exceptio & correctio præcedentis sententiæ. Sit sane ita: attamen, quod ex verbis apparet, hætenus exceptio est, ut mihi, qui indicaui tibi furē, tūc solum detur de dolo actio aduersus te, si aliquis tuus dolus arguatur. Ita auctore Vlpiano relinquitur actio præscriptis verbis, si nullus tuus dolus arguatur. quod nunc nobis concedi satis est, ut efficiatur etiam tunc hanc actionem dari, cum dolus aliquis tuus arguetur. quod cum venerimus ad eum locum, in quo de eo agemus, qui dolum adhibuit, pluribus ostendemus.

IN L. SI TIBI POLIENDA. XXII. D. DE

pres. ver. agi id negotium, in quo & conuentione & implemento prius facio, ut des, hic tamen dari mihi aduersus te omni modo actionem præscriptis verbis.

CAPVT XIII.

Sed ut de superioribus duobus locis queat dubitari: attamen in *l. si tibi polienda.* hoc tit. est omnino ea species, atq; id responsum, q̄ oēm tergiuersationē præcidat. Dedi tibi vestimenta laicienda, aut polienda, ut cum sarisisses, aut poliuisses, ego tibi tantū darem, quantum inter nos postea statutum esset. fecisti quod conuenerat, neque do quidquam, aut do quidem, sed nō æquum. Placet in eam rem esse tibi aduersus me actionem præscriptis verbis. Atqui non solum tu fecisti prior, ut darem; atque ita prior implesti id, de quo conuenerat: sed etiam in ipsa conuentione, quæ de toto negotio futuro antecessit, id actum est, ut prior faceres, deinde ego darem: ut siue implementum spectes, siue conuentionem de faciendo, omnia huc spectēt, ut negotium a faciendo cœperit, ut sic deinde ego tibi darem. Erne cum Bartolo hic mihi quis dicat, idem cum facio, ut des, esse de dolo actionem, quia aut facienti mihi nihil absit, aut in dantem nihil transferatur: obseruetur eiusmodi esse superiorem speciem, qua tota hæc distinctio euidenter refellatur. Nam & tibi sarcenti aut polienti abest opera, quam aliis in rebus, & aliis hominibus locare potuisses, quo facto mercedem operæ esses cōsecutus: & præterea in me, cuius vestimenta sarisisti, aut poluisti, fructum operæ confers, ut qui iam vestimenta sarra & polita habere incipiam, quæ prius lacera erant, ruptaue, aut rudia, & infecta.

ARGVMENTA NON DVBBIA, QVI-

bus enuncitur actionem præscriptis verbis non minus competere, cum facio, ut des, quam in aliis tribus generibus.

CAPVT XIII.

SUMMARIA.

- Negotium omne inter aliquos gestum, quod in aliud nomen non transit, parere actionem ciuilem præscriptis verbis.*
- Negotium geri inter aliquos dici in usu iuris, non solum cum do ut des, vel facias, sed etiam cum facio ut des, vel facias.*

3 Cum facio ut des, negotium ut plurimum simile esse emtioni & venditioni, similiter ut cum do ut des: ideo & in utroque recte pariter admitti præscriptis verbis actionem.

4 Siue Facio ut des, siue Do ut facias, utrobique geri negotium idem, & id simile locationi: ideo ut in hoc, sic in illo pariter admittendam actionem præscriptis verbis.

5 Cum Facio ut des, & cum Facio ut facias, unam & eandem in utroque negotio esse causam obligationis: & actionis ideo cum in posteriore sit actio præscriptis verbis, necesse esse & in priore admitti.

Hifere loci sunt, quibus maxime superior sententia demonstratur, ut si auctoritas statuentium queritur, non sit de ea sententia dubitandum. Age, argumenta huius sententiæ non minus certa cognoscamus.

1 Principio hoc pro certo statuerunt veteres, quoties negotium inter aliquos gestum est, siue contractum id, quod Aristoteles *συνάλλαγμα* vocat, toties oriri inter cōsentientes iure ciuili actionem, siquidem res in aliud nomen contractus transeat, certam: si aliter, ciuilem quidem, sed in factum, seu præscriptis verbis. Indicat hanc sententiam duobus locis Vlpianus, nimirum in d. l. solent. hoc tit. & l. iuris gentium. in princip. Digestis. de pact.

2 Atque idem iisdem illis locis huius generis negotium esse declarat, non solum cum do aliquid certa lege, puta ut des quid vicissim, aut facias: sed etiam cum facio hac ipsa lege, ut des, vel facias: & nominatim id confirmat in hac specie, cum facio, ut des. Quid restat igitur, nisi ut ex hoc genere tanquam negotio ciuili gesto sit ciuilis actio præscriptis verbis? Sed mittamus Vlpianum, ne quis forte cauissetur eum a nobis citari, a quo fortasse Paulus, de cuius sententia nunc queritur, in hac quaestione dissenferit. Ipso auctore Paulo utamur. Et in ceteris omnibus generibus nominatim Paulum dedisse actionem præscriptis verbis constat. Id si sine ratione facit, & tantum eo dicit, quia eo iure utamur, quamquam id in iure, ac præsertim in Iuriconsulto ferendum non est: tamen si id ita est, sileamus, & ut sine ratione dicitur, ita & sine ratione constitutum, si libet, sequamur. Sin id non sine ratione dicitur, & ratio etiam, cur ab eo dicatur certa est, necesse est, si par, aut eadem ratio in hac specie reperietur, cum facio, ut des, idem ius in ea statui debere. Ac cur detur hæc actio in ea specie, cum do, ut des, ratio ab illo exposita est in l. naturalis. §. ult. quia sit videlicet species similis emtioni. cui sane hanc speciem, cum facio ut des, per omnia comparare non possumus. sed quid refert, si cum facio, ut des, in eo negotio illa interueniunt, propter quæ ex superiore genere tanquam ex emtione & venditione hæc actio danda est?

3 Cur ergo cum do, ut des, negotium emtioni simile habetur? quia permutatio est, ubi vni res abest, quæ confert in alterum, ut vicissim rem aliam ab eo accipiat. At ut plurimum ita fit in hac specie, cum facio, ut des. Quid enim interest, utrum dem ancillam, an eam, quæ apud te in contubernio est, manumittam, ut mihi Pamphilum des? Cum dedi ancillam, in te confero aliquid: & cum manumisi eam, quæ in contubernio tuo erat, hoc confero, ut liberam apud te habeas, & ut apud te eam non habeas: tamen vel hoc confero, ut voluntati tuæ mos geratur: vel certe confero libertatem in illam, quam manumitto: quod cum tua voluntate facio, perinde haberi debet, ac si in te contulisset, arg.

l. solutam. ff. de sol. Quid, cum facio, aut polio vestimenta tua, ut mihi Stychum des, an minus mihi abest, aut in te confero, quam si aliquid darem, ut mihi dares? Iam dixi & mihi hic abesse operam, ac mercedem operæ, & per vestimenta facta, aut polita fructum operæ in te transferri. Sed quoniam in plerisque tantum causis huius generis ista conueniunt, non autem in omnibus, neque per omnia vnum negotium alteri simile est, dici potuit non effici hoc argumento, ut in omnibus causis, in quibus facio, ut des, actio præscriptis verbis dari debeat. Immo cetera duo negotia, illa dico, cum do ut facias, & cum facio ut facias, ita conueniunt, aut certe ita conuenit ratio, propter quam in illis datur actio præscriptis verbis, ut aut ob eam causam in illis hæc actio danda non sit, aut si recipitur, sit quoque & in ea specie, de qua queritur, pariter admittenda.

Nam si ut ab eo genere ordiar, cum do, ut facias quid est, cur si posteaquam dedi, cesses facere, & velim consequi, ut facias, aut præstes, quanti interest mea, placeat esse mihi eo nomine actionem præscriptis verbis? Dubitarem nisi Paulus ipse expressisset in d. l. naturalis. §. ult. Id eo fieri ostendit, quia, sit hoc negotium simile locationi. Atqui in hoc negotio, cum facio, ut des, eadem omnino locatio est: aut si de similitudine locationis queritur, est locationis similitudo plane eadem. Cur enim locationi simile est, cum do ut facias? nempe quia, ut in locatione facti vnus dat pecuniā pro opera, alter pro pecuniā operam præbet: sic in hac specie vnus est, a quo res pro opera: alter a quo opera pro re proficiatur. itaque ego conductori similis, quasi qui operam tuam re conducam: tu similis locatori, qui pro re tanquam pro pecuniā operam tuam mihi impedis. At eadem personæ dantis, & accipientis, eademque facta versantur in eo genere, cum facio ut des. Perspicuum est enim & hic vnū esse, qui operam suam præbeat pro re, alterum, qui re det pro opera, quæ accipit. Est igitur utrobique aut eadem locatio, aut negotium, quod pariter referat locationem & conductionem. Si quid interest, solum hoc interest, quod in priore ego quasi conductor sum, tu locator operæ: in posteriore ego quasi locator operæ, tu conductor. Sed hoc ad contrahendam, aut impedendam conductionem quid pertinet? Siue ego locator sim, tu conductor: siue ego conductor, tu locator, semper locatio & conductio est: aut si quod negotium simile incidit, id simile est locationi & conductioni. Et sane audire cupio, qui fateatur, cum do tibi decem, ut tabulam mihi pingas, locationem & conductionem esse: idem neget locationem contrahi, cum ego pingo tibi tabulam, ut mihi decem des. nam qui prius in persona dantis conductionem esse dixit, idem dixit in persona pingentis esse locationem: quod nunc negat, cum eum qui prius pinxit, ut acciperet, negat esse locatorem. Postremo ab utro initium dandi, aut faciendi nascatur, in conductione nihil interest. Ordire ab eo, qui dat, erit quidem conductio, quæ in locationem desinet: sit initium ab eo, qui facit, erit locatio, quæ desinet in conductionem: interim idem contractus utrobique locationis & conductionis. Quod si verba Pauli vrgere volumus, facile obtinebimus magis locationi simile esse contractum, cum facio ut des, quam cum do, ut facias. Nam cum facio, ut des, quasi loco operam, tu conducis. sic fit, ut si a me initium contractus aestimetur, dicendum sit esse contractum similem locationi & conductioni. Sed verba non cauillabor, ut qui sciam veteres locationis & conductionis verbo, itidem ut emtioneis & venditionis promiscue usos esse, ut vno utrumque

significarent. *l. vtere. §. l. seq. D. de actio. emt.* hoc dico, si res spectabitur, in omni operæ locatione esse unū, qui det, alterum, qui faciat, & in quo contractu horū vtrumque sit, eum aut locationem, aut similem locationi haberi debere. ridiculum autem esse, si quis ab eo ordiens, qui dat, dicat esse locationem: ordiens aut ab eo, qui facit, neget eamdem esse locationem: cum si ille, qui dat, conductor est, necesse sit eum, qui contra facere debet, locatorem intelligi. quod si is locator tunc intelligitur, cum nondum fecit, sed facere debet: quanto magis pro locatore tunc habendus est, cum iam fecit, ut acciperet? neque vero pro locatore haberi debet, quin ex aduerso is, qui debuit dare, pro conductore intelligatur. Quamobrem res dubitationem non habet, quia, ut proposui, negotium non minus locationi & conductioni simile sit, cum facio, ut des, quam cum do, ut facias. Porro iam dixi Paulum ipsum id docere, ideo ex negotio do ut facias, actionē præscriptis verbis nasci, quia contractus sit similis locationi. nec vero iure fieri aliter pōt, quā ut quibus in causis eadem ratio sit, in his ius idē statuatur. *l. illud. D. ad leg. Aquil. l. a Titio. D. de verb. obl.* Ex quo efficitur, & in eo negotio, cum facio ut des, ei qui fecit, eandem actionem dari debere.

Sed et esto, distet aliquid in hac quæstione, vtrum dē, ut facias, an vero e conuerso faciam, ut des, ut quæ in vno genere actio in factum ciuili prodita est, non continuo in altero esse debeat. At certe omnibus bonis & æquis iudiciis vincā, necesse est, in causis obligationis, hanc esse conditionem & coniunctionem horum duorum contractuum, cum facio, ut facias, & cum facio, ut des, ut si in priore genere detur actio præscriptis verbis, non possit, quin sit & in altero. Proponere hoc modo: manumisi seruum meum, ut tuum manumitteres, quo exemplo Paulus vtitur in *d. l. naturalis*, obligari te mihi ex conuentione constat, ut tuum manumittas. Cur? quia prius manumisi meū, & præterea pactus es te tuum manumissurum: neque præterea alia obligandi tui causa est. nihil. n. ad rem pertinet, quod promissisti te facturum, non daturum. Non res, quæ in obligationem deducitur, obligationem facit, sed conuentio: quæ siue in dando, siue in faciendo sit, pariter promissor obligatur, qui se daturū, aut facturū promissit. *l. 2. in princ. l. §. stipulatio. D. de verb. oblig. §. ult. Inst. eo.* Imo vero, si quid res promissæ ad obligationem contrahendam pertinerent, citius obligaretur is, qui promissit se quid daturum, quam qui se facturū promissit: quia certius est, quod dari promittitur. *d. §. ult. Inst. de verb. obl.* ut dicendum sit, si obligetur is, qui promissit se facturum, multo magis eum, qui se daturum promissit, obligari. Ergo cū manumisi, ut manumitteres, & generaliter cum feci, ut faceres, duæ sunt tantum causæ, cur mihi iure ciuili obligeris, manumissio mea, seu factum meum, & tua conuentio, quæ te in hoc obligasti, ut vicissim quid præstares. Atqui cum manumisi seruum, ut tuum mihi dares, id est, cū feci, ut dares, totidem sunt obligandi tui causæ, ut mihi des, non dico pares aut similes, sed plane eadem omni ex parte. nam & manumisi seruū meū, ut prius, & tu te quid præstaturū pactus es. & parui refert, quod promissisti te daturum. nam, ut iam dixi, tanto magis obligari te oportet ex hac conuentione, quia certum promissisti. Ex quo quis non videt in vtroque negotio in eodem facto, eademque conuentione, & iisdē obligationis causis aduersus eum, qui se daturum aut facturum promissit, eandem actionem pariter esse o-

portere? At constat, Paulum in ea specie, cum facio ut facias, dare præscriptis verbis actionem. sit igitur eodem auctore & tunc, cum feci, ut dares,

CUM FACIO, UT DES, NON TANTUM ESSE ACTIONEM PRÆSCRIPTIS VERBIS, CUM NULLUS TUNUS DOLUS ARGUATUR, SED ETIAM SI ARGUATUR.

CAPVT XV.

S V M M A R I V M.

1. In §. quod si faciam. *l. naturalis.* Pauli verba nullam admittunt distinctionem, ut de dolo detur, si postquam feci, cesses dare.
2. Si cum feci ut dares, est mihi actio præscriptis verbis aduersus te, ubi nullus tuius dolus arguitur, quominus des: necesse esse, & tum dari, cum dolo non das.
3. Ex quo facto aliqua mihi aduersus te actio constituta est, cum nihil dolo fecisti, ex eodem generaliter eandem esse actionem, cum dolus tuus accesserit.
4. Errare eos, qui putant, cum quis promissit se daturum rem alienam sciens, & dolo malo, ut quid facerem, ideo conuentionem non valere, quasi dolo malo factam.
5. Pacta dolo facta seruanda non esse aduersus eum, qui deceptus est: aduersus eum qui decepit, contra.

His rebus videri eruditi interpretes plerique admitterunt etiam in hac specie, cum facio, ut des, & posteaquam feci, cessas dare, esse præscriptis verbis actionem: sed tunc, cum nullus dolus tuus arguitur: si arguatur, hoc tuentur de dolo dari. Ideo faciunt, quia de dolo dari negare non audent, cum tam aperte dicat Paulus eam in hac specie competere: sed quod verbum concedere videtur, id accipiunt, ut dicant Paulum de eo sentire, qui me deceperit sciens. nam quomodo esset de dolo aduersus eum, qui dolum nō adhibuisset? Ita aduersus eum, qui dolo nihil fecit, relinquitur præscriptis verbis actio ex præscriptis locis. Ne quis autem eam distinctionem repudiet, videtur expressa esse in *l. solent. hoc ritu.* vbi Vlpianus in extremo ita scribit, nisi quis & in hac specie de dolo actionem competere dicat, vbi delus aliquis arguatur. sed præcipue in *l. naturalis. §. sed si dedi. eod.* vbi Pauli ipsius ita verba sunt: *si dedit tibi seruum, ut seruum tuum manumitteres, & manumissisti, & is quem dedi, cuius est: si sciens dedi, de dolo in me dandam actionem Iulianus scribit: si ignorans, in factum ciuilem.* Sed dum hoc in eodem vitare volunt, ne contra Pauli verba faciant, in eos locos, easque ipsas rationes, quibus supra vsumus, incurrunt. Nam primum quale est illud exemplum facti, cum das mihi vestimenta tua polienda, ut postea des, quantum inter nos statutum sit? an si polio, nec pateris quidquam statui, sed mihi illudis, abs te decipi non videor? nusquam magis. & tamen nihil amplius datur in hac specie, quam præscriptis verbis in *d. l. si tibi polienda. hoc ritu.* Quid, cum do ut facias, & posteaquam dedi, cessas facere, an si sciens prudens non facias, quod possis, aut etiam dolo feceris, quominus præstare posses, quod te oportuit, mihi actio de dolo aduersus te dabitur, non etiā præscriptis verbis? sorge me tibi dedisse ancillam, ut Pamphilum manumitteres: ancillam acceptam a te manumissam, Pamphilū dolo alienatū, ne eū manumitteres, & ita me abs te decipi. Sed nihil amplius in hac specie dat Paulus, quā præscriptis verbis actionem. *d. l. natu-*

naturalis. §. at cum do. & seq. hoc tit. neque quisquā hic distinguendum putat, vtrum ideo non manumittas, quia non possis, an ideo, quia nolis, & data opera me decipias. Idemque fieri dicimus, cum feci, vt faceres, & posteaquam feci, fidem fallis. *d. l. naturalis. §. ult.* At qui quibus de causis datur præscriptis verbis actio in superiorib. generibus duobus, iisdem de causis, & in hac specie cum facio, vt des, eam actionem dari diximus, & probasse satis videmur. Quibus efficitur, & in hac specie sic eamdem actionem dari, vt quamuis dolo facias, ne mihi des, nihilominus tamen eadem illa actione mihi tenearis.

1 Quod † si locus Pauli eos mouet, vt hae distinctione vtantur, videant etiam atque etiam, ne quamuis hanc distinctionem admiserimus, tamen rem nō expellant. Paulus enim nihil distinguens, vtrum dolo nō des, an sine dolo, simpliciter definit in hac specie, cum facio, vt des, nullam esse actionē civilem. Si hoc sic accipiendum est, si dolus tuus arguatur, cur nō dixit, vt ipse supra in ead. *l. naturalis. §. sed si dedi.* & Ulpianus in *d. l. solent. in fin.* quod si id intelligendum est, cur non & in superiorib. generibus, & in eo quod sequitur, ex dolo aduersarii eamdem distinctionem introducemus? quod si admittenda est, cur hoc genus, cū facio vt des, a superioribus distinxit? Ex quo apparet, etsi superiores loci, & argumenta, quae dixi, non obstarent, tamen ne sic quidem satis eam distinctionem ad locum Pauli tuendum conuenire, si quis Paulū de eo, quod dari debuit ex hac conuentione, sensisse intelligat. Sed repudiū iam hae omnia, si illis videtur, quasi dubia & incerta, nec satis idonea, quae ad istam distinctionem reliciendam afferantur.

2 Id † sumo, quod in hac distinctione ab illis datur, quod & ipsum per se verissimum est: quod si quis neget statui in *d. l. solent. hoc tit.* idem neget solem meritis lucere: in hac specie nimirum cum facio, vt des, saltem tunc præscriptis verbis actionem dari, cū nullus tuus dolus arguatur. Hoc posito, aio quæstionem tolli, & vel hoc vnum satis argumenti esse, vt conuincatur etiam tunc, eamdem actionem aduersus te dari debere, cum aliquis dolus tuus in ea re arguetur. Quamobrem? quia dolus tuus neq; factum meū, neque conuentionem nostram mutauit, sed confirmauit potius. Quid enim, cum Stychem manumisi, vt mihi Pamphilum dares, an eo minus tu promissisti te Pamphilum daturum, aut ego minus Stychem manumisi, quia tu Pamphilum promissum alienum esse sciebas? Imo ego ideo vere manumisi, quia Pamphilū mihi eram de te pollicitus: & tu eo magis promissisti, quo facilius me ad manumittendum meum induceres. Neque porro aliae sunt causae, cur nullo dolo tuo interueniente mihi tenearis, quā hae duae, quod manumisi Stychem, quē manumitti placuerat, & quod conuenit, vt eo nomine mihi Pamphilum dares. Ita necesse est omnino in eodem facto, eademque conuentione eamdem esse actionem.

3 Et † ne hic hæſitemus, generaliter definiendū est, quoties in contractu aliquo ex facto tuo mihi aliqua actio constituta est, cum nihil dolo fecisti, ex eodē facto eamdem actionē esse etiam tunc, cum dolus tuus accesserit, vt puta, fecisti aliquid in re, quam mihi vendidisti, quo res deterior fieret, & fecisti imprudens, teneris mihi ex emto, vt culpam præstes. Idem si dolo fecisti, non alia erit actio, quam ex emto. *l. & eleganter. §. non solum. D. de dol.*

4 Neque † verendum est, credo, ne nobis hoc argu-

mentum excutiat quorundam ratio, qui dolo tuo interueniente in quouis contractu eamdem actionē admittunt, quā sine dolo tuo futura esset, si modo & te dolum adhibente contractus valeat: verum in proposito cum manumisi ancillam, vt Pamphilum mihi dares, si sciens alienum promissisti, disputant nullam esse conuentionem, nullam hinc obligationem civilem nasci: vt proinde non alia hinc relinquatur mihi actio aduersus te, quam de dolo. Dicerent illi aliquid, si quod dicunt nullam hic conuentionem esse, id probarent. nunc autem quid afferunt? nempe, inquit, pactio mala fide, & dolo malo interposita non parit obligationem, ne naturalem quidem. Quasi vero hæc conuentio, de qua agitur, id est, quā mihi Pamphilum alienum sciens promissisti, dolo malo facta dici debeat. quod si putant, longe errant. Ea enim demum promissio & pactio dolo malo facta putanda est, in qua qui promittit deceptus est, vt promitteret, & ita dolo obligaretur: non is, cui promissum est, quod in hac specie contra sit, vbi ego, qui manumisi seruum meum, decipior quidem: sed in manumissione, non vlla promissione mea, aut obligatione: quippe qui nihil omnino promittam, aut vlla in re tibi obliger: tu vero promittis quidem, seu pacificeris Pamphilum te daturum: sed in eo non deciperis, quantumuis sciens promiseris alienum. sciens enim prudens promissisti, non circumuentus. Tum autem etsi daremus, hanc promissionē tuā de seruo mihi dando dolo factā esse: tamē non concederemus ideo esse inutile, seu actionem nō parere, vbi a tuis partibus dolus est.

Quod † enim dicitur in edicto Prætoris pacta dolo malo facta non seruari, sic accipiendum est, vt ne seruentur aduersus eum, qui est deceptus, cui dolus aduersarii nocere non debet. ceterum aduersus eum, qui decepit, certi iuris est, pactiōnem eius ita valere, vt non magis valeret, si dolum non adhibuisset. quod in transactione constitutum scimus aduersus eum, qui transactionem dolo malo factam rescindi postulare, cum ab eius partibus dolus versaretur. *l. transactio finita. 30. Cod. de transactionibus.* Et vt certius intelligant isti, quid de hac ratione iudicandum sit, considerent, ea admissa quid consequatur. nempe hoc consequens est, etiam in aliis contractibus incertis, puta cum do vt des, do vt facias, facio vt facias, nullam esse civilem obligationem, si Pamphilum, quem mihi dare, aut manumittere debeas, sciisti esse alienū, & me decepisti: ita etiam fiet, vt sit mihi hoc casu etiam in his actio de dolo dumtaxat, non præscriptis verbis. quod sententiæ Pauli ex diametro aduersatur, qui in tota illa disputatione *l. naturalis.* nihil aliud docet, quam si non des, aut facias, quod conuenit in præscriptis contractibus, semper propositam esse præscriptis verbis actionem. Quod si ne illi quidem ipsi, qui nouam istam rationem tam ingeniose nobis excogitarunt, inficiari audeant, fateantur aut falsam eam rationem esse, aut ad eum, qui decipiens, non deceptus promittat, quo de nunc agitur, non pertinere, aut quod est verius, vtrumq; concedant. Manebit igitur, si cum feci, vt dares, est præscriptis verbis actio, cum ignorans, & sine dolo rem alienam promissisti: etiam tum esse debere, cum promissisti sciens, & me decepisti. Prius esse inter omnes conuenit, nisi si qui sint, qui contradicendi studio, aut constantiæ causa ea, quæ sunt certissima, negare audeant. Sic ergo & posterius.

CVM FACIO, VT DES, SIC ESSE

actionem præscriptis verbis etiam aduersus eum, qui sciens fallit, ut non sit de dolo. CAP. XVI.

SYMMARIUM.

- 1 De dolo actionem nunquam esse, ubi constet competere actionem præscriptis verbis.
- 2 De dolo actio sicubi competit, etiam actione in factum temperata agi posse: at non si in factum actio competit nullo dolo interueniente, ubi interueniente dolo competet de dolo actio.

Effectum est igitur illud, quod mihi huc usque cum doctissimo interprete Franc. Duareno conuenit, omnimodo ex hac specie, cum facio ut des, si, posteaquam feci, cessas dare, esse actionem præscriptis verbis. Hoc non conuenit, quod iam sequitur. nam cum statuisset ille esse præscriptis verbis, ut diximus: ex aduerso autem scriptum esset a Paulo in dict. §. quod si faciam. l. naturalis, in hac specie de dolo dari: ille ad hæc concilianda hoc attulit, ut diceret utramque actionem competere, & de dolo, & præscriptis verbis. Quod a multis notatum scio: & recte iudicio meo. Refellitur enim non obscure ea parte edicti, quæ est de dolo: quæ scimus actionem de dolo non alia conditione propositam esse, quam si alia actio non erit, l. i. Dig. de dol. quod et eam vim habet, ut si præscriptis verbis hic datur, ut datur, non sit locus actioni de dolo. Non enim satis defendi potest, quod ille ait, in eo edicto actionis nomen de actione certa interpretandum esse, id est, ea, quæ proprie & specialiter ita dicitur. Nam illud contra fit ab omnibus veteribus iuris auctoribus acceptum est, ut eo verbo non tantum contineretur ea, quæ vere est actio, sed etiam omnis defensio, quæ vim haberet iuris nostri obtinendi etiam per exceptionem. l. i. §. ait prætor. ff. de dol. quæto magis omnis petitio hoc verbo continetur, quæ actionis verbo significatur magis, quam exceptio, in quo numero est actio præscriptis verbis? Denique bene annotatum est a Barone scriptum esse in l. si quis affirmauerit. §. Labeo. D. de dol. ubi præscriptis verbis actio est, ibi de dolo cessare.

- 2 Non tamen motus, quod ille dicit eum, cui actio de dolo competit, posse actionem verbis in factum temperare, ut doli mentio detrahatur. l. re. quam ff. de dol. l. cum reus ff. de fideiuss. hoc. n. de eo recte dicitur, cui constet prius actionem de dolo dari. Sane vero cui actio de dolo datur, huic licere debet actione verbis in factum temperata experiri, & de iure suo aliquid remittere, cui etiam in totum agere non licuit. Et siquidem in hac specie, de qua agitur, constaret competere de dolo actionem, vltro faterer potius in factum agere licere. Nunc autem de eo questio est, an sit hic de dolo actio, quod nos negamus, & recte negamus: quia in eadem conventionione sit præscriptis verbis actio, si doli tuus nullus interuenierit: ut proinde dolo tuo interueniente eadem esse debeat. In summa si de dolo actio alicubi competit, recte dicitur ibi & de eo in factum actionem esse, sed non si in factum actio est, id eo dixeris esse etiam actionem de dolo. Tunc solum utrique locus est, cum nullo dolo interueniente aduersarii nulla est aduersus eum actio, licet enim sit, ut dolo eius interueniente, cum ex ipso genere facti nulla alia actio sit, ipse doli actioni de dolo locum faciat, & propter eam actionem locum habeat actio in factum.

At utrique locus esse non potest, ubi ex ipso facto & conventionione est aduersus aliquem omni modo actio, id est, etsi eius nullus doli arguatur. Nam qui sine dolo suo aliqua actione tenetur, eum necesse est, & dolo eius interueniente in eadem causa, & conventionione eadem actione multo magis teneri, quæ constituta sic actor ea utitur, ut de dolo agere non possit.

EXPLICANTVR, ET DILVNTVR II.

loci, quibus in hac specie, cum facio ut des, actio de dolo ad id, quod dari debuit, dari videtur. ac primum l. cum proponas. C. de dolo. CAP. XVII.

Q V I D igitur nobis relinquitur constituta in hac specie, cum facio ut des, præscriptis verbis actione, nisi ut de dolo competere negemus? quod & initio fecimus: & si nobis constare volumus, omnino ita faciendum est. nec dubito, quin & docti homines idem facturi fuerint, nisi multi loci obicerentur, in quibus scriptum videtur in hac specie de dolo actionem dari. Ergo hic labor nobis reliquus est, ut ostendamus nihil tale dici in illis locis, qui putantur contrarii, quod si obtinebimus, opinor, sententia utilis, & dilucida constituta est, & breui opera magna & grati molestia liberati sumus: quam suscipere cogimur, sed frustra, in illis conciliadis, quæ diuersa sententia admissa inter se conciliari nullo modo possunt.

Ac superiori sententiæ quatuor fere loci opponuntur. Primum l. cum proponas. C. de dol. Manumisi ancillam, ut mihi Pamphilum des, neque postea fidem servas. Illicita scriptum est, reuocandæ libertatis me potestatem non habere: sed solum, si necdum statutum tempus excesserit, desiderare debere de dolo mihi decerni actionem. Et de eo rescripto idem mihi videtur, quod Bartolo, non agi in eo de Pamphilo dando, qui mihi a te promissus est: sed solum de ancilla mea manumissa reuocanda, quam ad rem cum omnis alia conditio deficiat, quia libertas non possit reuocari, ideo recte dicitur solum de dolo actionem in eam rem competere, quod ex verbis tum præcedentibus, tum sequentibus liquido colligi potest. Nam initio cum denegatur actio, de manumissa in servitutem reuocanda denegatur, reuocandæ, inquiunt Imp. libertatis potestatem non habes: ut quod continenter subiicitur de actione de dolo dando, ad speciem præcedentem referri debeat de ancilla. Deinde in extremo cum alia actio, quæ de dolo datur, non de Pamphilo datur: sed rursus de ancilla repetenda, ut appareat, quod dixi, vñ illic de ancilla, quæ a me manumitti debuit, fuisse questionem: de qua sub distinctione respondetur, ut si quidem manumissa est, non possit libertas reuocari: proinde nec ea, quæ manumissa est: si nondum est manumissa, & necdum a me tibi tradita, tunc & ancilla, & il, qui ex ea nati sunt, reuocari possint. Ac confirmatur id precipue ex eo iure, quod de specie illic proposita constituitur. Observandum est, in dist. gentem actionem de dolo, quæ illic decernitur, non dari tantum, cum manumisi ancillam, ut mihi Pamphilum dares: sed etiam cum tibi dedi ancillam, ut Pamphilum dares. Scio tentare Accursium, ut efficiat nihil amplius illic esse, quam id negotium, in quo feci, id est, manumisi ancillam, ut alium seruum dares. sed frustra, cum factum proponatur hoc modo: tradidisse me videlicet tibi ancillam, ut mihi alium seruum dares, te autem ancillam acceptam manumisisse, quod quidem nihil aliud declarat, quàm me ancil-

ancillam tibi dedisse, id est, tuam fecisse. neque enim manumittere potuisti, nisi dominus esses. *l. i. in princ. Et in fin. C. de manumiss.* Ex quo intelligitur, quæ illic actio de dolo decernitur, eam in illa specie decerni, cum dedi ancillam, ut mihi Pamphilum dares. At hoc de Pamphilo petendo accipi non potest: cum certo constet eo nomine præscriptis verbis actionem dari. *d. leg. naturalis. in prin.* Ita fit, ut quæ illic actio est de dolo, ea de ancilla manumissa solū pponi intelligatur.

IN L. SOLENT. D. PRÆSC. VERB.

non esse sententiam Vlpiani, ut cum feci ut dares, & dolo cessas dare, sit eo nomine de dolo actio. CAP. XVIII.

Secundo loco obicitur nobis *l. solent. hoc tit.* ubi Vlpianus illis verbis, quæ sunt in extremo, nisi quis dicat, videtur in hac specie, cum indicaui tibi furem, ut mihi decem dares, & non das, actionem de dolo dare, si tuus dolus arguatur. Sed iam dixi illa verba non corrigentis esse, sed confirmantis potius priorē sententiam, quasi aut nemo id dicturus sit, quod subiicit, aut si quis dicat, id contemnat, nec putet egere refutatione. In quo non necesse est repetere omnia, quæ supra diximus. Tantum dicam, non esse hanc mentē Vlpiani, ut his verbis mutet priorē sententiam, vel hanc facile intelligi posse, quod illam sententiam non simpliciter, aut dubitanter posuerit, sed addita ratione, ex qua intelligeretur ipsum non dubitare, quin in ea specie actio, & ea ciuilis daretur, nepe præscriptis verbis. Si ab ea sententia vellet discedere, prius eum superiorem rationem infirmare oportuit. Nunc autē tantum abest, ut id faciat, ut etiam alio loco quam maxime confirmet, atque etiam ea ad refellendum Iulianum, qui in diuersa sententia erat, utatur. *l. iurigenitum. in prin. ff. de pact.* Illud non prætermittam, quod & supra pluribus docui, etsi daremus actionem de dolo esse, ubi tuus dolus arguatur: tamen ex sententia superiore Vlpiani, quæ eo loco exposita erat, saltē hoc relinqui, ut ubi nullus tuus dolus sit, illic competat præscriptis verbis actio. Atqui hoc concessio, consequens est, ut dixi, etiam cum dolus tuus argueretur, esse actionem præscriptis verbis, ut in eadem conuentione, & facto. Quamobrem superior locus eiusmodi est, ut vtro modo posteriora verba interpretemur, vtroque pariter in eos, qui contra sentiant, is locus conuertatur.

EXPLICATUR L. NATURALIS. §. I.

illic. Sed si dedi. de præsc. verb. simul l. iurigenitum. in princip. illic. Et ideo puto. Dig. de pact. CAP. XIX.

SUMMARI.

- 1 In §. sed si dedi. *l. naturalis. de præsc. ver. Iuliani sententiam referri, non probari. Et num. 7.*
- 2 In factum actionem a pretore dandam in *l. iurigenitum. in pr. de pact.* significare dandam esse a pretore actionem de dolo, non autem actionem in factum prætoriam distinctam a ciuili in factum. Et num. 3.
- 3 In factum ciuile, quod legitur in §. sed si dedi. *l. naturalis. de præsc. ver. recte legi, & locum minime corruptum a Triboniano.*
- 4 Non §. sed si dedi. *l. naturalis. emendandum ex l. iurigenitum. in princ. de pactis. sed verbum actionis in factum, quod est ambiguum, in l. iurigenitum. ex §. sed si dedi. interpretandum.*

5 Iulianus quid senserit, & in quo a Mauritiano & Vlpiano sit reprehensus in *l. iurigenitum. in princ. de pact.*

6 Cum feci ut dares, & posteaquam feci, cessas dare, actionem præscriptis verbis mihi dari ab Vlpiano etiam tunc, cum sciens me deceperis, in *l. iurigenitum. in prin. de pact.*

7 Referri sæpe sententiam aliorum a Iurisconsultis in Pandectis sine ulla reprehensione, ubi tamen sententia non probetur.

Quæ sequuntur, plus videntur difficultatis habere ad explicandum. ex quib. citatur tertio loco id, quod est in *l. naturalis. §. sed si dedi. hoc tit.* Dedi tibi seruum, ut seruum tuum manumitteres. manumissisti, & is, quem dedi, euictus est. si sciens dedi, inquit Paulus, de dolo in me dandam actionē Iulianus scribit: si ignorans, in factum ciuilem. Hic ego, si cum his sentirem, qui in hac specie dicunt esse, ut ipsi loquuntur, do ut facias, videri fortasse quibusdam possem habere, quo obiectionem in speciem eluderem. dicerem enim in eo genere aliud dici, aliud in eo, de quo quærimus, etsi rationem differentię non satis explicare possem. Nunc autem iam supra dixi, quod & verum est, non aliud in proposita specie negatum contrahi, quam id, in quo manumissisti, id est, fecisti, ut tibi darem. Et quamuis alterum illud genus esse cōcederem: tamen etiam in hoc multo minus admitterem competere actionem de dolo, si per teaquam dedi, non facias: cum in *l. naturalis. §. at cum do*, constet non aliam in hac specie dari, quam præscriptis verbis. ut non multum referat ad difficultatem diluendam, vtram speciem in supra scripto loco proponi dicamus. Fateor igitur in eo loco Pauli agi de ea specie negotii, de qua quærimus, cum facio, ut des. nego autem siue locū de ea specie accipiamus, siue de altera, aliā actionem de sententia Pauli competere, quam præscriptis verbis: si quidem de eo agatur, quod ex conuentione dari, aut fieri oporteat. hoc amplius superioribus verbis Pauli id infirmari nego. Obseruandum est. n. Paulum toto eo loco nihil de specie proposita affirmare: sed tantum quid de ea Iulianus scripserit, referre, de dolo, inquit, in me dandam actionem Iulianus scribit.

Scripserit Iulianum ait. num ergo eam sententiam, & ipse probat? Diceremus eum probare, si de ea nihil usquam alibi nominatim scriptum esset. cur enim referret, nisi quia probaret? Sed si ea sententia alibi improbatur nominatim, non est, quod dubitemus Pauli locū sic accipiendum esse, ut dicat quidē Iulianū scripserit, ceterum non affirmare id sequendum esse, sed aut ipse improbet, aut certe in medio relinquat, ita fiat etiam, ut res ex aliis locis constituenda sit. nec multum ad rem facit, si alii erunt, quam Paulus, qui alio loco, hanc sententiam improbant. quæ enim in Pandectis scripta sunt, perinde accipienda sunt omnia quasi non a Paulo, aut Vlpiano, vel aliis, sed a Iustiniano scripta essent. *l. i. §. omnia. l. 2. §. tanta. C. de veter. iur. enuclean.* Iam vero reprehensa est Iuliani sententia superior ex professo a Mauritiano & Vlpiano. exstatq; confirmatio eius reprehensionis, quam sequamur in *l. iurigenitum. in princ. de pactis.* Quare & hanc ipsam relictere, contrariam sequi debemus. An autem in eo reprehensus sit a Mauritiano, & Vlpiano Iulianus, quod de dolo dedisset, ita intelligi poterit, si statuerimus, quid ille scripserit. Et si vere scriptum est in *l. naturalis. §. sed si dedi. hoc tit.* fuit hæc Iuliani distinctio in superio-

re specie, ut si quidem sciens seruum alienum tibi dedi, de dolo in me actio tibi danda sit: si ignorans, in factum ciuilem, id est, præscriptis verbis.

Mauritianus, & hunc secutus Vlpianus Iulianum non reprehendunt, quod ille dixisset, ciuilem actionem in me dandam. nam hanc ipsam ita dandam esse confirmant, ut solam dicant sufficere: sed hoc reprehendunt, quod ille dixisset interdum actionem a prætore dandam. id enim tum fecit, cum hoc casu actionem de dolo dandam esse dixit. nam hæc a prætore solum, seu edicto solum prætoris datur. hoc, *inquam*, reprehendunt illi: quod dicant etiam in hunc casum ciuilem sufficere, quia negotium ciuile sit contractum. Sed facile sentio, quid hic nobis ex aduerso eruditi homines dicturi sint, non esse nimirum Iulianum a Mauritiano, & Vlpiano reprehensum, quod ille dixisset actionem de dolo in me dandam: sed quod dixisset actionem in factum a prætore dandam. quod plerique oēs sic acceperunt, quasi Iulianus ita scripisset, ut si sciens dedissem tibi seruum, qui euictus est, danda esset in me de dolo actio: si ignorans, in factum prætoriam. hic vero Iulianum putauerunt hactenus reprehendi, quod hoc casu posteriore dixisset prætoriam in factum dandam: cum esset in hunc casum ciuilem. ceterum eam partem sententiæ Iuliani, quæ est de actione de dolo non attingi: ita integram manere. Nec deest illis ratio. nam si Iulianus in hac specie partim actionem de dolo dedit, partim actionem in factum ciuilem, *ut in d. l. naturalis*, ex Paulo relatū est, nullus locus relinquitur actioni in factum, quæ a prætore detur. ea enim neque de dolo actio est, neque in factum ciuilem. Quibus cum obicitur scriptum esse diserte apud Paulum, scripisset Iulianum, aut de dolo actionem in me dandam, aut in factum ciuilem: respondens locum Pauli a Triboniano interpolatum, & corruptum esse. quod alii factum ita excusant, quasi Tribonianus id posuerit de Iuliani sententia, quod ex notis ad Iulianum scriptis de ea seruari veller: alii non sine flagitii crimine id a Triboniano factum damnant.

3 Ego tamen bona venia illos interrogo, unde didicerint Tribonianum non recte, & fideliter retulisse Iuliani, seu Pauli verba: sed pro, in factum prætoriam, reposuisse, in factum ciuilem. Quod ad me attinet, cum omne parum tuto affirmari scio, quod si negetur, longius progredi non possis: tum vero periculose puto affirmari, quod ad derogandam publicis scriptis fidem & auctoritatem pertinet. neque vero villo modo admitendum esse arbitror, nisi apertissime ita faciendum esse conuincatur. Quodnam ergo huius flagitii & corruptele argumentum habent? nempe illud vnum, quod scriptum sit apud Vlpianum *in d. l. iurisperitiū in prin.* Iulianum putasse actionem in factum a prætore dandam, non ciuilem. At hæc in factum actio, quæ a prætore detur, de actione de dolo accipi potest: non quod idem sit actio in factum, quæ detur a prætore, & actio de dolo: sed quia sæpe in qua specie actio de dolo competit, in ea dicimus actionem in factum a prætore dari, vel quod quæ actio de dolo est intra annum, ea post annum est in factum: vel quod quæ de dolo est, ea in factum potest temperari, & molliore verbo Iurisconsulti interdum uti malunt. Id quidem factum scimus *in l. rei quam. D. de dol.* quod enim illic scriptum est, actionem in factum cum sua indemnitate competere, de ea specie scriptum est, in qua actionem de dolo competere inter oēs conuenit. Non semper ita accipi concedo, & nisi quid ostendat hoc modo accipiendum esse, non

esse accipiendum etiam concedo. Interim illud tenebo, in eam partem aliquando id verbum accipi & posse & debere.

Quod tamen cum ita sit, quaero, utrum quod est in hoc verbo ambigui, id ex loco Pauli nec ambiguo, nec incerto interpretari debeamus, an contra ex incerto & ambiguo locum certum & diserte scriptum mutare. Perspicuum vero est, quid hic fieri conueniat. nempe incerta ex certis, & minime ambiguis interpretari & confirmare: non item certa ex incertis conuellere aut euertere debemus: præsertim si ad sententiam, quam ex locis certis effici dicimus, vera ratio & aliarum partium iuris consensus accesserit.

Sic tamen igitur, opinor, recte dicemus. scripserat Iulianus, si ego sciens alienum seruum tibi dedi, ut tuum manmitteres, & manumisti, dandam in me de dolo actionem: si ignorans dedi, in factum ciuilem. ita hoc scripserat in hac specie, actionem aliquando a prætore dandam. nam actio, ut dixi, de dolo solum a prætore datur. pro actione de dolo dixit Vlpianus scripserat Iulianum actionem in factum a prætore dandam: verum eodem sensu. solum hoc animaduertendum est, & solum ad rem pertinet, quod Iulianus hic actionem a prætore aliquo casu dandam putauit. Quod actionem in factum ciuilem dedit aduersus ignorantem, conuenit hoc illi cum Vlpiano & Mauritiano. quod putauit aliquando actionem a prætore dandam, siue hanc de dolo esse volumus, siue loco eius in factum prætoriam verbis temperatam, hoc illud est, quod superioribus improbat: cum in totum in hac specie aduersus me ciuilem sufficiat, id est, præscriptis verbis. hic verus est, ut mihi videtur, Vlpiani sensus.

Ut tamen planius intelligatur Vlpianum non hoc solum sentire, actionem præscriptis verbis competere tunc, cum ego ignorans seruum alienum dedi, sed etiam in omnem casum, id est, & tunc, cum sciens te decepi: expendatur, quam reprehensionis sue rationem ille afferat. Non recte, inquit, dixit Iulianus in factum actionem a prætore dandam: quia ciuilem in factum actio, id est, præscriptis verbis sufficiat. cur ciuilem? quia contractum est, inquit, quod Aristoteles *συνάλλαγμα* dicit, unde hæc nascitur actio. At qui etiam tunc contrahitur obligatio & illud, quod Aristoteles vocat *συνάλλαγμα*, cum dedi tibi seruum alienum sciens, ut seruum tuum manmitteres, & manumisti. Vnde certissima consuetudo ducitur etiam tum actionem in factum prætoriam eum repudiare, & ciuilem dare, cum te decepi, ubi hæc esse negotium contractum constat, quod dixi. Quæ si ita sunt, ut non tam probabiliter videantur dici, quam necessario, tantum abest, ut sententia Iuliani superior nobis obster, ut contraria sententia Vlpiani bene constituta id ipsum statuatur omnino, quod diximus de actione præscriptis verbis omnimodo danda, vel ubi dedi, ut dares, vel ubi feci, ut dares, quamuis utroque casu me deceperis.

7 Illud tamen fortasse aliquibus nouum videbitur, & insolens, quod dixi Paulum *in d. §. sed si dedi*, ita referre Iuliani sententiam, ut non probet: quasi alio consilio rerulerit, quam ut illa vteretur. alioqui quid aliud, quam nos irritum? Sed ne cui hoc ita videatur, sciamus non nunc primum a me dici, referri interdum a Iurisconsultis in Pandectis veterum sententias, quas tamen ii, qui proponunt eas referre, non probant, aut certe quæ probanda non sint: sed exemplo a me fieri, atque adeo in locis compluribus omnium consensus esse receptum. Ex multis pauci nunc sufficient. In *l. §. de arbore. super. de rei*

de rei vind. ita scriptum est: de arbore, quæ in alienum agrum translata coaluit, & radices immisit, Varus, & Nerua vtilem in rem actionem dabant. neque quidquam adiicitur eo loco, quo significetur eam sententiam reprehendi. Sed omnes consentiunt locum sic accipiendū esse, ut ne id probetur. quando hanc sententiam aliis locis certo notari constet, quos ad superiorem illum referimus, ut l. hoc amplius. §. Aferius ff. de dam. inf. sed si meis. §. arbor. ff. de acquirend. rer. dom. in l. si fideiusor. ff. de dolo. si fideiusor promissum animal ante moram occiderit, de eo Papinianus ita scribit; de dolo actionem reddi aduersus eum oportere Neratius Priscus & Iulianus responderunt: quoniā debitore liberato ipse quoque dimittitur. At hæc sententia multis locis repudiata est, ut l. mora. §. ult. Dig. de usur. l. mora. D. de verb. oblig. Ne Papinianus quidem ipse probat, etsi refert: sed eam alibi aperte repudiat, in l. Syichum. in prin. D. de solut. de quo differui plurib. ad l. cum filius fam. D. de verb. oblig. Adde, si videtur, & hos locos. Refertur sententia in l. seruus. §. ult. D. de dolo. non probatur in l. cum a re. Dig. eo. Refertur in l. 1. §. per contrarium. D. de dot. præl. non probatur in l. 1. §. si heres. D. quan. act. de pec. ann. est.

HIC EX PROFESSO EXCVTITVR,
& explicatur sententia §. quod si faciam. l. naturalis. CAP. XX.

S V M M A R I A.

- 1 §. Quod si faciam. l. naturalis de præ. ver. de eo quod ex conventionem dari debuit. petendo accipi non posse, quin pignet certo cum aliis locis: atque adeo omnino ita accipi non debere.
- 2 §. Quod si faciam. sententiam esse, de eo. quod factū est renocando, nullam esse civilem actionem, id est, condictionem. & ideo hoc casu de dolo dari, & nu. 4. in fin. & nu. 8.
- 3 Civile actionis verbo in §. quod si faciam, intelligi debere certam, ut excludat actionem præscriptis verbis: & cur, cum alioqui verbum sit generale.
- 4 Civile actionis verbo in §. quod si faciam, non solum intelligi debere certam, sed etiam talem certam, qualem in prioribus causis dixerat Paulus, id est, condictionem, & cur.
- 5 Præscriptis verbis actionem esse & dici actionem civilem: & de ea agi a Paulo in tota reliqua tractatione l. naturalis; & tamē eam actionis civilis verbo accipi non debere in §. quod si faciam variis rationibus euincitur. & nu. 6.
- 6 Errare eos, qui cum facio ut des, dicunt, ubi dolus tuus nullus arguatur, non præscriptis verbis actionem dandam, sed in factum prætoriam.
- 7 Civile actionis verbo ut maxime concedamus intelligi actionem præscriptis verbis, in §. quod si faciam, tamen nihil profici, nisi ut locus repugnet innumeris aliis. in quo si quæritur, utra sententia cedere alteri debeat, omnia concurrere & in auctoritate plurium & in equitate & veritate sententia, cur Pauli sententia reiicienda sit.
- 8 Summa sententia §. quod si faciam.
- 9 Brevis comprehensio totius tractationis leg. naturalis, de actionibus, que interueniunt in quatuor generibus contractuum incertorum illic propositis.
- 10 Præscriptis verbis actio, an de dolo detur, cum facio ut des, quid intersit.

Omnium difficilimus ad explicandum locus, & ex quo hæc omnis disceptatio maxime nata est, ad extremum nobis obicitur. l. naturalis. §. quod si faciam. hoc tit. Sic enim verba sunt Pauli eo loco de proposita specie, ut illam sententiam, quam posui, non leuiter, aut obscure notare: sed disertis verbis velut ex professo reiicere, & contrariam statuere voluisse videatur. quod si faciam, inquit, ut des, & posteaquam feci, cessas dare, nulla erit civilis actio. & ideo de dolo dabitur.

Et si quis locū ita accipiat, quasi Paulus loquatur etiam de ea parte contractus, qua de re promissa agatur, non autem de ea tantum, in qua agatur de eo, quod factum est, retractando, non est meo iudicio, quod quisquam neget hunc locum ex diametro nobis aduersari: non est, inquam, quod neget Paulum hoc dicere, de negari in hac specie in totum actionem præscriptis verbis, & nullam relinqui in omnem calum, nisi de dolo. Ut enim dederimus verbo civilis actionis interdum non significari actionem præscriptis verbis, ut proinde eo verbo hæc actio non excludatur, attamen satis excluditur in eo, cum de dolo actionem dari negat. neque enim actioni de dolo locus esse potest, si vlla alia competit. Deinde si Paulus actionem tantū certam verbo superiore excluderet, non erat, quod inde colligeret actionem de dolo dari. nam potius ita inferri debuit, & ideo actio præscriptis verbis, seu in factum civilis dabitur. Nam hæc utique certa non est, & certi iuris est, cū deficiunt vulgaria, & vsitata actionum nomina, ad hoc genus actionis descendendi & solere & debere, cum de contradibus agitur, l. 1. 2. & 3. eo. Sed hæc ita sunt, inquam, si quis Paulum de ea parte conventionis loqui putet, in qua de dando eo, quod promissum est, agatur. Quod si de eo non loquitur, res est expedita. nam de eo, quod factum est, renocando ei, qui fecit, fateamur nullam esse actionem civilem, & verum est, ut si de eo agi potest, consequens sit vnam superesse eo nomine actionem de dolo. Quid ergo, de eo, quod promissum est, petendo Paulus non agit? Si id dicimus, vereor, ne a plerisque statim hæc sententia reiiciatur prius, quam inducta pro se causam dixerit: ab his præsertim, qui contentis rationū momentis, & neglectis aliis locis, qui in contrariam sententiam tam clare de hac specie scripti sunt, ad verba tantum Pauli, quæ se hic ostendunt, adhærescent, & ex his de re tota iudicabunt. nam verba generaliter scripta sunt, & Paulo in hac tota questione propositū est maxime de eo agere, quod dari fieri debuit, ac de eo superioribus §§. præcipue ab illo dictum est, ut si quis hic neget idem illum sentire, is & verbis videatur refelli, & scriptoris ipsius sententia, quæ facile ex præcedentibus colligatur. Sed peto, si qui tales erant, ut de re velint cognoscere attentius: ita etiam spero, cū audierint nobis æquiores futuros, & quod ante mirum videbatur, ultro probaturos.

Ego vero Paulū ita interpretari non dubito, quā si diceret nullam esse in hac specie certam actionem, qualem supra dixi, id est, nullam condictionem. ex quo bene inferret de dolo dari debere: dum hoc intelligatur hanc esse dandam in ea specie, in qua de condictione quæritur, & tamē ea de negatur. in summa de eo, quod factum est, repetendo esse actionem posse: sed non condictionem, ut in superioribus generibus ostenderat. ideo hoc casu de dolo danda. Sed verba nobis obstant. Quid enim, dixerit aliquis, an non hæc generalia sunt? an non adeo hæc vniuersalis ora-

tio est, nullam civilem actionem fore? qua oratione non una aliqua species actionis civilis, sed omnis civilis actio excluditur. proinde non conditio tantum: sed etiam actio præscriptis verbis, quæ & ipsa civilis est actio. itaque cum dicimus conditionem solum his verbis, non etiam actionem præscriptis verbis excludi, an non aduersantia Paulo dicimus? quis enim ignorat has orationes sibi inuicem aduersari, nihil eorum verum est, & aliquid eorum verum est: quod a Dialecticis sumtum Iulianus posuit in *l. si is qui duceta. §. vtrū. ff. de re. du.*

3 Et sane si vno modo civilis actio dicatur, hoc ita esse fatendum est, fieri non posse, quin Paulo aduersetur, si cum ille nullam esse actionem civilem dicit, nos præscriptis verbis actionem esse dicamus. Sed si verbum ambiguum est, quo Paulus utitur, cur non in verbo eam significationem sumimus, quæ cum aliis locis, & vera ratione consentiat, dummodo aliud sensisse Paulum aperte non probetur. Immo vero id ita faciendum est. Atqui verum est illud, quod a Franc. Duareno in hac specie responsum est ad *l. iurifgentium in pr. D. de pact.* ambiguum esse verbum civilis actionis, quod & nos hoc loco recte usurpabimus. Est enim interdum, cum civilis actio omnem actionem contineat, quæ ex iure civili est, siue sit ex verbis, siue sit ex sententia. quo modo si intelligitur, sane etiam præscriptis verbis actio hoc verbo continetur. est enim hæc ex iure civili. unde & civilis passim dicitur, de quo postea. Hoc sensu si fateamur a Paulo dici, nullam esse civilem actionem, non liceat nobis actionem præscriptis verbis esse dicere. Sed interdum hoc verbum paulo angustius accipitur, ut eo significetur non omnis actio, quæ sit ex iure civili: sed ea, quæ sit ex verbis ipsis legis, id est, quæ sit certa & solemnis: quæ propterea per excellentiam ita proprie appellatur. Quod cum sit, certum est actionem præscriptis verbis, quæ incerta est, & ex sententia tantum legis, non ex verbis, hoc verbo non contineri. unde cum dicatur in *l. interdictum. ff. de prec.* precarii nomine nullam iuris civilis actionem esse: nihil tamen contrarii dici putamus, cum alibi de precario legimus non solum interdicto de precario uti nos posse, sed etiam actionem præscriptis verbis. *l. 2. §. 1. l. duo. §. ult. ff. de prec.* Id si ita est, si quis tam ex hoc sensu nullam hic civilem actionem esse dicat, ut sit nullam certam & solemnem: neque is quidquam alienum a significatione verbi & usu loquendi fecerit, simul idem nec præscriptis verbis actionem excluderit. nos vero id ita hoc loco interpretandum esse contendimus. Sed cur hoc modo potius, quam illo altero, quem & magis usitatum esse, & a Paulo sepe antea in eadem disputatione usurpatum scimus? Quia si præscriptis verbis actionem ex his verbis denegabimus, pugnat sententia cum tam multis locis, quos supra ostendimus, & præterea efficeretur ea absurditas sententiæ, quam nulli adhuc aliter interpretati vlla ratione vitare potuerunt. In quo nihil nostro Marte fingimus, ne quis forte hic nos dicat diuinare: sed regulam iuris sequimur, quæ est de ambigui interpretatione: quo præcipitur, ut in ambigua voce legis ea interpretatio sumatur, quæ vitio caret. *l. in ambigua. D. delegib.*

4 Et hæc quidem interpretatione ad superioris loci conciliationem usus est Franc. Duareno. Sed non progressus longius ea responsione consecutus est duxat, ut efficeret civilis actionis verbo, quo utitur Paulus, non denegari præscriptis verbis actionem: sed ex sententia eius non est consecutus. nam hoc concessio nihilominus in eadem fraudem incidit ex eo, quod sequitur. cum enim colligit Paulus, & ideo de dolo dabitur: satis si-

gnificat se etiam actionem præscriptis verbis excludere aut certe illud admittendum erit, unam cum altera concurrere. quod pugnat cum edicto de dolo. ita de una difficultate vitatur, in aliam incidit non paulo minor. Quare hoc addemus actionis civilis verbo hic intelligi debere certam quidem actionem & vulgarem, ut diximus: sed non quamvis certam, verum eam, de qua Paulo in ea disputatione est sermo: ut sic generalitas verbi ad institutum Pauli accommodetur, nec ad alia pertineat, quam ad ea, de quibus ante a Paulo actum est. nam & generalem transactionem eodem modo interpretamur. *leg. si de certa. Cod. de trans.* Porro certa illa actio, de qua egit antea, conditio est ob causam dati, quam in superioribus duabus speciebus competere dixerat, si quis vellet repetere, quod dedit. Quapropter certam actionem, qualem supra dixerat, in hac specie competere negans, conditionem competere negat. Ex quo iam recte colligit actionem de dolo dari: hoc sentiens videlicet eo casu dandam, quo casu conditio requiritur, & tamen non competit. Quæ nos eo deducunt, ut intelligamus eum, de eo, quod factum est, retractando agere. in eo removere conditionem: ita plane consequens esse, ut sit eo nomine actio de dolo.

Hæc verbis huc usque satis convenire nemo negabit. Sed nihil ad res verba faciunt, dicit quispiam, si aduersatur scriptoris sententia: quæ in omni scripto præcipue spectanda est. *l. in ambigua. ff. de legib. l. pen. ff. ad exhib.*

Iam vero quæ res in obscura voluntate scriptoris spectari iubentur, ex quibus mens & voluntas conii-citur, usus verbi, consuetudo eius, qui loquitur, ea quæ præcesserunt, quæque sequuntur: *l. si servus plurium. §. 1. §. ultim. ff. de leg. 1.* ea omnia hic concurrunt, ut Paulus actionis civilis verbo actionem præscriptis verbis accepisse, & de eo petendo, quod dari debet, præcipue egisse existimetur. Scimus in usu iuris actionem præscriptis verbis civilem appellari. *l. iurifgentium in prin. de pact. l. solent. hoc titul. nec Paulus ipse aliter loquitur,* qui civilem ita nominat absolute, ut præscriptis verbis actionem intelligat. neque id facit alibi: sed in eo ipso capite, id est, in *l. naturalis*: cuius fragmentum est is locus, de cuius interpretatione agitur. Proinde & consuetudo sermonis, & usus loquendi auctoris, & ea quæ præcedunt, hanc significationem, quam dixi, plane arguunt. sed ex his, quæ præcedunt, illud maxime, quod sibi Paulus in ea tota disputatione ab initio tractandum proposuit. Id autem fuit, ut totius ob rem dati tractatus inspiceretur, in eo quæreretur, non solum quæ dari repetitio esset: sed etiam maxime ad petendum id, de quo dando aut faciendo convenit, quænam esset actio. idque aperte in duobus illis generibus præcedentibus, cum do, ut des; item do, ut facias, ab illo factum est. An censemus igitur illum velut oblitum, aut dissimilem sui non eadem hic de ista specie, cum facio ut des, complexum esse, quæ de superioribus duobus, & in ea id, de quo non usque adeo quærebatur, posuisse: illud quod præcipue ad institutum & questionem faciebant, omisisse? Hæc & similia homines eruditi aduersus illam interpretationem disputare solent. quæ & ipse ingeniose dici fateor, & sunt eiusmodi, quæ me plurimum semper moverint: sed non usque eo, ut me usque adhuc vincere potuerint. dicuntur enim recte, & omnino admittenda sunt in omni interpretatione voluntatis: sed hæcenus, nisi absurditas sententiæ, & aliorum locorum manifestus dissensus, quorum præcipue in iure interpretando ratio habenda est, refragetur. Nam cum

eum efficitur absurda, aut falsa sententia, semper illam regulam tenere debemus, potius eam interpretationem capiendam esse, quæ vitio caret. *dict. leg. in ambigua. Digest. de legi. leg. quoties in stipulationibus. 80. j. de verb. obl.* Fateor durum esse, dicere Paulum in eadem significatione verbi non perseverare, & quodammodo ambiguitate verbi ludere, atque hoc modo errorē obicere legenti: dicere ab illo quæstionē de eo, quod conuenerat, præstando hoc loco prætermisam esse. Sed vtrumq; ferri potest, est enim in arbitrio scribentis, quomodo eo verbo, quod plura significat, utatur: nec necesse est eum, q de aliqua re differit, omnia quæ ad eam quæstionem pertinent, dicere. Et ne cui vsq; adeo mirum videatur, & non conueniens Paulo, quod dicimus, in hac specie cum facio, vt des, respondisse illum de conditione: de re autem, quæ ex conventionione dari debuit, responsionē omisisse: id ipsum fecit omnino in ea specie, quæ illi ex facto, pposita est ad discutiendum in *d. l. naturalis. in prin.* nimirum cum facio, vt facias. De hac enim agens in *§. ult. sic* disputationem concludit: si ergo hæc sunt, vbi de faciendo ab utroq; cōuenit: & in proposita quæstione idē dici pōt, & necessario sequitur, vt eius fiat condemnatio, quāti interest mea seruum habere, quē manumissi. Obserua eum de seruo tantum a me manumisso, id est, de eo, q a me factum est, actionem dare in id, quod mea interest. Vtrum actionem præscriptis verbis intelligimus? minime. hæc enim de eo est, quod deducitur in conventionē, non de facto retractando. Quā ergo? nempe de dolo, vt supra in hac specie cum facio, vt des, responderat: quia nulla sit in eam rem civilis, id est, certa actio ex iis, de quibus hic agitur, id est, nulla conditio. Id si in ea specie, quæ principaliter proposita erat, fecit Paulus, an vsque adeo mirum videtur, aut ab eius sententia alienum, idem eum in hac specie, cum facio vt des, de qua prius, respōderat fecisse? Quod etsi non constaret: dici tamen posset, quod iam monui, ferri posse, quod non satis dilucide loquatur Paulus, & quod non omnia, quæ vellemus, persequatur, hæc enim si vitia sunt, orationis sunt vitia, non sententiæ, quæ nihilominus vera retinetur. At illud ferendū nō est, si quis dicat cum facio, vt des, nullam esse actionē præscriptis verbis: item de eo, quod conuenit, de dolo dari. Nam ad hoc refellendum satis est, si dicamus saltem tunc esse præscriptis verbis actionem, cū nullus dolus subest aduersarii. nam hoc ita probatur in *l. sol. et. eadem l. naturalis. §. sed si dedi. hoc tit.* vt qui negat, nihil amplius, quā ad verba ipsa eorum locorum sit reuocandus.

Scio t̄ esse qui dicant, vbi nullus dolus tuus arguatur, non præscriptis verbis actionem dandam: sed in factum prætoriam, quod etsi superioribus locis satis coarguitur: tamē si quis id cōcesserit, quid profecturi sint, nō animaduerto. nō enim Paulus tantū dicit, cum facio vt des, nullam esse civilem actionem: sed etiam addit de dolo dandam. quod ipsum aperte falsum est; si nullus tuus dolus arguatur. Dicēt dictū Pauli sic esse interpretandum de dolo dandam actionem, si aliquis dolus arguatur. Atqui ex hoc responso in id, quod volumus, incidunt, non esse verū, quod Paulus simpliciter definit, si eius responsum de eo, q dari debet, accipimus. Sed illuc redeo, quod dixi, si nullus dolus arguatur, esse actionem præscriptis verbis, quod supra dilucide ostendimus. Hoc autem posito absurdum est, si quis neget etiam tunc, cum sciens alienum promiseris, nō competere mihi aduersus te eandem actio-

nem. quæ absurda etiam ex ipsa Pauli sententia nascūtur, si modo illa sententia est Pauli, quam esse alii volunt. Atqui vt ea sententia se ipsa non refelleret: tamē eum de Pandectis agatur, & sint alii loci diserte scripti superiori sententiæ contrarii, faciendum est, quod Iustinianus iubet. id agendum videlicet, quantum possumus, ne vnus locus pugnet cū alio. *l. 2. §. contrarium. Cod. de vet. iur. enucleand.* In qua conciliatione si queritur, quid facto sit opus, & qui loci quibus cedere debeant, in promptu est, quid sequi debeamus. quod positū a D. Augustino in *lib. 3. de doctrina Christiana*, in omni interpretatione & conciliatione dubiorum locorum obseruari decet, pauciora nimirum per plura, obscura & incerta per certa & dilacida interpretationem & legem capere debere. Quod cum ita sit in hac specie, vt in alteram sententiam, quam defendimus, plura sint & certiora testimonia, recte sit, atque ordine, si huic alios locos concedere iubemus.

Sed t̄ demus iam si ita placet, locum hunc Pauli æque plane, vt superiores scriptum esse, & quidem ita, vt aperte neget actionem præscriptis verbis esse dandam: quid proficiemus, nisi vt locum esse superioribus contrarium efficiatur? quo admissio, introduceretur etiam hæc quæstio, quis aliis cedere debeat. At hoc si queritur, res est expedita. nam & vnū locū pluribus, & obscurum dilucidis, & quod sine ratione dicitur, veræ rationi parere oportet. Nunc autem quam multi sint loci in contrariam sententiam, satis supra demonstrauimus. Rationes vero, cur et in hac specie præscriptis verbis actio dari debeat, eiusmodi allatæ sunt, vt ne auctore quidem Paulo res dubitationem habere videatur. Conferamus iam contrariam sententiam: quid simile reperiemus? Immo vero vt quis dicat, nullam hic actionem esse præscriptis verbis, vbi fateatur negotiū civile geri non minus, quæ tandem ratio, nisi inepta & ridicula reddi potest? Sunt, qui dicant ideo fieri, quia nihil in dantem transferatur, nihil facienti absit. quod in poliente & sarciente vestimenta perspicue falsum est. & vt verum sit nihil transferri: tamen satis est quid fieri, quod erat in potestate facientis non facere, quod factum ei absit, & simul ad voluntatem accipientis pertineat. alioqui idem in ea specie dicendum erit, cū facio vt facias. Alii conventionem dolo malo factam nullius momenti esse dicunt. quod ad hanc speciem non pertinet, vbi is qui promittit, decipit ipse, nō decipitur, & si pertineret, falsum esset; quod ita promittitur, in eo inutilem esse pactionē. de quo satis supra diximus. Alii nullum hic negotium nominatis contractibus simile geri dicunt, vt consequens sit nullam iuris civilis actionem in eo dari; id est, præscriptis verbis: quod & ipsum cuiusmodi esset, abunde supra ostendimus. Reliquæ rationes, quæ ab aliis huc afferuntur, sunt eiusmodi, quæ refutatione non indigeant, adeo sunt nugatoriæ, & se ipsæ satis ostendunt, quas refellit Alciatus. *lib. 5. parad. cap. 1. Duaren. ad l. iuris gentium. in prin. ff. de pact.* Quare si hac sententia admissa quasi præscriptis verbis actio in hac specie in *d. §. quod si faciam*, non detur, nō tamen perficimus, quominus & Paulum in eo non recte sensisse, & eius sententiam nō esse seruandā fateri cogamur: an non præstat comoda aliqua interpretatione sic locū eius interpretari, vt eum retineamus, & verbis interpretatio conueniat, & nihil sit in sententia Pauli absurdi, nihil quod cum aliis locis non recte conueniat?

Dicamus t̄ igitur iā breuiter hunc esse sensum Pauli, cum do tibi, vt des, vel do, vt facias, & postea quā de-

di, cessas dare, aut facere, in his non tantum esse mihi actionem aduersus te de eo, quod conuenit: sed etiam datit repetitionem, in eamque rem actionem ciuilem, & certam, nempe condictionem ob causam dati causa non secuta. quod prioribus §§. de duobus illis generibus expositum erat. At si faciam, vt des, & posteaquam feci, cessas dare, esse quidem & hic actionem præscriptis verbis, si de eo, quod conuenit, præstando agatur, quod tanquam confessum prætermisum a Paulo putemus: verum nullam esse in hoc genere ciuilem & certam actionem: nullam, inquam, talem, qualem in superioribus generibus esse dixerat, id est, nullam condictionem eius, quod factum est, ob eas causas, quas initio exposui; & ideo de dolo danda intellige hoc casu, quo facti repetitio & conditio quaeritur, quæ iure ciuili nulla est.

9 Quæ si vera sunt, hæc erit summa disputationis, quam de quatuor generibus propositis contractuum ex l. naturalis. & aliis locis teueamus. Cū do, vt des, aut do, vt facias, neq; placiti fidē p̄stas. vltro petenti mihi dati conditio est: si modo quod dedi, sit in ea causa, vt per rerum naturam præstari possit. Quod si non poterit præstari, veluti, si dedi ancillam, quæ a te manumissa est, licebit nihilominus mihi agere aduersus te in id, quod mea interest ancillam datam non esse: eritque in eam rem de dolo actio. quæ sententia est l. cum proponas. C. de dol. At cum facio, vt des, vel facio, vt facias, hic nulla facti esse potest conditio, & vt Paulum loquar arbitramur, nulla est ciuilis actio. quam ob rem & hic eo nomine sine vlla distinctione de dolo dabitur. Atq; hæc ita sunt, si de re data reuocanda velim experiri. Quod si in id agetur, vt mihi præstetur id, de quo conuenit, sic de omnibus contractibus incertis statuemus sine exceptione, siue dem, vt des: siue dē, vt facias: siue faciam, vt facias: siue id, de quo quaerimus, faciam, vt des, esse mihi aduersus te de eo, quod in conventionē deductum est, actionē ciuilem, & eam præscriptis verbis, idque siue dolo tuus aliquis interuenerit, siue nullus. Et quia competit actio præscriptis verbis, ideo in hanc speciem de dolo non erit: quia cū ciuilis sufficiat, non sit a prætore danda. d. l. iurisperitum. in pr. de pact.

10 Virum si de dolo derur, an præscriptis verbis, hoc refert, quod de dolo actio famosa est. l. i. D. de his, qui not. infam. l. penul. D. de in int. rest. præscriptis verbis nequaquam: cum neque edicto de infamibus, neque vquam alibi hac actione damnato infamia inrogetur. Actio de dolo intra biennium solum competit. l. ult. C. de dolo. actio præscriptis verbis, vt ciuilis, perpetua est. Inst. de perp. & temp. act. in prin. Illud tenendum est, cum in his generibus actionem esse dicimus præscriptis verbis, simul hoc dicere nos esse etiam actionem in factum. nam præscriptis verbis actio est in factum ciuilis. l. i. & 2. hoc. tit.

PRÆSCRIPTIS VERBIS ACTIO

quid sit, & cur sic vocetur. CAP. XXI.

S Y M M A R I A.

- 1 Præscriptis verbis actio, quid sit.
- 2 Præscriptis verbis actio cur ideo dicta.
- 3 Præscripta verba quid hic significant.
- 4 Præscriptis verbis actio cur dicatur subiecti, & subdij, pro dari.
- 5 Nomen actionis in agendo certum exprimi oportuisse iure Romano, si actio certum nomen habuit.

6 In Præscriptis verbis actione nullum nomen certum nomen exprimi, & quare.

7 In factum actionem esse etiam præscriptis verbis, non tamen in usu iuris ita dici, & cur.

Hoc iure de præscriptis verbis, & in factum actione constituto, quid sit vtraque; & cur ita vocetur: quid vna ab altera differat; quid singularum propriū sit, considerandum est.

Act quid sit actio præscriptis verbis, ita facile poterit intelligi. Iam primum de hac actione Iulianus scribit in l. i. hoc. tit. ad hanc confugere necesse esse, quoties contractus existunt, quorum appellationes nullæ iure ciuili proditæ sunt, dixit, quoties contractus, non autem in vniuersum, quoties negotia seu causa existunt. Ex quo colligimus, hoc verbum, usurpari solere non in maleficiis, aut aliis obligationum causis, sed in contractibus dumtaxat: neque his omnibus, sed iis tantum, quorum appellationes iure ciuili nullæ sunt: nempe iis, de quibus supra differuimus, & in his solis. alioqui Iuliano ita dicendum fuit, ad quam confugere necesse est, quoties causæ aliquæ existunt, quarum appellationes, & quæ sequuntur: non autem ad contractus incertos reuocare, quod omnium aliarum causarum commune erat. lā in l. i. & l. 2. eod. scriptum est, non competere actionem præscriptis verbis, nisi cū cessant iudicia prodita, & vulgares actiones, siue cum deficiunt vulgaria atque vtitata actionum nomina. Ex quo intelligimus, præscriptis verbis actionis nullum nomen esse. merito, cum vnaquæque actio ex eo negotio, vnde nascitur, nomen habeat; fieri autem non possit, vt nomen ex contractu nascatur ea, quæ ex eo nascitur, cuius nullum nomen est. Neque mirum sit esse aliqua negotia, quorum nullum nomen proditū sit iure ciuili. natura enim cogente id sit, qua cōparatum est, vt plura sint negotia, quam vocabula, vt est in l. 4. eo. His de natura huius actionis separatim cognitis, nihil negotii est intelligere, actionem præscriptis verbis sic recte posse definiri, vt sit nuda & simplex nullo proposito actionis nomine eius, quod in conventionem deductū est, petitio, recepta in iis contractibus, quorum appellationes nullæ iure ciuili proditæ sunt.

Dictam esse hanc actionem ex eo, quod præscriptis verbis rem gestam demonstrat, & ea demonstratione vice nominis, quo caret, vtatur, & multis doctis viris placet, & iā olim docuit Duarenus ad l. iurisperitum. in pr. ff. de pact. quod & mihi verissimum videtur. Est tamen, nisi explicetur, non vsque adeo omnibus expeditum: & non desunt etiam ex viris eruditis nonnulli, qui totam hanc rationem nominis repudient, & si quidem, quorum doctrina & auctoritas non parum mouere nos debeat. Quare, si placet, de eo amplius consideremus. Et paulo timidius de eo affirmaremus, nisi hæc actio hac ipsa circūlocutione describeretur ab Alexandro Imperatore in l. cū mota. C. de trans. Sic enim ille, aut enim, inquit, stipulatio cōventioni subiecta est, & ex stipulatu actio cōpetit: aut si omiſſa verborum obligatio est, utilis actio, quæ præscriptis verbis rem gestam demonstrat, danda est, id est, vno verbo, actio præscriptis verbis. Inepta prorsus & aliena descriptio, nisi id, quod ad hanc actionem demonstrandā dicitur, propriū sit eius actionis. Quod si proprium, quis neget, cum verba cum re consentiant, actionem ex re ipsa esse appellatam? At a quo Imperatore tandē hæc descriptio est? Alexandro videlicet, qui nō sapiēs tantum, sed doctissimus etiam & consultissimus sit habitus,

habitus, quique in consilio & iure reddendo doctissimis & prudentissimis Iuriconsultis maxime præter ceteros sit usus: ut nemo dubitare possit, quin consuetudinis loquendi, & iuris peritus Princeps in hoc verbo & rebus, & consuetudini loquendi, & iuri consentanea scripserit. Sed hoc intelligitur certius, si cognouerimus, quid sit rem gestam demonstrare verbis præscriptis, & cur præcipue id facere hæc actio dicatur. tum enim certo statuatur hanc verbi rationem, quam maxime rei, & naturæ huius actionis esse convenientem. Res gesta est, id, quod factum, gestum, contractum est. unde hæc quoque actio in factum appellatur, ut postea pluribus indicabimus. Demonstrat actio rem gestam, cum editur, sic. n. editur, ut res seu factum exponatur, sic deinde subiiciatur petitio. *l. edita. C. de ed.* Demonstrat verbis: nempe iis, quibus res gesta narratur & exponitur, dum ipsa editur. Demonstrat autem verbis præscriptis. ubi præscripta accipere non debemus, certa & velut ad certam formulam concepta, ut cum dicimus conceptis verbis iurare (nulla enim in hac actione verborum conceptio est, quæ in directis solum, & solemnibus actionibus olim observabatur, non in utilibus. *l. antepen. D. de neg. gest.* alioqui vulgares & vitatæ actiones, quæ certis conceptionibus constabant, multo magis præscriptis verbis dici debuerunt) sed præscripta verba hic declarant, ante scripta dicuntur. n. ita habita ratione ipsius petitionis, quæ instituitur. Verba rei gestæ præcedunt, seu, quod idem est, res, ut gesta est, ante narratur: sequitur deinde petitio. ita verbis rei gestæ ante scriptis petitio subiicitur.

Ad quem ordinem verborum & actionis alludens Papinianus in *l. 1. in fin. eod.* pro his verbis, *in factum civilis datur actio*, dixit, *in factum civilis subiicitur actio*, cur subiicitur, nisi quia in ea proponenda aliquid præcessit? quid autem præcessit, nisi verba rei gestæ? unde merito hæc præscripta, id est, ante scripta dicuntur. eademque forma loquendi dictum est in *l. 6. profundo. C. de trans. agi* præscriptis verbis actione civili subdita. Nec dissimiliter præscriptionis verbo usus est Cicero epist. 2. lib. 5. ad fam. dum ita scribit *iam illud S. C. quod eo die factum est, ea præscriptione est*. Similiter & Corn. Tacitus lib. 1. Annalium, his verbis de Tiberio loquens: *Ne editum quidem quo patres incuriam vocabat, nisi Tribunitia potestatis præscriptione posuit sub Augusto accepta*. Id est, nisi prius scripto titulo Tribuni plebis, quo se ostenderet eam vocationem instituere non pro imperio principis, sed solum pro Tribunitia potestate, quam ab Augusto accepisset. Dixerit hoc loco aliquis, nihil in hac præscriptione & demonstratione rei gestæ proprium esse huius actionis. rem. n. esse omnium actionem communem, ut cum actio editur, factum & res ante gesta exponatur tanquam causa actionis: deinde subiiciatur petitio: nam nisi id sit, neque aduersarius speciem facti intelligere potest, neque illud scire, utrum cedere, an contendere debeat ignoras, sitne aliqua idonea causa, cur a se petatur, an nulla. quod tamen illi in omni actione edenda præstandum est. *l. edita. C. de ed. l. 1. D. eo*. Quod si verum est, non magis videtur hæc actio dici debuisse præscriptis verbis, quam ceteræ oēs, in quibus eadem verba præscribuntur in editione actionis. Sed neminem mouebit hæc obiectio, qui intelliget actionem præscriptis verbis ideo ita dictam, quia solum verbis præscriptis rem gestam demonstraret, non etiam alio indicio actionis proprio ad se ostendendam

verteretur: similiter ut obligationes ex consensu dicuntur, non quæ consensum in se habent (alioqui omnes obligationes ex contractibus descendentes dicerentur ex consensu nasci: cum nullus sit contractus, qui non habeat in se consensum & conuentionem. *l. 1. §. 1. D. de pact.*) sed eæ, quæ solo consensu contrahuntur. *Inst. de obl. ex cons.* Ceteræ actiones certæ & vulgares verba quidem rei gestæ habent: sed in his non consistit. est aliud quiddam earum proprium, quo vnaquæque designatur in iudicio, & unde nomen habet itidem, ut in iis obligationibus, quæ ex contractu nascuntur, fieri videmus, quæ præter consensum aut rem, aut verba, aut literas desiderant. hæc enim non consensu contrahi dicuntur, sed aliæ re, aliæ verbis, aliæ literis.

Quid ergo in ceteris actionibus vulgaribus edendis, & proponendis requiritur, quod sit proprium vniuscuiusque? nomen certum actionis, quod in actione proponenda exprimi iure Romano oportuit, ac si ne eo nulla fuit actio, ut pluribus ostendi *ad l. edita. de ed. patetque ex l. 1. §. 1. l. 2. hic. l. 1. ff. si mens. fal. mod. dix.* hinc illæ veterum dubitationes in quibusdam causis, de titulo & nomine certo actionis constituendo, cum alii alium contractum, aliamque actionem esse dicerent. *l. 1. ff. de estimat. act. l. naturalis. §. vlt. l. si tibi rem. §. Iulianus. l. apud. §. 1. §. similibus. hoc tit.* quæ omnis superuacua erat quaestio, si in illis speciebus tantum facti aperte proponere sufficiebat, ac deinde petere, ut id, de quo conuenit, præstaretur.

Hæc nomina cum in omnibus negotiis non occurrerent, cum, ut dixi, plura sint negotia, quam vocabula: necessitas eo rem deduxit, ut aut in his deneganda esset actio, aut præscriptis verbis esset agendum. Nō si nomen actionis nullum fuit, ideo actionem denegari oportuit, si eam dari eadem æquitas postulabat: quid enim nomen de re mutare debuit, aut potuit? bene Iustinianus in *l. 2. C. com. de leg. dicit leges non verbis, sed rebus esse imponendas*. Ita hoc relictum est, ut confugiendum fuir ad actionem præscriptis verbis, ut dicitur in *l. 2. §. 3. eo. id est, ad eam formulam, qua sine vilo nomine actionis res gesta tantum demonstraretur verbis, ac deinde ex re ipsa petitio subiiceretur*. Inde præscriptis verbis dicta, quæ ita rem gestam demonstrat his verbis, ut hac demonstratione pro iusto nomine utatur. Quæ cum videamus tam præclare rebus conuenire, & præterea tam aperta descriptione doctissimi Imperatoris confirmari, neminem facile postea futurum arbitror, qui his cogitis hic amplius hærendum esse arbitretur.

Nō desunt tamen, ut dixi, etiam doctissimis hominibus quibusdam rationes, quibus hæc notatio improbetur. Nam si ex eo dicta est actio præscriptis verbis, quia verbis ante scriptis rem gestam demonstrat, quæcumque actiones ita verbis rem gestam demonstrabunt sine vilo nomine actionis, eæ dicentur præscriptis verbis. necesse est enim, cui definitio nominis etiam in factu actiones prætoriarum erunt præscriptis verbis. nam & hæc ipsa rei gestæ demonstratione, nō vilo certo nomine actionis constant. At prætoriarum in factum actiones, quales sunt, quæ in subsidium legis Aquiliæ dantur, non sunt actiones præscriptis verbis: satis enim constat actionem præscriptis verbis civilem esse, de quo postea, non prætoriam: ex contractu, non etiam ex delicto. Non igitur ex ea rei gestæ demonstratione præscriptis verbis actio dicta est. Addūt etiam Græcorum auctoritatem. nam Harmenopolus lib. 2.

Epito. cap. 3. si hanc actionem expressit, ut eam nominaret τὸν ἀσχετὸν ἀμείνων συμφωνῶν: ut sit actio præsriptarum conventionum, seu ex præscriptis conventionibus, siue ex præscripto conventionum.

- 7 Et quod ad superiorem rationem attinet, agnosco eam esse eiusmodi, quæ sit animaduertenda, nã & ego illis assentior, si vera notatio est, dicendum esse, quæcunque actiones demonstratione rei gestæ pro nomine, quò carent, utantur, eas & præscriptis verbis esse actiones. Idem admitto consequens esse, etiam in factum actiones, quæ sunt prætoriar, præscriptis verbis actiones dici posse, & re vera esse. Hoc illi falsum esse, & certis locis teneri putant. Ego doceo esse verissimũ: omninoque ita se rem habere, ut quæcumque est præscriptis verbis actio, eadem sit & in factum: & contra quæcumque est in factum, eadem sit & præscriptis verbis.

IN FACTVM ACTIO QUID SIT, ET quid ab actione præscriptis verbis differat. CAP. XXII.

SUMMARIA.

- 1 In factum actio, quid sit.
- 2 In factum actionem eandem esse & præscriptis verbis, & qua præscriptis verbis, eandem in factum.
- 3 In factum actionem & actionem præscriptis verbis significatione eadem, in usu tamen iuris distinguere: & quamobrem.
- 4 Harmenopuli sententia de actione præscriptis verbis explosa.
- 5 Præscriptis verbis actionem, quæ dicitur, non ideo esse ex verbis.
- 6 Præscriptis verbis actionem minime esse ex præscriptis conventionibus, seu ex præscripto conventionũ, & minime inde dici.
- 7 Præscriptis verbis actionem dicamus, an ex præscriptis verbis, multum interesse, & in eo valde falsum esse Harmenopulum.

1 Quid est enim in factum, aut quod vis huic verbo subiecta est? Et dicitur in factum, non quæ datur aduersus factum (omnis enim actio in personam ex factum est aduersus personam, non aduersus factum. *l. actionum. in prin. & §. i. ff. de oblig. & actio.* sed in factum valet, iuxta siue secundum id, quod factum est, concepta & composita actio. Quod ex eo intelligimus, quod plerisque in locis cum in factum actio, aut exceptio nominatur, additur concepta, aut composita ut *l. quod bonis. in prin. Dig. ad leg. Falc. §. 1. Inst. de exc.* Quomodo autem concipitur, aut componitur in id, quod factum est: verbis videlicet, quæ ante scripta id ipsum factum, id est rem gestam demonstrant.

2 Atqui nihil aliud declarat præscriptis verbis actio, quam eam ipsam actionem, quæ verbis in factum composita, aut concepta est. cum enim nomino actionem præscriptis verbis, oratio est, cui apparet aliquid deesse. subauditur autem constans, vel concepta, seu composita. In quid autem verba præscribuntur, seu præscripta concipiuntur? nempe in rem gestam, ut appellat Alexander in *d. l. cum mota. C. de tran.* id est, ut nunc loquimur, in factum. unde & præscriptis verbis actio dicitur in factum. *leg. 1. & passim toto hoc titulo.* Et ut intelligatur in præscriptis verbis ea verba significari, quæ præscribuntur in factum: interdum plena oratione con-

iunguntur ista, diciturque actio præscriptis verbis in factum, ut *l. Titius. eo.* quod nihil aliud est, quam actio, constans verbis in factum præscriptis. Ex quibus apparet, utriusque verbi vim & potestatem esse eandem: sicque fieri omnino, quod dixi, ut omnis præscriptis verbis sit etiam in factum, de quo conuenit. *l. 1. si vir. leg. si tibi rem. & passim. eo.* sed & idem vice versa valeat, ut quod in factum est composita, sit, & constet verbis in factum ante scriptis, id est præscriptis.

Sed frustra laboramus, dicent: cum certo constet actiones in factum ab actionibus præscriptis verbis distinguere. quippe actiones in factum etiam ex maleficiis nasci, easdemque esse prætorias. *l. quia actionum. eod.* at præscriptis verbis actionem ex contractibus dari. *l. 3. eo. & ciuilem esse, non prætoriam. l. inriscentium. in pr. D. de pact. leg. solent. hoc tit.* Nego hæc esse contraria. distinguuntur enim ista in usu iuris non vi & significatione verborum; sed docendi gratia. Notatio & vis horum verborum manifesta est, ut dicatur in factum, quæ est in factum, & rem gestam concepta: & præscriptis verbis, quæ constat his ipsis verbis in factum scriptis: ut latine scientibus sine dubio vtrumque cõpendio sermonis idem exprimat. Sed in usu iuris distinguuntur ista, ut præscriptis verbis intelligatur ea, quæ est in factum ciuilem, ex contractibus incertis prodita: actio autem in factum generis quidem nomen sit: ut plurimum autem dicatur ea specialiter, quæ ex maleficiis, aut quasi maleficiis, quorum nullæ sunt iure ciuili appellationes, competit. *dicta. leg. quia actionum. eo. l. actionum. in fin. D. de oblig. & actio.* An quia, inquam, istorum significatio diuersa est secus, quam diximus? minime: sed quæ visum est ad docendum commodius singulas res singulis appellationibus distinguere: quia singulæ suis nominibus notatæ facilius discernantur. Hoc si a nobis nunc primum excogitatum esse ad defensionem, ceterum nouum & aliis in rebus inusitatum putamus, in iure ciuili peregrini & hospites sumus. Notum est enim, quid Iustinianus scribat de verbis iniusti, rupti, & irriti facti testamenti in *§. alio. Inst. quib. mod. test. inf.* Si vim & significationem verborum sequimur, quodcumque iniustum est, idem irritum est: & nullum irritum, nisi quod iniustum. idemque de rupto & irritum multo magis licet dicere. nam & quod rumpitur, irritum fit sine dubio: & quod fit irritum, quid aliud, quam rumpitur? quod & Iustinianus ibidem testatur. Atqui ista distinguere scimus in usu iuris, ut quædam non iure facta dicantur, quædam iure facta rumpi, vel irrita fieri. An quod illa si verborum vim spectamus, non idem significant? Immo, inquit Iustinianus, quia commodius erat singulas causas singulis appellationibus distinguere. Et ne id in superioribus tantum verbis factum putemus, idem videmus euenire in re quam simillima. nimirum in verbis actionis & petitionis. quæ cum idem significant, ut indicat. *l. ex stat. in prin. Dig. quod met. caus.* tamen in iure docendi causa ita distinguuntur, ut sint species diuersæ; sitque actio in personam, petitio in rem, & nihilominus rursus actio generis nomen obtineat. *l. actio. Dig. de obligat. & actio. l. pecunie. §. actionis. D. de verb. signif.* Quid actio ex stipulatu, nonne si verbi significatio attenditur, omnem actionem continet, quæ est ex stipulatione, etiam certa? non est dubium. nam stipulatus valet idem, quod stipulatio, neque aliud declarat hoc verbum in *l. pecunia. in prin. Digest. de usur. l. 3. in fin. C. de inutil. stipulation.* unde actio ex stipulatu dicta etiam tunc, cum certa est stipulatio: ut sit actio ex stipulatione. *leg. prædia. Dig. de action.*

action. em. l. si pacto. C. de pact. Atq. vñs iuris obtinuit, vt actiones ex stipulatione sic distinguantur, vt ex certa sit conditio certi, ex incerta sit ea, quæ p. p. ap. appellatur ex stipulatu, & quidē ita, vt ea negetur ex stipulatione certa competere *in l. si quis certum. D. si cert. per.* Quare nō est, q. ista obiectione deterreamur, quominus eā notationē, quam posui, quæ se ipsa ostendit, & certa auctoritate Imperatoris Alexandri nititur, retineamus. Sed † opponitur nobis auctoritas Harmenopuli. Gravis scil. auctor Harmenopulus, & dign^o, cuius audiendi causa vadimonium deferatur. credo, quia Græcus est, & aliena lingua, non Latina vitur. At vide, quam a plerisque, qui istum nobis obtrudunt, dissentiam. Ego si quid verum me habere credam, continuo mihi suspectum fiat, si idem ab Harmenopulo positum videam. de quo homine non necesse habeo dicere, quod sentio, & quod homines eruditi, cū parcellime loqui volunt, de eo dicere solent, hominē peregrinum fuisse, in iure Romano non satis exercitatum, sæpe etiam rudem videri. Tātum dicam, quod huius loci proprium est, vel hunc vnum locum, & interpretationem Harmenopuli de actione præscriptis verbis abunde sufficere, vt probetur isti homini non tam peritiam iuris Romani, quam iudicium, & linguæ Romanæ etiam mediocrem cognitionem defuisse. Cum ille præscriptis verbis interpretatur τῶν προγεγραμμένων συμφώνων, nepe verba interpretatur conuentiones, & præscriptis verbis idem valere vult, quod ex præscriptis verbis, seu ex p. scripto conuentionum. idem enim declarat actio locati & conducti, quod actio ex locato & conducto: actio emti & venditi, quod ex emto & vendito. Quam in paucis verbis multa peccata.

† Principio † quomodo hæc actio ex verbis? nullo vero modo ex verbis nasci dici pōt. nam primum nō semper cum trado tibi aliquid, nominatim conuenit verbis, vt vicissim aliquid facias: sed ex eo, quod certo modo datur, tacite intelligitur, quid agatur: nec tamen minus hinc nascitur præscriptis verbis actio de eo, quod tacite actum est, quam si nominatim conuenisset vt, si dem tibi seruum quæstionis habendæ causa, cum furti argueretur, neq. ne nominatim conueniret, vt, nisi de eo compertū esset, redderes: si gratuita habitationē dedi, si dedi annulum inspiciendum, neq. conuenit, vt redderes. In omnibus quia id agitur, vt quod alicuius rei gratia tibi trado, ea re finita reddas: actio præscriptis verbis competit, vt reddas. *l. si dominus. l. si gratuita. in prin. l. duo. hoc tit.* Et quomodo tandem ex verbis actio dici potest, vbi de re præstanda nulla omnino actio fuit? Demus nominatim conuenisse, vt dares, aut faceres. num ideo obligatio, aut actio ex verbis? Ex conuentione, & pacto nasci dici potest: ex verbis non potest. Neque enim conuētio est, verba: sed is consensus, qui verbis declaratur. neque cum aliquid conuenit in emtione & venditione, locatione & conductione, & similibus contractibus, qui consensu perficiuntur, etsi verbis id cauerur, ideo ex verbis obligatio seu actio nasci dicitur, sed ex consensu. Tunc solum verborum, seu ex verbis obligatio esse dicitur, cum præter consensum ad obligationem contrahendam verbis, id est, interrogatione & responsione est opus. quæ cum in his contractibus, cum do vt des, do vt facias, & ceteris similibus nō desiderentur, perspicuum est, neq. hic actionē esse ex verbis, neque ita dici præscriptis verbis, quasi verba hic significant τὰς συμφωνίας, seu conuentiones.

Iam † vero quid est hoc actionem præscriptis verbis dici, quia sit non tantum ex verbis, sed etiā ex verbis præscriptis, seu ex præscriptis conuentionibus, aut præscripto conuentionum? Si hoc intelligit, cum do tibi, vt des, aut facias, cum facio, vt des, aut facias, nisi conuentio præscripta erit, non competere præscriptis verbis actionem, toto iure errat. Ex contractibus incertis est hæc actio. nihil porro ad obligationem scriptura facit, si alio modo contractus probari potest. *l. 4. D. de fid. inst. l. instrumentis. l. cum instrumentis. Cod. eo.* Sin hoc putat, competere hanc actionem etiam nulla scriptura interueniente, quis nō videt eū nō attendere, quid dicat, si hoc dicit nihilominus actionem ex ante scripta conuentione nuncupare, vbi scripta conuentionem nullam esse fateatur? quod plane idē est, ac si quis actionē ex verbis esse dicat, vbi res sine verbis gesta est, aut literarū obligationem, vbi nullas litteras esse concedat. At ego plus dico, etsi conuentio præscripta sit, & ex ea agatur: non ideo tamen dicendā esse hanc actionem ex præscriptis conuentionibus, seu præscripto conuentionis. Nascitur obligatio & actio ex conuentione, seu contractu, qui instrumento continetur: non ex scriptura, quæ, vt dixi, ad fidem rei gestæ tantum, ad obligationem nihil pertinet. *d. l. 4. ff. de fid. inst.* Emtio mihi tecum contracta est, & instrumento præscripta. dicitur tamē actio ex emto esse ex emtione, non ex præscripto emtionis, aut conuentionis. similiter etsi a te stipulatus sim fundum, & res instrumentis gesta sit: dicatur tamen ex verbis, seu verborū obligatio aduersus te nasci, non etiam ex scriptura seu præscripto verborum aut stipulationis. Sciamus igitur ex scriptura conuentionis præcedente, siue ex p. scripto conuentionis hanc actionem præscriptis verbis non esse appellatam, siue scriptura re vera præcesserit, siue nulla. quod quidem postremum nullam dubitationem habere potest. Atque hæc quidem illum, si quid in iure intelligeret, satis monere potuerant, nō sic præscripta verba in hac actione accipienda esse quasi ea, quibus conuentio ab initio composita est, significarentur.

Sed † apparet, quid eum deceperit. Ille putauit actionem præscriptis verbis idem esse, quod actionē ex præscriptis verbis. nam, vt dixi, τῶν προγεγραμμένων συμφώνων est interpretatus: quod valet præscriptarum conuentionum, seu ex præscriptis conuentionibus. In quo iam non iuris ignorantia, sed ipsius etiam Latini sermonis inscitia turpiter labitur. multum enim inter ista interest. Actionem ex præscriptis verbis cū dico, ea adiectione ex præscriptis verbis, causam & originē significo, vnde hæc actio nascitur, nepe contractū & conuentionē. Actionē præscriptis verbis cum dico, per verba præscripta illa intelligo, quibus in edenda actione res gesta exponitur, & demonstratur, vt est in *d. l. cum mota. C. de trans.* Inter quæ tantū interest, quantū inter causam & effectū, inter contractū & actionē, siue instrumentum id, quo ad instituendā actionē vtimur. En cur Harmenopuli auctoritati tantum tribui debeat, vt eam in notatione, & significatione huius verbi etiam manifestæ sententiæ optimi auctoris Alexandri opponere oporteat. Nos vero cauebimus, si sapimus, ne tam bono interpreti quidquam in posterum facile credamus. Manebit igitur, q. initio posueram, recte Alexandrū hanc actionē ita expressisse, vt diceret eā esse, quæ præscriptis verbis rem gestā demonstraret, & omnino inde esse nominatam. Illud cauendum, etsi inde non diceretur, ne tamē

ideo dictam putemus, quia sit ex præscriptis verbis, id est, ex præscriptis conuentionibus.

Q V Æ, ET Q V A L I A S I N T E A, Q V Æ
tanquam propria actioni præscriptis verbis passim
tribui legimus. CAP. XXIII.

S Y M M A R I A.

- 1 *Præscriptis verbis actionis propria quæ.*
- 2 *Præscriptis verbis actio cur dicta in factum.*
- 3 *Præscriptis verbis actio cur civilis dicta.*
- 4 *Præscriptis verbis actio cur utilis. §. num. 5. 6.*
- 5 *Directa actio §. utilis quid, §. unde dicta.*
- 6 *Certe §. solemnnes actiones, itemque vulgares §. vilitate, quæ, §. cur ita dicta.*
- 7 *Negotia cum do ut des, do ut facias, facio ut des, facio ut facias, si in speciem certi alicuius contractus non cadunt, certis tamen esse similia, §. quibus.*
- 8 *Præscriptis verbis actio incerta, §. cur ita dicta.*
Proprius contractus, specialis §. distinctus ab aliis, in l. rogasti. de præf. verb. ibid.
- 9 *Præscriptis verbis actio incerta dicta, §. cur.*
- 10 *Præscriptis verbis actio in id quod interest, etiam tum cum do ut des, aut facio ut des: §. cur hoc præter regulam iuris.*
- 11 *Id quod interest, an res quæ dari debet, petatur, quid intersit.*

Deinceps quæ huic actioni tribuatur, siue quæ sint huius actionis propria, videamus.

- 1 Et præter ea, quæ definitione complexi sumus, hæc omnia illi tribui animaduerto. nã & in factum dicitur, & civilis, & utilis, & incerta, & frequentius incerti, & quod præcipue animaduertendum est, eiusmodi est, quæ comperat in id, quod nostra interest etiã tunc, cum conuenit, ut mihi dares. quæ omnia non vsque adeo expositam rationem habent. eo nobis breuiter explicanda sunt.

2 In factum dici constat. *l. 1. l. si vir. l. si tibi rem. in prin. §. ult. l. duo. l. Titius. hoc tit.* nempe ob eã causam, quam supra pluribus exposui, quia verbis est præscriptis seu compositis in factum: quasi dicas in re gestã, & id quod factum est.

3 Civilem præter esse constat, non prætoriam. *l. iuris gentium. in principi. Digest. de pact. leg. 1. leg. in sulam. leg. solent. hoc tit. l. leg. rebui. Codic. de rer. perm.* Quod significat iure civili constitutam esse, non edicto prætoris. *§. 1. Institut. de obligat. §. sed ista. Institutio. de actio.* Est autem civilis, quia ex contractibus, de quibus iure civili actio eo modo constituta est, quo iam dicemus.

4 Ita præter civilis est, ut sit tamen utilis, non directa. sic enim describitur ab Alexandro in *d. l. cum mota. C. de trans. utilis actio, inquit*, quæ præscriptis verbis rem gestam demonstrat, danda est. Vtilem accipimus, non efficacem, & eam, quæ opponatur inuitili. nam si danda est, non debuit adici utilis: cum si iure detur, non possit, quin sit utilis, ubi is, cui datur, ad agendũ admittitur: sed vilit, ut in usu iuris accipere solems, eã, quæ hoc verbo distinguitur a directa. *l. antep. ff. de neg. gest. §. ult. Inst. de leg. Aquil.*

5 Est præter directa, quæ verbis legis in aliquẽ datur, quasi quæ verbis legis dirigatur, seu feratur recta in aliquem. utilis, quæ sine verbis legis datur ex sententia, ut declaratur exemplis ad legem Aquilianam accommodatis. in dicto. *§. ultimo. de leg. Aquil.* utilis dicta, quasi quæ cessantibus verbis legis detur propter eandem

utilitatẽ, ut significatur in *leg. quia actionũ. hoc tit.* Ita in summa hoc volumus, præscriptis verbis actionẽ ita iure civili dari, ut sit tamen non verbis legum constituta, sed ex sententia per interpretationem propter similitudinem negotii ad hoc genus negotiorum incertorũ traducta. Idque ita esse sic intelligere possumus. Nam primo ita compositæ sunt actiones, ut eas Romani certas, solemnnesque esse vellent. *l. 2. §. deinde ex his legib. ff. de reg. iur.*

Certas præter & solemnnes sic accipimus, quæ & formulis certis constarent, quæ postea sublatae sunt tit. *C. de form. §. impetrat. actio. subli.* & certo ac constituto nomine notarentur, quo vterentur vulgo in actionibus instituendis. inde vulgaria & vsitata actionũ nomina appellata. inde quæ vulgaria & vsitata nomina sunt, eadẽ & iure prædicta dicuntur. *l. 1. 2. §. 3. hoc tit.* Eiusmodi nomina actionũ nulla esse potuerunt in iis negotiis, quæ prius ipsa certo nomine non appellarentur: cum ut iam aliquoties dixi, actio ex genere negotii & contractus nominetur. Ita eueniebat, ut ex his negotiis quemadmodum nullæ erant appellationes prodita, sic nec essent actiones. Et hæc quidem ita existimari necesse erat, si verba legum spectaretur. Sed eum, cui dedi, aut feci aliquid ea lege, ut mihi vicissim quid daret, aut faceret, non teneri mihi iniquum est: cum duæ sint hic, cur mihi obligetur, causæ, & quod pactus est se daturum, facturum, & quod prius dedi quid, aut feci ea lege, ut daret faceret. Quamobrem hic quoque actionem esse placuit, ut non verba, sed res spectaretur. Quid ergo potuit alicui sine certo iure actio esse constituta? minime: cum hoc sit in diuisione obligationũ omnem obligationem aut civilem esse, aut prætoriam. *§. 1. Institutio. de obligat. eademque actionum ratio est. §. sed ista. Institut. de actio. leg. actionum. §. ultim. Digest. de oblig. & act.* Sed quæ hic ex verbis legum non est actio, ea recte inducitur ex legum sententia, cognitis videlicet iis causis, in quibus actio certa nominatim iure civili constituta est, & eorũ negotiorum, de quibus agitur, similitudine animaduersa, iuxta *l. non possunt. §. l. seq. ff. de legi.* Constat actiones certas & vulgares ex emtione & venditione, locatione & conductione, mandato, societate, commodato constitutas esse. Proponatur igitur nobis aliqua negotia, quæ istis nominibus appellari non possint: verum tamen & genere facti, & ratione sint similia. sententia legis postulat, ut & de his actionem demus: quæ verbis non inducitur, directa quidem non erit, at inducta ex sententia dicetur utilis.

Talia præter sunt autem hæc negotia omnia, cum do, ut des: do, ut facias: facio, ut des: facio, ut facias, ubi ea in speciem aliquam certi contractus non cadant. Cũ do, ut des, permutatio est. permutatio non est emtio & venditio: sed est emtioni plane similis. *leg. 1. Dig. de contra. emt. leg. Digestis. de rer. perm. leg. sciendum. §. deinde. Dig. de Aedil. ed.* Cum do, ut facias, aut facio, ut des: siue pecunia non interuenit, siue interuenit quidem, sed non est id factum, quod locari soleat, non est locatio & conductio: sed tamen negotium geritur simile locationi & conductioni: quia vnus dat, alter operam præbet. quod & ipsum fit in omni locatione & conductione. de quo quia satis supra disseruimus, non necesse est hoc loco eadem inculcari. Cum facio, ut facias, negotium mandato simile est, ut Paulus testatur in dicta *leg. naturalis. §. ult.* interdum & commodato, ut in specie *leg. si gratuitũ. in pr. §. si cum vnũ. eo.* Hinc est, cur ex his contractibus sit actio, & cur sit utilis. Et hoc est, quod Paulus

Iustin d. l. naturalis. §. ult. in ea specie, cū facio ut facias, cum actionem præscriptis verbis esse dixisset, subiecit, quod esset tāquam rationis vice: quæ actio, inquit, similis erit mandati actioni, quemadmodum in superioribus casibus locationi & emtioni. quia similis, ex eo intelligi vult recte in his casibus esse introductam, & simul utilem esse significat, non directam, quod querimus: quippe ex sententia esse, non ex verbis legis: alioqui non superioribus similis diceretur, sed cū his eadem. Sed cum constet hanc actionem ex verbis iuris civilis non esse, quomodo dicitur civilis, siue ex iure civili? quia verbum ex legibus intelligitur, non solum, quod est ex verbis legis, sed etiam quod ex sententia. l. nominis. §. ult. ff. de verb. sign.

8 Dicitur † & hæc actio incerta. l. rebus. C. de rer. permut. l. 3. C. de inut. stip. quia nullo certo ex contractu, & q̄ proprio nomine appelleretur: sed modo ex hoc, modo illo datur: ut quemadmodum incertus est contractus, ex quo actio comperit, sic & ipsa incerta sit, quæ inde datur actio. Nam quod in l. rogasti. hoc tit. dicitur hæc actio interdum competere ex negotio proprii contractus, proprius contractus illis dicitur, non certus, & certo nomine constans, sed specialis & distinctus ab emtione, de qua illic dubitari poterat, an contraheretur.

9 Frequentius † apud Iurisconsultos dicitur incerti, tot enim locis in Pandectis Florentinis, ita dici legimus. l. iuris gentium. in prin. ff. de pact. l. in solam. l. si dominus. in fin. ob eam. hoc tit. l. duo. §. vlti. ff. de prec. nempe quia persequitur hæc actio id, quod interest, ut iā indicabimus. Id autem quod interest, incertum. l. si pœnam. Dig. de verb. oblig. §. vltim. Instit. cod. Itaque ita dicitur actio præscriptis verbis actio incerti, ut illa, q̄ aduersus eū comparata est, qui cautioni iudicio sistendi causa non paruit: quam idem incerti actione nominari constat, quia sit in id, quod actoris interest. l. vlt. ff. si quis in ius voc. non ierit.

10 Hoc † quidem constat actionem præscriptis verbis ex omnibus quatuor generibus contractuum propositis esse in id, quod mea interest. De duobus illis non dubitatur, cum do ut facias, vel facio, ut facias. l. si tibi decem. hoc tit. quandoquidem cum in his dicimus actionem esse in id, quod interest, regulam iuris sequimur in omnibus aliis faciendi obligationibus constitutam. est enim in his petitio & condemnatio in id, quod interest. l. stipulationes non diuiduntur. vers. Celsus. ff. de verb. oblig. l. 1. in prin. Dig. de act. emt. l. si quis ab alio. §. vlt. Dig. de re iud. In reliquis duobus generibus, id est, cum do ut des, aut facio ut des, quia id agitur, ut quid nobis detur, conueniens esse videbatur regulæ iuris, quæ seruatur in dandi obligationibus, ut esset actio de eo, quod dari debuit, nō autem in id, quod interest. Cum n. dicitur dandi obligatio, quæ ex stipulatione est, certa esse. l. vbi autem. §. vlt. ff. de verb. oblig. vbi ipsa hoc dicitur, ex eo genere in id, quod interest, actionem non esse. alioqui & ipsæ obligationes dandi essent incertæ: cum id quod interest, sit, ut iam dixi, incertum. Nunc autem etiam in his generib. posterioribus hoc obseruatur, ut sit præscriptis verbis actio in id, quod mea interest illud, de quo conuenit, accipere. l. naturalis. in prin. cod. in quo non dubium est, quin a regulæ iuris, & ceterarum dandi obligationū recessum sit in hac actione. Cur sit recessum, cum par videatur ratio, nō immerito dubitatur. Et in l. 3. C. de inutil. stip. scriptum est, hunc esse effectum incertæ actionis, ut ita condemnatio concludatur. Ex quo colligi-

mus, sic ab initio in his contractibus datam esse ex pacto actionem, ut tamen omnib. rebus placeret eā incertam esse, id est, non solum nomine & titulo actionis incertam; sed etiam rei petitione: denique non sic esse datam, ut præcise actor posset petere rem promissam sibi dari, sed solum, quod sua interest.

11 Vtrum † res in iudicium deducatur, an id quod actoris interest, hæc istarum rerū differentia est, quod si res petatur, vna cum re etiam fructus, & omnes accessiones post litem contestatam veniant. l. cum fundus. in prin. ff. si cert. pet. si id solum, quod interest, habetur tantum ratio æstimationis eius, quæ fuit tempore litis contestatæ, neque actio postea locum habet ad incrementum, aut diminutionem. arg. l. vbi. ff. de eden. de quo scripsimus abunde ad l. vinum ff. si cert. pet. & l. si quis ab alio. ff. de re iud.

ACTIONEM IN FACTVM GENERIS
verbum esse: eius species duas, civilem in factum, & prætoriam: atque hanc rursus duplicem, & quænam hæc species. CAP. XXIII.


DE actione in factū præter ea, quæ supra dixi, hæc habeo, quæ moneam: cum actio præscriptis verbis, quæ civilis est, sit in factum, ut supra diximus: præterea, quæ prætorie incertæ sunt ex maleficiis, aut quasi maleficiis, dicantur in factum, l. quia actionum. hoc tit. hinc satis intelligi actionem in factum dici omnem actionem incertam. proinde generis nomen esse, cuius duæ sint species: civilis in factum, quæ proprio vocabulo dicatur præscriptis verbis: tum in factum, prætorie, quæ proprie & absolute dicatur in factum. Sic autem proprie dici actionem in factum constat ex d. l. quia actionum. & l. actionum. §. pen. ff. de obl. & act. Quæ eadem ex re facile intellectu est, hoc verbum & generaliter accipi, & specialiter: prorsusque in eo idem euenire, quod in verbo adoptionis, actionis, cognationis: de quibus sui loci consulendi sunt, l. 1. & l. 2. D. de adopt. l. pecunia. §. actionis. D. de verb. sign. l. nō facile. §. cognationis. l. Iurisconsultus. §. 1. D. de grad. Illud adiiciendum est, actionis in factū, quam proprie ita appellari diximus, duas esse species. quædam enim adiuuandi iuris civilis gratia comparatæ a Prætoribus nominatim eius edicto propositæ sunt: qualis est, quæ patrono datur aduersus libertū, a quo contra edictum prætoris in ius vocatus est: de qua in d. l. actionum. §. pen. de oblig. & act. aliæ iuris civilis supplendi causa receptæ sunt ex legum sententia: receptæ, inquam, ex iurisdictione Prætoris magis, quam edicto propositæ: quales sunt actiones in factum accommodatæ legi Aquiliæ, quas supplet prætor in eo, quod legi deest, ut est in d. l. quia actionum. hoc tit. supplet autem ita, ut cum postulantur, eas secundum formam iurisdictionis det prætor, ut ibidem scriptū est: non etiam, ut nominatim edicto proposito eas polliceatur. De hoc genere scripta est tota exemplis ad eā legem accommodatis. l. qui seruandarum. l. 4. eo. cuius initium, quia non nihil obscuritatis habere videtur, breuiter exponam.

AD L. QVI SERVANDARVM. XIIII.
in prin. Dig. de præf. ver.

QVI seruandarum mercium suarū causa alienas merces in mare proiecit, nulla tenetur actione, inquit Vlpianus. Falsum est, dicit aliquis. teneretur enim magistro nauis actione ex conduco, ut detrimentū proportionē sarciat. l. 2. D. de leg. Rhod. Sed q̄ hic dicitur

nulla actione eum teneri, sic accipiendum est, ut nulla teneatur ob id factum, siue ob id, quod ipse merces in mare proiecit. quod enim tenetur, non propter iactum suum tenetur: sed quia propter eum iactum merces suas saluas habuit, ut declaratur in *d. l. 2. in præ illic, æquissimum enim, de leg. Rhod.* Ex quibus utrum dicamus, multum interest. Nam si ob iactas a se merces teneretur, in solidum teneretur ob damnum datum, & teneretur domino mercium, cui eo facto nocuisset. Nunc autem tenetur tantum magistro navis, & tenetur pro portione tantum commodi, quod ex eo iactu consecutus est. *l. amisse. d. l. 2. in præ. de leg. Rhod.* Unde & ceteri quoque vectores pro portione conferre debent: denique dicuntur res ipsæ, quæ saluæ factæ sunt, id tributum debere. ex quo euenit, ut etiam dominus navis pro portione obligetur. *d. l. 2. §. cum in eadem. de leg. Rhod.* Itaque magis res ipsæ seruatae teneri dicendæ sunt, quam personæ. Ait Vlpianus, sed si sine causa id fecisset, in factum. Sine causa merces proiciuntur in mare, cum nulla necessitate iactus faciendi navis præmitur, ut quamvis manentibus in naue mercibus, nullum tamen periculum immineat a tempestate. Qui ita merces alienas in mare proicit, non tenetur lege Aquilia: quia res iactæ perdurant nihilominus, neque rumpuntur: sed quia his quamvis integris manentibus, dominus tamen earum damnum facit: ideo qui proiecit tenetur actione subsidiaria in factum ex legis sententia. *§. ult. in præ. de leg. Aquil. d. leg. quia actionum, hoc titu.* Ait, si dolo, de dolo tenetur. Immo in factum, dixerit aliquis. Nam & qui seruū alienū spoliavit, fecitque, ut is frigore moreretur, etsi dolo eum fecisse perspicuum est, tamen in factum actione tenetur, ut ibidem in *§. seq. Vlpianus subiicit.* Et quod ad hanc speciem, de qua agimus, plane pertinet, idem respondet de eo, qui damni dandi causa, id est, data opera calicem argenteū in mare proiecit. denique huc referri debet, quod supra disseruimus, si remoto dolo

quis ob aliquod factum suum teneatur aliqua actione, probandum esse eum, & in eodem facto quamvis dolo eius interueniente eadem actione teneri. Et ne discedamus a lege Aquilia, is hac lege tenetur, qui culpa quid rupit. Si dolo rupit, non minus eadem lege agitur. *l. 5. §. iniuriam. D. ad leg. Aquil.* Quapropter & de omni alio damno, deque actione in factum ad eam legem accommodata idem statuendum est. Quid ergo est? Is hoc loco intelligendus est dolo malo merces in mare proicere, non qui scit nauem non laborare, & nullum iactum esse necessarium (nam & hic pariter in factum actione tenetur, ut pariter teneretur lege Aquilia, qui quid quamvis dolo rupisset) sed is, qui laborante quidem naue proiecit merces in mare: sed ita, ut prius eius dolo fieret, quo navis laboraret, id est, magis oneraretur, quam par esset, ut hinc causa existeret exonerandæ navis: qua occasione deinde vltus merces proiecit. Hoc casu in factum actione ex sententia legis Aquiliæ non tenetur. nam ei tunc solum locus est, cum damnum datum est iniuria, id est, culpa. *l. 3. l. 5. §. iniuriam. l. si putator. l. in lege. ff. ad leg. Aquil.* sine culpa autem iactus fit, cum ob tempestatem navis periclitatur. Superest igitur, ut teneatur de dolo, qui hunc dolum & machinationem adhibuit, ut damno dato lege Aquilia teneri non posset, neque ex verbis, neque ex sententia. Summa hæc est: *Qui alienas merces in mare proiecit, si quidem nulla necessitate lenanda navis cogente, in factum totius damni nomine domino mercium tenetur: si necessitate urgente, interdum tenetur ob id factum, interdum non tenetur. Si ei necessitati causam dolo malo dedit, tenetur: sed de dolo actione, non in factum. si nihil in ea re dolo malo fecit, sed unum habuit propositum mercium suarum seruandarum, nulla tenetur actione ob id factum, etsi ob lucrum, quod inde consecutus est, pro portione teneatur magistro navis, ut amissarum mercium detrimentum sarciat.*



05805781

11

HUG. DONELL

Comment.
in Pandect.

105

+ colorchecker classic

calibrite



mm